

大方廣佛華嚴經卷第一

東晉天竺三藏法師跋陀羅

譯

世間淨眼品第一之一

如是我聞一時佛在摩竭提國寂滅道場始
成正覺其地金剛具足嚴淨衆寶雜華以爲
莊飾上妙寶輪圓滿清淨無量妙色種種莊
嚴猶如大海寶幢幡蓋光明照耀妙香華鬘
周匝國遶七寶羅網彌覆其上雨無盡寶顯
現自在諸雜寶樹華葉光茂佛神力故令此
場地廣博嚴淨光明普照一切奇特妙寶積
聚無量善根莊嚴道場其菩提樹高顯殊特
清淨瑠璃以爲其幹妙寶枝條莊嚴清淨寶
葉垂布猶如重雲雜色寶華間錯其間如意
摩尼以爲其果樹光普照十方世界種種現
化施作佛事不可盡極普現大衆菩薩道教
佛神力故常出一切衆妙之音讚揚如來無
量功德不可思議師子之座猶如大海衆妙
寶華而爲嚴飾流光如雲周徧普照無數菩
薩大海之藏大音遠震不可思議如來光明
逾摩尼尊彌覆其上種種變化施作佛事一
切悉覩無所罣礙於一念頃一切現化充滿
法界如來妙藏無不徧至無量衆寶莊嚴寶
臺如來起此寶師子座於一切法成最正覺
了三世法平等智身普入一切世間之身妙

音徧至一切世界不可窮盡猶如虛空平等
法相智慧行處猶如虛空等心隨順一切衆
生其身徧坐一切道場悉知一切衆生所行
智慧日光照除衆冥悉能顯現諸佛國土普
放三世智海光明照淨境界無量光明充滿
十方不壞法雲徧覆一切以力無畏顯現無
量自在力光開方便門教化衆生悉能普現
一切衆會猶如虛空而無來去了達一切無
有自性隨順諸法平等之相一切光明普現
三止諸佛所行諸佛世界猶如大海不可思
議音聲語言悉能隨順

與十佛世界微塵數等大菩薩俱其名曰普
賢菩薩普德智光菩薩普明師子菩薩普勝
寶光菩薩普德海幢菩薩普慧光照菩薩普
寶華幢菩薩普勝轉音菩薩普淨德幢菩薩
普相光明菩薩大光海月菩薩雲音海藏菩
薩德寶勝月菩薩淨慧光嚴自在王菩薩超
趣華光菩薩無量智雲日光菩薩大力精進
金剛菩薩香嚴光幢菩薩月德妙音菩薩光
明尊德菩薩與如是等諸菩薩俱皆是盧舍
那佛宿世善友一切成就功德大海諸波羅
蜜周滿普照慧眼清淨等觀三世於諸三昧
具足明淨辯才大海深廣無盡普現諸佛功
德光輝善知一切衆生心行如應調伏以金

剛智普照境界同一法性覺慧廣大甚深智
 境靡不明達住於一地普攝一切諸地功德
 無上智願皆已成滿具足如來深廣密教悉
 得一切佛所共法皆同如來行地德力一切
 三昧海門皆得自在於衆生海如應示現隨
 其所行善能建立善入一切諸法之海迴轉
 總持如來一切功德法海充滿其身攝遊一
 切佛世界海出生一切淨土願海悉得諸佛
 達未來際方便智慧一切如來坐道場者普
 能往詣禮事供養悉得一切普賢願海於諸
 衆生智身滿足復有佛世界微塵數金剛力
 士其名曰堅固光耀力士日光耀力士須彌
 華力士淨雲音力士阿脩羅主力士勝光明
 力士樹音聲力士師子王力士淳厚光藏力
 士珠鬘華光力士與如是等諸力士俱已於
 阿僧祇劫發大誓願侍衛諸佛佛願行處皆
 已具足無量功德皆已清淨悉行深廣三昧
 境界無量神力佛所遊處無不徧至皆悉能
 行不可思議解脫境界處一切衆其身殊特
 無能映蔽隨諸衆生所應度者能現其身如
 應化之復有佛世界微塵數諸道場神其名
 曰淨莊嚴神寶積光明神乳音聲神雨衆華
 神莊嚴寶光神善超香神金色雲神樂華樹
 神莊嚴光神與如是等道場神俱皆於先佛

造立願行復與佛世界微塵數諸龍神俱其名曰摩尼光龍雜莊嚴龍喜寶光龍淨身光龍香莊嚴龍寶目光龍如是一切皆於過去不可思議阿僧祇劫常爲如來莊嚴法堂復與佛世界微塵數諸地神俱其名曰淨華光神善思光明神雜華莊嚴神散寶焰神隨時樂觀神金眼勝神毛孔散香神應時和音神如是一切皆同德本於過去佛所普修願行復與不可思議諸樹神俱其名曰雜華雲神雜種光神淨勝光神垂莊嚴神莊嚴光神樂和音神普勝等神華果味神如是一切皆悉成就大喜普照復與無邊藥草神俱其名曰光燄神栴檀香神淨光神普稱神普力神普淨神普光神愛香神勝現神如是一切皆悉成就大悲普照復與無量諸穀神俱其名曰勝味神華淨神善力神勢味神根果神淨華神樂淨神淨光神如是一切大喜成就復與無量諸河神俱其名曰普涼神勝洄瀆神洪沫聲神養水性神淨海光神普愛神妙幢神勝水神海具光神如是一切常能精勤利益衆生復與不可思議諸海神俱其名曰寶勝光明神金剛慧神普涌浪神雜華龍勝神寶華光明神須彌莊嚴神海音聲神如是一切以佛無量功德之海而自充滿復與無量阿

僧祇諸火神俱其名曰熾然光藏神熾然光
 輪神廣明輝神無盡神雜寶勝神照除諸冥
 神燄雲光明神如是一切悉爲衆生照除闇
 冥復與無量諸風神俱其名曰無礙照明虛
 空神徧超勝神散須彌神燄淨味神淨除味
 神發行大音神樹峯華林神持世界神如是
 一切皆能和合衆生令不散復與無邊虛
 空神俱其名曰普光淨勝神無邊深廣神起
 風神離一切障神廣超神無對光燄神無礙
 力勝神最上妙音神示現十方神如是一切
 心皆無垢堅固淨妙復與無量主方神俱其
 名曰善住神充滿神無量現光神光莊嚴神
 普轉漸行神不惑轉神淨遊虛空神普行世
 間神行甚深神如是一切皆能善照一切衆
 生復與無量主夜神俱其名曰妙光神淨光
 神善觀衆生神靜時堅固神方便勝具神三
 一切樹果神無盡眷屬神主知樂淨遊戲神
 和諍神淨福具神如是一切於助道法深重
 愛樂復與無量主晝神俱其名曰現宮殿神
 善解安立戰場神樂莊嚴普勝神喜華香神
 普集勝藥神樂見王神淨目高顯普勝神大
 悲豔光神光明善照神普勝垂衆神如是一
 切皆悉信樂正法莊嚴復與無量阿脩羅神
 俱其名曰羅睺羅王毗摩質多羅王耽婆利

王明月王金剛堅錦王大智慧力王勝集天
 女王如是一切悉能降伏憍慢放逸復與無
 量伽留羅王俱其名曰大勇猛力王無畏寶
 鬚王勇猛淨眼王不退莊嚴王持大海光王
 持法堅固王勝根光明王充滿普現王普遊
 諸方王普眼等觀王如是一切成就方便廣
 潤衆生復與無量緊那羅王俱其名曰善慧
 王善幢王雜華行王離愛慢音王寶樹光明
 王善愛現王莊嚴光王善華幢王勝地三勝
 慧王如是一切普於衆生精勤勸發能使樂
 法復與無量摩睺羅伽王俱其名曰善慧王
 淨端嚴音王衆妙慧聚王燈幢王猛光三師
 子香熏王雜瓔珞音王堅固樂明王如是一
 切普爲衆生除諸疑網復與無量鳩槃荼王
 俱其名曰毗樓勒王善修幢王足平鮮白王
 能除恐怖王淨須彌林王無量淨眼王無量
 目門王如是一切皆悉修習無礙法門復與
 無量鬼神王俱其名曰毗沙門主大音聲王
 淨地王大主王能眼王堅固眼王莊嚴勝軍
 王大富淨身王須彌力王如是一切普能勤
 護一切衆生復與無量月身天子俱其名曰
 月天子曜華天子勝流莊嚴天子樂諸世樂
 天子眼光天子淨光天子普遊淨光天子星
 宿王天子淨覺天子端嚴善光天子如是一

切勸以智慧普發衆生無上寶心復與無量
日天子俱其名曰日天子眼欲光天子須彌
光勝天子淨寶眼天子勇猛不退天子妙華
鬘光天子寶覺天子明眼天子勝地童子天子
普勝光天子如是一切皆悉成就清淨善根
常欲饒益一切衆生復與無量三十三天王
俱其名曰釋提桓因天王普稱滿天王毘目
天王寶光稱天王樂喜天王樂念天王勝音
天王淨華天王如是一切皆悉具足清淨善
業能令衆生生淨妙處復與無量夜摩天王
俱其名曰善時天王無盡智天王妙善化天
王樂樂欲天王須彌光天王不思議慧天王
臍輪天王不思議天王月姿顏天王普莊嚴
天王如是一切皆悉勤修出生歡喜信樂知
足復與無量兜率天王俱其名曰善喜天王
海樂天王勝德天王百光明天王善眼天王
寶山月天王超勇月天王金剛善曜天王樂
超天王如是一切皆悉成就念佛三昧復與
不可思議化樂天王俱其名曰善化天王淨
光天王最上雲音天王妙色莊嚴天王樂智
慧天王華光月天王照方天王如是一切皆
悉成就寂靜法門調伏衆生復與無量他化
自在天王俱其名曰自在轉天王善眼天王
雜寶冠天王精進慧天王衆華音天王樂光

明天王寂靜處天王雜色輪天王智慧妙光

天王大力光天王如是一切普皆勤修自在

正法復與不可思議大梵天俱其名曰尸棄

大梵智光大梵善光大梵普音大梵隨世音

大梵寂靜方便妙光大梵淨眼光大梵柔軟

音大梵如是一切悉具大慈度脫衆生照除

熱惱清涼柔軟復與無量光音天子俱其名

曰樂光天子淨光天子大音天子樂淨音天

子善思音天子解脫音天子深妙音天子無

垢光天子最高淨光天子如是一切安住喜

光寂靜法門復與阿僧祇徧淨天俱其名曰

淨智王天現勝天寂勝天須彌時天念淨眼

天無上愛光天世慧音天智慧熾然天樂法

化心天化高天如是一切常令衆生安住廣

樂復與無量果實天子俱其名曰法華光天

淨堅固天慧光天智慧王天普門慧眼天不

轉愛天無垢靜光天淨曜天如是一切皆悉

善住寂靜意門復與摩醯首羅天等無量淨

居天俱其名曰善光天大主天大稱光天功

德淨眼天大智慧光天不動光音天善施眼

天樂大乘天普音聲天樂稱光天如是一切

已修無相平等法界悉在如來大衆海數於

一切衆生悉行平等無量妙色皆已成就於

十力中能善安住處一切衆而不傾動隨所

至方無能壞者如來所乘常現在前離煩惱障其心清淨諸結使山皆已摧滅觀佛姿顏無量妙色光明普照所以者何如來往昔於無量劫行菩薩道時以四攝法善攝衆生於諸如來集諸善根種種因緣方便教化立如來道深植無量如來善根皆今安立一切智道達得無量功德勢力皆悉成就如來願海菩薩所行具足清淨各隨本行皆得出要悉由如來光明照故乘解脫力入如來海於佛法門悉得自在

善海摩醯首羅天於法界虛空寂靜方便光明法門而得自在
 自在大自在辨光明天於一切法普遊法門而得自在
 功德淨眼天於一切法不生不滅方便法門而得自在
 大慧光天於一切法方便智海遊先法門而得自在
 靜光音天於一切禪無量喜樂普起法門而得自在
 施善眼天於轉疑畏遊靜法門而得自在
 不思議天於無量境界入不起法門而得自在
 樂大乘天於一切法不來不去無所依住法門而得自在
 普雜音天於佛境界寂靜法門而得自在
 樂稱光天於無量境界法門而得自在
 爾時善光海大自在天以如來神力故觀察一切自在天衆以偈頌曰
 無盡平等妙法界
 悉皆充滿如來身

無取無起永寂滅

爲一切歸故出世

諸佛法王出世間

能立無上正教法

如來境界無邊際

世間自在稱無上

佛難思議無倫匹

相好光明照十方

大聖世尊正教道

猶如淨眼觀明珠

一切世間衆生類

不能思議佛功德

消滅一切愚癡闇

超昇無上智慧臺

如來功德難思議

衆生見者煩惱滅

得見不動自在尊

能生無量悅樂心

衆生大海癡藏心

爲現寂靜微妙法

能然無上智慧燈

是則方便真淨眼

如來清淨妙色身

悉能顯現徧十方

此身非有無所依

如是見佛真實觀

如來音聲無罣礙

應受化者無下聞

湛然不動無往返

是名善慧樂法門

一切十方無邊佛

寂靜法門天人主

如來光明靡不照

是莊嚴幢妙法門

佛於無邊諸劫海

常求正覺悟衆生

無量方便化一切

清淨廣攝如是見

復有樂業光明天王於觀一切衆生諸根法

雲法門而得自在淨堅固天於一切佛妙色

方便念觀法門而得自在樂樂天王於一毛

孔見不思議諸佛國土境界法門而得自在

普門慧眼天於入普門觀察法界法門而得

自在

普門慧眼天於入普門觀察法界法門而得

自在

普門慧眼天於入普門觀察法界法門而得

自在

自在不轉愛天於轉一切衆生處處受生法
門而得自在善慧光天於入一切世間境界
不可思議法門而得自在無垢淨光天於一
切衆生一切法中出要法門而得自在無垢
先天於受化者能使入佛境界法門而得自
在爾時樂業光明天王承佛神力觀察一切
果實天衆以偈頌曰

一切佛境界甚深難思議諸餘衆生類莫能測量者
如來善開導無量諸羣生能令悉願樂志求無上道
佛以神通力住世普開化一切衆生類各隨其所聞
疑惑障永除慧命淨無穢能觀諸如來衆妙淨法海
諸法真實相寂滅無所依如來方便力能爲衆生現
如來於諸法無性無所依而能現衆像顯相猶明燈
以諸緣譬喻方便隨所樂爲現諸如來智慧神通力
因悟各異門無量難思議爲建正法幢令入功德海
如來神通力能於一毛孔各爲衆演說無上寂滅法
一一諸如來各爲其眷屬顯法無量門功德之大海
皆悉師子吼演說諸佛法是則大智尊無上方便力
十方諸佛土一切羣生類悉能爲彼現如來之正法
如來未曾有去來之異相皆令彼歡喜不退慧境界
如來爲衆生普現業報相猶若日光照衆像靡不現
又爲彼衆生演說寂滅法令彼見真實甚深智慧處
如來自觀察甚深微妙義隨彼衆生根普雨甘露法
爲開諸法門無量難思議悉歸入寂滅平等真實觀

無數無量劫廣修習大悲遠成等正覺度脫羣生類
普雨甘露法隨器皆充滿如龍興慶雲等雨於一切
復有淨智天王於觀察衆生善根法門而得
自在顯妙天王於一切有覺照法門而得自
在勝妙天王於總持辯才法門而得自在普
燈天王於樂佛出世解脫法門而得自在智
嚴天王於一切衆生甚深法中能生歡喜法
門而得自在樂化天王於化菩薩功德周備
入無盡法門而得自在踊化天王於普觀無
量苦惱衆生慈悲智滿法門而得自在爾時
淨智天王承佛神力普觀徧淨天衆以偈頌
曰

諸佛正法無障礙
現佛境界難思議
如來處世無所依
而能照現無量土
無量劫海修方便
清淨法界如如住
衆生愚癡瞽心目
如來導以清淨道
如來所乘無上道
佛現一切妙色門
佛說微妙總持門
調伏一切衆生故

周滿十方無量界
離垢法門無量海
法身清淨無起滅
一切悉見天中天
光明普照十方界
寂滅微妙最無上
無眼輪迴生死中
開示無上最勝門
一切衆生莫能思
善念樂觀淨眼見
如一切刹微塵等
清淨慧眼能照見

如來出世甚難值

無量億劫時一遇

離諸難處適衆會

唯佛世尊能應時

一切衆生難思議

佛能悉現淨妙法

親見如來無量德

猶如明照見衆像

三世諸佛所得法

教化衆生難思議

悉觀念此功德已

樂法踊躍大歡喜

衆生沒在煩惱海

愚癡邪濁大恐怖

佛以慈悲究竟度

見淨境界如天幢

佛放無量大光明

一一光明無量佛

無數方便皆悉現

化度一切衆生類

復有愛樂天子於寂靜愛樂滅衆生苦法門

而得自在妙雜光天於諸衆生心淨離垢廣

修德海法門而得自在自在音天於一切衆

生一劫所修功德於一念中出生法門而得

自在勝念智天於世間生住滅種種清淨功

德法門而得自在淨樂音天於一切菩薩在

兜率宮廣說供養法門而得自在善思音天

於一劫中說諸地義以一念頃悉能受說法

門而得自在解脫光音天於莊嚴道場法門

而得自在甚深音天於無盡神足諸功德海

法門而得自在離垢稱天於一切佛諸功德

海境界法門而得自在出淨光天於過去諸

佛願力所持歡喜功德力藏法門而得自在

爾時光音天子承佛神力徧觀光音天衆以

音徧至一切世界不可窮盡猶如虛空平等
法相智慧行處猶如虛空等心隨順一切衆
生其身徧坐一切道場悉知一切衆生所行
智慧日光照除衆冥悉能顯現諸佛國土普
放三世智海光明照淨境界無量光明充滿
十方不壞法雲徧覆一切以力無畏顯現無
量自在力光開方便門教化衆生悉能普現
一切衆會猶如虛空而無來去了達一切無
有自性隨順諸法平等之相一切光明普現
三世諸佛所行諸佛世界猶如大海不可思
議音聲語言悉能隨順

與十佛世界微塵數等大菩薩俱其名曰普
賢菩薩普德智光菩薩普明師子菩薩普勝
寶光菩薩普德海幢菩薩普慧光照菩薩普
寶華幢菩薩普勝轉音菩薩普淨德嚴菩薩
普相光明菩薩大光海月菩薩雲音海藏菩
薩德寶勝月菩薩淨慧光嚴自在王菩薩超
趣華光菩薩無量智雲日光菩薩大力精進
金剛菩薩香嚴光幢菩薩月德妙音菩薩光
明尊德菩薩與如是等諸菩薩俱皆是盧舍
那佛宿世善友一切成就功德大海諸波羅
蜜周滿普照慧眼清淨等觀三世於諸三昧
具足明淨辯才大海深廣無盡普現諸佛功
德光輝善知一切衆生心行如應調伏以金

可思議入方便法門而得自在普音雲梵於一切佛妙音聲海平等度入法門而得自在應時音梵於攝伏衆生最勝法門而得自在寂靜光梵於一切刹能起安住分別諸法法門而得自在喜光梵於無量方便化衆生法門而得自在堅固梵於諸法淨相住寂行法門而得自在樂目光梵於一切有無來無去無所依止勇猛法門而得自在柔軟音梵於無盡法隨行普照法門而得自在爾時尸棄大梵承佛神力徧觀一切諸大梵衆以偈頌

曰

佛身清淨常寂然

普照十方諸世界

寂滅無相無照現

見佛身相如浮雲

一切衆生莫能測

如來法身禪境界

無量方便難思議

是智慧光照法門

一佛刹塵諸法海

一音演說悉無餘

此辯塵劫演不盡

是名光照心法門

如來妙音深滿足

衆生隨類悉得解

一切皆謂同其語

梵音普至最無上

十方三世佛所得

一切菩薩方便行

悉於如來身中現

而於佛身無分別

佛身如空不可盡

無相無礙普示現

所可應現如幻化

神變淨音靡不周

佛身無邊如虛空

智光淨音亦如是

佛於諸法無障礙

猶如月光照一切

法王安住妙法堂

法身光明無不照

法性如實無異相

是名樂音海法門

復有自在天王於教化無量衆生藏法門而得自在善眼光天今諸衆生得最上樂法門而得自在雜寶冠天於解衆生無量性欲方便法門而得自在精進善慧天於衆生分別義法門而得自在勇妙雜音天於諸衆生慈念觀察法門而得自在光明樂幢天於諸衆生超出魔事法門而得自在淨境界天於諸衆生念化法門而得自在雜色輪天於念充滿十方諸佛法門而得自在智華妙光天於佛功德自在覺悟充滿念隨順法門而得自在大力光天於離世間境界法門而得自在兩時自在天王承佛神力徧觀一切自在天衆以偈頌曰

如來法身等法界

普應衆生悉對現

如來法王化衆生

隨順諸法悉調伏

世間一切上妙樂

聖氣滅樂爲最勝

無垢妙法如來室

清淨勝眼如實見

如來普照諸世間

疑地枯林降法雨

衆生蒙潤疑網除

是寶冠幢妙法門

如來所演一妙音

廣大法海說無餘

佛以一音徧十方

是名勝勇善法門

一切十方諸佛土

入佛一毛孔不滿

佛以大慈如虛空

是名清淨慧法門

一切衆生慢高山

佛以十力碎無餘

佛慈光明照十方

是名光幢妙法門

得觀如來滅癡惑

淨見智慧悉充滿

永離惡趣諸恐怖

是名寂境妙法門

如來毛孔悉放光

隨其所應得聞法

普導衆生至善趣

是名善幢妙法門

一切十方諸佛事

此衆一切悉得見

如來法界滿虛空

是名淨華勝法門

無量劫海諸佛國

皆是最勝慧境界

如來於此無高心

是大力幢妙法門

復有善化天王於一切法分別化法門而得

自在靜光時天於觀一切有及我真實法門

而得自在化力光天於諸衆生離癡智慧滿

足法門而得自在難勝天於諸佛音聲發起

一切歡喜勇猛法門而得自在念光天於一

切佛相好功德具足無盡法門而得自在踊

雲音天於淨智慧次第憶念過去無量劫法

門而得自在淨光勝天於一切衆生長養種

種功德智慧法門而得自在樂光靜天於一

切空界結跏趺坐無礙法門而得自在樂智

慧天於一切方便境界無盡力法門而得自

在華光靜天於諸衆生業行苦樂等觀法門

而得自在爾時善化天王承佛神力徧觀化樂天衆以偈頌曰

法身於世難思議

如來普現應衆生

緣性無造非真實

行業莊嚴現世間

方便求佛無所有

寧之十方不可得

法身示現無真實

出生自在如是見

無量劫海修諸行

斷除衆生愚癡冥

如來智慧甚清淨

是名佛慧除癡力

一切世界妙音聲

悉無能及如來音

一音達震徧十方

是名勝音妙法門

一切衆生諸功德

不及如來一相福

佛德如空無邊際

是名生光妙法門

三世無量劫中事

世界成敗種種相

於一毛孔悉能現

是名清淨無上智

求空邊際猶可得

佛一毛孔無涯限

佛德如是不思議

是名如來淨知見

佛於先世無量劫

具滿一切波羅蜜

勤修精進無厭怠

是名樂見淨法門

行業因緣難思議

佛爲衆生說無餘

普現諸法淨無穢

是名無上深法門

觀見如來一毛孔

一切衆生悉入中

衆生亦無往來想

是名諸方照法門

復有兜率天王於成就諸佛轉法輪法門而

得自在樂寶髻天於虛空界淨光法門而得

自在勝幢天於廣願海入諸衆生寂靜法門
而得自在百光明天於一切法無量無相觀
行法門而得自在超踊月天於佛境界超踊
覺力法門而得自在勝眼光天於喜修集不
可沮壞善提心法門而得自在宿莊嚴天於
諸十方佛調伏衆生方便法門而得自在樂
靜妙天於無邊心海念念迴向隨器普現法
門而得自在爾時兜率天王承佛神力徧觀
兜率天衆以偈頌曰

如來普周等法界 爲垢衆生出現世
隨諸所欲爲說法 是名無上勝法王
如來宿世無量行 清淨願海具足滿
一切諸法悉周備 是名方便勝功德
如來法身不思議 法界法性辯亦然
光明普照一切法 寂靜諸法皆悉現
衆生癡闇結業障 高心放逸馳境界
如來爲說寂滅法 歡喜喜樂悉能見
一切世間最上歸 救護羣生除衆苦
衆生樂觀無上尊 猶如滿月顯高山
諸佛境界不思議 一切法界亦如是
於諸法力悉究竟 定慧方便皆成就
清淨境界功德海 一切衆生有緣者
聞佛功德發菩提 消除塵垢成最勝
如世界海微塵數 諸佛子等悉來集

供養如來聽受法

悉覩法幢方便王

復有夜摩天王於諸衆生離憂迴向善根法
門而得自在悅樂光天於諸境界法門而得
自在無盡慧天於離諸患具大慈悲法門而
得自在淨莊嚴天於分別諸根法門而得自
在持須彌天於無量揔持照明法門而得自
在不思議慧天於諸境界業行真實不思議
法門而得自在臍輪天於轉法輪調伏衆生
法門而得自在不思議光天於衆生界勝眼
普觀法門而得自在月姿顏天於諸法實普
現法門而得自在普音徧觀天於諸天衆所
應施作心淨法門而得自在爾時夜摩天王
承佛神力徧觀夜摩天衆以偈頌曰
佛於無量大劫海 生死煩惱永已盡
能教衆生清淨道 佛爲一切智慧燈
如來法身甚彌曠 周徧十方無涯際
智慧光明方便力 寂滅禪樂亦無邊
生老病死憂悲苦 毒害逼切惱衆生
爲斯等類起慈悲 以無盡智示菩提
如來智慧隨順覺 了達三世無障礙
一切善行悉了知 是名樂化明法門
無量揔持無邊際 如來轉海無窮盡
能轉清淨妙法輪 是名須彌揔持門
無上大聖一妙身 應化周滿一切世

悉現一切衆生前
衆生一見如來身
遠離一切諸魔事
佛於一切大衆海
普爲衆生雨法雨

是名善光勝境界
悉能斷除衆煩惱
是名清淨妙境界
處此衆會悉徧照
是名普音稱法門

大方廣佛華嚴經卷第一

光茂下其發切
遠震下章月切
徧覆下敷救切
穀神上古耕切
賤婆上足深切
蔽心上必被切
枯林上苦胡切
毒害下胡蓋切

其幹下古樂切
聖礙上封蓋二音
淳厚上常倫切
洪流上戶公切
鮮白上相然切
瞽心上公戶切
力碎下蘇內切
逼切上彼測切

枝條下徒邪切
念頃下去穎切
珠髻下古詣切
豔光上以暗切
摩醯下等舞切
能測下初力切
擊之上盧政切
亦作攬

甲辰歲高麗國大藏都監奉
勅彫造

大方廣佛華嚴經卷第二

湯

東晉天竺三藏法師跋陀羅

譯

世間淨眼品第一之二

復有釋提桓因於三世佛出興住滅決定大
智念喜法門而得自在普徧滿天於衆生色
如來色身諸功德力清淨法門而得自在慈
眼天於平等慈雲蔭覆法門而得自在寶光
稱天於衆光色具足念佛普勢法門而得自
在樂喜慧天於觀衆生業報法門而得自在
樂念淨天於諸佛國具淨法門而得自在須
彌勝音天於觀世閒生滅法門而得自在念
智慧天於起當來菩薩諸行化衆生因起念
法門而得自在淨華光天於一切天娛樂法
門而得自在慧日眼天於諸天處教化流通
善根法門而得自在爾時釋提桓因承佛神
力徧觀三十三天衆以偈頌曰

廣能觀察佛境界

以佛神力皆悉見

妙色無比應一切

具足廣徧如是見

充滿一切諸衆生

開清淨眼見無極

得生廣大歡喜心

離垢徧王住法門

世閒無與如來等

念佛功德無量故

悉能調伏一切衆

本修方便大慈海

光明照耀最殊特

佛身清淨滿十方

諸佛國土成敗事

若念一切三世佛

力徧觀三十三天衆

以偈頌曰

廣能觀察佛境界

以佛神力皆悉見

妙色無比應一切

具足廣徧如是見

充滿一切諸衆生

開清淨眼見無極

得生廣大歡喜心

離垢徧王住法門

世閒無與如來等

念佛功德無量故

悉能調伏一切衆

本修方便大慈海

光明照耀最殊特

佛身清淨滿十方

清淨業海滿衆生

卷第三

第三

一切悉見無有餘

卷

種種因起深廣攝

如是善見猶滿月

諸佛充滿徧十方

一切衆生無不見

既得見已悉調伏

皆得無上方便念

如來智身明淨眼

周徧一切十方利

悉令衆生皆覩見

妙音宣化無不解

佛一毛孔現衆行

佛子見已具修習

具足成就無量德

如是善慧猶滿月

一切衆生得悅樂

皆因如來神力生

如來無量功德故

是名無垢淨華門

若能須臾念如來

乃至一念功德力

永得遠離衆惡趣

智慧日光滅癡闇

復有日光天子於照十方諸衆生身盡未來

際正住莊嚴法門而得自在眼識光天於照

諸色無上智海法門而得自在須彌光天於

起衆生轉勝清淨功德法門而得自在淨寶

月天於樂度一切苦行法門而得自在勇猛

不退天於無障礙普照法門而得自在妙華

光天於淨日光照衆生身法門而得自在勝

光天於光照世間續集功德法門而得自在

寶髻天於衆寶海現種種色境界法門而得

自在明眼天於一切趣開清淨眼觀法界藏

法門而得自在勝地天於諸衆生淨乘法門

而得自在爾時日光天子承佛神力徧觀日

而得自在爾時日光天子承佛神力徧觀日

而得自在爾時日光天子承佛神力徧觀日

而得自在爾時日光天子承佛神力徧觀日

而得自在爾時日光天子承佛神力徧觀日

而得自在爾時日光天子承佛神力徧觀日

而得自在爾時日光天子承佛神力徧觀日

而得自在爾時日光天子承佛神力徧觀日

而得自在爾時日光天子承佛神力徧觀日

而得自在爾時日光天子承佛神力徧觀日

而得自在爾時日光天子承佛神力徧觀日

而得自在爾時日光天子承佛神力徧觀日

而得自在爾時日光天子承佛神力徧觀日

天子衆以偈頌曰

佛慧光明無邊際

令一切衆面覩佛

衆生大海廣無量

開發衆生智慧海

如來普爲出興世

如來法身無等等

無數劫海諸有中

是故淨光如虛空

佛演妙音無障礙

分別廣演一切法

放大光明不思議

令人歡喜發道意

一切世間諸光明

佛光微妙難思議

一切諸佛法如是

爲衆分別道非道

療冥衆生盲無目

爲彼示現智慧燈

方便自在無倒惑

漸教開示解脫道

於一法門說無邊

分別深遠清淨義

復有月天子於調伏衆生普照法界法門而

普照十方無量土
種種方便化衆生

悉能具足知其心

善勝光明如是見

徧照十方悉無餘

以無上智演說法

難行苦行爲衆生

妙身顯現猶滿月

周徧十方悉無餘

因緣方便具足說

十方世界悉明淨

是名莊嚴勝法門

不及佛身一毛光

最勝能現此神變

各坐十方道樹下

清淨妙眼如是見

爲斯苦類開淨眼

得見如來清淨身

悉應堪受一切供

是名淨眼方便地

無數劫中廣敷演

是名周徧妙法門

得自在耀華天於普觀攝一切諸法境界法
門而得自在勝光莊嚴天於諸衆生心海境
界皆悉令轉法門而得自在維樂世間天於
能生一切不可思議愛樂法門而得自在眼
光天於令衆生實見法門而得自在瓊淨光
天於大慈悲救護一切苦惱衆生法門而得
自在普遊靜光天於無礙淨月法門而得自
在妙莊嚴天於觀諸法如幻如化空無法門
而得自在淨菩提天於善解一切業行所起
法門而得自在大光微天於滅諸天疑照度
法門而得自在爾時月天子承佛神力徧觀
月天子衆以偈頌曰

普於衆生放大光
照除一切愚癡闇
佛界無邊不可盡
種種方便妙法門
如來智慧甚深遠
隨順為轉淨法輪
衆生遠離賢聖樂
佛與斯等清淨法
如來普放大光明
罪福報應不敗亡
佛是一切衆生地
悉令衆生離邪道

十方國土見如來
明了不可思議法
無量劫中集功德
調伏一切衆生類
知他無量諸心海
今生無量歡喜心
沒在世間無量苦
心得悅樂安隱住
分別世間諸法相
清淨光天如是見
能持無量善果報
善能安立方便地

大慈悲雲靡不覆

佛身難思等衆生

普雨法雨潤一切

是佛第一上方便

一切有無性如空

佛是衆生大光明

常勤方便利一切

最勝清淨如是見

復有持國乾闥婆王於攝一切衆生娛樂方

便法門而得自在樂樹光乾闥婆於佛功德

莊嚴法門而得自在起淨眼乾闥婆於衆生

離憂喜法門而得自在華樹乾闥婆於藏結

使法門而得自在樂遊行乾闥婆於調伏希

望法門而得自在妙眼乾闥婆於一切樂喜

光藏正住法門而得自在師子幢乾闥婆於

一切方雨寶法門而得自在寶光解脫乾闥

婆於現一切妙身廣智法門而得自在金剛

樹乾闥婆於長養諸樹喜光法門而得自在

現諸莊嚴乾闥婆於一切佛諸境界行念今

衆生受樂法門而得自在爾時持國乾闥婆

王承佛神力徧觀乾闥婆衆以偈頌曰

如來境界無量門

一切衆生真能思

卅尊清淨如虛空

開示衆生見正道

如來無量功德海

一一毛孔悉得見

能令一切隨意樂

清淨悅樂如是見

衆生無量憂苦海

佛能除滅悉無餘

佛以大慈多方便

能開衆生清淨眼

諸佛剎海滿十方

如來光明悉徧照

能除衆生煩惱垢
佛於無量諸劫海

演說甚深清淨法
方便廣修淨國土

以一切智無上音

安慰無邊衆生類

樂見如來普清淨

衆生悉得無盡樂

隨順能起解脫因

得解脫冠心歡喜

愚癡障蓋甚堅固

衆生輪轉生死海

如來示現廣大法

演說清淨建法幢

一切衆生無量門

如來為現種種形

多方便門照衆生

愛音如來如是現

如來方便無邊際

善逝具足廣開現

入最勝道方便行

金剛樹下成正覺

以無量劫為一念

佛力能現亦不積

能與衆生一切樂

是名樂見方便門

指有毗樓勒鳩槃荼王於能滅一切闢諍法

門而得自在長燈照光鳩槃荼於一切行現

前法門而得自在善修幢鳩槃荼於專正諸

趣法門而得自在饒益諸行鳩槃荼於善惡

平等清淨法門而得自在除恐怖鳩槃荼於

一切衆生無畏安隱莊嚴法門而得自在淨

娑羅林鳩槃荼於除滅無量衆生愛海熾然

法門而得自在起須彌鳩槃荼於一切趣照

明雲法門而得自在常勤鳩槃荼於普照法

門而得自在無量淨眼鳩槃荼於起不退轉

大慈藏法門而得自在無量門鳩槃荼於起

一切趣所作法門而得自在爾時毗樓勒鳩
縣茶王承佛神力徧觀鳩縣茶衆以偈頌曰
如來忍力成滿足 無量劫行為衆生

離放逸慢諸煩惱 故佛身淨照十方
昔行菩薩諸行海 調伏十方無量衆
種種方便起慈門 令衆生得一切智

如來智慧濟羣生 悉分別知衆生心
無量自在調衆生 一切見者皆歡喜
佛神力境難思議 於當來世一切劫

轉實法輪徧虛空 無量衆生得淨眼
衆生癡垢翳心目 如來照除見正道

救濟永離無量苦 令無恐怖得淨智
衆生沒在愛苦海 如來智照滅無餘

離欲無垢見佛身 猶如寶樹悉清淨
佛身普應無不見 種種方便化衆生

音如雷震雨法雨 是名山王慧法門
佛光無垢最清淨 照除衆生癡冥山

顯現如來無量德 無礙方便見佛身
無量劫修大悲門 悉與衆生自在樂

種種方便滅衆苦 離垢清淨如蓮敷
最勝現身悉同徧 於十方界無去來

自覺大聖一切現 是無量門佛能見

復有毗樓勒鳩縣茶王於一切龍趣中除滅熾

然恐怖救濟法門而得自在海龍王於一念

中能轉一切不可思議龍身法門而得自在
雲樂妙幢龍於一切有趣轉清淨輪聞聲法
門而得自在須彌普幢龍於一切衆生示大
功德海法門而得自在德又伽龍於離恐怖
清淨法門而得自在無量步龍於示現一切
衆生無量雲超度無量劫住壽法門而得自
在酸眼善住龍於安立一切世界分別無量
佛法示現方便法門而得自在離垢勢色龍
於一切衆生離垢歡喜知足入方便法門而
得自在普行廣聖龍於一切善惡音聲具滿
平等觀法門而得自在阿那婆達多龍三於
大悲雲蔭覆一切衆生離苦法門而得自在
爾時毗樓波叉龍王承佛神力偏觀龍衆以
偈頌曰

觀見一切最勝法

救濟十方羣三類

惡趣衆生常輪轉

以大悲力能濟拔

隨諸衆生所樂色

佛一毛孔皆悉現

神足境界無有量

佛功德海清淨現

最勝妙法無限量

譬如大海深無底

隨其所樂令得聞

妙聲柔軟發雷音

一切衆生瞋恚心

蔭蓋障覆愚癡海

如來無上大慈悲

以神足力度脫之

於如來身一毛孔

衆生功德皆悉現

入深無量功德海

須彌山幢功德現

衆生種種恐怖苦

法王智光悉救濟

最勝毛孔演妙音

無量衆生開淨眼

十方三世諸如來

於佛身中現色像

無量劫中淨佛土

是名無上大龍地

佛一毛中皆悉現

無量神變莊嚴土

佛與眷屬圍遶坐

爲衆生說微妙法

佛爲菩薩求道時

恭敬供養諸佛海

種種無量方便門

度脫一切衆生海

如來演說正法時

充滿一切衆生樂

佛音能起歡悅心

普令衆生得法喜

復有毗沙門夜叉王於平等觀方便離一切

惡饒益衆生法門而得自在音主夜叉於一

切普勝法門而得自在持地夜叉於能除奪

衆生精氣長養一切生氣法門而得自在一

切主夜叉於觀一切聖功德法門而得自在

勝眼神足夜叉於觀一切衆生智慧法門而

得自在堅固金剛眼夜叉於與一切衆生安

樂法門而得自在護命夜叉於持力救濟法

門而得自在能破須彌山夜叉於起隨順佛

力法門而得自在爾時毗沙門夜叉王承佛

神力徧觀夜叉衆以偈頌曰

衆生罪垢甚深重 於百千劫不見佛

輪轉生死受衆苦 爲度是等佛興世

佛爲救濟一切故 悉現十方衆生前

拔濟諸趣衆苦輪

因緣音主最方便

衆生重罪惡業障

佛以方便悉除滅

安立衆生正法中

是名離癡方便見

佛昔無量劫行時

讚歎十方一切佛

故有高達大名稱

皆悉普聞十方國

佛慧無邊等虛空

如來法身不思議

故能顯現照十方

明淨眼王妙法門

一切衆生入邪徑

佛示正道難思議

見諸衆生堪受化

種種方便令調伏

一切衆生諸功德

不及如來一光福

佛智慧海不可議

是名寶王如是見

無量劫數難思議

佛於是中修十力

是故世尊力具足

一切世間無能壞

復有金剛眼照力士於示現如來無量色像

法門而得自在離垢日踊力士於諸佛無量

色法門而得自在須彌華光力士於離垢自

在種種現法門而得自在淨雲音力士於如

來無邊淨音不可量法門而得自在阿修羅

主力士於一切示現種種法門而得自在金

剛光樂力士於入一切佛法無餘法門而得

自在雷音力士於能舉一切諸天法門而得

自在師子端嚴王力士於如來功德廣照法

門而得自在勝光明力士於除滅衆生惡心

安立佛境界門而得自在珠璣華光力士於

菩薩示現一切世間雨寶法門而得自在爾
時金剛眼照力士承佛神力徧觀力士衆以
偈頌曰

普爲三界一切衆
具足無量衆妙色
佛身一切諸毛孔
映蔽一切日光明
如來大聖自在力
法身示現無涯際
佛音清淨甚深妙
柔軟微妙和雅音
十方三界諸宮殿
一一佛所無量衆
法海無量無有邊
分別一切諸法界
衆生大海無邊際
如來光明照衆生
悉皆恭敬興供養
功德無量如虛空
如來神力不可壞
如來安坐淨道場
光明普照如雲興
普照一切諸法界

於諸法中爲法王
悉照十方無不明
普放光明不可議
徧照十方靡不周
充滿一切諸法界
悉現一切衆生前
普震十方諸世界
滅衆生垢願滿足
最勝悉現於彼坐
導師處中爲說法
衆方便門悉入中
最勝示現無窮盡
最勝淨眼能度脫
一切普見大導師
無量塵海國土佛
一切悉見大導師
一切佛土皆悉現
一切衆生現前見
衆妙莊嚴光圓滿
示現諸佛深妙法

是時普賢菩薩成就不可思議方便法門海

能入如來無量功德海所謂出生究竟淨諸
佛土調伏衆生法門詣諸佛所能起一切具
足功德法門菩薩諸地願行法門普門示現
法界塵數身雲法門持諸佛土不可思議方
便輪法門一切衆中自在顯現無量無邊菩
薩境界法門於一念中知三劫生滅法門
分別顯現一切菩薩諸根境界海法門其身
自在充滿無量無邊法界法門一切菩薩種
種方便廣分別法入一切智方便法門爾時
普賢菩薩徧觀一切大衆以偈頌曰

最勝嚴淨 無數佛土 無量淨色 甚深功德
真淨離垢 佛子充滿 常聞妙法 不思議音
見佛處此 師子座上 一切塵中 亦復如是
而如來身 亦不往彼 普現佛土 功德境界
悉入無量 諸地方便 佛示一切 諸菩薩行
說諸方便 不可思議 令諸佛子 入淨法界
離垢淨眼 住深法性 十方無量 無有邊際
微塵數等 諸化佛身 教導無量 衆生等類
一切十方 如來刹土 世尊皆悉 爲平等護
佛於方便 悉已清淨 調伏衆生 令除垢穢
一切塵數 諸佛國土 如來示現 無量自在
梵音和雅 徧諸道場 演暢最勝 菩薩本行
一切三世 所有劫數 於念念中 悉見無餘
觀彼生滅 如實法相 不可思議 世護能見

無量大衆數不可說如來眞子欲觀佛地
一切法門無量無邊非諸佛子所有境界
離垢如來猶如虛空清淨無著等眞法性
現化無量不可窮盡悉坐道樹成等正覺
佛以一言說一切地一切法相皆悉窮盡
無量方便一一門中演暢諸法亦悉無餘
爾時於佛師子之座一切妙華摩尼寶輪高
臺樓觀莊嚴具中一一各出一佛世界微塵
數等大菩薩衆其名曰海慧超越菩薩無量
師子吼菩薩衆寶光幢菩薩智日超慧菩薩
不思議功德智稱菩薩方便寂靜妙華髻菩
薩金光鍊菩薩法界普音菩薩淨雲月幢菩
薩善超淨光菩薩如是等一一佛世界微塵
數等大菩薩衆設諸供養散衆妙華充滿虛
空燒諸雜香氣過騰雲普現一切衆寶圓光
又放無量淨日光明作衆妓樂諸微妙音雜
種種寶樹枝葉華實一切光明猶若雲起雨無
量寶如是是一一菩薩所供養具各與一佛世
界微塵數等一一供具復與一佛世界微塵
數等皆大歡喜供養世尊遠百千已隨其
所應供養大衆猶如雲雨而無斷絕隨所出
方化作寶蓮華藏師子之座恭敬向佛結跏
趺坐彼菩薩等悉得無量清淨法海普明法
門於佛境界無所障礙悉入一切辯才法海
又得不可思議照明法門正位如來普門境

界三昧智地皆已得入具足成就大力法愛
無量功德清淨圓滿常行法界畢竟空性悉
已具足供養諸佛爾時一切海慧自在智明
王菩薩以偈頌曰

佛覺諸法 平等真實 無有障礙 淨如虛空

普悉照明 十方世界 處一切衆 最勝殊特

自然正覺 無量無邊 充滿十方 衆生境界

一切悉坐 菩提樹王 諸衆生主 皆悉圍繞

佛有如是 自在神力 於一念頃 現無量身

普令衆生 滅除垢穢 如來境界 無有邊際

無量劫海 具足修行 如來處在 一切有海

種種方便 調伏衆生 皆悉受行 最勝正法

衆會離垢 普得清淨 一切觀佛 深樂無厭

最勝妙相 莊嚴具足 處蓮華藏 寶師子座

一切衆寶 諸莊嚴具 皆出無量 微妙香熏

雜色華鬘 懸布虛空 佛處如是 寶師子座

無量衆寶 流出妙光 暉燄清淨 十方明耀

如來安住 莊嚴樓觀 演出清淨 微妙梵音

宣暢最勝 無上正法 聞者歡喜 得淨妙道

金剛承座 安峙堅固 如意藏寶 以爲莊嚴

寶髻菩薩 常守護之 卅尊於此 普現照明

天尊處在 寶師子座 徧照三昧 一切導師

無量化佛 徧滿十方 闡揚如來 無盡法藏

爾時佛神力故蓮華藏莊嚴世界海六種十

八相震動所謂動徧動等徧動起徧起等徧起覺徧覺等徧覺震徧震等徧震吼徧吼等徧吼涌徧涌等徧涌又令一切世界諸王各雨不可思議諸供養具供養如來大眾海會所謂雨一切香華雲衆妙寶雲雜寶蓮華雲無量色寶曼陀羅雲解脫寶雲碎末栴檀香雲清淨柔軟聲雲寶網日雲各隨其力雨衆供養如是等一一世界諸王設不可思議諸供養雲普供一切如來大眾如此世界設衆供養一切十方諸佛國土亦復如是此世界中佛坐道場世界諸王各隨所樂境界三昧諸方便門歡喜厭離通達諸方勇猛之法如來境界神力所入諸佛無量法海之門皆已得度如此世界十方一切世界亦復如是大方廣佛華嚴經盧舍那佛品第二之一爾時諸菩薩衆及一切世界諸王咸作是念何等是一切諸佛地佛境界佛持佛行佛力佛無畏佛三昧佛自在佛勝法示現菩提佛眼耳鼻舌身意諸根佛光明音聲佛智海世界海衆生海法界方便海佛海波羅蜜海法門海化身海佛名号海佛壽量海一切菩薩所修行海發大乘心出生諸波羅蜜願智慧藏唯願如來慈悲方便發起我心令得開解時諸菩薩神力故一切供養具中出自然音

如來無量曠劫行
於當來世無量劫
斷衆生疑永無餘
滅除世間無量苦
無量刹塵諸菩薩
隨彼所願諸境界
何等一切諸佛地
佛無上智力無畏
無量如實諸三昧
大聖神力無有邊
悉入法三如實趣
及無量佛諸功德
如來眼根無限量
佛意如實難思議
佛國土海衆生海
佛海無量無邊際
波羅蜜海不思議
無量無邊法門海
爾時世尊知諸菩薩心之所念即於面門及
一一齒間各放佛世界塵數光明所謂寶幢
照光明法界妙音莊嚴光明生樂熏雲光明
佛十種力嚴淨道場光明一切寶樂雲光明
清淨無礙充滿法界光明能成一切世界光

自然正覺出世間
身應一切女大雲
出生勝力得解脫
令一切得正覺樂
一心合掌觀最勝
斷除疑惑開法門
大聖境界佛諸持
願爲佛子平等現
諸清淨行深妙法
興大雷雲雨衆生
於最勝境不退轉
願起慈悲悉令見
耳鼻舌身亦如是
願令衆生悉知見
諸法界海調伏海
願令佛子平等見
無上方便法門海
願在道場具足說

明淨寶金剛曰幢光明往詣菩薩大衆光明
演出諸佛語輪光明如是等一一光明各有
佛世界塵數光明以爲眷屬一一光明照十
佛土微塵等刹彼諸菩薩見此光已得覩蓮
華藏莊嚴世界海佛神力故於光明中而說
偈言

無量劫海修功德

供養十方一切佛

教化無邊衆生海

盧舍那佛成正覺

放大光明照十方

諸毛孔出化身雲

隨衆生器而開化

令得方便清淨道

佛於往古生死中

調伏一切諸羣生

於一念中悉解脫

出離無量得自在

深心淨信普莊嚴

往修滿足波羅蜜

與諸刹海塵數等

堅固安住一切力

出微妙音徧十方

具足寶智滿衆心

無量方便化衆生

是師子吼寂靜法

人尊如是德無量

應詣供養聽受法

如佛刹等微塵數

最勝諸二詣如來

各雨一切供養具

一心恭敬觀導師

如來所說一語中

演出無邊契經海

於一切衆雨甘露

恭敬往詣雨足尊

三世諸佛無上願

大聖道場分別說

亦非集在一念中

宜速時詣觀最勝

盧舍那佛大智海

光明普照無有量

如實觀察真諦法

普照一切諸法門

爾時蓮華藏莊嚴世界海東次有世界海名
淨蓮華勝光莊嚴中有佛刹名衆寶金剛藏
佛号法水覺虛空法王於彼如來大衆海中
有菩薩名觀勝法妙清淨王爲佛光明所開
發已與世界海塵數菩薩眷屬圍遶來向佛
所充滿十方一切虛空興十種寶色光明華
雲悉皆彌覆充滿虛空十種妙寶須彌山雲
十種日輪雲十種寶華雲十種妙寶樓閣藏
雲十種華樹雲十種妙香現衆色雲十種一
切妙音聲雲如是一切悉皆彌覆充滿虛空
來詣佛所供養恭敬禮拜已在於東方雜華
光藏師子座上結跏趺坐此世界海南次有
世界海名衆寶月光莊嚴藏中有佛刹名無
量光嚴佛号普智光勝須彌山王於彼如來
大衆海中 有菩薩名清淨海慧爲佛光明所
開發已與世界海塵數菩薩眷屬圍遶來向
佛所興十種一切妙莊嚴藏衆寶三雲悉皆
彌覆充滿虛空十種普莊嚴寶三雲十種妙
寶藏熾然照明歎佛功德寶王雲十種妙音
充滿讚歎寶王雲十種菩提樹莊嚴道場寶
三雲十種普門光明佛變化寶王雲十種不
壞衆光明示現寶王雲十種香燈照一切刹
充滿寶王雲十種不可思議佛刹如來宮殿

普現寶王雲十種雜寶二世諸佛法身光明
寶王雲悉皆彌覆充滿虛空來詣佛所恭敬
供養禮拜已在於南方青色蓮華師子座上
結跏趺坐此世界海西次有世界海名寶光
樂中有佛刹名一切勝觀佛号香光王功德
寶莊嚴於彼如來大衆海中有菩薩名香嚴
平等莊嚴月光爲佛光明所開發已與世界
海塵數菩薩眷屬圍遶來向佛所興十種一
切雜寶香華樓閣雲悉皆彌覆充滿虛空十
種一切色寶王莊嚴樓閣雲十種一切寶幢
香嚴樓閣雲十種一切解脫莊嚴樓閣雲十
種一切寶華鬘雲十種一切寶鬘莊嚴寶樓
閣雲十種一切普光明藏照一切莊嚴樓閣
雲十種一切寶莊嚴無量莊嚴悉現樓閣雲
十種普滿莊嚴樓閣雲十種無量華樂雲悉
皆彌覆充滿虛空來詣佛所供養恭敬禮拜
已在於西方金色雜寶莊嚴蓮華藏化師子
座上結跏趺坐此世界海北次有世界海名
瑠璃寶光充滿藏中有佛刹名化青蓮華莊
嚴佛号無量智慧音王於彼如來大衆海中
有菩薩名師子光莊嚴爲佛光明所開發已
與世界海塵數菩薩眷屬圍遶來向佛所興
十種一切香雲悉皆彌覆充滿虛空十種一
切青色華雲十種一切妙寶樹雲十種一切

諸雜華雲十種一切寶莊嚴雲十種一切寶
 雷音雲十種一切妙音聲雲如是一切悉皆
 彌覆充滿虛空來詣佛所供養恭敬禮拜已
 在於北方大燈變化師子座上結跏趺坐此
 世界海東南方次有世界海名閻浮檀玻璃
 色幢中有佛刹名寶莊嚴藏佛号一切法燈
 無所怖畏於彼如來大衆海中有菩薩名無
 盡勝燈功德法藏爲佛光明所開發已與世
 界海塵數菩薩眷屬圍遶來向佛所興十種
 無量色蓮華藏師子座雲悉皆彌覆充滿虛
 空十種師子座雲十種一切莊嚴具莊嚴師
 子座雲十種燈明師子座雲十種能出十方
 一切衆寶師子座雲十種一切香鬘師子座
 雲十種一切諸佛莊嚴示現師子座雲十種
 一切寶臺欄楯莊嚴師子座雲十種一切寶
 樹莊嚴師子座雲十種日莊嚴師子座雲皆
 悉彌覆充滿虛空來詣佛所供養恭敬禮拜
 已在東南方夜光幢寶藏師子座上結跏趺
 坐此世界海西南方次有世界海名普照莊
 嚴中有佛刹名香勝離垢光明佛号一切衆
 生普歡喜王於彼如來大衆海中菩薩名
 普智光明慧燈爲佛光明所開發已與世界
 海塵數菩薩眷屬圍遶來向佛所興十種如
 意寶王雲悉皆彌覆充滿虛空十種青色寶

雲十種一切香雲十種一切幡雲十種一切妙色莊嚴雲悉皆彌覆充滿虛空來詣佛所供養恭敬禮拜已在西南方衆寶師子座上結跏趺坐此世界海西北方次有世界海名善光照中有佛刹名意入佛号普門智慧意入明淨音於彼如來大衆海中有菩薩名無量華照垂髻爲佛光明所開發已與世界海塵數菩薩眷屬圍遶來向佛所興十種一切雜寶輪蓋雲悉皆彌覆充滿虛空十種華蓋雲十種解脫蓋雲十種寶王蓋雲十種雜寶蓋雲十種普寶蓋雲十種瑠璃寶王蓋雲十種一切香蓋雲悉皆彌覆充滿虛空來詣佛所供養恭敬禮拜已在西北方衆善光明幢師子座上結跏趺坐此世界海東北方次有世界海名寶照光明藏中有佛刹名香莊嚴樂勝藏佛号無量功德海於彼如來大衆海中有一菩薩名無盡清淨光明王爲佛光明所開發已與世界海塵數菩薩眷屬圍遶來向佛所興十種一切寶光輪雲悉皆彌覆充滿虛空十種光輪雲十種華雲十種如來變化輪雲十種一切佛境界輪雲十種一切功德寶雲十種一切衆生樂不可盡示現雲十種一切諸佛所願示現雲悉皆彌覆充滿虛空來詣佛所供養恭敬禮拜已在東北方清淨

光明不可盡師子座上結跏趺坐

大方廣佛華嚴經卷第二

桓因

上胡官切

蔭覆

上於禁反
下於該切

娛樂

上慶俱切

敷三

上海邁切

逸慢

上夷質切
下彌曼切

垢膩

上古厚切
下於計切

雷震

上魯回切

華敷

下苦無切

邪徑

下古定切

映蔽

上於敬切
下必該切

和雅

上戶又切
下亞下切

安時

下直里切

碎末

上蘇內切

甲辰歲高麗國大藏部監奉

勅彫造

大方廣佛華嚴經卷第三

湯

東晉天竺三藏佛跋陀羅

譯

盧舍那佛品第二之二

此世界海下方次有世界海名蓮華妙香勝
藏中有佛刹名寶師子光佛号明照法界於
彼如來大衆海中有菩薩名光照分別法界
爲佛光明所開發已與世界海塵數菩薩眷
屬圍繞來向佛所興十種一切寶光明雲悉
皆彌覆充滿虛空十種一切香光明雲十種
諸佛師子吼雲十種一切佛刹功德莊嚴雲
十種一切華樓閣雲十種一切座莊嚴雲悉
皆彌覆充滿虛空來詣佛所在於下方寶藏
師子座上結跏趺坐此世界海上方次有世
界海名雜寶光海莊嚴中有佛刹名樂行清
淨佛号無礙功德稱離闇光王於彼如來大
衆海中有菩薩名無障礙力精進慧爲佛光
明所開發已與世界海塵數菩薩眷屬圍繞
來向佛所興十種一切無量妙色寶照雲悉
皆彌覆充滿虛空十種無量光普照雲十種
一切莊嚴照明雲十種香嚴雲十種一切莊
嚴雲十種佛光嚴雲十種寶樹華嚴雲十種
一切寶樹堅固光明雲十種一切勝光明雲
十種一切菩薩所行示現雲十種一切解脫
光明雲悉皆彌覆充滿虛空來詣佛所供養

恭敬禮拜已在於上方妙音勝蓮華藏師子
座上結跏趺坐如是等十億佛刹塵數世界
海中有十億佛刹微塵數等大菩薩來一一
菩薩各將一佛世界塵數菩薩以為眷屬一
一菩薩各與一佛世界微塵數等妙莊嚴雲
悉皆彌覆充滿虛空隨所來方結跏趺坐
彼諸菩薩次第坐已一切毛孔各出十佛世
界微塵數等一切妙寶淨光明雲一一光中
各出十佛世界微塵數菩薩一一菩薩一切
法界方便海充滿一切微塵數道一一塵中
有十佛世界塵數佛刹一一佛刹中三世諸
佛皆悉顯現念念中於一一世界各化一佛
刹塵數衆生以夢自在示現法門教化一切
諸天化生法門教化一切菩薩行處音聲法
門教化震動一切佛刹建立諸佛法門教化
一切願海法門教化一切衆生言辭入佛音
聲法門教化一切佛法雲雨法門教化法界
自在光明法門教化建立一切大衆海於普
賢菩薩法門教化以如是等一切法門隨其
所樂而教化之於一念頃能滅一切世界中
各如須彌山塵數衆生諸惡道苦各如須彌
山塵數衆生令離邪定立正定聚各如須彌
山塵數衆生令立聲聞緣覺之地各如須彌
山塵數衆生立無上道各如須彌山塵數衆

生立一切不可盡功德智慧地各如須彌山
塵數衆生令立盧舍那佛願性海中爾時諸
菩薩光明中以偈頌曰

一切光明出妙音

說諸菩薩具足行

佛子功德悉成滿

普徧一切十方界

無量劫海修行道

欲令衆生離苦故

不自計已生死苦

佛子善入大方便

無量無邊無有餘

窮盡一切大海劫

徧行一切諸法門

善說微妙寂靜法

一切三世佛所願

皆得清淨具足滿

佛子饒益諸衆生

能自具行清淨道

皆能往詣諸佛所

清淨法身照十方

佛子智海無邊底

普觀諸法寂滅相

一光明中有無量

無上大慈難思議

清淨慧眼照諸法

此是佛子妙境界

一毛悉受諸佛刹

又能震動諸國土

能令衆生無怖想

是名清淨方便地

一一塵中無量身

復現無量莊嚴刹

於一念中皆悉見

是無障礙淨法門

三世所有一切劫

於一念中能悉現

猶如幻化無所有

是名諸佛無礙法

普賢諸行皆具足

能令衆生悉清淨

諸佛子具自在法

一一毛孔師子吼

爾時世尊欲令一切菩薩

大衆知佛無量無

爾時世尊欲令一切菩薩

大衆知佛無量無

達境界自在法門故放眉間白毫相一切寶
 色燈明雲光名一切菩薩慧光觀察照十方
 藏此光遍照一切佛刹於一念中皆悉普照
 一切法界於一切世界雨一切佛諸大願雲
 顯現普賢菩薩示大眾已還從足下相輪中
 入於被復有大蓮華生以衆寶爲基一切寶
 王爲莊嚴藏其葉徧覆一切法界一切寶香
 莊嚴其鬚間浮檀金以爲其臺此華生已如
 來眉間有一大菩薩出名曰一切諸法勝音
 與世界海塵數菩薩衆俱敬達世尊無量而
 已退坐蓮華臺上眷屬菩薩坐蓮華鬚一切
 諸法勝音菩薩成就無量法界歡喜隨順諸
 佛境界深智度不可思議佛海光明悉能生
 諸一切佛所雨時一切諸法勝音菩薩以偈
 頌曰

佛身充滿諸法界 普現一切衆生前
 應變化器悉充滿 佛故處此菩提樹
 一切佛刹微塵等 雨所佛坐一毛孔
 皆有無量菩薩衆 各爲具說普賢行
 無量刹海處一毛 悉坐菩提蓮華座
 徧滿一切諸法界 一切毛孔自在現
 雨時師子散光奮迅音菩薩以偈頌曰
 摩訶那如來轉清淨法輪一切法方便 如來雲普徧
 十方國土中一切世界海 佛願力自在普現轉法輪

一切佛土中無量大眾海言号各不同而轉淨法輪

盧舍那佛神力故

一切刹中轉法輪

普賢菩薩願音聲

徧滿一切世界海

法身充滿一切刹

普雨一切諸法雨

法相不生亦不滅

悉照一切諸世間

無量無數億劫中

一切佛刹微塵道

盧舍那佛妙音聲

具足演說本所行

一切佛刹微塵數

大光明網照十方

一一光中有諸佛

以無上道化眾生

法身堅固不可壞

充滿一切諸法界

普能示現諸色身

隨應化導諸羣生

三世無量諸佛刹

其中一切諸導師

一切音聲及名字

普見諸佛力自在

過去未來及現在

如是一切諸導師

彼聖能令一切聞

不可思議正法輪

如此四天下道場上見佛神力一切菩薩大

眾雲集一切世界海中亦復如是

爾時普賢菩薩於如來前坐蓮華藏師子之

座即入一切如來淨藏三昧正受普照一切

法界諸如來身無所障礙離垢滿足猶如虛

空普賢菩薩於此世界三昧正受盡法界成

空界等一切佛刹亦復如是普賢菩薩入是

三昧已十方世界海諸佛悉現彼諸如來各

各讚言善哉善哉善男子汝乃能入此三昧

正受是皆盧舍那佛本願力故又汝於諸佛
所清淨行願力故所謂轉一切諸佛法輪故
開一切如來智慧海故盡度一切眾生煩惱得清
淨故能到一切諸佛國土無障礙故入一切
諸佛境界無礙故一切諸佛普門功德滿足
故入一切法方便深樂一切智故方便觀察
一切世間法故知一切眾生諸根海故
爾時一切諸佛與普賢菩薩入一切智力與
入無量無邊法界智與能詣三世諸佛所智
與一切世界海成壞智與入無量眾生界智
與佛甚深法門智與一切不壞三昧住智與
入一切菩薩諸根海智與一切眾生語言海
轉法輪辭辯智與一身徧滿一切世界智與
一切諸佛音聲智何以故以得此三昧法故
爾時十方諸佛各申右手摩普賢菩薩頂爾
時一切菩薩見十方諸佛各申右手摩普賢
菩薩頂已彼諸菩薩一心恭敬觀察普賢菩
薩即時同聲以偈頌曰

於諸佛所修善法 滿足一切大願力
出生清淨妙法身 如寶平等同虛空
一切諸佛國上中 普賢菩薩常依住
十方世界無不見 無量功德智慧海
悉見十方一切佛 清淨身行功德海

能於一一微塵道
一切十方佛世界

普皆示現一切刹
無量微塵諸劫數

常見普賢真佛子

無量三昧方便行

法身充滿諸法界

一切十方佛國土

徧遊一切衆生海

安住深妙清淨法

永度無量諸去界

離衆煩惱不可壞

其身周徧滿虛空

廣說無量諸佛法

一切功德海中生

普放光明如大雲

堅固衆生清淨行

微妙音說佛境界

無量無數大劫中

修習普賢甚深行

無量無邊諸法雲

雷震演說勝法界

一切佛土如寶性

十力修集淨莊嚴

普入一切衆生海

如應為說清淨法

無量無邊大衆海

一心恭敬觀普賢

無量深廣智慧海

願轉清淨妙法輪

爾時普賢菩薩承佛神力觀察一切諸世界

徧一切衆生海法界業海一切衆生欲樂諸

根海一切三昧諸佛海已普告菩薩大衆海

言佛子諸佛一切世界海成敗清淨智不可

思議一切衆生界起智觀察法界智一切如

來自在智清淨願轉法輪智力無所畏不共

法智光明讚歎音聲智三種教化衆生智無

量三昧法門不壞智如來種種自在智如是

等一切皆不可思議我當承佛神力具足演

說欲令一切衆生入佛智海

普經第三 第八福海

七

爾時普賢菩薩從彼三昧起從世界微塵等
三昧起念念中不壞方便智一切三世三昧
起時彼一切諸菩薩衆一一皆得世界塵數
諸三昧世界塵數方便法海方便辯海諸行
願海如此會菩薩所得功德一切世界海一
切如來衆海諸菩薩衆所得功德亦復如是
是時一切世界六種震動一切衆生安隱悅
樂一切衆寶種種莊嚴一切如來大衆海中
雨十種寶王雲所謂勝金色幢寶王雲佛光
明照寶王雲金蓮華寶王雲菩薩辯才光明
寶王雲一切妙音衆寶王雲莊嚴佛土道場
王雲一切如來毛孔及諸光明以偈頌曰
普賢悉在一切佛刹坐寶蓮華師子座上
如是示現徧一切界普入無量無邊諸行
悉能示現無量種身變化充滿十方世界
妙音和雅說法無礙一切三昧方便自在
一切佛土諸如來所一切三昧皆得自在
悉能了知最勝境界示現普賢無量自在
如一切土諸如來前一切刹塵諸世界中
普賢自在亦復如是盡盧舍那本願底故
普賢身相猶如虛空依於如如不依佛國
現身無量普應衆生隨羣萌類爲現化故

一切世界無量佛土 悉能示現入諸法門
普賢菩薩具足淨願 如是等比無量自在
一切衆海無量無邊 各於佛土示現清淨
如是一切身中悉現 隨其起滅一念悉知
爾時普賢菩薩欲令大衆重歡喜故以偈頌
曰

諸佛深智功德海 方滿無量無邊刹
方便隨衆所應見 盧舍那佛轉法輪
不可思議佛刹海 於無量劫令清淨
最勝導師照一切 悉能調伏衆生海
衆生大海難可測 諸佛境界不思議
衆生樂惡著諸有 不能了知無上道
功德法海長養心 常能親近善知識
恒爲諸佛所護念 是等能度得上智
離諸諂曲心清淨 廣大慈悲無邊際
深心淨信無厭足 彼聞是法喜無量
普賢菩薩諸地願 安諦善住能順行
遊心法界如虛空 是人乃知佛境界
一切菩薩得善利 能見自在最勝尊
非餘境界之所知 普賢方便皆得入
無量無邊諸衆生 一切如來所護念
於一切處轉法輪 盧舍那佛境界力
一切刹土及諸佛 在我身內無所礙
我於一切毛孔中 現佛境界諦觀察

普賢菩薩所願行

無量無邊悉具足

普眼境界清淨身

我今演說仁諦聽

爾時普賢菩薩告諸菩薩言佛子世界海有十種事去來今佛之所演說所謂說世界海起具因緣世界海住世界海形世界海體世界海莊嚴世界海清淨世界海如來出世界海劫世界海壞方便世界海諸佛子世界海有如是等十種事為首乃至有世界海塵數種事諸佛子當知一切世界海有世界海塵數因緣具故成已成今成當成所謂如來神力故法應如是故衆生行業故一切菩薩應得無上道故普賢菩薩善根故菩薩嚴淨佛土願行解脫自在故如來無上善根依果故普賢菩薩自在願力故如是等世界海塵數因緣具故一切世界海成爾時普賢菩薩以偈頌曰

佛智境界不可思議自在善住悉皆如是無量無邊諸世界海盧舍那佛悉能嚴淨如應化度一切菩薩無量願海皆悉清淨十方佛土一切衆生以不思議而覺悟之一切菩薩無量自在度一切智方便法門出生一切無量願海起諸世界猶如虛空普行一切菩薩善行入佛境界無量無邊悉能嚴淨十方佛刹一一佛土無量劫行

衆生心境 不可思議 業能悉起 一切刹海
衆生垢穢 國不清淨 行業無量 世界不同
諸佛刹海 淨莊嚴藏 離垢雜寶 以爲校飾
長養無垢 弘誓願海 佛子能淨 無數國土
若有菩薩 修普賢行 常能履行 清淨法界
當知是等 功德如佛 能出無量 如來刹海
於一念中 悉徧十方 能現一切 菩薩所行
甚深清淨 猶如虛空 等空界者 自在如是
一切道場 諸如來前 坐寶蓮華 現衆妙色
於其身內 容一切刹 又一念中 示現三世
八巧方便 起諸刹海 於三世國 示現成佛
盧舍那佛 此土清淨 衆寶成就 無有邊際
爾時普賢菩薩告諸菩薩言 佛子 一一世界
海所依住 如世界微塵數 所謂依一切莊嚴
住或依虛空住 或依一切寶住 或依佛光明
住或依幻業住 或依摩訶那伽金剛力士掌
中住或依普賢菩薩願力住 是時普賢菩薩
以偈頌曰

無量無邊佛刹海 離垢妙寶以莊嚴
摩尼寶王清淨照 最勝威神靡不見
清淨刹海住虛空 寶王妙藏光普照
暢發無量微妙音 宣揚佛道靡不欣
種種華光善喜樂 如意寶珠爲莊嚴
無量光網彌覆上 種種香雲徧充滿

無量無邊妙蓮華

青瑠璃寶以為臺

清淨國土甚奇妙

一切諸佛莊嚴故

或有諸佛清淨土

以佛威神得安住

見離垢淨衆妙寶

無量菩薩悉充滿

或有諸佛清淨土

金剛力士掌中住

十力世雄盧舍那

常爲一切轉法輪

或依寶樹平正住

依香嚴雲亦如是

有依水輪住堅固

或依金剛海座住

有住金剛勝妙幢

種種寶華彌覆上

無量自在一切處

盧舍那佛今衆見

衆雜異色長光明

普徧一切佛世界

悉見種種莊嚴藏

離垢微妙甚清淨

彼以一切願海力

無量種種所依住

諸如來雲悉充滿

常依清淨虛空住

或有佛剎處上方

依淨菩薩天冠住

彼現無量佛自在

佛子妙音淨業化

諸法界等佛國土

譬如電光亦如幻

紺瑠璃寶廣清淨

悉從離垢淨業起

普現種種莊嚴藏

依止虛空靜安住

行業境界不可議

佛令衆生普得見

一切塵等諸佛剎

普賢菩薩一念起

無量劫行化衆生

充滿法界現自在

一一微塵中佛國海安住

佛雲徧護念彌綸覆一切

於一微塵中佛現自在力

一切微塵中神變亦如是

諸佛及神力盧舍那示現

爾時普賢菩薩告諸菩薩言佛子諸世界海有種種形或方或圓或非方圓或如水迴瀾或復如華形或種種衆生形者爾時普賢菩薩以偈頌曰

刹海無有量殊形異莊嚴十方世界海見諸雜種相或圓或四方或復非方圓三維及八隅狀若摩尼寶一切諸業海種種別異故有如金剛掌莊嚴坦平正鍊真金色清淨妙形入於無量正法之門諸佛刹海種種之藏猶如大雲懸處虛空彼寶輪地妙淨分明盧舍那佛光明悉照諸佛國土起由心業無量種形而以莊嚴彼國一切各各自在如來刹海現無量相或有淨穢苦樂不同

法常流轉變現如是一切業海不可思議

一毛孔中無量佛刹莊嚴清淨曠然安住彼一切處盧舍那佛於衆海中演說正法

於一塵內微細國土一切塵等悉於中住

一切世界有種種形悉於其中轉尊法輪

是弘誓願自在之力一一塵中現一切刹

譬如幻化亦如虛空諸心業力之所莊嚴

一一塵中衆生數等諸化佛雲神力自在

於微塵中善住佛刹盧舍那佛現法如是

爾時普賢菩薩告諸菩薩言佛子諸世界海

有種種體悉應當知所謂一切寶莊嚴體或一寶體或金剛堅固地體或衆香體或日珠輪體爾時普賢菩薩以偈頌曰

或有世界海衆寶所合成堅固不可壞安住寶蓮華

或勝光明起清淨暉皎照衆妙莊嚴刹依止虛空住

或有光明刹依止光明住光明雲莊嚴諸菩薩宮殿

或有佛刹海猶如電光住言取不可得斯由願力起

或有摩尼寶日光明藏照寶真珠輪地菩薩悉充滿

或有寶藏刹光明雲陰覆一切寶莊嚴悉皆有變化

或有衆相體微妙相莊嚴間錯雜寶冠一切佛所化

心海業所起國土隨樂住論如幻無方皆從妄想生

如來身光明摩尼刹安住正覺雲彌覆一切佛自在

或普賢菩薩化現佛刹海一切寶校飾願力所莊嚴

爾時普賢菩薩告諸菩薩言佛子諸世界海

有世界海微塵等莊嚴悉應當知所謂一切

境界種種雲莊嚴一切世界衆生行業莊嚴

三世諸佛及普賢菩薩願力莊嚴有如是等

世界海微塵數莊嚴爾時普賢菩薩以偈頌

曰

如世界海微塵等不可思議業果報

一切十方世界海種種嚴淨廣無邊

無量淨色普莊嚴上妙功德常充滿

雜光明雲出梵音聞于一切諸佛刹

菩薩無量功德海妙聲徧滿一切刹

諸誓願雲具莊嚴

聲震十方世界海

衆生業海廣無際

淨莊嚴雲出妙音

業報如寶隨應變

諸佛力故悉周滿

一切三世諸如來

自在普現無量刹

一一境界一切佛

莊嚴刹海皆悉見

過去未來現在劫

一切十方諸世界

於無量劫淨莊嚴

一一佛刹皆悉見

一切境界諸佛雲

數等衆生滿十方

佛自在行令衆知

是謂如來莊嚴刹

衆香嚴涼及華沍

一切衆寶摩尼沍

種種衆妙莊嚴雲

皆悉校飾諸佛刹

十方世界諸道場

一切衆具妙莊嚴

靡不觀見此刹海

猶如空中電光現

普賢菩薩佛子等

悉能莊嚴諸佛刹

衆生等劫淨行海

於此世界悉顯現

爾時普賢菩薩告諸菩薩言佛子當知諸世

界海有世界塵數清淨所謂菩薩親近善知

議成就諸善根等刹一切衆生淨滿一切諸

波羅蜜安住一切行地有如是等世界塵數

清淨爾時普賢菩薩以偈頌曰

一切佛刹諸莊嚴

無數願海方便生

一切佛刹清淨色

無量行海所修集

久遠親近善知識

一切淨妙諸業行

慈悲普沐潤衆生

是故清淨佛刹海

一切法門三昧地

一切佛所淨德海

禪門方便清淨地

是故嚴淨佛刹海

能起無量清淨心

信佛堅固不可壞

以忍方便淨無垢

莊嚴刹海微妙色

興功德雲滿虛空

利益一切修淨行

衆生普獲無量德

是故嚴淨佛刹海

刹海方便等無量

悉淨諸度無有餘

修無盡願波羅蜜

是故嚴淨佛刹海

幻化行起無有量

一切諸法廣清淨

種種方便淨衆生

起是可樂佛刹海

方便嚴淨一切地

具足諸佛功德海

令諸衆生竭苦源

是故嚴淨佛刹海

修淨力海無與等

能淨一切衆生根

恭敬供養無量佛

是故嚴淨佛刹海

爾時普賢菩薩告諸菩薩言佛子當知一一

世界海有世界海塵數諸佛出興于世所謂

有佛興世色身示現徧滿法界或有短壽或

無量劫如是一一世界海有世界海塵數佛

出興于世爾時普賢菩薩以偈頌曰

佛以無量方便門

能起一切佛刹海

隨順衆生所欲樂

諸佛法王出興世

如來法身不思議

無色無相無倫匹

示現色身為衆生

十方受化靡不見

或為衆生現短命

或現長壽無量劫

法身多門現十方

常為世間良福田

或有能令不思議

十方刹海悉清淨

或有能淨一刹土

是彼方便願所立

或說不可思議衆

佛普示現隨所樂

或有如來說一衆

是佛方便無有量

自然無師得正覺

或有濟度少衆生

或有能於一念中

化度無量衆生海

或有於一毛孔中

化佛雲出不思議

充滿一切十方界

無量方便化衆生

或佛音聲震十方

隨諸衆生所欲樂

無量億劫不斷絕

度衆生海無有邊

或有無量莊嚴刹

清淨大衆圍遶坐

充滿一切世界海

佛徧與衆如空雲

是佛方便不思議

慈海充滿徧一切

入諸莊嚴方便門

悉現一切衆生前

爾時普賢菩薩告諸菩薩言佛子當知世界

海有世界海微塵等劫住所謂佛刹海或住

不可數劫或住可數劫有如是等世界海微

塵數劫住爾時普賢菩薩欲分別開示故告

一切衆言諸佛子當知此蓮華藏世界海是

盧舍那佛本修菩薩行時於阿僧祇世界微

塵數劫之所嚴淨於一一劫恭敬供養世界

微塵等如來一一佛所淨修世界海微塵數

願行佛子當知有須彌山微塵等風輪持此

蓮華藏莊嚴世界海最下風輪名曰平等彼
 持一切寶光明地次上風輪名種種寶莊嚴
 持清淨光寶地次上風輪名功德勢持密寶
 地次上風輪名曰寶焰持日不壞寶地次上
 風輪名普莊嚴持具足寶光明地次上風輪
 名離垢清淨平等持寶華焰地次上風輪名
 日方行持一切具珠地次上風輪名曰一切
 年持一切時一日半月一月一年次上風輪
 名普持勢持一切須彌山地次上風輪名莊
 嚴光明能持一切有如是次上有須彌山微
 塵等風輪最上風輪名勝藏持一切香水海
 彼香水海中有大蓮華名香幢光明莊嚴持
 此蓮華藏莊嚴世界海此世界海邊有金剛
 山周匝圍遶爾時普賢菩薩以偈頌曰
 於此蓮華藏莊嚴世界海一切妙寶藏種種
 一切微塵等過去佛所住普於諸有海離垢
 無量大悲雲充滿諸衆生捨離自己身如佛
 於無量行海常修令清淨是故蓮華藏世界
 一切虛空界光明徧充滿安住不可動勝風
 一切寶莊嚴妙風常流行盧舍那曠願今國
 如意寶徧布種種妙華敷以本願力故處在
 堅固善安住一切寶莊嚴十方一切界放清
 諸摩尼寶中無量菩薩雲徧遊十方國光明
 寶華盛妙色莊嚴光明輪充滿諸法界十方
 摩尼不徧

一切衆淨寶悉放光明雲十方諸世界一切皆充滿

滅除一切苦安立無上道妙色悉普照一切世界海

於此蓮華藏世界海之內一一微塵中見一切法界

一切諸佛雲放寶光明照是盧舍那利有無量自在

一切衆生等蓮華中諸佛興種種無量自在變化雲

釋梵諸天衆及轉輪聖王一切衆生類皆悉得安住

變化放光明悉與法界等一切光明中出諸佛妙音

知諸衆生心所念無有餘無數方便門調伏羣生類

離一切顛倒常住於寂靜無量光明雲悉與法界等

普賢所行智無上勝妙地於光莊嚴中皆悉具足聞

佛子當知此蓮華藏世界海金剛圍山依蓮

華日寶王地住彼有一切香水海一切衆寶

徧布其地金剛厚地不可破壞出生一切衆

寶又能明照一切世界爾時普賢菩薩以偈

頌曰

一切世界海有無量莊嚴寶輪無邊色如來神力起

莊嚴所迦羅寶輪及香輪依住真珠輪及依種種寶

堅固寶莊嚴閻浮檀淨藏香光滿十方照現所迦羅

持以堅固金剛寶金剛莊嚴不可壞

種種衆寶相莊嚴一切莊嚴清淨法

香水普涼無量色散華摩尼栴檀香

天衣徧覆華莊嚴衆寶香華熏無量

清淨寶樹雲莊嚴普能照明一切身

光明妙雲悉具足樹下安坐靡不照

種種華香及幡蓋

一切菩薩充法界

能說一切語言海

是盧舍那轉法輪

彼處悉有珍寶幢

一切寶樹出光明

盧舍那佛身清淨

彼莊嚴內一切見

諸莊嚴中無數身

如來變化色無量

充滿一切十方界

調伏衆生無限量

一切莊嚴出妙聲

盧舍那佛所願聞

隨其清淨佛刹海

佛自在力皆悉聞

彼大所迦羅山內

世界海中有不可破壞摩

尼寶三映現一切衆生之身衆寶蓮華以爲

莊嚴大地一切莊嚴妙雲皆悉充滿一切妙

香而以熏之以三世佛刹莊嚴而莊嚴之爾

時普賢菩薩以偈頌曰

其地平正淨圓滿

所迦羅內不可求

平等安住甚清淨

種種雜寶而莊嚴

金剛寶地可悅樂

寶輪羅網彌覆上

種種寶華爲莊嚴

雜種寶衣珍妙輪

隨次徧布一切地

菩薩天冠寶瓔珞

離垢莊嚴光明照

妙香碎寶悉充滿

光明衆寶華莊嚴

普放一切滿十方

寶華徧覆一切地

悉能長養佛功德

興一切雲滿虛空

光明普照不可盡

光明悉滿一切刹

具說佛法甘露味

悉入一切佛所願

常能廣見三世法

隨順菩薩大士行

於此大地皆悉見

此清淨地寶莊嚴

一切佛刹悉來入

其地一一微塵中

一切佛刹亦悉入

衆寶妙華莊嚴藏

十方菩薩常往來

常聞菩薩一切願

及諸菩薩自在德

有寶光明相莊嚴

離垢嚴淨出光明

示現一切諸佛法

充滿法界如虛空

有得聖賢所願者

諸佛境界無量智

彼處無量勝自在

能入無邊佛刹海

彼大地處有不可說佛刹微塵等香水海衆

衆寶莊嚴一切香摩尼寶王以爲其足寶王羅

網彌覆其上衆寶色水盈滿其中一切衆華

皆悉滿敷細末栴檀以香其水常出如來妙

音不絕衆香次第普熏十方雜寶階道真珠

網輪衆寶潮浪出妙音聲恆沙佛刹微塵數

等寶華樓閣周匝圍遶無量佛刹微塵等衆

寶華城以周其外十大千世界微塵數華一

一蓮華各十由旬開敷鮮茂徧布水上其香

普熏一切世界十佛國土塵數香樹以爲莊

嚴爾時普賢菩薩以偈頌曰

香水寶海而莊嚴

於彼嚴淨大地處

金剛堅固不可壞

衆香寶王以爲岸

寶雲光明如日照

真珠寶華妙嚴瑤

離垢清淨普莊嚴

清淨香水湛然滿

衆寶華光爲旋流

妙聲悅樂常不斷

自在普聞佛世界

衆珍校飾淨階道

寶莊嚴地安不動

眞珠妙寶爲欄楯

光明寶華可悅樂

寶樹羅生緣道側

摩尼寶樂煥明輝

演出無量和雅聲

莊嚴淨音歎三寶

香水柔軟湛然滿

分陀利華徧園遶

一切香華出光明

清淨具足而莊嚴

於寶幢中有光明

垂寶旗幡而莊嚴

摩尼寶網出妙聲

聞者能入一切智

衆寶華城甚微妙

無量寶色淨光明

十方世界靡不照

一切具足光嚴飾

垣牆周匝而園遶

種種雜寶爲莊嚴

清淨寶鼓相任持

具足莊嚴寶香海

盧舍那佛過去行

令佛刹海甚清淨

無數無量無邊際

彼處一切自在轉

一一香水海有四天下微塵數香水河園遶

種種寶華彌覆其上彼諸香水河從佛眉間

白毫相出摩尼寶王汎上隨流雨時普賢菩薩以偈頌曰

金剛寶華悉彌覆

離垢清淨香水流

無量珍妙普莊嚴

衆寶輪地布金沙

諸欄楯上植蓮華

淨妙階道七寶成

懸雜華璫爲莊嚴

眞珠寶華常敷榮

懸雜華璫爲莊嚴

一切寶光微妙色

清淨香水雜寶漆

種種寶華為波浪

衆音諧雅演佛聲

栴檀寶末和清流

無量雜寶為迴復

普出種種香光咲

常流一切十方界

一切香河出無量

雜種妙勝諸珍寶

衆寶積集為華蓋

光明普照香水河

十方無量世界中

佛光明照見寶王

如來道場寶輪地

衆寶香河盈滿

諸寶羅網相扣摩

演佛音聲常不絕

一切菩薩諸佛法

普賢大士所修行

諸佛世尊願音聲

於彼寶岸常得聞

一切如來過去行

皆悉徧聞十方國

一切香河諸旋流

一切菩薩功德雲

漸漸盈滿諸法界

見一切刹無不至

彼諸一切香水河

淨寶王雲彌覆上

佛白毫相出寶王

其光明耀等如來

大方廣佛華嚴經卷第三

眉間上武悲切

白毫下胡刀切

其鬘下相會切

奮迅上方問切

萌類上莫耕切

續行上力可切

紺瑠上古圖切

彌綸下力延切

烟腹上尸懸切

八隅下夔俱切

坦平上他但切

研迦上之若切

潮浪上直遠切

鮮茂上相然切

煥明上火貫切

湛然上徒感切

旗幡上舉之切

以上上乎梵切

扣摩上苦微切

甲辰歲高麗國大藏都監奉

勅彫造

大方廣佛華嚴經卷第四

湯

東晉天竺三藏佛跋闍耶譯

譯

盧舍那佛品第二之三

彼香河中一切平正諸妙寶樹以爲莊嚴
雜種寶幔彌覆其上一切菩薩願力所起佛
所護念三世莊嚴而莊嚴之爾時普賢菩薩
以偈頌曰

盧舍那佛徧十方

出一切化莊嚴身

彼亦不來亦不去

佛願力故皆悉見

一切佛刹微塵中

無量佛子修諸行

悉受清淨國土記

見嚴淨刹網本行

佛子當知此蓮華藏世界海中一一境界有

世界海微塵數清淨莊嚴諸佛子此香水海

上有不可說佛刹微塵數世界性住或有世

界性蓮華上住或在無量色蓮華上住或依

真珠寶住或依諸寶網住或依種種衆生身

住或依佛摩尼寶王住或須彌山形或河形

或轉形或旋流形或輪形或樹形或樓觀形

或雲形或網形爾時普賢菩薩以偈頌曰

堅固清淨諸佛刹

離垢解脫光明藏

依止摩尼寶海住

或有依止香海住

或依種種方便住

或依莊嚴衆色住

或復須彌樹圓形

種種方門佛刹住

或光明身諸華藏

寶雲普放淨光明

光明充滿勝世界

寶池海藏不可壞

或淨佛刹無量色

光明皎雲衆色等

或有妙音諸世界

自然常音不思議

無數願樂種種身

自在行雲音聲身

衆生無量德音身

最勝一切德音身

種種門入諸佛刹

漸至無盡不思議

無數一切滿十方

無盡無量普自在

一切諸方如來刹

廣大方便入佛界

見十方刹漸次至

國土不增亦不減

以一國土滿十方

十方八一亦無餘

世界本相亦不壞

無比功德故能爾

一切佛刹微塵中

見盧舍那自在力

弘誓願海震音聲

調伏一切衆生類

佛身充滿一切刹

無數菩薩亦如是

教化衆生無有量

佛現自在無倫匹

爾時普賢菩薩告諸菩薩言佛子彼衆香水

海中有香水海名樂光明有一切香摩尼

寶王莊嚴蓮華上有世界名清淨寶網光明

佛号離垢淨眼廣入彼世界上過佛刹塵數

世界有佛國名雜香蓮華勝妙莊嚴依寶網

住形如師子座佛号師子座光明勝照彼世

界上過佛刹塵數世界有佛國名寶莊嚴普

光明依諸華住形如日輪雲佛号廣大光明

智勝彼世界上過佛刹塵數世界有佛國名

寶莊嚴普

光明依諸華住形如日輪雲佛号廣大光明

智勝彼世界上過佛刹塵數世界有佛國名

寶莊嚴普

光明依諸華住形如日輪雲佛号廣大光明

智勝彼世界上過佛刹塵數世界有佛國名

寶莊嚴普

雜光蓮華佛号金剛光明普精進善起彼世界
上過佛刹塵數世界有佛國名無畏嚴淨
佛号平等莊嚴妙音幢王彼世界上過佛刹
塵數世界有佛國名華開淨嚴佛号愛海功
德稱王彼世界上過佛刹塵數世界有佛國
名慈持佛号淨智慧海彼世界上過佛刹塵
數世界有佛國名解脫聲佛号善相幢彼世
界上過佛刹塵數世界有佛國名勝起佛号
蓮華藏光彼世界上過佛刹塵數世界有佛
國名善住金剛不可破壞佛号那羅延不可
破壞彼世界上過佛刹塵數世界有佛國名
華林亦蓮華佛号雜寶華鬘智王彼世界上
過佛刹塵數世界有佛國名淨光勝電如來
藏佛号能起一切所願功德彼世界上有香
水海名淨光嚴起中有世界性名善住次上
復有香水海名金剛眼光明中有世界性名
法界等起次上復有香水海名蓮華平正中
有世界性名出十方化身次上復有香水海
名寶地莊嚴光明中有世界性名寶枝莊嚴
次上復有香水海名化香嚴中有世界性名
清淨化次上復有香水海名寶幢中有世界
性名佛護念次上復有世界性名衆色普光
如是次上復有世界塵數香水海及世界性
如一十方亦如是盧舍那佛常轉法輪處

爾時普賢菩薩以偈頌曰

法界不可壞 蓮華世界海 離垢廣莊嚴 安住於虛空

此世界海中 刹性難思議 善住不雜亂 各各悉自在

正正住莊嚴 依種種色住 如來世界海 佛刹相隨順

種種身音聲 一切佛自在 普見諸世界 種種業莊嚴

須彌山城網 水旋輪圓形 清淨色蓮華 彼彼悉圓遶

尸羅幢盆形 隨順轉色形 如是難思議 諸佛國土形

不思議世界 依止蓮華住 放大光明網 普照於一切

一一如來刹 放諸光明網 照一切佛國 充滿十方海

一切諸佛刹 一切境界門 一切方便入 皆悉見無量

不思議佛刹 不壞不可盡 無量淨莊嚴 大仙威神力

彼如來刹頂 不思議世界 或成或有敗 不生亦不滅

譬如諸樹林 華葉或生落 如是諸佛刹 成敗亦復然

如依種種樹 有種種果生 如是種種刹 有種種衆生

種子差別故 果實生不同 行業若干故 佛刹種種異

譬如意寶珠 隨意現衆色 除諸妄想故 悉見清淨刹

譬如空中雲 龍王力能現 如是佛願力 一切佛刹起

猶如二幻師 能現種種衆 如是衆生業 佛刹不思議

如見彩畫像 知是畫師造 如是見佛刹 心畫師所成

衆生心不同 隨起諸妄想 如是諸佛刹 一切皆如化

猶如見導師 種種無量色 隨衆生心行 見佛刹亦然

無量眞珠華 悉覆諸佛刹 色現各不同 離垢莊嚴現

彼蓮華網中 佛刹網依住 種種妙莊嚴 衆生所依處

或有佛刹地 垢穢不平正 衆生煩惱故 起如是佛刹

清淨不清淨 佛刹不可識 衆生希望起 菩薩之所持
 清淨不清淨 無量諸佛刹 業海因緣起 菩薩之所化
 或放清淨光 離垢衆寶體 種種妙莊嚴 諸佛今清淨
 一切國土中 火裁不可議 示現不清淨 而刹常堅固
 或依風輪住 或復依水輪 無量刹成敗 衆生行業故
 見無量佛刹 或成或有敗 彼亦無有成 亦復無有敗
 於一念中 無量佛刹起 諸佛所持故 國清淨離垢
 或有佛刹起 泥土不清淨 離明常闇冥 罪衆生所住
 或有泥土刹 煩惱大恐怖 樂少憂苦多 薄福之所處
 或有鐵世界 或有赤銅國 諸石山穢惡 衆生業故起
 或有泥土刹 衆生常苦惱 長冥離光明 光明海能照
 諸書生趣中 受無量種身 隨宿行業故 長受無量苦
 閻羅三界中 飢渴苦常逼 登上大火山 長受無量苦
 或有七寶刹 平正住莊嚴 清淨業力起 微妙善安隱
 彼佛刹土中 唯見人天趣 功德果成就 常受諸快樂
 一一毛孔中 不思議億刹 無量形莊嚴 種種業所起
 隨其自業起 衆生界難議 取種種相已 或受樂受苦
 或刹光無量 一切寶爲地 金剛華徧覆 離垢淨莊嚴
 或刹光明體 光明輪安住 金色栴檀香 光明雲常照
 或刹日輪體 布衆香寶衣 或一蓮華中 菩薩悉充滿
 或有無量色 離垢寶佛刹 紺寶光明網 光明網電照
 或有佛刹土 金剛華爲體 或布衆寶華 觀察甚清淨
 普賢菩薩願 所得清淨國 三世莊嚴刹 悉現於此中
 諸佛子女觀 佛世界自在 未來一切刹 悉見皆如夢

十方一切刹過去佛國海於一世界見一切刹如化
三世一切佛并一切佛土於一世界見三世佛及刹
觀微塵上刹一切佛自在無量妙莊嚴皆悉如電光
或無量佛土其形猶如海有如須彌山世界難思議
有國如珠貫依紺寶網住或依樹莊嚴一切佛充滿
或依摩尼輪或依止蓮華八隅雜莊嚴離垢種種色
或如師子座或有國如金或如衆寶形或如梵世殿
或天主月形又復形如日或如摩尼寶栴檀香莊嚴
或如旛香鬘佛世界安住或如光明輪種種色莊嚴
或壽命一劫或復壽百劫或復有壽命佛刹微塵等
或於一劫中見無量刹起無量不可數不思議刹壞
或國土無佛或國土有佛或國土一佛或有無量佛
若國土無佛他方異世界有諸化佛來示現自在教
從兜率捨壽降神處胎生降魔成正覺轉無二法輪
隨衆生所樂種種色示現一切時不壞轉清淨法輪
若衆生非器非佛令不見煩惱所障礙不見如來意
或刹極濁惡常聞熒惡音剛強麤穢聲不愛大恐怖
被地獄畜生餓鬼趣受苦是濁惡佛刹衆生憂惱海
或刹甘露音常聞柔軟聲清淨業道音普聞一切刹
或有佛刹聞釋提桓因聲梵天王妙聲諸世界主聲
光明旋音聲佛化身無盡諸菩薩音聲常聞佛刹海
或不思議刹聞轉法輪聲不可盡願聲所修行音聲
聞三世諸佛具足尊名号隨緣起佛刹音聲不可盡
諸佛子乃往久遠過世界海微塵數劫復過

是數爾時有世界海名淨光普眼中有世界
 性名勝妙音依止摩尼華網海住清淨無穢
 有須彌山塵數世界以為眷屬無量寶莊嚴
 地有三百重衆寶圍山高廣嚴淨周匝圍遶
 其世界性形如須彌山天宮莊嚴以念為食
 彼世界性中有香水海名清淨光彼香海中
 有須彌山名大猷華莊嚴幢以十種寶欄楯
 圍遶彼須彌山有林觀名寶華枝以無量華
 樓閣無量寶幢樓閣無量紺寶網種種色華
 而莊嚴之無量香雲彌覆其上十億百千城
 周匝圍遶於彼林東有一大城名曰猷光純
 香所成面千由旬七寶為郭周匝圍遶其城
 窺觀雜寶莊嚴覆以雜華及諸寶網微風吹
 動出妙音聲其城有門一萬二千建雜寶幢
 而莊嚴之十億圍林周匝圍遶城中衆生皆
 悉成就業報神足行同諸天一切所欲應念
 即至於彼林南有一天城名樹華莊嚴次有
 龍城名曰究竟次有夜叉城名金剛勝妙莊
 嚴幢次有乾闥婆城名離垢善次有阿脩羅
 城名寶輪地次有迦樓羅城名衆寶莊嚴善
 光次有緊那羅城名娛樂莊嚴次有摩睺羅
 伽城名寶金剛幢時彼林中有道場名寶
 華莊嚴其道場前有大蓮華名華猷具足縱
 廣百億由旬十億蓮華眷屬圍遶時彼世界

過百歲已有佛出世如是次第有十須彌山
塵數如來出興于世其最初佛名一切功德
本勝須彌山雲時佛處彼大蓮華上眉間白
毫放大光明名一切功德覺有十佛世界塵
數光明以爲眷屬彼光滅除一切衆生煩惱
蓋障令得淨心起功德海永離三惡八難諸
趣發菩提心諸佛子時彼燄光城中有王名
愛見善慧其王統領萬億諸城有三萬七千
夫人采女二萬五千子其第一子名功德勝
次名普莊嚴童子時彼童子見佛無量自在
功德善根因緣故即得十種三昧名曰諸佛
具足功德三昧普門方便三昧淨方便雲三
昧教化衆生三昧一切音聲充滿三昧無量
功德誠向三昧如實覺諸法三昧廣地方便
徧三昧勝解脫三昧一切智光三昧爾時普
莊嚴童子以偈頌曰

猶如十日出 虛空靡不照 離垢坐蓮華 光明亦如是
無量萬億劫 難遇之導師 出興於世間 一切見最勝
觀察佛光明 如雲難思議 一切處悉見 如對現目前
毛孔放光明 如雲不可盡 隨諸衆生音 讚佛無量德
衆生遇佛光 離苦永寂滅 悉安隱快樂 歡喜徧充滿
觀察諸菩薩 充滿十方界 放摩尼寶雲 讚歎諸敬勝
常於道場聞 深妙音聲海 滅諸衆生苦 觀佛自在力
一切興恭敬 歡喜心無量 往詣法王所 瞻仰禮供養

時彼童子說偈音聲於彼世界無不曾聞
爾時愛見善慧王聞說是偈歡喜無量以渴
頌曰

宜時普宣奉請王大臣等令知吉祥相咸速詣最勝
莊飾一切城宜令悉清淨連詣妙幢播種種寶莊嚴
設衆妙寶帳彌覆羅其上興妓樂音雲令充滿虛空
埽除諸街巷降以雜寶雨莊嚴衆寶衆當詣是最勝
各於其帳內雨種種雲雨一切莊嚴雲流行虛空中
香蓮華光雲華蓋難思議瓔珞半月雲雨衆妙寶衣
須彌山香水摩尸寶莊嚴清淨衆雜寶顯現虛空由
摩尸寶華鬘離垢衆寶鬘摩尸寶燈雲燄照停虛空
彌想皆念佛生無量歡喜妻子眷屬俱當詣見最勝
爾時愛見善慧王與七十七億那由他眷屬
俱往詣一切功德本勝須彌山雲佛所到已
頭面禮足於一面坐有無量天龍夜叉乾闥
婆阿脩羅迦樓羅緊那羅摩睺羅伽等往詣
佛所頭面禮足於一面住爾時如來教化一
切諸衆生故於彼大衆海中說經名現三世
一切諸佛集會世界塵數修多羅以爲眷屬
隨諸衆生所應解故爾時普莊嚴童子聞是
經已宿世功德因緣故得一切法具足三昧
一切法來入安住善提心三昧法界師子光
方便三昧法眼清淨三昧爾時童子以偈頌
曰

我聞最勝法 清淨慧眼開 能見一切佛 過去功德海
我見一切生 如本色具足 隨本名身業 供養一切佛
過去諸佛所 無量劫海行 我見諸佛海 清淨佛刹海
於生死海中 捨自身無量 修菩薩勝行 嚴淨佛刹海
捨無量耳鼻 頭目及手足 三身大臣身 具足修淨國
一一佛刹中 難思議億劫 修行菩薩道 今佛刹海淨
普賢菩薩願 修習諸行海 一切刹海中 今佛二清淨
如日光明淨 悉見色具足 佛智光照已 見我本修行
見無量諸佛 離垢清淨刹 成等正覺聲 悉充滿法界
如彼修清淨 具足佛刹海 一切佛神力 應修菩薩行
說是偈時 如須彌山塵數衆生 悉發無二道
心時 彼如來爲此童子 而說頌曰

善哉普莊嚴 德藏大名稱 能爲衆生故 勇猛求菩提
能發智慧光 滿一切法界 無上道德雲 嘗得智慧海
一國中修行 一刹微塵劫 當遠是智慧 如我之所得
懈怠者不能 解深方便海 精進力成就 能淨佛土界
一切微塵數 劫海修衆行 彼得淨如是 如我佛刹海
一一衆生故 無量劫苦行 不厭生死難 能爲大導師
無量無邊願 一切諸佛海 能度無上道 方便海具足
恭敬供養我 普莊嚴大力 勝須彌山佛 成汝無上道
普賢常勇猛 具足大名稱 一切法界滿 淨諸佛刹海
爾時一切功德本勝須彌山雲如來 壽五十
億歲 彼佛滅度後 有佛出世 号一切度離癡
清淨眼王如來 普莊嚴童子見是如來已 即

得念佛三昧普門海藏三昧無量智持轉法
三昧甚深法樂三昧時佛說經名一切法界
自性離垢莊嚴有世界微塵等修多羅以爲
眷屬普莊嚴童子聞是經已即得三昧名一
切法普門歡喜藏三昧入一切法方便海三
昧

大方廣佛華嚴經如來名号品第三

佛在摩竭提國寂滅道場初始得佛普光法
堂坐蓮華藏師子座上善覺智無二念了達
法性住佛所住等諸如來至無礙趣具不退
法無壞境界住不思議等達三世與十佛國
土微塵數等大菩薩俱盡一生補處悉從他
方世界來集了衆生性深入法界常善思量
世間涅槃明了業報衆生心行悉能解知諸
法義味觀察世間離世間法究竟分別爲無
爲性去來現在靡不貫達時諸菩薩咸作是
念唯願世尊哀愍我等隨所志樂示現佛刹
示佛所住示佛國莊嚴示諸佛法示佛土清
淨示佛所說法示佛刹體示佛功德勢力示
隨佛刹起示成正覺開示十方一切如來所
可分別菩薩十住十行十迴向十藏十地十
願十定十自在十頂菩薩隨喜心不斷如來
性救衆生滅煩惱知衆行解諸法離垢穢拔
衆難決疑網竭愛欲佛無上地佛境界佛住

壽佛行佛力佛無所畏佛定佛神足佛勝法
佛不動轉佛六情根佛光佛智佛無上功德
一切具足如是等事悉爲我現

爾時世尊知諸菩薩心之所念即如其像現
神通力現神力已東方過十佛刹微塵數國
有世界名金色佛号不動智有菩薩字文殊
師利與十佛土塵數菩薩來詣佛所恭敬供
養頭面禮足即於東方化作蓮華藏師子之
座結跏趺坐南方過十佛刹微塵數國有世
界名樂色佛号智火有菩薩字覺首與十佛
土塵數菩薩來詣佛所恭敬供養頭面禮足
即於南方化作蓮華藏師子之座結跏趺坐
西方過十佛刹微塵數國有世界名華色佛
号智智菩薩字財首與十佛土塵數菩薩來
詣佛所恭敬供養頭面禮足即於西方化作
蓮華藏師子之座結跏趺坐北方過十佛刹
微塵數國有世界名蒼葡萄華色佛号行智菩
薩字寶首與十佛土塵數菩薩來詣佛所恭
敬供養頭面禮足即於北方化作蓮華藏師
子之座結跏趺坐東北方過十佛刹微塵數
國有世界名青蓮華色佛号明智菩薩字德
首與十佛土塵數菩薩來詣佛所恭敬供養
頭面禮足即於東北方化作蓮華藏師子之
座結跏趺坐東南方過十佛刹微塵數國有

世界名金色佛号究竟智菩薩字目首與一
佛土塵數菩薩來詣佛所恭敬供養頭面禮
足即於東南方化作蓮華藏師子之座結跏
趺坐西南方過十佛刹微塵數國有世界名
寶色佛号上智菩薩字進首與十佛土塵數
菩薩來詣佛所恭敬供養頭面禮足即於西
南方化作蓮華藏師子之座結跏趺坐西北
方過十佛刹微塵數國有世界名金剛色佛
号自在智菩薩字法首與十佛土塵數菩薩
來詣佛所恭敬供養頭面禮足即於西北方
化作蓮華藏師子之座結跏趺坐下方過十
佛刹微塵數國有世界名琉璃色佛号梵智
菩薩字智首與十佛土塵數菩薩來詣佛所
恭敬供養頭面禮足即於下方化作蓮華藏
師子之座結跏趺坐上方過十佛刹微塵數
國有世界名如寶色佛号次怨智菩薩字賢
首與十佛土塵數菩薩來詣佛所恭敬供養
頭面禮足即於上方化作蓮華藏師子之座
結跏趺坐是時文殊師利菩薩承佛神力觀
察大衆歎曰使哉今菩薩會為未曾有諸佛
子當知佛刹不可思議佛住佛國佛法佛刹
清淨佛說法佛出世佛刹起諸佛阿耨多羅
三藐三菩提皆不可思議何以故十方諸佛
說法知彼心行隨化衆生與虛空法界等何

以故此娑婆世界中諸四天下教化一切種種身種種名處所形色長短壽命諸得諸入諸根生處業報如是種種不同衆生所見亦異何以故諸佛子此四天下佛号不同或稱悉達或稱滿月或稱師子吼或稱釋迦牟尼或稱神仙或稱盧舍那或稱瞿曇或稱大沙門或稱最勝或稱能度如是等稱佛名号其數一萬諸佛子次此東方有四天下名曰善護彼稱如來或号金剛或号尊勝或号大智或号不壞或号雲王或号無諍或号平等或号歡喜或号無比或号默然如是等稱佛名号其數一萬諸佛子次此南方有四天下名曰難養彼稱如來或名甘露灌或名善名稱或名離垢或名實論師或名調御或名樂慧或名大音或名衆祐或名無量或名勝慧如是等稱佛名号其數一萬諸佛子次此西方有四天下名曰佛慧彼稱如來或謂性慧或謂愛現或謂無上王或謂無恐怖或謂實慧或謂常化或謂知足或謂法慧或謂究竟或謂能忍如是等稱佛名号其數一萬諸佛子次此北方有四天下名師子言彼稱如來或稱大牟尼或稱苦行或稱婆伽婆或稱福田或稱一切智或稱善意或稱清淨或稱伊那婆那或稱勝踐或稱願行滿如是等稱佛名

号其數一萬諸佛子次此東北方有四天下
 名曰安寧彼稱如來或号法王或号等起或
 号寂靜或号妙天或号離欲或号勝慧或号
 等心或号無壞或号慈喜或号遠來如是等
 稱佛名号其數一萬諸佛子次此東南方有
 四天下名曰喜樂或稱如來或名蓮華或名
 慈火或名智人或名密教或名解脫或名白
 然安住或名妙行成就或名清淨眼王或名
 上勇或名精進力如是等稱佛名号其數一
 萬諸佛子次此西南方有四天下名曰堅固
 彼稱如來或稱不動或稱慧王或稱滿慧或
 稱無動慧或稱常悲或稱頂王或稱勝音或
 稱一切施或稱持仙或稱勝須彌如是等稱
 佛名号其數一萬諸佛子次此西北方有四
 天下名曰須菩提彼稱如來或号普慧或号光
 明成就或号寶勝或号應敬念或号無上義
 或号悅樂或号本性清淨或号光明滿或号
 清臂或号本善住如是等稱佛名号其數一
 萬諸佛子次此下方有四天下名曰談道彼
 謂如來或名長養善根或名師子色或名利
 智或名真金跋或名普親或名梵音或名饒
 益或名究竟來或名真天或名平等施如是
 等稱佛名号其數一萬諸佛子次此上方有
 四天下名曰持地彼謂如來或稱猛慧或稱

無量清淨或稱覺慧或稱勇首或稱妙莊嚴
或稱能發歡喜或稱意成滿或稱火光或稱
精進或稱一乘諸佛子如是持地四天下稱
佛名号其數一萬此娑婆世界有如是等百
億四天下彼稱如來亦各不同有百億萬諸
佛子此娑婆世界東次有國土名曰密訓彼
謂如來或稱平等或稱最勇或稱安慰或稱
調意或稱間慧或稱一切捨或稱自在或稱
堅固身或稱大超越或稱無比智諸佛子如
是密訓國土稱佛名号有百億萬諸佛子此
世界南次有國土名曰最勇彼謂如來或稱
自然清淨或稱意至到或稱能仁或稱解脫
三或稱智慧王或稱明行足或稱善誓或稱
能寂滅或稱大慈或稱大悲如是等稱佛名
号有百億萬諸佛子此世界西次有國土名
曰離垢彼謂如來或稱具足直心或稱分別
道或稱善持或稱解脫眾亂或稱論師或稱
分別眾寶或稱無上現或稱來化或稱一切
苦行或稱具足力如是等稱佛名号有百億
萬諸佛子此世界北次有國土名寶境界彼
謂如來或稱蒼黃華色或稱日藏或稱依精
進住或稱等起住壽或稱超寶或稱慧日或
稱無障礙或稱月出或稱慧火勢或稱清淨
身如是等稱佛名号有百億萬諸佛子此世

界東北次有國土名曰訶尼彼稱如來或号
離苦或号一切解脫或号因緣具足或号解
脫智慧或号過去藏或号寶光或号離世間
或号至離身地或号端嚴藏或号離瞋恚心
如是等稱佛名号有百億萬諸佛于此世界
東南次有國土名曰饒益彼稱如來或号因
緣或号盡智或号美音或号根勝或号莊嚴
蓋或号淨根或号殊特或号分別到彼岸或
号勝定或号慈父或号智海如是等稱佛名
号有百億萬諸佛于此世界西南次有國土
名曰鮮少彼稱如來或号牟尼主或号樂寶
或号不二觀或号知智或号謙意或号有緣
見或号根主或号天人師或号建業或号金
剛華如是等稱佛名号有百億萬諸佛于此
世界西北次有國土名曰知足彼稱如來或
号華聚或号栴檀蓋或号蓮華藏或号超越
諸法或号法顯或号次起或号善淨蓋或号
離垢善眼或号善言或号專念法或号五法
藏如是等稱佛名号有百億萬諸佛于此世
界下次有國土名離搏食彼稱如來或号眞
珠燄或号普化或号法命主或号無爲或号
覺根或号離塵或号風無礙或号欣施或号
分別道或号建幢如是等稱佛名号有百億
萬諸佛于此世界上次有國土名解脫音彼

稱如來或号猛幢或号無量寶或号樂大施
或号天光或号吉祥興或号離死地或号最
勝或号不退輪或号離非法或号修一切智
諸佛于此解脫音世界稱佛名号有百億萬
如娑婆國土及十世界如是東方百千億不
可量不可數不可思議不可稱無等無邊無
分齊不可說虛空法界等世界中衆生稱佛
名号各各不同南西北方四維上下亦復如
是是皆如來爲菩薩時有因緣者爲度此故
種種方便口業音聲行業果報法門權道諸
根所樂令諸衆生知如來法
大方廣佛華嚴經四諦品第四之一

爾時文殊師利告衆菩薩言佛子所說苦諦
者於此娑婆世界或言害或言逼迫或言變
異或言境界或言聚或言剽或言依根或言
不實或言難或言童蒙行所說苦集諦者或
言火或言能壞或言受義或言覺或言方便
或言決定或言網或言念或言順衆生或言
顛倒根所說苦滅諦者或言無障礙或言離
垢淨或言寂靜或言無相或言不死或言無
所有或言因緣斷或言滅或言真實或言自
然住所說苦滅道諦者或言一乘或言趣寂
靜或言引導或言究竟希望或言常不離或
言能捨擔或言至非趣或言聖人隨行或言

仙人行或言十藏諸佛子此娑婆世界如
是等四諦名字有四十億百千那由他隨諸
衆生所應調伏作如是說諸佛子如娑婆世
界所稱苦諦於密訓世界或名求根或名不
可出或名不縛根或名作不應作或名一切
不實或名分別羸或名處所成就或名第一
害或名動或名身事所名苦集諦者或名受
或名枝或名燒或名堅固或名壞根或名相
續或名害行或名喜忘或名生元或名分所
名苦滅諦者或名正義或名堅固或名讚歎
或名安隱或名善趣或名調伏或名一道或
名離煩惱或名不亂或名究竟所名苦滅道
諦者或名猛將或名不沒或名超出或名勤
方便或名普眼或名離邊或名覺悟或名得
妙或名無上目或名觀方諸佛子彼密訓世
界如是等四諦名字有四十億百千那由他
隨諸衆生所應調伏作如是說諸佛子如娑
婆世界所名苦諦於最勇世界或名恐怖或
名福斷或名應訶責或名常給或名鹿躍或
名常怨或名離勝或名奪利或名難共事或
名虛妄或名勢力所名苦集諦者或名因緣
或名癡元或名怨林或名刃枝或名滅味或
名仇對或名味著或名導引或名增聞或名
害利所名苦滅諦者或名大義或名饒益分

或名義中義或名無量或名見或名虛妄斷
或名最勝或名常或名住或名無爲所名苦
滅道諦者或名滅火或名勝枝或名定分別
或名不退或名深方便或名出或名最上或
名至非趣或名解脫或名能令解脫諸佛子
彼最勇世界如是等四諦名有四十億百千
那由他隨諸衆生所應調伏作如是說諸佛
子如娑婆世界所說苦諦於離垢世界或名
悔恨或名資待或名分別或名輪迴或名前
行或名一味或名非法或名現前地或名最
邪或名邪見或名不可忍所名苦集諦者或
名虛器或名分或名甘忍或名生地或名取
或名棄或名增或名擔或名能生或名堅縛
所名苦滅諦者或名等等或名空或名無垢
或名勝根或名勝等或名無作或名滅使或
名最上或名畢竟或名破印所名苦滅道諦
者或名眞堅固或名方便分別或名義根或
名眞性或名離愛或名勝淨或名有邊或名
寄全或名究竟或名淨虛妄諸佛子離垢世
界如是等四諦名有四十億百千那由他隨
諸衆生所應調伏作如是說諸佛子如娑婆
世界所說苦諦於眞實境世界或名愛欲或
名險根或名海分或名邪方便或名分別根
或名流轉或名生滅或名障礙或名倒根或

名有數所名苦集諦者或名愛或名陷溺或
名不可盡或名分或名不正趣或名津梁或
名事或名障礙或名器或名動所名苦滅諦
者或名相續斷或名解散或名無名或名不
作或名不現或名無作或名無色或名無燒
或名明或名淨所名苦滅道諦者或名寂行
或名正行或名修證或名安隱道或名無量
壽或名修究竟或名常道或名難得或名彼
岸或名無敵諸佛子真實境界如是等四
諦名有四十億百千那由他隨諸衆生所應
調伏作如是說諸佛子如娑婆世界所名苦
諦者於訶尼世界或名掠取或名非善友或
名戰怖或名多言或名真地獄或名非法調
伏或名重擔或名壞根或名虛妄或名虛妄
根所名苦集諦者或名貪或名作或名惡或
名生或名絞縛或名想或名有果或名不愛
或名不應說或名迴轉所名苦滅諦者或名
不轉或名解脫或名無作或名離愛或名堅
固或名真實或名離癡或名寂滅或名賢聖
或名離怨敵所名苦滅道諦者或名正語或
名無諍或名教導或名迴向心或名廣妙或
名分別方便或名有數或名趣寂靜或名勝
智或名善解義諸佛子訶尼世界如是等四
諦名有四十億百千那由他隨諸衆生所應

調伏作如是說諸佛了如娑婆世界所言苦
諦者於饒益世界或名重擔或名危脆或名
賊等或名生死或名非歡喜或名流轉或名
疲勞或名醜貌或名能生或名利刃所言苦
集諦者或名流散或名擾亂或名煩惱或名
羸劣或名標輪或名乖違或名非解脫或名
所作或名取或名虛妄所言苦滅諦者或名
離獄或名真實或名離諸難或名覆護或名
善因或名隨至或名根或名離枝或名無爲
或名無次第所言苦滅道諦者或名達無所
有或名一切因或名善本或名明至或名不
轉法或名有盡或名人道或名能調伏或名
安隱或名非流轉

大方廣佛華嚴經卷第四

盆形	上音盆切	垢穢	下於廢切	薄福	上音各切
鐵世	上世能切	飢渴	上居夷切	常遍	下彼側切
廣廣	上音廣切	爲郭	下古博切	繁觀	上落蘭切
埽除	上音到切	街巷	上佳音切	凝照	上無陵切
瞞想	上之欲切	蒼蒼	上職廉切	玻瓈	上德水切
瞿曇	上其俱切	默然	上墨音切	脩臂	上息來切
安慰	下衣胃切	鮮少	上息來切	逼迫	上彼則切

言癰

下於容切

捨擔

下都耽切

訶責

上虎何切

虞盟

下色立切

仇對

上家肯切

陷溺

下火歷切

掠取

上力緣切

戰怖

上之膳切

絞縛

下古巧切

危脆

下徒緩切

賊等

上昨刑切

醜貌

下昌九切

擾亂

上而活切

羸劣

上力羸切

漂淪

下力連切

甲辰歲高麗國大蘇都監奉

勅彫造

大方廣佛華嚴經卷第五

湯

東晉天竺三藏佛跋跋陀羅

譯

四諦品第四之二

諸佛子。饒益世界如是等四諦名。有四十億百千那由他。隨諸衆生所應調伏。作如是說。諸佛子。如娑婆世界所言苦諦者。於鮮少世界。或名惡逆心。或名不長慧。或名邪念。或名流轉。或名無慙愧。或名貪根。或名熾然。或名刺棘。或名火山。或名憂惱。所言苦集諦者。或名廣地。或名來起。或名遠智。或名衆惱。或名惡緣。或名放逸。或名大失。或名著處。或名無主。或名相續。所言苦滅諦者。或名具足滿。或名甘露。或名非我所。或名無主。或名虛妄斷。或名安樂住。或名無量。或名斷滅。或名非趣。或名不二。所名苦滅道諦者。或名光明。或名堅實。或名知深義。或名正業。或名非生滅。或名非相續。或名淨導。或名正趣。或名淨方便。有四十億百千那由他。隨諸衆生所應調伏。作如是說。諸佛子。如娑婆世界所言苦諦者。於知足世界。或名流轉。或名失利。或名染汙。障。或名重擔。或名惡形。或名內惡。或名非專到。或名害處。或名苦惱。所言苦集諦者。或名能持。或名方便。或名過時。或名非實法。或名

無底或名攝受或名離戒或名煩惱法或名
無量見或名惡聚所言苦滅諦者或名壞身
或名不放逸或名真實或名等等或名清淨
或名離生或名離曲或名無相或名具足或
名功德聚或名順義或名廣方便或名虛妄
盡或名住壽道或名可稱數或名正念或名
常道或名解脫諸佛子知足世界如是等四
諸名有四十億百千那由他隨諸衆生所應
調伏作如是說諸佛子如娑婆世界所名苦
諦者於所求世界或名害或名坏瓶或名我
所或名身趣或名流轉或名衰主或名苦或
名輕飄或名無味或名來去所名苦集諦者
或名行或名積毒或名惡行或名受枝或名
不起疾或名雜毒或名虛稱或名離勝或名
熾然或名驚駭所名苦滅諦者或名非聚或
名非處或名妙藥或名不可壞或名不沒或
名不可量或名大或名覺枝或名離深或名
障礙所名苦滅道諦者或名勝行或名離欲
或名諦究竟或名入深義或名實究竟或名
淨現或名持念或名離障或名救濟或名勝
技諸佛子所求世界如是等四諦名有四十
億百千那由他隨諸衆生所應調伏作如是
說諸佛子如娑婆世界所名苦諦者於解脫

音世界或名匿疵或名衆生或名依枝或名
壞勝或名障礙或名駛流或名遠或名藏或
名受或名苦枝所名苦集諦者或名過調伏
或名心趣或名能縛或名常念或名彼邊或
名離修或名虛妄或名門或名輕飄或名隱
覆所言苦滅諦者或名非處或名無上勝或
名不還或名滅諍或名小或名無害或名善
住或名無盡或名廣或名無價等所言苦滅
道諦者或名自見令見或名摧敵或名分別
印或名入相或名難得或名無量義或名能
起明或名和合道或名向不動或名勝義諸
佛子解脫音世界如是等四諦名有四十億
百千那由他隨諸衆生所應調伏作如是說
諸佛子如此娑婆世界及十方佛刹說四諦
名如是東方百千億不可量不可數不可思
議不可稱無等無邊無分齊不可說虛空法
界等一切世界中說四諦名各有四十億百
千那由他隨諸衆生所應調伏作如是說南
西北方四維上下亦復如是

大方廣佛華嚴經如來光明覺品第五
爾時世尊從兩足相輪放百億光明徧照三
千大千世界百億閻浮提百億弗婆提百億
拘伽尼百億鬱單越百億大海百億金剛圍
山百億菩薩生百億菩薩出家百億佛始成

正覺百億如來轉法輪百億如來般泥洹百
 億須彌山王百億四天王天百億三十三天
 百億時天百億兜率陀天百億化樂天百億
 他化樂天百億梵天百億光音天百億徧淨
 天百億果實天百億色究竟天此世界所有
 一切悉現如此見佛坐蓮華藏師子座上有
 十佛世界塵數菩薩眷屬圍遶百億閻浮提
 亦復如是以佛神力故百億閻浮提皆見十
 方各有一大菩薩各與十世界塵數菩薩眷
 屬俱來詣佛所謂文殊師利菩薩覺首菩
 薩財首菩薩寶首菩薩德首菩薩目首菩薩
 精進首菩薩法首菩薩智首菩薩賢首菩薩
 是諸菩薩所從來國金色世界樂色華色蔭
 翳華色青蓮華色金色寶色金剛色玻璃色
 如實色世界各於本國佛所謂不動智佛
 智慧火佛淨智佛具威儀智佛明星智佛究
 竟智佛無上智佛自在智佛梵天智佛伏怨
 智佛所淨修梵行爾時文殊師利以偈頌曰
 若有知正覺解脫離諸漏不著一切世彼非淨道眼
 若有知如來觀察無所有知法散滅相彼人疾作佛
 能見此世界一切處無著如來身亦然是人疾成佛
 若於佛法中其心隨平等入不二法門彼人難思議
 若見我及佛安住平等相彼住無所住遠離一切有
 色受無有數想行識亦然能如是知者彼是大牟尼

見者無所有 所見法亦無 明了一切法 彼能照世間
一念見諸佛 出現于世間 而實無所起 彼人大名稱
無我無衆生 亦無有敗壞 若轉如是相 彼則無上人
一中解無量 無量中解一 展轉生非實 智者無所畏
如此處文殊師利說偈一切處亦復如是爾
時光明過此世界徧照東方十佛國土南西
北方四維上下亦復如是彼一一世界中百
億閻浮提乃至百億色究竟天世界所有一
切悉現如此見佛坐蓮華藏師子座上有十
佛世界塵數菩薩眷屬圍遶彼一一世界中
百億閻浮提亦復如是佛神力故皆見十方
各有一大菩薩各與十世界塵數菩薩眷屬
俱來詣佛所謂文殊師利乃至賢首等是
諸菩薩所從來國金色世界乃至如實色世
界各於本國不動智佛乃至伏怨智佛所淨
修梵行爾時一切處文殊師利以偈頌曰
見衆生苦逼 癡覆愛欲刺 常求無上道 諸佛法如是
離斷常二邊 見法實不轉 昔所未曾轉 轉此無上輪
不可思議劫 被弘誓德鎧 爲度生死故 大聖法如是
導師降衆魔 勇健莫能勝 愛語離衆怖 無上慈悲法
內得甚深智 能害諸煩惱 一念見一切 彼自在示現
能擊正法鼓 聲震十方國 今得無上道 自覺法如是
不壞無量境 能遊無數刹 不取一切有 彼自在如佛
無比歡喜念 諸佛常清淨 虛空等如來 彼是具足願

一一衆生故阿鼻地獄中無量劫燒煮心淨如最勝
不惜身壽命常護諸佛法具足行忍辱彼得如來法
爾時光明過十世界徧照東方百世界乃至
上方亦復如是彼一一世界中百億閻浮提
乃至百億色究竟天世界所有一切悉現如
此見佛坐蓮華藏師子座上有十佛世界塵
數菩薩眷屬圍遶彼一一世界中百億閻浮
提亦復如是佛神力故皆見十方各有一大
菩薩各與十世界塵數菩薩眷屬俱來詣佛
所所謂文殊師利乃至賢首等是諸菩薩所
從來國金色世界乃至如寶色世界各於本
國不動智佛乃至伏怨智佛所淨修梵行爾
時一切處文殊師利以偈頌曰

如來覺諸法如幻如虛空心淨無障礙調伏羣生類
或見初生時妙色如金山住是最後身照明如滿月
或見經行時攝無量功德念慧善具足明行人師子
或見明淨眼觀察照十方或時見戲笑衆生樂欲故
或見師子吼清淨無比身示現末後生所說無非實
或見出家時解脫一切縛修習諸佛行常樂觀寂滅
或見坐道場善覺一切法度諸功德岸癡闇煩惱滅
或見天人尊具足大悲心或見轉法輪度脫諸羣生
或見無畏吼儀容甚微妙調伏一切世神力無障礙
或見寂靜心世間燈永滅或見十力尊顯現自在法
爾時光明過百世界徧照東方千世界乃至

上方亦復如是彼一一世界中百億閻浮提
乃至百億色究竟天世界所有一切悉現如
此見佛坐蓮華藏師子座上有十佛世界塵
數菩薩眷屬圍遶彼一一世界中百億閻浮
提亦復如是佛神力故皆見十方各有一大
菩薩各與十世界塵數菩薩眷屬俱來詣佛
所所謂文殊師利乃至賢首等是諸菩薩所
從來國金色世界乃至如實色世界各於本
國不數智佛乃至伏怨智佛所淨修梵行爾
時一切處文殊師利以偈頌曰

善逝法甚深 無相亦無有 衆生顛倒故 次第現一切
無有我我所 彼境界空寂 善逝身清淨 自覺離諸塵
等覺明解脫 無量不可數 無邊世界中 因緣和合起
無諸陰界入 永離生死苦 不在世間數 故号人師子
內外俱解脫 本來常自空 一切離虛妄 諸佛法如是
離愛諸煩惱 長流永不轉 正覺解諸法 度無量衆生
一念不二相 樂觀寂滅法 其心無所著 佛自在無量
善知因緣法 業報及衆生 最勝無礙智 甚深難思議
普見十方界 嚴淨諸佛刹 如來離虛妄 度脫無量衆
佛智如鍊金 一切有非有 隨其所應化 為說清淨法
爾時光明過十世界徧照東方萬世界乃至
上方亦復如是彼一一世界中百億閻浮提
乃至百億色究竟天世界所有一切悉現如
此見佛坐蓮華藏師子座上有十佛世界塵

數菩薩眷屬圍遶彼一一世界中百億閻浮提亦復如是佛神力故皆見十方各有一大菩薩各與十世界塵數菩薩眷屬俱來詣佛所謂文殊師利乃至賢首等是諸菩薩所從來國金色世界乃至如寶色世界各於本國不動智佛乃至伏怨智佛所淨修梵行爾時一切處文殊師利以偈頌曰

離諸人天樂 常行大慈心 救護諸羣生 是彼淨妙業
一向信如來 其心不退轉 不捨念諸佛 是彼淨妙業
永離生死海 不退佛法流 善住清涼慧 是彼淨妙業
身四威儀中 觀佛深功德 晝夜常不斷 是彼淨妙業
知三世無量 不生懈怠心 常求佛功德 是彼淨妙業
觀身如實相 一切皆寂滅 離我非我著 是彼淨妙業
觀察衆生心 遠離虛妄想 成就實境界 是彼淨妙業
能稱無量土 悉飲一切海 成就神通智 是彼淨妙業
計數諸佛國 色相非色相 一切盡無餘 是彼淨妙業
無量佛土塵 一塵爲一佛 悉能知其數 是彼淨妙業
爾時光明過萬世界 徧照東方十萬世界 乃至上方亦復如是 彼一一世界中百億閻浮提乃至百億色究竟天 世界所有一切悉現如此 見佛坐蓮華藏師子座 上有十佛世界塵數菩薩眷屬 圍遶彼一一世界中百億閻浮提亦復如是 佛神力故皆見十方各有一大菩薩各與十世界塵數菩薩眷屬俱來詣

佛所所謂文殊師利乃至賢首等是諸菩薩
所從來國金色世界乃至如實色世界各於
本國不動智佛乃至伏怨智佛所淨修梵行
爾時一切處文殊師利以偈頌曰

若以色性大神力 而欲望見調御士
是則瞽目顛倒見 彼爲不識最勝法
如來身色形相處 一切世間莫能觀
億那由劫欲思量 妙色威神不可極
非以相好爲如來 無相離相寂滅法
一切具足妙境界 隨其所應悉能現
諸佛正法不可量 無能分別說其相
諸佛正法無合散 其性本來常寂滅
不以陰數爲如來 遠離取相真實觀
得自在力決定見 言語道斷行處滅
等觀身心無異相 一切內外悉解脫
無量億劫不二念 善逝深遠無所著

晉放妙光明 徧照世境界 淨眼一切智 自在深廣義
一能爲無量 無量能爲一 知諸衆生性 隨順一切處
身無所從來 去亦無所至 虛妄非真實 現有種種身
一切諸世間 皆從妄想生 是諸妄想法 其性未曾有
如是真實相 唯佛能究竟 若能如是知 是則見導師
爾時光明過十萬世界徧照東方百萬世界
乃至上方亦復如是彼一一世界中百億閻
浮提乃至百億色究竟天世界所有一切悉

現如此見佛坐蓮華藏師子座上有十佛世
界塵數菩薩眷屬圍遶彼一一世界中百億
閻浮提亦復如是佛神力故皆見十方各有
一大菩薩各與十世界塵數菩薩眷屬俱來
詣佛所所謂文殊師利乃至賢首等是諸菩
薩所從來國金色世界乃至如寶色世界各
於本國不動智佛乃至伏怨智佛所淨修梵
行爾時一切處文殊師利以偈頌曰

景勝自覺超世間
大仙化度一切有
其心無染無處所
永處吉祥無能毀
從本淨明滅衆冥
寂然不動離邊想
欲入善逝深法海
解了諸法真實性
一切世界如來境
於法自性無所轉
燒了諸法無疑惑
不生差別種種念
諦了分別諸法時
隨順諸佛真實教
衆多法中無一相
若能如是了諸法
無依殊特莫能勝
具足淨妙諸功德
常住無想亦無依
威德尊重大導師
永離諸染無塵穢
是名善入如來智
遠離身心虛妄想
永不隨順妄惑心
悉能爲轉正法輪
無上道師方便說
有無妄想永已離
正意思惟佛菩提
無有自性假名說
法非一相亦不多
於一法中亦無多
是知諸佛無量德

觀察諸法及衆生

國土世間悉寂滅

心無所依不妄想

是名正念佛菩提

衆生諸法及國土

分別了知無差別

善能觀察如自性

是則了知佛法義

爾時光明過百萬世界徧照東方一億世界
乃至上方亦復如是彼一一世界中百億閻
浮提乃至百億色究竟天世界所有一切悉
現如此見佛坐蓮華藏師子座上有十佛卅
界塵數菩薩眷屬圍遶彼一一世界中百億
閻浮提亦復如是佛神力故皆見十方各有
一大菩薩各與十世界塵數菩薩眷屬俱來
詣佛所謂文殊師利乃至賢首等是諸菩
薩所從來國金色世界乃至如寶色世界各
於本國不動智佛乃至伏怨智佛所淨修梵
行爾時一切處文殊師利以偈頌曰

大智無有量妙法無倫匹究竟能度彼生死大海岸
壽命無終極永已離熾然彼成大功德是則方便力
於諸佛深法隨覺如自性常觀三世法不生止足想
了達所緣境未曾起妄想彼樂不思議是則方便力
常樂觀衆生而無衆生想示現有身趣永離諸趣想
內常樂禪寂而無繫心想彼心無所著是則方便力
方便喜觀察諦了諸法相專念正思惟常行涅槃性
樂於解脫道具足平等慧彼住寂滅法是則方便力
隨順調御士最勝佛菩提攝取一切智廣大如法性

善入真實諦教化諸羣生 彼成最勝意是則方便力
 佛說深法義 悉能隨順知 入深廣智慧 滅除諸障礙
 一切至處道 是處悉能到 行是自覺道 是則方便力
 心猶虛空界 亦如變化法 一切所依性 是相則非相
 行於涅槃性 猶若虛空相 能到深妙境 是則方便力
 常記念晝夜 晦朔日月數 年歲時劫分 亦隨觀察知
 一切諸世界 始終成敗相 悉能諦了知 是則方便力
 一切羣萌類 隨業受生死 有色及無色 有想亦非想
 彼彼姓名号 所趣諦了知 得此不思議 是則方便力
 一切過去世 未來現在法 隨順佛所說 善念諦觀察
 覺三世平等 如其真實相 是諸深妙道 無比方便力
 爾時光明過一億世界 徧照東方十億世界
 乃至上方亦復如是 彼一一世界中百億閻
 浮提乃至百億色究竟天世界 所有一切悉
 現如此 見佛坐蓮華藏師子座上有十佛世
 界塵數菩薩眷屬圍遶 彼一一世界中百億
 閻浮提亦復如是 佛神力故 皆見十方各有
 一大菩薩各與十世界塵數菩薩眷屬俱來
 詣佛所 所謂文殊師利乃至賢首等 是諸菩
 薩所從來國金色世界乃至如寶色世界各
 於本國不動智佛乃至伏怨智佛所 淨修梵
 行 爾時一切處文殊師利以偈頌曰
 受持難行法 堅固不退轉 日夜常精進 未曾起疲厭
 已度難度海 大音師子吼 一切衆生類 我今悉當度

漂浪生死流 沈淪愛欲海 癡惑結重網 昏冥大怖畏
離慢堅固土 是能悉除斷 超勇成世雄 是則佛境界
世間諸放逸 長迷醉五欲 非實興妄想 永爲大苦障
勤修不放逸 奉行諸佛法 大誓能度彼 是則佛境界
慧者滅本際 無量難見劫 衆生依吾我 無窮生死轉
令人救滅法 奉行最勝教 誓宣此妙法 是則佛境界
見彼苦衆生 孤惻無救護 永淪諸惡趣 三毒恒熾然
無聞無救起 晝夜常火焚 誓度斯等苦 是則佛境界
迷惑失正路 習行諸邪徑 見彼羣生類 長處大闇冥
義現智慧燈 今見諸佛法 誓能爲照明 是則佛境界
一切三有海 深廣無涯底 見彼羣生類 漂溺莫能濟
爲彼勸方便 興造正法船 普拯所應度 是則佛境界
無有本實見 常依無明住 沈沒生死淵 愚癡心迷亂
慧者見斯苦 爲之設法橋 大悲演說法 是則佛境界
見彼生死獄 楚毒難可量 長夜老病死 三苦競侵逼
自覺深妙法 專修方便慧 誓度斯等苦 是則佛境界
聞佛甚深法 信心無疑惑 周滿十方刹 普行諸法界
觀察空寂法 其心無恐怖 現同一切身 是則天人師
爾時光明過十億世界徧照東方百億世界
十億世界百十億世界億那由他世界百億
那由他世界十億那由他百千億那由他不
可量不可數不可思議不可稱無等無邊無
分齊不可說虛空法界等一切世界乃至上
方亦復如是彼一一世界中百億閻浮提乃

至百億色究竟天世界所有一切悉現如此
見佛坐蓮華藏師子座上有十佛世界塵數
菩薩眷屬圍遶彼一一世界中百億閻浮提
亦復如是佛神力故皆見十方各有一大菩
薩各與十世界塵數菩薩眷屬俱來詣佛所
所謂文殊師利乃至賢首等是諸菩薩所從
來國金色世界乃至如寶色世界各於本國
不動智佛乃至伏怨智佛所淨修梵行爾時
一切處文殊師利以偈頌曰

無量無數劫 一念悉觀察 無來亦無去 現在亦不住
一切生滅法 悉知真實相 超度方便岸 具足十種力
無等大名稱 普徧十方刹 永離生死難 究竟一切法
皆悉能徧至 一切諸世界 具足能敷演 清淨微妙法
普爲衆生類 正心奉諸佛 是故獲直心 真實淨依果
隨順分別知 了達如如相 得佛自在力 十方靡不現
從始供養佛 樂行忍辱法 能入深禪定 觀察真實義
悉令一切衆 歡喜向如來 菩薩行是法 速達無上道
能問十方佛 其心常湛然 信佛不退轉 威儀悉具足
一切有無法 了達非有無 如是正觀察 能見真實佛
無量淨樂心 境界滿十方 一切國土中 能說真實義
滅除衆垢難 安住平等法 若能如是化 斯人等如來
聞佛妙音聲 速得無上法 常轉淨法輪 甚深難知見
最勝所說法 具足七覺義 如是無上觀 常見諸佛身
不見如來空 寂滅猶幻化 雖見無所見 如盲對五色

虛妄取相者是人不見佛一切無所著乃見真如來
衆生種種業難可分別知十方内外身種種無量色
佛身亦如是一切滿十方難知能知者彼是大導師
譬如無量利依止虛空住不從十方來去亦無所至
世界若成敗本來無所依佛身亦如是充滿虛空界
大方廣佛華嚴經菩薩明難品第六

爾時文殊師利菩薩問覺首菩薩言佛子心
性是一云何能生種種果報或至善趣或至
惡趣或具諸根或不具者或生善處或生惡
處端正醜陋苦樂不同業不知心心不知業
受不知報報不知受心不知受受不知心因
不知緣緣不知因智不知法法不知智爾時
覺首菩薩以偈答曰

為化衆生故乃能問斯義諸法如實性我說仁諦聽
諸法不自在求實不可得是故一切法二俱不相知
譬如駛水流流流無絕已二俱不相知諸法亦如是
亦如明燈燄燄燄不暫停二俱不相知諸法亦如是
亦如長風起鼓拂生動勢二俱不相知諸法亦如是
亦如深廣地展轉相依住二俱不相知諸法亦如是
眼可尊舌身心意諸情根因此轉衆苦而實無所轉
法性無所轉示現故有轉於彼無示現示現無所有
眼耳鼻舌身心意諸情根其性悉空寂虛妄無真實
觀察正思惟有者無所有彼見不顛倒法眼清淨故
虛妄非虛妄若實若不實世間出世間但有假言說

爾時文殊師利菩薩問財首菩薩言佛子一切衆生非衆生如來云何隨衆生時隨命隨身隨行隨欲樂隨願隨意隨方便隨思惟隨籌量隨衆生見而教化之爾時財首菩薩以偈答曰

明智心境界 常樂寂滅行 我今如實說 仁者善諦聽
分別觀內身 我身何所有 若能如是觀 彼達我有無
觀身一切分 無所依止住 諦了是身者 於身無所著
能解身如實 明達一切法 知法悉虛妄 其心無所餘
身命相隨順 展轉更相因 猶如旋火輪 前後不可知
智者能觀察 一切有無常 諸法空無我 則離一切相
因緣所起業 無我猶如夢 果報性寂滅 前後無異相
一切世間法 唯以心為主 隨樂取相者 皆悉是顛倒
世間所有法 一切悉虛妄 不能解諸法 真實無有二
一切生滅法 皆悉從緣起 念念速歸滅 始終無異相
爾時文殊師利問寶首菩薩言佛子一切衆生四大悉非我非我所云何衆生或受苦受樂或作惡作善或內端正或外端正或受少報或受多報或有現報或有後報然諸法性無善無惡爾時寶首菩薩以偈答言

隨所行諸業 受果報亦然 造者無所有 諸佛如是說
猶如明淨鏡 隨其面像現 內外無所有 業性亦如是
亦如田種子 各各不相知 自然能作因 業性亦如是
亦如大幻師 在彼四衢道 示現種種色 業性亦如是

如匠造木人 能出種種聲 彼無我非我 業性亦如是
亦如衆鳥類 出聲音不同 能作種種聲 業性亦如是
如親因緣會 受生無來者 諸根各別異 業性亦如是
如大地獄中 衆生受苦惱 苦惱無來處 業性亦如是
亦如轉輪王 成就勝七寶 彼無所從來 業性亦如是
亦如諸世界 有成或有敗 成敗無來去 業性亦如是
爾時文殊師利問德首菩薩言佛子如來唯
覺一法云何乃說無量諸法音聲徧滿無量
世界悉能教化無量衆生出無量聲現無量
身了知無量衆生心意示現無量神足自在
示現無量無邊世界示現無量殊勝莊嚴示
現無量種種境界而法性分別實不可得爾
時德首菩薩以偈答曰

佛子乃能問 甚深微妙義 智者若知此 常樂求功德
猶如地性一 能持種種物 不分別一異 諸佛法如是
猶如火性一 能燒世間物 火性無分別 諸佛法如是
猶如大海水 注以百川流 其味無別異 諸佛法如是
猶如風性一 吹動一切物 風性無分別 諸佛法如是
猶如龍雷震 普雨一切地 雨沛無分別 諸佛法如是
猶如大地一 能生種種芽 地性無別異 諸佛法如是
猶如日無雲障 普能照十方 光明無異性 諸佛法如是
猶如空中月 世間靡不見 非至一切處 諸佛法如是
猶如大梵王 普應現大千 其身無別異 諸佛法如是
爾時文殊師利問目首菩薩言佛子如來福

田等一無異云何布施果報不同有種種色
種種性種種家種種根種種財種種奇特種
種眷屬種種自在種種功德種種慧如來平
等無有怨親爾時目首菩薩以偈答曰

譬如大地一 能生種種芽 於彼無怨親 佛福田亦然
譬如水一味 因器故不同 諸佛福田一 衆生故有異
譬如大幻師 能令衆歡喜 諸佛聖福田 隨願令欣悅
譬如辯才王 能令衆歡喜 諸佛聖福田 令衆生悅樂
譬如明淨鏡 隨對現衆像 諸佛聖福田 衆生故有異
譬如大藥王 消滅一切毒 諸佛聖福田 能滅煩惱患
譬如日出時 能除一切闇 諸佛聖福田 普照十方界
譬如海滿月 普照四天下 諸佛聖福田 平等無偏黨
譬如毗嵐風 震動一切地 諸佛聖福田 能動三界有
譬如火劫起 天地靡不燒 諸佛聖福田 能燒一切有
爾時文殊師利問進首菩薩言佛子衆生爲
見如來教斷諸煩惱耶爲知色受想行識欲
界色界無色界癡愛斷諸煩惱耶若知色受
想行識欲界色界無色界癡愛斷諸煩惱者
如來教法何所增損爾時進首菩薩以偈答
曰

佛子善諦聽 我說如實義 或有速出要 或有難解脫
若欲求除滅 無量諸過惡 應當一切時 勇猛大精進
譬如微小火 糠塵則能滅 於佛教法中 懈怠者亦然
譬如人鑽火 未出數休息 火勢隨止滅 懈怠者亦然

譬如淨火珠 離緣而求火 畢竟不可得 懈怠者亦然

譬如明淨日 閉目求見色 於佛教法中 懈怠者亦然

譬如無手足 欲射過大地 永不從彼意 懈怠者亦然

譬如大海水 一毛席求盡 於佛教法中 懈怠者亦然

譬如火劫起 欲以少水滅 於佛教法中 懈怠者亦然

譬如見虛空 便言我身滿 於佛教法中 懈怠者亦然

爾時文殊師利問法首菩薩言佛子如佛所

說聞受法者能斷煩惱云何衆生等聞正法

而不能斷隨煩惱癡隨慢隨愛隨念隨慳嫉

隨慢隨諂曲是諸垢法悉不離心心無所行

能斷結使爾時法首菩薩以偈答曰

佛子善諦聽 所問如實義 非但積多聞 能入如來法

譬如水所漂 懼溺而渴死 不能如說行 多聞亦如是

譬如大惠施 種種諸有賄 不食自餓死 多聞亦如是

譬如良醫 具知諸方藥 自疾不能救 多聞亦如是

譬如貧人 日夜數他寶 自無半錢分 多聞亦如是

譬如諸王子 應受無極樂 業障故貧苦 多聞亦如是

譬如聾聵人 善奏諸音聲 悅彼不自聞 多聞亦如是

譬如盲瞽人 本習故能畫 示彼不自見 多聞亦如是

譬如海導師 能度無量衆 拯拔不自濟 多聞亦如是

譬如觀大眾 善說勝妙事 內自無實德 多聞亦如是

爾時文殊師利問智首菩薩言佛子於佛法

中智慧爲首如來何故或爲衆生讚歎檀波

羅蜜尸波羅蜜羼提波羅蜜毗梨耶波羅蜜

禪波羅蜜般若波羅蜜慈悲喜捨此一一法皆不能得無上菩提爾時智首菩薩以偈答

曰

難知而能知 隨順衆生心 佛子所問義 諦聽我今說
過去未來世 現在諸導師 未曾以一法 得成無上道
如來知衆生 本性所修習 善順應度者 爲說淨妙法
慳者讚布施 毀禁讚持戒 瞋患讚忍辱 懈怠讚精進
亂意讚禪定 愚癡讚智慧 不仁讚慈愍 怨害讚大悲
憂戚爲讚喜 憎愛爲讚捨 如是修習者 漸解一切法
譬如造宮室 起基令堅固 施戒亦如是 菩薩衆行本
譬如牢堅城 防衛諸敵難 忍健亦如是 防護諸菩薩
譬如大力王 威德定天下 禪智亦如是 安隱諸菩薩
譬如轉輪王 具受一切樂 四等亦如是 安樂諸菩薩
爾時文殊師利問智首菩薩言佛子一切諸佛唯以一乘得出生死云何今見一切佛刹事事不同所謂世界衆生說法教化壽命光明神力衆會佛法法住如是等事皆悉不同無有不具一切佛法而能成就無上菩提爾時智首菩薩以偈答曰

文殊法常爾 法王唯一法 一切無礙人 一道出生死
一切諸佛身 唯是一法身 一心一智慧 力無畏亦然
隨衆生本行 求無上菩提 佛刹及衆會 說法悉不同
一切諸佛刹 平等普嚴淨 衆生業行異 所見各不同
諸佛及佛法 衆生莫能見 佛刹法身衆 說法亦如是

本行廣清淨具足一切願彼人見真實明達知見者
隨順衆生欲諸業及果報各令見真實佛力自在故
佛刹無異相如來無憎愛隨彼衆生行自得如是見
非是一切佛安住導師各無量諸世界示現見不同
一切諸世界所應受化者常見人中雄諸佛法如是
爾時諸菩薩謂文殊師利言佛子我等所解
各各已說仁者辯才深入次應敷演何等是
佛境界何等是佛境界因何等是佛境界所
入何等是佛境界所度何等是佛境界隨順
知何等是佛境界隨順法何等是佛境界分
別知何等是識佛境界何等是決定知佛境
界何等是佛境界照何等是佛境界廣爾時
文殊師利以偈答曰

如來深境界其量齊虛空一切衆生入真實無所入
如來境界因唯佛能分別自餘無量劫演說不可盡
隨順衆生故普入諸世間智慧常寂然不同世所見
度脫諸羣生隨順其心智宣暢無窮盡唯是佛境界
如來一切智三世無障礙諸佛妙境界皆悉如虛空
法界無異相隨順衆生說若欲具分別唯佛之境界
一切諸世間無量衆音聲隨時悉了知其量無分別
非識所能識亦非心境界自性真清淨能示諸羣生
非業非煩惱寂滅無所住無明無所行平等行世間
一切衆生心普在三世中如來於一念一切悉明達
爾時此娑婆世界衆生佛神力故見此佛刹

一切衆生如所行法如所行業如世間行隨身所行隨報所行隨其行報所生之處持戒毀禁說法果報如是世界中事一切悲見如是東方百千億世界不可量不可數不可思議不可稱無等無邊無分齊不可說虛空法界等一切世界乃至說法果報一切悲見南西北方四維上下亦復如是

大方廣佛華嚴經卷第五

慙媿

上昨宜切
下僕位切

刺棘

上七閱切
下紀力切

染汙

下高路切

重擔

下徒監切

坏瓶

上芳坏切
下傳鍾切

輕飄

下符霄切

懷毒

上屠吻切

驚駭

上舉卿切
下僕楷切

匿疵

上安力切
下疾移切

駸然

上疎士切

無價

下古計切

摧敵

上昨西切
下徒歷切

德鎧

下苦蓋切

法鼓

下公戶切

燒煮

下章田切
亦作燒

戲笑

上香義切
下私妙切

殊特

下徒得切

繫心

上計音

晦朔

上策內切
下所角切

沈淪

上直深切
下力述切

孤嫫

上古胡切
下渠營切

漂弱

上撫括切
下奴歷切

醜陋

上昌九切
下盧侯切

鼓拂

上公戶切
下敷勿切

如匠

下疾亮切

穀音

上苦角切

雨沛

下爲計切

雲暗

下於計切

毗嵐

下盧舍切

樵墜

上昨焦切
下失入切

鑽火

上借官切

數休

上可甫切

閉目

上博計切

射過

上神夜切

姪怒

上餘針切
下乃故切

肴膳

上胡茅切
下時戰切

聾聵

上盧紅切
下五桂切

盲瞽

上武庚切
下公戶切

聾提

上初厲切

怪者

上普閑切

毀禁

上許委切
下居蔭切

瞋恚

上昌真切
下於避切

大方廣佛華嚴經卷第六

東晉天竺三藏佛跋闍耶譯

譯

淨行品第七

爾時智首菩薩問文殊師利言佛子云何菩

薩不染身口意業不害身口意業不癡身口

意業不退轉身口意業不動身口意業應讚

歎身口意業清淨身口意業離煩惱身口意

業隨智慧身口意業云何菩薩生處成就姓

成就家成就色相成就念成就智慧成就趣

成就無畏成就覺悟成就云何菩薩第一智

慧最上智慧勝智慧最勝智慧不可量智慧

不可數智慧不可思議智慧不可稱智慧不

可說智慧云何菩薩因力具足意力具足方

便力具足緣力具足境界力具足根力具足

止觀力具足定力具足云何菩薩善知陰界

入善知緣起法善知欲色無色界善知過去

未來現在云何菩薩修七覺意修空無相無

作云何菩薩滿足檀波羅蜜尸波羅蜜羼提

波羅蜜毗梨耶波羅蜜禪波羅蜜般若波羅

蜜慈悲喜捨云何菩薩得是處非處智力過

去未來現在業報智力種種諸根智力種種

性智力種種欲智力一切至處道智力禪定

解脫三昧垢淨智力宿命無礙智力天眼無

礙智力斷一切煩惱習氣智力云何菩薩常

爲諸天王守護恭敬供養龍王鬼神王乾闥
婆王阿脩羅王迦樓羅王緊那羅王摩睺羅
伽王人王梵天王等守護恭敬供養云何菩
薩爲衆生舍爲救爲歸爲趣爲炬爲明爲燈
爲導爲無上導云何菩薩於一切衆生爲第
一爲大爲勝爲上爲無上爲無等爲無等等
爾時文殊師利菩薩曰善哉善哉佛
子多所饒益多所安隱哀愍世間惠利一切
安樂天人問如是義佛子菩薩成就身口意
業能得一切勝妙功德於佛正法心無罣礙
去來今佛所轉法輪能隨順轉不捨衆生明
達實相斷一切惡具足衆善色像第一悉如
普賢大菩薩等成就如來一切種智於一切
法悉得自在而爲衆生第二尊導佛子何等
身口意業能得一切勝妙功德

菩薩在家當願衆生捨離家難入空法中
孝事父母當願衆生一切護養永得大安
妻子集會當願衆生令出愛獄無戀慕心
若得五欲當願衆生捨離貪惑功德具足
若在妓樂當願衆生悉得法樂見法如幻
若在房室當願衆生入賢聖地永離欲穢
著寶瓔珞當願衆生捨離重擔度有無岸
若上樓閣當願衆生昇佛法堂得微妙法
布施所珍當願衆生悉捨一切心無貪著

捨跏趺坐	當願眾生	知諸行性	悉歸散滅
觀察諸法	當願眾生	見法真實	無所罣礙
三昧正受	當願眾生	向三昧門	得究竟定
結跏趺坐	當願眾生	善根堅固	得不動地
正身端坐	當願眾生	坐佛道樹	心無所倚
若敷牀座	當願眾生	敷善法座	見真實相
若入房舍	當願眾生	昇無上堂	得不退法
受具足戒	當願眾生	得勝妙法	成就方便
始請和尚	當願眾生	得無生智	到於彼岸
受行道禁	當願眾生	具足道戒	修如實業
受持淨戒	當願眾生	具足修習	學一切戒
自歸於僧	當願眾生	統理大眾	一切無礙
自歸於法	當願眾生	深入經藏	智慧如海
自歸於佛	當願眾生	體解大道	發無上意
受出家法	當願眾生	如佛出家	開導一切
受著袈裟	當願眾生	捨離三毒	心得歡喜
除鬚鬚髮	當願眾生	斷除煩惱	究竟寂滅
脫去俗服	當願眾生	解道修德	無復懈怠
求出家法	當願眾生	得不退轉	心無障礙
詣大小師	當願眾生	開方便門	深入法要
若入僧坊	當願眾生	一切和合	心無限礙
以信捨家	當願眾生	棄捨世業	心無所著
若在危難	當願眾生	隨意自在	無所罣礙
若在聚會	當願眾生	究竟解脫	到如來處

下牀安足當願衆生履踐聖迹不動解脫

始舉足時當願衆生越度生死善法滿足

被著衣裳當願衆生服諸善根每知慙愧

整服結帶當願衆生自檢修道不壞善法

次著上衣當願衆生得上善根究竟勝法

著僧伽黎當願衆生大慈覆護得不動法

手執楊枝當願衆生心得正法自然清淨

晨嚼楊枝當願衆生得調伏牙噬諸煩惱

左右便利當願衆生蠲除汗穢無姪怒癡

已而就水當願衆生向無上道得出世法

以水滌穢當願衆生具足淨忍畢竟無垢

以水盥掌當願衆生得上妙手受持佛法

澡漱口齒當願衆生向淨法門究竟解脫

手執錫杖當願衆生設淨施會見道如實

擎持應器當願衆生成就法器受天人供

發趾向道當願衆生趣佛菩提究竟解脫

若已在道當願衆生成就佛道無餘所行

涉路而行當願衆生履淨法界心無障礙

見趣高路當願衆生昇無上道超出三界

見趣下路當願衆生謙下柔輒入佛深法

若見險路當願衆生棄捐惡道滅除邪見

若見直路當願衆生得中正意身口無曲

見道揚塵當願衆生水離塵穢畢竟清淨

見道無塵當願衆生大悲所熏心意柔潤

見深阮淵	當願衆生	向正法界	滅除諸難
見聽訟堂	當願衆生	說甚深法	一切和合
若見大樹	當願衆生	離我諍心	無有忿恨
若見叢林	當願衆生	一切敬禮	天人師仰
若見高山	當願衆生	得無上善	莫能見頂
若見荆棘	當願衆生	拔三毒刺	無賊害心
見樹茂葉	當願衆生	以道自蔭	入禪三昧
見樹好華	當願衆生	開淨如華	相好滿具
見樹豐果	當願衆生	起道樹行	成無上果
見諸流水	當願衆生	得正法流	入佛智海
若見陂水	當願衆生	悉得諸佛	不壞正法
若見浴池	當願衆生	入佛海智	問答無窮
見人汲井	當願衆生	得如來辯	不可窮盡
若見泉水	當願衆生	善根無盡	境界無上
見山澗水	當願衆生	洗濯塵垢	意解清淨
若見橋梁	當願衆生	興造法橋	度人不休
見修園圃	當願衆生	耨除穢惡	不生欲根
見無憂林	當願衆生	心得歡喜	永除憂惱
見好園池	當願衆生	勤修衆善	具足菩提
見嚴飾人	當願衆生	三十二相	而自莊嚴
見素服人	當願衆生	究竟得到	頭陀彼岸
見志樂人	當願衆生	清淨法樂	以道自娛
見愁憂人	當願衆生	於有爲法	心生厭離
見歡樂人	當願衆生	得無上樂	憺怕無患

見苦惱人 當願衆生 滅除衆苦 得佛智慧
見強健人 當願衆生 得金剛身 無有衰老
見疾病人 當願衆生 知身空寂 解脫衆苦
見端正人 當願衆生 歡喜恭敬 諸佛菩薩
見醜陋人 當願衆生 遠離鄙惡 以善自嚴
見報恩人 當願衆生 常念諸佛 菩薩恩德
見背恩人 當願衆生 常見賢聖 不作衆惡
若見沙門 當願衆生 寂靜調伏 究竟無餘
見婆羅門 當願衆生 得真清淨 離一切惡
若見仙人 當願衆生 向正真道 究竟解脫
見苦行人 當願衆生 堅固精勤 不退佛道
見著甲冑 當願衆生 捨服法鎧 得無師法
見無鎧仗 當願衆生 遠離衆惡 親近善法
見論議人 當願衆生 得無上辯 摧伏外道
見正命人 當願衆生 得清淨命 威儀不異
若見帝王 當願衆生 遠得法王 轉無礙輪
見帝王子 當願衆生 履佛子行 化生法中
若見長者 當願衆生 永離愛欲 深解佛法
若見大臣 當願衆生 常得正念 修行衆善
若見城郭 當願衆生 得金剛身 心不可沮
若見妙色 當願衆生 得上妙色 天人讚歎
入里乞食 當願衆生 入深法界 心無障礙
到人門戶 當願衆生 入揔持門 見諸佛法

入人堂室當願衆生入一佛乘明達三世

遇難持戒當願衆生不捨衆善永度彼岸

見捨戒人當願衆生超出衆難度三惡道

若見空鉢當願衆生其心清淨空無煩惱

若見滿鉢當願衆生具足成滿一切善法

若得食時當願衆生爲法供養志在佛道

若不得食當願衆生遠離一切諸不善行

見慙媿人當願衆生慙媿正行調伏諸根

見無慙媿當願衆生離無慙媿普行大慈

得香美食當願衆生知節少欲情無所著

得不美食當願衆生具足成滿無願三昧

得柔輭食當願衆生大悲所熏心意柔輭

得麤惡食當願衆生永得遠離世間愛味

若嚙食時當願衆生禪悅爲食法喜充滿

所食雜味當願衆生得佛上味化成甘露

飯食已訖當願衆生德行充盈成十種力

若說法時當願衆生得無盡辯深達佛法

退坐出堂當願衆生深入佛智永出三界

若入水時當願衆生深入佛道等達三世

澡浴身體當願衆生身心無垢光明無量

盛暑炎熾當願衆生離煩惱熱得清涼定

隆寒冰結當願衆生究竟解脫無上清涼

諷誦經典當願衆生得摠持門攝一切法

若見如來當願衆生悉得佛眼見諸最勝

諦觀如來 當願衆生 悉觀十方 端正如佛
見佛塔廟 當願衆生 尊重如塔 受天人敬
敬心觀塔 當願衆生 尊重如佛 天人宗仰
頂禮佛塔 當願衆生 得道如佛 無能見頂
右遶塔廟 當願衆生 履行正路 究暢道意
遶塔三匝 當願衆生 得一向意 勤求佛道
讚詠如來 當願衆生 度功德岸 歎無窮盡
讚佛相好 當願衆生 光明神德 如佛法身
若洗足時 當願衆生 得四神足 究竟解脫
晝夜寢息 當願衆生 休息諸行 心淨無穢
晨朝覺悟 當願衆生 一切智覺 不捨十方
佛子是爲菩薩身口意業能得一切勝妙功
德諸天魔梵沙門婆羅門人及非人聲聞緣
覺所不能動

大方廣佛華嚴經賢首菩薩品第八之一

爾時文殊師利以偈問了達深義淨德賢首
菩薩曰

佛子我已說 菩薩清淨行 一切諸世尊 咸共所讚歎
又諸大士衆 甚深微妙行 功德廣大義 仁者應演說
賢首菩薩答 佛子善諦聽 菩薩諸功德 無量無有邊
我當隨力說 菩薩少功德 我之所演暢 如海一微滴
菩薩於生死 最初發心時 一向求菩提 堅固不可動
彼一念功德 深廣無邊際 如來分別說 窮劫猶不盡
何況於無量 無數無邊劫 具足修諸度 諸地功德行

十方世界中一切諸如來 說彼功德雲 亦不能究竟
今我說菩薩 功德中少分 如鳥履虛空 如地一微塵
非是無所因 又亦非無緣 菩薩初發意 直心大功德
於佛及法僧 深起清淨信 信敬三寶故 能發菩提心
不求五欲樂 寶貴諸財利 亦不求自安 希望世名聞
滅除眾生苦 令盡無有餘 稽度斯等類 菩薩初發心
常欲令眾生 離苦永安樂 嚴淨一切刹 供養無量佛
樂立佛正法 欲得無上道 淨修一切智 菩薩初發心
深心淨信不可壞 恭敬供養一切佛
尊重正法及聖僧 信敬三寶故發心
深信諸佛及正法 亦信菩薩所行道
正心信向佛菩提 菩薩因是初發心
信爲道元功德母 增長一切諸善法
除滅一切諸疑惑 示現開發無上道
淨信離垢心堅固 滅除憍慢莊嚴本
信是寶藏第一法 爲清淨手受眾行
信能捨離諸染著 信解微妙甚深法
信能轉勝成眾善 究竟必三如來處
清淨明利諸善根 信力堅固不可壞
信永除滅一切惡 信能速得無師寶
信於法門無障礙 捨離八難得無難
信能超出眾魔境 示現無上解脫道
一切功德不壞種 出生無上菩提樹
長養最勝智慧門 信能示現一切佛

是故演說次第行
譬如靈瑞優曇華

信樂最勝甚難得
亦如隨意妙寶珠

若信恭敬一切佛

則持淨戒順正教

若持淨戒順正教

諸佛賢聖所讚歎

戒是無上菩提本

應當具足持淨戒

若能具足持淨戒

一切如來所讚歎

若信恭敬一切佛

則能奇特供最勝

若能奇特供最勝

彼信佛心難思議

若信如來正真法

則常樂聞無厭足

若樂聞法無厭足

欣悟不可思議法

若信恭敬清淨僧

則信堅固不可壞

若信堅固不可壞

彼人信力不可動

若信堅固不可動

諸根明利悉清淨

若根明利悉清淨

則離一切惡知識

若能遠離惡知識

則能親近善知識

若能親近善知識

則修無量諸功德

若能廣修諸功德

則能善解諸因果

若能善解諸因果

則成殊勝妙解脫

若成殊勝妙解脫

則為一切佛所護

若為一切佛所護

則生無上菩提心

若生無上菩提心

則能勤修佛功德

若能勤修佛功德

則能得生諸佛家

若能得生諸佛家

則於諸法無所著

若於諸法無所著

則得深心妙清淨

若得深心妙清淨
若得無上殊勝心
若修一切波羅蜜
若能具足摩訶衍
若法供養一切佛
若念佛定不可壞
若常觀見十方佛
若知如來常安住
若於其人法永存
若得辯才無窮盡
若能演說無量法
若能度脫一切衆
若得大悲心堅固
若能喜樂甚深法
若能捨離有爲過
若離我慢諸放逸
若能兼利一切衆
若處生死無憂感
若能精進無有上
若得一切諸神通
若解一切衆生行
若能成就諸衆生
若得成就衆生智
若能具足四攝法

則得殊勝無上心
則修一切波羅蜜
則能具足摩訶衍
則法供養一切佛
則念佛定不可壞
則常觀見十方佛
則知如來常安住
則於其人法永存
則得辯才無窮盡
則能演說無量法
則能度脫一切衆
則得大悲心堅固
則常喜樂甚深法
則能捨離有爲過
則離我慢諸放逸
則能兼利一切衆
則處生死無憂感
則能精進無有上
則得一切諸神通
則解一切衆生行
則能成就諸衆生
則得成就衆生智
則能具足四攝法
則與衆生無量利

若與衆生無量利

則能具足方便慧

若能具足方便慧

則能安住無上道

若能安住無上道

則一切魔不能壞

若一切魔不能壞

則能超出四魔道

若能超出四魔道

則至堅固不動地

若至堅固不動地

則得無生深法忍

若得無生深法忍

則爲諸佛所授記

若爲諸佛所授記

則常普現諸佛前

若常普現諸佛前

則解諸佛微密教

若解諸佛微密教

則爲諸佛常護念

若爲諸佛常護念

以佛功德自莊嚴

若佛功德自莊嚴

則得無量功德身

若得無量功德身

其身顯耀如金山

若身顯耀如金山

具足衆相三十二

若具衆相三十二

八十種好自莊嚴

八十種好自莊嚴

其身光明無有量

若身光明無有量

光明莊嚴難思議

若光莊嚴難思議

則出無量寶蓮華

若出無量寶蓮華

一一華坐無量佛

普現十方無量刹

教化度脫一切衆

若能度脫一切衆

則得無量自在力

若得無量自在力

則能嚴淨諸佛刹

解說甚深微妙法

不可思議衆歡喜

若說微妙甚深法

不可思議衆歡喜

則能具足四辯力

自在能度一切衆

若能具足四辯力

自在能度一切衆

彼人智慧常在前

身口意業無錯謬

若彼智慧常在前

身口意業無錯謬

彼人願力得自在

隨衆所宜現其身

若彼願力得自在

隨衆所宜現其身

爲諸衆生說法時

音聲微妙難思議

若爲衆生說法時

音聲微妙難思議

於彼一切衆生類

一念之中悉知心

若彼一切衆生類

一念之中悉知心

其人生死永無餘

寂滅一切煩惱患

若人生死永無餘

寂滅一切煩惱患

法身功德智慧具

深解一切諸法實

若身功德智慧具

深解一切諸法實

十地十種自在力

皆悉究竟勝解脫

若十地種自在力

皆悉究竟得解脫

授記莊嚴悉具足

無量法門得自在

若記莊嚴悉具足

無量法門得自在

盡爲一切十方佛

皆與授記無有餘

若爲一切十方佛

皆與授記無有餘

甘露法水灌其頂

十方諸佛授記竟

若甘露水灌其頂

十方諸佛授記竟

法身充滿徧虛空

安住不動十方界

若身充滿徧虛空

安住不動十方界

一切諸天及世人

無等等界莫能知

於本所行無不果

其見聞者悉不空

此是無上大福田

供養施者大果報

彼善男子威神力

正法常住永不滅

十善功德諸妙行

無量法寶最無上

彼威神力佛法海

法寶堅固如金剛

智慧滿足不可盡

如是無量功德海

或有剎土無有佛

於彼示現成正覺

或有國土無有法

於彼示現說法藏

菩薩希聖一切斷

於一念頃遊十方

示現十方如滿月

無量方便化衆生

於彼十方世界中

念念示現成佛道

轉正法輪入涅槃

現身舍利爲衆生

或現聲聞緣覺道

示現成佛普莊嚴

現無量劫度衆生

以三乘門廣開化

或現男女種種形

天人龍神阿脩羅

隨諸衆生若干身

無量行業諸音聲

一切示現無有餘

海印三昧勢力故

不可思議莊嚴刹

恭敬供養一切佛

光明莊嚴難思議

教化衆生無有量

智慧自在不可議

說法教化得自在

施戒忍辱精進禪

方便智慧諸功德

一切自在難思議

華嚴三昧勢力故

入微塵數諸三昧

一三昧生塵等定

一塵中現無量刹

而彼微塵亦不增

一塵內刹現有佛

或現有利而無佛

或現有利淨不淨

或現大刹及中下

或刹伏住或隨順

或如野馬或四方

或有國土如天網

世界成敗無不現

如一微塵所示現

一切微塵亦如是

是名三昧自在力

亦無量稱解脫力

若欲供養一切佛

出生無量三昧門

能以一手覆三千

供養一切諸如來

十方國土勝妙華

無價寶珠殊異香

皆悉自然從手出

供養道樹諸最勝

無價寶衣雜妙香

寶幢幡蓋而莊嚴

金華寶帳妙校飾

十方一切上供具

悉從手中自然出

供養道樹諸最勝

一切十方諸妓樂

無量和雅妙音聲

及以種種衆妙偈

讚歎諸佛實功德

音聲徧滿十方界

悉從堂中自然出

無量清淨諸行業

所得右手放光明

香水普灑十方國

供養一切照世燈

放妙莊嚴大光明

出生無量寶蓮華

於蓮華中無量佛

相好具足自莊嚴

放華莊嚴淨光明

莊嚴妙華以爲帳

散諸雜華徧十方

供養一切諸如來

放香莊嚴淨光明

莊嚴妙香以爲帳

散諸雜香徧十方

供養一切諸如來

放細末香淨光明

莊嚴末香以爲帳

散諸末香徧十方

供養一切諸如來

放衣莊嚴淨光明

莊嚴寶衣以爲帳

散諸寶衣徧十方

供養一切諸如來

放寶莊嚴淨光明

莊嚴妙寶以爲帳

散諸妙寶徧十方

供養一切諸如來

放妙蓮華淨光明

衆妙蓮華以爲帳

散諸蓮華徧十方

供養一切諸如來

放諸瓔珞淨光明

諸妙瓔珞以爲帳

散諸瓔珞徧十方

供養一切諸如來

放莊嚴幢淨光明

其幢青黃赤白色

無量種種而莊嚴

以幢嚴飾諸佛刹

執持雜寶莊嚴蓋

衆寶繒綵爲垂帶

寶鈴演出最勝音

以此供養諸如來

手出供具難思議

如是供養一導師

供一切佛亦如是

大仙三昧自在力

欲安一切衆生類

出生自在勝三昧

一切所行諸功德

無量方便度衆生

或現供養如來門

或現一切布施門

或現具足持戒門

或現無盡忍辱門

無量苦行精進門

禪定寂靜三昧門

無量大辯智慧門

一切所行方便門

現四無量神通門

大慈大悲四攝門

無量功德智慧門

一切緣起解脫門

清淨根力道法門

或現聲聞小乘門

或現緣覺中乘門

或現無上大乘門

或現無常眾苦門

或現無我眾生門

或現不淨離欲門

寂靜滅定三昧門

隨諸眾生起病門

一切對治諸法門

隨彼眾生煩惱性

如應說法廣開化

如是一切諸法門

隨其本性而濟度

一切天人莫能知

是自在勝三昧力

出生隨樂勝三昧

分別了知眾生心

隨順教化諸羣生

令離憂惱得歡喜

劫中裁難饑饉時

一切資生諸樂具

隨其所須普周給

是為能作大施主

肴膳香美上味食

寶衣莊嚴隨所樂

己身國土珍愛施

好施眾生悉從化

以諸相好莊嚴身

上妙衣服及眾華

雜種末香以塗身

現此嚴飾度眾生

一切世間所喜樂

種種殊勝淨妙色

隨其所應普示現

令樂色者得解脫

柔軟美聲如哀響

拘真羅等微妙音

具足八種梵音聲

隨其所樂為說法

八萬四千諸法門

諸佛以此度眾生

分別諸法無量門

隨眾生性化導之

眾生苦樂利無利

一切世間所行法

悉能普應同其事

以此攝法度眾生

無量無邊大苦海

為眾生故悉能忍

與彼同事不念苦

饒益眾生令安樂

若有不識出家法

樂著生死不求解

是故菩薩捨國財

常樂出家求寂靜

五欲所縛不離家

欲令眾生解脫故

示現不樂處愛欲

是故出家求解脫

欲令具足十種行

是佛如來本所修

菩薩所行無有餘

修習是法度眾生

或有眾生壽無量

煩惱微細難世斷

為斯一切眾生類

示現生老病死至

或有貪欲瞋恚癡

煩惱猛火常熾然

為現生老病死苦

化度一切眾生或

如來十力無所畏

及佛十八不共法

最勝無量諸功德

以此妙法度眾生

說法教誡及神足

住持自在神通力

菩薩示現斯功德

以此清度諸眾生

如是方便無有量

隨順世間度眾生

不著世間如蓮華

能令眾生大歡喜

博綜多識辯才王

文頌談論過世間

示現世間眾技術

譬如幻師現眾像

或為長者邑中主

或為賈客商人導

或為國王及大臣

或為良醫藥眾病

或為廣野作大樹

或為良藥無盡藏

或作寶珠隨所求

迷道衆生示正路

若見世界始成立

衆生未知資生法

是時菩薩爲工匠

爲之示現種種業

不作惡業害生具

欲令羣生壽安樂

呪術藥草學衆論

悉爲諸佛所稱歎

或現仙人殊勝行

一切羣生所愛樂

示行苦行及深法

隨其所應悉能現

或作外道出家人

或復示現事火法

或現裸形無衣服

能爲彼人作師長

見有邪命種種行

習行非法以爲勝

一切梵志諸苦行

能於其中而化度

五熱炙身隨日轉

或受牛鹿畜生戒

被服草衣奉事火

爲化是等作導師

現樂遊行諸天廟

自投恒河求解脫

食果服氣而飲水

思惟正法不放逸

或現胡跪翹一足

或卧刺棘灰土上

或卧杵石求解脫

爲彼師導教化故

如是等類諸外道

具觀彼意如應化

菩薩苦行無與等

外道由是得解脫

若見世間無正見

常依一切邪見住

方便爲說甚深法

悉令得解真實諦

或以鬼神邊地語

爲斯等類說四諦

或以正語說四諦

或人天語說四諦

或以法辯說四諦

或以義辯說四諦

或以辭辯說四諦
或八部音說四諦

或無盡辯說四諦
或一切音說四諦

隨彼所解語言音

為說四諦令解脫

知一切語不思議

是名說法三昧力

安隱衆生勝三昧

為度一切衆生故

放大光明難思議

以此光明救羣生

所放光明名善現

若有衆生遇斯光

彼獲果報無有量

因是究竟無上道

由彼顯現諸如來

亦現一切法僧道

又現最勝塔形像

故獲光明名善現

又放光明名清淨

映蔽一切天人光

除滅一切諸闇冥

普照十方無量國

彼光覺悟一切衆

執持燈明供養佛

以燈供養諸佛故

得成最勝世間燈

然諸香油及酥燈

或以竹木為炬明

以能然此諸燈明

得是清淨妙光明

又放光明名濟度

彼光覺悟一切衆

當發無上菩提心

度脫欲海諸羣生

若發無上菩提心

度脫欲海諸羣生

彼悉能度四駛沫

示導無畏解脫處

造立無量諸橋梁

或作舟船度衆生

毀皆有為讚寂靜

因此得成度光明

又放光明名除愛

彼光覺悟一切衆

捨離五欲諸渴愛

思樂解脫甘露水

若能遠離五欲渴
以佛解脫甘露雨
惠施池井諸泉沫
毀咎五欲讚諸禪
又放光明名歡喜
歡喜愛樂佛菩提
建立如來大慈像
讚歎最勝諸功德

思樂解脫甘露水
滅除衆生諸渴愛
以求無上佛菩提
因此得成滅愛光
彼光覺悟一切衆
發心願求無師寶
相好具足坐蓮華
因是得成喜光明

大方廣佛華嚴經卷第六

戀慕

下莫故切

除

下地計切

驢

上相金切

整服

上之邪切

嚼

上在華切

噬

上遊音

蠲除

上之衣切

滌

上徒歷切

與

上賢音

澡漱

上早音

錫

上先擊切

擎

上鯨音

發趾

下諸市切

涉

上時攝切

棄

上諸利切

阮澗

上客庚切

刺

上七賜切

陂

上彼爲切

浴池

二餘曷切

汲

上急音

洗

上先禮切

圍圃

上雨元切

檐

上徒敢切

衰

下莫報切

鄙惡

上之美切

甲

下直姑切

鹿

下色立切

燕食

上於殿切

盛

上承正切

熾

下昌志切

隆寒

上力中切

寢

上七稔切

靈

下是偽切

灌其

上古琰切

無

下古訝切

普

下砂下切

繒綵

上疾陵切

饑

上居來切

哀

下落官切

博綜下子家切

賈客上吉許切

良醫下於切

療衆亦作療切

呪術上職救切

裸形上泥來切

熱炙上如列切

鹿畜上盧谷切

胡跪下案發切

翹一上渠遙切

灰土上呼恢切

卧杵下昌與切

酥燈上素孤切

炬朋上其呂切

橋梁上丘橋切

舟船上職涼切

毀咎上許委切

下將此切

甲辰歲高麗國大藏都監表

勅彫造

大方廣佛華嚴經卷第七

東晉天竺三藏法師跋陀羅

譯

賢首菩薩品第八之二

又放光明名愛樂

彼光覺悟一切衆

心常愛樂諸如來

無上法寶清淨僧

常會十方諸佛前

逮成無上深法忍

教化無量羣生類

心常念佛深妙法

開發衆生菩提心

因是得成愛樂光

又放光明名德聚

彼光覺悟一切衆

普行種種無量施

以此願求無上道

隨其所求皆滿足

一切施會悉清淨

隨其所求惠施故

因是得成深智光

又放光明名深智

彼光覺悟一切衆

於一法門一念中

悉解無量諸法

分別諸法化衆生

及諸法相如實義

說法說義具足故

因是得成深智光

又放光明名慧燈

彼光覺悟一切衆

諸法空寂無生滅

解達非有亦非無

譬如野馬水月形

亦如幻夢鏡中像

諸法無主悉空寂

因是得成慧燈光

又放光名法自在

彼光覺悟一切衆

陀羅尼藏不可盡

能持如來一切法

恭敬供養持法者

防衛守護衆賢聖

以無量法施衆生

因是得成自在光

又放光明名無慳
解知財寶非常有
難制慳心能調伏
常能歡喜樂布施
又放光明名清涼
安立衆生淨戒中
十善業迹悉清淨
開發衆生求佛道
又放光明名忍莊嚴
捨離瞋恙增上慢
衆生惡性難忍者
常能讚歎忍辱法
又放光明名轉勝
常能勤修三種業
若能勤修三種業
彼能超出四魔境
勸化衆生令精進
佛法欲滅能護持
又放光明名寂靜
捨離貪欲瞋恚癡
遠惡知識不善行
讚歎坐禪空閑處
又放光明名慧莊嚴
善知緣起得解脫

彼光覺悟除貪惜
悉能捨離無所著
解財如夢如浮雲
因是得成無慳光
彼光覺悟毀禁者
啓導令逮無師寶
勸化衆生持淨戒
因是得成清涼光
彼光覺悟瞋恙者
常樂柔和忍辱法
悉能堪忍求佛道
因是得成忍嚴光
彼光覺悟懈怠者
恭敬供養佛法僧
恭敬供養佛法僧
速成無上佛菩提
恭敬供養佛法僧
因是得成轉勝光
彼光覺悟亂意者
正住甚深諸三昧
又離十種非法語
因是得成寂靜光
彼光覺悟愚癡者
智慧照明諸根

若知緣起得解脫
得聖智慧諸三昧
捨國財寶所愛身
專心說法爲衆生
又放光明名佛慧
見不思議無量佛
讚歎諸佛佛解脫
廣說佛力諸神通
又放光明名無畏
非人所持諸毒害
普於衆生施無畏
拯濟危難無救者
又放光明名安隱
滅除一切諸苦痛
施諸良藥藥衆患
或酥油乳石蜜施
又放光明名見佛
念佛三昧必見佛
見彼臨終勸念佛
又復勸令歸依佛
又放光明名樂法
聽法講說及書寫
佛法欲滅能護持
精勤修習佛正法

智慧照明了諸根
逮等正覺照世間
精勤求法爲佛道
因是得成慧光明
彼光覺悟一切衆
各各坐寶蓮華上
說佛自在無有量
因是得成佛慧光
彼光安慰恐怖者
無量恐怖悉除滅
心常慈忍離惱害
因是得成無畏光
彼光所觸疾病者
悉得正受三昧樂
摩以寶珠香塗身
因是得成安隱光
彼光覺悟命終者
命終之後生佛前
又示尊像令瞻敬
因是得成見佛光
彼光覺悟一切衆
於正法中常愛樂
令求法者意充滿
因是得成樂法光

又放光明名妙音
一切世間所有聲
入音讚揚諸如來
又常讚歎佛音聲
又放光名施甘露
遠離一切放逸行
分別無量大苦海
宣揚讚歎寂滅樂
又放光明名殊勝
於如來所聞勝戒
常歎諸佛勝妙戒
一心修習求菩提
又放光名寶莊嚴
得勝寶藏不可盡
以寶獻佛及塔廟
以衆珍奇供最勝
又放光明名妙香
其有衆生聞是香
以人天香塗其地
以香造像及塔廟
又放光名雜莊嚴
和雅妓樂微妙音
奉以微妙妓樂音
幢蓋幡帳供諸佛

彼光覺悟諸佛子
聞者皆是如來音
妓樂鐘磬供養佛
因是得成妙音光
彼光覺悟一切衆
皆悉具足諸功德
有爲危脆非安隱
因是得成甘露光
彼光覺悟一切衆
勝妙三昧勝智慧
因是得成勝光明
彼光覺悟一切衆
以此供養諸世尊
兼施一切諸貧乏
因是成寶莊嚴光
彼光覺悟一切衆
具足得佛諸功德
供養一切諸如來
因是得成妙香光
以幢幡蓋而嚴飾
散衆寶華滿十方
和末塗香衆雜華
因是得成莊嚴光

又放光明名端嚴
埽除僧坊大仙塔
又放光明名大雲
香水灑塔及僧坊
又放光名衣莊嚴
以莊嚴服施衆生
又放光明名上味
本施種種上味食
又放光名示現寶
以無盡藏施三寶
又放光名眼清淨
以燈供佛及塔廟
又放光名耳清淨
妓樂供佛及塔廟
又放光名鼻根淨
衆香供佛及塔廟
又放光名舌根淨
永離麤穢不善語
又放光名身根淨
禮拜諸佛及塔寺
又放光名意根淨
修習三昧禪定力
又放光名色清淨
以衆妙色莊嚴塔

令十方地平如掌
因是得成端嚴光
彼光能雨妙香水
因是得成大雲光
令裸形者得上服
因是成衣莊嚴光
令飢餓者得美膳
因是得成上味光
令諸貧乏得寶藏
因是得成示寶光
能令盲者見衆色
因是得成淨眼光
能令聾者聞衆音
聞若不聞悉令聞
因是得成鼻淨光
以柔軟音讚諸佛
因是得成淨舌光
諸根毀壞令具足
因是得成身淨光
令失心者得正念
因是得成意淨光
親見不可思議佛
因是得成色淨光

又放光名聲清淨
化衆令知聲如響
又放光名香清淨
香水洗塔菩提樹
又放光名味清淨
供養佛僧及父母
又放光名觸清淨
雨刀輪戟諸鋒刃
柔軟妙衣布道巷
香華上服用布施
又放光名法清淨
各說妙法難思議
因緣所生非生性
湛然常住如虛空
如是等比光明門
悉從大仙毛孔出
如一毛孔所放光
一切毛孔亦如是
隨其奉行得光明
如其所應放光明
所修行業有同者
聞見菩薩清淨行
若修無量諸功德
心常樂求無上道

解聲非聲悉空寂
因是得成聲淨光
今諸臭穢成妙香
因是得成淨香光
悉除一切味中毒
因是得成味淨光
堅強麤惡皆柔軟
皆悉變成寶華鬘
最勝行時足蹈上
因是得成觸淨光
一一毛孔無量佛
悉令衆生得歡喜
如來結身非是身
因此化導成法光
無量無邊恒沙數
一切業果皆悉現
無量無邊恒沙數
是大仙定自在力
宿世同行有緣者
是名大仙智自在
及行隨喜功德分
被人得見此光明
恭敬供養無數佛
彼人覺悟是光明

譬如生盲不見日
諸有目者悉覩見
大聖光明亦如是
邪見惡害所不覩
摩尼寶殿上輦乘
有功德者自然備
大聖光明亦如是
聞是分別諸光明
滅除一切諸疑惑
出生微妙勝三昧
神力於此得自在
三千大千妙莊嚴
結跏趺坐悉充滿
十方世界微塵刹
佛子眷屬共圍遶
宿世成就善因緣
彼等衆生遶菩薩
彼大仙人法如是
菩薩處彼清淨衆
如此一方所示現
一切十方亦如是
十方世界有緣故
或見菩薩入正受
或東方見入正受

非爲無日出世間
各隨所務修其業
或有衆生見不見
勝智慧者乃能見
衆寶香味莊嚴具
非無德者所能獲
隨其行業見不見
精勤恭敬信向者
速成無上功德幢
諸佛眷屬大莊嚴
悉能顯現示衆生
化一蓮華滿世界
是名自在三昧力
化作七寶大蓮華
是名自在勝三昧
具足功德求佛道
一切合掌觀無厭
甚深正受三昧力
如月在星猶明耀
諸佛子等爲眷屬
示現三昧自在力
往返出入度衆生
或見菩薩從定起
或西方見三昧起

或西方見入正受
如是出入徧十方
或異方見三昧起
東方世界無有餘
菩薩常現彼佛前
東方一切諸佛前
西方一切諸佛前
西方世界無有餘
於彼一切諸佛前
西方見彼入正受
於彼佛前三昧起
如是十方諸佛前
或見菩薩入正受
於眼根中入正受
示現色法不思議
於色法中入正受
觀眼無生無自性
於耳根中入正受
分別一切諸音聲
於聲法中入正受
觀耳無生無自性
於鼻根中入正受
分別一切諸香法
於香法中入正受

或東方見三昧起
或異方見入正受
是大仙定自在力
佛刹如來難思議
是名寂靜三昧力
常見安住入正受
常見菩薩供養佛
佛刹如來難思議
常見菩薩入正受
東方佛刹無有餘
恭敬供養一切佛
出入三昧無有餘
或見恭敬供養佛
於色法中三昧起
一切天人莫能知
於眼起定念不亂
說空寂滅無所有
於聲法中三昧起
諸天世人莫能知
於耳起定念不亂
說空寂滅無所有
於香法中三昧起
諸天世人莫能知
於鼻起定念不亂

觀鼻無生無自性
於舌根中入正受
分別一切諸味法
於味法中入正受
觀舌無生無自性
於身根中入正受
分別一切諸觸法
於觸法中入正受
觀身無生無自性
於意根中入正受
分別一切諸法相
於諸法中入正受
觀意無生無自性
現童子身入正受
現壯年身入正受
現老年身入正受
現善女人入正受
現善男子入正受
比丘尼身入正受
現比丘身入正受
現學無學入正受
現緣覺身入正受
現如來身入正受
現諸天身入正受

說空寂滅無所有
於味法中三昧起
諸天世人莫能知
於舌起定念不亂
說空寂滅無所有
於觸法中三昧起
諸天世人莫能知
於身起定念不亂
說空寂滅無所有
於諸法中三昧起
諸天世人莫能知
於意起定念不亂
說空寂滅無所有
於壯年身三昧起
於老年身三昧起
於善女人三昧起
於善男子三昧起
比丘尼身三昧起
於比丘身三昧起
於學無學三昧起
於緣覺身三昧起
於如來身三昧起
於諸天身三昧起
於龍神身三昧起

現龍神身入正受

於大鬼神三昧起

現大鬼神入正受

一切鬼神三昧起

一切鬼神入正受

一毛孔中三昧起

一毛孔中入正受

一切毛孔三昧起

一切毛孔入正受

一毛端頭三昧起

一毛端頭入正受

一切毛端三昧起

一切毛端入正受

一微塵中三昧起

一微塵中入正受

一切微塵三昧起

一切微塵入正受

於金剛地三昧起

現金剛地入正受

摩尼寶樹三昧起

摩尼寶樹入正受

諸佛光明三昧起

諸佛光明入正受

於大海水三昧起

現大海水入正受

於大盛火三昧起

現大盛火入正受

於風起定心不亂

現於風大入正受

於地大中三昧起

現地大中入正受

於天宮殿三昧起

現天宮殿入正受

於虛空中三昧起

是名無量功德者

三昧自在難思議

十方一切諸如來

不思議劫說不盡

一切諸佛皆共說

衆生業報難思議

諸龍神變佛自在

禪定三昧亦難思

今說聲聞自在力

無可爲之作譬論

智慧明了聰達者

乃能解是甚深義

得八解脫心自在

一身能作無量身

以無量身作一身
身上出水身下火
行住坐卧虛空中
彼不具足大慈悲
尚能示現難思議
現作日月遊虛空
或作河池井泉水
如是等比難思議
深達三昧諸解脫
如淨水中四兵像
刀劍輪戟衆兵器
隨其器仗本无相
水影四兵無憎愛
海中有天名妙音
解彼一切諸音聲
彼有貪欲瞋恚癡
况復摠持自在力
有一女人名辯才
離諸惡法樂真實
彼有貪欲瞋恚癡
亦能令彼得歡喜
譬如幻師善術法
示現晝夜須臾頃
彼有貪欲瞋恚癡

於虛空中入火定
身上出火身下水
於一念中自在變
不爲衆生求佛道
况大饒益自在力
普照十方諸世界
或作大海衆寶器
普現十方諸世界
唯有諸佛能證知
各各別異皆明了
如是等枚皆悉現
悉現於彼淨水中
是名大仙定自在
其中衆生若干種
皆悉令得大歡喜
猶能分別一切音
而不能令衆生喜
父母求天由此生
能令衆生得辯才
猶能與衆勝辯才
何况菩薩無量智
能現種種無量色
或現須臾作百年
幻力自在悅世間

況禪解脫神通行
天阿脩羅鬪戰時
心大恐怖而奔走
彼有貪欲瞋恚癡
沉住自在無畏法
釋提桓因有象王
彼化作頭三十二
一一牙上七浴池
一一清淨池水出
彼諸嚴飾蓮華上
諸女並奏微妙音
或時捨彼龍象身
威儀以妙最無比
彼有貪欲瞋恚癡
何況具足方便智
如阿脩羅化作身
海水至深僅半身
彼有貪欲瞋恚癡
況於魔怨照世燈
天阿脩羅共戰時
隨阿脩羅軍衆數
諸阿脩羅發是念
必取我身五種縛
帝釋現身有千眼

云何不令衆生喜
阿脩羅衆即退敗
四兵悉入藕絲孔
能作自在不思議
云何不能現神變
彼知帝釋欲行時
一一口中有六牙
清淨香水湛然滿
各七蓮華爲莊嚴
各各有七天王女
與彼帝釋相娛樂
化作天女極莊嚴
是名龍象自在力
能作如是諸神變
而於諸定不自在
金剛地上安其足
其首廣大如須彌
乃能現是大神力
而不能現大神變
帝釋自在難思議
現身等彼而交戰
釋提桓因來向我
阿脩羅衆大恐怖
手執金剛出火燄

被甲持杖自莊嚴
彼以微小功德力
何況救度一切者
教化忉利諸天故
以諸天等放逸行
一切三欲悉無常
如幻野馬水中月
一切放逸有憂諍
若有行諸放逸者
我所有者衆苦本
五欲功德磨滅法
三十三天聞此音
帝釋爲說微妙法
彼音無形不可見
何況應化衆生身
天阿脩羅共闕時
諸天功德勢力故
諸天聞此安慰聲
時阿脩羅心震懼
何況甘露妙音聲
大慈具足摧衆魔
帝釋普應諸天女
天女各各心自謂
現身集在善法堂

阿脩羅見即退散
猶能摧破大怨敵
無量功德不自在
得此果報妙音聲
空中自然出此音
虛偽無實如水沫
有爲如夢如浮雲
非甘露道生死徑
入於生死塵垢口
一切賢聖所厭患
常樂清淨真實行
一切來集善法堂
隨順離欲寂靜行
猶能饒益諸天衆
不能大利一切世
諸天衆信大恐怖
空中出聲言勿懼
即離恐畏生大力
所將兵衆悉退散
能滅衆生諸恐怖
寂靜妙音除煩惱
九十有二那由他
天王獨與我娛樂
爲天說法令歡喜

唯釋能於一念中

釋有貪欲瞋恚癡

況無量劫修神力

他化自在六天王

以業煩惱為羅網

彼有貪欲瞋恚癡

況具十種自在力

三千世界大梵王

悉能現身於彼坐

彼於士聞四梵道

何況延出一切世

摩訶百羅智自在

悉能分別數其諦

無量億劫勤修學

云何當於一念中

衆生業盡難思議

三遍詣山天宮殿

亦能興雲降大雨

亦能成熟一切穀

風不能學波羅蜜

猶或不可思議事

男子女人諸異類

悉能了知皆如響

爲一切衆說妙法

悉皆現此大神變

能令眷屬悉歡喜

而不能令一切悅

於欲界中得自在

繫縛一切諸凡夫

能伏欲界諸羣生

而不令衆同其行

一切諸梵所住處

演暢微妙梵音聲

禪定三通得如意

禪定解脫不自在

大海龍三降雨時

於一念中皆明了

得是無上菩提智

不知一切衆生心

因大風輪起世界

衆寶光明萬物種

亦能散滅諸雲氣

亦大饒益羣生類

亦不空佛諸功德

何況具足諸願者

海龍雷震大音聲

遠無障礙無盡辯

其有聞者悉歡喜

如海奇特未曾有
大身衆生妙寶藏
如是衆生平等印
一切智慧諸功德
龍王示現自在時
興雲充滿四天下
第六他化自在天
化樂天上雲赤色
夜摩天上瑠璃色
四王天上玻璃色
緊那羅中妙香色
微密天中白鵝色
鬱單越中金野馬
餘二天下雜種色
又復他化自在天
化樂天上如月光
夜摩天上白寶色
四王天上最妙色
緊那羅中青瑠璃
微密天中玻璃色
鬱單越境火珠色
餘二天下雜莊嚴
他化雷震如梵音
兜率天上妙樂音

印現一切衆像類
衆流悉入無增損
無盡功德禪解脫
增長衆善無厭足
從金剛際至他化
其雲種種莊嚴色
於彼雲色如黃金
兜率陀天白寶色
三十三天碼碯色
於大海上金剛色
諸龍住處蓮華色
阿脩羅中狀如山
閻浮提境雲青色
隨衆所樂以應之
雲中電耀如日光
兜率天上閻浮金
釋迦金雲如野馬
於大海上赤寶色
諸龍住處寶藏色
阿脩羅中碼碯色
閻浮提界青寶色
隨衆所樂以應之
化樂天上妙音聲
夜摩天上天女音

於彼忉利諸天上
四王天上乾闥聲
於彼一切大海中
諸龍住處頻伽聲
阿脩羅中天鼓聲
又復他化自在天
化樂天上薝蔔華
兜率天上摩尼珠
明淨瑤珠如月光
夜摩幢蓋幡莊嚴
赤真珠衣金紋絡
三十三天如意珠
種種鬘金諸天華
四王天雨上味勝
又雨不可思議寶
又復於彼大海中
無量衆寶不可盡
緊那雨華青寶衣
種種妓樂悉具足
諸龍住處赤真珠
阿脩羅中雨兵仗
鬘單無價寶瓔珞
婆師波利薝蔔華
閻浮提雨清淨水

緊那羅女妙音聲
緊那羅中簫笛聲
猶如兩山相擊聲
微密天中龍女聲
於人道中海潮聲
雨妙香華爲莊嚴
曼陀羅華及澤香
無上種種莊嚴寶
上妙細衣鍊金衣
華鬘塗香勝莊嚴
種種微妙衆妓樂
堅固殊妙栴檀香
雨雜清淨華香水
衆味具足生氣力
龍三降是種種雨
一一雨端如車軸
又雨種種莊嚴寶
摩利妙華細末香
如是無量妙莊嚴
微密天中大珠寶
摧伏一切諸怨敵
帝婆俱耶二天下
清淨妙寶解脫華
柔軟悅澤常應時

長養衆果香華樹
如是無量難思議
自於宮殿身不動
於彼海中爲尊主
況入法海盡源底
如我所說諸譬喻
無畏大士無倫匹
微妙無量勝智者
諸未曾有奇特法
聞是甚深勝解脫
世間一切諸凡夫
思惟無量諸善法
一切世界諸羣生
衆緣覺者轉復少
求大乘者猶爲易
況能受持正憶念
若以三千大千界
彼之所作未爲難
大千塵數衆生類
彼之功德未爲勝
若以掌持十佛刹
彼之所作未爲難
十佛刹塵衆生類
彼之功德未爲勝

隨時成熟益衆生
興雲雷震種種雨
能現自在不思議
示現神變難思議
云何不能大神變
爲深智慧菩薩故
逮得自在諸解脫
能說如是解脫門
一切不能報其恩
信解受持爲他說
信是法者甚難得
本有因力故能信
鮮有欲求聲聞道
求大乘者甚希有
能信是法爲甚難
如說修行真實解
頂戴一劫身不動
信是法者爲甚難
一劫供養諸樂具
信是法者爲殊勝
於虛空中住一劫
信是法者爲甚難
一劫供養諸樂具
信是法者爲殊勝

十刹塵數諸如來

一劫恭敬而供養

若能受持此品者

功德於彼為最勝

賢首說此品竟時

十方世界六返動

諸魔宮殿如聚墨

光照十方惡道滅

一切十方諸如來

悉皆普現賢首前

各申右手摩其頂

賢首菩薩德無量

以其右手摩頂已

一切如來讚歎言

善哉善哉真佛子

快說是法我隨喜

大方廣佛華嚴經佛昇須彌頂品第九

今時如來威神力故十方一切諸佛世界諸

四天下一一閻浮提皆有如來坐菩提樹下

無不顯現彼諸菩薩各承佛神力說種種法

皆悉自謂在於佛所爾時世尊威神力故不

起此座昇須彌頂向帝釋殿今時帝釋遙見

佛來即於妙勝殿上敷置衆寶師子之座以

萬種雜寶而莊嚴之萬種寶帳彌覆其上以

萬寶網而紋絡之次上萬種衆妙寶蓋天繒

雜寶以為垂帶萬種瓔珞而莊嚴之萬種寶

衣以敷座上一萬天子在前立侍一萬梵天

而圍遶之一萬光明以為照耀

爾時帝釋為佛莊嚴師子座已合掌恭敬白

佛言善來世尊唯願哀處我此宮殿爾時世

尊即受其請昇妙勝殿一切十方亦復如是

爾時帝釋無量樂音佛神力故寂然無聲即

自憶念於過去佛所種諸善根以偈頌曰

迦葉如來具大慈

諸吉祥中最無上

彼佛曾來入此處

是故此地最吉祥

拘那牟尼慧無礙

諸吉祥中最無上

彼佛曾來入此處

是故此地最吉祥

拘樓佛身如金山

諸吉祥中最無上

彼佛曾來入此處

是故此地最吉祥

隨葉如來離二垢

諸吉祥中最無上

彼佛曾來入此處

是故此地最吉祥

尸棄如來常寂然

諸吉祥中最無上

彼佛曾來入此處

是故此地最吉祥

毗婆尸佛如滿月

諸吉祥中最無上

彼佛曾來入此處

是故此地最吉祥

弗沙明達第一義

諸吉祥中最無上

彼佛曾來入此處

是故此地最吉祥

提舍如來辯無礙

諸吉祥中最無上

彼佛曾來入此處

是故此地最吉祥

波頭摩佛淨無垢

諸吉祥中最無上

彼佛曾來入此處

是故此地最吉祥

錠光如來明普照

諸吉祥中最無上

彼佛曾來入此處

是故此地最吉祥

如此間帝釋佛神力故以偈讚歎十佛功德

如是十方帝釋各自憶念過去佛所所種善

根以偈讚歎亦復如是爾時世尊昇師子座

結跏趺坐坐已宮殿忽然廣博如初利天處一切十方亦復如是

大方廣佛華嚴經菩薩雲集妙勝殿上說偈品第十
尔時十方各過百佛世界微塵數刹一一方
各十世界其世界名因陀羅次名蓮華次名
衆寶次名優鉢羅次名妙行次名善行次名
歡喜次名星宿次名無厭慈次名虛空其佛
号不變月次号無盡月次号不動月次号香
風月次号自在天月次号清淨月次号無上
月次号星宿月次号不衰變月次号無量自
在月其菩薩名法慧次名一切慧次名勝慧
次名功德慧次名精進慧次名善慧次名智
慧次名眞實慧次名無上慧次名堅固慧此
諸菩薩各於其國佛所淨修梵行爾時佛神
力故彼一一菩薩各將一佛世界微塵數菩
薩眷屬俱來詣佛所恭敬禮拜又佛神力故
化作寶藏師子之座結跏趺坐充滿十方如
此世界須彌山頂菩薩雲集十方世界亦復
如是
爾時世尊從兩足指放百千億妙色光明普
照十方一切世界諸四天下菩提樹下須彌
山頂妙勝殿上如來大衆皆悉顯現爾時法
慧菩薩承佛神力普觀十方以偈頌曰

天人師悉現一切嚴淨刹須彌山王頂帝釋妙勝殿

表受天王請故處其宮殿一一各以十吉祥偈讚佛
諸佛大眷屬清淨菩薩衆斯從十方來跏趺正安坐
各同其名字如我菩薩衆捨離於本刹往詣諸佛所
本國諸世尊名号皆悉同各於其佛所淨修菩薩行
諸佛子當知如來威神力一切世界中各謂佛在前
今我等見佛坐釋妙勝殿十方亦如是如來自在力
一切世界中發心求佛者先立清淨願修習菩薩行
菩薩淨修行無量無數劫於法界無礙無能測量者
悉普照十方滅除愚癡闇一切無與等是故莫能知
爾時一切慧菩薩承佛神力普觀十方以偈

頌曰

無量無數劫雖常見如來於此正法中猶未觀真實
妄想取諸法增長癡惑網輪迴生死中盲冥不見佛
雖復觀諸法猶未見實相一切法生滅但著假名字
一切法無生一切法無滅若能如是解諸佛常現前
無取亦無見空寂無真實諸佛本來空不可得思量
若解一切法不可思量者彼於諸煩惱其心無所染
虛妄取法相是則爲癡冥是故不見佛亦不得真實
牟尼離三垢相好悉具足於住無所住法界悉清淨
因緣故法生因緣故法滅如是觀如來究竟離癡惑
法慧先已說清淨微妙法我從彼勝聞菩提難思議
爾時勝慧菩薩承佛神力普觀十方以偈頌
曰

如來智甚深一切莫能測不知真實法盡開悉達藏

童蒙思惟是 虛妄取諸法 是故不見佛 具足清淨相
愚癡心迷惑 妄取五陰相 不了真實性 是故不見佛
分別一切法 皆悉無真實 如是解諸法 則見盧舍那
因前五陰故 後陰相續生 次第解五陰 見佛難思議
如寶在闇處 無明故不見 真諦無說者 雖慧莫能覩
如目不明淨 不見微妙色 如是不淨心 不見諸佛法
猶如明淨日 無目者不見 若人心諂曲 終不覩諸佛
故當淨慧眼 觀察諸法相 見法相明了 猶如鏡中像
一切慧先說 清淨微妙法 我從彼勝聞 見佛盧舍那
爾時功德 慧菩薩承佛神力 普觀十方 以偈

頌曰

諸法虛無實 妄取堅固相 是故童蒙者 常轉生死輪
不善非勝法 妄作勝法相 是故生障礙 愚癡常輪轉
不知八正道 云何知自心 彼因顛倒想 增長一切惡
不見諸法空 常受無量苦 彼人不成就 清淨法眼故
欲知一切心 先當求法眼 如我所說者 能見真實佛
若有見佛者 其心無所著 彼則見真實 如佛所說法
若見大智慧 如來妙法身 能見如來故 彼有清淨眼
無見乃能見 一切真實法 於法有所見 彼則無所見
妙哉真實法 佛以導衆生 一切諸有中 無生亦無死
勝慧先已說 清淨微妙法 我從彼勝聞 深解諸佛道
爾時精進 慧菩薩承佛神力 普觀十方 以偈
頌曰

以諸妄想行 慧眼不清淨 愚癡邪見增 常不見諸佛

若能見邪偽及以真實法諦了實不實則是清淨佛
見者則是垢彼則無所見諸佛離所見是故見清淨
世間語言法虛妄無真實知世從緣起能離生死患
世間非世間觀察悉平等二俱知真實是名真見者
若能如是觀漏盡得自在非有亦非無是名不二見
虛妄非虛妄非是諸佛法真實無三相法性清淨故
法性自清淨無相如虛空一切無能說智者如是觀
樂觀一切法寂滅無所有亦知不可修能見空无得
如是見佛者功德不可量一切所有行寂靜空無相

大方廣華嚴經卷第七

遠成
二卷第三首

防衛下子制切上符方切

拯濟上蒸音二聲

酥油 上藥 孤獨

鐘磬
上職容切
下善定切

端除
 亦二
 作蘇
 端到
 切

水瀝下砂下切

飢餓

美膳下時歌切

臭穢上尺殺切

洗塔上先禮切

下色立

輪戟
下九刺切

鋒刃

道卷

足踏下寶

上徒減切

所務
下
通
明

羣衆之力展切

刀劍下磨大切

戰
上
奇
正
切

奔走上博是切

藕絲
上五
口切

上藥客切

勿謂其過明

下思姓女
娛樂上思音

擊
鼓
下
手
律
調

白鵝
下五可明

伏如土翻亮句

卷之五

蘇州府志

目擊

天數

六、七、八、九

善朱 上古諸切

詳自 上北蘇音

大方廣佛華嚴經卷第八

湯

東晉天竺三藏佛跋闍陀羅

譯

菩薩雲集妙勝殿上說偈品第十之二

爾時善慧菩薩承佛神力普觀十方以偈頌

曰

妙哉佛世尊無量諸如來離害心解脫自度能度彼

正見世間燈如實不顛倒無量無數劫積德故見佛

諸行空無實凡夫謂真諦一切無自性皆悉等虛空

無盡智所說說者無所說了知有悉無故得難思議

無盡說無盡衆生空寂故知彼真實性則見大名稱

無見說是見無我說衆生說見及衆生是二悉非有

見者無所見是見不壞相是名真實法一切佛所說

能知真實佛及佛之所說普見一切世如佛虛舍那

如來等正覺善說明淨道精進慈菩薩廣說無量法

有無諸法相一相平等修如是能見佛安住真實際

爾時智慧菩薩承佛神力普觀十方以偈頌

曰

我聞最勝教即生淨慧光普照十方世悉見一切佛

若計有衆生是爲最難處法本無真主但有假言說

愚惑莫能知自身真實性如來非取相是故不見佛

塵垢障慧眼不見等正覺無量無數劫衆轉生死海

流轉則生死非轉是涅槃生死及涅槃二皆不可得

虛誑妄說者生死涅槃異迷惑賢聖法不識無上道

如是取相者言有佛等覺顛倒無正念是故不見佛

能知此實法寂滅真如相則見最正覺超出語言道
虛妄說諸法法實無所有一切諸世尊諦求不可得
明了過去世未來及現在究竟永寂滅故說爲如來
爾時真慧菩薩承佛神力普觀十方以偈頌
曰

寧受無量苦得聞佛音聲不受一切樂而不聞佛名
所以無量劫受此衆苦惱流轉生死中不聞佛名故
實以無實法正覺等真偽以無和合相是名爲菩提
現佛非緣合去來亦復然一切法無相是則佛真性
若能如是觀諸法甚深義則見無量佛法身真實相
於實知真實非實知非實善解真實際故號爲正覺
覺者無所覺是佛真妙法諸佛如是修非一亦非二
知一法爲衆知衆法爲一法無所依處云何而緣合
作者及所作二俱無所有若能如是解求之不可得
是處不可得諸佛所依止法無有所依覺者無所著
爾時無上慧菩薩承佛神力普觀十方以偈
頌曰

無上摩訶薩遠離衆生相上相無所有故號爲無上
微妙無所有塵者亦復無諸佛之所得非竺亦非作
是法不可數諸佛之境界亦離於無數是名佛真法
慧日照十方滅除衆間冥亦非有所照亦復非無照
常樂寂靜法永離有所依靜脫無依處不染一切法
善見大智者真實所依住若無有二法當知一亦無
無一亦無二一切皆寂滅三種出閒空是則諸佛見

諸佛教眾生 安住正法中 解達無所住 當見真實身
非身即是身 不轉不可見 無轉亦無見 是名無上身
耳慧所演說 無量諸佛法 若聞此法者 常得清淨眼
爾時堅固慧菩薩承佛神力普觀十方以偈

頌曰

眾生不知恩 如來發慈悲 出現於世間 普照除衆冥
起大慈悲心 普觀諸羣生 具受無量苦 永縛在三有
唯除等正覺 最勝尊導師 一切天人中 無可歸依者
世界若無佛 及衆賢聖人 彼諸羣生類 無有一切樂
如來衆賢聖 出現於世間 爲開淨慧眼 令得永安樂
若見如來者 爲得最大利 聞佛名歡喜 則是世間塔
我等獲善利 現前觀如來 聞斯微妙法 悉當成佛道
三世明解脫 甚深諸境界 一切衆菩薩 清淨開慧眼
我等重歡喜 見佛盧舍那 無量無邊智 演說不可盡
無上慧堅固 及諸佛子等 無數億劫中 說佛德無盡

大方廣佛華嚴經菩薩十住品第十一

爾時法慧菩薩承佛神力入菩薩無量方便
三昧正受入三昧已十方千佛世界塵數諸佛
土之外各見千佛世界塵數諸佛是諸如來
悉号法慧時彼諸佛告法慧菩薩言善哉善
哉善男子乃能入是菩薩無量方便三昧正
受善男子十方各千佛剎塵數諸佛加汝神
力故能入是三昧正受又盧舍那佛本願力
故威神力故及法善報力故又欲令汝廣說

法故長養佛慧故開解法界故分別衆生界
故除滅障故入無礙境界故無等等方面入
一切智陀羅尼故覺一切法故善知諸根故
說法持故所謂菩薩十住善男子當承佛神
力說微妙法爾時一切如來即與法慧菩薩
無礙智無住智無斷智無礙智無壞智無惡
智無量智無勝智無懈怠智無退智何以故
彼三昧力法如是故爾時諸佛各申右手摩
法慧菩薩頂摩其頂已即從定起告衆菩薩
言諸佛子菩薩種性甚深廣大與法界虛空
等一切菩薩從三世諸佛種性中生諸佛子
菩薩摩訶薩十住行去來現在諸佛所說何
等爲十一名初發心二名治地三名修行四
名生貴五名方便具足六名正心七名不退
八名童真九名法王子十名灌頂諸佛子是
名菩薩十住去來現在諸佛所說諸佛子何
等是菩薩摩訶薩初發心住此菩薩見佛三
十二相八十種好妙色具足尊重難遇或觀
神變或聞說法或聽教誡或見衆生受無量
苦或聞如來廣說佛法發菩提心求一切智
一向不迴此菩薩因初發心得十力分何等
爲十所謂是處非處智業報垢淨智諸根智
欲樂智性智一切至處道智一切禪定解脫
三昧正受垢淨起智宿命無礙智天眼無礙

智三世遍盡智是爲十諸佛子彼菩薩應學
十法何等爲十所謂學恭敬供養諸佛讚歎
諸菩薩護衆生心親近賢明讚不退法修佛
功德稱揚歎美生諸佛前方便修習寂靜三
昧讚歎遠離生死輪迴爲苦衆生作歸依處
何以故欲令菩提心轉勝堅固成無上道有
所聞法即自開解不由他悟

諸佛子何等是菩薩摩訶薩治地住此菩薩
於一切衆生發十種心何等爲十所謂大慈
心大悲心樂心安住心歡喜心度衆生心守
護衆生心我所心師心如來心是爲十諸佛
子彼菩薩應學十法何等爲十所謂先當勤
學專求多聞修離欲定近善知識不違其教
善知時語學無所畏明解深義了達正法知
堅法行捨離癡冥安住不動何以故欲於一
切衆生增長大慈悲故有所聞法即自開解
不由他悟

諸佛子何等是菩薩摩訶薩修行住此菩薩
十種觀一切法何等爲十所謂觀一切法無
常苦空無我不自在一切法不可樂一切法
無集散一切法無堅固一切法虛妄一切法
無精勤和合堅固是爲十諸佛子彼菩薩應
學十法何等爲十所謂學分別知一切衆生
界分別知一切法界分別知一切世界分別

知地水火風界分別知欲色無色界何以故
欲於一切法增長明淨智慧故有所聞法即
自開解不由他悟

諸佛子何等是菩薩摩訶薩生貴住此菩薩
從一切聖法正教中生修十種法何等爲十
所謂信佛不壞究竟於法寂然定意分別衆
生分別佛刹分別世界分別諸業分別果報
分別生死分別涅槃是爲十諸佛子彼菩薩
應學十法何等爲十所謂學分別去來今佛
法修行去來今佛法具足去來今佛法平等
觀察一切諸佛何以故欲使明達二世等觀
有所聞法即自開解不由他悟

諸佛子何等是菩薩摩訶薩具足方便住此
菩薩聞十種法應當修行何等爲十所行善
根悉爲救護一切衆生饒益一切衆生安樂
一切衆生哀愍一切衆生成就一切衆生令
一切衆生捨離諸難拔出一切衆生生死苦
惱令一切衆生歡喜快樂令一切衆生調伏
令一切衆生悉得涅槃是爲具足方便住諸
佛子彼菩薩應學十法何等爲十所謂學知
衆生無有邊知衆生不可數知衆生不思議
知衆生種種色知衆生不可量知衆生空知
衆生不自在知衆生非真實知衆生無所有
何以故欲令其心無所染著有所聞法即自

開解不由他悟

諸佛子何等是菩薩摩訶薩正心住此菩薩聞十種法得決定心何等爲十所謂聞讚佛毀佛於佛法中心定不動聞讚法毀法於佛法中心定不動聞讚毀菩薩所行法於佛法中心定不動聞衆生有量無量於佛法中心定不動聞衆生有垢無垢於佛法中心定不動聞衆生易度難度於佛法中心定不動聞法界有量無量於佛法中心定不動聞法界若成若壞於佛法中心定不動聞法界若有若無於佛法中心定不動是爲十諸佛子彼菩薩應學十法何等爲十所謂學一切法無相一切法無性一切法不可修一切法無所有一切法無真實一切法如虛空一切法無自性一切法如幻一切法如夢一切法如響何以故欲令得不退轉無生法忍故有所聞法即自開解不由他悟

諸佛子何等是菩薩摩訶薩不退轉住此菩薩聞十種法其心堅固而不動轉何等爲十所謂聞有佛無佛於佛法中不退轉有法無法於佛法中不退轉有菩薩無菩薩於佛法中不退轉有菩薩行無菩薩行於佛法中不退轉菩薩行出生死不出生死於佛法中不

退轉有過去佛無過去佛於佛法中不退轉
有未來佛無未來佛於佛法中不退轉有現
在佛無現在佛於佛法中不退轉佛智有盡
無盡於佛法中不退轉三世法一相非一相
於佛法中不退轉是爲十諸佛子彼菩薩應
學十法何等爲十所謂知一即是多多即是
一隨味知義隨義知味知非有是有知有是
非有知非相是相知相是非相知非性是性
知性是非性何以故欲於一切法方便具足
故有所聞法即自開解不由他悟

諸佛子何等是菩薩摩訶薩童真住此菩薩
於十種法心得安立何等爲十所謂身行清
淨口行清淨意行清淨隨意受生知衆生心
知衆生種種欲樂知衆生種種性知衆生種
種業知世界成壞神通自在無有障礙是爲
十諸佛子彼菩薩應學十法何等爲十所謂
學知一切佛刹震動一切佛刹持一切佛刹
觀一切佛刹詣一切佛刹徧至一切世界善
問難無量妙法神通變化無量身善解無量
諸音聲於一念中恭敬供養無量諸佛何以
故欲於一切法中出巧方便具足成就有所
聞法即自開解不由他悟
諸佛子何等是菩薩摩訶薩法王子住此菩
薩善解十種法何等爲十所謂善解衆生趣

善解諸煩惱善解諸習氣善解方便智善解
分別無量法善解諸威儀善解分別諸世界
善解去來今善解說世諦善解說第一義諦
是爲十諸佛子彼菩薩應學十法何等爲十
所謂學善知法王所住處善知法王所行威
儀善知安立法王處善知巧入法王處善知
分別法王處善知法王甘露灌頂善知受持
法王法善知法王無畏法善知法王無著法
善知讚歎法王法何以故欲於一切法得無
障礙智有所聞法即自開解不由他悟
諸佛子何等是菩薩摩訶薩灌頂住此菩薩
成就十種智住何等爲十所謂悉能震動無
量世界悉能照明無量世界悉能住持無量
世界悉能徧遊無量世界悉能嚴淨無量世
界悉知無量衆生心行悉知衆生隨心所行
悉知無量衆生諸根悉能方便度無量衆生
悉能調伏無量衆生是爲十諸佛子彼菩薩
身不可知身業神足神足自在過去智未來
智現在智淨諸佛刹智心境界智境界不可
知一切衆生乃至法王子菩薩悉不能知諸
佛子彼菩薩應學十種智何等爲十所謂學
三世智一切佛法智法界無障礙智法界無
量無邊智充滿一切世界智普照一切世界
智能持一切世界智分別一切衆生智一切

種智智佛無量無邊智何以故欲令具足
切種智有所聞法即自開解不由他悟

爾時佛神力故十方各萬佛世界塵數佛國
六種十八相震動雨天寶華天末香天寶鬘
天雜香天寶衣天寶雲天莊嚴具天妙音樂
不鼓自鳴又自演出無畏之音如此四天下
須彌山頂妙勝殿上威神變化說十住法一
切十方世界亦復如是爾時佛神力故十方
各過萬佛世界塵數刹外有十佛刹微塵數
等諸大菩薩充滿十方來詣此土說如是言
善哉善哉佛子善說是法我等諸人同名法
慧所從來國同名法雲彼諸如來同号妙法
我等佛所亦說十住大衆眷屬名味句身等
無有異是故佛子我等承佛神力奉詣此土
爲汝作證如此四天下須彌山頂妙勝殿上
說十住法十佛世界微塵數等諸大菩薩來
此作證一切十方亦復如是爾時法慧菩薩
承佛神力普觀十方及諸法界以偈頌曰
見大智尊微妙身 相好端嚴悉具足
最勝尊重甚難遇 勇猛大士初發心
見無等等大神變 聞說妙法及教誡
觀察五道無量苦 無畏大士初發心
聞諸如來普智尊 無量功德悉具足
解佛心相如虛空 菩薩因此初發心

能乃是處及非處
欲解平等真實義
過去未來現在世
諸禪三昧及解脫
欲善分別垢淨起
隨諸衆生根利鈍
悉欲了達分別知
一切衆生種種欲
悉欲了達分別知
一切諸道所至處
悉欲了達知其實
一切世界衆生類
欲得天眼悉明達
於過去世一切事
悉欲隨順達宿命
世間一切諸煩惱
悉欲覺知究竟盡
世間所有世諦法
悉欲明達世諦義
一切諸法語言斷
悉欲明達真諦義

若我非我如是等
菩薩因此初發心
一切善惡諸業報
菩薩因此初發心
隨順正受無所著
菩薩因此初發心
種種勤修精進力
菩薩因此初發心
心好樂著諸希望
菩薩因此初發心
無量無邊不可數
菩薩因此初發心
八正聖路向無爲
菩薩因此初發心
流轉五道生死海
菩薩因此初發心
如其體性所有相
菩薩因此初發心
所有結縛餘習氣
菩薩因此初發心
名字談論語言道
菩薩因此初發心
無有自性如虛空
菩薩因此初發心

震動一切佛世界

悉欲明達佛神力

一毛放演無量光

欲於一光一切覺

無量佛刹難思議

欲解一切如幻化

無量佛刹諸衆生

悉欲了達皆寂滅

一切十方大海水

悉欲分別知滄數

不可思議諸佛刹

悉欲分別知其數

過去未來無量劫

悉欲究竟達其際

三世一切等正覺

悉欲分別三乘道

無量無邊諸世界

欲知有無真實相

金剛圍山數無量

欲知至大有小相

十方一切諸世界

悉欲解了淨妙聲

一切衆生語言法

悉欲解了淨密音

傾覆鼓蕩諸大海

菩薩因此初發心

普照十方一切刹

菩薩因此初發心

皆悉能置一掌中

菩薩因此初發心

皆悉安置一毛端

菩薩因此初發心

滄以一毛盡無餘

菩薩因此初發心

皆碎爲末如微塵

菩薩因此初發心

一切世界成敗相

菩薩因此初發心

諸辟支佛及聲聞

菩薩因此初發心

能以一毛悉稱舉

菩薩因此初發心

盡能安置一毛端

菩薩因此初發心

能以一音徧充滿

菩薩因此初發心

一言演說盡無餘

菩薩因此初發心

如來清淨微妙音

充滿十方諸世界

欲得具足舌根相

菩薩因此初發心

一切十方諸世界

有成壞者皆悉見

欲得解了悉虛妄

菩薩因此初發心

一切十方諸佛刹

其中無量諸如來

悉欲了達佛正法

菩薩因此初發心

普能應現無量身

一切世界微塵等

悉欲了達如幻化

菩薩因此初發心

過去未來現在世

無量無邊諸如來

欲於一念悉了知

菩薩因此初發心

欲具演說一句法

阿僧祇劫無窮盡

欲使辯才不斷絕

菩薩因此初發心

十方一切諸羣生

隨其遷變生滅相

欲於一念悉了達

菩薩因此初發心

淨妙身口及意行

遊步十方無障礙

欲了三世悉空寂

菩薩因此初發心

菩薩如是發心已

於十方界諸佛所

應學盡敬供養佛

如是說者不退教

菩薩捨離種種樂

不厭生死求菩提

以此勸進歡喜歎

如是說者不退教

十方一切諸世界

其中所有衆賢聖

菩薩常應讚歎彼

如是說者不退教

最勝最上無有比

甚深微妙清淨法

菩薩以此化衆生

如是說者不退教

無上清淨妙善法

一切衆魔不能壞

菩薩尊重常稱歎

如是說者不退教

一切所有妙功德

天人之尊悉成就

以此安立諸菩薩

如是說者人中王

方便教化見諸佛

無量無數難思議

若能以此方便化

如是說者不退教

一切甚深諸三昧

悉教衆生無有餘

菩薩分別具開導

如是說者不退教

悉能摧滅生死輪

具轉聖道妙法輪

一切世間無所著

諸佛所記是菩薩

菩薩若見無量衆

輪轉生死受諸苦

爲作救護歸依者

諸佛所記是菩薩

是說菩薩發心住

一向志求無上道

如我所說微妙法

一切諸佛亦如是

第二治地眞佛子

先應發心作是念

願令一切羣生類

隨順修行諸佛教

饒益安樂衆生心

歡喜不捨衆生心

大悲救護我所心

起大師心如來心

發如是等勝妙心

精勤學問求多聞

寂然定意正思惟

心常親近善知識

隨順奉行修其教

柔軟善語不放逸

善能了知一切時

達深法義無所畏

明解深義了正法

則離一切諸癡冥

已離愚癡心安住

是則名爲眞佛子

亦名治地摩訶薩

一向堅固求菩提

如是善學諸佛教

是則名為真佛子

第三修行真佛子

應當如是觀諸法

無常苦空無堅固

無我無主不自在

一切諸法不可樂

無作虛誑不真實

無有積集亦無散

如是觀者是菩薩

分別觀察衆生界

亦當解了諸法界

善能分別方便觀

無量無邊諸世界

一切十方國土中

地水火風四大界

欲界色界無色界

悉能觀察分別知

善能明達一切界

真實究竟無有餘

如是真諦正法教

隨順學者是菩薩

第四生貴真佛子

從諸賢聖正法生

有無諸法無所著

捨離生死出三界

信佛堅固不可壞

究竟淨心不退轉

明了觀察甚深法

一切衆生無真實

行業世界諸佛刹

生死果報及涅槃

佛子若能如是觀

是名如來法化生

過去未來現在世

諸佛如來及正法

無量方便求究竟

成就一切大聖法

一切三世諸如來

平等觀察無異相

分別差別不可得

如是觀者達三世

如我所說讚歎者

是名四住摩訶薩

若能如是修學者

速成無上佛菩提

第五菩薩真佛子

深入清淨巧方便

所修無量諸功德

饒益安樂大慈悲

爲一切世除衆難

調伏一切諸羣生

普爲一切諸羣生

是名第五摩訶薩

具足一切功德者

第六正心真佛子

於一切世天人中

聞讚毀佛及佛法

衆生有量若無量

衆生有垢若無垢

法界有量若無量

或聞法界若有無

菩薩於此一切法

觀一切法無性相

猶若幻化夢所見

第七不退真佛子

聞無諸佛菩薩法

過去未來及現在

若法起滅不起滅

若一即多多即一

微妙具足方便住

究竟一切功德業

悉爲一切作歸依

哀愍度脫諸羣生

永拔生死令歡喜

具足功德趣涅槃

分別演說清淨法

成就方便度衆生

演說五住淨妙法

解真實法離愚癡

正念思惟滅虛妄

一切菩薩所行道

於佛法中心不動

或有易度或難度

世界有成或有敗

過去未來今現在

寂然觀察心不動

其義真實如虛空

是人於法爲真解

聞有諸佛菩薩法

若出非出不退轉

一切諸佛有以無

若有一相若異相

義味寂滅悉平等

遠離一異顛倒相

是名菩薩不退住

若有法相及無相

若有法性及無性

二俱無實等虛空

如是知者必究竟

第八章真真佛子

身口意行悉具足

微妙清淨無染汙

隨意所欲自在生

悉知一切衆生心

善能觀察諸欲性

了衆生法無差別

十方世界成敗相

速達一切妙神通

往詣十方諸佛刹

隨意自在無障礙

聞說妙法悉受持

六種震動一切國

皆悉能持諸世界

梵音徧滿十方刹

度脫無量羣生類

諸問佛義不可數

變化其身無有量

隨受化者演法言

如佛所說無有異

第九王子摩訶薩

悉能分別諸羣生

善知輕重煩惱行

隨其所應方便度

善分別知諸法相

明達世界先後際

善解俗諦第一義

具足方便無有餘

善能了達法王趣

隨順法王威儀法

善知安入法王位

善知分別法三界

第十灌頂真佛子

方便善持一切法

如法隨順入深義

悉能究竟分別說

悉度衆生無有餘

而於衆生不取相

寂然不動學正念

悉在十方諸佛前

灌頂菩薩真佛子

悉能究竟諸勝法

十方無量諸世界
能持十方諸世界
悉知一切衆生根
調伏化度諸羣生
普入十方諸佛國
遍頂色身及身業
觀察三世佛國智
三世諸佛及佛法
法界無量無有邊
盡於一切諸世界
盡於一切羣生類
如是十住諸菩薩
隨其方便及境界
初發無上菩提心
了達三世諸法相
無邊佛刹及世間
煩惱業報菩提心
初求佛道發一念
斯等一切莫能知
十方一切諸世界
彼知菩薩具足行
十方一切大海水
於一念中悉知數
一切世界末爲塵

悉能震動光普照
嚴淨一切衆生心
演梵音聲滿十方
悉令修習菩提心
觀察法界無有餘
神足自在不思議
乃至王子所不測
分別了知無障礙
諸佛聲聞悉充滿
皆悉能持光普照
爲說究竟正覺智
悉從如來法化生
一切天人莫能知
充滿十方悉無餘
具足成就一切智
無量無數衆生類
如是一切無所著
世間衆生及二乘
何況菩薩餘功德
能以一毛悉稱舉
疾得如來一切智
能以一毛沛令盡
如是行者眞佛子
悉能分別知其數

菩薩所行等微塵

是則名爲眞佛子

過去未來現在佛

一切緣覺及聲聞

分別解說不能盡

發心菩薩諸功德

菩薩初發菩提心

廣大無量無有邊

大慈大悲覆一切

何況菩薩餘功德

大方廣佛華嚴經梵行品第十二

爾時正念天子白法慧菩薩言佛子一切世

界中諸菩薩摩訶薩信家非家出家學道捨

離俗飾被服法衣彼諸菩薩云何方便修習

梵行具足菩薩十住道地連成無上平等菩

提爾時法慧菩薩答正念天子言正士此菩

薩摩訶薩一向專求無上菩提先當分別十

種之法何等爲十所謂身身業口口業意意

業佛法僧戒應如是觀爲身是梵行耶乃至

戒是梵行耶若身是梵行者當知梵行則不

清淨當知梵行則爲非法當知梵行則爲渾

濁當知梵行則爲臭惡當知梵行則爲穢汗

當知梵行則爲塵垢當知梵行則爲諂曲當

知梵行則爲八萬戶蟲若身業是梵行者當

知身四威儀則爲梵行左右顧眄舉足下足

則爲梵行若口是梵行者當知音聲則爲梵

行當知語言則爲梵行當知心觸則爲梵行

當知舌動則爲梵行當知脣齒和合則爲梵

行若口業是梵行者當知語言則爲梵行當

知所說作無作憍譏毀譽別為梵行者若意是
梵行者當知覺觀憶念不忘思惟幻夢等悉
為梵行者若意業是梵行者當知想是梵行施
設是梵行寒熱飢渴苦樂憂喜等悉是梵行
若佛是梵行者為色是佛耶為受想行識是
佛耶為三十二相八十種好是佛耶為一切
神通業報是佛耶若法是梵行者為正教是
法耶為寂滅離涅槃是法耶為生非生是法
耶為實非實是法耶為虛妄是法耶為合散
是法耶若僧是梵行者為向須陀洹果是僧
耶為得須陀洹果是僧耶為向斯陀含阿那
含阿羅漢果是僧耶為得斯陀含阿那含阿
羅漢果是僧耶為三明六通是僧耶為時解
脫是僧耶為非時解脫是僧耶若戒是梵行
者為戒場是戒耶為十眾是戒耶為問清淨
不清淨是戒耶為戒師是戒耶為三羯磨和
尚是戒耶為毘尼法服乞食是戒耶菩薩摩
訶薩當如是觀察十種法又知過去無所至
未來無所有現在無作者無知者無受報者
此世不至彼世彼世不至此世為何等法是
梵行梵行法為在何處誰有是梵行法此梵
行法為是有耶為是無耶為是色法耶為非
色法耶為是受想行識法耶為非受想行識
法耶菩薩摩訶薩正念無障礙觀察分別三

世諸法平等猶如虛空無有二相如是觀者
智慧方便無所罣礙於一切法而不取相一
切諸法無自性故於一切佛及諸佛法平等
觀察猶如虛空是名菩薩摩訶薩方便修習
清淨梵行又復修習增上十法何等爲十所
謂是觀非觀智去來現在諸業報智一切諸
種三昧正受解脫垢淨起智衆生諸根智隨
諸欲樂智種種性智至一切處道智無障礙
宿命智無障礙天眼智斷習氣智是爲十如
是觀察如來十力甚深無量具足長養大慈
悲心悉分別衆生而不捨衆生亦不捨寂滅
行無上業不求果報觀一切法如幻如夢如
電如響如化菩薩摩訶薩如是觀者以少方
便疾得一切諸佛功德常樂觀衆無二法相
斯有是處初發心時便成正覺知一切法眞
實之性具足慧身不由他悟

大方廣佛華嚴經卷第八

傾覆

上去聲切
下芳福切

鼓蕩

上公戶切
下徒朗切

遷變

上七然切

渾濁

上戶畏切

臭惡

上尺枝切

穢汙

上於廢切
下烏路切

戶蟲

下直弓切

顧眄

上古暮切
下其真切

脣齒

上食倫切
下自里切

倂譏

下居依切

毀譽

上許委切
下卑洙切

鞫磨

上居謁切

歸長

上他計切

大方廣佛華嚴經卷第九

東晉天竺三藏佛跋陀羅

譯

初發心菩薩功德品第十三

爾時天帝釋白法慧菩薩言佛子初發心菩薩爲成就幾功德藏法慧答言佛子是處甚深難知難信難解難說難通難分別雖然我當承佛神力具足演說佛子假使有人供養東方阿僧祇世界衆生一切樂具乃至一劫然後教令淨修五戒南西北方四維上下亦復如是佛子於意云何彼人功德寧爲多不帝釋言佛子除諸如來其餘一切不能稱量彼人功德法慧菩薩語帝釋言佛子初發心菩薩功德之藏百分彼人功德不及其一千分百千分億分百億分千億分百千億分百那由他分千那由他分百千那由他分億那由他分百億那由他分千億那由他分百千億那由他分乃至不可數不可譬喻不可說分彼人功德不及其一佛子復置此論假使有人供養十方各十阿僧祇世界衆生一切樂具乃至百劫然後教令淨修十善教十善已又復供養一切樂具乃至千劫然後教令淨修四禪教四禪已又復供養一切樂具至百千劫然後教行四無量心又復供養一切樂具乃至億劫然後教行四無色定又復供

養一切樂具至百億劫然後教令得須陀洹
果又復供養一切樂具至千億劫然後教令
得斯陀舍果又復供養一切樂具至百千億
劫然後教令得阿那舍果又復供養一切樂
具至億那由他劫然後教令得阿羅漢果又
復供養一切樂具至千億那由他劫然後教
令盡成緣覺佛子於意云何彼人功德寧爲
多不帝釋自言佛子彼人功德唯除諸佛其
餘一切悉不能知法慧言佛子初發心菩薩
功德之藏百分千分乃至不可數不可譬喻
不可說分彼人功德不及其一何以故佛子
一切諸佛初發心時不爲供養十方各十阿
僧祇世界衆生一切樂具百劫乃至千億那
由他劫故出興於世亦不爲教爾所衆生淨
修五戒十善四禪四無量心四無色定須陀
洹果斯陀舍果阿那舍果阿羅漢果辟支佛
道故出興於世欲不斷佛種故發菩提心欲
充滿十方一切世界故發菩提心欲悉度脫
一切衆生故發菩提心欲悉知一切世界成
壞故發菩提心欲悉知一切世界中衆生垢
淨起故發菩提心欲悉知一切世界自性清
習氣故發菩提心欲悉知一切衆生死此生
彼故發菩提心欲悉知一切衆生諸根方便

故發菩提心欲悉知一切衆生心心所念故
發菩提心欲悉分別三世一切衆生故發菩
提心欲悉知一切諸佛平等境界故發菩提
心佛子復置此喻假使有人於一念頃能過
東方無量世界彼人以此自在神力從此東
行盡無量無數阿僧祇劫猶不能得世界邊
際又第二人神力自在於一念頃能過前人
無量無數阿僧祇劫所行世界此第二人從
此東行盡無量無邊阿僧祇劫猶不能得世
界邊際又第三人神力自在於一念頃能過
前人無量無數阿僧祇劫所行世界又第四
人神力自在於一念頃能過前人無量無數
阿僧祇劫所行世界又第五人神力自在於
一念頃能過前人無量無數阿僧祇劫所行
世界又第六人神力自在於一念頃能過前
人無量無數阿僧祇劫所行世界又第七人
神力自在於一念頃能過前人無量無數阿
僧祇劫所行世界又第八人神力自在於一
念頃能過前人無量無數阿僧祇劫所行世
界又第九人神力自在於一念頃能過前人
無量無數阿僧祇劫所行世界又第十人神
力自在於一念頃能過前人無量無數阿僧
祇劫所行世界彼第十八人以此最勝自在神
力從此東行盡無量無數阿僧祇劫猶故不

得世界邊際十方世界亦復如是如是展轉
乃至百人其人以此最勝自在神力於無量
無數阿僧祇劫所至十方尚可了知得其邊
際初發心菩薩功德之藏不可得知何以故
初發心菩薩不齊限爲爾所世界衆生故發
菩提心悉爲十方一切世界衆生故欲度一
切衆生故欲分別知一切世界故發菩提心
欲知微細世界即是大世界知大世界即是
微細世界知少世界即是多世界知多世界
即是少世界知廣世界即是狹世界知狹世
界即是廣世界知一世界即是無量無邊世
界知無量無邊世界即是一世界知無量無
邊世界入一世界知一世界入無量無邊世
界知穢世界即是淨世界知淨世界即是穢
世界於一毛孔中悉分別知一切世界於一
切世界中悉分別知一毛孔性知一世界出
生一切世界知一切世界猶如虛空欲於一
念知一切世界悉無有餘故發阿耨多羅三
藐三菩提心佛子復置此喻假使有人於東
方無量無邊阿僧祇世界於一念中悉分別
知成敗之數此人精勤方便念念次第於無
量無數阿僧祇劫欲盡算知東方世界成敗
之數猶不能知又第二人於第一人無量無
數阿僧祇劫所算世界成敗之數於一念中

悉能了知此人精勤方便念念次第於無量
無邊阿僧祇劫猶不能盡知東方世界成敗
之數如是展轉乃至第十彼第十人於第九
人無量無邊阿僧祇劫所算世界成敗之數
於一念中悉能了知此人精勤方便念念次
第於無量無邊阿僧祇劫猶不能盡知東方
世界成敗之數乃至十方亦復如是十方無
量無邊世界成敗之數尚可了知初發心菩
薩功德之藏不可得知何以故初發心菩薩
摩訶薩不爲齊限知爾所世界劫數成敗故
發菩提心菩薩摩訶薩欲悉了知一切世界
劫數成敗故發菩提心欲知長劫即是短劫
短劫即是長劫知一劫即是不可數阿僧祇
劫不可數阿僧祇劫即是一劫知一切有佛
劫知一切無佛劫知一佛劫中有無量佛知
無量佛劫中有一佛知異劫中有無異劫知
異劫中有異劫知有盡劫是無盡劫知無
盡劫是有盡劫知無量劫即是一念知一念
即是無量劫知一切劫入無劫知無劫入一
切劫欲悉了知過去未來際及現在一切世
界劫數成敗故發阿耨多羅三藐三菩提心
是名菩薩初大誓莊嚴所謂悉知一切劫智
慧照明佛子復置此諭假使有人於一念中
悉知無量無邊阿僧祇世界眾生種種欲樂

此人精勤方便念念次第於無量無數阿僧祇劫不能盡知東方一切世界衆生種種欲樂如是展轉至第十人此第十人於第九人無量無數阿僧祇劫精勤方便所知衆生種種欲樂於一念中悉能了知此人如是精勤方便念念次第無量無數阿僧祇劫猶不能盡知東方一切世界衆生種種欲樂乃至十方亦復如是如是十方無量無邊阿僧祇世界衆生種種欲樂尚可了知初發心菩薩功德之藏不可得知何以故佛子初發心菩薩摩訶薩不齊限欲知爾所世界衆生種種欲樂故發菩提心欲悉知十方一切世界衆生種種欲樂故發阿耨多羅三藐三菩提心欲知種種無量欲樂即是一欲而亦不壞一切欲性欲悉知一切衆生欲樂海欲知一衆生欲即是一切衆生欲欲悉知一切衆生去來現在種種欲樂欲悉知相似欲不相似欲欲知一切欲即是一欲一欲即是一切欲欲得具足如來種種欲樂力欲知有上欲無上欲有餘欲無餘欲等欲不等欲有所依欲無所依欲共欲不共欲有邊欲無邊欲善欲不善欲世間欲出世間欲大智欲淨欲勝欲無礙智欲無礙智佛解脫欲清淨欲不清淨欲廣欲狹欲細欲麤欲故發阿耨多羅三藐三菩

提心欲悉知一切衆生一一衆生有十種欲
所謂因苦生欲方便欲希望欲著味欲隨因
生欲隨緣生欲盡欲一切欲初發心菩薩摩
訶薩欲悉分別了知此諸欲網故發阿耨多
羅三藐三菩提心佛子復置此諭假使有人
於一念中悉知無量無邊阿僧祇世界衆生
種種諸根以此智慧精勤方便念念次第於
無量無數阿僧祇劫不能盡知東方一切世
界衆生種種諸根廣說乃至悉知一切衆生
一一衆生有十種根佛子復置此諭假使有
人於一念中悉知東方無量無邊阿僧祇世
界衆生種種希望廣說乃至悉知一切衆生
一一皆有十種希望佛子復置此諭假使有
人於一念中悉知無量無邊阿僧祇世界衆
生種種方便廣說乃至悉知一切衆生一一
皆有十種方便佛子復置此諭假使有人於
一念中悉知無量無邊阿僧祇世界衆生念
念心意廣說乃至悉知一切衆生一一皆有
十種心佛子復置此諭假使有人於一念中
悉知無量無邊阿僧祇世界衆生種種諸業
廣說乃至悉知一切衆生一一皆有十種業
佛子復置此諭假使有人於一念中悉知東
方無量無邊阿僧祇世界衆生種種煩惱此
人精勤方便念念次第於無量無數阿僧祇

劫猶不能知東方一切衆生種種煩惱如是
展轉乃至第十此第十人於第九人無量無
數阿僧祇劫所知衆生種種煩惱於一念中
悉分別知此人精勤方便念念次第於無量
無數阿僧祇劫猶不能盡知一切衆生種種
煩惱乃至十方亦復如是爾所世界一切衆
生種種煩惱尚可知初發心菩薩功德之
藏不可得知何以故佛子初發心菩薩不齊
限欲知爾所世界衆生種種煩惱故發阿耨
多羅三藐三菩提心欲悉分別了知一切衆
生種種煩惱故發菩提心所謂欲悉知輕煩
惱重煩惱結使煩惱纏煩惱一一衆生無量
煩惱一切衆生種種覺觀煩惱依無明煩惱
愛相應煩惱貪欲不善根煩惱瞋恚不善根
根本煩惱我我所煩惱我慢煩惱邪憶念虛
妄生煩惱因身見生六十二見等諸煩惱蓋
煩惱障礙煩惱欲悉了知一切衆生煩惱惑
網具足大慈大悲一切種智故發阿耨多羅
三藐三菩提心佛子復置此喻假使有人於
一念中悉見東方無量無邊世界現在諸佛
及彼一切衆生此人悉能恭敬禮拜尊重讚
歎一心觀察種種供養無量上味肴膳飲食
香華瓔珞繒綵幢蓋上妙宮殿嚴飾帳幔寶

網羅覆衆寶莊嚴師子之座此人精勤方便
念念次第以如是等衆妙供具無量無數阿
僧祇劫供養諸佛又復勸教彼諸衆生以如
是等衆妙供具於無量無數阿僧祇劫供養
諸佛彼諸如來般涅槃已復爲一一諸如來
故以無量寶起塔供養其塔高廣一周滿
無量無邊世界又以上妙衆寶而莊嚴之一
一塔中有無量無數如來形像彼諸形像光
明普照無量無邊諸佛世界又復勸彼一一
衆生爲諸如來起衆寶塔嚴好如前十方世
界亦復如是佛子於意云何彼人功德寧爲
多不帝釋答言彼人功德唯佛乃知餘無能
及法慧答言佛子初發心菩薩摩訶薩功德
之藏百分千分乃至不可數不可譬論不可
說分彼人功德不及其一佛子假使有人於
第一人及所勸衆生精勤方便念念次第無
量無數阿僧祇劫所作功德諸供養具於一
念中皆悉能辦此人如是精勤方便念念次
第於無量無數阿僧祇劫供養功德廣說如
前如是展轉乃至第十人廣說亦復如前初
發心菩薩摩訶薩功德之藏百分千分乃至
不可數不可譬論不可說分彼人功德不及
其一何以故佛子彼菩薩不爲齊限供養爾
所如來故發阿耨多羅三藐三菩提心欲悉

供養十方法界虛空界等世界中三世諸佛
故發阿耨多羅三藐三菩提心發是心已得
知盡過去際諸佛無障礙智得信盡未來際
諸佛功德得知盡現在際一切諸佛所說智
慧彼三世一切諸佛功德此菩薩摩訶薩悉
皆信向受持修習得證身證悉等諸佛一切
功德何以故初發心菩薩摩訶薩欲不斷一
切諸佛性故發菩提心欲令慈悲心充滿一
切世界衆生悉無餘故欲悉度脫一切衆生
故欲悉知一切世界成敗故欲悉知一切世
界衆生垢淨起故欲令三有衆生悉得清淨
故欲悉知一切衆生心念煩惱習故欲悉知
一切衆生死此生彼故欲悉知一切衆生諸
根方便故欲悉知一切衆生心行故欲悉
知一切三世衆生故欲悉知三世諸佛具足
功德故欲悉知三世諸佛無上菩提故欲悉
知三世諸佛具足淨法故欲悉知三世諸佛
法平等相故欲悉知三世諸佛無上智慧因
緣清淨故欲悉知長養三世諸佛智慧力故
欲悉具足三世諸佛無畏法故欲悉具足莊
嚴三世諸佛不共法故欲悉得法界等無量
無邊三世諸佛平等智慧故發阿耨多羅三
藐三菩提心何以故此初發心菩薩即是佛
故悉與三世諸如來等亦與三世佛境界等

悉與三世佛正法等得如來一身無量身三
世諸佛平等智慧所化衆生皆悉同等悉能
震動一切世界悉能普照一切世界悉能休
息一切世界諸惡道苦悉能嚴淨一切世界
悉於一切世界示現成佛悉令一切衆生皆
得歡喜悉令一切衆生解深法界悉能護持
諸佛種性悉得諸佛智慧光明彼初發心菩
薩摩訶薩常不遠離三世諸佛及諸佛法一
切菩薩緣覺聲聞及所行法世間出世間法
衆生及衆生法專求菩提智慧無礙

爾時佛神力故說初發心菩薩功德藏力故
十方各萬佛刹塵數世界六種震動雨衆天
華天香天末香天鬘天寶天莊嚴具自然演
出微妙樂聲又復震吼師子之音放大光明
普照十方爾時十方各過十佛刹塵數世界
有萬佛刹塵數諸佛悉号法慧各現其身示
法慧菩薩而告之言善哉善哉佛子善說初
發心菩薩功德之藏我等萬佛刹塵數如來
亦悉演說發心菩薩功德之藏十方世界一
切諸佛亦復如是法慧菩薩說是發心菩薩
功德藏時萬佛世界塵數衆生皆得初發心
菩薩功德之藏發阿耨多羅三藐三菩提心
我等今者悉授彼記於未來世各於十方一
時成佛同号淨心如來應供等正覺我等悉

當護持此法普爲未來諸菩薩故如此娑婆
世界四天下閻浮提菩提樹下須彌山頂妙
勝殿上敷演此法教化衆生十方世界千億
那由他不可量不可數不可思議無有邊際
不可說法界虛空界等諸世界中亦說是法
教化衆生彼說法者悉名法慧佛神力故佛
本願力故顯示佛法故智慧光明普照故解
第一義故法如是故諸菩薩歡喜故讚歎諸
佛功德故悉知諸佛平等故解法界無有二
故爾時法慧菩薩普觀十方普觀一切大衆
觀虛空界觀成就衆生界不違業報清淨如
虛空界欲拔三有垢穢衆生欲令衆生得廣
解脫欲知種種諸根等觀三世正趣涅槃及
現自身甚深清淨諸功德故承佛神力以偈
頌曰

大慈大悲心 充滿十方界 分別諸佛刹 佛法及三世
欲具佛功德 菩薩法藏海 饒益衆生故 初發菩提心
欲悉分別知 虛空等法界 一切羣生類 諸佛及佛法
欲得一切佛 諸道至處力 成就不退轉 饒益諸羣生
一切衆生中 常起大慈悲 遠離瞋恚念 修習饒益心
慈光照十方 爲衆作歸依 諸佛悉護念 功德難思議
欲悉分別知 一切諸佛刹 如來妙法身 甚深難思議
無量功德藏 智慧甚深廣 因是初發心 專求佛菩提
欲悉分別知 一切衆生類 十方世界中 智慧無障礙

鹿細諸世界 或狹廣無量 一切中知一 一中知一切
菩薩於彼行 精勤不放逸 苦樂無厭著 欲度衆生故
一切佛現前 樂觀無厭足 悉入甚深法 無量功德海
五道諸羣生 愍之如一子 令除衆垢穢 具足清淨法
欲令諸佛種 究竟不斷絕 降伏一切魔 摧滅無有餘
平等觀如來 三世諸法相 甚深微妙法 常修不放逸
菩薩常樂觀 一切佛境界 是故諸如來 甘露慧灌頂
信心不可沮 堅固如金剛 於諸如來所 知恩而報恩
最勝之境界 無量智慧光 自悟不由他 菩薩初發心
悉能分別知 五道衆生欲 種種諸業報 一切心所行
知諸根利鈍 無量無數性 一切勝境界 菩薩初發心
菩提心無量 清淨法界等 無著無所依 無染如虛空
成就佛智慧 其心無障礙 諦了真實際 寂滅離虛妄
了達衆生心 而無衆生想 方便分別法 究竟到彼岸
無量無數劫 悉能分別知 往詣諸佛刹 明解甚深法
若能分別知 無量諸佛法 清淨法界藏 諦了無疑惑
深解衆生根 究竟到彼岸 平等觀諸法 則與如來等
清淨無量心 常在諸佛前 恭敬而尊重 供養人師子
親觀一切佛 樂觀無厭足 彼諸如來等 護念此菩薩
於諸深妙法 分別無障礙 無著無所依 心淨如虛空
徧知人師子 智慧海深廣 寂然入正受 三世觀無礙
堅固不可沮 一切莫能壞 專念無上道 未曾有斷絕
離闇趣明正 志學諸善法 常樂觀寂滅 具足真實性
寂默語言道 平等無異觀 於法不分別 是則從如生

悉能分別知 諸佛深境界 寂然入正受 三達無障礙
十方世界中 一切諸佛刹 菩薩自在力 一念悉周徧
無量不可數 方便悉具足 普遊十方界 是名眞佛子
具足大悲心 清涼除渴愛 大慈念一切 無礙如虛空
於彼衆生類 不生衆生想 悉已離虛妄 清淨遊十方
於彼諸羣生 常施以無畏 如此眞實行 是則等如來
常說甚深法 清淨無所著 是故十方佛 一切悉護念
過去未來世 無量無數劫 次第悉憶念 具足分別知
菩薩於現在 一切十方界 悉能普周徧 濟度諸羣萌
深智正觀察 明了無障礙 悉知因緣合 磨滅無堅固
一切衆生類 諸有疑難者 菩薩悉除滅 安住法性中
菩薩無畏力 降伏一切魔 悉能爲衆生 滅除愚癡闇
世界若成壞 悉皆分別知 若能如是觀 佛境無疑惑
觀察三世法 疑網永已除 一切如來所 淨信不可壞
信力安隱住 智慧力成就 智慧清淨故 決定解眞實
盡於未來際 饒益衆生故 欲令一切衆 究竟得解脫
無際生死中 精勤不厭倦 一切地獄處 受苦爲衆生
功德智慧藏 具足皆成就 悉能善分別 一切衆生根
又能分別知 衆生種種業 隨彼業對治 菩薩爲說法
以大慈悲心 隨順世間行 悉於一切法 解達空無我
一一音聲中 演說無量教 普照十方界 除滅一切闇
菩薩放大光 種種微妙色 普照十方界 除滅一切闇
一一光明端 清淨寶華座 菩薩悉處上 爲衆演說法
於一毛孔中 普見十方刹 彼刹妙莊嚴 諸佛菩薩會

一一如來所 無量衆圍繞 清淨妙智慧 明了衆生心
十方世界中 無量諸佛刹 菩薩神通力 一念悉徧至
恭敬供養佛 饒益衆生故 一一導師所 諮決其深義
普於諸世尊 先起慈父想 饒益衆生故 分別菩薩行
明淨利智慧 解達深法藏 出生無量智 佛法無所礙
無量無數劫 分別說法界 劫數可究竟 法界無窮盡
平等觀諸法 其心無所染 不厭生死苦 智慧無障礙
無上佛種性 三世法王家 一切如來法 菩薩由此生
清淨妙法身 應現種種形 猶如大幻師 所樂無不見
或處爲衆生 究竟菩薩行 或復現初生 出家行學道
或於樹王下 自然成正覺 或處爲衆生 示現入泥洹
現住甚深妙 無量自在法 聲聞辟支佛 一切莫能測
菩薩身口意 寂滅無生相 普應一切世 方便無不現
如是佛眞子 境界甚深妙 衆生若思議 迷亂心發狂
一切悉具足 安住無礙智 普現諸如來 無量自在力
菩薩功德藏 世間無與等 何況最勝尊 無量難思議
菩薩雖未得 具足一切智 無量諸法門 究竟到彼岸
一切勝妙法 皆悉已具足 一向求菩提 究竟一乘道
於彼諸羣生 善知時非時 爲欲利益故 示現大神力
一身悉充滿 一切諸佛刹 演出淨光明 輝耀無倫匹
徧照十方界 除滅一切闇 普降妙法雨 如海大龍王
觀察一切法 虛妄猶如幻 煩惱業力故 生死常輪轉
以大慈悲心 普覆諸羣生 清淨妙方便 度脫無量衆
菩薩功德力 與諸如來等 無量智慧海 清淨如虛空

無量無數劫 具修菩薩行 精進勤方便 欲度一切衆
衆生種種行 悉能分別知 今修清淨業 志求無上道
菩薩摩訶薩 行是勝妙法 決定不退轉 諦觀一切智
一切諸世界 無量難思議 菩薩能於彼 一念悉周徧
遠離虛妄想 其心如虛空 清淨法身一 普應一切世
湛然常不動 十方無不現 分別一切法 不取諸法相
了達一切法 其心無所染 濟度一切衆 而無解脫者
一切羣生類 種種諸希望 善惡無記法 寂滅如虛空
隨順衆庶類 種種欲樂相 無量自在力 悉能應化之
猶如工幻師 能現種種身 菩薩自在力 充滿十方界
菩薩淨法身 無量等虛空 隨衆所欲樂 一切無不現
其心無所染 真實無虛妄 清淨煩惱法 皆悉無所有
解脫非解脫 其心無所染 普施苦衆生 無上涅槃樂
悉於諸世間 智慧無所畏 具足衆相好 究竟無上道
一念悉分別 一切諸法相 去來現在世 求之無所有
菩薩觀前際 了達過去世 分別後際相 究竟亦如是
一切佛世界 分別皆悉知 除滅衆煩惱 具足諸功德
常好觀寂靜 究竟趣涅槃 樂無諍三昧 其心無所依
菩薩等實際 一切無與等 究竟堅固行 決定不退轉
彼修衆勝行 寂滅無所依 其心常安住 不動如須彌
菩薩淨妙行 充滿諸世界 諸佛及菩薩 皆悉分別知
欲求導師慧 究竟最勝道 甚深一切智 無上解脫王
勇猛勤精進 速發菩提心 欲求最勝樂 應疾斷諸漏
菩薩摩訶薩 初發清淨心 彼心功德藏 說之不可盡

饒益衆生故 讚歎如來行 一心善諦聽 最勝所行道
無量諸佛刹 悉末爲微塵 一塵置一刹 悉能分別知
是諸刹土中 一切諸如來 說初功德藏 猶故不可盡
善分別衆生 而無衆生想 善解一切語 而無言語想
甚深無礙智 分別諸世界 善解劫成敗 而無成敗想
清淨廣大心 猶如虛空性 明解三世法 一切諸世間
除滅諸煩惱 永盡無有餘 無礙寂滅觀 是則佛正法
十方世界中 一切如來所 一念悉徧至 其心無所染
善解不生法 如如真實際 一切種種相 皆悉無真實
無量不可數 一切諸如來 清淨眷屬俱 悉往禮供養
常樂問如來 甚深微妙法 一切諸菩薩 誓願清淨行
十方世界中 一切諸導師 一念悉覩見 而心無所依
一切三有中 最勝妙功德 以此清淨行 莊嚴諸佛刹
慧眼無障礙 善解一切生 分別無所有 遠離無染著
善解衆生根 煩惱及習氣 衆生種種欲 了達不思議
菩薩摩訶薩 先知衆生心 隨彼所應度 慧者爲說法
善知時非時 衆生淨穢行 漸令彼清淨 究竟得解脫
無量那由他 甚深諸三昧 菩薩自在力 一念悉能入
三昧起住相 悉善分別知 無量諸境界 善解住起緣
如是等智慧 皆悉已具足 不久得菩提 一切無障礙
常爲利衆生 正趣智慧心 彼能與衆生 無上丈夫法
悉能善分別 一切劫長短 晝夜及歲月 斯亦善觀察
止念不放逸 善解諸世間 分別諸佛刹 真實無差別
能善分別知 一切諸世界 於彼十方國 無有分別想

如是正觀察 十方諸世界 嚴淨一切國 而心無所著
成就智慧力 與諸如來等 是趣非趣力 分別知衆生
悉知衆生類 善惡諸業報 過去未來世 明達無障礙
一切諸世界 衆生種種性 於彼三有中 悉能分別知
一切羣生類 諸根上中下 菩薩摩訶薩 悉能分別知
一切衆生類 欲樂上中下 清淨不清淨 悉能分別知
分別知衆生 一切至處道 永斷相續緣 究竟離三有
一切諸三昧 正受禪解脫 垢穢清淨起 悉能分別知
次第知宿命 隨所受苦樂 如是分別者 是則如來力
一切善不善 衆生煩惱業 分別五道生 究竟得泥洹
諸漏若未盡 能趣趣趣生 煩惱習已滅 究竟無上道
方便度衆生 滅垢具淨道 慧者能分別 是則人中雄
具足十種力 慧光除衆冥 安住最勝力 疑惑究竟滅
一一毛孔中 無量諸佛刹 菩薩摩訶薩 一切皆悉見
纖細或清淨 種種妙莊嚴 隨彼諸行業 皆悉分別知
一一微塵中 一切諸佛刹 諸佛及菩薩 佛子皆悉見
諸刹不積聚 不亂不迫迮 一切入一刹 而亦無所入
十方諸國土 虛空法界等 能於一毛孔 具足分別知
普見十方界 一切諸最勝 微妙淨莊嚴 一切諸佛刹
一切諸如來 及彼嚴淨國 於一毛孔中 慧者皆悉見
三世差別相 一切諸法界 時節歲相續 分別得解脫
如是真佛子 具足無所畏 是名人中雄 明達智慧者
如是深法門 慧者悉分別 彼於如來所 恭敬喜無量
無量無數劫 長養功德藏 供養一切佛 度脫衆生故

無量自在力 種種能示現 彼智慧境界 與諸如來等
無量諸佛所 所學皆成就 寂靜深法藏 悉樂無厭足
一切導師所 恭敬尊重心 彼修菩薩行 常飲法甘露
悉能善分別 長養智慧法 菩提無礙辯 甚深諸三昧
信心不可動 猶如須彌山 長養諸衆生 一切功德藏
菩薩摩訶薩 大慈悲無量 普念一切衆 其心無所著
一切種智樂 惠施諸衆生 悉欲救世間 永離煩惱垢
菩薩摩訶薩 大悲心無量 佛及已衆生 等觀無有異
樂觀寂滅相 諸法如虛空 慧者如是觀 一切真實性
菩薩初發心 甚深功德藏 無量無數劫 說之不可盡
出生諸如來 緣覺閑靜樂 自在聲聞衆 一切賢聖故
十方世界中 無邊諸佛刹 所有衆生類 供養無量劫
又教修五戒 十善及四禪 四等無色定 寂滅諸解脫
復於無量劫 供施諸樂具 又復教轉勝 漏盡成羅漢
如此諸功德 猶尚可稱量 發心功德藏 無譬不可說
又化無量衆 悉成辟支佛 寂靜三摩提 甚深諸功德
彼人功德聚 比初發心藏 百分不及一 乃至不可說
無量無有邊 微塵等佛刹 假使神力人 一念悉能過
如是神足力 無量劫中行 彼刹猶可數 發心藏難知
去來現在劫 無量無有邊 如是等諸劫 猶可知其數
菩薩初發心 無量功德藏 猶如虛空界 分際不可知
去來現在世 一切諸劫數 菩薩於一念 悉能分別故
菩薩發心寶 欲達去來今 一念悉明了 利益衆生故
十方世界中 無量刹衆生 所有欲希望 一念悉分別

知諸根方便 念念心所行 虛空尚可量 菩提心難知
所以不可量 大慈無量故 普施一切樂 充滿十方界
欲令悉得佛 法藏解脫樂 初發寶藏心 功德力無量
衆生欲希望 方便願求想 隨彼種種根 身口意所行
能於一念中 彼彼悉覺知 欲得一切智 發心願菩提
一切衆生類 無量煩惱業 由斯結業故 趣趣受諸有
如此結業報 猶可知邊際 發心功德藏 不可得思議
所以不可議 能發無上願 供養一切佛 永離諸煩惱
兼除羣生類 一切煩惱業 濟拔三世苦 究竟大悲心
十方諸世界 無量無數佛 一念悉供養 兼以勸衆生
熏以殊妙香 寶幢諸幡蓋 天衣珍妙鬘 上味甘露漿
隨時諸宮觀 牀卧莊嚴具 清淨經行地 安身順道心
斯等衆供具 無量寶莊嚴 摩尼發光耀 皆是快樂因
如是供養佛 兼以勸衆生 不可思議劫 常行此供養
斯等諸功德 尚可究竟說 發心功德藏 無可爲譬論
一切諸譬論 如前廣分別 欲比初發心 無量不及一
三世人中尊 一切功德業 無上菩提果 皆由初發心
無數億劫中 修行無上道 無數無有量 出過一切量
究竟一切智 其力不可量 到彼菩提岸 超度羣生趣
初發菩薩心 廣大如虛空 出生諸功德 其相同法界
等觀諸法性 如實無異相 永離一切有 性同堅固土
甚深真法性 妙智隨順入 無邊諸佛土 一念悉周徧
一切智所知 無不徧觀察 無量佛境界 了達無障礙
常修妙功德 一切無與等 具足微妙戒 清淨無瑕穢

內外一切施 等心施一切 一切時常施 精勤不退轉

專念修正受 諸禪功德藏 常習微妙智 深廣無涯底

於此最勝地 成就佛真子 逮得如實智 平等甚深行

去來現在世 一切諸如來 悉以威神護 初發菩提心

甚深諸三昧 無量陀羅尼 諸佛自在力 莊嚴初發心

一切諸世間 莫能稱算者 無量無有邊 猶如虛空界

初發菩提心 無量無有邊 一切八師子 皆由初發心

如來十種力 四辯無所畏 無量諸功德 皆由初發心

一切諸導師 十八不共法 斯等殊勝慧 皆由初發心

諸佛妙色身 種種相莊嚴 究竟離虛妄 清淨真法身

天人所應供 甚深無礙智 如是等功德 皆由初發心

一切辟支佛 無量聲聞眾 斯等諸賢聖 皆由初發心

四禪無色定 甚深諸三昧 斯等無量樂 皆由初發心

云來今現在 十方天人類 一切世界中 趣趣受生樂

方便勤精進 諸根悉調伏 斯等無量樂 皆由初發心

所以然者何 菩薩摩訶薩 因初發心故 具六波羅蜜

化諸羣生類 棄邪入正道 故能令三界 受茲種種樂

菩薩深妙智 通達無障礙 開導諸眾生 淨修殊勝業

滅除眾煩惱 一切不善行 修習涅槃道 度脫一切眾

無量智慧明 猶如淨日光 具足清白行 譬如月盛滿

無邊功德藏 猶如十方海 無垢無所染 清淨如虛空

菩薩初發心 偈讚不可盡 悉令諸眾生 具受一切樂

無量無數劫 廣修諸大願 常習功德業 調伏眾生故

無量無有數 淨願難思議 皆悉具足滿 令眾得清淨

普觀一切法 悉空無相願 弘誓願力故 心淨無所畏
解法真實性 清淨如虛空 定亂悉平等 寂滅無所有
甚深諸妙法 無量難思議 常為大衆說 其心無染著
十方世界中 一切諸如來 彼佛常讚歎 菩薩初發心
無量妙功德 莊嚴初發心 至彼清淨岸 性同諸如來
一切衆生類 無量無數劫 俱讚初發心 功德不可盡
諸佛功德藏 菩薩由是生 於諸三有中 最勝無倫匹
欲得一切佛 明淨智慧燈 應建弘誓願 速發菩提心
一切功德中 菩提心為最 能得無礙智 從佛法化生
一切衆生心 悉可分別知 一切刹微塵 尚可算其數
十方虛空界 一毛猶可量 菩薩初發心 究竟不可測
因初菩提心 出生三世佛 一切諸衆生 種種上妙樂
佛所讚功德 因此悉具足 於佛境界中 其心無疑惑
若能永遠離 一切諸疑惑 則能滅衆生 無量諸障礙
因初菩提心 嚴淨諸佛國 普令一切衆 具足微妙智
欲見十方刹 三世一切佛 又欲得無量 甚深功德藏
若欲滅衆生 無量生死苦 應建堅誓願 速發菩提心
大方廣佛華嚴經卷第九

知狹

下後更切

利鈍

下後更切

發狂

下巨王切

妙集

下後更切

露漿

下後更切

甲辰歲高麗國大藏都監奉

勅彫造

大方廣佛華嚴經卷第十

東晉天竺三藏佛跋陀羅

譯

明法品第十四

爾時精進慧菩薩問法慧菩薩言佛子初發心菩薩成就如是無量功德之藏以大莊嚴而自莊嚴乘一切智乘入菩薩離生道遠離世間志求正覺諸佛所住皆以得住決定成就無上菩提彼菩薩摩訶薩云何修習功德轉勝今諸如來皆悉歡喜具足菩薩所住功德清淨之行大願成滿得菩薩藏隨其所應而化度之已能不捨諸波羅蜜隨所請衆生皆悉度脫興隆三寶永使不絕一切所爲善根境界諸行方便皆悉不虛善哉佛子當爲我等演說此法願樂欲聞如諸菩薩所修功德滅除癡闇降伏衆魔制諸外道離於塵垢具足成就一切功德究竟永離惡道諸難具足清淨甚深智慧菩薩一切諸地功德諸波羅蜜三昧摠持六通三明清淨之法莊嚴一切諸佛世界具足相好微妙音聲清淨心行一切如來力無所畏十八不共菩薩若智具足佛刹隨成熟衆生隨時隨根無量佛事及諸菩薩無量功德菩薩正法菩薩所行菩薩之道菩薩境界皆悉滿足速成如來一切諸佛無量法藏悉能守護分別廣說開示顯現

衆魔外道所不能壞攝持正法而無窮盡於一切世界悉能演說天王龍王夜叉王乾闥婆王阿脩羅王迦樓羅王緊那羅王摩睺羅伽王人王梵王諸佛法王皆悉守護此菩薩摩訶薩一切世間恭敬供養尊重讚歎常爲諸佛之所護念一切菩薩皆亦愛敬得善根力增長白法能開諸佛甚深法藏以大正法而自莊嚴次第演說菩薩所行爾時精進慧菩薩欲重宣此義以偈頌曰

善哉願說大乘法
深入廣大無量行
若有菩薩初發心
入離生道出世間
云何於佛正法中
令諸如來悉歡喜
所行清淨大願滿
悉能度脫一切衆
不捨一切波羅蜜
所請衆生皆能度
淨眼境界無障礙
人雄所行清淨道
滅除一切愚癡闇
離垢功德皆成就
永離衆難惡道苦

菩薩所成諸功德
具足清淨無師智
成就功德智慧乘
決定疾得佛菩提
修習功德轉增勝
佛所住地而得坐
具足菩薩智慧藏
而於羣生無所著
諸所施爲悉不虛
興隆佛法永不絕
具足功德求佛道
悉爲具足分別說
降伏衆魔制外道
得人中尊妙智慧
清淨智慧皆具足

成就最勝諸道力

無量甚深大功德
得人中上妙智慧

隨其所應而度之

不可思議諸佛刹

自在無量作佛事

一切殊勝甚深行

分別人雄功德藏

常能護持最勝法

世間諸難莫能壞

云何無畏如師子

功德具足如滿月

猶如蓮華不著水

功德清淨如最勝

爾時法慧菩薩告精進慧菩薩言善哉善哉

佛子多所饒益多所安樂多所惠利哀愍世

間諸天人故能問如是菩薩甚深清淨之行

佛子汝住甚深真實智慧大精進力一心修

習得不退轉超出世間所問自在與如來等

佛子汝今諦聽善思念之我當承佛神力爲

汝少說佛子此菩薩摩訶薩已得發心功德

之藏應離癡闇精勤守護滅諸放逸佛子菩

薩摩訶薩有十種法得不放逸何等爲十一

者持戒清淨二者遠離愚癡淨菩提心三者

捨離諂曲哀愍衆生四者勤修善根得不退

轉五者常樂寂靜遠離在家出家一切凡夫

六者心不願樂世間之樂七者專精修習諸

勝善業八者捨離二乘求菩薩道九者常習

功德心無染汙十者善能分別自知已身佛

子是爲菩薩修十種行住不放逸佛子菩薩

摩訶薩已能住此不放逸法又復正行十種

淨法何等爲十佛子此菩薩摩訶薩如說修行念智成就捨離調戲諸放逸行安住甚深微妙善法常樂求法心無厭足隨所聞法得真實觀具足出生巧妙智慧能入佛自在心常寂定未曾散亂聞好聞惡心無憂喜猶如大地等視衆生上中下類悉如佛想恭敬供養和尚諸師及善知識菩薩法師念念次第如一切智佛子是爲菩薩十種淨法佛子菩薩摩訶薩如是精勤修習念知不捨方便心無所倚修甚深法入於無諍無量無邊深妙佛法皆悉了知今諸如來皆悉歡喜佛子菩薩摩訶薩行十種法能令一切諸佛歡喜何等爲十一者所行精勤而不退轉二者不惜身命三者不求利養四者修一切法猶如虛空五者巧方便慧觀察諸法等同法界六者分別諸法心無所倚七者常發大願八者成就清淨忍智光明九者善知一切損益諸法十者所行法門皆悉清淨佛子是爲菩薩行十種法能令一切諸佛歡喜佛子菩薩復安住十法能令一切諸佛歡喜何等爲十安住不放逸安住無生法忍安住大慈安住大悲安住滿足諸波羅蜜安住菩薩清淨之行安住滿足無量大願安住巧方便安住一切力安住一切法猶如虛空無所依止佛子是爲

菩薩安住十法能令一切諸佛歡喜佛子菩薩摩訶薩行十種法能速成就一切諸地何等爲十一者心常樂行諸功德事二者行大莊嚴諸波羅蜜道三者智慧明達不隨他語四者恒不遠離真善知識五者常修精進而不退轉六者善取佛意受持諸法七者行諸善根心無憂惑八者以大乘莊嚴而自莊嚴明利慧光普照一切九者安住一切諸地法門十者同三世佛善根正法佛子是爲菩薩行十種法能速成就一切諸地佛子彼菩薩摩訶薩住諸地已先應修習巧妙方便隨其所得諸地法門隨其所得甚深智慧隨其行業隨其依果隨其境界隨其自在隨其示現隨其分別諸勝法門得諸勝法門已悉善分別於一切法而無所著所有諸法皆由心造菩薩摩訶薩若能如是明了觀察則能具足一切諸地彼菩薩摩訶薩作如是念我應速成一切諸地何以故我於諸地如說行時速得無量諸功德藏得無量功德藏已漸到佛地到佛地已能作佛事是故菩薩摩訶薩常勤修習不捨方便心無憂惑得大莊嚴住菩薩住佛子菩薩摩訶薩復行十法悉能清淨菩薩諸行何等爲十一者悉捨一切瞋衆生意二者持戒清淨無所毀犯三者具足忍辱

無有窮盡四者勤修方便而不退轉五者離
 癡正念常定不亂六者分別明了一切諸法
 七者具足成滿一切衆行八者功德尊重心
 如山王九者爲一切衆生作清涼池十者令
 一切衆生同諸佛法佛子是爲菩薩行十種
 法悉能清淨菩薩諸行佛子菩薩摩訶薩如
 是修行清淨之行復得十種轉勝妙法何等
 爲十一者他方諸佛皆悉護念二者修習長
 養超勝善根三者安住如來巧密方便四者
 常樂親近依善知識五者安住精進修不放
 逸六者分別諸法非謬非別七者安住具足
 無上大悲八者觀法如實出生智慧九者能
 善修行巧妙方便十者一切方便觀如來力
 佛子是爲菩薩十種清淨轉勝妙法佛子菩
 薩摩訶薩復有十種清淨之願何等爲十願
 成就衆生心無憂感願長養善根嚴淨佛刹
 願恭敬供養一切如來願不惜身命守護正
 法願以種種檀諸智慧問悉令衆生生諸佛刹
 願諸菩薩入不二法門入佛法門分別諸法
 願令一切所欲見佛悉得見之願盡未來際
 一切諸劫如須臾頃願具足普賢菩薩所願
 願淨一切種智之門佛子是爲菩薩摩訶薩
 十種清淨之願佛子菩薩摩訶薩修行十法
 悉能滿足一切諸願何等爲十一者生大莊

嚴心無憂惑二者轉向勝願念諸菩薩三者
所聞十方嚴淨佛刹悉願往生四者究竟未
來際五者究竟成就一切衆生滿足大願六
者住一切劫不覺其久七者於一切苦不以
爲苦八者於一切樂心無染著九者悉善分
別無等等解脫十者得大涅槃無有差別佛
子是爲菩薩摩訶薩悉能滿足一切諸願菩
薩摩訶薩備諸願已逮得十種無盡法藏何
等爲十得見諸佛無盡之藏得陀羅尼無盡
之藏得分別法無盡之藏得大悲心覆護一
切無盡之藏得諸三昧無盡之藏得滿衆生
意功德無盡之藏得深智慧解法眞實無盡
之藏得出生諸通分別衆寶無盡之藏得一
切諸佛威神守護無盡之藏得分別無量無
邊世界智慧無盡之藏佛子是爲菩薩摩訶
薩得十種無盡之藏成就無量無邊功德之
藏具足淨慧隨其所應而化度之佛子云何
菩薩摩訶薩隨其所應而化衆生此菩薩知
諸衆生所宜方便知諸衆生種種因緣知諸
衆生心心所念知心念已教對治法貪欲多
者教不淨觀瞋恚多者教大慈觀愚癡多者
教令分別一切諸法三毒等分教以具足勝
智法門樂生死者教三種苦著諸有者教空
法門懈怠衆生教行精進我慢衆生教平等

觀心諂曲者教菩薩心寂靜非有如是一切諸煩惱患教以無量對治法門具足次第演說義味分別智慧平等觀法先後無違演說諸法破壞之性而於法界無所散滅斷除疑惑令悉歡喜隨其諸根教入真諦教諸功德入如來海說真實際以壞衆相教等法界開示法藏教一切依心無所染教平等念一切諸佛恭敬親近教柔軟音而無所著教一切音而無差別教殊勝法而無倫匹教具足一切如來平等智身菩薩如是常能化度一切衆生而心寂定未曾散亂不捨一切諸波羅蜜具足莊嚴六波羅蜜普爲一切羣生類故悉能捨離內外所有而未曾起慳吝之心是名清淨檀波羅蜜又復不生持戒相故於戒無著是名清淨尸波羅蜜悉能堪忍一切諸苦聞好聞惡心無憂喜未曾顛動猶如大地是名清淨羣提波羅蜜勇猛精進方便修習其心堅固而不退轉究竟成就佛智慧門是名清淨毗梨耶波羅蜜捨一切欲離生喜樂清淨次第入於正受而無所染燒滅煩惱生無量定具大神通次第超越入於無量諸三昧門於一三昧門入無量三昧悉知一切三昧境界漸具諸佛智慧之地是名清淨禪波羅蜜於諸佛所聞法受持恭敬親近諸善知識

心無疲倦常樂聞法無有厭足所聞諸法能
正觀察入真實定捨離一切顛倒邪見妙善
方便分別了知諸法相海無有自性修習如
來深智慧門具足一切智慧之力乘普門慧
能入一切智慧之門是名清淨般若波羅蜜
示現一切世間威儀教化衆生心無憂惑隨
其所應示現其身一切所行心無染著示現
童蒙點慧所行示現生死及解脫門善能分
別諸方便行示現無量諸莊嚴事能入一切
諸生趣中解了一切衆生所行是名清淨方
便波羅蜜究竟成就一切衆生究竟嚴淨一
切世界究竟供養一切如來究竟解達諸法
真實而無障礙究竟修行具足法界究竟未
來劫住如須臾頃究竟未來劫猶如一念究
竟解達一切成壞究竟示現一切佛刹究竟
速得諸佛智慧是名具足願波羅蜜自專正
力離衆煩惱具足清淨能正他力具足成就
無能壞者大悲力滿足大慈力平等悉能覆
護一切衆生陀羅尼力能持一切諸方便義
妙辯才力令諸衆生皆悉歡喜諸波羅蜜力
莊嚴大乘弘誓願力未曾斷絕諸神通力出
生無量具佛神力覆護一切是名清淨力波
羅蜜知貪欲增知瞋恚增知愚癡增又知等
分分別學地於一念中悉知衆生心心所行

能知衆生諸所希望能知一切諸法真實解
達諸佛深智慧力普知一切諸法界門是名
清淨智波羅蜜佛子菩薩摩訶薩如是清淨
諸波羅蜜滿足諸波羅蜜不捨諸波羅蜜乘
大莊嚴悉能度脫所請衆生教化一切修習
善行悉令一切永離惡道勤修精進超出衆
難貪欲多者教離欲觀瞋恚多者教平等觀
邪見多者教因緣觀欲界衆生教離欲恚惡
不善法色界衆生教增上觀無色界衆生教
細微智慧樂聲聞緣覺教寂靜行樂大乘者
教以十力莊嚴大乘如初發心時見有衆生
墮諸惡道大師子吼我當知其心病以諸法
門而濟度之菩薩具足如此智慧皆能度脫
一切衆生佛子菩薩摩訶薩能如是行者則
能興隆三寶永使不絕所以者何菩薩摩訶
薩教化衆生發菩提心是故能令佛寶不斷
開示甚深諸妙法藏是故能令法寶不斷具
足受持威儀教法是故能令僧寶不斷復次
悉能讚歎一切大願是故能令佛寶不斷分
別解說十二緣起是故能令法寶不斷行六
和敬是故能令僧寶不斷復次下佛種子於
衆生田生正覺芽是故能令佛寶不斷不惜
身命護持正法是故能令法寶不斷善御大
衆心無憂惱是故能令僧寶不斷去來今佛

所說正法不違其教是故能令三寶不斷菩薩如是不斷三寶一切所行無有不善彼能悉行一切迴向決定究竟無上菩提菩薩如是安住清淨身口意業已所說善根教化衆生種種方便所言不虛能令衆生皆得歡喜彼菩薩摩訶薩諸所施行乃至無有一念錯謬如是一切諸緣妙行皆爲智慧方便攝持悉能迴向無上菩提如是菩薩安住離癡清白法已於念念中具足出生十種莊嚴何等爲十色身莊嚴隨應示現語言莊嚴除衆疑惑悉令歡喜意行莊嚴於一念中入諸正受佛剎莊嚴滅除一切諸煩惱迹光明莊嚴普照十方眷屬莊嚴能集勝衆悉令歡喜神力莊嚴隨其所應自在示現佛教莊嚴皆能攝取諸點慧者涅槃地莊嚴一處成道悉能充滿示現十方持法莊嚴隨衆隨時隨其器量而爲說法菩薩如是於念念中具足出生十種莊嚴已身口意行悉皆清淨永離愚癡智慧成就如此菩薩若有親近恭敬隨逐出家聽受法教隨喜憶念乃至見聞此等衆生必定究竟無上菩提佛子譬如阿伽陀藥衆生見者衆病悉除菩薩成就如是無量法藏衆生見者煩惱諸病皆悉除愈於白淨法心得自在佛子菩薩摩訶薩若得成就如是方便

安住此法除滅愚癡具足智慧故降伏衆魔
大慈悲心故制諸外道具足智慧功德力故
除滅一切心垢煩惱入金剛定故具足善根
心無憂感於先佛所修功德力故能離一切
惡道諸難清淨智慧悉滿足故出生菩薩清
淨諸地諸波羅蜜一切三昧六通三明四無
所畏次第方便智慧力故淨諸佛刹相好莊
嚴身口意淨白淨法力故得佛十力四無所
畏十八不共平等佛法智慧分別速解諸法
一切種智平等正覺諸大願力如來神力大
智慧力隨順衆生現諸佛刹隨應受化轉大
法輪度脫無量無邊衆生佛子菩薩摩訶薩
如是修行無量法藏次第具足得如來處於
無量刹修菩薩行護持正法爲大法師守護
攝持如來法藏成就四辯於大衆中演暢深
法身相端嚴說法周備於四辯才具足無量
巧妙方便能得無盡諸智慧門音聲殊妙演
一法言能悅一切隨宜順導令得開解入智
慧門菩薩以如是等無量方便普爲衆生開
闡法藏而未曾生懈怠之心於大衆中而無
所畏一切世間無能壞者具足增上般若彼
羅蜜次第分別一切法相而無斷絕勝妙四
辯說一切法種種譬論不可窮盡具足大悲
能令一切清涼悅樂修習大慈充徧十方處

師子座廣爲衆生說微妙法唯除如來無能

過者無能見頂無能觀察無能屈者無能問

難若能窮其言論之辯無有是處佛子菩薩

摩訶薩成就如是勝妙法已無邊世界滿中

大衆彼一一身猶如三千大千世界菩薩摩

訶薩處彼衆中其身殊特映蔽大會皆悉不

現以大慈心普覆一切甚深智慧分別彼心

成就無畏具足辯才廣爲說法皆令歡喜何

以故菩薩摩訶薩成就無量淨智慧故成就

無量巧方便故成就無量正念力故成就無

盡巧方便故成就分別諸法陀羅尼故成就

分別諸法深智慧故成就諸佛威神力故成

就三世諸佛實智慧故成就三世諸佛清淨

巧方便故成就廣說一切諸佛甚深法藏護

持法故成就三世諸佛勝妙智慧菩薩大願

智慧力故爾時法慧菩薩說是漸增功德藏

已欲重宣此義承佛威神以偈頌曰

菩薩住初地 長養功德藏 修習不放逸 慧光照十方

菩薩菩提心 守護常不忘 十方諸如來 心皆大歡喜

勤修行精進 正念力堅固 所行不退轉 不著於世間

常樂甚深法 成就無諍定 十方諸最勝 一切皆歡喜

諸佛歡喜已 究竟精進度 成就功德藏 無量深智慧

一切行清淨 具足於諸地 十方佛奉願 皆悉具足滿

如是智慧成 得諸深法藏 得是法藏已 隨順於世間

成就巧方便 分別衆生心 隨所應教化 而爲演說法
已能廣說法 不捨於自行 具足彼羅蜜 成就大功德
已具彼羅蜜 本所請衆生 無量生死海 皆悉究竟度
如是常修習 日夜無休懈 興隆佛法僧 永使不斷絕
所修無量行 清白悉具足 一切皆究竟 成就最勝地
菩薩所修行 真實無虛偽 度脫衆生類 離諸煩惱垢
成就如是法 除滅愚癡闇 降伏一切魔 究竟得菩提
佛子如是行 具足如來智 悉能分別說 諸佛甚深藏
若能如是說 法師中第一 等爲諸羣生 普雨甘露法
無極大慈悲 充滿十方界 悉能分別知 一切衆生心
已了衆生心 及諸餘心行 爲彼說深法 無量無有數
進止常安諦 猶如大象王 威猛如師子 一切莫能害
不動如須彌 智慧如大海 普雨甘露水 除滅煩惱熱
法慧菩薩說是偈已 如來隨喜大衆奉行
大方廣佛華嚴經佛昇夜摩天宮自在品第十五
爾時如來威神力故十方一切諸佛世界諸
四天下一一閻浮提皆有如來坐菩提樹下
無不顯現彼諸菩薩各承佛神力說種種法
皆悉自謂在於佛所爾時世尊威神力故不
離道樹及帝釋宮向夜摩天寶莊嚴殿時彼
天王遙見佛來即於殿上敷蓮華藏寶師子
座十萬種寶以爲莊嚴十萬寶帳彌覆其上
十萬寶網以爲瑤瑤次上十萬衆妙寶蓋又
復十萬天諸華蓋天繒雜寶以爲垂帶十萬

瓔珞而莊嚴之十萬衣以敷其上十萬天子在前立侍十萬梵天而圍遶之十萬菩薩在前讚歎十萬光明以爲照耀十萬妓樂自然演出十萬正法娛樂音聲十萬善根妙相顯現十萬如來威神護持十萬功德藏而長養之十萬三昧而嚴淨之十萬願藏以爲清淨十萬奇特未曾有法勝相顯出十萬妙法而現在前十萬自在處處普現十萬功德妙相等起十萬音聲演出諸法時彼天王莊嚴寶蓮華藏師子座已合掌恭敬白佛言善來世尊唯願哀愍處此宮殿時佛受請即昇寶殿一切十方夜摩天宮亦復如是爾時天王無量音樂寂然無聲即自憶念過去佛所所種善根以偈頌曰

諸吉祥中最無上

名稱如來聞十方

是故此處最吉祥

來入摩尼莊嚴殿

諸吉祥中最無上

寶王如來世間燈

是故此處最吉祥

來入甘露上味殿

諸吉祥中最無上

喜王如來慧無量

是故此處最吉祥

來入雜寶莊嚴殿

諸吉祥中最無上

慧眼如來世間燈

是故此處最吉祥

來入殊特最勝殿

諸吉祥中最無上

饒益如來義無量

是故此處最吉祥

來入清淨寶山殿

諸吉祥中最無上

是故此處最吉祥

無師如來世間尊

諸吉祥中最無上

來入微妙寶香殿

是故此處最吉祥

天人中尊世間燈

諸吉祥中最無上

來入輕微妙香殿

是故此處最吉祥

無去如來論師子

諸吉祥中最無上

來入明淨普眼殿

是故此處最吉祥

分別如來功德持

諸吉祥中最無上

來入娛樂莊嚴殿

是故此處最吉祥

苦行如來刹世間

諸吉祥中最無上

來入等色普照殿

是故此處最吉祥

如此間夜摩天王佛神力故憶念過去諸等

正覺以偈讚歎如是十方一切世界夜摩天

王各自憶念過去佛所所種善根以偈讚歎

亦復如是爾時世尊昇其實殿寶蓮華藏師

子座上結跏趺坐爾時寶殿忽然廣博猶如

夜摩天處十方世界亦復如是

大方廣佛華嚴經夜摩天宮菩薩說偈品第十六

爾時十方各過十萬佛刹塵數世界有世界

名無量慧次名幢慧次名地慧次名勝慧次

名燈慧次名金剛慧次名安樂慧次名曰慧

次名清淨慧次名梵慧其佛号常住眼次号

無量眼次号真實眼次号不動眼次号天眼

次号清淨眼次号安諦眼次号明相眼次号

無上眼次号淨光澤眼其菩薩名功德林次

名慧林次名勝林次名無畏林次名慙愧林
次名精進林次名力成就林次名堅固林次
名如來林次名智林此諸菩薩各於其國佛
所淨修梵行爾時佛神力故彼諸菩薩各與
一佛世界塵數菩薩來詣佛所恭敬禮拜佛
神力故隨所來方化作寶藏師子之座結跏
趺坐充滿十方如此世界夜摩天上菩薩雲
集十方世界亦復如是爾時世尊從兩足指
放百千億妙色光明普照十方一切世界諸
四天下菩提樹下夜摩天宮蓮華藏寶師子
座如來神力及諸大會皆悉顯現爾時功德
林菩薩承佛神力普觀十方以偈頌曰

普放淨光明 徧照十方界 一切悉覩佛 通達無障礙
佛處夜摩宮 蓮華寶座上 一切諸世間 奇特未曾有
讚歎十如來 衆生皆悉聞 世尊大衆會 一切無不見
普於十方界 演說無上法 亦悉同名字 如我菩薩衆
各從十方界 來詣於此處 彼諸上人等 清淨修梵行
彼諸如來等 亦各同名号 見佛清淨刹 自在神通力
一切見如來 人中或道場 又復見世尊 處此夜摩宮
一切諸世間 莫能思議佛 隨彼衆生願 一切皆悉見
衆生見如來 無量自在力 離世大仙人 功德藏無量
遊行十方界 一切無障礙 一身爲無量 無量身爲一
功德甚深妙 一切莫能測 無著無所依 清淨如虛空
爾時慧林菩薩承佛神力普觀十方以偈頌

曰

不可思議劫 天人師值 難垢諸大人 此會亦難遇
 悉皆一切智 慧光靡不照 演說深妙法 饒益於衆生
 一切諸世間 常爲癡冥蔽 如來世燈明 皆悉能除滅
 施戒忍精進 禪定三昧藏 修習深妙智 普照於一切
 如來無與等 何況有勝者 顛倒取諸法 是故不見佛
 自在神通力 無量難思議 無來亦無去 說法度衆生
 若有得聞見 清淨天人師 永出諸惡道 遠離一切苦
 無量無數劫 修習求菩提 逮成等正覺 廣度諸羣生
 不可思議劫 供養無量佛 若能解是義 功德勝於彼
 雖施無量刹 滿中諸珍寶 不能解此義 終不成正覺
 爾時勝林菩薩承佛神力普觀十方以偈頌

曰

猶如春後月 虛空無雲暈 日曜清淨光 一切無不照
 光明無限量 世間無能數 有眼尚不知 何況盲冥者
 如來亦如是 功德光無量 無量無數劫 莫能分別知
 光明無來處 去亦無所至 不生亦不滅 空寂無所有
 未來一切法 悉無有來者 無生無現在 是故無過去
 一切法無生 亦復無有滅 若能如是解 斯人觀如來
 諸法無生故 當知無所有 如是分別知 此人達深義
 諸法無自性 一切無能知 若能如是解 是則無所解
 所言有生者 當知由所生 解彼真實性 是則無疑惑
 一切諸所生 正觀亦如是 菩薩如是觀 具足一切智
 爾時無畏林菩薩承佛神力普觀十方以偈

此處無邊際 廣大如法界 一切無不至 湛然不遷變
若聞如是法 恭敬信樂者 永離三惡道 一切諸難苦
往詣諸世界 無量不可數 聞此甚深法 憶念善受持
聞受大仙人 清淨深妙法 一向求菩提 究竟無上道
深信過去佛 及彼諸佛法 一切世間燈 除滅眾疑闇
若有得聞佛 無量自在力 決定信向者 具足人中雄
若能一心信 現在一切佛 彼成等正覺 開示無量義
無量無數劫 此法甚難值 若有得聞者 當知本願力
如是佛深法 悉能善受持 廣為眾生說 是人難思議
是故勤精進 修行大莊嚴 聞持是正法 究竟得菩提
爾時慙愧林菩薩承佛神力普觀十方以偈

頌曰

得聞真諦法 殊特未曾有 歡喜信樂者 除滅眾疑惑
一切知見人 自說深妙法 佛慧靡不照 是故難思議
非從智慧生 亦非無智生 了達一切法 除滅世間闇
色法非色法 此二不為一 愚智亦如是 其性各別異
生死及涅槃 此二悉虛妄 愚智亦如是 二俱無真實
世界始成立 無有敗壞相 愚智亦如是 二俱相乖違
菩薩初發意 及以最後心 愚智亦如是 二俱不相應
譬如六情識 迭用互不同 愚智亦如是 究竟不和合
譬如伽陀藥 消滅一切毒 智慧亦如是 除滅諸癡闇
法王無上尊 是勝莫能過 所說皆真實 以故難值遇
爾時精進林菩薩承佛神力普觀十方以偈

頌曰
諸法無差別 唯佛分別知 一切無不達 智慧到彼岸
如金及金色 其性無差別 如是法非法 其性無有異
衆生非衆生 二俱無真實 如是法非法 其性無所有
譬如未來世 無有過去相 一切法如是 無有真實相
譬如過去法 無有生起相 諸法亦如是 皆悉無有相
涅槃不可取 說時有二種 諸法亦如是 無有差別相
譬如種種數 皆悉是數法 諸法亦如是 其性無別異
譬如數法十 增一至無量 皆悉是本數 智慧故差別
譬如諸世界 劫燒有終敗 虛空無損減 無師智亦然
十方空無異 衆生起分別 如是取如來 虛妄不見佛
爾時力成就 於菩薩承佛神力普觀十方以
偈頌曰

一切衆生類 悉皆三世攝 三世諸衆生 皆爲五陰攝
五陰從業起 諸業因心起 心法猶如幻 衆生亦如是
世間非自作 亦復非他作 不知真實性 生死輪常轉
所謂世間轉 皆悉是苦轉 衆生不知故 生死輪常轉
世間非世間 二俱非真實 衆生愚癡故 妄取諸法相
三世五陰法 說名爲世間 斯由虛妄有 無則出世間
何從是五陰 五陰有何相 不見五陰壞 妄取謂常住
五陰虛妄法 真實無所有 空寂不遷變 究竟離衆相
世間既虛寂 佛及法亦然 斯等三種法 其性無所有
除滅諸顛倒 明了見真實 一切知見人 常現在其前
爾時堅固林菩薩承佛神力普觀十方以偈

譬如地種性 自性無所有一切佛自在 其性亦如是
一切諸世間 咸共稱讚佛 求彼解讚法 十方無來處
衆生虛妄取 謂之爲真實 分別離衆生 業性不可得
業性無所有 衆生身非真 種種無量色 亦復無來處
一切諸形色 業性難思議 雖見無所有 識性亦如是
諸佛身如是 不可得思議 無量妙色身 普現一切刹
無量身非佛 佛非無量身 清淨妙法身 究竟度彼岸
若有能得見 清淨妙法身 是人於佛法 其心無癡惑
過去一切法 觀察等涅槃 彼人見如來 究竟常安住
修習正憶念 明了見正覺 無相無所有 是名法王子
爾時如來 拈菩薩承佛神力 普觀十方 以偈
頌曰

譬如工畫師 分布諸彩色 虛妄取異色 四大無差別
四大非彩色 彩色非四大 不離四大體 而別有彩色
心非彩畫色 彩畫色非心 離心無畫色 離畫色無心
彼心不常住 無量難思議 顯現一切色 各各不相知
猶如工畫師 不能知畫心 當知一切法 其性亦如是
心如工畫師 畫種種五陰 一切世界中 無法而不造
如心佛亦爾 如佛衆生然 心佛及衆生 是三無差別
諸佛悉了知 一切從心轉 若能如是解 彼人見真佛
心亦非是身 身亦非是心 作一切佛事 自在未曾有
老人欲求知 三世一切佛 應當如是觀 心造諸如來
爾時智林菩薩 承佛神力 普觀十方 以偈頌

所取不可取 所見不可見 所聞不可聞 所思不可思
於有量無量 不應作限量 有量及無量 二俱無所取
不應說而說 是爲自欺誑 已事不成就 不能悅衆生
若有能讚歎 無量諸如來 不可思議劫 功德不可盡
猶如隨意珠 能現無量色 此色非真色 諸佛亦如是
如虛空清淨 非色不可見 能現一切色 其性不可見
如是大智人 示現無量色 非識之所識 一切莫能觀
雖聞如來聲 音聲非如來 離聲復不知 如來等正覺
是處其深妙 若能分別知 莊嚴無上道 遠離諸虛妄
一切諸如來 無有說佛法 隨其所應化 而爲演說法
大方廣佛華嚴經卷第十

制諸 上杜何切

放逸 下夷質切

誦曲 上世曉切

等視 下承失切

毀犯 下範音

憂戚 下倉歷切

須臾 下羊朱切

慳吝 下良月切
俗作吝

黠慧 上胡八切

興隆 下力中切

錯謬 下靡幼切

隨逐 下直六切

迭用 上徒結切

彩畫 上倉害切
俗作畫

甲辰歲高麗國大歲都監奉

勅彫造

大方廣佛華嚴經卷第十一

湯

東晉天竺三藏佛跋陀羅

譯

功德華聚菩薩十行品第十七之一

爾時功德林菩薩摩訶薩承佛神力入菩薩

善伏三昧入三昧已十方各過萬佛世界塵

數刹外各見萬佛世界塵數諸佛是諸如來

皆号功德林時彼諸佛告功德林菩薩言善

哉善哉佛子乃能入是善伏三昧十方各萬

佛刹塵數諸佛加汝神力故能入是善伏三

昧盧舍那佛本願力故威神力故諸菩薩善

根力故欲令汝廣說甚深法故長養一切智

故分別一切衆生性故離一切障礙入無障

礙境界故成就一切方便故成就一切種智

故覺悟一切法故善知諸根故聞持一切法

故所謂菩薩十行佛子當承佛神力廣說妙

法時彼諸佛即與功德林菩薩無障礙法與

安住法與無師法與無礙法與不雜亂法與

清淨法與無量法與最勝法與無垢法與不

退法何以故彼三昧力故爾時諸佛各申右

手摩功德林菩薩頂摩其頂已即從定起告

衆菩薩言諸佛子菩薩行業不可思議廣大

如法界究竟如虛空何以故菩薩摩訶薩學

三世諸佛所行法故佛子何等爲菩薩摩訶

薩行菩薩有十行三世諸佛之所宣說何等

為十一者歡喜行二者饒益行三者無恚恨
 行四者無盡行五者離癡亂行六者善現行
 七者無著行八者尊重行九者善法行十者
 真實行是為十行佛子何等為菩薩摩訶薩
 歡喜行此菩薩為大施主悉能捨離一切所
 有等心惠施一切衆生施已無悔不望果報
 不求名譽不求生勝處不求利養但欲救護
 一切衆生欲攝取一切衆生欲饒益一切衆
 生欲學一切諸佛本行欲正憶念諸佛本行
 欲得清淨諸佛本行欲得受持諸佛本行欲
 顯現諸佛本行欲廣說諸佛本行欲令一切
 離苦得樂是名菩薩摩訶薩歡喜行菩薩修
 歡喜行時一切衆生歡喜愛敬隨諸方土有
 貧窮處菩薩願往生彼豪貴大富財寶無盡
 於念念中有無量無邊無數衆生詣菩薩所
 自言仁者我等貧窶靡所資贍願垂慈救得
 濟生命菩薩念念應其所須悉令滿足靡不
 歡喜菩薩不求索煩重而生憂惱但發無
 上大慈悲心施無厭足欲令常來來已稱慶
 倍復歡喜作如是念我得善利此等衆生是
 我福田是我善友不請不求自來教誨發起
 我心修行佛道我今應當如是修學普令衆
 生悉得歡喜我於三世所修功德願速成就
 清淨法身神力自在悉令衆生隨其所須皆

得歡喜以此功德令諸衆生悉成正覺度脫
無量衆生悉令究竟無餘涅槃我當先令一
切衆生滿足諸願然後我當成等正覺雖我
想衆生想我所想壽命想種種想福伽羅想
作者想法界衆生界空無差別離欲法非眞
實法無所有法非堅固法非恃怙法非所作
法菩薩如是觀時不見施者不見受者不見
財物不見福田不見業不見報不見果不見
大果不見小果菩薩觀察三卅發如是念哀
哉衆生爲愚癡所覆煩惱所纏常流生死輪
迴苦海於不堅固法不得堅固我當盡學諸
佛所學饒益衆生成等正覺開悟一切皆令
清淨隨順寂滅觀三卅法是名菩薩摩訶薩
初歡喜行

佛子何等爲菩薩摩訶薩第二饒益行此菩
薩持戒清淨於色聲香味觸法心無染著廣
爲衆生說無染法不求生於人天勝處尊貴
之家不求利養不求端正不求帝王但堅持
淨戒作如是念我持淨戒離一切纏煩惱熾
火憂悲苦惱不負衆生諸佛歡喜究竟成就
無上菩提菩薩如是持淨戒時於一日中若
有無量無數阿僧祇諸大魔王一一魔王各
將無量無數阿僧祇諸天女衆皆悉端正顏
貌姝妙姿容妖豔傾惑人心又復齎持一切

樂具欲來惑亂菩薩道意爾時菩薩作如是念此五欲者是障道法乃能障礙無上菩提是故菩薩乃至不生一念欲心心淨如佛除其方便教化衆生內不離菩薩一切種智堅固正念不爲五欲因緣故起一念念惱亂衆生寧捨身命不加惡於人若加惡於人無有是處菩薩自見佛已來未曾有心起一欲想何況從事若或從事無有是處爾時菩薩作如是念衆生長夜在生死中憶念五欲貪著五欲愛樂五欲心常流轉五欲境界永沒五欲莫之能出我今應當作如是學令諸魔王天女眷屬及一切衆生立無上戒立淨戒已又教令得不退轉地一切種智成等正覺乃至究竟無餘涅槃何以故此是我業一切諸佛皆如是學離諸非行計我無知觀一切佛平等深法得一切智爲衆生說法斷除顛倒不離衆生而有顛倒不離顛倒而有衆生顛倒內無衆生衆生內無顛倒顛倒非衆生衆生非顛倒顛倒非內法顛倒非外法衆生非內法衆生非外法一切諸法但是虛妄無有眞實須臾不住無有堅固猶如幻化欺誑愚夫悟一切法如夢如電如是解者能達生死究竟菩提未度者度未脫者脫未調伏者令得調伏未寂靜者令得寂靜未安隱者令得安

隱未離垢者令得離垢未清淨者令得清淨
未涅槃者令得涅槃未快樂者令得快樂我
當捨離世間眾事令諸如來皆悉歡喜具足
成就一切佛法安住無上最勝法中平等正
觀一切眾生分別了知一切諸法遠離諸惡
永捨虛妄除滅一切煩惱習氣成就出要勝
妙方便悉得無量無邊辯才成就甚深空寂
智慧是名菩薩摩訶薩第二饒益行
佛子何等爲菩薩摩訶薩第三無恚恨行此
菩薩常能修習忍辱之法謙卑恭敬和顏愛
語不自害不害他亦不俱害不自舉不舉他
亦不兩舉不自是不是他亦不兩是不是不自讚
歎但作是念我當常爲眾生說法離一切惡
斷貪恚癡憍慢亂心慳嫉諂曲以大忍法而
安立之菩薩成就如是清淨忍法設有無量
無數眾生一一眾生各有無量無數眷屬一
一眾生各有無量無數化頭頭有無量阿僧
祇古古出無量無數惡聲聲出無量無數惡
罵音辭鄙穢毀辱菩薩又此眾生各有無量
阿僧祇手手執無量無數刀杖捶擊摧辱毀
害菩薩乃至無量阿僧祇劫未曾休息菩薩
遭此楚毒之時作如是念我因是苦若生恚
心則自不調伏自不守護自不明了自不寂
靜自不修定自不真實自愛其身何能令彼

生歡喜心而得度脫菩薩作是思惟因身心
故於無量劫受諸苦惱是故重自勸勵令心
歡喜善自調攝何以故我當安住無上法故
欲令衆生亦得此法復更思惟此身空寂無
我我所無真實性空無有二若苦若樂皆無
所有諸法空故我當解了廣爲人說是故我
今雖遭苦毒應當忍受爲愍傷衆生故饒益
衆生故安隱衆生故攝取衆生故不捨衆生
故欲令衆生得不退轉究竟成就無上菩提
佛所行法我當修行是名菩薩摩訶薩第三
無恚恨行

佛子何等爲菩薩摩訶薩第四無盡行此菩
薩勤修精進勝精進最勝精進第一精進大
精進微妙精進上精進無上精進無等精進
無等等精進彼菩薩不爲貪欲所亂不爲瞋
恚愚癡憍慢惱害慳嫉恨諂曲無慙無媿
之所惱亂菩薩復作是念我不欲惱諸衆生
乃至不欲惱一衆生故勤修精進但欲捨離
諸煩惱故修行精進欲害一切結故修行精
進欲離一切習氣故修行精進欲悉分別一
切衆生故修行精進欲知一切衆生死此生
彼故修行精進欲知一切衆生煩惱習故修
行精進欲知一切衆生種種希望故修行精
進欲知一切衆生諸境界故修行精進欲知

一切衆生諸根故修行精進欲知一切衆生
心心所行故修行精進欲知一切法境界故
修行精進欲知諸佛實法故修行精進欲知
諸佛平等法故修行精進欲以善方便知三
世平等故修行精進欲知清淨平等法故修
行精進欲得一切諸佛法故修行精進欲以
一方便門知一切佛法故修行精進欲知諸
佛無量無邊不可思議故修行精進欲知諸
佛大智慧善方便故修行精進欲知一切佛
法廣爲衆生句句分別故修行精進菩薩成
就如是精進若有人言無量無數阿僧祇世
界衆生汝能爲此一一衆生故於無量無數
阿僧祇劫具受無擇大地獄苦令彼衆生究
竟涅槃復有無量無數阿僧祇佛出興於世
令無量無數阿僧祇衆生受種種樂汝猶具
受大地獄苦然後汝當成阿耨多羅三藐三
菩提菩薩答言我悉能爲爾所世界一一衆
生受大地獄苦諸佛出世衆生受樂我亦受苦
然後我當成無上道復有人言汝若能以一
毛渧無量無邊阿僧祇諸大海水皆悉令盡
無量無邊阿僧祇世界末爲微塵悉知其數
如是念念次第常不廢忘菩提之心菩薩若
聞是語不退不悔歡喜踊躍勤修精進作如
是念我得善利因我故令無量無邊阿僧祇

世界衆生永離衆苦菩薩復作是念我當人
一切衆生受一切苦普令衆生離一切苦悉
皆究竟無餘涅槃然後我當成無上道是名
菩薩摩訶薩第四無盡行

佛子何等爲菩薩摩訶薩第五離癡亂行此
菩薩成就第一正念未曾散亂堅固不壞第
一最勝清淨無量捨離癡冥分別正念善能
受持世間出世間經論色法非色法經論受
想行識經論無有癡亂死此生彼無有癡亂
處胎出胎無有癡亂住菩提心無有癡亂親
近善知識無有癡亂學諸佛法無有癡亂覺
諸魔事無有癡亂遠離魔事無有癡亂於無
量劫修菩薩行菩薩成就如是等無量無數
堅固正念於無量無數阿僧祇劫從諸佛菩
薩善知識所聞受正法所謂甚深法微妙法
莊嚴法種種莊嚴法種種名味句身法莊嚴
菩薩法莊嚴諸佛無上法正希望清淨法不
深一切世間法分別一切世間法廣法無量
法捨離癡暗分別世間法共法不共法菩薩
智境界法一切智自在法菩薩聞此法已於
無量無邊阿僧祇劫未曾退忘何以故菩薩
摩訶薩本無量劫修道行時未曾惱亂衆生
正念三昧不斷正法不斷善根不斷智慧故
此菩薩無量種聲不能燒亂所謂高大聲惱

亂聲令人恐怖聲微妙聲不可愛聲散亂六
 根聲菩薩聞如是等無量無數好惡諸聲於
 正念不亂三昧不亂境界不亂入微妙法不
 亂菩薩行不亂修習菩提心不亂念佛三昧
 不亂觀察真實法不亂教化衆生智不亂成
 就衆生不亂安立衆生清淨智不亂觀察甚
 深義不亂不行惡業故無惡業障不行煩惱
 故無煩惱障不行不恭敬故無不恭敬障不
 行謗法故無謗法障如是等無量種種聲一一
 音聲充滿十方無量無邊阿僧祇世界於無
 量無邊阿僧祇劫未曾斷絕悉能壞亂衆生
 諸根令其發狂而不能亂此菩薩甚深三昧
 菩薩於三昧中思惟分別一切音聲生住滅
 相善分別知生住滅性亦善觀察諸聞聲者
 聞好惡聲心無憎愛正念不亂於彼諸聲善
 取其相而不深著知一切聲皆無所有非真
 實性無有造者亦無本際與法性等無有差
 別是菩薩成就寂靜身口意行不復退轉安
 住諸禪三昧正受悟一切法智慧成就得離
 一切音聲三昧阿僧祇三昧門以爲眷屬長
 養大悲於念念中能得無量阿僧祇三昧究
 竟成就一切種智菩薩聞此能壞諸根大惡
 音聲已作如是念我當令一切衆生安住清
 淨正念於一切智得不退轉究竟成就無餘

涅槃是名菩薩摩訶薩第五離癡亂行

○

佛子何等為菩薩摩訶薩第六善現行此菩

薩成就寂滅身口意業無所有無所示現身

口意業無縛無脫身口意業無縛無脫諸所

示現無所依無所住隨心住無量心性等一

切法性等無性相示現無相相甚深無底如

如性離業報善方便出生離生不生不滅寂

滅涅槃等非有說有語言道斷離一切世間

無所依住長養菩薩所起善根入離虛妄無

縛無著法門入真實法門入離世間法門分

別一切世間法菩薩作如是念一切衆生無

性為性一切諸法無為為性一切佛剎無相

為相究竟三世皆悉無性言語道斷於一切

法而無所依菩薩解如是等諸甚深法解一

切世間悉皆寂滅解一切諸佛甚深妙法解

佛法世間法等無差別世間法入佛法佛法

入世間法佛法世間法而不雜亂世間法不

壞佛法真實法界不可破壞安住三世平等

正法亦不捨菩提心不捨教化衆生心增長

大慈大悲心悉欲救度一切衆生菩薩作是

念我不成就衆生誰當成就我不調伏衆生

誰當調伏我不寂靜衆生誰當寂靜我不令

衆生歡喜誰當令歡喜我不清淨衆生誰當

令清淨菩薩復作是念我以解了此甚深法

見諸衆生受大苦惱趣危險徑爲諸煩惱之所纏縛如重病人常被苦痛恩愛繫縛在生死獄常不離地獄餓鬼畜生閻羅王處不能永滅無量苦聚不離三障常處愚癡暗不見真實明受無窮生死不得解脫道輪迴八難愚癡所病諸垢所染沒在無量深煩惱海邪見所惑不覩正道菩薩作如是觀察衆生若未成熟而捨取正覺是所不應我當先教化衆生於無量劫修菩薩行未成熟者教令成熟未調伏者教令調伏諸未度者教令得度是菩薩住此行時諸天世人魔王釋梵沙門婆羅門諸天乾闥婆等見此菩薩歡喜敬仰若有衆生恭敬供養尊重禮拜乃至見聞皆悉不虛畢定究竟阿耨多羅三藐三菩提是名菩薩摩訶薩第六善現行

佛子何等爲菩薩摩訶薩第七無著行此菩薩以無著心於念念中能觀察阿僧祇世界嚴淨阿僧祇佛刹於諸佛刹心無染著往詣阿僧祇諸如來所禮拜恭敬以阿僧祇華香塗香末香衆寶華鬘天衣雜寶寶蓋幢幡諸莊嚴具各阿僧祇以用供養心無所著阿僧祇諸方便行而無所行阿僧祇思無思法住於念念中見無量諸佛於諸佛所心無所著於佛相好心無所著於佛光明心無所著於

諸佛剎心無所著聞佛說法心無所著於十方世界心無所著於如來衆心無所著於菩薩衆心無所著聞法歡喜心無所著正心增廣攝意不亂行菩薩行不著佛法此菩薩摩訶薩於十方剎一一佛所無量無邊阿僧祇劫恭敬禮拜供養心無厭足見佛聞法心無所著見諸如來菩薩大衆以爲莊嚴心無所著見不淨剎心不憎惡何以故菩薩摩訶薩寂滅平等觀諸法故諸法無垢無淨無暗無明無分別無不分別無虛妄無真實無安隱無危險無正道無邪道菩薩如是觀真實法性入衆生性教化調伏成熟衆生於彼衆生心無所著受持諸法而於諸法心無所著不捨菩薩心而住佛所住於佛所住心無所著入種種語言道於語言道心無所著入衆生道於衆生道心無所著分別諸三昧正受皆悉能入心無所著往詣無量無邊不可說諸佛國土見彼佛國心無所著若去佛國心無餘戀菩薩摩訶薩於諸佛國以無貪著心解佛實教於無上道而無障礙於佛正教已得安立具足菩薩行安住菩薩心成就菩薩寂滅解脫不念不著菩薩所行住菩薩淨道受真實記得授記已作如是念凡夫愚癡不知眞諦不見眞諦暗鈍無信心不眞實常行深

著流轉生死不見諸佛離善知識離於正道
迷惑邪見不求調御師不敬十力王不知菩
薩恩親近惡知識聞諸法空心大恐怖不正
思惟誹謗正法棄捨正道好從邪徑入魔羅
網遠離諸佛常著諸有受種種苦爾時菩薩
見彼衆生受諸苦已增長大悲觀諸善根心
無所著爾時菩薩作如是念我當爲十方一
一衆生故住無量無邊阿僧祇劫成熟衆生
心無疲倦常共止住不欲捨離去如毫端以
一毫端悉徧量度十方世界爲一衆生故於
一一毫端處各住無量無邊阿僧祇劫如爲
一衆生爲一切衆生亦復如是以此大悲心
念念次第未曾斷絕而於衆生心無所著於
一一毫端處具足修習盡過去未來際諸菩
薩行不著身不著法不著念不著願不著三
昧不著行不著寂靜不著境界不著教化成
熟衆生不著入深法界何以故菩薩如是觀
察一切法界如幻諸佛法如電菩薩行如夢
所聞法如響一切世界如化業報所起如摩
訶摩化身知一切衆生猶如畫像種種異形
皆由心畫所說諸法皆如實際於一念中徧
滿十方修菩薩行廣大如法界究竟如虛空
於一念中悉知諸佛決定方便了知心相迴
轉迅速而於此心無所深著菩薩如是觀察

無我見佛化度一切衆生於佛法中得無量
喜起大慈悲救護一切心無憂惱得歡喜願
未成熟者當令成熟未調伏者當令調伏遠
離世間而能隨順一切世間若聞諸方國土
衆生音聲衆生諸業衆生施設衆生和合衆
生流轉衆生諸行衆生境界衆生諸地衆生
興起我當乘大願之力普至彼處終不捨弘
捨教化衆生乃至不起一念深著所以者何
以無所著故自利利彼清淨滿足是名菩薩
摩訶薩第七無著行

佛子何等爲菩薩摩訶薩第八尊重行此菩
薩成就尊重善根不壞善根最勝善根不思
議善根無盡善根不退善根無比善根寂靜
善根一切佛法善根此菩薩修習行時心常
愛樂諸佛妙法一向專求無上菩提未曾暫
捨菩薩大願於無量劫行菩薩道不計衆苦
而生憂惱一切衆魔所不能壞一切諸佛悉
共護念常行菩薩諸清淨行精勤修習一切
菩薩無量苦行未曾懈倦得不退轉大乘弘
願此菩薩安住尊重菩薩行已於念念中能
轉阿僧祇劫生死苦難長養菩薩無量大願
若有衆生恭敬供養乃至見聞斯等皆得住
不退轉決定究竟無上菩提彼菩薩觀察衆
生了達非有而不捨一切譬如河水不至彼

岸不來此岸不斷中流能度衆生於彼此岸
以流通故菩薩摩訶薩亦復如是不趣生死
不趣涅槃亦復不住生死中流而能濟度此
岸羣生到於彼岸安隱無畏無憂惱處於衆
生數心無所著不離一衆生著多衆生不離
多衆生著一衆生不增衆生界不損衆生界
不生衆生界不滅衆生界不盡衆生界不長
衆生界不虛衆生界不二衆生界何以故菩
薩深解衆生界如法界衆生界法界無有二
無二法中無增無損無生無滅法性真實無
來無去無所倚著不作二相何以故菩薩解
一切法界無二相故菩薩如是以善方便解
深法界住無相住清淨妙相莊嚴其身善能
分別一切諸相決定究竟到於彼岸悉分別
知衆生之數普能現身一切佛刹於諸佛刹
心無所著深入佛法亦無所染分別義味廣
爲人說於一切法離諸欲際而不斷菩薩道
不捨菩薩行行無盡功德入清淨法界譬如
火珠出火不可窮盡如是菩薩諸功德藏不
可窮盡教化衆生亦不可盡而菩薩摩訶薩
非究竟非不究竟非離取非不離取非依非
無依非世間法非佛法非凡夫非得果如是
菩薩成就尊重心修習菩薩行不教聲聞辟
支佛乘不教佛法不教世間法不教衆生不

壞衆生不教正道不壞正道不教垢不教淨
何以故菩薩解了諸法無垢無淨知一切法
無受無轉亦無有退行是寂滅甚深法時亦
不生念我今行此法已行此法當行此法未
曾生念有陰界入內世間外世間內外世間
一切大願諸波羅蜜何以故一切法中無向
聲聞緣覺菩薩佛乘亦復無向諸凡夫界亦
復無向垢淨生死及涅槃界何以故諸法無
二無不二故譬如虛空求之十方無有差別
非無虛空菩薩如是觀一切法悉無差別非
不究竟成等正覺彼最真實不違正行普能
示現菩薩所行而不捨離無量大願調伏衆
生轉大法輪不壞因果不違寂滅平等觀法
此菩薩悉與三世諸如來等不斷佛性不壞
正法興隆正法辯才無盡於諸法中心無所
著安住法堂分別深法住無所畏不捨佛住
不違世法普現世間等於世間心無所著菩
薩如是成就尊重智慧修菩薩行令一切衆
生永離世間惡道諸難教化成就安置三世
諸佛法中堅固不動如是教已復作是念一
切衆生不知恩義更相殺害邪見增盛迷惑
正道煩惱充滿癡冥所覆設有善知識充滿
世間皆悉明達智慧具足者我不爲此等修
菩薩行何以故我於善惡人所不求利養不

徇名譽乃至一縷及一愛言於無量劫行菩薩道不生一念自求已安但欲調伏一切衆生淨一切衆生度一切衆生何以故一切諸佛法如是故不求利養不計人惡常應等心行菩薩道怨親等觀而無差別欲令究竟至於彼岸具足成就無上菩提是名菩薩摩訶薩第八尊重行

佛子何等爲菩薩摩訶薩第九善法行此菩薩爲諸天人沙門婆羅門乾闥婆等一切衆生作清涼法池守護正法佛種不絕得清淨陀羅尼故說法無障礙得義陀羅尼故義辯不可盡得法陀羅尼故法辯不可盡得正語陀羅尼故辭辯不可盡得無障礙陀羅尼故說義味不可盡得佛甘露灌頂陀羅尼故令衆生歡喜辯不可盡得自覺悟陀羅尼故同辯不可盡入同辯陀羅尼故說種種義名味句身不可盡得正語陀羅尼故無量辯不可盡得無量讚歎陀羅尼故於三千大千世界變身如佛妙音具足於一切法無所障礙而作佛事隨所應化隨所解音隨衆生根以廣長舌清淨音聲隨時說法不違大悲隨其所應於一一言出無量音皆令歡喜設有衆生悉知無量不可計阿僧祇諸語言法知無量業知無量報如是等無量無數阿僧祇衆生

充滿無量無邊阿僧祇世界與菩薩爲眷屬
 菩薩處此會中出一法言悉令此等衆生皆
 得開解有如是等無量無邊阿僧祇諸大衆
 與菩薩爲眷屬亦復如是爾時菩薩復作是
 念設一毛端處於一念中有無量無邊阿僧
 祇大衆來會如是念念次第盡過去未來一
 切諸劫大衆來會猶故不盡彼諸大衆言聲
 不同所問各異菩薩聞如是等一切問難心
 無所畏而作是念設令一切衆生悉來問難
 猶以一言決其疑網皆令歡喜菩薩說法言
 不虛妄於一一言有無量無邊智慧莊嚴成
 就無邊諸功德藏慧光普照一切諸法具足
 成就一切種智此菩薩安住善法行已能自
 清淨亦能饒益一切衆生如此三千大千世
 界乃至無量無邊不可稱數諸世界中自化
 其身爲眞金色妙音具足於一切法無所障
 礙而作佛事以無量無邊清淨法門化度衆
 生佛子此菩薩摩訶薩有十種身入無量無
 邊法界身除滅一切世間故未來身一切趣
 生故不生身深樂不生平等法故不滅身一
 切諸法言語斷故不實身如如眞實故離癡
 妄身隨應化故無來去身離死此生彼故不
 壞身法界性無壞故一相身三世語言道斷
 故無相身善分別諸法相故菩薩摩訶薩成

就如是十種身能爲一切衆生作舍長養善
根故爲一切衆生救護與大無畏故爲一切
衆生歸依令大安隱住故爲一切衆生尊導
開示無上道門故爲一切衆生師方便令入
真實法故爲一切衆生燈令見業報故爲一
切衆生明得甚深法故爲一切衆生炬令離
愚癡解真法故爲一切衆生光令得明地故
爲一切衆生趣趣燈顯現如來自在力故是
名菩薩摩訶薩第九善法行此菩薩摩訶薩
安住善法行已爲一切衆生作清涼法池得
佛甚深諸法底故

佛子何等爲菩薩摩訶薩真實行此菩薩成
就第一誠諦之語如說能行如行能說此菩
薩學三世諸佛真實語入三世諸佛性與三
世諸佛善根等此菩薩成就如是等一切善
根學三世諸佛無二語隨順如來一切智慧
此菩薩成就衆生是處非處智衆生去來現
在一切業報智衆生諸根具足不具足智衆
生種種性智衆生種種欲智衆生一切至處
道智一切禪定解脫三昧正受垢淨起時非
時轉智過去一切世界成壞智無障礙天眼
智漏盡智而不捨一切菩薩所行何以故欲
令一切衆生調伏清淨故菩薩復作是念我
見衆生受無量苦若未度此等先成正覺是

所不應我當滿足大願然後成佛令一切衆生志求菩提究竟無餘涅槃何以故非衆生請我發菩提心行菩薩行我自發心普爲衆生欲令究竟得一切種智是故我於一切最爲殊勝不著衆生故我於一切得爲最上調御衆生故我離一切暗解無衆生際故我得所應得本願具足故我善變化菩薩功德莊嚴故我有善攝取三世諸佛所護念故此菩薩摩訶薩不捨本願故得入無上智慧莊嚴隨一切衆生所應悉能化度隨其本願悉滿足已得一切法自在智慧令一切衆生皆得清淨於念念中悉能徧遊十方世界於念念中悉能往詣無量佛國於念念中悉見無量無數諸佛及莊嚴刹示現如來自在神力究竟法界虛空界等其身無量隨應悉現無量無礙而無所依於自身中普現佛刹一切衆生一切諸法三世諸佛皆悉顯現此菩薩知衆生種種想種種欲業報清淨隨其所應爲現其身而調伏之解一切法如幻如化如電衆生如夢此菩薩義身味身不可窮盡清淨正念決定了知一切諸法入諸三昧無上智慧寂靜觀察不二之地一切衆生皆依二法菩薩摩訶薩住大悲心修習如是諸深妙法寂靜究竟得佛十力入因陀羅網法界自在

成就如來無礙解脫人中雄猛大師子吼得
無所畏爲法轉輪王能轉無礙清淨法輪成
就智慧解脫了知一切世間所有絕生死迴
流入智慧大海悉能饒益一切衆生護持三
世諸佛正法窮盡諸佛方便大海是名菩薩
摩訶薩第十眞實行此菩薩安住眞實行已
能令一切天人八部無量衆生清淨歡喜

大方廣佛華嚴經第十一

無悔下兼內切

名譽下羊元切

貧窶下郡羽切

資贍上即夷切
下時豔切

求索下山貴切
亦作索

所纏下直連切

顏貌下莫教切
正作兒

姝妙上昌朱切

姿容上資音

妖豔上於喬切
下焰音

傾惑上去營切
下胡國切

齋持上祖雞切
俗作齋

謙卑上苦兼切
下府移切

鄙穢上方美切
下於廢切

捶擊上亡累切
下古歷切

摧辱下而蜀切

遭此上作曹切

楚毒上創舉切

勸勵上去願切
下力制切

愍傷上眉殞切
下式羊切

慳嫉上苦閑切
下秦悉切

嫌恨上戶兼切
下胡良切

摩覓下奴侯切

佢名上辭閑切

甲辰歲高麗國大藏都監奉

新彫造

大方廣佛華嚴經卷第十二

湯

東晉天竺三藏佛跋闍耶維

譯

功德華聚菩薩十行品第十七之二

爾時佛神力故十方世界六種震動如來威
神法應如是雨天華雲雨天香雲雨天末香
雲雨天鬘雲雨天衣雲雨天寶雲雨天莊嚴
雲雨又自然出天妓樂音天妙光明普照一
切演出諸天微妙音聲如此四天下夜摩天
宮說十行法佛神力故十方世界亦復如是
爾時十方各過十萬佛刹塵數世界有十萬
佛刹塵數菩薩充滿十方來詣此土到已語
功德林菩薩言善哉佛子乃能演說諸菩薩
行我等諸衆菩薩皆同一字名功德林我等
世界皆名功德幢佛同号普功德我等佛所
亦說十行名味句身次第義味衆會眷屬亦
復如是不增不減是故佛子我等承佛神力
來詣此土爲汝作證如此四天下夜摩天宮
寶莊嚴殿說十行法我來爲證十方世界亦
復如是爾時功德林菩薩承佛神力普觀十
方一切法界及諸眷屬欲令佛種永不斷絕
欲令菩薩種性清淨欲令菩薩願種不轉欲
令行種不斷欲令攝取三世佛種欲分別說
衆生善根種欲觀察一切衆生時根欲樂垢
淨心所行種欲普照一切諸佛菩薩種以偈

敬心頂禮十力尊
境界深遠無等倫
人中最勝無障礙
智慧無二無等等
十方現在諸導師
無等功德離諸惡
一切如來人中雄
遊心清淨法界中
十方三世無與等
一切佛法悉平等
十方一切世界中
於諸如來無虛妄
若見清淨真法界
一切疑妄莫能惑
方便善知衆生類
自然覺悟不由他
無量無邊諸世界
一切諸法無障礙
具足堅固不可轉
清淨願滿到彼岸
無量無邊一切地
甚深微妙爲境界

清淨離垢慧無礙
其道清淨如虛空
功德無量無所畏
一切所行皆清淨
解真實義無所畏
彼速究竟無上道
先已具發大慈悲
所行饒益諸羣生
自然正覺滅癡冥
彼之功德不可壞
悉得觀見諸如來
彼人所行不退轉
甚深微妙第一義
彼行能成功德藏
入於真實妙法界
彼人所行如虛空
觀察究竟悉寂滅
彼人所行勝牟尼
成就尊重最勝法
諦聽菩薩諸所行
智慧明達無障礙
是名無畏論師行

句句廣分別 深入妙智慧 眞實解諸法 彼修大牟尼

遠離一切惡 常能利衆生 彼人功德藏 等諸調御師
普於諸羣生 常施以無畏 清淨無染著 所行無倫比
意淨無所著 寂靜無口過 具足妙功德 彼修最勝行
究竟度深義 功德定無盡 彼修不死行 諸佛常護念
離我瞋恚心 妙音滿十方 安住正法教 所行無可諭
布施到彼岸 百福自莊嚴 彼慧最第一 能令衆歡喜
善入深智地 安住心不動 彼行如金剛 堅固不可沮
悉入諸法界 隨順到彼岸 究竟得自在 法日之所行
無等等牟尼 修習不二法 心常樂寂靜 智慧無障礙
細微世界中 容受大世界 境界無不了 智慧山三行
普於諸世間 心淨無所著 持戒到彼岸 淨行之所行
智慧不可量 虛空法界等 深入具足智 是勝金剛行
智慧悉充滿 三世諸法界 心常無懈怠 入於最勝境
一切所至道 分別十力法 身行無障礙 勝智之所行
一切十方界 無量衆生類 菩薩悉救護 離癡之所行
修習諸佛法 精勤無懈怠 普令世間淨 大龍之所行
悉知衆生根 究竟種種欲 了達無量性 平等之所行
普於十方界 久受無量苦 其心無憂惱 歡喜之所行
放諸光明網 普照諸世間 具足智慧明 善修慧所行
皆悉能震動 十方無量界 常能利一切 不令生恐怖
善解語言法 分別到彼岸 離垢智慧明 不動之所行
善解俯仰國 分別到彼岸 成就無盡地 最勝慧所行
無量諸功德 常行求菩提 到彼功德岸 大稱無盡行
無上大論師 最勝師子吼 令衆悉清淨 離垢之所行

佛甘露灌頂授以法王記 究竟方便法 大心之所行
分別一切衆 其心無染著 決定持法藏 法王之所行
一一語言中 能出無量音 衆生各各解 無礙慧所行
究竟語言法 分別悉了知 遠離諸虛妄 真實見所行
安住法海印 善印一切法 了法無實相 方便身所行
能於一一刹 無量無數劫 窮盡諸劫行 其心無憂厭
無數諸如來 名号各不同 見之一毛孔 善修之所行
如一毛端處 普見無量佛 一切諸世界 見佛亦如是
無量無數劫 能作一念頃 非長亦非短 解脫人所行
見者悉不虛 所修皆真實 業行不可壞 最勝之所行
無量無數劫 觀佛無厭足 能令衆歡喜 無礙慧所行
無量無數劫 觀察衆生界 衆生非衆生 堅固士所行
具足智慧藏 清涼功德池 饒益一切衆 第一人所行
法界無邊際 無量如虛空 語言無所著 無畏論師行
於一三昧中 入無量三昧 昇彼無上堂 淨月論師行
究竟忍被岸 堪忍寂滅法 遠離瞋恚心 無量智所行
不離一世界 不起坐處 普現十方刹 無量身所行
無量諸佛刹 能入一世界 佛刹不增減 不思議所行
分別處非處 審諦入諸力 無上力成就 第一力所行
去來現在世 一切諸業報 智慧不退轉 明智之所行
善知時非時 調伏一切衆 教化不失時 善知時所行
身行悉皆善 口意行亦然 一切無所著 淨智意所行
智慧善分別 法辯無窮盡 境界等如實 如來之所行
無礙功德藏 喜樂惣持門 深入諸法界 隨入之所行

悉與三世佛等心無異想。一相無差別。無礙境界。行
 深入智慧海。除滅諸癡闇。能與清淨眼。淨眼之所行。
 一切諸導師。常行不二法。神通力自在。具足行所行。
 十方佛刹中。普雨妙法雨。令衆醒實義。法雲之所行。
 普於諸佛所。逮得堅固信。一切智解脫。所學悉究竟。
 彼於一念中。悉知衆生心。究竟解心性。無性性所行。
 不思議世界。變化無量身。無等徧遊行。諸行中無比。
 無量世界中。現存諸如來。菩薩摩訶薩。常現彼佛前。
 菩薩入三昧。衆生見一身。菩薩出三昧。衆見無量身。
 所行甚深妙。未曾有口過。悅樂心無量。令衆悉歡喜。
 逮得無著智。分別知諸根。其心無所染。無上調伏行。
 方便分別法。於法得自在。一切世界中。常作諸佛事。
 菩薩微妙行。所行如虛空。何人得聞此。其心不欣悅。
 彼智無與等。慧眼見一切。方便無倫匹。無等智所行。
 無盡妙功德。能滅一切惡。到彼清淨岸。無比之所行。
 成就莊嚴法。安住不退轉。度脫無量衆。而無衆生想。
 所修無諍行。一切智微妙。正法化衆生。淨眼之所行。
 恭敬一切佛。具足究竟慧。成就無所畏。方便智所行。
 普能入一切。世界及諸法。亦入羣生類。度脫無量衆。
 徧於十方界。擊無上法鼓。常施無量法。不死之所行。
 一身跏趺坐。充滿無量刹。衆生不迫迫。清淨法身力。
 一味一義中。分別無量義。演說無窮盡。無邊慧所行。
 修習佛解脫。智慧無障礙。成就無所畏。無量方便德。
 了諸世界海。一切佛刹海。法海智慧海。度脫衆生海。

或有見菩薩入胎及出生或見成正覺無量功德行
處處佛刹中示現般涅槃真實無涅槃無畏師常住
金剛身無異隨應現衆生真實無差別一身行所行
平等法界一具足無量義常樂觀三世一相無相法
到彼諸持岸正法安衆生逮得諸佛持最勝之所行
無深妙法身慧眼清淨耳是悉無障礙無礙之所行
究竟諸神通具足深智慧智慧最殊勝方便智所行
心定未曾亂智慧不可量境界無不照一切見所行
到彼功德岸度脫無量衆其心無疲厭常修之所行
一切知見人在諸佛家生普於三世佛法中而化生
語言法成就摧伏諸論師究竟無量行隨入佛菩提
能放一光明普照無量刹世間大明曜除滅一切暗
隨其所應見爲現如來身調伏羣生類嚴淨一切刹
菩薩行無量一切莫能知示現一切行欲度衆生故
無量不可數衆生法界等無數劫讚歎菩薩德無盡
菩薩德無量究竟一切德諸佛無量劫歎此德無盡
何況世間人聲聞及緣覺無量劫讚歎而能得窮盡
大方廣佛華嚴經菩薩十無盡藏品第十八
爾時功德林菩薩摩訶薩復告諸菩薩言佛
子菩薩摩訶薩有十種藏三世諸佛之所演
說何等爲十信藏戒藏軌藏毘藏聞藏施藏
慧藏正念藏持藏辯藏是爲十何等爲菩薩
信藏此菩薩信一切法空無真實信一切法
無相信一切法無願信一切法無作者信一

切法不實信一切法無堅固信一切法無量
信一切法無上信一切法不可度信一切法
不生若菩薩成就如是隨順淨信聞諸佛法
不可思議心不驚怖聞一切佛不可思議心
不驚怖聞衆生不可思議心不驚怖聞法界
不可思議心不驚怖聞虛空界不可思議心
不驚怖聞涅槃界不可思議心不驚怖聞過
去世不可思議心不驚怖聞未來世不可思
議心不驚怖聞現在世不可思議心不驚怖
聞入一切劫不可思議心不驚怖何以故菩
薩於諸佛所一向堅信不可沮壞佛如是知
佛無盡無邊智十方一切世界一一世界中
三世無量無數諸佛出興於世施行佛事而
殷涅槃彼諸佛智慧不增不減不生不滅不
盡不去不近不遠不智不亂菩薩成就如是
等無邊無盡信藏則能乘如來乘此菩薩成
就如是等無量無邊信不退轉信不亂信不
壞信不著信有根信隨順聖人信如來家性
信則能護持一切佛法長養一切菩薩善根
隨順一切如來善根從一切佛善方便生是
名菩薩摩訶薩無盡信藏菩薩住此信藏悉
能聞持諸如來法廣爲一切衆生演說佛子
何等爲菩薩摩訶薩戒藏此菩薩成就繞益
戒不受戒無著戒安住戒不諍戒不惱害戒

不雜戒離邪命戒離惡戒清淨戒何等爲饒
 益戒此菩薩先當饒益安樂衆生何等爲不
 受戒此菩薩不受外道戒具足奉持三世諸
 佛平等淨戒何等爲無著戒此菩薩不著欲
 界戒不著色界戒不著無色界戒何以故不
 迴向彼故何等爲安住戒此菩薩成就清淨
 無疑悔戒何以故菩薩不作五無間罪永不
 故犯一切戒故何等爲不諍戒此菩薩不非
 先制不更造立心常隨順向涅槃戒皆具足
 持無所毀犯不由此戒惱亂衆生共相違諍
 菩薩持戒但饒益衆生令歡喜故何等爲不
 惱害戒此菩薩不因持戒學諸呪術藥草惱
 害衆生何以故菩薩欲救護衆生故持清淨
 戒何等爲不雜戒此菩薩離斷常見不持雜
 戒但觀察十二緣起持清淨戒何等爲離邪
 命戒此菩薩不作持淨戒相欲使他知內無
 實德現實德相但持淨戒一向求法究竟薩
 婆若何等爲不惡戒此菩薩不自貢高言我
 持戒見犯戒人不輕賤訶罵令其憂惱但一
 其心持清淨戒何等爲清淨戒此菩薩捨離
 殺盜邪淫妄語惡口麤言兩舌雜語貪恚邪
 見具持十善此菩薩持如是等清淨戒時作
 是念若有衆生犯淨戒者斯由顛倒諸煩惱
 故一切諸佛悉分別知是一切衆生因諸顛

倒毀犯淨戒是故我當專求佛道究竟無上
菩提廣為衆生說真實法令離顛倒淨持禁
戒悉令究竟無上菩提是為菩薩摩訶薩第
二無盡戒藏佛子何等為菩薩摩訶薩慙藏
此菩薩自憶宿命無數世來於六親所行無
慙行或侮慢無禮或姪亂無節忍害無親與
師相伐迷惑顛倒無忍不造斯由三毒邪疑
使纏虛偽諂曲諸不善故一切衆生亦復如
是皆悉積習諸無慙行斯由無智乃至諂曲
故尊卑失序不相敬順不能謙下遵奉明指
常懷毒念怨結滋甚更相屠害曾無恥懼自
惟我身及餘衆生去來現在行無慙法三世
諸佛無不知見我當云何猶行無慙甚為不
可是故我應修習慙法究竟菩提廣為衆生
說真實法令其永離諸無慙法成就菩提是
為菩薩摩訶薩第三無盡慙藏佛子何等為
菩薩摩訶薩媿藏此菩薩自媿昔來貪求色
聲香味觸法妻子眷屬錢財寶物僮僕車乘
心無厭足我不應行是諸非法事因是生長
貪恚愚癡乃至諂曲復作是念衆生所行無
媿之法皆以無智乃至諂曲諸惡法故不相
承順尊敬供養常懷毒心迭相殘害我及衆
生去來現在愛樂貪求集行是法因是法故
受胎生死無量諸苦三世諸佛皆悉知見我

猶行是無媿法者三世諸佛皆不歡喜我當
修習媿法究竟菩提廣爲衆生說如是法令
離無媿成就佛道是爲菩薩摩訶薩第四無
盡媿藏佛子何等爲菩薩摩訶薩多聞藏此
菩薩多聞者所謂知是事有故是事有是事
無故是事無是事起故是事起是事滅故是
事滅是世間法是有世間法是有爲法是有
爲法是有記法是有無記法何等爲是事有故
是事有所謂有無明故有行何等爲是事無
故是事無所謂無識故無名色何等爲是事
起故是事起所謂愛起故苦起何等爲是事
滅故是事滅所謂有滅故生死滅何等爲世
間法所謂色受想行識何等爲世間法所
謂戒身定身慧身解脫身解脫知見身何等
爲有爲法所謂欲界色界無色界衆生界何
等爲無爲法所謂虛空涅槃數緣滅非數緣
滅十二緣起及法界何等爲有記法所謂四
真諦四沙門果四辯四無所畏四念處四正
勤四如意足五根五力七覺支八聖道分何
等爲無記法所謂世間有邊世間無邊世間
有邊無邊世間非有邊非無邊世間有常世
間無常世間有常無常世間非有常非無常
如來滅後如去不受如來滅後不如去亦不
受如來滅後如去不如去亦不受如來滅後

非如去非不如去亦不受有我有衆生無我
無衆生有我無我有衆生無衆生非有我非
無我非有衆生非無衆生過去有幾如來滅
度幾聲聞緣覺滅度未來有幾如來幾聲聞
緣覺幾衆生生現在有幾佛幾聲聞緣覺何
等如來最初出世何等聲聞緣覺最初出世
何等衆生最初生何等如來最後出世何等
聲聞緣覺最後出世何等衆生最後生何等
諸法最在初何等諸法最在後世間從何處
來去至何所有幾世界成有幾世界敗世界
從何所來去至何所何等爲生死最初際何
等爲生死最後際是名無記法菩薩摩訶薩
作如是念衆生長夜流轉生死童蒙凡夫不
知修道我當晝夜精勤學問受持一切諸佛
法藏究竟成就無上菩提廣爲衆生說真實
法普令一切成無上道是爲菩薩摩訶薩第
五無盡多聞藏佛子何等爲菩薩摩訶薩施
藏此菩薩修行十種施所謂施法最後難施
法內施法外施法內外施法一切施法過去
施法未來施法現在施法究竟施法何等爲
菩薩修習施法此菩薩從本以來習平等施
珍饌美味不自貪著惠施一切其餘諸物亦
復如是所施之餘然後自食作是念言爲我
身中八萬戶蟲故我身安樂彼亦安樂我身

飢苦彼亦飢苦是故菩薩有所服食皆為諸
蟲欲令安樂不貪其味菩薩復作是念我長
夜為身貪求飲食當勤精進速離此身是為
菩薩修習施法何等為菩薩最後難施法此
菩薩若得種種上味飲食香華衣服資生之
具若自己受用則快樂長壽若盡以施人則
窮苦夭命時有乞人一切求索菩薩自念吾
從本際以來喪身無數未曾損已利一衆生
今獲大利希有之慶當捐棄身命悉捨一切
饒益衆生究竟大施是為菩薩最後難行施
法何等為菩薩內施法此菩薩於少壯時形
體端嚴顏容殊特澡浴清淨服上妙衣嚴飾
之具受灌頂轉輪王位七寶具足三四天下
時有乞人來詣王所而自陳曰大三當知我
今衰老身嬰重疾獨苦凡無人瞻救生路
既窮必之死地若得王身隨所應用或須手
足或須血肉或須頭目或須髓腦若大三慈
仁矜哀窮老捨離貪身以救我者必蒙天施
得全性命菩薩即作是念今我此身亦當如
彼會應歸死無一饒益宜時捨身以濟其命
念已歡喜施彼衆生是為菩薩內施法何等
為菩薩外施法此菩薩於少壯時形體端嚴
顏容殊特澡浴清淨服上妙衣嚴飾之具受
灌頂轉輪王位七寶具足王四天下時有乞

八來王所作如是言大王當知我今衰老

才又嬰病餘命無幾終此貧苦而王具足一

切快樂善哉大王願捨天位哀施於我我當

統領天下受王福樂菩薩即作是念富貴無

常必歸貧賤若在貧賤無所饒益不能滿遂

衆生所願是故我今宜時捨位稱悅其意念

已歡喜即捨與之是為菩薩外施法何等為

菩薩內外施法此菩薩於少壯時形體端嚴

顏色殊特澡浴清淨服上妙衣嚴身之具受

灌頂轉輪王位七寶具足王四天下時有乞

人來詣王所作如是言大王當知今我老邁

身又嬰疾不以衰賤竊希美号善哉大王願

以三身七寶天下轉輪王位以授於我令我

具足受王慶樂菩薩即作是念我身財寶俱

非堅固無常危脆磨滅之法我今盛壯富有

天下乞者現前三事具足是故於此不堅固

法當求堅固作是念已倍大歡喜即捨內外

而施與之是為菩薩內外施法何等為菩薩

一切施法此菩薩於少壯時形體端嚴顏容

殊特沐浴香湯服上妙衣嚴身之具受灌頂

轉輪王位七寶具足王四天下時有乞人來

詣王所作如是言大王當知大王名稱普聞

十方我乃在彼國服承王問自遠而來欲有

所請善哉大王願隨所欲充滿我意爾時乞

者或求國城妻子眷屬肢節血肉頭目髓腦
爾時菩薩作是思惟一切恩愛會當別離無
所饒益不能果遂衆生諸願我今應當離貪
貪行一切速捨饒益衆生作是念已倍大歡
喜悉捨一切惠施衆生是爲菩薩一切施法
何等爲菩薩修習過去施法此菩薩聞過去
諸佛菩薩所行具足功德聞已不著了達非
有不起妄想不貪不味觀察諸法心無所倚
諸法如夢無有堅固於諸善根不起有想心
無所著但爲化衆生故示現其身廣說道教
欲令衆生成就佛法又復觀察過去諸法十
方推求都不可得菩薩如是觀已復作是念
過去諸法皆悉捨離是爲菩薩修習過去施
法何等爲菩薩修習未來施法此菩薩聞未
來世諸佛菩薩所行善根具足功德聞已而
不取相心無所有不求往生彼方佛剎無諸
求想不生行願攝心不散不味不厭不以善
根迴向於彼不爲生彼專修善根亦不廢捨
但因彼境界教化衆生欲令衆生具足佛法
觀察真實此真實法非有處所非無處所非
內非外非遠非近復作是念若法非有不可
不捨是爲菩薩修習未來施法何等爲菩薩
修習現在施法此菩薩聞四天王三十三天
夜摩天兜率陀天化樂天他化自在天梵天

梵身天梵輔天梵眷屬天大梵天光天少光
天無量光天光音天淨天少淨天無量淨天
徧淨天密身天少密身天無量密身天密果
天不煩天不熱天善現天善見天色究竟天
聞聲聞緣覺具足功德聞已心不惑亂正念
不忘不懈不沒亦不憂感其心寂滅而無所
取菩薩唯作是念一切諸行皆悉如夢一切
所行皆非真實衆生不知故流轉惡道菩薩
於彼廣爲說法遠離諸惡成就佛法修菩薩
道心無惑亂是爲菩薩修習現在施法何等
爲菩薩究竟施法此菩薩摩訶薩有無量衆
生形類不同往詣其所作如是言我有所須
幸垂周給我意旣足仁願亦滿菩薩聞是語
已歡喜踊躍隨其所求施令滿足菩薩摩訶
薩內自觀察從初入胎不淨微形胞段諸根
生老病死又具觀此身無有真實無所有相
無慙愧物賢聖所棄惡露臭處猶如死屍骨
節相持血肉泥塗九竅之門常流不淨菩薩
見身無量過患乃至不起一念貪惜是身復
作是念此身危脆我當亡何旣見此身無量
過患而生貪著應當棄捨施彼衆生充滿其
願我當於此不堅法中求堅固法令一切衆
生隨其所願悉得滿足開悟示導皆令逮得
清淨法身住無所住離身心相是爲菩薩摩

訶薩第六無盡施藏佛子何等爲菩薩摩訶
 薩無盡慧藏此菩薩知色苦如實知色集如
 實知色滅如實知色道如實知受想行識苦
 如實知識集如實知識滅如實知識道如實
 知無明苦知無明集知無明滅知無明道知
 愛苦知愛集知愛滅知愛道知聲聞知聲聞
 法知聲聞集知聲聞涅槃知緣覺知緣覺法
 知緣覺集知緣覺涅槃知菩薩知菩薩法知
 菩薩集知菩薩涅槃云何知知從業報因緣
 所造諸行非我非堅固無真實空無所有不
 取諸法堅固之相不取諸法所有之相知一
 切法悉無所有廣爲衆生說真實法云何爲
 說說一切法不可壞何等不可壞色不可壞
 受想行識不可壞無明不可壞聲聞法緣覺
 法菩薩法不可壞何以故一切諸法不自作
 不他作言語道斷離一切處不生不起不施
 不受無有心意菩薩成就如是等無盡慧藏
 以少方便則能逮得一切諸法善妙方便自
 然明達不由他悟此智慧藏有十種不可盡
 何等爲十多聞善方便不可盡親近善知識
 不可盡演一句法不可盡入深法界不可盡
 入無量智慧莊嚴不可盡出生長養諸功德
 藏心無憂厭不可盡入一切陀羅尼門不可
 盡分別了知一切衆生語言音聲不可盡得

普令衆生離諸疑惑不可盡得一切佛自在
示現教化衆生所行成就不可盡是爲十種
不可盡法是爲菩薩摩訶薩第七無盡慧藏
菩薩住此無盡慧藏疾得無上平等正覺佛
子何等爲菩薩摩訶薩無盡念藏此菩薩捨
離癡冥憶念過去一生十生百生千生萬生
乃至阿僧祇不可思議無分齊不可說億那
由他生成劫壞劫成壞劫非一成劫非一壞
劫非一成壞劫百劫千劫百千億那由他劫
乃至何僧祇不可思議無分齊不可說億那
由他劫念知一佛名号乃至不可說不可說
諸佛名号念知授一佛記乃至授不可說不
可說諸佛記念知一佛出世乃至念知不可
說不可說諸佛出世念知從一佛所受一修
多羅乃至不可說不可說佛所受不可說不
可說修多羅祇夜授記伽陀因緣曼陀那本
事本生方廣未曾有譬諭憂波提舍亦復如
是念知一會衆一時說法乃至不可說不可
說時會說法念知一根乃至不可說不可說
諸根念知一煩惱乃至不可說不可說諸煩
惱念知一三昧乃至不可說不可說諸三昧
菩薩作如是念妙念淨念不濁念徧淨念離
塵念離種種塵念離垢念光曜念樂念無障
礙念此菩薩住是念時一切世間不能燒亂

諸浪清淨不復深著一切世間衆魔外道所不能壞念持一切諸佛法藏決定明了未曾錯亂是爲菩薩摩訶薩第八無盡念藏佛子何等爲菩薩摩訶薩無盡聞持藏此菩薩於諸佛所聞持一品修多羅乃至聞持不可說不可說修多羅未曾忘失一字一句於一生中而不忘失乃至不可說不可說生未曾忘失一字一句聞持一佛名号乃至聞持不可說不可說佛名号聞持一世界名字乃至聞持不可說不可說世界名字聞持一劫名字乃至聞持不可說不可說劫名字聞持一如來記乃至聞持不可說不可說如來記聞持一修多羅乃至聞持不可說不可說修多羅聞持一會名字乃至聞持不可說不可說會名字聞持一時說法乃至聞持不可說不可說時說法聞持一根乃至聞持不可說不可說諸根聞持一煩惱乃至聞持不可說不可說煩惱聞持一三昧乃至聞持不可說不可說三昧是爲菩薩摩訶薩第九甚深無盡聞持藏此聞持藏唯佛境界餘無能及佛子何等爲菩薩摩訶薩無盡辯藏此菩薩成就甚深智慧廣爲衆生演說諸法不違一切諸佛經典說一品法乃至說不可說不可說品法說一佛名号乃至說不可說不可說諸佛名

号說一世界名字說一佛記說一修多羅說
 一會說一時說法說一根說一煩惱說一三
 昧乃至說不可說不可說諸三昧或一日說
 一句一味法無盡乃至不可說不可說劫說
 一句一味法而無窮盡一切諸劫尚可窮盡
 說一句一味不可窮盡何以故此菩薩成就
 十種無盡藏故成就此藏故得攝一切法陀
 羅尼門現在前百萬阿僧祇陀羅尼以為眷
 屬此菩薩成就百萬阿僧祇陀羅尼眷屬已
 以法光明辯才廣為衆生演說深法以廣長
 古出妙音聲充滿一切十方世界隨順諸根
 除滅煩惱皆令歡喜善入一切音聲於一切
 文字得不斷辯入普照法門說一切衆生如
 來種子不可斷故不捨菩薩一切諸行心無
 憂厭何以故此菩薩成就充滿虛空法界清
 淨法身故是為菩薩摩訶薩第十無盡辯藏
 此藏無量無分齊無間不可壞無斷不可斷
 不退轉甚深無底以一切法門入一切佛法
 佛子是為菩薩摩訶薩十種無盡藏令一切
 衆生究竟成就無上菩提此藏有十種無盡
 深法何等為十饒益一切衆生善迴向故不
 斷本願一切劫行故心無量無邊觀察平等
 如虛空故迴向有為不著無為故一切法無
 盡念念知境界故大願不可壞究竟諸力陀

羅尼行故諸佛護念入一切法如幻化故是
為十種無盡法能令一切世間得無盡藏

大方廣佛華嚴經卷第十二

可沮下慈呂切

念頃下主頤切

癡闇

上丑之切
下烏結切

擊無上古歷切

法鼓下公戶切

殺盜

上所八切
下徒到切

侮慢上文甫切
下護晏切

相伐下房越切

失序

下徐呂切

屠害上同都切
下胡蓋切

恥懼上救里切
下其遇切

迭相

上徒結切

求索下山貴切

澡浴上早音

身嬰

下於盈切

豪獨上渠營切

瞻救上詹音

仁矜

下居陵切

無幾下居穉切

危脆下此芮切
作曉

所荷

下於離切

胞段上市交切
下徒坑切

臭處上尺救切

泥塗

上奴法切
下同熬切

九竅下苦弔切

甲辰歲高麗國大藏都監奉

勅彫造

大方廣佛華嚴經卷第十三

東晉天竺三藏佛跋陀羅

講 卷

如來昇兜率天宮一切寶殿品第十九

爾時佛威神力故十方一切世界諸四天下
一一閻浮提皆有如來坐菩提樹無不顯現
彼諸菩薩承佛神力說種種法皆悉自謂在
於佛所爾時如來以自在神力不離菩提樹
座及須彌頂妙勝殿上夜摩天宮寶莊嚴殿
趣兜率天宮一切寶莊嚴殿時彼天王遙見
佛來即於殿上敷如意寶藏師子之座以種
種天寶而莊嚴之過去修習善根所得一切
如來威神護持不可數那由他阿僧祇善根
所生一切諸佛淨法所起一切衆生所共莊
嚴無量功德之所成就離一切惡清淨業報
一切樂觀無有厭足出離世間諸法所起清
淨無汙一切世間因緣所起一切衆生見不
能盡以無量莊嚴具而莊嚴之所謂百萬億
欄楯百萬億寶網羅覆其上百萬億華帳以
張其上百萬億華鬘以垂四邊百萬億香帳
普熏十方百萬億寶帳以張其上百萬億華
蓋諸天執持百萬億華鬘蓋百萬億寶蓋以
蓋其上百萬億寶衣以敷其上百萬億妙寶
樓閣百萬億如意寶王網羅覆其上百萬億
勝妙雜網百萬億衆寶瓔珞間錯垂下百萬

億衆妙雜寶百萬億網蓋以覆其上百萬億
雜寶網衣百萬億妙寶蓮華開敷光曜百萬
億無厭香網普熏十方百萬億大寶帳網以
覆其上百萬億寶鈴微動出和雅音百萬億
栴檀寶帳普熏十方百萬億雜寶妙華以散
其上百萬億雜色寶衣以覆其上百萬億菩
薩大帳百萬億雜寶蓋帳百萬億清淨金帳
百萬億淨瑠璃帳百萬億雜寶藏帳百萬億
一切寶帳以覆其上百萬億雜寶妙華周匝
圍遶百萬億寶形像帳百萬億衆妙寶鬘百
萬億香鬘普熏十方百萬億天莊嚴具百萬
色香具足普熏十方百萬億天莊嚴具百萬
億妙寶華鬘百萬億勝妙寶藏百萬億勝寶
藏鬘百萬億清淨寶鬘百萬億海寶藏鬘百
萬億因陀羅金剛妙寶百萬億妙寶繒綵以
爲垂帶百萬億無量自在妙寶百萬億眞金
寶藏清淨微妙百萬億毗樓那寶以爲照耀
百萬億因尼羅寶雜寶校飾百萬億首蹕幢
寶光曜明淨百萬億火珠寶出大光明普照
十方百萬億天堅固寶以爲窓牖百萬億淨
功德寶無量妙色百萬億雜寶偏閣清淨妙
藏百萬億大海月寶百萬億離垢藏寶百萬
億心王寶無量歡喜百萬億師子面寶百萬
億閻浮檀寶百萬億一切世間清淨藏寶百

萬億一切世間因陀羅幢寶百萬億羅閣藏
寶百萬億須彌山王殊勝幢寶百萬億解脫
妙寶百萬億瑠璃幢網周匝垂下百萬億赤
色寶幢百萬億樂摩尼寶百萬億清淨樂寶
百萬億衆雜寶藏百萬億赤色解脫樂見妙
寶百萬億無量色寶幢百萬億無比寶幢百
萬億淨光明寶普照殊勝百萬億摩尼寶像
百萬億因陀羅寶百萬億黑沈水香普熏十
方百萬億不可思議衆雜妙香普熏十方一
切佛刹百萬億十方妙香普熏世界百萬億
最殊勝香普熏十方百萬億香像香徹十方
百萬億隨所樂香普熏十方百萬億淨光明
香普熏衆生百萬億種種色香普熏佛刹不
退轉香百萬億塗香百萬億栴檀塗香百萬
億香熏香百萬億蓮華藏黑沈香雲充滿十
方百萬億九香煙雲充滿十方百萬億妙光
明香常熏不絕百萬億妙音聲香能轉衆心
百萬億明相香普熏衆味百萬億能開悟香
遠離瞋恚寂靜諸根充滿十方百萬億香王
香普熏十方雨百萬億天華雲雨百萬億天
香雲雨百萬億天末香雲雨百萬億天妙蓮
華雲雨百萬億天種種寶華雲雨百萬億天
青蓮華不斷雲雨百萬億天寶華雲雨百萬
億天分陀利華雲雨百萬億天曼陀羅華雲

雨百萬億天一切雜華雲雨百萬億天種種
 水雲雨百萬億天雜寶普照十方雲雨百萬
 億天種種蓋雲雨百萬億天無量色幡雲雨
 百萬億天冠雲雨百萬億天種種莊嚴天冠
 雲雨百萬億天莊嚴具雲雨百萬億雜色天
 變雲雨百萬億種種大莊嚴天變雲雨百萬
 億種種色天栴檀雲雨百萬億天沈水香雲
 雨百萬億天寶幢百萬億天雜幡百萬億天
 帶垂下百萬億天和香普熏十方百萬億天
 妙功德寶瓔垂下百萬億天多羅寶懸布光
 耀百萬億天拂執持侍立百萬億天金鈴網
 微風吹動出妙音聲百萬億天寶欄楯周匝
 圍遶百萬億天多羅寶牆周迴四遶百萬億
 天雜寶樹圍遶覆蔭百萬億天雜寶樓閣莊
 嚴其內百萬億天勝寶門百萬億天真金鈴
 微風吹動出和雅音百萬億清淨天變布列
 垂下百萬億天蘇婆提寶雜相解脫百萬億
 天金剛藏眾妙瓔珞百萬億天雜寶蓋諸天
 執持百萬億天雜寶網百萬億天雜寶藏光
 耀殊特百萬億天淨光明普照十方百萬億
 大光普耀百萬億日藏光明普照一切百萬
 億雜色月光百萬億離凝淨香百萬億天妙
 華藏開敷鮮茂百萬億寶網藏百萬億華網
 百萬億香網以覆其上百萬億天雜寶衣以

敷其上百萬億天諸寶衣處處敷置百萬億
天青色衣百萬億天雜黃色衣百萬億天雜
赤色衣百萬億天雜白色衣百萬億天雜寶
衣能令衆生發歡喜心如是等衣以敷其上
百萬億白淨妙衣以覆其上百萬億天幢寶
鈴出微妙音百萬億白淨寶幢微風吹動出
妙音聲百萬億天繒絲幢百萬億香幢出衆
香網百萬億華幢雨一切華百萬億天妙衣
幢百萬億摩尼幢四面行列百萬億天蓋幢
一切寶鈴出妙音聲百萬億天螺出妙音聲
百萬億天鼓出大音聲百萬億天琴出微妙
音百萬億天琵琶出微妙音百萬億天摩訶
陀羅出大音聲百萬億天娛樂具百萬億天
樂音聲充滿十方一切佛刹百萬億化音聲
聲徹十方衆生聞者悉解如響百萬億天妓
樂音同時俱作百萬億天神力妓樂出相和
音百萬億一切諸天娛樂之具出妙音聲百
萬億妙音讚歎如來百萬億勝妙喜音讚歎
如來百萬億甚深音聲讚歎如來百萬億種
種音聲讚歎佛果報百萬億細微音聲俱揚
讚歎出三界法百萬億寂靜音聲讚歎如來
本所修行百萬億音讚歎如來百萬億劫永
離瞋恚讚歎百萬億供養供養過去諸佛百

億法門讚歎如來百萬億音讚歎一切菩薩
 功德不可窮盡百萬億音讚歎菩薩一切諸
 地功德具足百萬億音讚歎諸佛無有厭足
 百萬億音徧揚讚歎見佛之行百萬億音讚
 歎深法其聞音者得深智慧無有障礙百萬
 億妙音充滿十方一切世界百萬億妙音歎
 諸衆生隨其志願皆令歡喜百萬億音歎一
 切世間其聞音者解一切法真實之性百萬
 億音讚歎如來其聞音者悉能恭敬一切如
 來百萬億音歎佛境界一切功德百萬億音
 歎諸提持善妙方便善知分別一切諸法聞
 持一切諸如來法百萬億音讚歎甚深具足
 諸法百萬億音歎發心菩薩修習長養一切
 種智百萬億音歎治地菩薩其心歡喜百萬
 億音歎修行地菩薩清淨解脫百萬億音歎
 坐貴菩薩心得安住百萬億音讚歎方便具
 足菩薩於摩訶衍究竟決定百萬億音歎善
 現菩薩具足一切菩薩所行百萬億音讚歎
 不退菩薩所行一切諸地皆悉清淨百萬億
 音歎童真菩薩光明普照一切十方百萬億
 音歎王子菩薩善入甚深不可思議諸佛境
 界百萬億音歎灌頂菩薩能現一切諸如來
 力百萬億神力自在百萬億清淨解脫出生
 百萬億清淨解脫百萬億長養大歡喜法百

萬億住不壞信百萬億長養勇猛之力百萬
億長養名聞法百萬億分別法義廣說定慧
百萬億正念清淨不亂出生百萬億定慧百
萬億陀羅尼悉能受持一切佛法出生百萬
億廣大智慧出生百萬億深心信佛信根堅
固出生百萬億清淨檀波羅蜜出生百萬億
尸波羅蜜出生百萬億羼提波羅蜜不生恚
心具足諸佛羼提波羅蜜出生百萬億毗梨
耶波羅蜜究竟具足無量毗梨耶波羅蜜出
生百萬億禪波羅蜜無量諸禪寂靜照明出
生百萬億般若波羅蜜照一切法出生百萬
億清淨大願出生百萬億諸深法門智慧燈
明出生十方諸佛百萬億深妙法門出生百
萬億離癡示現善妙方便出生百萬億諸法
之行普入百萬億諸佛之剎百萬億清淨法
身往詣十方一切佛剎出生百萬億如來微
妙音聲出生百萬億一切種智善妙方便出
生百萬億具足法門出生百萬億正法知見
悉見一切諸佛實法猶如寶幢出生百萬億
智慧示現如來境界無所障礙百萬億諸天
神王恭敬禮拜百萬億龍王一心諦觀而無
厭足百萬億夜叉王合掌敬立百萬億乾闥
婆王一心恭敬目不暫捨百萬億阿脩羅王
斷除憍慢敬心侍立百萬億寶金翅鳥王口

銜繒帶百萬億緊那羅王歡喜立侍百萬億
摩睺羅王踊躍歡喜一心諦觀百萬億娑羅
門王恭敬禮拜百萬億一切世間諸王恭敬
頂禮百萬億諸釋天王恭敬尊重一心觀察
百萬億夜摩天王踊躍歡喜高聲讚歎百萬
億兜率陀天王恭敬禮拜百萬億化樂天王
恭敬讚歎百萬億他化自在天王合掌恭敬
一心侍立百萬億梵天王一心觀察百萬億
摩醯首羅天王恭敬讚歎百萬億菩薩恭敬
讚歎百萬億天女恭敬供養百萬億願天敬
心頂禮百萬億宿命親近善知識天妙聲讚
歎百萬億梵身天布身敬禮百萬億梵輔天
恭敬頂禮百萬億梵眷屬天圍遶侍衛百萬
億大梵王讚歎備揚無量功德百萬億光天
五體投地百萬億少光天宣揚讚歎佛世難
值百萬億無量光天讚歎禮拜百萬億光音
天讚歎如來難遇難見百萬億淨天恭敬禮
拜百萬億少淨天恭敬禮拜百萬億無量淨
天樂見佛故於虛空中自投來下百萬億徧
淨天合掌敬位百萬億密身天憶本功德備
揚讚歎百萬億少密身天生如來想一心求
見百萬億無量密身天清淨善業恭敬禮拜
百萬億密果天布身敬禮百萬億無煩天得
堅固信恭敬禮拜百萬億無熱天合掌觀察

心無厭足百萬億善現天恭敬禮拜百萬億
善見天憶念無量佛所恭敬供養心無厭足
百萬億阿迦尼吒天恭敬禮拜百萬億種種
天皆大歡喜恭敬讚歎百萬億諸天以種種
善慧而莊嚴之百萬億諸大菩薩頂戴護持
百萬億華手菩薩雨一切華百萬億香手菩
薩雨一切香百萬億鬘手菩薩雨一切鬘百
萬億末香手菩薩雨一切末香百萬億衣手
菩薩雨一切寶衣百萬億幢手菩薩雨一切
幢百萬億幡手菩薩雨一切幡百萬億寶手
菩薩雨一切寶百萬億莊嚴手菩薩普雨一
切諸莊嚴具百萬億諸天以天種種莊嚴宮
殿而以莊嚴歡喜天子以百萬億諸天莊嚴
宮殿而莊嚴之百萬億生貴天子法身普覆
百萬億灌頂天子舉身持座出生百萬億菩
薩清淨大願出生百萬億菩薩初清淨心出
生菩薩百萬億柔軟利根百萬億禪藏皆悉
清淨菩薩百萬億清淨解脫嚴治菩薩百萬
億諸清淨業出生菩薩百萬億安住生貴地
出生菩薩百萬億法門普照一切成就百萬
億菩薩諸地教化調伏百萬億大眾百萬億
諸善根所起百萬億諸佛護持百萬億功德
所成百萬億直心莊嚴清淨百萬億大願莊
嚴清淨百萬億善行所起百萬億諸法充滿

百萬億自在神力之所成就百萬億諸功德
所起以百萬億讚法而讚歎之如此世界四
天下兜率陀天宮一切寶莊嚴殿爲如來敷
摩尼寶藏師子之座十方一切諸佛世界諸
四天下兜率陀天宮一切寶莊嚴殿爲如來
敷摩尼寶藏師子之座亦復如是

爾時兜率陀天王爲如來敷高座竟與不可
計阿僧祇兜率陀天子俱奉迎如來雨阿僧
祇色上妙諸華供養如來雨不可思議香雨
無量色瓊雨上妙栴檀雨無量種種寶蓋雨
細妙天衣雨無量雜寶供養如來以歡喜心
雨天上妙諸莊嚴具燒種種香香氣普熏十
方世界雨栴檀末香沈水末香堅固末香供
養如來無量天子各從其身出無量無數諸
天子身阿僧祇兜率陀天子及他方來諸天
子衆皆大歡喜恭敬作禮阿僧祇天女衆歡
喜無量一心寂然諦觀如來不可數不可說
諸大菩薩悉從他方兜率天來住於虛空以
不可思議諸供養具供養如來出過一切諸
天供養以阿僧祇勝妙音聲讚歎如來佛神
力故過去諸佛所修善根故如來不可思議
自在神力故一切兜率陀天子及諸天女一
心恭敬靜默觀佛咸作是念如來出世甚難
值遇功德具足智慧無礙平等正覺我今得

見作是念已皆大歡喜阿僧祇那由他衆率
陀天子來詣佛所各以身上天衣盛種種寶
又以身上天衣盛種種香一切寶衣諸莊嚴
具栴檀末香沈水末香天妙寶末諸天香華
天曼陀羅華普散十方供養如來億那由他
無數天子以種種上妙供具莊嚴虛空燒衆
名香香氣成雲充滿十方一切虛空智境界
心故雨天華雲莊嚴虛空於如來所起歡喜
心故雨一切天蓋雲莊嚴虛空充滿十方得
敬佛心故雨一切天鬘雲莊嚴虛空充滿十
方供養佛故以阿僧祇白淨寶網徧滿虛空
以爲莊嚴懸衆金鈴而間錯之自然微動出
妙音聲悟三乘者令得解脫無數寶帳莊嚴
虛空彌覆十方於如來所得深信故普雨一
切妙寶鬘雲未曾斷絕以阿僧祇諸天宮殿
莊嚴虛空一切天樂出微妙音充滿十方至
心踊悅尊敬佛故以阿僧祇種種妙衣莊嚴
虛空得佛出世難遇心故雨阿僧祇諸天寶
冠莊嚴虛空於如來所得欣敬心故雨阿僧
祇上妙衆寶及天寶鬘莊嚴虛空無數億那
由他天子各從身出阿僧祇種種色華供養
如來無有窮盡於如來所歡喜恭敬故以無
數種種隨所樂香供養如來於如來所歡喜
恭敬故以阿僧祇栴檀末香供養如來於如

來所得無比歡喜故以種種寶蓋供養如來
 長養念佛三昧故以無數種種上妙寶衣以
 布道路供養如來於如來所得歡喜恭敬故
 以無量無數雜色寶幢供養如來於如來所
 得無量歡喜心故以阿僧祇雜色寶幡供養
 如來於如來所得歡喜恭敬故以無數天樂
 出微妙音供養如來其心常定未曾散亂不
 可說億那由他菩薩於兜率陀天宮以離三
 界一切供具從真實法生離諸煩惱大慈之
 心充滿十方無有障礙具足方便諸甚深法
 唯有諸佛乃能測量餘無能及堅固淨信之
 所長養不可思議善根所生無數變化因力
 所起從諸如來真法化生無行法印一切寶
 蓋普覆法界供養如來出過諸天一切所供
 一切波羅蜜所起一切華帳普覆法界出過
 諸天所供養上供養如來清淨解脫充滿一
 切諸佛境界一切寶衣普覆莊嚴一切法界
 出過諸天所供養上供養如來無生法忍所
 起雜寶鈴網普覆莊嚴一切法界出過諸天
 所供養上供養如來入無礙智慧以一切堅
 固香莊嚴法界出過諸天所供養上供養如
 來解一切法猶如幻化敷置一切妙寶高座
 莊嚴法界出過諸天所供養上供養如來其
 心境界與如來等座處境界亦同如來建一

切寶幢莊嚴法界出過諸天所供養上供養
如來善解應時供養如來以一切寶殿莊嚴
法界出過諸天所供養上供養如來解一切
法如夢以種種寶華莊嚴法界出過諸天所
供養上供養如來無著善根所生充滿一切
法界此等無量菩薩皆從身出一切堅固香
雲一切雜色華雲一切雜色衣雲一切栴檀
香雲一切莊嚴寶蓋雲一切種種香雲一切
華鬘雲一切清淨莊嚴具雲出過諸天所供
養上供養如來無量菩薩徧歎如來真實功
德永離顛倒安住正法具一切力能令衆生
離諸惡難開示善道於一音中演無量法從
一切陀羅尼生辯才之藏不可窮盡具足無
畏心常歡喜菩薩以如是等無量妙法讚歎
如來法身充滿虛空法界心與三世諸如來
等

爾時一切諸天衆及他方來諸天子衆并不
可數諸佛刹一切菩薩見如來等正覺不可
思議人中之雄其身無量不可稱數示現不
可思議神足令一切衆生皆大歡喜周徧充
滿一切虛空諸佛功德莊嚴一切法界令一
切衆生安住一切善根成就神力出過一切
諸語言道一切菩薩恭敬供養隨所應化現
身救度具足一切清淨善根顯現如來無上

功德智慧境界不可窮盡無比三昧之所出生法身普至一切衆生無有分際令一切衆生皆大歡喜不斷一切智種住佛所住於三世諸佛家生無盡衆生皆令清淨悉能出生一切菩薩清淨智慧發起一切菩薩諸根一切法雲普覆法界如來教化究竟無餘隨其所願悉令滿足安立清淨平等正智出過一切衆生之上得一切智以正覺眼普觀世間隨其先世所修善根悉能示現普發大心衆生愛樂智慧安住無能壞者善知衆生分別諸利於不退轉善法中生不壞法性分別法界現如來身無量無數遠離癡妄安住真實一切衆生數無能盡教化一切修念佛三昧充滿法界度脫衆生無量無邊奉之所請悉能化度隨其所應以法惠施種種方便調伏衆生隨彼欲性悉令清淨示現色身不可思議等觀衆生心無所著住無礙住所見無障善解如來一切諸力心常寂定未曾散亂住一切智善能演說句身味身真實之義悉能深入無量智海出生無量功德慧藏如來日出普照法界衆生願力常住不沒住佛所住堅固不壞於我我所心無所著所行諸法永離世間於一切世無所染汙在大衆會建智慧幢智慧超出一切世間無所染著以大悲

心拯拔衆苦安立衆生於深妙智饒益衆生
功德無盡悉善分別菩薩智慧信向佛道成
最正覺出于大慈顯現大悲佛身無量諸法
莊嚴種種音聲演無量法隨其所應充滿其
願於去來今心常清淨悉令羣生不著境界
能與一切諸菩薩記生於三世諸如來家普
於十方智慧無礙一切悉至而無所著於諸
佛世界了達真實善能分別一切衆生出世
功德普爲一切世間燈明生死垢惱無能染
著佛智慧月普照法界了達諸法無真實性
無量深智觀察平等慧心明淨普照十方解
了諸法如夢如化一切世間心諸佛心及諸
業報隨其所應顯現真實順衆生根爲現佛
身如來境界悉能容受一切衆生普知衆生
所行諸法解了其相無有自性知一切世間
一性非性隨順衆生示現有性欲令衆生超
出三界一向正趣無上菩提救護拯濟一切
衆生未曾妄取世間之相滅諸煩惱正觀世
間大乘轡勒所行不亂成就一切諸法善利
悉能分別衆生善根業報清淨智慧明了等
入三世永離世間一切虛妄放光明網普照
十方令一切衆普見如來分別一切十方佛
刹相好具足樂觀無厭菩薩所行功德智慧
之所興起善能分別諸根境界所行佛事不

失其時成就三世諸佛無量方便慈悲普覆一切衆生周徧普降陀羅尼雨皆令成就諸佛功德無量妙色莊嚴佛身十方衆生靡不瞻觀除滅一切世間障礙分別諸法解真實義成就功德自在法王功德日王普能照曜一切世間最上福田依因一切智慧緣生化身充滿一切世間一一化身普放無量智慧光明無礙天繒冠頂法王功德無量悉能隨順分別世間無上導師開化羣生如來智慧一切世間無畏之乘一切世間無上醫王了知衆生所病輕重永離癡冥堅固不退淨慧眼藏善能分別一切世間開示衆生一切業報衆生病苦悉能除滅無量方便而度脫之隨其所應常不失時等觀衆生遠離諸惡示現業報猶如幻化隨其所應爲現佛身普令衆生悉見導師分別世間一切諸法歡喜敬佛長養善根得不退轉隨彼所業皆分別知一切衆生長眠生死如來出世能覺悟之安慰世間令無怖畏心無所著無能壞者安住智慧方便具足如來最勝嚴淨衆生智慧山王開淨法門或現佛身或現菩薩開導衆生遠離衆惡安置善地無量功德莊嚴佛身業行所成示現世間一切智慧得到彼岸成佛道時悉令清淨能滿世間一切所願開示世

間堅固善友光明清淨徧照十方普爲衆生
示現其身滅除無量衆生慳垢悉令衆生善
根清淨隨其所願皆得滿足等觀衆生無上
中下攝取善根起清淨業降伏衆魔除滅煩
惱出生無量無礙之力一切世間淨光明王
無礙慧日照除癡冥常以法施一切衆生無
量無邊如來智藏光明清淨普照十方令一
切衆生遠離怨仇隨其所願皆悉充滿最勝
福田靡不歸依果報無量具足清淨少修善
根獲大功德安置衆生無盡智地一切善根
皆由心起無量歡喜清淨功德能除衆生惡
道諸難如是正念如來如是觀察正覺如是
入智慧淵如是入功德海如是至虛空智慧
如是知衆生福田如是正知如來如是觀察
淨業相好如是正知法身普照十方如是知
佛示現一切不可思議自在神力爾時諸天
見如來身一一毛孔出阿僧祇億那由他光
明一一光明有阿僧祇妙色阿僧祇清淨照
明阿僧祇佛刹阿僧祇衆生阿僧祇歡喜長
養阿僧祇佛勇猛精進淨阿僧祇寂滅三昧
阿僧祇諸根清涼柔軟阿僧祇恭敬如來爾
時諸天復見佛身出不可思議雜色光明輪
一一光明輪有不可思議色不可思議照明
普照十方無量無邊一切法界示現如來無

量無數自在神力衆生皆聞清淨妙音又自然出不可思議偈宣揚演說出世間法具足成就離世善根顯現阿僧祇億那由他不可思議上妙莊嚴不可思議劫讚歎光明不能窮盡從如來無盡自在中生悉普照現不思議刹諸佛出世安立衆生於智慧門入真實義顯現不可思議如來化身普照無量無數不可思議諸佛世界及諸法界十方一切世界究竟法界虛空界持一切世界故起普令衆生清淨平等從如來無礙一切智佛所住生又佛身中出無量無數不可思議妙寶光明本於無量無數不可思議諸如來所修功德故得是光明清淨大願善根所起無量佛所修習清淨不放逸行一向專求無上菩提得是光明出生無量無礙善根普令衆生於如來所除滅疑惑得見如來又覩自在神力安立無量衆生勝善根門度衆生海於一切佛刹爲諸菩薩演說諸佛不思議法爾時如來以大慈悲普覆一切示現一切智慧莊嚴欲令無量無邊不可思議諸佛世界一切衆生未信者信已信者增長善根已增長者令其清淨已清淨者令其成熟已成熟者令其解脫得甚深法具足無量智慧光明滿足誓願一切智心堅固不轉不壞法性間真實際

而不驚怖具足解達如來實法滿足一切諸
波羅蜜成就清淨出世善根具足修習普賢
所行成就如來無量自在遠離魔界入佛境
界解甚深法得不思議智大乘弘願堅固不
轉常見諸佛得無量智無量無邊功德藏力
發勝妙心離疑網地滅惡清淨常依如來於
真實法堅固不轉得入一切諸菩薩衆常在
三世諸如來家如來顯現如是等類無量無
數清淨善根調伏衆生悉欲令彼知佛功德
照明一切無礙慧藏如來不可思議大神通
力於一切趣普現自在本所志願皆悉滿足
具足淨慧究竟諸佛最勝善逝成就法三一
切自在具足出生一切智門成就最勝清淨
法身三世諸佛功德平等一切世間無能爲
諭相好嚴身具足諸力見無厭足於一切劫
稱說如來智慧功德自在示現不可窮盡一
切菩薩不能究竟普爲衆生圓滿慧日滅三
世闇逮得法三神力自在出生無量清淨功
德爾時兜率天王爲如來設如是等諸供具
已與無量無數阿僧祇兜率陀天子俱恭敬
合掌白佛言善來世尊善來正覺唯願哀愍
處此宮殿爾時世尊以佛莊嚴而自莊嚴衆
生見者無不敬樂一切菩薩之所願求令兜
率諸天皆大歡喜皆令衆生信佛境界植佛

善根功德無盡逮得清淨不可壞信常供養
佛心無厭倦正心清淨發起衆生求一切智
故受現率天王請即昇一切寶莊嚴殿如意
寶藏師子之座如比世界四天下兜率天宮
如來受請昇一切寶莊嚴殿如意寶藏師子
之座一切十方諸四天下兜率天宮一切寶
莊嚴殿如意寶藏師子之座亦復如是爾時
一切寶莊嚴殿自然殊特妙寶莊嚴出過諸
天莊嚴之上一切寶網彌覆其上普雨一切
妙寶雲雨一切寶莊嚴雲雨一切寶衣雲雨
一切旃檀雲雨一切堅固香雲雨一切雜寶
莊嚴雲雨不可思議衆華雲雨自然演出不
可思議妙樂音聲宣揚如來一切種智微妙
法言如是一切諸供養具悉過諸天所供養
上爾時佛威神力爲現率天王故一切音樂
寂然無聲不復擾亂天王正念長養善根增
益大心勇猛精進甚大歡喜正心清淨即發
無上菩提之心於諸法門摠持不忘爾時現
率天王承佛神力即自憶念過去佛所所種
善根以偈頌曰
無礙如來猶滿日
來入衆寶莊嚴殿
無邊如來智甚深
來入清淨金色殿
諸吉祥中最第一
是故此處最吉祥
是故此處最吉祥

普眼如來甚明淨

諸吉祥中最第一

來入寶藏蓮華殿

是故此處最吉祥

珊瑚如來色鮮潔

諸吉祥中最第一

來入清淨寶藏殿

是故此處最吉祥

最勝如來論師子

諸吉祥中最第一

來入因陀寶山殿

是故此處最吉祥

滿月如來德無量

諸吉祥中最第一

來入妙寶華藏殿

是故此處最吉祥

無量如來光無際

諸吉祥中最第一

來入寶樹莊嚴殿

是故此處最吉祥

寶幢如來離疑惑

諸吉祥中最第一

來入妙寶莊嚴殿

是故此處最吉祥

無量慧佛人師子

諸吉祥中最第一

來入香山莊嚴殿

是故此處最吉祥

功德如來光普照

諸吉祥中最第一

來入勝寶莊嚴殿

是故此處最吉祥

如此間兜率天王承佛神力憶念過去諸等

正覺以偈讚歎如是十方一切世界兜率天

王各自憶念過去佛所所種善根以偈讚歎

亦復如是爾時世尊昇一切寶莊嚴殿如意

寶藏師子之座結跏趺坐清淨法身三世諸

佛境界自在皆悉平等一向寂靜以一切諸

佛莊嚴而自莊嚴無量無數不可思議清淨

大菩薩衆悉從他方世界來集如來知時而

爲說法法身不二無所染著諸佛所起如來
法身離諸所行爾時一切寶莊嚴殿自然無
量無數不可思議阿僧祇諸供養具殊特奇
妙出過諸天所供養上所謂華鬘塗香末香
寶衣幢蓋繒幡種種衆寶妓樂恭敬供養讚
歎如來如是等不可思議一切供養諸莊嚴
具如此世界四天下兜率天宮一切寶莊嚴
殿如意寶藏師子之座一切十方諸佛世界
亦復如是

大方廣佛華嚴經卷第十三

鮮茂

上相然切
下莫侯切

大螺

下落戈切
亦作贏

金翅

下施智切

銜繒

上戶監切
下疾陵切

頂戴

下都代切

拯拔

上音蒸上
聲呼

轡勒

上兵媚切

慧翺

下烏玄切

擾亂

上而沼切

甲辰歲高麗國大藏都監奉

勅彫造

大方廣佛華嚴經卷第十四

坐

東晉天竺三藏佛跋陀羅

譯

兜率天宮菩薩雲集讚佛品第二十

爾時佛神力故十方各過萬佛世界塵數刹
外彼有世界名堅固寶次名堅固樂次名堅
固寶王次名堅固金次名堅固摩尼次名堅
固金剛次名堅固蓮華次名堅固青蓮華次
名堅固栴檀次名堅固香其佛号壽無盡幢
次号風幢次号清白幢次号威儀幢次号明
相幢次号常幢次号上幢次号自在幢次号
梵幢次号寧泰幢彼諸菩薩名字悉同其名
曰金剛幢次名堅固幢次名勇猛幢次名夜
光幢次名智幢次名寶幢次名精進幢次名
離垢幢次名真實幢次名法幢彼諸菩薩各
於其國佛所淨修梵行一一菩薩各將萬佛
世界微塵數等菩薩眷屬來詣佛所誓首禮
敬佛神力故隨所來方化作如意寶藏師子
之座充滿十方結跏趺坐白淨寶網以覆其
身又放阿僧祇千億那由他光明離垢光明
無量光明普照十方以正直心攝取三寶遠
離諸惡菩薩大願之所興起一切衆生觀無
厭足見者不虛無不調伏願一切佛自在淨
法爲一切衆生作歸依處勸化令發菩薩大
願此諸菩薩皆悉成就無量法門所謂徧遊

十方一切佛刹無所障礙神足法門見淨法
身無著法門住持慧身能為無數變化之身
往詣無量佛所法門入無量無邊不可思議
如來自在法門無量無邊一切智法門無量
光明普照諸法無畏方便法門盡未來劫分
別演說諸功德藏無盡辯法門一切陀羅尼
慧光普照法門成就清淨慧眼普觀法界法
門智慧境界無量無邊無縛無著究竟如虛
空法門如此世界兜率天宮菩薩雲集一切
世界諸四天下兜率天宮雲集菩薩所從來
國諸佛名号亦復如是爾時世尊從兩膝放
百千億那由他光明普照十方虛空法界等
一切世界諸四天下兜率天宮一切如來神
力自在皆悉顯現彼諸菩薩其有得見如來
神力自在者皆是盧舍那如來應供等正覺
行菩薩道修習無量諸法門時善知識也是
諸菩薩常樂諸佛甚深解脫自在神力得不
壞法界身得無礙三昧見不思議佛心無所
著以無礙心充滿法界離垢寶心常為諸佛
之所護念得佛無量住持神力決定究竟到
於彼岸清淨正念速成等覺得諸如來心之
原底入深智慧而得自在於甚深智究竟彼
岸清淨法身住佛所住得一切智與如來等
從智寶起皆於如來妙趣中生開發清淨智

慧法門究竟金剛大智彼岸成就金剛方便
三昧未離一切愚癡闇冥教化成熟無量無
邊無數衆生諸佛一切決定自在究竟彼岸
不著一切數善學一切數究竟一切數智善
住真實法成就如是等無量無邊不可稱數
不可窮盡不可言說諸功德藏爾時金剛幢
菩薩承佛神力普觀十方以偈頌曰

如來不出世亦無有涅槃以本大願力顯現自在法
是法難思議非心之境界究竟彼岸智乃見諸佛境
色身非如來音聲亦如是亦不離色聲有佛自在力
少智不能知甚深佛境界成就本業智乃達諸佛境
諸佛無來處去亦無所至清淨妙法身顯現自在力
無量世界中示現如來身廣說微妙法其心無所著
無量無邊慧諸法無障礙入於深法界顯現自在力
衆生及諸法了達無障礙變化身無量普現一切刹
欲求一切智自然成正覺先當淨其心具修菩薩行
如是見如來無量自在力除疑常親近無上善知識
爾時堅固幢菩薩承佛神力普觀十方以偈
頌曰

最上無過者甚深不可說一切語言斷清淨如虛空
諦觀人師子無量自在力諸佛無虛妄世間生妄想
導師所演說其法甚深妙隨順因緣起如來清淨身
斯等大乘智諸佛之境界若欲求此智常應親近佛
清淨心供養一切諸導師心常無厭足究竟成佛道

無盡功德藏 增長菩提心 遠離諸疑惑 觀佛無厭足
究竟一切法 法化生佛子 彼悉能解了 諸佛自在力
智慧王所說 欲為諸法本 應起清淨欲 志求無上道
若能敬諸佛 知報如來恩 彼人未曾離 一切諸導師
如是得見聞 諸佛及佛法 具足清淨願 究竟無上道
爾時勇猛幢菩薩承佛神力普觀十方以偈
頌曰

有眼有日光 能見細微色 最勝神力故 淨心見諸佛
勇猛勤方便 能盡海原底 智慧力如是 究竟諸佛海
譬如好良田 植種必滋繁 如是淨心地 出生諸佛法
如寶得寶藏 除滅飢寒苦 菩薩得佛法 離垢心清淨
譬如如陀藥 能消一切毒 天尊亦如是 滅除煩惱毒
因緣善知識 生長信佛心 因緣善知識 得聞諸佛法
無量無數劫 常行無上施 若能化一人 功德超於彼
如來相莊嚴 功德難思議 諸佛功德藏 一切莫能知
如來等正覺 不起于一座 悉能徧十方 一切諸世界
譬如虛空性 不生亦不滅 諸佛法如是 亦復無生滅
爾時夜光幢菩薩承佛神力普觀十方以偈
頌曰

十方諸世界 一切羣生類 普見天人尊 清淨妙法身
譬如一心力 能生種種心 如來一法身 出生諸佛身
菩提無二法 亦無有自性 無二淨法身 莊嚴無不現
究竟如虛空 猶如幻化現 功德不可盡 其唯諸佛境
三世一切佛 法身悉清淨 隨其所應化 普現妙色身

未曾生想念 我爲如是像 遠離諸希望 自然應與生
不壞諸法性 亦不著法界 應現種種形 教化衆生故
法身非變化 亦非非變化 諸法無變化 示現有變化
正覺不可量 究竟等法界 深廣無涯底 言語道悉斷
一切趣道法 如來知實義 遊行一切刹 未曾有障礙
爾時智幢菩薩承佛神力普觀十方以偈頌
曰

入於深智慧 一切無障礙 其心無局限 修習菩薩行
普於十方刹 常見一切佛 彼佛無處所 法亦無所著
一一諸如來 自在力無量 不可思議劫 說之無窮盡
三世諸衆生 悉可知其數 導師功德藏 其數不可盡
無二不思議 應現種種身 十方無不見 未曾有別異
譬如淨滿月 普現一切水 影像雖無量 本月未曾二
如是無礙智 成就等正覺 應現一切刹 佛身初無二
非一亦非二 亦復非無量 隨其所應化 示現無量身
佛身非過去 亦復非未來 一念現出生 成佛入涅槃
譬如幻化色 不生亦不滅 佛身亦如是 寂然無生滅
爾時寶幢菩薩承佛神力普觀十方以偈頌
曰

如來身無量 衆生見有量 隨彼所應化 導師爲現身
法身無處所 充滿十方界 佛身難思議 如空無分際
彼無心意識 亦無起心想 諸佛之境界 究竟無生滅
譬如無目人 不覩内外色 如來不出世 不見一切法
饒益衆生故 如來出世間 衆生見有出 而實無興亡

佛刹非如來 晝夜亦如是 年月至一念 悉非等正覺
衆生咸說言 佛日出世間 導師自覺悟 如來非淨日
虛妄無所有 言語道悉斷 三世諸如來 出世亦如是
譬如清淨日 不與昏夜俱 而說日夜相 諸佛亦如是
三世一切劫 不與如來俱 而說三世佛 導師法如是
爾時精進幢菩薩承佛神力普觀十方以偈
頌曰

一切諸導師 身同義亦然 普於十方界 隨應各別異
觀察牟尼尊 境界甚深妙 充滿諸法界 一切悉無餘
如來淨法身 非是內身數 如來淨法身 亦非外身數
隨彼衆生行 種種無量業 是故見如來 各各悉不同
如來妙法身 一切莫能數 甚深難思議 唯是佛境界
如我非境界 思量所不及 佛法身如是 一切莫能測
如刹難思議 而見淨莊嚴 佛身亦如是 妙相無不現
猶如一切法 因緣和合生 如是因緣會 得見諸如來
譬如隨意珠 悉滿衆生意 諸佛法如是 能滿一切願
無量世界中 導師興於世 如來本願力 普應十方界
爾時離垢幢菩薩承佛神力普觀十方以偈
頌曰

諸佛智慧光 圓滿淨世間 能淨世間已 今入諸佛法
設有人欲見 衆生數等佛 如來一切應 而實無來處
專念佛境界 生起無量心 所見諸如來 其數與心等
具足白淨法 名聞滿十方 彼於一切智 其心安不動
導師爲衆生 如應演說法 隨所宜見處 普現最勝身

佛身非我所 世界亦如是 說心非我所 覺無我菩提
一切人師子 無量自在力 示現念等身 種種相莊嚴
世間則是身 身即是最勝 知身真實性 是佛無礙智
一切知見人 普明照諸法 佛法及菩提 求悉不可得
導師無來去 亦復無所住 遠離諸顛倒 清淨等正覺
爾時真實幢菩薩承佛神力普觀十方以偈
頌曰

正覺遊十方 一切諸世界 不離於一刹 普現諸國土
如來自在力 應現一切身 得道轉法輪 究竟般涅槃
誰爲思議佛 誰爲不思議 誰見諸如來 誰爲等正覺
一切法皆如 諸佛境亦然 乃至無一法 如中有生滅
衆生處妄故 是佛是世界 若解真實者 無佛無世界
今衆歡喜故 普現一切前 如來所現身 畢竟不可得
遠離一切障 無礙安隱住 除滅諸留難 具足諸佛法
一切諸如來 神通力自在 悉於三世中 求之不可得
如是知心識 明解一切法 一切知見人 速成等正覺
如來自在力 但有假言說 諸佛及自在 一切言語斷
爾時法幢菩薩承佛神力普觀十方以偈頌
曰
寧於無量劫 具受一切苦 終不遠如來 不覩自在力
無量生死中 未曾發道心 若聞見如來 具足佛菩提
聰達明慧者 若發一道心 汝莫生疑惑 自謂不成佛
無量無數劫 菩提心難得 若能一心求 究竟無上道
設於念念中 供養無量佛 不知是方便 彼猶非供養

若聞如是法 諸佛從此生 無量劫受苦 決定求菩提
一聞摩訶衍 諸佛所乘乘 一切法界中 三世為導師
雖盡未來劫 一切諸佛刹 不解方便者 終不成菩提
過去無量劫 流轉於生死 不知真實法 如來所起處
諸法不可壞 亦無壞法者 照明諸世間 示現自在法
大方廣佛華嚴經金剛幢菩薩十迴向品第三十二之一

爾時金剛幢菩薩承佛神力入菩薩明智三昧正受入正受已十方各過百萬佛刹微塵數等世界之外各見百萬佛刹微塵數諸佛是諸如來悉号金剛幢時彼諸佛告金剛幢菩薩言善哉善哉佛子乃能入是菩薩明智三昧正受善男子十方各百萬佛刹微塵數等世界諸佛加汝神力故乃能入是三昧正受又盧舍那佛本願力故威神力故汝智慧清淨故諸菩薩善根力故欲令菩薩得清淨無所畏故得無礙不斷辯故入無礙智地故入佛一切智廣大心故具足無盡諸善根故滿足無礙白淨法故入普門法界故顯現一切佛神力變化故淨念過去際智慧不斷故分別一切佛住持諸根故以無量法門廣說法故聞持了知無量法故具足演說十迴向故攝取一切菩薩諸善根故安住出世間法故一切智不斷絕故開發大願故入真實義故知法界故令一切菩薩悉歡喜故修一切

佛同善根故護持一切如來性故善男子汝當承佛神力演說此法安住佛家故長養出世間諸功德故入陀羅尼光明故入諸佛不滅度法故普照法界故積集白淨離惡法故住廣智慧境界住故住無障礙法光明住故爾時諸佛即與金剛幢菩薩無量智慧與善方便分別句身無留礙辯與無障礙法明與一切如來所共之身與無量微妙音聲與諸菩薩不可思議三昧方便與等心迴向善根智慧與觀察一切法出生無量方便與一切處說法無斷辯才何以故彼三昧善根力故爾時諸佛各申右手摩金剛幢菩薩頂摩其頂已時彼菩薩即從定起告衆菩薩言佛子是菩薩摩訶薩不可思議大願悉普救護一切衆生菩薩摩訶薩立此願已修學三世諸佛迴向佛子何等爲菩薩摩訶薩迴向善菩薩摩訶薩迴向有十去來今佛悉共演說何等爲十一者救護一切衆生離衆生相迴向二者不壞迴向三者等一切佛迴向四者至一切處迴向五者無盡功德藏迴向六者隨順平等善根迴向七者隨順等觀一切衆生迴向八者如相迴向九者無縛無著解脫迴向十者法界無量迴向佛子是爲菩薩摩訶薩十種迴向三世諸佛所共演說佛子何等爲

救護一切衆生離衆生相迴向此菩薩摩訶
薩行檀波羅蜜淨尸波羅蜜修羣提波羅蜜
行毗梨耶波羅蜜入禪波羅蜜分別般若波
羅蜜修行積集慈哀愍悲歡悅喜堪忍捨修
如是等無量善根修善根已作如是念我所
修習善根悉以饒益一切衆生究竟清淨以
此所修善根令一切衆生皆悉除滅地獄餓
鬼畜生閻羅王等無量苦惱復作是念我以
此善根迴向爲一切衆生作舍令滅苦陰故
爲一切衆生作護令解脫煩惱故爲一切衆
生作歸令離恐怖故爲一切衆生作趣令至
一切智地故爲一切衆生作安隱令得究竟
安隱慶故爲一切衆生作大明令滅癡冥得
慧光故爲一切衆生作炬令滅無明闇故爲
一切衆生作燈令得安住究竟明淨故爲一
切衆生作導令入方便法故爲一切衆生作
主寶臣令得無礙淨智身故佛子菩薩摩訶
薩以如是等無量善根迴向今一切衆生究
竟一切智佛子此菩薩摩訶薩爲怨親故以
諸善根迴向等無差別何以故菩薩摩訶薩
入平等觀無怨親故常以愛眼視諸衆生若
衆生懷惡於菩薩所起怨逆心菩薩摩訶薩
爲一切衆生作善知識廣爲分別諸深妙法
譬如大海一切衆毒所不能壞菩薩亦復如

是一切童蒙愚癡無智不知報恩瞋恚貢高
破戒生盲如是等類無量過惡不能動亂菩
薩道心譬如日天子出普照天下不以盲人
故隱而不現又復不以乾闥婆城四域塵障
阿脩羅障閻浮樹蔭及餘山障如是等類無
量障蔽故隱而不現菩薩摩訶薩亦復如是
常正憶念未曾散亂深廣安諦心無憂戚正
意思惟悉欲究竟功德智慧清淨法光普照
世間示真實義淨修一切諸法智門為諸衆
生常修善根一切衆生有無量惡菩薩摩訶
薩不以惡衆生故嫌恨退沒不行迴向不以
難調伏衆生故退捨善根不行迴向雖有衆
生邪見瞋濁於大莊嚴其心不轉不捨大願
救護衆生若見衆生濁惡無信不知報恩修
習善提未曾懈廢若與愚癡童蒙共事心無
憂惱何以故我以明淨圓滿慧日出於世間
清淨調伏一切衆生菩薩摩訶薩不為一衆
生故發心求阿耨多羅三藐三菩提善根迴
向不為嚴淨一佛刹故不為信一佛故不為
見一佛故不為聞一佛法故不為滿足一願
故菩薩摩訶薩悉欲救護一切衆生故以善
根迴向具足嚴淨一切佛刹信一切佛見一
切佛恭敬供養一切諸佛聞一切佛所說正
法滿足一切大願故以諸善根迴向阿耨多

羅三藐三菩提菩薩摩訶薩復作是念發菩提心寶即是如來境界之力廣大平等無有懈怠於一切劫修學難得與諸佛等菩薩摩訶薩如是觀諸善根信心清淨長養大悲以諸善根普爲衆生深心迴向非但口言於諸衆生發歡喜心明淨心柔軟心慈心愛念心攝取心饒益心安樂心最勝心以諸善根迴向菩薩摩訶薩以諸善根迴向時作如是念若我所有迴向功德令一切衆生得清淨趣得清淨生功德滿足一切世間無能壞者不可窮盡常得尊重心不錯謬分別了知一切諸趣思量諸佛具足莊嚴身口意業具足莊嚴一切功德復作是念以此善根迴向功德令一切衆生常見諸佛於彼佛所得不壞信於諸佛所聽受正法雖諸疑惑憶持不忘如說修行於如來所得柔軟心淨身口業心常安住勝妙善根永離貧法七財滿足修學一切諸佛所學得諸善根成就平等淨妙解脫一切種智於一切衆生得慈愛眼其身清淨相好莊嚴言論辯慧功德具足調伏諸根成就十力發起諸善心住滿足無所深著令一切衆生具佛快樂得無量住住佛所住此菩薩摩訶薩復作是念一切衆生造作無量諸不善業因是業故受無量苦不見如來不聞

正法不識淨僧此諸衆生具有無量大惡罪
業應受無量無邊楚毒我當於彼三惡道中
悉代受苦今得解脫我當代受無量苦惱不
以苦故其心退轉恐怖懈怠捨離衆生何以
故我爲衆生荷負重擔滿平等願度脫一切
生老病死愁憂苦惱無量諸難流轉生死一
切邪見失諸善法愚癡無智我當悉度免此
衆苦衆生常爲愛網所纏無明覆蔽染著有
愛爲之走使不得自在縛在苦獄隨諸魔業
於諸佛所心生疑惑不得出世道不見安隱
處常馳無量生死曠野受無量苦苦菩薩摩訶
薩見彼衆生沒生死泥受衆楚毒起大悲心
饒益衆生今得善利免度苦難善根迴向以
大迴向迴向如三世菩薩迴向如諸佛所說
大迴向經迴向今一切衆生悉得清淨具足
善根究竟一切智復作是念我當悉令一切
衆生得無上智王安隱住處不爲自度但欲
令彼出生死淵得一切智心拔出衆生惡道
嶮谷救無量苦度生死流復作是念我當爲
一切衆生受無量苦令諸衆生悉得免出生
死沃焦我當爲一切衆生於一切剎一切地
獄中受一切苦終不捨離我當於一一惡道
盡未來劫代諸衆生受無量苦何以故我寧
獨受諸苦不令衆生受諸楚毒當以我身免

贖一切惡道衆生今得解脫菩薩摩訶薩復作是念我悉當爲一切衆生作誠實語者離惱害心不捨衆生何以故我因衆生發菩提心度脫一切不求尊貴不求五欲不求世間種種樂故行菩薩道何以故五欲是世間法諸魔境界愚人所行諸佛訶責彼能出生一切苦惱地獄餓鬼畜生閻羅王處忿恚鬪諍更相訟說皆由五欲積習五欲遠離諸佛能障生天況無上道菩薩明見五欲有如是等無量過患是故不以五欲修菩薩行但欲饒益安隱衆生發菩提心求無上道今一切衆生得一切利具諸大願斷絕衆生煩惱鉤餌離無量苦苦菩薩摩訶薩復作是念我當以諸善根迴向令一切衆生得種種樂究竟樂饒益樂不共樂寂靜樂無染樂無動樂無量樂不死不轉樂不滅樂一切智樂我當爲一切衆生作調御師作上藏臣作大明炬示安隱趣令離諸難解一切法我當今解諸甚深義我當爲作一切智船度生死海我當今知無量善根迴向我當悉爲示現彼岸菩薩摩訶薩以是無量善根迴向救護一切度生死海今諸如來皆悉歡喜得一切智捨離衆魔遠惡知識親近菩薩勝善知識成就淨業盡滅衆惡具足菩薩無量願行一切善根菩薩摩

訶薩以諸善根正迴向已作如是念不以四
天下一一衆生故一一日出但一日出世悉
能普照一切天下又諸衆生不以自身光明
知有晝夜遊行觀察興造諸業皆由日天子
出普照天下一切衆生無業不就菩薩摩訶
薩亦復如是修諸善根迴向普爲衆生作如
是念彼諸衆生無智慧光尚不自照何況照
他唯我一人志獨無侶修諸善根迴向欲爲
度脫一切衆生普照一切衆生分別一切衆
生了達一切衆生令一切衆生入甚深法攝
取一切衆生成就一切衆生悅樂一切衆生
乘輿一切衆生滅除一切衆生疑惑菩薩摩
訶薩復作是念我當修學如日天子普照一
切不求恩報不爲惡衆生故捨大莊嚴亦不
以一惡衆生故捨離一切而不度脫但勤修
習善根迴向欲令衆生得一切樂攝少善根
迴向廣大若諸善根不能饒益衆生者我終
不以善根迴向以諸善根悉與衆生發心迴
向令一切衆生不著諸法故迴向以衆生怵
迴向而無所至菩薩如是迴向亦無所著不
取所有性安住諸善根不取相迴向業報虛
妄無所有亦無所著不取五陰相迴向不壞
五陰相迴向不取虛妄業迴向不求報不起
虛妄因緣不生不起不住不住堅固相不住

虛妄法不取衆生相不分別世界不生心顛
倒想顛倒見顛倒不著語言道但欲令衆生
解真實法迴向觀察一切衆生平等迴向法
界印印諸善根迴向離欲等法觀察善根迴
向解一切法離於顛倒得諸善根以無二法
觀察法界迴向彼迴向不生諸法不滅諸法
以如是等善根迴向修行清淨諸對治法迴
向觀一切善根皆悉迴向出世間法於彼善
根不作二相薩婆若非即是業亦不離業迴
向觀察薩婆若不即是業亦不離業得薩婆
若願智業照明清淨故報亦照明清淨報照
明清淨故薩婆若亦照明清淨捨離一切動
亂覺觀憍慢放逸隨方便智以諸善根迴向
令一切衆生悉得真實究竟解脫不著法性
無量無邊善根迴向諸法無業報而出生業
報菩薩摩訶薩以如是等善根迴向則能永
離一切諸惡佛所讚歎佛子是名菩薩摩訶
薩第一救護一切衆生離衆生相迴向
爾時金剛幢菩薩承佛神力普觀十方及一
切衆觀察法界入深句義味大悲普覆一切
衆生護持三世佛種不斷入一切佛諸功德
藏出生諸佛清淨法身善能分別諸衆生心
過去所種一切善根知時不失具足法身善
能示現清淨色身以偈頌曰

不思議劫所修行

精進堅強意無礙

其心清淨離瞋恚

深解諸法救衆生

勇猛精進力具足

忍心堅固不傾動

於無等所心安住

菩薩忍力如大地

不以苦行自求樂

常能救護諸羣生

十方一切諸世界

常爲衆生心安住

以歡喜心行布施

勇猛精進心堅固

其心廣大不可量

淨修一切諸禪定

十方一切世界中

智慧迴向諸功德

被人積集衆善業

欲令衆生具修習

普爲一切衆生故

菩薩心常無懈怠

不求色聲諸香味

常求無上最勝智

常爲饒益諸羣生

常求諸佛妙功德

恭敬供養調御師

彼能善入迴向藏

智力照明甚清淨

常能救護諸羣生

踊悅歡喜意清淨

悉能饒益諸衆生

大慈悲起無量行

彼人速入無礙地

其中衆生皆攝取

修學無量諸迴向

具足護持清淨戒

清淨智慧善迴向

忍力堅強常迴向

智慧深妙難思議

具足修習清淨行

以一切樂益衆生

無量無邊不可數

住不思議深妙智

不思議劫住地獄

決定功德常迴向

亦不希望一切觸

度脫一切諸羣生

菩薩智淨如虛空

普行無量大士行

最勝所行淨業道

無量名稱常修行

菩薩遊行諸世界

常能安隱羣生類

悉令一切皆歡喜

修菩薩行無厭足

除滅一切心垢穢

思惟修習無上智

不自爲己求安樂

常欲利益諸羣生

菩薩迴向到彼岸

除滅無量心穢毒

具足修習三世佛

無量清淨諸功德

菩薩未曾染著色

受想行識亦如是

不住一切諸三界

所有功德悉迴向

諸佛所知衆生類

皆悉攝取無有餘

究竟度脫諸羣萌

是名菩薩殊勝行

菩薩一切心安住

開悟彌廣不可稱

離癡正念伏諸根

身口意業常寂然

一切內外所有法

皆悉虛妄無真實

如風行空無所礙

菩薩心行亦如是

所起身業常清淨

能令諸佛悉歡喜

於最勝所言不虛

意常專向諸如來

十方無量諸世界

所有最勝悉往詣

於彼覩見大悲尊

悉能恭敬供養之

心常遠離一切惡

處大衆中無所畏

心常安住如來道

彼爲三有清涼池

善修分析一切法

具足了達諸有無

善能趣向眞法性

深入無諍勝三昧

修習菩薩堅固行

一切衆生莫能壞

明學了達甚深義

於三世法無所著

究竟迴向到彼岸

普令衆生悉清淨

遠離一切諸深著

菩薩所行無所倚

一切衆生語言法

於彼智慧無障礙

談論巧妙無雙著

心常安處無礙住

菩薩如是行迴向

無量善心功德藏

能令十方諸世界

一切如來皆歡喜

佛子何等為菩薩摩訶薩第二不壞迴向此

菩薩摩訶薩於去來今諸如來所得不壞信

一切諸佛皆悉歡喜於諸菩薩所乃至初發

一念求菩薩善根及一切智於彼菩薩得不

壞信悉於一切諸佛法中一向直心而不可

壞於諸佛教得不壞信守護一切諸如來法

得不壞信常以愛眼等觀一切以善根迴向

令彼衆生獲諸善利得不壞信於白淨善根

得不壞信何以故修集一切諸善根故於一

切菩薩迴向得不壞信直心解脫得滿足故

於一切菩薩諸法師所得不壞信具足起如

來想故於如來自在神力得不壞信諦信諸

佛難思議故於一切菩薩方便得不壞信攝

取種種無量無數行境界故佛子菩薩摩訶

薩如是安住不可壞信於諸佛菩薩聲聞緣

覺如來正教一切衆生如是等無量境界種

諸善根分別諸善根長養菩提心修習大慈
所生善根廣修大悲平等觀察學佛所學隨
順諸佛攝取一切清淨善根深入實義集功
德藏行大惠施修諸功德等觀三世菩薩摩
訶薩如是等善根功德迴向一切智常見諸
佛親近善知識常與無量諸菩薩會念薩婆
若心無散亂受諸佛教興護法心數化成熟
一切衆生心常不離出世迴向供養守護一
切法師解了諸法修習滿足一切大願菩薩
摩訶薩如是精勤修習無量善根積集長養
善根正念思惟觀察境界真實等義恭敬供
養威儀具足善根迴向菩薩摩訶薩善根迴
向已作如是念以此善根迴向所得依果令
我修行菩薩行時於念念中見一切佛令彼
諸佛皆悉歡喜於諸如來應供等正覺如佛
所應而以供養以阿僧祇寶阿僧祇華阿僧
祇香阿僧祇塗香阿僧祇瓔阿僧祇衣阿僧
祇蓋阿僧祇幢阿僧祇幡阿僧祇莊嚴阿僧
祇莊嚴具阿僧祇供給阿僧祇末香阿僧祇
信樂阿僧祇敬念阿僧祇淨信燒阿僧祇堅
固香阿僧祇上味飯食阿僧祇恭敬阿僧祇
禮拜阿僧祇一切寶座阿僧祇一切華座阿
僧祇一切香座阿僧祇一切鬘座阿僧祇一
切清淨梅檀座阿僧祇一切衣座阿僧祇一

切金剛座阿僧祇一切摩尼寶座阿僧祇一
切寶繒座阿僧祇一切寶色座阿僧祇一切
寶輪阿僧祇一切華輪阿僧祇一切香輪阿
僧祇一切寶莊嚴輪阿僧祇一切寶本輪阿
建立阿僧祇一切寶多羅高顯輪阿僧祇一
切寶欄楯輪阿僧祇一切寶網輪羅覆其上
阿僧祇一切妙寶宮殿嚴飾殊特過諸天
阿僧祇一切華宮殿阿僧祇一切香宮殿阿
僧祇一切寶鬘宮殿阿僧祇一切栴檀宮殿
阿僧祇一切堅固香藏宮殿阿僧祇一切金
剛宮殿阿僧祇一切摩尼寶宮殿皆悉殊妙
出過諸天阿僧祇諸雜寶樹阿僧祇種種香
樹阿僧祇諸寶衣樹阿僧祇妙音樂樹阿僧
祇妙音聲樹阿僧祇無厭寶樹阿僧祇垂寶
繒幡樹阿僧祇寶莊嚴樹阿僧祇一切華一
切鬘一切香一切塗香一切蓋一切幢一切
幡樹如是等諸妙寶樹莊嚴殊特以用莊嚴
無數宮殿阿僧祇寶欄楯莊嚴阿僧祇寶窓
莊嚴阿僧祇寶偏樓閣莊嚴阿僧祇內帳莊
嚴阿僧祇半月莊嚴阿僧祇樓閣莊嚴阿僧
祇寶帳莊嚴阿僧祇白寶網羅覆其上燒阿
僧祇堅固香阿僧祇寶衣以敷其地以如是
等諸莊嚴具莊嚴無數宮殿出過諸天以如

是等上妙供養於無量無數不可說不可說
 劫調伏諸根敬心供養一切如來此諸最勝
 般涅槃後供養舍利欲令一切衆生皆悉歡
 喜攝取一切衆生善根令一切衆生離無量
 苦發菩提心令一切衆生以大莊嚴而自莊
 嚴無量莊嚴超出一切衆生境界示現佛法
 難可值遇滿足阿僧祇諸如來力清淨信心
 供養導師受持守護一切佛法如是供養現
 在諸佛及涅槃後供養舍利於無量阿僧祇
 劫說供養具不可窮盡諸佛成就無量功德
 教化度脫一切衆生我常供養彼諸如來心
 不退轉無有休息未曾懈怠不懷憂惱亦無
 所著無有心想於諸法中而無所染無所依
 止不味善根離一切著以實法印印業法門
 生一切法住佛所住觀無生性境界法印印
 被發心受持如來清淨迴向觀察平等法性
 迴向入無行方便出生諸行心捨一切迴向
 無量方便迴向離一切有迴向安住離相方
 便修習法門善根迴向菩薩從初發心修習
 一切諸妙善根皆悉迴向以此善根於生死
 中而不可壞求一切智心不退轉處一切有
 寂定不亂度脫一切衆生不著生死得無礙
 智門修善薩行而彼善根不可窮盡世間諸
 法所不能壞具足清淨諸波羅蜜究竟一切

智力菩薩摩訶薩如是捨離癡闇成菩提心
普照一切長白淨法善根迴向具足衆行清
淨直心觀察平等深入諸法知業如幻業報
如電諸行如化因緣生法如響菩薩行如影
無著法眼之所出生無作所作其性寂滅入
有爲無爲於一切法了達無二解如實性分
別菩薩一切行相不著諸相善知方便入同
事業不捨一切白淨善法離一切障無礙無
著常爲諸佛之所護念遠離愚癡如是菩薩
摩訶薩成就善根出生善法不壞業報明見
真實善解迴向以方便力出生業報究竟法
性得到彼岸了達諸法迴向大智諸業善根
其心清淨行無所行菩薩摩訶薩如是善根
迴向欲度脫一切衆生佛種不斷滅諸惡業
業報迴向一切衆生得無量智成一切智離
世境界滅諸煩惱究竟清淨成就智慧入深
方便捨生死苦成就諸佛無量善根摧伏魔
業得平等法印以印諸業隨順薩婆若無上
菩提菩薩摩訶薩行如是善根迴向善根明
淨普照一切具足成就薩婆若乘佛子是名
菩薩摩訶薩第二不壞迴向菩薩摩訶薩安
住此迴向得見無量阿僧祇佛悉得無量清
淨妙法普於衆生得平等心捨離愚癡入一
切法得諸如來自在神力降伏衆魔滅諸魔

業具足生貴菩提之心得無礙智不由他悟
於一切法見真實義於一切佛刹悉能受持
分別其相智慧具足普照衆生菩薩摩訶薩
以此不壞迴向力攝取一切善根迴向爾時
金剛幢菩薩承佛神力普觀十方乃至以偈
頌曰

修習無量無數業
能令諸佛悉歡喜
所供養佛難思議
彼爲一切修迴向
一切上妙諸華香
種種莊嚴及寶蓋
如是無量諸供具
恭敬供養調御師
專心觀察諸最勝
現在十方一切佛
不可思議無量劫
善分別知諸心想
悉知諸根無有餘
心大歡喜無有量
不思議劫忍住世
一切諸佛滅度已
悉以無量妙雜寶

所乘堅固不可壞
是名智者所迴向
布施持戒伏諸根
清淨無量衆生故
無量無數衆寶衣
供養一切諸如來
不可思議曠劫中
心常歡喜無厭足
一切世間大明燈
皆悉覩見如目前
修行布施無厭足
修諸善根亦無厭
如實觀察無虛妄
常能饒益一切衆
信心清淨而恭敬
饒益救度一切衆
供養舍利無厭足
建立恒沙諸塔廟

造作無數尊形像
巍巍高大如山王
修學積集諸功德
菩薩善知行迴向
若能如是修迴向
勝妙智慧觀諸法
方便修習令心淨
以不可盡諸方便
發起無上菩提心
普至十方諸世界
方便啓導衆生心
觀察衆生心平等
一切諸法悉無餘
迴向無著清淨眼
欲令諸有悉清淨
分別所有無所有
於一佛刹無所著
不取一切有爲法
方便迴向薩婆若
普令諸佛悉歡喜
菩薩一心念諸佛
如諸如來無所著
常欲救護一切衆
常行饒益衆生心

寶藏淨金而莊嚴
其數無量不思議
勝妙堅固不可壞
分別非有亦非無
功德無量不可盡
皆能了達無所生
悉與一切如來等
迴向無盡如來藏
一切世間無所依
於一切衆心無礙
悉令出生佛菩提
推求真實不可得
了達其性無所有
永離一切世間苦
心不妄取諸法相
能令心淨大歡喜
了諸佛土無堅固
亦不染著法自性
無上智慧自莊嚴
是爲菩薩迴向業
無上智慧巧方便
令我悉獲此功德
遠離無量諸惡業
於饒益心無虛妄

隨所住地守護法

示現涅槃實不滅

一切如來無二法

願我迴向亦如是

一切世界諸趣中

於有為法無所著

菩薩不緣語言道

亦不染著無語言

十方一切諸如來

悉攝諸法無有餘

離一切趣而受生

於所離生無虛妄

以一莊嚴一切嚴

亦不分別此諸法

了達世間悉虛妄

一切所行無所有

大方廣佛華嚴經卷第十四

樹蔭

下於禁切

憂感

下倉歷切

懈廢

下方肺切

錯謬

上倉各切

嫌恨

上戶兼切

重擔

下部濫切

免贖

上止辨切

荷負

上胡可切

闕諱

上郁豆切

鉤餌

下仍吏切

訶責

上虎何切

巍高

上語園切

無侶

下力舉切

甲辰歲高麗國大藏都監奉

勅彫造

大方廣佛華嚴經卷第十五

東晉天竺三藏佛跋闍耶羅

譯

金剛幢菩薩十迴向品第二十一之二

佛子何等爲菩薩摩訶薩第三等諸佛迴向
此菩薩摩訶薩隨順學過去未來現在諸佛
迴向此菩薩修菩薩行時見好惡色其心清
淨而無憎愛歡喜悅樂起無壞心離諸憂惱
得正直心身意柔軟諸根清涼此菩薩得如
是樂時迴向諸佛作如是念一切諸佛雖有
無上淨妙快樂復願諸佛具不思議佛所住
樂具足攝取不可稱量佛三昧樂成就無量
大悲快樂具足成就不可計議佛解脫樂具
足攝取諸佛神足自在快樂無上尊重最妙
快樂普覆如來常令具足諸佛無量力樂永
離一切諸覺之樂無上寂靜不變易樂具足
無礙法門心常寂定而無散亂佛無二行不
可壞樂菩薩摩訶薩以如是善根迴向諸佛
已又復迴向一切菩薩令願未滿者悉令滿
足未淨直心者令淨直心未滿諸波羅蜜者
悉令滿足安住金剛菩提之心於一切智得
不退轉不捨大莊嚴守護菩提門及諸善根
能令一切衆生捨離放逸發菩提心所願成
滿安住一切菩薩所住得諸菩薩明利諸根
修習善根證薩婆若如是菩薩摩訶薩以諸

善根迴向菩薩已又復迴向一切衆生迴向一切衆生見佛聞法敬心近僧迴向具足尊心念佛迴向具足念淨妙法迴向念僧尊重恭敬迴向見佛未曾遠離迴向成就諸清淨心迴向分別諸如來法迴向成就無量功德迴向清淨諸通善根迴向除滅一切疑惑如佛迴向開化一切衆生聲聞緣覺及諸菩薩菩薩善根迴向一切衆生亦復如是令一切衆生永離地獄餓鬼畜生閻羅王處一切惡趣無量衆難菩薩摩訶薩令彼一切衆生悉發無上菩提之心長養無上菩提之心一心專求一切種智捨離誹謗諸佛正法常樂具足一切智地令一切衆生究竟清淨得一切智菩薩摩訶薩所行善根以諸大願攝取行等行積聚等積聚長養等長養皆悉廣大具足充滿菩薩摩訶薩若在家時與妻子俱未曾暫離菩提之心正念思惟薩婆若境界自度度彼直心平等方便示現妻子眷屬菩薩善方便智皆悉成就究竟解脫雖與同止心無所著以本大悲故處在家屬以大慈故隨順妻子於菩薩淨道無所障礙菩薩摩訶薩若在家時應以如是薩婆若心善根迴向所謂被著衣裳若飲若食服諸湯藥行住坐卧身口意業具足清淨諸根調伏皆悉安諦洗

浴塗身寂靜徐步迴旋顧眄舉足下足若城

若覺不失威儀善攝諸根未曾散亂菩薩摩

訶薩以如是等一切諸行未曾遠離薩婆若

心善根迴向饒益安樂一切衆生無量諸願

皆悉成就攝取無量廣大善根修習善根救

護一切除滅一切放逸憍慢一心正念一切

種智欲覺一切諸佛菩提捨離煩惱及順煩

惱法修習一切菩薩所學於一切智道無所

障礙樂修智地及諸善根常樂愛語增長善

根令一切衆生永離苦惱不著所行一心受

持諸佛教法是爲菩薩摩訶薩處在家屬攝

取善根一心迴向無上菩提菩薩摩訶薩復

作是念乃至小犬及餘畜生當令此等具足

修習不放逸行離畜生趣得饒益樂究竟解

脫永度苦海苦受苦陰苦覺增上大苦苦行

苦藏苦根苦舍如是等無量無邊一切衆苦

菩薩摩訶薩欲令衆生悉得除滅以淨善根

迴向無上菩提教一切衆生迴向如是境界

正念思惟彼彼善根以爲上首所謂迴向一

切種智發菩提心攝菩提心遠離生死修習

善根出生死淵得諸如來無礙快樂修如來

慈充滿十方大悲饒益一切衆生普令一切

得清淨樂守護一切諸勝善根令一切衆生

究竟佛法遠離一切諸魔境界入彼甚深如

來境界普能拔出一切世間具足一切如來
善根住三世佛平等法中如是菩薩摩訶薩
今集善根已集善根當集善根皆悉迴向復
作是念如彼過去菩薩所行恭敬供養一切
諸佛度脫衆生救護一切修諸善根迴向菩
提而無所著不依色不著受不顛倒想不作
行不取識離六入不住世法樂出世法知法
如空究竟得至非趣彼岸照解諸法不生不
滅無真實相無所染著一切諸法無有虛妄
無所歸趣無所破壞安住實際無有自性離
諸性故於一念中解一切法無性爲性常樂
習行普門善根具足如來圓滿功德顯現一
切如彼過去一切如來善根迴向我亦如是
樂如是法證如是法如是發心修習諸法不
違法相所有起法猶如幻化電光水月鏡中
之像因緣和合假持諸法悉分別知從業因
起唯如來地是究竟處菩薩摩訶薩如是隨
學過去諸佛所學迴向未來現在亦復如是
菩薩摩訶薩學三世佛所學迴向諸善根已
作如是念如彼諸佛所知菩薩迴向我亦如
是迴向第一迴向勝迴向最勝迴向上迴向
無上迴向無等迴向無等等迴向無比迴向
無對迴向尊迴向妙迴向平等迴向正直迴
向大功德迴向大願迴向明淨迴向善迴向

清淨迴向離惡迴向不隨惡迴向如是菩薩
摩訶薩以諸善根正迴向已成就清淨妙身
口意所作行業皆悉清淨住菩薩住離諸惡
住修習善根離身口惡業心無選擇修薩婆
若住無量住入一切法空無自在修出世法
於世間法心無深著分別了知無量諸業成
就巧方便迴向諸法心無所倚佛子是爲菩
薩摩訶薩第三等諸佛迴向菩薩安住此迴
向已深入一切諸如來業趣諸如來微妙功
德入深清淨智慧境界不離一切諸菩薩業
善能分別巧妙方便入深法界巧妙方便以
第成就菩薩善根入於一切諸如來性以巧
方便分別了知無量無邊一切諸法雖復示
現世界中生於諸世界心無所著佛子是爲
菩薩摩訶薩等諸佛迴向爾時金剛幢菩薩
承佛神力普觀十方以偈頌曰

彼諸菩薩摩訶薩
修過去佛迴向法
亦學未來現在世
無量導師之所行
一切種種微妙樂
諸佛如來所讚歎
成就明淨勝法眼
迴向一切諸導師
菩薩身根種種樂
眼耳鼻舌諸情根
種種上妙無量樂
迴向一切諸最勝
一切世間諸善根
及諸如來所成就
於彼悉攝無有餘
隨喜迴向益衆生

菩薩隨喜無有量
人中師子所有樂
諸佛如來所知見
欲令衆生皆悉得
菩薩所得種種樂
欲令衆生常安隱
菩薩修此迴向時
如佛所知迴向德
如諸最勝所知見
如我在世諸所行
一切趣中衆快樂
皆悉迴向爲衆生
身口意淨離諸惡
以此迴向羣生類
菩薩所修諸行業
隨順如來生佛家
十方無量世界中
無量善根悉迴向
不爲己身自求樂
遠離一切虛妄心
十方無量諸最勝
以諸功德迴向彼
一切世間衆生類
以我所行諸淨業

願令衆生悉具足
一切衆生清淨樂
世間燈明所受樂
迴向諸佛爲衆生
於彼迴向無所著
興發無量大悲心
令我具足悉成滿
一切智乘微妙樂
一切菩薩無量樂
柔軟調伏諸根樂
普令成就無上智
巧妙方便心平等
悉令成就無上智
積集無量淨功德
寂然不亂正迴向
攝取一切衆生類
普令衆生得安樂
欲令一切悉安隱
悉解諸法空無我
所見一切眞佛子
速令究竟無上道
等心攝取無有餘
令彼衆生速成佛

無量無邊清淨願

無等最勝所演說

卷之三

第一

坐

皆悉清淨離諸垢
一切功德盡迴向
種種淨妙而莊嚴
心不稱量諸二法
諸法非二非不二
一切世間所有想
亦不壞想及非想
彼諸菩薩身淨已
口業已淨無散亂
一心正念過去佛
現在十方天人尊
三世無量諸最勝
所行無量求菩提
彼勝妙慧廣大慧
平等實慧清淨慧
佛子何等爲菩薩摩訶薩第四至一切處迴

向此菩薩摩訶薩修習一切諸善根時以彼
善根如是迴向令此善根功德之力至一切
處譬如實際無處不至至一切世間至一切
有至一切衆生至一切刹至一切法至一切
虛空至一切三世至一切有爲及無爲法至
一切語言音聲我此善根亦復如是徧至一
切諸如來所供養三世一切諸佛過去諸佛

所願悉滿未來諸佛具佛莊嚴虛空法界等
世界中現在諸佛及無量大衆以爲莊嚴皆
悉供養猶如諸天於一念中悉能充滿無量
無邊一切世界廣大功德智慧無礙善根迴
向故菩薩摩訶薩復作是念以此善根虛空
法界等一切世界世界性種種業所起十方
不可說世界不可說佛刹種種世界諸佛境
界無分齊世界轉經覆世界伏世界轉世界
一切無餘世界中現在諸佛顯現無量自在
神力彼有菩薩解虛空法界等一切諸法爲
諸衆生於一切世界中現爲如來出興於世
示現至一切處智無量無邊自在受生法身
徧至不壞法界平等普入同佛身藏不生不
滅普應一切善巧方便出現世間從眞實法
性起堅固不轉無礙所持諸佛無礙功德所
生菩薩摩訶薩於諸如來應供等正覺所種
諸善根以衆雜華種種諸香鬘蓋幢幡珍寶
燈明以如是等諸妙供具供養尊像及諸塔
廟以此一切善根迴向以一心不亂心不動
心尊重心離瞋心無住心無著心無衆生心
無諂害心寂靜心迴向復作是念虛空法界
等一切劫中去來今佛相好具足而自莊嚴
以妙法界莊嚴而自莊嚴彼佛眷屬充滿虛
空法界等一切世界隨時出世未曾失時我

以善根迴向供養諸佛以無量香蓋無量香幢無量香幡無量香宮殿無量香網無量香像無量香光無量香燄無量香雲無量香座無量香輪無量香住處無量香佛世界無量香須彌山王無量香海無量香河無量香樹無量香衣無量香蓮華以如是等無量無數衆香莊嚴以爲供養以無量華蓋廣說如上乃至無量無數衆華莊嚴以爲供養以無數瓔蓋乃至無數衆瓔莊嚴以爲供養以不可思議塗香蓋乃至不可思議塗香莊嚴以爲供養以不可稱末香蓋乃至不可稱末香莊嚴以爲供養以無分齊妙衣蓋乃至無分齊妙衣莊嚴以爲供養以無邊寶蓋乃至無邊衆寶莊嚴以爲供養以無量燈蓋乃至無量衆燈莊嚴以爲供養以不可說莊嚴具蓋乃至不可說衆莊嚴具以爲供養以不可說不可說摩尼寶蓋如是摩尼寶幢摩尼寶幡摩尼寶帳摩尼寶網摩尼寶瓔摩尼寶光摩尼寶寶焰摩尼寶雲摩尼寶座摩尼寶輪摩尼寶宮殿摩尼寶世界摩尼寶須彌山王摩尼寶海摩尼寶河摩尼寶樹摩尼寶衣摩尼寶蓮華如是等不可說不可說摩尼寶莊嚴以爲供養於一一境界中各有阿僧祇欄楯阿僧祇莊嚴阿僧祇宮殿阿僧祇樓閣阿僧祇偏

樓閣阿僧祇半月莊嚴阿僧祇內小幃帳阿僧祇窓牖阿僧祇清淨寶阿僧祇一切寶莊嚴清淨一切世界悉無有餘如是莊嚴令一切衆生超出生死成就如來十種力地於諸法中得無礙法明教化衆生一切善根迴向調伏衆生無量心充滿虛空法界等一切佛刹法無所至出生三世無量善根今一切衆生悉得覩見無量諸佛安住一切諸善根中成就大乘不著諸法具足諸善根究竟無量行普入無量無邊一切法界善根迴向入一切如來自自在神力令一切衆生因此善根得薩婆若成無上道譬如無我不離諸法我諸善根亦復如是攝取一切佛恭敬供養故攝取一切法離障礙故攝取一切菩薩究竟一取菩薩一切法明決定無礙故攝取一切佛自在神力成就無量諸善根故攝取一切佛力無所畏發無量心滿一切故攝取一切善薩三昧辯才陀羅尼門解了世間無二法故攝取一切佛巧妙方便示現如來大神力故攝取三世一切諸佛出生得道轉淨法輪示現涅槃興發供養化衆生故攝取一切世界無上佛刹莊嚴故攝取一切劫不斷一切善薩行故攝取一切趣示現受生故攝取一切

衆生具足普賢菩薩行故攝取一切衆生淨
煩惱習故攝取一切衆生諸根化度無量故
攝取一切衆生諸欲淨諸煩惱故攝取一切
衆生調伏成熟隨其所應爲現身故攝取一
切衆生令解衆生如變化故攝取一切如來
性守護受持一切佛法故菩薩摩訶薩如是
善根迴向了無所有業中不取虛妄報報中
不取虛妄業離諸虛妄入深法界心常安住
勝妙善根遠離散心修習善法不信不入一
切諸法不見有法自性成就作者壞者皆不
可得知一切法悉無自在解了法界無有見
者無有知者如是菩薩摩訶薩圓滿具足解
了諸法得一切法衆因緣地見一切法身離
欲實際等觀諸法解了世間猶如變化明達
衆生皆是一法分別無二不捨諸業境界方
便於有爲界出無爲界而亦不壞有爲之性
於無爲界出有爲界而亦不壞無爲之性如
是菩薩摩訶薩樂觀諸法寂滅之相出生一
切清淨善根皆悉迴向救護衆生精勤修習
離愚癡法深達明了一切法海以虛空等一
切善根迴向具足無上堅固功德得離癡冥
明淨法眼善知方便迴向功德菩薩摩訶薩
如是善根迴向令一切衆生淨一切剎得佛
自在教化衆生持諸佛法一切世間最上福

田爲諸衆生作採寶導師爲一切世間出
淨日一一善根充滿法界善根迴向救護衆
生令一切衆生悉皆成就清淨功德菩薩摩
訶薩如是善根迴向守護受持諸如來性教
化成熟諸衆生性嚴淨一切諸佛刹性不壞
業性分別法性等觀不二性徧遊十方性廣
說離欲性具足解脫性普照諸根性佛子是
名菩薩摩訶薩第四至一切處迴向菩薩摩
訶薩安住此迴向能以一切善根迴向得至
一切處身業善能應現一切世界故得至一
切處口業微妙音聲充滿十方一切世界故
得至一切處意業悉能受持一切諸佛所說
法故得至一切處神足善能隨順一切世間
行故得至一切處法隨順一切法故得至一
切處隨順法陀羅尼辯才令一切衆生悉歡
喜故得至一切處順入法界於一毛道悉能
普入一切世界故得至一切處身令一切衆
生身入一衆生身故得至一切處劫於一切
劫中常見諸佛故得至一切處刹那於一刹
那現一切佛興於世故佛子菩薩摩訶薩得
至一切處善根迴向能以一切善根迴向爾
時金剛幢菩薩承佛神力普觀十方以偈頌
曰

一切內外諸世間

菩薩大士無所著

不捨饒益衆生事

如是妙智人中勝

不著一切諸世界

不取十方堅固性

不取衆生壽命相

亦不妄取諸世間

一切十方世界中

攝取衆生悉無餘

觀察有無得自在

至一切處善迴向

攝取有爲無爲法

心不妄取諸世間

世間諸法無差別

照世燈明如是覺

一切所行諸業行

上中下品各不同

智者諸業悉迴向

一切十方諸如來

菩薩迴向到彼岸

隨如來學悉成就

分別甚深微妙智

具足最勝殊特法

清淨善根悉迴向

常能利益諸羣生

悉令十方一切衆

成就無上照世燈

不曾虛妄取衆生

亦不妄想念諸法

不染不著一切世

亦復不捨諸衆生

菩薩常樂寂滅法

隨順得至寂滅境

亦不捨離衆生道

得如是等微妙智

不起諸業虛妄想

於諸果報亦不著

一切世間從緣起

不離因緣見諸法

如是境界隨順至

遠離一切虛妄想

一切衆生調御師

具足明了善迴向

佛子何等爲菩薩摩訶薩第五無盡功德藏

迴向此菩薩摩訶薩修悔過善根離一切業

障於去來今佛一切善根及三世一切衆生

善根皆悉隨喜於諸如來尊重恭敬禮拜供養所生善根勸請諸佛所生善根佛所說法聞持憶念如說修行入不思議境界善根三世諸佛無盡善根一切菩薩所修善根三世諸佛得菩提時無上善根菩薩摩訶薩於此一切善根皆悉隨喜隨喜已安住彼善根三世諸佛轉淨法輪度無量衆生彼諸衆生所得善根菩薩摩訶薩皆悉隨喜三世諸佛從初發心修菩薩行乃至成佛示現涅槃於其中間所獲善根皆悉隨喜彼諸如來般涅槃已受持守護諸佛正法乃至法滅所修善根念佛境界所修善根自己境界所修善根乃至無上菩提境界善根菩薩摩訶薩以此諸善根皆悉迴向菩薩摩訶薩作如是念此諸善根若修若學若積集若開解若隨喜若具足若成就若有所行若有所得若正憶念若受持若堅固難壞如此善根盡過去際劫一切諸佛莊嚴世界無量行業之所興起佛智所知菩薩所識應衆生起隨欲清淨如來所持如來出世淨業所成普賢菩薩淨業所起彼諸世界若有衆生成無上道現自在力未來一切如來應供等正覺莊嚴佛剎與法界等無量無邊虛空法界等一切世界中盡未來際劫一切諸佛彼諸如來成就智慧當淨

佛剎莊嚴一切無厭上香莊嚴雨一切華莊嚴一切衣雲莊嚴一切功德藏莊嚴一切如來持智莊嚴一切佛剎莊嚴不可說莊嚴修習不可思議功德莊嚴如來等正覺淨威神莊嚴未來一切諸佛莊嚴佛剎一切世間所不能觀菩薩淨眼之所照見菩薩摩訶薩修勝善根悉入一切諸清淨法受持一切諸清淨法猶如變化普行菩薩諸清淨業入菩薩不可思議自在三昧佛慧光明普照世間如未來諸佛嚴淨佛剎現在諸佛嚴淨世界亦復如是種種莊嚴清淨具足功德普覆無量妙色不可思議香無量雜寶無量寶樹阿僧祇莊嚴阿僧祇宮殿阿僧祇微妙音聲隨善知識顯現無量一切功德殊勝莊嚴不可窮盡一切香莊嚴一切鬘莊嚴一切華莊嚴一切末香莊嚴一切寶莊嚴一切衣莊嚴一切幢莊嚴一切幡莊嚴一切繒綵莊嚴一切寶欄楯莊嚴阿僧祇白寶網普覆莊嚴阿僧祇河莊嚴阿僧祇雲雨莊嚴阿僧祇自然妙音無所不聞以如是等無量無邊諸莊嚴具莊嚴無量無邊不可思議諸佛世界彼諸世界中若佛剎莊嚴佛剎清淨佛剎平等佛剎妙善佛剎功德佛剎殊勝佛剎安樂佛剎不壞佛剎無盡佛剎無量功德不可盡佛剎

不退佛刹無所畏佛刹光明佛刹快樂佛刹
無厭佛刹普照佛刹照明佛刹方正佛刹第
一佛刹勝佛刹最勝佛刹微妙佛刹無比佛
刹無等佛刹上佛刹無上佛刹無等等如是
等三世一切諸佛佛刹莊嚴菩薩摩訶薩以
此善根皆悉迴向普令一切佛刹清淨莊嚴
如是莊嚴於一世界中三世一切莊嚴佛刹
具足清淨周徧清淨積聚等起莊嚴具足莊
嚴住持皆悉具足如一世界中無量無邊虛
空法界等世界悉以三世諸佛莊嚴佛刹而
莊嚴之佛刹功德佛刹觀無厭足佛刹無量
佛刹彌廣佛刹無數佛刹不可思議佛刹無
勝佛刹不可稱佛刹無邊皆悉具足菩薩摩
訶薩復如是迴向令其所修一切佛刹菩薩
摩訶薩皆悉充滿此諸菩薩具足一切清淨
功德成就智慧善集分別一切世界及衆生
界入深法界捨離愚癡入空寂界成就念佛
念不思議法念清淨僧成就念捨法日圓滿
慧光普照深智無疑從無所有寂滅法生出
生無量清淨佛法成就殊特勝妙善根清淨
善根最勝善根增上善根建立無上菩提之
心善能隨順入如來力心常志求一切種智
淨諸魔業了衆生性知法空寂捨離顛倒除
滅愚癡修諸善根滿足大願成就如是等無

量無邊功德菩薩充滿其刹悉從無量法門
 中生安住如是一切功德成就無等等勝妙
 善根常作佛事善巧方便得菩提光明具足
 無礙法界智慧一身充滿一切法界現自在
 力成就大智一切智境界善巧方便出生智
 慧分別無量法界徧遊諸刹而無所著心淨
 如空悉能分別一切法界於諸菩薩不可思
 議三昧正受以巧方便善能入出趣薩婆若
 住諸佛刹善能了知諸佛威神善能分別阿
 僧祇諸深妙法而無所畏隨順三世諸佛善
 根普照一切如來法界悉能受持一切諸佛
 所說正法善能演出不可思議清淨音聲善
 能分別阿僧祇諸語言法得無上道佛自在
 地悉能周徧一切世界而無障礙悉攝一切
 無諍之法心無虛妄無所染著修習增廣菩
 提之心善解智慧隨時應化權變無方了真
 實義具足演說成就如是等無量功德諸大
 菩薩莊嚴世界充滿世界種種莊嚴順至安
 住善修熏修清淨無雜周徧清淨快然宴寂
 於一佛刹少分處所有無量菩薩無數菩薩
 不思議菩薩不可稱菩薩不可量菩薩無等
 菩薩不可究竟菩薩無分齊菩薩不可說菩
 薩不可說不可說菩薩如一佛刹一一少分
 處有如是等大菩薩摩訶薩虛空法界等一

切世界菩薩摩訶薩皆悉充滿亦復如是菩薩摩訶薩以諸善根方便迴向迴向一切佛刹一切菩薩摩訶薩一切如來一切無上菩提一切大願一切出要一切衆生淨一切世界常見如來如來壽命無量轉不退轉法輪與法界等如是菩薩摩訶薩善根迴向令一切佛刹清淨令一切衆生界清淨令一切菩薩清淨令一切諸佛充滿法界令如來清淨法身充滿一切佛刹菩薩摩訶薩以如是等無等等迴向趣薩婆若心淨如虛空不動如大地入不可思議迴向樂觀一切業報皆悉寂滅無盡功德迴向平等隨順一切法界菩薩摩訶薩行如是迴向已不虛妄取我及我所不虛妄取佛及諸佛法不虛妄取佛刹及刹清淨不虛妄取衆生及調伏衆生不虛妄取諸業及取業報不著意業及業果報不壞因果不取有法不壞有法生死非雜亂涅槃非寂靜如來境界道非他所作無法同止菩薩摩訶薩如是起諸善根決定迴向成熟具足等觀取相善取境界分別稱量離諸虛妄而無所著菩薩摩訶薩如是善根迴向已得無盡善根常念三世一切諸佛得一切無盡善根度無量菩薩得無盡善根淨諸佛刹得無盡善根衆生界得無盡善根入深法界

得無盡善根修無量心淨如虛空得無盡善
根解了一切諸佛境界得無盡善根修習一
切菩薩淨業得無盡善根了達二世得無盡
善根以如是等善根迴向悉能度脫一切衆
生入衆生界不見衆生迴向解一切法無有
壽命迴向知一切法真實無有自在迴向一
切諸法無福伽羅迴向觀察一切諸法離諸
忿諍迴向一切諸法從因緣起無有堅固迴
向知一切法真實無所著迴向一切佛刹無
所染著迴向不取菩薩行堅固相迴向分別
了知一切境界空無所有迴向菩薩摩訶薩
如是迴向眼終不見不淨佛刹亦復不見異
相衆生行法不見法入智無所入解了一切
猶如虛空於如來身得一切法滿足成就無
量諸功德力具足至一切處善根安樂衆生
此菩薩摩訶薩於念念中得不可說不可說
十力地具一切種清淨善根悉能攝取一切
衆生彼菩薩摩訶薩成就如意功德寶藏隨
所遊方悉能嚴淨一切佛刹令不可說不可
說衆生安住攝取諸功德力菩薩摩訶薩如
是迴向時以此迴向威力故一切所行無有
倫匹一切世間所不能壞威攝衆魔莫能瞻
對具足成就不退功德無量大願皆悉成就
其心彌廣等一切智於一念中悉能周徧無

量佛刹得無量智力悉能了知諸佛境界常
樂受持一切佛法安住無量無邊大智菩薩
初發菩提心力悉與虛空諸法界等佛子是
名菩薩摩訶薩第五無盡功德藏迴向菩薩
摩訶薩安住此無盡功德藏迴向復得十種
無盡功德之藏何等爲十一者常見諸佛無
盡功德之藏於一一毛孔中見無量阿僧祇
諸佛二者入無盡法功德之藏以如來智慧
等觀一切法即是一法三者受持正念無盡
功德之藏聞一切佛所說正法聞持不忘四
者得無盡慧功德之藏於一切如來所說經
法善能次第解其句義王者無盡趣法功德
之藏善能分別一切法趣六者無盡佛願功
德之藏智慧如空充滿三昧一切諸法七者
無盡功德功德之藏充滿一切諸衆生意猶
不可盡八者無盡智功德之藏一切衆生愚
癡瞠障悉能除滅九者無盡辯才功德之藏
令一切衆生悉解一切佛法平等無二十者
無盡十力四無所畏功德之藏具足修習菩
薩所行受法王職得一切智佛子是名菩薩
摩訶薩得十無盡功德之藏以此無盡功德
之藏皆悉迴向一切功德爾時金剛幢菩薩
普觀十方以偈頌曰
菩薩成就直心力
於一切法得自在

隨喜所獲諸功德
 三世一切諸最勝
 具足一切勝功德
 三世一切最勝法
 淨心攝取一切法
 窮盡三世無量劫
 三世諸劫猶可盡
 如是一切諸佛刹
 菩薩嚴淨一切刹
 彼真佛子心清淨
 一切功德莊嚴心
 彼諸菩薩悉具足
 一切諸辯悉成滿
 觀察境界心平等
 成就清淨無等心
 如是無餘諸佛刹
 未曾想念聲聞乘
 菩薩如是心清淨
 普令衆生成正覺
 十方一切諸魔王
 勇猛安住莫能壞
 菩薩具足諸願力
 深入無盡功德藏
 善能觀察一切法

無礙方便善迴向
 嚴淨刹土及世間
 迴向淨刹亦如是
 菩薩悉能諦分別
 如是莊嚴諸佛刹
 讚一佛刹諸功德
 佛刹功德無窮極
 一切最勝悉嚴淨
 與諸導師等無異
 悉從如來法化生
 充滿一切諸佛刹
 無量相好莊嚴身
 不可窮盡如大海
 安住一切三昧門
 光明普照十方界
 此諸菩薩悉充滿
 亦復不求緣覺道
 善根迴向諸羣生
 具足三世諸佛法
 菩薩威德悉調伏
 決定修行究竟法
 迴向功德無障礙
 三世果報無窮盡
 了達其性不自在

已能分別空無我
無有色法及無色
亦無有法及無法
亦復非有亦非無
於彼一切諸緣中
一切衆生語言法
悉知世間施設法
平等觀察衆生類
普觀三世無差別
菩薩如是知迴向
明達諸佛真實性
菩薩如是淨迴向
了知自性悉非性
攝取一切諸境界
除滅一切愚癡闇
菩薩一切虛妄見
遠離世間煩惱熱
不壞一切諸法性
解了諸法猶如響
了知三世衆生類
吾解煩惱諸習氣
了達業性非是業
又亦不壞業果報
衆生所生無有生

是故不妄取業報
亦無有想無無想
一切諸法無所有
亦復非因非無因
其心了達無染惑
悉能了知無所著
決定諸法無有我
諦了諸法無二相
佛刹諸業亦如是
隨所行業功德生
解一切佛深妙法
心能分別善思量
於一切法無所著
迴向一切羣生類
於真實性覺如如
已滅已棄永無餘
得到究竟清涼趣
明達真實無所生
悉於一切無所著
悉從因緣和合起
不壞諸法真實性
亦復不壞諸業性
宣揚讚歎緣起法
亦無流轉生死中

不著衆生說衆生

善能隨順諸世間

善能隨順諸世間

世

大方廣佛華嚴經卷第十五

洗浴上先禮切

顧眄

上古暮切

憍慢

上舉喬切

詭害上母談切

幃帳

上兩非切

窻牖

下西音

採寶上倉宰切

癡瞠

下於計切

乙巳歲高麗國大藏都監奉

勅彫造

大方廣佛華嚴經卷第十六

坐

東晉天竺三藏佛跋陀羅

譯

金剛幢菩薩十迴向品第二十一之三

佛子何等爲菩薩摩訶薩第六隨順一切堅固善根迴向此菩薩摩訶薩若爲王時得勝國土安隱豐樂降伏怨敵治以正道如法教化功蓋天下德覆十方萬國歸順無敢違命兵仗不用自然泰平以四攝法善攝衆生轉輪聖王七寶成就此菩薩摩訶薩堅固安住自在功德眷屬和睦不可沮壞端正第一觀者無厭離一切惡功德具足相好成滿顏容殊特身體肢節端嚴周備鮮潔明淨見者歡喜體力堅固不可毀壞攝取天帝那羅延身離諸業障得清淨業具足修行一切布施若施飲食種種美味諸乘衣服衆妙華鬘雜香塗香牀座住處房舍燈明湯藥寶器莊嚴寶車衆馬寶王衆妙寶座諸蓋幢幡種種雜寶妙莊嚴具清淨天冠髻中明珠若見獄囚受諸楚毒起大悲心捨諸庫藏妻子眷屬以身處獄救苦衆生見送獄囚趣於死地自捨已身以代彼命若有人乞連膚頂鬚髥中明珠眼耳鼻根牙齒舌根顙頂手足壞身出血髓肉及心腸腎肝肺肢節諸骨厚皮薄皮或手足指連肉指爪爲求正法投身火坑爲求法

故舉身具受無量眾苦爲法難得故能捨大地四海國土大小諸城村邑丘聚國土豐樂人民熾盛園林浴池華果繁茂無量莊嚴天下太平無諸怨敵金銀寶藏妻子眷屬自在法王斷除一切屠殺惡業普施無畏若見有人毀壞畜狩及以人根令身殘闕起大慈悲而救度之以大音聲普告一切令聞佛名或施大地起佛殿堂造僧房舍安處菩薩聖眾福田或建尊廟隨應一切或施僮使供給三尊父母知識一切福田以身布施一切給使復以自身普覆諸佛以自身施一切眾生常以已身奉給諸佛布施國土及王京都嚴飾大城又施寶女侍人眷屬妻妾男女或施以家種種莊嚴遊戲園林或設無數大眾施會遠離諸惡淨眾生故悉捨一切資生之具心不貪著不求果報悉能捨離若諸眾生人與非人貧賤富貴或善或惡種種福田遠近諸方一切悉來或自來求或不來求一切悉施無所慳吝作如是念攝取隨順一切堅固善根迴向攝取善受想行識隨順一切堅固善根迴向攝取國土隨順一切堅固善根迴向攝取勝人隨順一切堅固善根迴向攝取眷屬隨順一切堅固善根迴向攝取財利隨順一切堅

固善根迴向攝取一切惠施隨順一切堅固
 善根迴向菩薩摩訶薩如是諸善根迴向已
 作如是念我所行施無貪無著無染解脫其
 心真直無所慳惜以此惠施功德之力令一
 切衆生得大智慧心無障礙知食見食無所
 貪著但以法食永離搏食智慧充滿攝取善
 根法身智身清淨遊行爲化衆生現受搏食
 菩薩摩訶薩若施飲時如是迴向以此善根
 令一切衆生飲法甘露成菩薩道除滅渴愛
 常樂大乘離五欲愛得淨法愛法身柔軟三
 昧調心未曾散亂入智慧海興大法雲雨法
 甘露是爲菩薩摩訶薩布施飲時善根迴向
 菩薩摩訶薩若施衆味所謂辛酸鹹淡甘苦
 如是無量肴膳香味食之無厭能令四大乘
 輒安樂身體充滿氣力康強發歡喜心明淨
 諸根嚴持內身長育柔軟肌色光潤一切毒
 害所不能壞消滅衆疾得無患法菩薩摩訶
 薩施如是等無量無數諸美味時如是迴向
 以此善根令一切衆生得上味相甘露充滿
 令一切衆生心得安住法味深智悉知一切
 衆味之業令一切衆生悉得無量深妙法未
 了法界智安住實際得到法城令一切衆生
 法雲普雨充滿法界悉能調伏成熟衆生令
 一切衆生得勝智味無上法愛衆輒身心令

一切衆生得上味相不著衆味修習一切佛法諸願令一切衆生皆善和合得一味法出生諸佛無二之法令一切衆生得無礙味於一切智乘得不退轉令一切衆生得一切佛無雜法味善能分別一切諸根令一切衆生法味充滿具足安住無礙佛法是爲菩薩摩訶薩施衆味時善根迴向令一切衆生悉得具足無礙智身菩薩摩訶薩布施乘時如是迴向以此善根令一切衆生乘一切智乘具足大乘不可壞乘勝乘上乘速疾乘大力乘功德成就乘出世間乘出生無量諸菩薩乘功德滿足是爲菩薩摩訶薩布施乘時善根迴向菩薩摩訶薩布施衣時如是迴向以此善根令一切衆生得慙媿法服以覆其身離諸陋形端嚴殊妙顏容鮮澤膚體柔軟得身上樂諸佛之樂無量法身普應一切無上清淨一切種智是爲菩薩摩訶薩布施衣時善根迴向菩薩摩訶薩布施衆華鮮妙香華種種色華無量樂華善現之華樂無厭基一切時華天華人華世所樂華無上香華如是等無量衆華菩薩摩訶薩悉以供養現在十方一切諸佛及滅度後供養塔廟諸法施者比丘僧寶一切菩薩諸善知識聲聞緣覺父母親族乃至自身下及貧賤菩薩摩訶薩布施

華時如是迴向以此善根令一切衆生悉得
諸佛三昧之華清淨開敷妙法衆華從其心
出令一切衆生觀無厭足得佛法愛令一切
衆生常見妙色身相端嚴見者無厭令一切
衆生未曾散亂具足一切清淨行業令一切
衆生常念善知識心無變異令一切衆生如
阿伽陀藥悉除一切煩惱衆毒令一切衆生
滿足大願決定安住無上智王令一切衆生
出智慧日除滅一切愚癡闇冥令一切衆生
如淨滿月長菩提月開功德華令一切衆生
入大寶海見善知識具足成就一切善根是
爲菩薩摩訶薩布施華時善根迴向令一切
衆生悉得無礙清淨妙智菩薩摩訶薩布施
幾時如是迴向以此善根令一切衆生人所
樂見見無不欣見輒親善見無不愛見離憂
惱必見諸佛得一切淨智是爲菩薩摩訶薩
布施幾時善根迴向菩薩摩訶薩布施香時
如是迴向以此善根令一切衆生具足戒香
得不壞戒不雜戒離垢戒離疑戒離纏戒清
涼戒不犯戒無量戒無上戒離世間戒菩薩
究竟至彼岸戒令一切衆生具足成就諸佛
戒身是爲菩薩摩訶薩布施香時善根迴向
令一切衆生具足成就無礙戒身菩薩摩訶
薩施塗香時如是迴向以此善根令一切衆

生施香普熏悉捨所有令一切衆生戒香普
 熏得佛淨戒令一切衆生忍香普熏離毒害
 心令一切衆生精進之香具足普熏勤修大
 乘弘誓莊嚴令一切衆生定香普熏具足諸
 佛現前三昧令一切衆生慧香普熏於一念
 中得無上智王令一切衆生法香普熏成就
 無上無畏之法令一切衆生德香普熏成就
 一切功德智慧令一切衆生無上菩提妙香
 普熏得佛十力究竟彼岸令一切衆生白淨
 法香具足普熏斷除一切諸不善法是爲菩
 薩摩訶薩施塗香時善根迴向菩薩摩訶薩
 施牀座時如是迴向以此善根令一切衆生
 得天寶座安處慧牀令一切衆生得賢聖座
 捨凡夫意修菩提心令一切衆生得安樂座
 離生死苦令一切衆生得最上座見諸如來
 自在神力令一切衆生得平等座等心普照
 一切諸法令一切衆生得最勝座得無上業
 永離世間令一切衆生得安隱座身證一切
 諸深妙法令一切衆生得清淨座修習如來
 淨智境界令一切衆生得安住座得善知識
 常隨覆護令一切衆生得師子座具足如來
 無畏之座是爲菩薩摩訶薩施牀座時善根
 迴向令一切衆生修習念慧調伏諸根菩薩
 摩訶薩施住處時如是迴向以此善根令一

切衆生悉得如來嚴淨佛刹修習功德莊嚴
 佛刹安住甚深三昧境界於彼住處而無所
 著善能分別一切住處離世間住安住佛住
 攝取一切諸佛所住究竟大道安樂善住修
 習無量清淨善根未嘗捨離佛無上住是爲
 菩薩摩訶薩施住處時善根迴向令一切衆
 生安樂饒益救護一切菩薩摩訶薩施房舍
 時如是迴向以此善根令一切衆生饒益安
 樂正念思惟令一切衆生依如來住依大智
 住依善知識住依尊重住依善行住依大慈
 住依大悲住依六波羅蜜住依無量菩提心
 住依一切菩薩道住是爲菩薩摩訶薩施房
 舍時善根迴向令一切衆生具足成就清淨
 智慧諸通功德菩薩摩訶薩惠施燈明所謂
 酥燈油燈寶燈摩尼燈漆燈火燈沈水香燈
 栴檀香燈一切香王燈無量色光燄燈以如
 是等無量燈明施時如是迴向以此善根饒
 益一切衆生攝取一切衆生令一切衆生得
 無量光普照一切諸如來法令一切衆生得
 明淨光普照一切諸微細色令一切衆生得
 離礙光善能了知無衆生界令一切衆生得
 無量光法身淨光普照一切令一切衆生得
 普光明於諸佛法得不退轉令一切衆生得
 佛光明普照一切無量佛刹令一切衆生得

無礙光以一光明普能徧照一切法界令一切衆生得無量光普照佛刹光明不斷令一切衆生得光明幢王慧光幢燈普照世間令一切衆生得無量色光自在光照一切刹是爲菩薩摩訶薩施燈明時善根迴向悉能饒益一切衆生悉能安樂一切衆生隨順善根順攝衆生善根善攝一切衆生等施善根等施衆生慈愍善根愍念衆生普覆善根普蔭衆生布施善根滿足衆生普入一切善根境界平等善根平等衆生智慧善根分別一切是爲菩薩摩訶薩燈明施時善根迴向令一切衆生得無礙迴向安住一切明淨善根菩薩摩訶薩施湯藥時如是迴向以此善根令一切衆生離諸障礙令一切衆生捨離病身悉得如來清淨法身令一切衆生皆成藥性悉能除滅一切衆生不善之病令一切衆生成阿伽陀藥安住菩薩不退轉地令一切衆生成如來藥拔出一切煩惱毒刺令一切衆生習近賢聖除滅煩惱得清淨行令一切衆生得藥三意未曾厭離一切善法令一切衆生具足成就不壞藥樹對治一切諸不善病令一切衆生除諸病刺悉得一切智慧光明令一切衆生解了世間諸對治法隨應羣生對治衆病菩薩摩訶薩施藥善根如是迴

向已因此善根令一切衆生捨離諸病安隱無患具足清淨得諸如來無病之法令一切衆生出諸病刺得無盡身金剛圍山所不能壞具足堅固一切諸力成滿諸佛無上法藥得佛神力自在法身是爲菩薩摩訶薩施湯藥時善根迴向菩薩摩訶薩悉能惠施一切諸器所謂以真金器盛滿雜寶以白銀器盛滿雜寶以瑠璃器盛滿雜寶以玻璃器盛滿雜寶莊嚴具以碑礪器盛赤珠寶以碼碯器盛滿珊瑚夜光衆寶又以石器盛諸美膳以拚檀器盛衆寶衣以金剛器盛滿衆香如是等無量無數諸妙寶器盛以無量無數妙寶或施諸佛信佛福田不思議故或施菩薩寶發菩提心諸善知識難值遇故或施衆僧長養佛法故或施福伽羅聲聞緣覺愛聖法故或施父母爲尊重故或施師長爲教如法修功德故乃至布施下品凡劣大慈大悲愛眼等心觀衆生故不捨三世一切菩薩滿足檀波羅蜜故一向專求無上菩提故悉捨一切內外所有不捨一切衆生類故不著福田及財物故菩薩摩訶薩以如是等無量寶器盛以無量雜寶施時如是迴向以此善根令一切衆生成廣大藏器成虛空等廣大念根世間出世間一切經書悉能受持不忘失故

令一切衆生成清淨器普能受持佛深法故
 令一切衆生成無上寶器悉能受持去來今
 佛一切法故令一切衆生普成如來勝法寶
 器悉能受持三世諸佛無壞法故令一切衆
 生成莊嚴寶器受持無極菩提心故令一切
 衆生悉成一切功德之器志樂如來無量淨
 智故令一切衆生成一切智內法之器究竟
 如來無礙解脫一切智故令一切衆生成未
 來際劫一切菩薩所行之器一切衆生堅固
 安住一切智力故令一切衆生成三世佛勝
 妙法器一切諸佛梵音說法悉受持故令一
 切衆生悉成內器其身容受一切世界虛空
 界法界諸佛眷屬勸請諸佛轉大法輪悉能
 受故是爲菩薩摩訶薩布施器時善根迴向
 令一切衆生成諸法器皆能受持普賢菩薩
 一切願行

菩薩摩訶薩以無量種種莊嚴寶車奉施諸
 佛菩薩及善知識如來大眾聲聞緣覺一切
 福田種種衆生從餘方來或承菩薩名聞故
 來或是菩薩因緣故來或聞菩薩發施願故
 來或是菩薩心願請來菩薩摩訶薩或施種
 種莊嚴妙寶金車金鈴網覆微絛相和出和
 雅音垂寶瓔珞種種莊嚴或施清淨瑠璃寶
 車無量珍妙以爲嚴飾或復施與衆妙寶車

白銀莊嚴白網羅覆或復施與神馬寶車無量億寶以為莊嚴或復施與大象寶車無量億寶以為莊嚴一切寶網絞絡其上或復施與栴檀香車種種寶輪以為莊嚴寶師子座以敷其上百千采女列侍其內人相具足顏容姝妙眾寶華蓋彌覆其上十萬壯士而牽御之或復施與玻璃寶車無量雜色妙寶莊嚴載以無數端嚴采女眾雜寶帳以覆其上寶繒幢幡周匝莊嚴或復施與碼碯寶車飾以眾寶熏以雜香摩以塗香散以妙華百千采女持金瓔珞平正安詳其疾如風或復施與堅固香車敷以種種采輦寶衣眾妙寶網羅覆其上清淨妙香而以熏之其香殊妙能悅人心逆風遠熏聞者無厭諸天子等在前牽徇或復施與一切寶車種種雜色以為絞飾眾妙寶網羅覆其上諸雜寶帶周匝垂下敷以寶衣散以末香所愛男女悉載其上菩薩摩訶薩以如是等眾妙寶車施諸佛時如是迴向以此善根令一切眾生悉皆樂求無上福田深信施佛有無量報令一切眾生一心向佛逮得無量清淨果報令一切眾生於諸佛所無慳吝心具足大施無所愛惜令一切眾生於諸佛所修上福田離一乘願得諸如來無礙解脫一切種智令一切眾生於諸

佛所種無盡善根得佛無量功德智慧令一切衆生攝取深慧具足清淨無上智王令一切衆生所遊自在得諸如來至一切處無礙神力令一切衆生攝取大乘得無量種智安住不動令一切衆生具足成就第一福田皆能出生一切智地令一切衆生於一切佛無嫌恨心種諸善根樂求佛智令一切衆生以少方便往詣一切莊嚴佛刹於一念中深入法界而無疲倦令一切衆生入虛空等菩薩神通悉能徧至一切佛所令一切衆生得無比身盡能徧遊十方世界而無疲倦令一切衆生成廣大身得隨意行令一切衆生得一切佛神力莊嚴究竟彼岸於一念中顯現如來自在神力徧虛空界令一切衆生修安隱行隨順一切諸菩薩行令一切衆生行疾無礙究竟十力智慧彼岸令一切衆生得轉一切世界力波羅蜜普入一切不壞法界令一切衆生行普賢行到於彼岸得不退轉一切種智令一切衆生乘無比智乘隨順修行一切法界見真實性是爲菩薩摩訶薩以諸寶乘奉現在諸佛及滅度後舍利塔廟善根迴向令一切衆生究竟諸佛無礙大乘菩薩摩訶薩施諸菩薩及善知識清淨乘時如是迴向以此善根令一切衆生不捨菩薩諸善知

識知恩報恩令一切衆生同善知識義攝不
 同性善根故令一切衆生親近尊重恭敬供
 養諸善知識悉捨一切攝善知識令一切衆
 生得正直心隨善知識未曾遠離令一切衆
 生常見善知識不違其教令一切衆生得正
 直心不捨善知識離一切垢心不可壞令一
 切衆生爲善知識不惜身命悉捨一切不違
 其教令一切衆生爲善知識之所攝取修習
 大慈遠離諸惡令一切衆生順善知識聞佛
 正法悉能受持令一切衆生同善知識善根
 業報菩薩行願究竟清淨平等滿足令一切
 衆生出生正法善知一切三昧境界智慧具
 足神通自在令一切衆生遠離諸趣受持一
 切法究竟到彼岸令一切衆生乘於大乘乃
 至究竟一切種智於其中間無有懈怠令一
 切衆生乘智慧乘至安隱處無有退轉令一
 切衆生知真如行遠離愚癡闇持一切諸佛
 正法令一切衆生皆爲一切諸佛所攝得無
 礙智究竟諸法令一切衆生得不死神足妙
 速無礙令一切衆生遊行自在調伏衆生成
 摩訶衍令一切衆生所行不虛皆悉究竟得
 智慧乘令一切衆生得無礙與以無礙智至
 一切處是爲菩薩摩訶薩施善知識種種衆
 時善根迴向令一切衆生功德具足與佛等

薩等無差別悉能悅可一切賢聖菩薩摩訶
薩施如來衆種種寶乘時善學施心慧分別
心淨功德心隨順施心僧寶難過心深信僧
寶心攝取正教心安住正直心善能究竟大
施之會出生無量無邊功德於佛正教信心
清淨不可沮壞菩薩摩訶薩以種種乘施僧
寶時如是迴向以此善根令一切衆生向佛
正法攝取正教令一切衆生專心內觀除滅
邪法成就聖處令一切衆生得賢聖地以如
來法展轉相教令一切衆生舉世宗重言必
信用令一切衆生入一切法善能分別無二
法界令一切衆生入寶圓遠從如來智境界
出生令一切衆生住離垢法皆能除滅煩惱
塵垢令一切衆生悉從無上僧寶出生離凡
天法得聖僧地令一切衆生具足聖法修無
礙智令一切衆生爲大衆主智慧莊嚴不染
世間令一切衆生以善方便轉慧法輪令一
切衆生得一念神力悉能周徧不可說不可
說世界令一切衆生乘虛空身於一切世間
智慧無礙令一切衆生往詣虛空法界等如
來大衆所令一切衆生得輕舉身勝妙智慧
悉能徧遊諸佛世界令一切衆生得無礙神
足於一切刹普能現身令一切衆生得大白
在神足彼岸不起一座悉普應現一切世界

今一切衆生得淨法身於諸世界而無所著
出生神力行疾如電今一切衆生現不思議
神足境界普能隨順教化調伏一切衆生不
失其宜今一切衆生得妙神足一念徧遊十
方世界一念超度一切法界無所罣礙是爲
菩薩摩訶薩施如來衆種種乘時善根迴向
今一切衆生普乘清淨無上智乘於一切世
界轉無礙法輪智輪復次菩薩摩訶薩施普
聞緣覺種種乘時發恭敬心尊重心福田心
功德海心出生功德智慧心深信如來功德
心修習無量億那由他清淨善根心於不可
說劫修習菩薩清淨行心解脫一切魔繫縛
心摧滅一切魔軍衆心不計緝量明淨智慧
善能分別一切諸法令一切衆生皆成可信
第一福田具足無上檀波羅蜜今一切衆生
離無益言樂獨閑靜心無二念今一切衆生
成最勝清淨第一福田修習功德攝取衆生
今一切衆生成智慧池能與衆生無數善果
今一切衆生至無礙趣最勝福田清淨圓滿
今一切衆生其心安住無諍三昧解一切法
無性爲性今一切衆生具足長養無量功德
常遇最勝第一福田今一切衆生示現無量
自在神力隨順攝取清淨福田今一切衆生
成就無盡功德福田能與一切十力衆果今

一切衆生成真實福田具足無盡功德之藏
究竟一切智令一切衆生滅諸惡法聞佛正
法句身味身悉能受持令一切衆生普聞佛
法隨所聞解其德不虛令一切衆生聞佛說
法得到彼岸所聞佛法能爲衆生隨順演說
令一切衆生常樂如來正教之法除滅一切
九十六種外道邪見令一切衆生常見賢聖
長養一切最勝善根令一切衆生樂明行足
者常得瞻對與共同止永處安樂令一切衆
生所聞不虛解聲如響見佛出生令一切衆
生善分別知諸佛正教悉能守護持佛法者
令一切衆生心常樂向聞持佛法能照顧現
如來法教令一切衆生深心信解如來正教
一切功德令佛歡喜善解真諦悉捨内外究
竟大施是爲菩薩摩訶薩施聲聞緣覺種種
乘時善根迴向令一切衆生得無上智淨諸
神通精勤修習無有懈怠究竟佛智力無所
畏菩薩摩訶薩若諸方來一切福田或承菩
薩名聞故來或與菩薩因緣故來或聞菩薩
本願故來或復菩薩心願請來菩薩於彼悉
樂惠施而無厭倦爾時菩薩於來求者發悔
過心作如是言諸人當知我應詣彼禮拜供
養種種惠施而今爲我故從遠來菩薩即時
敬禮悔過愛言慰諭屈辱遠來得無疲倦處

今安隱供給所須或施摩尼寶車載以閻浮
提內第一女寶或施金車載以已國最勝寶
女或施清淨瑠璃寶車載以內妓或施樂車
載以童女容貌如天或施無量無數寶莊嚴
車載以寶女種種莊嚴或施菩薩所乘拵檀
香車或施玻黎寶車載以寶女端正殊特顏
容無倫威儀具足進止安詳神珠名寶瓔珞
其身樂修善法或施碼碯寶車載以太子或
施堅固香車載以男女或施種種寶莊嚴車
載以難壞親愛眷屬以如是等種種寶車隨
其所求皆給施之滿足彼願歡喜無量菩薩
摩訶薩諸乘施時如是迴向以此善根令一
切衆生乘不退轉摩訶衍乘詣不思議菩提
樹下令一切衆生乘大智乘盡未來劫一切
菩薩所行之法皆能修習令一切衆生乘無
所有乘於一切法心無所著捨離虛妄具足
修習一切智道令一切衆生悉乘離垢寂靜
之乘無礙神力詣諸佛刹令一切衆生決定
安住一切智乘常以諸佛法樂自娛令一切
衆生乘諸菩薩清淨行乘出生菩薩十種之
道樂修菩薩一切三昧令一切衆生乘四輪
乘住正圓輪依正士輪本功德輪平等願輪
菩薩淨行由斯滿足令一切衆生乘明法乘
遍遊十方修佛智力令一切衆生乘佛法乘

於一切法究竟彼岸令一切衆生衆一切功德善根不可思議法衆爲十方衆生現安隱道令一切衆生衆一切施衆斷除慳垢令一切衆生衆清淨尸波羅蜜衆具足無量無邊法界等一切淨戒令一切衆生衆羼提波羅蜜衆離瞋恚心於諸衆生不起惱害令一切衆生衆不退轉毗黎耶波羅蜜衆具菩薩行住詣道場令一切衆生衆禪波羅蜜衆速進道場令一切衆生衆般若波羅蜜衆化身充滿一切法界及佛境界令一切衆生衆法王衆成就無畏施一切智微妙之法令一切衆生衆無所著智慧願衆悉能徧入一切諸方於眞法性而無所入令一切衆生衆諸佛法乘於一切刹示現受生而不毀壞於摩訶衍令一切衆生衆一切智衆滿足菩薩平等大願而無懈倦是爲菩薩摩訶薩施種種衆普施衆生無量福田以歡喜心善根迴向令一切衆生衆量種種智皆悉具足衆於一切成滿智衆等薩摩訶薩布施衆寶七文具足六瘤成滿六牙如雪口淨如華身體平正毛色鮮白珍麗奇飾莊嚴其身淨妙寶網以覆其上種種雜寶莊嚴其首光色晃曜儀體安雅瞬息之頃超步萬里猛氣奔踊而無疲倦菩薩摩訶薩布施寶馬形體殊妙毛色光澤爲

相具足如天寶馬無量珍飾莊嚴其身明月
神珠以爲光曜金鈴寶網以覆其上行不驕
驟迅逾疾風致遠不疲乘者安豫巡遊四方
不失主意以此寶乘隨意施與或施福田或
獻尊重或遺知識或奉父母或給貧匱其有
項者皆悉與之大心惠施無所吝惜心常歡
喜無有悔恨大悲充滿能行大施一向專求
菩薩功德最勝生地直心清淨以如是心善
根迴向令一切衆生成就人寶生菩薩功德
莊嚴大乘令一切衆生乘善法乘隨順能至
一切佛法令一切衆生常樂大乘得佛無礙
智慧力乘光明普照令一切衆生乘勇猛大
乘滿足諸願令一切衆生具足平等波羅蜜
乘成就滿足一切善根令一切衆生成就寶
乘出生佛法無上智寶令一切衆生分別菩
薩莊嚴之行得是妙乘出於三界悉開菩薩
諸三昧華令一切衆生無量阿僧祇劫清淨
修習菩薩所行乘無量乘疾解諸法令一切
衆生施大乘寶乘以善方便具菩薩地令一
切衆生成最高廣安隱大乘悉能運載一切
衆生至無上道是爲菩薩摩訶薩無量阿僧
祇那由他劫施象馬寶善根迴向令一切衆
生乘無礙智乘得至如來究竟寶乘菩薩摩
訶薩施種種座或施聖王師子之座瑠璃爲

足金縷織成柔軟妙衣以敷其上熏以一切
 堅固之香建立種種上妙寶幢無量億寶以
 爲莊嚴白淨寶網彌覆其上金鈴羅網動發
 妙音百萬億那由他淨妙寶像周匝圍繞其
 座高廣清淨嚴飾無量阿僧祇衆生樂觀無
 厭功蓋天下自在大王之所坐處處於彼座
 以正治國無敢違逆種種妙寶莊嚴其身青
 寶珠王大青寶珠王勝藏寶珠以爲莊嚴明
 淨猶日清涼如月衆星莊嚴如海勝寶海堅
 固幢離垢明淨閻浮檀金妙色寶縉以冠其
 首一切閻浮提內大力灌頂王法以灌其頂
 具功德力大慈悲主降伏怨敵無敢違命菩
 薩摩訶薩如是無量無數爲轉輪王得法自
 在正治國時以如是等種種衆寶嚴飾之座
 或施正覺諸善知識及賢聖僧聞法歡喜奉
 施法師供養父母諸尊重者聲聞緣覺一切
 菩薩乃至初發大乘心者及以一切諸佛塔
 廟或施無量貧窮下劣有所須欲皆給施之
 布施座時如是迴向以此善根令一切衆生
 得菩提座自然覺悟諸佛正法令一切衆生
 得自在座具足成就於法自在諸金剛山所
 不能壞悉能降伏一切諸魔令一切衆生得
 佛自在師子之座一切衆生樂觀無厭令一
 切衆生得不可說不可說清淨莊嚴殊妙之

座成法自在普化衆生令一切衆生得殊勝
座三種世間所不能壞廣大善根及善根目
皆悉清淨令一切衆生得高廣座充滿不可
說不可說世界諸佛如來於何僧祇劫歎不
能盡令一切衆生處大智人座一身充滿一
切法界令一切衆生得不可思議寶莊嚴座
證其本願所請衆生廣開法施令一切衆生
皆悉得坐淨妙法座於不可說諸世界中顯
現如來自自在神力令一切衆生坐一切寶座
一切香座一切華座一切衣座一切鬘座一
切摩尼寶座不可思議淨瑠璃座無量不可
說世界座淨一切衆生莊嚴座離諍座處此
座上覺悟如來一切種智示現諸佛功德境
界是爲菩薩摩訶薩施種種座時善根迴向
令一切衆生得無所著菩提之座自然覺悟
一切佛法

大方廣佛華嚴經卷第十六

豐樂

上歡空切
下盧各切

降伏

上下江切

怨敵

下徒曆切

無敢

下古覽切

泰平

上他蓋切

和睦

上戶見切
下莫六切

鮮潔

上相然切
下古屑切

連膚

下甫無切

鼻根

上毗至切

牙齒

上五加切
下目里切

髓肉

上息委切

腸腎

上直良切
下時忍切

肝肺

上三寒切
下芳廢切

指爪

上職維切
下側皎切

火阮

下客廣切
亦什均切

畜狩下舒救切

妻妾下七接切

慳吝上古閑切

搏食上度官切

辛酸上息隣切

鹹淡上咸音切

肴膳上胡第切

肌色上居美切

陋形上漏音切

輒親上陟兼切

酥燈上素姑切

漆燈上親苦切

毒刺下七賜切

牽御上苦堅切

屈辱下而勇切

六痛下力求切

珍麗上陟隣切

晃曜上胡廣切

瞬息上舒閑切

奔踊上博昆切

驕驟上博昆切

迂逾上私閭切

安豫下譽音切

巡遊上詳遵切

或遺下以醉切

貧賈下求位切

甲辰歲高麗國大藏都監奉

勅彫造

大方廣佛華嚴經卷第十七

坐

東晉天竺三藏佛跋闍耶

譯

金剛幢菩薩十迴向品第二十一之四

菩薩摩訶薩施種種蓋所謂尊重人蓋種種妙寶而莊嚴之於無量無邊嚴飾蓋中最爲第一衆寶爲竿金網羅覆雜寶瓔珞周帀垂下懸衆寶鈴淨瑠璃珠微動相扣出和雅音白淨寶網而絞絡之百千清淨衆雜寶網羅覆其上無量百千億雜寶莊嚴無量億那由他沈水栴檀堅固香熏閻浮檀金清淨莊嚴如是等無量阿僧祇那由他蓋以離惡心廣大心放捨心而行布施或以奉獻現在諸佛及涅槃後供養塔廟爲求法故奉施菩薩諸善知識或施法師或施父母或施衆僧或復奉施一切佛法或施種種福伽羅福田或施師長及諸尊重或施初發菩提心者或施一切貧窮下劣諸有所求皆悉施與菩薩摩訶薩布施蓋時如是迴向以此善根令一切衆生爲善根所覆又爲一切諸佛蔭護令一切衆生爲智慧功德之所覆護除滅世間諸煩惱垢令一切衆生覆以淨法除滅一切塵勞熱惱令一切衆生悉得如來內智慧藏一切衆生樂觀無厭令一切衆生以寂靜白法而自覆蔭悉得究竟不壞佛法令一切衆生得

善覆身究竟如來清淨法身令一切衆生悉
爲一切而作覆蓋十力智慧普覆世間令一
切衆生得隨樂智慧皆悉出過一切世間清
淨明達無所染著令一切衆生得應供蓋成
勝福田受一切供令一切衆生得最上蓋自
然覺悟無上智蓋是爲菩薩摩訶薩布施蓋
時善根迴向令一切衆生受持法自在蓋以
一功德蓋普覆一切法界虛空界等一切世
界示現諸佛神力自在以一功德蓋莊嚴法
界供養諸佛妙幡幢蓋普覆十方一切如來
令一切佛刹種種寶蓋而以莊嚴令一切衆
生皆悉樂求無上菩提以無上蓋普覆衆生
令一切衆生以不可說不可說一切衆寶莊
嚴妙蓋供養一佛供養一切諸佛亦復如是
今一切衆生自然覺悟得最正覺功德高廣
微妙之蓋普覆諸佛令一切衆生以種種寶
蓋供養法界虛空界等一切世界諸佛令一
切衆生以種種摩尼寶蓋諸寶瓔珞周匝垂
下以爲莊嚴一切堅固香蓋清淨雜寶而以
莊嚴極大高廣以白淨寶網羅覆其上以金
鈴網周匝懸之自然演出微妙音聲以如是
等無量不可數蓋供養諸佛令一切衆生得
無礙智蓋普覆十方一切諸佛令一切衆生
得最勝智蓋普覆衆生令一切衆生得佛功

德莊嚴寶蓋普覆衆生令一切衆生皆悉具足清淨大願諸佛功德令一切衆生得不思議清淨心寶令一切衆生滿足諸法自在之智令一切衆生以諸善根普覆衆生令一切衆生得無上智蓋普覆衆生令一切衆生得十力蓋普覆衆生令一切衆生以一佛刹悉能普覆一切法界令一切衆生悉於諸法而得自在令一切衆生得心自在令一切衆生智慧勝廣令一切衆生以無量功德悉能普覆一切衆生令一切衆生以諸功德而覆其心令一切衆生以平等心普覆一切令一切衆生以大智慧等覆一切令一切衆生具大迴向令一切衆生滿足清淨正直之心令一切衆生意根清淨是爲菩薩摩訶薩施種種蓋時善根迴向令一切衆生皆悉成就最大迴向普覆攝取一切衆生菩薩摩訶薩布施種種清淨幢幡無量雜寶以爲其竿種種寶繒以爲垂幡種種雜絲周而垂下白淨寶網羅覆其上金鈴寶網以爲莊嚴微風吹動出和雅音無量無數億那由他諸妙幢幡以爲眷屬雜寶繒絲懸以爲飾半月寶像闍浮檀金出大光明如日普照嚴飾寶幢周滿大地以一切世界隨樂業報莊嚴彼幢安住一切虛空法界等諸如來剎菩薩摩訶薩於諸世

界隨其所樂普施妙幢今發正直菩提之心
或施現在一切諸佛或施塔廟或施法寶或
施僧寶或施善知識或施菩薩或施聲聞或
施緣覺或施大衆或施福伽羅或施貧人諸
來求者普施無遺菩薩摩訶薩施幢幡時如
是迴向以此善根今一切衆生建立一切善
根功德幢幡不可毀壞今一切衆生建立一
切諸法自在幢幡守護正法令一切衆生護
正法寶守持諸佛菩薩深法令一切衆生建
立高顯功德寶幢然智慧燈普照衆生令一
切衆生成不壞幢幡降伏一切諸魔惡業令
一切衆生皆悉建立智力幢幡一切諸魔所
不能壞今一切衆生得大智慧那羅延殊勝
幢幡摧滅一切世間幢幡令一切衆生建解
脫慧光圓滿日幢智慧具足普照法界令一
切衆生得智慧寶莊嚴幢幡充滿一切諸佛
世界建不可說勝妙幢幡供養十方一切諸
佛今一切衆生得如來幢摧滅一切九十六
種諸邪見幢是爲菩薩摩訶薩施幢幡時善
根迴向今一切衆生建高廣甚深菩薩行幢
建一切菩薩自在行幢得清淨道菩薩摩訶
薩開衆寶藏行布施時如是迴向以此善根
今一切衆生常見佛寶捨離愚癡修行正念
今一切衆生得法寶明護持一切諸佛法藏

今一切衆生攝取備寶離慳行施充滿其意
令一切衆生得薩婆若心寶於清淨菩提心
不退轉令一切衆生度智慧寶永離愚癡究
竟佛法令一切衆生成就菩薩諸功德寶演
說無量智慧妙寶令一切衆生讚歎無量功
德之寶修十力智得正覺寶令一切衆生得
十六智寶三昧正受究竟增廣智慧之寶令
一切衆生成就第一福田之寶覺悟如來無
上智寶令一切衆生成增上寶無盡辯藏演
說法寶是爲菩薩摩訶薩施衆寶時善根迴
向令一切衆生具足究竟無上智寶得佛無
礙清淨眼寶菩薩摩訶薩捨莊嚴具惠施衆
生所謂一切身莊嚴具肢節莊嚴具令身清
淨莊嚴具無厭足莊嚴具雜寶紋飾莊嚴具
如是等種種無量億那由他莊嚴之具布施
一切善根迴向令一切衆生身淨莊嚴等觀
一切猶如一子超出世間得佛智樂調伏衆
生使樂深法安住一切諸佛法中令一切衆
生莊嚴天人悉以清淨智慧而自嚴飾令一
切衆生身淨莊嚴功德相門清淨具足令一
切衆生妙相嚴身百福具好以自莊嚴令一
切衆生身相具足以諸相好而自莊嚴令一
切衆生言辭莊嚴皆悉具足無盡辯藏令一
切衆生以諸功德莊嚴音聲梵音清淨微妙

具足令一切衆生皆悉志樂佛法莊嚴聽受
正法諸佛歡喜令一切衆生以心莊嚴而自
莊嚴念佛三昧普見諸佛令一切衆生以諸
陀羅尼莊嚴而自莊嚴得佛法明見諸佛法
令一切衆生以平等智莊嚴其心以如來智
莊嚴法身是爲菩薩摩訶薩惠施一切莊嚴
具時善根迴向令一切衆生於無量佛法功
德智慧莊嚴滿足令一切衆生捨離自大憍
慢放逸菩薩摩訶薩爲灌頂大王威力自在
布施天冠髻中明珠給施一切攝取衆生長
養施心以施熏心向增上施以施修慧施修
捨根施修廣覺菩薩摩訶薩施髻明珠時如
是迴向以此善根令一切衆生善受一切智
灌頂法王令一切衆生具足頂相獲勝智頂
得到彼岸令一切衆生得勝智寶究竟一切
功德之頂令一切衆生悉得安住智慧寶頂
堪受一切敬心頂禮令一切衆生皆悉冠冕
智慧天冠於一切法而得自在令一切衆生
以智慧明珠而繫其頂一切世間無能見頂
令一切衆生皆悉堪受敬心頂禮具足慧頂
照明佛法令一切衆生成十力冠以冠其頂
智寶海藏清淨具足令一切衆生安住最上
大地帝主摧諸魔頂成最正覺究竟具足如
來十力令一切衆生成勝頂王得一切智頂

最勝光明是爲菩薩摩訶薩捨天冠明珠善
根迴向令一切衆生勝妙智慧皆悉清淨得
淨智慧摩尼寶冠菩薩摩訶薩見牢獄衆生
受諸楚毒或縛或打閉在幽冥杻械枷鎖拷
掠流血飢渴難忍裸形羸瘦被髮覆身受無
量苦無能救者菩薩摩訶薩見如是等苦衆
生已或捨財寶妻子眷屬或捨己身於彼獄
中救苦衆生如大悲菩薩善眼王菩薩摩訶
薩於彼獄中出衆生已隨其所須而給施之
或以醫藥呪術令彼安隱先令歡喜復爲說
法皆悉安立不放逸善根於正覺法心不退
轉菩薩摩訶薩救獄人時如是迴向以此善
根令一切衆生解脫愛縛令一切衆生斷生
死流到智慧彼岸令一切衆生滅除癡冥得
明淨智拔衆使根離諸塵垢令一切衆生斷
三界縛得一切智令一切衆生永滅結漏得
離煩惱地無礙智慧皆悉究竟到於彼岸令
一切衆生離愛慢縛究竟成就離愛慢慧令
一切衆生脫諸欲縛永離一切世間貪欲住
諸世間無所染著令一切衆生得清淨深心
常爲諸佛之所守護令一切衆生得無著無
縛心廣大如法界究竟如虛空令一切衆生
得菩薩神足徧遊諸刹調伏衆生捨離世間
安住大乘是爲菩薩摩訶薩救苦衆生善根

迴向令一切衆生究竟如來智慧之地菩薩
摩訶薩見送獄囚趣於死地五種繫縛憂惱
切心命在須臾衆人圍遶捨闇俘提一切樂
具永離親愛漸之死地或以木貫置高標上
或以刀割或以火焚或纏身油灌以火燒之
受如是等無量諸苦菩薩摩訶薩見如是已
自捨身命救彼苦難猶如持來菩薩勝進王
菩薩等諸大菩薩自捨已身受衆楚毒以救
衆生作如是言我當捨身以代彼命設使苦
痛過彼無量悉當代受令其解脫復作是念
見如是苦而不代受爲失大利何以故我爲
衆生故救護衆生故發一切智菩提之心是
故捨身以代彼命菩薩摩訶薩救苦人時如
是迴向以此善根令一切衆生得無盡身命
永離熾然憂悲苦惱令一切衆生依諸佛住
受一切智力菩提記別令一切衆生救諸怖
畏永離惡道令一切衆生得一切命永入不
死智慧境界令一切衆生遠離怨敵佛善知
識常共攝護令一切衆生捨離刀杖修行淨
業令一切衆生離諸恐怖坐菩提樹下降伏
魔軍令一切衆生離大衆恐怖於無上法中
得淨無畏大師子吼令一切衆生得無障礙
師子智慧行清淨業令一切衆生到無畏處
收護一切苦惱衆生是爲菩薩摩訶薩自捨

身命救彼死囚善根迴向令一切衆生離生
死苦究竟佛樂菩薩摩訶薩見人來乞連膚
頂髮及髻明珠菩薩是時歡喜施與如周羅
寶王菩薩勝趣菩薩等諸大菩薩有人從乞
連膚頂髮及明珠時正心思惟不念餘業雖
諸世間專樂寂靜清淨正念一切種智修正
直心菩薩爾時手執利刀即割膚髮合髻明
珠右膝著地敬心合掌正念三世諸佛菩薩
所行發大歡喜直心清淨一切正法充滿意
根心不計苦苦者是生滅法是無常法作是
念已除滅衆苦歡喜布施善根迴向令一切
衆生得無見頂相成就菩薩周羅尊塔令一
切衆生得紺青髮得金剛髮得柔軟髮悉能
除滅諸煩惱患令一切衆生得不亂髮得光
澤髮令一切衆生得柔軟旋螺髮令一切衆
生得右旋髮令一切衆生得佛相髮煩惱結
習皆悉除滅令一切衆生髮出大光明普照
十方令一切衆生得佛清淨不亂之髮令一
切衆生得應供塔髮除滅惡心見如來髮令
一切衆生髮離諸塵垢悉得如來無染著髮
是爲菩薩摩訶薩布施頂髮及髻明珠善根
迴向令一切衆生悉得究竟一切陀羅尼諸
三昧門一切種智及佛十力菩薩摩訶薩布
施眼時如歡喜菩薩滿月王菩薩等無量諸

大菩薩布施眼時修施眼心修慧眼心得佛法眼心向無上道心究竟諸通心專求智慧心等三世菩薩修惠施心於乞眼者以愛眼觀以無壞信心而施彼眼因生佛眼增廣菩提摩訶衍心大慈大悲調伏六根菩薩摩訶薩修如是心以眼惠施常樂施與建立正法捨離世間歡樂放逸厭離五欲樂菩提心隨彼所求悉滿其願長養平等無二布施隨彼開明為世作眼令一切衆生得無障眼開廣智藏令一切衆生得淨肉眼一切世間無能壞者令一切衆生得淨天眼悉見衆生死此生彼令一切衆生得淨法眼能隨順入如來境界令一切衆生得淨慧眼分別了知一切世間令一切衆生得淨佛眼悉能覺悟一切諸法令一切衆生得普淨眼究竟境界無所障礙令一切衆生除滅癡瞋得清淨眼了衆生界空無所有令一切衆生得無障眼得到如來十力勝處是為菩薩摩訶薩布施眼時善根迴向令一切衆生得一切智眼菩薩摩訶薩布施耳時如勝王菩薩勝無怨菩薩布施耳時修菩薩行生如來家修習諸佛所行布施正念一切菩薩淨行隨順諸佛菩提出生清淨諸根智慧功德觀察世間無堅固者

令一切衆生常見一切諸佛菩薩自於已身
無所染著隨順正念一切佛法菩薩摩訶薩
布施耳時其心寂靜調伏諸根免濟衆生嶮
難曠野生智慧燈功德成就檀波羅蜜海施
心成滿知義知法明識諸道得智慧行於法
自在以不堅固身易堅固身菩薩摩訶薩布
施耳時如是迴向以此善根令一切衆生得
無礙耳悉能普聞無量法音了達無礙令一
切衆生得無礙耳分別了知無量音聲令一
切衆生得無對耳得佛淨耳令一切衆生得
清淨耳解了耳根空無所有令一切衆生得
廣大耳皆悉寂靜識無所起令一切衆生得
法界等耳能善聞持一切佛法令一切衆生
得無著耳悉能分別無礙諸法令一切衆生
得無壞耳一切異論無能壞者令一切衆生
得周普耳廣大清淨令一切衆生得天耳佛
耳是爲菩薩摩訶薩布施耳時善根迴向令
一切衆生得清淨耳菩薩摩訶薩布施鼻時
清淨如是迴向以此善根令一切衆生得如
來鼻相得善相鼻得愛樂鼻得清淨鼻得隨
順鼻得高好鼻得伏怨鼻得如來鼻令一切
衆生得端正面門得一切法門得無礙門得
善現門得無厭門得清淨門得離惡門得諸
如來圓滿面門得一切門得善樂無量門是

爲菩薩摩訶薩布施鼻時善根迴向令一切
衆生究竟得入諸佛法中令一切衆生攝取
十方諸佛正法令一切衆生分別深解諸佛
妙法令一切衆生於諸佛法得到彼岸令一
切衆生常見諸佛令一切衆生得諸如來無
量法門令一切衆生得究竟清淨令一切衆
生得佛法明普照諸法令一切衆生得嚴淨
佛刹令一切衆生得佛堅固不可壞身是爲
菩薩摩訶薩布施鼻時善根迴向

菩薩摩訶薩安住自在大王地時能以牙齒
布施衆生如華齒王菩薩六牙白象王菩薩
盡施心不獨施心無著施心無量施心調伏
捨諸根心一切施心一切智願心安隱衆生
心成就施心大施心勝施心身之要用牙齒
爲最已所寶重衆所歎惜而能惠施諸乞求
者菩薩摩訶薩安住此法捨牙齒時如是迴
向以此善根令一切衆生得白淨利牙成最
勝塔受天人供令一切衆生得佛齊密無間
齒相令一切衆生行調伏心進趣菩薩諸波
羅蜜令一切衆生口齒清淨顯現明白令一
切衆生念莊嚴口牙相成就開現鮮潔令一
切衆生含齒四十常出無量清淨妙香令一
切衆生得安住旋牙華色莊嚴能調伏心令

一切衆生得清淨牙能放無量億一光明鮮
潔圓滿普照十方令一切衆生得徐嚙牙飯
入口迴粒粒皆碎無所味著爲上福田令一
切衆生得勝妙牙放無量色光授菩提記是
爲菩薩摩訶薩施牙齒時善根迴向令一切
衆生得無礙嚴淨諸法智慧菩薩摩訶薩若
有人來從乞舌時於乞求者柔輒語愛語慈
慈心語生撫慰心如善口王菩薩不退轉菩
薩及餘無量菩薩摩訶薩等於諸趣中受無
量生時有乞舌者先安乞人處師子座捨已
舌時以歡喜心不壞心無嫌恨心大心生佛
家心建立菩薩家心不濁心勇猛精進心不
著自身心無怨敵心以右膝著地出舌示已
作柔輒語愛語慈慈心語謂乞者言汝取我
舌隨意所用充滿汝意菩薩摩訶薩布施舌
時如是迴向以此善根令一切衆生得廣長
舌相能出一切具足音聲令一切衆生得覆
面舌相所言無二皆悉誠實令一切衆生舌
能徧覆一切佛刹示現諸佛自在神力令一
切衆生得輒薄舌宣通清淨第一上味令一
切衆生得正語舌有所言說一切歡喜疑網
悉除令一切衆生得淨光舌能放不可說百
千億那由他光明令一切衆生得決定語善
能分別無盡法藏令一切衆生得淨勝舌善

衆言音究竟教化令一切衆生得音聲智善
能隨順入語言海令一切衆生善能演說一
切諸法於諸語言出生智慧得到彼岸是爲
菩薩摩訶薩布施舌時善根迴向令一切衆
生得無礙智諸願滿足菩薩摩訶薩若有衆
生來乞頭時如無上智菩薩善男子迦葉王
菩薩如是等無量諸大菩薩布施頭時欲得
一切妙智慧首欲得無上菩提之首救護衆
生欲見一切諸妙法首欲見一切淨智慧首
欲具一切無礙法首欲見最勝妙首之地欲
得勝智慧首一切衆生皆悉愛念欲具智慧
正法藏首一切衆生所不能觀欲得十力大
智慧王欲得滿足一切諸法自在之首一切
世間所不能壞菩薩摩訶薩住是法住則學
一切諸佛所學深信諸佛長養善根有來求
者充滿其意悉令歡喜菩薩心淨歡喜施與
愛樂佛法得清淨明安住菩提心不退轉能
行大捨諸根歡悅增長妙法正直善心能廣
大施菩薩布施頭時如是迴向以此善根令
一切衆生得如來首一切世間無能見頂於
一切處所不能壞出過一切諸世界上頂相
具足旋髮莊嚴一切世間所未曾有得佛首
相嚴勝殊特令一切衆生得智慧首最勝首
清淨首具智慧首是爲菩薩摩訶薩布施頭

時善根迴向令一切衆生具足勝法速得無上大智慧首菩薩摩訶薩施衆生手足如勇猛王菩薩無畏菩薩如是等無量菩薩摩訶薩於諸趣中無量生處布施手足修信心手常行正法饒益衆生威儀庠序寶手爲首無著施手菩薩所行真實不虛施心廣大建立善根遠離慳貪具菩薩行於如來所得不壞信除滅惡道成就菩提菩薩摩訶薩施手足時以無量無邊曠大之心開淨法門入諸佛海見一切佛成就施手滿衆生意悉能受持一切種智菩提諸願修清淨心離煩惱纏得智身法身無斷無壞不可磨滅一切魔業不能傾動親近善知識修習一切菩薩布施之所出生菩薩摩訶薩一切智境界施手足時如是迴向以此善根令一切衆生悉得寶手具神通力成寶手已各相敬重生福田心以種種寶更相供養又以衆寶莊嚴供一切佛興妙寶雲徧諸佛刹令一切衆生修習慈悲不相惱害遊諸佛刹安住無畏以少方便究竟神足以寶手香手衣手蓋手屢手華手末香手莊嚴具手無量華手無量香手普手以神通力詣諸佛刹供養諸佛能以一手徧摩一切諸佛世界能以神足自在之手持一切衆生手相成就放無量光能以一手普覆衆

生得佛縵網手足相好是爲菩薩摩訶薩大
迴向手普覆衆生令一切衆生志常樂求無
上菩提令一切衆生出生無量功德大海得
忍辱心見來求者皆大歡喜觀無厭足入深
法海逮得諸佛所共善根是爲菩薩摩訶薩
施手足時善根迴向菩薩摩訶薩壞身出血
布施衆生如法手菩薩喜心王菩薩等無量
菩薩摩訶薩於諸趣中無量生處於乞求者
壞身出血而布施之以薩婆若心施喜菩提
心施樂修菩薩行心施不計苦痛心施於來
乞者無嫌恨心施趣向一切菩薩心施長養
一切菩薩心施增廣菩薩善心施以不退轉
心施不休息心施不惜已心施菩薩摩訶薩
壞身出血布施時如是迴向以此善根令一
切衆生具足菩薩法身智身令一切衆生成
就微密金剛之身令一切衆生得無盡身清
淨不壞令一切衆生得現化身徧滿十方一
切世間令一切衆生得可樂身明淨鮮潔不
可沮壞令一切衆生得法界生身於如來身
無所染著令一切衆生得寶光明身無能壞
者令一切衆生得智藏身於不死法而得自
在令一切衆生得寶海身一切衆生所見不
虛令一切衆生得虛空等身於諸世間無所
染著是爲菩薩摩訶薩壞身出血布施善根

大乘心迴向清淨心迴向大心迴向歡喜心
迴向大歡喜心迴向無厭心迴向安樂心迴
向不濁心善根迴向菩薩摩訶薩見有人來
乞髓肉時歡喜輒語謂乞者言我身體肉隨
意取用如饒益菩薩一切施王菩薩等無量
菩薩摩訶薩於諸趣中無量生處捨髓肉時
心大歡喜施心深廣不可測量一切菩薩所
修習心無上大乘妙善根心捨離塵垢正直
勝心於來求者施無盡心能捨自己愛重身
心一向專求無量善根妙功德寶所覆之心
菩薩所行無厭足心大布施心離疑惑心於
來乞者所布施物無中悔心分別布施不求
報心平等布施無選擇心菩薩摩訶薩施髓
肉時於諸佛所生尊父心令一切衆生清淨
安住嚴淨現在諸世界中一切佛剎大悲現
前救護衆生菩提現前十力明觀三世菩薩
現前滿足善根無畏現前大師子吼三世現
前智慧平等一切世間現前盡未來際修菩
薩願無憂現前修習無數諸菩薩行菩薩摩
訶薩施髓肉時如是迴向以此善根令一切
衆生得金剛藏不可壞身令一切衆生得微
密身無有踈漏令一切衆生得佛清淨莊嚴
如意法身令一切衆生得百福德身三十二
相而自莊嚴令一切衆生得八十種好妙莊

嚴身具足一力不可斷壞令一切眾生逮得
如來常住妙身不可測量令一切眾生得最
勝身一切諸魔所不能壞令一切眾生悉得
一身等三世佛令一切眾生得無礙身微妙
清淨滿虛空界令一切眾生得菩薩藏身悉
能含受一切眾生是爲菩薩摩訶薩布施髓
肉一切智境界心善根迴向令一切眾生得
佛常住無量法身菩薩摩訶薩見有眾生來
從乞心如無憂厭菩薩不動王菩薩如是等
無量菩薩摩訶薩見有人來從乞心時歡喜
施與學不斷施心一切無盡施心大檀波羅
蜜心到檀波羅蜜彼岸心學一切菩薩行布
施心於一切施得無盡心修習一切大布施
心建立一切菩薩施心現前正念諸佛施心
充滿一切來求施心菩薩摩訶薩布施心時
以清淨心施以度脫一切眾生心施以十力
菩提境界心施以滿足大願心施以修習菩
薩行心施以得薩婆若心施以不捨本願心
施以此善根迴向眾生令一切眾生得金剛
藏心一切金剛圍山所不能壞得金剛莊嚴
心離恐怖心不可勝心一切世間無能盡心
勇健勝幢智慧藏心大那羅延高勝幢心衆
生大海不可盡心不可沮壞那羅延藏心悉
能壞散諸魔魔業魔軍衆心威武勇健大丈

夫心無恐怖心大捨莊嚴勝堅固心最勝生
菩薩心具諸佛法菩提莊嚴心坐菩提樹成
就一切如來正法離諸愚癡一切種智正覺
之心具十力心是為菩薩摩訶薩施心善根
迴向衆生令一切衆生具足無著十力之心
菩薩摩訶薩見有人來乞腸腎肝肺時如難
勝菩薩滅惡自在王菩薩如是等無量菩薩
摩訶薩見有人來乞腸腎肝肺見已歡喜以
愛眼觀起菩提愛隨彼所樂悉滿其意歡喜
施與心不中悔正念觀察於不堅固身取堅
固身我此穢身虎狼狐狗衆獸所食此身無
常可棄捨物菩薩摩訶薩如是觀已敬心諦
視來乞求者復作是念我若不施不得不堅
固中堅固無常中常不淨中淨菩薩摩訶薩
如是正念則能開發清淨直心解真實法於
來乞者生善知識心能教化我不堅固中而
取堅固菩薩摩訶薩作是念已以此善根迴
向衆生令一切衆生得內外清淨智慧藏身
令一切衆生得智慧藏腹悉能受持一切智
願令一切衆生得清淨身見者無厭演放堅
固妙香光明普熏十方令一切衆生逮得如
來腹不現相身宜相稱肢節具足令一切衆
生得法味食長養智身具佛法愛柔軟充滿
令一切衆生得無盡身安住法身令一切衆

生得內清淨惣持藏身一切辯明普照諸法
令一切衆生得清淨身內外悉淨令一切衆
生得如來智修習行身普雨甘露智慧法雨
令一切衆生悉得內身清淨寂靜外身能爲
衆生作智慧幢王照明一切是爲菩薩摩訶
薩施腸腎肝肺善根迴向衆生令一切衆生
悉得內外清淨之身安住堅固無障礙智菩
薩摩訶薩見有來乞肢節諸骨如法藏菩薩
夜光菩薩如是等無量菩薩摩訶薩施肢節
骨見來求者生大歡喜心明淨心寂靜心慈
心安樂心無所著心清淨心於來乞者生滿
願心菩薩摩訶薩以施肢節所攝善根迴向
衆生令一切衆生得如化身永離世間骨血
肉身令一切衆生得金剛力身無能壞者無
能勝者令一切衆生得薩婆若力具足法身
從無縛無著法界出生令一切衆生得智力
身諸根堅固不可斷壞令一切衆生得法力
身智力自在到於彼岸令一切衆生得堅固
身不可壞散令一切衆生得隨應化身善能
調伏成熟衆生令一切衆生得智熏身具那
羅延肢節莊嚴令一切衆生得堅固流注不
斷絕身究竟永離一切疲倦令一切衆生得
安住力身悉皆具足勇猛精進令一切衆生
得淨法身悉能分別一切衆生入於無量智

身境界令一切衆生得功德力身除滅衆惡見者不虛令一切衆生得無礙身皆悉究竟無深著智令一切衆生得佛所攝身常爲一切佛所守護令一切衆生得普饒益衆生之身悉能徧入一切諸道令一切衆生得圓應身十方衆生悉見其面無背佛法清淨照明常現在前令一切衆生得具足精進身修習究竟大乘智慧令一切衆生捨離我慢自大放逸之身得清淨身智慧安住不可傾動令一切衆生得堅持戒身成就大乘一切智業令一切衆生得生佛家身永離世間生死穢身是爲菩薩摩訶薩施肢節諸骨善根迴向令一切衆生皆悉清淨得薩婆若菩薩摩訶薩見有人來手執利刀乞厚薄皮以愛眼視歡喜恭敬爲敷座處即作是念福田難遇而今自來滿我本願決定究竟一切種智作如是言取我身皮隨汝意用如清淨藏菩薩金剛臂鹿王菩薩如是等無量菩薩摩訶薩布施乞人厚薄皮時如是迴向以此善根令一切衆生得如來薄皮相金色清淨令一切衆生得金剛堅固不壞薄皮令一切衆生得金色皮如閻浮檀金藏令一切衆生得無量色皮隨應現色悉令清淨令一切衆生得明淨皮不受塵垢如樂沙門如來淨色令一切衆

生得第一色皮自然清淨令一切衆生逮得
如來清淨色皮微妙相好而自莊嚴令一切
衆生得明淨皮放大光明普覆一切令一切
衆生得明細皮無量光明圓滿具足普覆世
間令一切衆生得潤澤皮衆色清淨是爲菩
薩摩訶薩布施自身厚薄皮時善根迴向令
一切衆生逮得無上最勝菩提皆悉具足如
來功德

大方廣佛華嚴經卷第十七

爲竿下古寒切

相扣下口音

絞絡上古巧切

懸之上玄音

騷中上古詣切

牢獄上魯力切

冠冕下土辨切

楚毒上創舉切

或打下頂音

幽冥上於糾切

杜械上敕久切

枷鎖上加音

拷掠上苦洛切

裸形上朗果切

羸瘵上力爲切

呪術上職救切

刀割下古達切

或纏下直連切

連膚下甫無切

螺髮上落天切

徐噍上似魚切

迴粒下力入切

縵網上莫半切

鮮潔上相然切

腸腎上直良切

肝肺上古寒切

虎狼上呼古切

狢狗下古厚切

厚薄上胡口切

甲辰歲高麗國大藏都監奉

勅彫造

大方廣佛華嚴經卷第十八

東晉天竺三藏佛跋闍耶羅

坐 譯

金剛幢菩薩十迴向品第二十一之五

菩薩摩訶薩見有人來乞手足指如堅固精進菩薩聞淨提自在王金光菩薩等無量菩薩摩訶薩施手足指時心大歡喜顏色無異乘大乘施不求五欲施不求名聞施建立檀波羅蜜施大施心施離慳垢施離嫉妒施隨順佛施以是施手足指所攝善根迴向衆生令一切衆生得佛長指相令一切衆生得指密相圓臚纖直令一切衆生得赤銅甲相筒密清淨令一切衆生得大人指相悉能攝持一切諸法令一切衆生得具足隨好十力相指令一切衆生得大人指相纖臚緊密令一切衆生手足指端輪相莊嚴指節平滿文相明顯令一切衆生得蓮華色指十力業報相好莊嚴令一切衆生得光明指放光明網普照十方諸佛世界令一切衆生得淨妙指以諸相好具足莊嚴是爲菩薩摩訶薩施指善根迴向衆生令一切衆生心皆清淨復次菩薩摩訶薩請求法時若有人言汝能施我連肉爪者當與汝法菩薩答言但與我法隨汝所須恣意取用如求法王菩薩無盡菩薩如是等無量菩薩摩訶薩爲求法故欲令一切

衆生具正法故以是善根迴向衆生令一切
衆生悉得赤銅如來相爪令一切衆生得潤
澤爪令一切衆生得佛具足清淨光爪令一
切衆生得具足大人一切智爪令一切衆生
得無比爪於諸世間無所深著令一切衆生
得莊嚴爪普照衆生令一切衆生得細妙爪
微密清淨不可破壞令一切衆生得佛具足
方便相好大智清淨令一切衆生得善生爪
菩薩清淨行業果報令一切衆生得薩婆若
善方便爪放無量色妙光明藏是爲菩薩摩
訶薩施爪肉善根迴向衆生令一切衆生得
一切智爪具足莊嚴如來法身皆悉滿足無
障礙力菩薩摩訶薩爲求法故爲難得法故
能施法者作如是言若能投身七仞火坑當
與汝法菩薩聞此歡喜無量作是思惟我爲
法故尚於阿鼻地獄諸惡趣中受無量苦況
入人間微小火坑而得聞法奇哉正法甚爲
易得免於地獄無量楚毒入小火坑而聞正
法汝但說法我入火坑如求善法王菩薩金
剛思惟菩薩爲法歡喜入火善根迴向衆生
令一切衆生得佛所住一切智法於無上道
堅固不退令一切衆生皆悉除滅惡趣火坑
受如來樂令一切衆生得無畏心離衆恐怖
令一切衆生常樂求法皆得歡喜佛法莊嚴

令一切衆生離諸惡道悉能除滅三毒熾火
令一切衆生悉得快樂成就如來最勝妙樂
令一切衆生得菩薩心悉能除滅貪恚癡火
令一切衆生悉得菩薩諸三昧樂普見諸佛
心大歡喜令一切衆生常聞正法究竟佛道
未曾忘失令一切衆生悉得菩薩自在諸通
快樂究竟具足薩婆若智是爲菩薩摩訶薩
爲求法故赴火善根迴向衆生令一切衆生
具智慧火遠離一切諸不善業菩薩摩訶薩
爲求法故舉身具受無量諸苦爲正法故爲
廣說正法故建立菩薩道故開無上菩提故
具足無上智故修習十力故增廣一切智心
故得無礙智故令一切衆生清淨故入一切
菩薩境界故守護大乘佛菩提故如求正法
菩薩勇健王菩薩如是等無量菩薩摩訶薩
爲求法故受無量苦乃至謗正法人極大惡
人惡業障人持魔業人爲正法故代彼惡人
具受諸苦菩薩摩訶薩爲求法故代諸衆生
受苦善根迴向衆生令一切衆生離一切苦
得安樂利道令一切衆生離諸苦受成就妙
樂令一切衆生永滅苦陰得如電光樂令一
切衆生超出苦獄具足究竟智慧之行令一
切衆生見安隱道離苦惱趣令一切衆生得
法愛樂充滿具足究竟寂滅一切衆苦令一

切衆生發大悲心悉欲濟度一切苦海令一
切衆生得諸佛樂斷生死苦令一切衆生得
無比淨樂其身永離一切苦受令一切衆生
得一切勝樂究竟具足佛無礙樂是爲菩薩
摩訶薩爲求法故悉受衆苦善根迴向救護
衆生令一切衆生安住薩婆若無礙解脫菩
薩摩訶薩爲求法故爲法難得故能捨大地
四海國土大小諸城村邑丘聚國土豐樂人
民熾盛園林浴池華果繁茂如是種種無量
莊嚴天下太平無有怨敵金銀寶藏妻子眷
屬皆悉能捨於不堅固中求堅固法饒益一
切諸衆生故令一切衆生得佛無礙清淨解
脫薩婆若道如大勢妙德菩薩勝趣王菩薩
如是等無量菩薩摩訶薩爲求正法故乃至
一句一味五體投地敬禮頂受正念三卅諸
佛勤求正法於正法中心常欣樂修習諸願
求離貪法捨離世間帝王自在之法樂求無
上法王自在勝法不念不著一切世間以離
世法自長養心遠離一切世間惡語寂靜安
立諸佛所住菩薩摩訶薩爲求正法以施四
天下大地國土所攝善根迴向衆生令一切
衆生悉能捨離內外所有令一切衆生能捨
一切心無中悔令一切衆生不惜身命資生
之具常求正法令一切衆生悉得法利斷除

無量衆生疑惑令一切衆生常樂正法於諸
佛法得深法愛令一切衆生能捨身命世間
自在樂求佛法大心修習無上菩提令一切
衆生恭敬尊重諸佛正法能捨身命究竟正
法令一切衆生護持佛法修習如來難得聞
法令一切衆生悉得諸佛菩提明照畢菩薩
行不由他悟令一切衆生於諸佛法而得自
在拔出疑刺心常清淨是爲菩薩摩訶薩爲
求難得法故布施國土善根迴向令一切衆
生知見滿足復次菩薩摩訶薩行法自在時
悉教斷除閻浮提內城邑聚落一切屠殺二
足四足普施無畏離怨敵心修菩薩行以政
治國滅除衆生一切苦難發起一切衆生安
隱心寶具足正直勝妙心寶能自具足三種
戒法亦令衆生具三種戒菩薩摩訶薩以不
殺等五戒善根迴向衆生令一切衆生得長
壽慧具菩提心命根無量令一切衆生得無
量壽恭敬供養一切諸佛令一切衆生具足
修習離老死法一切衆難不能害命令一切
衆生速得無量離病苦身命根自在能隨意
住令一切衆生得無盡命盡未來劫悉具修
習菩薩所行調伏化度一切衆生令一切衆
生得淨命門十力善根皆悉來入令一切衆
生善根具足壽命無量諸願成滿令一切衆

生悉見諸佛修習無盡長壽善根令一切衆
生於如來家學諸所學具足成就無盡命根
於聖法中得歡喜心令一切衆生得無老病
不死命根無盡精進安住佛智是爲菩薩摩
訶薩以離殺等五戒善根迴向衆生令一切
衆生安住如來三種淨戒具足究竟十力智
慧菩薩摩訶薩若見衆生殘害不仁若人若
獸毀其男形令身殘闕受諸楚毒見此苦已
起大慈悲而救度之悉令貴樂珍寶具足菩
薩摩訶薩謂惡人言汝爲何利造此惡業隨
汝所須盡相資給汝今便可捨是惡業不能
正念肆其貪欲害彼自利以求已樂無有是
處如此惡行諸不善法一切如來所不讚歎
菩薩摩訶薩悉能捨離一切所有令彼衆生
不行惡業又爲彼人說微妙法謂寂靜法長
養淨行除滅不善修習慈心不惱衆生時彼
惡人聞此法言即捨惡行修清淨業菩薩摩
訶薩以慈救善根迴向衆生令一切衆生得
佛大人陰藏之相令一切衆生具足男形得
丈夫意清淨梵行令一切衆生成就丈夫無
欲之身乘無礙智究竟不退令一切衆生得
大人身永離欲心無所染著令一切衆生皆
悉成就善男子法諸佛讚歎智慧具足令一
切衆生得大人力具足成就十力善根令一

切衆生常得成就男子之形堅固安住未曾
 有法令一切衆生於五欲中無著無縛心得
 解脫厭離三界修菩薩行令一切衆生皆得
 成就第一智人一切信伏皆受道化令一切
 衆生成就菩薩丈夫深智究竟一切大乘佛
 趣是爲菩薩摩訶薩救毀形者善根迴向令
 一切衆生皆悉救護諸善男子生賢聖家智
 慧具足修習履行男子勝智善能示現七丈
 夫趣具足無上丈夫正法常能化度一切衆
 生善根迴向令一切衆生得佛清淨丈夫勝
 法復次菩薩摩訶薩若有如來興出於世以
 大音聲普告一切如來出世如來出世令一
 切衆生得聞佛音聞佛音已捨離自大憍慢
 放逸得見諸佛堅固安住念佛三昧修佛境
 界未曾廢忘恭敬供養一切諸佛常樂見佛
 以百千劫難值遇故廣爲衆生說佛難遇衆
 生間已常欲樂見一切諸佛心大歡喜恭敬
 供養尊重讚歎於如來所聞諸佛名於無量
 佛所種諸善根修習增長無量衆生因如來
 故悉皆清淨無量衆生因如來故悉淨調伏
 彼諸衆生於菩薩所生善知識心因菩薩故
 諸衆生等悉具佛法彼諸衆生無量劫中所
 修善根悉作佛事菩薩摩訶薩以歎佛善根
 迴向衆生令一切衆生常見諸佛初不失時

如應受化令佛歡喜令一切衆生常樂見佛
未曾廢忘令一切衆生修習智慧能持一切
諸佛法藏令一切衆生不離佛法於無量劫
修菩薩行常聞正法令一切衆生得不忘念
悉持一切諸如來智令一切衆生不念異業
正念諸佛修習十力令一切衆生隨方見佛
盡虛空界一切如來悉得奉見令一切衆生
得佛身自在於一切世界現成佛道令一切
衆生於善知識所聞佛正法於諸如來得不
壞信令一切衆生讚佛出世皆悉不虛化度
衆生普令清淨是爲菩薩摩訶薩歎佛出世
善根迴向令一切衆生悉見諸佛如應受化
於無上道一切佛法究竟清淨復次菩薩摩
訶薩布施大地或布施佛起立殿堂或施菩
薩及善知識隨意所用或施聖僧造立坊舍
或奉父母興建屋宅或施餘人聲聞緣覺一
切福田諸乞求者或施四衆隨意受用令無
所乏或奉如來造立塔廟如是等施隨彼受
用悉離怨敵一切恐怖菩薩摩訶薩以施大
地善根迴向令一切衆生得薩婆若清淨佛
地究竟得到普賢菩薩所行彼岸令一切衆
生得大地陀羅尼離癡正念悉能受持諸佛
妙法令一切衆生持一切法守護佛法令一
切衆生得大地等心於衆生所清淨正直不

生惡念令一切衆生持佛族姓不斷佛種次第成立一切菩薩諸地善根令一切衆生普爲一切作安隱依悉令調伏成就清淨令一切衆生與如來等饒益衆生安立佛力令一切衆生悉爲一切之所愛樂安住諸佛所愛樂處令一切衆生堅固安住如來諸力無畏法中令一切衆生得薩婆若地於諸佛法自在究竟是爲菩薩摩訶薩布施大地善根迴向令一切衆生界究竟如來清淨道地復次菩薩摩訶薩布施僮使或奉諸佛菩薩知識爲欲增長如來法故或施僧寶或奉給父母尊重福田或復給施諸病瘦者全濟其命一切貧窮諸乞求者皆悉施與或施塔廟供給灑埽若有人能書寫佛經爲護法故以無量億億僮僕淨人給其使令此諸給使皆悉聰達明了黠慧柔軟調伏常勤精進未曾懈怠成正直心饒益心安樂心慈心離怨敵心此諸僮僕以如是心奉給於彼菩薩摩訶薩隨彼受者方俗所宜才能技術以此僮僕而施與之悉是菩薩淨業所起能令僮僕悅可彼意菩薩摩訶薩以施僮使善根迴向令一切衆生得調伏心奉給諸佛修習善根令一切衆生隨順奉給一切諸佛悉能聞持諸佛所說令一切衆生隨意自在進現如來常修正念

無餘惡心令一切衆生紹繼佛種隨順如來
所攝善根令一切衆生奉給如來常不失時
所見諸佛皆悉不虛令一切衆生悉攝一切
諸佛妙義言辭清淨遊行無畏令一切衆生
悉覩諸佛樂觀無厭於諸如來不惜身命令
一切衆生得見諸佛心無染著離世所依令
一切衆生依止諸佛遠離一切世間吉祥令
一切衆生隨順佛趣一向樂求無上菩提是
爲菩薩摩訶薩布施僮使善根迴向令一切
衆生永離垢染得佛淨地如來法身自在無
礙菩薩摩訶薩以身布施爲給使時捨離憍
慢謙下心給使心如大地心忍一切苦心供
給一切無厭足心無懈怠心與一切貧賤衆
生諸善根心一切尊貴富樂乃至童蒙愚小
皆悉恭敬供養心堅固安住最勝法門正念
修習一切善根心菩薩摩訶薩以身布施善
根迴向令一切衆生僮使無乏修菩薩行心
不退轉未曾違失菩薩正義一心專求菩薩
之道了達菩薩平等正法得在如來種姓之
數修真實法增菩薩行令諸世間得淨佛法
深心解脫究竟菩提令一切衆生增長清淨
勝大善根令一切衆生向大功德究竟一切
智菩薩摩訶薩復作是念以身供給所攝善
根令一切衆生善能給侍一切諸佛其心調

柔常聞正法受持法守護法不忘法不壞法
不選擇法不離法善調伏法善能調伏不調
伏法調伏寂滅法令彼衆生於諸佛所善能
隨順以隨順功德令一切衆生作第一塔悉
能堪受衆生供養令一切衆生作第一福田
自然正覺無上菩提令一切衆生作最勝福
田普能饒益一切衆生令一切衆生悉作殊
勝功德義藏皆能窮盡善根源底令一切衆
生作淨妙福田悉能出生果報無量令一切
衆生得勝出道悉能超出一切世間令一切
衆生作第一調御隨其所應悉能示導令一
切衆生得最勝陀羅尼悉能受持諸如來法
令一切衆生逮得無量最勝法界具足虛空
無礙正道是爲菩薩摩訶薩布施已身善根
迴向令一切衆生逮得如來應供智身菩薩
摩訶薩悉得法愛清淨喜心能以自身普覆
諸佛常樂修習無上法寶於諸佛所生父母
心欲得究竟無礙道法成就無數那由他智
慧妙寶諸善根門於諸如來無量法門正念
不忘深解如來諸境界義能以如來微密梵
音普雨一切諸佛法雨如來法雲徧覆一切
而無所畏能分別說一切智人地具足究竟
薩婆若乘以無量無邊大法成滿諸根菩薩
摩訶薩於諸佛所聞甚深法歡喜無量修習

正道自能除滅一切疑惑又令衆生歡喜無量疑網悉除功德成滿善根具足修習無量法門普行大願饒益衆生安住不動金剛藏智正心專求無上菩提悉能嚴淨一切佛刹恭敬親近無量如來菩薩摩訶薩安住此法自身普覆一切諸佛以此善根迴向衆生令一切衆生妙身具足悉能普覆一切諸佛令一切衆生依如來住常見諸佛未曾遠離令一切衆生得最勝身具足一切功德智慧令一切衆生行離有梵行能令一切諸佛歡喜令一切衆生得無我所身於我我所心無所著令一切衆生悉能分身徧一切刹於諸世界而無來去令一切衆生得自在身離我我所自在遊方令一切衆生出生佛身處在如來無上身家令一切衆生得法力身安住法座忍力成就心不可壞令一切衆生得無比身具足如來清淨法身令一切衆生得出世間功德之身於空法界而得出生是爲菩薩摩訶薩自身覆佛所攝善根迴向衆生令一切衆生成三世佛勝妙功德菩薩摩訶薩以身布施一切衆生時作如是念令一切衆生成就善根令一切衆生常念善根令一切衆生能爲明燈令一切衆生安隱樂住令一切衆生得法藏腹悉能含受一切衆生令一切

衆生作世間明滅除衆闇令一切衆生悉行
一切善根因緣爲善知識展轉相成開示正
道得無上樂令一切衆生作明淨日菩薩摩
訶薩以身布施一切衆生所攝善根迴向衆
生令一切衆生究竟諸佛智慧道地令一切
衆生隨順正道悉令究竟無上菩提令一切
衆生常處佛會悉受正化令一切衆生威儀
具足成就諸佛清淨威儀令一切衆生悉得
涅槃深解法義令一切衆生悉得勝法而無
厭足常遇勝法生如來家令一切衆生捨世
希望逮得如來真實希望令一切衆生坐菩
提樹出生無量清淨善根令一切衆生摧滅
一切煩惱怨敵發無害心令一切衆生得無
畏法悉能護持一切佛法是爲菩薩摩訶薩
布施自身善根迴向令一切衆生饒益安隱
得無上法菩薩摩訶薩自以己身奉給諸佛
於一切如來生報恩心生父母心於諸佛所
生清淨深心以明淨心受持菩提得諸佛法
捨世間法生如來家隨順諸佛守護自法遠
離一切衆魔境界修佛境界自以己身成就
一切諸佛法器菩薩摩訶薩修如是法自身
奉給一切諸佛所攝善根迴向衆生令一切
衆生安住淨心一切智寶而自莊嚴令一切
衆生得調伏衆生與其同事遠離一切諸不

善業令一切衆生得不壞眷屬悉能攝持諸
佛正法令一切衆生悉爲如來清淨弟子成
就灌頂菩薩之地令一切衆生悉爲諸佛之
所攝護遠離一切諸惡知識令一切衆生隨
順諸佛修習最勝生地菩薩法行令一切衆
生入佛境界悉皆得受一切智記令一切衆
生與如來等於諸佛法而得自在令一切衆
生悉爲諸佛之所攝取行無著業令一切衆
生悉爲諸佛第一侍者智慧具足悅可諸佛
是爲菩薩摩訶薩身奉事佛善根迴向無上
菩提迴向救護一切衆生迴向衆生超出三
界迴向自心悉令清淨迴向無量廣大菩提
迴向諸佛照明智慧迴向已身爲佛所攝迴
向受持一切佛法迴向樂求一切佛法迴向
善根悉與三世諸如來等迴向清涼心得一
切佛法菩薩摩訶薩布施國土時捨世帝王
自在之心無著無縛不求自在遠離惡業普
於衆生悉起饒益安樂之心菩薩摩訶薩以
施國土善根迴向令一切衆生遠離愚癡明
識業報令一切衆生不樂世法令一切衆生
不著一切世間生處令一切衆生不取世界
堅固之相令一切衆生心不染著陰界諸入
令一切衆生心不染著我我所法令一切衆
生心不忘失諸善行令一切衆生未曾捨

離諸善知識令一切衆生能悉受持菩薩願
行令一切衆生諸善知識皆悉歡喜菩薩摩
訶薩以施國土善根迴向令一切衆生得法
王處於自在法得到彼岸令一切衆生得法
王法調伏一切結王怨敵令一切衆生與法
王同止讚歎佛法如來智慧令一切衆生住
佛境界法王之家能自在轉無上法輪令一
切衆生出生如來巧妙方便得法自在護持
佛法永使不絕令一切衆生護持無量法王
正法皆悉成就勝大菩薩令一切衆生於淨
法界得為法王出興於世相繼不絕令一切
衆生於諸世界作智慧王調伏成熟一切衆
生令一切衆生普為法界虛空界等世界衆
生作法施主建立一切諸衆生界於摩訶衍
令一切衆生得法王法與三世佛善根齊等
是為菩薩摩訶薩布施王位善根迴向令一
切衆生皆悉究竟安隱之處菩薩摩訶薩見
有人來乞三京都嚴飾大城以歡喜心施不
亂心施一向正求菩提心施無量願心施大
慈心施大悲心施清涼心施為利一切衆生
故施自安立摩訶衍故施以諸佛法平等心
施行善法心施欲一切智王心施求法王自
在意故施欲增上智慧心施欲一切清淨功
德心施堅固廣大心施長養一切善根故施

遠離衆魔恐怖具足佛智故施安住菩薩心力故施究竟一切境界一切智菩薩所行及諸大願故施菩薩摩訶薩布施京都嚴飾大城所攝善根迴向衆生令一切衆生淨一切刹施佛令住令一切衆生常樂阿蘭若處安住寂靜令一切衆生不著一切國土都邑聚落大小諸城究竟離欲得上寂靜令一切衆生心不親近一切世間悉皆永離世間語言令一切衆生得離欲心布施所有心中悔令一切衆生不著家業得淨直心令一切衆生悉捨一切無所縛著善施成就令一切衆生不著住處捨離一切居家貪著令一切衆生捨諸苦惱除滅一切恐怖憂感令一切衆生以一切世界爲嚴淨刹奉施諸佛是爲菩薩摩訶薩布施京都嚴飾大城善根迴向令一切衆生嚴淨佛住菩薩摩訶薩布施寶女侍人眷屬技術悉備才能巧妙善於言戲威儀具足奉給恭順能感人心世間功德無不備舉莊嚴綺麗迴動天人言音和雅而無麤陋侍主盡禮不失其意姿容殊妙見者無厭千億技直供侍寶女皆是菩薩淨業果報而用布施以無著心施離虛妄心施不縛一切欲施於一切色無所著施不貪欲樂施離欲覺觀施於寶女形色不生想施菩薩摩訶薩

布施寶女眷屬善根迴向迴向一切衆生出
離生死迴向悉得諸佛喜樂迴向不堅固中
而得堅固迴向金剛界智不可壞心迴向如
來圓滿大衆迴向攝取堅固真實迴向無上
菩提之心迴向智慧分別諸法迴向出生一
切善根迴向不違三世佛教菩薩摩訶薩住
如是法生如來家出生一切智道深入一切
菩薩智業捨離一切世間塵垢調伏寶心功
德圓滿無上福田廣說妙法安立衆生令一
切衆生皆悉清淨修習攝取一切善根菩薩
摩訶薩布施寶女眷屬所攝善根迴向衆生
令一切衆生逮得無量三昧眷屬又得菩薩
不壞三昧令一切衆生悉入諸佛莊嚴三昧
常樂觀佛令一切衆生悉行菩薩不可思議
自在遊戲三昧安住無量自在三昧令一切
衆生入如寶三昧不壞其心令一切衆生悉
得菩薩甚深三昧於一切三昧皆得自在令
一切衆生皆悉成就三昧眷屬心得解脫令
一切衆生善能分別種種三昧悉能善取諸
三昧相令一切衆生得勝智三昧修習一切
諸三昧門令一切衆生得無礙三昧能決定
入不壞正受令一切衆生得無著三昧心常
念行不二三昧令一切衆生得不可壞清淨
眷屬菩薩眷屬令一切衆生普發清淨菩提

之心滿足佛法令一切衆生薩婆若力清淨
 滿足得無上智令一切衆生得隨順眷屬悉
 與衆生同意安住令一切衆生悉得滿足一
 切智功德成就一切勝妙善根令一切衆生
 得真實眷屬成就如來清淨法身令一切衆
 生成就諸辯無縛無著廣說諸佛無盡法藏
 令一切衆生各爲一切作善知識成就一切
 勝妙善根令一切衆生淨業滿足成就一切
 諸清淨法令一切衆生滿足諸佛淨妙法門
 以諸淨法莊嚴世間是爲菩薩摩訶薩布施
 寶女眷屬善根迴向

復次菩薩摩訶薩布施妻妾男女如須達拏
 太子現莊嚴王菩薩如是等無量菩薩摩訶
 薩乘薩婆若乘行一切施具足成滿檀波羅
 蜜嚴淨菩薩布施之道長養清淨不悔施心
 人一切施寶薩婆若心令一切衆生皆悉清
 淨具正直心具足清淨正直心已一切菩提
 皆悉滿足志常樂求菩薩淨道受持諸佛菩
 提門願修習一切如來家心如是菩薩摩訶
 薩意力成就求如來處自知已身係屬一切
 不得自在隨彼走使普於衆生行一切施於
 未滿足者悉令滿足護持安慰一切衆生欲
 令自身普爲世間作第一塔令一切衆生皆
 悉歡喜欲於一切具平等心欲爲世間作清

涼池欲爲世間作施樂主欲爲一切作大施
主智慧爲首習菩薩行如說修行欲成一切
種智大捨莊嚴欲常專求智慧福田悉請衆
生長養善根建立已身崇順正教普爲一切
作智慧明正念菩薩一切施心一切諸佛常
現在前菩薩摩訶薩以布施妻妾男女所攝
善根無著無縛解脫心迴向衆生令一切衆
生普出無量變化之身充滿十方一切世界
轉不退法輪安立一切衆生於無上道令一
切衆生不貪著身諸願具足悉詣十方諸佛
世界令一切衆生得離憎愛心斷愛恚結令
一切衆生爲佛真子行如來家令一切衆生
於諸佛所生自己心不可沮壞令一切衆生
常爲佛子從法化生令一切衆生得正希望
成薩婆若令一切衆生修習善根究竟具足
無上菩提令一切衆生成就諸佛菩提解脫
施無上法令一切衆生得無生心不壞因緣
令一切衆生坐菩提樹得最正覺成無上道
化生無量眞法男女是爲菩薩摩訶薩布施
妻妾男女善根迴向令一切衆生得無著解
脫無礙智慧菩薩摩訶薩見有人來從乞家
者以家莊嚴具具足莊嚴而布施之修習威
儀於家無著遠離居家一切覺觀厭惡家業
資生之具於家珍妙玩好之物不生貪心無

所味著於家衆具無染縛心解家磨滅須臾
變易出家求道究竟佛法安住菩薩住佛法
莊嚴心能捨一切而不中悔常爲諸佛之所
稱歎於資生物一切住處心無染著見來求
者歡喜無量能決定施菩薩摩訶薩以家布
施所攝善根如是迴向衆生令一切衆生捨
離妻子常樂出家令一切衆生信家非家捨
家求道於佛法中淨修梵行令一切衆生樂
一切施心不中退安住離慳令一切衆生永
離家法少欲知足無所藏積令一切衆生不
樂俗家常樂佛家令一切衆生悉皆永離障
礙之法滅除一切諸障礙道令一切衆生不
染家屬雖現在家心無所著令一切衆生善
化一切雖現在家說正覺智令一切衆生示
現在家住佛所住心常隨順如來智慧令一
切衆生在家悉能悅喜衆生住佛所住是爲
菩薩摩訶薩以施家善根迴向令一切衆生
悉行菩薩種種諸行滿足諸願智慧自在菩
薩摩訶薩布施莊嚴遊戲園林時作如是念
我當爲一切衆生作愛樂法林我當爲一切
衆生示現悅樂之處我當與一切衆生無量
歡喜我當爲一切衆生開淨法門超出三界
我當與一切衆生無上菩提滿足諸願我當
爲一切衆生而作慈父智慧觀察一切三界

我當惠施一切衆生資生之具令無所乏我當爲一切衆生而作慈母出生善根滿足諸願菩薩摩訶薩善根迴向無厭足心遠離一切衆生諸惡迴向正心安隱一切衆生迴向不求報恩迴向不求衆生利養迴向不求讚歎迴向除滅一切衆生無量苦惱迴向一切衆生其心清淨猶如虛空迴向一切善根爲首觀察一切諸法真實迴向一切衆生以大莊嚴而自莊嚴永離苦陰迴向於摩訶衍願而無厭足永離邪見具足修習菩薩所行及諸大願迴向菩薩摩訶薩以施莊嚴遊戲園林所攝善根迴向衆生令一切衆生得轉勝善根究竟成就無上菩提園林之心令一切衆生得不動法普見諸佛皆悉歡喜令一切衆生常樂法林逮得佛刹娛樂園林令一切衆生得淨妙心常見如來大神足林令一切衆生悉樂如來自在遊戲智慧自在徧遊十方令一切衆生修習法戲詣諸佛刹諮受道化令一切衆生樂菩薩戲盡未來劫修菩薩行心無疲倦安住解脫令一切衆生見一切佛充滿法界樂佛大心清淨園林令一切衆生詣諸佛刹其心欣樂供養諸佛令一切衆生樂離欲心清淨莊嚴一切佛刹是爲菩薩摩訶薩布施莊嚴遊戲園林善根迴向令一

公眾生遊戲一切諸佛園林見一切佛

大方廣佛華嚴經卷第十八

顏色 上五新切

慳垢 上苦閑切
下古厚切

嫉妒 上祭悉切
下古厚切

圓臚 上五新切

纖直 上惠廉切

赤銅 下徒紅切

相筒 下徒紅切

緊密 上居忍切

肉爪 下側統切

恣意 上資四切

潤澤 上如順切

七仞 上而浪切

火坑 上客庚切
亦作坑

得免 下立辨切

楚毒 上零悉切

赴火 上芳通切

伐彼 上徒耐切

豐樂 上武悉切

熾盛 上昌志切
一承正切

投地 上度侯切

拔出 上蒲鋒切

疑刺 上七賜切

屠殺 上同都切
下所八切

殘害 上形下切
下胡蓋切

若獸 上余救切

闕受 上去月切

肆其 上忌計切

履行 上力机切

值遇 上直支切
下牛具切

病瘦 上府西切

灑掃 上砂下切
下蘇到切

聰達 上倉紅切

黠慧 上胡八切

技術 上兼結切
下食帶切

僮僕 上徒紅切
下蒲淡切

謙下 上音兼切

貧賤 下才線切

蘭若 上落平切
下人者切

憂惑 下金歷切

綺麗 上據彼切
下郎計切

和雅 上戶戈切
下五下切

麋陋 上音明切
下盧侯切

姿容 上資音

達拏 下女加切

係屬 上杜音

愛恚 下於避切

玩好 上五換切

須臾 上相翁切
下音余切

藏積 上昨郎切

諮受 上資音

甲辰歲高麗國大藏都監奉

勅彫造

金剛幢菩薩十迴向品第二十一之六

復次菩薩摩訶薩作無量億那由他阿僧祇
大衆施會離惡清淨諸佛所歎普淨衆生永
離衆惡淨三業迹生薩婆若無量境界皆悉
清淨無量百千億那由他布施之具皆悉莊
嚴而以惠施菩薩摩訶薩以大施會所攝善
根迴向衆生令一切衆生悉得無上菩提之
心行無量施皆悉清淨令一切衆生皆悉究
竟無量無邊清淨之道令一切衆生行無量
慈隨衆所須悉令滿足令一切衆生行無量
悲悉能救護一切衆生令一切衆生隨順三
世如來正教令佛歡喜令一切衆生於諸佛
所修行布施心中不悔令一切衆生皆悉長
養勝妙信根於念念中修行增進無量布施
令一切衆生得摩訶衍心皆悉成就大乘施
會令一切衆生成大善會施究竟施善施勝
施隨願施第一施上施無上施無等施出世
間施一切諸佛所讚歎施令一切衆生成第
一施主於諸惡道拔出衆生安置無礙清淨
智道修平等願真實善根得無等等如來智
慧令一切衆生安住寂靜諸禪定智趣不死
道究竟一切通明智慧勇猛精進具足諸地

莊嚴佛法究竟彼岸永不退轉令一切衆生
得不退轉大乘之會給施衆生而無休息究
竟無上一切種智令一切衆生種諸善根悉
到無量功德彼岸令一切衆生諸佛所歎普
爲一切作大施主功德具足充滿法界普照
十方施無上樂令一切衆生悉爲平等大布
施主究竟善根等攝衆生令一切衆生爲勝
時施主悉離非時究竟時會令一切衆生爲
善施主具大人施法到於彼岸令一切衆生
爲嚴淨施主至一切佛薩婆若處令一切衆
生爲一切淨施主出生積聚法界等功德令
一切衆生爲出過一切施主滿足大願度脫
衆生安住如來處非處力是爲菩薩摩訶薩
大施善根迴向令一切衆生行無上捨究竟
佛施成就善施不可壞施諸佛法施愛眼心
施救衆生施薩婆若施見諸佛施具威儀施
具足菩薩所行功德佛智慧施復次菩薩摩
訶薩悉捨一切資生之具心無貪著不求果
報世間富樂無所希望捨離愚癡深解諸法
饒益安立一切衆生真實相心解一切法種
種莊嚴諸資生具無量境界種種莊嚴資生
之具饒益衆生究竟施一切施內外施增長
直心令一切衆生具功德寶心善能饒益無

量衆生令一切衆生成就寶心令一切衆生
清淨善根等三世佛具一切智菩薩摩訶薩
以施資生之具所攝善根迴向衆生令一切
衆生清淨調伏令一切衆生皆悉嚴淨一切
佛刹除滅煩惱令一切衆生以清淨心於念
念中充滿法界令一切衆生智慧充滿虛空
法界令一切衆生得一切智了達三世於一
切時轉不退法輪令一切衆生悉皆示現一
切種智巧妙方便饒益衆生令一切衆生悉
悟一切諸如來道盡未來劫於一切刹廣說
佛法未曾休息令一切衆生於無量劫修菩
薩行心無厭倦令一切衆生於一切世界淨
世界不淨世界小世界中世界大世界微細
世界廣世界翻覆世界伏世界如是等一切
世界皆悉嚴淨菩薩充滿行大乘行令一切
衆生於念念中悉作三世一切佛事調伏衆
生立薩婆若此菩薩摩訶薩以如是等無量
阿僧祇饒益衆生令佛法不斷以大悲心救
護衆生修習大慈具菩薩行建立一切諸如
來論令一切衆生皆悉不斷諸佛善根有來
求者悉滿其意而無患厭能施一切心無有
悔捨一切物資生之具隨所求方無不欣悅
於諸衆生如一子想見來求者心大歡喜作
是念言是我善知識爾時菩薩長養大悲心

歡喜心不可壞心大施心菩薩摩訶薩見來
求者隨其所須悉資給之充滿其意令無所
乏皆令歡喜斷其貧苦具足富樂同聲稱美
歎德而歸菩薩爾時心大歡喜於百千億那
由他劫受帝釋樂所不能及須夜摩天王兜
率陀天王化自在天王他化自在天王百千
億那由他劫所受喜樂所不能及梵天王樂
乃至淨居天無量無邊阿僧祇劫禪定快樂
亦所不及無量無數不可稱說阿僧祇劫轉
輪王樂亦不能及菩薩摩訶薩如是大喜無
量信心增長直心清淨諸根柔軟定心增廣
生菩提心堅固不轉菩薩摩訶薩善根迴向
令一切衆生離毒害心令一切衆生安隱快
樂令一切衆生得真實義令一切衆生悉得
清淨無上菩提令一切衆生悉得平等令一
切衆生得賢善心令一切衆生速得賢善摩
訶衍心令一切衆生所行悉善令一切衆生
具普賢菩薩所修願行令一切衆生覺十力
乘菩薩摩訶薩以此善根迴向時於身口意
業無著無縛解脫迴向無衆生想迴向無命
想無人想無福伽羅想無男子想無年少想
無禪頭想無造想無受想無有想無無想無
今世後世想無死此生彼想無有常想無無
常想非三有想非無三有想非想非無想無

得無著解脫心迴向無業迴向無業報迴向
無虛妄迴向無真實迴向無思迴向無思報
迴向無心迴向無無心迴向菩薩摩訶薩如
是迴向時不著內不著外不著緣不著境界
不著因不著因和合不著法不著非法不著
思不著思果不著色不著色取不著色滅不
著受想行識不著受想行識取不著受想行
識滅菩薩摩訶薩若於此法中心不著者則
不縛色不縛色取不縛色滅不縛受想行識
不縛受想行識取不縛受想行識滅若於此
法而不縛者則於諸法亦無有解何以故一
切諸法不生不滅無有自性無一無二無多
無少無有量無無量無善無惡無深無淺無
靜無亂無著無離無法無非法無性無非性
無有無無故菩薩如是見法則是非法言語
道斷故非法爲法而亦不壞一切業迹具修
菩薩行不退一切智解知業緣如夢如響如
鏡中像一切法如幻而亦不違因緣業報入
甚深業解法真實無行無作亦復不違業行
之道菩薩摩訶薩以一切善根如是迴向一
切種智普遊十方教化衆生迴向者何義永
度世閒生死彼岸故說迴向度諸陰彼岸故
說迴向度語言道彼岸故說迴向度衆生相
彼岸故說迴向度身見彼岸故說迴向度不

堅固彼岸故說迴向度諸行彼岸故說迴向
度諸有彼岸故說迴向度諸取彼岸故說迴
向度諸世間法彼岸故說迴向菩薩摩訶薩
若能以此善根迴向則皆隨順一切諸佛隨
順法隨順智隨順菩提隨順義隨順迴向隨
順行隨順真實隨順清淨菩薩摩訶薩如是
迴向已令一切衆生得如來法諸佛歡喜無
佛不值無法不了於一切法無違無失悉能
分別一切佛法不捨正法不違因緣內外諸
法法力具足無有休息佛子是爲菩薩摩訶
薩第六隨順一切堅固善根迴向菩薩摩訶
薩住此迴向無量諸佛皆悉守護得堅固法
修一切智解隨順義解一切法隨順真性得
一切法隨順堅固善根隨順滿足諸願得隨
順堅固法一切金剛所不能壞得隨順堅固
願於一切法中而得自在爾時金剛幢菩薩
承佛神力觀察十方觀察一切大衆觀察法
界深入諸法句味之義修無量心大悲普覆
一切衆生覺悟三世如來家法入於一切諸
佛功德逮得諸佛自在之身分別一切諸衆
生心隨所種善根應受化時隨順法身示現
色身以偈頌曰
一切世間諸大三
處彼尊豪大王位
菩薩現身於彼生
悉能調伏諸羣生

其心柔軟常清淨
常以正法治天下
菩薩清淨王家生
遠離諸惡正治國
菩薩色相功德滿
堅固安住不退轉
常能具持清淨戒
除滅一切瞋恚毒
菩薩具行布施法
塗香房舍明淨燈
菩薩所施益衆生
其意清淨大歡喜
菩薩悉能捨無量
所行布施常歡喜
菩薩悉能施頭目
一切身分盡慧施
菩薩處在大王位
大悲以舌施羣生
菩薩施舌淨善根
悉令此等衆生類
菩薩歡喜施妻子
又復欣悅施國土
隨所樂求盡施與
一切所有能悉捨

於一切衆得自在
方便隨順樂世間
常能如應轉法輪
十方衆生無違教
具足甚深妙智慧
悉能降伏一切魔
決定安住忍辱力
常能修習最勝法
飲食華鬘乘衣服
如是等施無有量
常能開發廣大心
布施尊勝及世間
內外所有一切物
未曾曾有中悔心
手足肌肉及骨髓
其心未曾生中悔
清淨豪貴人中尊
楚毒無量不中悔
迴向一切諸羣生
具足成就廣長舌
其心未曾生憂悔
亦能捨身無所吝
應時惠施無嫌恨
諸求求者皆滿足

爲法捨身無央數
又爲衆生受諸苦
聽受如來正法故
內心歡喜無有量
菩薩得見諸佛已
饒益歡喜悉具足
迴向一切衆生類
普能救護一切衆
菩薩具足諸眷屬
妙莊嚴具爲校飾
以饒益故悉布施
不爲世間資生利
具足修習淨功德
迴向一切衆生類
菩薩能捨大王位
宮殿內外一切物
無量無數百千劫
開悟世間示彼岸
菩薩是有來求者
隨彼所須滿其願
菩薩迴向施功德
所學究竟到彼岸
菩薩觀察一切法
爲度脫誰至何處

修諸苦行求菩提
求無上智不退轉
以身布施無疲厭
救護一切衆生故
慈心恭敬設供養
皆能聞持諸佛法
悉令世間得安樂
永使究竟得解脫
色身端嚴順教命
聰敏仁賢巧智慧
而未曾有微吝心
饒益衆生求菩提
履行無量諸勝業
亦不取業堅固相
嚴飾京都諸城邑
遊觀園林諸池流
以無上心行布施
隨順化導羣生類
悉從他方世界至
菩薩大喜充徧身
三世一切諸如來
無上導師之境界
誰爲度脫衆生者
解空不捨布施心

菩薩迴向智慧故

菩薩迴向求正法

菩薩迴向甚深義

於一切法無所著

心不分別一切業

於諸業報不染著

了達菩提從緣起

於法真性無所壞

解了己身不染著

其心寂滅無所依

智慧分別無業性

善解因緣非無業

不虛妄取過去法

亦復不取未來法

了達現在無所有

觀察三世悉空寂

菩薩究竟色彼岸

受想行識亦如是

永度一切到彼岸

其心謙順常清淨

觀察五陰十八界

分別諸入及己身

於此諸法求菩提

皆悉空寂不可得

不取諸法常住相

於斷滅相亦不受

一切諸法非有無

諸業因緣和合生

無有衆生得菩提

一切諸法悉寂滅

心不染著諸佛刹

了達三世無所有

若能如是解正法

亦如一切諸最勝

雖復推求無所得

菩薩所行亦不虛

是故緣中求諸法

不違一切因緣道

分別解說諸業迹

欲令衆生悉清淨

是爲智者所修行

一切諸佛之所說

隨順思惟入正義

自然覺悟無上道

諸法無生亦無滅

亦復無來亦無去

不於此死而彼生

深解一切諸佛法

了達諸法真實性

於法性中無所著

永離諸法虛妄相

彼人得見諸佛智

分別解了諸法趣

衆生諸趣佛國趣

一切三世所有法

皆悉了知無有餘

三世諸佛所覺法

悉能具足聞受持

所說三世一切法

如是等法悉非法

隨順修行一切法

而亦不壞諸法相

菩薩迴向諸衆生

令彼疾得一切智

佛子何等爲菩薩摩訶薩第七等心隨順一

切衆生迴向佛子此菩薩摩訶薩增長下品

善根中品善根上品善根無量善根廣善根

種種善根不可測量善根不可思議善根阿

僧祇善根無邊善根佛境界善根法境界善

根曾境界善根善知識境界善根一切衆生

境界善根方便境界善根修習微妙境界善

根內境界善根外境界善根無量別異功德

境界善根修習一切施境界善根清淨戒境

界善根菩薩內自專正於一切捨忍辱境界

善根精進不退轉境界善根入種種禪定境

界善根修行諸地智慧境界善根分別一切

衆生心心境界善根積集無量清淨功德善

根修習正念菩薩業境界善根普覆一切衆

生境界善根善根善根摩訶薩行如是等無量善

根修習究竟積集長養廣開解已則能安住

忍力開惡趣門善調諸根威儀具足永離顛
倒決定正趣堪爲一切諸佛法器普爲衆生
作無上福田常爲諸佛之所守護出生長養
一切諸佛清淨善根隨順具滿如來大願深
樂佛業心得自在悉與三世諸如來等普能
供養一切諸佛究竟一切諸如來力常爲諸
佛之所讚歎不求生天不貪利養不著諸行
一切善根皆悉迴向爲一切衆生作功德藏
具足諸道普覆一切於生死中拔出衆生教
令修習一切善根迴向一切境界而不斷絕
開一切智菩提之門建立智幢嚴淨大道普
示衆生捨離一切世間塵垢施心功德生如
來家清淨功德皆悉滿足無上福田不著衆
生不依世間令一切衆生皆悉清淨修習攝
取一切善根菩薩摩訶薩離垢清淨菩提心
攝取善根作如是念此菩提心所起善根菩
提心思惟善根菩提心所得善根菩提心正
希望善根一向菩提心善根憐愍一切衆生
攝取一切種智境界究竟十力境界積集十
力境界不壞法界善根不退轉善根菩薩摩
訶薩復作是念如此善根若有果報我當盡
未來際行菩薩行不捨衆生故修行大捨迴
向一切衆生悉無有餘今無數世界珍寶充
滿今無數世界寶衣充滿今無數世界妙香

充滿令無數世界莊嚴具充滿令無數世界
摩尼寶充滿令無數世界勝摩尼寶充滿令
無數世界妙色雜華充滿令無數世界上味
充滿令無數世界金銀充滿令無數世界天
牀充滿妙寶莊嚴敷以天衣令無數世界雜
寶莊嚴天冠充滿若有一人盡未來劫常來
求索以此寶物而惠施之未曾厭倦如一衆
生一切衆生亦復如是菩薩摩訶薩如是施
時以平等心無偏愛心不求名心無熱惱心
無中悔心專求一切智心清淨道心一向施
心憐愍心調伏心安住一切智心菩薩摩訶
薩善根如是迴向盡未來劫常行布施復次
菩薩摩訶薩善根如是迴向一切衆生悉無
有餘我當以寶象充滿無數世界七支具足
六瘤成滿建大寶幢真金莊嚴白寶網覆一
切雜寶而莊嚴之以用布施我當以清淨寶
馬婆羅馬王等充滿無數世界以一切馬寶
莊嚴具而莊嚴之以用布施無數世界寶女
充滿娛樂具足以用布施無數世界男女充
滿以用布施無數世界己身充滿以用布施
無數世界己身頭首充滿不放逸心以用布
施無數世界己目充滿以用布施無數世界
己身充滿堪忍楚毒破骨出髓以用布施無
數世界大王座處皆悉充滿以用布施無數

世界給使僮僕皆悉充滿以用布施修習平等一切施心於一世界中盡未來劫修菩薩行為一衆生於一切世界中盡未來劫修菩薩行為一衆生爲一切衆生亦復如是具足大悲遠離衆惡普念一切令我布施究竟不退行布施時乃至不生一念憂悔之心菩薩摩訶薩復作是念我行如是無量布施以無著心無縛心解脫心大心甚深心攝取心離憎愛心離壽命心善調伏心不亂心無害心安住一切智心慧光普照一切法心入一切智心菩薩摩訶薩以此善根念念迴向令一切衆生財寶滿足令一切衆生具足無盡大功德藏令一切衆生得安隱樂令一切衆生長養菩薩摩訶薩行業令一切衆生滿足深法令一切衆生得不退轉一切智乘令一切衆生見一切佛令一切衆生普於衆生無所選擇令一切衆生悉得清淨平等之心令一切衆生離諸難處得一切智令一切衆生饒益安樂無量衆生令一切衆生普於一切得平等心令一切衆生得柔軟施心令一切衆生攝取真實惠施之心令一切衆生不失施心令一切衆生具足施心永滅貧窮令一切衆生悉攝世間諸妙財寶無所乏短令一切衆生行無量施令一切衆生行一切施令一切

衆生盡未來劫修行布施心無退轉令一切
 衆生悉捨一切心中悔令一切衆生隨順
 行施饒益衆生令一切衆生行勝廣施令一
 切衆生行種種莊嚴施令一切衆生行無著
 施令一切衆生行平等施令一切衆生行大
 力令一切衆生行如來智令一切衆生善根
 具足成滿令一切衆生善根智慧悉現在前
 令一切衆生得如來智令一切衆生善根
 具足成就清淨善根令一切衆生於煩惱
 睡眠智慧覺悟令一切衆生疑惑悉除令一
 切衆生得平等智清淨功德令一切衆生功
 德悉備無能壞者令一切衆生具足清淨不
 動三昧令一切衆生具足不可壞薩婆若智
 令一切衆生具足菩薩無量清淨自在正行
 令一切衆生修習無著清淨善根令一切衆
 生修正念三昧諸佛令一切衆生出生勝妙
 清淨善根令一切衆生除滅一切諸魔魔業
 障礙道法令一切衆生皆悉履行無量功德
 生諸三昧清淨滿足令一切衆生常念諸佛
 未曾廢忘令一切衆生常見諸佛悉令歡喜
 不遠離令一切衆生開淨法門出生善根諸
 白淨法平等具足令一切衆生悉得無量平
 等正直之心令一切衆生成就清淨平等施

心令一切衆生滿足諸佛尸波羅蜜平等清淨令一切衆生具大精進波羅蜜未曾懈怠令一切衆生得大羣提波羅蜜令一切衆生得無量禪智慧分別滿足諸通令一切衆生於一切法得離身般若波羅蜜平等滿足令一切衆生得清淨法界平等滿足令一切衆生悉具淨妙諸通善根令一切衆生修平等行具諸善法令一切衆生究竟永度諸佛境界令一切衆生身口意業平等清淨令一切衆生諸業行報平等清淨令一切衆生悉得諸法平等清淨令一切衆生悉得清淨諸勝妙行平等實義令一切衆生悉得清淨諸勝妙行令一切衆生悉得菩薩諸清淨願令一切衆生普得平等淨功德智令一切衆生以諸善根迴向薩婆若乘平等滿足令一切衆生顯現一切嚴淨佛刹平等滿足令一切衆生得見諸佛除滅一切諸煩惱患令一切衆生具諸相好功德莊嚴平等滿足令一切衆生得八種聲百千妙聲而莊嚴之如來無量功德清淨梵音皆悉具足令一切衆生十力莊嚴成就無礙平等之心令一切衆生得一切佛無盡法明無量諸辯平等滿足令一切衆生得無上無畏人中之雄大師子吼令一切衆生得一切智轉不退法輪令一切衆生出生

諸法平等滿足令一切衆生善根清淨應不失時平等滿足令一切衆生成就清淨調御師法平等滿足令一切衆生於薄一莊嚴無量莊嚴大莊嚴諸佛莊嚴平等滿足令一切衆生觀察三世分別平等令一切衆生詣諸佛所聞法受持解了平等圓滿具足令一切衆生慙媿智慧與諸佛等令一切衆生得平等智觀察諸法令一切衆生得不動業報離諸障礙平等滿足令一切衆生入甚深智悉分別知衆生諸根平等滿足令一切衆生得無分別平等智慧皆悉等一清淨滿足令一切衆生隨順無厭善根平等分別皆悉滿足令一切衆生於大神足而得自在菩薩神力平等滿足令一切衆生悉得諸佛無盡功德智慧之藏究竟功德皆悉等一令一切衆生於諸法中得離虛妄隨順平等入一切法知菩提心令一切衆生勝妙福田平等滿足令一切衆生得清淨大悲普爲世間最上福田令一切衆生堅固無壞平等滿足令一切衆生見真實法不可破壞平等滿足令一切衆生得最勝心思惟正觀平等滿足令一切衆生離諸恐怖入甚深法到於彼岸令一切衆生放一光明普照十方等度一切令一切衆生悉得菩薩不退精進同行同願平等滿足

令一切衆生出一言音平等滿足令一切衆
 生於菩薩直心平等滿足令一切衆生惡得
 覩見諸善知識心大歡喜令一切衆生皆悉
 具足菩薩諸行調伏衆生未曾休息平等滿
 足令一切衆生得不斷辯普入諸音平等滿
 足令一切衆生能以一心知一切心一切善
 根平等滿足令一切衆生修諸善根而不退
 轉安立衆生於清淨智令一切衆生得一切
 智平等功德清淨法身令一切衆生悉捨愚
 癡觀察善根平等滿足令一切衆生得一薩
 婆若成等正覺平等滿足令一切衆生離諸
 惡趣出生一道一切種智平等滿足令一切
 衆生得一衆清淨悉能普淨一切大衆平等
 智慧而莊嚴之令一切衆生於一佛刹普見
 一切諸如來刹平等滿足令一切衆生一切
 莊嚴不可說莊嚴不可量莊嚴無盡莊嚴莊
 嚴一切佛刹平等滿足令一切衆生分別解
 了無量諸法見甚深義平等滿足令一切衆
 生得諸聖行諸佛自在平等滿足令一切衆
 生非一非異諸神通力平等滿足令一切衆
 生隨順善根普爲諸佛甘露灌頂令一切衆
 生清淨智身平等具足如是菩薩摩訶薩憐
 愍饒益衆生大悲哀念衆生令一切衆生皆
 悉清淨離慳嫉結具足無量無邊善妙功德

常樂勝法離瞋恚濁及諸障礙其心柔軟離
癡正直而無邪曲所行堅實不可沮壞得不
退轉平等之心白淨法力皆悉成就不信不
失善解迴向修習功德調伏衆生除滅一切
諸不善業專精苦行普教一切具足修習苦
行善根爲諸衆生具受衆苦慧眼清淨觀察
善根智慧聖行善根迴向一切衆生令一切
衆生安住清淨微妙功德遠離熾然成就等
心善根迴向令一切衆生得薩婆若修習迴
向攝取衆生一切善根平等具足具足成就
等心迴向以如是等無量善根迴向衆生令
一切衆生常得安隱令一切衆生常得清淨
令一切衆生常得安樂令一切衆生得究竟
解脫令一切衆生得究竟平等令一切衆生
得自在神力令一切衆生安住白法令一切
衆生得無障眼令一切衆生調伏諸根令一
切衆生具足十力教化衆生菩薩摩訶薩修
行如是迴向時不著業迴向不著報迴向不
著身迴向不著利養迴向不著諸利迴向不
著諸方迴向不著衆生迴向亦不離衆生迴
向不著一切迴向不著法迴向善薩摩訶薩
如是迴向特作如是念令一切衆生滿足佛
智得清淨心智慧分別內心寂靜外緣不亂
得在三世諸佛家生菩薩摩訶薩行如是迴

向勝出一切無能壞者一切衆生悉共讚歎
所不能盡普行一切諸菩薩行以少方便徧
詣諸刹悉見諸佛無所障礙又見諸刹一切
菩薩修習衆行悉得一切巧妙方便分別一
切法陀羅尼演說妙法教化衆生盡未來劫
未曾斷絕於念念中不可說不可說諸佛世
界悉現受生猶如電光於念念中悉能嚴淨
不可說不可說諸佛世界修行嚴淨佛刹智
慧而無厭足今不可說不可說衆生清淨成
就平等滿足隨其所住善根悉能具足諸波
羅蜜攝取衆生除滅垢穢成就淨業得無礙
淨耳於不可說不可說世界佛轉法輪悉聞
受持於彼諸佛不生遠想乃至未曾一彈指
頃不聞正法住無所有無依無著無行
堅固不壞菩薩神力於念念中不可說不可
說一切佛刹隨其所應悉現其身修菩薩行
常與同見從事不相違背菩薩摩訶薩修菩
薩行時成就如是無量無邊清淨功德說不
可盡況成無上菩提得最正覺所謂一切佛
刹清淨平等一切衆生清淨平等一切身清
淨平等一切根清淨平等一切業報清淨平
等一切眷屬清淨平等滿足諸行清淨平等
方便入一切法清淨平等滿足一切如來諸
願迴向清淨平等示現一切諸佛境界自在

清淨平等菩薩摩訶薩如是善根迴向已得
一切清淨功德法門以諸功德而莊嚴之善
薩摩訶薩如是行迴向不違一切刹刹不違
衆生刹不違衆生業衆生業不違刹思不違
心心不違思思不違心境界心境界不違思
業緣不違報報緣不違業業不違業迹業迹
不違業法不違相相不違法法生不違性性
不違刹平等一切衆生平等不違一切法平
等一切法平等不違一切衆生平等離欲際
平等不違一切衆生安住平等一切衆生安
住平等不違離欲際平等過去不違未來未
來不違過去過去不違未來現在未來現在
不違過去世平等不違佛平等佛平等不違
世平等菩薩行不違薩婆若薩婆若不違菩
薩行菩薩摩訶薩行如是迴向得平等業得
平等報得平等身得平等道得平等願得平
等一切衆生心得平等一切刹得平等一切
行得平等一切知得三世諸佛平等得見諸
佛及諸菩薩得一切善根得滿一切願得成
就一切衆生得善分別一切諸業得見一切
諸善知識悉令歡喜得清淨大衆得究竟諸
佛正教得究竟一切白淨法迴向佛子是爲
菩薩摩訶薩第七等心隨順一切衆生迴向

菩薩摩訶薩成就此迴向已則能摧伏一切
怨敵悉能拔出一切欲刺得無生道到無二
處得無量自在功德之王救護衆生神足無
礙徧遊諸刹常樂寂靜於一切身而得自在
悉能出生菩薩大行於諸行願得自在智分
別了知一切諸法悉能徧生一切佛刹得無
礙耳聞一切刹所有音聲得淨慧眼見一切
佛修諸善根未曾休息具足成就一切諸法
菩薩摩訶薩以此等心隨順一切衆生迴向
迴向諸善根爾時金剛幢菩薩承佛神力普
觀十方以偈頌曰

菩薩具行諸功德
所行功德雖微小
菩薩一切資生具
象馬寶王諸輦輿
已身頭目并手足
充滿無量諸世界
如是無量無邊劫
以此功德悉迴向
菩薩饒益一切衆
安樂三有羣生類
菩薩平等發大願
令一切衆得平等
普於世間無嫌恨
深遠清淨甚微妙
悉能迴向廣無量
珍妙奇特貴無價
種種寶衣及衆珍
破骨出髓割肌肉
悉以惠施無貪吝
一切普施不退轉
救度無量衆生故
清淨功德諸妙願
悉令究竟證菩提
隨順修習清淨業
於彼願中無所著
悉能隨順行諸願

悉能迴向羣生頓
一切世間智慧曰
勤修精進無懈怠
菩薩迴向到彼岸
得兩足尊勝智慧
菩薩梵音悉究竟
深入正法離障礙
菩薩心淨不作二
捨離二法不二法
菩薩覺悟世平等
一切衆生猶如化
一切世間所造作
悉從業緣之所起
菩薩觀察一切衆
普令衆生得平等
菩薩善業悉迴向
具足一切諸功德
一切衆中最殊勝
功德大海悉迴向
我所修行諸功德
諸佛清淨無倫匹
平等善根悉迴向
微妙智慧功德滿
菩薩觀察一切法

不違一切諸賢聖
斯從布施淨戒生
於一切願不退轉
能開清淨妙法門
分別實義到彼岸
具足堅固妙智慧
菩薩於彼意無著
亦復不作不二法
覺悟衆生語言道
諸心音聲一切業
悉從因緣業報轉
十方無量業音聲
應滅彼業令無餘
身口意業悉平等
猶如一切無等等
普令衆生色清淨
悉同無上調御士
具足功德妙法身
饒益安樂諸羣生
普令一切悉清淨
普令世間亦如是
令一切衆知實我
悉與一切如來等
世間寂滅空無餘

無有造作無造者

亦復不壞諸業報

於彼靜亂無有二

悉以等心正觀察

菩薩真實解世間

遠離一切諸虛妄

如是真實佛子等

從諸如來法化生

無量功德悉迴向

一切疑惑悉除滅

大方廣佛華嚴經卷第十九

積聚下慈庚切

富樂上方割切

愚癡下亡之切

翻覆下芳福切

欣悅上許斤切

柔軟上耳由切

毒害上徒沃切

禪頭上息淡切

如響下許兩切

肌肉上居夷切

骨髓下息妻切

中悔下呼罪切

所吝下良刃切

嫌恨下胡良切

聰叡上倉紅切

六瘤下力求切

堪忍上口舍切

給使上居立切

僮僕上徒紅切

乏短上房法切

履行上力几切

廢忘上方肺切

導一上常倫切

慙媿上昨良切

灌頂上古玩切

慳嫌上苦閑切

恚濁上於避切

彈指上徒干切

違背上兩非切

奇特下徒得切

無價下古訝切

輦輿上力安切

割肌上古達切

甲辰歲高麗國大藏部監奉

勅新造

大方廣佛華嚴經卷第二十

東晉天竺三藏佛跋闍耶羅

譯

坐

金剛幢菩薩十迴向品第二十一之七

佛子何等爲菩薩摩訶薩第八如相迴向佛子此菩薩摩訶薩成就念智安住不動離疑正念直心不動成就堅固不可壞業一切智境界得不退轉得大乘勇猛無畏之心修習無盡善根積集勝妙善根修白淨法增長大悲得正直寶常能正念一切諸佛白淨法迴向心不退轉樂求菩薩道巧妙方便出生清淨堅固善根正念修習智慧功德爲調御師具足出生一切善根智慧方便迴向衆生慧眼清淨悉能觀察一切善根長養無量種種善根分別境界善根具足善根清淨善根一向善根修習善根行善根思惟善根平等廣說善根菩薩摩訶薩如是善根有種種門種種境界種種相種種事種種分別無量行無量語言道出生無量分別修行種種莊嚴善根悉能正持十力諸乘菩薩摩訶薩修習如是種種善根一觀無二一切智境菩薩摩訶薩以如是等善根迴向欲令具滿無礙身修菩薩行欲令口業清淨無礙修菩薩行欲令具足無礙心業安住大乘具無礙心令菩薩行皆悉清淨得無量大施心充滿一切衆生

得法自在心照一切法普示世間得最勝不
可壞心得清淨一切種智發菩薩心普照一
切正念三世一切諸佛念佛三昧悉得具足
滿足離害正直之心遠離怨敵任持衆生充
滿一切而無休息於十力智悉得安住得深
三昧悉能徧遊一切世界無所染著悉住一
切剎而無厭足化度衆生未曾休息出生無
量巧便思慧具足成就一切菩薩不思議慧
得離癡智悉能分別一切世界於一念中悉
能嚴淨一切佛剎於諸通慧而得自在入一
切法真實之相示現嚴淨一切世間於一剎
中見一切剎究竟不壞智能持一切剎以菩
薩莊嚴具而莊嚴之應現一切悉能調伏無
量衆生一佛世界廣大如法界一切世界亦
復如是得究竟智詣一切剎一切普持菩薩
摩訶薩以此善根迴向佛剎令衆生充滿迴
向分別受持智慧如爲已身爲衆生迴向亦
復如是令一切衆生永離地獄餓鬼畜生閻
羅王處令一切衆生悉能除滅諸障礙業令
一切衆生悉得等心平等智慧令諸怨敵具
慈心樂清淨智慧令一切衆生智慧現前圓
滿具足普照一切令一切衆生具真實智離
垢正直菩提心無量智慧滿足令一切衆生
示現平等安隱善趣菩薩摩訶薩如是迴向

修習善根及一切願如大雲雨令一切衆生
 皆悉清淨令一切衆生爲功德福田令一切
 衆生守護受持菩提內藏令一切衆生離諸
 障礙安住無礙清淨法界令一切衆生滿足
 無礙諸通智慧令一切衆生得自在身遊行
 十方如應示現令一切衆生得無礙善根一
 切種智令一切衆生攝取一切悉令清淨令
 一切衆生遠離障礙瞋恚之心究竟成就一
 切種智復次菩薩摩訶薩若見可樂國土林
 樹華果或見可樂名香上服珍寶財物諸莊
 嚴具或見可樂園觀村邑聚落三都或見可
 樂自在帝王或見可樂阿練若處菩薩摩訶
 薩見如是已修巧方便出生無量淨妙功德
 樂求實義爲衆生故而不放逸善能修習一
 切善根猶如大海難可測量具足善根不可
 窮盡一切功德皆悉滿足亦不分別種種善
 根巧妙方便清淨迴向示現無量諸行善根
 常念一切未曾忘失衆生境界如善根平等
 善根菩薩摩訶薩善根如是迴向令一切衆
 生志常樂見無量諸佛如法不取法性無數
 衆生平等清淨亦復如是令一切衆生悉得
 諸佛隨意愛樂供給侍者令一切佛國除滅
 煩惱清淨可樂令一切衆生悉得見聞無量
 佛法心常愛樂常樂守護諸菩薩行樂以愛

眼觀善知識令一切衆生見可樂法令一切衆生樂持正法令一切衆生於佛法中得可樂明令一切菩薩悉得可樂大施之心於諸法中得無所畏樂爲衆生分別廣說得菩薩可樂三昧諸陀羅尼得一切菩薩授記智慧得一切菩薩甚可愛樂自在示現具足諸佛圍繞說法得可樂方便分別說法得可樂大悲發菩薩心諸根悅豫得可愛樂諸如來家教化衆生心不休息得菩薩可樂無盡法藏於無量劫一一世界化度衆生於現在佛所得可愛樂巧妙方便得可愛樂深妙方便無所障礙永離愚癡具足可樂平等離欲一切諸法斷諸障礙決定深解不二法界具足可樂離欲際等一切諸法入真實際得菩薩可樂無諍滿足之法具足可樂金剛藏心一切種智勇猛精進清淨成滿具足可樂清淨善根摧伏怨敵滅障道法具足可樂無上菩提一切種智常現在前充滿衆生如是菩薩摩訶薩長養善根得淨慧明常爲善知識之所攝護如來慧日明照其心滅除癡闇淨修正法入諸智業善學智地分別法界一切善根善能迴向一切菩薩諸善根海盡其原底成就智慧深入堅固明解善根了達諸度菩薩摩訶薩善根如是迴向不著世界不著衆生

界心無所依寂然不亂正念諸法具足諸佛
無選擇智不違三世一切諸佛正迴向門不
違一切平等正法不壞佛相等觀三世了衆
生空無所依住順如來道普照諸法解真實
義漸至諸地如實分別一切諸法智慧周滿
具足堅固未曾忘失修習正業常樂寂靜正
趣離生了一切法猶如幻化解一切法無有
自體觀一切義及種種行於語言道而無所
著所有諸法皆從緣起觀甚深法生實智迴
向觀察寂滅一切諸法皆入一觀不違諸法
種種異相善解迴向修菩薩道善根迴向攝
取衆生長養三世菩薩一切迴向如是菩薩
摩訶薩以無恐怖心善根迴向一切佛法以
無量心善根迴向一切衆生皆悉清淨以無
我無我所心善根迴向於十方界無所染著
以無餘心善根迴向於一切境界世界無所
染著行離世間法善根迴向得出世法不著
衆生善根迴向見諸勝道善根迴向離虛妄
法出生真實善根迴向如法門至一切道無
量無邊善根迴向如如善根亦爾迴向衆生
解了諸法如性如善根亦爾迴向一切法自
性無有自性如相如善根亦爾迴向一切法
無相真實相如法如善根亦爾迴向佛法不
退轉如行如善根亦爾迴向一切如來所行

如境界如善根亦爾迴向三世諸佛滿足境界如安立如善根亦爾迴向安立一切衆生如隨順如善根亦爾迴向盡未來劫隨順不蠲如量如善根亦爾迴向衆生心與虛空等如充滿如善根亦爾迴向一念滿一切世界如久住如善根亦爾迴向離一切世間住住究竟住如不生如善根亦爾迴向不生滿足一切佛法如堅固如善根亦爾迴向壞散一切煩惱如不壞如善根亦爾迴向一切衆生不可破壞如明如善根亦爾迴向普照一切如一切處如善根亦爾迴向至一切處道如一切時如善根亦爾迴向隨順一切時如一切如善根亦爾迴向一切衆生隨順清淨如一切平等如善根亦爾迴向一切行平等如一切法眼如善根亦爾迴向一切衆生悉得法眼如不倦如善根亦爾迴向一切行菩薩道而無疲倦如甚深如善根亦爾迴向一切第一深法如無所有如善根亦爾迴向知一切無所有如不出如善根亦爾迴向一切無所顯現如離瞋如善根亦爾迴向明眼離瞋清淨如無比如善根亦爾迴向菩薩無比之行如寂靜如善根亦爾迴向一切常樂寂靜如無根如善根亦爾迴向究竟無根之法如無量無邊如善根亦爾迴向一切無量無邊

眾生皆悉清淨如無著如善根亦爾迴向究竟無所著際如無礙如善根亦爾迴向滅除一切障礙如非世間行如善根亦爾迴向遠離一切世間行法如不繫如善根亦爾迴向不繫一切生死如無行如善根亦爾迴向遠離一切諸行如住如善根亦爾迴向一切住於如住如一切法成如善根亦爾迴向眾生所學成就如一切法平等如善根亦爾迴向一切具平等行如一切法不捨如善根亦爾迴向不捨盡未來際一切眾生如一切法不盡如善根亦爾迴向一切無盡眾生如不違一切法如善根亦爾迴向一切眾生不違三世諸佛如攝一切法如善根亦爾迴向一切眾生悉攝善根令無有餘如一切法同如善根亦爾迴向悉同三世諸佛如一切法不離如善根亦爾迴向悉攝世間及離世間如不可壞如善根亦爾迴向一切眾生不可沮壞如無恙如善根亦爾迴向一切眾生一切魔業所不能動如不濁如善根亦爾迴向一切菩薩行無有垢濁如不亂如善根亦爾迴向一切眾生離諸塵亂如不可盡如善根亦爾迴向一切世間法所不能盡如菩提如善根亦爾迴向覺悟一切諸法如不失如善根亦爾迴向一切眾生不失直心如照如善根亦

爾迴向一切衆生悉以大智光明普照一切
如不可說如善根亦爾迴向一切不可說智
如持一切衆生如善根亦爾迴向一切持善
薩行如隨順一切語言如善根亦爾迴向一
切無言智慧如離一切種種法如善根亦爾
迴向示現一切佛刹及諸如來成最正覺示
現無量神力自在如離虛妄如善根亦爾迴
向世間悉離虛妄如一切身徧至如善根亦
爾迴向無量身徧一切刹如不受生如善根
亦爾迴向無生巧妙方便示現受生如無不
有如善根亦爾迴向三世一切諸佛自在神
方及一切刹在身內現如夜如善根亦爾迴
向一切夜施作佛事得無上明如晝如善根
亦爾迴向一切在晝衆生悉令善覺見諸如
來自在神力住不退法輪離癡清淨如半月
及一月如善根亦爾迴向一切衆生住一切
時巧妙方便於一念中悉能分別一切時節
如年歲如善根亦爾迴向受持種種諸劫嚴
淨諸根了達諸根如一切劫成敗如善根亦
爾迴向一切劫淨住無染一切衆生清淨調
伏衆生如未來如善根亦爾迴向盡一切未
來際修習菩薩清淨妙行悉能滿足無量大
願如世如善根亦爾迴向一切衆生於一念
中見一切佛乃至未嘗一念遠離如至一切

處道如善根亦爾迴向一切衆生得不壞道
 超出三界如有無如善根亦爾迴向一切諸
 有清淨知無所有如淨如善根亦爾迴向一
 切菩薩淨行出生無上菩提之具如明淨如
 善根亦爾迴向得菩薩一切三昧明淨之心
 如離垢如善根亦爾迴向離一切垢淨心滿
 足如無我所如善根亦爾迴向攝取無我我
 所清淨之心充滿十方一切佛刹如平等如
 善根亦爾迴向得無盡一切智永離癡愛普
 照一切如無數如善根亦爾迴向一切智乘
 力住巧方便法雲普覆一切世界如平等住
 如善根亦爾迴向一切衆生具菩薩行住一
 切智如分別一切衆生界如善根亦爾迴向
 一切善根現前滿無礙智如一切衆生語言
 如善根亦爾迴向解了一切諸語言法如不
 離一切衆生如善根亦爾迴向攝取一切衆
 生具足善根遠離生死如廣如善根亦爾迴
 向受持三世佛所說法修習菩薩離礙之行
 如不休息如善根亦爾迴向一切劫修菩薩
 行未曾休息安處衆生於摩訶衍如一切法
 第一如善根亦爾迴向開淨法門無礙淨念
 攝一切法如無量讚歎如善根亦爾迴向得
 無量讚歎智慧菩薩實行如離熾然如善根
 亦爾迴向離熾然法滅除衆生熾然令得清

淨如不動如善根亦爾迴向善根安住不動
滿足普賢菩薩願行如諸佛境界如善根亦
爾迴向一切衆生智慧境界皆悉滿足除滅
一切煩惱境界如不可壞如善根亦爾迴向
善根一切魔業所不能壞悉能調伏衆邪外
道如非可修非不可修如善根亦爾迴向離
一切修非修虛妄斷一切虛妄如不退如善
根亦爾迴向常見一切諸佛未曾中退修習
莊嚴菩提之心如一切語言如善根亦爾迴
向分別一切語言如不著一切法如善根亦
爾迴向一切衆生悉無所著令一切衆生行
普賢行如一切地如善根亦爾迴向一切衆
生悉得隨順智慧之地普賢莊嚴如不可斷
如善根亦爾迴向一切法中得無畏無斷一
切語言周滿具足能廣演說如無漏如善根
亦爾迴向一切衆生皆令具足無漏善根菩
提之心逮得法智解了分別如無有覺法無
有滅法如善根亦爾迴向覺悟一切諸法於
一念頃皆悉充滿無量法界如過去非同未
來非故現在非異如善根亦爾迴向發起新
新菩提心願除滅生死清淨衆生如三世中
不取虛妄如善根亦爾迴向過去未來皆悉
清淨現在念念現成正覺如一切諸佛菩薩
具足如善根亦爾迴向一切衆生具足佛智

大願方便如常淨無染汙如善根亦爾迴向
一切衆生悉除煩惱一切種智清淨滿足菩
薩摩訶薩如是迴向時等一切佛刹淨一切
世界故等一切世間轉不可壞清淨法輪故
等一切菩薩出生一切智願故等觀諸佛無
有二故等觀諸法不壞自性故等觀三世巧
方便智解語言道故一切菩薩行等所種善
根悉能迴向故知一切時隨時修習不捨佛
事故一切業報平等不著世間出生離世善
根故神力自在與諸佛等隨順世間等現佛
事故佛子是名菩薩摩訶薩第八如相迴向
菩薩摩訶薩安住此迴向得無量無邊清淨
法門爲人中雄而無所畏大師子吼成就無
量無數菩薩於一切時未曾休息得佛無量
無邊滿足身一身充滿一切世界得佛無量
無邊滿足音聲發一音聲一切衆生無不聞
者得佛無量無邊滿足力於一毛道安置一
切世界得佛無量無邊滿足自在神力置一
切衆生於一微塵得一切佛無量無邊滿足
解脫於一衆生身中現一切佛刹一切如來
成最正覺得一切佛無量無數滿足三昧正
受善方便力於一三昧中悉能出生一切三
昧得一切佛無量無邊滿足辯才說一句法
盡未來劫而不窮盡悉除一切衆生疑惑得

一切佛無量無邊滿足勝衆生法示現一切衆生薩婆若十力等覺佛子是爲菩薩摩訶薩以一切善根隨順如相迴向爾時金剛幢菩薩以佛神力普觀十方以偈頌曰

菩薩心安住離憂常正念忍辱離惱害修集無量德其心無嫌恨正直常清淨諸業莊飾世悉能善分別菩薩思惟業種種無有量若益衆生業修習常履行善能順世間普令一切喜隨應衆生業菩薩分別行永離諸患礙知法亦知義安住調御地饒益一切衆覺悟諸善法無量不可數悉能分別知迴向益衆生以此深方便具足諸地智滅除衆煩惱如如善迴向普攝一切趣安住如實法如是業迴向悉令無所著深樂至處道修習眞如法無性無所有明德者迴向日夜及半月一月年數劫一切皆悉如功德亦如是如世及諸刹衆生一切法趣非趣如實迴向悉無餘如如性如實思惟如是性諸功德迴向悉皆順眞如如如性如是諸法無所有如如離自性智者業迴向如諸相如實諸生亦如是如如自性實諸業亦如是如如無有量一切業如是無縛亦無解諸業悉清淨如是眞佛子安住不可動成就智慧力入佛方便藏覺悟法王法無縛亦無著無礙無轉心亦復無所轉法身所攝業隨順衆生相深入眞實相相亦非是相如是不思議思議不可盡深入不思議思非思寂滅如是思惟法分別一切業除滅諸煩惱是名功德王

菩薩一切報無盡智所印盡法無盡性無盡方便滅
 心不在內外心亦無所有妄取故有法不取則寂滅
 佛子如是知法空無自性諸法無自在最勝覺無我
 如如等衆生覺法性如是彼見不思議無相智不惑
 如是深修習一向求菩提所願不退轉饒益衆生故
 菩薩捨此身無死虛妄想解了心如化調伏一切衆
 觀彼順正念世間業報起菩薩悉救護三界無有餘
 了知衆想行皆悉是虛妄菩薩知非實亦不壞法性
 彼如是迴向智慧妙善根憐愍一切衆令入深方便
 佛子何等爲菩薩摩訶薩第九無縛無著解
 脫心迴向此菩薩摩訶薩於一切善根不生
 輕心不輕出生死心不輕攝善根心不輕專
 求一切善根心不輕悔過心不輕隨喜善根
 心不輕禮他方佛心不輕恭敬合掌業心不
 輕禮拜塔廟尊重業心不輕勸請他方諸佛
 轉法輪業心菩薩摩訶薩常樂攝受彼諸善
 根堅固不壞彼善根安住彼善根思惟彼善
 根長養彼善根不著彼善根具正直心具彼
 善根不選擇彼善根隨順彼諸佛境界善根
 見彼善根得自在力菩薩摩訶薩以無縛無
 著解脫心彼善根迴向具足普賢身口意業
 以無縛無著解脫心修習普賢勇猛精進以
 無縛無著解脫心具足普賢無礙音聲陀羅
 尼門充滿十方以無縛無著解脫心具足普

賢得見一切佛諸陀羅尼以無縛無著解脫
心具足普賢妙音陀羅尼分別一切音聲悉
能演說無量法雲以無縛無著解脫心得持
普賢一切劫行陀羅尼於一切世界具足修
習諸菩薩行以無縛無著解脫心於一衆生
身盡未來劫示現普賢菩薩一切自在神力
如一衆生身一切衆生身亦復如是以無縛
無著解脫心悉得普賢自在神力示現現在
一切諸佛菩薩衆中修菩薩行以無縛無著
解脫心得普賢一法門於無量無數劫示現
諸佛無盡自在悉能度脫一切衆生以無縛
無著解脫心得普賢種種法門自在於無量
無數劫示現諸佛無盡自在悉能度脫一切
衆生以無縛無著解脫心得普賢自在於念
念中令無量衆生安住十力心無厭足以無
縛無著解脫心得普賢菩薩自在於一切衆
生身皆悉得見諸佛自在修普賢行以無縛
無著解脫心得普賢自在於一言中悉能分
別一切衆生音聲語言調伏一切衆生安住
薩婆若地以無縛無著解脫心得普賢自在
於一衆生身中悉能容受一切衆生彼悉自
謂逮得佛身以無縛無著解脫心得普賢自
在於一華中令一切嚴淨世界皆悉安住菩
薩摩訶薩復作是念以此無縛無著解脫心

善根出生普賢微妙音聲充滿法界十方佛刹隨其所應皆悉得聞以此普賢無縛無著解脫心善根如普賢於念念中見盡過去際無量無邊世界諸佛聞所說法受持不忘莊嚴佛家以此無縛無著解脫心善根如普賢盡未來劫於一切世界中演說諸法皆悉究竟以此無縛無著解脫心善根於一切世界成最正覺出興于世以此無縛無著解脫心善根能以一光普照虛空等一切世界修習普賢菩薩所行以此無縛無著解脫心善根得無量無邊智慧皆能隨順諸地神通成就普賢菩薩所行以此無縛無著解脫心善根悉得究竟如來智慧於一切劫說如來智諸劫悉盡而智無窮盡具足普賢菩薩所行以此無縛無著解脫心善根於法界等一切如來菩薩所行悉能修習身口意業而無懈怠猶如普賢以此無縛無著解脫心善根得一切佛無上菩提義身不違法身辭辯淨地而不可壞樂說辯才無盡之藏調伏一切衆生具普賢願以此無縛無著解脫心善根入一法門普照無量不可思議世界於一切法門盡其原底修習普賢菩薩所行逮得究竟薩婆若地以此無縛無著解脫心善根於一境界中悉以一切種智分別了知一切種

智猶無窮盡究竟普賢莊嚴彼岸修菩薩行
具足成就方便大王以此無縛無著解脫心
善根從此生盡未來際生具足普賢菩薩所
行及一切種智離礙法王以此無縛無著解
脫心善根得無礙法明普照一切諸菩薩行
常修正業具足普賢自在方便以此無縛無
著解脫心善根悉得無量方便不可思議方
便菩薩方便一切智方便調伏菩薩方便轉
無量法輪方便不可說不可說時方便種種
說法方便無分際無畏方便說一切法無餘
方便得如是等一切隨順方便智修習普賢
菩薩所行以此無縛無著解脫心善根具足
身業令一切衆生皆悉歡喜得菩薩不退轉
清淨善根究竟安住普賢諸業以此無縛無
著解脫心善根得清淨智悉能分別衆生語
言一切口業清淨莊嚴音辭微妙言無能及
修習受持普賢所行以此無縛無著解脫心
善根悉能分別一切佛刹一切衆生一切諸
法一切莊嚴其心清淨出生一切如來法藏
究竟一切智善能隨順普賢所行以此無縛
無著解脫心善根清淨直心得一切佛無礙
法身具足解脫修如來法攝佛功德住佛境
界大智普照修習菩薩清淨之行隨順方便
悉能分別一切法藏出生無量大乘自在悉

能示現無量無邊一切衆生無上大道具足
普賢行願迴向以此無縛無著解脫心善根
得明利根善調伏根於一切法自在根無窮
盡根修習一切善根根一切佛境界平等根
授一切菩薩不退轉記大精進根分別一切
佛法金剛界根一切如來智慧光照金剛
根分別一切諸根自在根令一切衆生安住
一切智根無量根滿足一切根無礙清淨根
平等修習諸願根以此無縛無著解脫心善
根得一切菩薩神力住持無量身神力無量
智慧境界神力不離一處悉能示現一切佛
刹神力菩薩無礙不可制持自在神力示現
攝取一切佛刹安置一處自在神力一身充
滿一切佛刹自在神力菩薩無礙解脫自在
神力少方便一念自在神力依無所有自在
神力以一毛悉縛無量世界悉持遊行法界
等佛刹示現衆生令得究竟妙智慧門自在
神力修習普賢菩薩所行以此無縛無著解
脫心善根於一念頃悉能往詣無量佛刹於
一身中悉能容受無量佛刹逮得甚深微妙
智地善能分別諸佛世界得無生心悉入普
賢菩薩法門生菩薩行以此無縛無著解脫
心善根生如來家修菩薩行具足無量無數
不思議法無量大願皆悉成滿分別一切法

界及二世法界而無懈怠隨順普賢菩薩諸
行究竟智界以此無縛無著解脫心善根於
一毛道分別無量無數佛刹悉能包容一切
法界究竟空界如一毛道一切法界虛空界
等一切毛道亦復如是以普賢菩薩清淨法
門開智慧眼以此無縛無著解脫心善根能
以無量無數阿僧祇劫以爲一念能以一切
衆生諸念以爲一念此諸方便皆由普賢菩
薩深心究竟以此無縛無著解脫心善根於
一身內悉能容受無量諸身如一身一切身
亦復如是具足普賢菩薩迴向以此無縛無
著解脫心善根悉入一切諸佛境界常見諸
佛虛空界等清淨法身相好莊嚴神力自在
梵音微妙具足廣說無礙正法聞彼佛法悉
能受持於彼佛身了無所有悉得普賢菩薩
無量大願永離衆生心想見倒以此無縛無
著解脫心善根入一切世界入翻覆世界入
伏世界於一念中悉能徧入十方世界一切
佛刹分別因那網世界分別一切平等法界
令雜世界悉爲一形無量種種世界無量方
便入深法界皆如虛空而亦不壞世界之性
修普賢行住菩薩地以此無縛無著解脫心
善根悉能分別一切諸想衆生想法想佛刹
想方想佛想世想業想行想解脫想根想時

想受持想煩惱想清淨想成熟想見諸佛想
轉法輪想聞法解想調伏想種種方便出生
想種種地想入菩薩想修習菩薩功德想菩
薩三昧正受想菩薩三昧起想菩薩境界想
功成壞想明想暗想晝想夜想半月一月年
歲時變想去想來想坐想立想覺想睡想如
是等一切諸想於一念中悉能了知心無虛
妄悉離諸想心無所著遠離障礙一切如來
智慧充滿一切佛法長養善根以一切佛身
以熏其身常爲諸佛之所攝取於白淨法未
曾退失善能修學等正覺法究竟彼岸修行
諸佛普賢所行具足諸願受如來記於一念
中得入方便地究竟智滿足安住以此無縛
無著解脫心善根以一一心觀無量心離諸
虛妄而無所依心不一故所行各異業相不
同令一切衆生勇猛精進出生普賢智慧之
寶猶如普賢以此無縛無著解脫心善根於
一處悉能分別無量諸處如一處一切處亦
復如是悉決定知滿足普賢大願者寶

大廣佛華嚴經卷第二十

餓鬼

上五箇切
下居偉切

圍觀

下古玩切

練若

上郎殿切
下人者切

放逸

下夷質切

測量

上初力切
下呂張切

悅豫

上式容切
下舉音切

選擇

上息絹切
下生音

離瞻

下於計切

不繫

下古詣切

中雄

下羽弓女

子吼

下呼后切

忍辱

下而菊切

嫌恨

上戶兼切

履行

上力几切

穢汙

上於侯切
下烏救切

田辰歲高麗國大歲都監奉

勅彫造

大方廣佛華嚴經卷第二十一

東晉天竺三藏佛跋陀羅

譯

金剛幢菩薩十迴向品第二十一之八

以此無縛無著解脫心善根於一業分別知
無量諸業種種緣造如一業一切諸業亦復
如是修習普賢菩薩行業智地以此無縛無
著解脫心善根於一法中悉分別知一切諸
法於一切法中亦知一法分別諸法而不違
不著以此無縛無著解脫心善根於一語中
悉分別知無量言音猶如呼響如一語中一
切語言亦復如是於彼言音無所依著住菩
薩行智慧成就速得普賢無礙淨耳以此無
縛無著解脫心善根於一一法中悉能演說
不可說不可說諸法長養善根不可思議應
時說法一切時解脫決定了知衆生諸根隨
其所應聞佛音聲佛一妙音悅無量衆一如
來所菩薩大衆充滿法界究竟了知一切諸
行住普賢地於念念中如說入法長養不可
說妙智慧身盡未來劫於一切世界一切佛
所悉能修習虛空等行勇猛如普賢修習大
智慧具足一切行安住普賢地以此無縛無
著解脫心善根於一一根中皆悉了知無量
諸根不可數意不思議境界修普賢行法門
諸根以此無縛無著解脫心善根具菩薩行

生真實妙智知色微細知身微細知利微細
知劫微細知世間微細知方微細知時微細
知數法微細知業微細知報微細知清淨微
細如是等一切微細於一念中皆悉了知隨
順普賢菩薩所行成就普賢真實智慧離惡
怖心離愚癡心離散心離亂心調伏諸根心
一心正受心善分別諸法心善安住智慧心
行普賢行隨順普賢菩薩迴向心以此無縛
無著解脫心善根知衆生趣微細知衆生死
微細知衆生生微細知衆生處微細知衆生
生微細知衆生種類微細知衆生界微細知
衆生行微細知衆生取微細知衆生境界微
細如是等一切微細於一念中悉能了知修
普賢行而無懈倦以此無縛無著解脫心善
根悉分別知初發意菩薩等一切菩薩諸行
微細菩薩處微細菩薩自在微細菩薩遊行
無量佛刹微細菩薩法明微細菩薩淨眼微
細菩薩具足深心微細菩薩往詣諸如來大
衆微細菩薩諸陀羅尼智門微細菩薩無量
無邊無所畏地一切諸辯方便演說微細菩
薩無量無邊三昧相微細菩薩見一切佛三
昧微細菩薩莊嚴三昧微細菩薩法界三昧
智慧微細菩薩自在三昧智慧微細菩薩三
昧智慧微細菩薩受持盡未來際三昧智慧

微細菩薩勝妙智慧分別一切菩薩三昧微細菩薩無量無邊一切菩薩出生三昧分別了知微細菩薩出生三昧智慧往詣一切諸如來所微細修習一切菩薩廣大甚深無礙三昧究竟一切種智得方便地一切通地分別實義地菩薩離疑智修習普賢無量諸行微細以此無縛無著解脫心善根於一念中悉知菩薩一切住微細悉知菩薩地微細菩薩種種行微細菩薩出生迴向微細菩薩得一切諸佛藏微細菩薩分別智慧微細菩薩大願神力自在微細演說菩薩三昧微細菩薩神力方便微細菩薩印微細菩薩一生補處微細菩薩生兜率天微細菩薩處天宮微細菩薩嚴淨佛刹微細菩薩觀察人中微細菩薩放大光明微細菩薩了達家法微細菩薩眷屬法微細菩薩一切世界受生法微細菩薩一身示一切身命終微細菩薩身入母胎微細菩薩處母胎微細菩薩在胎中顯現法界等大眾自在神力微細菩薩在母胎顯現一切佛自在微細菩薩生法微細菩薩遊行七步無畏智微細菩薩現在王宮方便法微細菩薩出家求道調伏諸根修法微細菩薩菩提樹下坐道場法微細菩薩降魔成最正覺法微細如來端坐道場放光明微細普

照十方一切世界微細顯現如來無量無邊自在神力微細如來師子吼大般涅槃微細如來教化一切衆生未曾有失微細知如來金剛菩提心微細顯現如來住持一切世界微細於一切世界盡未來劫施作佛事而無休息微細究竟受持一切法界微細虛空界等一切世界爲他衆生故普現佛身出興於世微細一如來身現無量身微細去來現在一切諸佛智慧眷屬微細如是一切功德微細我當悉知具足究竟得到彼岸清淨示現一切衆生於念念中智慧圓滿得不退轉修菩薩行具足普賢迴向功德之地受持一切如來菩薩所行不離菩薩諸智慧門一切方便皆悉清淨普能安隱一切衆生修菩薩行具足菩薩諸地功德得金剛幢迴向之門出生無量法界諸功德藏常爲諸佛之所護念入諸菩薩深淨法門演說一切微妙法義無所違失悉能慈愍一切衆生於念念中究竟了知思議不思議地諸功德藏於不思議出生思議示諸法門離語言道得智慧地一切菩薩皆悉同等盡未來際修菩薩行未曾休息具普賢行遠離世間一切妄想及語言道具足受持大願自在修菩薩行未曾斷絕以此無縛無著解脫心普救入一切衆生性習

微細分別衆生性智微細具足演說衆生性
智微細染著衆生性智微細衆生不動性智
微細衆生動性智微細無量無邊趣趣衆生
性智微細不可思議衆生種種行性智微細
衆生無量煩惱性智微細衆生無量清淨性
智微細如是等一切衆生性境界智微細於
一念中如實了知調伏安隱一切衆生如應
說法而不失時常轉法輪攝取衆生說諸法
門修菩薩道智慧具足化身無量安隱衆生
忘令歡喜慧日普照深入菩提心得菩薩自
在智覺悟安住菩薩智境界修習大乘智究
竟普賢行以此無縛無著解脫心善根悉能
分別虛空法界等一切世界智微細小世界
智微細中世界智微細不淨世界智微細清
淨世界智微細無比世界智微細雜世界智
微細廣世界智微細狹世界智微細無礙莊
嚴世界智微細一切世界諸佛出世示現一
切智微細演說一切世界智微細一身充滿
一切世界智微細放無量光普照一切世界
智微細一切世界一切諸佛顯現自在神力
智微細一妙音聲普聞十方一切世界智微
細一切世界現在諸佛大衆圍繞智微細一
切法界作一佛刹智微細一佛刹作一切佛
刹智微細一切世界如夢智微細一切世界

如電智微細如是等一切世界智微細悉分別知究竟了達菩薩諸行皆悉如幻究竟普賢菩薩行自在智得普賢菩薩明觀行一切菩薩行無有休息悉離顛倒見一切佛及佛自在得無礙身智無所依諸善根法無所染著心之所行悉無所有捨離諸方堅固之相嚴淨菩薩所行之相而未曾取一切智相不著衆生三昧莊嚴智慧隨順一切法界於一切世界修菩薩行以此無縛無著解脫心善根深入無量法界智微細演說一切法界智微細度廣法界智微細分別不可思議法界智微細分別一切法界智微細於一念中充滿一切法界智微細等觀一切法界智微細一切法界境界無所有智微細觀察一切法界無礙智微細解一切法界不生智微細身持一切法界自在智微細如是等一切法界智微細皆悉究竟成普賢行受持智慧得法自在今衆生歡喜不捨義身不見法身出生無礙平等之智得無礙行不著諸法離一切有真實無染隨順世間行語言法常樂寂靜不捨實義智慧清淨滅除虛妄一切所有悉非堅固覺悟無量一切法界一切世間平等不二一切諸法亦復不二無所依止得入普賢菩薩行門究竟成就平等智慧以此無縛

無著解脫心善根悉能分別一切諸劫智微細無量劫即是一念智微細一念即無量劫智微細阿僧祇劫即是一劫智微細一劫即是阿僧祇劫智微細長劫即是短劫智微細短劫即是長劫智微細入有佛劫無佛劫智微細數知一切劫無餘智微細說一切劫非劫智微細一念中覺過去未來現在際一切諸劫無餘智微細如是等一切諸劫一念中以如來智知得一切菩薩行圓滿王心得普賢菩薩究竟行心得一切離虛妄心得不退大願心得示現無量無邊世界網中一切如來徧充滿心得聞持諸佛善根菩薩行心得與一切衆生大無畏心得一切劫中示現諸佛出興世心得一一世界中盡未來以行菩薩道無休息心得一切世界中如來身業充滿菩薩身心以此無縛無著解脫心善根知無量甚深法智微細勝法智微細雜法智微細莊嚴法智微細廣說一切諸法智微細一切法即是一法智微細一法即是一切法智微細一切法悉入非法智微細非法入一切法亦不違法智微細入一切佛法方便無有餘智微細如是一切諸微細法以無礙智悉能了知得一切行同一行心得究竟無量無邊法界心得無畏力分別法心決定安住諸

無礙行以一切智充滿諸根一切佛智正念
方便皆悉現前成就諸佛廣大功德充滿世
界普入一切諸如來身示現一切菩薩身業
出妙音聲音徧世界一切佛所得威神力智
慧意業出生無量分別方便一切種智修普
賢行得不退轉智以此無縛無著解脫心善
根知出生一切佛刹無餘智微細出生一切
衆生諸通智慧無餘智微細出生諸法業報
無餘智微細出生一切衆生心無餘智微細
出生隨時說法無餘智微細出生分別一切
法界無餘智微細出生虛空界等三世智慧
無餘智微細出生一切語言道法無餘智微
細出生一切世間諸法無餘智微細出生離
世間行法無餘智微細如是等一切出生智
微細一切如來道一切菩薩道一切衆生道
出生智微細修菩薩行安住普賢行隨義隨
味皆如實知如夢如電如幻如響如化寂滅
一切法界無有真實無所染著出生諸佛平
等智慧皆悉究竟修普賢行出生微細智菩
薩摩訶薩以如此無縛無著解脫心善根皆
悉迴向不妄取世間及世間法不妄取菩提
及菩薩不妄取菩薩行及出生死道不妄取
一切佛及佛法不妄取調伏不調伏衆生不
妄取善根及迴向不妄取自己及他人不妄

取施物及受者不妄取菩薩行及菩提不妄
取法及解法者如是菩薩摩訶薩無縛無著
解脫心善根迴向無縛無著解脫身無縛無
著解脫口無縛無著解脫業無縛無著解脫
報無縛無著解脫世間無縛無著解脫佛刹
無縛無著解脫衆生無縛無著解脫法無縛
無著解脫智菩薩摩訶薩如是迴向時則與
三世諸佛一切菩薩迴向同等成就安住三
世諸佛一切菩薩迴向於三世諸佛菩薩迴
向得不退轉隨順過去一切佛教具足未來
一切佛教得現在一切佛教滿足過去諸佛
平等正法成未來諸佛平等正法向現在諸
佛平等正法興行過去一切佛境界住未來
一切佛境界等現在一切佛境界與三世諸
佛善根無異住三世諸佛所住與三世諸佛
同一境界不違三世諸佛佛子是爲菩薩摩
訶薩第九無縛無著解脫心善根迴向菩薩
摩訶薩安住此迴向一切善根迴向一切金
剛山所不能壞於一切衆生第一殊勝一切
衆魔所不能壞悉能摧滅衆魔邪業普現一
切世界行菩薩行以善方便廣爲衆生說諸
佛法捨離愚癡隨順一切佛法智慧菩薩摩
訶薩隨所生處行住坐卧一切常得不壞眷
屬得清淨念悉能開持三世一切諸如來法

盡未來際劫行菩薩行未曾休息而無染著
得普賢行諸願滿足得一切智施作佛事悉
得諸佛菩薩無量自在爾時金剛幢菩薩承
佛神力普觀十方以偈頌曰

菩薩未曾有慢心

一切諸方無比尊

隨本所修功德業

亦復不起輕慢心

所修一切諸功德

不爲自己及他人

以無縛著解脫心

迴向饒益一切衆

永離一切自高願

亦復棄捨憍慢心

於最勝所起身業

勸請說法種種行

所作無量諸功德

饒益一切衆生類

安住無著解脫心

迴向一切諸如來

世間無量羣生類

種種方便諸技術

勝妙甚深微細事

悉能具足分別知

世間所有種種身

斯由身業之所得

覺悟無量生死行

逮得不退智慧門

十方一切無量刹

微細勝妙伏世界

菩薩深入智慧門

於一毛孔悉了知

一切衆生無量心

明者了知即一心

菩薩覺悟智慧門

不捨增長諸業行

一切衆生種種機

上中下品各不同

所有甚深諸功德

菩薩隨性悉了知

一切衆生種種業

上中下品差別相

菩薩深入如來力

悉能具足分別知

或時示現處宮殿
人中師子現自在
菩薩初坐道場時
普放無量大光明
震動一切魔宮殿
昔於菩薩有緣者
一毛道中無量衆
衆生道衆無有量
如是方便隨順覺
若諸如來所不說
除滅一切衆魔怨
深入一切無礙門
如來或在諸佛刹
或復現身梵宮殿
轉於清淨妙法輪
悉於三世一切劫
諸佛無等師子座
種種妙相而莊嚴
眞佛子等悉圍遶
說菩薩行無邊際
智者能以一方便
種種莊嚴最勝法
無等無量妙自在
又現諸趣無量生

或現捨家行學道
饒益一切衆生故
六反震動諸大地
徧照五道衆生類
開發十方衆生心
皆悉覺悟真實義
十方一切諸佛刹
彼現最勝大神變
如一切佛所演說
亦悉解了分別知
普覆三千大千界
能壞一切諸魔道
或復現處諸天宮
菩薩悉見無障礙
如來法身無邊際
最勝演說無窮盡
悉皆充滿十方界
佛處彼座難思議
充滿法界無有餘
隨順諸佛出要道
攝諸佛法無有餘
皆悉充滿於法界
示現一切種種身
或現采女衆圍遶

不可思議無量劫
一切十方所行業
悉能逆順知三世
而亦不違平等相
一切衆生無量行
菩薩別相分別知
十方世界諸如來
難見難得難思議
兜率陀天大導師
功德甚深廣清淨
示現降神處母胎
成佛涅槃轉法輪
人中師子初生時
天王帝釋梵天王
十方一切無有餘
無始無末無中間
人中尊導現生已
觀察一切衆生類
觀見衆生沒五欲
衆生盲冥愚癡覆
大師子吼出妙音
顯現明淨智慧燈
人中師子出世間
斷除一切諸惡道

悉能了知即一念
菩薩覺悟清淨知
分別其相各不同
愛慢諸結各不同
亦復不捨無相觀
具足示現大自在
菩薩悉能分別知
無比最勝人師子
一切如實見其性
無量自在大神變
一切世間莫能轉
一切諸勝悉奉敬
諸有智者悉敬侍
無量無數諸法界
示現無量自在力
遊行諸方各七步
無礙法門覺一切
人中師子現微笑
我當度脫三有苦
我爲世間第一尊
永滅生死愚癡闇
放大光明無有量
無量衆生究竟滅

示現出家行學道
乃至示現般涅槃
如是種種無量行
一切如來諸功德
如是種種無量行
亦未曾生憂感心
一切諸佛自在力
菩薩隨順悉了知
如是一切諸法王
於一念中悉覺悟
一切最勝甚深法
隨順覺悟殊勝行
有數無數一切劫
具足修習菩薩行
十方無量一切刹
及彼一切諸如來
於念念中悉明了
如是了知三世劫
深入了達心所行
一切佛刹菩薩行
出生智慧無有量
出生菩提力自在
深入一切無有餘
悉分別知同異相

欲令衆生諸根利
分布舍利起塔廟
如來演說佛所住
究竟徧知到彼岸
於一切劫無休息
菩薩皆悉善迴向
及佛無量諸功德
普爲一切衆生說
隨彼無量諸境界
而亦不捨菩薩行
及諸佛刹正法道
究竟迴向到彼岸
菩薩深解即一念
於彼勝道不退轉
或有淨妙或垢穢
菩薩皆悉分別知
不可思議無量劫
具足安住究竟行
善方便行一切法
悉能明了分別知
出生衆生及諸法
一切皆悉無邊際
分別一切諸妙法
具足廣修菩薩行

十方一切諸佛刹

彼有無量無數衆

彼彼諸性各下同

菩薩皆能分別知

過去一切諸如來

未來現在諸導師

若能如是知迴向

則與三世諸佛等

若能如是知迴向

則與最勝功德等

則與最勝智慧等

則與最勝所行等

一切世間莫能壞

諸所學者悉成就

隨順一切諸最勝

善能觀察於世間

菩薩所行不可量

無量功德悉具足

堅固安住如來行

具足分別自在力

佛子何等爲菩薩摩訶薩第十法界等無量

迴向佛子此菩薩摩訶薩離垢縉繫頂受大

法師記能廣法施成大慈悲安立衆生於菩

提心饒益衆生未曾休息以菩提心長養善

根爲一切衆生作調御師示諸衆生一切智

道爲一切衆生作法藏曰善根淨光普照一

切等心普觀一切衆生欲令衆生常行善根

未曾休息增長清淨微妙智慧不捨一切善

根道業爲一切衆生作大智慧採寶導師開

示一切安隱正道以一切衆生爲首修行諸

法令一切衆生得不可壞真善知識長養善

根菩薩摩訶薩行法施等一切善法攝取薩

婆若心究竟正力到於彼岸修行堅固難壞

菩提之心常樂大願修習菩提依善知識離

詣曲心專求菩提分別無量一切智門境界
菩薩摩訶薩於彼善根迴向廣大而無限礙
乃至一句一味佛所說法若有能聞若持若
說以此善根如是迴向一心正念無量無邊
虛空等世界中三世諸佛行菩薩行以此善
根迴向今一切佛常守護念於一世界盡未
來劫為一衆生修菩薩行如一世界乃至虛
空法界等一切世界盡未來劫為一衆生修
菩薩行為一切衆生亦復如是為一切衆生
以大莊嚴而自莊嚴不生離佛善知識想得
是想故常見現在一切諸佛乃至未曾遠離
一佛諸佛菩薩所讚梵行皆悉滿足行不缺
梵行具足不破梵行不濁梵行無垢梵行不
退梵行不壞梵行諸佛所讚梵行無依梵行
無所有梵行離倒清淨順行三世諸佛菩薩
梵行無礙梵行無取梵行無諍梵行無擇梵
行安住梵行無比梵行不動梵行不亂梵行
無恙梵行如我行梵行令一切衆生皆悉安
住此諸梵行修習梵行具足梵行清淨梵行
離垢梵行明照梵行離塵梵行離瞋梵行離
熱梵行離纏梵行離一切疑梵行離一切惱
害梵行得到彼岸何以故菩薩若自不修梵
行令他淨修梵行無有是處菩薩自退梵行
令他具足梵行無有是處菩薩自破梵行令

他安立梵行無有是處菩薩自離梵行令他
立梵行道無有是處菩薩自滅梵行令他修
習梵行無有是處菩薩不樂梵行令他樂修
梵行無有是處菩薩不住梵行令他安住梵
行無有是處菩薩不究竟梵行令他究竟梵
梵行無有是處菩薩壞散梵行令他攝取梵
行無有是處何以故菩薩摩訶薩如說修行
遠離顛倒又能廣說離顛倒法實語實行修
習清淨身口意業離諸染汙行無礙處滅一
切障菩薩摩訶薩自正直心令他正直心法
菩薩修習忍辱以諸善根調伏其心令他修
忍以諸善根調伏其心菩薩自離疑悔令他
離諸疑悔菩薩自得歡喜信心令他得不壞
信菩薩自行堅法令他行堅法菩薩摩訶薩
善根如是迴向復次菩薩摩訶薩以法施等
諸善根門如是迴向以此善根令一切衆生
悉得諸佛無盡法門分別解說諸佛法門摧
滅一切外道邪論令辭理窮屈悉得三卅一
切諸佛所說法海於一一生法一一方便法
一一語言法一一施設法一一教法一一說
法一一法門一一入法一一決定法一一住
法悉得無量無邊無盡法藏得無畏法深入
四辯廣爲衆生說微妙法盡未來際而無窮

盡成正直心離諸顛倒生無礙道言無誤夫
衆生聞法悉皆歡喜解了衆生一切言音得
不退轉一切法明一切衆生歡喜無量悉皆
安住一切種智具足離癡明淨法辯聞持諸
法悉能分別一切世界得法界等無量身於
一念中悉能充滿一切法界微妙音聲徧滿
無量無邊法界示現眷屬充滿法界修法界
等菩薩淨業得法界等無量菩薩所住得法
界等無量決定法學法界等無量諸法究竟
住法界等無量菩薩行迴向法界等無量菩
薩內法菩薩摩訶薩善根如是迴向令一切
衆生具足薩婆若安住薩婆若復次菩薩摩
訶薩善根如是迴向見法界等無量一切佛
調伏法界等無量衆生嚴淨法界等無量佛
刹得法界等無量菩薩智得法界等無量無
所畏得法界等無量深妙辯得法界等無量
一切菩薩陀羅尼得法界等無量不可思議
等薩住具足法界等無量功德藏具足法界
等無量實義善根菩薩摩訶薩復作是念以
此善根令一切衆生悉得是法具足成滿如
我無異一切行等功德等智慧等力等無畏
等自在等正覺等說法等如實義等論議等
諸通等菩薩摩訶薩善根如是迴向復次菩
薩摩訶薩以此善根如是迴向如法界無量

出生智慧亦復如是如法界無量所見諸佛
亦復如是如法界無量往諸佛刹亦復如是
如法界無量菩薩所行亦復如是如法界不
可斷得一切智亦復如是如法界等一得一
切智亦復如是如法界自然清淨令一切衆
生清淨亦復如是如法界隨順悲至一切令
一切衆生行普賢菩薩行亦復如是如法界
莊嚴一切衆生令一切衆生得普賢菩薩莊
嚴亦復如是如法界不可壞令一切衆生得
不壞善根亦復如是復次菩薩摩訶薩以此
善根如是迴向令一切諸佛菩薩皆悉歡喜
令諸善根趣薩婆若今諸善根趣一切智至
一切道令一切衆生常見諸佛菩薩摩訶薩
以此善根如是迴向見一切佛能作佛事故
迴向見一切佛不於佛事生住著心故迴向
見一切佛悉令衆生普得清淨故迴向見一
切佛悉能了知故迴向見一切佛悉無所著
故迴向見一切佛悉能分別無礙法故迴向
見一切佛具普賢行故迴向見一切佛未曾
失時故迴向見一切佛出生菩薩無量諸力
故迴向見一切佛不忘其法故迴向以此善
根如是迴向解法界無生解法界無自性解
法界如如解法界無依解法界無妄解法界
離相解法界寂靜解法界無處所解法界無

去無集解法界無壞復大菩薩摩訶薩善根
如是迴向以此法施所攝善根令一切衆生
成大法師住一切佛無量自在令一切衆生
作無上法師安立衆生於一切智令一切衆
生成無壞法師一切問難無能窮盡令一切
衆生作無礙法師具足諸法無礙照明令一
切衆生作智藏法師巧方便說一切佛法令
一切衆生成就如來自在法師能善巧說諸
如來智令一切衆生作淨眼法師廣說實法
不由他教令一切衆生作正持佛法法師具
足說法不失一味令一切衆生作離相法師
以諸妙相而自莊嚴放無量光廣說諸法令
一切衆生作大身法師一身充滿無數佛剎
興大法雲普雨佛法令一切衆生作不失佛
法大海法師一切世間無能壞者令一切衆
生作具足圓滿日光法師放佛遙光悉能顯
照一切諸法令一切衆生作隨順問答法師
善巧方便廣說諸法令一切衆生作究竟衆
行到彼岸法師善巧方便開無量法藏令一
切衆生作建立正法法師分別演說如來道
智令一切衆生作了達諸法法師讚歎功德
不可窮盡令一切衆生作不虛誑法師入深
真妙諸方便際令一切衆生作善覺魔事法
師悉能壞散一切諸魔令一切衆生作諸佛

攝護法師未曾暫起我我所心令一切衆生
作安隱正法法師悉得菩薩一切願力菩薩
摩訶薩以此善根如是迴向不選擇業故迴
向不選擇報故迴向不選擇願故迴向不選
擇法故迴向不選擇事故迴向不選擇因故
迴向不選擇成法故迴向不選擇名身味身
身故迴向不選擇迴向故迴向不選擇義
故迴向

大方廣佛華嚴經卷第二十一

懈倦

上古騰切
下果奉切

呼響

上荒亮切
下計所切

逮得

上第代二音

補處

上博古切

狹山

上侯夾切

如電

下堂練切

自己

下居里切

技術

上舉綺切
下食車切

采女

上倉宰切

憂感

下倉歷切

垢穢

下於廢切

繫頂

上計音

採寶

上倉宰切

不缺

下皆火切

離眩

下於計切

窮屈

下居里切

謬失

上靡幼切

甲辰歲高麗國大藏都監奉

勅彫造

大方廣佛華嚴經卷第二十二

坐

東晉天竺三藏佛跋陀羅

譯

金剛幢菩薩十迴向品第二十一之九

菩薩摩訶薩以此善根如是迴向不著色故
迴向不著聲香味觸法故迴向不求生天故
迴向不求欲樂故迴向不著欲境界故迴向
不求眷屬故迴向不求自在故迴向不求生
死樂故迴向不著生死故迴向不著死此生
彼故迴向不求三有樂故迴向不求欲相應
故迴向不求樂處故迴向不毒心故迴向不
壞善根故迴向不依三界故迴向不味著諸
禪解脫三昧正受故迴向不求住聲聞緣覺
乘故迴向但欲調伏一切衆生滿足薩婆若
究竟無礙智故迴向欲令一切善根清淨無
礙故迴向欲令一切衆生超出生死得大乘
智故迴向欲滿足金剛菩提心故迴向欲究
竟成就不死法故迴向欲無量莊嚴諸佛種
姓示現一切智自在故迴向欲具足菩薩一
切法明神力自在故迴向欲於法界虛空界
等一切佛刹行普賢行而不退轉以離癡金
剛大莊嚴而自莊嚴安住普賢菩薩地故迴
向欲盡未來劫行普賢行度脫衆生示現一
切諸佛莊嚴行地安住不斷故迴向菩薩摩
訶薩如是平等心迴向平等法心迴向一切

衆生無量心迴向無諍心迴向無所有心迴
向不亂心迴向等入三世心迴向於三世諸
佛種姓心迴向得不死神通心迴向得如來
涅槃心迴向令一切衆生離地獄餓鬼畜生
閻羅王處故迴向令一切衆生除滅障道法
故迴向令一切衆生悉具善根歡喜故迴向
欲不失轉法輪時故迴向欲令一切衆生成
卽力輪到彼岸故迴向欲令滿足無量無邊
菩薩清淨法願故迴向欲令成就善知識器
隨順一切善知識教具菩提心寶故迴向欲
令一切住佛深法正直修習一切佛法具足
無上智慧光明故迴向欲令一切菩薩無礙
慧明常現在前故迴向欲令一切常見諸佛
現在前故迴向欲令一切得明淨法門故迴
向欲令一切離諸恐怖具無所畏菩提心門
故迴向欲令一切得菩薩不可思議諸住智
門故迴向欲令一切大悲救護悉得清淨故
迴向欲令一切無餘佛刹皆悉莊嚴故迴向
欲令一切除滅一切魔業鉤餌及魔巧術故
迴向欲令一切修菩薩行不著一切佛刹故
迴向欲令一切佛法得一切智廣大
心故迴向菩薩摩訶薩以此善根欲令正念
清淨故迴向欲決定故迴向欲攝取一切佛
法分別了知故迴向欲得無量無邊無礙智

故迴向欲得清淨正直心故迴向欲令一切
衆生修習大慈心故迴向修習大悲心故迴
向修習喜心故迴向修習捨心故迴向得二
種無礙解脫安住善根故迴向欲分別一切
緣起法故迴向欲分別緣起法得法化生心
故迴向欲得勇猛幢心故迴向欲得不壞幢
藏故迴向欲壞一切魔故迴向欲得一切清
淨無礙法心故迴向欲行一切菩薩行得不
退轉心故迴向欲得樂求勝妙心故迴向欲
得一切功德法自在智樂求一切智故迴向
欲滿一切願滅一切惡受離垢記得佛自在
爲一切衆生轉不退法輪故迴向欲令如來
諸妙勝法無量智慧日光莊嚴大智光明普
照一切衆生法界故迴向欲調伏一切衆生
皆悉歡喜成就大願盡未來劫行菩薩行滅
諸煩惱離垢清淨壞裂愛網除愚癡闇具足
離垢無礙之法修行菩薩不退轉行得一切
種智故迴向欲令一切衆生得無礙無上妙
智慧身示現無量諸佛身故迴向菩薩摩訶
薩善根如是迴向不著五欲不欣三界何以
故菩薩摩訶薩以無染汙善根迴向遠離瞋
恚善根迴向捨離愚癡善根迴向不可沮壞
善根迴向遠離憍慢善根迴向除滅諂曲善
根迴向以正直心善根迴向精勤修習善根

迴向菩薩摩訶薩如是迴向時得大歡喜於
菩薩行得正希望趣摩訶薩道具佛種姓得
佛智慧離一切惡降伏衆魔悉能調伏一切
衆生令善知識皆悉歡喜已所修願皆悉成
滿請一切衆生設大施會復次菩薩摩訶薩
以此法施善根如是迴向令一切衆生皆悉
具足清淨法音得柔輭音得和悅音得不可
思議音得可愛樂音得充滿一切佛刹音得
不可思議功德莊嚴音得威高大散亂音得
充滿法界清妙音得攝一切衆生音令一切
衆生得無量音智令一切衆生得清淨妙音
令一切衆生悉得音聲妙自在智令一切衆
生得一切莊嚴音令一切衆生悉得妙音衆
生樂聞無有厭足令一切衆生得解脫音悉
到彼岸令一切衆生得歡喜音令一切衆生
得佛清淨語言音令一切衆生得佛音聲具
妙辭辯遠離愚癡令一切衆生得莊嚴諸法
妙陀羅尼於一一法說無量行眷屬無數充
滿法界悉能聞持不可思議金剛正法廣分
別說能以無量句身味身具足演說無量法
藏種種法相住無著處得諸法明令一切衆
生究竟薩婆若攝一切法以句身味身於諸
法義得自在音於無礙音具足自在得到彼
岸令一切衆生得無憂音聲得無畏音聲得

無染汙音聲得功德音聲得令眷屬歡喜音聲得如法音聲得諸佛法語言音聲得疾除滅一切衆生疑網音聲得具足辯才不斷音聲得勝覺悟衆生音聲復次菩薩摩訶薩以一切衆生得淨妙功德令一切衆生具諸相好令一切衆生得淨業報令一切衆生得清淨薩婆若心令一切衆生得無量清淨菩提之心令一切衆生得淨方便悉能分別衆生諸根令一切衆生得清淨性令一切衆生得清淨無礙行滿足諸願令一切衆生得清淨正念智慧不斷辯才菩薩摩訶薩以此善根如是迴向令一切衆生得如是等清淨妙身所謂明淨身離濁身究竟淨身清淨身離塵身離種種塵身離垢身光明身可愛樂身無礙身以如是身普應十方一切世界示一切業示現衆生普照一切示現一切猶如鏡像淨水之月令一切衆生悉得如是淨妙之身示現衆生菩薩諸行示現衆生諸深妙法示現衆生無量功德示現衆生真實正道示現衆生具足諸法示現衆生一切大願住於一刹示現一切世界如來出世示現一切諸佛神足自在示現受持菩薩不思議解脫示現普賢諸行一切願智菩薩摩訶薩善根如是

迴向令一切衆生成就一切功德智身復次
菩薩摩訶薩以此法施所攝善根如是迴向
令一身徧一切世界行菩薩行衆生見者皆
悉不空得不退轉菩提之心令一切衆生隨
順真實得不壞心令一切衆生於一切世界
盡未來劫行菩薩道而無厭足具法界等大
慈悲心教化衆生未曾失時分別諸根念善
知識於一念中悉見現在一切諸佛正念如
來未曾暫捨修諸善根無有虛欺安立衆生
於一切智悉得不退清淨法輪悉得一切諸
佛法明受持一切諸佛法兩行菩薩行入一
切衆生入一切刹入一切法入一切世間入
一切三世入一切衆生諸業報智入一切善
薩巧方便智入一切菩薩出生智入一切善
薩淨境界智入一切佛住持境界入一切無
量無邊法界修菩薩行安住諸住是爲菩薩
摩訶薩法施善根迴向復次菩薩摩訶薩修
善根業如是迴向令一切佛刹皆悉清淨以
無量莊嚴具而莊嚴之令一佛刹廣大如法
界如一佛刹一切佛刹亦復如是得最正覺
於一佛刹悉皆顯現一切佛刹如一佛刹一
切佛刹亦復如是彼一一刹以法界等諸莊
嚴具而莊嚴之無量阿僧祇衆寶莊嚴無量
阿僧祇清淨衆寶高座諸妙寶衣以敷其上

無量阿僧祇衆妙寶帳一切寶鈴諸寶璽帶
以爲莊嚴無量寶蓋以張其上無量寶雲雨
一切寶散衆寶華見者無厭無量妙寶以爲
欄楯妙寶樓閣而莊嚴之無量寶鈴自然演
暢諸佛妙法無量寶華周徧充滿衆妙寶色
以爲莊嚴無量寶樹充滿其剎出生無量妙
寶華果無量妙寶以爲宮殿妙寶樓觀徧遊
諸剎無量妙寶以爲欄楯大寶莊嚴無量妙
寶爲偏樓閣一切淨寶而莊嚴之無量寶門
種種寶變而嚴飾之無量珍寶半月形像悉
以衆寶而莊嚴之流出無量清淨寶河常流
正法未曾斷絕無量法海周徧其剎正法淨
水湛然充滿無量阿僧祇寶分陀利華皆悉
充滿自然演出正法華音無量阿僧祇須彌
寶山莊嚴智慧須彌皆悉具足無量阿僧祇
八楞妙寶莊嚴諸寶瓔珞以爲垂帶無量阿
僧祇明淨寶莊嚴放大慧光普照法界無量
阿僧祇寶鈴莊嚴自然演出微妙音聲無量
阿僧祇衆寶階道以爲莊嚴菩薩妙寶皆悉
充滿無量阿僧祇寶繒莊嚴不可思議寶色
清淨建立無量阿僧祇寶幢莊嚴半月寶像
而嚴飾之無量阿僧祇寶幡莊嚴悉能普雨

無量寶幢無量阿僧祇寶繒莊嚴充滿世界
莊飾虛空敷無量阿僧祇細軟寶衣以為莊
嚴無量阿僧祇衆寶旋源以為莊嚴示現菩
薩清淨一切智眼無量阿僧祇寶璣莊嚴一
一寶璣百千菩薩以為嚴飾無量阿僧祇衆
寶宮殿莊嚴悉能除滅諸處所愛無量阿僧
祇衆寶莊嚴金剛摩尼以為嚴飾無量阿僧
祇雜寶莊嚴示現無量清淨妙色無量阿僧
祇金剛圍山莊嚴清淨明徹無所障礙無量
阿僧祇妙香莊嚴其香普熏一切世界出生
無量阿僧祇諸變化身一一化身與法界等
各放無量阿僧祇妙寶光明一一光明出一
切光無量阿僧祇明淨寶光以為照耀能發
衆生淨智慧光放無量阿僧祇無礙寶光一
一光明普照法界無量阿僧祇衆寶莊嚴一
一寶中具一切寶無量阿僧祇寶藏莊嚴自
然演說諸法寶藏無量阿僧祇寶幢莊嚴建
立如來妙智慧幢無量阿僧祇賢寶莊嚴具
足清淨大乘賢寶無量阿僧祇寶園莊嚴菩
薩三昧清涼悅樂無量阿僧祇諸妙寶音自
然演出一一音中出如來音充滿十方無不
聞者無量阿僧祇寶像莊嚴一一像身普放
無量法寶光明無量阿僧祇衆相莊嚴一切
衆相無相莊嚴無量阿僧祇寶威儀莊嚴見

者樂求菩薩威儀無量阿僧祇長養來寶莊
嚴出生一切妙寶庫藏無量阿僧祇衆寶安
住莊嚴一切衆寶而嚴飾之無量阿僧祇寶
衣莊嚴皆悉普覆具足菩薩無量三昧無量
阿僧祇妙衣莊嚴其發心者即得菩薩善現
等諸陀羅尼無量阿僧祇修寶莊嚴悉能分
別業寶報應決定清淨無量阿僧祇無礙知
見妙寶莊嚴若有見者悉得諸法清淨法眼
無量阿僧祇寶天冠莊嚴具足成就智慧天
冠無量阿僧祇寶座莊嚴成佛清淨寶師子
座然無量阿僧祇明淨寶燈具足明淨妙智
慧燈無量阿僧祇寶多羅樹莊嚴一一多羅
樹以寶瓔珞而嚴飾之無量阿僧祇衆寶涼
臺以爲莊嚴無量阿僧祇寶樹莊嚴不思議
鳥棲集其上出妙音聲無量阿僧祇妙寶化
華莊嚴一一華上無量菩薩結跏趺坐徧遊
法界無量阿僧祇果實莊嚴具薩婆若大智
慧果無量阿僧祇衆寶聚落莊嚴皆悉修習
清淨正法無量阿僧祇寶宅莊嚴衆寶街巷
人民充滿無量阿僧祇大王寶都莊嚴彼諸
大王勇猛精進被大法鎧於無上道堅固不
退無量阿僧祇寶舍莊嚴除滅一切房室貪
愛無量阿僧祇寶衣莊嚴隨意受用無所貪
著無量阿僧祇寶家莊嚴捨家出家菩薩充

滿其中無量阿僧祇無厭足寶莊嚴見者能
生無量歡喜無量阿僧祇寶輪莊嚴放不思
議智慧光明轉不退輪無量阿僧祇妙寶行
樹莊嚴以清淨因那尼羅寶而莊校之無量
阿僧祇寶地莊嚴分別示現不思議寶無量
阿僧祇樂器莊嚴盡未來際常出法音未曾
斷絕無量阿僧祇寶身莊嚴充滿其刹悉能
受持一切法寶無量阿僧祇清淨寶口莊嚴
具足一切功德藏寶出無量阿僧祇清淨寶
音常說無量淨妙法寶無量阿僧祇清淨寶
心莊嚴得正直寶一切智願皆悉充滿無量
阿僧祇清淨寶念莊嚴除滅愚癡得一切智
無上寶王無量阿僧祇清淨寶起莊嚴悉能
攝受一切諸佛正法之寶無量阿僧祇菩薩
寶慧莊嚴決定善知一切佛法無量阿僧祇
不放逸寶智慧莊嚴一切智寶皆悉充滿無
量阿僧祇清淨寶眼莊嚴於一切十力寶無
所障礙無量阿僧祇清淨寶耳莊嚴善能聽
聞一切法界微妙音聲而無障礙無量阿僧
祇清淨寶鼻莊嚴聞淨寶香而無厭足無量
阿僧祇清淨寶廣長舌莊嚴善說一切諸語
言法無量阿僧祇清淨寶身莊嚴遊行十方
而無罣礙無量阿僧祇清淨寶意莊嚴悉能

修習普賢菩薩一切大願無量阿僧祇清淨
寶音莊嚴微妙音聲皆悉充滿一切世界無
量阿僧祇寶身業莊嚴具足一切智慧寶業
無量阿僧祇寶口業莊嚴廣說無量智慧妙
寶無量阿僧祇清淨寶意業莊嚴究竟一切
無礙寶智菩薩摩訶薩復如是念於彼一切
諸如來刹於一佛刹一方一毛道中成就無
量無數不可思議清淨智慧諸大菩薩皆悉
充滿如一佛刹一方一毛道盡虛空法界等
一切佛刹一切方一切毛道亦復如是是爲
菩薩摩訶薩迴向妙寶莊嚴一切佛刹如寶
莊嚴一切佛刹廣說香莊嚴乃至究竟無量
清淨妙香意業無礙寶智亦復如是廣說華
莊嚴乃至究竟清淨華意業無礙寶智亦復如
是廣說鬘塗香末香衣蓋幢幡乃至百事莊
嚴亦復如是如是菩薩摩訶薩以此法施等
所攝善根迴向長養善根故迴向嚴淨佛刹
故迴向令一切衆生清淨平等故迴向令一
切衆生除滅瞋恚令一切衆生具足平等甚
深佛法令一切衆生具足平等不可壞清淨
功德力令一切衆生悉得平等無盡智慧度
諸佛法令一切衆生悉得平等清淨梵音令
一切衆生悉得平等無礙清淨眼究竟虛空法
界等無礙智令一切衆生悉得清淨平等正

念盡過去劫令一切衆生悉得平等無礙智
決定了知一切諸法令一切衆生悉得平等
菩提充滿法界無所障礙令一切衆生悉得
平等諸妙善根令一切衆生悉得平等身口
意業具足功德莊嚴清淨令一切衆生悉得
平等普賢菩薩一切所行令一切衆生悉得
平等清淨佛剎令一切衆生悉得平等具足
深入一切智行令一切衆生離一切惡悉得
平等善根迴向令一切衆生悉得平等一切
知見皆能分別他人心念令一切衆生悉得
平等安住白法令一切衆生悉得平等於一
念中具一切智究竟滿足無上菩提令一切
衆生成就一切平等道行清淨具足菩薩摩
訶薩以此善根普爲一切平等迴向令一切
衆生悉得清淨分別諸法之力廣爲衆生解
說迴向菩薩摩訶薩復作是念以此善根令
一切衆生修菩薩淨行得無量法海於一一
法海無量法界等清淨智慧普照法界令一
切衆生分別解說一切句義令一切衆生悉
得一切法明三昧普照諸法令一切衆生皆
悉具足隨順三世諸佛辯才令一切衆生得
三世佛自在之身令一切衆生得無礙善根
起佛法愛不退大悲救護衆生令一切衆生
得無礙智不思議法能淨歡喜一切衆會令

一切衆生於一切佛刹觀覆佛刹俯伏佛刹
微細佛刹廣大佛刹清淨佛刹穢濁佛刹於
如是等諸佛刹中悉轉清淨不退法輪令一
切衆生於念念中悉得無盡無所畏辯廣說
佛法不可窮盡令一切衆生常樂一向專求
勝法於一切法得智慧自在令一切衆生皆
悉歡喜廣說一切法復次菩薩摩訶薩安住
法界無量善根迴向法界無量身業迴向法
界無量口業迴向法界無量意業迴向法界
無量妙色迴向法界無量妙受想行識迴向
法界無量平等陰迴向法界無量平等界迴
向法界無量平等入迴向法界無量內平等
迴向法界無量外平等迴向法界無量勇猛
精進平等迴向法界無量正直心平等迴向
法界無量方便平等迴向法界無量性平等
迴向法界無量諸根平等迴向法界無量三
世平等迴向法界無量業報平等迴向法界
無量離諸煩惱清淨平等迴向法界無量一
切衆生平等迴向法界無量一切佛刹平等
迴向法界無量一切諸法平等迴向法界無
量一切世間平等迴向法界無量一切諸佛
菩薩平等迴向法界無量一切菩薩行願平
迴向法界無量一切菩薩平等道迴向法
界無量一切菩薩成就一切善根迴向法界

無量一切諸法平等無二迴向法界無量一
切如來眷屬圓滿平等迴向菩薩摩訶薩如
是迴向時安住法界等無量清淨身業安住
法界等無量清淨口業安住法界等無量清
淨意業安住法界等無量清淨行願安住法
界等無量清淨眷屬安住法界等無量一切
菩薩清淨智慧廣說諸法安住法界等無量
清淨身充滿一切世界法界得一切法明清
淨無畏以一言音悉除一切衆生疑惑皆令
歡喜調伏諸根安立無上智諸力無畏一切
自在力佛無量功德上妙法中佛子是爲菩
薩摩訶薩第十法界等無量迴向菩薩摩訶
薩以此法施等一切善根悉迴向已成就普
賢菩薩無量無邊一切行願悉能嚴淨無量
無邊虛空法界等一切佛刹令一切衆生亦
復如是具足成就無量無邊智慧深入一切
法於念念中示現無量無數一切世界諸佛
出世悉得無量無邊諸佛自在悉得無量無
邊如來自在悉得無量無邊廣大自在悉得
無量無邊無礙自在悉得無量無邊無障自
在悉得無量無邊不可思議自在悉得無量
無邊令一切衆生清淨自在悉得無量無邊
一切世界住持自在悉得無量無邊一切不
可言說自在悉得無量無邊一切時自在悉

得無量無邊一切諸通無礙智自在悉得無
量無邊廣說諸法充滿法界自在悉得無量
無邊滿足普賢菩薩淨眼悉得菩薩無量無
邊淨耳聞持諸佛所說正法能以一身結跏
趺坐充滿十方一切世界而不迫近一切衆
生悉得無量無邊具足深入三世智慧悉得
無量無邊清淨菩提清淨衆生清淨佛刹清
淨諸佛清淨諸入悉得無量無邊虛空法界
等清淨智慧悉得無量無邊衆生語言音聲
清淨智慧放大光明普照十方一切世界出
生三世諸菩薩行清淨智慧於一念中皆悉
究竟三世如來清淨智慧令一切衆生皆悉
清淨具足成就平等正觀決定智慧究竟到
彼岸爾時佛神力故十方各百萬佛刹微塵
等世界六種震動佛神力故法如是故雨天
華雲雨天鹽天末香天寶衣天莊嚴天香天
摩尼寶天沈水香天阿伽樓香天婆羅提歇
香天堅固香天持檀香天雜色幡蓋無量阿
僧祇天身不可思議微妙法音不可思議諸
天妙音讚歎如來無量阿僧祇諸天讚歎善
哉雲雨無量阿僧祇那由他諸天恭敬禮拜
無量阿僧祇那由他諸天歡喜念佛修習不
可思議諸佛功德無量阿僧祇諸天出娛樂
音供養如來放無量阿僧祇廣大光明出過

諸天普照虛空法界等一切佛刹示現無量
阿僧祇如來化身自在威力出過諸天如此
世界一切四天下兜率陀天刪兜率陀天王
宮說如是法一切十方世界刪兜率陀天王
宮亦復如是爾時佛神力故十方各過百萬
佛刹微塵等世界各有百萬佛刹微塵等菩
薩悉來雲集成作是言善哉善哉佛子乃能
說此諸大迴向我等悉同一号名金剛幢於
金剛光世界金剛幢佛所來詣此土彼諸世
界佛神力故亦說是法大會眷屬說法句味
皆悉同等我等承佛神力從彼土來為汝作
證如我來此世界為汝作證一切十方一切
四天下刪兜率陀天王宮摩尼寶殿上說如
是法往為作證亦復如是爾時金剛幢菩薩
承佛神力觀察十方及諸眷屬一切法界諸
義句味修習無量廣大之心無上大悲普覆
一切其心安住三世一切諸佛種性悉究竟
度諸佛功德成就諸佛自在寶身悉能分別
一切衆生希望心行隨彼所種善根悉知其
時隨順法身示現色身如是觀已以偈頌曰
菩薩受此無量法寶自然正覺大法師記
為調御師普照諸法善悟無礙最正覺道
菩薩為法調御大師能廣演說難得深法
十方一切無量大衆皆悉安立諸正法門

菩薩悉飲無量法海興大法雲普雨法雨
 耀明法日普照世間說微妙法饒益衆生
 此法施主甚難值遇具足成就諸法方便
 以智慧明普照其心爲世無畏廣說深法
 善能修習變化之心廣能開發諸正法門
 成就諸門最勝法海普爲世間擊甘露鼓
 能具足說難得妙法以法長養一切功德
 清淨正法眞直之法示現衆生甚深法藏
 最勝授彼灌頂法王具足成就智慧藏身
 無相妙智觀法眞相菩薩善法而得安住
 菩薩法施最爲殊勝一切諸佛咸共讚歎
 隨順一切天中之天彼能出生一切諸佛
 菩薩清淨微妙法身悉從諸佛眞法化生
 明淨法燈饒益衆生說無量法除滅憂惱
 菩薩布施清淨妙法隨順思惟一切善根
 無量世界所作功德清淨智慧皆悉迴向
 一切諸佛所得功德悉令衆生具足成就
 分別一切清淨功德究竟諸佛莊嚴彼岸
 十方一切無量無數諸如來等嚴淨佛刹
 如是一切無餘佛土衆生莊嚴不可思議
 一切如來所有智慧悉令衆生清淨具足
 猶如普賢菩薩莊嚴悉令衆生亦復如是
 具足成就無量自在充滿無餘一切世界
 一切十方無餘衆生皆悉安住彼清淨行

十方無量一切佛刹彼諸如來行菩薩行
悉令十方一切衆生究竟成就無上勝行
一切佛子行佛功德無量無邊不可稱數
諸佛如來悉分別知皆令衆生具足成就
菩薩具足諸神通力悉能善學一切所學
遊行十方一切世界示現無量自在神力
菩薩能於一念之中悉見諸佛與衆生等
菩薩能於一毛道中悉見一切諸佛正法
一切衆生無量諸行一切最勝悉分別知
常平等心恭敬供養一切十方無量諸佛
種種衆香諸雜寶華無量寶衣及諸幡蓋
悉皆充滿無量法界以用供養一切諸佛
菩薩能於一毛道中悉見諸佛數不可議
普能供養此間明燈其所聞法悉能受持
恭敬禮拜五體投地舉身自歸一切最勝
盡未來際無量諸劫讚歎十方一切最勝
於一佛所諸供養具數與一切衆生類等
如一佛所諸供養具一切佛所亦復如是
無量無邊一切諸劫菩薩恭敬一切導師
窮盡無量一切諸劫恭敬供養而無厭足
一切衆生無量諸劫於此劫中修菩薩行
恭敬供養一一如來盡一切劫而無厭足
一切最勝所說大劫悉無有能稱量數者
爾所一切諸大劫中修菩薩行而無厭足

悲能覺悟一切法界廣大無邊無有分際
衆妙寶華充滿其中以用供養衆生等佛
諸妙寶華色香具足清淨鮮潔無量莊嚴
一切世間無可爲譬而以供養一切最勝
衆生數等無量佛刹諸妙寶蓋彌滿其中
悉以此蓋奉一如來供一切佛亦復如是
微妙最勝奇特塗香一切世間無有倫匹
以此塗香盡衆生劫供養一切諸佛如來
如是末香種種雜華微妙香熏無量寶衣
無數妙寶諸莊嚴具以供如來而無厭足
衆生數等一切諸佛於一念中悉成正覺
以無量偈讚歎宣揚恭敬供養天人導師
衆生數等世間明智菩薩無上殊勝供養
衆生數等一切諸劫如來歎德猶不能盡
如是供養一切諸佛具足成就如來自任
安住普賢菩薩所行悉能覩見一切諸佛
已作未作及現所作無量無數一切善根
修習普賢菩薩所行安住普賢菩薩諸地
一切世間悉無有餘諸佛所知衆生種類
悉令成就智慧明達猶如普賢菩薩所得
如佛所說一切諸行菩薩悉能具足修習
悉以迴向一切衆生普令成就無上迴向
一切十方諸如來刹悉能覺悟了達其因
悉令一切無餘衆生皆與普賢菩薩齊等

成就布施 悉如迴向 持戒具足 如普賢力
勇猛精進 而不退轉 成就忍辱 不可沮壞
善入甚深 諸禪正受 分別了知 一切三昧
清淨智慧 了達三世 一切世間 所不能知
身口諸業 及與意業 音聲語言 皆悉清淨
究竟成就 菩薩諸行 悉與普賢 菩薩齊等
譬如如如 一切法界 捨離憍慢 諸散亂心
永滅障礙 普皆清淨 悉令衆生 亦復如是
如是殊妙 最勝迴向 一切如來 之所演說
以此無量 善根迴向 具足成就 菩薩所行
一切無餘 諸佛真子 普修行此 深迴向法
攝取一切 微妙法界 深入安住 諸善逝力
若有樂求 此殊勝行 如來所說 甚深彌廣
此諸佛子 皆悉安住 具足成就 猶如普賢
一切衆生 尚可知數 一切三世 心猶可知
普賢菩薩 功德深廣 無量無邊 不可了知
一毛可量 十方虛空 一切剎塵 悉可知數
殊勝大仙 眞佛子等 所住功德 不可稱量
大方廣佛華嚴經卷第二十二

鉤鉤上音淺切
下仍吏切

八楞下音登切

天冠下音古九切

接集上音馬切

街林下音鮮切

法鏈下音古九切

璽上卦重三音
剛上卦重三音

璽上卦重三音
剛上卦重三音

捷下音佐切
剛上卦重三音

甲辰歲高麗國人藏都區奉

勅附造

大方廣佛華嚴經卷第二十三

東晉天竺三藏佛跋陀羅

譯

十地品第二十二之一

爾時世尊在他化自在天王宮摩尼寶殿上
與大菩薩眾俱於阿耨多羅三藐三菩提皆
不退轉從他方世界俱來集會此諸菩薩一
切菩薩智慧行處悉得自在諸佛如來智慧
入處悉皆得入善能教化一切世間於念念
中普能示現神通等事具足一切菩薩所願
於一切世一切劫一切國土常修一切諸菩
薩行具足菩薩福德智慧而無窮盡能爲一
切而作饒益能到一切菩薩智慧方便彼岸
能令衆生背生死道向涅槃門不斷一切菩
薩所行善遊一切菩薩禪定解脫三昧神通
明慧諸所施爲善能示現一切菩薩無作神
足皆悉已得於一念頃能至十方諸佛大會
勸發諮請受持法輪常以大心供養諸佛常
能修習諸大菩薩所行事業其身普現無量
世界其音徧聞無所不至其心通達明見二
世一切菩薩所有功德具足修習如是諸菩
薩摩訶薩功德無量無邊於無數劫說不可
盡其名曰金剛藏菩薩寶藏菩薩蓮華藏菩
薩德藏菩薩蓮華德藏菩薩日藏菩薩月藏
菩薩淨月藏菩薩照一切世間莊嚴藏菩薩

智慧照明藏菩薩妙德藏菩薩栴檀德藏菩薩華德藏菩薩優鉢羅華德藏菩薩天德藏菩薩福德藏菩薩無礙清淨智德藏菩薩以垢藏菩薩種種樂說莊嚴藏菩薩大光明網藏菩薩淨明威德王藏菩薩大金山光明威德王藏菩薩一切相莊嚴淨德藏菩薩金剛微德相莊嚴藏菩薩微熾藏菩薩富王光照藏菩薩虛空無礙妙音藏菩薩陀羅尼功德持一切世間願藏菩薩海莊嚴藏菩薩須彌德藏菩薩淨一切功德藏菩薩如來藏菩薩佛德藏菩薩解脫月菩薩如是等菩薩摩訶薩無量無邊不可思議不可稱說金剛藏菩薩而為上首

爾時金剛藏菩薩摩訶薩承佛威神入菩薩大智慧光明三昧即時十方世界於一方過億佛上微塵數世界有十億佛上微塵數佛皆現其身名金剛藏十方世界皆亦如是同聲讚言善哉善哉金剛藏乃能入是菩薩大智慧光明三昧如是十方世界微塵數等諸佛皆同一号加汝威神所謂盧舍那佛本願力故本威神力故汝有大智慧故欲宣一切菩薩不可思議諸佛法明故所謂入智慧地故攝一切善根故善分別一切佛法故廣法

智故決定說諸法故無分別智善分別故一
切世間法不能染故出世間善根清淨故得
不可思議智力故得一切智人智境界故所
謂如實說菩薩十地差別故菩薩安住十地
故分別說無漏法故大智慧光明善分別以
自莊嚴故入具足智門故隨所應住次第說
故得無礙樂說光明故具足大無礙智地故
不忘失菩薩心故教化成熟一切眾生界故
得至一切處決定智故金剛藏法當說此法
門差別所謂諸佛神力故汝能堪受如來智
慧神力故自善根清淨故清淨法界故饒益
衆生故入法身智身故於一切佛得授記故
得一切世間高大身故過一切世間道故淨
出世間善根故即時十方諸佛與金剛藏真
實無上身與無障礙樂說辯與善分別清淨
智慧與善憶念不忘與善決定慧與至一切
智處與諸佛無壞力與諸佛無所畏與諸佛
無礙智分別諸法善開法門與一切諸佛上
妙身口意業何以故以得菩薩大智慧光明
三昧故亦是菩薩本願力故直心清淨故智
慧明白故善集助道法故善修本業故念持
無量法故信解清淨光明法故善得陀羅尼
門不可壞故法界智印善印故爾時十方諸
佛皆申右手摩金剛藏菩薩頂金剛藏菩薩

即從三昧起告諸菩薩言諸佛子是諸菩薩願決定無有過不可壞廣大如法界究竟如虛空徧覆一切十方諸佛世界衆生爲救度一切世間爲一切諸佛神力所護何以故諸菩薩摩訶薩入過去諸佛智地亦入未來現在諸佛智地何等是諸菩薩摩訶薩智地菩薩摩訶薩智地有十過去未來現在諸佛已說今說當說爲是地故我如是說何等爲十一日歡喜二日離垢三日明四日燄五日難勝六日現前七日遠行八日不動九日善慧十日法雲是十地者三世諸佛已說今說當說我不見有諸佛國土不說是十地者何以故此十地是菩薩最上妙道最上明淨法門所謂分別十地事諸佛子是事不可思議所謂菩薩隨順諸地智慧金剛藏菩薩說諸菩薩十地名已默然而住不復分別時一切菩薩聞說菩薩十地名已咸皆渴仰欲聞解釋各作是念何因何緣金剛藏菩薩說十地名已默然而住時大菩薩衆中有菩薩名解脫月知諸菩薩心之所念以偈問曰

淨念智慧人何故說菩薩諸地名号已默然不解釋
今諸大菩薩心皆懷猶豫何故說是名而不演其義
大智諸菩薩咸皆欲聽聞如是諸地義願爲分別說
是諸菩薩衆清淨無瑕穢安住堅實中具足智功德

皆以恭敬心瞻仰於仁者願欲聞所說如渴思甘露
時金剛藏菩薩聞說是已欲令衆悅以偈答
曰

諸菩薩所行第一難思議分別是十地諸佛之根本
微妙甚難見非心所能及從佛智慧出若聞則迷沒
特心如金剛深信佛智慧以爲第一妙心無有疑難
遠離計我心及心所行地如是諸菩薩爾乃能聽聞
寂滅無漏智分別說甚難如置於虛空如執於疾風
我念佛智慧第一難思議衆生少能信是故我默然
解脫月菩薩聞說此已語金剛藏菩薩言佛
子是大菩薩衆直心清淨善行菩薩道善集
助道法善恭敬供養諸佛於無量佛多種善
根成就無量深厚功德離疑悔無有貪著
及諸結礙深心信解安住不動於是法中不
隨他教是故佛子當承佛力敷演此義是諸
菩薩於是深法皆能證知時解脫月菩薩欲
重宣此義以偈頌曰

願說安隱法菩薩無上行分別於諸地今智慧清淨
衆智淨無垢安住深信解衆諸無量佛證知十地義
金剛藏菩薩言佛子是諸大衆雖皆清淨離
疑悔於是法中不隨他教其餘樂小法者
聞是甚深難思議事或生疑悔是人長夜受
諸衰惱我愍此等是故默然時金剛藏菩薩
欲重宣此義以偈頌曰

足衆難清淨 深智難疑悔 其心已決定 不復隨他教
無動如須彌 不亂如大海 其餘不久行 智慧未明了
隨識不隨智 聞已生疑悔 彼將墮惡道 默念故不說

解脫月菩薩言 佛子 願承佛力 善分別此 不可思議法
佛所護念事 今易信解 所以者何 善說十地義
十方諸佛法 應護念一切菩薩 護是事故 勤行精進
何以故 是菩薩最上所行 得至一切諸佛法 故譬如一切文字
皆初章所攝 初章爲本 無有一字不入初章者 如是佛子
十地者 是一切佛法之根本 菩薩具足行 是十地 能得一切智慧
是故佛子 願說此義 諸佛護念 加以神力 令人信受 不可破壞
時解脫月菩薩欲明顯此義 以偈頌曰

善哉智慧子 清淨行具足 願說十地行 所入十地法
具足於智慧 得以成菩提

所有十方佛 最勝人中尊 皆共護念汝 說是十地義
十地爲根本 是名智行處 亦爲究竟道 佛無量法聚
譬如諸文字 皆攝在初章 諸佛功德智 十地爲根本
爾時諸菩薩 一時同聲 以偈請金剛藏菩薩 言

上妙智慧人 樂說無有量 德重如山王 哀愍說十地
戒念慧清淨 說是十地義 十力之根本 無礙智本行
戒定慧功德 集在仁者心 憍慢諸邪見 皆悉已滅盡

是衆無疑心唯願聞善說

譬病思良醫如飢思美膳我等亦如是聞甘露法味
是故曠大意願開初地門乃至第十地次第爲我說
爾時釋迦牟尼佛從眉間白毫相放菩薩力
光明百千阿僧祇光以爲眷屬普照十方諸
佛世界靡不周徧三惡道苦皆得休息悉照
十方諸佛大會說法之衆顯現如來不思議
力是光明徧照十方諸佛大會諸菩薩身已
於上虛空中成大光明雲臺十方諸佛亦復
如是從眉間白毫俱放菩薩力光明百千阿
僧祇光以爲眷屬普現如來不思議力悉照
一切諸佛大會及娑婆世界釋迦牟尼佛一
切大衆并金剛藏菩薩及師子座照已於上
虛空中成大光明雲臺時諸大光明雲臺中
諸佛神力故而說頌曰

無等等諸佛功德如虛空十方無畏等最尊世間主
於釋迦佛前而現此神力

以佛力開現法王無畏藏說諸地所行諸地義差別
承諸佛神力無有能壞者若人間法寶則爲諸佛護
漸次具諸地得以成佛道

若人堪任聞雖在於大海及劫盡火中必得聞此經
若人癡疑悔終不能得聞

是故今佛子說諸地智進入勢力觀法次第而修行
得至於餘地各得所利益利一切世間願說勿令斷

爾時金剛藏菩薩觀察十方欲令大眾增益
信敬以偈頌曰

諸佛聖主道微妙甚難解非思量所得唯智者行處
其性從本來寂然無生滅

從本已來空滅除諸苦惱遠離於諸趣等同涅槃相

無中亦無後非言辭所說出過於三世其相如虛空

諸佛所行處清淨深寂滅言說所難及地行亦如是

說之猶尚難何況以示人

諸佛之智慧離諸心數道不可得思議非有陰界入

但以智可知非識之所及

如空迹難說何可示其相十地義如是非心意所行

是事雖為難發願行慈悲漸次具諸地智者所能及

如是諸地行微妙甚難見不可以心知當承佛力說

汝等當恭敬咸共一心聽

智慧所隨順諸地相入行於無量億劫說之不可盡

今如實略說其義無有餘

一心恭敬得今承佛力說大音唱因喻義名不相違

佛神力無量今皆在我身我之所說者如大海一滴

金剛藏菩薩說此偈已告於大眾諸佛子若

衆生三集善根修諸善行善集助道法供養

諸佛集諸清白法為善知識所護入深廣心

信樂大法心多向慈悲好求佛智慧如是衆

生乃能發阿耨多羅三藐三菩提心為得一

切種智故為得十力故為得大無畏故為得

具足佛法故爲救一切世間故爲淨大慈悲
心故爲向十方無餘無礙智故爲淨一切佛
國今無餘故爲於一念中知三世事故爲自
在轉大法輪廣示現佛神力故菩薩摩訶薩
生如是心諸佛子是心以大悲爲首智慧增
上方便所護直心深心淳至量同佛力善決
定衆生力佛力趣向無礙智隨順自然智能
受一切佛法以智慧教化廣大如法界究竟
如虛空盡未來際菩薩發如是心即時過凡
夫地入菩薩位生在佛家種姓尊貴無可譏
嫌過一切世間道入出世間道住菩薩法中
在諸菩薩數等入三世如來種中畢定究竟
阿耨多羅三藐三菩提菩薩住如是法名住
歡喜地以不動法故諸佛子菩薩摩訶薩住
歡喜地多喜多信多清淨多踊悅多調柔多
堪受不好鬪諍不好惱亂衆生不好瞋恨諸
佛子諸菩薩住是歡喜地念諸佛故生歡喜
心念諸佛法故生歡喜心念諸菩薩摩訶薩
故生歡喜心念諸菩薩所行故生歡喜心念
諸波羅蜜清淨相故生歡喜心念諸菩薩與
衆殊勝故生歡喜心念諸菩薩力不可壞故
生歡喜心念諸如來教化法故生歡喜心念
能爲利益衆生故生歡喜心念一切佛一切
菩薩所入智慧方便門故生歡喜心菩薩復

作是念我轉離一切世間境界生歡喜心入一切佛平等中生歡喜心遠離凡夫地生歡喜心近智慧地生歡喜心斷一切惡道生歡喜心與一切衆生作依止生歡喜心近見一切諸佛生歡喜心生諸佛境界生歡喜心入一切諸菩薩數生歡喜心離一切恐怖生歡喜心所以者何是菩薩得歡喜地所有怖畏即皆遠離所謂不活畏惡名畏死畏墮惡道畏大衆威德畏離如是等一切諸畏何以故是菩薩離我相故尚不貪身況所用物是故菩薩無不活畏心不希望恭敬供養我應供養衆生供給所須是故菩薩無惡名畏遠離我見無我相故無有死畏又作是念我若死已所生必見諸佛菩薩是故無有墮惡道畏我所志樂無與等者何況有勝是故無有大衆威德畏如是菩薩永離一切諸恐怖事諸佛子是菩薩以大悲爲首於一切衆生心無嫌恨直心堅固自然清淨轉復勤修一切善根所謂信心增上多行淨心解心清淨多以信心分別出生大悲成就大慈心不疲懈以慙媿莊嚴成就忍辱柔和敬順諸佛教法信重善知識日夜常修一切善根常愛樂法求多聞無厭如所聞法正念觀察心不貪著不求名聞不求利養資生之物常生資心無有

厭足樂一切智地欲得諸佛力無畏不共法
 求助諸波羅蜜法離諸諂曲如說能行常行
 實語不汙諸佛家不捨菩薩戒生薩婆若心
 不動如山王不樂世間事成就出世間善根
 集善助善提法無有厭足常求勝中勝道菩
 薩成就如是淨地法名爲安住歡喜地
 菩薩如是安住歡喜地發諸大願生如是定
 心所謂我當以清淨心供養一切諸佛皆無
 有餘一切供具隨意供養發如是大願廣大
 如法界究竟如虛空盡未來際盡供養一切
 劫中所有諸佛以大供養具無有休息又一
 切諸佛所說經法皆悉受持攝一切諸佛阿
 耨多羅三藐三菩提一切諸佛所教化法悉
 皆隨順一切諸佛法皆能守護發如是大願
 廣大如法界究竟如虛空盡未來際盡皆守
 護一切劫中一切佛法無有休息又一切世
 界一切諸佛從兜率天下入胎處胎初生出
 未成佛道時勸請轉大法輪示入大涅槃我
 於爾時盡往供養攝法爲首三時轉故發如
 是大願廣大如法界究竟如虛空盡未來際
 盡一切劫奉迎供養一切諸佛無有休息又
 一切菩薩所行廣大無量不可壞無分別諸
 波羅蜜所攝諸地所淨生諸助道法摠相別
 相有相無相有成有壞一切菩薩所行諸地

道及諸波羅蜜本行教化一切令其受行心
 得增長發如是大願廣大如法界究竟如虛
 空盡未來際盡一切劫中菩薩所行以諸教
 化成熟衆生無有休息又一切衆生若有色
 若無色有想無想非有想非無想卵生胎生
 溼生化生三界所繫入於六道一切生處名
 色所攝教化成熟斷一切世間道今住佛法
 一切智慧使無有餘發如是大願廣大如去
 界究竟如虛空盡未來際盡一切劫教化一
 切衆生無有休息又一切世界廣狹及中無
 數無量不可分別不可壞不可動不可說廣
 細正住倒住平坦方圓隨入如是世界智如
 因陀羅網差別如是十方世界差別皆現前
 知發如是大願廣大如法界究竟如虛空盡
 未來際盡一切劫如是世界皆現前知無有
 休息又一切佛土入一佛土一佛土入一切
 佛土一一佛土無量莊嚴離諸垢穢具足清
 淨智慧衆生悉滿其中常有諸佛大神通力
 隨衆生心而爲示現發如是大願廣大如法
 界究竟如虛空盡未來際盡一切劫淨如是
 國土無有休息又一切菩薩同心同學共集
 諸善無有怨嫉同一境界等心和合常不相
 離隨其所應能現佛身自於心中悉能解知
 諸佛境界神通智力常得隨意神通悉能遊

行一切國土一切佛會皆現身相一切主處
普生其中有如是不可思議大智慧具足華
薩行發如是大願廣大如法界究竟如虛空
盡未來際盡一切劫行如是大智慧道無有
休息又乘不退輪行菩薩道身口意業所作
不空衆生見者即必定佛法聞我音聲即得
真實智慧有見我者心即歡喜離諸煩惱如
藥樹王爲得如是行菩薩道發如是大願廣
大如法界究竟如虛空盡未來際盡一切劫
行不退道所作不空無有休息又於一切世
界皆得阿耨多羅三藐三菩提於一毛端示
現入胎出家坐道場成佛道轉法輪度衆生
示大涅槃現諸如來大神智力隨一切衆生
所應度者念念中得佛道知一切法如涅槃
相以一音聲令一切衆生皆發歡喜示大涅
槃而不斷菩薩所行示衆生大智地使知一
切法皆是假偽以大智慧神通自在出生變
化充滿法界發如是大願廣大如法界究竟
如虛空盡未來際盡一切劫得佛道事求大
智慧大神通等無有休息諸佛子菩薩住歡
喜地以十願爲首生如是等百萬阿僧祇大
願以十不可盡法而生是願爲滿此願勤行
精進何等爲十一衆生不可盡二世界不可
盡三虛空不可盡四法界不可盡五涅槃不

可盡六佛出世不可盡七諸佛智慧不可盡
 八心所緣不可盡九起智不可盡十世間轉
 法轉智轉不可盡若衆生盡我願乃盡若世
 界虛空法界涅槃佛出世諸佛智慧心所緣
 起智諸轉盡我願乃盡而衆生實不可盡世
 界虛空法界涅槃佛出世諸佛智慧心所緣
 起智諸轉實不可盡我諸願善根亦不可盡
 諸佛子菩薩決定發是大願則得利安心柔
 順心調順心寂靜心不放逸心寂滅心直心
 和潤心不恚心不瞋心如是則成信者樂以
 信分別功德信諸佛本所行道信行諸波羅
 蜜而得增長信善入諸地得殊勝功德信得
 成佛十力信具足四無所畏信不共法不可
 壞信諸佛法不可思議信諸佛自在神力無
 量無邊信諸如來無量行門信從因緣以成
 果報舉要言之信諸菩薩普行諸佛功德智
 慧威神力等諸佛子菩薩作是念諸佛正法
 如是無深如是離相如是寂滅如是空如是
 無相如是無作如是無染如是無量如是廣
 大如是難壞而諸凡夫心墮邪見無明癡冥
 蔽其慧眼常立憍慢幢隨在渴愛網隨順諂
 曲常懷慳嫉而作後身生處因緣多集貪欲
 瞋恚愚癡起諸重業嫌恨猛風吹罪心火常
 令熾然有所施作皆與顛倒相應欲流有派

見派無明派相續起心意識種於三界地生
苦惱芽所謂名色名色和合增長六入根塵
相對生觸觸故生受貪樂受故生愛愛增長
故生取取因緣故復起後有有因緣故有生
老死憂悲苦惱如是因緣集諸苦聚受諸苦
惱是中無我無我所無作者無受者無知者
如草木瓦石又如影響凡夫可愍不知不覺
而受苦惱菩薩於此見諸衆生不免諸苦即
生大悲智慧是諸衆生我應救護令住畢竟
佛道之樂即生大慈智慧菩薩摩訶薩隨順
如是大慈悲法以深妙心住在初地於一切
物無所貪惜尊重諸佛大妙智故學行大施
即時所有盡能施與金銀摩尼碑磔碼瑙
琉璃珊瑚琥珀珂貝珍寶瓔珞嚴身之具及象
馬寶輿人民奴婢國土城邑園林遊觀安樂
男女一切所愛皆悉施與頭目耳鼻肢節手
足深重佛故而不貪惜菩薩摩訶薩住於初
地能行大施是菩薩以大悲心大施心救一
切衆生故勸求世間出世間利益之事心無
疲懈是故菩薩生無疲倦功德於諸經書能
自開解是故生知經書功德得如是知經書
智慧善能籌量應作不作於上中下衆生隨
宜利益是故菩薩生世智功德得世智功德
則知時知量慙媿莊嚴修習自利利彼之道

是故則生慙愧功德如是功德精勤修行心不懈退是精進不退功德即得堪受力得堪受已勤行供養一切諸佛隨佛所說如說修行諸佛子是菩薩悉知生起如是淨地法所謂信慈悲施無有疲倦知諸經書善解世法慙愧堪受供養諸佛如所說行

又是菩薩住歡喜地少見諸佛以願力故廣見數百千萬億那由他諸佛世尊心大歡喜深心愛敬以上樂具供養諸佛及一切僧以是福德皆迴向阿耨多羅三藐三菩提是菩薩因供養諸佛故生教化衆生法多以二攝攝取衆生所謂布施愛語後二攝法以信解力行未善通達是菩薩隨所供養諸佛教化衆生皆能受行諸淨地法如是諸功德皆迴向薩婆若轉益明顯堪任有用譬如金師鍊金隨以火力調柔可用增益光色如是菩薩供養諸佛教化衆生行淨地法此諸功德皆迴向薩婆若轉益明顯隨意所用諸佛子是菩薩摩訶薩於初地中行果相貌從諸佛菩薩善知識所諮受請問成地之法無有厭廢是菩薩住初地中於諸佛菩薩善知識所諮受請問第二地中行果相貌無有厭足如是第三第四第五第六第七第八第九第十地中行果相貌從諸佛菩薩善知識所諮受請問

問成十地法無有厭廢是菩薩善知諸地對
治法善知諸地成壞善知諸地行果善知分
別得諸地善知諸地清淨行善知諸地從一
地至一地行善知諸地是處非是處善知諸
地轉所住處善知諸地勝進業善知諸地得
不退轉乃至善知一切菩薩淨地法入如來
智地諸佛子如是菩薩善知諸地行未發初
地乃知十地無有障礙得諸地智慧光明乃
至知諸佛智慧光明如大商主多將賈人欲
至大城先問道路退還過谷在道利害未發
初處知道宿時乃至善知到彼城事能以智
慧思惟籌量具諸資用令無所乏正導人衆
得至大城於險道中免諸患難身及衆人皆
無憂惱菩薩摩訶薩亦復如是住於初地而
善知諸地對治法乃至善知一切菩薩淨地
法入如來智地爾時菩薩集大福德智慧資
糧爲衆生商主隨宜教化令出生死險難惡
處示安隱道乃至今住薩婆若智慧大城無
諸衰惱是故菩薩常應心不疲倦勤修諸地
本行乃至善知入如來智地諸佛子是名略
說菩薩入歡喜地廣說則有無量百千萬億
阿僧祇事菩薩住歡喜地多作閻浮提王豪
貴自在常護正法能以大施攝取衆生善除
衆生慳貪之垢常行大施而無窮盡所作善

業布施愛語利益同事是諸福德皆不離念
佛不離念法不離念諸同行菩薩不離念菩
薩所行道不離念諸波羅蜜不離念十地不
離念諸力無畏不共法乃至不離念具足一
切種智常生是心我當於一切衆生中爲首
爲勝爲大爲妙爲上爲無上爲導爲將爲帥
爲尊乃至於一切衆生中爲依止者諸佛子
是菩薩若欲捨家勤行精進於佛法中便能
捨家妻子五欲得出家已勤行精進須臾之
間得百三昧得見百佛知百佛神力能動百
佛世界能飛過百佛世界能照百佛世界能
教化百世界衆生能住壽百劫能知過去未
來世各百劫事能善入百法門能變身為百
於一一身能示百菩薩以爲眷屬若以願力
自在示現過於此數百千萬億那由他劫不
可計知時金剛藏菩薩欲重明此義以偈頌
曰

若有諸衆生 厚修集善根 成就清白法 親近於諸佛
清淨信樂力 隨順慈悲心 如是人能發 無量之佛智
諸佛一切智 無量力清淨 堪受方堅牢 成就諸佛法
悲心救世間 淨修諸佛國 敷演轉法輪 發此無上願
一念知三世 而無有別異 種種時差別 以示於世間
略說則盡求 諸佛之功德 發於廣大心 猶若如虛空
悲心智慧首 方便合修行 深真志事至 其力無有量

心向無障礙而不隨他教同諸佛平等而生於大心
 諸佛子發生如是之寶心即離凡夫地入於佛所行
 即生如來家無有可譏嫌則同於諸佛必成無上道
 生如是心時即便得初地其心不可動猶如大山王
 是菩薩便有大喜相顯現其心常清淨堪受於大事
 心不樂鬪訟不好惱衆生無有瞋恨心樂慙愧恭敬
 又習行直心守護於諸根
 常念救世間念求諸佛智心生於歡喜我當得此事
 得於歡喜地即過五恐怖不活死惡名惡道衆威德
 以不貪著我及與我所故是諸佛子等遠離諸怖畏
 常行慈悲心恒有信恭敬慙愧功德備晝夜增善法
 樂功德實利不樂於諸欲
 如有所聞法能常善思惟無有貪著行斷諸利養心
 常樂於菩提一心求佛智行諸波羅蜜離於諂曲心
 隨說而能行安住實語中不汙諸佛家不捨菩薩學
 遠世間事願樂出於世間求善法無厭精進轉增益
 諸菩薩如是好樂諸功德而發於大願求欲見諸佛
 護法至佛所行菩薩妙行化一切衆生淨一切佛土
 我佛國土中滿諸大菩薩諸菩薩同心見聞皆不空
 一切微塵中諸佛成佛道發於如是等無量無邊願
 是願無窮盡如虛空衆生法界世涅槃諸佛出智慧
 心緣起智轉我願如是住
 如是發大願心柔軟調順能信佛功德而觀於衆生
 知從因緣起則生慈悲心即於苦衆生我當救度之

爲是衆生故而行種種施所謂妙國土一切諸珍寶
衆馬及車乘眷屬與人民頭目及手足肌肉施無悔
求種種經書心無有疲倦得解其義趣能隨世而行
慙媿堪受力漸令得增長能以恭敬心供養無量佛
智者於日夜如是常修行善根轉明淨猶若成鍊金
菩薩住是地能了知十住展轉修行時無有諸障礙
譬如賈客主欲利諸商人先問道路中諸險難難事
菩薩住初地善知諸地行而無有障礙能至於佛地
住是初地中多作閻浮王善知於諸法常行慈悲心
如法而化導一切皆信敬勸令行布施以求佛智慧
菩薩若捨國佛法中出家勤行於精進即得百三昧
能見百諸佛震動百國土光明照百國飛行亦如是
化百土衆生入於百法門念知百劫事示現於百身
能以百菩薩眷屬而示現若以其願力過是數無量
今明初地義但以略解說若欲廣說者億劫不能盡
是初菩薩地名之爲歡喜利益衆生者今已分別訖

大方廣佛華嚴經卷第二十三

諮請 上音資

默然 上音音

猶豫 下音音

疑悔 下音內切

將降 下音類切

飢渴 上音渴切

美膳 下音戰切

堪任 上音舍切

淳至 上音倫切

譏嫌 上音依切

踊悅 上音余切

闕諍 上音切

不汙 下音烏切

凝真 上音之切

蔽其 上音必切

瓦石 上五化切

碑礫 上尺遮切

礪礪 上莫下切

珊瑚 上蘇干切

琥珀 上呼古切

珂貝 上苦何切

輦輿 上力侯切

商圭 上式羊切

過咎 上古計切

籌疊 上直由切

難難 上古閑切

甲辰歲高麗國大藏都監奉

勅彫造

十地品第二十二之二

一切菩薩衆聞說上地義其心皆清淨歡喜無有量
各於所坐處踊住虛空中以諸上妙華散於金剛藏
威皆備讚言善哉金剛藏大智無所畏善說菩薩地
解脫月大士知衆心清淨欲聞第二地行相之所說
即請金剛藏大智願解說第二地行相一切皆欲聞
金剛藏菩薩語解脫月菩薩言佛子菩薩摩
訶薩已具足初地欲得第二地者當生十種
直心何等爲十一柔輭心二調和心三堪受
心四不放逸心五寂滅心六真心七不離心
八無貪吝心九勝心十大心菩薩以是十心
得入第二地菩薩住離垢地自然遠離一切
殺生捨棄刀仗無瞋恨心有慈有媿於一切
衆生起慈悲心常求樂事尚不惡心惱於衆
生何況加害離諸劫盜資生之物常知止足
若物屬他他所受用於是物中不與不取離
於邪姪自足妻色於他女人不生一念離於
妄語常真實語諦語隨語乃至夢中尚不妄
語何況故作離於兩舌無破壞心於鬭諍離
散人中常好和合離於惡口所有言語麁獷
苦惡自壞其身亦壞於他如是等語皆悉捨
離離無義語常自守護所可言說應作不作

常知時語利益語順法語壽量語乃至戲笑
尚無所犯何況故作不貪他物若物屬他他
所攝用不作是念我當取之離瞋害心常於
衆生求愛潤心慈悲心離於占相習行正見
決定深信罪福因緣離於諂曲誠信三寶生
決定心菩薩如是常護善道作是思惟一切
衆生墮惡道者皆由十不善道我當自住善
法亦當爲人說諸善法示正行處何以故若
人自不行善爲他說法令住善者無有是處
又深思惟行十不善道則墮地獄畜生餓鬼
行十善道則生人處乃至有頂又是十善道
與智慧和合修行若心劣弱樂少功德厭畏
三界大慈心薄從他聞法至聲聞乘若行是
十善道不從他聞自然得知不能具足大悲
方便而能深入衆因緣法至辟支佛乘若行
是十善道清淨具足其心廣大無量無邊於
衆生中起大慈悲有方便力志願堅固不捨
一切衆生求佛大智慧淨菩薩諸地淨諸波
羅蜜入深廣大行則能得佛十力四無所畏
四無礙智大慈大悲乃至具足一切種智集
諸佛法是故我應行十善道求一切智是菩
薩復作是思惟此十不善道上者地獄因緣
中者畜生因緣下者餓鬼因緣於中殺生之
罪能令衆生墮於地獄畜生餓鬼若生人中

得二種果報一者短命二者多病劫盜之罪
亦令衆生墮三惡道若生人中得二種果報
一者貧窮二者共財不得自在邪淫之罪亦
令衆生墮三惡道若生人中得二種果報一
者婦不貞潔二者得不隨意眷屬妄語之罪
亦令衆生墮三惡道若生人中得二種果報
一者多被誹謗二者爲人所誑兩舌之罪亦
令衆生墮三惡道若生人中得二種果報一
者得癡惡眷屬二者得不和眷屬惡口之罪
亦令衆生墮三惡道若生人中得二種果報
一者常聞惡言二者所可言說恒有諍訟無
義語罪亦令衆生墮三惡道若生人中得二
種果報一者所有言語人不信受二者有所
言說不能明了貪欲之罪亦令衆生墮三惡
道若生人中得二種果報一者多欲二者無
有厭足瞋惱之罪亦令衆生墮三惡道若生
人中得二種果報一者當爲一切求其長短
二者常爲衆人之所惱害邪見之罪亦令衆
生墮三惡道若生人中得二種果報一者生
邪見家二者其心諂曲諸佛子如是十不善
道皆是衆苦大聚因緣菩薩復作是念我何
故不離是十不善道行十善道亦令他人行
此善道如是念已即離十不善道安住十善
道亦令他人住於善道是菩薩爾時於一切

衆生生安隱心樂心慈心悲心哀愍心利益
心守護心師心大師心自己心作是念是諸
衆生墮於邪見隨逐邪心行邪險道甚可哀
愍我應令彼住正見道如實法中是諸衆生
常共鬭諍分別彼我我應令彼住於大慈是
諸衆生常貪財物無有厭足恒以邪命而自
生活我應令彼住於清淨身口意業是諸衆
生隨逐貪欲瞋恚愚癡常爲種種煩惱大火
之所燒然不能志求出要方便我應令彼滅
煩惱火置清涼處是諸衆生常爲無明所覆
入大黑闇離慧光明入於生死大險道中隨
逐種種無量邪見我應令彼得無障礙清淨
慧眼以是眼故知一切法如實相得不隨他
一切如實無障礙智是諸衆生墮生死道將
墮地獄畜生餓鬼入邪見網爲種種愚癡業
林所覆隨逐虛妄邪道徑路常爲愚癡之所
盲冥遠離導師非出要道謂爲出要隨順魔
心遠離佛意我應令彼度於生死險道艱難
安處今住一切智人無畏大城無諸衰惱是
諸衆生爲諸煩惱暴水所沒欲有見無明四
流所漂隨生死流入大愛河爲諸煩惱勢力
所食不能得求出要之道常爲欲覺恚覺惱
覺惡蟲所害又爲水中身見羅刹所執入於
五欲深流迴復喜愛淤泥之所沒溺我慢墮

地之所燒枯無所歸趣於十二入怨賊聚落不能得出不遇導師能正度者我應於彼生大慈悲以善根力而拔濟之得安隱處離諸恐怖住於一切智慧寶洲是諸衆生深心貪著多有憂悲苦惱患難憎愛所縛欲被所繫入於三界無明稠林我應令彼遠離一切三界所著令住離相無礙涅槃是諸衆生深著我我所於五陰樸窟不能自出常隨四倒依六入空聚爲四大毒蛇之所侵害爲諸煩惱衆賊所殺受此一切無量苦惱我應令彼離諸貪著住於寂靜所謂斷一切障礙安隱涅槃是諸衆生其心狹劣樂於小法遠離無上一切智慧貪著小乘不能志求大乘出法我應令彼住廣大心無量無邊諸佛道法所謂無上大衆諸佛子是菩薩如是隨順持戒力善能廣生大慈悲心

是菩薩住離垢地得見數百千萬億那由他諸佛世尊以衣被飲食卧具醫藥資生之物而供養之於諸佛所生恭敬心復受十善道乃至得阿耨多羅三藐三菩提終不中失是菩薩若干百千萬億劫遠離慳貪破戒垢故淨修布施持戒功德譬如真金鍊之以火一切垢盡轉復明淨菩薩亦如是住離垢地若干百千乃至無量百千萬劫遠離慳貪破戒

垢故淨修布施持戒功德菩薩爾時於四攝
法愛語偏多十波羅蜜戒波羅蜜偏勝餘波
羅蜜亦皆修集隨地增長佛子是名菩薩摩
訶薩第二離垢地菩薩住是地多作轉輪聖
王爲大法王廣得法力七寶成就有力自在
能除一切衆生慳貪破戒之垢以善方便令
衆生住十善道爲大布施而不窮盡所作善
業布施愛語利益同事是諸福德皆不離念
佛不離念法乃至不離念具足一切種智常
生是心我當於一切衆生中爲首爲勝乃至
於一切衆生中爲依止者佛子是菩薩若欲
捨家勤行精進於佛法中便能捨家妻子五
欲得出家已勤行精進須臾之間得千三昧
得見千佛知千佛神力能動千佛世界能飛
過千佛世界能照千佛世界能教化千世界
衆生能住壽千劫能知過去未來世各千劫
事能善入千法門能變身爲千於一一身能
示千菩薩以爲眷屬若以願力自在示現過
於此數百千萬億那由他劫不可計知時金
剛藏菩薩欲重明此義以偈頌曰
菩薩入二地 柔軟調和心 堪受不放逸 寂滅具不雜
亦無有貪著 勝大悉具足 得是十心已 入於第二地
菩薩住是地 成就諸功德 常離於殺生 不惱害一切
常離於劫盜 亦無有邪淫 不兩舌妄語 惡口無義言

他所有財物 不生於貪著 不惱於衆生 直心行正見
無有憍慢心 亦無諂曲意 柔軟不放逸 護持諸佛教
所有劇苦惱 地獄與畜生 餓鬼熾然身 皆從惡心有
我今已永離 如是諸惡事 行於真實道 寂滅之善法
從人至有頂 所有受樂處 禪定三乘樂 皆從十善生
如是思惟已 心常不放逸 身自持淨戒 亦教人令持
徧觀諸衆生 種種受苦惱 如是慙念已 轉生深悲心
凡夫甚可愍 墮在諸邪見 心多懷瞋恨 常好起諍訟
常樂於五欲 貪求無有厭 起三毒因緣 我應度此等
深覆愚癡闇 墜生死險道 入大邪見網 墮於世籠檻
常爲諸魔賊 煩惱之所壞 此等甚可愍 我應度脫之
沒深煩惱水 四流所漂轉 具受於三界 無量諸苦毒
住五陰深穢 生我我所心 我爲度此苦 當勤修行道
捨無上佛慧 生於下劣心 今住佛大智 發無量精進
菩薩住此地 集無量功德 得值遇諸佛 承事而供養
以是因緣故 善根轉明淨 猶如好真金 鍊之以火力
佛子住此地 多作轉輪王 令諸衆生等 住於十善道
從初始發心 修集諸福德 願以救世間 今得佛十力
若欲捨王位 出家行學道 勤心行精進 得入十三昧
得見於千佛 供養聽受法 菩薩住此地 能示如是事
若以其願力 示諸神通事 度脫於衆生 過此數無量
常爲諸世間 勤求好事者 具足解說此 第二地已竟
第三地

諸菩薩聞是不可思議行 心皆大歡喜 恭敬無有量

即時虛空中 雨衆名華香 如雲而散下 供養金剛藏
咸讚言善哉 善哉金剛藏 善說諸大人 護持淨戒行
於一切衆生 深有哀愍心 敷演解說 是二地之行相
菩薩微妙行 真實無有異 是諸菩薩等 清淨之行足
爲一切衆生 常求好事者 已爲具演說 第二離垢地
天人恭敬者 願說第三地 善示智所作 菩薩之所行
願說諸大人 所行布施德 持戒及忍辱 精進行禪定
智慧巧方便 并及慈悲心 云何行是法 淨於諸佛行
解脫月菩薩 請金剛藏言 菩薩入三地 當以何等心
金剛藏菩薩語 解脫月菩薩言 佛子 諸菩薩
摩訶薩淨第二地 已欲得第三地 當以十種
深心何等爲十 一淨心 二猛利心 三厭心 四
離欲心 五不退心 六堅心 七明盛心 八無足
心 九勝心 十大心 菩薩以是十心得入第三
地 菩薩住明地 能觀一切有爲法 如實相所
謂無常 苦 無我 不淨 不久 敗壞 不可信 相 不
生 不滅 不從前際來 不去 至後際 現在 不住
菩薩如是觀 一切有爲法 真實相知 諸法無
作 無起 無來 無去 而諸衆生 憂悲 苦惱 憎愛
所繫 無有停積 無定生處 但爲貪 恚 癡 火 所
然 增長 後世 苦惱 大聚 無有實性 猶如幻化
見如是已 於一切有爲法 轉復厭離 趣佛智
慧 是菩薩知 如來智慧 不可思議 不可稱量
有大勢力 無能勝者 無有雜相 無有衰惱 能

至無畏安隱大城能救無量苦惱衆生如是
見知佛智無量見有爲法無量苦惱於一切
衆生轉生殊勝十心何等爲十衆生可愍孤
獨無救貧無依止三毒之火熾然不息閉在
三有牢固之獄常住煩惱諸惡刺林無正觀
力於善法中欲樂心薄失佛妙法而常隨順
生死水流怖畏涅槃是菩薩見諸衆生如是
衰惱發大精進是衆生等我應救我應解應
令清淨應令得脫應著善處應令安住應令
歡喜應令知所宜應令得度應使滅苦菩薩
如是厭離一切有爲法深念衆生見一切智
無量利益即時欲具佛智慧救度衆生勤行
菩薩道作是思惟此諸衆生墮在大苦諸煩
惱中以何方便而拔濟之使得永住畢竟之
樂即時知住無礙解脫智慧中者乃可得此
是無礙解脫智慧不離通達諸法如實智無
行行慧如是慧明從何而得當知不離多聞
決定智慧復作是念一切佛法以何爲本不
離聞法爲本菩薩如是知已一切求法轉加
精勤日夜聽受無有厭足慧法愛法依法順
法滿法辯法究竟法歸法救法隨順行法菩
薩如是方便求法所有珍寶無所遺惜於此
物中不生難想但於說法者生難遭想爲求
法故於内外物無不能捨國土人民摩尼七

寶象馬輦與衆寶璫瑤嚴身之具妻妾男女
肢節手足舉身施與無所愛惜又爲求法故
於說法者盡心恭敬供養給侍破除憍慢我
慢我慢諸惡苦惱悉能忍受深求法故若得
一句未曾聞法勝得三千大千世界滿中珍
寶得聞一偈勝得轉輪聖王釋提桓因梵天
王處無量劫住是菩薩若有人來作如是言
我有佛所說法一句能淨菩薩道汝今若能
入大火坑受大苦者當以相與是菩薩作是
念我受一句法故設今三千大千世界大火
滿中尚從梵天而自投下何況小火我盡受
一切諸地獄苦猶應求法何況人中諸小苦
惱爲求法故發如是心又如所聞法心常喜
樂悉能正觀是菩薩聞諸法已降伏其心於
空閑處心作是念如說行者乃得佛法但以
口言無有是處菩薩如是即離欲惡不善法
有覺有觀離生喜樂入初禪滅覺觀內清淨
心一處無覺無觀定生喜樂入二禪離喜行
捨成就念慧身受樂諸賢聖能說能捨常念
受樂入三禪斷棄苦樂憂喜已滅不苦不樂
行捨念淨入四禪是菩薩過一切色相滅一
切有對相不念一切別異相故知無邊虛空
即入虛空無色定處過一切虛空相知無邊
識即入識無色定處過一切識相知無所有

即入無所有無色定處過一切無所有處知
非有想非無想安隱即入非有想非無想無
色定處順諸法行而不樂著

是菩薩以慈心廣大無量無瞋恨無惱害以
信解力徧滿十方悲喜捨心亦復如是是菩
薩有神通力能動大地一身爲多身多身爲
一身現沒還出石壁皆過如行虛空於虛空
中跏趺而去猶如飛鳥履水如地入地如水
身出煙燄如大火聚日月威德而能以手捫
摸摩之身力自在乃至梵世是菩薩天耳清
淨過天人耳悉聞人天音聲遠近是菩薩以
他心智如實知他心欲心如實知欲心離欲
心如實知離欲心瞋心離瞋心癡心離癡心
垢心離垢心小心大心廣心狹心亂心無亂
心定心不定心縛心解心有上心無上心如
實知有上心無上心是菩薩念知宿命諸所
生處一世二世乃至百千萬億那由他世一
劫二劫乃至百千萬億那由他劫其中諸劫
無量成壞於諸劫中所經因緣悉能念知我
生彼處如是種族如是姓名如是飲食如是
苦樂如是久住我於彼死生於此間於此間
死生於彼間如是種種悉能念知是菩薩天
眼清淨過天人眼見諸衆生死此生彼形色
好惡貧賤富貴趣善惡道隨業受報皆如實

知所謂是諸衆生成就身惡業口惡業意惡業
拒逆賢聖受邪見教起罪業因緣故身壞
命殒墮於惡道是諸衆生成就身善業口善
業意善業不逆賢聖信受正見行善業因緣
故身壞命殒生於善處是菩薩於諸禪定解
脫三昧能入能出而不隨生有助菩提法處
以願力故能生其中是菩薩住於明地見數
百千萬億那由他諸佛世尊恭敬供養尊重
讚歎衣服飲食卧具醫藥親近諸佛聽受經
法如說修行是菩薩觀諸法不生不滅衆緣
而有若百千億劫所集欲縛有縛無明縛皆
悉微薄不復積集不積集故斷於邪貪邪瞋
邪癡譬如真金巧師鍊冶轉更精好光明信
勝菩薩亦如是住在明地不集三縛故斷於
邪貪邪瞋邪癡一切善根轉增明淨是菩薩
忍辱心美妙心不壞心不動心不濁心不高
下心一切所作不望報心他少有所作當生
報心不諂曲心不染亂心轉勝明淨菩薩爾
時於四攝法愛語利益偏多十波羅蜜忍辱
波羅蜜精進波羅蜜偏勝餘助菩提法皆轉
明淨諸佛子是名略說菩薩第三明地菩薩
住是地中多作釋提桓因智慧猛利能以方
便轉諸衆生令離婬欲所作善業布施愛語
利益同事皆不離念佛不離念法乃至不離

念具足一切種智常生是心我當於一切衆生爲首爲勝乃至於一切衆生爲依止者是菩薩若欲勤行精進於須臾間能得十萬三昧乃至能示十萬菩薩以爲眷屬若以願力神通自在過於此數若干百千萬億那由他劫不可計知時金剛藏菩薩欲重明此義以偈頌曰

菩薩深信心 能得第三地 清淨猛利心 厭離欲不退
堅堪受無厭 勝大悉具足 以如是等心 得入於三地
智者住明地 觀有爲作法 不淨無常苦 無我壞敗相
無有牢固性 不久念念滅 如是思惟知 無有來去相
見諸有爲法 如病如癰瘡 愛心所纏縛 生諸憂悲苦
但爲貪患癡 猛火所焚燒 從無始世來 熾然常不息
即時於一切 三界生厭離 惡賤有爲法 心無所貪著
但求諸佛智 無量無邊限 甚深難思議 清淨無諸苦
如是見佛智 無諸苦惱已 哀愍諸衆生 貧窮無福慧
三毒火常然 無有救護者 墮在地獄中 無量苦所切
放逸凡夫人 沒諸煩惱海 盲冥無所見 失諸佛法寶
常隨生死流 無怖空怖畏 我於是衆生 當勤度脫之
精進求智慧 爲作饒益者 思惟何方便 可以得救護
唯有諸如來 深妙無礙智 此智何爲因 無行行慧生
思惟是智慧 從於多聞起 如是籌量已 勤求多聞法
日夜常精進 聽受無厭倦 讀誦愛樂法 唯法以爲貴
爲欲求法故 以諸珍寶等 所親愛妻子 隨意諸眷屬

國土及城邑寶生諸寶物歡喜而施與心無所戀惜
頭目耳鼻舌牙齒及手足肢節身血肉心肝及髓腦
以此等施人猶不以為難若得聞正法是為甚希有
假令有一人語此菩薩言汝今若能入是大猛火聚
然後當與汝諸佛所說法聞已即歡喜自投無有疑
設使三千界大火滿其中須彌梵世下不足以為難
若為求一句諸佛所說法救諸苦惱者得之為甚難
從初始發心乃至成佛道我於其中間盡此諸劫數
為欲求法故備受阿鼻苦何況於人間小小諸苦惱
以聽法因緣能得正憶念正憶念因緣能生諸禪定
深妙等三昧及五神通事次第皆能起自在不隨生
菩薩住是地能以決定心多供養諸佛聽受所說法
斷邪變恚癡諸縛慙微薄猶如成鍊金調和得其所
菩薩住是地福德藏充滿多作忉利王自在化誕欲
愛佛功德故化導無量衆悉能令得住無上佛道中
菩薩住是地能以柔軟心勤行於精進得百千三昧
見百千諸佛相好莊嚴身其心轉猛利願力者殊勝
常為諸衆生勤求好事者分別解說此第三明地竟
第四地

諸佛子聞說如是地行義深妙無有量心皆大歡喜
散衆名華香供養於如來地及大海水悉皆大震動
天諸采女等於上虛空中同以微妙音歌頌此上法
他化自在王聞已大歡喜雨摩尼珠寶以散於佛上
踊躍稱讚言善哉佛出世功德藏流布利益於我等

我今聞說此菩薩地行義是事百千劫難聞而得聞
願更說後地利益諸天人僉皆喜欲聞得地諸行義
解脫月菩薩重請金剛藏願爲諸菩薩說至四地行
金剛藏菩薩語解脫月菩薩言佛子諸菩薩
摩訶薩淨三地已欲得第四地當以十法明
門何等爲十一觀察衆生界二觀察法界三
觀察世界四觀察虛空界五觀察識界六觀
察欲界七觀察色界八觀察無色界九觀察
勝信解界十觀察大心界菩薩以此十法明
門得人第四地菩薩住緣地即於如來家轉
有勢力得內法故有十種智何等爲十一心
不退轉二於三寶中得不壞信清淨畢竟三
修習觀生滅四修習諸法本來不生五常修
習世間成壞六修習業因緣故有生七修習
分別生死涅槃門差別八修習衆生業差別
九修習前際後際差別十修習現在常滅不
住行是十智心則生佛家轉得勢力佛子菩
薩摩訶薩住是第四地觀內身循身觀精勤
一心除世間貪憂觀外身循身觀精勤一心
除世間貪憂觀內外身循身觀精勤一心除
世間貪憂觀內受外受內外受內心外心內
外心內法外法內外法循法觀精勤一心除
世間貪憂是菩薩未生惡不善法爲不生故
勤精進發心正斷已生諸惡不善法爲斷故

勤精進發心正斷未生諸善法爲生故勤精
進發心正行已生諸善法爲住不失修滿增
廣故勤精進發心正行是菩薩修行四如意
足欲定斷行成就修如意足依止厭依止離
依止滅迴向涅槃精進定心定慧定斷行成
就修如意足依止厭離滅迴向涅槃是菩薩
修行信根精進根念根定根慧根依止厭離
滅迴向涅槃是菩薩修行信力精進力念力
定力慧力依止厭離滅迴向涅槃是菩薩修
行念覺分擇法覺分精進覺分喜覺分捨覺
分定覺分捨覺分依止厭離滅迴向涅槃是
菩薩修行正見正思惟正語正業正命正精
進正念正定依止厭離滅迴向涅槃是菩薩
以不捨衆生心故行以本願助故大悲爲首
故大慈合行故爲攝一切智爲莊嚴佛國爲
具佛諸力無畏不共法三十二相八十種好
爲具足音聲爲隨順佛深解脫爲思惟大智
慧方便故行

諸佛子菩薩住欲地所有身見等著我著衆
生著人壽者知者見者著五陰十二入十八
界所起屈申卷舒出沒推求心所行愛著寶
重所見爲歸爲洲皆悉斷滅是菩薩轉倍精
進智慧方便所生助道法隨所修行心轉柔
和堪任有用無有疲倦轉求上法增益智慧

救一切世間隨順諸師恭敬受教如所說行
 是菩薩爾時知恩知報恩心轉和善司止安
 樂直心軟心無有邪曲行正定行無有憍慢
 隨順教誨得說者意如是具足善心軟心寂
 滅心忍辱心淨地諸法思惟修行是菩薩爾
 時成不轉精進不捨精進不染精進不壞精
 進不厭倦精進廣大精進無邊精進猛利精
 進無等等精進救一切衆生精進是菩薩修
 習如是精進直心清淨不失深心信解明利
 善根增長遠離世間垢濁不信皆已滅盡無
 疑無悔現前具足於一切佛大信解事不厭
 不捨自然習樂無量之心常現在前菩薩住
 第四燄地能見數百千萬億那由他諸佛世
 尊恭敬供養尊重讚歎衣服飲食卧具醫藥
 親近諸佛一心聽法能信奉持多於佛所出
 家修道是菩薩樂心深心清淨信解平等轉
 更明了住壽多劫若干百千萬億那由他劫
 善根轉勝譬如上真金爲莊嚴具餘金不及
 如是菩薩住此燄地善根轉增下地菩薩所
 不能及譬如摩尼珠光明清淨能照四方餘
 寶不及水雨澆漬光明不滅菩薩住燄地下
 地菩薩所不能及一切諸魔及諸煩惱皆不
 能壞諸佛子是名略說菩薩第四燄地菩薩
 住是地中多作須夜摩天王教化衆生破滅

我心所作善業布施愛語利益同事皆不離
念佛不離念法乃至不離念具足一切種智
常生是心我當於一切衆生爲首爲勝乃至
於一切衆生爲依止者是菩薩若欲勤行精
進須臾之間得百億三昧乃至示現百億菩
薩以爲眷屬若以願力自在示現過於此數
若干百千萬億那由他劫不可計知爾時金
剛藏菩薩欲重明此義以偈頌曰

諸菩薩具足修治明地已觀察諸衆生法及於世界
虛空識欲色無色勝信解大心清淨故得入第四地
即於如來家增長得勢力不退於佛道三寶不壞信
觀諸法生滅一切本來空知世間成敗從業而有生
衆生業差別生死涅槃異觀法先後際常滅不住相
諸大菩薩等得如是法已哀愍諸衆生習身受心法
內外四念處依止於厭離亦依止寂滅迴向於涅槃
除滅惡法故善法得增長習行四正法修四如意足
習行於五根及以修五力修習七覺意行於八聖道
修習如是法皆爲衆生故本願之所助慈悲心爲首
爲攝一切智莊嚴諸佛上成就十種力無畏不共法
諸音聲言說甚深妙道法及無礙解脫大智慧方便
從身見爲首六十二見等衆生及我人壽命知見者
於諸陰界入之所貪著處得是第四地皆悉已滅離
斷諸煩惱業其心轉明淨諸所作善業皆爲救世間
菩薩柔軟心常不爲放逸堪用正直意求利於衆生

如此所求事 皆爲無上道 大智慧職位 利益世間故
深心敬養師 如說樂修行 知恩報恩者 易化無瞋恨
無有邪曲心 柔和同止樂 修習如是法 精進不退轉
菩薩住是地 不失深直心 淨心與信解 增長諸善根
世間諸垢濁 不信疑悔事 如是等諸法 皆悉得除滅
諸菩薩住是 第四燄地中 得值無量佛 諮受所說法
於是諸佛所 出家難沮壞 如真金莊嚴 餘金所不及
菩薩住是地 諸功德深心 智慧及方便 所行清淨道
乃至千億魔 皆所不能壞 如真妙明珠 不爲水雨敗
菩薩住是地 天人所供養 多作夜摩王 能轉諸邪見
所作諸善業 皆爲佛智慧 其心常堅固 不可得動轉
若勤行精進 得百億三昧 能見百億佛 願力則過是
如是第四地 清淨名爲燄 無量福慧者 今已解說竟

大方廣佛華嚴經卷第二十四

劫盜

下導音

邪姪

下餘針切 妄語上望音

闖諍

上都豆切 下側進切

鹿獮

下古猛切 籌量上直由切

劣弱

下若音

心薄

下傍各切 婦不上負音

貞潔

下結音

所誑

下居況切 弊惡上毗歷切

徑路

上古定切

暴水

上薄報切 淤泥上依鑑切

沒溺

下奴歷切

陸地

上六音 焦粘上即消切

欲械

下胡介切

樺窟

上鋤交切 下苦骨切 爭訟下頌音

龍檻

二盧紅切

停續

上亭音 閉在上博計切

晉莊第五 第五十四 坐

牢固 上勞音

惡刺 下七賜切

慧法 上許忌切

火院 下客虔切

捫摸 上門音

距逆 上巨音

心肝 下干音

僉皆 上七廉切

循身 上旬音

猶覺 上於離切

卷舒 下書音

澆漬 上占堯切

甲辰歲高麗國大藏都監奉

勅彫造

大方廣佛華嚴經卷第二十五

朝

東晉天竺三藏佛跋陀羅

譯

十地品第二十二之三

諸菩薩聞是第四地行法 心皆懷喜悅 踊躍無有量
雨天衆寶華 衆衆如雪下 咸讚言善哉 金剛藏大士
他化自在王 與諸眷屬等 於上虛空中 心皆大歡喜
放衆妙光明 作天諸妓樂 歌歎佛功德 及諸菩薩衆
天諸采女等 各以清妙音 同聲俱讚佛 而說如是言
世尊久遠來 勤苦所求願 無上正真道 於今始乃得
利益天人者 久乃得奉見 釋迦牟尼佛 今至於天宮
從久遠已來 大海相始動 久遠無量世 今乃放妙光
衆生從久遠 今始得安樂 久乃方得聞 大慈悲德音
度諸功德岸 久遠今乃值 聖王能悉破 憍慢我心等
無比可恭敬 而今得供養 能開諸天道 使得一切智
世尊甚清淨 無量如虛空 不染於世法 如蓮華在水
處世最高大 猶如巨海中 須彌大山王 是故歡喜禮
如是諸天女 各以衆妙音 敬心歌頌已 默然而觀佛
解脫月菩薩 請金剛藏言 願說得五地 行相之因緣
金剛藏菩薩語解脫月菩薩言 佛子 菩薩摩
訶薩已具足第四地 欲得第五地 當以十平
等心 何等爲十一 過去佛法平等 二未來佛
法平等 三現在佛法平等 四戒淨平等 五心
淨平等 六除見疑悔淨平等 七道非道淨平
等 八行知見淨平等 九諸菩提分法轉勝淨

平等十化衆生淨平等菩薩以是十平等心得入第五地菩薩住難勝地善修善提法故深心清淨故求轉勝道故則能得佛是菩薩得大願力故慈悲心不捨一切故得念慧道力故修習福慧不捨故出生方便故欲得轉勝道上地明觀法故受諸佛神力所護故生定不退心故如實知是苦聖諦是苦集諦是苦滅諦是苦滅道諦是菩薩善知世諦善知第一義諦善知相諦善知差別諦善知說諦善知事諦善知生起諦善知盡無生諦善知入道諦善知一切菩薩次第成就諸地起如來智諦菩薩隨衆生意令歡喜故知世諦究竟一乘故知第一義諦分別諸法自相故知相諦諸法各異故知差別諦分別陰界入故知說諦以身心苦惱故知苦諦諸趣生相續故知集諦畢竟滅一切惱故知滅諦至不二法故知道諦以一切種智知一切法次第成一切菩薩地故知如來智諦以信解力故知非得無盡諦智菩薩如是以此諸諦智如實知一切有爲法虛偽誑詐假住須臾誑惑凡人菩薩爾時於衆生中大悲轉勝生大慈光明得如是智慧力不捨一切衆生常求佛智慧如實觀一切有爲法先際後際知衆生從先際無明有愛故生派轉生死於五陰歸處

不能動發增苦惱聚是中無我無我所無衆
生無人無知者無壽命者後際亦如是如是
無所有而愚癡貪著不知究竟有出無出又
作是念凡夫衆生甚爲可怪無明癡故有無
量身已滅今滅當滅如是生死不能於身生
歌離想轉更增長五道苦輪生死水漂不能
得返歸五陰舍不能捨離不知不畏四大毒
蛇不能拔出憍慢見箭不能滅除貪恚癡火
不能破壞無明愚闇不能乾竭愛著大海不
求十力大聖導師常隨魔意於生死城常爲
諸惡覺觀所轉如是苦惱孤窮衆生無有救
者無有舍者無有究竟道者唯我一人獨無
等侶修集福慧以是資糧今此衆生住畢竟
淨乃心得一切法中無礙智力如是思惟從
正觀生於智力發願所作一切善根皆爲度
衆生故爲一切衆生求安樂故爲利益一切
衆生故爲解脫一切衆生故爲一切衆生無
苦惱故爲一切衆生無塵惡故爲一切衆生
心清淨故爲調伏一切衆生故爲滅一切衆
生諸憂惱苦滿其願故
是菩薩住難勝地不忘諸法故名爲念者決
定智慧故名爲智者知經書意次第故名爲
有道者自護護彼故名爲有慙愧者不捨持
戒故名爲堅心者善思惟是處非處故名爲

覺者不隨他故名爲隨智者善分別諸法章句義故名爲隨慧者善修禪定故名爲得神通者隨世間法行故名爲方便者善集福德資糧故名爲無厭足者常求智慧因緣故名爲不捨者集大慈大悲因緣故名爲無疲倦者常正憶念故名爲遠離破戒者深心求佛法者常令衆生離惡修善故名爲莊嚴佛國者種諸福德莊嚴三十二相八十種好故名爲行種種善業者求莊嚴佛身口意故名爲常行精進者供養一切說法菩薩故名爲樂大恭敬者一切菩薩方便中心無礙故名爲心無礙者常樂教化衆生故名爲晝夜遠離餘心者菩薩如是行時以布施教化衆生愛語利益同事亦教化衆生又以色身示現教化衆生亦以說法教化衆生亦示諸菩薩行善教化衆生亦示諸佛大事教化衆生亦示生死過惡教化衆生亦示諸佛智慧利益教化衆生菩薩如是修習以大神力種種因緣方便道教化衆生是菩薩雖種種因緣方便心常在佛不失善根又復常求轉勝利益衆生法是菩薩利益衆生故知世所有經書技藝文章算數金石譜性治病醫方乾消癰病鬼著蠱毒等伎樂歌舞戲笑歡娛國土城郭

聚落室宅園林池觀華果藥草金銀瑠璃珊瑚琥珀磬磬碼碯示諸寶聚日月五星二十八宿占相吉凶地動夢怪身中諸相布施持戒攝伏其心禪定神通四無量心四無色定諸不惱亂安衆生事哀衆生故出如此法今入諸佛無上之法菩薩住難勝地值數百千萬億佛恭敬供養尊重讚歎衣服飲食卧具醫藥親近聽法聞法出家而爲法師說法利益得轉勝多聞三昧乃至過百千萬億劫而不忘失一切福德善根轉勝明淨譬如成鍊真金磬磬磨瑩其光轉勝菩薩住是地中方便智慧力故功德善根轉勝淨明勝下地不及又如日月星宿諸天宮殿風持今去不失法度如是菩薩住難勝地以方便思惟故福德善根轉勝明淨而不取證亦不疾成於無上道佛子是名略說菩薩難勝地菩薩住是地中多作兜率陀天王諸根猛利悉能摧伏一切外道有所作業布施愛語利益同事皆不離念佛不離念法乃至不離念具是一切種智常生是心我當於一切衆生爲首爲勝乃至於一切衆生爲依止者佛子是菩薩若欲勤行精進須臾之間得千億三昧乃至能示千億菩薩以爲眷屬若以願力神通自在徧過是數若干百千萬億劫不可計知時金剛

藏菩薩欲重明此義以偈頌曰

諸菩薩具足 四地行法已 思惟三世佛 戒心除疑悔
道非道知見 菩提化衆生 如是平等觀 得入第五地
四念處爲弓 信五根爲箭 四正勤爲馬 四如意爲車
五力以爲鎧 破諸煩惱賊 勇健不退轉 直入第五地
慙媿無垢衣 淨戒以爲香 七覺爲華鬘 禪定爲塗香
智慧與方便 種種念莊嚴 如是則得入 陀羅尼園林
四如意爲足 正念爲頭頂 慈悲明淨眼 利智慧爲牙
以空無我吼 破諸煩惱賊 如是人師子 能入第五地
是菩薩已得 住於第五地 轉修勝淨法 皆爲佛道故
常行慈悲心 未曾有厭倦 常爲修習此 第五地行法
深集二資糧 福德及智慧 種種方便力 上地明觀法
常爲佛所護 得成於念慧 次第能普觀 如實知諸諦
苦集滅止道 世相第一事 說生起差別 無生如來智
如是觀諸諦 心微妙清淨 雖未能逮得 無障礙解脫
以能有智慧 及與信力故 得勝於一切 世間諸智慧
如是觀諸諦 悉知有爲法 虛僞不真實 無一堅固相
能得於諸佛 慈悲光明分 爲諸衆生故 專心求佛慧
知有爲先後 衆生甚可慈 墮在無明闇 愛因緣所繫
是菩薩能滅 世間之苦惱 知法無壽者 猶如草木等
衆生常以二 煩惱因緣故 從於先世來 後世亦如是
相續不斷絕 不能盡苦邊 於此生慙傷 我當度脫之
不能出五陰 不畏四大害 不拔諸邪箭 不滅三毒火
不除無明闇 墮在大愛海 無有智慧眼 離大導師故

知如是事已 轉加勤精進 有所作起業 皆爲度眾生
常住正念慧 有道有魁魄 堅心覺隨智 轉更令增益
修福慧無厭 持戒不羸弱 求多聞無倦 正修淨佛土
種相好音聲 因緣無厭足 所作諸善業 皆爲利眾生
爲利世間故 造立經書等 金石性醫方 歌舞戲笑事
堂閣及園林 衣服諸飲食 示種種寶聚 令衆得歡喜
占日月五星 及二十八宿 地動吉凶相 夢書證怪事
布施淨戒等 離欲修禪定 四無量神通 安樂世間故
大智慧菩薩 得此難勝地 供養萬億佛 從佛而聽法
所修諸善根 皆悉得明淨 猶如碎礫寶 瑩磨於真金
譬如寶宮殿 風持不失法 世法所不染 如蓮華在水
菩薩住是地 多作兜率王 諸根轉猛利 破諸外道見
所作諸善業 皆爲佛智慧 得佛力無畏 能度諸衆生
是菩薩勤修 轉勝精進力 即能得千億 深妙諸三昧
供養千億佛 勸千億世界 隨其所願力 過是數無量
如是第五地 種種諸方便 上智慧大人 如法解說竟
第六地

諸菩薩聞說 上地之行相 在於虛空中 雨衆妙珍寶
放清淨光明 供養於世尊 咸讚言善哉 善哉金剛藏
無量億諸天 心皆大歡喜 於上虛空中 雨種種珍寶
光明相綺錯 微妙甚可樂 香華諸瓔珞 幢蓋散佛上
他化自在王 與諸眷屬等 雨衆妙寶物 衆衆如雪下
歌頌供養佛 稱歎金剛藏 咸讚言善哉 快說諸地行
千萬億天女 於上虛空中 作天衆妓樂 歌歎佛功德

咸作如是言如來之所說微妙無有量能滅諸煩惱
 諸法本性空無有毫末相空無有分別同若如虛空
 無有去住相亦無有戲論本來常清淨如如無分別
 若人能通達一切諸法性於有於無中其心不動搖
 但以大悲心爲度諸衆生是名諸佛子從佛口法生
 常行於布施利益諸衆生本來雖清淨持戒而堅心
 雖空心無傷而行於忍辱雖知法性離而行於精進
 雖先滅煩惱而入於諸禪雖先解法空而分別諸法
 寂滅智雖多而求利世間能滅諸惡者名之爲大人
 如是諸天女百千種妙音稱讚歌頌已默然而觀佛
 解脫月菩薩請金剛藏言當以何行相得成第六地
 金剛藏菩薩言佛子菩薩摩訶薩已具足五
 地欲入六地當以十平等法何等爲十一以
 無性故一切法平等二以無相故一切法平
 等三以無生故一切法平等四以無成故一
 切法平等五以本來清淨故一切法平等六
 以無戲論故一切法平等七以不取不捨故
 一切法平等八以離故一切法平等九以幻
 夢影響水中月故一切法平等十以有無不
 二故一切法平等菩薩以是十平等法得入
 第六地菩薩如是觀一切法性能忍隨順得
 第六地無生法忍雖未現前心已成就明利
 順忍是菩薩觀一切法如是相大悲爲首增
 長大悲故觀世間生滅相作是念世間所有

受身生處皆以貪著我故若離著我則無生處一切凡夫常隨邪念行邪妄道愚癡所盲貪著於我習起三行罪行福行不動行以是行故起有漏心種子有漏有取心故起生死身所謂業爲地識爲種子無明覆蔽愛水爲潤我心旣灌種種諸見令得增長生名色芽因名色故生諸根諸根合故有觸從觸生受樂受故生愛愛增長故有取取因緣故有有於有起五陰身名爲生五陰變名爲老五陰滅名爲死老死因緣有憂悲熱惱衆苦果集是十二因緣無有集者無有散者緣合則有緣散則無菩薩如是於六地中隨順觀十二因緣又作是念不如實知第一義故有無明無明起業是名行依行有初識與識共生有四取陰依止取陰有名色名色成就有六入根塵合故有觸觸因緣生受貪樂受名爲愛愛增長名爲取從取起業名爲有業報五陰名爲生五陰變名爲老五陰壞名爲死死別離時貪著心熱名爲悲發聲號哭五識爲苦意識爲憂憂苦轉多名爲惱如是但生大苦積聚是十二因緣無我無我所無作者無使作者若有作者則有作事若無作者則無作事第一義中無作者無作事又作是念三界虛妄但是心作十二緣分是皆依心所以者

何隨事生欲心是心即是識事是行行誑心故名無明識所依處名名色名色增長名六入三事和合有觸觸共生名受貪著所受名為愛愛不捨名為取彼和合故名為有有所起名為生生變名為老老壞名為死又無明有二種作一者緣中癡二者為行作因行亦有二種作一者生未來世果報二者與識作因識亦有二種作一者能受生二者與名色作因名色亦有二種作一者今識起相續二者與六入作因六入亦有二種作一者能緣六塵二者能與觸作因觸亦有二種作一者能觸所緣二者能與受作因受亦有二種作一者覺憎愛事二者與愛作因愛亦有二種作一者於可染中生貪心二者與取作因取亦有二種作一者能增長煩惱二者與有作因有亦有二種作一者能於餘道中生二者與生作因生亦有二種作一者能起五陰二者與老作因老亦有二種作一者今諸根熟二者與死作因死亦有二種作一者壞五陰身二者以不見知故而令相續不絕又無明緣諸行者無明令行不斷助成行故行緣識者令識不斷助成識故識緣名色者令名色不斷助成名色故乃至生緣老死憂悲苦惱者令死不斷助成死故無明滅故則諸行滅

乃至生滅故老死憂悲苦惱滅因滅故果亦滅又無明愛取是三分不斷煩惱道行有二分不斷業道餘因緣分不斷苦道先後際相續故是三道不斷是三道離我我所而有生滅又無明及行是過去事識名色六入觸受是現在事愛取有生老死是未來事於是有三世轉無明滅故諸行滅名為斷三世相續說又十二因緣說名三苦無明行識名色六入名為行苦觸受名為苦苦愛取有生老死憂悲苦惱名為壞苦無明滅故諸行滅乃至生滅故老死滅名為斷三苦相續說又因無明諸行生無明滅諸行滅以諸行性空故餘亦如是無明因緣諸行生以生縛說無明滅故諸行滅以滅縛說餘亦如是又無明因緣諸行生是隨順無所有觀說無明滅諸行滅是隨順盡觀說餘亦如是如是逆順十種觀十二因緣法所謂因緣分次第心所攝自助成法不相捨離隨三道行分別先後際三苦差別從因緣起生滅縛無所有盡觀是菩薩隨十二因緣無我無人無衆生無壽命者離作者使作者無主屬衆因緣如是觀時空解脫門現在前滅此事餘不相續故無相解脫門現在前知此二種更不樂有唯大悲心教化衆生無願解脫門現在前菩薩修

行三解脫門離彼我相離作者受者相離有無相悲心轉增以悲心故勤行精進未滿菩提法欲令滿足菩薩作是念有爲法和合故增離散則減緣具故增不具則減我知有爲法過故不應和合具諸因緣化衆生故亦不早竟滅有爲法菩薩如是知有爲法無性離堅固相無生無滅與大慈悲和合不捨衆生即得無障礙般若波羅蜜光明現在前得是智慧具足修集阿耨多羅三藐三菩提因緣而不住有爲法觀有爲法性寂滅相亦不住其中欲具足無上菩提法故菩薩住現前地得勝空三昧性空三昧第一義空三昧究竟空三昧大空三昧合空三昧生空二昧如實離虛妄空三昧略空三昧離分別不分別空三昧如是等萬空三昧門現在前無相無願真心甚深心不轉心不捨心廣心無邊心樂智心慧方便和合心如等心轉勝增長隨順阿耨多羅三藐三菩提一切論師不能傾動入於智地轉聲聞辟支佛地決定向佛智一切衆魔及諸煩惱所不能壞安住菩薩智慧明中修空無相無願解脫門專以智慧方便行助菩提法是菩薩住現前地於般若波羅蜜偏勝得明上順忍以順是法無有違逆

菩薩住現前地得見數百千萬億佛恭敬供養尊重讚歎衣服飲食具醫藥親近諸佛於諸佛所聽受正法如說修行令佛歡喜是人轉勝知佛法藏乃至無量百千萬億劫一切善根轉妙明淨譬如真金以瑠璃磨瑩光色轉勝菩薩住現前地以慧方便故一切善根轉勝明淨餘地不及譬如月明能令衆生身得清涼四種風吹不能遏絕菩薩住現前地善根轉勝能滅衆生煩惱之火四種惡魔所不能壞諸佛子是名略說菩薩現前地菩薩住是地多作善化自在天王智慧猛利能破一切增上慢者聲聞問難不能窮盡有所施作布施愛語利益同事皆不離念佛不離念法乃至不離念具足一切種智常生是心我當於一切衆生爲首爲勝乃至於一切衆生爲依止者是菩薩若欲勤行精進於須臾間得百千億三昧乃至能示百千億菩薩以爲眷屬若以願力能過是數若干百千萬億劫不可計知時金剛藏菩薩欲重明此義以偈頌曰

諸菩薩已得具足五地行知諸法無性無相無生滅本來常清淨無有諸戲論諸法常離相不取亦不捨性空猶如幻離二無分別隨順如是行得入第六地性明利順忍以智慧力故觀察於一切世間生滅相

悉知諸世間 皆從無明有 無明若滅者 則無有世間
 觀察因緣法 隨順第一義 而不壞緣報 所作及假名
 如實無作者 亦無有受者 如是觀有爲 如雲無實事
 不知真諦義 名之爲無明 從是則生思 身口業行果
 從行故有識 即生於名色 如是次第起 生死苦惱聚
 了達於三界 但從貪心有 知十二因緣 在於一心中
 如是則生死 但從心而起 心若得滅者 生死則亦盡
 無明二種作 緣癡作於業 乃至於老死 壞散五陰聚
 從於此事邊 具出於苦惱 是事若盡者 苦惱則亦滅
 無明若具足 相續則不滅 因緣若盡者 相續則亦斷
 無明及愛取 即是煩惱道 行及有是業 餘分則是苦
 癡行爲過去 識名色六入 觸受是現在 餘則未來世
 癡業識名色 六入名爲行 觸受是苦苦 餘分則是壞
 癡從衆緣生 則有於諸縛 衆緣若滅者 諸縛則亦斷
 從因而生果 因滅則果滅 如是觀諸法 自性則皆空
 隨順於無明 則有諸世間 若能不隨順 是則斷於有
 從是則有是 是無則無是 如是十種觀 甚深因緣法
 因緣分次第 去來及現在 作不捨一心 分別有三道
 三種苦差別 生滅於縛法 無所有及盡 能行逆順觀
 菩薩如是入 十二因緣法 知空如夢幻 無作者受者
 如是觀因緣 智者修於空 事滅不相續 入於無相行
 知此二虛假 於中無所願 但以大悲心 愍度於衆生
 如是諸大士 修習解脫門 悲心愛樂佛 無量諸功德
 知諸有爲法 皆從和合有 得萬空三昧 無相無願定

智慧轉增進入於上順忍得於諸菩薩無礙智解脫
如是諸善根轉勝利明淨供養無量佛諸佛所稱讚
於諸如來所出家學佛道入諸佛法藏善根轉增長
猶以瑠璃寶瑩磨於真金光明轉清淨餘所不能及
如月行虛空清涼被一切四種風所吹不能令過絕
菩薩智慧光滅諸煩惱火四魔不能壞其義亦如是
菩薩住是地多作善化王諸根悉猛利能破增上慢
所作諸善業皆悉隨智慧聲聞諸問難不能得窮盡
是佛子若欲如是勤精進須臾即能得百千億三昧
見於百千億十方世界佛如秋清涼時月光明淨好
如是第六地深妙難知見聲聞所不了大士略說竟
第七地

爾時諸天衆在於虛空中雨香華珍寶如雲散佛上
踊躍發妙音咸讚言善哉善哉金剛藏善知第一義
無量功德聚人中之蓮華說此上妙行利益諸世間
他化自在王雨光明寶華霏霏而供養除憂煩惱者
諸天及天王咸發如是言若聞此地義則為得大利
時作百千種上妙諸妓樂諸天女偈讚永佛神力故
諸佛最寂滅能轉惡為善一切諸世間皆所共恭敬
雖出過世間而示世間法知身同實相而示種種身
雖以諸言音演說寂滅法而知於語言無有音聲相
能過百千上上妙供諸佛知身佛國土離相智自在
雖教化衆生而無彼我想廣集大功德不於中起著
以月取相故三毒火然世不取一切相慈悲起精進

諸天及天女歡喜設供養如是讚歎已默然而觀佛
解脫月菩薩請金剛藏言大衆皆清淨願說七地行
金剛藏菩薩言佛子菩薩摩訶薩已具足第
六地欲入第七地從方便慧起十妙行何等
爲十善修空無相無願而以慈悲心處在衆
生隨諸佛平等法而不捨供養諸佛常樂思
惟空智門而廣修集福德資糧遠離三界而
莊嚴三界畢竟寂滅諸煩惱戲而爲衆生起
滅貪恚癡煩惱戲法隨順諸法如幻如夢如
水中月不二相而起分別種種煩惱及不失
業果報知一切佛國土空如虛空皆是離相
而起淨國土行知一切佛法身無身而起色
身三十二相八十種好以自莊嚴知諸佛音
聲不可說寂滅相而隨一切起種種莊嚴音
聲知諸佛於一念中通達三世而知種種相
種種時種種劫得阿耨多羅三藐三菩提隨
衆生信解作如是說是名從慧方便生十妙
行菩薩摩訶薩修此妙行如是方便慧現前
故名爲入七地是菩薩住七地入無量衆生
界入無量諸佛教化衆生法入無量世界入
諸佛無量清淨國土入無量諸法差別入無
量諸佛智得無上道入無量諸劫數入無量
諸佛通達三世入無量衆生欲樂差別入無
量諸佛色身別異入無量諸佛知衆生志行

謬根差別入無量諸佛音聲語言令衆生歡喜入無量衆生心心所行差別入無量諸佛隨智慧行入示無量聲聞乘信解入諸佛無量說道因緣令衆生信解入無量辟支佛智慧習成入諸佛無量甚深智慧所說入諸菩薩無量所行道入諸佛無量所說大乘集成事令衆生得入菩薩作是念如是諸佛有無量無邊大勢力如是勢力我應修集得此勢力不以分別菩薩如是智慧思惟修習大方便慧安住佛智以不動法故常起種種度衆生道無有障礙行住坐卧皆能起度衆生法離諸陰蓋住諸威儀常不遠離如是想念是菩薩於念念中具足十波羅蜜及十地行何以故是菩薩於念念中大悲爲首修習佛法一切迴向大智慧故十波羅蜜者菩薩以求佛道所修善根與一切衆生是檀波羅蜜能滅一切煩惱熱是尸波羅蜜慈悲爲首於一切衆生心無所傷是羼提波羅蜜求善根無厭足是毗梨耶波羅蜜修道心不散常向一切智是禪波羅蜜忍諸法不生門是般若波羅蜜能起無量智門是方便波羅蜜求轉勝智慧是願波羅蜜諸魔外道不能沮壞是力波羅蜜於一切法相如實說是智波羅蜜如是念念中具足十波羅蜜是菩薩具足十

波羅蜜時四攝法三十七品三解脫門一切助阿耨多羅三藐三菩提法於念念中皆悉具足解脫月菩薩問金剛藏菩薩言佛子菩薩摩訶薩但七地具足助菩提法一切諸地亦能具足金剛藏言佛子菩薩摩訶薩於諸地中皆悉具足助菩提法逮行勝故於此地說何以故諸菩薩摩訶薩於七地中功行具足入智慧神通道故佛子菩薩於初地發願緣一切佛法故具足助菩提法二地除心惡垢故具足助菩提法三地願轉增長得法明故具足助菩提法四地入道故具足助菩提法五地隨順行世間法故具足助菩提法六地入甚深法門故具足助菩提法此第七地起一切佛法故具足助菩提法何以故菩薩摩訶薩於此地中得諸智慧所行道以是力故第八地自然得成佛子譬如二世界一定清淨一定垢穢是二中間難可得過欲過此界當以神通及大願力菩薩亦如是行於難道難可得過以大願力大智慧力大方便力故爾乃得過解脫月言第七菩薩為是淨行為是垢行金剛藏言從歡喜地菩薩所行皆離罪業何以故迴向阿耨多羅三藐三菩提致隨地所行清淨不名為過佛子譬如轉輪聖王乘大寶象遊四天下見諸眾生貧窮困

憍王雖無苦而未離人若捨王身生於梵世
遊千世界現大威力爾時乃名離於人身菩
薩亦如是從初地在諸波羅蜜乘知一切衆
生心所行事及煩惱垢不爲煩惱垢之所汙
雖乘善道不名爲過若捨一切所修功行入
於八地爾時名爲乘清淨乘悉知一切諸煩
惱垢不爲煩惱垢之所汙乃名爲過諸佛子
菩薩住七地過貪欲等諸煩惱垢在此七地
不名有煩惱不名無煩惱何以故一切煩惱
不起故不名有煩惱貪求如來智慧未滿願
故不名無煩惱

菩薩住七地成就深淨身口意業是菩薩所
有不善業隨煩惱者悉已捨離所有善業常
修習行入世間經書如五地說自然而得於
三千大千世界最爲希有得爲大師唯除如
來八地菩薩無有衆生深心妙行能與等者
是菩薩所有禪定神通解脫三昧不隨禪生
所欲自在菩薩住遠行地於念念中具足修
集方便慧力及一切助菩提法轉勝具足能
入菩薩善伏三昧善思義三昧進慧三昧分
別義藏三昧如實分別法三昧堅固安住三
昧知神通門三昧淨法界三昧順佛教三昧
種種義藏三昧背生死向涅槃三昧如是具
足百萬三昧淨治此地是菩薩得是三昧智

慧方便善清淨故深得大悲力故名爲過聲
聞辟支佛地趣佛智地是菩薩住是地無量
身業無相行無量口意業無相行是菩薩清
淨行故得無生法忍照明諸法解脫月菩薩
言佛子菩薩住初地有無量身業無量口意
業已能過聲聞辟支佛地金剛藏菩薩言緣
大法故過非實行力第七地實行力故一切
聲聞辟支佛所不能壞譬如生在王家即勝
一切何以故地尊貴故其身長大智慧成就
爾乃真實勝於一切菩薩亦如是初發心時
勝於二乘以發大願深心清淨故今住此地
以智慧力勝於聲聞及辟支佛佛子菩薩住
此地得甚深遠離無行身口意業轉求勝法
而不捨離以轉勝心故雖行實際而不證實
際解脫月言佛子菩薩從何地來能入寂滅
金剛藏言從六地來能入寂滅今住此地於
念念中能入寂滅而不證寂滅是菩薩成就
不可思議身口意業行實際而不證實際譬
如有人乘船入海善爲行法善知水相不爲
水害之所淪沒如是菩薩住此七地乘諸波
羅蜜船能行實際而不證實際菩薩如是以
大願力故得智慧力故從禪定智慧生大方
便力故雖深愛涅槃而現身生死雖眷屬圍
遶而心常遠離以願力故受生三界不爲世

未之所汙染心常善寂以方便力故而還熾
然隨行佛智轉聲聞辟支佛地至佛法藏而
現魔界雖過四魔而現魔行雖現外道行而
不捨佛濟雖現身一切世間而心常在出世
間法一切所有莊嚴之事勝諸天龍夜叉乾
闥婆阿脩羅迦樓羅緊那羅摩睺羅伽人非
人四天王釋提桓因梵天王而不捨樂法愛
法菩薩成就如是智慧住遠行地值百千萬
億那由他佛恭敬供養尊重讚歎衣服飲食
卧具醫藥供養諸佛護持佛法諸聲聞辟支
佛智慧問難所不能壞是菩薩哀愍衆生故
法忍轉淨是菩薩無量百千萬億那由他劫
善根轉勝譬如真金以諸好寶莊嚴間錯轉
勝明淨餘金不及菩薩亦如是住遠行地一
切善根從方便智慧生轉勝明淨無能壞者
譬如日光星宿月光所不能及一切泥水悉
能乾竭菩薩亦如是住遠行地善根轉勝一
切聲聞辟支佛所不能及又能乾竭煩惱汙
泥諸佛子是名略說菩薩摩訶薩遠行地菩
薩住是地多作他化自在天王諸根猛利能
發衆生悟道因緣所作善業布施愛語利益
同事皆不離念佛不離念法乃至不離念具
足一切種智常生是心我當於一切衆生爲
首爲勝乃至於一切衆生爲依止者是菩薩

若欲如是勤行精進於須臾間得百千億那由他三昧乃至能現百千億那由他菩薩以爲眷屬若以願力自在示現過於此數百千萬億那由他劫不可計知時金剛藏菩薩欲重明此義以偈頌曰

深智慧定心 具行六地已 一時生方便 智慧入七地
行空無相願 而修慈悲心 順佛平等法 而供養諸佛
雖以智觀空 而修福無厭 雖能嚴三界 而心樂遠離
雖心常寂滅 而起滅惡法 行空不二相 而行慈悲心
雖觀一切土 空若如虛空 而能善莊嚴 清淨諸佛土
雖知諸佛身 同法相無相 而種三十二 八十諸相好
雖知音聲法 不可言說相 而歎佛音聲 令一切歡喜
雖知於諸佛 一念中成道 而示時劫刹 引導諸衆生
如是知諸法 則得法照明 菩薩如是者 即入第七地
住是地能觀 無量衆生行 亦知於諸佛 教化衆生法
世界及劫數 諸法差別相 又知諸衆生 種種之欲樂
知說三乘法 令衆生信解 我應修教化 成就是衆生
以如是思惟 方便慧和合 於四威儀中 常行如是道
於一一念中 能具菩提法 所謂施戒等 十種波羅蜜
如是諸菩薩 所修之福德 皆與諸衆生 名檀波羅蜜
滅除心惡垢 名尸波羅蜜 不爲六塵傷 羼提波羅蜜
能起轉勝法 精進波羅蜜 於是道不動 名禪波羅蜜
無生忍照明 般若波羅蜜 迴向於佛道 方便波羅蜜
求於轉勝法 名願波羅蜜 無有能壞者 名力波羅蜜

能解如實說 名智波羅蜜 是助菩提法 念念皆能攝
發於廣大願 緣於大法故 初地中功德 名之爲具足
第二地名爲 除諸心垢惡 第三願增明 第四地入道
第五隨世行 第六入深法 得無生相分 漸漸而增長
第七集一切 具菩提分法 能起諸功德 及以一切願
如是諸功德 今後八地中 一切諸所行 自然得清淨
遠行地難過 大智力所能 如二國中間 難可得過度
在於七地中 不汙如聖王 雖住於此道 不名一切過
若到於第八 菩薩智慧地 爾時過意界 住於智業中
如梵王觀世 不得名爲人 菩薩罪不汙 如蓮華在水
菩薩住是地 過諸貪欲等 不名有煩惱 亦不名滅盡
入是正道中 無有諸煩惱 願求佛道故 不得名盡者
於諸世間中 經書技藝事 文頌呪術等 自然能明了
修習諸禪定 及諸神通等 無量心利此 是事皆能起
爾時此菩薩 過於二乘行 安住第七地 菩薩諸行中
以初發心時 大願力故勝 今於此地中 自以智慧力
猶如國王子 生時姓尊貴 後以功行成 於諸人中尊
住此得深智 轉發勝精進 念念入寂滅 而亦不取證
如人善乘船 入於大海中 雖行深水難 而不爲所害
菩薩行轉勝 方便智慧故 功德悉備足 非世所能知
供養無量佛 其心轉清淨 如真金雜寶 間錯而莊嚴
得佛智慧光 乾諸愛潤水 猶如日光明 消涸於泥滯
住是地多作 他化自在王 諸根悉猛利 通達諸道果
皆勤精進 得見百千億 那由他諸佛 願力復過是

七地智慧淨人天及二乘皆非其境界今已略說竟

大方廣佛華嚴經卷第二十五

雰雰俱芥音

默然上墨音

誑詐上居況切
下側駕切

假住上駕音

可怪下古壞切

等侶下呂音

技藝上渠綺切
下魚祭切

癩病上賴音

池觀下古玩切

珊瑚上蘇干切
下戶吳切

琥珀上呼古切
下替伯切

碑礫上尺遮切
下強魚切

礪礪上馬音
下惱音

八宿下秀音

塵瑩下烏定切

頭頂下胡講切

羸弱上力馬切
下若音

覆蔽下必披切

漑灌上古代切

唬哭上顯音
下空谷切

風吹下昌垂切

遏絕上烏葛切

困惱上苦悶切

消涸下下各切

泥濘下老音

大方廣佛華嚴經卷第二十六

朝

東晉天竺三藏佛跋陀羅

譯

十地品第二十二之四

他化自在王 諸天及菩薩 聞說此上行 心皆大歡喜
雨上妙華香 幡蓋寶瓔珞 真妙摩尼珠 散佛及大眾
天女於空中 作種種妓樂 供養於如來 并及諸菩薩
同以微妙音 歌頌佛功德 一切智慧者 衆生中最尊
表愍世間故 現諸神通力 華香珍寶等 皆出如是音
於一微塵中 各示那由他 無量數諸佛 於中而說法
於一微塵中 見無量佛國 須彌金剛圍 世間不迫迤
於一微塵中 見有三惡道 天人阿脩羅 各各受業報
聞諸佛國中 一切佛妙音 轉無上法輪 隨應衆生心
諸佛世界中 衆生身種種 隨國土衆生 示現種種身
一切諸天人 皆悉同止住 佛先觀察已 然後爲說法
衆生悉知見 微塵中佛國 示觀曠大剎 以佛威神故
佛現如是等 種種神通力 若爲衆生說 是事不可盡
以是微妙音 徧歎於世尊 心皆大歡喜 默然而觀佛
解脫月菩薩 請金剛藏言 佛子願演說 入於八地行
金剛藏菩薩言 佛子 菩薩摩訶薩 已習七地
微妙行 慧方便道 淨善集助道法 具大願力
諸佛神力所護 自善根得力 常念隨順如來
力 無畏不共法 直心深心清淨成就福德智
慧大慈大悲 不捨衆生 修行無量智道 入諸
法本來無生無起無相無成無壞無來無去

無初無中無後入如來智一切心意識憶想
分別無所貪著一切法如虛空性是名菩薩
得無生法忍入第八地入不動地名爲深行
菩薩一切世間所不能測離一切相離一切
想一切貪著一切聲聞辟支佛所不能壞深
大遠離而現在前譬如比丘得於神通心得
自在次第乃入滅盡定一切動心憶想分別
皆悉盡滅菩薩亦如是菩薩住是地諸勤方
便身口意行皆悉息滅住大遠離如人夢中
欲渡深水發大精進施大方便未渡之間忽
然便覺諸方便事皆悉放捨菩薩亦如是從
初已來發大精進廣修道行至不動地一切
皆捨不行二心諸所憶想不復現前譬如生
梵世者欲界煩惱不現在前菩薩亦如是住
不動地一切心意識不現在前乃至佛心菩
提心涅槃心尚不現前何況當生諸世間心
佛子是菩薩隨順是地以本願力故又諸佛
爲現其身住在諸地法流水中與如來智慧
爲作因緣諸佛皆作是言善哉善哉善男子
汝得是第一忍順一切佛法善男子我有十
力四無所畏十八不共法汝今未得爲得是
故勤加精進亦莫捨此忍門善男子汝雖得
此第一甚深寂滅解脫一切凡夫離寂滅法
常爲煩惱覺觀所害汝當愍此一切衆生又

善男子汝應念本所願欲利益衆生欲得不
可思議智慧門又善男子一切法性一切法
相有佛無佛常住不異一切如來不以得此
法故說名為佛聲聞辟支佛亦得此寂滅無
分別法善男子汝觀我等無量清淨身相無
量智慧無量清淨國土無量方便無量圓光
無量淨音汝今應起如是等事又善男子汝
今適得此一法明所謂一切法寂滅無有分
別我等所得無量無邊汝應精勤起此諸法
善男子十方無量國土無量衆生無量諸法
差別汝應如實通達是事隨順如是智是菩
薩諸佛與如是等無量無邊起智慧門因緣
以此無量門故是菩薩能起無量智業皆悉
成就諸佛子若諸佛不與菩薩起智慧門者
是菩薩畢竟取於涅槃棄捨利益一切衆生
以諸佛與此無量無邊起智慧門故於一念
中所生智慧比從初地已來乃至七地百分
不及一無量無邊阿僧祇分不及一乃至等
數譬喻所不能及所以者何先以一身修集
功德今此地中得無量身修菩薩道以無量
音聲無量智慧無量生處無量清淨國土無
量教化衆生供養給侍無量諸佛隨順無量
佛法無量神通力無量大會差別無量身口
意業集一切菩薩所行道以不動法故佛子

譬人乘船欲渡大海未至大海多用功力入海以風無復難駛一日之行過先功力於百千歲所不能及菩薩亦如是多集善根乘大乘船入菩薩所行大智慧海不施功力能近一切諸佛智慧比本所行若一劫若百千萬劫所不能及佛子菩薩摩訶薩至第八地從大方便慧生無功用心在菩薩道思惟諸佛智慧勢力知世界生世界滅世界成世界壞知以何業因緣集故世界成何業因緣滅故世界壞是菩薩知地水火風性小相中相無量相差別相知微塵細相知微塵差別相於一世界中所有微塵差別皆悉能知此一世界所有地水火風若干微塵皆悉能知知寶物若干微塵衆生身若干微塵世界中萬物微塵差別分別衆生大身小身以若干微塵成地獄身畜生身餓鬼身以若干微塵成阿脩羅身天身以若干微塵成皆悉了知是菩薩入如是分別微塵智知欲色無色界壞知欲色無色界成知欲色無色界成壞知欲色無色界小相中相無量相知欲色無色界差別相知是知三界是名菩薩教化衆生助智明分善分別衆生身善觀所應生處隨衆生處隨衆生身而爲受身是菩薩現身徧滿三千大千世界隨衆生身各各差別譬如日

月於一切水皆現其像若二若三乃至無量
無邊不可思議不可說三千大千世界身徧
其中隨衆生身差別而爲受身是菩薩成就
如是智慧於一世界身不動搖乃至不可說
諸佛世界隨衆生身隨所信樂於佛大會而
現身像若於沙門中示沙門形色婆羅門中
示婆羅門形色刹利中示刹利形色居士中
示居士形色四天王中帝釋中魔中梵天中
示梵天形色乃至阿迦膩吒天中示阿迦膩
吒形色以聲聞乘度者示聲聞形色以辟支
佛乘度者示辟支佛形色以菩薩乘度者示
菩薩形色以佛身度者示佛身形色所有不
可說諸佛國中隨衆生身信樂差別現爲受
身而實遠離身相差別常住平等是菩薩知
衆生身知國土身知業報身知聲聞身知辟
支佛身知菩薩身知如來身知智身知法身
知虛空身是菩薩如是知衆生深心所樂若
於衆生身作已身若於衆生身作國土身業
報身聲聞身辟支佛身菩薩身如來身智身
法身虛空身若於國土身作已身業報身乃
至虛空身若於業報身作已身乃至虛空身
若於已身作衆生身國土身業報身聲聞身
辟支佛身菩薩身如來身智身法身虛空身
是菩薩知衆生集業身報身煩惱身色身無

色身諸佛國土小相中相無量相垢相淨相
廣相倒相平相方差別相知業報身假名差
別聲聞身假名差別辟支佛身假名差別菩
薩身假名差別知如來身善慧身願身化身
住持身相好莊嚴身勢力身如意身福德身
智身法身知智身善分別如實知法身平等
不壞相知虛空身無量相周徧相無形相是
菩薩善知起如是諸身則得命自在心自在
財自在業自在生自在願自在信解自在如
意自在智自在法自在

是菩薩得十自在爲不可思議智者無量智
者廣智者不可壞智者菩薩隨如是智慧畢
竟常起無罪身業口業意業身業隨智行口
業隨智行意業隨智行般若波羅蜜增上大
悲爲首善修方便善起諸願善爲諸佛神通
所護常不捨行利益衆生智悉知無邊世界
中差別事舉要言之菩薩住無動地身口意
所作皆能集一切佛法是菩薩住此地離一
切煩惱故善住淨心力心常不離道故善住
深心力不捨衆生故善住大悲力救一切世
間故善住大慈力不忘所聞法故善住陀羅
尼力分別觀察一切佛法故善住一切樂說
力行無邊差別世界故善住神通力不捨一
切菩薩所行故善住願力修集一切佛法故

善住波羅蜜力善起一切種智故善住如來
力是菩薩得如是智力示一切所作無有過
咎諸佛子菩薩此地不可壞故名爲不動地
智慧不轉故名爲不轉地一切世間不能測
知故名威德地無色欲故名童真地隨意受
生故名自在地更不作故名爲成地決定知
故名爲究竟地善發大願故名爲變化地不
可壞故名爲住持地先修善根故名爲無功
力地菩薩得如是智慧名爲入佛境界名爲
佛功德所照明名爲隨佛威儀行趣向佛法
常爲諸佛神力所護常爲四天王釋提桓因
諸梵王等之所奉迎密迹金剛神常隨侍衛
善能出生諸禪三昧能作無量諸身差別於
諸身中皆有勢力得大果報神通力於無邊
三昧中得自在能受無量記隨衆生成就處
示成阿耨多羅三藐三菩提是菩薩入如是
大智慧善通達諸法常放大智光明度無礙
法界道善知世界道差別能示一切諸功德
隨意自在善解先際後際能入轉魔道智入
如來行境界能於無邊世界行菩薩道以不
轉相故此地名爲不動佛子菩薩在不動地
善坐禪定力故常見無邊諸佛不捨供養供
給諸佛是菩薩於一一劫一一世界中數百
千萬億那由他無量無邊阿僧祇佛恭敬供

養尊重讚歎親近諸佛從諸佛受世界差別等諸法明是菩薩轉深入如來法藏問世界差別事無能盡者乃至百千萬億劫說不可盡又諸善根轉勝明淨譬如真金衆寶間錯如轉輪王所佩瓔珞一切人民無能棄者菩薩摩訶薩亦如是住無動地善根轉淨一切聲聞辟支佛乃至七地菩薩所不能壞菩薩住是地以善分別智門故智慧光明滅除一切衆生惱熱譬如千世界主大梵天王能於一時徧布慈心滿千世界亦能放光徧照其中菩薩摩訶薩亦如是住不動地能放身光照十萬佛刹微塵世界滅除衆生諸煩惱熱令得清涼諸佛子是名略說菩薩不動地若廣說者無量億劫所不能盡菩薩住是地多作大梵天王主千世界諸根猛利與諸衆生聲聞辟支佛菩薩波羅蜜道無有窮盡說世界差別無能壞者所作善業布施愛語利益同事皆不離念佛不離念法乃至不離念一切種智常生是心我當於衆生爲首爲勝乃至於一切衆生爲依止者是菩薩若欲勤行精進於須臾間得百萬三千大千世界微塵數三昧乃至能示百萬三千大千世界微塵數菩薩以爲眷屬若以願力神通自在能過是數若干百千萬億劫不可計知時金剛藏

菩薩欲重明此義以偈頌曰

菩薩住七地 慧方便已淨 善集助道法 大願力所繫
諸佛神力護 善根悉成就 求於勝智慧 能入第八地
善集於福慧 而有深慈悲 離諸有量心 心同如虛空
如所說法中 心得決定力 如是得寂滅 微妙無生忍
諸法從本來 無生亦無起 無相無有成 亦無去來義
諸法初中後 與如無分別 無有心意行 同若如虛空
成就如是忍 無有諸戲論 得是不動地 甚深寂滅行
一切諸世間 不能得測量 一切諸心相 皆悉已滅盡
菩薩住是地 心識無分別 如入滅盡定 無復憶念想
猶如人夢中 方便欲渡水 覺則意廓然 休息諸所作
得是深忍已 一切想念滅 如生於梵天 無欲界煩惱
以本願力故 及佛今勸導 如是第一忍 是諸佛職位
我等深智力 無畏不共法 汝今無有此 當加勤精進
汝雖得除滅 一切煩惱火 當觀諸世間 煩惱常熾然
當念本所願 欲利諸衆生 悉徧知諸法 廣度於一切
諸法實性相 常住無變異 二乘亦得此 而不名爲佛
但以得無礙 甚深微妙智 通達三世故 乃得名爲佛
是諸無等等 天人所恭敬 即是起智門 令入諸佛法
成就無邊底 無量妙智慧 先所行諸法 不及今一念
如是諸菩薩 得妙智慧地 能在一念中 身徧於十方
入是智慧門 行道疾無礙 如行於海中 大風力所濟
離諸功用心 但在於智業 觀十方世界 成壞及與住
能知四大一 亦知諸別異 小中及無量 種種差別相

能數知三千大千世界塵亦知衆生身四大微塵數
諸天身衆寶微塵數差別皆悉徧明了餘亦如是知
智慧因緣故心轉得調柔爲利諸衆生徧諸世界身
能於衆生身而自作已身及以諸佛刹諸餘種種身
如日月停空影現一切水菩薩亦如是徧徧大千界
常住於法身湛然不移動於淨心衆生各現其身像
隨諸心所樂而現爲受生於諸天人會悉皆示其身
菩薩於因緣和合中自在乃至能隨意爲現於佛身
衆生國土身業報賢聖身智身與法身知皆同平等
以是因緣故得如意神通爲今世歡喜而現種種身
能得於十種妙大自在智所作隨智行順於慈悲心
諸佛所有法皆能善修習住三淨戒中不動如須彌
能得大菩薩所有十種力一切諸魔衆皆所不能轉
常爲諸佛護釋梵所敬禮密迹金剛神常隨而侍衛
菩薩得是地功德無有量百千萬億劫說之不可盡
親近無數佛增益諸善根如真金雜寶生嚴王璽絡
菩薩在是地多修大梵王典領千國土功德無有量
能以三乘教而無有窮盡慈心光普照滅諸煩惱熱
能於須臾間得百萬三千大千世界數微塵諸三昧
能見十方佛其數亦如是若以其願力過是無有量
今已略解說第八地妙相若廣演說者十億劫不盡
第九地

佛子演說此八地妙義時以佛神力故震動無量國
一切智身出無量微妙光徧照十方界衆生得安樂

百千萬菩薩住於虛空中 設衆妙供養 諸天所無有
自在大梵天 并及他化王 歡喜設妙供 大海功德佛
千萬諸天 咸恭敬歡喜 同以微妙音 歌歎佛功德
以佛神力故 出如是妙法
善行寂滅者 無有諸惡心 各在於其地 善修菩薩行
利益世間故 徧遊於十方 示衆以佛道 心如空無礙
諸菩薩神力 上妙供養具 勝十方人天 福德之所致
佛子樂智者 以此示佛力
於一國不動 而現一切處 利益於世間 如滿月明淨
滅一切音聲 語言諸想念 而以諸音聲 說法猶如響
若衆生下劣 其心厭沒者 示以聲聞道 令出於衆苦
若復有衆生 諸根少明利 樂於因緣法 爲說辟支佛
若人根明利 饒益於衆生 有大慈悲心 爲說菩薩道
若有無上心 決定樂大事 爲示於佛身 說無量佛法
譬如幻化師 示種種身色 如是諸身相 皆無有實事
如是諸佛子 善知智慧術 能示一切行 心離於有無
千萬諸天女 同以微妙音 如是歌歎已 默然而觀佛
解脫月又言 佛子大會淨 一心願樂聞 入九地正行
金剛藏菩薩言 佛子菩薩摩訶薩 以如是無
量智慧善觀佛道 欲求轉勝寂滅 解脫欲轉
勝思惟如來智慧 欲入如來深密法藏 欲觀
察不可思議 智慧欲觀察諸陀羅尼三昧
重令清淨 欲令神通廣大 欲分別世界差別
欲修諸佛力無所畏不共法 無能壞者 欲順

行諸佛轉法輪力欲不捨所受大悲大願菩薩如是思惟得入第九地菩薩住此地如實知善不善無記法行知有漏無漏法行世間出世間法行思議不思議法行定不定法行聲聞辟支佛法行菩薩道法行如來地法行有爲無爲法行隨順如是智慧知菩提心所行難知煩惱難業難諸根難欲難性難直心難使心難生難習氣難三聚差別難知衆生諸心差別相莊飾世心相速轉心相壞不壞心相無形心相無邊自在心相清淨差別心相垢無垢心相縛解心相諂曲質直心相隨道心相皆如實知是菩薩知煩惱深相淺相知心伴相不相離相知使纏差別相知是心相應不相應相隨是生時得果報相知三界重罪相知是三業因緣不斷相乃至如實知八萬四千煩惱行差別相是菩薩知諸業善不善無記相分別不可分別心伴相不相離相自然盡相行道盡相種種集相不失果報相次第相有報相無報相黑黑報相白白報相黑白黑白報相非黑非白能盡業相知業起相受業法差別相知無量因緣起業相知世間業出世間業差別相現報相生報相後報相隨諸衆定相不定相乃至如實知八

萬四千諸業差別相是菩薩知諸根較中上差別相知先後際別異不別異相知上中下相知煩惱伴相不相離相隨諸乘定相不定相淳熟相未淳熟相隨根轉相易壞相深取相相增上相不可壞相轉相不轉相三世差別相又遠共生差別相乃至如實知八萬四千諸根差別相是菩薩知諸欲較中上差別相乃至如實知八萬四千諸欲差別相是菩薩知諸性較中上差別相乃至如實知八萬四千諸性差別相是菩薩知直心較中上差別相乃至如實知八萬四千直心差別相是菩薩知諸使共心生不共心生心相應心不相應無始來惱衆生相與一切禪定解脫神通相違相三界繫相無量心不現前相開煩惱門相不知對治相無所有相無聖道開法門相皆如實知是菩薩知諸生差別相所謂地獄畜生餓鬼阿脩羅人天色無色界有想無想差別業是田愛是水無明是覆識是種子後身是芽名色共生而不相離癡愛相續欲生欲作欲受不樂涅槃三界差別相續相皆如實知是菩薩知諸習氣有起不起隨所生處有習氣隨衆生行有習氣隨業煩惱有習氣善不善無記有習氣離欲有習氣隨後身有習氣次第隨趣有習氣久遠不斷持煩

惱業離則無法皆如實知是菩薩知衆生定不定相正定相邪定相不定相正見中正定相邪見中邪定相離此二不定相一一逆邪定相五根正定相離此二不定相邪位邪定轉相修無上道因緣相不定衆生守護相皆如實知佛子菩薩摩訶薩隨如是智名為安住善慧地菩薩住是地知衆生如是諸行差別相隨其解脫而與因緣是菩薩化衆生法度衆生法如實知而爲說法聲聞乘相辟支佛乘相菩薩乘相如來地相如實知隨衆生因緣而爲說法隨心隨根隨欲差別而爲說法又隨行處隨智慧處而爲說法知一切行處而爲說法隨衆生性深入難處而爲說法隨趣隨生隨煩惱隨習氣轉故說法隨乘令解脫故說法是菩薩住此地爲大法師守護諸佛法藏入深妙義用無量慧方便四無礙智言辭說法是菩薩常隨四無礙智而不可壞何等爲四一法無礙二義無礙三辭無礙四樂說無礙是菩薩以法無礙智知諸法自相以義無礙智知差別法以辭無礙智知說諸法不可壞以樂說無礙智知說諸法次第不斷復次以法無礙智知諸法無體性以義無礙智知諸法生滅相以辭無礙智知諸法

假名不斷假名說以樂說無礙智知隨假名
不壞無邊說復次以法無礙智知現在諸法
差別相以義無礙智知過去未來諸法差別
相以辭無礙智知過去未來現在諸法說不
可壞以樂說無礙智於一一世得無邊法明
說復次以法無礙智知諸法差別以義無礙
智知諸法義差別以辭無礙智隨諸言音而
為說法以樂說無礙智隨所樂解而為說法
復次以法無礙智以法智方便知諸法差別
不可壞以義無礙智以比智如實知諸法差
別以辭無礙智以世智說諸法差別以樂說
無礙智知善說第一義復次以法無礙智知
諸法一相不壞以義無礙智知陰入界諦因
緣法以辭無礙智以微妙音故一切世間之
所歸趣以樂說無礙智所說轉勝能令衆生
得無邊法明復次以法無礙智知一乘究竟
攝一切無差別以義無礙智知諸乘差別以
辭無礙智能說諸乘無差別以樂說無礙智
以一法門說無邊法明復次以法無礙智能
入一切菩薩行智行法行隨智行以義無礙
智能分別說十地義差別以辭無礙智說隨
順諸地道不可壞以樂說無礙智說一切行
無邊相復次以法無礙智知一切佛於一念
中得菩提以義無礙智知種種時種種利差

別以辭無礙智隨諸佛得道事差別說以樂說無礙智於一句法無邊劫說而不窮盡復次以法無礙智知一切佛語一切佛力無畏不共法大慈大悲無礙智轉法輪一切種智以義無礙智知如來音聲說八萬四千隨眾生心諸根欲樂差別行以辭無礙智以如來音聲說一切諸行不可壞以樂說無礙智以諸佛智力隨眾生所樂音聲說菩薩摩訶薩如是善知無礙智安住第九地名爲得佛法藏爲大法師得眾義陀羅尼眾法陀羅尼起智陀羅尼眾明陀羅尼善慧陀羅尼眾財陀羅尼名聞陀羅尼威德陀羅尼無礙陀羅尼無邊旋陀羅尼雜義藏陀羅尼得如是等百萬阿僧祇陀羅尼隨方便說如是無量樂說差別門說法是菩薩得如是無量陀羅尼門能於無量佛所聽法聞已不忘如所聞法能以無量差別門爲人演說是菩薩於一佛所以百萬阿僧祇陀羅尼聽受正法如從一佛所餘無量佛亦復如是是菩薩於禮敬佛時所聞法明非多學聲聞得陀羅尼力於十萬劫所能受持是菩薩得如是陀羅尼力無礙智樂說力以說法故在於法座大千世界滿中眾生隨意說法是菩薩在法座上唯除諸佛及受職菩薩於一切中最爲殊勝是菩薩處

於法座或以一音欲令一切悉得解。即得解了或以種種音聲欲令一切各得開解即得開解或以默然但放光明欲令一切各得解法即得解法或一切毛孔皆出法音或三千大千世界所有色無色物皆出法音或以一音周滿法界欲令得解即皆得解是菩薩問難所問各異是菩薩於一念中悉受如是一切問難以一音答皆令開解如是若二若三若百若干乃至不可說不可說三千大千世界滿中衆生廣爲說法承佛神力能爲衆生廣作佛事倍復勤攝如是智明於一塵中有不可說不可說世界塵數大會佛在此中隨衆生心而爲說法今一一衆生心得若干無量諸法如一佛一切諸佛亦是如是一微塵一切十方世界亦復如是於是中生大憶念力於一念中從一切佛所受法明不失一句如上大會滿中衆生以決定法明演清淨法於一念中令爾所衆生皆得開解何況若干世界中衆生是菩薩住是地善根轉勝深入諸佛行處常與一切佛會深入菩薩解脫菩薩隨順如是智常見諸佛於一一劫中無量無邊百千萬億以上供具供養諸佛於諸佛所種種問難通達諸陀羅尼一切善根轉

勝明淨佛子如鍊真金具足莊嚴爲轉輪王
所著寶冠一切小王無能奪者菩薩亦如是
住善慧地一切善根轉勝明淨聲聞辟支佛
諸地菩薩所不能壞是菩薩善根轉明能照
衆生煩惱難處如大梵王三千世界一切難
處皆悉能照菩薩亦如是住善慧地善根明
淨照諸衆生煩惱難處諸佛子是名略說菩
薩善慧地若廣說者則無量無邊劫不可得
盡菩薩住是地多作大梵王典領三千大千
世界無有能勝如實解義者於自在中而得
自在善能宣說聲聞辟支佛菩薩波羅蜜衆
生問難無能窮盡所作善業布施愛語利益
同事皆不離念佛不離念法乃至不離念一
切種智常生是心我當於一切衆生爲首爲
勝乃至於一切衆生爲依止者是菩薩若欲
如是勤行精進於一念中得百萬阿僧祇三
千大千世界微塵數三昧乃至能示百萬阿
僧祇二千大千世界微塵數菩薩以爲眷屬
若以願力神通自在復過是數百千萬億那
由他劫不可計知爾時金剛藏菩薩欲重明
此義以偈頌曰

諸菩薩隨順無量深智力第一最微妙一切世難知
利益衆生者能至第九地得入於諸佛秘密之法藏
得微妙最上三昧陀羅尼廣大神通力善入世界相

智慧力決定 能觀諸佛法 大願悲心淨 得入第九地
 順行此上地 持諸佛法藏 即能通諸法 善不善無記
 有漏及無漏 世間出世間 是可思議法 是不可思議
 知法定不定 三乘具足相 思惟分別此 有爲無爲法
 起知如是法 滅諸無明闇 隨順是智心 則爲第一妙
 悉知一切難 諸心差別相 莊飾世輕易 無邊自在心
 煩惱深淺相 心伴不離相 知使纏差別 隨順相續有
 知業種種雜 各各差別相 因滅果不失 通達如是事
 又知於衆生 諸根較中上 廣大差別等 先際後際相
 知欲較中上 及諸性差別 乃至能悉知 八萬四千種
 煩惱使難處 無始來不滅 皆與心共行 繫縛不可斷
 知諸結使等 但妄想分別 無有方處所 亦無定事相
 常不離於身 又亦難得知 禪定力能遮 金剛道能斷
 又能知諸生 入六道差別 愛瞋無明覆 業田識是種
 生於後身芽 名色共增長 無始生死來 相續在三界
 知諸天龍趣 由煩惱業心 若離於此法 是則無所有
 一切諸衆生 皆在三趣中 或沒諸邪見 或在於智道
 菩薩住是地 悉知衆生心 諸根及欲樂 種種差別義
 深心善思惟 隨宜而說法 通達無礙智 善以言辭說
 菩薩爲法師 猶如師子王 牛王寶山王 安住無所畏
 普於諸世界 雨甘露法味 猶如大龍王 能雨滿大海
 是菩薩善知 法義辭無礙 善能隨順行 具足樂說力
 能得於百萬 阿僧祇揔持 能受諸佛法 如海受龍雨
 菩薩得如是 諸深妙清淨 無量陀羅尼 諸三昧力故

能於一念中得見無量佛聞已淨梵音演說妙法譬
是菩薩或教大千界衆生隨心根所好說法令覺喜
如是等無量三千大千國

轉深勤精進而作是思惟於一微塵中無量佛說法
隨衆生心相演說於妙義是菩薩皆受如地受諸種
復作如是願十方諸所有國土中衆生皆合爲一會
我於一念中皆悉知其心以一音說法悉令斷疑網
菩薩住是地人天中法王爲大說法師隨順衆生性
常於日夜中與諸佛共會能住甚深妙寂寂智解脫
供養無量佛善根轉明淨猶如轉輪王真金莊嚴冠
光明照衆生諸煩惱難處如梵王光明照大千界
菩薩住是地於三千世界作大梵天王諸根悉猛利
善以三乘法示悟諸衆生所作諸善業皆順於正念
能於一念中而得無有量世界微塵數諸深妙三昧
得見十方佛微妙音說法見佛大神力更發無量願
如是第九地大智所行處深妙難知見今已略說竟
大方廣佛華嚴經卷第二十六

迫近上博陌切
下闕伯切

艱礙上間音

若干下古夷切

廓然上苦郭切

淳熟上常倫切

甲辰歲高麗國大藏都監奉

勅彫造

大方廣佛華嚴經卷第二十七

朝

東晉天竺三藏佛跋闍耶羅

譯

十地品第二十二之五

說諸大菩薩所行無上事 無數那由他 首陀會諸天
於上虛空中 心皆大歡喜 咸以恭敬心 衆妙供養佛
那由他菩薩 歡悅無有量 燒諸奇妙香 滅除諸煩惱
他化自在天 與諸天大衆 住在虛空中 心皆大歡喜
咸以恭敬心 種種設供養 各散衆寶衣 空中旋轉下
無量億天女 諸根欣悅豫 於上虛空中 敬心供養佛
同作無量億 那由他妓樂 一切寶器中 皆出如是音
佛坐於此處 悉徧於一切 十方國土中 皆亦有佛現
無量億種種 相好莊嚴身 殊妙無有比 充滿於世界
於一毛孔中 出無量光明 滅除於一切 世間煩惱火
十方微塵數 尚可得計量 一毛孔光明 不可得窮盡
各見有佛身 以三十二相 八十好莊嚴 轉無上法輪
或見佛種種 爲衆而說法 或見在兜率 教化於諸天
或見從兜率 來下趣胞胎 或見初生時 或見夜出家
或見坐道場 而成無上道 或見轉法輪 或見入涅槃
於無量國土 種種而示現 欲度衆生故 有如是等事
譬如巧幻師 善知於幻術 多示諸衆生 種種異身相
如是佛慧中 善巧於示現 變化一切身 周徧諸世界
一切法空寂 先來無性相 同若如虛空 大師亦如是
得入第一義 微妙之性相 隨諸法性相 示佛大神力
一切佛行性 法及諸衆生 皆悉同無相 一切法空故

若欲得佛智 應離諸想念 有無俱通達 疾作天人師
 諸天采女衆 皆出如是等 千萬種妙音 寂然而觀佛
 解脫月菩薩 見衆皆寂然 請金剛藏言 大名稱佛子
 菩薩從第九 至於第十地 諸大神通力 願今爲略說
 金剛藏菩薩言 佛子 菩薩摩訶薩 如是無量
 智慧善修行 佛道乃至九地 善集清白法集
 無量助道法 大功德智慧 所護廣行大悲深
 知分別世界差別 深入衆生難處 入諸如來
 行處 念隨順如來寂滅行 趣向諸佛力 與
 衆不共法 堅持不捨得至一切智位 菩薩摩
 訶薩行如是智 近佛位地 則得菩薩離垢三
 昧而現在前 又入法界差別三昧莊嚴道場
 三昧雨一切世間華光 三昧海藏三昧海印
 三昧虛空廣三昧觀察一切法性三昧隨一
 切衆生心行三昧如寶知一切法三昧得如
 來智信三昧如是等百萬阿僧祇三昧皆現
 在前是菩薩悉入此三昧善知其中功用是
 別最後三昧名益一切智位是三昧現在前
 即時大寶蓮華王出周圍如百萬三千大千
 世界一切衆寶間錯莊嚴過於一切人天所
 有出世間善根所生知一切法如幻如化空
 慧所成光明能照一切世界琉璃爲莖梅檀
 王爲臺碼瑙爲鬚閻浮檀金爲葉無量光明
 一切妙寶皆在其內寶網覆上十三千大千

世界微塵數蓮華以爲眷屬爾時菩薩其身
微妙稱可華座菩薩得益一切智位三昧力
故身在大蓮華座即時眷屬蓮華上皆有菩
薩一一菩薩坐蓮華上即得百萬三昧皆一
心恭敬瞻仰大菩薩是菩薩昇蓮華座時十
方現在一切世界皆大震動一切惡道皆悉
休息光明普照十方世界一切世界皆悉嚴
淨皆得見聞諸佛大會何以故是菩薩坐大
蓮華上即時足下出百萬阿僧祇光明照十
方阿鼻地獄等滅衆生苦惱兩膝上放若干
光明照十方一切畜生滅除苦惱臍放若干
光明照十方一切餓鬼滅除苦惱左右脅放
若干光明照十方人安隱快樂兩手放若干
光明照十方諸天阿脩羅宮兩肩放若干光
明照十方聲聞衆頃放若干光明照十方辟
支佛口放若干光明照十方菩薩乃至住九
地者白毫放若干光明照十方得位菩薩一
切魔宮隱藏不現頂上放百萬阿僧祇三千
大千世界微塵數光明照於十方諸佛大會
遶十帀已住於虛空成光明網高大明淨供
養諸佛如是供養從初發心乃至九地所作
供養百分不及一乃至算數譬喻所不能及
是大光明網勝十方世界所有華香末香塗
香衣服帳蓋衆寶瓔珞摩尼寶珠供養之具

從出世間善根生故一一諸佛大法會上皆
 雨衆寶猶如大雲若有衆生覺是供養者皆
 是必定無上大道如是諸光雨大供養已遠
 大會十帀入諸佛足下爾時諸佛及大菩薩
 知某世界某甲菩薩摩訶薩行如是道成就
 受職即時十方無邊菩薩乃至住九地者皆
 來圓遶設大供養一心恭敬各得萬三昧一
 切得職菩薩摩訶薩於金剛莊嚴智出一大
 光名破魔賊無量百千萬光以爲眷屬照十
 方世界示無量神力亦來入是大菩薩智此
 光明滅已是大菩薩即得百千萬億大勢力神
 通智慧爾時諸佛出眉間白毫相光名益一
 切智有無量無邊光明眷屬悉照一切十方
 世界圓遶十帀示現諸佛大神通力勸進無
 量百千萬億諸菩薩十方世界六種震動滅
 除一切惡道苦惱一切魔宮皆蔽不現示一
 切諸佛得道之趣示一切諸佛大會莊嚴事
 廣大如法界究竟如虛空照一切世界已集
 在虛空示大神通莊嚴之事入是菩薩頂衆
 屬光明入眷屬蓮華諸菩薩頂即時各得光
 所未得十千三昧是光明入此菩薩頂如一
 佛光一切佛光皆亦如是一切十方諸佛光
 明入是菩薩頂時名爲得職名爲入諸佛界
 具佛十力隨在佛數佛子譬如轉輪聖王六

予成就王相轉輪聖王今子在白象寶閣淨
檀金座取四大海水上張羅幔種種莊嚴幢
幡妓樂執金鐘香水灌子頂上即名爲灌頂
大王具足轉十善道故名轉輪聖王菩薩摩
訶薩亦如是受職時諸佛以智水灌是菩薩
頂名灌頂法王具足佛十力故墮在佛數是
名諸菩薩摩訶薩大智慧職地以是職故菩
薩摩訶薩受無量百千億萬苦行難事是菩
薩得是職已住法雲地無量功德智慧轉增
佛子菩薩住法雲地如實知欲界集色界集
無色界集如實知世間性集衆生性集識性
集有爲性集無爲性集虛空性集法性集涅
槃性集邪見諸煩惱性集如實知諸世間法
成壞集聲聞道集辟支佛道集菩薩道集諸
佛力無畏不共法色身法身集一切智集得
佛道轉法輪示滅度集舉要言之如實知一
切法差別集是菩薩以如是智慧隨順菩提
行如實知衆生化業化煩惱化諸見化世界
化法界化聲聞化辟支佛化菩薩化如來化
一切化分別無分別化是菩薩如實知佛力
持法持業持煩惱持時持願持先世持行持
劫壽持智持是菩薩住十地諸佛所有微細
智所謂行微細智命終微細智受胎微細智
出生微細智出家微細智得道微細智神力

自在微細智轉法輪微細智持壽命微細智
示涅槃微細智法久住微細智如是等微細
智皆如實知又諸佛密處所謂身密口密意
密知時非時密與菩薩授記密攝伏衆生密
諸乘差別密八萬四千諸根差別密業如實
所作密行得菩提密如是等密皆如實知是
菩薩諸佛所有入劫智所謂一劫攝阿僧祇
劫阿僧祇劫攝一劫有數劫攝無數劫無數
劫攝有數劫一念攝劫劫攝一念劫攝非劫
非劫攝劫有佛劫攝無佛劫無佛劫攝有佛
劫過去未來劫攝現在劫現在劫攝過去未
來劫未來過去劫攝現在劫現在劫攝未來
過去劫長劫攝短劫短劫攝長劫諸劫攝相
皆如實知是菩薩諸佛所入微塵智國土智
衆生身心智衆生身心得道智衆生行智至
一切處智徧行佛道智順行智逆行智不可
思議智一切世間聲聞辟支佛菩薩所不能
知皆如實知佛子諸佛智慧廣大無量菩薩
住是地則能得入如是智慧是菩薩摩訶薩
隨是地行得菩薩不可思議解脫無礙解脫
淨行解脫普門明解脫如來藏解脫隨無礙
論解脫入三世解脫法性藏解脫明解脫勝
進解脫是菩薩十解脫爲首得如是等無量
無邊百千萬億阿僧祇解脫百千萬無量阿

僧祇三昧百千萬無量阿僧祇陀羅尼百千萬無量阿僧祇神通亦復如是是菩薩成就如是智慧隨順菩提成就無量念力能於一念頃至十方無量佛所無量法明無量法雨皆能受持譬如娑伽羅龍王所澍大雨唯除大海餘不能受菩薩摩訶薩亦復如是如來微密雨大法雨一切衆生聲聞辟支佛乃至九地菩薩所不能受唯此菩薩住法雲地悉能受持譬如大海一龍王起大雲雨皆能堪受若二若三乃至無量無邊諸大龍王所起雲雨一時澍下皆能受持菩薩摩訶薩亦如是住法雲地於一佛所能受大法明雨二佛三佛乃至不可說不可說佛於一念中皆能堪受如是諸佛大法雲雨是故此地名法雲地解脫月言佛子是菩薩於一念中能堪受幾所大法明雨荅言佛子譬如十方所有不可說百千萬億那由他世界微塵爾所微塵世界衆生假使皆得聞持陀羅尼爲佛侍者爲大聲聞多聞第一如金剛蓮華上佛善伏比丘其一衆生成就如是多聞之力餘亦如是是一人所受餘不重問如是一切各各不同於意云何是一切衆生受持多聞力爲多不荅言甚多不可稱計佛子我今爲汝說是菩薩住法雲地於一念頃於一佛所受三世法

藏大法明雨上一切衆生多聞之力百分不
及一乃至算數譬喻所不能及如一佛所聞
十方世界微塵諸佛皆能受持大法明雨復
能過此無量無邊於一念頃亦能受持是故
名爲法雲地佛子菩薩摩訶薩住法雲地自
從願力生大慈悲福德智慧以爲密雲現種
種身以爲雜色雲通明無畏以爲電光震大
雷音說法降魔一念一時能於上所說微塵
世界皆悉周普以雨善法甘露法雨滅諸衆
生隨心所樂無明所起煩惱故是故名爲
法雲地復次佛子菩薩摩訶薩住法雲地於
一世界從兜率天來下乃至示大涅槃一切
佛事隨所度衆生皆現神力若二若三乃至
如上微塵數世界又復過是百千萬億阿僧
祇世界從兜率天來下乃至示大涅槃一切
佛事隨所度衆生皆現神力是菩薩住此地
於智慧中得上自在力或以狹國爲廣廣國
爲狹或以垢國爲淨淨國爲垢如是一切世
界皆有神力是菩薩或於一微塵中置三千
大千世界鐵圍山川而不迫迮或二或三乃
至不可說不可說世界諸莊嚴事示入一塵
或以一世界莊嚴事示不可說不可說世界
或以不可說不可說世界衆生置一世界中
而不迫迮或以一世界衆生置不可說不可

說世界中或以不可說不可說世界入一塵中而不惱衆生或於一塵中示一切佛神通力莊嚴之事或於一念中現不可說不可說世界微塵數身於一身中示無量手以一一手執恒沙蓮華以散諸佛雜香末香幡蓋寶物如是一切莊嚴之具皆以手執供養諸佛於一一身亦復如是又一一身化塵數頭於一一頭有塵數舌以是神力讚歎諸佛如是等事於念念中徧滿十方於念念中以神通力無量世界示得佛道轉法輪乃至大般涅槃於三世中以神通力示現無量身於自身中現無量佛無量佛土莊嚴事於自身中示一切世界成壞事或於一毛孔出一切風而不惱衆生或以無量無邊世界爲一海水此海水中作大蓮華形色光明徧無量無邊世界於中示菩提樹莊嚴妙事乃至示得一切種智或自身中現一方世界摩尼寶珠日月星宿一切光明乃至十方所有光明亦復如是或口噓氣能令十方無量世界悉大震動不令衆生有恐懼想或示十方世界水劫盡風劫火劫盡而衆生身隨意莊嚴或於自身示作如來身如來身作自身如來身作已佛國已佛國作如來身佛子菩薩摩訶薩在法雲地神變如是又餘無量神力自在示現爾

時會中諸菩薩天龍夜叉乾闥婆阿脩羅迦
樓羅緊那羅摩睺羅伽四天王釋提桓因梵
天王自在天子淨居天等各作是念若菩薩
神通力智慧力如是無量無邊佛復云何時
解脫月菩薩知大眾心所念問金剛藏菩薩
言佛子今諸大眾聞是菩薩神通智慧力隨
在疑網汝今當斷一切疑惑示菩薩神通莊
嚴妙事時金剛藏菩薩即入一切佛國體性
三昧時諸大眾天龍夜叉乾闥婆阿脩羅迦
樓羅緊那羅摩睺羅伽四天王釋提桓因梵
天王自在天子淨居天等皆自見知入金剛
藏菩薩身中於其身內見三千大千世界莊
嚴衆事若滿一劫說不可盡於中見佛道場
樹其莖周圍十萬三千大千世界高百萬三
千大千世界覆三千億三千大千世界稱樹
高廣有師子座其座上有佛号一切智王如
來一切大眾咸皆見佛坐在座上其中所有
莊嚴上妙供養之具滿一劫說亦不可盡金
剛藏菩薩示現如是大神力已還令大眾各
在本處一切衆會生希有想默然一心觀金
剛藏時解脫月菩薩問金剛藏菩薩言佛子
是三昧有大勢力甚爲希有是三昧者所号
云何答言是三昧名一切佛國體性問言是
三昧所有勢力境界云何答言佛子若菩薩

摩訶薩善修成是三昧力者能以如是無量
恒沙世界微塵數三千大千世界於身中現
復過是數菩薩在法雲地得如是無量無邊
百千萬億諸大三昧是故菩薩住此地中身
身業難可測知口口業難可測知意意業難
可測知神力自在難可測知觀三世法難可
測知諸三昧行入難可測知智力難可測知
遊戲諸解脫難可測知變化所作神力所作
如意所作難可測知乃至舉足下足菩薩住
智慧地者不能測知佛子菩薩法雲地如是
無量若廣說者無量無邊阿僧祇劫不能得
盡解脫月言佛子若菩薩行處力神通力如
是者佛行處力神通力復云何答言佛子譬
如有人見一塊土而作是言無邊世界地性
為多此耶汝所問者我謂如是如來無量智
慧云何以菩薩智慧而欲測量佛子如人取
四天下地性少分餘者極多菩薩法雲地於
無量劫但可說耳何況如來地我今當說令
汝知之佛現為證如十方無量無邊世界微
塵等諸佛世界十地菩薩皆滿其中是諸菩
薩有無量無邊業修習菩薩功德智慧禪定
於如來功德智慧力百分不及一百千萬億
分不及一乃至算數譬喻所不能及佛子是
菩薩隨如是智慧順如來身口意不捨諸善

薩三昧勤心供養一切諸佛於一一劫以一切供具供養無量無邊諸佛能悉具受諸佛神力轉復明勝是菩薩於法性問難無能勝者乃至無量無邊百千萬億劫不可窮盡佛子譬如天金以摩尼珠衆寶間錯爲自在天王嚴身之具其餘諸天所不能及亦無奪者等薩住十地智慧善根從初地乃至九地所不能及菩薩住是地得大智照明隨順一切智故其餘智慧所不能壞譬如大自在天王光明能令衆生身心清涼一切生處衆生光明所不能及菩薩摩訶薩亦如是住法雲地智慧光明一切聲聞辟支佛所不能及乃至九地菩薩亦不能及是菩薩住是地中能令無量衆生住一切智道佛子菩薩住是地十方諸佛爲說三世智慧法界智慧一切世界智慧普照住持一切世界智慧大慈大悲普覆一切衆生智慧舉要言之具足爲說至一切智道佛子是名菩薩摩訶薩第十法雲地菩薩住是地多作摩醯首羅天王智慧明達善說聲聞辟支佛菩薩波羅蜜於法性中有問難者無能令盡所作善業布施愛語利益同事皆不離念佛不離念法乃至不離念具足一切種智常作是念我當於一切衆生爲首爲勝乃至於一切衆生爲依止者若欲如

是勤行精進於一念中得無量百千萬億那由他不可說不可說世界微塵數三昧乃至示爾所微塵數菩薩以爲眷屬若以願力神通自在復過是數所謂諸行上妙供具信解起業若身若口若光明若諸根若如意足若音聲若行處乃至若干百千萬億劫不可稱數

佛子是菩薩十地次第順行趣向一切種智如從阿耨達池四河派出滿足四天下無有窮盡乃入大海菩薩亦如是從菩薩出於善根大願之水以四攝法滿足衆生而不窮盡乃至一切種智佛子是菩薩十地因佛智故而有差別如因大地有十大山王何等爲十所謂雪山王香山王軻黎羅山王仙聖山王由乾陀山王馬耳山王尼民陀羅山王斫迦羅山王宿慧山王須彌山王如雪山王一切藥草集在其中而不可盡菩薩亦如是住歡喜地一切世間經書技藝文頌呪術集在其中無有窮盡如香山王一切諸香集在其中而不可盡菩薩亦如是住離垢地持戒頭陀威儀助法集在其中無有窮盡如軻黎羅山王但以寶成集諸妙華取不可盡菩薩亦如是住於明地集一切世間禪定神通解脫三昧問不可盡如仙聖山王但以寶成多有五

通聖人不可窮盡菩薩亦如是住於欲地集
令衆生入道因緣種種問難不可窮盡如由
乳陀山王但以寶成集夜叉大神不可窮盡
菩薩亦如是住難勝地集一切自在如意神
通說不可盡如馬耳山王但以寶成集衆妙
果取不可盡菩薩亦如是住現前地集深因
緣法說聲聞果不可窮盡如尼民陀羅山王
但以寶成集一切大力龍神不可窮盡菩薩
亦如是住遠行地集種種方便智慧說辟支
佛道不可窮盡如斫迦羅山王但以寶成集
心自在者不可窮盡菩薩亦如是住不動地
集一切菩薩自在道說世間性不可窮盡如
宿慧山王但以寶成集大神力諸阿脩羅無
有窮盡菩薩亦如是住善慧地集轉衆生行
智說世間相不可窮盡如須彌山三但以寶
成集諸天神無有窮盡菩薩亦如是住法雲
地集如來十力四無所畏說諸佛法不可窮
盡是十寶山同在大海因大海水有差別相
菩薩十地亦如是同在佛智因一切智故有
差別相佛子譬如大海以一相故名爲大海
無有能壞何等爲十一漸次深二不受死屍
三餘水失本名四一味五多寶六極深難入
七廣大無量八多大身衆生九潮不失時十
能受一切大雨無有盈溢菩薩地亦如是以

十因緣故無有能壞何等爲十歡喜地中漸
生堅固願離垢地中不與破戒共宿明地中
捨諸假名欲地中於佛得一心不壞淨信雖
勝地中生世間無量方便神通起世間事現
前地中觀甚深因緣法速行地中以大廣心
善觀諸法不動地中能起大莊嚴示現善慧
地中能得深解脫通達世間行如實不失法
雲地中能受一切諸佛大法明兩佛子譬如
大摩尼寶珠有十事能與衆生一切寶物何
等爲十一出大海二巧匠加治三轉精妙四
除垢穢五以火鍊治六衆寶莊嚴七異以寶
縷八置瑠璃高柱九光明四照十隨王意兩
衆寶物菩薩發菩提心寶亦有十事何等爲
十一初發心布施離慳二修持戒頭陀苦行
三以諸禪定解脫三昧令轉精妙四以道行
清淨五鍊以方便神通六以深因緣法莊嚴
七以種種深方便智慧貫穿八置神通自在
幢上九觀衆生行放多聞智慧光明十諸佛
授智職於一切衆生能爲佛事墮在佛數佛
子是菩薩所行集一切智慧功德法門品若
不深種善根不能得聞問言佛子若得聞者
是人爲得幾所福答言隨佛所有智慧勢力
如是發薩婆若心所緣攝福德是人得聞此
法門所得福德亦復如是何以故若無菩薩

心聞是法門不能信解受持何況以身修習
能成其事是故當知是人隨順一切檀智得
聞信解受持修行說是品時十方世界十億
佛國微塵數世界六種十八相動以佛神力
映如是故諸天雨華末香瓔珞寶衣幡蓋莊
嚴身具雨天妓樂歌頌而下復有大音讚歎
十地殊勝之事如此世界四天下他化自在
天王宮說十地十方一切世界皆亦如是以
佛神力故十方過十億佛國微塵數刹有十
億佛國微塵數菩薩詣此世界徧滿虛空皆
作是言善哉善哉金剛藏善說菩薩十地之
法佛子我等皆名金剛藏發金剛德世界金
剛幢佛所來所經歷處皆說是經聚會如是
言辭義趣亦如是我等以佛神力故來證是
喜如我至此十方一切世界他化自在天王
宮摩尼寶殿皆有十億佛國微塵數菩薩往
爲作證亦復如是時金剛藏菩薩觀察十方
觀察一切大衆觀察法界讚歎初發薩婆若
心示菩薩境界淨菩薩行力攝一切種智隨
衆生說除一切世間垢穢與衆生一切種智
因緣示不可思議智慧莊嚴事讚歎一切菩
薩功德差別相欲令諸地轉勝明顯示衆生
故承佛神力以偈頌曰

諸菩薩所行樂於善寂滅其心無所著猶若如虛空

除貪患癡垢 安住於道智 如是無上行 願樂欲聽聞
 如是諸菩薩 在於無量劫 勤心常修習 一切諸善根
 供養無量佛 辟支阿羅漢 爲利衆生故 乃生菩提心
 精進持戒行 頭陀除罪垢 修善忍轉妙 慚愧威德滿
 福慧因緣故 勝遠心明淨 深樂於佛智 同佛生菩提
 供養於一切 十方三世佛 如虛空等國 悉皆令清淨
 一切法平等 善悉通達故 爲廣諸衆生 發於菩提心
 諸菩薩如是 生是無量心 至於歡喜地 念念樂布施
 得諸本願力 增廣慈悲心 深行十善道 能到離垢地
 或聞功德備 慈心愍世間 永離諸垢穢 深心常清淨
 普觀諸世間 三毒火熾然 如是之大士 入第三明地
 觀三界皆空 無常亦如病 如癰如瘡箭 無量苦常然
 見諸有爲過 貪樂佛功德 得佛智明能 入於第四地
 成就於念慧 得至於道智 在此地供養 一百千諸如來
 常能思惟念 諸佛無量德 得入於一切 世間難勝地
 能以慧方便 種種而示現 諸有所爲作 以利益世間
 供養於諸佛 行益衆生事 無生法在前 得入現前地
 菩薩諸所行 一切世間知 常無有我心 有無皆悉離
 諸法先空寂 十二緣故行 善了此微妙 入於遠行地
 行慧方便等 得法寂滅相 如是之大士 難知難可及
 爲欲令世間 得善寂滅故 還起修諸行 種種福德事
 普入於衆生 種種心行處 如是能得入 如空不動地
 大智諸菩薩 善能悉具行 種種諸智業 得十自在力
 能以無有量 無邊限諸身 普現十方界 而爲說妙法

善達於世界 及諸衆生性 如是入慈悲 能入善慧地
第一妙解智 善觀諸世間 纓練煩惱業 甚深諸難處
爲度是等故 得諸佛法藏 善說第一義 悉無所違錯
如是次第行 具足諸善法 乃至於九地 所修集福慧
欲得諸佛力 第一深妙利 乃於一切佛 得受智職位
先得無數定 智行極廣大 最後得難壞 諸智位三昧
若能得如是 益智位三昧 一切寶莊嚴 蓮華王即出
菩薩稱蓮華 現身坐其上 餘華諸菩薩 咸共一心視
爾時大菩薩 從身放無量 百千億光明 滅諸世間苦
然後頂上出 百千億光明 普照十方界 諸佛大衆會
於上虛空中 化成光明網 供養諸佛已 入諸佛足下
時一切如來 及諸大士等 各知某菩薩 得受於智職
如是一切佛 放眉間光明 名益一切智 入此菩薩頂
一切無量佛 與此菩薩職 猶如轉輪王 授於太子位
時十方世界 普皆大震動 乃至阿鼻等 諸苦皆除滅
菩薩具一切 智慧得是職 如是名爲到 無上法雲地
住於地中 智慧無邊限 善知度一切 世間諸因緣
入色無色法 欲色無色界 能知於衆生 國土及法性
又能入可數 不可數法中 乃至能觀察 虛空無量性
又此地悉知 菩薩變化事 諸佛威神力 微細智密事
又能悉通達 一切諸劫數 於微塵中 觀見諸世界
一切諸如來 於此無上地 初生及出家 得道轉法輪
示入於涅槃 皆隨順於智 寂滅妙解脫 悉得於此地
此地諸大士 憶念力大故 諸佛大法雨 皆悉能受持

譬如大海水 能持龍王雨 諸佛廣大法 菩薩受亦爾
若於一佛所 一時聽受法 十方無量土 微塵數衆生
皆多聞總持 咸共贊聞乘 不如是菩薩 算數所不及
以無量智慧 及先大願力 能於一念中 徧滿無量國
雨甘露法雨 滅諸煩惱火 是故諸如來 名爲法雲地
大士住此地 供養諸佛具 過諸天所有 普示大神力
示衆轉勝力 過是數無量 若人欲思量 迷悶不能解
大智住此地 舉足下足事 一切諸菩薩 乃至於九地
皆悉不能知 何況餘衆生 三世諸聲聞 及與辟支佛
住此諸佛示 一切智慧事 亦其令通達 三世無礙智
示法性寂滅 亦示種種變 一切諸世界 所有衆生類
所行一切法 深微隱隱事 一切佛功德 次第示令知
菩薩住此地 能以大供具 供養十方佛 徧一切世界
一切諸世間 所有衆生類 其餘諸供具 皆所不能及
智者住此地 皆能破一切 無明諸闇冥 開示以佛道
如自在天王 光滅衆熱惱 佛子智光明 滅惡亦如是
住是地多作 三界自在王 通達諸智慧 善以三乘化
能於一念中 得無量三昧 能見十方佛 其數亦如是
金剛藏菩薩 告諸大士言 我今略解說 十地之妙行
若廣演說者 千億劫不盡 是則名清淨 諸大菩薩地
爲得佛智故 住於十地中 安住不移動 猶如大山王
初地具一切 經書諸技術 猶如雪山中 積聚衆藥草
持戒及多聞 在於二地中 猶如香山王 集一切香物
如訶梨羅山 多積諸寶華 明地集聞智 禪定亦如是

欲地多積聚 入道法不壞 如仙聖山中 善寂所遊止
五地諸神通 無能得及者 如由軋陀山 多集夜叉衆
六地善分別 諸果無窮盡 猶如爲耳山 妙果無有量
七地方便慧 無有能及者 如尼民陀羅 諸龍王盈滿
住於八地中 自在智無量 如斫迦羅山 多心自在者
九地心清淨 說法無障礙 猶如耆慧山 阿脩羅所止
十地諸佛力 功德無窮盡 如須彌山王 集一切天衆
又復初地中 發於廣大願 二地持戒品 三地假名壞
第四地專一 五地衆妙事 六地甚深相 七地廣大心
八地中種種 莊嚴諸神通 九地思妙智 能過一切世
十地能受持 諸佛大法雨 菩薩行大海 難動不可盡
發心出世間 得入於初地 一地淨持戒 三地修諸禪
四地道行淨 五鍊方便慧 六因緣莊嚴 七深方便慧
八到瑠璃幢 九地觀衆生 一切險難處 智慧光普照
十地受智職 如殊隨王意 如是次第淨 菩提心妙寶
十方諸世界 所有微塵數 可於一念中 計知其多少
可以一毫末 數知於虛空 諸佛大功德 無量不可盡
大方廣佛華嚴經卷第二十七

悅豫

下譽音

胞胎

上有支切

兩膝

下悉音

膾放

土齊音 亦作齎

項放

上胡講切

口噓

下虛音

默然

上墨音

塊土

上苦對切

盈溢

下逸音

錄治

上郎殿切

寶縷

下力上切

貫穿

下創音

甲辰歲高麗國大藏都監奉

勅彫造

大方廣佛華嚴經卷第二十八

朝

東晉天竺三藏佛跋跋陀羅

譯

十明品第二十三

爾時普賢菩薩摩訶薩告諸菩薩言佛子菩薩摩訶薩有十種明何等爲十此菩薩摩訶薩悉知三千大千世界衆生心念所謂善心不善心無記心廣心狹心惡心勝心順生死心背生死心聲聞心緣覺心菩薩心聲聞行心緣覺行心菩薩行心天心龍心夜叉心乾闥婆心阿脩羅心迦樓羅心緊那羅心摩睺羅伽心人心非人心地獄心畜生心餓鬼心閻羅處衆生心諸難處衆生心如如是等無量種種衆生心悉分別知如是等百世界千世界百千世界億世界百億世界千億世界百千億世界乃至百千億那由他世界廣說乃至不可說不可說佛刹微塵數世界衆生悉能分別知其心念佛子是爲菩薩摩訶薩第一善知他心智明佛子菩薩摩訶薩悉知無量無數不可說不可說佛刹微塵數世界衆生死此生彼善惡諸趣若好若醜若垢若淨若黑若白如是等無量種種衆生天龍夜叉乾闥婆阿脩羅迦樓羅緊那羅摩睺羅伽人非人微細衆生小衆生中衆生大衆生勝衆生如是等無量種種衆生死此生彼菩薩摩

訶薩以無障礙明淨天眼悉能照見隨其業
 報所受苦樂種種業種種行種種思願種種
 見如業境界如所迴轉悉能覩見佛子是爲
 菩薩摩訶薩第二無礙天眼智明佛子菩薩
 無數不可說不可說佛刹微塵數世界衆生
 過去無量無數不可說不可說佛刹微塵數
 劫事如是生如是名姓如是食如是苦樂悉
 能了知又憶過去無量無數不可說不可說
 佛刹微塵數諸佛如是名号如是眷屬如是
 父母如是侍者如是聲聞如是最勝二大弟
 子如是捨離王都出家求道如是菩提樹下
 結跏趺坐得最正覺如是住處如是牀座如
 是說法如是化度如是壽命如是作佛事已
 入無餘涅槃佛滅度後正法如是久住悉能
 憶念過去無量無數不可說不可說佛刹微
 塵數佛從初發心出生願行恭敬供養無量
 諸佛教化調伏一切衆生大衆眷屬轉淨法
 輪隨其壽命示現神力自在變化無餘涅槃
 莊嚴塔廟長養善根乃至法住佛子是爲菩
 薩摩訶薩第三深入過去際劫無礙宿命智
 明佛子菩薩摩訶薩深入未來際劫乃至無
 量無數不可說不可說佛刹微塵數世界衆
 生未來生死派轉三有知衆生業知衆生報

知衆生善知衆生不善知衆生出知衆生不出知衆生定知衆生不定知衆生正定知衆生邪定知衆生有使善根知衆生無使善根知衆生具足善根知衆生不具足善根知衆生攝取善知衆生攝取不善知衆生積集善知衆生積集惡法知衆生不積集惡法知未來無量無數不可說不可說佛刹微塵數世界諸佛如是名号如是眷屬如是父母如是侍者如是聲聞如是最勝二大弟子如是捨離王都出家求道如是菩提樹下結跏趺坐得最正覺如是住處如是牀座如是說法如是化度如是壽命如是作佛事已入無餘涅槃佛滅度後正法如是久住悉知未來無量無數不可說不可說佛刹微塵數佛從初發心出生願行恭敬供養無量諸佛教化調伏一切衆生大衆眷屬轉淨法輪隨其壽命示現神力自在變化無餘涅槃莊嚴塔廟長養善根乃至法住佛子是爲菩薩摩訶薩第四深入未來際劫無礙智明佛子菩薩摩訶薩出生無礙天耳清淨廣大具足不可稱量修習得證明淨離障了達決定菩薩成就無礙天耳十方遠近一切音聲欲聞不聞自在隨意於東方無量無數不可說不可說佛刹微塵數諸如來應供等正覺

所說所發所開所示所制所調伏所教化所
念所分別所教深妙善解無量清淨方便如
是一切悉能聞持善義善味隨衆隨人隨音
聲隨智隨識隨所化度所得功德隨境界隨
所依隨出道悉能聞持無有忘失廣說妙法
度脫一切乃至不失一句一味如東方一切
十方亦復如是佛子是爲菩薩摩訶薩第五
無礙清淨天耳智明佛子菩薩摩訶薩安住
無畏神力智明逮得自在無作神力平等神
力廣大神力無量神力無依神力念至神力
不轉神力不退轉神力無盡神力不可壞神
力長養神力隨順行神力若聞十方無量阿
僧祇世界無邊世界無分齊世界不可稱量
世界不可思議世界不可度量世界乃三不
可說不可說佛刹微塵等一切世界現在諸
佛聞已悉能往詣彼諸佛所恭敬禮拜讚歎
供養深知如來清淨佛刹種種莊嚴種種功
德無量功德皆悉充滿示現無量自在無量
境界讚歎一切如來恭敬供養示現其身悉
在十方一切佛所亦不離此而往到彼悉自
了知詣諸佛所恭敬禮拜讚歎供養問菩薩
法出生佛智見諸佛刹眷屬變化知說法相
知佛刹相悉無所著於一切事皆悉究竟到
於彼岸無損神力速徧十方一切世界無佛

不見無法不聞無衆不知常聞正法未曾斷
 絕樂求佛法勝願成滿具足修習普賢菩薩
 無量諸行佛子是爲菩薩摩訶薩第六安住
 無畏神力智明佛子菩薩摩訶薩於無量無
 數不可說不可說佛刹微塵數世界衆生音
 聲語言悉能了知所謂中國言音邊國言音
 天言音龍言音夜叉言音乾闥婆言音阿脩
 羅言音迦樓羅言音緊那羅言音摩睺羅伽
 言音人言音非人言音如是等不可說不可
 說種種衆生言音不同菩薩摩訶薩悉能了
 知善分別知入一切施設深入解了一切世
 諦悉知種種諸言音法分別了知諸言音法
 入一切種言音大海菩薩摩訶薩隨其所入
 遊行世界悉能了知此世界中衆生之性知
 其性已悉解一切諸言音法如日天子出照
 一切色令有眼者悉見色相菩薩摩訶薩亦
 復如是悉入一切諸言音雲善知一切諸言
 音法佛子是爲菩薩摩訶薩第七分別一切
 言音智明佛子菩薩摩訶薩知一切色法不
 生色無種種色無虛妄色無青黃赤白等形
 色而菩薩摩訶薩入深法界住持變化種種
 形色無量色明淨色清淨色普現色似彼色
 普照色所得色無染污色具足相色清淨相
 色離惡色大力色尊重色無窮色無盡色離

色端嚴色不可稱量色善學色善長養色成熟色隨化度色無礙色明徹色離垢色澄淨色正身色不可思議方便色不可壞色最勝色離瞋色離闇色牢強色善雜色功德相色安好色大我色境界色善調伏色清淨正直色上色勝廣色不可斷色無所依色無等色充滿不可說佛刹色長養色最堅固色勝色惡色勝功德色隨希望色清淨性色常善色善決定色無障色虛空明淨色清淨長養色無垢色離塵色離種種塵色善示現色普應現色隨時示現色寂靜色離欲色功德福田

眞實色安隱色離恐怖平等威儀色超越智慧色無礙身色徧遊行身色離愚癡色大慈等起色大悲受持色出正趣色具足功德力色隨正念色無量寶色明淨藏色令一切衆生歡喜色一切智門色歡喜眼色一切寶莊嚴無比色不著心色不堅固色住持自在色種種神力自在色如來家生色無比色充滿法界色隨衆往詣色種種色具足色善行色隨化究竟色見無厭足色無量雜光色放無量阿僧祇燄光色不可說種種光色不可思議香光普熏三界色不可量日光燄色不可稱月形像色放無量樂華雲色種種寶華鬘莊嚴雲色遍一切世間一切香燄普熏色出

生一切如來功德藏色無量音聲廣說一切
 法顯現色一切種行具足普賢菩薩色佛子
 菩薩摩訶薩入無色法界住持變化種種形
 色隨所應故所謂見教化正念教化轉法輪
 教化隨時教化念念教化親近教化隨逐教
 化神力教化種種自在教化不可思議大神
 變教化悉能度脫一切衆生佛子是爲菩薩
 摩訶薩第八出生無量阿僧祇色身莊嚴智
 明佛子菩薩摩訶薩悉知諸法無有名字知
 一切法悉無有性知一切法無來無去知一
 切法別異知一切法無別異知一切法不二
 非不二知一切法無我知一切法無比知一
 切法不生知一切法不滅知一切法無所從
 來去無所至知一切法無壞知一切法不實
 知一切法非不實知一切法一相無相知一
 切法非有知一切法非無知一切法非法知
 一切法非非法知一切法非語言知一切法
 非非語言知一切法非業知一切法非非業
 知一切法非報知一切法非無報知一切法
 非作知一切法非不作知一切法非第一義
 知一切法非出知一切法非不出知一切法
 非量知一切法非無量知一切法非世間知
 一切法不離世間知一切法非因生知一切
 法非無因生知一切法非定色知一切法非

不定色知一切法不具足色知一切法非不具足色知一切法不出生死知一切法非不出生死知一切法非虛妄知一切法非不虛妄知一切法非第一實義決定知諸法興無量法一切願見第一實義決定知諸法興無量法虛妄取諸法不起諸文字隨順寂滅性不捨一切願見第一實義決定知諸法興無量法可說方便以無盡辯才廣說如實義不違真法善巧方便說一切法辯才無盡成就大慈悲無文字境界出生文字義不壞文字性觀察諸法悉從緣起無所染著解了一切諸語言法開發示導併揚顯現具足清淨滅衆疑網攝取衆生不捨實法於不二法而不退沒具足成就無礙法門微妙音聲普雨法雨未曾失時佛子是爲菩薩摩訶薩第九一切諸法真實智明佛子菩薩摩訶薩於念念中八滅一切法三昧正受而不退轉亦不捨菩薩事不捨大慈悲心不捨諸波羅蜜善能分別諸佛刹土而無厭足不捨大願度脫衆生不捨轉法輪不捨教化調伏衆生不捨供養恭敬一切諸佛不捨一切諸法自在法門不捨常見一切諸佛不捨常聞諸佛正法悉能出生一切無礙法知一切法皆悉平等具足成

就一切諸佛勝法諸願深入一切佛刹究竟
一切諸佛種性彼岸於一切世界悉能善學
一切所學一切法相深入法相善知諸法悉
從緣起了一切法無有真實隨順世間諸語
言法於一切法無所染著隨其所應方便演
說一切諸法菩薩摩訶薩於一切法滅盡正
受或住一劫或住百劫或住百千劫或住億
劫或住百億劫或住百千億劫或住億那由
他劫或住百億那由他劫或住千億那由他
劫或住百千億那由他劫或住無量劫或住
無邊劫或住阿僧祇劫或住不可思議劫或
住不可稱量劫或住無分齊劫或住不可說
不可說劫常在滅一切法三昧正受顏容無
異體無羸損亦不壞散不可燒不可沒不可
失不可盡於有於無悉無所作悉能成辦諸
菩薩事廣能演說一切諸法教化衆生未曾
失時長養一切諸如來法滿足一切諸菩薩
行不捨饒益一切衆生應化十方未曾暫息
不捨普照一切諸趣於正受地寂然不動佛
子是爲菩薩摩訶薩第十一一切諸法滅定智
明菩薩摩訶薩安住此明一切天人不能思
議一切世間不能思議聲聞緣覺不能思議
下地菩薩不能思議身口意業不可思議一
切三昧自在不可思議智慧境界不可思議

唯有如來乃能演說此人功德餘無能說佛
子是爲菩薩摩訶薩十種智明此菩薩摩訶
薩住此智明悉得三世無礙智明

大方廣佛華嚴經十忍品第二十四

爾時普賢菩薩摩訶薩復告諸菩薩言佛子
菩薩摩訶薩成就十種忍能得一切無礙忍
地又得一切諸佛無盡無礙之法何等爲十
所謂隨順音聲忍順忍無生法忍如幻忍如
燄忍如夢忍如響忍如電忍如化忍如虛空
忍佛子是爲菩薩摩訶薩十種忍過去諸佛
已說未來諸佛當說現在諸佛今說佛子何
等爲菩薩摩訶薩隨順音聲忍若聞真實法
不驚不怖不畏信解受持愛樂順入修習安
住佛子是爲菩薩摩訶薩第一隨順音聲忍
佛子何等爲菩薩摩訶薩順忍佛子此菩薩
隨順寂靜觀一切法平等正念不違諸法隨
順深入一切諸法清淨直心分別諸法修平
等觀深入具足佛子是爲菩薩摩訶薩第二
順忍佛子何等爲菩薩摩訶薩無生法忍佛
子此菩薩不見有法生不見有法滅何以故
若不生則不滅若不滅則無盡若無盡則離
垢若離垢則無壞若無壞則不動若不動則
寂滅地若寂滅地則離欲若離欲則無所行
若無所行則是太願若是大願則住莊嚴佛

子是爲菩薩摩訶薩第三無生法忍佛子何等爲菩薩摩訶薩如幻忍佛子此菩薩深入諸法皆悉如幻觀緣起法於一法中解衆多法衆多法中解了一法菩薩摩訶薩於彼諸法分別諸刹入衆生界法界等觀世間等觀佛出入不二入出生住持譬若如幻非象兵馬兵車兵步兵非男非女非童男童女非樹非葉非華非果非地水火風非晝非夜非半月一月非年歲非百年非月非日非劫數非定非亂非一非異非純非雜非好非惡非多非小非量非無量非麤非細種種衆非幻幻非種種衆但以幻故示衆色像菩薩摩訶薩亦復如是觀一切世間皆悉如幻所謂業世間煩惱世間佛刹世間法世間三世世間派轉世間成世間壞世間行世間菩薩摩訶薩觀察一切世間悉如幻時不起衆生不壞衆生不起諸刹不壞諸刹不起諸法不壞諸法不取過去虛妄相不作當來不轉當來現在不住亦無所著不觀察菩提不虛妄取菩提不取佛興世亦無佛涅槃不住大願不取清淨離生平等無出無著出生嚴淨佛刹決定知眞法出生衆生界分別知衆生決定知法界住正法不動等入三世而不違分別三世出生陰入除滅所依度脫衆生等觀法界

無有差別知一切法非文字非言說而亦不捨諸深妙辯不著化衆生而轉法輪爲衆生故受持大悲度脫一切說過去因緣實知諸法而無所至佛子是爲菩薩摩訶薩第四如幻忍佛子何等爲菩薩摩訶薩如燄忍佛子此菩薩覺悟一切世間皆悉如燄如熱時燄無有方處菩薩摩訶薩決定了知一切諸法亦無方處非內非外非有非無非常非斷觀一切法皆悉真實假名施設非一色非種種色非無色地具足證知一切諸法佛子是爲菩薩摩訶薩第五如燄忍佛子何等爲菩薩摩訶薩如夢忍佛子此菩薩解一切世間皆悉如夢譬如夢非世間非離世間非欲界非色界非無色界非生非死非淨非穢非清非濁而有示現如是菩薩摩訶薩覺悟一切世間皆悉如夢不壞夢不著夢夢性寂滅夢無自性受持一切法皆悉如夢不壞夢不虛夢取夢覺悟一切世間皆悉如夢佛子是爲菩薩摩訶薩第六如夢忍佛子何等爲菩薩摩訶薩如響忍佛子此菩薩出生諸法善學成就究竟聖法得到彼岸知一切法皆悉如響分別衆聲猶如呼響而無所至菩薩摩訶薩解如來音不從內出不從外出不從內外出彼聞音者不在內不在外亦不在內外而能

出生以方便智了聲如響悉從緣起亦不壞
出施深入音聲遠離顛倒善學一切如帝釋
后於一音中出千妙音而亦不取虛妄音聲
菩薩摩訶薩亦復如是入離虛妄法界出生
巧妙方便音聲於無量無邊世界廣爲衆生
轉轉法輪度脫一切受持如來廣長舌相出
生無量無障礙音充滿十方一切世界普令
衆生悉得開解發起善根而音聲無轉不可
言說知音聲非語言而隨順語言亦不染著
種種音聲覺悟了知一切音聲佛子是爲菩
薩摩訶薩第七如響念佛子何等爲菩薩摩
訶薩如電念佛子此菩薩不生世間不死世
間不內世間不外世間不行世間非不行世
間不壞世間非不壞世間不起世間趣不離
世間趣不等世間非不等世間非世間非離
世間不行菩薩行而不捨大願非實非虛所
行真實究竟一切如來正法能轉一切世間
諸事亦不隨順世間流轉亦不受持正法派
轉譬如電或日或月山樹男女室宅牆壁大
地流水等皆悉能照令明淨故譬水油身寶
珠明鏡如是等一切清淨色悉能照明一切
淨界電不離明淨明淨不離電電能遠照而
電非遠近菩薩摩訶薩亦復如是能照彼我
一切境界而其智慧不作分別照現彼我一

切境界如種子中無有根芽莖節枝葉而能
爲因菩薩摩訶薩亦復如是於不二法中分
別二相修無礙際佛子是爲菩薩摩訶薩
八如電忍若菩薩摩訶薩成就此忍雖不往
詣諸如來所而悉普現一切佛刹不起此世
界不至一切世界菩薩現身徧一切世界如
電光現遊行無礙普至十方金剛諸山堅固
之物所不能障具足成就佛家清淨身口意
業得無量清淨一切色身佛子何等爲菩薩
摩訶薩第九如化忍佛子此菩薩知一切世
間皆悉如化所謂一切衆生業化一切衆生
行化一切虛妄化一切苦樂顛倒化一切妄
取化一切世間無實法化一切語言道化一
切煩惱化諸想所起故調伏衆生化離垢清
淨故三世不退轉化無生平等故菩薩願化
長養菩薩行故如來大悲化除滅衆生一切
苦故法輪方便智化出生無量無畏智辯故
佛子是爲菩薩摩訶薩解知世間離世間化
決定知廣大知無量無際等知如如具足成
就無量自在於真實中而不傾動悉見一切
無有真實而不壞所行譬如化不從心起不
住心中生不由業起亦不受報非世間生非
世間滅非法所攝非法所觸非是久住非須
臾住非世間行非離世間非遊諸方非請方

所攝非量非無量非厭非無厭非休息非無
 休息非凡非聖非淨非穢非生非死非愚非
 智非見非失不依世間非法界所攝非黠慧
 非愚蒙非熾然非寂滅非生死非涅槃非有
 非無如是菩薩摩訶薩處於世間行菩薩行
 受持方便觀察世間皆悉如化不著世間亦
 不著化不妄取世間亦不取化不住世間不
 離世間不住正法不隨非法而不捨教化衆
 生一向正念具足諸願莊嚴諸法亦復不
 壞諸莊嚴法於一切法悉無所有悉能具足
 一切佛法譬如化非有非無菩薩摩訶薩亦
 復如是安住如化忍中悉能具足諸佛菩提
 饒益衆生佛子是為菩薩摩訶薩第九如化
 忍佛子若菩薩摩訶薩成就此忍於一切佛
 刹無所依著譬如化於一切世界無所依著
 於一切佛法不虛妄行譬如化行無所行離
 諸顛倒譬如化非身示現一切身譬如化不
 依色示現一切色譬如化不著實際平等滿
 足自性無性譬如化非解脫法悉能示現一
 切法處譬如化無處所性亦非調伏亦非清
 淨譬如化離一切神力往詣一切諸如來所
 譬如化不可退轉不生不滅悉離罣礙一切
 諸力金剛諸山所不能障佛子何等為菩薩
 摩訶薩第十如虛空忍佛子此菩薩解一切

法界猶如虛空以無性故譬如虛空一切世
界亦復如是解一切佛刹無所起故譬如虛
空一切諸法亦復如是解無二法故譬如虛
空一切衆生行亦復如是解行無所行故譬
如虛空一切佛法亦復如是解無分別故譬
如虛空一切佛力亦復如是解無異故譬如
虛空一切諸禪亦復如是解三世故譬如虛
空一切說法亦復如是解不可說故譬如虛
空一切佛身亦復如是解無礙故譬如虛空
徧一切處解一切法如虛空故佛子如是菩
薩摩訶薩解一切法悉如虛空得虛空等忍
智得虛空等身得虛空等身業得虛空等口
得虛空等口業得虛空等心得虛空等心業
譬如虛空不生不死菩薩摩訶薩亦復如是
一切法身不生不死譬如虛空不可破壞菩
薩摩訶薩亦復如是智慧諸力不可破壞譬
如虛空一切世間之所依止而無所依菩薩
摩訶薩亦復如是一切諸法之所依止而無
所依譬如虛空不生不滅悉爲一切生滅所
依菩薩摩訶薩亦復如是非向非成令一切
衆生皆悉清淨譬如虛空非方非方而能
示現諸海分際菩薩摩訶薩亦復如是非業
非業報而能演說一切生死大海分際譬如
虛空非行非住而能示現種種威儀菩薩摩

訂薩亦復如是。非行非住而能分別一切諸
 行。譬如虛空非色非無色而能示現百千諸
 色。菩薩摩訶薩亦復如是。非世間色非離世
 間色而能示現一切諸色。譬如虛空非久住
 非須臾住。菩薩摩訶薩亦復如是。非久趣向
 非須臾趣向。能廣演說一切菩薩之所住。行
 譬如虛空非淨非穢。菩薩摩訶薩亦復如是。
 非世間障覆亦非清淨。譬如虛空一切世間
 皆謂現前。實非現前。菩薩摩訶薩亦復如是。
 一切諸法現菩薩前而於菩薩無所現前。譬
 如虛空住一切處而虛空無分齊。菩薩摩訶
 薩亦復如是。住一切法而菩薩心無有分齊。
 何以故。菩薩摩訶薩思惟自己善根猶如虛
 空。善根清淨。善根具足。善根平等。善根一分
 善根寂滅。善根一味。善根一量。善根清淨。如
 虛空色。善根趣一切道。不忘一切法。得一切
 不壞法。遊行一切刹具足。一切身而於諸身
 悉無所著。普於十方永離疑惑。具足成就不
 可壞力。滿足一切功德境界。得一切種法。得
 深樂法。得虛空等金剛善根。出生一切諸妙
 音聲。一切世間常轉法輪。未曾失時。佛子是。
 爲菩薩摩訶薩第十如虛空。忍若菩薩摩訶
 薩成就此忍。得無來身以無去。故得不生身
 以不滅。故得不聚身以無散壞。故具足不實

身以無真實故得一相身以無相故得無量
身以佛力無量故得平等身以如相故得不
壞身以等觀三世故得至一切處身以淨眼
普照無障礙故得離欲際身以一切法無合
散故得虛空際功德藏以無盡故得無窮盡
平等法辯以一切法性如虛空一性故得無
量無礙微妙音聲以無礙如虛空故得清淨
具足一切菩薩行巧妙方便以一切法無礙
清淨如虛空故得一切佛法海以不可斷如
虛空故得受持一切佛刹以無量如虛空離
貪欲故得一切法示現自在未曾休息以堅
固如虛空故得不可壞堅固法身以如虛空
能持一切世間故具足成就不可沮壞金剛
諸根以示現一切世間成敗故得具足力能
持一切世間以受持智慧如虛空故佛子是
爲菩薩摩訶薩十種忍爾時普賢菩薩欲重
宣此義爲諸菩薩以偈頌曰

譬如世有人聞有寶藏處聞已大歡喜寶藏可得故
如是大智慧菩薩真佛子佛深寂滅法聞已大歡喜
聞彼深法已其心不恐怖亦不生驚畏不退亦不沒
菩薩向菩提聞此寂滅音堪忍寂滅法於彼不生疑
我作一切智天人尊導師以聞甚深法其心堪忍故
彼聞寂滅音踊躍大歡喜一心樂專求一切諸佛法
修習調伏心正直求菩提長養諸善根而不壞法性

堪忍寂滅法 隨順彼音聲 修習菩薩行 安住音聲忍
轉求勝妙道 出生諸善法 精進不退轉 究竟成菩提
聞此妙音聲 菩提心清淨 得勇健善根 令諸佛歡喜
譬如功德人 獲大珍寶藏 隨順身所宜 造諸莊嚴具
慧者亦如是 聞此深法義 增廣智慧海 隨順求諸法
決定隨順法 分別無所有 隨順於真如 得彼真實法
得淨自在心 明徹大歡喜 解了一切法 悉從衆緣起
修習平等法 分別性非性 不壞佛法藏 正覺一切法
正直心堅固 莊嚴淨菩提 不動如須彌 一向求佛道
修習深三昧 精進不懈怠 無量劫修行 未曾有退失
最勝甚深海 究竟到彼岸 盡諸法原底 遠離衆恐怖
等心觀諸法 如無等所說 成就隨順忍 平等智滿足
具足順忍門 順佛之所說 隨順真實智 不分別法細
三十三天中 彼諸天子等 共一寶器食 所食各不同
諸天種種食 不從十方來 隨彼所修業 自然食在器
菩薩亦如是 觀察一切法 悉從因緣起 不生亦不滅
若法不生滅 是法不可盡 了達其成敗 清淨不可壞
實際不可壞 悉寂滅如如 金剛願饒益 具佛無礙智
專念寂滅法 其心未曾離 隨順世間行 長養大悲願
具足諸願力 不著於世間 成就甚深智 隨順廣說法
是名無生忍 解諸法無盡 了達悉如如 法界無所起
菩薩住此忍 一切十方界 現在無量佛 皆悉授彼記
樂觀寂滅法 出生諸善根 一念達三世 調伏淨衆生
觀察諸世間 解了悉如幻 寂滅無所有 於彼無染著

諸色從心造 示現猶如幻 虛空非真實 一切有如幻
譬如工幻師 四衢現衆像 衆生見歡喜 而實無所有
世間亦如是一切皆如幻 有無等諸法 了知悉虛妄
度脫一切衆 解了悉如幻 善能平等知 衆生幻無異
衆生諸佛刹 三世一切法 無量諸世間 悉了義如幻
譬如工幻師 示現種種形 男女象馬牛 園林華果等
幻無所染著 亦無有住處 幻法無真實 所現悉虛妄
佛子亦如是 觀察諸世間 有無一切法 了達悉如幻
衆生諸佛刹 種種業所造 覺悟如幻際 於彼無所著
菩薩摩訶薩 常樂寂靜法 深入真實地 究竟住法界
隨順向正法 最勝法化生 善解一切想 纏網羣生類
想如熱時燄 令衆生顛倒 菩薩善知想 能離一切倒
世間各別異 形類悉不同 佛子善明達 了相非真相
十方諸羣生 悉爲想網覆 菩薩慧眼淨 善見世間想
世間猶如燄 妄想取世間 能斷世間想 則離三種倒
譬如熱時燄 衆生於遠見 妄想謂爲水 其實非真水
衆生亦如是 虛妄取世間 想如熱時燄 無礙心境界
分別一切想 成就無礙智 想縛羣生類 勇健能解脫
遠離放逸慢 除滅世間想 究竟盡無盡 無盡者方便
彼能解世間 一切法如夢 夢性無方處 世間亦如是
解法離虛妄 寂滅心無異 明了世間行 三世皆如夢
夢非生死法 非有亦非無 三有悉如夢 寂滅心無縛
解世如夢性 不依於世間 觀世間寂滅 不染著諸趣
明見一切世 不起虛妄倒 善解法如夢 速得如夢忍

衆生於夢見種種諸異相悉知從心造而實無所有
 智月如是見衆生皆如夢曉了如夢已離一切虛妄
 菩薩方便解一切法如夢夢性無真實非一亦非異
 衆生一切法佛刹諸行業菩薩悉明了
 隨一切垢淨悉能如實知解知世如夢不取虛妄相
 菩薩所行行一切諸妙願明解悉如夢於彼無所著
 決定解諸法及一切世間菩薩能善知其性皆如夢
 出間生滅法衆生去來相解了淨如夢其性無忘失
 隨順如夢行亦不壞世間了達諸威儀如脩短無實
 是名如夢忍解了一切法成就無礙智度脫一切衆
 菩薩摩訶薩廣行無量行出生於一切正覺平等法
 種種諸方便解法真實相諸法無去來於彼心無著
 一切衆生類無量諸音聲菩薩深覺悟了之悉如響
 菩薩知音聲非是內外法諦了諸音聲一切皆如響
 一切諸音聲皆悉是虛妄菩薩知非實於彼無所著
 菩薩悉觀見十方一切佛又聞彼如來梵音演說法
 彼諸大導師廣說修多羅菩薩聞法音其心無所著
 所聞聲如響悉無所從來分別一切音善解無壞法
 分別諸音聲善解一切法解聲非是聲出無量淨音
 觀察一切法皆悉離音聲種種語言際悉能善了知
 菩薩於衆生了之悉如響如是能深解一切諸衆生
 菩薩善隨順明達語言道解了一切世種種諸音聲
 了知音聲性常靜寂靜地明解諸世間一切悉如響
 猶如語言道宣明種種法衆生樂深著虛妄之音聲

如彼音聲相 世間亦如是 衆生相亦然 眞佛子明覺
如此眞實相 明智之忍力 今音淨微妙 解世皆寂滅
彼於三世中 了達語言道 不取虛妄聲 其心無所著
寂靜定意爲世間 一向專求佛菩提
未曾虛妄取世間 心常欣樂寂滅法
觀察世間無有餘 皆悉寂滅無自性
專求菩提爲衆生 具足智力大慈悲
不受一切世間生 亦不解脫於世間
一切世間無所依 亦復不離依世間
解知衆生諸法性 於彼法性不染著
於諸衆生無所依 清淨解脫而無縛
於一切趣知實性 世間生死流轉法
菩薩解法無有二 於不二法無所著
其心不住諸世間 又亦不離於世間
所行不在世間外 了知諸法眞實相
譬如水中電光色 彼色非內亦非外
菩薩饒益衆生故 演說世間無眞實
衆生無縛無解脫 一切世間不可說
世間非內亦非外 如彼水中電光像
如是清淨離垢心 隨順其深微妙行
具足智慧法燈明 成滿諸願不退轉
智慧成就不可量 常能饒益一切衆
安立衆生無畏法 除滅一切諸障礙

修習甚深法 饒益一切衆

此忍增妙智 具足菩薩行

深入寂滅法 諦了悉如化 示現無量行 而實無所行
勝地修菩提 隨順如化行 如化常寂滅 菩薩行亦然
了知衆生類 及無量行業 平等悉如化 解脫亦如是
明解三世佛 一切悉如化 無量本行願 化成諸導師
大慈悲彌廣 化衆生清淨 清淨即是化 化力持應現
世間悉虛妄 菩薩解如化 化性諸世間 種種業莊嚴
變化藏嚴飾 究竟菩薩行 隨世諸行業 種種難無量
化是虛妄法 出生化虛妄 菩薩所行法 皆悉離虛妄
化智海決定 化印印世間 化非生滅法 智慧亦如是
第十一忍明觀 清淨如虛空 虛空衆生法 等觀無別異
智滿如虛空 除滅諸障礙 虛空性無雜 世間亦如是
成就空忍力 如空不可盡 境界如虛空 不取虛妄相
虛空無自性 虛空不可斷 虛空無種種 智力亦如是
譬如虛空性 無有初中後 虛空無異性 智慧亦如是
如是正觀法 皆悉如虛空 無生亦無滅 平等觀諸法
安住虛空法 廣爲十方說 虛空方便忍 調伏一切魔
虛空無自性 世間亦如是 有性無性法 平等如虛空
一方便莊嚴 觀世間虛空 悉知三世法 猶如虛空性
菩薩智慧身 音聲如虛空 身性亦虛空 安住虛空智
是名十種忍 佛子具足行 心安住忍力 廣爲十方說
眞佛子善學 超成智慧力 法力定智力 隨順修菩提
深入此忍門 成就無礙智 調伏一切惡 轉無上法輪
安住無量法 一切莫能知 調御師智海 菩薩盡原底
緣下行菩提 得此深法忍 妙法清淨意 悉滿一切願

一切衆生類諸佛刹微塵悉可算其數菩薩德難知

若有眞佛子成此十種忍一切諸衆生無能知境界

大方廣佛華嚴經卷第二十八

若醜下音九切

所制下音九切

離瞋下音計切

點慧上音八切

印辰歲高隱國大嚴華嚴經

勅賜進

大方廣佛華嚴經卷第二十九

東晉天竺三藏佛跋闍耶

譯

心王菩薩問阿僧祇品第二十五

爾時心王菩薩白佛言世尊所謂阿僧祇不可量無分齊無周徧不可數不可稱量不可思議不可說不可說不可說世尊云何阿僧祇乃至不可說不可說耶佛告心王菩薩言善哉善哉善男子饒益衆生故乃能問此如來應供等正覺佛智境界甚深之義善男子汝今諦聽我當說之爾時心王菩薩白佛言世尊唯然善聽佛告心王菩薩言百千百千名一拘梨拘梨拘梨名一不變不變不變名一那由他那由他那由他名一轉婆邏轉婆邏轉婆邏名一作作作名一來來來名一勝勝勝名一復次復次復次名一阿婆邏阿婆邏阿婆邏名一得勝得勝得勝名一分界分界分界名一充滿充滿充滿名一量量量名一解解解名一此解此解此解名一離欲離欲離欲名一捨捨捨名一聚聚聚名一通通通名一頻申頻申頻申名一網網網名一衆衆衆衆衆衆名一出出出名一分分分名一分別分別分別名一稱稱稱名一持持持名一不顛倒不顛倒不顛倒名一不憊不憊不憊名一正正正名一慧慧慧名一第一第一第一

第一名一覺覺覺名一毗遮妒毗遮妒毗遮

妒名一極高極高極高名一妙妙妙名一邏

婆邏婆邏婆名一訶黎婆訶黎婆訶黎婆名

一解脫解脫解脫名一黃黃黃名一訶黎那

訶黎那訶黎那名一因因因名一賢覺賢覺

賢覺名一明相明相明相名一摩樓陀摩樓

陀摩樓陀名一忍忍忍名一枝技技名一摩

樓摩樓摩樓摩樓名一等等等名一離疑

離疑離疑名一種種種名一不放逸不放逸

不放逸名一摩多羅摩多羅摩多羅名一動

動動名一到到到名一說說說名一白白白

名一了了了別了別名一究竟究竟究竟名

一清涼清涼清涼名一阿羅阿羅阿羅名一

潮潮潮名一油油油名一祇邏祇邏祇邏名

一味味味名一泥邏泥邏泥邏名一戲戲戲

名一斯羅斯羅斯羅名一聚沫聚沫聚沫名

一彌羅彌羅彌羅名一堅固堅固堅固名一

風風風名一滿滿滿名一不可稱量不可稱

量不可稱量名一根根根名一微細微細微

細名一蓮華蓮華蓮華名一摩伽婆摩伽婆

摩伽婆名一不可度不可度不可度名一醯

樓醯樓醯樓名一語語語名一劫劫劫名一

婆婆婆婆婆婆名一間間間名一無間無間

無間名一離垢離垢離垢名一實勝實勝實

勝名一彌羅覆彌羅覆彌羅覆名一遮摩羅
遮摩羅遮摩羅名一法法法名一波羅摩馱
波羅摩馱波羅摩馱名一定定決定決定名一
一流轉流轉流轉名一廣說廣說廣說名一
無盡無盡無盡名一等真實等真實等真實
名一無我無我無我名一阿毘陀阿毘陀阿
毘陀名一青蓮華青蓮華青蓮華名一數數
數名一起趣趣名一受受受名一阿僧祇阿
僧祇阿僧祇名一阿僧祇轉阿僧祇轉阿僧
祇轉名一無量無量無量名一无量轉無量
轉無量轉名一无分齊無分齊轉无分齊名一
無分齊轉無分齊轉無分齊轉名一无周徧
無周徧無周徧名一无周徧轉無周徧轉無
周徧轉名一无數無數無數名一无數轉無
數轉無數轉名一不可稱不可稱不可稱名
一不可稱轉不可稱轉不可稱轉名一不可
思議不可思議不可思議名一不可思議轉
不可思議轉不可思議轉名一不可量不可
量不可量名一不可量轉不可量轉不可量
轉名一不可說不可說不可說名一不可說
轉不可說轉不可說轉名一不可說轉轉爾
時世尊爲心王菩薩以偈頌曰

不可言說諸劫中
充備一切不可說

不可言說諸佛刹

皆悉盡末爲微塵

悉於一一微塵中

廣說一切不可說

悉能善於一念中

說不可說諸世界

不可稱說諸劫中

念念次第而演說

不可說劫猶可盡

而不可說不可盡

悉於一一微塵中

分別演說不可說

不可說劫猶可盡

而不可說不可盡

不可言說微塵中

悉有不可說衆生

皆共讚歎普賢德

猶尚不能令窮盡

設使一微毛端處

有不可說諸普賢

披諸一切普賢等

說不可說不能盡

如一微細毛端處

十方世界亦如是

於彼一一毛端處

置不可說諸佛刹

毛端能量虛空盡

而說佛刹不可盡

於彼一一毛道中

種種無量諸佛刹

有同類者不可說

亦有異類不可說

於彼一一毛道中

有不可說淨佛刹

以不可說莊嚴具

莊嚴彼彼諸佛刹

於彼一一毛道中

演出名身不可說

於彼一一諸名身

廣宣無量諸佛名

一一如來自身中

變化毛孔不可說

於彼一一毛孔中

出生異色不可說

於彼一一異色中

放妙光明不可說

於彼一一光明中

出寶蓮華不可說

於彼一一寶蓮華

各有寶葉不可說

於彼一一寶蓮葉

有微妙色不可說

於彼一一妙色中

出生蓮華不可說

於彼一一蓮華中

各放光明不可說

於彼一一光明中

出生淨月不可說

於彼一一諸月中

復出淨月不可說

於彼一一淨月中

出淨光明不可說

於彼一一光明中

出不可說明淨日

於彼一一諸日中

出不可說淨妙色

於彼一一妙色中

出不可說淨光明

於彼淨妙光明中

出不可說師子座

不可言說莊嚴具

出不可說淨光明

於彼一一光明中

出不可說異妙色

於彼一一妙色中

出不可說明淨寶

於彼一一明淨寶

出不可說不可說

金剛寶藏如須彌

清淨具足而莊嚴

於彼一寶須彌中

有不可說不可說

微妙殊特諸佛刹

清淨具足而莊嚴

如此一寶須彌山

一切須彌亦如是

悉有無量不可說

具足清淨諸佛刹

是不可說不可說

皆悉分別不可說

攝取不可言說轉

出生光明不可說

於彼一一光明中

出生諸佛不可說

彼諸一切如來等

說不可說清淨偈

假偈悉於念念中

說不可說真實諸

示現一切來來際

如來智慧無窮盡

彼諸一一如來等

出不可說梵音聲

於彼一一梵音中

轉不可說淨法輪

於彼一一法輪中

用不可說修多羅

於彼一一修多羅

分別諸法不可說

於彼一一諸法中

又說諸法不可說

又復於彼諸法中

說衆生依不可說

又於一一毛道中

不可說劫說正法

如彼一微毛端處

一切十方亦如是

不可稱說無礙心

變化諸佛不可說

彼諸一一化如來

所出變化不可說

彼諸一切所變化

徧遊佛刹不可說

不可稱說變化身

種種妙色而莊嚴

彼不可說佛世界

分別一切諸衆生

清淨一切衆生類

度脫一切諸羣生

莊嚴莊嚴不可說

成就神力不可說

清淨自在不可說

應現衆生不可說

神力自在不可說

智慧境界不可說

不可稱說神力持

普轉世間令清淨

不可說淨方便法

說修多羅不可說

於彼一一修多羅

攝諸佛法不可說

於彼一一淨法中

復說正法不可說

於彼一一諸法中

說不可說使定法

於彼一一決定中

說不可說衆生依

不可稱說種類法

不可稱說種類心

不可稱說非類法

不可稱說非類心

不可稱說非類根

不可稱說非類語

彼悉能於念念中

調伏衆生不可說

不可稱說自在力

應現衆生不可說

彼不可說應化時

或有同類不同類

菩薩皆悉分別知

諸明算者不能數

菩薩於一毛端處

安置佛刹不可說

或有微細或廣狹

淨穢無量不可說

於彼一一佛刹中

復有佛刹不可說

菩薩皆悉分別知

如是佛刹不可說

一毛端處無量刹

而於其中不迫近

微小毛端亦不大

悉容彌廣諸佛刹

不令佛刹有雜亂

形相如本而無異

一佛刹有無量刹

一切佛刹亦如是

一毛端處悉容受

如虛空等無量刹

佛刹形相不可說

一毛端處各殊別

入於一毫毛道中

次第悉入不可說

毛道攝取不可說

毛道亦無究竟滿

次第劫入不可說

常能攝取不可說

種種方便不可說

度脫衆生不可說

具足攝取是方便

境界無量不可說

菩薩深入不可說

是名深入不可說

意根深廣不可說
勇猛精進不可說
彼諸大願不可說
彼諸境界不可說
菩薩身業不可說
意業清淨不可說
清淨智慧不可說
方便深入不可說
勇猛精進不可說
甚深三昧不可說
一切衆生不可說
諸衆生身不可說
彼諸業報不可說
知衆生性不可說
彼應化時不可說
隨方便道不可說
無上智慧不可說
彼諸所說不可說
如是成就大慈悲
應現色像不可說
菩薩智慧甚明淨
所問正法不可說
應現色像不可說
往詣佛所不可說

徧遊諸方不可說
具足自在不可說
所得功德不可說
能究竟度不可說
口業清淨不可說
清淨解說不可說
微妙奇特不可說
除滅疑惑不可說
深入正法不可說
究竟彼岸不可說
一切佛刹不可說
衆生心望不可說
知衆生欲不可說
分別衆生不可說
隨所出處不可說
彼諸出者不可說
彼方便道不可說
一切轉時不可說
饒益一切諸世間
遊諸佛刹不可說
觀十方佛不可說
諸佛應答不可說
遊行諸方不可說
示現自在不可說

以不可說諸色像
以不可說供養具
不可稱說清淨寶
不可稱說妙華鬘
彼深信心不可說
正直希望不可說
成就施心不可說
修行布施不可說
禁戒清淨不可說
讚歎最勝不可說
具足諸忍不可說
成就寂滅不可說
具足精進不可說
不退轉心不可說
一切禪藏不可說
寂靜定意不可說
破羅蜜慧不可說
使定解法不可說
菩薩行門不可說
智慧境界不可說
彼諸法力不可說
菩薩正念不可說
修行智慧不可說
彼智慧身不可說

詣不可說如來所
供不可說諸如來
不可稱說眾寶華
供不可說諸最勝
清淨解脫不可說
恭敬供養一切佛
過去施心不可說
內外悉施不可說
信心清淨不可說
生妙法愛不可說
深解無生不可說
住寂滅地不可說
過去妙心不可說
忍辱之心不可說
觀察諸法不可說
了知諸禪不可說
成就三昧不可說
究竟諸佛不可說
具足諸願不可說
清淨法門不可說
清淨住法不可說
彼諸法界不可說
善學智慧不可說
住持智慧不可說

彼淨法輪不可說
彼妙法雲不可說
彼諸神力不可說
彼悉能於念念中
成就迴向不可說
諸佛刹海不可說
分別佛刹不可說
莊嚴清淨不可說
種種雜色不可說
清淨佛刹不可說
深入衆生不可說
彼諸業報不可說
種種諸根不可說
衆生諸性不可說
衆生威儀不可說
衆生清淨不可說
菩薩神力不可說
隨順諸行不可說
示現自在不可說
光明妙色不可說
彼於一一毛端中
光明網色不可說
勇猛精進不可說
寂靜三昧不可說

彼法智慧不可說
彼妙法雨不可說
解方便法不可說
解深法界不可說
於念念中徧遊行
所詣諸佛不可說
種種莊嚴不可說
微妙淨色不可說
衆莊嚴具不可說
垢穢佛刹不可說
衆生諸界不可說
衆生所行不可說
衆生虛妄不可說
衆生欲樂不可說
衆生煩惱不可說
調伏衆生不可說
所變化身不可說
度脫衆生不可說
放大光明不可說
令衆生淨不可說
放光明網不可說
普照佛刹不可說
成就無畏不可說
調伏世間不可說

清淨身業不可說
意業無量不可說
成就智寶不可說
諸陀羅尼不可說
音聲清淨不可說
真實正念不可說
菩薩所行不可說
離衆恐怖不可說
不可稱說真佛子
讚歎佛子不可說
不可稱說諸導師
彼諸菩薩不可說
彼諸分齊不可說
隨住智慧不可說
樂見諸佛不可說
永度正法不可說
二觀三世不可說
彼所稱量不可說
菩薩勝行不可說
清淨所願不可說
諸佛菩提不可說
分別真實不可說
清淨佛刹不可說
彼所修習不可說

清淨口業不可說
清淨勝行不可說
深入法界不可說
菩薩善學不可說
智慧知音不可說
持衆生語不可說
正覺清淨不可說
調伏世間不可說
彼清淨行不可說
欲究竟盡不可說
讚歎菩薩不可說
清淨功德不可說
隨彼所住不可說
不可說劫不能說
長養智慧不可說
離礙正法不可說
三世智慧不可說
出生智慧不可說
種種所願不可說
具足菩提不可說
彼起智慧不可說
知一切法不可說
所行諸力不可說
一念開悟不可說

廣說正法不可說
踊躍歡喜不可說
轉妙法輪不可說
所說正法不可說
不可稱說一切劫
彼諸大劫猶可盡
不可稱說諸如來
一切十方諸衆生
彼諸正覺一一有
彼淨妙身一一有
彼如來頭一一有
彼廣長舌一一出
以彼一一妙音聲
不可稱說一切劫
不可說劫猶可盡
若於一小微塵中
於彼一一佛刹中
賢首如來世界中
一切法界無有餘
於彼一一微塵中
於彼一一微塵中
復置刹海不可說
於彼一一佛刹中

諸佛自在不可說
示現世間不可說
離衆怖畏不可說
度脫衆生不可說
讚歎菩薩諸功德
讚歎功德不可盡
各有無量清淨振
如來功德猶不盡
皆悉一時成正覺
不可稱說淨妙身
不可稱說如來頭
不可稱說廣長舌
無量清淨妙音聲
不可說劫讚歎佛
宣揚讚歎佛功德
歎佛功德無窮盡
有諸佛刹不可說
各有賢首不可說
復有佛刹不可說
其中所有諸微塵
佛刹成敗不可說
安置佛刹不可說
分別方類不可說
不可稱說諸如來

彼諸如來所壽命
諸佛所行不可說
威神道力不可說
微妙智慧不可說
十力功德不可說
清淨深入不可說
波智慧藏不可說
菩薩究竟正隨順
分別無量諸迴向
不可稱說諸大劫
於不可說諸佛所
得不可說無礙心
所修行業不可說
分別佛刹不可說
勇猛精進不可說
未曾離於一坐處
不可稱說諸大劫
智慧方便不可說
轉淨智慧不可說
於諸一一語言中
或於一時覺菩提
入諸毛端不可說
殊特勝性不可說
一方便不可說

不可稱說諸大劫
微妙正法不可說
離障礙智不可說
境界甚深不可說
佛覺菩提不可說
清淨法界不可說
分別功德不可說
具足迴向不可說
迴向一切諸導師
一心正受諸三昧
所行清淨不可說
悉徧遊行十方界
神力應現不可說
諸佛現前不可說
究竟智慧不可說
而能徧遊十方界
徧遊十方諸佛刹
如實智慧不可說
念念示現不可說
解佛智慧不可說
或種種時覺菩提
入諸微細不可說
見諸如來不可說
隨順善入諸佛性

諸佛刹性不可說

惡能隨順入菩提

不壞法界不可說

佛衆生刹不可說

三世所攝不可說

菩薩究竟不可說

大方廣佛華嚴經壽命品第二十六

爾時心王菩薩摩訶薩告諸菩薩言佛子如

此娑婆世界釋迦牟尼佛刹一劫於安樂世

界阿彌陀佛刹爲一日一夜安樂世界一劫

於聖服幢世界金剛佛刹爲一日一夜聖服

幢世界一劫於不退轉音聲輪世界善樂光

明清淨開敷佛刹爲一日一夜不退轉音聲

輪世界一劫於離垢世界法幢佛刹爲一日

一夜離垢世界一劫於善燈世界師子佛刹

爲一日一夜善燈世界一劫於善光明世界

盧舍那藏佛刹爲一日一夜善光明世界一

劫於超出世界法光明清淨開敷蓮華佛刹

爲一日一夜超出世界一劫於莊嚴慧世界

一切明光明佛刹爲一日一夜莊嚴慧世界

一劫於鏡光明世界覺月佛刹爲一日一夜

佛子如是次第乃至百萬阿僧祇世界最後

世界一劫於勝蓮華世界賢首佛刹爲一日

一夜普賢菩薩等諸大菩薩充滿其中

大方廣佛華嚴經菩薩住剎品第二十七

爾時心王菩薩摩訶薩復告諸菩薩言佛子

東方有菩薩住處名仙人起山過去諸菩薩

常於中住彼現有菩薩名金剛勝於其中止
 有三百菩薩眷屬常爲說法南方有菩薩住
 處名勝樓閣山過去諸菩薩常於中住彼現
 有菩薩名法慧有五百菩薩眷屬常爲說法
 西方有菩薩住處名金剛嵌山過去諸菩薩
 常於中住彼現有菩薩名無畏師子行有三
 百菩薩眷屬常爲說法北方有菩薩住處名
 香聚山過去諸菩薩常於中住彼現有菩薩
 名香聚有三百菩薩眷屬常爲說法東北方
 有菩薩住處名清涼山過去諸菩薩常於中
 住彼現有菩薩名文殊師利有一萬菩薩眷
 屬常爲說法東南方有菩薩住處名拔堅固
 過去諸菩薩常於中住彼現有菩薩名天冠
 有一千菩薩眷屬常爲說法西南方有菩薩
 住處名樹提光明山過去諸菩薩常於中住
 彼現有菩薩名賢首有三千菩薩眷屬常爲
 說法西北方有菩薩住處名香風山過去諸
 菩薩常於中住彼現有菩薩名香光明有五
 千菩薩眷屬常爲說法四大海中有菩薩住
 處名枳怛過去諸菩薩常於中住彼現有菩
 薩名曇無竭有萬二千菩薩眷屬常爲說法
 海中有菩薩住處名功德莊嚴處過去諸菩
 薩常於中住毗舍離城南有菩薩住處名善
 住過去諸菩薩常於中住巴連弗邑有菩薩

住處名金燈僧伽藍過去諸菩薩常於中住
摩訶羅國有菩薩住處名長養功德過去諸
菩薩常於中住拘陳那耶國有菩薩住處名
法座過去諸菩薩常於中住清淨彼岸國有
菩薩住處名牟真隣陀功德過去諸菩薩常
於中住風地內有菩薩住處名無礙龍王所
造過去諸菩薩常於中住甘菩國有菩薩住
處名最上慈過去諸菩薩常於中住真旦國
土有菩薩住處名那羅延山過去諸菩薩常
於中住邊夷國土有菩薩住處名牛頭山過
去諸菩薩常於中住罽賓國上有菩薩住處
名鬱提尸山過去諸菩薩常於中住難提拔
檀那城有菩薩住處名梯羅浮訶過去諸菩
薩常於中住菴浮黎摩國有菩薩住處名正
治邪曲過去諸菩薩常於中住乾陀羅國有
菩薩住處名寂靜窟過去諸菩薩常於中住

大方廣佛華嚴經卷第二十九

廣狹下洽音

淨穢

下於廢切

枳恒

上居帝切
下當割切

巴連

上伯加切

弗邑

上分勿切
下於侯切

邊夷

下以脂切

鬱提

上紆物切

拔檀

上蒲撥切

菴浮

上烏舍切

甲辰歲高麗國大藏都監奉

勅彫造

大方廣佛華嚴經卷第三十

朝

東晉天竺三藏佛跋陀羅

譯

佛不思議法品第二十八之一

爾時諸菩薩大會中有諸菩薩作如是念諸佛刹土不可思議諸佛淨願不可思議諸佛種姓不可思議諸佛出世不可思議諸佛法身不可思議諸佛音聲不可思議諸佛智慧不可思議諸佛神力自在不可思議諸佛無礙住不可思議諸佛解脫不可思議

爾時世尊知諸菩薩心之所念即與青蓮華菩薩佛神力佛智佛辯佛功德佛無畏充滿其身究竟一切諸佛法界與佛神力境界無障礙行分別一切如來種性與不可數諸佛方便爾時青蓮華菩薩摩訶薩即入甚深無礙法界一切無礙法修菩薩行成就普賢菩薩所願隨順一切佛以大莊嚴而自莊嚴大悲普觀一切衆生欲令清淨於一念中出生如來無量大智成就如來無盡智門成就一切諸陀羅尼諸辯光明普照一切爾時青蓮華菩薩承佛神力告蓮華藏菩薩言佛子諸佛有無量無數清淨妙住諸佛安住無量自在諸佛於一切事未曾失時一切諸佛悉皆平等轉淨法輪諸佛四辯說無窮盡一切佛法不可思議一切諸佛清淨音聲無所不至

一切諸佛悉能分別無量法界一切諸佛光明普照一切諸佛所說皆入甚深法界佛子一切諸佛有十種法界無量無邊起出世間一切諸佛色身清淨無量無邊清淨平等覺一切諸佛無礙眼無量無邊清淨平等覺一切法一切諸佛無礙耳無量無邊分別一切衆生音聲一切諸佛鼻入無量無邊清淨究竟一切佛自在到於彼岸一切諸佛廣長舌相無量無邊出妙音聲普聞法界一切諸佛身業無量無邊隨應衆生現如來身一切諸佛意業無量無邊三世無礙法身清淨不可破壞一切諸佛無礙解脫法門無量無邊示現無盡神力自在一切諸佛於一切世界莊嚴佛刹無量無邊以應衆生一切諸佛無量無邊諸菩薩行及諸勝願自在神力皆悉滿足悉能覺悟諸佛正法佛子是爲一切諸佛十種法界無量無邊佛子一切諸佛於念念中悉能出生十無盡智何等爲十於一念中悉現一切世界從兜率天命終於一念中悉現一切世界菩薩出生於一念中悉現一切世界菩薩出家於一念中悉現一切世界往詣道場菩提樹下成等正覺於一念中悉現一切世界轉淨法輪於一念中悉現一切世界隨應化導一切衆生悉令解脫於一念中悉

於一切世界現莊嚴身隨應衆生於一念中
悉現一切世界種種莊嚴無數莊嚴如來自
在一切智藏於一念中悉現一切世界清淨
衆生於一念中徧一切世界悉現三世一切
諸佛於一念中爲種種諸根精進欲性故顯
現三世諸佛種姓成等正覺開道衆生佛子
是爲一切諸佛於一念中生十種智佛子一
切諸佛有十種未曾失時何等爲十一切諸
佛成等正覺未曾失時一切諸佛善根業報
未曾失時一切諸佛授菩薩記未曾失時一
切諸佛隨應衆生示現神力未曾失時一切
諸佛現如來身未曾失時一切諸佛悉行於
捨未曾失時一切諸佛入城聚落未曾失時
一切諸佛攝取歡喜衆生未曾失時一切諸
佛於難化衆生而放捨之爲調伏故未曾失
時一切諸佛示現不可思議自在神力未曾
失時佛子是爲一切諸佛十種未曾失時佛
子一切諸佛有十種不可譬喻不可思議境
界何等爲十一跏趺坐徧滿十方一切世界
一發言音悉能演說一切佛法放一光明悉
能普照一切世界一身悉能現一切身不離
本處悉徧示現一切世間決定一法悉於諸
法無所罣礙於一念中悉能充滿無餘世界
於一念中悉能示現諸佛功德於一念中悉

能示現一切三世佛教化一切衆生而不捨
離諸佛寂滅無二三昧佛子是爲一切諸佛
十種不可譬喻不可思議境界

佛子一切諸佛有十種出生住持智慧何等
爲十一切諸法無所趣向而能出生清淨願
智一切諸法無身而能出生法身智慧一切
諸法悉無有二而生正覺悟一切法一切諸
法悉無有我無有衆生而能出生化衆生智
一切諸法悉無有相而能出生種種相智一
切世界悉無成敗而能出生世成敗智一切
諸法無有造者而能出生業報智慧一切諸
法無可言說而能出生說法界智一切諸法
無有垢淨而能出生垢淨智慧一切諸法無
有生滅而能出生緣起智慧佛子是爲一切
諸佛十種出生住持智慧佛子一切諸佛有
十種無量內法何等爲十一切諸佛內身清
淨隨順三世一切諸佛悉有三輪內法教化
衆生一切諸佛悉有內深智慧陀羅尼分別
一切佛法一切諸佛皆悉內有四辯法輪於
四衆中轉淨法輪一切諸佛皆悉內有大慈
大悲悉能不捨一切衆生一切諸佛內常寂
定善觀衆生未曾失時二切諸佛皆悉內有
巧妙善根調伏衆生一切諸佛皆悉內有一
切法界住無礙住一切諸佛內一念中悉能

示現三世諸佛出興於世一切諸佛內有分別一切三世阿僧祇劫即是一日佛子是爲一切諸佛十種無量內法佛子一切諸佛有十種甚深大法何等爲十一切諸佛悉能壞散一切諸魔一切諸佛悉能降伏一切外道一切諸佛悉能應化一切衆生令其歡喜一切諸佛悉能往詣一切世界教化衆生一切諸佛身徧諸世界而無異身一切諸佛一一音聲具四種辯未曾斷絕一切諸佛衆生見者皆令歡喜利益不虛一切諸佛一一毛孔次第出生一切世界微塵等佛未曾斷絕一切諸佛於一一微塵中示現一切世界微塵等佛刹種種莊嚴常轉法輪教化衆生未曾斷絕而微塵不大世界不小決定了知安住法界一切諸佛於一切法覺悟癡闇具足十力廣爲一切衆生說如實法除滅癡瞋佛子是爲一切諸佛十種甚深大法佛子一切諸佛有十種功德離惡清淨何等爲十一切諸佛本來修習一切功德離惡清淨一切諸佛悉於三世如來家生離惡清淨一切諸佛於未來際心無所著離惡清淨一切諸佛不著一切三世諸法離惡清淨一切諸佛離種種虛妄以一莊嚴而自莊嚴離惡清淨一切諸佛功

德無盡安住法界等離惡清淨一切諸佛色
身淨妙無量無邊普現十方一切世界教化
衆生未曾失時離惡清淨一切諸佛住四無
畏離諸恐怖於一切天人衆中大師子吼廣
說諸法令衆歡喜離惡清淨不可說不可說
劫中滅度諸佛若有衆生聞其名者得大果
報如佛現在離惡清淨一切諸佛逮在不可
說不可說世界中住若有衆生一心正念彼
諸如來即現在前離惡清淨佛子是爲一切
諸佛十種功德離惡清淨佛子一切諸佛有
十種究竟清淨何等爲十一切諸佛諸願究
竟清淨一切諸佛梵行禁戒究竟清淨一切
諸佛悉得捨離優婆提究竟清淨一切諸佛
佛刹究竟清淨一切諸佛眷屬究竟清淨一
切諸佛種姓究竟清淨一切諸佛色身相好
究竟清淨一切諸佛法身究竟清淨一切諸
佛無礙一切智身究竟清淨一切諸佛解脫
所作已作永度彼岸究竟清淨佛子是爲一
切諸佛十種究竟清淨佛子一切諸佛於一
切世界一切時有十種佛事何等爲十一切
諸佛若有衆生正憶念者即現在前一切諸
佛常爲衆生說摩訶衍一切諸佛常能長養
一切衆生無量善根一切諸佛若有衆生始
離生死入正法位悉分別知一切諸佛不捨

衆生教化時會一切諸佛常遊一切世界無
有障礙一切諸佛大悲常不捨離一切衆生
一切諸佛所變化身常不斷絕一切諸佛自
在神力未曾斷絕一切諸佛普常安住清淨
法界悉爲衆生而廣演說佛子是爲一切諸
佛於一切世界一切時有十種佛事佛子一
切諸佛有十種無盡方便智慧大海何等爲
十一切諸佛法身無盡智慧大海一切諸佛
功德無盡智慧大海一切諸佛佛眼境界無
盡智慧大海一切諸佛不可思議善根無盡
智慧大海一切諸佛行一切法無盡智慧大
海一切諸佛雨甘露法無盡智慧大海一切
諸佛讚歎諸佛功德無盡智慧大海一切諸
佛本願諸行無盡智慧大海一切諸佛盡未
來際爲一切衆生常作佛事未曾休息無有
窮盡智慧大海一切諸佛知衆生心心所行
無盡智慧大海一切諸佛出生一切智功德
無盡智慧大海佛子是爲一切諸佛十種無
盡方便智慧大海佛子一切諸佛有十種常
法何等爲十一切諸佛常行一切諸波羅蜜
一切諸佛於一切法常離愚癡一切諸佛常
具大悲一切諸佛常具無量十力一切諸佛
常轉無上法輪一切諸佛常度一切衆生一
切諸佛常爲衆生成等正覺一切諸佛常應

化度一切衆生一切諸佛常行正念不二之法一切諸佛常化衆生已示現涅槃諸佛境界無有邊際佛子是爲一切諸佛十種常法佛子一切諸佛有十種無量說佛法門何等爲十一切諸佛悉說無量衆生界門一切諸佛悉說無量衆生種種行門一切諸佛悉說衆生無量諸業報門一切諸佛悉說無量方便度衆生門一切諸佛悉有無量淨衆生行門一切諸佛悉有無量教化一切菩薩安立菩薩行門一切諸佛悉說無量菩薩勝妙願門一切諸佛悉說無量世界諸成就門一切諸佛悉說無量清淨佛刹一切菩薩正希望門一切諸佛悉說無量一切世界去來現在諸佛無量劫中次第出世善分別此佛智慧門佛子是爲一切諸佛十種無量說佛法門佛子一切諸佛有十種法常爲衆生而作佛事何等爲十一切諸佛色身常爲衆生而作佛事一切諸佛受施常爲衆生而作佛事一切諸佛不受施常爲衆生而作佛事一切諸佛常以地水火風而作佛事一切諸佛神力住持境界常爲衆生而作佛事一切諸佛常以名號爲諸衆生而作佛事一切諸佛常以佛刹境界普爲衆生而作佛事一切諸佛常以清淨

佛刹爲諸衆生而作佛事一切諸佛常以默然爲諸衆生而作佛事佛子是爲一切諸佛十種法常爲衆生而作佛事佛子一切諸佛有十種堅固士法何等爲十一切諸佛諸願堅固不可沮壞如說修行言行相應一切諸佛盡未來際劫修菩薩行功德莊嚴未曾恐怖一切諸佛爲化一切衆生故悉詣不可說不可說世界而於一切世界教化衆生無有留難一切諸佛於信不信衆生大悲等觀而無有異一切諸佛從初發心乃至正覺於其中間未曾退失菩提之心一切諸佛修諸功德皆悉迴向一切種智不求世行一切諸佛於諸佛所隨順修學身口意業永離聲聞緣覺之心一向專求無上菩提所修功德皆悉迴向一切種智求無上道成等正覺一切諸佛平等普照無量無邊諸佛正法淨菩薩心究竟具足一切種智一切諸佛悉能捨離一切世樂不樂世間所可願樂不著世間今一切衆生悉滅諸苦遠得寂滅平等快樂一切諸佛爲一切衆生故受無量苦皆欲建立諸佛種性悉令衆生樂求菩提超出生死得十力地佛子是爲一切諸佛十種堅固士法佛子一切諸佛有十種佛無障礙住何等爲十一切諸佛悉能徧遊一切世界無障礙住一

切諸佛悉能安住一切世界無障礙住一切
 諸佛於一切世界行住坐卧無障礙住一切
 諸佛於一切世界說法無障礙住一切諸佛
 於一切世界皆悉安住兜率陀天無障礙住
 一切諸佛於二世法界無障礙住一切諸佛
 眷屬充滿一切法界而爲說法無障礙住一
 切諸佛於一念中悉知一切衆生心心所行
 以三輪教化而調伏之無障礙住一切諸佛
 能以一身悉住一切諸佛不可思議法門無
 障礙住一切諸佛悉能分別一切衆生無障
 礙住一切諸佛悉能分別一切如來無障礙
 住佛子是爲一切諸佛十種無障礙住佛子
 一切諸佛有十種最勝無上莊嚴何等爲十
 一切諸佛悉有色身相好最勝無上莊嚴是
 爲一切諸佛最勝無上色身莊嚴一切諸佛
 悉有八種微妙音聲一一音聲悉有五百妙
 音眷屬不可稱數百千音聲以爲莊嚴無量
 無邊妙音聲故皆悉清淨普能演說一切諸
 佛正法義味悉離恐怖安住無畏大師子吼
 悉令一切法界一切衆生聞其音聲隨其本
 行種種善根皆令開解是爲一切諸佛最勝
 無上口業莊嚴一切諸佛悉有十力莊嚴意
 業開敷諸佛大三昧華十八不共莊嚴境界
 無所罣礙住法界地悉得諸佛法之原底無

餘法界皆悉莊嚴於一念中悉分別知三世一切法界一切衆生心心所行而無有餘是爲一切諸佛最勝無上意業莊嚴一切諸佛悉有最勝無上光明莊嚴皆悉普放大光明藏一一光明悉有無數妙光明網以爲眷屬普照十方諸佛世界除滅一切世間闇冥現佛出世作不退轉最勝佛事出生無量清淨法身是爲一切諸佛最勝無上光明莊嚴一切諸佛若微笑時悉於口中放不可數阿僧祇億那由他光各有種種無量不可思議色普照十方一切世界悉授無量無數阿僧祇衆生阿耨多羅三藐三菩提記是爲一切諸佛最勝無上普照一切離礙示現莊嚴一切諸佛悉有無量法身離礙清淨法界無量無邊遠離世間不染世間不著世間解世真實行出世法斷語言道攝無言際離陰界入是爲一切諸佛最勝無上法身莊嚴一切諸佛悉有無量常妙光明普照十方一切世界不可說不可說諸雜妙色而莊嚴之普照世間無所障礙出生一切光明之藏是爲一切諸佛最勝無上常光莊嚴一切諸佛悉有無量妙色腕樂妙色清淨妙色隨應一切衆生妙色映蔽三界光明妙色究竟彼岸無上妙色是爲一切諸佛最勝無上無量妙色莊嚴一

切諸佛自然清淨三世佛寶聖家中生離一切惡修行一切清淨勝法出生一切智如來種姓清淨無礙是爲一切諸佛最勝無上清淨種姓莊嚴一切諸佛大慈諸力莊嚴其身自然清淨遠離一切不善覺觀身行永息觀者無厭心淨解脫大悲具足一切衆生第一福田無上受者哀愍衆生普令安立一切種智出生無量功德寶藏一切衆生長養善根慈大悲究竟功德寶藏清淨莊嚴佛子是爲一切諸佛最勝無上十種莊嚴佛子一切諸佛有十種自在正法何等爲十一切諸佛於一切法隨意自在句身味身辯無窮盡說一切法而無障礙是爲一切諸佛自在正法一切諸佛隨應衆生化不失時隨其所願而爲說法未曾失時是爲一切諸佛自在正法一切諸佛悉能六種震動十方世界未曾惱亂於一衆生虛空等世界無量阿僧祇種種莊嚴或舉或下或合或散於一一世界一一處所衆生亦不惱亂衆生之心亦不令其生疑惑想是爲一切諸佛自在正法一切諸佛能以智慧受持一切世界種種莊嚴於一念中示現一切世界種種莊嚴不可數不可數阿僧祇劫歎莊嚴具而無窮盡永離一切世界

染汙莊嚴世間一切佛刹是爲一切諸佛自在正法一切諸佛若見一衆生應受化者於不可數不可數阿僧祇劫跏趺坐身不疲厭專念彼人未曾廢忘而不失時爲一衆生住持壽命盡未來際劫結跏趺坐身無疲厭念彼衆生未曾廢忘如一衆生一切衆生亦復如是是爲一切諸佛自在正法一切諸佛悉徧往詣一切世界諸如來所而無障礙一方面各有法界等世界海一一方無量世界網法界等一切世界海於一念中悉能周徧轉妙法輪而無障礙是爲一切諸佛自在正法一切諸佛調伏教化一切衆生故於念念中成等正覺非不先覺諸佛正法亦不住學地而成正覺於諸佛三得無罣礙不捨自在神力無量智慧境界教化衆生是爲一切諸佛自在正法一切諸佛能以眼入作耳入佛事能以耳入作鼻入佛事能以鼻入作舌入佛事能以舌入作身入佛事能以身入作意入佛事能以意入於一切世界種種境界世間境界出世間境界於一一境界能作佛事是爲一切諸佛自在正法一切諸佛於一毛孔悉能安置一切衆生一一衆生其身悉與不可說不可說諸佛刹等於彼衆生而不迫迤一一衆生悉壽無量阿僧祇劫普能遊

行無量世界於諸世界見佛興世轉淨法輪
宣暢演說無數法門廣說過去不可數法未
來現在不可數法一切衆生行四威儀而不
迫迨是爲一切諸佛自在正法一切諸佛於
一念中現蓮華寶藏師子之座如來淨身與
法界等處微寶座成等正覺示現如來自在
神力如一念中示現一如來成等正覺於一
念中示現一切世界微塵數如來成等正覺
亦復如是如一念中於一切念中亦復如是
如蓮華寶藏師子之座示成正覺如是一切
不可說不可說法界等清淨佛刹不可思議
種種莊嚴世界種種境界不可說佛刹或有
同相或有異相不可說阿僧祇劫說不能盡
無量諸佛種種念種種時不可思議於一念
中一切諸佛以少方便示現一切衆生亦復
如是佛子是爲一切諸佛十種自在正法佛
子一切諸佛具足十種不思議法已成等正
覺何等爲十一切諸佛一一妙相百福悉具
成等正覺一切諸佛具足一切佛法成等正
覺一切諸佛具諸善根成等正覺一切諸佛
具足修習諸功德行成等正覺一切諸佛善
知衆生諸根熟已成等正覺一切諸佛具足
成就無壞勝法成等正覺一切諸佛具足嚴
淨佛刹成等正覺一切諸佛具足一切種智

成等正覺一切諸佛色身相好滿足見者不
虛成等正覺一切諸佛悉具諸佛平等正法
成等正覺一切諸佛悉具一切諸佛事已然
後入於無餘涅槃佛子是爲一切諸佛滿足
十種不思議法成等正覺佛子一切諸佛有
十種巧妙方便何等爲十一切諸佛悉知諸
法無有究竟而究竟說諸佛善根是爲一切
諸佛巧妙方便一切諸佛了一切法悉無所
見各不相知無縛無脫無取無集無具足無
自在無究竟而一切佛於彼法中實知無異
離衆垢汙於一切法悉得自在於無取法中
不壞實際善究竟學大自在在地見一切法界
覺悟一切智是爲一切諸佛巧妙方便一切
諸佛離諸相際不住一切相而分別知一切
諸相亦不亂自性一切諸性無有自性而能
示現阿僧祇清淨色身種種嚴淨佛刹妙相
佛一切智具足智身明淨智燈除滅癡闇普
能示現一切衆生是爲一切諸佛巧妙方便
一切諸佛知衆生際非過去非未來非現在
法界亦非去來現在如如實性捨離虛妄而
能演說三壯諸佛見一切佛平等境界是爲
一切諸佛巧妙方便一切諸佛身口意業無
所造作究竟無住離諸數法到於彼岸而出
生無量功德寶藏分別演說世間出世間法

具足成就無礙智慧示現無量自在神力度脫一切法界等衆生是爲一切諸佛巧妙方便一切諸佛悉知一切法無知無見非一非異非相非無相非莊嚴非不莊嚴一切諸法皆無自性不生不滅而於所有無所有法由亦不壞世間法相一切智人見人示現勝妙智慧自在廣說一切諸法而於如如亦不永滅是爲一切諸佛巧妙方便一切諸佛能於一時皆悉分別知一切時不捨離生平等正法一切時中皆所不攝非晝非夜非半月非一月非一歲非百歲非劫成非劫敗非時不離時而於無量時轉淨法輪或須臾時或於晝初中後時或於夜初中後時或於七日一月一歲百歲乃至不可思議阿僧祇劫時乃至盡未來際劫於一切時轉淨法輪未曾暫息是爲一切諸佛巧妙方便一切諸佛知一切法界非時不離時一切諸佛具足成就無量無畏具足成就不可數辯不可量辯不可盡辯不可壞辯無邊辯不共辯無窮盡辯真實辯方便分別演說一切句身味身辯一切法辯隨性隨根隨行廣說諸法不可說不可說億那由他修多羅彼諸一一修多羅初中後善究竟善說是爲一切諸佛巧妙方便一切諸佛正覺法界無名無性無三世名無衆

生名無法名無非法名無功德名無非功德
名無菩薩名無佛名無數名無非數名無生
名無滅名非有名非無名非一名非種種名
一切諸法自性無言無方無處捨離音聲言
諸道斷究竟彼岸離虛妄境界修無形法除
滅一切覺觀虛妄不著一切世間語言而能
出生一切諸法句身味身是爲一切諸佛巧
妙方便一切諸佛知一切法不生無有受者
知色不生受想行識不生一切諸法皆悉寂
滅無入無界法界無所有而亦不壞一切法
相一切諸法無有起者悉如虛空一切法寂
滅無有業報無所學無成就無數無非數非
有非無非生非滅非垢非淨無來無去亦無
有住無衆生非無衆生亦無教化無命非無
命無因緣非無因緣無緣起非無緣起而善
分別正定邪定不定衆生成就十力四無所
畏一切種智於大衆中大師子吼如來境界
是爲一切諸佛巧妙方便佛子是爲一切諸
佛十種巧妙方便

大方廣佛華嚴經卷第三十

默然

上置

廢忘

上方

追追

上傳

佛不思議法品第二十八之二

佛子一切諸佛有十種佛事無量無邊不可思議一切天人不能稱量三世一切聲聞緣覺所不能說除佛神力何等爲十一切諸佛於無量無邊虛空法界等一切世界充率天上修菩薩行而作佛事無量妙色無量功德無量光明無量音聲無量清淨音聲無量三昧無量智慧境界攝取天人魔梵沙門婆羅門阿脩羅等一切世間大慈境界無礙大悲安樂攝取衆生或令生天或令長養諸功德力或令諸根清淨或調伏其心攝取衆生或以清淨諸乘攝取衆生或以滿足大乘攝取衆生或離生死攝取衆生是爲一切諸佛第一佛事一切諸佛從兜率天降神母胎修菩薩行觀諸有生如幻如化如電如夢如虛空如燄離一切諍修真實智離欲清淨具足大莊嚴藏於最後生而作佛事安處妙寶莊嚴樓閣而作佛事或以神力而作佛事或以正念而作佛事或以示現大自在藏而作佛事或以圓滿慧日而作佛事或以具足如來廣大境界而作佛事或以化滿無量無邊世界諸佛而作佛事或入無量無邊諸大三昧正

受而作佛事或復從彼諸三昧起而作佛事
或從初發心而作佛事乃至無餘理解而作
佛事此第二地究竟示現一切世間或初生
時一切世間而作佛事或童子時一切世間
而作佛事或菩薩時一切世間而作佛事或
出家時或成佛時或轉法輪時一切世間而
作佛事種種方便於一切無餘世界而作佛
事一切方網而作佛事一切佛刹而作佛事
一切業報而作佛事或於一切無餘衆生而
作佛事或於一切生死中變化正念法門而
作佛事佛子是爲一切諸佛第二佛事一切
諸佛爲菩薩時於王宮中成就一切清淨勝
業善能分別知一切生隨順衆生現處王宮
欲令一切善根具足而不著一切色離一切
聲觀一切有皆悉寂滅甚深智慧入一切境
界持一切戒清淨滿足大悲觀察內證眷屬
大慈觀察衆生空寂大喜觀察世無可樂大
捨觀察心得自在隨意能轉究竟一切智諸
妙功德出生法身與法界等清淨滿足而無
餘者令一切眷屬皆悉清淨廣能爲彼如應
說法今厭世間能說一切世間音聲隨彼所
行示現果報出生無量種種方便隨其所應
調伏教化善根未熟悉令成熟已成熟者令
得解脫示現無量不退佛事廣說種種法門

今無量衆生心得清淨興大悲雲普雨無
量甘露法雨大慈平等三輪示現教化衆生
雖處王宮而普示現一切佛事於一切世界
示現佛事出生無礙諸佛神通具足三種巧
方便業身口二業究竟清淨意業甚深究竟
無礙得巧方便饒益衆生佛子是爲一切諸
佛第三佛事佛子一切諸佛世間珍玩種種
寶物悉能眩惑動轉人心菩薩悉棄捨家出
家示現世間欲令衆生不著世間解知磨滅
皆悉非常捨離貪愛行清淨法饒益衆生得
出家利示現世間捨離俗服修無諍法滿足
本願無量功德皆悉圓滿智慧具足除世愚
癡示現衆生無上福田若有衆生於佛福田
種善根者讚歎其人悉已具足一切功德甚
深智慧了真實義悉令衆生得清淨樂永離
諸惡清淨法門廣爲衆生說正法門超出生
死爲欲建立一切智幢故捨家出家佛子是
爲一切諸佛第四佛事一切諸佛修無量行
一向專求薩婆若坐於道場菩提樹下成等
正覺達一切法壞散衆魔不可破壞法身之
藏悉能充滿一切法界離一切相究竟無盡
具足成就無量法門於一切智境界自在隨
順其義積集成滿一切種智功德莊嚴一切
寶座徧一切刹諸大菩薩悉處其座成就菩

薩無上衆行具足菩薩殊勝大願一切菩薩
常所敬念爲結菩薩轉深法輪無量佛境界
攝取諸菩薩修習莊嚴諸菩薩行令菩薩衆
皆悉清淨一切世間諸佛境界令一切衆生
修習善根不可破壞一切善根出真實地安
住無量菩薩行地具足一切勝妙功德悉分
別知一切世界一切衆生一切佛刹一切諸
法一切菩薩一切成熟一切三世一切教化
一切佛自在覺一切衆生性而作佛事佛子
是爲一切諸佛第五佛事一切諸佛轉妙法
輪不退轉故無量法輪一切世間知故一切
覺法輪無畏大師子吼故知一切法藏法輪
開示顯現明淨法門滅癡闇故無著法輪智
慧等虛空故無礙法輪觀一切法非有無故
一切世間燈法輪淨一切衆生法眼故示現
一切智法輪充滿三世一切世間故一切諸
佛同一法輪一切佛法不相違故如是等無
量阿僧祇法輪隨所應轉施作佛事不可思
議佛子是爲一切諸佛第六佛事一切諸佛
若入聚落城邑大三都城能爲衆生施作佛
事或入人王都城或入天王龍王夜叉乾闥
婆阿脩羅伽樓羅緊那羅摩睺羅伽羅刹毗
舍遮王入如是等一切諸王都城時能爲衆
生而作佛事所謂入城門時一切大地六種

震動光明普照盲者得視聾者得聽狂者得止裸者得衣苦者得樂一切樂器不鼓自鳴諸莊嚴具自然演出微妙音聲如是等物亦自然出微妙音聲一切諸佛色身清淨見者無厭普爲衆生而作佛事一切諸佛相好莊嚴普爲衆生而作佛事一切諸佛視瞻安詳未曾卒疾觀察諸方不失威儀於一切境界諸根寂定攝心不亂直趣涅槃普爲衆生而作佛事一切諸佛行四威儀普爲衆生而作佛事一切諸佛或以說法或以默然普爲衆生而作佛事一切諸佛或以神足說法教誡普爲衆生而作佛事一切諸佛爲一切世界海中種種衆生海修大善根念佛三昧行菩薩行觀察諸佛無有厭足或說佛興難可信遇見如來已出生無量一切善法修習功德行諸佛行佛出世間令衆生淨讚歎諸佛無量功德長養未來諸佛種姓修一切善根令諸佛歡喜解知如來無量妙色隨所應化普能現前今不可思議衆生於諸佛刹得見如來一切諸佛以如是等無量善根普爲衆生而作佛事彼諸衆生或有見佛歡喜或有禮拜或有合掌或有讚歎或有請佛或有受施或見佛微笑或有念佛或見佛悅樂普爲衆生而作佛事一切諸佛能以無量種種色身

示現衆生而作佛事一切諸佛以妙音聲普
 爲衆生而作佛事一切諸佛以如是等無量
 無數不思議事普爲衆生而作佛事於一切
 世界中一切衆生悉教化之令不退轉大悲
 充滿不捨本願具足成就一切智力隨所應
 化悉令調伏佛子是爲一切諸佛第七佛事
 一切諸佛或住阿練若處或寂靜處或離欲
 處而作佛事或住佛住而作佛事或住大三
 昧而作佛事或住獨處而作佛事或不現身
 而作佛事或住深智而作佛事或住不可稱
 量諸佛境界而作佛事或隨所應而作佛事
 或以天身境界而作佛事或以天龍迦樓羅
 緊那羅摩睺羅伽羅刹人非人等一切境界
 而作佛事或以聲聞緣覺菩薩境界而作佛
 事或以說法而作佛事或以默然而作佛事
 或說世間有一佛而作佛事或說世間有一
 切諸佛而作佛事或說一切菩薩無量願無
 量行爲一而作佛事或說一行一願爲無量
 而作佛事或說世間境界爲如來境界或說
 如來境界爲世間境界或說非境界爲如來
 境界而作佛事或住一日或住一夜或住半
 月一月一歲乃至住無量無數阿僧祇劫而
 作佛事佛子是爲一切諸佛第八佛事一切
 諸佛即是無盡功德之藏能令衆生發深信

心具足清淨隨其所應悉能化度諸根具足
調伏衆生悉令歡喜化一切衆生以真實道
覺悟一切諸菩薩衆未發菩提心者皆令發
心已發心者令具智慧悟不由他或現涅槃
而作佛事或現世間無常而作佛事或讚歎
法身清淨而作佛事或說所作已辦而作佛
事或說壞一切有而作佛事或說三有根本
永盡而作佛事或教衆生厭離世間隨順佛
心或爲衆生說壽命短促或爲衆生說一切
世間無可樂者或爲衆生說值未來一切諸
佛或爲衆生說諸如來轉妙法輪或發衆生
佛境界心或說隨時清淨念佛得見如來滅
除衆苦皆令清淨專求佛道於一切世界攝
取衆生令入如來甚深境界以如來身爲一
切身攝取衆生放逸衆生悉令具足三種淨
戒佛子是爲一切諸佛第九佛事一切諸佛
般涅槃時一切衆生悲泣兩淚憂惱愁毒嗚
呼痛哉如來應供等正覺常以大悲等念衆
生爲大導師哀愍饒益一切衆生救護世間
天人所歸難可值遇無上福田於今永滅諸
佛即以此等衆生憂苦悲惱感慕諸佛而作
佛事隨應化彼一切天人龍神夜叉乾闥婆
阿脩羅迦樓羅緊那羅摩睺羅伽等欲碎末
全身示現舍利欲令衆生歡喜供養淨正直

心調伏教化清淨衆生欲令衆生功德滿足
 欲令衆生起如來塔種種供養一切世間天
 宮龍宮夜叉乾闥婆阿脩羅迦樓羅緊那羅
 摩睺羅伽人非人宮起塔供養又以爪牙頭
 髮起塔供養衆生見已念佛法僧發起恭敬
 供養之心或行布施或修功德具功德已或
 生天上或生人中尊貴富樂除滅惡趣直向
 正道得見諸佛具白淨法成就正道超出三
 界隨彼所願皆悉滿足常念如來知恩報恩
 以諸如來常爲衆生作救護歸依如來雖復
 入於涅槃猶爲衆生作無上福田無盡福田
 令一切衆生長養善根具足成就一切功德
 佛子是爲一切諸佛第十佛事佛子此十種
 佛事無量無邊不可思議一切天人莫能知
 者三世一切聲聞緣覺所不能說除佛神力
 佛子一切諸佛有十種法王無異之法何等
 爲十一切諸佛與授記者言無有異一切諸
 佛若有衆生修念佛者皆令意滿悉無有異
 一切諸佛皆無異身覺諸法義悉無有異一
 切諸佛於三世如來智慧無異一切諸佛念
 念普知三世諸法悉無有異一切諸佛了知
 分別三世佛刹悉無有異一切諸佛一切佛
 語悉無有異一切諸佛教化衆生悉無有異
 一切諸佛解一切世間法與佛法無異三世

諸佛一切善根同一善根悉無有異佛子是
爲一切諸佛十種法王無異之法佛子一切
諸佛有向十種住法何等爲十一切諸佛悉
住覺一切法界一切諸佛悉住大悲一切諸
佛悉住本願一切諸佛悉住不捨教化衆生
一切諸佛悉住無所依法一切諸佛悉住無
虛妄法一切諸佛悉住念無失法一切諸佛
悉住無障礙心一切諸佛悉住定心未曾散
亂一切諸佛悉住一切諸法平等不壞實際
佛子是爲一切諸佛向十種住法佛子一切
諸佛知十種法悉無有餘何等爲十一切諸
佛知過去一切法界悉無有餘一切諸佛知
未來一切法界悉無有餘一切諸佛知現在
一切法界悉無有餘一切諸佛知一切語言
道悉無有餘一切諸佛知一切世間成壞悉
無有餘一切諸佛知一切衆生及其智慧悉
無有餘一切諸佛知一切菩薩善根上中下
相悉無有餘一切諸佛知一切佛滿足智慧
悉無有餘一切諸佛知一切法皆從緣起悉
無有餘一切諸佛分別了知一切世界悉無
有餘一切諸佛智慧分別一切世界如因陀
羅網悉無有餘佛子是爲一切諸佛知十種
法悉無有餘
佛子一切諸佛有十種最勝力大力無量力

大功德力尊重力不退轉力堅固力不可壞
力一切世間不能思議力一切衆生不能壞
力大力那羅延幢佛所住法何等爲十一切
佛身舉世裁橫所不能壞諸佛命根世間諸
毒所不能害一切世界火劫起時不能燒熱
水劫起時不能浸溺風劫起時不能散壞一
切魔軍天龍夜叉輒闍婆阿脩羅迦樓羅緊
那羅摩睺羅伽羅刹毗舍遮人非人等一切
衆生悉雨金剛如須彌山金剛圍山三千大
千世界爾所等雨雨於佛上不能令佛生怖
畏心一毛不豎行住坐卧威儀不改隨諸如
來所住方面金剛雨滂終不得下欲雨不雨
隨如來意佛所住持衆生及佛使命尚不可
害何況如來佛子是爲一切諸佛第一大力
那羅延幢佛所住法佛子一切諸佛一切法
界等世界中須彌山王金剛圍山大金剛圍
山一切大海一切諸山及一切衆生於一毛
孔悉能容持盡未來際劫一切衆生悉不自
知我住何所除佛神力一毛悉持一切衆生
徧遊十方無量世界行住坐卧而諸如來不
生苦惱厭倦之心威儀無異佛子譬如虛空
容持一切法界等世界不生苦惱厭倦之心
一切諸佛亦復如是於一毛孔容持無餘世
界一切衆生不生苦惱厭倦之心佛子是爲

一切諸佛第二大那羅延幢佛所住。如佛子一切諸佛一步能過不可說不可說世界微塵等佛。於一念中能行不可說不可說世界微塵等步。以如是步經一切世界微塵等劫。一金剛圍山與上諸劫所經世界微塵佛刹等如是等不可說不可說世界微塵數諸金剛圍山內一毛孔一切毛孔亦復如是。如來毛孔悉與一切衆生毛孔數等。以如是毛孔如是遠步如是速疾遊行十方一切世界一切虛空界盡過去未來際一切諸劫如是諸劫猶可窮盡。而諸如來身無羸弊心不退沒不捨三昧一切佛事。佛子是爲一切諸佛第三大力那羅延幢佛所住。法佛子一切諸佛一食結跏趺坐盡過去未來際不可說不可說一切劫身不傾動住不思議佛住受寂滅樂乃至不失化一衆生以一切世界及一切衆生安置如來一指端上盡未來際劫彼一一衆生其身悉如不可說不可說佛刹微塵等世界彼一一衆生其身重如一切世界而諸如來身無疲倦心無苦惱如一指端一切指端亦復如是。入一一世界入虛空界入一切方網如是一切處虛空界悉無有餘究竟法界以一毛端量一切世界一一毛端處結跏

跌坐盡過去未來際劫佛子是爲一切諸佛
第四大力那羅延幢佛所住法佛子一切諸
佛於一身化不可說不可說佛刹微塵等頭
一一頭化不可說不可說佛刹微塵等舌一
一舌出不可說不可說佛刹微塵等音聲一
切法界衆生無不聞者一一音聲說不可說
不可說佛刹微塵等修多羅一一修多羅說
不可說不可說佛刹微塵等句身味身如是
說法乃至盡不可說不可說佛刹微塵等劫
復不可說不可說佛刹微塵等劫說異句身
味身盡一切世界微塵等劫一切衆生念等
劫盡未來際一切劫此諸劫數猶可得盡如
來化身說法轉一切法輪如火輪自在智慧
說一切法輪正法輪除滅一切衆生疑惑轉
正法輪照一切法輪正法輪皆悉開發一切
法輪轉正法輪歡喜調伏莊嚴一切衆生轉
正法輪說諸菩薩莊嚴法行轉正法輪令大
衆智日圓滿莊嚴轉正法輪令一切無餘衆
生以大衆智而自莊嚴轉正法輪一切諸辯
無畏而自莊嚴如一如來一化身轉如是等
不可譬喻法輪雲一切法界虛空界等世界
悉以毛端周徧度量一一毛端處於念念中
化不可說不可說佛刹微塵等身乃至盡未

來際劫一一化佛身有不可說不可說佛刹

微塵等頭一一頭有不可說不可說佛刹微

塵等舌一一舌出不可說不可說佛刹微塵

等音聲一一音聲說不可說不可說佛刹微

塵等修多羅一一修多羅說不可說不可說

佛刹微塵等法一一法中說不可說不可說

佛刹微塵等句身味身復不可說不可說佛

刹微塵等劫說異句身味身音聲充滿法界

一切衆生無不聞者盡一切未來際劫常轉

法輪如來音聲無異無斷不可窮盡佛子是

爲一切諸佛第五大力那羅延幢佛所住法

佛子一切諸佛成就勝妙大莊嚴智德字相

猶如金剛不可破壞如來坐彼菩提樹下有

無量化魔三軍衆悉與一切衆生數等雜惡

形色甚可怖畏能發狂亂悉能恐怖一切世

間如是等衆充滿虛空法界等一切世界雜

惡形色甚可怖畏能發狂亂能令一切衆生

而畏能壞一切世間能害一切衆生如來見

已心無恐怖一毛不豎顏無異容乃至不生

一念微畏之相心安不動形色無異遠離覺

觀心常寂靜究竟遠離一切恐怖除滅一切

憂患煩惱安住佛住具足無礙大慈之力住

大悲住諸根寂靜永離恐怖智德字相不可

破壞堅固真實一切諸魔魔天眷屬見如來

已皆悉歸依如來於彼三輪教化皆令調伏
發菩提心悉不退轉乃至令得無上菩提佛
子是爲一切諸佛第六大力那羅延幢佛所
住法佛子一切諸佛出無障礙微妙音聲皆
悉充滿一切世界隨所應度無不聞者彼諸
如來所出音聲一切衆山所不能障須彌山
王寶山小金剛圍山大金剛圍山所不能障
天宮龍宮夜叉乾闥婆阿脩羅迦樓羅緊那
羅摩睺羅伽人非人等一切宮殿所不能障
一切世界高大音聲亦不能障隨其所應皆
悉聞之無所障礙佛子是爲一切諸佛第七
大力那羅延幢佛所住法佛子一切諸佛心
無障礙於不可說不可說億那由他劫心常
清淨三世諸佛離垢清淨同一莊嚴離我我
所於一切法亦無所依非內非外非生非不
生離一切境界寂滅無處無所造作離種種
相除滅一切虛妄取相自然清淨離諸境界
無所憶念隨順境界無諍之法離欲清淨住
真實際說法界際法界平等而無有盡一切
衆生莫能知者永離一切有爲無爲捨離一
切言語道境界究竟無礙無盡法界隨智慧
轉十力莊嚴淨一切法行巧方便說種種法
相即一法相一切法相不相違背不壞三世
於一切法界究竟自在到於彼岸具足甚深

自在法藏一切方便離癡正念安住十方一切佛刹而無動轉具不死智盡一切漏究竟諸法證於無漏心慧解脫究竟實際住無礙住常定無亂於三世法無有障礙於一念中悉了三世一切衆生心心所行佛子是爲一切諸佛第八大力那羅延幢佛所住法佛子一切諸佛具足成就細密法身諸佛法身境界無量一切世間所不能知於三界中無所深汙隨因緣應一切普現非實非虛平等清淨非去非來無爲無壞清淨常住一相無相是法身相非處非方一切身身自在無量妙色無量攝一切身作種種身隨方便身普照一切具足智藏而無種種分別其身充滿無餘世界說一切法界雖動非動清淨法身非有非無非方便非不方便隨衆生所應悉能示現非滅非不滅亦非不現而化衆生一切功德實所起之身一切法佛法起如如法身自然寂靜於一切法無所障礙隨順一切法界清淨一切世間分別一切世間無有動轉無有境界如來解脫攝一切智隨順一切身佛子是爲一切諸佛第九大力那羅延幢佛所住法佛子一切諸佛正覺悉等出生一切諸菩薩行所行不虛滿足深願淨菩薩行具足一切菩薩行智一切諸佛修菩薩行悉無

有異善分別知一切菩薩行滿足菩薩諸大願海離一切惡生諸善行修菩薩行皆悉清淨隨順一切佛寂然不放逸住一切三昧無量境界能教一切勝道遠離一切惡道究竟彼岸具足成就第一智力而無畏法而隨其所問悉能善答方便說法智慧平等周徧清淨身口意業皆悉清淨住諸佛住諸佛種姓佛智所作悉不退轉一切種智分別無量無邊諸住一切智明隨順智慧不可思議一切世間所不能解智慧明淨知一切法微細智慧無量無邊善能分別一切三世智慧微妙覺悟一切世界具足了知無上道義於一切世間作不可說佛事智慧不退成就一切諸如來身入算數智決定了知一切諸法捨離文字言語道斷而善能說一切文字行淨善法滿普賢智於一念中悉能覺了一切諸法隨淨衆生隨所應乘悉能法施以明淨智解一切法境界一切世界境界一切衆生境界於一念中悉能知見三世法界一切如來出世境界一切教化境界未曾失時至於一切清淨境界覺一切境界皆悉究竟於一念中覺悟三世衆生心意識行諸佛平等衆生無邊世界無邊法界無邊三世無邊一切諸佛自在無邊覺如是等無有障礙諸佛智慧諸

佛自在轉無量無邊諸佛所住住無礙住無礙心住住大悲住廣說深法教化衆生心無休息是爲一切諸佛第十大力那羅延幢佛所住法佛子是爲一切諸佛十種大力那羅延幢佛所住法無量無邊不可思議三世一切衆生聲聞緣覺皆不能知除佛神力佛子一切諸佛有十種定法何等爲十一切諸佛定於兜率天盡其壽命一切諸佛定示現處胎滿十月生一切諸佛定捨宮館樂行出家一切諸佛定坐菩提樹下覺一切法一切諸佛定一念中覺一切佛法於一切世界普現如來神力自在一切諸佛定隨時教化轉正法輪一切諸佛定知隨時種諸善根爲彼授記一切諸佛定隨應時不失佛事一切諸佛定知菩薩功德具足而爲授記一切諸佛定隨衆生一切問難於一念中悉能善答佛子是爲一切諸佛十種定法佛子一切諸佛有十種法若有衆生見如來者皆悉疾得十種果報何等爲十若有衆生見如來者疾得遠離一切惡道若有衆生見如來者疾得長養一切善根若有衆生見如來者疾得滿足一切善根若有衆生見如來者疾得往生淨妙天上若有衆生見如來者疾得除滅一切疑惑若有衆生見如來者已發菩提心者

疾得不退轉未發心者速發阿耨多羅三藐
三菩提心若有衆生見如來者未得離生聖
道除滅有見速令正取離生聖道若有衆生
見如來者速令清淨世間離世間一切諸根
若有衆生見如來者疾得除滅一切障礙若
有衆生見如來者疾得無畏不斷辯才佛子
是爲一切諸佛衆生見者皆悉疾得十種果
報佛子一切諸佛有十種清淨法一切菩薩
應常正念何等爲十一切諸佛過去方便一
切菩薩應常正念一切諸佛清淨妙行一切
菩薩應常正念一切諸佛滿足波羅蜜一切
菩薩應常正念一切諸佛功德積聚一切菩薩
應常正念一切諸佛過去梵行一切菩薩應
常正念一切諸佛成等正覺一切菩薩應常
正念一切諸佛色身無量無邊一切菩薩應
常正念一切諸佛無量無邊神力境界一切
菩薩應常正念一切諸佛十力無畏一切菩
薩應常正念佛子是爲一切諸佛十種清淨
法一切菩薩應常正念
佛子一切諸佛有十種一切智住何等爲十
一切諸佛於一念中悉知一切法界三世一
切衆生心心所行一切諸佛於一念中悉善
分別三出一切衆生種種業報一切諸佛於

一念中隨一切衆生所應度者或以神足或以教誡或以說法而教化之一切諸佛於一念中悉能善取一切法界十方衆生諸心心相示現一切世間如來出世一切諸佛於一念中隨一切法界中一切衆生希望欲性所應化度令見如來一切諸佛於一念中示現一切法界中一切衆生如來住持神力自在一切諸佛爲一切法界中一切衆生說一切佛離諸熾然隨其所應化度衆生一切諸佛於一念中以一切至處道悉知一切法界中一切衆生彼彼諸趣一切諸佛於一念中一切法界中一切方處一切衆生念如來者悉令得見一切諸佛於一念中隨一切法界中衆生心之所樂如來形色悉令得見佛子是爲一切諸佛十種一切智住佛子一切諸佛有十種無量不可思議三昧何等爲十一切諸佛於一切法常定不亂於一念中爲一切衆生說一切法一切諸佛於一切法界一切衆生常定不亂於一念中悉爲衆生分別演說無我實際一切諸佛於一切法界三世諸法常定不亂於一念中入億三昧一切諸佛於一切法界十方佛刹常定不亂於一念中悉徧遊行一切佛刹一切諸佛於一切法界普現無量無邊佛種種身常定不亂於一念

中一切世界無不徧現一切諸佛身口意業
充滿一切法界常定不亂於一念中分別演
說一切衆生心藏欲性一切諸佛於一切法
界一切法性常定不亂於一念中悉能究竟
離欲實際一切諸佛於一切法界一切世界
緣起常定不亂於一念中分別演說一切因
緣一切諸佛於一切法界一切世間離世間
法常定不亂於一念中無量莊嚴爲一切衆
生普現諸佛無有窮盡一切諸佛於一切衆
生一切法界正受無礙常定不亂於一念中
三諸佛趣無量斛脫究竟彼岸佛子是爲一
切諸佛十種無量無邊不可思議三昧佛子
一切諸佛有十種無礙解脫何等爲十一切
諸佛於一微塵中悉能普現不可說不可說
諸佛出世一切諸佛於一微塵中悉能普現
不可說不可說諸佛轉淨法輪一切諸佛於
一微塵中教化調伏不可說不可說衆生一
切諸佛於一微塵中普現不可說不可說佛
刹一切諸佛於一微塵中授不可說不可說
菩薩記一切諸佛於一微塵中普現三世諸
佛出世一切諸佛於一微塵中普現三世一
切佛刹一切諸佛於一微塵中普現三世諸
佛自在神力一切諸佛於一微塵中普現三
世一切衆生一切諸佛於一微塵中普現三

世一切諸佛佛事佛子是為一切諸佛十種
無礙解脫

大方廣佛華嚴經卷第三十一

珍玩下王換切

眩惑上玄縣三音

裸者上郎果切

不鼓下公戶切

練若上郎殿切

默然上墨等

短促上郡管切

爪牙上側奴切

裁橫上裁等

潰溺上七林切

不改下古亥切

雨滴下都計切

羸弊上力為切

度量上徒蒲切

習德上許容切

狂亂上巨豆切

深汙下烏路切

宮館下貫音

甲辰歲高麗國大藏都監奉

勅彫造

大方廣佛華嚴經卷第三十二

東晉天竺三藏佛跋闍耶

譯

如來相海品第二十九

爾時普賢菩薩摩訶薩告諸菩薩言佛子諦聽諦聽善思念之當爲汝說如來相海如來頂上有大人相名曰明淨三十二寶以爲莊嚴普放無量大光明網徧照一切十方世界如來頂上有大人相名曰普照佛方便海圓滿雜寶以爲莊嚴種種摩尼寶王莊嚴金剛光明世界所起普照一切法界如來頂上有大人相名充滿法界雲妙寶光明普照一切法界一切世界如來功德智慧十方世界海雲菩薩功德海雲如來頂上有大人相名曰普照悉現不可思議諸佛世界金剛摩尼妙寶光明觀無厭足如衆寶華聚奮迅普照一切法界佛寶光明如來頂上有大人相名瑠璃寶普照一切法界大自在雲摩尼寶王相種種莊嚴普照一切十方世界歎佛功德因緣所起悉放如來大寶光雲普照菩薩於道場樹結跏趺坐普現菩薩自在神力覺如來力普照一切十方佛刹六種震動於大法界虛空中普現無量自在一切智雲如來頂上有大人相名曰平等如來音聲燈雲離垢寶海放諸光明普照一切法界十方世界菩薩

功德海安立三世佛智幢海如來頂上有大人相名佛光廣雲伊那羅寶如意王寶摩尼王寶以爲莊嚴普照一切世界法界菩薩光嚴燈雲普照一切如來妙色音聲海及世界海淨佛力海如來有大人相名圓滿光明雲種種寶華莊嚴瑠璃摩尼寶王光明讚歎法身及諸菩薩一切十方世界海中歎如來地令一切衆生趣向如來諸力境界普現無量無邊如來淨地離垢清淨放大光明普照一切諸佛世界如來有大人相名菩薩行藏光明雲無量世界中如來放無量種種色寶光明普照一切法界佛剎出生無量如來妙音皆悉分別演說如來甚深大法如來有大人相名普照雲瑠璃伊陀羅金剛寶無量色清淨摩尼寶莊嚴放瑠璃色光明皆悉徧照一切諸海出佛無量微妙音聲充滿一切十方世界普現一切佛智慧海無量化身如來有大人相名日覺雲佛頂右面以雜寶華嚴莊嚴於一切世界莊嚴道場清淨一切法界世界令一切虛妄皆悉解脫覺淨法界如來有大人相名光明雲以心海三如意法寶莊嚴如來頂相普照十方世界諸菩薩雲長養最上智身法身行於一切如來相海滿足一切菩薩法界雲如來有大人相名一切莊嚴雲

金剛瑠璃華普照莊嚴一切法界海世界衆
寶蓮華以爲莊嚴皆悉充滿一切法界四種
菩薩行自在師子吼充滿一切法界海如來
有大人相名佛三昧海行雲莊嚴一切法界
海於念念中普現無量如來莊嚴充滿一切
不可思議法界世界如來有大人相名化海
普照雲妙寶蓮華如須彌山王出生無量寶
光明海佛意所起盧舍那所化出生無量一
切化海如來有大人相名一切如來解脫雲
離垢勝寶以爲莊嚴普照莊嚴一切如來即
子之座於其座內悉現一切如來色像放大
寶光明演說無量佛法大海莊嚴一切諸佛
刹海如來有大人相名覺佛種姓雲於瑠璃
華金寶蓮華放無量寶正法光明雲叢淨一
切如來光明普現一切清淨法界衆寶光明
無壞解脫徧入甚深諸法界海普現無量自
在力海如來有大人相名無量寶光明輪示
現過去清淨善根出生清淨智日普照十方
智慧法海如來有大人相名普照自在雲如
來頂寶妙解脫華瑠璃光明普照一切法界
海佛悉現一切諸佛刹海具足圓滿如來智
慧如來有大人相名入一切普照光明如來
寶相清淨莊嚴普照一切無量無邊如來菩
薩妙智慧藏一切法界如來有大人相名明

淨雲寶華瑠璃月放無量百千光明普照一
切法界虛空界一切佛刹普現十方一切如
來如來有大人相名覺光明雲一切寶光明
普照一切法界諸佛轉淨法輪悉放如來妙
光明雲普照一切十方世界如來有大人相
名普現一切莊嚴雲無量寶光明於一念中
一切法界普現一切菩薩坐於道場菩提樹
下成等正覺又能普現一切諸佛如來有大
人相名法界因雲如意妙寶莊嚴見無厭足
放大寶光明網普現一切衆生諸業報海如
來有大人相名日普照淨法輪雲能令如來
正法清淨普照莊嚴一切佛刹深解一切不
思議法海普照過去未來現在諸佛法界出
生無量如來化身如來有大人相名普照諸
佛海雲十方一切世界海中悉離障礙普見
一切如來海雲如來有大人相名法燈雲方
便深入一切衆生一切菩薩一切如來不可
思議法界海雲普照一切法界覺雲如來有
大人相名分別法界雲如來智慧廣照佛地
一切菩薩衆無量法海無量佛刹令一切衆
生入佛境界具足普賢菩薩願行佛平等智
一切諸明如來有大人相名一切世界海安
住普照雲一切法界虛空界寶光明雲見無
厭足普現道場一切菩薩諸如來身出生無

量普功德雲如來有大人相名一切寶光嚴
雲於佛眉間相中出生無量淨寶光明普照
一切十方世界淨照一切諸佛菩薩行法王
光明普照法界悉能長養一切光明一切法
界光明莊嚴普照一切諸菩薩海如來力雲
普照一切十方佛刹如來有大人相名一切
法界莊嚴雲如來頂相隨次漸起閻浮檀金
衆寶莊嚴放種種金色光眈於念念中普現
一切世界諸佛悉能普照一切佛刹莊嚴一
切菩薩諸功德藏如來頂相悉能莊嚴三十
二相又能莊嚴一切法界如來有大人相名
普照法界徧光明雲佛眉間相悉能普照一
切妙寶一切衆色一切日月一切佛海出生
十方無量光明海莊嚴一切諸如來身演說
一切如來法海如來有大人相名自在雲佛
清淨眼衆寶莊嚴慧眼清淨於諸法界無所
障礙吉光明雲示現一切如來有大人勝妙
鼻柱清淨衆寶以爲莊嚴一切衆寶妙色爲
覆佛寶華雲一切菩薩無能思議悉知一切
衆生諸佛法海如來有大人廣長舌相悉能
徧覆十方世界一切海雲過去修習善根所
得一切寶王清淨光明普照一切法界尸羅
之心又照一切三世諸佛悉能莊嚴一切法
界出生無量微妙音聲不思議寶以爲莊嚴

普照無量諸光明海佛妙音聲悉徧充滿一
切法界諸世界海如來有大人相名法界地
雲舌掌安住一切衆寶以爲莊嚴安住一切
法出生十方諸佛具足音聲悉能清淨一切
佛刹分別一切諸佛不可思議音聲海雲如
來有大人相名順法界雲舌端妙相金色淨
寶以爲莊嚴出生無量金色光明普照一切
諸如來海大師子吼震妙音聲悉徧至一
切世界一切衆生無不聞者於不可思議劫
修行所得普現一切諸音聲海普照一切衆
生樂聞無有厭足如來有大人相名平等法
門雲佛舌端相令無量佛刹皆悉清淨如意
妙寶以爲莊嚴出生無量種種音聲讚歎一
切諸佛法界普現一切菩薩法界妙功德雲
普覆一切諸佛菩薩深入一切諸佛菩薩法
悉現一切離垢衆寶清淨佛刹悉能普照一
切佛刹如來有大人斷齟相伊陀尼羅淨瑠
璃寶以爲莊嚴諸法界地悉在其內諸菩薩
雲皆悉充滿出生離垢妙寶光明普照十方
種種香雲種種燈雲普照菩薩內諸樓閣分
別一切諸佛刹海方便安住自在神力普現
不可思議諸法界雲如來有大人相名佛大
牙雲如來右面下大牙相衆寶莊嚴放大光
明輪普照法界及諸佛身普放光明網照十

方世界海及衆生海妙安隱輪以爲莊嚴如
來有大人相名寶嚴須彌藏如來右面上大
牙相如意寶王藏勝香嚴雲照以莊嚴放寶
光明與法界等一一光明內普現一切諸佛
自在一切佛刹莊嚴道場如來有大人相名
照一切寶須彌山燈雲如來左面下大牙相
分別解說一切諸相香華衆寶妙方便輪以
爲莊嚴放寶光明雲普照一切世界海普現
一切佛蓮華藏師子之座離垢菩薩海雲眷
屬圍遶如來有大人相名普照佛雲如來左
面上大牙相清淨衆寶及閻浮檀寶網輪華
以爲莊嚴出生不可思議微妙音聲普現一
切如來自在神力成就一切菩薩功德普照
一切虛空及語言法無盡法雲一切法海諸
佛音聲及一切寶出生分別一切諸佛衆妙
音聲充滿法界如來有大人相名金慕耆婆
如來一一齒間出無量相海門雲種種色寶
放大光明海閻浮檀金色普照法界一切世
界一切如來如來有大人相名一切寶地雲
如來右肩相一切寶色淨蓮華色明淨寶色
光嚴普照一切菩薩內法藏雲悉照一切如
來法海如來右肩平滿大人相清淨閻浮檀
金色普照菩薩法輪法界及照一切如意寶
王如來有大人左肩相閻浮檀蓮華色如來

圓滿諸功德海以爲莊嚴普放無量諸光明
網悉照一切世界法界示現如來無量自在
諸神力雲如來有大人相名周徧普照雲如
來左肩相衆寶莊嚴放閻浮檀金色光明悉
能充滿一切法界普照一切諸如來海種種
寶香莊嚴一切諸佛刹海如來有大人相名
普照莊嚴雲如來右肩無有動轉出生無量
佛燈光明垂法界雲充滿菩薩衆普照莊嚴
一切法界如來有大人相名海頂雲如來臂
有勝妙相海以爲莊嚴柔軟細滑種種衆寶
嚴輪莊嚴周徧清淨開發甚深法海音聲如
來有大人相名勝妙相續普現雲如來右脅
勝妙清淨法界輪地以爲莊嚴清淨寶網而
彌覆之出生無量如來化雲普照一切十方
法界如來有大人相名普現如來雲勝妙功
德藏菩薩功德寶天冠普照極高雲離垢清
淨普現十方無量諸佛自在神力開示三世
一切諸佛法海淨行坐於道場菩提樹下成
等正覺如來有大人相名開敷華雲如來勝
妙功德相續衆妙寶華寶輪莊嚴放香嚴光
明普現一切蓮華形色世界如來有大人相
名可悅樂金色雲一切寶王藏勝妙功德相
續一切寶心王藏放摩尼寶光明輪離垢清
淨極大高顯普照一切諸佛內方便功德藏

普照一切法界如來有大人相名勝海雲勝
上虛空寶放香光明普照十方一切道場圓
滿琉璃寶香燈鬘充滿十方如來有大人相
名電光雲下第二勝功德平等地相蓮華右
旋淨菩薩衆坐寶蓮華放佛藏光明普照法
界海如來有大人相名普現法界雲第三勝
相海具足成滿一切寶海刹普照開現無量
菩薩法界如來有大人相名普照最高雲第
四勝相海放離垢衆寶光明海普照一切法
界一切如來一切世界莊嚴一切衆生海如
來有大人相名轉一切法輪妙音聲雲下分
勝相離垢清淨一切正法道香燄光明照一
切佛內心相海一切法界如來有大人相名
莊嚴雲第十勝相宣暢十方一切諸佛菩薩
淨行覺悟離垢清淨光明三世諸佛一切智
海莊嚴一切諸佛刹海如來有大人手掌相
具足千輻寶輪種種衆寶以爲莊嚴放大光
明普照法界轉正法輪普照一切諸如來海
充滿一切佛功德海種種妙寶莊嚴法界如
來有大人相名海照雲如來寶手衆寶莊嚴
普放淨月光明燄雲莊嚴虛空如來菩薩諸
世界海讚歎菩薩行海如來有大人相名普
莊嚴雲如來妙手因陀尼羅瑠璃寶華以爲
莊嚴普照一切法界一切世界蓮華藏菩薩

安住寶藏莊嚴十方一切道場普照一切諸
佛海雲清淨法身如來有大人相名離垢燈
普照雲淨寶光明放淨光網普照十方皆悉
出生變化網雲莊嚴菩薩淨寶光明究竟一
切諸法行海到於彼岸如來有大人相名普
現一切衆寶雲寶藏海雲莊嚴如來蓮華充
滿一切衆寶蓮華放寶光明雲普照一切法
界如來有大人相名普照明淨雲放寶燄光
明海照於法界一切衆香光燄莊嚴普現寶
華燄光令一切佛世界網悉淨莊嚴普照一
切道場如來有大人相名琉璃燈雲一切世
界衆寶色地普照莊嚴皆放諸佛金色光明
以一切莊嚴而莊校之於一念中皆悉示現
一切法門如來有大人相名智慧燈雲金剛
寶華以爲莊嚴放閻浮檀金色光明普照一
切世界如來有大人相名安住蓮華光明雲
衆寶妙華以爲莊嚴放大光明網覆一切世
界諸須彌山如來有大人相名充滿法界如
來雲離垢淨寶以爲莊嚴放大光明普照一
切諸佛世界悉見如來坐蓮華藏師子之座
又復普照一切法界現一切相如來妙手普
現一切自在之相千輻相輪清淨具足種種
衆寶以爲莊嚴佛手充滿一切刹雲普照一
切諸法界雲如來有大人相名曰成就佛刹

海雲佛右手指寶相清淨法界清淨光燄等
照如淨水月出衆寶華出生一切妙寶音聲
普現一切諸佛刹海如來有大人相名安住
一切寶雲普照諸佛寶藏法界於佛指相出
生如意妙寶王雲衆寶莊嚴放大光明網普
照一切法界雲及諸佛雲普照莊嚴一切菩
薩諸功德海出生普賢菩薩淨行妙音聲海
一切佛刹無不聞者又開發普照諸菩薩心
皆悉滿足無量大願摩尼寶王以爲莊嚴種
種日光輪皆悉普照一切法界如來有大人
寶馬藏相隱密於右衆寶莊嚴普照一切法
界及虛空界一切衆寶莊嚴法界海出生一
切如來莊嚴微妙音聲如來有大人相名日
一相現一切相海雲如來安處福田之座一
切衆寶以爲莊嚴出生無量不可思議妙寶
光明普照十方一切法界普現分別一切衆
相現一相雲照現一切諸佛自在神力如來
有大人相名一切法界海雲普照十方諸如
來座及一切法界法輪法海悉能示現一切
相雲如來有大人相名普示現雲如來右髀
衆寶莊嚴放於妙法種種香光隨順安住出
諸音聲一切寶王以爲莊嚴於念念中悉能
示現心王海雲如來有大人相名普照一切
迴向海雲如來左髀悉徧充滿一切寶海隨

順安住法海莊嚴放一切光明海悉能普照
一切衆生無量佛海如來有大人相伊尼延
右脇放閻浮檀金色光明普照一切世界震
動無量諸佛刹土出佛音聲一切普聞出生
無量菩薩化身充滿一切諸佛世界及虛空
界放明淨光明莊嚴普照一切今諸佛刹皆
悉清淨菩薩變化藏諸法界雲猶若虛空如
來有大人相伊尼延左脇如鍊金色常放一
切妙寶光明充滿無量諸佛世界開發一切
諸佛法化莊嚴無量諸佛法海如來有大人
相名毛端內現一切佛刹於一毛孔悉放一
切寶光明藏普照十方一切法界於一毛孔
示現一切如來自在諸法界雲如來有大人
相名菩薩海莊嚴雲如來金剛足下閻浮檀
金色放一切寶光明網充滿十方諸佛刹雲
開發一切菩薩法化出生無量菩薩變化放
一切寶香光明住菩薩海能於一步徧諸佛
刹如來有大人相名明淨雲佛足趺上一切
衆寶以爲莊嚴放妙寶光明示現一切諸佛
菩薩大光明藏普照無量諸如來雲如來有
大人相名曰覺雲普覆一切如來指間衆寶
王莊嚴放諸寶光於念念中示現一切諸佛
自在普照無量諸佛法海示現一切道場悉
照未來無量際劫如來有大人相名曰徧照

法界海雲如來足下千輻相輪種種莊嚴放
百千衆寶光明普照一切法界諸世界海衆
寶燈燄妙莊嚴藏普照十方一切諸佛無量
香光以爲莊嚴普照一切淨法界海如來有
大人相名示現一切諸佛海雲清淨如空照
諸法海充滿十方發起一切諸菩薩雲出妙
音聲雲衆寶華雲以爲莊嚴香燈光燄示現
普照一切世界如來有大人相名自在光明
雲衆寶莊嚴示現一切諸佛光明淨法界海
及諸道場常放如來智慧光明一切衆相悉
爲一相法界無雜種種莊嚴如來有大人相
名法界海音聲雲如來足下後分衆寶莊嚴
普照一切諸法界海一切諸佛自在莊嚴普
入化輪覆一切法界於一一身出生法界妙
音聲雲如來有大人相名深寶原底衆寶莊
嚴放閻浮檀金色圓滿光明普照十方世界
法界顯現一切莊嚴道場如來有大人相名
一切寶月光明伊那尼羅寶藏莊嚴照法界
雲於念念中悉能示現如來法海如來有大
人相名普雲藏右虛空寶雲最高寶光明照
一切佛道場座藏金剛伊那尼羅寶顯現莊
嚴如來有大人相名平等光雲衆寶妙華以
爲莊嚴出生甚深法界音聲徧一切法界及
虛空界於一一相普照一切諸如來海入佛

甚深自在菩薩法界海說不可盡如來有大
人相名示現莊嚴雲清淨閻浮檀金色衆寶
莊嚴普放種種妙色光明徧照一切莊嚴佛
刹佛雲充滿無量世界莊嚴菩薩自在法海
普照一切諸佛功德及諸菩薩解脫之藏莊
嚴法界如來有大人相名諸佛自在普示現
雲轉諸寶輪衆寶莊嚴放不思議如來光明
妙香普聞一切世界無量佛海演出一切佛
音聲海於諸世界現菩薩門佛自在雲佛子
於佛身中有如是等十蓮華藏世界海微塵
數佛大人相於諸肢節種種妙寶以爲莊嚴
大方廣佛華嚴經佛小相光明功德品第三十

爾時佛告寶手菩薩言如來應供等正覺有
隨形好名曰海王彼出光明名曰明淨七百
萬阿僧祇光以爲眷屬又菩薩摩訶薩於梵
率天放大光明名曰幢王普照十世界微塵
數刹徧照彼處地獄衆生滅除苦痛令彼衆
生十種眼耳鼻舌身意諸根行業皆悉清淨
彼諸衆生見光明已皆大歡喜命終皆生兜
率天上生天上已聞天妙音名不可樂此音
聲語諸天子言以不放逸故於諸佛所種善
根故遇善知識故盧舍那佛威神力故於地
獄命終生此天上如來足下千輻輪中有妙
光明名普照王於彼海王隨形好處悉放四

十廣大光明一名清淨功德普照六十億那由他佛刹微塵數世界隨衆生境界隨種種善根隨衆生意乃至普照阿鼻地獄其中衆生命終皆生兜率天上生天上已聞天妙音作如是言善哉善哉諸天子盧舍那菩薩今住離垢三昧應當敬念爾時諸天子聞天勸化微妙之音便作是念奇哉奇哉何由出此微善功德之所成就諸天子如我說我而不著我不著我所一切諸佛亦復如是自說是佛而不著我不著我所諸天子如我音聲不從東方南西北方四維上下來諸天子業報成佛亦復如是非十方來諸天子猶如汝等昔在地獄不從十方來但以顛倒愚癡纏故得來我天音聲亦復如是非十方來但以三昧善根力故出生如是微妙音聲般若波羅蜜力故示現如是自在神力諸天子譬如須彌山王有三十三天淨妙宮殿種種樂具不從十方來我天音聲亦復如是諸天子譬如億那由他佛刹微塵數世界末爲微塵如是微塵數衆生我爲說法隨彼所應令大歡喜然我於彼不生厭惡心不生疲倦心不生放逸心不生憍慢心諸天子盧舍那菩薩住離垢

三昧亦復如是於右手掌隨形好中放光
明出生無量自在神力一切衆生聲聞緣覺
所不能知汝等應當往詣盧舍那菩薩恭敬
禮拜莫著五欲障諸善根諸天子譬如劫盡
燒須彌山悉令消滅諸天子五欲纏心修念
佛三昧皆悉除滅是故諸天子當知報恩一
向敬念盧舍那菩薩諸天子其有衆生不知
報恩捨是身已入三惡道諸天子汝昔在地
獄蒙光明恩捨地獄已來生此天應當長養
彼諸善根諸天子譬如我天非男非女而能
出生百千萬億不思議法諸天子如天子天
女五欲樂具宮殿園林皆悉如我不生不滅
色受想行識亦復如是若如是知是名能入
無著甚深三昧海時諸天子聞是音聲歡喜
無量皆悉化作一萬華雲一萬香雲一萬樂
雲一萬幢雲一萬蓋雲一萬讚歎雲作是化
已往詣盧舍那菩薩所住宮殿恭敬供養於
一面住而不見盧舍那菩薩時有天子作如
是言此菩薩者今已命終生淨飯王家乘旃
檀樓閣處摩耶夫人胎爾時諸天子以天眼
觀盧舍那菩薩摩訶薩見梵身天欲界諸天
恭敬供養時諸天子作如是言我等若不先
往恭敬供養盧舍那菩薩乃至一合頃住兜
率天起樂著心者我則不可爾時一一天子

與十那由他天子眷屬欲從天下至閻浮提
詣菩薩所時天妙音語天子言菩薩摩訶薩
必不命終生於彼間隨所應化悉令彼見諸
天子譬如我今非眼所見能出音聲菩薩摩
訶薩住離垢三昧亦復如是非眼所見而處
處示現命終受生捨離虛妄滅除憍慢無所
染著是故諸天子應當速發阿耨多羅三藐
三菩提心令意清淨住威儀戒悔過一切業
障煩惱障報障邪見障以法界虛空界衆生
界等善身口意業以衆生界等身衆生界等
頭衆生界等舌悔過四障時諸天子聞是聲
已皆大歡喜心意柔軟問天聲曰菩薩摩訶
薩云何悔過爾時天聲以菩薩摩訶薩三昧
力故天善根力故答諸天子言業障等罪不
從東方南西北方四維上下來積聚於心菩
薩摩訶薩知此業等因顛倒起不生疑惑諸
天子如我天聲說隨業報行隨戒隨喜隨定
寂滅諸佛菩薩說我衆生貪恚癡業而實無
我無有我所亦復如是所作諸業於十方求
悉不可得諸天子如我天聲少福衆生所不
能聞除地獄衆生應受化者諸天子聲非生
滅一切諸業亦復如是非生非滅但隨業行
而受果報諸天子如我所出音聲於無量劫
不可窮盡諸天子若謂音聲有來去者即墮

邊見一切諸佛不說斷常除爲衆生方便說法諸天子如我天聲十方世界隨所應化皆悉得聞一切諸佛亦復如是隨應度者皆悉得見諸天子譬如明淨錠光金玻璃鏡與十世界等於彼鏡中見無量刹一切山川一切衆生地獄餓鬼若好若醜形類若干悉於中現諸天子於意云何彼諸影像來入鏡不答言不也諸天子一切業報亦復如是無來去處而能出生善根果報譬如幻師能幻人目當知諸業亦復如是若如是知是名清淨真實悔過說是法時百千萬億那由他佛刹微塵數諸世界中兜率天子皆得無生法忍無量無邊不可思議阿僧祇欲界諸天子皆發阿耨多羅三藐三菩提心六欲天中一切天女皆捨女身悉爲男子得不退轉菩提之心爾時諸天子廣聞普賢迴向善根悉得十地諸力莊嚴具足三昧皆悉成就衆生界等善身口意業滅一切障皆得清淨見百千萬億那由他佛刹微塵數七寶蓮華一一華上皆見菩薩結跏趺坐放大光明彼諸菩薩一一隨形好中放衆生界等光明彼光明中見衆生界等諸佛結跏趺坐隨所應度而爲說法猶未能見離垢三昧之少分也爾時諸天子於一一毛孔化作衆生界等妙香華雲供養

盧舍那佛散香華已一一華中見諸如來時
彼香雲普熏無量佛刹微塵數世界衆生其
蒙香者身心快樂譬如比丘入第四禪若有
衆生得聞此香諸罪業障皆悉除滅於色聲
香味觸內有五百煩惱其外亦有五百煩惱
二萬一千欲行煩惱二萬一千恚行煩惱二
萬一千癡行煩惱二萬一千等行煩惱此諸
煩惱皆悉除滅彼諸衆生具足種種淨香自
在光明善根若有衆生見此蓋雲者彼諸衆
生種一恒沙轉輪聖王所植善根所謂白淨
寶網轉輪王等菩薩摩訶薩安住如是轉輪
王處於百千億那由他佛刹微塵數諸世界
中教化衆生譬如明鏡世界月王如來十方
無量刹中比丘比丘尼優婆塞優婆夷無有
乃至一念不作化身來詣佛所而聽法者彼
佛常爲廣說經法乃至廣爲說本生經聞彼
佛名命終之後皆生其國菩薩摩訶薩安住
白淨寶網轉輪王處亦復如是放曼陀羅自
在光明若有衆生遇斯光者皆得菩薩十地
當知此等衆生悉是先世修善根力如得初
禪雖未命終見梵天處得梵天樂如是次第
得諸禪者雖未命終而得彼樂如是菩薩摩
訶薩安住白淨寶網轉輪王處放大光明名
周羅摩尼若有衆生遇斯光者皆得菩薩十

地悉得無量智慧光明得十種眼清淨行業
乃至十種意清淨業具足成就淨力三昧如
是成就清淨肉眼譬如菩薩摩訶薩以左手
持億那由他佛刹微塵東行過億那由他佛
刹微塵數世界乃下一塵如是東行盡此微
塵如是菩薩摩訶薩悉能了知彼微塵數亦
識諸塵本刹來處及下塵之刹乃至十方亦
復如是菩薩摩訶薩復能還集此諸微塵作
一佛刹於此佛刹亦分別知佛告寶手菩薩
言於意云何如是佛刹廣大可思議不寶手
菩薩白佛言世尊如是佛刹無量無邊不可
思議世尊奇哉奇哉若聞是論此人難得聞
而信者亦復難得佛告寶手菩薩言如是如
是若有善男子善女人聞而信者我授彼記
速成阿耨多羅三藐三菩提得一切種智佛
告寶手菩薩言譬如千億佛刹微塵數世界
如上論說此一切刹末爲微塵彼諸世界一
一微塵悉與一切佛刹微塵數等菩薩摩訶
薩取此微塵展轉更種乃至八十彼一一微
塵生果悉與一切世界微塵數等菩薩摩訶
薩業報清淨肉眼悉分別見亦於念念中見
百千萬億那由他佛刹微塵等如來佛告寶
手菩薩言譬如錠光玻瓈珠照十佛刹微塵
等世界此珠白淨寶網轉輪聖王善根所成

大方廣佛華嚴經卷第三十二

奮迅

下私問切

鼻相

下息亮切

舌端

下多官切

斷齧

下語斤切

大牙

下五加切

齒間

上昌里切

右肩

下占賢切

細滑

下戶八切

燈燄

下莫還切

右髀

下傍禮切

右脇

下市究切

鍊金

上郎殿切

厭惡

下烏路切

淨飯

下符萬切

錠光

上下定切

若醜

下昌九切

所植

下常職切

甲辰歲高麗國大藏部監

勅彫造

大方廣佛華嚴經卷第三十三

朝

東晉天竺三藏佛跋闍多羅

譯

普賢菩薩行品第三十一

爾時普賢菩薩摩訶薩告諸菩薩言佛子如
向所說是微少說何以故一切如來應供等
正覺爲受化者隨應說法愚癡衆生諸纏所
纏計我我所著吾我見常隨顛倒生邪見惑
起邪虛妄爲縛所縛流轉生死遠如來道爲
如是等諸衆生故如來應供等正覺出興于
世佛子若菩薩摩訶薩起一瞋恚心者一切
惡中無過此惡何以故佛子菩薩摩訶薩起
瞋恚心則受百千障礙法門何等百千所謂
受不見菩提障不聞正法障生不淨國障生
惡道障生入難處障多疾病障多被謗毀障
生闇鈍趣障失正念障少智慧障眼耳鼻舌
身意等障近惡知識障近惡伴黨障近惡人
障與惡人同止障不樂賢善共事障遠正見
障生外道家障離佛正教障入魔境界障不
見善知識障諸善根障增不善法障生惡家
障生邊地障生惡人中障生天貧窮障生諸
龍夜叉乾闥婆阿脩羅迦樓羅緊那羅摩睺
羅伽羅刹中障不樂佛法障習童蒙法障樂
小乘障不樂大乘障多生驚怖障樂生死墮
著三界障不護佛法障不樂聞佛自在神力

障菩薩清淨諸根障離菩薩行障離菩薩深
心希望障不攝正念障不發起一切智心障
不淨施行障不淨業障不淨報障不成長諸
力障斷智慧根障不受持菩薩諸行障誹謗
佛法障遠離菩提障不入佛境障墮諸魔界
障不能求佛法障聞諸菩薩大莊嚴事生恐
怖障不樂菩薩共住障不樂求菩薩善根業
障邪見蓋疑障增益愚癡障捨菩薩戒隨順
破戒障不信如來戒障聞佛讚歎諸持戒者
生瞋恚心障離忍辱樂常懈怠障謗諸菩薩
不退精進障捨三昧慧障誹謗般若波羅蜜
巧方便障不知是處非處方便障不知度脫
衆生方便障不入菩薩諸深智障不出生菩
薩諸道障於菩薩十種眼生盲障於菩薩法
不能出生無礙法流障無礙耳鼻障不具相
好障無礙舌障不能別知衆生音聲障於衆
生中生懈怠心障狂亂業障離三種戒障無
礙諸入障口四過意惡業障生增上貪恚邪
見障不求正法障於菩薩法懈怠心障菩薩
精進法中疑惑心障捨離菩薩決定法障損
減菩薩智慧門障損減正念障遠離佛法障
不習菩薩離生法障菩薩謙下心障遠離聲
聞緣覺離生法障不順三世諸佛菩薩障佛
子菩薩摩訶薩起一瞋恚心受如是等百障

法門乃至百千障礙法門何以故佛子我不見有一惡法出過菩薩一瞋恚心佛子是故菩薩摩訶薩欲疾具足菩薩行者應當修習十種正法何等爲十所謂不捨一切衆生於諸菩薩生如來想常不誹謗一切佛法於諸佛刹得無盡智恭敬信樂菩薩所行不捨虛空法界等菩提之心分別菩提究竟佛力到於彼岸修習菩薩一切諸辯教化衆生心無疲厭於一切世界示現受生而不樂著佛子菩薩摩訶薩安住如是十種正法則能攝取十種清淨之法何等爲十所謂於甚深法究竟清淨親近善知識清淨能護諸佛正法清淨悉能分別空界清淨善入法界清淨智慧了諸心行清淨令諸菩薩善根清淨心常不著諸劫清淨智慧觀察三世清淨成就諸佛種姓清淨佛子菩薩摩訶薩安住如是清淨正法則能具足十種正智何等爲十所謂分別衆生心心行智分別衆生諸業報智普照一切諸佛法智於諸佛法得方便次第智具足一切摠持門智成就一切文字辯智善知衆生一切語智示現一切世界身智具足普照一切衆生智於一切趣得一切智佛子菩薩摩訶薩安住如是十種正智則入十種巧隨順入何等爲十所謂一切世界入一毛道

一毛道出不可思議刹一切衆生身悉入一身於一身出無量諸身不可說劫悉入一念令一念入不可說劫一切佛法悉入一法令一法入一切佛法一切諸入於一入令一入入一切諸入一切諸根入於一根令一根入一切諸根一切諸根入非根法非根法入一切諸根一切諸相悉入一相一相入於一切諸相一切語音入一語音一語音入一切語音一切三世悉入一世令一世入一切三世佛子菩薩摩訶薩分別如是十種入法則能安住十種直心何等爲十所謂安住一切世界語言非語言法直心安住正念一切衆生直心安住虛空界直心安住法界無量無邊直心安住一切佛順正法直心安住甚深善法不壞正法直心安住除滅一切疑惑直心安住等觀三世法直心安住三世諸佛平等直心安住諸佛無量力直心佛子菩薩摩訶薩安住如是十種直心則得諸佛十種巧方便法何等爲十所謂得巧方便普照一切諸佛深法得巧方便出生諸佛甚深勝法得巧方便分別演說一切諸佛莊嚴之法得巧方便深入一切佛平等法得巧方便分別別相一切佛法得巧方便入不可壞諸佛正法得巧方便入一切佛諸莊嚴法得巧方便以

一方便入一切佛法得巧方便入佛無量諸方便法得巧方便於一切佛法心得自在而不退轉佛子是爲十種巧方便法佛子是故菩薩摩訶薩應當一心恭敬聽受是法何以故菩薩摩訶薩得聞是法以少方便疾得阿耨多羅三藐三菩提與三世佛等爾時佛神力故法如是故十不可說億那由他佛刹微塵等世界六種震動雨出過諸天一切華雲雨妙香雲雨末香雲雨水蓋幢幡衆寶莊嚴具雲雨妓樂雲雨諸菩薩雲雨不可說讚歎佛雲雨不可說讚歎善哉雲雨佛音聲滿法界雲雨不可說淨世界雲雨不可說長養菩薩功德雲雨不可說光明雲雨不可說種種神力自在雲雨如此世界四天下佛坐道場雨如是等種種雲雨演說諸法十方世界亦復如是爾時佛神力故法如是故過十不可說世界微塵等刹有十佛世界微塵數菩薩摩訶薩來詣此土充滿十方作如是言善哉善哉佛子能說如是諸佛如來最大誓願授記深法我等同号皆名普賢於諸普勝世界諸普幢自在如來所來詣此土一切世界亦說此法如是句身味身一切諸行無有增減是故來此爲汝作證如是十佛世界微塵數菩薩摩訶薩來此作證一切十方諸如來所

亦復如是

爾時普賢菩薩摩訶薩以佛神力自善根力
觀察十方及諸法界欲明諸菩薩行諸佛菩
提欲說大願欲分別一切世界諸劫欲明隨
時示現佛出世間欲隨衆生根悉令受化欲
明如來諸所說法無有虛妄欲隨種善根果
報不虛欲明菩薩清淨法身出妙音聲覺悟
衆生起菩提心故以偈頌曰

一切衆歡喜除滅諸陰蓋一心恭敬聽菩薩諸願行
隨三世菩薩所行諸願行我當次第說菩薩勝妙法
一切諸劫數及世界業數我說無等等應化興于世
見過去諸佛於彼發大願饒益衆生類除滅一切苦
菩薩論師王所行無斷絕得無等等法一切智境界
菩薩見過去一切諸導師放大光明網普照十方界
發如是大願我爲世間燈功德莊嚴身具足十力智
一切諸羣生貪恚癡熾然我當爲除滅無量惡道苦
發如是誓願堅固不退轉具修菩薩衆究竟無礙力
如是誓願已世間行不轉所行無虛妄究竟論王法
於一賢劫中千佛出于世隨彼佛正法次第分別說
如此賢劫佛無量劫亦然未來諸佛法我當次第說
如一佛刹性無量刹亦然一切佛國性我悉分別說
諸佛次興世隨願隨名号隨彼所得記隨其所壽命
隨所修正法專求無礙道隨所化衆生正法住於世
隨所淨佛刹衆生及法輪說法時非時次第淨羣生

隨彼衆生行種種諸業性上中下差別隨應所受化如是甚深智菩薩入是行修習普賢業具足智慧輪身業無障礙口業悉清淨意業亦無礙通達三世法菩薩如是行究竟普賢道出生淨智日普照諸法界於不可說劫及一切佛刹菩薩一念知於彼無所著行者入如是奇特甚深地菩薩妙法中我當說少分智慧無邊際究竟佛境界善入一切處成就不退轉具普賢淨慧滿足普賢願菩薩究竟行深入無等智於一微塵中悉內一切刹見彼無量佛具聞演說法如一微塵中一切塵亦然見刹及諸佛是不思議智一二微塵中普現三世法五趣生死道皆悉分別知一一微塵中有無量佛刹一中知無量無量中和一如是法界等一切諸佛土同性及異性皆悉能了知深入微細智分別諸世界一切劫成壞悉能分別說知諸劫脩短三世即一念同行不同行皆悉分別知深入諸世界清淨不清淨身中無量刹一刹無量身一切十方中無量諸世界種種無數性一切悉能知一切三世中無量佛國土具足甚深智悉了彼成敗十方諸世界有成或有敗普賢悉深入一切能了知以淨慧眼見無量諸佛土分別知諸業隨行故清淨菩薩摩訶薩善知衆生行以諸惡業故而得不淨土無量無邊刹即知爲一刹如是入諸刹一切莫能知一切諸世界今入一刹中世界不積聚亦復不離散或伏或有仰或高或復下世界衆生相菩薩皆悉知

或有翻覆利無量諸佛土知種種是一知一是種種
 普賢真佛子以不思議智知難思議利了達無邊際
 知諸世界化利化衆生化了知諸法化究竟諸佛化
 甚深世間法種種莊嚴事衆生無量報皆心業莊嚴
 真佛子善學甚深妙法界具自在神力充滿十方利
 衆生等諸劫常說世界法一切莫能知唯除等正覺
 世界及如來種種諸名号無量劫演說猶不能究竟
 何況心境界三世諸佛法真實妙法界諸佛一切地
 清淨無礙念具足無礙智分別說法界智慧到彼岸
 如是諸世界無量業莊嚴菩薩一念中悉知三世利
 於彼世界中行諸最勝行究竟等正覺顯現自在力
 如是未來世一切世界中諸佛次興世菩薩悉能知
 彼行諸妙願境界修功德隨劫成正覺菩薩分別知
 亦知彼壽量及所化衆生隨方便法門爲衆轉法輪
 菩薩如是知具普賢行地成就一切智與諸如來等
 現在十方界無量諸佛土深入此世界通達諸法界
 於彼世界中現在無數佛無礙計山王究竟自在法
 知淨土及衆應化自在力盡無量億劫常思惟是事
 調御世間尊成就自在力菩薩究竟度深入智慧藏
 菩薩具出生無礙眼耳身無礙廣長舌令衆悉歡喜
 其勝無礙心無量普清淨甚深無礙智悉了三世法
 善學一切化利化衆生化能化世間化究竟化彼岸
 種種業莊嚴嚴飾諸世間成就佛智慧善知一切相
 一一如來身以無量方便隨其所應化度脫無量衆

深入智境界 出世間慧日 所行不退轉 徧遊一切刹
深解諸世間 如夢如幻化 一切衆生界 了達悉如電
不取虛妄劫 及一切世間 善解非真實 於彼無所著
無量無數劫 解之即一念 知念亦非念 世間無實念
不動於本座 一念遊十方 無量無邊劫 常化諸衆生
不可說諸劫 即是一念頃 亦不令劫短 究竟利那法
一切諸世間 及諸衆生心 非一亦非二 菩薩悉了知
衆生世界劫 諸佛及佛法 皆悉如幻化 法界無有二
普於十方刹 示現無量身 不取虛妄身 法界無所著
無二智慧中 出生人師子 不著不二法 知無一二故
菩薩知諸法 如燄如電光 如響亦如夢 如幻如變化
如是隨順入 一切佛境界 成就平等智 普照深法界
以無量大悲 觀察諸衆生 遠離深著心 清淨觀世間
廣淨無盡身 深入方便地 菩薩常正念 論師子妙法
見世衆苦惱 發無量大願 所行皆清淨 普徧諸法界
諸佛及菩薩 佛法與世間 菩薩方便觀 通達無差別
清淨法身藏 一切諸世間 世間及法身 二俱無所著
譬如淨水中 見影無所有 法身至十方 而亦無所至
如此無所著 世間清淨身 雖身而非身 諸法無生故
深入無盡身 非生亦非滅 非常非無常 示現諸世間
除滅惡邪見 成就於正見 平等觀諸法 不著我我所
譬如工幻師 示現種種幻 本無所從來 去亦無所至
幻亦非有尋 亦復非無量 於彼大衆中 示現具無量
以此寂滅心 修習諸善根 出生諸佛法 非量非無量

有量有無量 皆悉是妄想 分別一切趣 不著量無量
諸佛甚深法 寂滅最深妙 甚深無量智 知甚深諸趣
菩薩離愚癡 心意淨無量 修習諸善根 具足無量願
度無量衆生 今至安隱處 平等觀法界 於彼無所著
深解真實際 諸法無所有 覺悟諸世間 諸法無生滅
深知一切法 隨應化衆生 普雨甘露法 充滿諸世間
化無量衆生 令發菩提心 不捨菩薩行 皆得不退轉
隨順佛正法 究竟得法身 悉了知世間 一切衆生身
分別諸衆生 及一切佛刹 深入智慧海 通達十方海
如來淨身中 普現衆生身 菩薩明淨眼 悉皆能覩見
無量億劫中 讚歎如來身 窮盡一切劫 猶尚不究竟
菩薩摩訶薩 於佛涅槃後 能於念念中 分布諸舍利
如是未來世 有求佛道者 無量菩提心 決定智能知
如是三世中 諸佛出於世 安住普賢行 皆悉分別知
如是分別知 無量諸行地 成就堅固智 能轉不退車
無量深智慧 究竟如來境 普賢明淨智 深入不退轉
一切最勝尊 深入妙境界 究竟不退轉 得無上菩提
無量無邊心 一切種種業 修習諸想行 能於一念知
深行不深行 學心無學心 菩薩一念中 覺悟無量心
了知非一二 非穢亦非淨 亦復非積集 皆從因緣起
如是分別知 一切衆生心 世間諸佛刹 悉皆是虛妄
如是妙方便 深入菩薩行 皆與普賢等 如來法化生
一切衆生類 善惡想不同 或有生天上 或墮諸惡道
菩薩見世間 皆從業緣起 常著虛妄想 流轉於生死

十方諸衆生 虛誑網所覆 菩薩一念中 方便令解脫
如是諸根入 眼耳鼻舌身 分別知覺業 世間想不同
一一眼境界 出生無量眼 種種相不同 無量無有邊
隨衆生所行 一切善惡業 於彼得果報 像類悉不同
普賢清淨眼 深入諸地力 一一眼境界 出生無量智
如是諸世間 悉能分別知 究竟一切行 逮得不退轉
佛說菩薩說 刹說衆生說 三世一切說 菩薩分別知
過去是未來 未來是過去 顯在是去來 菩薩悉了知
如是無量世 覺悟相不同 方便究竟行 具足諸佛智
大方廣佛華嚴經寶王如來性起品第三十二之二
爾時如來眉間白毫相中放大光明名曰明
如來法無量億那由他阿僧祇光以爲眷屬
普照十方一切世界圓遶十帀顯現如來無
量自在覺悟無數億那由他諸菩薩衆一切
世界六種震動除滅一切諸惡道苦映蔽一
切諸魔光明猶若聚墨顯現一切如來菩提
顯現一切諸佛大衆究竟莊嚴普照法界虛
空界等一切世界復還圓遶一切菩薩諸大
衆已入如來性起妙德菩薩頂爾時一切大
衆心大歡喜身意柔輭作如是念甚奇希有
如來今者放大光網必當演說甚深正法爾
時如來性起妙德菩薩於蓮華座起偏袒右
肩以右膝著蓮華臺上一心合掌正向如來
以偈頌曰

正覺一切法 究竟諸境界 三出大仙等 是故恭敬禮
 究竟無相境 相好莊嚴身 普放離垢光 除滅一切魔
 震動十方界 一切諸佛刹 衆生不恐怖 是佛威神力
 安住如虛空 清淨法界等 除滅一切惡 令衆得清淨
 無量劫苦行 一心求佛道 得無礙境智 與諸如來等
 普放無量光 震動一切刹 顯現自在力 來入我身中
 善學諸菩薩 皆悉來集會 是故我發心 應有法王事
 大衆皆清淨 究竟菩薩行 智慧無染著 成就無所畏
 大仙行無量 智慧力精進 開發菩薩心 如來甚深法
 正覺微妙義 誰能演說者 我今欲請問 願佛爲顯示
 說是偈已 時如來口中放大光明名無礙無
 畏無量億那由他阿僧祇光以爲眷屬普照
 十方一切世界圓遶十帀顯現如來無量自
 在覺悟無數億那由他諸菩薩衆一切世界
 六種震動除滅一切諸惡道苦映蔽一切諸
 魔光明猶若聚墨顯現一切如來菩提顯現
 一切諸佛大衆究竟莊嚴普照法界虛空界
 等一切世界復還圓遶一切菩薩諸大衆已
 入普賢菩薩摩訶薩口爾時普賢菩薩摩訶
 薩身及師子座殊勝百倍諸菩薩身及師子
 座唯除如來所處之座爾時如來性起妙德
 菩薩問普賢菩薩摩訶薩言佛子佛所顯現
 大威神力不可思議是何瑞相爾時普賢菩
 薩摩訶薩答如來性起妙德菩薩言佛子如

我惟忖如我所見過去如來應供等正覺放大光明必說如來性起正法是故今佛放大光明顯自在力必說如來性起正法時如來性起妙德菩薩聞如來性起正法名已一切大地六種震動出生無量論難光明爾時如來性起妙德菩薩問普賢菩薩摩訶薩言佛子云何菩薩摩訶薩知如來應供等正覺性起正法佛子無數億那由他菩薩摩訶薩清淨衆會善學修行清淨諸業念慧成就諸佛莊嚴究竟彼岸住佛威儀具如來行正念諸佛未曾散亂大悲觀察一切衆生決定智慧分別菩薩諸妙神通得佛神力安住一切諸佛功德成就如是無量功德諸大菩薩皆來集會仁者曾於無量億那由他佛所恭敬供養種種善根成就菩薩無上妙行諸三昧門皆得自在深入一切如來秘密於諸佛法除衆疑惑深入佛法善知一切衆生諸根隨衆生性而爲說法隨順佛智分別演說一切佛法究竟彼岸成就如是等無量功德善哉佛子願說如來性起正法爾時如來性起妙德菩薩欲重明此義向普賢菩薩以偈頌曰
善哉無疑智覺悟一切法具足平等慧說佛無量壽
諸佛子聞已心皆大歡喜願時爲敷演如來性起法
何等如來身清淨妙音聲云何如來心及無量境界

何等如來行 及諸佛菩提 修習何等法 速成等正覺
云何轉法輪 清淨妙勝法 願為分別說 善逝涅槃法
佛子等聞已 歡喜心無量 十方衆生類 皆見諸法王
恭敬供養佛 於彼種善根 若有見諸佛 恭敬種善根
功德藏無量 願為分別說 若有聞一切 如來之名号
十方現在佛 及已般涅槃 無盡功德藏 聞名歡喜者
彼得何等利 哀愍分別說
清淨真佛子 願為廣敷演 分別深境界 無量功德海
一切諸菩薩 皆一心合掌 恭敬觀喜逝 瞻仁衆及我
巧語微妙音 願說真實義 除滅諸疑惑 清淨如虛空
因緣及譬喻 為我分別說 無量衆聞已 皆發菩提心
一切諸如來 相好莊嚴身 充滿十方國 方便度衆生
出微妙音聲 演說無量法 因論隨應化 示悟佛菩提
十方一切界 無量佛刹中 不可稱說劫 是會甚難見
如此六衆集 清淨諸佛子 無量億劫中 難見亦難聞
是故真佛子 願說微妙義 顯現廣無量 如來性起法
一切諸菩薩 皆一心合掌 渴仰於大乘 願雨甘露法
爾時普賢菩薩摩訶薩告如來性起妙德菩
薩等諸大衆言佛子如來應供等正覺性起
正法不可思議所以者何非少因緣成等正
覺出興于世佛子以十種無量無數百千阿
僧祇因緣成等正覺出興于世何等爲十一
者發無量菩提之心不捨一切衆生二者過
去無數劫修諸善根正直深心三者無量慈

悲救護衆生四者行無量行不退大願五者
續無量功德心無厭足六者恭敬供養無量
諸佛教化衆生七者出生無量方便智慧八
者成就無量諸功德藏九者具足無量莊嚴
智慧十者分別演說無量諸法實教佛子如
是等十種無量無數百千阿僧祇法門成等
正覺出興于世佛子譬如三千大千世界非
少因緣成以無量因緣乃能得成所謂興大
雲雨因大雨故起四風輪何等爲四一名曰
持能持大水二名漸消漸消大水三名曰起
起諸處所四名莊嚴莊嚴三千大千世界衆
生業報如是四種皆衆生業報及諸菩薩善
根所起佛子如是等無量因緣乃成三千大
千世界法如是故無有作者亦無成者如來
應供等正覺亦復如是非少因緣成以無量
因緣成等正覺出興于世所謂菩薩摩訶薩
曾於過去無量佛所聞受正法甘露大雨因
是能起如來四種智慧風輪何等爲四一者
正念持陀羅尼未曾忘失如來大智風輪能
持如來一切法雨二者止觀如來大智風輪
悉能消滅一切煩惱三者善迴向如來大智
風輪成就一切功德善根四者出生離垢諸
莊嚴法如來大智風輪皆令衆生諸根清淨
相好莊嚴如來無漏善根所成法如是故無

有作者亦無成者佛子是爲第一最勝法明
 成等正覺出興于世菩薩摩訶薩應如是知
 復次佛子譬如三千大千世界成時大雲降
 雨名曰洪澍一切世界不能容持除大千世
 界初始成時如來應供等正覺亦復如是出
 興于世演說如來性起法雨一切聲聞緣覺
 不能受持除成就諸力菩薩摩訶薩佛子是
 爲第二因緣成等正覺出興于世菩薩摩訶
 薩應如是知復次佛子譬如衆生業報大雲
 降雨無所從來去無所至如來應供等正覺
 亦復如是以諸菩薩善根力故演說如來性
 起法雨無所從來去無所至佛子是爲第三
 因緣成等正覺出興于世菩薩摩訶薩應如
 是知復次佛子譬如大雲降雨大千世界一
 切衆生無能知數若欲算計令心狂亂除大
 千世界主摩醯首羅天王乃至一滹無不知
 者以本善根果報力故如來應供等正覺亦
 復如是出興于世說如來性起甘露法雨一
 切衆生聲聞緣覺所不能知若欲思量令心
 狂亂除一切世界主菩薩摩訶薩乃至一句
 一味悉分別知於過去佛所修地力故佛子
 是爲第四因緣成等正覺出興于世菩薩摩
 訶薩應如是知復次佛子譬如大雲降雨名
 咸熾然或名能起或名能壞或名成寶或名

分別大千世界如來應供等正覺亦復如是
 出興于世雨正法雨名曰除滅除滅衆生煩惱
 熾盛火或有法雨名曰能起能起衆生一切
 善根或有法雨名曰能壞能壞衆生諸惡邪
 見或有法雨名曰成實能成衆生一切智寶
 或有法雨名曰分別分別衆生心心所行佛
 子是爲第五因緣成等正覺出興于世菩薩
 摩訶薩應如是知復次佛子譬如大雲雨一
 味水隨其所雨而有差別如來應供等正覺
 亦復如是雨於大悲一味法雨隨所應化種
 種不同佛子是爲第六因緣成等正覺出興
 于世菩薩摩訶薩應如是知復次佛子譬如
 三千大千世界初始成時先成色界諸天宮
 殿次成欲界諸天宮殿次成人處及餘衆生
 諸所住處如來應供等正覺亦復如是出興
 于世先起菩薩諸行智慧次起緣覺聲聞及
 餘衆生一切善根佛子譬如大雲雨一味水
 隨諸衆生善根力故起種種宮殿如來大悲
 一味法水隨衆生器根不同故法雨差別佛
 子是爲第七因緣成等正覺出興于世菩薩
 摩訶薩應如是知復次佛子譬如世界初始
 成時有大水輪徧滿三千大千世界滿世界
 已生大蓮華名如來起諸功德寶以爲莊嚴
 徧覆三千大千世界光照十方一切國土時

摩醯首羅淨居天等見蓮華已即決定知如
蓮華數諸佛興世佛子爾時有風輪起名淨
光明能成色界諸天宮殿又風輪起名淨莊
嚴能成欲界諸天宮殿又風輪起名不可壞
能成大小圓山及金剛山又風輪起名日勝
高能成須彌山王又風輪起名日不動能成
十種大山何等爲一所謂芭蕉山仙人山伏
魔山大伏魔山持劫山黑山目真隣陀山摩
訶目真隣陀山香山雪山又風輪起名日安
住能成大地又風輪起名日莊嚴能成地天
宮殿卽闍婆宮殿又風輪起名無盡藏能成
三千大千世界海又風輪起名明淨藏能成
大千世界珍寶又風輪起名堅固根能成一
切如意樹佛子是爲大雲雨一味水以衆生
善根果報力故法如是故起種種風輪風輪
差別故大千世界形類不同如來應供等正
覺亦復如是出興于世具諸善根有光明名
無上大智不斷如來性起不思議智普照十
方世界授一切菩薩如來記号成等正覺出
興于世又能善知一一佛所有幾菩薩成就
功德復有光明名離垢淨如來大智能成如
來無漏無生智復有光明名曰普照如來大
智能成如來不可思議法界智復有光明名
持佛性如來大智能成如來不動諸力復有

光明名無壞最勝如來大智能成如來無所
畏智復有光明名一切明如來大智能成如
來堅固不退一切種智復有光明名出生變
化如來大智能令見聞恭敬供養諸如來者
善根不虛復有光明名普隨順至如來大智
能成如來無盡功德智慧清淨法身饒益衆
生復有光明名不可究竟如來大智能成如
來甚深妙智不斷三寶復有光明名種種莊
嚴如來大智能成如來相好嚴身今一切衆
生皆悉歡喜得一切智復有光明名不可壞
如來大智能成如來法界虛空界等無有窮
盡殊勝壽命佛子如來大悲一味之水以諸
菩薩善根力故及餘衆生根差別故法如是
故如來智慧應化不同佛子如來性起正法
一切如來平等智慧光明所起一切如來一
味智慧出生無量無邊功德衆生念言此諸
功德如來所造佛子此非如來神力所造佛
子乃至一菩薩成無上道言佛造者無有是
處諸佛爲一切羣生作善知識衆生依此得
大智慧無有作法亦無作者佛子是爲第八
因緣成等正覺出興于世菩薩摩訶薩應如
是知復次佛子譬如有四風輪依虛空住能
持水輪何等爲四所謂安住不動常住堅固
是名爲四能持水輪水輪能持大地今不散

壞是故說大地依水輪水輪依風輪風輪依
 虛空虛空無所依虛空雖無所依能令三千
 大千世界而得安住如來應供等正覺亦復
 如是依如來起四種無礙大智風輪能持一
 切衆生善根何等爲四所謂攝取衆生皆令
 歡喜大智風輪分別諸法令衆生樂求大智
 風輪守護衆生一切善根大智風輪決定了
 知無漏法界大智風輪是名四種大智風輪
 大慈爲衆生歸依大悲度脫衆生大慈大悲
 饒益衆生大慈大悲依方便智大方便智依
 於如來如來無所依無礙慧光普照十方一
 切世界佛子是爲第九因緣成等正覺出興
 于世菩薩摩訶薩應如是知復次佛子譬如
 大千世界成已種種饒益無量衆生水性衆
 生得水安樂陸地衆生得地安樂宮殿衆生
 得宮殿安樂空中衆生得虛空安樂如來應
 供等正覺亦復如是出興于世種種饒益一
 切衆生見聞如來踊躍歡喜修諸善根住尸
 羅者得佛戒樂住四禪四無量者得聖無上
 智明之樂住法門者得真實樂住照明者得
 淨智樂如是等無量法門種種饒益一切衆
 生佛子是爲第十因緣成等正覺出興于世
 菩薩摩訶薩應如是知

大方廣佛華嚴經卷第三十三

謗毀上據曠切
下許委切

閻鈍上烏細切
下徒困切

伴黨下多朗切

驚怖上京音
下普故切

希望上香本切

十帀下子各切

映蔽上於敬切
下必校切

聚墨下莫北切

柔輓下而亮切

偏袒上芳遠切
下徒早切

右肩下古賢切

膝著上息七切
下直臨切

瑞相上是偽切

瞻仁上職廉切

洪樹下注舊

芭蕉上伯加切
下即消切

陸地上力竹切

四辰歲高麗國大藏都監奉

勅彫造

大方廣佛華嚴經卷第三十四

胡

東晉天竺三藏佛跋闍耶

譯

寶王如來性起品第三十二之二

佛子菩薩摩訶薩又復應知如來性起正法
功德無量行無量故充滿十方無來去故離
生住滅無有行故離心意識無有身故性如
虛空悉平等故一切衆生無我我所無有盡
故一切利無盡無有轉故不斷未來際無有
退故如來智無疑無二平等觀察有爲無爲
故成等正覺饒益衆生本行迴向自在滿足
故爾時普賢菩薩欲重明此義以偈頌曰

一切衆諸聽 如來十力止 一切諸世間 最勝無有上
悉與無等等 亦與虛空等 功德無等者 境界不可量

一切諸如來 功德無有量 諸餘衆生類 無能思議者

如來一法門 一切諸羣生 無量億劫中 思量不能盡

十方諸佛刹 盡末爲微塵 有人能計筭 悉了知其數

彼人無量劫 筭數諸如來 一毛之功德 莫能知少分

譬如一士夫 能量虛空界 又第二士夫 隨筭知量數

於億無數劫 筭量空可盡 如來諸功德 不可得窮盡

譬如有一士夫 能於一念中 數三世衆生 心心之所行

衆生數等劫 數之猶可盡 如來無量德 其數不可盡

譬如諸法界 分際不可得 一切非一切 非見不可取

如是諸如來 境界不可量 一切非一切 法界無窮盡

譬如如如性 離虛妄寂滅 亦無有生者 亦無有滅者

如是諸如來及一切境界亦同如如性不增亦不減
譬如未來際真實際無際三世性自離真實不可得
等正覺如是境界亦復然一切三世中通達無障礙
諸法無變易性空無作故離垢無染汙其性如虛空
一切諸如來清淨性亦然一切性無性非有亦非無
正法性遠離一切語言道一切趣非趣皆悉寂滅性
一切諸如來境界亦如是遠離語言道不可爲譬喻
諸佛覺悟法性相皆寂滅如鳥飛空中足迹不可得
無量大願果成就淨色身具十力功德示現大神變
如來甚深法若有欲知者應當淨其意猶若如虛空
遠離虛妄想及邪見顛倒修習清淨道究竟得淨意
是故諸佛子一心善諦聽諸善逝境界我當說少分
一切諸十力功德不可數覺悟羣生故我今少演說
一切諸導師起清淨身業口業及意業境界悉清淨
如來深境界清淨妙法輪涅槃諸善根我當分別說
譬如大千界國土初成時非是少因緣能成於世界
無量方便力一切因緣起三千大千界安置諸羣生
如是諸最勝如來性起法無量功德藏一切莫能知
十方諸世界皆末爲微塵算數諸微塵及知衆生心
微塵衆生心猶尚可知數一切諸十力功德不可知
譬如因重雲能澍降大雨四種風輪起能成三千界
衆生諸善根菩薩功德力三千世界起安置衆生類
如來亦如是因緣法雲起大智慧風輪離垢清淨意
一切諸佛所修習諸善根迴向與衆生速成等正覺

譬如虛空中雲雨名洪澍一切餘世界無堪受持者
 除三千大千世界初成時不可動風輪依止虛空界
 如來亦如是初成等正覺十方一切界法雲降大雨
 充滿勝法界無有能持者唯諸大菩薩成就無量德
 空中興雲雨無作無造者本無所從來去亦無所至
 如來亦如是法雲雨甘露本無所從來去亦無所至
 一切諸菩薩修習無量行隨所應受化爲彼雨正法
 譬如大雲雨無有能數者唯摩醯首羅悉能分別知
 善逝亦如是雨無量法雨充滿諸佛刹無有能數者
 唯無上法王一切世界主悉能分別知如觀掌中寶
 應藏能寂滅應起能令起除滅諸邪見長養功德寶
 如來雨正法除滅諸煩惱出生不可數無量諸善根
 修習於正見遠離諸顛倒一切諸最勝深解功德寶
 譬如虛空中普雨一味水衆生果報力所起物不同
 如來雨正法大悲一味水隨應受化故種種差別說
 世界初成時先起色界宮復於欲界天次第起宮殿
 次復於人間各各造住處然後次第起乳閼諸龍處
 如來亦如是始成等正覺初起菩薩行次成緣覺衆
 又化心自在一切諸聲聞然後令衆生修習諸善根
 見清淨蓮華諸天知佛出因雨能起風風能起世界
 如來放光明分別佛菩薩能起智慧輪通達諸佛法
 水依風輪住地依於水輪衆寶樹依地虛空無所依
 智輪依如來慈悲依智慧功德依方便法身無所依
 譬如大地起饒益諸衆生水陸羣萌類各各得安樂

依虛空衆生及欲色諸天二足四足等一切悉饒益
法王亦如是出興于世間令一切衆生皆悉得饒益
若人有見聞恭敬供養者除滅諸煩惱深解如來法
如來性起法世間莫能知我所說少分饒益衆生故
爾時普賢菩薩摩訶薩告諸菩薩言佛子云
何菩薩摩訶薩知見如來應供等正覺此等
薩摩訶薩知見如來具足成就無量功德何
以故如來應供等正覺非一法一行一身一
刹化一衆生故此菩薩摩訶薩知見如來具
足成就無量法無量行無量身無量刹平等
教化一切衆生故佛子譬如虛空一切色處
非色處無處不至而非至非不至何以故
虛無形色故如來法身亦復如是至一切處
一切刹一切法一切衆生而無所至何以故
諸如來身非是身故隨所應化示現其身佛
子是爲菩薩摩訶薩初入勝行門知見如來
復次佛子譬如虛空彌廣悉能容受一切衆
生而無染著如來法身亦復如是照一切衆
生世間善根離世間善根亦無染著何以故
如來法身於一切染著悉已斷故佛子是爲
菩薩摩訶薩第二勝行知見如來復次佛子
譬如日出世間以無量事饒益衆生所謂滅
除闇冥長養一切山林藥草百穀卉木消除
冷溼照空饒益虛空衆生照也則能開闢蓮

華音悉照現一切色像世間事業皆得究竟
何以故曰能普放無量光故如來身日亦復
如是以無量事普能饒益一切衆生所謂滅
惡饒益長養善法普照饒益除滅一切衆生
闇冥大慈饒益救護衆生大悲饒益度脫一
切正法饒益長養一切根力覺意堅信饒益
除心垢濁見法饒益不壞因緣天眼饒益悉
見衆生死此生彼離害饒益不壞衆生一切
善根慧光饒益開敷一切衆生心華發心饒
益究竟一切菩薩所行何以故如來身日普
放一切慧光明故佛子是爲菩薩摩訶薩第
三勝行知見如來復次佛子譬如日出先照
一切諸大山王次照一切大山大次照金剛寶
山然後普照一切大地日光不作是念我當
先照諸大山王次第乃至普照大地但彼山
地有高下故照有先後如來應供等正覺亦
復如是成就無量無邊法界智慧日輪常放
無量無礙智慧光明先照菩薩摩訶薩等諸
大山王次照緣覺次照聲聞次照決定善根
衆生隨應受化然後悉照一切衆生乃至邪
定爲作未來饒益因緣如來智慧日光不作
是念我當先照菩薩乃至邪定但放大智光
普照一切佛子譬如日月出現世間乃至溪
山幽谷無不普照如來智慧日月亦復如是

普照一切無不明了但衆生希望善根不同故如來智光種種差別佛子是爲菩薩摩訶薩第四勝行知見如來復次佛子譬如日出世間生盲衆生未曾覩見何以故無肉眼故佛子此生盲衆生雖不見日亦爲日光之所饒益因日光故而得飲食資生衆具消除令渠令體輕軟風寒痰瘧諸患悉除安隱快樂如來慧日出現世間亦復如是一切邪見犯戒無智邪命生盲衆生未曾覩佛智慧日光何以故無信心眼故佛子生盲衆生雖不見如來智慧日光然此衆生亦爲如來智慧日光之所饒益除滅四大一切諸苦身體安樂斷一切煩惱毒痛根本佛子如來有光名曰一切功德積聚復有光明名普照一切復有光明名曰清淨自在普照復有光明名出大妙音復有光明名普照一切諸語言法復有光明名自在除滅一切疑惑復有光明名無依普照復有光明名智慧自在除滅一切境界虛妄復有光明名分別諸乘隨其所應出大妙音復有光明名曰圓滿自在音聲莊嚴諸刹悉令衆生皆得清淨佛子如來一一毛孔放如是等千種光明五百光明普照下方五百光明普照上方菩薩摩訶薩各於其刹諸如來所見此光已彼諸菩薩即時具足清

淨十頭十眼十耳十鼻十舌十身十手十足
十地十智彼諸菩薩因菩薩行地所得諸入
皆悉清淨成就善根一切種智聲聞緣覺皆
悉除滅一切煩惱少智生盲衆生身體柔輭
安隱快樂離垢清淨調伏諸根具足成就四
念處法地獄餓鬼畜生惡道衆生衆苦悉除
皆得安樂身壞命終生人天中彼諸衆生不
知不覺以何因緣何威神力來生此間彼生
盲者唯作是念我是梵天我是梵化爾時如
來安住普自在三昧演出八種如來妙音告
衆生言汝等衆生非是梵天亦非梵化蒙佛
神力故得生此間彼諸衆生佛神力故即識
宿命所經惡道來生此間皆大歡喜大歡喜
已各持優曇華雲香雲娛樂雲一切衣雲蓋
雲幢雲末香雲妙寶雲師子幢雲半月樓閣
雲讚歎莊嚴具雲詣如來所奉獻供養何以
故蒙佛神力慧眼開明如來即授彼諸衆生
阿耨多羅三藐三菩提記佛子當知如來慧
日饒益生盲衆生長養具足成就善根佛子
是爲菩薩摩訶薩第五勝行知見如來復次
佛子譬如滿月有四奇特未曾有法何等爲
四映蔽一切星宿光明示現增減於閏時提
一切淨水影無不現一切衆生有覩見者皆
悉對面如來法身亦復如是有四奇特未曾

有法何等為四映蔽一切聲聞緣覺學無學
 衆功德星宿隨其所應示現壽命脩短不同
 法身常住未曾增減影現一切世界淨心衆
 生菩提器中隨所聞法隨解脫地應受化者
 一切皆謂如來現前其實法身無有彼此究
 竟佛事佛子是為菩薩摩訶薩第六勝行知
 見如來復次佛子譬如三千大千世界大梵
 天王以少方便大千世界一切衆生各見梵
 王現在已前亦不分身無種種身佛子如來
 亦復如是亦不分身無種種身於一切衆生
 隨所應化示現其身未曾生念示現彼此若
 千衆生佛子是為菩薩摩訶薩第七勝行知
 見如來復次佛子譬如大醫王善知衆藥對
 治之法一切方論皆悉明練彼大醫三閻浮
 提中一切藥草若現其前悉能識別彼大醫
 三宿善根力又能明了諸方論故悉能藥治
 一切衆病彼大醫王臨命終時作如是念我
 命終後一切衆生無所歸依是故我應現巧
 方便爾時醫王以藥塗身呪術自持今我命
 終之後身不乾燥又不散壞猶能具足身四
 威儀行住坐卧行醫王事藥治衆病與本無
 異如來應供等正覺無上醫王亦復如是善
 能明了諸對治法悉能除滅一切衆生諸煩
 惱病無量億那由他劫修習善根究竟般若

波羅蜜到於彼岸善學方便藥塗呪持如來
於首先善安住菩薩行地般若波羅蜜巧妙
方便藥呪之力住持壽命如來以少方便施
作佛事救護衆生除滅煩惱佛子是爲菩薩
摩訶薩第八勝行知見如來復次佛子譬如
大海有摩尼寶名普照明淨藏此寶光明觸
衆生身悉同一色若有見者眼即清淨隨彼
光明所照之處兩目佉寶皆悉徧滿饒益安
樂無量衆生如來法身亦復如是爲大寶王
功德積聚大智慧藏如來有光名寶身智若
有衆生觸斯光者皆悉得與佛身同色若有
衆生見斯光者皆悉逮得清淨法眼若有衆
生觸斯光者除貧賤苦尊貴富樂乃至無上
菩提快樂佛子當知如來法身無有彼此悉
能究竟一切衆生而作佛事佛子是爲菩薩
摩訶薩第九勝行知見如來復次佛子譬如
大海有寶名日一切世間莊嚴如意摩尼寶
王具足成就百萬功德隨彼寶王所住之處
一切衆生所有苦患皆得除滅隨其所願悉
能充滿彼摩尼寶王非少福衆生所能得見
如來法身摩尼寶王亦復如是若有衆生得
聞見者皆悉除滅生死之苦若一切衆生一
時專念欲見如來皆悉覩見能令歡喜所願
悉滿如來法身非少福衆生之所能見除佛

神力隨其所應而示現身佛子是爲菩薩摩訶薩第十勝行知見如來菩薩摩訶薩具足成就無量淨心充滿十方深入法界住真實際無生無滅三世平等悉能除滅一切虛妄入未來際正法充滿一切世間一切法界一切佛身無量莊嚴爾時普賢菩薩摩訶薩欲重明此義以偈頌曰

譬如虛空性無處而不至十方世界中一切諸佛刹色處非色處一切衆生類去來今現在非至非不至一切諸最勝清淨妙法身無處而不至充滿諸法界最勝妙法身一切真能見教化衆生故導師爲示現譬如虛空性無能執持者普令諸羣生無礙造衆業虛空無是念我今何所作云何而造作爲誰而造作如是諸最勝因此淨身業普令羣生類成就白淨法如來淨法身饒益無量衆法身亦無念我利諸羣萌譬如明淨日出現閻浮提除滅一切闇普照悉無餘一切衆寶山大地諸華池隨事而長養饒益一切衆最勝日如是饒益一切衆悉令羣生類長養諸善根成就慧光明除滅一切闇觀見諸導師具足一切樂譬如日出時先点大山王又復次第照一切諸大山次照諸小山及餘高顯處然後乃普照世界諸大地善逝亦如是清淨慧日光先照諸菩薩功德大山王爾乃次第照一切諸緣覺又復次第照聲聞學無學然後次第照一切諸衆生法身無是念或有所照明

譬如明淨日 出現於世間 生育雖不見 而能作饒益
除滅飢渴患 令身柔軟樂 當知明淨日 無所不饒益
佛日亦如是 出現於世間 雖無信心眼 而爲作饒益
或聞如來聲 或觸導師光 爲彼作因緣 究竟成菩提
譬如盛滿月 映蔽諸星宿 示現一切衆 有增或有減
一切澄淨水 月影無不現 世間羣生類 皆悉對目見
最勝淨滿月 映蔽於二乘 隨其受化者 示現壽脩短
影現諸人天 淨心菩提器 各各皆自謂 我對天人尊
譬如大梵王 安住梵天宮 悉於大千界 普現梵王身
具足自在力 變現無量身 無處而不見 其身亦不分
導師亦如是 具足自在力 一切十方刹 普現無量身
不可稱量身 一切莫能見 普應現衆生 而亦不分身
譬如大醫王 善知對治法 若有得見者 無病而不除
臨欲命終時 而生如是念 我身終沒後 一切無歸依
以藥塗其身 呪術而自持 今我命終後 如本無變異
如是諸最勝 無上大醫王 善學方便慧 具足一切智
過去無量行 示現淨法身 衆生若見者 除滅煩惱患
譬如大海中 摩尼衆寶王 出生無量種 清淨妙光明
衆生觸斯光 皆悉同寶色 若有得覩見 彼開清淨眼
最勝寶如是 普放慧光明 若有觸斯光 悉與佛同色
衆生若見者 具足五淨眼 除滅諸闇冥 安住如來地
譬如如意寶 隨滿一切願 若有所求者 皆悉滿其意
寶王不生念 我饒益世間 少功德衆生 不見此寶王
善逝亦如是 令一切願滿 若有求願者 皆悉得滿足

善逝不生念我利益衆生其懷惡心者不覩如來身
佛子菩薩摩訶薩云何知見如來應供等正
覺微妙音聲此菩薩摩訶薩知見如來音聲
無處不至如來種種微妙音聲令一切衆生
皆大歡喜演說無量諸佛正法隨應化者悉
得解了教化衆生未曾失時令身清涼心定
不亂觀察平等無生無滅譬如呼響無主知
見出生長養諸善根故知見甚深無邊底故
知見正直究竟度法界故知見無斷攝法界
故知見不可壞究竟法界故菩薩摩訶薩知
如來音聲非量非無量非主非無主非智非
無智何以故譬如世界將欲壞時法如是故
自然演出四種音聲何等爲四一日汝等當
知初禪安樂離欲瞋恚遠離欲界衆生聞已
自然皆得成就初禪捨欲界身生梵天處二
日汝等當知二禪安樂離於覺觀無覺無觀
遠離梵身衆生聞已自然皆得成就二禪捨
梵身身生光音天三日汝等當知三禪安樂
離於喜愛衆生聞已自然皆得成就三禪捨
光音身生徧淨天四日汝等當知四禪安樂
遠離衆苦衆生聞已自然皆得成就四禪捨
徧淨身生果實天佛子是爲世界將欲壞時
法如是故自然出生四種音聲彼聲無主亦
無作者如來妙音亦復如是亦無有主無有

作者自然出生四種妙音隨順佛法何等爲
四一日汝等當知一切行苦地獄畜生餓鬼
中苦閻羅王苦惡行者苦無功德苦著我我
所苦欲生人天當種善根修諸功德遠離八
難得無難處衆生聞已捨離顛倒修習善根
遠離八難生人天中二日汝等當知一切行
苦皆悉熾然如燒鐵丸一切衆行悉磨滅法
寂滅涅槃遠離熾然清涼安樂衆生聞已皆
修善根修善根已得音聲忍得音聲忍已學
聲聞乘三日汝等當知學聲聞乘者爲學小
智因他覺悟更有勝道名緣覺乘悟不由師
汝等應學若有衆生樂勝道者聞此音聲學
緣覺乘四日汝等當知過聲聞緣覺更有勝
道名曰大乘修菩薩行究竟六波羅蜜具善
薩行得不退轉不捨菩薩心永離生死向無
上菩提若有衆生諸根猛利過去修習無量
善根又復承佛威神力故得聞此音發菩提
心諸佛如來微妙音聲不從身出不從心出
而能饒益無量衆生佛子是爲菩薩摩訶薩
初勝妙行知見如來微妙音聲復次佛子譬
如呼響因山聲起無有積聚不可覩見隨種
種聲悉能應對實無所應如來妙音亦復如
是無有方處但隨所應而出音聲音聲非實
不可覺知不可言說佛子是爲菩薩摩訶薩

第二眼行知見如來微妙音聲復次佛子譬如天妙音聲於虛空中自然而出悉能覺悟放逸天子而告之言汝等當知五欲無常虛妄顛倒須臾變異如逆風執火愚夫所習汝莫放逸若放逸者身壞命終墮三惡道放逸諸天聞此音聲生恐怖心厭離五欲各捨宮殿詣正法堂修習善法愛樂正道佛子天妙音聲亦無有主亦無作者不起不滅而能利益放逸諸天如來妙音亦復如是普爲放逸諸衆生故出生無量正法音聲而覺悟之謂無著聲不放逸聲無常苦空非我之聲寂滅涅槃聲皆悉充滿一切法界隨其所應悉令歡喜各隨所樂修學諸衆出生無量大智音聲不退轉聲具足菩薩諸行音聲如來一切智慧地聲衆生聞此諸音聲已無量無數阿僧祇衆生修習善法或學聲聞辟支佛乘或學無上摩訶衍乘如來妙音超絕衆相言語道斷佛子是爲菩薩摩訶薩第三勝行知見如來微妙音聲復次佛子譬如自在天王有天寶女名曰善口於一語中演出百千娛樂音聲於彼一一娛樂音中復出百千娛樂音聲佛子當知一善口聲出生無量微妙音聲如來音聲亦復如是於一音中出無量聲隨其所應悉令開解佛子是爲菩薩摩訶薩第

四勝行知見如來微妙音聲復次佛子譬如
大梵天王於梵眾中出梵音聲一切大眾無
不聞者彼梵音聲不出眾外時梵身諸天各
作是念大梵天王唯與我語不對餘天如來
應供等正覺亦復如是此生無量無上妙音
應受化者皆悉得聞不出眾外何以故彼諸
眾生根未熟故聞佛音者各作是念今日如
來唯爲我說不爲餘人如來所出音聲亦無
所出聞佛音者亦無所聞能爲眾生施作佛
事佛子是爲菩薩摩訶薩第五勝行知見如
來微妙音聲復次佛子譬如水性皆同一味
隨器異故味有差別水無是念我作眾味如
來妙音亦復如是皆悉一味謂解脫味隨諸
眾生受化器異應有差別如來音聲不作是
知不作是念我作種種別異音聲佛子是爲
菩薩摩訶薩第六勝行知見如來微妙音聲
復次佛子譬如阿耨達龍王興大重雲滿閻
浮提普降大雨百穀草木皆悉滋長江河池
泉一切盈滿此大雨水不從龍王身心中出
而能饒益無量眾生如來應供等正覺亦復
如是興大悲雲徧滿世間普雨無上甘露正
法今一切眾生皆大歡喜出生善根長養正
法具足諸乘如來音聲不從外來亦不內出
而能饒益一切眾生佛子是爲菩薩摩訶薩

第七勝行知見如來微妙音聲復次佛子譬如摩那斯龍王將欲降雨先興重雲彌覆虛空凝停七日而未降雨先令衆生究竟諸業何以故彼大龍王慈悲心故過七日已漸降微雨普潤大地如來應供等正覺亦復如是將雨法雨先興法雲普覆衆生未便即雨甘露正法先令衆生成熟諸根諸根熟已然後漸降甘露法雨若即說深法衆生恐怖是故如來漸漸微雨一切種智甘露法味佛子是爲菩薩摩訶薩第八勝行知見如來微妙音聲復次佛子譬如有大龍王名大莊嚴或連雨十日或二十日或百日或千日或百千日佛子雨不作是念我雨十日乃至百千日但彼龍王有不可思議自在力故或十日雨乃至百千日雨如來應供等正覺亦復如是欲雨微妙甘露正法或十種音聲或二十或百或千或百千或八萬四千行種種音聲乃至無量億那由他聲分別說法令一切衆生皆悉歡喜如來妙音不作是念我能演說種種諸法又法界清淨無有差別化衆生故所說不同佛子是爲菩薩摩訶薩第九勝行知見如來微妙音聲復次佛子譬如娑伽羅龍王欲現龍王大自在力爲欲饒益羣生類故從四天下乃至他化自在天處興大重雲

徧覆六天有種種色或有處如閻浮檀金色
或有處如瑠璃色或有處如白銀色或有處
如玻璃色或有處如玫瑰色或有處如碼碯
色或有處如勝寶藏色或有處如赤真珠色
或有處如妙香色或有處如種種衣色或有
處如清淨水色或有處種種雜色如是等無
量色雲覆四天下乃至六天覆已出諸電光
所謂閻浮檀金色雲出瑠璃電光瑠璃色雲
出閻浮檀金電光白銀色雲出玻璃電光玻
璃色雲出白銀電光玫瑰色雲出碼碯電光
碼碯色雲出玫瑰電光勝寶藏色雲出赤真
珠電光赤真珠色雲出勝寶藏電光妙香色
雲出種種衣色電光種種衣色雲出妙香色
電光淨水色雲出種種雜色電光種種雜色
雲出淨水電光廣說乃至一種色雲出種種
色電光種種色雲出一種色電光又震種種
大雷音聲令衆生歡喜所謂天女歌音天娛
樂音龍女歌音軋闍婆女歌音緊那羅女歌
音大地音大海音摩王音或有異類奇妙種
種鳥音或種種歌音爾時龍王起若干風降
微細雨饒益安樂無量衆生從四天下上至
六天普雨種種無量異雨所謂於大海中雨
名洪澍無有斷絕於他化自在天普雨歌頌
娛樂音聲於化自在天普雨解脫明淨光寶

於兜率陀天普雨頂髻明月神珠於夜摩天
普雨種種衆莊嚴具於三十三天普雨妙香
於四天王普雨寶衣於龍王宮普雨赤明眞
珠於阿脩羅處普雨兵仗名伏怨敵於鬱單
越普雨衆華如是廣說徧四天下雨種種雨
然彼龍王其心平等無有彼此但以衆生根
不同故雨有差別如來應供等正覺無上法
王亦復如是將欲應現無量大法先以清淨
身雲普覆一切法界隨其所應示現身雲或
有衆生應見如來生身之雲或有衆生應見
如來神力住持身雲或有衆生應見如來色
身之雲或有衆生應見如來種種身雲或有
衆生應見如來功德身雲或有衆生應見如
來智慧身雲或有衆生應見如來不壞身雲
或有衆生應見如來無畏身雲或有衆生應
見如來法界身雲佛子如來以如是等無量
身雲普覆一切世界隨其所應示現光明電
光或有衆生得見如來光明電光名無所不
徧邊或有衆生得見如來光明電光名曰入
佛微密之教或有衆生得見如來光明電光
名明淨普照或有衆生得見如來光明電光
名曰淨照或有衆生得見如來光明電光名
入無盡藏陀羅尼門或有衆生得見如來光

明電光名不亂正念或有衆生得見如來光
明電光名不退智慧或有衆生得見如來光
明電光名順入諸趣或有衆生得見如來光
明電光名普令衆生滿足諸願佛子如是如
來應供等正覺普爲衆生示現如來光明電
光現電光已出生無量諸大三昧雷震音聲
所謂出正覺三昧雷聲離垢寂靜海三昧雷
聲一切法自在三昧雷聲金剛圓滿三昧雷
聲須彌山王幢三昧雷聲海印三昧雷聲日
光三昧雷聲普令衆生歡喜三昧雷聲無盡
功德藏三昧雷聲不壞解脫阿羅漢三昧雷
聲佛子如來應供等正覺於佛身雲出生無
量種種三昧雷聲出雷聲已欲說甘露法時
先現如來大智風輪瑞相從無障礙大慈悲
起先令一切衆生及諸菩薩身心柔軟皆大
歡喜如來如是以正法雲大慈悲雲不可思
議雲令一切衆生身心柔軟然後乃雨不可
思議大法雲雨所謂爲坐道場一切菩薩雨
不可壞法界大法雲雨爲最後身菩薩雨如
來密教菩薩娛樂自在大法雲雨爲一生補
處菩薩雨清淨普照大法雲雨爲得記菩薩
雨如來莊嚴大法雲雨爲得忍菩薩雨功德
寶智華不斷菩薩行大法雲雨爲向行菩薩
雨不退行入化門甚深門無有疲厭大法雲

雨爲初發心菩薩雨如來定行大慈大悲救
護衆生大法雲雨爲樂緣覺者雨深知緣起
離斷常見無壞解脫果法雲雨爲求聲聞者
雨降伏煩惱怨敵智藏法雲雨爲修習長養
善根衆生及決定不決定衆生雨種種歡喜
法門雲雨佛子雨如是等十種無量無邊大
法雲雨充滿法界佛子如來應供等正覺其
心平等無有彼此但以衆生根不同故如來
法雨現有差別佛子是爲菩薩摩訶薩第十
勝行知見如來微妙音聲

大方廣佛華嚴經卷第三十四

謝降	上注音切 下古巷切	堪受	上口舍切	掌中	上諸耶切
水陸	下力什切	百穀	下古祿切	再木	上許貴切
冷溼	上曹計切 下失入切	痰瘰	上徒甘切 下於禁切	毒痛	下地育切
脩短	上息淋切	羽練	下郎殿切	乾燥	上古寒切 下蘇老切
塗泥	上同都切 下職敕切	貧賤	下才練切	飢渴	下苦曷切
呼響	上蕭鳥切 下許兩切	滋長	上子之切 下知丈切	玫瑰	上梅香切 下迴音切

甲辰歲高麗國大藏都監奉
勅彫造

大方廣佛華嚴經卷第三十五

東晉天竺三藏佛跋陀羅

朝譯

寶王如來性起品第三十二之三

復次佛子菩薩摩訶薩知見如來音聲一種
無量何等爲十所謂知見虛空等無量無處
不至故知見法界等無量無處不徹故知見
衆生界等無量今一切衆生悉歡喜故知見
行業等無量廣說一切果報故知見煩惱等
無量究竟寂滅故知見種種音聲等無量隨
應受化無不聞故知見欲樂等無量悉分別
說諸解脫故知見三世等無量無分際故知
見智慧等無量深入一切法故知見佛境界
不退等無量隨順如如法界故佛子菩薩摩
訶薩知見如來應供等正覺音聲有如是等
十種無量阿僧祇爾時普賢菩薩欲重明此
義以偈頌曰

世界欲壞時於彼虛空中衆生福報力自然出四聲
若彼四禪中寂樂離衆苦衆生聞是已厭離欲界身
十力亦如是自然出四聲充滿於法界無處而不聞
譬如因山谷出生呼聲響從外一切音響聲隨應對
種種因緣起聞者亦不同響不作是念我出種種音
如來聲如是出生無量音隨應受化者一切無不聞
皆悉令歡喜調伏諸衆生音聲亦無念我出種種音

譬如天妙音於彼虛空中自然而演出覺悟諸天子
諸天子聞此正法妙音聲修習不放逸厭離於五欲
十力亦如是出生微妙聲法雲音充滿一切諸世界
令衆生覺悟彼音無生滅若有得聞者皆悉證菩提
如自在天王寶女名善口於一音聲中出生百千聲
復於一一音出生百千聲諸天若聞者一切皆悅樂
十力亦如是於彼一音中隨應一時演衆生數等音
衆生聞音已除滅諸煩惱音聲不作念我能有所滅
譬如大梵王出清淨梵音一切梵天衆無有不聞者
一一梵音聲令梵衆歡喜徧滿梵天衆音聲不出外
功德大梵王安處如來座演出一妙音充滿諸法界
隨應受化者一切無不聞聲不出衆外以無信心故
譬如諸水性皆悉同一味清淨離垢濁具足八功德
所因地不同衆器各別異隨彼因緣故水味有差別
佛子應當知一切智音聲如來微妙音悉同解脫味
衆生所造行若干差別故善逝隨應化所聞各不同
譬如阿耨達自在大龍王興雲覆世間普雨潤大地
長養諸叢林百穀藥草等彼所降雨水不從身心出
如來亦如是初興大法雲普覆諸法界雨大甘露法
令衆增善根除滅煩惱熱而彼甘露法不從身心出
譬如大龍王名曰摩那斯七日起重雲凝停不降雨
普令一切衆究竟諸事業漸降微細澤然後乃大雨
十力興法雲普覆諸法界雨大甘露法饒益諸羣生
隨應受化者爲彼說深法聞者不恐怖究竟成菩提

譬如大龍王名曰大莊嚴先布雲重雲然後降大雨或二十日乃至百十日雨水等一味衆生故不同究竟至如來大辯之彼岸或說十法門乃至百千門或說八萬四乃至無量行如來不生念我分別法界譬如海龍王名曰婆伽羅先興密重雲彌覆四天下普雨一切處各各悉不同龍王心平等亦無有憎愛最勝亦如是無上法龍王興起大悲雲普覆於一切爲道場菩薩雨大甘露法隨其所應化如來心平等佛子云何菩薩摩訶薩知見如來應供等正覺心此菩薩摩訶薩知心意識非即如來但知如來智無量故心亦無量佛子譬如虛空悉爲一切萬物所依而被虛空無所依止如來智慧亦復如是悉爲一切世間智慧離世間智之所依止而如來智無所依止佛子是爲菩薩摩訶薩最初勝行知見如來應供等正覺心復次佛子譬如清淨法界悉爲一切聲聞緣覺菩薩解脫之所依止而清淨法界無增無減如來智慧亦復如是爲一切世間出世間智算數巧術一切衆智之所依止而如來智無增無減佛子是爲菩薩摩訶薩第二勝行知見如來應供等正覺心復次佛子譬如四大海水悉能澤潤四天下地八十億小洲若有衆生於彼諸處方便求水無往不得而彼大海不作是念我能資給諸衆生水

如來智慧大海亦復如是悉能澤潤一切衆生心被諸衆生各於法門修習善根皆得智慧光明而如來不作是念我能悉與衆生智慧佛子是爲菩薩摩訶薩第三勝行知見如來應供等正覺心復次佛子譬如大海有四種寶珠此四種寶悉生海中一切衆寶若無此寶海中衆寶悉皆滅失何等爲四一名衆寶積聚二名無盡寶藏三名遠離熾然四名一切莊嚴聚是爲四寶佛子此四種寶一切阿耨羅迦樓羅諸龍神等悉不得見何以故娑伽羅龍王密置深寶藏故此四種寶端嚴方正如來應供等正覺海亦有四種大智寶珠出生一切聲聞緣覺學無學智及諸菩薩智慧大寶何等爲四一名無染巧妙方便清淨智寶二名分別演說有爲無爲清淨智寶三名分別演說一切諸法而不壞法界清淨智寶四名應化衆生未曾失時清淨智寶是爲如來大海四種清淨智寶佛子此如來四種清淨智寶一切衆生無能見者何以故此四種智慧大寶安置如來微密法寶藏故菩薩慧光端嚴殊特佛子是爲菩薩摩訶薩第四勝行知見如來應供等正覺心復次佛子譬如大海有四熾然光明大寶此四種寶悉能消竭大海無極之水何等爲四一名日藏

光明大寶二名離闇光明大寶三名火珠光
明大寶四名究竟無餘光明大寶佛子若大
海中無此四寶四域天下金剛圍山乃至非
想非非想處皆悉漂沒佛子此日藏光明大
寶能變海水悉成爲酪離闇光明大寶能變
酪海悉成爲酥火珠光明大寶能悉熾然酥
海究竟無餘光明大寶悉然酥海永盡無餘
如來應供等正覺海亦有四種智光摩尼大
寶照諸菩薩具足修習一切衆行乃至成佛
平等智慧何等爲四一者永息一切不善波
浪智光大寶二者滅一切法愛智光大寶三
者大慧智光大寶四者與如來等無量智光
大寶佛子彼菩薩摩訶薩修集菩提時起無
量生死不善波浪一切諸天阿脩羅等悉無
能止如來以息一切不善波浪智光大寶昭
耀菩薩不善波浪令永止息堅固安住無上
三昧以滅一切煩惱法愛智光大寶滅一切三
昧難捨味著以大慧智光大寶滅一切無明
淨慧通達以與如來等無量智光大寶以少
方便出生如來智慧之地佛子若無如來四
種智光大寶乃至一菩薩得如來地無有是
處佛子是爲菩薩摩訶薩第五勝行知見如
來應供等正覺心復次佛子譬如從水輪際
上至非想非非想天一切三千大千世界依

虛空住謂無色界衆生處色界衆生處欲界衆生處此三界處悉依虛空而彼虛空無有迫近如來智慧亦復如是一切聲聞緣覺菩薩知有爲法智慧知無爲法智慧如是等一切智慧悉依如來智慧而起悉依如來智慧而住如來智慧無有迫近何以故如來智慧無所不至故佛子是爲菩薩摩訶薩第六勝行知見如來應供等正覺心復次佛子譬如雪山頂有藥王樹名非從根生非不從生彼藥王樹從六百八十萬由旬下極金剛地水輪際生佛子此藥王樹若生根時閻浮提樹一切根生若生莖時閻浮提樹皆悉生莖若生枝葉華果時閻浮提樹一切悉生枝葉華果此藥王樹根能生莖莖能生根是故名曰不從根生非不從根佛子此藥王樹一切諸處皆悉生長唯除二處所謂地獄深坑及水輪中不得生長而大藥王樹亦不捨生性如來智慧大藥王樹亦復如是從一切如來種姓中生於過去世修習大慈悲等無量無邊功德堅固正住不可傾動三世無量善根智慧皆悉普覆一切世間除滅一切惡道衆難巧方便莊淨法界枝諸禪三昧解脫之業七覺意華無上解脫果陀羅尼持初無增減佛子如來智慧大藥王樹復有異名名根堅固

不壞何以故不捨不斷菩薩衆行是故其根
名曰不壞彼如來智慧大藥王樹初生根時
一切菩薩悉生大慈悲根未曾捨離一切衆
生初生莖時一切菩薩皆悉生長堅固精進
正直心直初生枝時一切菩薩生長一切波
羅蜜枝初生葉時一切菩薩生長一切淨戒
威儀頭陀功德之葉初生華時一切菩薩善
根莊嚴相好華敷初生果時一切菩薩得無
生忍受佛記果佛子如來智慧大藥王樹唯
除二處不得生長所謂聲聞緣覺涅槃地獄
淨院及諸犯戒邪見貪著非法器等而如來
樹非不生長其餘一切應受化者皆悉生長
而如來智慧大藥王樹不增不減佛子是爲
菩薩摩訶薩第七勝行知見如來應供等正
覺心復次佛子譬如火劫起時三千大千世
界一切所有大地草木金剛圍山皆悉熾然
燒盡無餘設有一人若以乾草投彼火中寧
得不然答言不也無不燒盡佛子彼所投草
猶可不盡如來智慧於一切衆生一切佛刹
一切劫數一切諸法無不悉知若有不知無
有是處何以故如來智慧不可破壞悉明達
故佛子是爲菩薩摩訶薩第八勝行知見如
來應供等正覺心復次佛子譬如風裁壞世
界時有大風起名曰壞散悉能壞散磨滅大

千世界金剛圓山一切萬物爾時三千大千世界外復有風起名障壞散風我不令風裁得至餘方佛子若無此障風十方無量無邊阿僧祇世界無不散滅如來應供等正覺亦復如是有大智風名曰散滅一切煩惱悉能散滅一切菩薩煩惱習氣如來復有巧方便智風能持一切菩薩不令究竟盡滅墮於聲聞辟支佛地菩薩摩訶薩得此巧方便智風力故能過聲聞辟支佛地究竟佛地佛子是爲菩薩摩訶薩第九勝行知見如來應供等正覺心復次佛子如來智慧無處不至何以故無有衆生無衆生身如來智慧不具足者但衆生顛倒不知如來智遠離顛倒起一切智無師智無礙智佛子譬如有一經卷如三千大千世界大千世界一切所有無不記錄若二千世界等悉記二千世界中事小千世界等悉記小千世界中事四天下等悉記四天下事須彌山王等悉記須彌山王事地天宮等悉記地天宮殿中事欲天宮等悉記欲界天宮殿中事色天宮等悉記色界天宮殿中事若無色天宮等悉記無色界天宮殿中事彼三千大千世界等經卷在一微塵內一切微塵亦復如是時有一人出興於世智慧聰達具足成就清淨天眼見此經卷在微

塵內作如是念云何如此廣大經卷在微塵
 內而不饒益衆生耶我當勤作方便破彼微
 塵出此經卷饒益衆生爾時彼人即作方便
 破壞微塵出此經卷饒益衆生佛子如來智
 慧無相智慧無礙智慧具足在於衆生身中
 但愚癡衆生顛倒想覆不知不見不生信心
 爾時如來以無障礙清淨天眼觀察一切衆
 生觀已作如是言奇哉奇哉云何如來具足
 智慧在於身中而不知見我當教彼衆生覺
 悟聖道悉令永離妄想顛倒垢縛具見如來
 智慧在其身內與佛無異如來即時教彼衆
 生修八聖道捨離虛妄顛倒離顛倒已具如
 來智與如來等饒益衆生佛子是爲菩薩摩
 訶薩第十勝行知見如來應供等正覺心佛
 子菩薩摩訶薩有如是等無量無數諸勝妙
 行知見如來應供等正覺心爾時普賢菩薩
 欲重明此義以偈頌曰

欲知如來心應解最勝智如來智無量最勝心亦然
 十方諸世界一切衆生類皆悉依虛空虛空無所依
 一切法界中衆生種種樂方便巧智術依最勝智走
 一切諸智慧悉依善逝智如來最勝智寂然無所依
 聲聞緣覺衆解脫智慧果悉從法界起法界無增減
 最勝智如是能起一切智學智無學智了達有無智
 善逝無上智出生一切智非生非不生皆悉無增減

譬如大海水 澤潤一切地 衆生善方便 求水無不得
大海地無念 我與衆生水 大海無增減 方便求悉得
十方諸世界 一切羣生類 善逝智慧海 皆悉能潤澤
各各勤方便 修習諸法門 一切修行者 疾得智慧光
如娑伽龍王 有四妙寶珠 密置深寶藏 衆生無能見
端嚴而方正 常住於大海 因此四摩尼 生出一切寶
最勝四種智 無量不可稱 出生一切衆 無量諸智慧
安住大乘藏 無量德莊嚴 除受記菩薩 一切莫能見
譬如大海中 有四摩尼寶 光皎甚猛熱 能消大海水
若無此四寶 天地悉漂沒 大海無增減 四域皆安住
如來四種智 無量不可稱 能止諸菩薩 不善根波浪
一切三世間 欲色無色界 離我及我所 安住於虛空
善逝智亦然 一切智根本 聲聞學無學 及諸緣覺智
善逝普饒益 無量甚深智 悉依如來智 如來智無依
如彼雪山頂 有大藥王樹 名不從根生 非不從根生
由此藥王樹 生長因緣故 悉生閻浮提 一切諸樹林
彼樹根生時 一切樹根生 並枝葉華實 一切亦如是
清淨甚深智 如來性中生 依因如來智 出生修行智
一切善善行 無量諸功德 如來智樹王 平等心地生
譬如劫盡時 猛盛大火裁 設人投乾草 猶可燒不盡
善逝清淨智 無量無有邊 悉能分別知 三世衆生類
又知一切劫 一切諸佛刹 如是無量法 如來悉了知
譬如劫盡時 風裁名壞散 能壞諸大地 金剛及須彌
刹外有風起 名曰障散壞 若無此風者 十方悉磨滅

十力亦如是 智慧風無量 皆悉能散滅 菩薩諸煩惱
如來方便智 攝取諸菩薩 過聲聞緣覺 安住如來地
譬如微塵內 有一大經卷 三千世界等 無益衆生類
爾時有一人 出興於世間 破塵出經卷 饒益一切世
如來智如是 衆生悉具有 顛倒妄想覆 衆生不知見
如來教衆生 修習八聖道 除滅一切障 究竟成菩提
佛子云何菩薩摩訶薩 知見如來應供等正
覺境界 此菩薩摩訶薩 成就無量無邊無礙
智慧 知一切衆生 是如來境界 一切世間一
切刹一切法 一切衆生行 如如不壞境界 無
礙法界 境界實際 無際境界 無量虛空境界
非境界 境界是如來境界 佛子 一切衆生無
量故 如來境界無量 一切世間無量故 如來
境界無量 乃至非境界 境界無量故 如來境
界無量 非境界至一切處而無所至 如來境
界亦復如是 佛子 菩薩摩訶薩 知心境界是
如來境界 如心境界無量故 如來境界無量
何以故 隨心無量 出生智慧 亦復如是 佛子
譬如大龍 隨心降雨 雨不從內 亦不從外 如
乘境界 亦復如是 隨心所念 於念念中 出生
無量不思議智 彼諸智慧 悉無來處 佛子 一
切大海水 皆從龍王心願所起 如來智海 亦
復如是 悉從大願力起 佛子 如來智海 無量
無邊 不可言說 不可思議 我說小論 汝今諦

觀佛子此閻浮提內流出二千五百河水悉入大海俱耶尼內流出五千河水悉入大海弗婆提內流出八千四百河水悉入大海瞿單越內流出一萬河水悉入大海佛子此四天下內如是二萬五千九百河水悉入大海佛子於意云何此水多少答言甚多佛子復有十光明龍王雨大海中悉過前水百光明龍王雨大海中復悉過前大莊嚴龍王雨大海中復悉過前摩那斯龍王雨大海中復悉過前大雷龍王雨大海中復悉過前難陀龍王雨大海中復悉過前無量光明龍王雨大海中復悉過前流注不斷龍王雨大海中復悉過前大勝龍王雨大海中復悉過前金剛光明龍王雨大海中復悉過前佛子如是等八十億龍王各雨大海展轉過前娑伽羅龍王太子名曰佛生雨大海中復悉過前佛子彼十光明龍王所住淵池流入大海復悉過前百光明龍王所住淵池流入大海復悉過前大莊嚴龍王所住淵池流入大海復悉過前摩那斯龍王所住淵池流入大海復悉過前大雷龍王所住淵池流入大海復悉過前難陀跋難陀龍王所住淵池流入大海復悉過前無量光明龍王所住淵池流入大海復悉過前流注不斷龍王所住淵池流

入大海復悉過前大勝龍王所住淵池流入
大海復悉過前金剛光明龍王所住淵池流
入大海復悉過前如是等廣說乃至娑伽羅
龍王太子所住淵池流入大海復悉過前佛
子如彼十龍王及八十億龍王乃至娑伽羅
龍王太子兩大海中及其淵池皆悉不及娑
伽羅龍王所兩大海娑伽羅龍王所住淵池
涌出流入大海倍復過前彼涌流水青瑠璃
色盈滿大海涌出有時是故海潮常不失時
佛子如是大海其水無量珍寶無量衆生無
量大地無量佛子於意云何彼大海水爲無
量不答言實爾其水深廣不可爲諭佛子如
是海水深廣無量於如來無量智海百分不
及其一乃至不可爲譬但隨所應化爲作譬
諭佛子菩薩摩訶薩知見如來智海深廣無
量從初發心乃至不斷菩薩無量行故知見
道品寶無量不斷三寶故知見無量衆生歡
喜長養一切聲聞學無學及緣覺故知見大
地無量從歡喜地乃至究竟無礙智地故佛
子是爲菩薩摩訶薩知見如來應供等正覺
境界無量饒益一切衆生無量智慧故爾時
普賢菩薩欲重明此義以偈頌曰
離垢淨境界 無量不可稱 殊勝願力故 一切無有量
譬如心境界 無量無有邊 一切諸十力 境界亦如是

譬如大龍王不離於本處以心願力故其雨無有量
雨水無從來亦無有去處龍王願力故隨心雨無量
一切十方刹十力亦如是本無所從來去亦無所至
無量諸境界悉從心緣起一切諸法界皆入一毛道
譬如大海水無量無有邊衆生及珍寶大地亦無量
海水常湛然皆悉同一味隨衆生受用其味各不同
最勝亦如是智慧海無量三寶最勝故是故寶無量
聲聞學無學辟支佛無量具修無上道故說地無量
佛子云何菩薩摩訶薩知見如來應供等正
覺行此菩薩摩訶薩知見如來無礙行如如
行是如來行如如過去不滅未來不至現在
不起如來行亦如是不滅不至不起佛子譬
如法界無量無縛何以故法界無身故如來
行亦如是無量無縛何以故如來行無身故
佛子譬如鳥飛虛空經百千年所遊行處不
可度量未遊行處亦不可量何以故虛空無
分齊故如來應供等正覺行亦復如是若使
有人於百千億那由他劫分別解說如來之
行已解說者不可限量未解說者亦不可量
何以故如來行無分齊故佛子如來應供等
正覺住如來住無所住故而能普爲一切衆
生示現開導如來之行衆生見已出過一切
諸障礙道佛子譬如金翅鳥王飛行虛空安
住虛空以清淨眼觀察大海龍王宮殿奮勇

猛力以左右翅博開海水悉令兩闕如龍男
女有命盡者而攝取之如來應供等正覺金
翅鳥王亦復如是安住無礙虛空之中以清
淨眼觀察法界諸宮殿中一切衆生若有善
根已成熟者奮勇猛十力止觀兩翅博開生
死大愛海水隨其所應出生死海除滅一切
妄想顛倒安立如來無礙之行佛子譬如日
月周行虛空不作是念我行虛空從何所來
去至何所如來亦復如是周行無礙解脫虛
空分別一切法界饒益一切衆生廣作佛事
如來不作是念我有去來佛子菩薩摩訶薩
以如是等無量無邊勝行知見如來應供等
正覺行爾時普賢菩薩欲重明此義以偈頌
曰

譬如如無盡無生亦無滅亦無有方處求之不可見
如來亦如是境界不可量遠離於三世其性悉如如
譬如諸法界非界非不界非有亦非無非量非無量
功德持如是所行不可量非有亦非無其身本無故
如鳥飛虛空經由百千年行處未行處皆悉不可量
若人百千劫演說如來行已說及未說皆悉不可量
譬如金翅鳥安住於虛空觀察龍王宮攝取其男女
十力亦如是安住如來行善根純熟者今出煩惱海
譬如淨日月周行於虛空安樂一切衆不念我能爾
如來亦如是遊行諸法界度脫一切衆不念我能度

佛子云何菩薩摩訶薩知見如來應供等正覺菩提此菩薩摩訶薩知見菩提解一切義滅除疑惑不二等覺無相無行無退無量無邊無縛無脫遠離一邊知處非處知一切字一切語言法知一切衆生心心所行知一切根煩惱習性於一念中悉知三世一切諸法佛子譬如大海爲一切衆生色像之印是故大海說名爲印如來應供等正覺菩提亦復如是一切衆生心念諸根現菩提中而無所現故說如來爲一切覺佛子一切諸佛菩提一切文字所不能記一切語言所不能說不可爲譬但隨所應如來爲之分別演說佛子如來應供等正覺成菩提時住佛方便得一切衆生等身得一切法等身得一切刹等身得一切三世等身得一切如來等身得一切諸佛等身得一切語言等身得一切法界等身得虛空界等身得無礙法界等身得出生無量界等身得一切行界等身得寂滅涅槃界等身佛子隨如來所得身當知音聲及無礙心亦復如是如來具足如是等三種清淨無量佛子如來身中悉見一切衆生發菩提心修菩薩行成等正覺乃至見一切衆生寂滅涅槃亦復如是皆悉一性以無性故無相無盡無生無滅故我非我性故衆生非衆生

性故覺無所覺故法界無自性故虛空界無自性故如是等覺一切無性無盡智自然智一切如來無極大悲度脫衆生佛子譬如虛空界世界若成若敗常無增減何以故虛空無生滅故如來應供等正覺菩提若成未成常無增減一性無性捨離衆性佛子設有一人出興於世彼能化作恒沙等心彼一一心悉能化作恒沙如來無色無形如是恒沙等劫常化不絕於意云何彼化如來寧爲多不答曰我知仁意若化不化等無有異善哉善哉佛子誠如所言佛子設使一切衆生於一念中悉成正覺若成未成皆悉平等何以故菩提無性故無增無減如來菩提皆悉一性所謂無性佛子是爲菩薩摩訶薩知見如來應供等正覺菩提佛子如來應供等正覺成正覺已正受三昧名曰善覺正受三昧已得菩提身數與一切衆生身等如一三昧一切三昧一切法門亦復如是佛子是爲菩薩摩訶薩知見如來應供等正覺菩提身復次佛子菩薩摩訶薩於一毛道悉知一切衆生等如來之身如一毛道一切毛道一切法界處亦復如是何以故如來菩提身無處不至無處不有故如來應供等正覺本求菩提勤修精進往詣道場菩提樹下處師子座成正

覺究竟菩提復次佛子此菩薩摩訶薩自知身中悉有一切諸佛菩提何以故彼菩薩心不離一切如來菩提故如自心中一切衆生心中亦復如是無量無邊無處不有不可破壞不可思議佛子菩薩摩訶薩以如是等無量無邊不可思議方便法門知見如來應供等正覺菩提爾時普賢菩薩欲重明此義以偈頌曰

菩提非二法遠離於二邊除滅一切惡平等覺諸法了達一切法皆悉如虛空非我非無我等覺一切法譬如諸大海一切衆生類色像悉顯現故說一切卽十方世界中一切衆生類無上菩提海無法而不現譬如虛空性世界成壞時若成若未成虛空無增減最勝亦如是無上菩提道若覺若未覺一性亦無性譬如無量劫念念化諸佛若化若不化皆悉等無異設一切衆生一時成正覺若成若未成菩提無增減最勝有三昧名曰無量覺道場成菩提逮得此三昧普放無量光一切衆生等除滅一切闇開悟諸羣生三世一切劫佛刹及諸法諸根心心法一切虛妄法於一佛身中此法皆悉現是故說菩提無量無有邊佛子云何菩薩摩訶薩知見如來應供等正覺轉法輪此菩薩摩訶薩知見如來一切願一切法轉無所轉本無所起三轉圓滿皆悉清淨悉能遠離一切邪見離欲際非際一切

諸法如虛空際不可言說一切法寂滅涅槃
性故菩薩摩訶薩知見一切文字一切語言
法悉轉法輪如來音聲無所不至故知見法
輪如響真實法性故知見一切音聲皆是一
聲如來以此而轉法輪佛轉法輪無有主故
知見轉法輪無漏無盡內外無所有故佛子
譬如文字於無量無數劫說不可盡如來應
供等正覺轉正法輪亦復如是一切文字一
切語言說不可盡如來法輪悉入一切語言
文字而無所住佛子譬如字章悉入一切字
數一切事數一切語言數一切算數一切世
間出世間而無所住如來音聲亦復如是於
一切處無所不入於一切衆生一切法一切
業一切報一切心亦無所住一切衆生諸語
言法皆爲法輪音聲所攝何以故一切音聲
不離法輪音聲故復次佛子此菩薩摩訶薩
知見如來應供等正覺出生法門轉法輪何
等爲如來出生法門轉法輪如來以一切衆
生念念心心行等音聲爲一切衆生而轉法
輪何以故佛子如來應供等正覺有三昧名
曰究竟無礙無畏如來正受三昧而轉法輪
如來入此三昧已出生一切衆生等音於一
一音中復生一切衆生等音而轉法輪悉令
衆生皆大歡喜佛子若如是知轉法輪者當

知是人則爲隨順一切佛家不如是知則不
隨順諸如來家佛子是爲菩薩摩訶薩知見
如來應供等正覺轉法輪爾時普賢菩薩欲
重明此義以偈頌曰

如來轉法輪 三世無不至 所轉無所轉 求之不可得
譬如諸文字 說之不可盡 十力亦如是 轉法輪無盡
譬如章文字 悉入一切數 所入無所入 法輪亦如是
普入一切音 所入無所入 彼亦無自性 能令一切喜
出過一切數 究竟成菩提 欲說真實義 是故入三昧
以彼三昧力 出生妙音聲 悉與衆生等 而轉正法輪
又復悉於彼 一一諸音聲 出生無量音 衆生語言法
大自在無念 我出彼衆音 隨其變化者 一切無不聞
譬如諸文字 不內亦不外 無漏不可盡 亦復無積聚
十力亦如是 轉清淨法輪 無漏不可盡 諸佛大神力
大方廣佛華嚴經卷第三十五

若干

下古寒切

百穀

下古錄切

凝停

上魚陵切
下特丁切

巧術

下食聿切

漂沒

下撫招切

爲酪

下盧各切

酥海

上素孤切

深阮

下客夷切
亦作坑

乾草

七古寒切

風裁

下或音
亦作災災

鬱單

上舒物切

淵池

下烏玄切

金翅

下施音

奮勇

上方問切

雨闢

下房益切

撮取

上子括切

若敗

下薄邁切

甲辰歲高麗國大藏都監奉

勅彫造

大方廣佛華嚴經卷第三十六

朝

東晉天竺三藏佛跋陀羅

譯

寶王如來性起品第三十二之四

佛子云何菩薩摩訶薩知見如來應供等正覺大般涅槃此菩薩摩訶薩欲知見如來應供等正覺大般涅槃者當如是知如般涅槃如來大般涅槃亦復如是如實際如法界如虛空界如實性如離欲際如無相際如我性際如一切法性際如真實際般涅槃如來大般涅槃亦復如是何以故涅槃非生滅法若法不生當知不滅去無所至佛子如來應供等正覺不爲菩薩演說顯現如來究竟涅槃何以故欲令諸菩薩於一念中普見三世一切諸佛悉現前故出生一切如來妙色亦復不起二不二想何以故菩薩摩訶薩遠離諸想無染著故佛子但如來欲令衆生歡喜故出現於世欲令衆生憂悲感慕故示現涅槃其實如來無有出世亦無涅槃何以故如來常住如法界故爲化衆生示現涅槃佛子設有日出照現世間圓滿明淨與法界等於一切世界淨水器中影無不現日無是念我能普現一切淨水佛子彼時或有一水器破日影不現於意云何彼影不現豈日過耶荅日不也水器破故日影不現佛子如來智慧

圓滿淨曰一念出現悉能照明一切世界一切法界一切衆生滅除垢濁淨心水器影無不顯常現在前但破器濁心衆生不見如來法身影像應見涅槃而得度者是故如來現般涅槃其實如來不生不滅永無滅度佛子譬如大火於一切世界能爲火事焚燒草木無不盡者有時彼火至無草木城邑聚落自然而滅於意云何一切世間火悉滅不答曰不也如來應供等正覺亦復如是於一切世界施作佛事或一佛刹化度已周示現涅槃於意云何一切世界如來悉滅度耶答曰不也佛子是爲菩薩摩訶薩知見如來應供等正覺大般涅槃復次佛子如大幻師善知幻術安住此術於三千大千世界一切城邑聚落大王之都普現幻身住持幻身壽命無盡時此幻師於彼城邑聚落大王之都隨事訖處便捨幻身於意云何爲三千大千世界幻身悉捨滅耶答曰不也如來應供等正覺亦復如是善知大慧幻術具足出生巧方便慧於一切法界普能示現如來幻身常住如法界究竟如虛空隨諸佛刹教化度脫已周訖處示現涅槃當知不以一佛刹示現涅槃故如來究竟永滅度也佛子是爲菩薩摩訶薩知見如來大般涅槃復次佛子如來示現般

涅槃時先入不動三昧入三昧已於一身
各放無量億千那由他大光一一光明各出
無量阿僧祇妙寶蓮華一一蓮華各有不可
說不可說妙寶華鬘一一華鬘各有寶師子
座一一座上各有如來結跏趺坐彼時所現
諸如來身悉與一切衆生數等功德具足相
好莊嚴究竟本願時有衆生善根熟者見如
來身心皆調伏稟受道化彼如來身究竟安
住盡未來際隨一切衆生所應受化未曾失
時彼如來身無有處所非實非虛如來但欲
究竟過去諸大願故欲令衆生長養諸善根
故應現其身常住不滅佛子是爲菩薩摩訶
薩知見如來應供等正覺大般涅槃復次佛
子此菩薩摩訶薩知見如來涅槃無量無邊
究竟法界無所障礙不生不滅淨如虛空安
住實際隨其所應而示現之本願所持不捨
一切衆生一切佛刹一切諸法爾時普賢菩
薩欲重明此義以偈頌曰

譬如圓滿日 一切法界等 影現一切水 唯除諸破器
最勝亦如是 普現一切世 衆生無信心 謂佛入涅槃
譬如猛盛火 焚燒一切物 無草木聚落 火則自然滅
最勝亦如是 充滿於法界 究竟諸佛事 示現入涅槃
譬如大幻師 示現無量身 如來亦如是 普現一切身
究竟諸佛事 示現般涅槃 隨應受化者 以此而示現

最勝有三昧 名曰不可動 究竟佛事已 然後入此定
念出無數佛 又放無量光 光有無量華 華有無量佛
最勝無量身 充滿諸法界 積集功德者 一切無不見
善逝淨法身 無量法界等 壽命淨莊嚴 一切悉具足
猶如無生性 如來興亦然 猶如無生性 涅槃亦如是
悉離語言道 不可爲譬喻 天中天難勝 具足一切德
佛子云何菩薩摩訶薩知見於如來應供等
正覺所見聞恭敬供養所種善根此菩薩摩
訶薩知見於如來所見聞恭敬供養所種善
根皆悉不虛功德無盡離一切愛究竟解脫
果報不虛滿足諸願於一切有爲法中不可
窮盡而能隨順無爲智慧起諸佛智究竟未
來際具足一切諸如來地佛子譬如丈夫食
少金剛終竟不消要從身過至金剛輪際然
後乃住所以者何以彼金剛不可消故如是
佛子於如來所少植善根能壞一切有爲煩
惱乃至究竟如來涅槃智慧然後乃住所以
者何於如來所植諸善根不可盡故佛子譬
如須彌山等大乾草聚若有人持如芥子火
悉能燒盡何以故火性悉能燒故佛子於如
來所種少善根亦復如是悉能燒滅一切煩
惱無有遺餘究竟涅槃何以故於如來所種
諸善根性究竟故佛子譬如雪山有大藥王
名曰喜現若有見者眼得清淨若有聞者耳

得清淨若聞香者鼻得清淨若嘗味者舌得清淨若有觸者身得清淨若取彼地土悉能除滅無量衆病安隱快樂如來應供等正覺無上藥王亦復如是常以一切諸方便行饒益衆生若有得見如來色身眼得清淨若有得聞如來名号可得清淨若有得聞如來戒香鼻得清淨若有得味如來法味舌得清淨得金剛廣長清淨舌根悉能演說一切言音若有得觸如來光者彼人即得清淨色身究竟逮得無上法身若有念如來者得念佛三昧正念不亂若有得經卷地如來塔廟禮拜供養彼衆生等具足善根滅煩惱患得賢聖樂佛子乃至不信邪見衆生見聞佛者彼諸衆生於見聞中所種善根果報不虛乃至究竟涅槃斷一切惡諸不善根具足善根佛子於如來所見聞供養恭敬所種善根不可言說不可爲諭何以故如來不可思議過思議故但隨所應佛爲作諭佛子是爲菩薩摩訶薩知見於如來所見聞恭敬供養種諸善根爾時諸菩薩摩訶薩白普賢菩薩言佛子當何名此經云何奉持佛子此經名爲一切諸佛微密法藏一切世間不能思議如來所印大智光明開發示現如來種性長養一切菩薩功德一切世間無能破壞隨順一切如來

境界令一切衆生皆悉清淨分別演說佛究竟法佛子如是經典但爲乘不思議乘菩薩摩訶薩一向專心求菩提者分別解說不爲餘人何以故此經不入一切衆生之手唯除菩薩佛子譬如轉輪聖王所有七寶因此寶故行轉輪王法聖王七寶無堪持者唯除第一夫人所生太子具足成就聖王相者佛子若轉輪王無此太子具衆德者王命終後此諸寶等自然散滅佛子此經如是不入一切衆生之手唯除如來法王眞子從諸如來種姓家生種如來相諸善根者若無此等佛之眞子斯經則滅何以故一切聲聞緣覺不聞此經何況受持書寫解說無有是處唯除菩薩摩訶薩能自誦持書寫經卷佛子是故菩薩摩訶薩聞此經者歡喜恭敬頂戴受持何以故菩薩摩訶薩信樂此經少作方便必定得無上菩提佛子菩薩摩訶薩雖無量億那由他劫行六波羅蜜修習道品善根未聞此經雖聞不信受持隨順是等猶爲假名菩薩不從如來種姓家生佛子若菩薩摩訶薩得聞此經聞已信向受持隨順當知此等爲眞佛子從佛家生隨順一切如來境界具足一切菩薩正法安住一切種智境界遠離一切世間諸法出生長養如來所行到一切善

薩諸法彼岸於如來自在正法心無疑惑究竟安住無師之地深入一切如來境界佛子菩薩摩訶薩聞此經已應當發平等意行無量心遠離一切虛妄之想究竟直心面對正念一切如來修習平等清淨猶如虛空分別觀察一切菩薩行業與法界等具足成就一切智智遠離一切世間垢濁發清淨心充滿一切十方世界深入一切菩薩法門平等觀察三世諸佛具足善根功德智慧深入此等一切諸法而無所入不念一法不念二法悉平等觀無量諸法佛子菩薩摩訶薩成就如是等功德少作方便得無師智爾時普賢菩薩欲重明此義以偈頌曰

若見聞如來恭敬及供養所植諸善根無量不可稱一切有爲中不可得窮盡寂滅諸煩惱離苦得涅槃譬如有一人吞服少金剛究竟不可消下至金剛際如是十力所見聞供養福具足金剛智煩惱滅無餘譬如乾草積等彼須彌山投火如芥子燒盡悉無餘如是善逝所若植少功德燒滅諸煩惱正趣涅槃譬如雪山中有大藥王樹見聞嗅味觸除滅一切患十力亦如是若有見聞者修習勝功德究竟成菩提爾時十方不可說不可說百千億那由他佛刹微塵等世界六種震動東涌西沒西涌東沒南涌北沒北涌南沒邊涌中沒中涌邊沒

及十八相動所謂動徧動等徧動起徧起等徧起覺徧覺等徧覺震徧震等徧震吼徧吼等徧吼涌徧涌等徧涌爾時佛神力故法如是故雨衆華雲勝過諸天雨寶衣雲蓋雲幢雲幡雲香雲塗香雲鬘雲莊嚴雲衆寶雲菩薩讚歎雲菩薩身雲三藐三菩提雲普令不可思議世界皆悉清淨雨如來妙音聲雲充滿無量無邊法界如此四天下佛神力故令諸菩薩皆大歡喜一切十方亦復如是爾時十方各過八十不可說百千億那由他佛刹微塵等世界之外各有八十不可說百千億那由他世界微塵等如來悉現其身若近對面同号普賢現已咸作是言善哉善哉佛子乃能承佛神力隨順深法解說不可思議如來性起正法佛子我等諸佛亦說此法十方一切諸佛及諸菩薩亦復如是說此經時百千佛刹微塵等菩薩得菩薩一切明一切三昧授一生記當成阿耨多羅三藐三菩提一佛刹微塵等衆生發菩提心我等悉與授記於未來世當成佛道悉同一号号佛勝境界是故我等普爲未來諸菩薩故護持此經令久住世如此四天下所度衆生十方無量阿僧祇不可思議不可稱不可量不可說法界虛空界等一切世界所度衆生亦復如是盧

舍那佛本願力故法如是故善根力故如來
無盡智故如來不失時故隨其所應化其薩
故廣行普賢菩薩行故示現一切種智故爾
時十方各過十不可說百千億那由他佛刹
微塵等世界之外各有十不可說百千億那
由他佛刹微塵等菩薩來詣此土充滿一切
法界示現菩薩大妙莊嚴放大光明網震動
一切世界壞散一切諸魔宮殿除滅一切惡
道諸難照明一切如來功德讚歎一切如來
正法普雨無量無邊供養雲雨示現無量種
種異身示現己身是無量諸佛法門之器時
彼諸菩薩承佛神力各作是言善哉善哉佛
子乃能說是如來不可壞法佛子我等一切
悉名普賢於普光明世界普勝如來所淨修
梵行彼諸佛所亦說是經如是句如是味如
是行如是相貌佛子我等承佛神力故法如
是故於彼世界來詣此土爲汝作證一切十
方盡法界虛空界等一切世界亦復如是爾
時普賢菩薩承佛神力觀察一切諸菩薩衆
欲重明如來性起正法欲說如來無量功德
欲明如來正法不可沮壞欲生一切菩薩無
量智慧法明欲說一切具足佛法欲觀察一
切羣生類心欲隨所應化不失時欲分別一
切無量無邊菩薩正法欲顯現一切如來變

化自在莊嚴欲明一切如來一身無異欲出生一切菩薩無量本行以偈頌曰

一切諸如來 所成就威儀 舉世悉稱譽 無能為譬喻
為饒益衆生 令悉開解故 以非論為論 顯現真實義
如是微密法 無量劫難聞 精進智慧者 乃聞如來藏
若有聞此經 歡喜恭敬者 此等已過去 供養無量佛
當知如此人 諸天常讚歎 一切諸善逝 攝取常守護
一切諸善逝 世上世間勝 最勝歡喜衆 此經為內藏
能出生無量 一切白淨道 是故離放逸 一心常奉持
大方廣佛華嚴經離世間品第三十三之一
爾時世尊在摩竭提國寂滅道場普光法堂
坐蓮華藏寶師子座成等正覺念不二念無
相念住佛所住等一切佛到無礙趣得不還
法無礙境界住不思議遠離三世於一切世
界普現其身知一切法具足成就一切妙行
永滅疑惑離虛妄身能與一切菩薩無量智
慧住佛無二法究竟到彼岸具足如來不可
沮壞智慧法門究竟無量無邊虛空法界等
如來諸地與百千億那由他不可說一切佛
刹微塵等菩薩摩訶薩俱悉是一生當成阿
耨多羅三藐三菩提各從十方世界來集具
足成就一切菩薩方便智慧善巧方便調伏
衆生悉令安住菩薩正法分別了知一切世
界觀察明達解脫境界悉已除滅一切虛妄

具足成就一切妙行善攝衆生深入無量巧
方便法善知一切衆生果報善知一切衆生
心使諸根境界方便三昧一切諸佛所說句
味及義善聞受持廣爲人說善入無量無邊
世間離世間法善能解了諸有爲法皆悉無
二於一念中得一切佛智於念念中善能示
現成等正覺今一切衆生發菩提心成等正
覺入一衆生境界善知一切衆生心之境界
不捨如來地現菩薩身得不退轉一切智地
不捨菩薩行深入無行智爲一切衆生故於
無量無數劫修菩薩行於無量無數劫難得
值遇菩薩之寶轉正法輪調伏衆生悉令逮
得明淨法眼成就三昧一切諸佛淨住行願
具足如是等無量無邊功德一切諸佛盡未
來劫說不可盡其名曰普賢菩薩普正法菩
薩普化菩薩普慧菩薩普眼菩薩普光菩薩
普觀察菩薩普照菩薩普幢菩薩普覺菩薩
如是等百萬億那由他不可說佛剎微塵等
菩薩摩訶薩皆悉具足普賢行願隨諸世界
有佛興世悉能往詣請轉法輪悉能受持諸
佛正法令一切佛種姓不斷悉能了達一切
諸佛次第授記隨諸世界成等正覺轉淨法
輪於無佛世界現身爲佛出興于世今有染
著悉得清淨除滅一切菩薩業障入無礙法

界爾時普賢菩薩正受三昧其三昧名佛華
嚴入三昧已十方一切世界六種十八相震
動出微妙音一切世界無不聞者然後安詳
從三昧起爾時普慧菩薩知諸菩薩大衆雲
集問普賢菩薩言佛子何等爲諸菩薩摩訶
薩依果何等爲奇特想何等爲行何等爲善
知識何等爲勤修精進何等爲正希望何等
爲成就衆生何等爲戒何等爲自知受記法
何等爲入何等爲入如來何等爲入衆生心
行何等爲入世界何等爲入劫何等爲說三
世何等爲入三世間何等爲離憂心無厭悔
何等爲無壞智何等爲陀羅尼何等爲知分
別說佛何等爲發普賢心何等爲普賢願行
法何等爲大悲何等爲發菩提心因緣何等
爲於善知識起恭敬心何等爲清淨何等爲
波羅蜜何等爲隨順覺知何等爲決定智何
等爲力何等爲平等何等爲佛法句何等爲
說法何等爲受持何等爲辯何等爲勝法何
等爲無著何等爲平等心何等爲出生智慧
何等爲變化何等爲持何等爲大正希望何
等爲深入佛法何等爲依止何等爲發無畏
心何等爲除滅一切疑惑發無疑心何等爲
不思議何等爲巧方便微密語何等爲巧方
便分別智何等爲正受三昧何等爲一切處

何等爲法門何等爲通何等爲明何等爲解
脫何等爲園林何等爲宮殿何等爲樂何等
爲莊嚴何等爲發不動心何等爲不捨深心
何等爲智觀察何等爲分別法何等爲無垢
何等爲智印何等爲智慧光明何等爲不可
稱量住何等爲無懈怠心何等爲須彌山王
正直之心何等爲深入智慧大海成無上菩
提何等爲寶住何等爲發金剛心莊嚴大乘
何等爲發大事何等爲究竟大事何等爲不
壞信何等爲授記何等爲善根迴向何等爲
得智慧何等爲發無量無邊廣心何等爲藏
何等爲調順何等爲自在何等爲衆生自在
何等爲剎自在何等爲法自在何等爲身自
在何等爲願自在何等爲境界自在何等爲
智自在何等爲通自在何等爲神力自在何
等爲力自在何等爲遊戲神通何等爲勝行
何等爲力何等爲無畏何等爲不共法何等
爲業何等爲身何等爲身業何等爲淨身業
何等爲口何等爲淨口業何等爲淨口業得
諸守護何等爲口業成辦大事何等爲心何
等爲發心何等爲心滿何等爲根何等爲直
心何等爲深心何等爲方便何等爲樂修何
等爲解脫深入世界何等爲入衆生性何等
爲習氣何等爲熾然何等爲趣何等爲具足

法何等爲退失佛法何等爲離生何等爲使
 定法何等爲出生佛道法何等爲得善男子
 名号何等爲道何等爲無量道何等爲道具
 何等爲修道何等爲莊嚴道何等爲足何等
 爲手何等爲腹何等爲藏何等爲心何等爲
 莊嚴何等爲器仗何等爲頭何等爲眼何等
 爲耳何等爲鼻何等爲舌何等爲身何等爲
 意何等爲行何等爲住何等爲坐何等爲卧
 何等爲住何等爲行何等爲觀察何等爲周
 徧觀察何等爲奮迅何等爲師子吼何等爲
 淨施何等爲淨戒何等爲淨忍何等爲淨精
 進何等爲淨禪何等爲淨慧何等爲淨慈何
 等爲淨悲何等爲淨喜何等爲淨捨何等爲
 義何等爲法何等爲功德具何等爲智具何
 等爲明足何等爲求法何等爲明了法何等
 爲向法何等爲魔何等爲魔業何等爲捨離
 魔業何等爲見佛何等爲佛業何等爲慢業
 何等爲智業何等爲魔攝持何等爲佛攝持
 何等爲法攝持何等爲住兜率天所行事業
 何等爲兜率天示現命終何等爲示現降神
 母胎事何等爲示現微細趣何等爲生何等
 爲大莊嚴何等爲遊行七步何等爲示現童
 子地何等爲示現來女眷屬何等爲示現捨
 家出家何等爲示現苦行何等爲往詣道場

何等爲坐道場何等爲坐道場時顯奇特相
何等爲示現降魔何等爲成等正覺何等爲
轉法輪何等爲因轉法輪得白淨法佛子何
等爲如來應供等正覺示現大般涅槃善哉
佛子如向所問願具演說

爾時普賢菩薩摩訶薩告普慧等諸菩薩言
佛子菩薩摩訶薩有十種依果何等爲十所
謂菩提心依果究竟不忘失故善知識依果
隨順和合故善根依果長養諸善根故諸波
羅蜜依果究竟修行故一切法依果永出生
死故諸願依果長養菩提故諸行依果廣修
習故菩薩依果一生補處故供養佛依果信
心不壞故一切如來依果正教離顛倒故佛
子是爲菩薩摩訶薩十種依果若菩薩摩訶
薩住此依果則得如來無上智依果佛子菩
薩摩訶薩有十種奇特想何等爲十所謂於
一切善根生自善根想於一切善根生菩提
種子想於一切衆生生菩提器想於一切願
生自願想於一切法生出生死想於一切行
生自行想於一切法生佛法想於一切語言
生語言道想於一切佛生慈父想於一切如
來生無二想佛子是爲菩薩摩訶薩十種奇
特想若菩薩摩訶薩安住此想則得無上巧
妙方便轉一切想佛子菩薩摩訶薩有十種

行何等爲十所謂令一切衆生專求正法行
善根淳熟行善學一切戒行長養一切善根
行一心不亂修三昧行分別一切諸智慧行
修習一切所修行莊嚴一切世界行恭敬供
養善知識行恭敬供養諸如來行佛子是爲
菩薩摩訶薩十種行若菩薩摩訶薩安住此
行則得如來無上大智行佛子菩薩摩訶薩
有十種善知識何等爲十所謂能令安住善
提心善知識能令修習善根善知識能令究
竟諸波羅蜜善知識能令分別解說一切法
善知識能令安住成熟一切衆生善知識能
令具足辯才隨問能答善知識能令不著一
切生死善知識能令於一切劫行菩薩行心
無厭倦善知識能令安住普賢行善知識能
令深入一切佛智善知識佛子是爲菩薩摩
訶薩十種善知識佛子菩薩摩訶薩有十種
勤修精進何等爲十所謂教化一切衆生勤
修精進入一切法勤修精進令一切世界清
淨勤修精進究竟一切菩薩所學勤修精進
令一切衆生滅一切惡勤修精進除滅一切
地獄餓鬼畜生閻羅王苦勤修精進降一切
魔勤修精進爲一切衆生作清淨眼勤修精
進恭敬供養一切諸佛勤修精進令一切如
來皆悉歡喜勤修精進佛子是爲菩薩摩訶

薩十種勤修精進若菩薩摩訶薩住此精進則具如來無上精進波羅蜜佛子菩薩摩訶薩有十種正希望何等爲十所謂自住菩提心亦令衆生住菩提心正希望自離忿諍亦令一切衆生離於忿諍正希望自離愚癡安住佛法亦令衆生捨離愚癡安住佛法正希望自修善根專求正法亦令衆生修習善根專求正法正希望自究竟諸波羅蜜得到彼岸亦令衆生究竟諸波羅蜜得到彼岸正希望自生如來種姓家亦令衆生生如來種姓家正希望自深入觀一切法無盡性亦令衆生深入觀一切法無盡性正希望自不誹謗一切佛法亦令衆生不誹謗一切佛法正希望自滿一切智願亦令衆生滿一切智願正希望自深入一切如來無盡智藏亦令衆生深入一切如來無盡智藏正希望佛子是爲菩薩摩訶薩十種正希望若菩薩摩訶薩安住此法則得如來無上平等大智正希望佛子菩薩摩訶薩有十種法成就衆生何等爲十所謂布施成就衆生色身端嚴成就衆生說法成就衆生同意成就衆生無染著成就衆生歎善薩行成就衆生示現一切世界熾然成就衆生歎如來功德成就衆生示現神力自在成就衆生種種巧方便微密隨順世

聞行成就衆生佛子是爲菩薩摩訶薩十種成就衆生若菩薩摩訶薩安住此法則能成就一切衆生

大方廣華嚴經卷第三十六

感慕下莫故切

周訖下居乙女

華瑱下相俞切

稟受上筆錦切

少植下常職切

芥子上古拜切

嘗味上市羊切

聞輶下昨故切

稱譽下羊茹切

奮迅上方問切下私問切

淳熟上常倫切

忿諍上匹問切下測進切

甲辰歲高麗國大藏都監奉

勅彫造

大方廣華嚴經卷第二

東晉天竺三藏佛跋陀羅

譯

離世間品第三十二之二

佛子菩薩摩訶薩有十種戒何等爲十所謂
不壞菩提心戒離聲聞緣覺地戒饒益觀察
一切衆生戒令一切衆生住佛法戒一切菩
薩學戒戒一切無所有戒一切善根迴向菩
提戒不著一切如來身戒佛子菩薩摩訶薩
有十種自知受記法令彼菩薩自知受記何
等爲十所謂一向發菩提心菩薩受記不厭
菩薩行菩薩受記於一切劫修諸苦行菩薩
受記隨順一切佛法菩薩受記於一切如來
所說決定信向菩薩受記具足修習一切善
根菩薩受記令一切衆生安住菩提菩薩受
記於一切善知識和合隨順菩薩受記於一
切善知識生如來想菩薩受記守護菩提本
願菩薩受記佛子是爲菩薩摩訶薩十種自
知受記法令彼菩薩自知受記佛子菩薩摩
訶薩有十種入何等爲十所謂入願入行入
乘入波羅蜜入具足入分別願入性入莊嚴
刹入神力自在入示現出生佛子是爲菩薩
摩訶薩十種入亦入三世一切菩薩所入佛
子菩薩摩訶薩有十種深入如來何等爲十
所謂深入無量無邊諸佛菩提深入無量無

邊轉淨法輪深入無量無邊諸方便法深入
無量無邊微妙音聲深入無量無邊調伏衆
生深入無量無邊神力自在深入無量無邊
種種異身深入無量無邊三昧深入無量無
邊力無所畏深入無量無邊示現涅槃佛子
是爲菩薩摩訶薩十種深入如來此十種深
入法三昧諸佛悉亦共入佛子菩薩摩訶薩
有十種入衆生心行何等爲十所謂入過去
一切衆生心行入未來一切衆生心行入現
在一切衆生心行入一切衆生諸善根行入
一切衆生不善根行入一切衆生心心所行
入一切衆生諸根行入一切衆生種性行入
一切衆生煩惱使習氣行入一切衆生時非
時調伏行佛子是爲十種入衆生心行因是
十種入衆生心行則能普入一切衆生心行
佛子菩薩摩訶薩有十種入世界何等爲十
所謂入不淨世界入清淨世界入小世界入
中世界入微塵世界入微細世界入伏世界
入仰世界入有佛世界入無佛世界佛子是
爲菩薩摩訶薩十種入世界因此十種入世
界則能普入一切世界佛子菩薩摩訶薩有
十種入劫何等爲十所謂入過去劫入未來
劫入現在劫入可數劫入不可數劫入可數
不可數劫入不可數可數劫入一切劫非劫

入非劫一切劫入一切劫即是一念佛子是
為菩薩摩訶薩十種入劫因此十種入劫則
能普入一切諸劫佛子菩薩摩訶薩有十種
說三世何等為十所謂過去世說過去世過
去世說未來世過去世說現在世未來世說
過去世未來世說現在世未來世說無盡現
在世說未來世現在世說過去世現在世說
平等現在世說三世即一念佛子是為菩薩
摩訶薩十種說三世因此十種說三世則能
普說一切三世佛子菩薩摩訶薩有十種入
三世間何等為十所謂入世間入語言道入
性入施設入想入名字入語言入無盡入離
欲入寂滅佛子是為菩薩摩訶薩十種入三
世間因此十種入三世間則能普入一切三
世間佛子菩薩摩訶薩有十種捨離憂惱心
無厭悔何等為十所謂供養一切佛捨離憂
惱心無厭悔親近一切善知識捨離憂惱心
無厭悔專求一切法捨離憂惱心無厭悔常
聞正法捨離憂惱心無厭悔常說正法捨離
憂惱心無厭悔教化調伏一切眾生捨離憂
惱心無厭悔令一切眾生安住佛道捨離憂
惱心無厭悔於一切世界中行不可說不可
說菩薩行捨離憂惱心無厭悔遊行一切世
界教化眾生捨離憂惱心無厭悔出生一切

佛法捨離憂惱心無厭悔佛子是爲菩薩摩訶薩十種捨離憂惱心無厭悔若菩薩摩訶薩安住此法則得如來無上智慧永離厭悔佛子菩薩摩訶薩有十種不可壞智何等爲十所謂知衆生智不可壞知諸根智不可壞知受生智不可壞知世界智不可壞知法界智不可壞知佛智不可壞知法智不可壞知僧智不可壞知三世人智不可壞知一切語言道智不可壞佛子是爲菩薩摩訶薩十種不可壞智若菩薩摩訶薩安住此智則得如來無上不可壞智佛子菩薩摩訶薩有十種陀羅尼何等爲十所謂聞持陀羅尼不忘一切法故持正法陀羅尼巧方便分別一切法如實故不生一切法陀羅尼覺一切法無自性故法明陀羅尼普照不可思議諸佛法故三昧陀羅尼於現在一切佛所聞法不亂故音聲圓滿陀羅尼究竟解了不可思議語言法故三世陀羅尼分別說一切三世佛不思議法故種種辯才陀羅尼分別解說無量無邊諸佛法故出生無礙耳陀羅尼不可說佛所說諸法悉能聞故持一切佛法陀羅尼安住如來十力無畏故佛子是爲菩薩摩訶薩十種陀羅尼若菩薩摩訶薩欲得此法應勤修學佛子菩薩摩訶薩知分別說十種佛何等

爲十所謂正覺佛願佛業報佛住持佛化佛法界佛心佛三昧佛性佛如意佛佛子是爲菩薩摩訶薩知分別說十種佛

佛子菩薩摩訶薩有十種發普賢心何等爲十所謂發大慈心救護一切衆生故發大悲心代一切衆生受一切苦毒故發一切施爲首心悉捨一切諸所有故發正念一切智爲首心樂求一切佛法故發功德莊嚴心學一切菩薩諸行故發金剛心一切受生不忘失故發大海心一切自淨法悉流入故發須彌山王心一切誹謗苦言悉堪忍故發安隱心施一切衆生無畏故發究竟般若波羅蜜到彼岸心巧分別一切法無所有故佛子是爲菩薩摩訶薩十種發普賢心若菩薩摩訶薩安住此心以少方便則具足普賢巧方便智佛子菩薩摩訶薩有十種普賢願行法何等爲十所謂盡未來劫行菩薩行普賢願行法恭敬供養未來一切佛普賢願行法立一切衆生於普賢菩薩願行普賢願行法積集一切善根普賢願行法入一切波羅蜜普賢願行法滿足一切菩薩願行普賢願行法莊嚴一切世界普賢願行法往生一切佛所普賢願行法善巧方便求一切法普賢願行法於一切十方佛刹或無上菩提普賢願行法佛

子是爲菩薩摩訶薩十種普賢願行法若菩薩摩訶薩修此願行疾得具足普賢願行佛子菩薩摩訶薩有十種大悲常觀衆生何等爲十所謂觀察衆生無所歸依而起大悲觀察衆生隨逐邪道而起大悲觀察衆生貧無善根而起大悲觀察衆生長寢生死而起大悲觀察衆生行不善法而起大悲觀察衆生在生死海而欲縛所縛而起大悲觀察衆生久遠長病而起大悲觀察衆生無欲善法而起大悲觀察衆生失諸佛法而起大悲佛子是爲菩薩摩訶薩十種大悲常觀衆生佛子菩薩摩訶薩有十種發菩提心因緣何等爲十所謂教化成熟一切衆生發菩提心因緣除滅一切衆生苦發菩提心因緣與一切衆生種種快樂發菩提心因緣除滅一切衆生愚闇發菩提心因緣與一切衆生佛智發菩提心因緣恭敬供養一切諸佛發菩提心因緣隨如來教令佛歡喜發菩提心因緣見佛色身相好發菩提心因緣入一切佛智發菩提心因緣顯現佛力無畏發菩提心因緣佛子是爲菩薩摩訶薩十種發菩提心因緣若菩薩摩訶薩發菩提心應當恭敬供養親近善知識何以故欲速覺一切智故彼菩薩摩訶薩恭敬供養親近善知

識起十種心何等爲十所謂於善知識起給
侍心不違心隨順心歡喜心不求利心一向
心同善根心同願心如來心同滿行心佛子
是爲菩薩摩訶薩於善知識起十種心佛子
若菩薩摩訶薩發如是十種心則得十種清
淨何等爲十所謂正直心清淨究竟不失故
色身清淨隨所應化無不見故音聲圓滿清
淨究竟一切語言法故辯才清淨巧方便說
不可思議諸佛法故智慧清淨除滅一切愚
癡闇故受生清淨具足菩薩自在力故眷屬
清淨成就過去同行衆生諸善根故果報清
淨除滅一切業障故諸願清淨同一切菩薩
故諸行清淨究竟普賢菩薩行故佛子是爲
菩薩摩訶薩十種清淨

佛子菩薩摩訶薩有十種波羅蜜何等爲十
所謂檀波羅蜜捨一切有故尸波羅蜜淨佛
戒故羣提波羅蜜具足佛忍故精進波羅蜜
於一切時不退轉故禪波羅蜜正念不亂故
般若波羅蜜觀一切法悉如如故智波羅蜜
深入佛力故願波羅蜜普賢菩薩願行滿故
神力波羅蜜示現一切神通力故法波羅蜜
攝取一切法故佛子是爲菩薩摩訶薩十種
波羅蜜若菩薩摩訶薩安住此法則得如來
無上究竟智波羅蜜佛子菩薩摩訶薩有十

隨隨順覺知何等爲十所謂隨順覺知一切
世界隨順覺知一切衆生不可思議隨順覺
知一切諸法不一不異隨順覺知一切法界
隨順覺知一切虛空界隨順覺知一切世界
入過去世隨順覺知一切世界入未來世隨
順覺知一切世界入現在世隨順覺知一切
如來於一念中具足願行隨順覺知三世諸
佛悉同一行佛子是爲菩薩摩訶薩十種隨
順覺知若菩薩摩訶薩安住此法則得一切
法自在普照隨意滿願於一念中覺無上道
一切佛法悉現在前佛子菩薩摩訶薩有十
種決定智何等爲十所謂決定了知一切諸
法於一念中決定了知一切諸法以無礙智
決定了知一切衆生心心所行決定了知一
切衆生皆悉同根決定了知一切衆生煩惱
習氣諸行決定了知一切衆生諸心使行決
定了知一切衆生善不善行決定了知一切
菩薩願行決定了知神力自在變化住持決
定了知一切如來成就十力佛子是爲菩薩
摩訶薩十種決定智若菩薩摩訶薩安住此
法則得一切諸法巧妙方便佛子菩薩摩訶
薩有十種力何等爲十所謂深入一切法力
解一切法猶如化力解一切法猶如幻力令
一切法入佛法力於一切法無深著力專求

一切善妙法力一向恭敬供養一切善知識
力令一切善根悉究竟得無上智力深心信
解一切佛法不誹謗力究竟不退一切智心
力佛子是爲菩薩摩訶薩十種力若菩薩摩
訶薩安住此力則能具足如來無上十力佛子
菩薩摩訶薩有十種平等何等爲十所謂一
切衆生平等一切法平等一切佛刹平等一
切佛乘平等一切善根平等一切菩提平等
一切願平等一切波羅蜜平等一切行平等
一切佛平等佛子是爲菩薩摩訶薩十種平
等若菩薩摩訶薩住此平等則具足一切諸
佛無上平等佛子菩薩摩訶薩有十種方便
佛法句何等爲十所謂說一切法言說方便
佛法句一切法如幻一切法如電一切法緣
起一切法淨業一切法文字一切法實際一
切法無相一切法真實義一切法法界佛子
是爲菩薩摩訶薩十種方便佛法句若菩薩
摩訶薩安住此法則得無上方便一切智佛
子菩薩摩訶薩有十種說法何等爲十所謂
說甚深法說勝妙法說種種莊嚴法說一切
智法說隨順波羅蜜法說出生如來力法分
別說三世法說不退菩薩法說讚歎一切佛
功德法說一切菩薩行一切佛平等一切如
來境界法佛子是爲菩薩摩訶薩十種說法

若菩薩摩訶薩住此說法則得如來無上說法佛子菩薩摩訶薩有十種受持何等爲十所謂受持一切善根功德受持一切佛所說法受持一切譬喻受持一切方便法門受持一切出生陀羅尼門受持一切除疑惑法受持一切菩薩具足法受持一切如來所說平等三昧法門受持一切普照法門受持一切諸佛自在神力佛子是爲菩薩摩訶薩十種受持若菩薩摩訶薩安住此法則得如來無上智慧持法佛子菩薩摩訶薩有十種辯何等爲十所謂不虛妄取一切法辯於一切法無所行辯於一切法無所著辯於一切法悉空無辯於一切法無闇障辯於一切法佛所持辯於一切法不由他悟辯於一切法巧方便說句味身辯於一切法說衆生辯於一切衆生等心觀察令歡喜辯佛子是爲菩薩摩訶薩十種辯若菩薩摩訶薩安住此辯則得如來無上巧方便辯佛子菩薩摩訶薩有十種勝法何等爲十所謂成熟一切衆生勝法普照一切諸法勝法修習一切善根一切行勝法大乘智慧勝法具足無著淨戒勝法一切善根悉迴向善提勝法勤修精進不退勝法降伏一切衆魔勝法發菩提心自在遊行勝法隨時應化現成菩提勝法佛子是爲菩

薩摩訶薩十種勝法若菩薩摩訶薩安住此
法則得如來無上大智勝法佛子菩薩摩訶
薩有十種無著何等爲十所謂於一切世界
無著於一切衆生無著於一切法無著於一
切所作無著於一切善根無著於一切生處
無著於一切願無著於一切行無著於一切
等薩無著於一切佛無著佛子是爲菩薩摩
訶薩十種無著若菩薩摩訶薩安住此法則
能速轉一切衆想得清淨無上無所著智佛
子菩薩摩訶薩有十種平等心何等爲十所
謂長養一切功德平等心一切語言法平等
心於一切衆生平等心於一切衆生業報平
等心入一切法平等心於一切淨穢佛刹平
等心於一切衆生性若好若醜平等心於一
切行無所選擇平等心入一切如來力無所
畏平等心入一切如來智慧平等心佛子是
爲菩薩摩訶薩十種平等心若菩薩摩訶薩
安住此心則得如來無上平等心佛子菩薩
摩訶薩有十種出生智慧何等爲十所謂入
一切衆生性出生智慧入一切佛刹無一無
異出生智慧入分別十方一切世界網出生
智慧入一切俯仰翻覆世界等出生智慧巧
方便入一切諸法無一無異出生智慧入一
切種種異身出生智慧入一切世間顛倒惑

網悉無所著出生智慧入一切法究竟一乘
 出生智慧入一切法界自在神力出生智慧
 入三世一切衆生諸佛種性常不斷絕出生
 智慧佛子是爲菩薩摩訶薩十種出生智慧
 若菩薩摩訶薩安住此法則得無盡法藏佛
 子菩薩摩訶薩有十種變化何等爲十所謂
 衆生變化身變化佛刹變化供養變化音聲
 變化行願變化調伏成熟衆生變化菩提變
 化說法變化住持變化佛子是爲菩薩摩訶
 薩十種變化若菩薩摩訶薩安住此法則得
 一切無上化法

佛子菩薩摩訶薩有十種持何等爲十所謂
 佛持法持衆生持業持願持行持境界持妙
 持善持智持佛子是爲菩薩摩訶薩十種持
 若菩薩摩訶薩安住此持則於一切法得自
 在持佛子菩薩摩訶薩有十種大正希望何
 等爲十所謂菩薩摩訶薩發如是心盡未來
 世一切諸佛出興于世我當隨順奉行悉令
 歡喜得大正希望彼一切如來應供等正覺
 我當以無上恭敬供養而供養之得大正希
 望恭敬供養彼諸佛已必當具足誨我正法
 聞正法已三世菩薩一切諸地所生功德令
 我悉得得大正希望菩薩摩訶薩發如是心
 我當於不可說不可說劫修菩薩行常不離

佛及諸菩薩得大正希望菩薩摩訶薩發如是心我當正向菩提離一切畏所謂不活畏惡名畏死畏惡道畏大衆畏如是等畏我當遠離休息除滅一切衆魔外道不能壞我得大正希望菩薩摩訶薩發如是心令一切衆生究竟成就無上菩提安住菩提成菩提已我當於彼佛所盡其形壽修菩薩行恭敬供養彼諸如來彼諸如來滅度之後我當悉取舍利起無量塔而供養之受持守護彼諸佛法得大正希望菩薩摩訶薩發如是心令十方一切世界悉以無上莊嚴而莊嚴之平等清淨住持出生神力自在六種震動得大正希望菩薩摩訶薩發如是心令一切衆生悉除疑惑清淨直心除滅煩惱永閉惡道開善趣門成就慧光照除癡闇降伏衆魔置安隱處得大正希望菩薩摩訶薩發如是心無量無數劫如來難值正法難聞譬如優曇鉢華我欲見佛聽受正法應念見聞於彼佛所直心清淨離衆諂曲捨幻偽法常見諸佛一心恭敬得大正希望菩薩摩訶薩發如是心我當擊大法鼓雨甘露法作大法施清淨無畏大師子乳滿足大願安住法界於無量無數劫常爲衆生講說正法安住大悲身口意業未曾疲歇得大正希望佛子是爲菩薩摩訶

薩十種大正希望若菩薩摩訶薩安住此法則得無上智慧大正希望佛子菩薩摩訶薩有十種深入佛法何等爲十所謂一切世界入過去世是爲第一深入佛法一切世界入未來世是爲第二深入佛法一切世界入現在世所有世界數世界行世界說世界清淨世界智悉入現在世是爲第三深入佛法一切世界悉分別入一切世界是爲第四深入佛法悉分別入一切衆生業報是爲第五深入佛法悉分別入一切菩薩行是爲第六深入佛法悉次第知過去一切如來是爲第七深入佛法悉次第知未來一切諸佛出興于世是爲第八深入佛法悉知現在一方世界一切佛刹佛及眷屬說法教化法界虛空界等衆生是爲第九深入佛法知世間法知聲聞緣覺菩薩法知如來法於彼諸法無一無異而說一異於彼諸法悉入法界無所入故如法相說無所深著是爲第十深入佛法佛子是爲菩薩摩訶薩十種深入佛法若菩薩摩訶薩安住此法則能深入阿耨多羅三藐三菩提甚深智慧佛子菩薩摩訶薩有十種依止菩薩依此行菩薩行何等爲十所謂依善知識行菩薩行依一切善根行菩薩行依清淨佛刹行菩薩行依不捨一切衆生行菩

薩行依深入一切波羅蜜行菩薩行依一切
菩薩滿足諸願行菩薩行依無量菩提心行
菩薩行依一切諸佛菩提行菩薩行佛子是
爲菩薩摩訶薩十種依止菩薩依此行菩薩
行佛子菩薩摩訶薩有十種發無畏心何等
爲十所謂滅一切業障發無畏心佛滅度後
受持守護正法發無畏心降一切魔發無畏
心不惜身命發無畏心如法調伏一切外道
發無畏心令一切衆生皆悉歡喜發無畏心
令一切大衆皆悉歡喜發無畏心調伏一切
天龍夜叉乾闥婆阿脩羅迦樓羅緊那羅摩
睺羅伽發無畏心遠離聲聞緣覺地入甚深
法發無畏心於不可說不可說劫修菩薩行
心無疲厭發無畏心佛子是爲菩薩摩訶薩
十種發無畏心若菩薩摩訶薩安住此心則
得如來大智無所畏心佛子菩薩摩訶薩有
十種除滅一切疑惑發無疑心何等爲十所
謂菩薩摩訶薩發如是心布施攝取一切衆
生戒忍精進定慧慈悲喜捨攝取一切衆生
不生疑惑若生疑惑無有是處是爲第一除
滅一切疑惑發無疑心菩薩摩訶薩發如是
心未來一切諸佛出興于世我當奉給恭敬
供養於彼不生疑惑若生疑惑無有是處是
爲第二除滅一切疑惑發無疑心菩薩摩訶

薩發如是心令一切世界種種莊嚴放大光明網皆悉普照於彼不生疑惑若生疑惑無有是處是爲第三除滅一切疑惑發無疑心菩薩摩訶薩發如是心我當盡未來際劫修菩薩行無量無數不可思議不可稱量不可分齊不可說不可說一切算數所不能及法界虛空界等衆生悉以無上教化調伏成熟彼諸衆生心無疲厭於彼不生疑惑若生疑惑無有是處是爲第四除滅一切疑惑發無疑心菩薩摩訶薩發如是心我當成滿諸願行菩薩行出生一切智安住一切智於彼不生疑惑若生疑惑無有是處是爲第五除滅一切疑惑發無疑心菩薩摩訶薩發如是心我當爲一切世間行菩薩行作大燈明普照佛法於彼不生疑惑若生疑惑無有是處是爲第六除滅一切疑惑發無疑心菩薩摩訶薩發如是心我當說一切法悉是佛法隨其所應化一切故於彼不生疑惑若生疑惑無有是處是爲第七除滅一切疑惑發無疑心菩薩摩訶薩發如是心我當得無礙法門除滅一切障礙究竟逮得無上正覺於彼不生疑惑若生疑惑無有是處是爲第八除滅一切疑惑發無疑心菩薩摩訶薩發如是心我當知一切世間法即是出世間法斷一切顛

倒以一莊嚴而自莊嚴無所莊嚴不由他悟
於彼不生疑惑若生疑惑無有是處是爲第
九除滅一切疑惑發無疑心菩薩摩訶薩發
如是心我當成等正覺得一切智永滅一切
顛倒疑惑成一念智無二智無所有智無礙
智無爲智無著智不可說實際境界智於彼
不生疑惑若生疑惑無有是處是爲第十除
滅一切疑惑發無疑心佛子是爲菩薩摩訶
薩十種除滅一切疑惑發無疑心若菩薩摩
訶薩安住此法則於一切佛法得無疑心
佛子菩薩摩訶薩有十種不可思議何等爲
十所謂一切善根不可思議一切願不可思
議解一切法如幻不可思議發菩提心修菩
薩行善根無所依住而亦不失無所染著是
爲第四不可思議深解一切法亦不滅度一
切諸願未成滿故是爲第五不可思議行菩
薩行示現受胎出生出家苦行往詣道場降
伏衆魔成最正覺轉正法輪於一切法而得
自在示現大般涅槃而亦不捨大願大慈救
護衆生是爲第六不可思議示現如來十力
自在而亦不捨法界等心教化成熟一切衆
生是爲第七不可思議解一切法無相有相
有相無相非劫是劫劫是非劫非有是有有
是非有非行是行行是非行非說是說說是

非說是爲第八不可思議解發菩提心與菩提等解菩提與發菩提心等解初發菩提心及菩提與一切衆生等亦不生心顛倒想顛倒見顛倒是爲第九不可思議於念念中入滅盡三昧正受滅一切漏而不證實際又亦不盡有漏善根知一切法無漏亦知漏滅盡知一切佛法是世間法於佛法中不取世間相於世間法中不取佛法相一切諸法悉入法界無所入故解一切法悉無二不變易故佛子是爲菩薩摩訶薩第十不可思議若菩薩摩訶薩安住此法則得如來不可思議法佛子菩薩摩訶薩有十種巧方便微密語何等爲十所謂於一切經典巧方便微密語於一切受生處巧方便微密語覺一切菩薩神力自在巧方便微密語於一切衆生業報巧方便微密語於一切衆生垢淨起巧方便微密語於一切法究竟無礙門巧方便微密語於一切虛空界一一方面世界成壞無處不現巧方便微密語於一切法界一切諸方乃至微細處現成等正覺如來充滿一切法界乃至示現大般涅槃悉分別見巧方便微密語解一切衆生悉同涅槃無變易故而不捨大願乃至究竟滿足一切智願巧方便微密語解一切法不由他悟而亦不離諸善知識

恭敬如來隨順善知識修諸善根迴向善根
安住善根相續善根同一善根一道善根一
成就善根巧方便微密語佛子是為菩薩摩
訶薩十種巧方便微密語若菩薩摩訶薩安
住此法則得如來無上巧方便微密語

大方廣佛華嚴經卷第三十七

厭悔下呼罪切

長寢下七綸切

欲縛下符鑣切

如電下堂鍊切

若醜下昌九切

俯仰上府音

繖覆上牟袁切
下芳極切

優曇下徒含切

幻偽下危賄切

當擊下古歷切

法鼓下公戶切

大方廣佛華嚴經卷第三十八

門

東晉天竺三藏佛跋闍耶

譯

離世間品第三十三之三

佛子菩薩摩訶薩有十種巧方便分別智何等爲十所謂入一切佛刹巧方便分別智入一切衆生處巧方便分別智入一切衆生心所行巧方便分別智入一切衆生根巧方便分別智入一切衆生諸行業報巧方便分別智入一切聲聞行巧方便分別智入一切緣覺行巧方便分別智入一切菩薩行巧方便分別智入一切世間法巧方便分別智入一切佛法巧方便分別智佛子是爲菩薩摩訶薩十種巧方便分別智若菩薩摩訶薩安住此法則得一切諸佛無上巧方便分別智佛子菩薩摩訶薩有十種正受三昧何等爲十所謂一切世界正受三昧一切衆生身正受三昧一切法正受三昧見一切諸佛正受三昧善巧住持一切劫正受三昧巧方便出生不可思議身正受三昧一切如來身正受三昧巧隨順覺一切衆生平等正受三昧於一念中正受一切菩薩三昧於一念中以無礙智具足成就一切菩薩行不捨大願善巧智慧正受三昧佛子是爲菩薩摩訶薩十種正受三昧若菩薩摩訶薩安住此三昧則得

一切諸佛無上巧方便智正受三昧佛子菩薩摩訶薩有十種一切處何等爲十所謂一切衆生處一切佛刹處一切衆生性處一切火裁處一切水裁處一切佛處一切出生莊嚴處一切如來無量功德處一切分別說法處一切如來種種供養處佛子是爲菩薩摩訶薩十種法門何等爲十所謂一身充滿一切世界法門示現一切世界種種無量色法門一切世界入一佛刹法門住持一切衆生法門如來莊嚴身充滿一切世界法門徧至一切世界法門於一念中遊行一切世界法門於一佛刹示現一切如來出世法門一身充滿一切法界法門於一念中示現一切諸佛神力法門佛子是爲菩薩摩訶薩十種法門若菩薩摩訶薩住此法門則得如來無上法門佛子菩薩摩訶薩有十種神通何等爲十所謂出生念宿命方便智通出生無礙天眼數法方便智通出生無礙天眼觀察衆生方便智通出生不可思議自在神力示現衆生方便智通出生一身示現不可思議世界方便智通出生於一念中住持不可說世界

方便智通出生不可思議莊嚴具莊嚴一切
世界方便智通出生不可說不可說化身示
現衆生方便智通出生不可說世界成阿耨
多羅三藐三菩提不可思議示現衆生方便
智通佛子是爲菩薩摩訶薩十種神通若菩
薩摩訶薩安住此通則得無上大方便智通
顯現諸佛自在神力佛子菩薩摩訶薩有十
種明何等爲十所謂出生知一切衆生業報
方便智明出生知一切衆生境界解脫寂滅
淨心方便智明出生入一切境界一切衆生
種種決定一切法無所有金剛方便智明出
生不可思議淨妙音聲無量世界無不普聞
方便智明出生智慧除滅一切毀害除著方
便智明出生受生方便不受生方便方便智
明於一切境界轉諸受想方便智明知一切
法無性無非性無相無非相一性無性故而
於無量劫種種說法修習善根成阿耨多羅
三藐三菩提方便智明知一切衆生生亦知
無生知一切衆生滅亦知無滅知因知緣知
事知境界知行知生知滅知衆生說知愚癡
知離愚癡知顛倒知非顛倒知垢濁知清淨
知生死知涅槃知有知無知著知不著知堅
固知離知轉知不轉知起知不起知壞知道
知成就知根知衆生受化隨器應故教化衆

生未曾忘失菩薩所行何以故菩薩摩訶薩
發阿耨多羅三藐三菩提心爲教化衆生故
是故菩薩摩訶薩常化衆生而不失菩薩行
身無疲倦不違一切衆生觀察緣起方便智
明不著諸利不起著心不著諸佛不起著心
不著一切法不起著心不著世界不起著心
不著衆生不起著心不見衆生不化衆生不
調伏衆生不爲衆生說法而亦不捨菩薩行
願長養大悲見一切佛聽受正法未曾忘失
得佛依果種諸善根於如來所不捨恭敬供
養之心增長恭敬供養之心具足成就法界
等心自在神力六種震動不可思議無量世
界知種種說法知衆生數知種種衆生知苦
起知苦滅知一切行苦知一切行悉如電光
行菩薩行永斷一切生死根本悉能救護一
切衆生行菩薩行無所染汙不斷一切如來
種性發須彌山王心不可傾動除滅一切顛
倒衆想一切智門悉現在前不動不壞成等
正覺於生死海悉能濟渡一切衆生方便智
明佛子是爲菩薩摩訶薩十種明若菩薩摩
訶薩安住此明則得如來無上巧方便智明
佛子菩薩摩訶薩有十種解脫何等爲十所
謂煩惱解脫邪見解脫熾然解脫陰界入解
脫超出聲聞緣覺地解脫無生法忍解脫不

著一切佛刹一切衆生一切諸法住無量無邊諸菩薩住離一切菩薩行住如來地解脫於一念中悉能了知一切三世諸法解脫佛子是為菩薩摩訶薩十種解脫若菩薩摩訶薩住此解脫則能普為一切衆生而作無上佛事

佛子菩薩摩訶薩有十種園林何等為十所謂生死園林行菩薩行不起憂惱故教化衆生園林不厭衆生故一切劫園林攝取菩薩一切大行故清淨世界園林性無著故一切魔宮殿園林降魔境界故聽受正法園林正念觀察故六波羅蜜四攝法三十七道品園林修習慈父境界故十力四無所畏乃至一切佛法園林不念異法故菩薩示現一切無量無邊功德神力園林轉淨法輪調伏衆生故於念念中為一切衆生現成正覺園林法身如虛空充滿一切世界平等覺故佛子是為菩薩摩訶薩十種園林若菩薩摩訶薩住此園林則得如來無上離憂快樂園林佛子菩薩摩訶薩有十種宮殿何等為十所謂發菩提心宮殿不忘失故十善業迹功德智慧宮殿教化成熟欲界衆生故四梵住處宮殿教化成熟色界衆生故淨居天受生宮殿一切煩惱不能染故無色界天受生宮殿除滅

衆生障難處故降生不淨世界宮殿欲令衆
生斷一切煩惱故現處深宮采女妻子色味
宮殿教化成熟本同行衆生故現爲四天下
王四大天王帝釋梵王宮殿爲調伏自在心
衆生故一切菩薩神力自在命行宮殿一切
諸禪解脫三昧智慧自在故於諸佛所受無
上自在一切智王記宮殿十力莊嚴行一切
法自在法王事故佛子是爲菩薩摩訶薩十
種宮殿若菩薩摩訶薩安住此法則得一切
法王受記自在法佛子菩薩摩訶薩有十種
樂何等爲十所謂樂寂靜不散亂故樂明慧
善分別法故樂往詣一切佛所現前聞法受
持故樂一切佛充滿十方故樂菩薩自在神
力無量法門示現衆生身故樂三昧於一三
昧門出生一切三昧門故樂陀羅尼門持一
切法教化衆生不忘失故樂辯才於一句身
味身不可說劫說無窮盡故樂菩提以無量
法門現衆生等身成正覺故樂轉法輪如法
調伏一切外道故佛子是爲菩薩摩訶薩十
種樂若菩薩摩訶薩安住此樂則得一切諸
佛無上法樂佛子菩薩摩訶薩有十種莊嚴
何等爲十所謂力莊嚴不可壞故無畏莊嚴
不生恐怖故義莊嚴說不可說義法門無窮
盡故法莊嚴說八萬四千法藏不忘失故願

莊嚴一切菩薩願事不退轉故行莊嚴究竟
普賢菩薩行故佛刹莊嚴受持一切佛刹爲
一佛刹故妙音莊嚴雨大甘露法充滿一切
佛刹故受持莊嚴於一切劫行菩薩行不斷
絕故變化莊嚴於一衆生身示現一切衆生
等身一切衆生無不知見專求十力一切智
不退轉故佛子是爲菩薩摩訶薩十種莊嚴
若菩薩摩訶薩安住此法則得一切諸佛無
上莊嚴佛子菩薩摩訶薩有十種發不動心
何等爲十所謂一切所有皆悉能捨發不動
心出生一切諸佛正法發不動心恭敬供養
一切諸佛發不動心等心觀察一切衆生發
不動心攝取一切衆生發不動心一向專求
一切佛法未曾休息發不動心一切衆生等
劫修菩薩行發不動心成就有根信不濁信
離垢信明淨信恭敬供養一切佛信不退轉
信不壞信發不動心具足成就究竟一切智
發不動心成就一切菩薩諸行發不動心佛
子是爲菩薩摩訶薩十種發不動心若菩薩
摩訶薩安住此法則得無上一切智不動心
佛子菩薩摩訶薩有十種不捨深心何等爲
十所謂覺一切佛菩提不捨深心教化成熟
一切衆生不捨深心不斷一切諸佛種性不
捨深心親近善知識不捨深心於一切佛刹

一切功德不捨深心於一切佛所修行梵行
護持淨戒不捨深心攝取一切菩薩不捨深
心聞持一切佛法不捨深心修習一切菩薩
行願一向專求一切佛法不捨深心佛子是
為菩薩摩訶薩十種不捨深心若菩薩摩訶
薩安住此法則得一切諸佛不捨深心正法
佛子菩薩摩訶薩有十種智觀察何等為十
所謂智慧觀察善巧分別一切諸法智慧觀
察三世一切善根智慧觀察一切菩薩行神
力自在智慧觀察一切諸法巧方便門智慧
觀察一切佛持智慧觀察一切陀羅尼門智
慧觀察一切世界常說正法智慧觀察深入
一切法界智慧觀察十方一切世界不可思
議智慧觀察一切佛法智慧觀察無障礙智
佛子是為菩薩摩訶薩十種智觀察若菩薩
摩訶薩安住此法則得如來無上大智觀察
佛子菩薩摩訶薩有十種分別法何等為十
所謂分別一切法悉從緣起分別一切法皆
悉如幻分別一切法皆悉無諍分別一切法
無量無邊分別一切法無所依止分別一切
法悉如金剛分別一切法悉是如來分別一
切法皆悉寂靜分別一切法悉是正道分別
一切法悉是一相一義佛子是為菩薩摩訶

薩十種分別法若菩薩摩訶薩安住此法則得巧方便悉能分別一切諸法佛子菩薩摩訶薩有十種無垢何等爲十所謂深心無垢除滅疑惑無垢遠離邪見無垢境界無垢欲得一切智無垢諸辯無垢無畏無垢一切菩薩所住無垢一切菩薩正受三昧無垢三十二相百福莊嚴成就一切諸白淨法究竟速得無上菩提無垢佛子是爲菩薩摩訶薩十種無垢若菩薩摩訶薩安住此法則得一切佛無上無垢法佛子菩薩摩訶薩有十種智印何等爲十所謂菩薩摩訶薩知苦苦變易苦行苦不生懈怠修菩薩行一向專求無上菩提不恐不怖不驚不畏不捨大願菩提之心堅固不退究竟阿耨多羅三藐三菩提是爲第一印一切凡夫衆生悉有煩惱顛倒惑亂彼諸衆生麤鄙惡言訶罵菩薩或以刀杖瓦石而加害之菩薩爾時心無憂惱修菩薩行正向菩提修習忍法受證離生是爲第二印菩薩摩訶薩聞甚深佛法讚一切智聞已一向信解是爲第三印菩薩摩訶薩作如是念我發菩提心究竟成就阿耨多羅三藐三菩提一切衆生流轉五道受無量苦我當令彼皆大歡喜勤行精進修習善根度生死流永得安樂是爲第四印菩薩摩訶薩解如來

智無量無邊而未與如來等於如來所聞無
量無邊智於文字中分別解了與如來等是
爲第五印菩薩摩訶薩成就善欲不可壞欲
甚深欲勝欲功德欲莊嚴欲無比欲無上欲
堅固欲究竟正求無上菩提一切衆魔外道
及其眷屬不能壞欲不退無上菩提欲是爲
第六印菩薩摩訶薩不惜身命無所怖畏修
菩薩行發菩提心趣一切智得一切佛智慧
光明不捨佛菩提不捨善知識是爲第七印
菩薩摩訶薩若善男子善女人學大乘者長
養諸佛善根安住善根攝取一切智心不退
菩提是爲第八印菩薩摩訶薩令一切衆生
住平等心修一切智爲衆生說法悉令不退
無上菩提長養大悲是爲第九印菩薩摩訶
薩隨順三世諸佛一切善根紹繼佛種生一
切智是爲第十印佛子是爲菩薩摩訶薩十
種智印若菩薩摩訶薩成就此印疾得阿耨
多羅三藐三菩提具足如來無上智印佛子
菩薩摩訶薩有十種智慧光明何等爲十所
謂菩薩摩訶薩於阿耨多羅三藐三菩提決
定智慧光明見一切佛智慧光明見一切衆
生死此生彼智慧光明開悟一切衆生悉令
正求修多羅法智慧光明依善知識發菩提
心長養善根智慧光明示現一切諸佛智慧

光明化一切衆生悉令成熟安住佛地智慧
光明分別解說不思議法智慧光明於一切
佛神力住持善巧方便智慧光明滿足一切
波羅蜜智慧光明佛子是爲菩薩摩訶薩十
種智慧光明若菩薩摩訶薩安住此法則得
一切佛法無上智慧光明佛子菩薩摩訶薩
有十種不可稱量住一切衆生及聲聞緣覺
不能稱量何等爲十所謂菩薩摩訶薩住實
際住而不受證一切所願未成滿故是爲第
一菩薩住不可稱量菩薩摩訶薩種如法界
等清淨善根於彼善根無所染著是爲第二
菩薩住不可稱量菩薩摩訶薩解菩薩行猶
如變化一切諸法皆悉寂滅於諸佛法不生
疑惑是爲第三菩薩住不可稱量菩薩摩訶
薩離生死心於不可說劫修菩薩行滿一切
大願而不中起厭怠之心是爲第四菩薩住
不可稱量菩薩摩訶薩住一切法無所依止
皆悉寂滅而不證涅槃一切智道未成滿故
是爲第五菩薩住不可稱量菩薩摩訶薩知
一切劫非劫而實說一切劫是爲第六菩薩
住不可稱量菩薩摩訶薩知一切法非行而
不捨道行正求佛法是爲第七菩薩住不可
稱量菩薩摩訶薩解心是三界心是三壯了
知彼心無量無邊是爲第八菩薩住不可稱

量菩薩摩訶薩爲一衆生故於不可說劫修
 菩薩行欲令安住一切智地如一衆生一切
 衆生亦復如是不生厭心是爲第九菩薩住
 不可稱量菩薩摩訶薩雖具足滿菩薩諸行
 而不取正覺何以故菩薩摩訶薩作如是念
 我不受正覺故行菩薩行於無量劫中無量
 衆生悉令安住無上菩提是爲第十菩薩住
 不可稱量若菩薩摩訶薩安住此法則得一
 切佛法無上大智不可稱量住佛子菩薩摩
 訶薩有十種發無懈怠心何等爲十所謂菩
 薩摩訶薩作如是念我降伏一切魔及其眷
 屬發無懈怠心如法調伏一切外道發無懈
 怠心說深妙法令一切衆生皆悉歡喜發無
 懈怠心滿足一切法界等諸波羅蜜發無懈
 怠心令一切衆生積集成滿一切功德藏發
 無懈怠心一切如來無上菩提彌廣大事甚
 難成滿我當修菩薩行具足成就發無懈怠
 心以無上法教化調伏一切衆生悉令成熟
 發無懈怠心於一切世界種種異色無量莊
 嚴成就正覺發無懈怠心菩薩摩訶薩發如
 是心我修菩薩行時若有衆生來求我身或
 求手足耳鼻血肉骨髓妻子衆馬國土如是
 等類皆悉能捨乃至不生一念悔心悉能惠
 施饒益安樂一切衆生不求果報大慈悲心

以爲上首發無懈怠心菩薩摩訶薩作如是
 念於一念中三世一切佛一切佛法一切衆
 生一切刹一切世界一切空界一切法界一
 切施設語界一切寂滅涅槃界如是等一切
 諸法以一念相應慧悉別相覺知明了修分
 別修知智斷證於一切法不取虛妄無一無
 異無所分別無所修習無境界無所有無二
 智慧覺一切二無相智慧覺一切相無劫智
 慧覺一切劫無異智慧覺一切異光明智慧
 覺一切世間光明界趣智慧覺一切世界非
 世智慧覺一切世衆生地智慧覺一切衆生
 界無著智慧究竟無著行無堅固智慧覺一
 切堅固無染智慧覺一切煩惱無盡際智慧
 覺一切盡法界等智慧於一切世界示現其
 身離一切言音智慧出生一切微妙言音一
 性智慧說無性法一境智慧示現種種諸異
 境界覺不可說諸法智慧示現無量大自在
 神變覺一切地智慧顯現大自在神變一切
 智自在神變教化成熟一切衆生發無懈怠
 心佛子是爲菩薩摩訶薩十種發無懈怠心
 若菩薩摩訶薩安住此心則得一切諸佛無
 上無懈怠法佛子菩薩摩訶薩有十種須彌
 山王正直之心何等爲十所謂菩薩摩訶薩
 常修正念一切智法是爲第一決定阿耨多

羅三藐三菩提須彌山王正直之心菩薩摩訶薩觀察一切法空一切法無所有是爲第二決定阿耨多羅三藐三菩提須彌山王正直之心菩薩摩訶薩於無量無數劫行菩薩行以一切具足白淨法發心決定了知如來無量智法趣向積聚諸白淨法是爲第三決定阿耨多羅三藐三菩提須彌山王正直之心菩薩摩訶薩爲一切佛法等心恭敬供養諸善知識不起疑心不求利養又復遠離盜法之心但起無上恭敬供養一切施心是爲第四決定阿耨多羅三藐三菩提須彌山王正直之心菩薩摩訶薩若一切衆生訶責罵辱生一切苦乃至奪命菩薩摩訶薩不因此故捨菩提心心亦不散不生恚心於一切衆生不捨大悲莊嚴長養大悲何以故菩薩摩訶薩成就一切法如如捨故決定了知如來大忍法故是爲第五決定阿耨多羅三藐三菩提須彌山王正直之心菩薩摩訶薩成就增上功德天增上功德人增上功德色增上功德力增上眷屬增上欲增上王法增上自在增上智慧彼菩薩不著味樂不著欲樂不著財樂不著眷屬樂但專求正法諦滿正法諦辨正法究竟正法向正法燈明向正法救護向正法歸依向正法道向正法義樂求正

法樂住寂靜法菩薩摩訶薩雖成就如是一
切快樂而悉遠離衆魔境界何以故菩薩摩
訶薩於過去世發如是心令一切衆生皆悉
遠離衆魔境界住佛境界是爲第六決定阿
耨多羅三藐三菩提須彌山王正直之心菩
薩摩訶薩勤修精進正求阿耨多羅三藐三
菩提於阿僧祇劫修菩薩行猶謂我今初發
阿耨多羅三藐三菩提心亦不驚不怖不畏
行菩薩行雖能速成正覺爲化衆生故於無
量劫修菩薩行是爲第七決定阿耨多羅三
藐三菩提須彌山王正直之心菩薩摩訶薩
知一切衆生難伏難度不知恩不知報恩爲
彼衆生故發大莊嚴而自莊嚴欲令一切衆
生心得自在隨意境界不生惡心不於他所
生煩惱心是爲第八決定阿耨多羅三藐三
菩提須彌山王正直之心菩薩摩訶薩作如
是念我不依他發菩提心修菩薩行都無有
人助我修習菩薩之行但我一身盡未來際
劫修菩薩苦行積集一切諸佛正法成阿耨
多羅三藐三菩提身自清淨亦令一切衆生
清淨自知境界知他境界我當悉同三世諸
佛境界是爲第九決定阿耨多羅三藐三菩
提須彌山王正直之心菩薩摩訶薩如是知
見無有一法修菩薩行無有一法滿菩薩行

無有一法調伏衆生無有一法化變衆生不見有法恭敬供養一切諸佛不見有法過去海成阿耨多羅三藐三菩提不見有法未來成阿耨多羅三藐三菩提無有一法過去說法未來說法可說而菩薩摩訶薩不捨阿耨多羅三藐三菩提大願之心何以故菩薩摩訶薩如是出生阿耨多羅三藐三菩提深入一切甚深諸法行無所有行而此菩薩摩訶薩修習積聚善業善根清淨一切諸對治法智慧成滿於念念中悉能積集長養一切諸善根法若一切法無所有者我有何義求無上道是故不生恐怖驚畏之心是爲第十決定阿耨多羅三藐三菩提須彌山王正直之心佛子是爲菩薩摩訶薩十種須彌山王正直之心若菩薩摩訶薩安住此心則得一切諸佛無上智慧須彌山王正直之心佛子菩薩摩訶薩有十種深入智慧大海成阿耨多羅三藐三菩提何等爲十所謂入無量一切衆生界是爲第一深入智慧大海成阿耨多羅三藐三菩提菩薩摩訶薩入一切世界不取虛妄是爲第二深入智慧大海成阿耨多羅三藐三菩提菩薩摩訶薩知一切虛空界等入十方

切世界無所障礙是爲第三深入智慧大
成阿耨多羅三藐三菩提菩薩摩訶薩善
法界入無礙入不斷入不常入無量入不
入不滅入知一切是爲第四深入智慧大
成阿耨多羅三藐三菩提菩薩摩訶薩於
去未來現在諸佛菩薩法師聲聞緣覺及
一切衆生所種善根過去諸佛已成無上菩
善根未來諸佛當成無上菩提善根現在
佛今成無上菩提善根過去諸佛說法教
調伏成熟衆生善根未來諸佛說法教化
伏成熟衆生善根現在諸佛說法教化調
成熟衆生善根菩薩摩訶薩皆悉隨喜長
積集如是等一切善根心無厭足是爲第
深入智慧大海成阿耨多羅三藐三菩提
薩摩訶薩於念念中入過去世觀察不可
劫於一劫中或百億佛出興于世或千億
百千億佛無量佛阿僧祇佛不可思議佛
可稱量佛無分齊佛無邊際佛不可說不
說佛算數譬喻所不及佛出興于世彼諸
衆及其眷屬菩薩大衆諸聲聞僧說法教
壽命住持種種法住如一劫中一切諸劫
復如是若無佛劫中有諸衆生爲阿耨多
三藐三菩提所種善根亦悉了知又觀衆
種種見佛善根得值未來無量諸佛如是觀

察過去一切劫而無厭足是爲第六深入智
慧大海成阿耨多羅三藐三菩提菩薩摩訶
薩入未來世觀察一切劫知劫有佛知劫無
佛知彼諸劫各有幾佛出興于世世界如來
名号何等又知所度衆生多少亦知如來壽
命長短如是入未來世一切諸劫分別了知
而無厭足是爲第七深入智慧大海成阿耨
多羅三藐三菩提菩薩摩訶薩入現在世觀
察十方一切世界無量無邊不可說不可說
諸世界中一切如來捨家學道往詣道場菩
提樹下藉菩提草結跏趺坐降魔官屬成阿
耨多羅三藐三菩提已起入城邑昇天宮殿
說微妙法轉正法輪調伏教化無量衆生現
如來無量自在神力付屬阿耨多羅三藐三
菩提乃至捨壽入無餘涅槃如來滅後大衆
普會結集經藏護持正法令久住世爲舍利
故起無量塔種種莊嚴恭敬供養又化衆生
令見諸佛聽受正法憶念護持智慧觀察長
養勝趣深心充滿無量法界於一切佛法而
無錯謬何以故菩薩摩訶薩知一切如來皆
悉如夢而能往詣一切佛所恭敬供養不著
自身不著佛身不著世界不著大衆不著聞
法不著諸劫見佛聞法觀察世界解一切劫
而無厭足是爲第八深入智慧大海成阿耨

多羅三藐三菩提菩薩摩訶薩於不可說不可說劫恭敬供養無量諸佛於一一劫中恭敬供養不可說不可說佛示現沒此生彼以出三界衆供養具供養諸佛菩薩大衆及聲聞僧諸佛滅後以無上供具供養舍利廣行大施滿足一切衆生意願所行大施不可思議不求果報為哀愍饒益攝取衆生於不可說不可說劫恭敬供養一切諸佛護持正法化度衆生成阿耨多羅三藐三菩提而無厭足是為第九深入智慧大海成阿耨多羅三藐三菩提菩薩摩訶薩於一切佛所一切菩薩所一切法師所一向專求教菩薩法菩薩威儀菩薩隨順法菩薩清淨法菩薩長養法菩薩調伏法菩薩平等法菩薩出生道受持菩薩陀羅尼門攝取一切衆生而為說法調伏成熟令不可說不可說衆生發一切智心得不退轉住阿耨多羅三藐三菩提隨順修習一切佛法教化衆生而無厭足是為第十深入智慧大海成阿耨多羅三藐三菩提佛于是為菩薩摩訶薩十種深入智慧大海成阿耨多羅三藐三菩提若菩薩摩訶薩安住此法則得一切諸佛無上智慧大海

大方廣佛華嚴經卷第三十八

火裁

下哉音火

毀害

上許毒切

傾動

上去營切

快樂

上苦吏切

麋鄙

上倉胡切

刁杖

下直兩切

瓦石

上五化切

盜法

上導音

訶責

上虎何切

罵辱

上莫爲切

奪命

上徒活切

恚心

上其以切

下藉

下慈夜切

錯謬

上倉各切

乙巳歲高麗國大歲郡監奉

勅彫造

東晉天竺三藏佛跋陀羅

譯

離世間品第三十三之四

佛子菩薩摩訶薩有十種寶住成阿耨多羅三藐三菩提何等爲十所謂菩薩摩訶薩悉能往詣無量阿僧祇世界諸如來所恭敬禮拜親近供養是爲菩薩摩訶薩第一寶住成阿耨多羅三藐三菩提菩薩摩訶薩於不可思議諸如來所聞法受持正念不忘智慧分別長養勝趣出生智慧充滿十方是爲菩薩摩訶薩第二寶住成阿耨多羅三藐三菩提菩薩摩訶薩不離此土而於異刹示現受生於一切佛法心不惑亂是爲菩薩摩訶薩第三寶住成阿耨多羅三藐三菩提菩薩摩訶薩出生一法別相分別知一切法一切諸法究竟無一無異義故是爲菩薩摩訶薩第四寶住成阿耨多羅三藐三菩提菩薩摩訶薩知息煩惱知離煩惱知斷煩惱而善住修習菩薩諸行不證實際究竟到於實際彼岸善學成就巧妙方便本願成滿心無疲厭是爲菩薩摩訶薩第五寶住成阿耨多羅三藐三菩提菩薩摩訶薩知一切衆生心無處所而說衆生心有處所無著無行修菩薩行化度衆生是爲菩薩摩訶薩第六寶住成阿耨多

羅三藐三菩提菩薩摩訶薩知一切法一性
所謂無性無一無異無來無去不可稱量不
可讚歎悉無實性以一異求皆不可得而菩
薩摩訶薩決定了知此是佛法是菩薩法是
緣覺法是聲聞法是凡夫法是善法是不善
法是世間法是出世間法是染污法是不染
行法是有漏法は無漏法乃至是有爲法是
無爲法是爲菩薩摩訶薩第七寶住成阿耨
多羅三藐三菩提菩薩摩訶薩求佛不可得
求菩薩不可得求法不可得求衆生不可得
而亦不捨本願教化一切衆生成無上道何
以故菩薩所修善根欲令一切成無上道善
知衆生善根善知衆生境界善知教化衆生
善知一切衆生涅槃修菩薩行欲令一切大
願成滿是爲菩薩摩訶薩第八寶住成阿耨
多羅三藐三菩提菩薩摩訶薩隨其所應善
巧說法而調伏之巧妙方便示現涅槃知實
非虛亦非顛倒而安住三世菩薩正法不離
如如不住實際亦不見衆生亦不見衆生已
受化今受化當受化解我所行非爲虛妄解
了無有乃至一法可求得者無生滅故而菩
薩所願皆悉不虛無所依止是爲菩薩摩訶
薩第九寶住成阿耨多羅三藐三菩提菩薩
摩訶薩於不可思議諸佛一一佛所聞不可

說不可說授記法名号各異劫數不同從一劫中次第聞法乃至不可說不可說劫聞受記法聞是法已不驚不怖不畏行菩薩行心無疑惑解如來智不可思議如來所說言無有二本願滿足隨應受化令成阿耨多羅三藐三菩提滿一切願了達法界是為菩薩摩訶薩第十寶住成阿耨多羅三藐三菩提若菩薩摩訶薩安住此法則得一切諸佛阿耨多羅三藐三菩提大智慧寶佛子菩薩摩訶薩有十種發金剛心莊嚴大乘何等為十所謂菩薩摩訶薩作如是念一切諸法無有分際不可究竟菩薩發如是心我當覺了三世一切諸法悉無有餘是為菩薩摩訶薩第一發金剛心莊嚴大乘菩薩摩訶薩作如是念於一毛端處有無量無邊不可數菩薩何況一切法界耶菩薩發如是心我當發大莊嚴而自莊嚴化度衆生皆令成阿耨多羅三藐三菩提以大般涅槃而般涅槃是為菩薩摩訶薩第二發金剛心莊嚴大乘菩薩摩訶薩作如是念十方世界無量無邊無有分際菩薩發如是大願我當以無上清淨莊嚴莊嚴此等一切世界彼諸莊嚴皆實不虛是為菩薩摩訶薩第三發金剛心莊嚴大乘菩薩摩訶薩作如是念衆生無量無邊無有分際不

可窮盡菩薩發如是心我當以諸善根迴向一切衆生以無上大智慧光普照一切衆生是爲菩薩摩訶薩第四發金剛心莊嚴大乘菩薩摩訶薩作如是念一切諸佛無量無邊不可窮盡菩薩發如是心我所種善根迴向奉給供養一切諸佛然後我乃成等正覺是爲菩薩摩訶薩第五發金剛心莊嚴大乘菩薩摩訶薩見一切佛聞所說法發大歡喜心不著自身及如來身解知佛身非實非虛非有非無非有性非無性非色非無色非相非無相非生非滅解知如來實無所有亦不壞有相何以故一切攝取故是爲菩薩摩訶薩第六發金剛心莊嚴大乘菩薩摩訶薩若有衆生訶罵毀辱或截手足耳鼻或挑其目或級其頭菩薩不因此故生恚害心於不可說不可說劫修菩薩行攝取衆生心不廢捨何以故菩薩摩訶薩住不二法善學菩薩所學清淨直心於一切衆生無瞋恚心忍住衆苦心無加報自身堪受一切衆苦是爲菩薩摩訶薩第七發金剛心莊嚴大乘菩薩摩訶薩作如是念未來世劫無量無邊無有分際不可窮盡菩薩發如是心我當盡一切未來世法界虛空界等劫於一世界行菩薩道教化衆生如一世界盡法界虛空界等一切世界

亦復如是心亦不驚不怖不畏行菩薩行何以故菩薩法應如是為一切衆生修菩薩行是為菩薩摩訶薩第八發金剛心莊嚴大乘菩薩摩訶薩作如是念阿耨多羅三藐三菩提以心為本心清淨故能積集成滿一切善根若心得自在則能成就無上菩提行菩薩行滿足諸願究竟教化一切衆生是為菩薩摩訶薩第九發金剛心莊嚴大乘菩薩摩訶薩知佛不可得菩提不可得菩薩不可得一切法不可得衆生不可得心不可得行不可得過去不可得未來現在不可得一切衆生不可得有為無為不可得菩薩摩訶薩如是住寂靜住甚深住寂滅住無諍住不可言住無二住無等住真實住成就住解脫住涅槃住實際而亦不捨一切大願不捨發一切智心不捨修菩薩行不捨教化衆生不捨恭敬供養諸佛不捨說法不捨莊嚴一切世界何以故菩薩摩訶薩出生大願故善知如是法相長養大悲無量功德攝取衆生不捨衆生一切諸法無有真實凡愚衆生不知不覺一切諸佛安住寂滅演說正法教化衆生不捨大悲一切衆生未得菩提佛法未足大願未滿我本請一切衆生為無上大法施主唱實語不虛語一切諸佛種姓語發大願門心發

饒益一切衆生心發長養一切善根心發安
住善巧方便心發內身舍受一切衆生心發
一切衆生所平等心令一切衆生所願成滿
我當云何未度衆生而捨大悲是爲菩薩摩
訶薩第十發金剛心莊嚴大乘佛子是爲菩
薩摩訶薩十種發金剛心莊嚴大乘若菩薩
摩訶薩安住此法則得一切諸佛無上金剛
智明佛子菩薩摩訶薩有十種發大事何等
爲十所謂恭敬供養一切諸佛是爲菩薩摩
訶薩第一發大事長養一切菩薩善根是爲
菩薩摩訶薩第二發大事一切如來滅度之
後悉取舍利起無量塔種種妙寶以爲莊嚴
以一切華一切鬘一切香一切塗香一切末
香一切衣一切蓋一切幢一切幡而供養之
受持守護諸佛正法是爲菩薩摩訶薩第三
發大事教化成熟一切衆生令得阿耨多羅
三藐三菩提是爲菩薩摩訶薩第四發大事
以諸佛刹無上清淨莊嚴莊嚴一切世界是
爲菩薩摩訶薩第五發大事菩薩摩訶薩作
如是念我當爲一衆生於一一世界盡未來
際阿僧祇劫修菩薩行如爲一衆生爲一切
衆生亦復如是出生大悲令一切衆生安住
菩提乃至不生一念疲厭之心是爲菩薩摩
訶薩第六發大事我當於不可思議阿僧祇

初恭敬供養彼諸如來是爲菩薩摩訶薩第
七發大事彼諸如來滅度之後我當悉取舍
利而起塔廟其塔高廣與不可說諸世界等
造如來像巍巍高大如不可思議世界於不
可思議劫以衆妙寶幢幡繒蓋華香而供養
之乃至不生一念休息之心教化衆生受持
守護讚歎正法亦無一念休息之心是爲菩
薩摩訶薩第八發大事修習彼諸善根成阿
耨多羅三藐三菩提悉與一切諸如來等速
得一切諸如來地是爲菩薩摩訶薩第九發
大事我成菩提已於一切世界不可說劫說
微妙法示現如來不可思議自在神變其身
口意未曾暫生疲厭之想但發專念正法之
心如來力心充滿一切衆生願心大慈悲心
觀察諸法真實之心安住實語證寂滅法一
切衆生悉不可得而亦不違一切諸業隨順
三世一切諸佛究竟一切法界虛空界觀察
諸法無所有相不生不滅具足成就一切諸
佛無上大願施作一切諸佛大事悉能化度
一切衆生是爲菩薩摩訶薩第十發大事佛
子是爲菩薩摩訶薩十種發大事若菩薩摩
訶薩安住此法則得一切諸佛無上智慧不
斷一切菩薩所行佛子菩薩摩訶薩有十種
究竟大事何等爲十所謂恭敬供養一切如

來究竟大事隨所請衆生皆悉度脫究竟大
 事專求一切諸佛正法究竟大事長養一切
 善根究竟大事出生一切諸如來法究竟大
 事成辦一切清淨大願究竟大事行一切善
 薩行究竟大事恭敬奉事一切善知識究竟
 大事往詣一切世界佛所究竟大事聞持一
 切諸佛正法深入一切諸佛大衆究竟大事
 佛子是爲菩薩摩訶薩十種究竟大事若菩
 薩摩訶薩安住此法則得阿耨多羅三藐三
 菩提究竟智慧大事佛子菩薩摩訶薩有十
 種不壞信何等爲十所謂於一切佛不壞信
 於一切佛法不壞信於一切聖僧不壞信於
 一切菩薩不壞信於一切善知識不壞信於
 一切衆生不壞信於一切菩薩大願不壞信
 於一切菩薩行不壞信恭敬供養一切諸佛
 不壞信教化一切衆生成就菩薩巧妙方便
 不壞信佛子是爲菩薩摩訶薩十種不壞信
 若菩薩摩訶薩安住此法則得一切諸佛無
 上智慧不可壞信佛子菩薩摩訶薩有十種
 授記何等爲十所謂專求解脫菩薩授記諦
 滿諦辯菩薩善根菩薩授記廣行菩薩無量
 諸行菩薩授記現前菩薩授記祕密菩薩授
 記因自心得菩提菩薩授記得法忍菩薩授
 記教化成熟衆生菩薩授記究竟一切劫菩

薩授記一切菩薩自在修行菩薩授記佛子
是爲菩薩摩訶薩一種授記若菩薩摩訶薩
安住此法則於一切佛所而得授記佛子菩
薩摩訶薩有十種善根迴向何等爲十所謂
一切善根迴向同善知識願一切善根迴向
同善知識正直心一切善根迴向同善知識
行一切善根迴向同善知識善根一切善根
迴向隨順善知識善根一切善根迴向同善
知識正念一切善根迴向同善知識清淨一
切善根迴向同善知識住一切善根迴向同
善知識入成滿平等一切善根迴向同善知
識不壞深心若如是同則無異同佛子是爲
菩薩摩訶薩十種善根迴向若菩薩摩訶薩
安住此法則得一切無上善根迴向佛子菩
薩摩訶薩有十種得智慧何等爲十所謂於
一切施自在智慧樂一切佛法解脫自在智
慧深入一切如來無量無邊自在智慧隨問
能答滅一切疑自在智慧深解實義自在智
慧解一切如來巧妙方便深入一切諸佛解
脫自在智慧解一切佛所種少善根必能滿
足一切白淨善根出生如來一切智自在智
慧具足成就菩薩不思議住自在智慧於一
念中悉能往詣不可說佛所自在智慧覺悟
一切諸佛菩提深入一切法界闡持一切佛

法深入一切如來莊嚴語言自在智慧佛子
 是為菩薩摩訶薩十種得智慧若菩薩摩訶
 薩安住此法則得一切如來無上自在智慧
 佛子菩薩摩訶薩有十種發無量無邊廣心
 何等為十所謂發無量無邊廣心於一切佛
 發無量無邊廣心度脫一切衆生發無量無
 邊廣心令一切衆生一切世一切刹悉入法
 界發無量無邊廣心觀一切法悉如虛空發
 無量無邊廣心觀察一切菩薩諸行發無量
 無邊廣心正念三世一切諸佛發無量無邊
 廣心了達不可思議諸業果報發無量無邊
 廣心嚴淨一切諸如來刹發無量無邊廣心
 深入一切如來大衆發無量無邊廣心觀察
 一切如來妙音佛子是為菩薩摩訶薩十種
 發無量無邊廣心若菩薩摩訶薩安住此心
 則得一切佛法無量無邊智慧大海佛子菩
 薩摩訶薩有十種藏何等為十所謂分別數
 知一切法藏出生一切法藏普照一切陀羅
 尼法藏分別解說一切法辯藏於一切法覺
 不可說巧方便藏示現一切佛自在力大神
 變藏於一切法出生平等巧方便藏不離常
 見一切佛藏入不思議劫皆悉如幻巧方便
 藏於一切諸佛菩薩歡喜恭敬藏佛子是為
 菩薩摩訶薩十種藏若菩薩摩訶薩安住此

藏則得一切諸佛大智慧藏悉能度脫一切
衆生佛子菩薩摩訶薩有十種調順何等爲
十所謂不謗一切佛法調順於一切佛信不
可壞調順尊重恭敬一切菩薩調順親近一
切善知識調順遠離一切聲聞緣覺調順長
養菩薩一切三昧調順平等觀察一切衆生
調順究竟成滿一切善根調順悉能降伏一
切諸魔調順成滿一切波羅蜜調順佛子是
爲菩薩摩訶薩十種調順若菩薩摩訶薩安
住此法則得無上大智調順

佛子菩薩摩訶薩有十種自在何等爲十所
謂壽命自在無量無邊不可說劫住持壽命
故心自在出生阿僧祇三昧入深智故莊嚴
自在以大莊嚴悉能莊嚴一切刹故業自在
隨時受報故受生自在於一切刹示現生故
解脫自在見一切世界諸佛充滿故願自在
隨時隨刹成菩提故神力自在示現一切大
神變故法自在示現無量無邊法門故智自
在於念念中示現覺悟如來十力無所畏故
佛子是爲菩薩摩訶薩十種自在若菩薩摩
訶薩安住此法則得一切諸佛菩薩究竟成
滿一切智自在佛子菩薩摩訶薩有十種自
在何等爲十所謂衆生自在刹自在法自在
身自在願自在境界自在智自在通自在神

力自在力自在佛子是爲菩薩摩訶薩十種自在佛子何等爲菩薩摩訶薩衆生自在佛子菩薩摩訶薩有十種衆生自在何等爲十所謂度脫一切衆生自在持一切衆生想自在爲一切衆生說法未曾失時自在變化一切衆生自在安置一切衆生於一毛道而不迫迤自在於一切世界一切衆生中示現爲王自在於一切衆生中示現帝釋梵王自在於一切衆生中示現聲聞緣覺不轉威儀自在於一切衆生中示現行菩薩行自在於一切衆生中示現佛身相好莊嚴覺悟一切智力自在佛子是爲菩薩摩訶薩十種衆生自在佛子菩薩摩訶薩有十種利自在何等爲十所謂令一切利爲一利自在令一切利入一毛道自在於一切利深入無盡方便自在於一切利示現一身結跏趺坐充滿自在令一切利現入已身自在神力震動一切佛刹不令衆生恐怖自在以一切利莊嚴莊嚴一切刹示現自在以一刹莊嚴莊嚴一切刹示現自在一如來身及其眷屬皆悉充滿一切佛刹示現衆生自在一切刹小刹中刹大利廣刹深刹翻覆刹俯刹仰刹平正刹以此等刹示現衆生自在佛子是爲菩薩摩訶薩十種刹自在佛子菩薩摩訶薩有十種法自在何

等爲十所謂一切法即是一法一法即是一切法而不違衆生法相自在般若波羅蜜出生一切法覺悟一切衆生無不了知自在於一切法悉離法想普令衆生入勝法自在於一切諸法入一方便分別解說無量方便自在一切諸法言語道斷而能演說無量法門自在於一切法巧方便轉普門法輪無盡自在一切諸法入一法門於不可說劫分別解說不可窮盡自在一切法悉入佛法殊勝衆生自在一切法示現無量無邊自在一切法無礙實際無量無邊猶如幻網於無量劫爲衆生說不可窮盡自在佛子是爲菩薩摩訶薩十種法自在佛子菩薩摩訶薩有十種身自在何等爲十所謂令一切衆生入己身自在己身示現一切衆生身自在一切佛身示現一佛身自在一佛身示現一切佛身自在一切刹置己身內自在一法身充滿三世示現衆生自在一身入三昧無量身起三昧自在一身成最正覺示現衆生等身自在一切衆生身作一衆生身示現一切衆生身自在一切衆生身示現法身法身示現一切衆生身自在佛子是爲菩薩摩訶薩十種身自在佛子菩薩摩訶薩有十種願自在何等爲十所謂一切菩薩願即是已願願自在以一切佛

願力善提示現衆生願自在隨其所應悉令
成就阿耨多羅三藐三菩提願自在於不可
數阿僧祇劫大願不斷願自在遠離識身不
著智身而示現一切身願自在不捨已事而
能成滿一切他事願自在教化成熟一切衆
生令不退轉願自在於一切阿僧祇劫修善
薩行未曾斷絕願自在於一毛道成等正覺
願力充滿一切佛刹爲一一衆生示現不可
說不可說世界願自在說一句法法雲普覆
一切法界震實法雷耀明解脫電光澍甘露
法雨充滿一切衆生心願願自在佛子是爲
菩薩摩訶薩十種願自在佛子菩薩摩訶薩
有十種境界自在何等爲十所謂菩薩在法
界境界而示現在衆生境界在佛境界而示
現在衆魔境界在涅槃境界而不離生死境
界在一切智境界而不離菩薩境界在寂滅
境界而不捨散亂衆生境界在離一切虛妄
境界而不離虛妄境界在莊嚴力境界而示
現非一切智境界在無衆生實際境界而不
捨化度一切衆生境界在諸禪三昧解脫通
明智離欲境界而示現一切世界受生在如
來行菩提莊嚴境界而示現聲聞緣覺寂靜
威儀境界佛子是爲菩薩摩訶薩十種境界
自在佛子菩薩摩訶薩有十種智自在何等

爲十所謂無盡辯智自在不惑一切陀羅尼
智自在法定知一切衆生諸根智自在於一
念中以無礙心智悉知一切衆生心心數法
智自在知一切衆生心心使煩惱習氣隨病
對治法智自在於一念中深入如來十力智
自在無礙智知三世衆生隨時度脫智自在
於一念中成等正覺示現一切衆生智自在
於一衆生想了達一切衆生業行智自在於
一衆生音聲示現一切衆生音聲智自在佛
子是爲菩薩摩訶薩十種智自在佛子菩薩
摩訶薩有十種通自在何等爲十所謂一切
世界示現身一身境界通自在於一如來大
衆中坐聽受正法悉能聞持一切諸佛大衆
會法通自在於一衆生一念境界成不可說
無上菩提一切衆生無不知者通自在出一
妙音皆能充滿一切世界出生一切音聲各
各別異一切衆生無不開解通自在於一念
中示現盡過去際劫一切衆生諸業果報無
不知者通自在令一切世界皆悉莊嚴通自
在觀察三世平等通自在出生一切諸佛菩
提及衆生願放大法光明通自在一切天龍
夜叉乾闥婆阿脩羅迦樓羅緊那羅摩睺羅
伽帝釋梵王及一切聲聞緣覺諸菩薩等悉
恭敬尊重善能護持諸如來力一切善根通

自在佛子略說菩薩平等觀察一切諸法通
自在佛子是爲菩薩摩訶薩十種通自在佛
子菩薩摩訶薩有十種神力自在何等爲十
所謂以不可說世界入一微塵神力自在於
一微塵中顯現一切法界等一切佛刹神力
自在於一毛孔皆悉容受一切大海能持遊
行一切世界不令衆生有恐怖心神力自在
以一切世界內已身中悉能顯現一切衆事
神力自在以一毛繫不可思議金剛圍山悉
持遊行一切世界不令衆生有恐怖心神力
自在不可說劫示現一劫一劫示現不可說
諸成敗劫不令衆生有恐怖心神力自在於
一切世界示現水火風裁成敗不令衆生有
恐怖心神力自在一切世界水火風裁壞時
悉能住持一切衆生資生之具神力自在以
不可思議世界置於掌中遠擲他方過不可
說世界不令衆生有恐怖心神力自在令一
切衆生解一切佛刹猶如虛空神力自在佛
子是爲菩薩摩訶薩十種神力自在佛子菩
薩摩訶薩有十種力自在何等爲十所謂衆
生力自在不捨衆生教化調伏故佛刹力自
在以不可說莊嚴具莊嚴顯現諸佛刹故法
力自在令一切身入無身故劫力自在不斷
一切菩薩行故佛力自在覺悟生死長寢衆

生故行力自在攝取一切菩薩行故如來力
自在度脫一切衆生故無師智力自在自然
覺悟一切法故一切智力自在一切智人智
覺悟故大悲力自在不捨一切衆生故佛子
是爲菩薩摩訶薩十種力自在佛子是爲菩
薩摩訶薩衆生自在等十種自在若菩薩摩
訶薩成就此十種自在者欲成無上菩提不
成無上菩提自在隨意雖成菩提而亦不斷
菩薩諸行何以故菩薩摩訶薩出生諸大願
故善巧方便示現無量自在法門

佛子菩薩摩訶薩有十種遊戲神通何等爲
十所謂菩薩摩訶薩於衆生身作佛刹身而
不壞衆生身是爲第一遊戲神通菩薩摩訶
薩於佛刹身作衆生身而不離佛刹身是爲
第二遊戲神通菩薩摩訶薩於佛身示現聲
聞緣覺身而不減如來身是爲第三遊戲神
通菩薩摩訶薩於聲聞緣覺身示現如來身
而不增長聲聞緣覺身是爲第四遊戲神通
菩薩摩訶薩於菩薩身示現無上菩提身而
不捨菩薩行是爲第五遊戲神通菩薩摩訶
薩於無上菩提身示現菩薩身而不減菩提
身是爲第六遊戲神通菩薩摩訶薩於涅槃
界示現生死相續不絕而不著涅槃界是爲
第七遊戲神通菩薩摩訶薩於生死界示現

涅槃界亦不究竟無餘涅槃是爲第八遊戲神通菩薩摩訶薩正受三昧行住坐卧現諸威儀而不捨於正受三昧是爲第九遊戲神通菩薩摩訶薩於一佛所聞法受持悉能往詣不可說佛所聽受正法而不離本坐亦不分身不起三昧念念於一一三昧身門出生不可說不可說三昧身門一切諸劫猶可窮盡菩薩出生三昧身門不可窮盡是爲第十遊戲神通佛子是爲菩薩摩訶薩十種遊戲神通若菩薩摩訶薩安住此法則得一切諸佛無上大智遊戲神通佛子菩薩摩訶薩有十種勝行何等爲十所謂一切法界以無量方便門普現衆生勝行以無量莊嚴莊嚴一切世界普現衆生勝行知出生一切衆生界皆悉如化勝行於如來身出生菩薩身於菩薩身出生如來身勝行於虛空界出生世界於世界出生虛空界勝行於生死界出生涅槃界於涅槃界出生生死界勝行於一衆生音聲出生一切佛法音聲勝行於無量身門示現一身於一身門示現分別一切諸身勝行以一身充徧一切世界勝行於一念中令一切衆生出生無量無邊法門咸等正覺勝行佛子是爲菩薩摩訶薩十種勝行若菩薩摩訶薩安住此行則得一切諸佛無上大智

勝行佛子菩薩摩訶薩有十種力何等爲十
所謂直心力於一切世界無染著故深心力
不壞一切諸佛法故方便力究竟菩薩一切
行故智慧力知一切衆生諸心行故願力令
一切衆生願滿足故行力盡一切未來際劫
不斷絕故乘力出生普現一切諸乘不轉大
乘故遊戲神通力於一毛道示現一切清淨
世界一切如來出興世故菩提力覺悟菩提
與一切衆生念等故轉法輪力於一句法說
一切衆生希望諸根故佛子是爲菩薩摩訶
薩十種力若菩薩摩訶薩安住此力則得一
切諸佛一切智無上十力佛子菩薩摩訶薩
有十種無畏何等爲十所謂菩薩摩訶薩悉
能聞持一切問難作如是念十方一切世界
有來問我若不能答無有是處乃至不見微
畏之相不見微畏相故菩薩究竟一切無畏
安住無畏一切衆生隨其所問悉斷疑惑是
爲第一無畏菩薩摩訶薩一切語言音聲一
切文字如來授記無礙辯才究竟彼岸作如
是念十方世界一切衆生來問難我若不能
答無有是處乃至不見微畏之相不見微畏
相故悉能除滅一切疑惑安住無畏是爲第
二無畏菩薩摩訶薩知一切法空離我我所
無造無造者無知者無命者無長養者無福

伽羅離陰界入離諸邪見心如虛空作如是
念一切衆生若能令我起身口意惡無有是
處何以故菩薩常離我我所故若生怖畏無
有是處乃至不見微畏之相不見微畏相故
行菩薩行不可沮壞是爲第三無畏菩薩摩
訶薩爲諸佛所護成如來力行如來行如來
威儀未曾轉易作如是念若有能來訶我威
儀無有是處乃至不見微畏之相不見微畏
相故於大衆中說微妙法是爲第四無畏菩
薩摩訶薩身口意淨遠離衆惡作如是念若
有能來訶我身口意惡無有是處乃至不見
微畏之相不見微畏相故悉能教化一切衆
生是爲第五無畏菩薩摩訶薩金剛力士常
隨侍衛一切天龍夜叉乾闥婆阿脩羅迦樓
羅緊那羅摩睺羅伽帝釋梵王等常隨侍衛
尊敬供養一切諸佛常護念之菩薩作如是
念一切衆魔眷屬及諸外道有見衆生來詣
我所能障礙我無上菩提無有是處乃至不
見微畏之相不見微畏相故安住無畏歡喜
修行菩薩行業是爲第六無畏菩薩摩訶薩
離疑正念隨如來生成就第一意根作如是
念一切諸佛所說正法句身味身隨順菩提
我若不能如法受持無有是處乃至不見微
畏之相不見微畏相故受持守護如來正法

是爲第七無畏菩薩摩訶薩具足成就巧方便智慧究竟菩薩諸力彼岸清淨直心教化衆生發大菩提願於衆生所起大悲故於煩惱濁世而現受生現受五欲畜養妻子及諸眷屬爲化衆生故菩薩復作是念我雖在此不生惑亂障於菩提解脫三昧法門辯才若能障礙無有是處何以故菩薩於一切法而得自在究竟彼岸修菩薩行安住菩提一切世間受生惑亂所不能亂若能惑亂無有是處乃至不見微畏之相不見微畏相故於一切世界示現受生是爲第八無畏菩薩摩訶薩捨離愚癡知一切智住菩薩道乘於大乘住一切智心力示現聲聞緣覺不改威儀菩薩作如是念我終不證聲聞辟支佛道我若受證無有是處乃至不見微畏之相不見微畏相故安住無畏悉能示現一切諸乘具足究竟平等大乘是爲第九無畏菩薩摩訶薩成就一切諸白淨法積集善根成滿一切諸願通明堅住菩提具足成滿菩薩諸行於一切佛所頂受如來一切智記教化衆生不捨菩薩行作如是念其有衆生應受化者若不應時示現如來境界無有是處乃至不見微畏之相不見微畏相故安住無畏隨受化者普爲應現如來境界而亦不斷菩薩願行

是為第十無畏佛子是為菩薩摩訶薩十種
無畏若菩薩摩訶薩安住此法則得一切諸
佛無上無畏而亦不捨菩薩無畏

大方廣佛華嚴經卷第三十九

漆汙下烏路切

訶罵

下莫罵切

毀辱

上許妄切
下而蜀切

或觀下昨結切

挑其

上吐耶切

或級

下鬼音

患害上於避切

無諍

下側逆切

樹甘

上注音

毛繫

下計音

風戕

下戕音

連擲

下直反切

長寢下七檢切

首養

上許竹切

不改

下已反切

甲辰歲高麗國大藏都監奉

勅彫造

大方廣佛華嚴經卷第四十

問

東晉天竺三藏法師跋闍耶

譯

離世間品第三十三之五

佛子菩薩摩訶薩有十種不共法何等爲十
所謂菩薩摩訶薩修習六波羅蜜不由他悟
平等心施無所慳吝持戒清淨遠離惡戒惡
辱成就心不可動勤修精進於一切劫未曾
退轉不入禪定離一切亂出生智慧遠離邪
見是爲菩薩摩訶薩修習六波羅蜜隨順波
羅蜜道不由他悟第一不共法菩薩摩訶薩
攝一切衆生而饒益之常以法施於一切衆
生和顏愛語遠離惡言於一切衆生常起樂
心真實利益令一切衆生解悟菩提遠離惡
心具足成就平等實義是爲菩薩摩訶薩攝
取衆生隨順攝道不由他悟第二不共法菩
薩摩訶薩善解迴向不求果報隨順迴向諸
佛菩提不著一切世間三昧迴向佛智饒益
衆生是爲菩薩摩訶薩善解迴向專求一切
諸佛善根無上智慧饒益衆生不由他悟第
三不共法菩薩摩訶薩善巧方便究竟彼岸
隨順世間親近世間而無疲厭正向聖行達
離一切聲聞緣覺出要之道教化成熟一切
衆生不著已樂善知一切諸禪解脫三昧正
受三昧起於諸三昧而得自在於生死中心

無疲厭遊於生死如園觀想安住一切諸魔
宮殿示現帝釋梵王無量自在於一切生死
慧光明淨照除癡闇於一切衆捨家出家不
著異見示現一切世間書疏文誦談論語言
算術印法一切娛樂現爲女身才術巧妙能
轉人心於世間法離世間法悉能問答究竟
彼岸於世間事離世間事亦悉究竟到於彼
岸常觀衆生示現一切聲聞緣覺不轉威儀
不忘大乘於念念中現成如來無上菩提而
亦不斷菩薩所行是爲菩薩摩訶薩具足修
習巧妙方便到於彼岸不由他悟業四不共
法菩薩摩訶薩善知俱變三昧翻覆三昧遊
戲智慧通明究竟智慧彼岸常在涅槃而現
生死門知無衆生際而教化成熟一切衆生
常在究竟寂滅彼岸而示現熾熾然煩惱常
在金剛一妙法身而現衆生無量身門常能
正受諸禪三昧而現衆生喜欲娛樂常樂寂
靜遠離三界而教化一切衆生長養善根常
樂正法而現百千天女圍遶共相娛樂百福
相好莊嚴其身而現貧賤鄙陋之形常離諸
惡長養善業而現受生一切惡道究竟到於
佛智彼岸而亦不捨菩薩智身菩薩成就如
是等無量智慧一切聲聞緣覺無能比者何
況一切童蒙衆生是爲菩薩摩訶薩第五不

共法菩薩摩訶薩身口意業智慧爲首一切威儀諸業清淨成就大慈永離殺心乃至遠離邪見具足正見是爲菩薩摩訶薩身口意業隨智慧行第六不共法菩薩摩訶薩成就大悲不捨一切衆生代一切衆生受諸地獄畜生餓鬼閻羅王苦利益衆生心無疲厭度脫一切諸羣生界於一切欲樂心無染著常爲衆生滅諸苦陰不捨大悲是爲菩薩摩訶薩第七不共法菩薩摩訶薩爲一切衆生之所愛敬帝釋梵王四天王等皆恭敬供養一切衆生心常樂見無有厭足何以故菩薩本修行業心無染著皆悉清淨威儀具足故一切衆生樂見無厭是爲菩薩摩訶薩第八不共法菩薩摩訶薩一切智心堅固正直以大莊嚴而莊嚴之雖至難處諸惡人處聲聞緣覺處終不退失一切智心清淨妙寶譬如水珠名曰淨光雖處濁水寶性無異能令濁水皆悉清淨菩薩亦復如是雖在衆難諸惡人處聲聞緣覺處終不捨離一切種智清淨寶心今一切衆生滅除邪見煩惱垢濁住一切智清淨寶心是爲菩薩摩訶薩第九不共法菩薩摩訶薩自覺智法到於彼岸受無師記離垢法繒以冠其頂於如來所不捨恭敬供養之心亦不捨離諸善知識是爲菩薩摩訶

薩第十不共法佛子是爲菩薩摩訶薩十種
不共法若菩薩摩訶薩安住此法則得一切
諸佛無上大不共法佛子菩薩摩訶薩有十
種業何等爲十所謂世界業悉能嚴淨一切
世界故如來業奉給供養一切佛故菩薩善
友業善根同故衆生業教化成熟一切衆生
故未來世業攝取一切意未來際故神力業
不捨本處而能遊行一切世界故淨光業放
無量無邊色光一一光端悉有七寶清淨蓮
華一一華臺各有菩薩結跏趺坐悉顯現故
三寶不斷業一切諸佛滅度之後受持守護
佛正法故變化業遊十方說法化衆生故持
業隨所發心示現衆生令滿一切諸大願故
佛子是爲菩薩摩訶薩十種業若菩薩摩訶
薩安住此業則得一切諸佛無上大業佛子
菩薩摩訶薩有十種身何等爲十所謂菩薩
不來身於一切趣不受生故菩薩不去身一
切趣求不可得故菩薩不實身如一切世間
之所得故菩薩不虛身如諸世間解真實故
菩薩不盡身未來際不可斷故菩薩堅固身
一切衆魔不能壞故菩薩不動身一切衆魔
及諸外道不能動故菩薩相身示現清淨百
福相故菩薩無相身法相究竟無衆相故菩
薩晉至身悉與三世如來等故佛子是爲菩

薩摩訶薩十種身若菩薩摩訶薩安住此身
則得一切諸佛無上無盡之身佛子菩薩摩
訶薩有十種身業何等爲十所謂以一身充
徧一切世界菩薩身業於一切衆生前悉爲
現身菩薩身業於趣趣中悉現受生菩薩身
業遊行一切世界菩薩身業往詣一切佛所
及諸大衆菩薩身業以一手掌悉能普覆一
切世界菩薩身業一切金剛圍山能以手磨
悉如微塵菩薩身業於已身中示一切衆生
一切佛刹成壞菩薩身業能以一身徧覆一
切衆生菩薩身業於已身中普現一切嚴淨
佛刹一切衆生究竟成就無上菩提菩薩身
業佛子是爲菩薩摩訶薩十種身業若菩薩
摩訶薩安住此業則得一切諸佛無上大法
悉能開悟一切衆生佛子菩薩摩訶薩有十
種身何等爲十所謂波羅蜜身正向菩提故
四攝身不捨衆生故大悲身代一切衆生受
無量苦無疲厭故大慈身救護一切衆生故
功德身饒益一切衆生故智慧身一切諸佛
金剛身故淨法身遠離諸趣生死故方便身
普能示現一切衆生故神力身示現一切自
在力故菩提身隨一切時成菩提故佛子是
爲菩薩摩訶薩十種身若菩薩摩訶薩安住
此身則得一切諸佛無上大智慧身佛子菩

薩摩訶薩有十種口何等爲十所謂柔軟口
安樂一切衆生故甘露口清涼一切衆生故
不虛口說真實故如實轉口乃至夢中無虛
言故尊重口一切釋梵四天王等恭敬尊重
故甚深口顯現真實法故堅固口說無量法
不可盡故正直口一切音聲具足辯故莊嚴
口隨時隨業報普示現故一切智口隨其所
應度衆生故佛子是爲菩薩摩訶薩十種口
若菩薩摩訶薩安住此口則得一切諸佛無
上清淨妙口佛子菩薩摩訶薩有十種清淨
業莊嚴菩薩口業何等爲十所謂樂聞如來
清淨音聲淨菩薩口業樂聞菩薩清淨音聲
淨菩薩口業不說一切衆生不樂聞語淨菩
薩口業於過去世離口四過淨菩薩口業歡
喜讚歎如來淨菩薩口業於如來塔廟高聲
讚佛如實功德淨菩薩口業一向普施衆生
正法淨菩薩口業音樂歌頌讚歎如來淨菩
薩口業於諸佛所不惜身命聽受正法淨菩
薩口業一向不捨菩薩法師聽受正法奉給
供養淨菩薩口業佛子是爲菩薩摩訶薩十
種淨業淨菩薩口業出生菩薩清淨口業佛
子菩薩摩訶薩出生如是清淨口業則得十
種守護何等爲十所謂諸天王及諸天守護
龍王夜叉王乾闥婆王阿脩羅王迦樓羅王

緊那羅王摩睺羅伽王梵王及諸梵天一切
諸佛法王所共守護佛子是爲菩薩摩訶薩
出生清淨口業得十種守護若菩薩摩訶薩
出生如是清淨口業得十種守護者則能成
辦十種大事何等爲十所謂令一切衆生界
皆悉歡喜一切刹界無不聞知悉能發起一
切諸根悉能清淨一切性界拔出一切諸煩
惱界遠離一切諸習氣界明淨一切諸直心
界長養一切諸深心界充滿一切諸法性界
照明一切大涅槃界是爲十佛子菩薩摩訶
薩有十種心何等爲十所謂大地等心持一
切衆生諸善根故大海等心受持無量無邊
諸佛智慧大法海故須彌山王等心令一切
衆生安住無上善根故摩尼寶心遠離煩惱
淨直心故金剛心決定了知一切法故堅固
金剛圍山心一切諸魔外道不能壞故蓮華
等心一切世法不能染故優曇鉢華等心於
一切劫難值遇故淨日等心除滅一切衆生
愚癡瞋障闇故虛空等心一切衆生無能量
故佛子是爲菩薩摩訶薩十種心若菩薩摩
訶薩安住此心則得一切諸佛無上清淨大
心佛子菩薩摩訶薩有十種發心何等爲十
所謂發度脫一切衆生心發拔出一切衆生
煩惱心發斷除一切習氣心發斷除一切疑

惑具足清淨無疑惑心發除滅一切衆生苦
惱心發除滅一切惡道諸難心發隨順一切
諸佛教心發一切菩薩所學心發覺悟一切
諸佛菩提示現一切衆生非凡愚所入心發
擊大法鼓音聲聞于一切世界普照一切衆
生諸根心佛子是為菩薩摩訶薩十種發心
若菩薩摩訶薩安住此心則得一切諸佛無
二發心佛子菩薩摩訶薩有十種滿心何等
為十所謂滿一切虛空界衆生無邊故滿一
切法界深入無量無邊故滿一切三世於一
念中悉解脫故滿一切佛降神受胎出生捨
家得道轉正法輪乃至大般涅槃悉明了故
滿一切衆生界決定了知希望習氣及諸根
故滿智慧光隨順了知一切法界故滿無量
無邊解一切法如幻網故滿無生一切諸法
無自性故滿無礙自心他心無障礙故滿白
在於念念中現成菩提故佛子是為菩薩摩
訶薩十種心滿若菩薩摩訶薩安住此心則
能成滿一切佛法無上無量莊嚴佛子菩薩
摩訶薩有十種根何等為十所謂歡喜根於
一切佛信不壞故樂菩薩根覺悟一切佛菩
提故不退菩薩根究竟一切事故住菩薩根
安住一切菩薩行故甚深根覺般若波羅蜜
乃方便故不休息根究竟一切衆生事故金

剛等根決定了知一切法故金剛光瑠璃根
普照一切佛境界故不雜根一切如來同一
身故無礙際根深入如來十種力故佛子是
爲菩薩摩訶薩十種根若菩薩摩訶薩安住
此根則得一切諸佛無上淨根佛子菩薩摩
訶薩有十種直心何等爲十所謂不染一切
世間法直心不染聲聞緣覺直心隨順菩提
直心不違一切智道直心一切衆魔及諸外
道不能沮壞直心不染如來圓滿清淨智慧
直心隨所聞法悉能攝取受持直心於一切
受生處無所選擇直心深入細微智慧直心
善巧修習一切佛法直心佛子是爲菩薩摩
訶薩十種直心若菩薩摩訶薩安住此心則
得一切諸佛無上清淨直心佛子菩薩摩訶
薩有十種深心何等爲十所謂不退深心長
養一切諸善法故離疑深心解一切佛微密
語故正持深心不捨菩薩大願行故無上正
直深心深入一切諸佛法故了達深心於一
切佛法得自在故殊勝深心深入種種方便
法故爲首深心於一切境界悉究竟故自在
深心莊嚴一切三昧自在不斷絕故具足深
心攝取本大願故不捨深心教化一切羣生
類故佛子是爲菩薩摩訶薩十種深心若菩
薩摩訶薩安住此心則得一切諸佛無上清

淨深心
佛子菩薩摩訶薩有十種方便何等爲十所謂布施方便悉捨一切不求報故學一切學持一切戒具行頭陀威儀清淨方便不輕他故離一切纏顛倒瞋恚我慢忍一切衆生諸惡方便遠離一切彼我想故精進不退方便究竟身口意業一切境界不忘失故一切諸禪三昧解脫諸通方便遠離一切五欲諸煩惱故正向智慧方便長養一切功德心無厭足故大慈方便說一切衆生無衆生故代一切衆生受諸苦惱不捨大悲方便解一切法無自性故十力覺悟方便決定無礙智示現一切衆生故轉不退法輪方便轉至衆生心故佛子是爲菩薩摩訶薩十種方便若菩薩摩訶薩安住此法則得一切諸佛無上大智方便佛子菩薩摩訶薩有十種樂修何等爲十所謂樂修最勝尊重方便諸善根故樂修莊嚴出生種種諸莊嚴故樂修廣事心彌曠故樂修寂滅深入甚深方便法故樂修無邊發無量心故樂修善持一切諸佛所護念故樂修不壞一切魔業不能壞故樂修決定解了一切諸業報故樂修現在隨意能現自在神力大變化故樂修聽受於一切佛得授記故樂修自在隨意隨時成菩提故佛子是爲

菩薩摩訶薩十種樂修若菩薩摩訶薩安住
此修則得一切諸佛無上樂修佛子菩薩摩
訶薩有十種解脫深入世界何等爲十所謂
一切世界入一世界一世界入一切世界一
蓮華座一如來身充滿一切世界示現一切
世界皆悉虛空諸佛莊嚴莊嚴一切世界一
菩薩身充滿一切世界於一毛孔中安置一
切世界一切世界入一衆生身一佛道場一
菩提樹充滿一切世界一妙音聲充滿一切
世界隨其所應無不聞解皆爲歡喜佛子是
爲菩薩摩訶薩十種解脫深入世界若菩薩
摩訶薩安住此法則得一切諸佛出生佛刹
無上解脫佛子菩薩摩訶薩有十種入衆生
性何等爲十所謂一切衆生界入無身性一
切衆生界悉入一衆生身一切衆生界悉入
菩薩身一切衆生界悉入如來性藏一切衆
生界悉入一衆生界一切衆生界悉入諸佛
法器一切衆生界悉入帝釋梵王隨衆生形
類而普示現一切衆生界示現入一切聲聞
緣覺不轉威儀一切衆生界入菩薩功德莊
嚴莊嚴一切衆生一切衆生界入如來相好
莊嚴色身寂靜威儀示現衆生佛子是爲菩
薩摩訶薩十種入衆生性若菩薩摩訶薩安
住此性則得一切諸佛無上自在性佛子菩

薩摩訶薩有十種習氣何等爲十所謂菩提心習氣善根習氣教化衆生習氣見佛習氣於清淨土受生習氣菩薩行習氣大願習氣波羅蜜習氣出生平等法習氣種種分別境界習氣佛子是爲菩薩摩訶薩十種習氣若菩薩摩訶薩安住此法則能除滅一切衆生煩惱習氣得佛無上大智習氣佛子菩薩摩訶薩有十種熾然何等爲十所謂熾然一切衆生界教化究竟令成熟故熾然世界悉嚴淨故熾然如來究竟菩薩一切行故熾然善根積集如來功德諸相好故熾然大悲除滅一切衆生苦故熾然大慈令一切衆生安住如來無上樂故熾然波羅蜜積集菩薩諸莊嚴故熾然巧方便隨其所應悉示現故熾然菩提得無礙智故略說菩薩皆悉熾然一切諸法明達了知一切法故佛子是爲菩薩摩訶薩十種熾然若菩薩摩訶薩安住此法則能究竟不斷菩薩諸行除滅一切煩惱熾然則得一切諸佛無上熾然正法佛子菩薩摩訶薩有十種趣何等爲十所謂趣波羅蜜趣學趣智趣實義趣正法趣出生善根趣見佛趣菩薩諸行門趣無上菩提趣轉法輪佛子是爲菩薩摩訶薩十種趣若菩薩摩訶薩安住此趣則得一切諸佛無上趣法佛子菩薩

摩訶薩有十種事則能具足一切佛法何等
 爲十所謂深信善知識具足佛法深信佛教
 具足佛法不謬正法具足佛法離放逸行摧
 滅憍慢巧妙方便迴向善根具足佛法深信
 諸佛境界無量具足佛法深入一切世界具
 足佛法安住法界具足佛法離諸魔界具足
 佛法正念一切佛具足佛法深信如來成就
 十力具足佛法佛子是爲菩薩摩訶薩十種
 事則能具足一切佛法若菩薩摩訶薩安住
 此法則得具足一切諸佛無上大智佛子菩
 薩摩訶薩有十種退失佛法應當遠離何等
 爲十所謂於善知識生憍慢心失佛法道畏
 生死苦失佛法道厭菩薩行失佛法道厭惡
 受生失佛法道樂著三昧失佛法道於諸善
 根起疑惑心失佛法道誹謗正法失佛法道
 斷菩薩行失佛法道樂求聲聞及緣覺乘失
 佛法道起瞋恚心失佛法道應當遠離佛子
 是爲菩薩摩訶薩十種退失佛法若菩薩摩
 訶薩遠離此法則得一切菩薩正趣離生聖
 行正道

佛子菩薩摩訶薩有十種離生何等爲十所
 謂出生般若波羅蜜菩薩離生觀察一切衆
 生遠離一切邪見斷一切縛度脫一切衆生
 菩薩離生不念一切相亦不捨離著相衆生

菩薩離生不著三界亦復不著一切世界苦
薩離生永離煩惱而親近衆生菩薩離生於
諸法中得離欲法常以大悲哀念衆生菩薩
離生現處眷屬令樂寂靜菩薩離生離世界
生現此歿彼生行菩薩行菩薩離生行一切
世間事而不染世法菩薩離生決定了知無
上菩提而亦不捨菩薩行願菩薩離生佛子
是爲菩薩摩訶薩十種離生永離世間大聖
正法不共一切衆生及聲聞緣覺若菩薩摩
訶薩安住此法則得一切菩薩十種決定法
何等爲十所謂於一切如來種姓中生深入
一切如來境界深解一切諸菩薩行正向一
切諸波羅蜜出生一切諸佛善根安住一切
如來無上姓中安住一切諸佛淨力隨順一
切如來菩提與一切佛共同一身與一切佛
同住而無有異佛子是爲菩薩摩訶薩十種
決定法佛子菩薩摩訶薩有十種出生佛道
法何等爲十所謂隨順善知識出生佛道法
同善根故深信一切佛法出生佛道法樂求
如來無盡自在故於一切大願得正希望出
生佛道法修習廣心故決定了知己身善根
出生佛道法所行諸業無虛妄故於一切劫
修菩薩行出生佛道法盡未來際無疲厭故
於阿僧祇世界諸處受生出生佛道法善巧

方便教化一切衆生故修習不斷菩薩所行
 出生佛道法長養大悲故以無量心出生佛
 道法於一念中充滿一切虛空界故深入甚
 深諸大願行出生佛道法今生善根不壞不
 失故善持守護一切如來種姓出生佛道法
 令一切衆生發菩提心志常樂求無上菩提
 長養一切善根故佛子是爲菩薩摩訶薩十
 種出生佛道法若菩薩摩訶薩安住此法則
 得善男子十種名号何等爲十所謂菩薩名
 号菩提智身故摩訶薩名号住大乘故第一
 薩埵名号最第一無間道法故勝薩埵名号
 覺勝菩提故無比薩埵名号智慧無比故上
 薩埵名号上精進故無上薩埵名号開示顯
 現無上法故力薩埵名号廣知十力故無等
 薩埵名号一切衆生無與等故不思議薩埵
 名号隨其心念覺菩提故佛子是爲菩薩摩
 訶薩得善男子十種名号佛子菩薩摩訶薩
 有十種道何等爲十所謂一道是菩薩道不
 捨菩提心故二道是菩薩道出生智慧方便
 故三道是菩薩道空方便無相際無際無願
 三昧三界無染故四行是菩薩道悔過除罪
 隨喜功德恭敬勸請無量諸佛善知迴向故
 長養五根是菩薩道住有信根不可沮壞發
 大精進究竟一切事而不退轉安住正念除

滅亂想三昧方便決定了知智慧境界善巧
分別故六通自在是菩薩道天眼悉見一切
世界有色衆生死此生彼天耳悉聞一切諸
佛所說經法皆能受持廣爲一切衆生解說
出生無礙知他心智悉知一切衆生心念宿
命智通悉知過去一切阿僧祇劫長養善根
身通自在隨其所應現大神變漏盡智通知
見實際生菩薩道不斷絕故七念是菩薩道
念佛於一毛道見一切佛教化衆生念法不
離一如來衆於一切佛所對面聞法悉能受
持隨應衆生諸根希望而度脫之念僧見不
退轉菩薩大衆今一切衆生常見菩薩大衆
念施行一切菩薩布施正念長養菩薩布施
功德念戒不離菩提心一切善根迴向衆生
念天念兜率陀天一生補處菩薩念一切衆
生善巧方便智慧教化悉令安隱隨順無上
菩提故八正道分是菩薩道所謂正見遠離
邪見正思惟正念一切智遠離虛妄正語隨
順聖教離口四過正業饒益教化一切衆生
未曾失時正命安住四聖種成頭陀功德具
足淨威儀遠離一切惡正精進勤修一切菩
薩苦行修佛十力無所罣礙正念悉能憶持
一切音聲除滅世間一切亂想正定善巧方
便於一三昧出生菩薩不可思議法門一切

三昧故九次第定是菩薩道所謂離欲惡不善法因覺觀起一切口業無所障礙說法教化一切衆生令得一切智喜悅遠離過過休息喜悅離世苦樂常見諸佛速得無上菩提快樂不動三昧出生四無色定亦不離欲界色界受生正受滅盡三昧而亦不息菩薩行故如來十力是菩薩道所謂巧方便善知是處非處善知一切衆生去來現在業因果報善知一切衆生種種諸根隨彼諸根而爲說法善知衆生無量諸性善知一切衆生種種欲樂隨應說法菩薩淨身皆悉充滿一切衆生一切刹一切世一切劫普現如來具足威儀而亦不捨菩薩所行善巧方便知一切禪三昧解脫垢淨起知時非時出生菩薩無量法門善知一切衆生死此生彼於一念中善知三世一切阿僧祇劫善知一切衆生陰滅一切煩惱結使及諸習氣而亦不捨菩薩行道佛子是爲菩薩摩訶薩十種道若菩薩摩訶薩安住此道則得一切諸佛無上巧方便道佛子菩薩摩訶薩有無量道無量道具無量修道無量莊嚴道何以故菩薩摩訶薩有十種無量道故何等爲十所謂虛空界無量法界無量衆生界無盡無量世界無分齊無量阿僧祇劫無盡究竟無量衆生語法無量

如來身無量佛音聲無量如來力無量一切
智無量佛子是為菩薩摩訶薩十種無量道
何以故如虛空界無量菩薩積集道具亦復
如是如法界無量無邊菩薩積集道具亦復
如是如衆生界無盡無量菩薩積集道具亦
復如是如世界無分齊無量菩薩積集道具
亦復如是如一切劫等數不可盡菩薩積集
道具亦復如是一切衆生悉共等數所不能
盡如一切衆生語言無量菩薩積集道具出
生智慧諸語言法亦復如是如如來身無量
菩薩積集道具充滿一切衆生一切刹一切
世一切劫亦復如是如佛音聲無量出一言
音皆悉充滿一切法界一切衆生無不聞知
菩薩積集道具亦復如是如如來力無量菩
薩積集道具長養如來力亦復如是如一切
智無量菩薩積集道具亦復如是佛子是為
菩薩摩訶薩十種道具若菩薩摩訶薩安住
此法則得一切諸佛無量無邊智慧佛子菩
薩摩訶薩有十種修道何等為十所謂不著
不出修身口意無忘失故無增減修知諸法
真實故非有非無修入非有非無性故如幻
如夢如電如響如鏡中像如熱時燄如水中
月修於一切法無所著故空無相無願修見
三界不捨長養諸善根故不可言說修不著

法施設故不壞法界修決定了知一切法故
如實際不可壞修如如虛空際平等至一切
故菩薩智修不捨勇猛精進力故如來十力
四無所畏一切智平等修於一切法悉除疑
惑故佛子是爲菩薩摩訶薩十種修道若菩
薩摩訶薩安住此法則得一切諸佛無上一
切智巧方便修佛子菩薩摩訶薩有十種莊
嚴道何等爲十所謂菩薩摩訶薩不離欲界
悉能正受色無色界禪定解脫亦不因此於
彼受生是爲第一莊嚴道菩薩摩訶薩入聲
聞道亦不乘此道出於三界是爲第二莊嚴
道菩薩摩訶薩入緣覺道亦不捨大悲是爲
第三莊嚴道菩薩摩訶薩雖百千天女眷屬
圍遶端嚴殊特顏容無倫技術悉備音樂巧
妙菩薩聞此妙音未曾暫捨諸禪解脫三昧
是爲第四莊嚴道菩薩摩訶薩與一切衆生
設衆妓樂共相娛樂乃至一念不捨諸禪解
脫三昧是爲第五莊嚴道菩薩摩訶薩不著
一切世間諸法究竟世間得到彼岸度脫衆
生是爲第六莊嚴道菩薩摩訶薩安住正智
修習正道趣於邪道欲令衆生遠離邪道於
此邪道不取真實清淨之相是爲第七莊嚴
道菩薩摩訶薩遠離身口意惡業常持淨戒
一向正求如來淨戒示現一切凡愚童蒙衆

生持戒威儀爲教化成熟犯戒衆生故菩薩
具足成滿一切清淨功德正趣菩薩趣而現
受生地獄畜生餓鬼閻羅王及諸難趣令彼
衆生離惡趣故而實菩薩不攝彼趣是爲第
八莊嚴道菩薩摩訶薩於一切佛法不由他
悟得無礙辯明淨智慧普照一切諸佛正法
安住一切諸佛自在共一切佛清淨法身具
足成就一切堅固大人明淨正法安住一切
平等諸乘向一切佛境界法門一切衆生所
應讚歎恭敬供養爲一切衆生作無上師尊
求正法未曾捨離示現於法有疑示現師受
恭敬供養和尚阿闍黎而實爲一切天人無
上法師何以故菩薩摩訶薩善知方便住菩
薩道隨其所應方便示現是爲第九莊嚴道
菩薩摩訶薩具足成就甚深智慧究竟菩薩
一切無上法行一切如來以甘露法而灌其
頂究竟一切法自在彼岸離垢無礙清淨法
繒以冠其首於一切世界普現如來無礙法
身轉不可壞清淨法輪清淨法身於一切世
界無處不至究竟一切法自在彼岸具足成
就一切菩薩自在之法巧妙方便於一切刹
示現受生與三世佛共一境界而亦不斷菩
薩所行不捨菩薩法不轉菩薩業不捨菩薩
道未曾廢捨菩薩威儀不捨菩薩熾然不捨

善巧方便不離菩薩事修菩薩行心無疲厭
不離菩薩受持法行何以故菩薩摩訶薩欲
速成阿耨多羅三藐三菩提故不捨菩薩行
觀察衆生是爲第十莊嚴道佛子是爲菩薩
摩訶薩十種莊嚴道若菩薩摩訶薩安住此
道則得一切諸佛無上道寶莊嚴而不捨菩
薩道

大方廣佛華嚴經卷第四十

慳吝下良月切

貧賤下才線切

鄙陋上音美切
下漏音

冠其上音音

瞋障上於計切

擊大上古歷切

法鼓下公戶切

薩埵下丁果切

悔過上呼罪切
下古郎切

乙巳歲高麗國大藏都監奉

勅彫造

大方廣佛華嚴經卷第四十一

問

東晉天竺三藏佛跋闍耶羅

譯

離世間品第三十三之六

佛子菩薩摩訶薩有十種足何等爲十所謂
淨戒足積集成滿一切大願故精進足積集
一切菩提枝至不退轉故諸通足隨衆生願
令歡喜故身通足不離一坐而能悉詣一切
佛刹故深心足究竟一切勝妙法故堅誓足
所求諸事悉究竟故攝持法足不違一切尊
重教故聞法無厭足聞持一切佛所說法無
疲倦故如法資生具足入一切衆諸根無異
故正向菩薩行足離一切惡故佛子是爲菩
薩摩訶薩十種足若菩薩摩訶薩安住此足
則得一切諸佛無上勝足能一舉足皆悉徧
至一切世界佛子菩薩摩訶薩有十種手何
等爲十所謂信手於一切佛所說正法一向
信心究竟受持故不著財施手有來乞者令
歡喜故先意善來問訊手右掌相顯現故恭
敬供養一切佛手長養無量功德無疲厭故
善解多聞手除一切衆生諸疑惑故遠離三
界離生寂靜手拔欲汙泥衆生類故安置彼
岸手救濟四流漂沒衆生故離吝法手盡能
開說一切法故一切世間離世間諸論智手
除滅一切身心病故智慧寶手除滅一切煩

惱癡闇示現一切不可稱說法光明故佛子
是爲菩薩摩訶薩十種手若菩薩摩訶薩安
住此手則得一切諸佛無上之手能以一掌
普覆十方一切世界佛子菩薩摩訶薩有十
種腹何等爲十所謂離諂曲腹直心清淨故
離幻僞腹身口意業皆真正故不爲事腹離
藏惡故無窮盡腹於一切法無所著故滅煩
惱腹智明淨故清淨心腹離一切惡故觀察
一切食想腹正念真實法故觀察一切行腹
善覺緣起故善覺一切道腹具足成就正希
望故離一切煩惱諸邪見腹令一切衆生得
如來腹故佛子是爲菩薩摩訶薩十種腹若
菩薩摩訶薩安住此腹則得一切諸佛無上
之腹悉能容受一切衆生佛子菩薩摩訶薩
有十種藏何等爲十所謂不斷如來種姓是
菩薩藏廣說佛法長養無量諸善法故受持
守護如來正法是菩薩藏開示衆生大智明
故長養僧寶是菩薩藏攝取不退正法輪故
覺悟正定衆生是菩薩藏度脫衆生不失時
故教化成熟不定衆生是菩薩藏善根相續
因不斷故發大悲心救護邪定衆生是菩薩
藏起彼未來善根因緣故滿足如來十力不
可沮壞是菩薩藏降伏衆魔具足成就不退
善根故住四無畏大師子吼是菩薩藏令一

切衆生悉歡喜故得佛十八不共法是菩薩藏一切智慧無不至故平等覺悟一切衆生一切剎一切法一切佛是菩薩藏於一念中深入平等故佛子是爲菩薩摩訶薩十種藏若菩薩摩訶薩安住此藏則得一切諸佛無上善根大智慧藏佛子菩薩摩訶薩有十種心何等爲十所謂勇猛心所發事業悉究竟故無懈怠心積集相好諸善根故勇健力心摧伏一切諸惡魔故正思惟心除滅一切煩惱垢故不退轉心往詣道場究竟菩提故性清淨心覺心無所至無所著故知衆生心隨衆生性令彼覺悟得解脫故入大梵天住住佛法心種種衆生性悉救護故空無相無願無行心遠離相見不著三界故金剛莊嚴心衆生數等魔乃至不能動一毛故佛子是爲菩薩摩訶薩十種心若菩薩摩訶薩安住此心則得一切諸佛無上金剛藏心佛子菩薩摩訶薩有十種莊嚴何等爲十所謂大慈莊嚴救護一切衆生故大悲莊嚴堪忍一切苦故大願莊嚴所可發願悉究竟故迴向莊嚴建立一切諸佛功德妙莊嚴故功德莊嚴饒益一切衆生故波羅蜜莊嚴度脫一切衆生故智慧莊嚴除滅一切衆生煩惱愚癡闇故方便莊嚴出生普門諸善根故一切智心堅

固不亂莊嚴不樂異乘故決定莊嚴於正法
中滅疑惑故佛子是爲菩薩摩訶薩十種莊
嚴若菩薩摩訶薩安住此法則得一切諸佛
無上莊嚴降一切魔佛子菩薩摩訶薩有十
種器仗何等爲十所謂遠離慳吝惠施心仗
除滅一切慳貪垢故持戒仗拔出一切諸惡
戒故平等觀察一切法仗遠離一切虛妄法
故智慧仗除滅衆生諸煩惱故正命仗遠離
一切諸邪命故方便仗一切示現故略說貪
恚癡一切煩惱是菩薩仗以煩惱門化衆生
故生死仗不斷菩薩行教化衆生故說實法
仗一切無著故一切智門仗不離菩薩行門
故佛子是爲菩薩摩訶薩十種器仗若菩薩
摩訶薩安住此法則能除滅一切衆生長夜
積集煩惱結使習氣佛子菩薩摩訶薩有十
種頭何等爲十所謂涅槃首無見頂故恭敬
尊重首一切世間天人恭敬供養故深妙首
於一切三千大千世界最第一故一切善根
無上金剛頂故無量無邊首攝取一切最勝
法故般若波羅蜜首樂法王法故方便首示
現一切衆生平等首故教化成熟一切衆生
首爲一切衆生無上師故守護如來正法首
不斷三寶故佛子是爲菩薩摩訶薩十種頭

若菩薩摩訶薩安住此法則得一切諸佛無上智頂佛子菩薩摩訶薩有十種眼何等爲十所謂肉眼見一切色故天眼見一切衆生死此生彼故慧眼見一切衆生諸根故法眼見一切法真實相故佛眼見如來十力故智眼分別一切法故明眼見一切佛光明故出生死眼見涅槃故無礙眼見一切法無障礙故普眼平等法門見法界故佛子是爲菩薩摩訶薩十種眼若菩薩摩訶薩成就此眼則得一切諸佛無上大智慧眼佛子菩薩摩訶薩有十種耳何等爲十所謂聞讚歎聲斷除貪愛聞毀訾聲斷除瞋恚聞聲聞緣覺聲不起求心聞菩薩道聲發起歡喜奇特之心聞地獄畜生餓鬼閻羅王阿脩羅一切難處貧苦音聲發起大悲莊嚴而自莊嚴聞天人趣勝妙音聲觀一切法皆悉無常聞佛功德音聲勤修精進究竟滿足一切功德聞波羅蜜四攝菩薩經藏音聲發究竟心到於彼岸聞十方世界一切音聲悉了如響菩薩摩訶薩從初發心乃至道場常正受法耳而亦不捨教化成熟一切衆生佛子是爲菩薩摩訶薩十種耳若菩薩摩訶薩成就此耳則得一切諸佛無上大智慧耳佛子菩薩摩訶薩有十種鼻何等爲十所謂所聞穢氣觀察不臭所

聞香氣觀察不香所聞香臭觀察平等聞非香非臭觀察捨離聞衣服牀褥卧具及身肢節香則知彼人貪患愚癡等分煩惱聞大寶藏諸藥草香悉能了知一切寶藏聞下至阿鼻地獄上至非想非非想處衆生之香悉能了知諸根本行聞聲聞施戒聞慧香住一切智心未曾散亂聞一切菩薩行香攝取如來智地聞一切佛智境界香不斷菩薩所行佛子是爲菩薩摩訶薩十種鼻若菩薩摩訶薩成就此鼻則得一切諸佛無量無邊無上清淨鼻佛子菩薩摩訶薩有十種舌何等爲十所謂分別解說一切衆生無盡行舌分別解說無盡法舌讚歎諸佛無盡功德舌無盡辯舌演說無盡大乘法舌普覆十方虛空界舌普照一切佛世界舌平等讚歎一切衆生舌隨順諸佛令歡喜舌降一切魔及諸外道除滅一切生死煩惱悉令衆生至涅槃舌佛子是爲菩薩摩訶薩十種舌若菩薩摩訶薩成就此舌則得諸佛無上大金剛舌普覆一切世界佛子菩薩摩訶薩有十種身何等爲十所謂人身教化成熟一切人故非人身教化成熟地獄畜生餓鬼閻羅王故天身教化成熟欲界色界無色界衆生故學身示現學地故無學身示現阿羅漢地故緣覺身教化令

八緣覺地故菩薩身積集大乘故如來身授
如來智記故摩訶摩身巧方便出生無量功
德故無漏法身以少方便普現一切衆生身
故佛子是爲菩薩摩訶薩十種身若菩薩摩
訶薩成就此身則得一切諸佛無上法身佛
子菩薩摩訶薩有十種意何等爲十所謂上
首意出生一切善根故隨順佛教意如說修
行故深入意解一切佛法故內意深入衆生
希望故不亂意不爲煩惱所亂故清淨意不
受垢染故善調伏意不失時故正思惟業意
遠離一切惡故調伏諸根意於境界中諸根
不馳騁故深定意佛三昧不可稱量故佛子
是爲菩薩摩訶薩十種意若菩薩摩訶薩成
就此意則得一切諸佛無上意佛子菩薩摩
訶薩有十種行何等爲十所謂聞法行樂聽
受法故說法行利益衆生故不隨愛瞋癡怖
行調伏自心故欲界行教化成熟欲界衆生
故色無色界三昧行令速轉故義法行速成
淨慧故一切趣行教化衆生故一切佛刹行
恭敬禮拜供養一切佛故涅槃行斷生死相
續故成滿諸佛行不斷菩薩行故佛子是爲
菩薩摩訶薩十種行若菩薩摩訶薩成就此
行則得一切諸佛行非行如來行佛子菩薩
摩訶薩有十種住何等爲十所謂菩提心住

未曾忘失故波羅蜜住不厭功德故樂聞正義住明淨智慧故阿練若處住成就諸大三昧故隨順一切智頭陀威儀四聖種住少欲知足故隨順住順正法故親近如來住成滿佛威儀故諸明住滿足大智故無生忍住受記滿足故道場菩提住滿足力無畏一切佛法故佛子是爲菩薩摩訶薩十種住若菩薩摩訶薩安住此住則得一切諸佛無上一切智住佛子菩薩摩訶薩有十種坐何等爲十所謂轉輪王坐興十善故四天王坐欲於一切世界諸佛正法得自在故帝釋坐於一切衆生最第一故梵天坐自心他心得自在故師子坐分別演說甚深義故正法坐欲明陀羅尼諸力辯故堅固三昧坐究竟大擔故大慈坐令惡心衆生悉歡喜故大悲坐能忍一切諸苦惱故金剛坐調伏衆魔諸外道故佛子是爲菩薩摩訶薩十種坐若菩薩摩訶薩安住此坐則得一切諸佛無上尊坐佛子菩薩摩訶薩有十種卧何等爲十所謂寂靜卧身心憺怕故禪定卧正念思惟觀諸法故諸三昧卧身心柔軟故梵天卧不惱自他故思惟業卧後心無悔故順正法卧不可傾動故正道卧善知識覺悟故妙願卧善知迴向故一切事畢卧所作究竟故捨方便卧究竟本

事故佛子是爲菩薩摩訶薩十種卧若菩薩
 摩訶薩安住此法則得一切諸佛無上道卧
 悉能覺悟一切衆生佛子菩薩摩訶薩有十
 種住何等爲十所謂大慈住等心觀察一切
 衆生故大悲住不輕未學衆生故大喜住滅
 憂惱故大捨住育爲無爲悉平等故一切波
 羅蜜住菩提心爲首故一切種空住善解諸
 法故無相住離生受證不退轉故無願住捨
 受生故念慧住忍法成滿故一切法平等住
 得授記法故佛子是爲菩薩摩訶薩十種住
 若菩薩摩訶薩安住此住則得一切諸佛無
 上無礙住佛子菩薩摩訶薩有十種行何等
 爲十所謂正念行滿足四念處故諸趣行正
 覺法趣故慧行隨順諸佛故波羅蜜行滿足
 一切智故四攝行教化成熟諸衆生故生死
 行長養一切諸善根故一切衆生言戲行拔
 出衆生故貪熾然行覺悟一切衆生諸根故
 巧方便行長養般若波羅蜜故道場行覺一
 切智不斷菩薩行故佛子是爲菩薩摩訶薩
 十種行若菩薩摩訶薩安住此行則得一切
 諸佛無上大智慧行
 佛子菩薩摩訶薩有十種觀察何等爲十所
 謂觀察善業乃至微細悉照見故觀察死此
 生彼不著一切衆生故觀察一切衆生諸根

決定了知無根法故觀察妙法法界不可壞
 故觀察現前於一切佛法修佛眼故觀察智
 慧隨器說法故觀察無生法忍決定得佛法
 故觀察不退佛地除滅一切煩惱超出三界
 二乘地故觀察甘露灌頂法地於一切佛法
 得自在不動故觀察佛三昧於一切十方作
 佛事故佛子是爲菩薩摩訶薩十種觀察若
 菩薩摩訶薩安住此法則得一切諸佛無上
 大智觀察佛子菩薩摩訶薩有十種同徧觀
 察何等爲十所謂周徧觀察諸來求者慈心
 施與滿彼意故周徧觀察諸犯戒者安置如
 來清淨戒故周徧觀察害心衆生安置如來
 慈忍力故周徧觀察諸懈怠者令彼衆生勤
 修精進究竟大乘故周徧觀察亂心衆生除
 彼亂心安置如來一切智地故周徧觀察愚
 癡衆生除彼疑惑一切有見故周徧觀察諸
 善知識隨如來教住佛法故周徧觀察隨所
 聞法具足成就無上義故周徧觀察一切衆
 生不捨大悲故周徧觀察一切佛法覺一切
 智故佛子是爲菩薩摩訶薩十種周徧觀察
 若菩薩摩訶薩安住此法則得一切諸佛無
 上大智同徧觀察佛子菩薩摩訶薩有十種
 奮迅何等爲十所謂色奮迅於天龍夜叉乾
 闥婆阿脩羅迦樓羅緊那羅摩睺羅伽等一

切衆中現最勝故衆奮迅示現象寶心故龍
奮迅興大法雲普覆一切曜明解脫電光震
實義雷降諸根力覺意禪定解脫三昧甘露
法雨故大金翅鳥王奮迅壞滅愚癡闇暄蔽
膜消竭愛水於大苦海搏撮煩惱諸惡龍故
師子奮迅安住無畏被執平等大智鎧仗摧
伏衆魔諸外道故勇健奮迅能於生死大戰
陣中摧滅一切煩惱大怨敵故智慧奮迅決
定了知陰界諸入十二緣起現一切佛自在
法故陀羅尼奮迅聞持一切法未曾忘失廣
爲羣生分別說故辯才奮迅分別一切句身
味身無所罣礙隨問即答悉令歡喜言不虛
故如來奮迅坐師子座降伏衆魔調伏外道
滿足一切智具一念相應慧所得所知所覺
所成皆悉覺知成無上菩提故佛子是爲菩
薩摩訶薩十種奮迅若菩薩摩訶薩安住此
法則得一切諸佛無上自在奮迅佛子菩薩
摩訶薩有十種師子吼何等爲十所謂我必
成佛是菩提心師子吼於一切衆生起大悲
心未度者度未脫者脫未安者安未涅槃者
令得涅槃是六悲師子吼守護受持不斷三
寶性是報如來恩師子吼令一切佛刹皆悉
清淨是究竟大擔師子吼除滅一切惡道諸
難是自持淨戒師子吼滿足如來身口意相

賢莊嚴是積集功德無厭足師子吼成滿一
 切諸佛智慧是積集智慧眾具無厭足師子
 吼除滅一切魔事專求正道是除滅煩惱師
 子吼知一切法無我無我所無命無福伽羅
 空無相願觀一切法淨如虛空是於一切法
 得無生忍師子吼一生禪處菩薩摩訶薩嚴
 淨震動一切佛刹釋梵四天王咸悉請求降
 神下生以無礙慧眼普觀世間一切眾生無
 勝我者示現出生遊行七步大師子吼我於
 世間最勝第一我永究竟生老死法是如說
 修行師子吼佛子是爲菩薩摩訶薩十種師
 子吼若菩薩摩訶薩安住此法則得一切諸
 佛無上大師子吼佛子菩薩摩訶薩有十種
 淨施何等爲十所謂平等心施無忌眾生故
 隨意施滿一切願故無亂心施不退轉故隨
 應供施分別了知福伽羅故不選擇施不求
 果報故一向施於一切物心無著故內外一
 切施究竟清淨故迴向菩提施遠離有爲無
 爲故教化成熟眾生施乃至道場不捨離故
 三種圓滿清淨施施者受者財物平等清淨
 如虛空故佛子是爲菩薩摩訶薩十種淨施
 若菩薩摩訶薩安住此施則得一切諸佛無
 上清淨大施佛子菩薩摩訶薩有十種淨戒
 何等爲十所謂身淨戒防護身三惡故口淨

戒遠離口四過故心淨戒永離貪恚諸邪見
故具一切淨戒於天人中最勝妙故守護善
提心淨戒不樂小智故守護如來所說淨戒
乃至微細罪大怖畏故微密淨戒善拔犯戒
諸衆生故不作一切惡淨戒積集一切諸善
法故遠離一切有見淨戒於戒無著故守護
一切衆生淨戒出生大悲故佛子是爲菩薩
摩訶薩十種淨戒若菩薩摩訶薩安住此戒
則得一切諸佛遠離衆惡無上淨戒佛子菩
薩摩訶薩有十種淨忍何等爲十所謂若他
罵辱恚能堪忍護彼心故若他刀杖加害亦
能堪忍護彼我故知一切瞋恚忍自然不動
故自在處忍能害不害故衆生歸趣忍不惜
身命故遠離我慢忍不輕未學故割截肢節
忍觀察女幻故一切惡事忍離自他想故煩
惱忍遠離煩惱境界故隨順一切菩薩方便
智忍得無生忍於一切智境界不由他悟故
佛子是爲菩薩摩訶薩十種淨忍若菩薩摩
訶薩安住此忍則得一切諸佛無上法忍不
由他悟佛子菩薩摩訶薩有十種淨精進何
等爲十所謂淨身業精進恭敬供養奉給一
切諸佛菩薩尊重福田不退轉故淨口業精
進聞持一切諸佛正法未曾忘失讚歎如來
隨所聞法廣爲人說無疲倦故淨意業精進

巧方便入慈悲喜捨禪定解脫三昧相續起
無退轉故淨直心精進遠離諛曲正直一切
事一切方便究竟不退轉故淨深心精進常
趣勝趣積集無上智慧白淨法故行不虛妄
淨精進攝取布施戒忍多聞及不放逸乃至
道場不中息故降伏一切眾魔怨敵淨精進
悉能除滅貪恚愚癡煩惱邪見諸纏障蓋故
滿足慧光淨精進有所施作悉善思惟心無
中悔究竟眾事得一切佛不共法故無所染
著淨精進離心境界身口心相非相甚深法
門普觀境界決定了知真實如如故具足成
就法明淨精進次第進入一切諸地於諸佛
所得甘露灌頂受法王記無漏法身現捨天
壽降神世間出家成道轉淨法輪入大涅槃
究竟具足普賢行故佛子是為菩薩摩訶薩
十種淨精進若菩薩摩訶薩安住此法則得
一切諸佛無上大淨精進佛子菩薩摩訶薩
有十種淨禪何等為十所謂常樂出家淨禪
捨離一切有故親近善知識淨禪諮受修習
正法道故樂呵練若處淨禪遠離我我所法
故離言戲憤吏處淨禪樂寂滅故心柔輭淨
禪諸根不亂故智慧寂靜淨禪一切音聲諸
禪定刺不能亂故七覺八道淨禪於一切智
境界智慧決定故離味禪等諸煩惱垢淨禪

不取欲界故諸通明內淨禪決定了知一切衆生諸根故以少方便現前遊戲神通淨禪如來三昧不可稱量故佛子是爲菩薩摩訶薩十種淨禪若菩薩摩訶薩安住此禪則得一切諸佛無上淨禪佛子菩薩摩訶薩有十種淨慧何等爲十所謂知因淨慧不壞果報故解一切緣淨慧不壞和合故解一切法不常不斷淨慧了綉起如如故拔出一切邪見淨慧不取衆生相故解一切衆生心心所行淨慧觀一切法皆如幻故諸辯勝智淨慧隨問能答無罣礙故降伏衆魔及諸外道出過聲聞緣覺淨慧深入如來方便智故見一切佛清淨法身見一切衆生皆悉清淨見一切法皆悉寂滅見一切世界皆悉虛空淨慧於一切相智慧無礙故攝取一切陀羅尼辯諸波羅蜜巧方便淨慧得一切勝智故一念相應金剛智覺一切法平等淨慧具足成就無上智故佛子是爲菩薩摩訶薩十種淨慧若菩薩摩訶薩安住此慧則得一切諸佛無上大智佛子菩薩摩訶薩有十種淨慈何等爲十所謂等心淨慈不選擇衆生故饒益淨慈於一切衆生有所施作悉能辦故救護淨慈究竟度脫一切衆生生死嶮難故哀愍不捨一切衆生淨慈長養有爲善根故解脫淨慈

滅一切衆生諸煩惱故出生菩提淨慈令一
切衆生樂求菩提故於一切衆生無礙淨慈
放無量光明普照衆生故虛空淨慈救護一
切衆生故法緣淨慈覺悟真實法故無緣淨
慈證取菩薩離生法故佛子是爲菩薩摩訶
薩十種淨慈若菩薩摩訶薩安住此慈則得
一切諸佛無上清淨大慈佛子菩薩摩訶薩
有十種淨慈何等爲十所謂不共淨慈自大
悲故不厭淨慈代一切衆生受大苦故與一
切惡道淨慈受生死度衆生故一切天人中
受生淨慈示現一切法悉無常故爲邪定衆
生淨慈於無量劫大擔莊嚴不捨離故不著
已樂淨慈與衆生樂故不求報淨慈自心清
淨故除滅一切衆生倒惑淨慈說實法故知
一切法自性清淨空無所有客塵所染菩薩
於彼而起淨慈說眞淨法故解一切法如虛
空足迹衆生癡瞋不知真實菩薩於彼而起
淨慈欲令衆生發大乘心究竟涅槃故佛子
是爲菩薩摩訶薩十種淨慈若菩薩摩訶薩
安住此悲則得一切諸佛無上清淨大悲
大方廣佛華嚴經卷第四十一

問部下信音

答法上良月切

禮腹下福音

幻偽

上胡辨切
下危雖切

毀譽

上許委切
下將此切

穢氣

上於廢切

不臭

下尺微切

牀褥

下而蜀切

摩窺

下奴侯切

馳騁

下遲音

練若

上郎服切
下人者切

憐怕

上徒離切
下音怕切

奮迅

上方閑切
下私關切

金翅

下施智切

闇瞠

上烏鉅切
下於計切

殷膜

上音角切
下莫音切

搏撮

上匹各切
下子姑切

鎧仗

上苦蓋切

戰陣

上之膳切
下瓦丹切

罵辱

上莫駕切
下而蜀切

割截

上古遠切
下昨結切

謫受

上資音

憤吏

上古對切
下奴教切

甲辰歲高麗國大藏都監奉

勅彫造

大方廣佛華嚴經卷第四十二

東晉天竺三藏佛跋陀羅

譯 問

離世間品第三十三之七

佛子菩薩摩訶薩有十種淨喜何等爲十所謂發菩提心淨喜捨一切所有淨喜於犯戒人不生惡心教化成就淨喜於一切誣訟衆生悉令和合得無上智淨喜不惜身命守護正法淨喜遠離五欲常樂正法淨喜令一切衆生不著資生之具常樂正法淨喜見一切佛恭敬供養無有厭足而不壞法界淨喜令一切衆生常樂禪定解脫三昧相續淨喜令一切衆生專求寂靜除滅亂想得無上慧遠離邪見滿足諸願究竟菩薩苦行淨喜佛子是爲菩薩摩訶薩十種淨喜若菩薩摩訶薩安住此喜則得一切諸佛無上清淨大喜佛子菩薩摩訶薩有十種淨捨何等爲十所謂一切衆生恭敬供養不生愛著一切衆生輕慢毀辱不生瞋恚淨捨常行世間不爲八法之所染汙淨捨於器知時於非時不生惡心淨捨不求聲聞緣覺學無學淨捨遠離五欲一切煩惱乃至不生一念惡心淨捨不繫修行二乘及厭生死淨捨遠離世間語非涅槃語非離欲語戲笑語惱他語聲聞緣覺語乃至一切障菩提語淨捨若有衆生待時受化

菩薩淨捨若有衆生應受佛化菩薩淨捨菩薩摩訶薩遠離二法無上無下無取無捨無虛無實觀察平等安住真實得忍淨捨佛子是爲菩薩摩訶薩十種淨捨若菩薩摩訶薩安住此捨則得一切諸佛無上清淨大捨佛子菩薩摩訶薩有十種義何等爲十所謂多聞義如說修行故法義善巧方便分別解故空義解第一空故寂滅義令一切衆生離生死故不可說義一切語言無所著故如義一切三世等觀察故入法義悉一味故如來義順如來故實際義覺真實故大般涅槃義滅一切苦不斷菩薩行故佛子是爲菩薩摩訶薩十種義若菩薩摩訶薩安住此義則得一切諸佛無上一切智義佛子菩薩摩訶薩有十種法何等爲十所謂真實法如說修行故無害法遠離瞋恚故無諍法除滅一切諸煩惱故寂滅法離熾然故離欲法永離欲垢諸煩惱故不虛法離虛妄故不生法一切諸法悉虛空故無爲法離三相故性淨法自然清淨故報身煩惱滅無餘涅槃法行菩薩行受持不捨故佛子是爲菩薩摩訶薩十種法若菩薩摩訶薩安住此法則得一切諸佛無上之法佛子菩薩摩訶薩有十種功德具何等爲十所謂勸發衆生起菩提心是功德具不

斷三寶故隨順十種迴向是功德具斷一切不善法集一切善法故智慧正教是功德具於三界功德最殊勝故心無疲厭是功德具度脫一切衆生到彼岸故悉能捨離內外所有是功德具於一切物悉無著故相好滿足精進不退是功德具止心馳騁故不輕三品善根是功德具善巧方便迴向菩提故於邪定犯戒衆生不起輕慢增長大悲是功德具顯現大人法故恭敬供養一切如來於一切菩薩起如來想於一切衆生所作究竟是功德具長養守護正直心故菩薩摩訶薩於阿僧祇劫具足修習一切善根皆悉能捨與一衆生心無憂悔如一衆生一切衆生亦復如是是爲第十虛空界等大功德具具足成就廣大智慧故佛子是爲菩薩摩訶薩十種功德具若菩薩摩訶薩安住此法則得一切諸佛無上大功德具佛子菩薩摩訶薩有十種智具何等爲十所謂親近真實多聞善知識恭敬尊重禮拜供養奉給隨順不違其教无第一智具遠離諂曲故離慢下意心無放逸身口及意皆悉柔軟無有輕躁心常歡喜護持淨戒和顏愛語先意問訊遠離邪偽是第二智具自然成就佛法器故安住念慧不捨正覺除滅亂想修習六念行六和敬不求其

報是第三智具出生長養十種智故樂法樂
 義勤修正法學無厭足遠離世論及世間語
 樂聞離世間語遠離小乘樂求大乘是第四
 智具修習正念不可思議故正求六波羅蜜
 受持修習具足成就四種梵住順諸明法能
 問智人遠離惡趣專向善趣慈心調伏離訶
 責譏論防護他心是第五智具如說修行諸
 佛真實法故常樂出家不樂三界守護自心
 遠離三覺不生惡心身口及意皆悉柔軟善
 知心性是第六智具令自他心俱清淨故觀
 陰如幻界如毒蛇入如空聚觀一切法如化
 如燄水月鏡像如夢如電如呼聲響如旋火
 輪如空中字如因陀羅陣如日月光非常非
 斷無來無去無住深心信解不起誹謗是無
 生住滅第七智具具足成就一切法空淨智
 慧故無我無衆生無福伽羅無思無義無貪
 恚癡無所有無毀無譽無取無捨無主無行
 究竟涅槃若菩薩摩訶薩聞此深法能信能
 解除滅疑惑是第八智具究竟具足深解脫
 故以正方便思惟止觀調伏諸根一切諸法
 無所造作無生無爲皆悉寂滅衆生計我者
 究竟無所有無縛無脫無身口心亦無精進
 觀察一切衆生一切法一切心一切行無前
 無後皆悉平等是第九智具遠離一切相究

竟到彼岸故菩薩摩訶薩善知緣起故見法
清淨見法清淨故見剎清淨見剎清淨故見
虛空清淨見虛空清淨故見法界清淨見法
界清淨故則見智慧是第十智具積集一切
智故佛子是爲菩薩摩訶薩十種智具若菩
薩摩訶薩安住此法則得一切諸佛一切法
中無上無礙清淨大智佛子菩薩摩訶薩有
十種明足何等爲十所謂深知佛法明足一
切法中除癡闇明足遠離邪見明足慧光清
淨普照諸根明足正方便勤修精進明足深
入菩薩真諦正趣離生明足滅煩惱業成就
盡智無生智明足思惟淨慧清淨天眼明足
清淨憶念念宿命明足具足淨地清淨諸明
除滅諸漏漏盡智明足佛子是爲菩薩摩訶
薩十種明足若菩薩摩訶薩安住此法則得
一切諸佛一切法中無上大明佛子菩薩摩
訶薩有十種求法何等爲十所謂直心求法
離於曲曲虛僞心故精勤求法離懈怠故一
向求法不惜身命故爲斷一切衆生煩惱求
法不求資生具故爲饒益一切衆生求法不
自利故爲深入智慧求法不輕彼故欲令正
法常堅固求法不樂世間故爲愍憫衆生求
法不捨善提心故爲隨一切衆生所問能答
求法悉能除滅諸疑惑故爲具滿佛法求法

不樂餘乘故佛子是爲菩薩摩訶薩十種求
法若菩薩摩訶薩安住此法則得一切諸佛
法中無上無礙智不由他悟佛子菩薩摩訶
薩有十種明了法何等爲十所謂隨順世間
明了法爲欲長養一切世間凡夫善根故無
礙不壞信明了法解法真性信行人故安住
法界明了法解法行人故遠離八邪向八正
道明了法解八人故除滅衆結斷生死漏見
真實諦明了法解須陀洹故觀味是患還來
受生明了法解斯陀含故乃至須臾不樂三
界不著受生專求盡漏明了法解阿那含故
六通自在遊八解脫隨意正受九次第定諸
辯明了法解阿羅漢故常樂寂靜因外緣解
知足少事不由他悟成就智慧明了法解緣
覺故成就勝智諸根明利心常解脫長養無
量功德智慧滿足諸佛十力四無所畏一切
佛法明了法解菩薩故佛子是爲菩薩摩訶
薩十種明了法若菩薩摩訶薩安住此法則
得一切諸佛無上大智慧明了法佛子菩薩
摩訶薩有十種向法何等爲十所謂隨順恭
敬善知識向法覺悟諸天向法於一切佛常
懷慙愧向法哀念衆生不斷生死向法究竟
一切事不起虛妄心向法遠離餘乘專修菩
薩大乘向法遠離邪道專求正道向法降伏

衆魔滅除煩惱向法安住佛地知一切衆生
諸根隨應聞法廣爲演說向法安住無量無
邊清淨法界向法佛子是爲菩薩摩訶薩十
種向法若菩薩摩訶薩安住此法則得一切
諸佛無上向法

佛子菩薩摩訶薩有十種魔何等爲十所謂
五陰魔貪著五陰故煩惱魔煩惱深故業魔
能障礙故心魔自憍慢故死魔離受生故天
魔起憍慢放逸故失善根魔心不悔故三昧
魔味著故善知識魔於彼生著心故不知菩
提正法魔不能出生諸大願故佛子是爲菩
薩摩訶薩十種魔應作方便速遠離之佛子
菩薩摩訶薩有十種魔業何等爲十所謂忘
失菩提心修諸善根是爲魔業惡心布施瞋
持戒者是爲魔業棄捨惡性懈怠衆生輕慢
厭惡亂心無智衆生是爲魔業怪惜正法訶
責法器衆生貪求利養爲人說法爲非器人
說深妙法是爲魔業不聞波羅蜜雖聞不修
行生懈怠心不求深妙無上菩提是爲魔業
遠離善知識親近惡知識樂求二乘於受生
處起離欲寂靜除滅之心是爲魔業於菩薩
所起瞋恚心說其過惡斷彼利養常求罪釁
惡眼視之是爲魔業誹謗正法不聞契經聞
不讚歎若有法師說法不能恭敬下意自謙

我說是義彼說非義是為魔業學世間論巧
於文字善於句味手筆文誦樂說二乘隱覆
深法開演雜語於非器所說甚深法速離苦
提安住邪道是為魔業已度已安者親近恭
敬而供養之未度未安者永不親近恭敬供
養亦不教化是為魔業墮增上慢增長諸慢
輕蔑衆生不求正法真實智慧諸根散亂難
可化度是為魔業佛子是為菩薩摩訶薩十
種魔業菩薩摩訶薩應速速離正求佛業佛
子菩薩摩訶薩有十種捨離魔業何等為十
所謂親近善知識捨離魔業不自尊舉不自
讚歎捨離魔業信佛深法不生誹謗捨離魔
業未曾忘失一切智心捨離魔業安住不放
逸修習甚深法捨離魔業安住菩薩藏正求
一切法捨離魔業常欲聽法樂聞深義心無
疲倦捨離魔業歸依十方一切諸佛捨離魔
業信心正念一切諸佛菩提樹捨離魔業一
切菩薩出生善根皆悉不二捨離魔業佛子
是為菩薩摩訶薩十種捨離魔業若菩薩摩
訶薩安住此業則離一切諸魔業道佛子菩
薩摩訶薩有十種見佛何等為十所謂無著
佛安住世間成正覺故願佛出生故業報佛
信故持佛隨順故涅槃佛永度故法界佛無
處不至故心佛安住故三昧佛無量無著故

性佛決定故如意佛普覆故佛子是爲菩薩
摩訶薩十種見佛若菩薩摩訶薩安住此法
則能覩見無上如來佛子菩薩摩訶薩有十
種佛業何等爲十所謂勸化衆生是第一佛
業隨順長養諸佛法故夢中見佛是第二佛
業發起過去諸善根故多聞是第三佛業逮
得無疑決定智故爲悔纏所纏者善巧方便
說悔過法是第四佛業除滅一切諸疑悔故
若有衆生起慳心無智心聲聞心緣覺心害
心疑心憍慢心者現如來身相好莊嚴化斯
等類是第五佛業出生長養過去諸善根故
正法難時廣爲衆生說淨妙法衆生聞已便
得具足陀羅尼智慧神通如應示現饒益衆
生是第六佛業心力清淨故若魔事起種種
方便速遠離之以虛空界等微如音聲亦不
輕蔑他人除滅一切魔業具足忍辱是第七
佛業正直功德故行無量行不證聲聞緣覺
離生聖行諸根未熟者不爲彼人說解脫果
但除愛本是第八佛業出生本願故斷除一
切生死漏縛一切諸結出生菩薩行於一切
衆生長養大悲深心信解菩薩所行究竟涅
槃是第九佛業不斷菩薩行故菩薩摩訶薩
爲自他故求解脫道而無厭足離一切行及
一切法於如來色身無所深著精勤專求無

凝智慧不由他悟今一切佛剎嚴飾清淨決
 定了知皆悉虛空教化成熟一切衆生而不
 捨無我性安住法界諸通自在具足成就一
 切種智而不捨菩薩行轉淨法輪令一切衆
 生皆得歡喜廣爲衆生說甚深法示現如來
 無量自在而不捨菩薩身現大涅槃而不捨
 離一切處生佛子菩薩摩訶薩出生如是等
 乃至醯覆三昧是第十佛業佛子是爲菩薩
 摩訶薩十種佛業若菩薩摩訶薩安住此業
 則得一切諸佛無上無師大業不由他悟佛
 子菩薩摩訶薩有十種慢業何等爲十所謂
 於尊重福田和尚阿闍黎父母沙門婆羅門
 所而不尊重恭敬供養是爲慢業有諸法師
 得勝妙法乘於大乘深知出生死道得陀羅
 尼成就多聞具智慧藏善能說法而不信受
 恭敬供養是爲慢業聽受法時若聞深法發
 離欲心歡喜無量而不讚法師令衆歡喜是
 爲慢業起慢慢心自高降彼不省己實不調
 自心是爲慢業起計我心見有功德智慧者
 不讚其美見無德者反說其善若聞讚他於
 彼人所起嫉妒心是爲慢業若有法師知是
 法是律是實是佛語以憎嫉故說言非法非
 律非實非佛語欲壞他信心故是爲慢業自
 毀高座我爲法師不應執事不應宗敬供養

餘人諸修梵行尊長有德悉應恭敬供養於
 我是爲慢業遠離顛惑惡眼視彼常以和顏
 等觀衆生言常柔軟無有麁獷離恚恨心而
 於彼法師求其過惡是爲慢業以我慢心於
 多聞者不往恭敬起聞法留難亦不諮問何
 等爲善何等不善何等應作何等不應作作
 何等業長夜饒益一切衆生作何等行不益
 衆生作何等行從明入明作何等行從冥入
 冥如是人輩爲我心漂沒不能得見出要正
 道是爲慢業起慢心故不值諸佛難得之法
 消盡宿世所種善根不應說而說起訶責心
 更相譏論住如是法應入邪道但菩提心力
 故而不捨捨菩薩所行雖不捨菩薩道而於
 無量百千萬劫尚不值佛何況聞法是爲慢
 業佛子是爲菩薩摩訶薩十種慢業若菩薩
 摩訶薩離此慢業則得一切諸佛十種無上
 清淨意業佛子菩薩摩訶薩有十種智業何
 等爲十所謂信解因緣不壞因果是爲智業
 不捨菩提心常念一切佛是爲智業親近一
 切諸善知識恭敬供養心無懈怠是爲智業
 樂法樂義多聞無厭專求正法遠離邪念修
 習正念是爲智業於一切衆生不起我心於
 一切菩薩起如來想愛樂菩薩猶如已身受
 重正法如惜已命愛敬如來如護已目於持

戒者生諸佛想是爲智業離身口意諸不善業修行清淨身口意業歎諸賢聖隨順菩提是爲智業不違緣起離諸邪見除滅癡闇照一切法是爲智業於十迴向起慈母想於諸波羅蜜起慈父想於巧方便起菩提想是爲智業於布施淨戒多聞專求止觀功德智慧心無疲厭是爲智業若業諸佛所讚能降衆魔滅除煩惱諸纏障礙教化衆生順智律儀攝取正法嚴淨佛刹正向通明是爲智業佛子是爲菩薩摩訶薩十種智業若菩薩摩訶薩安住此業則得一切諸佛出生巧妙方便無上智業佛子菩薩摩訶薩有十種魔所攝持何等爲十所謂懈怠心魔所攝持捨佛正法魔所攝持貪求無厭魔所攝持專念自度魔所攝持不發大願魔所攝持遠離煩惱常樂寂靜魔所攝持斷生死漏魔所攝持捨苦難行魔所攝持捨教化成熟一切衆生心魔所攝持於正法中生疑惑心誹謗佛法魔所攝持佛子是爲菩薩摩訶薩十種魔所攝持應速遠離若菩薩摩訶薩能棄捨此魔所攝持則得一切諸佛十種攝持何等爲十所謂佛攝持故初發菩提心佛攝持故常於生生未曾忘失菩提之心佛攝持故覺一切魔事能悉遠離佛攝持故聞六波羅蜜如說修行

佛攝持故知生死苦而不厭惡佛攝持故觀甚深法得解脫果佛攝持故爲衆生說聲聞緣覺解脫而不樂彼乘佛攝持故觀無爲性心不樂住於有爲法不生二相佛攝持故令不相續得寂滅相續佛攝持故得一切智自在而不捨衆生種姓所行佛子是爲菩薩摩訶薩十種佛攝持若菩薩摩訶薩安住此持則得一切諸佛十力所持佛子菩薩摩訶薩有十種法攝持何等爲十所謂一切行無常法所攝持一切行苦法所攝持一切法無我法所攝持寂滅涅槃法所攝持法從緣起無緣則不起法所攝持不正思惟故起無明行乃至老死不正思惟滅故則無明滅無明滅故乃至老死滅法所攝持三解脫門出生聲聞乘決定無諍法出生緣覺乘法所攝持六波羅蜜四攝法出生大乘法所攝持知一切刹一切法一切衆生一切世間是佛境界法所攝持斷一切念捨一切取離過去未來隨順涅槃法所攝持佛子是爲菩薩摩訶薩十種法攝持若菩薩摩訶薩安住此持則得一切諸佛無上法持

佛子菩薩摩訶薩住兜率天有十種業何等爲十所謂菩薩摩訶薩爲欲界諸天說離欲法縱逸自在皆悉無常一切快樂皆悉苦惱

勸發開導彼諸天子發菩提心是爲住兜率天第一所行事業菩薩摩訶薩爲色界諸天說諸禪解脫三昧相續起彼諸禪支有味著者因味起身見邪見無明煩惱爲說實智於一切妙色起顛倒心妄想取淨爲說不淨觀察無常勸發開導彼諸天子發菩提心是爲住兜率天第二所行事業菩薩摩訶薩住兜率天正受三昧名光明莊嚴於自身中放大光明普照一切三千大千世界隨其所應以種種音聲而爲說法彼諸衆生聞說法已皆大歡喜起恭敬心命終之後生兜率天復爲說法皆悉令發菩提之心是爲住兜率天第三所行事業菩薩摩訶薩以無礙淨眼普觀十方一切兜率天菩薩摩訶薩彼諸菩薩亦見此菩薩摩訶薩各相見已爲彼菩薩廣說正法謂降神母胎出生世間捨家求道往詣道場以大莊嚴而自莊嚴發起過去所行憶過去行成就功德不離此座現如是等一切諸事是爲住兜率天第四所行事業菩薩摩訶薩住兜率天十方一切兜率天菩薩欲見此菩薩摩訶薩恭敬供養禮拜故皆來詣此爾時菩薩摩訶薩欲令彼諸菩薩皆悉歡喜滿其願故說大法門隨彼菩薩所住之地所行所斷所修所證具足廣說彼諸菩薩聞說

法已皆大歡喜各還本刹所住宮殿是爲住
兜率天第五所行事業菩薩摩訶薩住兜率
天講說正法時欲界主天魔波旬眷屬圍遶
詣菩薩所壞亂說法爾時菩薩住金剛智所
攝般若波羅蜜巧妙方便深入智門說甘露
法承佛神力說如來法皆悉降伏彼諸魔衆
時彼魔衆見菩薩如是自在神力又聞說法
皆發阿耨多羅三藐三菩提心是爲住兜率
天第六所行事業菩薩摩訶薩住兜率天知
欲界天子不識苦故不樂聞法爾時菩薩摩
訶薩放大音聲告諸天子今日菩薩摩訶薩
出內眷屬若欲見者應速詣此聞是音已無
量億那由他天子悉往詣彼爾時菩薩摩訶
薩普現宮內一切眷屬彼諸天子未曾聞見
見已皆大歡喜此菩薩眷屬音聲之中出如
是聲而告之言諸天子一切衆行皆悉無常
一切衆行皆悉大苦一切諸法皆悉無我寂
滅涅槃又復告言汝等皆應修菩薩行究竟
菩提具一切智時諸天子聞是音已心大恐
怖一向正求無上菩提是爲住兜率天第七
所行事業菩薩摩訶薩住兜率天不捨兜率
天所坐之處悉能往詣一切佛所見諸如來
恭敬禮拜供養聽法爾時詣佛爲菩薩三甘
露灌頂授記之法一切諸明菩薩行地欲令

菩薩以一念相應慧具足一切枝一切種深入一切智是爲住兜率天第八所行事業菩薩摩訶薩住兜率天以法界虛空界等一切供養恭敬供養一切世界諸佛見此供養時無量無邊衆生發菩提心是爲住兜率天第九所行事業菩薩摩訶薩住兜率天出生無量無邊法門示現一切世界中種種色種種形種種威儀種種方便隨其所應而爲說法欲令一切衆生悉歡喜故是爲住兜率天第十所行事業佛子是爲菩薩摩訶薩住兜率天十種所行事業若菩薩摩訶薩具足此業則能下生人間佛子菩薩摩訶薩於兜率天臨命終時有十種示現事何等爲十所謂菩薩於兜率天臨命終時於足下相輪放大光明名安樂莊嚴普照三千大千世界一切諸難惡道衆生觸斯光者滅一切苦皆得安樂爾時衆生成作是念今日忽有奇特大人出現于世是爲第一所示現事菩薩摩訶薩於兜率天臨命終時放眉間白毫相光名曰覺悟普照三千大千世界觸彼宿世同行菩薩摩訶薩身觸已咸作是念彼菩薩摩訶薩於兜率天今將命終時諸菩薩即化作無量無邊供養之具疾往詣彼菩薩摩訶薩所是爲第二所示現事菩薩摩訶薩臨命終時於右

掌中出大光明名淨境界悉能嚴淨三千大千世界此世界中若有無漏諸辟支佛覺斯光者即捨壽命若不覺者光明力故徙置他方餘世界中一切諸魔及衆外道有見衆生悉皆徙置他方世界除如來住持所化衆生是爲第三所示現事菩薩摩訶薩從其兩膝放大光明名曰離垢清淨莊嚴普照最下諸天宮殿上至淨居諸天宮殿無不明了時諸天子咸作是念今此菩薩摩訶薩於兜率天將捨壽命時諸天子疾辦供具香華瓔珞塗香末香衣蓋幢幡及諸音樂詣菩薩所恭敬供養我等咸皆隨侍守護從此命終乃至示現大般涅槃是爲第四所示現事菩薩摩訶薩於兜率天臨命終時從其心中放大光明名曰金剛淨妙莊嚴普照一切世界金剛力士爾時百億金剛力士咸作是念此是菩薩摩訶薩於兜率天將欲命終故以此相示現我等我等咸當隨侍守護乃至示現大般涅槃是爲第五所示現事菩薩摩訶薩於兜率天臨命終時從一切毛孔放大光明名曰分別一切衆生普照三千大千世界遍觸一切諸菩薩身觸已復觸一切諸天人時諸菩薩咸作是念我等當往詣彼恭敬供養如來并復教化彼諸衆生是爲第六所示現事等

薩摩訶薩於兜率天臨命終時於摩尼寶藏
正法堂中放大光明名善調伏隨彼菩薩所
降神處普照王宮彼諸菩薩各作是念隨此
菩薩所生之處若於其家若於聚落若於城
邑若閭閻提內受生之處我當生彼為欲教
化諸衆生故是為第七所示現事菩薩摩訶
薩於兜率天臨命終時天樓閣中放大光明
名淨莊嚴一切宮殿放斯光明照所生母照
已彼菩薩母安隱快樂具足成就一切功德
其母身內自然樓閣七寶莊嚴為欲安處菩
薩身故是為第八所示現事菩薩摩訶薩於
兜率天臨命終時放足下光明名曰安住若
諸天子及諸梵天其命將終蒙斯光故皆得
住壽供養菩薩從此命終乃至示現大般涅
槃是為第九所示現事菩薩摩訶薩於兜率
天從其小相放大光明名嚴淨日眼示現菩
薩種種諸業時有人天或見菩薩在兜率天
或見命終或見處胎或見出生或見捨家或
見成佛或見轉法輪或見如來大般涅槃是
為第十所示現事佛子菩薩摩訶薩或於坐
處或於樓閣或於宮殿放如是等百萬阿僧
祇光放斯光時顯現無量諸菩薩業佛子菩
薩摩訶薩具足如是等一切淨業故從兜率
天下生世間佛子菩薩摩訶薩有十種事故

降神母胎何等爲十所謂爲教化成熟小心衆生故示現處胎不令小心衆生作如是念菩薩自然化生善根智慧不從行得是爲第一事示現處胎又復欲令父母諸親長養宿世同行善根故是爲第二事示現處胎菩薩摩訶薩初受胎時遠離愚癡正念思惟除滅亂想成就念慧心未曾亂是爲第三事示現處胎菩薩摩訶薩處母胎時常講說法十方世界諸菩薩衆釋梵四天王來詣菩薩菩薩即時廣爲說法示現菩薩自在神力菩薩摩訶薩具足成就無量無邊諸智慧故現如是等奇特之事是爲第四事示現處胎菩薩摩訶薩於母胎中爲化衆生故令彼衆生卒願滿故是爲第五事示現處胎菩薩摩訶薩於人中成道應具人法受生故是爲第六事示現處胎菩薩摩訶薩於母胎中三千大千世界衆生普見菩薩處於母胎如明鏡中見其面像爾時大心諸天龍夜叉乾闥婆阿脩羅迦樓羅緊那羅摩睺羅伽人非人等悉詣菩薩恭敬供養是爲第七事示現處胎菩薩摩訶薩處母胎時餘方世界一生補處在母胎者悉共講說菩薩無盡智慧之藏是爲第八事示現處胎菩薩摩訶薩初受胎時正受離垢三昧一切兜率天宮一切供養莊嚴之具

悉入母胎三昧力故令其母身無諸苦患是
爲第九事示現處胎佛子菩薩摩訶薩處母
胎時具足成就無量無邊功德藏故十方世
界一切供具悉以供養一切如來彼諸如來
爲此菩薩演說無量無邊法界法門是爲第
十事示現處胎若菩薩摩訶薩住此法門則
能示現菩薩十種微細趣何等爲十所謂菩
薩摩訶薩處母胎時示現初發菩提之心乃
至甘露灌頂授記之地在母胎中又復現處
兜率陀天在母胎中示現出生在母胎中示
現童子地在母胎中現在宮殿色味之間在
母胎中示現出家在母胎中現行苦行往詣
道場成等正覺在母胎中現轉法輪在母胎
中示現大般涅槃在母胎中示現微細諸法
一切菩薩行一切如來自在神力無量行門
佛子是爲菩薩摩訶薩十種微細趣若菩薩
摩訶薩安住此趣則得一切諸佛無上智慧
大微細趣

大方廣佛華嚴經卷第四十二

諍訟

上側逆切
下頌音

毀辱

上許奉切
下而罵切

馳騁

下通音

輕躁

下則利切

訶責

下側章切

慙惛

下道音

罪累

下許觀切

輕蔑

下莫結切

嫉妬

上疾音
下皆反切

頻感

上符真切
下子大切

廉猶

下古猛切

詰問

上資音

已身上居旦切

縱逸

上子用切
下與贊切

勸發

上去願切

徒置

附氏切

甲辰歲高麗國大嚴都監奉

勅彫造

大方廣佛華嚴經卷第四十三

東晉天竺三藏佛跋陀羅

譯

離世間品第三十三之八

佛子菩薩摩訶薩有十種生何等爲十所謂
離愚癡生放大光明網普照三千大千世界
生除滅一切未來世最後身生不生知三
界諸劫悉如幻生於十方世界普現身生具
足一切智身生放一切如來光明普照覺悟
一切衆生生正受大智自在諸禪三昧身生
佛子菩薩生時一切佛刹六種震動一切衆
生皆得解脫一切惡道皆悉除滅映蔽一切
諸魔光明悉如聚墨無量菩薩普來雲集佛
子是爲菩薩摩訶薩十種生爲欲化度衆生
類故示現是生佛子菩薩摩訶薩有十種大
莊嚴而自莊嚴何等爲十所謂菩薩摩訶薩
作如是念一切世間沒五欲泥除我一人無
能濟彼如是知故發大莊嚴而自莊嚴煩惱
愚癡覆衆生眼皆悉盲瞽我今智慧自在當
普開導衆生慧眼悉令清淨發大莊嚴而自
莊嚴我今因此假名身故得如來無上清淨
法身充滿三世發大莊嚴而自莊嚴菩薩摩
訶薩以無礙淨眼悉徧觀察十方一切諸梵
天處乃至大自在天處是等衆生皆自謂我
成就自在智慧之力菩薩悉能摧滅彼我慢

心發大莊嚴而自莊嚴菩薩摩訶薩見諸衆
生於過去世種種善根今欲退沒我今還令
彼諸衆生住不退地發大莊嚴而自莊嚴欲
令衆生種少善根得無量果發大莊嚴而自
莊嚴見佛無量自在神力發大莊嚴而自莊
嚴觀見過去同行菩薩深著餘事不成正覺
發大莊嚴而自莊嚴菩薩摩訶薩見諸天人
疲頓厭倦退正希望發大莊嚴而自莊嚴菩
薩摩訶薩爲一切如來光明觸故長養一切
大正希望發大莊嚴而自莊嚴佛子是爲菩
薩摩訶薩十種大莊嚴爲教化衆生故發此
莊嚴而自莊嚴佛子菩薩摩訶薩有十種事
故遊行七步何等爲十所謂現菩薩力故遊
行七步現七寶故遊行七步滿地神願故遊
行七步現超出三界相故遊行七步現大象
王牛王師子王最勝行故遊行七步現金剛
地相故遊行七步欲與衆生力故遊行七步
現七覺寶相故遊行七步具足成就一切佛
法不由他悟故遊行七步欲自稱我於世最
勝無倫匹故遊行七步佛子是爲菩薩摩訶
薩十種事故遊行七步教化衆生故作是示
現佛子菩薩摩訶薩有十種事故現童子地
何等爲十所謂書數算計刻印方便現此業
故現童子地現乘象馬車乘弓射諸武藝故

現童子地欲學一切世間巧妙談論諸嬉戲
故現童子地離身口意一切惡業故現童子
地現正向般涅槃正受三昧充滿一切諸世
界故現童子地現菩薩力過天人龍夜叉乾
闥婆阿脩羅迦樓羅緊那羅摩睺羅伽釋梵
四天王故現童子地現殊妙色出過一切釋
梵四天王故現童子地欲令衆生遠離五欲
常樂正法故現童子地爲現尊重正法供養
一切世界諸如來故現童子地常樂正法普
現一切受持正法故現童子地佛子是爲菩
薩摩訶薩十種事故現童子地佛子菩薩摩
訶薩現童子地已有十種事故現處中宮何
等爲十所謂令修同行者增長善根故現處
中宮欲明菩薩諸善根故現處中宮爲著樂
天人故現處中宮於五濁世隨應化故現處
中宮於深宮內正受三昧欲明菩薩功德力
故現處中宮欲令宿世同行衆生滿本願故
現處中宮欲令父母親屬滿本願故現處中
宮欲以妓樂出妙法音供養一切佛故現處
中宮菩薩摩訶薩於其宮內入甚深三昧成
等正覺乃至示現大般涅槃故現處中宮隨
順守護法故現處中宮佛子是爲菩薩摩訶
薩十種事故現處中宮以此事故最後生菩
薩示現出家佛子菩薩摩訶薩有十種事故

示現出家何等爲十所謂欲令衆生厭離家
故示現出家爲著家衆生故示現出家欲現
隨順諸賢聖道故示現出家欲宣揚讚歎出
家法故示現出家欲令衆生離二見故示現
出家欲令衆生離欲樂我樂故示現出家欲
現出三界相故示現出家欲顯自在不由他
悟故示現出家欲隨順如來十力四無畏故
示現出家一切最後生菩薩法應爾故示現
出家佛子是爲菩薩摩訶薩十種事故示現
出家爲化衆生故佛子菩薩摩訶薩爲十種
事故示現苦行何等爲十所謂菩薩摩訶薩
欲教化成熟小心衆生故示現苦行爲拔著
邪見衆生故示現苦行爲無業報邪見衆生
欲令知業報故示現苦行爲隨順五濁世界
衆生故示現苦行爲懈怠衆生故示現苦行
欲令衆生樂求法故示現苦行爲著欲樂我
樂衆生故示現苦行爲顯菩薩殊勝行故示
現苦行欲令未來衆生發精進故示現苦行
諸天世人皆根未熟待時熟故示現苦行佛
子是爲菩薩摩訶薩爲十種事故示現苦行
佛子菩薩摩訶薩有十種事故往詣道場何
等爲十所謂欲普照一切世界故往詣道場
爲震動一切世界故往詣道場欲於一切世
界普現身故往詣道場爲覺悟一切菩薩一

切衆生一切同行故往詣道場爲示現道場
 莊嚴事故往詣道場爲隨應受化示現莊嚴
 菩提樹故往詣道場欲對見十方世界一切
 佛故往詣道場欲於舉足下足念念悉入無
 量正受諸三昧門成等正覺故往詣道場爲
 受一切天龍夜叉乾闥婆阿脩羅迦樓羅緊
 那羅摩睺羅伽乃至釋梵四天王等恭敬供
 養各不相知故往詣道場欲以無礙智眼普
 觀一切世界正念一切佛於一切刹現成佛
 故往詣道場佛子是爲菩薩摩訶薩十種事
 故往詣道場爲教化衆生故佛子菩薩摩訶
 薩有十種事故坐於道場何等爲十所謂種
 種震動一切刹故坐於道場普照一切諸世
 界故坐於道場除滅一切諸惡道故坐於道
 場變一切刹爲金剛故坐於道場觀一切佛
 師子吼故坐於道場離一切虛妄心淨如虛
 空故坐於道場示現隨順淨身威儀故坐於
 道場隨順圓滿金剛三昧故坐於道場受一
 切佛清淨坐處故坐於道場自善根力悉能
 受持一切衆生故坐於道場佛子是爲菩薩
 摩訶薩十種事故坐於道場佛子菩薩摩訶
 薩坐道場時有十種奇特未曾有法何等爲
 十所謂菩薩摩訶薩坐道場時十方世界一
 切諸佛觀此菩薩咸舉右手讚言善哉善哉

無上導師是一奇特未曾有法菩薩摩訶薩
坐道場時一切如來應供等正覺皆悉護持
是二奇特未曾有法菩薩摩訶薩坐道場時
宿世同行菩薩悉來雲集以種種莊嚴具恭
敬供養是三奇特未曾有法菩薩摩訶薩坐
道場時十方一切世界草木叢林非衆生類
皆悉曲躬歸向道場是四奇特未曾有法菩
薩摩訶薩坐道場時正受三昧名善知法界
得此三昧故究竟菩薩一切諸行是五奇特
未曾有法菩薩摩訶薩坐道場時得陀羅尼
名曰離垢勝妙海藏菩薩摩訶薩住此陀羅
尼故一切諸佛降甘露法雨此菩薩是六奇
特未曾有法菩薩摩訶薩坐道場時以神通
力恭敬供養一切諸佛是七奇特未曾有法
菩薩摩訶薩坐道場時入於無上智慧法門
善巧方便悉知一切衆生諸根是八奇特未
曾有法菩薩摩訶薩坐道場時正受三昧名
曰善覺菩薩摩訶薩入此定已得淨法身滿
虛空界一切三昧是九奇特未曾有法菩薩
摩訶薩坐道場時清淨身業攝取三昧無礙
智慧普照一切是十奇特未曾有法佛子是
爲菩薩摩訶薩坐道場時得十種奇特未曾
有法佛子菩薩摩訶薩坐道場時有一種義
故示現降魔何等爲十所謂五濁惡世衆生

樂相征伐欲顯菩薩功德力故示現降魔悉
滅天人諸疑惑故示現降魔爲欲化度魔眷
屬故示現降魔諸天人已顯現菩薩功德之
化故示現降魔集天人已顯現菩薩功德之
力不可破壞調伏衆生故示現降魔發起一
切衆生力故示現降魔哀愍未來一切衆生
故示現降魔乃至道場現有魔事悉能超出
衆魔境故示現降魔顯現煩惱力勢羸劣大
悲善根勢強盛故示現降魔順五濁世諸衆
生故示現降魔佛子是爲菩薩摩訶薩十種
義故坐道場時示現降魔佛子菩薩摩訶薩
有十種覺如來力何等爲十所謂超出一切
衆魔事業除滅煩惱究竟一切菩薩所行覺
如來力於一切菩薩三昧而得自在覺如來
力具足成就一切菩薩諸禪三昧覺如來力
滿足一切諸白淨法覺如來力分別善法調
伏世間法覺如來力以淨法身滿一切刹覺
如來力所出淨音悉與一切衆生心等覺如
來力悉能受持一切佛法覺如來力得與三
世如來身口意等於一念中知三世法覺如
來力得善覺三昧具佛十力所謂是處非處
智乃至漏盡智覺如來力佛子是爲菩薩摩
訶薩十種覺如來力菩薩摩訶薩具此力故
得名如來佛子如是得成如來應供等正覺

已能轉十行清淨法輪何等爲十一者具足
清淨四無所畏二者出生四辯淨妙音聲三
者明了四諦四者隨順諸佛無礙法門五者
清淨等心悉能普覆一切衆生六者所說不
虛決定濟度衆生苦際七者宿世大悲所持
八者以妙法音充滿世界一切衆生無不聞
知九者阿僧祇劫常說正法未曾暫息十者
轉諸根力覺意解脫諸禪三昧相續不絕佛
子如來應供等正覺轉如是十行等無量行
法輪佛子如來應供等正覺清淨法輪因十
種白淨法故轉入衆生心出生無相決定不
虛何等爲十所謂過去願力故大悲所持故
不捨衆生故智慧自在隨其所應爲說法故
未曾失時故隨彼法器不增減故決定了知
三世智故身行最勝故口行無虛故智行隨
音聲悉覺悟故佛子是爲因十種白淨法故
能轉法輪入衆生心出生無相決定不虛佛
子如來應供等正覺究竟佛事已有十種義
示現大般涅槃何等爲十所謂明一切行悉
無常故明一切有爲非安隱故明般涅槃趣
最安隱故明般涅槃遠離一切諸怖畏故以
諸天人樂著色身明色身無常是磨滅法令
求常住淨法身故明無常力強不可轉故明
有爲法不隨愛行不自在故明三界法悉如

坏器無堅牢故明般涅槃最爲真實不可壞
故明般涅槃遠離生死非起滅故佛子以此
十種義故如來應供等正覺示現大般涅槃
佛子一切如來應供等正覺法皆如是所願
已成已轉法輪所應度者皆悉已度已與菩
薩授鴈記号一切佛事皆悉究竟安住不變
示現大般涅槃佛子是爲如來應供等正覺
以十義故示現大般涅槃

佛子是爲菩薩摩訶薩清淨勝行大妙法門
諸佛所說無量深義能令一切諸有智者皆
悉歡喜究竟一切菩薩大願不斷所行佛子
若有衆生聞此經者信心清淨不起誹謗如
說修行彼諸衆生速成阿耨多羅三藐三菩
提何以故菩薩摩訶薩如說行故佛子是故
菩薩摩訶薩應如說行一心敬信受持此經
佛子此經出生一切菩薩諸行功德深妙義
華深入智慧攝一切法門遠離世間聲聞緣
覺一切衆生所不共法悉能普照一切法門
長養善根度脫衆生是故菩薩摩訶薩應一
心聽受護持此經若菩薩摩訶薩受持此經
則能出生一切諸願以少方便疾得阿耨多
羅三藐三菩提說此出生一切菩薩諸行功
德深妙義華深入智慧攝一切法門遠離世
間聲聞緣覺一切衆生所不共法悉能普照

一切法門長養善根度脫衆生經時佛神力
 故此經法如是故十方無量阿僧祇世界六
 種震動大光普照爾時十方諸佛面對觀視
 普賢菩薩歡喜讚言善哉佛子乃能說此出
 生一切菩薩諸行功德深妙義華深入智慧
 攝一切法門遠離世間聲聞緣覺一切衆生
 所不共法悉能普照一切法門長養善根度
 脫衆生經佛子汝已善學此法善知此法快
 說此法我等諸佛亦說此法一切諸佛亦復
 如是是故佛子我等悉共守護此經令未來
 菩薩未聞者聞爾時普賢菩薩承佛神力觀
 察十方一切大衆一切法界以偈頌曰
 無量無數劫勤修諸苦行供養無量佛生此真佛子
 化度無量衆安立無上道菩薩無等行我說善諦聽
 供養無量佛皆悉無染著化度一切衆不起衆生想
 常求佛功德其心無所依說彼勝妙行令衆悉歡喜
 降伏一切魔滅三界煩惱已具聖功德示現童子地
 滅惡煩惱癡其心常寂然示現無量行我說彼功德
 遠離一切惡究竟到彼岸無量衆生中種種現變化
 知心生住滅示現一切事說彼妙功德令衆悉歡喜
 見三有衆生無量苦逼迫流轉於生死煩惱火熾然
 欲令彼解脫一向求菩提略說彼淨德一心善諦聽
 施戒忍精進禪定得自在具足慧方便大慈度衆生
 無量無數劫樂修悲喜捨我說彼功德仁等

枯槁無量身 常正求菩提 不惜其壽命 究竟無上道
常爲利衆生 不求自安樂 慈悲心牟尼 我說彼勝行
無量無數劫 說少分不盡 虛空可度量 海水可滌數
菩薩功德海 無可爲譬喻 饒益衆生故 略說其小分
持衆生善根 長養白淨法 遠離憍慢心 求法無厭足
令衆得安止 長養智慧樹 菩薩心如地 饒益一切衆
柔軟慈心根 無上大悲並 功德業智華 持戒爲妙香
如來淨慧光 開敷菩薩華 不著有爲水 普令衆生喜
直心爲種子 慈悲爲根芽 智慧方便並 五度爲枝條
禪業諸明華 一切智爲果 法樹神力鳥 普覆三世間
真實諦爲足 白淨法爲身 正念爲頸項 智首解脫頂
慈眼明淨眼 寶義幽谷出 菩薩法師子 調伏一切魔
生死爲曠野 煩惱諸惡道 邊見爲賊難 癡盲迷正路
菩薩大導師 見彼迷冥者 開示其正道 引至安隱處
貪患諸煩惱 常惱害衆生 無量衆苦患 長夜而逼切
菩薩見彼苦 爲發大悲心 具說八萬四 對治濟度之
菩薩爲法王 正道化衆生 遠惡修衆善 一向求菩提
一切諸佛所 受自在智記 廣施賢聖珍 令具七覺智
清淨戒爲穀 精進以爲糧 三昧正受網 三轉淨法輪
清淨心爲植 明利智慧劍 摧滅諸煩惱 外道衆魔死
甚深智慧海 正法一味水 禪覺寶充滿 切莫能知
直心淨彌廣 一切智爲潮 菩薩智慧海 演說不可盡
世間高無上 於彼無所著 禪明智慧山 堅正不傾動
若有親近者 疾得同彼慧 住智須彌頂 普觀一切世

深心如金剛一切悉堅固 三寶一切智信心不可壞
降伏一切魔除滅諸煩惱安住無所畏度脫諸羣生
興起大慈雲普覆於一切明曜大悲電雷震法洪音
四辯澍法雨八正甘露水除滅煩惱火安住一切義
白淨法為城智慧為牆壁無上智樓閣慙愧為深衛
三空解脫門正念為防守四道為正路遊之出三界
建無上法幢摧滅一切魔
法身金翅鳥四如意為足慈悲明淨眼住一切智樹
菩薩金翅王生死大海中搏撮天人龍安置涅槃
淨戒圓滿日清淨智光明神足為疾行消竭大欲水
覺長夜衆生長養根力藥菩薩明淨日一切無不照
圓滿法界月衆生觀無厭映蔽於二乘小智螢火光
菩薩清涼月遊於畢竟空垂光照三界心法無不現
自在諸法王功德色嚴身方便淨智眼安住勝妙法
相好莊嚴身一切觀無厭彼法自在王如法治衆生
除滅欲煩惱超出於三界常樂勤修習慈悲喜捨法
菩薩大梵王普現種種身演出淨妙音三界無不聞
遠離一切行境界常清淨遊得不退智具足法自在
永離二乘道諸佛所授記乘於無上乘究竟一切智
心淨如虛空永離一切有行於世間事其心無所依
究竟白淨行亦令衆生然菩薩慧彌廣清淨如虛空
無量方便地饒益諸羣生清涼慈悲水消滅熾煩惱
智慧猛盛火燒盡煩惱習風馳遊十方廣作諸佛事
菩薩如意寶除滅衆貧苦智慧如金剛摧滅諸邪見

無量德莊嚴 悉令眾生喜 究竟無上行 安住如來處
 菩薩功德華 七覺令開敷 諸願為寶鬘 嚴飾世間頂
 菩薩淨戒香 遠離諸惡戒 以此淨戒香 塗熏一切眾
 菩薩無上蓋 普覆諸世間 建立智慧幢 摧滅眾魔幢
 菩薩莊嚴行 淨妙智慧幢 勲德功德衣 普覆一切眾
 菩薩無上乘 乘之出三界 其心善調順 安住寶象三
 菩薩大龍王 具足自在力 普降甘露法 溥潤諸羣生
 菩薩甚難值 猶如優曇華 降伏一切魔 除滅諸煩惱
 佛所轉法輪 彼能隨順轉 慧燈除眾闇 普令見正道
 菩薩功德河 隨順正道流 常為生死橋 度人無休息
 菩薩正法船 汎游諸願海 智慧悉成滿 度人到彼岸
 菩薩淨園林 實樂樂眾生 正法解脫華 明淨智宮殿
 菩薩雪山頂 出生藥樹王 除滅煩惱病 悉令一切喜
 菩薩等如來 覺悟諸眾生 除滅愚癡闇 得成正覺
 最上所從來 菩薩如是來 速得平等智 究竟到彼岸
 菩薩大導師 教化諸羣生 自然成正覺 一切智境界
 具足無量力 一切莫能壞 安住無所畏 知法了眾生
 乃至色界中 所有諸眾生 一切語言音 皆悉能隨順
 過色至無色 現彼一切事 一切諸眾生 說之不能盡
 菩薩悉成就 如是等功德 解了性 性 所有無所有
 具足真實智 除滅一切縛 究竟一切智 其心無所著
 說彼甚深行 令眾悉歡喜 了達一切法 皆悉如幻化
 發起方便悲 一切佛護持 出生智化門 普現無量事
 仁等當諦聽 菩薩諸功德 一身無邊際 普現無量身

非心非心境 應現一切衆 出于一妙音 究竟語言法
 悉攝衆生類 一切語言音 遠離煩惱身 隨應示現身
 無量方便身 一切音說法 其心常寂滅 清淨如虛空
 以心莊嚴刹 示現一切衆 示現種種身 於彼無所著
 遠離一切生 亦不壞彼因 隨順一切趣 受生無所著
 了身如虛空 隨其所應現 菩薩現如是 無量無邊事
 恭敬供養彼 最勝兩足尊 塗香末香華 幢蓋幡音樂
 無上供養具 直心供諸佛 不離一佛會 普在諸佛所
 善巧能問難 聽受深妙法 聞此正法故 速得諸三昧
 一一三昧中 生無量定門 又復能普現 無量三昧起
 智慧巧方便 究竟到彼岸 覺悟一切法 皆悉如幻化
 示現種種身 出生無量音 入衆生想網 其心無染著
 或時現衆生 隨順世間義 或示菩提行 無量無有邊
 布施持淨戒 忍辱勤精進 定慧四無量 修行四攝法
 或現行成滿 或得無生忍 或受灌頂記 或一生補處
 或現聲聞乘 或復現緣覺 無量剎涅槃 不捨菩薩行
 或現爲帝釋 或現梵天王 或天女圍遶 或復獨宴默
 或現比丘像 淨戒調諸根 或現自在王 或現入法網
 或現巧術女 或現修苦行 或現在五欲 或復在禪定
 或現般涅槃 或復現受生 或現童子身 或復現衰老
 若有思議者 迷亂心發狂
 或在天宮殿 或現於下生 或現處母胎 成佛轉法輪
 或復現出生 或現般涅槃 或現童子術 或復現出家
 或現坐道場 或成無上道 或復示現轉 自在正法輪

或現求正法 或現爲佛身 充滿無量刹 不退菩薩行
 深入無量劫 究竟到彼岸 無量劫一念 一念無量劫
 一切劫非劫 示現衆生劫 無來無積聚 示現諸劫事
 於一微塵中 普見一切佛 一切諸羣生 無處不有佛
 一切諸佛刹 及衆生境界 悉能分別知 一切諸法印
 一切劫可盡 法印無窮已
 如是知衆生 無量無有邊 彼一衆生有 無量百千萬
 那由他等身 因緣亦如是 如彼一衆生 一切亦復然
 如是究竟知 亦令一切學 悉知衆生根 上中下不同
 諸根常流轉 知是器非器 一根一切根 展轉相依持
 菩薩微細智 皆悉分別知 亦知諸欲性 種種煩惱垢
 了過去心行 未來今現在 悉知衆生行 究竟到彼岸
 知行無所行 爲衆說妙法 如是知心行 深行及清淨
 菩薩一念中 逮得一切智 深入如來心 究竟難思議
 一念悉能知 諸佛無上智 究竟神力智 具足諸通明
 能於一念中 悉詣十方刹 如是疾遊行 無量無數劫
 不離本坐處 安住甚深法 猶如工幻師 種種現形色
 非色非無色 幻化無所有 菩薩亦如是 深知廣方便
 示現衆變化 充滿一切世 譬如明淨日 出現於世間
 悉能除衆冥 一切靡不照 菩薩智慧日 明淨甚圓滿
 出淨心境界 普照一切法 猶如人夢中 造作種種事
 無量劫可盡 夢性無窮盡 菩薩於一念 示現夢等法
 無量劫可盡 智慧無終極 常樂居山澤 遠離世間語
 究竟語言道 其心無染著 菩薩悉了知 諸法真實性

普說眾生者 不起虛妄想 譬如春月時 眾生見燄氣
 愚者謂爲水 尋之增渴愛 菩薩如是見 眾生煩惱覆
 如燄增渴愛 一向求解脫 知眾生非實 而更增大悲
 觀色如聚沫 受如水上泡 想如春時燄 衆行如芭蕉
 心如工幻師 示現種種事 善分別五陰 其心無所著
 諸入悉空寂 遠離自在事 諸界無實性 示眾生界分
 第一真實諦 決定寂滅性 廣演分別法 而心不染著
 菩薩知五陰 無有去來今 因由煩惱業 轉此三苦輪
 演說緣起法 非有亦非無 深解真實義 於彼無所著
 菩薩淨智慧 解說三世法 示現諸羣生 皆悉是一念
 欲色無色界 示現衆生事 三乘戒解脫 究竟一切智
 了知處非處 知業知諸根 欲性諸煩惱 一切至處道
 宿命智天眼 除滅諸煩惱 知佛十種力 而猶未究竟
 隨順諸佛法 深解諸法空 悉滅衆煩惱 而不盡諸漏
 廣入甚深道 教化諸羣生 佛子住無畏 不捨菩薩行
 無謬無漏失 亦不捨正念 精進欲三昧 智慧無損減
 三種常清淨 明達於三世 大慈念衆生 一切無障礙
 深入諸法門 具足如是行 我說其少分 莊嚴功德義
 無量無數劫 說之不可盡 我所說少分 如大地一塵
 常依如來智 而亦無所依 常修奇特想 大悲堅強故
 安住清淨戒 常勤修精進 教化諸羣生 授眞佛子記
 究竟佛功德 知刹知衆生 分別三世劫 其心無疲倦
 具陀羅尼力 深解真實義 思惟無等法 逮得無上道
 一切妙功德 發願求菩提 慈悲因緣力 令菩提淨勝

具足波羅蜜 隨順善究竟 決定諸智力 覺悟無上道
 成就方便智 樂說甚深法 隨順常守護 速得法王處
 安住勝妙法 於彼無所著 出生智慧化 覺悟勝菩提
 住持一切劫 善獲得正望 安住甚深法 除滅衆生疑
 修習甚深智 善能分別法 究竟定慧境 覺悟一切智
 智入諸解脫 究竟到彼岸 具足諸通明 離垢清涼園
 具足白淨法 示現種種行 普現莊嚴法 皆悉不可議
 善知衆生心 能說令究竟 清淨菩提印 智光照一切
 一切莫能稱 遠離懈怠法 安住如山王 具功德智海
 金剛妙寶法 安住大莊嚴 究竟諸大事 一切莫能壞
 得授菩提記 安住廣大心 得佛無盡藏 覺悟一切法
 世智常自在 遊戲諸神通 一切法境界 自在無障礙
 身願行自在 智慧亦自在 無量億自在 示現於一切
 具足諸自在 遊戲諸通力 深入佛境界 一切莫能壞
 結縛所莊嚴 無畏不共法 修行佛子業 遠離一切惡
 清淨身身業 清淨口口業 諸佛守護故 成辦十大事
 心心所起住 顯現無上事 安住諸根定 速得最勝根
 清淨正直心 遠離諸諂曲 深入衆生性 示現種種事
 除滅煩惱習 究竟無上行 具足深智慧 速得一切智
 遠離一切惡 方便趣寂滅 出生功德道 善學一切學
 無量道心境 修習無所著 安住深智慧 示現道莊嚴
 手足及心腹 無上智慧藏 其心如金剛 智慧爲器仗
 智慧觀察頂 深入菩提行 清淨戒爲鼻 除滅諸熾然
 四辯廣長舌 無處不至身 淨妙智慧心 諸善行爲行

道場安隱住 師子座為坐 梵住為安卧 無礙第一義
 觀察善逝智 普照於一切 徧觀衆生行 種種妙功德
 以此為奮迅 離貪為淨施 不慢清淨戒 不動為淨忍
 不轉淨精進 自在為淨禪 不行愚癡智 虛空慈普救
 不憂惱為悲 清淨法為喜 離諸煩惱捨 寂靜為深義
 境界為正法 迴向功德具 智具如利劍 普照為衆明
 聞法無厭足 是為正求法 不惜身壽命 是為明正法
 隨順諸佛教 除滅諸魔道 清淨正直心 攝取諸佛業
 遠離衆魔業 長養諸智慧 遠離魔所持 安住諸佛持
 究竟得法持 住無住智慧 作業已命終 降神入母胎
 示現微細趣 又復現出生 現稱我最勝 示現行七步
 現為童子地 復現處深宮 現出家學道 莊嚴諸道場
 普放無量光 覺悟諸羣生 降伏一切魔 得成無上道
 現轉淨法輪 示現如來地 增長白淨法 現大般涅槃
 菩薩修諸行 無量無有邊 如我向所說 略舉其少分
 無量劫修習 令衆住菩提 衆生諸法行 於彼無染著
 如是具足行 成就力自在 以無量諸刹 安置一毛道
 掌持無量刹 徧遊諸世界 還置於本處 衆生無恐怖
 菩薩以一切 嚴淨諸佛刹 安置一毛孔 衆生無不見
 能以一毛孔 悉受一切海 大海不增減 衆生無燒害
 示現如是等 一切諸事相
 無量金剛山 手磨為微塵 以此一切塵 徧散諸佛刹
 復末塵下刹 徧布餘世界 一切塵可知 智慧不可盡
 於一毛孔中 放演淨光明 普照一切世 悉蔽日月光

珠火天神光 隱沒悉不現 除滅惡道苦 為說無上法
 菩薩一言音 出生一切音 一切諸衆生 無不悉聞者
 以聞此法音 皆得大歡喜 具足廣宣暢 諸佛所說法
 過去一切劫 安置未來今 未來現在劫 迴置過去世
 十方一切刹 皆悉現成壞 以一切衆生 安置一毛道
 過去及現在 一切諸如來 具足自在力 悉於身中現
 深知變化法 善能隨所應 普現無量身 於彼悉無著
 帝釋梵王身 四天大王身 諸天清淨身 一切衆生身
 聲聞緣覺身 如來清淨身 普現一切身 善修菩薩行
 現入衆想網 上中下諸品 一切智所持 普現佛及刹
 具足深智慧 除滅諸想網 示現菩薩行 究竟成菩提
 示現如是等 無量自在力 一切無不現 舉世莫能知
 示現無所現 究竟無有上 隨順應衆生 為說法定行
 淨身等虛空 妙音滿世間 淨戒為塗香 轉謁衣皆覆
 離垢正法繒 一切智摩尼 功德莊嚴身 拜署無上王
 波羅蜜金輪 諸通為象寶 神足為馬寶 淨慧無上珠
 妙行為女寶 四攝寶藏臣 方便主兵寶 無二轉輪王
 勝妙三昧城 空觀妙宮殿 慈悲大莊嚴 智慧為利劍
 堅強正念弓 明利根為箭 諸佛護持蓋 建立智慧幢
 直入諸魔軍 忍力悉摧滅
 陀羅尼平地 淨妙行流水 深智為涌泉 淨慧清涼林
 空為澄淨池 七覺妙華敷 神足以莊嚴 三昧為娛樂
 法門為歌頌 思惟正法女 甘露法之食 解脫味為漿
 御調順三乘 遊戲無上園

此等諸勝行及餘無上法無量劫修學其心無疲倦
供養一切佛嚴淨一切刹普令一切衆安住一切智
一切刹微塵悉可知其數一切虛空界皆悉可度量
一切衆生心念念可知數佛子諸功德說之不可盡
欲具此功德及餘勝妙法欲滅一切苦安樂諸羣生
欲與諸如來身口意齊等應發金剛心究竟此勝行

大方廣佛華嚴經卷第四十三

音聲下古音

疲頓

下都困切

弓射

下神夜切

叢林上徂紅切

征伐

上諸盈切

羸劣

上力爲切

坏器上芳杯切

枯槁

上苦胡切

帝數

上帝音

頭頂上義胡音切

爲植

下食尹切

牆壁

上在良切

深塹下七豎切

金翅

下施智切

搏撮

上補各切

螢火上戶爲切

汎游

上孚楚切

宴默

於殿切

拜署上博怪切

汎游

下以周切

宴默

一墨音

乙巳歲高麗國大藏都監奉

勅彫造

大方廣佛華嚴經卷第四十四

問

東晉天竺三藏佛跋闍耶羅

譯

入法界品第三十四之一

爾時佛在舍衛城祇樹給孤獨園大莊嚴重
閣講堂與五百菩薩摩訶薩俱普賢菩薩文
殊師利菩薩而爲上首夜光幢菩薩須彌山
幢菩薩寶幢菩薩無礙幢菩薩華幢菩薩離
垢幢菩薩日光幢菩薩正幢菩薩離塵幢菩
薩明淨幢菩薩大地端嚴菩薩寶端嚴菩薩
大慧端嚴菩薩金剛智端嚴菩薩離垢端嚴
菩薩法白端嚴菩薩功德山端嚴菩薩智光
端嚴菩薩普妙德端嚴菩薩大地藏菩薩虛
空藏菩薩蓮華藏菩薩寶藏菩薩日藏菩薩
淨德藏菩薩法印藏菩薩明淨藏菩薩臍藏
菩薩蓮華藏菩薩善德眼菩薩普見眼菩薩
清淨眼菩薩離垢眼菩薩無礙眼菩薩普眼
菩薩善觀眼菩薩青蓮華眼菩薩金剛眼菩
薩寶眼菩薩虛空眼菩薩善眼菩薩天冠菩
薩普照法界慧天冠菩薩道場天冠菩薩普
照十方天冠菩薩生諸佛藏天冠菩薩一切
世間最上天冠菩薩明淨天冠菩薩無量寶
天冠菩薩受一切如來師子座天冠菩薩普
照法界虛空天冠菩薩梵王周羅菩薩龍王
周羅菩薩一切佛化光朋周羅菩薩道場周

羅菩薩一切願海音摩尼寶王周羅菩薩出
生如來光衆寶自在周羅菩薩莊嚴一切虛
空摩尼寶王周羅菩薩一切如來自在光幢
摩尼王網普覆周羅菩薩一切佛音轉法輪
周羅菩薩三世慈音周羅菩薩大光菩薩離
垢光菩薩寶光菩薩離塵光菩薩夜光菩薩
法光菩薩寂靜光菩薩日光菩薩自在光菩
薩天光菩薩功德幢菩薩智幢菩薩法幢菩
薩諸通幢菩薩光幢菩薩華幢菩薩摩尼幢
菩薩菩提幢菩薩梵幢菩薩普光幢菩薩梵
音菩薩海音菩薩大地音菩薩世主音菩薩
山相擊音菩薩充滿一切法界音菩薩一切
法海雷音菩薩降伏一切魔音菩薩大悲方
便雲雷音菩薩滅一切苦安慰音菩薩法上
菩薩勝上菩薩智上菩薩功德須彌山上菩
薩功德珊瑚上菩薩稱上菩薩普光上菩薩
大慈上菩薩智海上菩薩如來性起上菩薩
光妙德菩薩勝妙德菩薩上妙德菩薩明淨
妙德菩薩法妙德菩薩月妙德菩薩虛空妙
德菩薩寶妙德菩薩妙德幢菩薩智妙德菩
薩娑羅林王菩薩法王菩薩衆生王菩薩梵
王菩薩山王菩薩寶王菩薩離生王菩薩寂
靜王菩薩不動王菩薩仙王菩薩勝王菩薩
寂靜音菩薩無礙音菩薩說大地音菩薩大

海雷音菩薩雲音菩薩法光音菩薩虛空音
菩薩一切衆生善根雷音菩薩開悟過去願
音菩薩圓滿道音菩薩智須彌山音菩薩虛
空覺菩薩離垢覺菩薩無礙覺菩薩善覺菩
薩普照三昧覺菩薩廣覺菩薩普光覺菩薩
法界光覺菩薩如是等五百菩薩此諸菩薩
皆悉出生普賢之行境界無礙充滿一切諸
佛刹故持無量身悉能往詣一切佛故具足
一切諸佛成正覺時悉能往詣現前見佛無休
息故無量智光普照一切諸法海故於無量
劫說不可盡辯清淨故究竟虛空界智慧境
界悉清淨故無所依止隨其所應現色身故
除滅癡瞋善分別知衆生界故虛空智慧放
大光網普照一切諸法界故復與三百六聲
聞俱悉覺真諦證如實際深入法性離生死
海安住如來虛空境界離結使縛不著一切
遊行虛空於諸佛所疑惑悉滅深入信向諸
佛大海復與諸天王俱悉已恭敬供養過去
諸佛長夜饒益一切衆生心常行慈未曾忘
失守護羣生入勝智門不捨一切衆生出生
諸佛正法境界守護佛法受持佛性生如來
家車求一切智門

爾時諸菩薩摩訶薩聞天人及其眷屬咸作是念

如來行如來智境界如來持如來力如來無
 畏如來三昧如來住如來勝妙功德如來身
 如來智如來法一切天人無能知無能度無
 能得處無能受無能思惟無能觀察無能分
 別無能開發無能宣明無能為人如實解說
 除佛持力自在力威神力如來本願力過去
 善根力親近善知識力清淨信心方便力樂
 求勝妙法力清淨正直菩提心力深心一切
 智願力又諸大衆種種意種種欲種種解種
 種語種種種地種種根種種方便種種心境界
 種種依如來功德種種樂聞法世尊往昔發
 一切智願求一切智菩薩諸願清淨波羅蜜
 菩薩諸地菩薩滿足行菩薩莊嚴菩薩方便
 莊嚴菩薩道莊嚴菩薩出生方便海莊嚴菩
 薩自在莊嚴菩薩本生海菩提門自在海如
 來自在轉法輪如來剎清淨自在如來方便
 莊嚴衆生界如來法王法如來道明普照一
 切如來自在入一切衆生處如來爲一切衆
 生作最上福田如來爲一切衆生說功德遠
 觀三輪化度一切羣生唯願世尊大悲慈愍
 具足顯現爾時世尊知諸大衆心之所念以
 大悲身大悲門大悲爲首大悲隨順方便法
 入師子奮迅三昧令一切衆生樂清淨法入
 三昧已時大莊嚴重閣講堂忽然廣博無量

無邊不可破壞金剛寶地清淨莊嚴一切摩
尼寶王徧布其地散無量寶華奇妙眾寶瑠
璃爲柱以明淨寶而莊嚴之眾寶莊校微密
無間閭浮檀寶以爲樓閣眾寶欄楯却敵察
向阿僧祇欄楯而以莊飾諸天王寶堅固眾
寶而莊嚴之摩尼寶網彌覆其上建眾寶幢
懸諸幡蓋放大光網普照法界又以不可說
眾雜妙寶莊嚴其外四邊階道眾寶合成爾
時佛神力故令祇洹林忽然廣博與不可說
佛刹微塵數世界等眾寶莊嚴不可說寶徧
布其地阿僧祇寶以爲垣牆寶多羅樹列植
道側無量香河微沫盈滿一切寶華以爲波
浪皆悉右旋演說一切佛法音聲不可思議
分陀利華皆悉開敷彌布水上眾寶華樹高
顯榮茂列植其岸不可思議樓閣摩尼寶網
羅覆其上阿僧祇妙寶莊嚴光明普照阿僧
祇摩尼寶三嚴飾其地出眾妙香建立無量
摩尼王幢香幢衣幢幡幢繒幢華幢莊嚴具
幢護幢寶垂帶幢眾寶蓋幢大摩尼幢普照
摩尼寶幢出佛音幢師子寶王幢出一切佛
本生海幢一切法界幢摩尼寶王幢以爲莊
嚴時祇洹林上虛空中有不可思議天寶宮
殿雲不可思議眾香樹雲不可說須彌山電
莊嚴虛空不可說不可說眾寶樂器演妙法

音讚詠如來不可說寶樹雲彌覆虛空不可說衆寶座雲覆以寶衣菩薩處上歎佛功德不可說天寶像雲以爲莊嚴不可說白淨眞珠網雲以爲莊嚴不可說解脫音樂雲雨以爲莊嚴何以故如來善根不可思議故如來白淨法不可思議故如來威神不可思議故如來一身充滿一切法界自在不可思議故一切佛刹莊嚴入一佛身不可思議故一微塵中現一切佛一切法界不可思議故一毛孔中盡過去際一切如來次第顯現不可思議故放一光明照一切刹不可思議故如來一毛孔中出一切佛刹微塵等化身雲充滿一切世界不可思議故如來一毛孔中現一切佛刹成壞不可思議故如此祇樹給孤獨園見嚴淨佛刹一切法界虛空界一切世界所見嚴淨亦復如是如來充滿來詣祇洹菩薩充滿一切如來大衆海安住普雨一切妙莊嚴雲雨一切衆寶光明普照一切摩尼王雲雨一切蓋雲莊嚴一切天身雲雨一切華樹雲莊嚴一切雜色衣雲雨一切變雲流注莊嚴一切摩尼寶王莊嚴雲雨一切衆生身雜色香雲雨寶華雲諸天女雲各持妙寶於虛空中迴轉莊嚴一切衆寶鉢曇摩華雜寶師子座莊

嚴虛空爾時東方過不可說佛刹微塵等世界海有
 世界名金剛雲明淨燈莊嚴佛号明淨妙德
 王彼大衆中有菩薩名明淨願光明與不可
 說佛刹微塵等菩薩俱來向此土興種種雲
 莊嚴虛空所謂興天華雲散天末香雲垂天
 鐘帶雲雨天寶雲天莊嚴雲天寶蓋雲天寶
 水雲天幢蓋雲充滿虛空以可悅樂衆寶莊
 嚴來詣佛所禮拜供養即於東方化作一切
 莊嚴樓閣寶蓮華藏師子之座如意寶網羅
 覆其身與其眷屬結跏趺坐南方過不可說
 佛刹微塵等世界有世界名金剛藏佛号普
 照妙德王彼大衆中有菩薩名不可壞精進
 勢三與不可說佛刹微塵等菩薩俱來向此
 土皆悉膺持一切妙香神力持故普熏一切
 佛世界海執持一切摩尼寶網華鬘瓔珞寶
 衣寶像妙德光明諸莊嚴具一切妙師子寶
 以爲莊嚴神力持故充滿一切諸佛世界來
 詣佛所禮拜供養即於南方化作白淨妙寶
 樓閣普照十方寶蓮華藏師子之座結跏趺
 坐以寶華網羅覆其身西方過不可說佛刹
 微塵等世界有世界名寶燈須彌山幢佛号
 法界智燈彼大衆中有菩薩名無上普妙德
 王與世界海微塵等菩薩俱來向此土興不

可說佛刹微塵等種種色香須彌山雲充滿
一切法界不可說佛刹微塵等種種色香水
須彌山雲充滿一切法界不可說佛刹微塵
等種種色摩尼寶王須彌山雲充滿一切法
界不可說佛刹微塵等種種色光明莊嚴寶
幢須彌山雲充滿一切法界不可說佛刹微
塵等摩尼寶王徧照一切法界須彌山雲普
覆虛空一切如來不可說佛刹微塵等相好
摩尼寶王普照須彌山雲充滿一切衆生境
界一切如來爲菩薩時不可說佛刹微塵等
所行須彌山雲充滿法界一切如來示現不
可說佛刹微塵等莊嚴道場來詣佛所禮拜
供養即於西方化作一切香王樓閣以眞珠
寶網羅覆其上如帝釋幢寶蓮華藏師子之
座結跏趺坐金色寶網羅覆其身如意寶王
爲髻明珠北方過不可說佛刹微塵等世界
有世界名寶衣光明幢佛号法界虛空妙德
彼大衆中有菩薩名無礙妙德藏王與世界
海微塵等菩薩俱來向此土以一切寶縀雲
莊嚴虛空神力持故充滿虛空雜寶衣雲雜
香熏衣雲日幢摩尼寶衣雲金色妙衣雲衆

寶網衣雲閣浮檀金色莊嚴衣雲白淨寶衣
雲明淨寶王衣雲妙光寶衣雲海莊嚴寶王
衣雲莊嚴虛空神力持故皆悉充滿一切虛
空來詣佛所禮拜供養即於北方化作大海
摩尼寶王樓閣瑠璃寶蓮華藏師子之座結
跏趺坐妙寶王網羅覆其身清淨寶王爲鬚
明珠東北方過不可說佛刹微塵等世界有
世界名放離垢歡喜光明網佛号無礙眼被
大衆中有菩薩名法界善化願月王與世界
海微塵等菩薩俱來向此土興寶樓閣雲皆
悉充滿一切世界香樓閣雲香煙樓閣雲華
樓閣雲旃檀樓閣雲金剛樓閣雲摩尼樓閣
雲金樓閣雲寶衣樓閣雲鉢曇摩樓閣雲皆
悉普覆一切佛刹來詣佛所禮拜供養即於
東北方化作一切法界門寶山樓閣不可稱
香王寶蓮華藏師子之座結跏趺坐摩尼華
網羅覆其身妙莊嚴藏摩尼寶王以爲天冠
東南方過不可說佛刹微塵等世界有世界
名香雲莊嚴幢佛号龍自在王彼大衆中有
菩薩名法義慧皎王與世界微塵等菩薩俱
來向此土興無量金色圓滿光雲普覆虛空
無量寶色圓滿光雲佛白毫相圓滿光雲衆
寶雜色圓滿光雲寶蓮華藏圓滿光雲衆寶
樹華圓滿光雲如來無見頂相圓滿光雲間

浮檀金色圓滿光雲日光圓滿光雲日光圓
 滿光雲普覆虛空來詣佛所禮拜供養即於
 東南方化作明淨摩尼寶王樓閣金剛寶蓮
 華藏師子之座結跏趺坐寶燄光網羅覆其
 身西南方過不可說佛刹微塵等世界有世
 界名日光藏佛号法月普照智王彼大衆中
 有菩薩名壞散一切衆魔智幢王與世界微
 塵等菩薩俱來向此土一一毛孔普興虛空
 界等寶華燄雲徧照一切世界放香燄雲衆
 寶燄雲金剛燄雲香煙燄雲大龍自在電光
 燄雲明淨摩尼寶燄雲金色寶燄雲妙德藏
 摩尼寶王網燄雲一一毛孔各放虛空界等
 如來光明海雲普照三世來詣佛所禮拜供
 養即於西南方化作一切方門光網普照法
 界摩尼樓閣香燈燄寶蓮華藏師子之座結
 跏趺坐摩尼寶藏王妙光明網羅覆其身冠
 一切衆生向解脫音摩尼寶王冠西北方過
 不可說佛刹微塵等世界有世界名淨願摩
 尼寶藏佛号普明淨妙德須彌山王彼大衆
 中有菩薩名明淨願智幢王與世界微塵等
 菩薩俱來向此土於念念中一切相好一切
 毛孔皆出三世一切諸佛身雲充滿一切虛
 空界又出一切菩薩身雲一切如來眷屬身
 雲一切如來變化身雲一切如來本生身雲

一切聲聞緣覺身雲一切如來道場菩提樹
雲一切如來自在雲一切世界王身雲一切
嚴淨佛刹雲於念念中一切相好一切毛孔
皆出如是等雲充滿虛空來詣佛所禮拜供
養即於西北方化作諸方清淨摩尼妙寶樓
閣清淨一切衆生摩尼寶蓮華藏師子之座
結跏趺坐堅固光明眞珠寶網羅覆其身首
冠普覆摩尼寶冠下方過不可說佛刹微塵
等世界有世界名一切如來光圓滿清淨佛
号無礙虛空智幢王彼大衆中有菩薩名壞
散一切障智慧勢王與世界微塵等菩薩俱
來向此土於一切毛孔出一切衆生語海音
雲三世菩薩行海音雲一切菩薩願音雲一
切菩薩成滿清淨波羅蜜音雲一切菩薩行
妙音聲雲充滿一切世界一切菩薩積集自
在音雲一切菩薩往詣道場降伏衆魔成最
正覺自在音雲一切諸佛轉正法輪修多羅
音雲隨其所應化度衆生方便音雲令一切
衆生隨時方便得妙智慧善根音雲來詣佛
所禮拜供養即於下方化作諸佛寶光明藏
莊嚴樓閣寶蓮華藏師子之座結跏趺坐普
照道場摩尼寶一爲曇明珠上方過不可說
佛刹微塵等世界有世界名說無盡覺佛号
圓滿普智光音彼大衆中有菩薩名分別法

界智通王與世界海微塵等菩薩俱來白娑婆世界釋迦牟尼佛所一切相好一切毛孔一切肢節一切身分一切莊嚴具一切衣服中出盧舍那等過去一切諸佛未來一切已受記佛未受記佛現在十方一切世界一切諸佛及眷屬雲皆悉顯現過去所行檀波羅蜜及受施者皆悉顯現過去所修尸波羅蜜持戒清淨過去羣提波羅蜜割截肢節心不動亂過去修習毗黎耶波羅蜜過去修習一切如來禪波羅蜜海過去修習一切如來轉淨法輪過去一切悉捨不著壽命過去歡喜樂求諸菩薩道過去出生菩薩清淨大莊嚴願過去一切菩薩力波羅蜜過去一切菩薩圓滿智慧皆悉具足如是等諸自在雲充滿法界皆悉顯現來詣佛所禮拜供養即於上方化作金剛莊嚴藏樓閣青金剛寶蓮華藏師子之座結跏趺坐一切寶網羅覆其身三世佛号摩尼寶王為瑤明珠是諸菩薩及其眷屬皆悉具足普賢行願成就三世諸佛清淨智眼轉一切佛淨妙法輪攝取諸佛勝妙音聲修多羅海具足一切菩薩自在究竟彼岸於念念中悉詣一切諸如來所現自在力一身充滿一切世界能於一切如來眾中現清淨身於一微塵悉能示現一切世界隨

所應化成熟衆生未曾失時於一毛孔出一切佛妙法雷音知衆生界皆悉如幻知一切佛悉如電光知一切有趣皆悉如夢知一切果報如鏡中像知一切生如熱時燄知一切世間皆如變化具足成就如來十力無所畏法於大衆中能師子吼深入無盡一切辯海決定了知一切衆生語言法海於淨法界行無礙行知一切法皆悉無諍具足菩薩諸通妙智勤修精進摧伏諸魔安住三世勝妙智慧無所染著清淨妙行得佛莊嚴一切智地知一切有悉無所有深入一切法界智海以不壞智入一切世界於一切世界普現自在示現一切世界受生知一切世界種種形色以微細境界現廣佛刹以廣佛刹現微細境界於一念中住一切佛住得一切佛住持智身得清淨慧了知十方一切刹海於一念中悉能出生無量自在徧滿十方一切世界海此諸菩薩皆悉成就如是等無量功德滿祇洹林皆是如來威神力故爾時諸大聲聞舍利弗目犍連摩訶迦葉離婆多須菩提阿泥盧豆難陀金毗羅迦旃延富樓那彌多羅尼子如是等諸大聲聞在祇洹林而悉不見如來自在如來莊嚴如來境界如來變化如來師子吼如來妙功德如來自在行如來勢力

如來住持力清淨佛刹如是等事皆悉不見
亦復不見不可思議菩薩大會菩薩境界自
在變化菩薩眷屬隨所來方妙寶莊嚴諸師
子座菩薩宮殿三昧自在周徧觀察菩薩奮
迅勤行精進供養諸佛菩薩授記長養善根
菩薩受身清淨法身智身願身色身相好無
量光明圓滿莊嚴放大光網變化身雲菩薩
充滿一切方網菩薩諸行圓滿具足如是等
事一切聲聞諸大弟子皆悉不見何以故修
習別異善根行故本不修習能見如來自在
善根亦不修習淨佛土行又不讚歎見佛自
在所得功德不於生死中教化衆生發阿耨
多羅三藐三菩提心亦不安立衆生於佛菩
提亦不守護如來種姓令不斷絕亦不攝取
一切衆生亦不成就諸波羅蜜不爲衆生徧
歎勝妙智慧眼地亦不修習一切智行不求
諸佛離世善根亦不出生自在淨刹不求菩
薩諸通明眼不修菩薩境界不壞善根亦不
出生佛力住持菩薩大願又亦不知諸法如
幻菩薩集會悉皆如夢亦不修習菩薩離生
聖行之心不得普賢清淨智眼是諸功德不
與聲聞辟支佛共以是因緣諸大弟子不見
不聞不入不知不覺不念不能徧觀亦不生
意何以故此是菩薩智慧境界非諸聲聞智

慧境界是故諸大弟子在祇洹林不見如來自在神力亦無三昧清淨智眼於微細處見諸境界亦無法門神力境界亦無諸力勝妙功德亦無是處智亦無智眼能見聞覺知及生意念亦不樂說不能讚歎不能顯現不能施與不能勸化安立衆生於彼妙法何以故以聲聞乘出三界故又以滿足聲聞之道住聲聞果不能具足無所有智住真實諦常樂寂靜遠離大悲常自調伏捨離衆生是故雖與如來對面而坐不能覺知神變自在譬如餓鬼裸形飢渴舉身燒然爲諸虎狼毒獸所逼往詣恒河欲求水飲或見枯竭或見灰炭所以者何悉由宿行罪業障故一切聲聞亦復如是雖在祇洹不覩如來自在神力所以者何無明障瞋覆淨眼故譬如有人於大會中昏寢夢見諸天城郭帝釋宮殿園觀林流衆寶莊嚴散諸華寶樹行列妙衣覆上諸天男女遊戲其中自然妙音共相娛樂受天使樂其人自覩安住此處見天宮殿無量莊嚴其餘大會悉不知見所以者何覺夢異故一切菩薩世界諸王亦復如是如彼夢中無所不見深入菩薩妙法門故積集善根出生一切智願故決定明了佛功德故正向菩薩弘誓道故滿足一切智故滿足普賢諸行願

故得一切菩薩圓滿地故得一切菩薩三昧自在故行一切菩薩無礙智故是故一切諸大菩薩悉觀如來不可思議神變境界深入明達究竟彼岸一切聲聞諸大弟子皆不能知譬如雪山有諸藥草賢明良醫悉分別知雖有捕獵放牧人等遊止彼山悉不能知菩薩摩訶薩亦復如是具足一切智出生一切菩薩自在明了如來神足變化彼諸聲聞大弟子來雖處祇洹悉不覺知所以者何常求自安不廣濟故譬如地中有諸寶藏唯呪術者悉能別知記錄庫藏以自資給奉養父母賑卹親屬拯濟貧乏菩薩摩訶薩亦復如是入無量方便大海諸三昧海恭敬供養一切諸佛守護正法以四攝法攝取衆生諸大聲聞雖處祇洹不觀如來自在神變譬如盲人至大寶洲行住坐卧不見衆寶此諸聲聞亦復如是在祇洹林大法寶洲親侍世尊不觀如來自在神變菩薩大衆所以者何不得菩薩清淨眼故不能次第覺法界故譬如有人以明淨藥而用治眼於夜闇中處在大衆悉見衆人行住坐卧餘人不見如來亦爾逮得無礙清淨智眼悉能知見一切世間示現無量自在神變及菩薩衆諸大聲聞不觀如來

自在神變乃菩薩眾譬如比丘在大會中入一切處定所謂地水火風天衆生境界其餘大衆悉不能見地水火風乃至境界諸一切處如來所現不可思議菩薩悉見諸大聲聞不知不見譬如有人以瞋身藥自塗其目行住坐卧無能見者唯有彼人悉能觀見如來亦復如是永離世間無能見者唯一切智菩薩境界非諸聲聞之所能知如人從生有二種天常隨侍衛一日同生二日同名天常見人人不見天如來神變亦復如是非諸聲聞所能知見唯諸菩薩乃能觀見譬如比丘於大衆中入滅盡定不捨諸根亦不滅度而不知見諸大衆事所以者何滅定力故諸大聲聞亦復如是處祇洹林大衆之中諸根現前而不觀見如來神變不入不知不覺不念不生心意所以者何如來境界甚深彌曠難知難見難得原底無有限量遠離世間不可思議無能壞者非諸聲聞緣覺境界爾時明淨願光明菩薩承佛神力觀察十方以偈頌曰

瞻察堅固人 菩提難思議 祇洹林顯現 無量自在法
如來神力持 顯現無量德 世間悉迷惑 不知諸佛法
法王甚深法 無量難思議 顯現大變化 一切莫能測
如來莊嚴相 讚歎不可盡 以法無相故 宜明一切佛
最勝於祇洹 顯現自在力 甚深不可議 遠離語言道

觀察無量德 菩薩衆雲集 不思議利來 供養於最勝
慈滿諸大願 常修無礙行 一切諸世間 莫能知其心
一切諸緣覺 無量大聲聞 皆悉不能知 菩薩行境界
菩薩大智慧 一切莫能壞 遠離諸亂想 究竟深智地
最大名稱人 深入無量定 顯現自在力 充滿諸法界
爾時不可壞精進勢王 菩薩承佛神力觀察
十方以偈頌曰

瞻察眞佛子 功德智慧藏 究竟菩薩道 安隱諸世間
無量智明鑒 禪定心不動 智慧甚深廣 境界不可測
閑靜祇洹林 無量妙莊嚴 菩薩皆充滿 悉依正覺住
無量大衆海 一切無所著 十方來會此 處華師子座
除滅衆虛妄 一切無所染 離垢無礙心 究竟諸法界
建立智慧幢 不動如金剛 諸法無變化 示現無量變
一切十方界 無量億佛刹 悉能徧往詣 而亦不分身
瞻仰釋師子 無量力自在 以佛威神故 十方大衆集
佛子悉究竟 一切語言道 佛法不可壞 安住法界地
法性不可壞 牟尼甚深法 句身及味身 分別無窮盡
爾時無上善妙德王 菩薩承佛神力觀察十
方以偈頌曰

瞻察堅固人 智慧廣圓滿 善知時非時 爲衆演說法
遠離諸外道 調伏諸論師 隨其所應化 爲現自在力
正覺非量法 亦非無量法 牟尼悉超越 有量無量法
譬如明淨日 除滅一切闇 道師智亦然 普照三世法
譬如十五日 圓滿明淨月 最勝亦如是 白淨法圓滿

譬如虛空中淨日光明耀普照於一切佛自在亦然
譬如虛空性一切無障礙世間燈如是自在無障礙
譬如大地性能持諸羣生世間燈法輪能持亦如是
譬如大風性飄疾無障礙佛法亦如是速徧諸世間
譬如大水輪世界所依住智慧輪亦然三世佛所依
爾時無礙妙德藏王菩薩承佛神力觀察十方以偈頌曰

譬如大寶山饒益諸羣生如來功德山饒益亦如是
譬如大海水清涼而澄淨如來亦如是能除熱渴愛
譬如須彌山安峙於大海如來山亦然安住深法海
譬如大海中能出一切寶無師智亦然覺難覺無難
導師甚深智無量無有數顯現自在力無能思議者
譬如工幻師示現種種事佛智亦如是現諸自在力
譬如如意珠能滿一切意最勝亦如是悉滿諸淨願
譬如明淨寶悉能照一切導師智如是普照一切法
譬如隨方寶正住諸方現無礙燈亦然諸法於中現
譬如淨水珠澄清諸濁水見佛亦如是諸根悉清淨
爾時法界善化願月王菩薩承佛神力觀察十方以偈頌曰

譬如青寶珠能青一切色若有見佛者皆悉同菩提
一一微塵中最勝現自在悉能淨無量無邊諸菩薩
逮得甚深法種種莊嚴事唯諸菩薩境世間莫能測
具足諸莊嚴如來淨妙行成就菩薩道深入諸法界
正覺所示現不可思議刹一切現在佛菩薩悉充滿

釋師子成就 無量自在法 示現大神變 無量無有邊
菩薩種種行 無量無有邊 如來自在力 爲之悉顯現
佛子善修學 甚深諸法界 成就無礙智 明了一切法
如來威神力 爲衆轉法輪 出生勝功德 令世悉清淨
如來淨境界 甚深圓滿智 實智大龍王 度脫一切衆
爾時法義慧談王菩薩承佛神力 觀察十方
以偈頌曰

最勝有三世 聲聞諸弟子 皆悉不能知 如來壓足事
去來今現在 一切諸緣覺 亦復不能知 如來壓足事
何況世凡夫 結使所纏縛 愚闇覆淨眼 而能知道師
最勝無量德 具足諸智慧 超出語言道 一切莫能知
譬如明淨月 光明無能知 導師亦如是 功德不可議
如來一方便 出生無量德 無數劫思算 不能知少分
如來一方便 出生無量德 一切智正法 皆悉無能知
若有求菩提 修習菩薩行 是彼之境界 所能分別知
不思議方便 超度生死海 若滅吾我心 是則能究竟
清淨心無量 大願悉成滿 逮得佛菩提 最勝之境界

大方廣佛華嚴經卷第四十四

相擊

安慰

珊瑚

凝瞻

達觀

奮迅

爲柱

欄楯

寮阿

垣牆

列植

裸形

飢渴

上居火切
下苦烏切

虎狼

下郎音

毒獸

下舒救切

所逼

下微剛切

枯竭

上其錫切

灰炭

上呼快切

宵寢

下七終切

捕獵

上步音切

放牧

下莫六切

賑恤

上章月切
下我音

安峙

下直里切

甲辰歲高麗國大藏都監奉

勅彫造

大方廣佛華嚴經卷第四十五

明證

東晉天竺三藏佛跋陀羅譯

入法界品第三十四之二

爾時壞散一切衆魔智幢王菩薩承佛神力

觀察十方以偈頌曰

大智無礙身非身難思議如來淨法身一切莫能測
不思議行業起此清淨身無量妙莊嚴不深於三界
普明照一切清淨諸法界開發菩提門出生深定智
永離諸垢染除滅一切障世間明淨日普放慧光明
顯現無量色於彼無所染所可現衆色一切莫能思
人三勝智慧能於念念中具無量菩提一切莫能知
具足無盡智一切莫能壞彼於一念中明達三世佛
分別一切業正念思菩提於思而非思思法寂滅故
甚深不可說遠離語言道如來從此起佛業難思議
爾時明淨願智幢王菩薩承佛神力觀察十
方以偈頌曰

離癡清淨念聞持一切法深慧能分別諸佛無盡海
菩薩決定心修習菩薩行出生甚深智除滅諸疑惑
其心無疲厭遠離於懈怠常勤修精進究竟諸佛法
具足信智慧安住不可動常樂甚深智觀察無所著
無量無邊劫積集諸功德專心常迴向諸佛甚深法
雖在生死中其心無染著安住諸佛法常樂如來行
世間諸所有陰界等諸法無畏悉除斷安住佛正法

世間顛倒惑生死輪常轉修習無礙行實利益衆生
 菩薩行難稱一切莫能知除滅一切苦安樂諸羣生
 善覺菩提智普照諸世間除滅愚癡闇度脫一切衆
 爾時壞散一切障智慧勢王菩薩承佛神力
 觀察十方以偈頌曰

無量無數劫佛音難得聞何況親奉觀除滅諸疑惑
 如來世間燈究竟一切法無上勝福田令衆悉清淨
 如來妙色身一切莫能思無量劫諦觀其心無厭足
 佛子善觀察如來妙色身除滅一切障究竟成菩提
 如來妙色身出生淨妙音無礙諸辯才廣開菩提門
 普照一切衆無量難思議建立大乘智授以菩提記
 功德圓滿日出興照世間長養一切世無量功德身
 若有值如來遠離諸惡道除滅一切苦具足智慧身
 若有見如來能發無量心長養無數智值遇諸導師
 若有見如來得定菩提心能自決定知我必成菩提
 爾時分別法界智通王菩薩承佛神力觀察
 十方以偈頌曰
 菩薩見如來無量淨功德皆悉善迴向究竟一切智
 饒益衆生故如來出世間具足大悲心爲世轉法輪
 一切無能報大仙普慈恩不可思議劫代衆受苦故
 無量億劫中受諸地獄苦不捨一切衆悉令得見佛
 普能代衆生具受無量苦其心無疲倦爲度一切故
 一切諸世間所有惡道苦如來常處中悉令聞正法
 一一地獄住不可思議劫具受無量苦終不離諸佛

所以無量劫常在三惡道欲令諸羣生長養智慧故
 衆生見如來除滅諸苦惱安立於大智一切佛境界
 若有見佛者除滅一切障長養功德藏究竟成菩提
 如來能除滅世間諸疑惑隨其所應化悉滿彼大願
 爾時普賢菩薩觀察一切大衆欲重開發顯
 現照明以法界等方便廣說師子奮迅三昧
 法界等虛空界等三世等一切衆生界等一
 切劫等一切業性等衆生希望等衆生欲等
 法光明等隨時教化等一切衆生根等爲諸
 菩薩十種廣說師子奮迅三昧何等爲十所
 謂廣說一切法界中一切佛刹微塵等佛次
 第興世演說正法廣說虛空界等一切佛刹
 中盡未來劫一切諸佛所說廣說一切佛刹
 中一切如來現成正覺廣說虛空界等一切
 佛刹中佛坐道場眷屬圍遶菩薩大衆皆悉
 往詣廣說一念中三世一切佛出變化身充
 滿一切法界廣說一身充滿一切世界海一
 切佛刹海平等照持廣說一一境界中顯現
 三世一切諸佛自在功德地廣說一一微塵
 中顯現三世一切佛刹微塵等佛自在神力
 廣說一一毛孔出三世一切佛大願海音開
 發化導盡未來劫一切菩薩廣說處法界等
 師子之座大衆圍遶莊嚴道場各隨其處轉
 妙法輪盡未來劫未曾斷絕佛子此師子奮

迅三昧有如是等不可說佛刹微塵等廣說
唯是如來智慧境界爾時普賢菩薩摩訶薩
欲重明師子奮迅三昧承佛神力觀察如來
觀察大衆觀察如來不可思議境界觀察諸
佛三昧觀察不可思議世界觀察不可思議
智慧觀察一切法皆悉如幻觀察不可思議
諸佛平等觀察無量無邊一切音聲語言道
故以偈頌曰

一一毛孔中 普現最勝海 佛處如來座 菩薩衆圍遶
一一毛孔中 無量諸佛海 道場處華座 轉淨妙法輪
一一毛孔中 一切刹塵等 最勝跏趺坐 演說普賢行
最勝坐一刹 充滿十方界 無盡菩薩雲 來詣於佛所
無量億佛刹 塵數菩薩集 圍遶於如來 爲說諸法界
顯現諸佛刹 入法界智海 安住普賢行 滿足諸佛行
安住於如來 一切諸世界 深入菩薩行 樂聞勝法雲
一一刹無量 億劫修諸行
修習彼行已 究竟深法海 滿足大願海 安住如來地
出生最勝法 具足普賢行 成就功德海 得無量自在
如來身雲覆 一切諸佛刹 普雨甘露法 令衆住佛道
爾時世尊欲令諸菩薩安住師子奮迅三昧
故放眉間白毫相光名普照三世法界門不
可說世界微塵等光明以爲眷屬普照十方
一切世界海時祇洹林菩薩大衆普雲集者
悉見一切法界虛空界等一切佛刹種種色

種種清淨種種安住種種形如是等一切世
 界諸大菩薩現坐道場菩薩圍遶諸天供養
 成等正覺或見於不可說佛刹微塵等諸眷
 屬中出妙音聲充滿法界轉淨法輪或見在
 天宮殿在龍宮殿夜叉乾闥婆阿脩羅迦樓
 羅緊那羅摩睺羅伽及人非人等諸宮殿中
 或見在人聚落城邑大王京都現種種身種
 種姓名種種色種種圓光種種光網種種辯
 種種眷屬種種持種種教持種種音聲而爲
 說法如此間如來爲諸菩薩現甚深三昧神
 力變化一切法界虛空界等十方一切世界
 海中現國土身及衆生身諸業所起乃至一
 毛孔中一切悉現亦復如是而不壞三世不
 壞衆生普照一切諸衆生心色身清淨隨所
 應化普現一切衆生類前開示一切諸佛妙
 法調伏衆生顯現如來自自在神力其有衆生
 見聞念知如來自自在神通力者皆佛宿世善
 知識也皆悉修習四攝善根一向專求無上
 菩提攝諸善根成就方便逮得如來不可思
 議自在三昧悉與法界虛空界等或得法身
 或得色身或得菩薩具足諸行或得清淨諸
 波羅蜜或得菩薩圓滿淨行或得菩薩諸地
 或得菩提自在或得如來不壞三昧或得如
 來諸行智力或得如來無礙辯才此諸菩薩

得如是等十不可說佛刹微塵等諸妙功德
所謂種種道種種門種種入種種度種種方
便種種至種種方種種光明種種功德種種
功德具種種自在深入菩薩諸三昧海所謂
普莊嚴法界菩薩三昧普照三昧無礙三昧
不壞法界智三昧隨時深入如來境界三昧
普照虛空三昧行如來力三昧如來無畏莊
嚴師子奮迅三昧一切法界方便藏三昧無
礙法界淨月三昧清淨莊嚴法雲三昧除滅
凝障法王幢三昧一一境界中悉見一切佛
海三昧一切世間不可壞身清淨光明智幢
三昧深入佛身無壞三昧隨順一切世藏三
昧諸法無迹無依三昧圓滿普照寂滅三昧
無所有善化普化徧照三昧攝持一切佛刹
三昧莊嚴一切佛刹現成菩提三昧行一切
王法三昧行一切衆生境界無礙三昧生一
切諸佛三昧究竟一切佛德海三昧一一境
界出生盡未來際功德三昧解了一切如來
本生海三昧護持盡未來際一切如來種性
三昧今現在十方一切佛刹海悉淨三昧於
一念中普照一切佛住三昧遠離障礙深入
一切境界三昧令一切刹入一佛刹三昧出
一切佛化身三昧決定智慧金剛王入一切
根海三昧住持一切佛身皆一身藏無差別

三昧於一念中住一切佛法界方便無盡三昧於一切法界佛剎中示現涅槃三昧住無上地三昧令一切世界衆生悉見其身無別異三昧一切佛智現前三昧知一切法實相三昧於一念中具分別知三世三昧於一念中知一切法界藏三昧皆隨順知如來智師子行三昧於一切境界慧眼圓滿三昧十力境界等三昧於一切境界以平等眼示現三昧出生一切妙色衆生見無厭足三昧無動藏三昧一法攝一切法三昧一言普說一切音聲三昧一切佛無二法三昧離三世三昧分別一切劫不壞智三昧微細方便十力內三昧一切劫出生菩薩行無斷三昧一切十方普雲現前三昧菩提自在法界無礙三昧分別一切覺正希望安隱幢三昧一切莊嚴莊嚴虛空三昧於念念中出生化雲三昧離垢如空如來月光三昧一切佛持如空三昧一切法莊嚴法光三昧開一切法義燈三昧十力圓滿光三昧三世一切佛幢三昧一切佛同一藏三昧於念念中發起究竟一切事三昧無盡功德藏三昧示現無量無邊諸佛境界三昧住一切法金剛師子座三昧出生顯現一切如來變化無不知見三昧一切念如來日三昧一日悉覺三世三昧自然寂靜

解脫三昧見一切佛三昧鉢曇摩華莊嚴一切法界決定智三昧一切法無著虛空淨眼三昧一方攝十方海三昧深入無底法界三昧一切法海三昧放一切光寂靜身三昧一念出生一切通明願三昧一切時一切處成菩提三昧一切法界入一莊嚴三昧一切佛住持三昧一切衆生勝地智明三昧一念中一身充滿法界三昧一身中顯現清淨法界三昧普門入法界顯現大莊嚴三昧一切佛法圓滿輪智住持三昧一切法方便一方便莊嚴三昧因陀羅網攝衆生界諸願精進住持三昧分別一切世界輪三昧蓮華妙德自在三昧分別一切衆生身三昧對現一切衆生身三昧分別一切音聲海三昧了知一切衆生地三昧不可壞大悲藏三昧一切佛入如來際三昧修習一切佛法門三昧觀察師子奮迅菩薩三昧如是等不可說佛刹微塵等三昧門入如來海入一切佛自在三昧於念念中充滿法界彼諸菩薩一一皆有妙師子座悉與十佛世界等現大自在甚深智慧悉得諸地明淨智慧普觀一切從智性生專求一切智具足成就離癡慧眼悉爲衆生作調御師修行諸佛平等正法決定了知一切境界分別了知一切世界樂寂滅法遠離世

閒常好閑靜遊諸佛刹無所染著於一切法
心無所依安住莊嚴妙法宮殿教化成熟一
切衆生爲一切衆生顯現佛刹具足成就無
上智門順離欲際得智慧身消竭一切諸有
爲海爲一切衆生顯真實際法海慧光具足
圓滿皆悉安住堅固三昧以大悲心常念衆
生解一切衆生皆悉如夢一切如來悉如電
光一切言音皆悉如響了一切法皆悉如化
滿足諸願具菩薩行普智圓滿方便清淨心
樂寂靜成滿一切諸陀羅尼智慧境界具足
十力遠離恐怖安住法界具淨法眼得一切
法無所有門修行無量智慧大海究竟到於
智慧彼岸悉得般若波羅蜜力成就神通波
羅蜜度衆生海於三昧波羅蜜悉得自在善
知一切智無錯謬巧妙方便開示法藏具足
辯才成就大願具足諸力法雲無盡於大衆
中能師子吼而無所畏常求正法心無所著
以淨慧眼滅除癡闇智月圓滿照世生滅成
就智慧放大光明照一切諦善巧方便智慧
功德金剛之山超出三世一切法王覺無所
畏智功德幢滅諸魔幢建立精進圓滿智幢
具足成就無上之身得一切法無疑智慧覺
了無盡智真實際安住眞際修行決定無相
三昧巧方便生諸菩薩行無二智慧諦見境

界世間諸趣普照佛刹無所染著於一切法
除滅癡闇究竟智慧皆悉圓滿放淨法光照
十方界爲一切衆生作不虛福田若見聞者
所願成滿爲一切世間功德須彌遠離恐怖
伏諸外道以微妙音徧一切刹常見諸佛心
無厭足成就如來自任法身隨其所應而化
度之能以一身滿一切刹以少方便具足清
淨自在神力普遊十方無所障礙智慧圓滿
徧照法界爲一切衆耀明淨日隨其所應讚
歎功德了一切衆生諸根希望於一切法得
無諍境界分別了知諸法自性大小相攝決
了如來甚深之地說句味身諸法深義無有
窮盡於一言中普說一切修多羅海究竟一
切諸陀羅尼廣智慧身究竟無量劫陀羅尼
於一念中決定了知不可說劫於一念中了
達三世法陀羅尼普照無量諸佛法海爲一
切衆生起淨智慧轉正法輪無能壞者成就
如來智慧境界常入善現三昧正受遠離障
礙深入諸法於一切法得勝智自在清淨莊
嚴一切境界深入十方甚深法界攝取十方
一切法界於一一微塵中現成正覺於無色
性現一切色能以一方攝一切方彼諸菩薩
具足成滿如是等無量功德智慧之藏常爲
一切諸佛讚歎以句味身說其功德不能窮

盡皆悉雲集於祇洹林爾時彼諸菩薩深入
如來功德大海入已於菩薩身中及樓閣中
莊嚴具中師子座中以樂法力故不可思議
力故於念念中各放無量光明雲普照法界
覺悟衆生所謂出一切寶香光明雲讚歎三
世諸佛功德微妙音聲充滿十方出一切衆
生雲境界光明說一切衆生清淨業報微妙
音聲充滿十方出一切菩薩願行莊嚴光雲
說一切菩薩願行功德出一切佛變化身雲
一切如來微妙音聲充滿十方出一切菩薩
身雲相好莊嚴於一切佛刹以微妙音讚歎
諸佛充滿十方出三世佛莊嚴道場雲現一
切佛成等正覺充滿十方於一切境界中出
龍王雲雨一切香充滿十方出一切佛身雲
歎普賢行充滿十方出一切佛刹淨光明雲
一切如來轉法輪音充滿十方時諸菩薩威
神力故此法力故出如是等不可說佛刹微
塵等雲爾時文殊師利菩薩摩訶薩承佛神
力觀察十方欲讚歎祇洹林中無量莊嚴以
偈頌曰

觀察祇洹中如來自在力一切境界出無量功德雲
無量淨妙色種種而莊嚴皆悉普照現十方諸佛刹
佛子身毛孔出佛音聲雲種種寶莊嚴充滿十方刹
其身如梵王威儀常安靜徧遊十方刹演出妙音聲

如來毛孔出不可思議身皆悉如普賢衆妙相莊嚴
菩薩普成就三世功德海充滿於虛空出生莊嚴雲
於此祇洹中演出妙音聲普說一切衆善淨業果報
一一境界中悉現佛刹海三世諸如來無量自在力
如來毛孔中一切諸世界微塵等佛刹皆悉分別現
一切境界中出生諸佛雲無量善方便度脫一切衆
華雲香嚴雲清淨摩尼寶種種莊嚴雲充滿於十方
三世一切佛莊嚴妙道場於此祇洹林一切悉顯現
普賢等佛子無量種莊嚴衆生等劫中所修嚴淨刹
如是諸世界悉現祇洹林

時彼一切諸菩薩衆以如來三昧照故一一
皆得不可說佛刹微塵等大悲法門饒益安
樂攝取衆生彼諸菩薩於一一毛孔各出不
可說佛刹微塵等光明一一光明端各出不
可說佛刹微塵等菩薩其身尊重於諸世間
最爲殊勝隨其所應皆悉顯現充滿法界教
化衆生未度者度未脫者脫現不可說佛刹
微塵等諸天宮殿無常死相一切諸法皆悉
如夢讚歎道場說一切菩薩諸大願門或於
一切世界示現受生爲一切衆生廣現檀波
羅蜜門或現一切諸佛圓滿淨戒功德尸羅
波羅蜜門或現斷一切肢節羸提波羅蜜門
或現勤修精進毗梨耶波羅蜜門或現一切
菩薩禪定三昧相續解脫法門如來圓滿智

慧光明專求一切佛法爲一一句身味身義
故能捨無量無數之身詣諸佛所問無量法
門善知時會隨其所應而爲現法令一切衆
生住一切智速得方便智光海門悉能供養
諸佛菩薩降伏衆魔制諸外道悉能顯現菩
薩力門知一切技術明淨智地欲令衆生得
勝妙法悉能了知衆生諸根煩惱習氣種種
業報及智慧地以如是等不可說佛刹微塵
等法門教化衆生或現天宮或現龍宮夜叉
乾闥婆阿脩羅迦樓羅緊那羅摩睺羅伽等
宮或現梵宮或現人宮或現閻羅王宮或現
地獄餓鬼畜生處大悲智慧及諸大願不可
沮壞攝取衆生不捨方便或以名号教化或
以憶念教化或以音聲教化或以圓滿光明
教化或以光明網教化隨其所應悉現其前
現處處莊嚴不離佛所不離樓閣座而普現
十方或放化身雲或現無二身遊行十方教
化衆生或現聲聞色像或現梵天色像或現
一切苦行色像或現良醫色像或現商人色
像或現正命色像或現妓人色像或現天色
像或現一切技術色像或現一切城邑聚落
京都色像隨其所應往詣其所或現種種色
身音聲教化衆生或現諸語言法種種威儀
種種菩薩行種種巧術一切智明爲世間燈

普照衆生業報莊嚴分別諸方悉行圓滿善
 薩諸行悉現一切城邑聚落京都化度衆生
 爾時文殊師利童子從善安住樓閣出與一
 切同行諸菩薩俱金剛力士常隨侍衛本願
 足天樂聞法地天常習大悲泉池方天除滅
 愚癡夜天出生佛晝日天莊嚴正法界虛空
 河天度衆生生死海天長養一切善根薩婆
 若山天莊嚴一切衆生身滿足諸願供養一
 切佛身天守護一切衆生成天守護一切衆
 生夜叉王令一切衆生歡喜乾闥婆王除滅
 一切餓鬼趣鳩槃荼王於生死海拔濟衆生
 迦樓羅王正求薩婆若阿脩羅王見佛歡喜
 無厭足摩睺羅伽王常厭生死諸天王常敬
 禮佛諸梵天王等俱詣佛所頭面禮足設諸
 供養已辭遊南方爾時尊者舍利弗承佛神
 力見文殊師利童子以菩薩莊嚴而自莊嚴
 出祇洹林遊行南方見已作如是念我今當
 與文殊師利菩薩俱行爾時尊者舍利弗與
 六千比丘眷屬圍遶從自房出來詣佛所禮
 足辭退向文殊師利此六千比丘是舍利弗
 共行弟子皆新出家其名曰海智比丘大善
 調伏比丘功德光比丘大童子比丘電光興
 比丘清淨行比丘天妙德比丘因陀羅慧比
 丘梵天比丘寂靜慧比丘如是等六千比丘

已曾供養過去諸佛於諸佛所種諸善根性
樂清淨信心明徹行諸大願觀佛境界了法
實相饒益衆生常樂專求諸佛功德此等比
丘皆是文殊師利之所化度爾時尊者舍利
弗觀察大衆普海智比丘言汝可觀察文殊
師利菩薩清淨之身相好莊嚴一切天人莫
能思議光明圓滿令無量衆生發歡喜心放
大莊嚴妙光明網除滅衆生無量苦惱觀其
眷屬成就善根觀其遊步威儀庠序所遊行
處自然平正十方無礙觀其功德所行道路
其傍悉有衆妙寶藏自然發出觀其供養過
去諸佛善根依果從衆林樹出莊嚴藏觀彼
一切諸天大王恭敬禮拜供養雲雨海智汝
觀文殊師利一切如來眉間毫相放無量光
說諸佛法悉入其頂爾時尊者舍利弗爲諸
比丘讚說文殊師利無量功德諸大莊嚴彼
諸比丘聞讚歎已皆悉歡喜其心清淨離諸
垢穢身體柔軟調伏諸根遠離障礙現見諸
佛正求菩提速得菩薩清淨諸根具菩薩力
長養大悲入諸波羅蜜發弘誓願悉見十方
諸如來海時諸比丘白尊者舍利弗言唯然
六師願俱往詣文殊師利爾時尊者舍利弗
與諸比丘往詣其所到已謂文殊師利此諸
比丘皆新出家欲見仁者爾時文殊師利童

子即爲顯現菩薩自在如象王迴顧視比丘
 時諸比丘頭面禮足却住一面合掌而立作
 如是念我等以此禮拜功德知法實相如和
 上舍利弗釋迦牟尼世尊得清淨身相好音
 聲神力自在如文殊師利爾時文殊師利告
 諸比丘汝等當知若善男子善女人成就十
 種大心則得佛地況菩薩地何等爲十所謂
 發廣大心長養一切善根究竟不返心無厭
 足見一切佛恭敬供養心無厭足正求一切
 佛法心無厭足徧行菩薩諸波羅蜜心無厭
 足具足一切菩薩三昧心無厭足於一切三
 世流轉心無厭足嚴淨佛刹充滿十方心無
 厭足教化成熟一切衆生心無厭足於一切
 刹一切劫中行菩薩行心無厭足發廣大心
 修習一切佛刹微塵等諸波羅蜜度脫一切
 衆生具佛十力心無厭足若善男子善女人
 成就如是十種大法則能長養一切善根離
 生死趣一切世間性超出聲聞緣覺之地生
 如來家具足成就菩薩大願行菩薩行住菩
 薩地成就如來功德之力降伏衆魔制諸外
 道彼諸比丘聞此法已皆得無礙淨眼三昧
 悉見十方一切如來及其眷屬無量衆生亦
 見種種世界形類衆寶宮殿及諸微塵乃至
 如來十眼境界皆悉覩見彼諸如來以種種

句身味身種種辯才微妙音聲所說法海皆悉聞知彼世界中一切衆生心念諸根皆悉了知知彼衆生過去未來諸趣受生又能知彼過去未來各十劫事知彼如來十種本生十種成就菩提自在十種轉法輪十種神力十種教誡十種說法十種辯才得此三昧時具足成就十種實際菩提之心一萬三昧一萬淨波羅蜜得大智慧圓滿光明菩薩十明住菩提心爾時文殊師利菩薩勸諸比丘修普賢行住普賢行彼諸比丘出生大願海生大願海已身心清淨得不死通明得是明已不離此處出生一切如來法身充滿十方具足一切佛法爾時文殊師利菩薩建立彼諸比丘菩提心已與其眷屬漸遊南方至覺城東住莊嚴幢娑羅林中大塔廟處過去諸佛所遊止處亦是過去諸佛為菩薩時修苦行處此處常為一切天龍夜叉乾闥婆阿脩羅人非人等之所供養時文殊師利即於此處說普照一切法界修多羅有百萬億修多羅以為眷屬說此法時於大海中有無量千億龍王與眷屬俱來詣文殊師利聞此法已厭離龍趣正求佛道捨龍身已生天人中一萬龍王於阿耨多羅三藐三菩提得不退轉時覺城人間文殊師利在莊嚴幢娑羅林中大

塔廟處聞已優婆塞優婆夷童男童女皆悉
往詣文殊師利時有優婆塞名曰大智與十
優婆塞眷屬俱其名曰須達多優婆塞婆須
達多優婆塞功德光優婆塞名稱德優婆塞
寂靜德優婆塞歡喜德優婆塞善慧優婆塞
大慧優婆塞賢優婆塞妙德優婆塞如是
等十優婆塞俱頭面禮足退坐一面復有五
百優婆夷其名曰大慧光優婆夷善光優婆
夷善身優婆夷可樂身優婆夷跋陀羅優婆
夷賢德優婆夷賢光優婆夷光明幢優婆夷
妙德光優婆夷善眼優婆夷如是等五百優
婆夷俱頭面禮足退坐一面復有五百童子
其名曰善財童子善行童子善戒童子善威
儀童子善精進童子善心童子善慧童子善
覺童子善眼童子善臂童子善光勝童子如
是等五百童子俱頭面禮足退坐一面復有
五百童女其名曰善行童女跋陀羅童女悅
樂顏童女堅固慧童女妙功德童女勝體童
女梵天與童女功德光童女善光明童女如
是等五百童女俱頭面禮足退坐一面爾時
文殊師利知覺城大眾集已隨其所應以大
慈力令彼清涼大悲現前將爲說法甚深智
慧分別其心以大辯力而爲說法觀察善財
童子以何因緣名曰善財此童子者初受胎

時於其宅內有七大寶藏其藏普出七寶樓閣自然周備金銀琉璃玻瓈真珠磑磑碼碼從此七寶生七種芽時此童子處胎十月出生端正肢體具足其七種寶芽高二尋廣七尋又其家內自然具有五百寶器盛滿眾寶金器盛銀銀器盛金金剛器盛眾香眾香器盛寶衣玉石器盛上味饌摩尼器盛雜寶種種寶器盛酥油蜜及以醍醐資生之具琉璃器盛眾寶玻瓈器盛磑磑磑磑器盛玻瓈碼碼器盛赤珠赤珠器盛碼碼火珠器盛淨水珠淨水珠器盛火珠如是等五百寶器自然行列又雨眾寶滿諸庫藏以此事故婆羅門中善明相師字曰善財此童子者已曾供養過去諸佛深種善根常樂清淨近善知識身口意淨修菩薩道求一切智修諸佛法心淨如空具菩薩行爾時文殊師利菩薩如象王迴觀察善財而告之曰吾當爲汝說微妙法即爲分別諸佛正法分別諸佛次興世法淨眷屬法轉梵輪法諸佛色身相好清淨莊嚴之法一切諸佛具法身法諸佛音聲妙莊嚴法說一切如來平等正法爾時文殊師利知善財等一切大眾聞說此法皆大歡喜發菩提心顯明過去諸善根已不捨本座如應化度覺城眾生已遊行南方爾時善財童子從

文殊師利聞佛如是諸妙功德專求菩提隨從文殊師利以偈頌曰

三有為城郭高慢為圍牆諸趣為却敵深愛為深壑
愚癡闇覆蔽三毒常熾然惡魔為君王童蒙依止住
貪愛所纏縛諂曲壞正行疑惑障慧眼流轉諸邪道
慳嫉所繫縛趣向餓鬼難生老病死逼愚癡轉趣輪
圓滿無上悲清淨智慧日消竭煩惱海願願少觀察
圓滿無上慈慧光安眾生一切無不曜月王願照我
一切法界王淨法為四兵常轉正法輪願化我妙法
具足菩提願積集功德藏饒益一切眾大師願度我
忍鎧莊嚴身執持智慧劍於魔嶮惡道濟我免眾難
化法須彌頂妙定天女侍降伏阿脩羅帝釋觀衆我
具足離治力分別一切有世間明淨燈願示我正趣
遠離諸惡道悉令善趣淨開我解脫門超出諸世難
著常樂我淨迷惑於生死清淨智慧眼願開解脫門
遠離諸顛倒無畏知正道了達諸正趣示現我菩提
安住正見地諸佛功德樹常雨正覺華願示我菩提
世間明淨日三世諸如來如法而來去願令我悉見
分別一切業深知諸法性決定智慧乘示我摩訶衍
諸願輪成滿大悲不可盡淨妙德莊嚴安我菩提乘
具足淨法界大慈為觀察功德華莊嚴賜我第一乘
安住梵行座三昧女朝侍微妙法音樂示我法王道
無盡四攝藏功德莊嚴智光明照一切願速示勝道
施惠圓滿光栴檀戒塗身忍辱大莊嚴願速示正道

深入諸禪定 教化羣生類 具足方便乘 安我勝法乘
諸願圓滿輪 永絕生死輪 具足持智力 安我妙法乘
一切悉殊妙 大悲觀衆生 究竟勝妙行 安我實智乘
安住金剛慧 究竟一切智 除滅諸障礙 安我賢聖乘
慈悲甚彌廣 安樂諸羣生 法界等淨眼 安我無上乘
除滅衆苦陰 諸業煩惱輪 降伏一切魔 安我正法乘
智慧照十方 莊嚴諸法界 滿足衆生願 安我勝妙乘
心淨如虛空 除滅邪見愛 饒益一切衆 安我勝法乘
安住如風輪 普持一切刹 令衆住定地 安我殊勝乘
安住如大地 具足大悲力 智慧益衆生 安我最勝乘
四攝光圓滿 饒益羣生類 提持清淨光 示我明淨日
開發淨慧眼 莊嚴妙智王 冠以無上冠 法王慈顧我
大方廣佛華嚴經卷第四十五

錯誤	上倉各切	下麻幼切	羣提	上初歷切	技術	上爐音	下迷音
庠序	上似羊切	下徐呂切	其傍	下步光切	垢穢	下於廢切	
顧視	上故音	下承美切	味集	下士戀切	酥油	上素孤切	
醍醐	上題音	下胡音	相師	上息亮切	深慚	下士難切	
覆蔽	上敷救切	下必救切	繫縛	上計音	忍鎧	下苦蓋切	
慧劍	下居欠切		嶮惡	上虛檢切	免衆	上士辨切	

乙巳歲高麗國大藏部監奉

初彫造

大方廣佛華嚴經卷第四十六

問

東晉天竺三藏佛跋闍耶羅

譯

入法界品第三十四之三

爾時文殊師利如象王迴觀善財童子作如是言善哉善哉善男子乃能發阿耨多羅三藐三菩提心求善知識親近善知識問菩薩行求菩薩道善男子是爲菩薩第一之藏具一切智所謂求善知識親近恭敬而供養之是故善男子應求善知識親近恭敬一心供養而無厭足問菩薩行云何修習菩薩道云何滿足菩薩行云何清淨菩薩行云何究竟菩薩行云何出生菩薩行云何正念菩薩道云何緣於菩薩境界道云何增廣菩薩道云何菩薩具普賢行爾時文殊師利爲善財童子以偈頌曰

善哉功德藏 能來詣我所 發廣大悲心 專求無上道
先發諸大願 除滅衆生苦 究竟菩薩行 成就無二道
若有諸菩薩 不厭生死苦 具足普賢行 一切莫能壞
功德光勝來 清淨功德海 正求普賢行 饒益一切衆
無量無有邊 世界諸佛所 聞說淨法雲 受持不忘失
悉於十方界 普見無量佛 成滿諸願海 具足菩薩行
究竟方便海 安住如來地 隨順諸佛教 逮得一切智
一切世界中 法王積劫行 具足普賢道 究竟佛菩提
一切剎劫海 修習菩薩行 滿足諸大願 成就普賢業

無量諸衆生聞彼名号者修習普賢願得成無上道
爾時文殊師利說此偈已告善財言善男子
於此南方有一國土名曰可樂其國有山名
曰和合於彼山中有一比丘名功德雲汝詣
彼問云何菩薩學菩薩行修菩薩道乃至云
何具普賢行善男子彼比丘者善能顯說菩
薩所行時善財童子從文殊師利聞法歡喜
頭面禮足遶無數匝瞻仰悲戀泣涕辭退
漸漸南行向可樂國登和合山於彼山七十
方周徧一心觀察求覓大師爲在何所如是
尋求乃至七日爾時善財見彼比丘乃在山
頂靜思經行見已馳詣頭面禮足右遶而住
白言大聖我已先發阿耨多羅三藐三菩提
心而未知菩薩云何學菩薩行修菩薩道我
聞大師善能宣暢唯願垂慈具足演說時彼
比丘告善財言善哉善哉善男子乃能發阿
耨多羅三藐三菩提心問菩薩行善男子如
是事者難中之難所謂能問菩薩所行修菩
薩道入菩薩境界出生清淨菩薩之道求於
菩薩清淨廣心具足諸願隨順世間所應化
者於生死中求解脫門有爲無爲心不染著
善男子我於解脫力逮得清淨方便慧眼普
照觀察一切世界境界無礙除一切障一切
佛化陀羅尼力或見東方一佛二佛十百千

萬十億百億千億百十億佛或見百億那由
 他千億那由他百千億那由他佛或見無量
 阿僧祇不可思議不可稱無分齊無邊際不
 可量不可說不可說不可說佛或見閻浮提
 微塵等佛或見四天下微塵等佛或見小千
 世界微塵等佛或見二千世界微塵等佛或
 見三千大千世界微塵等佛南西北方四維
 上下亦復如是種種形色種種自在遊戲神
 通種種眷屬莊嚴放大光網種種清淨莊嚴
 佛刹隨受化者示現自在菩提法門見諸如
 來於大眾中而師子吼善男子我唯知此普
 門光明觀察正念諸佛三昧豈能了知菩薩
 圓滿清淨智行諸大菩薩得圓滿普照念佛
 三昧門悉能觀見一切諸佛及其眷屬嚴淨
 佛刹得一切眾生遠離顛倒念佛三昧門隨
 一切眾生所應悉令清淨得一切力究竟念
 佛三昧門正念修習諸佛十力得諸法中心
 無顛倒念佛三昧門悉得觀見一切佛雲於
 彼佛所聞法受持得分別十方一切如來念
 佛三昧門悉見一切世界海中諸如來海得
 不可見不可入念佛三昧門於微細境界見
 一切佛自在境界得諸劫不顛倒念佛三昧
 門於一切劫常見諸佛未曾遠離得隨時念
 佛三昧門於一切時常見諸佛得嚴淨佛刹

念佛三昧門起一切佛刹無能壞者普見諸
佛得三昧不顛倒念佛三昧門悉見三世諸
佛及其眷屬得無壞境界念佛三昧門於一
切境界悉見諸佛得寂靜念佛三昧門於一
念中悉見一切世界中一切如來示現涅槃
得離月離時念佛三昧門於一日中悉見一
切如來遊行教化得廣大念佛三昧門見一
佛身結跏趺坐充滿法界得微細念佛三昧
門於一毛孔見一切佛成等正覺得莊嚴念
佛三昧門於一念中見一切佛於一切世界
成等正覺神力自在得清淨事念佛三昧門
見一切佛慧光普照轉妙法輪得淨心念佛
三昧門自心明了見一切佛得淨業念佛三
昧門見一切衆生諸業如鏡中像得自在念
佛三昧門見一切莊嚴法界諸佛充滿得虛
空等念佛三昧門見如來身普照法界及虛
空界爾時功德雲比丘告善財言善男子南
方有國名曰海門彼有比丘名曰海雲汝應
詣彼問菩薩行善男子彼比丘者能分別說
善根具因善根大地善根大力善能讚歎菩
提因緣廣摩訶衍增廣波羅蜜力顯現一切
菩薩行海善能清淨圓滿大願能令出生清
淨普明莊嚴法門生大悲力時善財童子從
功德雲比丘聞法歡喜頭面禮足遶無數帀

眷仰顧戀辭退南行

爾時善財童子一心正念善知識教智慧光
明菩薩法門菩薩三昧觀察一切菩薩諸方
便海圓滿功德心常樂見一切菩薩念一切
佛次第興世清淨功德漸趣南方海門國土
詣海雲比丘頭面禮足右遶畢退住一面向
言大聖我已先發阿耨多羅三藐三菩提心
欲度一切智慧大海而未知菩薩云何離生
死性得不退轉生如來家度生死海逮得如
來一切智海捨凡夫地得如來地斷生死流
入菩薩流滅諸趣輪滿諸願輪降伏衆魔具
佛功德竭愛欲海長大悲海開諸惡道開天
人路諸解脫門出三界城到一切智城捨離
一切玩好之具發弘誓願攝取衆生爾時海
雲比丘告善財言善男子汝已發阿耨多羅
三藐三菩提心耶荅言唯然善男子若不深
植善根則不能發阿耨多羅三藐三菩提心
得普門善根普照光明法門長養正道三昧
慧光出生種種功德海藏長白淨法未曾退
失親近善知識恭敬供養不惜身命無所藏
積離諸高慢心安不動猶如大地大慈愍念
一切羣生遠離一切諸生死門好樂佛境界
者能發菩提心大悲心救護一切衆生故大
慈心安樂一切衆生故無疲倦心滅一切衆

生諸苦惱故饒益心滅一切衆生不善法故
無畏心除滅一切諸惱害故無礙心滅一切
障故廣大心充滿一切法界故無邊心等虛
空界故廣心見一切如來故清淨心於三世
法智不違故智心究竟一切智海故善男子
我住此海門國十有二年境界大海觀察大
海思惟大海無量無邊思惟大海甚深難得
源底思惟大海漸漸深廣思惟大海無量妙
寶而莊嚴之思惟大海無量水聚思惟大海
水色種種不可思議思惟大海大身衆生之
所依止思惟大海水性所居思惟大海大雲
彌覆思惟大海未曾增減善男子我如是思
惟時復作是念世間頗更有法廣此大海深
此大海莊嚴於此大海者不作是念已即見
海底水輪之際妙寶蓮華自然涌出伊那尼
羅寶爲莖閻浮檀金爲葉沝水香寶爲臺碼
碯寶爲鬚彌覆大海百萬阿脩羅王悉共執
持百萬摩尼寶莊嚴網羅覆其上百萬龍王
雨以香水百萬迦樓羅王銜妙寶繒帶垂下
莊嚴百萬羅刹王慈心觀察百萬夜叉王恭
敬禮拜百萬乾闥婆王讚歎供養百萬天王
雨天香華末香幢幡妙寶衣雲百萬梵王誓
首敬禮百萬淨居天各敬禮已合掌而住百
萬轉輪王七寶莊嚴百萬海神王從大海出

恭敬禮拜百萬夜光寶光明網普照一切百
萬淨寶百萬明淨寶以爲莊嚴百萬寶藏出
無量光明普照一切百萬閻浮檀寶安住莊
嚴百萬金剛師子寶不可沮壞清淨莊嚴百
萬日藏寶明淨光明普照一切百萬不可壞
摩尼寶出生長養一切善行百萬如意寶珠
無盡莊嚴彼寶蓮華如來無上善根所起悉
令一切菩薩諸願成滿十方世界無不顯現
出生一切諸法如幻從淨法生無諍方便法
之所莊嚴行如夢法無爲法即究竟到於無
礙方便普覆十方一切法界唯佛境界隨順
世間無量阿僧祇劫歎不可盡見彼華上有
一如來結跏趺坐彼佛淨身上至非想非非
想天無不充滿見彼如來坐此莊嚴寶蓮華
座不可思議大衆圍繞見不可思議圓滿光
明莊嚴見不可思議相好莊嚴見不可思議
神力自在見不可思議如來妙色見不可思
議無見頂相見不可思議廣長舌相念不可
思議清淨音聲思惟不可思議圓滿音聲見
不可思議如來諸力解了不可思議清淨無
畏解了不可思議一切諸辯憶念菩薩過去
不可思議大劫本行見不可思議菩提自在
見不可思議正法雲見不可思議普門莊嚴
身見不可思議身左右端嚴見辨一切不可

思議事饒益衆生時彼如來即申右手而摩
我頂說普眼經唯是如來境界出生一切菩
薩摩行普照一切法界攝取圓滿一切法界
普照一切嚴淨佛刹降伏一切衆魔外道悉
令一切衆生歡喜普照一切衆生所行隨其
所應無不顯現普照一切衆生根輪善男子
我從佛聞此普眼經皆悉受持讀誦通利正
念思惟善男子假使有人以大海等墨須彌
聚筆書寫此經一一品一一法門一一方便
一一生法門一一句中義味猶不能盡善男
子我於佛所千二百歲聞受此經於一日
受阿僧祇品多聞陀羅尼光明力故究竟阿
僧祇品百門陀羅尼光明力故攝取阿僧祇
品無量旋陀羅尼光明力故分別阿僧祇品
隨順分別諸地陀羅尼光明力故淨阿僧祇
品嚴勝陀羅尼光明力故出生阿僧祇品隨
論莊嚴陀羅尼光明力故說阿僧祇品明淨
音聲陀羅尼光明力故照阿僧祇品虛空藏
陀羅尼光明力故廣阿僧祇品樹提沙陀羅
尼光明力故成阿僧祇品海藏陀羅尼光明
力故其有十方諸天天王諸龍龍王夜叉夜
叉王乾闥婆乾闥婆王阿脩羅阿脩羅王迦
樓羅迦樓羅王緊那羅緊那羅王人王梵
天梵天王若來問我我即爲彼開發顯現分

別讚說悉令安住此普眼經善男子我唯知
此一法門豈能盡知菩薩諸行何以故諸菩
薩等究竟一切行故究竟大願海一切劫海
不斷絕故入衆生海應受化者悉隨順故深
入一切衆生心海出生如來十力智光明故
悉知一切衆生諸根隨所應化不失時故入
一切佛刹海出生佛刹堅固願故究竟恭敬
供養一切佛海大願力故度一切法海解脫
智故深入功德海如說修行故度一切衆生
語言海於十方刹轉法輪故善男子汝詣南
方六十由旬有一國土名曰海岸彼有比丘
名曰善住應往問彼云何菩薩修清淨行時
善財童子頭面禮足遶無數匝眷仰無量辭
退南行

爾時善財童子正念善知識教正念普眼經
思惟彼佛自在神力受持彼佛句味法雲修
習正法入深法海盡法源底攝取勝法除滅
癡瞋了法寶洲至海岸國徧十方推求大
師今在何所見彼比丘經行虛空阿僧祇天
眷屬圍遶時諸天衆爲供養善住比丘故於
虛空中散諸天華作衆妓樂出微妙音阿僧
祇寶幢莊嚴虛空時諸龍王爲供養故興不
可思議沉水香雲徧滿虛空緊那羅王爲供
養故作諸妓樂出妙音聲充滿虛空諸海神

王爲供養故。瞿和雅音阿脩羅王爲供養故。興不可思議寶雲莊嚴虛空。放不可思議光明普照一切。以不可思議珍玩之具莊嚴虛空。不可思議緊那羅王。充滿虛空。離殺害心。恭敬供養善住比丘。不可思議諸羅刹。三與諸惡形羅刹鬼等眷屬圍遶。充滿虛空。善住比丘大慈力。故不可思議諸夜叉。三與夜叉衆俱。充滿虛空。爲守護善住比丘。故周而圍遶。不可思議諸梵天王。在虛空中。合掌敬禮。以人音聲讚彼比丘於一面住。不可思議諸淨居天。與宮殿俱。爲供養故。詣善住比丘。爾時善財童子見虛空中如是供養。合掌敬禮。善住比丘白言。大聖我已先發阿耨多羅三藐三菩提心。而未知菩薩云何正行佛法。專求佛法。恭敬佛法。修諸佛法。長養佛法。積集佛法。熏修佛法。淨諸佛法。徧淨佛法。至諸佛法。我聞大聖善能教授諸菩薩。法云何菩薩修習佛法。常見諸佛。未曾遠離。常見菩薩。同其善根。不離佛法。智慧滿足。不捨大願。於一切衆生。究竟其事。於一切劫。修菩薩行。心無疲倦。不捨佛刹。普能莊嚴一切世界。悉能知見諸佛自在。不離有爲。修菩薩行。悉了如幻。入一切趣。現受生死。而無起滅。常聞正法。未曾遠離。悉能受持諸佛法。雲不離慧光普照。

三世爾時善住比丘告善財言善哉善哉善男子乃能發阿耨多羅三藐三菩提心能問佛法一切智法及無師法善男子我已成就菩薩無礙法門我已修習分別明了逮得無礙明淨慧光得慧光已觀察一切衆生心行無所障礙觀一切衆生死此生彼無所障礙於宿命智無所障礙於未來智無所障礙於現在世知一切衆生無所障礙於一切衆生語言法中無所障礙若一切衆生來問難者悉能應答無所障礙知一切衆生根無所障礙教化衆生無所障礙分別了知一切剎那羅婆摩睺伽路無所障礙於三世海無所障礙已身充滿十方佛刹無所障礙何以故依無所有無作神通力故善男子我得此神通力故於虛空中行住坐卧遊騰十方於一念中徧至東方一佛世界百佛世界千佛百千佛無量佛世界乃至不可說不可說諸佛世界閻浮提微塵等世界乃至不可說不可說諸佛及其眷屬以一切華香末香塗香寶鬘幢幡雜綵繒蓋衆妙寶網一切形像供養彼如來應供等正覺彼諸如來所可開現宣明讚歎悉聞受持分別通達彼佛所有過去淨刹我悉憶念南西北方四維上下亦復如是

若有衆生得見我者皆悉畢定阿耨多羅三藐三菩提如我所見一切衆生若大若小若好若醜若苦若樂爲化度故隨其所應現同彼身若有衆生來至我所悉令安住於此正法善男子我唯知此一無礙法門云何能說菩薩修大悲戒諸波羅蜜戒乘大乘戒不捨菩薩道戒滅障礙戒菩薩藏戒不捨菩提心戒一切佛法深心戒念一切智不忘失戒如虛空戒一切世間無所依戒不可壞戒無譬論戒不濁戒不雜戒離疑戒清淨戒離塵戒離垢淨戒善男子菩薩有如是等無量功德我豈能知如實解說善男子於此南方有一國土名曰自在城名呪藥彼有良醫名曰彌伽汝詣彼問云何菩薩向菩薩行時善財童子禮善住比丘足乃至辭退南行爾時善財童子一心正念法光法門具足法力正念諸佛不斷二寶歎離欲性念善知識普照三世念諸大願究竟一切法界衆生於一切有爲心無所著觀察一切諸法無常悉能嚴淨一切佛刹心無懈怠於一切佛及其眷屬心無所著漸至彼國入呪藥城求良醫彌伽今在何所爾時童子見彼良醫處正法堂論師子座與一萬大衆前後圍遶爲說輪字莊嚴光經時善財童子詣醫彌伽頭面禮

足右邊舉進住一面合掌白言大聖我已先發阿耨多羅三藐三菩提心而未知菩薩云何向菩薩行云何學菩薩行云何於生死中常能不失菩提之心云何得平等心而無所趣云何速得堅固正直之心一切世間無能壞者云何生大悲力而無憂惱云何證淨普門陀羅尼力云何生智慧光於一切法除滅癡闇云何證諸辯力分別諸法真實之藏云何得正念力受持一切清淨法輪未曾忘失云何得淨趣力於一切趣普照諸法云何得智慧力於一切法得決定智了真實義爾時良醫謂善財言善男子汝已先發阿耨多羅三藐三菩提心耶答言唯然爾時良醫下師子座五體投地敬禮善財禮已散妙金華諸雜寶華無價摩尼勝末栴檀無價寶衣而以覆之以如是等衆妙供具而供養之敬重讚歎作如是言善哉善哉善男子乃能發阿耨多羅三藐三菩提心善男子若有能發阿耨多羅三藐三菩提心者則爲守護一切佛性嚴淨一切諸佛刹性化衆生性爲一切衆生說如法性順一切業性成滿一切菩薩行性不斷一切諸大願性解離欲性智慧明淨普照三世一切法性建解脫性爲一切佛之所護持一切諸佛常共護念善能隨順一切善

產一切賢聖皆悉隨喜為一切梵天恭敬禮
拜一切諸天恭敬供養一切夜叉王之所建
立一切羅刹王恭敬供養一切龍王而頂戴
之一切緊那羅王敬心讚歎一切世界王皆
悉敬念彼為安慰一切眾生滅三惡道遠離
眾難救拔一切貧窮根本安置天人快樂之
處遇善知識未曾遠離聞佛妙法發菩提心
因淨菩提心枝得明淨光照菩薩道順菩薩
智住菩薩地善男子當知菩薩能為一切眾
生作甚難事難值難見為一切眾生而作父
母莊嚴眾生攝取一切諸天世人除滅眾生
無量苦難守護眾生遠離憂惱菩薩為大風
輪安持眾生不令墜落三惡道故菩薩為大
地生長一切諸善根故菩薩為大海具足無
盡功德藏故菩薩為日明淨慧光普照世間
滅癡闇故菩薩為須彌山王功德善根最高
大故菩薩為月令一切眾生悉清涼故菩薩
為大將悉能降伏一切魔故菩薩為善文夫
於法城中為君王故菩薩為火能燒眾生諸
貪愛故菩薩為雲雨甘露法故菩薩為正見
悉能長養諸妙根故菩薩為方顯法海故菩
薩為橋令諸眾生度生死海故爾時良醫佛
揚讚歎善財童子及諸菩薩已即從口中放
大光雲普照三千大千世界照已時大千世

界大神力天乃至諸梵天等悉詣良醫時彼
 良醫即爲方便隨順分別廣演顯現說輪字
 莊嚴光經時彼大衆聞此經已於阿耨多羅
 三藐三菩提得不退轉所應作已還昇本座
 告善財言善男子我已成就所言不虛法門
 分別了知三千大千世界諸天語言諸龍夜
 叉乾闥婆阿脩羅迦樓羅緊那羅摩睺羅伽
 人非人等一切語言如此三千大千世界十
 方無量無邊不可說不可說三千大千世界
 亦復如是善男子我唯知此菩薩所言不虛
 法門云何能說諸菩薩行彼諸菩薩隨順深
 入衆生一切相海隨順深入衆生一切施設
 海隨順深入諸名号海隨順深入諸語言海
 隨順深入諸句相續海隨順深入諸解脫句
 次第海隨順深入諸解脫句相續次第海隨
 順深入諸如來海隨順深入分別諸句海隨
 順深入一切衆生諸語言海逮得一切圓滿
 莊嚴微妙音聲出生分別諸文字輪善男子
 於此南方有一國土名曰住林彼有長者名
 曰解脫汝詣彼問云何菩薩向菩薩道修菩
 薩道成菩薩道思菩薩道時善財童子於良
 醫所聞此法門發深淨信心恭敬於法決定
 知見因善知識得薩婆若頭面禮足乃至辭
 退南行

爾時善財童子正念菩薩所言不虛法門入
菩薩語言海念一切衆生微細方便海思惟
菩薩諸垢淨法出生菩薩善根光明淨修菩
薩教化衆生巧方便門明淨菩薩攝衆生智
堅固菩薩正直心力長養菩薩深心之力淨
修菩薩種種欲力信菩薩心遠離諸惡願心
堅固以大莊嚴而自莊嚴心無疲倦勇猛精
進心不退轉具不可壞淨信心力金剛那羅
延所不能壞攝取一切善知識教無礙境界
皆悉清淨無垢境界妙心現前速得普眼方
便光明陀羅尼地了法界地心常現前知平
等地非地莊嚴清淨不著我所無二境界速
得清淨無礙智慧了知法地無所障礙知諸
方地而不退轉分別了知一切業地嚴淨顯
現諸佛大地得智慧輪分別三世速得普樂
光明三昧徧照身心順至一切諸境界地如
來智慧普照境界興起一切智慧波浪身常
不離佛法勢力爲諸如來之所護持其心悉
與一切佛等隨順智慧普照一切其身充滿
一切刹網成就大願已身容受一切法界如
是念已漸漸遊行經十二年至住林國周徧
推求解脫長者見已禮足於一面住作如是
念我得善利見善知識善知識者出興世難
至其所難得值遇難得見知難得親近難得

共住難得其意難得隨順難念已白言大聖
我已先發阿耨多羅三藐三菩提心欲值一
切佛欲見一切佛欲得一切佛意欲知一切
佛心欲得一切諸佛三昧隨順一切佛一切
大願欲滿一切佛一切大願欲求一切佛智
慧光明欲自身中出一切佛欲得諸明知一
切佛自在神通欲淨一切佛力無畏法欲聞
一切佛法心無厭足欲受一切佛法欲持一
切佛法欲分別一切佛法欲護一切佛教欲
與一切諸菩薩同欲與菩薩同善根友欲具
菩薩諸波羅蜜欲滿一切諸菩薩行欲發菩
薩清淨大願欲得一切諸佛菩薩因緣法藏
欲得一切菩薩無量法藏智慧光明欲得一
切菩薩諸三昧藏欲出生一切菩薩諸通明
藏欲發大悲藏教化衆生無有窮盡欲分別
知遊戲神通藏欲分別知自在之藏欲於自
在藏心得自在欲清淨十種藏一向專求此
諸功德詣長者所欲滿諸願欲超出生死欲
得自在法欲具恭敬門欲具方便門欲遠離
諸垢欲清淨莊嚴欲身心柔軟欲調伏諸根
白言我聞大聖善教菩薩方便正道普照一
切顯現妙法示導津濟開正法門除滅顛倒
拔疑惑刺心離迷垢照除重闇離諸煩惱永
得清涼棄捨諂曲超出生死離不善根長養

善根遠離諸趣無所染著滅一切障求薩婆
若到法王城其心安住大慈大悲教菩薩行
修諸三昧其心安住隨順法門發廣大心具
足諸力照明一切諸羣生心唯願大聖爲我
分別云何菩薩向菩薩道修菩薩道既修習
已令速清淨菩薩之行具成菩薩圓滿淨行
時解脫長者以過去善根力佛威神力文殊
師利憶念力故入菩薩三昧門其三昧門名
攝一切佛刹無量旋陀羅尼入已得清淨身
於其身內十方各見十佛世界微塵等佛及
嚴淨刹一切大衆過去所行彼諸如來神力
自在一切大願功德之具諸清淨行莊嚴正
道成等正覺轉淨法輪教化衆生究竟諸法
於其身內昏迷顯現而無雜亂不相障礙如
本相住形色不同種種莊飾菩薩大衆圍遶
莊嚴顯現一切諸佛自在說諸願門示現無
量自在神力或於一刹處兜率天而作佛事
或於一刹示現命終或現受胎或現處胎顯
自在力或現出生或現處中宮或現出家或
現往詣莊嚴道場或現降魔或現成佛或現
天宮夜叉乾闥婆諸世界王大衆圍遶請轉
法輪或現轉法輪或現入諸趣或現般涅槃
或現分舍利或現起塔種種莊嚴彼諸如來
爲種種衆生諸衆生海種種方便種種根種

種煩惱習氣或於小衆而現大眾所謂一由
 旬衆現十由旬衆乃至不可說佛刹微塵等
 由旬衆而爲說法彼諸如來以微妙音所說
 正法善財童子悉聞受持又見彼佛自在神
 力不可思議菩薩三昧爾時解脫長者從三
 昧起告善財言善男子我已成就如來無礙
 莊嚴法門得此法門已親見東方閻浮檀光
 世界星宿王如來應供等正覺明淨藏菩薩
 等一切大眾又見南方諸力世界普香如來
 應供等正覺心王菩薩等一切大眾又見西
 方香光世界須彌燈王如來應供等正覺無
 礙心菩薩等一切大眾又見北方聖服幢世
 界自在神力無有能壞如來應供等正覺自
 在勢菩薩等一切大眾又見東北方一切樂
 寶世界無礙眼如來應供等正覺無礙化菩
 薩等一切大眾又見東南方香燄光世界香
 智如來應供等正覺自在慧燄光菩薩等一
 切大眾又見西南方普照慧日世界法界輪
 幢如來應供等正覺散一切化幢菩薩等一
 切大眾又見西北方普淨現世界一切佛寶
 無上幢如來應供等正覺法幢王菩薩等一
 切大眾又見上方無盡佛性世界無量慧光
 圓滿幢如來應供等正覺法界地幢三菩薩
 等一切大眾又見下方佛解脫光世界無礙

慧幢如來應供等正覺一切衆生世界幢王
菩薩等一切大衆善男子我見十方各一萬
佛刹微塵等如來彼諸如來不來至此我不
往彼善男子我若欲見安樂世界無量壽佛
隨意即見妙樂世界阿閼如來善住世界師
子如來善現圓滿光明世界月慧如來寶師
子莊嚴世界毗樓遮那如來善男子如是等
一切諸佛隨意即見彼諸如來不來至此我
不往彼知一切佛無所從來我無所至知一
切佛及與我心皆悉如夢知一切佛悉如電
光了知已心如水中像知一切佛皆悉如幻
已心亦爾知一切佛音聲如響已心亦爾如
是知如是解如是入善男子當知菩薩皆由
已心得諸佛法修菩薩行淨一切刹教化衆
生出諸大願一切智城遊戲神通不思議門
諸佛善提一切自在無礙境界皆由已心具
甚深智了一切法是故善男子以諸善根增
長已心雨甘露法潤澤其心於境界中令心
清淨勤修精進令心堅固專念正法令心不
亂智慧明淨遠離心垢明淨慧光照察其心
生自在心發廣大心與諸佛等如來十力以
照其心善男子我唯修此如來無礙法門云
何能說菩薩諸行無障礙智無礙淨行安住
觀察現在諸佛三昧得無涅槃三昧具足三

世平等正法善知平等三昧境界之地具足
淨身住諸佛住不壞境界一切諸法門境
界智門圓滿智慧觀察普照一切於己身中
悉現一切世界成壞而於己身及諸世界不
生二想究竟衆行功德具足善男子於此南
方有一國土名曰莊嚴閻浮提頂彼有比丘
名曰海幢汝詣彼問云何菩薩向菩薩道修
菩薩行時善財童子頭面接禮解脫長者足
右遶畢讚歎無量阿僧祇功德眷仰觀察心
無厭足悲泣流淚專念善知識順善知識觀
善知識由善知識得一切智於善知識遠離
諂曲於善知識發慈母心遠離一切無益法
故於善知識發慈父心能生一切諸善法故
辭退南行

大方廣佛華嚴經卷第四十六

泣涕

上音急切
下他計切

顧戀

上故音
下力卷切

藏積

上時郵切

涌出

上勇音

爲顯

下相俞切

銜妙

上戶監切

肅和

上蘇耶切

珍玩

下五換切

唯然

上以水切

無價

下駕音

墜落

上直類切

阿闍

下初六切

乙巳歲高麗國大藏部監奉

勅彫造

大方廣佛華嚴經卷第四十七

明

東晉天竺三藏佛跋陀羅

譯

入法界品第三十四之四

爾時善財童子正念思惟解脫長者教念不可思議菩薩法門思惟不可思議菩薩慧光隨順深入不可思議甚深法界攝取菩薩不可思議淨妙功德顯現如來不可思議自在神力解了不可思議莊嚴佛刹分別知佛不可思議住持莊嚴安住境界思惟不可思議菩薩境界三昧莊嚴分別不可思議世界究竟無礙向不可思議菩薩堅固淨業深心受持不可思議淨業諸願漸趣南方至莊嚴閻浮提頂國周徧推求海幢比丘見在靜處結跏趺坐三昧正受滅出入息身安不動寂然無覺從其足下出阿僧祇長者阿僧祇婆羅門皆悉頂冠衆寶天冠各齋妙寶上味飲食一切寶衣香華寶鬘末香塗香資生之具攝諸貧窮安慰撫接兩衆寶物令一切衆生皆大歡喜充滿十方從其兩膝出刹利婆羅門皆悉聰慧形色威儀服飾莊嚴皆悉不同以微妙音訓導衆生離惡修善住真實義說四攝法令衆生歡喜充滿十方從腰兩邊出一切衆生數等五通仙人或服草衣或樹皮衣皆執澡瓶持三奇杖威儀庠序無有變異遊

行虛空讚歎三寶爲衆生說清淨梵行調伏
 諸根演真實義攝取世間今諸衆生入智慧
 海又復演說世間諸論令次第住一切善根
 充滿十方從其兩脅出不可思議龍不可思
 議龍女顯現不可思議諸龍自在攝取衆生
 雨不可思議香莊嚴雲華莊嚴雲鬘莊嚴雲
 寶蓋莊嚴雲寶幡莊嚴雲衆寶莊嚴雲無價
 摩尼寶莊嚴雲寶璣瑠莊嚴雲寶座莊嚴雲
 寶宮殿莊嚴雲寶蓮華莊嚴雲寶冠莊嚴雲
 天形像莊嚴雲天女莊嚴雲雨如是等雲各
 不可思議普照十方一切世界而以供養一
 切如來普令衆生皆大歡喜充滿法界從臂
 德字出無量阿僧祇阿脩羅王示現阿脩羅
 王不可思議自在神力震動一切諸大海水
 及百千世界令諸山王皆相衝擊震動一切
 諸天宮殿眈蔽一切諸魔光明悉如聚墨降
 伏一切諸魔軍衆除滅衆生放逸高慢離怒
 害心滅不善法壞煩惱山棄捨戰諍又以神
 力覺悟衆生厭離諸惡永絕生死不著諸趣
 普令衆生常樂寂滅住菩提心淨菩薩行住
 諸波羅蜜究竟菩薩地照一切法普照諸佛
 方便之法充滿法界從其背出阿僧祇聲聞
 緣覺應以二乘化衆生故著我見者教不淨
 觀貪欲多者教慈心觀瞋恚多者教緣起觀

愚癡多者教方便智觀察諸法爲等分者說
 無著法著境界者說妙願境界樂寂滅者教
 人諸趣饒益衆生充滿法界從其兩肩出阿
 僧祇諸夜叉王諸羅刹王種種惡身長短形
 色乘種種乘各與其衆而自圍遶其有衆生
 能行善者及衆賢聖諸菩薩等若向正道若
 得果證皆悉防衛而守護之或作金剛力士
 守護諸佛及佛住處若有衆生遭諸恐怖亦
 防護之悉令無畏諸疾病者令得除愈諸在
 難者悉令解脫除滅橫死離諸熱惱教化衆
 生令得實利壞生死輪讚歎法輪摧外道輪
 充滿法界從其腹出百千阿僧祇緊那羅王
 各與百千阿僧祇阿僧祇緊那羅女眷屬圍
 遶出百千阿僧祇乾闥婆王各與百千阿僧
 祇阿僧祇乾闥婆女眷屬圍遶出百千阿僧
 祇天娛樂音說實相法讚歎諸佛稱美菩提
 及菩薩行歎菩提門入法輪門好樂一切自
 在法門演說一切般涅槃門攝持一切諸佛
 教門歡喜一切衆生之門嚴淨一切諸佛刹
 門講說一切諸法界門除滅一切諸障礙門
 宣明一切諸善根門充滿法界從其口出百
 十阿僧祇轉輪聖王七寶具足四兵圍遶放
 無慳光雨摩尼寶諸貧苦者悉令富樂無財
 施者令得惠施爲諸羣生歡離殺盜邪淫之

法修習慈心常說愛語饒益衆生除滅妄語
遠離惡口攝取衆生遠離兩舌說和合語離
無義語說甚深法悉令衆生遠離口過讚歎
大悲令衆生歡喜離瞋恚心分別世間一切
正法觀察因緣照明真諦拔諸羣生邪見毒
刺除滅疑惑離一切障明法實義充滿法界
從其兩目出百千阿僧祇日普照十方滅一
切闇悉令衆生除滅垢障遠離一切惡道苦
毒令寒者得溫於垢濁佛刹放明淨光廣說
乃至普照金銀瑠璃等一切世界及衆生類
除滅衆生心之重闇悉令歡喜能辨衆生無
量事業莊嚴一切世界妙法境界充滿法界
從其眉間出百千阿僧祇天王帝釋無量雜
寶以爲莊嚴持釋王法普照一切諸天宮殿
震動一切須彌山王悉令諸天於天境界生
厭離心歎功德力明智慧力起直心力長深
心力嚴淨念力堅固菩提心遠離欲樂讚歎
樂見一切諸佛不歎樂境界樂歎聞法樂離
世間樂觀察諸法智慧之樂離阿脩羅戰鬪
恐怖滅煩惱軍遠離死畏願降衆魔興妙法
山說須彌山等廣大法句能辨衆生無量事
業充滿法界從其額上出無量梵天妙色端
嚴世界無倫威儀庠序演出妙音讚歎諸佛
勸請說法令衆生歡喜乃至能辨衆生無量

事業充滿法界從其頭上出阿僧祇諸菩薩
衆種種形色相好嚴身放無量光網現檀波
羅蜜讚歎布施遠離慳吝無所貪著莊嚴一
切世界徧揚淨戒遠離惡戒安立衆生菩薩
律儀歎大乘戒出生大悲功德之藏說一切
有皆悉如夢說五欲樂無有滋味安立衆生
離煩惱法徧揚讚歎金色身業讚歎慈心遠
離殺害滅畜生趣歎多聞力安立衆生於忍
辱力歎普照自在遠離放逸安立衆生於不
放逸歎禪成羅蜜心得自在拔邪見刺讚歎
正見般若波羅蜜樂智自在歎隨世間遠離
生死而於諸趣自在受生歎願力滿足出諸
通明自在壽命讚歎一切陀羅尼力出生願
力淨三昧力現自在生讚歎智慧普照一切
衆生諸根分別演說諸心心行照十力智讚
歎自在薩婆若充滿法界從其頂上出百千
阿僧祇佛身分具足相好莊嚴猶如金山普
照一切出妙音聲充滿法界顯現無量無邊
神力自在普雨一切甘露法雲爲坐道場菩
薩雨平等法雲爲灌頂菩薩雨普門法雲爲
深忍菩薩雨普莊嚴法雲爲童真菩薩雨堅
固山法雲爲不退菩薩雨海藏法雲爲成就
直心菩薩雨普境界法雲爲方便道菩薩雨
自性地音聲法雲爲生貴菩薩雨隨順世間

法雲爲修行菩薩雨厭離法雲爲治地菩薩
 雨長養法藏法雲爲初發心菩薩雨精進法
 雲爲信行者雨無盡門法雲爲色界衆生雨
 無盡平等法雲爲大梵天雨普藏法雲爲大
 自在天雨生力法雲爲魔天王雨心幢法雲
 爲化樂天雨淨念法雲爲兜率天雨淨意法
 雲爲夜摩天雨歡喜法雲爲帝釋天雨莊嚴
 虛空法雲爲夜叉王雨歡喜法雲爲乾闥婆
 土雨自在圓滿法雲爲阿脩羅王雨大境界
 法雲爲迦樓羅王雨無量世界法雲爲緊那
 羅王雨饒益衆生勝智法雲爲諸人王雨不
 可樂法雲爲諸龍王雨歡喜幢法雲爲摩睺
 羅伽王雨寂靜法雲爲地獄衆生雨不亂念
 莊嚴法雲爲諸畜生雨智慧法雲爲閻羅王
 處雨無畏法雲爲餓鬼處雨正希望法雲悉
 令衆生向賢聖門充滿法界彼諸如來一一
 毛孔各放阿僧祇淨光明網阿僧祇妙色阿
 僧祇莊嚴阿僧祇境界辨阿僧祇事充滿十
 方爾時善財一心觀察海幢比丘念彼三昧
 法門思惟不可思議菩薩境界思惟無量無
 作現在莊嚴普門法門觀察法界莊嚴智慧
 依佛智住出菩薩力建菩薩願力增廣菩薩
 諸行如是正立觀察一日一夜乃至七日七
 夜半月一月乃至六月六日過此以後海幢

比丘從三昧起爾時善財歎未曾有合掌白
 言甚奇大聖如此三昧最爲其深如此三昧
 最爲廣大如此三昧境界無量如此三昧不
 可思議神力自在如此三昧不可稱量如此
 三昧慧光明淨如此三昧阿僧祇莊嚴以爲
 莊嚴如此三昧境界不可壞如此三昧無有
 退轉如此三昧普照十方一切世界如此三
 昧具有無量義趣方便大聖其有菩薩入此
 三昧能爲一切除滅衆苦永絕地獄餓鬼畜
 生一切楚毒遠離諸難令天人趣悉得寂靜
 令衆生歡喜常樂甚深禪定境界厭離有爲
 超出三界發菩提心長養智慧功德因緣長
 養彌廣無上大悲生大願力照菩薩道智慧
 莊嚴大波羅蜜究竟出生大乘境界智慧徧
 照普賢所行得菩薩諸地智慧光明具一切
 菩薩清淨願行證一切智境大聖此三昧者
 名爲何等善男子此三昧名普眼捨得又名
 清淨光明般若波羅蜜境界又名清淨莊嚴
 普門善男子修習般若波羅蜜故得此三昧
 得此三昧時即得百萬阿僧祇三昧大聖此
 三昧唯有此功德境界復有餘耶善男子此
 三昧者分別一切世界無所障礙究竟一切
 世界無所障礙遊行一切世界無所障礙莊
 嚴一切世界無所障礙修治一切世界無所

障礙嚴淨一切世界無所障礙見一切佛無所障礙觀一切佛功德無所障礙知一切佛自在神力無所障礙究竟一切佛力無所障礙度一切佛功德大海無所障礙雨一切佛淨妙法雲無所障礙度一切佛法無所障礙得一切佛轉法輪智不可破壞無所障礙得一切佛清淨大衆海之源底無所障礙隨順普入十方世界無所障礙隨順觀察十方佛法無所障礙大悲攝取十方衆生無所障礙大慈充滿十方世界無所障礙見十方佛心無厭足無所障礙隨順徧入衆生大海無所障礙了知衆生一切根海無所障礙分別一切諸衆生海無所障礙善男子我唯知此清淨光明般若波羅蜜三昧法門云何能說諸大菩薩究竟之行諸大菩薩皆悉深入智慧大海善能分別清淨法界智慧究竟一切法趣慧光無量充滿一切得大陀羅尼自在光明一切三昧圓滿清淨出生一切自在通明深入一切無盡辯海雷震一切諸地音聲悉能救護一切衆生我尚不能說彼所行況其功德顯其境界說其境界照其法門明其積聚諸功德藏說其正道諸三昧流平等智慧善男子於此南方有一住處名曰海潮彼有園林名普莊嚴有優婆夷名曰休捨汝詣彼

問云何菩薩修菩薩道淨菩薩道時善財童子歡喜無量於海幢比丘所不堅固中而得堅固於不實中而得真實究竟功德妙藏境界得明淨智普照一切速得甚深三昧光明到淨解脫方便觀察一切世界淨諸法門明淨智慧普照十方頭面禮足遶無數帀眷仰觀察辭退南行

爾時善財童子正念思惟海幢比丘心未曾捨樂見無厭願聽聖音目想慈顏正念思惟其心境界三昧境界願行境界正念思惟明淨智慧敬善知識向善知識念善知識教於善知識起愛恭敬又作是念因善知識得見諸佛善知識者開示顯現一切佛法善知識者是奇特法令人得見諸佛法故善知識者爲明淨眼令人見佛如虛空故善知識者爲善津濟令人於佛華池得源底故漸漸南行至海潮處見普莊嚴園林七寶垣牆周匝圍遶諸妙寶樹行列莊嚴一切華樹雨華如雲布散其地香樹芬馨普熏十方變樹垂瓔寶樹雨寶徧布莊嚴衆寶衣樹彌覆一切諸音樂樹出微妙音以如是等諸珍玩具而以莊嚴此園林中有一萬講堂衆寶合成一萬樓閣閭浮檀金以覆其上一萬宮殿毗樓遮那寶藏莊嚴一萬浴池衆寶合成七寶欄楯周

帀圍遶八功德水湛然盈滿閻浮檀金沙淨
水寶珠徧布池底四面寶階端嚴齊正寶多
羅樹周帀行列鳬鴈鴛鴦孔雀哀鷺異類衆
鳥遊戲其中出和雅音覆以金網風自然起
出微妙聲設衆寶帳寶樹周徧建阿僧祇殊
勝寶幢放大光明照百由旬百萬池沼黑栴
檀泥凝積池底生寶蓮華充滿其中從彼蓮
華出大光明普照一切彼園林中有大宮殿
名莊嚴幢海藏妙寶以爲其地瑠璃寶柱莊
嚴殊妙巍巍高大猶若金山衆生見者無不
喜樂有阿僧祇淨摩尼寶普照一切出自然
香謂明相香香王香覺悟香等數衆寶座謂
蓮華藏座照諸方藏座明淨藏座衆生悅樂
藏座師子藏座離垢寶藏座不思議藏座普
門摩尼妙寶藏座光嚴藏座大海藏座金剛
師子藏座無量毘闍妙寶莊飾又張一萬衆
妙寶帳謂寶衣帳妙寶華帳寶樹枝帳摩尼
寶帳金帳莊嚴帳香帳娛樂帳自在龍王帳
馬王帳釋天莊嚴寶帳一萬寶網紋絡其上
謂金鈴網珍寶蓋網衆寶像網海藏珠網青
瑠璃摩尼寶網師子吼網月摩尼網香像網
衆寶山網寶王網一萬光明普照世界謂夜
光摩尼光明日藏摩尼淨寶光明月幢摩尼
妙寶光明香鉢光明妙藏摩尼寶光明鉢曇

摩光明夜光摩尼淨寶光明大燈摩尼淨寶
 光明普照諸方摩尼光明又出十種大香電
 光雨十種雲出過諸天謂十種黑栴檀雲十
 種曼陀羅華雲十種莊嚴雲十種鬘雲十種
 雜色衣雲十種寶雲十種天子雲十種天女
 雲十種菩薩雲常樂聞法爾時休捨優婆夷
 處金色藏座海藏寶莊嚴網羅覆其身吉由
 羅莊嚴出過諸天大摩尼網莊嚴其首師子
 珠寶無量如意淨摩尼寶嚴飾其身無量億
 眾恭敬圍遶合掌而住東方無量眾生諸梵
 天王梵身大梵梵輔他化自在天王乃至人
 及非人一切諸王來詣其所南西北方四維
 上下亦復如是其有得見此優婆夷者一切
 眾病皆悉除愈心淨離垢拔邪見剷除滅障
 礙淨無礙地於彼地中長養善根成就諸根
 方便攝一切智一切陀羅尼門一切二昧門
 皆現在前發一切願門究竟一切行門出生
 一切淨門其心廣大出生一切通得無礙身
 靡所不至爾時善財童子入普莊嚴園林周
 徧觀察見休捨優婆夷處金色座往詣其所
 頭面禮足遠無數由旬言大聖我已先發阿
 耨多羅三藐三菩提心而未知菩薩云何學
 菩薩行修菩薩道唯願爲我具足演說答言
 善男子我唯成就一法門若見聞念知親近

我者皆悉不虛善男子若有衆生不種善根
不親近善知識不爲諸佛所護念者彼諸衆
生不能見我善男子若有衆生能見我者則
於阿耨多羅三藐三菩提得不退轉東方諸
佛常來我所處寶師子座爲我說法南西北
方四維上下一切諸佛悉來我所處寶師子
座爲我說法善男子我常見諸佛菩薩未曾
遠離善男子我此大衆有八萬四千億菩薩
皆我同行於阿耨多羅三藐三菩提得不退
轉此普莊嚴園林一切衆會亦於阿耨多羅
三藐三菩提得不退轉善財自言大聖發菩
提心來爲久如耶答言善男子我念過去於
錠光佛所出家求道淨修梵行恭敬供養聞
法受持次於離垢佛所出家求道淨修梵行
恭敬供養聞法受持次於妙幢佛妙德佛功
德藏佛毗樓遮那佛普眼佛梵壽佛自在佛
善天佛善男子我於如是等三十六恒河沙
佛所出家求道淨修梵行恭敬供養聞法受
持了知一切諸佛智慧初發菩薩心充滿法
界無量大悲攝取衆生發諸菩薩無量大願
究竟十方法界無量大悲普覆衆生於一切
刹一切劫中修習菩薩無量諸行無量三昧
力不捨不轉菩薩正道菩薩無量陀羅尼力
善能護持一切衆生菩薩無量淨智慧力方

便正念普照三世菩薩無量諸通明力徧遊
一切諸世界網菩薩無量諸辯才力能以一
言悅一切衆善男子我有菩薩無量自在神
力能以一身滿一切利善財自言大聖久如
當成阿耨多羅三藐三菩提善男子菩薩不
爲教化一衆生故發菩提心不爲教化百衆
生乃至不爲教化不可說不可說轉衆生故
發菩提心廣說如阿僧祇品不爲教化一世
界衆生故發菩提心乃至不爲教化不可說
不可說世界衆生故發菩提心不爲教化閻
浮提微塵等衆生故不爲教化三千大千世
界微塵等衆生故乃至不爲教化不可說不
可說三千大千世界微塵等衆生故發菩提
心菩薩不爲恭敬供養一如來故發菩提心
乃至不爲恭敬供養不可說不可說諸如來
故發菩提心菩薩不爲淨一刹故發菩提心
乃至不爲淨不可說不可說刹故發菩提心
菩薩不爲淨閻浮提微塵等刹故發菩提心
乃至不爲淨不可說不可說三千大千世界
微塵等刹故發菩提心菩薩不爲護持一佛
法故發菩提心廣說如上菩薩不爲滿一願
故發菩提心不爲莊嚴一刹故不爲知一佛
眷屬故不爲受持一佛法故不爲知一衆生
心海故不爲度一衆生根海故不爲知一世

界諸劫次第成敗故不爲知一衆生煩惱習
 氣故不爲斷一衆生煩惱故不爲滿一衆生
 行故發菩提心欲教化一切衆生故發菩提
 心欲恭敬供養一切諸佛欲嚴淨一切佛刹
 欲守護受持一切佛法欲滿足一切大願欲
 知一切佛眷屬欲知一切衆生心海欲知一
 切衆生心心所行欲知一切衆生諸根輪欲
 知一切世界一切劫數次第成敗欲知一切
 衆生煩惱習氣欲斷一切衆生煩惱欲滿一
 切衆生行故發菩提心善男子略說菩薩有
 如是等百萬阿僧祇方便法門菩薩悉應究
 竟了知隨順智慧究竟修習菩薩等行淨一
 切佛刹心無倒惑善男子是故我發此願淨
 一切刹我願乃滿斷一切衆生煩惱習氣我
 願乃滿大聖此法門者名爲何等善男子此
 法門名離憂安隱幢我唯知此法門諸大菩
 薩其心如海悉能容受一切佛法我當云何
 能知其行諸菩薩心堅固正直如須彌山諸
 大菩薩則爲見藥若有見者除滅煩惱諸大
 菩薩則爲淨日除滅一切衆生癡闇諸大菩
 薩則爲大地悉能載持一切衆生諸大菩薩
 則爲智風長養一切衆生實義諸大菩薩則
 爲自在以淨智光普照一切諸大菩薩則爲
 慶雲隨其所應雨甘露法諸大菩薩則爲淨

月放諸功德光明之網諸大菩薩則為帝釋
悉能守護一切衆生我當云何能知其行善
男子於此南方有一國土名曰海潮彼有仙
人名毗目多羅善能解說菩薩諸行汝詣彼
問時善財童子頭面禮足遶無數帀觀察無
厭悲泣流淚正念思惟得菩提難遇善知識
難得與上人共同止難得菩薩諸根難滿足
菩薩正直心難值遇同意善知識難觀真實
難如法正教難出生妙心難念一切智難長
養法明難作是念已辭退南行

爾時善財童子思惟隨順菩薩正教淨菩薩
行心能長養菩薩德力心見諸佛心欲菩提
心能發起長養大願心照十方一切諸法心
見法實心覆一切無有散亂心淨智慧觀諸
法界除滅癡闇心淨正直除滅障礙心能降
伏一切衆魔漸漸遊行至海潮國周徧推求
仙人眡目多羅時彼仙人在大林中阿僧祇
樹莊嚴此林寶葉普覆諸華果樹常以嚴飾
寶樹雨寶徧散其地大梅檀樹周匝行列諸
沈水樹常出妙香尼拘律樹閻浮檀樹雨甘
香果優鉢羅鉢曇摩分陀利華以為莊嚴爾
時善財見彼仙人在此林中服樹皮衣繫腰
草坐一萬仙人以為眷屬如梅檀林梅檀園
遶住詣其所五體敬禮念善知識能開導我

薩婆若門念善知識現真實道念善知識能
安置我一切智地念善知識然智寶燈明淨
慧光長養十力智慧光明善知識道即一切
智無盡之藏善知識爲燈照一切智境界故
善知識爲橋度生死故善知識爲蓋生大慈
力覆一切故善知識爲不虛照一切法真實
相故善知識爲海潮滿足大悲故作是念已
遠無數帀合掌而立白言大聖我已先發阿
耨多羅三藐三菩提心而未知菩薩云何學
菩薩行修菩薩道時彼仙人觀察大衆而作
是言汝等當知此童子者已發阿耨多羅三
藐三菩提心請一切衆生普施無畏饒益一
切衆生向深智海欲飲一切諸佛法雨欲盡
一切法海源底欲成世間智慧大海欲興大
悲重雲欲雨甘露法雨欲出世間明淨智月
欲滅世間諸煩惱闇欲長養一切衆生善根
爾時大衆各持種種金色妙華香可悅樂散
童子上頭面禮足曲躬敬遠作如是言此童
子者悉能救護一切衆生滅三惡道離閻羅
趣一切諸難消竭欲海除滅苦陰捨愚癡闇
斷貪愛縛能昇功德金剛圍山建立世間智
慧須彌於世間出明淨智曰顯曜一切善根
諸法示導世間明識善惡時彼仙人告大衆
言若有能發阿耨多羅三藐三菩提心者得

一切智淨一切佛功德之地時彼仙人告善財言善男子我已成就菩薩無壞幢智慧法門善財白言大聖彼法門者境界云何時彼仙人即申右手摩善財頂摩已執善財手即時善財自見其身在於十方十佛世界微塵等佛所見彼諸佛相好莊嚴以阿僧祇寶珍玩之具莊嚴其刹又見彼佛眷屬大海所從聞法悉能受持乃至不失一句一味分別受持正法梵輪受諸法雲入佛大願淨修諸力清淨願行究竟諸功德藏見彼諸佛隨應化度一切衆生見一切佛清淨圓滿大光明網見已隨順無礙智慧光明究竟佛力或自見身於一佛所一日一夜或復自見於餘佛所七日七夜如是次第於餘佛所或有半月一月一歲百歲千歲或百千歲百千億歲或百億那由他歲或半劫一劫百劫千劫百千劫或百億那由他劫乃至不可說不可說那由他劫或閻浮提微塵等劫乃至不可說不可說世界微塵等劫爾時善財爲無壞幢智慧法門照故得明淨藏三昧無盡法門三昧照故得遊一切方陀羅尼光明金剛圓滿光明法門照故得分別智意樓閣三昧住平地莊嚴法藏般若波羅蜜精進照故得佛虛空藏三昧光明一切諸佛法輪三昧光明相照故

得三昧圓滿智慧無盡光明時彼仙人放善財
手爾時善財即自見身還在本處時彼仙人
問善財言汝憶念耶答言唯然大聖善知識
力故善男子我唯知此菩薩無壞幢智慧法
門我豈能知大菩薩行諸大菩薩皆得一切
衆生自在三昧於一切時輪而得自在出生
諸佛無盡智慧證一切佛嚴淨慧燈於一念
中了三世事於一切世間現淨慧身充滿法
界隨衆生所應悉現其前了知一切衆生所
行圓滿清淨悉可愛樂我豈能知大菩薩行
妙功德願嚴淨佛刹善察論機智慧境界甚
深三昧神力自在解脫境界遊戲神通法身
音聲究竟智慧如是等事非我境界善男子
於此南方有一國土名曰進求有婆羅門名
方便命汝詣彼問云何菩薩向菩薩道修菩
薩道時善財童子歡喜無量恭敬禮已遙無
數而瞻仰觀察辭退南行

爾時善財童子爲無壞幢智慧法門所照決
了諸佛不可思議自在神力善知菩薩不可
思議法門又不可思議菩薩三昧智慧以照
其心得一切時三昧光明得一切相三昧境
界光明得明淨智令一切衆生得勝妙處得
一切至處道法門隨順世間行心無有二以
明淨智普照境界得一切聲聞明淨忍藏得

無生忍知法實相常行菩薩行不捨菩薩心
 增長薩婆若心得十力明普照一切樂妙法
 音心無厭足如說修行住薩婆若究竟一切
 智境界出生無量菩薩莊嚴心滿足菩薩清
 淨大願於一念頃徧至一切諸佛剎網教化
 成熟無量衆生海心無懈倦悉見菩薩無量
 行境界悉分別見一切世間見諸佛剎種種
 莊嚴於微細境界悉能安置無量世界又能
 見彼種種莊嚴悉能分別無量世界諸語言
 法又知無量衆生欲樂知諸衆生無量所行
 以無量方便教化衆生善知殊方隨其所應
 化度衆生念善知識漸漸遊行至進求國周
 徧推求彼婆羅門時婆羅門修諸苦行求一
 切智四面火聚猶如大山中有刀山高峻無
 極從彼山上自投火聚爾時善財詣婆羅門
 頭面禮足合掌而立自言大聖我已先發阿
 耨多羅三藐三菩提心而未知菩薩云何學
 菩薩行修菩薩道願爲我說善男子汝
 今若能登此刀山投火聚者菩薩諸行皆悉
 清淨爾時善財作如是念得人身難離諸難
 難得無難難得淨法難值佛世難具諸根難
 聞佛法難遇善知識難得與同止難得聞正
 教難得正命難順趣正法難此將非魔魔所
 使耶非善知識而現善知識相將非惡菩薩

耶而今爲我作壽命難作善根難獲婆若難
此非正教險惡道耳遠離法門薩婆若等一
切佛法作是念時十萬梵天在虛空中作如
是言善男子莫作是念莫作是念此是大聖
具足金剛智慧光明精進不退悉已究竟一
切境界欲竭一切衆生貪愛大海欲裂一切
諸邪見網欲燒一切衆生煩惱除滅愚闇普
照一切令一切衆生離生死險難除滅三世
愚癡闇冥放淨光明普照一切時諸梵天及
自在天衆生主天等諸邪見天作如是言我
造衆生我爲一切世間最勝我爲最上我爲
第一是諸天等見婆羅門修大苦行五熱炙
身見如是已各於諸禪不得滋味來詣其所
時婆羅門以自在力而爲說法令滅邪見捨
離我心發大慈悲普覆衆生長養菩提正直
之心開四種道求佛法身隨所應化悉能示
現佛微妙音一切悉聞無有障礙復有一萬
魔在虛空中以種種摩尼寶華散婆羅門告
善財言善男子此婆羅門苦行力故放大光
明令我宮殿諸莊嚴具悉如聚墨我不復樂
即與無量諸天天女眷屬圍遶來詣其所爲
我說法悉於阿耨多羅三藐三菩提得不退
轉復有一萬他化自在天在虛空中各持天
華恭敬供養作如是言善男子此婆羅門苦

行力故放大光明令我宮殿諸莊嚴具悉如
衆星我不復樂即與眷屬來詣其所爲我說
法令我於心而得自在於煩惱中而得自在
於受生中而得自在於除滅障礙而得自在於
一切三昧而得自在於莊嚴具而得自在於
壽命中而得自在乃至令我於一切佛法而
得自在復有一萬化自在天在虛空中以天
妓樂恭敬供養作如是言善男子此婆羅門
五熱炙身放大光明照我宮殿及莊嚴具照
已悉令我等不樂五欲不求欲樂身心柔軟
與眷屬俱來詣其所爲我說法淨心明淨心
善奇特心柔軟心歡喜心乃至逮得清淨十
力長養離生出生無量清淨之身乃至得佛
清淨法身得清淨口微妙音聲徧至一切無
所障礙乃至得一切智復有一萬兜率陀天
與其眷屬在虛空中雨一切末香雲恭敬供
養作如是言善男子此婆羅門五熱炙身時
我自於宮殿不樂須臾來詣其所爲我解說
無著之法少欲知足長養善根發菩提心乃
至究竟一切佛法復有一萬諸天三十三天
及阿脩羅與眷屬俱在虛空中雨曼陀羅華
雲摩訶曼陀羅華雲恭敬供養作如是言善
男子此婆羅門五熱炙身時我於天樂不須
更樂著來詣其所爲我說法遠離欲樂乃至

爲我說無常法變易不住斷除一切放逸高
慢長養發起菩提之心又善男子我見此婆
羅門時須彌山頂六種震動我於爾時心大
恐怖專求一切智復有一萬大龍王伊那解
那難陀跋難陀等興黑栴檀香雲諸龍王共
出妙樂音雨天華雲天香水雲恭敬供養作
如是言善男子此婆羅門五熱炙身時放大
光明普照一切龍王宮殿令諸龍王離熱沙
苦金翅鳥怖滅瞋恚熱身體清涼發歡喜心
發喜心已而爲說法厭惡龍趣至誠悔過除
滅業障發阿耨多羅三藐三菩提心乃至住
一切智復有一萬夜又王種種供養此婆羅
門及以善財作如是言善男子此婆羅門五
熱炙身時我及羅刹鳩槃荼等悉於衆生發
大慈心無所燒害慈心力故不樂宮殿與眷
屬俱來詣其所彼婆羅門以大慈心陰覆我
等令我歡喜身心柔軟安隱快樂爲我說法
乃至令無量夜又羅刹鳩槃荼等發阿耨多
羅三藐三菩提心復有一萬乾闥婆王在虛
空中作如是言善男子此婆羅門五熱炙身
時放大光明照我宮殿悉令我等得不思議
樂來詣其所爲我說法乃至令發阿耨多羅
三藐三菩提心得不退轉復有一萬阿脩羅
王在虛空中右膝跏趺一心合掌恭敬供養

作如是言善男子此娑羅門五熱炙身時一
切阿脩羅宮殿大地大海皆悉震動我等爾
時除滅高心來詣其所爲我說法遠離一切
詭曲幻心得深法忍安住不動具足十力復
有一萬迦樓羅王勇力持等化爲外道童子
在虛空中作如是言乃至爲我說法安立大
慈讚歎大悲度生死海沒於五欲泥者歎淨
直心門生慧方便翅隨其所應皆悉化度復
有一萬緊那羅王在虛空中作如是言善男
子此娑羅門五熱炙身時於我寶多羅樹中
金鈴網中寶瓔珞中諸寶樹中種種樂器中
自然演出微妙音聲佛聲法聲比丘僧聲不
退轉諸菩薩聲菩提心聲某方某國有某菩
薩發菩提心修行苦行修大布施莊嚴道場
往詣道場成正覺聲善男子我聞是聲即大
歡喜來詣其所爲我說法令無量衆生於阿
耨多羅三藐三菩提得不退轉復有無量欲
界諸天在虛空中供養恭敬作如是言善男
子此娑羅門五熱炙身時放大光明乃至普
照阿鼻地獄除滅苦痛若有衆生見斯光者
命終生天知報恩故捨五欲樂來詣其所樂
觀無厭爲我說法乃至令無量衆生發菩提
心爾時善財童子聞奇特法心大歡喜於娑
羅門所發起真實善知識心頭面禮足如是

白言向疑聖教違知識教唯願大聖受我悔
過時婆羅門爲善財童子而說偈言

欲求菩提者當順知識教除滅諸疑惑一心常恭敬
修習於正道知法真實相安住於道場成就佛菩提
爾時善財童子即登刀山自投火聚未至中
間即得菩薩安住三昧既至火燄復得菩薩
寂靜安樂照明三昧得三昧已白言甚奇大
聖如是刀山及大火聚我身觸時安隱快樂
時婆羅門告善財言善男子我唯成此菩薩
無盡法門明淨法王諸菩薩行滿足諸願悉
滅衆生煩惱邪見得不退轉不可盡心離懈
怠心一切無畏得金剛那羅延藏究竟大境
界無有疲倦遠離諸垢不動如風輪精進不
退以大莊嚴而自莊嚴饒益衆生如是法門
我當云何能知能說善男子於此南方有城
名師子奮迅有一童女名彌多羅尼汝詣彼
問云何菩薩學菩薩行修菩薩道時善財童
子頭面禮足遶無數帀觀察無厭辭退南行
大方廣佛華嚴經卷第四十七

頂冠下貫音

聰慧上倉切

保瓶上阜音

摩尸上似羊切
下徐呂切

衝擊上尺容切
下古歷切

怒害上奴古切
下胡蓋切

戰爭上之騰切
下側逆切

遭諸上作曹切

除愈下以主切

殺盜下導音

邪姪下餘針切

毒刺下七賜切

顧聽上故音

芬馨下呼刑切

鳬鴈上扶音

鴛鴦上於美切

池沼下之少切

凝積上魚陵切

寶柱下處古切

認隔上楚江切

載持上作代切

紫駭北於營切

爲橋下喬音

珍玩下五按切

高茂下私閏切

自投下度侯切

欲裂下列音

熱炙下之石切

聚墨下莫北切

金翅下施音

厭惡下烏路切

踟跪下去委切

乙巳歲高麗國大藏都監奉

勅彫造

大方廣佛華嚴經卷第四十八

問

東晉天竺三藏佛跋陀羅

譯

入法界品第三十四之五

爾時善財童子起不可思議恭敬之心好樂淨法專向大乘求諸佛智親近如來觀法境界無所障礙決定實際住實境界至三世際解了三世如虛空際決定了知三世法際不作法際住無礙際不違業際決定了知佛際非際住如來住城一切妄想不著一切佛一切眷屬一切世界知一切衆生非我無實一切音聲離語言道解一切色猶如電光漸漸南行至彼城已周徧推問彌多羅女爲在何所時有人答今在師子幢王宮內聞已即詣門下求見彼女時無量人衆悉入宮中善財問言諸人今者爲詣何所答言我等欲詣彌多羅女聽受正法爾時善財作如是念此王宮門自在出入無所障礙善財即入見彼女人處在明淨寶藏法堂地玻瓈色瑠璃爲柱金剛爲壁間罽檀金欄栴檀光明普照阿僧祇摩尼寶而莊校之又千寶藏摩尼寶鏡圓滿莊嚴衆生所樂明淨妙寶以爲嚴飾又阿僧祇摩尼寶網羅覆其上百千金鈴出微妙音有如是等不可思議衆寶校具莊嚴講堂見彼女人身如真金目鬚紺色處淨水香

寶師子座覆以金網敷眾寶衣大眾圍遶以梵音聲而為說法見已頭面禮足遶無數帀合掌恭敬於一面住白言大聖我已先發阿耨多羅三藐三菩提心而未知菩薩云何學菩薩行修菩薩道答言善男子汝諦觀此法堂莊嚴爾時善財見一一瑠璃柱中一金剛壁中一一摩尼鏡中一一形像中一一寶中一一莊嚴中一金鈴中一一寶樹中一一寶形像中一一寶瓔珞中悉見法界等一切如來從初發心修菩薩行成滿大願功德莊嚴成等正覺轉淨法輪乃至示現無餘涅槃如淨水中見月影像善財童子於一切境界莊嚴具中見一切佛從初發心乃至示現無餘涅槃亦復如是皆是彼女過去善根依果力故爾時善財正念諸佛恭敬合掌白言大聖此何法門答言善男子是般若波羅蜜普莊嚴法門我於三十六恒沙佛所修此法門彼諸如來各以異門令我入此般若波羅蜜普莊嚴法門善財白言大聖此法門者境界云何答言善男子我入此法門正念思惟分別受持生平等時得普門陀羅尼等百萬阿僧祇陀羅尼門以為眷屬所謂佛刹陀羅尼門佛陀羅尼門法陀羅尼門衆生陀羅尼門過去陀羅尼門未來陀羅尼門現在陀羅

尼門安住實際陀羅尼門功德陀羅尼門功德具陀羅尼門智陀羅尼門智具陀羅尼門諸願陀羅尼門分別諸願陀羅尼門行陀羅尼門修集行陀羅尼門淨行陀羅尼門滿足行陀羅尼門業陀羅尼門不違業陀羅尼門業來陀羅尼門業所作陀羅尼門遠離惡業陀羅尼門向正業陀羅尼門業自在陀羅尼門善行陀羅尼門善行三昧陀羅尼門三昧陀羅尼門隨順三昧陀羅尼門分別三昧陀羅尼門無壞三昧陀羅尼門諸通明陀羅尼門心海陀羅尼門種種心陀羅尼門淨心地陀羅尼門普照重惡心陀羅尼門心喜調御師陀羅尼門發起衆生陀羅尼門煩惱陀羅尼門習氣陀羅尼門煩惱方便陀羅尼門欲陀羅尼門衆生所行陀羅尼門衆生種種業行陀羅尼門衆生世間自性陀羅尼門衆生相陀羅尼門方便陀羅尼門說法陀羅尼門大悲陀羅尼門大慈陀羅尼門寂滅陀羅尼門諸言語道陀羅尼門方便非方便陀羅尼門隨順陀羅尼門分別陀羅尼門攝取陀羅尼門無礙實際陀羅尼門普陀羅尼門佛法陀羅尼門菩薩法陀羅尼門緣覺法陀羅尼門聲聞法陀羅尼門世間法陀羅尼門世界起陀羅尼門世界滅陀羅尼門世界形色陀羅

尼門淨世界陀羅尼門垢世界陀羅尼門於淨世界現垢剎陀羅尼門於垢世界現清淨剎陀羅尼門純淨世界陀羅尼門純垢世界陀羅尼門平等世界陀羅尼門翻覆世界陀羅尼門伏住世界陀羅尼門入因陀羅網陀羅尼門迴轉世界陀羅尼門住相陀羅尼門小處置大陀羅尼門大處置小陀羅尼門分別佛身陀羅尼門放佛莊嚴光明網陀羅尼門分別如來圓滿音聲陀羅尼門佛正法輪陀羅尼門生佛法輪陀羅尼門分別佛法輪陀羅尼門無壞佛法輪陀羅尼門佛辯法陀羅尼門向佛法輪陀羅尼門能作佛事衆陀羅尼門諸佛無盡大眷屬海陀羅尼門普照佛力陀羅尼門如來三昧陀羅尼門如來三昧神力自在陀羅尼門究竟佛事陀羅尼門住佛所住陀羅尼門佛持陀羅尼門佛化陀羅尼門佛知衆生心心所行陀羅尼門佛神力自在陀羅尼門住兜率天陀羅尼門乃至示現入般涅槃陀羅尼門饒益無量衆生陀羅尼門諸甚深法陀羅尼門諸莊嚴法陀羅尼門菩提心色法方便陀羅尼門菩提心起色陀羅尼門願色陀羅尼門行色陀羅尼門通明色陀羅尼門出生死色陀羅尼門

清淨智色陀羅尼門清淨慧色陀羅尼門菩
提無量色陀羅尼門自心淨色陀羅尼門善
男子我唯知此般若波羅蜜普莊嚴法門諸
大菩薩心如虛空入深法界功德成滿安住
出世法遠離世間行具足清淨離疑慧眼
定了知無量法界智慧無量與虛空等得無
礙眼於一切境界無所障礙住無礙地藏普
照一切善能分別一切法義一切世間無能
壞者行世間行無所染著善巧方便饒益攝
取一切衆生隨其所應悉能示現於一切時
轉正法輪而得自在如是功德我當云何能
知能說善男子於此南方有一國土名曰救
度彼有比丘名曰善現汝詣彼問云何菩薩
學菩薩行修菩薩道時善財童子頭面禮足
遶無數而辭退南行

爾時善財童子正念思惟甚深法門思惟甚
深法界思惟甚深法地思惟甚深衆生思惟
甚深諸行思惟甚深衆生心流思惟甚深衆
生如光思惟甚深諸法之性思惟甚深衆生
語法思惟甚深法界圓滿莊嚴思惟甚深種
諸業行思惟甚深世間業所莊飾漸漸遊行
至救度國於城都聚落村邑市里仙人住處
山林曠野周徧推求善現比丘見彼比丘在
林經行形貌端嚴顏容殊妙其髮右旋如紺

青色頂有肉髻身色紫金其目長廣如青蓮
華脣口丹色如頻婆果頸項圓直脩短得所
曾有德字勝妙莊嚴七處平滿其臂臂纖長手
指縵網金輪莊嚴臚髀鹿蹄腰腹不現師子
上身如淨居天其身圓滿如尼拘樹王相好
莊嚴如雪山王出諸良藥圓光一尋諸根調
伏目視安諦智慧無礙猶如大海其心不動
一切世間所不能壞天龍八部恭敬圍遶彼
比丘經行時地天持地步天出寶蓮華隨覆
其迹無盡圓滿天除滅衆闇覺天雨雜華雲
不動藏天現諸寶藏普光勝虛空天莊嚴虛
空妙德海天散寶供養離垢藏須彌山天合
掌禮侍恭敬供養無礙力天起香華風雲而
供養之夜天以莊嚴身五體敬禮常覺日天
持明淨寶幢莊嚴虛空除滅闇冥爾時善財
往詣其所頭面禮足白言大聖我向阿耨多
羅三藐三菩提求菩薩行我聞大聖善能開
導諸菩薩道云何菩薩學菩薩行修菩薩道
願分別說荅言善男子我年既少出家日近
自我生來於三十八恒沙佛所淨修梵行或
於一佛所七日七夜淨修梵行或餘佛所半
月一月一歲百歲億那由他歲乃至不可說
不可說歲或一小劫半劫一劫或阿僧祇劫
乃至不可說不可說阿僧祇劫淨修梵行彼

諸佛所聞法受持不違其教莊嚴諸願究竟
 淨修菩薩諸行具足六波羅蜜知菩提境界
 知種種法輪守護佛法乃至正法滅盡嚴淨
 一切諸佛世界出生三昧大願力故究竟菩
 薩一切淨行出生菩薩一切行願力故淨一
 切佛諸波羅蜜出生普賢諸行力故善男子
 我不離此經行處悉見十方智慧無礙故一
 切法界悉現在前於一念中過不可說不可
 說諸世界故於一念中嚴淨不可說諸佛世
 界出生大願力故不可說不可說衆生方便
 門悉現在前具十力智出生普賢菩薩行願
 力故見不可說不可說諸佛悉現在前於一
 念中恭敬供養不可說不可說世界微塵等
 佛恭敬供養如來願力故能聞受持不可說
 不可說諸佛法雲分別了知阿僧祇諸法趣
 出生法輪陀羅尼力故不可說不可說菩薩
 行悉現在前一切諸行皆悉清淨滿足菩薩
 因陀羅網行願力故不可說不可說諸三昧
 海悉現在前一切三昧皆悉淨滿一三昧出
 生一切三昧力故不可說不可說諸根海皆
 現在前一切根輪隨順時輪出生安住諸根
 際願力故不可說不可說時輪悉現在前能
 一切時轉淨法輪出生究竟衆生願力故一
 切三世海悉現在前分別一切世界三世出

生隨順智慧光明願力故善男子我唯知此
隨順菩薩燈明法門諸金剛燈菩薩生諸佛
家具足成就不死命根無盡智慧成無壞身
肢體具足隨其所應悉能顯現具妙形色世
無論匹毒刃火裁所不能害身如金剛不可
沮壞降伏衆魔制諸外道身真金色超出世
間隨其所應無不聞見普觀世間雨甘露法
普照一切滅諸障礙見者無厭拔斷一切諸
不善根起妙善根難遇難見我當云何能知
能說彼功德行善男子於此南方有一國上
名曰輸那彼有童子名釋天主汝詣彼問云
何菩薩學菩薩行修菩薩道時善財童子專
求菩薩莊嚴正道菩薩諸力照心修行菩薩
無壞無盡諸功德行成滿菩薩堅固大願以
大莊嚴而自莊嚴一切無畏不退堅固正直
之心受持一切菩薩行雲受持菩薩正法之
雲而無厭足恭敬一切菩薩功德攝取一切
衆生常欲超出生死曠野樂欲見聞恭敬親
近於善知識心無厭倦頭面禮足恭敬無量
隨順教誨辭退南行
爾時善財童子與天龍大衆眷屬圍遶至輸
那國周徧推求釋天主童子時虛空中有諸
天龍而告之曰善男子此童子在善城門外
河水之側爾時善財見釋天主與一萬童子

持沙嬉戲即詣其所頭面禮足遶無數匝合掌恭敬於一面住白言大聖我已先發阿耨多羅三藐三菩提心而未知菩薩云何學菩薩行修菩薩道唯願解說答言善男子文殊師利教我相鑒于法算數法印法我因知此二種法故得一切巧術智慧法門善男子我因此法門故知鑒于算數印性疾病中毒爲鬼所著諸魔所持悉能消灭立大小城都邑聚落善惡之相田業商估一切衆生身肢節相善趣惡趣行業之相知此衆生之於善趣知此衆生之於惡趣此聲聞此緣覺此如來地諸方便相如是等事我悉了知普令衆生修學此法復次善男子我亦了知菩薩算數之法所謂百千爲一羅又百千羅又爲一拘利百千拘利爲一那由他廣說如阿僧祇品善男子若有無量百由旬等大沙聚我悉分別算知其數善男子如算法能知沙聚等知東方一切世界南西北方四維上下亦復如是算知一切世界中一切劫一切佛一切法一切菩薩一切業算數了知一切世界中一切四諦名号亦復如是善男子我唯知此巧術智慧法門諸大菩薩深入一切算數法門算數一切法深入三昧算數之法算數一切衆生算數一切法算數一切佛算數一切佛

名号算數一切菩薩一切算數轉自在輪菩薩我當云何能知能說彼功德行發明境界讚歎諸力顯正直心說功德具說諸大願顯現清淨諸波羅蜜說功德藏勝妙智慧善男子於此南方有城名曰海住有優婆夷名曰自在汝詣彼問云何菩薩學菩薩行修菩薩道時善財童子聞善知識教歡喜無量得未曾有奇特正直心寶其心弘廣普覆衆生得算數諸佛次第出世自在法門淨法圓滿智慧究竟分別顯現一切諸趣於三世境界無所障礙出生無盡功德海心得大智慧自在光明斷三界縛頭面禮足右遶三匝辭退南行

爾時善財童子於善知識心無厭足猶如大海吞納衆流善知識日明淨慧光開發其心猶蓮華敷長養一切善根萌芽並節枝葉功德大樹善知識月能以清涼教法光明除衆熱惱善知識者如夏雪山衆獸所集樂善知識心猶如大海衆寶充滿善知識教長養法身如閻浮樹華果具足心常樂住善知識教法譬如龍王於虛空中神變自在善知識教起大寶山顯現一切以善知識教而自圍遶猶如帝釋降阿脩羅無能壞者漸漸遊行至海住城周徧推求自在優婆夷時有人言善

男子此優婆夷在此城中深宮之內善財聞已往詣宮門敬心而立彼優婆夷所住之處廣博嚴飾衆寶垣牆周匝圍遶開置四門阿僧祇寶以為莊嚴善財進入見優婆夷處師子座年在盛美容色殊妙觀者無厭除莊嚴具素服被髮身色光明除佛菩薩餘無能及於其宮內數十億牀出過天人菩薩宿世行業所造衣服飲食衆妙寶物諸莊嚴具常開四門周給一切而無窮盡一萬女衆眷屬圍遶容色威儀悉如諸天猶如莊嚴衆妙寶樹口常演出天妙音聲敬樂觀察此優婆夷禮拜供養彼諸女身常出妙香普熏大城若有聞者皆得不退菩提之心無怨害心無怨敵心無嗔嫉心無幻偽心無諂曲心無貪愛心無瞋恚心無懈怠心無量心平等心大慈心益衆生心淨持戒心無求欲心聞彼音聲皆悉歡喜身心柔軟其有見者皆得離欲爾時善財頭面禮彼優婆夷足敬心右遶於一面住白言大聖我已先發阿耨多羅三藐三菩提心而未知菩薩云何學菩薩行修菩薩道答言善男子我成就無盡功德藏莊嚴法門以一器食施百衆生隨其所欲皆得充滿千衆生百千衆生億衆生十億衆生百千億衆生那由他衆生百那由他衆生百千那由他

衆生乃至不可說不可說衆生閻浮提微塵等衆生乃至不可說不可說佛刹微塵等衆生隨其所欲皆悉充滿而無損減又復施與上味美膳輦輿衣服華鬘妙香末香塗香寶莊嚴具又施牀座車乘妙蓋幢幡如是等種種諸物隨其所欲悉令充滿皆大歡喜善男子於東方一世界乃至不可說不可說世界閻浮提微塵等世界乃至不可說不可說佛刹微塵等世界中一切聲聞緣覺食我食已悉成道果又於東方乃至不可說不可說佛刹微塵等世界中一生補處菩薩食我食已降魔成道南西北方四維上下亦復如是善男子汝見我此一萬眷屬女不唯然已見善男子如是等百萬阿僧祇菩薩悉我同行同願同善根同修道同欲性同淨正念同清淨趣同菩提無量同得諸根同心依果同境界同正趣離生同真實義同明正法同具菩薩清淨妙色同無量力同堅精進同正法音同語言道同諸功德同清淨業同清淨報同清淨大悲救護一切同清淨業不違因緣同清淨口業於一切佛衆隨其所應悉爲說法同恭敬供養諸佛同決定知一切諸法同得甚深清淨諸地此諸菩薩取我器食於一念頃徧遊十方供養一切聲聞緣覺菩薩諸佛及

施餓鬼悉令滿足而我器食無所損減善男子我此器食隨應諸天悉令充滿乃至施人亦復如是善男子且待須臾汝自見之善財即見無量人衆從四門入彼優婆夷皆令安坐隨所適樂悉令充悅善男子我唯得此無盡功德藏莊嚴法門諸大菩薩無盡功德藏海猶如虛空以無量功德熏修其心如隨意寶滿足一切衆生願故大功德城悉滅一切諸貧苦故功德須彌雨衆寶故大功德藏開法城門故功德燈明滅貧闇故大功德蓋勝妙善根覆一切衆生故我當云何能知能說彼功德行善男子於此南方有城名曰大興彼有長者名甘露頂汝詣彼問云何菩薩學菩薩行修菩薩道時善財童子頭面禮足遶無數而憶念不捨辭退南行

爾時善財童子得無盡功德光明法門正念思惟彼功德海觀察彼虛空功德趣彼功德聚登彼功德山攝彼功德藏盡彼功德底度彼功德海淨彼圓滿功德周徧觀察彼諸功德隨彼功德藏持彼功德教淨彼功德性漸漸遊行至大興城周徧推求長者甘露頂樂求善知識以善知識熏其身心於善知識起正直心觀善知識常無厭足學善知識勇猛精進求善知識一切善根同善知識一切善

根於善知識無嫌恨心滿功德藏學善知識
 種種方便雖不由他悟而常親近諸善知識
 長諸善根淨修菩提正直之心增長一切善
 薩諸根成就一切善根滿足大願發廣大悲
 近一切智不離諸佛增長普賢菩薩所行如
 來光明常照其心爾時善財見甘露頂於彼
 城內處七寶堂阿僧祇寶師子座上金剛伊
 尼羅寶以為座足離垢寶藏而以校飾五百
 寶像以為莊嚴建眾寶幢垂寶繒幡張眾寶
 帳無量寶網羅覆其上有入手執閻浮檀金
 蓋瑠璃為竿復有執持離垢寶拂侍立左右
 眾妙雜香而以熏之雨天華雲作五百種勝
 妙妓樂娛樂城內一萬大眾周匝圍遶顏容
 姝妙天人無倫成就菩薩直心莊嚴眾生悉
 常隨順甘露頂教宿世同修諸善根故爾時
 善財頭面禮足遶無數匝恭敬合掌於一面
 住白言大聖我為利益一切眾生故發阿耨
 多羅三藐三菩提心所謂滅一切眾生苦惱
 令安隱住究竟快樂度生死海到法寶洲消
 竭貪愛修大悲念除五欲渴樂一切智今究
 竟度生死曠野常樂一切諸佛功德超出三
 界至薩婆若城而未知菩薩云何學菩薩行
 修善薩道攝一切眾生長者答言善哉善哉
 童子乃能發阿耨多羅三藐三菩提心若能

發心學菩薩道修菩薩行此人難得求善知識見善知識親近恭敬於善知識其心不退而無厭足善男子汝見我此一萬眷屬不雜然已見我本爲彼說種種法令發阿耨多羅三藐三菩提心生如來家修白淨法滿足無量諸波羅蜜具佛十力離世間姓之如來姓壞生死輪轉淨法輪滅三惡道立正法趣善男子當知菩薩悉能救護一切衆生善男子我成就此如意功德寶藏法門隨其所須悉滿彼願謂以衆寶車乘象馬僮僕衣服飲食香華末香燈明湯藥幢幡繒蓋隨意眷屬天冠寶飾一切珍玩資生之具盡給施之乃至以法廣施衆生善男子且待須臾汝自見之即時善財見諸方國城邑聚落一切衆生來詣其所悉命令坐時甘露頂仰觀虛空隨諸來會一切所須悉從空下滿足其願既充願已爲說正法悉令長養諸功德藏消生死愛渴仰佛法乃至具足大人味味之相滅貧窮苦富甘露財降伏衆魔無能壞者成就十力無上智慧如是等類悉滿願已皆大歡喜隨所來方各還本處善男子我唯知此如意功德寶藏法門諸大菩薩具足一切自在功德成就寶手覆一切剎雨無量雲謂衆寶雲種種色莊嚴雲種種色寶天冠雲種種色衣雲

種種妙聲雲種種華雲種種周羅摩尼寶雲
 種種色香雲種種色蓋雲種種色幢幡雲皆
 悉充滿一切世界一切佛刹一切諸佛及其
 眷屬為教化一切衆生令供養一切佛故我
 當云何能知能說彼菩薩行顯其自在善男
 子於此南方有城名師子重閣彼有長者名
 法寶周羅汝詣彼問云何菩薩學菩薩行修
 菩薩道時善財童子歡喜踊躍頭面敬禮遶
 無數匝如弟子法作如是念因善知識得一
 切智於善知識生無壞心聞善知識教悉能
 隨順調伏諸根作是念已辭退南行
 爾時善財童子正念如意功德寶藏法門守
 護彼功德藏淨彼功德須彌山王得彼功德
 海之源底開彼功德藏觀彼功德藏圓滿清
 淨彼功德藏攝彼功德藏出生長養彼功德
 藏力漸漸遊行至於彼城周徧推求長者法
 寶周羅於道遇見頭面禮足合掌恭敬於一
 面住日言大聖我已先發阿耨多羅三藐三
 菩提心而未知菩薩云何學菩薩行修菩薩
 道時彼長者執善財手將歸其家善男子且
 觀我家爾時善財徧觀舍宅悉閭浮檀金色
 七寶為牆周匝圍遶瑠璃莊嚴碑礫為柱敷
 赤真珠寶師子座建師子寶幢張瑠璃寶帳
 如意珠網羅覆其上阿僧祇寶而莊嚴之馬

瑠璃寶池八功德水盈滿其中一切寶樹周匝
圍遶其宅廣大十重八門爾時善財見取下
重設眾者瞻惠施一切見第二重施雜寶水
見第三重施惠一切寶莊嚴具見第四重施
內眷屬悉履善行巧於語言見第五重乃至
五住菩薩雲集其中結集正法離世間樂出
一切論諸陀羅尼三昧法印分別三昧智慧
光明見第六重得般若波羅蜜菩薩充滿其
中具甚深智得寂靜明智慧藏地無礙法門
超出三有境界無礙念不二法結集般若波
羅蜜門分別解說般若波羅蜜門所謂寂滅
藏般若波羅蜜門分別一切眾生般若波羅
蜜門不動轉般若波羅蜜門離欲普照般若
波羅蜜門不可壞藏般若波羅蜜門一切眾
生淨眼般若波羅蜜門海藏般若波羅蜜門
普眼般若波羅蜜門一切無盡方便海般若
波羅蜜門隨順眾生普照無礙般若波羅蜜
門慶雲漸下般若波羅蜜門結集如是等百
萬阿僧祇般若波羅蜜門彼菩薩眾不可說
莊嚴而莊嚴之見第七重響忍菩薩充滿其
中出方便智悉能聞持諸佛法雲見第八重
常住菩薩充滿其中具諸神通徧一切剎照
一切眾生一切法界具足法身詣一切佛無
所障礙悉能受持一切佛法見第九重補處

菩薩充滿其中見第十重一切如來充滿其中從初發心修菩薩行超出生死滿足大願神力自在一切佛利及其眷屬轉淨法輪化度衆生顯現住持爾時善財見如是等奇特事已自言大聖我未曾見如是清淨大衆皆於何處種諸善根今得如是勝妙果報善男子我憶過去無量光明法界普莊嚴王如來應供等正覺明行足善逝世間解無上士調御丈夫天人師佛世尊出興于世彼佛入城我以香華妓樂而供養之供養已持此善根迴向三處謂滅除貧苦常見諸佛菩薩及善知識恒聞正法故獲斯報善男子我唯知此滿足大願法門諸大寶海菩薩得不可壞清淨法身不可壞法雲普覆一切具足成就不可壞功德不可壞大功德網普覆一切入不可壞三昧境界具足菩薩不可壞善根住不可壞如來所住不可壞智慧究竟三世住一切劫而無疲倦住不可壞普眼境界地我當云何能知能說彼功德行善男子於此南方有一國土名實利根城名普門彼有長者名普眼妙香汝詣彼問云何菩薩學菩薩行修菩薩道時善財童子頭面敬禮法寶周羅足已辭退南行

大方廣佛華嚴經卷第四十八

華嚴經

第四十八

四

四

紺色上古鑑切

壁中上北擊切

形貌下莫教切

殊妙上昌尔切

肉髻下計音

脣口上食倫切

頭頂上居舉切

臂有上四音

纖長上思廉切

纒網上莫非切

臍脾上母匹切下并類傍杜切

鹿臨上盧各切下市亮切

腰腹上於霄切下福音

輸那上上聲呼

拈沙上盧美切亦作拈

麁子上於餘切

商估下古音

衆獸下音音

素服上桑故切

被髮下發音

怒害上奴古切

慳嫉下疾音

美膳下特戰切

輦輿上連音下與音

僮僕上同音下蒲侯切

甲辰歲高麗國大藏部監奉
勅彫造

大方廣佛華嚴經卷第四十九

道

東晉天竺三藏佛跋闍耶譯

譯

入法界品第三十四之六

爾時善財童子思惟諸佛無量法門逮得菩薩無量諸行菩薩無量妙方便道普照身心樂求無量方便法門成就菩薩清淨解脫菩薩無量清淨諸根菩薩無量諸清淨力心隨菩薩無量諸行出生菩薩無量大願力逮得菩薩不可沮壞妙智慧幢普照一切漸漸遊行至於彼國求普門城心無休息精進不退念善知識讚善知識隨順善知識諸根專向普門法門遠離一切諸放逸行開淨慧眼度生死海見普門城百千小城周匝圍遶高峻堅固妙巧無比種種莊嚴見普眼妙香長者於此城中坐衆香座往詣其所頭面禮足恭敬合掌於一面住白言大聖我已先發阿耨多羅三藐三菩提心而未知菩薩云何學菩薩行修菩薩道答言善哉善哉善男子乃能發阿耨多羅三藐三菩提心善男子我知一切衆生病風寒熱病及諸雜病狂橫病鬼著病毒病諸呪術病如是等類一切諸病我悉了知隨其所應皆能療治善男子十方衆生諸有病者來詣我所我悉能治除其患已沐浴香湯香華環珞名衣上服而莊嚴之有勝

飲食而供養之無量珍寶而惠施之然後爲
 說種種法門貪欲多者教不淨觀瞋恚多者
 教慈心觀愚癡多者教法相觀等分行者教
 勝法門併揚讚歎諸佛功德發菩提心故說
 長養大悲於無量生死苦心不厭故分別廣
 說諸波羅蜜長養無量淨智慧故說諸大願
 教化成熟一切衆生故說普賢菩薩行顯現
 清淨尸波羅蜜故說不可思議如來功德顯
 現羣提波羅蜜故說如來無壞清淨法身顯
 現毗梨耶波羅蜜故說如來無與等者顯現
 如來禪波羅蜜故說清淨法身顯現般若波
 羅蜜故說一切淨法身令一切衆生皆悉觀
 見顯現方便波羅蜜故說於生死中住一切
 劫顯現願波羅蜜故說嚴淨一切佛刹顯現
 諸力波羅蜜故說淨法身隨其所應悉令歡
 喜顯現智波羅蜜故說常樂見清淨法身遠
 離一切不善法故善男子我以如是等種種
 法施悉令滿足歡喜而還善男子我又善知
 和衆香法所謂不可稱王香新頭香勝香覺
 香明相香沈水香堅固香栴檀香雲香不動
 諸根香知如是等一切諸香燒此香時一心
 向佛發大誓心滿一切願所謂救護一切衆
 生嚴淨一切佛刹恭敬供養一切諸佛乃至
 燒一九香時充滿十方一切法界一切如來

及其眷屬香帳莊嚴一切法界香宮殿香垣
 牆香樓閣香欄楯香却敵香憲牖香半月香
 蓋香幢香幡香網香形像香光明香莊嚴具
 香雲雨莊嚴十方一切法界一切諸佛及其
 眷屬善男子我唯知此令一切衆生歡喜普
 門法門見一切佛身諸大藥王菩薩若有聞
 見親近憶念執持名号皆悉不虛其有見者
 煩惱悉滅得諸如來法之原底滅除苦陰永
 離一切生死恐怖得無所畏具一切智破壞
 無量生死高山安住正法我當去何能知能
 說彼功德行善男子於此南方有城名曰滿
 幢王名滿足汝詣彼問云何菩薩學菩薩行
 修菩薩道時善財童子頭面敬禮普眼妙香
 長者遶無數而辭退南行

爾時善財童子次第憶念諸善知識正念思
 惟善知識教復作是念善知識者能攝取我
 能守護我令我不退阿耨多羅三藐三菩提
 如是思惟得大歡喜心無量歡喜心發清淨
 心寂滅心廣大心莊嚴心無著心無礙心虛
 空心見諸佛菩薩心自在心順諸法心於一
 念中充滿一切佛刹心見如來心念十力心
 不捨諸佛善知識心漸經人衆城邑聚落至
 滿幢城問滿足王今在何所有人荅言今在
 正殿行於王法教化衆生應攝取者而攝取

之應罰者罰應治者治諸有諍者斷其諍訟
有恐怖者施以無畏讚歎不殺不盜不邪淫
不妄言不兩舌不惡口不無義語無貪恚癡
爾時善財遙見彼王處金剛師子座阿僧祇
寶而以莊嚴無量寶像以爲莊飾種種香雲
而普熏之無量寶衣以敷其上又復建立無
量寶幢無量寶幡周徧垂下張衆寶帳頂冠
如意摩尼寶冠間綉檀金半月莊嚴髮紺青
色耳普垂腰身佩無價摩尼瓔珞百千寶網
羅覆其上間綉檀金蓋衆寶爲鈴常出妙音
琉璃爲竿夜光寶藏普照諸方彼滿足王有
大勢力離諸怨敵無量自在一萬大臣各處
常位修理王事勇將一萬持仗侍衛爾時善
財見無量衆生犯王法者身被五縛或斷手
足或截耳鼻或挑雙目或斬身首或投佛灰
或疊纏油罐以火焚之以如是等無量楚毒
而苦治之爾時善財作如是念我爲一切衆
生故學菩薩行修菩薩道今見此王行大惡
逆諸不善法此乃惡中之惡第一惡人作是
念時虛空有天而告之曰善男子汝當憶念
普眼妙香善知識教善財即時仰觀虛空而
答之言我常憶念天又語言若常憶念何故
疑怪善男子菩薩方便不可思議菩薩智慧
不可思議攝取衆生不可思議調伏衆生不

可思議教化衆生不可思議愍念衆生不可思議度脫衆生不可思議爾時善財聞天教已詣彼王所頭面禮足白言大聖我已先發阿耨多羅三藐三菩提心而未知菩薩云何學菩薩行修菩薩道時滿足王王事訖已手執善財將入宮內命就寶師子座而告之日善男子汝觀我家善財即觀廣大無極七寶垣牆周匝圍遶七寶講堂無量百千衆寶樓閣而莊嚴之乃至不可思議摩尼寶網羅覆其上五百侍女端嚴如天如上所說善男子見我此報所因業不答言已見善男子我成就菩薩幻化法門我此國土殺生偷盜乃至邪見諸羣生類不可教化難諸惡業我爲調伏令解脫故化作人衆種種苦治令捨十不善道一切諸惡具足十善得究竟樂發阿耨多羅三藐三菩提心具足一切智善男子當知我身口意乃至蠅子不生害心何況人耶人是福田生諸善根善男子我唯知此幻化法門諸大菩薩得無生法忍知一切有趣皆悉如幻知菩薩行悉如變化一切世間悉如電光一切諸法皆悉如夢深入無礙法界具菩薩妙行境界無礙攝一切行於無量旋陀羅尼而得自在我當云何能知能說彼功德行善男子於此南方有城名曰善光王名大

光汝詣彼問云何菩薩學菩薩行修菩薩道
 時善財童子頭面禮足遶無數匝辭退南行
 爾時善財童子一心正念彼王智慧幻化法
 門觀一切法皆悉如幻分別諸業專求正法
 一心思惟彼王變化救度衆生思惟世間一
 切如幻分別了知三世願行悉如幻化入淨
 法界漸經人衆聚落城邑曠野諸難心無疲
 倦至善光城問衆人曰此城何名荅言善光
 爾時善財作如是念我善知識在此城中我
 今必定見善知識聞菩薩行菩薩正法及諸
 法門菩薩功德不可思議境界不可思議自
 在不可思議平等法門不可思議勇猛之力
 不可思議我今必聞菩薩究竟境界作是念
 已入善光城見城七寶無量莊嚴七重深漸
 周匝圍遶八功德水盈滿其中底布金沙優
 鉢羅鉢曇摩拘牟頭分陀利華徧滿其中七
 寶垣牆七重圍遶所謂金剛師子垣牆不可
 壞金剛垣牆精進金剛垣牆不可壞精進垣
 牆無底金剛垣牆淨網垣牆離欲清淨金剛
 垣牆是七重垣牆阿僧祇寶品莊嚴之其城
 奇特高廣廣大十億街巷一一街巷各有無
 量億那由他阿僧祇人衆阿僧祇閻浮檀金
 樓閣瑠璃寶網羅覆其上不可思議白銀樓
 閣赤真珠網羅覆其上不可思議瑠璃樓閣

莊嚴藏摩尼寶網羅覆其上不可思議玻璃
樓閣離垢摩尼寶藏網羅覆其上不可思議
明淨寶樓閣曰藏摩尼寶網羅覆其上阿僧
祇因陀羅尼寶樓閣妙寶光明網羅覆其上
阿僧祇堅固寶樓閣夜光寶燄網羅覆其上
不可思議金剛樓閣不可壞幢摩尼寶網羅
覆其上不可思議沈水旃檀樓閣摩訶曼陀
羅華網羅覆其上如是等不可稱說妙寶樓
閣以種種網羅覆其上不可思議妙寶網不
可思議金鈴網不可思議香網不可思議華
網不可思議衣網羅覆其上又張不可思議
諸妙寶帳不可思議珍妙寶蓋以覆其上建
立不可思議雜寶幢幡而莊嚴之當此城中
有一樓閣名曰衆生樂見無厭阿僧祇摩尼
寶而以莊嚴彼大光王常處其中爾時善財
於此一切嚴飾珍妙心無染著一心樂欲見
善知識見大光王處於法堂寶師子座結跏
趺坐衆寶莊嚴敷以寶衣萬阿僧祇寶像以
爲莊嚴種種妓樂而娛樂之有二十八大人
之相八十種好而以莊嚴身真金色如明淨
日普照一切如盛滿月衆宿中明如梵天王
處於大衆如大海中有衆珍寶如雪山中出
諸良藥如大龍王雷震諸法實相音聲如虛
空清淨不受塵垢如須彌山四種寶色普照

眾生性海譬如寶洲智寶充滿彼王殿前及諸街巷城四門外處處安置眾珍寶聚及諸寶衣無量億那由他諸采女眾容飾端嚴五欲無倫姿好巧妙迴動天人六十四術無不備舉無量乳牛其角金色乳味甘香一聲一石又有無量諸莊嚴具種種甘香百味肴膳無量音樂及諸湯藥資生之具一一街巷兩邊各有二十億菩薩以此一切資生之具而用惠施攝眾生故悅眾生故淨眾生心故滅眾生煩惱故令諸眾生解實義故安立眾生一切智故令眾生離惡心故拔出眾生邪見剗故淨眾生業道故爾時善財五體敬禮大光王已右遶一帀於一面住白言大聖我已先發阿耨多羅三藐三菩提心而未知菩薩云何學菩薩行修菩薩道我聞大聖善能解說唯願敷演答言善男子我成就菩薩大慈幢行清淨滿足我於無量不可說不可說諸佛菩薩所聞此妙法觀察清淨修習莊嚴善男子我住此行如法治國觀察眾生順行世間如法教化眾生攝取眾生安置眾生饒益眾生如法熏眾生如法教眾生令修善根觀法真實令諸眾生得慈心大慈心大慈力心饒益心離恐怖心攝眾生心不捨眾生心發於大願滅諸苦心安隱眾生令得快樂身心

柔軟遠離心垢捨生死樂常樂正法除煩惱
垢得清淨心以一切善熏衆生心斷生死流
入深法海滅諸有趣出無礙心得一切智淨
諸心海信力堅固無能壞者善男子我以如
是安住此行如法治國令諸人民離衆怖畏
有貧窮者來至我所隨所求索常開庫藏而
告之日恣意取之勿作衆惡此城衆生悉向
大乘各見此城種種不同或見垢穢或見清
淨或見木石或見瑠璃或見無壞幢牆周匝
圍遶或見不可思議樓閣阿僧祇寶而以莊
嚴以正直心修諸善根於諸佛所求一切智
爲我宿世所攝衆生修菩薩行者乃見此城
衆寶嚴淨餘見垢穢善男子此城衆生五濁
惡時行諸不善我愍念彼入於菩薩大慈爲
首順世三昧入此定時彼諸衆生惡心惱心
諍心害心皆悉除滅所以者何此三昧力法
如是故善男子且待須臾汝自見之時王即
入大慈爲首順世三昧入已善光大城六種
震動諸寶垣牆樓閣宮殿欄楯窓牖却敵半
月寶鈴羅網諸寶形像出妙音聲讚歎彼王
其城內外一切人民皆大歡喜一心合掌敬
禮彼王諸畜生等慈心相向亦禮彼王山原
樹林皆悉曲躬而向彼王河池泉流皆悉向
王一萬龍王興黑重雲雷震曜電雨衆香水

一萬釋天王夜摩天王刪毘率天王化自在天王他化自在天王等於虛空中作億那由他妓樂音聲阿僧祇天采女衆妙音歌頌雨阿僧祇華雲香雲末香雲鬘雲蓋雲雜色衣雲阿僧祇寶幢幡蓋莊嚴虛空供養彼王伊那勝那龍王敷大蓮華普覆虛空垂阿僧祇妙綵繒帶阿僧祇寶而莊嚴之阿僧祇寶鬘瓔珞天莊嚴具諸妙華香充滿虛空供養彼王阿僧祇天女充滿虛空稱讚彼王阿僧祇羅刹鬼等常在大海間淨提住飲血食肉水陸惡獸常害衆生皆得慈心及寂靜心明信後世遠離諸惡心大歡喜五體投地敬禮彼王皆得無量身心快樂阿僧祇毗舍闍鬼及四天下毒害衆生三千大千世界乃至十方各百萬億那由他世界中毒害衆生亦復如是時大光王從三昧起告善財言善男子我唯知此菩薩大慈幢行三昧諸大菩薩以大慈蓋普覆救護一切衆生上中下品等觀無二慈如大地載育衆生菩薩滿月出功德光除衆惱熱菩薩淨日智慧光明普照一切菩薩明燈除滅重闇菩薩淨水珠滅衆生心海煩惱垢濁菩薩如意寶珠隨衆生心悉令滿足菩薩疾風速令衆生修習三昧入一切智城我當云何能知能說彼功德行讚歎稱量

彼功德山觀彼功德知大願風輪得真實地
分別了知莊嚴大乘普賢菩薩之所修行及
諸三昧讀大悲雲善男子於此南方有城名
曰安住有優婆塞名曰不動汝詣彼問云何
菩薩學菩薩行修菩薩道時善財童子敬禮
彼三邊無數而辭退南行

爾時善財童子正念思惟大光王教思惟菩
薩大慈幢行大慈爲首隨順世間三昧出生
不可思議功德願力長養菩薩不可思議堅
固智慧思惟菩薩不共之法思惟不可思議
諸法實相思惟菩薩不可思議眷屬思惟菩
薩不可思議衆事作是思惟已得歡喜心離
欲心無踊躍心謙下心離垢心明淨心堅固
心無畏心無盡心作是念時悲泣流淚復作
是念見善知識則能出生一切功德起菩薩
行清淨正念陀羅尼出生菩薩三昧光明見
一切佛而諸佛法雲分別解說菩薩諸願出
生菩薩不可思議智慧光明長養菩薩堅固
諸根念善知識能離險道念善知識開示正
路念善知識順平等法念善知識顯摩訶衍
念善知識究竟普賢菩薩所行念善知識現
一切智城念善知識度一切法界海念善知
識普照三世一切法海念善知識長養一切
諸白淨法念善知識成滿一切諸賢聖法善

財如是悲心念時如來使天隨菩薩天於虛空中而告之曰善男子其有隨順善知識教諸佛歡喜其有隨順善知識教近一切智於善知識教心無厭故一切諸義悉現在前善男子汝詣安住王城不動優婆夷所是汝知識不久當見爾時善財從智慧光明三昧起漸漸遊行至安住城推問不動優婆夷今在何所時有人言善男子不動優婆夷在其家內父母守護親近眷屬周帀圍遶為無量衆演說正法爾時善財歡喜無量即詣其門入彼家內見其宮殿金色光明皆悉普照觸斯光者身心柔軟爾時善財光明觸身即得五百三昧門所謂覺一切三昧門奇特幢三昧門寂靜三昧門遠離一切衆生三昧門普眼三昧門如來藏三昧門得如是等五百三昧門身心柔軟如七日胎又聞妙香出過天人前詣其所合掌恭敬一心觀察見彼形色天龍八部諸采女衆所不能及十方世界一切女人無與等者容色妙絕十方無倫況有勝者唯除諸佛其宮殿嚴飾十方世界無與等者口出妙香十方世界無與等者其莊嚴具十方世界無與等者其眷屬衆十方世界無與等者何況有勝除如來衆如是勝妙不令衆生起染著心其有見者除滅煩惱如梵天

王欲界煩惱不現在前其有得見此優婆夷
一切煩惱皆悉除滅十方衆生樂觀無厭除
明行足爾時善財見彼女人不可思議法不
可思議三昧不可思議無比妙色無量光明
網一切無障不可思議饒益衆生不可窮盡
諸眷屬海觀察不可思議身無有厭足爾時
善財以偈頌曰

常持清淨戒 精進修忍辱 譬如盛滿月 星中獨明耀
爾時善財偈讚歎已白言大聖我已先發阿
耨多羅三藐三菩提心而未知菩薩云何學
菩薩行修菩薩道我聞大聖善能解說願爲
敷演爾時彼女以善語愛語答善財言善哉
善哉善男子乃能發阿耨多羅三藐三菩提
心我成就菩薩無壞法門修學菩薩堅固之
行得一切法平等地陀羅尼得一切法平等
法門得離有莊嚴三昧善財白言菩薩無壞
法門乃至離有莊嚴三昧境界云何善男子
是處難知難說善財白言唯願大聖承佛神
力爲我解說我當因善知識信知分別正念
觀察一心隨順遠離虛妄解了平等爾時優
婆夷答言善男子於過去世離垢劫中有如
來應供等正覺号曰脩臂出興於世時有國
王名曰電光我爲王女中夜寂靜廢音樂時
五百侍女皆悉昏寐我在樓上仰觀星宿見

彼如來在虛空中如寶山王天龍八部不可思議大菩薩衆恭敬圍遶放大光明網普照十方彼佛毛孔出微妙香我聞是香身體柔軟心大歡喜恭敬禮拜一心合掌仰觀彼佛不見頂相觀身左右不見邊際相好莊嚴見無厭足善男子我於爾時作如是念修何等業出生如是身長養如是身具足如是身清淨如是身自在如是身光明眷屬諸莊嚴具功德智慧三昧陀羅尼諸辯才藏不可譬喻善男子時彼如來知我心念而告我言汝應發不可壞心除滅煩惱發勝妙心不著一切有發不懈怠心隨順深入方便之法發忍辱心調伏衆生諸惡心海發離癡心遠離一切諸生死趣發無厭心見一切佛心無厭倦發無知足心悉飲一切諸佛法雲發寂靜心以一切佛方便隨順世間發守護心護持一切諸佛法輪發分別心隨其所應演說法寶皆令歡喜善男子我於爾時從彼如來聞此法教清淨法門求一切智如來十力所言不虛光明莊嚴清淨法身相好莊嚴如來眷屬嚴淨佛剎如來威儀如來壽命我發是心時一切煩惱聲聞緣覺金剛諸山所不能壞善男子我發此心已於閻浮提微塵等劫不生欲想何況其事於爾所劫自於眷屬不生瞋心

何況餘人於爾所劫不生我見心況我所心
於爾所劫不生愚癡心不生無記心乃至胎
中常起正念何況餘時於爾所劫乃至夢中
見一切佛況十眼觀於爾所劫聞持一切諸
佛法雲未曾忘失一句乃至世間語言尚不
忘失況如來語於爾所劫悉飲一切諸佛法
海乃至世法亦分別知出生一切方便諸三
昧門心無虛妄於爾所劫受持一切諸佛法
輪於法輪中不失一法乃至無有二智除化
衆生於爾所劫見一切佛海及諸化佛於彼
佛所滿足大願於爾所劫於一切菩薩海所
具足出生清淨菩薩行海於爾所劫若有衆
生得見我者皆發阿耨多羅三藐三菩提心
乃至不生一念二乘之心於爾所劫於一切
佛法乃至一句一味不生疑惑無有二想無
虛妄想無種種想無染著想無好醜想無愛
患想善男子我初發心來常見諸佛菩薩及
善知識聞佛大願修菩薩行諸波羅蜜智慧
諸地無盡法藏普入無量無邊一切世界分
別無量衆生界不離清淨智慧光明除滅一
切衆生煩惱長養發起衆生善根隨其所應
悉能顯現未曾捨離微妙音聲其有聞者皆
悉歡喜善男子我入此無壞法門觀察一切
法平等陀羅尼顯現無量自在神變汝欲見

不唯然欲見爾時不動優婆夷入萬三昧門
正念觀察所謂專求莊嚴正法心無疲厭三
昧門離癡莊嚴三昧門十力三昧門佛無盡
藏三昧門住如是等三昧門時十不可說佛
刹微塵等世界六種震動淨如瑠璃一一世
界中各見百億如來一一如來大衆圍繞放
大光明普照十方或現兜率天或現於一切
世界以妙音聲轉淨法輪乃至示現大般涅
槃時優婆夷從三昧起告善財言善男子汝
見此不唯然已見善男子我唯成就此無壞
法門為一切衆生說微妙法皆令歡喜諸大
菩薩遊行十方無有障礙如金翅鳥三悉得
衆生大海源底若見衆生有菩提因從生死
海而攝取之安置菩提譬如商人入大寶洲
專求如來十力大寶遊生死海教化衆生除
滅煩惱如明淨日消竭愛水開敷一切衆生
蓮華譬如疾風遊行十方摧滅一切衆生邪
見煩惱樹枝譬如大地長養一切衆生善根
如轉輪王以四攝法攝取衆生我當云何能
知能說彼功德行善男子於此南方有一國
土名不可稱城名知足有出家外道名曰隨
順一切衆生汝詣彼問云何菩薩學菩薩行
修菩薩道時善財童子頭面禮足遶無數千

爾時善財童子一心正念彼優婆夷是我眞
善知識念彼正教念彼所說念彼所發念彼
所開念彼示現念彼所歎念彼所明念彼廣
演念彼修習隨順思惟修徧修寂靜寂滅照
明觀察漸漸經由城邑聚落於日沒時入知
足城周徧推求隨順一切衆生外道今在何
所於中夜時見彼城北有一大山光明照耀
如日初出爾時善財天明出城登彼山上遙
見外道靜處經行成就妙色超逾梵王一萬
梵天眷屬圍遶往詣其所頭面禮足却住一
面白言大聖我已先發阿耨多羅三藐三菩
提心而未知菩薩云何學菩薩行修菩薩道
答言善哉善哉善男子乃能發阿耨多羅三
藐三菩提心善男子我已安住至一切處菩
薩之行成就普觀三昧法門無依無作神足
以平等般若波羅蜜光明觀察分別一切諸
趣一切衆生死此生彼流轉諸有種種雜類
形色好醜種種欲樂諸趣受生所謂天龍夜
叉乾闥婆阿脩羅迦樓羅緊那羅摩睺羅伽
地獄餓鬼畜生閻羅王處人非人處彼諸衆
生或著那見或好二乘或樂大乘以妙智慧
種種方便饒益衆生或教世間種種技藝欲
令衆生得諸巧術陀羅尼門或以四攝攝取
衆生欲令一切得薩婆若或歎諸波羅蜜欲

今衆生得一切智迴向或歎發菩提心欲令
 衆生於諸善根不可沮壞或歎菩薩行欲令
 衆生嚴淨佛刹滿足大願教化衆生或說厭
 離法欲令衆生知惡行果受三塗苦或說淨
 法欲令衆生發歡喜心於諸佛所植衆德才
 得一切智果或歎如來應供等正覺欲令衆
 生發弘誓願一向專求清淨法身或歎如來
 功德欲令衆生一向樂求佛無壞身或歎如
 來無比妙法欲令衆生得佛一切無壞功德
 復次善男子此知足城內一切人民男女長
 幼隨其所應我悉化度彼諸衆生莫知我誰
 此閻浮提九十六種外道邪見我悉爲彼種
 種說法斷其邪見三千大千世界乃至十方
 一切世界諸衆生海以種種智方便法門種
 種諸事色像音聲化度饒益亦復如是善男
 子我唯知此菩薩至一切處行法門諸大菩
 薩身與一切衆生數等悉得分別一切衆生
 身三昧出生變化輪徧遊一切世界一切諸
 趣普現十方一切衆生前其有見者樂觀無
 厭悉能長養一切善根住一切劫不捨大願
 得因那羅莊嚴光明之行不著一切專求實
 義隨順衆生三世平等照無我界具足無盡
 大悲之藏我當云何能知能說彼清淨行功
 德智慧善男子於此南方有一國土名甘露

味彼有長者名青蓮華香汝詣彼問云何菩薩學菩薩行修菩薩道時善財童子頭面敬禮彼外道足遶無數而辭退南行

爾時善財童子不惜身命不著財寶遠離熾然不著諸趣不著世間五欲快樂不著眷屬勢力自在常樂化度一切衆生嚴淨一切諸佛世界恭敬供養一切諸佛心無厭足知一切法真實之相欲得一切菩薩功德巨海滿足大願於一切劫修菩薩行詣一切佛及眷屬海入一切菩薩三昧悉能顯現一切菩薩神力自在於一毛孔見一切佛心無厭足悉聞受持一切諸佛正法輪雲心無厭足專求此等一切菩薩諸佛功德漸漸遊行至甘露味國詣青蓮華香長者所頭面禮足遶無數而於一面住白言大聖我已先發阿耨多羅三藐三菩提心向無上道志求一切諸佛智慧欲滿一切諸佛大願欲淨一切諸佛色身欲見一切諸佛法身欲知一切諸佛智身欲淨滿一切菩薩諸行欲照一切菩薩諸三昧門欲成就一切菩薩諸陀羅尼欲悉除滅一切障礙欲徧遊一切諸佛世界而未知菩薩云何學菩薩行修菩薩道生一切智答言善哉善哉善男子乃能發阿耨多羅三藐三菩提心善男子我能善知一切諸香一切和香

一切熏香一切塗香一切末香一切香王一切天香龍夜叉乾闥婆阿脩羅迦樓羅緊那羅摩睺羅伽人非人等香除滅一切眾疾病香滅憂惱香生一切眾生諸喜樂香長養諸煩惱香除滅諸煩惱香喜樂有為香厭離有為香放逸香不放逸香念諸佛香順正法香賢聖人香分別一切諸菩薩香一切菩薩地香一切菩薩住香如是等香我悉了知彼香生起所行成就具足清淨安隱方便境界行業根本皆悉了知善男子中有香名大象藏因龍闢生若燒一丸興大光網雲覆甘露味國七日七夜降香水雨若著身者身則金色若著衣服宮殿樓閣亦悉金色若有眾生得聞此香七日七夜歡喜悅樂滅一切病無有狂橫遠離恐怖危害之心專向大慈普念眾生我知彼已而為說法令無量眾生於阿耨多羅三藐三菩提得不退轉

大方廣佛華嚴經卷第四十九

品陵下私問切

狂橫下戶音切

藥治上力照切

香湯下吐郎切

有膽下時戰切

窓隔上楚江切

應罰下伐音

諍訟上側進切

邪姪下餘針切

患癡下古時切

駭紺上發音

身佩下蒲昧切

截目上昨結切

挑雙上吐調切

那炙上右味切

疊纏上藤音

油灌下貫音

楚毒上柳所切

偷盜上託侯切

街巷上佳齊切

姿好上資音

一聲下古候切亦

求索下山賣切

恣意上資四切

水陸下六音

脩臂上修音

昏寐下彌二切

醜好上昌九切

金翅下施音

龍關下都豆切

乙巳歲分司大藏都監庫造

大方廣佛華嚴經卷第五十

道

東晉天竺三藏佛跋闍陀羅

譯

入法界品第三十四之七

善男子復有香名牛頭栴檀從離垢山王生
若以塗身火不能燒復有香名不可壞從大
海生若以塗身出妙音聲降伏怨敵復有香
名蓮華黑沉水從阿耨達池四岸邊生若燒
一丸悉能普熏閻浮提界若有眾生得聞此
香離一切惡具清淨戒復有香名曰明相從
雪山王生若有眾生聞此香者離諸垢除心
得清淨而爲說法令彼悉得菩薩離垢圓滿
三昧復有香名曰海藏從羅刹國生應轉輪
王若燒一丸令四種兵列住虛空復有香名
清淨莊嚴從善法堂生若燒一丸悉令諸天
得念佛三昧復有香名曰淨藏從夜摩天生
若燒一丸令彼諸天皆悉雲集詣夜摩天王
聽受正法復有香名兜陀婆從兜率天生常
在補處菩薩座前若燒一丸興大香雲普覆
十方一切法界雨無量莊嚴供一切佛及其
眷屬復有香名曰轉意從化自在天生若燒
一丸於化自在天七日七夜雨莊嚴雨善男
子我唯知此香諸大菩薩遠離一切不善習
氣永離五欲滅除煩惱降伏衆魔斷一切縛
離三有趣智慧妙香而自莊嚴一切世間無

所染著具足成就無礙戒香除滅障礙智慧
境界通達無滯心常平等我當云何能知能
說彼功德行清淨戒門身口意業離一切惡
善男子於此南方有城名曰樓閣彼有海師
名曰自在汝詣彼問云何菩薩學菩薩行修
菩薩道時善財童子頭面敬禮彼長者足達
無數而辭退南行

爾時善財童子向樓閣城觀察正道專求正
道觀夷險道始淨道安危道復作是念因善
知識得菩薩道諸波羅蜜道攝取衆生入無
礙法界隨順一切衆生除滅一切煩惱熾然
一切邪見拔一切不善刺度一切生死海必
至一切智城何以故因善知識得一切善根
因善知識得一切智作是念已漸漸遊行至
樓閣城周徧推求自在海師見在海岸船舶
處住十萬商人及無量衆而圍遶之欲聞勝
法入大海法佛功德海法往詣其所頭面禮
足却住一面自言大聖我已先發阿耨多羅
三藐三菩提心而未知菩薩云何學菩薩行
修菩薩道答言善哉善哉善男子乃能發阿
耨多羅三藐三菩提心能諮問我大乘妙寶
度生死海到一切智洲得不可壞摩訶衍法
離二乘難住寂滅樂遠離生死迴復永淵逮
得菩薩王處道法陀羅尼輪菩薩莊嚴道薩

婆若道波浪成就普法門於一切法無所障
礙度一切智海善男子我成就大悲幢淨行
法門在此海邊樓閣城中爲貧窮者修諸苦
行欲令一切隨意所求悉充足已廣爲說法
皆令歡喜發起善根長養功德智慧之藏利
菩薩根發菩提心淨菩薩直心增益菩薩深
心出生長養大悲之力除生死苦遊生死海
而無疲倦攝取衆生海令住功德海得一切
法智海光明見一切佛海度一切智海善男
子我住此城如是思惟如是正念饒益衆生
善男子我知海中一切寶洲一切寶相一切
生寶一切淨寶及不淨寶知一切寶價一切
寶器知一切寶隨所應用知作一切寶知一
切寶境界知一切寶光明知一切龍宮殿滅
一切龍難知一切羅刹宮殿滅一切羅刹難
知一切大身衆生宮殿滅一切大身衆生難
知趣知捨迴復恐怖能離波浪知相水色知
日月星宿知諸算數知晝知夜知刹那羅婆
摩睺路知去知住安危之法知海船舶牢
不牢法明候風相而迴轉之了所至處善男
子我已成就如是智慧利益衆生故入於大
海因爲說法悉令歡喜離生死怖入一切智
海竭愛欲海逮得三昧光明智海度一切苦
海清淨一切衆生心海嚴淨一切諸佛刹海

徬遊一切十方界海無所障礙一切衆生
諸根願海隨順一切衆生行海知一切衆生
隨所應海善男子我成就此大悲幢淨行法
門若有見聞憶念我者皆悉不虛善男子我
唯知此法門諸大菩薩行於生死煩惱大海
無所染著離邪見海入實法海以善方便攝
衆生海住一切智海滅一切衆生諸放逸海
善分別知時非時海善方便知化衆生海未
曾失時我當云何能知能說彼功德行善男
子於此南方有城名曰可樂彼有長者名無
上勝汝詣彼問云何菩薩學菩薩行修菩薩
道時善財童子頭面禮足達無數而悲泣涼
淚辭退南行

爾時善財童子增廣大慈大悲潤澤長養功
德智慧莊嚴離煩惱垢入平等法心不放逸
拔不善刺滅一切障精進堅固修習菩薩不
可思議三昧慧光普照寂靜使樂功德水池
解脫華敷滿足大願充滿法界無所障礙趣
一切智一向專求菩薩正道漸漸遊行至可
樂城周徧推求無上勝長者城東有林名離
憂惱妙莊嚴幢時彼長者在此林中無量長
者周帀圍遶理斷國事因爲說法離我我所
及一切有遠離嫉妒清淨心海安住淨心常
見諸佛得無垢信力受諸佛法起菩薩力行

菩薩行出生菩薩諸三昧力顯現菩薩諸智
慧力演說菩薩正念之力樂發無上菩提之
心爾時善財詣長者所以敬法故五體投地
良久乃起白言大聖我是善財我是善財我
已先發阿耨多羅三藐三菩提心而未知意
薩云何學菩薩行修菩薩道教化衆生常見
諸佛諮問正法悉能受持諸佛法雲專向一
切諸方便門於一切世界一切劫中行菩薩
行知一切佛自在神力能受一切諸佛所持
得諸佛力時彼長者告善財言善哉善哉善
男子乃能發阿耨多羅三藐三菩提心善男
子我成就至一切趣菩薩淨行莊嚴法門無
依無作神足之力善男子何等爲至一切趣
菩薩淨行莊嚴法門善男子此三十大千世
界一切阿脩羅世間一切迦樓羅地獄餓鬼
夜叉羅刹鳩槃荼乾闥婆人非人等世間二
三天須夜摩天刪兜率天乃至魔天世間
欲界所住一切生趣一切天宮一切龍宮一
切夜叉乾闥婆阿脩羅迦樓羅緊那羅摩睺
羅伽等官人中國土城邑聚落於中說法滅
除諍訟諸患害心悉解繫縛皆令出獄離諸
恐怖滅不善業殺害衆生乃至邪見斷諸王
事及國土事遠不善法悉令衆生除滅諸惡
教以巧術及種種論饒益一切皆令歡喜隨

順一切諸外道眾現勝妙智遠離邪見樂於
佛法乃至梵天廣爲說法如山三千大千世
界乃至十方不可說不可說億那由他佛刹
微塵等世界中廣說正法所謂佛法菩薩法
衆生法聲聞法緣覺法說地獄餓鬼畜生閻
羅趣法現惡道苦說諸天趣現諸天樂說世
間法離世間法顯菩薩道離生死惡說一切
智諸妙功德滅愚癡苦及諸障礙欲令衆生
得離世樂離諸虛妄解真實法遠離惡業滅
諸煩惱轉淨法輪善男子我唯知此至一切
趣菩薩淨行莊嚴法門無依無作神通之力
諸大菩薩具足成就諸神通明佛刹等身得
普眼地知語言道神力自在具足智慧離諸
諍訟逮得大人廣長舌相出微妙音無能壞
者分別一切三世諸佛亦無二想明淨智慧
照三世法境界無量淨如虛空我當云何能
知能說彼功德行善男子於此南方有一國
土名曰難忍城名迦陵伽婆提有比丘尼名
師子奮迅汝詣彼問云何菩薩學菩薩行修
菩薩道時善財童子頭面敬禮彼長者足演
無數帔眷仰觀察辭退南行
爾時善財童子漸漸遊行至彼國城周徧推
問彼比丘尼時有無量男女大眾答善財言
此比丘尼今在王園日光林中以法饒益一

切衆生爾時善財詣彼園林周徧觀察見一
 大樹名曰滿月放大光明照百由旬復見大
 樹名曰普覆其形如蓋放青光明復見華樹
 名曰華藏高如雪山雨衆華雲如天帝釋波
 利質多羅樹復見大樹名曰柔軟光明普照
 常有果實復見大樹名曰明淨不可譬諭摩
 泥莊嚴出阿僧祇清淨妙寶復見衣樹出阿
 僧祇妙寶衣藏復見歡喜樹自然演出微妙
 音聲復見普莊嚴香熏樹出一切香普熏十
 方無所障礙復見彼園衆流澗池栴檀行樹
 周匝圍遶七寶欄楯以爲莊嚴黑栴檀泥凝
 淨其底布以金沙八功德水充滿其中優鉢
 羅鉢曇摩拘牟頭分陀利華敷榮鮮茂徧覆
 其上寶樹周徧端嚴殊妙一一樹下各敷無
 量師子之座布以寶衣熏以衆香張衆寶帳
 白淨寶網羅覆其上金鈴網中出妙音聲或
 有樹下敷蓮華藏師子之座或有樹下敷香
 藏座或有樹下敷龍莊嚴藏座或有樹下敷
 寶象師子座或有樹下敷明淨普照藏座或
 有樹下敷師子樂藏座彼一一座各有十萬
 寶師子座眷屬圍遶無量莊嚴散無量寶光
 焰其中如海寶洲寶衣布地柔軟妙好踰則
 沒足舉則還復異類衆鳥出和雅音超越帝
 釋歡喜之園種種華樹常雨華雲超勝帝釋

照明之園妙香普熏超於帝釋善法講堂寶
樹樂樹出微妙聲超過善口天女歌音無量
百千樓閣莊嚴觀者無厭超逾帝釋善現大
城此園一切諸莊嚴具如梵天宮衆生樂見
爾時善財見此園林皆是菩薩業行所成出
諸世間善根所起供養不可思議諸佛所得
無能壞者此皆師子奮迅比丘尼了法如幻
長養功德藏善根所成三千大千世界天龍
八部無量衆生悉入此園而不迫迮何以故
此比丘尼不可思議威神力故爾時善財見
比丘尼徧處一切寶師子座端嚴殊妙威儀
庠序其心寂靜調伏諸根譬如龍象如登淨
荆如意寶珠五欲不染猶如蓮華心無所畏
如師子王安住淨戒不可傾動如須彌山滅
除衆生諸煩惱熱如涼香王滅除衆病如良
藥王見者不虛如婆樓那天長養衆根猶如
良田見處一座淨居天衆眷屬圍遶爲說無
盡法門又見處座悅樂梵等梵衆圍遶爲說
普妙音聲法門又見處座無量他化自在天
王等天子天女眷屬圍遶爲說菩薩清淨自
在法門又見處座化自在天王等天子天女
眷屬圍遶爲說清淨一切莊嚴法門又見處
座剛究率天王等天子天女眷屬圍遶爲說
心藏旋復法門又見處座夜摩天王等天子

天女眷屬圍遶爲說無量莊嚴法門又見處
 座釋天王等天子天女眷屬圍遶爲說厭離
 法門又見處座跋伽羅龍王十光明龍王幹
 陀跋難陀龍王摩那斯龍王伊那那那龍王
 阿耨達龍王等龍子龍女眷屬圍遶爲說普
 方便救護衆生法門又見處座提頭賴吒天
 王等乾闥婆男女眷屬圍遶爲說無盡法門
 又見處座摩睺羅伽阿脩羅王等眷屬圍遶
 爲說法界方便智莊嚴法門又見處座大勢
 力迦樓羅王等眷屬圍遶爲說於生死海無
 畏法門又見處座屯緊那羅王等眷屬圍遶
 爲說佛行光明法門又見處座雲山摩睺羅
 伽王等眷屬圍遶爲說佛喜法門又見處座
 無量男子女人童男童女眷屬圍遶爲說勝
 趣法門又見處座常拿衆生命羅刹王等眷
 屬圍遶爲說起大慈大悲法門又見處座樂
 聲聞者眷屬圍遶爲說勝智光明法門又見
 處座樂緣覺者眷屬圍遶爲說明淨如來功
 德光明法門又見處座樂大乘者眷屬圍遶
 爲說普門三昧智慧光明法門又見處座初
 發心菩薩眷屬圍遶爲說一切佛大願法門
 又見處座二地菩薩眷屬圍遶爲說離垢三
 昧法門又見處座三地菩薩眷屬圍遶爲說
 寂靜莊嚴法門又見處座四地菩薩眷屬圍

遠爲說一切智勢力境界法門又見處座五
地菩薩眷屬圍遶爲說淨心華藏法門又見
處座六地菩薩眷屬圍遶爲說明淨藏法門
又見處座七地菩薩眷屬圍遶爲說普地藏
法門又見處座八地菩薩眷屬圍遶爲說法
界法身境界法門又見處座九地菩薩眷屬
圍遶爲說無有無著莊嚴法門又見處座十
地菩薩眷屬圍遶爲說無礙三昧法門又見
處座金剛力士眷屬圍遶爲說智慧金剛法
門見處如是等一切諸座一切諸趣一切衆
生眷屬圍遶種種善根者爲說善根長善根者
爲說增長一切善根隨其所應而爲說法乃
至於阿耨多羅三藐三菩提得不退轉何以
故此比丘尼成就百萬阿僧祇般若波羅蜜
門故所謂普眼般若波羅蜜門說一切佛法
般若波羅蜜門分別法界般若波羅蜜門壞
散一切障礙般若波羅蜜門出生長養一切
衆生善法般若波羅蜜門勝莊嚴般若波羅
蜜門無礙藏般若波羅蜜門法界圓滿般若
波羅蜜門清淨心藏般若波羅蜜門一切衆
生樂藏般若波羅蜜門得如是等百萬阿僧
祇般若波羅蜜門於此園中所有衆生皆於
阿耨多羅三藐三菩提得不退轉爾時善財
見師子奮迅比丘尼諸奇特事所謂園林資

法之具經行威儀寶師子座大眾眷屬諸妙
功德神力自在微妙音聲如是一切諸奇特
事又聞微妙清淨音聲宣揚讚歎不思議法
無量法雲之所潤澤身心柔軟五體投地恭
敬禮已將欲遶旋見比丘尼徧一切座自見
已身及無量衆樹木園林皆悉右旋遶無數
而如是見已合掌恭敬於一面住自言大聖
我已先發阿耨多羅三藐三菩提心而未知
菩薩云何學菩薩行修菩薩道唯願大聖爲
我解說善男子我成就菩薩一切智度法門
大聖如此法門體性云何善男子此法門者
智光莊嚴於一念中普照三世大聖此智光
莊嚴法門境界云何善男子入此法門現前
正受一切法林三昧時十方一切世界諸佛
處兜率天者於彼一一佛所從其自身出生
不可說不可說佛刹微塵等摩訶摩身恭敬
禮拜又齋不可說不可說佛刹微塵等華香
纓珞諸妙寶鬘末香塗香衣蓋幢幡種種寶
華雲乃至一切莊嚴具雲寶網寶帳莊嚴網
等種種寶座以如是等諸供養具供養如來
如兜率天所興供養降神母胎出生在宮捨
家學道詣菩提樹成最正覺轉淨法輪在諸
天上人非人中乃至般涅槃所興供養亦復
如是若有衆生知我供養皆於阿耨多羅三

藏三菩提得不退轉其有衆生來至我所即
 爲彼說般若波羅蜜我不起衆生想不取衆
 生相知一切語言而不著語言見一切佛不
 取佛相深解法身故受持一切諸佛法輪而
 亦不取法輪之相解了諸佛真實相故於念
 念中悉能充滿一切法界而亦不取法界之
 相了一切法猶如幻故善男子我唯知此菩
 薩一切智底法門諸大菩薩究竟法界一切
 無著一身結跏趺坐充滿法界於自身內悉
 能顯現一切佛刹於一念中悉能往詣一切
 佛所於自身內悉能顯現諸佛神力能以一
 毛舉不可說不可說諸佛世界於一毛孔現
 不可說不可說世界成敗於一念中攝取不
 可說不可說衆生於一念中攝取不可說不
 可說劫我當云何能知能說彼功德行善男
 子於此南方有一國土名曰險難城名寶莊
 嚴有一女人名婆須蜜多汝詣彼問云何菩
 薩學菩薩行修菩薩道時善財童子頭面敬
 禮比丘尼足遶無數而眷仰觀察辭退南行
 爾時善財童子大慧光明以照其心具足長
 養一切種智一心思惟諸法實相建立一切
 語言陀羅尼藏廣修受持一切法輪陀羅尼
 爲衆生歸長大悲力方便觀察一切種智滿
 法界等清淨大願明淨慧光普照十方衆生

一切莊嚴諸通明力充滿十方一切世界究竟成滿菩薩諸業漸漸遊行至險難國寶莊嚴城推問婆須蜜多女今在何所爾時有人不知彼女深智慧者作如是念今此童子威儀庠序其心寂靜調伏諸根遠離放逸顛倒惑亂念慧現前視瞻詳審言音和雅不著形色正念思惟甚深法相遠離懈倦心如大海此非染欲顛倒之人無情欲想不沒欲泥不隨諸根行出魔界不服五欲不爲一切諸魔所縛所不應作已能不爲有何等意而求此女其中有人先知彼女有智慧者作如是言善哉童子得大善利乃能推求深智女人當知童子一向求佛悉欲攝取一切衆生拔諸欲刺壞散淨想善男子今此女人在此城中深宮之內爾時善財聞此語已心大歡喜往詣其門見彼宮宅嚴飾廣大十重寶牆周匝圍遶列植十行寶多羅樹十重深壑八功德水充滿其中底布金沙妙寶蓮華優鉢羅鉢曇摩拘牟頭分陀利敷榮鮮茂彌覆水上出微妙香能轉人心不生垢染衆寶宮殿臺觀樓閣阿僧祇寶以爲嚴飾紺瑠璃地灑以香木熏以沉香塗以栴檀寶網羅覆閭浮檀金以爲垂鈴出和雅音散衆寶華猶如降雲諸妙莊嚴說不可盡金剛摩尼真珠寶藏充滿

宅內十種園林以爲莊嚴爾時善財見彼女人處寶師子座顏貌端嚴妙相成就身如真金目髮紺色不長不短不白不黑身分具足一切欲界無與等者何況有勝言音婉妙世無倫匹善知字輪技藝諸論成就幻智菩薩方便以阿僧祇寶莊嚴其身寶網羅覆首冠天冠大眾圍遶皆悉修善同其願行成就善根不可沮壞具足無盡功德寶藏身出光明普照一切觸斯光者歡喜悅樂身心柔軟滅煩惱熱爾時善財頭面禮足遶無數而恭敬合掌於一面住白言大聖我已先發阿耨多羅三藐三菩提心而未知菩薩云何學菩薩行修菩薩道答言善男子我已成就離欲實際清淨法門若天見我我爲大女若人見我我爲人女乃至非人見我我爲非人女形體殊妙光明色像殊勝無比若有衆生欲所纏者來詣我所爲其說法皆悉離欲得無著境界三昧若有見我得歡喜三昧若有衆生與我語者得無礙妙音三昧若有衆生執我手者得詣一切佛刹三昧若有衆生共我宿者得解脫光明三昧若有衆生目視我者得寂靜諸行三昧若有衆生見我頻申者得壞散外道三昧若有衆生觀察我者得一切佛境界光明三昧若有衆生阿黎宜我者得攝一

切衆生一時若有衆生阿衆鞞我者得諸功德密藏三昧如是等類一切衆生來詣我者皆得離欲實際法門善財白言大聖昔於何所種諸善根修何等業得此法門答言善男子過去有佛号日常住如來應供等正覺出興于世彼佛哀愍饒益諸羣生故入安樂城足蹈門闥即時大地六種震動其城自然奇妙廣博衆寶莊嚴散諸雜華自然演出娛樂之音放大光明一切諸天充滿虛空廣說如佛入城經中現奇特事善男子我於爾時爲長者婦名曰善女見如是等諸奇特事從夫長者出於道巷奉彼如來妙寶天冠時文殊師利爲佛侍者爲我說法發阿耨多羅三藐三菩提心善男子我唯知此離欲實際法門諸大菩薩成就無量方便智慧廣大智藏智慧境界無能壞者我當云何能知能說彼功德行善男子於此南方有城名首婆波羅彼有長者名曰安住彼常供養栴檀佛塔汝詣彼問云何菩薩學菩薩行修菩薩道時善財童子頭面敬禮彼女人足乃至辭退南行爾時善財童子漸漸遊行至於彼城詣長者所乃至自言大聖我已先發阿耨多羅三藐三菩提心而未知菩薩云何學菩薩行修菩薩道答言善男子我已成就不滅度際菩薩

法門住此法門普見十方一切世界去來今
佛無涅槃者除化衆生方便滅度善男子我
開栴檀佛塔戶時念念正受無盡佛性三昧
門於念念中得無量無邊勝妙諸法自言大
聖此三昧者境界云何答言善男子我入此
三昧時見此世界迦葉佛拘那含牟尼佛尸
棄佛毗婆尸佛提舍佛弗沙佛無上勝佛無
上蓮華佛見如是等不可說不可說諸佛閻
浮提微塵等佛乃至不可說不可說佛刹微
塵等佛見此諸佛從初發心神力自在一切
大願清淨妙行諸波羅蜜次第成就菩薩諸
地得深法忍降伏衆魔長養成就自在菩提
淨諸佛刹種種大衆教化衆生放大光明轉
淨法輪神力變化皆悉受持正念思惟智慧
分別彼諸佛法顯現衆生見知未來彌勒佛
等一切諸佛現在盧舍那佛等一切諸佛亦
復如是如此世界見知十方三世一切諸佛
聲聞緣覺菩薩亦復如是善男子我唯知此
不滅度際菩薩法門諸大菩薩一念悉知三
世諸法念際平等而無有二住佛所住於一
切劫而無劫想隨順諸佛平等正法如來及
我一切衆生等無有二淨莊嚴智照三世間
成就諸佛不轉威儀分別一切法界境界我
當云何能知能說彼功德行善男子於此南

方有山名曰光明彼有菩薩名觀世音汝詣
彼問云何菩薩學菩薩行修菩薩道時善財
童子頭面敬禮彼長者足遠無數市眷仰觀
察辭退南行

大方廣華嚴經卷第五下

一丸下胡音切

夷險

上以脂切
下虛檢切

善刺

下七賜切

船舶下帛音

涸瀕

上迴音
下伏音

實價

下假音

安危下魚爲切

候風

上胡句切

悲泣

下去急切

涕淚下類音

凝滯

上魚龍切
下特丁切

嫉妬

上疾音
下當故切

蹈則上導音

超逾

下平朱切

迫迮

上伯音
下財伯切

屯堅上從渾切

摩蹇

下奴侯切

灑

以上抄下切

婉妙上苑音

明闇

下告本切

大方廣佛華嚴經卷第五十一

道

東晉天竺三藏佛跋陀羅

譯

入法界品第三十四之八

爾時善財童子正念思惟彼長者教隨順菩薩解脫之藏正念菩薩諸憶念力次第分別一切諸佛及諸佛法一心正念諸佛法流憶念受持彼諸佛法及佛莊嚴長養菩提思惟正念一切諸佛不思議業漸漸遊行至光明山登彼山上周徧推求見觀世音菩薩住山西阿處處皆有流泉浴池林木鬱茂地草柔軟結跏趺坐金剛寶座無量菩薩恭敬圍遶而爲演說大慈悲經普攝衆生見已歡喜踊躍不能自勝合掌諦觀目不暫瞬作如是念善知識者則是如來善知識者一切法雲善知識者諸功德藏善知識者十力妙寶善知識者難見難遇善知識者無盡智藏善知識者功德山王善知識者開發示導一切智門能令一切入薩婆若海究竟清淨無上菩提時觀世音遙見善財告言善來童子專求大乘攝取衆生直心深心樂求佛法長養大悲救護一切向普賢行清淨成滿一切大願欲聞受持一切諸佛一切法雲增長善根而無厭足順善知識不違其教從文殊師利智慧功德大海所起成就善根得佛勢力光明三

昧離懈怠心專求正法常見諸佛遠離眾惡
修諸善行智慧成滿淨如虛空爾時善財詣
觀世音頭面禮足遶無數匝恭敬合掌於一
面住白言大聖我已先發阿耨多羅三藐三
菩提心而未知菩薩云何學菩薩行修菩薩
道答言善哉善哉善男子乃能發阿耨多羅
三藐三菩提心善男子我已成就大悲法門
光明之行教化成熟一切衆生常於一切諸
佛所住隨所應化普現其前或以惠施攝取
衆生乃至同事攝取衆生顯現妙身不思議
色攝取衆生放大光網除滅衆生諸煩惱熱
出微妙音而化度之威儀說法神力自在方
便覺悟顯變化身現同類身乃至同止攝取
衆生善男子我行大悲法門光明行時發弘
誓願名曰攝取一切衆生欲令一切離險道
恐怖熱惱恐怖愚癡恐怖繫縛恐怖殺害恐
怖貧窮恐怖不活恐怖諍訟恐怖大衆恐怖
死恐怖惡道恐怖諸趣恐怖不同意恐怖愛
不愛恐怖一切惡恐怖逼迫身恐怖逼迫心
恐怖愁憂恐怖復次善男子我出生現在正
念法門名字輪法門故出現一切衆生等身
種種方便隨其所應除滅恐怖而為說法令
發阿耨多羅三藐三菩提心得不退轉未曾
失時善男子我唯知此菩薩大悲法門光明

之行諸大菩薩一切普賢大願成滿究竟成就普賢所行不斷一切諸善根流不斷一切菩薩諸三昧流一切劫流修菩薩行未曾斷絕順三世流善知一切成敗諸世界流斷一切衆生不善根流出生一切衆生諸善根流除滅一切諸生死流我當云何能知能說彼功德行爾時東方有一菩薩名曰正趣來詣此土住金剛山頂至此山時娑婆世界六種震動衆寶莊嚴放大光明映蔽日月釋梵天龍八部光明悉如聚墨普照地獄餓鬼畜生閻羅王處滅除衆苦斷除煩惱及諸痛苦普雨寶雨充滿佛刹乃至普雨一切莊嚴雲雨供養如來隨其所應示現其身然後來詣觀世音所時觀世音告善財言善男子汝見此衆中正趣菩薩不答言唯然已見善男子汝詣彼問云何菩薩學菩薩行修菩薩道時善財童子頭面敬禮觀世音足遶無數匝觀察無厭正念聖教深入智海辭詣正趣頭面禮足右遶畢恭敬合掌於一面住白言大聖我已先發阿耨多羅三藐三菩提心而未知菩薩云何學菩薩行修菩薩道善男子我已成就菩薩普門速行法門白言大聖於何佛所得此法門所從來剎去此幾何發來久如答言善男子此處難知一切諸

天人非人等所不能了唯精進不退近善知
識佛所護念具足善根淨正直心得菩薩根
開智慧眼多聞多知菩薩境界唯願大聖爲
我解說我當承佛神力善知識力而得信解
答言善男子我所從來刹名曰妙藏佛号妙
德於彼佛所得此法門從彼發來已經不可
說佛刹微塵等劫於一念中行不可說佛刹
微塵等步一步過不可說佛刹微塵等世界
所經諸國佛皆現在以一切菩薩諸供養具
而供養之悉能了知彼世界中諸羣生海分
別諸根隨其所應而爲說法放大光網普照
十方出妙音聲演說正法饒益度脫彼諸衆
生乃至十方亦復如是善男子我唯知此菩
薩普門速行法門諸大菩薩普於十方無所
不至境界無量無能壞者清淨法身充滿法
界分別了知諸衆生道滿一切刹順一切法
等觀三昧說平等法隨順世間不著佛道普
至諸道無著無礙我當云何能知能說彼功
德行善男子於此南方有城名婆羅波提彼
有一天名曰大天汝詣彼問云何菩薩學菩
薩行修菩薩道時善財童子頭面敬禮正趣
菩薩遶無數而眷仰觀察辭退南行
爾時善財童子正念思惟菩薩無障礙行一
向專求正趣菩薩智慧境界出生通明境界

一切功德精進堅固歡喜無量得不思議遊
戲神通決定了知諸功德地諸三昧地陀羅
尼地諸大願地諸辯才地具諸力地漸漸遊
行至於彼城推問大天今在何所時有人言
善男子在此城內大法堂上化現其身大衆
圍遶而爲說法爾時善財往詣其所頭面敬
禮彼大天足遶無數而恭敬合掌於一面住
白言大聖我已先發阿耨多羅三藐三菩提
心而未知菩薩云何學菩薩行修菩薩道爾
時大天出四長臂取四海水澡洗其面洗已
取諸金華以散善財作如是言善男子菩薩
難聞難見乃是世間奇特之法諸男子中分
陀利華爲衆生歸依攝取饒益載育衆生普
照一切顯現正道遠離愚癡爲衆生師救護
正法爲衆生將救護安隱悉令得至一切智
城具足成就淨身口業永離衆惡於衆生類
常以愛語隨其所應悉現其前未曾失時善
男子我已成就菩薩雲網法門白言大聖此
法門者境界云何爾時大天於善財前積天
金聚猶如山王白銀瑠璃玻璃磑磑碼碯夜
光雜垢藏寶明淨寶諸方便門摩尼寶周羅
寶瓔珞寶吉由羅寶莊嚴髮寶莊嚴童子寶
彌阿羅莊嚴寶彌耆羅寶赤真珠寶莊嚴一
切諸肢節寶如意珠寶皆悉積聚約若山王

一切華一切香一切塗香一切末香一切鬘
一切衣一切蓋一切幢一切幡一切娛樂具
五欲境界如是等積悉如山王又復顯現阿
僧祇諸童女衆語善財言善男子汝取此諸
物供養如來惠施一切攝取衆生悉令衆生
修檀波羅蜜學檀波羅蜜捨離一切善男子
我以此物教汝惠施教一切衆生亦復如是
悉令衆生以無貪善根普熏身心近善知識
恭敬供養諸佛菩薩出生長養一切善根發
阿耨多羅三藐三菩提心復次善男子若有
衆生貪五欲者爲彼顯現不淨境界若瞋恚
放逸憍慢諍訟如羅刹鬼飲血食肉悉教彼
等修大慈悲皆令永離瞋恚放逸若懈怠者
爲現水火盜賊惡王怨敵等難善男子如是
等類諸惡衆生種種方便滅不善根長養善
根除滅一切波羅蜜障礙怨敵具足成滿諸
波羅蜜超出障礙得無礙法善男子我唯知
此菩薩雲網法門諸大菩薩帝釋天王滅一
切煩惱阿脩羅難諸菩薩水滅煩惱火諸菩
薩火能燒一切衆生貪愛諸菩薩風能散一
切諸深著心菩薩金剛摧滅一切吾我之想
我當云何能知能說彼功德行善男子此閻
浮提內有一國土名摩竭提有道場地神名
曰安住汝詣彼問云何菩薩學菩薩行修善

謹道

時善財童子頭面敬禮彼大天足乃至辭退
趣摩竭國詣彼道場安住地神爾時一萬地
天各作是言此來童子能攝衆生即是歸藏
能破一切衆生無明殼膜生法王家離垢無
礙寶繒以冠其頂智慧寶藏摧外道輪時安
住地天等一萬地天雨衆香水以灑其地埽
以香風而以莊嚴放大光明普照三千大千
世界衆寶莊嚴一切華樹開敷鮮茂一切果
樹悉成果實一切衆源河池深相灌注演出
種種娛樂音聲諸天衆寶莊嚴樓閣異類衆
鳥皆悉歡喜出哀和音無量寶藏自然涌出
爾時安住地神告善財言善來童子汝欲自
見曾於此處所種善根果報不乎爾時善財
頭面敬禮彼地神足恭敬合掌於一面住白
言大聖唯然欲見時彼地神即以足指按地
無量阿僧祇那由他寶藏開發顯現善男子
汝昔所種善根果報致此寶藏自在隨汝善
男子我已成就菩薩不可壞藏法門我於然
燈佛來常護菩薩修習菩薩行深入智慧境
界盡其源底大願成滿淨菩薩行出生菩薩
一切通明具足菩薩諸力功德成就菩薩不
可壞法遊諸佛剎聞一切佛所授記法轉一
切法輪一切修多羅法雲以大法光明教化

衆生受持諸佛自在神力善男子乃往古世
過須彌山微塵等劫有劫名莊嚴世界名月
幢佛号善眼於彼佛所得此法門修習長養
淨此法門於其中間常遇不可說不可說佛
刹微塵等佛彼諸如來往詣道場自在神力
皆悉奉觀於此佛所修集善根善男子我唯
知此法門諸大菩薩常能隨侍一切諸佛悉
聞受持彼諸佛法深入諸佛祕密教法於念
念中出淨法身等一切佛一切佛影藏出一
切佛法所行無壞我當云何能知能說彼功
德行善男子此閻浮提有城名曰迦毗羅婆
彼有夜天名娑婆娑陀汝詣彼問云何菩薩
學菩薩行修菩薩道時善財童子頭面接禮
安住地神遠無數而辭詣彼城
爾時善財童子正念思惟安住天教菩薩不
可壞藏法門修諸三昧明諸三昧觀察菩薩
諸法律儀菩薩自在遊戲神通觀察菩薩一
切淨法深入菩薩甚深智慧究竟菩薩無壞
法門隨順菩薩無壞法門深入菩薩諸法門
海漸漸遊行至於彼城從東門入中城而住
爾時善財曰沒未久隨順一切菩薩所教一
心欲見娑婆娑陀夜天於善知識發如來想
普眼境界顯現諸方智慧悉至一切境界清
淨法眼普見一切諸法界海大智慧眼觀察

十方見彼夜天於彼城上虛空中住處寶樓
閣香蓮華座身如真金目豔紺色端嚴殊妙
見者無厭身服朱衣衆寶莊嚴頂上結髮猶
如梵王於其身上現一切星宿及其光明化
度無量世界衆生遠離惡道於一毛孔皆悉
觀見所化衆生或有生天或得聲聞緣覺修
菩薩行種種方便形色音聲諸語言法所說
正教化度衆生隨所經劫諸菩薩等教化衆
生悉令修習菩薩諸行勇猛精進修諸三昧
諸神力門菩薩自在神力境界菩薩所住菩
薩光明菩薩奮迅菩薩法門以化衆生於一
毛孔皆悉見聞爾時善財見聞此已心大歡
喜頭面敬禮彼夜天足遶無數而恭敬合掌
於一面住白言天神我已先發阿耨多羅三
藐三菩提心信解因善知識得諸佛法唯願
天神開示顯現一切智道若有菩薩向此道
者得十力地爾時夜天告善財言善哉善哉
善男子敬善知識隨順其教若有菩薩隨其
教者疾得阿耨多羅三藐三菩提善男子我
已成就菩薩光明普照諸法壞散衆生愚癡
法門善男子我於惡衆生發大慈心於不善
業衆生發大悲心於修善衆生發歡喜心於
善惡衆生發無二心於染汙衆生發清淨心
於邪道衆生發正道心於樂不淨衆生發樂

淨心於樂生死衆生發隨順法輪心於樂聲
聞緣覺衆生發安立一切智道心善男子我
常如是思惟教化衆生於夜闌人靜鬼神盜
賊所遊行時比丘離威儀時重雲煙塵昏蔽
日月不見色時若有衆生在城邑聚落山巖
曠野八方大海乃至一切水陸衆生於此衆
生以種種方便滅其恐怖若有衆生遭於海
難雲難山難大風洄瀾及以波浪迷惑失道
不見邊岸遭如是等種種海難我於爾時或
作船形或作馬王象王狗王阿脩羅王海神
王形作如是等形方便度脫衆生海難為陸
地衆生或作淨月及諸星宿炬火電光諸寶
光明天身光明菩薩光明以如是等無量方
便救護衆生發如是心我為一切衆生常作
歸依除滅煩惱令畏死者得無畏法令貧窮
者皆得富樂為在山衆生或作果樹或作派
泉迦陵頻伽鳥等出妙音聲或作山神或作
平地以如是等無量方便度脫衆生發如是
心今諸衆生免此山難又今一切越生死山
為曠野衆生種種方便令其悅樂入正見道
除滅飢渴於如是等無量難中救衆生已復
作是念願今衆生速滅衆苦究竟一切安隱
智道見樂著國土衆生受諸苦惱種種方便
滅其樂著作如是念願今衆生除五蓋著注

一切佛菩薩若境見著聚落衆生受諸苦惱
種種方便而爲說法令其厭離以法攝之復
作是念令一切衆生離六入空聚超出生死
究竟得入一切智城復次善男子若有衆生
迷於十方以東爲西以西爲東乃至以上爲
下以下爲上爲此衆生無量方便斷其迷惑
若欲出者開示門戶若失道者示導正路若
欲度者示以津濟無舟楫者而資給之不知
方域示其樂土以如是等無量方便顯現開
道而度脫之發如是心我已照除長夜昏冥
世間衆事無不宣叙又令衆生永滅癡闇得
清淨眼離衆生相及諸邪見常樂我淨計著
衆生及福伽羅陰界諸入不了因果行不善
道殺害衆生乃至邪見不孝父母不供養沙
門婆羅門遠離正道行不善業誹謗正道欲
壞法輪毀菩薩衆憎惡大乘不讚菩提毀訛
賢聖行惡人法造五逆業如是等類諸惡衆
生我以明淨慧光除其愚闇令發阿耨多羅
二藐三菩提心究竟普賢菩薩所行開十力
道遠離生死現一切智城諸佛境界諸佛神
通具足諸力現法持力安住諸佛平等正法
現一切佛悉同一身復次善男子我見貧苦
老病衆生種種方便而救濟之復作是念以
無上去隔彼衆生滅諸煩惱今得解脫離生

老病死憂悲苦惱惡道諸難近善知識深入
法界離諸惡業淨佛法身置無老病死常住
法界復次善男子我見諸惡衆生遠離正道
趣於邪徑著諸倒見虛妄迷惑具行不善身
口意業種種放逸依止惡法於非正覺爲正
覺想於正覺所非正覺想近惡知識受諸苦
惱我見此已無量方便除其邪惑安立正見
今於天人最爲殊勝復作是念今諸衆生得
出世間無上正道不復退轉於一切智滿足
昔賢菩薩大願得一切智而亦不離菩薩諸
地不壞衆生性爾時夜天欲重宣明此法門
義承佛神力觀察十方卽爲善財以偈頌曰
我所成妙法知時諸門地照除愚癡闇普觀一切法
無量無數劫我常修大慈普覆諸羣生善財應速具
成就大悲海出生三世佛除滅一切苦善財速究竟
佛子心歡喜遠離世間惡超出三界苦受諸賢聖樂
遠離有爲惡聲聞智解脫滿足如來力佛子應究竟
我以淨天眼普觀十方刹於彼世界中見佛處道場
相好莊嚴身無量衆圍遶放大光明海普照化衆生
觀諸羣生類死此而生彼迴泳五趣中常受無量苦
以淨天耳海普聞十方音一切語言海皆悉能受持
一切諸如來無量微妙聲所轉淨法輪悉聞能受持
我以淨鼻根法海中無礙能入諸法門善財應究竟
我成大人相清淨廣長舌隨應演妙法善財應究竟

清淨妙法身 三世如如等 隨其所應化 一切無不現
我心無所深 清淨如虛空 普攝一切佛 而亦無所著
了知無量刹 羣生諸心海 分別一切根 遠離衆虛妄
我以神通力 徧遊無量刹 普覆一切衆 調伏諸衆生
智慧如虛空 無比無盡藏 供養諸如來 饒益一切衆
清淨廣智慧 分別諸法海 除滅衆生惑 佛子應究竟
通達三世法 深入諸佛海 明了一切法 無能測量者
一一微塵中 悉見佛刹海 又觀諸如來 此是普力地
見盧舍那佛 道場成正覺 十方刹微塵 悉轉正法輪
爾時善財童子 白言 天神發阿耨多羅三藐
三菩提心 爲幾時耶 得此法門 其已久如 乃
能如是 饒益衆生 荅言 佛子 乃往古世 過如
須彌山微塵等劫 有世界名寶德劫 名寂靜
有五百億佛出興於世 時有大城名蓮華光
有轉輪聖王 名善法度如聖王 法成就七寶
城 東有林名曰妙德 於此林中有菩提樹 名
一切佛自在光明 爾時一切法雷王佛坐此
樹下 成等正覺 放大光明 普照世界 王女
寶名法慧 月蓮華光 於彼城內有一夜 天名
日淨月 於中夜時出微妙音 告此王女 汝應
當知一切法 雷王佛出興于世 徧揚讚歎 彼
佛功德 顯現如來自在神力 發阿耨多羅三
藐三菩提心 讚歎普賢菩薩 一切願行 時王
玉女供養彼佛 及諸菩薩 諸聲聞衆 善男子

爾時玉女法慧月蓮華光者豈異人乎我身是也善男子我於彼佛種善根力於須彌山微塵等劫不墮地獄餓鬼畜生閻羅王處不生下賤之家具足諸根除滅衆苦常於天人中勝不離善知識諸佛菩薩不生五濁劫中於彼諸佛菩薩所增長善根於八十須彌山微塵等劫安隱快樂而未滿足菩薩諸根復次善男子過此須彌山微塵等劫已復過一萬劫有劫名離憂世界名離垢勝有須彌寂靜眼如來應供等正覺等五百如來出興于世其佛國土或淨或穢彼世界中有一四天下名曰離垢城名莊嚴我於爾時爲明勝長者女名勝慧光端正殊妙彼淨月天以本願力生此城中復作夜天名清淨眼時彼夜天復於中夜來詣我家顯現妙色讚歎如來又勸導我詣彼如來放大光明在前引導我於爾時與父母俱及其眷屬往詣須彌寂靜眼如來所供養恭敬聽佛說法得菩薩三昧名曰見佛教化衆生明淨慧光普照三世得此三昧已憶念過去須彌山微塵等劫所見諸佛又聞彼佛所說經法得光明普照諸法壞散衆生愚癡法門放大光明照十佛剎微塵等世界見彼剎中一切如來往詣其所知彼衆生諸語言法心根欲性爲彼衆生作善知

識隨其所應顯現其身於念念中長養此法
 門一身充滿世界微塵等世界乃至充滿世
 界海微塵等世界海悉見彼世界海微塵等
 世界海中一切如來往詣其所彼佛說法我
 悉聞持分別了知彼諸如來本事願海彼諸
 如來嚴淨佛刹我亦嚴淨於彼世界中隨其
 所應示現其身化度衆生念念長養於此法
 門與法界等善男子我唯知此光明普照諸
 法壞散衆生愚癡法門諸大菩薩究竟無量
 無邊普賢所行深入法界海建智慧幢得諸
 三昧遊戲神通大願成滿守護受持十方世
 界一切佛法於念念中悉能嚴淨一切佛刹
 滿功德海於念念中教化一切諸羣生海智
 慧淨曰普照三世一切世界教化一切衆生
 離垢淨月除滅一切衆生熱惱疑惑癡闇於
 一切有海心無所著演出清淨圓滿妙音充
 滿十方一切法界於一一微塵中顯現一切
 自在神力明淨慧光普照三世我當云何能
 知能說彼功德行善男子此閻浮提摩竭提
 國有一夜天名甚深妙德離垢光明汝詣彼
 問云何菩薩學菩薩行修菩薩道爾時善財
 即以偈讚彼夜天曰

我見清淨身相好自莊嚴如文殊師利亦如寶山王
 具足淨法身三世悉平等普攝諸羣生其心無所著

放演淨光明 徧照一切趣 於一毛孔中 悉見諸星宿
 離垢清淨心 如空滿十方 攝取諸法王 明淨深智慧
 一一毛孔中 悉放無量光 十方諸佛所 普雨功德雲
 一一毛孔中 出諸變化身 充滿十方界 方便度衆生
 本爲菩薩時 淨不思議刹 一一毛孔中 皆悉得顯現
 若有見聞者 悉獲功德刹 專求菩薩道 成就佛菩提
 若有見聞者 發大歡喜心 遠離惡道難 除滅諸煩惱
 千刹微塵劫 讚歎其功德 諸劫猶可盡 功德無窮已
 時善財童子 頭面敬禮彼夜天 足遶無數帀
 眷仰觀察心 無厭足辭退 遊行向摩竭國
 爾時善財童子 一心思惟彼夜天神初發道
 心圓滿清淨 思惟是已 即得深入諸菩薩藏
 出生菩薩諸大願海 淨諸菩薩波羅蜜道 逮
 得菩薩圓滿諸地 住諸菩薩圓滿行業 窮盡
 菩薩發趣道海 善能深入一切智海 皆悉救
 護一切衆生 生長養增廣大慈悲雲 於一切刹
 出生普賢諸大願行 漸漸遊行 至甚深妙德
 離垢光明 夜天所頭面禮 足遶無數帀 恭敬
 合掌於一面 住白言 天神我已先發阿耨多
 羅三藐三菩提心 而未知菩薩云何修菩薩
 行 具足諸地 答言 善哉善哉 童子乃能發阿
 耨多羅三藐三菩提心 問菩薩行 具足諸地
 善男子 菩薩成就十法 則能具足菩薩所行
 何等爲十一者 得現前三昧 見一切佛二者

得清淨眼見一切佛相好嚴身三者分別了
 知一切諸佛無量無邊功德大海四者無量
 無邊佛光明海悉能普照一切法界五者於
 一毛孔放一切衆生數等大光明海隨其所
 應度脫衆生六者於一一毛孔悉見一切寶
 光嚴海七者於念念中出一切佛變化大海
 充滿法界究竟一切諸佛境界教化衆生而
 無障礙八者出一切佛妙音聲海轉三世佛
 清淨法輪九者演說一切修多羅雲究竟佛
 音深入一切諸如來海十者現不思議佛自
 在神力化度衆生善男子若有菩薩具此十
 法則滿足菩薩一切諸行善男子我已成就
 菩薩寂滅定樂精進法門悉見三世嚴淨佛
 刹一切諸佛及眷屬海無量無邊佛神力海
 分別了知佛名号海轉法輪海知彼諸佛壽
 命無量音聲微妙法身清淨充滿法界亦不
 著如來一切諸相何以故如來非過去除滅
 世間一切取故如來非未來無所起故如來
 非現在無生身故如來非滅離語言道故如
 來非實現幻法故如來非虛妄饒益一切衆
 生出興世故如來去無所至滅死此生彼故
 如來不可壞法性無壞故如來一性離語言
 道故如來無性究竟法性故善男子我如是
 了知一切如來開發增廣菩薩寂滅定樂精

進法門照明莊嚴深入隨順平等堅固境界
分別了知遠離虛妄發起大悲攝取衆生未
曾捨離一心寂定正受初禪除滅意業得寂
智力攝取衆生歡喜悅樂入第二禪捨離生
死寂滅淫解觀衆生性修第三禪滅一切衆
生諸煩惱苦修第四禪增長一切智菩提心
願出生菩薩一切三昧海巧妙方便究竟菩
薩一切法門海成就菩薩遊戲神通出生菩
薩自在所行明淨智慧深入普門法界善男
子我如是修習菩薩寂滅定樂精進法門種
種方便度脫衆生在家放逸貪欲衆生今修
不淨想不樂想憂惱想逼迫想繫縛想羅刹
想無常想苦想無我想空想不自在想老死
想令彼衆生遠離五欲常樂正法信家非家
出家學道思惟坐禪爲障亂聲除鬼神怖若
於中夜欲出行時爲開門戶光明照路除滅
闇冥讚佛法僧及善知識又復讚歎近善知
識令諸衆生未生惡法方便不生已生惡法
方便令滅未生善法方便令生已生善法方
便增廣行菩薩行修波羅蜜滿足大願出生
一切智習大慈悲欲令衆生得人天樂除滅
妄想增長善法順薩婆若善男子我唯知此
菩薩寂滅定樂精進法門諸大菩薩滿普賢
願具足普賢菩薩所行究竟得離礙闇法界

具諸善根成就如來智力光明於佛境界無
所障礙住生死中心無所染薩婆若願具足
成滿深入一切諸佛刹海攝取一切諸佛大
海受一切佛妙法雲海滅一切衆生生死闇
海薩婆若光照生死夜我當云何能知能說
彼功德行善男子去此不遠如來右面有一
夜天名曰喜目觀察衆生汝詣彼問云何菩
薩學菩薩行修菩薩道爾時甚深妙德離垢
光明夜天欲重宣明此法門義以偈頌曰
入於現前定 普見三世佛 離垢清淨眼 分別諸佛海
觀察諸佛身 相好自莊嚴 一念無量力 自在滿法界
盧舍那如來 道場成正覺 一切法界中 轉於法法輪
最勝知法相 寂滅無有二 妙色相莊嚴 顯現一切衆
佛身難思議 悉滿諸法界 普於十方刹 隨應悉現前
一念放光明 一切刹塵等 無量微妙色 普照諸法界
如來一毛孔 放不思議光 普照諸羣生 除滅衆煩惱
如來一毛孔 出無盡化海 充滿諸法界 顯現衆生類
如來一妙音 充滿諸法界 普雨甘露法 令發菩提心
無量劫修行 攝取諸羣生 普見諸佛刹 皆悉如電光
如來出世間 普現羣萌類 衆生性境界 悉能分別知
一切諸菩薩 所住諸法門 於佛一毛孔 悉能分別知
不遠有夜天 名喜目觀察 汝往詣彼問 云何菩薩行
時善財童子頭面敬禮彼夜天足遠無數由
眷仰辭退向喜目觀察衆生夜天

大方廣佛華嚴經卷五十一

暫瞬下舒閏切

不活下戶括切

逼迫上彼侯切

聚墨下莫北切

長臂下卑義切

澡洗上卑音切

載育上再音切

娛樂上麋俱切

盜賊上導音切

嚴膜上苦眉切

掃以上蘇到切

按地上烏幹切

資蔽下必被切

水陸下力竹切

遭於上作曹切

涸瀆上迴音切

狗王上苟音切

富樂上力副切

免此上亡職切

舟楫下秦入切

宣叙下序音切

聖上許奏切

下賤下才練切

勸導上去願切

西千歲分司大藏都監開板

大方廣佛華嚴經卷第三十二

道

東晉天竺三藏佛跋陀羅

譯

入法界品第三十四之九

爾時善財童子專求善知識念因善知識生
諸善法善知識者難見難遇見善知識成證
亂想見善知識除滅一切諸纏障礙見善知
識得薩婆若智慧光明見善知識深入佛海
見善知識得正念法雲陀羅尼受持一切佛
淨法輪雲見善知識具大悲海救護衆生見
善知識智慧明淨悉能普照諸法界海時喜
目觀察衆生夜天以威神力加善財童子讚
善知識詣善知識恭敬供養善知識者則是
菩提善知識者則是精進善知識者難見難
遇善知識者是不可壞力因善知識徧遊十
方斷生死流悉能成辦一切大事莊嚴正道
得普門法門一切無礙見善知識不離本處
徧至十方一切佛所爾時善財即時了知見
善知識成滿無量諸大願海得一切智饒益
衆生滅除未來無量劫苦以大莊嚴而自莊
嚴一一微塵中修行一切諸法界法見十方
海知未來劫諸語言法及菩薩行究竟一切
諸菩薩行於念念中得一切智神力自在諸
莊嚴道等三世佛淨法界永不離法界境界
而能往詣充滿法界善知識所爾時善財往

諸喜目觀察衆生夜天見彼夜天在如來所
於大衆中處寶蓮華師子之座正受菩薩普
光喜幢法門一切毛孔出衆妙雲其有見者
欣悅無厭所謂智慧行雲饒益衆生離於謬
訟不著諸法以平等心普攝衆生顯三世菩
薩修行布施悉捨內外難捨之物十方衆生
皆悉觀見又於一切毛孔出衆生數等菩薩
變化身雲充滿法界現衆生前顯示正受不
動三昧覺悟衆生不樂三界遠離世間滅除
生死現天人中種種成敗教諸衆生修不淨
觀除淨想倒說有爲行無常變易苦惱之法
令諸衆生深入佛戒未曾暫離受持諸佛清
淨禁戒現無疑戒及以香戒戒香普熏一切
衆生又於一切毛孔出衆生數等妙色身雲
顯示衆生截諸肢節皆悉能忍堪受衆苦一
切訶責惡罵皆悉忍受於彼衆生不生恚心
恭敬讚歎不生愛心於一切衆生不起我慢
顯現諸法自性之忍顯現無盡菩提心智除
滅一切衆生煩惱修習忍法行菩薩行顯現
清淨金剛之身顯現如來清淨無上色身隨
其所應教化衆生又於一切毛孔出諸趣種
種種色身雲勇猛精進現一切智勇猛精進現
菩提境界而不退轉勇猛精進降伏諸魔勇
猛精進於生死海悉能救度一切衆生勇猛

精進除滅一切惡道諸難勇猛精進壞無智
 山勇猛精進恭敬供養一切如來心無疲倦
 勇猛精進受持守護諸佛法輪勇猛精進壞
 散一切諸障礙山勇猛精進嚴淨一切諸如
 來剎得諸如來清淨精進教化度脫一切衆
 生又於一切毛孔出種種色身雲以諸方便
 除滅衆生愁憂苦惱悉令歡喜厭惡五欲讚
 歎慙媿調伏諸根修行無上清淨梵行身口
 意善顯現世間一切所欲皆不可樂建立衆
 生令樂正法出生正受九次第定除滅衆生
 一切煩惱顯現菩薩諸三昧海通明自在神
 力境界令諸衆生皆悉歡喜身心柔軟滅煩
 惱熱得清涼樂長養正法又於一切毛孔出
 諸趣種種身雲詣一切剎諸佛師長善知識
 所恭敬供養心無疲倦受持一切諸佛法輪
 究竟一切佛海顯現一切法海顯現一切諸
 法實相顯現一切諸三昧門清淨智慧分別
 一切衆生心海金剛智慧壞散一切衆生諸
 邪見山出生圓滿明淨慧日於一念中悉能
 除滅一切衆生愚癡闇冥令諸衆生皆悉歡
 喜得薩婆若又於一切毛孔出一切衆生數
 等身雲現種種色身不思議身隨其所應悉
 現其前以無量音爲諸衆生演說世間功德
 之藏世間行業一切三界皆不可樂歎離三

界諸惡邪見遠離邪道向一切智超出聲聞
緣覺之地於有爲無爲心無所著背捨生死
正向涅槃而亦不捨諸趣往來不捨發菩提
心成等正覺教化衆生得一切智又於一一
毛孔出一切佛刹微塵等變化身雲普現一
切諸衆生前修普賢行滿普賢願讚歎究竟
一切大願於念念中嚴淨一切諸世界海於
念念中恭敬供養一切諸佛於念念中悉能
受持一切法海於念念中一一微塵中出生
一切世界海微塵等法界方便海住持一切
刹一切劫淨一切智道未曾休息於念念中
悉入一切諸如來力究竟三昧方便海於一
切刹現自在力令一切衆生修菩薩行成滿
大願得一切智又於一一毛孔出一切衆生
心等身雲悉現一切諸衆生前顯現無量一
切智力不可窮盡無能壞者修不退轉菩薩
諸行於生死法心無所染降伏衆魔滅煩惱
力壞散一切障礙山力具大悲力於一切劫
修菩薩行心無疲倦震動一切諸佛世界令
衆生喜轉津法輪建立法幢制諸外道修菩
薩行力波羅蜜得一切智又於一一毛孔出
一切衆生心等種種色身雲充滿無量諸衆
生界隨其所應現菩薩行智力精進度衆生
海分別了知一切衆生心心所行海一切衆

生諸根海一切衆生行海教化衆生未曾失
時明淨智慧究竟法性於念念中明淨智慧
充滿法界了知一切世界成敗及其莊嚴自
在神力詣諸佛所恭敬供養守護受持正法
輪雲如是顯現智波羅蜜悉令衆生皆大歡
喜熙怡悅樂身心柔軟除滅熱惱遠離憂戚
棄捨衆惡調伏諸根心得解脫於一切智得
不退轉如顯現諸波羅蜜化度衆生顯現菩
薩一切功德化度衆生亦復如是又於一切
毛孔顯現喜目觀察衆生夜天從初發心所
為功德求善知識往詣諸佛恭敬供養修習
善根行檀波羅蜜難捨能施行尸波羅蜜棄
捐天下宮殿眷屬出家學道淨修禁戒行羈
提波羅蜜一切衆生悉加惡言無量逼切皆
悉能忍行毗梨耶波羅蜜修諸苦行尋求菩
提其心堅固而不退轉行禪波羅蜜諸方便
道滿足清淨禪波羅蜜於諸三昧而得自在
究竟一切諸三昧海相續次第未曾斷絕行
般若波羅蜜清淨菩薩圓滿智慧出明淨慧
日無盡慧藏究竟智海行方便波羅蜜出生
一切諸方便身方便功德方便清淨方便本
事行願波羅蜜出生一切諸願淨身成滿諸
願隨應行願及願波羅蜜本事行力波羅蜜
力波羅蜜因緣功德力波羅蜜方便海分別

演說力波羅蜜本事行智波羅蜜智波羅蜜
出生智波羅蜜淨身智波羅蜜說智波羅蜜
境界智波羅蜜所攝智波羅蜜光明智波羅
蜜本事智波羅蜜分別行智波羅蜜深入智
波羅蜜攝取諸法隨順知法知業知利知劫
知三世知佛出世知佛智知菩薩知菩薩智
知菩薩住知菩薩功德知菩薩迴向知諸大
願知轉法輪知分別法知入法海知方便海
知法旋流知諸法趣如是等一切智波羅蜜
於一切毛孔皆悉顯現化度衆生又於一切
毛孔出無量身雲所謂阿迦尼吒天身雲淨
居天身雲善現天身雲不熱天身雲果實天
身雲徧淨天身雲無量淨天身雲少淨天身
雲淨果天身雲無量淨果天身雲少淨果天
身雲光音天身雲無量光音天身雲少光音
天身雲大梵天身雲梵輔天身雲梵身天身
雲他化自在天王及他化自在天子天女身
雲化自在天王及化自在天子天女身雲兜
率天王及兜率天子天女身雲夜摩天王及
夜摩天子天女身雲提頭賴吒天王及一切
乾天天子天女身雲提頭賴吒天王及一切
閻婆男女身雲毗樓勒又天王及一切鳩
荼男女身雲毗樓博又天王及一切龍男女
身雲毗沙門天王及一切夜叉男女身雲緊

那羅王及一切緊那羅男女身雲摩睺羅伽
王及一切摩睺羅伽男女身雲迦樓羅王及
一切迦樓羅男女身雲阿脩羅王及一切阿
脩羅男女身雲閻羅王及一切閻羅王男女
身雲人王身雲男子女人童男童女身雲出
如是等一切諸趣身雲聲聞緣覺仙人身雲
地水火風神海神河神山神林神樹神穀神
味神藥草神園觀神城郭神道場神夜神晝
神虛空神方神道路神身形神金剛力士神
出如是等一切身雲充滿十方一切世界法
界爲一切衆生現喜目觀察衆生夜天從初
發心所行功德積集無量諸波羅蜜次第受
生死此生彼及其名号造善知識值遇諸佛
簡持正法行菩薩行得諸三昧次第覩見一
切佛刹及諸如來次第諸劫得淨智慧深入
法界觀察衆生知衆生海死此生彼得淨天
耳次第悉聞一切音聲知他心智次第了知
衆生心念無依神足次第自在充滿十方得
諸菩薩次第法門究竟菩薩諸法門海菩薩
自在菩薩精進菩薩得證正趣離生衆生想
菩薩想菩薩勝妙清淨功德如是等類一切
功德彼化身雲悉爲衆生以諸音聲分別解
說開示顯現所謂風輪音聲水輪音聲火燄
音聲大海音聲大地震動音聲山王相擊音

聲天城震動音聲天寶音聲諸天音聲龍王
 音聲夜叉王乾闥婆王阿脩羅王迦樓羅王
 緊那羅王摩睺羅伽王等音聲人王音聲梵
 王音聲天女歌頌音聲天樂音聲摩尼寶王
 音聲如來音聲菩薩音聲如來化身音聲以
 如是等種種音聲為諸衆生分別演說喜目
 觀察衆生夜天從初發心一切功德彼一一
 身雲說此法時念念中於一一方嚴淨不可
 說不可說諸佛世界無量無邊衆生滅惡道
 苦無量無邊衆生成就天樂無量無邊衆生
 度生死海無量無邊衆生安立聲聞辟支佛
 地無量無邊衆生得菩薩不可思議喜幢自
 在法門於念念中無量無邊衆生住如來地
 爾時善財童子皆得見聞如上一切諸奇特
 事正念思惟觀察分別深入定智安住平等
 何以故與彼夜天先同行故佛護念故成就
 不可思議諸善根故具足菩薩根故生佛家
 故得善知識力故一切諸佛神力持故盧舍
 那佛本願力故善根熟故堪受普賢菩薩行
 故爾時善財得菩薩歡喜淨光明海得十方
 一切諸如來力得彼夜天離垢喜幢法門即
 恭敬合掌以偈讚歎彼夜天曰
 無量無數劫深學最勝法隨應所變化顯現妙色身
 了知諸羣生愚癡顛倒惑種種身方便度脫衆生類

清淨妙法身 除滅煩惱熱 非二現有二 爲化衆生故
陰八及諸界 皆悉無所著 具行及色身 度脫一切衆
不著內外法 越度生死海 明淨智慧光 普照於一切
喜目天無著 除滅衆虛妄 衆生樂著世 爲現佛法力
無礙三昧力 一一毛孔中 出諸化身雲 供養十方佛
念念中出生 諸佛方便力 攝取諸衆生 究竟一切法
觀察諸有海 業行莊嚴身 演說無礙法 令衆清淨故
相好自莊嚴 猶若普賢身 隨應受化者 顯現無量身
爾時善財童子 偈讚歎已 白言 天神發阿耨
多羅三藐三菩提心 爲幾時 耶 得此法門 其
已久 如爾時 夜天 以偈答言

憶念過去世 無量剎塵劫 今時有一劫 名曰寂靜音
有都名香水 其王名智慧 十二億百千 那由四天下
彼聖轉輪王 清淨妙色身 三十二相具 八十好莊嚴
妙身清淨藏 閻浮檀金色 光明照一切 詳步遊虛空
彼三有千子 勇猛身端正 大臣有一億 智慧悉賢明
衆女有十億 端嚴如天后 大慈心柔軟 瞻奉給侍王
彼聖轉輪王 常以正法治 統領諸山地 一切四天下
我時爲寶女 具足淨梵音 身出金色光 周照四萬里
日光既已沒 中夜閑寂然 我當於今時 神瑞降善夢
見佛出世間 号曰功德海 顯現自在力 充滿十方界
放大光明海 一切剎塵等 無量自在身 充滿於十方
大地六種動 自然出妙音 如來興出世 天人悉歡喜
一切毛孔中 出佛化身海 充滿十方界 隨應而說法

我夢見如是如來自在力聞說深妙法其心大歡喜
一萬夜天神充滿虛空中讚歎彼如來聞已即覺悟
彼天告我言賢慧女速起佛已興汝國劫海難值遇
聞此音歡喜即見明淨光觀察從何來道場樹王所
時見如來身猶若寶山王一切毛孔中放大光明海
見佛自在力其心大歡喜即發弘誓願令我獲此德
我時覺大王普及諸眷屬見彼佛光明歡喜心無量
我時與彼王無量那由他眷屬四種兵往詣如來所
我於二萬歲供養彼如來七寶四下一切悉奉施
時彼如來說功德普雲經大願海莊嚴隨應度衆生
我發如是願來世作夜天諸有放逸者悉令遠離之
爾時我初發無上菩提心生死有爲中未曾有忘失
從是後供養十億那由佛生死海受樂饒益諸羣生
初佛功德海第二功德燈第三寶幢佛第四虛空智
第五蓮華藏六無礙音月第七法月王八圓滿智燈
第九寶嚴佛無上天人尊第十化音聲我已悉供養
如是等諸佛十億那由他猶未得慧眼究竟生死海
次第復有劫名曰天妙勝世界名寶光五百佛興世
初佛圓滿月第二明淨日第三光明佛四須彌山王
第五華嚴海第六智慧海第七然燈佛第八天德藏
九光明王幢第十普智王如是等諸佛我已悉供養
未離樂五陰非樂生樂想
次第復有劫名莊嚴梵音爾時有世界名蓮華燈雲
彼有無量佛及其大眷屬我已悉供養聞受持正法

初佛寶須彌第二功德海法界須彌幢第四法須彌
第五法幢佛第六法地佛第七法力佛第八虛空慧
第九光祿山第十照明山如是等諸佛我已悉供養
猶未了真寶究竟諸法海

次第復有劫名曰歡喜德爾時有世界名曰功德幢
彼劫有八十那由他諸佛無量供養具奉彼諸最勝
初乳闍婆王二壽命樹王三功德須彌第四寶眼佛
第五盧舍那六光明莊嚴第七法勝佛第八明淨德
第九世間主十一切法王如是等諸佛我已悉供養
猶未得妙智深入法界海

次第復有劫名曰寂靜慧爾時有世界名普光明雲
有千佛俱世無量德莊嚴除滅煩惱垢一切眾清淨
初佛号無諍第二無礙力三法界光明四一切燈王
五婆樓那天第六衆生歸七忍圓滿燈八法具足燈
九光明嚴海第十光明王如是等諸佛我已悉供養
猶未解真法遊行一切刹

次第復有劫名曰香燈雲爾時有世界名曰清淨起
一億佛興世嚴淨一切劫彼佛所說法我悉聞受持
初佛無量壽第二法海佛第三勇猛王四功德法王
第五勝法雲第六天冠佛第七智懿佛第八虛空音
第九等勝起第十妙德光供彼諸佛已成就八正道
次第復有劫名明淨堅固爾時有世界名曰寶幢三
五百佛興世彼諸如來等我已悉供養求無礙法門
初佛圓滿德第二寂靜音第三功德海第四日王佛

第五功德王 第六須彌相 第七法王佛 第八功德王

第九須彌山 第十光明王 如是等諸佛 我已悉供養

我皆悉嚴淨 一切最勝道 猶未得具足 究竟深法忍

次第復有劫 名曰無勝主 爾時有世界 名寂靜音聲

八十那由他 諸佛興出世 我已悉供養 於彼修正道

初佛号華聚 第二海藏佛 第三功德起 第四天周羅

第五摩尼藏 第六金山佛 第七寶聚佛 第八寂靜幢

第九法幢佛 第十智王佛 如是等諸佛 我已悉供養

次第復有劫 名曰千功德 爾時有世界 名善化幢燈

六億那由他 諸佛興出世 我已悉供養 彼一切如來

初佛寂靜幢 第二智慧幢 第三百燈佛 四功德雲王

寂靜光明王 第六明淨日 第七法燈佛 第八光燄佛

九天功德藏 第十智慧燈 如是等諸佛 我已悉供養

未得無生忍 究竟諸法海

次第復有劫 名無著莊嚴 爾時有世界 名無量勝光

時有三十六 那由他佛出 如是等諸佛 我已悉供養

初功德須彌 第二虛空心 第三莊嚴智 第四莊嚴藏

五法音聲海 六持法音聲 第七化音聲 第八功德海

九功德海燈 第十功德幢 彼諸如來等 我皆悉值遇

功德幢如來 出興於世時 我為功德天 供養彼最勝

時佛為我說 莊嚴大願海 陀羅尼念力 皆悉能受持

我得明淨眼 三昧陀羅尼 於一一念中 悉見最勝海

出生大悲藏 深入方便雲 心淨如虛空 悉得諸佛力

觀察諸眾生 常樂我淨國 憶念月所度 煩惱起定安

邪見貪欲等無量諸惡業一切諸趣中具受不善報
 一切諸趣中種種業受身生老病死患無量苦逼迫
 我發無上心安樂彼衆生今至諸佛所成滿如來力
 滿足大願雲常見一切佛修習於正道具足諸功德
 一向廣專求無量功德雲法門波羅蜜充滿諸法界
 佛子我爾時即得普賢行分別緣法界攝取一切法
 成滿一切地三世方便海修習無礙行一念具佛智
 善男子爾時智慧轉輪王老豈異人乎文殊
 師利童子是也紹繼轉輪王姓諸如來種使
 不斷絕時王賢慧寶女者我身是也爾時夜
 天覺悟我者普賢菩薩所變化也我於爾時
 初發阿耨多羅三藐三菩提心發道心已於
 佛刹微塵等劫不墮惡道常生天人覩見諸
 佛乃至功德幢佛所得此普光喜幢法門得
 此法門已饒益化度無量衆生善男子我唯
 知此法門諸大菩薩於念念中普詣一切諸
 如來所具足成就精進大海於念念中滿足
 一切諸大願海於念念中出生一切未來劫
 菩薩諸行於一一菩薩行中出生一切佛刹
 微塵等身彼一一身充滿一切諸法界海於
 一一法界中顯現一切佛刹隨其所應現菩
 薩行於一一佛刹中究竟一切佛刹微塵等
 諸佛海於一一佛所究竟一切法界等如來
 自在神力一一如來所分別過去諸劫行菩

薩行一一如來所守護受持一切法輪究竟
三世如來諸方便海我當云何能知能說彼
功德行善男子此佛衆中有一夜天名曰妙
德救護衆生汝詣彼問云何菩薩學菩薩行
具菩薩行淨菩薩行時善財童子頭面敬禮
喜目觀察衆生夜天足辭退而行
爾時善財童子正念思惟普光喜幢法門分
別深入開發顯現隨順善知識教一向專求
見善知識身心諸根普遊方面求善知識思
念善知識道勇猛精進乃得值遇同善知識
一切善根具足成就深妙方便因善知識出
生長養一切善根發諸大願於一切劫不離
善知識往詣妙德救護衆生夜天所爾時夜
天爲善財童子顯現菩薩教化一切世間法
門境界相好嚴身眉間白毫相中放大光明
名曰普慧燄燈淨幢無量光明以爲眷屬普
照一切世界照已入善財頂充滿其身爾時
善財即得菩薩離垢圓滿三昧得此三昧已
於一切地水火風微塵衆寶微塵杳微塵金
剛微塵摩尼微塵碎末微塵一切莊嚴具微
塵一切境界微塵如是等一一微塵中悉見
佛刹微塵等世界成敗風輪水輪金剛輪地
輪種種莊嚴衆山園遶無量大海諸天宮殿
諸雜寶樹種種莊嚴諸龍宮殿夜叉乾闥婆

阿脩羅迦樓羅緊那羅摩睺羅伽人非人等
城郭宮殿地獄餓鬼畜生閻羅王處悉見五
道衆生死此生彼分別了知彼諸世界或有
世界淨或有世界不淨或有世界趣淨或有
淨淨或有世界一向淨或有世界其形平正
或有世界其形如伏或有世界其形四方如
是等一切世界一切趣中見彼夜天於一切
時普現一切諸衆生前隨其所應而度脫之
爲地獄衆生滅諸楚毒爲諸畜生滅惱害畏
爲餓鬼衆生除飢渴苦爲諸龍等滅一切畏
爲欲界衆生除欲界苦爲諸人類除闇冥畏
不活畏惡名畏大衆畏惡道畏死畏失善根
畏失菩提心畏近惡知識畏失善知識畏聲
聞緣覺地畏生死畏不同意畏非時受生畏
生惡人家畏行惡業畏業障畏煩惱障畏報
障畏諸貪著畏諸繫縛畏滅如是等一切怖
畏又復教化四生衆生所謂卵生胎生溼生
化生有色無色有想無想非有想非無想衆
生常現其前而教化之滿大願力故菩薩三
昧力故諸通明力故出生普賢菩薩行力故
出生長養大悲海故無礙大慈覆一切衆生
故安樂一切衆生故攝取一切衆生故深入
菩薩自在境界法門故普現一切諸佛剎中

爲嚴淨故在一切法中智慧覺悟故在一切
 佛所恭敬供養故在一切佛法中守護正法
 故在一切衆生心海中度脫衆生故在一切
 衆生諸根中調伏諸根故在一切衆生欲海
 中爲除障礙得清淨故在一切衆生愚癡闇
 中出生一切智光明故爾時善財見彼夜天
 自在神力不可思議菩薩境界一切世界教
 化衆生成就菩薩一切法門自在神力歡喜
 無量頭面禮足恭敬合掌於一面住一心觀
 察爾時夜天即捨相好妙莊嚴身現夜天形
 而不捨離自在神力爾時善財以偈頌曰
 善財合掌住諦觀無厭足見無量神力其心大歡喜
 我見尊妙身相好自莊嚴清淨如虛空一切莫能壞
 所放殊勝光無量剎塵等種種微妙色普照於十方
 一一毛孔放衆生等光明一一光明端出生寶蓮華
 從華出化身除滅衆生苦
 放諸香光明普熏十方界雨無量華雲供養諸最勝
 放無量寶光一如須彌普照一切衆除滅愚癡闇
 口放淨光明猶如無量日普照虛舍那無量之境界
 眼放淨光明猶如無量月普照羣生類除滅愚癡瞋
 妙相等衆生出生化身海充滿諸法界度脫三有海
 清淨微妙身一切無不見遠離水火賊三等一切難
 喜目觀察天教我詣尊所見尊白毫相演出明淨光
 普照十方海除滅一切闇顯現自在力從我頂上入

光明入身已舉體柔軟樂即得離垢定普見十方佛
悉能分別知一切諸微塵一一微塵中普見十方刹
或有淨世界或不淨刹不淨世界中衆生受諸苦
不淨世界中衆生受苦故示現三乘像而往救度之
清淨佛國土無量寶莊嚴諸佛大菩薩常樂於中住
一一微塵中普見淨刹海盧舍那續劫今彼土清淨
一切佛刹中現坐菩提樹得成最正覺而轉淨法輪
我見妙德天詣彼嚴淨刹一切如來所恭敬而供養
爾時善財偈讚歎已白言天神甚奇甚特此
菩薩法門最爲甚深此法門者名爲何等得
此法門其已久如本修何行而致之乎善男
子此處甚深一切人天聲聞緣覺所不能知
何以故滿普賢菩薩行者境界大悲菩薩藏
境界救護一切衆生菩薩境界除滅一切惡
道諸難菩薩境界一切佛刹中守護一切佛
法令不斷絕菩薩境界一切劫中修菩薩行
滿大願海菩薩境界具足成就明淨慧光滅
一切衆生愚癡闇障普照一切菩薩境界於
一念中明淨智慧普照三世諸方便海菩薩
境界善男子諦聽諦聽我當承佛神力爲汝
解說佛子乃往古世過世界微塵等劫有劫
名離垢圓滿世界名明淨妙德幢有須彌山
微塵等如來出現於世其佛世界七寶合成
衆寶莊嚴其土圓滿離垢清淨寶網羅覆金

剛圍山周而圍遶有十萬億那由他四域天
下或有天下清淨衆生亦淨或有天下不淨
衆生不淨或有天下淨不淨雜衆生亦雜或
有天下清淨一切衆生善根具足無諸疾患
或有天下嚴淨殊勝但諸菩薩彼世界東際
近金剛山有四天下名華燈幢妙寶樓閣臺
觀宮殿上味飲食自然具足瞻蔔華樹普覆
一切種種香樹出妙香雲諸寶瓊樹普雨瓊
雲諸雜華樹雨不思議衆妙華雲諸末香樹
雨末香雲諸香王樹雨妙香雲摩尼寶樹雨
種種寶諸音樂樹微風吹動出和雅音充滿
虛空日月明淨妙寶光明普照一切彼四天
下有百萬億那由他諸王京都一一王都有
千渠水微派迴映衆華普被自然演出天音
樂聲岸植寶樹行列莊嚴衆寶爲地一一水
間有十億千城彼一一城有十億百千那由
他聚落園遶彼一一城及一一聚落各有無
量億那由他妙寶樓閣而莊嚴之彼間淨提
有一王都名寶華燈安隱豐樂人民熾盛此
諸衆生具足修行十善業道時彼城中有轉
輪王名曰明淨寶藏妙德爲大法王治以正
法從蓮華生具三十二大人之相七寶成就
王有千子端正勇猛有十億大臣王有寶女
名妙德威嚴端嚴殊妙目綏紺色身如天金

梵音清淨身出光明照一切由旬彼有一女名
妙德眼一切諸行皆悉具足端正殊特觀者
無厭有十億百千那由他諸米女衆皆與聖
王同善根行身真金色一切毛孔皆出妙香
衆寶莊嚴超逾天女爾時衆生壽命無量或
有不定或有中天形色不同長短名号音聲
善根精進方便亦悉不同有好有醜有讚有
毀爾時有人謂一人言我色端嚴汝形鄙陋
共相陵毀作惡業已壽命色力所受快樂皆
悉損減時彼城北有道場樹名普光明妙法
音幢衆寶爲根無能壞者莖節枝葉衆寶合
成皆悉齊等出衆寶雲普覆一切放衆寶光
普照十方演妙音聲宣揚如來自在神力於
其樹前有香水池名寶華光明眞法音雲衆
寶爲岸有十億百千那由他寶樹圍遶彼一
一樹如菩提樹寶瓔珞樹周而垂下清淨妙
寶以爲莊嚴衆寶樓閣無量無數周徧道場
彼香池中有一蓮華名三卅一切佛莊嚴境
界雲最初妙德幢佛於彼華上成等正覺化
衆生故放大光明名曰萬歲衆生見者知後
萬歲佛當出世次後放光名一切衆生離垢
歡喜燈衆生見者知九千歲佛當出世次後
放光名離垢燈妙德藏衆生見者悉觀妙色
知八千歲佛當出世次後放光名一切衆生

業報音聲衆生見者分別了知自己業報知
七千歲佛當出世次後放光名起一切善根
音聲若有衆生諸根不具觸斯光明皆悉具
足知六千歲佛當出世次後放光名曰顯現
不可思議諸佛境界音聲衆生見者悉發明
淨自在之心知五千歲佛當出世次後放光
名曰嚴淨一切佛刹衆生見者見一切如來
嚴淨佛刹知四千歲佛當出世次後放光名
一切佛不可壞境界明淨燈衆生見者知佛
自在無所不至知三千歲佛當出世次後放
光名普照三世一切諸佛本事音聲衆生見
者知一切如來過去本事無量大海知二千
歲佛當出世次後放光名離癡瞋智如來淨
燈衆生見者得平等淨眼普見一切嚴淨佛
刹一切如來一切衆生知一千歲佛當出世
次後放光名一切衆生見諸如來長養善根
衆生見者知後七日佛當出世次後放光名
一切衆生歡喜音聲衆生見者一心歡喜欲
見如來佛子彼佛於一萬歲中於如是等無
量光明教化衆生滿七日已佛神力故一切
世界六種震動爾時衆生於念念中見一切
佛刹皆悉清淨衆寶莊嚴時彼世界衆生悉
詣道場一切金剛圍山須彌山王一切諸山
一切變化一切音聲一切大地一切城邑垣

牆宮殿如是等一切諸物出微妙音歌頌讚
佛又出一切香雲一切寶光明雲一切寶形
像雲一切寶衣雲一切華雲一切末香雲一
切寶莊嚴雲一切如來圓滿光雲一切如來
大願聲雲一切如來妙音聲雲一切如來諸
相好雲顯現不可思議如來瑞應相雲出如
是等一切妙雲供養如來時彼三世一切佛
莊嚴境界雲蓮華周匝出生十佛世界微塵
等衆寶蓮華彼一一蓮華上有一寶蓮華藏
師子之座彼師子座上有十佛世界微塵等
菩薩摩訶薩爾時妙德幢佛於一切世界隨
其所應轉淨法輪令無量衆生離惡道苦無
量衆生天人中立無量衆生於聲聞緣覺
之地立無量衆生於勇猛精進菩薩之行立
無量衆生於離垢幢精進菩薩之行立無量
衆生於法光明菩薩之行立無量衆生於清
淨根菩薩之行立無量衆生於平等諸力菩
薩之行立無量衆生於一向專求入正法城
菩薩之行立無量衆生於至一切處不可破
壞神力自在菩薩之行立無量衆生於一切
方便菩薩之行立無量衆生出生菩薩三昧
安住菩提立無量衆生修一切淨行安住菩
提立無量衆生發菩提心立無量衆生住菩
薩道立無量衆生清淨諸波羅蜜立無量衆

生於菩薩初地乃至立無量衆生於菩薩十
地立無量衆生於菩薩大願殊勝之行立無
量衆生於普賢菩薩清淨願行何以故如來
轉不可思議自在法輪故於念念中隨其所
應以種種身種種方便種種說法度脫無量
衆生爾時普賢菩薩知寶華燈城王都衆生
自恃色貌陵蔑他人化現如身端嚴殊特往
詣彼城放大光明普照一切時彼聖王身之
光明諸寶光明寶女光明寶樹光明日月星
宿光明皆悉映蔽猶如聚墨在真金山普賢
菩薩身色光明映蔽衆光亦復如是爾時衆
生各作是念今此光明悉蔽我等不復顯現
爲是梵天諸天光耶

大方廣佛華嚴經卷第五十二

訶責

上虎何切
下胡革切

惡罵

下莫駕切

闇冥

七烏結切

熙怡

上許其切
下與之切

憂感

下倉歷切

穀粒

上谷音

相擊

下古歷切

詳步

上似羊切

神瑞

下是德切

碎末

上蘇內切

中失

下於非切

有醜

下昌九切

鄙陋

上方美切
下漏音

陵毀

下許委切

自恃

下市音

陵蔑

下莫結切

映蔽

上於敬切
下必快切

乙巳歲高麗國大歲部監奉

勅書

大方廣佛華嚴經卷第五十三

道

東晉天竺三藏佛跋陀羅

譯

入法界品第三十四之十

爾時普賢菩薩在彼聖王寶官殿上於虛空中而告之言大王當知佛興於世今在普光明妙法音幢菩提樹下時彼衆生見普賢菩薩相好嚴身無量光明聞妙音聲歡喜無量發如是願令我等所作善根得此妙身相好莊嚴威儀無異神自在除滅一切衆生愚闇覺悟一切佛興于世趣趣受生願常不離此善知識時彼聖王與其實女及諸眷屬千子大臣并四種兵上昇虛空放大光明照四天下普爲衆生以偈頌曰

如來出世間 普救諸羣生 汝等應速起 往詣導師所
無量無數劫 或有佛興世 演說深妙法 饒益一切衆
普見諸羣生 愚癡顛倒惑 流轉生死苦 於彼起大悲
無量無數劫 修習菩薩行 爲化衆生故 發起無上悲
頭目手足等 難捨悉能施 無量無數劫 尋求佛菩提
無量無邊劫 如來難值遇 其有見聞者 一切悉不虛
如來在道場 處佛正法座 降伏一切魔 得成最正覺
觀察如來身 放演無量光 種種微妙色 除滅一切闇
一一毛孔中 放光不可議 除滅愚癡瞋 令衆悉歡喜
各辦衆供具 發大精進心 咸詣如來所 恭敬設供養
爾時轉輪聖王讚歎佛已以轉輪王功德善

根興十種雲普覆虛空往詣道場供養如來
 所謂一切寶雲一切華雲一切衣雲一切寶
 衣雲一切寶網金鈴雲一切堅固香雲一切
 如意珠雲一切妙寶幢雲一切寶宮殿雲一
 切莊嚴雲普覆一切莊嚴虛空供養如來往
 詣佛所頭面禮足遶無數帀退坐普照寶藏
 之座爾時妙德眼女即解身上諸莊嚴具奉
 散如來時莊嚴具於虛空中變成寶蓋眾寶
 莊嚴悉與一切諸宮殿等端嚴齊整十寶莊
 嚴金剛圍山周帀圍遶其形猶如明淨樓閣
 眾寶莊嚴無量龍王悉共執持寶樹圍遶妙
 香普熏於其蓋中有菩提樹枝葉榮茂普覆
 法界以無量莊嚴而莊嚴之見盧舍那佛坐
 此樹下與不可說佛刹微塵等大菩薩俱皆
 悉具足普賢菩薩一切所行住菩薩住無能
 壞者又見一切世界諸王國遶如來又見彼
 佛神力自在又見一切諸劫次第世界成敗
 又見一切諸佛次第出世又見普賢菩薩在
 一切佛所恭敬供養教化衆生又見彼一一
 世界中悉有佛刹微塵等世界種種安住種
 種莊嚴種種清淨種種劫種種如來出興于
 世種種三世種種國土種種法界種種諸道
 種種入法界種種虛空種種道場種種佛光
 種種諸佛莊嚴師子之座種種如來眷屬種

種如來方便種種轉法輪種種如來妙音說
 種種音聲海說種種修多羅雲時彼女人見
 聞如是歡喜無量爾時妙德幢佛於大眾中
 說修多羅名一切如來法輪妙音十佛世界
 微塵等修多羅以爲眷屬時彼女人聞此經
 已即得一萬三昧身心柔軟如初受胎又如
 衆生初受勝業果報又如初生堅固吉樹所
 謂見現在一切諸佛三昧普照一切佛刹三
 昧深入三昧三昧一切如來妙音轉法輪三
 昧知一切佛願海三昧滅一切衆生生死苦
 惱三昧滅一切衆生癡闇滿足莊嚴大願三
 昧滅一切衆生諸苦三昧令一切衆生具足
 快樂三昧教化一切衆生心無疲倦三昧一
 切菩薩無礙幢三昧菩薩降神時胎莊嚴三
 昧得如是等一萬三昧復得淨三昧心不動
 心歡喜心正希望心廣大心順善知識教心
 甚深薩婆若心隨順方便海心一切無著心
 捨離一切世間境界心究竟如來境界心普
 照一切色海心滅瞋恚心愛念心平等心無
 疲倦心不退轉心離懈怠心觀一切法寂靜
 心隨順一切法海心隨順分別一切法心分
 別一切衆生海心救護一切衆生心普照一
 切世界心滿一切佛大願海心壞散一切障
 礙山心積集無量功德山心向佛十力心普

照一切菩薩境界心長養一切菩薩諸功德
心充滿一切十方海心發平等心成滿佛刹
微塵等諸願海心願淨一切如來刹心如是
等心出生十佛世界微塵等法門所謂教化
一切衆生法門分別一切法界法門究竟一
切法海法門於一切世界盡未來劫出生菩
薩行法門於一切世界盡未來劫住菩薩行
法門往詣一切佛所法門值遇一切善知識
法門恭敬供養一切佛法門於念念中出生
一切智不斷菩薩行法門出生如是等十佛
世界微塵等法門出生普賢菩薩願行專求
一切智時彼女人得諸如來初發心願善男
子復於是前過十大劫有世界名日輪光照
佛号因陀羅妙德幢此妙德眼女因普賢菩
薩善知識故造蓮華如來像衆寶莊嚴發菩
提心善男子爾時明淨寶藏妙德轉輪聖王
者豈異人乎今彌勒菩薩是也時寶女妙德
成滿者今寂靜音天是也妙德眼女者我
身是也善男子我以莊嚴具供養妙德幢如
來故見佛無量自在神力聞說正法聞正法
已即得教化一切衆生法門恭敬供養須彌
山微塵等一切如來聞彼諸佛所說經法皆
悉受持於一念中見彼一切佛刹一切如來
及菩薩衆善男子其後有劫名大光明世界

名種種莊嚴有五百佛出興于世我悉恭敬
 供養此諸如來其最初佛名大悲幢我為夜
 天恭敬供養次後如來名金剛那羅延幢時
 我為轉輪王恭敬供養彼佛為我說修多羅
 名起一切如來性十佛世界微塵等修多羅
 以為眷屬次後如來名無礙妙德住時我為
 轉輪王恭敬供養彼佛為我說修多羅名普
 照一切衆生諸根須彌山微塵等修多羅以
 為眷屬悉聞受持次後如來名明淨妙德
 山莊嚴時我為長者恭敬供養彼佛為我說
 修多羅名普照三十三藏閻浮提微塵等修多
 羅以為眷屬悉聞受持次後如來名一切法
 海起王時我為阿脩羅恭敬供養彼佛為我
 說經名分別一切法界五百修多羅以為眷
 屬悉聞受持次後如來名甚深妙法海光時
 我為龍女雨如意摩尼寶雲恭敬供養彼佛
 為我說修多羅名長養歡喜海百萬億修多
 羅以為眷屬悉聞受持次後如來名寶嚴功
 德山燈時我為海神雨衆寶華雲恭敬供養
 彼佛為我說修多羅名法界方便海世界微
 塵等修多羅以為眷屬悉聞受持次後如來
 名功德海光圓滿妙德時我為仙人在雪山
 住與六萬仙人俱往詣彼佛雨寶華雲恭敬
 供養彼佛為我說修多羅名法燈無所著六

萬修多羅以爲眷屬悉聞受持次後如來名
 明淨妙德藏時我爲地天名夜平等義與無
 量天俱往詣彼佛雨一切寶一切寶藏一切
 莊嚴雲恭敬供養彼佛爲我說修多羅名起
 一切如來智藏無量修多羅以爲眷屬悉聞
 受持佛子如是五百如來次第興世其最後
 佛名法界虛空寶山妙德燈時我爲妓人名
 曰善口彼佛入城我在空中以一千偈讚歎
 如來爾時世尊眉間白毫相放大光明名普
 照法界莊嚴普照十方照已入我身中即得
 法界方便不退藏法門佛子如是等世界微
 塵等劫諸佛興世我悉恭敬供養彼諸如來
 所說正法悉聞受持未曾忘失一句一味於
 一一佛所得三世甚深法界清淨法身一切
 智光普照一切攝取普賢菩薩所行於念念
 中悉見無量無邊諸佛得無量無邊淨慧光
 明普照一切先未得未證普賢所行今悉成
 滿何以故說無量無邊故爾時妙德救護衆
 生夜天欲重明此義以偈頌曰

善財應諦聽 甚深難見法 普照於三世 分別深法界
 如我初發心 專求無上道 隨所得法門 諦聽我今說
 過去久遠世 佛刹微塵劫 爾時有一劫 名離垢圓滿
 時有世界名 明淨妙德幢 須彌微塵等 如來出興世
 初佛妙德幢 二普慧光嚴 法幢德須彌 第四師子佛

第五寂靜王 六号除滅惡 第七功德聚 第八須彌山

第九妙德佛 第十明淨月 如是十如來 彼劫初出世

次復有十佛 初虛空方便 第二普光明 三安住諸方

第四功德海 第五高無上 第六最勝雲 第七功德佛

第八光燄山 第九蓮華佛 第十法界化 是為第二十

初光明幢王 第二智慧佛 第三心義佛 因陀羅妙德

第五妙天佛 第六勇猛王 第七智慧德 第八光明幢

第九如來号 超出一切世 第十蓮華佛 是為第三十

第一光燄山 第二功德海 第三法光明 第四妙蓮華

第五衆生眼 第六香光明 七妙德寶山 八軌闍婆王

第九明淨智 第十寂靜色 第二寶光明 三虛空妙德 第四妙相佛

初佛光智慧 第六那羅延 第七妙須彌 八功德轉輪

圓滿功德光 第十寶山佛 第三光明王 第四真實起

初佛娑羅王 第六陀羅尼德 七光明其深 八法海音佛

第五光明德 光明妙德佛 寶光燄如來 是為第十佛

初佛梵光燄 第二虛空音 第三法界光 第四圓滿光

第五分別光 第六光明幢 第七虛空燈 第八樂妙德

第九明淨光 妙功德如來 十寂靜妙德 大悲雲如來

初佛力光慧 二衆生現前 第三無上福 第四妙德光

第五法起佛 六風速妙德 第七淨幢佛 第八寶蓋佛

第九妙德佛 十普照三出

初佛号願海 第二光明德 第三金剛身 四須彌妙德

第五正念佛 六幢王妙德 第七智慧燈 第八無量寶
第九号方便 明淨法界佛 第十号法海 明淨智妙德
初佛号法寶 功德轉輪王 第三功德雲 第四忍辱燈
第五寂靜音 第六寂靜幢 第七衆生燈 第八大願佛
第九如來号 不可壞幢王 第十号智慧 皎起妙德佛
初佛号法王 第二無礙智 三照語言海 第四妙音聲
第五妙德音 第六自在佛 七十方一切 衆生現前佛
第八平等意 九無上如來 第十号自然 賢妙德最勝
如是等一切 須彌塵數佛 彼諸如來等 我已悉供養
佛刹微塵劫 所出諸如來 悉恭敬供養 遠得此法門
我於無量劫 修行得法門 善財聞思惟 應當速究竟
善男子我唯知此教化衆生菩薩法門諸大
菩薩究竟無量無邊菩薩所行悉從種種性
海中起種種正直身心滿諸根海具足一切
諸大願門修行無量諸三昧門具足成就無
量神力修行無量智慧之行入種種智諸法
光明普照一切我當云何能知能說彼功德
行善男子於此道場去我不遠有一夜天名
寂靜音處寶幢蓮華藏師子之座百萬阿僧
祇諸天眷屬圍遶汝詣彼問云何菩薩學菩
薩行修菩薩道時善財童子頭面敬禮妙德
救護衆生夜天足遶無數帀敬心辭退
爾時善財童子往詣寂靜音夜天所頭面禮
足遶無數帀恭敬合掌於一面住白言天由

我已先發阿耨多羅三藐三菩提心我依善
知識學菩薩行入菩薩行入菩薩行地住菩
薩行住唯願天神爲我解說爾時夜天告善
財言善哉善哉善男子乃能依善知識求菩
薩道善男子我成就菩薩無量歡喜莊嚴法
門自言天神此法門者爲何所作境界云何
何等方便爲何等行答言善男子我能清淨
一切衆生心海除滅塵垢不斷清淨莊嚴之
心得不退境界堅固之心不可動心決定了
知功德寶山莊嚴無染著心常現前護一切
衆生心見一切佛諸菩薩海無厭足心清淨
菩薩正直力心普照一切智慧海心善男子
我爲衆生滅除憂惱無量衆苦令其永離諸
惡色聲香味觸意法除滅衆生愛別離苦怨
憎會苦及餘一切諸惡因緣壞敗大苦住生
死苦生老病死憂悲惱苦令得如來無上快
樂一切城邑聚落衆生我悉救護令得安樂
廣爲說法教令漸求一切種智若見衆生在
家宮殿心樂著者爲彼說法令知諸法真實
之生若見衆生與父母兄弟歡娛譙集爲彼
說法令與諸佛菩薩共會若見衆生妻子歡
會爲彼說法令竭生死愛欲之海具足大悲
等觀一切若見衆生處王宮殿爲彼說法悉
令速得賢聖快樂若見衆生著境界者爲彼

說法令得如來甚深境界若見衆生起瞋恚
者爲彼說法令得如來羼提波羅蜜爲懈怠
者演說正法令得菩薩清淨毗梨耶波羅蜜
爲亂心者演說正法令得如來禪波羅蜜爲
邪疑者演說正法令得般若波羅蜜爲著三
界者演說正法令出三有爲樂小法者演說
正法令其滿足菩提大願爲自安者演說正
法令具大願饒益一切爲心劣者演說正法
令得菩薩力波羅蜜爲無智者演說正法令
得菩薩智波羅蜜爲無色者演說正法令得
如來清淨色身爲危脆身者演說正法令得
無上清淨法身爲惡色者演說正法令得如
來清淨妙色爲苦惱者演說正法令得如來
無上快樂爲貧窮者演說正法令得菩薩諸
清淨藏爲圍觀者演說正法令一向求諸佛
妙法爲在路者演說正法令得一切智道爲
聚落者演說正法令出三界爲國土者演說
正法令過聲聞緣覺及菩薩地住如來地爲
在城郭者演說正法令入法王城普照一切
爲在隅者演說正法令得三世平等智慧爲
在方者演說正法令一切智常現在前觀一
切法爲貪欲多者演說正法令觀不淨滅生
死愛爲瞋恚多者演說正法令得究竟大慈
之海爲愚癡多者演說正法令得智慧觀諸

法海爲等分者演說正法令其分別諸勝願
 海離生死樂滅生死苦顯佛正法不著五陰
 常行妙法爲懈怠者演說正法令得莊嚴勝
 道爲憍慢者演說正法令觀一切諸法平等
 爲諂曲者演說正法令得菩薩清淨直心善
 男子我以如是等無量法施攝取衆生滅惡
 道苦處天人樂永離三界具諸功德種種方
 便而化度之歡喜無量復次善男子我常觀
 察菩薩大海種種願行種種淨身種種淨光
 種種光嚴種種諸道趣薩婆若入種種三昧
 海顯現種種自在神力出生種種妙音聲海
 種種妙莊嚴身種種方便入如來海往詣種
 種諸佛刹海究竟種種諸如來海深入種種
 諸辯才海普照種種如來境界成就種種諸
 智慧海超度種種三昧印海安住種種遊戲
 法門以種種門趣薩婆若種種莊嚴虛空法
 界種種莊嚴雲普覆虛空觀察種種諸大衆
 海十方世界一切刹中諸如來所菩薩眷屬
 普雨種種妙莊嚴雲皆悉來會安處種種莊
 嚴之座深入如來方便大海行諸法海度種
 種智海我見此已起無量歡喜與佛力等又
 善男子盧舍那佛不可思議清淨色身相好
 莊嚴我見此已起無量歡喜盧舍那佛於念
 念中放法界等光普照一切諸法界海我見

是已起無量歡喜盧舍那佛於念念中一一
毛孔放無量佛刹微塵等光一一光明有無
量佛刹微塵等光以爲眷屬普照一切充滿
法界除滅衆生一切苦惱我見是已起無量
歡喜盧舍那佛於念念中從頂上兩肩上放
一切佛刹微塵等寶光山雲普照一切充滿
法界我見是已起無量歡喜盧舍那佛一一
毛孔放一切佛刹微塵等香雲普熏十方一
切佛刹我見是已起無量歡喜盧舍那佛一
一相中出一切佛刹微塵等相充滿一切諸
世界海我見是已起無量歡喜盧舍那佛一
一毛孔出一切佛刹微塵等自在力雲初發
心等清淨波羅蜜莊嚴菩薩諸地我見是已
起無量歡喜盧舍那佛一一毛孔念念出生
不可說不可說佛刹微塵等諸龍王身爲見
龍身而受化故又出不可說不可說佛刹微
塵等諸夜叉身乾闥婆阿脩羅迦樓羅緊那
羅摩睺羅伽等身爲見彼身而受化故我見
是已起無量歡喜盧舍那佛一一毛孔出不
可說不可說佛刹微塵等轉輪王身雲七寶
成就神力自在充滿法界爲見彼身而受化
故我見是已起無量歡喜盧舍那佛一一毛
孔出不可說不可說佛刹微塵等梵王身雲
出淨梵音爲衆生說法爲見聞彼而受化故

我見是已於念念中起無量歡喜悉與法界
能樂若等起者非起得者非得見者非見入
者非入度者非度滿者非滿闡者非闡何以
故分別了知法界性故解三昧法悉一性故
佛子此菩薩無量歡喜莊嚴法門有如是等
無量境界佛子此法門者無量無邊究竟方
便諸法海故此法門者不可損減薩婆若心
不可壞故此法門者不可窮盡衆生妄想不
可盡故此法門者最爲甚深寂靜智境界故
此法門者最爲廣大一切佛境界故此法門
者不可破壞菩薩智所知故此法門者不可
稱量不可破壞滿法界故此法門者即是普
門於一相中攝取一切自在力故此法門者
是第一法一切法無身行無二故此法門者
非生一切諸法悉如幻故此法門者如電攝
薩婆若諸大願故此法門者如化善能變化
菩薩行故此法門者如大地輪饒益一切諸
衆生故此法門者如大水輪以廣大悲潤衆
生故此法門者如火輪消渴衆生諸貪愛
故此法門者如大風輪立一切衆生薩婆若
故此法門者猶如大海功德莊嚴一切衆生
故此法門者如須彌山一切功德海中起故
此法門者如大城郭一切法街巷而莊嚴故
此法門者猶如虛空三世諸佛自在最無上

故此法門者猶如慶雲普雨衆生甘露法故
 此法門者猶如白日普照一切滅盡闇故此
 法門者猶如滿月滿足衆生功德海故此法
 門者如如至一切故此法門者如影善能應
 化諸業報故此法門者如響隨其所應爲說
 法故此法門者猶如電光隨其所應悉照知
 故此法門者猶如樹王一切諸佛功德妙華
 成就一切智果實故此法門者猶如金剛一
 切世間無能壞故此法門者如隨意寶王出
 生無量自在力故此法門者如離垢寶悉分
 別知三世佛故此法門者猶如寶幢出一切
 佛平等法輪妙音聲故佛子如此諸論非論
 爲論爾時善財白寂靜音夜天言菩薩修何
 等法得此法門答言佛子菩薩修行十妙法
 故得此法門何等爲十所謂菩薩修行布施
 令一切衆生海皆悉歡喜修行淨戒成滿諸
 佛功德大海修行忍辱了知一切諸法眞性
 修行精進於薩婆若堅固不退修行禪定除
 滅一切衆生煩惱修行智慧分別了知一切
 法海修行方便教化成熟一切衆生海修行
 大願於一切佛刹海盡未來劫修菩薩行修
 行諸力於念念中現一切刹成等正覺修行
 無盡智了三世法無所障礙佛子是爲十妙
 法菩薩摩訶薩修行此法起此法門得此法

門淨此法門成此法門長養增廣不可沮壞
善財白言天神發阿耨多羅三藐三菩提心
爲久如耶荅言佛子乃往古世過二佛剎微
塵等劫有劫名普照幢於此蓮華藏莊嚴世
界海東過十世界海有一世界海名曰離垢
衆寶莊嚴彼世界海中有世界性名一切佛
光明願音彼世界性中有一世界名離垢光
金色莊嚴一切寶雲而莊嚴之衆寶爲地堅
固不動形如一切香妙德王莊嚴樓閣皆悉
清淨諸天宮殿充滿其中彼有王都名曰普
滿妙德藏王彼有道場名一切衆寶莊嚴藏
月光明其佛号不退法界妙音於此道場得
阿耨多羅三藐三菩提我於爾時爲菩提樹
神名功德燈無邊光幢我見彼佛成等正覺
顯現無量自在神力我於爾時發阿耨多羅
三藐三菩提心於彼佛所逮得三昧名普照
佛功德海彼道場上次有如來出興于世号
法樹功德山彼菩提樹神命終之後還生此
處爲菩提樹夜天名妙德慧功德光明聞彼
如來轉正法輪復得無量歡喜普照一切境
界三昧彼道場上次有如來出興于世号一
切法海妙音聲王值彼如來復得三昧名成
就一切法地彼道場上次有如來出興于世
号寶光嚴燈幢王值彼如來復得三昧名分

別一切普照雲彼道場上次有如來出興于
此号功德須彌光王值彼如來復得三昧名
照諸佛海彼道場上次有如來出興于此号
法雲妙音聲王值彼如來復得三昧名一切
法海燈彼道場上次有如來出興于此号智
慧炬明淨燈王時我為天女值彼如來復得
三昧名明淨燈滅衆生苦彼道場上次有如
來出興于此号法勇幢妙德值彼如來復得
三昧名三此佛普照藏彼道場上次有如來
出興于此号法燈勇猛智慧師子值彼如來
復得三昧名明淨智普照一切無所障礙彼
道場上次有如來出興于此号智力山王值
彼如來復得三昧名普照三此衆生根行佛
子彼普照幢劫離垢光金色莊嚴世界如是
次第有十佛世界微塵等如來出興于此我
於爾時或為天王龍王夜叉王軋闍婆王阿
脩羅王迦樓羅王緊那羅王摩睺羅伽王或
為人王梵王男子女人童男童女皆悉值彼
一切如來恭敬供養彼佛說法悉聞受持於
彼佛刹二佛世界微塵等劫修菩薩行經佛
刹微塵等受生最後命終生此蓮華藏莊嚴
世界海娑婆世界中作道場夜神值拘樓孫
如來得三昧眼名離垢一切香王光明次值
拘那含牟尼如來復得三昧名隨順普照一

切剎海次值迦葉如來復得三昧名妙音聲
 海分別一切衆生音海今復值見盧舍那佛
 坐於道場菩提樹下成等正覺於念念中顯
 現無量自在力海復得菩薩無量歡喜莊嚴
 法門得法門已深入十不可說不可說世界
 海微塵等法界方便海以此法界方便海於
 一切佛剎微塵一一微塵中悉見十不可說
 不可說佛剎微塵等世界及彼諸佛彼諸如
 來所說正法悉聞受持又見盧舍那佛於念
 念中一切世界坐於道場成等正覺出生無
 量自在神力一一神力滿法界海我悉詣彼
 所說正法悉聞受持又復見彼一切諸佛一
 一毛孔出化身海滿法界海顯現種種自在
 神力於一切佛剎海一切世界性一切世界
 一切諸趣一切衆生中隨其所應轉正法輪
 我以精進聞持陀羅尼故悉能受持正念思
 惟知味知義明智慧藏圓滿清淨分別了知
 一切法海觀察三世諸佛平等出生一切方
 便法門於一一方便出生一切修多羅雲一
 一修多羅雲成就一切諸正法海一一法海
 攝取一切諸迴轉法一一迴轉法普出一切
 諸妙法雲一一法雲出生一切諸法波浪一
 一波浪逮得一切歡喜法海一一歡喜法海
 出生一切諸功德地一一功德地出生一切

諸三昧海一一三昧海見一切佛海一一佛
所得一切光明海一一光明海普照三世得
圓滿智地普照十方知無量佛過去行海照
一切佛無量本事海難捨能施持無量淨戒
行無量忍長養清淨菩薩精進清淨無量諸
禪定海了知如來般若波羅蜜海普照如來
無量方便海了知如來長養功德智慧力波
羅蜜分別如來無量智波羅蜜海普照如來
過去無量菩薩諸地無量佛地神力自在無
量劫中所修習起淨無量佛過去菩薩地修
無量佛過去智地照無量佛諸智慧地知無
量佛爲菩薩時相續善根知無量佛爲菩薩
時於一切劫海中一切佛海所修菩薩行知
無量佛爲菩薩時出生佛刹海無量菩薩行
充滿法界種種方便門教化衆生普照十方
諸世界海爲諸衆生現自在力普照如來一
切智地轉淨法輪悉聞受持一切法雲顯現
無量菩薩自在神力普照諸佛相海行海力
海於念念中知彼諸佛從初發心乃至無餘
涅槃遺法滅盡善男子汝所問我發心已來
爲幾時者如上所說乃至來生此刹供養盧
舍那佛如此世界供養拘樓孫佛乃至盧舍
那佛供養賢劫未來諸佛亦復如是如供養
賢劫諸佛供養一切世界未來諸佛亦復如

是而彼離垢光金色莊嚴世界今猶現在是
故善男子汝當一心修此法門爾時寂靜音
夜天欲重明此法門義以偈頌曰

善財應諦聽我說此法門應生歡喜心勤修今究竟
無量諸劫海修習菩薩行心淨如虛空入一切智城
聞三世佛法一心樂專求於彼如來所修習諸功德
我見過去佛恭敬悉供養聞佛說正法歡喜心無量
亦已悉恭敬供養於父母一心樂專求究竟此法門
若病貧窮等諸根不具者除滅彼苦惱悉令得安樂
水火官賊難怨敵諸恐怖及海中諸難我皆救濟之
衆生煩惱業種種受報苦摧破生死山救護諸羣生
一切諸惡道無量楚毒苦生老病死痛我當悉除滅
我願無量劫安隱一切衆常見一切佛滅除生死苦
善男子我唯成就此無量歡喜莊嚴法門諸
大菩薩深入法海分別一切劫善知一切諸
世界海成敗之事我當云何能知能說彼功
德行善男子此道場上如來衆中有一夜天
名曰妙德守護諸城汝詣彼問云何菩薩學
菩薩行修菩薩道爾時善財讚歎寂靜音夜
天以偈頌曰

我受知識教來詣天神所見無量淨身安處天寶處
虛妄取諸相深著一切法無智衆生等不能知境界
清淨妙色身一切諸天衆無量劫靜觀其心無厭足
遠離於五陰一切無所著超出世疑惑顯現自在力

不殊內外法 無礙心不動 明淨智慧眼 見佛自在力
身為正法藏 心是無礙智 成佛智慧光 普照諸羣生
分別說心業 莊飾諸世間 知心業自性 現身等衆生
知世悉如夢 了佛如電光 一切法如響 今衆無所著
念念悉除滅 三世衆生惑 不取三世相 而能演說法
一切佛刹海 一切諸佛海 無量衆生海 無著修法門
時善財童子頭面敬禮彼夜天足遶無數帀
敬心辭退

爾時善財童子正念思惟智慧分別隨順正
趣修廣身證無量歡喜莊嚴法門往詣妙德
守護諸城夜天所見彼夜天與普照一切宮
殿寶師子座不可說諸天眷屬圍遶隨方面
身一切衆生色身普現一切衆生前身一切
衆生無所著身一切衆生身身一切衆生無
上身隨順教化一切衆生身遊十方身至一
切十方身究竟佛身究竟教化一切衆生身
善財見此身已歡喜無量頭面禮足遶無數
帀恭敬合掌於一面住白言天神我已先發
阿耨多羅三藐三菩提心而未知菩薩云何
學菩薩道饒益衆生以無上攝法攝取衆生
順如來業親近法王時彼夜天告善財言善
哉善哉佛子為救護一切衆生故問菩薩行
為嚴淨一切佛刹供養一切佛住一切劫救
護一切衆生守護一切如來種姓究竟十方

一切法界海平等之心充滿一切悉聞受持
一切諸佛所轉法輪隨其所應雨甘露法故
問菩薩行善男子我已成就甚深妙德自在
音聲法門是故佛子我爲勝大法師無所罣
礙於一切法心無所著分別如來一切法藏
安住如來大慈大悲建立衆生於菩提心得
一切利不捨菩提心長養一切善根爲一切
衆生調御大師安立衆生一切智道故於一
切世界爲明淨日照一切衆生無量善根故
等心觀察一切衆生不捨一切衆生出生長
養一切善根甚深智慧觀淨爾欲斷一切不
善業行諸善業救護衆生顯現一切諸佛世
界修行嚴淨諸本事業立一切衆生清淨善
根令值一切諸善知識無能壞者立一切衆
生佛正教故佛子我常以法施爲首出生長
養諸白淨法一切智心堅固不動如金剛藏
不可沮壞心常依止佛力魔力善知識力心
壞一切諸結業山心能專求一切智因滿白
淨法無礙法門一切種智佛子我以如是智
慧光明淨諸衆生無量善法饒益一切復次
佛子我以十行觀察法界隨順法界攝取法
界何等爲十所謂知法界無量智慧無量故
知法界無量無邊悉見一切諸如來故知佛
法界無量無邊詣一切刹恭敬供養一切佛

故知法界無分齊於一切世界海行菩薩行

故知法界不可壞究竟如來不可沮壞圓滿

智故知法界一如來妙音一切衆生無不聞

故知法界自然清淨教化一切衆生滿佛願

故知法界徧至衆生深入普賢菩薩行故知

法界一切莊嚴普賢菩薩行自在莊嚴故知

法界不可滅一切智善根充滿法界令諸衆

生悉清淨故佛子我以此十行觀察法界增

長善根知佛奇特境界不可思議佛子我如

是正念思惟以一萬陀羅尼爲衆生說法所

謂攝取一切諸法圓滿陀羅尼持一切法圓

滿陀羅尼一切法雲雷震圓滿陀羅尼諸佛

起住圓滿陀羅尼轉一切佛名号輪圓滿陀

羅尼分別演說三世諸佛大願海圓滿陀羅

尼攝一切乘海圓滿陀羅尼照一切衆生業

海燈藏圓滿陀羅尼一切法現前旋洑勇猛

圓滿陀羅尼一切智勇猛圓滿陀羅尼以如

是等萬陀羅尼爲一切衆生分別說法

大方廣佛華嚴經卷第五十三

值遇上直更切 齊整下之郢切 譙集上於殿切

危脆下楚執切 在隅下愚音

乙巳歲高麗國大藏都監奉

勅周造

大方廣佛華嚴經卷第五十四

道

東晉天竺三藏佛跋闍耶

譯

入法界品第三十四之十一

復次佛子我或爲衆生說聞慧法或爲衆生說思慧法或爲衆生說修慧法或說一有或說一切有海或說一佛海或說一切佛名号海或說一世界或說一切世界海或說授一記或說授一切記海或說一佛眷屬海或說一切佛眷屬海或說一佛法輪或說一切佛法輪海或說一修多羅或說一切佛修多羅海或說一會或說一切會海或說一薩婆若心或說一切菩提心海或說一乘或說一切乘海佛子以如是等無量方便爲諸衆生敷演不可說不可說法佛子我深入此無壞法界皆悉究竟如來正法以無上法施攝取衆生盡未來劫修習普賢菩薩所行佛子我已成就此甚深妙德自在音聲法門於念念中悉能長養一切法門充滿法界爾時善財白夜天言妙哉天神如此法門最爲甚深得此法門其已久如荅言佛子乃往古世過轉世界微塵等劫有劫名離垢光明時有世界名法界妙德雲有四天下微塵等香須彌山莊嚴於蓮華中出一切佛妙願音聲一切衆生淨業所起衆寶合成形如蓮華清淨無垢有

須彌山微塵等衆妙寶樹周匝圍遶有須彌
山微塵等衆妙寶香以爲莊嚴有須彌山微
塵等諸四天下莊嚴世界一一四天下各有
不可說不可說城彼世界中有四天下名莊
嚴幢彼四天下有王都域名普寶華光於彼
城外有道場名法王宮殿光明其道場上有
須彌山微塵等佛出興于世其最初佛号法
海雷音光明王時有轉輪王名離垢光明於
彼佛所守護正法聞持正法修多羅海佛滅
度後出家學道正法欲滅於大劫中有惡劫
起煩惱熾盛衆生恚怒毒交諍諸比丘衆
背功德利心樂放逸常好王論賊論女論國
論海論世間之論樂如是等種種諸論時王
比丘作如是念如來無量阿僧祇劫修集妙
法云何此諸比丘而共毀滅彼王比丘即昇
虛空放大光明雲無量種色普照十方一切
世界除滅一切衆生煩惱立無量衆生無上
菩提復令正法於六萬五千歲而得興盛時
有比丘尼名法輪化光是彼轉輪王女十萬
比丘尼以爲眷屬見父王比丘光明神變即
發阿耨多羅三藐三菩提心得一切佛燈明
三昧甚深妙德自在音聲法門得已身心柔
軟法海雷音光明王佛神力自在一切功德
悉現在前佛子時轉輪王隨彼如來轉正法

輪興隆法者豈異人乎今普賢菩薩摩訶薩
是也法輪化光比丘尼者我身是也我於爾
時守護佛法建立十萬比丘尼衆得不退轉
地又令攝取一切如來法門三昧法輪光明
三昧又復建立入一切法海方便般若波羅
蜜佛子次有如來出興于世名離垢法山我
得值遇次有如來名法圓滿光明周羅次有
如來名法日妙德雲次有如來名法海分別
妙音聲王次有如來名法日圓滿燈次有如
來名法化幢雲次有如來名法猷山幢王次
有如來名甚深法妙德月次有如來名法智
普光明藏次有如來名普智境界覺悟衆生
次有如來名妙德山王次有如來名普門普
賢須彌山次有如來名一切法精進幢次有
如來名寶華妙德雲次有如來名寂靜甚深
光明周羅次有如來名法猷大慈光明月次
有如來名光猷妙德海次有如來名智慧日
普照一切次有如來名圓滿普智次有如來
名無上智覺明王次有如來名功德猷華燈
次有如來名智慧師子幢王次有如來名普
日光明王次有如來名須彌相莊嚴次有如
來名勇猛日普光明次有如來名法網覺妙
德月次有如來名法蓮華敷善德妙音次有
如來名相日普光明次有如來名普光妙德

丁法音聲次有如來名無畏妙德那羅延師
 子次有如來名普智健幢次有如來名敷法
 蓮華身次有如來名功德華妙法海次有如
 來名道場覺妙德月次有如來名法炬妙德
 月次有如來名普照光明周羅次有如來名
 法幢燈次有如來名妙德海幢雲次有如來
 名名稱山妙德雲次有如來名栴檀妙德月
 次有如來名明淨普妙德華次有如來名普
 照衆生光明王次有如來名鉢頭摩華妙功
 德藏次有如來名香嚴光明王次有如來名
 鉢頭摩因次有如來名明淨相山次有如來
 名普稱功德幢次有如來名普門光明須彌
 山次有如來名妙德法城光明次有如來名
 明淨功德山次有如來名勝相妙德次有如
 來名法力勇猛幢次有如來名法輪光明妙
 音次有如來名功德光嚴樓閣智光次有如
 來名無上妙法輪月次有如來名明淨法鉢
 頭摩覺幢次有如來名寶鉢頭摩光藏次有
 如來名寶尸棄雲燈次有如來名智覺華次
 有如來名種種嚴妙德須彌山藏次有如來
 名圓滿嚴妙德王次有如來名功德雲莊嚴
 光明次有如來名法山雲幢次有如來名普
 明淨功德山次有如來名法日雲燈王次有
 如來名法雲名聲自在王次有如來名法圓

滿雲次有如來名善覺明淨智幢次有如來
 名法圓滿善覺妙德月次有如來名金色山
 賢次有如來名明淨賢妙德須彌山次有如
 來名普智慧雲妙聲次有如來名法力妙德
 樓閣次有如來名香嚴妙德王次有如來名
 金色摩尼山妙聲次有如來名白毫藏一切
 法圓滿光明次有如來名明淨法輪次有如
 來名無上清淨尸羅山次有如來名普精進
 炬光照雲次有如來名廣三昧海天冠光明
 次有如來名寶嚴妙德王次有如來名法炬
 寶帳妙聲次有如來名法雲空光明師子次
 有如來名相好莊嚴幢月次有如來名光明
 嚴山電雲次有如來名無礙虛空法光次有
 如來名樂智華敷次有如來名世間主光明
 妙聲次有如來名法三昧光明妙音次有如
 來名法音真寶藏次有如來名法光明嚴妙
 聲海次有如來名普照三世相幢次有如來
 名法圓滿山光明次有如來名法界師子光
 明次有如來名法界師子嚴次有如來名明
 淨妙德須彌山次有如來名一切三昧海師
 子次有如來名普智光明燈佛子於離垢光
 明劫中如是等須彌山微塵等如來止興于
 世其最後佛名法界城明淨智燈彼諸如來
 我悉恭敬供養聞法受持出家學道守護佛

法於彼諸佛所種種方便入此甚深妙德自在音聲法門以種種方便化衆生海復次佛子復有佛刹微塵等劫中諸佛出世我亦皆悉恭敬供養是故佛子一切衆生長寢生死唯我獨覺復能覺悟一切衆生守護心城離三界城入一切智無上法城善男子我唯成就此甚深妙德自在音聲法門除滅衆生兩舌口過今淨實語諸大菩薩決了衆生諸語言道於一念中覺悟一切衆生之心深入衆生語言音海善知衆生施設語法分別了知一切法海深入攝取一切諸法陀羅尼海善巧方便爲衆生出一切法雲究竟度脫一切衆生攝取衆生立無上業隨順淨智分別業藏能師子吼法施一切得諸法地圓滿陀羅尼我當云何能知能說彼功德行善男子此佛衆中有一夜天名開敷樹華汝詣彼問云何菩薩學一切智安立衆生於薩婆若爾時妙德守護諸城夜天欲重明此法門義以偈頌曰

佛子深法門 虛空如如性 分別三世佛 無量諸法界
出生無量門 不思議諸法 長養無礙智 了達三乘法
過轉刹塵劫 劫名離垢光 世界妙德雲 城名寶華光
彼劫次第有 須彌塵等佛 初佛号法海 雷音光明王
後佛法界城 明淨智慧燈 我皆悉供養 聞法大歡喜

見法海雷音 光明王如來 衆妙相莊嚴 猶如須彌山
見佛即發心 專求一切智 心大如虛空 其性同如如
充滿於三世 諸佛菩薩衆 大悲心普覆 一切刹衆生
清淨妙法身 充滿諸佛刹 隨其所應化 悉為顯現身
我初發心時 震動一切刹 教化諸羣生 悉令大歡喜
次值第二佛 聞法而供養 即時得觀見 十刹海塵佛
如是次第值 須彌塵等佛 恭敬供養彼 一切諸如來
聞法悉受持 逮得此法門 廣度一切衆 究竟到彼岸
轉刹塵等劫 諸佛興出世 我亦悉詣彼 恭敬而供養
聞法悉受持 清淨此法門

爾時善財得此甚深妙德自在音聲法門入
菩薩無量無邊諸三昧海出生無量無邊陀
羅尼海得菩薩神通諸明光耀入諸辯海長
養一切甚深法海欲讚歎彼妙德守護諸城
夜天以偈頌曰

智慧海圓滿 永度生死海 長壽智慧藏 普照於十方
了達內外法 皆悉如虛空 無礙清淨慧 究竟於三世
念念能分別 無量無有邊 一切諸境界 而心無所著
無量大悲心 度脫衆生海 明淨智慧眼 了衆生無性
深入佛法海 窮盡其原底 種種巧方便 化度諸羣生
普於一切法 了達其真性 修習薩婆若 令衆悉清淨
天是調御師 究竟一切智 充滿諸法界 說法化衆生
順盧舍那願 無礙度衆生 安住至處道 普見十方佛
天心甚深妙 除滅煩惱熱 清淨如虛空 離垢無染著

攝取於三世佛刹諸如來一切菩薩衆一切羣生類
一念分別知刹那及羅婆晝夜月半月乃至無量劫
十方諸羣生有色及無色有想無想等知死此生彼
除滅一切衆虛妄顛倒想善知語言法顯現菩提道
出盧舍那願一切佛法海無礙法身心隨應現衆生
時善財童子以偈讚歎彼夜天已頭面禮足
遶無數帀敬心辭退

爾時善財童子正念思惟增廣甚深妙德自
在音聲法門往詣開敷樹華夜天所見彼夜
天在衆寶香樹樓閣之內處寶樹茅師子法
座百萬諸天眷屬圍遶爾時善財頭面敬禮
彼夜天足遶無數帀恭敬合掌於一面住白
言天神我已先發阿耨多羅三藐三菩提心
云何菩薩學菩薩行修菩薩道趣薩婆若唯
願天神爲我解說答言善男子我於日沒優
鉢羅鉢曇摩華皆悉還舍若諸人衆遊園觀
者廢捨縱逸歸其家時爲放光明在險徑者
照示平路令彼專求一切智道若於山巖深
水曠野在如是等種種難處悉放光照令免
衆苦得安隱樂又善男子若諸衆生放逸五
欲爲其顯現老病死苦悉令覩見捨離放逸
修習善根爲慳貪者讚歎布施若犯戒者安
立淨戒爲瞋恚者讚歎大慈安立忍辱若懈
怠者教令修行菩薩精進若亂心者教令修

言諸禪三昧若愚癡者令其深入般若波羅
 蜜樂小法者教以大乘著三界者令住菩薩
 圓滿無著諸波羅蜜若諸衆生功德羸弱爲
 衆結業之所逼迫令住菩薩力波羅蜜順無
 智者令住菩薩智波羅蜜捨離癡闇善男子
 我已成就無量歡喜知足光明法門善財白
 言天神此法門者境界云何荅言善男子如
 來方便光明攝取衆生佛子若有衆生受快
 樂者悉蒙佛力諸光明力隨如來教佛威神
 力隨順佛道聞佛正法入佛善根如來圓滿
 明淨智曰如來性淨業力普照一切悉蒙如
 是功德力故普令衆生受諸快樂佛子我入
 此法門時正念思惟深入盧舍那如來應供
 等正覺過去所行菩薩行海善男子我知菩
 薩本發菩薩地心時見諸衆生著我我所無
 明覆蔽入諸邪見隨順貪愛欲恚所縛心亂
 顛倒慳嫉所纏貧窮逼切於生死中受衆苦
 惱不值諸佛見如是已發大悲心攝取衆生
 除諸苦患普饒益之令得一切無染著心於
 諸施物不求果報分別了知一切因緣諸法
 實相具足成就大慈大悲圓滿法蓋普覆衆
 生以知足法養智慧象摧散一切諸煩惱山
 安樂衆生隨所應化雨甘露法以聖法利等
 施衆生得十力果無上快樂成就菩薩通力

自在充滿法界悉現一切諸衆生前雨一切
物悉令歡喜充足其意救護衆生滅生死苦
不求恩報嚴淨一切衆生心寶悉同一切諸
佛善根增長薩婆若教化成熟一切衆生以
無上淨法淨諸佛利於念念中滿一切法界
以明淨智分別三世充滿虛空於一切時轉
淨法輪教化衆生令諸衆生生一切智清淨
諸持覺悟一切諸佛菩提分別一切未來諸
劫於一切劫行菩薩行心無有二悉能徧遊
一切世界其身容受一切刹海悉皆攝取一
切世界分別解說一切世界種種形色種種
莊嚴種種依住或不淨淨或淨不淨或純清
淨或純垢穢或廣或狹或大或小或覆或仰
如是等諸世界海中生菩薩行證菩薩行於
念念中出生菩薩諸自在行於念念中爲衆
生現三世諸佛清淨法身佛子盧舍那佛於
過去世行菩薩行時見諸羣生無智功德愚
癡所覆著我我所無明瞋障不正思惟入諸
邪見不識因果順煩惱業不修聖道得無作
法常於生死險道流轉受種種苦發起大悲
令諸衆生出生菩薩無量諸行修習一切諸
波羅蜜安立堅固勝妙善根除滅衆苦長功
德藏了知因果不違業報知法真實悉分別
知衆生欲樂及一切刹守護受持一切佛法

今不斷絕滅不善法滿薩婆若佛子以如是等無量法施攝取衆生令一向求薩婆若法修行菩薩諸波羅蜜具賢聖利長薩婆若滿善根海顯現如來無量自在以如是等種種方便攝取衆生顯現如來無量功德安立衆生於菩薩諸攝智慧善財自言天神發阿耨多羅三藐三菩提心其已久如答言佛子此事難知難信難入難說難得一切諸天聲聞緣覺所不能知除佛神力依善知識成滿善根淨正直心遠離諂曲滅諸染汙逮得普照智慧光明哀愍衆生降伏諸魔拔煩惱樹必欲成就一切種智除滅生死憂悲惱海得如來樂入佛功德精進之海安住佛地滿足如來一切智力究竟十力如此人者乃能信解能知能入能說能得何以故此佛境界一切衆生及諸菩薩所不能知我當承佛神力爲調伏衆生直心清淨廣修善根得甚深心樂聞此法爲如此等隨其所應分別解說爾時夜天欲重明此義觀察三世諸佛境界以偈頌曰

佛子此法門甚深佛境界不思利塵劫說之無窮盡貪欲瞋恚癡高慢衆生等皆悉不能知最勝寂靜法慳嫉心諂曲煩惱繫覆者一切不能知其深佛境界著諸陰入界及起音我見心想見顛倒不知佛境界

清淨離虛妄 如來深境界 依住生死者 皆悉不能知
 出生如來家 諸佛常守護 奉持佛法藏 慧眼之境界
 親近善知識 滿足白淨法 究竟諸佛力 聞此法歡喜
 心淨離虛妄 猶如虛空性 慧燈除癡闇 是彼之境界
 以大慈悲心 普覆諸眾生 等心觀一切 是彼之境界
 其心大歡喜 等觀眾生類 捨離於一切 離垢之境界
 淨心離諸惡 乃至畏微罪 隨順諸佛法 離垢之境界
 安住忍辱法 其心不可動 如實不違業 無盡心境界
 勇猛勤精進 安住不退心 究竟薩婆若 調伏之境界
 入於寂定心 除滅煩惱熱 深入智慧海 寂靜起境界
 了達羣生類 諸法真實相 深法之境界 是慧燈法門
 覺悟眾生性 不著諸有海 普照一切心 是導師法門
 悉從三世佛 清淨願性生 普於一切刹 窮盡未來劫
 修習菩薩行 是普賢法門

入諸方便海 徧觀諸刹海 無礙深智慧 悉知利成敗
 一一塵中見 諸佛坐道場 成佛化眾生 無礙眼法門
 善財至我所 親近善知識 聞此甚深法 精進勤修習
 此盧舍那境 甚深難思議 我承佛神力 爲汝分別說
 佛子乃往古世過世界海微塵等劫有一世
 界海名明淨山彼有如來出興于世号智慧
 法界山諸方寂靜普照王如來應供等正覺
 彼佛爲菩薩時淨彼世界海彼世界海中有
 佛刹微塵等世界性彼一一世界性中有世
 界微塵等佛出興于世一一如來說世界微

壁等修多羅一一修多羅中授佛刹微塵等
諸菩薩記顯現如來種種神力無量方便種
種諸乘教化衆生佛子彼世界海中有一世
界姓名普門莊嚴彼世界性中有一世界名
曰一切寶色妙德普照一切寶華海以爲莊
嚴衆寶爲體狀若天城清淨嚴飾普照一切
諸佛道場顯現諸佛變化光明彼世界中有
須彌山微塵等四天下彼四天下中有一四
天下名寶山幢彼四天下有閻浮提縱廣十
萬由旬彼閻浮提內有十萬大城彼諸城中
有一王都名堅固寶莊嚴雲燈有一萬城周
帀圍遶人壽萬歲時有大王名一切法師子
明圓蓋妙音有五百大臣六萬采女七百王
子端正勇健爾時彼王威德普被一閻浮提
無有怨敵彼大劫中有惡劫起五濁熾然爾
時人民行十惡業遠離十善死入惡道壽命
短促形色鄙陋貧窮下賤多苦少樂更相諍
訟互相謗毀離他眷屬深入邪見以諸貪著
行非法故風雨不時卉木叢林百穀苗稼皆
悉枯槁被時人民饑饉病疫悉詣王都高聲
大呼時諸人衆無量無數圍遶王城或舉兩
手或復合掌或號天扣地或舉身自撲或右
膝著地或著蔽衣眼無光色悲聲大叫咸言
大王我等今者大苦大苦飢渴寒凍疾病危

困無所歸依無救濟者如在牢獄種種苦逼
轉趣死路作如是等無量楚毒悲聲上訴求
自全濟安隱快樂大王則是衆生寶藏清涼
之池善正治法大智大乘爲大寶洲真實利
益能與衆生天人之樂時彼大王聞此悲苦
楚毒音聲即得百萬阿僧祇大悲法門一心
思惟即發十大悲語何等爲十所謂嗚呼痛
哉一切衆生墜於無底生死深坑無所歸依
我當爲彼作歸依者悲令逮得如來之地哀
哉衆生爲煩惱亂無有救濟我當爲彼作救
護者悲令安立一切善業哀哉衆生生老病
死無有救護我當爲彼作救護者除滅一切
身心苦痛哀哉衆生有諸恐怖無有救護我
當爲彼作救護者令住一切智安隱之處哀
哉衆生爲身見疑之所覆蔽我當爲彼作明
淨燈普照一切現明淨智哀哉衆生爲愚癡
覆我當爲彼作大明炬現一切智正法之城
哀哉衆生爲諸慳嫉諂曲幻偽濁亂其心我
當令彼悉得無上清淨法身哀哉衆生爲生
死長流之所漂溺我當令彼度生死海到佛
彼岸哀哉衆生從生盲瞽我當令彼見真實
義同一切佛哀哉衆生根不調伏我當令彼
調伏諸根除滅障礙得一切智時彼大王發
如是等十大悲語擊鼓宣令一切衆生安隱

勿怖隨汝所須我皆資給即時頒下閭浮提
內大小諸城都邑聚落悉開庫藏金銀珍寶
衣服肴膳香華瓔珞牀席被褥宮殿宅舍諸
妙寶幢夜光寶幢摩尼寶幢醫師湯藥種種
諸器盛眾雜寶諸金剛器盛眾妙香種種香
器盛諸衣服種種車乘幡綵幢蓋又復擊鼓
宣令天下一切諸城都邑聚落令施汝等國
土城邑聚落妻子頭目齒舌心肝血肉腸胃
手足一切肢節時城東門外有大會處名曰
明淨摩尼妙德其地平正廣博清淨無諸雜
穢眾寶為地散雜寶華熏以眾香一切香雲
充滿虛空寶樹圍遶無量華網及諸寶網羅
覆其上自然演出無量億那由他娛樂音聲
有如是等無量珍妙而莊嚴之皆是菩薩淨
業果報於彼會中王所住處十寶為地一寶
欄楯十種寶樹周匝圍遶形色金剛不可沮
壞眾寶莊嚴懸諸寶幡白淨寶網金鈴寶網
眾華寶網摩尼寶網雜衣寶網羅覆其二熏
以名香自然演出無量微妙歌頌音聲時彼
大王處師子座端嚴殊妙具大人相肢節周
備那羅延身不可沮壞王姓中生以正治國
於財心法悉得自在功德無量無違命者眾
妙寶蓋以覆其上其蓋常出無量光明閻浮
今已覆以淨妙摩尼寶網金寶諸鈴出如雅

言宣揚善行爾時閻浮提內無量阿僧祇衆
生悉來歸命讚言大王王是智人天下第一
功德須彌功德明淨猶如滿月得菩薩心等
觀衆生普施一切時王見已歡喜無量於彼
大衆發大悲心善知識心隨所求者悉令充
足而攝取之時王即得無量快樂釋提桓因
乃至化自在天王無量百億那由他劫受諸
快樂所不能及他化自在天王不思議劫受
諸快樂亦所不及大梵天王不可說劫住梵
住樂亦所不及乃至淨居天無分齊劫住寂
靜樂亦所不及復次善男子譬如有人仁慈
至孝遭世事難遠離父母經歷年歲後忽遇
會瞻奉親顏欣慰踊悅不能自勝時彼大王
見來求者心大歡喜亦復如是信心堅固長
養菩提何以故此菩薩專求一切智饒益安
樂一切衆生成滿大願遠不善法修行諸善
救護衆生開薩婆若門攝一切智滿衆生願
入一切佛諸功德海壞一切煩惱魔業障山
隨順一切諸如來教入深智流不違正道出
諸法流成滿大願住大人法滿足普門善根
之藏離一切惡心無所染了達諸法猶如虛
空復次佛子時彼大王見諸衆生發一子想
父母想福田想難報恩想師想佛想大慈悲
心悉普覆之隨其所須衣服飲食華香末香

塗香鬘鬘幢幡諸莊嚴具牀座被褥舍宅宮殿園觀浴池車乘輦輿象馬衆寶所住宮殿及其眷屬內諸庫藏城邑聚落如是一切悉施衆生昔今充足時彼會中有一童女名寶光明端正殊妙顏容無倫身如真金目眇紺色口演妙音身出名香衆寶莊嚴常懷慙愧正念無亂威儀庠序於諸師長恭敬尊重諸根寂定念慧現前所聞諸法能持能解宿世長養無量善根諸妙善法潤澤其身近善知識好樂大乘心如虛空自安彼常樂見佛求薩婆若與六十童女俱去王不遠一心恭敬合掌而住作如是念我得善利見善知識遇善知識於彼王所起大師想善知識想慈悲人想生此念時歡喜無量脫莊嚴具置彼王前發如是願今此大王安隱無量無邊衆生願我來世亦復如是大王智慧大王正道大王所乘大王相好大王財寶無能壞者願我來世亦復如是隨所生處我亦隨生時彼大王告此女言今悉捨內外所珍恣欲取之時彼女人倍增歡喜以偈頌曰

大王未興世 堅固莊嚴都 一切不可樂 猶如餓鬼處
衆生相殘害 竊盜縱淫佚 兩舌不實語 無義蔑惡言
貪利他財物 瞋恚懷害心 邪見不善行 命終墮惡道
如是衆生等 愚癡所覆蔽 種種行諸惡 天旱不降澤

以無時雨故 百穀悉不生 草木皆枯槁 泉流亦乾竭
 大王未興世 一切諸河池 皆悉乾枯涸 猶如大曠野
 大王初生時 天興慶重雲 降雨普徧澤 河池悉盈溢
 除滅一切惡 遠離諸恐怖 人民皆歡喜 大王生世故
 往昔諸羣生 各各相殘害 飲食人血肉 今悉修慈心
 百穀皆不生 卉木皆枯燥 飢渴所逼迫 種種受苦惱
 大王既興世 杭米自然生 樹出妙衣服 王世所歸故
 昔日競微利 強弱相陵奪 今種種莊嚴 如釋難陀園
 昔人貪欲重 種種放逸行 侵犯他妻色 而共相危害
 今日諸人民 衆賢妙莊嚴 貞潔無邪淫 猶如兜率天
 昔日諸衆生 妄言非法語 縱口無義言 諂曲取人意
 今日羣生類 遠離諸惡語 愛眼視衆生 口發柔和音
 昔日諸衆生 種種行邪見 合掌恭敬禮 牛羊犬豕類
 今日王正法 遠離諸邪見 善知苦樂法 悉從因緣起
 大王演妙音 無不愛樂者 梵釋等音聲 皆悉不能及
 大王衆寶蓋 懸處虛空中 覆以諸寶網 普出妙香熏
 金鈴自然出 如來和雅音 宣揚甚深法 除滅衆煩惱
 次復廣演說 十方諸佛刹 一切諸劫中 如來及眷屬
 又復次第說 過去十方刹 一切諸劫中 如來及眷屬
 又出微妙音 充滿於天下 梵王諸羣生 悉聞業果報
 衆生聞音已 自知諸業藏 離惡修衆善 專求無上道
 王父名淨光 母曰蓮華光 父於五濁世 正法治天下
 五百蓮華池 寶樹悉圍遶 底布以金沙 寶華悉敷茂
 於彼池岸上 有諸妙法堂 衆寶爲欄楯 種種寶莊嚴

末世惡法起 積年不降雨 池流皆枯涸 卉木悉焦然
七日王當生 先降靈瑞相 諸人見歡喜 救護出世間
彼時於中夜 大地六種動 自然演妙光 猶如明淨日
浴池有五百 功德水充滿 一切諸寶樹 如本悉榮茂
河添諸泉原 一切皆盈滿 靈澤普津液 雲洽閭浮提
樹木諸叢林 雜卉衆藥草 百穀苗稼等 生長普滋茂
巖嶇諸高山 幽邃深險谷 普及一切地 自然悉平正
山陵諸卉木 沙磧雜穢等 悉於一念中 變成衆寶玉
人見此奇特 歡喜而發言 快哉大善利 我得清涼地
時彼淨光王 與內眷屬俱 一切大臣等 歡喜遊園觀
五百浴池中 有池名歡喜 池上妙法堂 王眷屬遊止
時王語夫人 我願悉成滿 國土還豐樂 人民普安隱
時彼浴池中 千葉寶華生 普放清淨光 明耀須彌頂
明淨金剛莖 衆寶爲華葉 閻浮檀金臺 諸妙杵爲鬚
於彼蓮華中 出生一童子 相好莊嚴身 諸天悉敬禮
王見大歡喜 入池撫拊之 安置后膝上 汝子應欣慶
寶藏普涌出 寶樹生妙衣 天樂奏妙聲 充滿虛空中
時彼諸人民 合掌恭敬禮 歡喜如是言 此是世歸依
身放大光明 普照於一切 若有遇斯光 諸漏悉除滅
一切惡鬼神 毒害衆生類 悉捨不善心 自然生慈愍
惡名失善利 疾病鬼所持 如是衆苦滅 一切皆歡喜
天下諸羣生 相視如父母 離惡修慈心 專求一切智
遠離諸惡趣 廣開天人路 顯現無上道 度脫諸羣生
我等得善利 遇斯大施主 衆生失正路 導師今出此

爾時寶光明童女偈讚王已頭面禮足遶經
數匝恭敬合掌於一面住王讚女言善哉善
哉乃能信知他人功德是爲希有若有愚癡
不知報恩無有智慧濁心邪見具如是等非
法衆生不知不信諸佛菩薩清淨功德一切
智境汝今專求無上菩提修菩薩行攝取安
隱饒益衆生王讚女已以無價衣手自授與
而告之曰汝自著之時彼女人以膝著地敬
禮合掌頂受而著時王復與六十女衣彼著
衣已與眷屬俱遶畢辭退諸女衣中普出一
切星宿光明衆人見已咸歎之曰此諸女等
皆悉端正如淨夜天星宿莊嚴善男子爾時
一切法師子吼圓蓋妙音王者豈異人乎今
盧舍那如來應供等正覺是也淨光王者今
淨飯王是也蓮華光夫人者摩耶夫人是也
時國人者今大衆是也悉於阿耨多羅三藐
三菩提得不退轉或住初地乃至十地大願
成就住諸法門修方便道求一切智住諸解
脫爾時開敷樹華夜天欲重明此義以偈頌
曰

我有清淨眼 悉見世界海 生死五趣中 衆生常流轉
見諸佛菩薩 往詣菩提樹 得道轉法輪 化度諸羣生
我以無天耳 境界一切音 諸佛所說法 悉聞歡喜持
我無二智 一切無等等 能於一念中了衆生心海

我得壽命智念一切劫海自身及他人分別悉了達
我於一念知諸利海塵劫諸佛及菩薩五道衆生類
彼佛初發願專求佛菩提究竟悉滿足無量菩薩行
覺了等正覺種種巧方便轉淨妙法輪顯現諸乘海
爲衆演說法度脫於一切乃至遺法住我悉一念知
我於無量劫修習此法門眞佛子應速究竟此法門
佛子我唯知此菩薩無量歡喜知足光明法
門諸大菩薩於一切佛所修行一切諸佛行
海求一切智清淨滿足一切大願於一菩薩
地修行一切菩薩地海於一菩薩行攝取一
切菩薩行海於一法門自在修攝一切法門
我當云何能知能說彼功德行佛子於此道
場有一夜天名願勇光明守護衆生汝詣彼
問云何菩薩學菩薩行修菩薩道成就衆生
無上菩提淨諸佛刹值一切佛修習一切如
來正法時善財童子頭面敬禮彼夜天足遶
畢辭退

大方廣佛華嚴經卷第五十四

悲怒

上於避切
下乃故切

忿毒

上匹問切
交諍下側逆切

毀滅

上許委切
興隆下力中切

炬光

上巨音

險徑

上虐檢切
羸弱上力爲切

逼迫

上筆力切
下百音

覆蔽

下必坎切
慳嫉上苦閑切

快樂

上苦吏切

純清上常倫切

垢穢下於廢切

或覆下步福切

染汙下烏路切

短促下七玉切

鄙陋上方美切

下賤下才線切

謗毀下許委切

卉木上許貴切

叢林上祖紅切

百穀下谷音

苗稼上猶音

枯槁上苦胡切

饑饉上居侯切

病瘵下所古切

號天上豪音

扣地上口音

自撲下蒲角切

右膝下息七切

著地上直略切

大叫下古平切

飢渴上居夷切

寒凍下多貢切

危困下苦悶切

上訴下素音

嗚呼上烏音

痛哉上他貢切

墜於上直類切

深阬下客庚切

幻偽下危睡切

盲瞽下古音

擊鼓下古音

宣令下力政切

心肝下古寒切

腸胃上直良切

經歷下郎擊切

欣慰上許斤切

恣汝上資四切

竊盜上千結切

姪佚上餘針切

天旱下胡管切

降澤上各巷切

枯槁下下各切

盈溢下夷質切

恐怖上區用切

殘害上昨干切

枯燥下蘇老切

杭米上古行切

競微上渠敬切

侵犯上七林切

貞潔下結音

縱口上子用切

犬豕上苦結切

憔悴上即消切

津液下羊益切

露洽上他兼切

巖嶧下五各切

幽邃下雖遂切

山陵下力膺切

沙磧下歷音

撫掬上芳武切

無價下駕音

撫掬下居六切

無價下駕音

沙磧下歷音

乙巳歲高麗國大藏都監奉
勅雕造

大方廣佛華嚴經卷第五十五

遺

東晉天竺三藏佛跋闍耶

譯

入法界品第三十四之十二

爾時善財童子往詣願勇光明守護衆生夜
天所見彼夜天在大衆中處於普照摩尼王
藏師子之座摩尼王網羅覆其身光明普照
一切法界一切日月星宿光明以爲其身一
切衆生形類色像悉於中現又現一切諸色
海身諸威儀身諸方面身應現一切衆生前
身遊行十方自在力身於一切時現衆生前
不夫時身詣諸佛所敬禮之身長養一切諸
善根身受持一切佛正法靈不忘失身滿足
一切菩薩願身普照一切諸世界身除滅癡
闇普照一切明淨燈身知法如幻離垢深慧
了諸法身覺悟一切普現意身離熾然身不
可壞身無所依住佛行持身無有染汙清淨
法身善財見已五體投地起佛世界微塵等
念念彼天身良久乃起恭敬合掌一心諦觀
於善知識得十種心何等爲十所謂得自己
心勇猛精進求薩婆若能受持故得具一切
智法心隨順一切正教道故得自受生心安
住無上正法門故得同行心共普賢菩薩諸
行願故得具一切功德藏心長養一切白淨
法故得勇猛心長養諸佛大精進故得具一

切諸善根心成滿一切諸大願故得辨一切
 大利益心具足菩薩自在力故是爲於善知
 識得十種心爾時善財一心觀察彼夜天已
 得世界微塵等菩薩共法所謂正念共法念
 十方三世一切佛故大慧共法分別了知一
 切法海故諸趣共法一切佛法輪不可壞故
 覺悟共法智如虛空普照三世一切方便海
 故諸根共法以明淨慧普照衆生一切根海
 故淨心共法修菩薩道得一切智無礙功德
 莊嚴故境界共法明淨智慧照佛境界故隨順
 方便共法究竟一切智方便海普照一切故
 知義共法知一切法真實性故法無畏共法
 壞散一切諸怨敵故清淨色身共法隨其所
 應現淨身故諸力共法於薩婆若不退轉故
 無畏共法淨正直心如虛空故精進共法於
 一切劫行菩薩行不退轉故辯才共法明淨
 智慧深入諸法照一切故無比共法一切衆
 生無能勝故語言共法於大衆中說淨妙法
 無所畏故妙聲共法能師子吼出微妙聲滿
 一切法海故淨音共法一切衆生悉樂聞故
 淨德共法令一切衆生悉清淨故智地共法
 於一切佛受法輪故梵行共法安住一切佛
 境界故大慈共法於念念中普覆一切衆生
 故大悲共法雨甘露法救一切衆生故身

業共法於一切衆生隨所作故口業共法分別一切語言法故意業共法立一切衆生薩婆若心故莊嚴共法嚴淨一切諸佛刹故詣一切佛共法見一切佛出興世故勸請共法請諸如來轉法輪故供養共法供養一切諸如來故教化共法度脫一切諸衆生故光明共法照一切法故三昧共法於一切衆生心海得不動故充滿共法諸菩薩等自在神力故眷屬共法樂與菩薩共同止故深入共法分別一切諸世界故了心共法廣淨佛刹故隨順共法入一切佛世界海故充滿方便共法分別了知一切世界故無上共法普現一切諸佛刹故不退共法遊行十方無障礙故除滅一切愚癡共法得一切佛圓滿智故不生共法與一切佛爲眷屬故滿一切佛刹網共法恭敬供養一切佛故決定智共法分別了知諸法海故如說修行共法順入一切諸法門故專求共法欲求一切諸淨法故清淨共法諸佛功德莊嚴身口意故淨意共法於一切法智滿淨故勇猛共法究竟一切事滿善根故淨行共法滿足一切菩薩行故無礙共法分別了知諸法相故方便共法具足自在智法門故淨入共法隨其所應現境界

故菩薩門共法修行一切諸佛法故護持共
法一切諸佛所護持故離生共法次第逮得
菩薩地故安住共法安住一切菩薩住故演
說共法了知諸佛授記法故禪定共法於一
念中悉入一切諸三昧故三昧起共法一切
佛事種種相故淨念共法知一切念故菩薩
行共法盡未來劫行菩薩行不斷絕故淨信
共法歡喜增長佛智慧故長養共法除滅一
切諸障礙故不退智共法與一切佛智慧等
故受生共法隨時應化一切衆生故住共法
住一切智故境界共法法界境界故無著共
法心不染著一切有故善知法相共法等心
觀察一切法故容受共法於已身內受持一
切諸佛法故通明共法分別了知一切世間
故神力共法以少方便遊行一切佛剎海故
陀羅尼共法普照一切陀羅尼海故持一切
佛法輪共法悉能受持一切修多羅法故深
入共法解一切法如虛空故淨光共法普照
一切諸世界故明淨共法隨其所應現衆生
故震動共法動諸佛剎爲諸衆生現自在故
不虛共法見聞念者悉不虛故聖道共法滿
一切願十力智故得如是等佛剎微塵等菩
薩共法爾時善財入如是等菩薩共法於善
知識得無量無邊淨正直心偏袒右肩恭敬

合掌以偈讚歎彼夜天曰

我以無上心 專求佛菩提 今於善知識 而起自己心

遠離諸惡業 成就清淨行 由見善知識 得無盡白法

我見知識已 功德莊嚴心 盡未來剎劫 修行菩薩道

唯願善知識 哀愍攝取我 爲我悉顯現 正教真實法

閉塞諸惡趣 廣開天人路 佛一切智道 爲我悉顯現

念彼善知識 一切功德藏 我於念念得 虛空功德海

授我波羅蜜 不思議功德 長養諸善福 智緒速冠頂

我念善知識 一切種智道 依止善知識 滿足白淨法

具足衆善利 功德普成滿 究竟一切法 成就薩婆若

知識爲大師 誓立無上法 無量無數劫 不能報其恩

爾時善財說偈讚已 白言天神向所顯現不

思議法此法門者名爲何等發道心來爲幾

時耶久如當成無上菩提答言善男子此法

門者名隨應化覺悟衆生長養善根善男子

我入此法門覺悟一切諸法平等知一切法

真實之相遠離世間無所染著解一切色非

一非異了色非色而能顯現無量諸色所謂

種種色清淨色莊嚴色放一切莊嚴色普現

色同一切衆生色一切世間現前色普照色

見無厭色相好淨色離惡色現勇猛色甚深

色一切世間無能盡色歎無盡色種種雲色

諸形像色顯現無量自在力色可愛樂色一

切善起色隨應現前色隨應度衆生色普照

無礙色離垢色不壞淨身色不思議法方便
光明色非比非無比妙絕色非明闇色滅一
切闇色積集一切白淨法色功德大海之所
生色過去修行恭敬生色淨直心生如虛空
色勝廣大色無斷無盡色海光明色一切世
間無所依止不可壞色充滿一切十方無礙
色念念色海色令一切衆生大歡喜色攝取
一切衆生堅固色一切毛孔中如來功德師
子吼色淨一切衆生深心色顯現一切法義
色圓滿光明無礙色離垢虛空等色不依垢
無著色普照離垢法界色不可稱色隨眼見
色照諸方色隨時顯現應衆生色寂靜色滅
一切煩惱色一切衆生功德福田光明色見
不虛色大智光色無礙法身滿一切色顯現
威儀不虛色積集大慈海色具足功德須彌
山色普照一切趣色淨大智色正念一切世
間色一切寶光色淨寶藏色不壞淨衆生色
趣薩婆若色悅衆生眼色一切寶莊嚴勝光
明色不取不捨一切衆生色無決定無究竟
色顯現自在諸持力色一切自在神足色佛
種姓色遠離衆惡滿法界色悉詣一切諸佛
大衆照一切色成諸海色善行依果色隨化
授色一切世間見無厭色種種光明普照色
顯現三世一切色顯現一切海色放一切光

明海色種種光色過一切世間一切香光色
顯現圓滿諸日雲色持圓滿淨月雲色放須
彌山妙華雲色出種種鬘雲色顯現一切鉢
曇摩華雲色一切香像雲充滿法界色散一
切末香雲色現一切佛淨願身色一切音聲
出師子吼法界海色普賢菩薩清淨身色於
念念中現如是等色充滿十方教化衆生或
見或念而得度脫或現轉法輪或現隨時應
或現親近或現覺悟或現自在神力或現種
種變化或現不可思議自在神力變化度脫
衆生滅不善法安立善法滿足大願一切智
勢力菩薩法門勢力具足成就大慈大悲佛
子我住此法門現無量色身分別了達一切
色海放無量無邊法雲普照一切諸佛世界
現無量無邊諸佛現無量無邊自在神力覺
悟衆生長養善根於念念中令不可思議衆
生於阿耨多羅三藐三菩提得不退轉佛子
如汝所問得此法門爲幾時者我今承佛神
力爲汝解說佛子菩薩圓滿智慧離一切虛
妄本性清淨一切種智超出一切諸障礙山
隨所應化皆悉普照佛子譬如日性無有暗
冥但日沒已天下則闇出則大明菩薩圓滿
明淨智日亦復如是離一切虛妄普照一切
教化衆生佛子譬如淨日出闇淨提普照天

下衆寶山樹影現一切大海河池衆生之類

莫不對見。曰亦不來入此池。派菩薩智曰亦復如是。出三有海於佛實法虛空中行住於寂滅應現一切趣。趣生處同衆生身而化度之。實不生死無所染著。離一切虛妄無脩短想。何以故。佛子。菩薩摩訶薩離諸顛倒。了一切世悉如夢幻。解真實法。無有衆生圓滿大悲。皆悉對現一切衆生而教化之。佛子。譬如大船不依此岸不樂彼岸。不著中流於大海中。濟度衆生。菩薩摩訶薩亦復如是。以波羅蜜力。船於生死海。濟度衆生。不依此岸不樂彼岸。而度衆生於一切劫。修菩薩行。不起劫想。亦不見劫。有脩短相。佛子。譬如虛空出過法界。一切世界有成有敗。而彼虛空本性清淨。無所染汙。不可沮壞。遠離恐怖。一切障礙。而能普持未來諸劫。一切佛刹。菩薩摩訶薩心亦復如是。以虛空等圓滿智慧莊嚴其心。發起一切大願。風輪持一切衆生。令滅惡道。生諸善趣。心無憂喜。安立衆生。一切智道。除滅煩惱。生死過患。佛子。譬如化人無有實形。生老病死飢渴等苦。菩薩出生如化。智慧不可沮壞。妙色法身亦復如是。於一切劫諸生死中。化度衆生。而無所著。亦無恐怖。無貪無恚。除滅一切熾然煩惱。心不貪樂。一切趣生。

佛子菩薩智慧雖復如是甚深難測我當承
佛神力爲汝解說令未來世諸菩薩等滿足
大願成就諸力佛子乃往古北過世界海微
塵等劫復過是數有劫名善光彼有世界名
曰寶光於彼劫中有萬如來出興于世最初
如來号法輪音聲虛空燈披闍浮提中有寶
莊嚴王都彼有大林名善光明於此林中有
一道場名曰善華彼道場上有寶蓮華師子
之座時彼如來於此座上成阿耨多羅三藐
三菩提爾時人民壽十千歲殺盜姦妄言
兩舌惡口綺語貪恚邪見行如是等十不善
道時彼如來於百歲中坐於道場爲諸菩薩
及諸天王并閻浮提宿植德者而爲說法其
餘衆生待善根熟爾時國王名曰勝光時彼
人民行十不善貪著五欲作種種惡遠離善
法不孝父母不敬沙門婆羅門有無量衆生
犯王治法囚執囹圄受諸楚毒爾時彼王有
一太子名曰善伏端正殊特成就妙色具二
十八大人之相處在中宮采女圍遶聞彼獄
人楚毒音聲聞已憂惱起大悲心入彼獄中
見諸罪人裸形亂髮繫縛拷笞悲號流淚苦
毒無量太子見已發大悲心慰諭之言莫恐
莫怖我今能令汝等解脫於是太子往詣王
所自言大王獄中罪人願施無畏大王哀愍

幸垂矜救時彼大王召諸羣臣而共參議此事云何羣臣荅言彼諸罪人竊盜官物謀弑大王侵犯宮人有如是罪必應刑戮若救彼者罪應至死時彼太子大悲深至救護彼故作如是言我代獄囚受諸楚毒願苦治我我爲救彼不惜身命欲令罪囚悉得解脫所以者何若我不救此衆生者云何能濟三界牢獄諸在生死牢獄衆生悉爲貪愛之所纏縛愚癡所蔽受種種苦身形鄙陋心常放逸而不能知出要之道無智慧光著諸法界無有福慧遠離實智深縛結垢幽閉苦獄隨順惡魔生老病死常爲憂惱之所逼迫我當云何令彼解脫我今應當捨自身命而救拔之爾時五百大臣咸發聲言大王當知如太子意放獄囚者毀壞王法危及我等不治太子國不久立王聞此言即發威怒令誅太子王后聞之毀容降服與千采女馳詣王所頭面禮足如是請言大王當知太子有罪願垂慈恕賜其壽命時彼大王即召太子太子旣至復曰王言願垂哀赦獄囚苦人若不矜恕我代受苦王言隨意爾時太子即入獄中放諸罪人代受楚毒曾無中悔一向正念一切種智大悲爲首饒益衆生夫人白王願聽太子在外半月布施修福然後隨王如法苦治王即

聽許時彼都城北有一大林名曰日光太子
詣彼設大施會須食與食須衣與衣乃至車
乘華鬘塗香末香幢幡繒蓋及餘一切寶莊
嚴具期限既滿爾時國王及諸羣臣長者居
士男女大小并諸外道皆悉雲集爾時法輪
音聲虛空燈如來知諸衆生應化時至與大
衆俱天王園遶龍王供養夜叉王守護乾闥
婆王讚歎阿脩羅王禮侍迦樓羅王以清淨
心散諸雜寶緊那羅王歡喜讚歎供養過去
諸佛摩睺羅伽王悲泣正觀與如是等無量
大衆前後園遶來詣彼會爾時太子及諸大
衆遙見佛來端嚴殊特諸根寂定如大衆王
神心澄明淨若淵海顯現如來自在境界勝
妙功德相好嚴身圓滿光明普照一切震動
十方無量世界一切毛孔普出如來微妙香
雲普雨種種諸莊嚴雲行佛威儀除滅一切
衆生煩惱爾時太子既見如來歡喜無量五
體投地合掌白言善來世尊念哀取我唯願
世尊處摩尼座諸菩薩衆皆就寶座周帀園
遶時佛坐已除滅一切衆生苦患離諸障蓋
堪聖法器爾時如來知諸衆生應受化者而
爲演說圓滿因緣修多羅時彼大衆聞正法
已八十那由他衆生皆起離垢清淨法眼得
無學地一萬衆生得大乘道滿足普賢菩薩

行願見十方佛轉正法輪現自在力百佛此
界微塵等衆生具摩訶衍滅十方世界無量
衆生惡道苦難生天人趣時彼太子得隨應
化覺悟衆生長養善根法門佛子爾時太子
豈異人乎我身是也我於一切衆生起大悲
心普饒益之不著三界又亦不求名譽果報
捨離憍慢不輕他人不加彼惡不貪財利遠
離三有莊嚴大乘開一切智門普行菩薩無
量諸行佛子我於爾時得此法門時諸大臣
今五百惡人調達眷屬是也彼諸人等佛皆
教化令發阿耨多羅三藐三菩提心過未來
世須彌山微塵等劫成等正覺所住世界同
名寶光國界莊嚴父母種姓受胎出生棄家
學道往詣道場轉正法輪說修多羅語言音
聲光明眷屬壽命法住及其名号皆悉不同
其最初佛号饒益月第二佛号大悲師子第
三佛号救護衆生最後如來号大醫王佛子
當知本諸罪人我所救者即拘樓孫等賢劫
千佛及百萬阿僧祇諸大菩薩於無量精進
妙德慧佛所發阿耨多羅三藐三菩提心今
悉現在上方國土行菩薩行修習增廣此隨
應化覺悟衆生長養善根法門者是也佛子
時王勝光者今薩遮尼捷子大論師是也時
王宮人諸眷屬者即彼尼捷六萬弟子與師

俱來共佛論義悉降伏之授阿耨多羅三藐
三菩提記者是也此諸人等當成正覺世界
劫号皆悉不同佛子我於爾時救罪人已父
母聽我捨離國土妻子眷屬於法輪音聲虛
空燈佛所出家學道五百歲中淨修梵行於
此中間得一萬三昧一萬陀羅尼門一萬諸
明一萬法藏一萬薩婆若勇猛精進一萬清
淨慧門一萬寂滅禪定一萬方便般若波羅
密各於十方現前對見一萬如來出生一萬
菩薩大願長養菩薩一萬諸力又得菩薩一
萬神通於念念中各遊十方一萬佛刹於念
念中各憶十方一萬佛海見彼如來一萬化
海普遊十方教化衆生於念念中見十佛世
界衆生於諸趣中死此生彼或好或醜或之
善處或入惡道知彼衆生諸心心法心意所
行及諸根海行業善根皆悉明達佛子我於
爾時命終之後即復於彼閻浮提中三宮受
生作轉輪王彼法輪音聲虛空燈如來滅度
之後我於爾時守護正法次值法虛空妙德
王佛次爲釋王即彼道場值天藏佛次爲跋
摩天王即彼世界值大地功德山佛復值法
輪光音聲王佛次爲化樂天王即彼世界值
虛空燈智王佛次爲阿脩羅王即彼世界值
一切法雷震王佛次爲他化自在天王即彼

世界值不可壞力幢佛次爲梵王即彼世界
值法輪化普光音佛佛子於彼寶光世界善
光劫中一萬如來出興于世我悉值遇次復
有劫名曰日光六十億佛出興于世時我爲
三名大智慧值最初相好功德山佛復值妙
音聲佛次爲大臣值離垢童子佛次爲阿脩
羅三值勇猛精進佛復值究竟相好佛次爲
商人值離垢臂佛次爲城天值師子行佛次
爲毗沙門天王值天周羅佛次爲乾闥婆王
值法上名稱佛次爲鴈鵝荼王值光明天冠
佛恭敬供養佛子我諸趣受身供養如是等
六十億佛於一一佛所教化無量無邊衆生
我於一一佛所得種種三昧門種種陀羅尼
門具足諸辯種種智慧種種法光照十方海
諸佛刹海見諸佛海如一劫中值遇諸佛恭
敬供養於世界微塵等劫一切世界中諸佛
興世我悉值遇恭敬供養聞法受持守護正
法亦復如是於諸佛所修此法門爾時願勇
光明守護衆生夜天欲重明此義以偈頌曰
歡喜恭敬心能問甚深法我當承佛力爲汝分別說
過於不思議世界海塵劫爾時有一劫名曰爲善光
彼時有世界名曰爲寶光於彼世界中十千佛興世
我值彼諸佛恭敬悉供養於彼如來所修習此法門
爾時有三都名曰可愛樂廣博悉平正種種妙莊嚴

衆生雜行起 世界有淨穢 時彼諸衆生 多行不善法
 爾時有大王 号曰爲勝光 正法治天下 等心於一切
 彼王有太子 号名曰善伏 端嚴甚姝妙 相好莊嚴身
 時彼諸人民 有犯王法者 幽閉在牢獄 太子悉救之
 爾時諸臣等 俱白大王言 太子欲危王 宜應加苦治
 時王用目言 如法治太子 諸臣送太子 至彼刑戮處
 三后聞此已 來白大王言 願聽十五日 布施修功德
 時王即聽許 令其修福業 有膳車乘等 隨欲悉給之
 所期日已盡 將至刑戮處 彼時一切衆 悲感悉號泣
 時法輪音聲 虛空燈如來 知衆生根熟 往詣大衆所
 顯現自在力 演說圓滿經 無量諸衆生 悉授菩提記
 爾時王太子 即發菩提心 願我悉度脫 一切諸羣萌
 供養彼如來 即隨佛出家 勇猛精進力 專求無上道
 具足此法門 大悲念衆生 知法真實相 劫海修菩提
 一切諸導師 次第興出世 我皆悉恭敬 供養護持法
 刹海微塵等 一切諸劫中 如來出興世 恭敬悉供養
 善伏我身是 修習大悲心 不惜身壽命 救護彼苦人
 遠得此法門 劫海常修習 念念悉增長 無量諸功德
 所見諸最勝 方便爲我說 聞已即修習 此寂滅法門
 無量劫修此 不思議法門 佛雨甘露海 我已悉飲之
 依止此法門 普遊十方界 一念悉分別 三世諸佛刹
 依此法門故 見三世佛海 於諸最勝所 現身如電光
 依此法門故 徧詣十方佛 各現大神力 勝妙威儀法
 依此法門故 能爲問難海 不思議諸佛 所說聞受持

依此法門故 於十方世界 諸佛大衆中 自在顯神通
依此法門故 種種現色身 能於一身中 顯現諸佛身
依此法門故 一一毛孔中 放大光明海 除衆生煩惱
依此法門故 一一毛孔中 出化無量身 法雨濟衆生
此法難思議 菩薩所修學 依住此法門 盡來劫修行
除滅諸邪見 隨應化衆生 悉令得安住 一切種智地
不可思議趣 顯現種種身 隨其所應化 而爲演說法
佛子我唯成就此法門 諸大菩薩超出世間
普照諸趣 悉能究竟一切境界 壞障礙山了
達法相善巧方便 分別諸法 解法無我 攝取
教化度脫衆生 皆悉了知 三世法界 善知一
切語言 道海我當云何能入 如是大智慧海
大智境界 三昧解脫法門 自在善男子 此閻
浮提有一園林 名派彌尼 彼有天名妙德圓
滿 汝詣彼問云 何菩薩行 菩薩行生如來家
爲世間燈 盡未來劫 修菩薩行 心無疲倦 時
善財童子 頭面敬禮 彼夜天足 遶畢辭退
爾時善財童子 正念思惟 彼夜天教 修習增
長 隨所應化 覺悟衆生 長養善根 法門漸漸
遊行 至彼林中 周徧推求 妙德圓滿 林天見
坐衆寶樓閣之上 二萬那由他諸天 圍遶爲
說 菩薩受生海經 生如來家長養菩薩功德
爾時善財 頭面禮足 白言 天神我已先發 阿
耨多羅三藐三菩提心 云何菩薩行 菩薩行

生如來家爲世間燈。善言佛子。菩薩有十種受生法。若有菩薩行是法者。生如來家。於念念中。長養善根。不退不怖。不惱不亂。不懈不悔。至一切智。順知法界。修解脫道。於一念中。長養一切諸波羅蜜。捨離世間。具足佛地。智慧猛盛。佛法現前。順真實義。滿薩婆若。何等爲十。所謂供養一切佛。方便虛空。願藏菩薩。受生法。滿菩提心。枝藏菩薩。受生法。現前方便觀察寂滅。虛空藏菩薩。受生法。以淨直心。普照三世。藏菩薩。受生法。普照一切藏菩薩。受生法。生如來家。藏菩薩。受生法。佛光明力。藏菩薩。受生法。具足分別薩婆若。門藏菩薩。受生法。一切法界。化莊嚴藏菩薩。受生法。猛勇供養一切佛。方便虛空。願藏菩薩。受生法。此菩薩摩訶薩。發如是願。我當恭敬供養一切諸佛。無量喜心。見佛無厭。具不壞信。積集功德。供養諸佛。心無厭足。佛子是。爲初受生法。薩婆若初門。長養善根。故佛子。何等爲滿足菩提心。枝藏菩薩。受生法。此菩薩摩訶薩。發阿耨多羅三藐三菩提心。起大悲心。救護一切衆生。故值遇佛心。常見佛。故求正法。心無所惜。故大莊嚴心。向薩婆若。故發大慈心。普覆攝取一切衆生。故不捨一切衆生心。薩婆若莊嚴不

可壞故離諸曲心得實智故如說行心得菩
薩道故不欺一切佛心滿足諸佛大誓願故
爲薩婆若發大願心教化未來一切衆生故
如是等佛剎微塵等菩提心枝滿足空如來
家佛子是爲第二受生法佛子何等爲現前
方便觀察寂滅虛空藏受生法此菩薩摩訶
薩觀察寂滅一切法海心究竟滿足一切智
道不疲倦心正念善法業海心一切菩薩諸
三昧海清淨心具一切菩薩諸功德心出生
一切菩薩莊嚴道心於無量劫勇猛精進不
休息心出生普賢行化一切衆生心善學威
儀住菩薩德一切諸有悉非有心佛子是爲
第三受生法佛子何等爲以淨直心普照三
世藏受生法此菩薩摩訶薩淨直心界照佛
菩提深入菩薩方便法海深心不壞猶若金
剛背一切有諸生死趣向一切佛具自在力
趣諸勝道增益菩薩根離垢淨心不可動轉
長養大願常爲諸佛之所護念壞散一切諸
障礙山恣爲衆生而作歸依佛子是爲第四
受生法佛子何等爲普照一切藏受生法此
菩薩摩訶薩具足方便教化衆生不貪財利
以清淨心悉捨一切持無量淨戒住佛境界
具足忍法得一切佛忍光明法勇猛精進究
竟一切智境界修習諸禪具足清淨圓滿普

門三昧智慧以明淨慧日普照法界得無礙
眼見一切佛海深入一切諸法原底智者所
讚令衆生歡喜修習正法見真實相佛子是
爲第五受生法佛子何等爲生如來家祇受
生法此菩薩摩訶薩生如來家隨諸佛教具
足一切甚深法門同三世一切諸佛大願同
三世一切諸佛善根同二世一切諸佛法身
遠離世間向離世間趣長養白淨法住大功
德法門得佛持定見諸如來隨所應化淨諸
衆生不捨大願聞法受持佛子是爲第六受
生法佛子何等爲佛光明力藏受生法此菩
薩摩訶薩深入佛力徧遊十方供養諸佛心
無疲倦知一切法如幻如夢色如電光成就
如化自在通明知一切有生趣如影知一切
佛所轉法輪皆悉如響悉究竟說一切法界
佛子是爲第七受生法佛子何等爲具足分
別薩婆若門藏受生法此菩薩摩訶薩以童
子身住菩薩住觀薩婆若於無量劫觀察一
一諸智慧門劫猶可盡諸智慧門不可窮盡
究竟菩薩自在境界諸三昧門念念悉詣十
方佛所入不可壞三昧境界不可壞法不可
壞智無邊境界得非境界於少境界悉具足
得不可說地於無量中得有量法知諸世間
名假施設分別一切語言之法佛子是爲第

八受生法佛子何等爲一切法界化莊嚴藏
 受生法此菩薩摩訶薩種種莊嚴無量佛剎
 究竟衆生諸變化身佛應化身無所依止清
 淨法化悉行一切無礙法界應受化者爲彼
 現身教示種種諸菩薩行善能出生離諸障
 礙一切智門淨智慧藏教化衆生未曾失時
 佛子是爲第九受生法佛子何等爲勇猛精
 進至佛地藏受生法此菩薩摩訶薩悉於三
 世諸如來所受灌頂法一切世界境界無障
 礙菩薩悉知三世衆生死此生彼修菩薩行
 知諸衆生心次第起知三世佛次成正覺善
 巧方便知法次第知一切劫次第成敗隨應
 衆生顯現莊嚴成等正覺顯現次第轉正法
 輪教化無量無邊衆生佛子是爲第十受生
 法菩薩摩訶薩住是法已種種莊嚴一切佛
 刹無量億劫無量法海無量境界教化衆生
 覺悟無量諸法界流顯現諸佛不可思議如
 虛空等深法境界無量諸行攝取衆生現轉
 法輪於一切世界護持佛法悉於一切境界
 以微妙音說不可說佛正法雲住諸法門趣
 無礙道以一切法莊嚴道場隨所應度咸常
 興世教化成熟無邊衆生時彼林天欲重明
 此義以偈頌曰

清淨正人心先發如是願普見一切佛供養無厭足

皆悉淨莊嚴三世諸佛刹以願莊嚴心度脫諸羣生
修習寂滅法其心無厭足三世無障礙身心如虛空
深入大悲海直心如須彌窮盡大智海是爲人中雄
大慈覆一切增廣諸度海教化諸羣生此是無二人
知法真實相三世佛家生究竟諸法海是爲智慧者
清淨妙法身其心無障礙已身滿十方具足如來力
甚深智慧中速得自在力專求一切智究竟三昧海
嚴淨諸佛刹教化一切衆顯現自在力是爲稱莊嚴
深入最勝力長養薩婆若法界無障礙此是真佛子
佛子菩薩摩訶薩具此十法生如來家爲世
間燈佛子我成就此無量境界自在法門爾
時善財白言天神此法門者境界云何荅言
佛子我已具足一切菩薩受生大願是故我
來生此林中本願力故正念菩薩受生之法
於後百年菩薩從彼兜率陀天降神下生時
此林中有十種瑞相何等爲十一者此林忽
然廣博地平如掌二者土石雜穢變爲金剛
衆妙莊嚴三者寶婆羅樹周匝行列四者時
此林中沈水末香出過諸天種種莊嚴五者
諸妙華鬘寶莊嚴具皆悉充滿六者諸寶樹
中自然流出種種妙寶七者諸池水中出芙
蓉華八者時此林中娑婆世界欲色諸天龍
夜叉乾闥婆阿脩羅迦樓羅緊那羅摩睺羅
伽揲敬作禮合掌而住九者天女乃至摩睺

羅伽女齋供養具合掌恭敬於一面住十者
十方一切佛齋中放光明名曰菩薩受生自
在燈普照此林於彼一一諸光明中現一切
佛受生自在出家自在一切菩薩功德自在
又出如來微妙音聲佛子是爲林中十種瑞
相此相現時諸天王等知必當有菩薩下生
我見此瑞歡喜無量佛子摩耶夫人出迦毗
羅城入此園林生太子時自然而有十種光
明因此光故一切衆生得法光明何等爲十
所謂寶芽藏光一切香光鉢曇摩光出微妙
聲讚善生光十方菩薩初發心光一切菩薩
得入諸地自在法光一切菩薩諸波羅蜜大
智慧光出生菩薩無量大智願光方便化度
衆生智光普照一切法界諸佛受胎出生垂
家學道成正覺光佛子是爲十種光明此光
普照無量無邊諸衆生心佛子摩耶夫人於
此林中在畢利叉樹下坐時現菩薩十種受
生自在何等爲十爾時欲界一切天王天子
天女色界諸天及龍夜叉乾闥婆阿脩羅迦
樓羅緊那羅摩睺羅伽并其眷屬皆悉雲集
爲欲供養彼菩薩故爾時摩耶夫人放大切
德妙色光明普照一切其餘光明悉藏不現
猶如聚墨除滅衆生一切煩惱一切惡道苦
又於一切諸毛孔中放大光明普照十方無

所障礙是爲菩薩第一受生自在復次佛子
摩耶夫人腹內悉能容受三千大千世界又
能顯現百億四天下於彼百億閻浮提中王
都京邑所住園林名字各異摩耶夫人徧坐
彼處諸天圍遶悉爲顯現不可思議智慧自
在是爲菩薩第二受生自在復次佛子摩耶
夫人一一毛孔中顯現如來於過去世爲菩
薩時恭敬尊重供養諸佛彼諸如來所說正
法於毛孔中皆悉得聞譬如明鏡淨池水中
見日月像摩耶夫人諸毛孔中顯現如來於
過去世爲菩薩時恭敬尊重供養諸佛彼諸
如來所說正法皆悉得聞亦復如是是爲菩
薩第三受生自在復次佛子摩耶夫人一一
毛孔中顯現如來於過去世諸世界中城邑
聚落山林河池一切諸處行菩薩行隨彼諸
劫所值諸佛清淨善根壽命名号及善知識
如是等事皆悉顯現菩薩於彼諸受生時摩
耶夫人常爲其母是爲菩薩第四受生自在
復次佛子摩耶夫人一一毛孔中顯現如來
於過去世爲菩薩時其身色相行業威儀所
受苦樂是爲菩薩第五受生自在復次佛子
摩耶夫人一一毛孔中顯現如來於過去世
爲菩薩時所行布施身體手足眼耳鼻舌骨
齒髓腦心血皮肉妻子眷屬城邑聚落宮殿

寶物一切內外并諸受者皆悉顯現又聞求者所言音聲是爲菩薩第六受生自在復次佛子摩耶夫人身中嘗出過去諸佛本爲菩薩最後生時莊嚴佛刹衆生樹林華鬘諸香塗香末香摩尼寶王娛樂讚歎如是等事充滿此林皆悉聞見是爲菩薩第七受生自在復次佛子摩耶夫人身中又出諸天宮殿龍夜叉乾闥婆阿脩羅迦樓羅緊那羅摩睺羅伽及人宮殿衆寶莊嚴妙香普熏無能壞者出過諸天爲欲供養彼菩薩故充滿此林是爲菩薩第八受生自在復次佛子摩耶夫人身中又出十不可說億那由他世界微塵等菩薩其身色像相好莊嚴光明自在及其眷屬皆悉同彼盧舍那佛是諸大士從彼出已讚歎菩薩是爲菩薩第九受生自在復次佛子菩薩生時於摩耶夫人前地金剛輪中生大蓮華金剛爲莖有十世界微塵等寶葉摩尼寶王以爲其臺衆寶香鬘以阿僧祇寶網羅覆其上一切天王所共執持一切乾闥婆王普雨香雲讚歎過去諸佛功德一切夜叉王圍遶守護自然出生衆妙寶華娛樂音聲一切阿脩羅王皆悉降伏頭面敬禮一切迦樓羅王以寶繒幡莊嚴虛空一切緊那羅王歡喜諦觀心無厭足讚歎歌頌菩薩功德一

切摩睺羅伽王瞿喜踊躍普雨種種寶莊嚴
雲是為菩薩第十受生自在佛子摩耶夫人
生菩薩時如虛空中現明淨日如雷電光如
山起雲如閻中燃菩薩爾時雖現出生而悉
解達一切諸法如電夢幻不來不去不生不
滅佛子我一念中悉知菩薩此閻浮提受生
自在出生自在亦知百億閻浮提受生自在
出生自在亦知三千大千世界微塵等佛刹
十佛世界微塵等佛刹乃至悉知一切世界
微塵等佛刹菩薩受生自在出生自在亦復
如是

大方廣佛華嚴經卷第五十五

閉塞

上博計切
下蘇則切

殺盜

上所八切
下導音

姪佚

上餘計切
下義質切

綺語

上墟彼切

囚執

上似由切

囹圄

上郎丁切
下語音

裸形

上郎果切

繫縛

上計音
下符鐵切

撈等

上薄庚切
下丑之切

涕淚

下類音

矜赦

上居陵切
下舍音

竊盜

上平結切

謀弑

下式吏切

侵犯

上七林切

刑戮

下六音

馳詣

上直離切

慈恕

下商署切

代受

二帝音

中悔

下萊內切

名譽

下預音

肴膳

上胡茅切
下時戰切

號泣

上豪音
下圭急切

乙巳歲高麗國大藏所監奉

勅影造

一

大方廣佛華嚴經卷第五十六

東晉天竺三藏佛跋闍耶譯

道

入法界品第三十四之十二

爾時善財白圓滿妙德林天言天神得此菩薩受生自在法門其已久如荅言佛子乃往古世過億佛刹微塵等劫有劫名可悅樂彼有世界名一切寶彼劫世界中有八十那由他佛出興于世其最初佛号不可壞自在幢王彼世界中一閻浮提有一王都名莊嚴幢王名寶燄眼光第一夫人名善喜光如此世界摩耶夫人為盧舍那佛母彼世界中善喜光夫人為最初如來母亦復如是善喜光夫人生菩薩時與二百萬那由他諸采女眾詣金色園林攀寶樹枝生彼如來時有乳母名離垢光諸天王等以雜香湯洗浴太子抱授乳母乳母敬受歡喜無量即得菩薩普眼境界三昧得三昧已見十方佛無所障礙復得菩薩受生自在法門佛子譬如初受胎識速疾無礙得此法門知一切佛受生自在亦復如是佛子於意云何彼乳母者豈異人乎我身是也我從是來念念常見菩薩受生自在法海盧舍那佛教化衆生自在神力佛子我念念中悉得三千大千世界微塵等淨智慧眼常見一切世界微塵等刹及彼諸佛知彼

如來自在受生又復了知盧舍那佛初發大願乃至悉知十方諸佛初發大願亦復如是亦恭敬供養彼諸如來彼佛說法我悉得聞受持修行時彼於天承佛神力觀察十方欲重明此一切境界菩薩受生自在法門義故以偈頌曰

佛子汝所問最勝寂滅境一心善諦聽我今說因緣過億刹塵劫劫名可悅樂八十那由他如來出照世最初如來名無壞自在幢我時見彼佛金色林中生乳母離垢光今則我身是太子金色身天王抱授我敬受無上人觀察不見頂圓體難思議視之無厭足離垢清淨身相好自莊嚴我見妙寶像歡喜心無量思惟難思議長養功德海見彼自在力我發菩提心專求佛功德具足諸願海嚴淨諸世界遠離三惡道於諸世界中供養一切佛專求大願海除滅衆生苦聞彼初佛法成就此法門我於億刹塵一切諸劫中修習菩薩行嚴淨此法門彼劫中諸佛我已悉供養守護其正法淨修法門海億刹塵等劫諸佛出興世持彼正法輪修難議法門一念悉了知一切刹微塵一一微塵中見無量刹海彼佛初生時顯現自在力我於一念中皆悉分別見不可思議刹見彼諸菩薩或處兜率天專求佛菩提無量刹海中見彼生自在無量衆國遶而爲其說法一念中悉見無量諸刹海一切諸菩薩出家詣道場

不可思議刹得成最正覺顯現諸方便除滅衆生苦
一一微塵中轉無盡法輪無盡妙音海普雨甘露法
念念中悉見一一微塵中億刹塵等佛示現般涅槃
見無量刹海如來初受生一一諸佛所無量身供養
不思議刹海無量諸羣生我以諸方便爲說甘露法
佛子我知此不思議法門無量諸劫數徧讀不可盡
佛子我唯知此菩薩受生自在法門諸大菩
薩能以諸劫爲一念藏顯現一切諸妙方便
供養諸佛滿足大願覺了一切諸佛正法示
現一切諸趣受生生諸佛所教化衆生未曾
失時爲衆生現受生自在於諸佛刹現自在
雲常生一切諸如來家我當云何能知能說
彼諸功德佛子迦毗羅城有釋迦女名曰瞿
夷汝詣彼問云何菩薩遊生死中教化衆生
時善財童子頭面接禮彼林天足遠畢辭退
向於彼城正念思惟增廣明淨菩薩受生自
在法門漸漸遊行至菩薩會莊嚴講堂離憂
妙德天所爾時彼天一萬諸天以爲眷屬來
迎善財白言善來大智慧人修不思議菩薩
法門以淨直心滿足大願廣菩薩行向正法
城究竟菩薩無量方便我觀仁者勇猛精進
修菩薩道心無懈怠威儀庠序諸根調伏不
久必當速得無上清淨莊嚴佛身口意相好
嚴身十力智慧莊嚴其心遊行十方教化衆

生我觀仁者修行勇猛精進力故必當得見
三世諸佛受諸如來一切法雲修習菩薩禪
定法門寂滅之法入於甚深如來法門何以
故諸善知識親近供養正念思惟善知識教
無有退轉疲倦之心除滅障礙降伏諸魔無
能壞者令一切衆生得歡喜故善財答言如
天所說我願如是欲令一切衆生歡喜除滅
煩惱諸不善法具足善法得安隱樂一切衆
生以衆惡業煩惱結故入三惡道受無量苦
菩薩見吧起憂悲心譬如有人唯有一子愛
念情重忽有人來割截其身肢節手足慈父
見上憐惻悲念菩薩若見衆生造惡業緣煩
惱結故入三惡道受無量苦見如是已痛心
悲念亦復如是菩薩若見衆生具身口意諸
善業故生天人中受身心樂見如是已歡樂
無量何以故菩薩摩訶薩不自爲故求薩婆
若不貪生死五欲快樂不隨心想諸見顛倒
結使纏縛貪愛邪見不著衆生種種樂想不
著禪味不爲結礙流轉生死菩薩但見諸有
海中一切衆生受無量苦發大悲願而攝取
之常以大悲大願力故行菩薩行供養諸佛
求薩婆若欲令衆生遠離煩惱淨佛世界調
伏一切惡心衆生悉令具足清淨身心行菩
薩行而無疲倦若有菩薩如是行者悉能莊

嚴一切眾生出生長養天人樂故凡父母皆
令安立菩提心故為養育皆令究竟菩薩道
故為衛護皆令遠離三惡道故為大船師皆
令得度生死海故為歸依令捨諸魔煩惱怖
故為導師皆令遠得清涼處故為知濟皆令
得度佛刹海故為主藏目皆令得入法寶洲
故為淨妙華令開一切佛功德華故為大光
明普放功德智慧光故為歡喜皆令端嚴勝
殊妙故為所尊遠離一切諸惡業故為善賢
具足一切諸功德故為燈明常放智慧淨妙
光故為慶雲常雨一切甘露法故天神菩薩
摩訶薩如是行者一切眾生悉皆愛念樂正
法故爾時善財將昇法堂彼離憂妙德天與
百萬眷屬各各齎持妙香華鬘及諸雜寶散
華財上以偈頌曰

無量無數劫 壯盛或出現 普為眾生故 正求佛菩提
無量億諸劫 難見難值遇 功德日今出 照除世間闇
見諸眾生類 愚惑癡所覆 廣發大悲心 專求無師道
清淨正直心 不惜身壽命 親近善知識 專求佛菩提
一切無所依 不著於世間 離垢清淨心 無礙如虛空
行諸菩薩行 具滿妙功德 放大智慧光 普照一切世
不離於世間 亦不著世間 行世無障礙 如風遊虛空
譬如大栽起 一切無能滅 勇猛精進火 求道亦如是
勇猛大精進 一刃真能破 金剛慧師子 遊行無所畏

一切法海中一切諸佛海親近善知識速見彼諸佛
爾時離憂妙德天偈讚歎已恭敬法故俱昇
法堂昇法堂已周徧推求彼釋迦女即見坐
於寶蓮華藏師子之座八萬四千衆女圍遶
皆是貴族王者之女悉於過去彼菩薩所修
行諸行同彼菩薩一切善根常以布施愛語
攝取衆生求薩婆若利益一切令諸衆生同
佛菩提大悲爲首普念衆生如一子想修習
大慈普覆一切過去已曾於菩薩所修不思
議勝妙智慧於阿耨多羅三藐三菩提得不
退轉具足成滿諸波羅蜜心無所著直心智
慧皆悉清淨求薩婆若離障蓋網超出諸難
得淨法身行普賢行長養菩薩一切諸力成
就圓滿淨智慧曰爾時善財五體投地敬禮
瞿夷禮已合掌於一面住白言大聖我已先
發阿耨多羅三藐三菩提心而未知菩薩云
何行生死中而無所染覺了一切諸法實相
超出聲聞緣覺之地住如來地而不捨離苦
薩所行修菩薩行不離佛地超出世間法身
圓滿應世受生普現種種諸方便身知法無
性示現一切衆生之身解甚深法以妙音聲
而爲說法知衆生空而能不捨化諸世間知
一切佛不生不滅而能供養心無退轉知無
業報而行善業無有休息爾時瞿夷作如是

言善哉善哉善男子能問諸菩薩摩訶薩所
行之法修習普賢諸行願者能如是問諦聽
諦聽善思念之我當承佛神力為汝解說善
男子若有菩薩成就十法則能滿足因陀羅
網普智光明菩薩之行何等為十所謂依善
知識廣發無量諸弘誓願修淨勝妙正行希
望集一切智功德聞佛出世歡喜無量心常
樂住三世佛所隨順一切諸大菩薩悉為一
切佛所護持清淨大悲遠離生死是為十法
若有菩薩成就此法則能滿足因陀羅網普
智光明菩薩之行佛子若諸菩薩勇猛精進
心無退轉出生修習佛無盡法值善知識故
佛子菩薩有十法值善知識何等為十所謂
不惜身命不求世樂知諸法相而不捨離一
切智願觀察法界離三有海無所依住深入
一切菩薩諸願普照一切諸佛世界淨修苦
薩圓滿智慧是為十法值善知識爾時聖眾
承佛神力觀察十方欲重明此義以偈頌曰
無諂於知識 智慧廣無量 專求佛善說 利益諸眾生
恭敬善知識 其心如佛想 勇猛精進力 具因陀網行
解脫心增廣 其量均虛空 攝取於三世 佛刹及眾生
直心如虛空 遠離煩惱垢 出生佛功德 是為身雲行
不思議智慧 積集功德海 清淨福善藏 不染於世間
一切諸佛所 聞法無厭足 智慧燈普照 是為照世行

一念若能詣十方刹海佛聞法分別知是爲隨順行
見佛眷屬海究竟三昧海滿足諸大願是因陀網行
未來劫修行諸佛所護念普照諸世界是爲法光行
大悲見衆生智日出世間法光除癡闇是爲智日行
見諸趣衆生迴流生死中爲轉津法輪是爲普賢行
智慧身無量隨應而示現普於一切趣度脫諸羣生
發起大慈悲普覆於一切徧照諸羣生令得佛菩提
善男子我已成就分別觀察一切菩薩三昧
海法門善財白言大聖此法門者境界云何
答言善男子我入是法門知此娑婆世界衆
生佛刹微塵等劫中死此生彼作善惡業受
諸果報在生死道出生死者正定邪定及不
定聚有使善根無使善根具足善根不具足
善根不善善根善根攝不善根不善根攝善
根善根所起不善根所起一切善惡皆悉了
知彼諸劫中佛興于世我悉了知知彼諸佛
初發道心行菩薩行出生一切諸大願海知
彼供養一切諸佛具菩薩行成等正覺轉正
法輪現自在力化度衆生知彼眷屬聲聞緣
覺之所修行過去修習一切善根得明淨智
成就寂滅自在法門顯現種種自在神力教
化衆生而般涅槃知彼眷屬諸菩薩衆初發
道心修習善根出生種種諸大願行成就滿
足諸波羅蜜種種莊嚴菩薩之道菩薩諸地

自在之力菩薩諸地住分別修習諸菩薩地
淨菩薩地修菩薩地菩薩諸地相菩薩諸地
智菩薩諸攝智菩薩善巧方便教化衆生菩
薩諸住菩薩圓滿淨行菩薩自在行菩薩三
昧海菩薩方便於念念中悉知菩薩諸三昧
海一切種智電光法雲得諸法忍盡一切智
底知彼菩薩諸佛刹海究竟法海知衆生海
修習一切菩薩法門滿足大願顯現種種自
在神力如是等事我悉了知如此娑婆世界
知十方世界世界性世界海世界輪世界圓
滿世界分別世界旋世界轉世界蓮華世界
須彌世界相中事亦復如是盧舍那佛本願
力故我悉深入分別念知何以故此法門者
悉知一切衆生心海知一切衆生積集善根
知一切衆生有垢有淨知一切衆生性知一
切聲聞三昧自在法門知一切緣覺菩薩諸
佛三昧自在法門如是等事悉分別知善財
白言大聖發阿耨多羅三藐三菩提心來其
已久如荅言佛子乃往古世過世界微塵等
劫有劫名勝光明時有世界名離恐怖彼世
界中有四天下彼閻浮提中有一王都名妙
德樹須彌山於八王都最爲殊勝彼有王
名一切寶主有六萬采女五百大臣五百王
子端正勇健摧伏怨敵其王太子名增上功

德主顏貌殊勝相好嚴身與萬衆俱持妙
幢蓋散衆寶華作諸妓樂衆妙寶車詣香芽
山遊戲園林時彼道路坦然平正種種莊嚴
散衆妙華寶樹行列衆妙寶帳以覆其上於
彼路側積衆寶衆雜種寶衣詣莊嚴具有膳
飲食如是等事隨其所須皆給施之時有母
人名曰善現將一童女名離垢妙德端嚴姝
妙脩短得所顏容無倫目眇紺色脣齒丹素
口出梵音才能巧妙言語聰辯修習慈心見
者無厭少貪患癡常懷慙媿心無詘曲衆妙
寶車衆女圍遶從母遊觀先太子前至香芽
園太子見已生深愛心語其母言欲聘賢女
以爲我妻母語女言太子今欲求女爲妃於
意三何女曰母言若欲使我爲彼妃者當自
殞滅母報女曰勿作此言所以者何今此太
子悉已具足轉輪王相必爲天主有玉女寶
汝當爾時不堪給使此處尊勝莫生難心時
彼園外有一道場名法雲光有勝日光如來
應供等正覺出興于世於彼道場成無上道
時女夢見彼如來身於夢覺已空中有天而
告之曰汝夢所見是勝日光佛成道已來始
經七日今在道場無量菩薩大衆圍遶彼佛
衆會一切天龍八部鬼神乃至無量淨居諸
天神風神海神火神山神樹神叢林藥草

城郭等神皆悉雲集奉觀世尊聽受正法時
彼女人聞是語已詣太子所合掌而立以偈
白言

我色世間最 智慧無倫匹 才妙善言論 觀者無厭足
太子應當知 我心善具潔 志尚心端直 清淨無所染
遠離於瞋恚 貪欲及愚癡 以真淨直心 饒益諸羣生
我見太子身 相好自莊嚴 見已喜無量 諸根悉調伏
妙體猶淨金 髮美紺青色 顏廣目明徹 必爲自在王
其身逾金山 相好自嚴飾 我今太子所 合掌恭敬住
其目淨脩廣 方臆如師子 觀者無厭足 妙音應納我
舌相廣長妙 猶如赤銅色 演出梵音聲 聞者踴躍喜
口方牙深固 齒白而齊密 若有觀見者 一切皆歡喜
離垢清淨身 具相三十二 成就此妙相 必爲轉輪王
爾時太子語彼女言汝是誰女爲誰守護若
先屬他我則不宜起深愛心爾時太子說偈
問言

清淨功德身 見者無厭足 誰爲汝父母 爲誰所守護
若先有所屬 我輩起欲想 非分生姪心 命終墮惡道
不應爲豪貴 種種富樂故 發起如是等 放逸貪亂心
種種生邪見 幻誑諸諂僞 如是造諸惡 流轉於世間
父母知識所 應起恭敬心 慈悲廣覆護 一切諸羣萌
若於一切處 所從聞法者 能生諸善故 應起恭敬心
一切諸導師 正法菩薩衆 聖僧功德海 皆悉應恭敬
修習諸功德 遠離一切惡 安住於正法 廣行菩薩道

若無歸依者 應起大慈心 諸在三惡道 應發大悲念
一切諸法界 有成必有敗 捨心平等觀 莫隨煩惱魔
應發菩提心 覺悟諸眾生 無量劫修行 不起疲倦想
時彼女母說偈白言

唯願太子聽 此女從生來 乃至今長成 一切諸因緣
太子所生日 女從蓮華生 其目脣脩廣 肢節悉具足
我曾於春日 遊觀娑羅園 覩見諸卉木 種種華榮茂
同遊公子女 容儀悉端嚴 皆已具足知 諸巧技能法
彼園有浴池 名曰衆莊嚴 我於池岸坐 衆女衆圍遶
時彼浴池中 千葉蓮華生 寶葉瑤璃莖 閼浮檀金臺
衆妙寶香鬘 普放淨光明 徧照閼浮提 猶若日初出
時見此三女 從彼蓮華生 觀者皆念言 此則善業報
目豳紺青色 其身如紫金 衆寶以莊嚴 觀者心無厭
離垢淨無穢 肢節悉具足 猶如真金像 安處寶蓮華
毛孔栴檀香 普熏於一切 口出蓮華香 演妙梵音聲
此是王女寶 世間所希有 身相悉具足 種種妙莊嚴
一切諸技術 世間言論法 究竟悉縷練 願爲哀納受
此是王女寶 身分悉圓滿 功德具莊嚴 宿行之所得
善知衆生病 起息之所由 又知對治法 除滅衆疑惑
一切閼浮提 衆生語言法 種種伎樂音 無不善通達
此女修功德 遠離女人法 能轉衆生心 唯願哀納受
捨離嫉妒心 不醉於五欲 不起瞋恚心 修習忍智慧
精通持淨戒 能辦一切事 專求諸功德 太子願納受
若見諸貧窮 老病衆苦逼 無所歸依者 大悲普慈念

常欲利衆生 不求自安樂 功德莊嚴身 觀益於一切
於諸威儀中 常修不放逸 修習諸善法 見者無不悅
功德皆莊嚴 遠離深汙心 常求善知識 恭敬樂供養
修習大慈法 棄捨怨結心 智慧無與等 唯願哀納受
爾時太子答言善女我已先發阿耨多羅三
藐三菩提心 欲無量劫行菩薩行 積集一切
功德智慧淨修一切諸波羅蜜恭敬供養一
切諸佛護持正法嚴淨一切諸佛世界今如
來種相續不斷教化衆生滅生死苦住究竟
樂欲令衆生淨智慧眼住菩薩道修菩薩行
具足一切菩薩諸地令一切衆生心大歡喜
我當盡未來劫行檀波羅蜜悉捨一切國城
妻子肢節手足頭目髓腦或在家布施出家
修道汝於爾時莫作障礙壞我道心爾時太
子重爲彼女而說偈言

哀憐衆生故 我發菩提心 無量無數劫 積集智功德
無量劫海中 修習諸大願 廣修菩薩行 具足一切地
三世諸佛所 學六波羅蜜 聞法能修行 專求菩薩道
十方垢濁刹 我悉令嚴淨 除滅諸羣生 三惡道苦患
以諸方便力 廣度一切衆 除滅愚癡闇 住一切智道
供養諸佛海 淨修一切地 發起大慈悲 內外一切捨
若我施來求 妻妾諸眷屬
在家及出家 汝莫作障礙 若能如是皆 我則納受汝
時女答言敬從來教乃至出家不敢有礙即

說偈言

經第五十六

第十四

卷

經

一切劫海中 地獄火燒身 若能眷納我 甘心受此苦
一切生死身 碎末如微塵 若能眷納我 甘心受此苦
無量劫頂戴 一切金剛山 若能眷納我 甘心受此苦
一切生死海 以我施無悔 若得法王處 願今我亦然
無量無數劫 修行菩薩道 有來求我者 歡喜願施與
太子見衆苦 發起菩提心 無量大慈悲 攝衆生及我
我不求豪富 不貪五欲樂 但願共行法 而爲太子妻
脩廣明淨眼 慈慈觀衆生 不起凍汗心 必成菩提道
太子遊行時 地出衆寶華 此相無有疑 必爲轉輪王
我昔於夢見 正覺勝日光 菩提樹下坐 大衆悉圍遶
夢中見彼佛 以手摩我頂 覺已大歡喜 踊躍無有量
空中時有天 名曰清淨身 彼天爲我說 道場佛興世
我發如是念 若見太子者 當爲分別談 勝日光佛眼
我昔所志願 於今悉成滿 唯願俱往詣 供養彼如來
爾時太子聞 彼如來出興于世心 大歡喜踊
躍無量欲見彼佛 以五百寶散彼女人 又與
妙德光藏淨周羅寶華妙衣服 時彼女母即
爲太子而說偈言

今此玉女寶 功德莊嚴身 我昔所志樂 此願今成滿
持戒不放逸 智慧諸功德 普於一切世 最勝無倫匹
此蓮華生 種姓無譏嫌 遠離諸不善 太子同志願
此女身素軟 猶如天繒纈 蒙彼手摩者 衆患悉除滅
此女所出香 芬馨無倫比 衆生若聞者 悉住於淨戒

其身淨無垢譬如真金像若有觀見者離害具慈心
口出微妙音無不樂聞者若有聽斯音遠離諸惡業
心淨無取穢質直無諂曲隨其所聞法如說能修行
恭敬善知識及所尊重者遠離貪欲心專求於正法
此女心不恃妙色蓮華生世間諸榮樂唯求無上道
時彼太子與此女俱并一萬采女出香華園
各乘寶車往詣道場下車步進遙見如來相
好嚴身其心澄淨如鏡淵停諸根調伏猶如
象王心大歡喜踴躍無量與采女衆往詣佛
所頭面禮足恭敬供養遶無數帀各持五百
衆妙寶華供散彼佛爲彼如來興立五百衆
香樓閣雜寶嚴飾時彼如來爲說普門燈明
修多羅聞說經已於一切法中得三昧海所
謂諸佛願海三昧普照三世光藏三昧對見
一切諸佛二昧普照一切衆生三昧普照世
界海淨智燈光明三昧普照衆生根海智光
明三昧救護衆生光雲三昧教化衆生現前
智燈明三昧聞持諸佛法輪三昧具普賢行
淨雲三昧於一切法中得如是等諸三昧海
時彼玉女於諸法中得不可壞寂靜法門於
阿耨多羅三藐三菩提得不退轉時彼太子
與諸眷屬禮彼如來遶無數帀辭退還宮詣
父王所頭面敬禮白言大王彼道場上勝日
光佛始成正覺王問太子從誰聞乎答言從

彼離垢妙德女聞時王聞已歡喜無量猶如
貧人得大寶藏作如是念佛無上寶難值難
遇能滅衆生惡道貧苦爲無上醫善對治法
除滅衆生諸煩惱患爲善導師於生死海濟
度衆生置涅槃處作是念已召諸小王及諸
羣臣并婆羅門刹利居士皆悉集會而告之
曰我聞太子無上吉語云勝日光佛出興于
世我聞是已歡喜無量無以酬報今捨王位
授與太子王捨位已與諸眷屬往詣道場勝
日光佛所頭面禮足退坐一面

爾時如來觀察彼王及諸眷屬白毫相中放
大光明名曰一切衆生心燈普照十方無量
出界一切諸王顯現如來不可思議自在神
力應變化者令彼心淨具足不可思議功德
超出世間其身清淨以微妙音爲大衆說離
癡瞋法真實燈陀羅尼門佛刹微塵等陀羅
尼以爲眷屬彼王聞已即得廣大智慧光明
闇淨提微塵等菩薩得此陀羅尼六十那由
他人得諸漏盡一萬衆生皆得離垢清淨法
眼無量衆生悉發阿耨多羅三藐三菩提心
又以不可思議自在神力於十方刹以三乘
法化度衆生爾時彼王作如是念此諸功德
若不出家則不能辨我今應當於如來所出
家修道前白佛言今從世尊出家學道佛告

王言宜知是時時王即與一萬眷屬出家修道皆得離癡瞋法真寶燈陀羅尼門及世界微塵等陀羅尼又得菩薩十明及無量辯淨無礙身詣諸佛所悉聞受持佛正法輪爲大法師以神通力徧諸世界隨所應化爲彼現身讚歎佛法并諸過去菩薩所行菩薩本生又讚歎佛無量無邊自在神力守護正法爾時太子月十五日王得道時於其正殿采女圍遶七寶自至一金輪寶名勝自在二象寶名曰青山三紺馬寶名勇疾風四神珠寶名光藏雲五主藏臣寶名曰大財六玉女寶名淨妙德七主兵臣寶名離垢眼得是七寶於閻浮提作轉輪王時有千子端正勇猛能伏怨敵時彼人民熾盛豐樂自在八萬王城城各建立五百樓閣大僧伽藍衆寶莊嚴一僧伽藍起廣大塔一切衆寶以爲莊嚴香華繒蓋而供養之一一王城次第請佛以不思議衆妙供具供養如來時佛入城無量衆生皆大歡喜長養善根發菩提心以廣大悲饒益衆生正求佛法知真實義平等觀察三世諸法明淨智慧普照三世知三世佛次第出世攝取衆生向菩薩道行菩薩行安住菩薩平等正法逮得如來法輪智光深入法海能於己身見一切剎善知諸根弘誓願海得

一切智爾時如來次第受彼諸王請時如是
饒益無量衆生佛子爾時太子增上功德主
豈異人乎今釋迦牟尼佛是也爾時王寶主
寶華佛是也寶華如來今在東方過世界海
微塵等世界海有一世界海名法界虛空光
雲中有世界名佛圓滿光妙德燈彼有道場
名曰一切天王光幢彼佛始成正覺與不可
說佛刹微塵等菩薩大衆圍遶說法彼寶華
佛爲菩薩時淨彼刹海彼刹海中三世諸佛
出興世者皆寶華佛爲菩薩時教化今發阿
耨多羅三藐三菩提心爾時女母善現者今
我母善目是也王眷屬者彼如來所大衆是
也皆悉具足普賢諸行成就大願清淨法身
普照世間其心無壞逮得菩薩諸三昧門以
清淨眼皆悉對見一切諸佛一切如來以虛
空等妙音聲雲轉正法輪悉聞受持於諸法
中得自在力出入息頭徧遊一切諸佛世界
以微妙音爲衆生說法而未曾離一切佛所
盡未來劫修菩薩行隨所應化悉爲現身爾
時離垢妙德寶女共增上功德主轉輪王四
事供養勝日光佛者我身是也被佛滅度後
其世界中有六十百千億那由他佛出興于
世其最初佛号明淨身次名淨明月普照智
次名智觀幢次名廣智光明三次名精進金

剛那羅延次名不壞智次名智普緣次名淨
 德智雲次名師子智光次名周羅光明次名
 功德光幢次名智日幢次名開寶蓮華身次
 莊嚴蓋妙音次名師子勇猛智照次名法界
 慧月次名覺衆生心虛空電光次名善鼻妙
 香次名寂滅響次名甘露山次名法海雷音
 次名無壞智音次名覺空電光周羅次名月
 光白毫相雲次名圓面淨慧次名善覺智華
 光次名寶嚴山妙德王次名廣德夜光次名
 妙寶月幢次名具三昧身次名勝寶光王次
 名現普智光次名能海門燈次名離垢妙音
 王次名無等功德次名勝幢次名脩臂次名
 本願淨月次名眞實智燈次名法上妙音次
 名明淨妙德藏王次名乘幢次名法海蓮華
 佛子彼一劫中如是次第六十百千億那由
 他佛出興于世我悉親近恭敬供養其最後
 佛名廣解脫光於彼佛所得淨智眼佛子爾
 時彼佛初成正覺入城教化我時爲王夫人
 與彼大王恭敬供養聞彼佛說如來性起燈
 修多羅聞已得淨智眼又得觀察菩薩三昧
 海法門佛子我得此法門已於世界微塵等
 劫受持修習是諸劫中值無量佛出興于世
 我悉恭敬供養佛子我或一劫值一如來出

興于世恭敬供養或二或三或不可說或於
 一劫值世界微塵等佛出興于世我悉恭敬
 供養而未能知諸大菩薩身量像貌及其身
 業心行智慧三昧境界佛子我若見修菩薩
 行者歡喜無量恭敬供養以諸方便而攝取
 之令於阿耨多羅三藐三菩提得不退轉佛
 子我於世界微塵等劫值遇諸佛恭敬供養
 彼佛說法悉聞受持時彼諸佛各以種種修
 多羅爲我說此法門我聞是已悉於三世佛
 刹海中諸如來所佛眷屬所修此法門又行
 菩薩行菩薩大願海種種法門中修此法門
 猶未能知普賢菩薩所行法門何以故佛子
 普賢法門猶如虛空無量無邊又如衆生及
 三世海十方刹海及諸法界無量無邊佛子
 普賢菩薩法門與諸佛身境界齊等我於世
 界微塵等劫觀菩薩身心無厭足何以故我
 於菩薩一一毛孔中念念悉見無量無邊莊
 嚴世界佛坐道場成等正覺於大衆中以微
 妙音轉正法輪說種種修多羅種種諸乘種
 種清淨復次佛子我於菩薩一一毛孔中念
 念悉見諸衆生海各有所住及其境界諸根
 不同於三世中發菩提心行菩薩行具大願
 海淨諸菩薩無量無邊波羅蜜海及諸菩薩
 本生之海無量無邊大慈悲海攝取衆生悉

今歡喜乃至悉見一切菩薩現處中宮采女
圍遶佛子我於菩薩一一毛孔中皆悉覩見
如是等事佛子我唯知此法門諸大菩薩皆
悉究竟諸方便海顯現一切衆生等身隨順
世間於一切毛孔普放一切相海光明了法
無性諸衆生類等如虛空一切至處皆悉如
如顯現神變於諸法界得自在力遊戲普門
一切諸地法門海中我當云何能知能說彼
功德行爾時瞿夷語善財言善男子此迦毗
羅城摩耶夫人汝詣彼問云何菩薩修習諸
行不染世法供養諸佛於菩薩行得不退轉
除滅障礙不由他悟入諸法門常能應現一
切佛所攝取衆生盡未來劫修菩薩行而不
退轉究竟滿足大乘諸願長養一切衆生善
哉爾時瞿夷承佛神力欲重明此義以偈頌
曰

我見樂修行菩薩諸行者歡喜心無量皆悉攝取之
乃昔久遠世過百剎塵劫有劫名清淨世界名光明
爾時彼劫中六十百千億那由他諸佛出興於世間
最後等正覺號爲法幢燈彼佛滅度後有王名智山
以大自在力王領閭浮提悉能廣降伏一切諸怨敵
王子有五百端正身姝妙其體淨圓滿見者無厭足
深信諸佛法恭敬而供養守護正法藏受持樂修習
彼王有太子名曰善光明三十相嚴身饒益諸羣生

五百億人俱 出家行學道 勇猛精進力 護持彼佛法
 王都名智樹 一億城圍遶 有林名靜德 衆寶樹莊嚴
 善光住此林 廣說佛正法 辯才無窮盡 令衆悉清淨
 或爲乞食故 入彼王都城 庠序有威儀 見者莫不欣
 遊步如師子 忘意常安諦 諸根悉調伏 念慧現在前
 爾時有長者 名曰歡喜幢 我爲長者女 名曰隨順先
 時我於城中 遇見善光明 相好莊嚴身 歡喜心無量
 次乞至我門 我以深心施 摩尼莊嚴具 投彼善光鉢
 雖以深愛心 供養彼佛子 二百五十劫 不經三惡道
 常於天人中 尊貴王家生 恒見善光明 妙相莊嚴身
 於後所過劫 二百有五十 善現女家生 名離垢妙德
 我見勝自在 發起供養心 不惜身壽命 隨其所施與
 時與太子俱 觀佛勝日光 歡喜心無量 發起菩提心
 彼劫最後佛 名廣解脫光 出興於世間 我值悉供養
 從彼最後佛 得淨智慧眼 了知諸法相 除滅虛妄惛
 得觀察菩薩 三昧海法門 一念悉觀見 不可思議刹
 見彼諸佛刹 或淨或垢穢 於淨不貪樂 於穢不憎惡
 普見諸世界 如來坐道場 一念見諸佛 不思議光海
 亦見佛眷屬 一切三摩提 一切諸法門 皆悉無障礙
 又知彼業行 隨其所住地 及諸大願海 一念悉了知
 我於菩薩身 見諸菩薩等 無量劫修行 一切莫能測
 一一毛孔見 阿僧祇劫刹 風輪水火輪 一切大地輪
 種種所依住 世界形類相 諸妙莊嚴具 衆生身差別
 又見世界海 一切諸世界 諸佛出興世 說法度衆生

我於無量劫修習菩薩行猶不知菩薩身業心智慧
時善財童子頭面敬禮彼瞿夷足遶畢辭退

大方廣佛華嚴經卷第五十六

繫寶上普班切

瞿夷

上其俱切
下以脂切

割截

上占遠切
下昨結切

各齎下祖誓切

坦然

上他但切

脩短

上息詠切
下都管切

紺色上古晴切

屑滿

上食倫切
下昌聖切

聰辯

上倉紅切

欲娉下匹正切

殞滅

上于敏切

倫匹

下譬吉切

貞潔下結音

額廣

上五陌切

方臆

下億音

縷練上力主切

碎末

上蘇內切

頂戴

下都代切

譏嫌上居依切

續續

上疾陵切
下苦謗切

芬馨

下呼刑切

瑕穢上胡加切

諂曲

上壯韻切

糶渟

下特丁切

伽藍下魯甘切

庠序

上似羊切

乙巳歲高麗國大藏都監奉

勅彫造

大方廣佛華嚴經卷第五十七

道

東晉天竺三藏佛跋闍耶

譯

入法界品第三十四之十四

爾時善財童子作如是念我當云何昇喜知
識善知識者遠離世間住無所住不著諸入
超出障礙趣無礙道具淨法身善業化身以
明淨智觀諸世間大願成滿持佛法身如意
法身非生滅身非來去身非虛實身非聚散
身一切諸相即一相身離邊見身無所著身
無窮盡身滅衆虛妄如電光身如幻夢身如
鏡像身如淨日身充滿一切諸方化身於三
世中無壞法身非身之身如是等身一切世
間所不能見唯是普賢菩薩所見彼善知識
行無礙行我當云何能見親近知其相貌問
法受持作是念已時有城天名曰寶眼眷屬
圍遶在虛空中爲善財現妙莊嚴身以天寶
冠寶莊嚴具供養善財作如是言善男子應
守護心城離生死故應莊嚴心城得十力故
應淨心城遠離慳嫉諸諂曲故應滅熾然猛
焰心城諸禪三昧法門相續得自在故應照
心城常以般若波羅蜜光照如來海及眷屬
故應長養心城攝取諸佛方便道故應堅固
心城出生普賢諸行願故應修心城諸魔魔
民及餘怨敵莫能壞故應明心城得諸如來

智光明故應修無壞心城能受如來正法雲
故應具心城已心悉受一切如來功德海故
應廣心城大慈普覆一切衆生故應蓋心城
以法普覆障不善故應進心城無量大悲救
一切衆生故應開心城門正念一切三世佛
故應達心城悉知諸佛轉正法輪修多羅法
門因緣起故應知心城道開示顯現一切智
道故應持心城具三世佛諸願海故應知心
城力長養法界功德力故應放心城普照光
明知一切衆生諸根欲性結業習氣諸垢淨
故應知心城自在力攝取一切諸法界故應
瑩心城住佛念故應知心城實相了達諸法
無實性故應知心城如幻入一切智正法城
故菩薩摩訶薩若如是知諸心城者則能積
集一切善根何以故蠲除無量諸障礙故所
謂見佛障聞法障供養佛障攝衆生障淨佛
刹障佛子菩薩摩訶薩若有如是無障礙心
以少方便能見一切諸善知識究竟成就一
切種智爾時有天名法妙德在虛空中妙聲
讚歎摩耶夫人又放種種色光明網廣照無
量諸佛世界爾時善財見光明網照諸佛身
遶一匝已然後還來入善財頂充滿其身爾
時善財即得離垢淨光明眼除滅一切愚癡
闇障得離瞽眼了知一切衆生實性得離垢

眼觀一切法性得淨慧眼觀一切刹性得淨
光眼見佛法身得普明眼觀不思議如來色
身得無礙光眼觀察一切世界成敗得徧光
眼見一切佛轉正法輪出生修多羅得普境
界眼觀察無量諸佛神力教化衆生得普見
眼觀一切世界隨因緣起諸佛興世時有守
護菩薩法堂羅刹鬼王名曰善眼與妻子俱
一萬羅刹眷屬圍遶在虛空中散衆妙華語
善財言善男子若有菩薩成就十法則能親
近諸善知識何等爲十所謂直心清淨遠離
諂曲不壞大悲攝取衆生觀察衆生非真實
性於薩婆若心不退轉於佛大衆得堅信力
以淨慧眼觀諸法性無壞大悲普覆衆生明
淨慧光了諸法界善對治法雨甘露雲除生
死苦順善知識以明淨眼觀諸法性相續不
斷菩薩成就此十法者則能親近諸善知識
復次佛子菩薩成就十三昧門則能觀見諸
善知識何等爲十所謂淨法虛空圓滿三昧
觀察一切方海三昧分別一切境界三昧對
見十方諸佛三昧長養功德藏海三昧念念
不捨善知識三昧現前見一切如來功德善
知識三昧詣善知識三昧常得不離一切善
知識三昧恭敬供養善知識無過失三昧善
男子菩薩成就此十三昧門則能觀見諸善

知識又得諸善知識微妙音聲轉正法輪三昧法門若有菩薩住此法門悉知一切諸佛平等常能覩見諸善知識爾時善財答羅刹言善哉善哉以哀愍故方便教我見善知識願爲我說云何往詣善知識所於何方處城邑聚落求善知識答言善男子敬禮十方求善知識正念思惟一切境界求善知識勇猛自在徧遊十方求善知識知身知行如夢如電詣善知識爾時善財隨順其教即時覩見大寶蓮華從地涌出金剛爲莖摩尼爲葉淨寶爲臺衆妙香鬘以阿僧祇摩尼寶網羅覆其上蓮華臺上有一樓觀名曰攝取法界方藏金剛爲地樓有千柱一切摩尼衆寶合成種種莊嚴懸阿僧祇妙寶瓔珞阿僧祇寶以爲欄楯爾時善財見樓觀中有摩尼寶師子之座衆寶莊飾雜寶欄楯敷衆妙衣寶網覆上建寶幢蓋於金鈴中出妙音聲雨妙香華諸寶鈴中出諸菩薩願行音聲寶月幢中出佛化身淨摩尼中顯現如來次第受生日摩尼中放無量光照十方刹摩尼寶王光明幢中放一切佛圓滿光明淨寶中出衆供具普賢自在充滿法界須彌幢中出天妙聲讚歎如來爾時善財見此不可思議莊嚴高座

不可思議眷屬圍遶見摩耶夫人處彼座上
端正姝妙具淨色身出三卅間色身一切卅
間對現色身遠離一切有趣色身隨其所應
教化色身一切衆生不深色身起廣大色身
與一切衆生等色身一切衆生無等色身一
切衆生見不虛色身種種色身隨所應化顯
現色身無量形像色身普門形像色身一切
衆生對現色身廣大自在門莊嚴色身教化
一切衆生色身一切衆生對現垂形色身一
切時現種種不壞色身一切衆生究竟不究
竟住持色身不去色身於一切趣無所滅故
不來色身於一切趣無所生故不起色身不
起不現故不滅色身離一切卅間語言道故
不虛色身隨所得故不欺色身隨應卅間故
無所至色身不生不死故不壞色身法性無
壞故無相色身三卅語言斷故一相色身無
相善說相故如電色身隨應一切衆生心故
如幻色身智幻滿故如燄色身持衆生想故
如影色身一切衆生本願相續不斷故如夢
色身隨應衆生不可壞故究竟法界色身淨
如虛空故現大悲色身成就一切衆生故顯
現無礙門色身於念念中滿法界故無量無
邊色身淨一切卅門離語言道故無所依色
身教化衆生究竟願故住持色身能辦一切

衆生事故不生色身幻願滿故無比色身出世間故隨應色身隨應度故不雜色身隨業相續故如意珠色身滿足一切衆生願故離虛妄色身一切衆生虛妄起故離覺觀色身一切衆生不能思察故不究竟色身除滅生死故清淨色身離如來覺觀故如是色非色色如電故受非受除滅世間苦受故離一切想分別一切衆生想故出生行非行諸業如幻故離識境界滿足菩薩智慧願故空無所有一切衆生語言斷故色身成就妙色不滅故爾時善財見摩耶夫人隨應衆生示現如是種種無量色身衆生或見過他化自在天王女身乃至過四天王女身或見過龍王女身乃至過人王女身爾時善財見如是等種種色身長養一切衆生善根行不可壞檀波羅蜜大悲普念一切衆生出生如來無量功德勇猛精進求薩婆若知一切法皆寂滅相入深忍海具足一切無壞禪定修習一切三昧境界逮得如來圓滿禪定滅一切衆生諸煩惱海皆悉嚴淨一切法界分別了知諸佛法輪以明淨智觀一切法海見一切佛心無厭足次第觀察三世如來開一切佛門見三世佛次第興世淨佛道戒如如空攝一切衆生而教化之得淨法身淨一切佛剎諸大

誓願究竟化度一切衆生一念充徧諸佛境界出生菩薩自在神力顯現無量清淨色身降一切魔力增長功德力生善法力得一切佛力具菩薩力生一切智力如來智慧普照一切悉知無量衆生心海了知衆生諸根欲性一身充滿十方無量無邊佛刹悉分別知佛刹成敗開淨智眼見三世海諸佛法海出生一切如來功德知一切菩薩所修功德從初發心乃至究竟長養一切衆生善根於一切世間讚歎一切諸佛功德成滿一切菩薩母願爾時善財見摩耶夫人有如是等閻浮提微塵等未曾有事即變化已身悉與摩耶夫人身等合掌禮敬五體投地即得無量無邊諸三昧門正念修習分別觀察隨順出生印證證已從三昧起起已敬遶摩耶夫人足諸眷屬恭敬合掌於一面住自言大聖文殊師利菩薩往昔教我發阿耨多羅三藐三菩提心求善知識親近供養我已漸求至大聖所願爲演說云何菩薩學菩薩行修菩薩道答言佛子我已成就大願智幻法門得此法門故爲盧舍那如來母於此閻浮提迦毗羅城淨飯王宮從右脅生悉達太子顯現不可思議自在神力善男子菩薩於兜率天命終時一一毛孔放大光明名一切如來受生圖

滿功德顯現不可說不可說佛刹微塵等菩薩受生莊嚴普照一切世界照已來觸我頂徧入我身一切毛孔入已普見菩薩受生自在莊嚴又見出家往詣道場成等正覺菩薩天人大衆圍遶恭敬供養轉正法輪彼諸如來於過去世行菩薩行於諸佛所恭敬供養發菩提心淨諸佛刹無量化身充滿法界教化衆生乃至示現大般涅槃如是等事皆悉覩見又善男子彼妙光明來入我身我身爾時超出世間與虛空等亦不過人身悉能容受十方菩薩莊嚴宮殿爾時菩薩從兜率天降神下時與十佛刹微塵等菩薩俱皆悉同行大願善根莊嚴法門智慧自在一切諸地清淨法身無量色身究竟普賢諸大願行悉皆同等如是菩薩眷屬圍遶又與八萬諸龍王俱娑伽羅龍王等及諸夜叉八部神等恭敬供養降神下時放大光明普照世界現自在力除滅一切諸惡道苦以巧方便教化不可思議衆生皆悉令知宿世業行令諸菩薩修不放逸無所染著救護衆生令悉覩見此菩薩身現如是等諸奇特事與大衆俱來處我胎彼諸菩薩於我胎內遊行自在或以三千大千世界以爲一步或不可說不可說佛刹微塵等世界以爲一步又念念中十方一

切世界一切佛所不可說不可說菩薩眷屬
及四天王忉利天王乃至梵王如是等一切
天王皆入我胎欲見菩薩恭敬供養聽受正
法悉皆容受如是等衆而胎不廣大亦不迫
迫於此世界示現如是神變受生十方一切
閻浮提中亦復如是亦不分身種種現化隨
其所應爲菩薩母何以故修此大願智幻法
門故善男子我爲盧舍那佛母拘樓孫佛拘
那含牟尼佛迦葉佛彌勒佛師子佛法幢佛
善眼佛淨華佛妙德華佛提舍佛弗沙佛歡
喜意佛自在佛離垢佛明淨月佛執炬佛樂
靜佛金剛楯佛清淨義佛阿私陀佛度彼岸
佛高敞山佛執燈佛寶蓮華佛功德稱佛無
量德持佛妙德燈佛莊嚴身佛善威儀佛妙
德慈佛善幢佛智盛佛無量音佛無諍佛散
疑佛清淨佛廣光佛速淨佛妙德雲佛莊嚴
頂鬘佛樹王佛莊嚴寶冠佛智海佛淨寶佛
堅天冠佛具諸願佛大自在佛妙德王佛勝
妙德佛栴檀雲佛廣淨眼佛殊勝慧佛修習
智佛高王佛自在慧佛離色佛師子喜佛無
上王佛妙德頂佛金剛智山佛妙德藏佛寶
網嚴身佛喜慧佛自在天佛大地天佛無著
功德佛衆牙佛慧光佛妙德天佛無上坐佛
無上德佛仙人伏根佛隨順語佛自在德幢

佛明淨幢佛分別支佛毗舍佉佛放一切衆
生香光明佛金剛寶嚴佛歡喜眼佛滅欲塵
佛高大身佛善天佛無上天佛向寂滅佛覺
智佛離塵垢佛光燄王佛安住佛毗舍佉天
佛金剛山佛智燄盛妙德佛安隱佛優波提
舍佛具淨德佛樂賢德佛第一義勇佛百光
燄佛一增上佛深音聲佛大地王佛白淨佛
山音聲佛殊勝佛不可壞佛無上醫佛功德
月佛不違逆佛功德聚佛月出佛功德天佛
光明盛佛娑羅陰佛藥王佛勝寶佛金剛慧
佛八十妙德佛一切無壞佛大名稱王佛勇
進持佛無量光佛大莊嚴燄佛法王不虛佛
不退地佛明淨天佛苦行佛淨天佛同意佛
解脫音佛無壞王佛滅諂僞佛淨蔭葡光佛
善勝月佛執明炬佛莊嚴身佛不可說佛觀
衆生佛無量光佛無畏音佛最勝天佛無畏
智盛佛妙德華佛月光燄佛不退慧佛離愛
佛不著慧佛長養德聚佛滅惡道佛無量化
師子吼佛義不退佛見無礙佛降衆魔佛不
著相佛離虛妄海佛清淨海佛不可沮壞須
彌山佛無著智佛無量坐佛與魔戰佛隨師
行佛無上調佛常月佛饒益王佛不動陰佛
饒益名佛饒益慧佛壽持佛壽名佛滿稱佛
無壞盛佛色明淨佛無相智佛勇無動佛難

思妙德佛同月行佛無量身佛隨順王佛增
壽天佛佛子如是等賢劫一切佛於此世界
成等正覺我悉爲母亦於十方一切世界教
化衆生爾時善財白言大聖得此法門其已
久如荅言佛子乃往古世過不可思議非諸
菩薩通明境界不可數劫有劫名淨光明有
世界名曰妙德須彌山王其土清淨無諸垢
穢衆寶合成種種嚴飾見者無厭彼世界中
有千億四天下諸四天下中有一四天下彼
四天下中有八十億大王之都彼王都中有
一王都名曰智幢有轉輪王名曰勇盛彼王
都北有一道場名月光明其道場神名慈妙
德時有菩薩名離垢幢坐於道場臨成正覺
時有惡魔名金剛光明與眷屬俱至菩薩所
壞其道行時勇盛王具足菩薩神力自在化
作兵衆多彼魔軍而摧伏之時彼菩薩得成
正覺時道場神見此事已歡喜無量發如是
願此轉輪王乃至成佛我爲其母善男子我
曾於彼道場供養十那由他佛善男子彼道
場神豈異人乎我身是也轉輪王者盧舍那
佛是也善男子我從爾時發願已來盧舍那
佛於一切有行菩薩行教化衆生乃至最後
受生我常爲母復次善男子現在過去十方
無量無邊諸佛放大光明來照我身宮殿住

孰者彼最後生我悉爲母善男子我唯知此
大願者幻法門諸大菩薩具大悲藏教化衆
生心無厭足得自在法一一毛孔現一切佛
自在神力我當云何能知能說彼功德行爾
時摩耶夫人告善財童子言善男子於此世
界三十三天有王名正念王有童女名天主
光汝詣彼問云何菩薩摩訶薩行修菩薩道
時善財童子敬受其教頭面作禮遶無數而
迴暮瞻仰却行而退

遂往天宮見彼童女禮足圍遶合掌前住白
言聖者我已先發阿耨多羅三藐三菩提心
而來知菩薩云何學菩薩行修菩薩道我聞
聖者善能誘誨願爲我說天女荅言善男子
我得菩薩解脫名無礙念清淨莊嚴善男子
我念過去有最勝劫名青蓮華我於彼劫中
供養恒河沙等諸佛如來彼諸如來從初出
家我皆瞻奉守護供養造僧伽藍營辦什物
又彼諸佛從爲菩薩住母胎時誕生之時行
七步時大師子吼時住童子位在宮中時向
菩提樹成正覺時轉正法輪現佛神變教化
調伏衆生之時如是一切諸所作事從初發
心乃至法盡我皆明憶無有遺餘常現在前
念持不忘又憶過去劫名善地我於彼供養
十恒河沙等諸佛如來又過去劫名爲妙德

我於彼供養一佛世界微塵等諸佛如來又
劫名無所得我於彼供養八十四億百千那
由他諸佛如來又劫名善光我於彼供養閻
浮提微塵等諸佛如來又劫名無量光我於
彼供養二十恒河沙等諸佛如來又劫名精
進德我於彼供養一恒河沙等諸佛如來又
劫名善悲我於彼供養八十恒河沙等諸佛
如來又劫名勝遊我於彼供養六十恒河沙
等諸佛如來又劫名妙月我於彼供養七十
恒河沙等諸佛如來善男子如是憶念恒河
沙劫我常不捨諸佛如來應正等覺從第一
切諸如來所聞此無礙念清淨莊嚴菩薩解
脫受持修行恒不間斷隨順趣入如是光劫
所有如來從初菩薩乃至法盡一切神變我
以淨嚴解脫之力皆隨憶念明了現前持而
順行曾無懈廢善男子我唯知此無礙念清
淨解脫如諸菩薩摩訶薩出生死夜朗然明
徹永離癡冥未嘗惛寐心無諸蓋身行輕安
於諸法性清淨覺了成就十力開悟羣生而
我云何能知能說彼功德行善男子迦毗羅
城有童子師名曰徧友汝詣彼問云何菩薩
學菩薩行修菩薩道時善財童子以聞法故
身心徧悅不思議善根派派增廣頭面敬禮
天主光足遠無數由應仰辭去

從天宮下漸向彼城至徧友所禮足圍遶合掌恭敬於一面立白言聖者我已先發阿耨多羅三藐三菩提心而未知菩薩云何學菩薩行修菩薩道我聞聖者善能誘誨願爲我說徧友荅言善男子此有童子名善知衆藝學菩薩字智汝可問之當爲汝說

爾時善財即至其所頭頂禮敬於一面立白言聖者我已先發阿耨多羅三藐三菩提心而未知菩薩云何學菩薩行修菩薩道我聞聖者善能誘誨願爲我說時彼童子告善財言善男子我得菩薩解脫名善知衆藝我恒唱持入此解脫根本之字唱阿字時入般若波羅蜜門名菩薩威德各別境界唱羅字時入般若波羅蜜門名平等一味最上無邊唱波字時入般若波羅蜜門名法界無異相唱者字時入般若波羅蜜門名普輪斷差別唱多字時入般若波羅蜜門名得無依無上唱邏字時入般若波羅蜜門名離依止無垢唱茶徒假字時入般若波羅蜜門名不退轉之行唱婆字時入般若波羅蜜門名金剛場唱茶字時入般若波羅蜜門名曰普輪唱沙字時入般若波羅蜜門名爲海藏唱他字時入般若波羅蜜門名普生安住唱那字時入般若波羅蜜門名圓滿光唱那字時入般若波

羅蜜門名差別積聚唱史叱字時入般若波
羅蜜門名普光明息諸煩惱唱迦字時入般
若波羅蜜門名差別一味唱婆字時入般若
波羅蜜門名需然法雨唱摩字時入般若波
羅蜜門名大沘端嚴衆華齊峙唱伽字時入
般若波羅蜜門名普上安立唱婆他字時入
般若波羅蜜門名眞如藏徧平等唱社字時
入般若波羅蜜門名入世間海清淨唱室者
字時入般若波羅蜜門名一切諸佛正念莊
嚴唱拖字時入般若波羅蜜門名觀察圓滿
法聚唱奢字時入般若波羅蜜門名一切諸
佛教授輪光唱佉字時入般若波羅蜜門名
淨修因地現前智藏唱叉字時入般若波羅
蜜門名息諸業海藏蘊唱婆多字時入般若
波羅蜜門名蠲諸惑障開淨光明唱壤字時
入般若波羅蜜門名作世間了悟因唱頗字
時入般若波羅蜜門名智慧輪斷生死唱婆
字時入般若波羅蜜門名一切宮殿具足莊
嚴唱車字時入般若波羅蜜門名修行戒藏
各別圓滿唱娑摩字時入般若波羅蜜門名
隨十方現見諸佛唱訶娑字時入般若波羅
蜜門名觀察一切無緣衆生方便攝受令生
海藏唱訶字時入般若波羅蜜門名修行趣
入一切功德海唱伽字時入般若波羅蜜門

名持一切法雲堅固海藏唱吽字時入般若
波羅蜜門名十方諸佛隨願現前唱拏字時
入般若波羅蜜門名不動字輪聚集諸億字
唱娑頗字時入般若波羅蜜門名化衆生究
竟處唱娑迦字時入般若波羅蜜門名諸地
滿足無著無礙解脫光明輪徧照唱闍字時
入般若波羅蜜門名宣說一切佛法境界唱
多婆字時入般若波羅蜜門名一切虛空法
雷徧吼唱佉耶加字時入般若波羅蜜門名
曉諸迷識無我明燈唱陀字時入般若波羅
蜜門名一切法輪出生之藏善男子我唱如
是入諸解脫根本字時此四十二般若波羅
蜜門爲首入無量無數般若波羅蜜門善男
子我唯知此善知衆藝菩薩解脫如諸菩薩
摩訶薩能於一切世出世間善巧之法以智
通達到於彼岸殊方異藝咸綜無遺文字筭
數蘊其深解醫藥呪術善療衆病有諸衆生
鬼魅所持恐懼呪詛惡星變怪死屍奔逐癩
癰癰瘰種種種疾咸能救之使得痊愈又善
別知金玉珠貝珊瑚瑠璃摩尼磲磬雞薩羅
等一切寶藏出生之處品類不同價直多少
村營鄉邑大小都城宮殿苑囿巖泉藪澤凡
是一切人衆所居菩薩咸能隨方攝護又善
觀察天文地理人相吉凶鳥獸音聲雲霞氣

候年穀豐儉國土安危如是世間所有技藝莫不諒練盡其源本又能分別出世之法正名辯義觀察體相隨順修行智入其中無疑無礙無愚闇無頑鈍無憂惱無沈沒無不現證而我云何能知能說彼功德行善男子此摩竭提國有一聚落彼中有城名婆坦那有優婆夷号曰賢勝汝詣彼問云何菩薩學菩薩行修菩薩道時善財童子頭面敬禮衆藝之足遶無數帀戀仰辭去

向聚落城至賢勝所禮足圍遶合掌恭敬於一面立白言聖者我已先發阿耨多羅三藐三菩提心而未知菩薩云何學菩薩行修菩薩道我聞聖者善能誘誨願爲我說賢勝荅言善男子我得菩薩法門名無依處道場既自開解復爲人說又得無盡三昧非彼三昧法有盡無盡以能出生一切智性眼無盡故又能出生一切智性耳無盡故又能出生一切智性鼻無盡故又能出生一切智性舌無盡故又能出生一切智性身無盡故又能出生一切智性意無盡故又能出生一切智性種種慧明無盡故又能出生一切智性周徧神通無盡故又能出生一切智性如海波濤無量功德皆無盡故又能出生一切智性徧世間光無盡故善男子我唯知此無依處道

場法門如諸菩薩摩訶薩一切無著功德行
而我云何盡能知說善男子南方有城名為
次田彼有長者名堅固解脫汝可往問云何
菩薩學菩薩行修菩薩道爾時善財禮賢勝
足遶無數帀戀慕瞻仰辭退南行

到於彼城詣長者所禮足圍遶合掌恭敬於
一面立白言聖者我已先發阿耨多羅三藐
三菩提心而未知菩薩云何學菩薩行修菩
薩道我聞聖者善能誘誨願為我說長者荅
言善男子我得菩薩解脫名無著清淨念我
自得是解脫已來法願充滿於十方佛所無
復希求善男子我唯知此淨念解脫如諸菩
薩摩訶薩獲無所畏大師子吼安住高廣福
慧之聚而我云何能知能說彼功德行善男
子即此城中有一長者名為妙月其長者宅
常有光明汝詣彼問云何菩薩學菩薩行修
菩薩道時善財童子禮堅固足遶無數帀辭
退而行

向妙月所禮足圍遶合掌恭敬於一面立白
言聖者我已先發阿耨多羅三藐三菩提心
而未知菩薩云何學菩薩行修菩薩道我聞
聖者善能誘誨願為我說妙月荅言善男子
我得菩薩解脫名淨智光明善男子我唯知
此智光解脫如諸菩薩摩訶薩證得無量解

脫法門而我云何能知能說彼功德行善男子於此南方有城名出生彼有長者名無勝軍汝詣彼問云何菩薩學菩薩行修菩薩道是時善財禮妙月足遶無數匝戀仰辭去漸向彼城至長者所禮足圍遶合掌恭敬於一面立白言聖者我已先發阿耨多羅三藐三菩提心而未知菩薩云何學菩薩行修菩薩道我聞聖者善能誘誨願爲我說長者答言善男子我得菩薩解脫名無盡相我以證此菩薩解脫見無量佛得無盡藏善男子我唯知此無盡相解脫如諸菩薩摩訶薩得無限智無礙辯才而我云何能知能說彼功德行善男子於此城南有一聚落名之爲法彼聚落中有婆羅門名尸毗最勝汝詣彼問云何菩薩學菩薩行修菩薩道時善財童子禮無勝軍足遶無數匝戀仰辭去漸次南行詣彼聚落見尸毗最勝禮足圍遶合掌恭敬於一面立白言聖者我已先發阿耨多羅三藐三菩提心而未知菩薩云何學菩薩行修菩薩道我聞聖者善能誘誨願爲我說婆羅門答言善男子我得菩薩法門名誠願語過去現在未來菩薩以是語故乃至於阿耨多羅三藐三菩提無有退轉無已退無現退無當退善男子我以住於誠願語故隨意所作

莫不成滿善男子我唯知此誠語法門如諸
菩薩摩訶薩與誠願語行止無違言必以誠
未曾虛妄無量功德因之出生而我云何能
知能說善男子於此南方有城名妙意華門
彼有童子名曰德生復有童女名爲有德汝
詣彼問云何菩薩學菩薩行修菩薩道時善
財童子於法尊重禮婆羅門足遶無數百戀
仰而去

漸次南行至於彼城見童子童女頂禮其足
圍遶畢已於前合掌而作是言聖者我已先
發阿耨多羅三藐三菩提心而未知菩薩云
何學菩薩行修菩薩道唯願慈哀爲我宣說
時童子童女告善財言善男子我等證得菩
薩解脫名爲幻住以斯淨智觀諸世間皆幻
住因緣生故一切衆生皆幻住業煩惱所起
故一切法皆幻住無明有愛等展轉緣生故
一切三界皆幻住顛倒智所生故一切衆生
生滅生老死憂悲苦惱皆幻住虛妄分別所
生故一切國土皆幻住想倒心倒見倒無明
所現故一切聲聞辟支佛皆幻住智斷分別
所成故一切菩薩皆幻住能自調伏教化衆
生殊勝智心及諸行願之所成故一切菩薩
衆會變化調伏諸所施爲皆幻住願及智所
攝成故善男子幻境自性不可思議善男子

我等二人但能知此菩薩解脫如諸菩薩摩訶薩善入無邊諸事幻網彼功德行我等云何能知能說時童子童女說自解脫已諸善根力不思議故今善財身柔軟光澤自說本願

大方廣佛華嚴經卷第五十七

鑿心上烏定切

鋼除上古玄切

迫近上音伯切

諂僞上丑嚴切

營辨上余傾切

什物上是執切

惛寐下彌二切

眾藝下魚祭切

咸綜下子宋切

蘊其上於問切

呪術上職救切

善療下力照切

鬼魅下明秘切

變怪下古壞切

奔逐上音具切

癩癩上音年切

羸瘦上力爲切

痊愈上此緣切

藪澤上蘇后切

飯練上古亥切

頑鈍上五遠切

沈沒上直深切

波濤下徒刀切

乙巳歲高麗國大藏部監

勅修造

大方廣佛華嚴經卷第五十八

道

東晉天竺三藏佛跋闍耶羅

譯

入法界品第三十四之十五

又作是言善男子於此南方有一國土名曰
海澗彼有園林名大莊嚴藏於彼林中有大
樓觀名嚴淨藏菩薩往昔善根所起菩薩諸
願自在諸通智力巧妙方便功德大悲法門
所起彼園中有菩薩摩訶薩名曰彌勒常化
父母親戚眷屬及同行者又復長養其餘無
量衆生善根令住大乘亦欲爲汝顯現菩薩
方便法門欲明菩薩受生自在欲對現教化
一切衆生令厭諸有宣明菩薩大慈悲力覺
悟菩薩無相法門明諸有趣悉無自相汝詣
彼問云何菩薩淨菩薩道云何菩薩學菩薩
戒云何菩薩淨菩薩心云何菩薩發諸大願
云何菩薩積功德具云何菩薩得菩薩地云
何菩薩滿足一切諸波羅蜜云何菩薩得諸
忍法云何菩薩住功德行云何菩薩近善知
識何以故彼菩薩摩訶薩究竟一切諸菩薩
行分別了知衆生心行以巧便智而教化之
滿足一切諸波羅蜜住菩薩地得諸忍門證
於菩薩離生之法於諸佛所而得授記於菩
薩法自在遊戲持諸佛持無量諸佛以一切
智甘露正法而灌其頂善男子彼菩薩摩訶

薩能示導汝真善知識堅菩提心長養善根
住正直心現菩薩根說無礙法平等諸地讚
歎菩薩所出生道具諸菩薩願行功德能廣
演說普賢所行善男子汝不應於一善根中
生知足想一光明法一行一願一授記別得
法忍門六波羅蜜菩薩諸地所淨佛刹近善
知識於是事中生知足想何以故善男子菩
薩摩訶薩應一向求無量善根積集無量善
提具積集無量菩提因緣修習無量諸大迴
向教化成熟無量衆生了知無量諸衆生心
諸根欲性衆生諸行除滅無量衆生煩惱結
業習氣除滅無量衆生邪見諸染汙心令發
無量諸清淨心拔出無量諸苦惱刺消竭無
量愛欲之海遠離無量愚癡闇冥壞散無量
大憍慢山解散無量生死繫縛越度無量煩
惱有流煎渴無量受生海源拯拔無量愛欲
淤泥於三界獄免濟苦難悉令安立八聖道
支普令滅除三毒熾然斷絕無量諸魔鉤鎖
遠離無量諸惡魔業淨修無量菩薩直心長
養菩薩無量方便出生菩薩無量諸根淨修
菩薩無量欲性深入菩薩無量等法修行菩
薩無量威儀示現菩薩無量隨順世間發起無
量不壞信心發起無量大精進力淨修無量

諸正念力成滿無量諸三昧力開發無量諸
 大慧力堅固無量諸欲性力積聚無量諸功
 德力長養無量諸淨智力發起無量菩薩諸
 力成滿無量諸如來力悉分別知無量法門
 普入無量諸法方面淨修無量法門發起無
 量法明照無量法無量諸根了知無量諸煩
 惱病積集無量諸妙法藥以善方便療衆結
 病修習無量甘露正法詣諸佛刹恭敬供養
 無量如來徧入菩薩大衆源底護持無量如
 來正法不譏無量衆生罪咎除滅無量惡道
 諸難令無量衆生生天人中揔攝無量諸衆
 生類淨修無量陀羅尼門成滿無量諸大願
 行修習無量大慈願力不惜壽命求無量法
 修習無量寂滅法力出生無量淨智通明知
 無量衆生諸趣受生而爲應現無量化身知
 無量心諸語言法悉入菩薩無量諸行修菩
 薩法觀察菩薩甚深法門覺悟菩薩難知境
 界到諸菩薩難至之趣攝持菩薩勇猛功德
 證於菩薩離生淨妙難證之法覺悟菩薩諸
 莊嚴行於一切處顯現菩薩自在神力受持
 菩薩無壞法雲增廣菩薩無量無邊淨智慧
 行究竟無量諸波羅蜜受於菩薩無量記別
 深入菩薩無量忍門修治菩薩不思議地諸
 正法門於無量劫以大弘誓而自莊嚴供養

諸佛淨不可說諸佛世界發不可說菩薩願
行善男子略說菩薩教化一切衆生於一切
劫行菩薩行於一切趣應現受生以明淨智
了了一切三世淨一切刹滿一切願供養一切
佛與一切菩薩同修願行親近一切諸善知
識是故善男子應一向求諸善知識若見聞
法恭敬供養於善知識勿生嫌疑身心懈厭
令一切善知識心大歡悅何以故因善知識
究竟一切諸菩薩行成滿一切菩薩功德一
切菩薩大願一切菩薩善根一切菩薩助道
法生一切菩薩法明淨一切菩薩法門淨修
一切菩薩禁戒一切菩薩禪定三昧一切菩
薩堅固無上菩提之心一切菩薩惣持辯才
淨一切菩薩功德藏同一切菩薩大願解一
切菩薩密法一切菩薩法寶長養一切菩薩
諸根積集一切菩薩智聚護一切菩薩功德
法藏清淨一切菩薩受生聞持一切菩薩法
雲出生一切菩薩正道發起一切菩薩道心
成就一切諸佛菩提一切菩薩諸行了知十
方一切法界讚一切菩薩直心功德起一切
菩薩大慈悲力攝一切菩薩無量善根得一
切菩薩道支得一切菩薩饒益衆生心遠離
惡道安住大乘修菩薩行遠惡知識於菩薩
法心不退轉超出凡夫聲聞緣覺一切世間

心無惑亂無所染著廣修菩薩無量諸行長
 養一切諸善功德除滅煩惱一切諸魔莫能
 沮壞因善知識悉能成辦如是等事何以故
 善知識者能令除滅諸障礙故遠不善法離
 惡知識滅無明闇諸邪見縛超出生死一切
 世間斷魔鉤餌拔苦惱刺出無智險難邪惑
 山澗越度有流諸惡邪徑示導清淨菩提正
 道教菩薩法修習四道明淨慧眼安立薩婆
 若增長菩提心廣大慈悲修波羅蜜住菩薩
 地得深法忍淨一切善根積集一切菩薩功
 德施與一切菩薩功德見一切佛心大歡喜
 護持淨戒解真實義出正法門離諸邪道現
 明法門普照一切聞持無量諸佛法雲滅一
 切煩惱增益一切智住一切佛法復次善男
 子善知識者則為慈母生佛家故善知識者
 則為慈父以無量事益衆生故善知識者則
 為養育守護不爲一切惡故善知識者則為
 大師教化令學菩薩戒故善知識者則為導
 師教化令至彼岸道故善知識者則為良醫
 療治一切煩惱患故善知識者則為雪山長
 養明淨智慧藥故善知識者則為勇將防護
 一切諸恐怖故善知識者則為牢船悉令越
 度生死海故善知識者則為船師今至一切
 智法寶洲故是故善男子應當如是正念思

惟詣善知識又善男子詣善知識發大地心
持一切事無疲倦故發金剛心堅固正直不
可壞故發金剛山心一切苦患不能壞故發
無自心隨彼意故發弟子心不違一切教故
發僮僕心一切苦役不疲厭故發養育心不
畏煩惱所汙染故發備作心隨所受教不違
違故發卑下心遠離自大增上慢故發成熟
心善知時非時故發寶馬心離慵慢心不調
故發大車心載一切故發大象心伏諸根故
發大山心一切惡風不能動故發小犬心離
瞋恚故發辨陀羅心離憍慢故發折角心離
威勢故發大風心無所著故發大船心於彼
此岸往返不疲故發橋梁心度善知識教故
發孝子心見善知識無厭足故發王子心順
君教故又善男子應於自身生病苦想於善
知識生醫王想於所說教生良藥想又於自
身生遠行想於善知識生導師想於所說教
生正路想又於自身生趣彼岸想於善知識
生知濟想於所說法生涼池想又於自身生
農夫想於善知識生龍王想於所說法生時
澤想於隨說行生成熟想又於自身生貧窮
想於善知識生毗沙門寶天王想於所說教
生珍寶想又於自身生弟子想於善知識生
大師想於所說法生修學想又於自身生怯

劣想於善知識生勇健想於所說法生器仗
想又於自身生商人想於善知識生導師想
於所說法生珍寶想隨聞說行生勝實想又
於自身生子息想於善知識生慈父想於所
說法生立家想又於自身生王子想於善知
識生大臣想於所說法學王教想善男子諸
善知識應正思念發如是想何以故因淨直
心見善知識隨順其教增長善根如依雪山
出衆藥草爲佛法器如海吞流生諸勝德如
海出寶淨菩提心如鍊真金超出世間如海
須彌不染世間如水蓮華不沒諸惡如海死
屍長白淨法如月盛滿普照法界如日迴輝
長菩薩身如母養子善男子略說菩薩摩訶
薩若能隨順善知識教得十不可說百千億
那由他諸功德明十不可說百千億那由他
淨直深心增長十不可說百千億那由他菩
薩諸根淨十不可說百千億那由他菩薩諸
持滅十不可說百千億那由他諸障礙法超
十不可說百千億那由他諸惡魔業入十不
可說百千億那由他菩薩法門滿十不可說
百千億那由他諸妙功德修十不可說百千
億那由他菩薩所行具十不可說百千億那
由他菩薩大願善男子略說菩薩因善知識
究竟一切菩薩行一切菩薩波羅蜜一切菩

薩地一切菩薩忍一切菩薩陀羅尼一切菩薩
薩三昧門一切菩薩通明智自在一切菩薩
迴向一切菩薩大願善男子如是等一切法
善知識為本依善知識起依善知識生依善
知識取依善知識發依善知識長依善知識
住依善知識得

爾時善財聞如是等讚善知識諸菩薩行如
來正法心大歡喜踊躍無量正念思惟菩薩
所行漸漸遊行向海彌國以過去際修身業
力及清淨心遠離惡行超出世間虛妄惑倒
求佛法實義長養諸根滿足大願具精進力
不惜身命饒益衆生修菩薩行積集佛法見
諸如來淨一切刹供養法師護持正法成就
菩薩諸淨願身善知緣起修習不可思議善
根作是念已淨心信敬一切菩薩如世尊想
修習諸根心不顛倒正念恭敬離世間想滿
足諸願出生無量菩薩化身讚歎三世一切
諸佛菩薩法門智慧覺悟如來菩薩一切至
處自在神力乃至一毛孔中佛菩薩身皆悉
充滿無礙智眼觀十方世界及虛空界三世
諸法爾時善財如是恭敬供養具諸願忍以
無量智觀境界地爾時善財五體敬禮彼嚴
淨藏高大樓觀作如是念此是諸佛菩薩諸
善知識是諸佛塔是如來像諸佛菩薩法寶

住處是聲聞緣覺亦是其塔此是衆聖亦是
父母亦是福田此是一切法界境界作是念
已又復等觀猶如虛空等觀如法界無有障
礙等觀如實際至一切處等觀如如來除諸
虛妄無所染著等觀如影如夢如電如響悉
從緣起非有非無深心信解隨諸業因而受
果報知從信心成等正覺因解佛功德供養
諸佛因恭敬心出佛化身因修善根起諸佛
法因般若波羅蜜起一切波羅蜜因堅固願
起諸佛法因諸迴向起一切菩薩行一切智
境界法界解了迴向非常非斷非生非滅非
無因作捨離有見諸顛倒惑謂從自在而生
諸法本有實性次第而出離我我所深達緣
起入諸法界見有爲法猶如鏡像離有無見
不生不滅滅邪癡惑了諸法空悉無自在超
出諸相入無相際而亦不違種生芽法悉知
一切從因緣生如因印故而生印像如鏡中
像如電如夢如響如幻各隨因有一切諸法
亦復如是隨業受報以善方便潤澤諸法爾
時善財禮未起闍知法如是得不思議善根
柔輭身心誓首禮畢敬遶十帀合掌諦觀復
作是念此是解空無相願者之所住處離虛
妄者之所住處住法界者了知衆生非實有
者知不生者知一切世間無所著者方便分

別一切衆生者一切無所依者離一切相者
知一切法無自性者不虛妄取一切業者了
知一切心意識相者知一切道非出非不出
者住一切甚深大智度者方便充滿普門法
界者寂滅一切衆煩惱者智慧斷除見愛慢
者一切禪定解脫三昧神通遊戲者修一切
菩薩三昧境界者安住一切如來所者以一
劫爲一切劫以一切劫爲一劫者以一切刹
爲一刹以一刹爲一切刹而亦不壞諸刹相
者以一法爲一切法以一切法爲一法而亦
不壞諸法相者以一衆生爲一切衆生以一
切衆生爲一衆生而解衆生無差別者以一
佛爲一切佛以一切佛爲一佛而解諸佛無
有二者以三世爲一念以一念爲三世者於
一念中詣一切刹者普照饒益一切衆生者
得一切入者出過衆生爲教化故而不捨離
者不依一切刹而遊行莊嚴一切世界供養
佛者詣一切佛無染著者依善知識不味法
者住一切魔宮不樂欲者入一切相而不捨
離一切智者了一切衆生身無我無衆生無
二觀者自身容受一切世界而不壞法性者
盡未來劫修諸願行而不取劫長短相者不
離一毛端處而現一切世界普爲衆生說正
法者可尊重者解甚深法者達無二者了無

性者善對治者體法空者住慈悲者遠離一切聲聞緣覺地者超出一切魔境界者不染一切世間境界者究竟一切菩薩法門者隨順一切佛法門者厭一切生死而不證聲聞離生法者知一切法無生而亦不起不生見者觀不淨法不證離欲法不染愛者修習大慈不爲除滅瞋恚法者觀於緣起一切法中無愚癡者住於四禪不隨生者住四無量不生無色爲教化者修習止觀不證明脫化衆生者住空三昧滅無見者住無相三昧爲化衆生不捨相者住無願三昧不捨菩薩一切願者一切煩惱業中得自在力爲教化故示現隨順煩惱業者離於生死而現受生爲教化者離一切趣現入諸趣化衆生者修大慈悲不隨愛者修習喜心見衆生苦常憂感者修習捨心而不捨離利他事者得九次第定而不厭離欲界生者離於諸受而不證實際者住三脫門而不證聲聞解脫法者觀四眞諦而不證諸果者觀於緣起離邊見者修八正道而不永出生死難者超凡夫地而不墮於二乘地者觀陰熾然而不永滅於五陰者離四魔道而不永捨諸魔覺者捨六入障而現受者觀眞如相而不證於實際法者現學一切乘而不捨離摩訶衍者如此樓觀住一

切功德者之所住處爾時善財以偈頌曰

安住大慈心 彌勒摩訶薩 具足妙功德 饒益諸羣生

住於灌頂地 諸佛之長子 思惟佛境界 安住此法堂

一切諸佛子 常履大乘行 遊行諸法界 安住此法堂

施戒忍精進 禪智方便願 究竟彼岸者 安住此法堂

無礙智如空 普照三世法 了知一切者 安住此法堂

解了一切法 真實無生相 如鳥遊空者 安住此法堂

除滅貪恚癡 一切諸顛倒 常樂寂靜者 安住此法堂

三脫門道觀 陰入界緣起 遠離惡道者 安住此法堂

深入無礙智 等觀衆生刹 知法無性者 安住此法堂

三世法無礙 猶如空中風 無所染著者 安住此法堂

見衆生受苦 無有歸依處 大悲普濟者 安住此法堂

見盲冥衆生 捨正入險路 為示正道者 安住此法堂

見諸有爲中 生老病死逼 今免恐怖者 安住此法堂

見衆生結患 積集智慧藥 悲心醫王者 安住此法堂

見無量衆生 漂溺生死海 大悲船度者 安住此法堂

深入生死海 摧滅煩惱龍 採佛智寶者 安住此法堂

願地慈悲眼 觀海出衆生 如金翅鳥者 安住此法堂

法界空中行 猶如淨日月 慧光普照者 安住此法堂

為一一衆生 盡未來際劫 荷負諸苦者 安住此法堂

一一諸刹中 盡來劫修行 金剛精進者 安住此法堂

一坐處聞持 諸佛法無厭 大智慧海者 安住此法堂

徧遊世界海 及諸大衆海 供養佛海者 安住此法堂

一切劫海中 修諸願行海 出生功德者 安住此法堂

一一毛孔中

佛刹劫衆生

無礙眼見者

安住此法堂

一念中徧入

不可說諸劫

知念無礙者

安住此法堂

一切刹微塵

衆生水滄等

生此等願者

安住此法堂

無量劫修行

摠持禪定願

解脫法門者

安住此法堂

一切諸佛子

出生無量德

饒益衆生者

安住此法堂

成就無礙智

通明巧方便

隨應現生者

安住此法堂

從初發道心

究竟一切行

化身滿法界

顯現自在力

一念成正覺

入無量智業

莫能測量者

安住此法堂

無礙淨慧力

遊行諸法界

無垢智觀者

安住此法堂

成就無礙足

一切無所著

了刹無二者

安住此法堂

觀諸寂滅法

皆悉如虛空

離垢境界者

安住此法堂

大悲觀衆生

諸苦所逼迫

拔濟饒益者

安住此法堂

不離一坐處

普現衆生前

如明淨日月

除滅魔餉

佛子住此堂

哀愍諸羣生

出無量化身

充滿諸法界

佛子住此堂

徧遊諸世界

一切如來所

無量無數劫

無依入此堂

稱量佛境界

無量無數劫

其心無厭倦

佛子住此堂

念念入諸定

一一三昧門

顯現佛境界

佛子住此堂

覺了一切刹

三世一切劫

衆生佛名号

佛子住此堂

諸劫為一念

遠離妄想惑

隨順於衆生

佛子住此堂

修習諸三昧

一一心中

了達三世法

佛子住此堂

一處跏趺坐

普現一切刹

一切諸趣中

佛子住此堂

悉飲佛法海

深入智慧海

超度功德海

無礙智慧量

三世無數刹

諸劫諸如來

無數衆生類

佛子住此堂

常於一念中

了知於三世

諸佛刹成敗

善知諸最勝 所修諸行願 并衆生諸根 修習佛境界

一一微塵中 見一切劫刹 諸佛及眷屬 一切衆生類

佛子住此堂 常觀一切法 衆生刹世劫 皆悉無自性

觀察衆生等 法等如來等 願等世界等 三世悉平等

佛子住此堂 教化諸羣生 供養諸如來 思惟諸法界

無量智慧業 滿足諸大願 無數劫演說 不可得窮盡

一切諸佛子 具足無量德 安住此法堂 我合掌敬禮

諸佛之長子 彌勒無礙行 我今合掌禮 唯願慈矜愍

爾時善財讚歎樓觀諸菩薩已合掌恭敬供

養禮訖於門下立欲見彌勒菩薩爾時遙見

彌勒菩薩與無量天龍夜叉乳闍婆阿脩羅

迦樓羅緊那羅摩睺羅伽人非人等大衆圍

遶從外而來威德特尊普照一切不染世法

超出一切世間衆魔境界滅諸障礙深入如

來菩薩境界供養諸佛等諸佛法冠解脫縉

淨妙天冠住大智網於諸佛所得一切智甘

露灌頂生諸佛法得薩婆若爾時善財頭面

敬禮一心合掌白言大聖云何菩薩學菩薩

行修菩薩道既修學已具一切佛法隨所請

衆生悉令度脫成就大願究竟一切菩薩所

行安慰一切諸天世人負本心不違三寶

不欺天人不回衆生不斷佛種持菩薩家如

來正法如是等事唯願演說爾時彌勒觀察

大衆指善財言汝等見是童子問菩薩行具

足一切功德者不此童子者勇猛精進專求
實義以正直心得不退轉常修勝法心無厭
足如救頭然求善知識親近供養聞法受持
此童子者昔於頻陀伽羅城受文殊師利教
求善知識展轉經由一百一十諸善知識問
菩薩行心無疲倦次來我所如是童子學大
乘者甚為希有成滿大願能辦大事具大莊
嚴常以大慈救護衆生起大精進彼羅蜜示
導大衆乘太法船度生死海今住大道得大
法寶長養大智如是之人難得聞見親近共
住同行亦難何以故此童子者發心救護一
切衆生除滅衆苦惡道諸難邪見險路愚癡
之闇超出生死壞一切趣輪度魔境界於一
切世間無所染著出欲泥解貪縛除邪倒摧
慢幢拔使刺廢諸蓋裂愛網滅無明竭有流
離詭幻淨心垢釋疑惑度無智海厭生死苦
乘大法船濟四使流於大愛河造智慧橋愚
癡闇中然智慧燈於生死路示以正道煩惱
病者令服法藥生老死者授甘露法三毒盛
者滅以定水令得清涼諸憂怖者施以無畏
三有獄者開以智門邪見縛者斷以慧劍住
三界城開解脫門在危險者示安隱處懼結
賊者施以無畏墜三惡壑者俯接令出爲陰
賊害者置涅槃城普衆生者示八正道住六

入空聚者拯以慧明失津要者示以正濟近
惡知識者令親善友樂童蒙者誘以聖法樂
住生死宅者普令超入一切智城救護一切
衆生之類不捨清淨求菩提心積集大乘心
無疲倦飲正法雨而無厭足勇猛究竟諸功
德事淨諸法門修菩薩行心無疲懈不退方
便出生大願見善知識心樂無厭奉給所爲
隨順其教不以爲苦諸善男子世間有能發
起無上菩提心者甚爲希有若發心已如是
精進求佛法者亦甚希有如是樂欲淨菩薩
道具菩薩行不惜身命求善知識不違其教
集菩提分不貪利養不捨菩薩正直之心不
著家業不染五欲不戀父母及諸親族但樂
專修一切種智如是之人倍復希有諸善男
子若有菩薩如是學者則能究竟菩薩所行
成辦大願近佛菩提淨一切刹教化衆生疾
入法界具足一切諸波羅蜜廣菩薩行畢本
意性出於魔業值遇一切諸善知識於一生
中能具普賢菩薩諸行此童子者入威儀海
諸智慧海修菩提海菩薩行海成滿一切諸
佛願海詣諸刹海見諸佛海入眷屬海行供
養海聞正法海飲妙法海成滿一切菩薩力
海顯現一切自在力雲一切衆生無不見者
滅一切煩惱處入一切佛處入諸法門處入

諸三昧處住諸通明處遊行法界處如日月
出照一切衆生處不依諸相如空中鳥常樂
寂靜無懷法門徧遊因陀羅網世界諸佛世
界如風無礙深入法界現諸世間見三世佛
心大歡喜踊躍無量隨諸佛教爲聖法器得
諸法門具菩薩行現自在力善財汝今得最
大利益無量劫難聞見者汝悉聞見知彼功
德所謂得見文殊師利積無量德遠離一切
險難惡道安住正法過童蒙地住諸菩薩功
德之地具智慧地得諸佛地菩薩行海成滿
虛空等諸佛智藏專求無量諸妙功德心無
厭倦若能如是堅直心者則能樂求諸善知
識具菩薩行教化衆生具不思議清淨之信
諸妙功德正法義者悉得覩見一切佛子善
財汝今獲大善利次第覩見諸佛眞子隨彼
自說願行所得汝從聞已皆悉具得如是行
者於無量劫之所難辨以是因緣諸佛子等
次第爲說難聞見者汝悉聞見從彼聞法現
自在力爲一切佛之所護念菩薩所攝隨順
彼教得大善利長養一切諸菩薩性學諸功
德不斷佛種常爲諸佛甘露罐頂不久當與
諸佛子等隨前衆生因其修善皆悉令獲勝
妙果報善財汝應發大歡喜不久當得大果
報故無量菩薩於無數劫修菩薩行汝今一

生皆悉具得皆由直心精進力故其有欲得如是法者當如善財之所修學便得究竟諸菩薩行滿一切願達一切法譬如慶雲隨所覆處能降甘澤隨智慧願具菩薩行亦復如是善財當知我所顯說皆是普賢菩薩所行應當了知近善知識過去諸佛專求菩提修習此行於無量劫諸有爲中受無量苦猶不值遇過去諸佛不具是行善財汝今皆得成就聞諸佛法行菩薩行其有衆生聞是行者得大善利成滿大願親近諸佛爲佛真子必成佛道清淨解脫除滅諸惡遠離衆苦積功德聚清淨法身遊行十方見諸如來菩薩大衆長養善根如水蓮華值遇諸佛聞持正法安住佛道具諸佛願究竟諸佛功德彼岸爾時彌勒告善財言汝可往詣文殊師利問諸法門智慧境界普賢所行彼當爲汝分別演說爾時善財聞是語已悲泣流淚文殊師利即時申臂遙授善財華寶瓔珞善財得已歡喜供散彌勒菩薩彌勒菩薩即以右手摩善財頂讚言善哉善哉佛子汝亦不久當與我等爾時善財踊躍無量以偈頌曰
無量無數劫難得聞見者我今得奉覲無上善知識
文殊我所尊究竟功德岸蒙見善知識願速還親近
爾時善財五體敬禮彌勒菩薩合掌白言大

聖我已先發阿耨多羅三藐三菩提心而未
知菩薩云何學菩薩行修菩薩道大聖今者
已爲諸佛授一生記證於菩薩離生正法住
菩薩住究竟一切諸波羅蜜具足一切諸法
忍門成就菩薩一切諸地自在遊戲一切法
門得一切三昧到於菩薩隨所至趣逮得一
切陀羅尼辯才方便光明具足成就菩薩自
在積集一切助菩提分遊戲巧方便慧得一
切通明隨所修學悉已究竟菩薩諸行具一
切願知諸乘門持如來持攝佛菩提守護一
切諸佛法藏出生智寶菩薩功德如來密教
常爲菩薩大衆上首爲煩惱賊所逼迫者以
勇猛力能爲摧滅令得安隱生死曠野迷正
路者示以正道煩惱患者治以良醫諸衆生
尊爲天中天爲無上聖勝出二乘生死海者
爲作導師而度脫之張大教網亘生死海諸
調伏者攝而取之長養善根安立菩薩於無
礙乘究竟一切諸菩薩事住諸佛所唯願大
聖爲我演說云何菩薩學菩薩行修菩薩道
爾時彌勒菩薩摩訶薩觀察善財指示大衆
歎其功德以偈頌曰
善財童子者淨直心智慧專求菩薩行而來至我所
善來大悲雲能雨甘露法具足三淨眼菩薩行無厭
善來正直心精進無懈倦諸根悉調伏專求菩薩行

善來無壞行 常求善知識

了達一切法 教化諸羣生

善來清淨道 安住功德藏

勇猛精進力 速得最勝地

善來難見者 諸佛功德子

增長諸善根 深入無量境

善來平等者 利衰及毀譽

苦樂世間法 其心無所染

善來安樂者 直心離諂曲

除滅於憍慢 瞋恚放逸法

善來最勝藏 觀察一切衆

長養功德藏 其心無疲倦

善來三世智 圓滿諸法界

了佛功德藏 其心無疲倦

善來妙蓮華 增長名稱雲

諸佛子教來 我示無礙趣

成就智慧網 了達不思議

廣修菩薩行 教化諸羣生

專求佛菩提 修習離垢行

間持諸大願 至此無疲倦

素來現在佛 所成諸行業

善財欲修學 故來至我所

志求眞法師 演說正道法

善教菩薩者 故來至我所

佛子修智慧 具足於菩提

親近善知識 故來至我所

衆生慈父母 長養諸功德

究竟菩提道 故來至我所

生老病死者 無上良醫王

衆生之釋天 雨甘露法藥

衆生明淨日 普照諸正道

衆生之淨月 功德圓滿故

譬如須彌山 怨親心不動

猶如大海水 未曾有增減

猶如海導師 度脫無量衆

一切無所著 故來至我所

勇健精進力 拯救諸衆生

悉令得安樂 專求善知識

建立正法幢 顯現佛功德

除滅惡道苦 開諸善趣門

能詣諸導師 覩見佛妙身

聞持彼密教 專求點慧師

欲具妙智色 託生種姓家

究竟諸功德 故來至我所

無比正直心 親近善知識

聞其所說教 皆悉能奉行

自昔發重德 文殊令發心

隨順其教命 專求佛菩提

捨棄家屬

父母諸親戚

世間一切樂

謙苦求知識

如是清淨行

於此命終已

得諸勝妙果

昇入佛法堂

善財見衆生

生老病死苦

爲發大悲心

專求佛菩提

見五道輪轉

衆苦所逼迫

修習金剛輪

壞散苦趣輪

衆生田荒穢

貪恚邪見刺

爲淨修治故

專求利智契

衆生趣癡闇

盲冥失正路

善財爲導師

慧光示正道

忍辱爲密鎧

執持慧利劍

乘於三脫門

摧滅煩惱賊

善財勇猛力

普爲三界衆

除滅諸恐怖

令置安隱處

善財爲海師

造立大法船

越度爾跋海

今住淨寶洲

善財爲一切

法界中淨日

以願智慧光

普照衆生類

善財爲覺月

妙法悉圓滿

慈定清涼光

滅諸煩惱熱

善財智海依

直心金剛地

菩薩行漸深

出生妙法寶

菩提心龍王

昇於法界空

興雲雨甘露

長養白淨果

淨信心爲炷

慈悲爲香油

正念爲寶器

然彼耀世燈

道心迦羅邏

慈悲爲胞段

菩提分肢節

長養如來藏

增益功德藏

清淨智慧藏

熾盛智慧藏

成滿諸願藏

如是大莊嚴

救護諸羣生

一切天人中

難聞難得見

如是智慧樹

根深不可動

方便爲敷茂

饒益諸羣生

欲聞一切法

除滅諸疑惑

具足妙功德

專求善知識

摧滅煩惱魔

消滅邪愛垢

悉令得解脫

專求智慧者

安住功德道

究竟滅三途

開示諸善趣

令具得解脫

顯現八正路

除滅諸邪見

壞裂煩惱網

消過愛欲海

善財明淨日

普照羣萌類

能爲調御士

拯濟三有衆

覺悟於一切

永出五欲泥

除滅虛妄想

爲開解脫門

分別諸法界 嚴淨如來刹 究竟一切法 善財應歡喜
勇猛修方便 信心不可壞 積集妙功德 成滿諸大願
不久見諸佛 了達一切法 嚴淨諸佛刹 成就佛菩提
隨順威儀海 究竟諸行海 度脫於一切 無量衆生海
出生諸善法 具足妙功德 與諸佛子等 圓滿解脫法
成滿諸大願 降伏一切魔 具足清淨業 除滅諸煩惱
成就一切智 了達甚深法 除滅諸羣生 煩惱衆苦患
一切衆生輪 迴流生死輪 爲轉淨法輪 除滅衆苦輪
守護佛種姓 淨修法種姓 攝取僧種姓 了三世種姓
成滿大願網 壞散邪見網 斷裂諸愛網 突破衆苦網
成就直心性 具足智慧性 嚴淨世界性 度脫衆生性
善財令一切 無量諸羣生 諸佛及菩薩 皆悉大歡喜
善財淨慧光 普照諸刹法 一切衆生類 皆見無量佛
照明諸法界 清淨衆生界 遠離諸惡道 除滅三有苦
令衆離邪道 顯現諸善道 修習八正道 安立解脫道
普令諸羣生 度脫生死海 除滅諸煩惱 安住功德海
消竭煩惱海 今度三千海 諸根悉調伏 不染於世間

大方廣佛華嚴經卷第五十八

親戚 下舍歷切
拯拔 上上聲切 下蒲撥切
鉤餌 上古侯切 下仍吏切
僮僕 下蒲木切
繫縛 上古詣切 下符纓切
於泥 上平去聲 下奴低切
療衆 上力照切
傭作 上餘封切
煎竭 上子仙切 下其謁切
免濟 上平辨切 下子禮切
罪咎 下其九切
懽悞 上力董切 下郎計切

快劣 上去劫切

漂溺 上無招切 下奴歷切

採佛 上倉宰切

金翅 下施智切

荷負 上胡可切 下房久切

水帝 下都計切

矜愍 上居陵切 下閑音

裂愛 上列音

懼結 上其遇切

惡慝 下七伯切

脩接 上芳矩切

誘以 上百音

張大 上陟良切

且生 上古郡切

毀譽 上許安切 下預音

荒穢 上呼光切 下於廢切

智犁 下郎美切

密鑑 下音鑑切

胞段 上布交切 下徒玩切

瓜裂 上古獲切 顛白未尋

乙巳歲高麗國大歲都監奉

勅彫造

大方廣佛華嚴經卷第五十九

道

東晉天竺三藏佛跋闍耶譯

譯

入法界品第三十四之十六

爾時彌勒菩薩以如是等讚歎善財諸妙功德令無量衆生發道心已告善財言善哉善哉童子乃能發阿耨多羅三藐三菩提心專求一切佛法饒益一切世間救護一切衆生善男子汝得善利人身壽命值遇諸佛得見文殊師利大善知識汝為法器善根潤澤長清白法淨勝欲性為善知識之所揔攝諸佛護念何以故菩提心者則為一切諸佛種子能生一切諸佛法故菩提心者則為良田長養衆生白淨法故菩提心者則為大地能持一切諸世間故菩提心者則為淨水洗濯一切煩惱垢故菩提心者則為大風一切世間無障礙故菩提心者則為盛火能燒一切邪見愛故菩提心者則為淨日普照一切衆生類故菩提心者則為明月諸白淨法悉圓滿故菩提心者則為淨燈普照一切諸法界故菩提心者則為淨眼悉能覩見邪正道故菩提心者則為大道皆令得入一切智城故菩提心者則為正濟悉令得到出要處故菩提心者則為大乘容載一切諸菩薩故菩提心者則為門戶令入一切菩薩行故菩提心者

則爲宮殿安住修習三昧法故菩提心者則
爲園觀於中遊戲受法樂故菩提心者則爲
勝宅一切衆生所歸依故菩提心者則爲依
止因修一切菩薩行故菩提心者則爲守護
能滿菩薩諸大願故菩提心者則爲慈母增
長一切諸菩薩故菩提心者則爲養育守護
一切諸菩薩故菩提心者則爲善知識離一
切惡諸恐怖故菩提心者則爲大王勝諸聲
聞緣覺心故菩提心者則爲最勝成滿一切
無比願故菩提心者則爲大海悉能容受諸
功德故菩提心者則爲須彌山王等觀衆生
心不動故菩提心者則爲金剛圍山攝持一
切諸衆生故菩提心者則爲雪山長養智慧
清涼藥故菩提心者則爲香山出生一切功
德香故菩提心者則爲虛空諸妙功德無邊
際故菩提心者則爲蓮華不染一切世間法
故菩提心者則爲寶象悉能調伏一切根故
菩提心者則爲寶馬遠離諸惡隴悞法故菩
提心者則爲調御師悉能守護摩訶衍故菩
提心者則爲良藥療治一切煩惱病故菩提
心者則爲沃焦消盡一切不善法故菩提心
者則爲金剛壞散一切諸惡法故菩提心者
則爲和香出生一切功德香故菩提心者則
爲妙華一切世間所愛樂故菩提心者則爲

白栴檀除滅五欲諸熱病故菩提心者則為
樂器微妙音聲聞法界故菩提心者則為勇
健摧滅煩惱諸怨敵故菩提心者則為善錘
拔出一切煩惱刺故菩提心者則為尊主於
餘一切莫能勝故菩提心者則為毗沙門天
王捨離一切諸貧苦故菩提心者則為妙德
莊嚴一切諸功德故菩提心者則為莊嚴具
嚴飾一切諸菩薩故菩提心者則為火焚焚
燒一切有為法故菩提心者則為無壞藥王
樹根長養一切諸佛法故菩提心者則為龍
珠除滅無量煩惱毒故菩提心者則為水珠
淨諸心垢煩惱濁故菩提心者則為如意珠
具足一切功德利故菩提心者則為天德瓶
滿足一切所欲樂故菩提心者則為劫初樹
出生一切莊嚴具故菩提心者則為恒安衣
不受一切諸塵垢故菩提心者則為正業衣
性淨故菩提心者則為利犂脩治一切衆生
田故菩提心者則為那羅延箭悉能鑒徹身
見鎧故菩提心者則為厭離決定了知苦患
相故菩提心者則為利稍能刺一切煩惱賊
故菩提心者則為甘露雨能滅一切煩惱火
故菩提心者則為利劍斬除一切煩惱惡故
菩提心者則為金椎壞散一切憍慢山故菩
提心者則為利刀斬截七使煩惱鎧故菩提

心者則爲勇健幢傾倒一切諸魔幢故菩提
心者則爲鉞斧斫伐無知諸苦惱故菩提心
者則爲器仗防護一切諸艱難故菩提心者
則爲善手防護一切諸度身故菩提心者則
爲妙足安立一切諸功德故菩提心者則爲
眼藥除滅一切無明瞋故菩提心者則爲善
拔刺悉能拔出身見刺故菩提心者則爲安
隱牀除滅一切生死苦牀故菩提心者則爲
善友度脫無量生死難故菩提心者則爲善
利遠離一切衰耗法故菩提心者則爲天人
師善知菩薩出要道故菩提心者則爲寶藏
無量功德不可盡故菩提心者則爲涌泉清
冷智慧無窮盡故菩提心者則爲淨鏡顯現
一切諸法門故菩提心者則爲淨池洗濯一
切諸垢穢故菩提心者則爲大河流引諸度
四攝法故菩提心者則爲龍王悉能普雨甘
露法故菩提心者則爲命根任持菩薩大悲
法故菩提心者則爲甘露能令安住不死法
故菩提心者則爲羅網網取一切所應化故
菩提心者則爲善胃攝取一切諸衆生故菩
提心者則爲鉤餌釣出生死淵居衆生故菩
提心者則爲阿伽陀藥除滅一切諸惡患故
菩提心者則爲波羅提毗叉藥悉能療治五
欲毒故菩提心者則爲大地消滅無量邪想

水故菩提心者則為風輪壞散一切諸障盡
故菩提心者則為寶洲出生道品功德寶故
菩提心者則為種性長養一切白淨法故菩
提心者則為居宅納受一切功德寶故菩提
心者則為大城菩薩商人所住處故菩提心
者則為金藥消煩惱垢令清淨故菩提心者
則為香蜜具足一切功德味故菩提心者則
為正道令入一切智城故菩提心者則為寶
器容受一切白淨法故菩提心者則為時澤
悉能除滅煩惱塵故菩提心者則為安住出
生菩薩之所住故菩提心者則為壽行不取
聲聞諸解脫故菩提心者則為瑠璃寶其性
淨妙不受垢故菩提心者則為伊尼羅寶勝
諸聲聞緣覺智故菩提心者則為法鼓覺悟
煩惱長寢眾生故菩提心者則為淨水其性
清淨無垢濁故菩提心者則為閻浮檀金今
有為善如聚墨故菩提心者則為山王超出
一切諸世間故菩提心者則為歸依悉能救
護諸眾生故菩提心者則為實義遠離一切
虛妄法故菩提心者則為無上寶悉令歡喜
得滿足故菩提心者則為大會隨彼所須令
充悅故菩提心者則為尊長於諸眾生無倫
匹故菩提心者則為寶藏受持一切諸佛法
故菩提心者則為因陀羅網攝諸煩惱阿修

羅故菩提心者則為毗樓那風震動教化衆生心故菩提心者則為因陀羅火焚燒一切煩惱習故菩提心者則為無上塔一切天人應供養故佛子菩提心者如是無量功德成就悉與一切諸佛菩薩諸功德等何以故因菩提心出生一切諸菩薩行三世諸佛成正覺故

善男子譬如有人得自在藥離五恐怖何等為五所謂火不能燒水不能漂毒不能中刀不能傷熏不能害菩薩摩訶薩亦復如是發菩提心攝薩婆若離五恐怖何等為五所謂不為欲火所燒諸有涼水所不能傷邪覺觀煙毒所不能中煩惱利刀所不能傷邪覺觀煙熏不能害善男子譬如有人得解脫藥終不橫死菩薩摩訶薩亦復如是得菩提心妙智慧藥生死過患所不能害善男子譬如有人得龍王藥若有毒蟲聞其藥氣即避遠去菩薩摩訶薩亦復如是得菩提心大龍王藥一切煩惱諸惡毒蟲聞其藥氣皆悉散滅善男子譬如有人得不可壞藥一切怨敵不得其便菩薩摩訶薩亦復如是得菩提心不壞法藥一切煩惱諸魔怨敵所不能壞善男子譬如有人得頻伽陀藥能出毒刺菩薩摩訶薩亦復如是得菩提心頻伽陀藥能出三毒諸

耶見刺善男子譬如有人得善見藥王滅一切病菩薩摩訶薩亦復如是得菩提心善見藥王滅一切衆生諸煩惱病善男子譬如刪陀那大藥王樹其有衆生在彼樹蔭身諸惡瘡皆得除愈菩薩摩訶薩亦復如是得菩提心刪陀藥樹其有衆生依蔭此樹一切煩惱不善業瘡皆得除愈善男子譬如藥王樹名無壞壞以其力故長養一切閻浮提樹菩提心樹亦復如是以其力故長養一切學無學菩薩善哉善男子譬如藥草名阿藍婆若用塗體身得柔澤意離諸惡菩薩摩訶薩亦復如是得菩提心阿藍婆藥長身口意諸善行業善男子譬如有人得念力藥有所聞法終不忘失菩薩摩訶薩亦復如是得菩提心念力藥者聞持一切佛法不忘善男子譬如有一藥名曰蓮華其有服者住壽一劫菩薩摩訶薩亦復如是服菩提心蓮華藥者阿僧祇劫而得自在善男子譬如有人執翳身藥一切衆生所不能見菩薩摩訶薩亦復如是得菩提心翳身藥者一切諸魔所不能見善男子譬如大海有摩尼寶名積衆寶若不至他方設火裁起乃至消滅海水一帝無有是處菩提之心積衆寶珠亦復如是處於菩薩直心海中乃至以一善根迴向薩婆若若有志失者

無有是處而薩婆若無所染著不離善根善男子譬如摩尼名淨光明有人以此瓔珞身者蔽餘寶光悉如聚墨菩薩摩訶薩亦復如是。是以菩提心摩尼寶珠瓔珞其身映蔽聲聞緣覺心寶善男子譬如水珠置濁水中水即澄清菩提心珠亦復如是除滅一切煩惱垢濁善男子譬如有人得住水寶珠瓔珞其身入深水中而不沒溺菩薩摩訶薩亦復如是得菩提心住水寶珠入生死海而不沉沒善男子譬如有人得大龍寶珠往到龍所龍不爲害菩薩摩訶薩亦復如是得菩提心大龍寶珠入欲界中煩惱惡龍所不能害善男子譬如帝釋有摩尼寶瓔珞其身於天中尊菩薩摩訶薩亦復如是著菩提心寶瓔珞者悉於一切三界中尊善男子譬如有人得隨意珠除滅一切貧窮困苦菩薩摩訶薩亦復如是得菩提心隨意寶珠除滅一切邪命貧苦善男子譬如火珠因日光發能出猛焰得菩提心明淨火珠亦復如是因大慧光所感發故出智慧火善男子譬如月珠因月光發出清涼水得菩提心淨月寶珠亦復如是因彼迴向善根月光所感發已出生善根諸大願水善男子譬如龍王著如意寶冠遠離恐怖菩薩摩訶薩亦復如是著菩提心大悲如意

寶冠遠離一切惡道諸難善男子譬如莊嚴一切衆生藏摩尼寶悉能成滿一切所願無所損減得菩提心妙莊嚴藏摩尼寶者成滿菩薩及餘衆生所欲願樂無所損減善男子譬如轉輪王有摩尼寶普照宮殿滅一切闇菩薩摩訶薩亦復如是得菩提心摩尼寶者悉能普照五趣宮殿滅一切闇善男子譬如有人爲紺色寶光明所觸即同其色菩薩摩訶薩亦復如是得菩提心紺色寶光觀察諸法善根迴向同薩婆若色善男子如琉璃寶於百千歲處不淨中不爲所染菩提之心淨琉璃寶亦復如是於百千劫住欲界中不爲五欲之所染汙其性淨故善男子如離垢光淨摩尼寶出一切寶菩提之心離垢光寶亦復如是出生凡夫聲聞緣覺菩薩諸佛功德珍寶善男子譬如大摩尼寶悉能除滅一切諸闇菩提心寶亦復如是除滅一切無知闇冥善男子譬如大海有無價寶商人船車載之入城餘摩尼寶無與等者菩提之心無價寶珠亦復如是處生死海菩薩摩訶薩以大願船載入解脫城聲聞緣覺諸功德寶所不能及善男子譬如離垢大摩尼寶處闇淨提能照四萬由旬日月宮殿皆悉顯現菩提之心離垢寶珠亦復如是住於生死照法界空

佛境界宮宅悉令顯現善男子譬如摩尼風王能持日月所照境界所有香華一切品類菩提之心摩尼風王亦復如是悉能攝持一切種智所照境界一切天人聲聞緣覺諸佛菩薩及諸有漏無漏善根善男子譬如海中有摩尼寶名曰海藏顯現海中諸莊嚴事菩提之心海藏寶珠亦復如是顯現一切智境諸莊嚴事善男子譬如閻浮檀金除如意寶勝一切寶菩提之心閻浮檀金亦復如是除一切智勝諸功德善男子譬如有人善能呪龍於諸龍中而得自在菩薩摩訶薩亦復如是得菩提心善呪術法於一切煩惱龍而得自在善男子譬如勇士被執鎧仗一切怨敵所不能壞菩薩摩訶薩亦復如是被菩提心大莊嚴具一切煩惱諸魔怨敵所不能壞善男子譬如憂陀伽娑羅栴檀若燒一鉢香氣普熏大千世界三千大千世界珍寶所不能及菩提心香亦復如是以妙功德普熏法界一切聲聞緣覺功德所不能及善男子譬如白栴檀以塗其身除諸惱熱得清涼樂菩提心香亦復如是除滅覺觀貪恚癡熱令智慧身悉得涼樂善男子譬如須彌山衆生品類近彼山者悉同其色菩提心山亦復如是若有近者皆得同彼薩婆若色善男子譬如波利

質多樹華香閻浮提中諸婆師華薝蔔華等
所不能及菩提心香亦復如是妙功德香聲
聞緣覺無漏戒定智慧解脫解脫知見所不
能及善男子譬如波利質多樹華未開敷時
其香普熏閻浮提內一切華香所不能及菩
提心華亦復如是一切天人有漏無漏功德
華香所不能及善男子譬如波利質多樹華
一日熏衣薝蔔華婆師華雖千歲熏所不能
及菩提心華亦復如是一日所熏功德香徹
十方佛所一切聲聞緣覺以無漏心熏諸功
德於百千劫所不能及善男子譬如那利羅
樹根莖枝葉及其華果悉益衆生菩提心樹
亦復如是依因菩薩大慈悲生從初發心乃
至究竟一切佛法常能饒益一切衆生善男
子譬如一兩阿羅婆藥變千兩銅以爲真金
於彼藥分無所損減菩提心藥亦復如是攝
迴向智除滅一切煩惱業障淨一切法同薩
婆若色煩惱惡業不能損減譬如小火隨所
焚燒其燄轉盛菩提心火亦復如是隨所緣
法慧火猛盛譬如一燈然百千燈無所損減
菩提心燈亦復如是悉然三世諸佛慧燈無
所損減譬如明燈入大闇室悉能照除一切
闇冥菩提心燈亦復如是入心闇室於無量
劫積集癡闇悉能除滅具足菩薩明淨智慧

譬如燈炷隨其精麤光明亦爾若益膏油光明轉增菩提心炷亦復如是隨其奉願出智慧光普照法界增大悲油教化衆生淨佛世界行諸佛事無有窮盡譬如他化自在天王冠閼浮檀金自然天冠欲界諸天所不能壞菩薩摩訶薩亦復如是冠菩提心大願天冠賢聞緣覺所不能壞譬如大師子吼小師子聞皆悉勇健一切禽獸遠避竄伏佛師子吼諸菩薩等若聞讚歎菩提心聲長養法身妄見衆生潛伏退散譬如有人用師子筋以爲琴絃音聲旣奏餘絃斷絕一切如來波羅蜜身出菩提心功德音聲若樂五欲二乘法者聞悉斷滅譬如牛馬羊乳合在一器以師子乳投彼器中餘乳消盡直過無礙如來師子菩提心乳著無量劫所積諸業煩惱乳中皆悉消盡不住聲聞緣覺法中譬如迦毗伽鳥在穀中時有大勢力餘鳥弗及菩薩摩訶薩亦復如是於生死穀發菩提心功德勢力聲聞緣覺所不能及譬如金翅鳥初始生時其目明淨有大勢力大小諸鳥所不能及菩薩摩訶薩亦復如是生如來家發菩提心慧眼明淨有大勢力聲聞緣覺於百千劫修習智慧所不能及譬如健士以那羅延金剛利箭射堅密鎖直過無礙菩薩摩訶薩亦復如是

以菩提心智慧利箭射諸邪見煩惱密鎖徹
過無礙譬如摩訶那伽大力勇士奮威怒時
閻浮提人無能壞者菩薩摩訶薩亦復如是
發大慈悲修菩提心一切世間諸魔眷屬及
煩惱業所不能壞譬如有人學大技術雖未
究竟諸餘巧能所不能及菩薩摩訶薩亦復
如是學菩提心願雖未究竟聲聞緣覺諸餘
衆生所不能及譬如有人學善射術先自安
立菩薩摩訶薩亦復如是學一切智地先自
安立菩提之心必得一切佛法譬如幻師先
讀幻術然後示現一切幻事菩薩摩訶薩亦
復如是發菩提心然後顯現一切諸佛菩薩
正法譬如幻術非色現色菩提心相亦復如
是顯現法界功德莊嚴譬如有人著閻浮檀
金莊嚴之具映蔽一切悉如聚墨菩薩摩訶
薩亦復如是以菩提心莊嚴之具蔽諸衆生
聲聞緣覺所有功德譬如阿夜捷多鐵此鐵
少分悉能毀壞一切餘鐵諸鉤鎖縛菩提之
心亦復如是斷諸邪見煩惱愛縛譬如疾風
隨去無礙菩提心風亦復如是隨所行處除
諸煩惱悉無障礙不住聲聞緣覺解脫譬如
有人善入大海而不沒溺摩伽羅魚所不能
害菩薩摩訶薩亦復如是以菩提心入生死
海不爲生死之所染汙亦不證實際聲聞緣

覺摩伽羅魚所不能害譬如有人服食甘露
一切衆患所不能害菩薩摩訶薩亦復如是
服菩提心甘露法藥不隨聲聞緣覺之地修
習大悲滿足願行譬如有人用翳身藥以塗
其目自在遊行無能見者菩薩摩訶薩亦復
如是得菩提心滿足大願自在遊行入魔境
界一切衆魔所不能見譬如有人依恃大王
不畏餘人菩薩摩訶薩亦復如是依菩提心
大力法王除滅障蓋不畏惡道譬如有人居
深水內不畏火焚菩薩摩訶薩亦復如是居
菩提心善根水內聲聞緣覺解脫之火所不
能燒譬如有人依恃猛將不畏怨敵菩薩摩
訶薩亦復如是依菩提心不畏諸惡譬如釋
天執持金剛降伏一切諸阿脩羅菩薩摩訶
薩亦復如是執菩提心摧滅諸魔及餘外道
譬如有人服阿羅婆藥不瘦不老延壽無窮
菩薩摩訶薩亦復如是服菩提心阿羅婆藥
於無量劫在生死中修菩薩行無所染著譬
如阿羅婆藥初用淨水菩提心藥亦復如是
一切菩薩所修行中最爲先首譬如有人諸
根法中命根爲首菩薩摩訶薩亦復如是諸
佛正法菩提之心最爲其首譬如有人命根
斷故不能利益父母親族菩薩摩訶薩亦復
如是離菩提心不能饒益一切衆生譬如大

海無能壞者菩提心海亦復如是聲聞緣覺不能沮壞譬如日光諸星宿光所不能蔽菩提心日亦復如是圓滿大願智慧日光聲聞緣覺無漏慧光所不能蔽譬如太子初生已爲大臣之所尊重菩薩摩訶薩亦復如是發菩提心已爲一切聲聞緣覺所共尊重修大悲故譬如王子年雖幼少一切大臣皆悉敬禮菩薩摩訶薩亦復如是發菩提心聲聞緣覺皆悉敬禮譬如王子雖未自在已具成就國王儀相菩薩摩訶薩亦復如是雖爲煩惱業障所覆以具成就菩提心相譬如目擊見眞淨寶謂爲不淨菩提心寶亦復如是無智不信起不淨想譬如呪藥若有衆生見聞共住一切衆病皆悉除愈菩提心藥亦復如是長養善根攝智慧藥滿足大願菩薩慧身若有衆生見聞共住修正念者皆悉除滅煩惱諸病譬如恒娑相衣不受塵垢菩提心衣亦復如是不受一切生死塵垢譬如有人常持甘露專念不散而能分別一切諸法菩薩摩訶薩亦復如是持菩提心甘露正法正念不散而能教化一切衆生令具大願成智慧身譬如犂無有挽則不堪用菩提之心亦復如是離正直心於如來法無有實義譬如轉輪王有妙天冠名曰象藏洗彼冠時四種兵衆

遊行虛空菩提心冠亦復如是淨諸菩薩一切善根遠離三有如來智慧無爲境界虛空中行譬如金剛從金性生非餘寶生菩提心寶亦復如是大悲救護衆生性生非餘善生譬如樹不從根生而能長養枝葉華果菩提心樹亦復如是無所依止而能長養一切種智通明大願普覆世間譬如金剛非一切器盡能發明亦非諸器盡能容持菩提心寶亦復如是小心慳結無智者器不能發明諂曲邪見衆生器中不能容持譬如金剛能壞衆寶菩提之心亦復如是決定了知一切諸法譬如金剛能壞衆山菩提之心亦復如是壞散一切諸邪見山譬如金剛雖破不全一切衆寶猶不能及菩提之心亦復如是雖小懈怠聲聞緣覺諸功德寶所不能及譬如破金剛猶能除滅諸貧困苦菩提之心亦復如是雖復小失威儀趣法猶能除滅諸貧窮苦譬如小金剛悉能破壞一切諸物菩提之心亦復如是緣小境界能破一切無知癡惑譬如金剛非常人所得菩提之心亦復如是非小心衆生之所能得譬如金剛無智術者所不能識菩提之心亦復如是無智衆生所不能識譬如金剛無能消滅菩提之心亦復如是一切諸法不能消盡譬如金剛器仗一切

衆生乃至摩訶那伽不能執持除那羅延力
 菩提之心亦復如是聲聞緣覺不能受持除
 諸菩薩摩訶薩譬如金剛器仗無不堅徹非
 餘器仗之所能爲菩提之心亦復如是觀察
 三世教化衆生阿僧祇劫受無量苦聲聞緣
 覺所不能及譬如金剛餘不能持除金剛地
 菩提之心亦復如是出生菩薩行願功德聲
 聞緣覺所不能持除薩婆若正直心者譬如
 金剛器中盛水不可消盡菩提之心亦復如
 是安住勝妙迴向善根入生死趣諸不善法
 不能消盡譬如金剛能持大地不令墜沒菩
 提之心亦復如是持諸菩薩一切願行不令
 墜落沒於三界譬如金剛於百千劫處於水
 中而不爛壞亦無變異菩提之心亦復如是
 於無量劫處生死中諸煩惱業不能斷滅亦
 無損減譬如金剛一切大火不能燒熱菩提
 之心亦復如是一切生死貪恚癡火不能燒
 熱譬如金剛道場之座能持菩薩降伏諸魔
 成等正覺餘不能持菩提之心亦復如是能
 持一切菩薩願行諸波羅蜜諸忍諸地迴向
 受記修菩提道供養諸佛聞法受行一切諸
 心所不能持善男子菩提之心成就如是無
 量功德若有衆生發菩提心則具如是無量
 功德是故善男子汝得善利發阿耨多羅三

貌三菩提心修菩薩行具足如是無量功德
善男子汝先所問云何菩薩學菩薩行修菩
薩道者汝今入是明淨莊嚴藏大樓觀者則
能了知學菩薩行修菩薩道具足成就無量
功德爾時善財童子敬遶彌勒菩薩合掌白
言唯願大聖開樓觀門令我得入爾時彌勒
菩薩即彈右指門自然開善財即入入已還
閉爾時善財觀察樓觀廣大無量猶若虛空
衆寶爲地有阿僧祇窓牖却敵欄楯七寶合
成阿僧祇幢幡蓋莊嚴阿僧祇寶瓔珞垂帶
阿僧祇大師子幢半月寶像諸寶繒綵又阿
僧祇天冠寶衣而以莊嚴阿僧祇寶網羅覆
其上阿僧祇金鈴自然演出微妙音聲又雨
無量寶華鬘雲諸妙香雲雨阿僧祇細末金
屑放阿僧祇勝妙光明普照一切有阿僧祇
異類衆鳥出和雅音雨阿僧祇優鉢羅鉢曇
摩分陀利華出阿僧祇摩尼寶光普照一切
於樓觀內具有百千諸妙樓觀不相障礙莊
校嚴飾亦如上說爾時善財觀見樓觀不可
思議衆妙莊嚴心大歡喜踊躍無量其心采
輒離諸妄想除滅一切愚癡闇障正念思惟
專求妙趣以無礙身恭敬作禮禮已彌勒告
薩威神力故諸樓觀中自見其身又見無量
自在神力不思議事或見彌勒隨本種姓壽

命知識長養善根諸劫世界一切佛所及諸眷屬因諸大願初發阿耨多羅三藐三菩提心或見初得慈心三昧因以為名或見彌勒行菩薩行滿足一切諸波羅蜜諸忍諸地淨佛世界見諸如來聞法受持守護正法為大法師得無生忍知某方處某如來所劫數多少而得受記或見彌勒為轉輪王十善化世或為四天王饒益一切衆生或為帝釋訶責五欲或為夜摩天王讚不放逸或為兜率天王讚歎一生菩薩功德或為化樂天王讚自在法或為魔王說無常法或為他化自在天王讚歎菩薩莊嚴化身或為梵王讚歎四無量心或為阿脩羅王調伏眷屬入大智海了達諸法悉如幻化或為閻羅王放大光明普照地獄滅一切苦或以肴膳飲食施諸餓鬼或為畜生受種種身而為說法除其癡闇或為四天王眷屬說法乃至為諸梵天王眷屬說法或為諸龍眷屬說法乃至為人非人等眷屬說法或為聲聞緣覺及諸菩薩大眾說法或為發心菩薩乃至十地菩薩說法或見讚歎初發心菩薩乃至十地菩薩功德或見滿足一切波羅蜜入於平等諸法忍門廣三昧門樂深法門修禪三昧出生通明充滿一切行菩薩行隨順世間成就大願或見與同

行菩薩俱饒益衆生或見與一生菩薩諸佛
現前授記者俱或見彌勒於百千劫經行誦
念書寫經卷無有懈怠或觀法門思惟實義
或入諸禪四無量心解脫三昧一切入等或
見出生菩薩通明或見正受變化三昧一一
毛孔出化身雲所謂天身雲諸龍夜叉乃至
摩睺羅伽身雲四天王身雲乃至梵王身雲
轉輪聖王王子大臣長者居士聲聞緣覺如
來身雲復見一一毛孔中出一切衆生等化
身雲或出菩薩法門所謂讚歎菩提心功德
門檀波羅蜜門乃至願波羅蜜門四攝諸禪
無量三昧通明摠持諸諦諸辯止觀解脫緣
起念處正勤神足根力覺道聲聞緣覺二乘
所行菩薩大乘諸地諸忍菩薩願行現如是
等一切法門或於樓觀見諸如來大衆圍繞
又知諸佛家族不同種姓不同其身壽量劫
剎教授無量法門正法住世分別了知皆悉
不同爾時善財諸樓觀中見一樓觀高廣嚴
飾勝妙於前包容三千大千世界百億閻浮
提百億兜率天菩薩命終降神受胎出生遊
行七步觀察十方大師子吼帝釋梵王恭敬
奉侍現童子身處宮殿中出遊園觀以薩婆
若心出家苦行現受乳糜往詣道場降伏衆
魔觀菩提樹轉正法輪昇天宮殿方土劫數

眷屬壽量行菩薩行滿足大願演說正法教
化衆生現分舍利皆悉不同

大方廣佛華嚴經卷第五十九

次樵上烏酷切
下即消切

善鑷下尼輒切

利稍下所角切

金椎下直追切

斬截上側減切
下昨結切

鉞斧上斤音
下府音

斫伐上之若切
下房越切

衰耗下呼倒切

洗濯上先禮切
下直角切

畏寢下七稔切

能中下陟仲切

橫死上戶孟切

即避下毗義切

依蔭下於禁切

無價下駕音

一鉢下市朱切

謦噓上職廉切
下蒲北切

竄伏上七乱切

潛伏上昨鹽切

子筋下斤音

琴絃上巨金切

在殿下苦角切

金翅下施智切

箭射上子職切
下神夜切

奮威上方問切

怒時上乃苦切

鉤鎖上古侯切
下蘇果切

不瘦下所右切

如犁下郎奚切

有抗下凡音

金屑下先結切

包容上布交切

乳糜下靡為切

乙巳歲高麗國大歲都監奉

勅周造

大方廣佛華嚴經卷第六十

道

東晉天竺三藏佛跋闍耶羅

譯

入法界品第三十四之十七

爾時善財自見已身在諸佛所見如是等諸
奇特事又聞樓觀諸金鈴中出不思議微妙
音聲所謂初發菩提心聲菩薩所行諸度願
聲恭敬供養不可思議諸佛音聲淨佛刹聲
佛法雲聲諸莊嚴具亦出如是微妙音聲又
聞其菩薩在其世界於某劫中某知識化迴
向善根出生大願於某佛所大眾之中發菩
提心聲又聞菩薩修習諸行劫數多小於某
刹中成正覺聲如是名号壽量長短滿足大
願化衆生聲於諸菩薩聲聞緣覺大眾之中
現般涅槃法住世聲又聞菩薩於某世界悉
能廣行檀波羅蜜淨持禁戒修習忍辱發行
精進入諸禪定習應智慧爲求法故捨諸珍
寶國城妻子頭目手足守護正法爲大法師
施清淨法設大法會建大法幢擊法鼓吹法
螺雨法雨興立塔廟種種莊嚴安樂衆生護
佛法藏又聞其佛在某世界於某劫中成等
正覺眷屬多小壽命長短滿足大願教化衆
生聞如是等不可思議微妙音聲身心柔軟
歡喜無量即得無量陀羅尼門辯才門忍門
精進門大願門通明門智慧門解脫門波羅

蜜門三昧門爾時善財於寶鏡中見諸如來
及其眷屬諸大菩薩聲聞緣覺淨世界不淨
世界雜世界或世界有佛或世界無佛或上
中下世界或有世界如因陀羅網或有翻覆
仰伏世界又復觀見平正世界悉分別知五
道別異又見無量阿僧祇諸大菩薩經行禪
定觀察諸法發大悲心普覆衆生造種種論
辯衆義趣或書經卷或問或答或見出生三
種迴向及諸大願悉皆觀見如是等事又見
諸寶柱中普放無量青黃赤白淨玻璃色因
尼羅寶閻浮檀金諸光明網又見珠瓔珞中
出八功德香水瑠璃寶中出無量光明又見
優鉢羅鉢曇摩分陀利中生諸妙華大如車
輪華中悉見男女大小釋梵四王諸龍夜叉
乃至人非人等及諸象馬聲聞菩薩一切衆
生種種形類皆悉恭敬合掌禮佛又寶樹中
悉見種種妙色之身所謂如來身菩薩身天
龍八部等身釋梵天身轉輪王身四部衆身
各各執持衆供養具尊重讚歎恭敬禮拜又
見半月像中放阿僧祇日月光明又見彌勒
於過去世修菩薩行布施頭目髓腦手足肢
節一切身分國城妻子種種諸物隨其所須
盡給施之又見彌勒讚歎諸佛恭敬供養或
爲醫王療治衆病生死路者示以正道或爲

大船師導至寶洲或爲馬王荷負衆生今離
鬼難或爲論師造諸經論或爲轉輪王十善
化世或見孝順父母近善知識不違其教或
見聲聞緣覺菩薩如來形色教化衆生或爲
法師讚歎佛法禪思誦念興諸福業造立塔
廟諸妙形像以香華鬘恭敬供養或教衆生
三歸五戒八齋十善出家學道聞法受持正
念思惟住菩提心又見彌勒於無量劫行六
度羅蜜化衆生事又見彌勒無量劫中諸善
知識爾時彌勒菩薩告善財言善來童子汝
見樓觀諸大菩薩不可思議自在力不唯然
已見譬如有人夢中覩見山林河池大海須
彌諸天宮殿四天下中一切像類見如是已
歡喜無量爾時善財亦復如是以大菩薩威
神力故遠離虛妄見三界法皆悉如夢菩薩
智慧無礙法門入諸菩薩莊嚴法門究竟菩
薩不可思議諸妙方便顯現菩薩神力自在
譬如有人當命終時見中陰相所謂行惡業
者見於地獄畜生餓鬼受諸楚毒或見閻羅
王持諸兵仗囚執將去或見刀山或見劍樹
或見利業割截衆生或見鑊湯鬻治衆生或
聞種種悲苦音聲若修善者當命終時悉見
一切諸天宮殿或見天女種種莊嚴遊戲快
樂見如是等諸妙勝事而不自覺死此生彼

但見不可思議行業境界善財童子亦復如是於樓觀內見諸菩薩不可思議勝業境界譬如有人爲非人所持見種種形類若有問難悉能應答善財童子亦復如是以大菩薩威神力故悉能分別正念思惟一切諸法譬如有人入於龍宮七日半月一歲百歲謂爲須臾善財童子亦復如是入彌勒菩薩神力宮殿於百千劫謂如須臾譬如梵宮名莊嚴藏於中悉見三千世界異類形像善財童子亦復如是於樓觀中悉見一切未曾有事譬如如比丘得一切入定行立坐卧隨彼境界悉現在前善財童子亦復如是於樓觀中隨彼境界悉分別知譬如人見輒闍婆城無所障礙善財童子亦復如是於樓觀中見一切法無所障礙譬如有人昇天宮殿見人住處無所障礙譬如大海於中悉見三千世界一切品類譬如幻師悉能顯現一切形色善財童子亦復如是於樓觀中彌勒菩薩威神力故悉見一切未曾有事無所障礙爾時彌勒菩薩攝威神力即時彈指告善財言善男子汝從定起從定起已而告之曰汝觀見此菩薩神力自在大願功德依果菩薩莊嚴修習奇特諸深妙行出生死道一切法門無量莊嚴諸佛大願不可思議菩薩三昧如是等事汝

悉見不善財答言唯然已見蒙善知識威神
力故爾時善財白言大聖此何法門答言入
三世智正念思惟莊嚴藏法門善男子一生
菩薩得如是等不可說不可說法門大聖此
諸奇特妙莊嚴法從何所來答言菩薩神力
之所出生而亦不在神力之中不來不去無
積聚處譬如龍雨不從身心但以發意欲雨
則雨然彼境界不可思議善男子此諸奇特
妙莊嚴法亦復如是無所從來但以菩薩神
力出生善男子譬如幻師現種種事無來去
處但以幻力現種種事此諸奇特妙莊嚴法
亦復如是無來無去無住無著不生不滅但
學菩薩智願力故現如是事爾時善財白言
大聖從何所來答言佛子菩薩無來趣無行
住趣無所著趣不生不死趣不往不至趣不
離不起趣不捨不著趣無業無報趣無起無
依趣不常不斷趣善男子菩薩但爲教化救
護衆生從大慈悲來滅衆生苦故從菩薩淨
戒道來隨其所樂自在生故從菩薩大願道
來本發意故從菩薩神通道來滅衆生苦仁
佛所故從菩薩無增損趣來不失身心諸善
業故從菩薩慧方便來隨順一切衆生類故
從菩薩化身趣來如電鏡像故善男子汝所
問我何所來者我從生處摩離國來彼有聚

落名曰樓觀有長者子名瞿波羅我爲說法
令立菩提我本生處諸羣生等隨所應化而
爲說法亦爲父母及諸親屬隨應說法安立
大乘而來至此善財白言大聖何等爲菩薩
生處答言善男子菩薩有十種生處何等爲
十所謂菩提心是菩薩生處生菩薩家故正
直心是菩薩生處生善知識家故安住諸地
是菩薩生處生諸波羅蜜家故出生大願是
菩薩生處生菩薩行家故大悲是菩薩生處
生四攝家故真實觀法是菩薩生處生般若
波羅蜜家故摩訶衍是菩薩生處生方便波
羅蜜家故教化衆生是菩薩生處生菩提家
故智慧方便是菩薩生處生三世諸佛家故善
男子菩薩摩訶薩以般若波羅蜜爲母大方
便爲父檀波羅蜜爲乳尸波羅蜜爲乳母羼
提波羅蜜爲莊嚴具毗梨耶波羅蜜爲養育
者禪波羅蜜爲潔淨善知識爲師菩提分爲
朋友一切善根爲親族一切菩薩爲兄弟菩
提心爲家如說修行爲家地菩薩所住爲家
處菩薩忍法爲豪尊出生大願爲巨富具菩
薩行爲順家法讚摩訶衍爲紹家法甘露灌
頂一生菩薩爲王太子能淨修治三世佛家
佛子如是菩薩超凡夫地證離生法生如來

家住佛種姓不斷三寶守護一切菩薩種姓
 淨所生處離諸惡道悉為一切天人釋梵沙
 門婆羅門恭敬供養以生佛家滿足一切大
 願藏故佛子菩薩摩訶薩生如是家知一切
 法悉如電光一切趣中受生無厭了趣如化
 雖現處中而無所著達一切法悉無有我心
 無憂悔以大慈悲教化衆生而不疲倦了達
 生死皆悉如夢於一切劫行菩薩行而不懈
 廢了知五陰皆悉如幻不畏生死知諸法界
 心無所著了一切法如熱時鐵於一切行不
 生倒惑遊戲幻法超魔境界得淨法身離煩
 惱業於諸趣中而得自在無顛倒惑善男子
 我淨法身充滿一切法界現一切衆生等色
 一切衆生等音聲一切衆生等名号一切衆
 生等威儀現一切衆生等隨順世間現一切
 衆生等受生現一切衆生等童子身一切衆
 生等想出生一切菩薩大願為變化身與衆
 生等充滿法界若諸同行失道心者還令發
 起菩提心故我於此閻浮提南界摩離國內
 拘提聚落婆羅門家種姓中生為欲滅彼憍
 慢心故化度父母及親族故於中受生善男
 子我於南方隨諸衆生所應示現而化度之
 於此命終生兜率天為欲化度彼諸天故顯
 現勝妙智慧功德消欲渴愛令知諸行皆悉

無常天趣壽命盛必有衰入摩訶衍一生菩薩皆悉雲集爲欲教化諸同行故欲開釋此牟尼世尊所化蓮華現彼受生善男子我於彼中壽終下生成正覺時汝及文殊師利俱得見我善男子汝今往詣文殊師利問云何菩薩學菩薩行修菩薩道具足成就普賢所行彼當爲汝分別演說何以故文殊師利滿足無量億那由他菩薩願行常爲無量億那由他諸佛之母又爲無量億那由他諸菩薩師勇猛精進教化衆生名稱普聞十方世界常於一切諸佛衆中爲大法師悉爲諸佛之所讚歎安住甚深智慧法門分別了知一切法界於無量劫修諸法門究竟普賢菩薩所行善男子文殊師利是汝善知識能令汝得生如來家長養善根積功德聚能示語汝諸善知識滿足大願顯現一切菩薩不可思議功德是故善男子汝應一心尊重恭敬往詣其所何以故汝先所見諸善知識修菩薩行滿足大願得諸法門皆由文殊師利威神力故時善財童子頭面敬禮彌勒菩薩遶無數而辭退而行

爾時善財童子如是經遊百一十城到普明城邊思惟而住觀察十方一心專求文殊師利何當會遇面奉慈願作是念時文殊師利

逆伸右手過百一十由旬至普門城摩善財
頂而作是言善哉善哉善男子若離信根憂
悔心沒功行不具退失精勤於少功德便以
爲足於一善根心生住著不善發起菩薩行
願不爲喜知識之所攝護不爲如來之所憶
念是等皆悉不能了知如是法性如是理趣
如是所行如是所住若周徧知若種種知若
盡原底若漸趣入若解說若分別若證知若
獲得皆悉不能是時文殊師利爲善財童子
示教誨已慰諭令其歡喜踊躍令得成就阿
僧祇法門得無量大智光明無量菩薩陀羅
尼無量大願無量三昧無量神通無量智慧
皆已成就復令得入普賢所行道場之內既
置善財自所住已文殊師利還攝不現於是
善財得見三千大千世界微塵等諸善知識
不違其教增長薩婆若大慈悲藏以淨慧眼
普觀衆生安住菩薩寂靜法門分別了知諸
法境界入佛甚深大功德海具解脫道長養
精進爲薩婆若修正直心入於三昧甚深法
海隨順諸佛清淨法輪現入諸趣於一切劫
修菩薩行滿足大願明淨慧光照一切智境
淨菩薩根以淨慧光除愚癡翳照一切法了
達法界一切佛刹及諸衆生壞障礙山住無
礙法具足成就諸地法藏修習普賢菩薩所

行善財童子得聞普賢菩薩名号行願功德
諸地地具地法地得地次第地修地住地境
界地持地共地正道一心欲見普賢菩薩
爾時善財正念起如來金剛藏道場一切寶
蓮華藏師子座心虛室界等心一切無著心
淨一切剎無障礙心於一切法境界無障礙
心充滿一切十方心得薩婆若境界無量心
莊嚴道場心深入分別法海心教化成熟一
切衆生廣大心於一切劫行菩薩行究竟如
來十力心爾時善財起是心時自善根力佛
威神力普賢菩薩諸善根力即見十種瑞相
何等爲十所謂見一切淨刹莊嚴菩提見一
切刹無諸惡道見一切刹淨如蓮華見一切
刹一切衆生身心柔軟見一切刹無量莊嚴
見一切刹一切衆生三十二相莊嚴其身見
一切刹莊嚴雲覆見一切刹一切衆生成就
慈心見一切刹莊嚴道場見一切刹一切衆
生皆悉修習念佛三昧是爲十又見十種光
相見一切世界微塵一一微塵中放一切如
來光明網雲與一切世界微塵等一一微塵
中放一切佛種種色光與一切世界微塵等
普照法界一一微塵中放一切寶雲光明與
一切世界微塵等普照法界一一微塵中放
如來光嚴輪雲普照法界一一微塵中出一

一切香雲普熏法界讚歎普賢菩薩諸行一切
大願諸功德海一一微塵中放一切日月光
雲放普賢菩薩光明普照法界一一微塵中
出一切衆生等身雲相好莊嚴放佛光明普
照法界一一微塵中出一切菩薩身雲究竟
一切行充滿法界一一微塵中出一切寶形
像雲充滿十方一切世界一一微塵中出一
切如來身雲與一切世界微塵等普雨一切
甘露正法充滿法界是爲十爾時善財見十
種瑞相已即作是念我今必見普賢菩薩增
長善根究竟菩薩妙行見一切佛若見普賢
菩薩得一切智想一心恭敬欲見普賢菩薩
爾時善財即見普賢菩薩在金剛藏道場於
如來前處蓮華藏師子之座大衆圍繞心如
虛空無所深著除滅障礙淨一切刹以無礙
法充滿十方住一切智入諸法界教化衆生
於一切劫行菩薩行恭敬供養一切諸佛心
無退轉於衆生中最勝最上一切世間無能
壞者一切菩薩不能察其智慧境界具不思
議諸妙功德普觀三世等諸如來爾時善財
見普賢菩薩一一毛孔放一切世界微塵等
光明普照一切虛空法界等世界除滅一切
衆生苦患悉能長養菩薩善根一一毛孔出
種種香雲普熏十方一切如來及諸眷屬一

一毛孔出一切世界微塵等華雲一一毛孔
出一切世界微塵等諸香樹雲出衆妙香莊
嚴法界一一毛孔出一切世界微塵等妙寶
雲莊嚴虛空一一毛孔出一切世界微塵
等種種寶樹充滿虛空以爲莊嚴雨種種寶
供佛大衆一一毛孔出一切世界微塵等色
界天身充滿一切法界一切衆生界讚歎皆
提一一毛孔出一切梵王身雲勸請如來轉
妙法輪一一毛孔出一切欲天身雲皆悉護
持諸佛法輪一一毛孔念念中出一切世界
微塵等三世諸佛充滿虛空無依衆生爲作
歸依一一毛孔念念中出一切世界微塵等
清淨佛刹諸佛菩薩充滿其中教化成熟無
量衆生一一毛孔念念中出一切世界微塵
等淨不淨佛刹充滿虛空令染汙者皆悉清
淨一一毛孔念念中出一切世界微塵等不
淨淨刹調伏不淨衆生一一毛孔念念中出
一切世界微塵等一切衆生身雲隨順世間
教化衆生一一毛孔念念中出一切世界微
塵等菩薩身雲讚歎諸佛長養一切衆生善
根一一毛孔念念中出一切世界微塵等初
發心菩薩身雲於一切刹示現初發菩提之
心一一毛孔念念中出一切世界微塵等菩
薩身雲於一一刹讚一切佛功德願海普賢

菩薩所行妙行一一毛孔念念中出一切出
界微塵等普賢所行雨甘露法令一切衆生
修薩婆若一一毛孔念念中出一切世界微
塵等佛初成正覺出興于世爾時善財見如
是等不可思議自在神力見已歡喜踴躍無
量重觀普賢一身分一一肢節一一毛孔
中悉見三千大千世界風輪水輪火輪地輪
七海寶山須彌山王金剛圍山一切舍宅諸
妙宮殿衆生等類一切地獄餓鬼畜生閻羅
王處諸天梵王乃至人非人等欲界色界及
無色界一切劫數諸佛菩薩教化衆生如是
等事皆悉顯現十方一切世界亦復如是如
此娑婆世界盧舍那如來應供等正覺所現
自在力東方蓮華妙德世界賢首佛所顯現
神力亦復如是如賢首佛所如是東方一切
世界一切佛所顯現神力亦復如是如東方
南西北方四維上下一切世界一切佛所顯
現神力亦復如是於一切世界一切微塵一
一微塵中現自在力亦復如是爾時善財見
普賢菩薩不可思議自在神力即得十不可
壞智慧法門何等爲十所謂於念念中能以
一身徧一切刹於念念中詣一切佛所於念
念中恭敬供養一切諸佛於念念中一切佛
所聞持正法得一切佛法輪智波羅蜜門得

不思議佛自在智波羅蜜門得無盡辯智慧
法門得般若波羅蜜觀諸法門得一切法界
海大方便波羅蜜門得知一切衆生欲性智
慧波羅蜜門得普賢所行智慧波羅蜜門爾
時普賢菩薩即申右手摩善財頂摩已善財
復得一切世界微塵等諸三昧門一一三昧
門各有一切世界微塵等三昧以爲眷屬一
一三昧中見一切世界微塵等諸如來海長
養一切世界微塵等諸功德具生薩婆若滿
大願海安住正道究竟一切諸菩薩行發薩
婆若勇猛精進爲一切佛光明所照如此娑
婆世界盧舍那佛所普賢菩薩摩善財頂令
得具足一切世界微塵等三昧門諸妙功德
普賢菩薩在於十方一切世界諸如來所摩
善財頂所得功德亦復如是爾時普賢菩薩
告善財言善男子汝今見我自在神力奇特
事不答言唯然已見此不思議莫能測者唯
除如來善男子我於過去不可說不可說此
界海微塵等劫修菩薩行專求菩提一一劫
中見不可說不可說世界海微塵等佛修菩
提心一一劫中於一切世界設不可說不可
說廣大施會給施一切或施妻子城邑聚落
頭目髓腦肢節血肉一切身分不惜壽命一
向專求一切種智於一一劫恭敬供養不可

說不可說世界海微塵等佛於彼佛所出家
學道受持正法未曾生於貪恚癡心我我所
心樂著生死虛妄之心輕慢他心諸障礙心
修不可壞佛菩提心未曾忘失善男子我所
修行菩薩諸行淨佛世界教化衆生長養大
悲供養諸佛及善知識護持正法悉捨一切
內外諸物修習世間世間智令一切衆生
背生死苦讚歎一切諸佛功德如是等事於
不可說不可說劫中演說劫猶可盡此諸功
德不可窮盡善男子我得如是功德具力諸
善根力樂勝法力修功德力觀察諸法寂滅
性力淨慧眼力佛威神力諸大願力大慈悲
力淨通明力善知識力得是力故逮得本性
清淨法身三世不壞又得無上清淨色身超
出一切世間隨應化者莫不覩見遊一切刹
無處不至現自在力見者無厭善男子汝且
觀我清淨法身無量劫海行菩薩行之所成
就無量劫中難聞難見種少善根聲聞菩薩
猶尚不得聞我名字況見我身善男子若有
衆生聞我名者於阿耨多羅三藐三菩提不
復退轉若見若觸若迎送若隨行若見光明
若見震動諸佛世界乃至夢中見聞我者亦
復如是若思惟念我若一日一夜若七日七
夜若半月若一月若一歲若百歲若一劫若

百劫乃至不可說不可說世界微塵等劫若
一生念我若百生乃至不可說不可說世界
微塵等生念我亦復如是以如是等世界微
塵等諸妙方便令一切衆生發阿耨多羅三
藐三菩提心住不退轉善男子若有衆生聞
我修習淨佛刹者必得往生清淨世界若有
衆生見聞我身必得生我清淨身中善男子
汝復觀我清淨法身爾時善財於普賢菩薩
相好肢節諸毛孔中見不可說不可說世界
海諸佛充滿一如來以不可說不可說大
菩薩衆以爲眷屬見彼一如來刹海所依
不同形色各異金剛圍山大雲彌覆佛興世
間所轉法輪如是等事皆悉不同又見普賢
菩薩於十方剎出一切世界微塵等如來化
身教化衆生令發阿耨多羅三藐三菩提心
爾時善財童子經由親近一佛世界微塵等
諸善知識所得功德於見普賢菩薩所得功
德百分不及一百千萬分乃至算數譬喻所
不能及何以故善財童子於念念中入不可
說不可說佛世界海得不可說不可說微塵
等諸功德藏知諸佛海次第興世菩薩衆海
眷屬圍遶了衆生根現自在力而化度之或
一世界於一劫中修菩薩行乃至不可說不
可說世界微塵等劫修菩薩行不出世界段

不被世界生而能教化無量無邊世界衆生
今發阿耨多羅三藐三菩提心爾時善財童
子能自究竟普賢所行諸大願海不久當與
一切佛等一身充滿一切世界刹等身等行
等正覺等自在力等轉法輪等諸辯才等妙
音聲等方便等無畏力等佛所住等大慈悲
等不思議法門自在力等爾時普賢菩薩欲
重明此義以偈頌曰

汝等離煩惱 清淨心諦聽 說佛一切行 真實波羅蜜
超出諸世間 無上調御士 遠離煩惱垢 清淨如虛空
圓滿智慧日 除滅煩惱闇 普照一切法 安樂諸羣生
如來無量劫 時乃出興世 譬如優曇華 難見難值遇
普為諸羣萌 苦行無量劫 隨順諸世間 其心無染著
時諸菩薩衆 既聞普賢教 敬心聽如來 自在真實義
普賢具佛子 究竟一切行 常為佛所歎 言必不虛妄
普賢功德華 不染三界法 勸發大衆聽 無盡智慧海
諸佛微妙智 清淨如虛空 明了一切行 其心無所著
一念悉了達 三世一切法 善知衆生根 隨其所應化
衆生心煩惱 諸業善不善 所樂皆悉知 而為說正法
或見如來坐 充滿十方界 衆生罪所障 雖近而不見
或見初發心 遠離諸放逸 無量無數劫 修習菩薩行
或聞諸最勝 妙音演說法 罪垢衆生等 不聞佛名号
或見大菩薩 充滿三千界 究竟普賢行 如來為說法
或見盧舍那 無量無數劫 嚴淨此世界 得成最正覺

或見賢首佛 普賢大菩薩 斯等悉充滿 蓮華妙德刹

或見阿彌陀 觀世音菩薩 灌頂授記者 充滿諸法界

或見阿闍佛 香象大菩薩 斯等悉充滿 妙樂嚴淨刹

或見月慧佛 金幢大菩薩 斯等悉充滿 明淨鏡妙刹

或見日藏佛 智灌大菩薩 斯等悉充滿 清淨光明刹

或見十方界 諸佛放光明 為衆轉法輪 除滅愚癡暗

或見一毛孔 不可說佛刹 諸佛莊嚴身 佛子衆圍遶

為轉正法輪 度脫諸羣生 無數億劫中 修習菩薩行

或於一毛孔 悉見無量刹 或淨或垢穢 諸行業所起

或見盧舍那 於彼轉法輪 顯現自在力 方便入涅槃

觀客衆生類 一切業煩惱 顯現自在力 化之令解脫

如是諸法正 十方世界中 顯現自在力 我今說少分

或見釋迦文 初成等正覺 饒益諸羣生 一切莫能測

或見為菩薩 供養一切佛 或住童子地 顯現自在力

或見行施戒 忍辱勤精進 深入諸禪定 住慧方便地

或見究竟住 一切種智地 三昧陀羅尼 出生諸通明

或見無量劫 修習菩薩行 逮得不退轉 甘露灌頂記

或見為梵身 帝釋四天王 刹利婆羅門 示現此等身

或見從兜率 命終降神生 或見住宮殿 捨欲而出家

或見坐道場 降魔成正覺 轉淨妙法輪 涅槃後起塔

或見無量壽 最勝天人尊 為授灌頂記 成無上導師

或見十力尊 教化已周訖 般涅槃已來 無量無數劫

或見論師月 現處梵王宮 亦現大自在 魔王宮殿中

或見兜率宮 諸天衆圍繞 為彼說正法 悉令大歡喜
或見處夜摩 帝釋四天王 諸龍夜叉王 八部宮殿中
諸光如來所 供養得授記 如是等方便 教化諸羣生
光明身如日 淨慧及眷屬 教化威儀聲 皆悉不可數
見佛同衆生 或身如須彌 或現跏趺坐 充滿於世界
或見光一尋 或百千由旬 或見照法界 或照一切刹
或現壽百歲 百千萬億歲 無量那由他 不可思議劫
無礙清淨慧 一念知三世 悉從因緣起 而實無自性
一刹成正覺 普現諸世界 能現一世界 而作無量刹
示現無量刹 而為一世界
安住無上道 具足無畏力 無礙智慧轉 十二行法輪
知苦習盡道 十二支緣起 四辯無礙智 演說一切法
無我無我所 亦無有自性 無生亦無滅 無來亦無去
皆悉如虛空 而不壞諸業 如來為衆生 方便分別說
轉此法輪時 震動一切刹 大海金剛山 無有恐怖者
如來一音說 各隨所應解 滅諸煩惱垢 令住薩婆若
如來一音說 或聞施戒忍 精進禪智慧 慈悲及喜捨
四念四正勤 如意諸根力 覺道止觀念 神通諸法門
如來一音說 八部人非人 梵釋四天王 隨類音聲解
若多貪患疑 憍慢慳嫉結 八萬四千垢 各聞對治法
未修淨業者 聞說十善道 已修施戒者 聞說般涅槃
淨著於生死 懈怠諸羣生 聞說解脫門 除滅生死苦
少欲知足者 樂處於閑靜 如是等衆生 聞說二乘旨
或修廣大心 具諸功德藏 親近諸佛者 聞說大乘聲

或有一世界聞說一乘音或二三四五乃至無量乘
智慧行有異解脫無差別猶如虛空性無有若干相
如來微妙音其性亦如是隨所應化者所聞各不同
佛以過去行得一微妙音無心於彼此而能應一切
佛口放妙光八萬四千數普照諸世界除滅衆煩惱
具足智功德三種順衆生離世如虛空常現於世間
雖復隨世現生老病死苦或復現住壽其性如虛空
如來分別知一切衆生類諸根及性欲令住薩婆者
諸佛尊導師示入於大衆隨其所應化善現威儀法
爲諸聲聞現出家威儀法常樂修寂滅無餘涅槃證
婆羅門衆中示現羸老身繫羸而苦行語論無窮盡
服氣或斷食五熱以炙身如是現苦行降伏諸異學
或持異道戒等善多方術星曆地動相種種衆生相
深入諸禪定三昧及解脫種種現嬉戲令得薩婆若
示現樂衣服種種莊嚴身勇健善兵法降伏刹利故
現知治正法時節諸義利軟語攝衆生降伏大臣故
或詣四天王八部鬼神所方便爲說法皆令大歡喜
或現爲帝釋安住善法堂諸天衆圍遶爲彼演說法
夜摩或兜率化樂化自在梵王至淨居爲彼演說法
如是現無數種種威儀法無量方便力度脫諸羣生
譬如工幻師能現種種事佛爲化衆生示現種種身
如月遊虛空觀者謂增損影現諸河池映蔽焚火光
如來降智月示現有增損處於蓮心水映蔽二乘光
譬如深大海珍寶不可盡於中悉顯現衆生形類像

甚深因緣海 功德寶無盡 清淨法身中 無像而下現

譬如明淨日 照除世間闇 如來淨智日 悉除三世闇

如龍興慶雲 普雨於一切 身心不降雨 除熱得清涼

如來亦如是 興起大悲雲 普雨甘露法 滅除三毒火

此法亦不從 如來身心出

如來淨法身 三界無倫匹 超出諸世間 非有亦非無

其實無所依 不去而徧至 譬如夢所見 亦如空中畫

非色非無色 非相非無相 非有亦非無 其性如虛空

如摩羅尼寶 能出種種寶 衆生諸光明 而光無所有

導師亦如是 雖有而非有 不於一處中 積集功德寶

大仙現虛空 如自性實際 涅槃離欲滅 皆悉是一性

衆生心微塵 海水渾可數 虛空亦可量 佛德說無盡

聞此法歡喜 信心無疑者 速成無上道 與諸如來等

大方廣佛華嚴經卷第六

某劫 上其厚切

禁戒 上居龍切

法鼓 下公戶切

法螺 下落戈切

覆仰 上苦福切

髓腦 上息妻切

八齋 下側皆切

唯然 上以水切

刁執 上似由切

割截 上葛音切 下非結切

饒渴 上胡郭切 下吐郎切

鬻鬻 上章典切 亦作鬻

彈指 上徒干切

焚光 上尸局切

乙巳歲高麗國大藏都監奉

妙雕造

大周新譯大方廣佛華嚴經

卷

天冊金輪聖神皇帝制

蓋聞造化權輿之首天道未分龍龍繫象之
初人文始著雖萬八千歲同臨有載之區七
十二君誰識無邊之義由是人迷四忍輪迴
於六趣之中家纏五蓋沒溺於三塗之下及
夫驚暴西峙象駕東驅慧日法王超四大而
高視中天調御越十地以居尊包括鐵圍延
促沙劫其爲體也則不生不滅其爲相也則
無去無來念觀正勤三十七品爲其行慈悲
喜捨四無量法運其心方便之力難思圓對
之機多緒混大空而爲量豈算數之能窮入
纖芥之微區匪名言之可述無得而稱者其
唯大覺歟朕曩劫植因叨承

佛記金山降旨大雲之偈先彰玉扆披祥寶
雨之文後反加以積善餘慶俯集微躬遂得
地平天成河清海晏殊禎絕瑞旣日至而月
書貝牒靈文亦時臻而歲洽逾海越漠歡縣
之禮備焉架險航深重譯之辭罄矣

大方廣佛華嚴經者斯乃

諸佛之密藏如來之性海視之者莫識其指
歸挹之者罕測其涯際有學無學志絕窺覲
二乘三乘寧希聽受最勝種智莊嚴之迹旣
隆普賢文殊願行之因斯滿一句之內包法

界之無邊一毫之中置刹土而非隨摩竭陀
國聲興妙會之緣普光法堂爰敷寂滅之理
細惟與義譯在晉朝時逾六代年將四百然
一部之典纔獲三萬餘言唯啓半珠未窺全
寶朕聞其梵本先在于闐國中遣使奉迎近
方至此既覩百千之妙頌乃披十萬之正文
粵以證聖元年歲次乙未月旅沽洗朔惟戊
申以其十四日辛酉於大福空寺親受筆削
敬謹新經遂得甘露流津預夢庚申之夕膏
雨灑潤後覃壬戌之辰式開寶相之門還符
一味之澤以聖曆二年歲次己亥十月二午
朔八日己丑繕寫畢功添性海之波瀾廓法
界之疆域大乘頓教普被於無窮方廣真筌
邀該於有識豈謂後五百歲忽奉金口之言
娑婆境中俄啓珠函之祕所冀闡揚沙界宣
暢塵區竝兩曜而長懸彌十方而永布一窺
寶偈慶溢心靈三復幽宗喜盈身意雖則無
說無示理符不二之門然因言顯言方闡大
千之義輒申鄙作爰題序云

大方廣佛華嚴經卷第一

于闐國三藏實叉難陀奉

翻譯

世主妙嚴品第一之一

如是我聞一時佛在摩竭提國阿蘭若法菩
提場中始成正覺其地堅固金剛所成上妙

寶輪及眾寶華清淨摩尼以爲嚴飾諸色相
海無邊顯現摩尼爲幢常放光明恒出妙音
眾寶羅網妙香華纓周匝垂覆摩尼寶王變
現自在雨無盡寶及眾妙華分散於地寶樹
行列枝葉光茂佛神力故今此道場一切莊
嚴於中影現其菩提樹高顯殊特金剛爲身
瑠璃爲幹眾雜妙寶以爲枝條寶葉扶疎垂
蔭如雲寶華雜色分枝布影復以摩尼而爲
其果含輝發焰與華間列其樹周圍咸放光
明於光明中雨摩尼寶摩尼寶內有諸菩薩
其衆如雲俱時出現又以如來威神力故其
菩提樹恒出妙音說種種法無有盡極如來
所處宮殿樓閣廣博嚴嚴克徧十方衆色摩
尼之所集成種種寶華以爲莊校諸莊嚴具
流光如雲從宮殿間華影成幢無邊菩薩道
場衆會咸集其所以能出現諸佛光明不思
議音摩尼寶王而爲其網如來自在神通之
力所有境界皆從中出一切衆生居處屋宅
皆於此中現其影像又以諸佛神力所加一
念之間悉包法界其師子座高廣妙好摩尼
爲臺蓮華爲網清淨妙寶以爲其輪衆色雜
華而作環珞堂榭樓閣階砌戶牖凡諸物像
備體莊嚴寶樹枝果周迴間列摩尼寶王
相照耀十方諸佛化現珠玉一切菩薩時中

妙寶悉放光明而來瑩爛復以諸佛威神所持演說如來廣大境界妙音遒暢無處不及爾時世尊處于此座於一切法成最正覺智入三世悉皆平等其身充滿一切世間其音普順十方國土譬如虛空具含衆像於諸境界無所分別又如虛空普徧一切於諸國土平等隨入身恒徧坐一切道場菩薩衆中威光赫奕如日輪出照明世界三世所行衆福大海悉已清淨而恒示生諸佛國土無邊色相圓滿光明徧周法界等無差別演一切法如布大雲一一毛端悉能容受一切世界而無障礙各現無量神通之力教化調伏一切衆生身徧十方而無來往智入諸相了法空寂三世諸佛所有神變於光明中靡不咸觀一切佛土不思議劫所有莊嚴悉今顯現有十佛世界微塵數菩薩摩訶薩所共圍遶其名曰普賢菩薩摩訶薩普德最勝燈光照菩薩摩訶薩普光師子幢菩薩摩訶薩普寶嚴妙光菩薩摩訶薩普音功德海幢菩薩摩訶薩普智光照如來境菩薩摩訶薩普寶髻華幢菩薩摩訶薩普覺悅意聲菩薩摩訶薩普清淨無盡福光菩薩摩訶薩普光明相菩薩摩訶薩海月光大明菩薩摩訶薩雲音海光無垢藏菩薩摩訶薩功德寶髻智生菩薩

摩訶薩功德自在王大光菩薩摩訶薩善勇
猛蓮華鬘菩薩摩訶薩普智雲日幢菩薩摩
訶薩大精進金剛齋菩薩摩訶薩香嚴光幢
菩薩摩訶薩大明德深美音菩薩摩訶薩大
福光智生菩薩摩訶薩如是等而爲上首有
十佛世界微塵數此諸菩薩往昔皆與毗盧
遮那如來共集善根修菩薩行皆從如來善
根海生諸波羅蜜悉已圓滿慧眼明徹等觀
三世於諸三昧具足清淨辯才如海廣大無
盡具佛功德尊嚴可敬知衆生根如應化伏
入法界藏智無差別證佛解脫甚深廣大能
隨方便入於一地而以一切願海所持恒與
智俱盡未來際了達諸佛希有廣大秘密之
境善知一切佛平等法已踐如來普光明地
入於無量三昧海門於一切處皆隨現身出
法所行悉同其事摠持廣大集衆法海辯才
善巧轉不退輪一切如來功德大海咸入其
身一切諸佛所在國土皆隨願往已曾供養
一切諸佛無邊際劫歡喜無倦一切如來得
菩提處常在其中親近不捨恒以所得普賢
願海令一切衆生智身具足成就如是無量
功德
復有佛世界微塵數執金剛神所謂妙色那
羅延執金剛神日輪速疾幢執金剛神須彌

華光執金剛神清淨雲音執金剛神諸根美
妙執金剛神可愛樂光明執金剛神大樹雷
音執金剛神師子王光明執金剛神密嚴勝
目執金剛神蓮華光摩尼髻執金剛神如是
等而爲上首有佛世界微塵數皆於往昔無
量劫中恒發大願願常親近供養諸佛隨願
所行已得圓滿到於彼岸積集無邊清淨福
業於諸三昧所行之境悉已明達獲神通力
隨如來住入不思議解脫境界處於衆會威
光特達隨諸衆生所應現身而示調伏一切
諸佛化形所在皆隨化往一切如來所住之
處常勤守護

復有佛世界微塵數身衆神所謂華髻莊嚴
身衆神光照十方身衆神海音調伏身衆神
淨華嚴髻身衆神無量威儀身衆神最上光
嚴身衆神淨光香雲身衆神守護攝持身衆
神普現攝取身衆神不動光明身衆神如是
等而爲上首有佛世界微塵數皆於往昔成
就大願供養承事一切諸佛

復有佛世界微塵數足行神所謂寶印寺足
行神蓮華光足行神清淨華髻足行神攝諸
善見足行神妙寶星幢足行神樂吐妙音足
行神栴檀樹光足行神蓮華光明足行神微
妙光明足行神積集妙華足行神如是等而

爲上首有佛世界微塵數皆於過去無量劫中親近如來隨逐不捨

復有佛世界微塵數道場神所謂淨莊嚴幢道場神須彌寶光道場神雷音幢相道場神南華妙眼道場神華纓光髻道場神雨寶莊嚴道場神勇猛香眼道場神金剛彩雲道場神蓮華光明道場神妙光照耀道場神如是等而爲上首有佛世界微塵數皆於過去值無量佛成就願力廣興供養

復有佛世界微塵數主城神所謂寶峯光耀主城神妙嚴宮殿主城神清淨喜寶主城神難憂清淨主城神華燈燄眼主城神燄幢明現主城神盛福光明主城神清淨光明主城神香髻莊嚴主城神妙寶光明主城神如是等而爲上首有佛世界微塵數皆於無量不思議劫嚴淨如來所居宮殿

復有佛世界微塵數主城神所謂普德淨華主地神堅福莊嚴主地神妙華嚴樹主地神普散衆寶主地神淨目觀時主地神妙色勝眼主地神香毛發光主地神悅意音聲主地神妙華旋髻主地神金剛嚴體主地神如是等而爲上首有佛世界微塵數皆於往昔發深重願願常親近諸佛如來同修福業復有無量主山神所謂寶峯開華主山神華

林妙髻主山神高幢普照主山神離塵淨髻
主山神光照十方主山神大力光明主山神
威光普勝主山神微密光輪主山神普眼現
見主山神金剛密眼主山神如是等而爲上
首其數無量皆於諸法得清淨眼

復有不可思議數主林神所謂布華如雲主
林神擢幹舒光主林神生芽發耀主林神吉
祥淨葉主林神垂布燄藏主林神清淨光明
主林神可意雷音主林神光香普徧主林神
妙光迴耀主林神華果光味主林神如是等
而爲上首不思議數皆有無量可愛光明
復有無量主藥神所謂吉祥主藥神栴檀林
主藥神清淨光明主藥神名稱普聞主藥神
毛孔光明主藥神普治清淨主藥神大發吼
聲主藥神蔽日光幢主藥神明見十方主藥
神益氣明目主藥神如是等而爲上首其數
無量性皆離垢仁慈祐物
復有無量主稼神所謂柔軟勝味主稼神時
華淨光主稼神色力勇健主稼神增長精氣
主稼神普生根果主稼神妙嚴環髻主稼神
潤澤淨華主稼神成就妙香主稼神見者愛
樂主稼神離垢淨光主稼神如是等而爲上
首其數無量莫不皆得大喜成就
復有無量主河神所謂普發迅流主河神普

潔泉淵主河神離塵淨眼主河神十方徧乳
主河神救護衆生主河神無熱淨光主河神
普生歡喜主河神廣德勝幢主河神光照普
世主河神海德光明主河神如是等而爲上
首有無量數皆勤作意利益衆生

復有無量主海神所謂出現寶光主海神成
金剛幢主海神遠塵離垢主海神普水宮殿
三海神吉祥寶月主海神妙華龍驤主海神
普持光味主海神寶燄華光主海神金剛妙
慧主海神海潮雷聲主海神如是等而爲上
首其數無量悉以如來功德大海充滿其身
復有無量主水神所謂普興雲幢主水神海
潮雲音主水神妙色輪驤主水神善巧漩灔
主水神離垢香積主水神福橋光音主水神
知足自在主水神淨喜善音主水神普現威
光主水神吼音徧海主水神如是等而爲上
首其數無量常勤救護一切衆生而爲利益
復有無數主火神所謂普光燄藏主火神普
集光幢主火神大光普照主火神衆妙宮殿
主火神無盡光驤主火神種種燄眼主火神
十方宮殿如須彌山主火神威光自在主火
神光明破暗主火神雷音電光主火神如是
等而爲上首不可稱數皆能示現種種光明
令諸衆生熱惱除滅

復有無量主風神所謂無礙光明主風神普
現勇業主風神飄擊雲幢主風神淨光莊嚴
主風神力能竭水主風神大聲徧吼主風神
樹杪垂露主風神所行無礙主風神種種宮
殿主風神大光普照主風神如是等而爲上
首其數無量皆勤散滅我慢之心

復有無量主空神所謂淨光普照主空神普
遊深廣主空神生吉祥風主空神離障安住
主空神廣步妙躋主空神無礙光敬主空神
無礙勝力主空神離垢光明主空神深遠妙
音主空神光徧十方主空神如是等而爲上
首其數無量心皆離垢廣大明潔

復有無量主方神所謂徧住一切主方神普
現光明主方神光行莊嚴主方神周行不礙
主方神永斷迷惑主方神普遊淨空主方神
大雲幢音主方神踰目無亂主方神普觀世
業主方神周徧遊覽主方神如是等而爲上
首其數無量能以方便普放光明恒照十方
相續不絕

復有無量主夜神所謂普德淨光主夜神喜
眼觀世主夜神講世精氣主夜神寂靜海音
主夜神普現吉祥主夜神普發樹華主夜神
平等護育主夜神遊戲快樂主夜神諸根常
喜主夜神出生淨福主夜神如是等而爲上

首其歎無量皆勤修習以法爲樂
復有無量主盡神所謂示現宮殿主盡神發
起慈香主盡神樂勝莊嚴主盡神香華妙光
主盡神普集妙藥主盡神樂作喜目主盡神
普現諸方主盡神大悲光明主盡神善根光
照主盡神妙華璎珞主盡神如是等而爲上
首其數無量皆於妙法能生信解恒共精勤
嚴飾宮殿

復有無量阿脩羅王所謂羅睺阿脩羅王毗
摩質多羅阿脩羅王巧幻術阿脩羅王大卷
鬘阿脩羅王大力阿脩羅王徧照阿脩羅王
堅固行妙莊嚴阿脩羅王廣大因慧阿脩羅
王三出現勝德阿脩羅王妙好音聲阿脩羅王
如是等而爲上首其數無量悉已精勤摧伏
我慢及諸煩惱

復有不可思議數迦樓羅王所謂大速疾力
迦樓羅王無能壞寶鬘迦樓羅王清淨速疾
迦樓羅王心不退轉迦樓羅王大海處攝持
力迦樓羅王堅固淨光迦樓羅王巧嚴冠鬘
迦樓羅王普捷示現迦樓羅王普觀海迦樓
羅王普音廣目迦樓羅王如是等而爲上首
不思議數悉已成就大方便力善能救攝一
切衆生

復有無量緊那羅王所謂善慧光明天緊那

羅王妙華幢緊那羅王種種莊嚴緊那羅王
 悅意吼聲緊那羅王寶樹光明緊那羅王見
 者欣樂緊那羅王最勝光明莊嚴緊那羅王微
 妙華幢緊那羅王動地力緊那羅王攝伏惡
 衆緊那羅王如是等而上首其數無量皆
 勤精進觀一切法心恒快樂自在遊戲
 復有無量摩睺羅伽王所謂善慧摩睺羅伽
 王清淨威音摩睺羅伽王勝慧莊嚴瞿摩睺
 羅伽王妙目主摩睺羅伽王如燈幢爲衆所
 歸摩睺羅伽王最勝光明幢摩睺羅伽王師
 子嚙摩睺羅伽王衆妙莊嚴音摩睺羅伽王
 須彌堅固摩睺羅伽王可愛樂光明摩睺羅
 伽王如是等而上首其數無量皆勤修習
 廣大方便令諸衆生永割癡網
 復有無量夜叉王所謂毗沙門夜叉王自在
 音夜叉王嚴持器仗夜叉王大智慧夜叉王
 談眼主夜叉王金剛眼夜叉王勇健辭夜叉
 王勇敢大軍夜叉王富資財夜叉王力堪高
 山夜叉王如是等而上首其數無量皆勤
 守護一切衆生
 復有無量諸大龍王所謂毗樓博叉龍王娑
 竭羅龍王雲音妙幢龍王鉢海光龍王普
 高雲幢龍王德叉迦龍王無邊步龍王清淨
 色龍王普運大聲龍王無熱惱龍王如是等

而爲上首其數無量莫不勤力興雲布雨令諸衆生熱惱消滅

復有無量鳩槃荼王所謂增長鳩槃荼王龍主鳩槃荼王喜莊嚴幢鳩槃荼王普饒益行鳩槃荼王甚可怖畏鳩槃荼王美目端嚴鳩槃荼王高峯慧鳩槃荼王勇健辭鳩槃荼王無邊淨華眼鳩槃荼王廣大天面阿脩羅眼鳩槃荼王如是等而上首其數無量皆勤修學無礙法門放大光明

復有無量乾闥婆王所謂持國乾闥婆王樹光乾闥婆王淨目乾闥婆王華冠乾闥婆王普音乾闥婆王樂搖動妙目乾闥婆王妙音師子幢乾闥婆王普放寶光明乾闥婆王金剛樹華幢乾闥婆王樂普現莊嚴乾闥婆王如是等而上首其數無量皆於大法深生信解歡喜愛重勤修不倦

復有無量月天子所謂月天子華王鬚光明天子衆妙淨光明天子安樂世間心天子樹王眼光明天子示現清淨光天子普遊不動光天子星宿王自在天子淨覺月天子大威德光明天子如是等而上首其數無量皆勤顯發衆生心寶

復有無量日天子所謂日天子光燄眼天子須彌光可畏敬幢天子離垢寶莊嚴天子勇

猛不退轉天子妙華纓光明天子最勝幢光
明天子寶踰普光明天子光明眼天子持勝
德天子普光明天子如是等而爲上首其數
無量皆勤修習利益衆生增其善根

復有無量三十三天王所謂釋迦因陀羅天
三普稱滿音天王慈目寶踰天王寶光幢名
稱天王發生喜樂肆天王可愛樂正念天王
須彌勝音天王成就念天王可愛樂淨華光
天王智日眼天王自在光明能覺悟天王如
是等而爲上首其數無量皆勤發起一切世
間廣大之業

復有無量須夜摩天王所謂善時分天王可
愛樂光明天王無盡慧功德幢天王善變化
端嚴天王揔持大光明天王不思議智慧天
王輪齋天王光燄天王光照天王普觀察大
名稱天王如是等而爲上首其數無量皆勤
修習廣大善根心常喜足

復有不可思議數兜率陀天王所謂知足天
王喜樂海鬚天王最勝功德幢天王寂靜光
天王可愛樂妙目天王寶峯淨月天王最勝
勇健力天王金剛妙光明天王星宿莊嚴幢
天王可愛樂莊嚴大王如是等而爲上首不
思議數皆勤念持一切諸佛所有名号

復有無量化樂天王所謂善變化天王寂靜

音光明天王變化力光明天王莊嚴主天王
念光天王最上雲音天王衆妙最勝光天王
妙慧光明天王成就喜慧天王華光慧天王
普見十方天王如是等而上首其數無量
皆勤調伏一切衆生令得解脫
復有無數他化自在天王所謂得自在天王
妙目主天王妙冠幢天王勇猛慧天王妙音
句天三妙光幢天王寂靜境界門天王妙輪
莊嚴幢天王華嚴慧自在天王因陀羅力妙
莊嚴光明天王如是等而上首其數無量
皆勤修習自在方便廣大法門

復有不可數大梵天王所謂尸棄天王慧光
天王善慧光明天王普雲音天王觀世音
自在天王寂靜光明眼天王光徧十方天王
變化音天王光明照耀眼天王悅意海音天
王如是等而上首不可稱數皆具大慈憐

愍衆生舒光普照令其快樂

復有無量光音天王所謂可愛樂光明天王

清淨妙光天王能自在音天王最勝念智天
王可愛樂清淨妙音天王善思惟音天王普
音徧照天王甚深光音天王無垢稱光明天
王最勝淨光天王如是等而上首其數無
量皆住廣大寂靜喜樂無礙法門

復有無量徧淨天王所謂清淨名稱天王最

勝見天王寂靜德天王須彌音天王淨念眼
天王可愛樂最勝光照天王世間自在主天
王光燄自在天王樂思惟法變化天王變化
幢天王星宿音妙莊嚴天王如是等而爲上
首其數無量悉已安住廣大法門於諸世間
勤作利益

復有無量廣果天王所謂愛樂法光明幢天
王清淨莊嚴海天王最勝慧光明天王自在
智慧幢天王樂寂靜天王普智眼天王樂旋
慧天王善種慧光明天王無垢寂靜光天王
廣大清淨光天王如是等而爲上首其數無
量莫不皆以寂靜之法而爲宮殿安住其中
復有無數大自在天王所謂妙燄海天王自
在名稱光天王清淨功德眼天王可愛樂大
慧天王不動光自在天王妙莊嚴眼天王善
思惟光明天王可愛樂大智天王普音莊嚴
幢天王極精進名稱光天王如是等而爲上
首不可稱數皆勤觀察無相之法所行平等
大方廣佛華嚴經卷第一

天無下兼華以

釋興

上世真以

龍龍之居進切

繫象上胡計切

有微

下昨結切

之區下豈俱切

恒識上戶音

驚嚴

上就音

而時下直里切

東驅下區音

包括上布交切
下古活切

多緒下徐呂切

混大上胡本切

纖芥上惠廉切
下介音

玉宸下於豈切

珠禎下陟盈切

逾海上羊朱切

越漠下暮各切

獻縣下甘林切

航深上胡郎切

罄矣上古定切

挹之上於吸切

窺覲上步隨切
下羊朱切

非隘下烏懈切

肇興上若小切

緬惟上彌亮切

與義上烏到切

纔獲上才音

于闐下殿音

粵以上三伐切

月旄下力舉切

沽洗上古胡切
下蘇典切

朔惟上所角切

董削下惠約切

灑潤上沙下切

後罩下徒含切

繕寫上時職切

波瀾下落下切

廓法上苦郭切

疆域上居良切

闡揚上昌善切

慶溢下夷質切

三復上去聲

鄙作上方便切

舍輝下許歸切

瑠璃上留音
下難音

扶疎上陟無切

堂樹下謝音

嚴麗下郎計切

萃影上泰醉切

瑩燭上烏定切

塔砌上七計切

尸牖下與久切

瑩燭上烏定切

赫奕上呼格切
下亦音

靡不上文彼切

剛齋下祖奚切

明徹下世列切

已踐下慈演切

擢幹上直角切
下古案切

蔽日上必袂切

主稼下古託切

環詰上還音

飄擊上持霄切
下古歷切

樹杪下士母切

普捷下疾葉切

子臆上德音

永割下苛音

華繁下如累切

乙巳歲高麗國大藏部監奉

勅彫造

大方廣佛華嚴經卷第二

新

于闐國三藏實叉難陀奉

制經

世主妙嚴品第一之二

爾時如來道場衆海悉已雲集無邊品類周
而徧滿形色部從各各差別隨所來方親近
世尊一心瞻仰此諸衆會已離一切煩惱心
垢及其餘習推重障山見佛無礙如是皆以
毗盧遮那如來往昔之時於劫海中修善薩
行以四攝事而曾攝受一一佛所種善根時
皆已善攝種種方便教化成熟令其安立一
切智道種無量善獲衆大福悉已入於方便
願海所行之行具足清淨於出離道已能善
出常見於佛分明照了以勝解力入於如來
功德大海得於諸佛解脫之門遊戲神通所
謂妙能海大自在天王得法界虛空界寂靜
方便力解脫門自在名稱光天王得普觀一
切法悉自在解脫門清淨功德眼天王得知
一切法不生不滅不來不去無功用行解脫
門可愛樂大慧天王得現見一切法眞實相
智慧海解脫門不動光自在天王得與衆生
無邊安樂大方便定解脫門妙莊嚴眼天王
得令觀寂靜法滅諸癡暗怖解脫門善思惟
光明天王得善入無邊境界不起一切諸有
思惟業解脫門可愛樂大智天王得普往十

方說法而不動無所依解脫門普音莊嚴幢
 天王得入佛寂靜境界普現光明解脫門名
 稱光善精進天王得住自所悟處而以無邊
 廣大境界爲所緣解脫門爾時妙嚴海天王
 承佛威力普觀一切自在天衆而說頌言
 佛身普徧諸大會
 寂滅無性不可取
 如來法王出世間
 境界無邊亦無盡
 佛不思議難分別
 爲世廣開清淨道
 如來智慧無邊際
 永滅衆生癡暗心
 如來功德不思議
 普使世間獲安樂
 衆生癡暗常迷覆
 是則照世智慧燈
 如來清淨妙色身
 此身無性無依處
 如來音聲無限礙
 而佛寂然恒不動
 寂靜解脫天人主
 光明照耀滿世間
 佛於無邊大劫海
 充滿法界無窮盡
 爲救世間而出現
 能然照世妙法燈
 此自在名之所證
 了相十方無所有
 如是淨眼能觀見
 一切世間莫能與
 大慧入此深安住
 衆生見者煩惱滅
 不動自在天能見
 如來爲說寂靜法
 妙眼能知此方便
 普現十方無有比
 善思惟天所觀察
 堪受化者靡不聞
 此樂智天之解脫
 十方無處不現前
 此無礙法嚴幢見
 爲衆生故求菩提

種種神通化一切

名稱光天悟斯法

復次可愛樂法光明幢天王得普觀一切衆
生根爲說法斷疑解脫門淨莊嚴海天王得
隨憶念今見佛解脫門最勝慧光明天王得
法性平等無所依莊嚴身解脫門自在智慧
幢天王得了知一切世間法一念中安立不
思議莊嚴海解脫門樂寂靜天王得於一毛
孔現不思議佛刹無障礙解脫門普智眼天
王得入普門觀察法界解脫門樂旋慧天王
得爲一切衆生種種出現無邊劫常現前解
脫門善種慧光明天王得觀一切世間境界
入不思議法解脫門無垢寂靜光天王得示
一切衆生出要法解脫門廣大清淨光天王
得觀察一切應化衆生今入佛法解脫門爾
時可愛樂法光明幢天王承佛威力普觀一
切少廣天無量廣天廣果天衆而說頌言

諸佛境界不思議

一切衆生莫能測

普令其心生信解

廣大意樂無窮盡

若有衆生堪受法

佛威神力開導彼

令其恒觀佛現前

嚴海天王如是見

一切法性無所依

佛現世間亦如是

普於諸有無依處

此義勝智能觀察

隨諸衆生心所欲

佛神通力皆能現

各各差別不思議

此智幢王解脫海

過去所有諸國土
此是諸佛大神通
一切法門無盡海

一毛孔中皆不現
愛樂寂靜能宣說
同會一法道場中

如是法性佛所說
十方所有諸國土

悉在其中而說法
智眼能明此方便

佛身無去亦無來

愛樂慈旋之境界

佛觀世法如光影

入彼甚深幽奧處

說諸法性常寂然

善種思惟能見此

佛善了知諸境界

隨衆生根雨法雨

爲啓難思出要門

此寂靜天能悟入

世尊恒以大慈悲

利益衆生而出現

等雨法雨充其器

清淨光天能演說

復次清淨慧名稱天王得了達一切衆生解

脫道方便解脫門最勝見天王得隨一切諸

天衆所樂如光影普示現解脫門寂靜德天

王得普嚴淨一切佛境界大方便解脫門須

彌音天王得隨諸衆生永流轉生死海解脫

門淨念眼天王得憶念如來調伏衆生行解

脫門可愛樂普照天王得普門陀羅尼海所

流出解脫門世間自在主天王得能令衆生

值佛生信藏解脫門光燄自在天王得能令

一切衆生聞法信喜而出離解脫門樂思惟

法變化天王得入一切菩薩調伏行如虛空

無邊無盡解脫門變化幢天王得觀衆生無

無邊無盡解脫門變化幢天王得觀衆生無

無邊無盡解脫門變化幢天王得觀衆生無

無邊無盡解脫門變化幢天王得觀衆生無

無邊無盡解脫門變化幢天王得觀衆生無

量煩惱普悲智解脫門爾時清淨慧名稱天
 王承佛威力普觀一切少淨天無量淨天徧
 淨天衆而說頌言
 了知法性無礙者
 說佛境界不思議
 如來處世無所依
 法性究竟無生起
 無量劫海修方便
 法界如如常不動
 衆生愚癡所覆障
 如來示以清淨道
 諸佛所行無上道
 示以種種方便門
 如來恒以提持門
 示教衆生徧一切
 如來出世甚難值
 能令衆生生信解
 佛說法性皆無性
 普使衆生生淨信
 三世如來功德滿
 於彼思惟生慶悅
 衆生沒在煩惱海
 大師哀愍今永離
 如來恒放大光明
 普現十方無量刹
 令衆同歸解脫海
 譬如光影現衆國
 此勝見王所入門
 普淨十方諸國土
 寂靜德天之所悟
 盲暗恒居生死中
 此須彌音之解脫
 一切衆生莫能測
 淨眼諦觀能悉了
 譬如刹海微塵數
 普照天王此能入
 無量劫海時一遇
 此自在天之所得
 甚深廣大不思議
 光嚴天王能善了
 化衆生界不思議
 如是樂法能開演
 愚癡見濁甚可怖
 此化幢王所觀境
 一一光中無量佛

各各現化衆生事

此妙音天所入門

復次可愛樂光明天王得恒受寂靜樂而能

降現消滅世間苦解脫門清淨妙光天王得

大悲心相應海一切衆生喜樂藏解脫門自

在音天王得一念中普現無邊劫一切衆生

福德力解脫門最勝念智天王得普使成住

壞一切世間皆悉如虛空清淨解脫門可愛

樂淨妙音天王得愛樂信受一切聖人法解

脫門善思惟音天王得能經劫住演說一切

地義及方便解脫門演莊嚴音天王得一切

菩薩從兜率天宮歿下生時大供養方便解

脫門甚深光音天王得觀察無盡神通智慧

海解脫門廣大名稱天王得一切佛功德海

滿足出現世間方便力解脫門最勝淨光天

王得如來往昔誓願力發生深信愛樂藏解

脫門爾時可愛樂光明天王承佛威力普觀

一切少光天無量光天極光天衆而說頌言

我念如來昔所行 承事供養無邊佛

如本信心清淨業 以佛威神今悉見

佛身無相離衆垢 恒住慈悲哀愍地

世間憂患悉使除 此是妙光之解脫

佛法廣大無涯際 一切剎海於中現

如其成壞各不同 自在音天解脫力

佛神通力無與等 普現十方廣大剎

悉令嚴淨常現前

勝念解脫之方便

如諸剎海微塵數

所有如來咸敬奉

聞法雖深不唐捐

此妙音天法門用

佛於無量大劫海

說地方便無倫匹

所說無邊無有窮

善思音天知此義

如來神變無量門

一念現於一切處

降神成道大方便

此莊嚴音之解脫

威力所持能演說

及現諸佛神通事

隨其根欲悉令淨

此光音天解脫門

如來智慧無邊際

世中無等無所著

慈心應物普現前

廣大名天悟斯道

佛昔修習菩提行

供養十方一切佛

一一佛所發誓心

最勝光聞大歡喜

復次尸棄梵王得普住十方道場中說法而

所行清淨無染著解脫門慧光梵王得使一

切衆生入禪三昧住解脫門善思慧光明梵

王得普入一切不思議法解脫門普雲音梵

王得入諸佛一切音聲海解脫門觀世言音

自在梵王得能憶念菩薩教化一切衆生方

便解脫門寂靜光明眼梵王得現一切世間

業報相各差別解脫門普光明梵王得隨一

切衆生品類差別皆現前調伏解脫門變化

音梵王得住一切法清淨相寂滅行境界解

脫門光耀眼梵王得於一切有無所著無邊

際門光耀眼梵王得於一切有無所著無邊

際門光耀眼梵王得於一切有無所著無邊

際門光耀眼梵王得於一切有無所著無邊

際門光耀眼梵王得於一切有無所著無邊

際門光耀眼梵王得於一切有無所著無邊

際門光耀眼梵王得於一切有無所著無邊

際門光耀眼梵王得於一切有無所著無邊

際門光耀眼梵王得於一切有無所著無邊

際門光耀眼梵王得於一切有無所著無邊

際無依止常勤出現解脫門悅意海音梵王
得常思惟觀察無盡法解脫門爾時尸棄大
梵王承佛神力普觀一切梵身天梵輔天梵
衆天大梵天衆而說頌言

光明照耀徧世間

譬如空雲如是見

一切衆生真能測

此慧光三之所悟

一言演說盡無餘

善思慧光之解脫

衆生隨類各得解

普音梵天如是悟

趣入菩提方便行

自在音天之解脫

隨其因感種種殊

寂靜光天能悟入

調伏衆生徧十方

此是普光之境界

無相無礙徧十方

變化言三悟斯道

智慧音聲亦如是

光耀天三入此門

法身光明無不照

此海音三之解脫

佛身清淨常寂滅
無相無行無影像
佛身如是定境界
示彼難思方便門
佛刹微塵法門海
如是劫海演不窮
諸佛圓音等世間
而於音聲不分別
三世所有諸如來
一切皆於佛身現
一切衆生業差別
世間如是佛皆現
無量法門皆自在
亦不於中起分別
佛身如空不可盡
所有應現皆如化
如來身相無有邊
處世現形無所著
法王安處妙法宮
法性無比無諸相

復次自在天王得現前成熟無量衆生自在
藏解脫明善目主天王得觀察一切衆生樂
今入聖境界樂解脫門妙寶幢冠天王得隨
諸衆生種種欲解今起行解脫門勇猛慧天
王得普攝爲一切衆生所說義解脫門妙音
句天王得憶念如來廣大慈增進自所行解
脫門妙光幢天王得示現大悲門摧滅一切
憍慢幢解脫門寂靜境天王得調伏一切世
間瞋害心解脫門妙輪莊嚴幢天王得十方
無邊佛隨憶念悉來赴解脫門華光慧天王
得隨衆生心念普現成正覺解脫門因陀羅
妙光天王得普入一切世間大威力自在法
解脫門爾時自在天王承佛威神徧觀一切
自在天衆而說頌言

佛身周徧等法界 普應衆生悉現前
種種教門常化誘 於法自在能開悟
世間所有種種樂 聖寂滅樂爲最勝
住於廣大法性中 妙眼天王觀見此
如來出現徧十方 普應羣心而說法
一切疑念皆除斷 此妙幢冠解脫門
諸佛徧世演妙音 無量劫中所說法
能以一言咸說盡 勇猛慧天之解脫
世間所有廣大慈 不及如來一毫分
佛慈如空不可盡 此妙音天之所得

一切衆生慢高山

十力摧殄悉無餘

此是如來大悲用

妙光幢王所行道

慧光清淨滿世間

若有見者除癡暗

今其遠離諸惡道

寂靜天三悟斯法

毛孔光明能演說

等衆生數諸佛名

隨其所樂悉得聞

此妙輪幢之解脫

如來自在不計量

法界虛空悉充滿

一切衆會皆明覩

此解脫門華慧入

無量無邊大劫海

普現十方而說法

未曾見佛有去來

此三光天之所悟

復次善化天王得開示一切業變化力解脫

門寂靜音光明天王得捨離一切攀緣解脫

門變化力光明天王得普滅一切衆生癡暗

心今智慧圓滿解脫門莊嚴主天三得示現

無邊悅意聲解脫門念光天王得了知一切

佛無盡福德相解脫門最上雲音天王得普

知過去一切劫成壞次第解脫門勝光天王

得開悟一切衆生智解脫門妙慧天王得創

光疾滿十方虛空界解脫門喜慧天王得一

切所作無能壞精進力解脫門華光慧天王

得知一切衆生業所受報解脫門普見十方

天王得示現不思議衆生形類差別解脫門

爾時善化天王承佛威力普觀一切善化天

衆而說頌言

世間業性不思議
巧說以緣真實理

佛為羣迷悉開示
一切衆生差別業

種種觀佛無所有

十方求覓不可得

法身示現無真實

此法寂音之所見

佛於劫海修諸行

為滅世間癡暗惑

是故清淨最照明

此是力光心所悟

世間所有妙音聲

無有能比如來音

佛以一音徧十方

入此解脫莊嚴土

世間所有衆福力

不與如來一相等

如來福德同虛空

此念光天所觀見

三世所有無量劫

如其成敗種種相

佛一毛孔皆能現

最上雲音所了知

十方虛空可知量

佛毛孔量不可得

如是無礙不思議

妙慧天三三能悟

佛於曩世無量劫

具修廣大波羅蜜

勤行精進無厭怠

喜慧能知此法門

業性因緣不可思

佛為世間皆演說

法性本淨無諸垢

此是華光之入處

汝應觀佛一毛孔

一切衆生悉在中

彼亦不來亦不去

此普見三之所了

復次知足天王得一切佛出興世圓滿教輪

解脫門喜樂海慧天王得盡虛空界清淨光

明身解脫門最勝功德幢天王得消滅世間

苦淨願海解脫門寂靜光天王得普現身說

苦淨願海解脫門寂靜光天王得普現身說

苦淨願海解脫門寂靜光天王得普現身說

法解脫門善目天王得普淨一切衆生界解
脫門寶峯月天王得普化世間常現前無盡
藏解脫門勇健力天王得開示一切佛正覺
境界解脫門金剛妙光天王得堅固一切衆
生菩提心令不可壞解脫門星宿幢天王得
一切佛出興成親近觀察調伏衆生方便解
脫門妙莊嚴天王得一念悉知衆生心隨機
應現解脫門爾時知足天王承佛威力普觀
一切知足天衆而說頌言

如來廣大徧法界
普應羣情闡妙門
佛身普現於十方
種種色像世咸見
如來往昔修諸行
一切佛法皆令滿
如來法身不思議
處處闡明一切法
衆生業惑所纏覆
如來爲說寂靜法
一切世間真導師
普示衆生安樂處
諸佛境界不思議
入於諸法到彼岸
若有衆生堪受化

若諸衆生悉平等
今入難思清淨法
無著無礙不可取
此喜歸天之所入
清淨大願深如海
勝德能知此方便
如影分形等法界
寂靜光天解脫門
憍慢放逸心馳蕩
普日照知心喜慶
爲救爲歸而出現
峯月於此能深入
一切法界皆徧徧
勇慧見此生歡喜
聞佛功德趣菩提

妙光於此能觀察

一切佛所皆往集

此莊嚴幢之所見

無住無動無依歟

妙莊嚴天斯善了

復次時分天王得發起一切衆生善根令永

離憂惱解脫門妙光天王得普入一切境界

解脫門無盡慧功德幢天王得滅除一切患

大悲輪解脫門善化端嚴天王得了知三卅

一切衆生心解脫門摠持大光明天三得陀

羅尼門光明幢持一切法無忘失解脫門不

思議慧天王得善入一切業自性不思議方

便解脫門輪齋天王得轉法輪成熟衆生方

便解脫門光嚴天王得廣大眼普觀衆生而

往調伏解脫門光照天王得超出一切業障

不隨魔所作解脫門普觀察大名稱天王得

善誘誨一切諸天衆今受行心清淨解脫門

爾時時分天王承佛威力普觀一切時分天

衆而說頌言

已竭世間憂惱海

永耀衆生智慧燈

十方邊際不可得

妙光明天智能入

逼迫世間無暫歇

今住福海常清淨

十方刹海微塵數

恭敬供養聽聞法

衆生心海不思議

佛於一念皆明見

復次時分天王得發起一切衆生善根令永

離憂惱解脫門妙光天王得普入一切境界

解脫門無盡慧功德幢天王得滅除一切患

大悲輪解脫門善化端嚴天王得了知三卅

一切衆生心解脫門摠持大光明天三得陀

羅尼門光明幢持一切法無忘失解脫門不

思議慧天王得善入一切業自性不思議方

便解脫門輪齋天王得轉法輪成熟衆生方

便解脫門光嚴天王得廣大眼普觀衆生而

往調伏解脫門光照天王得超出一切業障

不隨魔所作解脫門普觀察大名稱天王得

善誘誨一切諸天衆今受行心清淨解脫門

爾時時分天王承佛威力普觀一切時分天

衆而說頌言

佛於無量又遠劫

廣闢離塵清淨道

如來法身甚廣大

一切方便無限量

生老病死憂悲苦

大師哀愍擔悉除
佛如幻智無所礙

普入衆生心行中

摠持邊際不可得

能轉清淨妙法輪

業性廣大無窮盡

一切方便不思議

轉不思議妙法輪

永滅一切衆生苦

如來真身本無二

衆生各見在其前

若有衆生一見佛

離諸魔業永無餘

一切衆會廣如海

普雨法雨潤衆生

復次釋迦因陀羅天王得憶念三世佛出興

乃至刹成壞皆明見大歡喜解脫門普稱滿

音天王得能令佛色身最清淨廣大世無能

比解脫門慈目寶髻天王得慈雲普覆解脫

門寶光幢名稱天王得恒見佛於一切世主

前現種種形相威德身解脫門發生喜樂髻

天王得知一切衆生城邑宮殿從何福業生

解脫門端正念天王得開示諸佛成熟衆生

無盡慧光能覺了

於三世法悉明達

此善化天之境界

辯才大海亦無盡

此是大光之解脫

智慧覺了善開示

如是慧天之所入

顯示修習菩提道

此是輪齋方便地

應物隨形滿世間

此是燄天之境界

必使淨除諸業障

光照天三所行道

佛在其中最威耀

此解脫門名稱入

劫轉變相解脫門成就念天王得憶念當來
 菩薩調伏衆生行解脫門淨華光天王得了
 知一切諸天快樂因解脫門智日眼天王得
 開示一切諸天子受生善根得無癡惑解脫
 門自在光明天王得開悟一切諸天衆令永
 斷種種疑解脫門爾時釋迦因陀羅天王承
 佛威力普觀一切三十三天衆而說頌言

我念三世一切佛
 如其國土壞與成
 佛身廣大徧十方
 光明照耀靡不及
 如來方便大慈海
 化導衆生無有邊
 我念法三功德海
 發生廣大歡喜心
 佛知衆生善業海
 皆令顯現無有餘
 諸佛出現於十方
 觀衆生心示調伏
 如來智身廣大眼
 如是普徧於十方
 一切佛子菩提行
 如其無量皆具足

所有境界悉平等
 以佛威神皆得見
 妙色無比利羣生
 此道普稱能觀見
 往劫修行極清淨
 寶髻天三斯悟了
 世中最上無與等
 此寶光天之解脫
 種種勝因生大福
 此喜髻天之所見
 普徧一切世間中
 正念天王悟斯道
 世界微塵無不見
 此雲音天之解脫
 如來悉現毛孔中
 此念天王所明見
 一切皆由佛出生

如來功德勝無等

此解脫處華王入

若念如來少功德

乃至一念心專仰

諸惡道怖恐永除

智眼於此能深悟

寂滅法中大神通

普應羣心靡不同

所有疑惑皆令斷

此光明王之所得

復次日天子得淨光普照十方衆生盡未來

劫常爲利益解脫門光顯眼天子得以一切

隨類身開悟衆生今入智慧海解脫門須彌

光歡喜幢天子得爲一切衆生主令勤修無

邊淨功德解脫門淨寶月天子得修一切苦

行深心歡喜解脫門勇猛不退轉天子得無

礙光普照今一切衆生盡其精爽解脫明妙

華纓光明天子得淨光普照衆生身今生歡

喜信解海解脫門最勝幢光明天子得光明

普照一切世間今成辦種種妙功德解脫門

寶髻普光明天子得大悲海現無邊境界種

種色相寶解脫門光明眼天子得淨治一切

衆生眼今見法界藏解脫門持德天子得發

生清淨相續心今不失壞解脫門普運行光

明天子得普輝日宮殿照十方一切衆生今

成就所作業解脫門隨時日天子承佛威力

徧觀一切日天子衆而說頌言

如來廣大智慧光 普照十方諸國土
一何衆生成見佛 德重調伏多方便

如來色相無有邊

隨其所樂悉現身

普爲世間開智海

心眼如是觀於佛

佛身無等無有比

光明照耀徧十方

超過一切最無上

如是法門歡喜得

爲利世間修苦行

往來諸有無量劫

光明徧淨如虛空

寶月能知此方便

佛演妙音無障礙

普徧十方諸國土

以法滋味益羣生

勇猛能知此方便

放光明網不思議

普淨一切諸含識

悉使發生深信解

此華纓天所入門

世間所有諸光明

不及佛一毛孔光

佛光如是不思議

此勝幢光之解脫

一切諸佛法如是

悉坐菩提樹王下

令非道者住於道

寶鬘光明如是見

衆生盲闇愚癡苦

佛欲令其生淨眼

是故爲然智慧燈

善目於此深觀察

解脫方便自在尊

若有曾見一供養

悉使修行至於果

此是德天方便力

一法門中無量門

無量十劫如是說

所演法門廣大義

普運光天之所了

復次月天子得淨光普照法界攝化衆生解

脫門華王鬘光明天子得觀察一切衆生界

令普入無邊法解脫門衆妙淨光天子得了

知一切衆生心海種種終緣轉解脫門安樂

世間心天子得與一切衆生不可思議樂今
踊躍大歡喜解脫門樹王眼光明天子得如
日家作業種芽莖等隨時守護令成就解脫
門出現淨光天子得慈悲救護一切衆生今
現見受苦受樂事解脫門普遊不動光天子
得能持清淨月普現十方解脫門星宿三自
在天子得開示一切法如幻如虛空無相無
自性解脫門淨覺月天子得普爲一切衆生
起大業用解脫門大威德光明天子得普斷
一切疑惑解脫門爾時月天子承佛神力普
觀一切月宮殿中諸天衆會而說頌曰

照耀十方諸國土

永破衆生癡惑暗

於無量劫常開導

華鬘如是觀於佛

佛智寬廣悉了知

此妙光明之解脫

沉迷惡道受諸苦

安樂思惟如是見

爲利衆生入諸有

此目光天所了知

分別世間諸業性

淨光見此生歡喜

鮮如大地持宮室

世尊開闢法光明
說法勸善令成就
如來希有大慈悲
如來示彼法性門
衆生無有聖安樂
普爲說法令歡喜
衆生心海念念殊
種種自在化羣生
境界無邊無有盡
演不思議廣大法
佛放光明徧世間

善惡所行無失壞
佛爲一切福所依

巧示難憂安隱道
智火大明周法界
普爲一切開真實
佛如虛空無自性
相好莊嚴如影像
佛身毛孔普演音
聽聞莫不生歡喜

不動能知此方便
現形無數等衆生
星宿王天悟斯道
爲利衆生現世間
淨覺天王如是見
法雲覆世悉無餘
如是解脫光天悟

大方廣佛華嚴經卷第二

居捐下與專切

倫匹

上力邊切
下譬音切

梵輔下父音

化誘下與久切

推於

下徒興切

攀緣上音班切

舒光上書音

曩世上奴朗切

馳蕩上直離切
下徒朗切

廣闢下烏益切

暫歇下許竭切

俾無上音彌切

乙巳歲高麗國大藏都監奉

勅雕造

大方廣佛華嚴經卷第三

垂

千闍國三藏實叉難陀奉

制譯

世主妙嚴品第一之三

復次持國軋闍婆王得自在方便攝一切衆
生解脫門樹光軋闍婆王得普見一切功德
莊嚴解脫門淨目軋闍婆王得永斷一切衆
生憂苦出生歡喜藏解脫門華冠軋闍婆王
得永斷一切衆生邪見藏解脫門喜步普音
軋闍婆王得如雲廣布普蔭澤一切衆生解
脫門樂搖動美目軋闍婆王得現廣大妙好
身令一切獲安樂解脫門妙音師子幢軋闍
婆王得普散十方一切大名稱寶解脫門普
放寶光明軋闍婆王得現一切大歡喜光明
清淨身解脫門金剛樹華幢軋闍婆王得普
滋榮一切樹令見者歡喜解脫門普現莊嚴
軋闍婆王得善入一切佛境界與衆生安樂
解脫門爾時持國軋闍婆王承佛威力普觀
一切軋闍婆衆而說頌言

諸佛境界無量門

一切衆生莫能入

善逝如空性清淨

音爲世間開正道

如來一一毛孔中

功德大海皆充滿

一切世間咸利樂

此樹光王所能見

世間廣大憂苦海

佛能消竭悉無餘

如來慈愍多方便

淨目於此能深解

十方刹海無有邊
普使勝除邪惡見

佛以智光咸照耀
此樹光王所入門

佛於往昔無量劫

修習大慈方便行

一切世間咸慰安

此道普音能悟入

佛身清淨皆樂見

能生世間無盡樂

解脫因果次第成

美目於斯善開示

衆生迷惑常流轉

愚癡障蓋極堅密

如來爲說廣大法

師子幢王能演暢

如來普現妙色身

無量差別等衆生

種種方便照世間

妙音如是觀於佛

大智方便無量門

佛爲羣生普開闡

入勝菩提真實行

此金剛幢善觀察

一剎那中百千劫

佛力能現無所動

等以安樂施羣生

此樂莊嚴之解脫

復次增長鳩槃荼王得滅一切怨害力解脫

此樂莊嚴之解脫

門龍主鳩槃荼王得修習無邊行門海解脫

此樂莊嚴之解脫

門莊嚴幢鳩槃荼王得知一切衆生心所樂

此樂莊嚴之解脫

解脫門饒益行鳩槃荼王得普成就清淨大

此樂莊嚴之解脫

光明所作業解脫門可怖畏鳩槃荼王得開

此樂莊嚴之解脫

示一切衆生安隱無畏道解脫門妙莊嚴鳩

此樂莊嚴之解脫

槃荼王得消竭一切衆生愛欲海解脫門高

此樂莊嚴之解脫

峯慧鳩槃荼王得普現諸趣光明雲解脫門

此樂莊嚴之解脫

勇健臂鳩槃荼王得普放光明滅如山重障

此樂莊嚴之解脫

解脫門無邊淨華眼鳩槃荼王得開示不退

此樂莊嚴之解脫

轉大悲藏解脫門廣大面鳩槃荼王得普現
諸趣流轉身解脫門爾時增長鳩槃荼王承

佛威力普觀一切鳩槃荼衆而說頌言

成就忍力卅導師
爲物修行無量劫

永離世間憍慢惑

是故其身最嚴淨

佛昔普修諸行海

教化十方無量衆

種種方便利羣生

此解脫門龍主得

佛以大智救衆生

其不明了知其心

種種自在而調伏

嚴幢見此生歡喜

神通應現如光影

法輪真實同虛空

如是處世無央劫

此饒益王之所證

衆生癡瞶常蒙惑

佛光照現安隱道

爲作救護令除苦

可畏能觀此法門

欲海漂淪具衆苦

智光普照滅無餘

既除苦已爲說法

此妙莊嚴之所悟

佛身普應無不見

種種方便化羣生

音如雷震雨法雨

如是法門高慧入

清淨光明不唐登

若遇必令消重障

演佛功德無有邊

勇健能明此深理

爲欲安樂諸衆生

修習大悲無量劫

種種方便除衆苦

如是淨華之所見

神通自在不思議

其身普現徧十方

而於一切無來去

此廣面王心所了

復次毗樓博叉龍王得消滅一切諸龍趣城

然苦解脫門娑竭羅龍王得一念中轉自龍
形示現無量衆生身解脫門雲音幢龍王得
於一切諸有趣中以清淨音說佛無邊名号
海解脫門鰓口龍王得普現無邊佛世界建
立差別解脫門雲幢龍王得開示一切衆生
大喜樂福德海解脫門德叉迦龍王得以清
淨教護音滅除一切怖畏解脫門無邊步龍
王得示現一切佛色身及住劫次第解脫門
清淨色速疾龍王得出生一切衆生大愛樂
歡喜海解脫門普行大音龍王得示現一切
平等悅意無礙音解脫門無熱惱龍王得以
大悲普覆雲滅一切世間苦解脫門爾時毗
樓博叉龍王承佛威力普觀一切諸龍衆已
即說頌言

汝觀如來法常爾 一切衆生成利益
能以大慈哀愍力 拔彼畏塗淪墜者
一切衆生種種別 於一毛端皆示現
神通變化滿卅間 娑竭如是觀於佛
佛以神通無限力 廣演名号等衆生
隨其所樂普使聞 如是雲音能悟解
無量無邊國土衆 佛能令入一毛孔
如來安坐彼會中 止鰓口龍之所見
一切衆生瞋恚心 纏蓋愚癡深若海
如來慈愍皆滅除 滅龍觀此能明見

一切衆生福德力

佛毛孔中皆顯現

現已令歸大福海

此高雲幢之所觀

佛身毛孔發智光

其光處處演妙音

衆生聞者除憂畏

德又如龍悟斯道

三世一切諸如來

國土莊嚴劫次第

如是皆於佛身現

廣步見此神通力

我觀如來往昔行

供養一切諸佛海

於彼咸增喜樂心

此速疾龍之所入

佛以方便隨類音

為衆說法令歡喜

其音清雅衆所悅

普行聞此心悟

衆生逼迫諸有中

業惑漂轉無人救

佛以大悲令解脫

無熱大龍能悟此

復次毗沙門夜又王得以無邊方便救護惡

衆生解脫門自在音夜又王得普觀察衆生

方便救護解脫門嚴持器仗夜又王得能資

益一切甚羸惡衆生解脫門大智慧夜又王

得偈揚一切聖功德海解脫門酸眼主夜又

王得普觀察一切衆生大悲智解脫門金剛

眼夜又王得種種方便利益安樂一切衆生

解脫門勇健辭夜又王得普入一切諸法義

解脫門勇敵大軍夜又王得守護一切衆生

令住於道無空過者解脫門富財夜又王得

增長一切衆生福德聚令恒受快樂解脫門

力壞高山夜又王得隨順憶念出生佛力智

光明解脫門爾時多聞大夜叉王承佛威力
普觀一切夜叉衆會而說頌言

衆生罪惡深可怖 於百千劫不見佛

漂流生死受衆苦 爲救是等佛興世

如來救護諸世間 悉現一切衆生前

息彼畏塗輪轉苦 如是法門善主入

衆生惡業爲重障 佛示妙理令開解

譬以明燈照世間 此法嚴伏能觀見

佛昔劫海修諸行 俱讚十方一切佛

故有高達大名聞 此智慧王之所了

智慧如空無有邊 法身廣大不思議

是故十方皆出現 談目於此能觀察

一切趣中演妙音 說法利益諸羣生

其聲所暨衆苦滅 入此方便金剛眼

一切甚深廣大義 如來一句兼演說

如是教理等世間 勇健慧王之所悟

一切衆生住邪道 佛示正道不思議

普使世間成法器 此勇敵軍能悟解

世間所有衆福業 一切皆由佛光照

佛智慧海難測量 如是富財之解脫

憶念往劫無央數 佛於是中修十力

能令諸力皆圓滿 此高幢王所了知

復次善慧摩睺羅伽王得以一切神通方便

令衆生集功德解脫門淨成音摩睺羅伽三

得使一切衆生除煩惱得清涼悅樂解脫門
 勝慧莊嚴瞿摩睺羅伽王得普使一切善不
 善思覺衆生入清淨法解脫門妙目主摩睺
 羅伽王得了達一切無所著福德自在平等
 相解脫門燈幢摩睺羅伽王得開示一切衆
 生令離黑闇怖畏道解脫門最勝光明幢摩
 睺羅伽王得了知一切佛功德生歡喜解脫
 門師子幢摩睺羅伽王得勇猛力爲一切衆
 生救護主解脫門衆妙莊嚴音摩睺羅伽王
 得令一切衆生隨憶念生無邊喜樂解脫門
 須彌幢摩睺羅伽王得於一切所緣決定不
 動到彼岸滿足解脫門可愛樂光明摩睺羅
 伽王得爲一切不平等衆生開示平等道解
 脫門爾時善慧威光摩睺羅伽王承佛威力
 普觀一切摩睺羅伽衆而說頌言

汝觀如來性清淨
 普現威光利羣品
 示甘露道使清涼
 衆苦永滅無所依
 一切衆生居有海
 諸惡業惑自纏覆
 示彼所行寂靜法
 離塵威音能善了
 佛智無等叵思議
 知衆生心無不盡
 爲彼闡明清淨法
 如是嚴歸心能悟
 無量諸佛現世間
 普爲衆生作福田
 福海廣大深難測
 妙目大王能悉見
 一切衆生憂畏苦
 佛普現前而救護

法界虛空靡不周

此是燈幢所行境

佛一毛孔諸功德
無邊無盡同虛空

世間共度不能了
如是廣大光幢見

如來通達一切法

於彼法性皆明照

如須彌山不傾動

入此法門師子臆

佛於往昔廣大劫

集歡喜海徧無盡

是故見者靡不欣

此法嚴音之所入

了知法界無形相

波羅蜜海悉圓滿

大光普救諸衆生

山臆能知此方便

汝觀如來自在力

十方降現罔不均

一切衆生成照悟

此妙光明能善入

復次善慧光明天緊那羅王得普生一切喜

樂業解脫門妙華幢緊那羅王得能生無上

法喜令一切受安樂解脫門種種莊嚴緊那

羅王得一切功德滿足廣大清淨信解藏解

脫門悅意吼聲緊那羅王得恒出一切悅意

聲令聞者離憂怖解脫門寶樹光明緊那羅

王得大悲安立一切衆生令覺悟所緣解脫

門普樂見緊那羅王得示現一切妙色身解

脫門最勝光莊嚴緊那羅王得了知一切殊

勝莊嚴果所從生業解脫門微妙華幢緊那

羅王得善觀察一切世間業所生報解脫門

動地力緊那羅王得恒起一切利益衆生事

解脫門威猛主緊那羅王得善知一切緊那

羅心巧攝御解脫門爾時善慧光明天緊那羅王承佛威力普觀一切緊那羅衆而說頌

言

世間所有安樂事

一切皆由見佛興

導師利益諸衆生

普作救護歸依處

出生一切諸喜樂

世間咸得無有盡

能令見者不唐捐

此是華幢之所悟

佛功德海無有盡

求其邊際不可得

光明普照於十方

此莊嚴三之解脫

如來大音常演暢

開示離憂真實法

衆生聞者咸欣悅

如是吼聲能信受

我觀如來自在力

皆由往昔所修行

大悲救物令清淨

此寶樹王能悟入

如來難可得見聞

衆生億劫時乃遇

衆相爲嚴悉具足

此樂見王之所觀

汝觀如來大智慧

普應羣生心所欲

一切智道靡不宣

最勝莊嚴此能了

業海廣大不思議

衆生苦樂皆從起

如是一切能開示

此華幢王所了知

諸佛神通無間歇

十方大地恒震動

一切衆生莫能知

此廣大力恒明見

處於衆會現神通

放大光明令覺悟

顯示一切如來境

此威猛主能觀察

復次大遠疾力迦樓羅王得無著無礙眼普

觀察衆生界解脫門不可壞寶歸迦樓羅王
得普安住法界教化衆生解脫門清淨速疾
迦樓羅王得普成就波羅蜜精進力解脫門
不退心莊嚴迦樓羅王得勇猛力入如來境
界解脫門堅法淨光迦樓羅王得成就無邊
衆生差別智解脫門妙嚴冠跏迦樓羅王得
莊嚴佛法城解脫門普捷示現迦樓羅王得
成就不可壞平等力解脫門普觀海迦樓羅
王得了知一切衆生身而爲現形解脫門龍
音大目精迦樓羅王得普入一切衆生殁生
行智解脫門爾時大速疾力迦樓羅王承佛
威力普觀一切迦樓羅衆而說頌言

佛眼廣大無邊際 普見十方諸國土
其中衆生不可量 現大神通悉調伏
佛神通力無所礙 徧坐十方覺樹下
演法如雲悉充滿 寶歸聽聞心不逆
佛於往昔修諸行 普淨廣大波羅蜜
供養一切諸如來 此速疾王深信解
如來一一毛孔中 一念普現無邊行
如是難思佛境界 不退莊嚴悉明觀
佛行廣大不思議 一切衆生莫能測
導師功德智慧海 此執持王所行處
如來無量智慧光 能滅衆生癡惑網
一切世間咸救護 此是堅法所持說

法域廣大不可窮

其門種種無數量

如來處世大開闡

此妙冠諸能明入

一切諸佛一法身

真如平等無分別

佛以此力常安住

普捷現王斯具演

佛昔諸有攝衆生

普放光明徧世間

種種方便示調伏

此勝法門觀海悟

佛觀一切諸國土

悉依業海而安住

普雨法雨於其中

龍音解脫能如是

復次羅睺阿脩羅王得現爲大會尊勝主解

脫門毗摩質多羅阿脩羅王得示現無量劫

解脫門巧幻術阿脩羅王得消滅一切衆生

苦令清淨解脫門大眷屬阿脩羅王得修一

切苦行自莊嚴解脫門婆稚阿脩羅王得震

動十方無邊境界解脫門徧照阿脩羅王得

種種方便安立一切衆生解脫門堅固行妙

莊嚴阿脩羅王得普集不可壞善根淨諸染

著解脫門廣大因慧阿脩羅王得大悲力無

疑惑主解脫門現勝德阿脩羅王得普令見

佛承事供養修諸善根解脫門善音阿脩羅

王得普入一切趣決定平等行解脫門爾時

羅睺阿脩羅王承佛威力普觀一切阿脩羅

衆而說頌言

佛在其中最殊特

光明徧照等虛空

普現一切衆生前

百千萬劫諸佛土
舒光化物靡不周

一剎那中悉明現
如是毗摩竭諸喜

如來境界無與等
衆生有苦皆令滅

種種法門常利益
苦末羅王此能見

無量劫中修苦行
由是牟尼智普成

利益衆生淨世間
大眷屬王斯見佛

無礙無等大神通
不使衆生有驚怖

徧動十方一切刹
大力於此能明了

佛出於世救衆生
悉令捨苦得安樂

一切智道咸開示
此義徧照所弘闡

世間所有衆福海
佛能開示解脫處

佛力能生普令淨
堅行莊嚴入此門

佛大悲身無與等
猶如影像現世間

周行無礙悉令見
因慧能宣此功德

希有無等大神通
各在菩提樹下坐

處處現身充法界
此義勝德能宣說

如來往修三世行
脫衆生苦無有餘

諸趣輪迴靡不經
此妙音王所徧讚

復次示現宮殿主
晝神得普入一切世間解

脫門發起慧香主
晝神得普觀察一切衆生

皆利益令歡喜滿足
解脫門樂勝莊嚴主晝

神得能放無邊可愛樂
法光明解脫門華香

妙光主晝神得開發
無邊衆生清淨信解心

解脫門普集妙藥主
晝神得積集莊嚴普光

明力解脫門樂作喜目主盡神得普開悟
切苦樂衆生皆令得法樂解脫門觀方普現
主盡神得十方法界差別身解脫門大悲威
力主盡神得救護一切衆生令安樂解脫門
善根光照主盡神得普生喜足功德力解脫
門妙華瓔珞主盡神得聲稱普聞衆生見者
皆獲益解脫門爾時示現宮殿主盡神承佛
威力普觀一切主盡神衆而說頌言

佛智如空無有盡

光明照耀徧十方

衆生心行悉了知

一切此間無不入

知諸衆生心所樂

如應爲說衆法悔

句義廣大各不同

具足慧神能悉見

佛放光明照世間

見聞歡喜不唐捐

示其深廣寂滅處

此樂莊嚴心悟解

佛雨法雨無邊量

能令見者大歡喜

最勝善根從此生

如是妙光心所悟

普入法門開悟力

曠劫修治悉清淨

如是皆爲攝衆生

此妙藥神之所了

種種方便化羣生

若見若聞咸受益

皆令踊躍大歡喜

妙眼盡神如是見

十力應現徧世間

十方法界悉無餘

體性非無亦非有

此觀方神之所入

衆生流轉險難中

如來哀愍出世間

悉令除滅一切苦

此解脫門悲力住

衆生聞覆淪永夕

佛爲說法大開曉

皆使得樂除衆苦

大善光神入此門

如來福量同虛空

此間衆福悉從生

凡有所作無空過

如是解脫華瓔得

復次普德淨光主夜神得寂靜禪定樂大勇

健解脫門喜眼觀世主夜神得廣大清淨可

愛樂功德相解脫門護世精氣主夜神得普

現世間調伏衆生解脫門寂靜海音主夜神

得積集廣大歡喜心解脫門普現吉祥主夜

神得甚深自在悅意言音解脫門普發樹華

主夜神得光明滿足廣大歡喜藏解脫明平

等護育主夜神得開悟衆生令成熟善根解

脫門遊戲快樂主夜神得救護衆生無邊慈

解脫門諸根常喜主夜神得普現莊嚴大悲

門解脫門示現淨福主夜神得普使一切衆

生所樂滿足解脫門爾時普德淨光主夜神

承佛威力徧觀一切主夜神衆而說頌言

汝等應觀佛所行

廣大寂靜虛空相

欲海無涯悉治淨

離垢端嚴照十方

一切世間咸樂見

無量劫海時一遇

大悲念物靡不周

此解脫門觀世觀

導師救護諸世間

衆生悉見在當前

能令諸趣皆清淨

如是護世能觀察

佛昔修治歡喜海

廣大無邊不可測

是故見者咸欣樂

此是寂音之所了

如來境界不可量

寂而能演徧十方
尸利夜神聞踊悅

普使衆生意清淨

大福莊嚴甚威曜
普發華神悟斯道

佛於無福衆生中

一切衆生悉調伏

示彼離塵寂滅法

此護育神之所觀

十方普現大神通

悉淨方便慈悲海

種種色相皆令見

此福樂神之解脫

如來往昔念念中

其心堅毒甚可畏

衆生愚癡常亂濁

此滅怨神能悟喜

如來慈愍爲出興

一切願欲皆令滿

佛昔修行爲衆生

此現福神之所入

由是具成功德相

復次徧住一切主方神得普救護力解脫門

普現光明主方神得成辨化一切衆生神通

業解脫門先行莊嚴主方神得破一切闇障

生喜樂大光明解脫門周行不礙主方神得

普現一切處不唐勞解脫門永斷迷惑主方

神得示現等一切衆生數名号發生功德解

脫門徧遊淨空主方神得恒發妙音令聽者

皆歡喜解脫門雲幢大音主方神得如龍普

雨令衆生歡喜解脫門瞿目無亂主方神得

示現一切衆生業無差別自在力解脫門普

觀世業主方神得觀察一切趣生中種種業

解脫門周徧遊覽主方神得所作事皆究竟
生一切衆生歡喜解脫門爾時徧住一切主
方神承佛威力普觀一切主方神衆而說頌
言

如來自在出世間	教化一切諸羣生
普示法門令悟入	悉使當成無上智
神通無量等衆生	隨其所樂示諸相
見者皆蒙出離苦	此現光神解脫力
佛於閻闍衆生海	爲現法炬大光明
其光普照無不見	此行莊嚴之解脫
具足世間種種音	普轉法輪無不解
衆生聽者煩惱滅	此徧往神之所悟
一切世間所有名	佛名等披而出生
悉使衆生離疑惑	此斷迷神所行處
若有衆生至佛前	得聞如來美妙音
莫不心生大歡喜	徧遊虛空悟斯法
佛於一一剎那中	普雨無邊大法雨
悉使衆生煩惱滅	此雲幢神所了知
一切世間諸業海	佛悉開示等無異
普使衆生除業惑	此瞿目神之所了
一切智地無有邊	一切衆生種種心
如來照見悉明了	此廣大門觀世入
佛於往昔修諸行	無量諸度悉圓滿
大慈哀愍利衆生	此徧遊神之解脫

復次淨光普照主空神得普知諸趣一切衆
生心解脫門普遊深廣主空神得普入法界
解脫門生吉祥風主空神得了達無邊境界
身相解脫門離障安住主空神得能除一切
衆生業惑障解脫門廣步妙躋主空神得普
觀察思惟廣大行海解脫門無礙光燄主空
神得大悲光普救護一切衆生凡難解脫門
無礙勝力主空神得普入一切無所著福德
力解脫門離垢光明主空神得能令一切衆
生心離諸蓋清淨解脫門深遠妙音主空神
得普見十方智光明解脫門光徧十方主空
神得不動本處而普現世間解脫門爾時淨
光普照主空神承佛威力普觀一切主空神
衆而說頌言

如來廣大目清淨如虛空普見諸衆生一切悉明了
佛身大光明徧照於十方處處現前住普遊觀此道
佛身如虛空無生無所取無得無自性吉祥風所見
如來無量劫廣說諸聖道普滅衆生障圓光悟此門
我觀佛往昔所集菩提行悉爲安世間妙躋行斯境
一切衆生界流轉生死海佛放滅苦光無礙神能見
清淨功德藏能爲世福田隨以智開覺力神於此悟
衆生癡所覆流轉於險道佛爲放光明離垢神能證
智慧無邊際悉現諸國土光明照世間妙音斯見佛
佛爲度衆生修行徧十方如是大願心普現能觀察

復次無礙光明主風神得普入佛法及一切
 世間解脫門普現勇業主風神得無量國土
 佛出現咸廣大供養解脫門飄擊雲幢主風
 神得以香風普滅一切衆生病解脫門淨光
 莊嚴主風神得普生一切衆生善根令摧滅
 重障山解脫門力能竭水主風神得能破無
 邊惡魔衆解脫門大聲徧吼主風神得永滅
 一切衆生怖解脫門樹杪垂髻主風神得入
 一切諸法實相辯才海解脫門普行無礙主
 風神得調伏一切衆生方便藏解脫門種種
 宮殿主風神得入寂靜禪定門滅極重愚癡
 闇解脫門大光普照主風神得隨順一切衆
 生行無礙力解脫門爾時無礙光明主風神
 承佛威力普觀一切主風神衆而說頌言
 一切諸佛法甚深 無礙方便普能入
 所有世間常出現 無相無形無影像
 汝觀如來於往昔 一念供養無邊佛
 如是勇猛菩提行 此普現神能悟了
 如來救世不思議 所有方便無空過
 悉使衆生離諸苦 此雲幢神之解脫
 衆生無福受衆苦 重蓋密障常迷覆
 一切皆令得解脫 此淨光神所了知
 如來廣大神通力 克殄一切魔軍衆
 所有調伏諸方便 勇健威力能觀察

佛於毛孔演妙音
一切苦畏皆今息
佛於一切衆剎海
此如來地妙辯才
佛於一切方便門
境界無邊無與等
如來境界無有邊
而身寂靜無諸相
如來劫海修諸行
能隨世法應衆生

其音普徧於世間
此徧吼神之所了
不思議劫常演說
樹杪踞神能悟解
智入其中悉無礙
此普行神之解脫
處處方便皆令見
種種宮神解脫門
一切諸力皆成滿
此普照神之所見

大方廣佛華嚴經卷第三

薩	薩	薩	薩	薩	薩	薩	薩	薩	薩
薩	薩	薩	薩	薩	薩	薩	薩	薩	薩
薩	薩	薩	薩	薩	薩	薩	薩	薩	薩
薩	薩	薩	薩	薩	薩	薩	薩	薩	薩
薩	薩	薩	薩	薩	薩	薩	薩	薩	薩
薩	薩	薩	薩	薩	薩	薩	薩	薩	薩
薩	薩	薩	薩	薩	薩	薩	薩	薩	薩
薩	薩	薩	薩	薩	薩	薩	薩	薩	薩
薩	薩	薩	薩	薩	薩	薩	薩	薩	薩
薩	薩	薩	薩	薩	薩	薩	薩	薩	薩

二藏流通未有不由疏義而息群疑疏義既作事理
符會將成一家紛緇梵肆

大方廣佛華嚴經即巨唐清涼大師精寫特文力殫

此項明經題詞雖事端華若夫述論排駁之徒未有
際其根柢而大師撰述或經文有所漏略驗梵本因
以相訛數長行偈文又有互失大師旁敷精要但事
關文式寧清梵同位既易以故經版一取大師元解
之本庶幾免謬嘉績以素亦綱幸獲學佛者宅心靈
福藉功大疎方賴月宇之美免貽概見之譏略錄數
條以示來者今題第三經文下諸卷有隱晦不具書
者備詳疏文故不繫錄

迦樓羅王長行脫第五 大海處新持力迦樓羅三
得能竭衆生煩惱海解脫門疏主衆諸本多脫今依
有本解

乙巳歲高麗國大藏再建終

勅彫造

大方廣佛華嚴經卷第四

七

千闍國三藏實叉難陀奉 制譯

世主妙嚴品第一之四

復次普光嚴藏主火神得悉除一切世間間
解脫門普集光幢主火神得能息一切衆生
諸惑漂流熱惱苦解脫門大光徧照主火神
得無動福力大悲藏解脫門無盡光髻主火
神得光明照耀無邊虛空界解脫門種種嚴
眼主火神得種種福莊嚴寂靜光解脫門十
方宮殿如須彌山主火神得能滅一切世間
諸趣熾然苦解脫門威光自在主火神得自
在開悟一切世間解脫門光照十方主火神
得未破一切愚癡執著見解脫門雷音電光
主火神得成就一切願力大震吼解脫門爾
時普光嚴藏主火神承佛威力徧觀一切主
火神衆而說頌言
汝觀如來精進力
爲利衆生現世間
衆生愚癡起諸見
導師方便悉滅除
福德如空無有盡
此佛大悲無動力
我觀如來之所行
如是示現神通力
廣大億劫不思議
所有暗障皆令滅
煩惱如流及火然
普集光幢於此悟
求其邊際不可得
光照悟入心生喜
經於劫海無邊際
衆妙宮神所了知

億劫修成不可思

不其邊際莫能知

演法實相令歡喜

無盡光神所觀見

十方所有廣大衆

一切現前瞻仰佛

寂靜光明照世間

此妙燄神所能了

牟尼出現諸世間

坐於一切宮殿中

普雨無邊廣大法

此十方神之境界

諸佛智慧最甚深

於法自在現世間

能悉闡明真實理

或光悟此心欣慶

諸見愚癡爲暗蓋

衆生迷惑常流轉

歸爲開闡妙法門

此照方神能悟入

願門廣大不思議

力度修治已清淨

如昔願心皆出現

此震音神之所了

復次普興雲幢主

水神得平等利益一切衆

生慈解脫門海潮

雲音主水神得無邊法莊

嚴解脫門妙色輪

主水神得觀所應化方

便普攝解脫門善

巧漩復主水神得普演諸

佛甚深境界解脫

門離垢香續主水神得普

現清淨大光明解

脫門福橋光音主水神得

清淨法界無相無

性解脫門知足自在主水

神得無盡大悲海

解脫門淨喜善音主水神

得於菩薩衆會道

場中爲大歡喜藏解脫門

普現威光主水神

得以無礙廣大福德力普

出現解脫門乳聲

徧徧主水神得觀察一切

衆生發起如虛空

調伏方便解脫門爾時普

興雲幢主水神承佛威力徧觀一切主水神衆而說頌言

清淨慈門刹塵數

共生如來一妙相

一一諸相莫不然

是故見者無厭足

世尊往昔修行時

普詣一切如來所

種種修治無懈倦

如是方便雲音入

佛於一切十方中

寂然不動無來去

應化衆生悉令見

此是髻輪之所知

如來境界無邊量

一切衆生不能了

妙音演說徧十方

此善旋神所行處

此集光明無有盡

充徧法界不思議

說法教化度衆生

此淨香神所觀見

如來清淨等虛空

無相無形徧十方

而今衆會靡不見

此福光神善觀察

佛昔修習大悲門

其心廣徧等衆生

是故如雲現於世

此解脫門知足了

十方所有諸國土

悉見如來坐於座

朗然開悟大菩提

如是喜音之所入

如來所行無罣礙

徧徧十方一切刹

處處示現大神通

普現威光已能悟

修習無邊方便行

等衆生界悉充滿

神通妙用靡暫停

吼聲徧海斯能入

復次出現寶光主海神得以等心施一切衆

生福德海衆寶莊嚴身解脫門不可壞金剛

幢主海神得巧方便守護一切衆生善根解
脫門不雜塵垢主海神得能竭一切衆生煩
惱海解脫門恒住波浪主海神得令一切衆
生離惡道解脫門吉祥寶月主海神得普滅
大癡暗解脫門妙華龍鬚主海神得滅一切
諸趣苦與安樂解脫門普持光味主海神得
淨治一切衆生諸見愚癡性解脫門寶焰華
光主海神得出生一切寶種性菩提心解脫
門金剛妙鬚主海神得不動心功德海解脫
門海潮雷音主海神得普入法界三昧門解
脫門爾時出現寶光主海神承佛威力普觀
一切主海神衆而說頌言

不可思議大劫海 供養一切諸如來
普以功德施羣生 是故端嚴最無比
一切世間皆出現 衆生根欲靡不知
普爲弘宣大法海 此是堅幢所欣悟
一切衆生煩惱覆 流轉諸趣受衆苦
爲其開示如來境 普水宮神入此門
佛於難思劫海中 修行諸行無有盡
永截衆生癡惑網 寶月於此能明入
佛見衆生常恐怖 流轉生死大海中
示彼如來無上道 龍鬚悟解生欣悅
諸佛境界不思議 法界虛空平等相
能淨衆生癡惑網 如是持味能宣說

佛眼清淨不思議

一切境界悉該覽

普示衆生諸妙道

此是華光心所悟

魔軍廣大無央數

一刹那中悉摧滅

心無傾動難測量

金剛妙慧之方便

普於十方演妙音

其音法界靡不用

此是如來三昧境

海潮音神所行處

復次普發迅流主河神得普雨無邊法雨解

脫門普索衆淵主河神得普現一切衆生前

令永離煩惱解脫門離塵淨眼主河神得以

大悲方便普勝一切衆生諸惑塵垢解脫門

十方徧吼主河神得恒出饒益衆生音解脫

門普救護衆生主河神得於一切含識中恒

起無惱害慈解脫門無熱淨光主河神得普

示一切清涼善根解脫門普生歡喜主河神

得修行具足施令一切衆生永離慳著解脫

門廣德勝幢主河神得作一切歡喜福田解

脫門光照普世主河神得能令一切衆生離

染者清淨瞋毒者歡喜解脫門海德光明主

河神得能令一切衆生入解脫海恒受具足

樂解脫門爾時普發迅流主河神承佛威力

徧觀一切主河神衆而說頌言

如來往昔爲衆生 修治法海無邊行

譬如霈澤清炎暑 普滅衆生煩惱熱

佛昔難宣無量劫 願光明淨世間

諸根熟者令悟道

此普察神心所悟

大悲方便等衆生

悉現其前常化誘

普使淨治煩惱垢

淨眼見此深歡悅

佛演妙音普使聞

衆生愛樂心歡喜

悉使離除無量苦

此徧吼神之解脫

佛昔修習菩提行

爲利衆生無量劫

是故光明徧世間

護神憶念生歡喜

佛昔修行為衆生

種種方便令成熟

普淨福海除衆苦

無熱見此心欣慶

施門廣大無窮盡

一切衆生咸利益

能令見者無慳著

此普喜神之所悟

佛昔修行實方便

成就無邊功德海

能令見者靡不欣

此勝幢神心悟悅

衆生有垢咸淨治

一切怨害等生慈

故得光照滿虛空

普世河神見歡喜

佛是福田功德海

能令一切離諸惡

乃至成就大菩提

此海光神之解脫

復次柔軟勝味主

稼神得與一切衆生法滋

味令成就佛身解

脫門時華淨光主

稼神得

能令一切衆生受

廣大喜樂解脫門

色力勇

健主稼神得以一

切圓滿法門淨諸

境界解

脫門增益精氣主

稼神得見佛大悲

無量神

通變化力解脫門

普生根果主稼神

得普現

佛福田令下種無

失壞解脫門妙嚴

環歸主

稼神得普發衆生淨信華解脫門潤澤淨華
主稼神得大慈愍濟諸衆生令增長福德海
解脫門成就妙香主稼神得廣開示一切行
法解脫門見者愛樂主稼神得能令法界一
切衆生捨離懈怠憂惱等諸惡普清淨解脫
門離垢光明主稼神得觀察一切衆生善根
隨應說法令衆會歡喜滿足解脫門爾時柔
輒勝味主稼神承佛威力徧觀一切主稼神
衆而說頌言

如來無上功德海
一切衆生成救護
此尊功德無有邊
悉使難苦常歡喜
善逝諸力皆圓滿
一切衆生悉調伏
佛昔修治大悲海
是故神通無有邊
佛徧世間常現前
悉淨衆生諸惑惱
佛是世間大智海
廣大信解悉從生
如來觀此起慈心
示彼恬怡最勝道
善逝所修清淨行

普現明燈照世間
悉與安樂無遺者
衆生聞者不唐捐
此是時華之所入
功德莊嚴現世間
此法勇力能明證
其心念念等世間
增益精氣能觀見
一切方便無空過
此普生神之解脫
放淨光明無不徧
如是嚴髻能明入
爲利衆生而出現
此淨華神之解脫
菩提樹下具宣說

如是教化滿十方

此妙香神能聽受

佛於一切諸世間

悉使離憂生大喜

所有根欲皆治淨

可愛樂神斯悟入

如來出現於世間

普觀衆生心所樂

種種方便而成熟

此淨光神解脫門

復次吉祥主藥神得普觀

一切衆生心而勤

攝取解脫門栴檀林主藥神得以光明攝衆

生得見者無空過解脫門離塵光明主藥神

得能以淨方便滅一切衆生煩惱解脫門名

稱普聞主藥神得能以大名稱增長無邊善

根海解脫門毛孔現光主藥神得大悲幢速

赴一切病境界解脫門破暗清淨主藥神得

藥治一切盲冥衆生今智眼清淨解脫門普

發吼聲主藥神得能演佛音說諸法差別義

解脫門蔽日光幢主藥神得能作一切衆生

善知識今見者咸生善根解脫門明見十方

主藥神得清淨大悲藏能以方便令生信解

解脫門普發威光主藥神得方便令念佛威

一切衆生病解脫門爾時吉祥主藥神承佛

威力徧觀一切主藥神衆而說頌言

如來智慧不思議

悉知一切衆生心

能以種種方便力

滅彼羣迷無量苦

大雄善巧難測量

凡有所作無空過

必使衆生諸苦滅

栴檀林神能悟此

汝觀諸佛法如是

往惡勤修無量劫

而於諸有無所著

此離塵光所入門

佛百千劫難可遇

若有得見及聞名

必令獲益無空過

此普稱神之所了

如來一一毛孔中

悉放光明滅眾患

世間煩惱皆令盡

此現光神所入門

一切眾生癡所盲

或業眾苦無量別

佛悉蠲除開智照

如是破暗能觀見

如來一音無限量

能開一切法門海

眾生聽者悉了知

此是大音之解脫

汝觀佛智難思議

普現諸趣救羣生

能令見者皆從化

此蔽日幢深悟了

如來大悲方便海

為利世間而出現

廣開正道示眾生

此見方神能了達

如來普放大光明

一切十方無不照

今隨念佛生功德

此發威光解脫門

復次布華如雲主

林神得廣大無邊智海藏

解脫門擢幹舒光主

林神得廣大修治普清

淨解脫門生芽發輝主

林神得增長種種淨

信芽解脫門吉祥淨葉主

林神得一切清淨

功德莊嚴聚解脫門垂布猷藏主

林神得普

門清淨慧恒周闡法界解脫門妙莊嚴光主

林神得普知一切眾生行海而興布法雲解

脫門可意雷聲主

林神得忍受一切不可意

聲聞清淨音解脫門香光普徧主林神得十
方普現普所修治廣大行境界解脫門妙光
迴耀主林神得以一切功德法饒益世間解
脫門華果光味主林神得能令一切見佛出
興常敬念不忘莊嚴功德藏解脫門爾時布
華如雲主林神承佛威力普觀一切主林神
衆而說頌言

佛昔修集菩提行
一切諸力皆具足
悲門無量等衆生
是故於世能爲益
若有衆生一見佛
普示一切如來道
一毛所集諸功德
諸佛方便難思議
我念如來於往昔
一一佛所習漸明
一切衆生諸行海
如是廣大無礙智
恒演如來寂妙音
隨其解欲皆令悟
如來示現大神通
佛昔修行悉令見
衆生論說不修德

福德智慧悉成滿
放大光明出世間
如來往昔普淨治
此摧幹神之所了
必使入於深信海
此妙華神之解脫
劫海宣揚不可盡
摩葉能明此深義
供養利塵無量佛
此欲藏神之所了
世尊一念悉了知
妙莊嚴神能悟入
普生無等大歡喜
此是雷音所行法
十方國土皆徧徧
此普香光所入門
迷惑沈流生死中

為彼闍闍眾智道

此妙光神之所見

佛為業障諸眾生

經於億劫時乃現

其餘念念常令見

此味光神所觀察

復次寶峯開華主山神得入大寂定光明解

脫門華林妙髻主山神得修集慈善根成熟

不可思議數眾生解脫門高幢普照主山神

得觀察一切眾生心所樂嚴淨諸根解脫門

離塵寶髻主山神得無邊劫海勤精進無厭

怠解脫門光照十方主山神得以無邊功德

光普覺悟解脫門大力光明主山神得能自

成熟復令眾生捨離愚迷行解脫門威光普

勝主山神得拔一切苦使無有餘解脫門微

密光輪主山神得演教法光明顯示一切如

來功德解脫門普眼現見主山神得令一切

眾生乃至於夢中增長善根解脫門金剛堅

固眼主山神得出現無邊大義海解脫門爾

時開華而地主山神承佛威力普觀一切主

山神眾而說頌言

今獲神通亦無量

往修勝行無有邊

悉使眾生深悟喜

法門廣闊如塵數

毛孔光明悉清淨

眾相嚴身徧世間

華林妙髻悟此門

大慈方便示一切

十方世界皆充滿

佛身普現無有邊

此法高幢能悟人

諸根嚴淨見者喜

歷劫勤修無懈倦

不染世法如虛空

種種方便化羣生

悟此法門名寶鬘

衆生盲暗入陰道

佛哀愍彼舒光照

普使世間從睡覺

威光悟此心生喜

昔在諸有廣修行

供養剎塵無數佛

令衆生見發大願

此地大力能明入

見諸衆生流轉苦

一切業障恒纏覆

以智慧光悉滅除

此普勝神之解脫

一一毛孔出妙音

隨衆生心讚諸佛

悉徧十方無量劫

此是光輪所入門

佛徧十方普現前

種種方便說妙法

廣益衆生諸行海

此現見神之所悟

法門如海無邊量

一音爲說悉令解

一切劫中廣不窮

入此方便金剛目

復次普德淨華主地

神得以慈悲心念念普

觀一切衆生解脫門

堅福莊嚴主地神得普

現一切衆生福德力

解脫門妙莊嚴樹主地

神得普入諸法出生

一切佛剎莊嚴解脫門

普散衆寶主地神得

修習種種諸二昧令衆

生除障垢解脫門淨

目觀時主地神得令一

切衆生常遊戲快樂

解脫門金色妙眼主地

神得示現一切清淨

身調伏衆生解脫門香

毛發光主地神得了

知一切佛功德海大威

力解脫門寂音悅意

主地神得普攝持一切

衆生言音解脫門妙華旋結主地神得充
諸佛剎離垢性解脫門金剛普持主地神得
一切佛法輪所攝持普出現解脫門爾時普
德淨華主地神承佛威力普觀一切主地神
衆而說頌言

如來往昔念念中

大悲悲門不可說

如是修行無有已

故得堅牢不壞身

三世衆生及菩薩

所有一切衆福聚

悉現如來毛孔中

福嚴是已生歡喜

廣大家寂靜三摩地

不生不滅無來去

嚴淨國土示衆生

此樹華神之解脫

佛於往昔修諸行

爲今衆生消重障

普散衆寶主地神

見此解脫生歡喜

如來境界無邊際

念念普現於世間

淨目觀時主地神

見佛所行心慶悅

妙音無限不思議

普爲衆生滅煩惱

金色眼神能了悟

見佛無邊勝功德

一切色形皆化現

十方法界悉充滿

香光發光常見佛

如是普化諸衆生

妙音普徧於十方

無量劫中爲衆說

悅意地神心了遠

從佛得聞深敬喜

佛毛孔出香微雲

隨衆生心徧世間

一切見者皆成熟

此是華旋所觀處

堅固難壞如金剛

不可傾動逾須彌

佛身如是處世間

普持得見生歡喜

復次寶峯光耀主城神得方便利益衆生解脫門妙嚴宮殿主城神得知衆生根教化成熟解脫門清淨喜寶主城神得常歡喜令一切衆生受諸福德解脫門離憂清淨主城神得救諸怖畏大悲藏解脫門華燈燄眼主城神得普明了大智慧解脫門饒幢明現主城神得普方便示現解脫門盛福威光主城神得普觀察一切衆生令修廣大福德海解脫門淨光明身主城神得開悟一切愚暗衆生解脫門寶峯光目主城神得能以大光明破一切衆生障礙山解脫門爾時寶峯光耀主城神承佛威力普觀一切主城神衆而說頌言

導師如是不思議

光明徧照於十方

衆生現前悉見佛

教化成熟無央數

諸衆生根各差別

佛悉了知無有餘

妙嚴宮殿主城神

入此法門心慶悅

如來無量劫修行

護持往昔諸佛法

意常承奉生歡喜

妙寶城神悟此門

如來昔已能除遣

一切衆生諸恐怖

而恒於彼起慈悲

此離憂神心悟喜

佛智廣大無有邊

譬如虛空不可量

華目城神斯悟悅

能學如來之妙慧

如來色相等衆生

隨其樂欲皆令具

如來往修衆福海

習此方便生歡喜

福德幢光於此門

清淨廣大無邊際

衆生愚迷諸有中

觀察了悟心欣慶

佛爲利益興於世

如世生盲卒無親

如來自在無有邊

如雲普徧於世間

乃至現夢今詞人

此是香幢所觀見

衆生疑暗如盲瞽

種種障蓋所纏覆

佛光照徹普令開

如是寶峯之所入

復次淨莊嚴幢道場神得出現供養佛廣大

莊嚴具誓願力解脫門須彌寶光道場神得

現一切衆生前成就廣大菩提行解脫門雷

音幢相道場神得隨一切衆生心所樂令見

佛於夢中爲說法解脫門雨華妙眼道場神

得能雨一切難捨衆寶莊嚴具解脫門清淨

談形道場神得能現妙莊嚴道場廣化衆生

今成熟解脫門華纓垂髻道場神得隨根說

法今生正念解脫門雨寶莊嚴道場神得能

以辯才普雨無邊歡喜法解脫門勇猛香眼

道場神得廣徧讚諸佛功德解脫門金剛彩

雲道場神得示現無邊色相樹莊嚴道場解

脫門蓮華光明道場神得菩提樹下寂然不

動而充徧十方解脫門妙光照耀道場神得

顯示如來種種力解脫門爾時淨莊嚴幢道
場神承佛威力普觀一切道場神衆而說頌
言
我念如來往昔時
諸佛出興成供養
佛昔修行無盡施
須彌光照菩提樹
如來色相無有窮
乃至夢中常示現
昔行捨行無量劫
如是捨行為衆生
無邊色相寶皦雲
皎形清淨道場神
衆生行海無有邊
隨其根解除疑惑
無量法門差別義
雨寶嚴具道場神
於不可說一切土
故獲名譽大功德
種種色相無邊樹
金剛彩雲悟此門
十方邊際不可得
蓮華步光淨信心
道場一切出妙音

於無量劫所修行
故獲如空大功德
無量刹土微塵等
憶念善逝心欣慶
變化周流一切刹
雷幢見此生歡喜
能捨難捨眼如海
此妙眼神能悟悅
現菩提場徧世間
見佛自在生歡喜
佛普彌綸雨法雨
華纓悟此心歡喜
辯才大海皆能入
於心念念恒如是
盡世言辭俱讚佛
此勇眼神能憶念
普現菩提樹王下
恒觀道樹生歡喜
佛坐道場智亦然
入此解脫深生喜
讚佛難思清淨力

此妙光神能聽受

及以成就諸因行
復次寶印手足行神得普而衆寶生廣大歡
喜解脫門蓮華光足行神得示現佛身坐一
切光色蓮華座今見者歡喜解脫門最勝華
點足行神得一一心念中建立一切如來衆
會道場解脫門攝諸善見足行神得舉足發
步悉調伏無邊衆生解脫門妙寶星幢足行
神得念念中化現種種蓮華網光明普雨衆
寶出妙音聲解脫門樂吐妙音足行神得出
生無邊歡喜海解脫門栴檀樹光足行神得
以香風普覺一切道場衆會解脫門蓮華光
明足行神得一切毛孔放光明演微妙法音
解脫門微妙光明足行神得其身徧出種種
光明網普照耀解脫門積集妙華足行神得
開悟一切衆生今生善根海解脫門爾時寶
印手足行神承佛神力徧觀一切足行神衆
而說頌言
佛昔修行無量劫
心恒慶悅不疲厭
念念神通不可量
佛坐其上普遊往
諸佛如來法如是
普現神通不可議
十方國土一切處
供養一切諸如來
喜門深大猶如海
化現蓮華種種香
紅色光神皆覩見
廣大衆會徧十方
最勝華神悉明矚
於中舉足若下足

悉能成就諸羣生

此善見神心悟喜

如衆生數普現身

此一一身充法界

悉放淨光雨衆寶

如是解脫星幢入

如來境界無邊際

普雨法雨皆充滿

衆會觀佛生歡喜

此妙音聲之所見

佛音聲量等虛空

一切音聲悉在中

調伏衆生靡不徧

如是稱擅能聽受

一切毛孔出化音

闍揚三世諸佛名

聞此音者皆歡喜

蓮華光神如是見

佛身變現不思議

步步色相猶如海

隨衆生心悉令見

此妙光明之所得

十方普現大神通

一切衆生悉開悟

衆妙華神於此法

見已心生大歡喜

復次淨喜境界身衆神得憶佛往昔誓願海

解脫門光照十方身衆神得光明普照無邊

世界解脫門海音調伏身衆神得大音普覺

世界解脫門海音調伏身衆神得大音普覺

一切衆生令歡喜調伏解脫門淨華嚴髻身

衆神得身如虛空周徧住解脫門無量威儀

衆神得身如虛空周徧住解脫門無量威儀

衆神得身如虛空周徧住解脫門無量威儀

身衆神得示一切衆生諸佛境界解脫門最

勝光嚴身衆神得令一切飢渴衆生色力滿

足解脫門淨光香雲身衆神得除一切衆生

煩惱垢解脫門守護攝持身衆神得轉一切

衆生愚癡魔業解脫門普現攝化身衆神得

普於一切世主宮殿中顯示莊嚴相解脫門

普於一切世主宮殿中顯示莊嚴相解脫門

普於一切世主宮殿中顯示莊嚴相解脫門

普於一切世主宮殿中顯示莊嚴相解脫門

普於一切世主宮殿中顯示莊嚴相解脫門

不動光明身衆神得普攝一切衆生皆令生
清淨善根解脫門爾時淨喜境界身衆神承
佛威力普觀一切身衆神衆而說頌言

我憶須彌塵劫前

有佛妙光出興世

世尊於彼如來所

發心供養一切佛

如來身放大光明

其光法界靡不充

衆生遇者心調伏

此照方神之所見

如來聲震十方國

一切言音悉圓滿

普覺羣生無有餘

調伏聞此心歡慶

佛身清淨恒寂滅

普現衆色無諸相

如是徧住於世間

此淨華神之所入

導師如是不思議

隨衆生心悉令見

或坐或行或時住

無量威儀所悟門

佛百千劫難逢遇

出興利益能自在

令世悉離貧窮苦

最勝光嚴入斯處

如來一一齒相間

普放香燈光皎雲

滅除一切衆生惑

離垢雲神如是見

衆生染惑爲重障

隨逐魔徑常流轉

如來開示解脫道

守護執持能悟入

我觀如來自在力

光布法界悉充滿

處王宮殿化衆生

此普現神之境界

衆生迷妄具衆苦

佛在其中常救攝

皆令滅惑生喜心

不動光神所觀見

復次妙色那羅延執金剛神得見如來示現

無邊色相身解脫門日輪速疾幢執金剛神
 得佛身一一毛如日輪現種種光明雲解脫
 門須彌華光執金剛神得化現無量身大神
 變解脫門清淨雲音執金剛神得無邊隨類
 音解脫門妙辭天主執金剛神得現為一切
 世間主開悟衆生解脫門可愛樂光明執金
 剛神得普開示一切佛法差別門咸盡無遺
 解脫門大樹雷音執金剛神得以可愛樂莊
 嚴具攝一切樹神解脫門師子王光明執金
 剛神得如來廣大福莊嚴聚皆具足明了解
 脫門密談吉祥目執金剛神得普觀察險惡
 衆生心為現威嚴身解脫門蓮華摩尼髻執
 金剛神得普雨一切菩薩莊嚴具摩尼髻解
 脫門爾時妙色那羅延執金剛神承佛威力
 普觀一切執金剛神衆而說頌言

汝應觀法王法王法如是色相無有邊普現於世間
 佛身一一毛光網不思議辭如淨日輪普照十方國
 如來神通力法界悉周徧一切衆生前示現無盡身
 如來說法音十方莫不聞隨諸衆生類悉令心滿足
 衆見牟尼尊處世宮殿中普為諸羣生闡揚於大法
 法海漩渦處一切差別義種種方便門演說無窮盡
 無邊大方便普應十方國遇佛淨光明悉見如來身
 供養於諸佛億刹微塵數功德如虛空一切所瞻仰
 神通力平等一切剎皆現安坐妙道場普現衆生前

雲雲普照明種種光圓滿法界無不以及示佛所行處

大方廣佛華嚴經卷第四

旋腹

上旋音
下伏音

泉聞

下古晏切

霑澤上音莖切

恬怡

上徒兼切
下與之切

藥治

上力照切
亦作療

蠲除上古玄切

摧幹

上直角切
下古案切

諡諛

上盧檢切
下彼義切

廣闢下房益切

逾頌

上華來切

卒無

上子聿切

盲瞽下公戶切

彌綸

下力送切

名譽

下余茹切

明矚下之欲切

主大神跡主云長行脫第四准梵本勝上蒙光普照

主火神得普能除煩惱塵解脫門偈云衆妙即勝上

義耳或有本則云衆妙宮殿主火神得大慈悲廣蔭

衆生解脫門亦恐是傳寫脫漏爾

主海神跡主云偈脫第三

主城神跡主云長行

脫第九准梵本云香幢莊嚴主城神得破一切衆

生煩惱臭氣出生一切智性香氣解脫明

乙巳歲高麗國大藏都監奉

勅彫造

大方廣佛華嚴經卷第五

垂

千闍國三藏實叉難陀奉 制譯

世主妙嚴品第五 之五

復次普賢菩薩摩訶薩入不思議解脫門方便海入如來功德海所謂有解脫門名嚴淨一切佛國土調伏衆生今究竟出離有解脫門名普詣一切如來所修具足功德境界有解脫門名安立一切菩薩地諸大願海有解脫門名普現法界微塵數無量身有解脫門名廣說徧一切國土不可思議數差別名有解脫門名一切微塵中悉現無邊諸菩薩神通境界有解脫門名一念中現三劫成壞事有解脫門名示現一切菩薩諸根海各入自境界有解脫門名能以神通力化現種種身徧無邊法界有解脫門名顯示一切菩薩修行法次第門入一切智廣大方便爾時普賢菩薩摩訶薩以自功德復承如來威神力普觀一切衆會海已即說頌言

佛所莊嚴廣大刹 等於一切微塵數
清淨佛子悉滿中 雨不思議最妙法
如於此會見佛坐 一切塵中悉如是
佛身無去亦無來 所有國土皆明現
顯示菩薩所修行 無量趣地諸方便
及說難思真實理 令諸佛子入法界

出生化佛如塵數
入深法界方便門
如來名号等世間
一切方便無空過
佛於一切微塵中
悉坐道場能演說
三世所有廣大劫
彼諸成壞一切事
佛子衆會廣無限
諸佛法門無有邊
佛如虛空無分別
化現周行靡不至
佛以妙音廣宣暢
普現一一衆生前

普應羣生心所欲
廣大無邊悉開演
十方國土悉充徧
調伏衆生皆離垢
示現無邊大神力
如佛往昔菩提行
佛念念千皆示現
不思議智無不了
欲共測量諸佛地
能悉了知甚爲難
等真法界無所依
悉坐道場成正覺
一切諸地皆明了
盡與如來平等法

復次淨德妙光菩薩摩訶薩得徧往十方菩
薩衆會莊嚴道場解脫門普德最勝燈光照
菩薩摩訶薩得一念中現無盡成正覺門教
化成熟不思議衆生界解脫門普光師子幢
菩薩摩訶薩得修習菩薩福德莊嚴出生一
切佛國土解脫門普寶燄妙光菩薩摩訶薩
得觀察佛神通境界無迷惑解脫門普音功
德海幢菩薩摩訶薩得於一衆會道場中示
現一切佛土莊嚴解脫門普智光照如來境
菩薩摩訶薩得隨逐如來觀察甚深廣大法

界藏解脫門普清淨無盡福威光菩薩摩訶
薩得普入一切世間行出生菩薩無邊行門
解脫門普相最勝光菩薩摩訶薩得能於無
相法界中出現一切諸佛境界解脫門爾時
淨德妙光菩薩摩訶薩承佛威力普觀一切
菩薩解脫門海已即說頌言

十方所有諸國土 一剎那中悉嚴淨
以妙音聲轉法輪 普徧世間無與等
如來境界無邊際 一念法界悉充滿
一一塵中建道場 悉證菩提起神變
並尊往昔修諸行 經於百千無量劫
一切佛刹皆莊嚴 出現無礙如虛空
佛神通力無限量 充滿無邊一切劫
假使經於無量劫 念念觀察無疲厭
汝應觀佛神通境 十方國土皆嚴淨
一切於此悉現前 念念不同無量種
觀佛百千無量劫 不得一毛之分限
如來無礙方便門 此光普照難思刹
如來往劫在世間 承事無邊諸佛海
是故一切如川鷲 咸來供養世所尊
如來出現徧十方 一一塵中無量土
其中境界皆無量 悉住無邊無盡劫
佛於曩劫為衆生 修習無邊大悲海
隨諸衆生入生死 普化衆會令清淨

佛住真如法界藏

無相無形離諸垢

衆生觀見種種身

一切苦難皆消滅

復次海月光大明菩薩摩訶薩得出生菩薩

諸地諸波羅蜜教化衆生及嚴淨一切佛國

土方便解脫門雲音海光離垢藏菩薩摩訶

薩得念念中普入法界種種差別處解脫門

智生寶鬘菩薩摩訶薩得不可思議劫於一

切衆生前現清淨大功德解脫門功德自在

王淨光菩薩摩訶薩得普見十方一切菩薩

初詣道場時種種莊嚴解脫門善勇猛蓮華

鬘菩薩摩訶薩得隨諸衆生根解海誓爲顯

示一切佛法解脫門普智雲日幢菩薩摩訶

薩得成就如來智永住無量劫解脫門大精

進金剛齋菩薩摩訶薩得普入一切無邊法

印力解脫門香嚴光幢菩薩摩訶薩得顯示

現在一切佛始修菩薩行乃至成就智慧聚

解脫門大明德深美音菩薩摩訶薩得安住

毗盧遮那一切大願海解脫門大福光智生

菩薩摩訶薩得顯示如來徧法界甚深境界

解脫門爾時海月光大明菩薩摩訶薩承佛

威力普觀一切菩薩衆莊嚴海已即說頌言

諸波羅蜜及諸地 廣大難思悲圓滿

無量衆生盡調伏 一切佛土皆嚴淨

十方國土皆充滿

一念心中轉法輪

普應羣情無不徧

佛於無量廣大劫

普現一切衆生前

如其往昔廣修治

示彼所行清淨處

我觀十方無有餘

亦見諸佛現神通

悉坐道場成正覺

衆會聞法共圓遶

廣大光明佛法身

能以方便現世間

普隨衆生心所樂

悉稱其根而雨法

真如平等無相身

離垢光明淨法身

智慧寂靜身無量

普應十方而演法

法王諸力皆清淨

智慧如空無有邊

悉爲開示無遺隱

普使衆生同悟入

如佛往昔所修治

乃至成於一切智

今放光明徧法界

於中顯現悉明了

佛以本願現神通

一切十方無不照

如佛往昔修治行

光明網中皆演說

十方境界無有盡

無等無邊各差別

佛無礙力發大光

一切國土皆明顯

爾時如來師子之座衆寶妙華輪臺基陞及

諸戶隔如是一切莊嚴具中一一各出佛刹

微塵數菩薩摩訶薩其名曰海慧自在神通

王菩薩摩訶薩雷音普震菩薩摩訶薩衆寶

光明踰菩薩摩訶薩大智日勇猛慧菩薩摩

訶薩不思議功德寶智印菩薩摩訶薩百三

蓮華踰菩薩摩訶薩金猊圓滿光菩薩摩訶

薩法界普音菩薩摩訶薩雲音淨月菩薩摩
訶薩善勇猛光明幢菩薩摩訶薩如是等而
爲上首有衆多佛刹微塵數同時出現此諸
菩薩各興種種供養雲所謂一切摩尼寶華
雲一切蓮華妙香雲一切寶圓滿光雲無邊
境界香鬘雲日藏摩尼輪光明雲一切悅意
樂音雲無邊色相一切寶燈光鬘雲衆寶樹
枝華果雲無盡寶清淨光明摩尼王雲一切
莊嚴具摩尼王雲如是等諸供養雲有佛出
界微塵數彼諸菩薩一一皆興如是供養雲
雨於一切道場衆海相續不絕現是雲已右
遶卅尊經無量百千而隨其方面去佛不遠
化作無量種種寶蓮華師子之座各於其上
結跏趺坐是諸菩薩所行清淨廣大如海得
智慧光照普門法隨順諸佛所行無礙能入
一切辯才法海得不思議解脫法門住於如
來普門之地已得一切陀羅尼門悉能容受
一切法海善住三卅平等智地已得深信廣
大喜樂無邊福聚極善清淨虛空法界靡不
觀察十方世界一切國土所有佛興威勸供
養爾時海慧自在神通三菩薩摩訶薩承佛
威力普觀一切道場衆海即說頌言
諸佛所悟悉已知 如空無礙皆明照
光徧十方無量土 處於衆會普嚴潔

如來功德不可量

十方法界悉充滿

普坐一切樹王下

諸大自在共雲集

佛有如是神通力

一念現於無盡相

如來境界無有邊

各隨解脫能觀見

如來往昔經劫海

在於諸有勤修行

種種方便化衆生

令彼受行諸佛法

毗盧遮那具嚴好

坐蓮華藏師子座

一切衆會皆清淨

寂然而住同瞻仰

摩尼寶藏放光明

普發無邊香皖雲

無量華纓共垂布

如是座上如來坐

種種嚴飾吉祥門

恒放燈光寶皖雲

廣大熾然無不照

牟尼處上增嚴好

種種摩尼綺麗總

妙寶蓮華所垂飾

恒出妙音聞者悅

佛坐其上特明顯

寶輪承座半月形

金剛爲臺色皖明

持髻菩薩常圍遶

佛在其中最光耀

種種變化滿十方

實說如來廣大願

一切影像於中現

如是座上佛安坐

爾時雷音普震菩薩摩訶薩承佛威力普觀

一切道場衆海即說頌言

世尊往集菩提行

供養十方無量佛

善逝威力所加持

如來座中無不觀

香皖摩尼如意王

填飾妙華師子座

種種莊嚴皆影現

一切衆會悉明矚

佛座普現莊嚴相

念念色類各差別

隨諸衆生解不同

各見佛坐於其上

寶枝垂布蓮華網

華開踊現諸菩薩

各出微妙悅意聲

俱讚如來坐於座

佛功德量如虛空

一切莊嚴從此生

一一地中嚴飾事

一切衆生不能了

金剛爲地無能壞

廣博清淨極夷坦

摩尼爲網垂布空

菩提樹下皆周徧

其地無邊色相殊

眞金爲末布其中

普散名華及衆寶

悉以光瑩如來座

地神歡喜而踊躍

剎那示現無有盡

普興一切莊嚴雲

恒在佛前瞻仰住

寶燈廣大極熾然

香燄流光無斷絕

隨時示現各差別

地神以此爲供養

十方一切刹土中

彼地所有諸莊嚴

今此道場無不現

以佛威神故能爾

爾時衆寶光明結菩薩摩訶薩承佛威力普

觀一切道場衆海即說頌言

見諸佛上皆圓滿

卅尊往昔修行時

此道場中皆顯現

如是所見地無盡

舒光普雨摩尼寶

卅尊廣大神通力

其地周迴悉嚴麗

如是寶藏散道場

摩尼妙寶普莊嚴

如來福德神通力

遍發光音而演說

其地及以菩提樹

寶燈無量從空雨

寶王間錯爲嚴飾

悉吐微妙演法音

如是地神之所現

寶地普現妙光雲

寶炬皎明如電發

寶網遐張覆其上

寶枝雜布爲嚴好

汝等普觀於此地

種種妙寶所莊嚴

顯示衆生諸業海

令彼了知眞法性

普徧十方一切佛

所有圓滿菩提樹

莫不皆現道場中

演說如來清淨法

隨諸衆生心所樂

其地普出妙音聲

如佛座上所應演

一一法門咸具說

其地恒出妙香光

光中普演清淨音

若有衆生堪受法

悉使得聞煩惱滅

一一莊嚴悉圓滿

假使億劫無能說

如來神力靡不周

是故其地皆嚴淨

爾時大智日勇猛慧菩薩摩訶薩承佛威力

普觀一切道場衆海即說頌言

炳然照耀宮殿中

卅尊凝眸處法堂

其身普現十方土

隨諸衆生心所樂

摩尼寶藏爲嚴飾

如來宮殿不思議

佛坐其中特明顯

諸莊嚴具咸光輝

眞金鈴鐸如雲布

寶階四面列成行

門闥隨方咸洞啓

妙華繒綺莊嚴帳

寶樹枝條共嚴飾

摩尼瓔珞四面垂

智海於中湛然坐

摩尼爲網妙香幢
覆以種種莊嚴具
十方普現變化雲
一切衆生悉調伏
摩尼爲樹發妙華
三出國土莊嚴事
處處皆有摩尼聚
門牖隨方相開開
如來宮殿不思議
一切宮殿於中現
如來宮殿無有邊
十方一切諸衆會
爾時不思議功德寶智王菩薩摩訶薩承佛
威力普觀一切道場衆海即說頌言

光燄燈明若雲布
超世正知於此坐
其雲演說徧世間
如是皆從佛宮現
十方所有無能匹
莫不於中現其影
光燄熾然無量種
棟宇莊嚴極殊麗
清淨光明具衆相
一一皆有如來坐
自然覺者處其中
莫不向佛而來集

佛昔修治衆福海
神通願力所出生

一切剎土微塵數
道場嚴淨無諸垢

如意珠三作樹根

金剛摩尼以爲身

寶網遍施覆其上

妙香氣氤共旋繞

樹歧嚴飾備衆寶

摩尼爲幹手擎擢

妙條密布如重雲

佛於其下坐道場

道場廣大不思議

其樹周迴盡彌覆

密葉繁華相庇映

華中悉結摩尼果

一切枝間發妙光

其光徧照道場中

清淨熾然無有盡

以佛願力如斯觀

摩尼寶藏以爲華

布影騰輝若綺雲

市樹垂芳無不徧

於道場中普嚴飾

汝觀善逝道場中

蓮華寶網俱清淨

光嚴成輪從此現

鈴音鏗響雲間發

十方一切國土中

所有妙色莊嚴樹

菩提樹中無不現

佛於其下離衆垢

道場廣大福所成

樹枝雨寶恒無盡

寶中出現諸菩薩

悉往十方供事佛

諸佛境界不思議

普令其樹出樂音

如昔所集菩提道

衆會聞音咸得見

爾時百目蓮華詣菩薩摩訶薩承佛威力普

觀一切道場衆海即說頌言

一切摩尼出妙音

偈揚三世諸佛名

彼佛無量神通事

此道場中皆現觀

衆華競發如纓布

光雲流演徧十方

菩提樹神持向佛

一心瞻仰爲供養

摩尼光嚴悉成幢

幢中熾然發妙香

其香普熏一切衆

是故其處皆嚴潔

蓮華垂布金色光

其光演佛妙聲雲

普蔭十方諸刹土

永息衆生煩惱熱

菩提樹王自在力

常放光明極清淨

十方衆會無有邊

莫不影現道場中

寶枝光嚴若明燈

其光演音宣大願

如佛往昔於諸有

本所修行皆具說

樹下諸神剎塵數
各各如來道樹前
世尊往昔修諸行
本所修行及名聞
道場一切出妙音
若有衆生堪受法
如來往昔修治
十方一切菩提樹
爾時金鼓圓滿光菩薩摩訶薩承佛威力普
觀一切道場衆海即說頌言

佛昔修習菩提行
處與非處淨無疑
如昔等觀諸法性
如是今於光網中
往劫修治大方便
普使衆會心清淨
如諸衆生解不同
隨其所應爲說法
普盡十方諸刹海
佛智平等如虛空
一切處行佛盡知
十方刹劫衆生時
禪定解脫力無邊
佛爲示現令歡喜

悉共依於此道場
念念宣揚解脫門
供養一切諸如來
摩尼寶中皆悉現
其音廣大徧十方
莫不調伏令清淨
一切無量莊嚴事
一一莊嚴無量種
於諸境界解明了
此是如來初智力
一切業海皆明徹
普徧十方能具演
隨衆生根而化誘
故佛能成根智力
欲樂諸行各差別
佛以智力能如是
所有一切衆生界
悉能顯現毛孔中
一念三世畢無餘
悉能開示令現了
三昧方便亦復然
普使消除煩惱闇

剎那悉現毛孔中

所現皆由隨念力

普見法界盡無餘

彼眼無量佛能演

所有隨眼與習氣

悉以方便令除滅

爾時法界普音菩薩摩訶薩承佛威力普觀

廣大示現無分別

昔所滿足皆令見

修行布施波羅蜜

能令見者生歡喜

修治淨戒波羅蜜

普滅世間諸重苦

信解真實無分別

普放光明照十方

能轉衆生深重障

悉現菩提樹王下

禪定大海普清淨

煩惱障垢悉除滅

具足般若波羅蜜

克殄一切愚癡暗

令所修治悉成就

無邊際劫不休息

佛智無礙包二世

佛法國土及衆生

佛眼廣大如虛空

無礙地中無等用

一切衆生具諸結

如來出現徧世間

爾時法界普音菩薩摩訶薩承佛威力普觀

一切道場衆會海已即說頌言

佛威神力徧十方

大善提行波羅蜜

昔於衆生起大悲

以是其身最殊妙

昔在無邊大劫海

故獲淨身徧十方

往昔修行忍清淨

是故色相皆圓滿

往昔勤修多劫海

故能分身徧十方

佛久修行無量劫

故令見者深歡喜

如來往修諸行海

是故舒光普照明

種種方便化衆生

一切十方皆徧往

佛昔修行大劫海

淨治諸願波羅蜜

是故出現徧世間

盡未來際救衆生

佛無量劫廣修治

一切法力波羅蜜

由是能成自然力

普現十方諸國土

佛昔修治善門智

一切智性如虛空

是故得成無礙力

舒光普照十方刹

爾時雲音淨月菩薩摩訶薩承佛威力普觀

一切道場衆會海已即說頌言

神通境界等虛空

十方衆生靡不見

如昔修行所成地

摩尼果中咸具說

清淨勤修無量劫

入於初地極歡喜

出生法界廣大智

普見十方無量佛

一切法中離垢地

等衆生數持淨戒

已於多劫廣修行

供養無邊諸佛海

積集福德發光地

奢摩他藏堅固忍

法雲廣大悉已聞

摩尼果中如是說

鐵海慧明無等地

善了境界起慈悲

一切國土平等身

如佛所治皆演暢

菩薩等門難勝地

動寂相順無違返

佛法境界悉平等

如佛所淨皆能說

廣大修行慧海地

一切法門咸徧了

普現國土如虛空

樹中演暢此法音

周徧法界虛空身

普照衆生智慧燈

一切方便皆清淨

昔所遠行今具演

一切願行所莊嚴
無量刹海皆清淨
所有分別無能動
此無等地咸宣說
無量境界神通力
善入教法光明力
劫海所行皆備闡
含藏一切徧虛空
諸佛境界聲中演
此聲是佛威神力
爾時善勇猛光幢菩薩摩訶薩承佛威神觀
衆十方即說頌言
種種信解心清淨
悉能悟入如來智
各起淨願修諸行
了達一切莊嚴境
能見如來真實體
悉曾供養無量佛
或有能見佛法身
及以一切諸神變
所有無邊諸法性
無等無礙普周徧
或有見佛妙色身
悉入其身無不盡
隨諸衆生解不同
無邊色相光熾然
或見無礙智慧身
種種變現十方中
普隨衆生心樂轉
三世平等如虛空
或有能了佛音聲
種種差別皆令見
隨諸衆生所應解
爲出言音無障礙
或見如來種種光
種種照耀徧世間
或有於佛光明中
復見諸佛現神通
或有見佛海雲光
從毛孔出色熾然
示現住持修行道
今生深信入佛智

或見佛相福莊嚴
往昔修行諸度海

及見此福所從生
皆佛相中明了見

如來功德不可量

充滿法界無邊際

及以神通諸境界

以佛力故能宣說

爾時華藏莊嚴世界海以佛神力其地一切

六種十八相震動所謂動徧動普徧動起徧

起普徧起涌徧涌普徧涌震徧震普徧震吼

徧吼普徧吼擊徧擊普徧擊此諸世主一一

皆現不思議諸供養雲雨於如來道場衆海

所謂一切香華莊嚴雲一切摩尼妙飾雲一

切寶嚴華網雲無邊種類摩尼寶圓光雲一

切衆色寶真珠藏雲一切寶栴檀香雲一切

寶蓋雲清淨妙聲摩尼王雲日光摩尼瓔珞

輪雲一切寶光明藏雲一切各別莊嚴具雲

如是等諸供養雲其數無量不可思議此諸

世主一一皆現如是供養雲雨於如來道場

衆海靡不周徧如此世界中一一世主心生

歡喜如是供養其華藏莊嚴世界海中一切

世界所有世主悉亦如是而爲供養其一切

世界中悉有如來坐於道場一一世主各各

信解各各所緣各各三昧方便門各各修習

助道法各各成就各各歡喜各各趣入各各

悟解諸法門各各入如來神通境界各各入
如來力境界各各入如來解脫門如於此華

藏世界海十方盡法界虛空界一切世界海中悉亦如是

大方廣佛華嚴經卷第五

川驚下 移音

基隆上居之切下傍禮切

戶隔下與久切

綺麗下郎計切

填飾上同音

光瑩下烏定切

凝睇上忍陵切下華達切

炳然上兵永切

鈴鐸上呂貞切下徒各切

門闔下他達切

洞啓上徒弄切

棟宇上多貢切

氛氲上符分切下悉云切

樹岐下巨支切

贊擢上息拱切下直角切

重重上直用切

彌覆下敷救切

庇映上徒至切下其敬切

第二十普賢菩薩長行疏主云第一菩薩前列名中無以前與普賢共爲十智今普賢別說故加爲十以

表圓足 又脫第七菩薩并法門疏主云准梵本應

云普賢現意聲菩薩得親近承事一切佛供養藏解

脫門 又脫第八法門疏主云準梵本應云普清淨

無量福威光菩薩得出生一切神變廣大加持解脫

門 又脫第九菩薩名梵本中即普賢結華嚴菩薩

持普入一切世間行出生菩薩無邊行門解脫門即

今經中威光菩薩法門是由脫第八法門及第九菩

薩之名迄今第九法繫於第八之下譯者之誤也

已歲高麗國人嚴都監奉

勅彫造

大方廣佛華嚴經卷第六

卅

于闐國三藏實叉難陀奉

制譯

如來現相品第二

爾時諸菩薩及一切世間主作是思惟云何
是諸佛地云何是諸佛境界云何是諸佛加
持云何是諸佛所行云何是諸佛力云何是
諸佛無所畏云何是諸佛三昧云何是諸佛
無能攝取云何是諸佛眼云何是諸佛耳云
何是諸佛鼻云何是諸佛舌云何是諸佛身
云何是諸佛意云何是諸佛身光云何是諸
佛光明云何是諸佛聲云何是諸佛智願
世尊哀愍我等開示演說又十方世界海一
切諸佛皆爲諸菩薩說世界海衆生海佛海
佛波羅蜜海佛解脫海佛變化海佛演說海
佛名号海佛壽量海及一切菩薩誓願海一
切菩薩發趣海一切菩薩助道海一切菩薩
乘海一切菩薩行海一切菩薩出離海一切
菩薩神通海一切菩薩智海願佛世尊亦爲我等如
是而說爾時諸菩薩威神力故於一切供養
具雲中自然出音而說頌言

無量劫中修行滿

菩提樹下成正覺

爲度衆生普現身

如雲充滿盡未來

衆生有疑皆使斷

廣大信解悉令發

無邊際普皆使除

諸佛安樂咸令證

菩薩無數等剎塵

俱來此會同瞻仰

願隨其意所應受

演說妙法除疑惑

云何了知諸佛地

云何觀察如來境

佛所加持無有邊

願示此法令清淨

云何是佛所行處

而以智慧能明入

佛力清淨廣無邊

為諸菩薩應開示

云何廣大諸三昧

云何淨治無畏法

神通力用不可量

願隨衆生心樂說

諸佛法三如世主

所行自在無能制

及餘一切廣大法

為利益故當開演

佛眼云何無有量

耳鼻舌身亦復然

意無有量復云何

願示能知此方便

如諸刹海衆生海

法界所有安立海

及諸佛海亦無邊

願為佛子咸開暢

永出思議衆度海

普入解脫方便海

所有一切法門海

此道場中願宣說

爾時世尊知諸菩薩心之所念即於面門衆

齒之間放佛刹微塵數光明所謂衆寶華徧

照光明出種種音莊嚴法界光明垂布微妙

雲光明十方佛坐道場現神變光明一切寶

欲雲蓋光明充滿法界無礙光明徧莊嚴一

切佛刹光明迴建立清淨金剛寶幢光明普

莊嚴菩薩衆會道場光明妙音徧揚一切佛

名号光明如是等佛刹微塵數一一復有佛
刹微塵數光明以為眷屬其光悉具衆妙寶
色普照十方各一億佛刹微塵數世界海彼
世界海諸菩薩衆於光明中各得見此華藏
莊嚴世界海以佛神力其光於彼一切菩薩
衆會之前而說頌言

無量劫中修行海
化度一切衆生海
毛孔之中出化雲
應受化者咸開覺
佛言往來諸趣中
神通自在無邊量
摩尼妙寶菩提樹
佛法其下成正覺
大音震吼徧十方
隨諸衆生心所樂
往修諸度皆圓滿
一切諸力悉已成
十方佛子等刹塵
已爾諸雲為供養
如來一音無有量
普雨妙法應羣心
三世諸佛所有願
一刹那中悉現前

供養十方諸佛海
今成妙覺徧照尊
光明普照於十方
今趣菩提淨無礙
教化成熟諸羣生
一念皆令得解脫
種種莊嚴悉殊特
放大光明普威輝
普為弘宣寂滅法
種種方便令開曉
等於千刹微塵數
汝等應往同瞻禮
悉共歡喜而來集
今在佛前專觀仰
能演契經深大海
彼雨足尊宜往見
菩提樹下皆宣說
汝可速詣如來所

毗盧遮那大智海

面門舒光無不見

今待衆集將演音

汝可往觀聞所說

爾時十方世界海一切衆會蒙佛光明所照

覺已各共來詣毗盧遮那如來所親近供養

所謂此華藏莊嚴世界海東次有世界海名

增曜光蓮華莊嚴彼世界種中有國土名摩

尼瓔珞金剛藏佛号法水覺虛空無邊王於

彼如來大衆海中有菩薩摩訶薩名觀察勝

法蓮華幢與世界海微塵數諸菩薩俱來詣

佛所各現十種菩薩身相雲徧滿虛空而不

散滅復現十種雨一切寶蓮華光明雲復現

十種須彌寶峯雲復現十種日輪光雲復現

十種寶華瓔珞雲復現十種一切音樂雲復

現十種末香樹雲復現十種塗香燒香衆色

相雲復現十種一切香樹雲如是等世界海

微塵數諸供養雲悉徧虛空而不散滅現是

雲已向佛作禮以爲供養即於東方各化作

種種華光明藏師子之座於其座上結跏趺

坐此華藏世界海南次有世界海名一切寶

月光明莊嚴藏彼世界種中有國土名無邊

光圓滿莊嚴佛号普智光明德須彌王於彼

如來大衆海中有菩薩摩訶薩名普照法海

慈與世界海微塵數諸菩薩俱來詣佛所各

現十種一切莊嚴光明藏摩尼王雲徧滿虛

空而不散滅復現十種雨一七寶莊嚴具普
照耀摩尼王雲復現十種寶焰熾然徧揚佛
名号摩尼王雲復現十種說一切佛法摩尼
王雲復現十種衆妙樹莊嚴道場摩尼王雲
復現十種寶光普照現衆化佛摩尼王雲復
現十種普現一切道場莊嚴像摩尼王雲復
現十種密嚴燈說諸佛境界摩尼王雲復現
十種不思議佛刹宮殿像摩尼王雲復現十
種普現三世佛身像摩尼王雲如是等世界
海微塵數摩尼王雲悉徧虛空而不散滅現
是雲已向佛作禮以爲供養即於南方各化
作帝青寶闍浮檀金蓮華藏師子之座於其
座上結跏趺坐此華藏世界海西方有世界
海名可愛樂寶光明彼世界種中有國土名
出生上妙寶身具佛号香嚴功德寶莊嚴於
彼如來大衆海中有菩薩摩訶薩名月光香
嚴普莊嚴與世界海微塵數諸菩薩俱來詣
佛所各現十種一切寶香衆妙華樓閣雲徧
滿虛空而不散滅復現十種無邊色相衆寶
王樓閣雲復現十種寶燈香嚴樓閣雲復現
十種一切真珠樓閣雲復現十種一切寶華
樓閣雲復現十種寶瓔珞莊嚴樓閣雲復現
十種普現十方一切莊嚴光明藏樓閣雲復
現十種衆寶末闍錯莊嚴樓閣雲復現十種

周徧十方一切莊嚴樓閣雲復現十種華門
鐸網樓閣雲如是等世界海微塵數樓閣雲
悉徧虛空而不散滅現是雲已向佛作禮以
爲供養即於西方各化作真金葉大寶藏師
子之座於其座上結跏趺坐此華藏世界海
北次有世界海名毗瑠璃蓮華光圓滿藏彼
世界種中有國土名優鉢羅華莊嚴佛号普
智幢音王於彼如來大衆海中有菩薩摩訶
薩名師子奮迅光明與世界海微塵數諸菩
薩俱來詣佛所各現十種一切香摩尼衆妙
樹雲徧滿虛空而不散滅復現十種密葉妙
香莊嚴樹雲復現十種化現一切無邊色相
樹莊嚴樹雲復現十種一切華周布莊嚴樹
雲復現十種一切寶皎圓滿光莊嚴樹雲復
現十種現一切栴檀香菩薩身莊嚴樹雲復
現十種現往昔道場處不思議莊嚴樹雲復
現十種衆寶衣服藏如日光明樹雲復現十
種普發一切悅意音聲樹雲如是等世界海
微塵數樹雲悉徧虛空而不散滅現是雲已
向佛作禮以爲供養即於北方各化作摩尼
燈蓮華藏師子之座於其座上結跏趺坐此
華藏世界海東北方次有世界海名閻浮檀
金玻瓈色幢彼世界種中有國土名衆寶莊
嚴佛号一切法無畏燈於彼如來大衆海中

有菩薩摩訶薩名最勝光明燈無盡功德藏
與世界海微塵數諸菩薩俱來詣佛所各現
十種無邊色相寶蓮華藏師子座雲徧滿虛
空而不散滅復現十種摩尼王光明藏師子
座雲復現十種一切莊嚴具種種校飾師子
座雲復現十種衆寶鬘燈燄藏師子座雲復
現十種普雨寶瓔珞師子座雲復現十種一
切香華寶瓔珞藏師子座雲復現十種示現
一切佛座莊嚴摩尼王藏師子座雲復現十
種戶牖塔砌及諸瓔珞一切莊嚴師子座雲
復現十種一切摩尼樹寶枝蓋藏師子座雲
復現十種寶香間飾日光明藏師子座雲如
是等世界海微塵數師子座雲徧虛空而
不散滅現是雲已向佛作禮以為供養即於
東北方各化作寶蓮華摩尼光幢師子之座
於其座上結跏趺坐此華藏世界海東南方
次有世界海名金莊嚴瑠璃光普照彼世界
種中有國土名清淨香光明佛号普喜深信
王於彼如來大衆海中有菩薩摩訶薩名慧
燈普明與世界海微塵數諸菩薩俱來詣佛
所各現十種一切如意王摩尼帳雲徧滿虛
空而不散滅復現十種帝青寶一切華莊嚴
帳雲復現十種一切香摩尼帳雲復現十種
寶嚴燈帳雲復現十種示現佛神通說法摩

尼王帳雲復現十種現一切衣服莊嚴色像
摩尼帳雲復現十種一切寶華叢光明帳雲
復現十種寶網鈴鐸音帳雲復現十種摩尼
爲臺蓮華爲網帳雲復現十種現一切不思
議莊嚴具色像帳雲如是等世界海微塵數
衆寶帳雲悉徧虛空而不散滅現是雲已向
佛作禮以爲供養即於東南方各化作寶蓮
華藏師子之座於其座上結跏趺坐此華藏
世界海西南方次有世界海名日光徧照彼
世界種中有國土名師子日光明佛号普智
光明音於彼如來大衆海中有菩薩摩訶薩
名普華光嚴髻與世界海微塵數諸菩薩俱
來詣佛所各現十種衆妙莊嚴寶蓋雲徧滿
虛空而不散滅復現十種光明莊嚴華蓋雲
復現十種無邊色眞珠藏蓋雲復現十種出
一切菩薩悲愍音摩尼王蓋雲復現十種衆
妙寶鬘髮蓋雲復現十種妙寶嚴飾垂網鐸
蓋雲復現十種摩尼樹枝莊嚴蓋雲復現十
種日光普照摩尼王蓋雲復現十種一切塗
香燒香蓋雲復現十種栴檀藏蓋雲復現十
種廣大佛境界普光明莊嚴蓋雲如是等世
界海微塵數衆寶蓋雲悉徧虛空而不散滅
現是雲已向佛作禮以爲供養即於西南方
各化作帝青寶光嚴莊嚴藏師子之座於其

座上結跏趺坐此華藏世界海西北方次有
 世界海名寶光照耀彼世界種中有國土名
 衆香莊嚴佛号無量功德海光明於彼如來
 大衆海中有菩薩摩訶薩名無盡光摩尼王
 與世界海微塵數諸菩薩俱來詣佛所各現
 十種一切寶圓滿光雲徧滿虛空而不散滅
 復現十種一切寶皎圓滿光雲復現十種一
 切妙華圓滿光雲復現十種一切化佛圓滿
 光雲復現十種十方佛土圓滿光雲復現十
 種佛境界雷聲寶樹圓滿光雲復現十種一
 切瑠璃寶摩尼王圓滿光雲復現十種一念
 中現無邊衆生相圓滿光雲復現十種演一
 切如來大願音圓滿光雲復現十種演化一
 切衆生音摩尼王圓滿光雲如是等世界海
 微塵數圓滿光雲悉徧虛空而不散滅現是
 雲已向佛作禮以爲供養即於西北方各化
 作無盡光明威德藏師子之座於其座上結
 跏趺坐此華藏世界海下方次有世界海名
 蓮華香妙德藏彼世界種中有國土名寶師
 子光明照耀佛号法界光明於彼如來大衆
 海中有菩薩摩訶薩名法界光嚴慧與世界
 海微塵數諸菩薩俱來詣佛所各現十種一
 切摩尼藏光明雲徧滿虛空而不散滅復現
 十種一切香光明雲復現十種一切寶嚴光

明雲復現十種出一切佛說法音光明雲復
現十種現一切佛土莊嚴光明雲復現十種
一切妙華樓閣光明雲復現十種現一切劫
中諸佛教化衆生事光明雲復現十種一切
無盡寶華縈光明雲復現十種一切莊嚴座
光明雲如是等世界海微塵數光明雲悉徧
虛空而不散滅現是雲已向佛作禮以爲供
養即於下方各化作寶燄燈蓮華藏師子之
座於其座上結跏趺坐此華藏世界海上方
次有世界海名摩尼寶照耀莊嚴彼世界種
中有國土名無相妙光明佛号無礙功德光
明王於彼如來大衆海中有菩薩摩訶薩名
無礙力精進慧與世界海微塵數諸菩薩俱
來詣佛所各現十種無邊色相寶光燄雲徧
滿虛空而不散滅復現十種摩尼寶網光燄
雲復現十種一切廣大佛土莊嚴光燄雲復
現十種一切妙香光燄雲復現十種一切莊
嚴光燄雲復現十種諸佛變化光燄雲復現
十種衆妙樹華光燄雲復現十種一切金剛
光燄雲復現十種說無邊菩薩行摩尼光燄
雲復現十種一切真珠燈光燄雲如是等世
界海微塵數光燄雲悉徧虛空而不散滅現
是雲已向佛作禮以爲供養即於上方各化
作演佛音聲光明蓮華藏師子之座於其座

上結跏趺坐如是等十億佛刹微塵數世界
海中有十億佛刹微塵數菩薩摩訶薩一一
各有世界海微塵數諸菩薩衆前後圍遶而
來集會是諸菩薩一一各現世界海微塵數
種種莊嚴諸供養雲悉徧虛空而不散滅現
是雲已向佛作禮以爲供養隨所來方各化
作種種寶莊嚴師子之座於其座上結跏趺
坐如是坐已其諸菩薩身毛孔中一一各現
十世界海微塵數一切寶種種色光明一一
光中悉現十世界海微塵數諸菩薩皆坐蓮
華藏師子之座此諸菩薩悉能徧入一切法
界諸安立海所有微塵彼一一塵中皆有十
佛世界微塵數諸廣大刹一一刹中皆有三
世諸佛世尊此諸菩薩悉能徧徧親近供養
於念念中以夢自在示現法門開悟世界海
微塵數衆生念念中以示現一切諸天殑生
法門開悟世界海微塵數衆生念念中以說
一切菩薩行法門開悟世界海微塵數衆生
念念中以普震動一切刹歎佛功德神變法
門開悟世界海微塵數衆生念念中以嚴淨
一切佛國土顯示一切大願徧法門開悟世
界海微塵數衆生念念中以普攝一切衆生
言辭佛音聲法門開悟世界海微塵數衆生
念念中以能雨一切佛法雲法門開悟世界

施微塵數衆生念念中以光明普照十方國
土周徧法界示現神變法門開悟世界徧微
塵數衆生念念中以普現佛身充徧法界一
切如來解脫力法門開悟世界徧微塵數衆
生念念中以普賢菩薩建立一切衆會道場
海法門開悟世界徧微塵數衆生如是普徧
一切法界隨衆生心悉令開悟念念中一一
國土各令如須彌山微塵數衆生墮惡道者
永離其苦各令如須彌山微塵數衆生住邪
定者入正定聚各令如須彌山微塵數衆生
隨其所樂生於天上各令如須彌山微塵數
衆生安住聲聞辟支佛地各令如須彌山微
塵數衆生事善知識具衆福行各令如須彌
山微塵數衆生發於無上菩提之心各令如
須彌山微塵數衆生趣於菩薩不退轉地各
令如須彌山微塵數衆生得淨智眼見於如
來所見一切諸平等法各令如須彌山微塵
數衆生安住諸力諸願海中以無盡智而爲
方便淨諸佛國各令如須彌山微塵數衆生
皆得安住毗盧遮那廣大願海生如來家爾
時諸菩薩光明中同時發聲說此頌言
諸光明中出妙音 普徧十方一切國
續說佛子諸功德 能入菩提之妙道
劫海修行無厭倦 令苦衆生得解脫

心無下劣及勞疲

佛子善入斯方便

盡諸劫海修方便

無量無邊無有餘

一切法門無不入

而恆說彼性寂滅

三世諸佛所有願

一切修治悉令盡

即以利益諸衆生

而爲自行清淨業

一切諸佛衆會中

普徧十方無不往

皆以甚深智慧海

入彼如來寂滅法

一一光明無有邊

悉入難思諸國土

清淨智眼普能見

是諸菩薩所行境

菩薩能住一毛端

徧動十方諸國土

不令衆生有怖想

是其清淨方便地

一一塵中無量身

復現種種莊嚴刹

一念殞生普令見

獲無礙意莊嚴者

三世所有一切劫

一刹那中悉能現

知身如幻無體相

證明法性無礙者

普賢勝行皆能入

一切衆生悉樂見

佛子能住此法門

諸光明中大音吼

爾時世尊欲令一切菩薩大衆得於如來無

邊境界神通力故放眉間光此光名一切菩

薩智光明普照耀十方藏其狀猶如寶色燈

雲徧照十方一切佛刹其中國土及以衆生

悉令顯現又普震動諸世界網一一塵中現

無數佛隨諸衆生性欲不同普雨三世一切

諸佛妙法法輪雲顯示如來波羅蜜海又雨無

量諸出離雲令諸衆生永度生死復雨諸佛
大願之雲顯示十方諸世界中普賢菩薩道
場衆會作是事已右遶於佛從足下入爾時
佛前有大蓮華忽然出現其華具有十種莊
嚴一切蓮華所不能及所謂衆寶間錯以爲
其莖摩尼寶王以爲其藏法界衆寶普作其
葉諸香摩尼而作其鬚間浮檀金莊瑩其臺
妙網覆上光色清淨於一念中示現無邊諸
佛神變普能發起一切音聲摩尼寶王影現
佛身於音聲中普能演說一切菩薩所修行
願此華生已一念之間於如來白毫相中有
菩薩摩訶薩名一切法勝音與世界海微塵
數諸菩薩衆俱時而出右遶如來經無量而
禮佛足已時勝音菩薩坐蓮華臺諸菩薩衆
坐蓮華鬚各於其上次第而住其一切法勝
音菩薩了深法界生大歡喜入佛所行智無
凝滯入不可測佛法身海往一切刹諸如來
所身諸毛孔悉現神通念念普觀一切法界
十方諸佛共與其力令普安住一切三昧盡
未來劫常見諸佛無邊法界功德海身乃至
一切三昧解脫神通變化即於衆中承佛威
神觀察十方而說頌曰
佛身充滿於法界
普現一切衆生前
隨緣赴感靡不周
而恒處此菩提座

如來一一毛孔中

一切剎塵諸佛坐

菩薩衆會共圍遶

演說普賢之勝行

如來安處菩提座

一毛示現多剎海

一一毛現悉亦然

如是普周於法界

一一剎中悉安立

一切剎土皆周徧

十方菩薩如雲集

莫不咸來詣道場

一切剎土微塵數

功德光明菩薩海

普在如來衆會中

乃至法界咸徧徧

法界微塵諸剎土

一切衆中皆出現

如是分身智境界

普賢行中能建立

一切諸佛衆會中

勝智菩薩僉然坐

各各聽法生歡喜

處處修行無量劫

已入普賢廣大願

各各出生衆佛法

毗盧遮那法海中

修行克證如來地

普賢菩薩所開覺

一切如來同讚喜

已獲諸佛大神通

法界周徧無不徧

一切剎土微塵數

常現身雲悉充滿

普爲衆生放大光

各雨法雨稱其心

爾時衆中復有菩薩摩訶薩名觀察一切勝

法蓮華光慧王承佛威神觀察十方而說頌

曰

如來甚深智普入於法界能隨三世轉與世爲明導

諸佛同法身無依無差別隨諸衆生意今見佛色形

具是一切智徧知一切法一切國土中一切無不現

具是一切智徧知一切法一切國土中一切無不現

具是一切智徧知一切法一切國土中一切無不現

具是一切智徧知一切法一切國土中一切無不現

具是一切智徧知一切法一切國土中一切無不現

佛身及光明色相不思議衆生信樂者隨應悉令見
於一佛身上化爲無量佛雷音徧衆刹演法深如海
一一毛孔中光網徧十方演佛妙音聲調彼難調者
如來光明中常出深妙音讚佛功德海及菩薩所行
佛轉正法輪無量無有邊所說法無等後智不能測
一切世界中現身成正覺各各起神變法界悉充滿
如來一一身現佛等衆生一切微塵刹普現神通力
爾時衆中復有菩薩摩訶薩名法喜慧光明
承佛威神觀察十方而說頌曰

佛身常顯現法界悉充滿恒演廣大音普震十方國
如來普現身徧入於世間隨衆生樂欲顯示神通力
佛隨衆生心普現於其前衆生所見者皆是佛神力
光明無有邊說法亦無量佛子隨其智能入能觀察
佛身無有生而能示出生法性如虛空諸佛於中住
無住亦無去處處皆見佛光明靡不周名稱悉遠聞
無體無住處亦無生可得無相亦無形所現皆如影
佛隨衆生心爲興大法雲種種方便門示悟而調伏
一切世界中見佛坐道場大衆所圍遶照耀十方國
一切諸佛身皆有無盡相示現雖無量色相終不盡
爾時衆中復有菩薩摩訶薩名香嚴光普明
繼承佛威神觀察十方而說頌曰
此會諸菩薩入佛難思地一一皆能見一切佛神力
智身能徧入一切刹微塵見身在彼中普見於諸佛
如影現衆刹一切如來所於彼一切中悉現神通事

普賢諸行願 修治已明衆 能於一切刹 普見佛神變
身住一切處 一切皆平等 智能如是行 入佛之境界
已證如來智 等照於法界 普入佛毛孔 一切諸刹海
一切佛國土 皆現神通力 示現種種身 及種種名号
能於一念頃 普現諸神變 道場成正覺 及轉妙法輪
一切廣大刹 億劫不思議 菩薩三昧中 一念皆能現
一切諸佛土 一一諸菩薩 普入於佛身 無邊亦無盡
爾時衆中復有菩薩摩訶薩名師子奮迅慧
光明承佛威神 徧觀十方而說頌曰

毗盧遮那佛 能轉正法輪 法界諸國土 如雲悉周徧
十方中所有 諸大世界徧 佛神通願力 處處轉法輪
一切諸刹土 廣大衆會中 名号各不同 隨應演妙法
如來大威力 普賢願所成 一切國土中 妙音無不至
佛身等刹塵 普雨於法雨 無生無差別 現一切世間
無數諸億劫 一切塵刹中 往昔所行事 妙音咸具演
十方塵國土 光網悉周徧 光中悉有佛 普化諸羣生
佛身無差別 充滿於法界 能令見色身 隨機善調伏
三世一切刹 所有衆導師 種種名号殊 爲說皆令見
過去及現在 一切諸如來 所轉妙法輪 此會皆得聞
爾時衆中復有菩薩摩訶薩名法海慧功德
藏承佛威神 觀察十方而說頌曰

此會諸佛子 善修衆智慧 斯人已能入 如是方便門
一一國土中 普演廣大音 說佛所行處 周聞十方刹
一一心念中 普觀一切法 安住真如地 了達諸法海

一一佛身中 億劫不思議 修習波羅蜜 及嚴淨國土
一一微塵中 能證一切法 如是無所礙 周行十方國
一一佛剎中 往詣悉無餘 見佛神通力 入佛所行處
諸佛廣大音 法界靡不聞 菩薩能了知 善入音聲海
劫海演妙音 其音等無別 智周三世者 入彼音聲地
衆生所有音 及佛自在聲 獲得音聲智 一切皆能了
從地而得地 住於力地中 億劫勤修行 所獲法如是
爾時衆中復有菩薩摩訶薩名慧燈普明承
佛威神觀察十方而說頌曰

一切諸如來 遠離於衆相 若能知是法 乃見世導師
菩薩三昧中 慧光普明了 能知一切佛 自在之體性
見佛真實體 則悟甚深法 普觀於法界 隨願而受身
從於福海生 安住於智地 觀察一切法 修行最勝道
一切佛剎中 一切如來所 如是徧法界 悉見真實體
十方廣大剎 億劫勤修行 能徧正徧知 一切諸法海
唯一堅密身 一切塵中見 無生亦無相 普現於諸國
隨諸衆生心 普現於其前 種種示調伏 速令向佛道
以佛威神故 出現諸菩薩 佛力所加持 普見諸如來
一切衆道師 無量威神力 開悟諸菩薩 法界悉周徧
爾時衆中復有菩薩摩訶薩名華嚴慧普明
智承佛威力 觀察十方而說頌曰
一切國土中 普演微妙音 徧揚佛功德 法界悉充滿
佛以法爲身 清淨如虛空 所現衆色形 今入此法中
若有深信喜 及爲佛攝受 當知如是人 能生了佛智

諸有少智者不能知此法慧眼清淨人於此乃能見
以佛威神力觀察一切法入住及出時所見皆明了
一切諸法中法門無有邊成就一切智入於深法海
安住佛國土出興一切處無去亦無來諸佛法如是
一切衆生海佛身如影現隨其解差別如是見導師
一切毛孔中各各現神通修行善賢願清淨者能見
佛以一一身處處轉法輪法界悉周徧思議莫能及
爾時衆中復有菩薩摩訶薩名威德慧無盡
光承佛威神觀察十方而說頌曰
一一佛刹中處處坐道場衆會共圍遶魔軍悉摧伏
佛身放光明徧滿於十方隨應而示現色相非一種
一一微塵內光明悉充滿普見十方土種種各差別
十方諸刹海種種無量刹悉平坦清淨帝青寶所成
或覆或傍住或似蓮華合或圓或四方種種衆形相
法界諸刹土周行無所礙一切衆會中常轉妙法輪
佛身不思議國土悉在中於其一切處導世演真法
所轉妙法輪法性無差別依於一實理演說諸法相
佛以圓滿音闡明真實理隨其解差別現無盡法門
一切刹土中見佛坐道場佛身如影現生滅不可得
爾時衆中復有菩薩摩訶薩名法界普明慧
承佛威力觀察十方而說頌曰
如來微妙身色相不思議見者生歡喜恭敬信樂法
佛身一切相悉現無量佛普入十方界一一微塵中

十方國土海無量無邊佛咸於念念中各各現神通

大智諸菩薩深入於法海佛力所加持能知此方便
若有已安住普賢諸行願見彼衆國土一切佛神力
若人有信解及以諸大願具足深智慧通達一切莊
能於諸佛身一一而觀察色聲無所礙了達於諸境
能於諸佛身安住智所行速入如來地普攝於法界
佛刹微塵數如是諸國土能令一念中一一塵中現
一切諸國土及以神通事悉現一刹中菩薩力如是
爾時衆中復有菩薩摩訶薩名精進力無礙
慧承佛威神觀察十方而說頌曰

佛演一妙音周聞十方刹衆音悉具足法雨皆充滿
一切言辭海一切隨類音一切佛刹中轉於淨法輪
一切諸國土悉見佛神變聽佛說法音聞已趣菩提
法界諸國土一一微塵中如來解脫力於彼音現身
法身同虛空無礙無差別色形如影像種種衆相現
影像無方所如空無體性智慧廣大人了達平等
佛身不可取無生無起作應物普現前平等如虛空
十方所有佛盡入一毛孔各各現神通智慧能觀見
毗盧遮那佛願力周法界一切國土中恒轉無上輪
一毛現神變一切佛同說經於無量劫不得其邊際
如此四天下道場中以佛神力十方各有一
億世界海微塵數諸菩薩衆而來集會應知
一切世界海一一四天下諸道場中悉亦如
是

大方廣佛華嚴經卷第六

校飾上吉舉切

寶璽下其運切

戶牖下與久切

塔砌上皆音切

校莖下戶耕切

華嚴下根記切

華嚴下如累切

其驕下項音

疑帶下直例切

金然上七麻切

乙巳歲高麗國大藏部監奉

勅雕造

大方廣佛華嚴經卷第七

重

于闐國三藏實叉難陀奉

制譯

普賢三昧品第三

爾時普賢菩薩摩訶薩於如來前坐蓮華藏師子之座承佛神力入于三昧此三昧名一切諸佛毗盧遮那如來藏身普入一切佛平等性能於法界示衆影像廣大無礙同於虛空法界海漩靡不隨入出生一切諸三昧法普能包納十方法界三昧諸佛智光明海皆從此生十方所有諸安立海悉能示現含藏一切佛力解脫諸菩薩智能令一切國土微塵普能容受無邊法界成就一切佛功德海顯示如來諸大願海一切諸佛所有法輪流通護持使無斷絕如此世界中普賢菩薩於世尊前入此三昧如是盡法界虛空界十方三昧微細無礙廣大光明佛眼所見佛力能到佛身所現一切國土及此國土所有微塵一一塵中有世界海微塵數諸佛一一佛前有世界海微塵數普賢菩薩皆亦入此一切諸佛毗盧遮那如來藏身三昧

爾時一一普賢菩薩皆有十方一切諸佛而現其前彼諸如來同聲讚言善哉善哉善男子汝能入此一切諸佛毗盧遮那如來藏身

菩薩三昧佛子此是十方一切諸佛共加於
汝以毗盧遮那如來本願力故亦以汝修一
切諸佛行願力故所謂能轉一切佛法輪故
開顯一切如來智慧海故普照十方諸安立
海悉無餘故今一切衆生淨治雜染得清淨
故普攝一切諸大國土無所著故深入一切
諸佛境界無障礙故普示一切佛功德故能
入一切諸法實相增智慧故觀察一切諸法
門故了知一切衆生根故能持一切諸佛如
來教文海故

爾時十方一切諸佛即與普賢菩薩摩訶薩
能入一切智性力智與入法界無邊量智與
成就一切佛境界智與知一切世界海成壞
智與知一切衆生界廣大智與住諸佛甚深
解脫無差別諸三昧智與入一切菩薩諸根
海智與知一切衆生語言海轉法輪辯智
與普入法界一切世界海身智與得一切佛
音聲智如此世界中如來前普賢菩薩蒙諸
佛與如是智如是一切世界海及彼世界海
一一塵中所有普賢悉亦如是何以故證彼
三昧法如是故是時十方諸佛各舒右手摩
普賢菩薩頂其手皆以相好莊嚴妙網光舒
香流散發復出諸佛種種妙音及以自在神
通之事過現未來一切菩薩普賢願海一切

如來清淨法輪及三世佛所有影像皆於中
現如此世界中普賢菩薩爲十方佛所共摩
頂如是一切世界海及彼世界海一一塵中
所有普賢悉亦如是爲十方佛之所摩頂
爾時普賢菩薩即從是三昧而起從此三昧
起時即從一切世界海微塵數三昧海門起
所謂從知三世念念無差別善巧智三昧門
起從知三世一切法界所有微塵三昧門起
從現三世一切佛刹三昧門起從現一切衆
生舍宅三昧門起從知一切衆生心海三昧
門起從知一切衆生各別名字三昧門起從
知十方法界處所各差別三昧門起從知一
切微塵中各有無邊廣大佛身雲三昧門起
從演說一切法理趣海三昧門起普賢菩薩
從如是等三昧門起時其諸菩薩一一各得
世界海微塵數三昧海雲世界海微塵數陀
羅尼海雲世界海微塵數諸法方便海雲世
界海微塵數辯才門海雲世界海微塵數修
行海雲世界海微塵數普照法界一切如來
功德藏智光明海雲世界海微塵數一切如
來諸力智慧無差別方便海雲世界海微塵
數一切如來一一毛孔中各現衆刹海雲世
界海微塵數一一菩薩示現從兜率天宮沒
下生成佛轉正法輪般涅槃等海雲如此世

界中普賢菩薩從三昧起諸菩薩衆獲如是
益如是一切世界海及彼世界海所有微塵
一一塵中悉亦如是

爾時十方一切世界海以諸佛威神力及普
賢菩薩三昧力故悉皆微動一一世界衆寶
莊嚴及出妙音演說諸法復於一切如來衆
會道場海中普雨十種大摩尼王雲何等爲
十所謂妙金星幢摩尼王雲光明照耀摩尼
王雲寶輪垂下摩尼王雲衆寶藏現菩薩像
摩尼王雲徧揚佛名摩尼王雲光明熾盛普
照一切佛刹道場摩尼王雲光照十方種種
變化摩尼王雲徧讚一切菩薩功德摩尼王
雲如日光熾盛摩尼王雲悅意樂音周聞十
方摩尼王雲普雨如是十種大摩尼王雲已
一切如來諸毛孔中咸放光明於光明中而
說頌言

普賢徧住於諸刹
一切神通靡不現
普賢恒以種種身
三昧神通方便力
一切刹中諸佛所
一一神通悉周徧
如一切刹如來所
所現三昧神通事

毗盧遮那之願力
坐寶蓮華衆所觀
無量三昧皆能入
法界周流悉充滿
圓音廣說皆無礙
種種三昧現神通
十方國土無遺者
彼刹塵中悉亦然

普賢身相如虛空
隨諸衆生心所欲
普賢安住諸大願
一切佛身所有刹
一切衆海無有邊
所現國土皆嚴淨
普賢安住一切刹
震動十方靡不周
一切佛智功德力
以諸三昧方便門
如是自在不思議
爲顯普入諸三昧
爾時一切菩薩衆皆向普賢合掌瞻仰承佛
神力同聲讚言

從諸佛法而出生
真如平等虛空藏
一切佛刹衆會中
功德智海光明者
普賢廣大功德海
一切塵中所有刹
佛子我曹常見汝
住於三昧寶境中
佛子能以普徧身
衆生大海咸濟度

依真而住非國土
示現普身等一切
獲此無量神通力
悉現其形而詣彼
分身住彼亦無量
一刹那中見多劫
所現神通勝無比
令其觀者悉得見
種種大法皆成滿
示已往昔菩提行
十方國土皆示現
佛光雲中讚功德
亦因如來願力起
汝已嚴淨此法身
普賢徧住於其所
等照十方無不見
徧往十方親近佛
悉能詣彼而明現
諸如來所悉親近
一切國土微塵劫
悉詣十方諸國土
法界微塵無不入

入於法界一切塵

其身無盡無差別

譬如虛空悉周徧

演說如來廣大法

一切功德光明者

如雲廣大殊勝

衆生海中皆往詣

說佛所行無等法

爲度衆生於劫海

普賢勝行皆修習

演一切法如大雲

其音廣大靡不聞

國土云何得成立

諸佛云何而出現

及以一切衆生海

願隨其義如實說

此中無量大衆海

悉在尊前恭敬住

爲轉清淨妙法輪

一切諸佛皆隨喜

大方廣佛華嚴經世界成就品第四

爾時普賢菩薩摩訶薩以佛神力徧觀察一

切世界海一切衆生海一切諸佛海一切法

界海一切衆生業海一切衆生根欲海一切

諸佛法輪海一切三世界海一切如來願力海

一切如來神變海如是觀察已普告一切道

場衆海諸菩薩言佛子諸佛世尊知一切世

界海成壞清淨智不可思議知一切衆生業

海智不可思議知一切法界安立海智不可

思議說一切無邊佛海智不可思議入一切

欲解根海智不可思議一念普知一切三世

智不可思議顯示一切如來無量願海智不

可思議示現一切佛神變海智不可思議轉

法輪智不可思議建立演說海不可思議清

淨佛身不可思議無邊色相海普照明不可
 思議相及隨好皆清淨不可思議無邊色相
 光明輪海具足清淨不可思議種種色相光
 明雲海不可思議殊勝寶鏡海不可思議成
 就言音海不可思議示現三種自在海調伏
 成熟一切衆生不可思議勇猛調伏諸衆生
 海無空過者不可思議安住佛地不可思議
 入如來境界不可思議威力護持不可思議
 觀察一切佛智所行不可思議諸力圓滿無
 能摧伏不可思議無畏功德無能過者不可
 思議住無差別三昧不可思議神通變化不
 可思議清淨自在智不可思議一切佛法無
 能毀壞不可思議如是等一切法我當承佛
 神力及一切如來威神力故具足宣說爲今
 衆生入佛智慧海故爲今一切菩薩於佛功
 德海中得安住故爲今一切世界海一切佛
 自在所莊嚴故爲今一切劫海中如來種性
 恒不斷故爲今於一切世界海中顯示諸法
 真實性故爲今隨一切衆生無量解海而演
 說故爲今隨一切衆生諸根海方便令生諸
 佛法故爲今隨一切衆生樂欲海摧破一切
 障礙山故爲今隨一切衆生心行海令淨修
 治出要道故爲今一切菩薩安住普賢願海
 中故是時普賢菩薩復欲令無量道場衆海

生歡喜故今於一切法增長愛樂故令生廣
大真實信解海故令淨治普門法界藏身故
令安立普賢願海故令淨治入三世平等智
眼故令增長普照一切世間藏大悲海故令
生陀羅尼力持一切法輪故令於一切道場
中盡佛境界悉開示故令開闡一切如來法
門故令增長法界廣大甚深一切智性故即
說頌言
智慧甚深功德海

隨諸衆生所應見
十方利海正思議
爲化衆生使成熟
佛境甚深難可思
其心樂小著諸有
若有淨信堅固心
一切諸佛與其力
離諸諂詐心清淨
志欲廣大深信人
安住普賢諸願地
觀察法界如虛空
此諸菩薩獲善利
修餘道者莫能知
衆生廣大無有邊
轉正法輪靡不至

普現十方無量國
光明徧照轉法輪
佛無量劫皆嚴淨
出興一切諸國土
普示衆生令得入
不能通達佛所悟
常得親近善知識
此乃能入如來智
常樂慈悲性歡喜
彼聞此法生欣悅
修行菩薩清淨道
此乃能知佛行處
見佛一切神通力
普賢行人方得悟
如來一切皆護念
毗盧遮那境界力

一切刹土入我身

所住諸佛亦復然

汝應觀我諸毛孔

我今示汝佛境界

普賢行願無邊際

我已修行得具足

普眼境界廣大身

是佛所行應諦聽

爾時普賢菩薩摩訶薩告諸大眾言諸佛子

世界海有十種事過去現在未來諸佛已說

現說當說何者為十所謂世界海起具因緣

世界海所依住世界海形狀世界海體性世

界海莊嚴世界海清淨世界海佛出興世界

海劫住世界海劫轉變差別世界海無差別

門諸佛子略說世界海有此十事若廣說者

與世界海微塵數等過去現在未來諸佛已

說現說當說諸佛子略說以十種因緣故一

初世界海已成現成當成何者為十所謂如

來神力故法應如是故一切衆生行業故一

初菩薩成一切智所得故一切衆生及諸菩

薩同集善根故一切菩薩嚴淨國土願力故

一切菩薩成就不退行願故一切菩薩清淨

勝解自在故一切如來善根所流及一切諸

佛成道時自在勢力故普賢菩薩自在願力

故諸佛子是為略說十種因緣若廣說者有

世界海微塵數爾時普賢菩薩欲重宣其義

承佛威力觀察十方而說頌言

所說無邊衆刹海 毗盧遮那悉嚴淨

世尊境界不思議

智慧神通力如是

菩薩修行諸願海

普隨衆生心所欲

衆生心行廣無邊

菩薩國土徧十方

菩薩趣於一切智

勤修種種自在力

無量願海普出生

廣大刹土皆成就

修諸行海無有邊

入佛境界亦無量

爲淨十方諸國土

一一土經無量劫

衆生煩惱所擾濁

分別欲樂非一相

隨心造業不思議

一切刹海斯成立

佛子刹海莊嚴藏

離垢光明寶所成

斯由廣大信解心

十方所住咸如是

菩薩能修普賢行

遊行法界微塵道

塵中悉現無量刹

清淨廣大如虛空

等虛空界現神通

悉詣道場諸佛所

蓮華座上示衆相

一一身包一切刹

一念普現於三世

一切刹海皆成立

佛以方便悉入中

此是毗盧所嚴淨

爾時普賢菩薩復告大衆言諸佛子一一世

衆海有世界海微塵數所依住所謂或依一

切莊嚴住或依虛空住或依一切寶光明住

或依一切佛光明住或依一切寶色光明住

或依一切佛音聲住或依如幻業生大力阿

脩羅形金剛手住或依一切世主身住或依

一切菩薩身住或依普賢菩薩願所生一切

一切菩薩身住或依普賢菩薩願所生一切

差別莊嚴海住諸佛子世界海有如是等此
界海微塵數所依住爾時普賢菩薩欲重宣
其義承佛威力觀察十方而說頌言

徧滿十方虛空界
如來神力之所加
或有種種諸國土
清淨摩尼最殊妙
或有清淨光明刹
或在摩尼寶海中
如來起此衆會海
諸佛境界廣無邊
有以摩尼作嚴飾
香嚴光雲色熾然
或有刹土無邊際
廣博清淨與此殊
或有利海隨輪轉
諸菩薩衆徧在中
或有住於金剛手
毗盧遮那無上尊
或依寶樹平均住
或有依諸大水中
或有依止金剛幢
廣大神通無不周
或脩或短無量種

所有一切諸國土
處處現前皆可見
無非離垢寶所成
熾然普現光明海
依止虛空界而住
復有安住光明藏
演說法輪皆巧妙
衆生見者心歡喜
狀如華燈廣分布
覆以妙寶光明網
安住蓮華深大海
諸佛妙善莊嚴故
以佛威神得安住
常見無央廣大寶
或復有住天主身
常於此興轉法輪
香嚴雲中亦復然
有住堅固金剛海
或有住於華海中
毗盧遮那此能現
其相旋環亦非一

妙莊嚴藏與此殊
如是種種各差別
或有國土常在空
或有在空懸覆住
或有國土極清淨
十方諸佛大神通
諸佛音聲咸徧滿
或有國土周法界
如影如幻廣無邊
或現種種莊嚴藏
諸業境界不思議
一一國土微塵內
數皆無量等衆生
爲欲成熟衆生故
廣大神變靡不興
法界國土一一塵
佛雲平等悉彌覆
如一塵中自在用
諸佛菩薩大神通
一切廣大諸刹土
十方不見所從生
滅壞生成互徧復
莫不皆由清淨願
爾時普賢菩薩復告大衆言諸佛子此界海

清淨修治乃能見
一切皆依願海住
諸佛如雲悉充徧
或時而有或無有
住於菩薩寶冠中
一切皆於此中見
斯由業力之所化
清淨離垢從心起
如因陀網各差別
依止虛空而建立
佛力顯示皆令見
念念示現諸佛刹
普賢所作恒如是
是中修行經劫海
法界之中悉周徧
諸大刹海住其中
於一切處咸充滿
一切塵內亦復然
毗盧遮那悉能現
如影如幻亦如鏡
亦復無來無去處
於虛空中無暫已
廣大業力之所持

有種種差別形相所謂或圓或方或非圓方無量差別或如水漩形或如山峽形或如樹形或如華形或如宮殿形或如衆生形或如佛形如是等有世界海微塵數爾時普賢菩薩欲重宣其義承佛威力觀察十方而說頌言

諸國土海種種別殊形共美徧十方其狀或圓或有方摩尼輪狀蓮華等或有清淨皎莊嚴門闥競開無壅滯刹海無邊差別截寶輪布地妙莊嚴一切國土心分別佛於如是刹海中或有雜染或清淨斯由業海不思議一毛孔內難思刹一一皆有徧照尊於一塵中大小刹平坦高下各不同一切塵中所現刹隨其心樂種種殊

種種莊嚴種種住安等咸應共觀察或復三維及八隅一切皆由業令異真金間錯多殊好斯由業廣意無雜譬如雲布在虛空諸佛光明照耀中種種光明而照現各各示現神通力受苦受樂各差別諸流轉法恒如是等微塵數種種主在衆會中宣妙法種種差別如塵數佛悉往詣轉法輪皆是本願神通力於虛空中悉能作

一切國土所有塵

一一塵中佛皆入

普爲衆生起神變

毗盧遮那法如是

爾時普賢菩薩復告大衆言諸佛子應知世
界海有種種體所謂或以一切寶莊嚴爲體
或以一寶種種莊嚴爲體或以一切寶光明
爲體或以種種色光明爲體或以一切莊嚴
光明爲體或以不可壞金剛爲體或以佛力
持爲體或以妙寶相爲體或以佛變化爲體
或以日摩尼輪爲體或以極微細寶爲體或
以一切寶皦爲體或以種種香爲體或以一
切寶華冠爲體或以一切寶影像爲體或以
一切莊嚴所示現爲體或以一念心普示現
境界爲體或以菩薩形寶爲體或以寶華鬘
爲體或以佛言音爲體爾時普賢菩薩欲重
宣其義承佛威力觀察十方而說頌言

或有諸刹海妙寶所合成堅固不可壞安住寶蓮華
或是淨光明出生不可知一切光莊嚴依止虛空住
或淨光爲體復依光明住光雲作嚴飾菩薩共遊處
或有諸刹海從於願力生猶如影像住取說不可得
或以摩尼成普放日藏光珠輪以嚴地菩薩悉充滿
有刹寶皦成皦雲覆其上衆寶光殊妙皆由業所得
或從妙相生衆相莊嚴地如冠共持戴斯由佛化起
或從心海生隨心所解住如幻無處所一切是分別
或以佛光明摩尼光爲體諸佛於中現各起神通力

或普賢菩薩化現諸刹海願力所莊嚴一切皆殊妙
爾時普賢菩薩復告大眾言諸佛子應知世
界海有種種莊嚴所謂或以一切莊嚴具中
出上妙雲莊嚴或以說一切菩薩功德莊嚴
或以說一切眾生業報莊嚴或以示現一切
菩薩願海莊嚴或以表示一切三世佛影像
莊嚴或以一念項示現無邊劫神通境界莊
嚴或以出現一切佛身莊嚴或以出現一切
寶香雲莊嚴或以示現一切道場中諸珍妙
物光明照耀莊嚴或以示現一切普賢行願
莊嚴如是等有世界海微塵數爾時普賢菩
薩欲重宣其義承佛威力觀察十方而說頌
言

廣大刹海無有邊

皆由清淨業所成

種種莊嚴種種住

一切十方皆徧滿

無邊色相寶藏雲

廣大莊嚴非一種

十方刹海常出現

普演妙音而說法

菩薩無邊功德海

種種大願所莊嚴

此土俱時出妙音

普震十方諸刹網

眾生業海廣無量

隨其感報各不同

於一切處莊嚴中

皆由諸佛能演說

三世所有諸如來

神通普現諸刹海

一一事中一切佛

如是嚴淨汝應觀

過去未來現在劫

十方一切諸國土

於彼所有大莊嚴

一一皆於剎中見

一切事中無量佛

數等衆生徧世間

爲今調伏起神通

以此莊嚴國土海

一切莊嚴吐妙雲

種種華雲香燄雲

摩尼寶雲常出現

剎海以此爲嚴飾

十方所有成道處

種種莊嚴皆具足

流光布迴若彩雲

於此剎海咸令見

普賢願行諸佛子

等衆生劫勤修習

無邊國土悉莊嚴

一切處中皆顯現

爾時普賢菩薩復告大衆言諸佛子應知世

界海有世界海微塵數清淨方便海所謂諸

菩薩親近一切善知識同善根故增長廣大

功德雲徧法界故淨修廣大諸勝解故觀察

一切菩薩境界而安住故修治一切諸波羅

蜜悉圓滿故觀察一切菩薩諸地而入住故

出生一切淨願海故修習一切出要行故入

於一切莊嚴海故成就清淨方便力故如是

等有世界海微塵數爾時普賢菩薩欲重宣

其義承佛威力觀察十方而說頌言

一切剎海諸莊嚴 無數方便願力生

一切剎海常光耀 無量清淨業力起

久遠親近善知識 同修善業皆清淨

慈悲廣大徧衆生 以此莊嚴諸剎海

一切法門三昧等 禪定解脫方便地

於諸佛所悉淨治
發生無量決定解
忍海方便已修治
爲利衆生修勝行
譬如雲布等虛空
諸度無量等剎塵
願波羅蜜無有盡
淨修無等一切法
種種方便化群生
修習莊嚴方便地
普使衆生竭苦源
力海廣大無與等
供養一切諸如來
爾時普賢菩薩復告大衆言諸佛子應知一
一世界海有世界海微塵數佛出現差別所
謂或現小身或現大身或現短壽或現長壽
或唯嚴淨一佛國土或有嚴淨無量佛土或
唯顯示一乘法輪或有顯示不可思議諸衆
法輪或現調伏少分衆生或示調伏無邊衆
生如是等有世界海微塵數爾時普賢菩薩
欲重宣其義承佛威力觀察十方而說頌言
諸佛種種方便門
皆隨衆生心所樂
諸佛法身不思議

以此出生諸剎海
能解如來等無異
故能嚴淨無邊剎
福德廣大常增長
一切剎海皆成就
悉已修行令具足
清淨剎海從此生
生起無邊出要行
如是莊嚴國土海
入佛功德法門海
廣大淨剎皆成就
普使衆生種善根
國土無邊悉清淨
出興一切諸剎海
此是如來善權力
無色無形無影像

能爲衆生現衆相

隨其心樂悉令見

或爲衆生現短壽

或現住壽無量劫

法身十方普現前

隨宜出現於世間

或有嚴淨不思議

十方所有諸刹海

或唯嚴淨一國土

於一示現悉無餘

或隨衆生心所樂

示現難忍種種衆

或有唯宜一樂法

一中方便現無量

或有自然成正覺

令少衆生住於道

或於毛孔出化雲

開悟羣迷無有數

一切世間皆現觀

種種方便度羣生

或有言音普周徧

隨其心樂而說法

不可思議大劫中

調伏無量衆生海

或有無量莊嚴國

衆會清淨儼然坐

佛如雲布在其中

十方刹海靡不充

諸佛方便不思議

隨衆生心悉現前

普住種種莊嚴刹

一切國土皆周徧

爾時普賢菩薩復告大衆言諸佛子應知世

界海有世界海微塵數劫住所謂或有阿僧

祇劫住或有無量劫住或有無邊劫住或有

無等劫住或有不可數劫住或有不可稱劫

住或有不可思劫住或有不可量劫住或有

不可說劫住如是等有世界海微塵數爾時

普賢菩薩欲重宣其義承佛威力觀察十方

此界海中種種劫
十方國土咸觀見
我見十方世界海
或長或短或無邊
我見十方諸刹海
或有一劫或無數
或有純淨或純染
願海安立種種殊
往昔修行刹塵劫
諸佛境界具莊嚴
有名種種寶光明
離塵光明及賢劫
有清淨劫一佛興
無盡方便大願力
或無量劫入一劫
一切劫海種種門
或一切劫莊嚴事
或一劫內所莊嚴
始從一念終成劫
一切刹海劫無邊

廣大方便所莊嚴
數量差別悉明了
劫數無量等衆生
以佛音聲今演說
或住國土微塵劫
以願種種各不同
或復染淨二俱離
住於衆生心想中
獲大清淨世界海
永住無邊廣大劫
或名等音鎖眼藏
此清淨劫攝一切
或一劫中無量現
入於一切種種劫
或復一劫入多劫
十方國土皆明現
於一劫中皆現觀
普入一切無邊劫
悉依衆生心想生
以一方便皆清淨

爾時普賢菩薩復告大衆言諸佛子應知世
界海有世界海微塵數劫轉變差別所謂法
如是故世界海無量成壞劫轉變染汙衆生

住故世界海成染汙劫轉變修廣大福衆生
住故世界海成染淨劫轉變信解菩薩住故
世界海成染淨劫轉變無量衆生發菩提心
故世界海純清淨劫轉變諸菩薩各各遊諸
世界故世界海無邊莊嚴劫轉變十方一切
世界海諸菩薩雲集故世界海無量大莊嚴
劫轉變諸佛世尊入涅槃故世界海莊嚴滅
劫轉變諸佛出現於世故一切世界海廣博
嚴淨劫轉變如來神通變化故世界海普清
淨劫轉變如是等有世界海微塵數爾時普
賢菩薩欲重宣其義承佛威力觀察十方而
說頌言

一切諸國土皆隨業力生汝等應觀察轉變相如是
染汙諸衆生業惑纏可怖彼心令剎海一切成染汙
若有清淨心修諸福德行彼心令剎海雜染及清淨
信解諸菩薩於彼劫中生隨其心所有雜染清淨見
無量諸衆生悉發菩提心彼心令剎海住劫恒清淨
無量億菩薩往詣於十方莊嚴無有殊劫中差別見
一一微塵內佛剎如塵數菩薩共雲集國土皆清淨
世尊入涅槃彼土莊嚴滅衆生無法器世界成雜染
若有佛興世一切悉珍好隨其心清淨莊嚴皆具足
諸佛神通力示現不思議是時諸剎海一切普清淨
爾時普賢菩薩復告大衆言諸佛子應知此
界海有世界海微塵數無差別所謂一一世

界海中有一世界海微塵數世界無差別一一
世界海中諸佛出現所有威力無差別一一
世界海中一切道場徧十方法界無差別一
世界海中一切如來道場聚會無差別一
世界海中一切佛光明徧法界無差別一
世界海中一切佛變化名號無差別一一
世界海中一切佛音聲徧世界海無邊劫
住無差別一一世界海中法輪方便無差別
一一世界海中一切世界海普入一塵無差
別一一世界海中一一微塵一切三世諸佛
世尊廣大境界皆於中現無差別諸佛子此
界海無差別略說如是若廣說者有世界海
微塵數爾時普賢菩薩欲重宣其義承佛威
力觀察十方而說頌言

一微塵中多刹海 處所各別悉嚴淨
如是無量入一中 一一區分無雜越

一塵內難忍佛 隨衆生心普現前

一切刹海靡不周 如是方便無差別

一一塵中諸樹王 種種莊嚴悉垂布

十方國土皆同現 如是一切無差別

一一塵內微塵衆 悉共圍遶人中主

世過一切徧世間 亦不迫隘相雜亂

一一塵中無量光 普徧十方諸國土

悉現諸佛菩提行 一切刹海無差別

一一塵中無量身

變化如雲普周徧

以佛神通導羣品

十方國土亦無別

一一塵中說衆法

其法清淨如輪轉

種種方便自在門

一切皆演無差別

一塵普演諸佛音

充滿法器諸衆生

徧住刹海無央劫

如是音聲亦無異

刹海無量妙莊嚴

於一塵中無不入

如是諸佛神通力

一切皆由業性起

一一塵中三世佛

隨其所樂悉令見

體性無來亦無去

以願力故徧世間

大方廣佛華嚴經卷第七

我書下昨勞切

開闢下昌善切

擾濁上而沼切

平均下居勾切

懸覆下芳福切

八隅下牛俱切

癯端上於隴切

布迴下戶頂切

純淨上常倫切

乙巳歲高麗國大歲都監奉

勅彫造

大方廣佛華嚴經卷第八

垂

光

華藏世界品第五之一

于闐國三藏實叉難陀奉

別譯

爾時普賢菩薩復告大衆言諸佛子此華藏莊嚴世界海是毗盧遮那如來往昔於世界海微塵數劫修菩薩行時一一劫中親近世界海微塵數佛一一佛所淨修世界海微塵數大願之所嚴淨諸佛子此華藏莊嚴世界海有須彌山微塵數風輪所持其最下風輪名平等住能持其上一切寶燄熾然莊嚴次上風輪名出生種種寶莊嚴能持其上淨光照耀摩尼王幢次上風輪名寶威德能持其上一切寶鈴次上風輪名平等燄能持其上一切寶光明能持其上一切摩尼王樹華次上風輪名速疾普持能持其上一切香摩尼須彌雲次上風輪名種種宮殿遊行能持其上一切寶色香臺雲諸佛子彼須彌山微塵數風輪最在上者名殊勝威光藏能持普光摩尼莊嚴香水海此香水海有大蓮華名種種光明藥香幢華藏莊嚴世界海住在其中

四方均平清淨堅固金剛輪山周而圍遶地
海衆樹各有區別是時普賢菩薩欲重宣其
義承佛神力觀察十方而說頌言

世尊往昔於諸有

微塵佛所修淨業

故獲種種寶光明

華藏莊嚴世界海
捨身無量等剎塵

廣大悲雲徧一切

今此世界無諸垢

以昔劫海修行力

風力所持無動搖

放大光明徧住空

如來願力令清淨

佛藏摩尼普嚴飾

以昔願力空中住

普散摩尼妙藏華

光雲垂布徧十方

種種堅固莊嚴海

普詣十方光熾然

諸摩尼中菩薩雲

法界周徧靡不徧

光燄成輪妙華飾

其光普照衆生海

一切寶中放淨光

咸令出苦向菩提

十方國土皆周徧

從其毛孔出化形

寶中佛數等衆生

一切衆生及諸佛

梵王帝釋輪王等

光中演說諸佛名

化現光明等法界

普應羣心無不盡

種種方便示調伏

一一塵中見法界

華藏世界所有塵

此是如來剎自在

寶光現佛如雲集

於一切劫化羣生

廣大願雲周法界

所有莊嚴從此出

普賢智地行悉成

爾時普賢菩薩復告大衆言諸佛子此華藏

莊嚴世界海大輪圓山住日珠王蓮華之上
 栴檀摩尼以爲其身威德寶王以爲其峯妙
 香水澑注其間衆寶爲林妙華開敷香草布
 地明珠間飾種種香華處處盈滿摩尼爲網
 周布垂覆如是等有世界海微塵數衆妙莊
 嚴爾時普賢菩薩欲重宣其義承佛神力觀
 察十方而說頌言

世界大海無有邊
 寶輪清淨種種色
 此由如來神力起
 及以真珠燈燄輪
 清淨輪圓所安住
 閻浮檀金作嚴飾
 內外映徹皆清淨
 復兩摩尼諸妙寶
 放淨光明普嚴麗
 散諸華寶及栴檀
 珍草羅生悉芬馥
 開華發葉色熾然
 光雲四照常圓滿
 執蓋焚香充法界
 普轉如來正法輪
 一一寶末現光明
 悉入其中普令見

諸莊嚴中現佛身

無邊色相無央數

悉往十方無不徧

所化衆生亦無限

一切莊嚴出妙音

演說如來本願輪

十方所有淨刹海

佛自在力咸令徧

爾時普賢菩薩復告大衆言諸佛子此世界

海大輪圍山內所有大地一切皆以金剛所

成堅固莊嚴不可沮壞清淨平坦無有高下

摩尼為輪衆寶為藏一切衆生種種形狀諸

摩尼寶以為間錯散衆寶末布以蓮華香藏

摩尼分置其間諸莊嚴具充徧如雲三世一

切諸佛國土所有莊嚴而為校飾摩尼妙寶

以為其網普現如來所有境界如天帝網於

中布列諸佛子此世界海地有如是等世界

海微塵數莊嚴爾時普賢菩薩欲重宣其義

承佛神力觀察十方而說頌言

其地平坦極清淨

安住堅固無能壞

摩尼處處以為嚴

衆寶於中相間錯

金剛為地甚可悅

寶輪寶網具莊嚴

蓮華布上皆圓滿

妙衣彌覆悉周徧

菩薩天冠寶瓔珞

悉布其地為嚴好

栴檀摩尼普散中

咸舒離垢妙光明

寶華發燄出妙光

光燄如雲照一切

散此妙華及衆寶

普覆於地為嚴飾

密雲興而滿十方

廣大光明無有盡

普至十方一切土
一切佛願摩尼內
最勝智者昔所行

演說如來甘露法
普現無邊廣大劫
於此寶中無不見

其地所有摩尼寶

一切佛刹咸來入

彼諸佛刹一一塵

一切國土亦入中

妙寶莊嚴華藏界

菩薩遊行徧十方

演說大士諸弘願

此是道場自在力

摩尼妙寶莊嚴地

放淨光明備衆飾

充滿法界等虛空

佛力自然如是現

諸有修治普賢願

入佛境界大智人

能知於此刹海中

如是一切諸神變

爾時普賢菩薩復告大衆言諸佛子此世界

如是一切諸神變

海大地中有不可說佛刹微塵數香水海一

切妙寶莊嚴其底妙香摩尼莊嚴其岸毗盧

遮那摩尼寶王以爲其網香水映徹具衆寶

色充滿其中種種寶華旋布其上梅檀細末

澄瑩其下演佛言音放寶光明無邊菩薩持

種種蓋現神通力一切世界所有莊嚴悉於

中現十寶階陛行列分布十寶欄楯周匝圍

遶四天下微塵數一切寶莊嚴芬陀利華敷

榮水中不可說百千億那由他數十寶尸羅

幢恒河沙數一切寶末鈴網幢恒河沙數無

邊色相寶華樓閣百千億那由他數十寶蓮

蓮城四天下微塵數衆寶樹林寶燄摩尼以

蓮城四天下微塵數衆寶樹林寶燄摩尼以

蓮城四天下微塵數衆寶樹林寶燄摩尼以

蓮城四天下微塵數衆寶樹林寶燄摩尼以

蓮城四天下微塵數衆寶樹林寶燄摩尼以

蓮城四天下微塵數衆寶樹林寶燄摩尼以

蓮城四天下微塵數衆寶樹林寶燄摩尼以

蓮城四天下微塵數衆寶樹林寶燄摩尼以

蓮城四天下微塵數衆寶樹林寶燄摩尼以

蓮城四天下微塵數衆寶樹林寶燄摩尼以

蓮城四天下微塵數衆寶樹林寶燄摩尼以

爲其網恒河沙數栴檀香諸佛言音光燄摩
尼不可說百千億那由他數衆寶垣牆悉共
圍遶周徧嚴飾爾時普賢菩薩欲重宣其義
承佛神力觀察十方而說頌言

此世界中大地上
清淨妙寶布其底
香藏摩尼積成岸
蓮華妙寶爲璅瑤
香水澄淨具衆色
普震音聲聞遠近
階陛莊嚴具衆寶
周迴欄楯悉寶成
摩尼寶樹列成行
種種樂音恒競奏
種種妙寶芬陀利
香燄光明無暫停
明珠寶幢恒熾盛
摩尼鈴網演法音
妙寶蓮華作城郭
眞珠雲影布四隅
垣牆繚繞皆周匝
無量光明恒熾然
毗盧遮那於往昔
如是廣大無有邊

有香水海摩尼嚴
安住金剛不可壞
日燄珠輪布若雲
處處莊嚴淨無垢
寶華旋布放光明
以佛威神演妙法
復以摩尼爲聞飾
蓮華珠網如雲布
華鬘敷榮光赫奕
佛神通力令如是
敷布莊嚴香水海
廣大圓滿皆充徧
妙衣垂布爲嚴飾
令其聞者趣佛智
衆彩摩尼所嚴瑩
如是莊嚴香水海
樓閣相_望布其上
種種莊嚴清淨海
種種剎海皆嚴淨
悉是如來自在力

爾時普賢菩薩復告大眾言諸佛子一一香水海各有四天下微塵數香水河右旋圍遶一切皆以金剛爲岸淨光摩尼以爲嚴飾常現諸佛寶色光雲及諸衆生所有言音其河所有漩腹之處一切諸佛所修因行種種形相皆從中出摩尼爲網衆寶鈴鐸諸世界海所有莊嚴悉於中現摩尼寶雲以覆其上其雲普現華藏世界毗盧遮那十方化佛及一切佛神通之事復出妙音偈揚三世佛菩薩名其香水中常出一切寶焰光雲相續不絕若廣說者一一河各有世界海微塵數莊嚴爾時普賢菩薩欲重宣其義承佛神力觀察十方而說頌言

清淨香流滿大河 金剛妙寶爲其岸
寶末爲輪布其地 種種嚴飾皆珍好
寶階行列妙莊嚴 欄楯周迴悉殊麗
真珠爲藏衆華飾 種種纓鬘共垂下
香水寶光清淨色 恒吐摩尼競疾流
衆華隨浪皆搖動 悉奏樂音宣妙法
細末栴檀作泥泥 一切妙寶同迴腹
香藏氣氤布在中 發燄流芬普周徧
河中出生諸妙寶 悉放光明色熾然
其光布影成臺座 華蓋珠瓔皆具足
摩尼王中現佛身 光明普照十方剎

以此爲輪嚴飾地
摩尼爲網金爲鐸

香水映徹常盈滿
徧覆香河演佛音

光宣一切菩提道

及以普賢之妙行

寶岸摩尼極清淨

恒出如來本願音

一切諸佛曩所行

其音普演皆令見

其河所有漩流處

菩薩如雲常踊出

悉往廣大剎土中

乃至法界咸充滿

清淨珠王布若雲

一切香河悉彌覆

其珠等佛眉間相

炳然顯現諸佛影

爾時普賢菩薩復告大眾言諸佛子此諸香

水河兩間之地悉以妙寶種種莊嚴一一各

有四天下微塵數衆寶莊嚴芬陀利華周而

徧滿各有四天下微塵數衆寶樹林次第行

列一一樹中恒出一切諸莊嚴雲摩尼寶上

照耀其間種種華香處處盈滿其樹復出微

妙音聲說諸如來一切劫中所修大願復散

種種摩尼寶王充徧其地所謂蓮華輪摩尼

寶王香焰光雲摩尼寶王種種嚴飾摩尼寶

王現不可思議莊嚴色摩尼寶王曰光明衣

藏摩尼寶王周徧十方普垂布光網雲摩尼

寶王現一切諸佛神變摩尼寶王現一切衆

生業報海摩尼寶王如是等有世界海微塵

數其香水河兩間之地一一悉具如是莊嚴

爾時普賢菩薩欲重宣其義承佛神力觀察

十方面說頌言

其地平坦極清淨

諸樹行列蔭其中

枝條妙寶所莊嚴

摩尼爲果如雲布

摩尼布地皆充滿

復以摩尼作宮殿

諸佛影像摩尼王

如是赫奕徧十方

妙寶莊嚴善分布

處處悉有摩尼輪

衆寶莊嚴放大光

一一周行靡不徧

摩尼妙寶於陀利

其華種種各不同

三卅所有諸莊嚴

體性無生不可取

此地一切莊嚴中

彼亦不來亦不去

此地一一微塵中

各見所記當來刹

爾時普賢菩薩復告大衆言諸佛子諸佛卅

尊卅界海莊嚴不可思議何以故諸佛子此

華藏莊嚴世界海一切境界一一皆以世界

真金摩尸共嚴飾

寶幹垂條華若雲

華嚴成輪光四照

普徧十方常現觀

衆華寶末共莊嚴

悉現衆生諸影像

普散其地靡不周

一一塵中咸見佛

真珠燈網相間錯

一一皆現佛神通

光中普現諸化佛

悉以十力廣開演

一切水中咸徧滿

悉現光明無盡歇

摩尼果中皆顯現

此是如來自任力

悉現如來廣大身

佛昔願力皆令見

一切佛子修行道

隨其意樂悉清淨

海微塵數清淨功德之所莊嚴爾時普賢菩薩欲重宣其義承佛神力觀察十方而說頌言

此刹海中一切處
發燄騰空布若雲
摩尼吐雲無有盡
神通變化靡暫停
一切摩尼演佛音
毗盧遮那昔所行
清淨光明徧照尊
變化分身衆圍遶
所有化佛皆如幻
以佛境界感神力
如來自在神通事
以此刹海淨莊嚴
十方所有諸變化
但由如來昔所行
若有能修普賢行
能於一切微塵中
不可思議億大劫
如其一切之所行
諸佛國土如虛空
爲利衆生普嚴淨

悉以衆寶爲嚴飾
光明洞徹常彌覆
十方佛影於中現
一切菩薩咸來集
其音美妙不思議
於此寶內恒聞見
莊嚴具中皆現影
一切刹海咸徧徧
求其來處不可得
一切刹中如是現
悉徧十方諸國土
一切皆於寶中見
一切皆如鏡中像
神通願力而出生
入於菩薩勝智海
普現其身淨衆刹
親近一切諸如來
一刹那中悉能現
無等無生無有相
本願力故住其中

爾時普賢菩薩復告大衆言諸佛子此中有

何等世界住我今當說諸佛子此不可說佛刹微塵數香水海中有不可說佛刹微塵數世界種安住一一世界種復有不可說佛刹微塵數世界諸佛子彼諸世界種於世界海中各各依住各各形狀各各體性各各方所各各趣入各各莊嚴各各分齊各各行列各各無差別各各力加持諸佛子此世界種或有依大蓮華海住或有依無邊色寶華海住或有依一切真珠藏寶瓔珞海住或有依香水海住或有依一切華海住或有依摩尼寶網海住或有依漩流光海住或有依菩薩寶莊嚴冠海住或有依種種衆生身海住或有依一切佛音聲摩尼王海住如是等若廣說者有世界海微塵數諸佛子彼一切世界種或有作須彌山形或作江河形或作迴轉形或作漩流形或作輪輞形或作壇墀形或作樹林形或作樓閣形或作山幢形或作普方形或作胎藏形或作蓮華形或作佉勒迦形或作衆生身形或作雲形或作諸佛相好形或作圓滿光明形或作種種珠網形或作一切門闢形或作諸莊嚴具形如是等若廣說者有世界海微塵數諸佛子彼一切世界種或有以十方摩尼雲爲體或有以衆色皖爲體或有以諸光明爲體或有以寶香皖爲體

或有以一切寶莊嚴多羅華爲體或有以菩薩影像爲體或有以諸佛光明爲體或有以佛色相爲體或有以一寶光爲體或有以衆體或有以一切衆生諸業海音聲爲體或有以一切佛境界清淨音聲爲體或有以一切菩薩大願海音聲爲體或有以一切佛方便音聲爲體或有以一切刹莊嚴具成壞音聲爲體或有以無邊佛音聲爲體或有以一切佛變化音聲爲體或有以一切衆生善音聲爲體或有以一切佛功德海清淨音聲爲體如是等若廣說者有世界海微塵數爾時普賢菩薩欲重宣其義承佛神力觀察十方而

說頌言

刹種堅固妙莊嚴

廣大清淨光明藏

依止蓮華寶海住

或有住於香海等

須彌城樹壇墀形

一切刹種徧十方

種種莊嚴形相別

各各布列而安住

或有體是淨光明

或是華藏及寶雲

或有利種皦所成

安住摩尼不壞藏

燈雲燄彩光明等

種種無邊清淨色

或有言音以爲體

是佛所演不思議

或是願力所出奇

神變音聲爲體性

一切衆生大福業

佛功德音亦如是

刹種一一差別門

不可思議無有盡

如是十方皆徧滿

廣大莊嚴現神力

十方所有廣大刹

悉來入此世界種

雖見十方普入中

而實無來無所入

以一刹種入一切

一切入一亦無餘

體相如本無差別

無等無量悉周徧

一切國土微塵中

普見如來在其所

願海言音若雷震

一切衆生悉調伏

佛身周徧一切刹

無數菩薩亦充滿

如來自在無等倫

普化一切諸含識

爾時普賢菩薩復告大眾言諸佛子此不可

說佛刹微塵數香水海在華藏莊嚴世界海

中如天帝網分布而住諸佛子此最中央香

水海名無邊妙華光以現一切菩薩形摩尼

王幢爲底出大蓮華名一切香摩尼王莊嚴

有世界種而住其上名普照十方熾然寶光

明以一切莊嚴具爲體有不可說佛刹微塵

數世界於中布列其最下方有世界名最勝

光徧照以一切金剛莊嚴光耀輪爲際依衆

寶摩尼華而住其狀猶如摩尼寶形一切寶

圍遶種種安住種種莊嚴佛号淨眼離垢燈

此上過佛刹微塵數世界有世界名種種香

蓮華妙莊嚴以一切莊嚴具爲際依寶蓮華

網而住其狀猶如師子之座一切寶色珠帳
雲彌覆其上二佛刹微塵數世界周匝圍遶
佛号師子光勝照此上過佛刹微塵數世界
有世界名一切寶莊嚴普照光以香風輪爲
際依種種寶華瓔珞住其形八隅妙光摩尼
日輪雲而覆其上三佛刹微塵數世界周匝
圍遶佛号淨光智勝幢此上過佛刹微塵數
世界有世界名種種光明華莊嚴以一切寶
王爲際依衆色金剛尸羅幢海住其狀猶如
摩尼蓮華以金剛摩尼寶光雲而覆其上四
佛刹微塵數世界周匝圍遶純一清淨佛号
金剛光明無量精進力善出現此上過佛刹
微塵數世界有世界名普放妙華光以一切
寶鈴莊嚴網爲際依一切樹林莊嚴寶輪網
海住其形普方而多有隅角梵音摩尼王雲
以覆其上五佛刹微塵數世界周匝圍遶佛
号香光喜力海此上過佛刹微塵數世界有
世界名淨妙光明以寶王莊嚴幢爲際依金
剛宮殿海住其形四方摩尼輪瑤帳雲而覆
其上六佛刹微塵數世界周匝圍遶佛号普
光自在幢此上過佛刹微塵數世界有世界
名衆華嚴莊嚴以種種華莊嚴爲際依一切
寶色燄海住其狀猶如樓閣之形一切寶色
衆真珠欄楯雲而覆其上七佛刹微塵數世

界周而圍遶純一清淨佛号歡喜海功德名
稱自在光此上過佛刹微塵數世界有世界
名出生威力地以出一切聲摩尼王莊嚴爲
際依種種寶色蓮華座虛空海住其狀猶如
因陀羅網以無邊色華網雲而覆其上八佛
刹微塵數世界周而圍遶佛号廣大名稱智
海幢此上過佛刹微塵數世界有世界名出
妙音聲以心王摩尼莊嚴輪爲際依恒出一
切妙音聲莊嚴雲摩尼王海住其狀猶如梵
天身形無量寶莊嚴師子座雲而覆其上九
佛刹微塵數世界周而圍遶佛号清淨月光
明相無能摧伏此上過佛刹微塵數世界有
世界名金剛幢以無邊莊嚴真珠藏寶瓔珞
爲際依一切莊嚴寶師子座摩尼海住其狀
周圓上須彌山微塵數一切香摩尼華須彌
雲彌覆其上十佛刹微塵數世界周而圍遶
純一清淨佛号一切法海最勝王此上過佛
刹微塵數世界有世界名恒出現帝青寶光
明以極堅牢不可壞金剛莊嚴爲際依種種
殊異華海住其狀猶如半月之形諸天寶漲
雲而覆其上十一佛刹微塵數世界周而圍
遶佛号無量功德法此上過佛刹微塵數世
界有世界名光明照耀以普光莊嚴爲際依
華旋香水海住狀如華旋種種雲而覆其

上十二佛刹微塵數世界周匝圍遶佛号起
釋梵此上過佛刹微塵數世界至此世界名
娑婆以金剛莊嚴為際依種種色風輪所持
蓮華網住狀如虛空以普圓滿天宮殿莊嚴
虛空而覆其上十三佛刹微塵數世界周匝
圍遶其佛即是毗盧遮那如來世尊此上過
佛刹微塵數世界有世界名寂靜離塵光以
一切寶莊嚴為際依種種寶衣海住其狀猶
如執金剛形無邊色金剛雲而覆其上十四
佛刹微塵數世界周匝圍遶佛号徧法界勝
音此上過佛刹微塵數世界有世界名衆妙
光明燈以一切莊嚴帳為際依淨華網海住
其狀猶如卍字之形摩尼樹香水海雲而覆
其上十五佛刹微塵數世界周匝圍遶純一
清淨佛号不可摧伏力普照幢此上過佛刹
微塵數世界有世界名清淨光徧照以無盡
寶雲摩尼王為際依種種香皖蓮華海住其
狀猶如龜甲之形圓光摩尼輪栴檀雲而覆
其上十六佛刹微塵數世界周匝圍遶佛号
清淨日功德眼此上過佛刹微塵數世界有
世界名寶莊嚴藏以一切衆生形摩尼王為
際依光明藏摩尼王海住其形八隅以一切
輪圍山寶莊嚴華樹網彌覆其上十七佛刹
微塵數世界周匝圍遶佛号無礙智光明徧

照十方此上過佛刹微塵數世界有世界名
離塵以一切殊妙相莊嚴爲際依衆妙華師
子座海住狀如珠璣以一切寶香摩尼王圓
光雲而覆其上十八佛刹微塵數世界周匝
圍遶純一清淨佛号無量方便最勝幢此上
過佛刹微塵數世界有世界名清淨光普照
以出無盡寶雲摩尼王爲際依無量色香能
須彌山海住其狀猶如寶華旋布以無邊色
光明摩尼王帝青雲而覆其上十九佛刹微
塵數世界周匝圍遶佛号普照法界虛空光
此上過佛刹微塵數世界有世界名妙寶能
以普光明日月寶爲際依一切諸天形摩尼
王海住其狀猶如寶莊嚴具以一切寶衣幢
雲及摩尼燈藏網而覆其上二十佛刹微塵
數世界周匝圍遶純一清淨佛号福德相光
明諸佛子此徧照十方熾然寶光明世界種
有如是等不可說佛刹微塵數廣大世界各
各所依住各各形狀各各體性各各方面各
各趣入各各莊嚴各各分齊各各行列各各
無差別各各力加持周匝圍遶所謂十佛刹
微塵數迴轉形世界十佛刹微塵數江河形
世界十佛刹微塵數漩流形世界十佛刹微
塵數輪輞形世界十佛刹微塵數壇墀形世
界十佛刹微塵數樹林形世界十佛刹微塵

數攬觀形世界十佛刹微塵數尸羅幢形世界十佛刹微塵數普方形世界十佛刹微塵數胎藏形世界十佛刹微塵數蓮華形世界十佛刹微塵數佉勒迦形世界十佛刹微塵數種種衆生形世界十佛刹微塵數佛相形世界十佛刹微塵數圓光形世界十佛刹微塵數雲形世界十佛刹微塵數網形世界十佛刹微塵數門闍形世界如是等有不可說佛刹微塵數此一一世界各有十佛刹微塵數廣大世界周匝圍遶此諸世界一一復有如上所說微塵數世界而爲眷屬如是所說一切世界皆在此無邊妙華光香水海及國遶此海香水河中

大方廣佛華嚴經卷第八

嚴麗下展音

芬馥上府文切下房六切

發藥下如界切

沮壞上慈呂切

映徹上於敬切下直利切

澄塗上直陵切下魚觀切

階陛上皆音下傍禮切

攔楯上落干切下食尹切

垣墻上而元切下在良切

澄渟下特丁切

赫奕上呼格切下亦音

競奏上渠敬切

熾盛上昌志切下承止切

嚴瑩下烏定切

繚繞上力小切下而沼切

洞復上胡恢切下伏音

壇墀上徒干切下常演切

佉勒上色知切

出字上乃音

地面香海疏主云塗下刹種及梵本中皆有上不可
說今關十字或是譯人之漏或是傳寫之失所持
刹網疏主云言有不可說者若準丁文香海及種皆
有十不可說梵本亦有今脫十字多是傳寫之漏可
晉賢菩薩說華藏世界列中有二十段疏主云總形
類中望前刹種形中關須彌山形及嚴具形餘皆全
司

乙巳歲高麗國大藏都監奉
勅彫造

大方廣佛華嚴經卷第九

釋

于闐國三藏實叉難陀奉 制譯

華藏世界品第五之二

爾時普賢菩薩復告大眾言諸佛子此無邊妙華光香水海東次有香水海名離垢皎藏出大蓮華名一切香摩尼王妙莊嚴有世界種而住其上名徧照剎旋以菩薩行吼音爲體此中最下方有世界名宮殿莊嚴幢其形四方依一切寶莊嚴海住蓮華光網雲彌覆其上佛剎微塵數世界圓遶純一清淨佛号眉間光徧照此上過佛剎微塵數世界有世界名德華藏其形周圍依一切寶華鬘海住真珠幢師子座雲彌覆其上二佛剎微塵數世界圓遶佛号一切無邊法海慧此上過佛剎微塵數世界有世界名善變化妙香輪形如金剛依一切寶莊嚴鈴網海住種種莊嚴國光雲彌覆其上三佛剎微塵數世界圓遶佛号功德相光明普照此上過佛剎微塵數世界有世界名妙色光明其狀猶如摩尼寶輪依無邊色寶香水海住普光明真珠樓閣雲彌覆其上四佛剎微塵數世界圓遶純一清淨佛号善眷屬出興徧照此上過佛剎微塵數世界有世界名善蓋覆狀如蓮華依金剛香水海住離塵光明香水雲彌覆其上五

佛刹微塵數世界圍遶佛号法喜無盡慧此
上過佛刹微塵數世界有世界名尸利華光
輪其形三角依一切堅固寶莊嚴海住菩薩
摩尼冠光明彌覆其上六佛刹微塵數世界
圍遶佛号清淨普光明雲此上過佛刹微塵
數世界有世界名寶蓮華莊嚴形如半月依
一切蓮華莊嚴海住一切寶華雲彌覆其上
七佛刹微塵數世界圍遶純一清淨佛号功
德華清淨眼此上過佛刹微塵數世界有世
界名無垢焰莊嚴其狀猶如寶燈行列依寶
焰藏海住常雨香水種種身雲彌覆其上八
佛刹微塵數世界圍遶佛号慧力無能勝此
上過佛刹微塵數世界有世界名妙梵音形
如卐字依寶衣幢海住一切華莊嚴帳雲彌
覆其上九佛刹微塵數世界圍遶佛号廣大
目如空中淨月此上過佛刹微塵數世界有
世界名微塵數音聲其狀猶如因陀羅網依
一切寶水海住一切樂音寶蓋雲彌覆其上
十佛刹微塵數世界圍遶純一清淨佛号金
色須彌燈此上過佛刹微塵數世界有世界
名寶色莊嚴形如卐字依帝釋形寶王海住
日光明華雲彌覆其上十一佛刹微塵數世
界圍遶佛号迴照法界光明智此上過佛刹
微塵數世界有世界名金色妙光其狀猶如

廣大城郭依一切寶莊嚴海住道場寶華雲
彌覆其上十二佛刹微塵數世界圍遶佛号
寶燈普照幢此上過佛刹微塵數世界有世
界名徧照光明輪狀如華旋依寶衣旋海住
佛音聲寶王樓閣雲彌覆其上十三佛刹微
塵數世界圍遶純一清淨佛号蓮華皎徧照
此上過佛刹微塵數世界有世界名寶藏莊
嚴狀如四洲依寶瓔珞須彌住寶談摩尼雲
彌覆其上十四佛刹微塵數世界圍遶佛号
無盡福開敷華此上過佛刹微塵數世界有
世界名如鏡像普現其狀猶如阿脩羅身依
金剛蓮華海住寶冠光影雲彌覆其上十五
佛刹微塵數世界圍遶佛号甘露音此上過
佛刹微塵數世界有世界名栴檀月其形八
隅依金剛栴檀寶海住真珠華摩尼雲彌覆
其上十六佛刹微塵數世界圍遶純一清淨
佛号最勝法無等智此上過佛刹微塵數世
界有世界名離垢光明其狀猶如香水漩流
依無邊色寶光海住妙香光明雲彌覆其上
十七佛刹微塵數世界圍遶佛号徧照虛空
光明音此上過佛刹微塵數世界有世界名
妙華莊嚴其狀猶如旋遶之形依一切華海
住一切樂音摩尼雲彌覆其上十八佛刹微
塵數世界圍遶佛号普現勝光明此上過佛

刹微塵數世界有世界名勝音莊嚴其狀猶
如師子之座依金師子座海住衆色蓮華藏
師子座雲彌覆其上十九佛刹微塵數世界
圍遶佛号無邊功德稱普光明此上過佛刹
微塵數世界有世界名高勝燈狀如佛掌依
寶衣服香幢海住日輪普照寶王樓閣雲彌
覆其上二十佛刹微塵數世界圍遶統一清
淨佛号普照虛空燈

諸佛子此離垢燄藏香水海南亦有香水海
名無盡光明輪世界種名佛幢莊嚴以一切
佛功德海音聲爲體此中最下方有世界名
變見華狀如寶輪依摩尼樹藏寶王海住化
現菩薩形寶藏雲彌覆其上佛刹微塵數世
界圍遶統一清淨佛号蓮華光歡喜面此上
過佛刹微塵數世界有世界名妙音佛号須
彌寶燈此上過佛刹微塵數世界有世界名
衆寶莊嚴光佛号法界音聲幢此上過佛刹
微塵數世界有世界名香藏金剛佛号光明
音此上過佛刹微塵數世界有世界名淨妙
音佛号最勝精進力此上過佛刹微塵數世
界有世界名寶蓮華莊嚴佛号法城雲雷音
此上過佛刹微塵數世界有世界名與安樂
佛号大名稱智慧燈此上過佛刹微塵數世
界有世界名無垢網佛号師子光功德海此

上過佛刹微塵數世界有世界名華林幢徧
照佛号大智蓮華光此上過佛刹微塵數世
界有世界名無量莊嚴佛号普眼法界幢此
上過佛刹微塵數世界有世界名普光寶莊
嚴佛号勝智大商主此上過佛刹微塵數世
界有世界名華王佛号月光幢此上過佛刹
微塵數世界有世界名離垢藏佛号清淨覺
此上過佛刹微塵數世界有世界名寶光明
佛号一切智虛空燈此上過佛刹微塵數世
界有世界名出生寶瓔珞佛号諸度福海相
光明此上過佛刹微塵數世界有世界名妙
輪徧覆佛号調伏一切染著心令歡喜此上
過佛刹微塵數世界有世界名寶華幢佛号
廣博功德音大名稱此上過佛刹微塵數世
界有世界名無量莊嚴佛号平等智光明功
德海此上過佛刹微塵數世界有世界名無
盡光莊嚴幢狀如蓮華依一切寶網海住蓮
華光摩尼網徧覆其上二十佛刹微塵數世
界圍遶純一清淨佛号法界淨光明
諸佛子此無盡光明輪香水海右旋次有香
水海名金剛寶焰光世界種名佛光莊嚴藏
以稱說一切如來名音聲爲體此中最下方
有世界名寶焰蓮華其狀猶如摩尼色眉間
毫相依一切寶色水漩海住一切莊嚴樓閣

雲彌覆其上佛刹微塵數世界圓遶純一清
淨佛号無垢寶光明此上過佛刹微塵數世
界有世界名光燄藏佛号無礙自在智慧光
此上過佛刹微塵數世界有世界名寶輪妙
莊嚴佛号一切寶光明此上過佛刹微塵數
世界有世界名栴檀樹華幢佛号清淨智光
明此上過佛刹微塵數世界有世界名佛刹
妙莊嚴佛号廣大歡喜音此上過佛刹微塵
數世界有世界名妙光莊嚴佛号法界自在
智此上過佛刹微塵數世界有世界名無邊
相佛号無礙智此上過佛刹微塵數世界有
世界名燄雲幢佛号演說不退輪此上過佛
刹微塵數世界有世界名衆寶莊嚴清淨輪
佛号離垢華光明此上過佛刹微塵數世界
有世界名廣大出離佛号無礙智日眼此上
過佛刹微塵數世界有世界名妙莊嚴金剛
座佛号法界智太光明此上過佛刹微塵數
世界有世界名智慧普莊嚴佛号智炬光明
王此上過佛刹微塵數世界有世界名蓮華
池深妙音佛号一切智普照此上過佛刹微
塵數世界有世界名種種色光明佛号普光
華王雲此上過佛刹微塵數世界有世界名
妙寶幢佛号功德光此上過佛刹微塵數世
界有世界名摩尼華毫相光佛号普音雲此

上過佛刹微塵數世界有世界名甚深海佛
号十方衆生主此上過佛刹微塵數世界有
世界名須彌光佛号法界普智音此上過佛
刹微塵數世界有世界名金蓮華佛号福德
藏普光明此上過佛刹微塵數世界有世界
名寶莊嚴藏形如卍字依一切香摩尼莊嚴
樹海住清淨光明雲彌覆其上二十佛刹微
塵數世界圍遶純一清淨佛号大變化光明
網諸佛子此金剛寶嵌香水海右旋次有香水
海名帝青寶莊嚴世界種名光照十方依一
切妙莊嚴蓮華香雲住無邊佛音聲爲體於
此最下方有世界名十方無盡色藏輪其狀
周迴有無量角依無邊色一切寶藏海住因
陀羅網而覆其上佛刹微塵數世界圍遶純
一清淨佛号蓮華眼光明徧照此上過佛刹
微塵數世界有世界名淨妙莊嚴藏佛号無
上慧大師子此上過佛刹微塵數世界有世
界名出現蓮華座佛号徧照法界光明王此
上過佛刹微塵數世界有世界名寶幢音佛
号大功德普名稱此上過佛刹微塵數世界
有世界名金剛寶莊嚴藏佛号蓮華日光明
此上過佛刹微塵數世界有世界名因陀羅
華月佛号法自在智慧幢此上過佛刹微塵

數世界有世界名妙輪藏佛号大喜清淨音
此上過佛刹微塵數世界有世界名妙音藏
佛号大力善商主此上過佛刹微塵數世界
有世界名清淨月佛号須彌光智慧力此上
過佛刹微塵數世界有世界名無邊莊嚴相
佛号方便願淨月光此上過佛刹微塵數世
界有世界名妙華音佛号法海大願音此上
過佛刹微塵數世界有世界名一切寶莊嚴
佛号功德寶光明相此上過佛刹微塵數世
界有世界名堅固地佛号美音最勝天此上
過佛刹微塵數世界有世界名普光善化佛
号大精進寂靜慧此上過佛刹微塵數世界
有世界名善守護莊嚴行佛号見者生歡喜
此上過佛刹微塵數世界有世界名栴檀寶
華藏佛号甚深不可動智慧光徧照此上過
佛刹微塵數世界有世界名現種種色相海
佛号普放不思議勝義王光明此上過佛刹
微塵數世界有世界名化現十方大光明佛
号勝功德威光無與等此上過佛刹微塵數
世界有世界名須彌雲幢佛号極淨光明眼
此上過佛刹微塵數世界有世界名蓮華徧
照其狀周圓依無邊色衆妙香摩尼海住一
切乘莊嚴雲彌覆其上二十佛刹微塵數世
界圍遶純一清淨佛号解脫精進日

諸佛子此帝青寶莊嚴香水海右旋次有香水海名金剛輪莊嚴底世界種名妙寶間錯因陀羅網普賢智所生音聲爲體此中最下方有世界名蓮華網其狀猶如須彌山形依衆妙華山幢海住佛境界摩尼王帝網雲而覆其上佛刹微塵數世界圍遶純一清淨佛号法身普覺慧此上過佛刹微塵數世界有世界名無盡日光明佛号最勝大覺慧此上過佛刹微塵數世界有世界名普放妙光明佛号大福雲無盡力此上過佛刹微塵數世界有世界名樹華幢佛号無邊智法界音此上過佛刹微塵數世界有世界名眞珠蓋佛号波羅蜜師子頻申此上過佛刹微塵數世界有世界名無邊音佛号一切智妙覺慧此上過佛刹微塵數世界有世界名普見樹峯佛号普現衆生前此上過佛刹微塵數世界有世界名師子帝網光佛号無垢日金色光燄雲此上過佛刹微塵數世界有世界名衆寶間錯佛号帝幢最勝慧此上過佛刹微塵數世界有世界名無垢光明地佛号一切力清淨月此上過佛刹微塵數世界有世界名恒出歡佛功德音佛号如虛空普覺慧此上過佛刹微塵數世界有世界名高峩藏佛号化現十方大雲幢此上過佛刹微塵數世界

有世界名光嚴道場佛号無等智徧照此上
過佛刹微塵數世界有世界名出生一切寶
莊嚴佛号廣度衆生神通王此上過佛刹微
塵數世界有世界名光嚴妙宮殿佛号一切
義成廣大慧此上過佛刹微塵數世界有世
界名離塵寂靜佛号不唐現此上過佛刹微
塵數世界有世界名摩尼華幢佛号悅意吉
祥音此上過佛刹微塵數世界有世界名普
雲藏其狀猶如樓閣之形依種種宮殿香水
海住一切寶燈雲彌覆其上二十佛刹微塵
數世界圍遶統一清淨佛号最勝覺神通王
諸佛子此金剛輪莊嚴底香水海右旋次有
香水海名蓮華因陀羅網世界種名普現十
方影依一切香摩尼莊嚴蓮華住一切佛智
光音聲爲體此中最下方有世界名衆生海
寶光明其狀猶如真珠之藏依一切摩尼瓔
珞海漩住水光明摩尼雲而覆其上佛刹微
塵數世界圍遶統一清淨佛号不思議功德
徧照月此上過佛刹微塵數世界有世界名
妙香輪佛号無量力幢此上過佛刹微塵數
世界有世界名妙光輪佛号法界光音覺悟
慧此上過佛刹微塵數世界有世界名吼聲
摩尼幢佛号蓮華光恒垂妙髻此上過佛刹
微塵數世界有世界名極堅固輪佛号不退

轉功德海光明此上過佛刹微塵數世界有
世界名衆行光莊嚴佛号一切智普勝尊此
上過佛刹微塵數世界有世界名師子座徧
照佛号師子光無量力覺慧此上過佛刹微
塵數世界有世界名寶焰莊嚴佛号一切法
清淨智此上過佛刹微塵數世界有世界名
無量燈佛号無憂相此上過佛刹微塵數世
界有世界名常聞佛音佛号自然勝威光此
上過佛刹微塵數世界有世界名清淨變化
佛号金蓮華光明此上過佛刹微塵數世界
有世界名普入十方佛号觀法界頻申慧此
上過佛刹微塵數世界有世界名熾然焰佛
号光焰樹緊那羅王此上過佛刹微塵數世
界有世界名香光徧照佛号香燈善化王此
上過佛刹微塵數世界有世界名無量華聚
輪佛号普現佛功德此上過佛刹微塵數世
界有世界名衆妙普清淨佛号一切法平等
神通王此上過佛刹微塵數世界有世界名
金光海佛号十方自在大變化此上過佛刹
微塵數世界有世界名眞珠華藏佛号法界
寶光明不可思議慧此上過佛刹微塵數世
界有世界名帝釋須彌師子座佛号勝力光
此上過佛刹微塵數世界有世界名無邊寶
普照其形四方依華林海住普雨無邊色摩

尼王帝網彌覆其上二十佛刹微塵數世界
 圍遶純一清淨佛号徧照世間最勝音
 諸佛子此蓮華因陀羅網香水海右旋次有
 香水海名積集寶香藏世界種名一切威德
 莊嚴以一切佛法輪音聲爲體此中最下方
 有世界名種種出生形如金剛依種種金剛
 山幢住金剛寶光雲而覆其上佛刹微塵數
 世界圍遶純一清淨佛号蓮華眼此上過佛
 刹微塵數世界有世界名喜見音佛号生喜
 樂此上過佛刹微塵數世界有世界名寶莊
 嚴幢佛号一切智此上過佛刹微塵數世界
 有世界名多羅華普照佛号無垢寂妙音此
 上過佛刹微塵數世界有世界名變化光佛
 号清淨空智慧月此上過佛刹微塵數世界
 有世界名衆妙間錯佛号開示福德海密雲
 相此上過佛刹微塵數世界有世界名一切
 莊嚴具妙音聲佛号歡喜雲此上過佛刹微
 塵數世界有世界名蓮華池佛号名稱幢此
 上過佛刹微塵數世界有世界名一切寶莊
 嚴佛号頻申觀察眼此上過佛刹微塵數世
 界有世界名淨妙華佛号無盡金剛智此上
 過佛刹微塵數世界有世界名蓮華莊嚴城
 佛号日藏眼普光明此上過佛刹微塵數世
 界有世界名無量樹峯佛号一切法雷音此

上過佛刹微塵數世界有世界名曰光明佛
 号開示無量智此上過佛刹微塵數世界有
 世界名依止蓮華葉佛号一切福德山此上
 過佛刹微塵數世界有世界名風普持佛号
 日曜根此上過佛刹微塵數世界有世界名
 光明顯現佛号身光普照此上過佛刹微塵
 數世界有世界名香雷音金剛寶普照佛号
 最勝華開敷相此上過佛刹微塵數世界有
 世界名帝網莊嚴形如欄楯依一切莊嚴海
 住光嚴樓閣雲彌覆其上二十佛刹微塵數
 世界圓遶統一清淨佛号示現無畏雲

諸佛子此積集寶香藏香水海右旋次有香
 水海名寶莊嚴世界種名普無垢以一切微
 塵中佛刹神變聲為體此中最下方有世界
 名淨妙平坦形如寶身依一切寶光輪海住
 種種栴檀摩尼真珠雲而覆其上佛刹微塵
 數世界圓遶統一清淨佛号難摧伏無等幢
 此上過佛刹微塵數世界有世界名熾然妙
 莊嚴佛号蓮華慧神通王此上過佛刹微塵
 數世界有世界名微妙相輪幢佛号十方大
 名稱無盡光此上過佛刹微塵數世界有世
 界名皦藏摩尸妙莊嚴佛号大智慧見聞皆
 歡喜此上過佛刹微塵數世界有世界名妙
 華莊嚴佛号無量力最勝智此上過佛刹微

塵數世界有世界名出生淨微塵佛号超勝
梵此上過佛刹微塵數世界有世界名普光
明變化香佛号香象金剛大力勢此上過佛
刹微塵數世界有世界名光明旋佛号義成
善名稱此上過佛刹微塵數世界有世界名
寶瓔珞海佛号無比光徧照此上過佛刹微
塵數世界有世界名妙華燈幢佛号究竟功
德無礙慧燈此上過佛刹微塵數世界有世
界名善巧莊嚴佛号慧日波羅蜜此上過佛
刹微塵數世界有世界名栴檀華普光明佛
号無邊慧法界音此上過佛刹微塵數世界
有世界名帝網幢佛号燈光迴照此上過佛
刹微塵數世界有世界名淨華輪佛号法界
日光明此上過佛刹微塵數世界有世界名
大威耀佛号無邊功德海法輪音此上過佛
刹微塵數世界有世界名同安住寶蓮華池
佛号開示入不可思議智此上過佛刹微塵
數世界有世界名平坦地佛号功德寶光明
王此上過佛刹微塵數世界有世界名香摩
尼聚佛号無盡福德海妙莊嚴此上過佛刹
微塵數世界有世界名微妙光明佛号無等
力普徧音此上過佛刹微塵數世界有世界
名十方普堅固莊嚴照耀其形八隅依心王
摩尼輪海住一切寶莊嚴帳雲彌覆其上二

十佛刹微塵數世界圍遶純一清淨佛号普
眼大明燈

諸佛子此寶莊嚴香水海右旋六有香水海
名金剛寶聚世界種名注界行以一切菩薩
地方便法音聲爲體此中最下方有世界名
淨光照耀形如珠貫依一切寶色珠瓔海住
菩薩珠髻光明摩尼雲而覆其上佛刹微塵
數世界圍遶純一清淨佛号最勝功德光此
上過佛刹微塵數世界有世界名妙蓋佛号
法自在慧此上過佛刹微塵數世界有世界
名寶莊嚴師子座佛号大龍瞵此上過佛刹
微塵數世界有世界名出現金剛座佛号昇
師子座蓮華臺此上過佛刹微塵數世界有
世界名蓮華勝音佛号智光普開悟此上過
佛刹微塵數世界有世界名善慣習佛号持
地妙光王此上過佛刹微塵數世界有世界
名喜樂音佛号法燈王此上過佛刹微塵數
世界有世界名摩尼藏因陀羅網佛号不空
見此上過佛刹微塵數世界有世界名衆妙
地藏佛号暖身幢此上過佛刹微塵數世界
有世界名金光輪佛号淨治衆生行此上過
佛刹微塵數世界有世界名須彌山莊嚴佛
号一切功德雲普照此上過佛刹微塵數世
界有世界名衆樹形佛号寶華相淨月覺此

上過佛刹微塵數世界有世界名無怖畏佛
 号最勝金光炬此上過佛刹微塵數世界有
 世界名大名稱龍王幢佛号觀等一切法此
 上過佛刹微塵數世界有世界名示現摩尼
 色佛号變化日此上過佛刹微塵數世界有
 世界名光燄燈莊嚴佛号寶蓋光徧照此上
 過佛刹微塵數世界有世界名香光雲佛号
 思惟慧此上過佛刹微塵數世界有世界名
 無忍憐佛号精進勝慧海此上過佛刹微塵
 數世界有世界名一切莊嚴具光明幢佛号
 普現悅意蓮華自在王此上過佛刹微塵數
 世界有世界名毫相莊嚴形如半月依須彌
 山摩尼華海住一切莊嚴熾盛光摩尼王雲
 彌覆其上二十佛刹微塵數世界圍遶純一
 清淨佛号清淨眼
 諸佛于此金剛寶聚香水海右旋次有香水
 海名天城寶堞世界種名燈燄光明以普示
 一切平等法輪音為體此中最下方有世界
 名寶月光燄輪形如一切莊嚴具依一切寶
 莊嚴華海住瑠璃色師子座雲而覆其上佛
 刹微塵數世界圍遶純一清淨佛号日月自
 在光此上過佛刹微塵數世界有世界名須
 彌寶光佛号無盡法寶幢此上過佛刹微塵
 數世界有世界名衆妙光明幢佛号大華聚

此上過佛刹微塵數世界有世界名摩尼光
明華佛号人中最自在此上過佛刹微塵數
世界有世界名普音佛号一切智徧照此上
過佛刹微塵數世界有世界名大樹緊那羅
音佛号無量福德自在龍此上過佛刹微塵
數世界有世界名無邊淨光明佛号功德寶
華光此上過佛刹微塵數世界有世界名最
勝音佛号一切智莊嚴此上過佛刹微塵數
世界有世界名衆寶間飾佛号寶燄須彌山
此上過佛刹微塵數世界有世界名清淨須
彌音佛号出現一切行光明此上過佛刹微
塵數世界有世界名香水蓋佛号一切波羅
蜜無礙海此上過佛刹微塵數世界有世界
名師子華網佛号寶燄幢此上過佛刹微塵
數世界有世界名金剛妙華燈佛号一切大
願光此上過佛刹微塵數世界有世界名一
切法光明地佛号一切法廣大真實義此上
過佛刹微塵數世界有世界名真珠末平坦
莊嚴佛号勝慧光明網此上過佛刹微塵數
世界有世界名琉璃華佛号寶積幢此上過
佛刹微塵數世界有世界名無量妙光輪佛
号大威力智海藏此上過佛刹微塵數世界
有世界名明見十方佛号淨修一切功德幢
此上過佛刹微塵數世界有世界名可愛樂

梵音形如佛手依寶光網每住菩薩身一切
莊嚴雲彌覆其上二十佛剎微塵數世界圓
遶純一清淨弗号普照法界無礙光

大方廣佛華嚴經卷第九

出字上乃音

四洲下州音

高主上或平切

龍淵下烏玄切

慣習上古溪切

惡離上於蘇切
下市涼切

寶喋丁徒計切

乙巳歲高麗國大藏都監奉

勅雕造

大方廣佛華嚴經卷第十

七

于闐國三藏實叉難陀奉 制譯

華藏世界品第五之三

爾時普賢菩薩復告大眾言諸佛子彼難陀
欲藏香水海東次有香水海名變化微妙身
此海中有世界種名善布差別方次有香水
海名金剛眼幢世界種名莊嚴法界橋次有
香水海名種種蓮華妙莊嚴世界種名恒出
十方變化次有香水海名無間寶王輪世界
種名寶蓮華蓋密雲次有香水海名妙香嚴
普莊嚴世界種名毗盧遮那變化行次有香
水海名寶末闍浮幢世界種名諸佛護念境
界次有香水海名一切色熾然光世界種名
最勝光徧照次有香水海名一切莊嚴具境
界世界種名寶嚴燈如是等不可說佛刹微
塵數香水海其最近輪圍山香水海名玻瓈
地世界種名常放光明以世界海清淨劫音
聲為體此中最下方有世界名可受樂淨光
幢佛刹微塵數世界圍遶純一清淨佛号最
勝三昧精進慧此上過十佛刹微塵數世界
與金剛幢世界齊等有世界名香莊嚴幢十
佛刹微塵數世界圍遶純一清淨佛号無障
礙去界燈此上過三佛刹微塵數世界與娑
婆世界齊等有世界名放光明載佛号徧法

界無障礙慧明此上過七佛刹微塵數世界
至此世界種最上方有世界名最勝身香二
十佛刹微塵數世界圍遶純一清淨佛号覺
分華

諸佛子彼無盡光明輪香水海外次有香水
海名具足妙光世界種名徧無垢次有香水
海名光耀蓋世界種名無邊普莊嚴次有香
水海名妙寶莊嚴世界種名香摩尼軌度形
次有香水海名出佛音聲世界種名善建立
莊嚴次有香水海名香幢須彌藏世界種名
光明徧滿次有香水海名栴檀妙光明世界
種名華嚴輪次有香水海名風力持世界種
名寶焰雲幢次有香水海名帝釋身莊嚴世
界種名真珠藏次有香水海名平坦嚴淨世
界種名毗瑠璃末種種莊嚴如是等不可說
佛刹微塵數香水海其最近輪圍山香水海
名妙樹華世界種名出生諸方廣大刹以一
切佛摧伏魔音為體此中最下方有世界名
燄炬幢佛号世間功德海此上過十佛刹微
塵數世界與金剛幢世界齊等有世界名出
生寶佛号師子力寶雲此上與娑婆世界齊
等有世界名衣服幢佛号一切智海王於此
世界種最上方有世界名寶瓔珞師子光明
佛号善變化蓮華幢

諸佛之被金剛燄光明香水海外次有香水
海名一切莊嚴具裝飾幢世界種名清淨行
莊嚴次有香水海名一切寶華光耀海世界
種名功德相莊嚴次有香水海名蓮華開敷
世界種名菩薩摩尼冠莊嚴次有香水海名
妙寶衣服世界種名淨珠輪次有香水海名
可愛華徧照世界種名百光雲照耀次有香
水海名徧虛空大光明世界種名寶光普照
次有香水海名妙華莊嚴幢世界種名金月
眼璣琇次有香水海名真珠香海藏世界種
名佛光明次有香水海名寶輪光明世界種
名善化現佛境界光明如是等不可說佛刹
微塵數香水海其最近輪圍山香水海名無
邊輪莊嚴底世界種名無量方差別以一切
國土種種言說音爲體此中最下方有世界
名金剛華蓋佛号無盡相光明普門音此上
過十佛刹微塵數世界有世界與金剛幢世
界齊等名出生寶衣幢佛号福德雲大威勢
此上與娑婆世界齊等有世界名衆寶具妙
莊嚴佛号勝慧海於此世界種最上方有世
界名曰光明衣服幢佛号智日蓮華雲
諸佛子彼帝青寶莊嚴香水海外次有香水
海名阿脩羅宮殿世界種名香水光所持次
有香水海名寶師子莊嚴世界種名徧示十

方一切寶次有香水海名宮殿色光明雲世
界種名寶輪妙莊嚴次有香水海名出大蓮
華世界種名妙莊嚴徧照法界次有香水海
名燈燄妙眼世界種名徧觀察十方變化次
有香水海名不思議莊嚴輪世界種名十方
光明普名稱次有香水海名寶積莊嚴世界
種名燈光照耀次有香水海名清淨寶光明
世界種名須彌無能爲礙風次有香水海名
寶衣欄楯世界種名如來身光明如是等不
可說佛刹微塵數香水海其最近輪圍山香
水海名樹莊嚴幢世界種名安住帝網以一
切菩薩智地音聲爲體此中最下方有世界
名妙金色佛号香燄勝威光此上過十佛刹
微塵數世界與金剛幢世界齊等有世界名
摩尼樹華佛号無礙普現此上與娑婆世界
齊等有世界名毗瑠璃妙莊嚴佛号法自在
堅固慧於此世界種最上方有世界名梵音
妙莊嚴佛号蓮華開敷光明王
諸佛子彼金剛輪莊嚴底香水海外次有香
水海名化現蓮華觀世界種名國土平正次
有香水海名摩尼光世界種名徧法界無迷
惑次有香水海名衆妙香日摩尼世界種名
普現十方次有香水海名恒納寶流世界種
名普行佛言音次有香水海名無邊深妙音

世界種名無邊方差別次有香水海名堅寧
 積聚世界種名無量處差別次有香水海名
 清淨梵音世界種名普清淨莊嚴次有香水
 海名栴檀欄楯音聲藏世界種名迥出幢次
 有香水海名妙香寶王光莊嚴世界種名普
 現光明力

諸佛子彼蓮華因陀羅網香水海外次有香
 水海名銀蓮華妙莊嚴世界種名普徧行次
 有香水海名毗瑠璃竹密嚴雲世界種名普
 出十方音次有香水海名十方光嚴聚世界
 種名恒出變化分布十方次有香水海名出
 現真金摩尼幢世界種名金剛幢相次有香
 水海名平等大莊嚴世界種名法界勇猛旋
 次有香水海名寶華叢無盡光世界種名無
 邊淨光明次有香水海名妙金幢世界種名
 演說微密處次有香水海名光影徧照世界
 種名普莊嚴次有香水海名寂音世界種名
 現前垂布如是等不可說佛刹微塵數香水
 海其最近輪圍山香水海名密嚴雲幢世界
 種名一切光莊嚴以一切如來道場衆會音
 爲體於此最下方有世界名淨眼莊嚴佛号
 金剛月徧照十方此上過十佛刹微塵數世
 界與金剛幢世界齊等有世界名蓮華德佛
 号大精進善覺慧此上與娑婆世界齊等有

世界名金剛密莊嚴佛号娑羅王幢此上過七佛刹微塵數世界有世界名淨海莊嚴佛号威德絕倫無能制伏

諸佛子彼積集寶香藏香水海外次有香水海名一切寶光明徧照世界種名無垢稱莊嚴次有香水海名衆寶華鬘敷世界種名虛空相次有香水海名吉祥幢徧照世界種名無礙光普莊嚴次有香水海名栴檀樹華世界種名普現十方旋次有香水海名出生妙色寶世界種名勝幢周徧行次有香水海名普生金剛華世界種名現不思議莊嚴次有香水海名心王摩尼輪嚴飾世界種名示現無礙佛光明次有香水海名積集寶瓔珞世界種名淨除疑次有香水海名眞珠輪普莊嚴世界種名諸佛願所流如是等不可說佛刹微塵數香水海其最近輪圍山香水海名閻浮檀寶藏輪世界種名普音幢以入一切智門音聲爲體此中最下方有世界名華嚴嚴佛号精進施此上過十佛刹微塵數世界與金剛幢世界齊等有世界名蓮華光明幢佛号一切功德最勝心王此上過三佛刹微塵數世界與娑婆世界齊等有世界名十力莊嚴佛号善出現無量功德王於此世界種嚴上方有世界名摩尼香山幢佛号廣大善

眼淨除疑

諸佛子彼寶莊嚴香水海外次有香水海名持須彌光明藏世界種名出生廣大雲次有香水海名種種莊嚴大威力境界世界種名無礙淨莊嚴次有香水海名密布寶蓮華此界種名最勝燈莊嚴次有香水海名依止一切寶莊嚴世界種名曰光明網藏次有香水海名衆多嚴淨世界種名寶華依處次有香水海名極聰慧行世界種名最勝形莊嚴次有香水海名持妙摩尼峯世界種名普淨虛空藏次有香水海名大光徧照世界種名帝青炬光明次有香水海名可愛摩尼珠充滿徧照世界種名普吼聲如是等不可說佛刹微塵數香水海其最近輪圍山香水海名出帝青寶世界種名周徧無差別以一切菩薩震引聲為體此中最下方有世界名妙勝藏佛号最勝功德慧此上過十佛刹微塵數世界與金剛幢世界齊等有世界名莊嚴相佛号超勝大光明此上與娑婆世界齊等有世界名瑠璃輪普莊嚴佛号須彌燈於此世界種最上方有世界名華幢海佛号無盡變化妙慧雲

諸佛子彼金剛寶聚香水海外次有香水海名崇飾寶埵現世界種名秀出寶幢次有香

水海名寶幢莊嚴世界種名現一切光明次
有香水海名妙寶雲世界種名一切寶莊嚴
光明徧照次有香水海名寶樹華莊嚴世界
種名妙華間飾次有香水海名妙寶衣莊嚴
世界種名光明海次有香水海名寶樹峯世
界種名寶焰雲次有香水海名示現光明世
界種名入金剛無所礙次有香水海名蓮華
普莊嚴世界種名無邊岸海淵次有香水海
名妙寶莊嚴世界種名普示現國土藏如是
等不可說佛刹微塵數香水海其最近輪圓
山香水海名不可壞海世界種名妙輪間錯
蓮華場以一切佛所出音為體此中最下
方有世界名最妙香佛号變化無量塵數光
比上過十佛刹微塵數世界與金剛幢世界
齊等有世界名不思議差別莊嚴門佛号無
量智此上與娑婆世界齊等有世界名十方
光明妙華藏佛号師子眼光焰雲於此最上
方有世界名海音聲佛号水天光嚴門
諸佛子彼天城寶堞香水海外次有香水海
名焰輪赫奕光世界種名不可說種種莊嚴
次有香水海名寶塵路世界種名普入無量
旋次有香水海名具一切莊嚴世界種名寶
光徧照次有香水海名布衆寶網世界種名
安布深密次有香水海名妙寶莊嚴幢世界

種名世界海明了音次有香水海名曰宮清
淨影世界種名徧入因陀羅網次有香水海
名一切鼓樂美妙音世界種名圓滿平正次
有香水海名種種妙莊嚴世界種名淨密光
燄雲次有香水海名周徧寶燄燈世界種名
隨佛本願種種形如是等不可說佛刹微塵
數香水海其最近輪圍山香水海名續集璣
珞衣世界種名化現妙衣以三世一切佛音
聲為體此中最下方有香水海名因陀羅華
藏世界名發生歡喜佛刹微塵數世界圍遶
純一清淨佛号堅悟智此上過十佛刹微塵
數世界與金剛幢世界齊等有世界名寶網
莊嚴十佛刹微塵數世界圍遶純一清淨佛
号無量歡喜光此上過三佛刹微塵數世界
與娑婆世界齊等有世界名寶蓮華師子座
十三佛刹微塵數世界圍遶佛号最清淨不
空聞此上過七佛刹微塵數世界至此世界
種最上方有世界名寶色龍光明二十佛刹
微塵數世界圍遶純一清淨佛号徧法界普
照明
諸佛子女是十不可說佛刹微塵數香水海
中有十不可說佛刹微塵數世界種皆依現
一切菩薩形摩尼王幢莊嚴蓮華住各各莊
嚴際無有間斷各各放寶色光明各各光明

雲而覆其上各各莊嚴具各各劫差別各各
佛出現各各演法海各各衆生徧充滿各各
十方普趣入各各一切佛神力所加持此一
一世界種中一切世界依種種莊嚴住遮相
接連成世界網於華藏莊嚴世界海種種差
別周徧建立爾時普賢菩薩欲重宣其義承
佛威力而說頌言

華藏世界海法界等無別莊嚴極清淨安住於虛空
此世界海中刹種難思議一一皆自在各各無雜亂
華藏世界海刹種善安布殊形異莊嚴種種相不同
諸佛變化音種種爲其體隨其業力見刹種妙嚴飾
須彌山城網水旋輪圓形廣大蓮華開彼彼互圍遶
山幢樓閣形旋轉金剛形如是不思議廣大諸刹種
大海真珠網光網不思議如是諸刹種悉在蓮華住
一一諸刹種光網不可說光中現衆刹普徧十方海
一切諸刹種所有莊嚴具國土悉入中普見無有盡
刹種不思議世界無邊際種種妙嚴好皆由大仙力
一切刹種中世界不思議或成或有壞或有已壞滅
譬如林中葉有生亦有落如是刹種中世界有成壞
譬如依樹林種種果差別如是依刹種種衆生住
譬如種子別生果各殊異業力差別故衆生刹不同
譬如心王寶隨心見衆色衆生心淨故得見清淨刹
譬如大龍王興雲徧虛空如是佛願力出生諸國土
如幻師呪術能現種種事衆生業力故國土不思議

譬如衆續像畫師之所作如是一切刹心畫師所成
衆生身各異隨心分別起如是刹種種莫不皆由業
譬如見導師種種色差別隨衆生心行見諸刹亦然
一切諸刹際周布蓮華網種種相不同莊嚴悉清淨
彼諸蓮華網刹網所安住種種莊嚴事種種衆生居
或有刹土中險惡不平坦由衆生煩惱於彼如是見
雜染及清淨無量諸刹種隨衆生心起菩薩力所持
或有刹土中雜染及清淨斯由業力起菩薩之所化
有刹放光明離垢寶所成種種妙嚴飾諸佛令清淨
一一刹種中劫燒不思議所現雖敗惡其處常堅固
由衆生業力出生多刹土依止於風輪及以水輪住
世界法如是種種見不同而實無有生亦復無滅壞
一一心念中出生無量刹以佛威神力悉見淨無垢
有利泥土成其體甚堅韌黑闇無光照惡業者所居
有刹金剛成雜染大憂怖苦多而樂少薄福之所處
或有用鐵成或以赤銅作石山險可畏罪惡者充滿
刹中有地獄衆生苦無救常在黑闇中鹹海所燒然
或復有畜生種種醜陋形由其自惡業常受諸苦惱
或見閻羅界飢渴所煎逼登上大火山受諸極重苦
或有諸刹土七寶所合成種種諸宮殿斯由淨業得
汝應觀世間其中人與天淨業果成就隨時受快樂
一一毛孔中億刹不思議種種相莊嚴未曾有迫隘
衆生各各業世界無量種於中取著生受苦樂不同
有利衆寶成常放無邊光金剛妙蓮華莊嚴淨無垢

有利光爲體 依止光輪住 金色栴檀香 皦雲普照明
有利月輪成 香衣悉周布 於一蓮華內 菩薩皆充滿
有利衆寶成 色相無諸垢 譬如天帝網 光明恒照耀
有利香爲體 或是金剛華 摩尼光影形 觀察甚清淨
或有難思刹 華旋所成就 化佛皆充滿 菩薩普光明
或有清淨刹 悉是衆華樹 妙枝布道場 蔭以摩尼雲
有利淨光照 金剛華所成 有是佛化音 無邊列成網
有利如菩薩 摩尼妙寶冠 或有如座形 從化光明出
或是栴檀末 或是眉間光 或佛光中音 而成斯妙刹
有見清淨刹 以一光莊嚴 或見多莊嚴 種種皆奇妙
或用十國土 妙物作嚴飾 或以千土中 一切爲莊校
或以億刹物 莊嚴於一土 種種相不同 皆如影像現
不可說土物 莊嚴於一刹 各各放光明 如來願力起
或有諸國土 願力所淨治 一切莊嚴中 普見衆刹海
諸修普賢願 所得清淨土 三世刹莊嚴 一切於中現
佛子汝應觀 刹種威神力 未來諸國土 如夢悉令見
十方諸世界 過去國土海 咸於一刹中 現像猶如化
三世一切佛 及其國土 於一刹種中 一切悉觀見
一切佛神力 塵中現衆土 種種悉明見 如影無眞實
或有衆多刹 其形如大海 或如須彌山 世界不思議
有利善安住 其形如帝網 或如樹林形 諸佛滿其中
或作寶輪形 或有蓮華狀 八隅備衆飾 種種悉清淨
或有如座形 或復有三隅 或如佉勒迦 城郭梵王身
或如天主髻 或有如半月 或如摩尼山 或如日輪形

或有世界形 譬如香海旋 或作光明輪 佛皆所嚴淨
 或有輪輞形 或有壇墀形 或如佛毫相 肉髻廣長眼
 或有如佛手 或如金剛杵 或如皤山形 菩薩悉周徧
 或如師子形 或如海蚌形 無量諸色相 體性各差別
 於一刹種中 刹形無有盡 皆由佛願力 護念得安住
 有利住一劫 或住於十劫 乃至過百千 國土微塵數
 或於一劫中 見刹有成壞 或無量無數 乃至不思議
 或有刹有佛 或有刹無佛 或有唯一佛 或有無量佛
 國土若無佛 他方世界中 有佛變化來 為現諸能事
 沒天與降神 處胎及出生 降魔成正覺 轉無上法輪
 隨衆生心樂 示現種種相 為轉妙法輪 悉應其根欲
 一一佛刹中 一佛出興世 經於億千歲 演說無上法
 衆生非法器 不能見諸佛 若有心樂者 一切處皆見
 一一刹土中 各有佛興世 一切刹中佛 億數不思議
 此中一一佛 現無量神變 悉徧於法界 調伏衆生海
 有利無光明 黑闇多恐懼 苦觸如刀劍 見者自酸毒
 或有諸天光 或有宮殿光 或日月光明 刹網難思議
 有利自光明 或樹放淨光 未曾有苦惱 衆生福力故
 或有山光明 或有摩尼光 或以燈光照 悉衆生業力
 或有佛光明 菩薩滿其中 有是蓮華光 皎色甚嚴好
 有利華光照 有以香水照 塗香燒香照 皆由淨願力
 有以雲光照 摩尼蚌光照 佛神力光照 能宣悅意聲
 或以寶光照 或金剛皎照 淨音能遠震 所至無衆苦
 或有摩尼光 或是嚴具光 或道場光明 照耀衆會中

佛放大光明 化佛滿其中 其光普照觸 法界悉周遍
有利甚可畏 啤叫大苦聲 其聲極酸楚 聞者生厭怖
地獄畜生道 及以閻羅處 是濁惡世界 恒出憂苦聲
或有國土中 常出可樂音 悅意順其教 斯由淨業得
或有國土中 恒聞帝釋音 或聞梵天音 一切世主音
或有諸刹土 雲中出妙聲 寶海摩尼樹 及樂音徧滿
諸佛圓光內 化聲無有盡 及菩薩妙音 周聞十方刹
不可思議國 普轉法輪聲 願海所出聲 修行妙音聲
三世一切佛 出生諸世界 名号皆具足 音聲無有盡
或有刹中間 一切佛力音 地度及無量 如是法皆演
普賢誓願力 億刹演妙音 其音若雷震 住劫亦無盡
佛於清淨國 示現自在音 十方法界中 一切無不聞
大方廣佛華嚴經卷第十

軌度

上居消切
下徒故切

瑩飾

上烏定切

攔楮

上落干切
下食尹切

華叢

下祖紅切

祚幄

下於角切

埤埏

上音來切
下研啓切

遮相

上第音

衆續

下胡對切

劫燒

下失照切

堅鞭

下五詳切

迫隘

上博陌切
下烏懈切

輪輞

下岡音

壇墀

上徒干切
下常演切

剛杵

下昌與切

海蚌

下步項切

啤叫

上毫音
下古弔切

酸楚

上素官切
下創舉切

金剛輪

莊嚴底香水海疎主云所管但列九海而無

結文及最

近輪圍之海九行經諸梵本中皆同此闕

準前後

例此必定有

乙巳歲高麗國大藏都監奉

勅彫造

大方廣佛華嚴經卷第十一

拱

于闐國三藏實叉難陀奉

制譯

毗盧遮那品第六

爾時普賢菩薩復告大眾言諸佛子乃往古
世過世界微塵數劫復倍是數有世界海名
普門淨光明此世界海中有世界名勝音依
摩尼華網海住須彌山微塵數世界而爲眷
屬其形正圓其地具有無量莊嚴三百重衆
寶樹輪圍山所共圍遶一切寶雲而覆其上
清淨無垢光明照耀城邑宮殿如須彌山衣
服飲食隨念而至其劫名曰種種莊嚴諸佛
子彼勝音世界中有香水海名清淨光明其
海中有大華須彌山出現名華嚴普莊嚴幢
十寶欄楯周匝圍遶於其山上有一大林名
摩尼華枝輪無量華樓閣無量寶臺觀周迴
布列無量妙香幢無量寶山幢迴匝莊嚴無
量寶芬陀利華處處敷榮無量香摩尼蓮華
網周匝垂布樂音和悅香雲照耀數各無量
不可紀極有百萬億那由他城周匝圍遶種
種衆生於中止住諸佛子此林東有一大城
名嚴光明人王所都百萬億那由他城周匝
圍遶清淨妙寶所共成立縱廣各有七千由
旬七寶爲郭樓櫓却敵悉皆崇麗七重寶璽
香水盈滿優鉢羅華波頭摩華拘物頭華芬

陀利華悉是衆寶處處分布以爲嚴飾寶多
羅樹七重圍遶宮殿樓閣悉寶莊嚴種種妙
網張施其上塗香散華芬瑩其中有百萬億
那由他門悉寶莊嚴一一門前各有四十九
寶口羅幢次第行列復有百萬億園林周匝
圍遶其中皆有種種唯香摩尼樹香周流普
熏衆鳥和鳴聽者歡悅此大城中所有居人
靡不成就業報神足乘空往來行同諸天心
有所欲應念皆至其城次南有一天城名樹
華莊嚴其次右旋有大龍城名曰究竟次有
夜叉城名金剛勝妙幢次有乾闥婆城名曰
妙宮次有阿脩羅城名曰寶輪次有迦樓羅
城名妙寶莊嚴次有梵天王城名種種妙莊
嚴如是等百萬億那由他數此一一城各有
百萬億那由他樓閣所共圍遶一一皆有無
量莊嚴諸佛子此寶華枝輪大鉢之中有一
道場名寶華徧照以衆大寶分布莊嚴摩尼
華輪徧滿開敷然以香燈具衆寶色散雲彌
覆光網普照諸莊嚴具常出妙寶一切樂中
恒奏雅音摩尼寶王現菩薩身種種妙華周
徧十方其道場前有一大海名香摩尼金剛
出大蓮華名華嚴能輪其華廣大百億由旬
莖葉鬚臺皆是妙寶十不可說百千億那由
他蓮華所共圍遶常放光明恒出妙音周徧

十方諸佛子彼勝音世界最初劫中有十須彌山微塵數如來出興於世其第一佛号一切功德山須彌勝雲諸佛子應知彼佛將出現時一百年前此摩尼華枝輪大林中一切莊嚴周徧清淨所謂出不思議寶焰雲發歎佛功德音演無數佛音聲舒光布網彌覆十方宮殿樓閣互相照耀寶華光明騰聚成雲復出妙音說一切衆生前世所行廣大善根說三世一切諸佛名号說諸菩薩所修願行究竟之道說諸如來轉妙法輪種種言辭現如是等莊嚴之相顯示如來當出於世其世界中一切諸王見此相故善根成熟悉欲見佛而來道場爾時一切功德山須彌勝雲佛於其道場大蓮華中忽然出現其身周普等真法界一切佛刹皆示出生一切道場悉詣其所無邊妙色具足清淨一切世間無能映奪具衆寶相一一分明一切宮殿悉現其像一切衆生成得目見無邊化佛從其身出種種色光充滿世界如於此清淨光明香水海華焰莊嚴幢須彌頂上摩尼華枝輪大林中出現其身而坐於座其勝音世界有六十八千億須彌山頂悉亦於彼現身而坐爾時彼佛即於眉間放大光明其光名發起一切善根音十佛刹微塵數光明而爲眷屬充滿一

切十方國土若有衆生應可調伏其光照觸
即自開悟息諸惑熱裂諸蓋網摧諸障山淨
諸垢濁發大信解生勝善根永離一切諸難
恐怖滅除一切身心苦惱起見佛心起一切
智時一切世間主并其眷屬無量百千蒙佛
光明所開覺故悉詣佛所頭面禮足

諸佛子彼彼光明大城中有王名喜見善慧
統領百萬億那由他城夫人采女三萬七千
人福吉祥爲上首王子五百人

別云云二萬五千人

大威

光爲上首大威光太子有十千夫人妙見爲
上首爾時大威光太子見佛光明已以昔所
修善根力故即時證得十種法門何謂爲十
所謂證得一切諸佛功德輪三昧證得一切
佛法普門陀羅尼證得廣大方便藏般若波
羅蜜證得調伏一切衆生大莊嚴大慈證得
普雲音大悲證得生無邊功德最勝心大喜
證得如實覺悟一切法大捨證得廣大方便
平等藏大神通證得增長信解力大願證得
普入一切智光明辯才門爾時大威光太子
獲得如是法光明已承佛威力普觀大衆而

說頌言

世尊坐道場清淨大光明譬如千日出普照虛空界
無量億千劫導師時乃現佛今出世間一切所瞻奉
汝觀佛光明化佛難思議一切宮殿中寂然而止安

汝觀佛神通 毛孔出微雲 照耀於世間 光明無有盡
汝應觀佛身 光網極清淨 現形等一切 徧滿於十方
妙音徧世間 聞者皆欣樂 隨諸衆生語 讚歎佛功德
世尊光所照 衆生悉安樂 有苦皆滅除 心生大歡喜
觀諸菩薩衆 十萬來萃止 悉放摩尼雲 現前徧讚佛
道場出妙音 其音極深遠 能滅衆生苦 此是佛神力
一切咸恭敬 心生大歡喜 共在世尊前 瞻仰於法王
諸佛子 彼大威光太子 說此頌時 以佛神力
其聲音徧勝音 世界時喜見善慧王 聞此頌
已 心大歡喜 觀諸眷屬 而說頌言

汝應速召集 一切諸王衆 王子及大臣 城邑宰官等
普告諸城內 疾應擊大鼓 共集所有人 俱行往見佛
一切四衢道 悉應鳴寶鐸 妻子眷屬俱 共往觀如來
一切諸城郭 宜令悉清淨 普建勝妙幢 摩尼以嚴飾
寶帳羅衆網 妓樂如雲布 嚴備在虛空 處處令充滿
道路皆嚴淨 普雨妙衣服 巾馭汝寶乘 與我同觀佛
各各隨自力 普雨莊嚴具 一切如雲布 徧滿虛空中
香燄蓮華蓋 半月寶瓔珞 及無數妙衣 汝等皆應雨
須彌香水海 上妙摩尼輪 及清淨栴檀 悉應雨滿空
衆寶華瓔珞 莊嚴淨無垢 及以摩尼燈 皆今在空住
一切持向佛 心生大歡喜 妻子眷屬俱 往見世所尊
爾時喜見善慧王 與三萬七千夫人采女俱
福吉祥爲上首 五百王子俱 大威光爲上首
六萬大臣俱 慧力爲上首 如是等七十七百

千億那由他衆前後圍遶從燄光明大城出以王力故一切大衆乘空而往諸供養具徧滿虛空至於佛所頂禮佛足却坐一面復有妙華城善化幢天王與十億那由他眷屬俱復有究竟大城淨光龍王與二十五億眷屬俱復有金剛勝幢城猛健夜叉王與七十七億眷屬俱復有無垢城喜見軋闍婆王與九十七億眷屬俱復有妙輪城淨色思惟阿脩羅王與五十八億眷屬俱復有妙莊嚴城十力行迦樓羅王與九十九千眷屬俱復有遊戲快樂城金剛德緊那羅王與十八億眷屬俱復有金剛幢城寶稱幢摩睺羅伽王與三億百千那由他眷屬俱復有淨妙莊嚴城最勝梵王與十八億眷屬俱如是等百萬億那由他大城中所有諸王并其眷屬悉共往詣一切功德須彌勝雲如來所頂禮佛足却坐一面時彼如來爲欲調伏諸衆生故於衆會道場海中說普集一切三世佛自在法修多羅世界微塵數修多羅而爲眷屬隨衆生心悉令獲益是時大威光菩薩聞是法已即獲一切功德須彌勝雲佛宿世所集法海光明所謂得一切法聚平等三昧智光明一切法悉入最初菩提心中住智光明十方法界普光明

藏清淨眼智光明觀察一切佛法大願海智
光明入無邊功德海清淨行智光明趣向不
退轉大力速疾藏智光明法界中無量變化
力出離輪智光明使定入無量功德圓滿海
智光明了知一切佛決定解莊嚴成就海智
光明了知法界無邊佛現一切衆生前神通
海智光明了知一切佛力無所畏怯智光明
爾時大威光菩薩得如是無量智光明已承
佛威力而說頌言

我聞佛妙法而得智光明以是見世尊往昔所行事
一切所生剋名号身差別及供養於佛如是我咸見
往昔諸佛所一切皆承事無量劫修行嚴淨諸刹海
捨施於自身廣大無涯際修治最勝行嚴淨諸刹海
耳鼻頭手足及以諸宮殿捨之無有量嚴淨諸刹海
能於一一剎億劫不思議修習菩提行嚴淨諸刹海
普賢大願力一切佛海中修行無量行嚴淨諸刹海
如因日光照還見於日輪我以佛智光見佛所行道
我觀佛刹海清淨大光明寂靜證菩提法界悉周徧
我當如世尊廣淨諸刹海以佛威神力修習菩提行
諸佛子時大威光菩薩以見一切功德山須
彌勝雲佛承事供養故於如來所心得悟了
爲一切世間顯示如來往昔行海顯示往昔
菩薩行方便顯示一切佛功德海顯示普入
一切法界清淨智顯示一切道場中成佛自

在力顯示佛力無畏無差別智顯示普示現
如來身顯示不可思議佛神變顯示莊嚴無
量清淨佛土顯示普賢菩薩所有行願令如
須彌山微塵數衆生發菩提心佛刹微塵數
衆生成就如來清淨國土爾時一切功德山
須彌勝雲佛爲大威光菩薩而說頌言

喜哉大威光 福藏廣名稱 爲利衆生故 發趣菩提道
汝獲智光明 法界悉充滿 福慧咸廣大 當得降智海
一刹中修行 經於刹塵劫 如汝見於我 當獲如是智
非諸劣行者 能知此方便 獲大精進力 乃能淨刹海
一一微塵中 無量劫修行 彼人乃能得 莊嚴諸佛刹
爲一一衆生 輪迴經劫海 其心不疲懈 當成世導師
供養一一佛 悉盡未來際 心無暫疲厭 當成無上道
三世一切佛 當共滿汝願 一切佛會中 汝身安住彼
一切諸如來 擔願無有邊 大智通達者 能知此方便
大光供養我 故獲大威力 令塵數衆生 成熟向菩提
諸修普賢行 大名稱菩薩 莊嚴佛刹海 法界普周徧
諸佛子汝等應知彼大莊嚴劫中有恒河沙
數小劫人壽命二小劫諸佛子彼一切功德
須彌勝雲佛壽命五十億歲彼佛滅度後有
佛出世名波羅蜜善眼莊嚴王亦於彼摩尼
華枝輪大林中成正覺爾時大威光童子
見彼如來成等正覺現神通力即得念佛三
昧名無邊海藏門即得陀羅尼名大智力伏

圓即得大慈名普隨衆生調伏度脫即得大
悲名徧覆一切境界雲即得大喜名一切佛
功德海威力藏即得大捨名法性虛空平等
清淨即得般若波羅蜜名自性離垢法界清
淨身即得神通名無礙光普隨現即得辯才
名善入離垢圓即得智光名一切佛法清淨
藏如是等十千法門皆得通達爾時大威光
童子承佛威力爲諸眷屬而說頌言

不了思議億劫中

導世明師難一遇

此土衆生多善利

而今得見第二佛

佛身普放大光明

色相無邊極清淨

如雲充滿一切土

處處徧揚佛功德

光明所照咸歡喜

衆生有苦悉除滅

各令恭敬起慈心

此是如來自在用

出不思議變化雲

放無量色光明網

十方國土皆充滿

此佛神通之所現

一一毛孔現光雲

普徧虛空發大音

所有幽冥靡不照

地獄衆苦咸令滅

如來妙音徧十方

一切言音咸具演

隨諸衆生宿善力

此是大師神變用

無量無邊大衆海

佛於其中皆出現

普轉無盡妙法輪

調伏一切諸衆生

佛神通力無有邊

一切刹中皆出現

善逝如是智無礙

爲利衆生成正覺

汝等應生歡喜心

踊躍愛樂極尊重

我當與汝同詣彼

若見如來衆苦處

發心迴向趣菩提

慈念一切諸衆生

悉住普賢廣大願

當如法王得自在

諸佛子大威光童子說此頌時以佛神力其

聲無礙一切世界皆悉得聞無量衆生發菩

提心時大威光王子與其父母并諸眷屬及

無量百千億那由他衆生前後圍遶寶蓋如

雲徧覆虛空共詣波羅蜜善眼莊嚴王如來

所其佛爲說法界體性清淨莊嚴修多羅世

界海微塵等修多羅而爲眷屬彼諸大衆聞

此經已得清淨智名入一切淨方便得於地

名離垢光明得波羅蜜輪名示現一切世間

愛樂莊嚴得增廣行輪名普入一切剎土無

邊光明清淨見得趣向行輪名離垢福德雲

光明幢得隨入證輪名一切法海廣大光明

得轉深發趣行名大智莊嚴得灌頂智慧海

名無功用修極妙見得顯了大光明名如來

功德海相光影徧照得出生願力清淨智名

無量願力信解藏時彼佛爲大威光菩薩而

說頌言

善哉功德智慧海

發心趣向大菩提

汝當得佛不思議

普爲衆生作依處

汝已出生大智海

悉能徧了一切法

當以難思妙方便

入佛無盡所行境

已見諸佛功德雲

已入無盡智慧地

諸波羅蜜方便海

大名稱者當滿足

已得方便摠持門

及以無盡辯才門

種種行願皆修習

當成無等大智慧

汝已出生諸願海

汝已入於三昧海

當具種種大神通

不可思議諸佛法

究竟法界不思議

廣大深心已清淨

普見十方一切佛

離垢莊嚴衆刹海

汝已入我菩提行

昔時本事方便海

如我修行所得治

如是妙行汝皆悟

我於無量一一刹

種種供養諸佛海

如彼修行所得果

如是莊嚴汝咸見

廣大劫海無有盡

一切剎中修淨行

堅固擔願不可思

當得如來此神力

諸佛供養盡無餘

國土莊嚴悉清淨

一切劫中修妙行

汝當成佛大功德

諸佛子波羅蜜善耶

莊嚴王如來入涅槃已

喜見善慧王尋亦去

世大威光童子受轉輪

五位彼摩尼華枝輪

大林中第三如來出現

於世名最勝功德海

時大威光轉輪聖王見

彼如來成佛之相與

其眷屬及四兵衆城邑

聚落一切人民并持

七寶俱往佛所以一切

香摩尼莊嚴大樓閣

奉上於佛時彼如來於

其林中說菩薩普眼光明行修多羅世界微
塵數修多羅而為眷屬爾時大威光菩薩聞
此法已得三昧名大福德普光明得此三昧
歡喜能了知一切菩薩一切衆生過現未來
福非福海時彼佛為大威光菩薩而說頌言
善哉福德大威光
汝等今來至我所
發勝菩提大願心
起大悲心令解脫
是名菩薩方便行
修諸勝行無厭怠
如是妙智彼當得
福德處者福海者
是汝大光能趣入
入不思議諸佛海
汝以妙解皆能見
悉見無量無邊佛
如是一切汝咸見
必得入於智地中
決定當成一切智
微塵劫海修諸行
汝皆學已當成佛
一切刹海極嚴淨
無邊願者所當得
聞汝願已生歡樂

其林中說菩薩普眼光明行修多羅世界微
塵數修多羅而為眷屬爾時大威光菩薩聞
此法已得三昧名大福德普光明得此三昧
歡喜能了知一切菩薩一切衆生過現未來
福非福海時彼佛為大威光菩薩而說頌言
善哉福德大威光
汝等今來至我所
發勝菩提大願心
起大悲心令解脫
是名菩薩方便行
修諸勝行無厭怠
如是妙智彼當得
福德處者福海者
是汝大光能趣入
入不思議諸佛海
汝以妙解皆能見
悉見無量無邊佛
如是一切汝咸見
必得入於智地中
決定當成一切智
微塵劫海修諸行
汝皆學已當成佛
一切刹海極嚴淨
無邊願者所當得
聞汝願已生歡樂

今此道場衆會海

皆入普賢廣大衆

發心迴向趣菩提

無邊國土一一中

悉入修行經劫徧

以諸願力能圓滿

普賢菩薩一切行

諸佛子彼摩尼華枝輪大林中復有佛出号

名稱普聞蓮華眼幢是時大威光於此命終

生須彌山上寂靜寶宮天城中爲大天王名

離垢福德幢共諸天衆俱詣佛所雨寶華雲

以爲供養時彼如來爲說廣大方便普門偏

照修多羅世界海微塵數修多羅而爲眷屬

時天王衆聞此經已得三昧名普門歡喜藏

以三昧力能入一切法寶相海獲是益已從

道場出還歸本處

大方廣佛華嚴經卷第十一

迴極上戶頂切

縱廣上即容切

樓櫓下魯古切

崇麗

上鋤弓切
下郎計切

寶璽下七陷切

芬瑩

上撫文切
下烏定切

萃止上秦醉切

妙樂上果綺切

巾馭

下牛倨切

寶乘下去聲

法淵下烏安切

依怙

下侯古切

說主伴城經文疏主云通前人城共圍八部而無第七

摩那羅城及第八摩耶城乃以梵天自爲一類下雲

集中經文具列已成十數表無窮盡

乙巳歲高麗國大藏都監奉

勅彫造

大方廣佛華嚴經卷第十一

拱

千闍國三藏寶文難陀奉

制譯

如來名号品第七

爾時世尊在摩竭提國阿蘭若法菩提場中
始成正覺於普光明殿坐蓮華藏師子之座
妙悟皆滿二行永絕達無相法住於佛住得
佛平等到無障礙不可轉法所行無礙立不
思議普見三世與十佛刹微塵數諸菩薩俱
莫不皆是一生補處悉從他方而來集普
善觀察諸衆生界法界世界涅槃界諸業果
報心行亦第一切文義世出世間有爲無爲
過現未來時諸菩薩作是思惟若世尊見愍
我等願隨所樂開示佛刹佛住佛刹莊嚴佛
法性佛刹清淨佛所說法佛刹體性佛威德
佛刹成就佛大菩提如十方一切世界諸佛
世尊爲成就一切菩薩故令如來種種性不斷
故救護一切衆生故令諸衆生永離一切煩惱
故了知一切諸行故演說一切諸法故淨
除一切雜染故永斷一切疑網故拔除一切
希望故滅壞一切愛著處故說諸菩薩十住
十行十迴向十藏十地十願十定十通十頂
及說如來地如來境界如來神力如來所行
如來力如來無畏如來三昧如來神通如來
自在如來無礙如來眼如來耳如來鼻如來

吉如來身如來意如來辯才如來智慧如來
最勝願佛世尊亦爲我說

爾時世尊知諸菩薩心之所念各隨其類爲
現神通現神通已東方過十佛刹微塵數世
界有世界名金色佛号不動智彼世界中有
菩薩名文殊師利與十佛刹微塵數諸菩薩
俱來詣佛所到已作禮即於東方化作蓮華
藏師子之座結跏趺坐南方過十佛刹微塵
數世界有世界名妙色佛号無礙智彼有菩
薩名曰覺首與十佛刹微塵數諸菩薩俱來
詣佛所到已作禮即於南方化作蓮華藏師
子之座結跏趺坐西方過十佛刹微塵數世
界有世界名蓮華色佛号威嚴智彼有菩薩
名曰財首與十佛刹微塵數諸菩薩俱來詣
佛所到已作禮即於西方化作蓮華藏師子
之座結跏趺坐北方過十佛刹微塵數世界
有世界名薔蔔華色佛号威儀智彼有菩薩
名曰寶首與十佛刹微塵數諸菩薩俱來詣
佛所到已作禮即於北方化作蓮華藏師子
之座結跏趺坐東北方過十佛刹微塵數世
界有世界名優鉢羅華色佛号明相智彼有
菩薩名功德首與十佛刹微塵數諸菩薩俱
來詣佛所到已作禮即於東北方化作蓮華
藏師子之座結跏趺坐東南方過十佛刹微

璽數世界有世界名金色佛号究竟智彼有
 菩薩名目首與十佛刹微塵數諸菩薩俱來
 詣佛所到已作禮即於東南方化作蓮華藏
 師子之座結跏趺坐西南方過十佛刹微塵
 數世界有世界名寶色佛号最勝智彼有菩
 薩名精進首與十佛刹微塵數諸菩薩俱來
 詣佛所到已作禮即於西南方化作蓮華藏
 師子之座結跏趺坐西北方過十佛刹微塵
 數世界有世界名金剛色佛号自在智彼有
 菩薩名法首與十佛刹微塵數諸菩薩俱來
 詣佛所到已作禮即於西北方化作蓮華藏
 師子之座結跏趺坐下方過十佛刹微塵數
 世界有世界名玻璃色佛号梵智彼有菩薩
 名智首與十佛刹微塵數諸菩薩俱來詣佛
 所到已作禮即於下方化作蓮華藏師子之
 座結跏趺坐上方過十佛刹微塵數世界有
 世界名平等色佛号觀察智彼有菩薩名賢
 首與十佛刹微塵數諸菩薩俱來詣佛所到
 已作禮即於上方化作蓮華藏師子之座結
 跏趺坐
 爾時之殊師利菩薩摩訶薩承佛威力普觀
 一切菩薩衆會而作是言此諸菩薩甚爲希
 有諸佛子佛國土不可思議佛住佛刹莊嚴
 佛法性佛刹清淨佛說法佛出興佛刹成就

佛阿耨多羅三藐三菩提皆不可思議何以故諸佛子十方世界一切諸佛知諸眾生樂欲不同隨其所應說法調伏如是乃至等法界虛空界諸佛子如來於此娑婆世界諸四天下種種身種種名種種色相種種脩短種種壽量種種處所種種諸根種種生處種種語業種種觀察今諸眾生各別知見諸佛子如來於此四天下中或名一切義成或名圓滿月或名師子吼或名釋迦牟尼或名第七仙或名毗盧遮那或名瞿曇氏或名大沙門或名最勝或名導師如是等其數十千今諸眾生各別知見諸佛子此四天下東方有世界名為善護如來於彼或名金剛或名自在或名有智慧或名難勝或名雲王或名無誣或名能為主或名心歡喜或名無與等或名斷言論如是等其數十千今諸眾生各別知見諸佛子此四天下南方有世界名為難忍如來於彼或名帝釋或名寶稱或名離垢或名實語或名能調伏或名具足喜或名大名稱或名能利益或名無邊或名最勝如是等其數十千今諸眾生各別知見諸佛子此四天下西方有世界名為親慧如來於彼或名水天或名喜見或名最勝王或名調伏天或名真實慧或名到究竟或名歡喜或名法慧

或名所作已辦或名善住如是等其數十千
令諸衆生各別知見諸佛子此四天下北方
有世界名有師子如來於彼或名大牟尼或
名苦行或名世所尊或名最勝田或名一切
智或名善意或名清淨或名鑒羅跋那或名
最上施或名苦行得如是等其數十千令諸
衆生各別知見諸佛子此四天下東方次
有世界名妙觀察如來於彼或名調伏魔或
名成就或名息滅或名賢天或名離貪或名
勝慧或名心平等或名無能勝或名智慧音
或名難出現如是等其數十千令諸衆生各
別知見諸佛子此四天下東南方次有世界
名爲喜樂如來於彼或名極威嚴或名光嚴
果或名徧知或名祕密或名解脫或名性安
住或名如法行或名淨眼王或名大勇健或
名精進力如是等其數十千令諸衆生各別
知見諸佛子此四天下西南方次有世界名
甚堅牢如來於彼或名安住或名智王或名
圓滿或名不動或名妙眼或名頂王或名自
在音或名一切施或名持衆仙或名勝須彌
如是等其數十千令諸衆生各別知見諸佛
子此四天下西方次有世界名爲妙地如
來於彼或名普徧或名光嚴或名摩尼賸或
名可憶念或名無上長或名常喜樂或名性

剎摩或名圓滿光或名脩臂或名住本如是
等其數十千令諸衆生各別知見諸佛子此
四天下次下方有北界名爲能慧如來於彼
或名集善根或名師子相或名猛利慧或名
金色醯或名一切知識或名究竟音或名作
利益或名到究竟或名真實天或名普徧勝
如是等其數十千令諸衆生各別知見諸佛
子此四天下次上方有北界名曰持地如來
於彼或名有智慧或名清淨面或名覺慧或
名上首或名行莊嚴或名發歡喜或名意成
滿或名如盛火或名持戒或名一道如是等
其數十千令諸衆生各別知見諸佛子此娑
婆世界有百億四天下如來於中有百億萬
種種名号令諸衆生各別知見諸佛子此娑
婆世界來次有世界名爲密訓如來於彼或
名平等或名殊勝或名安慰或名開曉意或
名真實語或名得自在或名最勝身或名大
勇猛或名無等智如是等百億萬種種名号
令諸衆生各別知見諸佛子此娑婆世界南
次有北界名曰豐溢如來於彼或名本性或
名勤意如是等百億萬種種名号令諸衆生
各別知見諸佛子此娑婆世界西方有世界
名爲離垢如來於彼或名意成或名知道或
名安住今或名能解縛或名通達義或名樂

分別或名最勝界或名細伏行或名衆苦行
或名具足力如是等百億萬種種名号令諸
衆生各別知見諸佛子此娑婆世界北方有
世界名曰豐樂如來於彼或名耆耆華色或
名曰藏或名善住或名現神通或名性超邁
或名慧日或名無礙或名如月現或名迅疾
風或名清淨身如是等百億萬種種名号令
諸衆生各別知見諸佛子此娑婆世界東北
方亦有世界名爲攝取如來於彼或名永離
苦或名普解脫或名大伏藏或名解脫智或
名過去藏或名寶光明或名離世間或名無
礙地或名淨信藏或名心不動如是等百億
萬種種名号令諸衆生各別知見諸佛子此
娑婆世界東南方亦有世界名爲饒益如來
於彼或名現光明或名盡智或名美音或名
勝根或名莊嚴蓋或名精進根或名到分別
彼岸或名勝定或名簡言辭或名智慧海如
是等百億萬種種名号令諸衆生各別知見
諸佛子此娑婆世界西南方亦有世界名爲
鮮少如來於彼或名牟尼主或名具衆寶或
名世解脫或名徧知根或名勝言辭或名明
了見或名根自在或名大仙師或名開導衆
或名金剛師子如是等百億萬種種名号令
諸衆生各別知見諸佛子此娑婆世界西北

方次有世界名為歡喜如來於彼或名妙華
 聚或名栴檀蓋或名蓮華藏或名超超諸法
 或名法寶或名復出生或名徧妙蓋或名廣
 大眼或名有善法或名專念法或名網藏如
 是等百億萬種種名号令諸衆生各別知見
 諸佛子此娑婆世界次下方有世界名為闍
 闍如來於彼或名發起醵或名調伏毒或名
 帝釋弓或名無常所或名覺悟本或名斷增
 長或名大速疾或名常樂施或名分別道或
 名摧伏幢如是等百億萬種種名号令諸衆
 生各別知見諸佛子此娑婆世界次上方有
 世界名曰振音如來於彼或名勇猛幢或名
 無量寶或名樂大施或名天光或名吉興或
 名超境界或名一切主或名不退輪或名離
 衆惡或名一切智如是等百億萬種種名号
 令諸衆生各別知見諸佛子如娑婆世界如
 是東方百十億無數無量無邊無等不可數
 不可稱不可思不可量不可說盡法界虛空
 界諸世界中如來名号種種不同南西北方
 四維上下亦復如是如世尊昔為菩薩時以
 種種談論種種語言種種音聲種種業種種
 報種種處種種方便種種根種種信解種種
 地位而得成熟亦令衆生如是知見而為說
 法

大方廣佛華嚴經四聖諦品第八

爾時文殊師利菩薩摩訶薩告諸菩薩言諸
佛子若聖諦此娑婆世界中或名罪或名逼
迫或名變異或名攀緣或名聚或名刺或名
依根或名虛誑或名癰瘡處或名愚夫行諸
佛子若集聖諦此娑婆世界中或名繫縛或
名滅壞或名受著義或名妄覺念或名趣入
或名決定或名網或名戲論或名隨行或名
顛倒根諸佛子若滅聖諦此娑婆世界中或
名無諍或名離塵或名寂靜或名無相或名
無沒或名無自性或名無障礙或名滅或名
體真實或名住自性諸佛子若滅道聖諦此
娑婆世界中或名一乘或名趣寂或名導引
或名究竟無分別或名平等或名捨擔或名
無所趣或名隨聖意或名仙人行或名十藏
諸佛子此娑婆世界說四聖諦有如是等四
百億十千名隨衆生心悉令調伏
諸佛子此娑婆世界所言若聖諦者彼密訓
世界中或名營求根或名不出離或名繫縛
本或名作所不應作或名普闢諍或名分析
悉無力或名作所依或名極苦或名躁動或
名形狀物諸佛子所言若集聖諦者彼密訓
世界中或名順生死或名染著或名燒然或
名流轉或名敗壞根或名續諸有或名惡行

或名愛著或名病源或名分數諸佛子所言
善滅聖諦者彼密訓世界中或名第一義或
名出離或名可讚歎或名安隱或名善入處
或名調伏或名一分或名無罪或名離貪或
名決定諸佛子所言善滅道聖諦者彼密訓
世界中或名猛將或名上行或名超出或名
有方便或名平等眼或名離邊或名了悟或
名攝取或名最勝眼或名觀方諸佛子密訓
世界說四聖諦有如是等四百億十千名隨
衆生心悉今調伏

諸佛子此娑婆世界所言善聖諦者彼最勝
世界中或名恐怖或名分段或名可厭惡或
名須承事或名變異或名招引怨或名能欺
奪或名難共事或名妄分別或名有勢力諸
佛子所言善集聖諦者彼最勝世界中或名
敗壞或名癡根或名大怨或名利刃或名滅
味或名仇對或名非已物或名惡導引或名
增黑闇或名壞善利諸佛子所言善滅聖諦
者彼最勝世界中或名大義或名饒益或名
義中義或名無量或名所應見或名離分別
或名最上調伏或名常平等或名可同住或
名無爲諸佛子所言善滅道聖諦者彼最勝
世界中或名能燒然或名最上品或名決定
或名無能破或名殊方便或名出離或名不

下劣或名通達或名解脫性或名能度脫諸
佛子最勝世界說四聖諦有如是等四百億
十千名隨衆生心悉令調伏

諸佛子此娑婆世界所言苦聖諦者彼離垢
世界中或名悔恨或名資待或名展轉或名
住城或名一味或名非法或名居宅或名妄
著處或名虛妄見或名無有數諸佛子所言
苦集聖諦者彼離垢世界中或名無實物或
名但有語或名非潔白或名生地或名執取
或名鄙賤或名增長或名重擔或名能生或
名麤穢諸佛子所言苦滅聖諦者彼離垢世
界中或名無等等或名普除盡或名離垢或
名最勝根或名稱會或名無資待或名滅惑
或名最上或名畢竟或名破印諸佛子所言
苦滅道聖諦者彼離垢世界中或名堅固物
或名方便分或名解脫本或名本性實或名
不可毀或名最清淨或名諸有邊或名受寄
全或名作究竟或名淨分別諸佛子離垢世
界說四聖諦有如是等四百億十千名隨衆
生心悉令調伏

諸佛子此娑婆世界所言苦聖諦者彼豐溢
世界中或名愛染處或名險害損或名有海
分或名積集成或名差別根或名增長或名
生滅或名障礙或名刁劍或名敬所成結

佛子所言苦集聖諦者彼豐溢世界中或名
可惡或名名字或名無盡或名分數或名不
可愛或名能攬噬或名麁鄙物或名愛著或
名器或名動諸佛子所言苦滅聖諦者彼豐
溢世界中或名相續斷或名開顯或名無文
字或名無所修或名無所見或名無所作或
名寂滅或名已燒盡或名捨重擔或名已除
壞諸佛子所言苦滅道聖諦者彼豐溢世界
中或名寂滅行或名出離行或名勤修證或
名安隱去或名無量壽或名善了知或名究
竟道或名難修習或名至彼岸或名無能勝
諸佛子豐溢世界說四聖諦有如是等四百
億十千名隨衆生心悉今調伏

諸佛子此娑婆世界所言苦聖諦者彼攝取
世界中或名能劫奪或名非善友或名多恐
怖或名種種戲論或名地獄性或名非實義
或名貪欲擔或名深重根或名隨心轉或名
根本空諸佛子所言苦集聖諦者彼攝取世
界中或名貪著或名惡成辨或名過惡或名
速疾或名能執取或名想或名有果或名無
可說或名無可取或名流轉諸佛子所言苦
滅聖諦者彼攝取世界中或名不退轉或名
離言說或名無相狀或名可欣樂或名堅固
或名上妙或名離礙或名滅盡或名速惡或

名出離諸佛子所言苦滅道聖諦者彼攝取
世界中或名離言或名無諍或名教導或名
善迴向或名大善巧或名差別方便或名如
虛空或名寂靜行或名勝智或名能了義諸
佛子攝取世界說四聖諦有如是等四百億
十千名隨衆生心悉令調伏

諸佛子此娑婆世界所言苦聖諦者彼饒益
世界中或名重擔或名不堅或名如賊或名
老死或名愛所成或名流轉或名疲勞或名
惡相狀或名生長或名利刃諸佛子所言苦
集聖諦者彼饒益世界中或名敗壞或名渾
濁或名退失或名無力或名喪失或名乖違
或名不和合或名所作或名取或名意欲諸
佛子所言苦滅聖諦者彼饒益世界中或名
出獄或名真實或名離難或名覆護或名離
惡或名隨順或名根本或名捨因或名無爲
或名無相續諸佛子所言苦滅道聖諦者彼
饒益世界中或名達無所有或名一切印或
名三昧藏或名得光明或名不退法或名能
盡有或名廣大路或名能調伏或名有安隱
或名不流轉根諸佛子饒益世界說四聖諦
有如是等四百億十千名隨衆生心悉令調
伏

諸佛子此娑婆世界所言苦聖諦者彼鮮少

世界中或名險樂欲或名繫縛處或名邪行
或名隨受或名無慙恥或名貪欲根或名恒
向流或名常破壞或名焔火性或名多憂惱
諸佛子所言苦集聖諦者彼鮮少世界中或
名廣地或名能趣或名遠慧或名留難或名
恐怖或名放逸或名攝取或名著處或名宅
主或名連縛諸佛子所言苦滅聖諦者彼鮮
少世界中或名充滿或名不死或名無我或
名無自性或名分別盡或名安樂住或名無
限量或名斷流轉或名絕行處或名不二諸
佛子所言苦滅道聖諦者彼鮮少世界中或
名大光明或名演說海或名揀擇義或名和
合法或名離取著或名斷相續或名廣大路
或名平等因或名淨方便或名最勝見諸佛
子鮮少世界說四聖諦有如是等四百億十
千名隨衆生心悉今調伏

諸佛子此娑婆世界所言苦聖諦者彼歡喜
世界中或名流轉或名出生或名染著或名
重擔或名差別或名內險或名集會或名惡
舍宅或名苦惱性諸佛子所言苦集聖諦者
彼歡喜世界中或名地或名方便或名非時
或名非實法或名無底或名攝取或名離戒
或名煩惱法或名狹劣見或名垢聚諸佛子
所言苦滅聖諦者彼歡喜世界中或名破依

止或名不放逸或名眞實或名平等或名善
 淨或名無病或名無曲或名無相或名自在
 或名無生諸佛子所言苦滅道聖諦者彼數
 喜世界中或名入勝界或名斷集或名超等
 類或名廣大性或名分別盡或名神力道或
 名衆方便或名正念行或名常寂路或名攝
 解脫諸佛子歡喜世界說四聖諦有如是等
 四百億十千名隨衆生心悉令調伏

諸佛子此娑婆世界所言苦聖諦者彼闍闍
 世界中或名敗壞相或名如坏器或名我所
 成或名諸趣身或名數流轉或名衆惡門或
 名性苦或名可棄捨或名無味或名來去諸
 佛子所言苦集聖諦者彼闍闍世界中或名
 行或名憤毒或名和合或名受支或名我心
 或名雜毒或名虛稱或名乖違或名熱惱或
 名驚駭諸佛子所言苦滅聖諦者彼闍闍世
 界中或名無積集或名不可得或名妙藥或
 名不可壞或名無著或名無量或名廣大或
 名覺分或名離染或名無障礙諸佛子所言
 苦滅道聖諦者彼闍闍世界中或名安隱行
 或名離欲或名究竟實或名入義或名性究
 竟或名淨現或名攝念或名趣解脫或名救
 濟或名勝行諸佛子闍闍世界說四聖諦有
 如是等四百億十千名隨衆生心悉令調伏

諸佛子此娑婆世界所言苦聖諦者彼振音
 世界中或名匿疵或名世間或名所依或名
 依慢或名染著性或名歇流或名不可樂或
 名覆藏或名速滅或名難調諸佛子所言苦
 集聖諦者彼振音世界中或名須制伏或名
 心趣或名能縛或名隨念起或名至後邊或
 名共和合或名分別或名門或名飄動或名
 隱覆諸佛子所言苦滅聖諦者彼振音世界
 中或名無依處或名不可取或名轉還或名
 離諍或名小或名大或名善淨或名無盡或
 名廣博或名無等價諸佛子所言苦滅道聖
 諦者彼振音世界中或名觀察或名能摧敵
 或名了知印或名能入性或名難敵對或名
 無限義或名能入智或名和合道或名恒不
 動或名殊勝義諸佛子振音世界說四聖諦
 有如是等四百億十千名隨衆生心悉今調
 伏諸佛子如此娑婆世界中說四聖諦有四百
 億十千名如是東方百千億無數無量無邊
 無等不可數不可稱不可思不可量不可說
 盡法界虛空界所有世界彼一一世界中說
 四聖諦亦各有四百億十千名隨衆生心悉
 今調伏如東方南西北方四維上下亦復如
 是諸佛子如娑婆世界有如上所說十方此

界彼一切世界亦各有如是十方世界一一
世界中說苦聖諦有百億萬種名說集聖諦
滅聖諦道聖諦亦各有百億萬種名皆隨衆
生心之所樂令其調伏

大方廣佛華嚴經卷第十二

補處 上博古切

蒼蘊 上職廉切
下蒲北切

瞿曇 上其俱切
下徒合切

鑒羅 上烏奚切

跋那 上蒲鋒切

豐溢 上敷空切
下美質切

鮮少 上息淺切

關闢 上古還切
下華音切

癰瘡 上於客切
下初良切

捨擔 下都監切

闕諍 上都豆切
下側近切

分析 下先擊切

躁動 上則到切

仇對 上求音

鄙賤 上方美切
下才解切

麋獮 上倉胡切
下古猛切

攬噬 上居縛切
下時制切

慙恥 下救里切

憤毒 上房吻切

驚駭 下侯楷切

匿疵 上女力切
下疾移切

傲慢 上五到切
下謀妥切

駛流 上疎吏切

次有世界名為蜜訓唯九名者疏主云勘晉經開曉
意下開一或名聞慧 次有世界名為豐溢下唯二名
者疏主云舊經則具修前後例不應獨此便略 次有
世界名為響喜下有十一名者疏主云或名專念法印是
前所脫或名聞慧

乙巳歲高麗國大藏都監奉

勅雕造

大方廣佛華嚴經卷第十三

于闐國三藏實叉難陀奉

制譯

六

光明覺品第九

爾時世尊從兩足輪下放百億光明照此三千大千世界百億閻浮提百億弗婆提百億瞿耶尼百億鬱單越百億大海百億輪圓山百億菩薩受生百億菩薩出家百億如來成正覺百億如來轉法輪百億如來入涅槃百億須彌山三百億四天王衆天百億三十三天百億夜摩天百億兜率天百億化樂天百億他化自在天百億梵衆天百億光音天百億漏淨天百億廣果天百億色究竟天其中所有悉皆明現如此處見佛世尊坐蓮華藏師子之座十佛剎微塵數菩薩所共圍遶其百億閻浮提中百億如來亦如是坐悉以佛神力故十方各有一大菩薩一一各與十佛剎微塵數諸菩薩俱來詣佛所其名曰文殊師利菩薩覺首菩薩財首菩薩寶首菩薩功德首菩薩目首菩薩精進首菩薩法首菩薩智首菩薩賢首菩薩是諸菩薩所從來國所謂金色世界妙色世界蓮華色世界蒼葡萄華色世界優鉢羅華色世界金色世界寶色世界金剛色世界玻璃色世界平等色世界此諸菩薩各於佛所淨修梵行所謂不動智佛

無礙智佛解脫智佛威儀智佛明相智佛究竟智佛最勝智佛自在智佛梵智佛觀察智佛爾時一切處文殊師利菩薩各於佛所同時發聲說此頌言

若有見正覺解脫離諸漏不著一切世彼非證道眼
若有知如來體相無所有修習得明了此人疾作佛
能見此世界其心不搖動於佛身亦然當成勝智者
若於佛及法其心平等二念不現前當踐難思位
若見佛及身平等而安住無住無所入當成難遇者
色受無有數想行識亦然若能如是知當作大牟尼
世及出世見一切皆超越而能善知法當成大光耀
著於一切智發生迴向心見心無所生當獲大名稱
眾生無有生亦復無有壞若得如是智當成無上道
一中解無量無量中解一了彼互生起當成無所畏
爾時光明過此世界徧照東方十佛國土南
西北方四維上下亦復如是彼一一世界中
皆有百億閻浮提乃至百億色究竟天其中
所有悉皆明現如此處見佛世尊坐蓮華藏
師子之座十佛刹微塵數菩薩所共圍遶彼
一一世界中各有百億閻浮提百億如來亦
如是坐悉以佛神力故十方各有一大菩薩
一一各與十佛刹微塵數諸菩薩俱來詣佛
所其大菩薩謂文殊師利等所從來國謂金
色世界等本所事佛謂不動智如來等爾時

一切處文殊師利菩薩各於佛所同時發聲
說此頌言

衆生無智慧 愛刺所傷毒 爲彼求菩提 諸佛法如是
普見於諸法 二邊皆捨離 道成永不退 轉此無等輪
不可思議劫 精進修諸行 爲度諸衆生 此是大仙力
導師降衆魔 勇健無能勝 光中演妙義 慈悲故如是
以彼智慧心 破諸煩惱障 一念見一切 此是佛神力
擊于正法鼓 覺寤十方刹 咸令向菩提 自在力能爾
不壞無邊境 而遊諸億刹 於有無所著 彼自在如佛
諸佛如虛空 究竟常清淨 憶念生歡喜 彼諸願具足
一一地獄中 經於無量劫 爲度衆生故 而能忍是苦
不惜於身命 常護諸佛法 無我心調柔 能得如來道
爾時光明過十世界徧照東方百世界南西
北方四維上下亦復如是彼諸世界中皆有
百億閻浮提乃至百億色究竟天其中所有
悉皆明現彼一一閻浮提中悉見如來坐蓮
華藏師子之座十佛刹微塵數菩薩所共圍
遠悉以佛神力故十方各有一大菩薩一一
各與十佛刹微塵數諸菩薩俱來詣佛所其
大菩薩謂文殊師利等所從來國謂金色世
界等本所事佛謂不動智如來等爾時一切
處文殊師利菩薩各於佛所同時發聲說此
頌言

佛了法如幻 通達無障礙 心學離衆著 調伏諸羣生

或有見初生 妙色如金山 住是最後身 永作人中月
或有見經行時 具無量功德 念慧皆善巧 丈夫師子步
或有見紺青目 觀察於十方 有時現戲笑 爲順衆生欲
或有見師子吼 殊勝無比身 示現最後生 所說無非實
或有見出家 解脫一切縛 修治諸佛行 常樂觀寂滅
或有見坐道場 覺知一切法 到功德彼岸 寢暗煩惱盡
或有見勝丈夫 具足大悲心 轉於妙法輪 度無量衆生
或有見師子吼 威光最殊特 超一切世間 神通力無等
或有見心寂靜 如坐澄水底 種種現神通 十力能如是
爾時光明過百世界徧照東方千世界南西北方四維上下亦復如是彼一一世界中皆有百億閻浮提乃至百億色究竟天其中所有悉皆明現彼一一閻浮提中悉見如來坐蓮華藏師子之座十佛刹微塵數菩薩所共圍遶悉以佛神力故十方各有一大菩薩一一各與十佛刹微塵數諸菩薩俱來詣佛所其大菩薩謂文殊師利等所從來國謂金色世界等本所事佛謂不動智如來等爾時一切處文殊師利菩薩各於佛所同時發聲說此頌言

佛於甚深法 通達無與等 衆生不能了 次第爲開示
我性未曾有 我所亦空寂 云何諸如來 而得有其身
解脫明行者 無數無等倫 世間諸因量 求過不可得
佛非世間蘊 界處生死法 數法不能成 故号人師子

其性本空寂 內外俱解脫 離一切妄念 無等法如是
體性常不動 無我無來去 而能寤世間 無邊悉調伏
常樂觀寂滅 一相無有二 其心不增減 現無量神力
不作諸衆生 業報因緣行 而能了無礙 善逝法如是
種種諸衆生 流轉於十方 如來不分別 度脫無邊類
諸佛真金色 非有徧諸有 隨衆生心樂 爲說寂滅法
爾時光明過千世界徧照東方十千世界南
西北方四維上下亦復如是彼一一世界中
皆有百億閻浮提乃至百億色究竟天其中
所有悉皆明現彼一一閻浮提中悉見如來
坐蓮華藏師子之座十佛刹微塵數菩薩所
共圍遶悉以佛神力故十方各有一大菩薩
一一各與十佛刹微塵數諸菩薩俱來詣佛
所其大菩薩謂文殊師利等所從來國謂金
色世界等本所事佛謂不動智如來等爾時
一切處文殊師利菩薩各於佛所同時發聲
說此頌言

發起大悲心 救護諸衆生 永出人天衆 如是業應作
意常信樂佛 其心不退轉 親近諸如來 如是業應作
忘樂佛功德 其心永不退 住於清涼慧 如是業應作
一切威儀中 常念佛功德 晝夜無暫斷 如是業應作
觀無邊三世 學彼佛功德 常無厭倦心 如是業應作
觀身如實相 一切皆寂滅 離我無我著 如是業應作
等觀衆生心 不起諸分別 入於真實境 如是業應作

悉舉無邊界普飲一切海此神通智力如是業應作
思惟諸國土色與非色相一切悉能知如是業應作
十方國土塵一塵爲一佛悉能知其數如是業應作
爾時光明過十千世界徧照東方百千世界
南西北方四維上下亦復如是彼一一世界
中皆有百億閻浮提乃至百億色究竟天其
中所有悉皆明現彼一一閻浮提中悉見如
來坐蓮華藏師子之座十佛刹微塵數菩薩
所共圍遶悉以佛神力故十方各有一大菩
薩一一各與十佛刹微塵數諸菩薩俱來詣
佛所其大菩薩謂文殊師利等所從來國謂
金色世界等本所事佛謂不動智如來等爾
時一切處文殊師利菩薩各於佛所同時發
聲說此頌言

若以威德色種族
是爲病眼顛倒見
如來色形諸相等
億那由劫共思量
如來非以相爲體
身相威儀悉具足
佛法微妙難可量
非是和合非不合
佛身無生起戲論
得自在力決定見

而見人中調御師
彼不能知最勝法
一切世間莫能測
色相威德轉無邊
但是無相寂滅法
世間隨樂皆得見
一切言說莫能及
體性寂滅無諸相
非是蘊聚差別法
所行無畏難言道

身心悉平等 內外皆解脫 永劫住正念 無著無所繫
意淨光明者 所行無染著 智眼靡不周 廣大利眾生
一身為無量 無量復為一 了知諸世間 現形徧一切
此身無所從 亦無所積聚 衆生分別故 見佛種種身
心分別世間 是心無所有 如來知此法 如是見佛身
爾時光明過百千世界徧照東方百萬世界
南西北方四維上下亦復如是彼一一世界中
皆有百億閻浮提乃至百億色究竟天其
中所有悉皆明現彼一一閻浮提中悉見如
來坐蓮華藏師子之座十佛剎微塵數菩薩
所共圍遶悉以佛神力故十方各有一大菩
薩一一各與十佛剎微塵數諸菩薩俱來詣
佛所其大菩薩謂文殊師利等所從來國謂
金色世界等本所事佛謂不動智如來等爾
時一切處文殊師利菩薩各於佛所同時發
聲說此頌言

如來最自在 超世無所依 具一切功德 度脫於諸有
無染無所著 無想無依止 體性不可量 見者咸稱歎
光明徧清淨 塵累悉蠲除 不動離二邊 此是如來智
若有見如來 身心離分別 則於一切法 永出諸疑滯
一切世間中 處處轉法輪 無性無所轉 導師方便說
於法無疑惑 永絕諸戲論 不生分別心 是念佛菩提
了知差別法 不著於言說 無有一與多 是名隨佛教
多中無一性 一亦無有多 如是二俱捨 普入佛功德

衆生及國土一切皆寂滅無依無分別能入佛菩提
衆生及國土一異不可得如是善觀察名知佛法義
爾時光明過百萬世界徧照東方一億世界
南西北方四維上下亦復如是彼一一世界
中皆有百億閻浮提乃至百億色究竟天其
中所有悉皆明現彼一一閻浮提中各見如
來坐蓮華藏師子之座十佛刹微塵數菩薩
所共圍遶悉以佛神力故十方各有一大菩
薩一一各與十佛刹微塵數諸菩薩俱來詣
佛所其大菩薩謂文殊師利等所從來國謂
金色世界等今所事佛謂不動智如來等爾
時一切處文殊師利菩薩各於佛所同時發
聲說此頌言

智慧無等法無邊 起諸有海到彼岸
壽量光明悉無比 此功德者方便力
所有佛法皆明了 常觀三世無厭倦
雖緣境界不分別 此難思者方便力
樂觀衆生無生想 普見諸趣無趣想
恒住禪寂不繫心 此無礙慧方便力
善巧通達一切法 正念勤修涅槃道
樂於解脫離不平 此寂滅人方便力
有能勸向佛菩提 趣如法界一切智
善化衆生入於諦 此住佛心方便力
部所說法皆隨入 廣大智慧無所礙

此自在修方便力

隨心化現靡不周

到難到者方便力

此界始終成壞相

此時數智方便力

色與非色想非想

此住難思方便力

所有言說皆能了

此無比解方便力

爾時光明過一億世界徧照東方十億世界

南西北方四維上下亦復如是彼一一世界

中皆有百億閻浮提乃至百億色究竟天其

中所有悉皆明現彼一一閻浮提中悉見如

來坐蓮華藏師子之座十佛刹微塵數菩薩

所共圍遶悉以佛神力故十方各有一大菩

薩一一各與十佛刹微塵數諸菩薩俱來詣

佛所其大菩薩謂文殊師利等所從來國謂

金色世界等本所事佛謂不動智如來等爾

時一切處文殊師利菩薩各於佛所同時發

聲說此頌言

廣大苦行皆修習

日夜精勤無厭怠

普化衆生是其行

無明網覆大憂迫

一切處行悉已臻

恒住涅槃如虛空

此依無相而爲相

晝夜日月及年劫

如是憶念悉了知

一切衆生有生滅

所有名字悉了知

過去現在未來世

而知三世悉平等

爾時光明過一億世界徧照東方十億世界

南西北方四維上下亦復如是彼一一世界

中皆有百億閻浮提乃至百億色究竟天其

中所有悉皆明現彼一一閻浮提中悉見如

來坐蓮華藏師子之座十佛刹微塵數菩薩

所共圍遶悉以佛神力故十方各有一大菩

薩一一各與十佛刹微塵數諸菩薩俱來詣

佛所其大菩薩謂文殊師利等所從來國謂

金色世界等本所事佛謂不動智如來等爾

時一切處文殊師利菩薩各於佛所同時發

聲說此頌言

廣大苦行皆修習

已度難度師子吼

衆生流轉愛欲海

至仁勇猛悉斷除

擔亦當然是其行

世間放逸著五欲

不實分別受衆苦

奉行佛教常攝心

捨度於斯是其行

衆生著我入生死

求其邊際不可得

普事如來獲妙法

爲彼宣說是其行

衆生無怙病所纏

常淪惡趣起三毒

大火猛焰恒燒熱

淨心度彼是其行

衆生迷惑失正道

常行邪徑入閻宅

爲彼大然正法燈

永作照明是其行

衆生漂溺詣有海

憂難無涯不可處

爲彼興造大法船

皆令得度是其行

衆生無知不見本

迷惑癡狂險難中

佛哀愍彼建法橋

正念令昇是其行

見諸衆生在險道

老病死苦常逼迫

修諸方便無限量

捨當悉度是其行

聞法信解無疑惑

了性空寂不驚怖

隨形六道徧十方

普教羣迷是其行

爾時光明過十億

世界徧照東方百億

世界那由他億

世界百千那由他

億世界如是無數

無量無邊無等不可

數不可稱不可思

不可說盡法界虛空

世界南西北方四

維上下亦復如是彼

一一世界中皆有

百億閻浮提乃至百

億色

究竟天其中所有

悉皆明現彼一一閻浮提

中悲見如來坐蓮華藏師子之座十佛刹微
塵數菩薩所共圍遶悉以佛神力故十方各
有一大菩薩一一各與十佛刹微塵數諸菩
薩俱來詣佛所其大菩薩謂文殊師利等所
從來國謂金色世界等本所事佛謂不動智
如來等爾時一切處文殊師利菩薩各於佛
所同時發聲說此頌言

一念普觀無量劫
如是了知三世事
十方無比善名稱
普詣一切國土中
為利衆生供養佛
於一切法悉順知
從初供佛意柔忍
普勸衆生發道心
十方求法情無異
有無二相悉滅除
普往十方諸國土
住於實際不動搖
如來所轉妙法輪
若能聞已悟法性
不見十方空如幻
分別取相不見佛
衆生隨業種種別

無去無來亦無住
超諸方便成十力
永離諸難常歡喜
廣為宣揚如是法
如其意獲相似果
徧十方中現神力
入深禪定觀法性
以此速成無上果
為修功德今滿足
此人於佛為真見
廣說妙法興義利
此人功德同於佛
一切皆是菩提分
如是之人常見佛
雖見非見如盲覩
畢竟離著乃能見
十方內外難盡見

佛身無礙徧十方

不可盡見亦如是

譬如空中無量刹

無來無去徧十方

生成滅壞無所依

佛徧虛空亦如是

大方廣佛華嚴經菩薩問明品第十

爾時文殊師利菩薩問覺首菩薩言佛子心

性是一云何見有種種差別所謂往善趣惡

趣諸根滿缺受生同異端正醜陋苦樂不同

業不知心心不知業受不知報報不知受心

不知受受不知心因不知緣緣不知因智不

知境境不知智時覺首菩薩以頌答曰

仁今問是義爲曉悟羣蒙我如其性答惟仁應諦聽

諸法無作用亦無有體性是故彼一切各各不相知

譬如河中水湍流競奔逝各各不相知諸法亦如是

亦如大火聚猛焰同時發各各不相知諸法亦如是

又如長風起過物咸散扇各各不相知諸法亦如是

又如衆地界展轉因依住各各不相知諸法亦如是

眼耳鼻舌身心意諸情根以此常流轉而無能轉者

法性本無生示現而有生是中無能現亦無所現物

眼耳鼻舌身心意諸情根一切空無性妄心分別有

如理而觀察一切皆無性法眼不思議此見非顛倒

若實若不實若妄若非妄世間出世間但有假言說

爾時文殊師利菩薩問財首菩薩言佛子一

切衆生非衆生云何如來隨其時隨其命隨

其身隨其行隨其解隨其言論隨其心樂隨

其方便隨其思惟隨其觀察於如是諸衆生
中爲現其身教化調伏時時首菩薩以頌答
曰

此是樂寂滅 多聞者境界 我爲仁宣說 仁今應聽受
分別觀內身 此中誰是我 若能如是解 彼達我有無
此身假安立 住處無方所 諦了是身者 於中無所著
於身善觀察 一切皆明見 知法皆虛妄 不起心分別
壽命因誰起 復因誰退滅 猶如旋火輪 初後不可知
智者能觀察 一切有無常 諸法空無我 永離一切相
衆報隨業生 如夢不真實 念念常滅壞 如前後亦爾
此間所見法 但以心爲主 隨解取衆相 顛倒不如實
此間所言論 一切是分別 未曾有一法 得入於法性
能緣所緣力 種種法出生 速滅不暫停 念念悉如是
爾時文殊師利菩薩問寶首菩薩言佛子一
切衆生等有四大無我無我所云何而有受
苦受樂端正醜陋內好外好少受多受或受
現報或受後報然法界中無美無惡時寶首
菩薩以頌答曰

隨其所行業 如是果報生 作者無所有 諸佛之所說
譬如淨明鏡 隨其所對質 現像各不同 業性亦如是
亦如田種子 各各不相知 自然能出生 業性亦如是
又如巧幻師 在彼四衢道 示現衆色相 業性亦如是
如機關木人 能出種種聲 彼無我非我 業性亦如是
亦如衆鳥類 從巖而得出 音聲各不同 業性亦如是

譬如胎藏中 諸根悉成就 體相無來處 業性亦如是
又如在地獄 種種諸苦事 彼悉無所從 業性亦如是
譬如轉輪王 成就勝七寶 來處不可得 業性亦如是
又如諸世界 大火所燒然 此火無來處 業性亦如是
爾時文殊師利菩薩問德首菩薩言佛子如
來所悟唯是一法云何乃說無量諸法現無
量利化無量衆演無量音示無量身知無量
心現無量神通普能震動無量世界示現無
量殊勝莊嚴顯示無邊種種境界而法性中
此差別相皆不可得時德首菩薩以頌答曰
佛子所問義 甚深難可了 智者能知此 常樂佛功德
譬如地性一 衆生各別住 地無一異念 諸佛法如是
亦如火性一 能燒一切物 火燄無分別 諸佛法如是
亦如大海一 波濤千萬異 水無種種殊 諸佛法如是
亦如風性一 能吹一切物 風無一異念 諸佛法如是
亦如大雲雷 普雨一切地 雨滴無差別 諸佛法如是
亦如地界一 能生種種芽 非地有殊異 諸佛法如是
如日無雲暍 普照於十方 光明無異性 諸佛法如是
亦如空中月 世間靡不見 非月往其處 諸佛法如是
譬如大梵王 應現滿三千 其身無別異 諸佛法如是
爾時文殊師利菩薩問目首菩薩言佛子如
來福田等一無異云何而見衆生布施果報
不同所謂種種色種種形種種家種種根種
種種財種種土種種眷屬種種官位種種功德

種種智慧而佛於彼其心平等無異思惟時
目首菩薩以頌答曰

譬如大地一隨種各生芽 於彼無怨親 佛福田亦然
又如水一味 因器有差別 佛福田亦然 衆生心故異
亦如巧幻師 能令衆歡喜 佛福田如是 今衆生敬悅
如有才智王 能令大衆喜 佛福田如是 今衆悉安樂
譬如淨明鏡 隨色而現像 佛福田如是 隨心獲衆報
如阿揭陀藥 能療一切毒 佛福田如是 滅諸煩惱患
亦如日出時 照曜於世間 佛福田如是 滅除諸黑暗
亦如淨滿月 普照於大地 佛福田亦然 一切處平等
譬如毗藍風 普震於大地 佛福田如是 動三有衆生
譬如大火起 能燒一切物 佛福田如是 燒一切有爲
爾時文殊師利菩薩問勤首菩薩言佛子佛
教是一衆生得見云何不即悉斷一切諸煩
惱縛而得出離然其色蘊受蘊想蘊行蘊識
蘊欲界色界無色界無明貪愛無有差別是
則佛教於諸衆生或有利益或無利益時勤
首菩薩以頌答曰

佛子善諦聽 我今如實答 或有速解脫 或有難出離
若欲求除滅 無量諸過惡 當於佛法中 勇猛常精進
譬如微少火 難_難運令滅 於佛教法中 懈怠者亦然
如鑽燧求火 未出而數息 火勢隨止滅 懈怠者亦然
如人持日珠 不以物承影 火終不可得 懈怠者亦然
譬如赫日照 被推閉其目 怪言何不覩 懈怠者亦然

如人無手足欲以芒草箭徧射破大地懈怠者亦然
 如以一毛端而取大海水欲令盡乾竭懈怠者亦然
 又如劫火起欲以少水滅於佛教法中懈怠者亦然
 如有見虛空端居不搖動而言普騰躡懈怠者亦然
 爾時文殊師利菩薩問法首菩薩言佛子如
 佛所說若有衆生受持正法悉能除斷一切
 煩惱何故復有受持正法而不斷者隨貪瞋
 癡隨慢隨覆隨忿隨恨隨嫉隨慳隨誑隨諂
 勢力所轉無有離心能受持法何故復於心
 行之內起諸煩惱時法首菩薩以頌答曰
 佛子善諦聽所問如實義非但以多聞能入如來法
 如人水所漂懼溺而渴死於法不修行多聞亦如是
 如人設美膳自餓而不食於法不修行多聞亦如是
 如人善方藥自疾不能救於法不修行多聞亦如是
 如人數他寶自無半錢分於法不修行多聞亦如是
 如有生王宮而受饒與寒於法不修行多聞亦如是
 如龍奏音樂悅彼不自聞於法不修行多聞亦如是
 如盲續衆像示彼不自見於法不修行多聞亦如是
 譬如海船師而於海中死於法不修行多聞亦如是
 如在四衢道廣說衆好事內自無實德不行亦如是
 爾時文殊師利菩薩問智首菩薩言佛子於
 佛法中智爲上首如來何故或爲衆生讚歎
 布施或讚持戒或讚堪忍或讚精進或讚禪
 定或讚智慧或復讚歎慈悲喜捨而終無有

唯以一法而得出離成阿耨多羅三藐三菩
提者時智首菩薩以頌答曰

佛子甚希有能知衆生心如仁所問義諦聽我今說
過去未來世現在諸導師無有說一法而得於道者
佛知衆生心性分各不同隨其所應度如是而說法
怪者爲讚施毀禁者讚戒多瞋爲讚忍好懈讚精進
亂意讚禪定愚癡讚智慧不仁讚慈愍怒害讚大悲
憂感爲讚喜曲心讚歎捨如是次第修漸具諸佛法
如先立基堵而後造宮室施戒亦復然菩薩衆行本
譬如建城郭爲護諸人衆忍進亦如是防護諸菩薩
譬如大力王率土咸戴仰定慧亦如是菩薩所依賴
亦如轉輪王能與一切樂四等亦如是與諸菩薩樂
爾時文殊師利菩薩問賢首菩薩言佛子諸
佛世尊唯以一道而得出離云何今見一切
佛土所有衆事種種不同所謂世界衆生界
說法調伏壽量光明神通衆會教儀法住各
有差別無有不具一切佛法而成阿耨多羅
三藐三菩提者時賢首菩薩以頌答曰

文殊法常爾法王唯一法一切無礙人一道出生死
一切諸佛身唯是一法身一心一智慧力無畏亦然
如本趣菩提所有迴向心得如是刹土衆會及說法
一切諸佛刹莊嚴悉圓滿隨衆生行異如是見不同
佛刹與佛身衆會及言說如是諸佛法衆生莫能見
其心已清淨諸願皆具足如是明達人於此乃能觀

隨衆生心樂 及以業果力 如是見差別 此佛威神故
佛刹無分別 無憎無有愛 但隨衆生心 如是見有殊
以是於世界 所見各差別 非一切如來 大仙之過咎
一切諸世界 所應受化者 常見人中雄 諸佛法如是
爾時諸菩薩 謂文殊師利菩薩言 佛子我等
所解各自說 已唯願仁者 以妙辯才 演暢如
來所有境界 何等是佛境界 何等是佛境界 何等是佛境界
因何等是佛境界 度何等是佛境界 入何等
是佛境界 智何等是佛境界 法何等是佛境界
界說何等是佛境界 知何等是佛境界 證何
等是佛境界 現何等是佛境界 廣時文殊師
利菩薩以頌答曰

如來深境界 其量等虛空 一切衆生入 而實無所入
如來深境界 所有勝妙因 億劫常宣說 亦復不能盡
隨其心智慧 誘進咸令益 如是度衆生 諸佛之境界
世間諸國土 一切皆隨入 智身無有色 非彼所能見
諸佛智自在 三世無所礙 如是慧境界 平等如虛空
法界衆生界 究竟無差別 一切悉了知 此是如來境
一切世間中 所有諸音聲 佛智皆隨了 亦無有分別
非識所能識 亦非心境界 其性本清淨 開示諸羣生
非業非煩惱 無物無住處 無照無所行 平等行世間
一切衆生心 普在三世中 如來於一念 一切悉明達
爾時此娑婆世界中 一切衆生 所有法差別
業差別 世間差別 身差別 根差別 受生差別

持戒果差別犯戒果差別國土果差別以佛
神力悉皆明現如是東方百千億那由他無
數無量無邊無等不可數不可稱不可思不
可量不可說盡法界虛空界一切世界中所
有衆生法差別乃至國土果差別悉以佛神
力故分明顯現南西北方四維上下亦復如
是

大方廣佛華嚴經卷第十三

鑿單上音物切

擊于上古歷切

法鰲下古音

寔寔下五故切

紺青上古暗切

塵累下力委切

鐳條上古玄切

無怙下戶音

無涯下五佳切

醜陋上昌九切

湍流上他端切

競奔上渠敬切

從嚴下苦角切

波濤下徒刀切

雨滴下都歷切

雲脰下於計切

阿揭下其謁切

毗藍下魯甘切

樵涇上昨焦切

鑽燧上借官切

叛稚上音家切

徧射下神夜切

騰躡上徒登切

懼溺上具音

美膳下時戰切

受餒下奴罪切

如蘊下盧紅切

奇績下胡對切

憂感下倉歷切

基堵上居之切

乙巳歲高麗國大藏都監奉

勅彫造

于闐國三藏實叉難陀奉 制譯

淨行品第十一

爾時智首菩薩問文殊師利菩薩言佛子菩薩云何得無過失身語意業云何得不害身語意業云何得不可毀身語意業云何得不壞身語意業云何得不退轉身語意業云何得不可動身語意業云何得殊勝身語意業云何得清淨身語意業云何得無染身語意業云何得智爲先導身語意業云何得生意業云何得種族具足家具足色具足相具足念具足慧具足行具足無畏具足覺悟具足云何得勝慧第一慧最上慧最勝慧無量慧無數慧不思議慧無與等慧不可量慧不可說慧云何得因力欲力方便力緣力所緣力根力觀察力奢摩他力毗鉢舍那力忍惟力云何得蘊善巧界善巧處善巧緣起善巧欲界善巧色界善巧無色界善巧過去善巧未來善巧現在善巧云何善修習念覺分擇法覺分精進覺分喜覺分猗覺分定覺分捨覺分空無相無願云何得圓滿檀波羅蜜尸波羅蜜羼提波羅蜜毗梨耶波羅蜜禪那波羅蜜般若波羅蜜及以圓滿慈悲喜捨云何得處非處智力過未現在業報智力根勝劣智力

種種界智力種種解智力一切至處道智力
禪解脫三昧染淨智力宿住念智力無障礙
天眼智力斷諸習智力云何常得天王龍王
夜叉王乾闥婆王阿脩羅王迦樓羅王緊那
羅王摩睺羅伽王人王梵王之所守護恭敬
供養云何得與一切衆生爲依爲救爲歸爲
趣爲炬爲明爲照爲導爲勝導爲普導云何
於一切衆生中爲第一爲大爲勝爲最勝爲
妙爲極妙爲上爲無上爲無等爲無等等
爾時文殊師利菩薩告智首菩薩言善哉佛
子汝今爲欲多所饒益多所安隱哀愍世間
利樂天人問如是義佛子若諸菩薩善用其
心則獲一切勝妙功德於諸佛法心無所礙
住去來今諸佛之道隨衆生住恒不捨離如
諸法相悉能通達斷一切惡具足衆善當如
普賢色像第一一切行願皆得具足於一切
法無不自在而爲衆生第二導師佛子云何
用心能獲一切勝妙功德佛子
菩薩在家當願衆生知家性空免其逼迫
孝事父母當願衆生善事於佛護養一切
妻子集會當願衆生怨親平等永離貪著
若得五欲當願衆生拔除欲箭究竟安隱
妓樂聚會當願衆生以法自娛了妓非實
若在宮室當願衆生入於聖地永除穢欲

著瓔珞時當願衆生捨諸偽飾到真實處
 上昇樓閣當願衆生昇正法樓徹見一切
 若有所施當願衆生一切能捨心無愛著
 衆會聚集當願衆生捨衆聚法成一切智
 若在瓦難當願衆生隨意自在所行無礙
 捨居家時當願衆生出家無礙心得解脫
 入僧伽藍當願衆生演說種種無乖誣法
 詣大小師當願衆生巧事師長習行善法
 求請出家當願衆生得不退法心無障礙
 脫去俗服當願衆生勤修善根捨諸罪輒
 歸除鬚髮當願衆生永離煩惱究竟寂滅
 著袈裟衣當願衆生心無所染具大仙道
 正出家時當願衆生同佛出家救護一切
 自歸於佛當願衆生紹隆佛種發無上意
 自歸於法當願衆生深入經藏智慧如海
 自歸於僧當願衆生統理大衆一切無礙
 受學戒時當願衆生善學於戒不作衆惡
 受闍黎教當願衆生具足威儀所行真實
 受和尚教當願衆生入無生智到無依處
 受具足戒當願衆生具諸方便得最勝法
 若入堂宇當願衆生昇無上堂安住不動
 若敷牀座當願衆生開敷善法見真實相
 正身端坐當願衆生坐菩提座心無所著
 結跏趺坐當願衆生善根堅固得不動地

修行於定當願衆生以定伏心究竟無餘
若修於觀當願衆生見如實理永無乖諍
捨跏趺坐當願衆生觀諸行法悉歸散滅
下足住時當願衆生心得解脫安住不動
若舉於足當願衆生出生死海具衆善法
著下帶時當願衆生服諸善根具足慙愧
整衣束帶當願衆生檢束善根不令散失
若著上衣當願衆生獲勝善根至法彼岸
著僧伽梨當願衆生入第一位得不動法
手執楊枝當願衆生皆得妙法究竟清淨
嚼楊枝時當願衆生其心調淨離諸煩惱
大小便時當願衆生棄貪瞋癡蠲除罪法
事訖就水當願衆生出此法中速疾而往
洗滌形穢當願衆生清淨調柔畢竟無垢
以水盥掌當願衆生得清淨手受持佛法
以水洗面當願衆生得淨法門永無垢染
手執錫杖當願衆生設大施會示如實道
執持應器當願衆生成就法器受天人供
發趾向道當願衆生趣佛所行入無依處
若在於道當願衆生能行佛道向無餘法
涉路而去當願衆生履淨法界心無障礙
見昇高路當願衆生永出三界心無怯弱
見趣下路當願衆生其心謙下長佛善根
見斜曲路當願衆生捨不正道永除惡見

若見直路當願衆生其心正直無諂無詐
見路多塵當願衆生遠離塵垢獲清淨法
見路無塵當願衆生常行大悲其心猶澤
若見險道當願衆生住正法界離諸罪難
若見衆會當願衆生說甚深法一切和合
若見大柱當願衆生離我諍心無有忿恨
若見叢林當願衆生諸天及人所應敬禮
若見高山當願衆生善根超出無能至頂
見棘刺樹當願衆生疾得翦除三毒之刺
見樹葉茂當願衆生以定解脫而爲蔭映
若見華開當願衆生神通等法如華開敷
若見樹華當願衆生衆相如華具三十二
若見果實當願衆生獲最勝法證菩提道
若見大河當願衆生得預法流入佛智海
若見陂澤當願衆生疾悟諸佛一味之法
若見池沼當願衆生語業滿足巧能演說
若見汲井當願衆生具足辯才演一切法
若見涌泉當願衆生方便增長善根無盡
若見橋道當願衆生廣度一切猶如橋梁
若見流水當願衆生得善意欲洗除惑垢
見修園圃當願衆生五欲園中耕除愛草
見無憂林當願衆生永離貪愛不生憂怖
若見園苑當願衆生勤修諸行趣佛菩提
見嚴飾人當願衆生三十二相以爲嚴好

見無嚴飾當願衆生捨諸飾好具頭陀行
見樂著人當願衆生以法自娛歡愛不捨
見無樂著當願衆生有爲事中心無所樂
見歡樂人當願衆生常得安樂樂供養佛
見苦惱人當願衆生獲根本智滅除衆苦
見無病人當願衆生入真實慧永無病惱
見疾病人當願衆生知身空寂離乖諍法
見端正人當願衆生於佛菩薩常生淨信
見醜陋人當願衆生於不善事不生樂著
見報恩人當願衆生於佛菩薩能知恩德
見背恩人當願衆生於有惡人不加其報
若見沙門當願衆生調柔寂靜畢竟第一
見婆羅門當願衆生永持梵行離一切惡
見苦行人當願衆生依於苦行至究竟處
見操行人當願衆生堅持志行不捨佛道
見著甲冑當願衆生常服善鎧趣無師法
見無鎧仗當願衆生永離一切不善之業
見論議人當願衆生於諸異論悉能摧伏
見正命人當願衆生得清淨命不矯威儀
若見於王當願衆生得爲法王恒轉正法
若見王子當願衆生從法化生而爲佛子
若見長者當願衆生善能明斷不行惡法
若見大臣當願衆生恒守正念習行衆善
若見城郭當願衆生得堅固身心無所屈

若見王都當願衆生 功德共聚心恒喜樂
 見處林藪當願衆生 應爲天人之所歎仰
 入里乞食當願衆生 入深法界心無障礙
 到入門戶當願衆生 入於一切佛法之門
 入其家已當願衆生 得入佛乘三世平等
 見不捨人當願衆生 常不捨離勝功德法
 見能捨人當願衆生 永得捨離三惡道苦
 若見空鉢當願衆生 其心清淨空無煩惱
 若見滿鉢當願衆生 具足成滿一切善法
 若得恭敬當願衆生 恭敬修行一切佛法
 不得恭敬當願衆生 不行一切不善之法
 見慙恥人當願衆生 具慙恥行藏護諸根
 見無慙恥當願衆生 捨離無慙住大慈道
 若得美食當願衆生 滿足其願心無羨欲
 得不美食當願衆生 莫不獲得諸三昧味
 得柔軟食當願衆生 大悲所熏心意柔軟
 得厭惡食當願衆生 心無染著絕世貪愛
 若飯食時當願衆生 禪悅爲食法喜充滿
 若受味時當願衆生 得佛上味甘露滿足
 飯食已訖當願衆生 所作皆辦具諸佛法
 若說法時當願衆生 得無盡辯廣宣法要
 從舍出時當願衆生 深入佛智永出三界
 若入水時當願衆生 入一切智知三世等
 洗浴身體當願衆生 身心無垢内外光潔

盛暑炎毒當願衆生捨離衆惱一切皆盡
暑退涼初當願衆生證無上法究竟清涼
誦誦經時當願衆生順佛所說摠持不忘
若得見佛當願衆生得無礙眼見一切佛
諦觀佛時當願衆生皆如普賢端正嚴好
見佛塔時當願衆生尊重如塔受天人供
敬心觀塔當願衆生諸天及人所共瞻仰
頂禮於塔當願衆生一切天人無能見頂
右遶於塔當願衆生所行無逆成一切智
遶塔三匝當願衆生勤求佛道心無懈怠
讚佛功德當願衆生衆德悉具僉歎無盡
讚佛相好當願衆生成就佛身證無相法
若洗足時當願衆生具神足力所行無礙
以時寢息當願衆生身得安隱心無動亂
睡眠始寤當願衆生一切智覺周顧十方
佛子若諸菩薩如是用心則獲一切勝妙功
德一切世間諸天魔梵沙門婆羅門軋闍婆
阿脩羅等及以一切聲聞緣覺所不能動
大方廣佛華嚴經賢首品第十二之一
爾時文殊師利菩薩說無濁亂清淨行大功
德已欲顯示菩提心功德故以偈問賢首菩
薩曰
我今已爲諸菩薩
說佛往修清淨行
仁亦當於此會中
演暢修行勝功德

爾時賢首菩薩以偈答曰

善哉仁者應諦聽
我今隨力說少分
若有菩薩初發心
彼之功德無邊際
何況無量無邊劫
十方一切諸如來
如是無邊大功德
譬如鳥足所履空
菩薩發意求菩提
於佛法僧生淨信
不求五欲及王位
但為永滅衆生苦
常欲利樂諸衆生
受持正法修諸智
深心信解常清淨
於法及僧亦如是
深信於佛及佛法
及信無上大菩提
信為道元功德母
斷除疑網出愛濟
信無垢濁心清淨
亦為法藏第一財
信能惠施心無吝

彼諸功德不可量
猶如大海一滴水
誓求當證佛菩提
不可稱量無與等
具修地度諸功德
悉共稱揚不能盡
我今於中說少分
亦如大地一微塵
非是無因無有緣
以是而生廣大心
富饒自樂大名稱
利益世間而發心
莊嚴國土供養佛
證菩提故而發心
恭敬尊重一切佛
至誠供養而發心
亦信佛子所行道
菩薩以是初發心
長養一切諸善法
開示涅槃無上道
滅除憍慢恭敬本
為清淨手受衆行
信能歡喜入佛法

信能增長智功德
信令諸根淨明利
信能永滅煩惱本
信於境界無所著
信能超出衆魔路
信爲功德不壞種
信能增益最勝智
是故依行說次第
譬如一切世間中
若常信奉於諸佛
若常持戒修學處
戒能開發菩提本
於戒及學常順行
若常信奉於諸佛
若能興集大供養
若常信奉於尊法
若聞佛法無厭足
若常信奉清淨僧
若得信心不退轉
若得信力無能動
若得諸根淨明利
若能遠離惡知識
若得親近善知識
若能修集廣大善

信能必到如來地
信力堅固無能壞
信能專向佛功德
遠離諸難得無難
示現無上解脫道
信能生長菩提樹
信能示現一切佛
信樂最勝甚難得
而有隨意妙寶珠
則能持戒修學處
則能具足諸功德
學是勤修功德地
一切如來所稱美
則能興集大供養
被人信佛不思議
則聞佛法無厭足
被人信法不思議
則得信心不退轉
被人信力無能動
則得諸根淨明利
則能遠離惡知識
則得親近善知識
則能修集廣大善
被人成就大因力

若人成就大因力

則得殊勝決定解

若得殊勝決定解

則爲諸佛所護念

若爲諸佛所護念

則能發起菩提心

若能發起菩提心

則能勤修佛功德

若能勤修佛功德

則得生在如來家

若得生在如來家

則善修行巧方便

若善修行巧方便

則得信樂心清淨

若得信樂心清淨

則得增上最勝心

若得增上最勝心

則常修習波羅蜜

若常修習波羅蜜

則能具足摩訶衍

若能具足摩訶衍

則能如法供養佛

若能如法供養佛

則能念佛心不動

若能念佛心不動

則常觀見無量佛

若常觀見無量佛

則見如來體常住

若見如來體常住

則能知法永不滅

若能知法永不滅

則得辯才無障礙

若得辯才無障礙

則能開演無邊法

若能開演無邊法

則能慈愍度衆生

若能慈愍度衆生

則得堅固大悲心

若得堅固大悲心

則能愛樂甚深法

若能愛樂甚深法

則能捨離有爲過

若能捨離有爲過

則離憍慢及放逸

若離憍慢及放逸

則能兼利一切衆

若能兼利一切衆

則處生死無疲厭

若處生死無疲厭
若能勇健無能勝
若能發起大神通
若知一切衆生行
若能成就諸羣生
若得善攝衆生智
若能成就四攝法
若與衆生無限利
若具最勝智方便
若住勇猛無上道
若能摧殄諸魔力
若能超出四魔境
若得至於不退地
若得無生深法忍
若爲諸佛所授記
若一切佛現其前
若了神通深密用
若爲諸佛所憶念
若以佛德自莊嚴
若獲妙福端嚴身
若身晃耀如金山
若相莊嚴三十二
若具隨好爲嚴飾
若身光明無限量

則能勇健無能勝
則能發起大神通
則知一切衆生行
則能成就諸羣生
則得善攝衆生智
則能成就四攝法
則與衆生無限利
則具最勝智方便
則住勇猛無上道
則能摧殄諸魔力
則能超出四魔境
則得至於不退地
則得無生深法忍
則爲諸佛所授記
則一切佛現其前
則了神通深密用
則爲諸佛所憶念
則以佛德自莊嚴
則獲妙福端嚴身
則身晃耀如金山
則相莊嚴三十二
則具隨好爲嚴飾
則身光明無限量
則不思議光莊嚴

若不思議光莊嚴
其光若出諸蓮華
示現十方靡不徧
若能如是調衆生
若現無量神通力
演說不可思議法
若說不可思議法
則以智慧辯才力
若以智慧辯才力
則以智慧爲先導
若以智慧爲先導
則其願力得自在
若其願力得自在
則能爲衆說法時
若能爲衆說法時
則於一切衆生心
若於一切衆生心
則知煩惱無所起
若知煩惱無所起
則獲功德法性身
若獲功德法性身
則獲十地十自在
若獲十地十自在
則獲薩頂大神通

其光則出諸蓮華
則無量佛坐華上
悉能調伏諸衆生
則現無量神通力
則住不可思議土
今不思議衆歡喜
今不思議衆歡喜
隨衆生心而化誘
隨衆生心而化誘
身語意業恒無失
身語意業恒無失
普隨諸趣而現身
普隨諸趣而現身
音聲隨類難思議
音聲隨類難思議
一念悉知無有餘
一念悉知無有餘
永不沒溺於生死
永不沒溺於生死
以法威力現世間
以法威力現世間
修行諸度勝解脫
修行諸度勝解脫
住於最勝諸三昧

若獲灌頂大神通

住於最勝諸三昧

則於十方諸佛所

應受灌頂而昇位

若於十方諸佛所

應受灌頂而昇位

則蒙十方一切佛

手以甘露灌其頂

若蒙十方一切佛

手以甘露灌其頂

則身充徧如虛空

安住不動滿十方

若身充徧如虛空

安住不動滿十方

則彼所行無與等

諸天世人莫能知

菩薩勤修大悲行

願度一切無不果

見聞聽受若供養

靡不皆令獲安樂

彼諸大士威神力

法眼常全無缺減

十善妙行等諸道

無上勝寶皆令現

譬如大海金剛聚

以彼威力生衆寶

無減無增亦無盡

菩薩功德聚亦然

或有利土無有佛

於彼示現成正覺

或有國土不知法

於彼爲說妙法藏

無有分別無功用

於一念頃徧十方

如月光影靡不周

無量方便化羣生

於彼十方世界中

念念示現成佛道

轉正法輪入寂滅

乃至舍利廣分布

或現聲聞獨覺道

或現成佛普莊嚴

如是開闢三乘教

廣度衆生無量劫

或現童男童女形

天龍及以阿脩羅

乃至摩睺羅伽等

隨其所樂悉令見

衆生形相各不同
如是一切皆能現
嚴淨不可思議刹
放大光明無有邊
智慧自在不思議
施戒忍進及禪定
如是一切皆自在
一微塵中入三昧
而彼微塵亦不增
彼一塵內衆多刹
或有雜染或清淨
或復有成或有壞
或如曠野熱時燄
如一塵中所示現
此大名稱諸聖人
若欲供養一切佛
能以一手徧三千
十方所有勝妙華
如是皆從手中出
無價寶衣雜妙香
眞金爲華寶爲帳
十方所有諸妙物
掌中悉雨無不備
十方一切諸妓樂

行業音聲亦無量
海印三昧威神力
供養一切諸如來
度脫衆生亦無限
說法言辭無有礙
智慧方便神通等
以佛華嚴三昧力
成就一切微塵定
於一普現難思刹
或有有佛或無佛
或有廣大或狹小
或有正住或傍住
或如天上因陀網
一切微塵悉亦然
三昧解脫神通力
入于三昧起神變
普供一切諸如來
塗香末香無價寶
供養道樹諸最勝
寶幢幡蓋皆嚴好
莫不皆從掌中雨
應可奉獻無上尊
菩提樹前持供佛
鐘鼓琴瑟非一類

悉奏和雅妙音聲

十方所有諸讚頌

如是種種妙言辭

菩薩右手放淨光

普灑十方諸佛土

又放光明妙莊嚴

其華色相皆殊妙

又放光明華莊嚴

普散十方諸國土

又放光明香莊嚴

普散十方諸國土

又放光明末香嚴

普散十方諸國土

又放光明衣莊嚴

普散十方諸國土

又放光明寶莊嚴

普散十方諸國土

又放光明蓮莊嚴

普散十方諸國土

又放光明瓔莊嚴

普散十方諸國土

又放光明幢莊嚴

種種無量皆殊好

種種雜寶莊嚴蓋

靡不從於掌中出

稱歎如來實功德

皆從掌內而開演

光中香水從空雨

供養一切照世燈

出生無量寶蓮華

以此供養於諸佛

種種妙華集為帳

供養一切大德尊

種種妙香集為帳

供養一切大德尊

種種末香聚為帳

供養一切大德尊

種種名衣集為帳

供養一切大德尊

種種妙寶集為帳

供養一切大德尊

種種蓮華集為帳

供養一切大德尊

種種妙瓔集為帳

供養一切大德尊

其幢綃煥備衆色

以此莊嚴諸佛土

衆妙綖幡共垂飾

手出供具難思議
一切佛所皆如是
菩薩住在三昧中
悉以所行功德法
或以供養如來門
或以頭陀持戒門
或以苦行精進門
或以決了智慧門
或以梵住神通門
或以福智莊嚴門
或以根力正道門
或以獨覺清淨門
或以無常衆苦門
或以不淨離欲門
隨諸衆生病不同
隨諸衆生心所樂
隨諸衆生行差別
如是三昧神通相
有妙三昧名隨樂
隨宜示現度衆生
劫中饑饉裁難時
隨其所欲皆令滿
或以飲食上好味

執持供養諸如來
如是供養一導師
大士三昧神通力
種種自在攝衆生
無量方便而開誘
或以難思布施門
或以不動堪忍門
或以寂靜禪定門
或以所行方便門
或以四攝利益門
或以因緣解脫門
或以聲聞解脫門
或以大乘自在明
或以無我壽者門
或以滅盡三昧門
悉以法藥而對治
悉以方便而滿足
一切天人其能測
菩薩住此普觀察
悉使歡心從法化
悉與世間諸樂具
普爲衆生作饒益
寶衣嚴具衆妙物

乃至王位皆能捨
或以相好莊嚴身
華鬘爲飾香塗體
一切世間所好尚
隨應普現恆其心
迦陵頻伽美妙音
種種梵音皆具足
入萬四千諸法門
彼亦如其差別法
衆生苦樂利衰等
悉能應現同其事
一切世間衆苦患
與彼同事悉能忍
若有不識出離法
菩薩爲現捨國財
家是貪愛繫縛所
故示出家得解脫
菩薩示行十種行
諸仙行等悉無餘
若有衆生壽無量
菩薩於中得自在
或有貪欲瞋恚癡
菩薩爲現老病死
如來十力無所畏

今好施者悉從化
上妙衣服寶瓔珞
威儀具足度衆生
色相顏容及衣服
裨樂色者皆從道
俱和羅等妙音聲
隨其心樂爲說法
諸佛以此度衆生
隨世所宜而化度
一切世間所作法
以此普度諸衆生
深廣無涯如大海
令其利益得安樂
不求解脫離誼憤
常樂出家心寂靜
欲使衆生悉免難
於諸欲樂無所受
亦行一切大人法
爲欲利益衆生故
煩惱微細樂具足
示受老病死衆患
煩惱猛火常熾然
令彼衆生悉調伏
及以十八不共法

所有無量諸功德
記心教誡及神足
彼諸大士皆示現
菩薩種種方便門
譬如蓮華不著水
衆思淵才文中王
一切世間衆技術
或爲長者邑中主
或爲國王及大臣
或於曠野作大樹
或作寶珠隨所求
若見世界始成立
是時菩薩爲工匠
不作遍惱衆生物
呪術藥草等衆論
一切仙人殊勝行
如是難行苦行法
或作外道出家人
或露形體無衣服
或現邪命種種行
或現梵志諸威儀
或受五熱隨日轉
或著壞衣奉事火
或有示謁諸天廟

悉以示現度衆生
悉是如來自在用
能使衆生盡調伏
隨順世法度衆生
如是在世令深信
歌舞談話衆所欣
譬如幻師無不現
或爲賈客商人導
或作良醫善衆論
或爲良藥衆寶藏
或以正道示衆生
衆生未有資身具
爲之示現種種業
但說利益世間事
如是所有皆能說
人天等類同信仰
菩薩隨應悉能作
或在山林自勤苦
而於彼衆作師長
習行非法以爲勝
於彼衆中爲上首
或持牛狗及鹿戒
爲化是等作導師
或復示入恒河水

食根果等悉示行

於彼常思已勝法

或現蹲踞或翹足

或臥草棘及灰上

或復臥杵求出離

而於彼衆作師首

如是等類諸外道

觀其意解與同事

所示苦行世靡堪

令彼見已皆調伏

衆生迷惑稟邪教

住於惡見受衆苦

為其方便說妙法

悉令得解真實諦

或邊呪語說四諦

或善密語說四諦

或人直語說四諦

或天密語說四諦

分別文字說四諦

決定義理說四諦

善破於他說四諦

非外所動說四諦

或八部語說四諦

或一切語說四諦

隨彼所解語言音

為說四諦今解脫

所有一切諸佛法

皆如是說無不盡

知語境界不思議

是名說法三昧力

大方廣佛華嚴經卷第十四

荼摩 上武車切

猗覺 上於離切

羈提 上初限切

罪軌 下尼音

下希 下羣音

整衣 上之耶切

嚼楊 上在爵切

噬諸 上時制切

與掌 上貫音

發趾 下止音

塵盆 下蒲問切

棘刺 上絕力切

翦除 上即淺切

陂澤 上彼為切

圍圍 下補音

糞除 上音

操行 上七到切

甲冑 下直枯切

鎧仗上苦疾切

不矯下居天切

林藪下蘇后切

慙恥下較里切

麋烈下色並切

獲息上七稔切

摧殄下徒典切

晃曜上胡廣切

絢煥上許縣切
下水貫切

恆其上苦叶切

諠憤上況表切
下古對切

淵中上烏玄切

踳踳上俱尊切
下居稱切

翹足上渠迪切

栗郭上華錦切

乙巳歲高麗國大歲都監奉

勅周造

大方廣佛華嚴經卷第十五

拱

賢首品第十二之二

于闐國三藏實叉難陀奉

制譯

有勝三昧名安樂
放大光明不思議
所放光明名普現
必令獲益不唐捐
披光示現於諸佛
亦示佛塔及形像
又放光明名照耀
所有闇障靡不除
此光覺悟一切衆
以燈供養諸佛故
然諸油燈及酥燈
衆香妙藥上寶濁
又放光明名濟度
令其普發大誓心
若能普發大誓心
則能越度四瀑流
於諸行路大水處
毀皆有爲讚寂靜
又放光明名滅愛
令其捨離於五欲
若能捨離於五欲

能普救度諸羣生
令其見者悉調伏
若有衆生遇此光
因是得成無上智
示法示僧示正道
是故得成此光明
映蔽一切諸天光
普爲衆生作饒益
令執燈明供養佛
得成世中無上燈
亦然種種諸明炬
以是供佛獲此光
此光能覺一切衆
度脫欲海諸羣生
示導無憂解脫城
造立橋梁及船筏
是故得成此光明
此光能覺一切衆
專思解脫妙法味
專思解脫妙法味

則能以佛甘露雨
惠施池井及泉流
毀咎五欲讚禪定
又放光明名歡喜
令其愛慕佛菩提
造立如來大悲像
恒歎最勝諸功德
又放光明名愛樂
令其心樂於諸佛
若常心樂於諸佛
則在如來聚會中
開悟衆生無有量
及示發心功德行
又放光明名福聚
令行種種無量施
設大施會無遮限
不令其心有所乏
又放光明名具智
令法一法一念中
爲諸衆生分別法
善說法義無虧減
又放光明名慧燈
令知衆生性空寂
演說諸法空無主

普滅世間諸渴愛
專求無上菩提道
是故得成此光明
此光能覺一切衆
發心願證無師道
衆相莊嚴坐華座
是故得成此光明
此光能覺一切衆
及以樂法樂衆僧
及以樂法樂衆僧
速成無上深法忍
普使念佛法僧寶
是故得成此光明
此光能覺一切衆
以此願求無上道
有來求者皆滿足
是故得成此光明
此光能覺一切衆
悉解無量諸法門
及以說了真實義
是故得成此光明
此光能覺一切衆
一切諸法無所有
如幻如餓水中月

乃至猶如夢影像
又放光名法自在
令得無盡陀羅尼
恭敬供養持法者
以種種法施衆生
又放光明名能捨
令知財寶悉非常
慳心難調而能調
增長惠施清淨心
又放光明名除熱
普使受持清淨戒
勸引衆生受持戒
又令發向善提心
又放光明名忍嚴
令彼除瞋離我慢
衆生暴惡難可忍
常樂憍揚忍功德
又放光明名勇猛
令彼常於三寶中
若彼常於三寶中
則能超出四魔境
勸化衆生令進策
法欲滅時專守護
又放光明名寂靜

是故得成此光明
此光能覺一切衆
悉持一切諸佛法
給侍守護諸賢聖
是故得成此光明
此光覺悟慳衆生
恒樂惠施心無著
解財如夢如浮雲
是故得成此光明
此光能覺毀禁者
發心願證無師道
十善業道悉清淨
是故得成此光明
此光覺悟瞋恚者
常樂忍辱柔和法
爲善提故心不動
是故得成此光明
此光覺悟癡墮者
恭敬供養無疲厭
速成無上佛菩提
常勤供養於三寶
是故得成此光明
此光能覺亂意者

令其遠離貪患癡
捨離一切惡知識
讚歎禪定阿蘭若
又放光明名慧嚴
令其證諦解緣起
若能證諦解緣起
則得日燈三昧法
國財及已皆能捨
聞已專勤爲衆說
又放光明名佛慧
今見無量無邊佛
讚佛威德及解脫
顯示佛力及神通
又放光明名無畏
非人所持諸毒害
能於衆生施無畏
拯濟厄難孤窮者
又放光明名安隱
令除一切諸苦痛
施以良藥救衆患
酥油乳蜜充飲食
又放光明名見佛
今隨憶念見如來
見有臨終勸念佛

心不動搖而正定
無義談說雜染行
是故得成此光明
此光覺悟愚迷者
諸根智慧悉通達
智慧光明成佛果
爲菩提故求正法
是故得成此光明
此光覺悟諸含識
各各坐寶蓮華上
說佛自在無有量
是故得成此光明
此光照觸恐怖者
一切皆令疾除滅
遇有惱害皆勸止
以是得成此光明
此光能照疾病者
悉得正定三昧樂
妙寶延命香塗體
以是得成此光明
此光覺悟將歿者
命終得生其淨國
又示尊像令瞻敬

得於佛所深歸仰
又放光明名樂法
令於正法常欣樂
法欲盡時能演說
於法愛樂勤修行
又放光明名妙音
能令三界所有聲
以大音聲徧讚佛
普使世間聞佛音
又放光名施甘露
令捨一切放逸行
說有爲法非安隱
恒樂清揚寂滅樂
又放光明名最勝
令於佛所普聽聞
常樂徧揚一切佛
如是爲求無上道
又放光明名寶嚴
令得寶藏無窮盡
以諸種種上妙寶
亦以惠施諸貧乏
又放光明名香嚴
令其聞者悅可意
人天妙香以塗地

是故得成此光明
此光能覺一切衆
聽聞演說及書寫
令求法者意充滿
是故得成此光明
此光開悟諸菩薩
聞者皆是如來音
及施鈴鐸諸音樂
是故得成此光明
此光開悟一切衆
具足修習諸功德
無量苦惱悉充徧
是故得成此光明
此光開悟一切衆
戒定智慧增上法
勝戒勝定殊勝慧
是故得成此光明
此光能覺一切衆
以此供養諸如來
奉施於佛及佛塔
是故得成此光明
此光能覺一切衆
決定當成佛功德
供養一切最勝主

亦以造塔及佛像
又放光名雜莊嚴
焚香散華奏衆樂
本以微妙妓樂音
種種莊嚴供養佛
又放光明名嚴潔
莊嚴佛塔及其處
又放光明名大雲
以水灑塔及庭院
又放光明名嚴具
嚴身妙物而爲施
又放光明名上味
種種珍饌而爲施
又放光明名大財
以無盡物施三寶
又放光名眼清淨
以燈施佛及佛塔
又放光名耳清淨
鼓樂娛佛及佛塔
又放光名鼻清淨
以香施佛及佛塔
又放光名舌清淨
永除塵惡不善語
又放光名身清淨

是故得成此光明
寶幢幡蓋無央數
城邑内外皆充滿
衆香妙華幢蓋等
是故得成此光明
令地平坦猶如掌
是故得成此光明
能起香雲雨香水
是故得成此光明
令裸形者得上服
是故得成此光明
能令飢者獲美食
是故得成此光明
令貧乏者獲寶藏
是故得成此光明
能令盲者見衆色
是故得成此光明
昔未聞香皆得聞
是故得成此光明
能以美音稱讚佛
是故得成此光明
諸根缺者今具足

以身禮佛及佛塔
又放光名意清淨
修行三昧悉自在
又放光名色清淨
以衆妙色莊嚴塔
又放光名聲清淨
觀聲緣起如谷響
又放光名香清淨
香水洗塔菩提樹
又放光名味清淨
恒供佛僧及父母
又放光名觸清淨
戈鋌劍戟從空雨
以昔曾於道路中
迎送如來今踏上
又放光名法清淨
悉演妙法不思議
因緣所生無有生
法性常住如虛空
如是等比光明門
悉從大仙毛孔出
如一毛孔所放光
一切毛孔悉亦然
如其本行所得光

是故得成此光明
令失心者得正念
是故得成此光明
令見難思諸佛色
是故得成此光明
令知聲性本空寂
是故得成此光明
令諸臭穢悉香潔
是故得成此光明
能除一切味中毒
是故得成此光明
能令惡觸皆柔軟
皆令變作妙華鬘
塗香散華布衣服
是故今獲光如是
能令一切諸毛孔
衆生聽者咸欣悟
諸佛法身非是身
以說其義光如是
如恒河沙無限數
一一作業各差別
無量無數如恒沙
此是大仙三昧力
隨彼宿緣同行者

今放光明故如是
往昔同修於福業
見其所作亦復然
若有自修衆福業
於佛功德常願求
譬如生盲不見日
諸有目者悉明見
大士光明亦如是
凡夫邪信劣解人
摩尼宮殿及輦乘
有福德者自然備
大士光明亦如是
邪信劣解凡愚人
若有聞此光差別
永斷一切諸疑網
有勝三昧能出現
一切十方諸國土
有妙蓮華光莊嚴
其身端坐悉充滿
復有十刹微塵數
諸佛子衆於中坐
宿世成就善因緣
此等衆生遶菩薩
譬如明月在星中

此是大仙智自在
及有愛樂能隨喜
彼於此光咸得見
供養諸佛無央數
是此光明所開覺
非爲無日出世間
各隨所務修其業
有智慧者皆悉見
於此光明莫能觀
妙寶靈香以塗瑩
非無德者所能處
有深智者咸照觸
無有能見此光明
能生清淨深信解
速成無上功德幢
眷屬莊嚴皆自在
佛子衆會無倫匹
量等三千大千界
是此三昧神通力
妙好蓮華所圍遶
住此三昧威神力
具足修行佛功德
悉共合掌觀無厭
菩薩處衆亦復然

大士所行法如是
如於一方所示現
一切方中悉如是
有勝三昧名方網
一切方中普現身
或於東方入正定
或於西方入正定
或於餘方入正定
如是入出徧十方
盡於東方諸國土
悉現其前普親近
而於西方諸世界
皆現從於三昧起
盡於西方諸國土
悉現其前普親近
而於東方諸世界
皆現從於三昧起
如是十方諸世界
或現三昧寂不動
於眼根中入正定
示現色性不思議
於色塵中入正定
說眼無生無有起
於耳根中入正定

入此三昧威神力
諸佛子衆共圍繞
住此三昧威神力
菩薩住此廣開示
或現入定或從出
而於西方從定出
而於東方從定出
而於餘方從定出
是名菩薩三昧力
所有如來無數量
住於三昧寂不動
一切諸佛如來所
廣修無量諸供養
所有如來無數量
住於三昧寂不動
一切諸佛如來所
廣修無量諸供養
菩薩悉入無有餘
或現恭敬供養佛
於色塵中從定出
一切天人莫能知
於眼起定心不亂
性空寂滅無所作
於聲塵中從定出

分別一切語言奇

諸天世人莫能知

於聲塵中入正定

於耳起定心不亂

說耳無生無有起

性空寂滅無所作

於鼻根中入正定

於香塵中從定出

普得一切上妙香

諸天世人莫能知

於香塵中入正定

於鼻起定心不亂

說鼻無生無有起

性空寂滅無所作

於舌根中入正定

於味塵中從定出

普得一切諸上味

諸天世人莫能知

於味塵中入正定

於舌起定心不亂

說舌無生無有起

性空寂滅無所作

於身根中入正定

於觸塵中從定出

善能分別一切觸

諸天世人莫能知

於觸塵中入正定

於身起定心不亂

說身無生無有起

性空寂滅無所作

於意根中入正定

於法塵中從定出

分別一切諸法相

諸天世人莫能知

於法塵中入正定

從意起定心不亂

說意無生無有起

性空寂滅無所作

童子身中入正定

壯年身中從定出

壯年身中入正定

老年身中從定出

老年身中入正定

善女身中從定出

善女身中入正定

善男身中從定出

善男身中入正定

比丘尼身從定出

比丘尼身入正定
比丘身中入正定
學無學身入正定
辟支佛身入正定
於如來身入正定
諸天身中入正定
大龍身中入正定
夜叉身中入正定
鬼神身中入正定
一毛孔中入正定
一切毛孔入正定
一毛端頭入正定
一微塵中入正定
一切塵中入正定
金剛地中入正定
摩尼樹上入正定
佛光明中入正定
於河海中入正定
於火大中入正定
於風大中入正定
於地大中入正定
於天宮殿入正定
是名無量功德者
十方一切諸如來

比丘身中從定出
學無學身從定出
辟支佛身從定出
現如來身從定出
諸天身中從定出
大龍身中從定出
夜叉身中從定出
鬼神身中從定出
一毛孔中從定出
一切毛孔從定出
一毛端頭從定出
一微塵中從定出
一切塵中從定出
金剛地中從定出
摩尼樹上從定出
佛光明中從定出
於河海中從定出
於火大中從定出
於風起定心不亂
於地大中從定出
於天宮殿從定出
於空起定心不亂
三昧自在難思議
於無量劫說不盡

一切如來咸共說

諸龍變化佛自在

欲以譬諭而顯示

然諸智慧聰達人

聲聞心住八解脫

能以一身現多身

於虛空中入火定

身上出水身下火

如是皆於一念中

彼不具足大慈悲

尚能現此難思事

譬如日月遊虛空

泉池陂澤器中水

菩薩色像亦復然

此皆三昧自在法

如淨水中四兵像

劍戟弧矢類甚多

隨其所有相差別

而水本自無分別

海中有神名善音

所有語言皆辯了

彼神具有貪恚癡

況復摠持自在力

有一婦人名辯中

衆生業報難思議

菩薩神力亦難思

終無有論能論此

因於譬故解其義

所有變現皆自在

復以多身爲一身

行住坐卧悉在空

身上出火身下水

種種自在無邊量

不爲衆生事佛道

況大饒益自在力

影像普徧於十方

衆寶河海靡不現

十方普現不思議

唯有如來能證了

各各別異無交雜

鎧冑車輿非一種

莫不皆於水中現

菩薩三昧亦如是

其音普順海衆生

令彼一切悉歡悅

猶能善解一切音

而不能令衆歡喜

父母求天而得生

若有離惡樂真實
 彼有貪欲瞋恚癡
 何況菩薩具智慧
 譬如幻師知幻法
 須臾示作日月歲
 幻師具有貪恚癡
 況復禪定解脫力
 天阿脩羅鬪戰時
 兵仗車輿及徒旅
 彼有貪欲瞋恚癡
 況住神通無畏法
 釋提桓因有象王
 自化作頭三十三
 一一牙上七地水
 一一清淨池水中
 彼諸嚴飾蓮華上
 悉善技藝奏衆樂
 彼象或復捨本形
 威儀進止悉齊等
 彼有貪欲瞋恚癡
 何況具足方便智
 如何脩羅變作身
 海水至深僅其半
 彼有貪欲瞋恚癡

入彼身中生妙辯
 猶能隨行與辯才
 而不能與衆生益
 能現種種無量事
 城邑豐饒大安樂
 猶能幻力悅世間
 而不能令衆歡喜
 脩羅敗衄而退走
 一時竄匿莫得見
 尚能變化不思議
 云何不能現自在
 彼知天主欲行時
 一一六牙皆具足
 清淨香潔湛然滿
 各七蓮華妙嚴飾
 各各有七天王女
 而與帝釋相娛樂
 自化其身同諸天
 有此變現神通力
 尚能現此諸神通
 而於諸定不自在
 蹈金剛際海中立
 首共須彌正齊等
 尚能現此大神通

況伏魔怨照世燈
天阿脩羅共戰時
隨阿脩羅軍衆數
諸阿脩羅發是念
必取我身五種縛
帝釋現身有十眼
被甲持杖極威嚴
彼以微小福德力
何況救度一切者
初利天中有天鼓
知諸天衆放逸時
一切五欲悉無常
諸有如夢如陽燄
放逸爲怨爲苦惱
若有作諸放逸行
世間所有衆苦本
五欲功德滅壞性
三十三天聞此音
帝釋爲說微妙法
被音無形不可見
況隨心樂現色身
天阿脩羅共鬪時
天鼓出音告其衆
諸天聞此所告音

而無自在威神力
帝釋神力難思議
現身等彼而與敵
釋提桓因來向我
由是彼衆悉憂悴
手持金剛出火燄
脩羅望見咸退伏
猶能摧破大怨敵
具足功德不自在
從天業報而生得
空中自然出此音
如水聚沫性虛僞
亦如綿雲水中月
非甘露道生死徑
入於死滅大魚口
一切聖人皆厭患
汝應愛樂真實法
悉共來昇善法堂
咸令順寂除貪愛
猶能利益諸天衆
而不濟度諸羣生
諸天福德殊勝力
汝等宜應勿憂怖
悉除憂畏增益力

時阿脩羅心震懼
甘露妙定如天鼓
大悲哀愍救一切
帝釋普應諸天女
令彼各各心自謂
如天女中身普應
能於一念現神通
帝釋具有貪恚癡
況大方便神通力
他化自在六天王
以業惑苦爲罣網
彼有貪欲瞋恚癡
況具十種自在力
三千世界大梵王
悉能現身於彼坐
彼住世間梵道中
況出世間無有上
摩醯首羅智自在
悉能分別數其滴
無量億劫勤修學
云何不於一念中
衆生業報不思議
巨海諸山天宮殿
亦能興雲降大雨

所將兵衆咸退走
恒出降魔寂靜音
普使衆生滅煩惱
九十有二那由他
天王獨與我娛樂
善法堂內亦如是
悉至其前爲說法
能令眷屬悉歡喜
而不能令一切悅
於欲界中得自在
繫縛一切諸凡夫
猶於衆生得自在
而不能令衆同行
一切梵天所住處
演暢微妙梵音聲
禪定神通尚如意
於禪解脫不自在
大海龍王降雨時
於一念中皆辦了
得是無上菩提智
普知一切衆生心
以大風力起世間
衆寶光明萬物種
亦能散滅諸雲氣

亦能成熟一切穀

風不能學彼羅蜜

猶成不可思議事

男子女人種種聲

大海川流雷震聲

況復知聲性如響

普應衆生而說法

海有希奇殊特法

衆生寶物及川流

無盡釋定解脫者

福德智慧諸妙行

大海龍王遊戲時

興雲充徧四天下

第六他化自在天

化樂天上赤珠色

夜摩天上瑠璃色

四王天上玻璃色

緊那羅中妙香色

夜叉住處白繡色

鬱單越處金燄色

餘二天下雜莊嚴

又復他化自在天

化樂天上如月光

夜摩天上珂雪色

亦能安樂諸羣生

亦不學佛諸功德

何況具足諸願者

一切鳥獸諸音聲

皆能稱悅衆生意

逮得無尋妙辯才

而不能令世間喜

能爲一切平等印

普悉包容無所拒

爲平等印亦如是

一切普修無厭足

普於諸處得自在

其雲種種莊嚴色

於彼雲色如真金

堯率陀天霜雪色

三十二天碼碯色

大海水上金剛色

諸龍住處蓮華色

阿脩羅中山石色

閻浮提中青寶色

隨衆所樂而應之

雲中電耀如日光

堯率天上閻浮金

三十三天金燄色

四王天上衆寶色
緊那羅界琉璃色
夜叉所住玻瓈色
鬘鬘越境火珠色
餘二天下雜莊嚴
他化雷震如梵音
兜率天上歌唱音
於彼三十三天上
護世四王諸天所
海中兩山相擊聲
諸龍城中頻伽聲
阿脩羅中天鼓聲
他化自在雨妙香
化樂天雨多羅華
兜率天上雨摩尼
毘中寶珠如月光
夜摩中雨幢幡蓋
赤真珠色上好衣
三十三天如意珠
鬘金雞羅多摩等
護世城中雨美膳
亦雨難思衆妙寶
又復於彼大海中
復雨無盡大寶藏

大海之中赤珠色
龍王住處寶藏色
阿脩羅中碼碯色
閻浮提中帝青色
如雲色相電亦然
化樂天中大鼓音
夜摩天上天女音
如緊那羅種種音
如乾闥婆所出音
緊那羅中簫笛聲
夜叉住處龍女聲
於人道中海潮聲
種種雜華爲莊嚴
曼陀羅華及澤香
具足種種寶莊嚴
上妙衣服真金色
華鬘塗香妙嚴具
及以種種衆妓樂
堅黑沉水栴檀香
妙華香水相雜雨
色香味具增長力
悉是龍王之所作
注雨不斷如車軸
亦雨種種莊嚴寶

緊那羅界雨瓔珞
 婆利師迦末利香
 諸龍城中雨赤珠
 阿脩羅中雨兵仗
 鼉單越中妙瓔珞
 弗婆瞿耶二天下
 閻浮提雨清淨水
 長養衆華及果藥
 如是無量妙莊嚴
 龍王自在悉能作
 彼於世界海中住
 況入法海具功德
 彼諸菩薩解脫門
 我今以此諸譬諭
 第一智慧廣大慧
 勝慧及以殊勝慧
 此法希有甚奇特
 能信能受能讚說
 世間一切諸凡夫
 若有勤修清淨福
 一切世界諸羣生
 求獨覺者轉復少
 趣大乘者猶爲易
 况復持誦爲人說

衆色蓮華衣及寶
 種種樂音皆具足
 廣又城內光摩尼
 摧伏一切諸怨敵
 亦雨無量上妙華
 悉雨種種莊嚴具
 微細悅澤常應時
 成熟一切諸苗稼
 種種雲電及雷雨
 而身不動無分別
 尚能現此難思力
 而不能爲大神變
 一切譬諭無能顯
 略說於其自在力
 真實智慧無邊慧
 如是法門今已說
 若人間已能忍可
 如是所作甚爲難
 信是法者甚難得
 以昔因力乃能信
 少有欲求聲聞乘
 趣大乘者甚難遇
 能信此法倍更難
 如法修行真實解

有以三千大千界
彼之所作未為難
有以手擎十佛刹
彼之所作未為難
十刹塵數衆生所
彼之福德未為勝
十刹塵數如來所
若於此品能誦持
時賢首菩薩說此偈已十方世界六返震動
魔宮隱蔽惡道休息十方諸佛普現其前各
以右手而摩其頂同聲讚言善哉善哉快說
此法我等一切悉皆隨喜

頂戴一劫身不動
信是法者乃為難
盡於一劫空中住
能信此法乃為難
悉施樂具經一劫
信此法者為最勝
悉皆承事盡一劫
其福最勝過於彼

大方廣佛華嚴經卷第十五

流	上薄報切	船筏	下房越切	毀	下毀此切
遠成	上代音	嬾惰	上落早切	裸形	上郎果切
珍饈	下士聽切	足鏈	上古朱切	朝戟	上居久切
孤矢	上胡音	鎧冑	上苦反切	黑血	下女六切
徒旅	下力舉切	寬匿	上七亂切	蹈金	上徒到切
淫其	下渠各切	憂悴	下秦閉切	胃網	上古誼切

乙巳歲高麗國大藏寺監奉

勅彫造

大方廣佛華嚴經卷第十六

拱

于闐國三藏實叉難陀奉

制譯

昇須彌山頂品第十三

爾時如來威神力故十方一切世界一一四天下閻浮提中悉見如來坐於樹下各有菩薩承佛神力而演說法靡不自謂恒對於佛爾時世尊不離一切菩提樹下而上昇須彌向帝釋殿時天帝釋在妙勝殿前遙見佛來即以神力莊嚴此殿置普光明藏師子之座其座悉以妙寶所成十千層級迴極莊嚴十千金網彌覆其上十千種帳十千種蓋周迴間列十千繒綺以爲垂帶十千珠璣周徧交絡十千衣服敷布座上十千天子十千梵王前後圍遶十千光明而爲照耀爾時帝釋奉爲如來敷置座已曲躬合掌恭敬向佛而作是言善來世尊善來善逝善來如來應正等覺唯願哀愍處此宮殿爾時世尊即受其請入妙勝殿十方一切諸世界中悉亦如是爾時帝釋以佛神力諸宮殿中所有樂音自然止息即自憶念過去佛所種諸善根而說頌言

迦葉如來具大悲

諸吉祥中最無上

彼佛曾來入此殿

是故此處最吉祥

拘那牟尼見無礙

諸吉祥中最無上

彼佛曾來入此殿

是故此處最吉祥

迦羅鳩歌如金山

諸吉祥中最無上

彼佛曾來入此殿

是故此處最吉祥

毗舍浮佛無三垢

諸吉祥中最無上

彼佛曾來入此殿

是故此處最吉祥

尸棄如來離分別

諸吉祥中最無上

彼佛曾來入此殿

是故此處最吉祥

毗婆尸佛如滿月

諸吉祥中最無上

彼佛曾來入此殿

是故此處最吉祥

弗沙明達第一義

諸吉祥中最無上

彼佛曾來入此殿

是故此處最吉祥

提舍如來辯無礙

諸吉祥中最無上

彼佛曾來入此殿

是故此處最吉祥

波頭摩佛淨無垢

諸吉祥中最無上

彼佛曾來入此殿

是故此處最吉祥

然燈如來大光明

諸吉祥中最無上

彼佛曾來入此殿

是故此處最吉祥

如此世界中初利天王以如來神力故偈讚

十佛所有功德十方世界諸釋天三悉亦如

是讚佛功德爾時世尊入妙勝殿結跏趺坐

此殿忽然廣博寬容如其天衆諸所住處十

方世界悉亦如是

大方廣佛華嚴經須彌頂上偈讚品第十四

爾時佛神力故十方各有一大菩薩一一各

與佛刹微塵數菩薩俱從百佛刹微塵數國
上外諸世界中而來集會其名曰法慧菩薩
一切慧菩薩勝慧菩薩功德慧菩薩精進慧
菩薩善慧菩薩智慧菩薩真實慧菩薩無上
慧菩薩堅固慧菩薩所從來土所謂因陀羅
華世界波頭摩華世界寶華世界優鉢羅華
世界金剛華世界妙香華世界悅意華世界
阿盧那華世界那羅陀華世界虛空華世界
各於佛所淨修梵行所謂殊特月佛無盡月
佛不動月佛風月佛水月佛解脫月佛無上
月佛星宿月佛清淨月佛明了月佛是諸菩
薩至佛所已頂禮佛足隨所來方各化作毗
盧遮那藏師子之座於其座上結跏趺坐如
此世界中須彌頂上菩薩來集一切世界悉
亦如是彼諸菩薩所有名字世界佛号悉等
無別爾時世尊從兩足指放百千億妙色光
明普照十方一切世界須彌頂上帝釋宮中
佛及大衆靡不皆現爾時法慧菩薩承佛威
神普觀十方而說頌曰

佛放淨光明 普見世導師 須彌山王頂 妙勝殿中住
一切釋天主 請佛入宮殿 悉以十妙頌 偈讚諸如來
彼諸大會中 所有菩薩衆 皆從十方至 化座而安坐
彼會諸菩薩 皆同我等名 所從諸世界 名字亦如是
本國諸世尊 名号悉亦同 各於其佛所 淨修無上行

佛子汝應觀如來自任力一切閻浮提皆言佛在中我等今見佛住於須彌頂十方悉亦然如來自任力一一世界中發心求佛道依於如是願修習菩提行佛以種種身遊行徧世間法界無所礙無能測量者慧光恒普照世間悉除滅一切無等倫云何可測知爾時一切慧菩薩承佛威力普觀十方而說頌言

假使百千劫常見於如來不依真實義而觀救世者是人取諸相增長癡惑網繫縛生死獄盲冥不見佛觀察於諸法自性無所有如其生滅相但是假名說一切法無生一切法無滅若能如是解諸佛常現前法性本空寂無取亦無見性空即是佛不可得思量若知一切法體性皆如是斯人則不爲煩惱所深著凡夫見諸法但隨於相轉不了法無相以是不見佛牟尼離三世諸相悉具足住於無所住普徧而不動我觀一切法皆悉得明了今見於如來決定無有疑法慧先已說如來真實性我從彼了知菩提難思議爾時勝慧菩薩承佛威力普觀十方而說頌言

如來大智慧希有無等倫一切諸世間思惟莫能及人夫妄觀察取相不如理佛離一切相非彼所能見迷惑無知者妄取五蘊相不了彼真性是人不見佛了知一切法自性無所有如是解法性則見盧舍那因前五蘊故後隨相續起於此性了知見佛難思議

譬如闇中寶 無燈不可見 佛法無人說 雖慧莫能了
亦如目有翳 不見淨妙色 如是不淨心 不見諸佛法
又如明淨日 瞽者莫能見 無有智慧心 終不見諸佛
若能除眼翳 捨離於色想 不見於諸法 則得見如來
一切慧先說 諸佛菩提法 我從於彼聞 得見盧舍那
爾時功德慧菩薩承佛威力普觀十方而說
頌言

諸法無真實 妄取真實相 是故諸凡夫 輪迴生死獄
言辭所說法 小智妄分別 是故生障礙 不了於自心
不能了自心 云何知正道 彼由顛倒慧 增長一切惡
不見諸法空 恒受生死苦 斯人未能有 清淨法眼故
我昔受眾苦 由我不見佛 故當淨法眼 觀其所應見
若得見於佛 其心無所取 此人則能見 如佛所知法
若見佛真法 則名大智者 斯人有淨眼 能觀察世間
無見即是見 能見一切法 於法若有見 此則無所見
一切諸法性 無生亦無滅 奇哉大導師 自覺能覺他
勝慧先已說 如來所悟法 我等從彼聞 能知佛真性
爾時精進慧菩薩承佛威力觀察十方而說
頌言

若住於分別 則壞清淨眼 愚癡邪見增 永不見諸佛
若能了邪法 如實不顛倒 知妄本自真 見佛則清淨
有見則為垢 此則未為見 遠離於諸見 如是乃見佛
世間言語法 衆生妄分別 知世皆無生 乃是見世間
若見見世間 見則世間相 如實等無異 此名真見者

若見等無異於物不分別是見離諸惑無礙得自在
諸佛所開示一切分別法是悉不可得彼性清淨故
法性本清淨如空無有相一切無能說智者如是觀
遠離於法想不樂一切法此亦無所修能見大牟尼
如德慧所說此名見佛者所有一切行體性皆寂滅
爾時善慧菩薩承佛威力普觀十方而說頌
言

希有大勇健無量諸如來離垢心解脫自度能度彼
我見世間燈如實不顛倒如於無量劫積智者所見
一切凡夫行莫不速歸盡其性如虛空故說無有盡
智者說無盡此亦無所說自性無盡故得有難思盡
所說無盡中無衆生可得知衆生性爾則見大名稱
無見說爲見無生說衆生若見若衆生了知無體性
能見及所見見者悉除遣不壞於真法此人了知佛
若人了知佛及佛所說法則能照世間如佛盧舍那
正覺善開示一法清淨道精進慧大士演說無量法
若有若無有彼想皆除滅如是能見佛安住於實際
爾時智慧菩薩承佛威力普觀十方而說頌
言

我聞最勝教即生智慧光普照十方界悉見一切佛
此中無少物但有假名字若計有我人則爲入險道
諸取著凡夫計身爲實有如來非所取彼終不得見
此人無慧眼不能得見佛於無量劫中流轉生死海
有諍說生死無諍即涅槃生死及涅槃一俱不可得

若逐假名字 取著此二法 此人不如實 不知聖妙道
若生如是想 此佛此最勝 顛倒非實義 不能見正覺
能知此實體 寂滅真如相 則見正覺尊 超出語言道
言語說諸法 不能顯實相 平等乃能見 如法佛亦然
正覺過去世 未來及現在 永斷分別根 是故說名佛
爾時真實慧菩薩承佛威力普觀十方而說
頌言

寧受地獄苦 得聞諸佛名 不受無量樂 而不聞佛名
所以於往昔 無數劫受苦 流轉生死中 不聞佛名故
於法不顛倒 如實而現證 離諸和合相 是名無上覺
現在非和合 去來亦復然 一切法無相 是則佛真體
若能如是觀 諸法甚深義 則見一切佛 法身真實相
於實見真實 非實見不實 如是究竟解 是故名爲佛
佛法不可覺了 此名覺法 諸佛如是修 一法不可得
知以一故衆 知以衆故一 諸法無所依 但從和合起
無能作所作 唯從業想生 云何知如是 異此無有故
一切法無住 定處不可得 諸佛住於此 究竟不動搖
爾時無上慧菩薩承佛威力普觀十方而說
頌言

無上摩訶薩 遠離衆生想 無有能過者 故号爲無上
諸佛所得處 無作無分別 微者無所有 微細亦復然
諸佛所行境 於中無有數 正覺遠離數 此是佛真法
如來光普照 滅除衆暗冥 是光非有照 亦復非無照
於法無所著 無念亦無染 無住無處所 不壞於法性

此中無有二亦復無有一大智善見者如理巧安住
無中無有二無二亦復無三界一切空是則諸佛見
凡夫無覺解佛今住正法諸法無所住悟此見自身
非身而說身非起而現起無身亦無見是佛無上身
如是實慧說諸佛妙法性若聞此法者當得清淨眼
爾時堅固慧菩薩承佛威力普觀十方而說
頌言

偉哉大光明勇健無上士為利羣迷故而興於世間
佛以大悲心普觀諸衆生見在三有中輪迴受衆苦
唯除正等覺具德尊導師一切諸天人無能救護者
若佛菩薩等不出於世間無有一衆生而能得安樂
如來等正覺及諸賢聖衆出現於世間能與衆生樂
若見如來者為得大善利聞佛名生信則是世間塔
我等見世尊為得大利益聞如是妙法悉當成佛道
諸菩薩過去以佛威神力得清淨慧眼了諸佛境界
今見盧舍那重增清淨信佛智無邊際演說不可盡
勝慧等菩薩及我堅固慧無數億劫中說亦不能盡
大方廣佛華嚴經十住品第十五
爾時法慧菩薩承佛威力入菩薩無量方便
三昧以三昧力十方各千佛剎微塵數世界
之外有千佛剎微塵數諸佛皆同一号名曰
法慧普現其前告法慧菩薩言善哉善哉善
男子汝能入是菩薩無量方便三昧善男子
十方各千佛剎微塵數諸佛悉以神力共加

於汝又是毗盧遮那如來往昔願力威神之力及汝所修善根力故入此三昧今汝說法爲增長佛智故深入法界故善了衆生界故所入無礙故所行無障故得無等方便故入一切智性故覺一切法故知一切根故能持說一切法故所謂發起諸菩薩十種住善男子汝當承佛威神之力而演此法是時諸佛即與法慧菩薩無礙智無著智無斷智無癡智無異智無失智無量智無勝智無懈智無奪智何以故此三昧力法如是故是時諸佛各申右手摩法慧菩薩頂法慧菩薩即從定起告諸菩薩言佛子菩薩住處廣大與法界虛空等佛子菩薩住三世諸佛家彼菩薩住我今當說諸佛子菩薩住有十種過去未來現在諸佛已說當說今說何者爲十所謂初發心住治地住修行住生貴住具足方便住正心住不退住童真住王子住灌頂住是名菩薩十住去來現在諸佛所說

佛子云何爲菩薩發心住此菩薩見佛世尊形貌端嚴色相圓滿人所樂見難可值遇有大威力或見神足或聞記別或聽教誡或見衆生受諸劇苦或聞如來廣大佛法發菩提心求一切智此菩薩緣十種難得法而發於心何者爲十所謂是處非處智善惡業報智

諸根勝劣智種種解差別智種種界差別智一切至處道智諸禪解脫三昧智宿命無礙智天眼無礙智三世漏盡智是爲十佛子此菩薩應勸學十法何者爲十所謂勤供養佛樂住生死主導世間令除惡業以勝妙法常行教誨歎無上法學佛功德生諸佛前恒蒙攝受方便演說寂靜三昧讚歎遠離生死輪迴爲苦衆生作歸依處何以故欲令菩薩於佛法中心轉增廣有所聞法即自開解不由他教故

佛子云何爲菩薩治地住此菩薩於諸衆生發十種心何者爲十所謂利益心大悲心安樂心安住心憐愍心攝受心守護心同己心師心導師心是爲十佛子此菩薩應勸學十法何者爲十所謂誦習多聞虛閑寂靜近善知識發言和悅語必知時心無怯怖了達於義如法修行遠離愚迷安住不動何以故欲令菩薩於諸衆生增長大悲有所聞法即自開解不由他教故

佛子云何爲菩薩修行住此菩薩以十種行觀一切法何等爲十所謂觀一切法無常一切法苦一切法空一切法無我一切法無作一切法無味一切法不如名一切法無處所一切法離分別一切法無堅實是爲十佛子

此菩薩應勸學十法何者爲十所謂觀察衆生界法界世界觀察地界水界火界風界觀察欲界色界無色界何以故欲令菩薩智慧明了有所聞法即自開解不由他教故佛子云何爲菩薩生貴住此菩薩從聖教中生成就十法何者爲十所謂永不退轉於諸佛所深生淨信善觀察法了知衆生國土世界業行果報生死涅槃是爲十佛子此菩薩應勸學十法何者爲十所謂了知過去未來現在一切佛法修集過去未來現在一切佛法圓滿過去未來現在一切佛法了知一切諸佛平等何以故欲令增進於三世中心得平等有所聞法即自開解不由他教故佛子云何爲菩薩具足方便住此菩薩所修善根皆爲救護一切衆生饒益一切衆生安樂一切衆生哀愍一切衆生度脫一切衆生令一切衆生離諸哉難令一切衆生出生死苦令一切衆生發生淨信令一切衆生悉得調伏令一切衆生成證涅槃佛子此菩薩應勸學十法何者爲十所謂知衆生無邊知衆生無量知衆生無數知衆生不思議知衆生無量色知衆生不可量知衆生空知衆生無所作知衆生無所有知衆生無自性何以故欲令其心轉復增勝無所深著有所聞法即

自開解不由他教故

佛子云何爲菩薩正心住此菩薩聞十種法
心定不動何者爲十所謂聞讚佛毀佛於佛
法中心定不動聞讚法毀法於佛法中心定
不動聞讚菩薩毀菩薩於佛法中心定不動
聞讚菩薩毀菩薩所行法於佛法中心定不
動聞說衆生有垢無垢於佛法中心定不動
聞說衆生有量無量於佛法中心定不動聞
說法界有量無量於佛法中心定不動聞說
法界有成有壞於佛法中心定不動聞說法
界若有若無於佛法中心定不動是爲十佛
子此菩薩應勸學十法何者爲十所謂一切
法無相一切法無體一切法不可修一切法
無所有一切法無真實一切法空一切法無
性一切法如幻一切法如夢一切法無分別
何一切法如幻一切法如夢一切法無分別
以故欲令其心轉復增進得不退轉無生法
忍有所聞法即自開解不由他教故
佛子云何爲菩薩不退住此菩薩聞十種法
堅固不退何者爲十所謂聞有佛無佛於佛
法中心不退轉聞有法無法於佛法中心不
退轉聞有菩薩無菩薩於佛法中心不退轉
聞有菩薩行無菩薩行於佛法中心不退轉
聞菩薩修行出離修行不出離於佛法中心

不退轉聞過去有佛過去無佛於佛法中心
不退轉聞未來有佛未來無佛於佛法中心
不退轉聞現在有佛現在無佛於佛法中心
不退轉聞佛智有盡佛智無盡於佛法中心
不退轉聞三世一相三世非一相於佛法中
心不退轉是爲十佛子此菩薩應勸學十種
廣大法何者爲十所謂說一即多說多即一
文隨於義義隨於文非有即有有即非有無
相即相相即無相無性即性性即無性何以
故欲令增進於一切法善能出離有所聞法
即自開解不由他教故

佛子云何爲菩薩童真住此菩薩住十種業
何者爲十所謂身行無失語行無失意行無
失隨意受生知衆生種種欲知衆生種種解
知衆生種種界知衆生種種業知世界成壞
神足自在所行無礙是爲十佛子此菩薩應
勸學十種法何者爲十所謂知一切佛剎動
一切佛剎持一切佛剎觀一切佛剎詣一切
佛剎遊行無數世界領受無數佛法現變化
自在身出廣大徧滿音一剎那中承事供養
無數諸佛何以故欲令增進於一切法能得
善巧有所聞法即自開解不由他教故
佛子云何爲菩薩王子住此菩薩善知十種
法何者爲十所謂善知諸衆生受生善知諸

煩惱現起善知習氣相續善知所行方便善知無量法善解諸威儀善知世界差別善知前際後際事善知演說世諦善知演說第一義諦是爲十佛子此菩薩應勸學十種法何者爲十所謂法王處善巧法王處軌度法王處宮殿法王處趣入法王處觀察法王薩頂法王力持法王無畏法王宴寢法王讚歎何以故欲令增進心無障礙有所聞法即自開解不由他教故

佛子云何爲菩薩薩頂住此菩薩得成就十種智何者爲十所謂震動無數世界照耀無數世界住持無數世界往詣無數世界嚴淨無數世界開示無數衆生觀察無數衆生知無數衆生根令無數衆生趣入令無數衆生調伏是爲十佛子此菩薩身及身業神通變現過去智未來智現在智成就佛土心境界智境界皆不可知乃至法王子菩薩亦不能知佛子此菩薩應勸學諸佛十種智何者爲十所謂三世智佛法智法界無礙智法界無邊智充滿一切世界智普照一切世界智住持一切世界智知一切衆生智知一切法智知無邊諸佛智何以故欲令增長一切種智有所聞法即自開解不由他教故

爾時佛神力故十方各一萬佛刹微塵數世

界六種震動所謂徧徧動等徧動起徧起等徧起徧徧動等徧徧震徧震等徧震吼徧吼等徧吼擊徧擊等徧擊雨天妙華天末香天華鬘天雜香天寶衣天寶雲天莊嚴具天諸音樂不鼓自鳴放大光明及妙音聲如此四天下須彌山頂帝釋殿上說十住法現諸神變十方所有一切世界悉亦如是又以佛神力故十方各過一萬佛刹微塵數世界有十佛刹微塵數菩薩來詣於此充滿十方作如是言善哉善哉佛子善說此法我等諸人同名法慧所從來國同名法雲彼土如來皆名妙法我等佛所亦說十住衆會眷屬文句義理悉亦如是無有增減佛子我等承佛神力來入此會爲汝作證如於此會十方所有一切世界悉亦如是爾時法慧菩薩承佛威力觀察十方暨于法界而說頌曰

見最勝智微妙身
如是尊重甚難遇
見無等比大神通
諸趣衆生無量苦
聞諸如來普勝尊
譬如虛空不分別
三世因果名爲處
欲悉了知真實義

相好端嚴皆具足
菩薩勇猛初發心
聞說記心及教誡
菩薩以此初發心
一切功德皆成就
菩薩以此初發心
我等自性爲非處
菩薩以此初發心

過去未來現在地

所有一切善惡業

欲悉了知無不盡

菩薩以此初發心

諸禪解脫及三昧

雜染清淨無量種

欲悉了知入住出

菩薩以此初發心

隨諸衆生根利鈍

如是種種精進力

欲悉了達分別知

菩薩以此初發心

一切衆生種種解

心所好樂各差別

如是無量欲悉知

菩薩以此初發心

衆生諸界各差別

一切世間無有量

欲悉了知其體性

菩薩以此初發心

一切有爲諸行道

一一皆有所至處

悉欲了知其實性

菩薩以此初發心

一切世界諸衆生

隨業漂流無暫息

欲得天眼皆明見

菩薩以此初發心

過去世中曾所有

如是體性如是相

欲悉了知其宿住

菩薩以此初發心

一切衆生諸結心

相續現起及習氣

欲悉了知究竟盡

菩薩以此初發心

隨諸衆生所安立

種種談論語言道

如其世諦悉欲知

菩薩以此初發心

一切諸法離言說

性空寂滅無所作

欲悉明達此真義

菩薩以此初發心

欲悉震動十方國

傾覆一切諸大海

具足諸佛大神通

菩薩以此初發心

欲一毛孔放光明
一一光中覺一切
欲以難思諸佛刹
了知一切如幻化
欲以無量刹衆生
悉知無人無有我
欲以一毛滴海水
而悉分別知其數
不可思議諸國土
欲悉分別知其數
過去未來無量劫
欲悉了達窮其際
三世所有諸如來
欲知其法盡無餘
無量無邊諸世界
如其體相悉了知
無量無數輪圍山
如其大小皆得知
欲以寂靜一妙音
如是皆今淨明了
一切衆生語言法
悉欲了知其自性
世間言音靡不作
欲得如是妙古根

普照十方無量土
菩薩以此初發心
悉置掌中而不動
菩薩以此初發心
置一毛端不迫隘
菩薩以此初發心
一切大海悉令竭
菩薩以此初發心
盡抹爲塵無遺者
菩薩以此初發心
一切世間成壞相
菩薩以此初發心
一切獨覺及聲聞
菩薩以此初發心
欲以一毛悉稱舉
菩薩以此初發心
欲令悉入毛孔中
菩薩以此初發心
普應十方隨類演
菩薩以此初發心
一言演說無不盡
菩薩以此初發心
悉令其解證寂滅
菩薩以此初發心

欲使十方諸世界
而悉知從分別生
一切十方諸世界
欲悉了知彼佛法
種種變化無量身
欲悉了達從心起
過去未來現在世
欲於一念悉了知
欲具演說一句法
而今文義各不同
十方一切諸衆生
欲於一念皆明達
欲以身語及意業
了知三世皆空寂
菩薩如是發心已
恭敬供養諸如來
菩薩勇猛求佛道
爲彼稱歎使順行
十方世界無量刹
爲諸菩薩如是說
最勝最上最第一
勸諸菩薩說與人
一切世間無與等
爲彼菩薩常稱讚

有成壞相皆得見
菩薩以此初發心
無量如來悉充滿
菩薩以此初發心
一切世界微塵等
菩薩以此初發心
無量無數諸如來
菩薩以此初發心
阿僧祇劫無有盡
菩薩以此初發心
隨其流轉生滅相
菩薩以此初發心
普詣十方無所礙
菩薩以此初發心
應令往詣十方國
以此使其無退轉
住於生死不疲厭
如是令其無退轉
悉在其中作尊主
以此令其無退轉
甚深微妙清淨法
如是教令離煩惱
不可傾動摧伏處
如是教令不退轉

佛是世間大力主

具足一切諸功德

令諸菩薩住是中

以此教爲勝丈夫

無量無邊諸佛所

悉得往詣而親近

常爲諸佛所攝受

如是教令不退轉

所有寂靜諸三昧

悉皆演暢無有餘

爲彼菩薩如是說

以此令其不退轉

摧滅諸有生死輪

轉於清淨妙法輪

一切世間無所著

爲諸菩薩如是說

一切衆生墮惡道

無量重苦所纏迫

與作救護歸依處

爲諸菩薩如是說

此是菩薩發心住

一向志求無上道

如我所說教誨法

一切諸佛亦如是

第二治地住菩薩

應當發起如是心

十方一切諸衆生

願使悉順如來教

利益大悲安樂心

安住憐愍攝受心

守護衆生同己心

師心及以導師心

已住如是勝妙心

次令誦習求多聞

常樂寂靜正思惟

親近一切善知識

發言和悅離麤穢

言必知時無所畏

了達於義如法行

遠離愚迷心不動

此是初學菩提行

能行此行真佛子

我今說彼所應行

如是佛子應勤學

第三菩薩修行住

當依佛教勤觀察

諸法無常苦及空

無有我人無動作

一切諸法不可樂
無所分別無真實
次今觀察衆生界
世界差別盡無餘
十方世界及虛空
欲界色界無色界
觀察彼界各差別
得如是教勤修行
第四生貴住菩薩
了達諸有無所有
信佛堅固不可壞
隨諸衆生悉了知
世間剎土業及報
佛子於法如是觀
過去未來現在世
了知積集及圓滿
三世一切諸如來
種種差別不可得
如我僞揚讚歎者
若能依法勤修行
從此第五諸菩薩
深入無量巧方便
菩薩所修衆福德
專心利益與安樂

無如名字無處所
如是觀者名菩薩
及以勸觀於法界
於彼咸應勸觀察
所有地水與火風
悉勸觀察咸令盡
及其體性咸究竟
此則名為真佛子
從諸聖教而出生
超過彼法生法界
觀法寂滅心安住
體性虛妄無真實
生死涅槃悉如是
從佛親生名佛子
其中所有諸佛法
如是修學今究竟
能隨觀察悉平等
如是觀者達三世
此是四住諸功德
遠成無上佛菩提
說名具足方便住
發生究竟功德業
皆為救護諸羣生
一向哀愍令度脫

為一切世除衆難
 一一調伏無所遺
 一切衆生無有邊
 及以不可稱量等
 此第五住眞佛子
 一切功德大智尊
 第六正心圓滿住
 正念思惟離分別
 聞讚毀佛與佛法
 衆生有量若無量
 法界大小及成壞
 過去未來今現在
 一切諸法皆無相
 如幻如夢離分別
 第七不退轉菩薩
 若有若無出不出
 過去未來現在世
 佛智有盡或無盡
 一即是多多即二
 如是一切展轉成
 若法有相及無相
 種種差別互相屬
 第八菩薩童眞住
 一切清淨無諸失

引出諸有令歡喜
 皆令具德向涅槃
 無量無數不思議
 聽受如來如是法
 成就方便度衆生
 以如是法而開示
 於法自性無迷惑
 一切天人莫能動
 菩薩及以所行行
 有垢無垢難易度
 若有若無心不動
 諦念思惟恒決定
 無體無性空無實
 常樂聽聞如是義
 於佛及法菩薩行
 雖聞是說無退轉
 一切諸佛有以無
 三世一相種種相
 文隨於義義隨文
 此不退人應爲說
 若法有性及無性
 此人聞已得究竟
 身語意行皆具足
 隨意受生得自在

知諸衆生心所樂
及其所有一切法
速得速疾妙神通
於諸佛所聽聞法
了知一切諸佛國
超過佛土不可量
阿僧祇法悉諮問
言音善巧靡不充
第九菩薩王子住
煩惱現習靡不知
諸法各異威儀別
如其世俗第一義
法王善巧安立處
法王宮殿若趣入
法王所有灌頂法
宴寢宮室及歡譽
如是爲說靡不盡
於此了知修正念
第十灌頂眞佛子
十方無數諸世界
住持往詣亦無餘
開示衆生無有數
發心調伏亦無邊
一切法界咸觀察

種種意解各差別
十方國土成壞相
一切處中隨念往
讚歎修行無懈怠
震動加持亦觀察
遊行世界無邊數
所欲受身皆自在
諸佛無數咸承事
能見衆生受生別
所行方便皆善了
世界不同前後際
悉善了知無有餘
隨其處所所有法
及以於中所觀見
神力加持無怯畏
以此教詔法王子
而令其心無所著
一切諸佛現其前
成滿最上第一法
悉能震動光普照
清淨莊嚴皆具足
觀察知根悉能盡
咸令趣向大菩提
十方國土皆往詣

其中身及身所作
三世佛土諸境界
一切見者三世智
法界無礙無邊智
照耀世界住持智
及知正覺無邊智
如是十住諸菩薩
隨其所有功德行
過去未來現在世
十方國土皆充滿
一切國土無邊際
惑業心樂各差別
始求佛道一念心
斯等尚亦不能知
十方所有諸世界
彼人能知此佛子
十方所有諸大海
一切世界抹爲塵
如是之人乃能見
去來現在十方佛
悉以種種妙辯才
發心功德不可量
眾智共說無能盡

神通變現難可測
乃至王子無能了
於諸佛法明了智
充滿一切世界智
了知衆生諸法智
如來爲說咸令盡
皆從如來法化生
一切天人莫能測
發心求佛無有邊
莫不當成一切智
世界衆生法亦然
依彼而發菩提意
世間衆生及二乘
何況所餘功德行
能以一毛悉稱舉
趣向如來智慧行
悉以毛端滴令盡
一念所修功德行
悉能分別知其數
此諸菩薩所行道
一切獨覺及聲聞
開示初發菩提心
充滿一切衆生界
何況所餘諸妙行

大方廣佛華嚴經卷第十六

層級

上音音
下居立切

繒綺

上疾陵切
下墟彼切

鳩駝

上居求切
下唐佐切

有繫

下於計切
繫者上古音

偉哉

上于鬼切

無奪

下從話切
灌頂上古既切

劇苦

上苛逆切

軌度

上房靖切
宴寢上訪殿切

暨于

上其冀切

迫隘

上音音
下多礙切
嚴廣下之猛切

上巳歲高麗國大歲都監奉

勅摩造

大方廣佛華嚴經卷第十七

娑

梵行品第十六

于闐國三藏實叉難陀奉 制譯

爾時正念天子白法慧菩薩言佛子一切世
界諸菩薩衆依如來教深衣出家云何而得
梵行清淨從菩薩位逮於無上菩提之道法
慧菩薩言佛子菩薩摩訶薩修梵行時應以
十法而爲所緣作意觀察所謂身身業語語
業意意業佛法僧戒應如是觀爲身是梵行
耶乃至戒是梵行耶若身是梵行者當知梵
行則爲非善則爲非法則爲渾濁則爲臭惡
則爲不淨則爲可厭則爲違逆則爲難淨則
爲死屍則爲蟲聚若身業是梵行者梵行則
是行住坐臥左右顧視屈申俯仰若語是梵
行者梵行則是音聲風息習舌喉吻吐納抑
縱高低清濁若語業是梵行者梵行則是起
居開訕略說廣說論說直說讚說毀說安立
說隨俗說顯了說若意是梵行者梵行則應
是覺是觀是分別是種種分別是憶念是種
種憶念是思惟是種種思惟是幻術是眠夢
若意業是梵行者當知梵行則是思想寒熱
飢渴苦樂憂喜若佛是梵行者爲色是佛耶
受是佛耶想是佛耶行是佛耶識是佛耶爲
相是佛耶好是佛耶神通是佛耶業行是佛

耶果報是佛耶若法是梵行者爲寂滅是法
 耶涅槃是法耶不生是法耶不起是法耶不
 可說是法耶無分別是法耶無所行是法耶
 不合集是法耶若僧是梵行者爲預流向是
 僧耶預流果是僧耶一來向是僧耶一來果
 是僧耶不還向是僧耶不還果是僧耶阿羅
 漢向是僧耶阿羅漢果是僧耶三明是僧耶
 六通是僧耶若戒是梵行者爲壇場是戒耶
 問清淨是戒耶教威儀是戒耶三說羯磨是
 戒耶和尚是戒耶阿闍黎是戒耶鬚髮是戒
 耶著袈裟衣是戒耶乞食是戒耶正命是戒
 耶如是觀已於身無所取於修無所著於法
 無所住過去已滅未來未至現在空寂無作
 業者無受報者此世不移動彼世不改變此
 中何法名爲梵行梵行從何處來誰之所有
 體爲是誰由誰而作爲是有爲是無爲是色
 爲非色爲是受爲非受爲是想爲非想爲是
 行爲非行爲是識爲非識如是觀察梵行法
 不可得故三世法皆空寂故意無取著故心
 無障礙故所行無二故方便自在故受無相
 法故觀無相法故知佛法平等故具一切佛
 法故如是名爲清淨梵行復應修習十種法
 何者爲十所謂處非處智過現未來業報智
 諸禪解脫三昧智諸根勝劣智種種解智種

種界智一切至處道智天眼無礙智宿命無礙智永斷習氣智於如來十力一一觀察一力中有無量義悉應諮問聞已應起大慈悲心觀察衆生而不捨離思惟諸法無有休息行無上業不求果報了知境界如幻如夢如影如響亦如變化若諸菩薩能與如是觀行相應於諸法中不生二解一切佛法疾得現前初發心時即得阿耨多羅三藐三菩提知一切法即心自性成就慧身不由他悟大方廣佛華嚴經初發心功德品第十七爾時天帝釋白法慧菩薩言佛子菩薩初發菩提之心所得功德其量幾何法慧菩薩言此義甚深難說難知難分別難信解難證難行難通達難思惟難度量難趣入雖然我當承佛威神之力而爲汝說佛子假使有人以一切樂具供養東方阿僧祇世界所有衆生經於一劫然後教令淨持五戒南西北方四維上下亦復如是佛子於汝意云何此人功德寧爲多不天帝言佛子此人功德唯佛能知其餘一切無能量者法慧菩薩言佛子此人功德比菩薩初發心功德百分不及一千分不及一百千分不及一如是億分百億分千億分百千億分那由他億分百那由他億分千那由他億分百千那由他億分數分歌

羅分算分論分優彼尼妙陀分亦不及一佛
子且置此諭假使有人以一切樂具供養十
方十阿僧祇世界所有衆生經於百劫然後
教令修十善道如是供養經於千劫教住四
禪經於百千劫教住四無量心經於億劫教
住四無色定經於百億劫教住須陀洹果經
於千億劫教住斯陀含果經於百千億劫教
住阿那含果經於那由他億劫教住阿羅漢
果經於百千那由他億劫教住辟支佛道佛
子於意云何是人功德寧爲多不天帝言佛
子此人功德唯佛能知法慧菩薩言佛子此
人功德比菩薩初發心功德百分不及一千
分不及一百千分不及一乃至優彼尼妙陀
分亦不及一何以故佛子一切諸佛初發心
時不但爲以一切樂具供養十方十阿僧祇
世界所有衆生經於百劫乃至百千那由他
億劫故發菩提心不但爲教爾所衆生令修
五戒十善業道教住四禪四無量心四無色
定教得須陀洹果斯陀含果阿那含果阿羅
漢果辟支佛道故發菩提心爲今如來種性
不斷故爲充徧一切世界故爲度脫一切世
界衆生故爲悉知一切世界成壞故爲悉知
一切世界中衆生垢淨故爲悉知一切世界
自性清淨故爲悉知一切衆生心樂煩惱習

氣故爲悉知一切衆生死此生彼故爲悉知一切衆生諸根方便故爲悉知一切衆生心行故爲悉知一切衆生三世智故爲悉知一切佛境界平等故發於無上菩提之心佛子復置此論假使有人於一念頃能過東方阿僧祇世界念念如是盡阿僧祇劫此諸世界無有能得知其邊際又第二人於一念頃能過前人阿僧祇劫所過世界如是亦盡阿僧祇劫次第展轉乃至第十南西北方四維上下亦復如是佛子此十方中凡有百人一一如是過諸世界是諸世界可知邊際菩薩初發阿耨多羅三藐三菩提心所有善根無有能得知其際者何以故佛子菩薩不齊限但爲往爾所世界得了知故發菩提心爲了知十方世界故發菩提心所謂欲了知妙世界即是鹿世界鹿世界即是妙世界仰世界即是覆世界覆世界即是仰世界小世界即是大世界大世界即是小世界廣世界即是狹世界狹世界即是廣世界一世界即是不可說世界不可說世界即是一世界不可說世界即是一世界一世界入不可說世界穢世界即是淨世界淨世界即是穢世界欲知一毛端中一切世界差別性一切世界中一毛端一體性欲知一世界中出生一切世界欲知

一切世界無體性欲以一念心盡知一切廣大世界而無障礙故發阿耨多羅三藐三菩提心佛子復置此論假使有人於一念頃能知東方阿僧祇世界成壞劫數念念如是盡阿僧祇劫此諸劫數無有能得知其邊際有第二人於一念頃能知前人阿僧祇劫所知劫數如是廣說乃至第十南西北方四維上下亦復如是佛子此十方阿僧祇世界成壞劫數可知邊際菩薩初發阿耨多羅三藐三菩提心功德善根無有能得知其際者何以故菩薩不齊限但爲知爾所世界成壞劫數故發阿耨多羅三藐三菩提心爲悉知一切世界成壞劫盡無餘故發阿耨多羅三藐三菩提心所謂知長劫與短劫平等短劫與長劫平等一劫與無數劫平等無數劫與一劫平等有佛劫與無佛劫平等無佛劫與有佛劫平等一佛劫中有不可說佛不可說佛劫中有一佛有量劫與無量劫平等無量劫與有量劫平等有盡劫與無盡劫平等無盡劫與有盡劫平等不可說劫與一念平等一念與不可說劫平等一切劫入非劫非劫入一切劫欲於一念中盡知前際後際及現在一切世界成壞劫故發阿耨多羅三藐三菩提心是名初發心大擔莊嚴了知一切劫神通

智佛子復置此諭假使有人於一念頃能知東方阿僧祇世界所有衆生種種差別解念念如是盡阿僧祇劫有第二人於一念頃能知前人阿僧祇劫所知衆生諸解差別如是亦盡阿僧祇劫次第展轉乃至第十南西北方四維上下亦復如是佛子此十方衆生種種差別解可知邊際菩薩初發阿耨多羅三藐三菩提心功德善根無有能得知其際者何以故佛子菩薩不齊限但爲知爾所衆生解故發阿耨多羅三藐三菩提心爲盡知一切世界所有衆生種種差別解故發阿耨多羅三藐三菩提心所謂欲知一切差別解無邊故一衆生解無數衆生解平等故欲得不

可說差別解方便智光明故欲悉知衆生海各各差別解盡無餘故欲悉知過現未來善不善種種無量解故欲悉知相似解不相似解故欲悉知一切解即是一解一解即是一切解故欲得如來解力故欲悉知有上解無上解有餘解無餘解等解不等解差別故欲悉知有依解無依解共解不共解有邊解無邊解差別解無差別解善解不善解世間解出世間解差別故欲於一切妙解大解無量解正位解中得如來解脫無障礙智故欲以無量方便悉知十方一切衆生界一一衆生

淨解染解廣解略解細解鹿解盡無餘故欲
 悉知深密解方便解分別解自然解隨因所
 超解隨緣所起解一切解網悉無餘故發阿
 耨多羅三藐三菩提心佛子復置此諭假使
 有人於一念頃能知東方無數世界一切衆
 生諸根差別念念如是經阿僧祇劫有第二
 人於一念頃能知前人阿僧祇劫念念所知
 諸根差別如是廣說乃至第十南西北方四
 維上下亦復如是佛子此十方世界所有衆
 生諸根差別可知邊際菩薩初發阿耨多羅
 三藐三菩提心功德善根無有能得知其際
 者何以故菩薩不齊限但爲知爾所世界衆
 生根故發阿耨多羅三藐三菩提心爲盡知
 一切世界中一切衆生根種種差別廣說乃
 至欲盡知一切諸根網故發阿耨多羅三藐
 三菩提心佛子復置此諭假使有人於一念
 頃能知東方無數世界所有衆生種種欲樂
 念念如是盡阿僧祇劫次第廣說乃至第十
 南西北方四維上下亦復如是此十方衆生
 所有欲樂可知邊際菩薩初發阿耨多羅三
 藐三菩提心功德善根無有能得知其際者
 何以故佛子菩薩不齊限但爲知爾所衆生
 欲樂故發阿耨多羅三藐三菩提心爲盡知
 一切世界所有衆生種種欲樂廣說乃至欲

盡知一切欲樂網故發阿耨多羅三藐三菩提心佛子復置此諭假使有人於一念頃能知東方無數世界所有衆生種種方便如是廣說乃至第十南西北方四維上下亦復如是此十方衆生種種方便可知邊際菩薩初發阿耨多羅三藐三菩提心功德善根無有能得知其際者何以故佛子菩薩不齊限但爲知爾所世界衆生種種方便故發阿耨多羅三藐三菩提心爲盡知一切世界所有衆生種種方便廣說乃至欲盡知一切方便網故發阿耨多羅三藐三菩提心佛子復置此諭假使有人於一念頃能知東方無數世界所有衆生種種差別心廣說乃至此十方世界所有衆生種種差別心可知邊際菩薩初發阿耨多羅三藐三菩提心功德善根無有能得知其際者何以故佛子菩薩不齊限但爲知爾所衆生心故發阿耨多羅三藐三菩提心爲悉知盡法界虛空界無邊衆生種種心乃至欲盡知一切心網故發阿耨多羅三藐三菩提心佛子復置此諭假使有人於一念頃能知東方無數世界所有衆生種種差別業可別業廣說乃至此十方衆生種種差別業可知邊際菩薩初發阿耨多羅三藐三菩提心善根邊際不可得知何以故佛子菩薩不齊

限但爲知爾所衆生業故發阿耨多羅三藐三菩提心欲悉知三世一切衆生業乃至欲悉知一切業網故發阿耨多羅三藐三菩提心佛子復置此諭假使有人於一念頃能知東方無數世界所有衆生種種煩惱念念如是盡阿僧祇劫此諸煩惱種種差別無有能得知其邊際有第二人於一念頃能知前人阿僧祇劫所知衆生煩惱差別如是復盡阿僧祇劫次第廣說乃至第十南西北方四維上下亦復如是佛子此十方衆生煩惱差別可知邊際菩薩初發阿耨多羅三藐三菩提心善根邊際不可得知何以故佛子菩薩不齊限但爲知爾所世界衆生煩惱故發阿耨多羅三藐三菩提心爲盡知一切世界所有衆生煩惱差別故發阿耨多羅三藐三菩提心所謂欲盡知輕煩惱重煩惱眠煩惱起煩惱一一衆生無量煩惱種種差別種種覺觀淨治一切諸雜染故欲盡知依無明煩惱愛相應煩惱斷一切諸有趣煩惱結故欲盡知貪分煩惱瞋分煩惱癡分煩惱等分煩惱斷一切煩惱根本故欲悉知我煩惱我所煩惱我慢煩惱覺悟一切煩惱盡無餘故欲悉知從顛倒分別生根本煩惱隨煩惱因身見生六十二見調伏一切煩惱故欲悉知盡煩惱

障煩惱發大悲救護心斷一切煩惱網令一切智性清淨故發阿耨多羅三藐三菩提心佛子復置此諭假使有人於一念頃以諸種種上味飲食香華衣服幢幡傘蓋及僧伽藍上妙宮殿寶帳網幔種種莊嚴師子之座及衆妙寶供養東方無數諸佛及無數世界所有衆生恭敬尊重禮拜讚歎曲躬瞻仰相續不絕經無數劫又勸彼衆生悉令如是供養於佛至佛滅後各爲起塔其塔高廣無數世界衆寶所成種種莊嚴一一塔中各有無數如來形像光明徧照無數世界經無數劫南西北方四維上下亦復如是佛子於汝意云何此人功德寧爲多不天帝言是人功德唯佛乃知餘無能測佛子此人功德比菩薩初發心功德百分不及一千分不及一百千分不及一乃至優波尼沙陀分亦不及一佛子復置此諭假使復有第二人於一念中能作前人及無數世界所有衆生無數劫中供養之事念念如是以無量種供養之具供養無量諸佛如來及無量世界所有衆生經無量劫其第三人乃至第十人皆亦如是於一念中能作前人所有供養念念如是以無邊無等不可數不可稱不可思不可量不可說不可說不可說供養之具供養無邊乃至不可

說不可說諸佛及爾許世界所有衆生經無邊乃至不可說不可說劫至佛滅後各爲起塔其塔高廣乃至住劫亦復如是佛子此前功德比菩薩初發心功德百分不及一千分不及一百千分不及一乃至優婆塞沙陀分亦不及一何以故佛子菩薩摩訶薩不齊限但爲供養爾所佛故發阿耨多羅三藐三菩提心爲供養盡法界虛空界不可說不可說十方無量去來現在所有諸佛故發阿耨多羅三藐三菩提心發是心已能知前際一切諸佛始成正覺及般涅槃能信後際一切諸佛所有善根能知現在一切諸佛所有智慧彼諸佛所有功德此菩薩能信能受能修能得能知能證能成就與諸佛平等一性何以故此菩薩爲不斷一切如來種性故發心爲充徧一切世界故發心爲度脫一切世界衆生故發心爲悉知一切世界成壞故發心爲悉知一切衆生垢淨故發心爲悉知一切衆生心樂煩惱習氣故發心爲悉知一切衆生死此生彼故發心爲悉知一切衆生諸根方便故發心爲悉知一切衆生心行故發心爲悉知一切衆生三世智故發心以發心故常爲三一切衆生三世諸佛之所憶念當得三世一切諸佛

無上菩提即爲三世一切諸佛與其妙法即與三世一切諸佛體性平等已修三世一切諸佛助道之法成就三世一切諸佛力無所畏莊嚴三世一切諸佛不共佛法悉得法界一切諸佛說法智慧何以故以是發心當得佛故應知此人即與三世諸佛同等即與三世諸佛如來境界平等即與三世諸佛如來功德平等得如來一身無量身究竟平等真實智慧纔發心時即爲十方一切諸佛所共稱歎即能說法教化調伏一切世界所有衆生即能震動一切世界即能光照一切世界即能息滅一切世界諸惡道苦即能嚴淨一切國土即能於一切世界中示現成佛即能令一切衆生皆得歡喜即能入一切法界性即能持一切佛種性即能得一切佛智慧光明此初發心菩薩不於三世少有所得所謂若諸佛若諸佛法若菩薩若菩薩法若獨覺若獨覺法若聲聞若聲聞法若世間若世間法若出世間若出世間法若衆生若衆生法唯求一切智於諸法界心無所著爾時佛神力故十方各一萬佛剎微塵數世界六種震動所謂動徧動等徧動起徧起等徧起徧徧徧等徧徧震徧震等徧震吼徧吼等徧吼擊徧擊等徧擊雨衆天華天香天末香天華鬘

天衣天寶天莊嚴具作天妓樂放天光明及
天音聲是時十方各過十佛刹微塵數世界
外有萬佛刹微塵數佛同名法慧各現其身
在法慧菩薩前作如是言善哉善哉法慧汝
於今者能說此法我等十方各萬佛刹微塵
數佛亦說是法一切諸佛悉如是說法說此
法時有萬佛刹微塵數菩薩發菩提心我等
今者悉授其記於當來世過千不可說無邊
劫同一劫中而得作佛出興於世皆号清淨
心如來所住世界各各差別我等悉當護持
此法今未來世一切菩薩未曾聞者皆悉得
聞如此娑婆世界四天下須彌頂上說如是
法今諸衆生聞已受化如是十方百千億那
由他無數無量無邊無等不可數不可稱不
可思不可量不可說盡法界虛空界諸世界
中亦說此法教化衆生其說法者同名法慧
悉以佛神力故世尊本願力故爲欲顯示佛
法故爲以智光普照故爲欲開闡實義故爲
今證得法性故爲今衆會悉歡喜故爲欲開
示佛法因故爲得一切佛平等故爲了法界
無有二故說如是法

爾時法慧菩薩普觀盡虛空界十方國土一
切衆會欲悉成就諸衆生故欲悉淨治諸業
果報故欲悉開顯清淨法界故欲悉拔除雜

深根本故欲悉增長廣大信解故欲悉令知
無量衆生根故欲悉令知三乘法平等故欲
悉令觀察涅槃界故欲增長自清淨善根故
承佛威力即說頌言

爲利世間發大心
衆生國土三乘法
究竟虛空等法界
如諸佛法皆往詣
慈念衆生無暫捨
光明照世爲所歸
十方國土悉趣入
如佛福智廣無邊
有剎仰住或傍覆
菩薩一發最上心
菩薩勝行不可說
見一切佛常欣樂
哀愍五趣諸羣生
紹隆佛種不斷絕
已住如來平等性
於佛境界起信心
兩足尊所念報恩
於佛所行能照了
諸趣差別想無量
乃至根性種種殊

其心普徧於十方
佛及菩薩最勝海
所有一切諸世間
如是發心無退轉
離諸惱害普饒益
十力護念難思議
一切色形皆示現
隨順修因無所著
虛妙廣大無量種
悉能往詣皆無礙
皆勤修習無所住
普入於其深法海
令除垢穢普清淨
摧滅魔宮無有餘
善修微妙方便道
得佛灌頂心無著
心如金剛不可沮
自然修習善提行
業果及心亦非一
一發大心悉明見

其心廣大等法界
趣向佛智無所取
知衆生心無生想
雖普分別無分別
無量諸佛妙法藏
衆生根行靡不知
清淨六願恒相應
人天見者無厭足
其心清淨無所依
如是思惟無量劫
其心堅固難制沮
志求妙道除蒙惑
知語言法皆寂滅
諸佛境界悉順觀
菩薩始發廣大心
法門無量不可說
大悲廣度最無比
而於衆生不分別
十方衆生悉慰安
恒以淨心不異語
過去所有皆憶念
十方世界普入中
菩薩具足妙智光
一切迷惑皆除斷

無依無變如虛空
諦了實際離分別
了達諸法無法想
億那由刹皆往詣
隨順觀察悉能入
到如是處如世尊
樂供如來不退轉
常爲諸佛所護念
雖觀深法而不取
於三世中無所著
趣佛菩提無障礙
周行法界不告勞
但入真如絕異解
達於三世心無礙
即能徧往十方刹
智光普照皆明了
慈心普徧等虛空
如是清淨遊於世
一切所作皆真實
常爲諸佛共加護
未來一切悉分別
爲度衆生令出離
善了因緣無有疑
如是而遊於法界

魔王宮殿悉摧破
離諸分別心不動
三世疑網悉已除
以信得成不動智
爲今衆生得出離
長時勤苦心無厭
福智無量皆具足
及諸業行無不見
了知一切空無我
以一大悲微妙音
放六光明種種色
光中菩薩坐蓮華
於一毛端現衆刹
衆會智慧各不同
十方世界不可說
利益衆生供養佛
於諸如來作父想
智慧善巧通法藏
隨順思惟說法界
智雖善入無處所
三世諸佛家中生
昔爲羣生現衆色
或現始修殊勝行
或現樹下成菩提

衆生翳膜咸除滅
善了如來之境界
於如來所起淨信
智清淨故解真實
盡於後際普饒益
乃至地獄亦安受
衆生根欲悉了知
如其所樂爲說法
慈念衆生恒不捨
普入世間而演說
普照衆生除黑闇
爲衆闡揚清淨法
諸大菩薩皆充滿
悉能明了衆生心
一念周行無不盡
於諸佛所問深義
爲利衆生修覺行
入深智處無所著
經無量劫不可盡
無有疲厭無所著
證得如來妙法身
譬如幻師無不作
或現初生及出家
或爲衆生示涅槃

菩薩所住希有法
身語意想皆已除
菩薩所得諸佛法
智入實際心無礙
此於世間無與等
雖未具足一切智
已住究竟一乘道
善知衆生時非時
分身徧滿一切刹
譬如龍王起大雲
觀察衆生如幻夢
大悲哀愍咸救拔
佛力無量此亦然
爲令衆生得解脫
種種思惟妙功德
於諸勝行恒不捨
一身示現無量身
其心清淨無分別
於諸世間不分別
雖觀諸法而不取
一切世間唯是想
知想境界險且深
譬如幻師自在力
身徧法界及虛空

唯佛境界非二乘
種種隨宜悉能現
衆生思惟發狂亂
普現如來自自在
力何況復增殊勝行
已獲如來自自在
力深入微妙最上法
爲利益故現神通
放淨光明除世間
普雨妙雨悉充洽
以業力故常流轉
爲說無爲淨法性
譬如虛空無有邊
億劫勤修而不倦
善修無上第一業
專念生成一切智
一切世界悉徧徧
一念難思力如是
於一切法無妄想
恒救衆生無所度
於中種種各差別
爲現神通而救脫
菩薩神變亦如是
隨衆生心靡不見

能所分別二俱離
若縛若解智悉忘
一切世間唯想力
思惟諸法亦復然
能入過去畢前際
能入現在一切處
隨順涅槃寂滅法
心如實際無與等
修諸勝行無退怯
佛及菩薩與世間
欲得最勝第一道
應當速發菩提心
趣向菩提心清淨
爲利衆生故稱述
無量世界盡爲塵
其中諸佛皆無量
善知衆生無生想
於諸世界心無礙
其心廣大如虛空
一切疑惑皆除滅
十方無量諸國土
了達世間衆苦法
無量難思諸佛所
常爲上首問如來

雜染清淨無所取
但願普與衆生樂
以智而入心無畏
三世推求不可得
能入未來畢後際
常勤觀察無所有
住於無諍無所依
專向菩提永不退
安住菩提不動搖
盡於法界皆明了
爲一切智解脫王
永盡諸漏利羣生
功德廣大不可說
汝等諸賢應善聽
一一塵中無量刹
悉能明見無所取
善知言語無語想
悉善了知無所著
於三世事悉明達
正觀佛法無所取
一念往詣心無著
悉住無生真實際
悉往彼會而覲謁
菩薩所修諸願行

心常憶念十方佛
恒勸衆生種善根
一切衆生三有處
所有習性諸根解
衆生心樂悉了知
於諸染淨皆通達
無量無數諸三昧
於中想智及所緣
菩薩獲此廣大智
爲欲利益諸羣生
善知世間長短劫
國土各別性平等
普詣十方諸世界
嚴淨國土悉無餘
衆生是處若非處
隨順思惟入佛力
一切世間種種性
利根及與中下根
淨與不淨種種解
一切衆生至處行
禪定解脫諸三昧
及以先世苦樂殊
衆生業或續諸趣
種種漏法永不生

而無所依無所取
莊嚴國土令清淨
以無礙眼咸觀察
無量無邊悉明見
如是隨宜爲說法
令彼修治入於道
菩薩一念皆能入
悉善了知得自在
疾向菩提無所礙
處處宣揚大人法
一月半月及晝夜
常勤觀察不放逸
而於方處無所取
亦不曾生淨分別
及以諸業感報別
於此一切悉了知
種種所行住三有
如是一切咸觀察
勝劣及中悉明見
三有相續皆能說
染淨因起各不同
淨修佛力咸能見
斷此諸趣得寂滅
并其習種悉了知

如來煩惱皆除盡

菩薩於佛十力中

菩薩於一毛孔中

或有雜深或清淨

一微塵中無量刹

諸刹冬別無雜亂

於一毛孔見十方

無有一處空無佛

於毛孔中見佛刹

三壯六趣各不同

如是大智諸菩薩

於佛所住順思惟

菩薩分身無量億

神通變現勝無比

無量佛所皆讚仰

見佛聞法勤修行

已非如來勝三昧

信心不動如須彌

慈心廣大徧衆生

而恒無著無依處

哀愍衆生廣大智

知空無相無真實

菩薩發心功德量

以出一切諸如來

大智光明照於世

雖未證得亦無疑

普現十方無量刹

種種業作皆能了

無量諸佛及佛子

如一一切悉明見

盡虛空界諸世間

如是佛刹悉清淨

復見一切諸衆生

晝夜月時有縛解

專心趣向法三位

而獲無邊大歡喜

供養一切諸如來

佛所行處皆能住

所有法藏悉耽味

如飲甘露心歡喜

善入諸法智增長

普作羣生功德藏

悲願疾成一切智

離諸煩惱得自在

普攝一切同於已

而行其心不懈退

億劫徧揚不可盡

獨覺聲聞安樂故

十方國土諸衆生
勸持五戒及十善
復於多劫施安樂
彼諸福聚雖無量
又教億衆成緣覺
以彼而拔菩提心
一念能過塵數刹
此諸刹數尚可量
過去未來及現在
此諸劫數猶可知
以菩提心徧十方
一念三世悉明達
十方世界諸衆生
及以虛空際可測
菩薩志願等十方
悉使修成佛功德
衆生欲解心所樂
於一念中悉了知
一切衆生諸惑業
此諸邊際尚可知
發心能離業煩惱
業惑既離相續斷
一念供養無邊佛
悉以香華及妙鬘

皆悉施安無量劫
四禪四等諸定處
今斷諸惑成羅漢
不與發心功德比
獲無諍行微妙道
算數譬喻無能及
如是經於無量劫
發心功德不可知
所有劫數無邊量
發心功德無能測
所有分別靡不知
利益無量衆生故
欲解方便意所行
發心功德難知量
慈心普洽諸羣生
是故其力無邊際
諸根方便行各別
一切智智心同等
三有相續無暫斷
發心功德難思議
供養一切諸如來
普於三世得解脫
亦供無數諸衆生
寶幢幡蓋上衣服

美食珍座經行處
毗盧遮那妙寶珠
念念如是持供養
其人福聚雖復多
所說種種衆譬喻
以諸三世人中尊
發心無礙無齊限
一切智智擔必成
發心廣大等虛空
所行普徧如無異
一切法門無不入
一切智境咸通達
一切能捨恒相續
具足無上大功德
入深禪定恒思惟
此是菩薩最勝地
三世一切諸如來
悉以三昧陀羅尼
十方衆生無有量
發心無量過於彼
菩提心是十力本
十八不共亦復然
諸佛色相莊嚴身
智慧無著所應供

種種宮殿悉嚴好
如意摩尼發光耀
經無量劫不可說
不及發心功德大
無有能及菩提心
皆從發心而得生
欲求其量不可得
所有衆生皆永度
生諸功德同法界
永離衆著佛平等
一切國土悉能往
一切功德皆成就
淨諸戒品無所著
常勤精進不退轉
廣大智慧共相應
出生一切普賢道
靡不護念初發心
神通變化共莊嚴
世界虛空亦如是
是故能生一切佛
亦爲四辯無畏本
莫不皆從發心得
及以平等妙法身
悉以發心而得有

一切獨覺聲聞乘
及無色界諸三昧
一切人天自在樂
進定根力等眾樂
以因發起廣大心
勸諸眾生行正行
住佛無礙實義智
能令無量諸眾生
智慧光明如淨日
功德常盈譬巨海
普發無邊功德願
盡未來際依願行
無量大願難思議
空無相願無依處
了法目性如虛空
法門無數不可說
十方世界諸如來
此身無量德所嚴
如眾生數爾許劫
以往如來廣大家
欲知一切諸佛法
此心功德中最勝
眾生心行可數知
虛空邊際乍可量

亡界諸禪三昧樂
悉以發心作其本
及以諸趣種種樂
靡不皆由初發心
則能修行六種度
於三界中受安樂
所有妙業咸開闡
悉斷惑業向涅槃
眾行具足猶滿月
無垢無礙同虛空
悉與一切眾生樂
常勤修習度眾生
願令眾生悉清淨
以願力故皆明顯
一切寂滅悉平等
為眾生說無所著
悉共讚歎初發心
能到彼岸同於佛
說其功德不可盡
三界諸法無能諭
宜應速發菩提心
必得如來無礙智
國土微塵亦復然
發心功德無能測

出生三世一切佛
增長一切勝功德
開示一切妙境界
成就一切清淨刹
欲見十方一切佛
欲滅衆生諸苦惱

成就世間一切樂
永斷一切諸疑惑
盡除一切諸障礙
出生一切如來智
欲施無盡功德藏
宜應速發菩提心

大方廣佛華嚴經卷第十七

渾濁 上戶昆切

死屍 下式之切

蟲聚 上直弓切

屈由 上區勿切

胃舌 上許客切

喉吻 上戶鈞切
下武於切

抑縱 上億音

羯磨 上居竭切

傘蓋 上蘇旱切

纔發 上昨哉切

翳膜 上於計切
下莫音

沮沮 下慈呂切

覲謁 上僅音
下於歇切

鑽仰 上借官切

耽味 上丁含切

三藏高僧國大藏者監奉

功德

大方廣佛華嚴經卷第十八

持

下闍國三藏實叉難陀奉制譯

明法品第十八

爾時精進慧菩薩白法慧菩薩言佛子菩薩摩訶薩初發求一切智心成就如是無量功德具大莊嚴昇一切智乘入菩薩正位捨諸世間法得佛出世法去來現在諸佛攝受決定至於無上菩提究竟之處彼諸菩薩於佛教中云何修習令諸如來皆生歡喜入諸菩薩所住之處一切大行皆得清淨所有大願悉使滿足獲諸菩薩廣大之藏隨所應化常爲說法而恒不捨波羅蜜行所念衆生成令得度紹三寶種使不斷絕善根方便皆悉不虛佛子彼諸菩薩以何方便能令此法當得圓滿願無衰慙爲我宣說此諸大會虛不樂聞復次如諸菩薩摩訶薩常勤修習滅除一切無明黑暗降伏魔怨制諸外道永滌一切煩惱心垢悉能成就一切善根永出一切惡趣諸難淨治一切大智境界成就一切菩薩諸地諸波羅蜜總持三昧六通三明四無所畏清淨功德莊嚴一切諸佛國土及諸相好身語心行成就滿足善知一切諸佛如來力無所畏不共佛法一切智智所行境界爲欲成熟一切衆生隨其心樂而取佛土隨根隨

時如應說法種種無量廣大佛事及餘無量
諸功德法諸行諸道及諸境界皆悉圓滿疾
與如來功德平等於諸如來應正等覺百千
阿僧祇劫修菩薩行時所集法藏悉能守護
開示演說諸魔外道無能沮壞攝持正法無
有窮盡於一切世界演說法時天王夜叉王
乾闥婆王阿脩羅王迦樓羅王緊那羅王摩
睺羅伽王人王梵王如來法主皆悉守護一
切世間恭敬供養同灌其頂常爲諸佛之所
護念一切菩薩亦皆愛敬得善根力增長白
法開演如來甚深法藏攝持正法以自莊嚴
一切菩薩所行次第願皆演說爾時精進慧
菩薩欲重宣其義而說頌言

大名稱者善能演
深入無邊廣大行
若有菩薩初發心
入離生位超世間
彼俱云何佛教中
今諸如來悉歡喜
所行清淨願皆滿
常能說法度衆生
菩薩一切波羅蜜
所念衆生成救度
所作堅固不唐捐

菩薩所成功德法
具足清淨無師智
成就福德智慧乘
普獲正等菩提法
堅固勤修轉增勝
佛所住地速當入
及得廣大智慧藏
而心無依無所著
悉善修行無缺減
常持佛種使不絕
一切功成得出離

如諸勝者所修行

披清淨道願宣說

永破一切無明暗

降伏衆魔及外道

所有垢穢悉消除

得近如來大智慧

永離惡趣諸險難

淨治大智殊勝境

獲妙道力隣上尊

一切功德皆成就

證得如來最勝智

住於無量諸國土

隨衆生心如說法

及作廣大諸佛事

云何而得諸妙道

開演如來正法藏

常能受持諸佛法

無能超勝無與等

云何無畏如師子

所行清淨如滿月

云何修習佛功德

猶如蓮華不著水

爾時法慧菩薩告精進慧菩薩言善哉佛子

汝今爲欲多所饒益多所安樂多所惠利哀

愍世間諸天及人間於如是菩薩所修清淨

之行佛子汝住實法發大精進增長不退已

得解脫能作是問同於如來諦聽諦聽善思

念之我今承佛威神之力爲汝於中說其少

分佛子菩薩摩訶薩已發一切智心應離癡

暗精勤守護無令放逸佛子菩薩摩訶薩住

十種法名不放逸何者爲十一者護持衆戒

二者遠離愚癡淨菩提心三者心樂質直離

諸諂誑四者勤修善根無有退轉五者恒善

思惟自所發心六者不樂親近在家出家一

切凡夫七者修諸善業而不願求世間果報

八者永離一乘行菩薩道九者樂修衆善令不斷絕十者恒善觀察自相續力佛子若諸菩薩行此十法是則名爲住不放逸佛子菩薩摩訶薩住不放逸得十種清淨何者爲十一者如說而行二者念智成就三者住於深定不沈不舉四者樂求佛法無有懈怠五者隨所聞法如理觀察具足出生巧妙智慧六者入深禪定得佛神通七者其心平等無有高下八者於諸衆生上中下類心無障礙猶如大地等作利益九者若見衆生乃至一發菩提之心尊重承事猶如和尚十者於授戒和尚及阿闍梨一切菩薩諸善知識法師之所常生尊重承事供養佛子是名菩薩住不放逸十種清淨佛子菩薩摩訶薩住不放逸發大精進起於正念生勝欲樂所行不息於一切法心無依處於甚深法能勤修習入無諍門增廣大心佛法無邊能順了知今諸如來皆悉歡喜佛子菩薩摩訶薩復有十法能令一切諸佛歡喜何等爲十一者精進不退二者不惜身命三者於諸利養無有希求四者知一切法皆如虛空五者善能觀察普入法界六者知諸法印心無倚著七者常發大願八者成就清淨忍智光明九者觀自善法心無增減十者依無作門修諸淨行佛子是

爲菩薩住十種法能令一切如來歡喜佛子
復有十法能令一切諸佛歡喜何者爲十所
謂安住不放逸安住無生忍安住大慈安住
大悲安住滿足諸波羅蜜安住諸行安住大
願安住巧方便安住勇猛力安住智慧觀一
切法皆無所住猶如虛空佛子若諸菩薩住
此十法能令一切諸佛歡喜佛子有十種法
令諸菩薩速入諸地何等爲十一者善巧圓
滿福智二行二者能大莊嚴波羅蜜道三者
智慧明達不隨他語四者承事善友恆不捨
離五者常行精進無有懈怠六者善能安住
如來神力七者修諸善根不生疲倦八者深
心智慧以大乘法而自莊嚴九者於地地法
門心無所住十者與三世佛善根方便同一
體性佛子此十種法令諸菩薩速入諸地復
次佛子諸菩薩初住地時應善觀察隨其所
有一切法門隨其所有甚深智慧隨所修因
隨所得果隨其境界隨其力用隨其示現隨
其分別隨其所得悉善觀察知一切法皆是
自心而無所著如是知已入菩薩地能善安
住佛子彼諸菩薩作是思惟我等宜應速入
諸地何以故我等若於地地中住成就如是
廣大功德具功德已漸入佛地位佛地已能
作無邊廣大佛事是故宜應常勤修習無有

休息無有疲厭以大功德而自莊嚴入菩薩
 地佛子有十種法令諸菩薩所行清淨何等
 爲十一者悉捨資財滿衆生意二者持戒清
 淨無所毀犯三者柔和忍辱無有窮盡四者
 勤修諸行永不退轉五者以正念力心無迷
 亂六者分別了知無量諸法七者修一切行
 而無所著八者其心不動猶如山王九者廣
 度衆生猶如橋梁十者知一切衆生與諸如
 來同一體性佛子是爲十法令諸菩薩所行
 清淨菩薩既得行清淨已復獲十種增勝法
 何等爲十一者他方諸佛皆悉護念二者善
 根增勝超諸等列三者善能領受佛加持力
 四者常得善人爲所依怙五者安住精進恒
 不放逸六者知一切法平等無異七者心恒
 安住無上大悲八者如實觀法出生妙慧九
 者能善修行巧妙方便十者能知如來方便
 之力佛子是爲菩薩十種增勝法佛子菩薩
 有十種清淨願何等爲十一願成熟衆生無
 有疲倦二願具行衆善淨諸世界三願承事
 如來常生尊重四願護持正法不惜軀命五
 願以智觀察入諸佛土六願與諸菩薩同一
 體性七願入如來門了一切法八願見老生
 信無不獲益九願神力住世盡未來劫十願
 具普賢行法治一切雜智之門佛子是爲十願

薩十種清淨願佛子菩薩住十種法令諸大願皆得圓滿何等爲十一者心無疲厭二者具大莊嚴三者念諸菩薩殊勝願力四者聞諸佛土悉願往生五者深心長久盡未來劫六者願悉成就一切衆生七者住一切劫不以爲夢八者受一切苦不生厭離九者於一切樂心無貪著十者常勤守護無上法門佛子菩薩滿足如是願時即得十種無盡藏何等爲十所謂普見諸佛無盡藏摠持不忘無盡藏決了諸法無盡藏大悲救護無盡藏種種三昧無盡藏滿衆生心廣大福德無盡藏演一切法甚深智慧無盡藏報得神通無盡藏藏住無量劫無盡藏入無邊世界無盡藏佛子是爲菩薩十無盡藏菩薩得是十種藏已福德具足智慧清淨於諸衆生隨其所應而爲說法佛子菩薩云何於諸衆生隨其所應行知其欲樂貪欲多者爲說不淨瞋恚多者爲說大慈愚癡多者教勤觀察三毒等者爲說成就勝智法門樂生死者爲說三苦若著處所說處空寂心懈怠者說大精進懷我慢者說法平等多諂誑者爲說菩薩其心質直樂寂靜者廣爲說法令其成就菩薩如是隨其所應而爲說法爲說法時文相連屬義無

并認觀法先後以智分別是非審定不違法
印次第建立無邊行門令諸衆生斷一切疑
善知諸根入如來教證真實際知法平等斷
諸法愛除一切執常念諸佛心無暫捨了知
音聲體性平等於諸言說心無所著巧說譬
論無相違反悉令得悟一切諸佛隨應普現
平等智身菩薩如是爲諸衆生而演說法則
自修習增長義利不捨諸度具足莊嚴波羅
蜜道是時菩薩爲令衆生心滿足故內外悉
捨而無所著是則能淨檀波羅蜜具持衆戒
而無所著永離我慢是則能淨尸波羅蜜悉
能忍受一切諸惡於諸衆生其心平等無有
動搖譬如大地能持一切是則能淨忍波羅
蜜普發衆業常修靡懈諸有所作恒不退轉
勇猛勢力無能制伏於諸功德不取不捨而
能滿足一切智門是則能淨精進波羅蜜於
五欲境無所貪著諸次第定悉能成就常正
思惟不住不出而能銷滅一切煩惱衆生無
量諸三昧門成就無邊大神通力逆順次第
入諸三昧於一三昧門入無邊三昧門悉知
一切三昧境界與一切三昧三摩鉢底智印
不相違背能速入於一切智地是則能淨禪
波羅蜜於諸佛所聞法受持近善知識承事
不倦常樂聞法心無厭足隨所聽受如理思

惟入真三昧離諸僻見善觀諸法得實相印
 了知如來無功用道乘普門慧入於一切智
 智之門永得休息是則能淨般若波羅蜜示
 現一切世間作業教化衆生而不厭倦隨其
 心樂而為現身一切所行皆無染著或現凡
 夫或現聖人所行之行或現生死或現涅槃
 善能觀察一切所作示現一切諸莊嚴事而
 不貪著徧入諸趣度脫衆生是則能淨方便
 波羅蜜盡成就一切衆生盡莊嚴一切世界
 盡供養一切諸佛盡通達無障礙法盡修行
 徧法界行身恒住盡未來劫智盡知一切心
 念盡覺悟流轉還滅盡示現一切國土盡證
 得如來智慧是則能淨願波羅蜜具深心力
 無有雜染故具深信力無能摧伏故具大悲
 力不生疲厭故具大慈力所行平等故具揔
 持力能以方便持一切義故具辯才力令一
 切衆生歡喜滿足故具波羅蜜力莊嚴大衆
 故具大願力永不斷絕故具神通力出生無
 量故具加持力令信解領受故是則能淨力
 波羅蜜知貪欲行者知瞋恚行者知愚癡行
 者知等分行者知修學地行者一念中知無
 邊衆生行知無邊衆生心知一切法真實知
 一切如來力普覺悟法界門是則能淨智波
 羅蜜佛子菩薩如是清淨諸波羅蜜時圓滿

諸波羅蜜時不捨諸波羅蜜時住大莊嚴菩薩乘中隨其所念一切衆生皆爲說法令增淨業而得度脫墮惡道者教使發心在難中者令勤精進多貪衆生示無貪法多瞋衆生令行平等著見衆生爲說緣起欲界衆生教離欲恚惡不善法色界衆生爲其宣說毗鉢舍那無色界衆生爲其宣說微妙智慧二乘之人教寂靜行樂大乘者爲說十力廣大莊嚴如其往昔初發心時見無量衆生墮諸惡道大師子吼作如是言我當以種種法門隨其所應而度脫之菩薩具足如是智慧廣能度脫一切衆生佛子菩薩具足如是智慧令三寶種永不斷絕所以者何菩薩摩訶薩教諸衆生發菩提心是故能令佛種不斷常爲衆生開闢法藏是故能令法種不斷善持教法無所乖違是故能令僧種不斷復次悉能偈讚一切大願是故能令佛種不斷分別演說因緣之門是故能令法種不斷常勤修習六和敬法是故能令僧種不斷復次於衆生田中下佛種子是故能令佛種不斷護持正法不惜身命是故能令法種不斷統理大衆無有疲倦是故能令僧種不斷復次於去來今佛所說之法所制之戒皆悉奉持心不捨離是故能令佛法僧種永不斷絕菩薩如是

紹隆三寶一切所行無有過失隨有所作皆以迴向一切智門是故三業皆無瑕玷無瑕玷故所作眾善所行諸行教化眾生隨應說法乃至一念無有錯謬皆與方便智慧相應習善法念念具足十種莊嚴何者爲十所謂身莊嚴隨諸眾生所應調伏而爲示現故語莊嚴斷一切疑皆令歡喜故心莊嚴於一念中入諸三昧故佛刹莊嚴一切清淨離諸煩惱故光明莊嚴放無邊光普照眾生故眾會莊嚴普攝眾會皆令歡喜故神通莊嚴隨眾生心自在示現故正教莊嚴能攝一切聰慧人故涅槃地莊嚴於一處成道周徧十方悉無餘故巧說莊嚴隨處隨時隨其根器爲說法故善薩成就如是莊嚴於念念中身語意業皆無空過悉以迴向一切智門若有眾生見此善薩當知亦復無空過者以必當成阿耨多羅三藐三菩提故若聞名若供養若同住若憶念若隨出家若聞說法若隨喜善根若過生欽敬乃至傳揚讚歎名字皆當得阿耨多羅三藐三菩提佛子譬如有一藥名爲善見眾生見者眾毒悉除善薩如是成就此法眾生若見諸煩惱毒皆得除滅善法增長佛子善薩摩訶薩住此法中勤加修習以智慧

明滅諸癡闇以慈悲力摧伏魔軍以大智慧及福德力制諸外道以金剛定滅除一切心垢煩惱以精進力集諸善根以淨佛土諸善根力遠離一切惡道諸難以無所著力淨智境界以方便智慧力出生一切菩薩諸地諸波羅蜜及諸三昧六通三明四無所畏悉令清淨以一切善法力成滿一切諸佛淨土無邊相好身語及心具足莊嚴以智自在觀察力知一切如來力無所畏不共佛法悉皆平等以廣大智慧力了知一切智智境界以往昔誓願力隨所應化現佛國土轉大法輪度脫無量無邊衆生佛子菩薩摩訶薩勤修此法次第成就諸菩薩行乃至得與諸佛平等於無邊世界中爲大法師護持正法一切諸佛之所護念守護受持廣大法藏獲無礙辯深入法門於無邊世界大衆之中隨類不同普現其身色相具足最勝無比以無礙辯巧說深法其音圓滿善巧分布故能令聞者入於無盡智慧之門知諸衆生心行煩惱而爲說法所出言音具足清淨故一音演暢能令一切皆生歡喜其身端正有大威力故處於衆會無能過者善知衆心故能普現身善巧說法故音聲無礙得心自在故巧說大法無能沮壞得無所畏故心無怯弱於法自在故

無能過者於智自在故無能勝者般若波羅蜜自在故所說法相不相違背辯才自在故隨樂說法相續不斷陀羅尼自在故決定開示諸法實相辯才自在故隨所演說能開種種譬喻之門大悲自在故勤誨衆生心無懈怠大慈自在故放光明網悅可衆心菩薩如是處於高廣師子之座演說大法唯除如來及勝願智諸大菩薩其餘衆生無能勝者無見頂者無映奪者欲以難問令其退屈無有是處佛子菩薩摩訶薩得如是自在力已假使有不可說世界量廣大道場滿中衆生一一衆生威德色相皆如三千大千世界主菩薩於此纔現其身悉能映蔽如是大衆以大慈悲安其怯弱以深智慧察其欲樂以無畏辯爲其說法能令一切皆生歡喜何以故佛子菩薩摩訶薩成就無量智慧輪故成就無量巧分別故成就廣大正念力故成就無盡善巧慧故成就決了諸法實相陀羅尼故成就無邊際菩提心故成就無錯謬妙辯才故成就得一切佛加持深信解故成就普入三世諸佛衆會道場智慧力故成就知三世諸佛同一體性清淨心故成就三世一切如來智一切菩薩大願智能作大法師開闢諸佛正法藏及護持故爾時法慧菩薩欲重宣其

心住善提集衆福
正念其意恒不忘
念欲堅固自勤勵
以無諍行入深法
佛歡喜已堅精進
入於諸地淨衆行
如是而修獲妙法
隨其心樂及根性
菩薩爲他演說法
波羅蜜道旣已成
晝夜勤修無懈倦
所行一切白淨法
菩薩所修衆善行
令其破闇滅煩惱
如是修行得佛智
爲大法師演妙法
慈悲哀愍徧一切
如其所樂爲開闡
進止安徐如象王
不動如山智如海
時法慧菩薩說此頌已如來歡喜大衆奉行

常不放逸植堅慧
十方諸佛皆歡喜
於世無依無退怯
十方諸佛皆歡喜
修行福智助道法
滿足如來所說願
旣得法已施羣生
悉順其宜爲開演
不捨自己諸度行
常於有海濟羣生
令三寶種不斷絕
悉以迴向如來地
普爲成就諸羣生
降伏魔軍成正覺
深入如來正法藏
譬如甘露悉霑灑
衆生心行靡不知
無量無邊諸佛法
勇猛無畏猶師子
亦如大雨除衆熱

糾謬

上昌亮切
下靡幼切

僻見

上普靜切

瑕玷

上同
下多承切

勦勦

下制音

霑灑

下砂下切

乙巳歲高麗國大藏都監奉

勅彫造

大方廣佛華嚴經卷第十九

拱

于闐國三藏寶叉難陀恭制譯

昇夜摩天宮品第十九

爾時如來威神力故十方一切世界一一四天下南閻浮提及須彌頂上皆見如來處於衆會彼諸菩薩悉以佛神力故而演說法莫不自謂恒對於佛爾時世尊不離一切菩提樹下及須彌山頂而向於彼夜摩天宮寶莊嚴殿時夜摩天王遙見佛來即以神力於其殿內化作寶蓮華藏師子之座百萬層級以爲莊嚴百萬金網以爲交絡百萬華帳百萬鬘帳百萬香帳百萬寶帳彌覆其上華蓋鬘蓋香蓋寶蓋各亦百萬周迴布列百萬光明而爲照耀百萬夜摩天王恭敬頂禮百萬梵王踊躍歡喜百萬菩薩徧揚讚歎百萬天樂各奏百萬種法音相續不斷百萬種華雲百萬種鬘雲百萬種莊嚴具雲百萬種衣雲周帀彌覆百萬種摩尼雲光明照耀從百萬種善根所生百萬諸佛之所護持百萬種福德之所增長百萬種深心百萬種誓願之所嚴淨百萬種神通之所變現恒出百萬種言音顯示諸法時彼天王敷置座已向佛世尊曲躬合掌恭敬尊重而白佛言善來世尊善來善

述善來如來應正等覺唯願哀愍處此宮殿
時佛受請即昇寶殿一切十方悉亦如是爾
時天主即自憶念過去佛所所種善根承佛
神力而說頌言

名稱如來聞十方

諸吉祥中最無上

彼曾入此摩尼殿

是故此處最吉祥

寶王如來世間燈

諸吉祥中最無上

彼曾入此清淨殿

是故此處最吉祥

喜目如來見無礙

諸吉祥中最無上

彼曾入此莊嚴殿

是故此處最吉祥

然燈如來照世間

諸吉祥中最無上

彼曾入此殊勝殿

是故此處最吉祥

饒益如來利世間

諸吉祥中最無上

彼曾入此無垢殿

是故此處最吉祥

善覺如來無有師

諸吉祥中最無上

彼曾入此寶香殿

是故此處最吉祥

勝天如來世中燈

諸吉祥中最無上

彼曾入此妙香殿

是故此處最吉祥

無去如來論中雄

諸吉祥中最無上

彼曾入此普眼殿

是故此處最吉祥

無勝如來具衆德

諸吉祥中最無上

彼曾入此善嚴殿

是故此處最吉祥

苦行如來利世間

諸吉祥中最無上

彼曾入此普嚴殿

是故此處最吉祥

如此世界中夜摩天王承佛神力憶念往昔諸佛功德徧揚讚歎十方世界夜摩天王悉亦如是歎佛功德爾時世尊入摩尼莊嚴殿於寶蓮華藏師子座上結跏趺坐此殿忽然廣博寬容如其天衆諸所住處十方世界悉亦如是

大方廣佛華嚴經夜摩宮中偈讚品第二十一
爾時佛神力故十方各有一大菩薩一一各與佛剎微塵數菩薩俱從十萬佛剎微塵數國土外諸世界中而來集會其名曰功德林菩薩慧林菩薩勝林菩薩無畏林菩薩慙媿林菩薩精進林菩薩力林菩薩行林菩薩覺林菩薩智林菩薩此諸菩薩所從來國所謂親慧世界幢慧世界寶慧世界勝慧世界燈慧世界金剛慧世界安樂慧世界日慧世界淨慧世界梵慧世界此諸菩薩各於佛所淨修梵行所謂常住眼佛無勝眼佛無住眼佛不動眼佛天眼佛解脫眼佛審諦眼佛明相眼佛最上眼佛紺青眼佛是諸菩薩至佛所已頂禮佛足隨所來方各化作摩尼藏師子之座於其座上結跏趺坐如此世界中夜摩天上菩薩來集一切世界悉亦如是其諸菩薩世界如來所有名号悉等無別爾時世尊從兩足上放百千億妙色光明普照十方一

切世界夜摩宮中佛及大衆靡不皆現爾時
功德林菩薩承佛威力普觀十方而說頌言
佛放大光明 普照於十方 悉見天人尊 通達無障礙
佛坐夜摩宮 普徧十方界 此事甚奇特 世間所希有
須夜摩天王 偈讚十如來 如此會所見 一切處咸爾
彼諸菩薩衆 皆同我等名 十方一切處 演說無上法
所從諸世界 名号亦無別 各於其佛所 淨修於梵行
彼諸如來等 名号悉亦同 國土皆豐樂 神力悉自在
十方一切處 皆謂佛在此 或見在人間 或見住天宮
如來普安住 一切諸國土 我等今見佛 處此天宮殿
普發菩提願 普及十方界 是故佛威力 充徧難思議
遠離世所貪 具足無邊德 故獲神通力 衆生靡不見
遊行十方界 如空無所礙 一身無量身 其相不可得
佛功德無邊 云何可測知 無住亦無去 普入於法界
爾時慧林菩薩承佛威力普觀十方而說頌
言

世間大導師 離垢無上尊 不可思議劫 難可得值遇
佛放大光明 世間靡不見 爲衆廣開演 饒益諸羣生
如來出世間 爲世除癡冥 如是世間燈 希有難可見
已修施戒忍 精進及禪定 般若波羅蜜 以此照世間
如來無與等 求比不可得 不了法真實 無有能得見
佛身及神通 自在難思議 無去亦無來 說法度衆生
若有得見聞 清淨天人師 永出諸惡趣 捨離一切苦
無量無數劫 修習菩提行 不能知此義 不可得成佛

不可思議劫供養無量佛若能知此義功德超於彼無量剎珍寶滿中施於佛不能知此義終不成菩提爾時勝林菩薩承佛威力普觀十方而說頌言

譬如孟夏月空淨無雲暍赫日揚光暉十方靡不充其光無限量無有能測知有目斯尚然何況盲冥者諸佛亦如是功德無邊際不可思議劫莫能分別知諸法無來處亦無能作者無有所從生不可得分別一切法無來是故無有生以生無有故滅亦不可得一切法無生亦復無有滅若能如是解斯人見如來諸法無生故自性無所有如是分別知此人達深義以法無性故無有能了知如是解於法究竟無所解所說有生者以現諸國土能知國土性其心不迷惑世間國土性觀察悉如實若能於此知善說一切義爾時無畏林菩薩承佛威力普觀十方而說頌言

如來廣大身究竟於法界不離於此座而徧一切處若聞如是法恭敬信樂者永離三惡道一切諸苦難設往諸世界無量不可數專心欲聽聞如來自在力如是諸佛法是無上菩提假使欲暫聞無有能得者若有於過去信如是佛法已成兩足尊而作世間燈若有當得聞如來自在力聞已能生信彼亦當成佛若有於現在能信此佛法亦當成正覺說法無所畏無量無數劫此法甚難值若有得聞者當知本願力

若有能受持如是諸佛法持已廣宣說此人當成佛
況復勤精進堅固心不捨當知如是人決定成菩提
爾時慙媿林菩薩承佛威力普觀十方而說
頌言

若人得聞是希有自在法能生歡喜心疾除疑惑網
一切知見人自說如是言如來無不知是故難思議
無有從無智而生於智慧世間常暗冥是故無能生
如色及非色此二不爲一智無智亦然其體各殊異
如相與無相生死及涅槃分別各不同智無智如是
世界始成立無有敗壞相智無智亦然二相非一時
如菩薩初心不與後心俱智無智亦然二心不同時
譬如諸識身各各無和合智無智如是究竟無和合
如阿伽陀藥能滅一切毒有智亦如是能滅於無智
如來無有上亦無與等者一切無能比是故難值遇
爾時精進林菩薩承佛威力普觀十方而說
頌言

諸法無差別無有能知者唯佛與佛知智慧究竟故
如金與金色其性無差別法非法亦然體性無有異
衆生非衆生二俱無真實如是諸法性實義俱非有
譬如未來世無有過去相諸法亦如是無有一切相
譬如生滅相種種皆非實諸法亦復然自性無所有
涅槃不可取說時有二種諸法亦復然分別有殊異
如依所數物而有於能數彼性無所有如是了知法
譬如算數法增一至無量教法無體性智慧故差別

譬如諸世間劫燒有終盡虛空無損敗佛智亦如是如十方衆生各取虛空相諸佛亦如是世間妄分別爾時力林菩薩承佛威力普觀十方而說頌言

一切衆生界皆在三世中三世諸衆生悉住五蘊中諸蘊業爲本諸業心爲本心法猶如幻世間亦如是世間非自作亦復非他作而其得有成亦復得有壞世間雖有成世間雖有壞了達世間者此二不應說云何爲世間云何非世間世間非世間但是名差別三世五蘊法說名爲世間彼滅非世間如是但假名云何說諸蘊諸蘊有何性蘊性不可滅是故說無生分別此諸蘊其性本空寂空故不可滅此是無生義衆生既如是諸佛亦復然佛及諸佛法自性無所有能知此諸法如實不顛倒一切知見人常見在其前爾時行林菩薩承佛威力普觀十方而說頌言

譬如十方界一切諸地種自性無所有無處不周徧佛身亦如是普徧諸世界種種諸色相無主無來處但以諸業故說名爲衆生亦不離衆生而有業可得業性本空寂衆生所依止普作衆色相亦復無來處如是諸色相業力難思議了達其根本於中無所見佛身亦如是不可得思議種種諸色相普現十方刹身亦非是佛佛亦非是身但以法爲身通達一切法若能見佛身清淨如法性此人於佛法一切無疑惑

若見一切法本性如涅槃是則見如來究竟無所住
若修習正念明了見正覺無相無分別是名法王子
爾時覺林菩薩承佛威力徧觀十方而說頌
言

譬如工畫師分布諸彩色虛妄取異相大種無差別
大種中無色色中無大種亦不離大種而有色可得
心中無彩畫彩畫中無心然不離於心有彩畫可得
彼心恒不住無量難思議示現一切色各各不相知
譬如工畫師不能知自心而由心故畫諸法性如是
心如工畫師能畫諸世間五蘊悉從生無法而不造
如心佛亦爾如佛眾生然應知佛與心體性皆無盡
若人知心行普造諸世間是人則見佛了佛真實性
心不住於身身亦不住心而能作佛事自在未曾有
若人欲了知三世一切佛應觀法界性一切唯心造
爾時智林菩薩承佛威力普觀十方而說頌
言

所取不可取所見不可見所聞不可聞一心不思議
有量及無量二俱不可取若有人欲取畢竟無所得
不應說而說是為自欺誑已事不成就不令眾歡喜
有欲讚如來無邊妙色身盡於無數劫無能盡稱述
譬如隨意珠能現一切色無色而現色諸佛亦如是
又如淨虛空非色不可見雖現一切色無能見空者
諸佛亦如是普現無量色非心所行處一切真能觀
雖聞如來聲音聲非如來亦不離於聲能知正等覺

善提無來去離一切分別云何於是中自言能得見
諸佛無有法佛於何有說但隨其自心謂說如是法
大方廣佛華嚴經十行品第二十一之一
爾時功德林菩薩承佛神力入菩薩善思惟
三昧入是三昧已十方各過萬佛剎微塵數
世界外有萬佛剎微塵數諸佛皆号功德林
而現其前告功德林菩薩言善哉佛子乃能
入此善思惟三昧善男子此是十方各萬佛
剎微塵數同名諸佛共加於汝亦是毗盧遮
那如來往昔願力威神之力及諸菩薩衆善
根力令汝入是三昧而演說法爲增長佛智
故深入法界故了知衆生界收所入無礙故
所行無障故得無量方便故攝取一切智性
故覺悟一切諸法故知一切諸根故能持說
一切法故所謂發起諸菩薩十種行善男子
汝當承佛威神之力而演此法是時諸佛即
與功德林菩薩無礙智無著智無斷智無師
智無礙智無異智無失智無量智無勝智無
懈智無奪智何以故此三昧力法如是故爾
時諸佛各中右手摩功德林菩薩頂時功德
林菩薩即從定起告諸菩薩言佛子菩薩行
不可思議與法界虛空界等何以故菩薩摩
訶薩學三世諸佛而修行故佛子何等是菩
薩摩訶薩行佛子菩薩摩訶薩有十種行三

世諸佛之所宣說何等爲十一者歡喜行二
者饒益行三者無違逆行四者無屈撓行五
者無癡亂行六者善現行七者無著行八者
難得行九者善法行十者眞實行是爲十佛
子何等爲菩薩摩訶薩歡喜行佛子此菩薩
爲大施主凡所有物悉能惠施其心平等無
有悔吝不望果報不求名稱不貪利養但爲
救護一切衆生攝受一切衆生饒益一切衆
生爲學習諸佛本所修行憶念諸佛本所修
行愛樂諸佛本所修行清淨諸佛本所修行
增長諸佛本所修行住持諸佛本所修行顯
現諸佛本所修行演說諸佛本所修行令諸
衆生離苦得樂佛子菩薩摩訶薩修此行時
令一切衆生歡喜愛樂隨諸方土有貧乏處
以願力故往生於彼豪貴大富財寶無盡假
使於念念中有無量無數衆生詣菩薩所白
言仁者我等貧乏靡所資贍飢羸困苦命將
不全唯願慈悲施我身肉令我得食以活其
命爾時菩薩即便施之令其歡喜心得滿足
如是無量百千衆生而來乞求菩薩於彼曾
無退怯但更增長慈悲之心以是衆生咸來
乞求菩薩見之倍復歡喜作如是念我得善
利此等衆生是我福田是我善友不求不請
而來教我入佛法中我今應當如是修學不

遍一切衆生之心又作是念願我已作現作
當作所有善根令我未來於一切世界一切
衆生中受廣大身以是身肉充足一切飢苦
衆生乃至若有一小衆生未得飽足願不捨
命所割身肉亦無有盡以此善根願得阿耨
多羅三藐三菩提證大涅槃願諸衆生食我
肉者亦得阿耨多羅三藐三菩提獲平等智
具諸佛法廣作佛事乃至入於無餘涅槃若
一衆生心不滿足我終不證阿耨多羅三藐
三菩提菩薩如是利益衆生而無我想衆生
想有想命想種種想補伽羅想人想摩納婆
想作者想受者想但觀法界衆生界無邊際
法空法無所有法無相法無體法無處法無
依法無作法作是觀時不見自身不見施物
不見受者不見福田不見業不見報不見果
不見大果不見小果爾時菩薩觀去來今一
切衆生所受之身尋即壞滅便作是念奇哉
衆生愚癡無智於生死內受無數身危脆不
停速歸壞滅若已壞滅若今壞滅若當壞滅
而不能以不堅固身求堅固身我當盡學諸
佛所學證一切智知一切法爲諸衆生說三
世平等隨順寂靜不壞法性令其永得安隱
快樂佛子是名菩薩摩訶薩第一歡喜行佛
子何等爲菩薩摩訶薩饒益行此菩薩護持

淨戒於色聲香味觸心無所著亦為衆生如是宣說不求威勢不求種族不求富饒不求色相不求王位如是一切皆無所著但堅持淨戒作如是念我持淨戒必當捨離一切纏縛貪求熱惱諸難逼迫毀謗亂濁得佛所讚平等正法佛子菩薩如是持淨戒時於一日中假使無數百千億那由他諸大惡魔詣菩薩所一一各將無量無數百千億那由他天女皆於五欲善行方便端正姝麗傾惑人心執持種種珍玩之具欲來惑亂菩薩道意爾時菩薩作如是念此五欲者是障道法乃至障礙無上菩提是故不生一念欲想心淨如佛唯除方便教化衆生而不捨於一切智心佛子菩薩不以欲因緣故惱一衆生寧捨身命而終不作惱衆生事菩薩自得見佛已來未曾心生一念欲想何況從事若或從事無有是處爾時菩薩但作是念一切衆生於長夜中想念五欲趣向五欲貪著五欲其心決定耽著沈溺隨其流轉不得自在我今應當令此諸魔及諸天女一切衆生住無上戒住淨戒已於一切智心無退轉得阿耨多羅三藐三菩提乃至入於無餘涅槃何以故此是我等所應作業應隨諸佛如是修學作是學已離諸惡行計我無知以智入於一切佛法

爲衆生說令除顛倒然知不離衆生有顛倒
不離顛倒有衆生不於顛倒內有衆生不於
衆生內有顛倒亦非顛倒是衆生亦非衆生
是顛倒顛倒非內法顛倒非外法衆生非內
法衆生非外法一切諸法虛妄不實速起速
滅無有堅固如夢如影如幻如化誑惑愚夫
如是解者即能覺了一切諸行通達生死及
與涅槃證佛菩提自得度令他得度自解脫
令他解脫自調伏令他調伏自寂靜令他寂
靜自安隱令他安隱自離垢令他離垢自清
淨令他清淨自涅槃令他涅槃自快樂令他
快樂佛子此菩薩復作是念我當隨順一切
如來離一切世間行具一切諸佛法住無上
平等處等觀衆生明達境界離諸過失斷諸
分別捨諸執著善巧出離心恒安住無二無
說無依無動無量無邊無盡無色甚深智慧
佛子是名菩薩摩訶薩第二饒益行
佛子何等爲菩薩摩訶薩無違逆行此菩薩
常修忍法謙下恭敬不自害不他害不兩害
不自取不他取不兩取不自著不他著不兩
著亦不貪求利養但作是念我當常爲
衆生說法令離一切惡斷貪瞋癡憍慢覆藏
慳嫉諂誑令恒安住忍辱柔和佛子菩薩成
就如是忍法假使有百千億那由他阿僧祇

衆生來至其所一一衆生化作百千億那由他阿僧祇口一一口出百千億那由他阿僧祇語所謂不可喜語非善法語不悅意語不可愛語非仁賢語非聖智語非聖相應語非聖親近語深可厭惡語不堪聽聞語以是言辭毀辱菩薩又此衆生一一各有百千億那由他阿僧祇手一一手各執百千億那由他阿僧祇器仗逼害菩薩如是經於阿僧祇劫曾無休息菩薩遭此極大楚毒身毛皆豎命將欲斷作是念言我因是苦心若動亂則自不調伏自不守護自不明了自不修習自不正定自不寂靜自不愛惜自生執著何能令他心得清淨菩薩爾時復作是念我從無始劫住於生死受諸苦惱如是思惟重自勸勵令心清淨而得歡喜善自調攝自能安住於佛法中亦令衆生同得此法復更思惟此身空寂無我我所無有真實性空無二若苦若樂皆無所有諸法空故我當解了廣為人說令諸衆生滅除此見是故我今雖遭苦毒應當忍受為慈念衆生故饒益衆生故安樂衆生故憐慈衆生故攝受衆生故不捨衆生故自得覺悟故令他覺悟故心不退轉故趣向佛道故是名菩薩摩訶薩第三無違逆行佛子何等為菩薩摩訶薩無屈撓行此菩薩

修諸精進所謂第一精進大精進勝精進殊勝精進最勝精進最妙精進上精進無上精進無等精進普徧精進性無三毒性無憍慢性不覆藏性不慳嫉性無諂誑性自慙媿終不爲惱一衆生故而行精進但爲斷一切煩惱故而行精進但爲拔一切惑本故而行精進但爲除一切習氣故而行精進但爲知一切衆生界故而行精進但爲知一切衆生死此生彼故而行精進但爲知一切衆生煩惱故而行精進但爲知一切衆生心樂故而行精進但爲知一切衆生境界故而行精進但爲爲知一切衆生諸根勝劣故而行精進但爲爲知一切衆生心行故而行精進但爲知一切法界故而行精進但爲知一切佛法根本性故而行精進但爲知一切佛法平等性故而行精進但爲知三世平等性故而行精進但爲證爲得一切佛法智光明故而行精進但爲證一切佛法智故而行精進但爲知一切佛法一實相故而行精進但爲知一切佛法無邊際故而行精進但爲得一切佛法廣大決定善巧智故而行精進但爲得分別演說一切佛法句義智故而行精進佛子菩薩摩訶薩成就如是精進行已設有入言汝頗能爲無數世界所有衆生以一一衆生故於阿鼻地

欲經無數劫備受衆苦令彼衆生一一得值
無數諸佛出興於世以見佛故具受衆樂乃
至入於無餘涅槃汝乃當成阿耨多羅三藐
三菩提能爾不耶答言我能設復有人作如
是言有無量阿僧祇大海汝當以一毛端滴
之令盡有無量阿僧祇世界盡抹爲塵彼滴
及塵一一數之悉知其數爲衆生故經爾許
劫於念念中受苦不斷菩薩不以聞此語故
而生一念悔恨之心但更增上歡喜踊躍深
自慶幸得大善利以我力故今彼衆生永脫
諸苦菩薩以此所行方便於一切世界中令
一切衆生乃至究竟無餘涅槃是名菩薩摩
訶薩第四無屈撓行

佛子何等爲菩薩摩訶薩離癡亂行此菩薩
成就正念心無散亂堅固不動最上清淨廣
大無量無有迷惑以是正念故善解世間一
切語言能持出世諸法言說所謂能持色法
非色法言說能持建立色自性言說乃至能
持建立受想行識自性言說心無癡亂於世
間中死此生彼心無癡亂入胎出胎心無癡
亂發菩提意心無癡亂事善知識心無癡亂
勤修佛法心無癡亂覺知魔事心無癡亂離
諸魔業心無癡亂於不可說劫修菩薩行心
無癡亂此菩薩成就如是無量正念於無量

阿僧祇劫中從諸佛菩薩善知識所聽聞正法所謂甚深法廣大法莊嚴法種種莊嚴法演說種種名句文身法菩薩莊嚴法佛神力光明無上法正希望決定解清淨法不著一切世間法分別一切世間法甚廣大法離癡翳照了一切衆生法一切世間共法不共法菩薩智無上法一切智自在法菩薩聽聞如是法已經阿僧祇劫不忘不失心常憶念無有間斷何以故菩薩摩訶薩於無量劫修諸行時終不惱亂一衆生令失正念不壞正法不斷善根心常增長廣大智故復次此菩薩摩訶薩種種音聲不能惑亂所謂高大聲塵濁聲極令人恐怖聲悅意聲不悅意聲誼亂耳識聲沮壞六根聲此菩薩聞如是等無量無數好惡音聲假使充滿阿僧祇世界未曾一念心有散亂所謂正念不亂境界不亂三昧不亂入其深法不亂行菩提行不亂發菩提心不亂憶念諸佛不亂觀真實法不亂化衆生智不亂淨衆生智不亂決了甚深義不亂不作惡業故無惡業障不起煩惱故無煩惱障不輕慢法故無有法障不誹謗正法故無有報障佛子如上所說如是等聲一一充滿阿僧祇世界於無量無數劫未曾斷絕悉能壞亂衆生身心一切諸根而不能壞此菩

慈心菩薩入三昧中住於聖法思惟觀察一切音聲善知音聲生住滅相善知音聲生住滅性如是聞已不生於貪不起於瞋不失於念善取其相而不染著知一切聲皆無所有實不可得無有作者亦無本際與法界等無有差別菩薩如是成就寂靜身語意行至一切智永不退轉善入一切諸禪定門知諸三昧同一體性了一切法無有邊際得一切法真實智慧得離音聲甚深三昧得阿僧祇諸三昧門增長無量廣大悲心是時菩薩於一念中得無數百千三昧聞如是聲心不惑亂令其三昧漸更增廣作如是念我當令一切衆生安住無上清淨念中於一切智得不退轉究竟成就無餘涅槃是名菩薩摩訶薩第五離癡亂行

佛子何等為菩薩摩訶薩善現行此菩薩身業清淨語業清淨意業清淨住無所得示無所得身語意業能知三業皆無所有無虛妄故無有繫縛凡所示現無性無依住如寶心知無量心自性知一切法自性無得無相其終難入住於正位真如法性方便出生而無業報不生不滅住涅槃界住寂靜性住於真實無性之性言語道斷超諸世間無有所依入離分別無縛著法入最勝智真實之法入

非諸世間所能了知。出世間法。此是菩薩善巧方便。示現生相。佛子。此菩薩作如是念。一切眾生無性爲性。一切諸法無爲爲性。一切國土無相爲相。一切三世唯有言說。一切言說於諸法中無有依處。一切諸法於言說中亦無依處。菩薩如是解一切法。皆悉甚深。一切世間皆悉寂靜。一切佛法無所增益。佛法不異世間法。世間法不異佛法。佛法世間法無有雜亂。亦無差別。了知法界體性平等。普入三世。永不捨離。大菩提心恒不退轉。化衆生心轉更增長。大慈悲心與一切衆生作所依處。菩薩爾時復作是念。我不成熟衆生。誰當成熟我。我不調伏衆生。誰當調伏我。我不教化衆生。誰當教化我。我不覺悟衆生。誰當覺悟我。不清淨衆生。誰當清淨此我所宜。我所應作。復作是念。若我自解此甚深法。唯我一人於阿耨多羅三藐三菩提獨得解脫。而諸衆生盲冥無目。入大險道。爲諸煩惱之所纏縛。如重病人恒受苦痛。處貪愛獄。不能自出。不離地獄餓鬼畜生閻羅王界。不能滅苦。不捨惡業。常處癡闇。不見真實。輪迴生死。無得出離。住於八難衆垢。所著種種煩惱覆障其心。邪見所迷。不行正道。菩薩如是觀諸衆生。作是念。言若此衆生未成熟。未調伏。捨而取證。阿

轉多羅三藐三菩提是所不應我當先化衆
生於不可說不可說劫行菩薩行未成熟者
先令成熟未調伏者先令調伏是菩薩住此
行時諸天魔梵沙門婆羅門一切世間輒闖
婆阿脩羅等若有得見暫同住止恭敬尊重
承事供養及暫耳聞一經心者如是所作悉
不唐捐必定當成阿耨多羅三藐三菩提是
名菩薩摩訶薩第六善現行

大方廣佛華嚴經卷第十九

屈撓

下奴巧切

資贍

下時談切

飢羸

下力爲切

危脆

上魚爲切
下此爲切

姝麗

上昌朱切
下郎計切

乙巳歲高麗國大藏都監奉

勅彫造

蓋

大方廣佛華嚴經卷第二十

拱

于闐國三藏寶叉難陀奉制譯

十行品第二十一之二

佛子何等爲菩薩摩訶薩無著行佛子此菩薩以無著心於念念中能入阿僧祇世界嚴淨阿僧祇世界於諸世界心無所著往詣阿僧祇諸如來所恭敬禮拜承事供養以阿僧祇華阿僧祇香阿僧祇鬘阿僧祇塗香末香衣服珍寶幢幡妙蓋諸莊嚴具各阿僧祇以用供養如是供養爲究竟無作法故爲住不思議法故於念念中見無數佛於諸佛所心無所著於諸佛刹亦無所著於佛相好亦無所著見佛光明聽佛說法亦無所著於十方世界及佛菩薩所有衆會亦無所著聽佛法已心生歡喜志力廣大能攝能行諸菩薩行然於佛法亦無所著此菩薩於不可說劫見不可說佛出興於世一一佛所承事供養皆悉盡於不可說劫心無厭足見佛聞法及見菩薩衆會莊嚴皆無所著見不淨世界亦無憎惡何以故此菩薩如諸佛法而觀察故諸佛法中無垢無淨無闇無明無異無一無實無妄無安隱無險難無正道無邪道菩薩如是深入法界教化衆生而於衆生不生執著受持諸法而於諸法不生執著發菩提心住

於佛住而於佛住不生執著雖有言說而於
 言說心無所著入衆生趣於衆生趣心無所
 著了知三昧能入能住而於三昧心無所著
 往詣無量諸佛國土若入若見若於中住而
 於佛土心無所著捨去之時亦無顧戀菩薩
 摩訶薩以能如是無所著故於佛法中心無
 障礙了佛菩提證法毗尼住佛正教修菩薩
 行住菩薩心思惟菩薩解脫之法於菩薩住
 處心無所染於菩薩所行亦無所著淨菩薩
 道受菩薩記得受記已作如是念凡夫愚癡
 無知無見無信無解無聰敏行頑嚚貪著流
 轉生死不求見佛不隨明導不信調御迷誤
 失錯入於險道不敬十力王不知菩薩恩戀
 著住處聞諸法空心大驚怖遠離正法住於
 邪法捨夷坦道入險難道棄背佛意隨逐魔
 意於諸有中堅執不捨菩薩如是觀諸衆生
 增長大悲生諸善根而無所著菩薩爾時復
 作是念我當爲一衆生於十方世界一一國
 土經不可說不可說劫教化成熟如爲一衆
 生爲一切衆生皆亦如是終不以此而生疲
 厭捨而餘去又以毛端徧量法界於一毛端
 處盡不可說不可說劫教化調伏一切衆生
 如一毛端處一一毛端處皆亦如是乃至不
 於一彈指頃執著於我起我我所想於一一

毛端處盡未來劫修菩薩行不覺身不著法
不著念不著願不著三昧不著觀察不著寂
定不著境界不著教化調伏衆生亦復不著
入於法界何以故菩薩作是念我應觀一切
法界如幻諸佛如影菩薩行如夢佛說法如
響一切世間如化業報所作故差別身如幻
行力所趣故一切衆生如心種種雜染故一
切法如實際不可變異故 作是念我當盡
虛空徧法界於十方國土中行菩薩行念念
明達一切佛法正念現前無所取著菩薩如
是觀身無我見佛無礙爲化衆生演說諸法
令於佛法發生無量歡喜淨信救護一切心
無疲倦厭無疲倦故於一切世界有衆生未成
熟未調伏處悉詣於彼方便化度其中衆生
種種音聲種種語言種種取著種種施設種
種和合種種流轉種種所作種種境界種種
生種種歿以大誓願安住其中而教化之不
令其心有動有退亦不一念生深著想何以
故得無所著無所依故自利利他清淨滿足
是名菩薩摩訶薩第七無著行
佛子何等爲菩薩摩訶薩難得行此菩薩成
就難得善根難伏善根最勝善根不可壞善
根無能過善根不思議善根無盡善根自在
力善根大威德善根與一切佛同一性善根

此菩薩修諸行時於佛法中得最勝解於佛
善提得廣大解於菩薩願未曾休息盡一切
劫心無疲倦於一切苦不生厭離一切衆魔
所不能動一切諸佛之所護念具行一切善
薩善行修菩薩行精勤匪懈於大乘願恒不
退轉是菩薩安住此難得行已於念念中能
轉阿僧祇劫生死而不捨菩薩大願若有衆
生承事供養乃至見聞皆於阿耨多羅三藐
三善提得不退轉此菩薩雖了衆生非有而
不捨一切衆生界譬如船師不住此岸不住
彼岸不住中流而能運度此岸衆生至於彼
岸以往返無休息故菩薩摩訶薩亦復如是
不住生死不住涅槃亦復不住生死中流而
能運度此岸衆生至於彼岸安隱無畏無憂
惱處亦不於衆生數而有所著不捨一衆生
著多衆生不捨多衆生著一衆生不增衆生
界不減衆生界不生衆生界不滅衆生界不
盡衆生界不長衆生界不分別衆生界不二
衆生界何以故菩薩深入衆生界如法界衆
生界法界無有二無二法中無增無減無生
無滅無有無無無取無依無著無二何以故
菩薩了一切法法界無二故菩薩如是以善
方便入深法界住於無相以清淨相莊嚴其
身了法無性而能分別一切法相不取衆生

而能了知衆生之數不著出界而現身佛刹
不分別法而善入佛法深達義理而廣演書
教了一切法離欲實際而不斷菩薩道不退
菩薩行常勤修習無盡之行自在入於清淨
法界譬如鑽木以出於火火事無量而火不
滅菩薩如是化衆生事無有窮盡而在世間
常住不滅非究竟非不究竟非取非不取非
依非無依非世法非佛法非凡夫非得果菩
薩成就如是難得心修菩薩行時不說二衆
法不說佛法不說世間不說世間法不說衆
生不說無衆生不說垢不說淨何以故菩薩
知一切法無染無取不轉不退故菩薩於如
是寂滅微妙甚深最勝法中修行時亦不生
念我現修此行已修此行當修此行不著蘊
界處內世間外世間內外世間所起大願諸
波羅蜜及一切法皆無所著何以故法界中
無有法名向聲聞乘向獨覺乘無有法名向
菩薩乘向阿耨多羅三藐三菩提無有法名
向凡夫界無有法名向染向淨向生死向涅
槃何以故諸法無二無不二故譬如虛空於
十方中若去來今求不可得然非無虛空菩
薩如是觀一切法皆不可得然非無一切法
如實無異不失所作普示修行菩薩諸行不
捨大願調伏衆生轉正法輪不壞因果亦不

遍於平等妙法普與三世諸如來等不斷佛
種不壞實相深入於法辯中無盡聞法不著
至法淵底善能開演心無所畏不捨佛住不
違世法普現世間而不著世間菩薩如是成
就難得智慧心修習諸行於三惡趣拔出衆
生教化調伏安置三世諸佛道中令不動搖
復作是念世間衆生不知恩報更相讎對邪
見執著迷惑顛倒愚癡無智無有信心隨逐
惡友起諸惡慧貪愛無明種種煩惱皆悉充
滿是我所修菩薩行處設有知恩聰明慧解
及善知識充滿世間我不於中修菩薩行何
以故我於衆生無所適莫無所冀望乃至不
求一縷一毫及以一字讚美之言盡未來劫
修菩薩行未曾一念自爲於已但欲度脫一
切衆生令其清淨永得出離何以故於衆生
中爲明導者法應如是不取不求但爲衆生
修菩薩道令其得至安隱彼岸成阿耨多羅
三藐三菩提是名菩薩摩訶薩第八難得行
佛子何等爲菩薩摩訶薩善法行此菩薩爲
一切世間天人魔梵沙門婆羅門乾闥婆等
作清涼法池攝持正法不斷佛種得清淨光
明陀羅尼故說法授記辯才無盡得具足義
陀羅尼故義辯無盡得覺悟寶法陀羅尼故
法辯無盡得訓釋言解陀羅尼故辯辯無盡

得無邊丈句無盡義無礙門陀羅尼故無礙
 辯無盡得佛耀頂陀羅尼耀其頂故歡喜辯
 無盡得不由他悟陀羅尼門故光明辯無盡
 得同辯陀羅尼門故同轉無盡得種種義身
 句身文身中訓釋陀羅尼門故訓釋辯無盡
 得無邊旋陀羅尼故無邊辯無盡此菩薩大
 悲堅固普攝衆生於三千大千世界變身金
 色施作佛事隨諸衆生根性欲樂以廣長舌
 於一音中現無量音應時說法皆令歡喜假
 使有不可說種種業報無數衆生共會一處
 其會廣大充滿不可說世界菩薩於彼衆會
 中坐是中衆生一一皆有不可說阿僧祇口
 一一口能出百千億那由他音同時發聲各
 別言辭各別所問菩薩於一念中悉能領受
 皆爲酬對令除疑惑如一衆會中於不可說
 衆會中悉亦如是復次假使一一端處念念
 出不可說不可說道場衆會一切毛端處皆
 亦如是盡未來劫彼劫可盡衆會無盡是諸
 衆會於念念中以各別言辭各別所問菩薩
 於一念中悉能領受無怖無怯無疑無謬而
 作是念設一切衆生以如是語業俱來問我
 我爲說法無斷無盡皆令歡喜住於善道復
 令善解一切言辭能爲衆生說種種法而於
 言語無所分別假使不可說不可說種種言

辭而來問難一念悉領一音咸答普使開悟
 無有遺餘以得一切智灌頂故以得無礙藏
 故以得一切法圓滿光明故具足一切智智
 故佛子此菩薩摩訶薩安住善法行已能自
 清淨亦能以無所著方便而普饒益一切衆
 生不見有衆生得出離者如於此三千大千
 世界如是乃至於不可說三千大千世界變
 身金色妙音具足於一切法無所障礙而作
 佛事佛子此菩薩摩訶薩成就十種身所謂
 入無邊法界非趣身藏一切世間故入無邊
 法界諸趣身生一切世間故不生身住無生
 平等法故不滅身一切滅言說不可得故不
 實身得如實故不妄身隨應現故不遷身離
 死此生彼故不壞身法界性無壞故一相身
 三世語言道斷故無相身善能觀察法相故
 菩薩成就如是十種身為一切衆生舍長養
 一切善根故為一切衆生救令其得大安隱
 故為一切衆生歸與其作大依處故為一切
 衆生導令得無上出離故為一切衆生師令
 入真實法中故為一切衆生燈令其明見業
 報故為一切衆生光令照甚深妙法故為一
 切三世炬令其曉悟實法故為一切世間照
 令入光明地中故為一切諸趣明示現如來
 自在故佛子是名菩薩摩訶薩第九善法行

菩薩安住此行為一切衆生作清涼法地能盡一切佛法原故

佛子何等爲菩薩摩訶薩真實行此菩薩成就第一誠諦之語如說能行如行能說此菩薩學三世諸佛真實語入三世諸佛種性與三世諸佛善相同等得三世諸佛無二語隨如來學習智慧成就此菩薩成就知衆生是處非處智去來現在業報智諸根利鈍智種種界智種種解智一切至處道智諸禪解脫三昧后淨起時非時智一切世界宿住隨念智天眼智漏盡智而不捨一切菩薩行何以故欲教化一切衆生悉令清淨故此菩薩復生如是增上心若我不令一切衆生住無上解脫道而我先成阿耨多羅三藐三菩提者則違我本願是所不應是故要當先令一切衆生得無上菩提無餘涅槃然後成佛何以故非衆生請我發心我自爲衆生作不請之友欲先令一切衆生滿足善根成一切智是故我爲最勝不著一切世間故我爲最上住無上調御地故我爲離繫解衆生無際故我爲已辨本願成就故我爲善變化菩薩功德莊嚴故我爲善依怙三世諸佛攝受故此菩薩摩訶薩不捨本願故得入無上智慧莊嚴利益衆生悉令滿足隨本誓願皆得究竟於一

切法中智慧自在今一切衆生普得清淨念
 念徧遊十方世界念念普詣不可說不可說
 諸佛國土念念悉見不可說不可說諸佛及
 佛莊嚴清淨國土示現如來自在神力徧徧
 法界虛空界此菩薩現無量身普入世間而
 無所依於其身中現一切刹一切衆生一切
 諸法一切諸佛此菩薩知衆生種種想種種
 欲種種解種種業報種種善根隨其所應爲
 現其身而調伏之觀諸菩薩如幻一切法如
 化佛出世如影一切世間如夢得義身文身
 無盡藏正念自在決定了知一切諸法智慧
 最勝入一切三昧真實相住一性無二地菩
 薩摩訶薩以諸衆生皆著於二安住大悲修
 行如是寂滅之法得佛十力入因陀羅網法
 界成就如來無礙解脫人中雄猛大師子吼
 得無所畏能轉無礙清淨法輪得智慧解脫
 了知一切世間境界絕生死迴流入智慧大
 海爲一切衆生護持三世諸佛正法到一切
 佛法海實相源底菩薩住此真實行已一切
 世間天人魔梵沙門婆羅門耆闍婆阿脩羅
 等有親近者皆令開悟歡喜清淨是名菩薩
 摩訶薩第十眞實行

爾時佛神力故十方各有佛刹微塵數世界
 六種震動所謂動徧動等徧動起徧起等徧

起涌徧涌等徧涌震徧震等徧震吼徧吼等
徧吼擊徧擊等徧擊雨天妙華天香天末香
天鬘天衣天寶天莊嚴具奏天樂音放天光
明演暢諸天微妙音聲如此世界夜摩天宮
說十行法所現神變十方世界悉亦如是復
以佛神力故十方各過十萬佛刹微塵數世
界外有十萬佛刹微塵數菩薩俱來詣此土
充滿十方語功德林菩薩言佛子善哉善哉
善能演說諸菩薩行我等一切同名功德林
所住世界皆名功德幢彼土如來同名普功
德我等佛所亦說此法眾會眷屬言辭義理
悉亦如是無有增減佛子我等皆承佛神力
來入此會爲汝作證十方世界悉亦如是
爾時功德林菩薩承佛神力普觀十方一切
眾會暨于法界欲令佛種性不斷故欲令菩
薩種性清淨故欲令願種性不退轉故欲令
行種性常相續故欲令三世種性悉平等故
欲攝三世一切佛種性故欲開演所種諸善
根故欲觀察一切諸根欲解煩惱習氣心行
所作故欲照了一切佛菩提故而說頌言
一心敬禮十力尊
離垢清淨無礙見
境界深遠無倫匹
住如虛空道中者
過去人中諸最勝
功德無量無所著
勇猛第一無等倫
彼離塵者行斯道

現在十方諸國土

離諸過惡最清淨

未來所有人師子

已發諸佛大悲心

三世所有無比尊

於一切法皆平等

普見無量無邊界

見已其心不分別

法界所有皆明了

永破瞋慢及愚癡

於諸衆生善分別

自然覺悟不由他

盡空所有諸國土

所說清淨無能壞

具足堅固不退轉

願力無盡到彼岸

無量無邊一切地

悉能知見靡有遺

一切句義皆明了

於法決定無所疑

遠離世間諸過患

能爲無等大導師

恒以無畏施衆生

其心清淨離殊獨

善能開演第一義

彼無依者行斯道

周徧遊行於法界

彼饒益者行斯道

自然除滅愚癡暗

彼大力人行此道

一切諸有及諸趣

彼無動者行斯道

於第一義最清淨

彼功德者行斯道

悉入法界真實性

彼等空者行斯道

悉往說法廣開諭

彼勝牟尼行此道

成就尊重最勝法

彼善修者所行道

廣大甚深妙境界

彼論師子所行道

所有異論悉摧伏

彼大牟尼行此道

普與衆生安隱樂

彼勝德者行斯道

普令一切皆欣慶

彼無等者行斯道

意業清淨極調善
威光圓滿衆所欽
入真實義到彼岸
諸佛護念恒不忘
遠離於我無惱害
十方國土靡不周
檀波羅蜜已成滿
衆生見者皆欣悅
智地甚深難可入
其心究竟不動搖
法界所有悉能入
神通自在靡不該
諸無等等大牟尼
心常在定樂寂靜
微細廣大諸國土
如其境界悉了知
意常明潔離諸垢
護持衆戒到彼岸
智慧無邊不可說
善能修學住其中
三卅一切佛境界
未嘗暫起疲厭心
善能分別十力法
身業無礙得自在

離諸戲論無口過
彼最勝者行斯道
住功德處心永寂
彼寂有者行斯道
恒以大音宣正法
彼絕譬者行斯道
百福相好所莊嚴
彼最勝慧行斯道
能以妙慧善安住
彼堅固行行斯道
隨所入處咸究竟
彼法光明行此道
勤修三昧無二相
彼普見者行斯道
更相涉入各差別
彼智山王行此道
於三界中無所著
此淨心者行斯道
普徧法界虛空界
彼金剛慧行斯道
智慧善入悉周徧
彼最勝者行斯道
了知一切至處道
彼功德身行此道

十方無量無邊界
我皆救護而不捨
於諸佛法勤修習
淨治一切諸世間
了知衆生根不同
種種諸界皆明達
十方世界無量刹
未曾一念生疲厭
普放無量光明網
其光所照入法性
震動十方諸國土
不令衆生有驚怖
善解一切語言法
聰辯慧靡不知
善解覆仰諸國土
悉使住於無盡地
功德無量那由他
於其一切到彼岸
超出世間大論師
普使羣生到彼岸
諸佛薩頂第一法
心恒安住正法門
一切衆生無量別
決定護持佛法藏

所有一切諸衆生
彼無畏者行斯道
心常精進不懈倦
彼大龍王行此道
欲解無量各差別
此普入者行斯道
悉往受生無有數
彼歡喜者行斯道
照耀一切諸世間
此善慧者行斯道
無量億數那由他
此利世者所行道
問難酬對悉究竟
此無畏者所行道
分別思惟得究竟
此勝慧者所行道
爲求佛道皆修習
此無盡行所行道
辯才第一師子吼
此淨心者所行道
已得此法薩其頂
彼廣大心行此道
了達其心悉周徧
彼如須彌行此道

能於一一語言中
令彼衆生隨類解
一切文字語言法
住於真實境界中
安住甚深大法海
了法無相真實門
一一佛土皆往詣
觀察思惟靡暫停
無量無數諸如來
於一毛端悉明見
一毛端處見諸佛
一切法界悉亦然
無量無邊無數劫
知其脩促無定相
能令鬼畜無空過
而於所作心無著
那由他劫常遇佛
其心歡喜轉更增
盡於無量無邊劫
未曾見有一衆生
修習無邊福智藏
利益一切諸羣生
法界所有諸品類
了彼皆依言說係

普爲示現無量音
此無礙見行斯道
智皆善入不分別
此見性者所行道
善能印定一切法
此見實者所行道
盡於無量無邊劫
此匪懈者所行道
種種名号各不同
此淨福者所行道
其數無量不可說
彼諸佛子行斯道
於一念中悉明見
此解脫行所行道
皆於佛法種因緣
彼諸最勝所行道
終不一念生疲厭
此不空見所行道
觀察一切衆生界
此堅固士所行道
普作清涼功德地
彼第一人行此道
普徧虛空無數量
此師子吼所行道

普入無數諸三昧

此論月者行斯道

能忍最勝寂滅法

此無邊智所行道

其身不動恒寂然

彼無邊身行此道

悉令共入一塵中

彼無邊思行此道

於諸力處普能入

彼第一力所行道

無量無邊諸業報

此達解者所行道

如應調伏諸衆生

此善了者所行道

恒令依法而修行

此智心者所行道

能入真如平等處

此佛行者所行道

善能安住無礙藏

此深入者所行道

悉與等心同智慧

此無礙種所行道

深入廣大智慧海

此有目者所行道

能於一一三昧中

悉至法門幽奧處

忍力勤修到彼岸

其心平等不動搖

於一世界一坐處

而於一切普現身

無量無邊諸國土

普得包容無障礙

了達是處及非處

成就如來最上力

過去未來現在世

恒以智慧悉了知

了達世間時非時

悉順其宜而不失

善守身語及意業

離諸取著降衆魔

於諸法中得善巧

辯才宣說無有窮

陀羅尼門已圓滿

於諸法界悉通達

三世所有一切佛

一性一相無有殊

已使一切愚癡膜

普施衆生清淨眼

已具一切諸導師
獲於如來自在力
徧遊一切諸世間
悉令於義得決了
能於佛智及解脫
以信而生智慧根
能於一念悉了知
了彼衆生心自性
法界一切諸國土
其身最妙絕等倫
佛刹無邊無有數
菩薩於彼悉現前
菩薩能以獨一身
令見其身無有數
菩薩所住最深妙
其心清淨常悅樂
諸根方便各差別
而了諸根無所依
能以方便巧分別
十方世界各不同
諸根微妙行亦然
誰其聞者不欣慶
智眼清淨無與等
如是智慧巧分別

平等神通無二行
此善修者所行道
普雨無邊妙法雨
此法雲者所行道
深生淨信永不退
此善學者所行道
一切衆生無有餘
達無性者所行道
悉能化往無有數
此無比行所行道
無量諸佛在其中
親近供養生尊重
入於三昧而寂定
一一皆從三昧起
所行所作超戲論
能令衆生悉歡喜
能以智慧悉明見
調難調者所行道
於一切法得自在
悉在其中作佛事
能爲衆生廣說法
此等虛空所行道
於一切法悉明見
此無等者所行道

所有無盡廣大福
 令諸衆生悉清淨
 普勸修成助道法
 度脫衆生無有數
 一切機緣悉觀察
 普示衆生安隱處
 成就最上第一智
 於諸四衆無所畏
 一切世界及諸法
 亦入一切衆會中
 十方一切國土中
 爲法施主最無上
 一身結跏而正坐
 而今其身不迫隘
 於於一義一文中
 而其邊際不可得
 於佛解脫善修學
 成就無畏爲出旋
 了知十方世界每
 智海法海悉了知
 或現入胎及初生
 如是皆令世間見
 無量億數國土中
 實不捨離歸寂滅

一切修行使究竟
 此無比者所行道
 悉令得住方便地
 未曾暫起衆生想
 先護彼意令無諍
 此方便者所行道
 具足無量無邊智
 此方便智所行道
 悉能攝入得自在
 度脫羣生無有數
 擊大法鼓悟羣生
 此不滅者所行道
 充滿十方無量刹
 此法身者所行道
 廣說無量無邊法
 此無邊智所行道
 得佛智慧無障礙
 此方便者所行道
 亦知一切佛刹海
 衆生見者咸欣慶
 或現道場成正覺
 此無邊者所行道
 示現其身入涅槃
 此雄論者所行道

堅固微密一妙身
隨諸衆生各異見
法界平等無差別
樂觀一相心不移
於諸衆生及佛法
所有持力同於佛
神足無礙猶如佛
耳根無礙善聽聞
所有神通皆具足
善知一切靡所僞
其心正定不搖動
所有境界皆明達
已到一切功德岸
其心畢竟無厭足
三世所有諸佛法
從於如來種性生
隨順言辭已成就
常能趣向佛菩提
一光照觸無涯限
普使世間得大明
隨其應見應供養
教化衆生百千億
爲令衆生出此闇
此行廣大無邊際

與佛平等無差別
一實身者所行道
具足無量無邊我
三世智者所行道
建立加持悉究竟
最上持者行斯道
天眼無礙最清淨
此無礙意所行道
隨其智慧悉成就
此賢智者所行道
其智廣大無邊際
一切見者所行道
能隨次第度衆生
此常勤者所行道
於此一切或知見
彼諸佛子行斯道
無違談論善摧伏
無邊惡者所行道
十方國土悉充滿
此破闇者所行道
爲現如來清淨身
莊嚴佛刹亦如是
一切妙行皆修習
云何而有能知者

假使分身不可說
悉共稱揚彼功德
菩薩功德無有邊
假使無量無邊佛
何況世間天及人
能於無量無邊劫

而與法界虛空等
百千萬劫無能盡
一切修行皆具足
於無量劫說不盡
一切聲聞及緣覺
讚歎稱揚得究竟

大方廣佛華嚴經卷第二十

頌器

上五還切
下語巾切

匪懈

上府尾切
下古檻切

淵底

上烏衣切

離對

上市曉切

適莫

上都曆切

乙巳歲高麗國大興郡監奉

勅彫造

大方廣佛華嚴經卷第二十一

平

十無盡藏品第二十二

于闐國三藏實叉難陀奉制譯

爾時功德林菩薩復告諸菩薩言佛子菩薩摩訶薩有十種藏過去未來現在諸佛已說當說今說何等為十所謂信藏戒藏慙藏愧藏聞藏施藏慧藏念藏持藏辯藏是為十佛子何等為菩薩摩訶薩信藏此菩薩信一切法空信一切法無相信一切法無願信一切法無作信一切法無分別信一切法無所依信一切法不可量信一切法無有上信一切法難超越信一切法無生若菩薩能如是隨順一切法生淨信已聞諸佛法不可思議心不怯弱聞一切佛不可思議心不怯弱聞衆生界不可思議心不怯弱聞法界不可思議心不怯弱聞虛空界不可思議心不怯弱聞涅槃界不可思議心不怯弱聞過去世不可思議心不怯弱聞未來世不可思議心不怯弱聞現在世不可思議心不怯弱聞入一切劫不可思議心不怯弱何以故此菩薩於諸佛所一向堅信知佛智慧無邊無盡十方無量諸世界中一一各有無量諸佛於阿耨多羅三藐三菩提已得今得當得已出世今出世當出世已入涅槃今入涅槃當入涅槃彼

諸佛智慧不增不減不生不滅不進不退不
近不遠無知無捨此菩薩入佛智慧成就無
邊無盡信得此信已心不退轉心不雜亂不
可破壞無所染著常有根本隨順聖人住如
來家護持一切諸佛種性增長一切菩薩信
解隨順一切如來善根出生一切諸佛方便
是名菩薩摩訶薩信藏菩薩住此信藏則能
聞持一切佛法為衆生說皆令開悟

佛子何等為菩薩摩訶薩戒藏此菩薩成就
普饒益戒不受戒不住戒無悔恨戒無違諍
戒不損惱戒無雜穢戒無貪求戒無過失戒
無毀犯戒云何為普饒益戒此菩薩受持淨
戒本為利益一切衆生云何為不受戒此菩
薩不受行外道諸所有戒但性自精進奉持
三世諸佛如來平等淨戒云何為不住戒此
菩薩受持戒時心不住欲界不住色界不住
無色界何以故不求生彼而持戒故云何為
無悔恨戒此菩薩恒得安住無悔恨心何以
故不作重罪不行諂詐不破淨戒故云何為
無違諍戒此菩薩不非先制不更造立心常
隨順向涅槃戒具足受持無所毀犯不以持
戒惱他衆生令其生苦但願一切心常歡喜
而持於戒云何為不惱害戒此菩薩不因於
戒學諸呪術造作方藥惱害衆生但為救護

一切衆生而持於戒云何爲不雜戒此菩薩
不著邊見不持雜戒但觀緣起持出離戒云
何爲無貪求戒此菩薩不現異相彰已有德
但爲滿足出離法故而持於戒云何爲無過
失戒此菩薩不自貢高言我持戒見破戒人
亦不輕毀令他媿恥但一其心而持於戒云
何爲無毀犯戒此菩薩永斷殺盜邪婬妄語
兩舌惡口及無義語貪瞋邪見具足受持十
種善業菩薩持此無犯戒時作是念言一切
衆生毀犯淨戒皆由顛倒唯佛世尊能知衆
生以何因緣而生顛倒毀犯淨戒我當成就
無上菩提廣爲衆生說真實法今雖顛倒是
名菩薩摩訶薩第二戒藏

佛子何等爲菩薩摩訶薩慙藏此菩薩憶念
過去所作諸惡而生於慙謂彼菩薩心自念
言我無始世來與諸衆生皆悉互作父母兄
弟姊妹男女具貪瞋癡憍慢誑誑及餘一切
諸煩惱故更相惱害遞相陵奪姦婬傷殺無
惡不造一切衆生悉亦如是以諸煩惱備造
衆惡是故各各不相恭敬不相尊重不相承
順不相謙下不相啓導不相護惜更相殺害
互爲怨讎自惟我身及諸衆生去來現在行
無慙法三世諸佛無不知見今若不斷此無
慙行三世諸佛亦當見我我當云何猶行不

上善爲不可是故我應專心斷除證阿耨多
羅三藐三菩提廣爲衆生說真實法故名菩
薩摩訶薩第三慙藏

佛子何等爲菩薩摩訶薩慙藏此菩薩自媿
昔來於五欲中種種貪求無有厭足因此增
長貪恚癡等一切煩惱我今不應復行是事
又作是念衆生無智起諸煩惱具行惡法不
相恭敬不相尊重乃至展轉互爲怨讎如是
等惡無不備造造已歡喜追求僞歡盲無慧
眼無所知見於母人腹中八胎受生成垢穢
身畢竟至於賤白面皺有智慧者觀此但是
從婬欲生不淨之法三世諸佛皆悉知見若
我於今猶行是事則爲欺誑三世諸佛是故
我當修行於媿速成阿耨多羅三藐三菩提
廣爲衆生說真實法故名菩薩摩訶薩第四
媿藏

佛子何等爲菩薩摩訶薩聞藏此菩薩知是
事有故是事有是事無故是事無是事起故
是事起是事滅故是事滅是世間法是有記
法是有爲法是有爲法是有記法是有爲法
法何等爲是事有故是事有謂無明有故行
有何等爲是事無故是事無謂識無故名色
無何等爲是事起故是事起謂愛起故苦起
何等爲是事滅故是事滅謂有滅故生滅何

等爲世間法所謂色受想行識何等爲出世
 間法所謂戒定慧解脫解脫知見何等爲有
 爲法所謂欲界色界無色界衆生界何等爲
 無爲法所謂虛空涅槃數緣滅非數緣滅緣
 起法性住何等爲有記法謂四聖諦四沙門
 果四辯四無所畏四念處四正勤四神足五
 根五力七覺分八聖道分何等爲無記法謂
 世間有邊世間無邊世間亦有邊亦無邊世
 間非有邊非無邊世間有常世間無常世間
 亦有常亦無常世間非有常非無常如來滅
 後有如來滅後無如來滅後亦有亦無如來
 滅後非有非無我及衆生有我及衆生無我
 及衆生亦有亦無我及衆生非有非無過去
 有幾如來般涅槃幾聲聞辟支佛般涅槃未
 來有幾如來幾聲聞辟支佛幾衆生現在有
 幾佛住幾聲聞辟支佛住幾衆生住何等如
 來最先出何等聲聞辟支佛最先出何等衆
 生最先出何等如來最後出何等聲聞辟支
 佛最後出何等衆生最後出何法最在初何
 法最在後世間從何處來去至何所有幾世
 界成有幾世界壞世界從何處來去至何所
 何者爲生死最初際何者爲生死最後際是
 名無記法菩薩摩訶薩作如是念一切衆生
 於生死中無有多聞不能了知此一切法我

當發意持多聞藏證阿耨多羅三藐三菩提
爲諸衆生說真實法是名菩薩摩訶薩第五
多聞藏

佛子何等爲菩薩摩訶薩施藏此菩薩行十
種施所謂分減施竭盡施內施外施內外施
一切施過去施未來施現在施究竟施佛子
云何爲菩薩分減施此菩薩稟性仁慈好行
惠施若得美味不專自受要與衆生然後方
食凡所受物悉亦如是若自食時作是念言
我身中有八萬戶蟲依於我住我身充樂彼
亦充樂我身飢苦彼亦飢苦我今受此所有
飲食願令衆生普得充飽爲施彼故而自食
之不貪其味復作是念我於長夜覺著其身
欲令充飽而受飲食今以此食惠施衆生願
我於身永斷貪著是名分減施云何爲菩薩
竭盡施佛子此菩薩得種種上味飲食香華
衣服資生之具若自以受用則安樂延年若
輟已施人則窮苦天命時或有人來作是言
汝今所有悉當與我菩薩自念我無始已來
以飢餓故喪身無數未曾得有如毫末許饒
益衆生而獲善利今我亦當同於往昔而捨
其命是故應爲饒益衆生隨其所有一切皆
捨乃至盡命亦無所吝是名竭盡施云何爲
菩薩內施佛子此菩薩年方少盛端正美好

香華衣服以嚴其身始受灌頂轉輪王位七寶具足王四天下時或有人來白王言大王當知我今衰老身嬰重疾榮獨羸頓死將不久若得王身手足血肉頭目骨髓我之身命必冀存活唯願大王莫更籌量有所顧惜但見慈念以施於我爾時菩薩作是念言今我此身後必當死無一利益宜時疾捨以濟衆生念已施之心無所悔是名內施云何爲菩薩外施佛子此菩薩年盛色美衆相具足名華上服而以嚴身始受灌頂轉輪王位七寶具足王四天下時或有人來白王言我今貧窶衆苦逼迫唯願仁慈特垂矜念捨此王位以贍於我我當統領受王福樂爾時菩薩作是念言一切榮盛必當衰歇於衰歇時不能復更饒益衆生我今宜應隨彼所求充滿其意作是念已即便施之而無所悔是名外施云何爲菩薩內外施佛子此菩薩如上所說迦輪王位七寶具足王四天下時或有人而來白言此轉輪位王處已久我未曾得唯願大王捨之與我并及王身爲我臣僕爾時菩薩作是念言我身財寶及以王位悉是無常敗壞之法我今盛壯富有天下乞者現前當以不堅而求堅法作是念已即便施之乃至以身恭勤作役心無所悔是名內外施云何

為菩薩一切施佛子此菩薩亦如上說處輪
 王位七寶具足王四天下時有無量貧窮之
 人來詣其前而作是言大王名稱周聞十方
 我等欽風故來至此吾曹今者各有所求願
 普垂慈令得滿足時諸貧人從彼大王或乞
 國土或乞妻子或乞手足血肉心肺頭目髓
 腦菩薩是時心作是念一切恩愛會當別離
 而於衆生無所饒益我今為欲永捨貪愛以
 此一切必離散物滿衆生願作是念已悉皆
 施與心無悔恨亦不於衆生而生厭賤是名
 一切施云何為菩薩過去施此菩薩聞過去
 諸佛菩薩所有功德聞已不著了達非有不
 起分別不貪不味亦不求取無所依倚見法
 如夢無有堅固於諸善根不起有想亦無所
 倚但為教化取著衆生成熟佛法而為演說
 又復觀察過去諸法十方推求都不可得作
 是念已於過去法畢竟皆捨是名過去施云
 何為菩薩未來施此菩薩聞未來諸佛之所
 修行了達非有不取於相不別樂往生諸佛
 國土不味不著亦不生厭不以善根迴向於
 彼亦不於彼而退善根常勤修行未嘗廢捨
 但欲因彼境界攝取衆生為說真實令成熟
 佛法然此法者非有處所非無處所非內非
 外非近非遠復作是念若法非有不可不捨

是名未來施云何爲菩薩現在施此菩薩聞
四天王衆天三十三天夜摩天兜率陀天化
樂天他化自在天梵天梵身天梵輔天梵衆
天大梵天光天少光天無量光天光音天淨
天少淨天無量淨天徧淨天廣天少廣天無
量廣天廣果天無煩天無熱天善見天善現
天色究竟天乃至聞聲聞緣覺具足功德聞
已其心不迷不沒不散但觀諸行如夢
不實無有貪著爲令衆生捨離惡趣心無分
別修菩薩道成就佛法而爲開演是名現在
施云何爲菩薩究竟施佛子此菩薩假使有
無量衆生或有無眼或有無耳或無鼻舌及
以手足來至其所告菩薩言我身薄枯諸根
殘缺唯願仁慈以善方便捨已所有令我具
足菩薩聞之即便施與假使由此經阿僧祇
劫諸根不具亦不心生一念悔惜但自觀身
從初入胎不淨微形胞段諸根生老病死又
觀此身無有真實無有慙媿非賢聖物臭穢
不潔骨節相持血肉所塗九孔常流人所惡
賤作是觀已不生一念愛著之心復作是念
此身危脆無有堅固我今云何而生戀著應
以施彼充滿其願如我所作以此開導一切
衆生令於身心不生貪愛悉得成就清淨智
身是名究竟施是爲菩薩摩訶薩第六施藏

佛子何等爲菩薩摩訶薩慧藏此菩薩於色如實知色集如實知色滅如實知色滅道如實知於受想行識如實知受想行識集如實知受想行識滅如實知受想行識滅道如實知於無明如實知無明集如實知無明滅如實知無明滅道如實知於愛如實知愛集如實知愛滅如實知愛滅道如實知聲聞法如實知聲聞集如實知聲聞涅槃如實知於獨覺如實知獨覺法如實知獨覺集如實知獨覺涅槃如實知於菩薩如實知菩薩集如實知菩薩涅槃如實知菩薩法如實知菩薩集如實知菩薩涅槃如實知云何知知從業報諸行因緣之所造作一切虛假空無有實非我非堅固無有少法可得成立欲令衆生知其實性廣爲宣說爲說何等說諸法不可壞何等法不可壞色不可壞受想行識不可壞無明不可壞聲聞法獨覺法菩薩法不可壞何以故一切法無作無作者無言說無處所不生不起不與不取無動轉無作用菩薩成就如是等無量慧藏以少方便了一切法自然明達不由他悟此慧無盡藏有一種不可盡故說爲無盡何等爲十所謂多聞善巧不可盡故親近善知識不可盡故善分別句義不可盡故入深法界不可盡故以一味智莊嚴不可盡故集一

切福德心無疲倦不可盡故入一切陀羅尼門不可盡故能分別一切衆生語言音聲不可盡故能斷一切衆生疑惑不可盡故爲一切衆生現一切佛神力教化調伏令修行不斷不可盡故是爲十是爲菩薩摩訶薩第七慧藏住此藏者得無盡智慧普能開悟一切衆生

佛子何等爲菩薩摩訶薩念藏此菩薩捨離疑惑得具足念憶念過去一生二生乃至十生百生千生百千生無量百千生成劫壞劫成壞劫非一成劫非一壞劫非一成壞劫百劫千劫百十億那由他乃至無數無量無邊無等不可數不可稱不可思不可量不可說不可說不可說劫念一佛名号乃至不可說不可說佛名号念一佛出世說授記乃至不可說不可說佛出世說授記念一佛出世說修多羅乃至不可說不可說佛出世說修多羅如修多羅祇夜授記伽他尼陀那優陀那本事本生方廣未曾有譬論論議亦如是念一衆會乃至不可說不可說衆會念演一法乃至演不可說不可說法念一根種種性乃至不可說不可說根種種性念一根無量種種性乃至不可說不可說根無量種種性念一煩惱種種性乃至不可說不可說煩惱種

種性念一三昧種種性乃至不可說不可說
三昧種種性此念有十種所謂寂靜念清淨
念不濁念明徹念離塵念離種種塵念離垢
念光輝念可愛樂念無障礙念菩薩位是念
時一切世間無能燒亂一切異論無能變動
往世善根悉得清淨於諸世法無所染著衆
魔外道所不能壞轉身受生無所忘失過現
未來說法無盡於一切世界中與衆生同住
曾無過咎入一切諸佛衆會道場無所障礙
一切佛所悉得親近是名菩薩摩訶薩第八
念藏

佛子何等爲菩薩摩訶薩持藏此菩薩持諸
佛所說修多羅文句義理無有忘失一生持
乃至不可說不可說生持持一佛名号乃至
不可說不可說佛名号持一劫數乃至不可
說不可說劫數持一佛授記乃至不可說不
可說佛授記持一修多羅乃至不可說不可
說修多羅持一衆會乃至不可說不可說衆
會持演一法乃至演不可說不可說法持一
根無量種種性乃至不可說不可說根無量
種種性持一煩惱種種性乃至不可說不可
說煩惱種種性持一三昧種種性乃至不可
說不可說三昧種種性佛子此持藏無邊難
滿難至其底難得親近無能制伏無量無盡

具大威力是佛境界唯佛能了是名菩薩摩訶薩第九持藏

佛子何等爲菩薩摩訶薩辯藏此菩薩有深智慧了知實相廣爲衆生演說諸法不違一切諸佛經典說一品法乃至不可說不可說品法說一佛名号乃至不可說不可說佛名号如是說一世界說一佛授記說一修多羅說一衆會說演一法說一根無量種種性說一煩惱無量種種性說一三昧無量種種性乃至說不可說不可說三昧無量種種性或一日說或半月一月說或百年千年百千年說或一劫百劫千劫百千劫說或百千億那由他劫說或無數無量乃至不可說不可說劫說劫數可盡一文一句義理難盡何以故此菩薩成就十種無盡藏故成就此藏得攝一切法陀羅尼門現在前百萬阿僧祇陀羅尼以爲眷屬得此陀羅尼已以法光明廣爲衆生演說於法其說法時以廣長舌出妙音聲充滿十方一切世界隨其根性悉令滿足心得歡喜滅除一切煩惱纏垢善入一切音聲言語文字辯才令一切衆生佛種不斷淨心相續亦以法光明而演說法無有窮盡不生疲倦何以故此菩薩成就盡虛空徧法界無邊身故是爲菩薩摩訶薩第十辯藏此藏

無窮盡無分段無間無斷無變異無隔礙無
退轉甚深無底難可得入普入一切佛法之
明

佛子此十種無盡藏有十種無盡令諸菩薩
究竟成就無上菩提何等爲十饒益一切衆
生故以本願善迴向故一切劫無斷絕故盡
虛空界悉開悟心無限故迴向有爲而不著
故一念境界一切法無盡故大願心無變異
故善攝取諸陀羅尼故一切諸佛所護念故
了一切法皆如幻故是爲十種無盡法能令
一切世間所作悉得究竟無盡大藏

大方廣佛華嚴經卷第二十一

怯弱

上去劫切
下而灼切

悔恨

下胡良切

誑詐

上丑現切
下側駕切

媿恥

上俱位切
下教里切

殺盜

上所八切
下徒到切

遞相

上第音

陵奪

上力膺切
下徒活切

姦姪

上古顏切

謙下

上古兼切

怨讎

下市寐切

面皺

下側救切

充飽

下博切

輟已

上陟劣切

天命

上於兆切

飢餓

上居夷切
下五箇切

身嬰

下於盈切

榮獨

上渠營切

羸頓

上力爲切

骨髓

下息委切

籌量

上直由切

貧窶

下其矩切

矜念

上居陵切

以贍

下時灼切

衰歇

下許竭切

臣僕

下蒲沃切

心肺

下芳廢切

厭賤

下中練切

薄祐

下失百切

胞段

上匹吏切
下徒阮切

燒亂

上奴烏切

大方廣佛華嚴經卷第二十二

平

于闐國三藏實叉難陀奉制譯

昇兜率天宮品第二十三

爾時佛神力故十方一切世界一一四天下
閻浮提中皆見如來坐於樹下各有菩薩承
佛神力而演說法靡不自謂恒對於佛

爾時世尊復以神力不離於此菩提樹下及
須彌頂夜摩天宮而往詣於兜率陀天一切
妙寶所莊嚴殿時兜率天王遙見佛來即於
殿上敷摩尼藏師子之座其師子座天諸妙
寶之所集成過去修行善根所得一切如來
神力所現無量百千億那由他阿僧祇善根
所生一切如來淨法所起無邊福力之所嚴
瑩清淨業報不可沮壞觀者欣樂無所厭足
是出世法非世所深一切衆生或來觀察無
有能得究其妙好有百萬億層級周匝圍遶
百萬億金網百萬億華帳百萬億寶帳百萬
億鬘帳百萬億香帳張施其上華鬘垂下香
氣普熏百萬億華蓋百萬億鬘蓋百萬億寶
蓋諸天執持四面行列百萬億寶衣以敷其
上百萬億樓閣綺煥莊嚴百萬億摩尼網百
萬億寶網彌覆其上百萬億寶瓔珞網四面
垂下百萬億莊嚴具網百萬億蓋網百萬億
衣網百萬億寶帳網以張其上百萬億寶蓮

華網開敷光榮百萬億寶香網其香美妙稱
悅衆心百萬億寶鈴帳其鈴微動出和雅音
百萬億栴檀寶帳香氣普熏百萬億寶華帳
其華敷榮百萬億衆妙色衣帳世所希有百
萬億菩薩帳百萬億雜色帳百萬億真金帳
百萬億瑠璃帳百萬億種種寶帳悉張其上
百萬億一切寶帳大摩尼寶以爲莊嚴百萬
億妙寶華周巾瑩飾百萬億頻婆帳殊妙間
錯百萬億寶鬘百萬億香鬘四面垂下百萬
億天堅固香其香普熏百萬億天莊嚴具瓔
珞百萬億寶華瓔珞百萬億勝藏寶瓔珞百
萬億摩尼寶瓔珞百萬億海摩尼寶瓔珞莊
嚴座身百萬億妙寶繒綵以爲垂帶百萬億
因陀羅金剛寶百萬億自在摩尼寶百萬億
妙色真金藏以爲間飾百萬億毗盧遮那摩
尼寶百萬億因陀羅摩尼寶光明照耀百萬
億天堅固摩尼寶以爲窓牖百萬億清淨功
德摩尼寶彰施妙色百萬億清淨妙藏寶以
爲門闥百萬億世中最勝半月寶百萬億離
垢藏摩尼寶百萬億師子面摩尼寶間錯莊
嚴百萬億心王摩尼寶所求如意百萬億閻
浮檀摩尼寶百萬億清淨藏摩尼寶百萬億
帝幢摩尼寶咸放光明彌覆其上百萬億白
銀藏摩尼寶百萬億須彌幢摩尼寶莊嚴其

藏百萬億真珠瓔珞百萬億瑠璃瓔珞百萬
億赤色寶瓔珞百萬億摩尼瓔珞百萬億寶
光明瓔珞百萬億種種藏摩尼瓔珞百萬億
甚可樂見赤真珠瓔珞百萬億無邊色相藏
摩尼寶瓔珞百萬億極清淨無比寶瓔珞百
萬億勝光明摩尼寶瓔珞周匝垂布以爲莊
嚴百萬億摩尼身殊妙嚴飾百萬億因陀羅
妙色寶百萬億黑栴檀香百萬億不思議境
界香百萬億十方妙香百萬億最勝香百萬
億甚可愛樂香咸發香氣普熏十方百萬億
頻婆羅香普散十方百萬億淨光香普熏衆
生百萬億無邊際種種色香普熏一切諸佛
國土永不歇滅百萬億塗香百萬億熏香百
萬億燒香香氣發越普熏一切百萬億蓮華
藏沈水香出大音聲百萬億遊戲香能轉衆
心百萬億阿耨那香香氣普熏其味甘美百
萬億能開悟香普徧一切令其聞者諸根寂
靜復有百萬億無比香王香種種莊嚴雨百
萬億天華雲雨百萬億天香雲雨百萬億天
末香雲雨百萬億天拘蘇摩華雲雨百萬億
天波頭摩華雲雨百萬億天優鉢羅華雲雨
百萬億天拘物頭華雲雨百萬億天芬陀利
華雲雨百萬億天曼陀羅華雲雨百萬億一
切天華雲雨百萬億天衣雲雨百萬億摩尼

寶雲雨百萬億天蓋雲雨百萬億天幡雲雨
百萬億天冠雲雨百萬億天莊嚴具雲雨百
萬億天寶鬘雲雨百萬億天寶瓔珞雲雨百
萬億天栴檀香雲雨百萬億天沈水香雲建
百萬億寶幢懸百萬億寶幡垂百萬億寶繒
帶然百萬億香爐布百萬億寶鬘持百萬億
寶扇執百萬億寶拂懸百萬億寶鈴網微風
吹動出妙音聲百萬億寶欄楯周市圍遶百
萬億寶多羅樹次第行列百萬億妙寶窓牖
綺嚴莊嚴百萬億寶樹周市垂陰百萬億寶
樓閣延袤綺飾百萬億寶門垂布瓔珞百萬
億金鈴出妙音聲百萬億吉祥相瓔珞嚴淨
垂下百萬億寶悉底迦能除衆惡百萬億金
藏金縷織成百萬億寶蓋衆寶爲竿執持行
列百萬億一切寶莊嚴具網間錯莊嚴百萬
億光明寶放種種光百萬億光明周徧照耀
百萬億日藏輪百萬億月藏輪並無量色寶
之所集成百萬億香燄光明映徹百萬億蓮
華藏開敷鮮榮百萬億寶網百萬億華網百
萬億香網彌覆其上百萬億天寶衣百萬億
天青色衣百萬億天黃色衣百萬億天赤色
衣百萬億天奇妙色衣百萬億天種種寶奇
妙衣百萬億種種香熏衣百萬億一切寶所
成衣百萬億鮮白衣悉善敷布見者歡喜百

萬億天鈴幢百萬億金網幢出微妙音百萬
億天繒幢衆彩具足百萬億香幢垂布香網
百萬億華幢雨一切華百萬億天衣幢懸布
妙衣百萬億天摩尼寶幢衆寶莊嚴百萬億
天莊嚴具幢衆具校飾百萬億天鬘幢種種
華鬘四面行布百萬億天蓋幢寶鈴和鳴聞
皆歡喜百萬億天螺出妙音聲百萬億天鼓
出大音聲百萬億天笙篪出微妙音百萬億
天牟陀羅出大妙音百萬億天諸雜樂同時
俱奏百萬億天自在樂出妙音聲其聲普徧
一切佛刹百萬億天變化樂其聲如響普應
一切百萬億天鼓因於撫擊而出妙音百萬
億天如意樂自然出聲音節相和百萬億天
諸雜樂出妙音聲滅諸煩惱百萬億悅意音
讚歎供養百萬億廣大音讚歎承事百萬億
甚深音讚歎修行百萬億衆妙音歎佛業果
百萬億微細音歎如實理百萬億無障礙真
寶音歎佛本行百萬億清淨音讚歎過去供
養諸佛百萬億法門音讚歎諸佛最勝無畏
百萬億無量音歎諸菩薩功德無盡百萬億
菩薩地音讚歎開示一切菩薩地相應行百
萬億無斷絕音歎佛功德無有斷絕百萬億
隨順音讚歎偈揚見佛之行百萬億甚深法
音讚歎一切法無疑智相應理百萬億廣大

音其音充滿一切佛刹百萬億無礙清淨音
隨其心樂悉令歡喜百萬億不住三界音令
其聞者深入法性百萬億歡喜音令其聞者
心無障礙深信恭敬百萬億佛境界音隨所
出聲悉能開示一切法義百萬億陀羅尼音
善宣一切法句差別決了如來秘密之藏百
萬億一切法音其音和暢克諧衆樂有百萬
億初發心菩薩纔見此座倍更增長一切智
心百萬億治地菩薩心淨歡喜百萬億修行
菩薩悟解清淨百萬億生貴菩薩住勝志樂
百萬億方便具足菩薩起大乘行百萬億正
心住菩薩勤修一切菩薩道百萬億不退菩
薩淨修一切菩薩地百萬億童真菩薩得一
切菩薩三昧光明百萬億法王子菩薩入不
思議諸佛境界百萬億灌頂菩薩能現無量
如來十力百萬億菩薩得自在神通百萬億
菩薩生清淨解百萬億菩薩心生愛樂百萬
億菩薩深信不壞百萬億菩薩勢力廣大百
萬億菩薩名稱增長百萬億菩薩演說法義
令智決定百萬億菩薩正念不亂百萬億菩
薩生決定智百萬億菩薩得聞持力持一切
佛法百萬億菩薩出生無量廣大覺解百萬
億菩薩安住信根百萬億菩薩得檀波羅蜜
能一切施百萬億菩薩得尸波羅蜜具持衆

戒百萬億菩薩得忍波羅蜜心不妄動悉能
忍受一切佛法百萬億菩薩得精進波羅蜜
能行無量出離精進百萬億菩薩得禪波羅
蜜具足無量禪定光明百萬億菩薩得般若
波羅蜜智慧光明能普照耀百萬億菩薩成
就大願悉皆清淨百萬億菩薩得智慧燈明
照法門百萬億菩薩爲十方諸佛法光所照
百萬億菩薩周徧十方演離疑法百萬億菩
薩普入一切諸佛刹土百萬億菩薩法身隨
到一切佛國百萬億菩薩得佛音聲能廣開
悟百萬億菩薩得出生一切智方便百萬億
菩薩得成就一切法門百萬億菩薩成就法
智猶如寶幢能普顯示一切佛法百萬億菩
薩能悉示現如來境界百萬億諸天王恭敬
禮拜百萬億龍王諦觀無厭百萬億夜叉王
頂上合掌百萬億乾闥婆王起淨信心百萬
億阿脩羅王斷憍慢意百萬億迦樓羅王口
銜繒帶百萬億緊那羅王歡喜踊躍百萬億
摩睺羅伽王歡喜瞻仰百萬億世主稽首作
禮百萬億忉利天王瞻仰不瞬百萬億夜摩
天王歡喜讚歎百萬億兜率天王布身作禮
百萬億化樂天王頭頂禮敬百萬億他化天
王恭敬合掌百萬億梵天王一心觀察百萬
億摩醯首羅天王恭敬供養百萬億菩薩發

贊讚歎百萬億天女專心供養百萬億同願
天踊躍歡喜百萬億往昔同住天妙聲稱讚
百萬億梵身天布身敬禮百萬億梵輔天合
掌於頂百萬億梵衆天圍遶侍衛百萬億大
梵天讚歎稱揚無量功德百萬億光天五體
投地百萬億少光天宣揚讚歎佛世難值百
萬億無量光天遙向佛禮百萬億光音天讚
歎如來甚難得見百萬億淨天與宮殿俱而
來詣此百萬億少淨天以清淨心稽首作禮
百萬億無量淨天願欲見佛投身而下百萬
億徧淨天恭敬尊重親近供養百萬億廣天
念昔善根百萬億少廣天於如來所生希有
想百萬億無量廣天決定尊重生諸善業百
萬億廣果天曲躬恭敬百萬億無煩天信根
堅固恭敬禮拜百萬億無熱天合掌念佛情
無厭足百萬億善見天頭面作禮百萬億善
現天念供養佛心無懈怠百萬億阿迦吒
天恭敬頂禮百萬億種種天皆大歡喜發聲
讚歎百萬億諸天各善思惟而為莊嚴百萬
億菩薩天護持佛座莊嚴不絕百萬億華手
菩薩雨一切華百萬億香手菩薩雨一切香
百萬億鬘手菩薩雨一切鬘百萬億末香手
菩薩雨一切末香百萬億塗香手菩薩雨一
切塗香百萬億衣手菩薩雨一切衣百萬億

蓋乎菩薩雨一切蓋百萬億幢手菩薩雨一切幢百萬億寶
手菩薩雨一切寶百萬億莊嚴手菩薩雨一
切莊嚴具百萬億諸天子從天宮出至於座
所百萬億諸天子以淨信心并宮殿俱百萬
億生貴天子以身持座百萬億灌頂天子舉
身持座百萬億思惟菩薩恭敬思惟百萬億
生貴菩薩發清淨心百萬億菩薩諸根悅樂
百萬億菩薩深心清淨百萬億菩薩信解清
淨百萬億菩薩諸業清淨百萬億菩薩受生
自在百萬億菩薩法光照耀百萬億菩薩成
就於地百萬億菩薩善能教化一切衆生百
萬億善根所生百萬億諸佛護持百萬億福
德所圓滿百萬億殊勝心所清淨百萬億大
願所嚴潔百萬億善行所生起百萬億善法
所堅固百萬億神力所示現百萬億功德所
成就百萬億讚歎法而以讚歎如此世界兜
率天王奉爲如來敷置高座一切世界兜率
天王悉爲於佛如是敷座如是莊嚴如是儀
則如是信樂如是心淨如是欣樂如是喜悅
如是尊重如是而生希有之想如是踊躍如
是渴仰悉皆同等

爾時兜率天王爲如來敷置座已心生尊重
與十萬億阿僧祇兜率天子奉迎如來以清

淨心雨阿僧祇色華雲雨不思議色香雲雨
種種色變雲雨廣大清淨栴檀雲雨無量種
種蓋雲雨細妙天衣雲雨無邊衆妙寶雲雨
天莊嚴具雲雨無量種種燒香雲雨一切栴
檀沈水堅固末香雲諸天子衆各從其身出
此諸雲時百千億阿僧祇兜率天子及餘在
會諸天子衆心大歡喜恭敬頂禮阿僧祇天
女踊躍欣慕諦觀如來兜率宮中不可說諸
菩薩衆住虛空中精勤一心以出過諸天諸
供養具供養於佛恭敬作禮阿僧祇音樂一
時同奏爾時如來威神力故往昔善根之所
流故不可思議自在力故兜率宮中一切諸
天及諸天女皆遙見佛如對目前同興念言
如來出世難可值遇我今得見具一切智於
法無礙正等覺者如是思惟如是觀察與諸
衆會悉共同時奉迎如來各以天衣盛一切
華盛一切香盛一切寶盛一切莊嚴具盛一
切天栴檀末香盛一切天沈水末香盛一切
天妙寶末香盛一切天香華盛一切天曼陀
羅華悉以奉散供養於佛百千億那由他阿
僧祇兜率陀天子住虛空中咸於佛所起智
慧境界心燒一切香香氣成雲莊嚴虛空又
於佛所起歡喜心雨一切天華雲莊嚴虛空
又於佛所起尊重心雨一切天蓋雲莊嚴虛

空又於佛所起供養心散一切天瓔雲莊嚴
虛空又於佛所生信解心布阿僧祇金網彌
覆虛空一切寶鈴常出妙音又於佛所生最
勝福田心以阿僧祇帳莊嚴虛空雨一切瓔
珞雲無有斷絕又於佛所生深信心以阿僧
祇諸天宮殿莊嚴虛空一切天樂出微妙音
又於佛所生最勝難遇心以阿僧祇種種色
天衣雲莊嚴虛空雨於無比種種妙衣又於
佛所生無量歡喜踊躍心以阿僧祇諸天寶
冠莊嚴虛空雨無量天冠廣大成雲又於佛
所起歡喜心以阿僧祇種種色寶莊嚴虛空
雨一切瓔珞雲無有斷絕百千億那由他阿
僧祇天子咸於佛所生淨信心散無數種種
色天華然無數種種色天香供養如來又於
佛所起大莊嚴變化心持無數種種色天栴
檀末香奉散如來又於佛所起歡喜踊躍心
持無數種種色蓋隨逐如來又於佛所起增
上心持無數種種色天寶衣敷布道路供養
如來又於佛所起清淨心持無數種種色天
寶幢奉迎如來又於佛所起增上歡喜心持
無數種種色天莊嚴具供養如來又於佛所
生不壞信心持無數天寶鬘供養如來又於
佛所生無比歡喜心持無數種種色天寶幡
供養如來百千億那由他阿僧祇諸天子以

調順寂靜無放逸心持無數種種色天樂出
 妙音聲供養如來百千億那由他不可說先
 住兜率宮諸菩薩衆以從超過三界法所生
 離諸煩惱行所生周徧無礙心所生甚深方
 便法所生無量廣大智所生堅固清淨信所
 增長不思議善根所生起阿僧祇善巧變化
 所成就供養佛心之所現無作法門之所印
 出過諸天諸供養具供養於佛以從波羅蜜
 所生一切寶蓋於一切佛境界清淨解所生
 一切華帳無生法忍所生一切衣入金剛法
 無礙心所生一切鈴網解一切法如幻心所
 生一切堅固香周徧一切佛境界如來座心
 所生一切佛衆寶妙座供養佛不懈心所生
 一切寶幢解諸法如夢歡喜心所生佛所住
 一切寶宮殿無著善根無生善根所生一切
 寶蓮華雲一切堅固香雲一切無邊色華雲
 一切種種色妙衣雲一切無邊清淨栴檀香
 雲一切妙莊嚴寶蓋雲一切燒香雲一切妙
 鬘雲一切清淨莊嚴具雲皆徧法界出過諸
 天供養之具供養於佛其諸菩薩一一身各
 出不可說百千億那由他菩薩皆充滿法界
 虛空界其心等於三世諸佛以從無顛倒法
 所起無量如來力所加開示衆生安隱之道
 具足不可說名味句普入無量法一切陀羅

尼種中生不可窮盡辯才之藏心無所畏生
大歡喜以不可說無量無盡如寶讚歎法讚
歎如來無有厭足

爾時一切諸天及諸菩薩衆見於如來應正
等覺不可思議人中之雄其身無量不可稱
數現不思議種種神變令無數衆生心大歡
喜普徧一切虛空界一切法界以佛莊嚴而
爲莊嚴令一切衆生安住善根示現無量諸
佛神力超過一切諸語言道諸大菩薩所共
欽敬隨所應化皆令歡喜住於諸佛廣大之
身功德善根悉已清淨色相第一無能映奪
智慧境界不可窮盡無比三昧之所出生其
身無際徧住一切衆生身中令無量衆生皆
大歡喜令一切智種性不斷住於諸佛究竟
所住生於三世諸佛之家今不可數衆生信
解清淨令一切菩薩智慧成就諸根悅豫法
雲普覆虛空法界教化調伏無有遺餘隨衆
生心悉令滿足令其安住無分別智出過一
切衆生之上獲一切智放大光明宿世善根
皆令顯現普使一切發廣大心令一切衆生
安住普賢不可壞智徧住一切衆生國土從
於不退正法中生住於一切平等法界明了
衆生心之所宜現不可說不可說種種差別
如來之身非此言辭而歎可盡能令一切常

思念佛充滿法界廣度羣生隨初發心所欲
利益以法惠施令其調伏信解清淨示現色
身不可思議等觀衆生心無所著住無礙住
得佛十力無所障礙心常寂定未曾散亂住
一切智善能開演種種文句真實之義能悉
深入無邊智海出生無量功德慧藏恒以佛
日普照法界隨本願力常現不沒恒住法界
住佛所住無有變異於我我所俱無所著住
出世法世法無染於一切世間建智慧幢其
智廣大超過世間無所染著拔諸衆生令出
淤泥置於最上智慧之地所有福德饒益衆
生而無有盡了知一切菩薩智慧信向決定
當成正覺以大慈悲現不可說無量佛身種
種莊嚴以妙音聲演無量法隨衆生意悉令
滿足於去來今心常清淨令諸衆生不著境
果恒與一切諸菩薩記令其皆入佛之種性
生在佛家得佛灌頂常遊十方未曾休息而
於一切無所樂著法界佛刹悉能徧往諸衆
生心靡不了知所有福德離世清淨不住生
死而於世間如影普現以智慧月普照法界
了達一切悉無所得恒以智慧知諸世間如
幻如影如夢如化一切皆以心爲自性如是
而住隨諸衆生業報不同心樂差別諸根各
異而現佛身如來恒以無數衆生而爲所緣

爲說世間皆從緣起知諸法相皆悉無相唯
是一相智慧之本欲令衆生離諸相著示現
一切世間性相而行於世爲其開示無上菩
提爲欲救護一切衆生出現世間開示佛道
令其得見如來身相攀緣憶念勤加修習除
滅世間煩惱之相修菩提行心不散動於大
乘門皆得圓滿成就一切諸佛義利悉能觀
察衆生善根而不壞滅清淨業報智慧明了
普入三世永離一切世間分別於光明網普
照十方一切世界無不充滿色身妙好見者
無厭以大功德智慧神通出生種種菩薩諸
行諸根境界自在圓滿作諸佛事作已便沒
善能開示過現未來一切智道爲諸菩薩普
雨無量陀羅尼雨令其發起廣大欲樂受持
修習成就一切諸佛功德圓滿熾盛無邊妙
色莊嚴其身一切世間靡不現覩永離一切
障礙之法於一切法真實之義已得清淨於
功德法而得自在爲大法王如日普照爲出
福田具大威德於一切世間普現化身放智
慧光悉令開悟欲令衆生知佛具足無邊功
德以無礙繒繫頂受位隨順世間方便開導
以智慧手安慰衆生爲大醫王善療衆病一
切世間無量國土悉能徧往未曾休息清淨
慧眼離諸障翳悉能明見於作不善惡業中

生種種調伏令其入道善取時宜無有休息
若諸衆生起平等心即爲化現平等業報隨
其心樂隨其業果爲現佛身種種神變而爲
說法令其悟解得法智慧心大歡喜諸根踊
躍見無量佛起深重信生諸善根永不退轉
一切衆生隨業所繫長眠生死如來出世能
覺悟之安慰其心使無憂怖若得見者悉令
證入無依義智智慧善巧了達境界莊嚴妙
好無能映奪智山法芽悉已清淨或現菩薩
或現佛身令諸衆生至無患地無數功德之
所莊嚴業行所成現於世間一切諸佛莊嚴
清淨莫不皆以一切智業之所成就常守本
願不捨世間作諸衆生堅固善友清淨第一
離垢光明令一切衆生皆得現見六趣衆生
無量無邊佛以神力常隨不捨若有往昔同
種善根皆令清淨而於六趣一切衆生不捨
本願無所欺誑悉以善法方便攝取令其修
習清淨之業摧破一切諸魔闕諍從無礙際
出廣大最勝日藏無有障礙於淨心界而
現影像一切世間無不覩見以種種法廣施
衆生佛是無邊光明之藏諸力智慧皆悉圓
滿恒以大光普照衆生隨其所願皆令滿足
離諸怨敵爲上福田一切衆生共所依怙凡
有所施悉令清淨修少善行受無量福悉令

得入無盡智地爲一切衆生種植善根淨心之主爲一切衆生發生福德最上良田智慧甚深方便善巧能救一切三惡道苦如是信解如是觀察如是入於智慧之淵如是辨於功德之海如是普至虛空智慧如是而知衆生福田如是正念現前觀察如是觀佛諸業相好如是觀佛普現世間如是觀佛神通自在時彼大衆見如來身一一毛孔出百千億那由他阿僧祇光明一一光明有阿僧祇色阿僧祇清淨阿僧祇照明今阿僧祇衆觀察阿僧祇衆歡喜阿僧祇衆快樂阿僧祇衆深信增長阿僧祇衆志樂清淨阿僧祇衆諸根清涼阿僧祇衆恭敬尊重爾時大衆咸見佛身放百千億那由他不思議大光明一一光明皆有不思議色不思議光照不思議無邊法界以佛神力出大妙音其音演暢百千億那由他不思議讚頌超諸世間所有言辭出世善根之所成就復現百千億那由他不思議微妙莊嚴於百千億那由他不思議劫數不可盡皆是如來無盡自在之所出生又現不可說諸佛如來出興于世令諸衆生入智慧門解甚深義又現不可說諸佛如來所有變化盡法界虛空界令一切世間平等清淨如是皆從如來所住無障礙一切智生亦從

如來所修行不思議勝德生復現百千億那由他不思議妙寶光燄從昔大願善根所起以曾供養無量如來修清淨行無放逸故薩婆若心無有障礙生善根故為顯如來力廣徧故為斷一切衆生疑故為令咸得見如來故今無量衆生住善根故顯示如來神通之力無映奪故欲令衆生普得入於究竟海故為令一切諸佛國土菩薩大衆皆來集故為欲開示不可思議佛法門故爾時如來大悲普覆示一切智所有莊嚴欲令不可說百千億那由他阿僧祇世界中衆生未信者信已信者增長已增長者令其清淨已清淨者令其成熟已成熟者令心調伏觀甚深法具足無量智慧光明發生無量廣大之心薩婆若心無有退轉不違法性不怖實際證真實理滿足一切波羅蜜行出世善根皆悉清淨猶如普賢得佛自在離魔境界入諸佛境了知深法獲難思智大乘誓願永不退轉常見諸佛未曾捨離成就證智證無量法具足無邊福德藏力發歡喜心入無疑地離惡清淨依一切智見法不動得入一切菩薩衆會常生三世諸如來家世尊所現如是莊嚴皆是過去先所積集善根所成為欲調伏諸衆生故開示如來大威德故照明無疑智慧藏故示

現如來無邊勝德極熾然故顯示如來不可思議大神變故以神通力於一切趣現佛身故示現如來神通變化無邊際故本所志願悉成滿故顯示如來勇猛智慧能徧往故於法自在成法王故出生一切智慧門故示現如來身清淨故又現其身最殊妙故顯示證得三世諸佛平等法故開示善根清淨藏故顯示世間無能爲諭亡妙色故顯示具足十力之相令其見者無厭足故爲世間日照三世故自在法王一切功德皆從往昔善根所現一切菩薩於一切劫徧揚讚說不可窮盡爾時兜率陀天王奉爲如來嚴辦如是諸供具已與百千億那由他阿僧祇兜率天子向佛合掌白佛言善來世尊善來善逝善來如來應正等覺唯見哀愍處此宮殿爾時世尊以佛莊嚴而自莊嚴具大威德爲令一切衆生生大歡喜故一切菩薩發深悟解故一切兜率陀天子增益欲樂故兜率陀天王供養承事無厭足故無量衆生緣念於佛而發心故無量衆生種見佛善根福德無盡故常能發起清淨信故見佛供養無所求故所有志願皆清淨故勤集善根無懈怠故發大誓願求一切智故受天王請入一切寶莊嚴殿如此世界十方所有一切世界悉亦

如是

爾時一切寶莊嚴殿自然而有妙好莊嚴出
過諸天莊嚴之上一切寶網周布彌覆普雨
一切上妙寶雲普雨一切莊嚴具雲普雨一
切寶衣雲普雨一切栴檀香雲普雨一切堅
固香雲普雨一切寶莊嚴蓋雲普雨不可思
議華聚雲普出不可思議妓樂音聲讚揚如
來一切種智悉與妙法而共相應如是一切
諸供養具悉過諸天供養之上時兜率宮中
妓樂歌讚熾然不息以佛神力令兜率王心
無動亂往昔善根皆得圓滿無量善法益加
堅固增長淨信起大精進生大歡喜淨深志
樂發善提心念法無斷惣持不忘爾時兜率
陀天王承佛威力即自憶念過去佛所所種
善根而說頌言

昔有如來無礙月

諸吉祥中最殊勝

彼曾入此莊嚴殿

是故此處最吉祥

昔有如來名廣智

諸吉祥中最殊勝

彼曾入此金色殿

是故此處最吉祥

昔有如來名普眼

諸吉祥中最殊勝

彼曾入此蓮華殿

是故此處最吉祥

昔有如來名珊瑚

諸吉祥中最殊勝

彼曾入此寶藏殿

是故此處最吉祥

昔有如來論師子

諸吉祥中最殊勝

彼曾入此山王殿

是故此處最吉祥

昔有如來名日照

諸吉祥中最殊勝

彼曾入此衆華殿

是故此處最吉祥

昔有佛号無邊光

諸吉祥中最殊勝

彼曾入此樹嚴殿

是故此處最吉祥

昔有如來名法幢

諸吉祥中最殊勝

彼曾入此寶宮殿

是故此處最吉祥

昔有如來名智燈

諸吉祥中最殊勝

彼曾入此香山殿

是故此處最吉祥

昔有佛号功德光

諸吉祥中最殊勝

彼曾入此摩尼殿

是故此處最吉祥

如此世界兜率天王承佛神力以頌讚歎過

去諸佛十方一切諸世界中兜率天王悉亦

如是歎佛功德

爾時世尊於一切寶莊嚴殿摩尼寶藏師子

座上結跏趺坐法身清淨妙用自在與三世

佛同一境界住一切智與一切佛同入一性

佛眼明了見一切法皆無障礙有大威力普

遊法界未嘗休息具大神通隨有可化衆生

之處悉能徧往以一切諸佛無礙莊嚴而嚴

其身善知其時爲衆說法不可說諸菩薩衆

各從他方種種國土而共來集衆會清淨法

身無二無所依止而能自在起佛身行坐此

處已於其殿中自然而有無量無數殊特妙

好出過諸天供養之具所謂華鬘衣服塗香
末香寶蓋幢幡妓樂歌讚如是等事一一皆
悉不可稱數以廣大心恭敬尊重供養於佛
十方一切兜率陀天悉亦如是

大方廣佛華嚴經卷第二十二

嚴瑩下烏定切

綺煖

上墟彼切
下火貫切

繒綈

上夷陵切

窓牖

上楚紅切
下西音

門闥

下他達切

欄楯

上落干切
下食尹切

延袤

下茂音

天螺

下落戈切

撫擊

上若武切
下古歷切

克諧

上苦得切
下戶皆切

口銜

下戶監切

不瞬

下舒閑切

摩醯

下呼雞切

悅豫

下羊茹切

淤泥

上於鋸切

善藥

下力照切

障翳

下於計切

怨敵

下徒歷切

依怙

下侯古切

珊瑚

上蘇干切
下胡音

乙巳歲高麗國大藏寺監奉

勅彫造

大方廣佛華嚴經卷第二十三

于闐國三藏實叉難陀奉制譯

兜率宮中偈讚品第二十四

爾時佛神力故十方各有一大菩薩一一各
與萬佛刹微塵數諸菩薩俱從萬佛刹微塵
數國土外諸世界中來詣佛所其名曰金剛
幢菩薩堅固幢菩薩勇猛幢菩薩光明幢菩
薩智幢菩薩寶幢菩薩精進幢菩薩離垢幢
菩薩星宿幢菩薩法幢菩薩所從來國謂妙
寶世界妙樂世界妙銀世界妙金世界妙摩
尼世界妙金剛世界妙波頭摩世界妙優鉢
羅世界妙栴檀世界妙香世界各於佛所淨
修梵行所謂無盡幢佛風幢佛解脫幢佛威
儀幢佛明相幢佛常幢佛最勝幢佛自在幢
佛梵幢佛觀察幢佛其諸菩薩至佛所已頂
禮佛足以佛神力即化作妙寶藏師子之座
寶網彌覆周而徧滿諸菩薩衆隨所來方各
於其上結跏趺坐其身悉放百千億那由他
阿僧祇清淨光明此無量光皆從菩薩清淨
心寶離衆過惡大願所起顯示一切諸佛自
在清淨之法以諸菩薩平等願力能普救護
一切衆生一切世間之所樂見見者不虛悉
得調伏其菩薩衆悉已成就無量功德所謂
徧遊一切諸佛國土無所障礙見無依止清

淨法身以智慧身現無量身徧往十方承事
諸佛入於諸佛無量無邊不可思議自在之
法住於無量一切智門以智光明善了諸法
於諸法中得無所畏隨所演說窮未來際辯
才無盡以大智慧開摠持門慧眼清淨入深
法界智慧境界無有邊際究竟清淨猶若虛
空如此世界兜率天宮諸菩薩衆如是來集
十方一切兜率天宮悉有如是名号菩薩而
來集會所從來國諸佛名号亦皆同等無有
差別爾時世尊從兩膝輪放百千億那由他
光明普照十方盡法界虛空界一切世界彼
諸菩薩皆見於此佛神變相此諸菩薩亦見
於彼一切如來神變之相如是菩薩皆與毗
盧遮那如來於往昔時同種善根修菩薩行
悉已悟入諸佛自在甚深解脫得無差別法
界之身入一切土而無所住見無量佛悉往
承事於一念中周行法界自在無礙心意清
淨如無價寶無量無數諸佛如來常加護念
共與其力到於究竟第一彼岸恒以淨念住
無上覺念念恒入一切智處以小入大以大
入小皆得自在通達無礙已得佛身與佛同
住獲一切智從一切智而生其身一切如來
所行之處悉能隨入開闡無量智慧法門到
金剛幢大智彼岸獲金剛定斷諸疑惑已得

諸佛自在神通普於一切十方國土教化調
伏百千萬億無數衆生於一切數雖無所著
善能修學成就究竟方便安立一切諸法如
是等百千億那由他不可說無盡清淨三世
一切無量功德藏諸菩薩衆皆來集會在於
佛所因光所見一切佛所悉亦如是爾時金
剛幢菩薩承佛神力普觀十方而說頌言

如來不出世亦無有涅槃以本大願力示現自在法
是法難思議非心所行處智慧到彼岸乃見諸佛境
色身非是佛音聲亦復然亦不離色聲見佛神通力
少智不能知諸佛實境界久修清淨業於此乃能了
正覺無來處去亦無所從清淨妙色身神力故顯現
無量世界中示現如來身廣說微妙法其心無所著
智慧無邊際了達一切法普入於法界示現自在力
衆生及諸法了達皆無礙普現衆色像徧於一切刹
欲求一切智速成無上覺應以淨妙心修習菩提行
若有見如來如是威神力當於最勝尊供養勿生疑
爾時堅固幢菩薩承佛神力普觀十方而說
頌言

如來勝無比甚深不可說出過言語道清淨如虛空
汝觀人師子自在神通力已離於分別而今分別見
導師爲開演甚深微妙法以是因緣故現此無比身
此是大智慧諸佛所行處若欲了知者常應親近佛
意業常清淨供養諸如來終無疲厭心能入於佛道

具無盡功德 堅住菩提心 以是疑網除 觀佛無厭足
通達一切法 是乃真佛子 此人能了知 諸佛自在力
廣大智所說 欲為諸法本 應起勝希望 志求無上覺
若有尊敬佛 念報於佛恩 彼人終不離 一切諸佛住
何有智慧人 於佛得見聞 不修清淨願 履佛所行道
爾時勇猛幢菩薩承佛神力普觀十方而說
頌言

譬如明淨眼 因日觀衆色 淨心亦復然 佛力見如來
如以精進力 能盡海源底 智力亦如是 得見無量佛
譬如良沃田 所種必滋長 如是淨心地 出生諸佛法
如人獲寶藏 永離貧窮苦 菩薩得佛法 離垢心清淨
譬如伽陀藥 能消一切毒 佛法亦如是 滅諸煩惱患
眞實善知識 如來所稱讚 以彼威神故 得聞諸佛法
設於無數劫 財寶施於佛 不知佛實相 此亦不名施
無量衆色相 莊嚴於佛身 非於色相中 而能見於佛
如來等正覺 寂然恒不動 而能普現身 徧滿十方界
譬如虛空界 不生亦不滅 諸佛法如是 畢竟無生滅
爾時光明幢菩薩承佛神力普觀十方而說
頌言

人間及天上一切諸世界 普見於如來 清淨妙色身
譬如一心力 能生種種心 如是一佛身 普現一切佛
菩提無二法 亦復無諸相 而於二法中 現相莊嚴身
了法性空寂 如幻而生起 所行無有盡 導師如是現
三出一切佛 法身悉清淨 隨其所應化 普現妙色身

如來不念言 我作如是身 自然而示現 未嘗起分別
法界無差別 亦無所依止 而於世間中 示現無量身
佛身非變化 亦復非非化 於無化法中 示有變化形
正覺不可量 法界虛空等 深廣無涯底 言語道悉絕
如來善通達 一切處行道 法界衆國土 所往皆無礙
爾時智幢菩薩承佛神力普觀十方而說頌
言

若人能信受 一切智無礙 修習菩提行 其心不可量
一切國土中 普現無量身 而身不在處 亦不住於法
一一諸如來 神力示現身 不可思議劫 算數莫能盡
三世諸衆生 悉可知其數 如來所示現 其數不可得
或時示一二 乃至無量身 普現十方刹 其實無二種
譬如淨滿月 普現一切水 影像雖無量 本月未曾二
如是無礙智 成就等正覺 普現一切刹 佛體亦無二
非一亦非二 亦復非無量 隨其所應化 示現無量身
佛身非過去 亦復非未來 一念現出生 成道及涅槃
如幻所作色 無生亦無起 佛身亦如是 示現無有生
爾時寶幢菩薩承佛神力普觀十方而說頌
言

佛身無有量 能示有量身 隨其所應觀 導師如是現
佛身無處所 充滿一切處 如空無邊際 如是難思議
非心所行處 心不於中起 諸佛境界中 畢竟無生滅
如瞽眼所觀 非內亦非外 世間見諸佛 應知亦如是
饒益衆生故 如來出世間 衆生見有出 而實無興世

不可以國土晝夜而見佛歲月一刹那當知悉如是
衆生如是說某日佛成道如來得菩提實不繫於日
如來離分別非此超諸數三世諸導師出現皆如是
譬如淨日輪不與昏夜合而說某日夜諸佛法如是
三世一切劫不與如來合而說三世佛導師法如是
爾時精進幢菩薩承佛神力普觀十方而說
頌言

一切諸導師身同義亦然普於十方刹隨應種種現
汝觀牟尼尊所作甚奇特充滿於法界一切悉無餘
佛身不在內亦復不在外神力故顯現導師法如是
隨諸衆生類先世所集業如是種種身示現各不同
諸佛身如是無量不可數唯除大覺尊無有能思議
如以我難思心業莫能取佛難思亦爾非心業所現
如刹不可思而見淨在嚴佛難思亦爾妙相無不現
譬如一切法衆緣故生起見佛亦復然必假衆善業
譬如隨意珠能滿衆生心諸佛法如是悉滿一切願
無量國土中導師興於世隨其願力故普應於十方
爾時離垢幢菩薩承佛神力普觀十方而說
頌言
如來大智光普淨諸世間世間既淨已開示諸佛法
設有人欲見衆生數等佛靡不應其心而實無來處
以佛爲境界專念而不息此人得見佛其數與心等
成就白淨法具足諸功德彼於一切智專念心不捨
導師爲衆生如應演說法隨於可化處普現最勝身

佛身及世間一切皆無我。悟此成正覺。復為衆生說一切人師子。無量自在力。示現念等身。其身各不同。世間如是身。諸佛身亦然。了知其自性。是則說名佛。如來普知見。明了一切法。佛法及菩提。二俱不可得。導師無來去。亦復無所住。遠離諸顛倒。是名等正覺。爾時星宿幢菩薩承佛神力。普觀十方而說頌言。

如來無所住。普住一切刹。一切土皆往。一切處咸見。佛隨衆生心。普現一切身。成道轉法輪。及以般涅槃。諸佛不思議。誰能思議佛。誰能見正覺。誰能現最勝。一切法皆如。諸佛境亦然。乃至無一法。如中有生滅。衆生妄分別。是佛是世界。了達法性者。無佛無世界。如來普現前。今衆生信喜。佛體不可得。彼亦無所見。若能於世間。遠離一切著。無礙心歡喜。於法得開悟。神力之所現。即此說名佛。三世一切時。求悉無所有。若能如是知。心意及諸法。一切悉知見。疾得成如來。言語中顯示。一切佛自在。正覺超語言。假以語言說。爾時法幢菩薩承佛神力。普觀十方而說頌言。

寧可恒具受。一切世間苦。終不遠如來。不觀自在力。若有諸衆生。未發菩提心。一得聞佛名。決定成菩提。若有智慧人。一念發道心。必成無上尊。慎莫生疑惑。如來自任力。無量劫難遇。若生一念信。速登無上道。設於念念中。供養無量佛。未知真實法。不名為供養。

若聞如是法 諸佛從此生 雖經無量苦 不捨菩提行
 一間入智慧 諸佛所入法 普於法界中 成三世導師
 雖盡未來際 徧遊諸佛刹 不求此妙法 終不成菩提
 衆生無始來 生死久流轉 不了真實法 諸佛故興世
 諸法不可壞 亦無能壞者 自在大光明 普示於世間
 大方廣佛華嚴經十迴向品第二十五之一
 爾時金剛幢菩薩承佛神力入菩薩智光三
 昧入是三昧已十方各過十萬佛刹微塵數
 此界外有十萬佛刹微塵數諸佛皆同一號
 号金剛幢而現其前咸稱讚言善哉善哉善
 男子乃能入此菩薩智光三昧善男子此是
 十方各十萬佛刹微塵數諸佛神力共加於
 汝亦是毗盧遮那如來往昔願力威神之力
 及由汝智慧清淨故諸菩薩善根增勝故今
 汝入是三昧而演說法爲令諸菩薩得清淨
 無畏故具無礙辯才故入無礙智地故住一
 切智大心故成就無盡善根故滿足無礙白
 法故入於普門法界故現一切佛神力故前
 際念智不斷故得一切佛護持諸根故以無
 量門廣說衆法故聞悉解了受持不忘故攝
 諸菩薩一切善根故成辦出世助道故不斷
 一切智智故開發大願故解釋實義故了知
 法界故令諸菩薩皆悉歡喜故修一切佛平
 等善根故護持一切如來種性故所謂演說

諸菩薩十迴向佛子汝當承佛威神之力而演此法得佛護念故安住佛家故增益出世功德故得陀羅尼光明故入無障礙佛法故大光普照法界故集無過失淨法故住廣大智境界故得無障礙法光故爾時諸佛即與金剛幢菩薩無量智慧與無留礙辯與分別司義善方便與無礙法光明與如來平等身與無量差別淨音聲與菩薩不思議善觀察三昧與不可沮壞一切善根迴向智與觀察一切法成就巧方便與一切處說一切法無斷辯何以故入此三昧善根力故爾時諸佛各以右手摩金剛幢菩薩頂金剛幢菩薩得摩頂已即從定起告諸菩薩言佛子菩薩摩訶薩有不可思議大願充滿法界普能救護一切衆生所謂修學去來現在一切佛迴向佛子菩薩摩訶薩迴向有幾種佛子菩薩摩訶薩迴向有十種三世諸佛咸共演說何等爲十一者救護一切衆生離衆生相迴向二者不壞迴向三者等一切諸佛迴向四者至一切處迴向五者無盡功德藏迴向六者入一切平等善根迴向七者等隨順一切衆生迴向八者真如相迴向九者無縛無著解脫迴向十者入法界無量迴向佛子是爲菩薩摩訶薩十種迴向過去未來現在諸佛已說

當說今說

佛子云何爲菩薩摩訶薩救護一切衆生離
衆生相迴向佛子此菩薩摩訶薩行檀波羅
蜜淨尸波羅蜜住般若波羅蜜起精進波羅
蜜入禪波羅蜜住般若波羅蜜大慈大悲大
喜大捨修如是等無量善根修善根時作是
念言願此善根普能饒益一切衆生皆使清
淨至於究竟永離地獄餓鬼畜生閻羅王等
無量苦惱菩薩摩訶薩種善根時以已善根
如是迴向我當爲一切衆生作舍今免一切
諸苦事故爲一切衆生作護悉令解脫諸煩
惱故爲一切衆生作歸皆令得離諸怖畏故
爲一切衆生作趣令得至於一切智故爲一
切衆生作安令得究竟安隱處故爲一切衆
生作明令得智光滅癡暗故爲一切衆生作
離破彼一切無明闇故爲一切衆生作燈令
住究竟清淨處故爲一切衆生作導師引其
令入真實法故爲一切衆生作大導師與其
無疑大智慧故佛子菩薩摩訶薩以諸善根
如是迴向平等饒益一切衆生究竟皆令得
一切智佛子菩薩摩訶薩於非親友守護迴
向與其親友等無差別何以故菩薩摩訶薩
入一切法平等性故不於衆生而起一念非
親友想設有衆生於菩薩所起怨害心菩薩

亦以慈眼視之終無恚怒普爲衆生作善知識演說正法令其修習譬如大海一切衆毒不能變壞菩薩亦爾一切愚蒙無有智慧不知恩德瞋很頑毒憍慢自大其心盲瞽不識善法如是等類諸惡衆生種種逼惱無能動亂譬如日天子出現世間不以生盲不見故隱而不現又復不以軋闍婆城阿脩羅手闍浮提樹崇巖邃谷塵霧煙雲如是等物之所覆障故隱而不現亦復不以時節變改故隱而不現菩薩摩訶薩亦復如是有大福德其心深廣正念觀察無有退屈爲欲究竟功德智慧於上勝法心生志欲法光普照見一切義於諸法門智慧自在常爲利益一切衆生而修善法曾不誤起捨衆生心不以衆生其性慳惡邪見瞋濁難可調伏便即棄捨不修迴向但以菩薩大願甲冑而自莊嚴救護衆生恒無退轉不以衆生不知報恩退菩薩行捨菩提道不以凡愚共同一處捨離一切如實善根不以衆生數起過惡難可忍受而於被斷生疲厭心何以故譬如日天子不但爲一事故出現世間菩薩摩訶薩亦復如是不但爲一衆生故修諸善根迴向阿耨多羅三藐三菩提普爲救護一切衆生故而修善根迴向阿耨多羅三藐三菩提如是不但爲淨

一佛刹故不但爲信一佛故不但爲見一佛故不但爲了一法故起大智願迴向阿耨多羅三藐三菩提爲普淨一切佛刹故普信一切諸佛故普承事供養一切諸佛故普解一切佛法故發起大願修諸善根迴向阿耨多羅三藐三菩提佛子菩薩摩訶薩以諸佛法而爲所緣起廣大心不退轉心無量劫中修集希有難得心寶與一切諸佛悉皆平等菩薩如是觀諸善根信心清淨大悲堅固以甚深心歡喜心清淨心最勝心柔軟心慈悲心憐愍心攝護心利益心安樂心普爲衆生真實迴向非但口言佛子菩薩摩訶薩以諸善根迴向之時作是念言以我善根願一切趣生一切衆生皆得清淨功德圓滿不可沮壞無有窮盡常得尊重正念不忘獲決定慧具無量智身口意業一切功德圓滿莊嚴又作是念以此善根令一切衆生承事供養一切諸佛無空過者於諸佛所淨信不壞聽聞正法斷諸疑惑憶持不忘如說修行於如來所起恭敬心身業清淨安住無量廣大善根永離貧窮七財滿足於諸佛所常隨修學成就無量勝妙善根平等悟解住一切智以無礙眼等視衆生衆相嚴身無有玷缺言音淨妙功德圓滿諸根調伏十力成就善心滿足無

所依住今一切衆生普得佛樂得無量住住
佛所住佛子菩薩摩訶薩見諸衆生造作惡
業受諸重苦以是障故不見佛不聞法不識
僧便作是念我當於彼諸惡道中代諸衆生
受種種苦今其解脫菩薩如是受苦毒時轉
更精勤不捨不避不驚不怖不退不怯無有
疲厭何以故如其所願使欲荷負一切衆生
令解脫故菩薩爾時作是念言一切衆生在
生老病死諸苦難處隨業流轉邪見無智喪
諸善法我應救之今得出離又諸衆生愛網
所纏羂蓋所覆障著諸有隨逐不捨入苦籠
檻作魔業行福智都盡常懷疑惑不見安隱
趣不知出離道在於生死輪轉不息諸苦故
泥恒所沒溺菩薩見已起大悲心大饒益心
欲令衆生悉得解脫以一切善根迴向以廣
天心迴向如三世菩薩所修迴向如大迴向
經所說迴向願諸衆生普得清淨究竟成就
一切種智復作是念我所修行欲令衆生皆
悉得成無上智王不爲自身而求解脫但爲
救濟一切衆生令其咸得一切智心度生死
流解脫衆苦復作是念我當普爲一切衆生
備受衆苦令其得出無量生死衆苦大聲我
當普爲一切衆生於一切世界一切惡趣中
盡未來劫受一切苦然常爲衆生勤修善根

何以故我寧獨受如是衆苦不令衆生墮於地獄我當於彼地獄畜生閻羅王等險難之處以身爲質救贖一切惡道衆生今得解脫復作是念我願保護一切衆生終不棄捨所言誠實無有虛妄何以故我爲救度一切衆生發菩提心不爲自身求無上道亦不爲求五欲境界及三有中種種樂故修菩提行何以故世間之樂無非是苦衆魔境界愚人所貪諸佛所訶一切苦患因之而起地獄餓鬼及以畜生閻羅王處忿恚鬪訟更相毀辱如是諸惡皆因貪著五欲所致耽著五欲遠離諸佛障礙生天何況得於阿耨多羅三藐三菩提菩薩如是觀諸世間貪少欲味受無量苦終不爲彼五欲樂故求無上菩提修菩薩行但爲安樂一切衆生發心修習成滿大願斷截衆生諸苦胃索令得解脫佛子菩薩摩訶薩復作是念我當以善根如是迴向令一切衆生得究竟樂利益樂不受樂寂靜樂無依樂無動樂無量樂不捨不退樂不減樂一切智樂復作是念我當與一切衆生作調御師作主兵臣執大智炬示安隱道令離險難以善方便得知實義又於生死海作一切智善巧船師度諸衆生使到彼岸佛子菩薩摩訶薩以諸善根如是迴向所謂隨宜救護一

切衆生今出生死承事供養一切諸佛得無
障礙一切智智捨離衆魔遠惡知識親近一
切菩薩善友滅諸過罪成就淨業具足菩薩
廣大行願無量善根佛子菩薩摩訶薩以諸
善根正迴向已作如是念不以四天下衆生
多故多由出現但一日出悉能普照一切衆
生又諸衆生不以自身光明故知有晝夜遊
行觀察興造諸業皆由日天子出成辨斯事
然彼日輪但一無二菩薩摩訶薩亦復如是
修集善根迴向之時作是念言彼諸衆生不
能自救何能救他唯我一人志獨無侶修集
善根如是迴向所謂爲欲廣度一切衆生故
普照一切衆生故示導一切衆生故開悟一
切衆生故顧復一切衆生故攝受一切衆生
故成就一切衆生故今一切衆生歡喜故今
一切衆生悅樂故今一切衆生斷疑故佛子
菩薩摩訶薩復作是念我應如日普照一切
不求恩報衆生有惡惡能容受終不以此而
捨擔願不以一衆生惡故捨一切衆生但勤
修習善根迴向普令衆生皆得安樂善根雖
少普攝衆生以歡喜心廣大迴向若有善根
不欲饒益一切衆生不名迴向隨一善根普
以衆生而爲所緣乃名迴向安置衆生於無
所著法性迴向見衆生自性不動不轉迴向

於迴向無所依無所取迴向不取善根相迴
向不分別業報體性迴向不著五蘊相迴向
不壞五蘊相迴向不取業迴向不求報迴向
不染著因緣迴向不分別因緣所起迴向不
著名稱迴向不著處所迴向不著虛妄法迴
向不著衆生相世界相心意相迴向不起心
顛倒想顛倒見顛倒迴向不著語言道迴向
觀一切法真實性迴向觀一切衆生平等相
迴向以法界卽卽諸善根迴向觀諸法離貪
欲迴向解一切法無種植善根亦如是觀諸
法無二無生無滅迴向亦如是以如是等善
根迴向修行清淨對治之法所有善根皆悉
隨順出世間法不作二相非卽業修習一切
智非離業迴向一切智一切智非卽是業然
不離業得一切智以業如光影清淨故報亦
如光影清淨報如光影清淨故一切智智亦
如光影清淨離我我所一切動亂思惟分別
如是了知以諸善根方便迴向菩薩如是迴
向之時度脫衆生常無休息不住法相雖知
諸法無業無報善能出生一切業報而無違
諍如是方便善修迴向菩薩摩訶薩如是迴
向時離一切過諸佛所讚佛子是爲菩薩摩
訶薩第一救護一切衆生離衆生相迴向
爾時金剛幢菩薩觀察十方一切衆會暨于

法界入深句義以無量心修習勝行大悲普
覆一切衆生不斷三出諸如來種入一切佛
功德法藏出生一切諸佛法身善能分別諸
衆生心知其所種善根成熟住於法身而爲
示現清淨色身承佛神力即說頌言

不思議劫修行道

精進堅固心無礙

爲欲饒益羣生類

常求諸佛功德法

調御世間無等人

修治其意甚明潔

發心普救諸含識

彼能善入迴向藏

勇猛精進力具足

智慧聰達意清淨

普救一切諸羣生

其心堪忍不傾動

心善安住無與等

意常清淨大歡悅

如是爲物勤修行

譬如大地普容受

不爲自身求快樂

但欲救護諸衆生

如是發起大悲心

疾得入於無礙地

十方一切諸世界

所有衆生皆歸受

爲救彼故善住心

如是修學諸迴向

修行布施大欣悅

護持淨戒無所犯

勇猛精進心不動

迴向如來一切智

其心廣大無邊際

忍力安住不傾動

禪定甚深恒照了

智慧微妙難思議

十方一切世界中

具足修治清淨行

如是功德皆迴向

爲欲安樂諸含識

大士勤修諸善業

無量無邊不可數

如是悲以益衆生
普爲一切衆生故
如是曾無厭退心
不求色聲香與味
但爲救度諸羣生
智慧清淨如虛空
如佛所行諸行法
大士遊行諸世界
普使一切皆歡喜
除滅一切諸心毒
不爲自己求安樂
此人迴向得究竟
三世如來所付囑
未曾染著於諸色
其心永出於三有
佛所知見諸衆生
捨願皆令得解脫
其心念念恒安住
離癡正念常寂然
彼諸菩薩處於世
如風無礙行於空
所有身業皆清淨
心常歸向於如來
十方無量諸國土

令住難思無上智
不思議劫處地獄
勇猛決定常迴向
亦不希求諸妙觸
常求無上最勝智
修習無邊大士行
彼人如是常修學
悉能安隱諸羣生
修菩薩行無厭足
思惟修習最上智
但願衆生得離苦
心常清淨離衆毒
住於無上大法城
受想行識亦如是
所有功德盡迴向
盡皆攝取無有餘
爲彼修行大歡喜
智慧廣大無與等
一切諸業皆清淨
不著內外一切法
大士用心亦復然
一切語言無過失
能令諸佛悉歡喜
所有佛處皆往詣

於中觀見大悲尊
心常清淨離諸失
已住如來無上道
精勤觀察一切法
如是趣於真實理
以此修成堅固道
善能了達諸法性
如是迴向到彼岸
永離一切諸所依
一切衆生語言道
菩薩悉能分別說
菩薩如是發迴向
能令十方世界中

靡不恭敬而瞻奉
普入世間無所畏
復爲三有大法地
隨順思惟有非有
得入甚深無諍處
一切衆生莫能壞
普於三世無所著
普使羣生離衆垢
得入究竟無依處
隨其種類各差別
而心無著無所礙
功德方便不可說
一切諸佛皆稱歎

大方廣佛華嚴經卷第二十三

長伏	下長驗切	沮壞	上德呂切	瞋恨	下胡懇切
頑毒	上五還切	盲瞽	下公尸切	遠召	上維迷切
塵霧	下止遇切	弊惡	上毗祭切	甲冑	下直祐切
垢敝	上多委切	龍檻	上盧紅切	沒溺	下奴歷切
大經	下呵各切	爲質	下致音	闢訟	上鄰豆切
斷截	下昨結切	胃索	上古亮切		
			下蘇各切		

大方廣佛華嚴經卷第二十四

十

十迴向品第二十五之二

于闐國三藏實叉難陀奉 制譯

佛子云何爲菩薩摩訶薩不壞迴向佛子此
菩薩摩訶薩於去來今諸如來所得不壞信
悉能承事一切佛故於諸菩薩乃至初發一
念之心求一切智得不壞信擔修一切菩薩
善根無疲厭故於一切佛法得不壞信發深
志樂故於一切佛教得不壞信守護住持故
於一切衆生得不壞信慈眼等觀善根迴向
普利益故於一切白淨法得不壞信普集無
邊諸善根故於一切菩薩迴向道得不壞信
滿足殊勝諸欲解故於一切菩薩法師得不
壞信於諸菩薩起佛想故於一切佛自在神
通得不壞信深信諸佛難思議故於一切菩
薩善巧方便行得不壞信攝取種種無量無
數行境界故佛子菩薩摩訶薩如是安住不
壞信時於佛菩薩聲聞獨覺若諸佛教若諸
衆生如是等種種境界中種諸善根無量無
邊今菩提心轉更增長慈悲廣大平等觀察
隨順修學諸佛所作攝取一切清淨善根入
真實義集福德行行大惠施修諸功德等觀
三卅菩薩摩訶薩以如是等善根功德迴向
一切智願常見諸佛親近善友與諸菩薩同

共止住念一切智心無暫捨受持佛教勤加
守護教化成熟一切衆生心常迴向出世之
道供養瞻待一切法師解了諸法憶持不忘
修行大願悉使滿足菩薩如是積集善根成
就善根增長善根思惟善根繫念善根分別
善根愛樂善根修習善根安住善根菩薩摩
訶薩如是積集諸善根已以此善根所得依
果修菩薩行於念念中見無量佛如其所應
承事供養以阿僧祇寶阿僧祇華阿僧祇鬘
阿僧祇衣阿僧祇蓋阿僧祇幢阿僧祇幡阿
僧祇莊嚴具阿僧祇給侍阿僧祇塗飾地阿
僧祇塗香阿僧祇末香阿僧祇和香阿僧祇
燒香阿僧祇深信阿僧祇愛樂阿僧祇淨心
阿僧祇尊重阿僧祇讚歎阿僧祇禮敬阿僧
祇寶座阿僧祇華座阿僧祇香座阿僧祇鬘
座阿僧祇栴檀座阿僧祇衣座阿僧祇金剛
座阿僧祇摩尼座阿僧祇寶繒座阿僧祇寶
色座阿僧祇寶經行處阿僧祇華經行處阿
僧祇香經行處阿僧祇鬘經行處阿僧祇衣
經行處阿僧祇寶間錯經行處阿僧祇一切
寶繒綵經行處阿僧祇一切寶多羅樹經行
處阿僧祇一切寶欄楯經行處阿僧祇一切
寶鈴網彌覆經行處阿僧祇一切寶宮殿阿
僧祇一切華宮殿阿僧祇一切香宮殿阿僧

祇一切璽宮殿阿僧祇一切栴檀宮殿阿僧
祇一切堅固妙香藏宮殿阿僧祇一切金剛
宮殿阿僧祇一切摩尼宮殿皆悉殊妙出過
諸天阿僧祇諸雜寶樹阿僧祇種種香樹阿
僧祇諸寶衣樹阿僧祇諸音樂樹阿僧祇寶
莊嚴具樹阿僧祇妙音聲樹阿僧祇無厭寶
樹阿僧祇寶繒綵樹阿僧祇寶璫樹阿僧祇
一切華香幢幡璽蓋所嚴飾樹如是等樹扶
踈蔭映莊嚴宮殿其諸宮殿復有阿僧祇軒
檻莊嚴阿僧祇窓牖莊嚴阿僧祇門闥莊嚴
阿僧祇樓閣莊嚴阿僧祇半月莊嚴阿僧祇
帳莊嚴阿僧祇金網彌覆其上阿僧祇香周
布普熏阿僧祇衣敷布其地佛子菩薩摩訶
薩以如是等諸供養具於無量無數不可說
不可說劫淨心尊重恭敬供養一切諸佛恒
不退轉無有休息一一如來滅度之後所有
舍利悉亦如是恭敬供養爲令一切衆生生
淨信故一切衆生攝善根故一切衆生離諸
苦故一切衆生廣大解故一切衆生以大莊
嚴而莊嚴故無量莊嚴而莊嚴故諸有所作
得究竟故知諸佛興難可值故滿足如來無
量力故莊嚴供養佛塔廟故住持一切諸佛
法故如是供養現在諸佛及滅度後所有舍
利其諸供養於阿僧祇劫說不可盡如是修

集無量功德皆爲成熟一切衆生無有退轉
無有休息無有疲厭無有執著離諸心想無
有依止永絕所依遠離於我及以我所如實
法印印諸業門得法無生住佛所住觀無生
性印諸境界諸佛護念發心迴向與諸法性
相應迴向入無作法成就所作方便迴向捨
離一切諸事想著方便迴向住於無量善巧
迴向永出一切諸有迴向修行諸行不住於
相善巧迴向普攝一切善根迴向普淨一切
菩薩諸行廣大迴向發無上菩提心迴向與
一切善根同住迴向滿足最上信解心迴向
佛子菩薩摩訶薩以諸善根如是迴向時雖
隨生死而不改變求一切智未曾退轉在於
諸有心無動亂悉能度脫一切衆生不染有
爲法不失無礙智菩薩行位因緣無盡世間
諸法無能變動具足清淨諸波羅蜜悉能成
就一切智力菩薩如是離諸癡暗成菩提心
開示光明增長淨法迴向勝道具足衆行以
清淨意善能分別了一切法悉隨心現知業
如幻業報如像諸行如化因緣生法悉皆如
響菩薩諸行一切如影出生無著清淨法眼
見於無作廣大境界證寂滅性了法無二得
法實相具菩薩行於一切相皆無所著善能
修行同事諸業於白淨法恒無廢捨離一切

著住無著行菩薩如是善巧思惟無有迷惑
不違諸法不壞業因明見真實善巧迴向知
法自性以方便力成就業報到於彼岸智慧
觀察一切諸法獲神通智諸業善根無作而
行隨心自在菩薩摩訶薩以諸善根如是迴
向爲欲度脫一切衆生不斷佛種永離魔業
見一切智無有邊際信樂不捨離世境界斷
諸雜染亦願衆生得清淨智入深方便出生
死法獲佛善根永斷一切諸魔事業以平等
印普印諸業發心趣入一切種智成就一切
出世間法佛子是爲菩薩摩訶薩第二不壞
迴向菩薩摩訶薩住此迴向時得見一切無
數諸佛成就無量清淨妙法普於衆生得平
等心於一切法無有疑惑一切諸佛神力所
加降伏衆魔永離其業成就生貴滿菩提心
得無礙智不由他解善能開闡一切法義能
隨想力入一切刹普照衆生悉使清淨菩薩
摩訶薩以此不壞迴向之力攝諸善根如是
迴向爾時金剛幢菩薩觀察十方承佛神力
即說頌言

菩薩已得不壞意
是故能令佛歡喜
供養無量無邊佛
爲欲利益諸衆生

修行一切諸善業
智者以此而迴向
布施持戒伏諸根
普使一切皆清淨

一切上妙諸香華
寶蓋及以莊嚴具
如是供養於諸佛
恭敬尊重常歡喜
專心想念於諸佛
十方所有諸如來
不可思議無量劫
百千萬億衆劫中
彼諸如來滅度已
悉以種種妙莊嚴
造立無等最勝形
巍巍高大如山王
淨心尊重供養已
不思議劫處世間
了知衆生皆妄想
而能善別衆生根
菩薩修集諸功德
了達體性悉非有
以最勝智觀諸法
如是方便修迴向
以是方便令心淨
此方便力不可盡
發起無上菩提心
普至十方諸世界

無量差別勝衣服
供養一切諸如來
無量無數難思劫
未曾一念生疲厭
一切世間大明燈
靡不現前如日觀
種種布施心無厭
修諸善法悉如是
供養舍利無厭足
建立難思衆塔廟
寶藏淨金爲莊嚴
其數無量百千億
復生歡喜利益意
救護衆生令解脫
於彼一切無分別
普爲羣生作饒益
廣大最勝無與比
如是決定皆迴向
其中無有一法生
功德無量不可盡
悉與一切如來等
是故福報無盡極
一切世間無所依
而於一切無所礙

一切如來出世間
如其心性而觀察
一切諸法無有餘
以是淨眼而迴向
雖令諸有悉清淨
知諸有性無所有
於一佛土無所依
亦不染著有為法
以是修成一切智
以是諸佛皆歡喜
菩薩專心念諸佛
如佛一切無所依
專心救護於一切
如是饒益諸羣生
住於智地守護法
唯願得佛無上道
不取衆生所言說
雖復不依言語道
十方所有諸如來
雖知一切皆空寂
以一莊嚴嚴一切
如是開悟諸羣生
佛子云何為菩薩摩訶薩等一切佛迴向佛
子此菩薩摩訶薩隨順修學去來現在諸佛

為欲啓導衆生心
畢竟推求不可得
悉入於如無體性
開彼世間生死獄
亦不分別於諸有
而今歡喜意清淨
一切佛土悉如是
知彼法性無依處
以是無上智莊嚴
是為菩薩迴向業
無上智慧巧方便
願我修成此功德
令其遠離衆惡業
繫念思惟未曾捨
不以餘乘取涅槃
菩薩如是善迴向
一切有為虛妄事
亦復不著無言說
了達諸法無有餘
而不於空起心念
亦不於法生分別
一切無性無所觀
一切無性無所觀

世尊迴向之道如是修學迴向道時見一切色乃至觸法若美若惡不生愛憎心得自在無諸過失廣大清淨歡喜悅樂離諸憂惱心意柔軟諸根清涼佛子菩薩摩訶薩獲得如是安樂之時復更發心迴向諸佛作如是念願以我今所種善根令諸佛樂轉更增勝所謂不可思議佛所住樂無有等比佛三昧樂有邊際大神通樂最極尊重大自在樂廣大究竟無量力樂離諸知覺寂靜之樂住無礙住恒正定樂行無二行不變異樂佛子菩薩摩訶薩以諸善根迴向佛已復以此善迴向菩薩所謂願未滿者令得圓滿心未淨者令得清淨諸波羅蜜未滿足者令得滿足安住金剛菩提之心於一切智得不退轉不捨大精進守護菩提門一切善根能令衆生捨離我慢發菩提心所願成滿安住一切菩薩所住獲得菩薩明利諸根修習善根證薩婆若佛子菩薩摩訶薩以諸善根如是迴向菩薩已復以迴向一切衆生願一切衆生所有善根乃至極少一彈指頃見佛聞法恭敬聖僧彼諸善根皆離障礙念佛圓滿念法方便念僧尊重不離見佛心得清淨獲諸佛法集無量德淨諸神通捨法疑念依教而住如爲衆

生如是迴向爲聲聞辟支佛迴向亦復如是
又願一切衆生永離地獄餓鬼畜生閻羅王
等一切惡趣增長無上菩提之心專意勤求
一切種智永不毀謗諸佛正法得佛安樂身
心清淨證一切智佛子菩薩摩訶薩所有善
根皆以大願發起正發起積集正積集增長
正增長悉令廣大具足充滿佛子菩薩摩訶
薩在家宅中與妻子俱未曾暫捨菩提之心
正念思惟薩婆若境自度度彼令得究竟以
善方便化已眷屬令入菩薩智令成熟解脫
雖與同止心無所著以本大悲處於居家以
慈心故隨順妻子於菩薩清淨道無所障礙
菩薩摩訶薩雖在居家作諸事業未曾暫捨
一切智心所謂若著衣裳若取滋味若服湯
藥澡漱塗摩迴旋顧視行住坐臥身語意業
若睡若寤如是一切諸有所作心常迴向薩
婆若道繫念思惟無時捨離爲欲饒益一切
衆生安住菩提無量大願攝取無數廣大善
根勤修諸善普救一切永離一切憍慢放逸
決定趣於一切智地終不發意向於餘道常
觀一切諸佛菩提永捨一切諸雜染法修行
一切菩薩所學於一切智道無所障礙住於
智地愛樂誦習以無量智集諸善根心不戀
樂一切世間亦不染著所行之行專心受持

諸佛教法菩薩如是處在居家普攝善根令其增長迴向諸佛無上菩提佛子菩薩爾時乃至施與畜生之食一搏一粒咸作是願當令此等捨畜生道利益安樂究竟解脫永度苦海永滅苦受永除苦蘊永斷苦覺苦聚苦行苦因苦本及諸苦處願彼衆生皆得捨離菩薩如是專心繫念一切衆生以彼善根而爲上首爲其迴向一切種智菩薩初發菩提之心普攝衆生修諸善根悉以迴向欲令永離生死曠野得諸如來無礙快樂出煩惱海修佛法道慈心徧滿悲力廣大普使一切得清淨樂守護善根親近佛法出魔境界入佛境界斷世間種植如來種住於三世平等法中菩薩摩訶薩如是所有已集當集現集善根悉以迴向復作是念如過去諸佛菩薩所行恭敬供養一切諸佛度諸衆生令永出離勤加修習一切善根悉以迴向而無所著所謂不依色不著受無倒想不作行不取識捨離六處不住世法樂出世間知一切法皆如虛空無所從來不生不滅無有真實無所染著遠離一切諸分別見不動不轉不失不壞住於實際無相離相唯是一相如是深入一切法性常樂習行普門善根悉見一切諸佛衆會如彼過去一切如來善根迴向我亦如

是而爲迴向解如是法證如是法依如是法發心修習不違法相知所修行如幻如影如水中月如鏡中像因緣和合之所顯現乃至如來究竟之地佛子菩薩摩訶薩復作是念如過去諸佛修菩薩行時以諸善根如是迴向未來現在悉亦如是我今亦應如彼諸佛如是發心以諸善根而爲迴向第一迴向勝迴向最勝迴向上迴向無上迴向無等迴向無等等迴向無比迴向無對迴向尊迴向妙迴向平等迴向正直迴向大功德迴向廣大迴向善迴向清淨迴向離惡迴向不隨惡迴向善菩薩如是以諸善根正迴向已成就清淨身語意業住菩薩住無諸過失修習善業離身語惡心無瑕穢修一切智住廣大心知一切法無有所作住出世法世法不染分別了知無量諸業成就迴向善巧方便永拔一切取著根本佛子是爲菩薩摩訶薩第三等一切佛迴向善菩薩摩訶薩住此迴向深入一切諸如來業趣向如來勝妙功德入深清淨智慧境界不離一切諸菩薩業善能分別巧妙方便入深法界善知菩薩修行次第入佛種子以巧方便分別了知無量無邊一切諸法雖復現身於世中生而於世法心無所著爾時金剛幢告薩承佛神力普觀十方即說頌

彼諸菩薩摩訶薩
亦學未來現在世
於諸境界得安樂
廣大光明清淨眼
菩薩身根種種樂
如是無量上妙樂
一切世間衆善法
於彼悉攝無有餘
於間隨喜無量種
人中師子所有樂
一切國土諸如來
願令衆生皆悉得
菩薩所得勝妙樂
雖爲羣生故迴向
菩薩修行此迴向
如佛所修迴向德
如諸最勝所成就
及我在世之所行
示入衆趣安隱樂
悉以迴向諸羣生
非身語意即是業
但以方便滅癡冥
菩薩所修諸行業

修過去佛迴向法
一切導師之所行
諸佛如來所稱讚
悉以迴向大聰哲
眼耳鼻舌亦復然
悉以迴向諸最勝
及諸如來所成就
盡以隨喜益衆生
今此迴向爲衆生
願使羣萌悉圓滿
凡所知見種種樂
而爲照世大明燈
悉以迴向諸羣生
而於迴向無所著
興起無量大悲心
願我修行悉成滿
一切智乘微妙樂
諸菩薩行無量樂
恒守諸根寂靜樂
普使修成無上智
亦不離此而別有
如是修成無上智
積集無量勝功德

隨順如來生佛家

寂然不亂正迴向

十方一切諸世界
悉以善根迴向彼
不爲自身求利益
未曾暫起戲論心
十方無量諸最勝
悉以善根迴向彼
一切世間含識類
以我所行諸善業
無量無邊諸大願
願諸佛子皆清淨
普觀十方諸世界
願令皆具妙莊嚴
心不稱量諸二法
諸法若二若不二
十方一切諸世間
於想非想無所得
彼諸菩薩身淨已
語業已淨無諸過
一心正念過去佛
及以現在天人尊
三世一切諸如來
爲欲利益衆生故
彼第一慧廣大慧

所有衆生成攝受
願令具足安隱樂
欲令一切悉安樂
但觀諸法空無我
所見一切真佛子
願使速成無上覺
等心攝取無有餘
令彼衆生速成佛
無上導師所演說
隨其心樂悉成滿
悉以功德施於彼
菩薩如是學迴向
但恒了達法無二
於中畢竟無所著
悉是衆生想分別
如是了達於諸想
則意清淨無瑕穢
當知意淨無所著
亦憶未來諸導師
悉學於其所說法
智慧明達心無礙
迴向善提集衆業
不虛妄慧無倒慧

佛子云何爲菩薩摩訶薩至一切處迴向佛子此菩薩摩訶薩修習一切諸善根時作是念言願此善根功德之力至一切處譬如實際無處不至至一切物至一切世間至一切衆生至一切國土至一切法至一切虛空至一切三世至一切有爲無爲至一切語言音聲願此善根亦復如是徧至一切諸如來所供養三世一切諸佛過去諸佛所願悉滿未來諸佛具足莊嚴現在諸佛及其國土道場衆會徧滿一切虛空法界願以信解大威力故廣大智慧無障礙故一切善根悉迴向故以如諸天諸供養具而爲供養充滿無量無邊世界佛子菩薩摩訶薩復作是念諸佛世尊普徧一切虛空法界種種業所起十方不可說一切世界種種世界不可說佛國土佛境界種種世界無量世界無分齊世界轉世界中側世界仰世界覆世界如是一切諸世界中現住於壽示現種種神通變化彼有菩薩以勝解力爲諸衆生堪受化者於彼一切諸世界中現爲如來出興於世以至一切處智普徧開示如來無量自在神力法身徧往無有差別平等普入一切法界如來藏身不生不滅善巧方便普現世間證法實性超一切故

得不退轉無礙力故生於如來無障礙見廣大威德種性中故佛子菩薩摩訶薩以其所種一切善根願於如是諸如來所以衆妙華及衆妙香鬘蓋幢幡衣服燈燭及餘一切諸莊嚴具以爲供養若佛形像若佛塔廟悉亦如是以此善根如是迴向所謂不亂迴向一心迴向自意迴向尊敬迴向不動迴向無住迴向無依迴向無衆生心迴向無躁競心迴向寂靜心迴向復作是念盡法界虛空界去來現在一切劫中諸佛世尊得一切智成菩提道無量名字各各差別於種種時現成正覺悉皆住壽盡未來際一一各以法界莊嚴而嚴其身道場衆會周徧法界一切國土隨時出興而作佛事如是一切諸佛如來我以善根普皆迴向願以無數香蓋無數香幢無數香幡無數香帳無數香網無數香像無數香光無數香燄無數香雲無數香座無數香經行地無數香所住處無數香世界無數香山無數香海無數香河無數香樹無數香衣服無數香蓮華無數香宮殿無量華蓋廣說乃至無量華宮殿無邊鬘蓋廣說乃至無邊鬘宮殿無等塗香蓋廣說乃至無等塗香宮殿不可數末香蓋廣說乃至不可數末香宮殿不可稱衣蓋廣說乃至不可稱衣宮殿不

可思寶蓋廣說乃至不可思寶宮殿不可量
燈光明蓋廣說乃至不可量燈光明宮殿不
可說莊嚴具蓋廣說乃至不可說莊嚴具宮
殿不可說不可說摩尼寶蓋不可說不可說
摩尼寶幢如是摩尼寶幡摩尼寶帳摩尼寶
網摩尼寶像摩尼寶光摩尼寶燄摩尼寶雲
摩尼寶座摩尼寶經行地摩尼寶所住處摩
尼寶剎摩尼寶山摩尼寶海摩尼寶河摩尼
寶樹摩尼寶衣服摩尼寶蓮華摩尼寶宮殿
皆不可說不可說如是一一諸境界中各有
無數欄楯無數宮殿無數樓閣無數門闥無
數半月無數却敵無數窓牖無數清淨寶無
數莊嚴具以如是等諸供養物恭敬供養如
上所說諸佛世尊願令一切世間皆得清淨
一切衆生成得出離住十力地於一切法中
得無礙法明令一切衆生具足善根悉得調
伏其心無量等虛空界往一切剎而無所至
入一切土施諸善法常得見佛植諸善根成
就大乘不著諸法具足衆善立無量行普入
無邊一切法界成就諸佛神通之力得於如
來一切智智譬如無我普攝諸法我諸善根
亦復如是普攝一切諸佛如來咸悉供養無
有餘故普攝一切無量諸法悉能悟入無障
礙故普攝一切諸菩薩衆究竟皆與同善根

故普攝一切諸菩薩行以本願力皆圓滿故
普攝一切菩薩法明了達諸法皆無礙故普
攝諸佛大神通力成就無量諸善根故普攝
諸佛力無所畏發無量心滿一切故普攝菩
薩三昧辯才陀羅尼門善能照了無二法故
普攝諸佛善巧方便示現如來大神力故普
攝三世一切諸佛降生成道轉正法輪調伏
衆生入般涅槃恭敬供養悉周徧故普攝十
方一切世界嚴淨佛刹咸究竟故普攝一切
諸廣大劫於中出現修菩薩行無斷絕故普
攝一切所有趣生悉於其中現受生故普攝
一切諸衆生界具足普賢菩薩行故普攝一
切諸惑習氣悉以方便令清淨故普攝一切
衆生諸根無量差別咸了知故普攝一切衆
生解欲令離雜染得清淨故普攝一切化衆
生行隨其所應為現身故普攝一切應衆生
道悉入一切衆生界故普攝一切如來智性
護持一切諸佛教故佛子菩薩摩訶薩以諸
善根如是迴向時用無所得而為方便不於
業中分別報不於報中分別業雖無分別而
普入法界雖無所作而恒住善根雖無所起
而勤修勝法不信諸法而能深入不有於法
而悉知見若作不作皆不可得知諸法性恒
不自在雖悉見諸法而無所見普知一切而

無所知菩薩如是了達境界知一切法因緣
 爲本見於一切諸佛法身至一切法離深實
 際解了世間皆如變化明達衆生唯是一法
 無有二性不捨業境善巧方便於有爲界示
 無爲法而不滅壞有爲之相於無爲界示有
 爲法而不分別無爲之相菩薩如是觀一切
 法畢竟寂滅成就一切清淨善根而起救護
 衆生之心智慧明達一切法海常樂修行離
 愚癡法已具成就出世功德不更修學世間
 之法得淨智眼離諸癡翳以善方便修迴向
 道佛子菩薩摩訶薩以諸善根如是迴向稱
 可一切諸佛之心嚴淨一切諸佛國土教化
 成熟一切衆生具足受持一切佛法作一切
 衆生最上福田爲一切商人智慧導師作一
 切世間清淨日輪一一善根充徧法界悉能
 救護一切衆生皆令清淨具足功德佛子菩
 薩摩訶薩如是迴向時能護持一切佛種能
 成熟一切衆生能嚴淨一切國土能不壞一
 切諸業能了知一切諸法能等觀諸法無二
 能徧徃十方世界能了達離欲實際能成就
 清淨信解能具足明利諸根佛子是爲菩薩
 摩訶薩第四至一切處迴向菩薩摩訶薩住
 此迴向時得至一切處身業普能應現一切
 世界故得至一切處語業於一切世界中演

說法故得至一切處意業受持一切佛所說法故得至一切處神足通隨衆生心悉往應故得至一切處隨證智普能了達一切法故得至一切處摠持辯才隨衆生心令歡喜故得至一切處入法界於一毛孔中普入一切世界故得至一切處偏入身於一衆生身普入一切衆生身故得至一切處普見劫一一劫中常見一切諸如來故得至一切處普見念一一念中一切諸佛悉現前故佛子菩薩摩訶薩得至一切處迴向能以善根如是迴向爾時金剛幢菩薩承佛威力普觀十方而說頌言

內外一切諸世間
不捨饒益衆生業
十方所有諸國土
不取活命等衆法
普攝十方世界中
觀其體性無所有
普攝有爲無爲法
如於世間法亦然
菩薩所修諸業行
悉以善根迴向彼
菩薩迴向到彼岸
恒以妙智善思惟

菩薩悉皆無所著
大士修行如是智
一切無依無所住
亦不妄起諸分別
一切衆生無有餘
至一切處善迴向
不於其中起妄念
照世燈明如是覺
上中下品各差別
十方一切諸如來
隨如來學悉成就
具足人中最勝法

清淨善根普迴向
悉令一切諸衆生
未曾分別取衆生
雖於世間無深著
菩薩常樂寂滅法
亦不捨離衆生道
菩薩未曾分別業
一切世間從緣生
深入如是諸境界
一切衆生調御師

利益羣迷恒不捨
得成無上照世燈
亦不妄想念諸法
亦復不捨諸含識
隨順得至涅槃境
獲如是等微妙智
亦不取著諸果報
不離因緣見諸法
不於其中起分別
於此明了善迴向

大方廣佛華嚴經卷第二十四

祇躋下其還切
繒綵上疾陵切
蔭映上於禁切
下於敬切
周帀下子荅切
一彈下徒干切
若寤下悟音
聰哲下陟列切

塗香上同都切
寶鈴下郎丁切
軒檻上虛言切
廢捨上方肺切
若敢下徒敢切
一搏下吏官切
羣萌下莫耕切

閒錯下倉各切
寶璫下都郎切
窓牖上楚江切
下西音
巍巍俱語章切
深漱上子顯切
下所右切
瑕穢上胡加切
躁競上則到切
下渠敬切

乙巳歲高麗國大藏都監奉

刊周造

大方廣佛華嚴經卷第二十五

于闐國三藏實叉難陀奉 制譯

十迴向品第二十五之三

佛子云何爲菩薩摩訶薩無盡功德藏迴向
佛子此菩薩摩訶薩以懺除一切諸業重障
所起善根禮敬三世一切諸佛所起善根勸
請一切諸佛說法所起善根聞佛說法精勤
修習悟不思議廣大境界所起善根於去來
今一切諸佛一切衆生所有善根皆生隨喜
所起善根去來今世一切諸佛善根無盡諸
菩薩衆精勤修習所得善根三世諸佛成等
正覺轉正法輪調伏衆生菩薩悉知發隨喜
心所生善根三世諸佛從初發心修菩薩行
成最正覺乃至示現入般涅槃般涅槃已正
法住世乃至滅盡於如是等皆生隨喜所有
善根菩薩如是念不可說諸佛境界及自境
界乃至菩提無障礙境如是廣大無量差別
一切善根凡所積集凡所信解凡所隨喜凡
所圓滿凡所成就凡所修行凡所獲得凡所
知覺凡所攝持凡所增長悉以迴向莊嚴一
切諸佛國土如過去世無邊際劫一切世界
一切如來所行之處所謂無量無數佛世界
種種佛智所知菩薩所識大心所受莊嚴佛刹
清淨業行所流所引應衆生起如來神力之

所示現諸佛出世淨業所成普賢菩薩妙行
所興一切諸佛於中成道示現種種自在神
力盡未來際所有如來應正等覺徧法界住
當成佛道當得一切清淨莊嚴功德佛土盡
法界虛空界無邊無際無斷無盡皆從如來
智慧所生無量妙寶之所莊嚴所謂一切香
莊嚴一切華莊嚴一切衣莊嚴一切功德藏
莊嚴一切諸佛力莊嚴一切佛國土莊嚴如
來所都不可思議同行宿緣諸清淨衆於中
止住未來世中當成正覺一切諸佛之所成
就非世所覩菩薩淨眼乃能照見此諸菩薩
具大威德宿植善根知一切法如幻如化普
行菩薩諸清淨業入不思議自在三昧善巧
方便能作佛事放佛光明普照世間無有限
極現在一切諸佛世尊悉亦如是莊嚴世界
無量形相無量光色悉是功德之所成就無
量香無量寶無量樹無數莊嚴無數宮殿無
數音聲隨順宿緣諸善知識示現一切功德
莊嚴無有窮盡所謂一切香莊嚴一切鬘莊
嚴一切末香莊嚴一切寶莊嚴一切幡莊嚴
一切寶繒綵莊嚴一切寶欄楯莊嚴阿僧祇
金網莊嚴阿僧祇河莊嚴阿僧祇雲雨莊嚴
阿僧祇音樂奏微妙音如是等無量無數莊
嚴之具莊嚴一切盡法界虛空界十方無量

種種業起佛所了知佛所宣說一切世界其中所有一切佛土所謂莊嚴佛土清淨佛土平等佛土妙好佛土威德佛土廣大佛土安樂佛土不可壞佛土無盡佛土無量佛土無動佛土無畏佛土光明佛土無違逆佛土可愛樂佛土普照明佛土嚴好佛土精麗佛土妙巧佛土第一佛土勝佛土殊勝佛土最勝佛土極勝佛土上佛土無上佛土無等佛土無比佛土無譬論佛土如是過去未來現在一切佛土所有莊嚴菩薩摩訶薩以已善根發心迴向願以如是去來現在一切諸佛所有國土清淨莊嚴悉以莊嚴於一世界如彼一切諸佛國土所有莊嚴皆悉成就皆悉清淨皆悉聚集皆悉顯現皆悉嚴好皆悉住持如一世界如是盡法界虛空界一切世界悉亦如是三世一切諸佛國土種種莊嚴皆悉具足佛子菩薩摩訶薩復以善根如是迴向願我所修一切佛刹諸大菩薩皆悉充滿其諸菩薩體性真實智慧通達善能分別一切世界及衆生界深入法界及虛空界捨離愚癡成就念佛念法真實不可思議念僧無量普皆周徧亦念於捨法日圓滿智光普照見無所礙從無得生生諸佛法爲衆勝上善根之主發生無上菩提之心住如來力趣薩婆

若破諸魔業淨衆生界深入法性永離顛倒
善根大願皆悉不空如是菩薩充滿其土生
如是處有如是德常作佛事得佛菩提清淨
光明具法界智現神通力一身充滿一切法
界得大智慧入一切智所行之境善能分別
無量無邊法界句義於一切刹皆無所著而
能普現一切佛土心如虛空無有所依而能
分別一切法界善能入出不可思議甚深三
昧趣薩婆若住諸佛刹得諸佛力開示演說
阿僧祇法而無所畏隨順三世諸佛善根普
照一切如來法界悉能受持一切佛法知阿
僧祇諸語言法善能演出不可思議差別音
聲入於無上佛自在遊十方一切世界
而無障礙行於無諍無所依法無所分別修
習增廣菩提之心得善巧智善知句義能隨
次第開示演說願今如是諸大菩薩莊嚴其
國充滿分布隨順安住熏修極熏修純淨極
純淨恬然宴寂於一佛刹隨一方所皆有如
是無數無量無邊無等不可數不可稱不可
思不可量不可說不可說不可說諸大菩薩
周徧充滿如一方所一切方所亦復如是如
一佛刹盡虛空徧法界一切佛刹悉亦如是
佛子菩薩摩訶薩以諸善根方便迴向一切
佛刹方便迴向一切菩薩以諸善根方便迴向一切如

來方便迴向一切佛菩提方便迴向一切廣大願方便迴向一切出要道方便迴向淨一切衆生界方便迴向於一切世界常見諸佛出興於世方便迴向常見如來壽命無量方便迴向常見諸佛徧周法界轉無障礙不退法輪佛子菩薩摩訶薩以諸善根如是迴向時普入一切佛國土故一切佛刹皆悉清淨普至一切衆生界故一切菩薩皆悉清淨願一切諸佛國土佛出興故一切法界一切佛土諸如來身超然出現佛子菩薩摩訶薩以如是等無比迴向趣薩婆若其心廣大猶如虛空無有限量入不思議知一切業及以果報皆悉寂滅心常平等無有邊際普能徧入一切法界佛子菩薩摩訶薩如是迴向時不分別我及以我所不分別佛及以佛法不分別刹及以嚴淨不分別衆生及以調伏不分別業及業果報不著於思及思所起不壞因不壞果不取事不取法不謂生死有分別不謂涅槃恒寂靜不謂如來證佛境界無有少法與法同止佛子菩薩摩訶薩如是迴向時以諸善根普施衆生決定成熟平等教化無相無緣無稱量無虛妄遠離一切分別取著菩薩摩訶薩如是迴向已得無盡善根所謂念三世一切諸佛故得無盡善根念一切

菩薩故得無盡善根淨諸佛刹故得無盡善
根淨一切衆生界故得無盡善根深大法界
故得無盡善根修無量心等虛空界故得無
盡善根深解一切佛境界故得無盡善根於
菩薩業勤修習故得無盡善根了達三世故
得無盡善根佛子菩薩摩訶薩以一切善根
如是迴向時了一切衆生界無有衆生解一
切法無有壽命知一切法無有作者悟一切
法無補伽羅了一切法無有忿諍觀一切法
皆從緣起無有住處知一切物皆無所依了
一切刹悉無所住觀一切菩薩行亦無處所
見一切境界悉無所有佛子菩薩摩訶薩如
是迴向時眼終不見不淨佛刹亦復不見異
相衆生無有少法爲智所入亦無少智而入
於法解如來身非如虛空一切功德無量妙
法所圓滿故於一切處令諸衆生積集善根
悉充足故佛子此菩薩摩訶薩於念念中得
不可說不可說十力地具足一切福德成就
清淨善根爲一切衆生福田此菩薩摩訶薩
成就如意摩尼功德藏隨有所須一切樂具
悉皆得故隨所遊方悉能嚴淨一切國土隨
所行處今不可說不可說衆生皆悉清淨攝
取福德修治諸行故佛子菩薩摩訶薩如是
迴向時修一切菩薩行福德殊勝色相無比

威力光明超諸世間魔及魔民莫能瞻對善
根具足大願成就其心彌廣等一切智於一
念中悉能周徧無量佛刹智力無量了達一
切諸佛境界於一切佛得深信解住無邊智
善提心力廣大如法界究竟如虛空佛子是
名菩薩摩訶薩第五無盡功德藏迴向菩薩
摩訶薩住此迴向得十種無盡藏何等爲十
所謂得見佛無盡藏於一毛孔見阿僧祇諸
佛出興世故得入法無盡藏以佛智力觀一
切法悉入一法故得憶持無盡藏受持一切
佛所說法無忘失故得決定慧無盡藏善知
一切佛所說法祕密方便故得解義趣無盡
藏善知諸法理趣分齊故得無邊悟解無盡
藏以如虛空智通達三世一切法故得福德
無盡藏充滿一切諸衆生意不可盡故得勇
猛智覺無盡藏悉能除滅一切衆生愚癡翳
故得決定辯才無盡藏演說一切佛平等法
令諸衆生悉解了故得十力無畏無盡藏具
足一切菩薩所行以離垢纒而繫其頂至無
障礙一切智故是爲十佛子菩薩摩訶薩以
一切善根迴向時得此十種無盡藏爾時金
剛幢菩薩普觀十方而說頌言
菩薩成就深心力 普於諸法得自在
以其勸請隨喜福 無礙方便善迴向

三世所有諸如來
所有功德靡不具
三世所有諸佛法
以心攝取無有餘
盡於三世所有劫
三世諸劫猶可盡
如是一切諸佛刹
摠以莊嚴一佛土
有諸佛子心清淨
一切功德莊嚴心
彼諸菩薩悉具足
辯才演說徧世間
菩薩安住諸三昧
其心清淨無與等
如是無餘諸佛刹
未曾憶念聲聞乘
菩薩如是心清淨
普欲令其成正道
十方所有衆魔怨
勇猛智慧無能勝
菩薩以此大願力
入於無盡功德藏
菩薩善觀諸行法
既知諸法性如是

嚴淨佛刹徧世間
迴向淨刹亦如是
菩薩皆悉諦思惟
如是莊嚴諸佛刹
讚一佛刹諸功德
佛刹功德無窮盡
菩薩悉見無有餘
一切佛土悉如是
悉從如來法化生
一切佛刹皆充滿
無量相好莊嚴身
譬如大海無窮盡
一切所行皆具足
光明普照十方界
此諸菩薩皆充滿
亦復不求緣覺道
善根迴向諸羣生
具足了知諸佛法
菩薩威力悉摧破
決定修行究竟法
所有迴向無留礙
去來現在常無盡
了達其性不自在
不妄取業及果報

無有色法無色法

亦無有想無無想

有法無法皆悉無

了知一切無所得

一切諸法因緣生

體性非有亦非無

而於因緣及所起

畢竟於中無取著

一切衆生語言處

於中畢竟無所得

了知名相皆分別

明解諸法悉無我

如衆生性本寂滅

如是了知一切法

三世所攝無有餘

刹及諸業皆平等

以如是智而迴向

隨其悟解福業生

此諸福相亦如解

豈復於中有可得

如是迴向心無垢

永不稱量諸法性

了達其性皆非性

不住世間亦不出

一切所行衆善業

悉以迴向諸羣生

莫不了達其真性

所有分別皆除遣

所有一切虛妄見

悉皆棄捨無有餘

離諸熱惱恒清涼

住於解脫無礙地

菩薩不壞一切法

亦不滅壞諸法性

解了諸法猶如響

悉於一切無所著

了知三世諸衆生

悉從因緣和合起

亦知心樂及習氣

未曾滅壞一切法

了達業性非是業

而亦不違諸法相

又亦不壞業果報

說諸法性從緣起

了知衆生無有生

亦無衆生可流轉

無實衆生而可說

但依世俗假宣示

佛子云何爲菩薩摩訶薩隨順堅固一切善根迴向佛子此菩薩摩訶薩或爲帝王臨御大國威德廣被名震天下凡諸怨敵靡不歸順登号施令悉依正法執持一蓋溥蔭萬方周行率土所向無礙以離垢繒而繫其頂於法自在見者咸伏不刑不罰感德從化以四攝法攝諸衆生爲轉輪王一切周給菩薩摩訶薩安住如是自在功德有大眷屬不可沮壞離衆過失見者無厭福德莊嚴相好圓滿形體肢分均調具足獲那羅延堅固之身大力成就無能屈伏得清淨業離諸業障具足修行一切布施或施飲食及諸上味或施車乘或施衣服或施華鬘雜香塗香牀座房舍及所住處上妙燈燭病緣湯藥寶器寶車調良象馬悉皆嚴飾歡喜布施或有來乞王所處座若蓋若傘幢幡寶物諸莊嚴具頂上寶冠髻中明珠乃至王位皆無所吝若見衆生在牢獄中捨諸財寶妻子眷屬乃至以身救彼令脫若見獄囚將欲被戮即捨其身以代彼命或見來乞連膚頂髮歡喜施與亦無所吝眼耳鼻舌及以牙齒頭頂手足血肉骨髓心腎肝肺大腸小腸厚皮薄皮手足諸指連肉爪甲以歡喜心盡皆施與或爲求請未曾有法投身而下深大火坑或爲護持如來正

法以身忍受一切苦毒或爲求法乃至一字
悉能徧捨四海之內一切所有恒以正法化
導羣生令修善行捨離諸惡若見衆生損敗
他形慈心救之令捨罪業若見如來成最正
覺稱揚讚歎普使聞知或施於地造立僧坊
房舍殿堂以爲住處及施僮僕供承作役或
以自身施來乞者或施於佛爲求法故歡喜
踊躍爲衆生故承事供養或捨王位城邑聚
落宮殿園林妻子眷屬隨所乞求悉滿其願
或捨一切資生之物普設無遮大施之會其
中衆生種種福田或從遠來或從近來或賢
或愚或好或醜若男若女與非人心行不
同所求各異等皆施與悉令滿足佛子菩薩
摩訶薩如是施時發善攝心悉以迴向所謂
善攝色隨順堅固一切善根善攝受想行識
隨順堅固一切善根善攝王位隨順堅固一
切善根善攝眷屬隨順堅固一切善根善攝
資具隨順堅固一切善根善攝惠施隨順堅
固一切善根佛子菩薩摩訶薩隨所施物無
量無邊以彼善根如是迴向所謂以上妙食
施衆生時其心清淨於所施物無貪無著無
所顧吝具足行施願一切衆生得智慧食心
無障礙了知食性無所貪著但樂法喜出離
之食智慧充滿以法堅住攝取善根法身智

身清淨遊行哀愍衆生爲作福田現受搏食
是爲菩薩摩訶薩布施食時善根迴向佛子
菩薩摩訶薩若施飲時以此善根如是迴向
所謂願一切衆生飲法味水精勤修習具菩
薩道斷世渴愛常求佛智離欲境界得法喜
樂從清淨法而生其身常以三昧調攝其心
入智慧海興大法雲靈大法雨是爲菩薩摩
訶薩布施飲時善根迴向佛子菩薩摩訶薩
布施種種清淨上味所謂辛酸鹹淡及以甘
苦種種諸味稠澤具足能令四大安隱調和
肌體盈滿氣力強壯其心清淨常得歡喜燕
咀之時不致不逆諸根明利內藏充實毒不
能侵病不能傷始終無患永得安樂以此善
根如是迴向所謂願一切衆生得最上味甘
露充滿願一切衆生得法智味了知一切諸
味業用願一切衆生得無量法味了達法界
安住實際大法城中願一切衆生作大法雲
周徧法界普雨法雨教化調伏一切衆生願
一切衆生得勝智味無上法喜充滿身心願
一切衆生得無貪著一切上味不染世間一
切諸味常勤修習一切佛法願一切衆生得
一法味了諸佛法悉無差別願一切衆生得
最勝味乘一切智終無退轉願一切衆生得
入諸佛無異法味悉能分別一切諸根願一

切衆生法味增益常得滿足無礙佛法是爲
菩薩摩訶薩布施味時善根迴向爲令一切
衆生勤修福德皆悉具足無礙智身故佛子
菩薩摩訶薩施車乘時以諸善根如是迴向
所謂願一切衆生皆得具足一切智乘乘於
大乘不可壞乘最勝乘最上乘速疾乘大力
乘福德具足乘出世間乘出生無量諸菩薩
乘是爲菩薩摩訶薩施車乘時善根迴向佛
子菩薩摩訶薩布施衣時以諸善根如是迴
向所謂願一切衆生得慙媿衣以覆其身捨
離邪道露形惡法顏色潤澤皮膚細軟成就
諸佛第一之樂得最清淨一切種智是爲菩
薩摩訶薩布施衣時善根迴向佛子菩薩摩
訶薩常以種種名華布施所謂微妙香華種
種色華無量奇妙華善見華可喜樂華一切
時華天華人華世所珍愛華其芬馥悅意華
以如是等無量妙華供養一切現在諸佛及
佛滅後所有塔廟或以供養說法之人或以
供養比丘僧寶一切菩薩諸善知識聲聞獨
覺父母宗親下至自身及餘一切貧窮孤露
布施之時以諸善根如是迴向所謂願一切
衆生皆得諸佛三昧之華悉能開敷一切諸
法願一切衆生皆得如佛見者歡喜心無厭
足願一切衆生所見順恆心無動亂願一切

眾生具行廣大清淨之業願一切眾生常念
善友心無變異願一切眾生如阿伽陀藥能
除一切煩惱衆毒願一切衆生成滿大願皆
悉得爲無上智王願一切衆生智慧日光破
愚癡暗願一切衆生菩提淨月增長滿足願
一切衆生入大寶洲見善知識具足成就一
切善根是爲菩薩摩訶薩布施華時善根迴
向爲今衆生皆得清淨無礙智故佛子菩薩
摩訶薩布施時以諸善根如是迴向所謂
願一切衆生人所樂見見者欽歎見者親善
見者愛樂見者渴仰見者除憂見者生喜見
者離惡見者常得親近於佛見者清淨獲一
切智是爲菩薩摩訶薩布施時善根迴向
佛子菩薩摩訶薩布施香時以諸善根如是
迴向願一切衆生具足戒香得不缺戒不雜
戒不汙戒無悔戒離纏戒無熱戒無犯戒無
邊戒出世戒菩薩波羅蜜戒願一切衆生以
是戒故皆得成就諸佛戒身是爲菩薩摩訶
薩布施香時善根迴向爲今衆生悉得圓滿
無礙戒蘊故佛子菩薩摩訶薩施塗香時以
諸善根如是迴向所謂願一切衆生施香普
熏衆能惠捨一切所有願一切衆生戒香普
熏得於如來究竟淨戒願一切衆生忍香普
熏離於一切險害之心願一切衆生精進香

普熏常服大乘精進甲冑願一切衆生定香
普熏安住諸佛現前三昧願一切衆生慧香
普熏一念得成無上智王願一切衆生法香
普熏於無上法得無所畏願一切衆生德香
普熏成就一切大功德智願一切衆生菩提
香普熏得佛十力到於彼岸願一切衆生清
淨白法妙香普熏永滅一切不善之法是爲
菩薩摩訶薩施塗香時善根迴向佛子菩薩
摩訶薩施牀座時以諸善根如是迴向所謂
願一切衆生得諸天牀座證大智慧願一切
衆生得賢聖牀座捨凡夫意住菩提心願一
切衆生得安樂牀座永離一切生死苦惱願
一切衆生得究竟牀座得見諸佛自在神通
願一切衆生得平等牀座恒普熏修一切善
法願一切衆生得最勝牀座具清淨業世無
與等願一切衆生得安隱牀座證真實法具
足究竟願一切衆生得清淨牀座修習如來
淨智境界願一切衆生得安住牀座得善知
識常隨覆護願一切衆生得師子牀座常如
如來右脅而臥是爲菩薩摩訶薩施牀座時
善根迴向爲令衆生修習正念善護諸根故
佛子菩薩摩訶薩施房舍時以諸善根如是
迴向所謂願一切衆生皆得安住清淨佛刹
精勤修習一切功德安住甚深三昧境界捨

離一切住處執著了諸住處皆無所有離諸
世間住一切智攝取一切諸佛所住住究竟
道安樂住處恒住第一清淨善根終不捨離
佛無上住是為菩薩摩訶薩施房舍時善根
迴向為欲利益一切衆生隨其所應思惟救
護故佛子菩薩摩訶薩施住處時以諸善根
如是迴向所謂願一切衆生常獲善利其心
安樂願一切衆生依如來住依大智住依善
知識住依尊勝住依善行住依大慈住依大
悲住依六波羅蜜住依大菩提心住依一切
菩薩道住是為菩薩摩訶薩施住處時善根
迴向為令一切福德清淨故究竟清淨故智
清淨故道清淨故法清淨故戒清淨故志樂
清淨故信解清淨故願清淨故一切神通功
德清淨故佛子菩薩摩訶薩施諸燈明所謂
酥燈油燈寶燈摩尼燈漆燈火燈沈水燈栴
檀燈一切香燈無量色光燈施如是等無量
燈時為欲利益一切衆生為欲攝受一切衆
生以此善根如是迴向所謂願一切衆生得
無量光普照一切諸佛正法願一切衆生得
清淨光照見世間極微細色願一切衆生得
離翳光了衆生界空無所有願一切衆生得
無邊光身出妙光普照一切願一切衆生得
普照光於諸佛法心無退轉願一切衆生得

佛淨光一切刹中悉皆顯現願一切衆生得
無礙光一光徧照一切法界願一切衆生得
無斷光照諸佛刹光明不斷願一切衆生得
智幢光普照世間願一切衆生得無量色光
照一切刹示現神力菩薩如是施燈明時爲
欲利益一切衆生安樂一切衆生故以此善
根隨逐衆生以此善根攝受衆生以此善根
分布衆生以此善根慈愍衆生以此善根覆
育衆生以此善根救護衆生以此善根充滿
衆生以此善根觀察衆生是爲菩薩摩訶薩施
生以此善根觀察衆生是爲菩薩摩訶薩施
燈明時善根迴向如是迴向無有障礙普令
衆生住善根中佛子菩薩摩訶薩施湯藥時
以諸善根如是迴向所謂願一切衆生於諸
蓋纏究竟得出願一切衆生永離病身得如
來身願一切衆生作大良藥滅除一切不善
之病願一切衆生成阿伽陀藥安住菩薩不
退轉地願一切衆生成如來藥能拔一切煩惱
毒箭願一切衆生親近賢聖滅諸煩惱修
清淨行願一切衆生作大藥王永除衆病不
令重發願一切衆生作不壞藥樹悉能救療
一切衆生願一切衆生得一切智光出衆病
箭願一切衆生善解世間方藥之法所有疾
病爲其救療菩薩摩訶薩施湯藥時爲令一

切衆生永離衆病故究竟安隱故究竟清淨
故如佛無病故拔除一切病箭故得無盡堅
固身故得金剛圓山所不壞身故得堅固滿
足力故得圓滿不可奪佛樂故得一切佛自
在堅固身故以諸善根如是迴向佛子菩薩
摩訶薩悉能惠施一切器物所謂黃金器盛
滿雜寶白銀器盛衆妙寶琉璃器盛種種寶
玻璃器盛滿無量寶莊嚴具磬磔器盛赤真
珠碼瑙器盛滿珊瑚摩尼珠寶白玉器盛衆
美食旃檀器盛天衣服金剛器盛衆妙香無
量無數種種寶器盛無量無數種種衆寶或
施諸佛信佛福田不思議故或施菩薩知善
知識難值遇故或施聖僧爲令佛法久住世
故或施聲聞及辟支佛於諸聖人生淨信故
或施父母爲尊重故或施師長爲恒誘誨令
依聖教修功德故或施下劣貧窮孤露大慈
大悲愛眼等視諸衆生故事意滿足去來今
世一切菩薩檀波羅蜜故以一切物普施一
切終不厭捨諸衆生故如是施時於其施物
及以受者皆無所著菩薩摩訶薩以如是等
種種寶器盛無量寶而布施時以諸善根如
是迴向所謂願一切衆生成等虛空無邊藏
器念力廣大悉能受持世世世間一切經書
無有忘失願一切衆生成清淨器能悟諸佛

甚深正法願一切衆生成無上寶器悉能受
持三世佛法願一切衆生成就如來廣大法
器以不壞信攝受三世佛善提法願一切衆
生成就最勝寶莊嚴器住大威德善提之心
願一切衆生成就功德所依處器於諸如來
無量智慧生淨信解願一切衆生成就趣入
一切智器究竟如來無礙解脫願一切衆生
得盡未來劫菩薩行器能令衆生普皆安住
一切智力願一切衆生成就三世諸佛種性
勝功德器一切諸佛妙音所說悉能受持願
一切衆生成就容納盡法界虛空界一切世
界一切如來衆會道場器爲大丈夫讚說之
首勸請諸佛轉正法輪是爲菩薩摩訶薩布
施器時善根迴向爲欲普令一切衆生皆得
圓滿普賢菩薩行願器故

大方廣佛華嚴經卷第二十五

精麗

下郎計切

恬然

上徒兼切

癡翳

下於計切

怨敵

下徒歷切

施令

下歷政切

薄蔭

上音育
下於蔡切

胎繒

下疾陵切

不罰

下房越切

若傘

下蘇贊切

所吝

下義芳切

欺囚

下似由切

被戮

下六音

連膚

下甫無切

骨髓

下烏委切

腎肝

上時忍切
下干音

大腸

下直良切

薄皮

上傍各切

僮僕

上徒紅切
下甫

搏食上唐官切

霍大上注音

酸鹼上唐官切

肌體上居夷切

嚙咀上於銀切

不歃下慨音

芬頤上府文切

順恆下皆協切

甲冑下直祐切

石脅下並業切

救癰下力照切

碑礫上車音

珊瑚上蘇干切

誘誨上與久切

下蘇音

下胡音

下紫內切

乙巳歲高麗國大歲都瓦奉

勅彫造

千闍國三藏實叉難陀奉 制譯

十迴向品第二十五之四

佛子菩薩摩訶薩以種種車衆寶嚴飾奉施諸佛及諸菩薩師長善友聲聞緣覺如是無量種種福田乃至貧窮孤露之者此諸人衆或從遠來或從近來或承菩薩名聞故來或是菩薩因緣故來或聞菩薩往昔所發施願故來或是菩薩心願請來菩薩是時或施寶車或施金車悉妙莊嚴鈴網覆上寶帶垂下或施上妙瑠璃之車無量珍奇以爲嚴飾或復施與白銀之車覆以金網駕以駿馬或復施與無量雜寶所莊嚴車覆以寶網駕以香象或復施與栴檀之車妙寶爲輪雜寶爲蓋寶師子座敷置嚴好百千采女列坐其上十萬丈夫牽御而行或復施與玻璃寶車衆雜妙寶以爲嚴飾端正女人充滿其中寶帳覆上幢幡侍側或復施與碼碯藏車飾以衆寶熏諸雜香種種妙華散布莊嚴百千采女持寶瓔珞駕馭均調涉險能安或復施與堅固香車衆寶爲輪莊嚴巨嚴寶帳覆上寶網垂下種種寶衣敷布其中清淨好香流芬外徹其香美妙稱悅人心無量諸天翼從而行載以衆寶隨時給施或復施與光明寶車種種

諸寶妙色映徹衆妙寶網羅覆其上雜寶瓔珞周匝垂下散以末香内外芬潔所愛男女悉載其上佛子菩薩摩訶薩以如是等衆妙寶車奉施佛時以此善根如是迴向所謂願一切衆生悉解供養最上福田深信施佛得無量報願一切衆生一心向佛常遇無量清淨福田願一切衆生於諸如來無所吝惜具足成就大捨之心願一切衆生於諸佛所修行施行離二乘願速得如來無礙解脫一切智智願一切衆生於諸佛所行無盡施入佛無量功德智慧願一切衆生入佛勝智得成清淨無上智王願一切衆生得佛徧至無礙神通隨所欲往靡不自在願一切衆生深入大乘獲無量智安住不動願一切衆生皆能出生一切智法爲諸天人最上福田願一切衆生於諸佛所無嫌恨心勤種善根樂求佛智願一切衆生任運能往一切佛刹一刹那中普周法界而無懈倦願一切衆生速得菩薩自在神通分身徧滿等虛空界一切佛所親近供養願一切衆生得無比身徧往十方而無厭倦願一切衆生得廣大身飛行迅疾隨意所往終無懈怠願一切衆生得佛究竟自在威力一刹那中盡虛空界悉現諸佛神通變化願一切衆生修安樂行隨順一切諸

菩薩道願一切衆生得速疾行究竟十力智
慧神通願一切衆生普入法界十方國土悉
盡邊際等無差別願一切衆生行普賢行無
有退轉到於彼岸成一切智願一切衆生昇
於無比智慧之乘隨順法性見如實理是爲
菩薩摩訶薩以衆寶車奉施現在一切諸佛
及佛滅後所有塔廟善相迴向爲令衆生得
於如來究竟出離無礙乘故佛子菩薩摩訶
薩以衆寶車施菩薩等善知識時以諸善根
如是迴向所謂願一切衆生心常憶持善知
識教專勤守護令不忘失願一切衆生與善
知識同一義利普攝一切與其善根願一切
衆生近善知識尊重供養悉捨所有順可其
心願一切衆生得善志欲隨逐善友未嘗捨
離願一切衆生常得值遇諸善知識專意承
奉不違其教願一切衆生樂善知識常不捨
離無間無雜亦無誤失願一切衆生能以其
身施善知識隨其教命靡有違逆願一切衆
生爲善知識之所攝受修習大慈遠離諸惡
願一切衆生隨善知識聽聞諸佛所說正法
願一切衆生與善知識同一善根清淨業果
與諸菩薩同一行願究竟十力願一切衆生
悉能受持善知識法逮得一切三昧境界智
慧神通願一切衆生悉能受持一切正法修

習諸行到於彼岸願一切衆生乘於大乘無
所障礙究竟成就一切智道願一切衆生悉
得上於一切智乘至安隱處無有退轉願一
切衆生知如實行隨其所聞一切佛法皆得
究竟永無忘失願一切衆生普爲諸佛之所
攝受得無礙智究竟諸法願一切衆生得無
退失自在神通所欲往詣一念皆到願一切
衆生往來自在廣行化導令住大乘願一切
衆生所行不空載以智乘到究竟位願一切
衆生得無礙乘以無礙智至一切處是爲菩
薩摩訶薩施善知識種種車時善根迴向爲
令衆生功德具足與佛菩薩等無異故佛子
菩薩摩訶薩以衆寶車布施僧時起學一切
施心智善了心淨功德心隨順捨心僧寶難
遇心深信僧寶心攝持正教心住勝志樂得
未曾有爲大施會出生無量廣大功德深信
佛教不可沮壞以諸善根如是迴向所謂願
一切衆生普入佛法憶持不忘願一切衆生
離凡愚法入賢聖處願一切衆生速入聖位
能以佛法次第開誘願一切衆生舉世宗重
言必信用願一切衆生善入一切諸法平等
了知法界自性無二願一切衆生從於如來
智境而生諸調順人所共圍遶願一切衆生
住離染法滅除一切煩惱塵垢願一切衆生

皆得成就無上僧寶離凡夫地入賢聖衆願
一切衆生勤修善法得無礙智具聖功德願
一切衆生得智慧心不著三世於諸衆中自
在如王願一切衆生乘智慧乘轉正法輪願
一切衆生具足神通一念能往不可說不可
說世界願一切衆生乘虛空身於諸世間智
慧無礙願一切衆生普入一切虛空法界諸
佛衆會成就第一波羅蜜行願一切衆生得
輕舉身殊勝智慧悉能徧入一切佛刹願一
切衆生獲無邊際善巧神足於一切刹普現
其身願一切衆生得於一切無所依身以神
通力如影普現願一切衆生得不思議自在
神力隨應可化即現其前教化調伏願一切
衆生得入法界無礙方便一念徧遊十方國
土是爲菩薩摩訶薩施僧寶車善根迴向爲
令衆生普乘清淨無上智乘於一切世間轉
無礙法智慧輪故佛子菩薩摩訶薩以衆寶
車布施聲聞獨覺之時起如是心所謂福田
心尊敬心功德海心能出生功德智慧心從
如來功德勢力所生心百千億那由他劫修
習心能於不可說劫修菩薩行心解脫一切
魔繫縛心摧滅一切魔軍衆心慧光照了無
上法心以此施車所有善根如是迴向所謂
願一切衆生爲世所信第一福田具足無上

檀波羅蜜願一切衆生離無益語常樂獨處
心無二念願一切衆生成最第一清淨福田
攝諸衆生令修福業願一切衆生成智慧端
能與衆生無量無數善根果報願一切衆生
住無礙行滿足清淨第一福田願一切衆生
住無諍法了一切法皆無所作無性爲性願
一切衆生常得親近最上福田具足修成無
量福德願一切衆生能現無量自在神通以
淨福田攝諸含識願一切衆生具足無盡功
德福田能與衆生如來十力第一乘果願一
切衆生爲能辨果真實福田成一切智無盡
福聚願一切衆生得滅罪法悉能受持所未
曾聞佛法句義願一切衆生常勤聽受一切
佛法聞悉解悟無空過者願一切衆生聽聞
佛法通達究竟如其所聞隨順演說願一切
衆生於如來教信解修行捨離一切九十六
種外道邪見願一切衆生常見賢聖增長一
切最勝善根願一切衆生心常信樂智行之
士與諸聖哲同止共歡願一切衆生聽聞佛
名悉不唐捐隨其所聞咸得目見願一切衆
生善分別知諸佛正教悉能守護持佛法者
願一切衆生常樂聽聞一切佛法受持讀誦
開示照了願一切衆生信解佛教如實功德
悉捨所有恭敬供養是爲菩薩摩訶薩施聲

聞獨覺種種車時善根迴向爲令衆生皆得成就清淨第一智慧神通精進修行無有懈怠獲一切智力無畏故佛子菩薩摩訶薩以衆寶車施諸福田乃至貧窮孤獨者時隨其所求一切悉捨心生歡喜無有厭倦仍向彼人自悔責言我應往就供養供給不應勞汝遠來疲頓言已拜跪問訊起居凡有所須一切施與或時施彼摩尼寶車以閻浮提第一女寶充滿其上或復施與金莊嚴車人聞女寶充滿其上或復施與妙瑠璃車內宮妓女充滿其上或施種種奇妙寶車童女充滿如天采女或施無數寶莊嚴車寶女滿中柔羽辯慧或施所乘妙栴檀車或復施與玻璃寶車悉載寶女充滿其上顏容端正色相無比頂王子身載其上或時施與堅固香車所有男女悉載其中或施一切寶莊嚴車載以難捨親善眷屬佛子菩薩摩訶薩以如是等無量寶車隨其所求恭敬施與皆令遂願歡喜滿足以此善根如是迴向所謂願一切衆生衆不退轉無障礙輪廣大之乘詣不可議菩提樹下願一切衆生乘清淨因大法智乘盡未來劫修菩薩行永不退轉願一切衆生乘一切法無所有乘永離一切分別執著而常

修習一切智道願一切衆生乘無諂誑正直之乘往諸佛刹自在無礙願一切衆生隨順安住一切智乘以諸佛法共相娛樂願一切衆生皆乘菩薩清淨行乘具足菩薩十出離道及三昧樂願一切衆生乘四輪乘所謂住好國土依止善人集勝福德發大誓願以此成滿一切菩薩清淨梵行願一切衆生得普照十方法光明乘修學一切如來智力願一切衆生乘佛法乘到一切法究竟彼岸願一切衆生載衆福善難思法乘普示十方安隱正道願一切衆生乘大施乘捨慳吝垢願一切衆生乘淨戒乘持等法界無邊淨戒願一切衆生乘忍辱乘常於衆生離瞋獨心願一切衆生乘大精進不退轉乘堅修勝行趣菩提道願一切衆生乘禪定乘速至道場證菩提智願一切衆生乘於智慧巧方便乘化身充滿一切法界諸佛境界願一切衆生乘決王乘成就無畏恒普惠施一切智法願一切衆生乘無所著智慧之乘悉能徧入一切十方於眞法性而無所動願一切衆生乘於一切諸佛法乘示現受生徧十方刹而不失壞大乘之道願一切衆生乘一切智最上寶乘滿足普賢菩薩行願而無厭倦是爲菩薩摩訶薩以衆寶車施諸福田乃至貧窮孤露之

人善根迴向爲令衆生具無量智歡喜踊躍
究竟皆得一切智乘故佛子菩薩摩訶薩布
施象寶其性調順七支具足年齒盛壯六牙
清淨口色紅赤猶如蓮華形體鮮白譬如雪
山金幢爲飾寶網羅覆種種妙寶莊嚴其鼻
見者欣玩無有厭足超步萬里曾不疲倦或
覆施與調良馬寶諸相具足猶如天馬妙寶
月輪以爲光飾真金鈴網羅覆其上行步平
正乘者安隱隨意所往迅疾如風遊歷四洲
自在無礙菩薩以此象寶馬寶或奉養父母
及善知識或給施貧乏苦惱衆生其心曠快
不生悔吝但倍增欣慶益加悲愍修菩薩德
淨善陸心以此善根如是迴向所謂願一切
衆生住調順乘增長一切菩薩功德願一切
衆生得善巧乘能隨出生一切佛法願一切
衆生得信解乘普照如來無礙智力願一切
衆生得發趣乘能普發興一切大願願一切
衆生具足平等波羅蜜乘成滿一切平等善
根願一切衆生成就寶乘生諸佛法無上智
寶願一切衆生成就菩薩行莊嚴乘開敷善
薩諸三昧華願一切衆生得無邊速疾乘於
無數劫淨善陸心精勤思惟了達諸法願一
切衆生成就最勝調順大乘以善方便具善
陸地願一切衆生成最高廣堅固大乘普能

運載一切衆生皆得至於一切智位是爲菩薩摩訶薩施象馬時善根迴向爲令衆生皆得乘於無礙智乘圓滿究竟至佛乘故佛子菩薩摩訶薩布施座時或施所獻師子之座其座高廣殊特妙好瑠璃爲足金縷所成柔軟衣服以敷其上建以寶幢熏諸妙香無量雜寶莊嚴之具以爲莊校金網覆上寶鐸風搖出妙音聲奇珍萬計周布填飾一切臣民所共瞻仰灌頂大王獨居其上宣布法化萬邦遵奉其王復以妙寶嚴身所謂普光明寶帝青寶大帝青寶勝藏摩尼寶明淨如日清涼猶月周布繁布譬如衆星上妙莊嚴第一無比海殊妙寶海堅固幢寶奇文異表種種莊嚴於大衆中最尊最勝閻浮檀金離垢寶繒以冠其首享灌頂位王閻浮提具足無量大威德力以慈爲主伏諸怨敵教令所行靡不承順時轉輪王以如是等百千萬億無量無數寶莊嚴座施於如來第一福田及諸菩薩真善知識賢聖僧寶說法之師父母宗親聲聞獨覺及以發趣菩薩乘者或如來塔乃至一切貧窮孤露隨其所須悉皆施與以此善根如是迴向所謂願一切衆生坐菩提座悉能覺悟諸佛正法願一切衆生處自在座得法自在諸金剛山所不能壞能悉摧

伏一切魔軍願一切衆生得佛自在師子之
座一切衆生之所瞻仰願一切衆生得不可
說不可說種種殊妙寶莊嚴座於法自在化
導衆生願一切衆生得三種世間最殊勝座
廣大善根之所嚴飾願一切衆生得周徧不
可說不可說世界座阿僧祇劫歎之無盡願
一切衆生得大深密福德之座其身充滿一
切法界願一切衆生得不思議種種寶座隨
其本願所念衆生廣開法施願一切衆生得
善妙座現不可說諸佛神通願一切衆生得
一切寶座一切香座一切華座一切衣座一
切鬘座一切摩尼座一切琉璃等不思議種
種寶座無量不可說世界座一切世間莊嚴
清淨座一切金剛座示現如來威德自在成
最正覺是爲菩薩摩訶薩施寶座時善根迴
向爲令衆生獲離世間大菩提座自然覺悟
一切佛法故佛子菩薩摩訶薩施諸寶蓋此
蓋殊特尊貴所用種種大寶而爲莊嚴百千
億那由他上妙蓋中最爲第一衆寶爲竿妙
網覆上寶繩金鈴周匝垂下摩尼瓔珞次第
懸布微風吹動妙音克諧珠玉寶藏種種充
滿無量奇珍悉以嚴飾栴檀沈水妙香普熏
閻浮檀金光明清淨如是無量百千億那由
他阿僧祇衆妙寶物具足莊嚴以清淨心奉

施於佛及佛滅後所有塔廟或為法故施諸
 菩薩及善知識名聞法師或施父母或施僧
 寶或復奉施一切佛法或施種種衆生福田
 或施師僧及諸尊宿或施初發菩提之心乃
 至一切貧窮孤露隨有求者悉皆施與以此
 善根如是迴向所謂願一切衆生勤修善根
 以覆其身常為諸佛之所庇蔭願一切衆生
 功德智慧以為其蓋永離世間一切煩惱願
 一切衆生覆以善法除滅世間塵垢熱惱願
 一切衆生得智慧藏令衆樂見心無厭足願
 一切衆生以寂靜白法而自覆蔭皆得究竟
 不壞佛法願一切衆生善覆其身究竟如來
 清淨法身願一切衆生作周徧蓋十力智慧
 徧覆世間願一切衆生得妙智慧出過三世
 無所染著願一切衆生得應供蓋成勝福田
 受一切供願一切衆生得最上蓋獲無上智
 自然覺悟是為菩薩摩訶薩布施蓋時善根
 迴向為令一切衆生得自在蓋能持一切諸
 善法故為令一切衆生能以一蓋普覆一切
 虛空法界一切刹土示現諸佛自在神通無
 退轉故為令一切衆生能以一蓋莊嚴十方
 一切世界供養佛故為令一切衆生以妙幢
 幡及諸寶蓋供養一切諸如來故為令一切
 衆生得普莊嚴蓋徧覆一切諸佛國土盡無

餘故爲令一切衆生得廣大蓋普蓋衆生皆
 令於佛生信解故爲令一切衆生以不可說
 衆妙寶蓋供養一佛於不可說一一佛所皆
 如是故爲令一切衆生得佛菩提高廣之蓋
 普覆一切諸如來故爲令一切衆生得一切
 摩尼寶莊嚴蓋一切寶瓔珞莊嚴蓋一切堅
 固香莊嚴蓋種種寶清淨莊嚴蓋無量寶清
 淨莊嚴蓋廣大寶清淨莊嚴蓋寶網彌覆寶
 鈴垂下隨風搖動出微妙音普覆法界虛空
 界一切世界諸佛身故爲令一切衆生得無
 障無礙智莊嚴蓋普覆一切諸如來故又欲
 令一切衆生得第一智慧故又欲令一切衆
 生得佛功德莊嚴故又欲令一切衆生於佛
 功德生清淨欲願心故又欲令一切衆生得
 無量無邊自在心寶故又欲令一切衆生滿
 足諸法自在智故又欲令一切衆生以諸善
 根普覆一切故又欲令一切衆生成就最勝
 智慧蓋故又欲令一切衆生成就十力普徧
 蓋故又欲令一切衆生能以一蓋彌覆法界
 諸佛刹故又欲令一切衆生於法自在爲法
 王故又欲令一切衆生得大威德自在心故
 又欲令一切衆生得廣大智恒無絕故又欲
 令一切衆生得無量功德普覆一切皆究竟
 故又欲令一切衆生以諸功德蓋其心故又

欲令一切衆生以平等心覆衆生故又欲令一切衆生得大智慧平等蓋故又欲令一切衆生具大迴向巧方便故又欲令一切衆生得善獲勝欲樂清淨心故又欲令一切衆生得善欲樂清淨意故又欲令一切衆生得大迴向普覆一切諸衆生故佛子菩薩摩訶薩或施種種上妙幢幡衆寶爲竿寶繒爲幡種種雜綵以爲其幢寶網垂覆光色徧滿寶鐸微搖音節相和奇特妙寶形如半月閭浮檀金光逾皦日悉置幢上隨諸世界業果所現種種妙物以爲嚴飾如是無數千萬億那由他諸妙幢幡接影連輝遞相間發光明嚴潔周徧大地充滿十方虛空法界一切佛刹菩薩摩訶薩淨心信解以如是等無量幢幡或施現在一切諸佛及佛滅後所有塔廟或施法寶或施僧寶或施菩薩諸善知識或施聲聞及辟支佛或施大衆或施別人諸來求者普皆施與以此善根如是迴向所謂願一切衆生皆能建立一切善根福德幢幡不可毀壞願一切衆生建一切法自在幢幡尊重愛樂勤加守護願一切衆生常以寶繒書寫正法護持諸佛菩薩法藏願一切衆生建高顯幢然智慧燈普照世間願一切衆生立堅固幢悉能摧殄一切惡業願一切衆生建智力幢一

切諸魔所不能壞願一切衆生得大智慧那
 羅延幢摧滅一切世間幢幡願一切衆生得
 智慧日大光明幢以智日光普照法界願一
 切衆生具足無量寶莊嚴幢充滿十方一切
 世界供養諸佛願一切衆生得如來幢摧滅
 一切九十六種外道邪見是爲菩薩摩訶薩
 施幢幡時善根迴向爲令一切衆生得甚深
 高廣菩薩行幢及諸菩薩神通行幢清淨道
 故佛子菩薩摩訶薩開衆寶藏以百千億那
 由他諸妙珍寶給施無數一切衆生隨意與
 之心無吝惜以諸善根如是迴向所謂願一
 切衆生常見佛寶捨離愚癡修行正念願一
 切衆生皆得具足法寶光明護持一切諸佛
 法藏願一切衆生能悉攝受一切僧寶周給
 供養恒無厭足願一切衆生得一切智無上
 心寶淨菩提心無有退轉願一切衆生得智
 慧寶普入諸法心無疑惑願一切衆生具足
 菩薩諸功德寶開示演說無量智慧願一切
 衆生得於無量妙功德寶修成正覺十力智
 慧願一切衆生得妙三昧十六智寶究竟成
 滿廣大智慧願一切衆生成就第一福田之
 寶悟入如來無上智慧願一切衆生得成第
 一無上寶主以無盡辯開演諸法是爲菩薩
 摩訶薩施衆寶時善根迴向爲令一切衆生

皆得成滿第一智寶如來無礙淨眼寶故佛
 子菩薩摩訶薩或以種種妙莊嚴具而為布
 施所謂一切身莊嚴具令身淨妙靡不稱可
 菩薩摩訶薩等觀一切世間衆生猶如一子
 欲令皆得身淨莊嚴成就世間最上安樂佛
 智慧樂安住佛法利益衆生以如是等百千
 億那由他種種殊妙寶莊嚴具勤行布施行
 布施時以諸善根如是迴向所謂願一切衆
 生成就無上妙莊嚴具以諸清淨功德智慧
 莊嚴人天願一切衆生得清淨莊嚴相以淨
 福德莊嚴其身願一切衆生得上妙莊嚴相
 以百福相莊嚴其身願一切衆生得不雜亂
 莊嚴相以一切相莊嚴其身願一切衆生得
 善淨語言莊嚴相具足種種無盡辯才願一
 切衆生得一切功德聲莊嚴相其音清淨聞
 者喜悅願一切衆生得可愛樂諸佛語言莊
 嚴相令諸衆生聞法歡喜修清淨行願一切
 衆生得心莊嚴相入深禪定普見諸佛願一
 切衆生得摠持莊嚴相照明一切諸佛正法
 願一切衆生得智慧莊嚴相以佛智慧莊嚴
 其心是為菩薩摩訶薩惠施一切莊嚴具時
 善根迴向為令衆生具足一切無量佛法功
 德智慧圓滿莊嚴永離一切憍慢放逸故佛
 子菩薩摩訶薩以受灌頂自在王位摩尼寶

冠及髻中珠普施衆生心無吝惜常勤修習
 爲大施主修學施慧增長捨根智慧善巧其
 心廣大給施一切以彼善根如是迴向所謂
 願一切衆生得諸佛法之所灌頂成一切智
 願一切衆生具足頂髻得第一智到於彼岸
 願一切衆生以妙智寶普攝衆生皆令究竟
 功德之頂願一切衆生皆得成就智慧寶頂
 堪受世間之所禮敬願一切衆生以智慧冠
 莊嚴其首爲一切法自在之王願一切衆生
 智慧明珠繫其頂上一切世間無能見者願
 一切衆生皆悉堪受世間頂禮成就慧頂照
 明佛法願一切衆生首冠十力莊嚴之冠智
 慧寶海清淨具足願一切衆生至大地頂得
 一切智究竟十力破欲界頂諸魔眷屬願諸
 衆生得成第一無上頂王獲一切智光明之
 頂無能映奪是爲菩薩摩訶薩施寶冠時善
 根迴向爲令衆生得第一智最清淨處智慧
 摩尼妙寶冠故佛子菩薩摩訶薩見有衆生
 處在牢獄黑闇之處桎械枷鎖檢繫其身起
 坐不安衆苦競集無有親識無歸無救裸露
 飢羸酸劇難忍菩薩見已捨其所有一切財
 寶妻子眷屬及以自身於牢獄中救彼衆生
 如大悲菩薩妙眼王菩薩旣救度已隨其所
 須普皆給施除其苦患令得安隱然後施以

無上法寶令捨放逸安住善根於佛教中心
無退轉佛子菩薩摩訶薩於牢獄中救衆生
時以諸善根如是迴向所謂願一切衆生究
竟解脫貪愛纏縛願一切衆生斷生死流昇
智慧岸願一切衆生除滅愚癡生長智慧解
脫一切煩惱纏縛願一切衆生滅三界縛得
一切智究竟出離願一切衆生永斷一切煩
惱結縛到無煩惱無障礙地智慧彼岸願一
切衆生離諸動念思惟分別入於平等不動
智地願一切衆生脫諸欲縛永離世間一切
貪欲於三界中無所染著願一切衆生得勝
志樂常蒙諸佛爲說法門願一切衆生得無
著無縛解脫心廣大如法界究竟如虛空願
一切衆生得菩薩神通一切世界調伏衆生
令離世間住於大乘是爲菩薩摩訶薩救度
牢獄苦衆生時善根迴向爲令衆生普入如
來智慧地故佛子菩薩摩訶薩見有獄囚五
處被縛受諸苦毒防衛驅逼將之死地欲斷
其命捨閻浮提一切樂具親戚朋友悉將永
訣置高碁上以刀屠割或用木槍豎貫其體
衣纏油沃以火焚燒如是等苦種種逼迫菩
薩見已自捨其身而代受之如阿逸多菩薩
殊勝行王菩薩及餘無量諸大菩薩爲衆生
故自捨身命受諸苦毒菩薩爾時語主者言

我願捨身以代彼命如此等苦可以與我如
 治彼人隨意皆作設過彼苦阿僧祇倍我亦
 當受令其解脫我若見彼將被殺害不捨身
 命救贖其苦則不名爲住菩薩心何以故我
 爲救護一切衆生發一切智菩提心故佛子
 菩薩摩訶薩自捨身命救衆生時以諸善根
 如是迴向所謂願一切衆生得無斷盡究竟
 身命永離一切裁橫逼惱願一切衆生依諸
 佛住受一切智具足十力菩提記別願一切
 衆生普救舍識令無怖畏永出惡道願一切
 衆生得一切命入於不死智慧境界願一切
 衆生永離怨敵無諸厄難常爲諸佛善友所
 攝願一切衆生捨離一切刀劍兵仗諸惡苦
 具修行種種清淨善業願一切衆生離諸怖
 畏菩提樹下摧伏魔軍願一切衆生離大衆
 怖於無上法心淨無畏能爲最上大師子吼
 願一切衆生得無障礙師子智慧於諸世間
 修行正業願一切衆生到無畏處常念救護
 諸苦衆生是爲菩薩摩訶薩自捨身命救彼
 臨刑諸獄囚時善根迴向爲令衆生離生死
 苦得於如來上妙樂故

駿馬上子峻切

牽御上苦堅切

駕馭下牛鋸切

巨麗下郎計切

芥外上府父切

翼從上與職切
下疾用切

映徹下子列切

吝惜上良月切

速得上代音

嫌恨上戶兼切

繫縛上古詣切
下符鑑切

拈同上陟列切

袞服上黃練切

填飾上徒年切

享灌上許兩切

爲竿下干音

寶繩下食陵切

庇廕上必至切
下於禁切

逾轍上準朱切
下古了切

首冠下古亂切

之冠下古九切

率獄上魯切

扭械上音世字
下胡介切

枷鎖上加音
下蘇果切

裸露上郎果切

飢羸下居夷切

酸劇上京官切
下奇遠切

獄囚下似由切

驅逼上其俱切

永訣下古穴切

高礎下知林切

屠割上同都切
下古達切

木槍下七羊切

油沃下烏聯切

豎貫下古亂切

乙巳歲高麗國大藏都監奉

勅彫造

大方廣佛華嚴經卷第二十七

于闐國三藏實叉難陀奉 翻

十迴向品第二十五之五

佛子菩薩摩訶薩布施乞者連膚頂髭如寶
髭王菩薩勝妙身菩薩及餘無量諸菩薩等
菩薩是時見乞者來心生歡喜而語之言汝
今若須連膚頂髭可就我取我此頂髭閻浮
提中最爲第一作是語時心無動亂不念餘
業捨離世間志求寂靜究竟清淨精勤質直
向一切智便執利刀割其頭上連膚頂髭右
膝著地合十指掌一心施與正念三出一切
諸佛菩薩所行發大歡喜增上志樂於諸法
中意善開解不取於苦了知苦受無相無生
諸受互起無有常住是故我應同去來今一
切菩薩修行大捨發深信樂求一切智無有
退轉不由他教善知識力菩薩摩訶薩作是
施時以諸善根如是迴向所謂願一切衆生
得無見頂成就菩薩如塔之髭願一切衆生
得紺青髮金剛髮細軟髮能滅衆生一切煩
惱願一切衆生得潤澤髮密緻髮不侵鬚額
髮願一切衆生得柔軟髮盡於鬚額而生髮
願一切衆生得如卐字髮螺文右旋髮願一
切衆生得佛相髮永離一切煩惱結習願一
切衆生得光明髮其光普照十方世界願一

切衆生得無亂髮如如來髮淨妙無雜願一
切衆生得成應供頂塔之髮令其見者如見
佛髮願一切衆生皆得如來無染著髮永離
一切闇翳塵垢是爲菩薩摩訶薩施連膚髻
時善根迴向爲令衆生其心寂靜皆得圓滿
諸陀羅尼究竟如來一切種智七種力故佛
子菩薩摩訶薩以眼布施諸來乞者如歡喜
行菩薩月光王菩薩及餘無量諸菩薩等所
行惠施菩薩摩訶薩布施眼時起清淨施眼
心起清淨智眼心起依止法光明心起現觀
無上佛道心發迴向廣大智慧心發與三世
菩薩平等捨施心發於無礙眼起不壞淨信
心於其乞者起歡喜攝受心爲究竟一切神
通故爲生佛眼故爲增廣大菩提心故爲修
習大慈悲故爲制伏六根故於如是法而生
其心佛子菩薩摩訶薩布施眼時於其乞者
心生愛樂爲設施會增長法力捨離世間愛
見放逸除斷欲縛修習菩提隨彼所求心安
不動不違其意皆令滿足而常隨順無二捨
行以此善根如是迴向所謂願一切衆生得
最勝眼示導一切願一切衆生得無礙眼開
廣智藏願一切衆生得淨肉眼光明鑒徹無
能蔽者願一切衆生得淨天眼悉見衆生生
死業果願一切衆生得淨法眼能隨順入如

來境界願一切衆生得智慧眼捨離一切分別取著願一切衆生具足佛眼悉能覺悟一切諸法願一切衆生成就普眼盡諸境界無所障礙願一切衆生成就清淨離礙瞽眼了衆生界空無所有願一切衆生具足清淨無障礙眼皆得究竟如來十力是爲菩薩摩訶薩布施眼時善根迴向爲令衆生得一切智清淨眼故佛子菩薩摩訶薩能以耳鼻施諸乞者如勝行王菩薩無怨勝菩薩及餘無量諸菩薩等布施之時親附乞者專心修習諸菩薩行具佛種性生如來家念諸菩薩所修施行常勤發起諸佛菩提清淨諸根功德智慧觀察三有無一堅固願常得見諸佛菩薩隨順憶念一切佛法知身虛妄空無所有無所貪惜菩薩如是施耳鼻時心常寂靜調伏諸根免濟衆生險惡諸難生長一切智慧功德入大施海了達法義具修諸道依智慧行得法自在以不堅身易堅固身佛子菩薩摩訶薩布施耳時以諸善根如是迴向所謂願一切衆生得無礙耳普聞一切說法之音願一切衆生得無障耳悉能解了一切音聲願一切衆生得如來耳一切聰達無所壅滯願一切衆生得清淨耳不因耳處生分別心願一切衆生得無聾瞶耳令蒙昧識畢竟不生

願一切衆生得徧法界可悉知一切諸佛法
音願一切衆生得無礙耳開悟一切無障礙
法願一切衆生得無壞耳善知諸論無能壞
者願一切衆生得普聞耳廣大清淨爲諸耳
王願一切衆生具足天耳及以佛耳是爲菩
薩摩訶薩布施耳時善根迴向爲令衆生皆
悉獲得清淨耳故佛子菩薩摩訶薩布施鼻
時如是迴向所謂願一切衆生得隆直鼻得
隨好鼻得善相鼻得可愛樂鼻得淨妙鼻得
隨順鼻得高顯鼻得伏怨鼻得善見鼻得如
來鼻願一切衆生得離恚怒面得一切法面
得無障礙面得善見面得隨順面得清淨面
得離過失面得如來圓滿面得徧一切處面
得無量美好面是爲菩薩摩訶薩布施鼻時
善根迴向爲令衆生究竟得入諸佛法故爲
令衆生究竟攝受諸佛法故爲令衆生究竟
了知諸佛法故爲令衆生究竟住持諸佛法
故爲令衆生究竟常見諸如來故爲令衆生
皆悉證得佛法門故爲令衆生究竟成就無
能壞心故爲令衆生皆能照了諸佛正法故
爲令衆生普悉嚴淨諸佛國土故爲令衆生
皆得如來大威力身故是爲菩薩摩訶薩施
耳鼻時善根迴向佛子菩薩摩訶薩安住堅
固自在在地中能以牙齒施諸衆生猶如往昔

華齒三菩薩六牙象三菩薩及餘無量諸菩
薩等菩薩摩訶薩施牙齒時其心清淨希有
難得如優曇華所謂無盡心施大信心施步
步成就無量捨心施調伏諸根心施一切悉
捨心施一切智願心施安樂衆生心施大施
極施勝施最勝施輟身要用無所嫌恨心施
菩薩爾時以諸善根如是迴向所謂願一切
衆生得鈷白牙齒成最勝塔受天人供願一
切衆生得齊平牙齒如佛相好無有踈缺願
一切衆生得調伏心善趣菩薩波羅蜜行願
一切衆生口善清淨牙齒鮮白分明顯現願
一切衆生得可憶念莊嚴牙齒其口清淨無
可惡相願一切衆生牙齒成就具滿四十常
出種種希有妙香願一切衆生意善調伏牙
齒鮮潔如白蓮華文理迴旋卽字成就願一
切衆生口脣鮮淨牙齒潔白放無量光周徧
照耀願一切衆生牙齒堅利食無完粒無所
味著爲上福田願一切衆生於牙齒間常放
光明授諸菩薩第一記別是爲菩薩摩訶薩
施牙齒時善根迴向爲令衆生具一切智於
諸法中智慧清淨故佛子菩薩摩訶薩若有
人來從乞占時於乞者所以慈悲心軟語愛
語猶如往昔端正面王菩薩不退轉菩薩及
餘無量諸菩薩等佛子菩薩摩訶薩於諸趣

中而受生時有無量百千億那由他衆生而
來乞舌菩薩爾時安置其人在師子座以無
恚心無害心無恨心大威德心從佛種性所
生心住於菩薩所住心常不濁亂心住大勢
力心於身無著心於語無著心兩膝著地開
口出舌以示乞者慈心軟語而告之言我今
此身普皆屬汝可取我舌隨意所用今汝所
願皆得滿足菩薩爾時以諸善根如是迴向
所謂願一切衆生得周普舌悉能宣示諸語
言法願一切衆生得覆面舌所言無二皆悉
真實願一切衆生得普覆一切佛國土舌示
現諸佛自在神通願一切衆生得軟薄舌恒
受美妙清淨上味願一切衆生得辯才舌能
斷一切世間疑網願一切衆生得光明舌能
放無數萬億光明願一切衆生得決定舌辯
說諸法無有窮盡願一切衆生得普調伏舌
善能開示一切祕要所有言說皆令信受願
一切衆生得普通達舌善入一切語言大海
願一切衆生得善說一切諸法門舌於言語
智悉到彼岸是爲菩薩摩訶薩布施舌時善
根迴向爲今衆生皆得圓滿無礙智故佛子
菩薩摩訶薩以頭布施諸來乞者如最勝智
菩薩及大丈夫迦尸國王等諸大菩薩所行
布施爲欲成就入一切法最勝智首爲欲成

就證大菩提救衆生首爲欲具足見一切法
最第一首爲得正見清淨智首爲欲成就無
障礙首爲欲證得第一地首爲求世間最勝
智首欲成三界無能見頂淨智慧首爲得示
現普到十方智慧王首爲欲滿足一切諸法
無能破壞自在之首佛子菩薩摩訶薩安住
是法精勤修習則爲已入諸佛種性學佛行
施於諸佛所生清淨信增長善根令諸乞者
皆得喜足其心清淨慶悅無量心淨信解照
明佛法發菩提意安住捨心諸根悅豫功德
增長生善樂欲常好修行廣大施行菩薩爾
時以諸善根如是迴向所謂願一切衆生得
如來頭得無見頂於一切處無能映蔽於諸
佛刹最爲上首其髮右旋光澤潤澤所字嚴
飾世所希有具足佛首成就智首一切世間
最第一首爲具足首爲清淨首爲坐道場圓
滿智首是爲菩薩摩訶薩布施頭時善根迴
向爲令衆生得最勝法成於無上大智慧故
佛子菩薩摩訶薩以其手足施諸衆生如常
精進菩薩無憂王菩薩及餘無量諸菩薩等
於諸趣中種種生處布施手足以信爲手起
饒益行往返周旋勤修正法願得寶手以手
爲施所行不空具菩薩道常舒其手擬將廣
惠安步遊行勇猛無怯以淨信力具精進行

除滅惡道成就菩提佛子菩薩摩訶薩如是
施時以無量無邊廣大之心開淨法門入諸
佛海成就施手周給十方願力任持一切智
道住於究竟離垢之心法身智身無斷無壞
一切魔業不能傾動依善知識堅固其心同
諸菩薩修行施度佛子菩薩摩訶薩爲諸衆
生求一切智施手足時以諸善根如是迴向
所謂願一切衆生具神通力皆得寶手得寶
手已各相尊敬生福田想以種種寶更相供
養又以衆寶供養諸佛興妙寶雲徧諸佛土
令諸衆生互起慈心不相惱害遊諸佛剎安
住無畏自然具足究竟神通又令皆得寶手
華手香手衣手蓋手華鬘手末香手莊嚴具
手無邊手無量手普手得是手已以神通力
常勤往詣一切佛土能以一手徧摩一切諸
佛世界以自在手持諸衆生得妙相手放無
量光能以一手普覆衆生成於如來手指網
縵赤銅爪相菩薩爾時以大願手普覆衆生
願一切衆生志常樂求無上菩提出生一切
功德大海見來乞者歡喜無厭入佛法海同
佛善根是爲菩薩摩訶薩施手足時善根迴
向佛子菩薩摩訶薩壞身出血布施衆生如
法業菩薩善意正善隨及餘無量諸菩薩等
於諸趣中化身血時起成就一切智心起欣

仰大菩提心起樂修菩薩行心起不取苦受
心起樂見乞者心起不嫌來乞心起趣向一
切菩薩道心起守護一切菩薩捨心起增廣
菩薩善施心起不退轉心不休息心無戀已
心以諸善根如是迴向所謂願一切衆生皆
得成就法身智身願一切衆生得無勞倦身
猶如金剛願一切衆生得不可壞身無能傷
害願一切衆生得如變化身普現世間無有
盡極願一切衆生得可愛樂身淨妙堅固願
一切衆生得法果生身同於如來無所依止
願一切衆生得如妙寶光明之身一切世人
無能耽蔽願一切衆生得智藏身於不死界
而得自在願一切衆生得寶海身見皆獲益
無空過者願一切衆生得虛空身世間惱患
無能染著是爲菩薩摩訶薩施身血時以大
乘心清淨心廣大心欣悅心慶幸心歡喜心
增上心安樂心無濁心善根迴向佛子菩薩
摩訶薩見有乞求其身髓肉歡喜輒語謂乞
者言我身髓肉隨意取用如饒益菩薩一切
施王菩薩及餘無量諸菩薩等於諸趣中種
種生處以其髓肉施乞者時歡喜廣大施心
增長同諸菩薩修習善根離世塵垢得深志
樂以身普施心無有盡具足無量廣大善根
攝受一切妙功德寶如菩薩法受行無厭心

常愛樂布施功德一切周給心無有悔審觀
諸法從緣無體不貪施業及業果報隨所會
遇平等施與佛子菩薩摩訶薩如是施時一
切諸佛皆悉現前想之如父得護念故一切
衆生皆悉現前普令安住清淨法故一切世
界皆悉現前嚴淨一切佛國土故一切衆生
皆悉現前以大悲心普救護故一切佛道皆
悉現前樂觀如來十種力故去來現在一切
菩薩皆悉現前同共圓滿諸善根故一切無
畏皆悉現前能作最上師子吼故一切三世
皆悉現前得平等智普觀察故一切世間皆
悉現前發廣大願盡未來劫修菩提故一切
菩薩無疲厭行皆悉現前發無數量廣大心
故佛子菩薩摩訶薩施髓肉時以此善根如
是迴向所謂願一切衆生得金剛身不可沮
壞願一切衆生得堅密身恒無缺減願一切
衆生得意生身猶如佛身莊嚴清淨願一切
衆生得百福相身三十二相而自在莊嚴願一
切衆生得八十種好妙莊嚴身具足十力不
可斷壞願一切衆生得如來身究竟清淨不
可限量願一切衆生得堅固身一切魔怨所
不能壞願一切衆生得一相身與三世佛同
一身相願一切衆生得無礙身以淨法身徧
虛空界願一切衆生得菩提藏身普能容納

一切世間是爲菩薩摩訶薩求一切智施隨
肉時善根迴向爲今衆生皆得如來究竟清
淨無量身故佛子菩薩摩訶薩以心布施諸
來乞者如無悔厭菩薩無礙王菩薩及餘無
量諸大菩薩以其自心施乞者時學自在施
心修一切施心習行檀波羅蜜心成就檀波
羅蜜心學一切菩薩布施心一切悉捨無盡
心一切悉施慣習心荷負一切菩薩施行心
正念一切諸佛現前心供養一切諸來乞者
無斷絕心菩薩摩訶薩如是施時其心清淨
爲度一切諸衆生故爲得十力菩提處故爲
依大願而修行故爲欲安住菩薩道故爲欲
成就一切智故爲不捨離本誓願故以諸善
根如是迴向所謂願一切衆生得金剛藏心
一切金剛圍山等所不能壞願一切衆生得
所相莊嚴金剛界心得無能動搖心得不可
恐怖心得利益世間常無盡心得大勇猛幢
智慧藏心得如那羅延堅固幢心得如衆生
海不可盡心得那羅延藏無能壞心得滅諸
魔業魔軍衆心得無所畏心得大威德心得
常精進心得大勇猛心得不驚懼心得被金
剛甲冑心得諸菩薩最上得成就佛法菩
提光明心得菩提樹下坐安住一切諸佛正
法離諸迷惑成一切智心得成就十力心是

爲菩薩摩訶薩布施心時善根迴向爲令衆
 生不染世間具足如來十力心故佛子菩薩
 摩訶薩若有乞求腸腎肝肺悉皆施與如善
 施告薩降魔自在王菩薩及餘無量諸大菩
 薩行此施時見乞者來其心歡喜以愛眼觀
 爲求菩提隨其所須悉皆施與心中不悔觀
 察此身無有堅固我應施彼取堅固身復念
 此身尋即敗壞見者生厭狐狼餓狗之所敗
 食此身無常會當棄捨爲他所食無所覺知
 佛子菩薩摩訶薩作是觀時知身無常穢汙
 之極於法解悟生大歡喜敬心諦視彼來乞
 者如善知識而來護想隨所乞求無不惠施
 以不堅身易堅固身佛子菩薩摩訶薩如是
 施時所有善根悉以迴向願一切衆生得智
 藏身內外清淨願一切衆生得福藏身能普
 任持一切智願願一切衆生得上妙身內蘊
 妙香外發光明願一切衆生得腹不現身上
 一端直肢節相稱願一切衆生得智慧身以
 佛法味充悅滋長願一切衆生得無盡身修
 習安住甚深法性願一切衆生得陀羅尼清
 淨藏身以妙辯才顯示諸法願一切衆生得
 清淨身若身若心內外俱淨願一切衆生得
 如來智深觀行身智慧充滿雨大法雨願一
 切衆生得內寂身外爲衆生作智幢王放大

光明普照一切是爲菩薩摩訶薩施腸腎肝
肺善根迴向爲令衆生內外清淨皆得安住
無礙智故佛子菩薩摩訶薩布施乞者肢節
諸骨如法藏菩薩光明王菩薩及餘無量諸
大菩薩施其身分肢節骨時見乞者來生愛
樂心歡喜心淨信心安樂心勇猛心慈心無
礙心清淨心隨所乞求皆施與心菩薩摩訶
薩施身骨時以諸善根如是迴向所謂願一
切衆生得如化身不復更受骨肉血身願一
切衆生得金剛身不可破壞無能勝者願一
切衆生得一切智圓滿法身於無縛無著無
繫界生願一切衆生得智力身諸根圓滿不
斷不壞願一切衆生得法力身智力自在到
於彼岸願一切衆生得堅固身其身真實常
無散壞願一切衆生得隨應身教化調伏一
切衆生願一切衆生得智熏身具那羅延肢
節大力願一切衆生得堅固相續不斷絕身
永離一切疲極勞倦願一切衆生得大力安
住身悉能具足精進大力願一切衆生得徧
世間平等法身住於無量最上智處願一切
衆生得福德力身見者蒙益遠離衆惡願一
切衆生得無依處身皆得具足無依著智願
一切衆生得佛攝受自常爲一切諸佛加護
願一切衆生得普饒益諸衆生身悉能徧入

一切諸道願一切衆生得普現身普能照現
一切佛法願一切衆生得具足精進身專念
勤修大乘智行願一切衆生得離我慢貢高
清淨身智常安住無所動亂願一切衆生得
堅固行身成就大乘一切智業願一切衆生
得佛家身永離世間一切生死是爲菩薩摩
訶薩施身骨時善根迴向爲令衆生得一切
智永清淨故佛子菩薩摩訶薩見有人來手
執利刀乞其身皮心生歡喜諸根悅豫譬如
有人惠以重恩逢迎引納敷座令坐曲躬恭
敬而作是念此來乞者甚爲難過斯欲滿我
一切智願故來求索饒益於我歡喜和顏而
語之言我今此身一切皆捨所須皮者隨意
取用猶如往昔清淨藏菩薩金脅鹿王菩薩
及餘無量諸大菩薩等無有異菩薩爾時以
諸善根如是迴向所謂願一切衆生得微細
皮猶如如來色相清淨見者無厭願一切衆
生得不壞皮猶如金剛無能壞者願一切衆
生得金色皮如閻浮檀上妙真金清淨明潔
願一切衆生得無量色皮隨其心樂現清淨
色願一切衆生得淨妙色皮具足沙門善軟
清淨如來色相願一切衆生得第一色皮自
性清淨色相無比願一切衆生成就如來清
淨色皮以諸相好而自莊嚴願一切衆生得

妙色皮放大光明普照一切願一切衆生得
明網皮如卅高幢放不可說圓滿光明願一
切衆生得潤澤色皮一切色相悉皆清淨是
爲菩薩摩訶薩施身皮時善根迴向爲令衆
生皆得一切嚴淨佛剎具足如來大功德故
佛子菩薩摩訶薩以手足指施諸乞者如堅
精進菩薩閻浮提自在王菩薩及餘無量諸
大菩薩菩薩爾時顏貌和悅其心安善無有
顛倒乘於大乘不求美欲不尚名聞但發菩
薩廣大之意速離慳嫉一切諸垢專向如來
無上妙法佛子菩薩摩訶薩如是施時攝諸
善根悉以迴向願一切衆生得纖長指與佛
無異願一切衆生得臍圓指上下相稱願一
切衆生得赤銅甲指其甲隆起清淨鑒徹願
一切衆生得一切智勝丈夫指悉能攝持一
切諸法願一切衆生得隨好指具足十力願
一切衆生得大人指纖臍齊等願一切衆生
得輪相指指節圓滿文相右旋願一切衆生
得如蓮華卅字旋指十力業報相好莊嚴願
一切衆生得光藏指放大光明照不可說諸
佛世界願一切衆生得善安布指善巧分布
網縵具足是爲菩薩摩訶薩布施指時善根
迴向爲令衆生一切皆得心清淨故佛子菩
薩摩訶薩請求法時若有人言汝能施我連

肉爪甲當與汝法菩薩答言但與我法連肉爪甲隨意取用如求法自在王菩薩無盡菩薩及餘無量諸大菩薩爲求法故欲以正法開示演說饒益衆生一切皆令得滿足故捨連肉爪甲與諸乞者菩薩爾時以此善根如是迴向所謂願一切衆生皆得諸佛赤銅相爪願一切衆生得潤澤爪隨好莊嚴願一切衆生得光淨爪鑒徹第一願一切衆生得一切智爪具大人相願一切衆生得無比爪於諸世間無所染著願一切衆生得妙莊嚴爪光明普照一切世間願一切衆生得不壞爪清淨無缺願一切衆生得入一切佛法方便相爪廣大智慧皆悉清淨願一切衆生得善生爪菩薩業果無不淨妙願一切衆生得一切智大導師爪放無量色妙光明藏是爲菩薩摩訶薩爲求法故施連肉爪甲時善根迴向爲令衆生具足諸佛一切智爪無礙力故佛子菩薩摩訶薩求佛法藏恭敬尊重生難得想有能說者來語之言若能投身七仞火坑當施汝法菩薩聞已歡喜踊躍作是思惟我爲法故尚應久住阿鼻獄等一切惡趣受無量苦何況纔入人間火坑即得聞法奇哉正法甚爲易得不受地獄無量楚毒但入火坑即便得聞但爲我說我入火坑如求善法

王菩薩金剛思惟菩薩爲求法故入火坑中
 菩薩爾時以此善根如是迴向所謂願一切
 衆生住佛所住一切智法永不退轉無上菩
 提願一切衆生離諸險難受佛安樂願一切
 衆生得無畏心離諸恐怖願一切衆生常樂
 求法具足喜樂衆法莊嚴願一切衆生離諸
 惡趣滅除一切三毒熾火願一切衆生常得
 安樂具足如來勝妙樂事願一切衆生得菩
 薩心永離一切貪恚癡火願一切衆生悉得
 菩薩諸三昧樂普見諸佛心大歡喜願一切
 衆生善說正法於法究竟常無忘失願一切
 衆生具足菩薩神通妙樂究竟安住一切種
 智是爲菩薩摩訶薩爲求正法投火坑時善
 根迴向爲令衆生離障礙業皆得具足智慧
 火故佛子菩薩摩訶薩爲求正法分別演說
 開菩薩道示菩提路趣無上智勤修十力廣
 一切智心獲無礙智法令衆生清淨住菩薩
 境界勤修大智護佛菩提時以身具受無量
 苦惱如求善法菩薩勇猛王菩薩及餘無量
 諸大菩薩爲求法故受無量苦乃至攝取誹
 謗正法惡業所覆魔業所持極大惡人彼所
 應受一切苦惱以求法故悉皆爲受以此善
 根如是迴向所謂願一切衆生永離一切苦
 惱逼迫成就安樂自在神通願一切衆生永

離諸苦得一切樂願一切衆生永滅苦蘊得
照現身恒受安樂願一切衆生超出苦獄成
就智行願一切衆生見安隱道離諸惡趣願
一切衆生得法喜樂永斷衆苦願一切衆生
永拔衆苦互相慈愛無損害心願一切衆生
得諸佛樂離生死苦願一切衆生成就清淨
無比安樂一切苦惱無能損害願一切衆生
得一切勝樂究竟具足佛無礙樂是爲菩薩
摩訶薩爲求法故受衆苦時善根迴向爲欲
救護一切衆生令離險難住一切智無所障
礙解脫處故佛子菩薩摩訶薩處於王位求
正法時乃至但爲一文一字一句一義生難
得想能悉罄捨海內所有若近若遠國土城
邑人民庫藏園池屋宅樹林華果乃至一切
珍奇妙物宮殿樓閣妻子眷屬及以王位悉
能捨之於不堅中求堅固法爲欲利益一切
衆生勤求諸佛無礙解脫究竟清淨一切智
道如大勢德菩薩勝德王菩薩及餘無量諸
大菩薩勤求正法乃至極少爲於一字五體
投地正念三世一切佛法愛樂修習永不貪
著名聞利養捨諸世間自在王位求佛自在
法王之位於世間樂心無所著以出世法長
養其心永離世間一切戲論住於諸佛無戲
論法菩薩爾時以諸善根如是迴向所謂願

一切衆生常樂惠施一切悉捨願一切衆生
能捨所有心無中悔願一切衆生常求正法
不惜身命資生之具願一切衆生悉得法利
能斷一切衆生疑惑願一切衆生得善法欲
心常喜樂諸佛正法願一切衆生爲求佛法
能捨身命及以王位大心修習無上菩提願
一切衆生尊重正法常深愛樂不惜身命願
一切衆生護持諸佛甚難得法常勤修習願
一切衆生皆得諸佛菩提光明成菩提行不
由他悟願一切衆生常能觀察一切佛法拔
除疑箭心得安隱是爲菩薩摩訶薩爲求正
法捨國城時善根迴向爲令衆生知見圓滿
常得住於安隱道故佛子菩薩摩訶薩作大
國王於法自在普行教命令除殺業闍浮提
內城邑聚落一切屠殺皆令禁斷無足二足
四足多足種種生類普施無畏無欺奪心廣
修一切菩薩諸行仁慈莅物不行侵惱發妙
寶心安隱衆生於諸佛所立深志樂常自安
住三種淨戒亦令衆生如是安住菩薩摩訶
薩令諸衆生住於五戒永斷殺業以此善根
如是迴向所謂願一切衆生發菩薩心具足
智慧永保壽命無有終盡願一切衆生住無
量劫供一切佛恭敬勤修更增壽命願一切
衆生具足修行離老死法一切裁毒不害且

命願一切衆生具足成就無病惱身壽命自在能隨意住願一切衆生得無盡命窮未來劫住菩薩行教化調伏一切衆生願一切衆生爲壽命門十力善根於中增長願一切衆生善根具足得無盡命成滿大願願一切衆生悉見諸佛供養承事住無盡壽修集善根願一切衆生於如來處善學所學得聖法喜無盡壽命願一切衆生得不老不病常住命根勇猛精進入佛智慧是爲菩薩摩訶薩住三聚淨戒永斷殺業善根迴向爲令衆生得佛十力圓滿智故佛子菩薩摩訶薩見有衆生心懷殘忍損諸人畜所有男形令身缺減受諸楚毒見是事已起大慈悲而哀救之令閻浮提一切人民皆捨此業菩薩爾時語其人言汝何所爲作是惡業我有庫藏百千萬億一切樂具悉皆充滿隨汝所須盡當相給汝之所作衆罪由生我今勸汝莫作是事汝所作業不如道理設有所獲於何可用損他益己終無是處如此惡行諸不善法一切如來所不偁歎作是語已即以所有一切樂具盡皆施與復以善語爲說妙法令其歡悅所謂示寂靜法令其信受滅除不善修行淨業互起慈心不相損害彼人聞已永捨罪惡善薩爾時以此善根如是迴向所謂願一切衆

生具丈夫形成就如來馬陰藏相願一切衆
生具男子形發勇猛心修諸梵行願一切衆
生具勇猛力恒爲主導住無礙智永不退轉
願一切衆生皆得具足大丈夫身永離欲心
無所染著願一切衆生悉得成就善男子法
智慧增長諸佛所歎願一切衆生普得具於
大人之力常能修習十力善根願一切衆生
永不失壞男子之形常修福智未曾有法願
一切衆生於五欲中無著無縛心得解脫厭
離三有住菩薩行願一切衆生成就第一智
慧丈夫一切宗信伏從其化願一切衆生具
足菩薩丈夫智慧不久當成無上大雄是爲
菩薩摩訶薩禁絕一切毀敗男形善根迴向
爲令衆生具丈夫形皆能守護諸善丈夫生
賢聖家智慧具足常勤修習丈夫勝行有丈
夫用巧能顯示七丈夫道具足諸佛善丈夫
種丈夫正教丈夫勇猛丈夫精進丈夫智慧
丈夫清淨普令衆生究竟皆得

大方廣佛華嚴經卷第二十七

連膚下用無切

密緻下直利切

贖額上爲可切
下五陌切

閤擊下於計切

壅滯上於隴切

驚贖上盧紅切
下平怪切

輟身上步劣切

銛白上息廉切

完粒上端官切
下完官切

仇豫下羊茹切

擬將上魚紀切

狐狼上胡音

金脅下虛兼切

纖臍上息廉切

七例下而農切

鑿捨上苛定切

欺奪上去其切

莅物上利音

乙巳歲高麗國大藏都監

勅彫造

大方廣佛華嚴經卷第二十八

平

十闍國三藏實叉難陀奉制譯

十迴向品第二十五之六

佛子菩薩摩訶薩若見如來出興於世開演正法以大音聲普告一切如來出世如來出世令諸衆生得聞佛名捨離一切我慢戲論復更勸導令速見佛令憶念佛令歸向佛令攀緣佛令觀察佛令讚歎佛復為廣說佛難值遇千萬億劫時乃一出衆生由此得見於佛生清淨信踴躍歡喜尊重供養復於佛所聞諸佛名轉更值遇無數諸佛植諸善本修習增長爾時無數百千萬億那由他衆生因見佛故皆得清淨究竟調伏彼諸衆生於菩薩所皆生最上善知識想因菩薩故成就佛法以無數劫所種善根普於世間施作佛事佛子菩薩摩訶薩開示衆生令見佛時以諸善根如是迴向所謂願一切衆生不待勸誘自往見佛承事供養皆令歡喜願一切衆生常樂見佛心無廢捨願一切衆生常勤修習廣大智慧受持一切諸佛法藏願一切衆生隨所聞聲皆悟佛法於無量劫修菩薩行願一切衆生安住正念恒以智眼見佛出興願一切衆生不念異業常憶見佛勤修十力願一切衆生於一切處常見諸佛了達如來徧

虛空界願一切衆生皆得具足佛自在身普
於十方成道說法願一切衆生遇善知識常
聞佛法於諸如來得不壞信願一切衆生悉
能稱歎諸佛出興令其見者普得清淨是爲
菩薩摩訶薩歎佛出世善根迴向爲令衆生
見一切佛供養承事於無上法究竟清淨故
佛子菩薩摩訶薩捨於大地或施諸佛造立
精舍或施菩薩及善知識隨意所用或施衆
僧以爲住處或施父母或施別人聲聞獨覺
種種福田乃至一切貧窮孤露及餘四衆隨
意悉與令無所乏或施造立如來塔廟於如
是等諸處之中悉爲辨具資生什物令隨意
用無所恐懼菩薩摩訶薩隨何方所布施地
時以諸善根如是迴向所謂願一切衆生具
足清淨一切智地悉到普賢衆行彼岸願一
切衆生得摠持地正念受持一切佛法願一
切衆生得住持力常能守護一切佛教願一
切衆生得如地心於諸衆生意常清淨無有
惡念願一切衆生持諸佛種成就菩薩諸地
次第無有斷絕願一切衆生普爲一切作安
隱處悉令調伏住清淨道願一切衆生同諸
如來利益世間普使勤修安住佛力願一切
衆生普爲世間之所愛樂悉令安住無上佛
樂願一切衆生獲善方便住佛諸力無畏法

中願一切衆生得如地智自在修行一切佛法是爲菩薩摩訶薩施大地時善根迴向爲令衆生皆得究竟一切如來清淨地故佛子菩薩摩訶薩布施僮僕供養一切諸佛菩薩眞善知識或施僧寶或奉父母尊勝福田或復給施病苦衆生令無闕乏以存其命或復施與貧窮孤露及餘一切無瞻侍者或爲守護如來塔廟或爲書持諸佛正法以百千億那由他僕使隨時給施其諸僕使皆聰慧善巧性自調順常勤精進無有懈惰具質直心安樂心利益心仁慈心恭敬心無怨恨心無讎敵心能隨受者方俗所宜於彼彼中作諸利益又皆從菩薩淨業所感才能技藝工巧算數靡不通達善能供侍悅可其心菩薩爾時以諸善根如是迴向所謂願一切衆生得調順心一切佛所修習善根願一切衆生隨順供養一切諸佛於佛所說悉能聽受願一切衆生得佛攝受常觀如來更無餘念願一切衆生不壞佛種勤修一切順佛善根願一切衆生常勤供養一切諸佛無空過時願一切衆生攝持一切諸佛妙義言辭清淨遊行無畏願一切衆生常樂見佛心無厭足於諸佛所不惜身命願一切衆生得見諸佛心無染著離世所依願一切衆生但歸於佛永離

一切邪歸依處願一切衆生隨順佛道心常
樂觀無上佛法是爲菩薩摩訶薩施僕使時
善根迴向爲令衆生遠離塵垢淨治佛地能
現如來自在身故佛子菩薩摩訶薩以身布
施諸來乞者布施之時生謙下心生如地心
生忍受衆苦無變動心生給侍衆生不疲厭
心生於諸衆生猶如慈母所有衆善悉迴與
心生於諸愚險極惡衆生種種侵陵皆寬宥
心安住善根精勤給事菩薩爾時悉以善根
如是迴向所謂願一切衆生隨其所須常無
闕乏修菩薩行恒不間斷不捨一切菩薩義
利善住菩薩所行之道了達菩薩平等法性
得在如來種族之數住真實語持菩薩行令
諸世間得淨佛法深心信解證法究竟令諸
衆生出生清淨增上善根住大功德具一切
智又以此善根令一切衆生常得供養一切
諸佛解一切法受持讀誦不忘不失不壞不
散心善調伏不調令調以寂靜法而調習之
令彼衆生於諸佛所住如是事又以此善根
令一切衆生作第一塔應受世間種種供養
令一切衆生成最上福田得佛智慧開悟一
切令一切衆生作最上受者普能饒益一切
衆生令一切衆生成最上福利能使具足一
切善根令一切衆生成第一好施處能使獲

得無量福報令一切衆生於三界中皆得出
離令一切衆生作第一導師能爲世間示如
實道令一切衆生得妙摠持具持一切諸佛
正法令一切衆生證得無量第一法界具足
虛空無礙正道是爲菩薩摩訶薩施自己身
善根迴向爲令衆生皆得應供無量智身故
佛子菩薩摩訶薩聞法喜悅生淨信心能以
其身供養諸佛欣樂信解無上法寶於諸佛
所生父母想讀誦受持無礙道法普入無數
那由他法大智慧寶諸善根門心常憶念無
量諸佛入佛境界深達義理能以如來微密
梵音興佛法雲雨佛法雨勇猛自在能分別
說一切智人第一之地具足成就薩婆若乘
以無量百千億那由他大法成滿諸根佛子
菩薩摩訶薩於諸佛所聞如是法歡喜無量
安住正法自斷疑惑亦令他斷心恒怡暢功
德成滿善根具足意恒相續利益衆生心常
不匱獲最勝智成金剛藏親近諸佛淨諸佛
刹常勤供養一切如來菩薩爾時以諸善根
如是迴向所謂願一切衆生皆得圓滿最勝
之身一切諸佛之所攝受願一切衆生常近
諸佛依諸佛住恒得觀仰未曾遠離願一切
衆生皆得清淨不壞之身具足一切功德智
慧願一切衆生常勤供養一切諸佛行無所

得究竟梵行願一切衆生得無我身離我我
所願一切衆生悉能分身徧十方剎猶如影
現而無來往願一切衆生得自在身普徃十
方無我無受願一切衆生從佛身生處在如
來無上身家願一切衆生得法力身忍辱大
力無能壞者願一切衆生得無比身成就如
來清淨法身願一切衆生成就出世功德之
身生無所得清淨法界是爲菩薩摩訶薩以
身供佛善根迴向爲令衆生永住三世諸佛
家故佛子菩薩摩訶薩以身布施一切衆生
爲欲普令成就善根憶念善根菩薩摩訶薩
自願其身爲大明燈普能照耀一切衆生爲
衆樂具普能攝受一切衆生爲妙法藏普能
任持一切衆生爲淨光明普能開曉一切衆
生爲世光影普令衆生常得觀見爲善根因
緣普令衆生常得值遇爲真善知識令一切
衆生悉蒙教誘爲平坦道令一切衆生皆得
履踐爲無有上具足安樂令一切衆生離苦
清淨爲明淨日普作世間平等利益菩薩爾
時以諸善根如是迴向所謂願一切衆生常
親近佛入佛智地願一切衆生得隨順智住
無上覺願一切衆生常處佛會意善調伏願
一切衆生所行有則具佛威儀願一切衆生
悉得涅槃深解法義願一切衆生具知足行

生如來家願一切衆生捨無明欲住佛志樂
願一切衆生生勝善根坐菩提樹願一切衆
生殺煩惱賊離怨害心願一切衆生具足護
持一切佛法是爲菩薩摩訶薩以身布施一
切衆生善根迴向爲欲利益一切衆生令得
無上安隱處故佛子菩薩摩訶薩自以其身
給侍諸佛於諸佛所念報重恩如父母想於
諸如來起深信樂以清淨心護佛菩提住諸
佛法離世間想生如來家隨順諸佛離魔境
界了達一切諸佛所行成就一切諸佛法器
菩薩爾時以此善根如是迴向所謂願一切
衆生得清淨心一切智實而自莊嚴願一切
衆生住善調伏遠離一切諸不善業願一切
衆生得不可壞堅固眷屬普能攝受諸佛正
法願一切衆生爲佛弟子到於菩薩灌頂之
地願一切衆生常爲諸佛之所攝受永離一
切不善之法願一切衆生隨順諸佛修行菩
薩最勝之法願一切衆生入佛境界悉皆得
授一切智記願一切衆生與諸如來皆悉平
等一切佛法無不自在願一切衆生悉爲諸
佛之所攝受常能修行無取著業願一切衆
生常爲諸佛第一侍者一切佛所修智慧行
是爲菩薩摩訶薩給侍諸佛善根迴向爲欲
證得諸佛菩提爲欲救護一切衆生爲欲出

離一切三界為欲成就無損惱心為得無量
廣大菩提為欲成就照佛法智為欲常蒙諸
佛攝受為得諸佛之所護持為欲信解一切
佛法為欲成就與三世佛平等善根為欲圓
滿無悔恨心證得一切諸佛法故佛子菩薩
摩訶薩布施國土一切諸物乃至王位悉亦
能捨於諸世事心得自在無繫無縛無所戀
著遠離惡業饒益衆生不著業果不樂世法
不復貪染諸有生處雖住世間非此處生心
不執著蘊界處法於內外法心無依住常不
忘失諸菩薩行未曾遠離諸善知識持諸菩
薩廣大行願常樂承事一切善友菩薩爾時
以此善根如是迴向所謂願一切衆生為大
法王於法自在到於彼岸願一切衆生成佛
法王摧滅一切煩惱怨賊願一切衆生住佛
王位得如來智開演佛法願一切衆生住佛
境界能轉無上自在法輪願一切衆生生如
來家於法自在護持佛種永使不絕願一切
衆生開示無量法王正法成就無邊諸大菩
薩願一切衆生住淨法界為大法王現佛出
興相繼不斷願一切衆生於諸世界作智慧
王化導羣生無時暫捨願一切衆生普為法
界虛空界等諸世界中一切衆生作法施主
使其咸得住於大乘願一切衆生得成具足

衆善之王與三世佛善根齊等是爲菩薩摩訶薩布施王位善根迴向爲欲令彼一切衆生究竟住於安隱處故佛子菩薩摩訶薩見有人來乞王京都嚴麗大城及以關防所有輸稅盡皆施與心無吝惜專向菩提發大誓願住於大慈行於大悲志意歡悅利益衆生以廣大智解了深法安住諸佛平等法性發心爲求一切智故於自在法起深樂故於自在智求證得故淨修一切諸功德故住於堅固廣大智故廣集一切諸善根故修行一切佛法願故自然覺悟大智法故安住菩提心無退故修習一切菩薩行願一切種智盡究竟故而行布施以此善根如是迴向所謂願一切衆生悉能嚴淨無量刹土奉施諸佛以爲住處願一切衆生常樂居止阿蘭若處寂靜不動願一切衆生永不依止王都聚落心樂寂靜永得究竟願一切衆生永不樂著一切世間於世語言常樂遠離願一切衆生得離貪心施諸所有心無中悔願一切衆生得出離心捨諸家業願一切衆生得無吝心常行惠施願一切衆生得不著心離居家法願一切衆生得離衆苦除滅一切裁橫怖畏願一切衆生嚴淨十方一切世界奉施諸佛是爲菩薩摩訶薩布施王都善根迴向爲令衆

生悉能嚴淨諸佛刹故佛子菩薩摩訶薩所
 有一切內宮眷屬妓侍衆女皆顏貌端正才
 能具足談笑歌舞悉皆巧妙種種衣服種種
 華香而以嚴身見者歡喜情無厭足如是寶
 女百千萬億那由他數皆由菩薩善業所生
 隨意自在敬順無失盡以布施諸來乞者而
 於其中無愛樂心無顧戀心無耽著心無繫
 縛心無執取心無貪染心無分別心無隨逐
 爲欲令一切衆生咸得出離故迴向得佛法
 喜故迴向於不堅固中而得堅固故迴向得
 金剛智不可壞心故迴向入佛道場故迴向
 到於彼岸故迴向得無上菩提心故迴向能
 以智慧了達諸法故迴向出生一切善根故
 迴向入三卍諸佛家故迴向佛子菩薩摩訶
 薩住如是法生如來家增長諸佛清淨勝因
 出生最勝一切智道深入菩薩廣大智業滅
 除一切世間垢惱常能供施功德福田爲諸
 衆生宣說妙法善巧安立令其修習諸清淨
 行常勤攝取一切善根菩薩爾時以諸善根
 如是迴向所謂願一切衆生常得無量三昧
 眷屬菩薩勝定相續不斷願一切衆生常樂
 見佛悉入諸佛莊嚴三昧願一切衆生成就
 菩薩不思議定自在遊戲無量神通願一切

衆生入如實定得不壞心願一切衆生盡獲
菩薩甚深三昧於諸禪定而得自在願一切
衆生得解脫心成就一切三昧眷屬願一切
衆生種種三昧皆得善巧悉能攝取諸三昧
相願一切衆生得勝智三昧普能學習諸三
昧門願一切衆生得無礙三昧入深禪定終
不退失願一切衆生得無著三昧心恒正受
不取二法是爲菩薩摩訶薩布施一切內宮
眷屬時善根迴向爲欲令一切衆生皆得不
壞清淨眷屬故爲欲令一切衆生皆得菩薩
眷屬故爲欲令一切衆生悉得滿足佛法故
爲欲令一切衆生滿足一切智力故爲欲令
一切衆生證於無上智慧故爲欲令一切衆
生得於隨順眷屬故爲欲令一切衆生得同
志行人共居故爲欲令一切衆生具足一切
福智故爲欲令一切衆生成就清淨善根故
爲欲令一切衆生得善和眷屬故爲欲令一
切衆生成就如來清淨法身故爲欲令一切
衆生成就次第如理辯才善說諸佛無盡法
藏故爲欲令一切衆生永捨一切世俗善根
同修出世清淨善根故爲欲令一切衆生淨
業圓滿成就一切清淨法故爲欲令一切衆
生一切佛法皆悉現前以法光明普嚴淨故
佛子菩薩摩訶薩能以所愛妻子布施猶如

往昔須達擎太子現莊嚴王菩薩及餘無量
 諸菩薩等菩薩爾時乘薩婆若心行一切施
 淨修菩薩布施之道其心清淨無有悔
 捨所珍求一切智令諸衆生淨深志樂成菩
 提行觀菩薩道念佛菩提住佛種性菩薩摩
 訶薩成辦如是布施心已決定志求如來之
 身自觀己身繼屬一切不得自在又以其身
 普攝衆生猶如寶洲給施一切未滿足者令
 其滿足菩薩如是護念衆生欲令自身作第
 一塔普使一切皆生歡喜欲於世間生平等
 心欲爲衆生作清涼池欲與衆生一切安樂
 欲爲衆生作大施主智慧自在了知菩薩所
 行之行而能如是大誓莊嚴趣一切智願成
 無上智慧福田普念衆生常隨守護而能成
 辦自身利益智慧光明普照於世常勤憶念
 菩薩施心恒樂觀察如來境界佛子菩薩摩
 訶薩以無縛無著解脫心布施妻子所集善
 根如是迴向所謂願一切衆生住佛菩提起
 變化身周徧法界轉不退輪願一切衆生得
 無著身願力周行一切佛刹願一切衆生捨
 愛憎心斷貪恚結願一切衆生爲諸佛子隨
 佛所行願一切衆生於諸佛所生自己心不
 可沮壞願一切衆生常爲佛子從法化生願
 一切衆生得究竟處成就如來自自在智慧願

一切衆生證佛菩提永離煩惱願一切衆生
 能具演說佛菩提道常樂修行無上法施願
 一切衆生得正定心不爲一切諸緣所壞願
 一切衆生坐菩提樹成最正覺開示無量從
 法化生諸善男女是爲菩薩摩訶薩布施妻
 子善根迴向爲令衆生皆悉證得無礙解脫
 無著智故佛子菩薩摩訶薩莊嚴舍宅及諸
 資具隨有乞求一切施與行布施法於家無
 著遠離一切居家覺觀厭惡家業資生之具
 不貪不味心無繫著知家易壞心恒厭捨都
 於其中無所愛樂但欲出家修菩薩行以諸
 佛法而自莊嚴一切悉捨心無中悔常爲諸
 佛之所讚歎舍宅財物隨處所有悉以惠施
 心無戀著見有乞求心生喜慶菩薩爾時以
 此善根如是迴向所謂願一切衆生捨離妻
 子成就出家第一之樂願一切衆生解脫家
 縛入於非家諸佛法中修行梵行願一切衆
 生捨離慳垢樂一切施心無退轉願一切衆
 生永離家法少欲知足無所藏積願一切衆
 生以世俗家住如來家願一切衆生得無礙
 法滅除一切障礙之道願一切衆生離家屬
 愛雖現居家心無所著願一切衆生善能化
 誘不離家法說佛智慧願一切衆生身現在
 家心常隨順佛智而住願一切衆生在居家

地住於佛地普令無量無邊衆生發歡喜心
 是爲菩薩摩訶薩布施舍宅時善根迴向爲
 令衆生成就菩薩種種行願神通智故佛子
 菩薩摩訶薩布施種種園林臺榭遊戲快樂
 莊嚴之處作是念言我當爲一切衆生作好
 園林我當爲一切衆生示現法樂我當施一
 切衆生歡喜之意我當示一切衆生無邊喜
 樂我當爲一切衆生開淨法門我當令一切
 衆生發歡喜心我當令一切衆生得佛菩提
 我當令一切衆生成滿大願我當於一切衆
 生猶如慈父我當令一切衆生智慧觀察我
 當施一切衆生資生之具我當於一切衆生
 猶如慈母生長一切善根大願佛子菩薩摩
 訶薩如是修行諸善根時於惡衆生不生疲
 厭亦不誤起棄捨之心設滿世間一切衆生
 悉不知恩菩薩於彼初無嫌恨不生一念求
 反報心但欲滅其無量苦惱於諸世間心如
 虛空無所染著普觀諸法真實之相發大誓
 願滅衆生苦永不厭捨大乘志願滅一切見
 修諸菩薩平等行願佛子菩薩摩訶薩如是
 觀察已攝諸善根悉以迴向所謂願一切衆
 生念念滋生無量善法成就無上園林之心
 願一切衆生得不動法見一切佛皆令歡喜
 願一切衆生樂法園苑得諸佛刹園苑妙樂

願一切衆生得淨妙心常見如來神足園林
願一切衆生得佛戲樂常善遊戲智慧境界
願一切衆生得遊戲樂普詣佛刹道場衆會
願一切衆生成就菩薩解脫遊戲盡未來劫
行菩薩行心無疲倦願一切衆生見一切佛
充滿法界發廣大心住佛園林願一切衆生
悉能徧往一切佛刹一一刹中供養諸佛願
一切衆生得善欲心清淨莊嚴一切佛刹是
爲菩薩摩訶薩布施一切園林臺榭善根迴
向爲令衆生見一切佛遊戲一切佛園林故
佛子菩薩摩訶薩作百千億那由他無量無
數廣大施會一切清淨諸佛印可終不損惱
於一衆生普令衆生遠離衆惡淨三業道成
就智慧開置無量百千億那由他阿僧祇清
淨境界積集無量百千億那由他阿僧祇資
生妙物發甚難得菩提之心行無限施令諸
衆生住清淨道初中後善生淨信解隨百千
億無量衆生心之所樂悉令歡喜以大慈悲
救護一切承事供養三世諸佛爲欲成就一
切佛種修行布施心無中悔增長信根成滿
勝行念念增進檀波羅蜜菩薩爾時以諸善
根如是迴向所謂願一切衆生發大乘心悉
得成就摩訶行施願一切衆生皆悉能行大
會施盡施善施最勝施無上施最無上施無

等等施超諸世間施一切諸佛所稱歎施願一切衆生作第一施主於諸惡趣免濟衆生皆令得入無礙智道修平等願如實善根得無差別證自境智願一切衆生安住寂靜諸禪定智入不死道究竟一切神通智慧勇猛精進具足諸地莊嚴佛法到於彼岸永不退轉願一切衆生設大施會終不疲厭給濟衆生無有休息究竟無上一切種智願一切衆生恒勤種植一切善根到於無量功德彼岸願一切衆生常蒙諸佛之所稱歎普爲世間作大施主功德具足充滿法界徧照十方施無上樂願一切衆生設大施會廣集善根等攝衆生到於彼岸願一切衆生成最勝施普令衆生住第一乘願一切衆生爲應時施永離非時大施究竟願一切衆生成就善施到佛丈夫大施彼岸願一切衆生究竟常行大莊嚴施盡以一切諸佛爲師悉皆親近興大供養願一切衆生住清淨施集等法界無量福德到於彼岸願一切衆生於諸世間爲大施主擔度羣品住如來地是爲菩薩摩訶薩設大施會善根迴向爲令衆生行無上施究竟佛施成就善施不可壞施供諸佛施無恙恨施救衆生施成一切智施常見諸佛施善精進施成就一切菩薩功德諸佛智慧廣大

施故佛子菩薩摩訶薩布施一切資生之物
心無貪惜不求果報於世富樂無所希望雖
妄想心善思惟法爲欲利益一切衆生審觀
一切諸法實性隨諸衆生種種不同所用所
求各各差別成辦無量資生之具所有嚴飾
悉皆妙好行無邊施行一切施盡內外施行
此施時增志樂力獲大功德成就心寶常能
守護一切衆生皆令發生殊勝志願初未曾
有求反報心所有善根等三世佛悉以圓滿
一切種智佛子菩薩摩訶薩以此布施所有
善根迴向衆生願一切衆生清淨調伏願一
切衆生滅除煩惱嚴淨一切諸佛刹土願一
切衆生以清淨心於一念中周徧法界願一
切衆生智慧充滿虛空法界願一切衆生得
一切智普入三世調伏衆生於一切時常轉
清淨不退法輪願一切衆生具一切智善能
示現神通方便饒益衆生願一切衆生悉能
悟入諸佛菩提盡未來劫於十方界常說正
法曾無休息令諸衆生普得聞知願一切衆
生於無量劫修菩薩行悉得圓滿願一切衆
生於一切世界若染若淨若小若大若塵若
細若覆若仰或一莊嚴或種種莊嚴所可演
說在卍世界數諸世界中修菩薩行靡不周徧
願一切衆生於念念中常作三世一切佛事

教化衆生向一切智佛子菩薩摩訶薩隨諸衆生一切所須以如是等阿僧祇物而爲給施爲令佛法相續不斷大悲普救一切衆生安住大慈修菩薩行於佛教誨終無違犯以巧方便修行衆善不斷一切諸佛種性隨求悉與而無患厭一切悉捨未曾中悔常勤迴向一切智道時十方國土種種形類種種趣生種種福田皆來集會至菩薩所種種求索菩薩見已普皆攝受心生歡喜如見善友大悲哀愍思滿其願捨心增長無有休息亦不疲厭隨其所求悉令滿足離貧窮苦時諸乞者心大欣慶轉更稱傳讚揚其德美聲遐布悉來歸往菩薩見已歡喜無量假使百千億那由他劫受帝釋樂無數劫受夜摩天樂無量劫受兜率陀天樂無邊劫受善變化天樂無等劫受他化自在天樂不可數劫受梵王樂不可稱劫受轉輪王王三千樂不可思劫受徧淨天樂不可說劫受淨居天樂悉不能及菩薩摩訶薩見乞者來歡喜受樂欣慶踊躍信心增長志樂清淨諸根調順信解成滿乃至增進諸佛菩提佛子菩薩摩訶薩以此善根爲欲利益一切衆生故迴向爲欲安樂一切衆生故迴向爲令一切衆生得大義故迴向爲令一切衆生悉得清淨故迴向

令一切衆生悉求菩提故迴向爲令一切衆生悉得平等故迴向爲令一切衆生悉得賢善心故迴向爲令一切衆生悉入摩訶衍故迴向爲令一切衆生悉具普賢菩薩行願滿十力乘現成正覺故迴向

佛子菩薩摩訶薩以諸善根如是迴向時身口意業皆悉解脫無著無繫無衆生想無命者想無補伽羅想無人想無童子想無生者想無作者想無受者想無有想無無想無今世後世想無死此生彼想無常想無無常想無三有想無無三有想非想非非想如是非縛迴向非縛解迴向非業迴向非業報迴向非分別迴向非無分別迴向非思迴向非思已迴向非心迴向非無心迴向佛子菩薩摩訶薩如是迴向時不著內不著外不著能緣不著所緣不著因不著果不著法不著非法不著思不著非思不著色不著色生不著色滅不著受想行識不著受想行識生不著受想行識滅不著則不縛色不縛色生不縛色滅不縛受想行識不縛受想行識生不縛受想行識滅若能於此諸法不縛則亦於諸法不解何以故無有少法若現生若已生若當生無法可

取無法可著一切諸法自相如是無有自性
自性相離非一非二非多非無量非小非大
非狹非廣非深非淺非寂靜非戲論非處非
非處非法非非法非體非非體非有非非有
菩薩如是觀察諸法則為非法於言語中隨
世建立非法為法不斷諸業道不捨菩薩行
求一切智終無退轉了知一切業緣如夢音
聲如響衆生如影諸法如幻而亦不壞因緣
業力了知諸業其用廣大解一切法皆無所
作行無作道未嘗暫廢佛子此菩薩摩訶薩
住一切智若處非處普皆迴向一切智性於
一切處皆悉迴向無有退轉以何義故說名
迴向永度世間至於彼岸故名迴向永出諸
蘊至於彼岸故名迴向度言語道至於彼岸
故名迴向離種種想至於彼岸故名迴向永
斷身見至於彼岸故名迴向永離依處至於
彼岸故名迴向永絕所作至於彼岸故名迴
向永出諸有至於彼岸故名迴向永捨諸取
至於彼岸故名迴向永出世法至於彼岸故
名迴向佛子菩薩摩訶薩如是迴向時則為
隨順佛住隨順法住隨順智住隨順菩提住
隨順義住隨順迴向住隨順境界住隨順行
住隨順真實住隨順清淨住佛子菩薩摩訶
薩如是迴向則為了達一切諸法則為承事

一切諸佛無有一佛而不承事無有一法而不供養無有一法而可滅壞無有一法而可乖違無有一物而可貪著無有一法而可厭離不見內外一切諸法有少滅壞違因緣道法力具足無有休息佛子是爲菩薩摩訶薩第六隨順堅固一切善根迴向善薩摩訶薩住此迴向時常爲諸佛之所護念堅固不退入深法性修一切智隨順法義隨順法性隨順一切堅固善根隨順一切圓滿大願具足隨順堅固之法一切金剛所不能壞於諸法中而得自在

爾時金剛幢菩薩觀察十方觀察衆會觀察法界已入於字句甚深之義修習無量廣大之心以大悲心普覆世間長去來今佛種性心入於一切諸佛功德成就諸佛自在力身觀諸衆生心之所樂隨其善根所可成熟依法性身爲現色身承佛神力而說頌言
菩薩現身作國王 於世位中最無等
福德威光勝一切 普爲羣萌興利益
其心清淨無染著 於世自在咸遵敬
弘宣正法以訓人 普使衆生獲安隱
現生貴族昇王位 常依正教轉法輪
稟性仁慈無毒虐 十方敬仰皆從化
智慧分別常明了 色相才能皆具足

臨馭率土靡不從
堅持淨戒無違犯
永願蠲除忿恚心
飲食香鬘及衣服
菩薩悉以給濟人
為利益故而行施
於尊勝處及所餘
菩薩一切皆周給
必使其心永清淨
或施於頭或施眼
皮肉骨髓及餘物
菩薩身居大王位
開口出舌施羣生
以彼施舌諸功德
普願藉此勝因緣
或施妻子及王位
其心清淨常歡喜
隨所樂求咸施與
一切所有皆能散
為聞法故施其身
復為衆生捨一切
以於佛所聞正法
為欲普救諸羣生
彼見世尊大導師

摧伏魔軍悉令盡
決志堪忍不動搖
常樂修行諸佛法
車騎牀褥座與燈
并及所餘無量種
令其開發廣大心
意皆清淨生歡喜
內外所有悉能捨
不令暫爾生狹劣
或施於手或施足
一切皆捨心無吝
種族豪貴人中尊
其心歡喜無憂戀
迴向一切諸衆生
悉得如來廣長舌
或施其身作僮僕
如是一切無憂悔
應時給濟無疲厭
諸來求者普滿足
修諸苦行求菩提
求無上智不退轉
自捨其身充給侍
發生無量歡喜心
能以慈心廣饒益

是時踊躍生歡喜
菩薩所有諸善根
普皆救護無有餘
菩薩所有諸眷屬
華鬘衣服及塗香
此諸眷屬甚希有
專求正覺度羣生
菩薩如是諦思惟
悉以迴向諸舍識
菩薩捨彼大王位
宮殿樓閣與園林
被於無量百千劫
因以教導諸羣生
無量品類各差別
菩薩見已心欣慶
如三世佛所迴向
調御人尊之所行
菩薩觀察一切法
云何爲入何所入
菩薩迴向善巧智
菩薩迴向真實義
心不分別一切業
如菩提性從緣起
不於身中而有業

聽受如來深法味
悉以迴向諸衆生
永使解脫常安樂
色相端嚴能辯慧
種種莊嚴皆具足
菩薩一切皆能施
如是之心無暫捨
備行種種廣大業
而不生於取著心
及以國土諸城邑
僮僕侍衛皆無文
處處周行而施與
悉使超昇無上岸
十方世界來華止
隨其所乏令滿足
菩薩亦修如是業
悉皆隨學到彼岸
誰爲能入此法者
如是布施心無住
菩薩迴向方便法
於其法中無所著
亦不染著於業果
入深法界無違逆
亦不依止於心住

智慧了知無業性
心不妄取過去法
不於現在有所住
菩薩已到色彼岸
超出世間生死流
諦觀五蘊十八界
於此一一求菩提
不取諸法常住相
法性非有亦非無
不於諸法有所住
十方國土三世中
若能如是觀諸法
雖求其性不可得
菩薩了法從緣有
開示解說諸業迹
是爲智者所行道
隨順思惟入正義
諸法無生亦無滅
不於此死而生彼
了達諸法真實性
知法無性無分別
法性徧在一切處
三世悉在無有餘
一切諸佛所覺了

以因緣故業不失
亦不貪著未來事
了達三世悉空寂
受想行識亦如是
其心謙下常清淨
十二種處及已身
體性畢竟不可得
於斷滅相亦不著
業理次第終無盡
不見衆生及菩提
畢竟求之無可得
則如諸佛之所解
菩薩所行亦不虛
不違一切所行道
欲使衆生悉清淨
一切如來之所說
自然覺悟成菩提
亦復無來無有去
是人解悟諸佛法
而於法性無分別
此人善入諸佛智
一切衆生及國土
亦無形相而可得
悉皆攝取無有餘

雖說三世一切法

如是等法悉非有

如諸法性徧一切

菩薩迴向亦復然

如是迴向諸眾生

常於世間無退轉

大方廣佛華嚴經卷第二十八

恐懼

上區用切
下其遇切

僮僕

上徒紅切
下蒲沃切

闕乏

上圭月切
下房法切

恭恪

下苦各切

技藝

上渠綺切
下魚祭切

侵陵

上七林切
下力膺切

寬宥

上苦官切
下于救切

怡暢

上與之切

不匱

下束仁切

履踐

上力几切
下慈演切

嚴麗

下郎計切

關防

上古還切
下扶方切

輸稅

上或朱切
下舒尚切

吝惜

上良刃切

歌舞

下文甫切

達拏

下女加切

中悔

下陟仲切

罄捨

上苦定切

臺榭

下辭夜切

嫌恨

上戶兼切

羣萌

下莫耕切

遵敬

上將倫切

貴族

下昨木切

毒虐

下魚幼切

臨馭

下語音

蠲除

上古玄切

車騎

下奇寄切

牀褥

下而蜀切

乙巳歲高麗國大藏都監奉

勅彫造

千闍國三藏實叉難陀奉

制譯

十迴向品第二十五之七

佛子云何爲菩薩摩訶薩等隨順一切衆生
迴向佛子此菩薩摩訶薩隨所積集一切善
根所謂小善根大善根廣善根多善根無量
善根種種善根微塵數善根阿僧祇善根無
邊際善根不可思善根不可量善根佛境界
善根法境界善根僧境界善根善知識境界
善根一切衆生境界善根方便善巧境界善
根修諸善心境界善根內境界善根外境界
善根無邊助道法境界善根勤修一切捨善
根立勝志究竟持淨戒善根一切捨無不受
堪忍善根常精進心無退善根以大方便入
無量三昧善根以智慧善觀察善根知一切
衆生心行差別善根集無邊功德善根勤修
習菩薩業行善根普覆育一切世間善根佛
子菩薩摩訶薩於此善根修行安住趣入攝
受積集辨具悟解心淨開示發起時得堪忍
心閉惡趣門善攝諸根威儀具足遠離顛倒
正行圓滿堪爲一切諸佛法器能作衆生福
德良田爲佛所念長佛善根住諸佛願行諸
佛業心得自在等三世佛趣佛道場入如來
力具佛色相超諸世間不樂生天不貪富樂

不著諸行一切善根悉以迴向爲諸衆生功德之藏住究竟道普覆一切於虛妄道中拔出衆生令其安住一切善法徧諸境界無斷無盡開一切智菩提之門建立智幢嚴淨大道普能示現一切世間令除垢染心善調伏生如來家淨佛種性功德具足作大福田爲世所依安立衆生成令清淨常勤修習一切善根佛子菩薩摩訶薩以淨志願菩提心力修諸善根時作是念言此諸善根是菩提心之所積集是菩提心之所思惟是菩提心之所發起是菩提心之所志樂是菩提心之所增益皆爲憐愍一切衆生皆爲趣求一切檀智皆爲成就如來十力作是念時善根增進永不退轉佛子菩薩摩訶薩復作是念願我以此善根果報盡未來劫修菩薩行悉以惠施一切衆生悉以迴向一切衆生普徧無餘願令阿僧祇世界珍寶充滿阿僧祇世界衣服充滿阿僧祇世界妙香充滿阿僧祇世界莊嚴具充滿阿僧祇世界無量摩尼寶充滿阿僧祇世界妙華充滿阿僧祇世界上味充滿阿僧祇世界財貨充滿阿僧祇世界牀座充滿蓋以寶帳敷以妙衣阿僧祇世界種種莊嚴寶冠充滿假使一人盡未來劫常來求索以此等物而惠施之未曾厭倦而有休息

如於一人於一切眾生悉亦如是佛子菩薩摩訶薩如是施時無虛僞心無希望心無名譽心無中悔心無熱惱心但發專求一切智道心一切悉捨心哀愍眾生心教化成熟心皆令安住一切智智心佛子菩薩摩訶薩以諸善根如是迴向盡未來劫常行惠施佛子菩薩摩訶薩復作是念我爲一眾生故欲令阿僧祇世界寶象充滿七支具足性極調順上立金幢金網彌覆種種妙寶而爲莊嚴以用布施願令阿僧祇世界寶馬充滿如龍馬王種種眾寶莊嚴之具而嚴飾之持用布施願令阿僧祇世界妓女充滿悉能敷奏種種妙音持用布施願令阿僧祇世界男女充滿持用布施願令阿僧祇世界已身充滿發菩提心而用布施願令阿僧祇世界已頭充滿起不放逸心而用布施願令阿僧祇世界已眼充滿而用布施願令阿僧祇世界已身血肉及以骨髓充滿其中心無顧戀持用布施願令阿僧祇世界自在王位充滿其中持用布施願令阿僧祇世界奴僕作使充滿其中持用布施菩薩摩訶薩以如是等種種諸物盡未來劫安住廣大一切施心施一眾生如一眾生盡眾生界一切眾生皆如是施佛子菩薩摩訶薩於一世界盡未來劫修菩薩行

以是等物施一衆生如是給施一切衆生皆令滿足如於一世界於盡虛空徧法界一切世界中悉亦如是大悲普覆終無間息普加哀愍隨其所須供給供養不令施行遇緣而息乃至不於一彈指頃生疲倦心佛子菩薩摩訶薩如是施時生於此心所謂無著心無縛心解脫心大力心甚深心善攝心無執心無壽者心善調伏心不散亂心不妄計心具種種寶性心不求果報心了達一切法心住大迴向心善決諸義心令一切衆生住無上智心生大法光明心入一切智智心佛子菩薩摩訶薩以所集善根於念念中如是迴向所謂願一切衆生財寶豐足無所乏少願一切衆生成就無盡大功德藏願一切衆生具足一切安隱快樂願一切衆生增長菩薩摩訶薩業願一切衆生成滿無量第一勝法願一切衆生得不退轉一切智乘願一切衆生普見十方一切諸佛願一切衆生永離世間諸惑塵垢願一切衆生皆得清淨平等之心願一切衆生離諸難處得一切智佛子菩薩摩訶薩如是迴向時發歡喜心爲令一切衆生得利益安樂故爲令一切衆生得平等心故爲令一切衆生住能捨心故爲令一切衆生住一切施心故爲令一切衆生

住歡喜施心故爲令一切衆生住永離貧窮
施心故爲令一切衆生住一切財寶施心故
爲令一切衆生住無數財寶施心故爲令一
切衆生住普施無量施一切施心故爲令一
切衆生住盡未來劫無斷施心故爲令一切
衆生住一切悉捨無悔無惱施心故爲令一
切衆生住悉捨一切資生之物施心故爲令
一切衆生住隨順施心故爲令一切衆生住
攝取施心故爲令一切衆生住廣大施心故
爲令一切衆生住捨無量莊嚴具供養施心
故爲令一切衆生住無著施心故爲令一切
衆生住平等施心故爲令一切衆生住如金
剛極大力施心故爲令一切衆生住如日光
明施心故爲令一切衆生住攝如來智施心
故爲令一切衆生善根眷屬具足故爲令一
切衆生善根智慧常現在前故爲令一切衆
生得不可壞淨心圓滿故爲令一切衆生成
就最勝清淨善根故爲令一切衆生於煩惱
睡眠中得覺悟故爲令一切衆生滅除一切
諸疑惑故爲令一切衆生得平等智慧淨功
德故爲令一切衆生功德圓滿無能壞者故
爲令一切衆生具足清淨不動三昧故爲令
一切衆生住不可壞一切智智故爲令一切
衆生成滿菩薩無量清淨神通行故爲令一

切衆生修集無著善根故爲令一切衆生念
 去來今一切諸佛心清淨故爲令一切衆生
 出生清淨勝善根故爲令一切衆生滅除一
 切魔所作業障道法故爲令一切衆生具足
 無礙清淨平等功德法故爲令一切衆生以
 廣大心常念諸佛無懈廢故爲令一切衆生
 常近諸佛勤供養故爲令一切衆生廣開一
 切諸善根門普能圓滿白淨法故爲令一切
 衆生無量心廣大心最勝心悉清淨故爲令
 一切衆生成就清淨等施心故爲令一切衆
 生奉持諸佛尸波羅蜜等清淨故爲令一切
 衆生得大堪忍波羅蜜故爲令一切衆生住
 精進波羅蜜常無懈故爲令一切衆生住無
 量定能起種種神通智故爲令一切衆生得
 知一切法無體性般若波羅蜜故爲令一切
 衆生圓滿無邊淨法界故爲令一切衆生成
 滿一切神通清淨善根故爲令一切衆生住
 平等行積集善法悉圓滿故爲令一切衆生
 善入一切諸佛境界悉周徧故爲令一切衆
 生身口意業普清淨故爲令一切衆生善業
 果報普清淨故爲令一切衆生了達諸法普
 清淨故爲令一切衆生了達實義普清淨故
 爲令一切衆生修諸勝行普清淨故爲令一
 切衆生成就一切菩薩大願普清淨故爲令

一切衆生證得一切功德智慧普清淨故爲
令一切衆生成就一切同體善根迴向出生
一切智衆普圓滿故爲令一切衆生嚴淨一
切諸佛國土普圓滿故爲令一切衆生見一
切佛而無所著普圓滿故爲令一切衆生具
諸相好功德莊嚴普圓滿故爲令一切衆生
得六十種音聲發言誠諦皆可信受百千種
法而以莊嚴如來無礙功德妙音悉圓滿故
爲令一切衆生成就十力莊嚴無礙平等心
故爲令一切衆生得一切佛無盡法明一切
辯才普圓滿故爲令一切衆生得無上無畏
人中之雄師子吼故爲令一切衆生得一切
智轉不退轉無盡法輪故爲令一切衆生了
一切法開示演說普圓滿故爲令一切衆生
以時修習清淨善法普圓滿故爲令一切衆
生成就導師無上法寶等清淨故爲令一切
衆生於一莊嚴無量莊嚴大莊嚴諸佛莊嚴
普圓滿故爲令一切衆生等入三世所有境
界悉周徧故爲令一切衆生悉能往詣一切
佛刹聽受正法無不徧故爲令一切衆生智
慧利益爲世所宗與佛等故爲令一切衆生
以一切智知一切法普圓滿故爲令一切衆
生行不動業得無礙果普圓滿故爲令一切
衆生所有諸根咸得神通能知一切衆生根

故爲令一切衆生得無差別平等智慧於一
相法普清淨故爲令一切衆生與理無違一
切善根悉具足故爲令一切衆生於一切菩
薩自在神通悉明達故爲令一切衆生得一
切佛無盡功德若福若智悉平等故爲令一
切衆生發菩提心解一切法平等一相無遺
缺故爲令一切衆生了達正法爲世最上福
德田故爲令一切衆生成就平等清淨大悲
爲諸施者大力田故爲令一切衆生堅固第
一無能沮壞故爲令一切衆生見必蒙益無
能摧伏故爲令一切衆生成滿最勝平等心
故爲令一切衆生善能了達一切諸法得大
無畏故爲令一切衆生放一光明普照十方
一切世界故爲令一切衆生普修一切菩薩
精進行無懈怠故爲令一切衆生以一行願
普滿一切諸行願故爲令一切衆生以一妙
音普使聞者皆得解故爲令一切衆生悉能
具足一切菩薩清淨心故爲令一切衆生普
得值遇諸善知識成承事故爲令一切衆生
修菩薩行調伏衆生不休息故爲令一切衆
生以妙辯才具一切音隨機廣演無斷盡故
爲令一切衆生能以一心知一切心以一切
善根等迴向故爲令一切衆生常樂積集一
切善根安立衆生於淨智故爲令一切衆生

得一切智福德智慧清淨身故爲令一切衆生善知一切衆生善根觀察迴向普成就故爲令一切衆生得一切智成等正覺普圓滿興一切諸處皆出興故爲令一切衆生得普莊嚴智嚴淨一衆會一切衆會皆嚴淨故爲令一切衆生於一佛國土普見一切佛國土故爲令一切衆生以一切莊嚴具不可說莊嚴具無量莊嚴具無盡莊嚴具莊嚴一切諸佛國土普周徧故爲令一切衆生於一切法悉能決了甚深義故爲令一切衆生得諸如來最上第一自在神通故爲令一切衆生得非一非異一切功德自在神通故爲令一切衆生具足一切平等善根普爲諸佛灌其頂故爲令一切衆生悉得成滿清淨智身於諸有中最高勝故佛子菩薩摩訶薩如是悲愍利益安樂一切衆生咸令清淨遠離慳嫉受勝妙生具大威德生大信解永離瞋恚及諸罣濁其心清淨質直柔軟無有諂曲迷惑愚癡行出離行堅固不壞平等之心永無退轉白淨法力具足成就無惱無失善巧迴向常修正行調伏衆生滅除一切諸不善業修行苦行一切善根又勸衆生令其修習普爲含識具受衆苦以大智眼觀諸善根知其悉以

智慧爲性方便迴向一切衆生爲令一切衆生悉得安住一切清淨功德處故爲令一切衆生悉能攝受一切善根知諸功德性及義故爲令一切衆生普淨一切諸善根故爲令一切衆生於福田境界中種諸善法心無悔故爲令一切衆生普能攝受一切衆生一一皆令趣一切智故爲令一切衆生普攝一切所有善根一一皆與平等迴向而相應故又以諸善根如是迴向所謂願一切衆生究竟安隱願一切衆生究竟清淨願一切衆生究竟安樂願一切衆生究竟解脫願一切衆生究竟平等願一切衆生究竟了達願一切衆生究竟安住諸白淨法願一切衆生得無礙眼願一切衆生善調其心願一切衆生具足十力調伏衆生佛子菩薩摩訶薩如是迴向時不著業不著報不著身不著物不著刹不著方不著衆生不著無衆生不著一切法不著無一切法佛子菩薩摩訶薩如是迴向時以此善根普施世間願一切衆生成滿佛智得清淨心智慧明了內心寂靜外緣不動增長成就三世佛種佛子菩薩摩訶薩修行如是迴向之時超出一切無能過者一切世間所有言辭悉共傳讀亦不可盡普修一切菩薩諸行悉能往詣一切佛土普見諸佛無所

障礙又能普見一切此界菩薩所行以善方便爲諸衆生分別諸法甚深句義得陀羅尼演說妙法盡未來劫無有斷絕爲衆生故念念於不可說不可說世界猶如影像普現其身供養諸佛念念嚴淨不可說不可說諸佛國土悉令周徧修行嚴淨佛刹智慧而無厭足念念令不可說不可說百千億那由他衆生清淨成就平等滿足於彼一切諸國土中勤修一切諸波羅蜜攝取衆生成就淨業得無礙耳於不可說不可說諸佛世界一一如來所轉法輪聽聞受持精勤修習不生一念捨離之心住無所得無依止無作無著菩薩神通於一剎那一彈指頃分身普詣不可說諸佛世界與諸菩薩等同一見佛子菩薩摩訶薩如是修習菩薩行時尚能成滿無量不可說不可說清淨功德憶念稱讚所不能盡況復得成無上菩提一切佛刹平等清淨一切衆生平等清淨一切身平等清淨一切根平等清淨一切業果平等清淨一切聚會道場平等清淨一切圓滿行平等清淨一切法方便智平等清淨一切如來諸願迴向平等清淨一切諸佛神通境界平等清淨佛子菩薩摩訶薩如是迴向時得一切功德清淨歡喜法門無量功德圓滿莊嚴如是迴向時衆

生不違一切刹刹不違一切眾生刹眾生不違業業不違刹眾生思不違心心不違思思違業業不違業道業道不違業法性不違相法相不違性法生不違性法性不違生刹平等不違眾生平等眾生平等不違刹平等一切眾生平等不違一切法平等一切法平等不違一切眾生平等一切眾生安住平等不違離欲際平等過去不違未來未來不違過去過去未來不違現在現在不違過去未來世平等不違佛平等佛平等不違世平等菩薩行不違一切智一切智不違菩薩行佛子菩薩摩訶薩如是迴向時得業平等得報平等得身平等得方便平等得願平等得一切眾生平等得一切刹平等得一切行平等得一切智平等得三世諸佛平等得承事一切諸佛得供養一切菩薩得種一切善根得滿一切大願得教化一切眾生得了知一切業得承事供養一切善知識得入一切清淨聚會道場得通達一切正教得成滿一切日法佛子是爲菩薩摩訶薩第七等隨順一切眾生迴向菩薩摩訶薩成就此迴向則能摧滅一切魔怨拔諸欲刺得出離地住無二性具大威

德救護眾生爲功德王神足無礙往一切刹
入寂滅處具一切身成菩薩行於諸行願心
得自在分別了知一切諸法悉能徧生一切
佛刹得無礙耳聞一切刹所有音聲得淨慧
眼見一切佛未嘗暫捨於一切境界成就善
根心無高下於一切法得無所得菩薩摩訶
薩以一切善根等隨順一切眾生如是迴向
爾時金剛幢菩薩承佛神力普觀十方而說
頌言

菩薩所作諸功德
乃至一念而修行
菩薩所有資生具
香象寶馬以駕車
或以頭目并手足
悉徧十方無量刹
無量劫中所修習
爲欲救度諸羣生
菩薩爲度眾生故
普令三界得安樂
菩薩普興平等願
悉以迴施諸羣生
菩薩願力無限礙
如是迴向諸羣生
普願眾生智明了

微妙廣大甚深遠
悉能迴向無邊際
種種豐盈無限億
衣服珍財悉殊妙
或持身肉及骨髓
普施一切令充徧
一切功德盡迴向
其心畢竟不退轉
常修最勝迴向業
悉使當成無上果
隨其所集清淨業
如是大誓終無捨
一切世間咸攝受
未曾暫起分別心
布施持戒悉清淨

精進修行不懈廢
菩薩迴向到彼岸
智慧同於兩足尊
菩薩言辭已通達
說法如理無障礙
常於諸法不作二
於二不二並皆離
知諸世間悉平等
聚生幻化無有實
一切世間之所有
莫不皆由業力成
菩薩觀察諸世間
亦令衆生住平等
菩薩善業悉迴向
福德方便皆具足
菩薩利益諸羣生
願使威光特超世
凡所修習諸功德
諸佛清淨無倫匹
菩薩於義得善巧
以衆善業等迴向
菩薩了知諸法空
無有造作及作者
諸法寂滅非寂滅

如是大誓無休息
普開清淨妙法門
分別實義得究竟
種種智慧亦如是
而於其中心不著
亦復不作於不二
知其悉是語言道
莫非心語一切業
所有果報從茲起
種種果報各不同
若滅於業彼皆盡
身口意業悉平等
猶如無等大聖尊
普令衆生色清淨
同於無上調御士
功德大海盡迴向
得成雄猛大力身
願使世間普清淨
衆生清淨亦如是
能知諸佛最勝法
願令庶品同如來
一切世間無所有
衆生業報亦不失
遠離此二分別心

知諸分別是世見
如是真實諸佛子
彼能如是善迴向

入於正位分別盡
從於如來法化生
世間疑惑悉除滅

大方廣佛華嚴經卷第二十九

閉惡上傳計切

名譽下平御切

中悔上陟仲切

一彈下徒

懈廢上古陟切
下方弗切

遺缺下苦穴切

沮壞上慈呂切

賢濁上於計切

駕車上子許切

倫匹下譬吉切

庶品上商署切

乙巳歲高麗國大截都監奉

勅彫造

大方廣佛華嚴經卷第三十

平

子闡國三藏實義難陀奉

制譯

十迴向品第二十五之八

佛子何者是菩薩摩訶薩真如相迴向佛子
此菩薩摩訶薩正念明了其心堅住遠離迷
惑專意修行深心不動成不壞業趣一切智
終不退轉志求大乘勇猛無畏植諸德本普
安世間生勝善根修白淨法大悲增長心實
成就常念諸佛護持正法於菩薩道信樂堅
固成就無量淨妙善根勤修一切功德智慧
爲調御師生衆善法以智方便而爲迴向菩
薩爾時慧眼普觀所有善根無量無邊其諸
善根修集之時若求緣若辨具若治淨若趣
入若專勵若起行若明達若精審若開示如
是一切有種種門種種境種種相種種事種
種分種種行種種名字種種分別種種出生
種種修習其中所有一切善根悉是趣向十
力乘心之所建立皆悉迴向一切種智唯一
無二以諸善根如是迴向所謂願得圓滿無
礙身業修菩薩行願得清淨無礙口業修菩
薩行願得成就無礙意業安住大乘願得圓
滿無障礙心淨修一切諸菩薩行願起無量
廣大施心周給無邊一切衆生願於諸法心
得自在演大法明無能障蔽願得明達一切

智處發菩提心普照世間願常正念三世諸
佛諦想如來常現在前願住圓滿增上志樂
遠離一切諸魔怨敵願得安住佛十力智普
攝衆生無有休息願得三昧遊諸世界而於
世間無所染著願住諸世界無有疲厭教化
衆生恒不休息願起無量思慧方便成就菩
薩不思議道願得諸方不迷惑智悉能分別
一切世間願得自在神通智力於一念中悉
能嚴淨一切國土願得普入諸法自性見一
切世間悉皆清淨願得生起無差別智於一
剎中入一切剎願以一切剎莊嚴之事顯示
一切教化無量無邊衆生願於一佛剎中示
無邊法界一切佛刹悉亦如是願得自在大
神通智普能往詣一切佛土佛子菩薩摩訶
薩以諸善根願得莊嚴一切佛國願得周徧
一切世界願得成就智慧觀察如爲己身如
是迴向如是而爲一切衆生所謂願一切衆
生永離一切地獄畜生閻羅王趣願一切衆
生除滅一切障礙之業願一切衆生得周普
心平等智慧願一切衆生於怨於親等心攝
受皆令安樂智慧清淨願一切衆生智慧圓
滿淨光普照願一切衆生思慧成滿了真實
義願一切衆生以淨志樂趣求菩提獲無量
智願一切衆生普能顯示安隱住處佛子菩

薩摩訶薩恒以善心如是迴向為令一切衆
生過清涼雲靈法雨故為令一切衆生常值
福田勝境界故為令一切衆生皆能善入菩
提心藏自護持故為令一切衆生離諸蓋纏
善安住故為令一切衆生皆獲無礙神通智
故為令一切衆生得自在身普示現故為令
一切衆生成就最勝一切種智普興利益無
空過故為令一切衆生普攝羣品令清淨故
為令一切衆生皆能究竟一切智故為令一
切衆生心不動搖無障礙故佛子菩薩摩訶
薩見可愛樂國土園林草木華果名香上服
珍寶財物諸莊嚴具或見可樂村邑聚落或
見帝王威德自在或見往處離諸誼難見是
事已以方便智精勤修習出生無量勝妙功
德為諸衆生勤求善法心無放逸廣集衆善
猶如大海以無盡善普覆一切為衆善法所
依之處以諸善根方便迴向而無分別開示
無量種種善根智常觀察一切衆生心恒憶
念善根境界以等真如平等善根迴向衆生
無有休息菩薩爾時以諸善根如是迴向所
謂願一切衆生得諸如來可愛樂見見法真
性平等平等無所取著圓滿清淨願一切衆
生見諸如來甚可愛樂圓滿供養願一切衆
生往生一切無諸煩惱甚可愛樂清淨佛刹

願一切衆生得見諸佛可愛樂法願一切衆
生常樂護持一切菩薩可愛樂行願一切衆
生得善知識可愛樂眼見無所礙願一切衆
生常見一切可愛樂物無有違逆願一切衆
生證得一切可愛樂法而勤護持願一切衆
生於一切佛可樂法中得淨光明願一切衆
生修諸菩薩一切能捨可愛樂心願一切衆
生得無所畏能說一切可愛樂法願一切衆
生得諸菩薩極可愛樂甚深三昧願一切衆
生得諸菩薩甚可愛樂陀羅尼門願一切衆
生得諸菩薩甚可愛樂善觀察智願一切衆
生能現菩薩甚可愛樂自在神通願一切衆
生能於諸佛大衆會中說可愛樂甚深妙法
願一切衆生能以方便開示演說甚可愛樂
差別之句願一切衆生常能發起甚可愛樂
平等大悲願一切衆生念念發起甚可愛樂
大菩提心常令諸根歡喜悅豫願一切衆生
能入一切甚可愛樂諸如來家願一切衆生
得可愛樂能調伏行調伏衆生無有休息願
一切衆生得諸菩薩甚可愛樂無盡辯才演
說諸法願一切衆生於不可說不可說劫住
於一切可樂世界教化衆生心無厭倦願一
切衆生以無量方便普能悟入甚可愛樂諸
佛法門願一切衆生得可愛樂無疑方便知

一切法無有根本願一切衆生得可愛樂離
 貪欲際知一切法畢竟無二斷一切障願一
 切衆生得可愛樂離貪欲際知一切法平等
 真實願一切衆生具足成滿一切菩薩甚可
 愛樂無戲論法願一切衆生得金剛藏精進
 之心成可愛樂一切智道願一切衆生具可
 愛樂無礙善根摧伏一切煩惱怨敵願一切
 衆生得可愛樂一切智門普於世間現成正
 覺佛子菩薩摩訶薩修習如是諸善根時得
 智慧明爲善知識之所攝受如來慧日明照
 其心永滅癡冥勤修正法入諸智業善學習
 地流布善根充滿法界以智迴向盡諸菩薩
 善根源底以智深入大方便海成就無量廣
 大善根

佛子菩薩摩訶薩以此善根如是迴向所謂
 不著世間不取衆生其心清淨無所依止正
 念諸法離分別見不捨一切佛自在慧不違
 三世一切諸佛正迴向門隨順一切平等正
 法不壞如來真實之相等觀三世無衆生相
 善順佛道善說於法深了其義入最勝地悟
 真實法智慧圓滿信樂堅固雖善修正業而
 知業性空了一切法皆如幻化知一切法無
 有自性觀一切義及種種行隨世言說而無
 所著除滅一切執著因緣知如實理觀諸法

性皆悉寂滅了一切法同一實相知諸法相
不相違背與諸菩薩而共同止修行其道善
攝眾生入去來今一切菩薩迴向之門於諸
佛法心無驚怖以無量心令諸眾生普得清
淨於十方世界不起執取我我所心於諸世
間無所分別於一切境界不生染著勤修一
乃出世間法於諸世間無取無依於深妙道
正見牢固離諸妄見了真實法譬如真如徧
一切處無有邊際善根迴向亦復如是徧一
切處無有邊際譬如真如真實為性善根迴
向亦復如是了一切法真實為性譬如真如
恒守本性無有改變善根迴向亦復如是守
其本性始終不改譬如真如以一切法無性
為性善根迴向亦復如是了一切法無性為
性譬如真如無相為相善根迴向亦復如是
了一切法無相為相譬如真如若有得者終
無退轉善根迴向亦復如是若有得者於諸
佛法永不退轉譬如真如一切諸佛之所行
處善根迴向亦復如是一切如來所行之處
譬如真如離境界相而為境界善根迴向亦
復如是離境界相而為三世一切諸佛圓滿
境界譬如真如能有安立善根迴向亦復如
是悉能安立一切眾生譬如真如性常隨順
善根迴向亦復如是盡未來劫隨順不斷譬

如真如無能測量善根迴向亦復如是等虛
空界盡衆生心無能測量譬如真如充滿一
切善根迴向亦復如是一刹那中普周法界
譬如真如常住無盡善根迴向亦復如是究
竟無盡譬如真如無有比對善根迴向亦復
如是普能圓滿一切佛法無有比對譬如真
如體性堅固善根迴向亦復如是體性堅固
非諸惑惱之所能沮譬如真如不可破壞善
根迴向亦復如是一切衆生不能損壞譬如
真如照明爲體善根迴向亦復如是以普照
明而爲其性譬如真如無所不在善根迴向
亦復如是於一切處悉無不在譬如真如徧
一切時善根迴向亦復如是徧一切時譬如
真如性常清淨善根迴向亦復如是住於世
間而體清淨譬如真如於法無礙善根迴向
亦復如是周行一切而無所礙譬如真如爲
衆法眼善根迴向亦復如是能爲一切衆生
作眼譬如真如性無勞倦善根迴向亦復如
是修行一切菩薩諸行恒無勞倦譬如真如
體性甚深善根迴向亦復如是其性甚深譬
如真如無有一物善根迴向亦復如是了知
其性無有一物譬如真如性非出現善根迴
向亦復如是其體微妙難可得見譬如真如
離衆垢翳善根迴向亦復如是慧眼清淨離

諸癡翳譬如真如性無與等善根迴向亦復如是成就一切諸菩薩行最上無等譬如真如體性寂靜善根迴向亦復如是善能隨順寂靜之法譬如真如無有根本善根迴向亦復如是能入一切無根本法譬如真如體性無邊善根迴向亦復如是淨諸衆生其數無邊譬如真如體性無著善根迴向亦復如是畢竟遠離一切諸著譬如真如無有障礙善根迴向亦復如是除滅一切世間障礙譬如真如非世所行善根迴向亦復如是非諸世間之所能行譬如真如體性無住善根迴向亦復如是一切生死皆非所住譬如真如性無所作善根迴向亦復如是一切所作悉皆捨離譬如真如體性安住善根迴向亦復如是安住真實譬如真如與一切法而共相應善根迴向亦復如是與諸菩薩聽聞修習而共相應譬如真如一切法中性常平等善根迴向亦復如是於諸世間修平等行譬如真如不離諸法善根迴向亦復如是盡未來際根迴向亦復如是於諸衆生迴向無盡譬如真如與一切法無有相違善根迴向亦復如是不違三世一切佛法譬如真如普攝諸法善根迴向亦復如是盡攝一切衆生善根譬

如真如與一切法同其體性善根迴向亦復如是與三世佛同一體性譬如真如與一切法不相捨離善根迴向亦復如是攝持一切世出世法譬如真如無能映蔽善根迴向亦復如是一切世間無能映蔽譬如真如不可動搖善根迴向亦復如是一切魔業無能動搖譬如真如性無垢濁善根迴向亦復如是修菩薩行無有垢濁譬如真如無有變易善根迴向亦復如是慈念衆生心無變易譬如真如不可窮盡善根迴向亦復如是非諸世法所能窮盡譬如真如性常覺悟善根迴向亦復如是普能覺悟一切諸法譬如真如不可失壞善根迴向亦復如是於諸衆生起勝志願永不失壞譬如真如能大照明善根迴向亦復如是以大智光照諸世間譬如真如不可言說善根迴向亦復如是一切言語所不可說譬如真如持諸世間善根迴向亦復如是能持一切菩薩諸行譬如真如隨世言說善根迴向亦復如是隨順一切智慧言說譬如真如徧一切法善根迴向亦復如是徧於十方一切佛刹現大神通成等正覺譬如真如無有分別善根迴向亦復如是於諸世間無所分別譬如真如徧一切身善根迴向亦復如是徧十方刹無量身中譬如真如體

性無生善根迴向亦復如是方便示生而無所生譬如真如無所不在善根迴向亦復如是十方三世諸佛土中普現神通而無不在譬如真如徧在於夜善根迴向亦復如是於一切夜放大光明施作佛事譬如真如徧在於晝善根迴向亦復如是悉令一切在晝衆生見佛神變演不退輪離垢清淨無空過者譬如真如徧在半月及以一月善根迴向亦復如是於諸世間次第時節得善方便於一念中知一切時譬如真如徧在年歲善根迴向亦復如是住無量劫明了成熟一切諸根皆令圓滿譬如真如徧成壞劫善根迴向亦復如是住一切劫清淨無染教化衆生成令清淨譬如真如盡未來際善根迴向亦復如是盡未來際修諸菩薩清淨妙行成滿大願無有退轉譬如真如徧住三世善根迴向亦復如是今諸衆生於一刹那見三世佛未曾一念而有捨離譬如真如徧一切處善根迴向亦復如是超出三界周行一切悉得自在譬如真如住有無法善根迴向亦復如是了達一切有無之法畢竟清淨譬如真如體性清淨善根迴向亦復如是能以方便集助道法淨治一切諸菩薩行譬如真如體性明潔善根迴向亦復如是令諸菩薩悉得三昧明

潔之心譬如真如體性無垢善根迴向亦復如是遠離諸垢滿足一切諸清淨意譬如真如無我我所善根迴向亦復如是以無我我所清淨之心充滿十方諸佛國土譬如真如體性平等善根迴向亦復如是獲得平等一切智智照了諸法離諸癡翳譬如真如超諸數量善根迴向亦復如是與超數量一切智乘大力法藏而同止住興徧十方一切世界廣大法雲譬如真如平等安住善根迴向亦復如是發生一切諸菩薩行平等住於一切智道譬如真如徧住一切諸衆生界善根迴向亦復如是滿足無礙一切種智於衆生界悉現在前譬如真如無有分別普住一切音聲智中善根迴向亦復如是具足一切諸言音智能普示現種種言音開示衆生譬如真如永離世間善根迴向亦復如是普使衆生永出世間譬如真如體性廣大善根迴向亦復如是悉能受持去來今世廣大佛法恒不忘失勤修一切菩薩諸行譬如真如無有間息善根迴向亦復如是爲欲安處一切衆生於大智地於一切劫修菩薩行無有間息譬如真如體性寬廣徧一切法善根迴向亦復如是淨念無礙普攝一切寬廣法門譬如真如徧攝羣品善根迴向亦復如是證得無量

品類之智修諸菩薩真實妙行譬如真如無所取著善根迴向亦復如是於一切法皆無所取除滅一切世間取著普令清淨譬如真如體性不動善根迴向亦復如是安住普賢圓滿行願畢竟不動譬如真如是佛境界善根迴向亦復如是令諸衆生滿足一切大智境界滅煩惱境悉令清淨譬如真如無能制伏善根迴向亦復如是不爲一切衆魔事業外道邪論之所制伏譬如真如非是可修非不可修善根迴向亦復如是捨離一切妄想取著於修不修無所分別譬如真如無有退捨善根迴向亦復如是常見諸佛發菩提心大誓莊嚴永無退捨譬如真如普攝一切世間言音善根迴向亦復如是能得一切差別言音神通智慧普發一切種種言辭譬如真如於一切法無所希求善根迴向亦復如是今諸衆生乘普賢乘而得出離於一切法無所貪求譬如真如住一切地善根迴向亦復如是令一切衆生捨世間地住智慧地以普賢行而自莊嚴譬如真如無有斷絕善根迴向亦復如是於一切法得無所畏隨其類音處處演說無有斷絕譬如真如捨離諸漏善根迴向亦復如是令一切衆生成就法智了達於法圓滿菩提無漏功德譬如真如無有

少法而能壞亂令其少分非是覺悟善根迴向亦復如是普令開悟一切諸法其心無量徧周法界譬如真如過去非始未來非末現在非異善根迴向亦復如是爲一切衆生新恒起菩提心願普使清淨永離生死譬如真如於三世中無所分別善根迴向亦復如是現在念念心常覺悟過去未來皆悉清淨譬如真如成就一切諸佛菩薩善根迴向亦復如是發起一切大願方便成就諸佛廣大智慧譬如真如究竟清淨不與一切諸煩惱俱善根迴向亦復如是能滅一切衆生煩惱圓滿一切清淨智慧佛子菩薩摩訶薩如是迴向時得一切佛刹平等普嚴淨一切世界故得一切衆生平等普爲轉無礙法輪故得一切菩薩平等普出生一切智願故得一切諸佛平等觀察諸佛體無二故得一切法平等普知諸法性無易故得一切世間平等以方便智善解一切語言道故得一切菩薩行平等隨種善根盡迴向故得一切時平等勤修佛事於一切時無斷絕故得一切業果平等於世出世所有善根皆無染著咸究竟故得一切佛自在神通平等隨順世間現佛事故佛子是爲菩薩摩訶薩第八真如相迴向菩薩摩訶薩住此迴向證得無量清淨法門

能為如來大師子吼自在無畏以善方便教化成就無量菩薩於一切時未曾休息得佛無量圓滿之音聲一音開悟一切眾生得佛無量圓滿之力一毛孔中普能容納一切國土得佛無量圓滿神通置諸眾生於一塵中得佛境界成等正覺得佛無量圓滿三昧一三昧中普能示現一切三昧得佛無量圓滿辯才說一句法窮未來際而不可盡悉除一切眾生疑惑得佛無量圓滿眾生具佛十力盡眾生界示成正覺佛子是為菩薩摩訶薩以一切善報順真如相迴向爾時金剛幢菩薩承佛威力普觀十方而說頌言

菩薩志樂常安住 正念堅固離疑惑
其心善軟恒清涼 積集無邊功德行
菩薩謙順無違逆 所有志願悉清淨
已得智慧大光明 善能照了一切業
菩薩思惟業廣大 種種差別甚希有
定意修行無退轉 以此饒益諸羣生
諸業差別無量種 菩薩一切勤修習
隨順眾生不違意 普令心淨生歡喜
已昇調御人尊地 離諸熱惱心無礙
於法於義悉善知 為利羣生轉勤習

菩薩所修衆善行
於彼一切分別知
以妙智慧恒觀察
斷諸有處悉無餘
譬如真如徧一切
菩薩以此心迴向
菩薩願力徧一切
若見不見念悉周
夜中隨住晝亦住
若年若劫悉住中
所有三世及剎土
悉住其中無所住
譬如真如本自性
真如所在無不在
譬如真如本自性
不得自性是眞性
如真如相業亦爾
如真如性本真實
譬如真如無邊際
而於其中無縛著
如是聰慧眞佛子
以其智力善通達
覺悟法王眞實法
如是自在心無碍

無量無數種種別
爲利羣生故迴向
究竟廣大眞實理
如彼真如善迴向
如是普攝諸世間
悉令衆生無所著
譬如真如無不在
悉以功德而迴向
半月一月亦隨住
眞如如是行亦然
一切衆生與諸法
以如是行而迴向
菩薩如是發大心
以如是行而迴向
其中未曾有一法
以如是業而迴向
如真如性業亦爾
業亦如是同眞如
業亦如是無有邊
是故此業得清淨
志願堅固不動搖
入於諸佛方便藏
於中無著亦無縛
未曾見有一法起

周經第三
如來法身所作業

第七卷 甲

一切世間如彼相

說諸法相皆無相
菩薩住是不思議
入此不可思議處
如是思惟諸法性
所有我執皆除滅
菩薩一切業果報
如是無盡自性盡
菩薩觀心不在外
知其心性無所有
彼諸佛子如是知
無有一法能造作
了知一切諸世間
見是不可思議相
若能住是甚深法
為欲利益諸羣生
是則超過於世間
了達其心如幻化
菩薩正念觀世間
為欲救度修諸行
了知衆生種種異
於此觀察悉明了
智者了知諸佛法
哀愍一切諸衆生

一切世間如彼相
知如是相是知法
於中思議不可盡
思與非思皆寂滅
了達一切業差別
住於功德無能動
悉為無盡智所印
是故無盡方便滅
亦復不得在於內
我法皆離永寂滅
一切法性常空寂
同於諸佛悟無我
悉與真如性相等
是則能知無相法
常樂修行菩薩行
大誓莊嚴無退轉
不起生死妄分別
勤修衆行度羣生
一切皆從業緣得
普攝三界無遺者
悉是想行所分別
而不壞於諸法性
以如是行而迴向
令於實法正思惟

大方廣佛華嚴經卷第三十

植諸上常曉切

專勵下例音

怨敵下徒歷切

障蔽下必狹切

聖法上迷音

蓋纏下直連切

悅豫下準如切

甚難上况來切

驚怖上恭母切

能沮下慈呂切

乙巳歲高麗國大藏部監奉

勅彫造

于闐國三藏實叉難陀奉

制譯

十迴向品第二十五之九

佛子云何爲菩薩摩訶薩無著無縛解脫迴
向佛子是菩薩摩訶薩於一切善根心生尊
重所謂於出生死心生尊重於攝取一切善
根心生尊重於希求一切善根心生尊重於
悔諸過業心生尊重於隨喜善根心生尊重
於禮敬諸佛心生尊重於合掌恭敬心生尊
重於頂禮塔廟心生尊重於勸佛說法心生
尊重於如是等種種善根皆生尊重隨順忍
可佛子菩薩摩訶薩於彼善根皆生尊重隨
順忍可時究竟欣樂堅固信解自得安住令
他安住勤修無著自在積集成勝志樂住如
來境勢力增長悉得知見以諸善根如是迴
向所謂以無著無縛解脫心成就普賢身業
以無著無縛解脫心清淨普賢語業以無著
無縛解脫心圓滿普賢意業以無著無縛解
脫心發起普賢廣大精進以無著無縛解脫
心具足普賢無礙音聲陀羅尼門其聲廣大
普徧十方以無著無縛解脫心具足普賢見
一切佛陀羅尼門恒見十方一切諸佛以無
著無縛解脫心成就解了一切音聲陀羅尼
門同一切音說無量法以無著無縛解脫心

成就普賢一切劫住陀羅尼門普於十方修
菩薩行以無著無縛解脫心成就普賢自在
力於一衆生身中示修一切菩薩行盡未來
劫常無間斷如一衆生身一切衆生身悉如
是以無著無縛解脫心成就普賢自在力普
入一切衆道場普現一切諸佛前修菩薩行
以無著無縛解脫心成就普賢佛自在力於
一門中示現經不可說不可說劫無有窮盡
令一切衆生皆得悟入以無著無縛解脫心
成就普賢佛自在力於種種門中示現經不
可說不可說劫無有窮盡令一切衆生皆得
悟入其身普現一切佛前以無著無縛解脫
心成就普賢自在力念念中令不可說不可
說衆生住十力智心無疲倦以無著無縛解
脫心成就普賢自在力於一切衆生身中現
一切佛自在神通令一切衆生住普賢行以
無著無縛解脫心成就普賢自在力於一一
衆生語言中作一切衆生語言令一切衆生
一一皆住一切智地以無著無縛解脫心成
就普賢自在力於一一衆生身中普容納一
切衆生身令皆自謂成就佛身以無著無縛
解脫心成就普賢自在力能以一華莊嚴一
切十方世界以無著無縛解脫心成就普賢
自在力出大音聲普徧法界周聞一切諸佛

國土攝受調伏一切衆生以無著無縛解脫
心成就普賢自在力盡未來際不可說不可
說劫於念念中悉能徧入一切世界以佛神
力隨念莊嚴以無著無縛解脫心成就普賢
自在力盡未來際所住之劫常能徧入一切
世界示現成佛出興於世以無著無縛解脫
心成普賢行一光普照盡虛空界一切世界
以無著無縛解脫心成普賢行得無量智慧
具一切神通說種種法以無著無縛解脫心
成普賢行入於如來盡一切劫不可測量神
通智慧以無著無縛解脫心成普賢行住盡
法界諸如來所以佛神力修習一切諸菩薩
行身口意業曾無解倦以無著無縛解脫心
成普賢行不違於義不壞於法言辭清淨樂
說無盡教化調伏一切衆生令其當得一切
諸佛無上菩提以無著無縛解脫心修普賢
行入一法門時放無量光照不思議一切法
門如一法門一切法門皆如是通達無礙
究竟當得一切智地以無著無縛解脫心住
菩薩行於法自在到於普賢莊嚴彼岸於一
一境界皆以一切智觀察悟入而一切智亦
不窮盡以無著無縛解脫心始從此生盡未
來際住普賢行常不休息得一切智悟不可
說不可說真實法於法究竟無有迷惑以無

著無縛解脫心修普賢業方便自在得法光
明於諸菩薩所行之行照了無礙以無著無
縛解脫心修普賢行得一切方便智知一切
方便所謂無量方便不思議方便菩薩方便
一切智方便一切菩薩調伏方便轉無量法
輪方便不可說時方便說種種去方便無邊
際無畏藏方便說一切法無餘方便以無著
無縛解脫心住普賢行成就身業令一切衆
生見者歡喜不生誹謗發菩提心永不退轉
究竟清淨以無著無縛解脫心修普賢行得
了一切衆生語言清淨智一切言辭具足莊
嚴普應衆生皆令歡喜以無著無縛解脫心
住普賢行立殊勝志具清淨心得廣大神通
廣大智慧普詣一切廣大世間廣大國土廣
大衆生所說一切如來不可說廣大法廣大
莊嚴圓滿藏以無著無縛解脫心成滿普賢
迴向行願得一切佛清淨身清淨心清淨解
攝佛功德住佛境界智印普照示現菩薩清
淨之業善入一切差別句義示諸佛菩薩廣
大自在爲一切衆生現成正覺以無著無縛
解脫心勤修普賢諸根行願得聰利根調順
根一切法自在根無盡根勤修一切善根根
一切佛境界平等根授一切菩薩不退轉記
大精進根了知一切佛法金剛界根一切如

求智慧光照金剛欲根分別一切諸根自在
 根安立無量衆生於一切智根無邊廣大根
 一切圓滿根清淨無礙根以無著無縛解脫
 心修普賢行得一切菩薩神力所謂無量廣
 大力神力無量自在智神力不動其身普現
 一切佛刹神力無礙不斷自在神力普攝一
 切佛刹置於一處神力一身徧滿一切佛刹
 神力無礙解脫遊戲神力無所作一念自在
 神力住無性無依神力一毛孔中次第安立
 不可說世界徧遊法界諸佛道場示諸衆生
 皆令得入大智慧門神力以無著無縛解脫
 心入普賢門生菩薩行以自在智於一念頃
 普入無量諸佛國土一身容受無量佛刹獲
 能嚴淨佛國土智恒以智慧觀見無邊諸佛
 國土永不發起二乘之心以無著無縛解脫
 心修普賢方便行入智慧境界生如來家住
 菩薩道具足不可說不可說無量不思議殊
 勝心行無量願未曾休息了知三世一切法
 界以無著無縛解脫心成就普賢清淨法門
 於一毛端量處悉包容盡虛空徧法界不可
 說不可說一切國土皆使明見如一毛端量
 處徧法界虛空界一一毛端量處悉亦如是
 以無著無縛解脫心成就普賢深心方便於
 一念心中現一衆生不可說不可說劫念心

如是乃至現一切衆生爾許劫念心以無著
無縛解脫心入普賢迴向行方便地於一身
中悉能包納盡法界不可說不可說身而衆
生界無所增減如一身乃至周徧法界一切
身悉亦如是以無著無縛解脫心成就普賢
大願方便捨離一切想倒心倒見倒普入一
切諸佛境界常見諸佛虛空界等清淨法身
相好莊嚴神力自在常以妙音開示演說無
礙無斷今其聞者如說受持於如來身了無
所得以無著無縛解脫心修普賢行住菩薩
地於一念中入一切世界所謂入仰世界覆
世界不可說不可說十方網一切處廣大世
界以因陀羅網分別方便普分別一切法界
以種種世界入一世界以不可說不可說無
量世界入一世界以一切法界所安立無量
世界入一世界以一切虛空界所安立無量
世界入一世界而亦不壞安立之相悉令明
見以無著無縛解脫心修習普賢菩薩行願
得佛灌頂於一念中入方便地成滿安住衆
行智寶悉能了知一切諸想所謂衆生想法
想剎想方想佛想世想業想行想界想想解想
根想時想持想煩惱想清淨想成熟想見佛
想轉法輪想聞法解了想調伏想無量想出
離想種種地想無量地想菩薩了知想菩薩

修習想菩薩三昧想菩薩三昧起想菩薩成
想菩薩壞想菩薩破想菩薩生想菩薩解脫
想菩薩自在想菩薩住持想菩薩境界想劫
成壞想明想闇想晝想夜想半月一月一時
一歲變異想去想來想住想坐想睡想覺想
如是等想於一念中悉能了知而離一切想
無所分別斷一切障無所執著一切佛智充
滿其心一切佛法長其善根與諸如來等同
一身一切諸佛之所攝取離垢清淨一切佛
法皆隨修學到於彼岸以無著無縛解脫心
為一切衆生修普賢行生大智寶於一一心
中知無量心隨其依止隨其分別隨其種性
隨其所作隨其業用隨其相狀隨其思覺種
種不同靡不明見以無著無縛解脫心成就
普賢大願智寶於一處中知於無量不可說
處如於一處於一切處悉亦如是以無著無
縛解脫心修習普賢行業智地於一業中能
知無量不可說不可說業其業各以種種緣
造明了知見如於一業於一切業悉亦如是
以無著無縛解脫心修習普賢知諸法智於
一法中知不可說不可說法於一切法中而
知一法如是諸法各各差別無有障礙無違
無著以無著無縛解脫心住菩薩行得具普
賢無疑可根於一善音中知不可說不可說

言音無量無邊種種差別而無所著如於一
言音於一切言音悉亦如是以無著無縛解
脫心修普賢智起普賢行住普賢地於一一
法中演說不可說不可說法其法廣大種種
差別教化攝受不可思議方便相應於無量
時於一切時隨諸衆生所有欲解隨根隨時
以佛音聲而為說法以一妙音令不可說道
場衆會無量衆生皆悉歡喜一如來所無量
菩薩充滿法界立殊勝志生廣大見究竟了
知一切諸行住普賢地隨所說法於念念中
悉能證入一刹那頃增長無量不可說不可
說大智慧聚盡未來劫如是演說於一切刹
修習廣大虛空等行成就圓滿以無著無縛
解脫心修習普賢諸根行門成大行王於一
根中悉能了知無量諸根無量心樂不思
議境界所生妙行以無著無縛解脫心住普
賢行大迴向心得色甚微細智身甚微細智
刹甚微細智劫甚微細智世甚微細智方甚
微細智時甚微細智數甚微細智業報甚微
細智清淨甚微細智如是等一切甚微細於
一念中悉能了知而心不恐怖心不迷惑不
亂不散不濁不劣其心一緣心善寂定心善
分別心善安住以無著無縛解脫心住菩薩
智修普賢行無有懈倦能知一切衆生趣其

微細衆生死甚微細衆生生甚微細衆生住甚微細衆生處甚微細衆生品類甚微細衆生境界甚微細衆生行甚微細衆生取甚微細衆生攀緣甚微細如是等一切甚微細於一念中悉能了知以無著無縛解脫心立深志樂修普賢行能知一切菩薩從初發心爲一切衆生修菩薩行甚微細菩薩住處甚微細菩薩神通甚微細菩薩遊行無量佛刹甚微細菩薩法光明甚微細菩薩清淨眼甚微細菩薩成就殊勝心甚微細菩薩往詣一切如來道場衆會甚微細菩薩陀羅尼門智甚微細菩薩無量無畏地一切辯才藏演說甚微細菩薩無量三昧相甚微細菩薩見一切佛三昧智甚微細菩薩甚深三昧智甚微細菩薩大莊嚴三昧智甚微細菩薩法界三昧智甚微細菩薩大自在神通三昧智甚微細菩薩盡未來際廣大行住持三昧智甚微細菩薩出生無量差別三昧智甚微細菩薩出生一切諸佛前勤修供養恒不捨離三昧智甚微細菩薩修行一切甚深廣博無障無礙三昧智甚微細菩薩究竟一切智地住持行智地大神通地決定義地離翳三昧智甚微細如是等一切甚微細悉能了知以無著無縛解脫心修普賢行悉知一切菩薩安立智

甚微細菩薩地甚微細菩薩無量行甚微細
菩薩出生迴向甚微細菩薩得一切佛藏甚
微細菩薩觀察智甚微細菩薩神通願力甚
微細菩薩演說三昧甚微細菩薩自在方便
甚微細菩薩印甚微細菩薩一生補處甚微
細菩薩生兜率天甚微細菩薩住止天宮甚
微細菩薩嚴淨佛國甚微細菩薩觀察人中
甚微細菩薩放大光明甚微細菩薩種族殊
勝甚微細菩薩道場衆會甚微細菩薩徧一
切世界受生甚微細菩薩於一身示現一切
身命終甚微細菩薩入母胎甚微細菩薩住
母胎甚微細菩薩在母胎中自在示現一切
法界道場衆會甚微細菩薩在母胎中示現
一切佛神力甚微細菩薩示現誕生事甚微
細菩薩師子遊行七步智甚微細菩薩示處
王宮巧方便智甚微細菩薩出家修調伏行
甚微細菩薩菩提樹下坐道場甚微細菩薩
破魔軍衆成阿耨多羅三藐三菩提甚微細
如來坐菩提座放大光明照十方界甚微細
如來示現無量神變甚微細如來師子吼大
涅槃甚微細如來調伏一切衆生而無所礙
甚微細如來不思議自在力如金剛菩提心
甚微細如來普護念一切世間境界甚微細
如來普於一切世界施作佛事盡未來劫而

無休息甚微細如來無礙神力周徧法界甚微細如來於盡虛空界一切世界普現成佛調伏衆生甚微細如來於一佛身現無量佛身甚微細如來於去來今三世中皆處道場自在智甚微細如是等一切微細悉能了知成就清淨普能示現一切世間於念念中增長智慧圓滿不退善巧方便修菩薩行無有休息成就普賢迴向之地具足一切如來功德永不厭捨菩薩所行出生菩薩現前境界無量方便皆悉清淨普欲安隱一切衆生修菩薩行成就菩薩大威德地得諸菩薩心之樂欲獲金剛幢迴向之門出生法界諸功德藏常爲諸佛之所護念入諸菩薩深妙法門演說一切真實之義於法善巧無所違失起大誓願不捨衆生於一念中盡知一切心非心地境界之藏於非心處示生於心遠離語言安住智慧同諸菩薩所行之行以自在力示成佛道盡未來際常無休息一切世間衆生劫數妄想言說之所建立神通願力悉能示現以無著無縛解脫心修普賢行得一切衆生界甚微細智所謂衆生界分別甚微細智衆生界言說甚微細智衆生界執著甚微細智衆生界異類甚微細智衆生界同類甚微細智衆生界無量趣甚微細智衆生界不

思議種種分別所作甚微細智衆生界無量
雜染甚微細智衆生界無量清淨甚微細智
如是等一切衆生界境界甚微細於一念中
能以智慧皆如實知廣攝衆生而爲說法開
示種種清淨法門令修菩薩廣大智慧化身
無量見者歡喜以智日光照菩薩心令其開
悟智慧自在以無著無縛解脫心爲一切衆
生於一切世界修普賢行得盡虛空界法界
一切世界甚微細智所謂小世界甚微細智
大世界甚微細智雜染世界甚微細智清淨
世界甚微細智無比世界甚微細智種種世
界甚微細智廣世界甚微細智狹世界甚微
細智無礙莊嚴世界甚微細智徧一切世界
佛出現甚微細智徧一切世界說正法甚微
細智徧一切世界普現身甚微細智徧一切
世界放大光明甚微細智盡一切世界示現
諸佛自在神通甚微細智盡一切世界以一
音聲示一切音甚微細智入一切世界一切
佛刹道場衆會甚微細智以一切法界佛刹
作一佛刹甚微細智以一佛刹作一切法界
佛刹甚微細智知一切世界如夢甚微細智
知一切世界如像甚微細智知一切世界如
幻甚微細智如是了知出生一切菩薩之道
入普賢行智慧神通具普賢觀修菩薩行常

無休息得一切佛自在神變具無礙身住無
依智於諸善法無所取著心之所行悉無所
得於一切處起遠離想於菩薩行起淨修想
於一切智無取著想以諸三昧而自莊嚴智
慧隨順一切法界以無著無縛解脫心入普
賢菩薩行門得無量法界甚微細智演說一
切法界甚微細智入廣大法界甚微細智分
別不思議法界甚微細智分別一切法界甚
微細智一念徧一切法界甚微細智普入一
切法界甚微細智知一切法界無所得甚微
細智觀一切法界無所礙甚微細智知一切
法界無有生甚微細智於一切法界現神變
甚微細智如是等一切法界甚微細以廣大
智皆如實知於法自在示普賢行令諸衆生
皆悉滿足不捨於義不著於法出生平等無
礙之智知無礙本不住一切法不壞諸法性
如實無染猶若虛空隨順世間起於言說開
真實義示寂滅性於一切境無依無住無有
分別明見法界廣大安立了諸世間及一切
法平等無二離一切著以無著無縛解脫心
修普賢行生諸劫甚微細智所謂以不可說
劫爲一念甚微細智以一念爲不可說劫甚
微細智以阿僧祇劫入一劫甚微細智以一
劫入阿僧祇劫甚微細智以長劫入短劫甚

微細智以短劫入長劫甚微細智入有佛劫
無佛劫甚微細智知一切劫數甚微細智知
一切劫非劫甚微細智一念中見三世一切
劫甚微細智如是等一切諸劫甚微細以如
來智於一念中皆如實知得諸菩薩圓滿行
至心入普賢行心離一切分別異道戲論心
發大願無懈怠心普見無量世界網無量諸
佛充滿心於諸佛善根諸菩薩行能聞持心
於安慰一切衆生廣大行聞已不忘心能於
一切劫現佛出世心於一一世界盡未來際
行不動行無休息心於一切世界中以如來
身業充滿菩薩身心以無著無縛解脫心修
普賢行成不退轉得一切法甚微細智所謂
甚深法甚微細智廣大法甚微細智種種法
甚微細智莊嚴法甚微細智一切法無有量
甚微細智一切法入一法甚微細智一法入
一切法甚微細智一切法入非法甚微細智
無法中安立一切法而不相違甚微細智入
一切佛法方便無有餘甚微細智如是等一
切世界一切言說所安立法諸微細智與彼
同等其智無礙皆如實知得入無邊法界心
於一一法界深心堅住成無礙行以一切智
充滿諸根入諸佛智正念方便成就諸佛廣
大功德徧滿法界普入一切諸如來身現諸

菩薩所有身業隨順一切世界言辭演說於法得一切佛神力所加智慧意業出生無量善巧方便分別諸法薩婆若智以無著無縛解脫心修普賢行出生一切甚微細智所謂知一切刹甚微細智知一切衆生甚微細智知一切法果報甚微細智知一切衆生心甚微細智知一切說法時甚微細智知一切法界甚微細智知一切盡虛空界三世甚微細智知一切語言道甚微細智知一切世間行甚微細智知一切出世行甚微細智乃至知一切如來道一切菩薩道一切衆生道甚微細智修菩薩行住普賢道若文若義皆如實知生如影智生如夢智生如幻智生如響智生如化智生如空智生寂滅智生一切法界智生無所依智生一切佛法智佛子菩薩摩訶薩以無著無縛解脫心迴向分別若世間若世間法分別若菩提若菩提薩埵不分別若菩薩行若出離道分別若佛若一切佛法不分別若調伏衆生若不調伏衆生不分別若善根若迴向分別若自若他不分別若施物若受施者分別若菩薩行若等正覺不分別若法若智佛子菩薩摩訶薩以彼善根如是迴向所謂心無著無縛解脫身無著無縛解脫口無著無縛解脫業無著

無縛解脫報無著無縛解脫世間無著無縛
解脫佛刹無著無縛解脫衆生無著無縛解
脫法無著無縛解脫智無著無縛解脫菩薩
摩訶薩如是迴向時如三世諸佛爲菩薩時
所修迴向而行迴向學過去諸佛迴向成未
來諸佛迴向住現在諸佛迴向安住過去諸
佛迴向道不捨未來諸佛迴向道隨順現在
諸佛迴向道勤修過去諸佛教成就未來諸
佛教了知現在諸佛教滿足過去諸佛平等
成就未來諸佛平等安住現在諸佛平等行
過去諸佛境界住未來諸佛境界等現在諸
佛境界得三世一切諸佛善根具三世一切
諸佛種性住三世一切諸佛所行順三世一
切諸佛境界佛子是爲菩薩摩訶薩第九無
著無縛解脫心迴向菩薩摩訶薩住此迴向
時一切金剛輪圍山所不能壞於一切衆生
中色相第一無能及者悉能摧破諸魔邪業
普現十方一切世界修菩薩行爲欲開悟一
切衆生以善方便說諸佛法得大智慧於諸
佛法心無迷惑在在生處若行若住常得值
遇不壞眷屬三世諸佛所說正法以清淨念
悉能受持盡未來劫修菩薩行常不休息無
所依著普賢行願增長具足得一切智施作
佛事成就菩薩自在神通爾時金剛幢菩薩

承佛神力普觀十方而說頌言

普於十方無等尊
隨其所修功德業
所修一切諸功德
恆以最上信解心
未嘗暫起高慢心
如來所有身等業
所修種種諸善根
安住深心廣大解
世間所有無量別
麤細廣大及甚深
世間所有種種身
於此修行得了悟
世間國土無量種
菩薩能以智慧門
衆生心行無有量
以智慧門悉開悟
衆生諸根及欲樂
一切甚深難可知
衆生所有種種業
菩薩深入如來力
不可思議無量劫
如是見已徧十方
過去未來及現在
未曾一起輕慢心
亦復恭敬生尊重
不爲自己及他人
利益衆生故迴向
亦復不生下劣意
彼悉請問勤修習
悉爲利益諸含識
迴向人尊功德位
種種善巧奇特事
靡不修行皆了達
以身平等入其中
慧門成就無退轉
微細廣大仰覆別
一毛孔中無不見
能令平等入一心
於所修行不退轉
上中下品各不同
隨其本性悉能了
上中下品各差別
以智慧門普明見
能令平等入一念
修行一切清淨業
了知其相各不同

而亦不違平等理
 世間衆生行不同
 菩薩悉知差別相
 十方世界一切佛
 廣大難可得思議
 一切世界兜率中
 功德廣大淨無等
 或現降神觀母胎
 成佛說法示滅度
 人中師子初生時
 諸天帝釋梵王等
 十方一切無有餘
 無始無末無遐邇
 人中尊導現生已
 欲以妙法悟羣生
 見諸衆生沉欲海
 人中自在現微笑
 大師子吼出妙音
 應然明淨智慧燈
 人師子王出世時
 令諸惡道皆休息
 或時示現處王宮
 爲欲饒益衆生故
 如來始坐道場時

是則大心明達行
 或顯或隱無量種
 亦知其相皆無相
 所現自在神通力
 菩薩悉能分別知
 自然覺悟人師子
 如其體相悉能見
 無量自在大神變
 普徧世間無暫已
 一切勝智悉承奉
 靡不恭敬而瞻侍
 無量無邊法界中
 示現如來自在力
 遊行諸方各七步
 是故如來普觀察
 盲暗愚癡之所覆
 念當救彼三有衆
 我爲世間第一尊
 滅彼生死愚癡闇
 普放無量大光明
 永滅世間衆苦難
 或現捨家修學道
 示其如是自在力
 一切大地皆動搖

十方世界悉蒙光
震動一切魔宮殿
昔曾受化及修行
十方所有諸國土
一切毛孔刹無邊
一切諸佛所開演
設諸如來所不說
徧滿三千大千界
所作無量種種惡
如來或在諸佛刹
或在梵宮而現身
佛現無量種種身
乃至三世一切劫
寶座高廣最無等
種種妙相而莊嚴
諸佛子衆共圍遶
開示菩提無量行
諸佛隨宜所作業
智者能以一方便
諸佛自在神通力
或現諸趣無量生
或於無量諸世界
乃至最後般涅槃
如是種種無邊行

六趣衆生成難苦
開悟十方衆生心
皆使了知真實義
悉入毛孔無有餘
於彼普現神通力
無量方便皆隨悟
亦能解了勤修習
一切魔軍興闢謬
無礙智門能悉滅
或復現處諸天宮
菩薩悉見無障礙
轉於清淨妙法輪
求其邊際不可得
徧滿十方無量界
佛處其上難思議
盡於法界悉周徧
一切最勝所由道
無量無邊等法界
一切了知無不盡
示現一切種種身
或現衆女衆圍遶
示現出家成佛道
分布其身起塔廟
導師演說佛所住

世尊所有大功德
以彼善根迴向時
如是修習菩提行
如來所有大神通
乃至世間諸智行
如是一切人中主
於一念中皆了悟
諸佛所有微細行
於彼悉能隨順知
有數無數一切劫
於此善入菩提行
十方所有無量刹
及彼一切諸如來
於念念中悉明見
如是二世無有餘
於一切心平等入
盡空佛刹斯亦然
出生衆生及諸法
菩薩神力亦復然
諸微細智各差別
同相異相悉善知
十方無量諸佛刹
趣生族類種種殊
過去未來現在世

捨願修行悉令盡
住於如是方便法
其心畢竟無厭怠
及以無邊勝功德
一切悉知無不盡
隨其所有諸境界
而亦不捨菩提行
及一切刹種種法
究竟迴向到彼岸
菩薩了知即一念
常勤修習不退轉
或有雜染或清淨
菩薩悉能分別知
不可思議無量劫
具足修治菩薩行
入一切法亦平等
彼最勝行悉了知
所有種種諸智慧
如是一切無窮盡
菩薩盡攝無有餘
如是修行廣大行
其中衆生各無量
住行力已悉能知
所有一切諸導師

若人知此而迴向
若人能修此迴向
當得一切佛功德
一切世間莫能壞
常能憶念一切佛
菩薩勝行不可量
已住如來無上行

則與彼佛行平等
則為學佛所行道
及以一切佛智慧
一切所學皆成就
常見一切世間燈
諸功德法亦如是
一悉知諸佛自在力

大方廣佛華嚴經卷第三十一

誹謗

下捕曉切

狹世

上狹反切

塵細

上倉胡切

懈倦

上古限切

如響

下許兩切

遐邇

上胡加切
下兒氏切

離翳

下於計切

薩埵

下丁果切

采女

上倉宰切

乙巳歲高麗國大藏部監奉

初彫造

大方廣佛華嚴經卷第三十二

章

千闍國三藏實叉難陀奉

制譯

十迴向品第二十五之十

佛子云何爲菩薩摩訶薩等法界無量迴向
佛子此菩薩摩訶薩以離垢繒而繫其頂住
法師位廣行法施起大慈悲安立衆生於菩
提心常行饒益無有休息以菩提心長養善
根爲諸衆生作調御師示諸衆生一切智道
爲諸衆生作法藏日善根光明普照一切於
諸衆生其心平等修諸善行無有休息心淨
無染智慧自在不捨一切善根道業作諸衆
生大智商主普令得入安隱正道爲諸衆生
而作導首令修一切善根法行爲諸衆生作
不可壞堅固善友令其善根增長成就佛子
此菩薩摩訶薩以法施爲首發生一切清淨
白法攝受趣向一切智心殊勝願力究竟堅
固成就增益具大威德依善知識心無諂誑
思惟觀察一切智門無邊境界以此善根如
是迴向願得修習成就增長廣大無礙一切
境界願得於佛正教之中乃至聽聞一句一
偈受持演說願得憶念與法界等無量無邊
一切世界去來現在一切諸佛旣憶念已修
菩薩行又願以此念佛善根爲一衆生於一
世界盡未來劫修菩薩行如於一世界盡法

界虛空界一切卅界皆亦如是如爲一衆生
爲一切衆生亦復如是以善方便一一皆爲
盡未來劫大捨莊嚴終無離佛善知識想常
見諸佛現在其前無有一佛出興於卅不得
親近一切諸佛及諸菩薩所讚所說清淨梵
行捨願修行悉令圓滿所謂不破梵行不缺
梵行不雜梵行無點梵行無失梵行無能蔽
梵行佛所讚梵行無所依梵行無所得梵行
增益菩薩清淨梵行三世諸佛所行梵行無
礙梵行無著梵行無諍梵行無減梵行安住
梵行無比梵行無動梵行無亂梵行無恚梵
行佛子菩薩摩訶薩若能爲已修行如是清
淨梵行則能普爲一切衆生令一切衆生皆
得安住令一切衆生皆得開曉令一切衆生
皆得成就令一切衆生皆得清淨令一切衆
生皆得無垢令一切衆生皆得照明令一切
衆生離諸塵染令一切衆生無諸障翳令一
切衆生離諸熱惱令一切衆生離諸纏縛令
一切衆生永離諸惡令一切衆生無諸惱害
畢竟清淨何以故菩薩摩訶薩自於梵行不
能清淨不能令他而得清淨自於梵行而有
退轉不能令他無有退轉自於梵行而有失
壞不能令他無有失壞自於梵行而有遠離
不能令他常不遠離自於梵行而有懈怠不

能令他不生懈怠自於梵行不生信解不能令他心生信解自於梵行而不安住不能令他而得安住自於梵行而不證入不能令他心得證入自於梵行而有放捨不能令他恒不放捨自於梵行而有散動不能令他心不散動何以故菩薩摩訶薩住無倒行說無倒法所言誠實如說修行淨身口意離諸雜染住無礙行滅一切障菩薩摩訶薩自得淨心爲他演說清淨心法自修和忍以諸善根調伏其心令他和忍以諸善根調伏其心自離疑悔亦令他人永離疑悔自得淨信亦令他得不壞淨信自住正法亦令衆生安住正法佛子菩薩摩訶薩復以法施所生善根如是迴向所謂願我獲得一切諸佛無盡法門普爲衆生分別解說皆令歡喜心得滿足摧滅一切外道異論願我能爲一切衆生演說三世諸佛法海於一一法生起一一法義理一一法名言一一法安立一一法解說一一法顯示一一法門戶一一法悟入一一法觀察一一法分位悉得無邊無盡法藏獲無所畏具四辯才廣爲衆生分別解說窮未來際而無有盡爲欲令一切衆生立勝志願出生無礙無謬失辯爲欲令一切衆生皆生歡喜爲欲令一切衆生成就一切淨法光明隨其類

音演說無斷爲欲令一切衆生深信歡喜住一切智辦了諸法得無迷惑作是念言我當普於一切世界爲諸衆生精勤修習得徧法界無量自在身得徧法界無量廣大心具等法界無量清淨音聲現等法界無量衆會道場修等法界無量菩薩業得等法界無量菩薩住證等法界無量菩薩平等學等法界無量菩薩法住等法界無量菩薩行入等法界無量菩薩迴向是爲菩薩摩訶薩以諸善根而爲迴向爲令衆生悉得成就一切智故佛子菩薩摩訶薩復以善根如是迴向所謂爲欲見等法界無量諸佛調伏等法界無量衆生住持等法界無量佛刹證等法界無量菩薩智獲等法界無量無所畏成等法界無量諸菩薩陀羅尼得等法界無量諸菩薩不思議住具等法界無量功德滿等法界無量利益衆生善根又願以此善根故令我得福德平等智慧平等力平等無畏平等清淨平等自在平等正覺平等說法平等義平等決定平等一切神通平等如是等法皆悉圓滿如我所得願一切衆生亦如是得如我無異佛子菩薩摩訶薩復以善根如是迴向所謂如法界無量善根迴向亦復如是所得智慧終無有量如法界無邊善根迴向亦復如是見

一切佛無有其邊如法界無限善根迴向亦復如是詣諸佛刹無有齊限如法界無際善根迴向亦復如是於一切世界修菩薩行無有涯際如法界無斷善根迴向亦復如是住一切智永不斷絕如法界一性善根迴向亦復如是與一切衆生同一智性如法界自性清淨善根迴向亦復如是令一切衆生究竟清淨如法界隨順善根迴向亦復如是令一切衆生悉皆隨順普賢行願如法界莊嚴善根迴向亦復如是令一切衆生以普賢行而爲莊嚴如法界不可失壞善根迴向亦復如是令諸菩薩永不失壞諸清淨行樂子菩薩摩訶薩復以此善根如是迴向所謂願以此善根承事一切諸佛菩薩皆令歡喜願以此善根速得趣入一切智性願以此善根徧一切處令一切智願以此善根令一切衆生常得往觀一切諸佛願以此善根令一切衆生常見諸佛能作佛事願以此善根令一切衆生恒得見佛不於佛事生怠慢心願以此善根令一切衆生常得見佛心喜清淨無有退轉願以此善根令一切衆生常得見佛心善解了願以此善根令一切衆生常得見佛不生執著願以此善根令一切衆生常得見佛了達無礙願以此善根令一切衆生常得見

佛成普賢行願以此善根令一切衆生常見
諸佛現在其前無時暫捨願以此善根令一
切衆生常見諸佛出生菩薩無量諸力願以
此善根令一切衆生常見諸佛於一切法永
不忘失佛子菩薩摩訶薩又以諸善根如是
迴向所謂如法界無起性迴向如法界根本
性迴向如法界自體性迴向如法界無依性
迴向如法界寂靜性迴向如法界空無性
迴向如法界無遷動性迴向如法界無差別
性迴向佛子菩薩摩訶薩復以法施所有宣
示所有開悟及因此起一切善根如是迴向
所謂願一切衆生成菩薩法師常爲諸佛之
所護念願一切衆生作無上法師方便安立
一切衆生於一切智願一切衆生作無屈法
師一切問難莫能窮盡願一切衆生作無礙
法師得一切法無礙光明願一切衆生作智
藏法師能善巧說一切佛法願一切衆生成
諸如來自在法師善能分別如來智慧願一
切衆生作如眼法師說如實法不由他教願
一切衆生作憶持一切佛法法師如理演說
不違句義願一切衆生作修行無相道法師
以諸妙相而自莊嚴放無量光善入諸法願
一切衆生作大身法師其身普徧一切國土

興大法雲雨諸佛法願一切衆生作護法藏
法師建無勝幢護諸佛法令正法海無所缺
減願一切衆生作一切法日法師得佛辯才
巧說諸法願一切衆生作妙音方便法師善
說無邊法界之藏願一切衆生作到法彼岸
法師以智神通開正法藏願一切衆生作安
住正法法師演說如來究竟智慧願一切衆
生作了達諸法法師能說無量無盡功德願
一切衆生作不誑世間法師能以方便令入
實際願一切衆生作破諸魔衆法師善能覺
知一切魔業願一切衆生作諸佛所攝受法
師離我所攝受之心願一切衆生作安隱
一切世間法師成就菩薩說法願力佛子菩
薩摩訶薩復以諸善根如是迴向所謂不以
取著業故迴向不以取著報故迴向不以取
著心故迴向不以取著法故迴向不以取著
事故迴向不以取著因故迴向不以取著語
言音聲故迴向不以取著名句文身故迴向
不以取著迴向故迴向不以取著利益衆生
故迴向佛子菩薩摩訶薩復以善根如是迴
向所謂不爲耽著色境界故迴向不爲耽著
聲香味觸法境界故迴向不爲求生天故迴
向不爲求欲樂故迴向不爲著欲境界故迴
向不爲求眷屬故迴向不爲求自在故迴向

不爲求生死樂故迴向不爲著生死故迴向
不爲樂諸有故迴向不爲求和合樂故迴向
不爲求可樂著處故迴向不爲懷毒害心故
迴向不壞善根故迴向不依三界故迴向不
著諸禪解脫三昧故迴向不住聲聞辟支佛
乘故迴向但爲教化調伏一切衆生故迴向
但爲成滿一切智智故迴向但爲得無礙智
故迴向但爲得無障礙清淨善根故迴向但
爲令一切衆生超出生死證大智慧故迴向
但爲令大菩提心如金剛不可壞故迴向但
爲成就究竟不死法故迴向但爲以無量莊
嚴莊嚴佛種性示現一切智自在故迴向但
爲求菩薩一切法明大神通智故迴向但爲
於盡法界虛空界一切佛刹行普賢行圓滿
不退被堅固大願鎚令一切衆生住普賢地
故迴向但爲盡未來劫度脫衆生常無休息
示現一切智地無礙光明恒不斷故迴向佛
子菩薩摩訶薩以被善根迴向時以如是心
迴向所謂以本性平等心迴向以法性平等
心迴向以一切衆生無量平等心迴向以無
諍平等心迴向以自性無所起平等心迴向
以知諸法無亂心迴向以入三世平等心迴
向以出生三世諸佛種性心迴向以得不退
失神通心迴向以生成一切智行心迴向又

為令一切衆生永離一切地獄故迴向為令
 一切衆生不入畜生趣故迴向為令一切衆
 生不往閻羅王處故迴向為令一切衆生除
 滅一切障道法故迴向為令一切衆生滿足
 一切善根故迴向為令一切衆生能應時轉
 法輪令一切歡喜故迴向為令一切衆生入
 十力輪故迴向為令一切衆生滿足菩薩無
 邊清淨法願故迴向為令一切衆生隨順一
 切善知識教善提心器得滿足故迴向為令
 一切衆生受持修行甚深佛法得一切佛智
 光明故迴向為令一切衆生修諸菩薩無障
 礙行常現前故迴向為令一切衆生常見諸
 佛現其前故迴向為令一切衆生清淨法光
 明常現前故迴向為令一切衆生無畏大菩
 提心常現前故迴向為令一切衆生菩薩不
 思議智常現前故迴向為令一切衆生普救
 護衆生令清淨大悲心常現前故迴向為令
 一切衆生以不可說不可說勝妙莊嚴具莊
 嚴一切諸佛刹故迴向為令一切衆生摧滅
 一切衆魔闢諍羅網業故迴向為令一切衆
 生於一切佛刹皆無所依修菩薩行故迴向
 為令一切衆生發一切種智心入一切佛法
 廣大門故迴向佛子菩薩摩訶薩又以此善
 根正念清淨迴向智慧決定迴向盡知一切

佛法方便迴向爲成就無量無礙智故迴向
欲滿足清淨殊勝心故迴向爲一切衆生住
大慈故迴向爲一切衆生住大悲故迴向爲
一切衆生住大喜故迴向爲一切衆生住大
捨故迴向爲永離二著住勝善根故迴向爲
思惟觀察分別演說一切緣起法故迴向爲
立大勇猛幢心故迴向爲立無能勝幢藏故
迴向爲破諸魔衆故迴向爲得一切法清淨
無礙心故迴向爲修一切菩薩行不退轉故
迴向爲得樂求第一勝法心故迴向爲得樂
求諸功德法自在清淨一切智智心故迴向
爲滿一切願除一切諍得佛自在無礙清淨
法爲一切衆生轉不退法輪故迴向爲得如
來最上殊勝法智慧日百千光明之所莊嚴
普照一切法界衆生故迴向爲欲調伏一切
衆生隨其所樂常令滿足不捨本願盡未來
際聽聞正法修習大行得淨智慧離垢光明
斷除一切憍慢消滅一切煩惱裂愛欲網破
愚癡闇具足無垢無障礙法故迴向爲一切
衆生於阿僧祇劫常勤修習一切智行無有
退轉一一令得無礙妙慧示現諸佛自在神
通無有休息故迴向佛子菩薩摩訶薩以諸
善根如是迴向時不應貪著三有五欲境界
何以故菩薩摩訶薩應以無貪善根迴向應

以無瞋善根迴向應以無癡善根迴向應以
不害善根迴向應以離慢善根迴向應以不
諂善根迴向應以質直善根迴向應以精勤
善根迴向應以修習善根迴向佛子菩薩摩
訶薩如是迴向時得淨信心於菩薩行歡喜
忍受修習清淨大菩薩道具佛種性得佛智
慧捨一切惡離眾魔業親近善友成已大願
請諸眾生設大施會佛子菩薩摩訶薩復以
此法施所生善根如是迴向所謂令一切眾
生得淨妙音得柔軟音得天鼓音得無量無
數不思議音得可愛樂音得清淨音得周徧
一切佛刹音得百千那由他不可說功德莊
嚴音得高遠音得廣大音得滅一切散亂音
得充滿法界音得攝取一切眾生語言音得
一切眾生無邊音聲智得一切清淨語言音
聲智得無量語言音聲智得最自在音入一
切音聲智得一切清淨莊嚴音得一切世間
無厭足音得究竟不繫屬一切世間音得歡
喜音得佛清淨語言音得說一切佛法遠離
癡翳名稱普聞音得令一切眾生得一切法
陀羅尼莊嚴音得說一切無量種法音得普
至法界無量眾會道場音得普攝持不可思
議法金剛句音得開示一切法音得能說不
可說字句差別智藏音得演說一切法無所

著不斷音得一切法光明照耀音得能令一切世間清淨究竟至於一切智音得普攝一切法句義音得神力護持自在無礙音得到一切世間彼岸智音又以此善根令一切眾生得不下劣音得無怖畏音得無染著音得一切衆會道場歡喜音得隨順美妙音得善說一切佛法音得斷一切衆生疑念皆令覺悟音得具足辯才音得普覺悟一切衆生長夜睡眠音佛子菩薩摩訶薩復以諸善根如是迴向所謂願一切衆生得離衆過惡清淨法身願一切衆生得離衆過惡淨妙功德願一切衆生得離衆過惡清淨妙相願一切衆生得離衆過惡清淨一切智心願一切衆生得離衆過惡無量清淨菩提心願一切衆生得離衆過惡了知諸根清淨方便願一切衆生得離衆過惡清淨信解願一切衆生得離衆過惡清淨勤修無礙行願願一切衆生得離衆過惡清淨正念智慧辯才佛子菩薩摩訶薩復以諸善根爲一切衆生如是迴向願得種種清淨妙身所謂光明身離濁身無染身清淨身極清淨身離塵身極離塵身離垢身可愛樂身無障礙身於一切世界現諸業像於一切世間現言說像於一切宮殿現安立像如

淨明鏡種種色像自然顯現示諸衆生大菩提行示諸衆生甚深妙法示諸衆生種種功德示諸衆生修行之道示諸衆生成就之行示諸衆生菩薩行願示諸衆生於一世界一切世界佛興於世示諸衆生一切諸佛神通變化示諸衆生一切菩薩不可思議解脫威力示諸衆生成滿普賢菩薩行願一切智性菩薩摩訶薩以如是等微妙淨身方便攝取一切衆生悉令成就清淨功德一切智身佛子菩薩摩訶薩復以法施所生善根如是迴向願身隨住一切世界修菩薩行衆生見者皆悉不虛發菩提心永無退轉順真實義不可傾動於一切世界盡未來劫住菩薩道而無疲厭大悲均普量同法界知衆生根應時說法常不休息於善知識心常正念乃至不捨一剎那頃一切諸佛常現在前心常正念未曾暫懈修諸善根無有虛偽置諸衆生於一切智令不退轉具足一切佛法光明持大法雲受大法雨修菩薩行入一切衆生入一切佛刹入一切諸法入一切三昧入一切衆生業報智入一切菩薩善巧方便智入一切菩薩出生智入一切菩薩清淨境界智入一切佛自在神通入一切無邊法界於此安住修菩薩行

大方廣佛華嚴經卷第三十二

垢繒下疾陵切

而繫下古詣切

諂誑上丑琰切
下居況切

無點下都念切

能蔽下必被切

障翳下於計切

纏縛上直連切

往觀下渠怪切

耽著上丁舍切

觸法上尺玉切

願鎖下苦來切

闕諱上都豆切

勇猛下莫杏切

裂愛上良薛切

天鼓下公戶切

乙巳歲高麗國大藏都監奉

勅彫造

大方廣佛華嚴經卷第三十三

章

于闐國三藏實叉難陀奉

制譯

十迴向品第二十五之十一

佛子菩薩摩訶薩復以法施所修善根如是
迴向願一切佛刹皆悉清淨以不可說不可
說莊嚴具而莊嚴之一一佛刹其量廣大同
於法界純善無礙清淨光明諸佛於中現成
正覺一佛刹中清淨境界悉能顯現一切佛
刹如一佛刹一切佛刹亦復如是其一一刹
悉以等法界無量無邊清淨妙寶莊嚴之具
而為嚴飾所謂阿僧祇清淨寶座敷衆寶衣
阿僧祇寶帳寶網垂布阿僧祇寶蓋一切妙
寶互相映徹阿僧祇寶雲普雨衆寶阿僧祇
寶華周徧清淨阿僧祇衆寶所成欄楯軒檻
清淨莊嚴阿僧祇寶鈴常演諸佛微妙音聲
周流法界阿僧祇寶蓮華種種寶色開敷榮
耀阿僧祇寶樹周布行列無量妙寶以為華
果阿僧祇寶宮殿無量菩薩止住其中阿僧
祇寶樓閣廣博崇麗延袤遠近阿僧祇寶却
敵大寶所成莊嚴妙好阿僧祇寶門闥妙寶
璎珞周布垂布阿僧祇寶牕牖不思議寶清
淨莊嚴阿僧祇寶多羅形如半月衆寶集成
如是一切悉以衆寶而為嚴飾離垢清淨不
可思議無非如來善根所起具足無數寶藏

莊嚴復有阿僧祇寶何流出一切清淨善法
阿僧祇寶海法水盈滿阿僧祇寶芥陀利華
常出妙法芥陀利聲阿僧祇寶須彌山智慧
山王秀出清淨阿僧祇八楞妙寶寶線貫穿
嚴淨無比阿僧祇淨光寶常放無礙大智光
明普照法界阿僧祇寶鈴鐸更相扣擊出妙
音聲阿僧祇清淨寶諸菩薩寶具足充滿阿
僧祇寶繒綵處處垂下色相光潔阿僧祇妙
寶幢以寶半月而爲嚴飾阿僧祇寶幡悉能
普雨無量寶幡阿僧祇寶帶垂布空中莊嚴
殊妙阿僧祇寶敷具能生種種微細樂觸阿
僧祇妙寶旋示現菩薩一切智眼阿僧祇寶
瓔珞一一瓔珞百千菩薩上妙莊嚴阿僧祇
寶宮殿超過一切妙絕無比阿僧祇寶莊嚴
具金剛摩尼以爲嚴飾阿僧祇種種妙寶莊
嚴具常現一切清淨妙色阿僧祇清淨寶殊
形異彩光鑒映徹阿僧祇寶山以爲垣牆周
帀圍遶清淨無礙阿僧祇寶香其香普熏一
切世界阿僧祇寶化事一一化事周徧法界
阿僧祇寶光明一一光明現一切光復有阿
僧祇寶光明清淨智光照了諸法復有阿僧
祇無礙寶光明一一光明周徧法界有阿僧
祇寶處一切諸寶皆悉具足阿僧祇寶藏開
示一切正法藏寶阿僧祇寶幢如來幢相迥

然高出阿僧祇寶賢大智賢像具足清淨句
僧祇寶園生諸菩薩三昧快樂阿僧祇寶音
如來妙音普示世間阿僧祇寶形其一一形
皆放無量妙法光明阿僧祇寶相其一一相
悉超衆相阿僧祇寶威儀見者皆生菩薩喜
樂阿僧祇寶聚見者皆生智慧寶聚阿僧祇
寶安住見者皆生善住寶心阿僧祇寶衣服
其有著者生諸菩薩無比三昧阿僧祇寶架
裝其有著者纔始發心則得善見陀羅尼門
阿僧祇寶修習其有見者知一切寶皆是業
果決定清淨阿僧祇寶無疑知見其有見者
得了一切清淨法眼阿僧祇寶光藏其有見
者則得成就大智慧藏阿僧祇寶座佛坐其
上大師子吼阿僧祇寶燈常放清淨智慧光
明阿僧祇寶多羅樹次第行列繚以寶繩莊
嚴清淨其樹復有阿僧祇寶幹從身聳擢端
直圓潔阿僧祇寶枝種種衆寶莊嚴稠密不
思議鳥翔集其中常吐妙音宣揚正法阿僧
祇寶葉放大智光徧一切處阿僧祇寶華一
一華上無量菩薩結跏趺坐徧遊法界阿僧
祇寶果見者當得一切智智不退轉果阿僧
祇寶聚落見者捨離世聚落法阿僧祇寶都
邑無礙衆生於中盈滿阿僧祇寶宮殿王處
其中具足菩薩那羅延身勇猛堅固被法甲

曹心無退轉阿僧祇寶舍入者能除戀舍宅
心阿僧祇寶衣著者能令解了無著阿僧祇
寶宮殿出家菩薩充滿其中阿僧祇寶珍玩
見者咸生無量歡喜阿僧祇寶輪放不思議
智慧光明轉不退輪阿僧祇寶跋陀樹因陀
羅網莊嚴清淨阿僧祇寶地不思議寶間錯
莊嚴阿僧祇寶吹其音清亮充滿法界阿僧
祇寶鼓妙音克諧窮劫不絕阿僧祇寶衆生
盡能攝持無上法寶阿僧祇寶身具足無量
功德妙寶阿僧祇寶口常演一切妙法寶音
阿僧祇寶心具清淨意大智願寶阿僧祇寶
念斷諸愚惑究竟堅固一切智寶阿僧祇寶
明誦持一切諸佛法寶阿僧祇寶慧使了一
切諸佛法藏阿僧祇寶智得大圓滿一切智
寶阿僧祇寶眼鑒十力寶無所障礙阿僧祇
寶耳聽聞無量盡法界聲清淨無礙阿僧祇
寶鼻常嗅隨順清淨寶香阿僧祇寶舌能說
無量諸語言法阿僧祇寶身徧遊十方而無
罣礙阿僧祇寶意常勤修習普賢行願阿僧
祇寶音淨妙音聲徧十方界阿僧祇寶身業
一切所作以智爲首阿僧祇寶語業常說修
行無礙智寶阿僧祇寶意業得無障礙廣大
智寶究竟圓滿佛子菩薩摩訶薩於彼一切
諸佛刹中於一佛刹一方一處一毛端量有

無量無邊不可說數諸大菩薩皆悉成就清淨智慧充滿而住如一佛刹一方一處一毛端量如是盡虛空徧法界一一佛刹一一方一一處一一毛端量悉亦是是為菩薩摩訶薩以諸善根而為迴向普願一切諸佛國土悉具種種妙寶莊嚴如寶莊嚴如是廣說如是香莊嚴華莊嚴鬘莊嚴塗香莊嚴燒香莊嚴末香莊嚴衣莊嚴蓋莊嚴幢莊嚴幡莊嚴摩尼寶莊嚴次第乃至過比百倍皆如寶莊嚴如是廣說佛子菩薩摩訶薩以法施等所集善根為長養一切善根故迴向為嚴淨一切佛刹故迴向為成就一切衆生故迴向為令一切衆生皆心淨不動故迴向為令一切衆生皆入甚深佛法故迴向為令一切衆生皆得無能過清淨功德故迴向為令一切衆生皆得不可壞清淨福力故迴向為令一切衆生皆得無盡智力度諸衆生令入佛法故迴向為令一切衆生皆得平等無量清淨言音故迴向為令一切衆生皆得平等無礙眼成就盡虛空徧法界等智慧故迴向為令一切衆生皆得清淨念知前際劫一切世界故迴向為令一切衆生皆得無礙大智慧悉能成了一切法藏故迴向為令一切衆生皆得無限量大菩提周徧法界無所障礙故迴

向爲令一切衆生皆得平等無分別同體善
根故迴向爲令一切衆生皆得一切功德具
足莊嚴清淨身語意業故迴向爲令一切衆
生皆得同於普賢行故迴向爲令一切衆生
皆得入一切同體清淨佛刹故迴向爲令一
切衆生悉觀察一切智皆趣入圓滿故迴向
爲令一切衆生皆得遠離不平等善根故迴
向爲令一切衆生皆得平等無異相深心次
第圓滿一切智故迴向爲令一切衆生皆得
安住一切白法故迴向爲令一切衆生皆於
一念中證一切智得究竟故迴向爲令一切
衆生皆成滿清淨一切智道故迴向佛子菩
薩摩訶薩以諸善根普爲一切衆生如是迴
向已復以此善根欲普圓滿演說一切清淨
行法力故迴向欲成就清淨行威力得不可
說不可說法海故迴向欲於一一法海具足
無量等法界清淨智光明故迴向欲開示演
說一切法差別句義故迴向欲成就無邊廣
大一切法光明三昧故迴向欲隨順三昧諸
佛辯才故迴向欲成就去來現在一切佛自
在身故迴向爲尊重一切佛可愛樂無障礙
法故迴向爲滿足大悲心救護一切衆生常
無退轉故迴向欲成就不思議差別法無障
礙智心無垢染諸根清淨普入一切衆會道

場故迴向欲於一切若覆若仰若麤若細若廣若狹小大深淨如是等諸佛國土常轉平等不退法輪故迴向欲於念念中得無所畏無有窮盡種種辯才妙法光明開示演說故迴向爲樂求衆善發心修習諸根轉勝獲一切法大神通智盡能了知一切諸法故迴向欲於一切衆會道場親近供養爲一切衆生演一切法咸令歡喜故迴向佛子菩薩摩訶薩又以此善根如是迴向所謂以住法界無量住迴向以住法界無量身業迴向以住法界無量語業迴向以住法界無量意業迴向以住法界無量色平等迴向以住法界無量受想行識平等迴向以住法界無量蘊平等迴向以住法界無量界平等迴向以住法界無量處平等迴向以住法界無量內平等迴向以住法界無量外平等迴向以住法界無量發起平等迴向以住法界無量深心平等迴向以住法界無量方便平等迴向以住法界無量諸根平等迴向以住法界無量初中後際平等迴向以住法界無量業報平等迴向以住法界無量衆生平等迴向以住法界無量佛刹平等迴向以住法界無量法平等迴向以住法界無量世間

光明平等迴向以住法界無量諸佛菩薩平等迴向以住法界無量菩薩行願平等迴向以住法界無量菩薩出離平等迴向以住法界無量菩薩教化調伏平等迴向以住法界無量法界無二平等迴向以住法界無量如來衆會道場平等迴向佛子菩薩摩訶薩如是迴向時安住法界無量平等清淨身安住法界無量平等清淨語安住法界無量平等清淨心安住法界無量平等清淨衆會道場安住願安住法界無量平等清淨衆會道場安住法界無量平等爲一切菩薩廣說諸法清淨智安住法界無量平等能入盡法界一切世界身安住法界無量平等一切法光明清淨無畏能以一音盡斷一切衆生疑網隨其根欲皆令歡喜住於無上一切種智力無所畏自在神通廣大功德出離法中佛子是爲菩薩摩訶薩第十住等法界無量迴向菩薩摩訶薩以法施等一切善根如是迴向時成滿普賢無量無邊菩薩行願悉能嚴淨盡虛空等法界一切佛刹令一切衆生亦得如是具足成就無邊智慧了一切法於念念中見一切佛出興於世於念念中見一切佛無量無邊自在力所謂廣大自在力無著自在力無礙自在力不思議自在力淨一切衆生自在

力立一切世界自在力現不可說語言自在
力隨時應現自在力住不退轉神通智自在
力演說一切無邊法界得無有餘自在力出
生普賢菩薩無邊際眼自在力以無礙耳識
聞持無量諸佛正法自在力一身結跏趺坐
周徧十方無量法界於諸衆生無所迫隘自
在力以圓滿智普入三世無量法自在力又
得無量清淨所謂一切衆生清淨一切佛刹
清淨一切法清淨一切處徧知智清淨徧虛
空界無邊智清淨得一切差別言音智以種
種言音普應衆生清淨放無量圓滿光普照
一切無邊世界清淨出生一切三世菩薩行
智清淨一念中普入三世一切諸佛衆會道
場智清淨入無邊一切世間令一切衆生皆
作所應作清淨如是等皆得具足皆得成就
皆已修治皆得平等皆悉現前皆悉知見皆
悉悟入皆已觀察皆得清淨到於彼岸爾時
佛神力故十方各百萬佛刹微塵數世界六
種震動所謂動徧動等徧動起徧起等徧起
涌徧涌等徧涌震徧震等徧震吼徧吼等徧
吼擊徧擊等徧擊佛神力故法如是故雨衆
天華天鬘天末香天諸雜香天衣服天珍寶
天莊嚴具天摩尼寶天沈水香天栴檀香天
上妙蓋天種種幢天雜色幡阿僧祇諸天身

無量百千億不可說天妙法音不可思議天讚佛音阿僧祇天歡喜音咸稱善哉無量阿僧祇百千那由他諸天恭敬禮拜無數天子常念諸佛希求如來無量功德心不捨離無數天子作衆妓樂歌詠讚歎供養如來百千阿僧祇諸天放大光明普照盡虛空徧法界一切佛刹現無量阿僧祇諸佛境界如來化身出過諸天如於此世界兜率陀天宮說如是法周徧十方一切世界兜率天宮悉亦是爾時復以佛神力故十方各過百萬佛刹微塵數世界外各有百萬佛刹微塵數諸菩薩而來集會周徧十方咸作是言善哉善哉佛子乃能說此諸大迴向佛子我等皆同号名金剛幢悉從金剛光世界金剛幢佛所來詣此土彼諸世界悉以佛神力故而說是法衆會眷屬文辭句義皆亦如是不增不減我等皆承佛神力從彼土來爲汝作證如我來此衆會爲汝作證十方所有一切世界兜率天宮寶莊嚴殿諸菩薩衆來爲作證亦復如是爾時金剛幢菩薩承佛神力觀察十方一切衆會暨于法界已善知文義增廣大心大悲普覆一切衆生繫心安住三昧佛種善入一切佛功德法成就諸佛自在之身觀諸衆生

心之所樂及其所種一切善根悉分別知隨
順法身為現清淨妙色之身即於是時而說
頌曰

菩薩成就法智慧
為法光明調御師
菩薩為法大導師
引導十方無量眾
菩薩已飲佛法海
法日出現於世間
常為難遇法施主
法光清淨照其心
善修於法自在心
成就甚深妙法海
宣說甚深希有法
具足清淨法喜心
諸佛法王所灌頂
悉能解了法實相
菩薩修行第一施
所作皆蒙佛忍可
菩薩成就妙法身
為利眾生作法燈
隨所修行妙法施
所作眾善為眾生
所有成佛功德法

悟解無邊正法門
了知無礙真實法
開示甚深難得法
悉令安住正法中
法雲普雨十方界
闡揚妙法利羣生
了知入法巧方便
於世說法恒無畏
悉能悟入諸法門
普為眾生擊法鼓
以法長養諸功德
示現世間佛法藏
成就法性智藏身
安住一切眾善法
一切如來所讚喜
以此成就人中尊
親從諸佛法化生
演說無量最勝法
則亦觀察彼善根
悉以智慧而迴向
悉以迴施諸羣生

願令一切皆清淨
十方佛刹無有量
如是莊嚴不可思
如來所有清淨智
猶如普賢真佛子
成就廣大神通力
一切衆生無有餘
諸佛如來所開悟
一切皆令如普賢
諸佛菩薩所成就
如是功德無有邊
菩薩具足自在力
示現一切大神通
菩薩能於一念頃
又復於一毛端中
世間衆生無有量
諸佛無量等衆生
種種名香上妙華
分布法界咸充滿
一毛孔中悉明見
一切毛孔皆如是
舉身次第恭敬禮
亦以言辭普稱讚
一如來所供養具

到佛莊嚴之彼岸
悉具無量大莊嚴
盡以莊嚴一國土
願令衆生皆具足
一切功德自莊嚴
往詣世界悉周徧
皆使修行菩薩道
十方無量諸衆生
具足修行最上行
種種差別諸功德
願使衆生悉圓滿
所應學處皆往學
普詣十方無量土
觀等衆生無數佛
盡攝諸法皆明見
菩薩悉能分別知
大心供養咸令盡
衆寶衣裳及幡蓋
發心普供十方佛
不思議數無量佛
普禮一切世間燈
如是無邊諸最勝
窮盡未來一切劫
其數無量等衆生

如是供養一如來
供養讚歎諸如來
世間劫數可終盡
一切世間種種劫
恭敬供養一如來
如無量劫供一佛
亦不分別是劫數
法界廣大無邊際
以大蓮華徧布中
寶華香色皆圓滿
一切世間無可諭
衆生數等無量刹
悉以供養一如來
塗香無比最殊勝
以此供養天人師
末香燒香上妙華
如是供養諸最勝
等衆生數照世燈
亦以無邊偈稱述
如衆生數佛世尊
如衆生數無量劫
如是供養諸佛時
悉見十方無量佛
過去未來及現在

一切如來亦復然
盡彼世間一切劫
菩薩供養無休懈
於爾所劫修諸行
盡一切劫無厭足
供一切佛皆如是
於所供養生疲厭
菩薩觀察悉明了
施等衆生無量佛
清淨莊嚴甚微妙
持以供養人中尊
諸妙寶蓋滿其中
供一切佛皆如是
一切世間未曾有
窮盡衆生數等劫
衆寶衣服莊嚴具
歡喜奉事無厭足
念念成就大菩提
供養人中調御者
皆修無上妙供養
如是讚歎無窮盡
以佛神力皆周徧
安住普賢菩薩行
所有一切諸善根

令我常修普賢行
一切如來所知見
悉願具足如普賢
此是十方諸大士
諸佛如來爲我說
十方世界無有餘
莫不成令得開覺
如其迴向行布施
精進長時無退怯
禪定持心常一緣
去來現在皆通達
菩薩身心及語業
一切修行無有餘
譬如法界無分別
亦如涅槃無障礙
智者所有迴向法
種種善根悉迴向
佛子善學此迴向
攝取法界盡無餘
若欲成就佛所說
宜應善住此迴向
一切衆生猶可數
如是普賢諸佛子
一毛度空可得邊

速得安住普賢地
世間無量諸衆生
爲聰慧者所稱讚
其所修治迴向行
此迴向行最無上
其中一切諸衆生
悉使常如普賢行
亦復堅持於禁戒
忍辱柔和心不動
智慧了境同三昧
世間無有得其邊
如是所作皆清淨
悉與普賢菩薩等
戲論深著皆未盡
心常如是離諸取
諸佛如來已開示
是故能成菩薩道
無量行願悉成滿
是故能成善逝力
菩薩廣大殊勝行
是諸佛子号普賢
三世心量亦可知
功德邊際無能測
衆刹爲塵可知數

如是大仙諸佛子

明經第三十三

所住行願無能量

第七古德

大方廣佛華嚴經卷第三十三

軒檻下胡雞切

延袤下莫候切

却敵下徒歷切

門闥下他達切

總隔上楚江切

寶線下杜箭切

鈴鐸下徒落切

扣般上口音

繚以下盧烏切

乙巳歲高麗國大藏都監奉

勅彫造

大方廣佛華嚴經卷第三十四

音

于闐國三藏實叉難陀奉

制譯

十地品第二十六之一

爾時世尊在他化自在天王宮摩尼寶藏殿
與大菩薩衆俱其諸菩薩皆於阿耨多羅三
藐三菩提不退轉悉從他方世界來集住一
切菩薩智所住境入一切如來智所入處勤
行不息善能示現種種神通諸所作事教化
調伏一切衆生而不失時爲成菩薩一切大
願於一切世一切劫一切剎勤修諸行無暫
懈怠具足菩薩福智助道普益衆生而恒不
匱到一切菩薩智慧方便究竟彼岸示入生
死及以涅槃而不廢捨修菩薩行善入一切
菩薩禪定解脫三昧三摩鉢底神通明智諸
所施爲皆得自在獲一切菩薩自在神力於
一念頃無所動作悉能往詣一切如來道場
衆會爲衆上首請佛說法護持諸佛正法之
輪以廣大心供養承事一切諸佛常勤修習
一切菩薩所行事業其身普現一切世間其
音普及十方法界心智無礙普見三世一切
菩薩所有功德悉已修行而得圓滿於不可
說劫說不能盡其名曰金剛藏菩薩寶藏菩
薩蓮華藏菩薩德藏菩薩蓮華德藏菩薩日
藏菩薩蘇利耶藏菩薩無垢月藏菩薩於一

切國土普現莊嚴藏菩薩毗盧遮那智藏菩薩妙德藏菩薩栴檀德藏菩薩華德藏菩薩俱蘇摩德藏菩薩優鉢羅德藏菩薩天德藏菩薩福德藏菩薩無礙清淨智德藏菩薩功德藏菩薩那羅延德藏菩薩無垢藏菩薩離垢藏菩薩種種辯才莊嚴藏菩薩大光明網藏菩薩淨威德光明王藏菩薩金莊嚴大功德光明王藏菩薩一切相莊嚴淨德藏菩薩金剛皎德相莊嚴藏菩薩光明皎藏菩薩星宿王光照藏菩薩虛空無礙智藏菩薩妙音無礙藏菩薩陀羅尼功德持一切衆生願藏菩薩海莊嚴藏菩薩須彌德藏菩薩淨一切功德藏菩薩如來藏菩薩佛德藏菩薩解脫月菩薩如是等無數無量無邊無等不可數不可稱不可思不可量不可說諸菩薩摩訶薩衆金剛藏菩薩而爲上首

爾時金剛藏菩薩承佛神力入菩薩大智慧光明三昧入是三昧已即時十方各過十億佛剎微塵數世界外各有十億佛剎微塵數諸佛同名金剛藏而現其前作如是言善哉善哉金剛藏乃能入是菩薩大智慧光明三昧善男子此是十方各十億佛剎微塵數諸佛共加於汝以毗盧遮那如來應正等覺本願力故威神力故亦是汝勝智力故欲令汝

爲一切菩薩說不思議諸佛法光明故所謂
 令入智地故攝一切善根故善揀擇一切佛
 法故廣知諸法故善能說法故無分別智清
 淨故一切世法不染故出世善根清淨故得
 不思議智境界故得一切智人智境界故又
 今得菩薩十地始終故如實說菩薩十地差
 別相故緣念一切佛法故修習分別無漏法
 故善選擇觀察大智光明巧莊嚴故善入波
 定智門故隨所住處次第顯說無所畏故得
 無礙辯才光明故住大辯才地善決定故憶
 念菩薩心不忘失故成熟一切衆生界故能
 徧至一切處決定開悟故善男子汝當辯說
 此法門差別善巧法所謂承佛神力如來智
 明所加故淨自善根故普淨法界故普攝衆
 生故深入法身智身故受一切佛灌頂故得
 一切世間最高大身故超一切世間道故清
 淨出世善根故滿足一切智智故爾時十方
 諸佛與金剛藏菩薩無能映奪身與無礙樂
 說辯與善分別清淨智與善憶念不忘力與
 善決定明了慧與至一切處開悟智與成道
 自在力與如來無所畏與一切智人觀察分
 別諸法門辯才智與一切如來上妙身語意
 具足莊嚴何以故得此三昧法如是故本願
 所起故善淨深心故善淨智輪故善積集助

道故善修治所作故念其無量法器故知其
清淨信解故得無錯謬惣持故法界智印善
印故

爾時十方諸佛各申右手摩金剛藏菩薩頂
摩頂已金剛藏菩薩從三昧起普告一切菩
薩眾言諸佛子諸菩薩願善決定無雜不可
見廣大如法界究竟如虛空盡未來際徧一
切佛刹救護一切眾生為一切諸佛所護入
過去未來現在諸佛智地佛子何等為菩薩
摩訶薩智地佛子菩薩摩訶薩智地有十
過去未來現在諸佛已說當說今說我亦如
是說何等為十一者歡喜地二者離垢地三
者發光地四者燄慧地五者難勝地六者現
前地七者遠行地八者不動地九者善慧地
十者法雲地佛子此菩薩十地三世諸佛已
說當說今說佛子我不見有諸佛國土其中
如來不說此十地者何以故此是菩薩摩訶
薩向菩提最上道亦是清淨法光明門所謂
分別演說菩薩諸地佛子此處不可思議所
謂諸菩薩隨證智

爾時金剛藏菩薩說此菩薩十地名已默然
而住不復分別是時一切菩薩眾聞菩薩十
地名不聞解釋咸生渴仰作如是念何因何
緣金剛藏菩薩唯說菩薩十地名而不解釋

解脫月菩薩知諸大衆心之所念以頌問金剛藏菩薩曰

何故淨覺人念智功德具訖諸上妙地有力不解釋一切咸決定勇猛無怯弱何故說地名而不爲開演諸地妙義趣此衆皆欲聞其心無怯弱願爲分別說衆會悉清淨離懈怠嚴潔能堅固不動具功德智慧相視咸恭敬一切悉專仰如蜂念好蜜如渴思甘露爾時大智無所畏金剛藏菩薩聞說是已欲令衆會心歡喜故爲諸佛子而說頌言

菩薩行地事最上諸佛本顯示分別說第一希有難微細難可見離念超心地出生佛境界聞者悉迷感持心如金剛深信佛勝智知心地無我能聞此勝法如空中彩畫如空中風相牟尼智如是分別甚難見我念佛智慧最勝難思議世間無能受默然而不說爾時解脫月菩薩聞是說已白金剛藏菩薩言佛子今此衆會皆悉已集善淨深心善潔思念善修諸行善集助道善能親近百千億佛成就無量功德善根捨離疑惑無有垢染深心信解於佛法中不隨他教善哉佛子當承佛神力而爲演說此諸菩薩於如是等其深之處皆能證知爾時解脫月菩薩欲重宣其義而說頌曰願說最安隱菩薩無上行分別於諸地智淨成正覺以衆無諸垢志解悉明潔承事無量佛能知此地義

爾時金剛藏菩薩言佛子雖此衆集善淨思
念捨離愚癡及以疑惑於甚深法不隨他教
然有其餘劣解衆生聞此甚深難思議事多
生疑惑於長夜中受諸衰惱我愍此等是故
默然爾時金剛藏菩薩欲重宣其義而說頌
曰

雖此衆淨廣智慧

甚深明利能決擇

其心不動如山王

不可傾覆猶大海

有行未久解未得

隨識而行不隨智

聞此生疑墮惡道

我愍是等故不說

爾時解脫月菩薩重白金剛藏菩薩言佛子
願承佛神力分別說此不思議法此人當得
如來護念而生信受何以故說十地時一切
菩薩法應如是得佛護念得護念故於此智
地能生勇猛何以故此是菩薩最初所行成
就一切諸佛法故譬如書字數說一切皆以
字母爲本字母究竟無有少分離字母者佛
子一切佛法皆以十地爲本十地究竟修行
成就得一切智是故佛子願爲演說此人必
爲如來所護令其信受爾時解脫月菩薩欲
重宣其義而說頌曰

善哉佛子願演說

趣入菩提諸地行

十方一切自在尊

莫不護念智根本

此安住智亦究竟

一切佛法所從生

譬如書數字母攝

如是佛法依於地

爾時諸大菩薩衆一時同聲向金剛藏菩薩而說頌言

上妙無垢智 無邊分別辯 宣暢深美言 第一義相應
念持清淨行 十力集功德 辯才分別義 說此最勝地
定戒集正心 離我慢邪見 此衆無疑念 唯願聞善說
如渴思冷水 如飢念美食 如病憶良藥 如蜂貪好蜜
我等亦如是 願聞甘露法 善哉廣大智 願說入諸地
成十力無礙 善逝一切行

爾時世尊從眉間出清淨光明名菩薩力能
明百千阿僧祇光明以爲眷屬普照十方一
切世界靡不周徧三惡道皆得休息又照
一切如來衆會顯現諸佛不思議力又照十
方一切世界一切諸佛所加說法菩薩之身
作是事已於上虛空中成大光明雲網臺而
住時十方諸佛悉亦如是從眉間出清淨光
明其光名号眷屬作業悉同於此又亦照此
娑婆世界佛及大衆并金剛藏菩薩身師子
座已於上虛空中成大光明雲網臺時光臺
中以諸佛威神力故而說頌言

佛無等等如虛空 十力無量勝功德
人間最勝世中上 釋師子法加於彼
佛子當承諸佛力 開此法王最勝藏
諸地廣智勝妙行 以佛威神分別說

若爲善逝力所加

當得法寶入其心

諸地無垢次第滿

亦具如來十種力

雖住海水劫火中

感受此法必得聞

其有生疑不信者

永不得聞如是義

應說諸地勝智道

入住展轉次修習

從行境界法智生

利益一切衆生故

爾時金剛藏菩薩觀察十方欲令大衆增淨

信故而說頌曰

如來大仙道微妙難可知 非念離諸念求見不可得

無生亦無滅性淨恒寂然 離垢聰慧人彼智所行處

自性本空寂無二亦無盡 解脫於諸趣涅槃平等住

非初非中後非言辭所說 出過於三世其相如虛空

寂滅佛所行言說莫能及 地行亦如是難說難可受

智起佛境界非念離心道 非蘊界處門智知意不及

如空中鳥迹難說難可示 如是十地義心意不能了

慈悲及願力出生入地行 次第圓滿心智行非虛境

是境界難見可知不可說 佛力故開演汝等應敬受

如是智入行億劫說不盡 我今但略說真實義無餘

一心恭敬待我承佛力說 勝法微妙音譬諭字相應

無量佛神力咸來入我身 此處難宣示我今說少分

佛子若有衆生深種善根 善修諸行善集助

道善供養諸佛善集白淨法 爲善知識善攝

善清淨深心立廣大志 生廣大解慈悲現前

爲求佛智故爲得十力 故爲得大無畏故爲

得佛平等法故爲救一切世間故爲淨大慈悲
故爲得十方無餘智故爲淨一切佛刹無障礙
故爲一念知一切三世故爲轉大法輪無所畏故佛
子菩薩起如是心以大悲爲首智慧增上善巧方
便所攝最上深心所持如來力無量善觀察分
別勇猛力智力無礙智現前隨順自然智能受
一切佛法以智慧教化廣大如法界究竟如虛空
盡未來際佛子菩薩始發如是心即得超凡夫地
入菩薩位生如來家無能說其種族過失離世
間趣入出世道得菩薩法住菩薩處入三世平
等於如來種中決定當得無上菩提菩薩住如
是法名住菩薩歡喜地以不動相應故

佛子菩薩住歡喜地成就多歡喜多淨信多
愛樂多適悅多欣慶多踊躍多勇猛多無關
諍多無惱害多無瞋恨佛子菩薩住此歡喜
地念諸佛故生歡喜念諸佛法故生歡喜念
諸菩薩故生歡喜念諸菩薩行故生歡喜念
清淨諸波羅蜜故生歡喜念諸菩薩地殊勝
故生歡喜念菩薩不可壞故生歡喜念如來
教化衆生故生歡喜念能令衆生得利益故
生歡喜念入一切如來智方便故生歡喜復
作是念我轉離一切世間境界故生歡喜親
近一切佛故生歡喜遠離凡夫地故生歡喜
近智慧地故生歡喜永斷一切惡趣故生歡

喜與一切衆生作依止處故生歡喜見一切
如來故生歡喜生佛境界中故生歡喜入一
切菩薩平等性中故生歡喜遠離一切怖畏
毛豎等事故生歡喜何以故此菩薩得歡喜
地已所有怖畏悉得遠離所謂不活畏惡名
畏死畏惡道畏大衆威德畏如是怖畏皆得
永離何以故此菩薩離我想故尚不愛自身
何況資財是故無有不活畏不於他所希求
供養唯專給施一切衆生是故無有惡名畏
遠離我見無有我想是故無有死畏自知死
已決定不離諸佛菩薩是故無有惡道畏我
所志樂一切世間無與等者何況有勝是故
無有大衆威德畏菩薩如是遠離驚怖毛豎
等事

佛子此菩薩以大悲爲首廣大志樂無能沮
壞轉更勤修一切善根而得成就所謂信增
上故多淨信故解清淨故信決定故發生悲
愍故成就大慈故心無疲懈故慙媿莊嚴故
成就柔和故敬順尊重諸佛教法故日夜修
集善根無厭足故親近善知識故常愛樂法
故求多聞無厭足故如所聞法正觀察故心
無依著故不耽著利養名聞恭敬故不求一
切資生之物故生如寶心無厭足故求一切
智地故求如來力無畏不共佛法故求諸波

羅蜜助道法故離諸諂誑故如說能行故常
護實語故不汙如來家故不捨菩薩戒故生
一切智心如山王不動故不捨一切世間事
成就出世間道故集助菩提分法無厭足故
常求上上殊勝道故佛子菩薩成就如是淨
治地法名爲安住菩薩歡喜地

佛子菩薩住此歡喜地能成就如是大誓願
如是大勇猛如是大作用所謂生廣大清淨
決定解以一切供養之具恭敬供養一切諸
佛令無有餘廣大如法界究竟如虛空盡未
來際一切劫數無有休息又發大願願受一
切佛法輪願攝一切佛菩提願護一切諸佛
教願持一切諸佛法廣大如法界究竟如虛
空盡未來際一切劫數無有休息又發大願
願一切世界佛興于世從兜率天宮沒入胎
住胎初生出家成道說法示現涅槃皆悉往
詣親近供養爲衆上首受行正法於一切處
一時而轉廣大如法界究竟如虛空盡未來
際一切劫數無有休息又發大願願一切菩
薩行廣大無量不壞不雜攝諸波羅蜜淨治
諸地揔相別相同相異相成相壞相所有菩
薩行皆如實說教化一切令其受行心得增
長廣大如法界究竟如虛空盡未來際一切
劫數無有休息又發大願願一切衆生界有

色無色有想無想非有想非無想卵生胎生
溼生化生三界所繫入於六趣一切生處名
色所攝如是等類我皆教化令入佛法令永
斷一切世間趣令安住一切智智道廣大如
法界究竟如虛空盡未來際一切劫數無有
休息又發大願願一切世界廣大無量微細
亂住倒住正住若入若行若去如帝網差別
十方無量種種不同智皆明了現前知見廣
大如法界究竟如虛空盡未來際一切劫數
無有休息又發大願願一切國土入一國土
一國土入一切國土無量佛土普皆清淨光
明衆具以爲莊嚴離一切煩惱成就清淨道
無量智慧衆生充滿其中普入廣大諸佛境
界隨衆生心而爲示現皆令歡喜廣大如法
界究竟如虛空盡未來際一切劫數無有休
息又發大願願與一切菩薩同一志行無有
怨嫉集諸善根一切菩薩平等一緣常共集
會不相捨離隨意能現種種佛身任其自心
能知一切如來境界威力智慧得不退如意
神通遊行一切世界現形一切衆會普入一
切生處成就不思議大乘修菩薩行廣大如
法界究竟如虛空盡未來際一切劫數無有
休息又發大願願乘不退輪行菩薩行身語
意業悉不唐捐若暫見者則必定佛法暫聞

音聲則得實智慧纔生淨信則永斷煩惱得
如大藥王樹身得如如意寶身修行一切苦
薩行廣大如法界究竟如虛空盡未來際一
切劫數無有休息又發大願願於一切世界
成阿耨多羅三藐三菩提不離一毛端處於
一切毛端處皆悉示現初生出家詣道場成
正覺轉法輪入涅槃得佛境界大智慧力於
念念中隨一切衆生心示現成佛令得寂滅
以一三菩提知一切法界即涅槃相以一音
說法令一切衆生心皆歡喜示入大涅槃而
不斷菩薩行示大智慧地安立一切法以法
智通神足通幻通自在變化充滿一切法界
廣大如法界究竟如虛空盡未來際一切劫
數無有休息佛子菩薩住歡喜地發如是大
誓願如是大勇猛如是大作用以此十願門
爲首滿足百萬阿僧祇大願佛子此大願以
十盡句而得成就何等爲十所謂衆生界盡
世界盡虛空界盡法界盡涅槃界盡佛出現
界盡如來智界盡心所緣界盡佛智所入境
界盡世間轉法轉智轉界盡若衆生界盡
我願乃盡若世界乃至世間轉法轉智轉界
盡我願乃盡而衆生界不可盡乃至世間轉
法轉智轉界不可盡故我此大願善根無有
窮盡

佛子菩薩發如是大願已則得利益心柔軟
心隨順心寂靜心調伏心寂滅心謙下心潤
澤心不動心不濁心成淨信者有信功用能
信如來本行所入信成就諸波羅蜜信入諸
勝地信成就力信具足無所畏信生長不可
壞不共佛法信不思議佛法信出生無中邊
佛境界信隨入如來無量境界信成就果舉
要言之信一切菩薩行乃至如來智地說力
故

佛子此菩薩復作是念諸佛正法如是甚深
如是寂靜如是寂滅如是空如是無相如是
無願如是無染如是無量如是廣大而諸凡
夫心墮邪見無明覆翳立憍慢高幢入渴愛
網中行諂誑稠林不能自出心與慳嫉相應
不捨恒造諸趣受生因緣貪恚愚癡積集諸
業日夜增長以忿恨風吹心識火熾然不息
凡所作業皆顛倒相應欲流有流無明流見
流相續起心意識種子於三界田中復生苦
芽所謂名色共生不離此名色增長生六處
聚落於中相對生觸觸故生受因受生愛愛
增長故生取取增長故生有有生故有生老
死憂悲苦惱如是衆生生長若聚是中皆空
離我我所無知無覺無作無受如草木石壁
亦如影像然諸衆生不覺不知菩薩見諸衆

生於如是苦聚不得出離是故即生大悲智
慧復作是念此諸衆生我應救拔置於究竟
安樂之處是故即生大慈光明智

佛子菩薩摩訶薩隨順如是大悲大慈以深
重心住初地時於一切物無所吝惜求佛大
智修行大捨凡是所有一切能施所謂財穀
倉庫金銀摩尼真珠瑠璃珂貝璧玉珊瑚等
物珍寶瓔珞嚴身之具象馬車乘奴婢人民
城邑聚落園林臺觀妻妾男女內外眷屬及
餘所有珍玩之具頭目手足血肉骨髓一切
身分皆無所惜爲求諸佛廣大智慧是名菩
薩住於初地大捨成就佛子菩薩以此慈悲
大施心爲欲救護一切衆生轉更推求世出
世間諸利益事無疲厭故即得成就無疲厭
心得無疲厭心已於一切經論心無怯弱無
怯弱故即得成就一切經論智獲是智已善
能籌量應作不應作於上中下一切衆生隨
應隨力隨其所習如是而行是故菩薩得成
世智成世智已知時知量以慙媿莊嚴勤修
自利利他之道是故成就慙媿莊嚴於此行
中勤修出離不退不轉成堅固力得堅固力
已勤供諸佛於佛教法能如說行佛子菩薩
如是成就十種淨諸地法所謂信悲慈捨無
有疲厭知諸經論善解世法慙媿堅固力供

養諸佛依教修行

佛子菩薩住此歡喜地已以大願力得見多
佛所謂見多百佛多千佛多百千佛多億佛
多百億佛多千億佛多百千億佛多億那由
他佛多百億那由他佛多千億那由他佛多
百千億那由他佛悉以大心深心恭敬尊重
承事供養衣服飲食卧具醫藥一切資生悉
以奉施亦以供養一切衆僧以此善根皆悉
迴向無上菩提佛子此菩薩因供養諸佛故
得成就衆生法以前二攝攝取衆生謂布施
愛語後二攝法但以信解力故行未善通達
是菩薩十波羅蜜中檀波羅蜜增上餘波羅
蜜非不修行但隨力隨分是菩薩隨所勤修
供養諸佛教化衆生皆以修行清淨地法所
有善根悉以迴向一切智地轉轉明淨調柔
成就隨意堪用佛子譬如金師善巧鍊金數
數入火轉轉明淨調柔成就隨意堪用菩薩
亦復如是供養諸佛教化衆生皆爲修行清
淨地法所有善根悉以迴向一切智地轉轉
明淨調柔成就隨意堪用

佛子菩薩摩訶薩住於初地應從諸佛菩薩
善知識所推求請問於此地中相及得果無
有厭足爲欲成就此地法故亦應從諸佛菩
薩善知識所推求請問第二地中相及得果

無有厭足爲欲成就彼地法故亦應如是推求請問第三第四第五第六第七第八第九第十地中相及得果無有厭足爲欲成就彼地法故是菩薩善知諸地障對治善知地成壞善知地相果善知地得修善知地法清淨善知地地轉行善知地地處非處善知地地殊勝智善知地地不退轉善知淨治一切菩薩地乃至轉入如來地佛子菩薩如是善知地相始於初地起行不斷如是乃至入第十地無有斷絕由此諸地智光明故成於如來智慧光明佛子譬如商主善知方便欲將諸商人往詣大城未發之時先問道中功德過失及住止之處安危可不然後具道資糧作所應作佛子彼大商主雖未發足能知道中所有的一切安危之事善以智慧籌量觀察備其所須令無乏少將諸商衆乃至安隱到彼大城身及衆人悉免憂患佛子菩薩商主亦復如是住於初地善知諸地障對治乃至善知一切菩薩地清淨轉入如來地然後乃具福智資糧將一切衆生經生死曠野險難之處安隱得至薩婆若城身及衆生不經患難是故菩薩常應匪懈勤修諸地殊勝淨業乃至趣入如來智地佛子是名略說菩薩摩訶薩入菩薩初地門廣說則有無量無邊百千

阿僧祇差別事

佛子菩薩摩訶薩住此初地多作閻浮提王
豪貴自在常護正法能以大施攝取衆生善
除衆生慳貪之垢常行大施無有窮盡布施
愛語利益同事如是一切諸所作業皆不離
念佛不離念法不離念僧不離念同行菩薩
不離念菩薩行不離念諸波羅蜜不離念諸
地不離念力不離念無畏不離念不共佛法
乃至不離念具足一切種一切智智復作是
念我當於一切衆生中爲首爲勝爲殊勝爲
妙爲微妙爲上爲無上爲導爲將爲帥乃至
爲一切智智依止者是菩薩若欲捨家於佛
法中勤行精進便能捨家妻子五欲依如來
教出家學道旣出家已勤行精進於一念頃
得百三昧得見百佛知百佛神力能動百佛
世界能過百佛世界能照百佛世界能教化
百世界衆生能住壽百劫能知前後際各百
劫事能入百法門能示現百身於一一身能
示百菩薩以爲眷屬若以菩薩殊勝願力自
在示現過於是數百劫千劫百千劫乃至百
千億那由他劫不能數知爾時金剛藏菩薩
欲重宣其義而說頌曰

若人集衆善具足白淨法供養天人尊隨順慈悲道
信解極廣大志樂亦清淨爲求佛智慧發此無上心

淨一切智力 及以無所畏 成就諸佛法 救攝羣生衆
爲得大慈悲 及轉勝法輪 嚴淨佛國土 發此最勝心
一念知三世 而無有分別 種種時不同 以示於世間
略說求諸佛 一切勝功德 發生廣大心 量等虛空界
悲先慧爲主 方便共相應 信解清淨心 如來無量力
無礙智現前 自悟不由他 具足同如來 發此最勝心
佛子始發生 如是妙寶心 則超凡夫位 入佛所行處
生在如來家 種族無瑕玷 與佛共平等 決成無上覺
纔生如是心 即得入初地 志樂不可動 譬如大山王
多喜多愛樂 亦復多淨信 極大勇猛心 及以慶躍心
遠離於闢諍 惱害及瞋恚 慙敬而質直 善守護諸根
救世無等者 所有衆智慧 此處我當得 憶念生歡喜
始得入初地 即超五怖畏 不活死惡名 惡趣衆威德
以不貪著我 及以於我所 是諸佛子等 遠離諸怖畏
常行大慈愍 恒有信恭敬 慙媿功德備 日夜增善法
樂法具實利 不愛受諸欲 思惟所聞法 遠離取著行
不貪於利養 唯樂佛菩提 一心求佛智 專精無異念
修行波羅蜜 遠離諂虛誑 如說而修行 安住實語中
不汙諸佛家 不捨菩薩戒 不樂於世事 常利益世間
修善無厭足 轉求增勝道 如是好樂法 功德義相應
恒起大願心 願見於諸佛 護持諸佛法 攝取大仙道
常生如是願 修行最勝行 成熟諸羣生 嚴淨佛國土
一切諸佛刹 佛子悉充徧 平等共一心 所作皆不空
一切毛端處 一時成正覺 如是等大願 無量無邊際

虛空與衆生 法界及涅槃 世間佛出興 佛智心境界
如來智所入 及以三轉盡 彼諸若有盡 我願方始盡
如彼無盡期 我願亦復然
如是發大願 心柔軟調順 能信佛功德 觀察於衆生
知從因緣起 則興慈念心 如是苦衆生 我今應救脫
爲是衆生故 而行種種施 王位及珍寶 乃至象馬車
頭目與手足 乃至身血肉 一切皆能捨 心得無憂悔
求種種經書 其心無厭倦 善解其義趣 能隨世所行
慙媿自莊嚴 修行轉堅固 供養無量佛 恭敬而尊重
如是常修習 日夜無懈怠 善根轉明淨 如火鍊真金
菩薩住於此 淨修於十地 所作無障礙 具足不斷絕
譬如大商主 爲利諸商衆 問知道險易 安隱至大城
菩薩住初地 應知亦如是 勇猛無障礙 到於第十地
住此初地中 作大功德王 以法化衆生 慈心無損害
統領閻浮地 化行靡不及 皆令住大捨 成就佛智慧
欲求最勝道 捨已國王位 能於佛教中 勇猛勤修習
則得百三昧 及見百諸佛 震動百世界 光照行亦爾
化百土衆生 入於百法門 能知百劫事 示現於百身
及現百菩薩 以爲其眷屬 若自在願力 過是數無量
我於地義中 略述其少分 若欲廣分別 億劫不能盡
菩薩最勝道 利益諸羣生 如是初地法 我今已說竟

不匱 下求位切

映奪

上於敬切
下徒沾切

錯謬

上倉各切
下靡切

如蜂 下敷容切

傾覆

下芳福切

瞋恨

上昌真切
下胡良切

詣誑 上丘璣切
下居況切

覆翳

上敷救切
下於計切

慳嫉

上苦閑切
下秦悉切

石壁 下比激切

珂貝

上苦何切

鍊金

上郎毀切

數數 俱所角切

安危

下魚烏切

資糧

下良音

爲帥 下所類切

瑕玷

上胡加切
下多添切

險易

上虛檢切
下以暖切

乙巳歲高麗國大藏都監奉

勅彫造

大方廣佛華嚴經卷第三十五

章

于闐國三藏實叉難陀奉

制譯

十地品第二十六之二

諸菩薩聞此最勝微妙地其心盡清淨一切皆歡喜
皆從於座起踊住虛空中普散上妙華同時共偈讚
善哉金剛藏大智無畏者善說於此地菩薩所行法
解脫月菩薩知衆心清淨樂聞第二地所有諸行相
即請金剛藏大慧願演說佛子皆樂聞所住第二地
爾時金剛藏菩薩告解脫月菩薩言佛子菩
薩摩訶薩已修初地欲入第二地當起十種
深心何等爲十所謂正直心柔軟心堪能心
調伏心寂靜心純善心不雜心無顧戀心廣
心大心菩薩以此十心得入第二離垢地
佛子菩薩住離垢地性自遠離一切殺生不
畜刀杖不懷怨恨有慙有媿仁恕具足於一
切衆生有命之者常生利益慈念之心是菩
薩尚不惡心惱諸衆生何況於他起衆生想
故以重意而行殺害性不偷盜菩薩於自資
財常知止足於他慈恕不欲侵損若物屬他
起他物想終不於此而生盜心乃至草葉不
與不取何況其餘資生之具性不邪淫菩薩
於自妻知足不求他妻於他妻妾他所護女
親族媒定及爲法所護尚不生於貪染之心
何況從事況於非道性不妄語菩薩常作實

語真語時語乃至夢中亦不忍作覆藏之語
無心欲作何況故犯性不兩舌菩薩於諸衆
生無離間心無惱害心不將此語爲破彼故
而向彼說不將彼語爲破此故而向此說未
破者不令破已破者不增長不喜離間不樂
離間不作離間語不說離間語若實若不實
性不惡口所謂毒害語麤獷語苦他語令他
瞋恨語現前語不現前語鄙惡語庸賤語不
可樂聞語聞者不悅語瞋忿語如火燒心語
怨結語熱惱語不可愛語不可樂語能壞自
身他身語如是等語皆悉捨離常作潤澤語
柔軟語悅意語可樂聞語聞者喜悅語善入
人心語風雅典則語多人愛樂語多人悅樂
語身心踊悅語性不綺語菩薩常樂思審語
時語實語義語法語順道理語巧調伏語隨
時籌量決定語是菩薩乃至戲笑尚恒思審
何況故出散亂之言性不貪欲菩薩於他財
物他所資用不生貪心不願不求性離瞋恚
菩薩於一切衆生恒起慈心利益心哀愍心
歡喜心和潤心攝受心永捨瞋恨怨害熱惱
常思順行仁慈祐益又離邪見菩薩住於正
道不行占卜不取惡戒心見正直無誑無諂
於佛法僧起決定信佛子菩薩摩訶薩如是
護持十善業道常無間斷

復作是念一切衆生墮惡趣者莫不皆以十不善業是故我當自修正行亦勸於他令修正行可以故若自不能修行正行令他修者無有是處佛子此菩薩摩訶薩復作是念十不善業道是地獄畜生餓鬼受生因十善業道是人天乃至有頂處受生因又此上品十善業道以智慧修習心狹劣故怖三界故關大悲故從他聞聲而解了故成聲聞乘又此上品十善業道修治清淨不從他教自覺悟故大悲方便不具足故悟解甚深因緣法故成獨覺乘又此上品十善業道修治清淨心廣無量故具足悲愍故方便所攝故發生大願故不捨衆生故希求諸佛大智故淨治菩薩諸地故淨修一切諸度故成菩薩廣大行又此上上十善業道一切種清淨故乃至證十力四無畏故一切佛法皆得成就是故我今等行十善應令一切具足清淨如是方便

菩薩當學

佛子此菩薩摩訶薩又作是念十不善業道上者地獄因中者畜生因下者餓鬼因於中殺生之罪能令衆生墮於地獄畜生餓鬼若生人中得二種果報一者短命二者多病偷盜之罪亦令衆生墮三惡道若生人中得二種果報一者貧窮二者共財不得自在邪淫

之罪亦令衆生墮三惡道若生人中得二種果報一者妻不貞良二者不得隨意眷屬妄語之罪亦令衆生墮三惡道若生人中得二種果報一者多被誹謗二者爲他所誑兩舌之罪亦令衆生墮三惡道若生人中得二種果報一者眷屬乖離二者親族斃惡惡口之罪亦令衆生墮三惡道若生人中得二種果報一者常聞惡聲二者言多諍訟綺語之罪亦令衆生墮三惡道若生人中得二種果報一者言無人受二者語不明瞭貪欲之罪亦令衆生墮三惡道若生人中得二種果報一者心不知足二者多欲無厭瞋恚之罪亦令衆生墮三惡道若生人中得二種果報一者常被他人求其長短二者恒被於他之所惱害邪見之罪亦令衆生墮三惡道若生人中得二種果報一者生邪見家二者其心諂曲佛子十不善業道能生此等無量無邊衆大苦聚是故菩薩作如是念我當遠離十不善道以十善道爲法園苑愛樂安住自住其中亦勸他人令住其中佛子此菩薩摩訶薩復於一切衆生生利益心安樂心慈心悲心憐愍心攝受心守護心自己心師心大師心作是念言衆生可愍墮於邪見惡慧惡欲惡道稠林我應令彼住於正見行真實道又作是

念一切衆生分別彼我互相破壞鬭諍瞋恨
熾然不息我當令彼住於無上大慈之中
作是念一切衆生貪取無厭唯求財利邪命
自活我當令彼住於清淨身語意業正命法
中又作是念一切衆生常隨三毒種種煩惱
因之熾然不解志求出要方便我當令彼除
滅一切煩惱大火安置清涼涅槃之處又作
是念一切衆生爲愚癡重闇妄見厚膜之所
覆故入陰翳稠林失智慧光明行曠野險道
起諸惡見我當令彼得無障礙清淨智眼知
一切法如實相不隨他教又作是念一切衆
生在於生死險道之中將墮地獄畜生餓鬼
入惡見網中爲愚癡稠林所迷隨逐邪道行
顛倒行譬如盲人無有導師非出要道謂爲
出要入魔境界惡賊所攝隨順魔心遠離佛
意我當拔出如是險難令住無畏一切智城
又作是念一切衆生爲大瀑水波浪所沒入
欲流有流無明流見流生死洄瀾愛河漂轉
湍馳奔激不暇觀察爲欲覺恚覺害覺隨逐
不捨身見羅刹於中執取將其永入愛欲稠
林於所貪愛深生染著住我慢原阜安六處
聚落無善救者無能度者我當於彼起大悲
心以諸善根而爲救濟令無裁患離染寂靜
住於一切智慧寶洲又作是念一切衆生處

世牢獄多諸苦惱常懷愛憎自生憂怖貪欲
重城之所繫縛無明稠林以爲覆障於三界
內莫能自出我當令彼永離三有住無障礙
大涅槃中又作是念一切衆生執著於我於
諸蘊窟宅不求出離依六處空聚起四顛倒
行爲四大毒蛇之所侵惱五蘊怨賊之所殺
害受無量苦我當令彼住於最勝無所著處
所謂滅一切障礙無上涅槃又作是念一切
衆生其心狹劣不行最上一切智道雖欲出
離但樂聲聞辟支佛乘我當令住廣大佛法
廣大智慧佛子菩薩如是護持於戒善能增
長慈悲之心

佛子菩薩住此離垢地以願力故得見多佛
所謂見多百佛多千佛多百千佛多億佛多
百億佛多千億佛多百千億佛如是乃至見
多百千億那由他佛於諸佛所以廣大心深
心恭敬尊重承事供養衣服飲食卧具醫藥
一切資生悉以奉施亦以供養一切衆僧以
此善根迴向阿耨多羅三藐三菩提於諸佛
所以尊重心復更受行十善道法隨其所受
乃至菩提終不忘失是菩薩於無量百千億
那由他劫遠離慳嫉破戒垢故布施持戒清
淨滿足譬如真金置磐石中如法鍊已離一
切垢轉復明淨菩薩住此離垢地亦復如是

於無量百千億那由他劫遠離慳嫉破戒垢
故布施持戒清淨滿足佛子此菩薩四攝法
中愛語偏多十波羅蜜中持戒偏多餘非不
行但隨力隨分佛子是名略說菩薩摩訶薩
第二離垢地菩薩住此地多作轉輪聖王爲
大法主具足七寶有自在力能除一切衆生
慳貪破戒垢以善方便令其安住十善道中
爲大施主周給無盡布施愛語利行同事如
是一切諸所作業皆不離念佛不離念法不
離念僧乃至不離念具足一切種一切智智
又作是念我當於一切衆生中爲首爲勝爲
殊勝爲妙爲微妙爲上爲無上乃至爲一切
智智依止者是菩薩若欲捨家於佛法中勤
行精進便能捨家妻子五欲旣出家已勤行
精進於一念頃得千三昧得見千佛知千佛
神力能動千世界乃至能示現千身於一一
身能示現千菩薩以爲眷屬若以菩薩殊勝
願力自在示現過於是數百劫千劫乃至百
千億那由他劫不能數知爾時金剛藏菩薩
欲重宣其義而說頌曰

質直柔軟及堪能
速出生死廣大意
住此成就戒功德
亦離偷盜及邪淫

詞伏寂靜與純善
以此十心入二地
遠離殺生不惱害
安惡非離無義語

不貪財物常慈愍
離險捨慢極調柔
地獄畜生受衆苦
一切皆由罪所致
人中隨意得受生
獨覺聲聞佛乘道
如是思惟不放逸
復見羣生受衆苦
凡愚邪智不正解
貪求境界無足期
愚癡大暗所纏覆
生死籠檻怨所拘
四流漂蕩心沒溺
計蘊爲宅我在中
設求出離心下劣
我欲令彼住大乘
菩薩住此集功德
億劫修治善更明
佛子住此作輪王
所有善法皆修習
欲捨王位及財寶
勇猛精勤一念中
所有種種神通力
願力所作復過此

正道直心無諂偽
依教而行不放逸
餓鬼燒然出猛焰
我當離彼住實法
乃至頂天禪定樂
皆因十善而成就
自持淨戒教他護
轉更增益大悲心
常懷忿恨多諍訟
我應令彼除三毒
入大險道邪見網
我應令彼摧魔賊
三界焚如苦無量
爲欲度彼勤行道
捨於最上佛智慧
發勤精進無厭足
見無量佛咸供養
如以好藥鍊真金
普化衆生行十善
爲成十力救於世
即棄居家依佛教
獲十三昧見千佛
此地菩薩皆能見
無量自在度羣生

一切世間利益者

所修菩薩最勝行

如是第二地功德

為諸佛子已開演

第三地

佛子得聞此地行

菩薩境界難思議

靡不恭敬心歡喜

散華空中為供養

讚言善哉大山王

慈心愍念諸衆生

善說智者律儀法

第二地中之行相

是諸菩薩微妙行

真實無異無差別

為欲利益諸羣生

如是演說最清淨

一切人天供養者

願為演說第三地

與法相應諸智業

如其境界希具闡

大仙所有施戒法

忍辱精進禪智慧

及以方便慈悲道

佛清淨行願皆說

時解脫月復謔言

無畏大士金剛藏

願說趣入第三地

柔和心者諸功德

爾時金剛藏菩薩告解脫月菩薩言佛子菩

薩摩訶薩已淨第二地欲入第三地當起十

種深心何等為十所謂清淨心安住心厭捨

心離貪心不退心堅固心明盛心勇猛心廣

心大心菩薩以是十心得入第三地

佛子菩薩摩訶薩住第三地已觀一切有為

法如實相所謂無常苦不淨不安隱敗壞不

久住剎那生滅非從前際生非向後際去非

於現在住又觀止法無救無依與憂與悲苦

惱同住愛憎所繫愁感轉多無有停積貪恚
癡火熾然不息衆患所纏日夜增長如幻不
實見如是已於一切有爲倍增厭離趣佛智
慧見佛智慧不可思議無等無量難得無雜
無惱無憂至無畏城不復退還能救無量苦
難衆生菩薩如是見如來智慧無量利益見
一切有爲無量過患則於一切衆生生十種
衰慙心何等爲十所謂見諸衆生孤獨無依
生衰慙心見諸衆生貧窮困乏生衰慙心見
諸衆生三毒火然生衰慙心見諸衆生諸有
牢獄之所禁閉生衰慙心見諸衆生煩惱稠
林恒所覆障生衰慙心見諸衆生不善觀察
生衰慙心見諸衆生無善法欲生衰慙心見
諸衆生失諸佛法生衰慙心見諸衆生隨生
死流生衰慙心見諸衆生失解脫方便生衰
慙心是爲十菩薩如是見衆生界無量苦惱
發大精進作是念言此等衆生我應救我應
脫我應淨我應度應著善處應令安住應令
歡喜應令知見應令調伏應令涅槃菩薩如
是厭離一切有爲如是慙念一切衆生知一
切智智有勝利益欲依如來智慧救度衆生
作是思惟此諸衆生墮在煩惱大苦之中以
何方便而能救濟令住究竟涅槃之樂便作
是念欲度衆生令住涅槃不離無障礙解脫

智無障礙解脫智不離一切法如實覺一切
法如實覺不離無行無生行慧光無行無生
行慧光不離禪善巧決定觀察智禪善巧決
定觀察智不離善巧多聞菩薩如是觀察了
知已倍於正法勤求修習日夜唯願聞法喜
法樂法依法隨法解法順法到法住法行法
菩薩如是勤求佛法所有珍財皆無吝惜不
見有物難得可重但於能說佛法之人生難
遭想是故菩薩於內外財爲求佛法悉能捨
施無有恭敬而不能行無有憍慢而不能捨
無有承事而不能作無有勤苦而不能受若
聞一句未曾聞法生大歡喜勝得三千大千
世界滿中珍寶若聞一偈未聞正法生大歡
喜勝得轉輪聖王位若得一偈未曾聞法能
淨菩薩行勝得帝釋梵王位住無量百千劫
若有人言我有一句佛所說法能淨菩薩行
汝今若能入大火坑受極大苦當以和與菩
薩爾時作如是念我以一句佛所說法淨菩
薩行故假使三千大千世界大火滿中尚欲
從於梵天之上投身而下親自受取況小火
坑而不能入然我今者爲求佛法應受一切
地獄衆苦何況人中諸小苦惱菩薩如是發
勤精進求於佛法如其所聞觀察修行此菩
薩得聞法已攝心安住於空閑處作是思惟

如說修行乃得佛法非但口言而可清淨

佛子是菩薩住此發光地時即離欲惡不善法有覺有觀離生喜樂住初禪滅覺觀內淨一心無覺無觀定生喜樂住第二禪離喜住捨有念正知身受樂諸聖所說能捨有念受樂住第三禪斷樂先除苦喜憂滅不苦不樂捨念清淨住第四禪超一切色想滅有對想不念種種想入無邊虛空住虛空無邊處超一切虛空無邊處入無邊識住識無邊處超一切識無邊處入無少所有住無所有處超一切無所有處住非有想非無想處但隨順法故行而無所樂著

佛子此菩薩心隨於慈廣大無量不二無怨無對無障無惱徧至一切處盡法界虛空界徧一切世間住悲喜捨亦復如是

佛子此菩薩得無量神通力能動大地以一身爲多身多身爲一身或隱或顯石壁山障所往無礙猶如虛空於虛空中跏趺而去同於飛鳥入地如水履水如地身出煙燄如火聚復雨於水猶如大雲日月在空有大威力而能以手捫摸摩觸其身自在乃至梵世此菩薩天耳清淨過於人耳悉聞人天若近若遠所有音聲乃至蟲蚋蜚蠊等聲亦悉能聞此菩薩以他心智如寶而知他衆生心所

謂有貪心如實知有貪心離貪心如實知離
貪心有瞋心離瞋心有癡心離癡心有煩惱
心無煩惱心小心廣心大心無量心略心非
略心散心非散心定心非定心解脫心非解
脫心有上心無上心雜染心非雜染心廣心
非廣心皆如實知菩薩如是以他心智知衆
生心此菩薩念知無量宿命差別所謂念知
一生念知二生三生四生乃至十生二十三
十乃至百生無量百生無量千生無量百千
生成劫壞劫成壞劫無量成壞劫我曾在此
處如是名如是姓如是種族如是飲食如是
壽命如是久住如是苦樂我於彼死生於某
處從某處死生於此處如是形狀如是相貌
如是言音如是過去無量差別皆能憶念此
菩薩天眼清淨過於人眼見諸衆生生時死
時好色惡色善趣惡趣隨業而去若彼衆生
成就身惡行成就語惡行成就意惡行誹謗
賢聖具足邪見及邪見業因緣身壞命終必
墮惡趣生地獄中若彼衆生成就身善行成
就語善行成就意善行不謗賢聖具足正見
正見業因緣身壞命終必生善趣諸天之中
菩薩天眼皆如實知此菩薩於諸禪三昧三
摩鉢底能入能出然不隨其力受生但隨能
滿菩提分處以意願力而生其中

佛子是菩薩住此發光地以願力故得見多
佛所謂見多百佛見多千佛見多百千佛乃
至見多百千億那由他佛悉以廣大心深心
恭敬尊重承事供養衣服飲食卧具湯藥一
切資生悉以奉施亦以供養一切衆僧以此
善根迴向阿釋多羅三藐三菩提於其佛所
恭敬聽法聞已受持隨力修行此菩薩觀一
切法不生不滅因緣而有見縛先滅一切欲
縛色縛有縛無明縛皆轉微薄於無量百千
億那由他劫不積集故邪貪邪瞋及以邪癡
悉得除斷所有善根轉更明淨佛子譬如真
金善巧鍊治稱兩不減轉更明淨菩薩亦復
如是住此發光地不積集故邪貪邪瞋及以
邪癡皆得除斷所有善根轉更明淨此菩薩
忍辱心柔和心諧順心悅美心不瞋心不動
心不濁心無高下心不望報心報恩心不誑
心不誑心無論誠心皆轉清淨此菩薩於四
攝中利行偏多十波羅蜜中忍波羅蜜偏多
餘非不修但隨力隨分佛子是名菩薩第三
發光地菩薩住此地多作三十三天王能以
方便令諸衆生捨離貪欲布施愛語利行同
事如是一切諸所作業皆不離念佛不離念
法不離念僧乃至不離念具足一切種一切
智智復作是念我當於一切衆生中爲首爲

勝爲殊勝爲妙爲微妙爲上爲無上乃至爲一切智智依止者若勤行精進於一念頃得百千三昧得見百千佛知百千佛神力能動百千佛世界乃至示現百千身一一身百千菩薩以爲眷屬若以菩薩殊勝願力自在示現過於此數百劫千劫乃至百千億那由他劫不能數知爾時金剛藏菩薩欲重宣其義而說頌曰

清淨安住明盛心
堅固勇猛廣大心
菩薩住此發光地
不淨敗壞速歸滅
觀諸有爲如重病
三毒猛火恒熾然
厭離三有不貪著
難測難忘無等倫
見佛智已愍眾生
三毒熾然常困乏
煩惱纏覆盲無目
隨順生死怖涅槃
將求智慧益眾生
不離如來無礙智
心念此慧從聞得
日夜聽習無間然

厭離無貪無害心
智者以此入三地
觀諸行法皆無常
無堅無住無來往
憂悲苦惱惑所纏
無始時來不休息
專求佛智無異念
無量無邊無逼惱
孤獨無依無救護
住諸有獄恒受苦
志樂下劣喪法寶
我應救彼勤精進
思何方便令解脫
彼復無生慧所起
如是思惟自勤勵
唯以正法爲尊重

國城財貝諸珍寶

菩薩為法起敬心

頭目耳鼻舌牙齒

此等皆捨未為難

設有人來語菩薩

我當與汝佛法寶

假使火滿三千界

為求法故不為難

從初發意至得佛

為聞法故皆能受

聞已如理正思惟

四等五通次第起

菩薩住此見多佛

斷諸邪惑轉清淨

住此多作初利王

令捨貪心住善道

佛子住此勤精進

見百千佛相嚴身

一切衆生普利益

如是所有第三地

大方廣佛華嚴經卷第三十五

妻子眷屬及三位

如是一切皆能捨

手足骨髓心血肉

但以聞法為最難

孰能投身大火聚

聞已投之無怯懼

身從梵世而投入

況復人間諸小苦

其間所有阿鼻苦

何況人中諸苦事

獲得四禪無色定

不隨其力而受生

供養聽聞心決定

如鍊真金體無減

化導無量諸天衆

一向專求佛功德

百千三昧皆具足

若以願力復過是

彼諸菩薩最上行

我依其義已解釋

仁恕

偷盜

上託侯切
下通音

媒定

上莫孟切

魚獮 下古猛切

鄙惡 上方美切

庸賤 上餘封切

風雅 下五下切

籌量 上直由切

弊惡 上毗奈切

諍訟 下似用切

厚膜 下慕各切

醫稠 上於計切

瀑水 上薄郭切

徊腹 上迴音

湍馳 上他端切

奔激 上博昆切

不暇 下胡駕切

原阜 下居久切

重械 下胡介切

窟宅 上苦骨切

置礬 下附來切

龍檻 上盧紅切

漂蕩 下徒朗切

火阮 下客虔切

石壁 下北激切

捫摸 上莫奔切

蟲蛸 上之音

蠅蠅 上武庚切

勤勵 下力制切

閒然 上古莧切

孰能 上殊六切

乙巳歲高麗國大藏都監奉

勅彫造

大方廣佛華嚴經卷第三十六

章

于闐國三藏實叉難陀奉

制譯

十地品第二十六之三

佛子聞此廣大行

可樂深妙殊勝地

心皆踊悅大歡喜

普散衆華供養佛

演說如是妙法時

大地海水皆震動

一切天女咸歡喜

悉吐妙音同讚歎

自在天王大欣慶

雨摩尼寶供養佛

讚言佛爲我出興

演說第一功德行

如是智者諸地義

於百千劫甚難得

我今忽然而得聞

菩薩勝行妙法音

願更演說聰慧者

後地決定無餘道

利益一切諸天人

此諸佛子皆樂聞

勇猛大心解脫月

請金剛藏言佛子

從此轉入第四地

所有行相願宣說

爾時金剛藏菩薩告解脫月菩薩言佛子菩

薩摩訶薩第三地善清淨已欲入第四欲慧

地當修行十法明門何等爲十所謂觀察衆

生界觀察法界觀察世界觀察虛空界觀察

識界觀察欲界觀察色界觀察無色界觀察

廣心信解界觀察大心信解界菩薩以此十

法明門得入第四欲慧地

佛子菩薩住此欲慧地則能以十種智成熟

法故得彼內法生如來家何等爲十所謂深

心不退故於三寶中生淨信畢竟不壞故觀
 諸行生滅故觀諸法自性無生故觀世間成
 壞故觀因業有生故觀生死涅槃故觀衆生
 國土業故觀前際後際故觀無所有盡故是
 爲十佛子菩薩住此第四地觀內身循身觀
 勤勇念知除世間貪憂觀外身循身觀勤勇
 念知除世間貪憂觀內外身循身觀勤勇念
 知除世間貪憂如是觀內受外受內外受循
 受觀觀內心外心內外心循心觀觀內法外
 法內外法循法觀勤勇念知除世間貪憂復
 次此菩薩未生諸惡不善法爲不生故欲生
 勤精進發心正斷已生諸惡不善法爲斷故
 欲生勤精進發心正斷未生諸善法爲生故
 欲生勤精進發心正行已生諸善法爲住不
 失故修令增廣故欲生勤精進發心正行復
 次此菩薩修行欲定斷行成就神足依止厭
 依止離依止滅迴向於捨修行精進定心定
 觀定斷行成就神足依止厭依止離依止滅
 迴向於捨復次此菩薩修行信根依止厭依
 止離依止滅迴向於捨修行精進根念根定
 根慧根依止厭依止離依止滅迴向於捨復
 次此菩薩修行信力依止厭依止離依止滅
 迴向於捨修行精進力念力慧力依止
 厭依止離依止滅迴向於捨復次此菩薩修

行念覺分依止厭依止離依止滅迴向於捨
修行擇法覺分精進覺分喜覺分猗覺分定
覺分捨覺分依止厭依止離依止滅迴向於
捨復次此菩薩修行正見依止厭依止離依
止滅迴向於捨修行正思惟正語正業正命
正精進正念正定依止厭依止離依止滅迴
向於捨菩薩修行如是功德爲不捨一切衆
生故本願所持故大悲爲首故大慈成就故
思念一切智智故成就莊嚴佛土故成就如
來力無所畏不共佛法相好音聲悉具足故
求於上上殊勝道故隨順所聞甚深佛解脫
故思惟大智善巧方便故

佛子菩薩住此般若慧地所有身見爲首我人
衆生壽命蘊界處所起執著出沒思惟觀察
治故我所故財物故著處故於如是等一切
皆離此菩薩若見業是如來所訶煩惱所染
皆悉捨離若見業是順菩薩道如來所讚皆
悉修行

佛子此菩薩隨所起方便慧修集於道及助
道分如是而得潤澤心柔軟心調順心利益
安樂心無雜染心求上上勝法心求殊勝智
慧心救一切世間心恭敬尊德無違教命心
隨所聞法皆善修行心此菩薩知恩知報恩
心極和善同住安樂質直柔軟無稠林行無

有我慢善受教誨得說者意此菩薩如是忍
成就如是調柔成就如是寂滅成就如是忍
調柔寂滅成就淨治後地業作意修行時得
不休息精進不雜染精進不退轉精進廣大
精進無邊精進熾然精進無等等精進無能
壞精進成熟一切衆生精進善分別道非道
精進是菩薩心界清淨深心不失悟解明利
善根增長離世垢濁斷諸疑惑明斷具足喜
樂充滿佛親護念無量志樂皆悉成就佛子
菩薩住此能慧地以願力故得見多佛所謂
見多百佛見多千佛見多百千佛乃至見多
百千億那由他佛皆恭敬尊重承事供養衣
服具飲食湯藥一切資生悉以奉施亦以
供養一切衆僧以此善根皆悉迴向阿耨多
羅三藐三菩提於彼佛所恭敬聽法聞已受
持具足修行復於彼諸佛法中出家修道又
更修治深心信解經無量百千億那由他劫
令諸善根轉復明淨佛子譬如金師鍊治真
金作莊嚴具餘所有金皆不能及菩薩摩訶
薩亦復如是住於此地所有善根下地善根
所不能及如摩尼寶清淨光輪能放光明非
諸餘寶之所能及風雨等緣悉不能壞菩薩
摩訶薩亦復如是住於此地下地菩薩所不
能及衆魔煩惱悉不能壞此菩薩於四攝中

同事偏多十波羅蜜中精進偏多餘非不修
但隨力隨分佛子是名略說菩薩摩訶薩第
四欲慧地菩薩住此地多作須夜摩天王以
喜方便能除衆生身見等惑令住正見布施
愛語利行同事如是一切諸所作業皆不離
念佛不離念法不離念僧乃至不離念具足
一切種一切智智復作是念我當於一切衆
生中爲首爲勝爲殊勝爲妙爲微妙爲上爲
無上乃至爲一切智智依止者是菩薩若發
勤精進於一念頃得入億數三昧得見億數
佛得知億數佛神力能動億數世界乃至能
示現億數身一一身億數菩薩以爲眷屬若
以菩薩殊勝願力自在示現過於此數百劫
千劫乃至百千億那由他劫不能數知爾時
金剛藏菩薩欲重宣其義而說頌言

菩薩已淨第三地

次觀衆生世法界

空界識界及三界

心解悉了能趣入

始登皦地增勢力

生如來家永不退

於佛法僧信不壞

觀法無常無有起

觀世成壞業有生

生死涅槃剎等業

觀前後際亦觀盡

如是修行生佛家

得是法已增慈愍

轉更勤修四念處

身受心法內外觀

世間貪愛皆除遣

菩薩修治四勤行

惡法除滅善增長

神足根力悉善修
爲度衆生修彼行
求一切智及佛土
四無所畏不共法
亦求妙道解脫處
身見爲首六十二
蘊界處等諸取著
如來所訶煩惱行
智者修行清淨業
菩薩勤修不懈怠
專求佛道無厭倦
恭敬尊德修行法
捨慢離諂心調柔
菩薩住此發慧地
悟解決定善增長
此地菩薩人中勝
聽聞正法亦出家
菩薩住此具功德
不爲衆魔心退轉
住此多作欲天王
普化羣生除惡見
菩薩勤加精進力
若以願智力所爲
如是菩薩第四地

七覺八道亦如是
本願所護慈悲首
亦念如來十種力
殊特相好深美音
及大方便修行彼
我及我所無量種
此四地中一切離
以無義利皆除斷
爲度衆生無不作
即得十心皆具足
志期受職度衆生
知思易誨無慍暴
轉更精勤不退轉
其心清淨永不失
疑網垢濁悉皆離
供那由他無量佛
不可沮壞如真金
以智方便修行道
譬如妙寶無能壞
於法自在衆所尊
專求佛智修善業
獲三昧等皆億數
過於此數無能知
所行清淨微妙道

功德義智共相應

我為佛子已宣說

第五地

菩薩聞此勝地行

於法解悟心歡喜

空中雨華讚歎言

善哉大士金剛藏

自在天王與天眾

聞法踊躍住虛空

普放種種妙光雲

供養如來喜充滿

天諸采女奏天樂

亦以言辭歌讚佛

悉以菩薩威神故

於彼聲中發是言

佛願久遠今乃滿

佛道久遠今乃得

釋迦文佛至天宮

利天人者久乃見

大海久遠今始動

佛光久遠今乃放

眾生久遠始安樂

大悲音聲久乃聞

功德彼岸皆已到

憍慢黑闇皆已滅

最極清淨如虛空

不染世法猶蓮華

大牟尼尊現於世

譬如須彌出巨海

供養能盡一切苦

供養必得諸佛智

此應供處供無等

是故歡心供養佛

如是無量諸天女

發此言辭稱讚已

一切恭敬喜充滿

瞻仰如來默然住

是時大士解脫月

復請無畏金剛藏

第五地中諸行相

唯願佛子為宣說

爾時金剛藏菩薩告解脫月菩薩言佛子善

薩摩訶薩第四地所行道善圓滿已欲入第

五難勝地當以十種平等清淨心趣入何等

爲十所謂於過去佛法平等清淨心未來佛法平等清淨心現在佛法平等清淨心戒平等清淨心心平等清淨心除見疑悔平等清淨心道非道智平等清淨心修行智見平等清淨心於一切菩提分法上上觀察平等清淨心教化一切衆生平等清淨心菩薩摩訶薩以此十種平等清淨心得入菩薩第五地佛子菩薩摩訶薩住此第五地已以善修菩提分法故善淨深心故復轉求上勝道故隨順眞如故願力所持故於一切衆生慈愍不捨故積集福智助道故精勤修習不息故出生善巧方便故觀察照明上上地故受如來護念故念智力所持故得不退轉心佛子此菩薩摩訶薩如實知此是苦聖諦此是苦集聖諦此是苦滅聖諦此是苦滅道聖諦善知俗諦善知第一義諦善知相諦善知差別諦善知成立諦善知事諦善知生諦善知盡無生諦善知入道智諦善知一切菩薩地次第成就諦乃至善知如來智成就諦此菩薩隨衆生心樂令歡喜故知俗諦通達一實相故知第一義諦覺法自相共相故知相諦了諸法分位差別故知差別諦善分別蘊界處故知成立諦覺身心苦惱故知事諦覺諸趣生相續故知生諦一切熱惱畢竟滅故知盡無

生智諦出生無二故知入道智諦正覺一切
行相故善知一切菩薩地次第相續成就乃
至如來智成就諦以信解智力知非以究竟
智力知佛子此菩薩摩訶薩得如是諸諦智
已如實知一切有爲法虛妄詐僞誑惑愚夫
菩薩爾時於諸衆生轉增大悲生大慈光明
佛子此菩薩摩訶薩得如是智力不捨一切
衆生常求佛智如實觀一切有爲行前際後
際知從前際無明有愛故生生死流轉於諸
蘊宅不能動出增長苦聚無我無壽者無養
育者無更數取後趣身者離我我所如前際
後際亦如是皆無所有虛妄貪著斷盡出離
若有若無皆如實知佛子此菩薩摩訶薩復
作是念此諸凡夫愚癡無智甚爲可愍有無
數身已滅今滅當滅如是盡滅不能於身而
生厭想轉更增長機關苦事隨生死流不能
還返於諸蘊宅不求出離不知憂畏四大盡
蛇不能拔出諸慢見箭不能息滅貪恚癡火
不能破壞無明黑暗不能乾竭愛欲大海不
求十力大聖導師入魔意稠林於生死海中
爲覺觀波濤之所漂溺佛子此菩薩摩訶薩
復作是念此諸衆生受如是苦孤窮困迫無
救無依無洲無舍無導無目無明覆翳黑暗
纏裹我今爲彼一切衆生修行福智助道之

法獨一發心不求伴侶以是功德令諸衆生
畢竟清淨乃至獲得如來十力無礙智慧佛
子此菩薩摩訶薩以如是智慧觀察所修善
根皆爲救護一切衆生利益一切衆生安樂
一切衆生哀愍一切衆生成就一切衆生解
脫一切衆生攝受一切衆生令一切衆生離
諸苦惱令一切衆生普得清淨令一切衆生
悉皆調伏令一切衆生入般涅槃佛子菩薩
摩訶薩住此第五難勝地名爲念者不忘諸
法故名爲智者能善決了故名爲有趣者知
經意趣次第連合故名爲慙愧者自護護他
故名爲堅固者不捨戒行故名爲覺者能觀
是處非處故名爲隨智者不隨於他故名爲
隨慧者善知義非義句差別故名爲神通者
善修禪定故名爲方便善巧者能隨世行故
名爲無厭足者善集福德故名爲不休息者
常求智慧故名爲不疲倦者集大慈悲故名
爲爲他勤修者欲令一切衆生入涅槃故名
爲勤求不懈者求如來力無畏不共法故名
爲發意能行者成就莊嚴佛土故名爲勤修
種種善業者能具足相好故名爲常勤修習
者求莊嚴佛身語意故名爲大尊重恭敬法
者於一切菩薩法師處如教而行故名爲心
無障礙者以大方便常行世間故名爲日來

遠離餘心者常樂教化一切衆生故佛子菩薩摩訶薩如是勤修行時以布施教化衆生以愛語利行同事教化衆生示現色身教化衆生演說諸法教化衆生開示菩薩行教化衆生顯示如來大威力教化衆生示生死過患教化衆生徧讚如來智慧利益教化衆生現大神通力教化衆生以種種方便行教化衆生佛子此菩薩摩訶薩能如是勤方便教化衆生心恒相續趣佛智慧所作善根無有退轉常勤修學殊勝行法佛子此菩薩摩訶薩爲利益衆生故世間技藝靡不該習所謂文字算數圖書印璽地水火風種種諸論咸所通達又善方藥療治諸病顛狂乾消鬼魅蠱毒悉能除斷文筆讚詠歌舞妓樂戲笑談說悉善其事國城村邑宮宅園苑泉流陂池草樹華藥凡所布列咸得其宜金銀摩尼真珠琉璃螺貝璧玉珊瑚等藏悉知其處出以示人日月星宿鳥鳴地震夜夢吉凶身相休咎咸善觀察一無錯謬持戒入禪神通無量四無色等及餘一切世間之事但於衆生不爲損惱爲利益故咸悉開示漸令安住無上佛法

佛子菩薩住是難勝地以願力故得見多佛所謂見多百佛見多千佛見多百千佛乃至

見多百千億那由他佛悉恭敬尊重承事供養衣服飲食卧具湯藥一切資生悉以奉施亦以供養一切衆僧以此善根迴向阿耨多羅三藐三菩提於諸佛所恭敬聽法聞已受持隨力修行復於彼諸佛法中而得出家既出家已又更聞法得陀羅尼爲聞持法師住此地中經於百劫經於千劫乃至無量百千億那由他劫所有善根轉更明淨佛子譬如真金以磳礫磨瑩轉更明淨此地菩薩所有善根亦復如是以便慧思惟觀察轉更明淨佛子菩薩住此難勝地以便智成就功德下地善根所不能及佛子如日月星宿宮殿光明風力所持不可沮壞亦非餘風所能傾動此地菩薩所有善根亦復如是以便智隨逐觀察不可沮壞亦非一切聲聞獨覺世間善根所能傾動此菩薩十波羅蜜中禪波羅蜜偏多餘非不修但隨力隨分佛子是名略說菩薩摩訶薩第五難勝地菩薩住此地多作兜率陀天王於諸衆生住實諦中布施伏一切外道邪見能令衆生住實諦中布施愛語利行同事如是一切諸所作業皆不離念佛不離念法不離念僧乃至不離念具足一切種一切智智復作是念我當於衆生中爲首爲勝爲殊勝爲妙爲微妙爲上爲無上

乃至爲一切智智依止者此菩薩若發動精進於一念頃得千億三昧見千億佛知千億佛神力能動千億佛世界乃至示現千億身一一身示千億菩薩以爲眷屬若以菩薩殊勝願力自在示現過於此數百劫千劫乃至百千億那由他劫不能數知爾時金剛藏菩薩欲重宣其義而說頌曰

菩薩四地已清淨
戒心除疑道非道
念處爲弓根利箭
五力堅鎧破怨敵
慙媿爲衣覺介驕
智慧方便妙莊嚴
如意爲足正念頸
人中師子無我吼
菩薩住此第五地
志求佛法不退轉
積集福智勝功德
佛力所加具念慧
善知世諦勝義諦
事諦生盡及道諦
如是觀諦雖微妙
以此能生大功德
既觀諦已知有爲
思惟三世佛平等
如是觀察入五地
正勤爲馬神足車
勇健不退入五地
淨戒爲香禪塗香
入摠持林三昧苑
慈悲爲眼智慧牙
破煩惱怨入三地
轉修勝上清淨道
思念慈悲無厭倦
精勤方便觀上地
了知四諦皆如實
相諦差別成三諦
乃至如來無礙諦
未得無礙勝解脫
是故超過世智慧
體性虛偽無堅實

得佛慈愍光明分
觀諸有爲先後際
流轉遲迴苦聚中
愛取爲因受來苦
迷妄漂流無返期
蘊宅界蛇諸見箭
愛河漂轉不暇觀
如是知已勤精進
名爲有念有慧者
習行福智無厭足
國土相好皆莊嚴
爲欲教化諸世間
亦復善解諸方藥
大詞歌舞皆巧妙
寶藏非一咸示人
日月星宿地震動
四禪無色及神通
智者住此難勝地
如以妙寶磨眞金
譬如星宿在虛空
亦如蓮華不著水
住此多作兜率王
所修諸善爲佛智
彼復修行大精進

爲利眾生求佛智
無明黑闇愛纏縛
無我無人無壽命
欲求邊際不可得
此等可愍我應度
心火猛熾癡闇重
苦海淪淪闕明導
所作皆爲度衆生
乃至覺解方便者
恭敬多聞不疲倦
如是一切爲衆生
善知書數印等法
療治衆病悉令愈
宮宅園池悉安隱
利益無量衆生故
乃至身相亦觀察
爲益世間皆顯示
供那由佛亦聽法
所有善根轉明淨
風力所持無損動
如是大士行於此
能摧異道諸邪見
願得十力救衆生
即時供養千億佛

得定動刹亦復然
如是第五難勝地
我以種種方便力

願力所作過於是
八中最上真實道
為諸佛子宣說竟

大方廣佛華嚴經卷第三十六

循身上接邊切

猗覺上於難切

愒暴

上於同切

沮壞上慈呂切

詐偽

上側駕切
下危睡切

機關

上居依切
下古還切

覆翳下於計切

技藝下兼祭切

印璽

下斯氏切

癩狂上都年切

蠱毒上公戶切

陂池

上彼為切

螺貝上落戈切

壁玉上必益切

錯謬

下靡幼切

堅鎧下苦亥切

怨敵下徒歷切

淪滑

下相居切

療治上力照切

令愈下以主切

纏裹

下古火切

乙巳歲高麗國大藏都監奉

勅彫造

大方廣佛華嚴經卷第三十七

章

于闐國三藏實叉難陀奉

制譯

十地品第二十六之四

菩薩既聞諸勝行

其心歡喜雨妙華

放淨光明散寶珠

供養如來稱善說

百千天衆皆欣慶

共在空中散衆寶

華鬘瓔珞及幢幡

寶蓋塗香咸供佛

自在天王并眷屬

心生歡喜住空中

散寶成雲持供養

讚言佛子快宣說

無量天女空中住

共以樂音歌讚佛

音中悉作如是言

佛語能除煩惱病

法性本寂無諸相

猶如虛空不分別

超諸取著絕言道

眞實平等常清淨

若能通達諸法性

於有於無心不動

爲欲救世勤修行

此佛口生眞佛子

不取衆相而行施

本絕諸惡堅持戒

解法無害常堪忍

知法性離具精進

已盡煩惱入諸禪

善達性空分別法

具足智力能博濟

滅除衆惡稱大士

如是妙音千萬種

讚已默然瞻仰佛

解脫月語金剛藏

以何行相入後地

爾時金剛藏菩薩告解脫月菩薩言佛子菩

薩摩訶薩已具足第五地欲入第六現前地

當觀察十平等法何等爲十所謂一切法無

相故平等無體故平等無生故平等無成故
平等本來清淨故平等無戲論故平等無取
捨故平等寂靜故平等如幻如夢如影如響
如水中月如鏡中像如燄如化故平等有無
不二故平等菩薩如是觀一切法自性清淨
隨順無違得入第六現前地得明利隨順忍
未得無生法忍

佛子此菩薩摩訶薩如是觀已復以大悲爲
首大悲增上大悲滿足觀世間生滅作是念
世間受生皆由著我若離此著則無生處復
作是念凡夫無智執著於我常求有無不正
思惟起於妄行行於邪道罪行福行不動行
積集增長於諸行中植心種子有漏有取復
起後有生及老死所謂業爲田識爲種無明
闇覆愛水爲潤我慢漑灌見網增長生名色
芽名色增長生五根諸根相對生觸觸對生
受受後希求生愛愛增長生取取增長生有
有生已於諸趣中起五蘊身名生生已衰變
爲老終歿爲死於老死時生諸熱惱因熱惱
故憂愁悲歎衆苦皆集此因緣故集無有集
者任運而滅亦無滅者菩薩如是隨順觀察
緣起之相佛子此菩薩摩訶薩復作是念於
第一義諦不了故名無明所作業果是行行
依止初心是識與識共生四取蘊爲名色名

色增長爲六處根境識三事和合是觸觸共
 生有受於受染著是愛愛增長是取取所起
 有漏業爲有從業起蘊爲生蘊熟爲老蘊壞
 爲死死時離別愚迷貪戀心曾煩悶爲愁涕
 泗咨嗟爲歎在五根爲苦在在意地爲憂憂苦
 轉多爲惱如是但有苦樹增長無我無我所
 無作無受者復作是念若有作者則有作事
 若無作者亦無作事第一義中俱不可得佛
 子此菩薩摩訶薩復作是念三界所有唯是
 一心如來於此分別演說十二有支皆依一
 心如是而立何以故隨事貪欲與心共生心
 是識事是行於行迷惑是無明與無明及心
 共生是名色名色增長是六處六處三分合
 爲觸觸共生是受受無厭足是愛愛攝不捨
 是取彷彿諸有支生是有有所起名生生熟爲
 老老壞爲死佛子此中無明有二種業一令
 衆生迷於所緣二與行作生起因行亦有二
 種業一能生未來報二與識作生起因識亦
 有二種業一令諸有相續二與名色作生起
 因名色亦有二種業一互相助成二與六處
 作生起因六處亦有二種業一各取自境界
 二與觸作生起因觸亦有二種業一能觸所
 緣二與受作生起因受亦有二種業一能領
 受愛憎等事二與愛作生起因愛亦有二種

業一染著可愛事二與取作生起因取亦有二種業一令諸煩惱相續二與有作生起因有亦有二種業一能令於餘趣中生二與生作生起因生亦有二種業一能起諸蘊二與老作生起因老亦有二種業一令諸根變異二與死作生起因死亦有二種業一能壞諸行二不覺知故相續不絕佛子此中無明緣行乃至生緣老死者由無明乃至生爲緣今行乃至老死不斷助成故無明滅則行滅乃至生滅則老死滅者由無明乃至生不爲緣今諸行乃至老死斷滅不助成故佛子此中無明愛取不斷是煩惱道行有不斷是業道餘分不斷是苦道前後際分別滅三道斷如是三道離我我所但有生滅猶如東蘆復次無明緣行者是觀過去識乃至受是觀現在受乃至有是觀未來於是以後展轉相續無明滅行滅者是觀待斷復次十二有支名爲三苦此中無明行乃至六處是行苦觸受是苦苦餘是壞苦無明滅行滅者是三苦斷復次無明緣行者無明因緣能生諸行無明滅行滅者以無無明諸行亦無餘亦如是又無縛餘亦如是又無明緣行者是隨順盡滅觀餘亦如是

佛子菩薩摩訶薩如是十種逆順觀諸緣起
所謂有支相續故一心所攝故自業差別故
不相捨離故三道不斷故觀過去現在未來
故三苦聚集故因緣生滅故生滅繫縛故無
所有盡觀故

佛子菩薩摩訶薩以如是十種相觀諸緣起
知無我無人無壽命自性空無作者無受者
即得空解脫門現在前觀諸有支皆自性滅
畢竟解脫無有少法相生即時得無相解脫
門現在前如是入空無相已無有願求唯除
大悲爲首教化衆生即時得無願解脫門現
在前菩薩如是修三解脫門離彼我想離作
者受者想離有無想

佛子此菩薩摩訶薩大悲轉增精勤修習爲
未滿菩提分法令圓滿故作是念一切有爲
有和合則轉無和合則不轉緣集則轉緣不
集則不轉我如是知有爲法多諸過患當斷
此和合因緣然爲成就衆生故亦不畢竟滅
於諸行佛子菩薩如是觀察有爲多諸過患
無有自性不生不滅而恒起大悲不捨衆生
即得般若波羅蜜現前名無障礙智光明成
就如是智光明已雖修習菩提分因緣而不
住有爲中雖觀有爲法自性寂滅亦不住寂
滅中以菩提分法未圓滿故

佛子菩薩住此現前地得入空三昧自性空
三昧第一義空三昧第一空三昧大空三昧
合空三昧起空三昧如實不分別空三昧不
捨離空三昧離不離空三昧此菩薩得如是
十空三昧門爲首百千空三昧皆悉現前如
是十無相十無願三昧門爲首百千無相無
願三昧門皆悉現前

佛子菩薩住此現前地復更修習滿足不可
壞心決定心純善心甚深心不退轉心不休
息心廣大心無邊心求智心方便慧相應心
皆悉圓滿

佛子菩薩以此心順佛菩提不懼異論入諸
智地離二乘道趣於佛智諸煩惱魔無能沮
壞住於菩薩智慧光明於空無相無願法中
皆善修習方便智慧恒共相應菩提分法常
行不捨佛子菩薩住此現前地中得般若波
羅蜜行增上得第三明利順忍以於諸法如
實相隨順無違故

佛子菩薩住此現前地已以願力故得見多
佛所謂見多百佛乃至見多百千億那由他
佛悉以廣大心深心供養恭敬尊重讚歎衣
服飲食卧具湯藥一切資生悉以奉施亦以
供養一切衆僧以此善根迴向阿耨多羅三
藐三菩提於諸佛所恭敬聽法聞已受持得

如實三昧智慧光明隨順修行憶持不捨又
 得諸佛甚深法藏經於百劫經於千劫乃至
 無量百千億那由他劫所有善根轉更明淨
 譬如真金以毗瑠璃寶數數磨瑩轉更明淨
 此地菩薩所有善根亦復如是以便慧隨
 逐觀察轉更明淨轉復寂滅無能映蔽譬如
 月光照衆生身令得清涼四種風輪所不能
 壞此地菩薩所有善根亦復如是能滅無量
 百千億那由他衆生煩惱熾火四種魔道所
 不能壞此菩薩十波羅蜜中般若波羅蜜偏
 多餘非不修但隨力隨分佛子是名略說菩
 薩摩訶薩第六現前地菩薩住此地多作善
 化天王所作自在一切聲聞所有問難無能
 退屈能令衆生除滅我慢深入緣起布施愛
 語利行同事如是一切諸所作業皆不離念
 佛乃至不離念具足一切種一切智智復作
 是念我當於一切衆生中爲首爲勝乃至爲
 一切智智依止者此菩薩若勤行精進於一
 念頃得百千億三昧乃至示現百千億菩薩
 以爲眷屬若以願力自在示現過於此數乃
 至百千億那由他劫不能數知爾時金剛藏
 菩薩欲重宣其義而說頌曰
 菩薩圓滿五地已
 觀法無相亦無性
 無生無成本清淨
 無有戲論無取捨

體相寂滅如幻等
隨順法性如是觀
明利順忍智具足
以癡闇力世間生
觀諸因緣實義空
無作無受無思念
不知真諦名無明
識起共生是名色
了達三界依心有
生死皆由心所作
無明所作有二種
如是乃至老終歿
無明爲緣不可斷
愚癡愛取煩惱支
癡至六處是行苦
所餘有支是壞苦
無明與行爲過去
愛取有生未來苦
無明爲緣是生縛
從因生果離則斷
隨順無明起諸有
此有彼有無亦然
有支相續一心攝
三際三苦因緣生

有無不二離分別
此智得成入六地
觀察世間生滅相
若滅癡闇世無有
不壞假名和合用
諸行如雲徧興起
所作思業愚癡果
如是乃至衆苦聚
十二因緣亦復然
心若滅者生死盡
緣中不了爲行因
從此苦生無有盡
彼緣若盡悉皆滅
行有是業餘皆苦
觸受增長是苦苦
若見無我三苦滅
識至於受現在轉
觀待若斷邊際盡
於緣得離縛乃盡
觀察於此知性空
若不隨順諸有斷
十種思惟心離著
自業不離及三道
繫縛起滅順無盡

如是普觀緣起行
如幻如夢如光影
如是觀察入於空
了其虛妄無所願
大士修行解脫門
知諸有爲和合作
空三昧門具百千
般若順忍皆增上
復以深心多供佛
得佛法藏增善根
如月清涼披衆物
此地菩薩超魔道
此地多作善化王
所作皆求一切智
此地菩薩勤精進
亦見若干無量佛
甚深微妙難見知
如是菩薩第六地
第七地

是時天衆心歡喜
普發種種妙音聲
了達勝義智自在
人中蓮華無所著
自在天王在空中

無作無受無眞實
亦如愚夫逐陽燄
知緣性離得無相
唯除慈悲爲衆生
轉益大悲求佛法
志樂決定勤行道
無相無願亦復然
解脫智慧得成滿
於佛教中修習道
如金瑠璃所磨瑩
四風來觸無能壞
亦息羣生煩惱熱
化導衆生除我慢
悉已超勝聲聞道
獲諸三昧百千億
譬如盛夏空中日
聲聞獨覺無能了
我爲佛子已宣說

散寶成雲在空中住
告於最勝清淨者
成就功德百千億
爲利羣生演深行
放大光明照佛身

亦散最上妙香雲

普供除憂煩惱者

爾時天衆皆歡喜

悉發美音同讚述

我等聞斯地功德

則爲已獲大善利

天女是時心慶悅

競奏樂音千萬種

悉以如來神力故

音中共作如是言

威儀寂靜最無比

能調難調世應供

已超一切諸世間

而行於世闡妙道

雖現種種無量身

知身一一無所有

巧以言辭說諸法

不取文字音聲相

往詣百千諸國土

以諸上供供養佛

智慧自在無所著

不生於我佛國想

雖勤教化諸衆生

而無彼已一切心

雖已修成廣大善

而於善法不生著

以見一切諸世間

貪患癡火常熾然

於諸想念悉皆離

發起大悲精進力

一切諸天及天女

種種供養無讚已

悉共同時默然住

瞻仰人尊願聞法

時解脫月復請言

此諸大衆心清淨

第七地中諸行相

唯願佛子爲宣說

爾時金剛藏菩薩告解脫月菩薩言佛子菩

薩摩訶薩具足第六地行已欲入第七遠行

地當修十種方便慧起殊勝道何等爲十所

謂雖善修空無相無願三昧而慈悲不捨衆

生雖得諸佛平等法而樂常供養佛雖入觀

生雖得諸佛平等法而樂常供養佛雖入觀

空智門而勤集福德雖遠離三界而莊嚴三界雖畢竟寂滅諸煩惱而能爲一切衆生起滅貪瞋癡煩惱雖知諸法如幻如夢如影如響如燄如化如水中月如鏡中像自性無二而隨心作業無量差別雖知一切國土猶如虛空而能以清淨妙行莊嚴佛土雖知諸佛法身本性無身而以相好莊嚴其身雖知諸佛音聲性空寂滅不可言說而能隨一切衆生出種種差別清淨音聲雖隨諸佛了知三世唯是一念而隨衆生意解分別以種種相種種時種種劫數而修諸行菩薩以如是十種方便慧起殊勝行從第六地入第七地入已此行常現在前名爲住第七遠行地佛子菩薩摩訶薩住此第七地已入無量衆生界入無量諸佛教化衆生業入無量世界網入無量諸佛清淨國土入無量種種差別法入無量諸佛現覺智入無量劫數入無量諸佛覺了三世智入無量衆生差別信解入無量諸佛示現種種名色身入無量衆生欲樂諸根差別入無量諸佛語言音聲令衆生歡喜入無量衆生種種心行入無量諸佛了知廣大智入無量聲聞乘信解入無量諸佛說智道令信解入無量辟支佛所成就入無量諸佛說甚深智慧門令趣入入無量諸菩

薩方便行入無量諸佛所說大乘集成事令
菩薩得入此菩薩作是念如是無量如來境
界乃至於百千億那由他劫不能得知我悉
應以無功用無分別心成就圓滿佛子此菩
薩以深智慧如是觀察常勤修習方便慧起
殊勝道安住不動無有一念休息廢捨行住
坐卧乃至睡夢未曾暫與蓋障相應常不捨
於如是想念此菩薩於念念中常能具足十
波羅蜜何以故念念皆以大悲為首修行佛
法向佛智故所有善根為求佛智施與衆生
是名檀那波羅蜜能滅一切諸煩惱熱是名
尸羅波羅蜜慈悲為首不損衆生是名羼提
波羅蜜求勝善法無有厭足是名毗梨耶波
羅蜜一切智道常現在前未嘗散亂是名禪
那波羅蜜能忍諸法無生無滅是名般若波
羅蜜能出生無量智是名方便波羅蜜能求
上上勝智是名願波羅蜜一切異論及諸魔
衆無能沮壞是名力波羅蜜如實了知一切
法是名智波羅蜜佛子此十波羅蜜菩薩於
念念中皆得具足如是四攝四持三十七品
三解脫門略說乃至一切菩提分法於念念
中皆悉圓滿

爾時解脫月菩薩問金剛藏菩薩言佛子菩
薩但於此第七地中滿足一切菩提分法為

諸地中亦能滿足金剛藏菩薩言佛子菩薩於十地中皆能滿足菩提分法然第七地最爲殊勝何以故此第七地功用行滿得入智慧自在行故佛子菩薩於初地中緣一切佛法願求故滿足菩提分法第二地離心垢故第三地願轉增長得法光明故第四地入道故第五地順世所作故第六地入甚深法門故第七地起一切佛法故皆亦滿足菩提分法何以故菩薩從初地乃至第七地成就智功用分以此力故從第八地乃至第十地無功用行皆悉成就佛子譬如有二世界一處雜染一處純淨是二中間難可得過唯除菩薩有大方便神通願力佛子菩薩諸地亦復如是有雜染行有清淨行是二中間難可得過唯除菩薩有大願力方便智慧乃能得過解脫月菩薩言佛子此七地菩薩爲是染行爲是淨行金剛藏菩薩言佛子從初地至七地所行諸行皆捨離煩惱業以迴向無上菩提故分得平等道故然未名爲超煩惱行佛子譬如轉輪聖王乘天象寶遊四天下知有貧窮困苦之人而不爲彼衆患所染然未名爲超過人位若捨王身生於梵世乘天宮殿見千世界遊千世界示現梵天光明威德爾乃名爲超過人位佛子菩薩亦復如是始從

初地至於七地乘波羅蜜乘遊行世間知諸世間煩惱過患以乘正道故不爲煩惱過患所染然未名爲超煩惱行若捨一切有功用行從第七地入第八地乘菩薩清淨乘遊行世間知煩惱過失不爲所染爾乃名爲超煩惱行以得一切盡超過故佛子此第七地菩薩盡超過多貪等諸煩惱衆住此地不名有煩惱者不名無煩惱者何以故一切煩惱不現行故不名有者求如來智心未滿故不名無者

佛子菩薩住此第七地以深淨心成就身業成就語業成就意業所有一切不善業道如來所訶皆已捨離一切善業如來所讚常善修行世間所有經書技術如五地中說皆自然而行不假功用此菩薩於三千大千世界中爲大明師唯除如來及八地已上其餘菩薩深心妙行無與等者諸禪三昧三摩鉢底神通解脫皆得現前然是修成非如八地報得成就此地菩薩於念念中具足修集方便智力及一切菩提分法轉勝圓滿

佛子菩薩住此地入菩薩善觀擇三昧善擇義三昧最勝慧三昧分別義藏三昧如寶分別義三昧善住堅固根三昧智慧神通門三昧法界業三昧如來勝利三昧種種義藏生

死涅槃門三昧入如是等具足大智神通門
百萬三昧淨治此地是菩薩得此三昧善治
淨方便慧故大悲力故超過二乘地得觀察
智慧地

佛子菩薩住此地善淨無量身業無相行善
淨無量語業無相行善淨無量意業無相行
故得無生法忍光明解脫月菩薩言佛子菩
薩從初地來所有無量身語意業豈不超過
二乘耶金剛藏菩薩言佛子彼悉超過然但
以願求諸佛法故非是自智觀察之力今第
一地自智力故一切二乘所不能及譬如王
子生在王家王后所生具足王相生已即勝
一切臣衆但以王力非是自力若身長大藝
業悉成乃以自力超過一切菩薩摩訶薩亦
復如是初發心時以志求大法故超過一切
聲聞獨覺今住此地以自所行智慧力故出
過一切二乘之上佛子菩薩住此第七地得
甚深遠離無行常行身語意業勤求上道而
不捨離是故菩薩雖行實際而不作證
解脫月菩薩言佛子菩薩從何地來能入滅
定金剛藏菩薩言佛子菩薩從第六地來能
入滅定今住此地能念念入亦念念起而不
作證故此菩薩名爲成就不可思議身語意
業行於實際而不作證譬如有人乘船入海

以善巧力不遭水難此地菩薩亦復如是乘
波羅蜜船行實際海以願力故而不證滅
佛子此菩薩得如是三昧智力以大方便雖
示現生死而恒住涅槃雖眷屬圍遶而常樂
遠離雖以願力三界受生而不爲世法所染
雖常寂滅以方便力而還熾然雖然不燒雖
隨順佛智而示入聲聞辟支佛地雖得佛境
界藏而示住魔境界雖超魔道而現行魔法
雖示同外道行而不捨佛法雖示隨順一切
世間而常行一切出世間法所有一切莊嚴
之事出過一切天龍夜叉乾闥婆阿脩羅迦
樓羅緊那羅摩睺羅伽人及非人帝釋梵王
四天王等之所有者而不捨離樂法之心
佛子菩薩成就如是智慧住遠行地以願力
故得見多佛所謂見多百佛乃至見多百千
億那由他佛於彼佛所以廣大心增勝心供
養恭敬尊重讚歎衣服飲食卧具醫藥一切
資生悉以奉施亦以供養一切衆僧以此善
根迴向阿耨多羅三藐三菩提復於佛所恭
敬聽法聞已受持獲如實三昧智慧光明隨
順修行於諸佛所護持正法常爲如來之所
讚喜一切二乘所有問難無能退屈利益衆
生法忍清淨如是經無量百千億那由他劫
所有善根轉更增勝譬如真金以衆妙寶間

錯莊嚴轉更增勝倍益光明餘莊嚴具所不能及菩薩住此第七地所有善根亦復如是
以方便慧力轉更明淨非是二乘之所能及
佛子譬如日光星月等光無能及者閻浮提地所有泥濘悉能乾竭此遠行地菩薩亦復如是
如是一切二乘無有能及悉能乾竭一切衆生諸惑泥濘此菩薩十波羅蜜中方便波羅蜜偏多餘非不行但隨力隨分佛子是名略說
菩薩摩訶薩第七遠行地菩薩住此地多作自在天王善爲衆生說證智法令其證入
布施愛語利行同事如是一切諸所作業皆不離念佛乃至不離念具足一切種一切智
智復作是念我當於一切衆生中爲首爲勝乃至爲一切智智依止者此菩薩若發勤精進於一念頃得百千億那由他三昧乃至示現百千億那由他菩薩以爲眷屬若以菩薩殊勝願力自在示現過於此數乃至百千億那由他劫不能數知爾時金剛藏菩薩欲重宣此義而說頌曰
第一義智三昧道
六地修行心滿足
即時成就方便慧
菩薩以此入七地
雖明三脫起慈悲
雖等如來勤供佛
雖觀於空集福德
菩薩以此昇七地
遠離三界而莊嚴
滅除惑火而起燄

知法無二勤作業
解身不動具諸相
入於一念事各別
觀察此法得明了
入衆生界無有邊
國土諸法與劫數
說三乘法亦無限
菩薩勤求最勝道
一一迴向佛菩提
發心迴向是布施
求善無厭斯進策
忍受無生名般若
無能摧力善了智
初地攀緣功德滿
四地入道五順行
七住菩提功德滿
以是能令八地中
此地難過智乃超
亦如聖王無染著
若住第八智地中
如梵觀世超人位
此地雖超諸惑衆
以無煩惱於中行
世間所有衆技藝

了刹皆空樂嚴土
達聲性離善開演
智者以此昇七地
廣爲羣迷興利益
佛教化業亦無量
解欲心行悉能入
如是教化諸羣生
動息不捨方便慧
念念成就波羅蜜
滅惑爲戒不害忍
於道不動即修禪
迴向方便希求願
如是一切皆成滿
二地離垢三淨息
第六無生智光照
種種大願皆具足
一切所作咸清淨
譬如世界二中間
然未名爲揔超度
爾乃逾於心境界
如蓮處水無染著
不名有惑非無惑
而求佛智心未足
經書詞論普明了

禪定三昧及神通
菩薩修成七住道
初地願故此由智
成就甚深仍進道
譬如乘船入海中
方便慧行功德具
供養多佛心益明
此地菩薩智最明
又作自在天中主
若以勇猛精勤力
百千億數那由他
此是菩薩遠行地
一切世間天及人

如是修行悉成就
超過一切二乘行
譬如王子力具足
心心寂滅不取證
在水不為水所溺
一切世間無能了
如以妙寶莊嚴金
如日舒光燭燮水
化導羣生修正智
獲多二昧見多佛
願力自在復過是
方便智慧清淨道
聲聞獨覺無能知

大方廣佛華嚴經卷第七

漑灌

上古代切
下古玩切

色芽

下五加切

心曾

下許靈切

煩悶

下莫困切

涕泗

上他禮切
下息利切

舌嗟

上即夷切
下子邪切

東蘆

上書玉切
下落胡切

數數

俱所角切

磨瑩

下烏定切

映蔽

下必袂切

癡闇

下烏緝切

屢提

上初限切

泥濘

上盧脂切

乙巳歲高麗國大藏都監奉
勅彫造

于闐國三藏實叉難陀奉

制譯

十地品第二十六之五

是時天王及天衆

聞此勝行皆歡喜

爲欲供養於如來

及以無央大菩薩

雨妙華幡及幢蓋

香鬘瓔珞與寶衣

無量無邊千萬種

悉以摩尼作嚴飾

天女同時奏天樂

普發種種妙音聲

供養於佛并佛子

共作是言而讚歎

一切見者雨足尊

哀愍衆生現神力

令此種種諸天樂

普發妙音咸得聞

於一毛端百千億

那由他國微塵數

如是無量諸如來

於中安住說妙法

一毛孔內無量刹

各有四洲及大海

須彌鐵圍亦復然

悉見在中無迫隘

一毛端處有六趣

三種惡道及人天

諸龍神衆阿脩羅

各隨自業受果報

於彼一切刹土中

悉有如來演妙音

隨順一切衆生心

爲轉最上淨法輪

刹中種種衆生身

身中復有種種刹

人天諸趣各各異

佛悉知己爲說法

大刹隨念變爲小

小刹隨念亦變大

如是神通無有量

世間共說不能盡

普發此等妙音聲

稱讚如來功德已

衆會歡喜默然住

一心瞻仰欲聽說

時解脫月復請言

今此衆會皆寂靜

願說隨次之所入

第八地中諸行相

爾時金剛藏菩薩告解脫月菩薩言佛子菩薩摩訶薩於七地中善修習方便慧善清淨諸道善集助道法大願力所攝如來力所加自善力所持常念如來力無所畏不共佛法善清淨深心思覺能成就福德智慧大慈大悲不捨衆生入無量智道入一切法本來無生無起無相無成無壞無盡無轉無性爲性初中後際皆悉平等無分別如如智之所入處離一切心意識分別想無所取著猶如虛空入一切法如虛空性是名得無生法忍佛子菩薩成就此忍即時得入第八不動地爲深行菩薩難可知無差別離一切相一切想一切執著無量無邊一切聲聞辟支佛所不能及離諸諠譁寂滅現前譬如比丘具足神通得心自在次第乃至入滅盡定一切動心憶想分別悉皆止息此菩薩摩訶薩亦復如是住不動地即捨一切功用行得無功用法身口意業念務皆息住於報行譬如有人夢中見身墮在大河爲欲渡故發大勇猛施大方便以大勇猛施方便故即便覺寤既覺寤已所作皆息菩薩亦爾見衆生身在四流

中爲救度故發大勇猛起大精進以勇猛精進故至不動地旣至此已一切功用靡不皆息二行相行悉不現前佛子如生梵世欲界煩惱皆不現前住不動地亦復如是一切心意識行皆不現前此菩薩摩訶薩菩薩心佛心菩提心涅槃心尚不現起況復起於世間之心佛子此地菩薩本願力故諸佛世尊親現其前與如來智令其得入法流門中作如是言善哉善哉善男子此忍第一順諸佛法然善男子我等所有十力無畏十八不共諸佛之法汝今未得汝應爲欲成就此法勤加精進勿復放捨於此忍門又善男子汝雖得是寂滅解脫然諸凡夫未能證得種種煩惱皆悉現前種種覺觀常相侵害汝當愍念如是衆生又善男子汝當憶念本所誓願普大饒益一切衆生皆令得入不可思議智慧之門又善男子此諸法法性若佛出世若不出世常住不異諸佛不以得此法故名爲如來一切二乘亦能得此無分別法又善男子汝觀我等身相無量智慧無量國土無量方便無量光明無量清淨音聲亦無有量汝今宜應成就此事又善男子汝今適得此一法明所謂一切法無生無分別善男子如來法明無量入無量作無量轉乃至百千億那由他

劫不可得知汝應修行成就此法又善男子
汝觀十方無量國土無量衆生無量法種種
差別悉應如實通達其事佛子諸佛世尊與
此菩薩如是等無量起智門令其能起無量
無邊差別智業佛子若諸佛不與此菩薩起
智門者彼時即入究竟涅槃棄捨一切利衆
生業以諸佛與如是等無量無邊起智門故
於一念頃所生智業從初發心乃至七地所
修諸行百分不及一乃至百千億那由他分
亦不及一如是阿僧祇分歌羅分算數分譬
喻分優波尼沙陀分亦不及一何以故佛子
是菩薩先以一身起行今住此地得無量身
無量音聲無量智慧無量受生無量淨國教
化無量衆生供養無量諸佛入無量法門具
無量神通有無量衆會道場差別住無量身
語意業集一切菩薩行以不動法故佛子譬
如乘船欲入大海未至於海多用功力若至
海已但隨風去不假人力以至大海一日所
行比於未至其未至時設經百歲亦不能及
佛子菩薩摩訶薩亦復如是積集廣大善根
資糧乘大乘船到菩薩行海於一念頃以無
功用智入一切智智境界本有功用行經於
無量百千億那由他劫所不能及

佛子菩薩住此第八地以大方便善巧智所

起無功用覺慧觀一切智智所行境所謂觀
世間成觀世間壞由此業集故成由此業盡
故壞幾時成幾時壞幾時成住幾時壞住皆
如實知又知地界小相大相無量相差別相
知水火風界小相大相無量相差別相知微
塵細相差別相無量差別相隨何世界中
有微塵聚及微塵差別相皆如實知隨何世
界中所有地水火風界各若干微塵所有寶
物若干微塵衆生身若干微塵國土身若干
微塵皆如實知知衆生大身小身各若干微
塵成知地獄身畜生身餓鬼身阿脩羅身天
身人身各若干微塵成得如是知微塵差別
智又知欲界色界無色界成知欲界色界無
色界壞知欲界色界無色界小相大相無量
相差別相得如是觀三界差別智佛子此菩
薩復起智明教化衆生所謂善知衆生身老
別善分別衆生身善觀察所生處隨其所應
而爲現身教化成熟此菩薩於一三千大千
世界隨衆生身信解差別以智光顯普現受
生如是若二若三乃至百千乃至不可說二
千大千世界隨衆生身信解差別普於其中
示現受生此菩薩成就如是智慧故於一佛
刹其身不動乃至不可說佛刹衆會中悉現
其身佛子此菩薩隨諸衆生身心信解種種

差別於彼佛國衆會之中而現其身所謂於沙門衆中示沙門形婆羅門衆中示婆羅門形刹利衆中示刹利形如是毗舍衆首陀衆居士衆四天王衆三十三天衆夜摩天衆兜率陀天衆化樂天衆他化自在天衆魔衆梵衆乃至阿迦尼吒天衆中各隨其類而爲現形又應以聲聞身得度者現聲聞形應以辟支佛身得度者現辟支佛形應以菩薩身得度者現菩薩形應以如來身得度者現如來形佛子菩薩如是於一切不可說佛國土中隨諸衆生信樂差別如是如是而爲現身佛子此菩薩遠離一切身想分別住於平等此菩薩知衆生身國土身業報身聲聞身獨覺身菩薩身如來身智身法身虛空身此菩薩知諸衆生心之所樂能以衆生身作自身亦作國土身業報身乃至虛空身又知衆生心之所樂能以國土身作自身亦作衆生身業報身乃至虛空身又知諸衆生心之所樂能以業報身作自身亦作衆生身國土身乃至虛空身又知衆生心之所樂能以自身作衆生身國土身乃至虛空身隨諸衆生所樂不同則於此身現如是形此菩薩知衆生集業身報身煩惱身色身無色身又知國土身小相大相無量相染相淨相廣相倒住相正住

相普入相方網差別相知業報身假名差別
知聲聞身獨覺身菩薩身假名差別知如來
身有菩提身願身化身力持身相好莊嚴身
威勢身意生身福德身法身智身知智身善
思量相如實波擇相果行所攝相世間出世
間差別相三乘差別相共相不共相出離相
非出離相學相無學相知法身平等相不壞
相隨時隨俗假名差別相衆生非衆生法差
別相佛法聖僧法差別相知虛空身無量相
周徧相無形相無異相無邊相顯現色身相
佛子菩薩成就如是身智已得命自在心自
在財自在業自在生自在願自在解自在如
意自在智自在法自在得此十自在故則爲
不思議智者無量智者廣大智者無能壞智
者

此菩薩如是入已如是成就已得畢竟無過
失身業無過失語業無過失意業身語意業
隨智慧行般若波羅蜜增上大悲爲首方便
善巧善能分別善起大願佛力所護常勤修
習利衆生智普住無邊差別世界佛子舉要
言之菩薩住此不動地身語意業諸有所作
皆能積集一切佛法佛子菩薩住此地得善
住深心力一切煩惱不行故得善住勝心力
不離於道故得善住大悲力不捨利益衆生

故得善住大慈力救護一切世間故得善住
陀羅尼力不忘於法故得善住辯才力普觀
察分別一切法故得善住神通力普往無邊
世界故得善住大願力不捨一切菩薩所作
故得善住波羅蜜力成就一切佛法故得如
來護念力一切種一切智智現前故此菩薩
得如是智力能現一切諸所作事於諸事中
無有過咎

佛子此菩薩智地名爲不動地無能沮壞故
名爲不轉地智慧無退故名爲難得地一切
世間無能測故名爲童真地離一切過失故
名爲生地隨樂自在故名爲成地更無所作
故名爲究竟地智慧決定故名爲變化地隨
願成就故名爲力持地他不能動故名爲無
功用地先已成就故佛子菩薩成就如是智
慧入佛境界佛功德照順佛威儀佛境現前
常爲如來之所護念梵釋四王金剛力士常
隨侍衛恒不捨離諸大三昧能現無量諸身
差別於一一身有大勢力報得神通三昧自
在隨有可化衆生之處示成正覺佛子菩薩
如是入大乘會獲大神通放大光明入無礙
法界知世界差別示現一切諸大功德隨意
自在善能通達前際後際普伏一切魔邪之
道深入如來所行境界於無量國上修菩薩

行以能獲得不退轉法是故說名住不動地
佛千菩薩住此不動地已以三昧力常得現
見無量諸佛恒不捨離承事供養此菩薩於
一一劫一一世界見無量百佛無量千佛乃
至無量百千億那由他佛恭敬尊重承事供
養一切資生悉以奉施於諸佛所得於如來
甚深法藏受世界差別等無量法明若有問
難世界差別如是等事無能屈者如是經於
無量百劫無量千劫乃至無量百千億那由
他劫所有善根轉增明淨譬如真金治作寶
冠置閻浮提主聖王頂上一切臣民諸莊嚴
具無與等者此地菩薩所有善根亦復如是
一切二乘乃至第七地菩薩所有善根無能
及者以住此地大智光明普滅衆生煩惱黑
闇善能開闢智慧門故佛子譬如千世界主
大梵天王能普運慈心普放光明滿千世界
此地菩薩亦復如是能放光明照百萬佛刹
微塵數世界令諸衆生滅煩惱火而得清涼
此菩薩十波羅蜜中願波羅蜜增上餘波羅
蜜非不修行但隨力隨分是名略說諸菩薩
摩訶薩第八不動地若廣說者經無量劫不
可窮盡佛子菩薩摩訶薩住此地多作大梵
天王主千世界最勝自在善說諸義能與聲
聞辟支佛諸菩薩波羅蜜道若有問難世界

差別無能退屈布施愛語利行同事如是一切諸所作業皆不離念佛乃至不離念一切種一切智智復作是念我當於一切衆生中爲首爲勝乃至爲一切智智依止者此菩薩若以發起大精進力於一念頃得百萬三千大千世界微塵數三昧乃至示現百萬三千大千世界微塵數菩薩以爲眷屬若以菩薩殊勝願力自在示現過於是數乃至百千億那由他劫不能數知爾時金剛藏菩薩欲重宣其義而說頌曰

七地修治方便慧復得人尊所攝持功德成就恒慈愍聞法能生決定力知法無生無起相離有平等絕分別成就是忍超戲論一切世間無能知住於此地不分別如夢渡河覺則無以本願力蒙勸導語言我等衆佛法汝雖已滅煩惱火當念本願度衆生

善集助道大願力爲求勝智登八住智慧廣大等虛空是則寂滅無生忍無成無壞無盡轉超諸心行如空住甚深不動恒寂滅心相取著悉皆離譬如比丘入滅定如生梵天絕下欲歎其忍勝與灌頂汝今未獲當勤進世間或鼓猶熾然悉使修因趣解脫

法性真常離心念
不以此故爲世尊
如是人天所應供
無邊佛法悉得成
菩薩住茲妙智地
一念分身徧十方
心無功用任智力
諸界種種各殊異
三千卅界四大種
及以衆寶微塵數
菩薩能知一切身
國土無量種種別
譬如日月住虛空
住於法界無所動
隨其心樂各不同
聲聞獨覺與菩薩
衆生國土業報身
虛空身相皆平等
卜種聖智普觀察
所有佛法皆成就
十力成就不動搖
諸佛護念天王禮
此地功德無邊際
復以供佛善益明

二乘於此亦能得
但以其深無礙智
與此智慧令觀察
一念超過曩衆行
則獲廣大神通力
如船入海因風濟
悉知國土成壞住
小大無量皆能了
六趣衆生身各別
以智觀察悉無餘
爲化衆生同彼形
悉爲現形無不徧
一切水中皆現影
隨心現影亦復然
一切衆中皆現身
及以佛身靡不現
種種聖人智法身
普爲衆生而示作
復順慈悲作衆業
持戒不動如須彌
一切魔衆無能轉
密迹金剛恒侍衛
千萬億劫說不盡
如王頂上莊嚴貝

菩薩住此第八地

演說三乘無有窮

一念所獲諸三昧

諸所作事悉亦然

菩薩第八不動地

若欲次第廣分別

第九地

說此菩薩八地時

震動十方諸國土

一切知見無上尊

照耀彼諸無量土

菩薩無量百千億

以過諸天上妙供

大自在王自在天

各以種種衆供具

復有天女千萬億

各奏樂音無量種

是時衆樂同時奏

悉以善逝威神力

寂靜調柔無垢害

心如虛空詣十方

天上人間一切處

以從如來功德生

不離一刹詣衆上

多作梵王千界主

慈光普照除衆惑

百萬世界微塵等

願力示現復過是

我爲汝等已略說

經於億劫不能盡

如來現大神通力

無量億數難思議

其身普放大光明

悉使衆生獲安樂

俱時踊在虛空住

供養說中最勝者

悉共同心喜無量

供養甚深功德海

身心歡喜悉充徧

供養人中大導師

百千萬億無量別

演出妙音而讚歎

隨所入地善修習

廣說佛道悟羣生

悉現無等妙莊嚴

令其見者樂佛智

如月普現照世間

音聲心念悉皆滅

譬猶谷響無不應

若有衆生心下劣

爲彼演說聲聞行

若心明利樂辟支

則爲彼說中乘道

若有慈悲樂饒益

爲說菩薩所行事

若有最勝智慧心

則示如來無上法

譬如幻師作衆事

種種形相皆非實

菩薩智幻亦如是

雖現一切離有無

如是美音千萬種

歌讚佛之自然住

解脫月言今衆淨

願說九地所行道

爾時金剛藏菩薩告解脫月菩薩言佛子菩

薩摩訶薩以如是無量智思量觀察欲更求

轉勝寂滅解脫復修習如來智慧入如來祕

密法觀察不思議大智性淨諸陀羅尼三昧

門具廣大神通入差別世界修力無畏不共

法隨諸佛轉法輪不捨大悲本願力得入菩

薩第九善慧地

佛子菩薩摩訶薩住此善慧地如實知善不

善無記法行有漏無漏法行世間出世間法

行思議不思議法行定不定法行聲聞獨覺

法行菩薩行法行如來地法行有爲法行無

爲法行此菩薩以如是智慧如實知衆生心

稠林煩惱稠林業稠林根稠林解稠林性稠

林樂欲稠林隨眠稠林受生稠林習氣相續

稠林三聚差別稠林此菩薩如實知衆生心

種種相所謂雜起相速轉相壞不壞相無形
質相無邊際相清淨相垢無垢相縛不縛相
幻所作相隨諸趣生相如是百千萬億乃至
無量皆如實知又知諸煩惱種種相所謂久
遠隨行相無邊引起相俱生不捨相眠起一
義相與心相應不相應相隨趣受生而住相
三界差別相愛見癡慢如箭深入過患相三
業因緣不絕相略說乃至八萬四千皆如實
知又知諸業種種相所謂善不善無記相有
表示無表示相與心同生不離相因自性剎
那壞而次第集果不失相有報無報相受黑
黑等眾報相如日無量相凡聖差別相現受
生受後受相乘非乘定不定相略說乃至八
萬四千皆如實知又知諸根較中勝相先際
後際差別無差別相上中下相煩惱俱生不
相離相乘非乘定不定相淳熟調柔相隨根
網輕轉壞相增上無能壞相退不退差別相
速隨共生不同相略說乃至八萬四千皆如
實知又知諸解較中上諸性較中上樂欲較
中上皆略說乃至八萬四千又知諸隨眠種
種相所謂與深心共生相與心共生相心相
應不相應差別相久遠隨行相無始不拔相
與一切禪定解脫三昧三摩鉢底神通相違
相三界相續受生繫縛相今無邊心相續現

起相開諸處門相堅實難治相地處成就不
成就相唯以聖道拔出相又知受生種種相
所謂隨業受生相六趣差別相有色無色差
別相有想無想差別相業爲田愛水潤無明
暗覆識爲種子生後有芽相名色俱生不相
離相癡愛希求續有相欲受欲生無始樂著
相妄謂出三界貪求相又知習氣種種相所
謂行不行差別相隨趣熏習相隨衆生行熏
習相隨業煩惱熏習相善不善無記熏習相
隨入後有熏習相次第熏習相不斷煩惱遠
行不捨熏習相實非實熏習相見聞親近聲
聞獨覺菩薩如來熏習相又知衆生正定邪
定不定相所謂正見正定相邪見邪定相二
俱不定相五逆邪定相五根正定相二俱不
定相八邪邪定相正性正定相更不作二俱
離不定相深著邪法邪定相習行聖道正定
相二俱捨不定相佛子菩薩隨順如是智慧
名住善慧地住此地已了知衆生諸行差別
教化調伏令得解脫
佛子此菩薩善能演說聲聞乘法獨覺乘法
菩薩乘法如來地法一切行處智隨行故能
隨衆生根性欲解所行有異諸衆差別亦隨
受生煩惱眠縛諸業習氣而爲說法令生信
解增益智慧各於其乘而得解脫

佛子菩薩住此善慧地作大法師具法師行
善能守護如來法藏以無量善巧智起四無
礙辯用菩薩言辭而演說法此菩薩常隨四
無礙智轉無暫捨離何等爲四所謂法無礙
智義無礙智辭無礙智樂說無礙智此菩薩
以法無礙智知諸法自相義無礙智知諸法
別相辭無礙智無錯謬說樂說無礙智無斷
盡說復次以法無礙智知諸法自性義無礙
智知諸法生滅辭無礙智安立一切法不斷
說樂說無礙智隨所安立不可壞無邊說復
次以法無礙智知現在法差別義無礙智知
過去未來法差別辭無礙智於去來今法無
錯謬說樂說無礙智於一一世無邊法明了
說復次以法無礙智知法差別義無礙智知
義差別辭無礙智隨其言音說樂說無礙智
隨其心樂說復次法無礙智以法智知差別
不異義無礙智以比智知差別如實辭無礙
智以世智差別說樂說無礙智以第一義智
善巧說復次法無礙智知諸法一相不壞義
無礙智知蘊界處諦緣起善巧辭無礙智以
一切世間易解了美妙音聲文字說樂說無
礙智以轉勝無邊法明說復次法無礙智知
一乘平等性義無礙智知諸乘差別性辭無
礙智說一切乘無差別樂說無礙智說一一

乘無邊身復次法無礙智知一切菩薩行智
行法行智隨證義無礙智知十地分位義差
別辭無礙智說地道無差別相樂說無礙智
說一一地無邊行相復次法無礙智知一切
如來一念成正覺義無礙智知種種時種種
處等各差別辭無礙智說成正覺差別樂說
無礙智於一句法無量劫說不盡復次法
無礙智知一切如來語力無所畏不共佛法
大慈大悲辯才方便轉法輪一切智智隨證
義無礙智知如來隨八萬四千衆生心行根
解差別音聲辭無礙智隨一切衆生行以如
來音聲差別說樂說無礙智隨衆生信解以
如來智清淨行圓滿說
佛子菩薩住第九地得如是善巧無礙智得
如來妙法藏作大法師得義陀羅尼法陀羅
尼智陀羅尼光照陀羅尼善慧陀羅尼衆財
陀羅尼威德陀羅尼無礙門陀羅尼無邊際
陀羅尼種種義陀羅尼如是等百萬阿僧祇
聲辯才門而演說法此菩薩得如是百萬阿
僧祇陀羅尼門已於無量佛所一一佛前悉
以如是百萬阿僧祇陀羅尼門聽聞正法聞
已不忘以無量差別門爲他演說此菩薩初
見於佛頭頂禮敬即於佛所得無量法門此

所得法門非彼聞持諸大聲聞於百千劫所能領受此菩薩得如是陀羅尼如是無礙智坐於法座而說於法大千世界滿中衆生隨其心樂差別爲說唯除諸佛及受職菩薩其餘衆會威德光明無能與比此菩薩處於法座欲以一音令諸大衆皆得解了即得解了或時欲以種種音聲令諸大衆皆得開悟或時心欲放大光明演說法門或時心欲於其身上一一毛孔皆演法音或時心欲乃至三千大千世界所有一切形無形物皆悉演出妙法言音或時心欲發一言音周徧法界悉令解了或時心欲一切言音皆作法音恒住不滅或時心欲一切世界簫笛鐘鼓及以歌詠一切樂聲皆演法音或時心欲於一字中一切法句言音差別皆悉具足或時心欲令不可說無量世界地水火風四大聚中所有微塵一一塵中皆悉演出不可說法門如是所念一切隨心無不得者

佛子此菩薩假使三千大千世界所有衆生成至其前一皆以無量言音而興問難一一問難各各不同菩薩於一念頃悉能領受仍以一音普爲解釋令隨心樂各得歡喜如是乃至不可說世界所有衆生一刹那間一一皆以無量言音而興問難一一問難各各

不同菩薩於一念頃悉能領受亦以一音普
為解釋各隨心樂令得歡喜乃至不可說不
可說世界滿中衆生菩薩皆能隨其心樂隨
根隨解而為說法承佛神力廣作佛事普為
一切作所依怙佛子此菩薩復更精進成就
智明假使一毛端處有不可說世界微塵數
諸佛衆會一一衆會有不可說世界微塵數
衆生一一衆生有不可說世界微塵數性欲
微諸佛隨其性欲各與法門如一毛端處一
切法界處悉亦如是如是所說無量法門菩
薩於一念中悉能領受無有忘失

佛子菩薩住此第九地晝夜專勤更無餘念
唯入佛境界親近如來入諸菩薩甚深解脫
常在三昧恒見諸佛未曾捨離一一劫中見
無量佛無量百佛無量千佛乃至無量百千
億那由他佛恭敬尊重承事供養於諸佛所
種種問難得說法陀羅尼所有善根轉更明
淨譬如真金善巧金師用作寶冠轉輪聖王
以嚴其首四天下內一切小王及諸臣民諸
莊嚴具無與等者此第九地菩薩善根亦復
如是一切聲聞辟支佛及下地菩薩所有善
根無能與等佛子譬如二千世界主大梵天
王身出光明二千界中幽遠之處悉能照耀
除其黑闇此地菩薩所有善根亦復如是能

出光明照衆生心煩惱黑闇皆令息滅此菩薩十波羅蜜中力波羅蜜最勝餘波羅蜜非不修行但隨力隨分佛子是名略說菩薩摩訶薩第九善慧地若廣說者於無量劫亦不能盡佛子菩薩摩訶薩住此地多作二千世界主大梵天王善能統理自在饒益能爲一切聲聞緣覺及諸菩薩分別演說波羅蜜行隨衆生心所有問難無能屈者布施愛語利行同事如是一切諸所作業皆不離念佛乃至不離念一切種一切智智復作是念我當於一切衆生中爲首爲勝乃至爲一切智智依止者此菩薩若發勤精進於一念頃得百萬阿僧祇國土微塵數三昧乃至示現百萬阿僧祇國土微塵數菩薩以爲眷屬若以菩薩殊勝願力自在示現過於此數乃至百千億那由他劫不能數知爾時金剛藏菩薩欲重宣其義而說頌曰

無量智力善觀察 最上微妙世難知
普入如來秘密處 利益衆生入九地
總持三昧皆自在 獲大神通入衆刹
力智無畏不共法 願力悲心入九地
住於此地持法藏 了善不善及無記
有漏無漏世出世 思不思議悉善知
若法決定不決定 三乘所作悉觀察

有為無為行差別
 若欲知諸衆生心
 種種速轉壞非壞
 煩惱無邊恒共伴
 業性種種各差別
 諸根種種下中上
 解性樂欲亦復然
 衆生惑見恒隨縛
 與志共俱心並生
 但唯妄想非實物
 禪定境非仍退轉
 六趣受生各差別
 識為種子名色芽
 惑業心習生諸趣
 衆生悉在三界中
 住於此地善觀察
 悉以無礙妙辯才
 處於法座如師子
 又如龍王布密雲
 善知法性及興義
 摠持百萬阿僧祇
 摠持三昧皆清淨
 一一佛所皆聞法
 若欲三千大千界

如是而知入世間
 則能以智如實知
 無質無邊等衆相
 眠起一義續諸趣
 因壞果集皆能了
 先後際等無量別
 八萬四千靡不知
 無始稠林未除翦
 常相羈繫不斷絕
 不離於心無處所
 金剛道滅方畢竟
 業田愛閤無明覆
 三界無始恒相續
 若離於此不復生
 或溺於見或行道
 隨其心樂及根解
 如其所應差別說
 亦如牛王寶山王
 雲甘露雨充大海
 隨順言辭能辯說
 譬如大海受衆雨
 能於一念見多佛
 復以妙音而演暢
 教化一切諸羣生

如雲廣布無不及
毛端佛衆無有數
悉應其心與法門
菩薩勤加精進力
聞持爾所諸法門
十方無量諸衆生
一念隨心各問難
住於此地爲法王
日夜見佛未曾捨
供養諸佛善益明
復使衆生煩惱滅
住此多作太梵王
所行善業普饒益
一念所入諸三昧
見佛說法亦復然
此是第九善慧地
甚深微妙難可見
大方廣佛華嚴經卷第三十八

隨其根欲悉令喜
衆生心樂亦無極
一切法界皆如是
復獲功德轉增勝
如地能持一切種
咸來親近會中坐
一音普對悉充足
隨機誨誘無厭倦
入深寂滅智解脫
如王頂上妙寶冠
譬如梵王光普照
以三乘法化衆生
乃至當成一切智
阿僧祇剎微塵數
願力所作復過此
大智菩薩所行處
我爲佛子已宣說

迫隘

上音百下烏懈切

覺寤

下五故切

簫笛

上蘇郎切下蘇音

鐘鼓

上職容切下古音

除翦

下即幾切

羈繫

上居宜切下古音

境排

下步皆切

與義

上烏到切

乙巳歲高麗國大藏都監奉

勅彫造

大方廣佛華嚴經卷第三十九

章

于闐國三藏實叉難陀奉

翻譯

十地品第二十六之六

淨居天衆那由他

聞此地中諸勝行

空中踊躍心歡喜

悉共虔誠供養佛

不可思議菩薩衆

亦在空中大歡喜

俱然最上悅意香

普熏衆會令清淨

自在天王與天衆

無量億數在虛空

普散天衣供養佛

百千萬種繽紛下

天諸采女無有量

靡不歡欣供養佛

各奏種種妙樂音

悉以此言而讚歎

佛身安坐一國土

一切世界悉現身

身相端嚴無量億

法界廣大悉充滿

於一毛孔放光明

普滅世間煩惱暗

國土微塵可知數

此光明數不可測

或見如來具衆相

轉於無上正法輪

或見遊行諸佛刹

或見寂然安不動

或現住於兜率宮

或現下生入母胎

或示住胎或出胎

悉令無量國中見

或現出家修世道

或現道場成正覺

或現說法或得勝

普使十方無不覩

譬如幻師知幻術

在於大衆多所作

如來智慧亦復然

於世間由普現身

佛住甚深眞法性

寂滅無相同虛空

而於第一實義中

示現種種所行事

所作利益衆生事

皆依法性而得有

相與無相無差別

入於究竟皆無相

若有欲得如來智

應離一切妄分別

有無通達皆平等

疾作人天大導師

無量無邊天女衆

種種言音僞讚已

身心寂靜共安樂

瞻仰如來默然住

即時菩薩解脫月

知諸衆會咸寂靜

向金剛藏而請言

大無畏者眞佛子

從第九地入十地

所有功德諸行相

及以神通變化事

願聰慧者爲宣說

爾時金剛藏菩薩摩訶薩告解脫月菩薩言

佛子菩薩摩訶薩從初地乃至第九地以如

是無量智慧觀察覺了已善思惟修習善滿

足白法集無邊助道法增長大福德智慧廣

行大悲知世界差別入衆生界稠林入如來

所行處隨順如來寂滅行常觀察如來力無

所畏不共佛法名爲得一切種一切智智受

職位佛子菩薩摩訶薩以如是智慧入受職

地已即得菩薩離垢三昧入法界差別三昧

莊嚴道場三昧一切種華光三昧海藏三昧

海印三昧虛空界廣大三昧觀一切法自性

三昧知一切衆生心行三昧一切佛皆現前

三昧如是等百萬阿僧祇三昧皆現在前菩

薩於此一切三昧若入若起皆得善巧亦善
了知一切三昧所作差別其最後三昧名受
一切智勝職位此三昧現在前時有大寶蓮
華忽然出生其華廣大量等百萬三千大千
世界以衆妙寶間錯莊嚴超過一切世間境
界出世善根之所生起知諸法如幻性衆行
所成恒放光明普照法界非諸天處之所能
有毗瑠璃摩尼寶爲莖旃檀王爲臺礪礪爲
璘闍浮檀金爲葉其華常有無量光明衆寶
爲藏寶網彌覆三千大千世界微塵數蓮
華以爲眷屬爾時菩薩坐此華座身相大小
正相稱可無量菩薩以爲眷屬各坐其餘蓮
華之上周匝圍遶一一各得百萬三昧向大
菩薩一心瞻仰佛子此大菩薩并其眷屬坐
法界一切世界咸悉震動悉趣休息國土嚴
淨同行菩薩靡不來集人天音樂同時發聲
所有衆生悉得安樂以不思議供養之具供
一切佛諸佛衆會悉皆顯現佛子此菩薩坐
彼大道華座時於兩足下放百萬阿僧祇光
明普照十方諸大地獄滅衆生苦於兩膝輪
放百萬阿僧祇光明普照十方諸畜生趣滅
衆生苦於齋輪中放百萬阿僧祇光明普照
十方閻羅王界滅衆生苦從左右脇放百萬

阿僧祇光明普照十方一切人趣滅衆生苦
從兩手中放百萬阿僧祇光明普照十方一
切諸天及阿脩羅所有宮殿從兩肩上放百
萬阿僧祇光明普照十方一切聲聞從其頂
背放百萬阿僧祇光明普照十方辟支佛身
從其面門放百萬阿僧祇光明普照十方初
始發心乃至九地諸菩薩身從兩眉間放百
萬阿僧祇光明普照十方受職菩薩令魔宮
殿悉皆不現從其頂上放百萬阿僧祇三千
大千世界微塵數光明普照十方一切世界
諸佛如來道場衆會右遶十帀住虛空中成
光明網名熾然光明發起種種諸供養事供
養於佛餘諸菩薩從初發心乃至九地所有
供養而比於此百分不及一乃至算數譬論
所不能及其光明網普於十方一如來衆
會之前雨衆妙香華鬘衣服幢幡寶蓋諸塵
尼等莊嚴之具以爲供養皆從出世善根所
生超過一切世間境界若有衆生見知此者
皆於阿耨多羅三藐三菩提得不退轉佛子
此大光明作於如是供養事畢復遶十方一
切世界一一諸佛道場衆會經十帀已從諸
如來足下而入爾時諸佛及諸菩薩知某世
界中某菩薩摩訶薩能行如是廣大之行到
受職位佛子是時十方無量無邊乃至九地

諸菩薩衆皆來圍遶恭敬供養一心觀察正
觀察時其諸菩薩即各獲得十十三昧當爾
之時十方所有受職菩薩皆於金剛莊嚴臆
德相中出大光明名能壞魔怨百萬阿僧祇
光明以爲眷屬普照十方現於無量神通變
化作是事已而來入此菩薩摩訶薩金剛莊
嚴臆德相中其光入已令此菩薩所有智慧
勢力增長過百千倍

爾時十方一切諸佛從眉間出清淨光明名
增益一切智神通無數光明以爲眷屬普照
十方一切世界右遶十而示現如來廣大自
在開悟無量百千億那由他諸菩薩衆周徧
震動一切佛剎滅除一切諸惡道苦隱蔽一
切諸魔宮殿示一切佛得菩提處道場衆會
莊嚴威德如是普照盡虛空徧法界一切世
界已而來至此菩薩會上周而右遶示現種
種莊嚴之事現是事已從大菩薩頂上而入
其眷屬光明亦各入彼諸菩薩頂當爾之時
此菩薩得先所未得百萬三昧名爲已得受
職之位入佛境界具足十力隨在佛數佛子
如轉輪聖王所生太子母是正后身相具足
其轉輪王令此太子坐白象寶妙金之座張
大網幔建大幢幡然香散華奏諸音樂取四
大海水置金瓶內王執此瓶灌太子頂是時

即名受王職位墮在灌頂剎利王數即能具足行十善道亦得名爲轉輪聖王菩薩受職亦復如是諸佛智水灌其頂故名爲受職具足如來十種力故墮在佛數佛子是名菩薩受大智職菩薩以此大智職故能行無量百千萬億那由他難行之行增長無量智慧功德名爲安住法雲地

佛子菩薩摩訶薩住此法雲地如實知欲界集色界集無色界集世界集法界集有爲界集無爲界集衆生界集識界集虛空界集涅槃界集此菩薩如實知諸見煩惱行集知世界成壞集知聲聞行集辟支佛行集菩薩行集如來力無所畏色身法身集一切種一切智智集示得菩提轉法輪集入一切法分別決定智集舉要言之以一切智知一切集佛子此菩薩摩訶薩以如是上上覺慧如實知衆生業化煩惱化諸見化世界化法界化聲聞化辟支佛化菩薩化如來化一切分別無分別化如是等皆如實知又如實知佛持法持僧持業持煩惱持時持願持供養持行持劫持智持如是等皆如實知又如實知諸佛如來入微細智所謂修行微細智命終微細智受生微細智出家微細智現神通微細智成正覺微細智轉法輪微細智住壽命微細

智般涅槃微細智教法住微細智如是等皆
如實知又入如來秘密處所謂身秘密語秘
密心秘密時非時思量秘密授菩薩記秘密
攝衆生秘密種種乘秘密一切衆生根行差
別秘密業所作秘密得菩提行秘密如是等
皆如實知又知諸佛所有入劫智所謂一劫
入阿僧祇劫阿僧祇劫入一劫有數劫入無
數劫無數劫入有數劫一念入劫劫入一念
劫入非劫非劫入劫有佛劫入無佛劫無佛
劫入有佛劫過去未來劫入現在劫現在劫
入過去未來劫過去劫入未來劫未來劫入
過去劫長劫入短劫短劫入長劫如是等皆
如實知又知如來諸所入智所謂入毛道智
入微塵智入國土身正覺智入衆生身正覺
智入衆生心正覺智入衆生行正覺智入隨
順一切處正覺智入示現徧行智入示現順
行智入示現逆行智入示現思議不思議世
間了知不了知行智入示現聲聞智辟支佛
智菩薩行如來行智佛子一切諸佛所有智
慧廣大無量此地菩薩皆能得入
佛子菩薩摩訶薩住此地即得菩薩不思議
解脫無障礙解脫淨觀察解脫普照明解脫
如來藏解脫隨順無疑輪解脫通達三出解
脫法界藏解脫解脫光明輪解脫無餘境界

解脫此十爲首有無量百千阿僧祇解脫門
皆於此第十地中得如是乃至無量百千阿
僧祇三昧門無量百千阿僧祇陀羅尼門無
量百千阿僧祇神通門皆悉成就

佛子此菩薩摩訶薩通達如是智慧隨順無
量菩提成就善巧念力十方無量諸佛所有
無量大法明大法照大法雨於一念頃皆能
安能受能攝能持譬如娑伽羅龍王所震大
雨難除大海餘一切處皆不能安不能受不
能攝不能持如來祕密藏大法明大法照大
法雨亦復如是唯除第十地菩薩餘一切衆
生聲聞獨覺乃至第九地菩薩皆不能安不
能受不能攝不能持佛子譬如大海能安能
受能攝能持一大龍王所震大雨若二若三
乃至無量諸龍王雨於一念間一時震下皆
能安能受能攝能持何以故以是無量廣大
器故住法雲地菩薩亦復如是能安能受能
攝能持一佛法明法照法雨若二若三乃至
無量於一念頃一時演說悉亦如是是故此
地名爲法雲解脫月菩薩言佛子此地菩薩
於一念間能於幾如來所安受攝持大法明
大法照大法雨金剛藏菩薩言佛子不可以
算數能知我當爲汝說其譬諭佛子譬如十
方各有十不可說百千億那由他佛剎微塵

數世界其世界中一一衆生皆得聞持陀羅尼爲佛侍者聲聞衆中多聞第一如金剛蓮華上佛所大勝比丘然一衆生所受之法餘不重受佛子於汝意云何此諸衆生所受之法爲有量耶爲無量耶解脫月菩薩言其數甚多無量無邊金剛藏菩薩言佛子我爲汝說令汝得解佛子此法雲地菩薩於一佛所一念之頃所安所受所攝所持大法明大法照大法雨三世法藏前爾所世界一切衆生所聞持法於此百分不及一乃至譬論亦不能及如一佛所如是十方如前所說爾所世界微塵數佛復過此數無量無邊於彼一一諸如來所所有法明法照法雨三世法藏皆能安能受能攝能持是故此地名爲法雲佛子此地菩薩以自願力起大悲雲震大法雷通明無畏以爲電光福德智慧而爲密雲現種種身周旋往返於一念頃普徧十方百千億那由他世界微塵數國土廣說大法摧伏魔怨復過此數於無量百千億那由他世界微塵數國土隨諸衆生心之所樂靈甘露雨滅除一切衆惑塵穢是故此地名爲法雲佛子此地菩薩於一世界從兜率天下乃至娑婆隨所應度衆生心而現佛事若二若三乃至如上微塵數國土復過於此乃至無量百

千億那由他世界微塵數國土皆亦如是是
故此地名為法雲

佛子此地菩薩智慧明達神通自在隨其心
念能以狹世界作廣世界廣世界作狹世界
垢世界作淨世界淨世界作垢世界亂住次
住倒住正住如是無量一切世界皆能互作
或隨心念於一塵中置一世界須彌盧等一
切山川塵相如故世界不減或復於一微塵
之中置二置三乃至不可說世界須彌盧等
一切山川而被微塵體相如本於中世界悉
得明現或隨心念於一世界中示現二世界
莊嚴乃至不可說世界莊嚴或於一世界莊
嚴中示現二世界乃至不可說世界或隨心
念以不可說世界中衆生置一世界或隨心
念以一世界中衆生置不可說世界而於衆
生無所燒害或隨心念於一毛孔示現一切
佛境界莊嚴之事或隨心念於一念中示現
不可說世界微塵數身一一身示現如是微
塵數手一一手各執恒河沙數華鬘香篋鬘
蓋幢幡周徧十方供養於佛一一身復示現
爾許微塵數頭一一頭復現爾許微塵數舌
於念念中周徧十方歎佛功德或隨心念於
一念間徧十方示成正覺乃至涅槃及以
國土莊嚴之事或現其身徧三世而於身

中有無量諸佛及佛國土莊嚴之事世界成
壞靡不皆現或於自身一毛孔中出一切風
而於衆生無所惱害或隨心念以無邊世界
為一大海此海水中現大蓮華光明嚴好徧
覆無量無邊世界於中示現大菩提樹莊嚴
之事乃至示成一切種智或於其身現十方
世界一切光明摩尼寶珠日月星宿雲電等
光靡不皆現或以口噓氣能動十方無量世
界而不令衆生有驚怖想或現十方風戕火
裁及以水裁或隨衆生心之所樂示現色身
莊嚴具足或於自身示現佛身或於佛身而
現自身或於佛身現已國土或於已國土而
現佛身佛子此法雲地菩薩能現如是及餘
無量百千億那由他自在神力

爾時會中諸菩薩及天龍夜叉乾闥婆阿脩
羅護世四王釋提桓因梵天淨居摩醯首羅
諸天子等咸作是念若菩薩神通智力能如
是者佛復云何爾時解脫月菩薩知諸衆會
心之所念白金剛藏菩薩言佛子今此大衆
聞其菩薩神通智力墮在疑網善哉仁者為
斷彼疑當少示現菩薩神力莊嚴之事時金
剛藏菩薩即入一切佛國土體性三昧入此
三昧時諸菩薩及一切大衆皆自見身在金
剛藏菩薩身內於中悉見三千大千世界所

有種種莊嚴之事經於億劫說不能盡又於其中見菩提樹其身周圍十萬三千大千世界高百萬三千大千世界枝葉所蔭亦復如是稱樹形量有師子座座上有佛号一切智通王一切大衆悉見其佛坐菩提樹下師子座上種種諸相以爲莊嚴假使億劫說不能盡金剛藏菩薩示現如是大神力已還令衆會各在本處時諸大衆得未曾有生奇特想默然而住向金剛藏一心瞻仰

爾時解脫月菩薩白金剛藏菩薩言佛子今此三昧甚爲希有有大勢力其名何等金剛藏言此三昧名一切佛國土體性又問此三昧境界云何答言佛子若菩薩修此三昧隨心所念能於身中現恒河沙世界微塵數佛刹復過此數無量無邊佛子菩薩住法雲地得如是等無量百千諸大三昧故此菩薩身身業不可測知語語業意業神通自在觀祭三世三昧境界智慧境界遊戲一切諸解脫門變化所作神力所作光明所作略說乃至舉足下足如是一切諸有所作乃至法王子住善慧地菩薩皆不能知佛子此法雲地菩薩所有境界略說如是若廣說者假使無量百千阿僧祇劫亦不能盡解脫月菩薩言佛子若菩薩神通境界如是佛神通力其復

云何金剛藏言佛子譬如有人於四天下取一塊土而作是言爲無邊世界大地土多爲此土多我觀汝問亦復如是如來智慧無邊無等云何而與菩薩比量復次佛子如四天下取少許土餘者無量此法雲地神通智慧於無量劫但說少分況如來地佛子我今爲汝引事爲證令汝得知如來境界佛子假使十方一一方各有無邊世界微塵數諸佛國土一一國土得如是地菩薩充滿如甘蔗竹葦稻麻叢林彼諸菩薩於百千億那由他劫修菩薩行所生智慧比一如來智慧境界百分不及一乃至優婆塞沙陀分亦不能及佛子此菩薩住如是智慧不異如來身語意業不捨菩薩諸三昧力於無數劫承事供養一切諸佛一一劫中以一切種供養之具而爲供養一切諸佛神力所加智慧光明轉更增勝於法界中所有問難善爲解釋百千億劫無能屈者佛子譬如金師以上妙真金作嚴身具大摩尼寶鈿廁其間自在天王身自服戴其餘天人莊嚴之具所不能及此地菩薩亦復如是始從初地乃至九地一切菩薩所有智行皆不能及此地菩薩智慧光明能令衆生乃至入於一切智智餘智光明能如是佛子譬如摩醯首羅天王光明能令衆

生身心清涼一切光明所不能及此地菩薩
智慧光明亦復如是能令衆生皆得清涼乃
至住於一切智智一切聲聞辟支佛乃至第
九地菩薩智慧光明悉不能及佛子此菩薩
摩訶薩已能安住如是智慧諸佛世尊復更
為說三智法界差別智徧一切世界智照
一切世界智慈念一切衆生智舉要言之乃
至為說得一切智智此菩薩十波羅蜜中智
波羅蜜最為增上餘波羅蜜非不修行佛子
是名略說菩薩摩訶薩第十法雲地若廣說
者假使無量阿僧祇劫亦不能盡佛子菩薩
住此地多作摩醯首羅天王於法自在能授
衆生聲聞獨覺一切菩薩波羅蜜行於法界
中所有問難無能屈者布施愛語利行同事
如是一切諸所作業皆不離念佛乃至不離
念具足一切種一切智智復作是念我當於
一切衆生為首為勝乃至為一切智智依止
者若勤加精進於一念頃得十不可說百千
億那由他佛剎微塵數三昧乃至示現爾所
微塵數菩薩以為眷屬若以菩薩殊勝願力
自在示現過於此數所謂若修行若莊嚴若
信解若所作若身若語若光明若諸根若神
變若音聲若行處乃至百千億那由他劫不
能數知

佛子此菩薩摩訶薩十地行相次第現前則能趣入一切智智譬如阿耨達池出四大河其河流注徧闔浮提既無盡竭復更增長乃至入海令其充滿佛子菩薩亦爾從菩提心沫出善根大願之水以四攝法充滿衆生無有窮盡復更增長乃至入於一切智海令其充滿佛子菩薩十地因佛智故而有差別如因大地有十山王何等爲十所謂雪山王香山王鞞陀梨山王神仙山王由軋陀山王馬耳山王尼民陀羅山王斫羯羅山王計都末底山王須彌盧山王佛子如雪山王一切藥草咸在其中取不可盡菩薩所住歡喜地亦復如是一切世間經書技藝文頌呪術咸在其中說不可盡佛子如香山王一切諸香咸集其中取不可盡菩薩所住離垢地亦復如是一切菩薩戒行威儀咸在其中說不可盡佛子如鞞陀梨山王純寶所成一切衆寶咸在其中取不可盡菩薩所住發光地亦復如是一切世間禪定神通解脫三昧三摩鉢底咸在其中說不可盡佛子如神仙山王純寶所成五通神仙咸住其中無有窮盡菩薩所住識慧地亦復如是一切道中殊勝智慧咸在其中說不可盡佛子如由軋陀羅山王純寶所成夜叉大神咸住其中無有窮盡菩薩

所住難勝地亦復如是一切自在如意神通
咸在其中說不可盡佛子如馬耳山王純寶
所成一切諸果咸在其中取不可盡菩薩所
住現前地亦復如是入緣起理聲聞果證咸
在其中說不可盡如尼民陀羅山王純寶所
成大力龍神咸住其中無有窮盡菩薩所住
遠行地亦復如是方便智慧獨覺果證咸在
其中說不可盡如斫羯羅山王純寶所成諸
自在眾咸住其中無有窮盡菩薩所住不動
地亦復如是一切菩薩自在行差別世界咸
在其中說不可盡如計都山王純寶所成大
威德阿脩羅王咸住其中無有窮盡菩薩所
住善慧地亦復如是一切世間生滅智行咸
在其中說不可盡如須彌盧山王純寶所成
大威德諸天咸住其中無有窮盡菩薩所住
法雲地亦復如是如來力無畏不共法一切
佛事咸在其中問答宣說不可窮盡佛子此
十寶山王同在大海差別得名菩薩十地亦
復如是同在一切智中差別得名佛子譬如
大海以十種相得大海名不可移奪何等爲
十一次第漸深二不受死屍三餘水入中皆
失本名四普同一味五無量珍寶六無能至
底七廣大無量八大身所居九潮不過限十
普受大雨無有盈溢菩薩行亦復如是以十

相故名菩薩行不可移奪何等爲一所謂歡喜地出生大願漸次深故離垢地不受一切破戒屍故發光地捨離世間假名字故燄慧地與佛功德同一味故難勝地出生無量方便神通世間所作衆珍寶故現前地觀察緣生甚深理故遠行地廣大覺慧善觀察故不動地示現廣大莊嚴事故善慧地得深解脫行於世間如實而知不過限故法雲地能受一切諸佛如來大法明雨無厭足故佛子譬如大摩尼珠有十種性出過衆寶何等爲十一者從大海出二者巧匠治理三者圓滿無缺四者清淨離垢五者內外明徹六者善巧鑲穿七者貫以寶縷八者置在瑠璃高幢之上九者普放一切種種光明十者能隨王意雨衆寶物如衆生心充滿其願佛子當知菩薩亦復如是有十種事出過衆聖何等爲十一者發一切智心二者持戒頭陀正行明淨三者諸禪三昧圓滿無缺四者道行清白離諸垢穢五者方便神通內外明徹六者緣起智慧善能鑲穿七者貫以種種方便智縷八者置於自在高幢之上九者觀衆生行放聞持光十者受佛智職墮在佛數能爲衆生廣作佛事

佛子此集一切種一切智功德菩薩行法門

品若諸衆生不種善根不可得聞解脫月菩薩言聞此法門得幾所福金剛藏菩薩言如一切智所集福德聞此法門福德如是何以故非不聞此功德法門而能信解受持讀誦何況精進如說修行是故當知要得聞此集一切智功德法門乃能信解受持修習然後至於一切智地

爾時佛神力故法如是故十方各有十億佛刹微塵數世界六種十八相動所謂動徧動等徧動起徧起等徧起涌徧涌等徧涌震徧震等徧震吼徧吼等徧吼擊徧擊等徧擊雨衆天華天鬘天衣及諸天寶莊嚴之具幢幡繒蓋奏天妓樂其音和雅同時發聲讚一切智地所有功德如此世界他化自在天王宮演說此法十方所有一切世界悉亦如是爾時復以佛神力故十方各十億佛刹微塵數世界外有十億佛刹微塵數菩薩而來此會作如是言善哉善哉金剛藏快說此法我等悉亦同名金剛藏所住世界各各差別悉名金剛德佛号金剛幢我等住在本世界中皆承如來威神之力而說此法衆會悉等文字句義與此所說無有增減悉以佛神力而來此會爲汝作證如我等今者入此世界如是十方一切世界悉亦如是而往作證

爾時金剛藏菩薩觀察十方一切聚會普周
法界欲讚歎發一切智智心欲示現菩薩境
界欲淨治菩薩行力欲說攝取一切種智道
欲除滅一切世間垢欲施與一切智欲示現
不思議智莊嚴欲顯示一切菩薩諸功德欲
令如是地義轉更開顯承佛神力而說頌言
其心寂滅恒調順
離諸垢濁住於道
百千億劫修諸善
聲聞獨覺亦復然
精勤持戒常柔忍
志求佛智修廣慧
三世諸佛咸供養
了知諸法皆平等
住於初地生是心
願力廣修諸善法
戒聞具足念衆生
觀察世間三毒火
三有一切皆無常
厭離有爲求佛法
念慧具足得道智
常觀最勝諸功德
智慧方便善觀察
復供十力無上尊
趣入無生現前地
種種示現救衆生
斯人趣入難勝地
供養百千無量佛
廣大智人趣燄地
如箭入身皆熾然
廣大解者趣三地
滌除垢穢心明潔
以悲愍故入後位
永離衆惡常歡喜
爲利衆生發大心
一切國土悉嚴淨
願得十力發大心
慙媿福智皆具足
爲利衆生發大心
供養無量無邊佛
此殊勝行汝應聽
平等無礙如虛空
爲利衆生發大心
慙媿福智皆具足
願得十力發大心
一切國土悉嚴淨
爲利衆生發大心
永離衆惡常歡喜
以悲愍故入後位
滌除垢穢心明潔
廣大解者趣三地
如箭入身皆熾然
廣大智人趣燄地
供養百千無量佛
斯人趣入難勝地
種種示現救衆生
趣入無生現前地

世所難知而能知
法性本寂隨緣轉
智慧方便心廣大
雖證寂滅勤修習
佛勸令從寂滅起
具十自在觀世間
以微妙智觀衆生
爲欲化其令趣道
次第修行具衆善
常求諸佛最上法
獲得無數諸三昧
最後三昧名受職
菩薩得此三昧時
身量稱彼於中坐
放大光明百千億
復於頂上放光明
悉往空中作光網
即時諸佛悉了知
十方菩薩來觀察
諸佛眉間亦放光
十方世界咸震動
是時諸佛與其職
若蒙諸佛與灌頂
智慧增長無有邊

不受於我離有無
得此微妙向七地
難行難伏難了知
能趣如空不動地
廣修種種諸智業
以此而昇善慧地
心行業惑等稠林
演說諸佛勝義藏
乃至九地集福慧
得佛智水灌其頂
亦善了知其作業
住廣大境恆不動
大寶蓮華忽然現
佛子圍遶同觀察
滅除一切衆生苦
普入十方諸佛會
供養佛已從是入
今此佛子登職位
受職大士舒光照
普照而來從頂入
一切地獄苦消滅
如轉輪王第一子
是則名登法雲地
開悟一切諸世間

欲界色界無色界
有數無數及虛空
一切化用大威力
祕密劫數毛道等
受生捨俗成正道
乃至寂滅解脫法
菩薩住此法雲地
譬如大海受龍雨
十方無量諸衆生
於一佛所所聞法
以音智願威神力
靈甘露雨滅煩惱
神通示現徧十方
復過是數無量億
一舉足量智功德
何況一切諸衆生
此地菩薩供養佛
亦供現前諸聖衆
住於此地復爲說
衆生國土悉亦然
此地菩薩智光明
自在天光除世暗
住此多作三界王
無量三昧一念得

法界世界衆生界
如是一切咸通達
諸佛加持微細智
皆能如實而觀察
轉妙法輪入涅槃
及所未說皆能了
具足念力持佛法
此地受法亦復然
悉得聞持持佛法
過於彼數無有量
一念普徧十方土
是故佛說名法雲
超出人天世間境
世智思惟必迷悶
乃至九地不能知
及以聲聞辟支佛
十方國土悉周徧
具足莊嚴佛功德
三世法界無礙智
乃至一切佛功德
能示衆生正法路
此光滅暗亦如是
善能演說三乘法
所見諸佛亦如是

此地我今已略說

若欲廣說不可盡

如是諸地佛智中

如十山王巖然住

初地藝業不可盡

譬如雪山集衆藥

二地戒聞如香山

三如鞞陀發妙華

能慧道寶無有盡

譬如仙山仁善住

五地神通如由軋

六如馬耳具衆果

七地大慧如尼民

八地自在如輪圍

九如計都集無礙

十如須彌具衆德

初地願首二持戒

三地功德四專一

五地微妙六甚深

七廣大慧八莊嚴

九地思量微妙義

出過一切世間道

十地受持諸佛法

如是行海無盡竭

十行超世發心初

持戒第二禪第三

行淨第四成就五

緣生第六貫穿七

第八置在金剛幢

第九觀察衆稠林

第十灌頂隨王意

如是德寶漸清淨

十方國土碎爲塵

可於一念知其數

毫末度空可知量

億劫說此不可盡

大方廣佛華嚴經卷第三十九

續紛

上匹實切
下撫云切

爲顯

下事俞切

脣輪

上祖美切

右脇

下虛紫切

受職

下公興切

臆德

上焦音

隱蔽

下必扶切

瓶濯

下古玩切

所窪

下注音

電光

上殿音

燒害

七奴鳥切

華盞

下力鹽切

香薩

下苦叶切

口嘘

下朽居切

摩醯

下平雞切

所蔭

下於蘇切

一塊

下苦對切

甘蔗

下之夜切

竹葦

下于昆切

稻麻

上道音

鈿廁

上徒年切

鞞陀

上府移切

斫羯

上土若切

盈溢

下逸苦切

鑽穿

上催官切

寶縷

下力主切

滌除

上徒歷切

巖然

上魚力切

乙巳歲高麗國大歲都監奉

勅彫造

大方廣佛華嚴經卷第四十

章

于闐國三藏實叉難陀奉

制譯

十定品第二十七之一

爾時世尊在摩竭提國阿蘭若法菩提場中
始成正覺於普光明殿入剎那際諸佛三昧
以一切智自神通力現如來身清淨無礙無
所依止無有攀緣住奢摩他最極寂靜具大
威德無所染著能令見者悉得開悟隨宜出
興不失於時恒住一相所謂無相與十佛剎
微塵數菩薩摩訶薩俱靡不皆入灌頂之位
具菩薩行等于法界無量無邊獲諸菩薩普
見三昧大悲安隱一切衆生神通自在同於
如來智慧深入演真實義具一切智降伏衆
魔雖入世間心恒寂靜住於菩薩無住解脫
其名曰金剛慧菩薩無等慧菩薩義語慧菩
薩最勝慧菩薩常捨慧菩薩那伽慧菩薩成
就慧菩薩調順慧菩薩大力慧菩薩難思慧
菩薩無礙慧菩薩增上慧菩薩普供慧菩薩
如理慧菩薩善巧慧菩薩法自在慧菩薩法
慧菩薩寂靜慧菩薩虛空慧菩薩一相慧菩
薩善慧菩薩如幻慧菩薩廣大慧菩薩勢力
慧菩薩世間慧菩薩佛地慧菩薩真實慧菩
薩尊勝慧菩薩智光慧菩薩無邊慧菩薩念
莊嚴慧菩薩達空際慧菩薩性莊嚴慧菩薩甚深境

菩薩善解處非處菩薩大光明菩薩常光明
菩薩佛種菩薩心王菩薩一行菩薩常現
神通菩薩智慧芽菩薩功德處菩薩法燈菩
薩照世菩薩持世菩薩最安隱菩薩最上菩
薩無上菩薩無比菩薩超倫菩薩無礙行菩
薩光明燄菩薩月光菩薩一塵菩薩堅固行
菩薩雲法雨菩薩最勝幢菩薩普莊嚴菩薩
智眼菩薩法眼菩薩慧雲菩薩提持王菩薩
無住願菩薩智藏菩薩心王菩薩內覺慧菩
薩住佛智菩薩陀羅尼勇健力菩薩持地力
菩薩妙月菩薩須彌頂菩薩寶頂菩薩普光
照菩薩威德王菩薩智慧輪菩薩大威德菩
薩大龍相菩薩質直行菩薩不退轉菩薩持
法幢菩薩無忘失菩薩攝諸趣菩薩不思議
決定慧菩薩遊戲無邊智菩薩無盡妙法藏
菩薩智日菩薩法日菩薩智藏菩薩智澤菩
薩普見菩薩不空見菩薩金剛通菩薩金剛
智菩薩金剛燄菩薩金剛慧菩薩普眼菩薩
佛日菩薩持佛金剛秘密義菩薩普眼境界
智莊嚴菩薩如是等菩薩摩訶薩十佛刹微
塵數往昔皆與毗盧遮那如來同修菩薩諸
善根行
爾時普眼菩薩摩訶薩承佛神力從座而起
偏袒右肩右膝著地合掌白佛言世尊我於

如來應正等覺欲有所問願垂哀許佛言普
眼恣汝所問當爲汝說今汝心喜普眼菩薩
言世尊普賢菩薩及住普賢所有行願諸菩
薩衆成就幾何三昧解脫而於菩薩諸大三
昧或入或出或時安住以於菩薩不可思議
廣大三昧善入出故能於一切三昧自在神
通變化無有休息佛言善哉普眼汝爲利益
去來現在諸菩薩衆而問斯義普眼普賢菩
薩今現在此已能成就不可思議自在神通
出過一切諸菩薩上難可值遇從於無量菩
薩行生菩薩大願悉已清淨所行之行皆無
退轉無量波羅蜜門無礙陀羅尼門無盡辯
才門皆悉已得清淨無礙大悲利益一切衆
生以本願力盡未來際而無厭倦汝應請彼
彼當爲汝說其三昧自在解脫
爾時會中諸菩薩衆聞普賢名即時獲得不
可思議無量三昧其心無礙寂然不動智慧
廣大難可測量境界甚深無能與等現前悉
見無數諸佛得如來力同如來性去來現在
靡不明照所有福德不可窮盡一切神通皆
已具足其諸菩薩於普賢所心生尊重渴仰
欲見悉於衆會周徧觀察而竟不覩亦不見
其所坐之座此由如來威力所持亦是普賢
神通自在使其然耳

爾時普眼菩薩白佛言世尊普賢菩薩今何所在佛言普眼普賢菩薩今現在此道場衆會親近我住初無動移是時普眼及諸菩薩復更觀察道場衆會周遍求覓白佛言世尊我等今者猶未得見普賢菩薩其身及座佛言如是善男子汝等何故而不得見善男子普賢菩薩住處甚深不可說故普賢菩薩獲無邊智慧門入師子奮迅定得無上自在用入清淨無礙際生如來十種力以法界藏爲身一切如來共所護念於一念頃悉能證入三世諸佛無差別智是故汝等不能見耳爾時普眼菩薩聞如來說普賢菩薩清淨功德得十千阿僧祇三昧以三昧力復徧觀察渴仰欲見普賢菩薩亦不能覩其餘一切諸菩薩衆俱亦不見時普眼菩薩從三昧起白佛言世尊我已入十千阿僧祇三昧求見普賢而竟不得見其身及身業語及語業意及意業座及住處悉皆不見佛言如是如是善男子當知皆以普賢菩薩住不思議解脫之力普眼於汝意云何頗有人能說幻術文字中種種幻相所住處不答言不也佛言普眼幻中幻相尚不可說何況普賢菩薩祕密身境界祕密語境界祕密意境界而於其中能入能見何以故普賢菩薩境界甚深不可

思議無有量已過量舉要言之普賢菩薩以
金剛慧普入法界於一切世界無所行無所
住知一切衆生身皆即非身無去無來得無
斷盡無差別自在神通無依無作無有動轉
至於法界究竟邊際善男子若有得見普賢
菩薩若得承事若得聞名若有思惟若有憶
念若生信解若勤觀察若始趣向若正求覓
若興誓願相續不絕皆獲利益無空過者爾
時普眼及一切菩薩衆於普賢菩薩心生渴
仰願得瞻觀作如是言南无一切諸佛南无
普賢菩薩如是三稱頭頂禮敬爾時佛告普
眼菩薩及諸衆會言諸佛子汝等宜更禮敬
普賢慇懃求請又應專至觀察十方想普賢
身現在其前如是思惟周徧法界深心信解
厭離一切擔與普賢同一行願入於不二眞
實之法其身普現一切世間悉知衆生諸根
差別徧一切處集普賢道若能發起如是大
願則當得見普賢菩薩是時普眼聞佛此語
與諸菩薩俱時頂禮求請得見普賢大士
爾時普賢菩薩即以解脫神通之力如其所
應爲現色身令彼一切諸菩薩衆皆見普賢
親近如來於此一切菩薩衆中坐蓮華座亦
見於餘一切世界一切佛所從彼次第相續
而來亦見在彼一切佛所演說一切諸菩薩

行開示一切智智之道闡明一切菩薩神通
分別一切菩薩威德示現一切三世諸佛是
時普眼菩薩及一切菩薩衆見此神變其心
踊躍生大歡喜莫不頂禮普賢菩薩心生尊
重如見十方一切諸佛是時以佛大威神力
及諸菩薩信解之力普賢菩薩本願力故自
然而雨十千種雲所謂種種華雲種種鬘雲
種種香雲種種末香雲種種蓋雲種種衣雲
種種嚴具雲種種珍寶雲種種燒香雲種種
綵雲不可說世界六種震動奏天音樂其
聲遠聞不可說世界放大光明其光普照不
可說世界令三惡趣悉得除滅嚴淨不可說
世界令不可說菩薩入普賢行不可說菩薩
成普賢行不可說菩薩於普賢行願悉得圓
滿成阿耨多羅三藐三菩提
爾時普眼菩薩白佛言世尊普賢菩薩是住
大威德者住無等者住無過者住不退者住
平等者住不壞者住一切差別法者住一切
無差別法者住一切衆生善巧心所住者住
一切法自在解脫三昧者佛言如是如是普
眼如汝所說普賢菩薩有阿僧祇清淨功德
所謂無等莊嚴功德無量寶功德不思議海
功德無量相功德無邊雲功德無邊際不可
備讚功德無盡法功德不可說功德一切佛

功德徧揚讚歎不可盡功德

爾時如來告普賢菩薩言普賢汝應為普眼及此會中諸菩薩眾說十三昧令得善入成滿普賢所有行願諸菩薩摩訶薩說此十大三昧故今過去菩薩已得出離現在菩薩今得出離未來菩薩當得出離何者為十一者普光大三昧二者妙光大三昧三者次第徧往諸佛國土大三昧四者清淨深心行大三昧五者知過去莊嚴藏大三昧六者智光明藏大三昧七者了知一切世界佛莊嚴大三昧八者眾生差別身大三昧九者法界自在大三昧十者無礙輪大三昧此十大三昧諸大菩薩乃能善入去來現在一切諸佛已說當說現說若諸菩薩愛樂尊重修習不懈則得成就如是之人則名為佛則名如來亦則名為得十力人亦名導師亦名大導師亦名一切智亦名一切見亦名住無礙亦名達諸境亦名一切法自在此菩薩普入一切世界而於世界無所著普入一切眾生界而於眾生無所取普入一切身而於身無所礙普入一切法界而知法界無有邊親近三世一切佛明見一切諸佛法巧說一切文字了達一切假名成就一切菩薩清淨道安住一切菩薩差別行於一念中普得一切三世智普知

一切三世法皆說一切諸佛教普轉一切不退輪於去來現在一一世普證一切菩提道於此一一菩提中普了一切佛所說此是諸菩薩法相門是諸菩薩智覺門是一切種智無勝幢門是普賢菩薩諸行願門是猛利神通指願門是一切摠持辯才門是三世諸法差別門是一切諸佛示現門是以薩婆若安立一切衆生門是以佛神力嚴淨一切世界門若菩薩入此三昧得法界力無有窮盡得虛空行無有障礙得法王位無量自在譬如世間灌頂受職得無邊智一切通達得廣大力十種圓滿成無諍心入寂滅際大悲無畏猶如師子爲智慧丈夫然正法明燈一切功德歎不可盡聲聞獨覺其能思議得法界智住無動際而能隨俗種種開演住於無相善入法相得自性清淨藏生如來清淨家善開種種差別法門而以智慧了無所有善知於時常行法施開悟一切名爲智者普攝衆生悉令清淨以方便智示成佛道而常修行菩薩之行無有斷盡入一切智方便境界示現種種廣大神通是故普賢汝今應當分別廣說一切菩薩十大三昧今此衆會咸皆願聞爾時普賢菩薩承如來旨觀普眼等諸菩薩衆而告之言佛子云何爲菩薩摩訶薩普光

明三昧佛子此菩薩摩訶薩有十種無盡法
何者爲十所謂諸佛出現智無盡衆生變化
智無盡世界如影智無盡深入法界智無盡
善攝菩薩智無盡菩薩不退智無盡善觀一
切法義智無盡善持心力智無盡住廣大善
提心智無盡住一切佛法一切智願力智無
盡佛子是名菩薩摩訶薩十種無盡法佛子
此菩薩摩訶薩發十種無邊心何等爲十所
謂發度脫一切衆生無邊心發承事一切諸
佛無邊心發供養一切諸佛無邊心發普見
一切諸佛無邊心發受持一切佛法不忘失
無邊心發示現一切佛無量神變無邊心發
爲得佛力故不捨一切菩提行無邊心發普
入一切智微細境界說一切佛法無邊心發
普入佛不思議廣大境界無邊心發於佛辯
才起深志樂領受諸佛法無邊心發示現種
種自在身入一切如來道場衆會無邊心是
爲十佛子此菩薩摩訶薩有十種入三昧差
別智何者爲十所謂東方入定西方起西方
入定東方起南方入定北方起北方入定南
方起東北方入定西南方起西南方入定東
北方起西北方入定東南方起東南方入定
西北方起下方入定上方起上方入定下方
起是爲十佛子此菩薩摩訶薩有十種入大

三昧善巧智何者爲十佛子菩薩摩訶薩以三千大千世界爲一蓮華現身徧此蓮華之上結跏趺坐身中復現三千大千世界其中有百億四天下——四天下現百億身——一身入百億百億三千大千世界於彼世界——一四天下現百億百億菩薩修行——一菩薩修行生百億百億決定解——一決定解令百億百億根性圓滿——一根性成百億百億菩薩法不退業然所現身非一非多入定出定無所錯亂佛子如羅睺阿脩羅王本身長七百由旬化形長十六萬八千由旬於大海中出其半身與須彌山而正齊等佛子彼阿脩羅三雖化其身長十六萬八千由旬然亦不壞本身之相諸蘊界處悉皆如本心不錯亂不於變化身而作他想於其本身生非已想本受生身恒受諸樂化身常現種種自在神通威力佛子阿脩羅王有貪恚癡具足憍慢尚能如是變現其身何況菩薩摩訶薩能深了達心法如幻一切世間皆悉如夢一切諸佛出興於世皆如影像一切世界猶如變化言語音聲悉皆如響見如實法以如實法而爲其身知一切法本性清淨了知身心無有實體其身普住無量境界以佛智慧廣大光明淨修一切菩提之行佛子菩薩摩訶薩住

此三昧超過世間遠離世間無能惑亂無能
 映奪佛子譬如比丘觀察內身住不淨觀審
 見其身皆是不淨菩薩摩訶薩亦復如是住
 此三昧觀察法身見諸世間普入其身於中
 明見一切世間及世間法於諸世間及世間
 法皆無所著佛子是名菩薩摩訶薩第一普
 光明大三昧善巧智

佛子云何為菩薩摩訶薩妙光明三昧佛子
 此菩薩摩訶薩能入三千大千世界微塵數
 三千大千世界於一一世界現三千大千世
 界微塵數身一一身放三千大千世界微塵
 數光一一光現三千大千世界微塵數色一
 一色照三千大千世界微塵數世界一一世
 界中調伏三千大千世界微塵數衆生是諸
 世界種種不同菩薩悉知所謂世界雜染世
 界清淨世界所因世界建立世界同生世界
 光色世界來往如是一切菩薩悉知菩薩悉
 入是諸世界亦悉來入菩薩之身然諸世界
 無有雜亂種種諸法亦不壞滅佛子譬如日
 出遙須彌山照七寶山其七寶山及寶山間
 皆有光影分明顯現其實山上所有日影真
 不顯現山間影中其七山間所有日影亦悉
 顯現山上影中如是展轉更相影現或說日
 影出七寶山或說日影出七山間或說日影

入七寶山或說日影入七山間但此日影更相照現無有邊際體性非有亦復非無不住於山不離於山不住於水亦不離水佛子菩薩摩訶薩亦復如是住此妙光廣大三昧不壞世界安立之相不滅世間諸法自性不住世界內不住世界外於諸世界無所分別亦不壞於世界之相觀一切法一相無相亦不壞於諸法自性住真如性恆不捨離佛子譬如幻師善知幻術住四衢道作諸幻事於一日中一須臾頃或現一日或現一夜或復現作七日七夜半月一月一年百年隨其所欲皆能示現城邑聚落泉流河海日月雲雨宮殿屋宅如是一切靡不具足不以示現經年歲故壞其根本一日一時不以本時極短促故壞其所現日月年歲幻相明現今日不滅菩薩摩訶薩亦復如是入此妙光廣大三昧現阿僧祇世界入一世界其阿僧祇世界一皆皆有地水火風大海諸山城邑聚落園林屋宅天宮龍宮夜叉宮乾闥婆宮阿脩羅宮迦樓羅宮緊那羅宮摩睺羅伽宮種種莊嚴皆悉具足欲界色界無色界小千世界大千世界業行果報死此生彼一切世間所有時節須臾晝夜半月一月一歲百歲成劫壞劫雜染國土清淨國土廣大國土狹小國土於

中諸佛出興于世佛剎清淨菩薩衆會周而
圍遶神通自在教化衆生其諸國土所在方
處無量人衆悉皆充滿殊形異趣種種衆生
無量無邊不可思議去來現在清淨業力出
生無量上妙珍寶如是等事成悉示現入一
世界菩薩於此普皆明見普入普觀普思普
了以無盡智皆如實知不以彼世界多故壞
此一世界不以此世界一故壞彼多世界何
以故菩薩知一切法皆無我故是名入無命
法無作法者菩薩於一切世間勤修行無諍
法故是名住無我法者菩薩如實見一切身
皆從緣起故是名住無衆生法者菩薩知一
切生滅法皆從因生故是名住無補伽羅法
者菩薩知諸法本性平等故是名住無意生
無摩納婆法者菩薩知一切法本性寂靜故
是名住寂靜法者菩薩知一切法一相故是
名住無分別法者菩薩知法界無有種種差
別法故是名住不思議法者菩薩勤修一切
方便善調伏衆生故是名住大悲法者佛子
菩薩如是能以阿僧祇世界入一世界知無
數衆生種種差別見無數菩薩各各發趣觀
無數諸佛處處出興彼諸如來所演說法其
諸菩薩悉能領受亦見自身於中修行然不
捨此處而見在彼亦不捨彼處而見在此彼

身此身無有差別入法界故常勤觀察無有
 休息不捨智慧無退轉故如有幻師隨於一
 處作諸幻術不以幻地故壞於本地不以幻
 日故壞於本日菩薩摩訶薩亦復如是於無
 國土現有國土於有國土現無國土於有衆
 生現無衆生於無衆生現有衆生無色現色
 色現無色初不亂後後不亂初菩薩了知一
 切世法悉亦如是同於幻化知法幻故知智
 幻知智幻故知業幻知智幻業幻已起於幻
 智觀一切業如世幻者不於處外而現其幻
 亦不於幻外而有其處菩薩摩訶薩亦復如
 是不於虛空外入世間亦不於世間外入虛
 空何以故虛空世間無差別故住於世間亦
 住虛空菩薩摩訶薩於虛空中能見能修一
 切世間種種差別妙莊嚴業於一念頃悉能
 了知無數世界若成若壞亦知諸劫相續次
 第能於一念現無數劫亦不令其一念廣大
 菩薩摩訶薩得不思議解脫幻智到於彼岸
 住於幻際入世幻數思惟諸法悉皆如幻不
 違幻世盡於幻智了知三世與幻無別決定
 通達心無邊際如諸如來住如幻智其心平
 等菩薩摩訶薩亦復如是知諸世間皆悉如
 幻於一切處皆無所著無有所住如彼幻師
 作諸幻事雖不與彼幻事同住而於幻事亦

無迷惑菩薩摩訶薩亦復如是知一切法到
於彼岸心不計我能入於法亦不於法而有
錯亂是爲菩薩摩訶薩第二妙光明大三昧
善巧智

大方廣佛華嚴經卷第四十

攀綯上音班切

奢摩上式車切

受職下之職切

錯亂上倉各切

須臾上相俞切
下羊朱切

屋宅上烏谷切

乙巳歲高麗國大藏部監奉

勅雕造

大方廣佛華嚴經卷第四十一

夢

于闐國三藏實叉難陀奉

制譯

十定品第二十七之二

佛子云何爲菩薩摩訶薩次第徧往諸佛國
土神通三昧佛子此菩薩摩訶薩過於東方
無數世界復過爾所世界微塵數世界於彼
諸世界中入此三昧或剎那入或須臾入或
相續入或日初分時入或日中分時入或日
後分時入或夜初分時入或夜中分時入或
夜後分時入或一日入或五日入或半月入
或一月入或一年入或百年入或千年入或
百千年入或億年入或百千億年入或百千
那由他億年入或一劫入或百劫入或百千
劫入或百千那由他億劫入或無數劫入或
無量劫入或無邊劫入或無等劫入或不可
數劫入或不可稱劫入或不可思劫入或不
可量劫入或不可說劫入或不可說不可說
劫入若久若近若法若時種種不同菩薩於
彼不生分別心無染著不作二不作不二不
作普不作別雖離此分別而以神通方便從
三昧起於一切法不忘不失至於究竟譬如
日天子周行照曜晝夜不住日出名晝日沒
名夜晝亦不生夜亦不滅菩薩摩訶薩於無
數世界入神通三昧入三昧已明見爾所無

數世界亦復如是佛子是爲菩薩摩訶薩第三次第徧往諸佛國土神通大三昧善巧智佛子云何爲菩薩摩訶薩清淨深心行三昧佛子此菩薩摩訶薩知諸佛身數等衆生見無量佛過阿僧祇世界微塵數於彼一一諸如來所以一切種種妙香而作供養以一切種種妙華而作供養以一切種種蓋大如阿僧祇佛刹而作供養以超過一切世界一切上妙莊嚴具而作供養散一切種種寶而作供養以一切種種莊嚴具莊嚴經行處而作供養以一切無數上妙摩尼寶藏而作供養以佛神力所流出過諸天上味飲食而作供養一切佛刹種種上妙諸供養具能以神力普皆攝取而作供養於彼一一諸如來所恭敬尊重頭頂禮敬舉身布地請問佛法讚佛平等徧揚諸佛廣大功德入於諸佛所入大悲得佛平等無礙之力於一念頃一切佛所勤求妙法然於諸佛出興於世入般涅槃如是之相皆無所得如散動心了別所緣心起不知何所緣起心滅不知何所緣滅此菩薩摩訶薩亦復如是終不分別如來出世及涅槃相佛子如日中陽燄不從雲生不從池生不處於陸不住於水非有非無非善非惡非清非濁不堪飲漱不可攝持非有體非無體

非有味非無味以因緣故而現水相爲識所了遠望似水而興水想近之則無水想自滅此菩薩摩訶薩亦復如是不得如來出興於世及涅槃相諸佛有相及以無相皆是想心之所分別佛子此三昧名爲清淨深心行菩薩摩訶薩於此三昧入已而起起已不失譬如有人從睡得寤憶所夢事覺時雖無夢中境界而能憶念心不忘失菩薩摩訶薩亦復如是入於三昧見佛聞法從定而起憶持不忘而以此法開曉一切道場衆會莊嚴一切諸佛國土無量義趣悉得明達一切法門皆亦清淨然大智炬長諸佛種無畏具足辯才不竭開示演說甚深法藏是爲菩薩摩訶薩第四清淨深心行大三昧善巧智

佛子云何爲菩薩摩訶薩知過去莊嚴藏三昧佛子此菩薩摩訶薩能知過去諸佛出現所謂劫次第中諸刹次第刹次第中諸劫次第劫次第中諸佛出現次第佛出現次第中說法次第說法次第中諸心樂次第心樂次第中諸根次第根次第中調伏次第調伏次第中諸佛壽命次第壽命次第中知億那由他年歲數量次第佛子此菩薩摩訶薩得如是無邊次第智故則知過去諸佛則知過去諸刹則知過去法門則知過去諸劫則知過

去諸法則知過去諸心則知過去諸解則知過去諸衆生則知過去諸煩惱則知過去諸儀式則知過去諸清淨佛子此三昧名過去清淨藏於一念中能入百劫能入千劫能入百千劫能入百千億那由他劫能入無數劫能入無量劫能入無邊劫能入無等劫能入不可數劫能入不可稱劫能入不可思劫能入不可量劫能入不可說劫能入不可說不可說劫佛子彼菩薩摩訶薩入此三昧不滅現在不緣過去佛子彼菩薩摩訶薩從此三昧起於如來所受十種不可思議灌頂法亦得亦清淨亦成就亦入亦證亦滿亦持平等了知三輪清淨何等爲十一者辯不違義二者說法無盡三者訓辭無失四者樂說不斷五者心無恐懼六者語必誠實七者衆生所依八者救脫三界九者善根最勝十者調御妙法佛子此是十種灌頂法若菩薩入此三昧從三昧起無間則得如歌羅邏入胎藏時於一念間識則託生菩薩摩訶薩亦復如是從此定起於如來所一念則得此十種法佛子是名菩薩摩訶薩第五知過去莊嚴藏大三昧善巧智

佛子云何爲菩薩摩訶薩智光明藏三昧佛子彼菩薩摩訶薩住此三昧能知未來一切

世界一切劫中所有諸佛若已說若未說若已授記若未授記種種名号各各不同所謂無數名無量名無邊名無等名不可數名不可稱名不可思名不可量名不可說名當出現於世當利益衆生當作法王當興佛事當說福利當讚善義當說白分義當淨治諸惡當安住功德當開示第一義諦當入灌頂位當成一切智彼諸如來修圓滿行發圓滿願入圓滿智有圓滿衆備圓滿莊嚴集圓滿功德悟圓滿法得圓滿果具圓滿相成圓滿覺彼諸如來名姓種族方便善巧神通變化成熟衆生入般涅槃如是一切皆悉了知此菩薩於一念中能入一劫百劫千劫百千劫百千億那由他劫入閻浮提微塵數劫入四天下微塵數劫入小千世界微塵數劫入中千世界微塵數劫入大千世界微塵數劫入佛刹微塵數劫入百千佛刹微塵數劫入百千億那由他佛刹微塵數劫入無數佛刹微塵數劫入無量佛刹微塵數劫入無邊佛刹微塵數劫入無等佛刹微塵數劫入不可數佛刹微塵數劫入不可稱佛刹微塵數劫入不可量佛刹微塵數劫入不可說佛刹微塵數劫如是未來一切世界所有

劫數能以智慧皆悉了知以了知故其心復入十種持門何者爲十所謂入佛持故得不
可說佛刹微塵數諸佛護念入法持故得十
種陀羅尼光明無盡辯才入行持故出生圓
滿殊勝諸願入力持故無能映蔽無能摧伏
入智持故所行佛法無有障礙入大悲持故
轉於不退清淨法輪入差別善巧句持故轉
一切文字輪淨一切法門地入師子受生法
持故開法關鑰出欲淤泥入智力持故修善
薩行常不休息入善友力持故令無邊衆生
普得清淨入無住力持故入不可說不可說
廣大劫入法力持故以無礙方便智知一切
法自性清淨佛子菩薩摩訶薩住此三昧已
善巧住不可說不可說劫善巧住不可說不
可說刹善巧知不可說不可說種種衆生善
巧知不可說不可說衆生異相善巧知不可
說不可說同異業報善巧知不可說不可說
精進諸根習氣相續差別諸行善巧知不可
說不可說無量染淨種種思惟善巧知不可
說不可說法種種義無量文字演說言辭善
巧知不可說不可說種種佛出現種族時節
現相說法施爲佛事八般涅槃善巧知不可
說不可說無邊智慧門善巧知不可說不可
說一切神通無量變現佛子譬如日出世間

所有村營城邑宮殿屋宅山澤鳥獸樹林華果如是一切種種諸物有目之人悉得明見佛子日光平等無有分別而能令目見種種相此大三昧亦復如是體性平等無有分別能令菩薩知不可說不可說百千億那由他差別之相佛子此菩薩摩訶薩如是了知時令諸衆生得十種不空何等爲十一者見不空令諸衆生生善根故二者聞不空令諸衆生得成熟故三者同住不空令諸衆生心調伏故四者發起不空令諸衆生如言而作通達一切諸法義故五者行不空令無邊世界皆清淨故六者親近不空於不可說不可說佛刹諸如來所斷不可說不可說衆生疑故七者願不空隨所念衆生令作勝供養成就諸願故八者善巧法不空皆令得住無礙解脫清淨智故九者雨法雨不空於不可說不可說諸根衆生中方便開示一切智行令住佛道故十者出現不空現無邊相令一切衆生皆蒙照故佛子菩薩摩訶薩住此三昧得十種不空時諸天王衆皆來頂禮諸龍王衆興大香雲諸夜叉王頂禮其足阿脩羅王恭敬供養迦樓羅王前後圍遶諸梵天王悉來勸請緊那羅王摩睺羅伽王咸共偈讚輒闍婆王常來親近諸人王衆承事供養佛子是

亦見衆會充滿無等佛刹微塵數佛刹亦見衆會充滿不可數佛刹微塵數佛刹亦見衆會充滿不可稱佛刹微塵數佛刹亦見衆會充滿不可思佛刹微塵數佛刹亦見衆會充滿不可說佛刹微塵數佛刹亦見衆會充滿不可說佛刹微塵數佛刹亦見諸佛於彼衆會道場中示現種種相種種時種種國土種種變化種種神通種種莊嚴種種自在種種形量種種事業菩薩摩訶薩亦見自身往彼衆會亦自見身在彼說法亦自見身受持佛語亦自見身善知緣起亦自見身住在虛空亦自見身住於法身亦自見身不生染著亦自見身不住分別亦自見身無有疲倦亦自見身普入諸智亦自見身普知諸義亦自見身普入諸地亦自見身普入諸趣亦自見身普知方便亦自見身普住佛前亦自見身普入諸力亦自見身普入眞如亦自見身普入無諍亦自見身普入諸法如是見時不分別國土不分別衆生不分別佛不分別法不執著身不執著身業不執著心不執著意譬如諸法不分別自性不分別音聲而自性不捨名字不滅菩薩摩訶薩亦復如是不捨於行隨世所作而於此二無所執著佛子善

薩摩訶薩見佛無量光色無量形相圓滿成
就平等清淨一一現前分明證了或見佛身
種種光明或見佛身圓光一尋或見佛身如
盛日色或見佛身微妙光色或見佛身作清
淨色或見佛身作黃金色或見佛身作金剛
色或見佛身作紺青色或見佛身作無邊色
或見佛身作大青摩尼寶色或見佛身其量
七肘或見佛身其量八肘或見佛身其量九
肘或見佛身其量十肘或見佛身二十肘量
或見佛身三十肘量如是乃至一百肘量一
千肘量或見佛身一俱盧舍量或見佛身半
由旬量或見佛身一由旬量或見佛身十由
旬量或見佛身百由旬量或見佛身千由旬
量或見佛身百千由旬量或見佛身閻浮提
量或見佛身四天下量或見佛身小千界量
或見佛身中千界量或見佛身大千界量或
見佛身百大千世界量或見佛身千大千世
界量或見佛身百千大千世界量或見佛身
百千億那由他大千世界量或見佛身無數
大千世界量或見佛身無量大千世界量或
見佛身無邊大千世界量或見佛身無等大
千世界量或見佛身不可數大千世界量或
見佛身不可稱大千世界量或見佛身不可
思大千世界量或見佛身不可量大千世界

量或見佛身不可說大千世界量或見佛身不可說不可說大千世界量佛子菩薩如是見諸如來無量色相無量形狀無量示現無量光明無量光明網其光分量等于法界於法界中無所不照普令發起無上智慧又見佛身無有染著無有障礙上妙清淨佛子菩薩如是見於佛身而如來身不增不減譬如虛空於蟲所食芥子孔中亦不減小於無數世界中亦不增廣其諸佛身亦復如是見大之時亦無所增見小之時亦無所減佛子譬如月輪閻浮提人見其形小而亦不減月中住者見其形大而亦不增菩薩摩訶薩亦復如是住此三昧隨其心樂見諸佛身種種化相言辭演法受持不忘而如來身不增不減佛子譬如衆生命終之後將受生時不離於心所見清淨菩薩摩訶薩亦復如是不離於此甚深三昧所見清淨佛子菩薩摩訶薩住此三昧成就十種速疾法何者爲十所謂速增諸行圓滿大願速以法光照耀世間速以方便轉於法輪度脫衆生速隨衆生業示現諸佛清淨國土速以平等智趣入十力速與一切如來同住速以大慈力摧破魔軍速斷衆生疑令生歡喜速隨勝解示現神變速以種種妙法言辭淨諸世間佛子此菩薩摩訶

薩復得十種法印印一切法何等爲十一者
同去來今一切諸佛平等善根二者同諸如
來得無邊際智慧法身三者同諸如來住不
二法四者同諸如來觀察三世無量境界皆
悉平等五者同諸如來得了達法界無礙境
界六者同諸如來成就十力所行無礙七者
同諸如來永絕二行住無諍法八者同諸如
來教化衆生恒不止息九者同諸如來於智
善巧義善巧中能善觀察十者同諸如來與
一切佛平等無二佛子若菩薩摩訶薩成就
此了知一切世界佛莊嚴大三昧善巧方便
門是無師者不由他教自入一切佛法故是
丈夫者能開悟一切衆生故是清淨者知心
性本淨故是第一者能度脫一切世間故是
安慰者能開曉一切衆生故是安住者未住
佛種性者今得住故是真實知者入一切智
門故是無異想者所言無二故是住法藏者
誓願了知一切佛法故是能雨法雨者隨衆
生心樂悉令充足故佛子譬如帝釋於頂髻
中置摩尼寶以寶力故威光轉盛其釋天王
初獲此寶則得十法出過一切三十三天何
等爲十一者色相二者形體三者示現四者
眷屬五者資具六者音聲七者神通八者自
在九者慧解十者智用如是十種悉過一切

三十三天菩薩摩訶薩亦復如是初始獲得
此三昧時則得十種廣大智藏何等爲十一
者照耀一切佛刹智二者知一切衆生受生
智三者普作三世變化智四者普入一切佛
身智五者通達一切佛法智六者普攝一切
淨法智七者普令一切衆生入法身智八者
現見一切法普眼清淨智九者一切自在到
於彼岸智十者安住一切廣大法普盡無餘
智佛子菩薩摩訶薩住此三昧復得十種最
清淨威德身何等爲十一者爲照耀不可說
不可說世界故放不可說不可說光明輪二
者爲令世界咸清淨故放不可說不可說無
量色相光明輪三者爲調伏衆生故放不可
說不可說光明輪四者爲親近一切諸佛故
化作不可說不可說身五者爲承事供養一
切諸佛故雨不可說不可說種種殊妙香華
雲六者爲承事供養一切佛及調伏一切衆
生故於一一毛孔中化作不可說不可說種
種音樂七者爲成熟衆生故現不可說不可
說種種無量自在神變八者爲於十方種種
名号一切佛所請問法故一步超過不可說
不可說世界九者爲令一切衆生見聞之者
皆不空故現不可說不可說種種無量清淨
色相身無能見頂十者爲與衆生開示無量

秘密法故發不可說不可說音聲語言佛子
 菩薩摩訶薩得此十種最清淨威德身已能
 令衆生得十種圓滿何等爲十一者能令衆
 生得見於佛二者能令衆生深信於佛三者
 能令衆生聽聞於法四者能令衆生知有佛
 世界五者能令衆生見佛神變六者能令衆
 生念所集業七者能令衆生定心圓滿八者
 能令衆生入佛清淨九者能令衆生發菩提
 心十者能令衆生圓滿佛智佛子菩薩摩訶
 薩令衆生得十種圓滿已復爲衆生作十種
 佛事何等爲十所謂以音聲作佛事爲成熟
 衆生故以色形作佛事爲調伏衆生故以憶
 念作佛事爲清淨衆生故以震動世界作佛
 事爲令衆生離惡趣故以方便覺悟作佛事
 爲令衆生不失念故以夢中現相作佛事爲
 令衆生恒正念故以放大光明作佛事爲普
 攝取諸衆生故以修菩薩行作佛事爲令衆
 生住勝願故以成正等覺作佛事爲令衆生
 知幻法故以轉妙法輪作佛事爲衆說法不
 失時故以現住壽命作佛事爲調伏一切衆
 生故以示般涅槃作佛事知諸衆生起疲厭
 故佛子是爲菩薩摩訶薩第七了知一切世
 界佛莊嚴大三昧善巧智

大方廣佛華嚴經卷第四十一

用經十一

十五陽

愛

字

飲漱

下所右切

穢汁

上於廢切
下烏路切

得寤

下五故切

灌頂

上古坑切

羅邏

下郎佐切

腴蔽

下必被切

闍鎗

上占還切
下樂音

淤泥

上依鋸切

紺青

上古暗切

七肘

下陟柳切

於蟲

下直弓切

乙巳歲高麗國大藏都監奉

勅彫造

于闐國三藏實叉難陀奉

制譯

十定品第二十七之三

佛子云何爲菩薩摩訶薩一切衆生差別身
三昧佛子菩薩摩訶薩住此三昧得十種無
所著何者爲十所謂於一切刹無所著於一
切方無所著於一切劫無所著於一切衆無
所著於一切法無所著於一切菩薩無所著
於一切菩薩願無所著於一切三昧無所著
於一切佛無所著於一切地無所著是爲十
佛子菩薩摩訶薩於此三昧云何入云何起
佛子菩薩摩訶薩於此三昧內身入外身起
外身入內身起同身入異身起異身入同身
起人身入夜叉身起夜叉身入龍身起龍身
入阿脩羅身起阿脩羅身入天身起天身入
梵王身起梵王身入欲界身起天中入地獄
起地獄入人間起人間入餘趣起千身入一
身起一身入千身起那由他身入一身起一
身入那由他身起閻浮提衆生衆中入西瞿
陀尼衆生衆中起西瞿陀尼衆生衆中入北
拘盧衆生衆中起北拘盧衆生衆中入東毗
提訶衆生衆中起東毗提訶衆生衆中入三
天下衆生衆中起三天下衆生衆中入四天
下衆生衆中起四天下衆生衆中入一切海

差別衆生衆中起一切海差別衆生衆中入一切海神衆中起一切海神衆中入一切海水大中起一切海水大中入一切海地大中起一切海地大中入一切海火大中起一切海火大中起一切海風大中起一切海風大中入一切四大種中起一切四大種中入無生法中起無生法中入妙高山中起妙高山中入七寶山中起七寶山中入一切地種種稼穡樹林黑山中起一切妙香華寶莊嚴中起一切妙切衆生受生中起一切四天下下方上方一切衆生受生中入小千世界衆生衆中起小千世界衆生衆中入中千世界衆生衆中起中千世界衆生衆中入大千世界衆生衆中起大千世界衆生衆中入百千億那由他三千大千世界衆生衆中起百千億那由他三千大千世界衆生衆中入無數世界衆生衆中起無數世界衆生衆中入無量世界衆生衆中起無量世界衆生衆中入無等佛刹衆生衆中起無邊佛刹衆生衆中入不可數世界衆生衆中起不可數世界衆生衆中入不可稱世界衆生衆中起不可稱世界衆生

衆中入不可思世界衆生衆中起不可思世
界衆生衆中入不可量世界衆生衆中起不
可量世界衆生衆中入不可說世界衆生衆
中起不可說世界衆生衆中入不可說不可
說世界衆生衆中起不可說不可說世界衆
生衆中入雜染衆生衆中起雜染衆生衆中
入清淨衆生衆中起清淨衆生衆中入雜染
衆生衆中起眼處入耳處起耳處入眼處起
鼻處入舌處起舌處入鼻處起身處入意處
起意處入身處起自處入他處起他處入自
處起一微塵中入無數世界微塵中起無數
世界微塵中入一微塵中起聲聞入獨覺起
獨覺入聲聞起自身入佛身起佛身入自身
起一念入億劫起億劫入一念起同念入別
時起別時入同念起前際入後際起後際入
前際起前際入中際起中際入前際起三世
入剎那起剎那入三世起真如入言說起言
說入真如起佛子譬如有人爲鬼所持其身
戰動不能自安鬼不現身令他身然菩薩摩
訶薩住此三昧亦復如是自身入定他身起
他身入定自身起佛子譬如死屍以呪力故
而能起行隨所作事皆得成就屍之與呪雖
各差別而能和合成就彼事菩薩摩訶薩住
此三昧亦復如是同境入定異境起異境入

定同境起佛子譬如比丘得心自在或以一身作多身或以多身作一身非一身沒多身生非多身沒一身生菩薩摩訶薩住此三昧亦復如是一身入定多身起多身入定一身起佛子譬如大地其味一種所生苗稼種種味別地雖無差別然味有殊異菩薩摩訶薩住此三昧亦復如是無所分別然有一種入定多種起多種入定一種起佛子菩薩摩訶薩住此三昧得十種偈讚法之所偈讚何者爲十所謂入真如故名爲如來覺一切法故名之爲佛爲一切世間所偈讚故名爲法師知一切法故名一切智爲一切世間所歸依故名所依處了達一切法方便故名爲導師引一切衆生入薩婆若道故名大導師爲一切世間燈故名爲光明心志圓滿義利成就所作皆辦住無礙智分別了知一切諸法故名爲十力自在通達一切法輪故名一切見者是爲十佛子菩薩摩訶薩住此三昧復得十種光明照耀何者爲十所謂得一切諸佛光明與彼平等故得一切世界光明普能嚴淨故得一切衆生光明悉往調伏故得無量無畏光明法界爲場演說故得無差別光明知一切法無種種性故得方便光明於一切法離欲際而證入故得真實光明於一切法

離欲際心平等故得徧一切世間神變光明
蒙佛所加恒不息故得善思惟光明到一切
佛自在岸故得一切法真如光明於一毛孔
中善說一切故是爲十佛子菩薩摩訶薩住
此三昧復得十種無所作何者爲十所謂身
業無所作語業無所作意業無所作神通無
所作了法無性無所作知業不壞無所作無
差別智無所作無生起智無所作知法無減
佛子菩薩摩訶薩住此三昧無量境界種種
差別所謂一入多起多入一起同入異起異
入同起細入麤起麤入細起大入小起小入
大起順入逆起逆入順起無身入有身起有
身入無身起無相入有相起有相入無相起
起中入入中起如是皆是此之三昧自在境
界佛子譬如幻師持呪得成能現種種差別
形相呪與幻別而能作幻呪唯是聲而能幻
作眼識所知種種諸色耳識所知種種諸聲
鼻識所知種種諸香舌識所知種種諸味身
識所知種種諸觸意識所知種種境界菩薩
摩訶薩住此三昧亦復如是同中入定異中
起異中入定同中起佛子譬如三十三天共
阿脩羅鬪戰之時諸天得勝脩羅退衄阿脩
羅王其身長大七百由旬四兵圍遶無數土

萬以幻術力將諸軍衆同時走入藕絲孔中
菩薩摩訶薩亦復如是已善成就諸幻智地
幻智即是菩薩菩薩即是幻智是故能於無
差別法中入定差別法中起差別法中入定
無差別法中起佛子譬如農夫田中下種種
子在下果生於上菩薩摩訶薩住此三昧亦
復如是一中入定多中起多中入定一中起
佛子譬如男女赤白和合或有衆生於中受
生爾時名爲歌羅邏位從此次第住母胎中
滿足十月善業力故一切肢分皆得成就諸
根不缺心意明了其歌羅邏與彼六根體狀
各別以業力故而能令彼次第成就受同異
類種種果報菩薩摩訶薩亦復如是從一切
智歌羅邏位信解願力漸次增長其心廣大
任運自在無中入定有中起有中入定無中
起佛子譬如龍宮依地而立不依虛空龍依
宮住亦不在空而能興雲徧滿空中有人仰
視所見宮殿當知皆是乾闥婆城非是龍宮
佛子龍雖處下而雲布上菩薩摩訶薩住此
三昧亦復如是於無相入有相起於有相入
無相起佛子譬如妙光大梵天王所住之宮
名一切世間最勝清淨藏此大宮中普見三
千大千世界諸四天下天宮龍宮夜叉宮乾
闥婆宮阿脩羅宮迦樓羅宮緊那羅宮摩睺
睺

羅伽宮人間住處及三惡道須彌山等種種
諸山大海江河陂澤泉源城邑聚落樹林衆
寶如是一切種種莊嚴盡大輪圍所有邊際
乃至空中微細遊塵莫不皆於梵宮顯現如
於明鏡見其面像菩薩摩訶薩住此一切衆
生差別身大三昧知種種剎見種種佛度種
種衆證種種法成種種行滿種種解入種種
三昧起種種神通得種種智慧住種種剎那
際佛子此菩薩摩訶薩到十種神通彼岸何
者爲十所謂到諸佛盡虛空徧法界神通彼
岸到菩薩究竟無差別自在神通彼岸到能
發起菩薩廣大行願入如來門佛事神通彼
岸到能震動一切世界一切境界悉令清淨
神通彼岸到能自在知一切衆生不思議業
果皆如幻化神通彼岸到能自在知諸三昧
麁細入出差別相神通彼岸到能勇猛入如
來境界而於其中發生大願神通彼岸到能
化作佛化轉法輪調伏衆生令生佛種令入
佛乘速得成就神通彼岸到能了知不可說
一切祕密文句而轉法輪令百千億那由他
不可說不可說法門皆得清淨神通彼岸到
不假晝夜年月劫數一念悉能三世示現神
通彼岸是爲十佛子是名菩薩摩訶薩第八
一切衆生差別身大三昧善巧智

佛子六何爲菩薩摩訶薩法界自在三昧佛
子此菩薩摩訶薩於自眼處乃至意處入三
昧名法界自在菩薩於自身一一毛孔中入
此三昧自然能知諸世間知諸世間法知諸
世界知億那由他世界知阿僧祇世界知不
可說佛刹微塵數世界見一切世界中有佛
出興菩薩衆會悉皆充滿光明清淨淳善無
雜廣大莊嚴種種衆寶以爲嚴飾菩薩於彼
或一劫百劫千劫億劫百千億那由他劫無
數劫無量劫無邊劫無等劫不可數劫不可
稱劫不可思劫不可量劫不可說劫不可說
不可說劫不可說不可說佛刹微塵數劫修
菩薩行常不休息又於如是無量劫中住此
三昧亦入亦起亦成就世界亦調伏衆生亦
徧了法界亦普知三世亦演說諸法亦現大
神通種種方便無著無礙以於法界得自在
故善分別眼善分別耳善分別鼻善分別舌
善分別身善分別意如是種種差別不同悉
善分別盡其邊際菩薩如是善知見已能生
起十千億陀羅尼法光明成就十千億清淨
行獲得十千億諸根圓滿十千億神通能入
十千億三昧成就十千億神力長養十千億
諸力圓滿十千億深心運動十千億力持示
現十千億神變具足十千億菩薩無礙圓滿

十千億菩薩助道積集十千億菩薩藏照明
十千億菩薩方便演說十千億諸義成就十
千億諸願出生十千億迴向淨治十千億菩
薩正位明了十千億法門開示十千億演說
修治十千億菩薩清淨佛子此菩薩摩訶薩
復有無數功德無量功德無邊功德無等功
德不可數功德不可稱功德不可思功德不
可量功德不可說功德無盡功德佛子此菩
薩於如是功德皆已辦具皆已積集皆已莊
嚴皆已清淨皆已瑩徹皆已攝受皆能出生
皆可僣歎皆得堅固皆已成就佛子菩薩摩
訶薩住此三昧為東方十千阿僧祇佛刹微
塵數名号諸佛之所攝受一名号復有十
千阿僧祇佛刹微塵數佛各各差別如東方
南西北方四維上下亦復如是彼諸佛悉現
其前為現諸佛清淨刹為說諸佛無量身為
說諸佛難思眼為說諸佛無量耳為說諸佛
清淨鼻為說諸佛清淨舌為說諸佛無住心
為說如來無上神通令修如來無上菩提令
得如來清淨音聲開示如來不退法輪顯示
如來無邊衆會令入如來無邊祕密讚歎如
來一切善根令入如來平等之法宣說如來
三世種性示現如來無量色相闡揚如來護
念之法演暢如來微妙法音辯明一切諸佛

世界宣揚一切諸佛三昧示現諸佛聚會次第護持諸佛不思議法說一切法猶如幻化明諸法性無有動轉開示一切無上法輪讚美如來無量功德令入一切諸三昧雲令知其心如幻如化無邊無盡佛子菩薩摩訶薩住此法界自在三昧時彼十方各十千阿僧祇佛刹微塵數名号如來一名中各有十千阿僧祇佛刹微塵數佛同時護念令此菩薩得無邊身令此菩薩得無礙心令此菩薩於一切法得無忘念令此菩薩於一切法得決定慧令此菩薩轉更聰敏於一切法皆能領受令此菩薩於一切法悉能明了令此菩薩諸根猛利於神通法悉得善巧令此菩薩境界無礙周行法界恒不休息令此菩薩得無礙智畢竟清淨令此菩薩以神通力一切世界示現成佛佛子菩薩摩訶薩住此三昧得十種海何者爲十所謂得諸佛海咸覩見故得衆生海悉調伏故得諸法海能以智慧悉了知故得諸刹海以無性無作神通皆往詣故得功德海一切修行悉圓滿故得神通海能廣示現令開悟故得諸根海種種不同悉善知故得諸心海知一切衆生種種差別無量心故得諸行海能以願力悉圓滿故得諸願海悉使成就永清淨故佛子菩薩摩訶

薩得如是十種海已復得十種殊勝何等爲
十一者於一切衆生中最爲第一二者於一
切諸天中最爲殊特三者於一切梵王中最
極自在四者於諸世間無所染著五者一切
世間無能映蔽六者一切諸魔不能惑亂七
者普入諸趣無所罣礙八者處處受生知不
堅固九者一切佛法皆得自在十者一切神
通悉能示現佛子菩薩摩訶薩得如是十種
殊勝已復得十種力於衆生界修習諸行何
等爲十一謂勇健力調伏世間故二謂精進
力恒不退轉故三謂無著力離諸垢染故四
謂寂靜力於一切法無諍論故五謂逆順力
於一切法心自在故六謂法性力於諸義中
得自在故七謂無礙力智慧廣大故八謂無
畏力能說諸法故九謂辯才力能持諸法故
十謂開示力智慧無邊故佛子此十種力是
廣大力最勝力無能摧伏力無量力善集力
不動力堅固力智慧力成就力勝定力清淨
力極清淨力法身力法光明力法燈力法門
習力成正覺力過去積集善根力安住無量
善根力住如來力力心思惟力增長菩薩歡
喜力出生菩薩淨信力增長菩薩勇猛力菩
提心所生力菩薩清淨深心力菩薩殊勝深

心力菩薩善根熏習力究竟諸法力無障礙
身力入方便善巧法門力清淨妙法力安住
大勢一切世間不能傾動力一切衆生無能
映蔽力佛子此菩薩摩訶薩於如是無量功
德法能生能成就能圓滿能照明能具足能
徧具足能廣大能堅固能增長能淨治能徧
淨治此菩薩功德邊際智慧邊際修行邊際
法門邊際自在邊際苦行邊際成就邊際清
淨邊際出離邊際法自在邊際無能說者此
菩薩所獲得所成就所趣入所現前所有境
界所有觀察所有證入所有清淨所有了知
所有建立一切法門於不可說劫無能說盡
佛子菩薩摩訶薩住此三昧能了知無數無
量無邊無等不可數不可稱不可思不可量
不可說不可說不可說一切三昧彼一一三
昧所有境界無量廣大於境界中若入若起
若住所有相狀所有示現所有行處所有等
流所有自性所有除滅所有出離如是一切
靡不明見佛子譬如無熱惱大龍王宮流出
四河無濁無雜無有垢穢光色清淨猶如虛
空其池四面各有一口一一口中流出一河
於象口中出恒伽河師子口中出私陀河於
牛口中出信度河於馬口中出縛刳河其四
大河流出之時恒伽河口流出銀沙私陀河

口出金剛沙信度河口流出金沙縛芻河口
出瑠璃沙恒伽河口作白銀色私陀河口作
金剛色信度河口作黃金色縛芻河口作瑠
璃色一一河口廣一由旬其四大河旣流出
已各共圍遶大池七由旬隨其方面四向分派
湧涌奔馳入於大海其河旋遶一一之間有
天寶所成優鉢羅華波頭摩華拘物頭華芬
陀利華奇香發越妙色清淨種種華葉種種
臺繁悉是衆寶自然映徹咸放光明互相照
現其無熱池周圍廣大五十由旬衆寶妙沙
徧布其底種種摩尼以爲嚴飾無量妙寶莊
嚴其岸栴檀妙香普散其中優鉢羅華波頭
摩華拘物頭華芬陀利華及餘寶華皆悉徧
滿微風吹動香氣遠徹華林寶樹周匝圍遶
日光出時普皆照明池河內外一切衆物接
影連輝成光明網如是衆物若遠若近若高
若下若廣若狹若麤若細乃至極小一沙一
塵悉是妙寶光明鑒徹靡不於中日輪影現
亦復展轉更相現影如是衆影不增不減非
合非散皆如本質而得明見佛子如無熱大
池於四口中流出四河入於大海菩薩摩訶
薩亦復如是從四辯中流出諸行究竟入於
一切智海如恒伽大河從銀色象口流出銀
沙菩薩摩訶薩亦復如是以義辯中說一切

如來所說一切義門出生一切清淨曰法究
竟入於無疑智海如私陀大河從金剛色師
子口流出金剛沙菩薩摩訶薩亦復如是以
法辯才為一切衆生說佛金剛句引出金剛
智究竟入於無疑智海如信度大河從金色
牛口流出金沙菩薩摩訶薩亦復如是以訓
辭辯說隨順世間緣起方便開悟衆生令皆
歡喜調伏成熟究竟入於緣起方便海如縛
芻大河於瑠璃色馬口流出瑠璃沙菩薩摩
訶薩亦復如是以無盡辯兩百千億那由他
不可說法令其聞者皆得潤洽究竟入於諸
佛法海如四大河隨順圍遶無熱池已四方
入海菩薩摩訶薩亦復如是成就隨順身業
隨順語業隨順意業成就智為前導身業智
為前導語業智為前導意業四方流注究竟
入於一切智海佛子何者名為菩薩四方佛
子所謂見一切佛而得開悟聞一切法受持
不忘圓滿一切波羅蜜行大悲說法滿足衆
生如四大河圍遶大池於其中間優鉢羅華
波頭摩華拘物頭華芬陀利華皆悉徧滿菩
薩摩訶薩亦復如是於菩提心中間不捨衆
生說法調伏悉令圓滿無量三昧見佛國土
莊嚴清淨如無熱大池寶樹圍遶菩薩摩訶
薩亦復如是現佛國土莊嚴圍遶令諸衆生

趣向菩提如無熱大池其中縱廣五十由旬
清淨無濁菩薩摩訶薩亦復如是菩提之心
其量無邊善根充滿清淨無濁如無熱大池
以無量寶莊嚴其岸散旃檀香徧滿其中菩
薩摩訶薩亦復如是以百千億十種智寶嚴
菩提心大願之岸普散一切眾善妙香如無
熱大池底布金沙種種摩尼間錯莊嚴菩薩
摩訶薩亦復如是微妙智慧周徧觀察不可
思議菩薩解脫種種法寶間錯莊嚴得一切
法無礙光明住於一切諸佛所住入於一切
甚深方便如阿那婆達多龍王永離龍中所
有熱惱菩薩摩訶薩亦復如是永離一切世
間憂惱雖現受生而無染著如四大河潤澤
一切閻浮提地既潤澤已入於大海菩薩摩
訶薩亦復如是以四智河潤澤天人沙門婆
羅門令其普入阿耨多羅三藐三菩提智慧
大海以十種力而爲莊嚴何者爲四一者願
智河救護調伏一切眾生常不休息二者波
羅蜜智河修菩提行饒益眾生去來今世相
續無盡究竟入於諸佛智海三者菩薩三昧
智河無數三昧以爲莊嚴見一切佛入諸佛
海四者大悲智河大慈自在普救眾生方便
攝取無有休息修行祕密功德之門究竟入
於十力大海如四大河從無熱池既流出已

究竟無盡入於大海菩薩摩訶薩亦復如是
以大願力修菩薩行自在知見無有窮盡究
竟入於一切智海如四大河入於大海無能
爲礙令不入者菩薩摩訶薩亦復如是常勤
修習普賢行願成就一切智慧光明住於一
切佛菩提法入如來智無有障礙如四大河
奔流入海經於累劫亦無疲厭菩薩摩訶薩
亦復如是以普賢行願盡未來劫修菩薩行
入如來海不生疲厭佛子如日光出時無熱
池中金沙銀沙金剛沙瑠璃沙及餘一切種
種寶物皆有日影於中顯現其金沙等一切
寶物亦各展轉而現其影互相鑒徹無所妨
礙菩薩摩訶薩亦復如是住此三昧於自身
一一毛孔中悉見不可說不可說佛刹微塵
數諸佛如來亦見彼佛所有國土道場聚會
一一佛所聽法受持信解供養各經不可說
不可說億那由他劫而不想念時節長短其
諸聚會亦無迫隘何以故以微妙心入無邊
法界故入無等差別業果故入不思議三昧
境界故入不思議思惟境界故入一切佛自
在境界故得一切佛所護念故得一切佛大
神變故得諸如來難得難知十種力故入普
賢菩薩行圓滿境界故得一切佛無勞倦神
通力故佛子菩薩摩訶薩雖能於定一念入

出而亦不廢長時在定亦無所著雖於境界
無所依住而亦不捨一切所緣雖善入剎那
際而為利益一切衆生現佛神通無有厭足
雖等入法界而不得其邊雖無所住無有處
所而恒趣入一切智道以變化力普入無量
衆生衆中具足莊嚴一切世界雖離世間顛
倒分別超過一切分別之地亦不捨於種種
諸相雖能具足方便善巧而究竟清淨雖不
分別菩薩諸地而皆已善入佛子譬如虛空
雖能容受一切諸物而離有無菩薩摩訶薩
亦復如是雖普入一切世間而離世間想雖
勤度一切衆生而離衆生想雖深知一切法
而離諸法想雖樂見一切佛而離諸佛想雖
善入種種三昧而知一切法自性皆如無所
染著雖以無邊辯才演無盡法句而心恒住
離文字法雖樂觀察無言說法而恒示現清
淨音聲雖住一切離言法際而恒示現種種
色相雖教化衆生而知一切法畢竟性空雖
勤修大悲度脫衆生而知衆生界無盡無散
雖了達法界常住不變而以三輪調伏衆生
恒不休息雖常安住如來所住而智慧清淨
心無怖畏分別演說種種諸法轉於法輪常
不休息佛子是為菩薩摩訶薩第九法界自
在大一時善巧智

大方廣佛華嚴經卷第四十二

西瞿

下其俱切

拘盧

上與朱切

稼穡

上駕音
下色音

死屍

下尸音

苗稼

上貓音

退血

下女六切

藕絲

上五口切

農夫

上奴冬切

羅邏

下郎佐切

陂澤

上彼爲切

淳善

上常倫切

聰敏

上倉紅切
下閑音

映蔽

丁必彼切

縛芻

下測隅切

煩涌

上胡孔切
下勇音

若狹

下侯夾切

臺藂

下如累切

潤洽

下侯夾切

洎盜

下爲懈切

乙巳歲高麗國大藏都監奉

勅雕造

大方廣佛華嚴經卷第四十三

愛

子聞國三藏寶叉難陀奉

制譯

十定品第二十七之四

佛子云何為菩薩摩訶薩無礙輪三昧佛子
菩薩摩訶薩入此三昧時住無礙身業無礙
語業無礙意業住無礙佛國土得無礙成就
衆生智獲無礙調伏衆生智放無礙光明現
無礙光明網示無礙廣大變化轉無礙清淨
法輪得菩薩無礙自在普入諸佛力普住諸
佛智作佛所作淨佛所淨現佛神通令佛歡
喜行如來行住如來道常得親近無量諸佛
作諸佛事紹諸佛種佛子菩薩摩訶薩住此
三昧已觀一切智總觀一切智別觀一切智
隨順一切智顯示一切智攀緣一切智見一
切智總見一切智別見一切智於普賢菩薩
廣大願廣大心廣大行廣大所趣廣大所入
廣大光明廣大出現廣大護念廣大變化廣
大道不斷不退無休無替無倦無捨無散無
亂常增進恒相續何以故此菩薩摩訶薩於
諸法中成就大願發行大乘入於佛法大方
便海以勝願力於諸菩薩所行之行智慧明
照皆得善巧具足菩薩神通變化善能護念
一切衆生如去來今一切諸佛之所護念於
諸衆生恒起大悲成就如來不變異法佛子

譬如有人以摩尼寶置色衣中其摩尼寶雖同衣色不捨自性菩薩摩訶薩亦復如是成就智慧以爲心寶觀一切智普皆明現然不捨於菩薩諸行何以故菩薩摩訶薩發大誓願利益一切衆生度脫一切衆生承事一切諸佛嚴淨一切世界安慰衆生深入法海爲淨衆生界現大自在給施衆生普照世間入於無邊幻化法門不退不轉無疲無厭佛子譬如虛空持衆世界若成若住無厭無倦無羸無朽無散無壞無變無異無有差別不捨自性何以故虛空自性法應爾故菩薩摩訶薩亦復如是立無量大願度一切衆生心無厭倦佛子譬如涅槃去來現在無量衆生於中滅度終無厭倦何以故一切諸法本性清淨是謂涅槃云何於中而有厭倦菩薩摩訶薩亦復如是爲欲度脫一切衆生皆令出離而現於世云何而起疲厭之心佛子如薩婆若能令過去未來現在一切菩薩於諸佛家已現當生乃至令成無上菩提終不疲厭何以故一切智與法界無二故於一切法無所著故菩薩摩訶薩亦復如是其心平等住一切智云何而有疲厭之心佛子此菩薩摩訶薩有一蓮華其華廣大盡十方際以不可說華不可說寶不可說香而爲莊嚴其不可說

寶復各示現種種眾寶清淨妙好極善安住
其華常放眾色光明普照十方一切世界無
所障礙真金爲網彌覆其上寶鐸徐搖出微
妙音其音演暢一切智法此大蓮華具足如
來清淨莊嚴一切善根之所生起吉祥爲表
神力所現有十千阿僧祇清淨功德菩薩妙
道之所成就一切智心之所沫出十方佛影
於中顯現世間瞻仰猶如佛塔眾生見者無
不禮敬從能了幻正法所生一切世間不可
爲論菩薩摩訶薩於此華上結跏趺坐其身
大小與華相稱一切諸佛神力所加令菩薩
身一一毛孔各出百萬億那由他不可說佛
刹微塵數光明一一光明現百萬億那由他
不可說佛刹微塵數摩尼寶其寶皆名普光
明藏種種色相以爲莊嚴無量功德之所成
就眾寶及華以爲羅網彌覆其上散百千億
那由他殊勝妙香無量色相種種莊嚴復現
不思議寶莊嚴蓋以覆其上一一摩尼寶悉
現百萬億那由他不可說佛刹微塵數樓閣
一一樓閣現百萬億那由他不可說佛刹微
塵數蓮華藏師子之座一一師子座現百萬
億那由他不可說佛刹微塵數光明一一光
明現百萬億那由他不可說佛刹微塵數色
相一一色相現百萬億那由他不可說佛刹

微塵數光明輪一一光明輪現百萬億那由他不可說佛刹微塵數毗盧遮那摩尼寶華一一華現百萬億那由他不可說佛刹微塵數臺一一臺現百萬億那由他不可說佛刹微塵數佛一一佛現百萬億那由他不可說佛刹微塵數神變一一神變淨百萬億那由他不可說佛刹微塵數衆生衆一一衆生衆中現百萬億那由他不可說佛刹微塵數諸佛自在一一自在兩百萬億那由他不可說佛刹微塵數佛法一一佛法有百萬億那由他不可說佛刹微塵數修多羅一一修多羅說百萬億那由他不可說佛刹微塵數法門一一法門有百萬億那由他不可說佛刹微塵數金剛智所入法輪差別言辭各別演說一一法輪成熟百萬億那由他不可說佛刹微塵數衆生界一一衆生界有百萬億那由他不可說佛刹微塵數衆生於佛法中而得調伏佛子菩薩摩訶薩住此三昧示現如是神通境界無量變化悉知如幻而不染著安住無邊不可說法自性清淨法界實相如來種性無礙際中無去無來非先非後甚深無底現量所得以智自入不由他悟心不迷亂亦無分別爲去來今一切諸佛之所稱讚從諸佛力之所流出入於一切諸佛境界體性

如實淨眼現證慧眼普見成就佛眼爲世明
燈行於智眼所知境界廣能開示微妙法門
成菩提心趣勝丈夫於諸境界無有障礙入
智種性出生諸智離世生法而現受生神通
變化方便調伏如是一切無非善巧功德解
欲悉皆清淨最極微妙具足圓滿智慧廣大
猶如虛空善能觀察衆聖境界信行願力堅
固不動功德無盡世所稱歎於一切佛所觀
之藏大菩提處一切智海集衆妙寶爲大智
者猶如蓮華自性清淨衆生見者皆生歡喜
咸得利益智光普照見無量佛淨一切法所
行寂靜於諸佛法究竟無礙恒以方便住佛
菩提功德行中而得出生具菩薩智爲菩薩
首一切諸佛共所護念得佛威神成佛法身
念力難思於境一緣而無所緣其行廣大無
相無礙等于法界無量無邊所證菩提猶如
虛空無有邊際無所縛著於諸世間普作饒
益一切智海善根所流悉能通達無量境界
已善成就清淨施法住菩薩心淨菩薩種能
隨順生諸佛菩提於諸佛法皆得善巧具微
妙行成堅固力一切諸佛自在威神衆生難
聞菩薩悉知入不二門住無相法雖復永捨
一切諸相而能廣說種種諸法隨諸衆生心
樂欲解悉使調伏咸令歡喜法界爲身無有

分別智慧境界不可窮盡志常勇猛心恒平等見一切佛功德邊際了一切劫差別次第開示一切法安住一切刹嚴淨一切諸佛國土顯現一切正法光明演去來今一切佛法示諸菩薩所住之處為世明燈生諸善根永離世間常生佛所得佛智慧明了第一一切諸佛皆共攝受已入未來諸佛之數從諸善友而得出生所有志求皆無不果具大威德住增上意隨所聽聞咸能善說亦為開示聞法善根住實際輪於一切法心無障礙不捨諸行離諸分別於一切法心無動念得智慧明滅諸癡闇悉能明照一切佛法不壞諸有而生其中了知一切諸有境界從本已來無有動作身語意業皆悉無邊雖隨世俗演說種種無量文字而恒不壞離文字法深入佛海知一切法但有假名於諸境界無繫無著了一切法空無所有所修諸行從法界生猶如虛空無相無形深入法界隨順演說於一境門生一切智觀十力地以智修學智為橋梁至薩婆若以智慧眼見法無礙善入諸地知種種義一一法門悉得明了所有大願靡不成就佛子菩薩摩訶薩以此開示一切如來無差別性此是無礙方便之門此能出生菩薩眾會此法唯是三昧境界此能勇進入

薩婆若此能開顯諸三昧門此能無礙普入
諸刹此能調伏一切衆生此能住於無衆生
際此能開示一切佛法此於境界皆無所得
雖一切時演說開示而恒遠離妄想分別雖
知諸法皆無所作而能示現一切作業雖知
諸佛無有二相而能顯示一切諸佛雖知無
色而演說諸色雖知無受而演說諸受雖知
無想而演說諸想雖知無行而演說諸行雖
知無識而演說諸識恒以法輪開示一切雖
知法無生而常轉法輪雖知法無差別而說
諸差別門雖知諸法無有生滅而說一切生
滅之相雖知諸法無有微細而說諸法微細
之相雖知諸法無上中下而能宣說最上之
法雖知諸法不可言說而能演說清淨言辭
雖知諸法無內無外而說一切內外諸法雖
知諸法不可了知而說種種智慧觀察雖知
諸法無有真實而說出離真實之道雖知諸
法畢竟無盡而能演說盡諸有漏雖知諸法
無違無諍然亦不無自他差別雖知諸法畢
竟無師而常尊敬一切師長雖知諸法不由
他悟而常尊敬諸善知識雖知法無轉而轉
法輪雖知法無起而示諸因緣雖知諸法無
有前際而廣說過去雖知諸法無有後際而
廣說未來雖知諸法無有中際而廣說現在

雖知諸法無有作者而說諸作業雖知諸法無有因緣而說諸集因雖知諸法無有等比而說平等不平等道雖知諸法無有言說而決定說三世之法雖知諸法無有所依而說依善法而得出離雖知法無身而廣說法身雖知三世諸佛無邊而能演說唯有一佛雖知法無色而現種種色雖知法無見而廣說諸見雖知法無相而說種種相雖知諸法無有境界而廣宣說智慧境界雖知諸法無有差別而說行果種種差別雖知諸法無有出離而說清淨諸出離行雖知諸法本來常住而說一切諸流轉法雖知諸法無有照明而恒廣說照明之法佛子菩薩摩訶薩入如是大威德三昧智輪則能證得一切佛法則能趣入一切佛法則能成就則能圓滿則能積集則能清淨則能安住則能了達與一切法自性相應而此菩薩摩訶薩不作是念有若干諸菩薩若干菩薩法若干菩薩究竟若干幻究竟若干化究竟若干神通成就若干智成就若干思惟若干證入若干趣向若干境界何以故菩薩三昧如是體性如是無邊如是殊勝故此三昧種種境界種種威力種種深入所謂入不可說智門入離分別諸莊嚴入無邊殊勝波羅蜜入無數禪定入百千億

那由他不可說廣大智入見無邊佛勝妙藏
入於境界不休息入清淨信解助道法入諸
根猛利大神通入於境界心無礙入見一切
佛平等眼入積集普賢勝志行入住那羅延
妙智身入說如來智慧海入起無量種自在
神變入生一切佛無盡智門入住一切佛現
前境界入淨普賢菩薩自在智入開示無比
普門智入普知法界一切微細境界入普現
法界一切微細境界入一切殊勝智光明入
一切自在邊際入一切辯才法門際入徧法
界智慧身入成就一切處徧行道入善住一
切差別三昧入知一切諸佛心佛子此菩薩
摩訶薩住普賢行念念入百億不可說三昧
然不見普賢菩薩三昧及佛境界莊嚴前際
何以故知一切法究竟無盡故知一切佛刹
無邊故知一切衆生界不思議故知前際無
始故知未來無窮故知現在盡虛空徧法界
無邊故知一切諸佛境界不可思議故知一
切菩薩行無數故知一切諸佛辯才所說境
界不可說無邊故知一切幻心所緣法無量
故佛子如如意珠隨有所求一切皆得求者
無盡意皆滿足而珠勢力終不匱止菩薩摩
訶薩亦復如是入此三昧知心如幻出生一
切諸法境界周徧無盡不匱不息何以故菩

薩摩訶薩成就普賢無礙行智觀察無量廣大幻境猶如影像無增減故佛子譬如凡夫各別生心已生現生及以當生無有邊際無斷無盡其心流轉相續不絕不可思議菩薩摩訶薩亦復如是入此普幻門三昧無有邊際不可測量何以故了達普賢菩薩普幻門無量法故佛子譬如難陀跋難陀摩那斯龍王及餘大龍降雨之時滴如車軸無有邊際雖如是雨雲終不盡此是諸龍無作境界菩薩摩訶薩亦復如是住此三昧入普賢菩薩諸三昧門智門法門見諸佛門往諸方門心自在門加持門神變門神通門幻化門諸法如幻門不可說不可說諸菩薩充滿門親近不可說不可說佛刹微塵數如來正覺門入不可說不可說廣大幻網門知不可說不可說差別廣大佛刹門知不可說不可說有體性無體性世界門知不可說不可說衆生想門知不可說不可說時差別門知不可說不可說世界成壞門知不可說不可說覆住仰住諸佛刹門於一念中皆如實知如是入時無有邊際無有窮盡不疲不厭不斷不息無退無失於諸法中不住非處恒正思惟不沈不舉求一切智常無退捨爲一切佛刹照世明燈轉不可說不可說法輪以妙辯才諮問

如來無窮盡時示成佛道無有邊際調伏衆生恒無廢捨常勤修習普賢行願未曾休息示現無量不可說不可說色相身無有斷絕何以故譬如然火隨所有緣於爾所時火起不息菩薩摩訶薩亦復如是觀察衆生界法界世界猶如虛空無有邊際乃至能於一念之頃往不可說不可說佛刹微塵數佛所一佛所入不可說不可說一切智種種差別法令不可說不可說衆生界出家爲道勤修善根究竟清淨令不可說不可說菩薩於普賢行願未決定者而得決定安住普賢智慧之門以無量方便入不可說不可說三世成住壞廣大差別劫於不可說不可說成住壞世間差別境界起於爾所大悲大願調伏無量一切衆生悉使無餘何以故此菩薩摩訶薩爲欲度脫一切衆生修普賢行生普賢智滿足普賢所有行願是故諸菩薩應於如是種類如是境界如是威德如是廣大如是無量如是不思議如是普照明如是一切諸佛現前住如是一切如來所護念如是成就往昔善根如是其心無礙不動三昧之中勤加修習離諸熱惱無有疲厭心不退轉立深志樂勇猛無怯順三昧境界入難思智地不依文字不著世間不取諸法不起分別不染著

世事不分別境界於諸法智但應安住不應
稱量所謂親近一切智悟解佛菩提成就法
光明施與一切衆生善根於魔界中拔出衆
生令其得入佛法境界令不捨大願勤觀出
道增廣淨境成就諸度於一切佛深生信解
常應觀察一切法性無時暫捨應知自身與
諸法性普皆平等應當明解世間所作示其
如法智慧方便應常精進無有休息應觀自
身善根鮮少應勤增長他諸善根應自修行
一切智道應勤增長菩薩境界應樂親近諸
善知識應與同行而共止住應不分別佛應
不捨離念應常安住平等法界應知一切心
識如幻應知世間諸行如夢應知諸佛願力
出現猶如影像應知一切諸廣大業猶如變
化應知言語悉皆如響應觀諸法一切如幻
應知一切生滅之法皆如音聲應知所往一
切佛刹皆無體性應為請問如來佛法不生
疲倦應為開悟一切世間勤加教誨而不捨
離應為調伏一切衆生知時說法而不休息
佛子菩薩摩訶薩如是修行普賢之行如是
圓滿菩薩境界如是通達出離之道如是受
持三世佛法如是觀察一切智門如是思惟
不變異法如是明潔增上志樂如是信解一
切如來如是了知佛廣大力如是決定無所

礙心如是攝受一切衆生

佛子菩薩摩訶薩入普賢菩薩所住如是大智慧三昧時十方各有不可說不可說國土一一國土各有不可說不可說佛刹微塵數如來名号一一名号各有不可說不可說佛刹微塵數諸佛而現其前與如來念力令不念失如來境界與一切法究竟慧令入一切智與知一切法種種義決定慧令受持一切佛法趣入無礙與無上佛菩提令入一切智開悟法界與菩薩究竟慧令得一切法光明無諸黑闇與菩薩不退智令知時非時善巧方便調伏衆生與無障礙菩薩辯才令悟解無邊法演說無盡與神通變化力令現不可說不可說差別身無邊色相種種不同開悟衆生與圓滿言音令現不可說不可說差別音聲種種言辭開悟衆生與不唐捐力令一切衆生若得見形若得聞法皆悉成就無空過者佛子菩薩摩訶薩如是滿足普賢行故得如來力淨出離道滿一切智以無礙辯才神通變化究竟調伏一切衆生具佛威德淨普賢行住普賢道盡未來際爲欲調伏一切衆生轉一切佛微妙法輪何以故佛子此菩薩摩訶薩成就如是殊勝大願諸菩薩行則爲一切世間法師則爲一切世間法日則爲

一切世間智月則爲一切世間須彌山王巖
然高出堅固不動則爲一切世間無涯智海
則爲一切世間正法明燈普照無邊相續不
斷爲一切衆生開示無邊清淨功德皆令安
住功德善根順一切智大願平等修習普賢
廣大之行常能勸發無量衆生住不可說不
可說廣大行三昧現大自在佛子此菩薩摩
訶薩獲如是智證如是法於如是法審住明
見得如是神力住如是境界現如是神變起
如是神通常安住大悲常利益衆生開示衆
生安隱正道建立福智大光明幢證不思議
解脫住一切智解脫到諸佛解脫彼岸學不
思議解脫方便門已得成就入法界差別門
無有錯亂於普賢不可說不可說三昧遊戲
自在住師子奮迅智心意無礙其心恒住十
大法藏何者爲十所謂住憶念一切諸佛住
憶念一切佛法住調伏一切衆生大悲住示
現不思議清淨國土智住深入諸佛境界決
定解住去來現在一切佛平等相菩提住無
礙無著際住一切法無相性住去來現在一
切佛平等善根住去來現在一切如來法界
無差別身語意業先導智住觀察三世一切
諸佛受生出家詣道場成正覺轉法輪般涅
槃悉入剎那際佛子此十大法藏廣大無量

不可數不可稱不可思不可說無窮盡難忍
受一切世智無能稱述佛子此菩薩摩訶薩
已到普賢諸行彼岸證清淨法志力廣大開
示衆生無量善根增長菩薩一切勢力於念
念頃滿足菩薩一切功德成就菩薩一切諸
行得一切佛陀羅尼法受持一切諸佛所說
雖常安住真如實際而隨一切世俗言說示
現調伏一切衆生何以故菩薩摩訶薩住此
三昧法如是故佛子菩薩摩訶薩以此三昧
得一切佛廣大智得巧說一切廣大法自在
辯才得一切世中最爲殊勝清淨無畏法得
入一切三昧智得一切菩薩善巧方便得一
切法光明門到安慰一切世間法彼岸知一
切衆生時非時照十方世界一切處令一切
衆生得勝智作一切世間無上師安住一切
諸功德開示一切衆生清淨三昧令八最上
智何以故菩薩摩訶薩如是修行則利益衆
生則增長大悲則親近善知識則見一切佛
則了一切法則詣一切刹則入一切方則入
一切世則悟一切法平等性則知一切佛平
等性則住一切智平等性於此法中作如是
業不作餘業住未足心住不散亂心住專一
心住勤修心住決定心住不變異心如是思
惟如是作業如是究竟佛子菩薩摩訶薩無

異語異作有如語如作何以故譬如金剛以不可壞而得其名終無有時離於不壞菩薩摩訶薩亦復如是。以諸行法而得其名終無有時離諸行法譬如真金以有妙色而得其名終無有時離於妙色菩薩摩訶薩亦復如是。以諸善業而得其名終無有時離諸善業譬如日天子以光明輪而得其名終無有時離光明輪菩薩摩訶薩亦復如是。以智慧光而得其名終無有時離智慧光譬如須彌山王以四寶峯處於大海迥然高出而得其名終無有時捨離四峯菩薩摩訶薩亦復如是。以諸善根處於世迥然高出而得其名終無有時捨離善根譬如大地以持一切而得其名終無有時捨離能持菩薩摩訶薩亦復如是。以度一切而得其名終無有時捨離大悲譬如大海以含眾水而得其名終無有時捨離於水菩薩摩訶薩亦復如是。以諸大願而得其名終不暫捨度眾生願譬如軍將以能慣習戰鬪之法而得其名終無有時捨離此能菩薩摩訶薩亦復如是。以能慣習如是三昧而得其名乃至成就一切智智終無有時捨離此行如轉輪王馭四天下常勤守護一切眾生令無橫死恒受快樂菩薩摩訶薩亦復如是。入如是等諸大三昧常勤化度一

切衆生乃至令其究竟清淨譬如種子植之
於地乃至能令莖葉增長菩薩摩訶薩亦復
如是修普賢行乃至能令一切衆生善法增
長譬如大雲於夏暑月降靈大雨乃至增長
一切種子菩薩摩訶薩亦復如是入如是等
諸大三昧修菩薩行雨大法雨乃至能令一
切衆生究竟清淨究竟涅槃究竟安隱究竟
彼岸究竟歡喜究竟斷疑爲諸衆生究竟福
田令其施業皆得清淨令其皆住不退轉道
令其同得一切智智令其皆得出離三界令
其皆得究竟之智令其皆得諸佛如來究竟
之法置諸衆生一切智處何以故菩薩摩訶
薩成就此法智慧明了入法界門能淨菩薩
不可思議無量諸行所謂能淨諸智求一切
智故能淨衆生使調伏故能淨刹土常迴向
故能淨諸法普了知故能淨無畏無怯弱故
能淨無礙辯巧演說故能淨陀羅尼於一切
法得自在故能淨親近行常見一切佛興世
故佛子菩薩摩訶薩住此三昧得如是等百
千億那由他不可說不可說清淨功德於如
是等三昧境界得自在故一切諸佛所加被
故自善根力之所流故入智慧地大威力故
諸善知識引導力故摧伏一切諸魔力故同
分善根淨淨力故廣大誓願欲樂力故所種

善根成就力故超諸世間無盡之福無對力
故佛子菩薩摩訶薩住此三昧得十種法同
去來今一切諸佛何者爲十所謂得諸相好
種種莊嚴同於諸佛能放清淨大光明網同
於諸佛神通變化調伏衆生同於諸佛無邊
色身清淨圓音同於諸佛隨衆生業現淨佛
國同於諸佛一切衆生所有語言皆能攝持
不忘不失同於諸佛無盡辯才隨衆生心而
轉法輪令生智慧同於諸佛大師子乳無所
怯畏以無量法開悟羣生同於諸佛於一念
頃以大神通普入三世同於諸佛普能顯示
一切衆生諸佛莊嚴諸佛威力諸佛境界同
於諸佛

爾時普眼菩薩白普賢菩薩言佛子此菩薩
摩訶薩得如是法同諸如來何故不名佛何
故不名十力何故不名一切智何故不名一
切法中得菩提者何故不得名爲普眼何故
不名一切境中無礙見者何故不名覺一切
法何故不名與三世佛無二住者何故不名
住實際者何故修行普賢行願猶未休息何
故不能究竟法界捨菩薩道爾時普賢菩薩
告普眼菩薩言善哉佛子如汝所言若此菩
薩摩訶薩同一切佛以何義故不名爲佛乃
至不能捨菩薩道佛子此菩薩摩訶薩已能

修習去來今世一切菩薩種種行願入智境界則名為佛於如來所修菩薩行無有休息說名菩薩如來諸力皆悉已入則名十力雖成十力行普賢行而無休息說名菩薩知一切法而能演說名一切智雖能演說一切諸法於一一法善巧思惟未嘗止息說名菩薩知一切法無有二相是則說名悟一切法於二不二一切諸法差別之道善巧觀察展轉增勝無有休息說名菩薩已能明見普眼境界說名普眼雖能證得普眼境界念念增長未曾休息說名菩薩於一切法悉能明照離諸闇障名無礙見常勤憶念無礙見者說名菩薩已得諸佛智慧之眼是則說名覺一切法觀諸如來正覺智眼而不放逸說名菩薩住佛所住與佛無二說名與佛無二住者為佛攝受修諸智慧說名菩薩常觀一切世間實際是則說名住實際者雖常觀察諸法實際而不證入亦不捨離說名菩薩不來不去無同無異此等分別悉皆永息是則說名休息願者廣大修習圓滿不退則名未息普賢相是則說名究竟法界捨菩薩道雖知法界無有邊際而知一切種種異相起大悲心度諸衆生盡未來際無有疲厭是則說名普賢

菩薩佛子譬如伊羅鉢那象王住金脅山七寶窟中其窟周圍悉以七寶而爲欄楯寶多羅樹次第行列真金羅網彌覆其上象身潔白猶如珂雪上立金幢金爲環路寶網覆鼻寶鈴垂下七肢成就六牙具足端正充滿見者欣樂調良善順心無所逆若天帝釋將欲遊行爾時象王即知其意便於寶窟而沒其形至忉利天釋主之前以神通力種種變現令其身有三十三頭於一一頭化作七牙於一一牙化作七池一池中有七蓮華一一華中有七采女一時俱奏百千天樂是時帝釋乘茲寶象從難勝殿往詣華園芬陀利華徧滿其中是時帝釋至華園已從象而下入於一切寶莊嚴殿無量采女以爲侍從歌詠妓樂受諸快樂爾時象王復以神通隱其象形現作天身與三十三天及諸采女於芬陀利華園之內歡娛戲樂所現身相光明衣服往來進止語笑觀瞻皆如彼天等無有異無能分別此象此天象之與天更互相似佛子彼伊羅鉢那象王於金脅山七寶窟中無所變化至於三十三天之上爲欲供養釋提桓因化作種種諸可樂物受天快樂與天無異佛子菩薩摩訶薩亦復如是修習普賢菩薩行願及諸三昧以爲衆寶莊嚴之具七菩提

分爲菩薩身所放光明以之爲網建大法幢
鳴大法鐘大悲爲窟堅固大願以爲其牙智
慧無畏猶如師子法繒繫頂開示祕密到諸
菩薩行願彼岸爲欲安處菩提之座成一切
智得最正覺增長普賢廣大行願不退不息
不斷不捨大悲精進盡未來際度脫一切苦
惱衆生不捨普賢道現成最正覺現不可說
不可說成正覺門現不可說不可說轉法輪
門現不可說不可說住深心門於不可說不
可說廣大國土現涅槃變化門於不可說不
可說差別世界而現受生修普賢行現不可
說不可說如來於不可說不可說廣大國土
菩提樹下成最正覺不可說不可說菩薩衆
親近圍繞或於一念頃修普賢行而成正覺
或須臾頃或於一時或於一日或於半月或
於一月或於一年或無數年或於一劫如是
乃至不可說不可說劫修普賢行而成正覺
復於一切諸佛剎中而爲上首親近於佛頂
禮供養請問觀察如幻境界淨修菩薩無量
諸行無量諸智種種神通種種威德種種智
慧種種境界種種神通種種自在種種解脫
種種法明種種教化調伏之法佛子菩薩摩
訶薩本身不滅以行願力於一切處如是變
現何以故欲以普賢自在神力調伏一切諸

衆生故令不可說不可說衆生得清淨故令其永斷生死輪故嚴淨廣大諸世界故常見一切諸如來故深入一切佛法流故憶念三世諸佛種故憶念十方一切佛法及法身故普修一切菩薩諸行使圓滿故入普賢流自在能證一切智故佛子汝應觀此菩薩摩訶薩不捨普賢行不斷菩薩道見一切佛證一切智自在受用一切智法如伊羅鉢那象王作天遊戲承事天主與天采女而作歡娛同於諸天無有差別佛子菩薩摩訶薩亦復如是不捨普賢大乘諸行不退諸願得佛自在具一切智證佛解脫無障無礙成就清淨於諸國土無所染著於佛法中無所分別雖知諸法普皆平等無有二相而恒明見一切佛土雖已等同三世諸佛而修菩薩行相續不斷佛子菩薩摩訶薩安住如是普賢行願廣大之法當知是人心得清淨佛子此是菩薩摩訶薩第十無礙輪大三昧殊勝心廣大智佛子此是菩薩摩訶薩所住普賢行十大三昧輪

大方廣佛華嚴經卷第四十三

無替 下他計切

無贏 下力爲切

無朽 下許久切

無塵 下倉胡切

置止 上宋征切

跋難 上蒲徒切

鮮少 上息淡切

巖然 上魚力切

奮迅 上方問切

慣習 上古惠切

戰鬪 上之騰切

馭四 上御音

橫死 上戶孟切

植之 上常職切

莖葉 上戶耕切

降靈 下注音

怯弱 上未劫切

金脅 下虛業切

寶室 下苦骨切

珂霞 上苦何切

繒繫 上疾陵切

乙巳歲高麗國大藏都監奉

勅彫造

于闐國三藏實叉難陀奉 制譯

十通品第二十八

爾時普賢菩薩摩訶薩告諸菩薩言佛子菩薩摩訶薩有十種通何者爲十佛子菩薩摩訶薩以他心智通知一三千大千世界衆生心差別所謂善心不善心廣心狹心大心小心順生死心背生死心聲聞心獨覺心菩薩心聲聞行心獨覺行心菩薩行心天心龍心羅心摩睺羅伽心人心非人心地獄心畜生心閻魔王處心餓鬼心諸難處衆生心如是等無量差別種種衆生心悉分別知如一世界如是百世界千世界百千世界百千億那由他世界乃至不可說不可說佛剎微塵數世界中所有衆生心悉分別知是名菩薩摩訶薩第一善知他心智神通

佛子菩薩摩訶薩以無礙清淨天眼智通見無量不可說不可說佛剎微塵數世界中衆生死此生彼善趣惡趣福相罪相或好或醜或垢或淨如是品類無量衆生所謂天衆龍衆夜叉衆乾闥婆衆阿脩羅衆迦樓羅衆緊那羅衆摩睺羅伽衆人衆非人衆微細身衆生衆廣大身衆生衆小衆大衆如是種種衆

生眾中以無礙眼悉皆明見隨所積集業隨所受苦樂隨心隨分別隨見隨言說隨因隨業隨所緣隨所起悉皆見之無有錯謬是名菩薩摩訶薩第二無礙天眼智神通

佛子菩薩摩訶薩以宿住隨念智通能知自身及不可說不可說佛刹微塵數世界中一切眾生過去不可說不可說佛刹微塵數劫宿住之事所謂某處生如是名如是姓如是種族如是飲食如是苦樂從無始來於諸有中以因以緣展轉滋長次第相續輪迴不絕種種品類種種國土種種趣生種種形相種種業行種種結使種種心念種種因緣受生差別如是等事皆悉了知又憶過去爾所佛刹微塵數劫爾所佛刹微塵數世界中有爾所佛刹微塵數諸佛一一佛如是名号如是出興如是眾會如是父母如是侍者如是聲聞如是最勝二大弟子於如是城邑如是出家復於如是菩提樹下成最正覺於如是處坐如是座演說如是若干經典如是利益爾所眾生於爾所時住於壽命施作如是若干佛事依無餘依般涅槃界而般涅槃般涅槃後法住久近如是一切悉能憶念又憶念不可說不可說佛刹微塵數諸佛名号一一名号有不可說不可說佛刹微塵數佛從初發

心起願修行供養諸佛調伏衆生衆會說法
壽命多少神通變化乃至入於無餘涅槃般
涅槃後法住久近造立塔廟種種莊嚴令諸
衆生種植善根皆悉能知是名菩薩摩訶薩
第三知過去際劫宿住智神通

佛子菩薩摩訶薩以知盡未來際劫智通知
不可說不可說佛刹微塵數世界中所有劫
一一劫中所有衆生命終受生諸有相續業
行果報若善若不善若出離若不出離若決
定若不決定若邪定若正定若善根與使俱
若善根不與使俱若具足善根若不具足善
根若攝取善根若不攝取善根若積集善根
若不積集善根若積集罪法若不積集罪法
如是一切皆能了知又知不可說不可說佛
刹微塵數世界盡未來際有不可說不可說佛
刹微塵數諸佛名号一一名号有不可說不
可說佛刹微塵數諸佛如來一一如來從初
發心起願立行供養諸佛教化衆生衆會說
法壽命多少神通變化乃至入於無餘涅槃
般涅槃後法住久近造立塔廟種種莊嚴令
諸衆生種植善根如是等事悉能了知是名
菩薩摩訶薩第四知盡未來際劫智神通
佛子菩薩摩訶薩成就無礙清淨天耳圓滿

廣大聰徹離障了達無礙具足成就於諸一切所有音聲欲聞不聞隨意自在佛子東方有不可說不可說佛刹微塵數佛是諸佛所說所示所開所演所安立所教化所調伏所憶念所分別甚深廣大種種差別無量方便無量善巧清淨之法於彼一切皆能受持又於其中若義若文若一人若衆會如其音辭如其智慧如所了達如所示現如所調伏如其境界如其所依如其出道於彼一切悉能記持不忘不失不斷不退無迷無惑爲他演說令得悟解終不忘失一文一句如東方南西北方四維上下亦復如是是名菩薩摩訶薩第五無礙清淨天耳智神通

佛子菩薩摩訶薩無體性神通無作神通平等神通廣大神通無量神通無依神通隨念神通起神通不起神通不退神通不斷神通不壞神通增長神通隨詣神通此菩薩聞極遠一切世界中諸佛名所謂無數世界無量世界乃至不可說不可說佛刹微塵數世界諸佛名聞其名已即自見身在彼佛所彼諸世界或仰或覆各各形狀各各方所各各差別無邊無礙種種國土種種時劫無量功德各別莊嚴彼彼如來於中出現示現神變徧揚名号無量無數各各不同此菩薩一

得聞彼諸如來名不動本處而見其身。在彼佛所禮拜尊重承事供養。問菩薩法入佛智。慧悉能了達諸佛國土道場衆會及所說法。至於究竟無所取著。如是經不可說不可說。佛刹微塵數劫。普至十方而無所往。然諸佛刹觀佛聽法。請道無有斷絕。無有廢捨。無有休息。無有疲厭。修菩薩行成就大願。悉令具足。曾無退轉。爲令如來廣大種性不斷絕。故是名菩薩摩訶薩第六住。無體性無動作。往一切佛刹智神通。

佛子菩薩摩訶薩以善分別一切衆生言音智通知不可說不可說。佛刹微塵數世界中衆生種種言辭。所謂聖言辭非聖言辭。天言辭龍言辭。夜叉言辭。乾闥婆阿脩羅迦樓羅緊那羅摩睺羅伽人及非人。乃至不可說不可說衆生所有言辭。各各表示種種差別。如是一切皆能了知。此菩薩隨所入世界能知其中一切衆生所有性欲。如其性欲爲出言辭。悉令解了無有疑惑。如日光出現普照衆色。令有目者悉得明見。菩薩摩訶薩亦復如是。以善分別一切言辭智深入一切言辭雲。所有言辭。令諸世間聰慧之者悉得解了。是名菩薩摩訶薩第七善分別一切言辭智神通。

佛子菩薩摩訶薩以出生無量阿僧祇色身莊嚴智通知一切法遠離色相無差別相無種種相無無量相無分別相無青黃赤白相菩薩如是入於法界能現其身作種種色所謂無邊色無量色清淨色莊嚴色普徧色無比色普照色增上色無違逆色具諸相色離衆惡色大威力色可尊重色無窮盡色衆雜妙色極端嚴色不可量色善守護色能成熟色隨化者色無障礙色甚明徹色無垢濁色極澄淨色大勇健色不思議方便色不可壞色離瑕翳色無障闇色善安住色妙莊嚴色諸相端嚴色種種隨好色大尊貴色妙境界色善磨瑩色清淨深心色熾然明盛色最勝廣大色無間斷色無所依色無等比色充滿不可說佛刹色增長色堅固攝受色最勝功德色隨諸心樂色清淨解了色積集衆妙色善巧決定色無有障礙色虛空明淨色清淨可樂色離諸塵垢色不可稱量色妙見色普見色隨時示現色寂靜色離貪色真實福田色能作安隱色離諸怖畏色離愚癡行色智慧勇猛色身相無礙色遊行普徧色心無所依色大慈所起色大悲所現色平等出離色具足福德色隨心憶念色無邊妙寶色寶藏光明色衆生信樂色一切智現前色歡喜眼

色眾寶莊嚴第一色無有處所色自在示現
 色種種神通色生如來家色過諸譬喻色周
 徧法界色眾皆往詣色種種色成就色出離
 色隨所化者威儀色見無厭足色種種明淨
 色能放無數光網色不可說光明種種差別
 色不可思杳光明超過三界色不可量日輪
 光明照耀色示現無比月身色無量可愛樂
 華雲色出生種種蓮華鬘雲莊嚴色超過一
 切世間香燄普熏色出生一切如來藏色不
 可說音聲開示演暢一切法色具足一切善
 賢行色佛子菩薩摩訶薩深入如是無色法
 界能現此等種種色身令所化者見令所化
 者念爲所化者轉法輪隨所化者時隨所化
 者相令所化者親近令所化者開悟爲所化
 者起種種神通爲所化者現種種自在爲所
 化者施種種能事是名菩薩摩訶薩爲度一
 切眾生故勤修成就第八無數色身智神通
 佛子菩薩摩訶薩以一切法智通知一切法
 無有名字無有種性無來無去非異非不異
 非種種非不種種非二非不二無我無比不
 生不滅不動不壞無實無虛一相無相非無
 非有非法非非法不隨於俗非不隨俗非業
 非非業非報非非報非有爲非無爲非第一
 義非不第一義非道非非道非出離非不出

離非量非無量非世間非出世間非從因生
非不從因生非決定非不決定非成就非不
成就非出非不出非分別非不分別非如理
不分別諸法不建立文字隨順寂滅性不捨
一切願見義知法興布法雲降靈法雨雖知
實相不可言說而以方便無盡辯才隨法隨
義次第開演以於諸法言辭辯說皆得善巧
大慈大悲悉已清淨能於一切離文字法中
出生文字與法與義隨順無違為說諸法悉
從緣起雖有言說而無所著演一切法辯才
無盡分別安立開發示導令諸法性具足明
顯斷衆疑網悉得清淨雖攝衆生不捨真實
於不二法而無退轉常能演說無礙法門以
衆妙音隨衆生心普雨法雨而不失時是名
菩薩摩訶薩第九一切法智神通
佛子菩薩摩訶薩以一切法滅盡三昧智通
於念念中入一切法滅盡三昧亦不退菩薩
道不捨菩薩事不捨大慈大悲心修習波羅
蜜未嘗休息觀察一切佛國土無有厭倦不
捨度衆生願不斷轉法輪事不廢教化衆生
業不捨供養諸佛行不捨一切法自在門不
捨常見一切佛不捨常聞一切法知一切法
平等無礙自在成就一切佛法所有勝願皆

得圓滿。知一切國土差別。入佛種性。到於彼岸。能於彼彼諸世界中。學一切法。了法無相知。一切法皆從緣起。無有體性。然隨世俗方便演說。雖於諸法心無所住。然順衆生諸根欲樂。方便爲說種種諸法。此菩薩住三昧時。隨其心樂。或住一劫。或住百劫。或住千劫。或住億劫。或住百億劫。或住十億劫。或住百千億劫。或住千那由他億劫。或住百千那由他億劫。或住無數劫。或住無量劫。乃至或住不可說不可說劫。菩薩入此一切法。滅盡三昧。雖復經於爾所劫住。而身不離散。不羸瘦。不變異。非見非不見。不滅不壞。不疲不懈。不可盡竭。雖於有於無。悉無所作。而能成辦諸菩薩事。所謂恒不捨離一切衆生。教化調伏。未曾失時。令其增長。一切佛法。於菩薩行。悉得圓滿。爲欲利益一切衆生。神通變化。無有休息。譬如光影普現一切。而於三昧寂然不動。是爲菩薩摩訶薩。入一切法。滅盡三昧。智神通。佛子。菩薩摩訶薩。住於如是十種神通。一切天人不能思議。一切衆生不能思議。一切聲聞。一切獨覺。及餘一切諸菩薩衆。如是皆悉不能思議。此菩薩身業不可思議。語業不可思議。意業不可思議。三昧自在。不可思議。智

慧境界不可思議唯除諸佛及有得此神通
 菩薩餘無能說此人功德備揚讚歎佛子是
 為菩薩摩訶薩十種神通若菩薩摩訶薩住
 此神通悉得一切三昧無礙智神通
 大方廣佛華嚴經十忍品第二十九
 爾時普賢菩薩告諸菩薩言佛子菩薩摩訶
 薩有十種忍若得此忍則得到於一切菩薩
 無礙忍地一切佛法無礙無盡何者為十所
 謂音聲忍順忍無生法忍如幻忍如焰忍如
 夢忍如響忍如影忍如化忍如空忍此十種
 忍三世諸佛已說今說當說

佛子云何為菩薩摩訶薩音聲忍謂聞諸佛
 所說之法不驚不怖不畏深信悟解愛樂趣
 向專心憶念修習安住是名菩薩摩訶薩第
 一音聲忍

佛子云何為菩薩摩訶薩順忍謂於諸法思
 惟觀察平等無違隨順了知令心清淨正住
 修習趣入成就是名菩薩摩訶薩第二順忍
 佛子云何為菩薩摩訶薩無生法忍佛子此
 菩薩摩訶薩不見有少法生亦不見有少法
 滅何以故若無生則無滅若無滅則無盡若
 無盡則離垢若離垢則無差別若無差別則
 無處所若無處所則寂靜若寂靜則離欲若
 離欲則無作若無作則無願若無願則無任

若無住則無去無來是名菩薩摩訶薩第三
無生法忍

佛子云何爲菩薩摩訶薩如幻忍佛子此菩薩摩訶薩知一切法皆悉如幻從因緣起於一法中解多法於多法中解一法此菩薩知諸法如幻已了達國土了達衆生了達法界了達世間平等了達佛出現平等了達三世平等成就種種神通變化譬如幻非象非馬非車非步非男非女非童男非童女非樹非葉非華非果非地非水非火非風非晝非夜非日非月非半月非一月非一年非百年非一劫非多劫非定非亂非純非雜非一非異非廣非狹非多非少非量非無量非虛非細非是一切種種衆物種種非幻幻非種種然由幻故示現種種差別之事菩薩摩訶薩亦復如是觀一切世間如幻所謂業世間煩惱世間國土世間法世間時世間趣世間成世間壞世間運動世間造作世間菩薩摩訶薩觀一切世間如幻時不見衆生不見衆生滅不見國土生不見國土滅不見諸法生不見諸法滅不見過去可分別不見未來有起作不見現在一念住不觀察菩提不分別菩提不見佛出現不見佛涅槃不見住大願不見入正住不出平等性是菩薩雖成就佛國

土知國土無差別雖成就衆生界知衆生無差別雖普觀法界而安住法性寂然不動雖遠三世平等而不違分別三世法雖成就蘊處而永斷所依雖度脫衆生而了知法界平等無種種差別雖知一切法遠離文字不可言說而常說法辯才無盡雖不取著化衆生事而不捨大悲爲度一切轉於法輪雖爲開示過去因緣而知因緣性無有動轉是名菩薩摩訶薩第四如幻忍

佛子云何爲菩薩摩訶薩如燄忍佛子此菩薩摩訶薩知一切世間同於陽燄譬如陽燄無有方所非內非外非有非無非斷非常非一色非種種色亦非無色但隨世間言說顯示菩薩如是如實觀察了知諸法現證一切令得圓滿是名菩薩摩訶薩第五如燄忍佛子云何爲菩薩摩訶薩如夢忍佛子此菩薩摩訶薩知一切世間如夢譬如夢非世間非離世間非欲界非色界非無色界非生非沒非除非淨而有示現菩薩摩訶薩亦復如是知一切世間悉同於夢無有變異故如夢自性故如夢執著故如夢性離故如夢本性故如夢所現故如夢無差別故如夢想分別故如夢覺時故是名菩薩摩訶薩第六如夢忍

佛子云何爲菩薩摩訶薩如響忍佛子此菩薩摩訶薩聞佛說法觀諸法性修學成就到於彼岸知一切音聲悉同於響無來無去如是示現佛子此菩薩摩訶薩觀如來聲不從內出不從外出亦不從於內外而出雖了此聲非內非外非內外出而能示現善巧名句成就演說譬如谷響從緣所起而與法性無有相違令諸衆生隨類各解而得修學如帝釋夫八阿脩羅女名曰舍支於一音中出千種音亦不心念令如是出菩薩摩訶薩亦復如是入無分別界成就善巧隨類之音於無邊世界中恒轉法輪此菩薩善能觀察一切衆生以廣長舌相而爲演說其聲無礙徧十方土令隨所宜聞法各異雖知聲無起而普現音聲雖知無所說而廣說諸法妙音平等隨類各解悉以智慧而能了達是名菩薩摩訶薩第七如響忍

佛子云何爲菩薩摩訶薩如影忍佛子此菩薩摩訶薩非於世間生非於世間沒非在世間內非在世間外非行於世間非不行世間非同於世間非異於世間非住於世間非不住世間非住於世間非不住世間非是世間非出世間非修菩薩行非捨於大願非實非不實雖常行一切佛法而能辨一切世間事

不隨世間流亦不住法流譬如日月男子女人舍宅山林河泉等物於油於水於身於寶於明鏡等清淨物中而現其影影與油等非一非異非離非合於川流中亦不漂度於池井內亦不沈沒雖現其中無所染著然諸衆生知於此處有是影現亦知彼處無如是影遠物近物雖皆影現影不隨物而有近遠菩薩摩訶薩亦復如是能知自身及以他身一切皆是智之境界不作二解謂自他別而於自國土於他國土各各差別一時普現如種子中無有根芽莖節枝葉而能生起如是等事菩薩摩訶薩亦復如是於無二法中分別二相善巧方便通達無礙是名菩薩摩訶薩第八如影忍菩薩摩訶薩成就此忍雖不住詣十方國土而能普現一切佛刹亦不離此亦不到彼如影普現所行無礙令諸衆生見差別身同於世間堅實之相然此差別即非差別別與不別無所障礙此菩薩從於如來種性而生身語及意清淨無礙故能獲得無邊色相清淨之身

佛子云何爲菩薩摩訶薩如化忍佛子此菩薩摩訶薩知一切世間皆悉如化所謂一切衆生意業化覺想所起故一切世間諸行化分別所起故一切苦樂顛倒化妄取所起故

一切世間不實法什言說所現故一切煩惱
分別化想念所起故復有清淨調伏化無分
別所現故於三世不轉化無生平等故菩薩
願力化廣大修行故如來大悲化方便示現
故轉法輪方便化智慧無畏辯才所說故菩
薩如是了知世間出世間化現證知廣大知
無邊知如事知自在知真實知非虛妄見所
能傾動隨世所行亦不失壞譬如化不從心
起不從心法起不從業起不受果報非世間
生非世間滅不可隨逐不可攀觸非久住非
須臾住非行世間非離世間不專繫一方不
普^周諸方非有量非無量不厭不息非不厭
息非凡非聖非染非淨非生非死非智非愚
非見非不見非依世間非入法界非慧非
遲鈍非取非不取非生死非涅槃非有非無
有菩薩如是善巧方便行於世間修菩薩道
了知世法分身化往不著世間不取自身於
世於身無所分別不住世間不離世間不住
於法不離於法以本願故不棄捨一眾生界
不調伏少眾生界不分別法非不分別知諸
法性無來無去雖無所有而滿足佛法了法
如化非有非無佛子菩薩摩訶薩如是安住
如化忍時悉能滿足一切諸佛菩提之道利
益眾生是名菩薩摩訶薩第九如化忍菩薩

摩訶薩成就此忍凡有所作悉同於化譬如
化士於一切佛刹無所依住於一切世間無
所取著於一切佛法不生分別而趣佛菩提
無有懈怠修菩薩行離諸顛倒雖無有身而
現一切身雖無所住而住衆國土雖無有色
而普現衆色雖不著實際而明照法性平等
圓滿佛子此菩薩摩訶薩於一切法無所依
止名解脫者一切過失悉皆捨離名調伏者
不動不轉普入一切如來衆會名神通者於
無生法已得善巧名無退者具一切力須彌
鐵圍不能爲障名無礙者

佛子云何爲菩薩摩訶薩如空忍佛子此菩
薩摩訶薩了一切法界猶如虛空以無相故
一切世界猶如虛空以無起故一切法猶如
虛空以無二故一切衆生行猶如虛空無所
行故一切佛猶如虛空無分別故一切佛力
猶如虛空無差別故一切禪定猶如虛空二
緊平等故所說一切法猶如虛空不可言說
故一切佛身猶如虛空無著無礙故菩薩如
是以如虛空方便了一切法皆無所有佛子
菩薩摩訶薩以如虛空忍智了一切法時得
如虛空身身業得如虛空語語業得如虛空
意意業譬如虛空一切法依不生不歿菩薩
摩訶薩亦復如是一切法身不生不歿譬如

虛空不可破壞菩薩摩訶薩亦復如是智慧
諸力不可破壞譬如虛空一切世間之所依
止而無所依菩薩摩訶薩亦復如是一切諸
法之所依止而無所依譬如虛空無生無滅
能持一切世間生滅菩薩摩訶薩亦復如是
無向無得能示向得普使世間修行清淨譬
如虛空無方無隅而能顯現無邊方隅菩薩
摩訶薩亦復如是無業無報而能顯示種種
業報譬如虛空非行非住而能示現種種威
儀菩薩摩訶薩亦復如是非行非住而能分
別一切諸行譬如虛空非色非非色而能示
現種種諸色菩薩摩訶薩亦復如是非世間
色非出世間色而能示現一切諸色譬如虛
空非久非近而能久住現一切物菩薩摩訶
薩亦復如是非久非近而能久住顯示菩薩
所行諸行譬如虛空非淨非穢不離淨穢菩
薩摩訶薩亦復如是非障非無障不離障無
障譬如虛空一切世間皆現其前非現一切
世間之前菩薩摩訶薩亦復如是一切諸法
皆現其前非現一切諸法之前譬如虛空普
入一切而無邊際菩薩摩訶薩亦復如是普
入諸法而菩薩心無有邊際何以故菩薩所
作如虛空故謂所有修習所有嚴淨所有成
就皆悉平等一體一味一種分量如虛空清

淨徧一切處如是證知一切諸法於一切法
無有分別嚴淨一切諸佛國土圓滿一切無
所依身了一切方無有迷惑具一切力不可
摧壞滿足一切無邊功德已到一切甚深法
處通達一切波羅蜜道普坐一切金剛之座
普發一切隨類之音為一切世間轉於法輪
未曾失時是名菩薩摩訶薩第十如空忍菩
薩摩訶薩成就此忍得無來身以無去故得
無生身以無滅故得無動身以無壞故得不
實身離虛妄故得一相身以無相故得無量
身佛力無量故得平等身同如相故得無差
別身等觀三世故得至一切處身淨眼等照
無障礙故得離欲際身知一切法無合散故
得虛空無邊際身福德藏無盡如虛空故得
無斷無盡法性平等辯才身知一切法相雅
是一相無性為性如虛空故得無量無礙音
聲身無所障礙如虛空故得具足一切善巧
清淨菩薩行身於一切處皆無障礙如虛空
故得一切佛法海次第相續身不可斷絕如
虛空故得一切佛剎中現無量佛剎身離諸
貪著如虛空無邊故得示現一切自在法無
休息身如虛空大海無邊際故得一切不可
壞堅固勢力身如虛空任持一切世間故得
諸根明利如金剛堅固不可壞身如虛空一

切劫火不能燒故得持一切世間力身智慧
力如虛空故佛子是名菩薩摩訶薩十種忍
爾時普賢菩薩摩訶薩欲重宣其義而說頌
言

譬如世有人 聞有寶藏處 以其可得故 心生大歡喜
如是大智慧 菩薩真佛子 聽聞諸佛法 甚深寂滅相
聞此深法時 其心得安隱 不驚亦不怖 亦不生恐懼
大士求菩提 聞斯廣大音 心淨能堪忍 於此無疑惑
自念以聞此 甚深微妙法 當成一切智 人天大導師
菩薩聞此音 其心大歡喜 發生堅固意 願求諸佛法
以樂菩提故 其心漸調伏 令信益增長 於法無違謗
是故聞此音 其心得堪忍 安住而不動 修行菩薩行
為求菩提故 專行向彼道 精進無退轉 不捨衆善軌
以求菩提故 其心無恐懼 聞法增勇猛 供佛令歡喜
如有大福人 獲得真金藏 隨身所應服 造作莊嚴具
菩薩亦如是 聞此甚深義 思惟增智海 以修隨順法
法有亦順知 法無亦順知 隨彼法如是 如是知諸法
成就清淨心 明徹大歡喜 知法從緣起 勇猛勤修習
平等觀諸法 知其自性 不違佛法藏 普覺一切法
志樂常堅固 嚴淨佛菩提 不動如須彌 一心求正覺
以發精進意 復修三昧道 無量劫勤行 未曾有退失
菩薩所入法 是佛所行處 於此能了知 其心無厭怠
如無事所說 平等觀諸法 非不平等忍 能成平等智
隨順佛所說 成就此忍門 如法而了知 亦不分別法

三十三天中 所有諸天子 共同一器食 所食各不同
所食種種食 不從十方來 如其所修業 自然成在器
菩薩亦如是 觀察一切法 悉從因緣起 無生故無滅
無滅故無盡 無盡故無染 於世變異法 了知無變異
無異則無處 無處則寂滅 其心無染著 願度諸羣生
專念於佛法 未嘗有散動 而以悲願心 方便行於世
勤求於十力 處世而不住 無去亦無來 方便善說法
此忍最爲上 了法無有盡 入於眞法界 實亦無所入
菩薩住此忍 普見諸如來 同時與授記 斯名受佛職
了達三世法 寂滅清淨相 而能化衆生 置於善道中
世間種種法 一切皆如幻 若能如是知 其心無所動
諸業從心生 故說心如幻 若離此分別 普滅諸有趣
譬如工幻師 普現諸色像 徒令衆貪樂 畢竟無所得
世間亦如是 一切皆如幻 無性亦無生 示現有種種
度脫諸衆生 令知法如幻 衆生不異幻 了幻無衆生
衆生及國土 三世所有法 如是悉無餘 一切皆如幻
幻作男女形 及象馬牛羊 屋宅池泉類 園林華果等
幻物無知覺 亦無有住處 畢竟寂滅相 但隨分別現
菩薩能如是 普見諸世間 有無一切法 了達悉如幻
衆生及國土 種種業所造 入於如幻際 於彼無依著
如是得善巧 寂滅無戲論 住於無礙地 普現大威力
勇猛諸佛子 隨順入妙法 善觀一切想 纏網於世間
衆想如陽燄 令衆生倒解 菩薩善知想 捨離一切倒
衆生各別異 形類非一種 了達皆是想 一切無眞實

十方諸衆生 皆爲想所覆 若捨顛倒見 則滅世間想
世間如陽燄 以想有差別 知世住於想 遠離三顛倒
譬如熟時燄 世見謂爲水 水實無所有 智者不應取
衆生亦復然 世趣皆無有 如鐵住於想 無疑心境界
若離於諸想 亦離諸戲論 愚癡著想者 悉令得解脫
遠離憍慢心 除滅世間想 住盡無盡處 是菩薩方便
菩薩了世法 一切皆如夢 非處非無處 體性恒寂滅
諸法無分別 如夢不異心 三世諸世間 一切悉如是
夢體無生滅 亦無有方所 三界悉如是 見者心解脫
事不在世間 不在非世間 此二不分別 得入於忍地
譬如夢中見 種種諸異相 世間亦如是 與夢無差別
住於夢定者 了世皆如夢 非同非是異 非一非種種
衆生諸剎業 雜染及清淨 如是悉了知 與夢皆平等
菩薩所行行 及以諸大願 明了皆如夢 與世亦無別
了世皆空寂 不壞於世法 譬如夢所見 長短等諸色
是名如夢忍 因此了世法 疾成無礙智 廣度諸羣生
修行如是行 出生廣大解 巧知諸法性 於法心無著
一切諸世間 種種諸音聲 非內亦非外 了之悉如響
如聞種種響 心不生分別 菩薩聞音聲 其心亦如是
瞻仰諸如來 及聽說法音 演契經無量 雖聞無所著
如響無來處 所聞聲亦然 而能分別法 與法無乖謬
善了諸音聲 於聲不分別 知聲悉空寂 普出清淨音
了法不住言 善入無言際 而能示言說 如響徧世間
了知言語道 具足音聲分 知聲性空寂 以世言音說

如世所有音 示同分別法 其音悉周徧 開悟諸羣生
菩薩獲此忍 淨音化世間 善巧說三世 於世無所著
為欲利世間 專意求菩提 而常入法性 於彼無分別
普觀諸世間 寂滅無體性 而恒為饒益 修行意不動
不住於世間 不離於世間 於世無所依 依處不可得
了知世間性 於性無染著 雖不依世間 化世令超度
世間所有法 悉知其自性 了法無有二 無二亦無著
心不離世間 亦不住世間 非於世間外 修行一切智
譬如水中影 非內亦非外 菩薩求菩提 了世非世間
不於世住出 以世不可說 亦不在內外 如影現世間
入此甚深義 離垢志明徹 不捨本誓心 普照智慧燈
世間無邊際 智入悉齊等 普化諸羣生 令其捨眾著
觀察甚深法 利益羣生眾 從此入於智 修行一切道
菩薩觀諸法 諦了悉如化 而行如化行 畢竟永不捨
隨順化自性 修習菩提道 一切法如化 菩薩行亦然
一切諸世間 及以無量業 平等悉如化 畢竟住寂滅
三世所有佛 一切亦如化 本願修諸行 變化成如來
佛以大慈悲 度脫化眾生 度脫亦如化 化力為說法
知世皆如化 不分別世間 化事種種殊 皆由業差別
修習菩提行 莊嚴於化藏 無量善莊嚴 如業作世間
化法離分別 亦不分別法 此二俱寂滅 菩薩行如是
化海了於智 化性即世間 化非生滅法 智慧亦如是
第十忍明觀 眾生及諸法 體性皆寂滅 如空無處所
獲此如空智 永離諸取著 如空無種種 於世無所礙

成就空忍力 如空無有盡 境界如虛空 不作空分別
虛空無體性 亦復非斷滅 亦無種種別 智力亦如是
虛空無初際 亦復無中後 其量不可得 菩薩智亦然
如是觀法性 一切如虛空 無生亦無滅 菩薩之所得
自住如空法 復為衆生說 降伏一切魔 皆斯忍方便
此間相差別 皆空無有相 入於無相處 諸相悉平等
唯以一方便 普入衆世間 謂知三世法 悉等虛空性
智慧與音聲 及以菩薩才 其性如虛空 一切皆寂滅
如是十種忍 佛子所修行 其心善安住 廣為衆生說
於此善修學 成就廣大力 法力及智力 為菩提方便
通達此忍門 成就無礙智 超過一切衆 轉於無上輪
所修廣大行 其量不可得 調御師智海 乃能分別知
捨我而修行 入於深法性 心常住淨法 以是施羣生
衆生及刹塵 尚可知其數 菩薩諸功德 無能度其限
菩薩能成就 如是十種忍 智慧及所行 衆生莫能測
大方廣佛華嚴經卷第四十四

或醜

下目九切

錯謬

下廉幼切

瑕翳

下於計切

降靈

下注音

羸瘦

下力為切

墜觸

上盧敢切

點慧

上切八切

善軌

下於革切

乙巳歲高麗國大藏都監奉

勅彫造

大方廣佛華嚴經卷第四五

愛

千國三藏寶又難陀奉

制譯

阿僧祇品第三十

爾時心王菩薩白佛言世尊諸佛如來演說
阿僧祇無量無邊無等不可數不可稱不可
思不可量不可說不可說不可說世尊云何
阿僧祇乃至不可說不可說耶佛告心王菩
薩言善哉善哉善男子汝今爲欲令諸世間
入佛所知數量之義而問如來應正等覺善
男子諦聽諦聽善思念之當爲汝說時心王
菩薩唯然受教佛言善男子一百洛叉爲一
俱胝俱胝俱胝爲一阿庾多阿庾多阿庾多
爲一那由他那由他那由他爲一頻婆羅頻
婆羅頻婆羅爲一矜羯羅矜羯羅矜羯羅爲
一阿伽羅阿伽羅阿伽羅爲一最勝最勝最
勝爲一摩婆^{上聲}羅摩婆羅摩婆羅爲一阿
婆上羅阿婆羅阿婆羅爲一多婆^{上聲}羅多婆
羅多婆羅爲一界分界分界分爲一普摩普
摩普摩爲一禰摩禰摩禰摩爲一阿婆上鈴
阿婆鈴阿婆鈴爲一彌伽上婆彌伽婆彌伽
婆爲一毗擲伽毗擲伽毗擲伽爲一毗伽上
婆毗伽婆毗伽爲一僧羯邏摩僧羯邏摩
僧羯邏摩爲一毗薩羅毗薩羅毗薩羅爲一
毗聽婆毗聽婆毗聽婆爲一毗盛^上伽毗盛

伽毗盛伽爲一毗素陀毗素陀毗素陀爲一
毗婆訶毗婆訶毗婆訶爲一毗薄底毗薄底
量稱量稱量爲一一持一持一持爲一異路
異路異路爲一顛倒顛倒顛倒爲一三末耶
三末耶三末耶爲一毗觀羅毗觀羅毗觀羅
爲一奚婆上羅奚婆羅奚婆羅爲一同察伺
察伺察爲一周廣周廣周廣爲一高出高出
高出爲一最妙最妙最妙爲一泥羅婆泥羅
婆泥羅婆爲一訶理婆訶理婆訶理婆爲一
一動一動一動爲一訶理蒲訶理蒲訶理蒲
爲一訶理三訶理三訶理三爲一奚魯伽奚
魯伽奚魯伽爲一達擇步陀達擇步陀達擇
步陀爲一訶魯那訶魯那訶魯那爲一摩魯
陀摩魯陀摩魯陀爲一懺慕陀懺慕陀懺慕
陀爲一堅擇陀堅擇陀堅擇陀爲一摩魯摩
摩魯摩摩魯摩爲一調伏調伏調伏爲一離
憍慢離憍慢離憍慢爲一不動不動不動爲
一極量極量極量爲一阿麼怛羅阿麼怛羅
阿麼怛羅爲一勃麼怛羅勃麼怛羅勃麼怛
羅爲一伽麼怛羅伽麼怛羅伽麼怛羅爲一
那麼怛羅那麼怛羅那麼怛羅爲一奚麼怛
羅奚麼怛羅奚麼怛羅爲一鞞麼怛羅鞞麼
怛羅鞞麼怛羅爲一鉢羅麼怛羅鉢羅麼怛
羅鉢羅麼怛羅爲一鉢羅麼怛羅鉢羅麼怛

羅鉢羅麼怛羅爲一尸婆麼怛羅尸婆麼怛
羅尸婆麼怛羅爲一翳羅翳羅翳羅爲一辟
羅辟羅辟羅爲一諦羅諦羅諦羅爲一偈羅
偈羅偈羅爲一宰步羅宰步羅宰步羅爲一
泥羅泥羅泥羅爲一計羅計羅計羅爲一細
羅細羅細羅爲一睥羅睥羅睥羅爲一謎羅
謎羅謎羅爲一娑羅荼娑羅荼娑羅荼爲一
謎魯陀謎魯陀謎魯陀爲一契魯陀契魯陀
契魯陀爲一摩覩羅摩覩羅摩覩羅爲一娑
母羅娑母羅娑母羅爲一阿野娑阿野娑阿
野娑爲一迦麼羅迦麼羅迦麼羅爲一摩伽
婆摩伽婆摩伽爲一阿怛羅阿怛羅阿怛
羅爲一醯魯耶醯魯耶爲一薛魯婆
薛魯婆薛魯婆爲一羯羅波羯羅波羯羅波
爲一訶娑婆訶娑婆訶娑婆爲一毗婆上羅
毗婆羅毗婆羅爲一那婆上羅那婆羅那婆
羅爲一摩羅摩羅摩羅爲一娑婆上
羅娑婆羅娑婆羅爲一迷羅普迷羅普迷羅
普爲一者麼羅者麼羅者麼羅爲一馱麼羅
馱麼羅馱麼羅爲一鉢羅麼陀鉢羅麼陀鉢
羅麼陀爲一毗伽摩毗伽摩毗伽爲一烏
波跋多烏波跋多烏波跋多爲一演說演說
演說爲一無盡無盡無盡爲一出生出生出
生爲一無我無我無我爲一阿畔多阿畔多

阿耨多爲一青蓮華青蓮華青蓮華爲一鉢
頭摩鉢頭摩鉢頭摩爲一僧祇僧祇僧祇爲
一趣趣趣爲一至至至爲一阿僧祇阿僧祇
阿僧祇爲一阿僧祇轉阿僧祇轉阿僧祇轉
爲一無量無量無量爲一無量轉無量轉無
量轉爲一無邊無邊無邊爲一無邊轉無邊
轉無邊轉爲一無等無等無等爲一無等轉
無等轉無等轉爲一不可數不可數不可數
爲一不可數轉不可數轉不可數轉爲一不
可稱不可稱不可稱爲一不可稱轉不可稱
轉不可稱轉爲一不可思不可思不可思爲
一不可思轉不可思轉不可思轉爲一不可
量不可量不可量爲一不可量轉不可量轉
不可量轉爲一不可說不可說不可說爲一
不可說轉不可說轉不可說轉爲一不可說
不可說此又不可說不可說爲一不可說不
可說轉爾時世尊爲心王菩薩而說頌曰
不可言說不可說 充滿一切不可說
不可言說諸劫中 說不可說不可盡
不可言說諸佛刹 皆悉碎末爲微塵
一塵中刹不可說 如一切皆如是
此不可說諸佛刹 一念碎塵不可說
念念所碎悉亦然 盡不可說劫恒爾
此塵有刹不可說 此刹爲塵說更難

以不可說算數法
以此諸塵數諸劫
爾劫偈讚一普賢
於一微細毛端處
一切毛端悉亦爾
一毛端處所有刹
盡虛空量諸毛端
彼毛端處諸國土
有不可說異類刹
不可言說毛端處
種種莊嚴不可說
於彼一一毛端處
一一名有諸如來
一一諸佛於身上
於彼一一毛孔中
不可言說諸毛孔
於彼一一光明中
於彼一一蓮華內
不可說華衆葉中
彼不可說諸色內
葉中光明不可說
此不可說色相中
光中現月不可說
於不可說諸月中

不可說劫如是數
一塵十萬不可說
無能盡其功德量
有不可說諸普賢
如是乃至徧法界
其數無量不可說
一一處刹悉如是
無量種類差別住
有不可說同類刹
皆有淨刹不可說
種種奇妙不可說
演不可說諸佛名
皆不可說不可說
現不可說諸毛孔
現衆色相不可說
咸放光明不可說
悉現蓮華不可說
悉有衆葉不可說
各現色相不可說
復現衆葉不可說
光中色相不可說
一一現光不可說
月復現月不可說
一一現光不可說

於彼一一光明內
於不可說諸日中
於彼一一諸色內
於彼一一光明內
一一嚴具不可說
光中妙色不可說
於彼一一淨光內
此光復現種種光
如是種種光明內
一一光中所現寶
披如須彌一妙寶
盡須彌寶無有餘
以一刹土末為塵
衆刹為塵塵有相
如是種種諸塵相
光中現佛不可說
法中妙偈不可說
不可說解念念中
示現未來一切佛
一一佛法不可說
出妙音聲不可說
於彼一一法輪中
於彼一一修多羅
於彼一一法門中

復現於日不可說
一一現色不可說
又現光明不可說
現不可說師子座
一一光明不可說
色中淨光不可說
復現種種妙光明
不可言說不可說
各現妙寶如須彌
不可言說不可說
現衆刹土不可說
示現刹土皆如是
一塵色相不可說
不可言說不可說
皆出光明不可說
佛所說法不可說
聞偈得解不可說
顯了真諦不可說
常演說法無窮盡
種種清淨不可說
轉正法輪不可說
演修多羅不可說
分別法門不可說
又說諸法不可說

於彼一一諸法中
或復於一毛端處
如一毛端餘悉然
其心無礙不可說
一一變化諸如來
彼佛法身不可說
莊嚴無量不可說
周行國土不可說
清淨衆生不可說
彼諸莊嚴不可說
彼諸自在不可說
所有神通不可說
所有加持不可說
清淨實相不可說
於彼一一修多羅
於彼一一法門中
於彼一一諸法中
於彼一一決定中
不可言說同類法
不可言說異類法
不可言說異類根
念念於諸所行處
所有神變不可說
於中時劫不可說

調伏衆生不可說
不可說劫常安住
所住劫數皆如是
變化諸佛不可說
復現於化不可說
彼佛分身不可說
往詣十方不可說
觀察衆生不可說
調伏衆生不可說
彼諸神力不可說
彼諸神變不可說
所有境界不可說
所住世間不可說
說修多羅不可說
演說法門不可說
又說諸法不可說
所有決定不可說
調伏衆生不可說
不可言說同類心
不可言說異類心
不可言說異類語
調伏衆生不可說
所有示現不可說
於中差別不可說

菩薩悉能分別說

一毛端處大小刹

如是一切不可說

以一國土碎為塵

如是塵數無邊刹

此諸國土不可說

不使毛端有增大

於中所有諸國土

如一國土不亂餘

虛空境界無邊際

如是毛端諸國土

於一微細毛孔中

毛孔能受彼諸刹

入時劫數不可說

於此行列安住時

如是攝受安住已

入時方便不可說

意根明了不可說

勇猛精進不可說

所有思惟不可說

所有境界不可說

身業清淨不可說

意業清淨不可說

妙智清淨不可說

諸明算者莫能辨

雜染清淨麤細刹

一一明了可分別

其塵無量不可說

俱來共集一毛端

共集毛端無迫隘

而彼國土俱來集

形相如本無雜亂

一切國土皆如是

悉布毛端使充滿

菩薩一念皆能說

不可說刹次第入

諸刹不能徧毛孔

受時劫數不可說

一切諸劫無能說

所有境界不可說

入已所作不可說

遊歷諸方不可說

自在神變不可說

所有大願不可說

一切通達不可說

語業清淨不可說

信解清淨不可說

妙慧清淨不可說

了諸實相不可說
出離生死不可說
甚深三昧不可說
一切衆生不可說
知衆生身不可說
知其業果不可說
知其品類不可說
知其受身不可說
知其正生不可說
知其解了不可說
知其言語不可說
菩薩如是大慈悲
普現其身不可說
見諸菩薩不可說
請問正法不可說
現種種身不可說
示現神通不可說
處處分身不可說
作諸供具不可說
清淨衆寶不可說
最勝香鬘不可說
清淨信心不可說
增上志樂不可說
修行於施不可說

斷諸疑惑不可說
超昇正位不可說
了達一切不可說
一切佛刹不可說
知其心樂不可說
知其意解不可說
知其種性不可說
知其生處不可說
知其生已不可說
知其趣向不可說
知其作業不可說
利益一切諸世間
入諸佛刹不可說
發生智慧不可說
敷揚佛教不可說
詣諸國土不可說
普徧十方不可說
親近諸佛不可說
種種無量不可說
上妙蓮華不可說
供養如來不可說
最勝悟解不可說
恭敬諸佛不可說
其心過去不可說

有求皆施不可說
持戒清淨不可說
讚歎諸佛不可說
成就諸忍不可說
具足寂靜不可說
起大精進不可說
不退轉心不可說
一切定藏不可說
寂然在定不可說
智慧通達不可說
了達諸法不可說
修無量行不可說
甚深境界不可說
菩薩法力不可說
彼諸正念不可說
修方便智不可說
無量智慧不可說
彼諸法智不可說
彼大法雲不可說
彼諸神力不可說
入空寂智不可說
無量行門不可說
諸佛剎海不可說
諸刹差別不可說

一切悉施不可說
心意清淨不可說
愛樂正法不可說
無生法忍不可說
住寂靜地不可說
其心過去不可說
不傾動心不可說
觀察諸法不可說
了達諸禪不可說
三昧自在不可說
明見諸佛不可說
發廣大願不可說
清淨法門不可說
菩薩法住不可說
彼諸法界不可說
學甚深智不可說
究竟智慧不可說
彼淨法輪不可說
彼大法雨不可說
彼諸方便不可說
念念相續不可說
念念恒住不可說
悉能往詣不可說
種種清淨不可說

差別莊嚴不可說
種種間錯不可說
清淨佛土不可說
了知衆生不可說
知其業報不可說
知其根性不可說
雜染清淨不可說
變化自在不可說
修行精進不可說
示現神變不可說
種種色相不可說
一一毛孔不可說
光網現色不可說
勇猛無畏不可說
調伏衆生不可說
清淨身業不可說
無邊意業不可說
成就智寶不可說
菩薩揔持不可說
智者音聲不可說
正念真實不可說
具足威儀不可說
成就無畏不可說
諸佛子衆不可說

無邊色相不可說
種種妙好不可說
雜染世界不可說
知其種性不可說
知其心行不可說
知其解欲不可說
觀察調伏不可說
現種種身不可說
度脫衆生不可說
放大光明不可說
令衆生淨不可說
放光明網不可說
普照佛刹不可說
方便善巧不可說
令出生死不可說
清淨語業不可說
殊勝妙行不可說
深入法界不可說
善能修學不可說
音聲清淨不可說
開悟衆生不可說
清淨修行不可說
調伏世間不可說
清淨勝行不可說

備歎諸佛不可說
 世間導師不可說
 彼諸菩薩不可說
 彼諸邊際不可說
 住中智慧不可說
 欣樂諸佛不可說
 善入諸法不可說
 三世如空不可說
 了達三世不可說
 殊勝妙行不可說
 清淨大願不可說
 諸佛菩提不可說
 分別義理不可說
 嚴淨佛刹不可說
 長時修習不可說
 諸佛自在不可說
 種種神力不可說
 清淨法輪不可說
 種種開演不可說
 不可言說一切劫
 不可說劫猶可盡
 不可言說諸如來
 軟佛不可言說德
 十方所有諸衆生

讚揚無盡不可說
 演說讚歎不可說
 清淨功德不可說
 能住其中不可說
 盡諸劫住無能說
 智慧平等不可說
 於法無礙不可說
 三世智慧不可說
 住於智慧不可說
 無量大願不可說
 成就菩提不可說
 發生智慧不可說
 知一切法不可說
 修行諸力不可說
 一念悟解不可說
 廣演正法不可說
 示現世間不可說
 勇猛能轉不可說
 哀愍世間不可說
 讚不可說諸功德
 不可說德不可盡
 不可言說諸舌根
 不可說劫無能盡
 切同時成正覺

於中一佛普能現
此不可說中一身
此不可說中一頭
此不可說中一舌
此不可說中一聲
如一如是一切佛
如一如是一切頭
如一如是一切聲
不可說劫猶可盡
一微塵中能悉有
一一蓮華世界中
乃至法界悉周徧
世界若成若住壞
一微塵處無邊際
十方差別不可說
一一剎中有如來
諸佛所行不可說
神通大力不可說
入於毛孔不可說
成就十力不可說
入淨法界不可說
種種數量不可說
種種形量不可說
種種三昧不可說

不可言說一切身
示現於頭不可說
示現於舌不可說
示現於聲不可說
經於劫住不可說
如一如是一切身
如一如是一切舌
不可說劫恒讚佛
歎佛功德無能盡
不可言說蓮華界
賢首如來不可說
其中所有諸微塵
其數無量不可說
無量諸剎普來入
剎海分布不可說
壽命劫數不可說
甚深妙法不可說
無障礙智不可說
毛孔因緣不可說
覺悟菩提不可說
獲深智藏不可說
如其一切悉了知
於此靡不皆通達
悉能經劫於中住

於不可說諸佛所得不可說無礙心

所行清淨不可說

神力示現不可說

往詣十方不可說

往詣衆刹不可說

了達諸佛不可說

精進勇猛不可說

智慧通達不可說

於法非行非不行

入諸境界不可說

不可稱說諸大劫

恒遊十方不可說

方便智慧不可說

眞實智慧不可說

神通智慧不可說

念念示現不可說

於不可說諸佛法

一一了知不可說

能於一時證菩提

或種種時而證入

毛端佛刹不可說

塵中佛刹不可說

如是佛刹皆往詣

見諸如來不可說

通達一實不可說

善入佛種不可說

諸佛國土不可說

悉能往詣成菩提

國土衆生及諸佛

體性差別不可說

如是三世無有邊

菩薩一切皆明見

大方廣佛華嚴經壽量品第三十一

爾時心王菩薩摩訶薩於衆會中告諸菩薩

言佛子此娑婆世界釋迦牟尼佛刹一劫於

極樂世界阿彌陀佛刹爲一日一夜極樂世

界一劫於袈裟幢世界金剛堅佛刹爲一日

一夜袈裟幢世界一劫於不退轉音聲輪世

界善勝光明蓮華開敷佛刹爲一日一夜不

界善勝光明蓮華開敷佛刹爲一日一夜不

退轉音聲輪世界一劫於離垢世界法幢佛
刹爲一日一夜離垢世界一劫於善燈世界
師子佛刹爲一日一夜善燈世界一劫於妙
光明世界光明藏佛刹爲一日一夜妙光明
世界一劫於難超過世界法光明蓮華開敷
佛刹爲一日一夜難超過世界一劫於莊嚴
慧世界一切神通光明佛刹爲一日一夜莊
嚴慧世界一劫於鏡光明世界月智佛刹爲
一日一夜佛子如是次第乃至過百萬阿僧
祇世界最後世界一劫於勝蓮華世界賢勝
佛刹爲一日一夜普賢菩薩及諸同行大菩
薩等充滿其中

大方廣佛華嚴經諸菩薩住觀品第三十二

爾時心王菩薩摩訶薩於衆會中告諸菩薩
言佛子東方有觀名仙人山從昔已來諸菩
薩衆於中止住現有菩薩名金剛勝與其眷
屬諸菩薩衆三百人俱常在其中而演說法
南方有觀名勝峯山從昔已來諸菩薩衆於
中止住現有菩薩名曰法慧與其眷屬諸菩
薩衆五百人俱常在其中而演說法西方有
觀名金剛嚴山從昔已來諸菩薩衆於中止
住現有菩薩名精進無畏行與其眷屬諸菩
薩衆三百人俱常在其中而演說法北方有
觀名香積山從昔已來諸菩薩衆於中止住

現有菩薩名曰香象與其眷屬諸菩薩衆三千人俱常在其中而演說法東北方有處名清涼山從昔已來諸菩薩衆於中止住現有菩薩名文殊師利與其眷屬諸菩薩衆一萬人俱常在其中而演說法海中有處名金剛山從昔已來諸菩薩衆於中止住現有菩薩名曰法起與其眷屬諸菩薩衆千二百人俱常在其中而演說法東南方有處名支提山從昔已來諸菩薩衆於中止住現有菩薩名曰天冠與其眷屬諸菩薩衆一千人俱常在其中而演說法西南方有處名光明山從昔已來諸菩薩衆於中止住現有菩薩名曰賢勝與其眷屬諸菩薩衆三千人俱常在其中而演說法西北方有處名香風山從昔已來諸菩薩衆於中止住現有菩薩名曰香光與其眷屬諸菩薩衆五千人俱常在其中而演說法大海之中復有住處名莊嚴窟從昔已來諸菩薩衆於中止住毗舍離南有一住處名善住根從昔已來諸菩薩衆於中止住摩度羅城有一住處名滿足窟從昔已來諸菩薩衆於中止住俱珍那城有一住處名曰法座從昔已來諸菩薩衆於中止住清淨彼岸城有一住處名目真階陀窟從昔已來諸菩薩衆於中止住摩蘭陀國有一住處名無礙

龍王建立從昔已來諸菩薩衆於中止住甘
菩遮國有一住處名出生慈從昔已來諸菩
薩衆於中止住震旦國有一住處名那羅延
窟從昔已來諸菩薩衆於中止住疎勒國有
一住處名牛頭山從昔已來諸菩薩衆於中
止住迦葉彌羅國有一住處名曰次第從昔
已來諸菩薩衆於中止住增長歡喜城有一
住處名尊者窟從昔已來諸菩薩衆於中止
住菴浮梨摩國有一住處名見億藏光明從
昔已來諸菩薩衆於中止住軋陀羅國有一
住處名苦婆羅窟從昔已來諸菩薩衆於中
止住

大方廣佛華嚴經卷第四十五

唯然

上以水切

俱胝

下竹尼切

阿庾

下以主切

矜羯

上居陵切
下立竭切

禰摩

上敬禮切

婆鈴

下巨淹切

毗擲

下郎我切

羯邏

下郎佐切

毗瞻

下時豔切

佉擔

上上伽切
下都甘切

奚婆

上胡雞切

伺察

上相吏切

理蒲

下薄胡切

墜擲

上於奚切

麼怛

上莫我切
下當割切

勃麼

上蒲沒切

鞞麼

上普迷切

翳羅

上於計切

薛羅

上蒲計切

窣步

上蘇沒切

睥羅

上匹詣切

謎羅

上美計切

醯魯

上呼雞切

馱麼

上唐佐切

跋多

上蒲未切

阿畔

下得舉切

碎末

上蘇內切

周經第甲五

音義十八幅

受

摩蘭

下落千以

跡勒

上跡音

菴淨

上篇舍如

芳婆

上式占所

乙巳歲高麗國大藏都監奉

勅彫造

大方廣佛華嚴經卷第四十六

愛

千聞國三藏實又難陀奉

制譯

佛不思議法品第三十三之一

要

爾時大會中有諸菩薩作是念諸佛國土云
何不思議諸佛本願云何不思議諸佛種性
云何不思議諸佛出現云何不思議諸佛身
云何不思議諸佛音聲云何不思議諸佛智
慧云何不思議諸佛自在云何不思議諸佛
無礙云何不思議諸佛解脫云何不思議爾
時世尊知諸菩薩心之所念則以神力加持
智慧攝受光明照曜威勢充滿令青蓮華藏
菩薩住佛無畏入佛法界獲佛威德神通自
在得佛無礙廣大觀察知一切佛種性次第
住不可說佛法方便爾時青蓮華藏菩薩則
能通達無礙法界則能安住離障深行則能
成滿普賢大願則能知見一切佛法以大悲
心觀察衆生欲令清淨精勤修習無有厭怠
受行一切諸菩薩法於一念中出生佛智解
了一切無盡智門揔持辯才皆悉具足承佛
神力告蓮華藏菩薩言佛子諸佛世尊有無
量住所謂常住大悲住種種身作諸佛事住
平等意轉淨法輪住四辯才說無量法住不
思議一切佛法住清淨音徧無量土住不可
說甚深法界住現一切最勝神通住能開示

無有障礙究竟之法佛子諸佛世尊有十種
 法普徧無量無邊法界何等爲十所謂一切
 諸佛有無邊際身色相清淨普入諸趣而無
 染著一切諸佛有無邊際無障礙眼於一切
 法悉能明見一切諸佛有無邊際無障礙耳
 悉能解了一切音聲一切諸佛有無邊際鼻
 能到諸佛自在彼岸一切諸佛有廣長舌出
 妙音聲周徧法界一切諸佛有無邊際身應
 衆生心咸令得見一切諸佛有無邊際意住
 於無礙平等法身一切諸佛有無邊際無礙
 解脫示現無盡大神通力一切諸佛有無邊
 際清淨世界隨衆生樂現衆佛土具足無量
 種種莊嚴而於其中不生染著一切諸佛有
 無邊際菩薩行願得圓滿智遊戲自在悉能
 通達一切佛法佛子是爲如來應正等覺普
 徧法界無邊際十種佛法佛子諸佛世尊有
 十種念念出生智何等爲十所謂一切諸佛
 於一念中悉能示現無量世界從天來下一
 切諸佛於一念中悉能示現無量世界菩薩
 受生一切諸佛於一念中悉能示現無量世
 界出家學道一切諸佛於一念中悉能示現
 無量世界菩提樹下成等正覺一切諸佛於
 一念中悉能示現無量世界轉妙法輪一切
 諸佛於一念中悉能示現無量世界教化衆

生供養諸佛一切諸佛於一念中悉能示現
無量世界不可言說種種佛身一切諸佛於
一念中悉能示現無量世界種種莊嚴無數
莊嚴如來自在一切智藏一切諸佛於一念
中悉能示現無量世界無量無數清淨衆生
一切諸佛於一念中悉能示現無量世界三
世諸佛種種根性種種精進種種行解於三
世中成等正覺是爲十佛子諸佛世尊有十
種不失時何等爲十所謂一切諸佛成等正
覺不失時一切諸佛成熟有緣不失時一切
諸佛授菩薩記不失時一切諸佛隨衆生心
示現神力不失時一切諸佛隨衆生解示現
佛身不失時一切諸佛住於大捨不失時一
切諸佛入諸聚落不失時一切諸佛攝諸淨
信不失時一切諸佛調惡衆生不失時一切
諸佛現不思議諸佛神通不失時是爲十佛
子諸佛世尊有十種無比不思議境界何等
爲十所謂一切諸佛一跏趺坐徧滿十方無
量世界一切諸佛說一義句悉能開示一切
佛法一切諸佛放一光明悉能徧照一切世
界一切諸佛於一身中悉能示現一切諸身
一切諸佛於一處中悉能示現一切世界一
切諸佛於一智中悉能決了一切諸法無所
罣礙一切諸佛於一念中悉能徧往十方世

界一切諸佛於一念中悉現如來無量威德
一切諸佛於一念中普緣三世佛及衆生心
無雜亂一切諸佛於一念中與去來今一切
諸佛體同無二是爲十佛子諸佛世尊能出
生十種智何者爲十所謂一切諸佛知一切
法無所趣向而能出生迴向願智一切諸佛
知一切法皆無有身而能出生清淨身智一
切諸佛知一切法本來無二而能出生能覺
悟智一切諸佛知一切法無我無衆生而能
出生調衆生智一切諸佛知一切法本來無
相而能出生了諸相智一切諸佛知一切世
界無有成壞而能出生了成壞智一切諸佛
知一切法無有造作而能出生知業果智一
切諸佛知一切法無有言說而能出生了言
說智一切諸佛知一切法無有染淨而能出
生知染淨智一切諸佛知一切法無有生滅
而能出生了生滅智是爲十佛子諸佛世尊
有十種普入法何等爲十所謂一切諸佛有
淨妙身普入三世一切諸佛皆悉具足三種
自在普化衆生一切諸佛皆悉具足諸陀羅
尼普能受持一切佛法一切諸佛皆悉具足
四種辯才普轉一切清淨法輪一切諸佛皆
悉具足平等大悲恒不捨離一切衆生一切
諸佛皆悉具足甚深禪定恒普觀察一切衆

生一切諸佛皆悉具足利他善根調伏衆生
無有休息一切諸佛皆悉具足無所礙心普
能安住一切法界一切諸佛皆悉具足無礙
神力一念普現三世諸佛一切諸佛皆悉具
足無礙智慧一念普立三世劫數是爲十佛
子諸佛世尊有十種難信受廣大法何等爲
十所謂一切諸佛悉能摧滅一切諸魔一切
諸佛悉能降伏一切外道一切諸佛悉能調
伏一切衆生成令歡悅一切諸佛悉能往詣
一切世界化導羣品一切諸佛悉能智證甚
深法界一切諸佛悉皆能以無二之身現種
種身充滿世界一切諸佛悉皆能以清淨音
聲起四辯才說法無斷凡有信受功不唐捐
一切諸佛皆悉能於一毛孔中出現諸佛與
一切世界微塵數等無有斷絕一切諸佛皆
悉能於一微塵中示現衆刹與一切世界微
塵數等具足種種上妙莊嚴恒於其中轉妙
法輪教化衆生而微塵不大世界不小常以
證智安住法界一切諸佛皆悉了達清淨法
界以智光明破世癡闇令於佛法悉得開曉
隨逐如來住十力中是爲十佛子諸佛世尊
有十種大功德離過清淨何等爲十所謂一
切諸佛具大威德離過清淨一切諸佛悉於
三世如來家生種族調善離過清淨一切諸

佛盡未來際心無所住離過清淨一切諸佛
於三世法皆無所著離過清淨一切諸佛知
種種性皆是一性無所從來離過清淨一切
諸佛前際後際福德無盡等於法界離過清
淨一切諸佛無邊身相徧十方刹隨時調伏
一切衆生離過清淨一切諸佛獲四無畏離
諸恐怖於衆會中大師子吼明了分別一切
諸法離過清淨一切諸佛於不可說不可說
劫入般涅槃衆生聞名獲無量福如佛現在
功德無異離過清淨一切諸佛遠在不可說
不可說世界中若有衆生一心正念則皆得
見離過清淨是為十佛子諸佛世尊有十種
究竟清淨何等為十所謂一切諸佛往昔大
願究竟清淨一切諸佛所持梵行究竟清淨
一切諸佛離世衆惑究竟清淨一切諸佛莊
嚴國土究竟清淨一切諸佛所有眷屬究竟
清淨一切諸佛所有種族究竟清淨一切諸
佛色身相好究竟清淨一切諸佛法身無染
究竟清淨一切諸佛一切智智無有障礙究
竟清淨一切諸佛解脫自在所作已辦到於
彼岸究竟清淨是為十佛子諸佛世尊於一
切世界一切時有十種佛事何等為十一者
若有衆生專心憶念則現其前二者若有衆
生心不調順則為說法三者若有衆生能生

淨信必令獲得無量善根四者若有眾生能入法位悉皆現證無不了知五者教化眾生無有疲厭六者遊諸佛刹往來無礙七者大悲不捨一切眾生八者現變化身恒不斷絕九者神通自在未嘗休息十者安住法界能徧觀察是為十佛子諸佛世尊有十種無盡智海法何等為十所謂一切諸佛無邊法身無盡智海法一切諸佛無量佛事無盡智海法一切諸佛佛眼境界無盡智海法一切諸佛無量無數難思善根無盡智海法一切諸佛普雨一切甘露妙法無盡智海法一切諸佛讚佛功德無盡智海法一切諸佛往昔所修種種願行無盡智海法一切諸佛盡未來際恒作佛事無盡智海法一切諸佛了知一切眾生心行無盡智海法一切諸佛福智莊嚴無能過者無盡智海法是為十佛子諸佛世尊有十種常法何等為十所謂一切諸佛常行一切諸波羅蜜一切諸佛於一切法常離迷惑一切諸佛常具大悲一切諸佛常有十力一切諸佛常轉法輪一切諸佛常為眾生示成正覺一切諸佛常樂調伏一切眾生一切諸佛心常正念不二之法一切諸佛化眾生已常示入於無餘涅槃諸佛境界無邊際故是為十佛子諸佛世尊有十種演說無

量諸佛法門何等爲十所謂一切諸佛演說
無量衆生界門一切諸佛演說無量衆生行
門一切諸佛演說無量衆生業果門一切諸
佛演說無量化衆生門一切諸佛演說無量
淨衆生門一切諸佛演說無量菩薩行門一
切諸佛演說無量菩薩願門一切諸佛演說
無量一切世界成壞劫門一切諸佛演說無
量菩薩深心淨佛刹門一切諸佛演說無量
一切世界三世諸佛於彼彼劫次第出現門
一切諸佛演說一切諸佛智門是爲十佛子
諸佛世尊有十種爲衆生作佛事何等爲十
所謂一切諸佛示現色身爲衆生作佛事一
切諸佛出妙音聲爲衆生作佛事一切諸佛
有所受爲衆生作佛事一切諸佛無所受爲
衆生作佛事一切諸佛以地水火風爲衆生
作佛事一切諸佛神力自在示現一切所緣
境界爲衆生作佛事一切諸佛種種名号爲
衆生作佛事一切諸佛以佛刹境界爲衆生
作佛事一切諸佛嚴淨佛刹爲衆生作佛事
一切諸佛寂寞無言爲衆生作佛事是爲十
佛子諸佛世尊有十種最勝法何等爲十所
謂一切諸佛大願堅固不可沮壞所言必作
言無有二一切諸佛爲欲圓滿一切功德盡
未來劫修菩薩行不生懈倦一切諸佛爲欲

調伏一衆生故往不可說不可說世界如是而爲一切衆生而無斷絕一切諸佛於信於毀二種衆生大悲普觀平等無異一切諸佛從初發心乃至成佛終不退失菩提之心一切諸佛積集無量諸善功德皆以迴向一切智性於諸世間終無染著一切諸佛於諸佛所修學三業唯行佛行非二乘行皆爲迴向一切智性成於無上正等菩提一切諸佛放大光明其光平等照一切處及照一切諸佛之法令諸菩薩心得清淨滿一切智一切諸佛捨離世樂不貪不染而普願世間離苦得樂無諸戲論一切諸佛愍諸衆生受種種苦守護佛種行佛境界出離生死逮十力地是爲十佛子諸佛世尊有十種無障礙住何等爲十所謂一切諸佛皆能往一切世界無障礙住一切諸佛皆能住一切世界無障礙住一切諸佛皆能於一切世界行住坐卧無障礙住一切諸佛皆能於一切世界演說正法無障礙住一切諸佛皆能於一切世界住兜率天宮無障礙住一切諸佛皆能入法界一切三世無障礙住一切諸佛皆能坐法界一切道場無障礙住一切諸佛皆能念念觀一切衆生心行以三種自在教化調伏無障礙住一切諸佛皆能以一身住無量不思議佛

所及一切處利益衆生無障礙住一切諸佛
皆能開示無量諸佛所說正法無障礙住是
爲十佛子諸佛世尊有十種最勝無上莊嚴
何等爲十一切諸佛皆悉具足諸相隨好是
爲諸佛第一最勝無上身莊嚴一切諸佛皆
悉具足六十種音一一音有五百分一一分
無量百千清淨之音以爲嚴好能於法界一
切衆中無諸恐怖大師子乳演說如來甚深
法義衆生聞者靡不歡喜隨其根欲悉得調
伏是爲諸佛第二最勝無上語莊嚴一切諸
佛皆具十力諸大三昧十八不共莊嚴意業
所行境界通達無礙一切佛法咸得無餘法
界莊嚴而爲莊嚴法界衆生心之所行去來
現在各各差別於一念中悉能明見是爲諸
佛第三最勝無上意莊嚴一切諸佛皆悉能
放無數光明一一光明有不可說光明網以
爲眷屬普照一切諸佛國土滅除一切世間
黑暗示現無量諸佛出興其身平等悉皆清
淨所作佛事成不唐捐能令衆生至不退轉
是爲諸佛第四最勝無上光明莊嚴一切諸
佛現微笑時皆於口中放百千億那由他阿
僧祇光明一一光明各有無量不思議種種
色徧照十方一切世界於大衆中發誠實語
授無量無數不思議衆生阿耨多羅三藐三

菩提記是為諸佛第五離世癡惑最勝無上
現微笑莊嚴一切諸佛皆有法身清淨無礙
於一切法究竟通達住於法界無有邊際雖
在世間不與世雜了世實性行出世法言語
道斷超蓋界處是為諸佛第六最勝無上法
身莊嚴一切諸佛皆有無量常妙光明不可
說不可說種種色相以為嚴好為光明藏出
生無量圓滿光明普照十方無有障礙是為
諸佛第七最勝無上常妙光明莊嚴一切諸
佛皆有無邊妙色可愛妙色清淨妙色隨心
所現妙色映蔽一切三界妙色到於彼岸無
上妙色是為諸佛第八最勝無上妙色莊嚴
一切諸佛皆於三世佛種中生積聚善寶究
竟清淨無諸過失離世譏謗一切法中最為
殊勝清淨妙行之所莊嚴具足成就一切智
智種族清淨無能譏毀是為諸佛第九最勝
無上種族莊嚴一切諸佛以大慈力莊嚴其
身究竟清淨無諸渴愛身行永息心善解脫
見者無厭大悲救護一切世間第一福田無
上受者哀愍利益一切眾生悉令增長無量
福德智慧之聚是為諸佛第十最勝無上大
慈大悲功德莊嚴是為十佛子諸佛世尊有
十種自在法何等為十所謂一切諸佛於一
切法悉得自在明達種種句身味身演說諸

法辯才無礙是為諸佛第一自在法一切諸佛教化衆生未曾失時隨其願樂為說正法咸令調伏無有斷絕是為諸佛第二自在法一切諸佛能令盡虛空界無量無數種種莊嚴一切世界六種震動令彼世界或舉或下或大或小或合或散未曾惱害於一衆生其中衆生不覺不知無疑無怪是為諸佛第三自在法一切諸佛以神通力悉能嚴淨一切世界於一念頃普現一切世界莊嚴此諸莊嚴經無數劫說不能盡悉皆離染清淨無比一切佛刹嚴淨之事皆令平等入一刹中是為諸佛第四自在法一切諸佛見一衆生應受化者為其住壽經不可說不可說劫乃至盡未來際結跏趺坐身心無倦專心憶念未曾廢忘方便調伏而不失時如為一衆生為一切衆生悉亦如是是為諸佛第五自在法一切諸佛悉能徧往一切世界一切如來所行之處而不暫捨一切法界十方各別一一方有無量世界海一一世界海有無量世界種種佛以神力一念咸到轉於無礙清淨法輪是為諸佛第六自在法一切諸佛為欲調伏一切衆生念念中成阿耨多羅三藐三菩提而於一切佛法非已現覺亦非當覺亦不住於有學之地而悉知見通達無礙無量智慧

無量自在教化調伏一切衆生是爲諸佛第七自在法一切諸佛能以眼處作耳處佛事能以耳處作鼻處佛事能以鼻處作舌處佛事能以舌處作身處佛事能以身處作意處佛事能以意處於一切世界中住世出世間種種境界一一境界中能作無量廣大佛事是爲諸佛第八自在法一切諸佛其身毛孔一一能容一切衆生一一衆生其身悉與不可說諸佛刹等無迫隘一一衆生步步能過無數世界如是展轉盡無數劫悉見諸佛出現於世教化衆生轉淨法輪開示過去未來現在不可說法盡虛空界一切衆生諸趣受身威儀往來及其所受種種樂具皆悉具足而於其中無所障礙是爲諸佛第九自在法一切諸佛於一念頃現一切世界微塵數佛一一佛皆於一切法界衆妙蓮華廣大莊嚴世界蓮華藏師子座上成正覺示現諸佛自在神力如於衆妙蓮華廣大莊嚴世界如是於一切法界中不可說不可說種種莊嚴種種境界種種形相種種示現種種劫數清淨世界如於一念如是於無量無邊阿僧祇劫一切念中一念一切現一念無量住而未曾用少方便力是爲諸佛第十自在法佛子諸佛世尊有十種無量不思議圓滿佛法

何等爲十所謂一切諸佛一一淨相皆具可
攝一切諸佛皆悉成就一切佛法一切諸佛
皆悉成就一切善根一切諸佛皆悉成就一
切功德一切諸佛皆能教化一切衆生一切
諸佛皆悉能爲衆生作主一切諸佛皆悉成
就清淨佛刹一切諸佛皆悉成就一切智智
一切諸佛皆悉成就色身相好見者獲益功
不唐捐一切諸佛皆具諸佛平等正法一切
諸佛作佛事已莫不示現入於涅槃是爲十
佛子諸佛世尊有十種善巧方便何等爲十
一切諸佛了知諸法皆離戲論而能開示諸
佛善根是爲第一善巧方便一切諸佛知一
切法悉無所見各不相知無縛無解無受無
集無成就自在究竟到於彼岸然於諸法眞
實而知不異不別而得自在無我無受不壞
實際已得至於大自在常能觀察一切法
界是爲第二善巧方便一切諸佛永離諸相
心無所住而能悉知不亂不錯雖知一切相
皆無自性而如其體性悉能善入而亦示現
無量色身及以一切清淨佛土種種莊嚴無
盡之相集智慧燈滅衆生惑是爲第三善巧
方便一切諸佛住於法界不住過去未來現
在如如性中無去來今三世相故而能演說
去來今世無量諸佛出現世間令其聞者誓

見一切諸佛境界是爲第四善巧方便一切諸佛身語意業無所造作無來無去亦無有住離諸數法到於一切諸法彼岸而爲衆法藏具無量智了達種種世出世法智慧無礙示現無量自在神力調伏一切法界衆生是爲第五善巧方便一切諸佛知一切法不見非一非異非量非無量非來非去皆無自性亦不違於世間諸法一切智者無自性中見一切法於法自在廣說諸法而常安住眞如實性是爲第六善巧方便一切諸佛於一時中知一切時具淨善根入於正位而無所著於其日月年劫成壞如是等時不住不捨而能示現若晝若夜初中後時一日七日半月一月一年百年一劫多劫不可思劫不可說劫乃至盡於未來際劫恒爲衆生轉妙法輪不斷不退無有休息是爲第七善巧方便一切諸佛恒住法界成就諸佛無量無畏及不可數辯不可量辯無盡辯無斷辯無邊辯不共辯無窮辯眞實辯方便開示一切句辯一切法辯隨其根性及以欲解以種種法門說不可說不可說百千億那由他修多羅初中後善皆悉究竟是爲第八善巧方便一切諸佛住淨法界知一切法本無名字無過去名無現在名無未來名無衆生名無非衆生

名無國土名無非國土名無法名無非法名
無功德名無非功德名無菩薩名無佛名無
數名無非數名無生名無滅名無有名無無
名無一名無種種名何以故諸法體性不可
說故一切諸法無方無處不可集說不可散
說不可一說不可多說音聲莫逮言語悉斷
雖隨世俗種種言說無所攀緣無所造作遠
離一切虛妄想著如是究竟到於彼岸是爲
第九善巧方便一切諸佛知一切法本性寂
靜無生故非色無戲論故非受無名數故非
想無造作故非行無執取故非識無入處故
非處無所得故非界然亦不壞一切諸法本
性無起如虛空故一切諸法皆悉空寂無業
果無修習無成就無出生非數非不數非有
非無非生非滅非垢非淨非入非出非住非
不住非調伏非不調伏非衆生非無衆生非
壽命非無壽命非因緣非無因緣而能了知
正定邪定及不定聚一切衆生爲說妙法令
到彼岸成就十力四無所畏能師子吼具一
切智住佛境界是爲第十善巧方便佛子是
爲諸佛成就十種善巧方便

寂寞

下慕各切

沮壞

上慈呂切

逮

上第代二音

映蔽

下公被切

譏謗

上居張切

曾廢

下方肺切

迫隘

下烏懈切

乙巳歲高麗國大歲都之奉

勅彫造

大方廣佛華嚴經卷第四十七

受

佛不思議法品第三十三之二

于闐國三藏實叉難陀奉

制譯

佛子諸佛卅尊有十種廣大佛事無量無邊
不可思議一切世間諸天及人皆不能知去
來現在所有一切聲聞獨覺亦不能知唯除
如來威神之力何等爲十所謂一切諸佛於
盡虛空徧法界一切世界兜率陀天皆現受
生修菩薩行作大佛事無量色相無量威德
無量光明無量音聲無量言辭無量三昧無
量智慧所行境界攝取一切人天魔梵沙門
婆羅門阿脩羅等大慈無礙大悲究竟平等
饒益一切衆生或令生天或令生人或淨其
根或調其心或時爲說差別三乘或時爲說
圓滿一乘普皆濟度令出生死是爲第一廣
大佛事佛子一切諸佛從兜率天降神母胎
以究竟三昧觀受生法如幻如化如影如空
如熱時燄隨樂而受無量無礙入無諍法起
無著智離欲清淨成就廣大妙莊嚴藏受最
後身住大寶莊嚴樓閣而作佛事或以神力
而作佛事或以正念而作佛事或現神通而
作佛事或現智日而作佛事或現諸佛廣大
境界而作佛事或現諸佛無量光明而作佛
事或入無數廣大三昧而作佛事或現從彼

諸三昧起而作佛事佛子如來爾時在母胎中爲欲利益一切世間種種示現而作佛事所謂或現初生或現童子或現在宮或現出家或復示現成等正覺或復示現轉妙法輪一切方一切網一切旋一切種一切世界中而作佛事是爲第二廣大佛事佛子一切諸佛一切善業皆已清淨一切生智皆已明潔而以生法誘導羣迷令其開悟具行衆善爲衆生故示誕王宮一切諸佛於諸色欲宮殿妓樂皆已捨離無所貪染常觀諸有空無體性一切樂具悉不真實持佛淨戒究竟圓滿觀諸內宮妻妾侍從生大悲愍觀諸衆生虛妄不實起大慈心觀諸世間無一可樂而生大喜於一切法心得自在而起大捨具佛功德現生法界身相圓滿眷屬清淨而於一切皆無所著以隨類音爲衆演說令於世法深生厭離如其所行示所得果復以方便隨應教化未成熟者令其成熟已成熟者令得解脫爲作佛事令不退轉復以廣大慈悲之心恒爲衆生說種種法又爲示現三種自在令其開悟心得清淨雖處內宮衆所咸覩而於一切諸世界中施作佛事以大智慧以大精進示現種種諸佛神通無礙無盡恒住三種

乃方便業所謂身業究竟清淨語業常隨智
慧而行意業甚深無有障礙以是方便利益
衆生是爲第三廣大佛事佛子一切諸佛示
現種種莊嚴宮殿觀察厭離捨而出家欲使
衆生了知世法皆是妄想無常敗壞深起厭
離不生染著永斷世間貪愛煩惱修清淨行
利益衆生當出家時捨俗威儀住無諍法滿
足本願無量功德以大智光滅世癡闇爲諸
世間無上福田常爲衆生讚佛功德令於佛
所植諸善本以智慧眼見真實義復爲衆生
讚說出家清淨無過永得出離長爲世間智
慧高幢是爲第四廣大佛事佛子一切諸佛
具一切智於無量法悉已知見菩提樹下成
最正覺降伏衆魔威德特尊其身充滿一切
世界神力所作無邊無盡於一切智所行之
義皆得自在修諸功德悉已圓滿其菩提座
具足莊嚴周徧十方一切世界佛處其上轉
妙法輪說諸菩薩所有行願開示無量諸佛
境界令諸菩薩皆得悟入修行種種清淨妙
行復能示導一切衆生令種善根生於如來
平等地中住諸善誓無邊妙行成就一切功
德勝法一切世界一切衆生一切佛刹一切
諸法一切菩薩一切教化一切三世一切調
伏一切神變一切衆生心之樂欲悉善了知

而作佛事是爲第五廣大佛事佛子一切諸
佛轉不退法輪令諸菩薩不退轉故轉無量
法輪令一切世間咸了知故轉開悟一切法
法輪能大無畏師子吼故轉一切法智藏法輪
開法藏門除闇障故轉無礙法輪等虛空故
轉無著法輪觀一切法非有無故轉照世法
輪令一切衆生淨法眼故轉開示一切智法
輪悉徧一切三世法故轉一切佛同一法輪
一切佛法不相違故一切諸佛以如是等無
量無數百千萬億那由他法輪隨諸衆生心行
差別而作佛事不可思議是爲第六廣大佛
事佛子一切諸佛入於一切王都城邑爲諸
衆生而作佛事所謂人王都邑天王都邑龍
王夜叉王乾闥婆王阿脩羅王迦樓羅三緊
等三一切都邑入城門時大地震動光明普
照盲者得眼聾者得耳狂者得心禪者得衣
諸憂苦者悉得安樂一切樂器不鼓自鳴諸
莊嚴具若著不著咸出妙音衆生聞者無不
欣樂一切諸佛色身清淨相好具足見者無
厭能爲衆生作於佛事所謂若顧視若觀察
若動轉若屈伸若行若住若坐若卧若默若
語若現神通若爲說法若有教敕如是一切
皆爲衆生而作佛事一切諸佛普於一切無

數世界種種衆生心樂海中勸令念佛常勤
觀察種種善根修菩薩行歎佛色相微妙第
一一一切衆生難可值遇若有得見而興信心
則生一切無量善法集佛功德普皆清淨如
是稱讚佛功德已分身普往十方世界令諸
衆生悉得瞻奉思惟觀察承事供養種種善
根得佛歡喜增長佛種悉當成佛以如是行
而作佛事或爲衆生示現色身或出妙音或
但微笑令其信樂頭頂禮敬曲躬合掌稱揚
讚歎問訊起居而作佛事一切諸佛以如是
等無量無數不可言說不可思議種種佛事
於一切世界中隨諸衆生心之所樂以本願
力大慈悲力一切智力方便教化悉令調伏
是爲第七廣大佛事佛子一切諸佛或住阿
蘭若處而作佛事或住寂靜處而作佛事或
住空閑處而作佛事或住佛住處而作佛事
或住三昧而作佛事或獨處園林而作佛事
或隱身不現而作佛事或住甚深智而作佛
事或住諸佛無比境界而作佛事或住不可
見種種身行隨諸衆生心樂欲解方便教化
無有休息而作佛事或以天身求一切智而
作佛事或以龍身夜叉身乾闥婆身阿脩羅
身迦樓羅身緊那羅身摩睺羅伽人非人等
身求一切智而作佛事或以聲聞身獨覺身

菩薩身求一切智而作佛事或時說法或時
寂默而作佛事或說一佛或說多佛而作佛
事或說諸菩薩一切行一切願爲一行願而
作佛事或說諸菩薩一行一願爲無量行願
而作佛事或說佛境界即世間境界而作佛
事或說世間境界即佛境界而作佛事或說
佛境界即非境界而作佛事或住一日或住
一夜或住半月或住一月或住一年乃至住
不可說劫爲諸衆生而作佛事是爲第八廣
大佛事佛子一切諸佛是生清淨善根之藏
令諸衆生於佛法中生淨信解諸根調伏永
離世間令諸菩薩於菩提道具智慧明不由
他悟或現涅槃而作佛事或現世間皆悉無
常而作佛事或說佛身而作佛事或說所作
皆悉已辦而作佛事或說功德圓滿無缺而
作佛事或說永斷諸有根本而作佛事或令
衆生厭離世間隨順佛心而作佛事或說壽
命終歸於盡而作佛事或說世間無一可樂
而作佛事或爲宣說盡未來際供養諸佛而
作佛事或說諸佛轉淨法輪令其得聞生大
歡喜而作佛事或爲宣說諸佛境界令其發
心而修諸行而作佛事或爲宣說念佛三昧
令其發心常樂見佛而作佛事或爲宣說諸
根清淨勤求佛道心無懈怠而作佛事或詣

一切諸佛國土觀諸境界種種因緣而作佛事或攝一切諸衆生身皆爲佛身令諸懈怠放逸衆生悉住如來清淨禁戒而作佛事是爲第九廣大佛事佛子一切諸佛入涅槃時無量衆生悲號涕泣生大憂惱遽相瞻顧而作是言如來世尊有大慈悲哀愍饒益一切世間與諸衆生爲救爲歸如來出現難可值遇無上福田於今永滅即以如是令諸衆生悲號戀慕而作佛事復爲化度一切天人龍神夜叉乾闥婆阿脩羅迦樓羅緊那羅摩睺羅伽人非人等故隨其樂欲自碎其身以爲舍利無量無數不可思議令諸衆生起淨信心恭敬尊重歡喜供養修諸功德具足圓滿復起於塔種種嚴飾於諸天宮龍宮夜叉宮乾闥婆阿脩羅迦樓羅緊那羅摩睺羅伽人非人等諸宮殿中以爲供養牙齒爪髮咸以起塔令其見者皆悉念佛念法念僧信樂不回誠敬尊重在在處處布施供養修諸功德以是福故或生天上或處人間種族尊榮財產備足所有眷屬悉皆清淨不入惡趣常生善道恒得見佛見衆白法於三有中速得出離各隨所願獲自衆果於如來所知恩報恩永與世間作所歸依佛子諸佛世尊雖般涅槃仍與衆生作不思議清淨福田無盡功德

最上福田令諸衆生善根具足福德圓滿是
爲第十廣大佛事佛子此諸佛事無量廣大
不可思議一切世間諸天及人及去來今聲
聞獨覺皆不能知唯除如來威神所加佛子
諸佛世尊有十種無二行自在法何等爲十
所謂一切諸佛悉能善說授記言辭決定無
二一切諸佛悉能隨順衆生心念令其意滿
決定無二一切諸佛悉能現覺一切諸法演
說其義決定無二一切諸佛悉能具足去來
今世諸佛智慧決定無二一切諸佛悉知三
世一切剎那即一剎那決定無二一切諸佛
悉知三世一切佛剎入一佛剎決定無一一
切諸佛悉知三世一切佛語即一佛語決定
無二一切諸佛悉知三世一切諸佛與其所
化一切衆生體性平等決定無二一切諸佛
悉知世法及諸佛法性無差別決定無二一
切諸佛悉知三世一切諸佛所有善根同一
善根決定無二是爲十佛子諸佛世尊有十
種住住一切法何等爲十所謂一切諸佛住
覺悟一切法界一切諸佛住大悲語一切諸
佛住本大願一切諸佛住不捨調伏衆生一
切諸佛住無自性法一切諸佛住平等利益
一切諸佛住無忘失法一切諸佛住無障礙
心一切諸佛住恒正定心一切諸佛住等入

一切法不違實際相是爲十佛子諸佛世尊
有十種知一切法盡無有餘何等爲十所謂
知過去一切法盡無有餘知未來一切法盡
無有餘知現在一切法盡無有餘知一切言
語法盡無有餘知一切世間道盡無有餘知
一切衆生心盡無有餘知一切菩薩善根上
中下種種分位盡無有餘知一切佛圓滿智
及諸善根不增不減盡無有餘知一切法皆
從緣起盡無有餘知一切世界種盡無有餘
知一切法界中如因陀羅網諸差別事盡無
有餘是爲十

佛子諸佛世尊有十種廣大力量最上力無量
力大威德力難獲力不退力堅固力不可壞
力一切世間不思議力一切衆生無能動力
大那羅延幢勇健法何者爲十所謂一切諸
佛身不可壞命不可斷世間毒藥所不能中
一切世界水火風裁皆於佛身不能爲害一
切諸魔天龍夜叉乾闥婆阿脩羅迦樓羅緊
那羅摩睺羅伽人非人毗舍闍羅刹等盡其
勢力兩大金剛如須彌山及鐵圍山徧於三
十大千世界一時俱下不能令佛心有驚怖
乃至一毛亦不搖動行住坐卧初無變易佛
所住處四方遠近不令其下則不能雨假使
不制而從雨之終不爲損若有衆生爲佛所

持及佛所使尚不可害况如來身是爲諸佛
第一大那羅延幢勇健法佛子一切諸佛以
一切法界諸世界中須彌山王及鐵圍山大
鐵圍山大海山林宮殿屋宅置一毛孔盡未
來劫而諸衆生不覺不知唯除如來神力所
被佛子爾時諸佛於一毛孔持於爾所一切
世界盡未來劫或行或住或坐或卧不生一
念勞倦之心佛子譬如虛空普持一切徧法
界中所有世界而無勞倦一切諸佛於一毛
孔持諸世界亦復如是是爲諸佛第二大那
羅延幢勇健法佛子一切諸佛能於一念起
不可說不可說世界微塵數步一一步過不
可說不可說佛刹微塵數國土如是而行經
一切世界微塵數劫佛子假使有一大金剛
山與上所經一切佛刹其量正等如是量等
大金剛山有不可說不可說佛刹微塵數諸
佛能以如是諸山置一毛孔佛身毛孔與法
界中一切衆生毛孔數等一一毛孔悉置爾
許大金剛山持爾許山遊行十方入盡虛空
一切世界從於前際盡未來際一切諸劫無
有休息佛身無損亦不勞倦心常在定無有
散亂是爲諸佛第三大那羅延幢勇健法佛
子一切諸佛一坐食已結跏趺坐經前後際
不可說劫入佛所受不思議樂其身安住寂

然不動亦不廢捨化眾生事佛子假使有人
於徧虛空一一世界悉以毛端次第度量諸
佛能於一毛端處結跏趺坐盡未來劫如一
毛端處一切毛端處悉亦如是佛子假使十
方一切世界所有眾生一一眾生其身大小
悉與不可說佛刹微塵數世界量等輕重亦
爾諸佛能以爾所眾生置一指端盡於後際
所有諸劫一切指端皆亦如是盡持爾許一
切眾生入徧虛空一一世界盡於法界悉使
無餘而佛身心曾無勞倦是爲諸佛第四大
那羅延幢勇健法佛子一切諸佛能於一身
化現不可說不可說佛刹微塵數頭一一頭
化現不可說不可說佛刹微塵數舌一一舌
化現不可說不可說佛刹微塵數差別音聲
法界眾生靡不皆聞一一音聲演不可說不
可說佛刹微塵數脩多羅藏一一脩多羅藏
演不可說不可說佛刹微塵數法一一法有
不可說不可說佛刹微塵數文字句義如是
演說盡不可說不可說佛刹微塵數劫盡是
劫已復更演說盡不可說不可說佛刹微塵
數劫如是次第乃至盡於一切世界微塵數
盡一切眾生心念數未來際劫猶可窮盡如
來化身所轉法輪無有窮盡所謂智慧演說
法輪斷諸疑惑法輪照一切法法輪開無礙

藏法輪今無量衆生歡喜調伏法輪開示一切諸菩薩行法輪高昇圓滿大智慧日法輪普然照世智慧明燈法輪辯才無畏種種莊嚴法輪如一佛身以神通力轉如是等差別法輪一切世法無能爲喻如是盡虛空界一毛端分量之處有不可說不可說佛刹微塵數世界一一世界中念念現不可說不可說佛刹微塵數化身一一化身皆亦如是所說音聲文字句義一一充滿一切法界其中衆生皆得解了而佛言音無變無斷無有窮盡是爲諸佛第五大那羅延幢勇健法佛子一切諸佛皆以德相莊嚴胷臆猶若金剛不可損壞菩提樹下結跏趺坐魔王軍衆其數無邊種種異形甚可怖畏衆生見者靡不驚怖悉發狂亂或時致死如是魔衆徧滿虛空如來見之心無恐怖容色不變一毛不豎不動不亂無所分別離諸喜怒寂然清淨住佛所住具慈悲力諸根調伏心無所畏非諸魔衆所能傾動而能摧伏一切魔軍皆使迴心誓首歸依然後復以三輪教化令其悉發阿耨多羅三藐三菩提意永不退轉是爲諸佛第六大那羅延幢勇健法佛子一切諸佛有無礙音其音普徧十方世界衆生聞者自然調伏彼諸如來所出音聲須彌盧等一切諸

山不能為障天宮龍宮夜叉宮乾闥婆阿脩羅迦樓羅緊那羅摩睺羅伽人非人等一切諸宮所不能障一切世界高大音聲亦不能障隨所應化一切衆生靡不皆聞文字句義悉得解了是為諸佛第七大那羅延幢勇健法佛子一切諸佛心無障礙於百十億那由他不可說不可說劫恒善清淨去來現在一切諸佛同一體性無濁無翳無我無我所非內非外了境空寂不生妄想無所依無所作不住諸相永斷分別本性清淨捨離一切攀緣憶念於一切法常無違諍住於實際離欲清淨入真法界演說無盡離量非量所有妄想絕為無為一切言說於不可說無邊境界悉已通達無礙無盡智慧方便成就十力一切功德莊嚴清淨演說種種無量諸法皆與實相不相違背於諸法界三世諸法悉等無異究竟自在入一切法最勝之藏一切法門正念不惑安住十方一切佛刹而無動轉得不斷智知一切法究竟無餘盡諸有漏心善解脫慧善解脫住於實際通達無礙心常正定於三世法及以一切衆生心行一念了達皆無障礙是為諸佛第八大那羅延幢勇健法佛子一切諸佛同一法身境界無量身功德無邊身世間無盡身三界不染身隨念示

現身非實非虛平等清淨身無來無去無爲
不壞身一相無相法自性身無處無方徧一
切身神變自在無邊色相身種種示現普入
一切身妙法方便身智藏普照身示法平等
身普徧法界身無動無分別非有非無常清
淨身非方便非不方便非滅非不滅隨所應
化一切衆生種種信解而示現身從一切功
德實所生身具一切諸佛法真如身本性寂
靜無障礙身成就一切無礙法身徧住一切
清淨法界身分形普徧一切世間身無攀緣
無退轉永解脫具一切智普了達身是爲諸
佛第九大那羅延幢勇健法佛子一切諸佛
等悟一切諸如來法等修一切諸菩薩行若
願若智清淨平等猶如大海悉得滿足行力
尊勝未曾退怯住諸三昧無量境界示一切
道勸善誡惡智力第一演法無畏隨有所問
悉能善答智慧說法平等清淨身語意行悉
皆無雜住佛所住諸佛種性以佛智慧而作
佛事住一切智演無量法無有根本無有邊
際神通智慧不可思議一切世間無能解了
智慧深入見一切法微妙廣大無量無邊三
世法門咸善通達一切世界悉能開曉以出
世智於諸世間作不可說種種佛事成不退
智入諸佛數雖已證得不可言說離文字法

而能開示種種言辭以善賢智集諸善行成就一念相應妙慧於一切法悉能覺了如先所念一切衆生皆依自乘而施其法一切諸法一切世界一切衆生一切三世於法界內如是境界其量無邊以無礙智悉能知見佛子一切諸佛於一念頃隨所應化出興於世住清淨土成等正覺現神通力開悟三世一切衆生心意及識不失於時佛子衆生無邊世界無邊法界無邊三世無邊諸佛最勝亦無有邊悉現於中成等正覺以佛智慧方便開悟無有休息佛子一切諸佛以神通力現最妙身住無邊處大悲方便心無障礙於一切時常爲衆生廣說妙法是爲諸佛第十大那羅延幢勇健法佛子此一切諸佛大那羅延幢勇健法無量無邊不可思議去來現在一切衆生及以一乘不能解了唯除如來神力所加佛子諸佛出尊有十種決定法何等爲十所謂一切諸佛定從兜率壽盡下生一切諸佛定示受生處胎十月一切諸佛定厭世俗樂求出家一切諸佛決定坐於菩提樹下成等正覺悟諸佛法一切諸佛定於一念悟一切法一切世界示現神力一切諸佛定能應時轉妙法輪一切諸佛定能隨彼所種善根應時說法而爲授記一切諸佛定能應

時爲作佛事一切諸佛定能爲諸成就菩薩
而授記別一切諸佛定能一念普答一切衆
生所問是爲十佛子諸佛世尊有十種速疾
法何等爲十所謂一切諸佛若有見者速得
遠離一切惡趣一切諸佛若有見者速得圓
滿殊勝功德一切諸佛若有見者速能成就
廣大善根一切諸佛若有見者速得往生淨
妙天上一切諸佛若有見者速能除斷一切
疑惑一切諸佛若已發菩提心而得見者速
得成就廣大信解永不退轉能隨所應教化
衆生若未發心即能速發阿耨多羅三藐三
菩提心一切諸佛若未入正位而得見者速
入正位一切諸佛若有見者速能清淨世出
世間一切諸根一切諸佛若有見者速得除
滅一切障礙一切諸佛若有見者速能獲得
無畏辯才是爲十佛子諸佛世尊有十種應
常憶念清淨法何等爲十所謂一切諸佛過
去因緣一切菩薩應常憶念一切諸佛清淨
勝行一切菩薩應常憶念一切諸佛滿足諸
度一切菩薩應常憶念一切諸佛成就大願
一切菩薩應常憶念一切諸佛積集善根一
切菩薩應常憶念一切諸佛已具梵行一切
菩薩應常憶念一切諸佛現成正覺一切菩
薩應常憶念一切諸佛色身無量一切菩薩

應常憶念一切諸佛神通無量一切菩薩應
 常憶念一切諸佛十力無畏一切菩薩應常
 憶念是為十佛子諸佛世尊有十種一切智
 住何等為十所謂一切諸佛於一念中悉知
 二世一切眾生心心所行一切諸佛於一念
 中悉知三世一切眾生所集諸業及業果報
 一切諸佛於一念中悉知一切眾生所宜以
 三種輪教化調伏一切諸佛於一念中盡知
 法界一切眾生所有心相於一切處普現佛
 與令其得見方便攝受一切諸佛於一念中
 普隨法界一切眾生心樂欲解示現說法令
 其調伏一切諸佛於一念中悉知法界一切
 眾生心之所樂為現神力一切諸佛於一念
 中徧一切處隨所應化一切眾生示現出興
 為說佛身不可取著一切諸佛於一念中普
 至法界一切處一切眾生徧徧諸道一切諸
 佛於一念中隨諸眾生有憶念者在在處處
 無不往應一切諸佛於一念中悉知一切眾
 生解欲為其示現無量色相是為十佛子諸
 佛世尊有十種無量不可思議佛三昧何等
 為十所謂一切諸佛恒在正定於一念中徧
 一切處普為眾生廣說妙法一切諸佛恒在
 正定於一念中徧一切處普為眾生說無我
 際一切諸佛恒住正定於一念中徧一切處

普入三世一切諸佛恒在正定於一念中徧一切處普入十方廣大佛刹一切諸佛恒在正定於一念中徧一切處普現無量種種佛身一切諸佛恒在正定於一念中徧一切處隨諸衆生種種心解現身語意一切諸佛恒在正定於一念中徧一切處說一切法離欲實際一切諸佛恒住正定於一念中徧一切處演說一切緣起自性一切諸佛恒住正定於一念中徧一切處示現無量世出世間廣大莊嚴令諸衆生常得見佛一切諸佛恒住正定於一念中徧一切處令諸衆生悉得通達一切佛法無量解脫究竟到於無上彼岸是爲十佛子諸佛世尊有十種無礙解脫何等爲十所謂一切諸佛能於一塵現不可說現不可說諸佛出興於世一切諸佛能於一塵現不可說諸佛轉淨法輪一切諸佛能於一塵現不可說衆生受化調伏一切諸佛能於一塵現不可說諸佛國土一切諸佛能於一塵現不可說菩薩授記一切諸佛能於一塵現去來今一切諸佛一切諸佛能於一塵現去來今諸世界徧一切諸佛能於一塵現去來今一切神通一切諸佛能於一塵現去來今一切衆生一切諸佛能於一塵現去來今一切佛事是

爲十

大方廣佛華嚴經卷第四十七

明潔

下結音

示誕

下但音

聾者

上盧經切

裸者

上郎果切

阿蘭

下落干切

悲號

下豪音

涕泣

上他計切
下去急切

遞相

上第音

不回

下五成切

驚懾

下之步切

無翳

下於計切

乙巳歲高麗國大藏都監奉

勅彫造

大方廣佛華嚴經卷第四十八

愛

于闐國三藏實叉難陀奉

制譯

如來十身相海品第三十四

爾時普賢菩薩摩訶薩告諸菩薩言佛子今當為汝演說如來所有相海佛子如來頂上有三十二寶莊嚴大人相其中有大人相名光照一切方普放無量大光明網一切妙寶以為莊嚴寶鬘周徧柔輭密緻一一咸放摩尼寶光充滿一切無邊世界悉現佛身色相圓滿是為一次有大人相名佛眼光明雲以摩尼王種種莊嚴出金色光如眉間毫相所放光明其光普照一切世界是為二次有大人相名充滿法界雲上妙寶輪以為莊嚴放於如來福智燈明普照十方一切法界諸世界海於中普現一切諸佛及諸菩薩是為三次有大人相名示現普照雲真金摩尼種種莊嚴其諸妙寶咸放光明照不思議諸佛國土一切諸佛於中出現是為四次有大人相名放寶光明雲摩尼寶王清淨莊嚴毗瑠璃寶以為華鬘光照十方一切法界於中普現種種神變讚歎如來往昔所行智慧功德是為五次有大人相名示現如來徧法界大自在雲菩薩神變寶焰摩尼以為其冠具如來力覺悟一切寶焰光輪以為其鬘其光普照

十方世界於中示現一切如來坐於道場一切智雲充滿虛空無量法界是爲六次有大人相名如來普燈雲以能震動法界國土大自在寶海而爲莊嚴放淨光明充滿法界於中普現十方諸菩薩功德海過現未來佛智慧幢海是爲七次有大人相名普照諸佛廣大雲因陀羅寶如意王寶摩尼王寶以爲莊嚴常放菩薩燄燈光明普照十方一切世界於中顯現一切諸佛衆色相海大音聲海清淨力海是爲八次有大人相名圓滿光明雲上妙瑠璃摩尼王種種寶華以爲莊嚴一切衆寶舒大燄網充滿十方一切世界一切衆生悉見如來現坐其前讚歎諸佛及諸菩薩法身功德令入如來清淨境界是爲九次有大人相名普照一切菩薩行藏光明雲衆寶妙華以爲莊嚴寶光普照無量世界寶燄普覆一切國土十方法界通達無礙震動佛音宣暢法海是爲十次有大人相名普光照耀雲毗瑠璃因陀羅金剛摩尼寶以爲莊嚴瑠璃寶光色相明徹普照一切諸世界海出妙音聲充滿法界如是皆從諸佛智慧大功德海之所化現是爲十一次有大人相名正覺雲以雜寶華而爲莊嚴其諸寶華悉放光明皆有如來坐於道場充滿一切無邊世界令

諸世界普得清淨永斷一切妄想分別是爲
十二次有大人相名光明照曜雲以寶焰藏
海心王摩尼而爲莊嚴放大光明光中顯現
無量菩薩及諸菩薩所行之行一切如來智
身法身諸色相海充滿法界是爲十三次有
大人相名莊嚴普照雲以金剛華毗瑠璃寶
而爲莊嚴放大光明光中有大寶蓮華座具
足莊嚴彌覆法界自然演說四菩薩行其音
普徧諸法界海是爲十四次有大人相名現
佛三昧海行雲於一念中示現如來無量莊
嚴普徧莊嚴一切法界不思議世界海是爲
十五次有大人相名變化海普照雲妙寶蓮
華如須彌山以爲莊嚴衆寶光明從佛願生
現諸變化無有窮盡是爲十六次有大人相
名一切如來解脫雲清淨妙寶以爲莊嚴放
大光明莊嚴一切佛師子座示現一切諸佛
色像及無量佛法諸佛刹海是爲十七次有
大人相名自在方便普照雲毗瑠璃華真金
蓮華摩尼王燈妙法焰雲以爲莊嚴放一切
諸佛寶焰密雲清淨光明充滿法界於中普
現一切妙好莊嚴之具是爲十八次有大人
相名覺佛種性雲無量寶光以爲莊嚴具足
十輪內外清淨從於往昔善根所生其光徧
照十方世界發明智日宣布法海是爲十九

次有大人相名現一切如來相自在雲衆寶
瓔珞瑠璃寶華以爲莊嚴舒大寶焰充滿法
界於中普現等一切佛刹微塵數去來現在
無量諸佛如師子王勇猛無畏色相智慧皆
悉具足是爲二十次有大人相名徧照一切
法界雲如來寶相清淨莊嚴放大光明普照
法界顯現一切無量無邊諸佛菩薩智慧妙
藏是爲二十一次有大人相名毗盧遮那如
來相雲上妙寶華及毗瑠璃清淨妙月以爲
莊嚴悉放無量百千萬億摩尼寶光充滿一
切虛空法界於中示現無量佛刹皆有如來
結跏趺坐是爲二十二次有大人相名普照
一切佛光明雲衆寶妙燈以爲莊嚴放淨光
明徧照十方一切世界悉現諸佛轉於法輪
是爲二十三次有大人相名普現一切莊嚴
雲種種寶焰以爲莊嚴放淨光明充滿法界
念念常現不可說不可說一切諸佛與諸菩
薩坐於道場是爲二十四次有大人相名出
一切法界音聲雲摩尼寶海上妙栴檀以爲
莊嚴舒大燄網充滿法界其中普演微妙音
聲示諸衆生一切業海是爲二十五次有大
人相名普照諸佛變化輪雲如來淨眼以爲
莊嚴光照十方一切世界於中普現去來今
佛所有一切莊嚴之具復出妙音演不思議

廣大法海是爲二十六次有大人相名光照
佛海雲其光普照一切世界盡于法界無所
障礙悉有如來結跏趺坐是爲二十七次有
大人相名寶燈雲放於如來廣大光明普照
十方一切法界於中普現一切諸佛及諸菩
薩不可思議諸衆生海是爲二十八次有大
人相名法界無差別雲放於如來大智光明
普照十方諸佛國土一切菩薩道場衆會無
量法海於中普現種種神通復出妙音隨諸
衆生心之所樂演說普賢菩薩行願令其迴
向是爲二十九次有大人相名安住一切世
界海普照雲放寶光明充滿一切虛空法界
於中普現淨妙道場及佛菩薩莊嚴身相令
其見者得無所見是爲三十次有大人相名
一切寶清淨光燄雲放於無量諸佛菩薩摩
尼妙寶清淨光明普照十方一切法界於中
普現諸菩薩海莫不具足如來神力常遊十
方盡虛空界一切剎網是爲三十一次有大
人相名普照一切法界莊嚴雲最處於中漸
次隆起閻浮檀金因陀羅網以爲莊嚴放淨
光雲充滿法界念念常現一切世界諸佛菩
薩道場衆會是爲三十二佛子如來頂上有
如是三十二種大人相以爲嚴好佛子如來
眉間有大人相名徧法界光明雲摩尼寶莊

以爲莊嚴放大光明具衆寶色猶如日月洞
徹清淨其光普照十方國土於中顯現一切
佛身復出妙音宣暢法海是爲三十三如來
眼有大人相名自在普見雲以衆妙寶而爲
莊嚴摩尼寶光清淨映徹普見一切皆無障
礙是爲三十四如來鼻有大人相名一切神
通智慧雲清淨妙寶以爲莊嚴衆寶色光彌
覆其上於中出現無量化佛坐寶蓮華往諸
世界爲一切菩薩一切衆生演不思議諸佛
法海是爲三十五如來舌有大人相名示現
音聲影像雲衆色妙寶以爲莊嚴宿世善報
之所成就其舌廣長徧覆一切諸世界海如
來若或熙怡微笑必放一切摩尼寶光其光
普照十方世界能令一切心得清涼去來現
在所有諸佛皆於光中炳然顯現悉演廣大
微妙之音徧一切刹住無量劫是爲三十六
如來舌復有大人相名法界雲其掌安平衆
寶爲嚴放妙寶光色相圓滿猶如眉間所放
光明其光普照一切佛刹唯塵所成無有自
性光中復現無量諸佛咸發妙音說一切法
是爲三十七如來舌端有大人相名照法界
光明雲如意寶王以爲莊嚴自然恒出金色
寶璫於中影現一切佛海復震妙音充滿一
切無邊世界一一音中具一切音悉演妙法

聽者心悅經無量劫玩味不忘是爲三十八
如來舌端復有大人相名照耀法界雲摩尼
寶王以爲嚴飾演衆色相微妙光明充滿十
方無量國土盡于法界靡不清淨於中悉有
無量諸佛及諸菩薩各吐妙音種種開示一
切菩薩現前聽受是爲三十九如來口上嚔
有大人相名示現不思議法界雲因陀羅寶
毗瑠璃寶以爲莊嚴放香燈燄清淨光雲充
滿十方一切法界示現種種神通方便普於
一切諸世界海開演甚深不思議法是爲四
十如來口右輔下牙有大人相名佛牙雲衆
寶摩尼卽字相輪以爲莊嚴放大光明普照
法界於中普現一切佛身周流十方開悟羣
生是爲四十一如來口右輔上牙有大人相
名寶燄彌盧藏雲摩尼寶藏以爲莊嚴放金
剛香燄清淨光明一一光明充滿法界示現
一切諸佛神力復現一切十方世界淨妙道
場是爲四十二如來口左輔下牙有大人相
名寶燈普照雲一切妙寶舒華發香以爲莊
嚴放燈燄雲清淨光明充滿一切諸世界海
於中顯現一切諸佛坐蓮華藏師子之座諸
菩薩衆所共圍遶是爲四十三如來口左輔
上牙有大人相名照現如來雲清淨光明閻
浮提金寶網寶華以爲莊嚴放大燄輪充滿

法界於中普現一切諸佛以神通力於虛空中流布法乳法燈法寶教化一切諸菩薩眾。是為四十四如來齒有大人相名普現光明雲一一齒間相海莊嚴若微笑時悉放光明。具眾寶色摩尼寶藏右旋宛轉流布法界靡不充滿。演佛言音說普賢行是為四十五如來脣有大人相名影現一切寶光雲放閻浮檀真金色蓮華色一切寶色廣大光明照于法界。悉令清淨是為四十六如來頸有大人相名普照一切世界雲摩尼寶王以為莊嚴。紺繡成就柔軟細滑放毗盧遮那清淨光明。充滿十方一切世界於中普現一切諸佛。是為四十七如來右肩有大人相名佛廣大一切寶雲放一切寶色真金色蓮華色光明成寶藏網普照法界於中普現一切菩薩是為四十八如來右肩復有大人相名最勝寶普照雲其色清淨如閻浮金放摩尼光充滿法界於中普現一切菩薩是為四十九如來左肩有大人相名最勝光照法界雲猶如頂上。及以眉間種種莊嚴放閻浮檀金及蓮華色眾寶光明成大藏網充滿法界於中示現一切神力是為五十如來左肩復有大人相名光明徧照雲其相右旋閻浮檀金色摩尼寶王以為莊嚴放眾寶華香藏光明充徧法界。

於中普現一切諸佛及以一切嚴淨國土是
為五十一如來左肩復有大人相名普照耀
雲其相右旋微密莊嚴放佛燈燄雲清淨光
明充徧法界於中顯現一切菩薩種種莊嚴
悉皆妙好是為五十二如來胃臆有大人相
形如卍字名吉祥海雲摩尼寶華以為莊嚴
放一切寶色種種光燄輪充滿法界普令清
淨復出妙音宣暢法海是為五十三吉祥相
右邊有大人相名示現光照雲因陀羅網以
為莊嚴放大光輪充滿法界於中普現無量
諸佛是為五十四吉祥相右邊復有大人相
名普現如來雲以諸菩薩摩尼寶冠而為莊
嚴放大光明普照十方一切世界悉令清淨
於中示現去來今佛坐於道場普現神力廣
宣法海是為五十五吉祥相右邊復有大人
相名開敷華雲摩尼寶華以為莊嚴放寶香
燄燈清淨光明狀如蓮華充滿世界是為五
十六吉祥相右邊復有大人相名可悅樂金
色雲以一切寶心王藏摩尼王而為莊嚴放
淨光明照于法界於中普現猶如佛眼廣大
光明摩尼寶藏是為五十七吉祥相右邊復
有大人相名佛海雲毗瑠璃寶香燈華鬘以
為莊嚴放滿虛空摩尼寶王香燈大燄清淨
光明充徧十方一切國土於中普現道場衆

會是爲五十八吉祥相左邊有大人相名示
現光明雲無數菩薩坐寶蓮華以爲莊嚴放
摩尼三種種間錯寶焰光明普淨一切諸法
界海於中示現無量諸佛及佛妙音演說諸
法是爲五十九吉祥相左邊復有大人相名
示現徧法界光明雲摩尼寶海以爲莊嚴放
大光明徧一切刹於中普現諸菩薩衆是爲
六十吉祥相左邊復有大人相名普勝雲日
光明摩尼王寶輪鬘而爲莊嚴放大光焰充
滿法界諸世界海於中示現一切世界一切
如來一切衆生是爲六十一吉祥相左邊復
有大人相名轉法輪妙音雲一切法燈清淨
香鬘以爲莊嚴放大光明充滿法界於中普
現一切諸佛所有相海及以心海是爲六十
二吉祥相左邊復有大人相名莊嚴雲以去
來今一切佛海而爲莊嚴放淨光明嚴淨一
切諸佛國土於中普現十方一切諸佛菩薩
及佛菩薩所行之行是爲六十三如來右手
有大人相名海照雲衆寶莊嚴恒放月焰清
淨光明充滿虛空一切世界發大音聲歎美
一切諸菩薩行是爲六十四如來右手復有
大人相名影現照耀雲以毗瑠璃帝青摩尼
寶華而爲莊嚴放大光明普照十方菩薩所
住蓮華藏摩尼藏等一切世界於中悉現無

量諸佛以淨法身坐菩提樹震動一切十方
國土是爲六十五如來右手復有大人相名
燈燄鬘普嚴淨雲毗盧遮那寶以爲莊嚴放
大光明成變化網於中普現諸菩薩衆咸戴
寶冠演諸行海是爲六十六如來右手復有
大人相名普現一切摩尼雲蓮華燄燈而爲
莊嚴放海藏光充徧法界於中普現無量諸
佛坐蓮華座是爲六十七如來右手復有大
人相名光明雲摩尼燄海以爲莊嚴放衆寶
燄香燄華燄清淨光明充滿一切諸世界網
於中普現諸佛道場是爲六十八如來左手
有大人相名毗瑠璃清淨燈雲寶地妙色以
爲莊嚴放於如來金色光明念念常現一切
上妙莊嚴之具是爲六十九如來左手復有
大人相名一切剎智慧燈音聲雲以因陀羅
網金剛華而爲莊嚴放閻浮檀金清淨光明
普照十方一切世界是爲七十如來左手復
有大人相名安住寶蓮華光明雲衆寶妙華
以爲莊嚴放大光明如須彌燈普照十方一
切世界是爲七十一如來左手復有大人相
名徧照法界雲以妙寶鬘寶輪寶瓶因陀羅
網及衆妙相以爲莊嚴放大光明普照十方
一切國土於中示現一切法界一切世界海
一切如來坐蓮華座是爲七十二如來右手

指有大人相名現諸劫刹海旋雲水月燄藏
摩尼王一切寶華以爲莊嚴放大光明充滿
法界其中恒出微妙音聲滿十方刹是爲七
十三如來左手指有大人相名安住一切寶
雲以帝青金剛寶而爲莊嚴放摩尼王眾寶
光明充滿法界其中普現一切諸佛及諸菩
薩是爲七十四如來右手掌有大人相名照
耀雲以摩尼王千輻寶輪而爲莊嚴放寶光
明其光右旋充滿法界於中普現一切諸佛
一一佛身光燄熾然說法度人淨諸世界是
爲七十五如來左手掌有大人相名燄輪普
增長化現法界道場雲以日光摩尼王千輻
輪而爲莊嚴放大光明充滿一切諸世界海
於中示現一切菩薩演說普賢所有行海普
入一切諸佛國土各各開悟無量眾生是爲
七十六如來陰藏有大人相名普流出佛音
聲雲一切妙寶以爲莊嚴放摩尼燈華燄光
明其光熾盛具眾寶色普照一切虛空法界
其中普現一切諸佛遊行往來處處周徧是
爲七十七如來右臂有大人相名寶燈鬘普
照雲諸摩尼寶以爲莊嚴放不思議寶燄光
明彌布十方一切法界與虛空法界同爲一
相而能出生一切諸相一一相中悉現諸佛
自在神變是爲七十八如來左臂有大人相

名示現一切法界海光明彌覆虛空雲猶如蓮華清淨妙寶以爲嚴飾放光明網徧照十方一切法界於中普現種種相雲是爲七十九如來右髀有大人相名普現雲以衆色摩尼而爲莊嚴其髀與脇上下相稱放摩尼燄妙法光明於一念中能普示現一切寶王遊步相海是爲八十如來左髀有大人相名現一切佛無量相海雲一切寶海隨順安住以爲莊嚴廣大遊行放淨光明普照衆生悉使希求無上佛法是爲八十一如來右邊伊尼延鹿王脇有大人相名一切虛空法界雲光明妙寶以爲莊嚴其相圓直善能遊步放閻浮金色清淨光明徧照一切諸佛世界發大音聲普皆震動復現一切諸佛國土住於虛空寶燄莊嚴無量菩薩從中化現是爲八十二如來左邊伊尼延鹿王脇有大人相名莊嚴海雲色如真金能徧遊行一切佛刹放一切寶清淨光明充滿法界施作佛事是爲八十三如來寶脇上毛有大人相名普現法界影像雲其毛右旋一一毛端放寶光明充滿十方一切法界示現一切諸佛神力其諸毛孔悉放光明一切佛刹於中顯現是爲八十四如來足下有大人相名一切菩薩海安住雲色如金剛閻浮檀金清淨蓮華放寶光明

普照十方諸世界海寶香燄雲處處周徧舉
 足將步香氣周流具衆寶色充滿法界是爲
 八十五如來右足上有大人相名普照一切
 光明雲一切衆寶以爲莊嚴放大光明充滿
 法界示現一切諸佛菩薩是爲八十六如來
 左足上有大人相名普現一切諸佛雲寶藏
 摩尼以爲莊嚴放寶光明於念念中現一切
 佛神通變化及其法海所坐道場盡未來際
 劫無有間斷是爲八十七如來右足指間有
 大人相名光照一切法界海雲須彌燈摩尼
 王千輻燄輪種種莊嚴放大光明充滿十方
 一切法界諸世界海於中普現一切諸佛所
 有種種寶莊嚴相是爲八十八如來左足指
 間有大人相名現一切佛海雲摩尼寶華香
 燄燈鬘一切寶輪以爲莊嚴恒放寶海清淨
 光明充滿虛空普及十方一切世界於中示
 現一切諸佛及諸菩薩圓滿音聲卽字等相
 利益無量一切衆生是爲八十九如來右足
 跟有大人相名自在照耀雲帝青寶末以爲
 莊嚴常放如來妙寶光明其光妙好充滿法
 界皆同一相無有差別於中示現一切諸佛
 坐於道場演說妙法是爲九十如來左足跟
 有大人相名示現妙音演說諸法海雲以變
 化海摩尼寶香燄海須彌華摩尼寶及毗瑠

璚而為莊嚴放大光明充滿法界於中普現諸佛神力是為九十一如來右足趺有大人相名示現一切莊嚴光明雲衆寶所成極妙莊嚴放閻浮檀金色清淨光明普照十方一切法界其光明相猶如大雲普覆一切諸佛道場是為九十二如來左足趺有大人相名現衆色相雲以一切月藏藏毗盧遮那寶因陀羅尼羅寶而為莊嚴念念遊行諸法界海放摩尼燈香燄光明其光徧滿一切法界是為九十三如來右足四周有大人相名普藏雲因陀羅尼羅金剛寶以為莊嚴放寶光明充滿虛空於中示現一切諸佛坐於道場摩尼寶王師子之座是為九十四如來左足四周有大人相名光明徧照法界雲摩尼寶華以為莊嚴放大光明充滿法界平等一相於中示現一切諸佛及諸菩薩自在神力以大妙音演說法界無盡法門是為九十五如來右足指端有大人相名示現莊嚴雲甚可愛樂閻浮檀清淨真金以為莊嚴放大光明充滿十方一切法界於中示現一切諸佛及諸菩薩無盡法海種種功德神通變化是為九十六如來左足指端有大人相名現一切佛神變雲不思議佛光明月燄普香摩尼寶燄輪以為莊嚴放衆寶色清淨光明充滿一切

諸世界海於中示現一切諸佛及諸菩薩演說一切諸佛法海是爲九十七佛子毗盧遮那如來有如是等十華藏世界海微塵數大人相一一身分衆寶妙相以爲莊嚴

大方廣佛華嚴經如來隨好光明功德品第三十五

爾時世尊告寶手菩薩言佛子如來應正等覺有隨好名圓滿王此隨好中出大光明名爲熾盛七百萬阿僧祇光明而爲眷屬佛子我爲菩薩時於兜率天宮放大光明名光幢王照十佛剎微塵數世界彼世界中地獄衆生遇斯光者衆苦休息得十種清淨眼耳鼻舌身意亦復如是咸生歡喜踊躍稱慶從彼命終生兜率天天中有鼓名甚可愛樂彼天生已此鼓發音而告之言諸天子汝以心不放逸於如來所種諸善根往昔親近衆善知識毗盧遮那大威神力於彼命終來生此天佛子菩薩足下千輻輪名光明普照王此有隨好名圓滿王常放四十種光明中有一光名清淨功德能照億那由他佛剎微塵數世界隨諸衆生種種業行種種欲樂皆令成熟阿鼻地獄極苦衆生遇斯光者皆悉命終生兜率天旣生天已聞天鼓音而告之言善哉善哉諸天子毗盧遮那菩薩入離垢三昧汝等敬禮爾時諸天子聞天鼓音如是勸誨咸

生是念奇哉希有何因發此微妙之音是時
天鼓告諸天子言我所發聲諸善根力之所
成就諸天子如我說我而不著我不著我所
一切諸佛亦復如是自說是佛不著於我不
著我所諸天子如我音聲不從東方來不從
南西北方四維上下來業報成佛亦復如是
非十方來諸天子譬如汝等昔在地獄地獄
及身非十方來但由於汝顛倒惡業愚癡纏
縛生地獄身此無根本無有來處諸天子毗
盧遮那菩薩威德力故放大光明而此光明
非十方來諸天子我天鼓音亦復如是非十
方來但以三昧善根力故般若波羅蜜威德
力故出生如是清淨音聲示現如是種種自
在諸天子譬如須彌山王有三十三天上妙
宮殿種種樂具而此樂具非十方來我天鼓
音亦復如是非十方來諸天子譬如億那由
他佛剎微塵數世界盡末爲塵我爲如是塵
數衆生隨其所樂而演說法令大歡喜然我
於彼不生疲厭不生退怯不生憍慢不生放
逸諸天子毗盧遮那菩薩住離垢三昧亦復
如是於右手掌一隨好中放一光明出現無
量自在神力一切聲聞辟支佛尚不能知況
諸衆生諸天子汝當往詣彼菩薩所親近供
養勿復貪著五欲樂具著五欲樂障諸善根

諸天子譬如劫火燒須彌山悉令除盡無餘
可得貪欲纏心亦復如是終不能生念佛之
意諸天子汝等應當知恩報恩諸天子其有
衆生不知報恩多遭橫死生於地獄諸天子
汝等昔在地獄之中蒙光照身捨彼生此汝
等今者宜疾迴向增長善根諸天子如我天
鼓非男非女而能出生無量無邊不思議事
汝天子天女亦復如是非男非女而能受用
種種上妙宮殿園林如我天鼓不生不滅色
受想行識亦復如是不生不滅汝等若能於
此悟解應知則入無依印三昧時諸天子聞
是音已得未曾有即皆化作一萬華雲一萬
香雲一萬音樂雲一萬幢雲一萬蓋雲一萬
歌讚雲作是化已即共往詣毗盧遮那菩薩
所住宮殿合掌恭敬於一面立欲申瞻覲而
不得見時有天子作如是言毗盧遮那菩薩
已從此沒生於人間淨飯王家乘栴檀樓閣
處摩耶夫人胎時諸天子以天眼觀見菩薩
身處在人間淨飯王家梵天欲天承事供養
諸天子衆咸作是念我等若不往菩薩所問
評起居乃至一念於此天宮而生愛著則爲
不可時一一天子與十那由他眷屬欲下閻
浮提時天鼓中出聲告言諸天子菩薩摩訶
薩非此命終而生彼間但以神通隨諸衆生

心之所宜令其得見諸天子如我今者非眼
所見而能出聲菩薩摩訶薩入離垢三昧亦
復如是非眼所見而能處處示現受生離分
別除憍慢無染著諸天子汝等應發阿耨多
羅三藐三菩提心淨治其意住善威儀悔除
一切業障煩惱障報障見障以盡法界眾生
數等身以盡法界眾生數等頭以盡法界眾
生數等舌以盡法界眾生數等善身業善語
業善意業悔除所有諸障過惡時諸天子聞
是語已得未曾有心大歡喜而問之言菩薩
摩訶薩云何悔除一切過惡爾時天鼓以菩
薩三昧善根力故發聲告言諸天子菩薩知
諸業不從東方來不從南西北方四維上下
來而共積集止住於心但從顛倒生無有住
處菩薩如是決定明見無有疑惑諸天子如
我天鼓說業說報說行說戒說喜說安說諸
三昧諸佛菩薩亦復如是說我說我所說眾
生說貪恚癡種種諸業而實無我無有我所
諸所作業六趣果報十方推求悉不可得諸
天子譬如我聲不生不滅造惡諸天不聞餘
聲唯聞以地獄覺悟之聲一切諸業亦復如
是非生非滅隨有修集則受其報諸天子如
我天鼓所出音聲於無量劫不可窮盡無有
間斷若來若去皆不可得諸天子若有去來

則有斷常一切諸佛終不演說有斷常法除
為方便成熟衆生諸天子譬如我聲於無量
世界隨衆生心皆使得聞一切諸佛亦復如
是隨衆生心悉令得見諸天子如有玻瓈鏡
名為能照清淨鑒徹與十世界其量正等無
量無邊諸國土中一切山川一切衆生乃至
地獄畜生餓鬼所有影像皆於中現諸天子
於汝意云何彼諸影像可得說言來入鏡中
從鏡去不荅言不也諸天子一切諸業亦復
如是雖能出生諸業果報無來去處諸天子
譬如幻師幻惑人眼當知諸業亦復如是若
如是知是真實懺悔一切罪惡悉得清淨說
此法時百千億那由他佛剎微塵數世界中
兜率陀諸天子得無生法忍無量不思議阿
僧祇六欲諸天子發阿耨多羅三藐三菩提
心六欲天中一切天女皆捨女身發於無上
菩提之意爾時諸天子聞說普賢廣大迴向
得十地故獲諸力莊嚴三昧故以衆生數等
清淨三業悔除一切諸重障故即見百千億
那由他佛剎微塵數七寶蓮華一一華上皆
有菩薩結跏趺坐放大光明彼諸菩薩一一
隨好放衆生數等光明彼光明中有衆生數
等諸佛結跏趺坐隨衆生心而為說法而猶
未現離垢三昧少分之力爾時彼諸天子以

上衆華復於身上一一毛孔化作衆生數等衆妙華雲供養毗盧遮那如來持以散佛一切皆於佛身上住其諸香雲普雨無量佛刹微塵數世界若有衆生身蒙香者其身安樂譬如比丘入第四禪一切業障皆得銷滅若有聞者彼諸衆生於色聲香味觸其內具有五百煩惱其外亦有五百煩惱貪行多者二萬一千瞋行多者二萬一千癡行多者二萬一千等分行者二萬一千了知如是悉是虛妄如是知已成就香幢雲自在光明清淨善根若有衆生見其蓋者種一清淨金網轉輪王一恒河沙善根佛子菩薩住此轉輪王位於百千億那由他佛刹微塵數世界中教化衆生佛子譬如明鏡世界月智如來常有無量諸世界中比丘比丘尼優婆塞優婆夷等曾一念而有開斷若有衆生聞其佛名必得往生彼佛國土菩薩安住清淨金網轉輪王位亦復如是若有暫得遇其光明必獲菩薩第十地位以先修行善根力故佛子如得初禪雖未命終見梵天處所有宮殿而得受於梵世安樂得諸禪者悉亦如是菩薩摩訶薩住清淨金網轉輪王位放摩尼髻清淨光明若有衆生遇斯光者皆得菩薩第十地位成

就無量智慧光明得十種清淨眼乃至十種清淨意具足無量甚深三昧成就如是清淨肉眼佛子假使有人以億那由他佛剎碎爲微塵一塵一剎復以爾許微塵數佛剎碎爲微塵如是微塵悉置左手持以東行過爾時微塵數世界乃下一塵如是東行盡此微塵南西北方四維上下亦復如是如是十方所有世界若著微塵及不著者悉以集成一佛國土寶手於汝意云何如是佛土廣大無量可思議不答曰不也如是佛土廣大無量希有奇特不可思議若有衆生聞此譬諭能生信解當知更爲希有奇特佛言寶手如是如是如汝所說若有善男子善女人聞此譬諭而生信者我授彼記決定當成阿耨多羅三藐三菩提當獲如來無上智慧寶手設復有人以千億佛剎微塵數如上所說廣大佛土未爲微塵以此微塵依前譬諭一一下盡乃至集成一佛國土復未爲塵如是次第展轉乃至經八十返如是一切廣大佛土所有微塵菩薩業報清淨肉眼於一念中悉能明見亦見百億廣大佛剎微塵數佛如玻瓈鏡清淨光明照十佛剎微塵數世界寶手如是皆是清淨金網轉輪王甚深三昧福德善報之所成就

大方廣佛華嚴經卷第四八

密綴

下直利切

華繁

下如累切

熙怡

上希音
下與之切

上嚆

下五各切
亦作嚆

右輔

下父音

紺蒲

上古關切
下薄胡切

細滑

下戶八切

右臀

下徒渾切

右髀

下傍禮切

與喘

下市充切

足跟

下根音

足趺

下甫無切

乙巳歲高麗國大藏都監奉

勅彫造

大方廣佛華嚴經卷第四十九

卷

于闐國三藏實叉難陀奉

制譯

普賢行品第三十六

爾時普賢菩薩摩訶薩復告諸菩薩大眾言
佛子如向所演此但隨衆生根器所宜略說
如來少分境界何以故諸佛世尊爲諸衆生
無智作惡計我我所執著於身顛倒疑惑邪
見分別與諸結縛恒共相應隨生死流遠如
來道故出興于世佛子我不見一法爲大過
失如諸菩薩於他菩薩起瞋心者何以故佛
子若諸菩薩於餘菩薩起瞋恚心即成就百
萬障門故何等爲百萬障所謂不見菩提障
不聞正法障生不淨世界障生諸惡趣障生
諸難處障多諸疾病障多被謗毀障生頑鉅
鼻障舌障身障意障惡知識障惡伴黨障樂
習小乘障樂近凡庸障不信樂大威德人障
樂與離正見人同住障生外道家障住魔境
界障離佛正教障不見善友障善根留難障
增不善法障得下方處障生邊地障生惡人
家障生惡神中障生惡龍惡夜叉惡輿闍婆
惡阿脩羅惡迦樓羅惡緊那羅惡摩睺羅伽
惡羅刹中障不樂佛法障習童蒙法障樂著
小乘障不樂大乘障性多驚怖障心常憂惱

障愛著生死障不專佛法障不喜見聞弗自
在神通障不得菩薩諸根障不行菩薩淨行
障退怯菩薩深心障不生菩薩大願障不發
一切智心障於菩薩行懈怠障不能淨治諸
業障不能攝取大福障智力不能明利障斷
於廣大智慧障不護持菩薩諸行障樂誹謗
一切智語障遠離諸佛菩提障樂住眾魔境
界障不專修佛境界障不決定發菩薩弘誓
障不樂與菩薩同住障不求菩薩善根障性
多見疑障心常愚闇障不能行菩薩平等施
故起不捨障不能持如來戒故起破戒障不
能入堪忍門故起愚癡惱害瞋恚障不能行
菩薩大精進故起懈怠垢障不能得諸三昧
故起散亂障不修治般若波羅蜜故起惡慧
障於處非處中無善巧障於度眾生中無方便
障於菩薩智慧中不能觀察障於菩薩出
離法中不能了知障不成就菩薩十種廣大
眼故眼如生盲障耳不聞無礙法故口如啞
羊障不具相好故鼻根破壞障不能辨了眾
生語言故成就舌根障輕賤眾生故成就身
根障心多狂亂故成就意根障不持三種律
儀故成就身業障恒起四種過失故成就語
業障多生貪瞋邪見故成就意業障賊心求
法障斷絕菩薩境界障於菩薩勇猛法中心

生退怯障於菩薩出離道中心生嬾惰障於菩薩智慧光明門中心生止息障於菩薩念力中心生劣弱障於如來教法中不能住持障於菩薩離生道不能親近障於菩薩無失壞道不能修習障隨順二乘正位障遠離世諸佛菩薩種性障佛子若菩薩於諸菩薩起一瞋心則成就如是等百萬障門何以故佛子我不見有一法為大過惡如諸菩薩於餘菩薩起瞋心者是故諸菩薩摩訶薩欲疾滿足諸菩薩行應勤修十種法何等為十所謂心不棄捨一切眾生於諸菩薩生如來想永不誹謗一切佛法知諸國土無有窮盡於菩薩行深生信樂不捨平等虛空法界菩提之心觀察菩提入如來力精勤修習無礙辯才教化眾生無有疲厭住一切世界心無所著是為十佛子菩薩摩訶薩安住此十法已則能具足十種清淨何等為十所謂通達甚深法清淨親近善知識清淨護持諸佛法清淨了達虛空界清淨深入法界清淨觀察無邊心清淨與一切菩薩同善根清淨不著諸劫清淨觀察三世清淨修行一切諸佛法清淨是為十佛子菩薩摩訶薩住此十法已則具足十種廣大智何等為十所謂知一切眾生心行智知一切眾生業報智知一切佛法

智知一切佛法深密理趣智知一切陀羅尼
門智知一切文字辯才智知一切衆生語言
音聲辭辯善巧智於一切世界中普現其身
處中具一切智智是爲十佛子菩薩摩訶薩
住此十智已則得入十種普入何等爲十所
謂一切世界入一毛道一毛道入一切世界
一切衆生身入一身一身入一切衆生身不
可說劫入一念一念入不可說劫一切佛法
入一法一法入一切佛法不可說處入一處
一處入不可說處不可說根入一根一根入
不可說根一切根入非根非根入一切根一
切想入一想一想入一切想一切言音入一
言音一言音入一切言音一切三世入一世
一世入一切三世是爲十佛子菩薩摩訶薩
如是觀察已則住十種勝妙心何等爲十所
謂住一切世界語言非語言勝妙心住一切
衆生想念無所依止勝妙心住究竟虛空界
勝妙心住無邊法界勝妙心住一切深密佛
法勝妙心住甚深無差別法勝妙心住除滅
一切疑惑勝妙心住一切世平等無差別勝
妙心住三世諸佛平等勝妙心住一切諸佛
力無量勝妙心是爲十佛子菩薩摩訶薩住
此十種勝妙心已則得十種佛法善巧智何

等爲十所謂了達甚深佛法善巧智出生廣
大佛法善巧智宣說種種佛法善巧智證入
平等佛法善巧智明了差別佛法善巧智悟
解無差別佛法善巧智深入莊嚴佛法善巧
智一方便入佛法善巧智無量方便入佛法
善巧智知無邊佛法無差別善巧智以自心
自力於一切佛法不退轉善巧智是爲十佛
子菩薩摩訶薩聞此法已咸應發心恭敬受
持何以故菩薩摩訶薩持此法者少作功力
疾得阿耨多羅三藐三菩提皆得具足一切
佛法悉與三世諸佛法等爾時佛神力故法
如是故十方各有十不可說百千億那由他
佛刹微塵數世界六種震動雨出過諸天一
切華雲香雲末香雲衣蓋幢幡摩尼寶等及
以一切莊嚴具雲雨衆妓樂雲雨諸菩薩雲
雨不可說如來色相雲雨不可說讚歎如來
善哉雲雨如來音聲充滿一切法界雲雨不
可說莊嚴世界雲雨不可說增長菩提雲雨
不可說光明照耀雲雨不可說神力說法雲
雨如此世界四天下菩提樹下菩提場菩薩宮
殿中見於如來成等正覺演說此法十方一
切諸世界中悉亦如是爾時佛神力故法如
是故十方各過十不可說佛刹微塵數世界
外有十佛刹微塵數菩薩摩訶薩來詣此上

充滿十方作如是言善哉善哉佛子乃能說此諸佛如來最大誓願授記深法佛子我等一切同名普賢各從普勝世界普幢自在如來所來詣此土悉以佛神力故於一切處演說此法如此聚會如是所說一切平等無有增減我等皆承佛威神力來此道場為汝作證如此道場我等十佛刹微塵數菩薩而來作證十方一切諸世界中悉亦如是爾時普賢菩薩摩訶薩以佛神力自善根力觀奉十方洎乎法界欲開示菩薩行欲宣說如來菩提界欲說大願界欲說一切世界劫數欲明諸佛隨時出現欲說如來隨根熟眾生出現今其供養欲明如來出世功不唐捐欲明所種善根必獲果報欲明大威德菩薩為一切眾生現形說法令其開悟而說頌言汝等應歡喜捨離於諸蓋一心恭敬聽菩薩諸願行往昔諸菩薩最勝人師子如彼所修行我當次第說亦說諸劫數世界并諸業及以無等尊於彼而出興如是過去佛大願出于世云何為眾生滅除諸苦惱一切論師子所行相續滿得佛平等法一切智境界見於過去世一切人師子放大光明網普照十六界思惟發是願我當作世燈具足佛功德十力一切智一切諸眾生貪恚癡熾然我當悉救脫令滅急道苦發如是誓願堅固不退轉具修菩薩行獲十無礙力

如是誓願已修行無退怯所作皆不虛說名論師子
於一賢劫中千佛出于世彼所有普眼我當次第說
如一賢劫中無量劫亦然彼未來佛行我當分別說
如一佛刹種無量刹亦然未來十力尊諸行我今說
諸佛次興世隨願隨名号隨彼所得記隨其所壽命
隨所修正法專求無礙道隨所化眾生正法住於世
隨所淨佛刹眾生及法輪演說時非時次第淨羣生
隨諸眾生業所行及信解上中下不同化彼令修習
入於如是智修其最勝行常作普賢業廣度諸眾生
身業無障礙語業悉清淨意行亦如是三世靡不然
菩薩如是行究竟普賢道出生淨智曰普照於法界
未來世諸劫國土不可說一念悉了知於彼無分別
行者能趣入如是最勝地此諸菩薩法我當說少分
智慧無邊際通達佛境界一切皆善入所行不退轉
具足普賢慧成滿普賢願入於無等智我當說彼行
於一微塵中悉見諸世界眾生若聞者迷亂心發狂
如於一微塵一切塵亦然世界悉入中如是不思議
一一塵中有十方三世法趣刹皆無量悉能分別知
一一塵中有無量種佛刹種種皆無量於一塵不知
法界中所有種種諸異相趣類各差別悉能分別知
深入微細智分別諸世界一切劫成壞悉能明了說
知諸劫脩短三世即一念衆行同不同悉能分別知
深入諸世界廣大非廣大一身無量刹一刹無量身
十方中所有異類諸世界廣大無量相一切悉能知

一切三世中無量諸國土具足甚深智悉了彼成敗
十方諸世界有成或有壞如是不可說賢德悉深了
或有諸國土種種地嚴飾諸趣亦復然斯由業清淨
或有諸世界無量種雜染斯由衆生感一切如其行
無量無邊剎了知即一剎如是入諸剎其數不可知
一切諸世界悉入一剎中世界不爲一亦復無雜亂
世界有仰覆或高或復下皆是衆生想悉能分別知
廣博諸世界無量無有邊知種種是一知一是種種
普賢諸佛子能以普賢智了知諸剎數其數無邊際
知諸世界化剎化衆生化法化諸佛化一切皆究竟
一切諸世界微細廣大剎種種異莊嚴皆由業所起
無量諸佛子善學入法界神通力自在普徧於十方
衆生數等劫說彼世界名亦不能令盡唯除佛開示
世界及如來種種諸名号經於無量劫說之不可盡
何況最勝智二世諸佛法從於法界生充滿如來地
清淨無礙念無邊無礙慧分別說法界得至於彼岸
過去諸世界廣大及微細修習所莊嚴一念悉能知
其中人師子修佛種種行成於等正覺示現諸自在
如是未來世次第無量劫所有人中尊菩薩悉能知
所有諸行願所有諸境界如是勤修行於中成正覺
亦知彼衆會壽命化衆生以此諸法門爲衆轉法輪
菩薩如是知住普賢行地智慧悉明了出生一切佛
現在世所攝一切諸佛土深入此諸剎通達於法界
彼諸世界中現在一切佛於法得自在言論無所礙

亦知彼聚會淨土應化力盡無量億劫常思惟是事
調御世間尊所有威神力無盡智慧藏一切悉能知
出生無礙眼無礙耳鼻身無礙廣長舌能令眾歡喜
最勝無礙心廣大普清淨智慧徧充滿悉知三世法
喜學一切化刹化眾生化世化調伏化究竟化彼岸
世間種種別皆由於想住入佛方便智於此悉明了
眾會不可說一一為現身悉使見如來度脫無邊眾
諸佛甚深智如日出世間一切國土中普現無休息
了達諸世間假名無有實眾生及世界如夢如光影
於諸世間法不生分別見善離分別者亦不見分別
無量無數劫解之即一念知念亦無念如是見世間
無量諸國土一念悉超越經於無量劫不動於本處
不可說諸劫即是須臾頃其見脩興短究竟刹那法
心住於世間世間住於心於此不妄起二非二分別
眾生世界劫諸佛及佛法一切如幻化法界悉平等
普於十方刹示現無量身知身從緣起究竟無所著
依於無二智出現人師子不著無二法知無二非二
了知諸世間如皎如光影如響亦如夢如幻如變化
如是隨順入諸佛所行處成就普賢智普照深法界
眾生剎染著一切皆捨離而興大悲心普淨諸世間
菩薩常正念論師子妙法清淨如虛空而興大方便
見世常迷倒發心咸救度所行皆清淨普徧諸法界
諸佛及菩薩佛法世間法若見其真實一切無差別
如來法身藏普入世間中雖在於世間於世無所著

譬如清淨水影像無來去法身徧世間當知亦如是如是離染著身世皆清淨湛然如虛空一切無有生知身無有盡無生亦無滅非常非無常示現諸世間除滅諸邪見開示於正見法性無來去不著我我所譬如工幻師示現種種事其來無所從去亦無所至幻性非有量亦復非無量於彼大眾中示現量無量以此寂定心修習諸善根出生一切佛非量非無量有量及無量皆悉是妄想了達一切趣不著量無量諸佛甚深法廣大深寂滅甚深無量智知其深諸趣菩薩離迷倒心淨常相續所以神通力度無量衆生未安者令安安者示道場如是徧法界其心無所著不住於實際不入於涅槃如是徧世間開悟諸羣生法數衆生數了知而不著普雨於法雨充洽諸世間普於諸世界念念成正覺而修菩薩行未曾有退轉世間種種身一切悉了知如是知身法則得諸佛身普知諸衆生諸劫及諸刹十方無涯際智海無不入衆生身無量一一爲現身佛身無有邊智者悉觀見一念之所知出現諸如來經於無量劫徧揚不可盡諸佛能現身處處般涅槃一念中無量舍利各差別如是未來世有求於佛果無量菩提心決定智悉知如是三世中所有諸如來一切悉能知名住菩薩行如是分別知無量諸行地入於智慧處其輪不退轉微妙廣大智深入如來境入已不退轉說名普賢慧一切最勝尊普入佛境界修行不退轉得無上菩提

無量無邊心 各各差別業皆由想積集平等悉了知
染汙非染汙學心無學心不可說諸心念念中悉知
了知非一二非染亦非淨亦復無雜亂皆從自想起
如是悉明見一切諸眾生心想各不同起種種世間
以如是方便修諸最勝行從佛法化生得名爲普賢
眾生皆妄起善惡諸趣想由是或生天或復墮地獄
菩薩觀世間妄想業所起妄想無邊故世間亦無量
一切諸國土想網之所現幻網方便故一念悉能入
眼耳鼻舌身意根亦如是世間想別異平等皆能入
一一眼境界無量眼皆入種種性差別無量不可說
所見無差別亦復無雜亂各隨於自業受用其果報
普賢力無量悉知彼一切一切眼境界大智悉能入
如是諸世間悉能分別知而修一切行亦復無退轉
佛說眾生說及以國土說三世如是說種種悉了知
過去中未來未來中現在三世互相見一一皆明了
如是無量種闍悟諸世間一切智方便邊際不可得

大方廣佛華嚴經卷第四十九

元鈍 上五邊切
下徒用切

闕少 上夫小切

凡庸 下客音

聖羊 二下切

懶惰 上洛旱切
下他果切

泊乎 上莫集切

允洽 下阮光切

染汙 下烏路切

大方廣佛華嚴經卷第五十

變

予閱國三藏實又難陀奉

制譯

如來出現品第三十七之一

爾時世尊從眉間白毫相中放大光明名如
來出現無量百千億那由他阿僧祇光明以
爲眷屬其光普照十方盡虛空法界一切世
界右遶十帀顯現如來無量自在覺悟無數
諸菩薩衆震動一切十方世界除滅一切諸
惡道苦映蔽一切諸魔宮殿顯示一切諸佛
如來生菩提座成等正覺及以一切道場衆
會作是事已而來右遶菩薩衆會入如來性
起妙德菩薩頂時此道場一切大衆身心踊
躍生大歡喜作如是念甚奇希有今者如來
放大光明必當演說甚深大法爾時如來性
起妙德菩薩於蓮華座上偏袒右肩右跏合
掌一心向佛而說頌言

正覺功德大智出

普達境界到彼岸

等於三世諸如來

是故我今恭敬禮

已昇無相境界岸

而現妙相莊嚴身

放於離垢千光明

破魔軍衆咸令盡

十方所有諸世界

悉能震動無有餘

未曾恐怖一衆生

善逝威神力如是

虛空法性平等

已能如是而安住

一切含生無數

咸令滅惡除衆苦

苦行勤勞無繫劫
於諸境界智無礙

成就最上菩提道
與一切佛同其性

導師放此大光明

震動十方諸世界

已現無量神通力

而復還來入我身

決定法中能善學

無量菩薩皆來集

令我發起問法心

是故我今請法王

今此衆會皆清淨

善能度脫諸世間

智慧無邊無染著

如是賢勝咸來集

利益世間尊導師

智慧精進皆無量

今以光明照大衆

令我問於無上法

誰於大仙深境界

而能真實具開演

誰是如來法長子

世間尊導願顯示

爾時如來即於口中放大光明名無礙無畏

百千億阿僧祇光明以爲眷屬普照十方盡

虛空等法界一切世界右遶十而顯現如來

種種自在開悟無量諸菩薩衆震動一切十

方世界除滅一切諸惡道苦映蔽一切諸魔

宮殿顯示一切諸佛如來坐菩提座成等正

覺及以一切道場衆會作是事已而來右遶

菩薩衆會入普賢菩薩摩訶薩口其光入已

普賢菩薩身及師子座過於今時及諸菩薩

身座百倍唯除如來師子之座

爾時如來性起妙德菩薩問普賢菩薩摩訶

薩言佛子佛所示現廣大神變今諸菩薩皆

生歡喜不可思議世莫能知是何瑞相普賢
菩薩摩訶薩言佛子我於往昔見諸如來應
正等覺示現如是廣大神變即說如來出現
法門如我惟忖今現此相當說其法說是語
時一切大地悉皆震動出生無量問法光明
時性起妙德菩薩問普賢菩薩言佛子菩薩
摩訶薩應云何知諸佛如來應正等覺出現
之法願為我說佛子此諸無量百千億那由
他菩薩聚會皆久修淨業念慧成就到於究
竟大莊嚴岸具一切佛威儀之行正念諸佛
未曾忘失大悲觀察一切衆生決定了知諸
大菩薩神通境界已得諸佛神力所加能受
一切如來妙法具如是等無量功德皆已來
集佛子汝已曾於無量百千億那由他佛所
承事供養成就菩薩最上妙行於三昧門皆
得自在入一切佛秘密之處知諸佛法斷衆
疑惑爲諸如來神力所加知衆生根隨其所
樂爲說真實解脫之法隨順佛智演說佛法
到於彼岸有如是等無量功德善哉佛子願
說如來應正等覺出現之法身相言音心意
境界所行之行成道轉法乃至示現入般涅槃
見聞親近所生善根如是等事願皆爲說
時如來性起妙德菩薩欲重明此義向普賢
菩薩而說頌曰

善哉無礙大智慧

善覺無邊平等境

願說無量佛所行

佛子聞已皆欣慶

菩薩云何隨順入

諸佛如來出興世

云何身語心境界

及所行處願皆說

云何諸佛成正覺

云何如來轉法輪

云何善逝般涅槃

大眾聞已心歡喜

若有見佛大法王

親近增長諸善根

願說彼諸功德藏

衆生見已何所獲

若有得聞如來名

若現在世若涅槃

於彼福藏生深信

有何等利願宣說

此諸菩薩皆合掌

瞻仰如來仁及我

大功德海之境界

淨衆生者願爲說

願以因緣及譬論

演說妙法相應義

衆生聞已發大心

疑盡智淨如虛空

如徧一切國土中

諸佛所現莊嚴身

願以妙音及因諭

示佛菩提亦如彼

十方千萬諸佛土

億那由他無量劫

如今所集菩薩衆

於彼一切悉難見

此諸菩薩咸恭敬

於微妙義生渴仰

願以淨心具開演

如來出現廣大法

爾時普賢菩薩摩訶薩告如來性起妙德等

諸菩薩大眾言佛子此處不可思議所謂如

來應正等覺以無量法而得出現何以故非

以一緣非以一事如來出現而得成就以十

無量百千阿僧祇事而得成就何等爲十所謂過去無量攝受一切衆生菩提心所成故過去無量清淨殊勝志樂所成故過去無量救護一切衆生大慈大悲所成故過去無量相續行願所成故過去無量修諸福智心無厭足所成故過去無量供養諸佛教化衆生所成故過去無量智慧方便清淨道所成故過去無量清淨功德藏所成故過去無量莊嚴道智所成故過去無量通達法義所成故佛子如是無量阿僧祇法門圓滿成於如來佛子譬如三千大千世界非以一緣非以一事而得成就以無量緣無量事方乃得成所謂興布大雲降靈大雨四種風輪相續爲依其四者何一名能持能持大水故二名能消能消大水故三名建立建立一切諸處所故四名莊嚴莊嚴分布咸善巧故如是皆由衆生共業及諸菩薩善根所起令於其中一切衆生各隨所宜而得受用佛子如是等無量因緣乃成三千大千世界法性如是無有生者無有作者無有知者無有成者然彼世界而得成就如來出現亦復如是非以一緣非以一事而得成就以無量因緣無量事相乃得成就所謂曾於過去佛所聽聞受持大法雲雨因此能起如來四種大智風輪何等爲

四一者念持不忘陀羅尼大智風輪能持一切如來大法雲雨故二者出生止觀大智風輪能消竭一切煩惱故三者善巧迴向大智風輪能成就一切善根故四者出生離垢差別莊嚴大智風輪令過去所化一切衆生善根清淨成就如來無漏善根力故如來如是成等正覺法性如是無生無作而得成就佛子是爲如來應正等覺出現第一相菩薩摩訶薩應如是知復次佛子譬如三千大千世界將欲成時大雲降雨名曰洪雲一切方處所不能受所不能持唯除大千界將欲成時佛子如來應正等覺亦復如是興大法雲雨大法雨名成就如來出現一切二乘心志狹劣所不能受所不能持唯除諸大菩薩心相續力佛子是爲如來應正等覺出現第一相菩薩摩訶薩應如是知復次佛子譬如衆生以業力故大雲降雨來無所從去無所至如來應正等覺亦復如是以諸菩薩善根力故興大法雲雨大法雨亦無所從來無所至去佛子是爲如來應正等覺出現第三相菩薩摩訶薩應如是知復次佛子譬如大雲降雪大雨大千世界一切衆生無能知數若欲等計徒令發狂唯大千世界主摩醯首羅以過去所修善根力故乃至一滴無不明了佛子

如來應正等覺亦復如是興大法雲雨大法
雨一切衆生聲聞獨覺所不能知若欲思量
心必狂亂唯除一切世間主菩薩摩訶薩以
過去所修覺慧力故乃至一文一句入衆生
心無不明了佛子是爲如來應正等覺出現
第四相菩薩摩訶薩應如是知復次佛子譬
如大雲降雨之時有大雲雨名爲能滅能滅
火裁有大雲雨名爲能起能起大水有大雲
雨名爲能止能止大水有大雲雨名爲能成
能成一切摩尼諸寶有大雲雨名爲分別分
別三千大千世界佛子如來出現亦復如是
興大法雲雨大法雨有大法雨名爲能滅能
滅一切衆生煩惱有大法雨名爲能起能起
一切衆生善根有大法雨名爲能止能止一
切衆生見惑有大法雨名爲能成能成一切
智慧法寶有大法雨名爲分別分別一切衆
生心樂佛子是爲如來應正等覺出現第五
相菩薩摩訶薩應如是知復次佛子譬如大
雲雨一味水隨其所雨無量差別如來出現
亦復如是雨於大悲一味法水隨宜說法無
量差別佛子是爲如來應正等覺出現第六
相菩薩摩訶薩應如是知復次佛子譬如三
千大千世界初始成時先成色界諸天宮殿
次成欲界諸大宮殿次成於人及餘衆生諸

所住處佛子如來出現亦復如是先起菩薩
諸行智慧次起緣覺諸行智慧次起聲聞善
根諸行智慧次起其餘衆生有爲善根諸行
智慧佛子譬如大雲雨一味水隨諸衆生善
根異故所起宮殿種種不同如來大悲一味
法雨隨衆生器而有差別佛子是爲如來應
正等覺出現第七相菩薩摩訶薩應如是知
復次佛子譬如世界初欲成時有大水生徧
滿三千大千世界生大蓮華名如來出現功
德寶莊嚴徧覆水上光照十方一切世界時
摩醯首羅淨居天等見是華已即決定知於
此劫中有爾所佛出興于世佛子爾時其中
有風輪起名善淨光明能成色界諸天宮殿
有風輪起名淨光莊嚴能成欲界諸天宮殿
有風輪起名堅密無能壞能成大小諸輪圍
山及金剛山有風輪起名勝高能成須彌山
王有風輪起名不動能成十大山王何等爲
十所謂佉陀羅山仙人山伏魔山大伏魔山
持雙山尼民陀羅山目真隣陀山摩訶目真
隣陀山香山雪山有風輪起名爲安住能成
大地有風輪起名爲莊嚴能成地大宮殿龍
宮殿乾闥婆宮殿有風輪起名無盡藏能成
三千大千世界一切大海有風輪起名普光
明藏能成三千大千世界諸摩尼寶有風輪

起名堅固根能成一切諸如意樹佛子大雲
所雨一味之水無有分別以衆生善根不同
故風輪不同風輪差別故世界差別佛子如
來出現亦復如是具足一切善根功德放於
無上大智光明名不斷如來種不思議智普
照十方一切世界與諸菩薩一切如來灌頂
之記當成正覺出興於世佛子如來出現復
有無上大智光明名清淨離垢能成如來無
漏無盡智復有無上大智光明名普照能成
如來普入法界不思議智復有無上大智光
明名持佛種性能成如來不傾動力復有無
上大智光明名迴出無能壞能成如來無畏
無壞智復有無上大智光明名一切神通能
成如來諸不共法一切智智復有無上大智
光明名出生變化能成如來令見聞親近所
生善根不失壞智復有無上大智光明名普
隨順能成如來無盡福德智慧之身爲一門
衆生而作饒益復有無上大智光明名不可
究竟能成如來甚深妙智隨所開悟令三寶
種永不斷絕復有無上大智光明名種種莊
嚴能成如來相好嚴身令一切衆生皆生歡
喜復有無上大智光明名不可壞能成如來
法界虛空界等殊勝壽命無有窮盡佛子如
來大悲一味之水無有分別以諸衆生欲樂

不同根性各別而起種種大智風輪令諸菩薩成就如來出現之法佛子一切如來同一體性大智輪中出生種種智慧光明佛子汝等應知如來於一解脫味出生無量不可思議種種功德衆生念言此是如來神力所造佛子此非如來神力所造佛子乃至一菩薩不於佛所曾種善根能得如來少分智慧無有是處但以諸佛威德力故令諸衆生具佛功德而佛如來無有分別無成無壞無有作者亦無作法佛子是爲如來應正等覺出現第八相菩薩摩訶薩應如是知復次佛子如依虛空起四風輪能持水輪何等爲四一名安住二名常住三名究竟四名堅固此四風輪能持水輪水輪能持大地令不散壞是故說地輪依水輪水輪依風輪風輪依虛空虛空無所依雖無所依能令三千大千世界而得安住佛子如來出現亦復如是依無礙慧光明起佛四種大智風輪能持一切衆生善根何等爲四所謂普攝衆生皆令歡喜大智風輪建立正法令諸衆生皆生愛樂大智風輪守護一切衆生善根大智風輪具一切方便通達無漏界大智風輪是爲四佛子諸佛卅尊大慈救護一切衆生大悲度脫一切衆生大慈大悲普徧饒益然大慈大悲依大方

便善巧大方便善巧依如來出現如來出現
依無礙慧光明無礙慧光明無有所依佛子
是爲如來應正等覺出現第九相菩薩摩訶
薩應如是知復次佛子譬如三千大千世界
既成就已饒益無量種種衆生所謂水族衆
生得水饒益陸地衆生得地饒益宮殿衆生
得宮殿饒益虛空衆生得虛空饒益如來出
現亦復如是種種饒益無量衆生所謂見佛
生歡喜者得歡喜益住淨戒者得淨戒益住
諸禪定及無量者得聖出世大神通益住法
門光明者得因果不壞益住無所有光明者
得一切法不壞益是故說言如來出現饒益
一切無量衆生佛子是爲如來應正等覺出
現第十相菩薩摩訶薩應如是知佛子菩薩
摩訶薩知如來出現則知無量知成就無量
行故則知廣大知周徧十方故則知無來去
知離生住滅故則知無行無所行知離心意
識故則知無身知如虛空故則知平等知一
切衆生皆無我故則知無盡知徧一切刹無
有盡故則知無退知盡後際無斷絕故則知
無壞知如來智無有對故則知無二知平等
觀察爲無爲故則知一切衆生皆得饒益本
願迴向自在滿足故爾時普賢菩薩摩訶薩
欲重明此義而說頌言

十力大雄最無上
境界廣大不可量
十力功德無邊量
人中師子一法門
十方國土碎爲塵
如來一毛功德量
如人持尺量虛空
虛空邊際不可得
或有能於剎那頃
設經衆生數等劫
譬如法界徧一切
十力境界亦復然
眞如離妄恒寂靜
諸佛境界亦復然
譬如實際而非際
導師境界亦如是
法性無作無變易
諸佛性淨亦如是
法性不在於言論
十力境界性亦然
了知諸法性寂滅
以本願力現色身
若有欲知佛境界
遠離妄想及諸取

譬如虛空無等等
功德第一超世間
心意思量所不及
衆生億劫莫能知
或有算計知其數
千萬億劫無能說
復有隨行計其數
如來境界亦如是
悉知三世衆生心
不能知佛一念性
不可見取爲一切
徧於一切非一切
無生無滅普周徧
體性平等不增減
普在三世亦非普
徧於三世皆無礙
猶如虛空本清淨
本性非性離有無
無說離說恒寂滅
一切文辭其能辯
如鳥飛空無有迹
今見如來大神變
當淨其意如虛空
令心所向皆無礙

是故佛子應善聽
十力功德不可量
導師所現於身業
轉妙法輪般涅槃
譬如世界初安立
無量方便諸因緣
如來出現亦如是
剎塵心念尚可知
譬如劫初雲樹雨
衆生善根菩薩力
十力法雲亦如是
昔所迴向諸衆生
如有大雨名洪樹
唯除世界將成時
如來出現亦如是
一切劣意無能持
譬如空中樹大雨
作者受者悉亦無
十力法雨亦如是
奉行爲因菩薩力
譬如空雲樹大雨
唯除三千自在王
善逝法雨亦如是
唯除於世自在人

我以少譬明佛境
爲悟衆生今略說
語業心業諸境界
一切善根我今說
非一因緣而可成
成此三千大千界
無量功德乃得成
十力生因莫能測
而起四種大風輪
成此三千各安住
起智風輪清淨意
普導令成無上果
無有處所能容受
清淨虛空大風力
普雨法雨充法界
唯除清淨廣大心
無所從來無所去
自然如是普充洽
無去無來無造作
一切大心咸聽受
一切無能數其滴
具功德力悉明了
一切衆生莫能測
明見如觀掌中寶

譬如空雲樹大雨
一切珍寶悉能成
十力法雨亦如是
一切智寶皆使成
譬如空中雨一味
豈彼雨性有分別
如來法雨非一異
然隨所化種種殊
譬如世界初成時
大及欲天次人處
如來出現亦如是
次化樂寂諸緣覺
諸天初見蓮華瑞
水緣風力起世間
如來宿善大光明
所有智輪體皆淨
譬如樹林依地有
水輪依風風依空
一切佛法依慈悲
方便依智智依慧
譬如世界既成立
地水所住及空居
法王出現亦如是
若有見聞及親近

能滅能起亦能斷
三千所有皆分別
滅惑起善斷諸見
眾生心樂悉分別
隨其所雨各不同
然隨物異法如是
平等寂靜離分別
自然如是無邊相
先成色界天宮殿
訖闍婆宮最後成
先起無邊菩薩行
次聲聞眾後眾生
知佛當出生歡喜
宮殿山川悉成立
巧別菩薩與其記
各能開示諸佛法
地依於水得不壞
而其虛空無所依
慈悲復依方便立
無礙慧身無所依
一切眾生獲其利
二足四足皆蒙益
一切眾生獲其利
悉使滅除諸惑惱

如來出現法無邊

此間迷成莫能知

爲欲開悟諸含識

無譬論中說其譬

佛子諸菩薩摩訶薩應云何見如來應正等覺身佛子諸菩薩摩訶薩應於無量處見如來身何以故諸菩薩摩訶薩不應於一法一事一身一國土一衆生見於如來應徧一切處見於如來佛子譬如虛空徧至一切色非色處非至非不至何以故虛空無身故如來身亦如是徧一切處徧一切衆生徧一切法徧一切國土非至非不至何以故如來身無身故爲衆生故示現其身佛子是爲如來身第一相諸菩薩摩訶薩應如是見復次佛子譬如虛空寬廣非色而能顯現一切諸色而彼虛空無有分別亦無戲論如來身亦復如是以前智光明普照明故令一切衆生世出世間諸善根業皆得成就而如來身無有分別亦無戲論何以故從本已來一切執著一切戲論皆永斷故佛子是爲如來身第二相諸菩薩摩訶薩應如是見復次佛子譬如日出於閻浮提無量衆生皆得饒益所謂破闇作明變淫令燥生長草木成熟穀稼廓徹虛空而敷蓮華行者見道居者辨業何以故日輪普放無量光故佛子如來智日亦復如是以前無量事普益衆生所謂滅惡生善破愚爲智

大慈救護大悲度脫令其增長根力覺分令
生深信捨離濁心令得見聞不壞因果令得
天眼見現生處令心無礙不壞善根令智修
明開敷覺華令其發心成就本行何以故如
來廣大智慧日身放無量光普照耀故佛子
是為如來身第三相諸菩薩摩訶薩應如是
見復次佛子譬如日出於閭浮提先照一切
須彌山等諸大山王次照黑山次照高原然
後普照一切大地日不作念我先照此後照
於彼但以山地有高下故照有先後如來應
正等覺亦復如是成就無邊法界智輪常放
無礙智慧光明先照菩薩摩訶薩等諸大山
王次照緣覺次照聲聞次照決定善根衆生
隨其心器示廣大智然後普照一切衆生乃
至邪定亦皆普及為作未來利益因緣令成
熟故而彼如來大智日光不作是念我當先
照菩薩大行乃至後照邪定衆生但放光明
平等普照無礙無障無所分別佛子譬如日
月隨時出現大山幽谷普照無私如來智慧
亦復如是普照一切無有分別隨諸衆生根
欲不同智慧光明種種有異佛子是為如來
身第四相諸菩薩摩訶薩應如是見復次佛
子譬如日出生盲衆生無眼根故未曾得見
雖未曾見然為日光之所饒益何以故因此

得知晝夜時節受用種種衣服飲食令身調
適離衆患故如來智日亦復如是無信無解
毀戒毀見邪命自活生盲之類無信眼故不
見諸佛智慧日輪雖不見佛智慧日輪亦爲
智日之所饒益何以故以佛威力令彼衆生
所有身苦及諸煩惱未來苦因皆消滅故佛
子如來有光明名積集一切功德有光明名
普照一切有光明名清淨自在照有光明名
出大妙音有光明名普解一切語言法令他
歡喜有光明名示現永斷一切疑自在境界
有光明名無住智自在普照有光明名永斷
一切戲論自在智有光明名隨所應出妙音
聲有光明名出清淨自在音莊嚴國土成熟
衆生佛子如來一一毛孔放如是等千種光
明五百光明普照下方五百光明普照上方
種種刹中種種佛所諸菩薩衆其菩薩等見
此光明一時皆得如來境界十頭十眼十耳
十鼻十舌十身十手十足十地十智皆悉清
淨彼諸菩薩先所成就諸處諸地見彼光明
轉更清淨一切善根皆悉成熟趣一切智住
二乘者滅一切垢其餘一分生盲衆生身既
快樂心亦清淨柔軟調伏堪修念智地獄餓
鬼畜生諸趣所有衆生皆得快樂解脫衆苦
命終皆生天上人間佛子彼諸衆生不覺不

知以何因緣以何神力而來生此彼生盲者
作如是念我是梵天我是梵化是時如來住
普自在三昧出六十種妙音而告之言汝等
非是梵天亦非梵化亦非帝釋護世所作皆
是如來威神之力彼諸衆生聞是語已以佛
神力皆知宿命生大歡喜心歡喜故目然而
出優曇華雲香雲音樂雲衣雲蓋雲幢雲幡
雲末香雲寶雲師子幢半月樓閣雲歌詠讚
歎雲種種莊嚴雲皆以尊重心供養如來何
以故此諸衆生得淨眼故如來與彼授阿耨
多羅三藐三菩提記佛子如來智日如是利
益生盲衆生令得善根具足成熟佛子是爲
如來身第五相諸菩薩摩訶薩應如是見復
次佛子譬如月輪有四奇特未曾有法何等
爲四一者映蔽一切星宿光明二者隨逐於
時示現虧盈三者於閻浮提澄淨水中影無
不現四者一切見者皆對目前而此月輪無
有分別無有戲論佛子如來身月亦復如是
有四奇特未曾有法何等爲四所謂映蔽一
切聲聞獨覺學無學衆隨其所宜示現壽命
脩短不同而如來身無有增減一切世界淨
心衆生菩提器中影無不現一切衆生有瞻
對者皆謂如來唯現我前隨其心樂而爲說
法隨其地位令得解脫隨所應化令見佛身

而如來身無有分別無有戲論所作利益皆得究竟佛子是爲如來身第六相諸菩薩摩訶薩應如是見復次佛子譬如三千大千世界大梵天王以少方便於大千世界普現其身一切衆生皆見梵王現在已前而此梵王亦不分身無種種身佛子諸佛如來亦復如是無有分別無有戲論亦不分身無種種身而隨一切衆生心樂示現其身亦不作念現若干身佛子是爲如來身第七相諸菩薩摩訶薩應如是見復次佛子譬如醫王善知衆藥及諸咒論閻浮提中諸所有藥用無不盡復以宿世諸善根力大明咒力爲方便故衆生見者病無不愈彼大醫王知命將終作是念言我命將後一切衆生無所依怙我今宜應爲現方便是時醫王合藥塗身明咒力持令其終後身不散不萎不枯威儀視聽與本無別凡所療治悉得除差佛子如來應正等覺無上醫王亦復如是於無量百千億那由他劫鍊治法藥已得成就修學一切方便善巧大明咒力皆到彼岸善能除滅一切衆生諸煩惱病及住壽命經無量劫其身清淨無有思慮無有動用一切佛事未嘗休息衆生見者諸煩惱病悉得消滅佛子是爲如來身第八相諸菩薩摩訶薩應如是見復次佛

子譬如大海有大摩尼寶名集一切光明毗
盧遮那藏若有衆生觸其光者悉同其色若
有見者眼得清淨隨彼光明所照之處雨摩
尼寶名爲安樂令諸衆生離苦調適佛子諸
如來身亦復如是爲大寶聚一切功德大智
慧藏若有衆生觸佛身寶智慧光者同佛身
色若有見者法眼清淨隨彼光明所照之處
令諸衆生離貧窮苦乃至具足佛菩提樂佛
子如來法身無所分別亦無戲論而能普爲
一切衆生作大佛事佛子是爲如來身第九
相諸菩薩摩訶薩應如是見復次佛子譬如
大海有大如意摩尼寶王名一切世間莊嚴
藏具足成就百萬功德隨所住處令諸衆生
災患消除所願滿足然此如意摩尼寶王非
少福衆生所能得見如來身如意寶王亦復
如是名爲能令一切衆生皆悉歡喜若有見
身聞名讚德悉令永離生死苦患假使一切
世界一切衆生一時專心欲見如來悉令得
見所願皆滿佛子佛身非是少福衆生所能
得見唯除如來自在神力所應調伏若有衆
生因見佛身便種善根乃至成熟爲成熟故
乃令得見如來身耳佛子是爲如來身第十
相諸菩薩摩訶薩應如是見以其心無量徧
十方故所行無礙如虛空故普入法界故住

真實際故無生無滅故等住三世故永離一切分別故住盡後際誓願故嚴淨一切世界故莊嚴一一佛身故爾時普賢菩薩摩訶薩卻重明此義而說頌言

譬如虛空徧十方
三世衆生身國土
諸佛眞身亦如是
不可得見不可取
譬如虛空不可取
不念我今何所作
諸佛身業亦如是
如來未曾有分別
譬如日出闍浮提
山樹池蓮地衆物
諸佛日出亦如是
永除癡闇得智明
譬如日光出現時
後照高原及大地
普逝光明亦如是
後照聲聞及衆生
譬如生盲不見日
今知時節受飲食
無信衆生不見佛
聞名及以觸光明

若色非色有非有
如是普在無邊際
一切法界無不徧
爲化衆生而現形
普使衆生造衆業
云何我作爲誰作
普使衆生修善法
我今於彼種種作
光明破闇悉無餘
種種品類皆蒙益
生長人天衆善行
恒受尊榮一切樂
先照山王次餘山
而日未始有分別
先照菩薩次緣覺
而佛本來無動念
日光亦爲作饒益
永離衆患身安隱
而佛亦爲興義利
因此乃至得菩提

譬如淨月在虛空
一切水中皆現影
如來淨月亦復然
普現天人淨心水
譬如梵王住自宮
一切人天咸得見
諸佛現身亦如是
其身無數不可稱
如有醫王善方術
命雖已盡藥塗身
最勝醫三亦如是
以昔妙行現佛身
譬如海中有寶王
衆生觸者同其色
最勝寶三亦如是
若有得見五眼開
譬如如意摩尼寶
少福衆生不能見
善逝寶王亦如是
無信衆生不見佛

能蔽衆星示盈缺
諸有觀瞻悉對前
能蔽餘乘示脩短
一切皆謂對其前
普現三千諸梵處
實不分身向於彼
一切十方無不徧
亦不分身不分別
若有見者病皆愈
令其作務悉如初
具足方便一切智
衆生見者煩惱滅
普出無量諸光明
若有見者眼清淨
觸其光者悉同色
破諸塵闇住佛地
隨有所求皆滿足
非是寶王有分別
悉滿所求諸欲樂
非是善逝心棄捨

大方廣佛華嚴經卷第五十

徧經

石經

作什

降露

下注音

摩醯

下平聲切

一箇

下各聲切

碎爲

二鉢內切

洪制

下注音

變遷

下失入切

令燥

下鉢老切

穀稼

上占格切

磨盤

上土爲切

不愈

下以主切

依枯

下依古切

不萎

下於爲切

不枯

下古用切

所燃

下力然切

鍊治

上郎屯切

乙巳歲高麗國大藏都監奉

款所造

大方廣佛華嚴經卷第五十一

育壽

于闐國三藏實叉難陀奉

制譯

如來出現品第三十七之二

佛子菩薩摩訶薩應云何知如來應正等覺
音聲佛子菩薩摩訶薩應知如來音聲徧至
普徧無量諸音聲故應知如來音聲隨其心
樂皆令歡喜說法明了故應知如來音聲隨
其信解皆令歡喜心得清涼故應知如來音
聲化不失時所應聞者無不聞故應知如來
音聲無生滅如呼響故應知如來音聲無主
修習一切業所起故應知如來音聲甚深難
可度量故應知如來音聲無邪曲法界所生
故應知如來音聲無斷絕普入法界故應知
如來音聲無變易至於究竟故佛子菩薩摩
訶薩應知如來音聲非量非無量非主非無
主非示非無示何以故佛子譬如世界將欲
壞時無主無作法爾而出四種音聲其四者
何一日汝等當知初禪安樂離諸欲惡超過
欲界衆生聞已自然而得成就初禪捨欲界
身生於梵天二日汝等當知二禪安樂無覺
無觀超於梵天衆生聞已自然而得成就二
禪捨梵天身生光音天三日汝等當知三禪
安樂無有過失超光音天衆生聞已自然而
得成就三禪捨光音身生徧淨天四日汝等

當知四禪寂靜超徧淨天衆生聞已自然而
得成就四禪捨徧淨身生廣果天是爲四佛
子此諸音聲無主無作但從衆生諸善業力
之所出生佛子如來音聲亦復如是無主無
作無有分別非入非出但從如來功德法力
出於四種廣大音聲其四者何一日汝等當
知一切諸行皆悉是苦所謂地獄苦畜生苦
餓鬼苦無福德苦著我我所苦作諸惡行苦
欲生人天當種善根生人天中離諸難處衆
生聞已捨離顛倒修諸善行離諸難處生人
天中二日汝等當知一切諸行衆苦熾然如
熱鐵丸諸行無常是磨滅法涅槃寂靜無爲
安樂遠離熾然消諸熱惱衆生聞已勤修善
法於聲聞乘得隨順音聲忍三日汝等當知
聲聞乘者隨他語解智慧狹劣更有上乘名
獨覺乘悟不由師汝等應學樂勝道者聞此
音已捨聲聞道修獨覺乘四日汝等當知過
二乘位更有勝道名爲大乘菩薩所行順六
波羅蜜不斷菩薩行不捨菩提心處無量生
死而不疲厭過於二乘名爲大乘第一乘勝
乘最勝乘上乘無上乘利益一切衆生乘若
有衆生信解廣大諸根猛利宿種善根爲諸
如來神力所加有勝樂欲希求佛果聞此音
已發菩提心佛子如來音聲不從身出不從

心出而能利益無量衆生佛子是爲如來音聲第一相諸菩薩摩訶薩應如是知復次佛子譬如呼響因於山谷及音聲起無有形狀不可觀見亦無分別而能隨逐一切語言如來音聲亦復如是無有形狀不可觀見非有方所非無方所但隨衆生欲解緣出其性究竟無言無示不可宣說佛子是爲如來音聲第二相諸菩薩摩訶薩應如是知復次佛子譬如諸天有大法鼓名爲覺悟若諸天子行放逸時於虛空中出聲告言汝等當知一切欲樂皆悉無常虛妄顛倒須臾變壞但誑愚夫令其戀著汝莫放逸若放逸者墮諸惡趣後悔無及放逸諸天聞此音已生大憂怖捨自官中所有欲樂詣天王所求法行道佛子彼天鼓音無主無作無起無滅而能利益無量衆生當知如來亦復如是爲欲覺悟放逸衆生出於無量妙法音聲所謂無著聲不放逸聲無常聲苦聲無我聲不淨聲寂滅聲涅槃聲無有量自然智聲不可壞菩薩行聲至一切處如來無功用智地聲以此音聲徧法界中而開悟之無數衆生聞是音已皆生歡喜勤修善法各於自乘而求出離所謂或修聲聞乘或修獨覺乘或習菩薩無上大乘而如來音不住方所無有言說佛子是爲如來

音聲第三相諸菩薩摩訶薩應如是知復次
佛子譬如自在天王有天采女名曰善口於
其口中出一音聲其聲則與百千種樂而共
相應一一樂中復有百千差別音聲佛子彼
善口女從口一聲出於如是無量音聲當知
如來亦復如是於一音中出無量聲隨諸衆
生心樂差別皆悉徧至悉令得解佛子是爲
如來音聲第四相諸菩薩摩訶薩應如是知
復次佛子譬如大梵天王住於梵宮出梵音
聲一切梵衆靡不皆聞而彼音聲不出衆外
諸梵天衆咸生是念大梵天王獨與我語如
來妙音亦復如是道場衆會靡不皆聞而其
音聲不出衆外何以故根未熟者不應聞故
其聞音者皆作是念如來世尊獨爲我說佛
子如來音聲無出無住而能成就一切事業
是爲如來音聲第五相諸菩薩摩訶薩應如
是知復次佛子譬如衆水皆同一味隨器異
故水有差別水無念慮亦無分別如來言音
亦復如是唯是一味謂解脫味隨諸衆生心
器異故無量差別而無念慮亦無分別佛子
是爲如來音聲第六相諸菩薩摩訶薩應如
是知復次佛子譬如阿那婆達多龍王興大
密雲徧閻浮提普霑甘露百穀苗稼皆得生
長江河泉池一切盈滿此大雨水不從龍王

身心中出而能種種饒益衆生佛子如來應正等覺亦復如是興大悲雲徧十方界普雨無上甘露法雨令一切衆生皆生歡喜增長善法滿足諸衆佛子如來音聲不從外來不從內出而能饒益一切衆生是爲如來音聲第七相諸菩薩摩訶薩應如是知復次佛子譬如摩那斯龍王將欲降雨未便即降先起大雲彌覆虛空凝停七日待諸衆生作務究竟何以故彼大龍王有慈悲心不欲惱亂諸衆生故過七日已降微細雨普潤大地佛子如來應正等覺亦復如是將降法雨未便即降先興法雲成熟衆生爲欲令其心無驚怖待其熟已然後普降甘露法雨演說甚深微妙善法漸次令其滿足如來一切智智無上法味佛子是爲如來音聲第八相諸菩薩摩訶薩應如是知復次佛子譬如海中有大龍王名大莊嚴於大海中降雨之時或降十種莊嚴雨或百或千或百千種莊嚴雨佛子水無分別但以龍王不思議力令其莊嚴乃至百千無量差別如來應正等覺亦復如是爲諸衆生說法之時或以十種差別音說或百或千或以百千或以八萬四千音聲說八萬四千行乃至或以無量百千億那由他音聲各別說法令其聞者皆生歡喜如來音聲無

所分別但以諸佛於甚深法界圓滿清淨能
 隨衆生根之所宜出種種言音皆令歡喜佛
 子是爲如來音聲第九相諸菩薩摩訶薩應
 如是知復次佛子譬如娑竭羅龍王欲現龍
 王自在力饒益衆生成令歡喜從四天下
 乃至他化自在天處興大雲網周布彌覆其
 雲色相無量差別或閻浮檀金光明色或毗
 瑠璃光明色或白銀光明色或玻瓈光明色
 或牟薩羅光明色或碼碯光明色或勝藏光
 明色或赤真珠光明色或無量香光明色或
 無垢衣光明色或清淨水光明色或種種莊
 嚴具光明色如是雲網周布彌布旣彌布已
 出種種色電光所謂閻浮檀金色雲出瑠璃
 色電光瑠璃色雲出金色電光銀色雲出玻
 瓈色電光玻瓈色雲出銀色電光牟薩羅色
 雲出碼碯色電光碼碯色雲出牟薩羅色電
 光勝藏寶色雲出赤真珠色電光赤真珠色
 雲出勝藏寶色電光無量香色雲出無垢衣
 色電光無垢衣色雲出無量香色電光清淨
 水色雲出種種莊嚴具色電光種種莊嚴具
 色雲出清淨水色電光乃至種種色雲出一
 色電光一色雲出種種色電光復於彼雲中
 出種種雷聲隨衆生心皆令歡喜所謂或如
 天女歌詠音或如諸天妓樂音或如龍女歌

誦音或如軋闍婆女歌誦音或如緊那羅女歌誦音或如大地震動聲或如海水波潮聲或如獸王哮吼聲或如好鳥鳴轉聲及餘無量種種音聲既震雷已復起涼風令諸衆生心生悅樂然後乃降種種諸雨利益安樂無量衆生從他化天至於地上於一切處所雨不同所謂於大海中雨清冷水名無斷絕於他化自在天雨簫笛等種種樂音名爲美妙於化樂天雨大摩尼寶名放大光明於兜率天雨大莊嚴具名爲垂髻於夜摩天雨七妙華名種種莊嚴具於三十三天雨衆妙香名爲悅意於四天王天雨天寶衣名爲覆蓋於龍王宮雨赤真珠名涌出光明於阿脩羅宮雨諸兵仗名降伏怨敵於北鬱單越雨種種華名曰開敷餘三天下悉亦如是然各隨其處所雨不同雖彼龍王其心平等無有彼此但以衆生善根異故雨有差別佛子如來應正等覺無上法王亦復如是欲以正法教化衆生先布身雲彌覆法界隨其樂欲爲現不同所謂或爲衆生現生身雲或爲衆生現化身雲或爲衆生現力持身雲或爲衆生現色身雲或爲衆生現相好身雲或爲衆生現福德身雲或爲衆生現智慧身雲或爲衆生現諸力不可壞身雲或爲衆生現無畏身雲或

為衆生現法界身雲佛子如來以如是等無
 量身雲普覆十方一切世界隨諸衆生所樂
 各別示現種種光明電光所謂或為衆生現
 光明電光名無所不至或為衆生現光明電
 光名無邊光明或為衆生現光明電光名入
 佛祕密法或為衆生現光明電光名影現光
 明或為衆生現光明電光名光明照耀或為
 衆生現光明電光名入無盡陀羅尼門或為
 衆生現光明電光名正念不亂或為衆生現
 光明電光名究竟不壞或為衆生現光明電
 光名順入諸趣或為衆生現光明電光名滿
 一切願皆令歡喜佛子如來應正等覺現如
 是等無量光明電光已復隨衆生心之所樂
 出生無量三昧雷聲所謂善覺智三昧雷聲
 明盛離垢海三昧雷聲一切法自在三昧雷
 聲金剛輪三昧雷聲須彌山幢三昧雷聲海
 印三昧雷聲日燈三昧雷聲無盡藏三昧雷
 聲不壞解脫力三昧雷聲佛子如來身雲中
 出如是等無量差別三昧雷聲已將降法雨
 先現瑞相開悟衆生所謂從無障礙大慈悲
 心現於如來大智風輪名能令一切衆生生
 不思議歡喜適悅此相現已一切菩薩及諸
 衆生身之與心皆得清涼然後從如來大法
 身雲大慈悲雲大不思議雲雨不思議廣大

法雨令一切衆生身心清淨所謂爲坐菩提
場菩薩雨大法雨名法界無差別爲最後身
菩薩雨大法雨名菩薩遊戲如來祕密教爲
一生所繫菩薩雨大法雨名清淨普光明爲
灌頂菩薩雨大法雨名如來莊嚴具所莊嚴
爲得忍菩薩雨大法雨名功德寶智慧華開
敷不斷菩薩大悲行爲住向行菩薩雨大法
雨名入現前變化甚深門而行菩薩行無休
息無疲厭爲初發心菩薩雨大法雨名出生
如來大慈悲行救護衆生爲求獨覺乘衆生
雨大法雨名深知緣起法遠離二邊得不壞
解脫果爲求聲聞乘衆生雨大法雨名以大
智慧劍斷一切煩惱怨爲積集善根決定不
決定衆生雨大法雨名能令成就種種法門
生大歡喜佛子諸佛如來隨衆生心雨如是
等廣大法雨充滿一切無邊世界佛子如來
應正等覺其心平等於法無吝但以衆生根
欲不同所雨法雨示有差別是爲如來音聲
第十相諸菩薩摩訶薩應如是知復次佛子
應知如來音聲有十種無量何等爲十所謂
如虛空界無量至一切處故如法界無量無
所不徧故如衆生界無量令一切心喜故如
諸業無量說其果報故如煩惱無量悉令除
滅故如衆生言音無量隨解令聞故如衆生

欲解無量普觀救度故如三世無量無有邊際故如智慧無量分別一切故如佛境界無量入佛法界故佛子如來應正等覺音聲成就如是等阿僧祇無量諸菩薩摩訶薩應如是知爾時普賢菩薩摩訶薩欲重明此義而說頌言

三千世界將壞時
四禪寂靜無諸苦
十力世尊亦如是
爲說諸行苦無常
譬如深山大谷中
雖能隨逐他言語
十力言音亦復然
令其調伏生歡喜
如天有鼓名能覺
誠彼放逸諸天子
十力法鼓亦如是
覺悟一切諸羣生
自在天王有寶女
一聲能出百千音
善逝音聲亦如是
隨其性欲有差別
譬如梵王吐一音
音準及梵不出外

衆生福力聲告言
令其聞已悉離欲
出妙音聲徧法界
令其永度生死海
隨有音聲皆響應
而響畢竟無分別
隨其根熟爲示現
不念我今能演說
常於空中震法音
令其聞已得離著
出於種種妙音聲
令其悉證菩提果
口中善奏諸音樂
一一音中復百千
一聲而出一切音
各令聞已斷煩惱
能令梵衆皆歡喜
一一皆言已獨聞

十力梵王亦復然
 唯霑衆會不遠出
 譬如衆水同一性
 因地在器各不同
 一切智音亦如是
 隨諸衆生行不同
 譬如無熱大龍王
 能令草樹皆生長
 諸佛妙音亦如是
 能令生善滅諸惡
 譬如摩那斯龍王
 待諸衆生作務竟
 十力演義亦如是
 然後爲說甚深法
 大莊嚴龍於海中
 或百或千百千種
 究竟辯才亦如是
 或百或千至無量
 最勝龍王婆竭羅
 於一切處雨各別
 諸佛法王亦如是
 爲諸修行雨各異
 佛子諸菩薩摩訶薩應云何知如來應正等
 覺心佛子如來心意識俱不可得但應以智

演一言音充法界
 以無信故未能受
 八功德味無差別
 是故令其種種異
 法性一味無分別
 故使聽聞種種異
 降雨普洽閭閻地
 而不從身及心出
 普雨法界悉充洽
 不從內外而得有
 興雲七日未先雨
 然後始降成利益
 先化衆生使成熟
 令其聞者不驚怖
 雲於十種莊嚴雨
 水雖一味莊嚴別
 說十二諸法門
 不生心念有殊別
 興雲普覆四天下
 而彼龍心無二念
 大悲身雲徧十方
 而於一切無分別

無量故知如來心譬如虛空爲一切物所依而虛空無所依如來智慧亦復如是爲一切世間出世間智所依而如來智無所依佛子知復次佛子譬如法界常出一切聲聞獨覺菩薩解脫而法界無增減如來智慧亦復如是恒出一切世間出世間種種智慧而如來智無增減佛子是爲如來心第二相諸菩薩摩訶薩應如是知復次佛子譬如大海其水潛流四天下地及八十億諸小洲中有穿鑿者無不得水而彼大海不作分別我出於水佛智海水亦復如是流入一切衆生心中若諸衆生觀察境界修習法門則得智慧清淨明了而如來智平等無二無有分別但隨衆生心行異故所得智慧各各不同佛子是爲如來心第三相諸菩薩摩訶薩應如是知復次佛子譬如大海有四寶珠具無量德能生海內一切珍寶若大海中無此寶珠乃至一寶亦不可得何等爲四一名積集寶二名無盡藏三名遠離熾然四名具足莊嚴佛子此四寶珠一切凡夫諸龍神等悉不得見何以故娑竭龍王以此寶珠端嚴方正置於宮中深密處故佛子如來應正等覺大智慧海亦復如是於中有四大智寶珠具足無量福智

功德由此能生一切衆生聲聞獨覺學無學位及諸菩薩智慧之寶何等爲四所謂無染著巧方便大智慧寶善分別有爲無爲法大智慧寶分別說無量法而不壞法性大智慧寶知時非時未曾誤失大智慧寶若諸如來大智海中無此四寶有一衆生得入大乘終無是處此四智寶薄福衆生所不能見何以故置於如來深密藏故此四智寶平均正直端潔妙好普能利益諸菩薩衆令其悉得智慧光明佛子是爲如來心第四相諸菩薩摩訶薩應如是知復次佛子譬如大海有四熾然光明大寶布在其底性極猛熱常能飲縮百川所注無量大水是故大海無有增減何等爲四一名曰藏二名離潤三名火熾光四名盡無餘佛子若大海中無此四寶從四天下乃至有頂其中所有悉被漂沒佛子此日藏大寶光明照觸海水悉變爲乳離潤大寶光明照觸其乳悉變爲酪火熾光大寶光明照觸其酪悉變爲酥盡無餘大寶光明照觸其酥變成醍醐如火熾然悉盡無餘佛子如來應正等覺大智慧海亦復如是有四種大智慧寶具足無量威德光明此智寶光觸諸菩薩乃至令得如來大智何等爲四所謂滅一切散善波浪大智慧寶除一切法愛大智

慧寶慧光普照大智慧寶與如來平等無邊
無功用大智慧寶佛子諸菩薩修集一切助
道法時起無量散善波浪一切世間天人阿
脩羅所不能壞如來以滅一切散善波浪大
智慧寶光明觸彼菩薩令捨一切散善波浪
持心一境住於三昧又以除一切法愛大智
慧寶光明觸彼菩薩令捨離三昧味著起廣
大神通又以慧光普照大智慧寶光明觸彼
菩薩令捨所起廣大神通住大明功用行又
以與如來平等無邊無功用大智慧寶光明
觸彼菩薩令捨所起大明功用行乃至得如
來平等地息一切功用令無有餘佛子若無
如來此四智寶大光照觸乃至有一菩薩得
如來地無有是處佛子是爲如來心第五相
諸菩薩摩訶薩應如是知復次佛子如從水
際上至非想非非想天其中所有大千國土
欲色無色衆生之處莫不皆依虛空而起虛
空而住何以故虛空普徧故雖彼虛空普容
三界而無分別佛子如來智慧亦復如是若
聲聞智若獨覺智若菩薩智若有爲行智若
無爲行智一切皆依如來智起如來智住何
以故如來智慧徧一切故雖復普容無量智
慧而無分別佛子是爲如來心第六相諸菩
薩摩訶薩應如是知復次佛子如雪山頂有

藥王樹名無盡根彼藥樹根從十六萬八千由旬下盡金剛地水輪際生彼藥王樹若生根時令閻浮提一切樹根生若生莖時令閻浮提一切樹莖生枝葉華果悉皆如是此藥王樹根能生莖莖能生根根無有盡名無盡根佛子彼藥王樹於一切處皆令生長唯於二處不能爲作生長利益所謂地獄深坑及水輪中然亦於彼初無厭捨佛子如來智慧大藥王樹亦復如是以過去所發成就一切智慧善法普覆一切諸衆生界除滅一切諸惡道苦廣大悲願而爲其根於一切如來真實智慧種性中生堅固不動善巧方便以爲其莖徧法界智諸波羅蜜以爲其枝禪定解脫諸大三昧以爲其葉摠持辯才菩提分法以爲其華究竟無變諸佛解脫以爲其果佛子如來智慧大藥王樹何故得名爲無盡根以究竟無休息故不斷菩薩行故菩薩行即如來性如來性即菩薩行是故得名爲無盡根佛子如來智慧大藥王樹其根生時令一切菩薩生不捨衆生大慈悲根其莖生時令一切菩薩增長堅固精進深心莖其枝生時令一切菩薩增長一切諸波羅蜜枝其葉生時令一切菩薩生長淨戒頭陀功德少欲知足葉其華生時令一切菩薩具諸善根相好

莊嚴華其果生時今一切菩薩得無生忍乃
至一切佛灌頂忍果佛子如來智慧大藥王
樹唯於二處不能爲作生長利益所謂二乘
墮於無爲廣大深院及壞善根非器衆生溺
大邪見貪愛之水然亦於彼曾無厭捨佛子
如來智慧無有增減以根善安住生無休息
故佛子是爲如來心第七相諸菩薩摩訶薩
應如是知復次佛子譬如三千大千世界劫
火起時焚燒一切草木叢林乃至鐵圍大鐵
圍山皆悉熾然無有遺餘佛子假使有人手
執乾草投彼火中於意云何得不燒不答言
不也佛子彼所投草容可不燒如來智慧分
別三世一切衆生一切國土一切劫數一切
諸法無不知者若言不知無有是處何以故
智慧平等悉明達故佛子是爲如來心第八
相諸菩薩摩訶薩應如是知復次佛子譬如
風戒壞世界時有大風起名曰散壞能壞三
千大千世界鐵圍山等皆成碎末復有大風
名爲能障周匝三千大千世界障散壞風不
令得至餘方世界佛子若令無此能障大風
十方世界無不壞盡如來應正等覺亦復如
是有大智風名爲能滅能滅一切諸大菩薩
煩惱習氣有大智風名爲巧持巧持其根未
熟善薩不令能滅大智風輪斷其一切煩惱

習氣佛子若無如來巧持智風無量菩薩皆
 墮聲聞辟支佛地由此智故令諸菩薩起二
 乘地安住如來究竟之位佛子是爲如來心
 第九相諸菩薩摩訶薩應如是知復次佛子
 如來智慧無處不至何以故無一衆生而不
 具有如來智慧但以妄想顛倒執著而不證
 得若離妄想一切智自然智無礙智則得現
 前佛子譬如有大經卷量等三千大千世界
 書寫三千大千世界中事一切皆盡所謂書
 寫大鐵圍山中事量等大鐵圍山書寫大地
 中事量等大地書寫中千世界中事量等中
 千世界書寫小千世界中事量等小千世界
 如是若四天下若大海若須彌山若地天宮
 殿若欲界空居天宮殿若色界宮殿若無色
 界宮殿一一書寫其量悉等此大經卷雖復
 量等大千世界而全住在一微塵中如一微
 塵一切微塵皆亦是時有一人智慧明達
 具足成就清淨天眼見此經卷在微塵內於
 諸衆生無少利益即作是念我當以精進力
 破彼微塵出此經卷令得饒益一切衆生作
 是念已即起方便破彼微塵出此大經令諸
 衆生普得饒益如於一塵一切微塵應知悉
 然佛子如來智慧亦復如是無量無礙普能
 利益一切衆生具足在於衆生身中但諸凡

愚妄想執著不知不覺不得利益爾時如來
以無障礙清淨智眼普觀法界一切衆生而
作是言奇哉奇哉此諸衆生云何具有如來
智慧愚癡迷惑不知不見我當教以聖道令
其永離妄想執著自於身中得見如來廣大
智慧與佛無異即教彼衆生修習聖道令離
妄想離妄想已證得如來無量智慧利益安
樂一切衆生佛子是爲如來心第十相諸菩
薩摩訶薩應如是知佛子菩薩摩訶薩應以
如是等無量無礙不可思議廣大相知如來
應正等覺心爾時普賢菩薩摩訶薩欲重明
此義而說頌言

欲知諸佛心當觀佛智慧 佛智無依處如空無所依
衆生種種樂及諸方便智 皆依佛智慧佛智無依止
聲聞與獨覺及諸佛解脫 皆依於法界法界無增減
佛智亦如是出生一切智 無增亦無減無生亦無盡
如水潛流地求之無不得 無念亦無盡功力徧十方
佛智亦如是普在衆生心 若有勤修行疾得智光明
如龍有四珠出生一切寶 置之深密處凡人莫能見
佛四智亦然出生一切智 餘人莫能見唯除大菩薩
如海有四寶能飲一切水 令海不流溢亦復無增減
如來智亦爾息浪除法愛 廣大無有邊能生佛菩薩
下方至有頂欲色無色界 一切依虛空虛空不分別
聲聞與獨覺菩薩衆智慧 皆依於佛智佛智無分別

雲山有樂王 名為無盡根 能生一切樹 根莖葉華實
佛智亦如是 如來種中生 既得菩提已 復生菩薩行
如人把乾草 置之於劫燒 金剛猶洞然 此無不燒理
三世劫與刹 及其中衆生 彼草容不燒 此佛無不知
有風名散壞 能壞於大千 若無別風止 壞及無量界
大智風亦爾 滅諸菩薩惑 別有善巧風 令住如來地
如有大經卷 量等三千界 在於一塵內 一切塵悉然
有一聰慧人 淨眼悉明見 破塵出經卷 普饒益衆生
佛智亦如是 徧在衆生心 妄想之所纏 不覺亦不知
諸佛大慈悲 令其除妄想 如是乃出現 饒益諸菩薩
大方廣佛華嚴經卷第五

苗稼上 猶音

凝停上 無陵切

哮吼上 孝書切

鳴轉上 明音切

蕭笛上 蘇肥切

唯霜下 康麻切

穿鑿上 川音切

飲縮下 所六切

醅醅上 題音切

把乾上 博下切

同經五十一

小字

乙巳歲高麗國大威都監奉

勅彫造

大方廣佛華嚴經卷第五十二

六

于闐國三藏實叉難陀奉 制譯

如來出現品第三十七之三

佛子菩薩摩訶薩應云何知如來應正等覺境界佛子菩薩摩訶薩以無障無礙智慧知一切世間境界是如來境界知一切三世境界一切剎境界一切法境界一切衆生境界真如無差別境界法界無障礙境界實際無邊際境界虛空無分量境界無境界境界是如來境界佛子如一切世間境界無量如來境界亦無量如一切三世境界無量如來境界亦無量乃至如無境界境界無量如來境界亦無量如無境界境界一切處無有如來境界亦如是一切處無有佛子菩薩摩訶薩應知心境界是如來境界如心境界無量無邊無縛無脫如來境界亦無量無邊無縛無脫何以故以如是如是思惟分別如是如是無量顯現故佛子如大龍王隨心降雨其雨不從內出不從外出如來境界亦復如是隨於如是思惟分別則有如是無量顯現於十方中悉無來處佛子如大海水皆從龍王心力所起諸佛如來一切智海亦復如是皆從如來往昔大願之所生起佛子一切智海無量無邊不可思議不可言說然我今者略說

善諭汝應諦聽佛子此閻浮提有二千五百
河流入大海西拘耶尼有五千河流入大海
東弗婆提有七千五百河流入大海北鬱單
越有一萬河流入大海佛子此四天下如是
二萬五千河相續不絕流入大海於意云何
此水多不答言甚多佛子復有十光明龍王
雨大海中水倍過前百光明龍王雨大海中
水復倍前大莊嚴龍王摩那斯龍王雷震龍
王難陀跋難陀龍王無量光明龍王連雲不
億諸大龍王各雨大海皆悉展轉倍過於前
娑竭羅龍王太子名閻浮幢雨大海中水復
倍前佛子十光明龍王宮殿中水流入大海
復倍過前百光明龍王宮殿中水流入大海
復倍過前大莊嚴龍王摩那斯龍王雷震龍
王難陀跋難陀龍王無量光明龍王連雲不
斷龍王大勝龍王大奮迅龍王如是等八十
億諸大龍王宮殿各別其中有水流入大海
皆悉展轉倍過於前娑竭羅龍王太子閻浮
幢宮殿中水流入大海復倍過前佛子娑竭
羅龍王連雨大海水復倍前其娑竭羅龍王
宮殿中水流出入海復倍於前其所出水紺
瑠璃色涌出有時是故大海潮不失時佛子
如是大海其水無量衆寶無量衆生無量所

依大地亦復無量佛子於汝意云何彼大海
爲無量不答言實爲無量不可爲論佛子此
大海無量於如來智海無量百分不及一千
分不及一乃至優波尼沙陀分不及其一但
隨衆生心爲作譬論而佛境界非譬所及佛
子菩薩摩訶薩應知如來智海無量從初發
心修一切菩薩行不斷故應知實聚無量一
切菩提分法三寶種不斷故應知所住衆生
無量一切學無學聲聞獨覺所受用故應知
住地無量從初歡喜地乃至究竟無障礙地
諸菩薩所居故佛子菩薩摩訶薩爲入無量
智慧利益一切衆生故於如來應正等覺境
界應如是知爾時普賢菩薩摩訶薩欲重明
此義而說頌言

如心境界無有量 諸佛境界亦復然
如心境界從意生 佛境如是應觀察
如龍不離於本處 以心威力靈大雨
雨水雖無來去處 隨龍心故悉充洽
十力牟尼亦如是 無所從來無所去
若有淨心則現身 量等法界入毛孔
如海珍奇無有量 衆生大地亦復然
水性一味等無別 於中生者各蒙利
如來智海亦如是 一切所有皆無量
有學無學住地人 悉在其中得饒益

佛子菩薩摩訶薩應云何知如來應正等覺
行佛子菩薩摩訶薩應知無礙行是如來行
應知真如行是如來行佛子如真如前際不
生後際不動現在不起如來行亦如是不生
不動不起佛子如法界非量非無量無形故
如來行亦如是非量非無量無形故佛子譬
如鳥飛虛空經於百年已經過處未經過處
皆不可量何以故虛空界無邊際故如來行
亦如是假使有人經百千億那由他劫分別
演說已說未說皆不可量何以故如來行無
邊際故佛子如來應正等覺住無礙行無有
住處而能普爲一切衆生示現所行令其見
已出過一切諸障礙道佛子譬如金翅鳥王
飛行虛空迴翔不去以清淨眼觀察海內諸
龍宮殿奮勇猛力以左右翅鼓揚海水悉令
兩闢知龍男女命將盡者而搏取之如來應
正等覺金翅鳥王亦復如是住無礙行以淨
佛眼觀察法界諸宮殿中一切衆生若曾種
善根已成熟者如來奮勇猛十力以止觀兩
翅鼓揚生死大愛水海使其兩闢而撮取之
置佛法中令斷一切妄想戲論安住如來無
分別無礙行佛子譬如日月獨無等侶周行
虛空利益衆生不作是念我從何來而至何
所諸佛如來亦復如是性本寂滅無有分別

示現遊行一切法界爲欲饒益諸衆生故作
諸佛事無有休息不生如是戲論分別我從
彼來而向彼去佛子菩薩摩訶薩應以如是
等無量方便無量性相知見如來應正等覺
所行之行爾時普賢菩薩欲重明此義而說
頌言

譬如眞如不生滅
無有方所無能見
大饒益者行如是
出過三世不可量
法界非界非非界
非是有量非無量
大功德者行亦然
前後虛空等無別
如鳥飛行億千歲
已說未說不可量
衆劫演說如來行
闍水搏取龍男女
金翅在空觀大海
令出有海除衆惑
十力能拔善根人
照臨一切不分別
譬如日月遊虛空
教化衆生無動念
世尊周行於法界
佛子諸菩薩摩訶薩應云何知如來應正等
覺成正覺佛子菩薩摩訶薩應知如來成正
覺於一切義無所觀察於法平等無所疑惑
無二無相無行無止無量無際遠離二邊住
於中道出過一切文字言說知一切衆生心
念所行根性欲樂煩惱染習舉要言之於一
念中悉知三世一切諸法佛子譬如大海普
能印現四天下中一切衆生色身形像是故

共說以爲大海諸佛菩提亦復如是普現一切衆生心念根性樂欲而無所現是故說名諸佛菩提佛子諸佛菩提一切文字所不能宣一切音聲所不能及一切言語所不能說但隨所應方便開示佛子如來應正等覺成正覺時得一切衆生量等身得一切法量等身得一切刹量等身得一切三世量等身得一切佛量等身得一切語言量等身得真如量等身得法界量等身得虛空界量等身得無礙界量等身得一切願量等身得一切行量等身得寂滅涅槃界量等身佛子如所得身言語及心亦復如是得如是等無量無數清淨三輪佛子如來成正覺時於其身中普見一切衆生成正覺乃至普見一切衆生入涅槃皆同一性所謂無性無何等性所謂無相性無盡性無生性無滅性無我性無非我性無衆生性無非衆生性無菩提性無法界性無虛空性亦復無有成正覺性知一切法皆無性故得一切智大悲相續救度衆生佛子譬如虛空一切世界若成若壞常無增減何以故虛空無生故諸佛菩提亦復如是若成正覺不滅正覺亦無增減何以故菩提無相無非相無一無種種故佛子假使有人能化作恒河沙等心一心復化作恒河沙等

佛皆無色無形無相如是盡恒河沙等劫無
有休息佛子於汝意云何彼人化心化作如
來凡有幾何如來性起妙德菩薩言如彼解
於仁所說義化與不化等無有別云何問言
凡有幾何普賢菩薩言善哉善哉佛子如汝
所說設一切衆生於一念中悉成正覺與不
成正覺等無有異何以故菩提無相故若無
有相則無增無減佛子菩薩摩訶薩應如是
知成等正覺同於菩提一相無相如來成正
覺時以一相方便入善覺智三昧入已於一
成正覺廣大身現一切衆生數等身住於身
中如一成正覺廣大身一切成正覺廣大身
悉亦如是佛子如來有如是等無量成正覺
門是故應知如來所現身無有量以無量故
說如來身爲無量界等衆生界佛子菩薩摩
訶薩應知如來身一毛孔中有一切衆生數
等諸佛身何以故如來成正覺身究竟無生
滅故如一毛孔徧法界一切毛孔悉亦如是
當知無有少許處空無佛身何以故如來成
正覺無處不至故隨其所能隨其勢力於道
場菩提樹下師子座上以種種身成等正覺
佛子菩薩摩訶薩應知自心念念常有佛成
正覺何以故諸佛如來不離此心成正覺故
如自心一切衆生心亦復如是悉有如來成

等正覺廣大周徧無處不有不離不斷無有
休息八不思議方便法門佛子菩薩摩訶薩
應如是知如來成正覺爾時普賢菩薩摩訶
薩欲重明此義而說頌言

正覺了知一切法 無二離二悉平等
自性清淨如虛空 我與非我不分別
如海印現衆生身 以此說其爲大海
菩提普印諸心行 是故說名爲正覺
譬如世界有成敗 而於虛空不增減
一切諸佛出世間 菩提一相恒無相
如人化心化作佛 化與不化性無異
一切衆生成菩提 成與不成無增減
佛有三昧名善覺 菩提樹下入此定
放衆生等無量光 開悟羣品如蓮敷
如三世劫刹衆生 所有心念及根欲
如是數等身皆現 是故正覺名無量
佛子菩薩摩訶薩應云何知如來應正等覺
轉法輪佛子菩薩摩訶薩應如是知如來以
心自在力無起無轉而轉法輪知一切法恒
無起故以三種轉斷所應斷而轉法輪知一
切法離邊見故離欲際非際而轉法輪入一
切法虛空際故無有言說而轉法輪知一切
法不可說故究竟寂滅而轉法輪知一切法
涅槃性故一切文字一切言語而轉法輪如

來音聲無處不至故知聲如響而轉法輪了
於諸法真實性故於一音中出一切音而轉
法輪畢竟無主故無遺無盡而轉法輪內外
無著故佛子譬如一切文字語言盡未來劫
說不可盡佛轉法輪亦復如是一切文字安
立顯示無有休息無有窮盡佛子如來法輪
悉入一切語言文字而無所住譬如書字普
入一切事一切語一切算數一切世間出世
間處而無所住如來音聲亦復如是普入一
切處一切衆生一切法一切業一切報中而
無所住一切衆生種種語言皆悉不離如來
法輪何以故言音實相即法輪故佛子菩薩
摩訶薩於如來轉法輪應如是知復次佛子
菩薩摩訶薩欲知如來所轉法輪應知如來
法輪所出生處何等爲如來法輪所出生處
佛子如來隨一切衆生心行欲樂無量差別
出若干音聲而轉法輪佛子如來應正等覺
有三昧名究竟無礙無畏入此三昧已於成
正覺一一身一一口各出一切衆生數等言
音一一音中衆音具足各各差別而轉法輪
令一切衆生皆生歡喜能如是知轉法輪者
當知此人則爲隨順一切佛法不如是知則
非隨順佛子諸菩薩摩訶薩應如是知佛轉
法輪普入無量衆生界故爾時普賢菩薩摩

訶薩欲重明此義而說頌言

如來法輪無所轉

三世無起亦無得

譬如文字無盡時

十力法輪亦如是

如字普入而無至

正覺法輪亦復然

入諸言音無所入

能令衆生悉歡喜

佛有三昧名究竟

入此定已乃說法

一切衆生無有邊

普出其音令悟解

一一音中復更演

無量言音各差別

於世自在無分別

隨其欲樂普使聞

文字不從内外出

亦不失壞無積聚

而爲衆生轉法輪

如是自在甚奇特

佛子菩薩摩訶薩應云何知如來應正等覺

般涅槃佛子菩薩摩訶薩欲知如來大涅槃

者當頌了知根本自性如真如涅槃如來涅槃

般亦如是如實際涅槃如來涅槃亦如是如

法界涅槃如來涅槃亦如是如虛空涅槃如

來涅槃亦如是如法性涅槃如來涅槃亦如

是如離欲際涅槃如來涅槃亦如是如無相

際涅槃如來涅槃亦如是如我性際涅槃如

來涅槃亦如是如一切法性際涅槃如來涅槃

亦如是如真如際涅槃如來涅槃亦如是

何以故涅槃無生無出故若法無生無出則

無有滅佛子如來不爲菩薩說諸如來究竟

涅槃亦不爲彼示現其事何以故爲欲令見

一切如來常住其前於一念中見過去未來
一切諸佛色相圓滿皆如現在亦不起二不
二想何以故菩薩摩訶薩永離一切諸想著
故佛子諸佛如來爲令衆生生欣樂故出現
於世欲令衆生生戀慕故不現淨髻而實如
來無有出世亦無涅槃何以故如來常住清
淨法界隨衆生心示現涅槃佛子譬如日出
普照世間於一切淨水器中影無不現普徧
衆處而無來住或一器破便不現影佛子於
汝意云何彼影不現爲日咎不答言不也但
由器壞非日有各佛子如來智日亦復如是
普現法界無前無後一切衆生淨心器中佛
無不現心器常淨常見佛身若心濁器破則
不得見佛子若有衆生應以涅槃而得度者
如來則爲示現涅槃而實如來無生無死無
有滅度佛子譬如火大於一切世間能爲火
事或時一處其火息滅於意云何豈一切世
間火皆滅耶答言不也佛子如來應正等覺
亦復如是於一切世界施作佛事或於一世
界能事已畢示入涅槃豈一切世界諸佛如
來悉皆滅度佛子菩薩摩訶薩應如是知如
來應正等覺大般涅槃復次佛子譬如幻師
善明幻術以幻術力於三千大千世界一切
國土城邑聚落示現幻身以幻力持經劫而

住然於餘處幻事已訖隱身不現佛子於汝
 意云何彼大幻師豈於一處隱身不現便一
 切處皆隱滅耶答言不也佛子如來應正等
 覺亦復如是善知無量智慧方便種種幻術
 於一切法界普現其身持令常住盡未來際
 或於一處隨衆生心所作事訖示現涅槃豈
 以一處示入涅槃便謂一切悉皆滅度佛子
 菩薩摩訶薩應如是知如來應正等覺大般
 涅槃復次佛子如來應正等覺示涅槃時入
 不動三昧入此三昧已於一一身各放無量
 百千億那由他大光明一一光明各出阿僧
 祇蓮華一一蓮華各有不可說妙寶華葉一
 一華葉有師子座一一座上皆有如來結跏
 趺坐其佛身數正與一切衆生數等皆具上
 妙功德莊嚴從本願力之所生起若有衆生
 善根熟者見佛身已則皆受化然彼佛身盡
 未來際究竟安住隨宜化度一切衆生未曾
 失時佛子如來身者無有方處非實非虛但
 以諸佛本誓願力衆生堪度則便出現菩薩
 摩訶薩應如是知如來應正等覺大般涅槃
 佛子如來住於無量無礙究竟法界虛空界
 具如法性無生無滅及以實際為諸衆生隨
 時示現本願持故無有休息不捨一切衆生
 一切刹一切法爾時普賢菩薩摩訶薩欲重

明此義而說頌言

如日舒光照法界

最勝智日亦如是

如火世間作大事

人中最勝徧法界

幻師現身一切刹

如來化訖亦復然

佛有三昧名不動

一念身故無量光

佛身無數等法界

如是無數一一身

如無生性佛出興

言辭譬論悉皆斷

佛子菩薩摩訶薩應云何知於如來應正等

覺見聞親近所種善根佛子菩薩摩訶薩應

知於如來所見聞親近所種善根皆悉不虛

出生無盡覺慧故離於一切障難故決定至

於究竟故無有虛誑故一切願滿故不盡有

爲行故隨順無爲智故生諸佛智故盡未來

際故成一切種勝行故到無功用智地故佛

子譬如丈夫食少金剛終竟不消要穿其身

出在於外何以故金剛不與肉身雜穢而同

止故於如來所種少善根亦復如是要穿一

切有爲諸行煩惱身過到於無爲究竟智處

器壞水漏影隨滅

衆生無信見涅槃

於一城邑或時息

化事訖處示終盡

能事畢處則便謝

於餘國土常見佛

化衆生訖入此定

光出蓮華華有佛

有福衆生所能見

壽命莊嚴皆具足

如無滅性佛涅槃

一切義成無與等

何以故此少善根下與有爲諸行煩惱而共住故佛子假使乾草積同須彌投火於中如芥子許必皆燒盡何以故火能燒故於如來所種少善根亦復如是必能燒盡一切煩惱究竟得於無餘涅槃何以故此少善根性究竟故佛子譬如雪山有藥王樹名曰善見若有見者眼得清淨若有聞者耳得清淨若有觸者鼻得清淨若有嘗者舌得清淨若有觸者身得清淨若有衆生取彼地土亦能爲作除病利益佛子如來應正等覺無上藥王亦復如是能作一切饒益衆生若有得見如來色身眼得清淨若有得聞如來名号耳得清淨若有得嗅如來戒香鼻得清淨若有得嘗淨若有得觸如來光者身得清淨究竟獲得無上如來法味舌得清淨具廣長舌解語言法若有得觸如來光者身得清淨究竟獲得無上法身若於如來生憶念者則得念佛三昧清淨若有衆生供養如來所經土地及塔廟者亦具善根滅除一切諸煩惱患得賢聖樂佛子我今告汝設有衆生見聞於佛業障纏覆不生信樂亦種善根無空過者乃至究竟入於涅槃佛子菩薩摩訶薩應如是知於如來所見聞親近所種善根悉離一切諸不善法具足善法佛子如來以一切譬論說種種事無有譬諭能說此法何以故心智路絕不思

議故諸佛菩薩但隨衆生心令其歡喜爲說
譬喻非是究竟佛子此法門名爲如來祕密
之處名一切世間所不能知名如來印名
開大智門名示現如來種性名成就一切菩
薩名一切世間所不能壞名一向隨順如來
境界名能淨一切諸衆生界名演說如來根
本實性不思議究竟法佛子此法門如來不
爲餘衆生說唯爲趣向大乘菩薩說唯爲乘
不思議乘菩薩說此法門不入一切餘衆生
手唯除諸菩薩摩訶薩佛子譬如轉輪聖王
所有七寶因此寶故顯示輪王此寶不入餘
衆生手唯除第一夫人所生太子具足成就
聖三相者若轉輪王無此太子具衆德者王
命終後此諸寶等於七日中悉皆散滅佛子
此經珍寶亦復如是不入一切餘衆生手唯
除如來法王眞子生如來家種如來相諸善
根者佛子若無此等佛之眞子如是法門不
久散滅何以故一切二乘不聞此經何況受
持讀誦書寫分別解說唯諸菩薩乃能如是
是故菩薩摩訶薩聞此法門應大歡喜以尊
重心恭敬頂受何以故菩薩摩訶薩信樂此
經疾得阿耨多羅三藐三菩提故佛子設有
菩薩於無量百千億那由他劫行六波羅蜜
修習種種菩提分法若未聞此如來不思議

大威德法門或時間已不信不解不順不入
不得名為真實菩薩以不能生如來家故若
得聞此如來無量不可思議無障無礙智慧
法門聞已信解隨順悟入當知此人生如來
家隨順一切如來境界具足一切諸菩薩法
安住一切種智境界遠離一切諸世間法出
生一切如來所行通達一切菩薩法性於佛
自在心無疑惑住無師法深入如來無礙境
界佛子菩薩摩訶薩聞此法已則能以三等
智知無量法則能以正直心離諸分別則能
以勝欲樂現見諸佛則能以作意力入三等
虛空界則能以自在念行無邊法界則能以
智慧力具一切功德則能以自然智離一切
世間垢則能以菩提心入一切十方網則能
以大觀察知三世諸佛同一體性則能以善
根迴向智普入如是法不入而入不於一法
而有繫緣恒以一法觀一切法佛子菩薩摩
訶薩成就如是功德少作功力得無師自然
智爾時普賢菩薩欲重明此義而說頌言
見聞供養諸如來 所得功德不可量
於有爲中終不盡 要滅煩惱離衆苦
譬人吞服少金剛 終竟不消要當出
供養十力諸功德 滅惑必至金剛智
如乾草積等須彌 投芥之火悉燒盡

供養諸佛少功德

必斷煩惱至涅槃

雪山有藥名善見

見聞輒觸消眾疾

若有見聞於十力

得勝功德到佛智

爾時佛神力故法如是故十方各有十不可說百千億那由他世界六種震動所謂東涌西沒西涌東沒南涌北沒北涌南沒邊涌中沒中涌邊沒十八相動所謂動徧動等徧動起徧起等徧起涌徧涌等徧涌震徧震等徧震吼徧吼等徧吼擊徧擊等徧擊雨出過諸天一切華雲一切蓋雲幢雲幡雲香雲鬘雲塗香雲莊嚴具雲大光明摩尼寶雲諸菩薩讚歎雲不可說菩薩各差別身雲雨成正覺雲嚴淨不思議世界雲雨如來言語音聲雲充滿無邊法界如此四天下如來神力如是示現今諸菩薩皆大歡喜周徧十方一切世界悉亦如是是時十方各過八十不可說百千億那由他佛刹微塵數世界外各有八十不可說百千億那由他佛刹微塵數如來同名普賢皆現其前而作是言善哉佛子乃能承佛威力隨順法性演說如來出現不思議法佛子我等十方八十不可說百千億那由他佛刹微塵數同名諸佛皆說此法如我所說十方世界一切諸佛亦如是說佛子今此會中十萬佛刹微塵數菩薩摩訶薩得一切

菩薩神通三昧我等皆與授記一生當得阿耨多羅三藐三菩提佛刹微塵數衆生發阿耨多羅三藐三菩提心我等亦與授記於當來世經不可說佛刹微塵數劫皆得成佛同號佛殊勝境界我等爲令未來諸菩薩聞此法故皆共護持如此四天下所度衆生十方百千億那由他無數無量乃至不可說不可說法界虛空等一切世界中所度衆生皆亦如是爾時十方諸佛威神力故毗盧遮那牟尼力故法如是故善根力故如來起智不越念故如來應緣不失時故隨時覺悟諸菩薩故往昔所作無失壞故令得普賢廣大行故顯現一切智自在故十方各過十不可說百千億那由他佛刹微塵數世界外各有十不可說百千億那由他佛刹微塵數菩薩來詣於此充滿十方一切法界示現菩薩廣大莊嚴放大光明網震動一切十方世界壞散一切諸魔宮殿消滅一切諸惡道苦顯現一切如來威德歌詠讚歎如來無量差別功德法普雨一切種種雨示現無量差別身領受無量諸佛法以佛神力各作是言善哉佛子乃能說此如來不可壞法佛子我等一切皆名普賢各從普光明世界普幢自在如來所而采於此彼一切處亦說是法如是文句如是

義理如是宣說如是決定皆同於此不增不減我等皆以佛神力故得如來法故來詣此與爲汝作證如我來此十方等虛空徧法界一切世界諸四天下亦復如是

爾時普賢菩薩承佛神力觀察一切菩薩大衆欲重明如來出現廣大威德如來正法不可沮壞無量善根皆悉不空諸佛出世必具一切最勝之法善能觀察諸衆生心隨應說法未曾失時生諸菩薩無量法光一切諸佛自在莊嚴一切如來一身無異從本大行之所生起而說頌言

一切如來諸所作

世間譬諭無能及

爲令衆生得悟解

非諭爲諭而顯示

如是微密甚深法

百千萬劫難可聞

精進智慧調伏者

乃得聞此祕奧義

若聞此法生欣慶

彼曾供養無量佛

爲佛加持所攝受

人天讚歎常供養

此爲超世第一財

此能救度諸羣品

此能出生清淨道

汝等當持莫放逸

大方廣佛華嚴經卷第五十二

金翅

下施智切

鼓陽

下音者

雨澤

下音益切

而搏

下西各切

而擇

下音者

軍積

下音智切

乙巳歲高麗國大藏部監製

勅諭

大方廣佛華嚴經卷第五十三

育

離世間品第三十八之一

于闐國三藏實叉難陀奉

制譯

爾時世尊在摩竭提國阿蘭若法菩提場中
普光明殿坐蓮華藏師子之座妙悟皆滿二
行永絕達無相法住於佛住得佛平等到無
障礙不可轉法所行無礙立不思議普見三
世身恒充滿一切國土智恒明達一切諸法
了一切行盡一切疑無能測身一切菩薩等
所求智到佛無二究竟彼岸具足如來平等
解脫證無中邊佛平等地盡於法界等虛空
界與不可說百千億那由他佛刹微塵數善
薩摩訶薩俱皆一生當得阿耨多羅三藐三
菩提各從他方種種國土而共來集悉具菩
薩方便智慧所謂善能觀察一切衆生以方
便力令其調伏住菩薩法善能觀察一切世
界以方便力普皆往詣善能觀察涅槃境界
思惟壽量永離一切戲論分別而修妙行無
有間斷善能攝受一切衆生善入無量諸方
便法知諸衆生空無所有而不壞業果善知
衆生心使諸根境界方便種種差別悉能受
持三世佛法自得解了復爲他說於世出世
無量諸法皆善安住知其真實於有爲無爲
一切諸法悉善觀察知無有二於一念中悉

能獲得三世諸佛所有智慧於念念中悉能
示現成等正覺令一切衆生發心成道於一
衆生心之所緣悉知一切衆生境界雖入如
來一切智地而不捨菩薩行諸所作業智慧
方便而無所作為一一衆生住無量劫而於
阿僧祇劫難可值遇轉正法輪調伏衆生皆
不唐捐三世諸佛清淨行願悉已具足成就
如是無量功德一切如來於無邊劫說不可
盡其名曰普賢菩薩普眼菩薩普化菩薩普
慧菩薩普見菩薩普光菩薩普觀菩薩普照
菩薩普幢菩薩普覺菩薩如是等十不可說
百千億那由他佛刹微塵數皆悉成就普賢
行願深心大願皆已圓滿一切諸佛出興世
處悉能往詣請轉法輪善能受持諸佛法眼
不斷一切諸佛種性善知一切諸佛興世授
記次第名号國土成等正覺轉於法輪無佛
世界現身成佛能令一切雜染衆生皆悉清
淨能滅一切菩薩業障入於無礙清淨法界
爾時普賢菩薩摩訶薩入廣大三昧名佛華
莊嚴入此三昧時十方所有一切世界六種
十八相動出大音聲靡不皆聞然後從其三
昧而起爾時普慧菩薩知衆已集問普賢菩
薩言佛子願為演說何等為菩薩摩訶薩依
何等為奇特想何等為行何等為善知識何

等爲勤精進何等爲心得安隱何等爲成就
衆生何等爲戒何等爲自知受記何等爲入
菩薩何等爲入如來何等爲入衆生心行何
等爲入世界何等爲入劫何等爲說三世何
別智何等爲陀羅尼何等爲演說佛何等爲
發普賢心何等爲普賢行法以何等故而起
大悲何等爲發菩提心因緣何等爲於善知
識起尊重心何等爲清淨何等爲諸波羅蜜
何等爲智隨覺何等爲證知何等爲力何等
爲平等何等爲佛法實義句何等爲說法何
等爲持何等爲辯才何等爲自在何等爲無
著性何等爲平等心何等爲出生智慧何等
爲變化何等爲力持何等爲得大欣慰何等
爲深入佛法何等爲依止何等爲發無畏心
何等爲發無疑惑心何等爲不思議何等爲
巧密語何等爲巧分別智何等爲入三昧何
等爲徧入何等爲解脫門何等爲神通何等
爲明何等爲解脫何等爲園林何等爲宮殿
何等爲所樂何等爲莊嚴何等爲發不動心
何等爲不捨深大心何等爲觀察何等爲說
法何等爲清淨何等爲印何等爲智光照何
等爲無等住何等爲無下劣心何等爲如山
增上心何等爲入無上菩提如海智何等爲

如寶住何等爲發如金剛大乘誓願心何等
爲大發起何等爲究竟大事何等爲不壞信
何等爲授記何等爲善根迴向何等爲得智
慧何等爲發無邊廣大心何等爲伏藏何等
爲律儀何等爲自在何等爲無礙用何等爲
衆生無礙用何等爲刹無礙用何等爲法無
礙用何等爲身無礙用何等爲願無礙用何
等爲境界無礙用何等爲智無礙用何等爲
神通無礙用何等爲神力無礙用何等爲力
無礙用何等爲遊戲何等爲境界何等爲力
何等爲無畏何等爲不共法何等爲業何等
爲身何等爲身業何等爲身何等爲語何等
爲淨修語業何等爲得守護何等爲成辦大
事何等爲心何等爲發心何等爲周徧心何
等爲諸根何等爲深心何等爲增上深心何
等爲勤修何等爲決定解何等爲決定解入
世界何等爲決定解入衆生界何等爲習氣
何等爲取何等爲修何等爲成就佛法何等
爲退失佛法道何等爲離生道何等爲決定
法何等爲出生佛法道何等爲大丈夫名号
何等爲道何等爲無量道何等爲助道何等
爲修道何等爲莊嚴道何等爲足何等爲手
何等爲腹何等爲藏何等爲心何等爲被甲
何等爲器仗何等爲首何等爲眼何等爲耳

何等為鼻何等為舌何等為身何等為意何等為行何等為住何等為坐何等為卧何等為所住處何等為所行處何等為觀察何等為普觀察何等為奮迅何等為師子吼何等為清淨施何等為清淨戒何等為清淨忍何等為清淨精進何等為清淨定何等為清淨慧何等為清淨慈何等為清淨悲何等為清淨喜何等為清淨捨何等為義何等為法何等為福德助道具何等為智慧助道具何等為明足何等為求法何等為明了法何等為修行法何等為魔何等為魔業何等為捨離魔業何等為見佛何等為佛業何等為慢業何等為智業何等為魔所攝持何等為佛所攝持何等為法所攝持何等為住兜率天所作業何故於兜率天宮歿何故現處胎何等為現微細趣何故現初生何故現微笑何故示行七步何故現童子地何故現處內宮何故現出家何故示告行云何往詣道場云何坐道場何等為坐道場時奇特相何故示降魔何等為成如來力云何轉法輪何故因轉法輪得白淨法何故如來應正等覺示般涅槃善哉佛子如是等法願為演說爾時普賢菩薩告普慧等諸菩薩言佛子菩薩摩訶薩有十種依何等為十所謂以菩提

心爲依恒不忘失故以善知識爲依和合如一故以善根爲依修集增長故以波羅蜜爲依具足修行故以一切法爲依究竟出離故以大願爲依增長菩提故以諸行爲依普皆成就故以一切菩薩爲依同一智慧故以供養諸佛爲依信心清淨故以一切如來爲依如慈父教誨不斷故是爲十若諸菩薩安住此法則得爲如來無上大智所依處佛子善薩摩訶薩有十種奇特想何等爲十所謂於一切善根生自善根想於一切善根生菩提種子想於一切衆生生菩提器想於一切願生自願想於一切法生出離想於一切行生自行想於一切法生佛法想於一切語言法生語言道想於一切佛生慈父想於一切如來生無二想是爲十若諸菩薩安住此法則得無上善巧想佛子菩薩摩訶薩有十種行何等爲十所謂一切衆生行普令成熟故一切求法行咸悉修學故一切善根行悉使增長故一切三昧行一心不亂故一切智慧行無不了知故一切修習行無不能修故一切佛刹行皆悉莊嚴故一切善友行恭敬供養故一切如來行尊重承事故是爲十若諸菩薩安住此法則得如來無上大智慧行佛子善薩摩訶薩有十種善知識何等爲十所謂

令住菩提心善知識令生善根善知識令行
諸波羅蜜善知識令解說一切法善知識令
成熟一切衆生善知識令得決定辯才善知
識令不著一切世間善知識令於一切劫修
行無厭倦善知識令安住普賢行善知識令
入一切佛智所入善知識是爲十佛子菩薩
摩訶薩有十種勤精進何等爲十所謂教化
一切衆生勤精進深入一切法勤精進嚴淨
一切世界勤精進修行一切菩薩所學勤精
進滅除一切衆生惡勤精進止息一切三惡
道苦勤精進摧破一切衆魔勤精進願爲一
切衆生作清淨眼勤精進供養一切諸佛勤
精進令一切如來皆悉歡喜勤精進是爲十
若諸菩薩安住此法則得具足如來無上精
進波羅蜜佛子菩薩摩訶薩有十種心得安
隱何等爲十所謂自住菩提心亦當令他住
菩提心心得心得安隱自究竟離念諍亦當令
他離念諍心得安隱自離凡愚法亦令他離凡
愚法心得安隱自勤修善根亦令他勤修善
根心得安隱自住波羅蜜道亦令他住波羅
蜜道心得安隱自生在佛家亦當令他生於
佛家心得安隱自深入無自性真實法亦令
他入無自性真實法心得安隱自不誹謗一
切佛法亦令他不誹謗一切佛法心得安隱

自滿一切智菩提願亦令他滿一切智菩提
願心得安隱自深入一切如來無盡智藏亦
令他入一切如來無盡智藏心得安隱是爲
十若諸菩薩安住此法則得如來無上大智
安隱佛子菩薩摩訶薩有十種成就衆生何
等爲十所謂以布施成就衆生以色身成就
衆生以說法成就衆生以同行成就衆生以
無染著成就衆生以開示菩薩行成就衆生
以熾然示現一切世界成就衆生以示現佛
法大威德成就衆生以種種神通變現成就
衆生以種種微密善巧方便成就衆生是爲
十菩薩以此成就衆生界佛子菩薩摩訶薩
有十種戒何等爲十所謂不捨菩提心戒遠
離二乘地戒觀察利益一切衆生戒令一切
衆生住佛法戒修一切菩薩所學戒於一切
法無所得戒以一切善根迴向菩提戒不著
一切如來身戒思惟一切法離取著戒諸根
律儀戒是爲十若諸菩薩安住此法則得如
來無上廣大戒波羅蜜佛子菩薩摩訶薩有
十種受記法菩薩以此自知受記何等爲十
所謂以殊勝意發菩提心自知受記永不厭
捨諸菩薩行自知受記住一切劫行菩薩行
自知受記修一切佛法自知受記於一切佛
教一向深信自知受記修一切善根皆令成

就自知受記置一切眾生於佛菩提自知受
記於一切善知識和合無二自知受記於一
切善知識起如來想自知受記恒勤守護菩
提本願自知受記是爲十佛子菩薩摩訶薩
有十種入入諸菩薩何等爲十所謂入本願
入行入聚入諸波羅蜜入成就入差別願入
種種解入莊嚴佛土入神力自在入示現受
生是爲十菩薩以此普入三世一切菩薩佛
子菩薩摩訶薩有十種入入諸如來何等爲
十所謂入無邊成正覺入無邊轉法輪入無
邊方便法入無邊差別音聲入無邊調伏眾
生入無邊神力自在入無邊種種差別身入
無邊三昧入無邊力無所畏入無邊示現涅
槃是爲十菩薩以此普入三世一切如來佛
子菩薩摩訶薩有十種入眾生行何等爲十
所謂入一切眾生過去行入一切眾生未來
行入一切眾生現在行入一切眾生善行入
一切眾生不善行入一切眾生心行入一切
眾生根行入一切眾生解行入一切眾生煩
惱習氣行入一切眾生教化調伏時非時行
是爲十菩薩以此普入一切諸眾生行佛子
菩薩摩訶薩有十種入世界何等爲十所謂
入染世界入淨世界入小世界入大世界入
微塵中世界入微細世界入覆世界入仰世

界入有佛世界入無佛世界是爲十菩薩以
此普入十方一切世界佛子菩薩摩訶薩有
十種入劫何等爲十所謂入過去劫入未來
劫入現在劫入可數劫入不可數劫入可數
劫即不可數劫入不可數劫即可數劫入一
切劫即非劫入非劫即一切劫入一切劫即
一念是爲十菩薩以此普入一切劫佛子菩
薩摩訶薩有十種說三世何等爲十所謂過
去世說過去世過去世說未來世過去世說
現在世未來世說過去世未來世說現在世
未來世說無盡現在世說過去世現在世說
念是爲十菩薩以此普說三世佛子菩薩摩
訶薩有十種說三世何等爲十所謂知諸安
立知諸語言知諸談議知諸軌則知諸稱謂
知諸制令知其假名知其無盡知其寂滅知
一切空是爲十菩薩以此普知一切三世諸
法佛子菩薩摩訶薩發十種無疲厭心何等
爲十所謂供養一切諸佛無疲厭心親近一
切善知識無疲厭心求一切法無疲厭心聽
聞正法無疲厭心宣說正法無疲厭心教化
調伏一切衆生無疲厭心置一切衆生於佛
菩提無疲厭心於一一世界經不可說不可
說劫行菩薩行無疲厭心遊行一切世界無

疲厭心觀察思惟一切佛法無疲厭心是爲
十若諸菩薩安住此法則得如來無疲厭無
上大智佛子菩薩摩訶薩有十種差別智何
等爲十所謂知衆生差別智知諸根差別智
知業報差別智知受生差別智知世界差別
智知法界差別智知諸佛差別智知諸法差
別智知三世差別智知一切語言道差別智
是爲十若諸菩薩安住此法則得如來無上
廣大差別智佛子菩薩摩訶薩有十種陀羅
尼何等爲十所謂聞持陀羅尼持一切法不
忘失故修行陀羅尼如寶巧觀一切法故思
惟陀羅尼了知一切諸法性故法光明陀羅
尼照不思議諸佛法故三昧陀羅尼普於現
在一切佛所聽聞正法心不亂故圓音陀羅
尼解了不思議音聲語言故三世陀羅尼演
說三世不可思議諸佛法故種種辯才陀羅
尼演說無邊諸佛法故出生無礙耳陀羅尼
不可說佛所說之法悉能聞故一切佛法陀
羅尼安住如來力無畏故是爲十若諸菩薩
欲得此法當勤修學佛子菩薩摩訶薩說十
種佛何等爲十所謂成正覺佛願佛業報佛
住持佛涅槃佛法界佛心佛三昧佛本性佛
隨樂佛是爲十
佛子菩薩摩訶薩發十種普賢心何等爲十

所謂發大慈心救護一切衆生故發大悲心
代一切衆生受苦故發一切施心悉捨所有
故發念一切智爲首心樂求一切佛法故發
功德莊嚴心學一切菩薩行故發如金剛心
一切處受生不忘失故發如海心一切白淨
法悉流入故發如大山王心一切惡言皆忍
受故發安隱心施一切衆生無怖畏故發般
若波羅蜜究竟心巧觀一切法無所有故是
爲十若諸菩薩安住此心疾得成就普賢善
巧智佛子菩薩摩訶薩有十種普賢行法何
等爲十所謂願住未來一切劫普賢行法願
供養恭敬未來一切佛普賢行法願安置一
切衆生於普賢菩薩行普賢行法願積集一
切善根普賢行法願入一切波羅蜜普賢行
法願滿足一切菩薩行普賢行法願莊嚴一
切世界普賢行法願生一切佛刹普賢行法
願善觀察一切法普賢行法願於一切佛國
土成無上菩提普賢行法是爲十若諸菩薩
勤修此法疾得滿足普賢行願佛子菩薩摩
訶薩以十種觀衆生而起大悲何等爲十所
謂觀察衆生無依無怙而起大悲觀察衆生
性不調順而起大悲觀察衆生貧無善根而
起大悲觀察衆生長夜睡眠而起大悲觀察
衆生行不善法而起大悲觀察衆生欲縛所

縛而起大悲觀察衆生沒生死海而起大悲
觀察衆生長嬰疾苦而起大悲觀察衆生無
善法欲而起大悲觀察衆生失諸佛法而起
大悲是爲十菩薩恒以此心觀察衆生佛子
菩薩摩訶薩有十種發菩提心因緣何等爲
十所謂爲教化調伏一切衆生故發菩提心
爲除滅一切衆生苦聚故發菩提心爲與一
切衆生具足安樂故發菩提心爲斷一切衆
生愚癡故發菩提心爲與一切衆生佛智故
發菩提心爲恭敬供養一切諸佛故發菩提
心爲隨如來教令佛歡喜故發菩提心爲見
一切佛色身相好故發菩提心爲入一切佛
廣大智慧故發菩提心爲顯現諸佛力無所
畏故發菩提心是爲十佛子若菩薩發無上
菩提心爲悟入一切智智故親近供養善知
識時應起十種心何等爲十所謂起給侍心
歡喜心無違心隨順心無異求心一向心同
佛子若菩薩摩訶薩起如是心則得十種清
淨何等爲十所謂深心清淨到於究竟無失
壞故色身清淨隨其所宜爲示現故音聲清
淨了達一切諸語言故辯才清淨善說無邊
諸佛法故智慧清淨捨離一切愚癡暗故受
生清淨具足菩薩自在力故眷屬清淨成就

過去同行衆生諸善根故果報清淨除滅一切諸業障故大願清淨與諸菩薩性無二故諸行清淨以普賢乘而出離故是爲十佛子菩薩摩訶薩有十種波羅蜜何等爲十所謂施波羅蜜悉捨一切諸所有故戒波羅蜜淨佛戒故忍波羅蜜住佛忍故精進波羅蜜一切所作不退轉故禪波羅蜜念一境故般若波羅蜜如實觀察一切法故智波羅蜜入佛力故願波羅蜜滿足普賢諸大願故神通波羅蜜示現一切自在用故法波羅蜜普入一切諸佛法故是爲十若諸菩薩安住此法則得具足如來無上大智波羅蜜佛子菩薩摩訶薩有十種智隨覺何等爲十所謂一切世界無量差別智隨覺一切衆生界不可思議智隨覺一切諸法一入種種種種入一智隨覺一切法界廣大智隨覺一切虛空界究竟智隨覺一切世界入過去世智隨覺一切世界入未來世智隨覺一切世界入現在世智隨覺一切如來無量行願皆於一智而得圓滿智隨覺三世諸佛皆同一行而得出離智隨覺是爲十若諸菩薩安住此法則得一切法自在光明所願皆滿於一念頃悉能解了一切佛法成等正覺佛子菩薩摩訶薩有十種證知何等爲十所謂知一切法一相知一

切法無量相和一切法在一念知一切衆生
心行無礙知一切衆生諸根平等知一切衆
生煩惱習氣行知一切衆生心使行知一切
衆生善不善行知一切菩薩願行自在住持
變化知一切如來具足十力成等正覺是爲
十若諸菩薩安住此法則得一切法善巧方
便佛子菩薩摩訶薩有十種力何等爲十所
謂入一切法自性力入一切法如化力入一
切法如幻力入一切法皆是佛法力於一切
法無染著力於一切法甚明解力於一切善
知識恒不捨離尊重心力令一切善根順至
無上智王力於一切佛法深信不謗力令一
切智心不退善巧力是爲十若諸菩薩安住
此法則具如來無上諸力佛子菩薩摩訶薩
有十種平等何等爲十所謂於一切衆生平
等一切法平等一切刹平等一切深心平等
一切善根平等一切菩薩平等一切願平等
一切波羅蜜平等一切行平等一切佛平等
是爲十若諸菩薩安住此法則得一切諸佛
無上平等法佛子菩薩摩訶薩有十種佛法
實義句何等爲十所謂一切法但有名一切
法猶如幻一切法猶如影一切法但緣起一
切法業清淨一切法但文字所作一切法實
際一切法無相一切法第一義一切法法界

是爲十若諸菩薩安住此法則善入一切智
智無上真實義佛子菩薩摩訶薩說十種法
何等爲十所謂說甚深法說廣大法說種種
法說一切智法說隨順波羅蜜法說出生如
來刀法說三世相應法說令菩薩不退法說
讚歎佛功德法說一切菩薩學一切佛平等
一切如來境界相應法是爲十若諸菩薩安
住此法則得如來無上巧說法佛子菩薩摩
訶薩有十種持何等爲十所謂持所集一切
福德善根持一切如來所說法持一切譬論
持一切法理趣門持一切出生陀羅尼門持
一切除疑惑法持成就一切菩薩法持一切
如來所說平等三昧門持一切法照明門持
一切諸佛神通遊戲力是爲十若諸菩薩安
住此法則得如來無上大智住持力佛子菩
薩摩訶薩有十種辯才何等爲十所謂於一
切法無分別辯才於一切法無所作辯才於
一切法無所著辯才於一切法了達空辯才
於一切法無疑暗辯才於一切法佛加被辯
才於一切法自覺悟辯才於一切法文句差
別善巧辯才於一切法真實說辯才隨一切
衆生心令歡喜辯才是爲十若諸菩薩安住
此法則得如來無上巧妙辯才佛子菩薩摩
訶薩有十種自在何等爲十所謂教化調伏

一切衆生自在普照一切法自在修一切善根行自在廣大智自在無所依戒自在一切善善根迴向菩提自在精進不退轉自在智慧摧破一切衆魔自在隨所樂欲令發菩提心自在隨所應化現成正覺自在是爲十若諸菩薩安住此法則得如來無上大智自在佛子菩薩摩訶薩有十種無著何等爲十所謂於一切世界無著於一切衆生無著於一切法無著於一切所作無著於一切善根無著於一切受生處無著於一切願無著於一切行無著於一切菩薩無著於一切佛無著是爲十若諸菩薩安住此法則能速轉一切衆想得無上清淨智慧佛子菩薩摩訶薩有十種平等心何等爲十所謂積集一切功德平等心發一切差別願平等心於一切衆生身平等心於一切衆生業報平等心於一切法平等心於一切淨穢國土平等心於一切衆生解平等心於一切行無所分別平等心於一切佛力無畏平等心於一切如來智慧平等心是爲十若諸菩薩安住其中則得如來無上大平等心佛子菩薩摩訶薩有十種出生智慧何等爲十所謂知一切衆生解出生智慧知一切佛刹種種差別出生智慧知十方網分齊出生智慧知覆仰等一切世界出

生智慧知一切法一性種種性廣大住出生
智慧知一切種種身出生智慧知一切世間
顛倒妄想悉無所著出生智慧知一切法究
竟皆以一道出離出生智慧知如來神力能
入一切法界出生智慧知三世一切衆生佛
種不斷出生智慧是爲十若諸菩薩安住此
法則於諸法無不了達佛子菩薩摩訶薩有
十種變化何等爲十所謂一切衆生變化一
切身變化一切刹變化一切供養變化一切
音聲變化一切行願變化一切教化調伏衆
生變化一切成正覺變化一切說法變化一
切加持變化是爲十若諸菩薩安住此法則
得具足一切無上變化法佛子菩薩摩訶薩
有十種力持何等爲十所謂佛力持法力持
衆生力持業力持行力持願力持境界力持
時力持善力持智力持是爲十若諸菩薩安
住此法則於一切法得無上自在力持

大方廣華嚴經卷第五十三

等量

上直由切

唐捐

下緣音

靡不

上女板切

制令

下力政切

無怙

下依古切

長嬰

下於盈切

乙巳歲高麗國大藏都監奉

勅彫造

大方廣佛華嚴經卷第五十四

育

離世間品第三十八之二

于闐國三藏實叉難陀奉

制譯

佛子菩薩摩訶薩有十種大欣慰何等爲十
所謂諸菩薩發如是心盡未來世所有諸佛
出興于世我當皆得隨逐承事令生歡喜如
是思惟心大欣慰復作是念彼諸如來出興
於世我當悉以無上供具恭敬供養如是思
惟心大欣慰復作是念我於諸佛所興供養
時彼諸如來必示誨我法我悉以深心恭敬
聽受如說修行於菩薩地必得已生現生當
生如是思惟心大欣慰復作是念我當於不
可說不可說劫行菩薩行常與一切諸佛菩
薩而得共俱如是思惟心大欣慰復作是念
我於往昔未發無上大菩提心有諸怖畏所
謂不活畏惡名畏死畏墮惡道畏大眾威德
畏自一發心悉皆遠離不驚不恐不畏不懼
不怯不怖一切衆魔及諸外道所不能壞如
是思惟心大欣慰復作是念我當令一切衆
生成無上菩提成菩提已我當於彼佛所修
菩薩行盡其形壽以大信心興所應供佛諸
供養具而爲供養及涅槃後各起無量塔供
養舍利及受持守護所有遺法如是思惟心
大欣慰又作是念十方所有一切世界我當

悉以無上莊嚴而莊嚴之皆令具足種種奇妙平等清淨復以種種大神通力住持震動光明照耀普使周徧如是思惟心大欣慰復作是念我當斷一切衆生疑惑淨一切衆生欲樂啓一切衆生心意滅一切衆生煩惱閉一切衆生惡道門開一切衆生善趣門破一切衆生黑闇與一切衆生光明令一切衆生離衆魔業使一切衆生至安隱處如是思惟心大欣慰菩薩摩訶薩復作是念諸佛如來如優曇華難可值過於無量劫莫能一見我當於未來世欲見如來則便得見諸佛如來常不捨我恒住我所令我得見爲我說法無有斷絕旣聞法已心意清淨遠離諂曲質直無僞於念念中常見諸佛如是思惟心大欣慰復作是念我於未來當得成佛以佛神力於一切世界爲一切衆生各別示現成等正覺清淨無畏大師子吼以大願周徧法界擊大法鼓雨大法雨作大法施於無量劫常演正法大悲所持身語意業無有疲厭如是思惟心大欣慰佛子是爲菩薩摩訶薩十種大欣慰若諸菩薩安住此法則得無上成正覺智慧大欣慰佛子菩薩摩訶薩有十種深入佛法何等爲十所謂入過去世一切世界入未來世一切世界入現在世世界數世界

行世界說世界清淨入一切世界種種性入一切衆生種種業報入一切菩薩種種行知過去一切佛次第知未來一切佛次第知現在十方虛空法界等一切諸佛國土衆會說法調伏知世間法聲聞法獨覺法菩薩法如來法雖知諸法皆無分別而說種種法悉入法界無所入故如其法說無所取著是爲十若諸菩薩安住此法則得入於阿耨多羅三藐三菩提大智慧甚深性佛子菩薩摩訶薩有十種依止菩薩依此行菩薩行何等爲十所謂依止供養一切諸佛行菩薩行依止調伏一切衆生行菩薩行依止親近一切善友行菩薩行依止積集一切善根行菩薩行依止嚴淨一切佛土行菩薩行依止不捨一切衆生行菩薩行依止深入一切波羅蜜行菩薩行依止滿足一切菩薩願行菩薩行依止無量菩提心行菩薩行依止一切佛菩提行菩薩行是爲十菩薩依此行菩薩行佛子菩薩摩訶薩有十種發無畏心何等爲十所謂滅一切障礙業發無畏心於佛滅後護持正法發無畏心降伏一切魔發無畏心不惜身命發無畏心摧破一切外道邪論發無畏心令一切衆生歡喜發無畏心令一切衆會皆悉歡喜發無畏心調伏一切天龍夜叉乾闥

婆阿脩羅迦樓羅緊那羅摩睺羅伽發無畏
心離二乘地入甚深法發無畏心於不可說
不可說劫行菩薩行心無疲厭發無畏心是
爲十若諸菩薩安住此法則得如來無上大
智無所畏心佛子菩薩摩訶薩發十種無疑
心於一切佛法心無疑惑何等爲十所謂菩
薩摩訶薩發如是心我當以布施攝一切衆
生以戒忍精進禪定智慧慈悲喜捨攝一切
衆生發此心時決定無疑若生疑心無有是
處是爲第一發無疑心菩薩摩訶薩又作是
念未來諸佛出興于世我當一切承事供養
發此心時決定無疑若生疑心無有是處是
爲第二發無疑心菩薩摩訶薩又作是念我
當以種種奇妙光明網周徧莊嚴一切世界
發此心時決定無疑若生疑心無有是處是
爲第三發無疑心菩薩摩訶薩又作是念我
當盡未來劫修菩薩行無數無量無邊無等
不可數不可稱不可思不可量不可說不可
說不可說過諸算數究竟法界虛空界一切
衆生我當悉以無上教化調伏法而成熟之
發此心時決定無疑若生疑心無有是處是
爲第四發無疑心菩薩摩訶薩又作是念我
當修菩薩行滿大誓願具一切智安住其中
發此心時決定無疑若生疑心無有是處是

爲第五發無疑心菩薩摩訶薩又作是念我當普爲一切世間行菩薩行爲一切法清淨光明照明一切所有佛法發此心時決定無疑若生疑心無有是處是爲第六發無疑心菩薩摩訶薩又作是念我當知一切法皆是佛法隨衆生心爲其演說悉令開悟發此心時決定無疑若生疑心無有是處是爲第七發無疑心菩薩摩訶薩又作是念我當於一切法得無障礙門知一切障礙不可得故其心如是無有疑惑住真實性乃至成於阿耨多羅三藐三菩提發此心時決定無疑若生疑心無有是處是爲第八發無疑心菩薩摩訶薩又作是念我當知一切法莫不皆是出世間法遠離一切妄想顛倒以一莊嚴而自莊嚴而無所莊嚴於此自了不由他悟發此心時決定無疑若生疑心無有是處是爲第九發無疑心菩薩摩訶薩又作是念我當於一切法成最正覺離一切妄想顛倒故得一念相應智故若一若異不可得故離一切數故究竟無爲故離一切言說故住不可說境界際故發此心時決定無疑若生疑心無有是處是爲第十發無疑心若諸菩薩安住此法則於一切佛法心無所疑佛子菩薩摩訶薩有十種不可思議何等爲十所謂一切善

根不可思議一切捨願不可思議知一切法如幻不可思議發菩提心修菩薩行善根不失無所分別不可思議雖深入一切法亦不取滅度以一切願未成滿故不可思議修菩薩道而示現降神入胎誕生出家苦行往詣道場降伏衆魔成最正覺轉正法輪入般涅槃神變自在無有休息不捨悲願救護衆生不可思議雖能示現如來十力神變自在而亦不捨等法界心教化衆生不可思議知一切法無相是相相是無相無分別是分別分別是無分別非有是有有是非有無作是作作是無作非說是說說是非說不可思議知心與菩提等知菩提與心等心及菩提與衆生等亦不生心顛倒想顛倒見顛倒不可思議於念念中入滅盡定盡一切漏而不證實際亦不盡有漏善根雖知一切法無漏而知漏盡亦知漏滅雖知佛法即世間法世間法即佛法而不於佛法中分別世間法不於世間法中分別佛法一切諸法悉入法界無所入故知一切法皆無二無變易故是爲第十不可思議佛子是爲菩薩摩訶薩十種不可思議若諸菩薩安住其中則得一切諸佛無上不可思議法佛子菩薩摩訶薩有十種巧密語何等爲十所謂於一切佛經中巧密語

於一切受生處巧密語於一切菩薩神通變
現成等正覺巧密語於一切衆生業報巧密
語於一切衆生所起染淨巧密語於一切法
究竟無障礙門巧密語於一切虛空界一一
方處悉有世界或成或壞間無空處巧密語
於一切法界一切十方乃至微細處悉有如
來示現初生乃至成佛入般涅槃充滿法界
悉分別見巧密語見一切衆生平等涅槃無
變易故而不捨大願以一切智願未得圓滿
令滿足故巧密語雖知一切法不由他悟而
不捨離諸善知識於如來所轉加尊敬與善
知識和合無二於諸善根修集種植迴向安
住同一所作同一體性同一出離同一成就
巧密語是爲十若諸菩薩安住其中則得如
來無上善巧微密語佛子菩薩摩訶薩有十
種巧分別智何等爲十所謂入一切剎巧分
別智入一切衆生處巧分別智入一切衆生
心行巧分別智入一切衆生根巧分別智入
一切衆生業報巧分別智入一切聲聞行巧
分別智入一切獨覺行巧分別智入一切菩
薩行巧分別智入一切世間法巧分別智入
一切佛法巧分別智是爲十若諸菩薩安住
其中則得一切諸佛無上善巧分別諸法智
佛子菩薩摩訶薩有十種入三昧何等爲十

所謂於一切世界入三昧於一切衆生身入
 三昧於一切法入三昧見一切佛入三昧住
 一切劫入三昧從三昧起現不思議身入三
 昧於一切佛身入三昧覺悟一切衆生平等
 入三昧一念中入一切菩薩三昧智入三昧
 一念中以無礙智成就一切諸菩薩行願無
 有休息入三昧是爲十若諸菩薩安住其中
 則得一切諸佛無上善巧三昧法佛子菩薩
 摩訶薩有十種徧入何等爲十所謂衆生徧
 入國土徧入世間種種相徧入火徧入水
 徧入一切種種說法徧入一切如來種種供
 養徧入是爲十若諸菩薩安住其中則得如
 來無上大智徧入法佛子菩薩摩訶薩有十
 種解脫門何等爲十所謂一身周徧一切世
 界解脫門於一切世界示現無量種種色相
 解脫門以一切世界入一佛刹解脫門普加
 持一切衆生界解脫門以一切佛莊嚴身充
 滿一切世界解脫門於自身中見一切世界
 解脫門一念中往一切世界解脫門於一世
 界示現一切如來出世解脫門一身充滿一
 切法界解脫門一念中示現一切佛遊戲神
 通解脫門是爲十若諸菩薩安住其中則得
 如來無上解脫門佛子菩薩摩訶薩有十種

神通何等爲十所謂憶念宿命方便智通天眼無礙方便智通知他衆生不思議心行方便智通天眼觀察無有障礙方便智通隨衆生心現不思議大神通力方便智通一身普現無量世界方便智通一念徧入不可說不可說世界方便智通出生無量莊嚴具莊嚴不思議世界方便智通示現不可說變化身方便智通隨不思議衆生心於不可說世界現成阿耨多羅三藐三菩提方便智通是爲十若諸菩薩安住其中則得如來無上大善巧神通爲一切衆生種種示現今其修學佛子菩薩摩訶薩有十種明何等爲十所謂知一切衆生業報善巧智明知一切衆生境界寂滅清淨無諸戲論善巧智明知一切衆生種種所緣唯是一相悉不可得一切諸法皆如金剛善巧智明能以無量微妙音聲普聞十方一切世界善巧智明普壞一切心所染著善巧智明能以方便示現受生或不受生善巧智明捨離一切想受境界善巧智明知一切法非相非無相一性無性無所分別而能了知種種諸法於無量劫分別演說住於法界成阿耨多羅三藐三菩提善巧智明菩薩摩訶薩知一切衆生生本無有生了達受生不可得故而知因知緣知事知境界知行

知生知滅知言說知迷感知離離感知顛倒
知離顛倒知離染知清淨知生死知涅槃知
可得知不可得知執著知無執著知住知動
知去知還知起知不起知失壞知出離知成
熟知諸根知調伏隨其所應種種教化未曾
忘失菩薩所行何以故菩薩但為利益眾生
故發阿耨多羅三藐三菩提心無餘所為是
故菩薩常化眾生身無疲倦不違一切世間
所作是名緣起善巧智明菩薩摩訶薩於佛
無著不起著心於法無著不起著心於刹無
著不起著心於眾生無著不起著心不見有
眾生而行教化調伏說法然亦不捨菩薩諸
行大悲大願見佛聞法隨順修行依於如來
種諸善根恭敬供養無有休息能以神力震
動十方無量世界其心廣大等法界故知種
種說法知眾生數知眾生差別知苦生知苦
滅知一切行皆如影像行菩薩行永斷一切
受生根本但為救護一切眾生行菩薩行而
無所行隨順一切諸佛種性發如大山王心
知一切虛妄顛倒入一切種智門智慧廣大
不可傾動當成正覺於生死海平等濟渡一
切眾生善巧智明是為十若諸菩薩安住其
中則得如來無上大善巧智明佛子菩薩摩
訶薩有十種解脫何等為十所謂煩惱解脫

邪見解脫諸取解脫蘊界處解脫超二乘解脫無生法忍解脫於一切世間一切刹一切眾生一切法離著解脫無邊住解脫發起一切菩薩行入如來無分別地解脫於一念中悉能了知一切三世解脫是爲十若諸菩薩安住此法則能施作無上佛事教化成熟一切眾生佛子菩薩摩訶薩有十種園林何等爲十所謂生死是菩薩園林無厭捨故教化眾生是菩薩園林不疲倦故住一切劫是菩薩園林攝諸大行故清淨世界是菩薩園林自所止住故一切魔宮殿是菩薩園林降伏彼衆故思惟所聞法是菩薩園林如理觀察故六波羅蜜四攝事三十七菩提分法是菩薩園林紹繼慈父境界故十力四無所畏十不共乃至一切佛法是菩薩園林不念餘法故示現一切菩薩威力自在神通是菩薩園林以大神力轉正法輪調伏衆生無休息故一念於一切處爲一切衆生示成正覺是菩薩園林法身周徧盡虛空一切世界故是爲十若諸菩薩安住此法則得如來無上離憂惱大安樂行佛子菩薩摩訶薩有十種宮殿何等爲十所謂菩提心是菩薩宮殿恒不忘失故十善業道福德智慧是菩薩宮殿教化欲界衆生故四梵住禪定是菩薩宮殿教

化色界衆生故生淨居天是菩薩宮殿一切
煩惱不染故生無色界是菩薩宮殿令諸衆
生離難處故生雜染世界是菩薩宮殿令一
切衆生斷煩惱故現處內宮妻子眷屬是菩
薩宮殿成就往昔同行衆生故現居輪王護
世釋梵是菩薩宮殿爲調伏自在心衆生故
住一切菩薩行遊戲神通皆得自在是菩薩
宮殿善遊戲諸禪解脫三昧智慧故一切佛
所受無上自在一切智王灌頂記是菩薩宮
殿住十力莊嚴作一切法王自在事故是爲
十若諸菩薩安住其中則得法灌頂於一切
世間神力自在佛子菩薩摩訶薩有十種所
樂何等爲十所謂樂正念心不散亂故樂智
慧分別諸法故樂往詣一切佛所聽法無厭
故樂諸佛充滿十方無邊際故樂菩薩自在
爲諸衆生以無量門而現身故樂諸三昧門
於一三昧門入一切三昧門故樂陀羅尼持
法不忘轉授衆生故樂無礙辯才於一文一
句經不可說劫分別演說無窮盡故樂成正
覺爲一切衆生以無量門示現於身成正覺
故樂轉法輪摧滅一切異道法故是爲十若
諸菩薩安住此法則得一切諸佛如來無上
法樂佛子菩薩摩訶薩有十種莊嚴何等爲
十所謂力莊嚴不可壞故無畏莊嚴無能伏

故義莊嚴說不可說義無窮盡故法莊嚴八萬四千法聚觀察演說無忘失故願莊嚴一切菩薩所發弘誓無退轉故行莊嚴修普賢行而出離故剎莊嚴以一切剎作一剎故普音莊嚴周徧一切諸佛世界兩法兩故力持莊嚴於一切劫行無數行不斷絕故變化莊嚴於一衆生身示現一切衆生數等身令一切衆生悉得知見求一切智無退轉故是爲十若諸菩薩安住此法則得如來一切無上法莊嚴佛子菩薩摩訶薩發十種不動心何等爲十所謂於一切所有悉皆能捨不動心思惟觀察一切佛法不動心憶念供養一切諸佛不動心於一切衆生誓無惱害不動心普攝衆生不揀怨親不動心求一切佛法無有休息不動心一切衆生數等不可說不可說劫行菩薩行不生疲厭亦無退轉不動心成就有根信無濁信清淨信極清淨信離垢信明徹信恭敬供養一切佛信不退轉信不可盡信無能壞信大歡喜踊躍信不動心成就出生一切智方便道不動心聞一切菩薩行法信受不謗不動心是爲十若諸菩薩安住此法則得無上一切智不動心佛子菩薩摩訶薩有十種不捨深大心何等爲十所謂不捨心滿一切佛菩提深大心不捨教化調

伏一切衆生深大心不捨不斷一切諸佛種
性深大心不捨親近一切善知識深大心不
捨供養一切諸佛深大心不捨專求一切大
乘功德法深大心不捨於一切佛所修行梵
行護持淨戒深大心不捨親近一切菩薩深
大心不捨求一切佛法方便護持深大心不
捨滿一切菩薩行願集一切諸佛法深大心
是爲十善諸菩薩安住其中則能不捨一切
佛法佛子菩薩摩訶薩有十種智慧觀察何
等爲十所謂善巧分別說一切法智慧觀察
了知三世一切善根智慧觀察了知一切諸
菩薩行自在變化智慧觀察了知一切諸法
義門智慧觀察了知一切諸佛威力智慧觀
察了知一切陀羅尼門智慧觀察於一切世
界普說正法智慧觀察入一切法界智慧觀
察知一切十方不可思議智慧觀察知一切
佛法智慧光明無有障礙智慧觀察是爲十
觀察佛子菩薩摩訶薩有十種說法何等爲
十所謂說一切法皆從緣起說一切法皆悉
如幻說一切法無有乖諍說一切法無有邊
際說一切法無所依止說一切法猶如金剛
說一切法皆悉如如說一切法皆悉寂靜說
一切法皆悉出離說一切法皆住一義本性

成就是爲十若諸菩薩安住其中則能善巧
說一切法佛子菩薩摩訶薩有十種清淨何
等爲十所謂深心清淨斷疑清淨離見清淨
境界清淨求一切智清淨辯才清淨無畏清
淨住一切善慍智清淨受一切菩薩律儀清
淨具足成就無上菩提三十二種百福相白
淨法一切善根清淨是爲十若諸菩薩安住
其中則得一切如來無上清淨法佛子菩薩
摩訶薩有十種印何等爲十所謂菩薩摩訶
薩知苦若壞苦行苦專求佛法不生懈怠行
苦慍行無有疲懈不驚不畏不恐不怖不捨
大願求一切智堅固不退究竟阿耨多羅三
藐三菩提是爲第一印菩薩摩訶薩見有衆
生愚癡狂亂或以麤惡惡語而相毀辱或以
刀杖瓦石而加損害終不以此境界捨菩薩
心但忍辱柔和專修佛法住最勝道入離生
位是爲第二印菩薩摩訶薩聞說與一切智
相應甚深佛法能以自智深信忍可解了趣
入是爲第三印菩薩摩訶薩又作是念我發
深心求一切智我當成佛得阿耨多羅三藐
三菩提一切衆生流轉五趣受無量苦亦當
令其發菩提心深信歡喜勤修精進堅固不
退是爲第四印菩薩摩訶薩知如來智無有
邊際不以齊限測如來智菩薩曾於無量佛

所聞如來智無有邊際故能不以齊限測度一切世間文字所說皆有齊限悉不能知如來智慧是爲第五印菩薩摩訶薩於阿耨多羅三藐三菩提得最勝欲甚深欲廣欲大欲種種欲無能勝欲無上欲堅固欲眾魔外道并其眷屬無能壞欲求一切智不退轉欲菩薩住如是等欲於無上菩提畢竟不退是爲第六印菩薩摩訶薩行菩薩行不顧身命無能沮壞發心趣向一切智故一切智性常現前故得一切佛智光明故終不捨離佛菩提終不捨離善知識是爲第七印菩薩摩訶薩若見善男子善女人趣大乘者令其增長求佛法心令其安住一切善根令其攝取一切智心令其不退無上菩提是爲第八印菩薩摩訶薩令一切衆生得平等心勸令勤修一切智道以大悲心而爲說法令於阿耨多羅三藐三菩提永不退轉是爲第九印菩薩摩訶薩與三世諸佛同一善根不斷一切諸佛種性究竟得至一切智智是爲第十印佛子是爲菩薩摩訶薩十種印菩薩以此速成阿耨多羅三藐三菩提具足如來一切法無上智印佛子菩薩摩訶薩有十種智光照何等爲十所謂知定當成阿耨多羅三藐三菩提智光照見一切佛智光照見一切衆生死此

生彼智光照解一切修多羅法門智光照依
善知識發善提心集諸善根智光照示現一
切諸佛智光照教化一切衆生悉令安住如
來地智光照演說不可思議廣大法門智光
照善巧了知一切諸佛神通威力智光照滿
足一切諸般羅蜜智光照是爲十若諸菩薩
安住此法則得一切諸佛無上智光照佛子
菩薩摩訶薩有十種無等住一切衆生聲聞
獨覺悉無與等何等爲十所謂菩薩摩訶薩
雖觀實際而不取證以一切願未成滿故是
爲第一無等住菩薩摩訶薩種等法界一切
善根而不於中有少執著是爲第二無等住
菩薩摩訶薩修菩薩行知其如化以一切法
悉寂滅故而於佛法不生疑惑是爲第三無
等住菩薩摩訶薩雖離世間所有妄想然能
作意於不可說劫行菩薩行滿足大願終不
中起疲厭之心是爲第四無等住菩薩摩訶
薩於一切法無所取著以一切法性寂滅故
而不證涅槃何以故一切智道未成滿故是
爲第五無等住菩薩摩訶薩知一切劫皆即
非劫而真實說一切劫數是爲第六無等住
菩薩摩訶薩知一切法悉無所作而不捨作
道求諸佛法是爲第七無等住菩薩摩訶薩
知三界唯心三世唯心而了知其心無量無

邊是爲第八無等住菩薩摩訶薩爲一衆生
於不可說劫行菩薩行欲令安住一切智地
如爲一衆生爲一切衆生悉亦如是而不生
疲厭是爲第九無等住菩薩摩訶薩雖修行
圓滿而不證菩提何以故菩薩作如是念我
之所作本爲衆生是故我應久處生死方便
利益皆令安住無上佛道是爲第十無等住
佛子是爲菩薩摩訶薩十種無等住若諸菩
薩安住其中則得無上大智一切佛法無等
住

大方廣佛華嚴經卷第五十四

法鼓

下公戶切

狂亂

上巨玉切

鹿麁

下徒狄切

測度

上胡力切
下徒落切

顯身

上古慕切

乙巳歲高麗國大藏都監奉

勅彫造

大方廣佛華嚴經卷第五十五

育

于闐國三藏實叉難陀奉

制譯

離世閒品第三十八之三

佛子菩薩摩訶薩發十種無下劣心何等爲
十佛子菩薩摩訶薩作如是念我當降伏一
切天魔及其眷屬是爲第一無下劣心又作
是念我當悉破一切外道及其邪法是爲第
二無下劣心又作是念我當於一切衆生善
言開諭皆令歡喜是爲第三無下劣心又作
是念我當成滿徧法界一切波羅蜜行是爲
第四無下劣心又作是念我當積集一切福
德藏是爲第五無下劣心又作是念無上菩
提廣大難成我當修行悉令圓滿是爲第六
無下劣心又作是念我當以無上教化無上
調伏教化調伏一切衆生是爲第七無下劣
心又作是念一切世界種種不同我當以無
量身成等正覺是爲第八無下劣心又作是
念我修菩薩行時若有衆生來從我乞手足
耳鼻血肉骨髓妻子象馬乃至王位如是一
切悉皆能捨不生一念憂悔之心但爲利益
一切衆生不求果報以大悲爲首大慈究竟
是爲第九無下劣心又作是念三世所有一
切諸佛一切佛法一切衆生一切國土一切
世間一切三世一切虛空界一切法界一切

語言施設界一切寂滅涅槃界如是一切種種諸法我當以一念相應慧悉知悉覺悉見悉證悉修悉斷然於其中無分別離分別無種種無差別無功德無境界非有非無非一非二以不二智知一切二以無相智知一切相以無分別智知一切分別以無異智知一切異以無差別智知一切差別以無世間智知一切世間以無世智知一切世以無衆生智知一切衆生以無執著智知一切執著以無住處智知一切住處以無雜染智知一切雜染以無盡智知一切盡以究竟法界智於一切世界示現身以離言音智示不可說言音以一自性智入於無自性以一境界智現種種境界知一切法不可說而現大自在言說證一切智地爲教化調伏一切衆生故於一切世間示現大神通變化是爲第十無下劣心佛子是爲菩薩摩訶薩發十種無下劣心若諸菩薩安住此心則得一切最上無下劣佛法佛子菩薩摩訶薩於阿耨多羅三藐三菩提有十種如山增上心何等爲十佛子菩薩摩訶薩常作意勤修一切智法是爲第一如山增上心恒觀一切法本性空無所得是爲第二如山增上心願於無量劫行菩薩行修一切白淨法以住一切白淨法故知見

如來無量智慧是為第三如山增上心為求一切佛法故等心敬奉諸善知識無異希求無盜法心唯生尊重未曾有意一切所有悉皆能捨是為第四如山增上心若有眾生罵辱毀謗打拷屠割苦其形體乃至斷命如是等事悉皆能受終不因此生動亂心生瞋害心亦不退捨大悲弘誓更令增長無有休息何以故菩薩於一切法如實出離捨成就故證得一切諸如來法忍辱柔和已自在故是為第五如山增上心菩薩摩訶薩成就增上大功德所謂天增上功德人增上功德色增上功德力增上功德眷屬增上功德欲增上功德三位增上功德自在增上功德福德增上功德智慧增上功德雖復成就如是功德終不於此而生樂著所謂不著味不著欲不著財富不著眷屬但深樂法隨法去隨法住隨法趣向隨法究竟以法為依以法為救以法為歸以法為舍守護法愛樂法希求法思惟法佛子菩薩摩訶薩雖復具受種種法樂而常遠離眾魔境界何以故菩薩摩訶薩於過去世發如是心我當令一切眾生皆悉永離眾魔境界住佛境界故是為第六如山增上心菩薩摩訶薩為求阿耨多羅三藐三菩提已於無量阿僧祇劫行菩薩道精勤匪懈

猶謂我今始發阿耨多羅三藐三菩提心行
菩薩行亦不驚亦不怖亦不畏雖能一念即
成阿耨多羅三藐三菩提然爲衆生故於無
量劫行菩薩行無有休息是爲第七如山增
上心菩薩摩訶薩知一切衆生性不和善難
調難度不能知恩不能報恩是故爲其發大
誓願欲令皆得心意自在所行無礙捨離惡
念不於他所生諸煩惱是爲第八如山增上
心菩薩摩訶薩復作是念非他令我發菩提
心亦不待人助我修行我自發心集諸佛法
誓期自勉盡未來劫行菩薩道成阿耨多羅
三藐三菩提是故我今修菩薩行當淨自心
亦淨他心當知自境界亦知他境界我當悉
與三世諸佛境界平等是爲第九如山增上
心菩薩摩訶薩作如是觀無有一法修菩薩
行無有一法滿菩薩行無有一法教化調伏
一切衆生無有一法供養恭敬一切諸佛無
有一法於阿耨多羅三藐三菩提已成今成
當成無有一法已說今說當說說者及法俱
不可得而亦不捨阿耨多羅三藐三菩提願
何以故菩薩求一切法皆無所得如是出生
阿耨多羅三藐三菩提是故於法雖無所得
而勤修習增上善業清淨對治智慧圓滿念
念增長一切具足其心於此不驚不怖不作

是念若一切法皆悉寂滅我有何義求於無
上菩提之道是爲第十如山增上心佛子是
爲菩薩摩訶薩於阿耨多羅三藐三菩提十
種如山增上心若諸菩薩安住其中則得如
來無上大智山王增上心佛子菩薩摩訶薩
有十種入阿耨多羅三藐三菩提如海智何
等爲十所謂入一切無量衆生界是爲第一
如海智入一切世界而不起分別是爲第二
如海智知一切虛空界無量無礙普入十方
一切差別世界網是爲第三如海智菩薩摩
訶薩善入法界所謂無礙入不斷入不常入
無量入不生入不滅入一切入悉了知故是
爲第四如海智菩薩摩訶薩於過去未來現
在諸佛菩薩法師聲聞獨覺及一切凡夫所
集善根已集現集當集三世諸佛於阿耨多
羅三藐三菩提已成今成當成所有善根三
世諸佛說法調伏一切衆生已說今說當說
所有善根於彼一切皆悉了知深信隨喜願
樂修習無有厭足是爲第五如海智菩薩摩
訶薩於念念中入過去世不可說劫於一劫
中或百億佛出世或千億佛出世或百千億
佛出世或無數或無量或無邊或無等或不
可數或不可稱或不可思或不可量或不可
說或不可說不可說超過等數諸佛世尊出

興于世及彼諸佛道場聚會聲聞菩薩說法
調伏一切衆生壽命延促法住久近如是一
切悉皆明見如一劫一切諸劫皆亦如是其
無佛劫所有衆生有於阿耨多羅三藐三菩
提種諸善根亦悉了知若有衆生善根熟已
於未來世當得見佛亦悉了知如是觀察過
去世不可說不可說劫心無厭足是爲第六
如海智菩薩摩訶薩入未來世觀察分別一
切諸劫無量無邊知何劫有佛何劫無佛何
劫有幾如來出世一一如來名号何等住何
世界世界名何度幾衆生壽命幾時如是觀
察盡未來際皆悉了知不可窮盡而無厭足
是爲第七如海智菩薩摩訶薩入現在世觀
察思惟於念念中普見十方無邊品類不可
說世界皆有諸佛於無上菩提已成今成當
成往詣道場菩提樹下坐吉祥草降伏魔軍
成阿耨多羅三藐三菩提從此起已入於城
邑昇天宮殿說微妙法轉大法輪示現神通
調伏衆生乃至付囑阿耨多羅三藐三菩提
法捨於壽命入般涅槃入涅槃已結集法藏
令久住世莊嚴佛塔種種供養亦見彼世界
所有衆生值佛聞法受持諷誦憶念思惟增
長慧解如是觀察普徧十方而於佛法無有
錯謬何以故菩薩摩訶薩了知諸佛皆悉如

夢而能往詣一切佛所恭敬供養菩薩爾時
不著自身不著諸佛不著世界不著衆會不
著說法不著劫數然見佛聞法觀察世界入
諸劫數無有厭足是爲第八如海智菩薩摩
訶薩於不可說不可說劫一一劫中供養恭
敬不可說不可說無量諸佛示現自身歿此
生彼以出過三界一切供具而爲供養并及
供養菩薩聲聞一切大衆一一如來般涅槃
後皆以無上供具供養舍利及廣行惠施滿
足衆生佛子菩薩摩訶薩以不可思議心不
求報心究竟心饒益心於不可說不可說劫
爲阿耨多羅三藐三菩提故供養諸佛饒益
衆生護持正法開示演說是爲第九如海智
菩薩摩訶薩於一切佛所一切菩薩所一切
法師所一向專求菩薩所說法菩薩所學法
菩薩所教法菩薩修行法菩薩清淨法菩薩
成熟法菩薩調伏法菩薩平等法菩薩出離
法菩薩揔持法得此法已受持讀誦分別解
說無有厭足令無量衆生於佛法中發一切
智相應心入真實相於阿耨多羅三藐三菩
提得不退轉菩薩如是於不可說不可說劫
無有厭足是爲第十如海智佛子是爲菩薩
摩訶薩十種入阿耨多羅三藐三菩提如海
智若諸菩薩安住此法則得一切諸佛無上

大智慧海佛子菩薩摩訶薩於阿耨多羅三藐三菩提有十種如寶住何等爲十佛子菩薩摩訶薩悉能往詣無數世界詣如來所瞻覲頂禮承事供養是爲第一如寶住於不思議諸如來所聽聞正法受持憶念不令忘失分別思惟覺慧增長如是所作充滿十方是爲第二如寶住於此刹殑餘處現生而於佛法無所迷惑是爲第三如寶住知從一法出一切法而能各各分別演說以一切法種種義究竟皆是一義故是爲第四如寶住知厭離煩惱知止息煩惱知防護煩惱知除斷煩惱修菩薩行不證實際究竟到於實際彼岸方便善巧善學所學今往昔願行皆得成滿身不疲倦是爲第五如寶住知一切衆生心所分別皆無處所而亦說有種種方處雖無分別無所造作爲欲調伏一切衆生而有修行而有所作是爲第六如寶住知一切法皆同一性所謂無性無種種性無無量性無可筭數性無可稱量性無色無相若一若多皆不可得而決定了知此是諸佛法此是菩薩法此是獨覺法此是聲聞法此是凡夫法此是善法此是不善法此是世間法此是出世間法此是過失法此是無過失法此是有漏法此是無漏法乃至此是有爲法此是無爲

法是爲第七如寶住菩薩摩訶薩求佛不可得求菩薩不可得求法不可得求衆生不可得而亦不捨調伏衆生令於諸法成正覺願何以故菩薩摩訶薩善巧觀察知一切衆生分別知一切衆生境界方便化導令得涅槃爲欲滿足化衆生願熾然修行菩薩行故是爲第八如寶住菩薩摩訶薩知善巧說法示現涅槃爲度衆生所有方便一切皆是心想建立非是顛倒亦非虛誑何以故菩薩了知一切諸法三世平等如如不動實際無住不見有一衆生已受化今受化當受化亦自了知無所修行無有少法若生若滅而可得者而依於一切法令所願不空是爲第九如寶住菩薩摩訶薩於不思議無量諸佛一一佛所聞不可說不可說授記法名号各異劫數不同從於一劫乃至不可說不可說劫常如是聞聞已修行不驚不怖不迷不惑知如來智不思議故如來授記言無二故自身行願殊勝力故隨應受化令成阿耨多羅三藐三菩提滿等法界一切願故是爲第十如寶住佛子是爲菩薩摩訶薩於阿耨多羅三藐三菩提十種如寶住若諸菩薩安住此法則得諸佛無上大智慧寶佛子菩薩摩訶薩發十種如金剛大乘誓願心何等爲十佛子菩薩

摩訶薩作如是念一切諸法無有邊際不可窮盡我當以盡三世智普皆覺了無有遺餘是爲第一如金剛大乘誓願心菩薩摩訶薩又作是念於一毛端處有無量無邊衆生何況一切法界我當皆以無上涅槃而滅度之是爲第二如金剛大乘誓願心菩薩摩訶薩又作是念十方世界無量無邊無有齊限不可窮盡我當以諸佛國土最上莊嚴莊嚴如是一切世界所有莊嚴皆悉真實是爲第三如金剛大乘誓願心菩薩摩訶薩又作是念一切衆生無量無邊無有齊限不可窮盡我當以一切善根迴向於彼無上智光照曜於彼是爲第四如金剛大乘誓願心菩薩摩訶薩又作是念一切諸佛無量無邊無有齊限不可窮盡我當以所種善根迴向供養悉令周徧無所闕少然後我當成阿耨多羅三藐三菩提是爲第五如金剛大乘誓願心佛子菩薩摩訶薩見一切佛聞所說法生大歡喜不著自身不著佛身解如來身非實非虛非有非無非性非無性非色非無色非相非無相非生非滅實無所有亦不壞有何以故不可以一切性相而取著故是爲第六如金剛大乘誓願心佛子菩薩摩訶薩或有衆生訶罵毀訾撾打楚撻或截手足或割耳鼻或挑

其目或級其頭如是一切皆能忍受終不因
此生意害心於不可說不可說無央數劫修
菩薩行攝受衆生恒無廢捨何以故菩薩摩
訶薩已善觀察一切諸法無有二相心不動
亂能捨自身忍其苦故是爲第七如金剛大
乘誓願心佛子菩薩摩訶薩又作是念未來
世劫無量無邊無有齊限不可窮盡我當盡
彼劫於一世界行菩薩道教化衆生如一世
界盡法界虛空界一切世界悉亦是而心
不驚不怖不畏何以故爲菩薩道法應如是
爲一切衆生而修行故是爲第八如金剛大
乘誓願心佛子菩薩摩訶薩又作是念阿耨
多羅三藐三菩提以心爲本心若清淨則能
圓滿一切善根於佛菩提必得自在欲成阿
耨多羅三藐三菩提隨意即成若欲除斷一
切取緣住一向道我亦能得而我不斷爲欲
究竟佛菩提故亦不即證無上菩提何以故
爲滿本願盡一切世界行菩薩行化衆生故
是爲第九如金剛大乘誓願心佛子菩薩摩
訶薩知佛不可得菩提不可得菩薩不可得
一切法不可得衆生不可得心不可得行不
可得過去不可得未來不可得現在不可得
一切世間不可得有爲無爲不可得菩薩如
是寂靜住甚深住寂滅住無諍住無言住無

二住無等住自性住如理住解脫住涅槃住
實際住而亦不捨一切大願不捨薩婆若心
不捨菩薩行不捨教化衆生不捨諸波羅蜜
不捨調伏衆生不捨承事諸佛不捨演說諸
法不捨莊嚴世界何以故菩薩摩訶薩發大
願故雖復了達一切法相大悲心轉更增
長無量功德皆具修行於諸衆生心不捨離
何以故一切諸法皆無所有凡夫愚迷不知
不覺我當今彼悉得開悟於諸法性分明照
了何以故一切諸佛安住寂滅而以大悲心
於諸世間說法教化曾無休息我今云何而
捨大悲又我先發廣大誓願心發決定利益
一切衆生心發積集一切善根心發安住善
巧迴向心發出生甚深智慧心發含受一切
衆生心發於一切衆生平等心作真實語不
虛誑語願與一切衆生無上大法願不斷一
切諸佛種性令一切衆生未得解脫未成正
覺不具佛法大願未滿云何而欲捨離大悲
是爲第十如金剛大乘誓願心佛子是爲菩
薩摩訶薩發十種如金剛大乘誓願心若諸
菩薩安住此法則得如來金剛性無上大神
通智佛子菩薩摩訶薩有十種大發起何等
爲十佛子菩薩摩訶薩作如是念我當供養
恭敬一切諸佛是爲第一大發起又作是念

我當長養一切菩薩所有善根是爲第二大發起又作是念我當於一切如來般涅槃後莊嚴佛塔以一切華一切鬘一切香一切塗香一切末香一切衣一切蓋一切幢一切幡而供養之受持守護彼佛正法是爲第三大發起又作是念我當教化調伏一切衆生令得阿耨多羅三藐三菩提是爲第四大發起又作是念我當以諸佛國土無上莊嚴而以莊嚴一切世界是爲第五大發起又作是念我當發大悲心爲一衆生於一切世界一一各盡未來際劫行菩薩行如爲一衆生爲一切衆生悉亦如是皆今得佛無上菩提乃至不生一念疲懈是爲第六大發起又作是念彼諸如來無量無邊我當於一如來所經不思議劫恭敬供養如於一如來於一切如來悉亦如是是爲第七大發起菩薩摩訶薩又作是念彼諸如來滅度之後我當爲一如來所有舍利各起寶塔其量高廣與不可說諸世界等造佛形像亦復如是於不可思議劫以一切寶幢幡蓋香華衣服而爲供養不生一念厭倦之心爲成就佛法故爲供養諸佛故爲教化衆生故爲護持正法開示演說故是爲第八大發起菩薩摩訶薩又作是念我當以此善根成無上菩提得入一切諸如

來地與一切如來體性平等是爲第九大發起菩薩摩訶薩復作是念我當成正覺已於一切世界不可說劫演說正法示現不可思議自在神通身語及意不生疲倦不離正法以佛力所持故爲一切衆生勤行大願故大慈爲首故大悲究竟故達無相法故住真實語故證一切法皆寂滅故知一切衆生悉不可得而亦不違諸業所作故與三世佛同一體故周徧法界虛空界故通達諸法無相故成就不生不滅故具足一切佛法故以大願力調伏衆生作大佛事無有休息是爲第十大發起佛子是爲菩薩摩訶薩十種大發起若諸菩薩安住此法則不斷菩薩行具足如來無上大智佛子菩薩摩訶薩有十種究竟大事何等爲十所謂恭敬供養一切如來究竟大事隨所念衆生悉能救護究竟大事專求一切佛法究竟大事積集一切善根究竟大事思惟一切佛法究竟大事滿足一切誓願究竟大事成就一切菩薩行究竟大事奉事一切善知識究竟大事往詣一切世界諸如來所究竟大事聞持一切諸佛正法究竟大事是爲十若諸菩薩安住此法則得阿耨多羅三藐三菩提大智慧究竟事佛子菩薩摩訶薩有十種不壞信何等爲十所謂於一

切佛不壞信於一切佛法不壞信於一切聖
僧不壞信於一切菩薩不壞信於一切善知
識不壞信於一切衆生不壞信於一切菩薩
大願不壞信於一切菩薩行不壞信於恭敬
供養一切諸佛不壞信於菩薩巧密方便教
化調伏一切衆生不壞信是爲十若諸菩薩
安住此法則得諸佛無上大智慧不壞信佛
子菩薩摩訶薩有十種得授記何等爲十所
謂內有甚深解得授記能隨順起菩薩諸善
根得授記修廣大行得授記現前得授記不
現前得授記因自心證善提得授記成就忍
得授記教化調伏衆生得授記究竟一切劫
數得授記一切菩薩行自在得授記是爲十
若諸菩薩安住此法則於一切諸佛所而得
授記佛子菩薩摩訶薩有十種善根迴向菩
薩由此能以一切善根悉皆迴向何等爲十
所謂以我善根同善知識願如是成就莫別
成就以我善根同善知識心如是成就莫別
成就以我善根同善知識行如是成就莫別
成就以我善根同善知識善根如是成就莫
別成就以我善根同善知識平等如是成就
莫別成就以我善根同善知識念如是成就
莫別成就以我善根同善知識清淨如是成
就莫別成就以我善根同善知識所住如是

成就莫別成就以我善根同善知識成滿如是成就莫別成就以我善根同善知識不壞如是成就莫別成就就是爲十若諸菩薩安住此法則得無上善根迴向佛子菩薩摩訶薩有十種得智慧何等爲十所謂於施自在得智慧深解一切佛法得智慧入如來無邊智得智慧於一切問答中能斷疑得智慧入於智者義得智慧深解一切如來於一切佛法中言音善巧得智慧深解於諸佛所種少善根必能滿足一切白淨法獲如來無量智得智慧成就菩薩不思議住得智慧於一念中悉能往詣不可說佛刹得智慧覺一切佛菩提入一切法界聞持一切佛所說法深入一切如來種種莊嚴言音得智慧是爲十若諸菩薩安住此法則得一切諸佛無上現證智佛子菩薩摩訶薩有十種發無量無邊廣大心何等爲十所謂於一切諸佛所發無量無邊廣大心觀一切衆生界發無量無邊廣大心觀一切刹一切世一切法界發無量無邊廣大心觀察一切法皆如虛空發無量無邊廣大心觀察一切菩薩廣大行發無量無邊廣大心正念三世一切諸佛發無量無邊廣大心觀不思議諸業果報發無量無邊廣大心嚴淨一切佛刹發無量無邊廣大心徧入

一切諸佛大會發無量無邊廣大心觀察一切如來妙音發無量無邊廣大心是爲十若諸菩薩安住此心則得一切佛法無量無邊廣大智慧海佛子菩薩摩訶薩有十種伏藏何等爲十所謂知一切法是起功德行藏知一切法是正思惟藏知一切法是陀羅尼照明藏知一切法是辯才開演藏知一切法是不可說善覺真實藏知一切佛自在神通是觀察示現藏知一切法是善巧出生平等藏知一切法是常見一切諸佛藏知一切不思議劫是善了皆如幻住藏知一切諸佛菩薩是發生歡喜淨信藏是爲十若諸菩薩安住此法則得一切諸佛無上智慧法藏悉能調伏一切眾生佛子菩薩摩訶薩有十種律儀何等爲十所謂於一切佛法不生誹謗律儀於一切佛所信樂心不可壞律儀於一切菩薩所起尊重恭敬律儀於一切善知識所終不捨愛樂心律儀於一切聲聞獨覺不生憶念心律儀遠離一切退菩薩道律儀不起一切損害眾生心律儀修一切善根皆令究竟律儀於一切魔悉能降伏律儀於一切波羅蜜皆令滿足律儀是爲十若諸菩薩安住此法則得無上大智律儀佛子菩薩摩訶薩有十種自在何等爲十所謂命自在於不可說

劫住壽命故心自在智慧能入阿僧祇諸三昧故資具自在能以無量莊嚴莊嚴一切世界故業自在隨時受報故受生自在於一切世界示現受生故解自在於一切世界見佛充滿故願自在隨欲隨時於諸刹中成正覺故神力自在示現一切大神變故法自在示現無邊諸法門故智自在於念念中示現如來十力無畏成正覺故是爲十若諸菩薩安住此法則得圓滿一切諸佛諸波羅蜜智慧神力菩提自在

大方廣佛華嚴經卷第五十五

罵辱

上莫罵切下而罵切

打棒

上頂音下步項切

屠割

上徒降三音下葛音

自勉

下立耕切

毀咎

下紫音

撻打

上陟瓜切

楚撻

下他達切

或挑

下吐彫切

或級

下急音

乙巳歲高麗國大藏部監奉

勅彫造

大方廣佛華嚴經卷第五十六

育

千闍國三藏寶叉難陀奉

制譯

離世間品第三十八之四

佛子菩薩摩訶薩有十種無礙用何等爲十
所謂衆生無礙用國土無礙用法無礙用身
無礙用願無礙用境界無礙用智無礙用神
通無礙用神力無礙用力無礙用佛子云何
爲菩薩摩訶薩衆生等無礙用佛子菩薩摩
訶薩有十種衆生無礙用何等爲十所謂知
一切衆生無衆生無礙用知一切衆生但想
所持無礙用爲一切衆生說法未曾失時無
礙用普化現一切衆生界無礙用置一切衆
生於一毛孔中而不迫隘無礙用爲一切衆
生示現他方一切世界令其悉見無礙用爲
一切衆生示現釋梵護世諸天身無礙用爲
一切衆生示現聲聞辟支佛寂靜威儀無礙
用爲一切衆生示現菩薩行無礙用爲一切
衆生示現諸佛色身相好一切智力成等正
覺無礙用是爲十佛子菩薩摩訶薩有十種
國土無礙用何等爲十所謂一切刹作一刹
無礙用一切刹入一毛孔無礙用知一切刹
無有盡無礙用一身結跏坐充滿一切刹無
礙用一身中現一切刹無礙用震動一切刹
不令衆生恐怖無礙用以一切刹莊嚴具莊

嚴一刹無礙用以一刹莊嚴具莊嚴一切刹
 無礙用以一如來一衆會徧一切佛刹示現
 衆生無礙用一切小刹中刹大刹廣刹深刹
 卽刹覆刹側刹正刹徧諸方網無量差別以
 此普示一切衆生無礙用是爲十佛子菩薩
 摩訶薩有十種法無礙用何等爲十所謂知
 一切法入一法一法入一切法而亦不違衆
 生心解無礙用從般若波羅蜜出生一切法
 爲他解說悉令開悟無礙用知一切法離文
 字而今衆生皆得悟入無礙用知一切法入
 一相而能演說無量法相無礙用知一切法
 離言說能爲他說無邊法門無礙用於一切
 法善轉普門字輪無礙用以一切法入一法
 門而不相違於不可說劫說不窮盡無礙用
 以一切法悉入佛法令諸衆生皆得悟解無
 礙用知一切法無有邊際無礙用知一切法
 無障礙際猶如幻網無量差別於無量劫爲
 衆生說不可窮盡無礙用是爲十佛子菩薩
 摩訶薩有十種身無礙用何等爲十所謂以
 一切衆生身入己身無礙用以己身入一切
 衆生身無礙用一切佛身入一佛身無礙用
 一佛身入一切佛身無礙用一切刹入己身
 無礙用以一身充徧一切三世法示現衆生
 無礙用於一身示現無邊身入三昧無礙用

於一身示現衆生數等身成正覺無礙用於一切衆生身現一衆生身於一衆生身現一切衆生身無礙用於一切衆生身示現法身於法身示現一切衆生身無礙用是爲十佛子菩薩摩訶薩有十種願無礙用何等爲十所謂以一切菩薩願作自願無礙用以一切佛成菩提願力示現自成正覺無礙用隨所化衆生自成阿耨多羅三藐三菩提無礙用於一切無邊際劫大願不斷無礙用遠離識身不著智身以自在願現一切身無礙用捨棄自身成滿他願無礙用普教化一切衆生而不捨大願無礙用於一切劫行菩薩行而大願不斷無礙用於一毛孔現成正覺以願力故充徧一切諸佛國土於不可說不可說世界爲一一衆生如是示現無礙用說一句法徧一切法界興大正法雲耀解脫電光震實法雷音雨甘露味雨以大願力充洽一切諸衆生界無礙用是爲十佛子菩薩摩訶薩有十種境界無礙用何等爲十所謂在法境界而不捨衆生境界無礙用在佛境界而不捨魔境界無礙用在涅槃境界而不捨生死境界無礙用入一切智境界而不斷菩薩種性境界無礙用住寂靜境界而不捨散亂境界無礙用住無去無來無戲論無相狀無

體性無言說如虛空境界而不捨一切衆生
戲論境界無礙用住諸力解脫境界而不捨
一切諸方所境界無礙用入無衆生際境界
而不捨教化一切衆生無礙用住禪定解脫
神通明智寂靜境界而於一切世界示現受
生無礙用住如來一切行莊嚴成正覺境界
而現一切聲聞辟支佛寂靜威儀無礙用是
爲十佛子菩薩摩訶薩有十種智無礙用何
等爲十所謂無盡辯才無礙用一切摠持無
有志失無礙用能決定知決定說一切衆生
諸根無礙用於一念中以無礙智知一切衆
生心之所行無礙用知一切衆生欲樂睡眠
習氣煩惱病隨應投藥無礙用一念能入如
來十力無礙用以無礙智知三世一切劫及
其中衆生無礙用於念念中現成正覺示現
衆生無有斷絕無礙用於一衆生想知一切
衆生業無礙用於一衆生音解一切衆生語
無礙用是爲十佛子菩薩摩訶薩有十種神
通無礙用何等爲十所謂於一身示現一切
世界身無礙用於一佛衆會聽受一切佛衆
會中所說法無礙用於一衆生心念中成就
不可說無上菩提開悟一切衆生心無礙用
以一音現一切世界差別言音令諸衆生各
得解了無礙用一念中現盡前際一切劫所

有業果種種差別今諸衆生悉得知見無礙
 周令一切世界具足莊嚴無礙用普入一切
 三世無礙用放大法光明現一切諸佛菩提
 衆生行願無礙用善守護一切天龍夜叉乾
 闥婆阿脩羅迦樓羅緊那羅摩睺羅伽釋梵
 護世聲聞獨覺菩薩所有如來十力菩薩善
 根無礙用是爲十若諸菩薩得此無礙用則
 能普入一切佛法佛子菩薩摩訶薩有十種
 神力無礙用何等爲十所謂以不可說世界
 置一塵中無礙用於一塵中現等法界一切
 佛刹無礙用以一切大海水置一毛孔周旋
 往還十方世界而於衆生無所觸燒無礙用
 以不可說世界內自身中示現一切神通所
 作無礙用以一毛繫不可數金剛圍山持以
 遊行一切世界不令衆生生恐怖心無礙用
 以不可說劫作一劫一劫作不可說劫於中
 示現成壞差別不令衆生心有恐怖無礙用
 於一切世界現水火風種種變壞而不惱
 衆生無礙用一切世界三歲壞時悉能護持
 一切衆生資生之具不令損缺無礙用以一
 手持不思議世界擲不可說世界之外不令
 衆生有驚怖想無礙用說一切刹同於虛空
 令諸衆生悉得悟解無礙用是爲十佛子菩
 薩摩訶薩有十神力無礙用何等爲十所謂

衆生力無礙用教化調伏不捨離故刹力無礙用示現不可說莊嚴而莊嚴故法力無礙用令一切身入無身故劫力無礙用修行不斷故佛力無礙用覺悟睡眠故行力無礙用攝取一切菩薩行故如來力無礙用度脫一切衆生故無師力無礙用自覺一切諸法故一切智力無礙用以一切智成正覺故大悲力無礙用不捨一切衆生故是爲十佛子如是名爲菩薩摩訶薩十種無礙用若有得此十無礙用者於阿耨多羅三藐三菩提欲成不成隨意無違雖成正覺而亦不斷行菩薩行何以故菩薩摩訶薩發大誓願入無邊無礙用門善巧示現故佛子菩薩摩訶薩有十種遊戲何等爲十所謂以衆生身作刹身而亦不壞衆生身是菩薩遊戲以刹身作衆生身而亦不壞於刹身是菩薩遊戲於佛身示現聲聞獨覺身而不損減如來身是菩薩遊戲於聲聞獨覺身示現如來身而不增長聲聞獨覺身是菩薩遊戲於菩薩行身示現成正覺身而亦不斷菩薩行身是菩薩遊戲於成正覺身示現修菩薩行身而亦不減成菩提身是菩薩遊戲於涅槃界示現生死身而不著生死是菩薩遊戲於生死界示現涅槃亦不究竟入於涅槃是菩薩遊戲入於三昧

而示現行住坐卧一切業亦不捨三昧正受
是菩薩遊戲在一佛所聞法受持其身不動
而以三昧力於不可說諸佛會中各各現身
亦不分身亦不起定而聞法受持相續不斷
如是念念於一一三昧身各出生不可說不
可說三昧身如是次第一切諸劫猶可窮盡
而菩薩三昧身不可窮盡是菩薩遊戲是為
十若諸菩薩安住此法則得如來無上大智
遊戲佛子菩薩摩訶薩有十種境界何等為
十所謂示現無邊法界門令衆生得入是菩
薩境界示現一切世界無量妙莊嚴令衆生
得入是菩薩境界化往一切衆生界悉方便
開悟是菩薩境界於如來身出菩薩身於菩
薩身出如來身是菩薩境界於虛空界現世
界於世界現虛空界是菩薩境界於生死界
現涅槃界於涅槃界現生死界是菩薩境界
於一衆生語言中出生一切佛法語言是菩
薩境界以無邊身現作一身一身作一切差
別身是菩薩境界以一身充滿一切法界是
菩薩境界於一念中令一切衆生發菩提心
各現無量身成等正覺是菩薩境界是為十
若諸菩薩安住此法則得如來無上大智慧
境界佛子菩薩摩訶薩有十種力何等為十
所謂緣心力不雜一切世情故增上深心力

不捨一切佛法故方便力諸有所作究竟故
智力了知一切心行故願力一切所求今滿
故行力盡未來際不斷故乘力能出生一切
乘而不捨大乘故神變力於一一毛孔中各
各示現一切清淨世界一切如來出興世故
菩提力令一切衆生發心成佛無斷絕故轉
法輪力說一句法悉稱一切衆生諸根性欲
故是爲十若諸菩薩安住此法則得諸佛無
上一切智十力

佛子菩薩摩訶薩有十種無畏何等爲十佛
子菩薩摩訶薩悉能聞持一切言說作如是
念設有衆生無量無邊從十方來以百千大
法而問於我我於彼問不見微少難可答相
以不見故心得無畏究竟到彼大無畏岸隨
其所問悉能酬對斷其疑惑無有怯弱是爲
菩薩第一無畏佛子菩薩摩訶薩得如來灌
頂無礙辯才到於一切文字言音開示秘密
究竟彼岸作如是念設有衆生無量無邊從
十方來以無量法而問於我我於彼問不見
微少難可答相以不見故心得無畏究竟到
彼大無畏岸隨其所問悉能酬對斷其疑惑
無有恐懼是爲菩薩第二無畏佛子菩薩摩
訶薩知一切法空離我離我所無作無作者
無知者無命者無養育者無補伽羅離蘊界

處永出諸見心如虛空作如是念不見衆生
有微妙相能損惱我身語意業何以故菩薩
遠離我我所故不見諸法有少性相以不見
故心得無畏究竟到彼大無畏岸堅固勇猛
不可沮壞是爲菩薩第三無畏佛子菩薩摩
訶薩佛力所護佛力所持住佛威儀所行眞
實無有變易作如是念我不見有少分威儀
令諸衆生生訶責相以不見故心得無畏於
大衆中安隱說法是爲菩薩第四無畏佛子
菩薩摩訶薩身語意業皆悉清淨鮮白柔和
遠離衆惡作如是念我不自見身語意業而
有少分可訶責相以不見故心得無畏能令
衆生住於佛法是爲菩薩第五無畏佛子菩
薩摩訶薩金剛力士天龍夜叉乾闥婆阿脩
羅帝釋梵王四天王等常隨侍衛一切如來
護念不捨菩薩摩訶薩作如是念我不見有
衆魔外道有見衆生能來障我行菩薩道少
分之相以不見故心得無畏究竟到彼大無
畏岸發歡喜心行菩薩行是爲菩薩第六無
畏佛子菩薩摩訶薩已得成就第一念根心
無忘失佛所悅可作如是念如來所說成菩
提道文字句法我不於中見有少分忘失之
相以不見故心得無畏受持一切如來正法
行菩薩行是爲菩薩第七無畏佛子菩薩摩

訶薩智慧方便悉已通達菩薩諸力皆得究竟常勤教化一切衆生恒以願心繫佛菩提而為悲愍衆生故成就衆生故於煩惱濁世示現受生種族尊貴眷屬圓滿所欲從心歡娛快樂而作是念我雖與此眷屬聚會不見少相而可貪著廢我修行禪定解脫及諸三昧摠持辯才菩薩道法何以故菩薩摩訶薩於一切法已得自在到於彼岸修菩薩行誓不斷絕不見世間有一境界而能惑亂菩薩道者以不見故心得無畏究竟到彼大無畏岸以大願力於一切世界示現受生是為菩薩第八無畏佛子菩薩摩訶薩恒不忘失薩婆若心乘於大乘行菩薩行以一切智大心勢力示現一切聲聞獨覺寂靜威儀作是念言我不自見當於二乘而取出離少分之相以不見故心得無畏到彼無上大無畏岸普能示現一切乘道究竟滿足平等大乘是為菩薩第九無畏佛子菩薩摩訶薩成就一切諸白淨法具足善根圓滿神通究竟住於諸佛菩提滿足一切諸菩薩行於諸佛所受一切智薩頂之記而常化衆生行菩薩道作如是念我不自見有一衆生應可成熟而不能現諸佛自在而成熟相以不見故心得無畏究竟到彼大無畏岸不斷菩薩行不捨菩薩

願隨所應化一切衆生現佛境界而化度之
 是爲菩薩第十無畏佛子是爲菩薩摩訶薩
 十種無畏若諸菩薩安住此法則得諸佛無
 上大無畏而亦不捨菩薩無畏佛子菩薩摩
 訶薩有十種不共法何等爲十佛子菩薩摩
 訶薩不由他教自然修行六波羅蜜常樂大
 施不生慳吝恒持淨戒無所毀犯具足忍辱
 心不動搖有大精進未曾退轉善入諸禪永
 無散亂巧修智慧悉除惡見是爲第一不由
 他教隨順波羅蜜道修六度不共法佛子菩
 薩摩訶薩普能攝受一切衆生所謂以財及
 法而行惠施正念現前和顏愛語其心歡喜
 示如實義令得悟解諸佛菩提無有憎嫌平
 等利益是爲第二不由他教順四攝道勤攝
 衆生不共法佛子菩薩摩訶薩善巧迴向所
 謂不求果報迴向順佛菩提迴向不著一切
 世間禪定三昧迴向爲利益一切衆生迴向
 爲不斷如來智慧迴向是爲第三不由他教
 爲諸衆生發起善根求佛智慧不共法佛子
 菩薩摩訶薩到善巧方便究竟彼岸心恒顧
 復一切衆生不厭世俗凡愚境界不樂二乘
 出離之道不著已樂唯勤化度善能入出禪
 定解脫於諸三昧悉得自在往來生死如遊
 園觀未曾暫起疲厭之心或住魔宮或爲釋

天梵王世主一切生處靡不於中而現其身
 或於外道衆中出家而恒遠離一切邪見一
 切世間文詞呪術字印算數乃至遊戲歌舞
 之法悉皆示現無不精巧或時示作端正婦
 人智慧才能世中第一於諸世間出世間法
 能問能說問答斷疑皆得究竟一切世間出
 世間事亦悉通達到於彼岸一切衆生恒來
 瞻仰雖現聲聞辟支佛威儀而不失大乘心
 雖念念中示成正覺而不斷菩薩行是爲第
 四不由他教方便善巧究竟彼岸不共法佛
 子菩薩摩訶薩善知權實雙行道智慧自在
 到於究竟所謂住於涅槃而示現生死知無
 衆生而勤行教化究竟寂滅而現起煩惱住
 一堅密智慧法身而普現無量諸衆生身常
 入深禪定而示受欲樂常遠離三界而不捨
 衆生常樂法樂而現有采女歌詠嬉戲雖以
 衆相好莊嚴其身而示受醜陋貧賤之形常
 積集衆善無諸過惡而現生地獄畜生餓鬼
 雖已到於佛智彼岸而亦不捨菩薩智身菩
 薩摩訶薩成就如是無量智慧聲聞獨覺尚
 不能知何況一切童蒙衆生是爲第五不由
 他教權實雙行不共法佛子菩薩摩訶薩身
 口意業隨智慧行皆悉清淨所謂具足大慈
 永離殺心乃至具足正解無有邪見是爲第

六不由他教身口意業隨智慧行不共法佛
子菩薩摩訶薩具足大悲不捨衆生代一切
衆生而受諸苦所謂地獄苦畜生苦餓鬼苦
爲利益故不生勞倦唯專度脫一切衆生未
曾耽染五欲境界常爲精勤滅除衆苦是爲
第七不由他教常起大悲不共法佛子菩薩
摩訶薩常爲衆生之所樂見梵王帝釋四天
王等一切衆生見無厭足何以故菩薩摩訶
薩久遠世來行業清淨無有過失是故衆生
見者無厭是爲第八不由他教一切衆生皆
悉樂見不共法佛子菩薩摩訶薩於薩婆若
大誓莊嚴志樂堅固雖處凡夫聲聞獨覺險
難之處終不退失一切智心明淨妙寶佛子
如有寶珠名淨莊嚴置泥濘中光色不改能
令濁水悉皆澄淨菩薩摩訶薩亦復如是雖
在凡愚雜濁等處終不失壞求一切智清淨
寶心而能令彼諸惡衆生遠離妄見煩惱穢
濁得求一切智清淨心寶是爲第九不由他
教在衆難處不失一切智心寶不共法佛子
菩薩摩訶薩成就自覺境界智無師自悟究
竟自在到於彼岸離垢法繒以冠其首而於
善友不捨親近於諸如來常樂尊重是爲第
十不由他教得最上法不離善知識不捨尊
重佛不共法佛子是爲菩薩摩訶薩十種不

共法若諸菩薩安住其中則得如來無上廣大不共法佛子菩薩摩訶薩有十種業何等爲十所謂一切世界業悉能嚴淨故一切諸佛業悉能供養故一切菩薩業同種善根故一切衆生業悉能教化故一切未來業盡未來際攝取故一切神力業不離一世界徧至一切世界故一切光明業放無邊色光明一光中有蓮華座各有菩薩結跏趺坐而顯現故一切三寶種不斷業諸佛滅後守護住持諸佛法故一切變化業於一切世界說法教化諸衆生故一切加持業於一念中隨諸衆生心之所欲皆爲示現今一切願悉成滿故是爲十若諸菩薩安住此法則得如來無上廣大業佛子菩薩摩訶薩有十種身何等爲十所謂不來身於一切世間不受生故不去身於一切世間求不得故不實身一切世間如實得故不虛身以如實理示世間故不盡身盡未來際無斷絕故堅固身一切衆魔不能壞故不動身衆魔外道不能動故具相身示現清淨百福相故無相身法相究竟悉無相故普至身與三世佛同一身故是爲十若諸菩薩安住此法則得如來無上無盡之身

佛子菩薩摩訶薩有十種身業何等爲十所

謂一身充滿一切世界身業於一切衆生前
悉能示現身業於一切趣悉能受生身業遊
行一切世界身業往詣一切諸佛衆會身業
能以一手普覆一切世界身業能以一手磨
一切世界金剛圍山碎如微塵身業於自身
中現一切佛刹成壞示於衆生身業以一身
容受一切衆生界身業於自身中普現一切
清淨佛刹一切衆生於中成道身業是爲十
若諸菩薩安住此法則得如來無上佛業悉
能覺悟一切衆生佛子菩薩摩訶薩復有十
種身何等爲十所謂諸波羅蜜身悉正修行
故四攝身不捨一切衆生故大悲身代一切
衆生受無量苦無疲厭故大慈身救護一切
衆生故福德身饒益一切衆生故智慧身與
一切佛身同一性故法身永離諸趣受生故
方便身於一切處現前故神力身示現一切
神變故菩提身隨樂隨時成正覺故是爲十
若諸菩薩安住此法則得如來無上大智慧
身佛子菩薩摩訶薩有十種語何等爲十所
謂柔軟語使一切衆生皆安隱故甘露語令
一切衆生悉清涼故不誑語所有言說皆如
實故真實語乃至夢中無妄語故廣大語一
切釋梵四天王等皆尊敬故甚深語顯示法
性故堅固語說法無盡故正直語發言易了

故種種語隨時示現故開悟一切衆生語隨其欲樂今解了故是爲十若諸菩薩安住此法則得如來無上微妙語佛子菩薩摩訶薩有十種淨修語業何等爲十所謂樂聽聞如來音聲淨修語業樂聞說菩薩功德淨修語業不說一切衆生不樂聞語淨修語業真實遠離語四過失淨修語業歡喜踊躍讚歎如來淨修語業如來塔所高聲讚佛如實功德淨修語業以深淨心施衆生法淨修語業音樂歌頌讚歎如來淨修語業於諸佛所聽聞正法不惜身命淨修語業捨身承事一切菩薩及諸法師而受妙法淨修語業是爲十佛子若菩薩摩訶薩以此十事淨修語業則得十種守護何等爲十所謂天主爲首一切天衆而爲守護龍王爲首一切龍衆而爲守護夜叉王爲首乾闥婆王爲首阿脩羅王爲首迦樓羅王爲首緊那羅王爲首摩睺羅伽王爲首梵王爲首一一皆與自己徒衆而爲守護如來法王爲首一切法師皆悉守護是爲十佛子菩薩摩訶薩得此守護已則能成辦十種大事何等爲十所謂一切衆生皆令歡喜一切勝解悉令清淨一切煩惱皆令除斷一切習氣皆令捨離一切欲樂皆令朋索一切

深心悉使增長一切法界悉令周徧一切涅槃普令明見是爲十佛子菩薩摩訶薩有十種心何等爲十所謂如大地心能持能長一切衆生諸善根故如大海心一切諸佛無量無邊大智法水悉流入故如須彌山王心置一切衆生於出世間最上善根處故如摩尼寶王心樂欲清淨無雜染故如金剛心決定深入一切法故如金剛圍山心諸魔外道不能動故如蓮華心一切世法不能染故如優曇鉢華心一切劫中難值遇故如淨日心破闇障故如虛空心不可量故是爲十若諸菩薩安住其中則得如來無上大清淨心佛子我當度脫一切衆生心發我當令一切衆生除斷煩惱心發我當令一切衆生消滅習氣心發我當斷除一切疑惑心發我當除滅一切衆生苦惱心發我當除滅一切惡道諸難心發我當敬順一切如來心發我當善學一切菩薩所學心發我當於一切世間一一毛端慶現一切佛成正覺心發我當於一切世界無上法鼓令諸衆生隨其根欲悉得悟解心是爲十若諸菩薩安住其中則得如來無上大發起能事心佛子菩薩摩訶薩有十種周徧心何等爲十所謂周徧一切虛空心

發意廣大故周徧一切法界心深入無邊故
周徧一切三世心一念悉知故周徧一切佛
止現心於入胎誕生出家成道轉法輪般涅槃
悉明了故周徧一切衆生心悉知根欲習
氣故周徧一切智慧心隨順了知法界故周
徧一切無邊心知諸幻網差別故周徧一切
無生心不得諸法自性故周徧一切無礙心
不住自心他心故周徧一切自在心一念普
現成佛故是爲十若諸菩薩安住其中則得
無量無上佛法周徧莊嚴佛子菩薩摩訶薩
有十種根何等爲十所謂歡喜根見一切佛
信不壞故希望根所聞佛法皆悟解故不退
根一切作事皆究竟故安住根不斷一切苦
薩行故微細根入般若波羅蜜微妙理故不
休息根究竟一切衆生事故如金剛根證知
一切諸法性故金剛光燄根普照一切佛境
界故無差別根一切如來同一身故無礙際
根深入如來十種力故是爲十若諸菩薩安
住其中則得如來無上大智圓滿根佛子菩
薩摩訶薩有十種深心何等爲十所謂不染
一切世間法深心不雜一切二乘道深心了
達一切佛菩提深心隨順一切智智道深心
不爲一切衆魔外道所動深心淨修一切如
來圓滿智深心受持一切所聞法深心不著

一切受生處深心具是一切微細智深心修
一切諸佛法深心是爲十若諸菩薩安住其
中則得一切智無上清淨深心佛子菩薩摩
訶薩有十種增上深心何等爲十所謂不退
轉增上深心積集一切善根故離疑惑增上
深心解一切如來密語故正持增上深心大
願大行所流故最勝增上深心深入一切佛
法故爲主增上深心一切佛法自在故廣大
增上深心普入種種法門故上首增上深心
一切所作成辦故自在增上深心一切三昧
神通變化莊嚴故安住增上深心攝受本願
故無休息增上深心成熟一切衆生故是爲
十若諸菩薩安住此法則得一切諸佛無二
清淨增上深心佛子菩薩摩訶薩有十種勤
修何等爲十所謂布施勤修慳捨一切不求
報故持戒勤修頭陀苦行少欲知足無所欺
故忍辱勤修離自他想忍一切惡畢竟不生
害害心故精進勤修身語意業未曾散亂一
切所作皆不退轉至究竟故禪定勤修解脫
三昧出現神通離一切煩惱闢諍諸眷屬
故智慧勤修修習積聚一切功德無厭倦故
大慈勤修知諸衆生無自性故大悲勤修知
諸法空普代一切衆生受苦無疲厭故覺悟
如來下力勤修了達無礙示衆生故不退法

輪勤修轉至一切衆生心故是爲十若諸菩薩安住此法則得如來無上大智慧勤修佛子菩薩摩訶薩有十種決定解何等爲十所謂最上決定解種植尊重善根故莊嚴決定解出生種種莊嚴故廣大決定解其心未曾狹劣故寂滅決定解能入甚深法性故普徧決定解發心無所不及故堪任決定解能受佛力加持故堅固決定解摧破一切魔業故明斷決定解了知一切業報故現前決定解隨意能現神通故紹隆決定解一切佛所得記故自在決定解隨意隨時成佛故是爲十若諸菩薩安住此法則得如來無上決定解佛子菩薩摩訶薩有十種決定解知諸世界何等爲十所謂知一切世界入一世界知一世界入一切世界知一切世界一如來身一蓮華座皆悉周徧知一切世界皆如虛空知一切世界具佛莊嚴知一切世界菩薩充滿知一切世界入一毛孔知一切世界入一衆生身知一切世界一佛菩提樹一佛道場皆悉周徧知一切世界一音普徧令諸衆生各別了知心生歡喜是爲十若諸菩薩安住此法則得如來無上佛剎廣大決定解佛子菩薩摩訶薩有十種決定解知衆生界何等爲十所謂知一切衆生界本性無實知一切衆

生界悉入一衆生身知一切衆生界悉入菩
薩身知一切衆生界悉入如來藏知一衆生
身普入一切衆生界知一切衆生界悉堪爲
諸佛法器知一切衆生界隨其所欲爲現釋
梵護世身知一切衆生界隨其所欲爲現聲
聞獨覺寂靜威儀知一切衆生界爲現菩薩
功德莊嚴身知一切衆生界爲現如來相好
寂靜威儀開悟衆生是爲十若諸菩薩安住
此法則得如來無上大威力決定解

大方廣佛華嚴經卷第五十六

迫隘

下烏解切

觸燒

下而沼切

擲不

上直炙切

忍懼

下具音

慳吝

下良牙切

嬉戲

上許其切

醜陋

上烏九切
下漏音

耽染

上下含切

泥滯

下郎利切

碎如

上蘇內切

已歲高麗國大藏寺監奉

勅開造

大方廣佛華嚴經卷第五十七

月

于闐國三藏實叉難陀奉

翻譯

離世間品第三十八之五

佛子菩薩摩訶薩有十種習氣何等爲十所謂菩提心習氣善根習氣教化衆生習氣見佛習氣於清淨世界受生習氣行習氣願習氣波羅蜜習氣思惟平等法習氣種種境界差別習氣是爲十若諸菩薩安住此法則永離一切煩惱習氣得如來大智習氣非習氣智佛子菩薩摩訶薩有十種取以此不斷諸菩薩行何等爲十所謂取一切衆生界究竟教化故取一切世界究竟嚴淨故取如來修菩薩行爲供養故取善根積集諸佛相好功德故取大悲滅一切衆生苦故取大慈與一切衆生一切智樂故取波羅蜜積集菩薩諸莊嚴故取善巧方便於一切處皆示現故取菩提得無礙智故略說菩薩取一切法於一切處悉以明智而現了故是爲十若諸菩薩安住此取則能不斷諸菩薩行得一切如來無上無所取法佛子菩薩摩訶薩有十種修何等爲十所謂修諸波羅蜜修學修慧修義修法修出離修示現修勤行匪懈修成等正覺修轉正法輪是爲十若諸菩薩安住其中則得無上修修一切法佛子菩薩摩訶薩有

十種成就佛法何等爲十所謂不離善知識
 成就佛法深信佛語成就佛法不謗正法成
 就佛法以無量無盡善根迴向成就佛法信
 解如來境界無邊際成就佛法知一切世界
 境界成就佛法不捨法界境界成就佛法遠
 離諸魔境界成就佛法正念一切諸佛境界
 成就佛法樂求如來十力境界成就佛法是
 爲十若諸菩薩安住此法則得成就如來無
 上大智慧佛子菩薩摩訶薩有十種退失佛
 法應當遠離何等爲十所謂輕慢善知識退
 失佛法畏生死苦退失佛法厭修菩薩行退
 失佛法不樂住世間退失佛法耽著三昧退
 失佛法執取善根退失佛法誹謗正法退失
 佛法斷善薩行退失佛法樂二乘道退失佛
 法嫌恨諸菩薩退失佛法是爲十若諸菩薩
 遠離此法則入菩薩離生道佛子菩薩摩訶
 薩有十種離生道何等爲十所謂出生般若
 波羅蜜而恒觀察一切衆生是爲一遠離諸
 見而度脫一切見縛衆生是爲二不念一切
 相而不捨一切著相衆生是爲三超過三界
 而常在一切世界是爲四永離煩惱而與一
 切衆生共居是爲五得離欲法而常以大悲
 哀愍一切著欲衆生是爲六常樂寂靜而恒
 示現一切眷屬是爲七離世間生而死此生

彼起菩薩行是爲八不染一切世間法而不斷一切世間所作是爲九諸佛菩提已現其前而不捨菩薩一切願行是爲十佛子是爲菩薩摩訶薩十種離生道出離世間不與世共而亦不雜二乘之行若諸菩薩安住此法則得菩薩決定法佛子菩薩摩訶薩有十種決定法何等爲十所謂決定於如來種族中生決定於諸佛境界中住決定了知菩薩所作事決定安住諸波羅蜜決定得預如來聚會決定能顯如來種性決定安住如來力決定深入佛菩提決定與一切如來同一身決定與一切如來所住無有二是爲十佛子菩薩摩訶薩有十種出生佛法道何等爲十所謂隨順善友是出生佛法道同種善根故深心信解是出生佛法道知佛自在故發大誓願是出生佛法道其心寬廣故忍自善根是出生佛法道知業不失故一切劫修行無厭足是出生佛法道盡未來際故阿僧祇世界皆示現是出生佛法道成熟衆生故不斷菩薩行是出生佛法道增長大悲故無量心是出生佛法道一念徧一切虛空界故殊勝行是出生佛法道令一切衆生樂發菩提心以一切善法資持故是爲十若諸菩薩安住此

法則得大丈夫名号佛子菩薩摩訶薩有十
 種大丈夫名号何等為十所謂名為菩提薩
 埵菩提智所生故名為摩訶薩埵安住大乘
 故名為第一薩埵證第一法故名為勝薩埵
 覺悟勝法故名為最勝薩埵智慧最勝故名
 為上薩埵起上精進故名為無上薩埵開示
 無上法故名為力薩埵廣知十力故名為無
 等薩埵世間無比故名為不思議薩埵一念
 成佛故是為十若諸菩薩得此名号則成就
 菩薩道佛子菩薩摩訶薩有十種道何等為
 十所謂一道是菩薩道不捨獨一菩提心故
 二道是菩薩道出生智慧及方便故三道是
 菩薩道行空無相無願不著三界故四行是
 菩薩道懺除罪障隨喜福德恭敬尊重勸請
 如來善巧迴向無休息故五根是菩薩道安
 住淨信堅固不動起大精進所作究竟一向
 正念無異攀緣巧知三昧入出方便善能分
 別智慧境界故六通是菩薩道所謂天眼悉
 見一切世界所有眾色知諸眾生死此生彼
 故天耳悉聞諸佛說法受持憶念廣為眾生
 隨根演暢故他心智能知他心自在無礙故
 宿命念憶知過去一切劫數增長善根故神
 足通隨所應化一切眾生成種種為現今樂法
 故漏盡智現證實際起菩薩行不斷絕故七

念是菩薩道所謂念佛於一毛孔見無量佛
開悟一切衆生心故念法不離一如來衆會
於一切如來衆會中親承妙法隨諸衆生根
性欲樂而爲演說令悟入故念僧恒相續見
無有休息於一切世間見菩薩故念捨了知
一切菩薩捨行增長廣大布施心故念戒不
捨菩提心以一切善根迴向衆生故念天常
憶念兜率陀天宮一生補處菩薩故念衆生
智慧方便教化調伏普及一切無間斷故隨
順菩提八聖道是菩薩道所謂行正見道遠
離一切諸邪見故起正思惟捨妄分別心常
隨順一切智故常行正語離語四過順聖言
故恒修正業教化衆生令調伏故安住正命
頭陀知足威儀審正隨順菩提行四聖種一
切過失皆永離故起正精進勤修一切菩薩
苦行入佛十力無罣礙故心常正念悉能憶
持一切言音除滅世間散動心故心常正定
善入菩薩不思議解脫門於一三昧中出生
一切諸三昧故入九次第定是菩薩道所謂
離欲害而以一切語業說法無礙滅除覺
觀而以一切智覺觀教化衆生捨離喜愛而
見一切佛心大歡喜離世間樂而隨順出世
菩薩道樂從此不動入無色定而亦不捨欲
色受生雖住滅一切想受定而亦不息菩薩

行故學佛十力是菩薩道所謂善知是處非處智善知一切衆生去來現在業報因果智善知一切衆生上中下根不同隨宜說法智生軟中上解差別令入法方便智徧一切世間一切刹一切三世一切劫普現如來形相威儀而亦不捨菩薩所行智善知一切諸禪解脫及諸三昧若垢若淨時與非時方便出生諸菩薩解脫門智知一切衆生於諸趣中死此生彼差別智於一念中悉知三世一切劫數智善知一切衆生樂欲諸使惑習滅盡智而不捨離諸菩薩行是爲十若諸菩薩安住此法則得一切如來無上巧方便道佛子菩薩摩訶薩有無量道無量助道無量修道無量莊嚴道佛子菩薩摩訶薩有十種無量道何等爲十所謂虛空無量故菩薩道亦無量法界無邊故菩薩道亦無量衆生界無盡故菩薩道亦無量世界無際故菩薩道亦無量劫數不可盡故菩薩道亦無量一切衆生語言法無量故菩薩道亦無量如來身無量故菩薩道亦無量佛音聲無量故菩薩道亦無量如來力無量故菩薩道亦無量一切智智無量故菩薩道亦無量是爲十佛子菩薩摩訶薩有十種無量助道所謂如虛空

界無量菩薩集助道亦無量如法界無邊菩薩集助道亦無盡如世界無際菩薩集助道亦無際如劫數說不可盡菩薩集助道亦一切世間說不能盡如衆生語言法無量菩薩集助道出生智慧知語言法亦無量如如來身無量菩薩集助道徧一切衆生一切刹一切世一切劫亦無量如佛音聲無量菩薩出一言音周徧法界一切衆生無不聞知故所集助道亦無量如佛力無量菩薩承如來力積集助道亦無量如一切智智無量菩薩積集助道亦如是無有量是爲十若諸菩薩安住此法則得如來無量智慧佛子菩薩摩訶薩有十種無量修道何等爲十所謂不來不去修身語意業無動作故不增不減修如本性故非有非無修無自性故如幻如夢如影如響如鏡中像如熱時燄如水中月修離一切執著故空無相無願無作修明見三界而集福德不休息故不可說無言說離言說修遠離施設安立法故不壞法界修智慧現知一切法故不壞真如實際修普入真如實際虛空際故廣大智慧修諸有所作力無盡故住如來十力四無所畏一切智智平等修現見一切法無疑惑故是爲十若諸菩薩安住此法則

得如來一切智無上善巧修佛子菩薩摩訶
薩有十種莊嚴道何等爲十佛子菩薩摩訶
薩不離欲界入色界無色界禪定解脫及諸
三昧亦不因此而受彼生是爲第一莊嚴道
智慧現前入聲聞道不以此道而取出離是
爲第二莊嚴道智慧現前入辟支佛道而起
大悲無有休息是爲第三莊嚴道雖有人天
眷屬圍遶百千采女歌舞侍從未曾暫捨禪
定解脫及諸三昧是爲第四莊嚴道與一切
衆生受諸欲樂共相娛樂乃至未曾於一念
間捨離菩薩平等三昧是爲第五莊嚴道已
到一切世間彼岸於諸世法悉無所著而亦
不捨度衆生行是爲第六莊嚴道安住正道
正智正見而能示入一切邪道不取爲實不
執爲淨令彼衆生遠離邪法是爲第七莊嚴
道常善護持如來淨戒身語意業無諸過失
爲欲教化犯戒衆生示行一切凡愚之行雖
已具足清淨福德住菩薩趣而示生於一切
地獄畜生餓鬼及諸險難貧窮等處令彼衆
生皆得解脫而實菩薩不生彼趣是爲第八
莊嚴道不由他教得無礙辯智慧光明普能
照了一切佛法爲一切如來神力所持與一
切諸佛同一法身成就一切堅固大人明淨
密法安住一切平等諸乘諸佛境界皆現其

前具足一切世智光明照見一切諸衆生界能爲衆生作知法師而示求正法未曾休息雖實與衆生作無上師而示行尊敬闍黎和尚何以故菩薩摩訶薩善巧方便住菩薩道隨其所應皆爲示現是爲第九莊嚴道善根具足諸行究竟一切如來所共灌頂到一切法自在彼岸無礙法繒以冠其首其身徧至一切世界普現如來無礙之身於法自在最上究竟轉於無礙清淨法輪一切菩薩自在之法皆已成就而爲衆生故於一切國土示現受生與三世諸佛同一境界而不廢菩薩行不捨菩薩法不懈菩薩業不離菩薩道不弛菩薩儀不斷菩薩取不息菩薩巧方便不絕菩薩所作事不厭菩薩生成用不止菩薩住持力何以故菩薩欲疾證阿耨多羅三藐三菩提觀一切智門修菩薩行無休息故是爲第十莊嚴道若諸菩薩安住此法則得如來無上大莊嚴道亦不捨菩薩道佛子菩薩摩訶薩有十種足何等爲十所謂持戒足殊勝大願悉成滿故精進足集一切菩提分法不退轉故神通足隨衆生欲令歡喜故神力足不離一佛刹徃一切佛刹故深心足願求一切殊勝法故堅擔足一切所作咸究竟故隨順足不違一切尊者教故樂法足聞持一

切佛所說法不疲懈故法雨足爲衆演說無怯弱故修行足一切諸惡悉遠離故是爲十若諸菩薩安住此法則得如來無上最勝足若一舉步悉能徧至一切世界佛子菩薩摩訶薩有十種手何等爲十所謂深信手於佛所說一向忍可究竟受持故布施手有來求者隨其所欲皆令充滿故先意問訊手舒展右掌相迎引故供養諸佛手集衆福德無疲厭故多聞善巧手悉斷一切衆生疑故令超三界手授與衆生拔出欲泥故置於彼岸手四暴涼中救溺衆生故不吝正法手所有妙法悉以開示故善用衆論手以智慧藥滅身心病故恒持智寶手開法光明破煩惱闇故是爲十若諸菩薩安住此法則得如來無上手普覆十方一切世界佛子菩薩摩訶薩有十種腹何等爲十所謂離諂曲腹心清淨故離幻偽腹性質直故不虛假腹無險波故無欺奪腹於一切物無所貪故斷煩惱腹具智慧故清淨心腹離諸惡故觀察飲食腹念如實法故觀察無作腹覺悟緣起故覺悟一切出離道腹善成熟深心故遠離一切邊見垢腹令一切衆生得入佛腹故是爲十若諸菩薩安住此法則得如來無上廣大腹悉能容受一切衆生佛子菩薩摩訶薩有十種藏何

等爲十所謂不斷佛種是菩薩藏開示佛法
無量威德故增長法種是菩薩藏出生智慧
廣大光明故住持僧種是菩薩藏令其得入
不退法輪故覺悟正定衆生是菩薩藏善隨
其時不逾一念故究竟成熟不定衆生是菩
薩藏令因相續無有間斷故爲邪定衆生發
起大悲是菩薩藏令未來因悉得成就故滿
佛十力不可壞因是菩薩藏具降伏魔軍無
對善根故最勝無畏大師子吼是菩薩藏令
一切衆生皆歡喜故得佛十八不共法是菩
薩藏智慧普入一切處故普了知一切衆生
一切剎一切法一切佛是菩薩藏於一念中
悉明見故是爲十若諸菩薩安住此法則得
如來無上善根不可壞大智慧藏佛子菩薩
摩訶薩有十種心何等爲十所謂精勤心一
切所作悉究竟故不懈心積集相好福德行
故大勇健心摧破一切諸魔軍故如理行心
除滅一切諸煩惱故不退轉心乃至菩提終
不息故性清淨心知心不動無所著故知衆
生心隨其解欲令出離故令入佛法大梵住
心知諸衆生種種解欲不以別乘而救護故
空無相無願無作心見三界相不取著故卽
字相金剛堅固勝藏莊嚴心一切衆生數等
魔來乃至不能動一毛故是爲十若諸菩薩

安住此法則得如來無上大智光明藏心佛
子菩薩摩訶薩有十種被甲何等爲十所謂
被大慈甲救護一切衆生故被大悲甲堪忍
一切諸苦故被大願甲一切所作究竟故被
迴向甲建立一切佛莊嚴故被福德甲饒益
一切諸衆生故被波羅蜜甲度脫一切諸含
識故被智慧甲滅一切衆生煩惱闇故被善
巧方便甲生普門善根故被一切智心堅固
不散亂甲不樂餘乘故被一心決定甲於一
切法離疑惑故是爲十若諸菩薩安住此法
則被如來無上甲自悉能摧伏一切魔軍佛
子菩薩摩訶薩有十種器仗何等爲十所謂
布施是菩薩器仗摧破一切慳吝故持戒是
菩薩器仗棄捨一切毀犯故平等是菩薩器
仗斷除一切分別故智慧是菩薩器仗消滅
一切煩惱故正命是菩薩器仗遠離一切邪
命故善巧方便是菩薩器仗於一切處示現
故略說貪瞋癡等一切煩惱是菩薩器仗以
煩惱門度衆生故生死是菩薩器仗不斷菩
薩行教化衆生故說如實法是菩薩器仗能
破一切執著故一切智是菩薩器仗不捨菩
薩行門故是爲十若諸菩薩安住此法則能
除滅一切衆生長夜所集煩惱結使
佛子菩薩摩訶薩有十種首何等爲十所謂

涅槃首無能見頂故尊敬首一切人天所敬
禮故廣大勝解首三千界中最爲勝故第一
善根首三界衆生成供養故荷戴衆生首成
就頂上肉髻相故不輕賤他首於一切處常
尊勝故般若波羅蜜首長養一切功德法故
方便智相應首普現一切同類身故教化一
切衆生首以一切衆生爲弟子故守護諸佛
法眼首能令三寶種不斷絕故是爲十若諸
菩薩安住此法則得如來無上大智慧首佛
子菩薩摩訶薩有十種眼所謂肉眼見一切
色故天眼見一切衆生心故慧眼見一切衆
生諸根境界故法眼見一切法如實相故佛
眼見如來十力故智眼知見諸法故光明眼
見佛光明故出生死眼見涅槃故無礙眼所
見無障故一切智眼見普門法界故是爲十
若諸菩薩安住此法則得如來無上大智慧
眼佛子菩薩摩訶薩有十種耳何等爲十所
謂聞讚歎聲斷除貪愛聞毀訾聲斷除瞋恚
聞說二乘不著不求聞菩薩道歡喜踊躍聞
地獄等諸苦難處起大悲心發弘誓願聞說
人天勝妙之事知彼皆是無常之法聞有讚
歎諸佛功德勤加精進令速圓滿聞說六度
四攝等法發心修行願到彼岸聞十方世界
一切音聲悉知如響入不可說甚深妙義苦

薩摩訶薩從初發心乃至道場常聞正法未
曾暫息而恒不捨化衆生事是爲十若諸菩
薩成就此法則得如來無上大智慧耳佛子
菩薩摩訶薩有十種鼻何等爲十所謂聞諸
臭物不以爲臭聞諸香氣不以爲香香臭俱
聞其心平等非香非臭安住於捨若聞衆生
衣服卧具及其肢體所有香臭則能知彼貪
恚愚癡等分之行若聞諸伏藏草木等香皆
如對目前分明辨了若聞下至阿鼻地獄上
至有頂衆生之香皆知彼過去所行之行若
聞諸聲聞布施持戒多聞慧香住一切智心
不令散動若聞一切菩薩行香以平等慧入
如來地聞一切佛智境界香亦不廢捨諸菩
薩行是爲十若諸菩薩成就此法則得如來
無量無邊清淨鼻佛子菩薩摩訶薩有十種
舌何等爲十所謂開示演說無盡衆生行舌
開示演說無盡法門舌讚歎諸佛無盡功德
舌演暢辭辯無盡舌開闢大乘助道舌徧覆
十方虛空舌普照一切佛刹舌普使衆生悟
解舌悉令諸佛歡喜舌降伏一切諸魔外道
除滅一切生死煩惱令至涅槃舌是爲十若
諸菩薩成就此法則得如來徧覆一切諸佛
國土無上舌佛子菩薩摩訶薩有十種身何
等爲十所謂人身爲教化一切諸人故非人

身為教化地獄畜生餓鬼故天身為教化欲
界色界無色界衆生故學身示現學地故無
學身示現阿羅漢地故獨覺身教化令入辟
支佛地故菩薩身令成就大乘故如來身智
水灌頂故意生身善巧出生故無漏法身以
無功用示現一切衆生身故是為十若諸菩
薩成就此法則得如來無上之身佛子菩薩
摩訶薩有十種意何等為十所謂上首意發
起一切善根故安住意深信堅固不動故深
入意隨順佛法而解故內了意知諸衆生心
樂故無亂意一切煩惱不雜故明淨意客塵
不能染著故善觀衆生意無有一念失時故
善擇所作意未曾一處生過故密護諸根意
調伏不令馳散故善入三昧意深入佛三昧
無我我所故是為十若諸菩薩安住此法則
得一切佛無上意佛子菩薩摩訶薩有十種
行何等為十所謂聞法行愛樂於法故說法
行利益衆生故離貪恚癡怖畏行調伏自心
故欲界行教化欲界衆生故色無色界三昧
行今速轉還故趣向法義行速得智慧故一
切生處行自在教化衆生故一切佛刹行禮
拜供養諸佛故涅槃行不斷生死相續故成
滿一切佛法行不捨菩薩法行故是為十若
諸菩薩安住此法則得如來無來無去行佛

子菩薩摩訶薩有十種住何等爲十所謂善
提心住曾不忘失故波羅蜜住不厭助道故
說法住增長智慧故阿蘭若住證大禪定故
隨順一切智頭陀知足四聖種住少欲少事
故深信住荷負正法故親近如來住學佛威
儀故出生神通住圓滿大智故得忍住滿足
授記故道場住具足力無畏一切佛法故是
爲十若諸菩薩安住此法則得一切智無上
住佛子菩薩摩訶薩有十種坐何等爲十所
謂轉輪王坐與十善道故四天王坐於一切
世間自在安立佛法故帝釋坐與一切衆生
爲勝主故梵天坐於自他心得自在故師子
坐能說法故正法坐以摠持辯才力而開示
故堅固坐擔願究竟故大慈坐令惡衆生悉
歡喜故大悲坐忍一切苦不疲厭故金剛坐
降伏衆魔及外道故是爲十若諸菩薩安住
此法則得如來無上正覺坐佛子菩薩摩訶
薩有十種卧何等爲十所謂寂靜卧身心憺
怕故禪定卧如理修行故三昧卧身心柔軟
故梵天卧不惱自他故善業卧於後不悔故
正信卧不可傾動故正道卧善友開覺故妙
願卧善巧迴向故一切事畢卧所作成辦故
捨諸功用卧一切慣習故是爲十若諸菩薩
安住此法則得如來無上大法卧悉能開悟

一切衆生佛子等薩摩訶薩有十種所住處
何等爲十所謂以大慈爲所住處於一切衆
生心平等故以大悲爲所住處不輕未學故
以大喜爲所住處離一切憂惱故以大捨爲
所住處若有爲無爲平等故以一切波羅蜜
爲所住處善提心爲首故以一切空爲所住
處善巧觀察故以無相爲所住處不出正位
故以無願爲所住處觀察受生故以念慧爲
所住處忍法成滿故以一切法平等爲所住
處得授記別故是爲十若諸菩薩安住此法
則得如來無上無礙所住處佛子菩薩摩訶
薩有十種所行處何等爲十所謂以正念爲
所行處滿足念處故以諸趣爲所行處正覺
法趣故以智慧爲所行處得佛歡喜故以波
羅蜜爲所行處滿足一切智智故以四攝爲
所行處教化衆生故以生死爲所行處積集
善根故以與一切衆生雜談戲爲所行處隨
應教化令永離故以神通爲所行處知一切
衆生諸根境界故以善巧方便爲所行處般
若波羅蜜相應故以道場爲所行處成一切
智而不斷非薩行故是爲十若諸菩薩安住
此法則得如來無上大智慧所行處佛子菩
薩摩訶薩有十種觀察何等爲十所謂知諸
業觀察微細悉見故知諸趣觀察不取衆生

故知諸根觀察了達無根故知諸法觀察不壞法界故見佛法觀察勤修佛眼故得智慧觀察如理說法故無生忍觀察決了佛法故不退地觀察滅一切煩惱超出三界二乘地故灌頂地觀察於一切佛法自在不動故善覺智三昧觀察於一切十方施作佛事故是爲十若諸菩薩安住此法則得如來無上大觀察智佛子菩薩摩訶薩有十種普觀察何等爲十所謂普觀一切諸來求者以無違心滿其意故普觀一切犯戒衆生安置如來淨戒中故普觀一切害心衆生安置如來忍力中故普觀一切懈怠衆生勸令精勤不捨荷負大乘擔故普觀一切亂心衆生令住如來一切智地無散動故普觀一切惡慧衆生令除疑惑破有見故普觀一切平等善友順其教命住佛法故普觀一切所聞之法疾得證見最上義故普觀一切無邊衆生常不捨離大悲力故普觀一切諸佛之法速得成就一切智故是爲十若諸菩薩安住此法則得如來無上大智慧普觀察佛子菩薩摩訶薩有十種奮迅何等爲十所謂牛王奮迅駛蘇一切天龍夜叉乾闥婆等諸大衆故象王奮迅心善調柔荷負一切諸衆生故龍王奮迅興大法密雲耀解脫電光震如寶義雷降諸根

力覺分禪定解脫三昧甘露雨故大金翅鳥
王奮迅竭貪愛水破愚癡嚴搏撮煩惱諸惡
毒龍令出生死大苦海故大師子王奮迅安
住無畏平等大智以爲器仗摧伏衆魔及外
道故勇健奮迅能於生死大戰陣中摧滅一
切煩惱怨故大智奮迅知蘊界處及諸緣起
自在開示一切法故陀羅尼奮迅以念慧力
持法不忘隨衆生根爲宣說故辯才奮迅無
礙迅疾分別一切咸令受益心歡喜故如來
奮迅一切智智助道之法皆悉成滿以一念
相應慧所應得者一切皆得所應悟者一切
皆悟坐師子座降魔怨敵成阿耨多羅三藐
三菩提故是爲十若諸菩薩安住此法則得
諸佛於一切法無上自在奮迅佛子菩薩摩
訶薩有十種師子吼何等爲十所謂唱言我
當必定成正等覺是菩提心大師子吼我當
令一切衆生未度者度未脫者脫未安者安
未涅槃者令得涅槃是大悲大師子吼我當
令佛法僧種無有斷絕是報如來恩大師子
吼我當嚴淨一切佛刹是究竟堅摺大師子
吼我當除滅一切惡道及諸難處是自持淨
戒大師子吼我當滿足一切諸佛身語及意
相好莊嚴是求福無厭大師子吼我當成滿
一切諸佛所有智慧是求智無厭大師子吼

我當除滅一切衆魔及諸魔業是修正行斷
諸煩惱大師子吼我當了知一切諸法無我
無衆生無壽命無補伽羅空無相無願淨如
虛空是無生法忍大師子吼最後生菩薩震
動一切諸佛國土悉令嚴淨是時一切釋梵
四王咸來讚請唯願菩薩以無生法而現受
生菩薩則以無礙慧眼普觀世間一切衆生
無如我者即於王宮示現誕生自行七步大
師子吼我於世間最勝第一我當永盡生死
邊際是如說而作大師子吼是爲十若諸菩
薩安住此法則得如來無上大師子吼

大方廣佛華嚴經卷第五十七

匪懈上屑尾切

得獲下藝音

以冠下貫音

不弛下施是切

問評下信音

舒展上傷魚切

除諛上虛檢切
下彼義切

欺奪上去其切

擔怕上徒盪切
下普伯切

慣習上古惠切

癡嚴上秋之切
下普伯切

搏撮上補各切
下子括切

乙巳歲高麗國大藏都監奉

勅彫造

大方廣佛華嚴經卷第五十八

了國三藏實叉難陀奉

制譯

雖世間品第三十八之六

佛子菩薩摩訶薩有十種清淨施何等爲十
所謂平等施不揀衆生故隨意施滿其所願
故不亂施今得利益故隨宜施知上中下故
不住施不求果報故開捨施心不戀著故一
切施究竟清淨故迴向菩提施遠離有爲無
爲故教化衆生施乃至道場不捨故三輪清
淨施於施者受者及以施物正念觀察如虛
空故是爲十若諸菩薩安住此法則得如來
無上清淨廣大施佛子菩薩摩訶薩有十種
清淨戒何等爲十所謂身清淨戒護身三惡
故語清淨戒離語四過故心清淨戒永離貪
瞋邪見故不破一切學處清淨戒於一切人
天中作尊主故守護菩提心清淨戒不樂小
乘故守護如來所制清淨戒乃至微細罪生
大怖畏故隱密護持清淨戒善拔犯戒衆生
故不作一切惡清淨戒捨修一切善法故遠
離一切有見清淨戒於戒無著故守護一切
衆生清淨戒發起大悲故是爲一若諸菩薩
安住此法則得如來無上無過失清淨戒佛
子菩薩摩訶薩有十種清淨忍何等爲十所
謂安受此修清淨忍護諸衆生故安受刀杖

清淨忍善護自他故不生惡害清淨忍其心
不動故不責卑賤清淨忍爲上能寬故有歸
咸救清淨忍捨自身命故遠離我慢清淨忍
不輕未學故殘毀不瞋清淨忍觀察如幻故
有犯無報清淨忍不見自他故不隨煩惱清
淨忍離諸境界故隨順菩薩真實智知一切
法無生清淨忍不由他教入一切智境界故
是爲十若諸菩薩安住其中則得一切諸佛
不由他悟無上法忍佛子菩薩摩訶薩有十
種清淨精進何等爲十所謂身清淨精進承
事供養諸佛菩薩及諸師長尊重福田不退
轉故語清淨精進隨所聞法廣爲他說讚佛
功德無疲倦故意清淨精進善能入出慈悲
喜捨禪定解脫及諸三昧無休息故正直心
清淨精進無誑無諂無曲無僞一切勤修無
退轉故增勝心清淨精進志常趣求上上智
慧願具一切白淨法故不唐捐清淨精進攝
取布施戒忍多聞及不放逸乃至菩提無中
息故摧伏一切魔清淨精進悉能除滅貪欲
瞋恚愚癡邪見一切煩惱諸纏蓋故成滿智
慧光清淨精進有所施爲悉善觀察咸使究
竟不令後悔得一切佛不共法故無來無去
清淨精進得如實智入法界門身語及心皆
悉平等了相非相無所著故成就法光清淨

精進超過諸地得佛灌頂以無漏身而示歿
 生出家成道說法滅度具足如是普賢事故
 是為十若諸菩薩安住此法則得如來無上
 大清淨精進佛子菩薩摩訶薩有十種清淨
 禪何等為十所謂常樂出家清淨禪捨一切
 所有故得真善友清淨禪示教正道故住阿
 蘭若忍風雨等清淨禪離我我所故離憤吏
 衆生清淨禪常樂寂靜故心業調柔清淨禪
 守護諸根故心智寂滅清淨禪一切音聲諸
 禪定刺不能亂故覺道方便清淨禪觀察一
 切皆現證故離於味著清淨禪不捨欲界故
 發起通明清淨禪知一切衆生根性故自在
 遊戲清淨禪入佛三昧知無我故是為十若
 諸菩薩安住其中則得如來無上大清淨禪
 佛子菩薩摩訶薩有十種清淨慧何等為十
 所謂知一切因清淨慧不壞果報故知一切
 緣清淨慧不違和合故知不斷不常清淨慧
 了達緣起皆如實故拔一切見清淨慧於衆
 生相無取捨故觀一切衆生心行清淨慧了
 知如幻故廣大辯才清淨慧分別諸法問答
 無礙故一切諸魔外道聲聞獨覺所不能知
 清淨慧深入一切如來智故見一切佛微妙
 法身見一切衆生本性清淨見一切法皆悉
 寂滅見一切剎同於虛空清淨慧知一切相

皆無礙故一切惣持辯才方便波羅蜜清淨
慧令得一切最勝智故一念相應金剛智了
一切法平等清淨慧得一切法最尊智故是
爲十若諸菩薩安住其中則得如來無障礙
大智慧佛子菩薩摩訶薩有十種清淨慈何
等爲十所謂等心清淨慈普攝衆生無所揀
擇故饒益清淨慈隨有所作皆令歡喜故攝
物同己清淨慈究竟皆令出生死故不捨世
間清淨慈心常緣念集善根故能至解脫清
淨慈普使衆生除滅一切諸煩惱故出生菩
提清淨慈普使衆生發求一切智心故世間
無礙清淨慈放大光明平等普照故充滿虛
空清淨慈救護衆生無處不至故法緣清淨
慈證於如如眞實法故無緣清淨慈入於菩
薩離生性故是爲十若諸菩薩安住此法則
得如來無上廣大清淨慈佛子菩薩摩訶薩
有十種清淨悲何等爲十所謂無儔伴清淨
悲獨發其心故無疲厭清淨悲代一切衆生
受苦不以爲勞故難處受生清淨悲爲度衆
生故善趣受生清淨悲示現無常故爲邪定
衆生清淨悲歷劫不捨弘擔故不著己樂清
淨悲普與衆生使樂故不求恩報清淨悲修
潔其心故能除顛倒清淨悲說如實法故菩
薩摩訶薩知一切法本性清淨無染著無熱

惱以客塵煩惱故而受衆苦如是知已於諸衆生而起大悲名本性清淨爲說無垢清淨光明法故菩薩摩訶薩知一切法如空中鳥迹衆生癡翳不能照了觀察於彼起大悲心名眞實智爲其開示涅槃法故是爲十若諸菩薩安住此法則得如來無上廣大清淨悲佛子菩薩摩訶薩有十種清淨喜何等爲十所謂發菩提心清淨喜悉捨所有清淨喜不嫌棄破戒衆生而教化成就清淨喜能忍受造惡衆生摺願救度清淨喜捨身求法不生悔心清淨喜自捨欲樂常樂法樂清淨喜令一切衆生捨資生樂常樂法樂清淨喜見一切佛恭敬供養無有厭足法界平等清淨喜令一切衆生愛樂禪定解脫三昧遊戲入出清淨喜心樂具行順菩薩道一切苦行證得牟尼寂靜不動無上定慧清淨喜是爲十若諸菩薩安住此法則得如來無上廣大清淨喜佛子菩薩摩訶薩有十種清淨捨何等爲十所謂一切衆生恭敬供養不生愛著清淨捨一切衆生輕慢毀辱不生瞋恚清淨捨常行世間不爲世間八法所染清淨捨於法器衆生待時而化於無法器亦不生嫌清淨捨不求二乘學無學法清淨捨心常遠離一切欲樂順煩惱法清淨捨不歎二乘厭離生死

清淨捨遠離一切世間語非涅槃語非離欲
語不順理語惱亂他語聲聞獨覺語略說乃
至一切障菩薩道語皆悉遠離清淨捨或有
衆生根已成熟發生念慧而未能知最上之
法待時方化清淨捨或有衆生菩薩往昔已
曾教化至於佛地方可調伏彼亦待時清淨
捨菩薩摩訶薩於彼二人無高無下無取無
捨遠離一切種種分別恒住正定入如實法
心得堪忍清淨捨是爲十若諸菩薩安住其
中則得如來無上廣大清淨捨

佛子菩薩摩訶薩有十種義何等爲十所謂
多聞義堅固修行故法義善巧思擇故空義
第一義空故寂靜義離諸衆生誼憤故不可
說義不著一切語言故如實義了達三世平
等故法界義一切諸法一味故真如義一切
如來順入故實際義了知究竟如實故大般
涅槃義滅一切苦而修菩薩諸行故是爲十
若諸菩薩安住此法則得一切智無上義佛
子菩薩摩訶薩有十種法何等爲十所謂真
實法如說修行故離取法能取所取悉離故
無諍法無有一切惑諍故寂滅法滅除一切
熱惱故離欲法一切貪欲皆斷故無分別法
攀緣分別永息故無生法猶如虛空不動故
無爲法離生住滅諸相故本性法自性無染

清淨故捨一切烏波提涅槃法能生一切菩薩行修習不斷故是爲十若諸菩薩安住其中則得如來無上廣大法佛子菩薩摩訶薩有十種福德助道具何等爲十所謂勸衆生起菩提心是菩薩福德助道具不斷三寶種故隨順十種迴向是菩薩福德助道具斷一切不善法集一切善法故智慧誘誨是菩薩福德助道具超過三界福德故心無疲倦是菩薩福德助道具究竟度脫一切衆生故悉捨內外一切所有是菩薩福德助道具於一切物無所著故爲滿足相好精進不退是菩薩福德助道具開門大施無所限故上中下三品善根悉以迴向無上菩提心無所輕是菩薩福德助道具善巧方便相應故於邪定下劣不善衆生皆生大悲不懷輕賤是菩薩福德助道具常起大人弘誓心故恭敬供養一切如來於一切菩薩起如來想令一切衆生皆生歡喜是菩薩福德助道具守本志願極堅牢故菩薩摩訶薩於阿僧祇劫積集善根自欲取證無上菩提如在掌中然悉捨與一切衆生心無憂惱亦無悔恨其心廣大等虛空界此是菩薩福德助道具起大智慧證大法故是爲十若諸菩薩安住其中則具足如來無上廣大福德聚佛子菩薩摩訶薩有

十種智慧助道具何等爲十所謂親近多聞
真善知識恭敬供養尊重禮拜種種隨順不
違其教是爲一一切正直無虛矯故永離僞
慢常行謙敬身語意業無有麤獷柔和善順
不僞不曲是爲二其身堪作佛法器故念慧
隨覺未曾散亂慙媿柔和心安不動常憶六
念常行六敬常隨順住六堅固法是爲三與
十種智爲方便故樂法樂義以法爲樂常樂
聽聞無有厭足捨離世論及世言說專心聽
受出世間語遠離小乘入大乘慧是爲四一
心憶念無散動故六波羅蜜心專荷負四種
梵住行已成熟隨順明法悉善修行聰敏智
人皆勤請問遠離惡趣歸向善道心常愛樂
正念觀察調伏已情守護他意是爲五堅固
修行真實行故常樂出離不著三有恒覺自
心曾無惡念三覺已絕三業皆善決定了知
心之自性是爲六能令自他心清淨故觀察
五蘊皆如幻事界如毒蛇處如空聚一切諸
法如幻如欲如水中月如夢如影如響如像
如空中畫如旋火輪如虹霓色如日月光無
相無形非常非斷不來不去亦無所住如是
觀察知一切法無生無滅是爲七知一切法
性空寂故菩薩摩訶薩聞一切法無我無衆
生無壽者無補伽羅無心無境無貪瞋癡無

身無物無主無待無著無行如是一切皆無
所有悉歸寂滅聞已深信不疑不謗是爲八
以能成就圓滿解故菩薩摩訶薩善調諸根
如理修行恒住止觀心意寂靜一切動念皆
悉不生無我無人無作無行無計我想無計
我業無有瘡疣無有瘢痕亦無於此所得之
忍身語意業無來無去無有精進亦無勇猛
觀一切衆生一切諸法心皆平等而無所住
非此岸非彼岸此彼性離無所從來無所至
去常以智慧如是思惟是爲九到分別相彼
岸處故菩薩摩訶薩見緣起法故見法清淨
見法清淨故見國土清淨見國土清淨故見
虛空清淨見虛空清淨故見法界清淨見法
界清淨故見智慧清淨是爲十修行積集一
切智故佛子是爲菩薩摩訶薩十種智慧助
道具若諸菩薩安住此法則得如來一切法
無障礙清淨微妙智慧聚佛子菩薩摩訶薩
有十種明足何等爲十所謂善分別諸法明
足不取著諸法明足離顛倒見明足智慧光
照諸根明足巧發起正精進明足能深入真
諦智明足滅煩惱業成就盡智無生智明足
天眼智普觀察明足宿住念知前際清淨明
足漏盡神通智斷衆生諸漏明足是爲十若
諸菩薩安住此法則得如來於一切佛法無

上大光明佛子菩薩摩訶薩有十種求法何等爲十所謂直心求法無有諂誑故精進求法遠離憊慢故一向求法不惜身命故爲斷一切衆生煩惱求法不爲名利恭敬故爲饒益自他一切衆生求法不但自利故爲入智慧求法不樂文字故爲出生死求法不貪世樂故爲度衆生求法發菩提心故爲斷一切衆生疑求法令無猶豫故爲滿足佛法求法不樂餘乘故是爲十若諸菩薩安住此法則得不由他教一切佛法大智慧佛子菩薩摩訶薩有十種明了法何等爲十所謂隨順世俗生長善根是童蒙凡夫明了法得無礙不壞信覺法自性是隨信行人明了法勤修習法隨順法住是隨法行人明了法遠離八邪向八正道是第八人明了法除滅衆結斷生死漏是真實諦是須陀洹人明了法觀味是患知無往來是斯陀舍人明了法不樂三界求盡有漏於受生法乃至一念不生愛著是阿那舍人明了法獲六神通得八解脫九定四辯悉皆成就是阿羅漢人明了法性樂觀察一味緣起心常寂靜知足少事解因自得悟不由他成就種種神通智慧是辟支佛人明了法智慧廣大諸根明利常樂度脫一切衆生勤修福智助道之法如來所有十力無

畏一切功德具足圓滿是菩薩人明了法是
爲十若諸菩薩安住此法則得如來無上大
智明了法佛子菩薩摩訶薩有十種修行法
何等爲十所謂恭敬尊重諸善知識修行法
常爲諸天之所覺悟修行法於諸佛所常懷
慙媿修行法哀愍衆生不捨生死修行法事
必究竟心無變動修行法專念隨逐發大乘
心諸菩薩衆精勤修學修行法遠離邪見勤
求正道修行法摧破衆魔及煩惱業修行法
知諸衆生根性勝劣而爲說法令住佛地修
行法安住無邊廣大法界除滅煩惱令身清
淨修行法是爲十若諸菩薩安住其中則得
如來無上修行法佛子菩薩摩訶薩有十種
魔何等爲十所謂蘊魔生諸取故煩惱魔恒
雜染故業魔能障礙故心魔起高慢故死魔
捨生處故天魔自憍縱故善根魔恒執取故
三昧魔久耽味故善知識魔起著心故菩提
法智魔不願捨離故是爲十菩薩摩訶薩應
作方便速求遠離佛子菩薩摩訶薩有十種
魔業何等爲十所謂忘失菩提心修諸善根
是爲魔業惡心布施瞋心持戒捨惡性人遠
懈怠者輕慢亂意識嫌惡慧是爲魔業於其
深法心生慳吝有堪化者而不爲說若得財
利恭敬供養雖非法器而強爲說是爲魔業

不樂聽聞諸波羅蜜假使聞說而不修行雖
亦修行多生懈怠以懈怠故志意狹劣不求
無上大菩提法是為魔業遠善知識近惡知
識樂求二乘不樂受生志尚涅槃離欲寂靜
是為魔業於菩薩所起瞋恚心惡眼視之求
其罪釁說其過惡斷彼所有財利供養是為
魔業誹謗正法不樂聽聞假使得聞便生毀
訾見人說法不生尊重言自說是餘說悉非
是為魔業樂學世論巧術文詞開闡二乘隱
覆深法或以妙義授非其人遠離菩提住於
邪道是為魔業已得解脫已安隱者常樂親
近而供養之未得解脫未安隱者不肯親近
亦不教化是為魔業增長我慢無有恭敬於
諸衆生多行惱害不求正法真實智慧其心
希惡難可開悟是為魔業是為十菩薩摩訶
薩應速遠離勤求佛業佛子菩薩摩訶薩有
十種捨離魔業何等為十所謂近善知識恭
敬供養捨離魔業不自尊舉不自讚歎捨離
魔業於佛深法信解不謗捨離魔業未曾忘
失一切智心捨離魔業勤修妙行恒不放逸
捨離魔業常求一切菩薩藏法捨離魔業恒
演說法心無疲倦捨離魔業歸依十方一切
諸佛起救護想捨離魔業信受憶念一切諸
佛神力加持捨離魔業與一切菩薩同種善

根平等無二捨離魔業是爲十若諸菩薩安住此法則能出離一切魔道

佛子菩薩摩訶薩有十種見佛何等爲十所謂於安住世間成正覺佛無著見願佛出生見業報佛深信見住持佛隨順見涅槃佛深入見法界佛普至見心佛安住見三昧佛無量無依見本性佛明了見隨樂佛普受見是爲十若諸菩薩安住此法則常得見無上如來佛子菩薩摩訶薩有十種佛業何等爲十所謂隨時開導是佛業令正修行故夢中令見是佛業覺昔善根故爲他演說所未聞經是佛業今生智斷疑故爲悔纏所纏者說出離法是佛業令離疑心故若有衆生起堅吝心乃至惡慧心二乘心損害心疑惑心散動心憍慢心爲現如來衆相莊嚴身是佛業生長過去善根故於正法難遇時廣爲說法令其聞已得陀羅尼智神通智普能利益無量衆生是佛業勝解清淨故若有魔事起能以方便現虛空界等聲說不損惱他法以爲對治令其開悟衆魔聞已威光歇滅是佛業志樂殊勝威德大故其心無間常自守護不令證入二乘正位若有衆生根性未熟終不爲說解脫境界是佛業本願所作故生死結漏一切皆離修菩薩行相續不斷以大悲心攝

取衆生令其起行究竟解脫是佛業不斷修行菩薩行故菩薩摩訶薩了達自身及以衆生本來寂滅不驚不怖而勤修福智無有厭足雖知一切法無有造作而亦不捨諸法自相雖於諸境界永離貪欲而常樂瞻奉諸佛色身雖知不由他悟入於法而種種方便求一切智雖知諸國土皆如虛空而常樂莊嚴一切佛刹雖恒觀察無人無我而教化衆生無有疲厭雖於法界本來不動而以神通智力現衆變化雖已成就一切智智而修菩薩行無有休息雖知諸法不可言說而轉淨法輪令衆心喜雖能示現諸佛神力而不厭捨菩薩之身雖現入於大般涅槃而一切處示現受生能作如是權實雙行法是佛業是爲上若諸菩薩安住其中則得不由他教無上無師廣大業佛子菩薩摩訶薩有十種慢業何等爲十所謂於師僧父母沙門婆羅門住於正道向正道者尊重福田所而不恭敬是慢業或有法師獲最勝法乘於大乘知出要道得陀羅尼演說契經廣大之法無有休息而於其所起高慢心及於所說法不生恭敬是慢業於衆會中間說妙法不肯歎美令人信受是慢業好起過慢自高陵物不見己失不知自短是慢業好起過過慢見有德人應

讚不讚見他讚歎不生歡喜是慢業見有法
師爲人說法知是法是律是真實是佛語爲
嫌其人亦嫌其法自起誹謗亦令他謗是慢
業自求高座自稱法師應受供給不應執事
見有耆舊久修行人不起逢迎不肯承事是
慢業見有德人輦蹕不喜言辭麁獷伺其過
失是慢業見有聰慧知法之人不肯親近恭
敬供養不肯諮問何等爲善何等不善何等
應作何等不應作作何等業於長夜中而得
種種利益安樂愚癡頑很我慢所吞終不能
見出要之道是慢業復有衆生慢心所覆諸
佛出世不能親近恭敬供養新善不起舊善
消滅不應說而說不應諍而諍未來必墮險
難深院於百千劫尚不值佛何況聞法但以
曾發菩提心故終自醒悟是慢業是爲十若
諸菩薩離此慢業則得十種智業何等爲十
所謂信解業報不壞因果是智業不捨菩提
心常念諸佛是智業近善知識恭敬供養其
心尊重終無厭怠是智業樂法樂義無有厭
足遠離邪念勤修正念是智業於一切衆生
離於我慢於諸菩薩起如來想愛重正法如
惜己身尊奉如來如護己命於修行者生諸
佛想是智業身語意業無諸不善讚美賢聖
隨順菩提是智業不懷緣起離諸邪見破闇

得明照一切法是智業十種迴向隨順修行
 於諸波羅蜜起慈母想於善巧方便起慈父
 想以深淨心入菩提舍是智業施成多聞止
 觀福慧如是一切助道之法常勤積集無有
 厭倦是智業若有一業爲佛所讚能破衆魔
 煩惱闔諍能離一切障蓋纏縛能教化調伏
 一切衆生能隨順智慧攝取正法能嚴淨佛
 刹能發起通明皆勤修習無有懈怠是智業
 是爲十若諸菩薩安住其中則得如來一切
 善巧方便無上大智業佛子菩薩摩訶薩有
 十種魔所攝持何等爲十所謂懈怠心魔所
 攝持志樂狹劣魔所攝持於少行生足魔所
 攝持受一非餘魔所攝持不發大願魔所攝
 持樂處寂滅斷除煩惱魔所攝持永斷生死
 魔所攝持捨苦薩行魔所攝持不化衆生魔
 所攝持疑謗正法魔所攝持是爲十若諸菩
 薩能棄捨此魔所攝持則得十種佛所攝持
 何等爲十所謂初始能發菩提之心佛所攝
 持於生生中持菩提心不令忘失佛所攝持
 覺諸魔事悉能遠離佛所攝持聞諸波羅蜜
 如說修行佛所攝持知生死苦而不厭惡佛
 所攝持觀甚深法得無量果佛所攝持爲諸
 衆生說二乘法而不證取彼棄解脫佛所攝
 持樂觀無爲法而不住其中於有爲無爲不

生二想佛所攝持至無生處而現受生佛所攝持雖證得一切智而起菩薩行不斷菩薩種佛所攝持是爲十若諸菩薩安住其中則得諸佛無上攝持力佛子菩薩摩訶薩有十種法所攝持何等爲十所謂知一切行無常法所攝持知一切行苦法所攝持知一切行無我法所攝持知一切法寂滅涅槃法所攝持知諸法從緣起無緣則不起法所攝持知不正思惟故起於無明無明起故乃至老死起不正思惟滅故無明滅無明滅故乃至老死滅法所攝持知三解脫門出生聲聞乘證無諍法出生獨覺乘法所攝持知六波羅蜜四攝法出生大乘法所攝持知一切剎一切法一切衆生一切世是佛智境界法所攝持知斷一切念捨一切取離前後際隨順涅槃法所攝持是爲十若諸菩薩安住其中則得一切諸佛無上法所攝持

佛子菩薩摩訶薩住兜率天有十種所作業何等爲十所謂爲欲界諸天子說厭離法言一切自在皆是無常一切快樂悉當衰謝勸彼諸天發菩提心是爲第一所作業爲色界諸天說入出諸禪解脫三昧若於其中而生愛著因愛復起身見邪見無明等者則爲其說如實智慧若於一切色非色法起顛倒想

以爲清淨爲說不淨皆是無常勸其令發菩提之心是爲第二所作業菩薩摩訶薩住兜率天入三昧名光明莊嚴身放光明徧照三千大千世界隨衆生心以種種音而爲說法衆生聞已信心清淨命終生於兜率天中勸其令發菩提之心是爲第三所作業菩薩摩訶薩在兜率天以無障礙眼普見十方兜率天中一切菩薩彼諸菩薩皆亦見此互相見已論說如法謂降神母胎初生出家往詣道場具大莊嚴而復示現往昔已來所行之行以彼行故成此大智所有功德不難卒覩而能示現如是等事是爲第四所作業菩薩摩訶薩住兜率天十方一切兜率天宮諸菩薩衆皆悉來集恭敬圍遶爾時菩薩摩訶薩欲令彼諸菩薩皆滿其願生歡喜故隨彼菩薩所應住地所行所斷所修所證演說法門彼諸菩薩聞說法已皆大歡喜得未曾有各還本土所住宮殿是爲第五所作業菩薩摩訶薩住兜率天時欲界主天魔波旬爲欲壞亂菩薩業故眷屬圍遶詣菩薩所爾時菩薩爲摧伏魔軍故住金剛道所攝般若波羅蜜方便善巧智慧門以柔輒麤獷二種語而爲說法令魔波旬不得其便魔見菩薩自在威力皆發阿耨多羅三藐三菩提心是爲第六所

作業菩薩摩訶薩住兜率天知欲界諸天子
不樂聞法爾時菩薩出大音聲徧告之言今
日菩薩當於宮中現希有事若欲見者宜速
往詣時諸天子聞是語已無量百千億那由
他皆來集會爾時菩薩見諸天衆皆來集已
爲現宮中諸希有事彼諸天子曾未見聞既
得見已皆大歡喜其心醉沒又於樂中出聲
告言諸仁者一切諸行皆悉無常一切諸行
皆悉是苦一切諸法皆悉無我涅槃寂滅又
復告言汝等皆應修菩薩行皆當圓滿一切
智智彼諸天子聞此法音憂歎咨嗟而生厭
離靡不皆發菩提之心是爲第七所作業菩
薩摩訶薩住兜率宮不捨本處悉能往詣十
方無量一切佛所見諸如來親近禮拜恭敬
聽法爾時諸佛欲令菩薩獲得最上灌頂法
故爲說菩薩地名一切神通以一念相應慧
具足一切最勝功德入一切智智位是爲第
八所作業菩薩摩訶薩住兜率宮爲欲供養
諸如來故以大神力興起種種諸供養具名
殊勝可樂徧法界虛空界一切世界供養諸
佛彼世界中無量衆生見此供養皆發阿耨
多羅三藐三菩提心是爲第九所作業菩薩
摩訶薩住兜率天出無量無邊如幻如影法
門周徧十方一切世界示現種種色種種相

種種形體種種威儀種種事業種種方便種種譬喻種種言說隨衆生心皆令歡喜是爲第十所作業佛子是爲菩薩摩訶薩住兜率天十種所作業若諸菩薩成就此法則能於後下生人間佛子菩薩摩訶薩於兜率天將下生時現十種事何等爲十佛子菩薩摩訶薩於兜率天下生之時從於足下放大光明名安樂莊嚴普照三千大千世界一切惡趣諸難衆生觸斯光者莫不皆得離苦安樂得安樂已悉知將有奇特大人出興于世是爲第一所示現事佛子菩薩摩訶薩於兜率天下生之時從於眉間白毫相中放大光明名曰覺悟普照三千大千世界照彼宿世一切同行諸菩薩身彼諸菩薩蒙光照已咸知菩薩將欲下生各各出興無量供具詣菩薩所而爲供養是爲第二所示現事佛子菩薩摩訶薩於兜率天將下生時於右掌中放大光明名清淨境界悉能嚴淨一切三千大千世界其中若有已得無漏諸辟支佛覺斯光者即捨壽命若不覺者光明力故徙置他方餘世界中一切諸魔及諸外道有見衆生皆亦徙置他方世界唯除諸佛神力所持應化衆生是爲第三所示現事佛子菩薩摩訶薩於兜率天將下生時從其兩膝放大光明名清

淨莊嚴普照一切諸天宮殿下從護世上五
淨居靡不周徧彼諸天等咸知菩薩於兜率
天將欲下生俱懷戀慕悲歎憂惱各持種種
華鬘衣服塗香油香幡蓋妓樂詣菩薩所恭
敬供養隨逐下生乃至涅槃是爲第四所示
現事佛子菩薩摩訶薩在兜率天將下生時
於五字金剛莊嚴心藏中放大光明名無能
勝幢普照十方一切世界金剛力士時有百
億金剛力士皆悉來集隨逐侍衛始於下生
乃至涅槃是爲第五所示現事佛子菩薩摩
訶薩於兜率天將下生時從其身上一切毛
孔放大光明名分別衆生普照一切大千世
界徧觸一切諸菩薩身復觸一切諸天世人
諸菩薩等咸作是念我應住此供養如來教
化衆生是爲第六所示現事佛子菩薩摩訶
薩於兜率天將下生時從大摩尼寶藏殿中
放大光明名善住觀察照此菩薩當生之處
所託王宮其光照已諸餘菩薩皆共隨逐下
閻浮提若於其家若其聚落若其城邑而現
受生爲欲教化諸衆生故是爲第七所示現
事佛子菩薩摩訶薩於兜率天臨下生時從
天宮殿及大樓閣諸莊嚴中放大光明名一
切宮殿清淨莊嚴照所生母腹光明照已今
菩薩母安隱懷胎具足成就一切功德心以

腹中自然而有廣大樓閣大摩尼寶而為莊嚴為欲安處菩薩身故是為第八所示現事佛子菩薩摩訶薩於兜率天臨下生時從兩足下放大光明名為善住若諸天子及諸梵天其命將終蒙光照觸皆得住壽供養菩薩從初下生乃至涅槃是為第九所示現事佛子菩薩摩訶薩於兜率天臨下生時從隨好中放大光明名曰眼莊嚴示現菩薩種種諸業時諸人天或見菩薩住兜率天或見入胎或見初生或見出家或見成道或見降魔或見轉法輪或見入涅槃是為第十所示現事佛子菩薩摩訶薩於身於座於宮殿於樓閣中放如是等百萬阿僧祇光明悉現種種諸菩薩業現是業已具足一切功德法故從兜率天下生人間

大方廣佛華嚴經卷第五十八

慣吏

下古到切

揀擇

下古限切

儔伴

上直由切

誼憤

下說來切

虛矯

下居夫切

麁獷

下古猛切

聰敏

下倉到切

中書

下胡卦切

虹霓

上尸公切

瘡疣

上初良切

癰痕

下戶恩切

猶豫

下舉音切

罪孽

下說來切

頓蹙

下才古切

頑根

上五還切

醒悟

下說來切

徒置

上斯氏切

大方廣佛華嚴經卷第五十九

育

于闐國三藏實叉難陀奉

制譯

離世間品第三十八之七

佛子菩薩摩訶薩示現處胎有十種事何等
為十佛子菩薩摩訶薩為欲成就小心劣解
諸衆生故不欲令彼起如是念今此菩薩自
然化生智慧善根不從修得是故菩薩示現
處胎是為第一事菩薩摩訶薩為成熟父母
及諸眷屬宿世同行衆生善根示現處胎何
以故彼皆應以見於處胎成熟所有諸善根
故是為第二事菩薩摩訶薩入母胎時正念
正知無有迷惑住母胎已心恒正念亦無錯
亂是為第三事菩薩摩訶薩在母胎中常演
說法十方世界諸大菩薩釋梵四王皆來集
會悉令獲得無量神力無邊智慧菩薩處胎
成就如是辯才勝用是為第四事菩薩摩訶
薩在母胎中集大衆會以本願力教化一切
諸菩薩衆是為第五事菩薩摩訶薩於人中
成佛應具人間最勝受生以此示現處於母
胎是為第六事菩薩摩訶薩在母胎中三千
大千世界衆生悉見菩薩如明鏡中見其面
像爾時大心天龍夜叉乾闥婆阿脩羅迦樓
羅緊那羅摩睺羅伽人非人等皆詣菩薩恭
敬供養是為第七事菩薩摩訶薩在母胎中

他方世界一切最後生菩薩在母胎者皆來
共會說大集法門名廣大智慧藏是爲第八
事菩薩摩訶薩在母胎時入離垢藏三昧以
三昧力於母胎中現大宮殿種種嚴飾悉皆
妙好光率天宮不可爲比而令母身安隱無
患是爲第九事菩薩摩訶薩住母胎時以大
威力興供養具名開大福德離垢藏普徧十
方一切世界供養一切諸佛如來彼諸如來
咸爲演說無邊菩薩住處法界藏是爲第十
事佛子是爲菩薩摩訶薩示現處胎十種事
若諸菩薩了達此法則能示現甚微細趣佛
子菩薩摩訶薩有十種甚微細趣何等爲十
所謂在母胎中示現初發菩提心乃至灌頂
地在母胎中示現住兜率天在母胎中示現
初生在母胎中示現童子地在母胎中示現
處王宮在母胎中示現出家在母胎中示現
苦行往詣道場成等正覺在母胎中示現轉
法輪在母胎中示現般涅槃在母胎中示現
大微細謂一切菩薩行一切如來自在神力
無量差別門佛子是爲菩薩摩訶薩在母胎
中十種微細趣若諸菩薩安住此法則得如
來無上大智慧微細趣佛子菩薩摩訶薩有
十種生何等爲十所謂遠離愚癡正念正知
生放大光明網普照三千大千世界生住最

後有更不受後身生不生不起生知三界如
幻生於十方世界普現身生證一切智智身
生放一切佛光明普覺悟一切衆生身生入
大智觀察三昧身生佛子菩薩生時震動一
切佛刹解脫一切衆生除滅一切惡道映藏
一切諸魔無量菩薩皆來集會佛子是爲菩
薩摩訶薩十種生爲調伏衆生故如是示現
佛子菩薩摩訶薩以十事故示現微笑心自
誓何等爲十所謂菩薩摩訶薩念言一切世
間沒在欲泥除我一人無能免濟如是知已
熙怡微笑心自誓復念言一切世間煩惱所
盲唯我今者具足智慧如是知已熙怡微笑
心自誓又念言我今因此假名身故當得如
來充滿三世無上法身如是知已熙怡微笑
心自誓菩薩爾時以無障礙眼徧觀十方所
有梵天乃至一切大自在天作是念言此等
衆生皆自謂爲有大智力如是知已熙怡微
笑心自誓菩薩爾時觀諸衆生久種善根今
皆退沒如是知已熙怡微笑心自誓菩薩觀
見世間種子所種雖少獲果甚多如是知已
熙怡微笑心自誓菩薩觀見一切衆生蒙佛
所教必得利益如是知已熙怡微笑心自誓
菩薩觀見過去世世中同行菩薩染著餘事不
得佛法廣大功德如是知已熙怡微笑心自

指菩薩觀見過去世中同共集會諸天人等
至今猶在凡夫之地不能捨離亦不疲厭如
是知己熙怡微笑心自擔菩薩爾時為一切
如來光明所觸倍加欣慰熙怡微笑心自擔
是為十佛子菩薩為調伏衆生故如是示現
佛子菩薩摩訶薩以十事故示行七步何等
為十所謂現菩薩力故示行七步現施七財
故示行七步滿地神願故示行七步現起三
界相故示行七步現菩薩最勝行超過象王
牛王師子王行故示行七步現金剛地相故
示行七步現欲與衆生勇猛力故示行七步
現修行七覺寶故示行七步現所得法不由
他教故示行七步現於世間最勝無比故示
行七步是為十佛子菩薩為調伏衆生故如
是示現佛子菩薩摩訶薩以十事故現處童
子地何等為十所謂為現通達一切世間文
字算計圖書印璽種種業故處童子地為現
通達一切世間象馬車乘弧矢劍戟種種業
故處童子地為現通達一切世間文筆談論
博弄嬉戲種種事故處童子地為現遠離身
語意業諸過失故處童子地為現入定住涅
槃門周徧十方無量世界故處童子地為現
其力超過一切天龍夜叉乾闥婆阿脩羅迦
樓羅緊那羅摩睺羅伽釋梵護世人非人等

故處童子地為現菩薩色相威光超過一切
 釋梵護世故處童子地為令耽著欲樂眾生
 歡喜樂法故處童子地為尊重正法勤供養
 佛周徧十方一切世界故處童子地為現得
 佛加被蒙法光明故處童子地是為十佛子
 菩薩摩訶薩現童子地已以十事故現處王
 宮何等為十所謂為令宿世同行眾生善根
 成熟故現處王宮為顯示菩薩善根力故現
 處王宮為諸人天耽著樂具示現菩薩大威
 德樂具故現處王宮順五濁世眾生心故現
 處王宮為現菩薩大威德力能於深宮入二
 昧故現處王宮為令宿世同願眾生滿其意
 故現處王宮欲令父母親戚眷屬滿所願故
 現處王宮欲以妓樂出妙法音供養一切諸
 如來故現處王宮欲於宮內住微妙三昧始
 從成佛乃至涅槃皆示現故現處王宮為隨
 順守護諸佛法故現處王宮是為十最後身
 菩薩如是示現處王宮已然後出家佛子菩
 薩摩訶薩以十事故示現出家何等為十所
 謂為厭居家故示現出家為著家眾生令捨
 離故示現出家為隨順信樂聖人道故示現
 出家為宣揚讚歎出家功德故示現出家為
 顯永離二邊見故示現出家為令眾生離欲
 樂我樂故示現出家為先現出三界相故示

現出家爲現自在不屬他故示現出家爲顯
 當得如來十力無畏法故示現出家最後菩
 薩法應爾故示現出家是爲十菩薩以此調
 伏衆生佛子菩薩摩訶薩爲十種事故示行
 苦行何等爲十所謂爲成就劣解衆生故示
 行苦行爲拔邪見衆生故示行苦行爲不信
 業報衆生今見業報故示行苦行爲隨順雜
 染世界法應爾故示行苦行示能忍劬勞勤
 修道故示行苦行爲令衆生樂求法故示行
 苦行爲著欲樂我樂衆生故示行苦行爲顯
 菩薩起行殊勝乃至最後生猶不捨勤精進
 故示行苦行爲諸天世人諸根未熟待時成
 熟故示行苦行是爲十菩薩以此方便調伏
 一切衆生佛子菩薩摩訶薩往詣道場有十
 種事何等爲十所謂詣道場時照耀一切世
 界詣道場時震動一切世界詣道場時於一
 切世界普現其身詣道場時覺悟一切菩薩
 及一切宿世同行衆生詣道場時示現道場
 一切莊嚴詣道場時隨諸衆生心之所欲而
 爲現身種種威儀及菩提樹一切莊嚴詣道
 場時現見十方一切如來詣道場時舉足下
 足常入三昧念念成佛無有超隔詣道場時
 一切天龍夜叉乾闥婆阿脩羅迦樓羅緊那
 羅摩睺羅伽釋梵護世一切諸王各不相知

而興種種上妙供養詣道場時以無礙智普觀一切諸佛如來於一切世界修菩薩行而成正覺是爲十菩薩以此教化衆生佛子菩薩摩訶薩坐道場有十種事何等爲十所謂坐道場時種種震動一切世界坐道場時平等照耀一切世界坐道場時除滅一切諸惡趣苦坐道場時令一切世界金剛所成坐道場時普觀一切諸佛如來師子之座坐道場時心如虛空無所分別坐道場時隨其所應現身威儀坐道場時隨順安住金剛三昧坐道場時受一切如來神力所持清淨妙處坐道場時自善根力悉能加被一切衆生是爲十佛子菩薩摩訶薩坐道場時有十種奇特未曾有事何等爲十佛子菩薩摩訶薩坐道場時十方世界一切如來皆現其前咸舉右手而偈讚言善哉善哉無上導師是爲第一未曾有事菩薩摩訶薩坐道場時一切如來皆悉護念與其威力是爲第二未曾有事菩薩摩訶薩坐道場時宿世同行諸菩薩衆悉來圍繞以種種莊嚴具恭敬供養是爲第三未曾有事菩薩摩訶薩坐道場時一切世界草木叢林諸無情物皆曲身低影歸向道場是爲第四未曾有事菩薩摩訶薩坐道場時入三昧名觀察法界此三昧力能令菩薩一

切諸行悉得圓滿是為第五未曾有事菩薩
摩訶薩坐道場時得陀羅尼名最上離垢妙
光海藏能受一切諸佛如來大雲法雨是為
第六未曾有事菩薩摩訶薩坐道場時以威
德力興上妙供具徧一切世界供養諸佛是
為第七未曾有事菩薩摩訶薩坐道場時住
最勝智慧現了知一切衆生諸根意行是為
第八未曾有事菩薩摩訶薩坐道場時入三
昧名善覺此三昧力能令其身充滿三世盡
虛空界一切世界是為第九未曾有事菩薩
摩訶薩坐道場時得離垢光明無礙大智令
其身業普入三世是為第十未曾有事佛子
是為菩薩摩訶薩坐道場時十種奇特未曾
有事佛子菩薩摩訶薩坐道場時觀十種義
故示現降魔何等為十所謂為濁世衆生樂
於鬪戰欲顯菩薩威德力故示現降魔為諸
天世人有懷疑者斷彼疑故示現降魔為教
化調伏諸魔軍故示現降魔為欲令諸天世
人樂軍陣者咸來聚觀心調伏故示現降魔
為顯示菩薩所有威力世無能敵故示現降
魔為欲發起一切衆生勇猛力故示現降魔
為哀愍末世諸衆生故示現降魔為欲顯示
乃至道場猶有魔軍而來觸惱此後乃得起
魔境界故示現降魔為顯煩惱業用羸劣大

慈善根勢力強盛故示現降魔爲欲隨順濁
惡世界所行法故示現降魔是爲十佛子菩
薩摩訶薩有十種成如來力何等爲十所謂
超過一切衆魔煩惱業故成如來力具足一
切菩薩行遊戲一切菩薩三昧門故成如來
力具足一切菩薩廣大禪定故成如來力圓
滿一切白淨助道法故成如來力得一切法
智慧光明善思惟分別故成如來力其身周
徧一切世界故成如來力所出言音悉與一
切衆生心等故成如來力能以神力加持一
切故成如來力與三世諸佛身語意業等無
有異於一念中了三世法故成如來力得善
覺智三昧具如來十力所謂是處非處智力
乃至漏盡智力故成如來力是爲十若諸菩
薩具此十力則名如來應正等覺佛子如來
應正等覺轉大法輪有十種事何等爲十一
者具足清淨四無畏智二者出生四辯隨順
音聲三者善能開闡四真諦相四者隨順諸
佛無礙解脫五者能令衆生心皆淨信六者
所有言說皆不唐捐能拔衆生諸苦毒箭七
者大悲願力之所加持八者隨出音聲普徧
十方一切世界九者於阿僧祇劫說法不斷
十者隨所說法皆能生起根力覺道禪定解
脫三昧等法佛子諸佛如來轉於法輪有如

是等無量種事佛子如來應正等覺轉法輪時以十事故於衆生心中種白淨法無空過者何等爲十所謂過去願力故大悲所持故不捨衆生故智慧自在隨其所樂爲說法故必應其時未曾失故隨其所宜無妄說故知三世智善了知故其身最勝無與等故言辭自在無能測故智慧自在隨所發言悉開悟故是爲十佛子如來應正等覺作佛事已觀十種義故示般涅槃何等爲十所謂示一切行實無常故示一切有爲非安隱故示大涅槃是安隱處無怖畏故以諸人天樂著色身爲現色身是無常法令其願住淨法身故示無常力不可轉故示一切有爲不隨心住不自在故示一切三有皆如幻化不堅牢故示涅槃性究竟堅牢不可壞故示一切法無生無起而有聚集散壞相故佛子諸佛世尊作佛事已所願滿已轉法輪已應化度者皆化度已有諸菩薩應受尊号成記別已法應如是入於不變大般涅槃佛子是爲如來應正等覺觀十義故示般涅槃

佛子此法門名菩薩廣大清淨行無量諸佛所共宣說能令智者了無量義皆生歡喜令一切菩薩大願大行皆得相續佛子若有衆生得聞此法聞已信解解已修行必得疾成

阿耨多羅三藐三菩提何以故以如說修行
 故佛子若諸菩薩不如說行當知是人於佛
 菩提則爲永離是故菩薩應如說行佛子此
 一切菩薩功德行處決定義華普入一切法
 普生一切智起諸世間離二乘道不與一切
 諸衆生共悉能照了一切法門增長衆生此
 世善根離世間法門品應尊重應聽受應誦
 持應思惟應願樂應修行若能如是當知是
 人疾得阿耨多羅三藐三菩提說此品時佛
 神力故及此法門法如是故十方無量無邊
 阿僧祇世界皆大震動入光普照爾時十方
 諸佛皆現普賢菩薩前讚言善哉善哉佛子
 乃能說此諸菩薩摩訶薩功德行處決定義
 華普入一切佛法出世間法門品佛子汝已
 善學此法善說此法汝以威力護持此法我
 等諸佛悉皆隨喜如我等諸佛隨喜於汝一
 切諸佛悉亦如是佛子我等諸佛悉共同心
 護持此經今現在未來諸菩薩衆未曾聞者
 皆當得聞爾時普賢菩薩摩訶薩承佛神力
 觀察十方一切大衆洎于法界而說頌言
 於無量劫修善行 從無量佛正法生
 令無量衆住菩提 彼無等行聽我說
 供無量佛而捨著 廣度羣生不作想
 求佛功德心無依 彼勝妙行我今說

離二界魔煩惱業

具聖功德最勝行

滅諸癡惑心寂然

我今說彼所行道

永離世間諸誑幻

種種變化示衆生

心生住滅現衆事

說彼所能令衆喜

見諸衆生生老死

煩惱憂橫所纏迫

欲令解脫教發心

彼功德行應聽受

施戒忍進禪智慧

方便慈悲喜捨等

百千萬劫常修行

彼人功德仁應聽

千萬億劫求菩提

所有身命皆無吝

願益羣生不爲已

彼慈悲行我今說

無量億劫演其德

如海一滴未爲少

功德無比不可論

以佛威神今略說

其心無高下

求道無厭倦

智慧普饒益

普使諸衆生

如樹如河泉

住善增淨法

亦如於大地

一切所依處

菩薩如蓮華

慈根安隱莖

智慧爲衆繫

戒品爲香潔

佛放法光明

今彼得開敷

不著有爲水

見者皆欣樂

菩薩妙法樹

生於直心地

信種慈悲根

智慧以爲身

方便爲枝幹

五度爲繁密

定業神通華

一切智爲果

最上力爲鳥

垂陰覆三界

菩薩師子王

白淨法爲身

四諦爲其足

正念以爲頸

慈眼智慧首

頂繫解脫繒

勝義空谷中

吼法怖衆魔

菩薩爲商主

普見諸羣生

在生死曠野

煩惱險惡處

魔賊之所攝

癡盲失正道

示其正直路

令入無畏城

菩薩見衆生

二毒煩惱病

種種諸苦惱

長夜所煎迫

為發大悲心 廣說對治門 八萬四千種 滅除眾苦患

菩薩為法王 正道化眾生 今遠惡修善 專求佛功德

一切諸佛所 灌頂授尊記 廣施眾聖財 菩提分珍寶

菩薩轉法輪 如佛之所轉 戒嚴三昧輒 智莊慧為劍

既破煩惱賊 亦殄眾魔怨 一切諸外道 見之無不散

菩薩智慧海 深廣無涯際 正法味盈洽 覺分寶充滿

大心無邊岸 一切智為潮 眾生莫能測 說之不可盡

菩薩須彌山 超出於世間 神通三昧峯 大心安不動

若有親近者 同其智慧色 迴絕眾境界 一切無不覩

菩薩如金剛 志求一切智 信心及苦行 堅固不可動

其心無所畏 饒益諸羣生 眾魔與煩惱 一切悉摧滅

菩薩大慈悲 譬如重密雲 三明發電光 神足震雷音

普以四辯才 雨八功德水 潤洽於一切 令除煩惱熱

菩薩正法城 般若以為牆 顛媿為深壑 智慧為却敵

廣開解脫門 正念恒防守 四諦坦王道 六通集兵仗

復建大法幢 周迴徧其下 三有諸魔眾 一切無能入

菩薩迦樓羅 如意為堅足 方便勇猛翅 慈悲明淨眼

住一切智樹 觀三有大海 搏撮天人龍 安置涅槃岸

菩薩正法日 出現於世間 戒品圓滿輪 神足速疾行

照以智慧光 長諸根力藥 滅除煩惱闇 消竭愛欲海

菩薩智光月 法界以為輪 遊於畢竟空 世間無不見

三界識心內 隨時有增減 二乘星宿中 一切無儔匹

菩薩大法王 功德莊嚴身 相好皆具足 人天悉瞻仰

方便清淨目 智慧金剛杵 於法得自在 以道化羣生

菩薩大梵王 自在超三有 業惑悉皆斷 慈捨靡不具
處處示現身 開悟以法音 於彼三界中 拔諸邪見根
菩薩自在天 超過生死地 境界常清淨 智慧無退轉
絕彼下乘道 受諸灌頂法 功德智慧具 名稱靡不聞
菩薩智慧心 清淨如虛空 無性無依處 一切不可得
有大自在力 能成世間事 自具清淨行 令衆生亦然
菩薩方便地 饒益諸衆生 菩薩慈悲水 澌滌諸煩惱
菩薩智慧火 燒諸惑習薪 菩薩無住風 遊行三有空
菩薩如珍寶 能濟貧窮厄 菩薩如金剛 能摧顛倒見
菩薩如瓔珞 莊嚴三有身 菩薩如摩尼 增長一切行
菩薩德如華 常發菩提分 菩薩願如瓊 恒繫衆生首
菩薩淨戒香 堅持無缺犯 菩薩智塗香 普熏於三界
菩薩力如帳 能遮煩惱塵 菩薩智如幢 能摧我慢敵
妙行為繒綵 莊嚴於智慧 慙媿作衣服 普覆諸羣生
菩薩無礙乘 中之出三界 菩薩大力象 其心善調伏
菩薩神足馬 騰步超諸有 菩薩說法龍 普雨衆生心
菩薩優曇華 世間難值遇 菩薩大勇將 衆魔悉降伏
菩薩轉法輪 如佛之所轉 菩薩燈破闇 衆生見正道
菩薩功德河 恒順正道流 菩薩精進橋 廣度諸羣品
大智與弘誓 共作堅牢船 引接諸衆生 安置菩提岸
菩薩遊戲園 真實樂衆生 菩薩解脫華 莊嚴智宮殿
菩薩如妙藥 滅除煩惱病 菩薩如雪山 出生智慧藥
菩薩等於佛 覺悟諸羣生 佛心豈有他 正覺覺世間
如佛之所求 菩薩如是來 亦如一切智 以智入普門

菩薩善開導 一切諸羣生 菩薩自然覺 一切智境界
菩薩無量力 世間莫能壞 菩薩無畏智 知衆生及法
一切諸世間 色相各差別 音聲及名字 悉能分別知
雖離於名色 而現種種相 一切諸衆生 莫能測其道
如是等功德 菩薩悉成就 了性皆無性 有無無所著
如是一切智 無盡無所依 我今當演說 令衆生歡喜
雖知諸法相 如幻悉空寂 而以悲願心 及佛威神力
現神通變化 種種無量事 如是諸功德 汝等應聽受
一身能示現 無量差別身 無心無境界 普應一切衆
一音中具演 一切諸言音 衆生語言法 隨類皆能作
永離煩惱身 而現自在身 知法不可說 而作種種說
其心常寂滅 清淨如虛空 而普莊嚴刹 示現一切衆
於身無所著 而能示現身 一切世間中 隨應而受生
雖生一切處 亦不住受生 知身如虛空 種種隨心現
菩薩身無邊 普現一切處 常恭敬供養 最勝兩足尊
香華衆妓樂 幢幡及寶蓋 恒以深淨心 供養於諸佛
不離一佛會 普在諸佛所 於彼大衆中 問難聽受法
聞法入三昧 一一無量門 起定亦復然 示現無窮盡
智慧巧方便 了世皆如幻 而能現世間 無邊諸幻法
示現種種色 亦現心及語 入諸想網中 而恒無所著
或現初發心 利益於世間 或現久修行 廣大無邊際
施戒忍精進 禪定及智慧 四梵四攝等 一切最勝法
或現行成滿 得忍無分別 或現一生繫 諸佛與灌頂
或現嘗聞相 或復現緣覺 處處般涅槃 不捨菩提行

或現為帝釋 或現為梵王 或天女圍遶 或時獨宴默
 或現為比丘 寂靜調其心 或現自在王 統理世間法
 或現巧術女 或現修苦行 或現受五欲 或現入諸禪
 或現初始生 或少或老死 若有思議者 心疑發狂亂
 或現在天宮 或現始降神 或入或住胎 成佛轉法輪
 或生或涅槃 或現入學堂 或在采女中 或離俗修禪
 或坐菩提樹 自然成正覺 或現轉法輪 或現始求道
 或現為佛身 宴坐無量刹 或修不退道 積集菩提具
 深入無數劫 皆悉到彼岸 無量劫一念 一念無量劫
 一切劫非劫 為世示現劫 無來無積集 成就諸劫事
 於一微塵中 普見一切佛 十方一切處 無處而不有
 國土衆生法 次第悉皆見 經無量劫數 究竟不可盡
 菩薩知衆生 廣大無有邊 彼一衆生身 無量因緣起
 如知一無量 一切悉亦然 隨其所通達 教諸未學者
 悉知衆生根 上中下不同 亦知根轉移 應化不應化
 一根一切根 展轉因緣力 微細各差別 次第無錯亂
 又知其欲解 一切煩惱習 亦知去來今 所有諸心行
 了達一切行 無來亦無去 既知其行已 為說無上法
 雜深清淨行 種種悉了知 一念得菩提 成就一切智
 住佛不思議 究竟智慧心 一念悉能知 一切衆生行
 菩薩神通智 功力已自在 能於一念中 往詣無邊刹
 如心速疾往 盡於無數劫 無處而不同 莫動毫端分
 譬如工幻師 示現種種色 於彼幻中求 無色無非色
 菩薩亦如是 以方便智幻 種種皆示現 充滿於世間

譬如淨日月 皎鏡在虛空 影現於衆水 不爲水所雜
 菩薩淨法輪 當知亦如是 現世間心水 不爲世所雜
 如人睡夢中 造作種種事 雖經億千歲 一夜未終盡
 菩薩住法性 示現一切事 無量劫可極 一念智無盡
 譬如山谷中 及以宮殿間 種種皆響應 而實無分別
 菩薩住法性 能以自在智 廣出隨類音 亦復無分別
 如有見陽燄 想之以爲水 馳逐不得飲 展轉更增渴
 衆生煩惱心 應知亦如是 菩薩起慈悲 救之令出離
 觀色如聚沫 受如水上泡 想如熱時燄 諸行如芭蕉
 心識猶如幻 示現種種事 如是知諸蘊 智者無所著
 諸處悉空寂 如機關動轉 諸界性永離 妄現於世間
 菩薩住真實 寂滅第一義 種種廣宣暢 而心無所依
 無來亦無去 亦復無有住 煩惱業苦因 三種恒流轉
 緣起非有無 非實亦非虛 如是入中道 說之無所著
 能於一念中 普現三世心 欲色無色界 一切種種事
 隨順三律儀 演說三解脱 建立三乘道 成就一切智
 二達處非處 諸業及諸根 界解與禪定 一切至處道
 宿命念天眼 滅除一切惑 知佛十種力 而未能成就
 了達諸法空 而常求妙法 不與煩惱合 而亦不盡漏
 廣知出離道 而以度衆生 於此得無畏 不捨修諸行
 無謬無違道 亦不失正念 精進欲三昧 觀慧無損減
 三聚皆清淨 三世悉明達 大慈愍衆生 一切無障礙
 由入此法門 得成如是行 我說其少分 功德莊嚴義
 第於無數劫 說彼行無盡 我今說少分 如大地一塵

依於佛智住 起於奇特想 修行最勝行 具足大慈悲
 精勤自安隱 教化諸含識 安住淨戒中 具諸授記行
 能入佛功德 衆生行及利 劫世悉亦知 無有疲厭想
 差別智惣持 通達真實義 思惟說無比 寂靜等正覺
 發於普賢心 及修其行願 慈悲因緣力 趣道意清淨
 修行波羅蜜 究竟隨覺智 證知力自在 成無上菩提
 成就平等智 演說最勝法 能持具妙辯 逮得法王趣
 遠離於諸著 演說心平等 出生於智慧 變化得菩提
 任持一切劫 智者大欣慰 深入及依止 無畏無疑惑
 了達不思議 巧密善分別 善入諸三昧 普見智境界
 究竟諸解脫 遊戲諸通明 纏縛悉永離 園林恣遊處
 白法爲宮殿 諸行可欣樂 現無量莊嚴 於世心無動
 深心善觀察 妙辯能開演 清淨菩提印 智光照一切
 所住無等比 其心不下劣 立志如大山 種德若深海
 如寶安住法 被甲擔願心 發起於大事 究竟無能壞
 得授菩提記 安住廣大心 祕藏無窮盡 覺悟一切法
 世智皆自在 妙用無障礙 衆生一切利 及以種種法
 身願與境界 智慧神通等 示現於世間 無量百千億
 遊戲及境界 自在無能制 力無畏不共 一切業莊嚴
 諸身及身業 語及淨修語 以得守護故 成辦十種事
 菩薩心發心 及以心周徧 諸根無散動 獲得最勝根
 深心增勝心 遠離於論誑 種種決定解 普入於世間
 捨彼煩惱習 取茲最勝道 巧修使圓滿 逮成一切智
 離退入正位 決定證寂滅 出生佛法道 成就功德号

道及無量道 乃至莊嚴道 次第善安住 悉皆無所著
 手足及腹藏 金剛以為心 被以慈哀甲 具足眾器仗
 智首明達眼 菩提行為耳 清淨戒為鼻 滅闇無障礙
 辯才以為舌 無處不至身 最勝智為心 行住修諸業
 道場師子坐 梵卧空為住 所行及觀察 普照如來境
 徧觀眾生行 奮迅及哮吼 離貪行淨施 捨慢持淨戒
 不瞋常忍辱 不懈恒精進 禪定得自在 智慧無所行
 慈濟悲無倦 喜法捨煩惱 於諸境界中 知義亦知法
 福德悉成滿 智慧如利劍 普照樂多聞 明了趣向法
 知魔及魔道 誓願咸捨離 見佛與佛業 發心皆攝取
 離慢修智慧 不為魔力持 為佛所攝持 亦為法所持
 現住兜率天 又現彼命終 示現住母胎 亦現微細趣
 現生及微笑 亦現行七步 示修眾技術 亦示處深宮
 出家修苦行 往詣於道場 端坐放光明 覺悟諸羣生
 降魔成正覺 轉無上法輪 所現悉已終 入於大涅槃
 彼諸菩薩行 無量劫修習 廣大無有邊 我今說少分
 雖令無量眾 安住佛功德 眾生及法中 畢竟無所取
 具足如是行 遊戲諸神通 毛端置眾刹 經於億千劫
 掌持無量刹 徧往身無倦 還來置本處 眾生不知覺
 菩薩以一切 種種莊嚴刹 置於一毛孔 真實悉今見
 復以一毛孔 普納一切海 大海無增減 眾生不燒害
 無量鐵圍山 手執碎為塵 一塵下一刹 盡此諸塵數
 以此諸塵刹 復更末為塵 如是塵可知 菩薩智難量
 於一毛孔中 放無量光明 日月星宿光 摩尼珠水光

及以諸天光 一切皆映蔽 滅諸惡道苦 為說無上法
 一切諸世間 種種差別音 菩薩以一音 一切皆能演
 決定分別說 一切諸佛法 普使諸羣生 聞之大歡喜
 過去一切劫 安置未來今 未來現在劫 迴置過去世
 示現無量刹 燒然及成住 一切諸世間 悉在一毛孔
 未來及現在 一切十方佛 靡不於身中 分明而顯現
 深知變化法 善應衆生心 示現種種身 而皆無所著
 或現於六趣 一切衆生身 梵釋護世身 諸天人衆身
 聲聞緣覺身 諸佛如來身 或現菩薩身 修行一切智
 善入輒中上 衆生諸想網 示現成菩提 及以諸佛刹
 了知諸想網 於想得自在 示修菩薩行 一切方便事
 示現如是等 廣大諸神變 如是諸境界 舉世莫能知
 雖現無所現 究竟轉增上 隨順衆生心 令行真實道
 身語及與心 平等如虛空 淨戒為塗香 齊行為衣服
 法續嚴淨慧 一切智摩尼 功德靡不周 灌頂昇王位
 波羅蜜為輪 諸通以為象 神足以為馬 智慧為明珠
 妙行為采女 四攝主藏臣 方便為主兵 菩薩轉輪王
 三昧為城郭 空寂為宮殿 慈甲智慧劍 念弓明利箭
 高張神力蓋 迴建智慧幢 忍力不動搖 直破魔王軍
 總持為平地 衆行為河水 淨智為源泉 妙慧作樹林
 空為澄淨池 覺分苗苞華 神力自莊嚴 三昧常娛樂
 思惟為采女 甘露為美食 解脫味為漿 遊戲於三乘
 此諸菩薩行 微妙轉增上 無量劫修行 其心不厭足
 供養 切佛 嚴淨一切刹 普令一切衆 安住一切智

一切刹微塵悉可知其數一切虛空界一沙可度量
一切衆生心心念念可數知佛子諸功德說之不可盡
欲具此功德及諸上妙法欲使諸衆生離苦常安樂
欲令身語意悉與諸佛等應發金剛心學此功德行

大方廣佛華嚴經卷第五十九

斤璽

下徒奔

弧矢

上胡奔
下武親切

博弄

下亦音

耕勞

上其俱切

泊于

上其冀切

爲頸

下戶成切
亦居邪切

飛轂

下占標切

昧輞

下文前切

儔匹

上直由切
下譬吉切

潏潏

上胡管切
下徒歷切

迴建

上戶頂切

齒齒

上胡感切
下徒感切

乙巳歲高麗國大藏都監奉

勅彫造

大方廣佛華嚴經卷第六十

育

予聞國三藏寶笈難陀奉

制譯

入法界品第三十九之一

爾時世尊在室羅筏國逝多林給孤獨園大
莊嚴重閣與菩薩摩訶薩五百人俱普賢菩
薩文殊師利菩薩而爲上首其名曰光嚴幢
菩薩須彌幢菩薩寶幢菩薩無礙幢菩薩華
幢菩薩離垢幢菩薩日幢菩薩妙幢菩薩離
塵幢菩薩普光幢菩薩地威力菩薩寶威力
菩薩大威力菩薩金剛智威力菩薩離塵垢
威力菩薩正法日威力菩薩功德山威力菩
薩智光影威力菩薩普吉祥威力菩薩地藏
菩薩虛空藏菩薩蓮華藏菩薩寶藏菩薩曰
藏菩薩淨德藏菩薩法印藏菩薩光明藏菩
薩臍藏菩薩蓮華德藏菩薩善眼菩薩淨眼
菩薩離垢眼菩薩無礙眼菩薩普見眼菩薩
善觀眼菩薩青蓮華眼菩薩金剛眼菩薩寶
眼菩薩虛空眼菩薩喜眼菩薩普眼菩薩天
冠菩薩普照法界智慧冠菩薩道場冠菩薩
普照十方冠菩薩一切佛藏冠菩薩超出一
切世間冠菩薩普照冠菩薩不可壞冠菩薩
持一切如來師子座冠菩薩普照法界虛空
冠菩薩梵王髻菩薩龍王髻菩薩一切化佛
光明鬘菩薩一切道場髻菩薩一切願海音

寶王髻菩薩一切佛光明摩尼髻菩薩示現
一切虛空平等相摩尼王莊嚴髻菩薩示現
一切如來神變摩尼王幢網垂覆髻菩薩出
一切佛轉法輪音髻菩薩說三世一切名字
音髻菩薩大光菩薩離垢光菩薩寶光菩薩
離塵光菩薩燄光菩薩法光菩薩寂靜光菩
薩日光菩薩自在光菩薩天光菩薩福德幢
菩薩智慧幢菩薩法幢菩薩神通幢菩薩光
幢菩薩華幢菩薩摩尼幢菩薩菩提幢菩薩
梵幢菩薩普光幢菩薩梵音菩薩海音菩薩
大地音菩薩卅主音菩薩山相擊音菩薩徧
一切法界音菩薩震一切法海雷音菩薩降
魔音菩薩大悲方便雲雷音菩薩息一切世
間苦安慰音菩薩法上菩薩勝上菩薩智上
菩薩福德須彌上菩薩功德珊瑚上菩薩名
稱上菩薩普光上菩薩大慈上菩薩智海上
菩薩佛種上菩薩光勝菩薩德勝菩薩上勝
菩薩普明勝菩薩法勝菩薩月勝菩薩虛空
勝菩薩寶勝菩薩幢勝菩薩智勝菩薩娑羅
自在王菩薩法自在王菩薩象自在王菩薩
梵自在王菩薩山自在王菩薩衆自在王菩
薩速疾自在王菩薩寂靜自在王菩薩不動
自在王菩薩勢力自在王菩薩最勝自在王
菩薩寂靜音菩薩無礙音菩薩地震音菩薩

海震音菩薩雲音菩薩法光音菩薩虛空音
 菩薩說一切衆生善根音菩薩示一切大願
 音菩薩道場音菩薩須彌光覺菩薩虛空覺
 菩薩離染覺菩薩無礙覺菩薩善覺菩薩普
 照三世覺菩薩廣大覺菩薩普明覺菩薩法
 界光明覺菩薩如是等菩薩摩訶薩五百人
 俱此諸菩薩皆悉成就普賢行願境界無礙
 音徧一切諸佛刹故現身無量親近一切諸
 如來故淨眼無障見一切佛神變事故至處
 無限一切如來成正覺所恒普詣故光明無
 際以智慧光普照一切實法海故說法無盡
 清淨辯才無邊際劫無窮盡故等虛空界智
 慧所行悉清淨故無所依止隨衆生心現色
 身故除滅癡翳了衆生界無衆生故等虛空
 智以大光網照法界故及與五百聲聞衆俱
 悉覺眞諦皆證實際深入法性永出有海依
 佛功德離結使縛住無礙處其心寂靜猶如
 虛空於諸佛所永斷疑惑於佛智海深信趣
 入及與無量諸世主俱悉曾供養無量諸佛
 常能利益一切衆生爲不請友恒勤守護誓
 願不捨入於世間殊勝智門從佛教生護佛
 正法起於大願不斷佛種生如來家求一切
 智

時諸菩薩大德聲聞世間諸王並其眷屬咸

作是念如來境界如來智行如來加持如來
力如來無畏如來三昧如來所住如來自在
如來身如來智一切世間諸天及人無能通
達無能趣入無能信解無能了知無能忍受
無能觀察無能揀擇無能開示無能宣明無
有能令衆生解了唯除諸佛加被之力佛神
通力佛威德力佛本願力及其宿世善根之
力諸善知識攝受之力深淨信力大明解力
趣向菩提清淨心力求一切智廣大願力唯
願世尊隨順我等及諸衆生種種欲種種解
種種智種種語種種自在種種住地種種根
清淨種種意方便種種心境界種種依止如
來功德種種聽受諸所說法顯示如來往昔
總求一切智心往昔所起菩薩大願往昔所
淨諸波羅蜜往昔所入菩薩諸地往昔圓滿
諸菩薩行往昔成就方便往昔修行諸道往
昔所得出離法往昔所作神通事往昔所有
本事因緣及成等正覺轉妙法輪淨佛國土
調伏衆生開一切智法城示一切衆生道入
一切衆生所住受一切衆生所施爲一切衆
生說布施功德爲一切衆生現諸佛影像如
是等法願皆爲說
爾時世尊知諸菩薩心之所念大悲爲身大
悲爲門大悲爲首以大悲法而爲方便充徧

虛空入師子頻申三昧入此三昧已一切世
間普皆嚴淨于時此大莊嚴樓閣忽然廣博
無有邊際金剛爲地寶王覆上無量寶華及
諸摩尼普散其中處處盈滿瑠璃爲柱衆寶
合成大光摩尼之所莊嚴閻浮檀金如意寶
王周置其上以爲嚴飾危樓迴帶閣道傍出
棟宇相承窻闌交映塔墀軒檻種種備足一
切皆以妙寶莊嚴其寶悉作人天形像堅固
妙好世中第一摩尼寶網彌覆其上於諸門
側悉建幢幡咸放光明普周法界道場之外
階墜欄楯其數無量不可稱說靡不咸以摩
尼所成爾時復以佛神力故其逝多林忽然
廣博與不可說佛刹微塵數諸佛國土其量
正等一切妙寶間錯莊嚴不可說寶徧布其
地阿僧祇寶以爲垣牆寶多羅樹莊嚴道側
其間復有無量香河香水盈滿湍激迴復一
切寶華隨流右轉自然演出佛法音聲不思
議寶芬陀利華苗苣芬敷彌布水上衆寶華
樹列植其岸種種臺榭不可思議皆於岸上
次第行列摩尼寶網之所彌覆阿僧祇寶放
大光明阿僧祇寶莊嚴其地燒衆妙香香氣
氤氳復建無量種種寶幢所謂寶香幢寶衣
幢寶幡幢寶綰幢寶華幢寶瓔珞幢寶鬘幢
寶鈴幢摩尼寶蓋幢大摩尼寶幢光明徧照

摩尼寶幢出一切如來名号音聲摩尼王幢
師子摩尼王幢說一切如來本事海摩尼王
幢現一切法界影像摩尼王幢周徧十方行
列莊嚴時逝多林上虛空之中有不思議天
宮殿雲無數香樹雲不可說須彌山雲不可
說妓樂雲出美妙音歌讚如來不可說寶蓮
華雲不可說寶座雲敷以天衣菩薩坐上歎
佛功德不可說諸天王形像摩尼寶雲不可
說白真珠雲不可說赤珠樓閣莊嚴具雲不
可說兩金剛堅固珠雲皆住虛空周徧滿
以為嚴飾何以故如來善根不思議故如來
自法不思議故如來威力不思議故如來能
以一身自在變化徧一切世界不思議故如
來能以神力令一切佛及佛國莊嚴皆入其
身不思議故如來能於一微塵內普現一切
法界影像不思議故如來能於一毛孔中示
現過去一切諸佛不思議故如來隨放一一
光明悉能徧照一切世界不思議故如來能
於一毛孔中出一切佛刹微塵數變化雲充
滿一切諸佛國土不思議故如來能於一毛
孔中普現一切十方世界成住壞劫不思議
故如於此逝多林給孤獨園見佛國土清淨
莊嚴十方一切盡法界虛空界一切世界亦
如是見所謂見如來身住逝多林菩薩聚會

皆悉徧滿見普雨一切莊嚴雲見普雨一切寶光明照曜雲見普雨一切摩尼寶雲見普雨一切莊嚴蓋彌覆佛刹雲見普雨一切天身雲見普雨一切華樹雲見普雨一切衣樹雲見普雨一切寶鬘瓔珞相續不絕周徧一切大地雲見普雨一切莊嚴具雲見普雨一切如衆生形種種香雲見普雨一切微妙寶華網相續不斷雲見普雨一切諸天女持寶幢幡於虛空中周旋來去雲見普雨一切衆寶蓮華於華葉間自然而出種種樂音雲見普雨一切師子座寶網瓔珞而爲莊嚴雲爾時東方過不可說佛刹微塵數世界海外有世界名金燈雲幢佛号毗盧遮那勝德王彼佛衆中有菩薩名毗盧遮那願光明與不可說佛刹微塵數菩薩俱來向佛所悉以神力興種種雲所謂天華雲天香雲天末香雲天鬘雲天寶雲天莊嚴具雲天寶蓋雲天微妙衣雲天寶幢幡雲天一切妙寶諸莊嚴雲充滿虛空至佛所已頂禮佛足卧於東方化作寶莊嚴樓閣及普照十方寶蓮華藏師子之座如意寶網羅覆其身與其眷屬結跏趺坐南方過不可說佛刹微塵數世界海外有世界名金剛藏佛号普光明無勝藏王彼佛衆中有菩薩名不可壞精進王與不可說佛

刹微塵數菩薩俱來向佛所持一切寶香網
持一切寶瓔珞持一切寶華帶持一切寶鬘
帶持一切金剛瓔珞持一切摩尼寶網持一
切寶衣帶持一切寶瓔珞帶持一切最勝光
明摩尼帶持一切師子摩尼寶瓔珞悉以神
力充徧一切諸世界海到佛所已頂禮佛足
即於南方化作徧照世間摩尼寶莊嚴樓閣
及普照十方寶蓮華藏師子之座以一切寶
華網羅覆其身與其眷屬結跏趺坐西方過
不可說佛刹微塵數世界海外有世界名摩
尼寶燈須彌山幢佛号法界智燈彼佛眾中
有菩薩名普勝無上威德王與世界海微塵
數菩薩俱來向佛所悉以神力興不可說佛
刹微塵數種種塗香燒香須彌山雲不可說
佛刹微塵數種種色香水須彌山雲不可說
佛刹微塵數一切大地微塵等光明摩尼寶
王須彌山雲不可說佛刹微塵數種種光燄
輪莊嚴幢須彌山雲不可說佛刹微塵數種
種色金剛藏摩尼王莊嚴須彌山雲不可說
佛刹微塵數普照一切世界間淨檀摩尼寶
幢須彌山雲不可說佛刹微塵數現一切法
界摩尼寶須彌山雲不可說佛刹微塵數現
一切諸佛相好摩尼寶王須彌山雲不可說
佛刹微塵數現一切如來今事因緣說諸菩

薩所行之行摩尼寶王須彌山雲不可說佛
刹微塵數現一切佛坐菩提場摩尼寶王須
彌山雲充滿法界至佛所已頂禮佛足即於
西方化作一切香王樓閣真珠寶網彌覆其
上及化作帝釋影幢寶蓮華藏師子之座以
妙色摩尼網羅覆其身心王寶冠以嚴其首
與其眷屬結跏趺坐北方過不可說佛刹微
塵數世界海外有世界名寶衣光明幢佛号
照虛空法界大光明彼佛衆中有菩薩名無
礙勝藏王與世界海微塵數菩薩俱來向佛
所悉以神力興一切寶衣雲所謂黃色寶光
明衣雲種種香所熏衣雲日幢摩尼王衣雲
金色熾然摩尼衣雲一切寶光燄衣雲一切
星辰像上妙摩尼衣雲白玉光摩尼衣雲光
明徧照殊勝赫奕摩尼衣雲光明徧照威勢
熾盛摩尼衣雲莊嚴海摩尼衣雲充滿虛空
至佛所已頂禮佛足即於北方化作摩尼寶
海莊嚴樓閣及毗瑠璃寶蓮華藏師子之座
以師子威德摩尼王網羅覆其身清淨寶王
為髻明珠與其眷屬結跏趺坐東北方過不
可說佛刹微塵數世界海外有世界名一切
歡喜清淨光明網佛号無礙眼彼佛衆中有
菩薩名化現法界願月王與世界海微塵數
菩薩俱來向佛所悉以神力興寶樓閣雲香

樓閣雲燒香樓閣雲華樓閣雲栴檀樓閣雲

金剛樓閣雲摩尼樓閣雲金樓閣雲衣樓閣
雲蓮華樓閣雲彌覆十方一切世界至佛所
已頂禮佛足即於東北方化作一切法界門
大摩尼樓閣及無等香王蓮華藏師子之座
摩尼華網羅覆其身著妙寶藏摩尼王冠與
其眷屬結跏趺坐東南方過不可說佛刹微
塵數世界海外有世界名香雲莊嚴幢佛号
龍自在王彼佛衆中有菩薩名法慧光燄王
與卅界海微塵數菩薩俱來向佛所悉以神
力興金色圓滿光明雲無量寶色圓滿光明
雲如來毫相圓滿光明雲種種寶色圓滿光
明雲蓮華藏圓滿光明雲衆寶樹枝圓滿光
明雲如來頂髻圓滿光明雲閻浮檀金色圓
滿光明雲日色圓滿光明雲星月色圓滿光
明雲悉徧虛空到佛所已頂禮佛足即於東
南方化作毗盧遮那最上寶光明樓閣金剛
摩尼蓮華藏師子之座衆寶光燄摩尼王網
羅覆其身與其眷屬結跏趺坐西南方過不
可說佛刹微塵數世界海外有世界名日光
摩尼藏佛号普照諸法智月王彼佛衆中有
菩薩名摧破一切魔軍智幢王與世界海微
塵數菩薩俱來向佛所於一切毛孔中出等
虛空界華燄雲香燄雲寶燄雲金剛燄雲燒

香嚴雲電光燄雲毗盧遮那摩尼寶燄雲一切金光燄雲勝藏摩尼王光燄雲等三卅如來海光燄雲一一皆從毛孔中出徧虛空界到佛所已頂禮佛足即於西南方化作普現十方法界光明網大摩尼寶樓閣及香燈燄寶蓮華藏師子之座以離垢藏摩尼網羅覆其身著出一切衆生發趣音摩尼王嚴飾冠與其眷屬結跏趺坐西北方過不可說佛刹微塵數世界海外有世界名毗盧遮那願摩尼王藏佛号普光明最勝須彌王彼佛衆中有菩薩名願智光明幢與世界海微塵數菩薩俱來向佛所於念念中一切相好一切毛孔一切身分皆出三卅一切如來形像雲一切菩薩形像雲一切如來衆會形像雲一切如來變化身形像雲一切如來本生身形像雲一切聲聞辟支佛形像雲一切如來菩提場形像雲一切如來神變形像雲一切世間主形像雲一切清淨國土形像雲充滿虛空至佛所已頂禮佛足即於西北方化作普照十方摩尼寶莊嚴樓閣及普照世間寶蓮華藏師子之座以無能勝光明真珠網羅覆其身著普光明摩尼寶冠與其眷屬結跏趺坐下方過不可說佛刹微塵數世界海外有世界名一切如來圓滿光普照佛号虛空無礙

相智幢王彼佛衆中有菩薩名破一切障勇
猛智王與世界海微塵數菩薩俱來向佛所
於一切毛孔中出說一切衆生語言海音聲
雲出說一切三世菩薩修行方便海音聲雲
出說一切菩薩所起願方便海音聲雲出說
一切菩薩成滿清淨波羅蜜方便海音聲雲
出說一切菩薩圓滿行偏一切刹音聲雲出
說一切菩薩成就自在用音聲雲出說一切
如來往詣道場破魔軍衆成等正覺自在用
音聲雲出說一切如來轉法輪契經門名号
海音聲雲出說一切隨應教化調伏衆生法
方便海音聲雲出說一切隨時隨善根隨願
力普令衆生證得智慧方便海音聲雲到佛
所已頂禮佛足即於下方化作現一切如來
宮殿形像衆寶莊嚴樓閣及一切寶蓮華藏
師子之座著普現道場影摩尼寶冠與其眷
屬結跏趺坐上方過不可說佛刹微塵數世
界海外有世界名說佛種性無有盡佛号普
智輪光明音彼佛衆中有菩薩名法界差別
願與世界海微塵數菩薩俱發彼道場來向
此娑婆世界釋迦牟尼佛所於一切相好一
切毛孔一切身分一切肢節一切莊嚴具一
切衣服中現毗盧遮那等過去一切諸佛未
來一切諸佛已得授記未授記者現在十方

一切國土一切諸佛并其衆會亦現過去行
 檀那波羅蜜及其一切受布施者諸本事海
 亦現過去行尸羅波羅蜜諸本事海亦現過
 去行羣提波羅蜜割截肢體心無動亂諸本
 事海亦現過去行精進波羅蜜勇猛不退諸
 本事海亦現過去求一切如來禪波羅蜜海
 而得成就諸本事海亦現過去求一切佛所
 轉法輪所成就法發勇猛心一切皆捨諸本
 事海亦現過去樂見一切佛樂行一切菩薩
 道樂化一切衆生界諸本事海亦現過去所
 發一切菩薩大願清淨莊嚴諸本事海亦現
 過去菩薩所成力波羅蜜勇猛清淨諸本事
 海亦現過去一切菩薩所修圓滿智波羅蜜
 諸本事海如是一切本事海悉皆徧滿廣大
 法界至佛所已頂禮佛足即於上方化作一
 切金剛藏莊嚴樓閣及帝青金剛王蓮華藏
 師子之座以一切寶光明摩尼王網羅覆其
 身以演說三世如來名摩尼寶王爲曇明珠
 與其眷屬結跏趺坐如是十方一切菩薩并
 其眷屬皆從普賢菩薩行願中生以淨智眼
 見三世佛普聞一切諸佛如來所轉法輪修
 多羅海已得至於一切菩薩自在彼岸於念
 念中現大神變親近一切諸佛如來一身充
 滿一切世界一切如來衆會道場於一塵中

普現一切世間境界教化成熟一切眾生未

曾失時一毛孔中出一切如來說法音聲知一切眾生悉皆如幻知一切佛悉皆如影知一切諸趣受生悉皆如夢知一切業報如鏡中像知一切諸有生起如熱時燄知一切世界皆如變化成就如來十力無畏勇猛自在能師子吼深入無盡辯才大海得一切眾生言辭海諸法智於虛空法界所行無礙知一切法無有障礙一切菩薩神通境界悉已清淨勇猛精進摧伏魔軍恒以智慧了達三世知一切法猶如虛空無有違諱亦無取著雖勤精進而知一切智終無所來雖觀境界而知一切有悉不可得以方便智入一切法界以平等智入一切國土以自在力令一切世界展轉相入於一切世界處處受生見一切世界種種形相於微細境現廣大刹於廣大境現微細刹於一佛所一念之頃得一切佛威神所加普見十方無所迷惑於剎那頃悉能往詣如是等一切菩薩滿逝多林皆是如來威神之力于時上首諸大聲聞舍利弗大目犍連摩訶迦葉離波多須菩提阿菟樓駄難陀劫賓那迦旃延富樓那等諸大聲聞在逝多林皆悉不見如來神力如來嚴好如來境界如來遊戲如來神變如來尊勝如來妙

行如來威德如來住持如來淨刹亦復不見

不可思議菩薩境界菩薩大會菩薩普入菩薩普至菩薩普詣菩薩神變菩薩遊戲菩薩眷屬菩薩方所菩薩莊嚴師子座菩薩宮殿菩薩住處菩薩所入三昧自在菩薩觀察菩薩頻申菩薩勇猛菩薩供養菩薩受記菩薩成熟菩薩勇健菩薩法身清淨菩薩智身圓滿菩薩願身示現菩薩色身成就菩薩諸相具足清淨菩薩常光衆色莊嚴菩薩放大光網菩薩起變化雲菩薩身徧十方菩薩諸行圓滿如是等事一切聲聞諸大弟子皆悉不見何以故以善根不同故本不修習見佛自在善根故本不讚說十方世界一切佛刹清淨功德故本不徧歎諸佛世尊種種神變故本不於生死流轉之中發阿耨多羅三藐三菩提心故本不令他住菩提心故本不能令如來種性不斷絕故本不攝受諸衆生故本不勸他修習菩薩波羅蜜故本在生死流轉之時不勸衆生求於最勝大智眼故本不修習生一切智諸善根故本不成就如來出世諸善根故本不得嚴淨佛刹神通智故本不得諸菩薩眼所知境故本不求超出世間不共菩提諸善根故本不發一切菩薩諸大願故本不從如來加被之所生故本不知諸法

如幻菩薩如夢故本不得諸大菩薩廣大歡喜故如是皆是普賢菩薩智眼境界不與一切二乘所共以是因緣諸大聲聞不能見不能知不能聞不能入不能得不能念不能觀察不能籌量不能思惟不能分別是故雖在逝多林中不見如來諸大神變復次諸大聲聞無如是善根故無如是智眼故無如是三昧故無如是解脫故無如是神通故無如是威德故無如是勢力故無如是自在故無如是住處故無如是境界故是故於此不能知不能見不能入不能證不能住不能解不能觀察不能忍受不能趣向不能遊履又亦不能廣爲他人開闡解說備揚示現引導勸進令其趣向令其修習令其安住令其證入何以故諸大弟子依聲聞乘而出離故成就聲聞道滿足聲聞行安住聲聞果於無有諦得決定智常住實際究竟寂靜遠離大悲捨於衆生住於自事於彼智慧不能積集不能修行不能安住不能願求不能成就不能清淨不能趣入不能通達不能知見不能證得是故雖在逝多林中對於如來不見如是廣大神變佛子如恒河岸有百千億無量餓鬼裸形飢渴舉體焦然烏鷲豺狼競來搏撮爲渴所逼欲求水飲雖住河邊而不見河設有見

者見其枯竭何以故深厚業障之所覆故彼大聲聞亦復如是雖復住在逝多林中不見如來廣大神力捨一切智無明翳膜覆其眼故不曾種植薩婆若地諸善根故譬如有人於大會中昏睡安寢忽然夢見須彌山頂帝釋所住善見大城宮殿園林種種嚴好天子天女百千萬億普散天華徧滿其地種種衣樹出妙衣服種種華樹開敷妙華諸音樂樹奏天音樂天諸采女歌詠美音無量諸天於中戲樂其人自見著天衣服普於其處住止周旋其大會中一切諸人雖同一處不知不見何以故夢中所見非彼大眾所能見故一切菩薩世間諸王亦復如是以久積集善根力故發一切智廣大願故學習一切佛功德故修行菩薩莊嚴道故圓滿一切智智法故滿足普賢諸行願故趣入一切菩薩智地故遊戲一切菩薩所住諸三昧故已能觀察一切菩薩智慧境界無障礙故是故悉見如來世尊不可思議自在神變一切聲聞諸大弟子皆不能見皆不能知以無菩薩清淨眼故譬如震山具眾藥草良醫詣彼悉能分別其諸捕獵放牧之人恆住彼山不見其藥此亦如是以諸菩薩入智慧界具自在力能見如來廣大神變諸大弟子雖求自利不厭利他

唯求自安不欲安他雖在林中不知不見譬如地中有諸寶藏種種珍異悉皆充滿有一丈夫聰慧明達善能分別一切伏藏其人復有大福德力能隨所欲自在而取奉養父母賑卹親屬老病窮乏靡不均贍其無智慧無福德人雖亦至於寶藏之處不知不見不得其益此亦如是諸大菩薩有淨智眼能入如來不可思議甚深境界能見佛神力能入諸法門能遊三昧海能供養諸佛能以正法開悟衆生能以四攝攝受衆生諸大聲聞不能得見如來神力亦不能見諸菩薩衆譬如盲人至大寶洲若行若住若坐若卧不能得見一切衆寶以不見故不能採取不得受用此亦如是諸大弟子雖在林中親近世尊不見如來自在神力亦不得見菩薩大會何以故無有菩薩無礙淨眼不能次第悟入法界見於如來自在力故譬如有人得清淨眼名離垢光明一切暗色不能爲障爾時彼人於之暗中處在無量百千萬億人衆之內或行或住或坐或臥彼諸人衆形相威儀此明眼人莫不具見其明眼者威儀進退彼諸人衆悉不能覩佛亦如是成就智眼清淨無礙悉能明見一切世間其所示現神通變化大菩薩衆所共圍遶諸大弟子悉不能見譬如比丘

在大衆中入徧處定所謂地徧處定水徧處定火徧處定風徧處定青徧處定黃徧處定赤徧處定白徧處定天徧處定種種衆生身徧處定一切語言音聲徧處定一切所緣徧處定入此定者見其所緣其餘大衆悉不能見唯除有住此三昧者如來所現不可思議諸佛境界亦復如是菩薩具見聲聞莫觀譬如有人以醫形藥自塗其眼在於衆會去來坐立無能見者而能悉觀衆會中事應知如來亦復如是超過於世普見世間非諸聲聞所能得見唯除趣向一切智境諸大菩薩如人生已則有二天恒相隨逐一日同生二日同名天常見人人不見天應知如來亦復如是在諸菩薩大集會中現大神通諸大聲聞悉不能見譬如比丘得心自在入滅盡定六根作業皆悉不行一切語言不知不覺定力持故不般涅槃一切聲聞亦復如是雖復住在逝多林中具足六根而不知不見不解不入如來自任菩薩衆會諸所作事何以故如來境界甚深廣大難見難知難測難量超諸世間不可思議無能壞者非是一切二乘境界是故如來自任神力菩薩衆會及逝多林普徧一切清淨世界如是等事諸大聲聞悉不知見非其器故爾時毗盧遮那願光明普

汝等應觀察 佛道不思議 於此逝多林 示現神通力
善逝威神力 所現無央數 一切諸世間 迷惑不能了
法王深妙法 無量難思議 所現諸神通 舉世莫能測
以了法無相 是故名爲佛 而具相莊嚴 備揚不可盡
今於此林內 示現大神力 甚深無有邊 言辭莫能辯
汝觀大威德 無量菩薩衆 十方諸國土 而來見世尊
所願皆具足 所行無障礙 一切諸世間 無能測量者
一切諸緣覺 及彼大聲聞 皆悉不能知 菩薩行境界
菩薩大智慧 諸地悉究竟 高建勇猛幢 難摧難可動
諸大名稱士 無量三昧力 所現諸神變 法界悉充滿
爾時不可壞精進王菩薩承佛神力觀察十方而說頌言

汝觀諸佛子 智慧功德藏 究竟菩提行 安隱諸世間
其心本明達 善入諸三昧 智慧無邊際 境界不可量
今此逝多林 種種皆嚴飾 菩薩衆雲集 親近如來住
汝觀無所著 無量大衆海 十方來詣此 坐寶蓮華座
無來亦無住 無依無戲論 離垢心無礙 究竟於法界
建立智慧幢 堅固不動搖 知無變化法 而現變化事
十方無量刹 一切諸佛所 同時悉往詣 而亦不分身
汝觀釋師子 自在神通力 能令菩薩衆 一切俱來集
一切諸佛法 法界悉平等 言說故不同 此衆咸通達
諸佛常安住 法界平等際 演說差別法 言辭無有盡
爾時普勝無上威德王菩薩承佛神力觀察

卜方而說頌言

勢至篇

育

事

汝觀無上士 廣大智圓滿 普遍時非時 為衆演說法
摧伏衆外道 一切諸異論 普隨衆生心 為現神通力
正覺非有量 亦復非無量 若量若無量 牟尼悉超越
如日在虛空 照臨一切處 佛智亦如是 了達三世法
譬如十五夜 月輪無減缺 如來亦復然 自法悉圓滿
譬如空中日 運行無暫已 如來亦如是 神變恆相續
譬如十方刹 於空無所礙 世燈現變化 於世亦復然
譬如世間地 羣生之所依 照世燈法輪 為依亦如是
譬如猛疾風 所行無障礙 佛法亦如是 速徧於世間
譬如大水輪 世界所依住 智慧輪亦爾 三世佛所依
爾時無礙勝藏王菩薩承佛神力觀察十方
而說頌言

譬如大寶山 饒益諸含識 佛山亦如是 普益於世間
譬如大海水 澄淨無垢濁 見佛亦如是 能除諸渴愛
譬如須彌山 出於大海中 世間燈亦爾 從於法海出
如海具衆寶 求者皆滿足 無師智亦然 見者悉開悟
如來甚深智 無量無有數 是故神通力 示現難思議
譬如工幻師 示現種種事 佛智亦如是 現諸自在力
譬如如意寶 能滿一切欲 最勝亦復然 滿諸清淨願
譬如明淨寶 普照一切物 佛智亦如是 普照羣生心
譬如八面寶 等鑒於諸方 無礙燈亦然 普照於法界
譬如水清珠 能清諸濁水 見佛亦如是 諸根悉清淨
爾時化現法界願月王菩薩承佛神力觀察

十方而說頌言

譬如帝青寶 能青一切色 見佛者亦然 悉發菩提行
一一微塵內 佛現神通力 令無量無邊 菩薩皆清淨
甚深微妙力 無邊不可知 菩薩之境界 世間莫能測
如來所現身 清淨相莊嚴 普入於法界 成就諸菩薩
難思佛國土 於中成正覺 一切諸菩薩 壯盛皆充滿
釋迦無上尊 於法悉自在 示現神通力 無邊不可量
菩薩種種行 無量無有盡 如來自在力 爲之悉示現
佛子善修學 甚深諸法界 成就無礙智 明了一切法
善逝威神力 爲衆轉法輪 神變皆充滿 令世皆清淨
如來智圓滿 境界亦清淨 譬如大龍王 普濟諸羣生
爾時法慧光 欲王菩薩承佛神力 觀察十方
而說頌言
三世諸如來 聲聞大弟子 悉不能知佛 舉足下足事
去來現在世 一切諸緣覺 亦不知如來 舉足下足事
況復諸凡夫 結使所纏縛 無明覆心識 而能知道師
正覺無礙智 超過語言道 其量不可測 孰有能知見
譬如明月光 無能測邊際 佛神通亦爾 莫見其終盡
一一諸方便 念念所變化 盡於無量劫 思惟不能了
思惟一切智 不可思議法 一一方便門 邊際不可得
若有於此法 而興廣大願 彼於此境界 知見不爲難
勇猛勤修習 難思大法海 其心無障礙 入此方便門
心意已調伏 志願亦寬廣 當獲大菩提 最勝之境界
爾時破一切魔軍 智障王菩薩承佛神力 觀

察十方而說頌言

智身非是身 無礙難思議 若有思議者 一切無能及
從不思議業 起此清淨身 殊特妙莊嚴 不著於三界
光明照一切 法界悉清淨 開佛菩提門 出生衆智慧
譬如世間日 普放慧光明 遠離諸塵垢 滅除一切障
普淨三有處 永絕生死塚 成就菩薩道 出生無上覺
示現無邊色 此色無依處 所現雖無量 一切不思議
菩提一念頃 能覺一切法 云何欲測量 如來智邊際
一念悉明達 一切三世法 故說佛智慧 無盡無能壞
智者應如是 專思佛菩提 此思難思議 思之不可得
菩提不可說 超過語言路 諸佛從此生 是法難思議
爾時願智光明幢王菩薩承佛神力觀察十
方而說頌言

若能善觀察 菩提無盡海 則得離癡念 決定受持法
若得決定心 則能修妙行 禪寂自思慮 永斷諸疑惑
其心不疲倦 亦復無懈怠 展轉增進修 究竟諸佛法
信智已成就 念念今增長 常樂常觀察 無得無依法
無量億千劫 所修功德行 一切悉迴向 諸佛所求道
雖在於生死 而心無染著 安住諸佛法 常樂如來行
世間之所有 蘊界等諸法 一切皆捨離 專求佛功德
凡夫嬰妻惑 於世常流轉 菩薩心無礙 救之令解脫
菩薩行難稱 舉世莫能思 徧除一切苦 普與羣生樂
已獲菩提智 復愍諸羣生 光明照世間 度脫一切衆
爾時破一切障勇猛者王菩薩承佛神力觀

察十方而說頌言

無量億千劫 佛名難可聞 況復得親近 永斷諸疑惑
如來世間燈 通達一切法 普生三世福 令衆悉清淨
如來妙色身 一切所欽歎 億劫常瞻仰 其心無厭足
若有諸佛子 觀佛妙色身 必捨諸有著 迴向菩提道
如來妙色身 恒演廣大音 辯才無障礙 開佛菩提門
曉悟諸衆生 無量不思議 令入智慧門 授以菩提記
如來出世間 爲世大福田 普導諸含識 令其集福行
若有供養佛 永除惡道畏 消滅一切苦 成就智慧身
若見兩足尊 能發廣大心 是人恒值佛 增長智慧力
若見人中勝 決意向菩提 是人能自知 必當成正覺
爾時法界差別願智神通王菩薩承佛神力
觀察十方而說頌言

釋迦無上尊 具一切功德 見者心清淨 迴向大智慧
如來大慈悲 出現於世間 普爲諸羣生 轉無二法輪
如來無數劫 勤苦爲衆生 云何諸世間 能報大師恩
寧於無量劫 受諸惡道苦 終不捨如來 而求於出離
寧代諸衆生 備受一切苦 終不捨於佛 而求得安樂
寧在諸惡趣 恒得聞佛名 不願生善道 暫時不聞佛
寧生諸地獄 一一無數劫 終不遠離佛 而求出惡趣
何故願久住 一切諸惡道 以得見如來 增長智慧故
若得見於佛 除滅一切苦 能入諸如來 大智之境界
若得見於佛 捨離一切障 長養無盡福 成就菩提道
如來能永斷 一切衆生疑 隨其心所樂 普皆令滿足

大方廣佛華嚴經卷第六

窓闥

上楚江切
下他連切

堵墀

下直尼切

階陁

上古諧切
下都鄧切

端激

上他端切
下古歷切

迴腹

上戶彼切
下伏音

臺榭

下謝音

氣氲

上符分切
下於云切

羈提

上初臚切

裸形

上郎果切

醫曉

上於計切
下莫音

捕獵

上唐音
下最涉切

放牧

下莫六切

賑卹

上靈音
下况音

丙午正月日六歲壽監奉
勅彫建

子闍國三藏寶叉難陀奉

制譯

入法界品第三十九之二

爾時普賢菩薩摩訶薩普觀一切菩薩聚會
以等法界方便等虛空界方便等衆生界方
便等三世等一切劫等一切衆生業等一切
衆生欲等一切衆生解等一切衆生根等一
切衆生成熟時等一切法光影方便爲諸菩
薩以十種法句開發顯示照明演說此師子
頻申三昧何等爲十所謂演說能示現等法
界一切佛刹微塵中諸佛出興次第諸刹成
壞次第法句演說能示現等虛空界一切佛
刹中盡未來劫讚歎如來功德音聲法句演
說能示現等虛空界一切佛刹中如來出世
無量無邊成正覺門法句演說能示現等虛
空界一切佛刹中佛坐道場菩薩衆會法句
演說於一切毛孔念念出現等三世一切佛
變化身充滿法界法句演說能令一身充滿
十方一切刹海平等顯現法句演說能令一
切諸境界中普現三世諸佛神變法句演說
能令一切佛刹微塵中普現三世一切佛刹
微塵數佛種種神變經無量劫法句演說能
令一切毛孔出生三世一切諸佛大願海音
盡未來劫開發化導一切菩薩法句演說能

令佛師子座量同法界菩薩衆會道場莊嚴
等無差別盡未來劫轉於種種微妙法輪法
句佛子此十爲首有不可說佛刹微塵數法
句皆是如來智慧境界爾時普賢菩薩欲重
宣此義承佛神力觀察如來觀察衆會觀察
諸佛難思境界觀察諸佛無邊三昧觀察不
可思議諸世界海觀察不可思議如幻法智
觀察不可思議三出諸佛悉皆平等觀察一
切無量無邊諸言辭法而說頌言

一一毛孔中微塵數刹海悉有如來坐皆具菩薩衆
一一毛孔中無量諸刹海佛起菩提座如是徧法界
一一毛孔中一切刹塵佛菩薩衆圍遶爲說普賢行
佛坐一國土充滿十方界無量菩薩雲咸來集其所
億刹微塵數菩薩功德海俱從會中起徧滿十方界
悉住普賢行皆遊法界海普現一切刹等入諸佛會
安坐一切刹聽聞一切法一一國土中億劫修諸行
菩薩所修行普明法海行入於大願海住佛境界地
了達普賢行出生諸佛法具佛功德海廣現神通事
身雲等塵數充滿一切刹普雨甘露法令衆住佛道
爾時世尊欲令諸菩薩安住如來師子頻申
廣大三昧故從眉間白毫相放大光明其光
名普照三世法界門以不可說佛刹微塵數
光明而爲眷屬普照十方一切世界海諸佛
國土時遊多林菩薩大衆悉見一切盡法界

虛空界一切佛刹一一微塵中各有一切佛
刹微塵數諸佛國土種種名種種色種種清
淨種種住處種種形相如是一切諸國土中
皆有大菩薩坐於道場師子座上成等正覺
菩薩大衆前後圍遶諸世間主而爲供養或
見於不可說佛刹量大衆會中出妙音聲充
滿法界轉正法輪或見在天宮殿龍宮殿夜
叉宮殿乾闥婆阿脩羅迦樓羅緊那羅摩睺
羅伽人非人等諸宮殿中或在人間村邑聚
落王都大處現種種姓種種名種種身種種
相種種光明住種種威儀入種種三昧現種
種種神變或時自以種種言音或令種種諸菩
薩等在於種種大衆會中種種言辭說種種
法如此會中菩薩大衆見於如是諸佛如來
甚深三昧大神通力如是盡法界虛空界東
西南北四維上下一切方海中依於衆生心
想而住始從前際至今現在一切國土身一
切衆生身一切虛空道其中一一毛端量處
一一各有微塵數刹種種業起次第而住悉
有道場菩薩衆會皆亦是見佛神力不壞
三世不壞世間於一切衆生心中現其影像
隨一切衆生心樂出妙言音普入一切衆會
中普現一切衆生前色相有別智慧無異隨
其所應開示佛法教化調伏一切衆生未曾

休息其有見此佛神力者皆是毗盧遮那如

來於往昔時善根攝受或昔曾以四攝所攝
或是見聞憶念親近之所成熟或是往昔教
其令發阿耨多羅三藐三菩提心或是往昔
於諸佛所同種善根或是過去以一切智善
巧方便教化成熟是故皆得入於如來不可
思議甚深三昧盡法界虛空界大神通力或
入法身或入色身或入往昔所成就行或入
圓滿諸波羅蜜或入莊嚴清淨行輪或入菩
薩諸地或入成正覺力或入佛所住三昧無
差別大神變或入如來力無畏智或入佛無
礙辯才海彼諸菩薩以種種解種種道種種
門種種入種種理趣種種隨順種種智慧種
種助道種種方便種種三昧入如是等十不
可說佛刹微塵數佛神變海方便門云何種
種三昧所謂普莊嚴法界三昧普照一切三
世無礙境界三昧法界無差別智光明三昧
入如來境界不動轉三昧普照無邊虛空三
昧入如來力三昧佛無畏勇猛奮迅莊嚴三
昧一切法界旋轉藏三昧如月普現一切法
界以無礙音大開演三昧普清淨法光明三
昧無礙繒法王幢三昧一一境界中悉見一
切諸佛海三昧於一切世間悉現身三昧入
如來無差別身境界三昧隨一切世間轉大

悲藏三昧知一切法無有迹三昧知一切法
究竟寂滅三昧雖無所得而能變化普現世
間三昧普入一切刹三昧莊嚴一切佛刹成
正覺三昧觀一切世間主色相差別三昧觀
一切衆生境界無障礙三昧能出生一切如
來母三昧能修行入一切佛海功德道三昧
一一境界中出現神變盡未來際三昧入一
切如來本事海三昧盡未來際護持一切如
來種性三昧以決定解力令現存十方一切
佛刹海皆清淨三昧一念中普照一切佛所
住三昧入一切境界無礙際三昧令一切世
界爲一佛刹三昧出一切佛變化身三昧以
金剛正智知一切諸根海三昧知一切如來
同一身三昧知一切法界所安立悉住心念
際三昧於一切法界廣大國土中示現涅槃
三昧令住最上處三昧於一切佛刹現種種
衆生差別身三昧普入一切佛智慧三昧知
一切法性相三昧一念普知三世法三昧念
念中普現法界身三昧以師子勇猛智知一
切如來出興次第三昧於一切法界境界慧
眼圓滿三昧勇猛趣向十力三昧放一切功
德圓滿光明普照世間三昧不動藏三昧說
一法普入一切法三昧於一法以一切言音
差別訓釋三昧演說一切佛無二法三昧知

三世無礙際三昧知一切劫無差別三昧入
十方微細方便三昧於一切劫成就一切善
薩行不斷絕三昧十方普現身三昧於法界
自在成正覺三昧生一切安隱受三昧出一
切莊嚴具莊嚴虛空界三昧念念中出等衆
生數變化身雲三昧如來淨空月光明三昧
常見一切如來住虛空三昧開示一切佛莊
嚴三昧照明一切法義燈三昧照十方境界
三昧三世一切佛幢想三昧一切佛一密藏
三昧念念中所作皆究竟三昧無盡福德藏
三昧見無邊佛境界三昧堅住一切法三昧
現一切如來變化悉令知見三昧念念中佛
日常出現三昧一日中悉知三世所有法三
昧普音演說一切法性寂滅三昧見一切佛
自在力三昧法界開敷蓮華三昧觀諸法如
虛空無住處三昧十方海普入一方三昧入
一切法界無源底三昧一切法海三昧以寂
靜身放一切光明三昧一念中現一切神通
大願三昧一切時一切處成正覺三昧以一
莊嚴入一切法界三昧普現一切諸佛身三
昧知一切衆生廣大殊勝神通智三昧一念
中其身徧法界三昧現一乘淨法界三昧入
普門法界示現大莊嚴三昧住持一切佛法
輪三昧以一切法門莊嚴一法門三昧以因

陀羅網願行攝一切衆生界三昧分別一切
世界門三昧乘蓮華自在遊步三昧知一切
衆生種種差別神通智三昧令其身恒現一
切衆生前三昧知一切衆生差別音聲言辭
海三昧知一切衆生差別智神通三昧大悲
平等藏三昧一切佛入如來際三昧觀察一
切如來解脫處師子頻申三昧菩薩以如是
等不可說佛刹微塵數三昧入毗盧遮那如
來念念充滿一切法界三昧神變海其諸菩
薩皆悉具足大智神通明利自在住於諸地
以廣大智普觀一切從諸智慧種性而生一
切智智常現在前得離癡翳清淨智眼爲諸
衆生作調御師住佛平等於一切法無有分
別了達境界知諸世間性皆寂滅無有依處
普詣一切諸佛國土而無所著悉能觀察一
切諸法而無所住徧入一切妙法宮殿而無
所來教化調伏一切世間普爲衆生現安隱
處智慧解脫爲其所行恒以智身住離實際
超諸有海示真實際智光圓滿普見諸法住
於三昧堅固不動於諸衆生恒起大悲知諸
法門悉皆如幻一切衆生悉皆如夢一切如
來悉皆如影一切言音悉皆如響一切諸法
悉皆如化善能積集殊勝行願智慧圓滿清
淨善巧心極寂靜善入一切總持境界具三

昧力勇猛無怯獲明智眼住法界際到一切
法無所得處修習無涯智慧大海到智波羅
蜜究竟彼岸為般若波羅蜜之所攝持以神
通波羅蜜普入世間依三昧波羅蜜得心自
在以不顛倒智知一切義以巧分別智開示
法藏以現了智訓釋文辭以大願力說法無
盡以無所畏大師子吼常樂觀察無依處法
以淨法眼普觀一切以淨智月照世成壞以
智慧光照真實諦福德智慧如金剛山一切
辯論所不能及善觀諸法慧根增長勇猛精
進摧伏眾魔無量智慧威光熾盛其身超出
一切世間得一切法無礙智慧善能悟解盡
無盡際住於普際入真實際無相觀智常現
在前善巧成就諸菩薩行以無二智知諸境
界普見一切世間諸趣徧往一切諸佛國土
智燈圓滿於一切法無諸暗障放淨法光照
十方界為諸世間真實福田若見若聞所願
皆滿福德高大超諸世間勇猛無畏摧諸外
道演微妙音徧一切刹普見諸佛心無厭足
於佛法身已得自在隨所應化而為現身一
身充滿一切佛刹已得自在清淨神通乘大
智舟所往無礙智慧圓滿同徧法界譬如日
出普照世間隨眾生心現其色像知諸眾生
根性欲樂入一切法無諍境界知諸法性無

生無起能令小大自在相入決了佛地甚深
之趣以無盡句說甚深義於一句中演說一
切修多羅海獲大智慧陀羅尼身凡所受持
永無忘失一念能憶無量劫事一念悉知三
世一切諸衆生智恒以一切陀羅尼門演說
無邊諸佛法海常轉不退清淨法輪令諸衆
生皆生智慧得佛境界智慧光明入於善見
甚深三昧入一切法無障礙際於一切法勝
智自在一切境界清淨莊嚴普入十方一切
法界隨其方所靡不成至一一塵中現成正
覺於無色性現一切色以一切方普入一方
其諸菩薩具如是等無邊福智功德之藏常
爲諸佛之所稱歎種種言辭說其功德不能
令盡靡不成在逝多林中深入如來功德大
海悉見於佛光明所照爾時諸菩薩得不思
議正法光明心大歡喜各於其身及以樓閣
諸莊嚴具并其所坐師子之座徧逝多林一
切物中化現種種大莊嚴雲充滿一切十方
法界所謂於念念中放大光明雲充滿十方
悉能開悟一切衆生出一切摩尼寶鈴雲充
滿十方出微妙音徧揚讚歎三世諸佛一切
功德出一切音樂雲充滿十方音中演說一
切衆生諸業果報出一切菩薩種種願行色
相雲充滿十方說諸菩薩所有大願出一切

如來自在變化雲充滿十方演出一切諸佛
如來語言音聲出一切菩薩相好莊嚴身雲
充滿十方說諸如來於一切國土出興次第
出三世如來道場雲充滿十方現一切如來
成等正覺功德莊嚴出一切龍王雲充滿十
方雨一切諸香出一切世主身雲充滿十方
演說普賢菩薩之行出一切寶莊嚴清淨佛
刹雲充滿十方現一切如來轉正法輪是諸
菩薩以得不思議法光明故法應如是出興
此等不可說佛刹微塵數大神變莊嚴雲爾
時文殊師利菩薩承佛神力欲重宣此逝多
林中諸神變事觀察十方而說頌言

汝應觀此逝多林 以佛威神廣無際
一切莊嚴皆示現 十方法界悉充滿
十方一切諸國土 無邊品類大莊嚴
於其座等境界中 色像分明皆顯現
從諸佛子毛孔出 種種莊嚴寶雲
及發如來微妙音 徧滿十方一切刹
寶樹華中現妙身 其身色相等梵王
從禪定起而遊步 進止威儀恒寂靜
如來一一毛孔內 常現難思變化身
皆如普賢大菩薩 種種諸相爲嚴好
逝多林上虛空中 所有莊嚴發妙音
普說三世諸菩薩 成就一切功德海

逝多林中諸寶樹

亦出無量妙音樂

演說一切諸羣生

種種業海各差別

林中所有衆境界

悉現三世諸如來

一一皆起大神通

十方刹海微塵數

十方所有諸國土

一切刹海微塵數

悉入如來毛孔中

次第莊嚴皆現觀

所有莊嚴皆現佛

數等衆生徧世間

一一咸放大光明

種種隨宜化羣品

香嚴衆華及寶藏

一切莊嚴殊妙雲

靡不廣大等虛空

徧滿十方諸國土

十方三世一切佛

所有莊嚴妙道場

於此園林境界中

一一色像皆明現

一切普賢諸佛子

百千劫海莊嚴刹

其數無量等衆生

莫不於此林中見

爾時彼諸菩薩以佛三昧光明照故即時得

入如是三昧一一皆得不可說佛刹微塵數

大悲門利益安樂一切衆生於其身上一一

毛孔皆出不可說佛刹微塵數光明一一光

明皆化現不可說佛刹微塵數菩薩其身形

相如世諸主普現一切衆生之前周匝徧滿

十方法界種種方便教化調伏或現不可說

佛刹微塵數諸天宮殿無常門或現不可說

佛刹微塵數一切衆生受生門或現不可說

佛刹微塵數一切菩薩修行門或現不可說

佛刹微塵數夢境門或現不可說佛刹微塵
數菩薩大願門或現不可說佛刹微塵數震
動世界門或現不可說佛刹微塵數分別世
界門或現不可說佛刹微塵數現生世界門
或現不可說佛刹微塵數一切如來修諸功德種
種苦行尸波羅蜜門或現不可說佛刹微塵
數割截肢體羂提波羅蜜門或現不可說佛
刹微塵數勤修毗梨耶波羅蜜門或現不可
說佛刹微塵數一切菩薩修諸三昧禪定解
脫門或現不可說佛刹微塵數佛道圓滿智
光明門或現不可說佛刹微塵數勤求佛法
爲一文一句故捨無數身命門或現不可說
佛刹微塵數親近一切佛諮問一切法心無
疲厭門或現不可說佛刹微塵數隨諸衆生
時節欲樂往詣其所方便成熟令住一切智
海光明門或現不可說佛刹微塵數降伏衆
魔制諸外道顯現菩薩福智力門或現不可
說佛刹微塵數知一切工巧明智門或現不
可說佛刹微塵數知一切衆生差別明智門
或現不可說佛刹微塵數知一切法差別明
智門或現不可說佛刹微塵數知一切衆生
心樂差別明智門或現不可說佛刹微塵數
知一切衆生根行煩惱習氣明智門或現不

可說佛刹微塵數知一切衆生種種業明智
門或現不可說佛刹微塵數開悟一切衆生
門以如是等不可說佛刹微塵數方便門往
詣一切衆生住處而成熟之所謂或往天宮
或往龍宮或往夜叉乾闥婆阿脩羅迦樓羅
緊那羅摩睺羅伽宮或往梵王宮或往人王
宮或往閻羅王宮或往畜生餓鬼地獄之所
住處以平等大悲平等大願平等智慧平等
方便攝諸衆生或有見已而調伏者或有聞
已而調伏者或有憶念而調伏者或聞音聲
而調伏者或聞名号而調伏者或見圓光而
調伏者或見光網而調伏者隨諸衆生心之
所樂皆詣其所令其獲益佛子此逝多林一
切菩薩爲欲成熟諸衆生故或時現處種種
嚴飾諸宮殿中或時示現住自樓閣寶師子
座道場衆會所共圍遶周徧十方皆令得見
然亦不離此逝多林如來之所佛子此諸菩
薩或時示現無量化身雲或現其身獨一無
侶所謂或現沙門身或現婆羅門身或現苦
行身或現充盛身或現醫王身或現商主身
或現淨命身或現妓樂身或現奉事諸天身
或現工巧技術身往詣一切村營城邑王都
聚落諸衆生所隨其所應以種種形相種種
威儀種種音聲種種言論種種住處於一切

世間猶如帝網行菩薩行或說一切世間工
巧事業或說一切智慧照世明燈或說一切
衆生業力所莊嚴或說十方國土建立諸衆
位或說智燈所照一切法境界教化成就一
切衆生而亦不離此逝多林如來之所
爾時文殊師利童子從善住樓閣出與無量
同行菩薩及常隨侍衛諸金剛神普爲衆生
供養諸佛諸身衆神久發堅誓願常隨從諸
足行神樂聞妙法主地神常修大悲主水神
智光照耀主火神摩尼爲冠主風神明練十
方一切儀式主方神專勤除滅無明黑暗主
夜神一心匪懈闡明佛日主晝神莊嚴法界
一切虛空主空神普度衆生超諸有海主海
神常勤積集趣一切智助道善根高大如山
主山神常勤守護一切衆生菩提心城主城
神常勤守護一切智智無上法城諸大龍王
常勤守護一切衆生諸夜叉王常令衆生增
長歡喜軋闍婆王常勤除滅諸餓鬼趣鳩槃
荼王恒願拔濟一切衆生出諸有海迦樓羅
王願得成就諸如來身高出世間阿脩羅王
見佛歡喜曲躬恭敬摩睺羅伽王常厭生死
恒樂見佛諸大天王尊重於佛讚歎供養諸
大梵王文殊師利與如是等功德莊嚴諸菩
薩衆出自住處來詣佛所右邊世尊經無量

幣以諸供具種種供養供養畢已辭退南行

往於人間

爾時尊者舍利弗承佛神力見文殊師利菩薩與諸菩薩衆會莊嚴出逝多林往於南方遊行人間作如是念我今當與文殊師利俱往南方時尊者舍利弗與六千比丘前後圍繞出自住處來詣佛所頂禮佛足具白世尊世尊聽許右遶三匝辭退而去往文殊師利所此六千比丘是舍利弗自所同住出家未久所謂海覺比丘善生比丘福光比丘大童子比丘電生比丘淨行比丘天德比丘君慧比丘梵勝比丘寂慧比丘如是等其數六千悉曾供養無量諸佛深植善根解力廣大信眼明徹其心寬博觀佛境界了法本性饒益眾生常樂勤求諸佛功德皆是文殊師利說法教化之所成就爾時尊者舍利弗在行道中觀諸比丘告海覺言海覺汝可觀察文殊師利菩薩清淨之身相好莊嚴一切天人莫能思議汝可觀察文殊師利圓光映徹今無量衆生發歡喜心汝可觀察文殊師利光網莊嚴除滅衆生無量苦惱汝可觀察文殊師利衆會具足皆是菩薩往昔善根之所攝受汝可觀察文殊師利所行之路左右八步平坦莊嚴汝可觀察文殊師利所住之處周迴

十方常有道場隨逐而轉汝可觀察文殊師利所行之路具足無量福德莊嚴左右兩邊有大伏藏種種珍寶自然而出汝可觀察文殊師利曾供養佛善根所流一切樹間出莊嚴藏汝可觀察文殊師利諸世間主雨供具雲頂禮恭敬以爲供養汝可觀察文殊師利十方一切諸佛如來將說法時悉放眉間白毫相光來照其身從頂上入爾時尊者舍利弗爲諸比丘偈揚讚歎開示演說文殊師利童子有如是等無量功德具足莊嚴彼諸比丘聞是說已心意清淨信解堅固喜不自持舉身踊躍形體柔軟諸根悅豫是若悉除障礙咸盡常見諸佛深求正法具菩薩根得菩薩力大悲大願皆自出生入於諸度甚深境界十方佛海常現在前於一切智深生信樂即白尊者舍利弗言唯願大師將引我等往詣於彼勝人之所時舍利弗即與俱行至其所已白言仁者此諸比丘願得奉觀爾時文殊師利童子無量自在菩薩圍遶并其大衆如象王迴觀諸比丘時諸比丘頂禮其足合掌恭敬作如是言我今奉見恭敬禮拜及餘所有一切善根唯願仁者文殊師利和尚舍利弗世尊釋迦牟尼皆悉證知如仁所有如是色身如是音聲如是相好如是自在願我

一切悉當具得爾時文殊師利菩薩告諸比丘言比丘若善男子善女人成就十種趣大乘法則能速入如來之地況菩薩地何者爲十所謂積集一切善根心無疲厭見一切佛承事供養心無疲厭求一切佛法心無疲厭行一切波羅蜜心無疲厭成就一切菩薩三昧心無疲厭次第八一切三世心無疲厭普嚴淨十方佛刹心無疲厭教化調伏一切衆生心無疲厭於一切刹一切劫中成就菩薩行心無疲厭爲成熟一衆生故修行一切佛刹微塵數波羅蜜成就如來一力如是次第爲成熟一切衆生界成就如來一切力心無疲厭比丘若善男子善女人成就深信發此十種無疲厭心則能長養一切善根捨離一切諸生死趣超過一切世間種姓不墮聲聞辟支佛地生一切如來家具一切菩薩願學習一切如來功德修行一切菩薩諸行得如來力摧伏衆魔及諸外道亦能除滅一切煩惱入菩薩地近如來地時諸比丘聞此法已則得三昧名無礙眼見一切佛境界得此三昧故悉見十方無量無邊一切世界諸佛如來及其所有道場衆會亦悉見彼十方世界一切諸趣所有衆生亦悉見彼一切世界種種差別亦悉見彼一切世界所有微塵亦悉

見彼諸世界中一切衆生所住宮殿以種種
寶而爲莊嚴及亦聞彼諸佛如來種種言音
演說諸法文辭訓釋悉皆解了亦能觀察彼
世界中一切衆生諸根心欲亦能憶念彼世
界中一切衆生前後十生亦能憶念彼世界
中過去未來各十劫事亦能憶念彼諸如來
十本生事十成正覺十轉法輪十種神通十
種說法十種教誡十種辯才又即成就十千
菩提心十千三昧十千波羅蜜悉皆清淨得
大智慧圓滿光明得菩薩十神通柔軟微妙
主善是心堅固不動爾時文殊師利菩薩勸
諸比丘住普賢行住普賢行已入大願海入
大願海已成就大願海以成就大願海故心
清淨心清淨故身清淨身清淨故身輕利身
清淨輕利故得大神通無有退轉得此神通
故不離文殊師利足下普於十方一切佛所
悉現其身具足成就一切佛法
大方廣佛華嚴經卷第六十一

奮迅

上方開切
下壯開切

健續

下疾陵切

癡翳

下於計切

無快

下長切

乙巳歲高麗國大藏都監奉

勅雕造

大方廣佛華嚴經卷第六十二

繫

卷

于闐國三藏實叉難陀奉

制譯

入法界品第三十九之三

爾時文殊師利菩薩勸諸比丘發阿耨多羅三藐三菩提心已漸次南行經歷人間至福城東住莊嚴幢娑羅林中往昔諸佛曾所止住教化衆生大塔廟處亦是世尊於往昔時修菩薩行能捨無量難捨之處是故此林名稱普聞無量佛刹此處常爲天龍夜叉乾闥婆阿脩羅迦樓羅緊那羅摩睺羅伽人與非人之所供養時文殊師利與其眷屬到此處已即於其處說普照法界修多羅百萬億那由他修多羅以爲眷屬說此經時於大海中有無量百千億諸龍而來其所聞此法已深厭龍趣正求佛道咸捨龍身生天人中一萬諸龍於阿耨多羅三藐三菩提得不退轉復有無量無數衆生於三乘中各得調伏時福城人間文殊師利童子住莊嚴幢娑羅林中大塔廟處無量大衆從其城出來詣其所時有優婆塞名曰大智與五百優婆塞眷屬俱所謂須達多優婆塞須達多優婆塞福德光優婆塞有名稱優婆塞施名稱優婆塞月德優婆塞善慧優婆塞大慧優婆塞賢護優婆塞賢勝優婆塞如是等五百優婆塞俱來

詣文殊師利童子所頂禮其足右遶三帀退
坐一面復有五百優婆夷所謂大慧優婆夷
善光優婆夷妙身優婆夷可樂身優婆夷賢
優婆夷賢德優婆夷賢光優婆夷幢光優婆
夷德光優婆夷善目優婆夷如是等五百優
婆夷來詣文殊師利童子所頂禮其足右遶
三帀退坐一面復有五百童子所謂善財童
子善行童子善戒童子善威儀童子善勇猛
童子善思童子善慧童子善覺童子善眼童
子善臂童子善光童子如是等五百童子來
詣文殊師利童子所頂禮其足右遶三帀退
坐一面復有五百童女所謂善賢童女大智
居士女童女賢稱童女美顏童女堅慧童女
賢德童女有德童女梵授童女德光童女善
光童女如是等五百童女來詣文殊師利童
子所頂禮其足右遶三帀退坐一面

爾時文殊師利童子知福城人悉已來集隨
其心樂現自在身威光赫奕蔽諸大眾以自
在大慈令彼清涼以自在大悲起說法心以
自在智慧知其心樂以廣大辯才將為說法
復於是時觀察善財以何因緣而有其名知
此童子初入胎時於其宅內自然而出七寶
樓閣其樓閣下有七伏藏於其藏上地自開
裂生七寶芽所謂金銀瑠璃玻璃真珠磲磔

碼礪善財童子處胎十月然後誕生形體肢
 分端正具足其七次藏縱廣高下各滿七肘
 從地涌出光明照耀復於宅中自然而有五
 百寶器種種諸物自然盈滿所謂金剛器中
 盛一切香於香器中盛種種衣美玉器中盛
 滿種種上味飲食摩尼器中盛滿種種殊異
 珍寶金器盛銀銀器盛金金銀器中盛滿瑠
 璃及摩尼寶玻璃器中盛滿磳磳磳器中
 盛滿玻璃碼礪器中盛滿真珠真珠器中盛
 滿碼礪火摩尼器中盛滿水摩尼水摩尼器
 中盛滿火摩尼如是等五百寶器自然出現
 又雨衆寶及諸財物一切庫藏悉令充滿以
 此事故父母親屬及善相師共呼此兒名曰
 善財又知此童子已曾供養過去諸佛深種
 善根信解廣大常樂親近諸善知識身語意
 業皆無過失淨菩薩道求一切智成佛法器
 其心清淨猶如虛空迴向菩提無所障礙爾
 時文殊師利菩薩如是觀察善財童子已安
 慰開諭而爲演說一切佛法所謂說一切佛
 積集法說一切佛相續法說一切佛次第法
 說一切佛衆會清淨法說一切佛法輪化導
 法說一切佛色身相好法說一切佛法身成
 就法說一切佛言辭辯才法說一切佛光明
 照耀法說一切佛平等無二法爾時文殊師

刹童子爲善財童子及諸大眾說此法已。慇懃勸諭增長勢力。令其歡喜發阿耨多羅三藐三菩提心。又令憶念過去善根。作是事已。即於其處復爲衆生隨宜說法。然後而去。爾時善財童子從文殊師利所聞佛如是種種功德一心勤求。阿耨多羅三藐三菩提。隨文殊師利而說頌曰。

三有爲城郭。憍慢爲坦牆。諸趣爲門戶。愛水爲池塹。愚癡闇所覆。貪恚火熾然。魔王作君主。童蒙依止住。貪愛爲纏纏。誑誑爲纏。疑惑蔽其眼。趣入諸邪道。慳嫉憍盈故。入於三惡趣。或墮諸趣中。生老病死苦。妙智清淨日。大悲圓滿輪。能竭煩惱海。願賜少觀察。一切法界王。法寶爲先導。遊空無所礙。願垂放救我。福智大商主。勇猛求菩提。普利諸羣生。願垂守護我。身披忍辱甲。手提智慧劍。自在降魔軍。願垂拔濟我。住法須彌頂。定女常恭侍。滅惑阿脩羅。帝釋願觀我。三有凡愚宅。惑業地趣因。仁者悉調伏。如燈示我道。捨離諸惡趣。清淨諸善道。超諸世間者。示我解脫門。世間顛倒執。常樂我淨想。智眼悉能離。開我解脫門。善知邪正道。分別心無怯。一切決了人。示我菩提路。住佛正見地。長佛功德樹。雨佛妙法華。示我菩提道。去來現在佛。處處悉周徧。如日出世間。爲我說其道。善知一切業。深達諸乘行。智慧決定人。示我摩訶衍。

願輪大悲轂信軸堅忍鎗功德寶莊校令我載此乘
 揔持廣大箱慈愍莊嚴蓋辯才鈴震響使我載此乘
 梵行為茵褥三昧為采女法鼓震妙音願與我此乘
 四攝無盡藏功德莊嚴寶懃嫻為羈鞅願與我此乘
 常轉布施輪恒塗淨戒香忍辱牢莊嚴令我載此乘
 禪定三昧箱智慧方便輓調伏不退轉令我載此乘
 大願清淨輪揔持堅固力智慧所成就令我載此乘
 普行為周校悲心作徐轉所向皆無怯令我載此乘
 堅固如金剛善巧如幻化一切無障礙令我載此乘
 廣大極清淨普與衆生樂虛空法界等令我載此乘
 淨諸業惑輪斷諸流轉苦摧魔及外道令我載此乘
 智慧滿十方莊嚴徧法界普洽衆生類令我載此乘
 清淨如虛空愛見悉除滅利益一切衆令我載此乘
 願力速疾行定心安隱住普運諸含識令我載此乘
 如地不傾動如水普饒益如是運衆生令我載此乘
 四攝圓滿輪揔持清淨光如是智慧日願示我今見
 已入法王城已著智王冠已繫妙法縉願能慈顧我
 爾時文殊師利菩薩如象王迴觀善財童子
 作如是言善哉善哉善男子汝已發阿耨多
 羅三藐三菩提心復欲親近諸善知識問菩
 薩行修菩薩道善男子親近供養諸善知識
 是具一切智最初因緣是故於此勿生疲厭
 善財白言唯願聖者廣為我說菩薩應云何
 學菩薩行應云何修菩薩行應云何趣菩薩

行應云何行菩薩行應云何淨菩薩行應云何入菩薩行應云何成就菩薩行應云何隨順菩薩行應云何憶念菩薩行應云何增廣菩薩行應云何令普賢行速得圓滿爾時文殊師利菩薩爲善財童子而說頌言

善哉功德藏能來至我所發起大悲心勤求無上覺已發廣大願除滅衆生苦普爲諸世間修行菩薩行若有諸菩薩不厭生死苦則具普賢道一切無能壞福光福威力福趣福淨海汝爲諸衆生願修普賢行汝見無邊際十方一切佛皆悉聽聞法受持不忘失汝於十方界普見無量佛成就諸願海具足菩薩行若入方便海安住佛菩提能隨導師學當成一切智汝徧一切刹微塵等諸劫修行普賢行成就菩提道汝於無量刹無邊諸劫海修行普賢行成滿諸大願此無量衆生聞汝願歡喜皆發菩提意願學普賢乘爾時文殊師利菩薩說此頌已告善財童子言善哉善哉善男子汝已發阿耨多羅三藐三菩提心求菩薩行善男子若有衆生能發阿耨多羅三藐三菩提心是事爲難能發心已求菩薩行倍更爲難善男子若欲成就一切智智應決定求真善知識善男子求善知識勿生疲懈見善知識勿生厭足於善知識所有教誨皆應隨順於善知識善巧方便勿見過失善男子於此南方有一國土名爲勝

樂其國有山名曰妙峯於彼山中有一比丘名曰德雲汝可往問菩薩云何學菩薩行菩薩云何修菩薩行乃至菩薩云何於普賢行疾得圓滿德雲比丘當為汝說爾時善財童子聞是語已歡喜踊躍頭頂禮足遶無數而慇懃瞻仰悲泣流淚辭退南行向勝樂國登妙峯山於其山上東西南北四維上下觀察求覓渴仰欲見德雲比丘經于七日見彼比丘在別山上徐步經行見已往詣頂禮其足右遶三匝於前而住作如是言聖者我已先發阿耨多羅三藐三菩提心而未知菩薩云何學菩薩行云何修菩薩行乃至應云何於普賢行疾得圓滿我聞聖者善能誘誨唯願垂慈為我宣說云何菩薩而得成就阿耨多羅三藐三菩提時德雲比丘告善財言善哉善哉善男子汝已能發阿耨多羅三藐三菩提心復能請問諸菩薩行如是之事難中之難所謂求菩薩行求菩薩境界求菩薩出離道求菩薩清淨道求菩薩清淨廣大心求菩薩成就神通求菩薩示現解脫門求菩薩示現世間所作業求菩薩隨順衆生心求菩薩生死涅槃門求菩薩觀察有為無為心無所著善男子我得自在決定解力信眼清淨智光照曜普觀境界離一切障善巧觀察普眼

明徹具清淨行往詣十方一切國土恭敬供養一切諸佛常念一切諸佛如來憶持一切諸佛正法常見一切十方諸佛所謂見於東方一佛二佛十佛百佛千佛百千佛億佛百億佛千億佛百千億佛那由他億佛百那由他億佛千那由他億佛百千那由他億佛乃至見無數無量無邊無等不可數不可稱不可思不可量不可說不可說佛乃至見閻浮提微塵數佛四天下微塵數佛千世界微塵數佛二千世界微塵數佛三千世界微塵數佛佛刹微塵數佛乃至不可說不可說佛刹微塵數佛如東方南西北方四維上下亦復如是一一方中所有諸佛種種色相種種形貌種種神通種種遊戲種種衆會莊嚴道場種種光明無邊照耀種種國土種種壽命隨諸衆生種種心樂示現種種成正覺明於大衆中而師子吼善男子我唯得此憶念一切諸佛境界智慧光明普見法門豈能了知諸大菩薩無邊智慧清淨行門所謂智光普照念佛門常見一切諸佛國土種種宮殿悉嚴淨故令一切衆生念佛門隨諸衆生心之所樂皆令見佛得清淨故令安住力念佛門今入如來十力中故令安住法念佛門見無量佛聽聞法故照耀諸方念佛門悉見

一切諸世界中等無差別諸佛海故入不可見處念佛門悉見一切微細境中諸佛自在神通事故住於諸劫念佛門一切劫中常見如來諸所施爲無暫捨故住一切時念佛門於一切時常見如來親近同住不捨離故住一切刹念佛門一切國土咸見佛身超過一切無與等故住一切世念佛門隨於自心之所欲樂普見三世諸如來故住一切境念佛門普於一切諸境界中見諸如來次第現故住寂滅念佛門於一念中見一切刹一切諸佛示涅槃故住遠離念佛門於一日中見一切佛從其所住而出去故住廣大念佛門心常觀察一一佛身充滿一切諸法界故住微細念佛門於一毛端有不可說如來出現悉至其所而承事故住莊嚴念佛門於一念中見一切刹皆有諸佛成等正覺現神變故住能事念佛門見一切佛出現世間放智慧光轉法輪故住自在念佛門知隨自心所有欲樂一切諸佛現其像故住自業念佛門知隨衆生所積集業現其影像令覺悟故住神變念佛門見佛所坐廣大蓮華周徧法界而開敷故住虛空念佛門觀察如來所有身雲莊嚴法界虛空界故而我云何能知能說彼功德行善男子南方有國名曰海門彼有比

止名為海雲汝往彼問菩薩云何學菩薩行
修菩薩道海雲比丘能分別說發起廣大善
根因緣善男子海雲比丘當令汝入廣大助
道位當令汝生廣大善根力當為汝說發菩
提心因當令汝生廣大乘光明當令汝修廣
大波羅蜜當令汝入廣大諸行海當令汝滿
廣大誓願輪當令汝淨廣大莊嚴門當令汝
生廣大慈悲力時善財童子禮德雲比丘足
右遶觀察辭退而去

爾時善財童子一心思惟善知識教正念觀
察智慧光明門正念觀察菩薩解脫門正念
觀察菩薩三昧門正念觀察菩薩大海門正
念觀察諸佛現前門正念觀察諸佛方所門
正念觀察諸佛軌則門正念觀察諸佛等虛
空界門正念觀察諸佛出現次第門正念觀
察諸佛所入方便門漸次南行至海門國向
海雲比丘所頂禮其足右遶畢已於前合掌
作如是言聖者我已先發阿耨多羅三藐三
菩提心欲入一切無上智海而未知菩薩云
何能捨世俗家生如來家云何能度生死海
入佛智海云何能離凡夫地入如來地云何
能斷生死流入菩薩行流云何能破生死輪
成菩薩願輪云何能滅魔境界顯佛境界云
何能竭愛欲海長大悲海云何能閉衆難惡

趣門開諸天涅槃門云何能出三界城入一切智城云何能棄捨一切玩好之物悉以饒益一切衆生時海雲比丘告善財言善男子汝已發阿耨多羅三藐三菩提心耶善財言唯我已先發阿耨多羅三藐三菩提心海雲言善男子若諸衆生不種善根則不能發阿耨多羅三藐三菩提心要得普門善根光明具真實道三昧智光出生種種廣大福海長白淨法無有懈怠事善知識不生疲厭不顧身命無所藏積等心如地無有高下性常慈愍一切衆生於諸有趣專念不捨恒樂觀察如來境界如是乃能發菩提心發菩提心者所謂發大悲心普救一切衆生故發大慈心等祐一切世間故發安樂心令一切衆生滅諸苦故發饒益心令一切衆生離惡法故發哀愍心有怖畏者咸守護故發無礙心捨離一切諸障礙故發廣大心一切法界咸徧滿故發無邊心等虛空界無不往故發寬博心悉見一切諸如來故發清淨心於三世法智無違故發智慧心普入一切智慧海故善男子我住此海門國十有二年常以大海爲其境界所謂思惟大海廣大無量思惟大海甚深難測思惟大海漸次深廣思惟大海無量衆寶奇妙莊嚴思惟大海積無量水思惟大

海水色不同不可思議思惟大海無量衆生之所住處思惟大海容受種種大身衆生思惟大海能受大雲所雨之雨思惟大海無增無減善男子我思惟時復作是念世間之中頗有廣博過此海不頗有無量過此海不頗有甚深過此海不頗有殊特過此海不善男子我作是念時此海之下有大蓮華忽然出現以無能勝因陀羅尼羅寶爲莖吹瑠璃寶爲藏閻浮檀金爲葉沈水爲臺碼碯爲鬚芬敷布獲彌覆大海百萬阿脩羅王執持其莖百萬摩尼寶莊嚴網彌覆其上百萬龍王雨以香水百萬迦樓羅王銜諸瓔珞及寶繒帶周帀垂下百萬羅刹王慈心觀察百萬夜叉王恭敬禮拜百萬耆闍婆王種種音樂讚歎供養百萬天王雨諸天華天鬘天香天燒香天塗香天末香天妙衣服天幢幡蓋百萬梵王頭頂禮敬百萬淨居天合掌作禮百萬轉輪王各以七寶莊嚴供養百萬海神俱時出現恭敬頂禮百萬味光摩尼寶光明普照百萬淨福摩尼寶以爲莊嚴百萬普光摩尼寶爲清淨藏百萬殊勝摩尼寶其光赫奕百萬妙藏摩尼寶光照無邊百萬閻浮幢摩尼寶次第行列百萬金剛師子摩尼寶不可破壞清淨莊嚴百萬日藏摩尼寶廣大清淨百萬

可樂摩尼寶具種種色百萬如意摩尼寶莊嚴無盡光明照耀此大蓮華如來出世善根所起一切菩薩皆生信樂十方世界無不現前從如幻法生如夢法生清淨業生無諍法門之所莊嚴入無爲印住無礙門充滿十方一切國土隨順諸佛甚深境界於無數百千劫歎其功德不可得盡我時見彼蓮華之上有一如來結跏趺坐其身從此上至有頂寶蓮華座不可思議道場衆會不可思議諸相成就不可思議隨好圓滿不可思議神通變化不可思議色相清淨不可思議無見頂相不可思議廣長舌相不可思議善巧言說不可思議圓滿音聲不可思議無邊際力不可思議清淨無畏不可思議廣大辯才不可思議又念彼佛往修諸行不可思議自在成道不可思議妙音演法不可思議普門示現種種莊嚴不可思議隨其左右見各差別不可思議一切利益皆令圓滿不可思議時此如來卽申右手而摩我頂爲我演說普眼法門開示一切如來境界顯發一切菩薩諸行闡明一切諸佛妙法一切法輪悉入其中能淨一切諸佛國土能摧一切異道邪論能滅一切諸魔軍衆能令衆生皆生歡喜能照一切衆生心行能了一切衆生諸根隨衆生心悉

今聞悟我從於彼如來之所聞此法門受持
讀誦憶念觀察假使有人以大海量墨須彌
聚筆書寫於此普眼法門一品中一門一門
中一法一法中一義一義中一句不得少分
何況能盡善男子我於彼佛所千二百歲受
持如是普眼法門於日日中以聞持陀羅尼
光明領受無數品以寂靜門陀羅尼光明趣
入無數品以無邊旋陀羅尼光明普入無數
品以隨地觀察陀羅尼光明分別無數品以
威力陀羅尼光明普攝無數品以蓮華莊嚴
陀羅尼光明引發無數品以清淨言音陀羅
尼光明開演無數品以虛空藏陀羅尼光明
顯示無數品以光聚陀羅尼光明增廣無數
品以海藏陀羅尼光明辨析無數品若有衆
生從十方來若天若天王若龍若龍王若夜
叉若夜叉王若乾闥婆若乾闥婆王若阿脩
羅若阿脩羅王若迦樓羅若迦樓羅王若緊
那羅若緊那羅王若摩睺羅伽若摩睺羅伽
王若人若人王若梵若梵王如是一切來至
我所我悉爲其開示解釋徧揚讚歎咸令愛
樂趣入安住此諸佛菩薩行光明普眼法門
善男子我唯知此普眼法門如諸菩薩摩訶
薩深入一切菩薩行海隨其願力而修行故
入大願海於無量劫住世間故入一切衆生

海隨其心樂廣利益故入一切衆生心海也
生十力無礙智光故入一切衆生根海應時
教化悉令調伏故入一切刹海成滿本願嚴
淨佛刹故入一切佛海願常供養諸如來故
入一切法海能以智慧咸悟入故入一切功
德海一一修行令具足故入一切衆生言辭
海於一切刹轉正法輪故而我云何能知能
說彼功德行善男子從此南行六十由旬楞
伽道邊有一聚落名爲海岸彼有比丘名曰
善住汝詣彼問菩薩云何淨菩薩行時善財
童子禮海雲足右遶瞻仰辭退而去
爾時善財童子專念善知識教專念普眼法
門專念佛神力專持法句雲專入法海門專
思法差別深入法漩腹普入法虛空淨治法
賢障觀察法寶處漸次南行至楞伽道海岸
聚落觀察十方求覓善住見此比丘於虛空
中來往經行無數諸天恭敬圍遶散諸天華
作天妓樂幡幢繒綺悉各無數徧滿虛空以
爲供養諸大龍王於虛空中興不思議沈水
香雲震雷激電以爲供養緊那羅王奏衆樂
音如法讚美以爲供養摩睺羅伽王以不思
議極微細衣於虛空中周迴布設心生歡喜
以爲供養阿脩羅王興不思議摩尼寶雲無
量光明種種莊嚴徧滿虛空以爲供養迦樓

羅王作童子形無量采女之所圍遶究竟成就無殺害心於虛空中合掌供養不思議數諸羅刹王無量羅刹之所圍遶其形長大甚可怖畏見善住比丘慈心自在曲躬合掌瞻仰供養不思議數諸夜叉王各各悉有自衆圍遶四面周匝恭敬守護不思議數諸梵天王於虛空中曲躬合掌以人間法稱揚讚歎不思議數諸淨居天於虛空中與宮殿俱恭敬合掌發弘誓願時善財童子見是事已心生歡喜合掌敬禮作如是言聖者我已先發阿耨多羅三藐三菩提心而未知菩薩云何修行佛法云何積集佛法云何備具佛法云何熏習佛法云何增長佛法云何總攝佛法云何究竟佛法云何淨治佛法云何深淨佛法云何通達佛法我聞聖者善能誘誨唯願慈哀爲我宣說菩薩云何不捨見佛常於其所精勤修習菩薩云何不捨菩薩與諸菩薩同一善根菩薩云何不捨佛法悉以智慧而得明證菩薩云何不捨大願能普利益一切衆生菩薩云何不捨衆行住一切劫心無疲厭菩薩云何不捨佛刹普能嚴淨一切世界菩薩云何不捨佛力悉能知見如來自在菩薩云何不捨有爲亦復不住普於一切諸有趣中猶如變化示受生死修菩薩行菩薩云

何不捨聞法悉能領受諸佛正教菩薩云何不捨智光普入三世智所行處時善住比丘告善財言善哉善哉善男子汝已能發阿耨多羅三藐三菩提心今復發心求問佛法一切智法自然者法善男子我已成就菩薩無礙解脫門若來若去若行若止隨順思惟修習觀察即時獲得智慧光明名究竟無礙得此智慧光明故知一切衆生心行無所障礙知一切衆生現生無所障礙知一切衆生宿命無所障礙知一切衆生未來劫事無所障礙知一切衆生現在世事無所障礙知一切衆生言語音聲種種差別無所障礙知一切衆生所有疑問無所障礙知一切衆生諸根無所障礙隨一切衆生應受化時悉能往赴無所障礙知一切剎那羅婆牟呼栗多日夜時分無所障礙知三世海流轉次第無所障礙能以其身徧往十方一切佛剎無所障礙何以故得無住無作神通力故善男子我以得此神通力故於虛空中或行或住或坐或卧或隱或顯或現一身或現多身穿度牆壁猶如虛空於虛空中結跏趺坐往來自在猶如飛鳥入地如水履水如地徧身上下普出煙燄如火聚或時震動一切大地或時以手摩觸日月或現其身高至梵宮或現燒香

雲或現寶藏雲或現變化雲或現光網雲皆
 悉廣大彌覆十方或一念中過於東方一
 世界二世界百世界千世界百千世界乃至無
 量世界乃至不可說不可說世界或過閻浮
 提微塵數世界或過不可說不可說佛剎微
 塵數世界於彼一切諸佛國土佛世尊前聽
 聞說法一一佛所現無量佛剎微塵數差別
 身一一身雨無量佛剎微塵數供養雲所謂
 一切華雲一切香雲一切鬘雲一切末香雲
 一切塗香雲一切蓋雲一切衣雲一切幢雲
 一切幡雲一切帳雲以一切身雲而為供養
 一一如來所有宣說我皆受持一一國土所
 有莊嚴我皆憶念如東方南西北方四維上
 下亦復如是如是一切諸世界中所有衆生
 若見我形皆決定得阿耨多羅三藐三菩提
 彼諸世界一切衆生我皆明見隨其大小勝
 劣苦樂示同其形教化成就若有衆生親近
 我者悉令安住如是法門善男子我唯知此
 普速疾供養諸佛成就衆生無礙解脫門如
 諸菩薩持大悲戒波羅蜜戒大乘戒菩薩道
 相應戒無障礙戒不退墮戒不捨菩提心戒
 常以佛法為所緣戒於一切智常作意戒如
 虛空戒一切世間無所依戒無失戒無損戒
 無缺戒無雜戒無濁戒無悔戒清淨戒離塵

戒離垢戒如是功德而我云何能知能說善
子從此南方有國名達里鼻茶城名自在
其中有人名曰彌伽汝詣彼問菩薩云何學
菩薩行修菩薩道時善財童子頂禮其足右
遶瞻仰辭退而行

大方廣佛華嚴經卷第六十二

七肘	下陽柳切	垣牆	下在良切	池漸	下七豔切
微纒	上許歸切 下莫北切	轡勒	上兵媚切	悲轂	下占裸切
信軸	下竄六切	忍鎔	下胡瞎切	此乘	下食證切
大箱	下惠庶切	茵蓐	上因音 下辱音	羈鞅	上居宜切 下於兩切
便輓	下於華切	法繒	下痰陵切	軌則	上居浦切
吠瑠	上符廢切	銜諸	上戶監切	闡明	上昌善切

乙巳歲高麗國大歲都監奉

訪彫造

大方廣佛華嚴經卷第六十三

黎

于闐國三藏實叉難陀奉

制譯

入法界品第三十九之四

爾時善財童子一心正念法光明法門深信
趣入專念於佛不斷三寶歎離欲性念善知
識普照三世憶諸大願普救衆生不著有爲
究竟思惟諸法自性悉能嚴淨一切世界於
一切佛衆會道場心無所著漸次南行至自
在城求覓彌伽乃見其人於市肆中坐於說
法師子之座十千人衆所共圍遶說輪字莊
嚴法門時善財童子頂禮其足遶無量帀於
前合掌而作是言聖者我已先發阿耨多羅
三藐三菩提心而我未知菩薩云何學菩薩
行云何修菩薩道云何流轉於諸有趣常不
忘失菩提之心云何得平等意堅固不動云
何獲清淨心無能沮壞云何生大悲力恒不
勞疲云何入陀羅尼普得清淨云何發生智
慧廣大光明於一切法離諸暗障云何具無
礙解辯才之力使了一切甚深義藏云何得
正念力憶持一切差別法輪云何得淨趣力
於一切趣普演諸法云何得智慧力於一切
法悉能使定分別其義爾時彌伽告善財言
善男子汝已發阿耨多羅三藐三菩提心耶
善財言唯我已先發阿耨多羅三藐三菩提

心彌伽遼即下師子座於善財所五體投地
散金銀華無價寶珠及以上妙碎末栴檀無
量種衣以覆其上復散無量種種香華種種
供具以爲供養然後起立而徧歎言善哉善
哉善男子乃能發阿耨多羅三藐三菩提心
善男子若有能發阿耨多羅三藐三菩提心
則爲不斷一切佛種則爲嚴淨一切佛刹則
爲成熟一切衆生則爲了達一切法性則爲
悟解一切業種則爲圓滿一切諸行則爲不
斷一切大願則如寶解離貪種性則能明見
三世差別則令信解永得堅固則爲一切如
來所持則爲一切諸佛憶念則與一切菩薩
平等則爲一切賢聖讚喜則爲一切梵王禮
覲則爲一切天主供養則爲一切夜叉守護
則爲一切羅刹侍衛則爲一切龍王迎接則
爲一切緊那羅王歌詠讚歎則爲一切諸世
間主徧揚慶悅則令一切諸衆生界悉得安
隱所謂令捨惡趣故令出難處故斷一切貧
窮根本故生一切天人快樂故遇善知識親
近故聞廣大法受持故生菩提心故淨菩提
心故照菩薩道故入菩薩智故住菩薩地故
善男子應知菩薩所作甚難難出難值見菩
薩者倍更難有菩薩爲一切衆生侍怙生長
成就故爲一切衆生拯濟拔諸苦難故爲一

切衆生依處守護世間故爲一切衆生救護
令免怖畏故菩薩如風輪持諸世間不令墮
落惡趣故如大地增長衆生善根故如大海
福德充滿無盡故如淨日智慧光明普照故
如須彌善根高出故如明月智光出現故如
猛將摧伏魔軍故如君主佛法城中得自在
故如猛火燒盡衆生我愛心故如大雲降露
無量妙法雨故如時雨增長一切信根芽故
如船師示導法海津濟處故如橋梁令其得
度生死海故彌伽如是讚歎善財令諸菩薩
皆歡喜已從其面門出種種光普照三千大
千世界其中衆生遇斯光已諸龍神等乃至
梵天悉皆來至彌伽之所彌伽大士即以方
便爲開示演說分別解釋輪字品莊嚴法門
彼諸衆生聞此法已皆於阿耨多羅三藐三
菩提得不退轉彌伽於是還昇本座告善財
言善男子我已獲得妙音陀羅尼能分別知
三千大千世界中諸天語言諸龍夜叉乾闥
婆阿脩羅迦樓羅緊那羅摩睺羅伽人與非
人及諸梵天所有語言如此三千大千世界
十方無數乃至不可說不可說世界悉亦如
是善男子我唯知此菩薩妙音陀羅尼光明
法明如諸菩薩摩訶薩能普入一切衆生種
種想海種種施設海種種名号海種種語言

海能普入說一切深密法句海說一切究竟
法句海說一所緣中有一切三世所緣法句
海說上法句海說上上法句海說差別法句
海說一切差別法句海能普入一切世間呪
術海一切音聲莊嚴輪一切差別字輪際如
是功德我今云何能知能說善男子從此南
行有一聚落名曰住林彼有長者名曰解脫
汝詣彼問菩薩云何修菩薩行菩薩云何成
菩薩行菩薩云何集菩薩行菩薩云何思菩
薩行爾時善財童子以善知識故於一切智
法深生尊重深植淨信深自增益禮彌伽足
弟西悲泣遠無量而戀慕瞻仰辭退而行
爾時善財童子思惟諸菩薩無礙解陀羅尼
光明莊嚴門深入諸菩薩語言海門憶念諸
菩薩知一切衆生微細方便門觀察諸菩薩
清淨心門成就諸菩薩善根光明門淨治諸
菩薩教化衆生門明利諸菩薩攝衆生智門
堅固諸菩薩廣大志樂門住持諸菩薩殊勝
志樂門淨治諸菩薩種種信解門思惟諸菩
薩無量善心門誓願堅固心無疲厭以諸甲
冑而自莊嚴精進深心不可退轉具不壞信
其心堅固猶如金剛及那羅延無能壞者守
持一切善知識教於諸境界得不壞智普門
清淨所行無礙智光圓滿普照一切具足諸

地揔持光明了知法界種種差別無依無住
 平等無二自性清淨而普莊嚴於諸所行皆
 得究竟智慧清淨離諸執著知十方差別法
 智無障礙往十方差別處身不疲懈於十方
 差別業皆得明了於十方差別佛無不現見
 於十方差別時悉得深入清淨妙法充滿其
 心普智三昧明照其心心恒普入平等境界
 如來智慧之所照觸一切智流相續不斷若
 身若心不離佛法一切諸佛神力所加一切
 如來光明所照成就大願願身周徧一切剎
 網一切法界普入其身漸次遊行十有二年
 至佳林城周徧推求解脫長者既得見已五
 體投地起立合掌自言聖者我今得與善知
 識會是我獲得廣大善利何以故善知識者
 難可得見難可得聞難可出現難得奉事難
 得親近難得承接難可逢值難得共居難令
 喜悅難得隨逐我今會遇為得善利聖者我
 已先發阿耨多羅三藐三菩提心為欲事一
 切佛故為欲值一切佛故為欲見一切佛故
 為欲觀一切佛故為欲知一切佛故為欲證
 一切佛平等故為欲發一切佛大願故為欲
 滿一切佛大願故為欲具一切佛智光故為
 欲成一切佛衆行故為欲得一切佛神通故
 為欲具一切佛諸力故為欲獲一切佛無畏

故為欲聞一切佛法故為欲受一切佛法故
為欲持一切佛法故為欲解一切佛法故為
欲護一切佛法故為欲與一切諸菩薩眾同
一體故為欲與一切菩薩善根等無異故為
欲圓滿一切菩薩波羅蜜故為欲成就一切
菩薩所修行故為欲出生一切菩薩清淨願
故為欲得一切諸佛菩薩威神藏故為欲得
一切菩薩法藏無盡智慧大光明故為欲得
一切菩薩三昧廣大藏故為欲成就一切菩
薩無量無數神通藏故為欲以大悲藏教化
調伏一切眾生皆令究竟到邊際故為欲顯
現神變藏故為於一切自在藏中悉以自心
得自在故為欲入於清淨藏中以一切相而
莊嚴故聖者我今以如是心如是意如是樂
如是欲如是希求如是思惟如是尊重如是
方便如是究竟如是謙下至聖者所我聞聖
者善能誘誨諸菩薩眾能以方便闡明所得
示其道路與其津梁授其法門令除迷倒障
拔猶豫箭截疑惑網照心稠林澣心垢濁令
心潔白使心清涼正心諄曲絕心生死止心
不善解心執著於執著處令心解脫於染愛
處使心動轉令其速入一切智境使其疾到
無上法城令住大悲令住大慈令入菩薩行
令修三昧門令入證位令觀法性令增長力

今修習行普於一切其心平等唯願聖者爲
 我宣說菩薩云何學菩薩行修菩薩道隨所
 修習疾得清淨疾得明了時解脫長者以過
 去善根力佛威神力文殊師利童子憶念力
 故即入菩薩三昧門名普攝一切佛刹無邊
 旋陀羅尼入此三昧已得清淨身於其身中
 顯現十方各十佛刹微塵數佛及佛國土衆
 會道場種種光明諸莊嚴事亦現彼佛往昔
 所行神通變化一切大願助道之法諸出離
 行清淨莊嚴亦見諸佛成等正覺轉妙法輪
 教化衆生如是一切於其身中悉皆顯現無
 所障礙種種形相種種次第如本而住不相
 雜亂所謂種種國土種種衆會種種道場種
 種嚴飾其中諸佛現種種神力立種種乘道
 示種種願門或於一世界處兜率宮而作佛
 事或於一世界沒兜率宮而作佛事如是或
 有住胎或復誕生或處宮中或復出家或詣
 道場或破魔軍或諸天龍恭敬圍遶或諸世
 主勸請說法或轉法輪或般涅槃或分舍利
 或起塔廟彼諸如來於種種衆會種種世間
 種種趣生種種家族種種欲樂種種業行種
 種語言種種根性種種煩惱隨眠習氣諸衆
 生中或處微細道場或處廣大道場或處一
 由旬量道場或處十由旬量道場或處不可

說不可說佛剎微塵數由旬量道場以種種神通種種言辭種種音聲種種法門種種持門種種辯才門以種種聖諦海種種無畏大師子吼說諸衆生種種善根種種憶念授種種菩薩記說種種諸佛法彼諸如來所有言說善財童子悉能聽受亦見諸佛及諸菩薩不可思議三昧神變爾時解脫長者從三昧起告善財童子言善男子我已入出如來無礙莊嚴解脫門善男子我入出此解脫門時即見東方閻浮檀金光明世界龍自在王如來應正等覺道場衆會之所圍遶毗盧遮那藏菩薩而爲上首又見南方速疾力世界普香如來應正等覺道場衆會之所圍遶心王菩薩而爲上首又見西方香光世界須彌燈王如來應正等覺道場衆會之所圍遶無礙心菩薩而爲上首又見北方袈裟幢世界不可壞金剛如來應正等覺道場衆會之所圍遶金剛步勇猛菩薩而爲上首又見東方方一切上妙寶世界無所得境界眼如來應正等覺道場衆會之所圍遶無所得善變化菩薩而爲上首又見東南方香嚴光音世界香燈如來應正等覺道場衆會之所圍遶金剛燄慧菩薩而爲上首又見西方智慧日普光明世界法界輪幢如來應正等覺道場

衆會之所圍遶現一切變化幢菩薩而爲上
首又見西北方普清淨世界一切佛寶高勝
幢如來應正等覺道場衆會之所圍遶法幢
王菩薩而爲上首又見上方佛次第出現無
盡世界無邊智慧光圓滿幢如來應正等覺
道場衆會之所圍遶法界門幢王菩薩而爲
上首又見下方佛光明世界無礙智幢如來
應正等覺道場衆會之所圍遶一切世間剎
幢主菩薩而爲上首善男子我見如是等十
方各十佛剎微塵數如來彼諸如來不來至
此我不往彼我若欲見安樂世界阿彌陀如
來隨意即見我若欲見栴檀世界金剛光明
如來妙香世界寶光明如來蓮華世界寶蓮
華光明如來妙金世界寂靜光如來妙喜世
界不動如來善住世界師子如來鏡光明世
界月覺如來寶師子莊嚴世界毗盧遮那如
來如是一切悉皆即見然彼如來不來至此
我身亦不往詣於彼知一切佛及與我心悉
皆如夢知一切佛猶如影像自心如水知一
切佛所有色相及以自心悉皆如幻知一切
佛及以己心悉皆如響我如是知如是憶念
所見諸佛皆由自心善男子當知菩薩修諸
佛法淨諸佛刹積集妙行調伏衆生發大誓
願入一切智自在遊戲不可思議解脫之門

得佛菩提現大神通徧往一切十方世界以
微細智普入諸劫如是一切悉由自心是故
善男子應以善法扶助自心應以法水潤澤
自心應於境界淨治自心應以精進堅固自
心應以忍辱坦蕩自心應以智證潔白自心
應以佛平等廣大自心應以佛十力照察自
心善男子我唯於此如來無礙莊嚴解脫門
而得入出如諸菩薩摩訶薩得無礙智住無
礙行得常見一切佛三昧得不住涅槃際三
昧了達三昧普門境界於三昧法悉皆平等
能善分身徧一切刹住於諸佛平等境界十
方境界皆悉現前智慧觀察無不明了於其
身中悉現一切世界成壞而於已身及諸世
界不生二想如是妙行而我云何能知能說
善男子從此南行至閻浮提畔有一國土名
摩利伽羅彼有比丘名曰海幢彼詣彼問菩
薩云何學菩薩行修菩薩道時善財童子頂
禮解脫長者足右遶觀察徧揚讚歎思惟戀
仰悲泣淚淚一心憶念依善知識事善知識
敬善知識由善知識見一切智於善知識不
生違逆於善知識心無諂誑於善知識心常
隨順於善知識起慈母想捨離一切無益法
故於善知識起慈父想出生一切諸善法故

辭退而去

阿闍梨

十

卷

爾時善財童子一心正念彼長者教觀察彼
長者教憶念彼不思議菩薩解脫門思惟彼
不思議菩薩智光明深入彼不思議法界門
趣向彼不思議菩薩普入門明見彼不思議
如來神變解了彼不思議普入佛刹分別彼
不思議佛力莊嚴思惟彼不思議菩薩三昧
解脫境界分位了達彼不思議差別世界究
竟無礙修行彼不思議菩薩堅固深心發起
彼不思議菩薩大願淨業漸次南行至閻浮
提畔摩利聚落周徧求覓海幢比丘乃見其
在經行地側結跏趺坐入于三昧離出入息
無別思覺身安不動從其足下出無數百千
億長者居士婆羅門衆皆以種種諸莊嚴具
莊嚴其身悉著寶冠頂繫明珠普徃十方一
切世界雨一切寶一切瓔珞一切衣服一切
飲食如法上味一切華一切鬘一切香一切
塗香一切欲樂資生之具於一切處救攝一
切貧窮衆生安慰一切苦惱衆生皆令歡喜
心意清淨成就無上菩提之道從其兩膝出
無數百千億刹帝利婆羅門衆皆悉聰慧種
種色相種種形貌種種衣服上妙莊嚴普徧
十方一切世界愛語同事攝諸衆生所謂貧
者令足病者令愈危者令安怖者令止有憂

苦者咸使快樂復以方便而勸導之皆令捨
惡安住善法從其腰間出等衆生數無量仙
人或服草衣或樹皮衣皆執澡瓶威儀寂靜
周旋往返十方世界於虛空中以佛妙音稱
讚如來演說諸法或說清淨梵行之道令其
修習調伏諸根或說諸法皆無自性使其觀
察發生智慧或說世間言論軌則或復開示
一切智智出要方便令隨次第各修其業從
其兩脅出不思議龍不思議龍女示現不思
議諸龍神變所謂雨不思議香雲不思議華
雲不思議鬘雲不思議寶蓋雲不思議寶幡
雲不思議妙寶莊嚴具雲不思議大摩尼寶
雲不思議寶瓔珞雲不思議寶座雲不思議
寶宮殿雲不思議寶蓮華雲不思議寶冠雲
不思議天身雲不思議采女雲悉徧虛空而
爲莊嚴充滿一切十方世界諸佛道場而爲
供養令諸衆生皆生歡喜從臂前卽字中出
無數百千億阿脩羅王皆悉示現不可思議
自在幻力令百世界皆大震動一切海水自
然涌沸一切山王互相衝擊諸天宮殿無不
動搖諸魔光明無不隱蔽諸魔兵衆無不摧
伏普令衆生捨憍慢心除怒害心破煩惱山
息衆惡法長無鬪諍永共和善復以幻力開
悟衆生令滅罪惡令怖生死令出諸趣令離

殊著令住無上菩提之心令修一切諸菩薩
行令住一切諸波羅蜜令入一切諸菩薩地
令觀一切微妙法門令知一切諸佛方便如
是所作周徧法界從其背上為應以二乘而
得度者出無數百千億聲聞獨覺為著我者
說無有我為執常者說一切行皆悉無常為
貪行者說不淨觀為瞋行者說慈心觀為癡
行者說緣起觀為等分行者說與智慧相應
境界法為樂著境界者說無所有法為樂著
寂靜處者說發大誓願普饒益一切眾生法
如是所作周徧法界從其兩肩出無數百千
億諸夜叉羅刹王種種形貌種種色相或長
或短皆可怖畏無量眷屬而自圍遶守護一
切行善眾生并諸賢聖菩薩眾會若向正位
及正住者或時現作執金剛神守護諸佛及
佛住處或徧守護一切世間有怖畏者令得
安隱有疾病者令得除差有苦惱者令得免
離有過惡者令其厭悔有裁橫者令其息滅
如是利益一切眾生皆悉令其捨生死輪轉
正法輪從其腹出無數百千億緊那羅王各
有無數緊那羅女前後圍遶又出無數百千
億乾闥婆王各有無數乾闥婆女前後圍遶
各奏無數百千天樂歌詠讚歎諸法實性歌
詠讚歎一切諸佛歌詠讚歎發菩提心歌詠

讚歎修菩薩行歌詠讚歎一切諸佛成止覺
門歌詠讚歎一切諸佛轉法輪門歌詠讚歎
一切諸佛現神變門開示演說一切諸佛般
涅槃門開示演說守護一切諸佛教門開示
演說令一切衆生皆歡喜門開示演說嚴淨
一切諸佛刹門開示演說顯示一切微妙法
門開示演說捨離一切諸障礙門開示演說
發生一切諸善根門如是周徧十方方法界從
其面門出無數百千億轉輪聖王七寶具足
四兵圍遶放大捨光雨無量寶諸貧乏者悉
使充足令其永斷不與取行端正采女無數
百千悉以捨施心無所著令其永斷邪淫之
行令生慈心不斷生命令其究竟常真實語
不作虛誑無益談說令攝他語不行離間令
柔軟語無有麤惡令常演說甚深決定明了
之義不作無義綺飾言辭爲說少欲令除貪
愛心無瑕垢爲說大悲令除忿怒意得清淨
爲說實義令其觀察一切諸法係入因緣善
明諦理拔邪見刺破疑惑山一切障礙悉皆
除滅如是所作充滿法界從其兩日出無數
百千億日輪普照一切諸大地獄及諸惡趣
皆令離苦又照一切世界中間令除黑暗又
照一切十方衆生皆令捨離愚癡瞶障於垢
濁國土放清淨光白銀國土放黃金色光黃

金國土放白銀色光瑠璃國土放玻璃色光
玻璃國土放瑠璃色光磤磤國土放磤磤色
光碼碯國土放磤磤色光帝青國土放日藏
摩尼王色光日藏摩尼王國土放帝青色光
赤真珠國土放月光網藏摩尼王色光月光
網藏摩尼王國土放赤真珠色光一寶所成
國土放種種寶色光種種寶所成國土放一
寶色光照諸衆生心之稠林辨諸衆生無量
事業嚴飾一切世間境界令諸衆生心得清
涼生大歡喜如是所作充滿法界從其眉間
白毫相中出無數百千億帝釋皆於境界而
得自在摩尼寶珠繫其頂上光照一切諸天
宮殿震動一切須彌山王覺悟一切諸天大
衆歎福德力說智慧力生其樂力持其志力
淨其念力堅其所發菩提心力讚樂見佛令
除世欲讚樂聞法令厭世境讚樂觀智令絕
世染止脩羅戰斷煩惱誦滅怖死心發降魔
願興立正法須彌山王成辨衆生一切事業
如是所作周徧法界從其額上出無數百千
億梵天色相端嚴世間無比威儀寂靜言音
美妙勸佛說法歎佛功德今諸菩薩悉皆歡
喜能辨衆生無量事業普徧一切十方世界
從其頭上出無量佛刹微塵數諸菩薩衆悉
以相好莊嚴其身放無邊光說種種行所謂

讚歎布施令捨慳貪得衆妙寶莊嚴世界
揚讚歎持戒功德令諸衆生永斷諸惡住於
菩薩大慈悲戒說一切有惡皆如夢說諸欲
樂無有滋味令諸衆生離煩惱縛說忍辱力
令於諸法心得自在讚金色身令諸衆生離
瞋恚垢起對治行絕畜生道歎精進行令其
遠離世間放逸皆悉勤修無量妙法又爲讚
歎禪波羅蜜令其一切心得自在又爲演說
般若波羅蜜開示正見令諸衆生樂自在智
拔諸見毒又爲演說隨順世間種種所作令
諸衆生雖離生死而於諸趣自在受生又爲
示現神通變化說壽命自在令諸衆生發大
誓願又爲演說成就摠持力出生大願力淨
治三昧力自在受生力又爲演說種種諸智
所謂普知衆生諸根智普知一切心行智普
知如來十力智普知諸佛自在智如是所作
周徧法界從其頂上出無數百千億如來身
其身無等諸相隨好清淨莊嚴威光赫奕如
真金山無量光明普照十方出妙音聲充滿
法界示現無量大神通力爲一切世間普雨
法雨所謂爲坐菩提道場諸菩薩雨普知平
等法雨爲灌頂位諸菩薩雨入普門法雨爲
法王子位諸菩薩雨普莊嚴法雨爲童子位
諸菩薩雨堅固山法雨爲不退位諸菩薩雨

海藏法雨爲成就正心位諸菩薩雨普境界
法雨爲方便具足位諸菩薩雨自性門法雨
爲生貴位諸菩薩雨隨順世間法雨爲修行
位諸菩薩雨普悲愍法雨爲新學諸菩薩雨
積集藏法雨爲初發心諸菩薩雨攝衆生法
雨爲信解諸菩薩雨無盡境界普現前法雨
爲色界諸衆生雨普門法雨爲諸梵天雨普
藏法雨爲諸自在天雨生力法雨爲諸魔衆
雨心幢法雨爲諸化樂天雨淨念法雨爲諸
兜率天雨生意法雨爲諸夜摩天雨歡喜法
雨爲諸忉利天雨疾莊嚴虛空界法雨爲諸
夜叉王雨歡喜法雨爲諸乾闥婆王雨金剛
輪法雨爲諸阿脩羅王雨大境界法雨爲諸
迦樓羅王雨無邊光明法雨爲諸緊那羅王
雨一切世間殊勝智法雨爲諸人王雨無樂
著法雨爲諸龍王雨歡喜幢法雨爲諸摩睺
羅伽王雨大休息法雨爲諸地獄衆生雨正
念莊嚴法雨爲諸畜生雨智慧藏法雨爲閻
羅王界衆生雨無畏法雨爲諸見難處衆生
雨普安慰法雨悉令得入賢聖衆會如是所
作充滿法界海幢比丘又於其身一切毛孔
一一皆出阿僧祇佛刹微塵數光明網一一
光明網具阿僧祇色相阿僧祇莊嚴阿僧祇
境界阿僧祇事業充滿十方一切法界爾時

善財童子一心觀察海幢比丘深生渴仰憶念彼三昧解脫思惟彼不思議菩薩三昧思惟彼不思議利益衆生方便海思惟彼不思議無作用普莊嚴門思惟彼莊嚴法界清淨智思惟彼受佛加持智思惟彼出生菩薩自在力思惟彼堅固菩薩大願力思惟彼增廣菩薩諸行力如是住立思惟觀察經一日一夜乃至經於七日七夜半月一月乃至六月復經六日過此已後海幢比丘從三昧出善財童子讚言聖者希有奇特如此三昧最爲甚深如此三昧最爲廣大如此三昧境界無量如此三昧神力難思如此三昧光明無等如此三昧莊嚴無數如此三昧威力難制如此三昧境界平等如此三昧普照十方如此三昧利益無限以能除滅一切衆生無量苦故所謂能令一切衆生離貧苦故出地獄故免畜生故開諸難門故開人天道故令人天衆生喜樂故令其愛樂禪境界故能令增長有爲樂故能爲顯示出有樂故能爲引發菩提心故能使增長福智行故能令增長大悲心故能令生起大願力故能令明了菩薩道故能使莊嚴究竟智故能令趣入大乘境界故能令明了普賢行故能令證得諸菩薩地智光明故能令成就一切菩薩諸願行故能令

安住一切智智境界中故聖者此三昧者名
爲何等海幢比丘言善男子此三昧名普眼
捨得又名般若波羅蜜境界清淨光明又名
普莊嚴清淨門善男子我以修習般若波羅
蜜故得此普莊嚴清淨三昧等百萬阿僧祇
三昧善財童子言聖者此三昧境界究竟唯
如是耶海幢言善男子入此三昧時了知一
切世界無所障礙往詣一切世界無所障礙
超過一切世界無所障礙莊嚴一切世界無
所障礙修治一切世界無所障礙嚴淨一切
世界無所障礙見一切佛無所障礙觀一切
佛廣大威德無所障礙知一切佛自在神力
無所障礙證一切佛諸廣大無所障礙入
一切佛諸功德海無所障礙受一切佛無量
妙法無所障礙入一切佛法中修習妙行無
所障礙證一切佛轉法輪平等智無所障礙
入一切諸佛衆會道場海無所障礙觀十方
佛法無所障礙大悲攝受十方衆生無所障
礙常起大慈充滿十方無所障礙見十方佛
心無厭足無所障礙入一切衆生海無所障
礙知一切衆生根海無所障礙知一切衆生
諸根差別智無所障礙善男子我唯知此一
般若波羅蜜三昧光明如諸菩薩入智慧海
淨法界境達一切趣徧無量剎總持自在三

昧清淨神通廣大辯才無盡善說諸地爲衆
生依而我何能知其妙行辨其功德了其所
行明其境界究其願力入其要門達其所證
說其道分住其三昧見其心境得其所育平
等智慧善男子從此南行有一住處名曰海
潮彼有園林名普莊嚴於其園中有優婆夷
名曰休捨汝往彼問菩薩云何學菩薩行修
菩薩道時善財童子於海幢比丘所得堅固
身獲妙法財入深境界智慧明徹三昧照耀
住清淨解見甚深法其心安住諸清淨明智
慧光明充滿十方心生歡喜踊躍無量五體
投地頂禮其足遶無量而恭敬瞻仰思惟觀
察咨嗟戀慕持其名号想其容止念其音聲
思其三昧及彼大願所行境界受其智慧清
淨光明辭退而行

大方廣佛華嚴經卷第六十三

市肆

上時止切
下四音

沮壞

上慈呂切

言唯

下以水切

遽即

上其據切

碎末

上蘇內切

恃怙

上市音
下戶音

降靈

下注聲

涕泗

上他計切
下四音

箭截

上子賤切
下昨結切

幹心

上胡管切

提畔

下簿半切

勸則

上居脩切

乙巳歲高麗國大藏都監奉

勸彫造

方廣佛華嚴經卷第六十四

黎

于闐國三藏寶叉難陀奉

制譯

入法界品第三十九之五

爾時善財童子蒙善知識力依善知識教念
善知識語於善知識深心愛樂作是念言因
善知識令我見佛因善知識令我聞法善知
識者是我師傳示導於我諸佛法故善知識
者是我眼目令我見佛如虛空故善知識者
是我律濟令我得入諸佛如來蓮華池故漸
漸南行至海潮處見普莊嚴園衆寶垣牆周
匝圍遶一切寶樹行列莊嚴一切寶華樹雨
衆妙華布散其地一切寶香樹香氣氤氳普
熏十方一切寶鬘樹雨大寶鬘處處垂下一
切摩尼寶王樹雨大摩尼寶徧布充滿一切
寶衣樹雨種種色衣隨其所應周匝敷布一
切音樂樹風動成音其音美妙過於天樂一
切莊嚴具樹各雨珍玩奇妙之物處處分布
以爲嚴飾其地清淨無有高下於中具有百
萬殿堂大摩尼寶之所合成百萬樓閣閭浮
檀金以覆其上百萬宮殿毗盧遮那摩尼寶
間錯莊嚴一萬浴池衆寶合成七寶欄楯周
匝圍遶七寶階道四面分布八功德水湛然
盈滿其水香氣如天栴檀金沙布底水清寶
珠周徧間錯鳬鴈孔雀俱拏羅鳥遊戲其中

出和雅音寶多羅樹周巾行列覆以寶網
諸金鈴微風徐搖恒出美音施大寶帳寶樹
圍遶建立無數摩尼寶幢光明普照百千由
旬其中復有百萬陂池黑栴檀泥凝積其底
一切妙寶以為蓮華敷布水上大摩尼華光
色照耀園中復有廣大宮殿名莊嚴幢海藏
妙寶以為其地毗瑠璃寶以為其柱閻浮檀
金以覆其上光藏摩尼以為莊嚴無數寶王
光燄熾然重樓挾閣種種莊飾阿盧那香王
覺悟香王皆出妙香普熏一切其宮殿中復
有無量寶蓮華座周迴布列所謂照耀十方
摩尼寶蓮華座毗盧遮那摩尼寶蓮華座照
耀世間摩尼寶蓮華座妙藏摩尼寶蓮華座
師子藏摩尼寶蓮華座離垢藏摩尼寶蓮華
座普門摩尼寶蓮華座光嚴摩尼寶蓮華座
安住大海藏清淨摩尼王寶蓮華座金剛師
子摩尼寶蓮華座園中復有百萬種帳所謂
衣帳鬘帳香帳華帳枝帳摩尼帳真金帳莊
嚴具帳音樂帳象王神變帳馬王神變帳帝
釋所著摩尼寶帳如是等其數百萬有百萬
大寶網彌覆其上所謂寶鈴網寶蓋網寶身
網海藏真珠網紺瑠璃摩尼寶網師子摩尼
網月光摩尼網種種形像衆香網寶冠網寶
瓔珞網如是等其數百萬有百萬大光明之

所照耀所謂日輪皎光摩尼寶光明三福日藏摩尼寶

光明月幢摩尼寶光明香燄摩尼寶光明勝
藏摩尼寶光明蓮華藏摩尼寶光明燄幢摩
尼寶光明大燈摩尼寶光明普照十方摩尼
寶光明香光摩尼寶光明如是等其數百萬
常雨百萬莊嚴具百萬黑栴檀香出妙音聲
百萬出過諸天曼陀羅華而以散之百萬出
過諸天瓔珞以爲莊嚴百萬出過諸天妙寶
鬘帶處處垂下百萬出過諸天衆色妙衣百
萬雜色摩尼寶妙光普照百萬天子欣樂瞻
仰頭面作禮百萬來女於虛空中投身而下
百萬菩薩恭敬親近常樂聞法時休捨優婆
夷坐真金座戴海藏真珠網冠挂出過諸天
真金寶釧垂紺青駿大摩尼網莊嚴其首師
子口摩尼寶以爲耳璫如意摩尼寶王以爲
瓔珞一切寶網垂覆其身百千億那由他衆
生曲躬恭敬東方有無量衆生來詣其所所
謂梵天梵衆天大梵天梵輔天自在天乃至
一切人及非人南西北方四維上下皆亦如
是其有見此優婆夷者一切病苦悉得除滅
離煩惱垢拔諸見刺摧障礙山入於無礙清
淨境界增明一切所有善根長養諸根入一
切智慧門入一切總持門一切三昧門一切
大願門一切妙行門一切功德門皆得現前

其心廣大具足神通身無障礙至一切處爾
 時善財童子入普莊嚴園周徧觀察見休捨
 優婆塞坐於妙座往詣其所頂禮其足遠無
 數由旬言聖者我已先發阿耨多羅三藐二
 菩提心而未知菩薩云何學菩薩行云何修
 菩薩道我聞聖者善能誘誨願為我說休捨
 告言善男子我唯得菩薩一解脫門若有見
 聞憶念於我與我同住供給我者悉不唐捐
 善男子若有衆生不種善根不為善友之所
 攝受不為諸佛之所護念是人終不得見於
 我善男子其有衆生得見我者皆於阿耨多
 羅三藐三菩提獲不退轉善男子東方諸佛
 常來至此處於寶座為我說法南西北方四
 維上下一切諸佛悉來至此處於寶座為我
 說法善男子我常不離見佛聞法與諸菩薩
 而共同住善男子我此大衆有八萬四千億
 那由他皆在此園與我同行悉於阿耨多羅
 三藐三菩提得不退轉其餘衆生住此園者
 亦皆普入不退轉位善財白言聖者發阿耨
 多羅三藐三菩提心為久近耶答言善男子
 我憶過去於然燈佛所修行梵行恭敬供養
 聞法受持次前於離垢佛所出家學道受持
 正法次前於妙幢佛所次前於勝須彌佛所
 次前於蓮華德藏佛所次前於毗盧遮那佛

所次前於普眼佛所次前於梵壽佛所次前
於金剛齋佛所次前於婆樓那天佛所善男
子我憶過去於無量劫無量生中如是次第
三十六恒河沙佛所皆悉承事恭敬供養聞
法受持淨修梵行於此已往佛智所知非我
能測善男子菩薩初發心無有量充滿一切
法界故菩薩大悲門無有量普入一切世間
故菩薩大願門無有量究竟十方法界故菩
薩大慈門無有量普覆一切眾生故菩薩所
修行無有量於一切利一切劫中修習故菩
薩三昧力無有量令菩薩道不退故菩薩慍
持力無有量能持一切世間故菩薩智光力
無有量普能證入三世故菩薩神通力無有
量普現一切利網故菩薩辯才力無有量一
音一切悉解故菩薩清淨身無有量悉徧一
切佛刹故善財童子言聖者又如當得阿耨
多羅三藐三菩提答言善男子菩薩不為教
化調伏一眾生故發菩提心不為教化調伏
百眾生故發菩提心乃至不為教化調伏不
可說不可說轉眾生故發菩提心不為教化
一世界眾生故發菩提心乃至不為教化不
可說不可說轉世界眾生故發菩提心不為
教化閻浮提微塵數世界眾生故發菩提心
不為教化三千大千世界微塵數世界眾生

故發菩提心乃至不爲教化不可說不可說
轉三千大千世界微塵數世界衆生故發菩
提心不爲供養一如來故發菩提心乃至不
爲供養不可說不可說轉如來故發菩提心
不爲供養一世界中次第興世諸如來故發
菩提心乃至不爲供養不可說不可說轉世
界中次第興世諸如來故發菩提心不爲供
養一三千大千世界微塵數世界中次第興
世諸如來故發菩提心乃至不爲供養不可
說不可說轉佛刹微塵數世界中次第興世
諸如來故發菩提心不爲嚴淨一世界故發
菩提心乃至不爲嚴淨不可說不可說轉世
界故發菩提心不爲嚴淨一三千大千世界
微塵數世界故發菩提心乃至不爲嚴淨不
可說不可說轉三千大千世界微塵數世界
故發菩提心不爲住持一如來遺法故發菩
提心乃至不爲住持不可說不可說轉如來
遺法故發菩提心不爲住持一世界如來遺
法故發菩提心乃至不爲住持不可說不可
說轉世界如來遺法故發菩提心不爲住持
一閻浮提微塵數世界如來遺法故發菩提
心乃至不爲住持不可說不可說轉佛刹微
塵數世界如來遺法故發菩提心如是略說
不爲滿一佛擔願故不爲住一佛國土故不

轉一佛法輪故不為知一世界中諸劫次第
故不為知一眾生心海故不為知一眾生根
海故不為知一眾生業海故不為知一眾生
行海故不為知一眾生煩惱海故不為知一
眾生煩惱習海故乃至不為知不可說不可
說轉佛刹微塵數眾生煩惱習海故發菩提
心欲教化調伏一切眾生悉無餘故發菩提
心欲承事供養一切諸佛悉無餘故發菩提
心欲嚴淨一切諸佛國土悉無餘故發菩提
心欲護持一切諸佛正教悉無餘故發菩提
心欲成滿一切如來誓願悉無餘故發菩提
心欲往一切諸佛國土悉無餘故發菩提心
欲入一切諸佛眾會悉無餘故發菩提心欲
知一切世界中諸劫次第悉無餘故發菩提
心欲知一切眾生心海悉無餘故發菩提心
欲知一切眾生根海悉無餘故發菩提心欲
知一切眾生業海悉無餘故發菩提心欲知
一切眾生行海悉無餘故發菩提心欲藏一
切眾生諸煩惱海悉無餘故發菩提心欲拔
一切眾生煩惱習海悉無餘故發菩提心善
男子取要言之菩薩以如是等百萬阿僧祇
方便行故發菩提心善男子菩薩行普入一
切法皆證得故普入一切利悉嚴淨故是故

善男子嚴淨一切世界盡我願乃盡拔一切

周時清其山

倫

衆生煩惱習氣盡我願乃滿善財童子言聖者此解脫名爲何等答言善男子此解脫名離憂安隱幢善男子我唯知此一解脫門如諸菩薩摩訶薩其心如海悉能容受一切佛法如須彌山志意堅固不可動搖如善見藥能除衆生煩惱重病如明淨日能破衆生無明闇障猶如大地能作一切衆生依處猶如好風能作一切衆生義利猶如明燈能爲衆生生智慧光猶如大雲能爲衆生雨寂滅法猶如淨月能爲衆生放福德光猶如帝釋悉能守護一切衆生而我云何能知能說彼功德行善男子於此南方海潮之處有一國土名那羅素中有仙人名毗目瞿沙汝諸彼問菩薩云何學菩薩行修菩薩道時善財童子頂禮其足遶無數匝慇懃瞻仰悲泣流淚作是思惟得菩提難近善知識難遇善知識難得菩薩諸根難淨菩薩諸根難值同行善知識難如理觀察難依教修行難值遇出生善心方便難值遇增長一切智法光明難作是念已辭退而行

爾時善財童子隨順思惟菩薩正教隨順思惟菩薩淨行生增長菩薩福力心生明見一切諸佛心生出生一切諸佛心生增長一切

大願心生普見十方諸法心生明照諸法實性心生普散一切障礙心生觀察法界無間心生清淨意寶莊嚴心生摧伏一切衆魔心漸漸遊行至那羅素國周徧推求毗目瞿沙見一大林阿僧祇樹以為莊嚴所謂種種葉樹扶疎布護種種華樹開敷鮮榮種種果樹相續成熟種種寶樹雨摩尼果大栴檀樹處處行列諸沈水樹常出好香悅意香樹妙香莊嚴波吒羅樹四面圍遶尼拘律樹其身營擢閭浮檀樹常雨甘果優鉢羅華波頭摩華以嚴地沼時善財童子見彼仙人在栴檀樹下敷草而坐領徒一萬或著鹿皮或著樹皮或復編草以為衣服蹻環垂躡前後圍遶善財見已往詣其所五體投地作如是言我今得遇真善知識善知識者則是趣向一切智門令我得入真實道故善知識者則是趣向一切智乘令我得至如來地故善知識者則是趣向一切智船令我得至智寶洲故善知識者則是趣向一切智炬令我得生十力光故善知識者則是趣向一切智道令我得入涅槃城故善知識者則是趣向一切智燈令我得見夷險道故善知識者則是趣向一切智橋令我得度險惡處故善知識者則是趣向一切智蓋令我得生大慈涼故善知識者

則是趣向一切智眼令我得見法性門故善
知識者則是趣向一切智潮令我滿足大悲
水故作是語已從地而起遶無量帀合掌前
住白言聖者我已先發阿耨多羅三藐三菩
提心而未知菩薩云何學菩薩行云何修菩
薩道我聞聖者善能誘誨願爲我說時毗目
瞿沙顧其徒衆而作是言善男子此童子已
發阿耨多羅三藐三菩提心善男子此童子
普施一切衆生無受此童子普與一切衆生
利益此童子常觀一切諸佛智海此童子欲
飲一切甘露法雨此童子欲測一切廣大法
海此童子欲令衆生住智海中此童子欲普
發起廣大悲雲此童子欲普雨於廣大法雨
此童子欲以智月普照世間此童子欲滅世
間煩惱毒熱此童子欲長含識一切善根時
諸仙衆聞是語已各以種種上妙香華散善
財上投身作禮圍繞恭敬作如是言今此童
子必當救護一切衆生必當除滅諸地獄苦
必當永斷諸畜生道必當轉去閻羅王界必
當關閉諸難處門必當乾竭諸愛欲海必令
衆生永滅苦蘊必當永破無明黑闇必當永
斷貪愛繫縛必以福德大輪圓山國遶世間
必以智慧大寶須彌顯示世間必當出現清
淨智日必當開示善根法藏必使世間明識

險易時眈目瞿沙告羣仙言善男子若有能發阿耨多羅三藐三菩提心必當成就一切智道此善男子已發阿耨多羅三藐三菩提心當淨一切佛功德地時眈目瞿沙告善財童子言善男子我得菩薩無勝幢解脫善財白言聖者無勝幢解脫境界云何時眈目仙人即申右手摩善財頂執善財手即時善財自見其身往十方十佛剎微塵數世界中到十佛剎微塵數諸佛所見彼佛剎及其衆會諸佛相好種種莊嚴亦聞彼佛隨諸衆生心之所樂而演說法一文一句皆悉通達各別受持無有雜亂亦知彼佛以種種解淨治諸願亦知彼佛以清淨願成就諸力亦見彼佛隨衆生心所現色相亦見彼佛大光明網種種諸色清淨圓滿亦知彼佛無礙智慧大光明力又自見身於諸佛所經一日夜或七日夜半月一月一年十年百年千年或經億年或阿庾多億年或那由他億年或經半劫或經一劫百劫千劫或百千億乃至不可說不可說佛剎微塵數劫爾時善財童子爲菩薩無勝幢解脫智光明照故得毗盧遮那藏三昧光明爲無盡智解脫三昧光明照故得普攝諸方陀羅尼光明爲金剛輪陀羅尼門光明照故得極清淨智慧心三昧光明爲普門

莊嚴藏般若波羅蜜光明照故得佛虛空藏
 輪三昧光明為一切佛法輪三昧光明照故
 得三昧無盡智三昧光明時彼仙人放善財
 手善財童子即自見身還在奉處時彼仙人
 告善財言善男子汝憶念耶善財言唯此是
 聖者善知識力仙人言善男子我唯知此菩
 薩無勝幢解脫如諸菩薩摩訶薩成就一切
 殊勝三昧於一切時而得自在於一念頃出
 生諸佛無量智慧以佛智燈而為莊嚴普照
 世間一念普入三世境界分形徧往十方國
 土智身普入一切法界隨衆生心普現其前
 觀其根行而為利益放淨光明甚可愛樂而
 我云何能知能說彼功德行彼殊勝願彼莊
 嚴刹彼智境界彼三昧所行彼神通變化彼
 解脫遊戲彼身相差別彼音聲清淨彼智慧
 光明善男子於此南方有一聚落名伊沙那
 有婆羅門名曰勝熱汝詣彼問菩薩云何學
 菩薩行修菩薩道時善財童子歡喜踊躍頂
 禮其足遶無數匝慇懃瞻仰辭退南行
 爾時善財童子為菩薩無勝幢解脫所照故
 住諸佛不思議神力證菩薩不思議解脫神
 通智得菩薩不思議三昧智光明得一切時
 熏修三昧智光明得了知一切境界皆依想
 所住三昧智光明得一切世間殊勝智光明

於一切處悉現其身以究竟智說無二無分別平等法以明淨智普照境界凡所聞法皆能忍受清淨信解於法自性決定明了心恒不捨菩薩妙行求一切智永無退轉獲得十力智慧光明勸求妙法常無厭足以正修行入佛境界出生菩薩無量莊嚴無邊大願悉已清淨以無窮盡智知無邊世界網以無怯弱心度無量衆生海了無邊菩薩諸行境界見無邊世界種種差別見無邊世界種種莊嚴入無邊世界微細境界知無邊世界種種名号知無邊世界種種言說知無邊衆生種種解見無邊衆生種種行見無邊衆生成熟行見無邊衆生差別想念善知識漸次遊行至俱舍那聚落見彼勝熱修諸苦行求一切智四面火聚猶如大山中有刀山高峻無極登彼山上投身入火時善財童子頂禮其足合掌而立作如是言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願爲我說婆羅門言善男子汝今若能上此刀山投身火聚諸菩薩行悉得清淨時善財童子作如是念得人身難離諸難難得無難難得淨法難得值佛難具諸根難聞佛法難遇善人難逢真善知識難受如理正教難得正命

難隨法行難此將非魔魔所使耶將非是魔
險惡徒黨詐現菩薩善知識相而欲爲我作
善報難作壽命難障我修行一切智道率我
令入諸惡道中欲障我法門障我佛法作是
念時十千梵天在虛空中作如是言善男子
莫作是念莫作是念今此聖者得金剛談三
昧光明發大精進度諸衆生心無退轉欲竭
一切貪愛海欲截一切邪見網欲燒一切煩
惱薪欲照一切惑網林欲斷一切老死怖欲
壞一切三世障欲放一切法光明善男子我
諸梵天多著邪見皆悉自謂是自在者是能
作者於世間中我是最勝見婆羅門五熱炙
身於自宮殿心不樂著於諸禪定不得滋味
皆共來詣婆羅門所時婆羅門以神通力示
大善行爲我說法能令我等滅一切見除一
切慢住於大慈行於大悲起廣大心發菩提
意常見諸佛恒聞妙法於一切處心無所礙
復有十千諸魔在虛空中以天摩尼寶散婆
羅門上告善財言善男子此婆羅門五熱炙
身時其火光明映奪於我所有宮殿諸莊嚴
具皆如聚墨令我於中不生樂著我與眷屬
來詣其所此婆羅門爲我說法令我及餘無
量天子諸天女等皆於阿耨多羅三藐三菩
提得不退轉復有十千自在天王於虛空中

各散天華作如是言善男子此婆羅門五熱
炙身時其火光明映奪我等所有宮殿諸莊
嚴具皆如聚墨令我於中不生愛著即與眷
屬來詣其所此婆羅門爲我說法令我於心
而得自在於煩惱中而得自在於受生中而
得自在於諸業障而得自在於諸三昧而得
自在於莊嚴具而得自在於壽命中而得自
在乃至能於一切佛法而得自在復有十千
化樂天王於虛空中作天音樂恭敬供養作
如是言善男子此婆羅門五熱炙身時其火
光明照我宮殿諸莊嚴具及諸來女能令我
等不受欲樂不求欲樂身心柔軟即與衆俱
來詣其所時婆羅門爲我說法能令我等心
得清淨心得明潔心得純善心得柔軟心生
歡喜乃至令得清淨十力清淨之身生無量
身乃至令得佛身佛語佛聲佛心具足成就
一切智智復有十千兜率天王天子天女無
量眷屬於虛空中雨衆妙香恭敬頂禮作女
是言善男子此婆羅門五熱炙身時令我等
諸天及其眷屬於自宮殿無有樂著共詣其
所聞其說法能令我等不貪境界少欲知足
心生歡喜心得充滿生諸善根發菩提心乃
至圓滿一切佛法復有十千三十三天并其
眷屬天子天女前後圍遶於虛空中雨天曼

陀羅華恭敬供養作如是言善男子此婆羅

門五熱衆身時令我等諸天於天音樂不生
樂著非詣其所時婆羅門爲我等說一切諸
法無常敗壞令我捨離一切欲樂令我斷除
憍慢放逸令我愛樂無上菩提又善男子我
當見此婆羅門時須彌山頂六種震動我等
恐怖皆發菩提心堅固不動復有十千龍王
所謂俱那跋羅龍王難陀優波難陀龍王等
於虛空中雨黑栴檀無量龍女奏天音樂雨
天妙華及天香水恭敬供養作如是言善男
子此婆羅門五熱衆身時其火光明显照一
切諸龍宮殿令諸龍衆離熱沙師金翅鳥怖
滅除瞋恚身得清涼心無垢濁聞法信解厭
惡龍趣以至誠心悔除業障乃至發阿耨多
羅三藐三菩提意住一切智復有十千夜叉
三於虛空中以種種供具恭敬供養此婆羅
門及以善財作如是言善男子此婆羅門五
熱衆身時我及眷屬悉於衆生發慈愍心一
切羅刹鳩槃荼等亦生慈心以慈心故於諸
衆生無所惱害而來見我我及彼等於自宮
殿不生樂著即與共俱來詣其所時婆羅門
即爲我等如應說法一切皆得身心安樂又
令無量夜叉羅刹鳩槃荼等發於無上菩提
之心復有十千乾闥婆三於虛空中作如是

言善男子此娑羅門五熱炙身時其火光明
照我宮殿悉令我等受不思議無量快樂是
故我等來詣其所此娑羅門為我說法能令
我等於阿耨多羅三藐三菩提得不退轉復
有十千阿脩羅王從大海出住在虛空舒右
膝輪合掌前禮作如是言善男子此娑羅門
五熱炙身時我阿脩羅所有宮殿大海大地
悉皆震動令我等捨憍慢放逸是故我等來
詣其所從其聞法捨離諂誑安住忍地堅固
不動圓滿十力復有十千迦樓羅王勇力持
主而為上首化作外道童子之形於虛空中
唱如是言善男子此娑羅門五熱炙身時其
火光明照我宮殿一切震動皆悉恐怖是故
我等來詣其所時娑羅門即為我等如應說
法令修習大慈徧讚大悲度生死海於欲泥
中拔濟衆生歎菩提心起方便智隨其所宜
調伏衆生復有十千緊那羅王於虛空中唱
如是言善男子此娑羅門五熱炙身時我等
所住宮殿諸多羅樹諸寶鈴網諸寶繒帶諸
音樂樹諸妙寶樹及諸樂器自然而出佛聲
法聲及不退轉菩薩僧聲願求無上菩提之
聲云某方某國有某菩薩發菩提心某方某
國有某菩薩修行苦行難捨能捨乃至清淨
一切智行某方某國有某菩薩往詣道場乃

至某方某國有某如來作佛事已而般涅槃
善男子假使有人以閻浮提一切草木末爲
微塵此微塵數可知邊際我宮殿中寶多羅
樹乃至樂器所說菩薩名如來名所發大願
所修行等無有能得知其邊際善男子我等
以聞佛聲法聲菩薩僧聲生大歡喜來詣其
所時婆羅門即爲我等如應說法令我及餘
無量衆生於阿耨多羅三藐三菩提得不退
轉復有無量欲界諸天於虛空中以妙供具
恭敬供養唱如是言善男子此婆羅門五熱
炙身時其火光明照阿鼻等一切地獄諸所
受苦悉令休息我等見此火光明故心生淨
信以信心故從彼命終生於天中爲知恩故
而來其所恭敬瞻仰無有厭足時婆羅門爲
我說法令無量衆生發菩提心爾時善財童
子聞如是法心大歡喜於婆羅門所發起真
實善知識心頭頂禮敬唱如是言我於大聖
善知識所生不善心唯願聖者容我悔過時
婆羅門即爲善財而說頌言

若有諸善哉順善知識教一切無疑懼安住心不動
當知如是人必獲廣大利坐菩提樹下成於無上覺
爾時善財童子即登刀山自投火聚未至中
間即得菩薩善住三昧纔觸火燄又得菩薩
寂靜樂神通三昧善財白言甚奇聖者如是

刀山及大火聚我身觸時安隱快樂時婆羅
門告善財言善男子我唯得此菩薩無盡輪
解脫如諸菩薩摩訶薩大功德故能燒一切
衆生見惑今無有餘必不退轉無窮盡心無
懈怠心無怯弱心發如金剛藏那羅延心疾
修諸行無遲緩心願如風輪普持一切精進
大誓皆無退轉而我云何能知能說彼功德
行善男子於此南方有城名師子奮迅中有
童女名曰慈行汝詣彼問菩薩云何學菩薩
行修菩薩道時善財童子頂禮其足遶無數
而辭退而去

大方廣佛華嚴經卷第六十四

師傳

下方遇切

氛氲

上符分切
下於云切

攔指

上蘇干切
下金中切

鳬鴈

上防無切
下五晏切

俱祇

下居希切

陂池

二碑音

挾閣

上叶音

紺瑠

上古瑠切

寶劍

下尺續切

耳瑠

下都無切

梵輔

下扶兩切

瞿沙

二其俱切

鮮榮

上相然切

聳擢

上息根切
下直育切

編草

上布玄切

蹻環

上計音
下還音

垂躡

下必何切

開開

上古運切
下海計切

高陵

下私問切

黨詐

上多朗切
下訓駕切

惱新

下新音

稠林

上直由切

炙身

上之石切

映奪

下徒居切

纒觸

上才音

遲緩

下胡常切

奮迅

上才問切
下私問切

乙巳歲高麗國大藏都監奉

勅彫造

大方廣佛華嚴經卷第六十五

蔡

于闐國三藏實叉難陀奉

制譯

入法界品第三十九之六

爾時善財童子於善知識所起最極尊重心
生廣大清淨解常念大衆專求佛智願見諸
佛觀法境界無障礙智常現在前決定了知
諸法實際常住際一切三世諸剎那際如虛
空際無二際一切法無分別際一切義無障
礙際一切劫無失壞際一切如來無際之際
於一切佛心無分別破衆想網離諸執著不
取諸佛衆會道場亦不取佛清淨國土知諸
衆生皆無有我知一切聲悉皆如響知一切
色悉皆如影漸次南行至師子奮迅城周徧
推求慈行童女聞此童女是師子幢王女五
百童女以爲侍從往毗盧遮那藏殿於龍勝
栴檀足金線網天衣座上而說妙法善財聞
已詣王宮門求見彼女見無量衆來入宮中
善財問言諸人今者何所往詣咸報之言我
等欲詣慈行童女聽受妙法善財童子即作
是念此王宮門既無限礙我亦應入善財入
已見毗盧遮那藏殿玻璃爲地瑠璃爲柱金
剛爲壁間浮檀金以爲垣牆百千光明而爲
隱牖阿僧祇摩尼寶而莊校之寶藏摩尼鏡
周帀莊嚴以世間最上摩尼寶而爲莊飾無

數寶網羅覆其上百千金鈴出妙音聲有如
是等不可思議衆寶嚴飾其慈行童女皮膚
金色眼紺紫色髮紺青色以梵音聲而演說
法善財見已頂禮其足遶無數帀合掌前住
作如是言聖者我已先發阿耨多羅三藐三
菩提心而未知菩薩云何學菩薩行云何修
菩薩道我聞聖者善能誘誨願爲我說時慈
行童女告善財言善男子汝應觀我宮殿莊
嚴善財頂禮周徧觀察見一一壁中一一柱
中一一鏡中一一相中一一形中一一摩尼
寶中一一莊嚴具中一一金鈴中一一寶樹
中一一寶形像中一一寶瓔珞中悉見法界
一切如來從初發心修菩薩行成滿大願具
足功德成等正覺轉妙法輪乃至示現入於
涅槃如是影像靡不皆現如淨水中普見虛
空日月星宿所有衆像如此皆是慈行童女
過去世中善根之力爾時善財童子憶念所
見諸佛之相合掌瞻仰慈行童女爾時童女
告善財言善男子此是般若波羅蜜普莊嚴
門我於三十六恒河沙佛所求得此法彼諸
如來各以異門令我入此般若波羅蜜普莊
嚴門一佛所演餘不重說善財白言聖者此
般若波羅蜜普莊嚴門境界云何童女答言
善男子我入此般若波羅蜜普莊嚴門隨順

趣向思惟觀察憶持分別時得普門陀羅尼
百萬阿僧祇陀羅尼門皆悉現前所謂佛刹
陀羅尼門佛陀羅尼門法陀羅尼門衆生陀
羅尼門過去陀羅尼門未來陀羅尼門現在
陀羅尼門常住降陀羅尼門福德陀羅尼門
福德助道具陀羅尼門智慧陀羅尼門智慧
助道具陀羅尼門諸願陀羅尼門分別諸願
陀羅尼門集諸行陀羅尼門清淨行陀羅尼
門圓滿行陀羅尼門業陀羅尼門業不失壞
陀羅尼門業流注陀羅尼門業所作陀羅尼
門捨離惡業陀羅尼門修習正業陀羅尼門
業自在陀羅尼門善行陀羅尼門持善行陀
羅尼門三昧陀羅尼門隨順三昧陀羅尼門
觀察三昧陀羅尼門三昧境界陀羅尼門從
三昧起陀羅尼門神通陀羅尼門心海陀羅
尼門種種心陀羅尼門直心陀羅尼門照心
稠林陀羅尼門調心清淨陀羅尼門知衆生
所從生陀羅尼門知衆生煩惱行陀羅尼門
知煩惱習氣陀羅尼門知煩惱方便陀羅尼
門知衆生解陀羅尼門知衆生行陀羅尼門
知衆生行不同陀羅尼門知衆生性陀羅尼
門知衆生欲陀羅尼門知衆生想陀羅尼門
普見十方陀羅尼門說法陀羅尼門大悲陀
羅尼門大慈陀羅尼門寂靜陀羅尼門言語

道陀羅尼門方便非方便陀羅尼門隨順陀
羅尼門差別陀羅尼門普入陀羅尼門無礙
際陀羅尼門普徧陀羅尼門佛法陀羅尼門
菩薩法陀羅尼門聲聞法陀羅尼門獨覺法
陀羅尼門世間法陀羅尼門世界成陀羅尼
門世界壞陀羅尼門世界住陀羅尼門淨世
界陀羅尼門垢世界陀羅尼門於垢世界現
淨陀羅尼門於淨世界現垢陀羅尼門純垢
世界陀羅尼門純淨世界陀羅尼門平坦世
界陀羅尼門不平坦世界陀羅尼門覆世界
陀羅尼門因陀羅網世界陀羅尼門世界轉
陀羅尼門知依想住陀羅尼門細入微陀羅
尼門廣入細陀羅尼門見諸佛陀羅尼門分
別佛身陀羅尼門佛光明莊嚴網陀羅尼門
佛圓滿音陀羅尼門佛法輪陀羅尼門成就
佛法輪陀羅尼門差別佛法輪陀羅尼門無
差別佛法輪陀羅尼門解釋佛法輪陀羅尼
門轉佛法輪陀羅尼門能作佛事陀羅尼門
分別佛衆會陀羅尼門入佛衆會海陀羅尼
門普照佛力陀羅尼門諸佛三昧陀羅尼門
諸佛三昧自在用陀羅尼門諸佛所住陀羅
尼門諸佛所持陀羅尼門諸佛變化陀羅尼
門佛知衆生心行陀羅尼門諸佛神通變現
陀羅尼門住兜率天宮乃至示現入于涅槃

陀羅尼門利益無量衆生陀羅尼門入其深
 法陀羅尼門入微妙法陀羅尼門菩提心陀
 羅尼門起菩提心陀羅尼門助菩提心陀羅
 尼門諸願陀羅尼門諸行陀羅尼門神通陀
 羅尼門出離陀羅尼門摠持清淨陀羅尼門
 智輪清淨陀羅尼門智慧清淨陀羅尼門菩
 提無量陀羅尼門自心清淨陀羅尼門善男
 子我唯知此般若波羅蜜普莊嚴門如諸菩
 薩摩訶薩其心廣大等虛空界入於法界福
 德成滿住出世法達世間行智眼無翳普觀
 法界慧心廣大猶如虛空一切境界悉皆明
 見獲無礙地大光明藏善能分別一切法義
 行於世行不染世法能益於世非世所壞普
 作一切世間依止普知一切衆生心行隨其
 所應而為說法於一切時恒得自在而我云
 何能知能說彼功德行善男子於此南方有
 一國土名為三眼彼有比丘名曰善見汝詣
 彼問菩薩云何學菩薩行修菩薩道時善財
 童子頂禮其足遶無數匝戀慕瞻仰辭退而
 行
 爾時善財童子思惟菩薩所住行甚深思惟
 菩薩所證法甚深思惟菩薩所入處甚深思
 惟衆生微細智甚深思惟世間依想住甚深
 思惟衆生所作行甚深思惟衆生心流注甚

深思惟衆生如光影甚深思惟衆生名号甚
深思惟衆生言說甚深思惟莊嚴法界甚深
思惟種植業行甚深思惟業莊飾世間甚深
漸次遊行至三眼國於城邑聚落村鄣市肆
川原山谷一切諸處周徧求覓善見比丘見
在林中經行往返壯年美貌端正可喜其髮
紺青右旋不亂頂有肉髻皮膚金色頸文三
道額廣平正眼目脩廣如青蓮華脣口丹紫
如頻婆果罽縠字七處平滿其臂纖長其
指細緩手足掌中有金剛輪其身殊妙如淨
居天上下端直如尼拘陀樹諸相隨好悉皆
圓滿如雪山王種種嚴飾目視不瞬圓光一
尋智慧廣博猶如大海於諸境界心無所動
若沈若舉若智非智動轉戲論一切皆息得
佛所行平等境界大悲教化一切衆生心無
暫捨爲欲利衆一切衆生爲欲開示如來法
眼爲踐如來所行之道不遲不速審諦經行
無量天龍夜叉乾闥婆阿脩羅迦樓羅緊那
羅摩睺羅伽釋梵護世八非人前後圍遶
主方之神隨方迴轉引導其前足行諸神持
寶蓮華以承其足無盡光神舒光破闇闍浮
幢林神雨衆雜華不動藏地神現諸寶藏普
光明虛空神莊嚴虛空成就德海神雨摩尼
寶無垢藏須彌山神頭頂禮敬曲躬合掌無

礙力風神雨妙香華春和主夜神莊嚴其身
舉體投地常覺主盡神執普照諸方摩尼幢
住在虛空放大光明時善財童子詣比丘所
頂禮其足曲躬合掌白言聖者我已先發阿
耨多羅三藐三菩提心求菩薩行我聞聖者
善能開示諸菩薩道願爲我說菩薩云何學
菩薩行云何修菩薩道善見答言善男子我
年既少出家又近我此生中於三十八恒河
沙佛所淨修梵行或有佛所一日一夜淨修
梵行或有佛所七日七夜淨修梵行或有佛
所半月一月一歲百歲萬歲億歲那由他歲
乃至不可說不可說歲或一小劫或半大劫
或一大劫或百大劫乃至不可說不可說大
劫聽聞妙法受行其教莊嚴諸願入所證處
淨修諸行滿足六種波羅蜜海亦見彼佛成
道說法各各差別無有雜亂住持遺教乃至
滅盡亦知彼佛本所興願以三昧願力嚴淨
一切諸佛國土以入一切行三昧力淨修一
切諸菩薩行以普賢乘出離力清淨一切佛
波羅蜜又善男子我經行時一念中一切十
方皆悉現前智慧清淨故一念中一切世界
皆悉現前經過不可說不可說世界故一念
中不可說不可說佛刹皆悉嚴淨成就大願
力故一念中不可說不可說衆生差別行皆

悉現前滿足十力智故一念中不可說不可說諸佛清淨身皆悉現前成就普賢行願力故一念中恭敬供養不可說不可說佛刹微塵數如來成就柔軟心供養如來願力故一念中領受不可說不可說如來法得證阿僧祇差別法住持法輪陀羅尼力故一念中不可說不可說菩薩行海皆悉現前得能淨一切行如因陀羅網願力故一念中不可說不可說諸三昧海皆悉現前得於一三昧門入一切三昧門皆令清淨願力故一念中不可說不可說諸根海皆悉現前得了知諸根際於一根中見一切根願力故一念中不可說不可說佛刹微塵數時皆悉現前得於一切時轉法輪衆生界盡法輪無盡願力故一念中不可說不可說一切三世海皆悉現前得了知一切世界中一切三世分位智光明願力故善男子我唯知此菩薩隨順燈解脫門如諸菩薩摩訶薩如金剛燈於如來家真正受生具足成就不死命根常然智燈無有盡滅其身堅固不可沮壞現於如幻色相之身如緣起法無量差別隨衆生心各各示現形貌色相世無倫匹毒刃火裁所不能害如金剛山無能壞者降伏一切諸魔外道其身妙好如真金山於天人中最爲殊特名稱廣大

靡不聞知觀諸世間咸對目前演係法藏如
海無盡放大光明普照十方若有見者必破
一切障礙大山必拔一切不善根本必令種
植廣大善根如是之人難可得見難可出世
而我云何能知能說彼功德行善男子於此
南方有一國土名曰名聞於河堵中有一童
子名自在主汝詣彼問菩薩云何學菩薩行
修菩薩道時善財童子爲欲究竟菩薩勇猛
清淨之行欲得菩薩大力光明欲修菩薩無
勝無盡諸功德行欲滿菩薩堅固大願欲成
菩薩廣大深心欲持菩薩無量勝行於菩薩
法心無厭足願入一切菩薩功德欲常攝御
一切衆生欲超生死稠林曠野於善知識常
樂見聞承事供養無有厭倦頂禮其足遶無
量帀慇懃瞻仰辭退而去

爾時善財童子受善見比丘教已憶念誦持
思惟修習明了決定於彼法門而得悟入天
龍夜叉乾闥婆衆前後圍遶向名聞國周徧
求覓自在主童子時有天龍乾闥婆等於虛
空中告善財言善男子今此童子在河堵上
爾時善財即詣其所見此童子十千童子所
共圍遶聚沙爲戲善財見已頂禮其足遶無
量帀合掌恭敬却住一面白言聖者我已先
發阿耨多羅三藐三菩提心而未知菩薩云

何學菩薩行云何修菩薩道願為解說自在
主言善男子我昔曾於文殊師利童子所修
學書數算印等法即得悟入一切工巧神通
智法門善男子我因此法門故得知世間書
數算印界處等法亦能療治風癰消瘰鬼魅
所著如是所有一切諸病亦能造立城邑聚
落園林臺觀宮殿屋宅種種諸處亦善調鍊
種種仙藥亦善管理田農商估一切諸業取
捨進退咸得其所又善別知衆生身相作善
作惡當生善趣當生惡趣此人應得聲聞衆
道此人應得緣覺衆道此人應入一切智地
如是等事皆悉能知亦令衆生學習此法增
長決定究竟清淨善男子我亦能知菩薩等
法所謂一百洛叉爲一俱胝俱胝爲一
阿庾多阿庾多阿庾多爲一那由他那由他
那由他爲一頻婆羅頻婆羅頻婆羅爲一矜
羯羅廣說乃至優鉢羅優鉢羅爲一波頭摩
波頭摩波頭摩爲一僧祇僧祇爲一起
趣趣爲一論論爲一無數無數無數爲一
無數轉無數轉無數轉爲一無量無量無量
爲一無量轉無量轉無量轉爲一無邊無邊
無邊爲一無邊轉無邊轉無邊轉爲一無等
無等無等爲一無等轉無等轉無等轉爲一
不可數不可數不可數爲一不可數轉不可

數轉不可數轉爲一不可稱不可稱
 爲一不可稱轉不可稱轉爲一不
 可思不可思不可思爲一不可思轉不可思
 轉不可思轉爲一不可量不可量爲
 一不可量轉不可量轉爲一不可
 說不可說不可說爲一不可說轉不可說轉
 不可說轉爲一不可說不可說此又不可說
 此菩薩算法算無量由旬廣大沙聚悉知其
 內顆粒多少亦能算知東方所有一切世界
 種種差別次第安住南西北方四維上下亦
 復如是亦能算知十方所有一切世界廣狹
 大小及以名字其中所有一切劫名一切佛
 名一切法名一切衆生名一切業名一切菩
 薩名一切諦名皆悉了知善男子我唯知此
 一切工巧大神通智光明法門如諸菩薩摩
 訶薩能知一切諸衆生數能知一切諸法品
 類數能知一切諸法差別數能知一切三世
 數能知一切衆生名數能知一切諸法名數
 能知一切諸如來數能知一切諸佛名數能
 知一切諸菩薩數能知一切菩薩名數而我
 何能說其功德示其所行顯其境界讚其勝
 力辨其樂欲宣其助道彰其大願歎其妙行
 明其諸度演其清淨發其殊勝智慧光明善

男子於此南方有一大城名曰海住有優婆夷名爲具足汝請彼問菩薩云何學菩薩行修菩薩道時善財童子聞是語已舉身毛豎歡喜踊躍獲得希有信樂寶心成就廣大利衆生心悉能明見一切諸佛出興次第悉能通達甚深智慧清淨法輪於一切趣皆隨現身了知三世平等境界出生無盡功德大海放大智慧自在光明開三有城所有關鑰頂禮其足遶無量帀殷懃瞻仰辭退而去爾時善財童子觀察思惟善知識教猶如巨海受大雲雨無有厭足作是念言善知識教猶如春日生長一切善法根苗善知識教猶如滿月凡所照及皆使清涼善知識教如夏雪山能除一切諸熱渴善知識教如芳他日能開一切善心蓮華善知識教如大寶洲種種法寶充滿其心善知識教如閻浮樹積集一切福智華果善知識教如大龍王於虛空中遊戲自在善知識教如須彌山無量善法三十三天於中止住善知識教猶如帝釋衆會圍遶無能映蔽能伏異道脩羅軍衆如是思惟漸次遊行至海住城處處尋覓此優婆夷時彼衆人咸告之言善男子此優婆夷在此城中所住宅內善財聞已即詣其門合掌而立其宅廣博種種莊嚴衆寶垣牆周帀

圍繞四面皆有寶莊嚴門善財入已見優婆夷處於寶座盛年好色端正可喜素服垂髮身無瓔珞其身色相威德光明除佛菩薩餘無能及於其宅內數十億座超出人天一切所有皆是菩薩業力成就宅中無有衣服飲食及餘一切資生之物但於其前置一小器復有一萬童女圍繞威儀色相如天采女妙寶嚴具莊飾其身言音美妙聞者喜悅常在左右親近瞻仰思惟觀察曲躬低首應其教命彼諸童女身出妙香普熏一切若有衆生遇斯香者皆不退轉無怒害心無怨結心無慳嫉心無諂誑心無險曲心無憎愛心無瞋恚心無下劣心無高慢心生平等心起大慈心發利益心住律儀心離貪求心聞其音者歡喜踊躍見其身者悉離貪染爾時善財既見具足優婆夷已頂禮其足恭敬圍繞合掌而立白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願爲我說彼即告言善男子我得菩薩無盡福德藏解脫門能於如是一小器中隨諸衆生種種欲樂出生種種美味飲食悉令充滿假使百衆生千衆生百千衆生億衆生百億衆生千億衆生百千億那由他衆生乃至不可說不可說衆

生假使閻浮提微塵數衆生一四天下微塵
數衆生小千世界中千世界大千世界乃至
不可說不可說佛刹微塵數衆生假使十方
世界一切衆生隨其欲樂悉令充滿而其飲
食無有窮盡亦不減少如飲食如是種種上
味種種牀座種種衣服種種卧具種種車乘
種種華種種鬘種種香種種塗香種種燒香
種種末香種種珍寶種種瓔珞種種幢種種
幡種種蓋種種上妙資生之具隨意所樂悉
令充足又善男子假使東方一世界中聲聞
獨覺食我食已皆證聲聞辟支佛果住最後
身如一世界中如是百世界千世界百千世
界億世界百億世界千億世界百千億世界
百千億那由他世界閻浮提微塵數世界一
四天下微塵數世界小千國土微塵數世界
中千國土微塵數世界三千大千國土微塵
數世界乃至不可說不可說佛刹微塵數世
界中所有一切聲聞獨覺食我食已皆證聲
聞辟支佛果住最後身如於東方南西北方
四維上下亦復如是又善男子東方一世界
乃至不可說不可說佛刹微塵數世界中所
有一生所繫菩薩食我食已皆菩提樹下坐
於道場降伏魔軍成阿耨多羅三藐三菩提
如東方南西北方四維上下亦復如是善男

子汝見我此十千童女眷屬以不答言已見
優婆夷言善男子此十千童女而爲上首如
是眷屬百萬阿僧祇皆悉與我同行同願同
善根同出離道同清淨解同清淨念同清淨
趣同無量覺同得諸根同廣大心同所行境
同理同義同明了法同淨色相同無量力同
最精進同正法音同隨類音同清淨第一音
同讚無量清淨功德同清淨業同清淨報同
大慈周普救護一切同大悲周普成熟衆生
同清淨身業隨緣集起令見者欣悅同清淨
口業隨世語言宣布法化同往詣一切諸佛
衆會道場同往詣一切佛刹供養諸佛同能
現見一切法門同住菩薩清淨行地善男子
是十千童女能於此器取上飲食一刹那頃
徧至十方供養一切後身菩薩聲聞獨覺乃
至徧及諸餓鬼趣皆令充足善男子此十千
女以我此器能於天中充足天食乃至人中
充足人食善男子且待須臾汝當自見說是
語時善財則見無量衆生從四門入皆優婆
夷本願所請既來集已敷座令坐隨其所須
給施飲食悉使充足告善財言善男子我唯
知此無盡福德藏解脫門如諸菩薩摩訶薩
一切功德猶如大海甚深無盡猶如虛空廣
大無際如如意珠滿衆生願如大聚落所求

皆得如須彌山普集衆寶猶如與藏常貯法財猶如明燈破諸黑闇猶如高蓋普蔭羣生而我云何能知能說彼功德行善男子南方有城名曰大興彼有居士名曰明智汝詣彼問菩薩云何學菩薩行修菩薩道時善財童子頂禮其足遶無量帀瞻仰無厭辭退而去爾時善財童子得無盡莊嚴福德藏解脫光明已思惟彼福德大海觀察彼福德虛空趣彼福德聚登彼福德山攝彼福德藏入彼福德淵游彼福德池淨彼福德輪見彼福德藏入彼福德門行彼福德道修彼福德種漸次而行至大興城周徧推求明智長者於善知識心生渴仰以善知識熏習其心於善知識志欲堅固方便求見諸善知識心不退轉願得承事諸善知識心無懈怠知由依止善知識故能滿衆善知由依止善知識故能生衆福知由依止善知識故能長衆行知由依止善知識故不由他教自能承事一切善友如是思惟時長其善根淨其深心增其根性益其德本加其大願廣其大悲近一切智具普賢道照明一切諸佛正法增長如來十力光明爾時善財見彼居士在其城內市四衢道七寶臺上處無數寶莊嚴之座其座妙好清淨摩尼以爲其身金剛帝青以爲其足寶繩

交絡五百妙寶而為校飾敷天寶衣建天幢
幡張大寶網施大寶帳間浮檀金以為其蓋
毗瑠璃寶以為其竿令人執持以覆其上鵝
王羽翮清淨嚴潔以為其扇熏眾妙香雨眾
天華左右常奏五百樂音其音美妙過於天
樂眾生聞者無不悅豫十千眷屬前後圍遶
色相端嚴人所喜見天莊嚴具以為嚴飾於
天人中最勝無比悉已成就菩薩志欲皆與
居士同昔善根侍立瞻對承其教命爾時善
財頂禮其足遶無量帀合掌而立白言聖者
我為利益一切眾生故為令一切眾生出諸
苦難故為令一切眾生究竟安樂故為令一
切眾生出生死海故為令一切眾生住法寶
洲故為令一切眾生枯竭愛河故為令一切
眾生起大慈悲故為令一切眾生捨離欲愛
故為令一切眾生渴仰佛智故為令一切眾
生出生死曠野故為令一切眾生樂諸佛功
德故為令一切眾生出三界城故為令一切
眾生入一切智城故發阿耨多羅三藐三菩
提心而未知菩薩云何學菩薩行云何修菩
薩道能為一切眾生作依止處長者告言善
哉善哉善男子汝乃能發阿耨多羅三藐三
菩提心善男子發阿耨多羅三藐三菩提心
是人難得若能發心是人則能求菩薩行值

遇善知識恒無厭足親近善知識恒無勞倦
供養善知識恒不疲懈給侍善知識不生憂
戚求覓善知識終不退轉愛念善知識終不
放捨承事善知識無暫休息瞻仰善知識無
時憩止行善知識教未曾怠惰棄善知識心
無有誤失善男子汝見我此衆會人不善財
答言唯然已見居士言善男子我已令其發
阿耨多羅三藐三菩提心生如來家增長白
法安住無量諸波羅蜜學佛十力離世間種
住如來種棄生死輪轉正法輪滅三惡趣住
正法趣如諸菩薩悉能救護一切衆生善男
子我得隨意出生福德藏解脫門凡有所須
悉滿其願所謂衣服瓔珞象馬車乘華香幢
蓋飲食湯藥房舍屋宅牀座燈炬奴婢牛羊
及諸侍使如是一切資生之物諸有所須悉
令充滿乃至爲說真實妙法善男子且待須
臾汝當自見說是語時無量衆生從種種方
所種種世界種種國土種種城邑形類各別
愛欲不同皆以菩薩往昔願力其數無邊俱
來集會各隨所欲而有求請爾時居士知衆
普集須臾繫念仰視虛空如其所須悉從空
下一切衆會普皆滿足然後復爲說種種法
所謂爲得美食而充足者與說種種集福德
行離貧窮行知諸法行成就法喜禪悅食行

修習具足諸相好行增長成就難屈伏行善
能了達無上食行成就無盡大威德力降魔
怨行為得好飲而充足者與其說法令於生
死捨離愛著入佛法味為得種種諸上味者
與其說法皆令獲得諸佛如來上味之相為
得車乘而充足者與其宣說種種法門皆令
得載摩訶衍乘為得衣服而充足者與其說
法令得清淨慙媿之衣乃至如來清淨妙色
如是一切靡不周瞻然後悉為如應說法既
聞法已還歸本處爾時居士為善財童子示
現菩薩不可思議解脫境界已告言善男子
我唯知此隨意出生福德藏解脫門如諸菩
薩摩訶薩成就寶手徧覆一切十方國土以
自在力普雨一切資生之具所謂雨種種色
寶種種色瓔珞種種色寶冠種種色衣服種
種色音樂種種色華種種色香種種色末香
種種色燒香種種色寶蓋種種色幢幡徧滿
一切衆生住處及諸如來衆會道場或以成
熟一切衆生或以供養一切諸佛而我云何
能知能說彼諸功德自在神力善男子於此
南方有一大域名師子宮彼有長者名法寶
結汝可往問菩薩云何學菩薩行修菩薩道
時善財童子歡喜踊躍恭敬尊重如弟子禮
作如是念由此居士護念於我我得見一

切智道不斷愛念善知識見不壞尊重善知識
 心常能隨順善知識教決定深信善知識
 語恒發深心事善知識頂禮其足遠無量而
 懇懃瞻仰辭退而去

大方廣佛華嚴經卷第六十五

奮迅	下方問切	垣牆	下在良切	隱隔	上楚江切
金鈴	下靈音	皮膚	下由無切	標所	下萬音
臂纖	下息應切	不瞬	下舒問切	踐如	上慈演切
河渚	下章與切	燥治	上力照切	風癩	下問音
消瘦	下所祐切	商估	下古音	俱胝	下竹尼切
阿庚	下以主切	矜耦	上居陵切	顆粒	上苦果切
闌鑰	下以灼切	興藏	上烏到切	常貯	下丁呂切
鵝王	上五何切	羽翮	下下隔切	憂感	下倉暨切
憩止	上未創切				

已歲萬國大歲都臨泰
 新彫造

大方廣佛華嚴經卷第六十六

黎

于闐國三藏實叉難陀奉 制譯

入法界品第三十九之七

爾時善財童子於明智居士所聞此解脫已
游彼福德海治彼福德田仰彼福德山趣彼
福德津開彼福德藏觀彼福德法淨彼福德
輪味彼福德聚生彼福德力增彼福德勢漸
次而行向師子城周徧推求寶鬘長者見此
長者在於市中遽即往詣頂禮其足遶無數
匝合掌而立白言聖者我已先發阿耨多羅
三藐三菩提心而未知菩薩云何學菩薩行
云何修菩薩道善哉聖者願為我說諸菩薩
道我乘此道趣一切智爾時長者執善財手
將詣所居示其舍宅作如是言善男子且觀
我家爾時善財見其舍宅清淨光明真金所
成白銀爲牆玻璃爲殿紺瑠璃寶以爲樓閣
碑礫妙寶而作其柱百千種寶周徧莊嚴赤
珠摩尼爲師子座摩尼爲帳真珠爲網彌覆
其上碼碯寶池香水盈滿無量寶樹周徧行
列其宅廣博十層八門善財入已次第觀察
見最下層施諸飲食見第二層施諸寶衣見
第三層布施一切寶莊嚴具見第四層施諸
采女并及一切上妙珍寶見第五層乃至五
地菩薩雲集演說諸法利益世間成就一切

陀羅尼門諸三昧印諸三昧行智慧光明見
第六層有諸菩薩皆已成就甚深智慧於諸
法性明了通達成就廣大摠持三昧無障礙
門所行無礙不住二法在不可說妙莊嚴道
場中而共集會分別顯示般若波羅蜜門所
謂寂靜藏般若波羅蜜門善分別諸衆生智
般若波羅蜜門不可動轉般若波羅蜜門離
欲光明般若波羅蜜門不可降伏藏般若波
羅蜜門照衆生輪般若波羅蜜門海藏般若
波羅蜜門普眼捨得般若波羅蜜門入無盡
藏般若波羅蜜門一切方便海般若波羅蜜
門入一切世間海般若波羅蜜門無礙辯才
般若波羅蜜門隨順衆生般若波羅蜜門無
礙光明般若波羅蜜門常觀宿緣而布法雲
般若波羅蜜門說如是等百萬阿僧祇般若
波羅蜜門見第七層有諸菩薩得如響忍以
方便智分別觀察而得出離悉能聞持諸佛
正法見第八層無量菩薩共集其中皆得神
通無有退墮能以一音徧十方刹其身普現
一切道場盡于法界靡不周徧普入佛境界
見佛身普於一切佛衆會中而爲上首演說
於法見第九層一生所繫諸菩薩衆於中集
會見第十層一切如來充滿其中從初發心
修菩薩行超出生死成滿大願及神通力運

佛國土道場衆會轉正法輪調伏衆生如是
一切悉使明見爾時善財見是事已白言聖
者何緣致此清淨衆會種何善根獲如是報
長者告言善男子我念過去過佛刹微塵數
劫有世界名圓滿莊嚴佛号無邊光明法界
普莊嚴王如來應正等覺十号圓滿彼佛入
城我奏樂音并燒一丸香而以供養以此功
德迴向三處謂永離一切貧窮困苦常見諸
佛及善知識恒聞正法故獲斯報善男子我
唯知此菩薩無量福德寶藏解脫門如諸菩
薩摩訶薩得不思議功德寶藏入無分別如
來身海受無分別無上法雲修無分別功德
道具起無分別普賢行網入無分別三昧境
界等無分別菩薩善根住無分別如來所住
證無分別三昧平等住無分別普眼境界住
一切劫無有疲厭而我云何能知能說彼功
德行善男子於此南方有一國土名曰藤根
其土有城名曰普門中有長者名爲普眼汝
詣彼問菩薩云何學菩薩行修菩薩道時善
財童子頂禮其足遶無數帀慇懃瞻仰辭退
而去
爾時善財童子於寶髻長者所聞此解脫已
深入諸佛無量知見安住菩薩無量勝行了
達菩薩無量方便希求菩薩無量法門清淨

菩薩無量信解明利菩薩無量諸根成就菩薩無量欲樂通達菩薩無量行門增長菩薩無量願力建立菩薩無能勝幢起菩薩智照菩薩法漸次而行至藤根國推問求覓彼城所在雖歷艱難不憚勞苦但唯正念善知識教願常親近承事供養徧策諸根離衆放逸然後乃得見普門城百千聚落周匝圍遶埵殊崇峻衢路寬平見彼長者往詣其所於前頂禮合掌而立白言聖者我已先發阿耨多羅三藐三菩提心而未知菩薩云何學菩薩行云何修菩薩道長者告言善哉善哉善男子汝已能發阿耨多羅三藐三菩提心善男子我知一切衆生諸病風黃痰熱鬼魅蠱毒乃至水火之所傷害如是一切所生諸疾我悉能以方便救療善男子十方衆生諸有病者咸來我所我皆療治令其得差復以香湯沐浴其身香華瓔珞名衣上服種種莊嚴施諸飲食及以財寶悉令充足無所乏短然後各爲如應說法爲貪欲多者教不淨觀瞋恚多者教慈悲觀愚癡多者教其分別種種法相等分行者爲其顯示殊勝法門爲欲令其起發菩提心併揚一切諸佛功德爲欲令其起大悲意願示生死無量苦惱爲欲令其增長功德讚歎修集無量福智爲欲令其發大指

願偈讚調伏一切衆生爲欲令其修普賢行
說諸菩薩於一切刹一切劫住修諸行網爲
欲令其具佛相好偈揚讚歎檀波羅蜜爲欲
令其得佛淨身悉能徧至一切處故偈揚讚
歎尸波羅蜜爲欲令其得佛清淨不思議身
偈揚讚歎忍波羅蜜爲欲令其獲於如來無
能勝身偈揚讚歎精進波羅蜜爲欲令其得
於清淨無與等身偈揚讚歎禪波羅蜜爲欲
令其顯現如來清淨法身偈揚讚歎般若波
羅蜜爲欲令其現佛世尊清淨色身偈揚讚
歎方便波羅蜜爲欲令其爲諸衆生住一切
劫偈揚讚歎願波羅蜜爲欲令其現清淨身
悉過一切諸佛刹土偈揚讚歎力波羅蜜爲
欲令其現清淨身隨衆生心悉使歡喜偈揚
讚歎智波羅蜜爲欲令其獲於究竟淨妙之
身偈揚讚歎永離一切諸不善法如是施已
各令還去善男子我又善知和合一切諸香
要法所謂無等香辛頭波羅香無勝香覺悟
香阿盧那跋底香堅黑栴檀香烏洛迦栴檀
香沈水香不動諸根香如是等香悉知調理
和合之法又善男子我持此香以爲供養普
見諸佛所願皆滿所謂救護一切衆生願嚴
淨一切佛刹願供養一切如來願又善男子
然此香時一一香中止無量香徧至十力一

切法界一切諸佛衆會道場或爲香宮或爲香殿如是香欄檻香垣牆香却敵香戶牖香重閣香半月香蓋香幢香幡香帳香羅網香形像香莊嚴具香光明香雲雨處處充滿以爲莊嚴善男子我唯知此令一切衆生普見諸佛歡喜法門如諸菩薩摩訶薩如大藥王若見若聞若憶念若同住若隨行往若稱名号皆獲利益無空過者若有衆生暫得值遇必令銷滅一切煩惱入於佛法離諸苦蘊永息一切生死怖畏到無所畏一切智處摧壞一切老死大山安住平等寂滅之樂而我云何能知能說彼功德行善男子於此南方有一大城名多羅幢彼中有王名無厭足汝詣彼問菩薩云何學菩薩行修菩薩道時善財童子禮普眼足遶無量帀慇懃瞻仰辭退而去

爾時善財童子憶念思惟善知識教念善知識能攝受我能守護我今我於阿耨多羅三藐三菩提無有退轉如是思惟生歡喜心淨信心廣大心怡暢心踊躍心欣慶心勝妙心寂靜心莊嚴心無著心無礙心平等心自在心住法心徧往佛刹心見佛莊嚴心不捨十力心漸次遊行經歷國上村邑聚落至多羅幢城問無厭足王所在之處諸人答言此王

今者在於正殿坐師子座宣布法化調御衆生可治者治可攝者攝罰其罪惡決其諍訟撫其孤弱皆令永斷殺盜邪淫亦令禁止妄言兩舌惡口綺語又使遠離貪瞋邪見時善財童子依衆人語尋即往詣遙見彼王坐那羅延金剛之座阿僧祇寶以為其足無量寶像以為莊嚴金繩為網彌覆其上如意摩尼以為寶冠莊嚴其首閻浮檀金以為半月莊嚴其額帝青摩尼以為耳瑠相對垂下無價摩尼以為瓔珞莊嚴其頸天妙摩尼以為印釧莊嚴其臂閻浮檀金以為其蓋衆寶間錯以為輪輻大瑠璃寶以為其竿光朱摩尼以為其齋雜寶為鈴恒出妙音放大光明周徧十方如是寶蓋而覆其上阿那羅王有大力勢能伏他衆無能與敵以離垢繒而繫其頂十千大臣前後圍遶共理王事其前後有十萬猛卒形貌醜惡衣服褊陋執持器仗攘臂瞋目衆生見者無不恐怖無量衆生犯王教敕或盜他物或害他命或侵他妻或生邪見或起瞋恨或懷貪嫉作如是等種種惡業身被五縛將詣王所隨其所犯而治罰之或斷手足或截耳鼻或挑其目或斬其首或剝其皮或解其體或以湯煮或以火焚或驅上高山推令墮落有如是等無量楚毒發聲號叫

譬如衆合大地獄中善財見已作如是念我
爲利益一切衆生求菩薩行修菩薩道今者
此王滅諸善法作大罪業逼惱衆生乃至斷
命曾不顧懼未來惡道云何於此而欲求法
發大悲心救護衆生作是念時空中有天而
告之言善男子汝當憶念普眼長者善知識
教善財仰視而白之曰我常憶念初不敢忘
天曰善男子汝莫厭離善知識語善知識者
能引導汝至無險難安隱之處善男子菩薩
善巧方便智不可思議攝受衆生智不可思
議護念衆生智不可思議成熟衆生智不可
思議守護衆生智不可思議度脫衆生智不
可思議調伏衆生智不可思議時善財童子
聞此語已即詣王所頂禮其足白言聖者我
已先發阿耨多羅三藐三菩提心而未知菩
薩云何學菩薩行云何修菩薩道我聞聖者
善能教誨願爲我說時阿那羅王理王事已
執善財手將入宮中命之同坐告言善男子
汝應觀我所住宮殿善財如語即徧觀察見
其宮殿廣大無比皆以妙寶之所合成七寶
爲牆周帀圍遶百千衆寶以爲樓閣種種莊
嚴悉皆妙好不思議摩尼寶網羅覆其上十
億侍女端正殊絕威儀進止皆悉可觀凡所
施爲無非巧妙先起後卧輒意承旨時阿那

羅王告善財言善男子於意云何我若實作如是惡業云何而得如是果報如是色身如是眷屬如是富贍如是自在善男子我得菩薩如幻解脫善男子我此國土所有衆生多行殺盜乃至邪見作餘方便不能令其捨離惡業善男子我爲調伏彼衆生故化作惡人造諸罪業受種種苦令其一切作惡衆生見是事已心生惶怖心生厭離心生怯弱斷其所作一切惡業發阿耨多羅三藐三菩提意善男子我以如是巧方便故令諸衆生捨十惡業住十善道究竟快樂究竟安隱究竟住於一切智地善男子我身語意未曾惱害於一衆生善男子如我心者寧於未來受無間苦終不發生一念之意與一蟲一蠅而作苦事況復人耶人是福田能生一切諸善法故善男子我唯得此如幻解脫如諸菩薩摩訶薩得無生忍知諸有趣悉皆如幻菩薩諸行悉皆如化一切世間悉皆如影一切諸法悉皆如夢入真實相無礙法門修行帝網一切諸行以無礙智行於境界普入一切平等三昧於陀羅尼已得自在而我云何能知能說彼功德行善男子於此南方有城名妙光王名大光汝詣彼問菩薩云何學菩薩行修菩薩道時善財童子頂禮王足遶無數匝辭退

而去

爾時善財童子一心正念被王所得幻智法
 明思惟彼王如幻解脫觀察彼王如幻法性
 發如幻願淨如幻法普於一切如幻三昧起
 於種種如幻變化如是思惟漸次遊行或至
 人間城邑聚落或經曠野巖谷險難無有疲
 懈未曾休息然後乃至妙光大城而問人言
 妙光大城在於何所人咸報言妙光城者今
 此城是是大光王之所住處時善財童子歡
 喜踊躍作如是念我善知識在此城中我今
 必當親得奉見聞諸菩薩所行之行聞諸菩
 薩出要之門聞諸菩薩所證之法聞諸菩薩
 不思議功德聞諸菩薩不思議自在聞諸菩
 薩不思議平等聞諸菩薩不思議勇猛聞諸
 菩薩不思議境界廣大清淨作是念已入妙
 光城見此大城以金銀琉璃玻瓈真珠磤磲
 碼瑙七寶所成七寶深塹七重圍遶八功德
 水盈滿其中底布金沙優鉢羅華波頭摩華
 拘物頭華芬陀利華徧布其上寶多羅樹七
 重行列七種金剛以爲其垣各各圍遶所謂
 師子光明金剛垣無能起勝金剛垣不可沮
 壞金剛垣不可毀缺金剛垣堅固無礙金剛
 垣勝妙網藏金剛垣離塵清淨金剛垣悉以
 無數摩尼妙寶間錯莊嚴種種衆寶而爲埤

現其城縱廣一十由旬周迴八方面開八門
皆以七寶周徧嚴飾毗瑠璃寶以為其地種
種莊嚴甚可愛樂其城之內十億衢道一一
道間皆有無量萬億衆生於中止住有無數
閻浮檀金樓閣毗瑠璃摩尼網羅覆其上無
數銀樓閣赤真珠摩尼網羅覆其上無數毗
瑠璃樓閣妙藏摩尼網羅覆其上無數玻璃
樓閣無垢藏摩尼王網羅覆其上無數光照
世間摩尼寶樓閣曰藏摩尼王網羅覆其上
無數帝青摩尼寶樓閣妙光摩尼王網羅覆
其上無數衆生海摩尼王樓閣光明摩尼
王網羅覆其上無數金剛寶樓閣無能勝幢
摩尼王網羅覆其上無數黑栴檀樓閣天曼
陀羅華網羅覆其上無數無等香王樓閣種
種華網羅覆其上其城復有無數摩尼網無
數寶鈴網無數天香網無數天華網無數寶
形像網無數寶衣帳無數寶蓋帳無數寶樓
閣帳無數寶華鬘帳之所彌覆處處建立寶
蓋幢幡當此城中有一樓閣名正法藏阿僧
祇寶以為莊嚴光明赫奕最勝無比衆生見
者心無厭足彼大光王常處其中爾時善財
童子於此一切珍寶妙物乃至男女六塵境
界皆無愛著但正思惟究竟之法一心願樂
見善知識漸次遊行見大光王去於所住樓

閻不遠四衢道中坐如意摩尼寶蓮華藏廣大莊嚴師子之座紺瑠璃寶以為其足金繒為帳衆寶為網上妙天衣以為茵蓐其王於上結跏趺坐二十八種大人之相八十隨好而以嚴身如真金山光色熾盛如淨空日威光赫奕如盛滿月見者清涼如梵天王處於梵衆亦如大海功德法寶無有邊際亦如雪山相好樹林以為嚴飾亦如大雲能震法雷啓悟羣品亦如虛空顯現種種法門星象如須彌山四色普現衆生心海亦如寶洲種種智寶充滿其中於王座前有金銀瑠璃摩尼真珠珊瑚琥珀珂貝璧玉諸珍寶衆衣服瓔珞及諸飲食無量無邊種種充滿復見無量百千萬億上妙寶車百千萬億諸天妓樂百千萬億天諸妙香百千萬億病緣湯藥資生之具如是一切悉皆珍好無量乳牛蹏角金色無量千億端正女人上妙栴檀以塗其體天衣瓔珞種種莊嚴六十四能靡不諷練世情禮則悉皆善解隨衆生心而以給施城邑聚落四衢道側悉置一切資生之具一一道傍皆有二十億菩薩以此諸物給施衆生為欲普攝衆生故為令衆生歡喜故為令衆生踊躍故為令衆生心淨故為令衆生清涼故為滅衆生煩惱故為令衆生知一切義理故

為令眾生入一切智道故為令眾生捨怨敵
 心故為令眾生離身語惡故為令眾生拔諸
 邪見故為令眾生淨諸業道故時善財童子
 五體投地頂禮其足恭敬右遶經無量帀合
 掌而住白言聖者我已先發阿耨多羅三藐
 三菩提心而未知菩薩云何學菩薩行云何
 修菩薩道我聞聖者善能誘誨願為我說時
 王告言善男子我淨修菩薩大慈幢行我滿
 足菩薩大慈幢行善男子我於無量百千萬
 億乃至不可說不可說佛所問難此法思惟
 觀察修習莊嚴善男子我以此法為王以此
 法教敕以此法攝受以此法隨逐世間以此
 法引導眾生以此法令眾生修行以此法令
 眾生趣入以此法與眾生方便以此法令眾
 生熏習以此法令眾生起行以此法令眾生
 安住思惟諸法自性以此法令眾生安住慈
 心以慈為主具足慈力如是令住利益心安
 樂心哀愍心攝受心守護眾生不捨離心拔
 眾生苦無休息心我以此法令一切眾生畢
 竟快樂恒自悅豫身無諸苦心得清涼斷生
 死愛樂正法樂勝煩惱垢破惡業障絕生死
 流入真法海斷諸有趣求一切智淨諸心海
 生不壞信善男子我已住此大慈幢行能以
 正法教化世間善男子我國土中一切眾生

皆於我所無有恐怖善男子若有衆生貧窮困乏來至我所而有求索我開庫藏悉其所取而語之言莫造諸惡莫害衆生莫起諸見莫生執著汝等貧乏若有所須當來我所及四衢道一切諸物種種具足隨意而取勿生疑難善男子此妙光城所住衆生皆是菩薩發大乘意隨心所欲所見不同或見此城其量狹小或見此城其量廣大或見土沙以爲其地或見衆寶而以莊嚴或見聚土以爲垣牆或見寶牆周帀圍遶或見其地多諸瓦石高下不平或見無量大摩尼寶間錯莊嚴平坦如掌或見屋宅土木所成或見殿堂及諸樓閣階墀窓闥軒檻戶牖如是一切無非妙寶善男子若有衆生其心清淨曾種善根供養諸佛發心趣向一切智道以一切智爲究竟處及我昔時修菩薩行曾所攝受則見此城衆寶嚴淨餘皆見穢善男子此國土中一切衆生五濁世時樂作諸惡我心哀愍而欲救護入於菩薩大慈爲首隨順世間三昧之門入此三昧時彼諸衆生所有怖畏心惱害心怨敵心諍論心如是諸心悉自消滅何以故入於菩薩大慈爲首順世三昧法如是故善男子且待須臾自當現見時大光王即入此定其城內外六種震動諸寶地寶牆寶堂

寶殿臺觀樓閣階砌戶牖如是一切咸出妙音悉向於王曲躬敬禮妙光城內所有居人靡不同時歡喜踊躍俱向王所舉身投地村營城邑一切人衆咸承見王歡喜敬禮近王所住鳥獸之屬互相瞻視起慈悲心咸向王前恭敬禮拜一切山原及諸草樹莫不迴轉向王敬禮陂池泉井及以河海悉皆騰溢流注王前十千龍王起大香雲徼電震雷注微細雨有十千天王所謂忉利天王夜摩天王兜率陀天王善變化天王他化自在天王如是等而爲上首於虛空中作衆妓樂無數天女歌詠讚歎雨無數華雲無數香雲無數寶璽雲無數寶衣雲無數寶蓋雲無數寶幢雲無數寶幡雲於虛空中而爲莊嚴供養其王伊羅婆拏大象王以自在力於虛空中敷布無數大寶蓮華垂無數寶瓔珞無數寶綰帶無數寶鬘無數寶嚴具無數寶華無數寶香種種奇妙以爲嚴飾無數采女種種歌讚閻浮提內復有無量百千萬億諸羅刹王諸夜叉王鳩槃荼王毗舍闍王或住大海或居陸地飲血斃肉殘害衆生皆起慈心願行利益明識後世不造諸惡恭敬合掌頂禮於王如閻浮提餘三天下乃至三千大千世界乃至十方百千萬億那由他世界中所有一切毒

惡眾生悉亦如是時大光王從三昧起告善財言善男子我唯知此菩薩大慈爲首隨順世間三昧門如諸菩薩摩訶薩爲高蓋慈心普蔭諸眾生故爲修行下中上行悉等行故爲大地能以慈心任持一切諸眾生故爲滿月福德光明於世間中平等現故爲淨日以智光明照耀一切所知境故爲明燈能破一切眾生心中諸黑闇故爲水清珠能清一切眾生心中所願故爲大風速令眾生修習三昧入一切智大城中故而我云何能知其行能說其德能稱量彼福德大山能瞻仰彼功德衆星能觀察彼大願風輪能趣入彼甚深法門能顯示彼莊嚴大海能闡明彼普賢行門能開示彼諸三昧窟能讚歎彼大慈悲雲善男子於此南方有一王都名曰安住有優婆夷名曰不動汝詣彼問菩薩云何學菩薩行修菩薩道時善財童子頂禮三足遶無數帀慇懃瞻仰辭退而去爾時善財童子出妙光城遊行道路正念思惟大光王教憶念菩薩大慈幢行門思惟菩薩隨順世間三昧光明門增長彼不思議願福德自在力堅固彼不思議成熟衆生智觀察彼不思議不共受用大威德憶念彼不思

議差別相思惟彼不思議清淨者屬思惟彼
 不思議所作業生歡喜心生淨信心生猛利
 心生欣悅心生踊躍心生慶幸心生無濁心
 生清淨心生堅固心生廣大心生無盡心如
 是思惟悲泣流淚念善知識實為希有出生
 一切諸功德處出生一切諸菩薩行出生一
 切菩薩淨念出生一切陀羅尼輪出生一切
 三昧光明出生一切諸佛知見普雨一切諸
 佛法雨顯示一切菩薩願門出生難思智慧
 光明增長一切菩薩根芽又作是念善知識
 者能普救護一切惡道能普演說諸平等法
 能普顯示諸夷險道能普開闡大乘奧義能
 普勸發普賢諸行能普引到一切智城能普
 令入法界大海能普令見三世法海能普授
 與衆聖道場能普增長一切白法善財童子
 如是悲哀思念之時彼常隨逐覺悟菩薩如
 來使天於虛空中而告之言善男子其有修
 行善知識教諸佛世尊悉皆歡喜其有隨順
 善知識語則得近於一切智地其有能於善
 知識語無疑惑者則常值遇一切善友其有
 發心願常不離善知識者則得具足一切義
 利善男子汝可往詣安住王都即當得見不
 動優婆夷大喜知識時善財童子從彼三昧
 智光明起漸次遊行至安住城周徧推求不

動優婆夷今在何所無量人衆咸告之言善男子不動優婆夷身是童女在其家內父母守護與自親屬無量人衆演說妙法善財童子聞是語已其心歡喜如見父母即詣不動優婆夷舍入其宅內見彼堂宇金色光明普皆照耀遇斯光者身意清涼善財童子光明觸身即時獲得五百三昧門所謂了一切希有相三昧門入寂靜三昧門遠離一切世間三昧門普眼捨得三昧門如來藏三昧門得如是等五百三昧門以此三昧門故身心柔軟如七日胎又聞妙香非諸天龍輒闍婆等人與非人之所能有善財童子前詣其所恭敬合掌一心觀察見其形色端正殊妙十方世界一切女人無有能及況其過者唯除如來及以一切灌頂菩薩口出妙香宮殿莊嚴并其眷屬悉無與等況復過者十方世界一切衆生無有於此優婆夷所起染著心若得暫見所有煩惱悉自消滅譬如百萬大梵天王決定不生欲界煩惱其有見此優婆夷者所有煩惱應知亦然十方衆生觀此女人皆無厭足唯除具足大智慧者爾時善財童子曲躬合掌正念觀察見此女人其身自在不可思議色相顏容世無與等光明洞徹物無能障普爲衆生而作利益其身毛孔恒出妙

香眷屬無邊宮殿第一功德深廣莫知涯際
心生歡喜以頌讚曰

守護清淨戒修行廣大忍精進不退轉光明照世間
爾時善財童子說此頌已白言聖者我已先
發阿耨多羅三藐三菩提心而未知菩薩云
何學菩薩行云何修菩薩道我聞聖者善能
誘誨願為我說時不動優婆夷以菩薩柔軟
語悅意語慰諭善財而告之言善哉善哉善
男子汝已能發阿耨多羅三藐三菩提心善
男子我得菩薩難摧伏智慧藏解脫門我得
菩薩堅固受持行門我得菩薩一切法平等
地揔持門我得菩薩照明一切法辯才門我
得菩薩求一切法無疲厭三昧門善財童子
言聖者菩薩難摧伏智慧藏解脫門乃至求
一切法無疲厭三昧門境界云何童女言善
男子此處難知善財白言唯願聖者承佛神
力為我宣說我當因善知識能信能受能知
能了趣入觀察修習隨順離諸分別究竟平
等優婆夷言善男子過去世中有劫名離垢
佛号脩臂時有國王名曰電授唯有一女即
我身是我於夜分廢音樂時父母兄弟悉已
眠寢五百童女亦皆昏寐我於樓上仰觀星
宿於虛空中見彼如來如寶山王無量無邊
天龍八部諸菩薩眾所共圍遶佛身普放大

光明網周徧十方無所障礙佛身毛孔皆出妙香我聞是香身體柔軟心生歡喜便從樓下至於地上合十指爪頂禮於佛又觀被佛不見頂相觀身左右莫知邊際思惟彼佛諸相隨好無有厭足竊自念言此佛世尊作何等業獲於如是上妙之身相好圓滿光明具足眷屬成就宮殿嚴好福德智慧悉皆清淨摠持三昧不可思議神通自在辯才無礙善男子爾時如來知我心念即告我言汝應發不可壞心滅諸煩惱應發無能勝心破諸取著應發無退怯心入深法門應發能堪耐心救惡衆生應發無迷惑心普於一切諸趣受生應發無厭足心求見諸佛無有休息應發無知足心悉受一切如來法雨應發正思惟心普生一切佛法光明應發大住持心普轉一切諸佛法輪應發廣流通心隨衆生欲施其法寶善男子我於彼佛所聞如是法求一切智求佛十力求佛辯才求佛光明求佛色身求佛相好求佛衆會求佛國土求佛威儀求佛壽命發是心已其心堅固猶如金剛一切煩惱及以二乘悉不能壞善男子我發是心已來經閻浮提微塵數劫尚不生於念欲之心況行其事爾所劫中於自親屬不起瞋心況他衆生爾所劫中於其自身不生我見

況於衆具而計我所爾所劫中死時生時及住胎藏未曾迷惑起衆生想及無記心況於餘時爾所劫中乃至夢中隨見一佛未曾忘失何況菩薩十眼所見爾所劫中受持一切如來正法未曾忘失一文一句乃至世俗所有言辭尚不忘失何況如來金口所說爾所劫中受持一切如來法海一文一句無不思惟無不觀察乃至一切世俗之法亦復如是爾所劫中受持如是一切法海未曾於一法中不得三昧乃至世間技術之法一一法中悉亦如是爾所劫中住持一切如來法輪隨所住持未曾廢捨一文一句乃至不曾生於世智唯除爲欲調衆生故爾所劫中見諸佛海未曾於一佛所不得成就清淨大願乃至於諸化佛之所悉亦如是爾所劫中見諸菩薩修行妙行無有一行我不成就爾所劫中所見衆生無一衆生我不勸發阿耨多羅三藐三菩提心未曾勸一衆生發於聲聞辟支佛意爾所劫中於一切佛法乃至一文一句不生疑惑不生二想不生分別想不生種種想不生執著想不生勝劣想不生愛憎想善男子我從是來常見諸佛常見菩薩常見真實善知識常聞諸佛願常聞菩薩行常聞菩薩波羅蜜門常聞菩薩地智光明門常聞菩

薩無盡藏門常聞入無邊世界網門常聞出
 生無邊衆生界因門常以清淨智慧光明除
 滅一切衆生煩惱常以智慧生長一切衆生
 善根常隨一切衆生所樂示現其身常以清
 淨工妙言音開悟法界一切衆生善男子我
 得菩薩求一切法無厭足莊嚴門我得一切
 法平等地摠持門現不思議自在神變汝欲
 見不善財言唯我心願見爾時不動優婆夷
 坐於龍藏師子之座入求一切法無厭足莊
 嚴三昧門不空輪莊嚴三昧門十力智輪現
 前三昧門佛種無盡藏三昧門入如是等一
 萬三昧門入此三昧門時十方各有不可說
 佛刹微塵數世界六種震動皆悉清淨瑠璃
 所成一一世界中有百億四天下百億如來
 或住兜率天乃至般涅槃一如來放光明
 網周徧法界道場衆會清淨圍遶轉妙法輪
 開悟羣生時不動優婆夷從三昧起告善財
 言善男子汝見此不善財言唯我皆已見優
 婆夷言善男子我唯得此求一切法無厭足
 三昧光明爲一切衆生說微妙法皆令歡喜
 如諸菩薩摩訶薩如金翅鳥遊行虛空無所
 障礙能入一切衆生大海見有善根已成熟
 者便即執取置菩提岸又如商客入大寶洲
 採求如來十力智寶又如漁師持正法網入

生死海於愛水中漚諸衆生如阿脩羅王能
徧撓動三有大城諸煩惱海又如日輪出現
虛空照愛水泥令其乾竭又如滿月出現虛
空今可化者心華開敷又如大地普皆平等
無量衆生於中止住增長一切善法根芽又
如大風所向無礙能拔一切諸見大樹如轉
輪王遊行世間以四攝事攝諸衆生而我云
何能知能說彼功德行善男子於此南方有
一大城名無量都薩羅其中有一出家外道
名曰徧行汝往彼問菩薩云何學菩薩行修
菩薩道時善財童子頂禮其足遶無量帀慇
懃瞻仰辭退而去

大方廣佛華嚴經卷第六十六

遽即 上其據切

爲牆 下在良切

紺瑠 上古暗切

藤根 上徒登切

不憚 下徒案切

徧策 下徒策切

雉堞 上直凡切
下徒協切

崇陵 下私閑切

魅蠱 上明秘切
下公戶切

救藥 下力照切

欄檻 上落十切
下胡雞切

却敵 下徒歷切

戶牖 下與之切

怡暢 上與之切

罰其 上房越切

評訟 下似周切

撫其 上步武切

綺語 上皆後切

戶牆 下當音

猛卒 下臧沒切

徧陋 上音陋切
下漏音

攘臂 上汝陽切

戲耳 上昨結切

批其 上吐周切

或斬 下削咸切

或剝 下北甫切

驅上 上豈俱切

號叫 上胡刀切
下古弔切

富贍 下時微切

一蚊 下無各切

一蠟 下魚倚切

埤垠 上普米切
下研唇切

茵蓐 下唇音
上因音

珂貝 上苦何切

璧玉 上必益切

蹠南 上杜吳切

陂池 上彼為切

騰溢 上徒登切
下夷質切

激電 上古歷切

婆拏 下安加切

取肉 上徒敢切

竊自 上結切

堪耐 下奴茂切

金翅 下施智切

渡諸 上盧谷切

撓動 上呼毛切
古誼字從

乙巳歲高麗國大藏部監

勅彫造

大方廣佛華嚴經卷第六十七

繫

于闐國三藏實叉難陀奉

制譯

入法界品第三十九之八

爾時善財童子於不動優婆夷所得聞法已
專心憶念所有教誨皆悉信受思惟觀察漸
漸遊行經歷國邑至都薩羅城於日沒時入
彼城中摩店鄰里四衢道側處處尋覓徧行
外道城東有山名曰善得善財童子於中夜
時見此山頂草樹巖巖光明照耀如日初出
見此事已生大歡喜作是念言我必於此見
善知識便從城出而登彼山見此外道於其
山上平坦之處徐步經行色相圓滿威光照
耀大梵天王所不能及十千梵衆之所圍遶
往詣其所頭頂禮足遶無量帀於前合掌而
作是言聖者我已先發阿耨多羅二藐三菩
提心而我来知菩薩云何學菩薩行云何修
菩薩道我聞聖者善能教誨願爲我說徧行
答言善哉善哉善男子我已安住至一切處
菩薩行已成就普觀世間三昧門已成就無
依無作神通力已成就普門般若波羅蜜善
男子我普於世間種種方所種種形貌種種
行解種種歿生一切諸趣所謂天趣龍趣夜
叉趣乾闥婆阿脩羅迦樓羅緊那羅摩睺羅
伽地獄畜生閻羅王界人非人等一切諸趣

或住諸見或信二乘或復信樂大乘之道如
是一切諸衆生中我以種種方便種種智門
而為利益所謂或為演說一切世間種種技
藝令得具足一切巧術陀羅尼智或為演說
四攝方便令得具足一切智道或為演說諸
波羅蜜令其迴向一切智位或為偁讚大菩
提心令其不失無上道意或為偁讚諸菩薩
行令其滿足淨佛國土度衆生願或為演說
造諸惡行受地獄等種種苦報令於惡業深
生厭離或為演說供養諸佛種種善根決定
獲得一切智果令其發起歡喜之心或為讚
說一切如來應正等覺所有功德令樂佛身
求一切智或為讚說諸佛威德令其願樂佛
不壞身或為讚說佛自在身令求如來無能
映蔽大威德體又善男子此都薩羅城中一
切方所一切族類若男若女諸人衆中我皆
以方便示同其形隨其所應而為說法諸衆
生等悉不能知我是何人從何而至唯令聞
者如實修行善男子如於此城利益衆生於
閻浮提城邑聚落所有人衆住止之處悉亦
如是而為利益善男子閻浮提內九十六衆
各起異見而生執著我悉於中方便調伏令
其捨離所有諸見如閻浮提餘四天下亦復
如是如四天下三千大千世界亦復如是如

三千大千世界如是十方無量世界諸衆生
海我悉於中隨諸衆生心之所樂以種種方
便種種法門現種種色身以種種言音而爲
說法令得利益善男子我唯知此至一切處
菩薩行如諸菩薩摩訶薩身與一切衆生數
等得與衆生無差別身以變化身普入諸趣
於一切處皆現受生普現一切衆生之前清
淨光明徧照世間以無礙願住一切劫得如
帝網諸無等行常勤利益一切衆生恒與共
居而無所著普於三世悉皆平等以無我智
周徧照耀以大悲藏一切觀察而我云何能
知能說彼功德行善男子於此南方有一國
土名爲廣大有鬻香長者名優鉢羅華汝詣
彼問菩薩云何學菩薩行修菩薩道時善財
童子頂禮其足遶無量帀慇懃瞻仰辭退而
去
爾時善財童子因善知識教不顧身命不著
財寶不樂人衆不耽五欲不戀眷屬不重王
位唯願化度一切衆生唯願嚴淨諸佛國土
唯願供養一切諸佛唯願證知諸法實性唯
願修集一切菩薩大功德海唯願修行一切
功德終無退轉唯願恒於一切劫中以大願
力修菩薩行唯願普入一切諸佛衆會道場
唯願入一三昧門普現一切三昧門自在神

力唯願於佛一毛孔中見一切佛心無厭足
唯願得一切法智慧光明能持一切諸佛法
藏專求此等一切諸佛菩薩功德漸次遊行
至廣大國詣長者所頂禮其足遶無量帛合
掌而立白言聖者我已先發阿耨多羅三藐
三菩提心欲求一切佛平等智慧欲滿一切
佛無量大願欲淨一切佛最上色身欲見一
切佛清淨法身欲知一切佛廣大智身欲淨
治一切菩薩諸行欲照明一切菩薩三昧欲
安住一切菩薩摠持欲除滅一切所有障礙
欲遊行一切十方世界而未知菩薩云何學
菩薩行云何修菩薩道而能出生一切智智
長者告言善哉善哉善男子汝乃能發阿耨
多羅三藐三菩提心善男子我善別知一切
諸香亦知調合一切香法所謂一切香一切
燒香一切塗香一切末香亦知如是一切香
三所出之處又善了知天香龍香夜叉香乾
闥婆阿脩羅迦樓羅緊那羅摩睺羅伽人非
人等所有諸香又善別知治諸病香斷諸惡
香生歡喜香增煩惱香滅煩惱香令於有爲
生樂著香令於有爲生厭離香捨諸憍逸香
發心念佛香證解法門香聖所受用香一切
菩薩差別香一切菩薩地位香如是等香形
相生起出現成就清淨安隱方便境界威德

業用及以根本如是一切我皆了達善男子
入間有香名曰象藏因龍鬬生若燒一丸即
起大香雲彌覆王都於七日中雨細香雨若
著身者身則金色若著衣服宮殿樓閣亦皆
金色若因風吹入宮殿中衆生輿者七日七
夜歡喜充滿身心快樂無有諸病不相侵害
離諸憂苦不驚不怖不亂不恚慈心相向志
意清淨我知是已而爲說法令其決定發阿
耨多羅三藐三菩提心善男子摩羅耶山出
旃檀香名曰牛頭若以塗身設入火坑火不
能燒善男子海中有香名無能勝若以塗鼓
及諸螺貝其聲發時一切敵軍皆自退散善
男子阿那婆達多池邊出沈水香名蓮華藏
其香一丸如麻子大若以燒之香氣普熏閻
浮提界衆生聞者離一切罪戒品清淨善男
子雪山有香名阿盧那若有衆生輿此香者
其心決定離諸染著我爲說法莫不皆得離
垢三昧善男子羅刹界中有香名海藏其香
但爲轉輪王用若燒一丸而以熏之王及四
軍皆騰虛空善男子善法天中有香名淨莊
嚴若燒一丸而以熏之普使諸天心念於佛
善男子須夜摩天有香名淨藏若燒一丸而
以熏之夜摩天衆莫不雲集彼天王所而共
聽法善男子兜率天中有香名先陀婆於一

生所繫菩薩座前燒其一九興大香雲徧覆
法界普雨一切諸供養具供養一切諸佛菩
薩善男子善變化天有香名曰奪意若燒一
丸於七日中普雨一切諸莊嚴具善男子我
唯知此調和香法如諸菩薩摩訶薩遠離一
切諸惡習氣不染世欲永斷煩惱衆魔罣索
超諸有趣以智慧香而自莊嚴於諸世間皆
無染著具足成就無所著戒淨無著智行無
著境於一切處悉無有著其心平等無著無
依而我何能知其妙行說其功德顯其所有
清淨戒門示其所作無過失業辨其離染身
語意行善男子於此南方有一大城名曰樓
閣中有船師名婆施羅汝詣彼問菩薩云何
學菩薩行修菩薩道時善財童子頂禮其足
遶無量帀慇懃瞻仰辭退而去
爾時善財童子向樓閣城觀察道路所謂觀
道高卑觀道夷險觀道淨穢觀道曲直漸次
遊行作是思惟我當親近彼善知識善知識
者是成就修行諸菩薩道因是成就修行波
羅蜜道因是成就修行攝衆生道因是成就
修行普入法界無障礙道因是成就修行令
一切衆生除惡慧道因是成就修行令一切
衆生離憍慢道因是成就修行令一切衆生
滅煩惱道因是成就修行令一切衆生捨諸

見道因是成就修行令一切衆生拔一切惡
剝道因是成就修行令一切衆生至一切智
城道因何以故於善知識處得一切善法故
依善知識力得一切智道故善知識者難見
難遇如是思惟漸次遊行既至彼城見其船
師在城門外海岸上住百千商人及餘無量
大衆圍遶說大海法方便開示佛功德海善
財見已往詣其所頂禮其足遶無量而於前
合掌而作是言聖者我已先發阿耨多羅三
藐三菩提心而未知菩薩云何學菩薩行云
何修菩薩道我聞聖者善能教誨願爲我說
船師告言善哉善哉善男子汝已能發阿耨
多羅三藐三菩提心今復能問生大智因斷
除一切生死苦因住一切智大寶洲因成就
不壞摩訶衍因遠離二乘怖畏生死住諸寂
靜三昧旋因乘大願車徧一切處行菩薩行
無有障礙清淨道因以菩薩行莊嚴一切無
能壞智清淨道因普觀一切十方諸法皆無
障礙清淨道因速能趣入一切智海清淨道
因善男子我在此城海岸路中淨修菩薩大
悲幢行善男子我觀閻浮提內貧窮衆生爲
饒益故修諸苦行隨其所願悉令滿足先以
世物充滿其意復施法財令其歡喜令修福
行令生智道令增善根力令起菩提心令淨

菩提願令堅大悲力令修能滅生死道令生
不厭生死行令攝一切衆生海令修一切功
德海令照一切諸法海令見一切諸佛海令
入一切智智海善男子我住於此如是思惟
如是作意如是利益一切衆生善男子我知
海中一切寶洲一切寶處一切寶類一切寶
種我知淨一切寶鑽一切寶出一切寶作一
切寶我知一切寶器一切寶用一切寶境界
一切寶光明我知一切龍宮處一切夜叉宮
處一切部多宮處皆善迴避免其諸難亦善
別知漩渦淺深波濤遠近水色好惡種種不
同亦善別知日月星宿運行度數晝夜晨晡
晷漏延促亦知其船鐵木堅脆機關罌滑水
之大小風之逆順如是一切安危之相無不
明了可行則行可止則止善男子我以成就
如是智慧常能利益一切衆生善男子我以
好船運諸商衆行安隱道復爲說法令其歡
喜引至寶洲與諸珍寶咸使充足然後將領
還闍浮提善男子我將大船如是往來未始
令其一有損壞若有衆生得見我身聞我法
者令其永不怖生死海必得入於一切智海
必能消竭諸愛欲海能以智光照三世海能
盡一切衆生苦海能淨一切衆生心海速能
嚴淨一切刹海普能往詣十方大海普知一

切衆生根海普了一切衆生行海普順一切
衆生心海善男子我唯得此大悲幢行若有
見我及以聞我與我同住憶念我者皆悉不
空如諸菩薩摩訶薩善能遊涉生死大海不
染一切諸煩惱海能捨一切諸妄見海能觀
一切諸法性海能以四攝攝衆生海已善安
住一切智海能滅一切衆生著海能平等住
一切時海能以神通度衆生海能以其時調
衆生海而我云何能知能說彼功德行善男
子於此南方有城名可樂中有長者名無上
勝汝詣彼問菩薩云何學菩薩行修菩薩道
時善財童子頂禮其足遶無量帀懇懃瞻仰
悲泣流淚求善知識心無厭足辭退而去
爾時善財童子起大慈周徧心大悲潤澤心
相續不斷福德智慧二種莊嚴捨離一切煩
惱塵垢證法平等心無高下拔不善刺滅一
切障堅固精進以爲牆塹甚深三昧而作園
苑以慧日光破無明暗以方便風開智慧華
以無礙願充滿法界心常現入一切智城如
是而求菩薩之道漸次經歷到彼城內見無
上勝在其城東大莊嚴幢無憂林中無量商
人百千居士之所圍遶理斷人間種種事務
因爲說法令其永拔一切我慢離我我所捨
所積聚滅慳嫉垢心得清淨無諸穢濁獲淨

信力常樂見佛受持佛法生菩薩力起菩薩
行入菩薩三昧得菩薩智慧住菩薩正念增
菩薩樂欲爾時善財童子觀彼長者為衆說
法已以身投地頂禮其足良久乃起白言聖
者我是善財我是善財我專尋求菩薩之行
菩薩云何學菩薩行菩薩云何修菩薩道隨
修學時常能化度一切衆生常能現見一切
諸佛常得聽聞一切佛法常能住持一切佛
法常能趣入一切法門入一切刹學菩薩行
住一切劫修菩薩道能知一切如來神力能
受一切如來護念能得一切如來智慧時彼
長者告善財言善哉善哉善男子汝已能發
阿耨多羅三藐三菩提心善男子我成就至
一切處菩薩行門無依無作神通之力善男
子云何為至一切處菩薩行門善男子我於
此三千大千世界欲界一切諸衆生中所謂
一切三十三天一切須夜摩天一切兜率陀
天一切善變化天一切他化自在天一切魔
天及餘一切天龍夜叉羅刹娑鳩鵝茶乳闍
婆阿脩羅迦樓羅緊那羅摩睺羅伽人與非
人村營城邑一切住處諸衆生中而為說法
令捨非法令息諍論令除鬪戰令止忿競令
破怨結令解繫縛令出牢獄令免怖畏令斷
殺生乃至邪見一切惡業不可作事皆令禁

止令其順行一切善法令其修學一切技藝
於諸世間而作利益爲其分別種種諸論令
生歡喜令漸成熟隨順外道爲說勝智令斷
諸見令入佛法乃至色界一切梵天我亦爲
其說超勝法如於此三千大千世界乃至十
方十不可說百千億那由他佛刹微塵數世
界中我皆爲說佛法菩薩法聲聞法獨覺法
說地獄說地獄衆生說向地獄道說畜生說
畜生差別說畜生受苦說向畜生道說閻羅
王世間說閻羅王世間苦說向閻羅王世間
道說天世間說天世間樂說向天世間道說
人世間說人世間苦樂說向人世間道爲欲
開顯菩薩功德爲令捨離生死過患爲令知
見一切智人諸妙功德爲欲令知諸有趣中
迷或受苦爲令知見無障礙法爲欲顯示一
切世間生起所因爲欲顯示一切世間寂滅
爲樂爲令衆生捨諸想著爲令證得佛無依
法爲令永滅諸煩惱輪爲令能轉如來法輪
我爲衆生說如是法善男子我唯知此至一
切處修菩薩行清淨法門無依無作神通之
力如諸菩薩摩訶薩具足一切自在神通悉
能徧往一切佛刹得普眼地悉聞一切音聲
言說普入諸法智慧自在無有乖諍勇健無
比以廣長舌出平等音其身妙好同諸菩薩

與諸如來究竟無二無有差別智身廣大普
入三昧境界無際同於虛空而我云何能知
能說彼功德行善男子於此南方有一國土
名曰輸那其國有城名迦陵迦林有比丘尼
名師子頻申汝詣彼問菩薩云何學菩薩行
修菩薩道時善財童子頂禮其足遶無量而
懇懇瞻仰辭退而去

爾時善財童子漸次遊行至彼國城周徧推
求此比丘尼有無量人咸告之言善男子此
比丘尼在勝光王之所捨施日光園中說法
利益無量衆生時善財童子即詣彼園周徧
觀察見其園中有一大樹名爲滿月形如樓
閣放大光明照一由旬見一葉樹名爲普覆
其形如蓋放毗瑠璃紺青光明見一華樹名
曰華藏其形高大如雪山王雨衆妙華無有
窮盡如忉利天中波利質多羅樹復見有一
甘露果樹形如金山常放光明種種衆果悉
皆具足復見有一摩尼寶樹名毗盧遮那藏
其形無比心王摩尼寶最在其上阿僧祇色
相摩尼寶周徧莊嚴復有衣樹名爲清淨種
種色衣垂布嚴飾復有音樂樹名爲歡喜其
音美妙過諸天樂復有香樹名普莊嚴恒出
妙香普熏十方無所障礙園中復有泉流陂
池一切皆以七寶莊嚴黑栴檀泥凝積其中

二妙金沙彌布其底八功德水具足盈滿優鉢羅華波頭摩華拘物頭華芬陀利華徧覆其上無量寶樹周徧行列諸寶樹下敷師子座種種妙寶以爲莊嚴布以天衣熏諸妙香垂諸寶繒施諸寶帳閻浮金網彌覆其上寶鐸徐搖出妙音聲或有樹下敷蓮華藏師子之座或有樹下敷香王摩尼藏師子之座或有樹下敷寶師子聚摩尼王藏師子之座或有樹下敷毗盧遮那摩尼王藏師子之座或有樹下數十方毗盧遮那摩尼王藏師子之座其一一座各有十萬寶師子座周匝圍遶一皆具無量莊嚴此大園中衆寶徧滿猶如大海寶洲之上迦隣陀衣以布其地柔軟妙好能生樂觸蹈則沒足舉則還復無量諸鳥出和雅音寶栴檀林上妙莊嚴種種妙華常雨無盡猶如帝釋雜華之園無比香王普熏一切猶如帝釋善法之堂諸音樂樹寶多羅樹衆寶鈴網出妙音聲如自在天善口天女所出歌音諸如意樹種種妙衣垂布莊嚴猶如大海有無量色百千樓閣衆寶莊嚴如忉利天宮善見大城寶蓋退張如須彌峯光明普照如梵王宮爾時善財童子見此大園無量功德種種莊嚴皆是菩薩業報成就出世

善根之所生起供養諸佛功德所流一切世間無與等者如是皆從師子頻申比丘尼了法如幻集廣大清淨福德喜業之所成就三千大千世界天龍八部無量衆生皆入此園而不迫窄何以故此比丘尼不可思議威神力故爾時善財見師子頻申比丘尼徧坐一切諸寶樹下大師子座身相端嚴威儀寂靜諸根調順如大象王心無垢濁如清淨池普濟所求如如意寶不染世法猶如蓮華心無所畏如師子王護持淨戒不可傾動如須彌山能令見者心得清涼如妙香王能除衆生諸煩惱熱如雪山中妙栴檀香衆生見者諸苦消滅如善見藥王見者不空如婆樓那天能長一切衆善根芽如良沃田在一一座衆會不同所說法門亦各差別或見處座淨居天衆所共圍遶大自在天子而爲上首此比丘尼爲說法門名無盡解脫或見處座諸梵天王衆所共圍遶愛樂梵王而爲上首此比丘尼爲說法門名普門差別清淨言音輪或見處座他化自在天天子天女所共圍遶自在天王而爲上首此比丘尼爲說法門名菩薩清淨心或見處座善變化天天子天女所共圍遶善化天王而爲上首此比丘尼爲說法門名一切法善莊嚴或見處座兜率陀天天

子天女所共圍遶兜率天王而爲上首此比丘尼爲說法門名心藏旋或見處座須夜摩天天子天女所共圍遶夜摩天王而爲上首此比丘尼爲說法門名無邊莊嚴或見處座三十三天天子天女所共圍遶釋提桓因而爲上首此比丘尼爲說法門名厭離門或見處座百光明龍王難陀龍王優波難陀龍王摩那斯龍王伊羅跋難陀龍王阿那婆達多龍王等龍子龍女所共圍遶娑伽羅龍王而爲上首此比丘尼爲說法門名佛神通境界光明莊嚴或見處座諸夜叉衆所共圍遶毗沙門天王而爲上首此比丘尼爲說法門名教護衆生藏或見處座乾闥婆衆所共圍遶持國乾闥婆王而爲上首此比丘尼爲說法門名無盡喜或見處座阿脩羅衆所共圍遶羅睺阿脩羅王而爲上首此比丘尼爲說法門名速疾莊嚴法界智門或見處座迦樓羅衆所共圍遶持迦樓羅王而爲上首此比丘尼爲說法門名怖動諸有海或見處座緊那羅衆所共圍遶大樹緊那羅王而爲上首此比丘尼爲說法門名佛行光明或見處座摩睺羅伽衆所共圍遶菴羅林摩睺羅伽王而爲上首此比丘尼爲說法門名生佛歡喜心或見處座無量百千男子女人所共圍遶

此比丘尼爲說法門名殊勝行或見處座諸
羅刹衆所共圍遶常奪精氣大樹羅刹王而
爲上首此比丘尼爲說法門名發生悲愍心
或見處座信樂聲聞衆生所共圍遶此比
丘尼爲說法門名勝智光明或見處座信樂
緣覺衆生所共圍遶此比丘尼爲說法門
名佛功德廣大光明或見處座信樂大乘衆
生所共圍遶此比丘尼爲說法門名普門三
昧智光明門或見處座初發心諸菩薩所共
圍遶此比丘尼爲說法門名一切佛願聚或
見處座第二地諸菩薩所共圍遶此比丘尼
爲說法門名轉垢輪或見處座第三地諸菩
薩所共圍遶此比丘尼爲說法門名寂靜莊
嚴或見處座第四地諸菩薩所共圍遶此比
丘尼爲說法門名生一切智境界或見處座
第五地諸菩薩所共圍遶此比丘尼爲說法
門名妙華藏或見處座第六地諸菩薩所共
圍遶此比丘尼爲說法門名毗盧遮那藏或
見處座第七地諸菩薩所共圍遶此比丘尼
爲說法門名普莊嚴地或見處座第八地諸
菩薩所共圍遶此比丘尼爲說法門名徧法
界境界身或見處座第九地諸菩薩所共圍
遶此比丘尼爲說法門名無所得力莊嚴或
見處座第十地諸菩薩所共圍遶此比丘尼

爲說法門名無礙輪或見處座執金剛神所
共圍遶此比丘尼爲說法門名金剛智那羅
延莊嚴善財童子見如是等一切諸趣所有
衆生已成熟者已調伏者堪爲法器皆入此
園各於座下圍遶而坐師子頻申比丘尼隨
其欲解勝劣差別而爲說法令於阿耨多羅
三藐三菩提得不退轉何以故此比丘尼入
普眼捨得般若波羅蜜門說一切佛法般若
波羅蜜門法界差別般若波羅蜜門散壞一
切障礙輪般若波羅蜜門生一切衆生善心
般若波羅蜜門殊勝莊嚴般若波羅蜜門無
礙真實藏般若波羅蜜門法界圓滿般若波
羅蜜門心藏般若波羅蜜門普出生藏般若
波羅蜜門此十般若波羅蜜門爲首入如是
等無數百萬般若波羅蜜門此日光園中所
有菩薩及諸衆生皆是師子頻申比丘尼初
勸發心受持正法思惟修習於阿耨多羅三
藐三菩提得不退轉時善財童子見師子頻
申比丘尼如是園林如是牀座如是經行如
是衆會如是神力如是辯才復聞不可思議
法門廣大法雲潤澤其心便生是我當右
遶無量百千帀時比丘尼放大光明普照其
園衆會莊嚴善財童子即自見身及園林中
所有衆樹皆悉右遶此比丘尼經於無量百

千萬帀圍遶畢已善財童子合掌而住曰言
聖者我已先發阿耨多羅三藐三菩提心而
未知菩薩云何學菩薩行云何修菩薩道我
聞聖者善能誘誨願爲我說比丘尼言善男
子我得解脫名成就一切智善財言聖者何
故名爲成就一切智比丘尼言善男子此智
光明於一念中普照三世一切諸法善財白
言聖者此智光明境界云何比丘尼言善男
子我入此智光明門得出生一切法三昧王
以此三昧故得意生身往十方一切世界遊
率天宮一生所繫菩薩所一一菩薩前現不
可說佛刹微塵數身一一身作不可說佛刹
微塵數供養所謂現天王身乃至人王身執
持華雲執持鬘雲燒香塗香及以末香衣服
瓔珞幢幡繒蓋寶網寶帳寶藏寶燈如是一
切諸莊嚴具我皆執持而以供養如於住兜
率宮菩薩所如是於住胎出胎在家出家往
詣道場成等正覺轉正法輪入於涅槃如是
言於彼一一諸如來所我皆如是而爲供養
若有衆生知我如是供養佛者皆於阿耨多
羅三藐三菩提得不退轉若有衆生來至我
所我即爲說般若波羅蜜善男子我見一切
衆生不分別衆生相智眼明見故聽一切語

言不分別語言相心無所著故見一切如來
不分別如來相了達法身故住持一切法輪
不分別法輪相悟法自性故一念徧知一切
法不分別諸法相知法如幻故善男子我唯
知此成就一切智解脫如諸菩薩摩訶薩心
無分別普知諸法一身端坐充滿法界於自
身中現一切刹一念悉詣一切佛所於自身
內普現一切諸佛神力一毛徧舉不可言說
諸佛世界於其自身一毛孔中現不可說世
界成壞於一念中與不可說不可說衆生同
住於一念中入不可說不可說一切諸劫而
我云何能知能說彼功德行善男子於此南
方有一國土名曰險難此國有城名寶莊嚴
中有女人名婆須蜜多汝詣彼問菩薩云何
學菩薩行修菩薩道時善財童子頂禮其足
遶無數匝慇懃瞻仰辭退而去

大方廣佛華嚴經卷第六十七

廊店 上直連切

嚴獻 上五衛切 下語僊切

映薩 下必使切

鬻香 上音音

總者 上許敕切

敵軍 上徒歷切

奪意 上徒沾切

訶衍 下演音

鑽一 上借官切

漩復 上旋音 下復音

瞋瞋 上博孤切 下瞋音

堅脆 下是稅月

大方廣佛華嚴經卷第六十八

卷

于闐國三藏寶叉難陀奉

制譯

入法界品第三十九之九

爾時善財童子大智光明照啓其心思惟觀
察見諸法性得了知一切言音陀羅尼門得
受持一切法輪陀羅尼門得與一切衆生作
所歸依大悲力得觀察一切法義理光明門
得充滿法界清淨願得普照十方一切法智
光明得徧莊嚴一切世界自在力得普發起
一切菩薩業圓滿願漸次遊行至險難國寶
莊嚴城處處尋覓婆須蜜多女城中有人不
知此女功德智慧作如是念今此童子諸根
寂靜智慧明了不迷不亂諦視一尋無有疲
懈無所取著目視不瞬心無所動甚深寬廣
猶如大海不應於此婆須蜜女有貪愛心有
顛倒心生於淨想生於欲想不應爲此女色
所攝此童子者不行魔行不入魔境不沒欲
泥不被魔縛不應作亂已能不作有何等意
而求此女其中有人先知此女有智慧者告
善財言善哉善哉善男子汝今乃能推求尋
覓婆須蜜女汝已獲得廣大善利善男子汝
應決定求佛果位決定欲爲一切衆生作所
依怙決定欲拔一切衆生貪愛毒箭決定欲
破一切衆生於女色中所有淨想善男子婆

須蜜女於此城内市鄣之北自宅中住時善財童子聞是語已歡喜踊躍往詣其門見其住宅廣博嚴麗寶牆寶樹及以寶璽一一皆有十重圍遶其寶璽中香水盈滿金沙布地諸天寶華優鉢羅華波頭摩華拘物頭華芬陀利華徧覆水上宮殿樓閣處處分布門闕憲隔相望間列咸施網鐸悉置幡幢無量珍奇以為嚴飾瑠璃為地衆寶間錯燒諸沈水塗以栴檀懸衆寶鈴風動成音散諸天華徧布其地種種嚴麗不可稱說諸珍寶藏其數百千十大園林以為莊嚴爾時善財見此女人顏貌端嚴色相圓滿皮膚金色目靨紺青不長不短不麤不細欲界人天無能與比音聲美妙超諸梵世一切衆生差別言音悉皆具足無不解了深達字義善巧談說得如幻智入方便門衆寶瓔珞及諸嚴具莊嚴其身如意摩尼以為寶冠而冠其首復有無量眷屬圍遶皆共善根同一行願福德大藏具足無盡時婆須蜜多女從其身出廣大光明普照宅中一切宮殿過斯光者身得清涼爾時善財前詣其所頂禮其足合掌而住白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能教誨願為我說彼即告言善男子

我得菩薩解脫名離貪欲際隨其欲樂而為
現身若天見我我為天女形貌光明殊勝無
比如是乃至人非人等而見我者我即為現
人非人女隨其樂欲皆令得見若有衆生欲
意所纏來詣我所我為說法彼聞法已則離
貪欲得菩薩無著境界三昧若有衆生暫見
於我則離貪欲得菩薩歡喜三昧若有衆生
暫與我語則離貪欲得菩薩無礙音聲三昧
若有衆生暫執我手則離貪欲得菩薩徧往
一切佛刹三昧若有衆生暫昇我座則離貪
欲得菩薩解脫光明三昧若有衆生暫觀於
我則離貪欲得菩薩寂靜莊嚴三昧若有衆
生見我頻申則離貪欲得菩薩摧伏外道三
昧若有衆生見我目瞬則離貪欲得菩薩佛
境界光明三昧若有衆生抱持於我則離貪
欲得菩薩攝一切衆生恒不捨離三昧若有
衆生呵我脅肋則離貪欲得菩薩增長一切
衆生福德藏三昧凡有衆生親近於我一切
皆得住離貪際入菩薩一切智地現前無礙
解脫善財白言聖者種何善根修何福業而
得成就如是自在答言善男子我念過去有
佛出世名為高行其王都域名曰妙門善男
子彼高行如來哀愍衆生入於王城蹈彼門
闢其城一切悉皆震動忽然廣傳衆寶莊嚴

無量光明遮相映徹種種寶華散布其地諸
天音樂同時俱奏一切諸天充滿虛空善男
子我於彼時為長者妻名曰善慧見佛神力
心生覺悟則與其夫往詣佛所以一寶錢而
為供養是時文殊師利童子為佛侍者為我
說法今發阿耨多羅三藐三菩提心善男子
我唯知此菩薩離貪際解脫如諸菩薩摩訶
薩成就無邊巧方便智其藏廣大境界無比
而我云何能知能說彼功德行善男子於此
南方有城名善度中有居士名鞞瑟胝羅彼
常供養栴檀座佛塔汝詣彼問菩薩云何學
菩薩行修菩薩道時善財童子頂禮其足遶
無量帀慇懃瞻仰辭退而去

爾時善財童子漸次遊行至善度城詣居士
宅頂禮其足合掌而立白言聖者我已先發
阿耨多羅三藐三菩提心而未知菩薩云何
學菩薩行云何修菩薩道我聞聖者善能誘
誨願為我說居士告言善男子我得菩薩解
脫名不般涅槃際善男子我不生心言如是
如來已般涅槃如是如來現般涅槃如是如
來當般涅槃我知十方一切世界諸佛如來
畢竟無有般涅槃者唯除為欲調伏衆生而
示現耳善男子我開栴檀座如來塔門時得
三昧名佛種無盡善男子我念念中入此三

昧念念得知一切無量殊勝之事善財白言
此三昧者境界云何居士答言善男子我入
此三昧隨其次第見此世界一切諸佛所謂
迦葉佛拘那含牟尼佛拘留孫佛尸棄佛毗
婆尸佛提舍佛弗沙佛無上勝佛無上蓮華
佛如是等而爲上首於一念頃得見百佛得
見十佛得見百千佛得見億佛千億佛百千
億佛阿庾多億佛那由他億佛乃至不可說
不可說世界微塵數佛如是一切次第皆見
亦見彼佛初始發心種諸善根獲勝神通成
就大願修行妙行具波羅蜜入菩薩地得清
淨忍摧伏魔軍成正等覺國土清淨衆會圓
遶放大光明轉妙法輪神通變現種種差別
我悉能持我悉能憶我悉能觀察分別顯示未
來彌勒佛等一切諸佛現在毗盧遮那佛等
一切諸佛悉亦如是如此世界十方世界所
有三世一切諸佛聲聞獨覺諸菩薩衆悉亦
如是善男子我唯得此菩薩所得不般涅槃
際解脫如諸菩薩摩訶薩以一念智普知三
世一念徧入一切三昧如來智日恒照其心
於一切法無有分別了一切佛悉皆平等如
來及我一切衆生等無有二知一切法自性
清淨無有思慮無有動轉而能普入一切世
間離世分別住佛法印悉能開悟法界衆生

而我云何能知能說彼功德行善男子於此南方有山名補怛洛迦彼有菩薩名觀自在汝詣彼問菩薩云何學菩薩行修菩薩道即

說頌言

海上有山多聖賢

衆寶所成極清淨

華果樹林皆徧滿

泉流池沼悉具足

勇猛丈夫觀自在

爲利衆生住此山

汝應往問諸功德

彼當示汝大方便

時善財童子頂禮其足遶無量匝已慇懃瞻仰辭退而去

爾時善財童子一心思惟彼居士教入彼菩薩解脫之藏得彼菩薩能隨念力憶彼諸佛出現次第念彼諸佛相續次第持彼諸佛名号次第觀彼諸佛所說妙法知彼諸佛具足莊嚴見彼諸佛成正等覺了彼諸佛下思議業漸次遊行至於彼山處處求覓此大菩薩見其西面巖谷之中泉流縈映樹林蓊鬱香草柔軟石旋布地觀自在菩薩於金剛寶石上結跏趺坐無量菩薩皆坐寶石恭敬圍遶而爲宣說大慈悲法令其攝受一切衆生善財見已歡喜踴躍合掌諦觀目不暫瞬作如是念善知識者則是如來善知識者一切法雲善知識者諸功德藏善知識者難可值遇善知識者十力寶因善知識者無盡智炬善

知識者福德根芽善知識者一切智門善知

識者智海導師善知識者至一切智助道之具便即往詣大菩薩所爾時觀自在菩薩遙見善財告言善來汝發大乘意普攝衆生起正直心專求佛法大悲深重救護一切普賢妙行相續現前大願深心圓滿清淨勤求佛法悉能領受積集善根恒無厭足順善知識不違其教從文殊師利功德智慧大海所生其心成熟得佛勢力已獲廣大三昧光明專意希求甚深妙法常見諸佛生大歡喜智慧清淨猶如虛空既自明了復爲他說安住如來智慧光明爾時善財童子頂禮觀自在菩薩足遶無數帀合掌而住白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能教誨願爲我說菩薩告言善哉善哉善男子汝已能發阿耨多羅三藐三菩提心善男子我已成就菩薩大悲行解脫門善男子我以此菩薩大悲行門平等教化一切衆生相續不斷善男子我住此大悲行門常在一切諸如來所普現一切衆生之前或以布施攝取衆生或以愛語或以利行或以同事攝取衆生或現色身攝取衆生或現種種不思議色淨光明網攝取衆生或以音聲或以威儀或

為說法或現神變令其心悟而得成熟或為
 化現同類之形與其共居而成熟之善男子
 我修行此大悲行門願常救護一切衆生願
 一切衆生離險道怖離熱惱怖離迷惑怖離
 繫縛怖離殺害怖離貧窮怖離不活怖離惡
 名怖離於死怖離大眾怖離惡趣怖離黑闇
 怖離遷移怖離愛別怖離怨會怖離逼迫身
 怖離逼迫心怖離憂悲怖復作是願願諸衆
 生若念於我若稱我名若見我身皆得免離
 一切怖畏善男子我以此方便令諸衆生離
 怖畏已復教令發阿耨多羅三藐三菩提心
 永不退轉善男子我唯得此菩薩大悲行門
 如諸菩薩摩訶薩已淨普賢一切願已住普
 賢一切行常行一切諸善法常入一切諸三
 昧常住一切無邊劫常知一切三世法常諸
 一切無邊刹常息一切衆生惡常長一切衆
 生善常絕衆生生死流而我云何能知能說
 彼功德行爾時東方有一菩薩名曰正趣從
 空中來至娑婆世界輪圍山頂以足按地其
 娑婆世界六種震動一切皆以衆寶莊嚴正
 趣菩薩放身光明映蔽一切日月星電天龍
 八部釋梵護世所有光明皆如聚墨其光普
 照一切地獄畜生餓鬼閻羅王處令諸惡趣
 衆苦皆滅煩惱不起憂悲悉離又於一切諸

佛國土普雨一切華香瓔珞衣服幢蓋如是
所有諸莊嚴具供養於佛復隨衆生心之所
樂普於一切諸宮殿中而現其身令其見者
皆悉歡喜然後來詣觀自在所時觀自在菩
薩告善財言善男子汝見正趣菩薩來此會
不白言已見告言善男子汝可往問菩薩云
何學菩薩行修菩薩道

爾時善財童子敬承其教遽即往詣彼菩薩
所頂禮其足合掌而立白言聖者我已先發
阿耨多羅三藐三菩提心而未知菩薩云何
學菩薩行云何修菩薩道我聞聖者善能教
誨願爲我說正趣菩薩言善男子我得菩薩
解脫名普門速疾行善財言聖者於何佛所
得此法門所從來刹去此幾何發來久如告
言善男子此事難知一切世間天人阿脩羅
沙門婆羅門等所不能了唯勇猛精進無退
無怯諸菩薩衆已爲一切善友所攝諸佛所
念善根具足志樂清淨得菩薩根有智慧眼
能聞能持能解能說善財言聖者我承佛神
力善知識力能信能受願爲我說正趣菩薩
言善男子我從東方妙藏世界普勝生佛所
而來此土於彼佛所得此法門從彼發來已
經不可說不可說佛刹微塵數劫一一念中
舉不可說不可說佛刹微塵數步一一步過

不可說不可說世界微塵數佛刹一一佛刹

我皆徧入至其佛所以妙供具而爲供養此諸供具皆是無上心所成無作法所印諸如來所忍諸菩薩所歎善男子我又普見彼世界一切衆生悉知其心悉知其根隨其欲解現身說法或放光明或施財寶種種方便教化調伏無有休息如從東方南西方四維上下亦復如是善男子我唯得此菩薩普疾行解脫能疾周徧到一切處如諸菩薩摩訶薩普於十方無所不至智慧境界等無差別善布其身悉徧法界至一切道入一切刹知一切法到一切世平等演說一切法門同時照耀一切衆生於諸佛所不生分別於一切處無有障礙而我云何能知能說彼功德行善男子於此南方有城名墮羅鉢底其中有神名曰大天汝詣彼問菩薩云何學菩薩行修菩薩道時善財童子頂禮其足遶無數帀慇懃瞻仰辭退而去

爾時善財童子入菩薩廣大行求菩薩智慧曠見菩薩神通事念菩薩勝功德生菩薩大歡喜起菩薩堅精進入菩薩不思議自在解脫行菩薩功德地觀菩薩三昧地住菩薩掇持地入菩薩大願地得菩薩辯才地成菩薩諸力地漸次遊行至於彼城推問大天今在

何所人咸告言在此城內現廣大身為衆說
法爾時善財至大天所頂禮其足於前合掌
而作是言聖者我已先發阿耨多羅三藐三
菩提心而未知菩薩云何學菩薩行云何修
菩薩道我聞聖者善能教誨願為我說爾時
大天長舒四手取四大海水自洗其面持諸
金華以散善財而告之言善男子一切菩薩
難可得見難可得聞希出世間於衆生中最
為第一是諸人中芬陀利華為衆生歸為衆
生救為諸世間作安隱處為諸世間作大光
明示迷惑者安隱正道為大導師引諸衆生
入佛法門為大法將善能守護一切智城菩
薩如是難可值遇唯身語意無過失者然後
乃得見其形像聞其辯才於一切時常現在
前善男子我已成就菩薩解脫名為雲網善
財言聖者雲網解脫境界云何爾時大天於
善財前示現金聚銀聚瑠璃聚玻瓈聚磲磔
聚碼碯聚大猷寶聚離垢藏寶聚大光明寶
聚普現十方寶聚寶冠聚寶印聚寶瓔珞聚
寶璫聚寶釧聚寶鎖聚珠網聚種種摩尼寶
聚一切莊嚴具聚如意摩尼聚皆如大山又
復示現一切華一切鬘一切香一切燒香一
切塗香一切衣服一切幢幡一切音樂一切
五欲娛樂之具皆如山積及現無數百千萬

億諸童女衆而彼大天告善財言善男子可
取此物供養如來修諸福德并施一切攝取
衆生令其修學檀波羅蜜能捨難捨善男子
如我爲汝示現此物教汝行施爲一切衆生
悉亦如是皆令以此善根熏習於三寶所善
知識所恭敬供養增長善法發於無上菩提
之意善男子若有衆生貪著五欲自放逸者
爲其示現不淨境界若有衆生瞋恚慢多
諍競者爲其示現極可怖形如羅刹等飲血
啖肉令其見已驚恐惶懼心意調柔捨離怨
結若有衆生惛沈懶惰爲其示現三賊水火
及諸重疾令其見已心生惶怖知有憂苦而
自勉策以如是等種種方便令捨一切諸不
善行修行善法令除一切波羅蜜障具波羅
蜜今超一切障礙險道到無障處善男子我
唯知此雲網解脫如諸菩薩摩訶薩猶如帝
釋已能摧伏一切煩惱阿脩羅軍猶如大水
普能消滅一切衆生諸煩惱火猶如猛火普
能乾竭一切衆生諸愛欲水猶如大風普能
吹倒一切衆生諸見取幢猶如金剛悉能摧
破一切衆生諸我見山而我云何能知能說
彼功德行善男子此閻浮提摩竭提國菩提
場中有主地神其名安住汝詣彼問菩薩云
何學菩薩行修菩薩道時善財童子禮大天

足遶無數同經第六幣辭退而去

爾時善財童子漸次遊行趣摩竭國菩提場
內安住神所百萬地神同在其中更相謂言
此來童子即是佛藏必當普爲一切衆生作
所依處必當普壞一切衆生無明穀藏此人
已生法王種中當以離垢無礙法繒而冠其
首當開智慧大珍寶藏摧伏一切邪論異道
時安住等百萬地神放大光月徧照三千大
千世界普令大地同時震吼種種寶物處處
莊嚴影潔光流遞相鑒徹一切葉樹俱時生
長一切華樹咸共開敷一切果樹靡不成熟
一切河流遞相灌注一切池沼悉皆盈滿雨
細香雨徧灑其地風來吹華普散其上無數
音樂一時俱奏天莊嚴具咸出美音牛王象
王師子王等皆生歡喜踊躍哮吼猶如大山
相擊出聲百千大藏自然踊現時安住地神
告善財言善來童子汝於此地曾種善根我
爲汝現汝欲見不爾時善財禮地神足遶無
數匝合掌而立白言聖者唯然欲見時安住
地神以足按地百千億阿僧祇寶藏自然踊
出告言善男子今此寶藏隨逐於汝是汝往
昔善根果報是汝福力之所攝受汝應隨意
自在受用善男子我得菩薩解脫名不可壞
智慧藏常以此法成就衆生善男子我憶自

從然燈佛來常隨菩薩恭敬守護觀察菩薩
所有心行智慧境界一切捨願諸清淨行一
切三昧廣大神通大自在力無能壞法徧往
一切諸佛國土普授一切諸如來記轉於一
切諸佛法輪廣說一切修多羅門大法光明
普皆照耀教化調伏一切衆生示現一切諸
佛神變我皆能領受皆能憶持善男子乃往
古世過須彌山微塵數劫有劫名莊嚴世界
名月幢佛号妙眼於彼佛所得此法門善男
子我於此法門若入若出修習增長常見諸
佛未曾捨離始從初得乃至賢劫於其中間
值遇不可說不可說佛刹微塵數如來應正
等覺悉皆承事恭敬供養亦見彼佛詣菩提
座現大神力亦見彼佛所有一切功德善根
善男子我唯知此不可壞智慧藏法門如諸
菩薩摩訶薩常隨諸佛能持一切諸佛所說
入一切佛甚深智慧念念充徧一切法界等
如來身生諸佛心具諸佛法作諸佛事而我
云何能知能說彼功德行善男子此閻浮提
摩竭提國迦毗羅城有主夜神名安珊婆演
底汝詣彼問菩薩云何學菩薩行修菩薩道
時善財童子禮地神足遶無數匝慇懃瞻仰
辭退而去
爾時善財童子一心思惟安住神教憶持菩

薩不可沮壞智藏解脫修其三昧學其軌則
觀其遊戲入其微妙得其智慧達其平等知
其無邊測其甚深漸次遊行至於彼城從東
門入佇立未久便見日沒心念隨順諸菩薩
教渴仰欲見彼主夜神於善知識生如來想
復作是念由善知識得周徧眼普能明見十
方境界由善知識得廣大解普能了達一切
所緣由善知識得智慧眼普能明照十方刹海
作是念時見彼夜神於虛空中處寶樓閣香
蓮華師子之座身真金色目綏紺青形貌
端嚴見者歡喜眾寶瓔珞以爲嚴飾身服朱
衣首戴梵冠一切星宿炳然在體於其身上
一一毛孔皆現化度無量無數惡道眾生令
其免離險難之像是諸眾生或生人中或生
天上或有趣向二乘菩提或有修行一切智
道又彼一一諸毛孔中示現種種教化方便
或爲現身或爲說法或爲示現聲聞乘道或
爲示現獨覺乘道或爲示現諸菩薩行菩薩
勇猛菩薩三昧菩薩自在菩薩住處菩薩觀
察菩薩師子頻申菩薩解脫遊戲如是種種
成熟眾生善財童子見聞此已心大歡喜以
身投地禮夜神足遶無數帀於前合掌而作
長言聖者我已先發阿耨多羅三藐三菩提

心我心冀望依善知識獲諸如來功德法藏
唯願示我一切智道我行於中至十力地時
彼夜神告善財言善哉善哉善男子汝能深
心敬善知識樂聞其語修行其教以修行故
決定當得阿耨多羅三藐三菩提善男子我
得菩薩破一切衆生癡暗法光明解脫善男
子我於惡慧衆生起大慈心於不善業衆生
起大悲心於作善業衆生起於喜心於善惡
二行衆生起不二心於雜染衆生起令生清
淨心於邪道衆生起令生正行心於劣解衆
生起令興大解心於樂生死衆生起令捨輪
轉心於住二乘道衆生起令住一切智心善
男子我以得此解脫故常與如是心共相應
善男子我於夜闇人靜鬼神盜賊諸惡衆生
所遊行時密雲重霧惡風暴雨日月星宿並
皆昏蔽不見色時見諸衆生若入於海若行
於陸山林曠野諸險難處或遭盜賊或之資
糧或迷惑方隅或忘失道路惴惶憂怖不能
自出我時即以種種方便而救濟之爲海難
者示作船師魚王馬王龜王象王阿脩羅王
及以海神爲彼衆生止惡風雨息大波浪引
其道路示其洲岸令免怖畏悉得安隱復作
是念以此善報迴施衆生願令捨離一切諸
苦爲在陸地一切衆生於夜暗中遭恐怖者

現作日月及諸星宿晨霞夕電種種光明或作屋宅或爲人衆令其得免恐怖之厄復作是念以此善根迴施衆生悉令除滅諸煩惱暗一切衆生有惜壽命有愛名聞有貪財寶有重官位有著男女有戀妻妾未稱所求多生憂怖我皆救濟令其離苦爲行山險而留難者爲作善神現形親近爲作好鳥發音慰悅爲作靈藥舒光照耀示其果樹示其泉井示正直道示平坦地令其免離一切憂厄爲行曠野稠林險道藤蘿所罥雲霧所暗而恐怖者示其正道令得出離作是念言願一切衆生伐見稠林截愛羅網出生死野滅煩惱暗入一切智平坦正道則無畏處畢竟安樂善男子若有衆生樂著國土而憂苦者我以方便令生厭離作是念言願一切衆生不著諸蘊住一切佛薩婆若境善男子若有衆生樂著聚落貪愛宅舍常處黑暗受諸苦者我爲說法令生厭離令法滿足令依法住作是念言願一切衆生悉不貪樂六處聚落速得出離生死境界究竟安住一切智城善男子若有衆生行暗夜中迷惑十方於平坦路生險難想於險難道起平坦想以高爲下以下爲高其心迷惑生大苦惱我以方便舒光照及若欲出者示其門戶若欲行者示其道路

砂度溝洫周經卷之六示其橋梁欲涉河海論與其船筏樂

觀方者示其險易安危之處欲休息者示其城邑水樹之所作是念言如我於此照除夜暗令諸世事悉得宣敘願我普於一切衆生生死長夜無明暗處以智慧光普皆照了是諸衆生無有智眼想心見倒之所覆翳無常常想無樂樂想無我我想不淨淨想堅固執著我人衆生蘊界處法迷惑因果不識善惡殺害衆生乃至邪見不孝父母不敬沙門及婆羅門不知惡人不識善人貪著惡事安住邪法毀謗如來壞正法輪於諸菩薩皆辱傷害輕大衆道斷菩提心於有恩人反加殺害於無恩處常懷怨結毀謗賢聖親近惡伴盜塔寺物作五逆罪不久當墮三惡道處願我速以大智光明破彼衆生無明黑暗令其疾發阿耨多羅三藐三菩提心既發心已示普賢乘開十力道亦示如來法王境界亦示諸佛一切智成諸佛所行諸佛自在諸佛成就諸佛揔持一切諸佛共同一身一切諸佛平等之處令其安住善男子一切衆生或病所纏或老所侵或苦貧窮或遭禍難或犯王法臨當受刑無所依怙生大怖畏我皆救濟使得安隱復作是念願我以法普攝衆生令其解脫一切煩惱生老病死憂悲苦患近善知

識常行法施勤行善業速得如來清淨法身
住於究竟無變易處善男子一切衆生入見
稠林住於邪道於諸境界起邪分別常行下
善身語意業妄作種種諸邪苦行於非正覺
生正覺想於正覺所非正覺想爲惡知識之
所攝受以起惡見將墮惡道我以種種諸方
便門而爲救護令住正見生人天中復作是
念如我救此將墮惡道諸衆生等願我普救
一切衆生悉令解脫一切諸苦住波羅蜜出
世聖道於一切智得不退轉具普賢願近一
切智而不捨離諸菩薩行常勤教化一切衆
生爾時婆珊婆演底主夜神欲重宣此解脫
義承佛神力觀察十方爲善財童子而說頌
言

我此解脫門 生淨法光明 能破愚癡暗 待時而演說
我昔無邊劫 勤行廣大慈 普覆諸世間 佛子應修學
寂靜大悲海 出生三世佛 能滅衆生苦 汝應入此門
能生世間樂 亦生出世樂 令我心歡喜 汝應入此門
既捨有爲患 亦遠聲聞果 淨修諸佛力 汝應入此門
我目甚清淨 普見十方刹 亦見其中佛 菩提樹下坐
相好莊嚴身 無量衆圍遶 一一毛孔內 種種光明出
見諸羣生類 死此而生彼 輪迴五趣中 常受無量苦
我耳甚清淨 聽之無不及 一切語言海 悉聞能憶持
諸佛轉法輪 其聲妙無比 所有諸文字 悉皆能憶持

我鼻甚清淨於法無所礙一切皆自在汝應入此門
我舌甚廣大淨好能言說隨應演妙法汝應入此門
我身甚清淨三世等如如隨諸衆生心一切悉皆現
我心淨無礙如空含萬像普念諸如來而亦不分別
了知無量刹一切諸心海諸根及欲樂而亦不分別
我以大神通震動無量刹其身悉徧往調彼難調衆
我福甚廣大如空無有盡供養諸如來饒益一切衆
我智廣清淨了知諸法海除滅衆生惑汝應入此門
我知三世佛及以一切法亦了彼方便此門徧無等
一一塵中見三世一切刹亦見彼諸佛此是普門力
十方刹塵內悉見盧舍那菩提樹下坐成道演妙法
爾時善財童子白夜神言汝發阿耨多羅三
藐三菩提心爲幾時耶得此解脫其已久如
乃能如是饒益衆生其神荅言善男子乃往
古世過如須彌山微塵數劫有劫名寂靜光
世界名出生妙寶有五億佛於中出現彼世
界中有四天下名寶月燈光有城名蓮華光
王名善法度以法施化成就七寶王四天下
王有夫人名法慧月夜久眠寐時彼城東有
一大林名爲寂住林中有一大菩提樹名一
切光摩尼王莊嚴身出生一切佛神力光明
爾時有佛名一切法雷音王於此樹下成等
正覺放無量色廣大光明徧照出生妙寶世
界蓮華光城內有主夜神名爲淨月詣王夫

人法慧月所勸身瓔珞以覺夫人而告之言
夫人當知一切法雷音王如來於寂住林成
無上覺及廣爲說諸佛功德自在神力普賢
菩薩所有行願令王夫人發阿耨多羅三藐
三菩提意供養彼佛及諸菩薩聲聞僧衆善
男子時王夫人法慧月者豈異人乎我身是
也我於彼佛所發菩提心種善根故於須彌
山微塵數劫不生地獄餓鬼畜生諸惡趣中
亦不生於下賤之家諸根具足無有衆苦於
天人中福德殊勝不生惡世恒不離佛及諸
菩薩大善知識常於其所種植善根經八十
須彌山微塵數劫常受安樂而未滿足菩薩
諸根過此劫已復過萬劫於賢劫前有此名
無憂徧照世界名離垢妙光其世界中淨穢
相雜有五百佛於中出現其第一佛名須彌
幢寂靜妙眼如來應正等覺我爲名稱長者
女名妙慧光明端正殊妙彼淨月夜神以願
力故於離垢世界一四天下妙幢王城中生
作主夜神名清淨眼我於一時在父母邊夜
久眠息彼清淨眼來詣我所震動我宅放大
光明出現其身讚佛功德言妙眼如來坐菩
提座始成正覺勸諭於我及以父母并諸眷
屬令速見佛自爲前導引至佛所廣興供養
我纔見佛即得三昧名出生見佛調伏衆生

三世智光明輪獲此三昧故能憶念須彌山
微塵數劫亦見其中諸佛出現於彼佛所聽
聞妙法以聞法故即得此破一切衆生暗法
光明解脫得此解脫已即見其身徧往佛刹
微塵數世界亦見彼世界所有諸佛又見自
身在其佛所亦見彼世界一切衆生解其言
音識其根性知其往昔曾爲善友之所攝受
隨其所樂而爲現身令生歡喜我時於彼所
得解脫念念增長此心無間又見自身徧往
百佛刹微塵數世界此心無間又見自身徧
往十佛刹微塵數世界此心無間又見自身
徧往百千佛刹微塵數世界如是念念乃至
不可說不可說佛刹微塵數世界亦見彼世
界中一切如來亦自見身在彼佛所聽聞妙
法受持憶念觀察決了亦知彼佛諸本事海
諸大願海彼諸如來嚴淨佛刹我亦嚴淨亦
見彼世界一切衆生隨其所應而爲現身教
化調伏此解脫門念念增長如是乃至充滿
法界善男子我唯知此菩薩破一切衆生暗
法光明解脫如諸菩薩摩訶薩成就普賢無
邊行願普入一切諸法界海得諸菩薩金剛
智幢自在三昧出生大願住持佛種於念念
中成滿一切大功德海嚴淨一切廣大世界
以自在智教化成熟一切衆生以智慧日減

除一切世間暗障以勇猛智覺悟一切衆生
昏睡以智慧月決了一切衆生疑惑以清淨
音斷除一切諸有執著於一切法界一一塵
中示現一切自在神力智眼明淨等見三世
而我何能知其妙行說其功德入其境界示
其自在善男子此閻浮提摩竭提國菩提場
內有主夜神名普德淨光我本從其發阿耨
多羅三藐三菩提心常以妙法開悟於我汝
詣彼問菩薩云何學菩薩行修菩薩道爾時
善財童子向婆珊婆演底神而說頌曰

見汝清淨身相好超世間如文殊師利亦如寶山王
以法身清淨三世悉平等世界悉入中成壞無所礙
我觀一切趣悉見汝形像一一毛孔中星月各分布
汝心極廣大如空徧十方諸佛悉入中清淨無分別
一一毛孔內悉放無數光十方諸佛所普雨莊嚴具
一一毛孔內各現無數身十方諸國土方便度衆生
一一毛孔內示現無量刹隨諸衆生欲種種令清淨
若有諸衆生聞名及見身悉獲功德利成就菩提道
多劫在惡趣始得見聞汝亦應歡喜受以滅煩惱故
十刹微塵劫歎汝一毛德劫數猶可窮功德終無盡
時善財童子說此頌已頂禮其足遠無量下
懇懃瞻仰辭退而去

大方廣佛華嚴經卷第六十八

不睥 下舒朗切

依怙 下侯古切

市廛 下直遠切

寶璽 下七豔切

門闥 下他達切

憲誦 上徒江切

紺青 上七職切

而我 上子落切

脣吻 下武粉切

蹈彼 上徒到切

門闥 下苦匹切

遮相 上第音切

鞞瑟 上郎達切

胝羅 上陟尼切

縈映 上於營切

箭鏃 上烏孔切

遽即 上其緣切

寶鎖 下蘇果切

穀藏 上苦自切

佇立 上直呂切

悵惶 下第音切

藤韞 上徒登切

溝洫 上古侯切

眠寐 下蘇果切

乙巳歲高麗國大藏郡監奉

勅周造

入法界品第三十九之十

爾時善財童子了知彼娑婆寶演底夜神初發菩提心所生菩薩藏所發菩薩願所淨菩薩度所入菩薩地所修菩薩行所行出離道一切智光海普救衆生心普徧大悲雲於一切佛刹盡未來際常能出生普賢行願漸次遊行至普德淨光夜神所頂禮具足連無數帀於前合掌而作是言聖者我已先發阿耨多羅三藐三菩提心而我未知菩薩云何修行菩薩地云何出生菩薩地云何成就菩薩地夜神答言善哉善哉善男子汝已能發阿耨多羅三藐三菩提心今復問於菩薩地修行出生及以成就善男子菩薩成就十法能圓滿菩薩行何者爲十一者得清淨三昧常見一切佛二者得清淨眼常觀一切佛相好莊嚴三者知一切如來無量無邊功德大海四者知等法界無量諸佛法光明海五者知一切如來一一毛孔放等衆生數大光明海利益無量一切衆生六者見一切如來一一毛孔出一切寶色光明燄海七者於念念中出現一切佛變化海充滿法界究竟一切諸佛境界調伏衆生八者得佛音聲同一切衆

生言音海轉三卅一切佛法輪九者知一切
佛無邊名号海十者知一切佛調伏衆生不
思議自在力善男子菩薩成就此十種法則
能圓滿菩薩諸行善男子我得菩薩解脫名
寂靜禪定樂普遊步普見三卅一切諸佛亦
見彼佛清淨國土道場衆會神通名号說法
壽命言音身相種種不同悉皆明觀而無取
著何以故知諸如來非去世趣永滅故非來
體性無生故非生法身平等故非滅無有生
相故非實住如幻法故非安利益衆生故非
遷超過生死故非壞性常不變故一相言語
悉離故無相性相本空故善男子我如是了
知一切如來時於菩薩寂靜禪定樂普遊步
解脫門分明了達成就增長思惟觀察堅固
莊嚴不起一切妄想分別大悲救護一切衆
生一心不動修習初禪息一切意業攝一切
衆生智力勇猛喜心悅豫修第二禪思惟一
切衆生自性厭離生死修第三禪悉能息滅
一切衆生衆苦熱惱修第四禪增長圓滿一
切智願出生一切諸三昧海入諸菩薩解脫
海門遊戲一切神通成就一切變化以清淨
智普入法界善男子我修此解脫時以種種
方便成就衆生所謂於在家放逸衆生令生
不淨想可厭想疲勞想逼迫想繫縛想羅刹

想無常想苦想無我想空想無生想不自在
想老病死想自於五欲不生樂著亦勸衆生
不著欲樂唯住法樂出離於家入於非家若
有衆生住於空閑我為止息諸惡音聲於靜
夜時爲說深法與順行緣開出家門示正道
路爲作光明除其闇障滅其怖畏讚出家業
歎佛法僧及善知識具諸功德亦歎親近善
知識行復次善男子我修解脫時令諸衆生
不生非法貪不起邪分別不作諸罪業若已
作者皆令止息若未生善法未修波羅蜜行
未求一切智未起大慈悲未造人天業皆令
其生若已生者令其增長我與如是順道因
緣乃至令成一切智智善男子我唯得此菩
薩寂靜禪定樂普遊步解脫門如諸菩薩摩
訶薩具足普賢所有行願了達一切無邊法
界常能增長一切善根照見一切如來十力
住於一切如來境界恒處生死心無障礙疾
能滿足一切智願普能往詣一切世界悉能
觀見一切諸佛徧能聽受一切佛法能破一
切衆生癡闇能於生死大夜之中出生一切
智慧光明而我云何能知能說彼功德行善
男子去此不遠於菩提場右邊有一夜神名
喜目觀察衆生汝詣彼問菩薩云何學菩薩
行修善薩道爾時普德淨光夜神欲重宣此

解脫義爲善財童子而說頌曰

若有信解心盡見三世佛彼人眼清淨能入諸佛海
汝觀諸佛身清淨相莊嚴一念神通力法界悉充滿
盧舍那如來道場成正覺一切法界中轉於淨法輪
如來知法性寂滅無有二清淨相嚴身徧示諸世間
佛身不思議法界悉充滿普現一切刹一切無不見
佛身常光明一切刹塵等種種清淨色念念徧法界
如來一毛孔放不思議光普照諸羣生令其煩惱滅
如來一毛孔出生無盡化充徧於法界除滅衆生苦
佛演一妙音隨類皆令解普雨廣大法使發菩提意
佛昔修諸行已曾攝受我故得見如來普現一切刹
諸佛出世間量等衆生數種種解脫境非我所能知
一切諸菩薩入佛一毛孔如是妙解脫非我所能知
此近有夜神名喜目觀察汝應往詣彼問修菩薩行
時善財童子頂禮其足遶無數匝慇懃瞻仰
辭退而去

爾時善財童子敬善知識教行善知識語作
如是念善知識者難見難遇見善知識令心
不散亂見善知識破障礙山見善知識入大
悲海救護衆生見善知識得智慧光普照法
界見善知識悉能修行一切智道見善知識
普能覩見十方佛海見善知識得見諸佛轉
於法輪憶持不忘作是念已發意欲詣喜目
觀察衆生夜神所時喜目神加善財童子令

知親近善知識能生諸善根增長成熟所謂
 令知親近善知識能修助道具令知親近善
 知識能起勇猛心令知親近善知識能作難
 壞業令知親近善知識能得難伏力令知親
 近善知識能入無邊方令知親近善知識能
 久遠修行令知親近善知識能辨無邊業令
 知親近善知識能行無量道令知親近善知
 識能得速疾力普詣諸刹令知親近善知識
 能不離本處徧至十方時善財童子遽發是
 念由親近善知識能勇猛勤修一切智道由
 親近善知識能速疾出生諸大願海由親近
 善知識能爲一切衆生盡未來劫受無邊苦
 田親近善知識能被大精進甲於一微塵中
 說法聲徧法界由親近善知識能速往詣一
 切方海由親近善知識於一毛道盡未來劫
 修菩薩行由親近善知識於念念中行菩薩
 行究竟安住一切智地由親近善知識能入
 三世一切如來自在神力諸莊嚴道由親近
 善知識能常徧入諸法界門由親近善知識
 常緣法界未曾動出而能徧往十方國土而
 時善財童子發是念已即詣喜目觀察衆生
 夜神所見彼夜神在於如來衆會道場坐蓮
 華藏師子之座入大勢力普喜幢解脫於其
 身上——毛孔出無量種種變化身雲隨其所

應以妙言音而為說法普攝無量一切衆生
皆令歡喜而得利益所謂出無量化身雲充
滿十方一切世界說諸菩薩行檀波羅蜜於
一切事皆無戀著於一切衆生普皆施與其
心平等無有輕慢內外悉施難捨能捨又出
等衆生數無量化身雲充滿法界普現一切
衆生之前說持淨戒無有缺犯修諸苦行皆
悉具足於諸世間無有所依於諸境界無所
愛著說在生死輪迴往返說諸人天盛衰苦
樂說諸境界皆是不淨說一切法皆是無常
說一切行悉苦無味令諸世間捨離顛倒住
諸佛境持如來戒如是演說種種戒行戒香
普熏令諸衆生悉得成熟又出等衆生數種
種身雲說能忍受一切衆苦所謂割截捶楚
訶罵欺辱其心泰然不動不亂於一切行不
卑不高於諸衆生不起我慢於諸法性安住
忍受說菩提心無有窮盡心無盡故智亦無
盡普斷一切衆生煩惱說諸衆生卑賤醜陋
不具足身令生厭離讚諸如來清淨妙色無
上之身令生欣樂如是方便成熟衆生又出
等衆生界種種身雲隨諸衆生心之所樂說
勇猛精進修一切智助道之法勇猛精進降
伏魔怨勇猛精進發菩提心不動不退勇猛
精進度一切衆生出生死海勇猛精進除滅

一切惡道諸難勇猛精進壞無智山勇猛精
進供養一切諸佛如來不生疲厭勇猛精進
受持一切諸佛法輪勇猛精進壞散一切諸
障礙山勇猛精進教化成熟一切衆生勇猛
精進嚴淨一切諸佛國土如是方便成熟衆
生又出種種無量身雲以種種方便令諸衆
生心生歡喜捨離惡意厭一切欲爲說慙媿
令諸衆生藏護諸根爲說無上清淨梵行爲
說欲界是魔境界令生恐怖爲現不樂世間
欲樂住於法樂隨其次第八諸禪定諸三昧
樂令思惟觀察除滅一切所有煩惱又爲演
說一切菩薩諸三昧海神力變現自在遊戲
令諸衆生歡喜適悅離諸憂怖其心清淨諸
根猛利愛重於法修習增長又出等衆生界
種種身雲爲說往詣十方國土供養諸佛及
以師長真善知識受持一切諸佛法輪精勤
不懈又爲演說偈讚一切諸如來海觀察一
切諸法門海顯示一切諸法性相開闡一切
諸三昧門開智慧境界竭一切衆生疑海示
智慧金剛壞一切衆生見山并智慧日輪破
一切衆生癡暗皆令歡喜成一切智又出等
衆生界種種身雲普詣一切衆生之前隨其
所應以種種言辭而爲說法或說世間神通
福力或說三界皆是可怖令其不作世間業

行離三界處出見稠林或爲偈讚一切智道
令其超越二乘之地或爲演說不住生死不
任涅槃令其不著有爲無爲或爲演說住於
天宮乃至道場令其欣樂發菩提意如是方
便教化衆生皆令究竟得一切智又出一切
世界微塵數身雲普詣一切衆生之前念念
中示普賢菩薩一切行願念念中示清淨太
願充滿法界念念中示嚴淨一切世界海念
念中示供養一切如來海念念中示入一切
法門海念念中示入一切世界海微塵數世
界海念念中示於一切剎盡未來劫清淨修
行一切智道念念中示入如來力念念中示
入一切三世方便海念念中示往一切剎現
種種神通變化念念中示諸菩薩一切行願
令一切衆生住一切智如是所作恒無休息
又出等一切衆生心數身雲普詣一切衆生
之前說諸菩薩集一切智助道之法無二際
力求一切智不破壞力無窮盡力修無二行
不逆轉力無間斷力於生死法無染著力能
破一切諸魔衆力遠離一切煩惱垢力能破
一切業障山力住一切劫修大悲行無疲倦
力震動一切諸佛國土令一切衆生生歡喜
以如是等方便成熟令諸衆生至一切智又

出等一切衆生心數無量變化色身雲普詣
十方無量世界隨衆生心演說一切菩薩智
行所謂說入一切衆生界海智說入一切衆
生心海智說入一切衆生根海智說入一切
衆生行海智說度一切衆生未曾失時智說
出一切法界音聲智說念念徧一切法界海
智說念念知一切世界海壞智說念念知一
切世界海成住莊嚴差別智說念念自在親
近供養一切如來聽受法輪智示現如是智
波羅蜜令諸衆生皆大歡喜調暢適悅其心
清淨生決定解求一切智無有退轉如說菩
薩諸波羅蜜成熟衆生如是宣說一切菩薩
種種行法而為利益復於一一諸毛孔中出
無量種衆生身雲所謂出與色究竟天善現
天善見天無熱天無煩天相似身雲出少廣
廣果福生無雲天相似身雲出徧淨無量淨
少淨天相似身雲出光音無量光少光天相
似身雲出大梵梵輔梵衆天相似身雲出自
在天化樂天兜率陀天須夜摩天忉利天及
其采女諸天子衆相似身雲出提頭賴吒軋
闍婆王乾闥婆子軋闍婆女相似身雲出毗
樓勒叉鳩槃荼王鳩槃荼子鳩槃荼女相似
身雲出毗樓博叉龍王龍子龍女相似身雲
出毗沙門夜叉王夜叉子夜叉女相似身雲

出大樹緊那羅王善慧摩睺羅伽王大速疾
力迦樓羅王羅睺阿脩羅王閻羅法王及其
子其女相似身雲出諸人主及其子其女相
似身雲出聲聞獨覺及諸佛衆相似身雲出
地神水神火神風神河神海神山神樹神乃
至晝夜主方神等相似身雲周徧十方充滿
法界於彼一切衆生之前現種種聲所謂風
輪聲水輪聲火燄聲海潮聲地震聲大山相
擊聲天城震動聲摩尼相擊聲天王聲龍王
聲夜叉王聲鵝闍婆王聲阿脩羅王聲迦樓
羅王聲緊那羅王聲摩睺羅伽王聲人王聲
梵王聲天女歌詠聲諸天音樂聲摩尼寶王
聲以如是等種種音聲說喜目觀察衆生夜
神從初發心所集功德所謂承事一切諸善
知識親近諸佛修行善法行檀波羅蜜難捨
能捨行尸波羅蜜棄捨王位宮殿眷屬出家
學道行羈提波羅蜜能忍世間一切苦事及
以菩薩所修苦行所持正法皆悉堅固其心
不動亦能忍受一切衆生於已身心惡作惡
說忍一切業皆不失壞忍一切法生決定解
忍諸法性能諦思惟行精進波羅蜜起一切
智行成一切佛法行檀波羅蜜其檀波羅蜜
所有資具所有修習所有成就所有清淨所
有起三昧神通所有入三昧海門皆悉顯示

行般若波羅蜜其般若波羅蜜所有資具所有清淨大智慧曰大智慧雲大智慧藏大智慧門皆悉顯示行方便波羅蜜其方便波羅蜜所有資具所有修行所有體性所有理趣所有清淨所有相應事皆悉顯示行願波羅蜜其願波羅蜜所有體性所有成就所有修習所有相應事皆悉顯示行力波羅蜜其力波羅蜜所有資具所有因緣所有理趣所有演說所有相應事皆悉顯示行智波羅蜜其智波羅蜜所有資具所有體性所有成就所有清淨所有處所所有增長所有深入所有光明所有顯示所有理趣所有相應事所有揀擇所有行相所有相應法所有攝法所知法所知業所知刹所知劫所知世所知佛出現所知佛所知菩薩所知菩薩心菩薩位菩薩資具菩薩發趣菩薩迴向菩薩大願菩薩法輪菩薩揀擇法菩薩法海菩薩法門海菩薩法旋流菩薩法理趣如是等智波羅蜜相應境界皆悉顯示成熟衆生又說此神從初發心所集功德相續次第所習善根相續次第所修無量諸波羅蜜相續次第死此生後及其名号相續次第親近善友承事諸佛受持正法修菩薩行入諸三昧以三昧力普見諸佛普見諸刹普知諸劫深入法界觀察

衆生入法界海知諸衆生死此生彼得淨天
耳聞一切聲得淨天眼見一切色得他心智
知衆生心得宿住智知前際事得無依無作
神足智通自在遊行徧十方刹如是所有相
續次第得菩薩解脫入菩薩解脫海得菩薩
自在得菩薩勇猛得菩薩遊步住菩薩想入
菩薩道如是一切所有功德相續次第皆悉
演說分別顯示成熟衆生如是說時於念念
中十方各嚴淨不可說不可說諸佛國土度
脫無量惡趣衆生令無量衆生生天人中富
貴自在令無量衆生出生死海令無量衆生
安住聲聞辟支佛地令無量衆生住如來地
爾時善財童子見聞如上所現一切諸希有
事念念觀察思惟解了深入安住承佛威力
及解脫力則得菩薩不思議大勢力普喜幢
自在力解脫何以故與喜日夜神於往昔時
同修行故如來神力所加持故不思議善根
所祐助故得菩薩諸根故生如來種中故得
善友力所攝受故受諸如來所護念故毗盧
遮那如來曾所化故彼分善根已成熟故堪
修普賢菩薩行故爾時善財童子得此解脫
已心生歡喜合掌向喜日觀察衆生夜神以
偈讚曰

無量無數劫學佛甚深法隨其所應化顯現妙色身

了知諸衆生沈迷妄想種種身皆現隨應悉調伏
法身恆寂靜清淨無二相爲化衆生故示現種種形
於諸惡界處未曾有所著示行及色身調伏一切衆
不著內外法已度生死海而現種種身住於諸有界
遠離諸分別戲論所不動爲著妄想者弘宣十力法
一心住三昧無量劫不動毛孔出化雲供養十方佛
得佛方便力念念無邊際示現種種身普攝諸羣生
了知諸有海種種業莊嚴爲說無礙法令其悉清淨
色身妙無比清淨如普賢隨諸衆生心示現世間相
爾時善財童子說此頌已白言天神汝發阿
耨多羅三藐三菩提心爲幾時耶得此解脫
其已久如爾時喜目觀衆衆生主夜神以頌
答曰

我念過去世過於刹塵劫刹号摩尼光劫名寂靜音
百萬那由他俱胝四天下其王數亦爾各各自臨馭
中有一王都号曰香幢寶莊嚴最殊妙見者皆欣悅
中有轉輪王其身甚微妙三十二種相隨好以莊嚴
蓮華中化生金色光明身騰空照遠近普及閻浮界
其王有千子勇猛身端正臣佐滿一億智慧善方便
嬪御有十億顏容狀天女利益調柔意慈心給侍王
其王以法化普及四天下輪圍大地中一切皆豐盛
我時爲寶女具足梵音聲身出金色光照及千由旬
日光既已沒音樂咸寂然大王及侍御一切皆安寢
彼時德海佛出興於世間顯現神通力充滿十方界

放大光明海一切剎應數種種目在身徧滿於十方
地震出妙音普告佛興世天人龍神衆一切皆歡喜
一一毛孔中出佛化身海十方皆徧滿隨應說妙法
我時於夢中見佛諸神變亦聞深妙法心生大歡喜
一萬主夜神共在空中位讚歎佛興世同時覺悟我
賢慧汝應起佛已現汝國劫海難值遇見者得清淨
我時便寢寤即觀清淨光觀此從何來見佛樹王下
諸相莊嚴體猶如寶山王一切毛孔中放大光明海
見已心歡喜便生此念言願我得如佛廣大神通力
我時尋覺寤大王并眷屬令見佛光明一切皆欣慶
我時與大三騎從千萬億衆生亦無量俱行詣佛所
我於二萬歲供養彼如來七寶四下一切皆奉施
時彼如來說功德普雲經普應羣生心莊嚴諸願海
夜神覺悟我令我得利益我願作是身覺諸放逸者
我從此初發最上菩提願往來諸有中其心無忘失
從此後供養十億那由佛恒受人天樂饒益諸羣生
初佛功德海第二功德燈第三妙寶幢第四虛空智
第五蓮華藏第六無礙慧第七法月王第八智燈輪
第九兩足尊寶焰山燈王第十調御師二拙華光音
如是等諸佛我悉曾供養然未得慧眼入於解脫海
從此次第有一切寶光剎其劫名天勝五百佛興世
最初月光輪第二名日燈第三名光幢第四寶須彌
第五名華嚴第六名燈海第七熾然佛第八天藏佛
九光明王幢十普智光王如是等諸佛我悉曾供養

尚於諸法中無而計為有

從此復有劫名曰梵光明世界蓮華燈莊嚴極殊妙

彼有無量佛一一無量眾我悉曾供養尊重聽聞法

初寶須彌佛二功德海佛三法界音佛四法震雷佛

五名法幢佛六名地光佛七名法力光八名虛空覺

第九須彌光第十功德雲如是等如來我悉曾供養

未能明了法而入諸佛海

次後復有劫名為功德月爾時有世界其名功德幢

彼中有諸佛八十那由他我皆以妙供深心而敬奉

初乾闥婆王二名大樹王三功德須彌第四寶眼佛

第五盧舍那第六光莊嚴第七法海佛第八光勝佛

九名賢勝佛第十法王佛如是等諸佛我悉曾供養

然未得深智入於諸法海

此後復有劫名為寂靜慧刹号金剛寶莊嚴悉殊妙

於中有千佛次第而出興眾生少煩惱眾會悉清淨

初金剛瞿佛二無礙力佛三名法界影四号十方燈

第五名悲光第六名戒海第七忍燈輪第八法輪光

九名光莊嚴十名寂靜光如是等諸佛我悉曾供養

猶未能深悟如空清淨法遊行一切刹於彼修諸行

次第復有劫名為善出現刹号香燈雲淨穢所共成

億佛於中現莊嚴刹及劫所說種種法我皆能憶持

初名廣輪佛次名法海佛三名自在王四名功德雲

第五法勝佛第六天冠佛第七智欲佛第八虛空音

第九兩足尊名普生殊勝第十無上士眉間勝光明

如是一切佛我悉曾供養然猶未能淨離諸障礙道
次第復有劫名集堅固王刹号寶幢王一切善分布
有五百諸佛於中而出現我恭敬供養求無礙解脫
最初功德輪其次寂靜音次名功德海次名日光王
第五功德王第六須彌相次名法自在次佛功德王
第九福須彌第十光明王如是等諸佛我悉曾供養
所有清淨道普入盡無餘然於所入門未能成就忍
次第復有劫名爲妙勝主刹号寂靜音衆生煩惱薄
於中有佛現八十那由他我悉曾供養修行最勝道
初佛名華聚次佛名海藏次名功德生次号天王王歸
第五摩尼藏第六真金山第七寶聚尊第八法幢佛
第九名勝財第十名智慧此十爲上首供養無不盡
次第復有劫名曰千功德爾時有世界号善化幢燈
六十億那由諸佛興於世最初寂靜幢其次奢摩他
第三百燈王第四寂靜光第五雲密陰第六日大明
七号法燈光八名殊勝焰九名天勝藏十名大吼音
如是等諸佛我悉常供養未得清淨忍淨入諸法海
次第復有劫名無著莊嚴爾時有世界名曰無邊光
中有三十六那由他佛現初功德須彌第二虛空心
第三具莊嚴第四法雷音第五法界聲第六妙音雲
第七照十方第八法海音第九功德海第十功德幢
如是等諸佛我悉曾供養
次有佛出現名爲功德幢我爲月面天供養人中主
時佛爲我說無依妙法門我聞專念持出生諸願海

我得清淨眼 寂滅定 摠持能於念念中 悉見諸佛海
 我得大悲藏 普明方便眼 增長菩提心 成就如來力
 見衆生顛倒 執常樂我淨 愚癡暗所覆 妄想起煩惱
 行止見稠林 往來貪欲海 集於諸惡趣 無量種種業
 一切諸趣中 隨業而受身 生老死衆患 無量苦逼迫
 爲彼衆生故 我發無上心 願得如十方 一切十力尊
 緣佛及衆生 起於大願雲 從是修功德 趣入方便道
 願雲悉彌覆 普入一切道 具足波羅蜜 充滿於法界
 速入於諸地 三世方便海 一念修諸佛 一切無礙行
 佛子我爾時 得入普賢道 了知十法界 一切差別門
 善男子於汝意云何 彼時轉輪聖王名十方
 主能紹隆佛種者 豈異人乎 文殊師利童子
 是也 爾時夜神覺悟我者 普賢菩薩之所化
 百我於爾時爲王寶女 蒙彼夜神覺悟於我
 令我見佛發阿耨多羅三藐三菩提心 自從
 是來經佛刹微塵數劫 不墮惡趣 常生人天
 於一切處 常見諸佛 乃至於妙燈功德幢佛
 所得此大勢力 普喜幢菩薩解脫 以此解脫
 如是利益 一切衆生 善男子我唯得此大勢
 力 普喜幢解脫門 如諸菩薩摩訶薩 於念念
 中 普詣一切諸如來 所疾能趣入一切智海
 於念念中以發趣門 入於一切諸大願海 於
 念念中以願海門 盡未來劫 念念出生一切
 諸行 一一行中 出生一切刹微塵數身 一一

身普入一切法界門一一法界門一切佛剎
中隨衆生心說諸妙行一切剎一一塵中悉
見無邊諸如來海一一如來所悉見徧法界
諸佛神通一一如來所悉見往劫修菩薩行
一一如來所受持守護所有法輪一一如來
所悉見三世一切如來諸神變海而我云何
能知能說彼功德行善男子此衆會中有一
夜神名普救衆生妙德汝詣彼問菩薩云何
入菩薩行淨菩薩道時善財童子頂禮其足
遶無數帀慇懃瞻仰辭退而去

大方廣佛華嚴經卷第六十九

割截

上古遠切
下昨結切

捶楚

上之累切
下刺舉切

欺辱

上去其切
下而蜀切

臨馭

下生據切

嬪御

上符真切

騎從

上奇寄切

乙巳歲高麗國大藏都監奉

勅彫造

大方廣佛華嚴經卷第七下

卷

三藏實又難陀

翻

入法界品第三十九之十一

爾時善財童子於喜目觀察衆生夜神所聞
普喜幢解脫門信解趣入了知隨順思惟修
習念善知識所有教誨心無暫捨諸根不散
一心願得見善知識普於十方勤求匪懈願
常親近生諸功德與善知識同一善根得善
知識巧方便行依善知識入精進海亦無量
劫常不遠離作是願已往詣普救衆生妙德
夜神所時彼夜神爲善財童子示現菩薩調
伏衆生解脫神力以諸相好莊嚴其身於兩
眉間放六光明名智燈普照清淨幢無量光
明以爲眷屬其光普照一切世間照世間已
入善財頂充滿其身善財爾時即得究竟清
淨輪三昧得此三昧已悉見二神兩處中間
所有一切地塵水塵及以火塵金剛塵尼衆
寶微塵華香瓔珞諸莊嚴具如是一切所有
微塵一一塵中各見佛刹微塵數世界成壞
及見一切地水火風諸大積聚亦見一切世
界接連皆以地輪任持而住種種山海種種
河池種種樹林種種官殿所謂天宮殿龍宮
殿夜叉宮殿乃至摩睺羅伽人非人等宮殿
屋宅地獄畜生閻羅王界一切住處諸趣輪

轉生死往來隨業受報各各差別靡不悉見
又見一切世界差別所謂或有世界雜穢或
有世界清淨或有世界趣雜穢或有世界趣
清淨或有世界雜穢清淨或有世界清淨雜
穢或有世界一向清淨或有世界其形平正
或有覆住或有側住如是等一切世界一切
趣中悉見此普救衆生夜神於一切時一切
處隨諸衆生形貌言辭行解差別以方便力
普現其前隨宜化度令地獄衆生免諸苦毒
令畜生衆生不相食噉令餓鬼衆生無有飢
渴令諸龍等離一切怖令欲界衆生離欲界
苦令人趣衆生離暗夜怖毀咎怖惡名怖大
衆怖不活怖死怖惡道怖斷善根怖退菩提
心怖遇惡知識怖離善知識怖墮二乘地怖
種種生死怖異類衆生同住怖惡時受生怖
惡種族中受生怖造惡業怖業煩惱障怖執
著諸想繫縛怖如是等怖悉令捨離又見一
切衆生卵生胎生溼生化生有色無色有想
無想非有想非無想普現其前常勤救護爲
成就菩薩大願力故深入菩薩三昧力故堅
固菩薩神通力故出生普賢行願力故增廣
菩薩大悲海故得普覆衆生無礙大慈故得
普與衆生無量喜樂故得普攝一切衆生智
慧方便故得菩薩廣大解脫自在神通故嚴

淨一切佛刹故覺了一切諸法故供養一切
諸佛故受持一切佛教故積集一切善根修
一切妙行故入一切衆生心海而無障礙故
知一切衆生諸根教化成熟故淨一切衆生
信解除其惡障故破一切衆生無知黑闇故
令得一切智清淨光明故時善財童子見此
衆神如是神力不可思議甚深境界普現調
伏一切衆生菩薩解脫已歡喜無量頭面作
禮一心瞻仰時彼夜神即捨菩薩莊嚴之相
還復本形而不捨其自在神力爾時善財童
子恭敬合掌卻住一面以偈讚曰

我善財得見 如是大神力 其心生歡喜 說偈而讚歎
我見尊妙身 衆相以莊嚴 譬如空中星 一切悉嚴淨
所放殊勝光 無量剎塵數 種種微妙色 普照於十方
一一毛孔放 衆生心數光 一一光明端 皆出寶蓮華
華中出化身 能滅衆生苦

光中出妙香 普熏於衆生 復雨種種華 供養一切佛
兩眉放妙光 量與須彌等 普觸諸含識 令滅惡癡闇
口放清淨光 譬如無量日 普照於廣大 毗盧舍那境
眼放清淨光 譬如無量月 普照十方刹 悉滅世癡翳
現化種種身 相狀等衆生 充滿十方界 度脫三有海
妙身徧十方 普現衆生前 滅除水火賊 王等一切怖
我承喜目教 今得詣尊所 見尊眉間相 放大清淨光
普照十方海 悉滅一切闇 顯現神通力 而來入我身

我遍圓滿光 心生大歡喜 得摠持三昧 普見十方佛
我於所經處 悉見諸微塵 一一微塵中 各見塵數刹
或有無量刹 一切咸濁穢 衆生受諸苦 常悲歎號泣
或有染淨刹 少樂多憂苦 示現三衆像 往彼而救度
或有淨染刹 衆生所樂見 菩薩常充滿 住持諸佛法
一一微塵中 無量淨刹海 毗盧遮那佛 往劫所嚴淨
佛於一切刹 悉坐菩提樹 成道轉法輪 度脫諸羣生
我見普救天 於彼無量刹 一切諸佛所 普皆往供養
爾時善財童子說此頌已 白普救衆生妙德
夜神言天神今此解脫甚深 希有其名何等
得此解脫其已久 如修何等行而得清淨
夜神言善男子是處難知 諸天及人一切二衆
所不能測 何以故此是住普賢菩薩行者境界
故住大悲藏者境界 故救護一切衆生者
境界 故能淨一切三惡八難者境界 故能於
一切佛刹中紹隆佛種不斷者境界 故能住
持一切佛法者境界 故能於一切劫修菩薩
行成滿大願海者境界 故能於一切法界海
以清淨智光滅無明闇障者境界 故能以一
念智慧光明普照一切三世界方便海者境界
故我承佛力今爲汝說 善男子乃往古世過
佛剎微塵數劫 爾時有劫名圓滿清淨世界
名毗盧遮那大威德有願彌山微塵數如來
於中出現其佛世界以一切香王摩尼寶爲

體衆寶莊嚴住無垢光明摩尼王海上其形
正圓淨穢合成一切嚴具帳雲而覆其上一
切莊嚴摩尼輪山千由圍遶有十萬億那由
他四天下皆妙莊嚴或有四天下惡業衆生
於中止住或有四天下雜業衆生於中止住
或有四天下善報衆生於中止住或有四天
下一向清淨諸大菩薩之所止住此界東際
輪圍山側有四天下名寶燈華幢國界清淨
飲食豐足不藉耕耨而生稻粟宮殿樓閣悉
皆奇妙諸如意樹處處行列種種香樹恒出
香雲種種鬘樹恒出鬘雲種種華樹常雨妙
華種種寶樹出諸奇寶無量色光周匝照耀
諸音樂樹出諸音樂隨風吹動演妙音聲日
月光明摩尼寶王普照一切晝夜受樂無時
間斷此四天下有百萬億那由他諸王國土
一一國土有千大由圍遶一一皆以妙
華覆上隨流漂動出天樂音一切寶樹列植
其岸種種珍奇以爲嚴飾舟船來往稱情戲
樂一一河間有百萬億城一一城有百萬億
那由他聚落如是一切城邑聚落各有無量
百千億那由他宮殿園林周匝圍遶此四天
下閻浮提內有一國土名寶華燈安隱豐樂
人民熾盛其中衆生具行十善有轉輪王於
中出現名毗盧遮那妙寶蓮華踞於蓮華中

忽然化生三十二相以爲嚴好七寶具足王
四天下恒以正法教導羣生王有千子端正
勇健能伏怨敵百萬億那由他宮人采女皆
悉與王同種善根同修諸行同時誕生端正
殊妙猶如天女身真金色常放光明諸毛孔
中恒出妙香良臣猛將具足十億王有正妃
名圓滿面是王女寶端正殊特皮膚金色目
眇紺青言同梵音身有天香常放光明照千
由旬其有一女名普智談妙德眼形體端嚴
色相殊美衆生見者清無厭足爾時衆生壽
命無量或有不定而中夭者種種形色種種
音聲種種名字種種族姓愚智勇怯貧富苦
樂無量品類皆悉不同時或有人語餘人言
我身端正汝形鄙陋作是語已速相毀辱集
不善業以是業故壽命色力一切樂事悉皆
損減時彼城北有菩提樹名普光法雲音幢
以念念出現一切如來道場莊嚴堅固摩尼
王而爲其根一切摩尼以爲其幹衆雜妙寶
以爲其葉次第分布並相稱可四方上下圓
滿莊嚴放寶光明出妙音聲說一切如來甚
深境界於彼樹前有一香池名寶華光明演
法雷音妙寶爲岸百萬億那由他寶樹圍遶
一一樹形如菩提樹衆寶瓔珞周匝垂下無
量樓閣皆寶所成周徧道場以爲嚴飾彼香

池內出大蓮華名普現三世一切如來莊嚴
 境界雲須彌山微塵數佛於中出現其第一
 佛名普智寶嚴妙德幢於此華上最初得阿
 耨多羅三藐三菩提無量千歲演說正法成
 熟衆生其彼如來未成佛時十千年前此大
 蓮華放淨光明名現諸神通成熟衆生若有
 衆生遇斯光者心自開悟無所不了知十千
 年後佛當出現九千年前放淨光明名一切
 衆生離垢燈若有衆生遇斯光者得清淨眼
 見一切色知九千年後佛當出現八千年前
 放大光明名一切衆生業果音若有衆生遇
 斯光者悉得自知諸業果報知八千年後佛
 當出現七千年前放大光明名生一切善根
 音若有衆生遇斯光者一切諸根悉得圓滿
 知七千年後佛當出現六千年前放大光明
 名佛不思議境界音若有衆生遇斯光者其
 心廣大普得自在知六千年後佛當出現五
 千年前放大光明名嚴淨一切佛刹音若有
 衆生遇斯光者悉見一切清淨佛土知五千
 年後佛當出現四千年前放大光明名一切
 如來境界無差別燈若有衆生遇斯光者悉
 能往觀一切諸佛知四千年後佛當出現三
 千年前放大光明名三昧明燈若有衆生遇
 斯光者悉能現見一切如來諸本事海知三

千年後佛當出現二千年前放大光明名如
來離翳智慧燈若有衆生遇斯光者則得普
眼見一切如來神變一切諸佛國土一切世
界衆生知二千年後佛當出現一千年前放
大光明名令一切衆生見佛集諸善根若有
衆生遇斯光者則得成就見佛三昧知一千
年後佛當出現六七日前放大光明名一切
衆生歡喜音若有衆生遇斯光者得普見諸
佛生大歡喜知七日後佛當出現滿七日已
一切世界悉皆震動純淨無染念念普現十
方一切清淨佛刹亦現彼刹種種莊嚴若有
衆生根性淳熟應見佛者咸詣道場爾時彼
世界中一切輪圓一切須彌一切諸山一切
大海一切地一切城一切垣牆一切宮殿一
切音樂一切語言皆出音聲讚說一切諸佛
如來神力境界又出一切香雲一切燒香雲
一切末香雲一切香摩尼形像雲一切寶燄
雲一切焰藏雲一切摩尼衣雲一切瓔珞雲
一切妙華雲一切如來光明雲一切如來圓
光雲一切音樂雲一切如來願聲雲一切如
來言音海雲一切如來相好雲顯示如來出
現世間不思議相善男子此普照三土一切
如來莊嚴境界大寶蓮華王有十佛刹微塵
數蓮華周匝圍遶諸蓮華內悉有摩尼寶藏

男子彼普智寶嚴妙德幢王如來於此成阿
耨多羅三藐三菩提時即於十方一切世界
中成阿耨多羅三藐三菩提隨衆生心悉現
其前爲轉法輪於一一世界令無量衆生離
惡道苦令無量衆生得生天中令無量衆生
住於聲聞辟支佛地令無量衆生成就出離
菩提之行令無量衆生成就勇猛幢菩提之
行令無量衆生成就法光明菩提之行令無
量衆生成就清淨根菩提之行令無量衆生
成就王等力菩提之行令無量衆生成就入
法藏菩提之行令無量衆生成就徧至一切
處不可壞神通力菩提之行令無量衆生入
普門方便道菩提之行令無量衆生安住三
昧門菩提之行令無量衆生成就緣一切清
淨境界菩提之行令無量衆生發菩提心令
無量衆生住菩薩道令無量衆生安住清淨
波羅蜜道令無量衆生住菩薩初地令無量
衆生住菩薩二地乃至十地令無量衆生入
於菩薩殊勝行願令無量衆生安住普賢清
淨行願善男子彼普智寶嚴妙德幢如來現
如是不思議自在神力轉法輪時於彼一一
諸世界中隨其所應念念調伏無量衆生時
普賢菩薩知寶華燈王城中衆生自恃色貌

及諸境界而生憍慢陵蔑他人化現妙身端正殊特往詣彼城放大光明普照一切令彼聖王及諸妙寶日月星宿衆生身等一切光明悉皆不現譬如日出衆景棄曜亦如衆墨對閭浮金時諸衆生成作是言此爲是誰爲天爲梵今放此光令我等身所有光色皆不顯現種種思惟無能解了爾時普賢菩薩在彼輪王寶宮殿上虛空中住而告之言大王當知今汝國中有佛興世在普光明法雲音幢菩提樹下時聖王女蓮華妙眼見普賢菩薩所現色身光明自在及聞身上諸莊嚴具所出妙音心生歡喜作如是念願我所有一切善報得如是身如是莊嚴如是相好如是威儀如是自在今此大聖能於衆生生死長夜黑闇之中放大光明開示如來出興於世願令於我亦得如是爲諸衆生作智光明破彼所有無知黑闇願我所在受生之處常得不離此善知識善男子時轉輪王與其寶女千子眷屬大臣輔佐四種兵衆及其城內無量人民前後圍遶以王神力俱昇虛空高一如旬放大光明照四天下普使一切咸得瞻仰欲令衆生俱往見佛以偈讚曰
如來出世間 普救諸羣生 汝等應速起 往詣導師所
無量無數劫 乃有佛興世 演說深妙法 饒益一切衆

佛觀諸世間顛倒常癡惑輪迴生死者而起大悲心
無數億千劫修習菩提行為欲度衆生斯由大悲力
頭目手足等一切悉能捨為求菩提故如是無量劫
無量億千劫導師難可遇見聞若承事一切無空過
今當共汝等往觀調御尊坐於如來座降魔成正覺
稽仰如來身放演無量光種種微妙色除滅一切暗
一一毛孔中放光不思議普照諸羣生咸令大歡喜
汝等咸應發廣大精進心詣彼如來所恭敬而供養
爾時轉輪聖王說偈讚佛開悟一切衆生已
從輪王善根出十千種大供養雲往詣道場
向如來所所謂一切寶蓋雲一切華帳雲一
切寶衣雲一切寶鈴網雲一切香海雲一切
寶座雲一切寶幢雲一切宮殿雲一切妙華
雲一切諸莊嚴具雲於虛空中周徧嚴飾到
已頂禮普智寶嚴妙德幢王如來足邊無量
百千帀即於佛前坐普照十方寶蓮華座時
轉輪王女普智嚴妙德眼即解身上諸莊嚴
具持以散佛時莊嚴具於虛空中變成寶蓋
寶網垂下龍王執持一切宮殿於中間列十
種寶蓋周帀圍遶形如樓閣內外清淨諸瓔
珞雲及諸寶樹香海摩尼以為莊嚴於此蓋
中有菩提樹枝葉榮茂普覆法界念念示現
無量莊嚴毗盧遮那如來坐此樹下有不可
說佛刹微塵數菩薩前後圍遶皆從普賢行

願出生任諸菩薩無差別住亦見有一切諸
世間主亦見如來自自在神力又見一切諸劫
次第世界成壞又亦見彼一切世界一切諸
佛出興次第又亦見彼一切世界一一皆有
普賢菩薩供養於佛調伏衆生又亦見彼一
切菩薩莫不皆在普賢身中亦見自身在其
身內亦見其身在一一切如來前一切普賢前
一切菩薩前一切衆生前又亦見彼一切世
界一一各有佛刹微塵數世界種種際畔種
種任持種種形狀種種體性種種安布種種
莊嚴種種清淨種種莊嚴雲而覆其上種種
劫名種種佛興種種三世種種方處種種住
法界種種入法界種種住虛空種種如來菩
提場種種如來神通力種種如來師子座種
種如來大衆海種種如來衆差別種種如來
巧方便種種如來轉法輪種種如來妙音聲
種種如來言說海種種如來契經雲旣見是
已其心清淨生大歡喜普智寶嚴妙德幢王
如來爲說修多羅名一切如來轉法輪十佛
刹微塵數修多羅而爲眷屬時彼女人聞此
經已則得成就十千三昧門其心柔軟無有
塵穢如初受胎如始誕生如娑羅樹初始生
芽彼三昧心亦復如是所謂現見一切佛三
昧普照一切刹三昧入一切三世門三昧說

一切佛法輪三昧知一切佛願海三昧開悟
一切衆生令出生死苦三昧常願破一切衆
生闇三昧常願滅一切衆生苦三昧常願生
一切衆生樂三昧教化一切衆生不生疲厭
三昧一切菩薩無障礙幢三昧普詣一切清
淨佛刹三昧得如是等十千三昧已復得妙
定心不動心歡喜心安慰心廣大心順善知
識心緣甚深一切智心住廣大方便海心捨
離一切執著心不住一切世間境界心入如
來境界心普照一切色海心無惱害心無高
倨心無疲倦心無退轉心無懈怠心思惟諸
法自性心安住一切法門海心觀察一切法
門海心了知一切衆生海心救護一切衆生
海心普照一切世界海心普生一切佛願海
心悉破一切障山心積集福德助道心現見
諸佛十力心普照菩薩境界心增長菩薩助
道心徧緣一切方海心一心思惟普賢大願
發一切如來十佛刹微塵數願海願嚴淨一
切佛國願調伏一切衆生願徧知一切法界
願普入一切法界海願於一切佛刹盡未來
際劫修菩薩行願盡未來際劫不捨一切菩
薩行願得親近一切如來願得承事一切善
友願得供養一切諸佛願於念念中修菩薩
行增一切智無有間斷發如是等十佛刹微

塵數願海成就普賢所有大願時彼如來復
爲其女開示演說發心已來所集善根所修
妙行所得大果令其開悟成就如來所有願
海一心趣向一切智位善男子復於此前過
十大劫有世界名曰輪光摩尼佛号曰陀羅
幢妙相此妙眼女於彼如來遺法之中普賢
菩薩勸其修補蓮華座上故壞佛像既修補
已而復彩畫既彩畫已復寶莊嚴發阿耨多
羅三藐三菩提心善男子我念過去由普賢
菩薩善知識故種此善根從是已來不墮惡
趣常於一切天王人王種族中生端正可喜
衆相圓滿令人樂見常見於佛常得親近普
賢菩薩乃至於今示導開悟成熟於我今生
歡喜善男子於意云何爾時毗盧遮那藏妙
寶蓮華驕轉輪聖王者豈異人乎今彌勒菩
薩是時王妃圓滿面者寂靜音海夜神是今
所住處去此不遠時妙德眼童女者即我身
是我於彼時身爲童女普賢菩薩勸我修補
蓮華座像以爲無上菩提因緣令我發於阿
耨多羅三藐三菩提心我於彼時初始發心
次復引導令我得見妙德幢佛解身瓔珞散
佛供養見佛神力聞佛說法即得菩薩普現
一切世間調伏衆生解脫門於念念中見須
彌山微塵數佛亦見彼佛道場衆會清淨國

土我皆尊重恭敬供養聽聞說法依教修行
 善男子過彼毗盧遮那大威德世界圓滿清
 淨劫已次有世界名寶輪妙莊嚴劫名大光
 有五百佛於中出現我皆承事恭敬供養其
 最初佛名大悲幢初出家時我爲夜神恭敬
 供養次有佛出名金剛那羅延幢我爲轉輪
 王恭敬供養其佛爲我說修多羅名一切佛
 出現十佛刹微塵數修多羅以爲眷屬次有
 佛出名金剛無礙德我於彼時爲轉輪王恭
 敬供養其佛爲我說修多羅名普照一切衆
 生根須彌山微塵數修多羅而爲眷屬我皆
 受持次有佛出名火燄山妙莊嚴我於彼時
 爲長者女其佛爲我說修多羅名普照三世
 藏閻浮提微塵數修多羅而爲眷屬我皆聽
 聞如法受持次有佛出名一切法海高勝王
 我爲阿脩羅王恭敬供養其佛爲我說修多
 羅名分別一切法界五百修多羅而爲眷屬
 我皆聽聞如法受持次有佛出名海藏法光
 明我爲龍王女雨如意摩尼寶雲而爲供養
 其佛爲我說修多羅名增長歡喜海百萬億
 修多羅而爲眷屬我皆聽聞如法受持次有
 佛出名寶藏山燈我爲海神雨寶蓮華雲恭
 敬供養其佛爲我說修多羅名法界方便海
 光明佛刹微塵數修多羅而爲眷屬我皆聽

聞如法受持次有佛出名功德海光明輪我於彼時爲五通仙現大神通六萬諸仙前後圍遶雨香華雲而爲供養其佛爲我說修多羅名無著法燈六萬修多羅而爲眷屬我皆聽聞如法受持次有佛出名毗盧遮那功德藏我於彼時爲主地神名出生平等義與無量地神俱雨一切寶樹一切摩尼藏一切寶瓔珞雲而爲供養其佛爲我說修多羅名出生一切如來智藏無量修多羅而爲眷屬我皆聽聞受持不忘善男子如是次第其最後佛名充滿虛空法界妙德燈我爲妓女名曰美顏見佛入城歌舞供養承佛神力踊在空中以十偈頌讚歎於佛佛爲於我放眉間光名莊嚴法界大光明徧觸我身我蒙光已即得解脫門名法界方便不退藏善男子此世界中如有如是等佛刹微塵數劫一切如來於中出現我皆承事恭敬供養彼諸如來所說正法我皆憶念乃至不忘一文一句於彼一一諸如來所傳揚讚歎一切佛法爲無量衆生廣作利益於彼一一諸如來所得一切智光明現三世法界海入一切普賢行善男子我依一切智光明故於念念中見無量佛既見佛已先所未得先所未見普賢諸行悉得成滿何以故以得一切智光明故爾時普救

衆生夜神欲重明此解脫義承佛神力爲善財童子而說頌言

善財聽我說甚深難見法普照於三世一切差別門
如我初發心專求佛功德所入諸解脫汝今應諦聽
我念過去世過利微塵劫次前有一劫名圓滿清淨
是時有世界名爲徧照燈須彌塵數佛於中出興世
初佛名智嚴次佛名法幢第三法須彌第四德師子
第五寂靜王第六滅諸見第七高名稱第八大功德
第九名勝日第十名月面於此十佛所最初悟法門
從此後次第復有十佛出初名虛空處第二名普光
三名住諸方四名正念海五名高勝光六名須彌雲
七名法嚴佛八名山勝佛九名大悲華十名法界華
此十出現時第二悟法門

從此後次第復有十佛出第一光幢佛第二智慧佛
第三心義佛第四德主佛第五天慧佛第六慧王佛
第七勝智佛第八光王佛第九勇猛佛第十蓮華佛
於此十佛所第三悟法門

從此後次第復有十佛出第一寶嚴山第二功德海
第三法光明第四蓮華藏第五衆生眼第六香光寶
七須彌功德八軌闍婆王第九摩尼藏第十寂靜色
從此後次第復有十佛出初佛廣大智次佛寶光明
第三虛空雲第四殊勝相第五圓滿戒第六那羅延
第七須彌德第八功德輪第九無勝幢第十大樹山
從此後次第復有十佛出第一毘羅藏第二世主身

第三高顯光 第四金剛照 第五地威力 第六甚深法
第七法慧音 第八須彌幢 第九勝光明 第十妙寶光
從此後次第 復有十佛出 第一梵光明 第二虛空音
第三法界身 第四光明輪 第五智慧幢 第六虛空燈
第七微妙德 第八徧照光 第九勝福光 第十大悲雲
從此後次第 復有十佛出 第一力光慧 第二普現前
第三高顯光 第四光明身 第五法起佛 第六寶相佛
第七速疾風 第八勇猛幢 第九妙寶蓋 第十照三世
從此後次第 復有十佛出 第一願海光 第二金剛身
第三須彌德 第四念幢王 第五功德慧 第六智慧燈
第七光明幢 第八廣大智 第九法界智 第十法海智
從此後次第 復有十佛出 初名布施法 次名功德輪
三名勝妙雲 四名忍智燈 五名寂靜音 六名寂靜幢
七名世間燈 八名深大願 九名無勝幢 十名智嚴海
從此後次第 復有十佛出 初佛法自在 二佛無礙慧
三名意海慧 四名衆妙音 五名自在施 六名普現前
七名隨樂身 八名住勝德 第九本性佛 第十賢德佛
須彌塵數劫 此中所有佛 普作世間燈 我悉曾供養
佛刹微塵劫 所有佛出現 我皆曾供養 入此解脫門
我於無量劫 修行得此道 汝若能修行 不久亦當得
善男子我唯知此菩薩普現一切世間調伏
衆生解脫如諸菩薩摩訶薩集無邊行生種種
解現種種身具種種根滿種種願入種種
三昧起種種神變能種種觀察法入種種智

慧門得種種法光明而我云何能知能說彼
功德行善男子去此不遠有主夜神名寂靜
音海坐摩尼光幢莊嚴蓮華座百萬阿僧祇
主夜神前後圍遶汝詣彼問菩薩云何學菩
薩行修菩薩道時善財童子頂禮其足遶無
數巾懇懇瞻仰辭退而去

大方廣佛華嚴經卷第七十

號泣

上胡刀切

耕耨

上古莖切
下古音

稻梁

上道音
下良音

中天

上陟仲切
下於兆切

陵薨

下莫結切

高倨

下居御切

乙巳歲高麗國大藏都監奉

勅彫造

大方廣佛華嚴經卷第七十一

首

于闐國三藏實叉難陀奉

制譯

入法界品第三十九之十二

爾時善財童子於普救衆生妙德夜神所聞
菩薩普現一切世間調伏衆生解脫門了知
信解自在安住而往寂靜普海夜神所頂禮
其足遶無數帀於前合掌而作是言聖者我
已先發阿耨多羅三藐三菩提心我欲依善
知識學菩薩行入菩薩行修菩薩行住菩薩
行唯願慈哀爲我宣說菩薩云何學菩薩行
云何修菩薩道時彼夜神告善財言善哉善
哉善男子汝能依善知識求菩薩行善男子
我得菩薩念念出生廣大喜莊嚴解脫門善
財言大聖此解脫門爲何事業行何境界起
何方便作何觀察夜神言善男子我發起清
淨平等樂欲心我發起離一切世間塵垢清
淨堅固莊嚴不可壞樂欲心我發起繫緣不
退轉位永不退轉心我發起莊嚴功德寶山
不動心我發起無住處心我發起普現一切
衆生前救護心我發起見一切佛海無厭足
心我發起求一切菩薩清淨願力心我發起
住大智光明海心我發起令一切衆生起過
憂惱曠野心我發起令一切衆生捨離愁憂
苦惱心我發起令一切衆生捨離不可意色

馨香味觸法心我發起令一切衆生捨離愛
別離苦怨憎會苦心我發起令一切衆生捨
離黑緣愚癡等苦心我發起與一切險難衆
生作依怙心我發起令一切衆生出生死苦
處心我發起令一切衆生捨離生老病死等
苦心我發起令一切衆生成就如來無上法
樂心我發起令一切衆生皆受喜樂心發是
心已復爲說法令其漸至一切智地所謂若
見衆生樂著所住宮殿屋宅我爲說法令其
了達諸法自性離諸執著若見衆生戀著父
母兄弟姊妹我爲說法令其得預諸佛菩薩
清淨衆會若見衆生戀著妻子我爲說法令
其捨離生死愛染起大悲心於一切衆生平
等無二若見衆生住於王宮采女侍奉我爲
說法令其得與衆聖集會入如來教若見衆
生染著境界我爲說法令其得入如來境界
若見衆生多瞋恚者我爲說法令住如來忍
波羅蜜若見衆生其心懈怠我爲說法令得
清淨精進波羅蜜若見衆生其心散亂我爲
說法令得如來禪波羅蜜若見衆生入見稠
林無明暗障我爲說法令得出離稠林黑暗
若見衆生無智慧者我爲說法令得般若波
羅蜜若見衆生染著三界我爲說法令出生
死若見衆生志意下劣我爲說法令其圓滿

佛菩提願若見衆生住自利行我爲說法令其發起利益一切諸衆生願若見衆生志力微弱我爲說法令得菩薩力波羅蜜若見衆生愚癡闇心我爲說法令得菩薩智波羅蜜若見衆生色相不具我爲說法令得如來清淨色身若見衆生形容醜陋我爲說法令得無上清淨法身若見衆生色相塵惡我爲說法令得如來微妙色身若見衆生情多憂惱我爲說法令得如來畢竟安樂若見衆生貧窮所苦我爲說法令得菩薩功德寶藏若見衆生住止園林我爲說法令彼勤求佛法因緣若見衆生行於道路我爲說法令其趣向一切智道若見衆生在聚落中我爲說法令出三界若見衆生住止人間我爲說法令其超越二乘之道住如來地若見衆生居住城郭我爲說法令其得住法王城中若見衆生住於四隅我爲說法令得三世平等智慧若見衆生住於諸方我爲說法令得智慧見一切法若見衆生貪行多者我爲彼說不淨觀門令其捨離生死愛染若見衆生瞋行多者我爲彼說大慈觀門令其得入勤加修習若見衆生癡行多者我爲說法令得明智觀諸法海若見衆生等分行者我爲說法令其得入諸乘願海若見衆生樂生死樂我爲說法

令其厭離若見衆生厭生死苦應爲如來所
化度者我爲說法令能方便示現受生若見
衆生愛著五蘊我爲說法令其得住無依境
界若見衆生其心下劣我爲顯示勝莊嚴道
若見衆生心生憍慢我爲其說平等法忍若
見衆生其心諂曲我爲其說菩薩直心善男
子我以此等無量法施攝諸衆生種種方便
教化調伏令離惡道受人天樂脫三界縛住
一切智我時便得廣大歡喜法光明海其心
怡暢安隱適悅復次善男子我常觀察一切
菩薩道場衆會修種種願行現種種淨身有
種種常光放種種光明以種種方便入一切
智門入種種三昧現種種神變出種種音聲
海具種種莊嚴身入種種如來門詣種種國
土海見種種諸佛海得種種辯才海照種種
解脫境得種種智光海入種種三昧海遊戲
種種諸解脫門以種種門趣一切智種種莊
嚴虛空法界以種種莊嚴雲徧覆虛空觀察
種種道場衆會集種種世界入種種佛刹詣
種種方海受種種如來命從種種如來所與
種種菩薩俱雨種種莊嚴雲入如來種種方
便觀如來種種法海入種種智慧海坐種種
莊嚴座善男子我觀察此道場衆會知佛神
力無量無邊生大歡喜善男子我觀毗盧遮

那如來念念出現不可思議清淨色身既見
是已生大歡喜又觀如來於念念中放大光
明充滿法界既見是已生大歡喜又見如來
一一毛孔念念出現無量佛刹微塵數光明
海一一光明以無量佛刹微塵數光明而為
眷屬一一周徧一切法界消滅一切諸衆生
苦既見是已生大歡喜又善男子我觀如來
頂及兩肩念念出現一切佛刹微塵數寶嚴
山雲充滿十方一切法界既見是已生大歡
喜又善男子我觀如來一一毛孔於念念中
出一切佛刹微塵數香光明雲充滿十方一
切佛刹既見是已生大歡喜又善男子我觀
如來一一相念念出一切佛刹微塵數諸相
莊嚴如來身雲徧徧十方一切世界既見是
已生大歡喜又善男子我觀如來一一毛孔
於念念中出不可說佛刹微塵數佛變化雲
示現如來從初發心修波羅蜜具莊嚴道入
菩薩地既見是已生大歡喜又善男子我觀
如來一一毛孔念念出現不可說不可說佛
刹微塵數天王身雲及以天王自在神變充
徧一切十方世界應以天王身而得度者即
現其前而為說法既見是已生大歡喜如天
王身雲其龍王夜叉王乾闥婆王阿脩羅王
迦樓羅王緊那羅王摩睺羅伽王人王梵王

身雲莫不皆於一毛孔如是出現如是說法我見是已於念念中生大歡喜生大信樂量與法界薩婆若等昔所未得而今始得昔所未證而今始證昔所未入而今始入昔所未滿而今始滿昔所未見而今始見昔所未聞而今始聞何以故以能了知法界相故知一切法唯一相故能平等入三世道故能說一切無邊法故善男子我入此菩薩念念出生廣大喜莊嚴解脫光明海又善男子此解脫無邊普入一切法界門故此解脫無盡等發一切智性心故此解脫無際入無際畔一切衆生心想中故此解脫甚深寂靜智慧所知境故此解脫廣大周徧一切如來境故此解脫無壞菩薩智眼之所知故此解脫無底盡於法界之源底故此解脫者即是普門於一事中普見一切諸神變故此解脫者終不可取一切法身等無二故此解脫者終無有生以能了知如幻法故此解脫者猶如影像一切智願光所生故此解脫者猶如變化化生菩薩諸勝行故此解脫者猶如大地爲一切衆生所依處故此解脫者猶如大水能以大悲潤一切故此解脫者猶如大火乾竭衆生貪愛水故此解脫者猶如大風令諸衆生速疾趣於一切智故此解脫者猶如大海種

種功德莊嚴一切諸衆生故此解脫者如須彌山出一切智法寶海故此解脫者如大城郭一切妙法所莊嚴故此解脫者猶如虛空普容三世佛神力故此解脫者猶如大雲普爲衆生雨法雨故此解脫者猶如淨日能破衆生無知暗故此解脫者猶如滿月滿足廣大福德海故此解脫者猶如真如悉能周徧一切處故此解脫者猶如自影從自善業所化出故此解脫者猶如呼響隨其所應爲說法故此解脫者猶如影像隨衆生心而照現故此解脫者如大樹王開敷一切神通華故此解脫者猶如金剛從本已來不可壞故此解脫者如如意珠出生無量自在力故此解脫者如離垢藏摩尼寶王示現一切三世如來諸神力故此解脫者如喜幢摩尼寶能平等出一切諸佛法輪聲故善男子我今爲汝說此譬論汝應思惟隨順悟入爾時善財童子白寂靜音海夜神言大聖云何修行得此解脫夜神言善男子菩薩修行十大法藏得此解脫何等爲十一修布施廣大法藏隨衆生心悉令滿足二修淨戒廣大法藏普入一切佛功德海三修堪忍廣大法藏能徧思惟一切法性四修精進廣大法藏趣一切智恒不退轉五修禪定廣大法藏能滅一切衆生

熱惱六修般若廣大法藏能徧了知一切法
海七修方便廣大法藏能徧成熟諸衆生海
八修諸願廣大法藏徧一切佛刹一切諸衆
生海盡未來劫修菩薩行九修諸力廣大法
藏念念現於一切法界海一切佛國土成等
正覺常不休息十修淨智廣大法藏得如來
智徧知三卍一切諸法無有障礙善男子若
諸菩薩安住如是十大法藏則能獲得如是
解脫清淨增長積集堅固安住圓滿善財童
子言聖者汝發阿耨多羅三藐三菩提心其
已久如夜神言善男子此華藏莊嚴世界海
東過十世界海有世界海名一切淨光寶此
世界海中有世界種名一切如來願光明奇
中有世界名清淨光金莊嚴一切香金剛塵
尼王爲體形如樓閣衆妙寶雲以爲其際住
於一切寶瓔珞海妙宮殿雲而覆其上淨穢
相雜此世界中乃往古卍有劫名普光幢國
名普滿妙藏道場名一切寶藏妙月光明有
佛名不退轉法界音於此成阿耨多羅三藐
三菩提我於爾時作菩提樹神名具足福德
燈光明幢守護道場我見彼佛成等正覺示
現神力發阿耨多羅三藐三菩提心即於此
時獲得三昧名普照如來功德海此道場中
次有如來出興於世名法樹威德山我時命

於還生此中為蓮華主夜神名殊妙福智光
見彼如來轉正法輪現大神通即得三昧名
普照一切離貪境界次有如來出興於世名
一切法海音聲王我於彼時身為夜神因得
見佛承事供養即獲三昧名生長一切善法
地次有如來出興於世名寶光明燈幢王我
於彼時身為夜神因得見佛承事供養即獲
三昧名普現神通光明雲次有如來出興於
世名功德須彌光我於彼時身為夜神因得
見佛承事供養即獲三昧名普照諸佛海次
有如來出興於世名法雲音聲王我於彼時
身為夜神因得見佛承事供養即獲三昧名
一切法海燈次有如來出興於世名智燈照
耀王我於彼時身為夜神因得見佛承事供
養即獲三昧名滅一切衆生苦清淨光明燈
次有如來出興於世名法勇妙德幢我於彼
時身為夜神因得見佛承事供養即獲三昧
名三世如來光明藏次有如來出興於世名
師子勇猛法智燈我於彼時身為夜神因得
見佛承事供養即獲三昧名一切世間無障
礙智慧輪次有如來出興於世名智力山王
我於彼時身為夜神因得見佛承事供養即
獲三昧名普照三世衆生諸根行善男子清
淨光金莊嚴世界普光明幢劫中有如是等

佛刹微塵數如來出興於世我於彼時或為天王或為龍王或為夜叉王或為乾闥婆王或為阿脩羅王或為迦樓羅王或為緊那羅王或為摩睺羅伽王或為人王或為梵王或為天身或為人身或為男子身或為女人身或為童男身或為童女身悉以種種諸供養具供養於彼一切如來亦聞其佛所說諸法從此命終還即於此世界中生經佛刹微塵數劫修菩薩行然後命終生此華藏莊嚴世界海娑婆世界值迦羅鳩孫馱如來承事供養得三昧名離一切塵垢光明次值拘那含牟尼如來承事供養得三昧名普現一切諸刹海次值迦葉如來承事供養得三昧名演一切衆生言音海次值毗盧遮那如來於此道場成正等覺念念示現大神通力我時得見即獲此念念出生廣大喜莊嚴解脫得此解脫已能入十不可說不可說佛刹微塵數法界安立海見彼一切法界安立海一切佛刹所有微塵一一塵中有十不可說不可說佛刹微塵數佛國土一一佛土皆有毗盧遮那如來坐於道場於念念中成正等覺現諸神變所現神變一一皆徧一切法界海亦見自身在彼一切諸如來所又亦聞其所說妙法又亦見彼一切諸佛一一毛孔出變化海

現神通力於一切法界海一切世界海一切
世界種一切世界中隨衆生心轉正法輪我
得速疾陀羅尼力受持思惟一切文義以明
了智普入一切清淨法藏以自在智普遊一
切甚深法海以周徧智普知三世諸廣大義
以平等智普達諸佛無差別法如是悟解一
切法門一一法門中悟解一切修多羅雲一
一修多羅雲中悟解一切法海一一法海中
悟解一切法品一一法品中悟解一切法雲
一一法雲中悟解一切法流一一法流中出
生一切大喜海一大喜海出生一切地一
一地出生一切三昧海一一三昧海得一切
見佛海一一見佛海得一切智光海一一智
光海普照三世徧入十方知無量如來往昔
諸行海知無量如來所有本事海知無量如
來難捨能施海知無量如來清淨戒輪海知
無量如來清淨堪忍海知無量如來廣大精
進海知無量如來甚深禪定海知無量如來
般若波羅蜜海知無量如來方便波羅蜜海
知無量如來願波羅蜜海知無量如來力波
羅蜜海知無量如來智波羅蜜海知無量如
來往昔超菩薩地知無量如來往昔住菩薩
地無量劫海現神通力知無量如來往昔入
菩薩地知無量如來往昔修菩薩地知無量

如來往昔治菩薩地知無量如來往昔觀菩
薩地知無量如來昔為菩薩時常見諸佛知
無量如來昔為菩薩時盡見佛海劫海同住
知無量如來昔為菩薩時以無量身徧生刹
海知無量如來昔為菩薩時周徧法界修廣
大行知無量如來昔為菩薩時示現種種諸
方便門調伏成熟一切衆生知無量如來放
大光明普照十方一切刹海知無量如來現
大神力普現一切諸衆生前知無量如來廣
大智地知無量如來轉正法輪知無量如來
示現相海知無量如來示現身海知無量如
來廣大力海彼諸如來從初發心乃至法滅
我於念念悉得知見善男子汝問我言汝發
心來其已久如善男子我於往昔過二佛刹
微塵數劫如上所說於清淨光金莊嚴世界
中為菩提樹神聞不退轉法界音如來說法
發阿耨多羅三藐三菩提心於二佛刹微塵
數劫中修菩薩行然後乃生此娑婆世界賢
劫之中從迦羅鳩孫獸佛至釋迦牟尼佛及
此劫中未來所有一切諸佛我皆如是親近
供養如於此世界賢劫之中供養未來一切
諸佛一切世界一切劫中所有未來一切諸
佛悉亦如是親近供養善男子彼清淨光金
莊嚴世界今猶現在諸佛出現相續不斷汝

當一心修此菩薩大勇猛門爾時寂靜音海
主夜神欲重宣此解脫義爲善財童子而說
頌言

善財聽我說清淨解脫門聞已生歡喜勤修令究竟
我昔於劫海生大信樂心清淨如虛空常觀一切智
我於三世佛皆生信樂心并及其衆會悉願常親近
我昔曾見佛爲衆生供養得聞清淨法其心大歡喜
常尊重父母恭敬而供養如是無休懈入此解脫門
老病貧窮人諸根不具足一切皆醫治令其得安隱
水火及王賊海中諸恐怖我昔修諸行爲救彼衆生
煩惱恒熾然業障所纏覆墮於諸險道我救彼衆生
一切諸惡趣無量楚毒苦生老病死等我當悉除滅
願盡未來劫普爲諸羣生滅除生死苦得佛究竟樂
善男子我唯知此念念生廣大喜莊嚴解脫
如諸菩薩摩訶薩深入一切法界海悉知一
切諸劫數普見一切刹成壞而我云何能知
能說彼功德行善男子此菩提場如來會中
有主夜神名守護一切城增長威力汝詣彼
問菩薩云何學菩薩行修菩薩道爾時善財
童子一心觀察寂靜音海主夜神身而說頌
言

我國善友教來詣天神所見神處寶座身量無有邊
非是著色相計有於諸法劣智淺識人能知尊境界
世間天及人無量劫觀察亦不能測度色相無邊故

遠離於五蘊 亦不住於處 永斷世間疑 顯現自在力
 不取內外法 無動無所礙 清淨智慧眼 見佛神通力
 身為正法藏 心是無礙智 既得智光照 復照諸羣生
 心集無邊業 莊嚴諸世間 了世皆是心 現身等衆生
 知世悉如夢 一切佛如影 諸法皆如響 令衆無所著
 為三世衆生 念念示現身 而心無所住 十方徧說法
 無邊諸刹海 佛海衆生海 悉在一塵中 此尊解脫力
 時善財童子說此偈已 頂禮其足 遶無量而
 殷懃瞻仰 辭退而去

爾時善財童子隨順寂靜音海夜神教思惟
 觀察所說法門 一一文句皆無忘失 於無量
 深心無量法性 一切方便神通智慧憶念思
 擇相續不斷 其心廣大 證入安住 行詣守護
 一切城夜神所見 彼夜神坐一切寶光明摩
 尼王師子之座 無數夜神所共圍遶 現一切
 衆生色相 身現普對一切衆生 身現不染一
 切世間身 現一切衆生身 數身現超過一切
 世間身 現成熟一切衆生身 現速往一切十
 方身 現徧攝一切十方身 現究竟如來體性
 身 現究竟調伏衆生身 善財見已 歡喜踊躍
 頂禮其足 遶無量而於前合掌而作是言 聖
 者我已先發阿耨多羅三藐三菩提心 而未
 知菩薩修菩薩行時 云何饒益衆生 云何以
 無上攝而攝衆生 云何順諸佛教 云何近法

王位唯願悲哀爲我宣說時彼夜神告善財
言善男子汝爲救護一切衆生故汝爲嚴淨
一切佛刹故汝爲供養一切如來故汝欲住
一切劫救衆生故汝欲守護一切佛種性故
汝欲普入十方修諸行故汝欲普入一切法
明海故汝欲以平等心徧一切故汝欲普受
一切佛法輪故汝欲普隨一切衆生心之所
樂雨法雨故問諸菩薩所修行門善男子我
得菩薩甚深自在妙音解脫爲大法師無所
罣礙善能開示諸佛法藏故具大擔願大慈
悲力令一切衆生住菩提心故能作一切利
衆生事積集善根無有休息故爲一切衆生
調御之師令一切衆生住薩婆若道故爲一
切世間清淨法日普照世間令生善根故於
一切世間其心平等普令衆生增長善法故
於諸境界其心清淨除滅一切諸不善業故
擔願利益一切衆生身恒普現一切國土故
示現一切本事因緣令諸衆生安住善行故
恒事一切諸善知識爲令衆生安住佛教故
佛子我以此等法施衆生令生白法求一切
智其心堅固猶如金剛那羅延藏善能觀察
佛力魔力常得親近諸善知識摧破一切業
惑障山集一切智助道之法心恒不捨一切
智地善男子我以如是淨法光明饒益一切

衆生集善根助道法時作十種觀察法界何者爲十所謂我知法界無量獲得廣大智光明故我知法界無邊見一切佛所知見故我知法界無限普入一切諸佛國土恭敬供養諸如來故我知法界無畔普於一切法界海中示現修行菩薩行故我知法界無斷入於如來不斷智故我知法界一性如來一音一切衆生無不了故我知法界性淨了如來願普度一切諸衆生故我知法界徧衆生普賢妙行悉周徧故我知法界一莊嚴普賢妙行善莊嚴故我知法界不可壞一切智善根充滿法界不可壞故善男子我作此十種觀察法界集諸善根辨助道法了知諸佛廣大威德深入如來難思境界又善男子我如是正念思惟得如來十種大威德陀羅尼輪何者爲十所謂普入一切法陀羅尼輪普持一切法陀羅尼輪普說一切法陀羅尼輪普念十方一切佛陀羅尼輪普說一切佛名号陀羅尼輪普入三世諸佛願海陀羅尼輪普入一切諸乘海陀羅尼輪普入一切衆生業海陀羅尼輪疾轉一切業陀羅尼輪疾生一切智陀羅尼輪善男子此十陀羅尼輪以十千陀羅尼輪而爲眷屬恒爲衆生演說妙法善男子我或爲衆生說聞慧法或爲衆生說思慧

法或為衆生說修慧法或為衆生說一有法
或為衆生說一切有法或為說一如來名海
法或為說一切如來名海法或為說一世界
海法或為說一切世界海法或為說一佛授
記海法或為說一切佛授記海法或為說一
如來衆會道場海法或為說一切如來衆會
道場海法或為說一如來法輪海法或為說
一切如來法輪海法或為說一如來修多羅
法或為說一切如來修多羅法或為說一如
來集會法或為說一切如來集會法或為說
一薩婆若心海法或為說一切薩婆若心海
法或為說一乘出離法或為說一切乘出離
法善男子我以如是等不可說法門為衆生
說善男子我入如來無差別法界門海說無
上法普攝衆生盡未來劫住普賢行善男子
我成就此甚深自在妙音解脫於念念中增
長一切諸解脫門念念充滿一切法界時善
財童子白夜神言奇哉天神此解脫門如是
希有聖者證得其已久如夜神言善男子乃
往古世過世界轉微塵數劫有劫名離垢光
明有世界名法界功德雲以現一切衆生業
摩尼王海為體正如蓮華住四天下微塵數
香摩尼須彌山網中以出一切如來本願音
蓮華而為莊嚴須彌山微塵數蓮華而為眷

屬須彌山微塵數香摩尼以爲間錯有須彌
山微塵數四天下——四天下有百千億那
由他不可說不可說城善男子彼世界中有
四天下名爲妙幢中有王都名普賢華光去
此不遠有菩提場名普顯現法王宮殿須彌
山微塵數如來於中出現其最初佛名法海
雷音光明王彼佛出時有轉輪王名清淨日
光明面於其佛所受持一切法海旋修多羅
佛涅槃後其王出家護持正法法欲滅時有
千部異千種說法近於末劫業惑障重諸惡
比丘多有鬬諍樂著境界不求功德樂說王
論賊論女論國論海論及以一切世間之論
時王比丘而語之言奇哉苦哉佛於無量諸
大劫海集此法炬云何汝等而共毀滅作是
說已上昇虛空高七多羅樹身出無量諸色
燄雲放種種色大光明網令無量衆生除煩
惱熱令無量衆生發菩提心以是因緣彼如
來教復於六萬五千歲中而得興盛時有比
丘尼名法輪化光是此主女百千比丘尼而
爲眷屬聞父王語及見神力發菩提心永不
退轉得三昧名一切佛教燈又得此甚深自
在妙音解脫得已身心柔軟即得現見法海
雷音光明王如來一切神力善男子於汝意
云何彼時轉輪聖王隨於如來轉正法輪佛

涅槃後興隆末法者豈異人乎今普賢菩薩
是其法輪化光比丘尼即我身是我於彼時
守護佛法令十萬比丘尼於阿耨多羅三藐
三菩提得不退轉又令得現見一切佛三昧
又令得一切佛法輪金剛光明陀羅尼又令
得普入一切法門海般若波羅蜜次有佛興
名離垢法光明次有佛興名法輪光明慧次
有佛興名法日功德雲次有佛興名法海妙
音王次有佛興名法日智慧燈次有佛興名
法華幢雲次有佛興名法談山幢王次有佛
興名甚深法功德月次有佛興名法智普光
藏次有佛興名開示普智藏次有佛興名功
德藏山王次有佛興名普門須彌賢次有佛
興名一切法精進幢次有佛興名法寶華功
德雲次有佛興名寂靜光明慧次有佛興名
法光明慈悲月次有佛興名功德鉅海次有
佛興名智日普光明次有佛興名普賢圓滿
德華光燈次有佛興名智師子幢王次有佛
興名日光普照王次有佛興名須彌寶莊嚴
相次有佛興名日光普照次有佛興名法王
功德月次有佛興名開敷蓮華妙音雲次有
佛興名日光明相次有佛興名普光明妙法
言人有佛興名師子金剛那羅延無畏次有

佛興名普智勇猛幢次有佛興名普開法蓮
華身次有佛興名功德妙華海次有佛興名
道場功德月次有佛興名法炬熾然月次有
佛興名普光明慧次有佛興名法幢燈次有
佛興名金剛海幢雲次有佛興名名稱山功
德雲次有佛興名栴檀妙月次有佛興名普
妙光明華次有佛興名照一切衆生光明王
次有佛興名功德蓮華藏次有佛興名香嚴
光明王次有佛興名波頭摩華因次有佛興
名衆相山普光明次有佛興名普名稱幢次
有佛興名須彌普門光次有佛興名功德法
城光次有佛興名大樹山光明次有佛興名
普德光明幢次有佛興名功德吉祥相次有
佛興名勇猛法力幢次有佛興名法輪光明
音次有佛興名功德山智慧光次有佛興名
無上妙法月次有佛興名法蓮華淨光幢次
有佛興名寶蓮華光明藏次有佛興名光節
雲山燈次有佛興名普覺華次有佛興名種
種功德燄須彌藏次有佛興名圓滿光山王
次有佛興名福德雲莊嚴次有佛興名法山
雲幢次有佛興名功德山光明次有佛興名
法日雲燈王次有佛興名法雲名稱王次有
佛興名法輪雲次有佛興名開悟菩提智光
幢次有佛興名普照法輪月次有佛興名寶

山威德賢次有佛興名賢德廣大光次有佛興名普智雲次有佛興名法力功德山次有佛興名功德香猷王次有佛興名金色摩尼山妙音聲次有佛興名頂髻出一切法光明雲次有佛興名法輪熾盛光次有佛興名無上功德山次有佛興名精進炬光明雲次有佛興名三昧印廣大光明冠次有佛興名寶光明功德王次有佛興名法炬寶蓋音次有佛興名普照虛空界無畏法光明次有佛興名月相莊嚴幢次有佛興名光明猷山雲次有佛興名照無障礙法虛空次有佛興名開顯智光身次有佛興名世主德光明音次有佛興名一切法三昧光明音次有佛興名法音功德藏次有佛興名熾然猷法海雲次有佛興名普照三世相大光明次有佛興名普照法輪山次有佛興名法界師子光次有佛興名須彌華光明次有佛興名一切三昧海師子猷次有佛興名普智光明燈善男子如是等須彌山微塵數如來其最後佛名法界城智慧燈並於離垢光明劫中出興于世我皆尊重親近供養聽聞受持所說妙法亦於彼一切諸如來所出家學道護持法教入此菩薩甚深自在妙音解脫種種方便教化成熟無量衆生從是已來於佛剎微塵數劫所

有諸佛出興於世我皆供養修行其法善男子我從是求於生死夜無明昏寐諸衆生中而獨覺悟今諸衆生守護心城捨三界城住一切智無上法城善男子我唯知此甚深自在妙音解脫今諸世間離戲論語不作二語常真實語恒清淨語如諸菩薩摩訶薩能知一切語言自性於念念中自在開悟一切衆生入一切衆生言音海於一切言辭悉皆辨了明見一切諸法門海於普攝一切法陀羅尼已得自在隨諸衆生心之所疑而爲說法究竟調伏一切衆生能普攝受一切衆生巧修菩薩諸無上業深入菩薩諸微細智能善觀察諸菩薩藏能自在說諸菩薩法何以故已得成就一切法輪陀羅尼故而我云何能知能說彼功德行善男子此佛會中有主夜神名開敷一切樹華汝詣彼問菩薩云何學一切智云何安立一切衆生住一切智爾時守護一切城主夜神欲重宣此解脫義爲善財童子而說頌言

等虛解脫深難見
普見無邊法界內
出生無量勝功德
增長一切自在智
過於剎轉微塵劫

虛空如如平等相
一切三世諸如來
證入難思眞法性
開通三世解脫道
爾時有劫名淨光

世界名為法鼓雲

其城名曰寶華光

其中諸佛興於世

量與須彌塵數等

有佛名為法海音

於此劫中先出現

乃至其中最後佛

名為法界鼓燈王

如是一切諸如來

我皆供養聽受法

我見法海雷音佛

其身普作真金色

諸相莊嚴如寶山

發心願得成如來

我暫見彼如來身

即發菩提廣大心

誓願勤求一切智

性與法界虛空等

由斯普見三世佛

及以一切菩薩衆

亦見國土衆生海

而普鑒緣起大悲

隨諸衆生心所樂

示現種種無量身

普徧十方諸國土

動地舒光悟含識

見第二佛而親近

亦見十方剎海佛

乃至最後佛出興

如是須彌塵數等

於諸剎轉微塵劫

所有如來照世燈

我皆親近而瞻奉

今此解脫得清淨

爾時善財童子得入此菩薩甚深自在妙音

解脫故入無邊二昧海入廣大摠持海得菩

薩大神通獲菩薩大辯才心大歡喜觀察守

護一切城主夜神以偈讚曰

已行廣大妙慧海

已度無邊諸有海

長壽無患智藏身

威德光明住此衆

了達法性如虛空

普入三世皆無礙

念念攀緣一切境

心心永斷諸分別

了達衆生無有性

而於衆生起大悲

深入如來解脫門

廣度羣迷無量衆

觀察思惟一切法

了知證入諸法性

如是修行佛智慧

普化衆生令解脫

天是衆生調御師

開示如來智慧道

普爲法界諸含識

說離世間衆怖行

已住如來諸願道

已受菩提廣大教

已修一切福行力

已見十方佛自在

天神心淨如虛空

普離一切諸煩惱

了知三世無量刹

諸佛菩薩及衆生

天神一念悉了知

晝夜日月年劫海

亦知一切衆生類

種種名相各差別

十方衆生生死處

有色無色想無想

隨順世俗悉了知

引導使入菩提路

已生如來捨願家

已入諸佛功德海

法身清淨心無礙

隨衆生樂現衆色

時善財童子說此頌已禮夜神足遶無量帀

懇懃瞻仰辭退而去

大方廣佛華嚴經卷第七十一

攀緣上諸勝妙

縛上諸凡切

惛憒上與一切

適悅上諸覺切

孫下唐佐切

闍上郎豆切

大方廣佛華嚴經卷第七十二

首

千闍闍三藏寶天華陀經

制譯

入法界品第三十九之十三

爾時善財童子入菩薩甚深自在妙音解脫門修行增進往詣開敷一切樹華夜神所見其身在此衆寶香樹樓閣之內妙寶所成師子座上百萬夜神所共圍遶時善財童子頂禮其足於前合掌而作是言聖者我已先發阿耨多羅三藐三菩提心而未知菩薩云何學菩薩行云何得一切智唯願垂慈爲我宣說夜神言善男子我於此娑婆世界日光已沒遶華覆合諸人衆等罷遊觀時見其一切若山若水若城若野如是等處種種衆生咸悉發心欲還所住我皆密護令得正道達其處所宿夜安樂善男子若有衆生盛年好色憍慢放逸五欲自恣我爲示現老病死相令生恐怖捨離諸惡復爲僉歎種種善根使其修習爲慳吝者讚歎布施爲破戒者僉揚淨戒有瞋恚者教住大慈懷惱害者令行忍辱若懈怠者令起精進若散亂者令修禪定住惡慧者令學般若樂小乘者令住大乘樂著三界諸趣中者令住菩薩願彼羅蜜若有衆生福智微劣爲諸結業之所逼迫多留礙者令住菩薩力彼羅蜜若有衆生其心暗昧無有

智慧令住菩薩智波羅蜜善男子我已成就
菩薩出生廣大喜光明解脫門善財言大聖
此解脫門境界云何夜神言善男子入此解
脫能知如來普攝衆生巧方便智云何普攝
善男子一切衆生所受諸樂皆是如來威德
力故順如來教故行如來語故學如來行故
得如來所護力故修如來所印道故種如來
所行善故依如來所說法故如來智慧日光
之所照故如來性淨業力之所攝故云何知
然善男子我入此出生廣大喜光明解脫憶
念毗盧遮那如來應正等覺往昔所修菩薩
行海悉皆明見善男子世尊往昔爲菩薩時
見一切衆生著我我所住無明闇室入諸見
網林爲貪愛所縛忿怒所壞愚癡所亂慳嫉
所纏生死輪迴貧窮困苦不得值遇諸佛菩
薩見如是已起大悲心利益衆生所謂起願
得一切妙寶資具攝衆生心願一切衆生皆
悉具足資生之物無所乏心於一切衆事離
執著心於一切境界無貪係心於一切所有
無慳吝心於一切果報無希望心於一切榮
好無羨慕心於一切因緣無迷惑心起觀察
眞實法性心起救護一切衆生心起深入一
切法旋復心起於一切衆生住平等大慈心
起於一切衆生行方便大悲心起爲大法蓋

普覆衆生心起以大智金剛杵破一切衆生
煩惱障山心起令一切衆生增長喜樂心起
願一切衆生究竟安樂心起隨衆生所欲雨
一切財寶心起以平等方便成熟一切衆生
心起令一切衆生滿足聖財心起願一切衆
生究竟皆得十力智果心起如是心已得菩
薩力現大神變徧法界虛空界於一切衆生
前普雨一切資生之物隨其所欲悉滿其意
皆令歡喜不悔不吝無間無斷以是方便普
攝衆生教化成熟皆令得出生死苦難不求
其報淨治一切衆生心寶令其生起一切諸
佛同一善根增一切智福德大海菩薩如是
念念成熟一切衆生念念嚴淨一切佛刹念
念普入一切法界念念悉徧虛空界念念
普入一切三世念念成就調伏一切諸衆生
智念念恒轉一切法輪念念恒以一切智道
利益衆生念念普於一切世界種種差別諸
衆生前盡未來劫現一切佛成等正覺念念
普於一切世界一切諸劫修菩薩行不生二
想所謂普入一切廣大世界每一切世界種
中種種際畔諸世界種種莊嚴諸世界種種
體性諸世界種種形狀諸世界種種分布諸
世界或有世界穢而兼淨或有世界淨而兼
穢或有世界一向雜穢或有世界一向清淨

或大或小或廣或細或正或側或覆或仰如是一切諸世界中念念修行諸菩薩行入菩薩位現菩薩力亦現三世一切佛身隨衆生心普使知見善男子毗盧遮那如來於過去世如是修行菩薩行時見諸衆生不修功德無有智慧著我我所無明翳障不正思惟入諸邪見不識因果順煩惱業墮於生死險難深坑具受種種無量諸苦起大悲心具修一切波羅蜜行為諸衆生稱揚讚歎堅固善根令其安住遠離生死貧窮之苦勤修福智助道之法爲說種種諸因果門爲說業報不相遇反爲說於法證入之處爲說一切衆生欲解及說一切受生國土令其不斷一切佛種令其守護一切佛教令其捨離一切諸惡又爲稱讚趣一切智助道之法令諸衆生心生歡喜令行法施普攝一切令其發起一切智行令其修學諸大菩薩波羅蜜道令其增長成一切智諸善根海令其滿足一切聖財令其得入佛自在門令其攝取無量方便令其觀見如來威德令其安住菩薩智慧善財童子言聖者發阿耨多羅三藐三菩提心其已久如夜神言善男子此處難信難知難解難入難說一切世間及以二乘皆不能知唯除諸佛神力所護善友所攝集勝功德欲樂清

淨無下劣心無雜染心無諂曲心得普照耀
智光明心發普饒益諸衆生心一切煩惱及
以衆魔無能壞心起必成就一切智心不樂
一切生死樂心能求一切諸佛妙樂能滅一
切衆生苦惱能修一切佛功德海能觀一切
諸法實性能具一切清淨信解能超一切生
死暴流能入一切如來智海能決定到無上
法城能勇猛入如來境界能速疾趣諸佛地
位能即成就一切智力能於十力已得究竟
如是之人於此能持能入能了何以故此是
如來智慧境界一切菩薩尚不能知況餘衆
生然我今者以佛成力欲令調順可化衆生
意速清淨欲令修習善根衆生心得自在隨
汝所問爲汝宣說爾時開敷一切樹華夜神
欲重明其義觀察三卅如來境界而說頌言
佛子汝所問甚深佛境界難思剎塵劫說之不可盡
非是貪恚癡憍慢惑所覆如是衆生等能知佛妙法
非是住慳嫉諂誑諸獨意煩惱業所覆能知佛境界
非著蘊界處及計於有身見倒想倒人能知佛所覺
佛境界寂靜性淨離分別非著諸有者能知此法性
生於諸佛家爲佛所守護持佛法藏者智眼之境界
親近善知識愛樂白淨法勤求諸佛力聞此法歡喜
心淨無分別猶如大虛空慧燈破諸闇是彼之境界
以大慈悲意普覆諸世間一切皆平等是彼之境界

歡喜心無著一切皆能捨平等施眾生是彼之境界
心淨離諸惡究竟無所悔順行諸佛教是彼之境界
了知法自性及以諸業種其心無動亂是彼之境界
勇猛勤精進安住心不退勤修一切智是彼之境界
其心寂靜住三昧究竟清涼無熱惱
已修一切智海因
善知一切真實相
普度羣生靡有餘
了達眾生真實性
如影普現心水中
從於一切三世佛
盡諸劫剎勤修行
普入一切法界門
亦見其中劫成壞
法界所有微塵中
成就二提化羣品
汝於無量大劫海
爲利羣生求正法
毗盧遮那廣大境
我承佛力爲汝說
善男子乃往古世過世界徧微塵數劫有世
界海名普光明真金摩尼山其世界海中有
佛出現名普照法界智慧山寂靜威德王善
男子其佛往修菩薩行時淨彼世界徧其世

界海中有世界微塵數世界種一一世界種
有世界微塵數世界一一世界皆有如來出
興於世一一如來說世界海微塵數修多羅
一一修多羅授佛刹微塵數諸菩薩記現種
種神力說種種法門度無量衆生善男子彼
普光明真金摩尼山世界海中有世界種名
普莊嚴幢此世界種中有世界名一切寶色
普光明以現一切化佛影摩尼王爲體形如
天城以現一切如來道場影像摩尼三爲其
下際住一切寶華海上淨穢相雜此世界中
有須彌山微塵數四天下有一四天下最處
其中名一切寶山幢其四天下一一縱廣十
萬由旬一一各有一萬大城其閻浮提中有
一三都名堅固妙寶莊嚴雲燈一萬大城周
而圍遶閻浮提人壽萬歲時其中有王名一
切法音圓滿蓋有五百大巨六萬采女七百
王子其諸三子皆端正勇健有大威力爾時
彼三威德普被閻浮提內無有怨敵時彼世
界劫欲盡時有五濁起一切人衆壽命短促
資財乏少形色鄙陋多苦少樂不修十善專
作惡業更相忿諍互相毀辱離他眷屬妒他
榮好任情起見非法貪求以是因緣風雨不
時苗稼不登園林草樹一切枯槁人民匱乏
多諸疫病馳走四方靡所依怙咸來共遶王

都大城無量無邊百千萬億四面周匝高聲
大呼或舉其手或合其掌或以頭扣地或以
手捶胸或屈膝長號或踊身大叫頭髮蓬亂
衣裳弊惡皮膚皴裂面目無光而向王言大
王大王我等今者貧窮孤露飢渴寒凍疾病
衰羸衆苦所逼命將不久無依無救無所控
告我等今者來歸大王我觀大王仁慈智慧
於大王所生得安樂想得所愛想得結命想
得攝受想得寶藏想遇津梁想逢道路想值
船筏想見寶洲想獲財利想昇天宮想爾時
大王聞此語已得百萬阿僧祇大悲門一心
思惟發十種大悲語其十者何所謂哀哉衆
生墮於無底生死大坑我當云何而速勉濟
令其得住一切智地哀哉衆生爲諸煩惱之
所逼迫我當云何而作救護令其安住一切
善業哀哉衆生生老病死之所恐怖我當云
何爲作歸依令其永得身心安隱哀哉衆生
常爲世間衆怖所逼我當云何而爲祐助令
其得住一切智道哀哉衆生無有智眼常爲
身見疑惑所覆我當云何爲作方便令其得
決疑見翳膜哀哉衆生常爲癡闇之所迷惑
我當云何爲作明炬令其照見一切智城哀
哉衆生常爲慳嫉諂誑所濁我當云何而爲
開曉令其證得清淨法身哀哉衆生長時漂

沒生死大海我當云何而普運度令其得上
菩提彼岸哀哉衆生諸根剛彊難可調伏我
當云何而爲調御令其具足諸佛神力哀哉
衆生猶如盲瞽不見道路我當云何而爲引
導令其得入一切智門作是語已擊鼓宣令
我今普施一切衆生隨有所須悉令充足即
時頒下閻浮提內大小諸城及諸聚落悉開
庫藏出種種物置四衢道所謂金銀琉璃摩
尼等寶衣服飲食華香瓔珞宮殿屋宅牀榻
敷具建大光明摩尼寶幢其光觸身悉使安
隱亦施一切病緣湯藥種種寶器盛衆雜寶
金剛器中盛種種香寶香器中盛種種衣輦
輿車乘幢幡繒蓋如是一切資生之物悉開
庫藏而以給施亦施一切村營城邑山澤林
藪妻子眷屬及以王位頭目耳鼻脣舌牙齒
手足皮肉心腎肝肺內外所有悉皆能捨其
堅固妙寶莊嚴雲燈城東面有門名摩尼山
光明於其門外有施會處其地廣博清淨平
坦無諸阨坎荊棘沙礫一切皆以妙寶所成
散衆寶華熏諸妙香然諸寶燈一切香雲充
滿虛空無量寶樹次第行列無量華網無量
香網彌覆其上無量百千億那由他諸音樂
器恒出妙音如是一切皆以妙寶而爲莊嚴
悉是菩薩淨業果報於彼會中置師子座十

寶爲地十寶欄楯十種寶樹周匝圍遶金剛
寶輪以承其下以一切寶爲龍神像而共捧
持種種寶物以爲嚴飾幢幡間列衆網覆上
無量寶香常出香雲種種寶衣處處分布百
千種樂恒奏美音復於其上張施寶蓋常放
無量寶焰光明如閻浮金熾然靖淨覆以寶
網垂諸瓔珞摩尼寶帶周迴間列種種寶鈴
恒出妙音勸諸衆生修行善業時彼大王處
師子座形容端正人相具足光明妙寶以爲
其冠那羅延身不可沮壞一一肢分悉皆圓
滿性善賢善王種中生於財及法悉得自在
辯才無礙智慧明達以政治國無違命者爾
時閻浮提無量無數百千萬億那由他衆生
種種國土種種族類種種形貌種種衣服種
種言辭種種欲樂俱來此會觀察彼王咸言
此王是大智人是福須彌是功德月住菩薩
願行廣大施時王見彼諸來乞者生悲愍心
生歡喜心生尊重心生善友心生廣大心生
相續心生精進心生不退心生捨施心生周
徧心善男子爾時彼王見諸乞者心大歡喜
經須臾頃假使忉利天王夜摩天王兜率陀
天王盡百千億那由他劫所受快樂亦不能
及善化天王於無數劫所受快樂自在天王
於無量劫所受快樂大梵天王於無邊劫所

受梵樂光音天王於難思劫所受天樂徧淨
天三於無盡劫所受天樂淨居天王不可說
劫住寂靜樂悉不能及善男子譬如有人仁
慈孝友遭逢世難父母妻息兄弟姊妹並皆
散失忽於曠野道路之間而相值遇瞻奉撫
對情無厭足時彼大王見來求者心生歡喜
亦復如是善男子其王爾時因善知識於佛
菩提解欲增長諸根成就信心清淨歡喜圓
滿何以故此菩薩勤修諸行求一切智願得
利益一切衆生願獲菩提無量妙樂捨離一
切諸不善心常樂積集一切善根常願救護
一切衆生常樂觀菩薩婆若道常樂修行一
切智法備足一切衆生所願入一切佛功德
大海破一切魔業惑障山隨順一切如來教
行行一切智無障礙道已能條入一切智流
一切法流常現在前大願無盡爲大丈夫住
大人法積集一切普門善藏離一切著不染
一切世間境界知諸法性猶如虛空於來乞
者生一子想生父母想生福田想生難得想
生恩益想生堅固想師想佛想不揀方處不
擇族類不選形貌隨有來至如其所欲以大
慈心平等無礙一切普施皆令滿足求飲食
者施與飲食求衣服者施與衣服求香華者
施與香華求鬘蓋者施與鬘蓋幢幡瓔珞宮

殿園苑象馬車乘牀座被褥金銀摩尼諸珍
寶物一切庫藏及諸眷屬城邑聚落皆悉如
是普施衆生時此會中有長者女名寶光明
與六十童女俱端正姝妙人所喜見皮膚金
色目髮紺青身出妙香口演梵音上妙寶衣
以爲莊嚴常懷慙媿正念不亂具足威儀恭
敬師長常念順行甚深妙行所聞之法憶持
不忘宿世善根流潤其心清淨廣大猶如虛
空等安衆生常見諸佛求一切智時寶光明
女去王不遠合掌頂禮作如是念我獲善利
我獲善利我今得見大善知識於彼王所生
大師想善知識想具慈悲想能攝受想其心
正直生大歡喜脫身瓔珞持奉彼王作是願
言今此大王爲無量無邊無明衆生作所依
處願我未來亦復如是如彼大王所知之法
所載之乘所修之道所具色相所有財產所
攝衆會無邊無盡難勝難壞願我未來悉得
如是隨所生處皆隨往生爾時大王知此童
女發如是心而告之言童女隨汝所欲我皆
與汝我今所有一切皆捨令諸衆生普得滿
足時寶光明女信心清淨生大歡喜即以偈
頌而讚王言

往昔此城邑 大王未出時 一切不可樂 猶如餓鬼
衆生相殺害 竊盜縱淫佚 兩舌不實語 無義虛惡言

貪愛他財物 瞋恚懷毒心 邪見不善行 命終墮惡道
以是等衆生 愚癡所覆蔽 住於顛倒見 天旱不降澤
以無時雨故 百穀悉不生 草木皆枯槁 泉流亦乾竭
大王未興止 津池悉枯涸 園苑多散骨 望之如曠野
大王昇寶位 廣濟諸羣生 油雲被八方 普雨皆充洽
大王臨庶品 普斷諸暴虐 刑獄皆止措 惇獨悉安隱
往昔諸衆生 各各相殘害 飲血而噉肉 今悉起慈心
往昔諸衆生 貧窮少衣服 以草自遮蔽 飢羸如餓鬼
大王既興世 杭米自然生 樹中出妙衣 男女皆嚴飾
昔日競微利 非法相陵奪 今時並豐足 如遊帝釋園
昔時人作惡 非分生貪恣 他妻及童女 種種相侵逼
今見他婦人 端正妙嚴飾 而心無染著 猶如知足天
昔日諸衆生 妄言不真實 非法無利益 諂曲取人意
今日羣生類 悉離諸惡言 其心既柔軟 發語亦調順
昔日諸衆生 種種行邪法 今掌恭敬禮 牛羊犬豚類
今聞王正法 悟解除邪見 了知苦樂報 悉從因緣起
大王演妙音 聞者皆欣樂 梵釋音聲等 一切無能及
金鈴自然出 如來和雅音 宣揚微妙法 除滅衆生惑
次復廣演說 十方諸佛刹 一切諸劫中 如來并眷屬
又復次第說 過去十方刹 及彼國土中 一切諸如來
又宣微妙音 普徧閻浮界 廣說人天等 種種業差別
衆生聽聞已 自知諸業藏 離惡勤修行 迴向佛菩提
王父淨光明 王母蓮華光 五濁出現時 處位治天下

時有廣大園周經卷第七園有五百地

一一千樹遶樹遶各各華彌覆

於其他岸上建立千柱堂欄檻等莊嚴一切無不備

末世惡法起積年不降雨地家悉乾竭草樹皆枯槁

王生七日前先現靈瑞相見者咸心念救世今當出

爾時於中夜大地六種動有一寶華地光明猶日現

五百諸池內功德水充滿枯樹悉生枝華葉皆繁茂

他水既盈滿流演一切處普及閻浮地靡不皆霑洽

藥草及諸樹百穀苗稼等枝葉華果實一切皆繁盛

溝坑及堆阜種種高下處如是一切地莫不皆平坦

荊棘沙礫等所有諸雜穢皆於一念中變成衆寶玉

衆生見是已歡喜而讚歎咸言得善利如渴飲美水

時彼光明三眷屬無量衆忽然備法駕遊觀諸園苑

三百諸池內有地名慶喜池上有結堂父王於此住

先王語夫人我念七夜前中宵地震動此中有光現

時彼華池內千葉蓮華出光如千日照上徹須彌頂

金剛以為蓋閻浮金為臺衆寶為華葉妙香作鬘鬘

王生彼華上端身結跏坐相好以莊嚴天神所恭敬

先王六歡喜入池自撫掬持以授夫人母子應欣慶

寶藏皆涌出寶樹生妙衣天樂奏美聲充滿虛空中

一切諸衆生皆生大歡喜合掌稱希有善哉救護世

王時放身光普照於一切能令四天下暗盡病除滅

夜叉毗舍闍毒蟲諸惡獸所欲害人者一切自藏匿

惡名失善利橫事病所持如是衆苦滅一切皆歡喜

凡是衆生類相視如父母離惡起慈心專求一切智

如是衆苦滅一切皆歡喜

國開諸惡趣 開示人天路 宣揚薩婆若 度脫諸羣生
 我等見大王 普獲於善利 無歸無導者 一切悉安樂
 爾時寶光明童女以偈讚歎一切法音圓滿
 蓋王已遠無量帀合掌頂禮曲窮恭敬却住
 一面時彼大王告童女言善哉童女汝能信
 知他人功德是爲希有童女一切衆生不能
 信知他人功德童女一切衆生不知報恩無
 有智慧其心濁亂性不明了本無志力又退
 修行如是之人不信不知菩薩如來所有功
 德神通智慧童女汝今決定求趣菩提能知
 菩薩如是功德汝今生此閻浮提中發勇猛
 心普攝衆生功不唐捐亦當成就如是功德
 王讚女已以無價寶衣奉目授與寶光童女
 并其眷屬一一告言汝著此衣時諸童女雙
 膝著地兩手承捧置於頂上然後而著既著
 衣已右遶於王諸寶衣中普出一切星宿光
 明衆人見之咸作是言此諸女等皆悉端正
 如淨夜天星宿莊嚴善男子爾時一切法音
 圓滿蓋王者豈異人乎今毗盧遮那如來應
 正等覺是也光明王者淨飯王是蓮華光夫
 人者摩耶夫人是寶光童女者即我身是其
 王爾時以四攝法所攝衆生即此會中一切
 菩薩是皆於阿耨多羅三藐三菩提得不退
 轉或住初地乃至十地具種種大願集種種

即道修種種妙行備種種莊嚴得種種神通
住種種解脫於此會中處於種種妙法宮殿
爾時開敷一切樹華主夜神為善財童子欲
重宣此解脫義而說頌言

我有廣大眼普見於十方一切刹海中
五趣輪迴者亦見彼諸佛菩提樹下坐
神通徧十方說法度眾生
我有清淨耳普聞一切聲亦聞佛說法
歡喜而信受我有他心智無二無所礙
能於一念中悉了諸心海
我得宿命智能知一切劫自身及他人
分別悉明了我於一念知刹海微塵劫
諸佛及菩薩三道眾生類
憶知彼諸佛始發菩提願乃至修諸行
一一悉圓滿亦知彼諸佛成就菩提道
以種種方便為眾轉法輪
亦知彼諸佛所有諸乘海正法住久近
眾生度多少我於無量劫修習此法門
我今為汝說佛子汝應學
善男子我唯知此菩薩出生廣大喜光明解
脫門如諸菩薩摩訶薩親近供養一切諸佛
入一切智大願海滿一切佛諸願海得勇猛
智於一菩薩地普入一切菩薩地海得清淨
願於一菩薩行普入一切菩薩行海得自在
力於一菩薩解脫門普入一切菩薩解脫門
海而我云何能知能說彼功德行善男子此
道場中有一夜神名大願精進力救護一切
眾生汝詣彼問菩薩云何教化眾生令趣阿
耨多羅三藐三菩提云何嚴淨一切佛刹云

何承事一切如來云何修行一切佛法時善
財童子頂禮其足遶無數帀懇懇瞻仰辭退
而去

大方廣佛華嚴經卷第七十二

覆合上芳極切 罷遊上薄豎切 羨慕上似面切

杵破上昌與切 枯槁上苦胡切 扣地上口音

提胃上都目切 長號下胡乃切 蓬亂上薄紅切

獎惡上毗祭切 皴裂上七倫切 衰羸下力為切

腎膜上於計切 盲瞽下公戶切 頌下上布送切

阮坎下苦感切 荆棘上京者切 沙磧下登音

姪佚上餘針切 枯涸下下各切 骸骨上壽音

暴虐上蕭報切 止措下倉故切 憊獨上悲營切

敢肉上徒敢切 犬豚上苦湛切 憊阮上古低切

熅阜上都回切 貪然上七廉切 撫掬下居六切

乙巳歲高麗國大藏都監奉

勅彫造

大方廣佛華嚴經卷第七十三

首

于闐國三藏實叉難陀奉

制譯

入法界品第三十九之十四

爾時善財童子往大願精進力救護一切衆
生夜神所見彼夜神在大衆中坐普現一切
宮殿摩尼王藏師子之座普現法界國土摩
尼寶網彌覆其上現日月星宿影像身現隨
衆生心普令得見身現等一切衆生形相身
現無邊廣大色相海身現普現一切威儀身
現普於十方示現身現普調一切衆生身現
廣運速疾神通身現利益衆生不絕身現常
遊虛空利益身現一切佛所頂禮身現修習
一切善根身現受持佛法不忘身現成滿菩
薩大願身現光明充滿十方身現法燈普滅
世暗身現了法如幻淨智身現遠離塵暗法
性身現普智照法明了身現究竟無患無熱
身現不可沮壞堅固身現無所住佛力身現
無分別離染身現本清淨法性身時善財童
子見如是等佛刹微塵數差別身一心頂禮
舉體投地良久乃起合掌瞻仰於善知識生
十種心何等爲十所謂於善知識生同已心
令我精勤辦一切智助道法故於善知識生
清淨自業果心親近供養生善根故於善知
識生莊嚴菩薩行心令我速能莊嚴一切菩

薩行故於善知識生成就一切佛法心誘誨
於我今修道故於善知識生能生心能生於
我無上法故於善知識生出離心令我修行
音賢菩薩所有行願而出離故於善知識生
具一切福智海心令我積集諸白法故於善
知識生增長心令我增長一切智故於善知
善知識生能成辦大利益心令我自在安住
一切菩薩法故成一切智道故得一切佛法
故是爲十發是心已得彼夜神與諸菩薩佛
刹微塵數同行所謂同念心常憶念十方三
世一切佛故同慧分別了一切法海差別
門故同趣能轉一切諸佛如來妙法輪故同
覺以等空智普入一切三世間故同報成就
菩薩清淨光明智慧報故同心善能修習無
礙功德莊嚴一切菩薩道故同境普照諸佛
所行境故同證得一切智照實相海淨光明
故同義能以智慧了一切法真實性故同勇
猛能壞一切障礙山故同色身隨衆生心示
現身故同力求一切智不退轉故同無畏其
心清淨如虛空故同精進於無量劫行菩薩
行無懈怠故同辯才得法無礙智光明故同
無等身相清淨超世間故同愛語令一切衆
生皆歡喜故同妙音普演一切法門海故同

滿音一切衆生隨類解故同淨德修習如來
淨功德故同智地一切佛所受法輪故同梵
行安住一切佛境界故同大慈念念普覆一
切國土衆生海故同大悲普雨法雨潤澤一
切諸衆生故同身業以方便行教化一切諸
衆生故同語業以隨類音演說一切諸法門
故同意業普攝衆生置一切智境界中故同
莊嚴嚴淨一切諸佛刹故同親近有佛出世
皆親近故同勸請請一切佛轉法輪故同供
養常樂供養一切佛故同教化調伏一切諸
衆生故同光明照了一切諸法門故同三昧
普知一切衆生心故同充徧以自在力充滿
一切諸佛刹海修諸行故同住處住諸菩薩
大神通故同眷屬一切菩薩共止住故同入
處普入世界微細處故同心慮普知一切諸
佛刹故同往詣普入一切佛刹海故同方便
悉現一切諸佛刹故同超勝於諸佛刹皆無
比故同不退普入十方無障礙故同破闇得
一切佛成菩提智大光明故同無生忍入一
切佛衆會海故同徧一切諸佛刹網恭敬供
養不可說刹諸如來故同智證了知彼彼法
門海故同修行順行一切諸法門故同希求
於清淨法深樂欲故同清淨集佛功德而以
莊嚴身口意故同妙意於一切法智明了故

同精進普集一切諸善根故同淨行成滿一
切菩薩行故同無礙了一切法皆無相故同
善巧於諸法中智自在故同隨樂隨衆生心
現境界故同方便善習一切所應習故同護
念得一切佛所護念故同入地得入一切菩
薩地故同所住安住一切菩薩位故同記別
一切諸佛授其記故同三昧一剎那中普入
一切二昧門故同建立示現種種諸佛事故
同正念正念一切境界門故同修行盡未來
劫修行一切菩薩行故同淨信於諸如來無
量智慧極欣樂故同捨離滅除一切諸障礙
故同不退智與諸如來智慧等故同受生應
現成熟諸衆生故同所住住一切智方便門
故同境界於法界境得自在故同無依永斷
一切所依心故同說法已入諸法平等智故
同勤修常蒙諸佛所護念故同神通開悟衆
生令修一切菩薩行故同神力能入十方世
界海故同陀羅尼普照一切摠持海故同祕
密法了知一切修多羅中妙法門故同甚深
法解一切法如虛空故同光明普照一切諸
世界故同欣樂隨衆生心而爲開示令歡喜
故同震動爲諸衆生現神通力普動十方一
切刹故同不虛見聞憶念皆悉令其心調伏
故同出離滿足一切諸大願海成就如來十

力智故時善財童子觀察大願精進力救護一切衆生夜神起十種清淨心獲如是等佛刹微塵數同菩薩行既獲此已心轉清淨徧袒右肩頂禮其足一心合掌以偈讚曰

我發堅固意志求無上覺今於善知識而起自己心以見善知識集無盡白法滅除衆罪垢成就菩提果我見善知識功德莊嚴心盡未來刹劫勤修所行道我念善知識攝受饒益我爲我悉示現正教真實法關閉諸惡趣顯示人天路亦示諸如來成一切智道我念善知識是佛功德藏念念能出生虛空功德海與我波羅蜜增我難思福長我淨功德令我冠佛纒我念善知識能滿佛智道誓願常依止圓滿白淨法我以此等故功德悉具足普爲諸衆生說一切智道聖者爲我師與我無上法無量無數劫不能報其恩爾時善財說此偈已白言大聖願爲我說此解脫門名爲何等發心已來爲幾時耶又如當得阿耨多羅三藐三菩提夜神告言善男子此解脫門名教化衆生令生善根我以成就此解脫故悟一切法自性平等入於諸法真實之性證無依法捨離世間悉知諸法色相差別亦能了達青黃赤白性皆不實無有差別而恒示現無量色身所謂種種色身一色身無邊色身清淨色身一切莊嚴色身普見色身等一切衆生色身普現一切衆生

前色身光明普照色身見無厭足色身相好
清淨色身離衆惡光明色身示現大勇猛色
身甚難得色身一切世間無能映蔽色身一
切世間共稱歎無盡色身念念常觀察色身
示現種種雲色身種種形顯色色身現無量
自在力色身妙光明色身一切淨妙莊嚴色
身隨順成熟一切衆生色身隨其心樂現前
調伏色身無障礙普光明色身清淨無濁穢
色身具足莊嚴不可壞色身不思議法方便
光明色身無能奪奪一切色身無諸闇破一
切闇色身集一切白淨法色身大勢力功德
海色身從過去恭敬因所生色身如虛空清
淨心所生色身最勝廣大色身無斷無盡色
身光明海色身於一切世間無所依平等色
身徧十方無所礙色身念念現種種色相海
色身增長一切衆生歡喜心色身攝取一切
衆生海色身一一毛孔中說一切佛功德海
色身淨一切衆生欲解海色身泐了一切法
義色身無障礙普照耀色身等虛空淨光明
色身放廣大淨光明色身照現無垢法色身
無比色身差別莊嚴色身普照十方色身隨
時示現應衆生色身寂靜色身滅一切煩惱
色身一切衆生福田色身一切衆生見不虛
色身大智慧勇猛力色身無障礙普周徧色

身妙身雲普現世間皆蒙益色身具足大慈
海色身大福德寶山王色身放光明普照世
間一切趣色身大智慧清淨色身生衆生正
念心色身一切寶光明色身普光藏色身現
世間種種清淨相色身求一切智處色身現
微笑令衆生生淨信色身一切寶莊嚴光明
色身不取不捨一切衆生色身無決定無究
竟色身現自在加持力色身現一切神通變
化色身生如來家色身遠離衆惡徧法界海
色身普現一切如來道場衆會色身具種種
衆色海色身從善行所濟色身隨所應化示
現色身一切世間見無厭足色身種種淨光
明色身現一切三世海色身放一切光明海
色身現無量差別光明海色身超諸世間一
切香光明色身現不可說日輪雲色身現廣
大月輪雲色身放無量須彌山妙華雲色身
出種種鬘雲色身現一切寶蓮華雲色身興
一切燒香雲徧法界色身散一切末香藏雲
色身現一切如來大願身色身現一切語言
音聲演法海色身現普賢菩薩像色身念念
中現如是等色相身充滿十方令諸衆生或
見或念或聞說法或因親近或得開悟或見
神通或觀變化悉隨心樂應時調伏捨不善
業住於善行善男子當知此由大願力故一

切智力故菩薩解脫力故大悲力故大慈力
 故作如是事善男子我入此解脫了知法性
 無有差別而能示現無量色身一一身現無
 量色相海一一相放無量光明雲一一光現
 無量佛國土一一土現無量佛興世一一佛
 現無量神通力開發衆生宿世善根未種者
 令種已種者令增長已增長者令成熟念念
 中令無量衆生於阿耨多羅三藐三菩提得
 不退轉善男子如汝所問從幾時來發菩提
 心修菩薩行如是之義承佛神力當爲汝說
 善男子菩薩智輪遠離一切分別境界不可
 以生死中長短染淨廣狹多少如是諸劫分
 別顯示何以故菩薩智輪本性清淨離一切
 分別網超一切障礙山隨所應化而普照故
 善男子譬如日輪無有晝夜但出時名晝沒
 時名夜菩薩智輪亦復如是無有分別亦無
 三世但隨心現教化衆生言其止住前劫後
 劫善男子譬如日輪住閭浮空其影悉現一
 切寶物及以河海諸淨水中一切衆生莫不
 目見而彼淨日不來至此菩薩智輪亦復如
 是出諸有海住佛實法寂靜空中無有所依
 爲欲化度諸衆生故而於諸趣隨類受生實
 不生死無所染著無長短劫諸想分別何以
 故菩薩究竟離心想見一切顛倒得真實見

見法實性知一切世間如夢如幻無有衆生
但以大悲大願力故現衆生前教化調伏佛
子譬如船師常以大船於河流中不依此岸
不著彼岸不住中流而度衆生無有休息菩
薩摩訶薩亦復如是以波羅蜜船於生死流
中不依此岸不著彼岸不住中流而度衆生
無有休息雖無量劫修菩薩行未曾分別劫
數長短佛子如大虛空一切世界於中成壞
而無分別本性清淨無染無亂無礙無厭非
長非短盡未來劫持一切刹菩薩摩訶薩亦
復如是以等虛空界廣大深心起大願風輪
攝諸衆生令離惡道生諸善趣悉令安住一
切智地滅諸煩惱生死苦縛而無憂喜疲厭
之心善男子如幻化人肢體雖具而無入息
及以出息寒熱飢渴憂喜生死十種之事菩
薩摩訶薩亦復如是以如幻智平等法身現
衆色相於諸有趣住無量劫教化衆生於生
死中一切境界無欣無厭無愛無恚無苦無
樂無取無捨無安無怖佛子菩薩智慧雖復
如是甚深難測我當承佛威神之力爲汝解
說今未來世諸菩薩等滿足大願成就諸力
佛子乃往古世過世界海微塵數劫有劫名
善光世世界名寶光於其劫中有一萬佛出興
于世其最初佛号法輪音虛空燈王如來應

正等覺十号圓滿彼閻浮提有一王都名寶
莊嚴其東不遠有一大林名曰妙光中有道
場名爲寶華彼道場中有普光明摩尼蓮華
藏師子之座時彼如來於此座上成阿耨多
羅三藐三菩提滿一百年坐於道場爲諸菩
薩諸天世人及閻浮提宿植善根已成熟者
演說正法是時國王名曰勝光時世人壽
一萬歲其中多有殺盜婬佚妄語綺語兩舌
惡口貪瞋邪見不孝父母不敬沙門婆羅門
等時王爲欲調伏彼故造立囹圄枷鎖禁閉
無量衆生於中受苦王有太子名爲善伏端
正殊特人所喜見具二十八大人之相在宮
殿中遙聞獄囚楚毒音聲心懷傷慙從官殿
出入牢獄中見諸罪人扭械枷鎖遮相連繫
置幽闇處或以火炙或以煙熏或被拷笞或
遭臠割裸形亂髮飢渴羸瘦筋斷骨現號叫
苦劇太子見已心生悲愍以無畏聲安慰之
言汝莫憂惱汝勿愁怖我當令汝悉得解脫
便詣王所而白王言獄中罪人苦毒難處願
垂寬宥施以無畏時王即集五百大臣而問
之言是事云何諸臣荅言彼罪人者私竊官
物謀奪王位盜入宮闈罪應刑戮有哀救者
罪亦至死時彼太子悲心轉切語大臣言如
汝所說但放此人隨其所應可以治我我爲

彼故一切苦事悉皆能受粉身殞命無所顧
惜要令罪人皆得免苦何以故我若不救此
衆生者云何能救三界牢獄諸苦衆生一切
衆生在三界中貪愛所縛愚癡所蔽貪無功
德墮諸惡趣身形鄙陋諸根放逸其心迷惑
不求出道失智慧光樂著三有斷諸福德滅
諸智慧種種煩惱濁亂其心住苦牢獄入魔
罣網生老病死憂悲惱害如是諸苦常所逼
迫我當云何令彼解脫應捨身命而拔濟之
時諸大臣共詣王所悉舉其手高聲唱言大
王當知如太子意毀壞王法禍及萬人若王
愛念不責治者王之寶祚亦不久立王聞此
言赫然大怒令誅太子及諸罪人王后聞之
愁憂號哭毀形降服與千采女馳詣王所舉
身投地頂禮王足俱作是言唯願大王救太
子命王即迴顧語太子言莫救罪人若救罪
人必當殺汝爾時太子爲欲專求一切智故
爲欲利益諸衆生故爲以大悲普救攝故其
心堅固無有退怯復白王言願恕彼罪身當
受戮王言隨意爾時王后白言大王願聽太
子半月行施恣意修福然後治罪王即聽許
時都城北有一大園名曰日光昔施場太
子往彼設大施會飲食衣服華鬘瓔珞塗香
末香幢幡寶蓋諸莊嚴具隨有所求靡不周

給經半月已於最後日國王大臣長者居士
城邑人民及諸外道悉來集會時法輪音虛
空燈王如來知諸衆生調伏時至與大衆俱
天王圓遶龍王供養夜叉王守護乾闥婆王
讚歎阿脩羅王曲躬頂禮迦樓羅王以清淨
心散諸寶華緊那羅王歡喜勸請摩睺羅伽
王一心瞻仰來入彼會爾時太子及諸大衆
遙見佛來端嚴殊特諸根寂定如調順象心
無垢濁如清淨池現大神通示大自在顯大
威德種種相好莊嚴其身放大光明普照世
界一切毛孔出香燄雲震動十方無量佛刹
隨所至處普雨一切諸莊嚴具以佛威儀以
佛功德衆生見者心淨歡喜煩惱銷滅爾時
太子及諸大衆五體投地頂禮其足安施於
座合掌白言善來世尊善來善來唯願哀愍
攝受於我處于此座以佛神力淨居諸天中
變此座爲香摩尼蓮華之座佛坐其上諸菩
薩衆亦皆就座周匝圍遶時彼會中一切衆
生因見如來苦滅障除堪受聖法爾時如來
知其可化以圓滿音說修多羅名普照因輪
令諸衆生隨類各解時彼會中有八十那由
他衆生遠塵離垢得法眼淨無量那由他衆
生得無學地十千衆生住大乘道入普賢行
成滿大願當爾之時十方各百佛刹微塵數

衆生於大乘中心得調伏無量世界一切衆生免離惡趣生於天上善伏太子即於此時得菩薩教化衆生令生善根解脫門善男子爾時太子豈異人乎我身是也我因往昔起大悲心捨身命財救苦衆生開門大施供養於佛得此解脫佛子當知我於爾時但爲利益一切衆生不著三界不求果報不貪名稱不欲自讚輕毀於他於諸境界無所貪染無所怖畏但莊嚴大乘出要之道常樂觀察一切智門修行苦行得此解脫佛子於汝意云何彼時五百大臣欲害我者豈異人乎今提婆達多等五百徒黨是也是諸人等蒙佛教化皆當得阿耨多羅三藐三菩提於未來世過須彌山微塵數劫爾時有劫名善光世界名寶光世中成佛其五百佛次第興世最初如來名曰大悲第二名饒益世間第三名大悲師子第四名救護衆生乃至最後名曰醫王雖彼諸佛大悲平等然其國土種族父母受生誕生出家學道往詣道場轉正法輪說修多羅語言音聲光明衆會壽命法住及其名号各各差別佛子彼諸罪人我所救者即拘留孫等賢劫千佛及百萬阿僧祇諸大菩薩於無量精進力名稱功德慧如來所發阿耨多羅三藐三菩提心今於十方國土行菩

薩道修習增長此菩薩教化衆生令生善報
解脫者是時勝光王今薩遮尼乾子大論師
是時王宮人及諸眷屬即彼尼乾六萬弟子
與師俱來建大論幢共佛論議悉降伏之授
阿耨多羅三藐三菩提記者是此諸人等皆
當作佛國土莊嚴劫數名号各各有異佛子
我於爾時救罪人已父母聽我捨離國土妻
子財寶於法輪音虛空燈王佛所出家學道
五百歲中淨修梵行即得成就百萬陀羅尼
百萬神通百萬法藏百萬求一切智勇猛精
進淨治百萬堪忍門增長百萬思惟心成就
百萬菩薩力入百萬菩薩智門得百萬般若
波羅蜜門見十方百萬諸佛生百萬菩薩大
願念念中十方各照百萬佛刹念念中憶念
十方世界前後際劫百萬諸佛念念中知十
方世界百萬諸佛變化海念念中見十方百
萬世界所有衆生種種諸趣隨業所受生時
死時善趣惡趣好色惡色其諸衆生種種心
行種種欲樂種種根性種種業習種種成就
皆悉明了佛子我於爾時命終之後還復於
彼王家受生作轉輪王彼法輪音虛空燈王
如來滅後次即於此值法空王如來承事供
養次爲帝釋即此道場值天王藏如來親近
供養次爲夜摩天王即於此世界值大地威

力山如來親近供養次爲兜率天王即於此
世界值法輪光音聲王如來親近供養次爲
化樂天王即於此世界值虛空智王如來親
近供養次爲他化自在天王即於此世界值
無能壞幢如來親近供養次爲阿脩羅王即
於此世界值一切法雷音王如來親近供養
次爲梵王即於此世界值普現化演法音如
來親近供養佛子此寶光世界善光劫中有
一萬佛出興于世我皆親近承事供養次復
有劫名曰日光有六十億佛出興于世最初
如來名妙相山我時爲王名曰大慧於彼佛
所承事供養次有佛出名圓滿肩我爲居士
親近供養次有佛出名離垢童子我爲大臣
親近供養次有佛出名勇猛持我爲阿脩羅
王親近供養次有佛出名須彌相我爲樹神
親近供養次有佛出名離垢臂我爲商主親
近供養次有佛出名師子遊步我爲城神親
近供養次有佛出名爲寶髻我爲毗沙門天
王親近供養次有佛出名最上法稱我爲軌
闍婆王親近供養次有佛出名光明冠我爲
鳩槃荼王親近供養於彼劫中如是次第有
六十億如來出興于世我常於此受種種身
一一佛所親近供養教化成就無量衆生於
一一佛所得種種三昧門種種陀羅尼門種

種神通門種種辯才門種種一切智門種種
法明門種種智慧門照種種十方海入種種
佛剎海見種種諸佛海清淨成就增長廣大
如於此劫中親近供養爾所諸佛於一切處
一切世界海微塵數劫所有諸佛出興于世
親近供養聽聞說法信受護持亦復如是如
是一切諸如來所皆悉修習此解脫門復得
無量解脫方便爾時救護一切衆生主夜神
欲重宣此解脫義即爲善財而說頌言

汝以歡喜信樂心

以此難思解脫法

我承如來護念力

爲汝宣說應聽受

過去無邊廣大劫

過於剎海微塵數

時有世界名寶光

其中有劫号善光

於此善光大劫中

一萬如來出興世

我皆親近而供養

從其修學此解脫

時有三都名喜嚴

縱廣寬平極殊麗

雜業衆生所居住

或心清淨或作惡

爾時有三名勝光

恒以正法御羣生

其王太子名善伏

形體端正備衆相

時有無量諸罪人

繫身牢獄當受戮

太子見已生悲愍

上啓於王請寬宥

爾時諸臣共白王

今此太子危王國

如是罪人應受戮

如何悉救令除免

時勝光王語太子

汝救彼罪自當受

太子哀念情轉深
時王夫人采女等
願放太子半月
中
時王聞已即聽許
一切衆生靡不臻
如是半月日云滿
大衆百千萬億人
彼佛知衆根將熟
顯現神變大莊嚴
佛以一音方便說
無量衆生意柔軟
喜伏太子生歡喜
誓願承事於如來
便即出家依佛住
爾時便得此解脫
於中止住經劫海
常於苦海救衆生
劫中所有諸佛現
咸以清淨信解心
次於佛刹微塵數
所有諸佛現世間
我念往昔爲太子
誓願捨身而救護
經於佛刹微塵數

擔救衆生無退怯
俱來王所白王言
布施衆生作功德
設大施會濟貧乏
隨有所求咸給與
太子就戮時將至
同時瞻仰俱號泣
而來此會化羣生
靡不親近而恭敬
法燈普照修多羅
悉蒙與授菩提記
發興無上正覺心
普爲衆生作依處
修行一切種智道
大悲廣濟諸羣生
諦觀諸法真實性
如是修習菩提道
悉皆承事無有餘
聽聞持護所說法
無量無邊諸劫海
一一供養皆如是
見諸衆生在牢獄
因其證此解脫門
廣大劫海常修習

念念令其得增長
彼中所有諸如來
令我增明此解脫
我於無量二億劫
諸佛法海無有邊
十方所有一切刹
三世種種國土名
三世所有諸佛海
亦能示現其身相
又於十方一切刹
普雨一切莊嚴雲
又以無邊大問海
彼佛所雨妙法雲
又於十方無量刹
坐於衆妙莊嚴座
又於十方無量刹
一身示現無量身
又於一一毛孔中
各以種種巧方便
又於一一毛孔中
充滿十方諸世界
十方一切諸佛子
悉盡未來無量劫
隨其心樂爲說法

復獲無邊巧方便
我悉得見蒙開悟
及以種種方便力
學此難思解脫門
我悉一時能普飲
其身普入無所礙
念念了知皆悉盡
一一明見盡無餘
普詣於彼如來所
一切諸佛導師前
供養一切無上覺
啓請一切諸世尊
皆悉受持無忘失
一切如來衆會前
示現種種神通力
示現種種諸神變
無量身中現一身
悉放無數大光明
除滅衆生煩惱火
出現無量化身雲
普雨法雨濟羣品
入此難思解脫門
安住修行菩薩行
令彼皆除邪見網

示以天道及二乘

乃至如來一切智

一切衆生受生處

示現無邊種種身

悉同其類現衆像

普應其心而說法

若有得此解脫門

則住無邊功德海

譬如刹海微塵數

不可思議無有量

善男子我唯知此教化衆生令生善報解脫

門如諸菩薩摩訶薩超諸世間現諸趣身不

住攀緣無有障礙了達一切諸法自性善能

觀察一切諸法得無我智證無我法教化調

伏一切衆生恒無休息心常安住無二法門

普入一切諸言辭海我今云何能知能說彼

功德海彼勇猛智彼心行處彼三昧境彼解

脫力善男子此閻浮提有一園林名嵐毗尼

彼園有神名妙德圓滿汝詣彼問菩薩云何

修菩薩行生如來家爲世光明盡未來劫而

無厭倦時善財童子頂禮其足遶無量匝合

掌瞻仰辭退而去

大方廣佛華嚴經卷第七十三

圍圉

二郎丁切
下語音

枷鎖

上加音
下蘇果切

扭械

上敕久切
下胡介切

撻笞

上薄庚切
下丑之切

臙割

上毗忌切
下古達切

裸形

上郎果切

苦劇

下奇逆切

寬宥

上皆官切
下于救切

私竊

下千結切

謀奪

上牟音
下徒徐切

宮闈

下雨非切

刑戮

下六音

粉身上方防切

殞命上莫勅切

顧惜上故音

鄙陋上方美切

禍及上胡果切

寶祚下昨誤切

赫然上呼格切

大憝下乃故切

命誅下臨緒切

號哭上毫音

駭形上許亥切

降服上公海切

怒彼上商界切

乙巳歲高麗國大歲都監奉

勅雕造

大方廣佛華嚴經卷第七十四

首

千闍國三藏實叉難陀奉

制譯

入法界品第三十九之十五

爾時善財童子於大願精進力救護一切衆
生夜神所得菩薩解脫已憶念修習了達增
長漸次遊行至嵐毗尼林周徧尋覓彼妙德
神見在一切寶樹莊嚴樓閣中坐寶蓮華師
子之座二十億那由他諸天恭敬圍遶爲說
菩薩受生海經令其皆得生如來家增長菩
薩大功德海善財見已頂禮其足合掌前立
白言大聖我已先發阿耨多羅三藐三菩提
心而未能知菩薩云何修菩薩行生如來家
爲世大明彼神荅言善男子菩薩有十種受
生藏若菩薩成就此法則生如來家念念增
長菩薩善根不疲不懈不厭不退無斷無失
離諸迷惑不生怯劣惱悔之心趣一切智入
法界門發廣大心增長諸度成就諸佛無上
菩提捨世間趣入如來地獲勝神通諸佛之
法常現在前順一切智真實義境何等爲十
一者願常供養一切諸佛受生藏二者發菩
提心受生藏三者觀諸法門勤修行受生藏
四者以深淨心普照三世受生藏五者平等
光明受生藏六者生如來家受生藏七者佛
力光明受生藏八者觀普智門受生藏九者

普現莊嚴受生藏十者入如來地受生藏善男子云何名願常供養一切佛受生藏善男子菩薩初發心時作如是願我當尊重恭敬供養一切諸佛見佛無厭於諸佛所常生愛樂常起深信修諸功德恒無休息是為菩薩為一切智始集善根受生藏云何名發菩提心受生藏善男子此菩薩發阿耨多羅三藐三菩提心所謂起大悲心救護一切眾生故起供養佛心究竟承事故起普求正法心一切無吝故起廣大趣向心求一切智故起慈無量心普攝眾生故起不捨一切眾生心被求一切智堅誓甲故起無諂誑心得如實智故起如說行心修菩薩道故起不誑諸佛心守護一切佛大誓願故起一切智願心蓋未來化眾生不休息故菩薩以如是等佛刹微塵數菩提心功德故得生如來家是為菩薩第二受生藏云何名觀諸法門勤修行受生藏善男子此菩薩摩訶薩起觀一切法門海心起迴向一切智圓滿道心起正念無過失業心起一切菩薩三昧海清淨心起修成一切菩薩功德心起莊嚴一切菩薩道心起求一切智大精進行修諸功德如劫火熾然無休息心起修普賢行教化一切眾生心起善學一切威儀修菩薩功德捨離一切所有住

無所有真實心是爲菩薩第三受生藏云何
名以深淨心普照三世受生藏善男子此菩
薩具清淨增上心得如來菩提光入菩薩方
便海其心堅固猶若金剛背捨一切諸有趣
生成就一切佛自在力修殊勝行具菩薩根
其心明潔願力不動常爲諸佛之所護念破
壞一切諸障礙山普爲衆生作所依處是爲
菩薩第四受生藏云何名平等光明受生藏
善男子此菩薩具足衆行普化衆生一切所
有悉皆能捨住佛究竟淨戒境界具足忍法
成就諸佛法忍光明以大精進趣一切智到
於彼岸修習諸禪得普門定淨智圓滿以智
慧日明照諸法得無礙眼見諸佛海悟入一
切真實法性一切世間見者歡喜善能修習
如實法門是爲菩薩第五受生藏云何名生
如來家受生藏善男子此菩薩生如來家隨
諸佛住成就一切甚深法門具三世佛清淨
大願得一切佛同一善根與諸如來共一體
性具出世行白淨善法安住廣大功德法門
入諸三昧見佛神力隨所應化淨諸衆生如
問而對辯才無盡是爲菩薩第六受生藏云
何名佛力光明受生藏善男子此菩薩深入
佛力遊諸佛刹心無退轉供養承事菩薩衆
會無有疲厭了一切法皆如幻起知諸世間

如夢所見一切色相猶如光影神通所作皆如變化一切受生悉皆如影諸佛說法皆如谷響開示法界咸令究竟是爲菩薩第七受生藏云何名觀智門受生藏善男子此菩薩住童真位觀一切智一一智門盡無量劫開演一切菩薩所行於諸菩薩甚深三昧心得自在念念生於十方世界諸如來所於有差別境入無差別定於無差別法現有差別智於無量境知無境界於少境界入無量境通達法性廣大無際知諸世間悉假施設一切皆是識心所起是爲菩薩第八受生藏云何名普現莊嚴受生藏善男子此菩薩能種種莊嚴無量佛刹普能化現一切衆生及諸佛身得無所畏演清淨法周徧法界無所障礙隨其心樂普使知見示現種種成菩提行令生無礙一切智道如是所作不失其時而常在三昧毗盧遮那智慧之藏是爲菩薩第九受生藏云何名入如來地受生藏善男子此菩薩悉於三世諸如來所受灌頂法普知一切境界次第所謂知一切衆生前際後際歿生次第一切菩薩修行次第一切衆生心念次第三世如來成佛次第善巧方便說法次第亦知一切初中後際所有諸劫若成若壞名号次第隨諸衆生所應化度爲現成道

功德莊嚴神通說法方便調伏是爲菩薩第十受生藏佛子若菩薩摩訶薩於此十法修習增長圓滿成就則能於一莊嚴中現種種莊嚴如是莊嚴一切國土開導示悟一切衆生盡未來劫無有休息演說一切諸佛法海種種境界種種成熟展轉傳來無量諸法現不思議佛自在力充滿一切虛空法界於諸衆生心行海中而轉法輪於一切世界示現成佛恒無間斷以不可說清淨言音說一切法住無量處通達無礙以一切法莊嚴道場隨諸衆生欲解差別而現成佛開示無量甚深法藏教化成就一切世間爾時嵐毗尼林神欲重明其義以佛神力普觀上方而說頌言

最上離垢清淨心 見一切佛無厭足
願盡未來常供養 此明慧者受生藏
一切三世國土中 所有衆生及諸佛
悉願度脫恒瞻奉 此難思者受生藏
聞法無厭樂觀察 普於三世無所礙
身心清淨如虛空 此名稱者受生藏
其心恒住大悲海 堅如金剛及寶山
了達一切種智門 此最勝者受生藏
大慈普覆於一切 妙行常增諸度海
以法光明照羣品 此雄猛者受生藏

了達法性心無礙

生於三世諸佛家

普入十方法界海

此明智者受生藏

法身清淨心無礙

普詣十方諸國土

一切佛力靡不成

此不思議受生藏

入深智慧已自在

於諸三昧亦究竟

觀一切智如寶門

此真身者受生藏

淨治一切諸佛土

勤修普化衆生法

顯現如來自在力

此大名者受生藏

久已修行薩婆若

疾能趣入如來位

了知法界皆無礙

此諸佛子受生藏

善男子菩薩具此十法生如來家爲一切世

間清淨光明善男子我從無量劫來得是自

在受生解脫門善財白言聖者此解脫門境

界云何答言善男子我先發願願一切菩薩

示受生時皆得親近願入毗盧遮那如來無

量受生海以昔願力生此世界閻浮提中嵐

毗尼園專念菩薩何時下生經於百年世尊

果從兜率陀天而來生此時此林中現十種

相何等爲十一者此園中地忽自平坦阡坎

堆阜悉皆不現二者金剛爲地衆寶莊嚴無

有瓦礫荊棘株杌三者寶多羅樹周匝行列

其根深植至於水際四者生衆香芽現衆香

藏寶香爲樹扶疎蔭映其諸香氣皆逾天香

五者諸妙華鬘寶莊嚴具行列分布處處无

滿六者園中所有一切諸樹皆自然開摩尼
寶華七者諸池沼中皆自生華從地涌出周
布水上八者時此林中娑婆世界欲色所住
天龍夜叉乾闥婆阿脩羅迦樓羅緊那羅摩
睺羅伽一切諸王莫不來集合掌而住九者
此世界中所有天女乃至摩睺羅伽女皆生
歡喜各各捧持諸供養具向畢洛叉樹前恭
敬而立十者十方一切諸佛禰中皆放光明
名菩薩受生自在燈普照此林一一光中悉
現諸佛受生誕生所有神變及一切菩薩受
生功德又出諸佛種種言音是爲林中十種
瑞相此相現時諸天王等即知當有菩薩下
生我見此瑞歡喜無量善男子摩耶夫人出
迦毘羅城入此林時復現十種光明瑞相今
諸衆生得法光明何等爲十所謂一切寶華
藏光寶香藏光寶蓮華開演出真實妙音覺
以十方菩薩初發心光一切菩薩得入諸地
現神變光一切菩薩修波羅蜜圓滿智光一
切菩薩大願智光一切菩薩教化衆生方便
智光一切菩薩證於法界真實智光一切菩
薩得佛自在受生出家成正覺光此十光明
普照無量諸衆生心善男子摩耶夫人於畢
叉叉樹下坐時復現菩薩將欲誕生十種神
變何等爲十善男子菩薩將欲誕生之時欲

界諸天天子天女及以色界一切諸天諸龍
 夜叉乾闥婆阿脩羅迦樓羅緊那羅摩睺羅
 伽并其眷屬爲供養故悉皆雲集摩耶夫人
 威德殊勝身諸毛孔咸放光明普照三十大
 千世界無所障礙一切光明悉皆不現除滅
 一切衆生煩惱及惡道苦是爲菩薩將欲誕
 生第一神變又善男子當爾之時摩耶夫人
 腹中悉現三千世界一切形像其百億閻浮
 提內各有都邑各有園林名号不同皆有摩
 耶夫人於中止住天衆圍遶悉爲顯現菩薩
 將生不可思議神變之相是爲菩薩將欲誕
 生第二神變又善男子摩耶夫人一切毛孔
 皆現如來往昔修行菩薩道時恭敬供養一
 切諸佛及聞諸佛說法音聲譬如明鏡及以
 水中能現虛空日月星宿雲雷等像摩耶夫
 人身諸毛孔亦復如是能現如來往昔因緣
 是爲菩薩將欲誕生第三神變又善男子摩
 耶夫人身諸毛孔一一皆現如來往昔修菩薩
 行時所住世界城邑聚落山林河海衆生劫
 數值佛出世入淨國土隨所受生壽命長短
 依善知識修行善法於一切刹在在生處摩
 耶夫人常爲其母如是一切於毛孔中靡不
 皆現是爲菩薩將欲誕生第四神變又善男
 子摩耶夫人一一毛孔顯現如來往昔修行

菩薩行時隨所生處色相形貌衣服飲食苦
樂等事一一普現分明辯了是爲菩薩將欲
誕生第五神變又善男子摩耶夫人身諸毛
孔一一皆現世尊往昔修施行時捨所難捨
頭目耳鼻脣舌牙齒身體手足血肉筋骨男
女妻妾城邑宮殿衣服瓔珞金銀寶貨如是
一切內外諸物亦見受者形貌音聲及其處
所是爲菩薩將欲誕生第六神變又善男子
摩耶夫人入此園時其林普現過去所有一
切諸佛入母胎時國土園林衣服華鬘塗香
末香幡繒幢蓋一切衆寶莊嚴之事妓樂歌
詠上妙音聲令諸衆生普得見聞是爲菩薩
將誕生時第七神變又善男子摩耶夫人入
此園時從其身出菩薩所住摩尼寶王宮殿
樓閣超過一切天龍夜叉乾闥婆阿脩羅迦
樓羅緊那羅摩睺羅伽及諸人王之所住者
寶網覆上妙香普熏衆寶莊嚴內外清淨各
各差別不相雜亂周帀徧滿嵐毗尼園是爲
菩薩將誕生時第八神變又善男子摩耶夫
人入此園時從其身出十不可說百十億那
由他佛刹微塵數菩薩其諸菩薩身形容貌
相好光明進止威儀神通眷屬皆與毗盧遮
那菩薩等無有異悉共同時讚歎如來是爲
菩薩將誕生時第九神變又善男子摩耶夫

人將欲誕生菩薩之時忽於其前從金剛際
出大蓮華名爲一切寶莊嚴藏金剛爲莖衆
寶爲鬚如意寶王以爲其臺有十佛刹微塵
數葉一切皆以摩尼所成寶網寶蓋以覆其
上一切天王所共執持一切龍王降注雷雨
一切夜叉王恭敬圍遶散諸天華一切乾闥
婆三出微妙音歌讚菩薩往昔供養諸佛功
德一切阿脩羅王捨憍慢心誓首敬禮一切
迦樓羅王垂寶繒幡徧滿虛空一切緊那羅
王歡喜瞻仰歌詠讚歎菩薩功德一切摩睺
羅伽王皆生歡喜歌詠讚歎普雨一切寶莊
嚴雲是爲菩薩將誕生時第十神變善男子
嵐毘尼園示現如是十種相已然後菩薩其
身誕生如虛空中現淨日輪如高山頂出於
慶雲如密雲中而耀電光如夜暗中而然火
炬爾時菩薩從母脅生身相光明亦復如是
善男子菩薩爾時雖現初生悉已了達一切
諸法如夢如幻如影如像無來無去不生不
滅善男子當我見佛於此四天下閻浮提內
嵐毘尼園示現初生種種神變時亦見如來
於三千大千世界百億四天下閻浮提內嵐
毗尼園中示現初生種種神變亦見三千大
千世界一一塵中無量佛刹亦見百佛世界
十佛世界乃至十方一切世界一一塵中無

量佛刹如是一切諸佛刹中皆有如來示現
受生種種神變如是念念常無間斷時善財
童子白彼神言大天得此解脫其已久如答
言善男子乃往古世過億佛刹微塵數劫復
過是數時有世界名爲普寶劫名悅樂八十
那由他佛於中出現其第一佛名自在功德
幢十号具足彼世界中有四天下名妙光莊
嚴其四天下閻浮提中有一王都名須彌莊
嚴幢其中有王名寶嚴眼其王夫人名曰喜
光善男子如此世界摩耶夫人爲毗盧遮那
如來之母彼世界中喜光夫人爲初佛母亦
復如是善男子其喜光夫人將欲誕生菩薩
之時與二十億那由他采女詣金華園園中
有樓名妙寶峯其邊有樹名一切施喜光夫
人攀彼樹枝而生菩薩諸天王衆各持香水
共以洗沐時有乳母名爲淨光侍立其側旣
洗沐已諸天王衆授與乳母乳母敬受生大
歡喜所得菩薩普眼三昧得此三昧已普見
十方無量諸佛復得菩薩於一切處示現受
生自在解脫如初受胎識速疾無礙得此解
脫故見一切佛乘本願力受生自在亦復如
是善男子於汝意云何彼乳母者豈異人手
我身是也我從是來念念常見毗盧遮那佛
示現菩薩受生海調伏衆生自在神力如見

毗盧遮那佛乘本願力念念於此三千大千
乃至十方一切世界微塵之內皆現菩薩受
生神變見一切佛悉亦如是我皆恭敬承事
供養聽所說法如說修行時嵐毗尼林神欲
重宣此解脫義承佛神力普觀十方而說頌
言

佛子汝所問諸佛甚深境汝今應聽受我說其因緣
過億刹塵劫有劫名悅樂八十那由他如來出興世
最初如來号自在功德幢我在金華園見彼初生曰
我時爲乳母智慧極聰利諸天授與我菩薩金色身
我時疾捧持諦觀不見頂身相皆圓滿一一無邊際
離垢清淨身相好以莊嚴譬如妙寶像見已自欣慶
思惟彼功德疾增衆福海見此神通事發大菩提心
專求佛功德增廣諸大願嚴淨一切刹滅除三惡道
普於十方土供養無數佛修行本誓願救脫衆生苦
我於彼佛所聞法得解脫億刹微塵數無量劫修行
劫中所有佛我悉曾供養護持其正法淨此解脫海
億刹微塵數過去十方尊盡持其法輪增明此解脫
我於一念頃見此刹塵中一一有如來所淨諸刹海
刹內悉有佛園中示誕生各現不思議廣大神通力
或見不思議億刹諸菩薩住於天宮上將證佛菩提
無量刹海中諸佛現受生說法衆圍繞於此我皆見
一念見億刹微塵數菩薩出家趣道場示現佛境界
我見刹塵內無量佛成道各現諸方便度脫苦衆生

一一微塵中 諸佛轉法輪 悉以無盡音 普雨甘露法
億利微塵數 一一刹塵內 悉見於如來 示現般涅般
如是無量刹 如來示誕生 而我悲分身 現前興供養
不思議刹海 無量趣差別 我悉現其前 雨於大法雨
佛子我知此 難思解脫門 無量億劫中 徧揚不可盡
善男子我唯知此 菩薩於無量劫徧一切處
示現受生自在解脫如諸菩薩摩訶薩能以
一念爲諸劫藏觀一切法以善方便而現受
生周徧供養一切諸佛究竟通達一切佛法
於一切趣皆現受生一切佛前坐蓮華座知
諸衆生應可度時爲現受生方便調伏於一
切刹現諸神變猶如影像悉現其前我當云
何能知能說彼功德行善男子此迦毗羅城
有釋種女名曰瞿波汝詣彼問菩薩云何於
生元中教化衆生時善財童子頂禮其足遶
無數匝慇懃瞻仰辭退而去

大方廣佛華嚴經卷第七十四

嵐岬 上盧含切
下房脂切

坤阜 上都因切
下房久切

瓦礫 上五化切
下曆音

荆棘 上京音切
下紀力切

株杪 上陟輪切
下五忽切

乙巳歲高麗國大藏都監奉

勅彫造

大方廣佛華嚴經卷第七十五

首

于闐國三藏實叉難陀奉

制譯

入法界品第三十九之十六

爾時善財童子向迦毗羅城思惟修習受生
解脫增長廣大憶念不捨漸次遊行至菩薩
集會普現法界光明講堂其中有神号無憂
德與一萬主官殿神俱來迎善財作如是言
善來丈夫有大智慧有大勇猛能修菩薩不
可思議自在解脫心恒不捨廣大捨願善能
觀察諸法境界安住法城入於無量諸方便
門成就如來功德大海得妙辯才善調衆生
獲聖智身恒順修行知諸衆生心行差別令
其歡喜趣向佛道我觀仁者修諸妙行心無
暫懈威儀所行悉皆清淨汝當不久得諸如
來清淨莊嚴無上三業以諸相好莊嚴其身
以十力智瑩飾其心遊諸世間我觀仁者勇
猛精進而無有比不久當得普見三世一切
諸佛聽受其法不久當得一切菩薩禪定解
脫諸三昧樂不久當入諸佛如來甚深解脫
何以故見善知識親近供養聽受其教憶念
修行不懈不退無憂無悔無有障礙魔及魔
民不能爲難不久當成無上果故善財童子
言聖者如向所說願我皆得聖者我願一切
衆生息諸熱惱離諸惡業生諸安樂修諸淨

行聖者一切衆生起諸煩惱造諸惡業墮諸惡趣若身若心恒受楚毒菩薩見已心生憂惱聖者譬如有人唯有一子愛念情至忽見被人割截肢體其心痛切不能自安菩薩摩訶薩亦復如是見諸衆生以煩惱業墮三惡趣受種種苦心大憂惱若見衆生起身語意三種善業生天人趣受身心樂菩薩爾時生大歡喜何以故菩薩不自爲故求一切智不貪生死諸欲快樂不隨想倒見倒心倒諸結隨眠愛見力轉不起衆生種種樂想亦不味著諸禪定樂非有障礙疲厭退轉住於生死但見衆生於諸有中具受無量種種諸苦起大悲心以大願力而普攝取悲願力故修菩薩行爲斷一切衆生煩惱爲求如來一切智智爲供養一切諸佛如來爲嚴淨一切廣大國土爲淨治一切衆生樂欲及其所有身心諸行於生死中無有疲厭聖者菩薩摩訶薩於諸衆生爲莊嚴令生人天富貴樂故爲父母爲其安立菩提心故爲養育令其成就菩薩道故爲衛護令其遠離三惡道故爲船師令其得度生死海故爲歸依令捨諸魔煩惱怖故爲究竟令其永得清涼樂故爲津濟令入一切諸佛海故爲導師令至一切法寶洲故爲妙華開敷諸佛功德心故爲嚴具常施

福德智慧光故爲可樂凡有所作悉端嚴故
爲可尊遠離一切諸惡業故爲普賢具足一
切端嚴身故爲大明常放智慧淨光明故爲
大雲常雨一切甘露法故聖者菩薩如是修
諸行時令一切衆生皆生愛樂具足法樂爾
時善財童子將昇法堂其無憂德及諸神衆
以出過諸天上妙華鬘塗香末香及以種種
寶莊嚴具散善財上而說頌言

汝今出世間爲世大明燈普爲諸衆生勤求無上覺
無量億千劫難可得見汝功德日今出滅除諸世間
汝見諸衆生顛倒惑所覆而興大悲意求證無師道
汝以清淨心尋求佛菩提承事善知識不自惜身命
汝於諸世間無依無所著其心普無礙清淨如虛空
汝修菩提行功德悉圓滿放大智慧光普照一切世
汝不離世間亦不著於世行世無障礙如風遊虛空
譬如火裁起一切無能滅汝修菩提行精進火亦然
勇猛大精進堅固不可動金剛慧師子遊行無所畏
一切法界中所有諸剎海汝悉能往詣親近善知識
爾時無憂德神說此頌已爲愛樂法故隨逐
善財恒不捨離爾時善財童子入普現法界
光明講堂周徧推求彼釋氏女見在堂內坐
寶蓮華師子之座八萬四千采女所共圍遶
是諸采女靡不皆從王種中生悉於過去修
菩薩行同種善根布施愛語普攝衆生已能

明見一切智境已共修集佛菩提行恒住正
定常遊大悲普攝衆生猶如一子慈心具足
眷屬清淨已於過去成就菩薩不可思議善
巧方便皆於阿耨多羅三藐三菩提得不退
轉具足菩薩諸波羅蜜離諸取著不樂生死
雖行諸有心常清淨恒勤觀察一切智道離
障蓋網超諸著處從於法身而不化形生普
賢行長菩薩力智日慧燈悉已圓滿爾時善
財童子詣彼釋女瞿波之所頂禮其足合掌
而住作如是言聖者我已先發阿耨多羅三
藐三菩提心而未知菩薩云何於生死中而
不爲生死過患所染了法自性而不住聲聞
辟支佛地具足佛法而修菩薩行住菩薩地
而入佛境界超過世間而於世受生成就法
身而示現無邊種種色身證無相法而爲衆
生示現諸相知法無說而廣爲衆生演說諸
法知衆生空而恒不捨化衆生事雖知諸佛
不生不滅而勤供養無有退轉雖知諸法無
業無報而修諸善行恒不止息時瞿波女告
善財言善哉善哉善男子汝今能問菩薩摩
訶薩知是行法修習普賢諸行願者能如是
問諦聽諦聽善思念之我當承佛神力爲汝
宣說善男子若諸菩薩成就十法則能圓滿
因陀羅網普智光明菩薩之行何等爲十所

謂依善知識故得廣大勝解故得清淨欲樂
故集一切福智故於諸佛所聽聞法故心恒
不捨三世佛故同於一切菩薩行故一切如
來所護念故大悲妙願皆清淨故能以智力
普斷一切諸生死故是為十若諸菩薩成就
此法則能圓滿因陀羅網普智光明菩薩之
行佛子若菩薩親近善知識則能精進不退
修習出生無盡佛法佛子菩薩以十種法承
事善知識何等為十所謂於自身命無所顧
惜於世樂具心不貪求知一切法性皆平等
永不退捨一切智願觀察一切法界實相心
恒捨離一切有海知法如空心無所依成就
一切菩薩大願常能示現一切刹海淨修菩
薩無礙智輪佛子應以此法承事一切諸善
義承佛神力觀察十方而說頌言

菩薩為利諸羣生
正念親承善知識
敬之如佛心無怠
此行於世帝網行
勝解廣大如虛空
一切三世悉入中
國土衆生佛皆爾
此是普智光明行
志樂如空無有際
永斷煩惱離諸垢
一切佛所修功德
此行於世身雲行
菩薩修習一切智
不可思議功德海
淨諸福德智慧身
此行於世不染行

聽受其法無厭足

一切諸佛如來所

此行於世普照行

能生實相智慧燈

一念一切悉能入

十方諸佛無有量

此向菩提大願行

心恒不捨諸如來

一切菩薩三昧海

能入諸佛大衆會

此行於世帝網行

願海及以方便海

盡未來際無邊劫

一切諸佛所加持

此是菩薩分身行

處處修行普賢道

起大慈悲現世間

見諸衆生受大苦

此是菩薩智日行

演法光明除暗冥

爲集無邊妙法輪

見諸衆生在諸趣

此是修行普賢行

令其永斷生死流

隨衆生心而現身

菩薩修行此方便

化度無量諸含識

普於一切諸趣中

普徧世間而現身

以大慈悲方便力

皆令趣向菩提道

隨其解欲爲說法

時釋迦瞿波說此頌已告善財童子言善男

子我已成就觀察一切菩薩三昧海解脫門

善財言大聖此解脫門境界云何答言善男

子我入此解脫知此娑婆世界佛刹微塵數

劫所有衆生於諸趣中死此生彼作善作惡

受諸果報有求出離不求出離正定邪定及

以不定有煩惱善根無煩惱善根具足善根

不具足善根不善根所攝善根善根所攝不

善根如是所集善不善法我皆知見又彼劫中所有諸佛名号次第我悉了知彼佛世尊從初發心及以方便求一切智出生一切諸大願海供養諸佛修菩薩行成等正覺轉妙法輪現大神通化度衆生我悉了知亦知彼佛衆會差別其衆會中有諸衆生依聲聞衆而得出離其聲聞衆過去修習一切善根及其所得種種智慧我悉了知有諸衆生依獨覺乘而得出離其諸獨覺所有善根所得菩提寂滅解脫神通變化成熟衆生入於涅槃我悉了知亦知彼佛諸菩薩衆其諸菩薩從初發心修習善根出生無量諸大願行成就滿足諸波羅蜜種種莊嚴菩薩之道以自在力入菩薩地住菩薩地觀菩薩地淨菩薩地菩薩地相菩薩地智菩薩攝智菩薩教化衆生智菩薩建立智菩薩廣大行境界菩薩神通行菩薩三昧海菩薩方便菩薩於念念中所入三昧海所得一切智光明所獲一切智電光雲所得實相忍所通達一切智所住剎海所入法海所知衆生海所住方便所發誓願所現神通我悉了知善男子此娑婆世界盡未來際所有劫海展轉不斷我皆了知如知娑婆世界亦知娑婆世界內微塵數世界亦知娑婆世界內一切世界亦知娑婆世界

微塵內所有世界亦知娑婆世界外方無
間所住世界亦知娑婆世界世界種所攝世
界亦知毗盧遮那世尊此華藏世界海中十
方無量諸世界種所攝世界所謂世界廣博
世界安立世界輪世界場世界差別世界轉
世界蓮華世界須彌世界名号盡此世界海
一切世界由毗盧遮那世尊本願力故我悉
能知亦能憶念亦念如來往昔所有諸因緣
海所謂修集一切諸乘方便無量劫中住菩
薩行淨佛國土教化衆生承事諸佛造立住
處聽受說法獲諸三昧得諸自在修檀波羅
蜜入佛功德海持戒苦行具足諸忍勇猛精
進成就諸禪圓滿淨慧於一切處示現受生
普賢行願悉皆清淨普入諸刹普淨佛土普
入一切如來智海普攝一切諸佛菩提得於
如來大智光明證於諸佛一切智性成等正
覺轉妙法輪及其所有道場衆會其衆會中
一切衆生往世已來所種善根從初發心成
熟衆生修行方便念念增長獲諸三昧神通
解脫如是一切我悉了知何以故我此解脫
能知一切衆生心行一切衆生修行善根一
切衆生雜染清淨一切衆生種種差別一切
聲聞諸三昧門一切緣覺寂靜三昧神通解
脫一切菩薩一切如來解脫光明皆了知故

爾時善財童子白瞿波言聖者得此解脫其
已久如荅言善男子我於往世過佛剎微塵
數劫有劫名勝行世界名無畏彼世界中有
四天下名爲安隱其四天下閻浮提中有一
王城名高勝樹於八十王城中最爲上首彼
時有王名曰財主其王具有六萬采女五百
大臣五百王子其諸王子皆悉勇健能伏怨
敵其王太子名威德主端正殊特人所樂見
足下平滿輪相備具足趺隆起手足指間皆
有網縵足跟齊正手足柔軟伊尼耶鹿王腦
七處圓滿陰藏隱密其身上分如師子王兩
肩平滿雙臂臍長身相端直頸文三道頰如
師子具四十齒悉皆齊密四牙鮮白其舌長
廣出梵音聲眼目紺青睫如牛王眉間毫相
頂上肉髻皮膚細軟如真金色身毛上靡髮
皆青色其身洪滿如尼拘陀樹爾時太子受
父王教與十千采女詣香茅園遊觀戲樂太
子是時乘妙寶車其車具有種種嚴飾置大
摩尼師子之座而坐其上五百采女各執寶
繩牽馭而行進止有度不遲不速百千萬人
持諸寶蓋百千萬人持諸寶幢百千萬人持
諸寶幡百千萬人作諸妓樂百千萬人燒諸
名香百千萬人散諸妙華前後圍遶而爲翊
從道路平正無有高下衆寶雜華散布其上

寶樹行列寶網彌覆種種樓閣延袤其間其樓閣中或有積聚種種珍寶或有陳列諸莊嚴具或有供設種種飲食或有懸布種種衣服或有備擬諸資生物或復安置端正女人及以無量僮僕侍從隨有所須悉皆施與時有母人名爲善現將一童女名具足妙德顏容端正色相嚴潔洪纖得所脩短合度目驗紺青聲如梵音善達工巧精通辯論恭勤匪懈慈愍不害具足慙媿柔和質直離癡裏欲無諸諂誑乘妙寶車采女圍遶及與其母從王城出先太子行見其太子言辭諷詠心生愛慕而白母言我心願得敬事此人若不遂情當自殞滅母告女言莫生此念何以故此甚難得此人具足輪王諸相後當嗣位作轉輪王有寶女出騰空自在我等卑賤非其匹偶此處難得勿生是念彼香茅園側有一道場名法雲光明時有如來名勝日身十号具足於中出現已經七日時彼童女暫時假寐夢見其母從夢覺已空中有天而告之言勝日身如來於法雲光明道場成等正覺已經七日諸菩薩衆前後圍遶天龍夜叉乾闥婆阿脩羅迦樓羅緊那羅摩睺伽梵天乃至色究竟天諸地神風神火神水神河神海神山神樹神園神藥神主城神等爲見佛故皆

來集會時妙德童女夢觀如來故聞佛功德
故其心安隱無有怖畏於太子前而說頌言
我身最端正名聞播十方智慧無等倫善達諸工巧
無量百千眾見我皆貪慕我心不於彼而生少愛欲
無瞋亦無恨無嫌亦無喜但發廣大心利益諸眾生
我今見太子具諸功德相其心大欣慶諸根咸悅樂
色如光明寶點美而右旋額廣眉纖曲我心願事汝
我觀太子身譬若真金像亦如大寶山相好有光明
目廣紺青色月面師子頰喜顏美妙音願垂哀納我
舌相廣長妙猶如赤銅色梵音緊那聲聞者皆歡喜
口方不褰縮齒白悉齊密發言現笑時見者心歡喜
離垢清淨身具相三十二必當於此界而作轉輪位
爾時太子告彼女言汝是誰女為誰守護若
先屬人我則不應起愛染心爾時太子以頌
問言

汝身極清淨功德相具足我今問於汝汝於誰所住
誰為汝父母汝今繫屬誰若已屬於人彼人攝受汝
汝不盜他物汝不有害心汝不作邪婬汝依何語住
不說他人惡不壞他所親不侵他境界不於他恚怒
不生邪險見不作相違業不以諂曲力方便誑世間
尊重父母不敬善知識不見諸貧窮人能生攝心不
若有善知識誨示於汝法能生堅固心究竟尊重不
愛樂於佛不了知菩薩不眾僧功德海汝能恭敬不
汝能知法不能障衆生不為住於法中為住於非去

見諸孤獨者能起慈心不見惡道衆生能生大悲不見他得榮樂能生歡喜不他來逼迫汝汝無瞋惱不汝發菩提意開悟衆生不無邊劫修行能無疲倦不爾時女母爲其太子而說頌言

太子汝應聽我今說此女初生及成長一切諸因緣太子始生日即從蓮華生其目淨脩廣肢節悉具足我曾於春月遊觀娑羅園普見諸藥草種種皆榮茂奇樹發妙華望之如慶雲好鳥相和鳴林間共歡樂同遊八百女端正奪人心被服皆嚴麗歌詠悉殊美彼園有浴池名曰蓮華幢我於池岸坐采女衆圍繞於彼蓮池內忽生千葉華寶葉瑠璃莖閻浮金爲臺爾時夜分盡日光初出現其蓮正開剖放大清淨光其光極熾盛譬如日初出普照閻浮提衆歎未曾有時見此玉女從彼蓮華生其身甚清淨肢分皆圓滿此是人間寶從於淨業生宿因無失壞今受此果報紺鬘青蓮眼替聲金色光華鬘衆寶鬘清淨無諸垢肢節悉具足其身無缺減譬如真金像安處寶華中毛孔梅檀香普熏於一切口出青蓮香常演梵音聲此女所住處常有天音樂不應下劣人而當如是俱世間無有人堪與此爲夫唯汝相嚴身願垂見納受非長亦非短非麤亦非細種種悉端嚴願垂見納受文字算數法工巧諸技藝一切皆通達願垂見納受善了諸兵法巧斷衆諍訟能調難可調願垂見納受其身甚清淨見者無厭足功德自莊嚴汝應垂納受

衆生所有患 善達彼緣起 應病而與藥 一切能消滅
閻浮語言法 差別無量種 乃至妓樂音 靡不皆通達
婦人之所能 此女一切知 而無女人過 願悉速納受
不嫉亦不怪 無貪亦無恚 質直性柔軟 離諸惡續惑
恭敬於尊者 奉事無違逆 樂修諸善行 此能隨順汝
若見於老病 貧窮在苦難 無救無所依 常生大悲愍
常觀第一義 不求自利樂 但願益衆生 以此莊嚴心
行住與坐卧 一切無放逸 言說及默然 見者咸欣樂
雖於一切處 皆無深著心 見有功德人 樂觀無厭足
尊重善知識 樂見離惡人 其心不躁動 先思後作業
福智所莊嚴 一切無怨恨 女人中最一 宜應事太子
爾時太子入香茅園已 告其妙德及善現言
善女我趣求阿耨多羅三藐三菩提當於盡
未來際無量劫集一切智助道之法修無邊
菩薩行淨一切波羅蜜供養一切諸如來護
持一切諸佛教嚴淨一切佛國土當令一切
如來種性不斷當隨一切衆生種性而普成
熟當滅一切衆生生死苦置於究竟安樂處
當淨治一切衆生智慧眼當修習一切菩薩
所修行當安住一切菩薩平等心當成就一
切菩薩所行地當令一切衆生普歡喜當捨
一切物盡未來際行檀波羅蜜令一切衆生
普得滿足衣服飲食妻妾男女頭目手足如
是一切内外所有悉當捨施無所吝惜當於

爾時汝或於我而作障礙施財物時汝心吝
惜施男女時汝心痛惱割肢體時汝心憂悶
捨汝出家汝心悔恨爾時太子即爲妙德而
說頌言

哀愍眾生故 我發菩提心 當於無量劫 習行一切智
無量大劫中 淨修諸願海 入地及徧障 悉經無量劫
三世諸佛所 學六波羅蜜 具足方便行 成就菩提道
十方垢穢刹 我當悉嚴淨 一切惡道難 我當令永出
我當以方便 廣度諸羣生 令滅愚癡暗 住於佛智道
當供一切佛 當淨一切地 起大慈悲心 悉捨內外物
汝見來乞者 或生慳吝心 我心常樂施 汝勿違於我
若見我施頭 慎勿生憂惱 我今先語汝 令汝心堅固
乃至截手足 汝勿嫌乞者 汝今聞我語 應可諦思惟
男女所愛物 一切我皆捨 汝能順我心 我當成汝意
爾時童女白太子言敬奉來教即說頌言
無量劫海中 地獄火焚身 若能奉納我 甘心受此苦
無量受生處 碎身如微塵 若能奉納我 甘心受此苦
無量劫頂戴 廣大金剛山 若能奉納我 甘心受此苦
無量生死海 以我身肉施 汝得法王處 願令我亦然
若能奉納我 與我爲主者 生生行施處 願常以我施
爲愍眾生苦 而發菩提心 既已攝眾生 亦當攝受我
我不求豪富 不貪五欲樂 但爲共行法 願以仁爲主
紺青脩廣眼 慈愍觀世間 不起染著心 必成菩薩道
太子所行處 地出衆寶華 必作轉輪王 願能奉納我

我曾夢見此妙法菩提場如來樹下坐無量衆圍遶
我夢彼如來身如真金山以手摩我頂寤已心歡喜
往昔眷屬天名曰喜光明彼天爲我說道場佛興世
我曾生是念願見太子身彼天報我言汝今當得見
我昔所志願於今悉成滿唯願俱往詣供養彼如來
爾時太子閻勝曰身如來名生大歡喜願見
彼佛以五百摩尼寶散其女上冠以妙藏光
明寶冠被以大猷摩尼寶衣其女爾時心不
動搖亦無喜相但合掌恭敬瞻仰太子目不
暫捨其母善現於太子前而說頌言

此女極端正功德莊嚴身昔願奉太子今意已滿足
持戒有智慧具足諸功德普於一切世最勝無倫匹
此女蓮華生種姓無譏醜太子同行業遠離一切過
此女身柔軟猶如天繒纈其手所觸摩衆患悉除滅
毛孔出妙香芬馨最無比衆生若聞者悉住於淨戒
身色如真金端坐華臺上衆生若見者離害具慈心
言音極柔軟聽之無不喜衆生若得聞悉離諸惡業
心淨無瑕垢遠離諸詬曲稱心而發言聞者皆歡喜
調柔具慙媿恭敬於尊宿無貪亦無詐憐愍諸衆生
此女心不恃色相及眷屬但以清淨心恭敬一切佛
爾時太子與妙德女及十千采女并其眷屬
出香茅園詣法雲光明道場至已下車步進
詣如來所見佛身相端嚴寂靜諸根調順內
外清淨如大龍池無諸垢濁皆生淨信踊躍

歡喜頂禮佛足遶無數币于時太子及妙德女各持五百妙寶蓮華供散彼佛太子爲佛造五百精舍一一皆以香木所成衆寶莊嚴五百摩尼以爲間錯時佛爲說普眼燈門修多羅聞是經已於一切法中得三昧海所謂得普照一切佛願海三昧普照三世藏三昧現見一切佛道場三昧普照一切衆生三昧普照一切世間智燈三昧普照一切衆生根智燈三昧救護一切衆生光明雲三昧普照一切衆生大明燈三昧演一切佛法輪三昧具足普賢清淨行三昧時妙德女得三昧名難勝海藏於阿耨多羅三藐三菩提永不退轉時彼太子與妙德女并其眷屬頂禮佛足遶無數币辭退還宮詣父王所拜跪畢已奉白王言大王當知勝日身如來出興於世於此國內法雲光明菩提場中成等正覺于今未久爾時大王語太子言是誰爲汝說如是事天耶人耶太子白言是此具足妙德女說時王聞已歡喜無量譬如貧人得大伏藏作如是念佛無上寶難可值遇若得見佛永斷一切惡道怖畏佛如醫王能治一切諸煩惱病能救一切生死大苦佛如導師能令衆生至於究竟安隱住處作是念已集諸小王羣臣眷屬及以利利婆羅門等一切大衆便捨

王位授與太子灌頂訖已與萬人俱往詣佛
所到已禮足遶無數帀并其眷屬悉皆退坐
爾時如來觀察彼王及諸大眾白毫相中放
大光明名一切世間心燈普照十方無量世
界住於一切世主之前示現如來不可思議
大神通力普令一切應受化者心得清淨爾
時如來以不思議自在神力現身超出一切
世間以圓滿音普爲大眾說陀羅尼名一切
法義離闇燈佛刹微塵數陀羅尼而爲眷屬
彼王聞已即時獲得大智光明其衆會中有
閻浮提微塵數菩薩俱時證得此陀羅尼六
十萬那由他人盡諸有漏心得解脫十千衆
生遠塵離垢得法眼淨無量衆生發菩提心
時佛又以不思議力廣現神變普於十方無
量世界演三乘法化度衆生時彼父王作如
是念我若在家不能證得如是妙法若於佛
所出家學道即當成就作是念已前白佛言
願得從佛出家修學佛言隨意宜自知時時
財主王與十千人皆於佛所同時出家未久
之間悉得成就一切法義離闇燈陀羅尼亦
得如上諸三昧門又得菩薩十神通門又得
菩薩無邊辯才又得菩薩無礙淨身往詣十
方諸如來所聽受其法爲大法師演說妙法
復以神力徧十方刹隨衆生心而爲現身讚

佛出現說佛本行示佛本緣偈揚如來自在
神力護持於佛所說教法爾時太子於十五
日在正殿上采女圍遶七寶自至一者輪寶
名無礙行二者象寶名金剛身三者馬寶名
迅疾風四者珠寶名日光藏五者女寶名具
妙德六藏臣寶名爲大財七主兵寶名離垢
眼七寶具足爲轉輪王王閻浮提正法治世
人民使樂王有千子端正勇健能伏怨敵其
閻浮提中有八十王城一一城中有五百僧
坊一一僧坊立佛支提皆悉高廣以衆妙寶
而爲校飾一一王城皆請如來以不思議衆
妙供具而爲供養佛入城時現大神力令無
量衆生種諸善根無量衆生心得清淨見佛
歡喜發菩提意起大悲心利益衆生勤修佛
法入真實義住於法性了法平等獲三智
等觀三智知一切佛出興次第說種種法攝
取衆生發菩薩願入菩薩道知如來法成就
法海能普現身徧一切刹知衆生根及其性
欲令其發起一切智願佛子於汝意云何彼
時太子得輪王位供養佛者豈異人乎今釋
迦牟尼佛是也財主王者寶華佛是其寶華
佛現在東方過世界海微塵數佛刹有世界
海名現法界虛空影像雲中有世界種名普
現三智影摩尼王彼世界種中有世界名圓

滿光中有道場名現一切世主身寶華如來
於此成阿耨多羅三藐三菩提不可說佛剎
微塵數諸菩薩衆前後圍遶而爲說法寶華
如來往昔修行菩薩道時淨此世界海其世
界海中去來今佛出興世者皆是寶華如來
爲菩薩時教化令發阿耨多羅三藐三菩提
心彼時女母善現者今我母善目是其三眷
屬今如來所衆會是也皆具修行普賢諸行
成滿大願雖恒在此衆會道場而能普現一
切世間住諸菩薩平等三昧常得現見一切
諸佛一切如來以等虛空妙音聲雲演正法
輪悉能聽受於一切法悉得自在名稱普聞
諸佛國土普詣一切道場之所普現一切衆
生之前隨其所應教化調伏盡未來劫修菩
薩道恒無間斷成滿普賢廣大誓願佛子其
妙德女與威德主轉輪聖王以四事供養勝
日身如來者我身是也彼佛滅後其世界中
六十億百千那由他佛出興於世我皆與王
承事供養其第一佛名清淨身次名一切智
月光明身次名閻浮檀金光明王次名諸相
莊嚴身次名妙月光次名智觀幢次名大智
光次名金剛那羅延精進次名智力無能勝
次名普安詳智次名離垢勝智雲次名師子
智光明次名光明慧次名功德光明幢次名

智日幢次名寶蓮華開敷身次名福德嚴淨
光次名智焰雲次名普照月次名莊嚴蓋妙
音聲次名師子勇猛智光明次名法界月次
名現虛空影像開悟衆生心次名恒觀寂滅
香次名普震寂靜音次名甘露山次名法海
音次名堅固網次名佛影踰次名月光毫次
名辯才口次名覺華智次名寶焰山次名功
德星次名寶月幢次名三昧身次名寶光王
次名普智行次名焰海燈次名離垢法音王
次名無比德名稱幢次名脩臂次名本願清
淨月次名照義燈次名深遠音次名毗盧遮
那勝藏王次名諸乘幢次名法海妙蓮華佛
子彼劫中有如是等六十億百千那由他佛
出興于世我皆親近承事供養其最後佛名
廣大解於彼佛所得淨智眼爾時彼佛入城
教化我爲王妃與王禮觀以衆妙物而爲供
養於其佛所聞說出生一切如來燈法門即
時獲得觀察一切菩薩三昧海境界解脫佛
子我得此解脫已與菩薩於佛剎微塵數劫
勤加修習於佛剎微塵數劫中承事供養無
量諸佛或於一劫承事一佛或二或三或不
可說或值佛剎微塵數佛悉皆親近承事供
養而未能知菩薩之身形量色貌及其身業
心行智慧三昧境界佛子若有衆生得見菩

薩修菩薩提行若疑若信菩薩皆以世出世間種種方便而攝取之以爲眷屬令於阿耨多羅三藐三菩提得不退轉佛子我見彼佛得此解脫已與菩薩於百佛剎微塵數劫而共修習於其劫中所有諸佛出興于世我皆親近承事供養聽所說法讀誦受持於彼一切諸如來所得此解脫種種法門知種種三世入種種剎海見種種成正覺入種種佛衆會發菩薩種種大願修菩薩種種妙行得菩薩種種解脫然未能知菩薩所得普賢解脫明何以故菩薩普賢解脫門如太虛空如衆生名如三世海如十方海如法界海無量無邊佛子菩薩普賢解脫門與如來境界等佛子我於佛剎微塵數劫觀菩薩身無有厭足如多欲人男女集會遞相愛染起於無量妄想思覺我亦如是觀菩薩身一一毛孔念念見無量無邊廣大世界種種安住種種莊嚴種種形狀有種種山種種地種種雲種種名種種佛興種種道場種種衆會演種種修多羅說種種灌頂種種諸衆種種方便種種清淨又於菩薩一一毛孔念念常見無邊佛海坐種種道場現種種神變轉種種法輪說種種修多羅恒不斷絕又於菩薩一一毛孔見無邊衆生海種種住處種種形貌種種作業種種

種諸根又於菩薩一一毛孔見三世諸菩薩
無邊行門所謂無邊廣大願無邊差別地無
邊波羅蜜無邊往昔事無邊大慈門無邊大
悲雲無邊大喜心無邊攝取衆生方便佛子
我於佛刹微塵數劫念念如是觀於菩薩一
一毛孔已所至處而不重至已所見處而不
重見求其邊際竟不可得乃至見彼悉達太
子住於宮中采女圍遶我以解脫力觀於菩
薩一一毛孔悉見三世法界中事佛子我唯
得此觀察菩薩三昧海解脫如諸菩薩摩訶
薩究竟無量諸方便海爲一切衆生現隨類
身爲一切衆生說隨樂行於一一毛孔現無
邊色相海知諸法性無性爲性知衆生性同
虛空相無有分別知佛神力同於如如徧一
切處示現無邊解脫境界於一念中能自在
入廣大法界遊戲一切諸地法門而我云何
能知能說彼功德行善男子此世界中有佛
母摩耶汝詣彼問菩薩云何修菩薩行於諸
世間無所染著供養諸佛恒無休息作菩薩
業永不退轉離一切障礙入菩薩解脫不由
於他住一切菩薩道詣一切如來所攝一切
衆生界盡未來劫修菩薩行發大乘願增長
一切衆生善根常無休息爾時釋迦瞿波女
欲重明此解脫義承佛神力即說頌言

若有見菩薩

修行種種行

起善不善心

菩薩皆攝取

乃往久遠世

過百剎塵劫

有劫名清淨

世界名光明

此劫佛興世

六十十萬億

最後天人主

号曰法幢燈

彼佛涅槃後

有王名智山

統領閭浮提

一切無怨敵

王有五百子

端正能勇健

其身悉清淨

見者皆歡喜

彼王及王子

信心供養佛

護持其法藏

亦樂勤修法

太子名善光

離垢多方便

諸相皆圓滿

見者無厭足

五百億人俱

出家行學道

勇猛堅精進

護持其佛法

王都名智樹

十億城圍遶

有林名解德

衆寶所莊嚴

善光住彼林

廣宣佛正法

辯才智慧力

令衆悉清淨

有時因乞食

入彼王都城

行止極安詳

正知心不亂

城中有居士

号曰善名稱

我時爲彼女

名爲淨目光

時我於城中

遇見善光明

諸相極端嚴

其心生淨著

次乞至我門

我心增愛染

即解身璎珞

并珠置鉢中

雖以愛染心

供養彼佛子

二百五十劫

不墮三惡趣

或生天王家

或作人王女

恒見善光明

妙相莊嚴身

此後所經劫

二百有五十

生於善現家

名爲具妙德

時我見太子

而生尊重心

願得備瞻侍

諸蒙哀納受

我時與太子

觀佛勝日身

恭敬供養畢

即發菩提意

於彼一劫中

六十億如來

最後佛世尊

名爲廣大解

於彼得淨眼

了知諸法相

皆見受生處

永除顛倒心

我得觀菩薩

三昧境解脫

一念入十方

不思議剎海

我見諸世界

淨穢種種別

於淨不貪樂

於穢不憎惡

普見諸世界

如來坐道場

皆於一念中

悉放無量光

一念能普入 不可說聚會 亦知彼一切 所得三昧門
一念能悉知 彼諸廣大行 無量地方便 及以諸願海
我觀菩薩身 無邊劫修行 一一毛孔量 求之不可得
一一毛孔刹 無數不可說 地水火風輪 靡不在其中
種種諸建立 種種諸形狀 種種體名号 無邊種莊嚴
我見諸刹海 不可說世界 及見其中佛 說法化衆生
不了菩薩身 及彼身諸業 亦不知心智 諸劫所行道
爾時善財童子頂禮其足 遶無數而辭退而
去

大方廣佛華嚴經卷第七十五

足跟下韻音

王騰下市亮切

上分下按問切

臍長上丑西切

頸文上居郢切

頰如上古叶切

上靡下文彼切

牽馭上苦堅切
下卿音

翽從上莫音
下庚用切

延袤下莫候切

洪纖下息廉切

寡欲上言乞切

殞滅上子敏切

嗣位上寺音

匹偶下五口切

假寐下彌二切

褰縮上悉乳切
下所六切

開割下普各切

麋獮下古猛切

繒纊上疾陵切
下苦訪切

芬馨下呼班切

乙巳歲高麗國大藏部寫本

勅彫造

大方廣佛華嚴經卷第七十六

首

十闍三藏實又難陀

新譯

入法界品第三十九之十七

爾時善財童子一心欲詣摩耶夫人所即時
獲得觀佛境界智作如是念是善知識遠離
世間住無所住超過六處離一切著知無礙
道具淨法身以如幻業而現化身以如幻智
而觀世間以如幻願而持佛身隨意生身無
生滅身無來去身非虛實身不變壞身無起
盡身所有諸相皆一相身離二邊身無依處
身無窮盡身離諸分別如影現身知如夢身
了如像身如淨日身普於十方而化現身住
於三世無變異身非身心身猶如虛空所行
無礙超諸世眼唯是普賢淨目所見如是之
人我今云何而得親近承事供養與其同住
觀其狀貌聽其音聲思其語言受其教誨作
是念已有主城神名曰寶眼眷屬圍遶於虛
空中而現其身種種妙物以爲嚴飾手持無
量衆色寶華以散善財作如是言善男子應
守護心城謂不貪一切生死境界應莊嚴心
城謂專意趣求如來十力應淨治心城謂畢
竟斷除怪嫉諂誑應清涼心城謂思惟一切
諸法實性應增長心城謂成辦一切助道之
法應嚴飾心城謂造立諸禪解脫宮殿應照

耀心城謂普入一切諸佛道場聽受般若波
羅蜜法應增益心城謂普攝一切佛方便道
應堅固心城謂恒勤修習普賢行願應防護
心城謂常專禦奸惡友魔軍應廓徹心城謂
開引一切佛智光明應善補心城謂聽受一
切佛所說法應扶助心城謂深信一切佛功
德悔應廣大心城謂大慈普及一切世間應
善獲心城謂集眾善法以覆其上應寬廣心
城謂大悲哀愍一切眾生應開心城門謂悉
捨所有隨應給施應密護心城謂防諸惡欲
不令得入應嚴肅心城謂逐諸惡法不令其
住應決定心城謂集一切智助道之法恒無
退轉應安立心城謂正念三世一切如來所
有境界應普攝心城謂明達一切佛正法輪
修多羅中所有法門種種緣起應部分心城
謂普曉示一切眾生皆令得見薩婆若道應
住持心城謂發一切三世如來諸大願海應
富實心城謂集一切周徧法界大福德聚應
令心城明了謂普知眾生根欲等法應令心
城自在謂普攝一切十方法界應令心城清
淨謂正念一切諸佛如來應知心城自性謂
知一切法皆無有性應知心城如幻謂以一
切智了諸法性佛子菩薩摩訶薩若能如是
淨修心城則能積集一切善法何以故攝除

一切諸障難故所謂見佛障聞法障供養如

來障攝諸衆生障淨佛國土障善男子菩薩

摩訶薩以離如是諸障難故若發希求善知

識心不用功力則便得見乃至究竟必當成

佛爾時有身衆神名蓮華法德及妙華光明

無量諸神前後圍遶從道場出住虛空中於

善財前以妙音聲種種稱歎摩耶夫人從其

耳璫放無量色相光明網普照無邊諸佛世

界令善財見十方國土一切諸佛其光明網

右遶世間經一帀已然後還來入善財頂乃

至徧入身詣毛孔善財即得淨光明眼永離

一切愚癡闇故得離翳眼能了一切衆生性

故得離垢眼能觀一切法性門故得淨慧眼

能觀一切佛國性故得毗盧遮那眼見佛法

身故得普光明眼見佛平等不思議身故得

無礙光眼觀察一切刹海成壞故得普照眼

見十方佛起大方便轉正法輪故得普境界

眼見無量佛以自在力調伏衆生故得普見

眼觀一切刹諸佛出興故時有守護菩薩法

堂羅刹鬼王名曰善眼與其眷屬萬羅刹俱

於虛空中以衆妙華散善財上作如是言善

男子菩薩成就十法則得親近諸善知識何

等爲十所謂其心清淨離諸諂誑大悲平等

普攝衆生知諸衆生無有真實趣一切智心

不退轉以信解力普入一切諸佛道場得淨
慧眼了諸法性大慈平等普覆衆生以智光
眼廓諸妄境以甘露雨滌生死熱以廣大眼
徹鑒諸法心常隨順諸善知識是爲十復次
佛子菩薩成就十種三昧門則常現見諸善
知識何等爲十所謂法空清淨輪三昧觀察
十方海三昧於一切境界不捨離不缺減三
昧普見一切佛出興三昧集一切功德藏三
昧心恆不捨善知識三昧常見一切善知識
生諸佛功德三昧常不離一切善知識三昧
常供養一切善知識三昧常於一切善知識
所無過失三昧佛子菩薩成就此十三昧門
常得親近諸善知識又得善知識轉一切佛
法輪三昧得此三昧已悉知諸佛體性平等
處處值遇諸善知識說是語時善財童子仰
視空中而答之言善哉善哉汝爲哀愍攝受
我故方便教我見善知識願爲我說云何往
詣善知識所於何方處城邑聚落求善知識
羅刹答言善男子汝應普禮十方求善知識
正念思惟一切境界求善知識勇猛自在徧
遊十方求善知識觀身觀心如夢如影求善
知識爾時善財受行其教即時覩見大寶蓮
華從地涌出金剛爲莖妙寶爲藏摩尼爲葉
光明寶王以爲其臺衆寶色香以爲其鬚無

數寶網彌覆其上於其臺上有一樓觀名普
納十方方法界藏奇妙嚴飾金剛爲地千柱行
列一切皆以摩尼寶成閣浮檀金以爲其壁
衆寶瓔珞四面垂下階陛欄楯周而莊嚴其
樓觀中有如意寶蓮華之座種種衆寶以爲
嚴飾妙寶欄楯寶衣間列寶帳寶網以覆其
上衆寶繒幡周而垂下微風徐動光流響發
寶華幢中雨衆妙華寶鈴鐸中出美音聲寶
戶牖間垂諸瓔珞摩尼身中流出香水寶象
口中出蓮華網寶師子口吐妙香雲梵形寶
輪出隨樂音金剛寶鈴出諸菩薩大願之音
寶月幢中出佛化形淨藏寶王現三世佛受
生次第曰藏摩尼放大光明徧照十方一切
佛刹摩尼寶王放一切佛圓滿光明毗盧遮
那摩尼寶王興供養雲供養一切諸佛如來
如意珠王念念示現普賢神變充滿法界須
彌寶王出天宮殿天諸采女種種妙音歌讚
如來不可思議微妙功德爾時善財見如是
座復有無量衆座圍遶摩耶夫人在彼座上
於一切衆生前現淨色身所謂超三界色身
已出一切諸有趣故隨心樂色身於一切世
間無所著故普周徧色身等於一切衆生數
故無等比色身令一切衆生滅倒見故無量
種色身隨衆生心種種現故無邊相色身普

現種種諸形相故普對現色身以自在而
示現故化一切色身隨其所應而現前故恒
示現色身盡衆生界而無盡故無去色身於
一切趣無所滅故無來色身於諸世間無所
出故不生色身無生起故不滅色身離語言
故非實色身得如實故非虛色身隨世現故
無動色身生滅永離故不壞色身法性不壞
故無相色身言語道斷故一相色身無相爲
相故如像色身隨心應現故如幻色身幻智
所生故如焰色身但想所持故如影色身隨
願現生故如夢色身隨心而現故法界色身
性淨如空故大悲色身常護衆生故無礙色
身念念周遍法界故無邊色身普淨一切衆
生故無量色身超出一切語言故無住色身
願度一切世間故無處色身恒化衆生不斷
故無生色身幻願所成故無勝色身超諸世
間故如實色身定心所現故不生色身隨衆
生業而出現故如意珠色身普滿一切衆生
願故無分別色身但隨衆生分別起故離分
別色身一切衆生不能知故無盡色身盡諸
衆生生死際故清淨色身同於如來無分別
故如是身者非色所有色相如影像故非受
世間苦受究竟滅故非想但隨衆生想所現
故非行依如幻業而成就故離識菩薩願智

空無性故一切衆生語言斷故已得成就寂滅身故爾時善財童子又見摩耶夫人隨諸衆生心之所樂現超過一切世間色身所謂或現超過他化自在天女身乃至超過四天王天女身或現超過龍女身乃至超過人女身現如是等無量色身饒益衆生集一切智助道之法行於平等檀波羅蜜大悲普覆一切世間出生如來無量功德修習增長一切智心觀察思惟諸法實性獲深忍海具衆定門住於平等三昧境界得如來定圓滿光明銷竭衆生煩惱巨海心常正定未嘗動亂恒轉清淨不退法輪善能了知一切佛法恒以智慧觀法實相見諸如來心無厭足知三世佛出興次第見佛三昧常現在前了達如來出現於世無量無數諸清淨道行於諸佛虛空境界普攝衆生各隨其心教化成就入佛無量清淨法身成就大願淨諸佛刹究竟調伏一切衆生心恒徧入諸佛境界出生菩薩自在神力已得法身清淨無染而恒示現無量色身摧一切魔力成大善根力出生正法力具足諸佛力得諸菩薩自在之力速疾增長一切智力得佛智光普照一切悉知無量衆生心海根性欲解種種差別其身普徧十方刹海悉知諸刹成壞之相以廣大眼見

十方海以周徧同第廿三智知三卅海身普承事一切

佛海心恒納受一切法海修習一切如來功德出生一切菩薩智慧常樂觀察一切菩薩從初發心乃至成就所行之道常勤守護一切衆生常樂徧揚諸佛功德願爲一切菩薩之母爾時善財童子見摩耶夫人現如是等閻浮提微塵數諸方便門既見是已如摩耶夫人所現身數善財亦現作爾許身於一切處摩耶之前恭敬禮拜即時證得無量無數諸三昧門分別觀察修行證入從三昧起右遶摩耶并其眷屬合掌而立白言大聖文殊師利菩薩教我發阿耨多羅三藐三菩提心求善知識親近供養我於一一善知識所皆往承事無空過者漸來至此願爲我說菩薩云何學菩薩行而得成就答言佛子我已成就菩薩大願智幻解脫門是故常爲諸菩薩母佛子如我於此閻浮提中毗羅城淨飯王家右脅而生悉達太子現不思議自在神變如是乃至盡此卅界海所有一切毗盧遮那如來皆入我身示現誕生自在神變又善男子我於淨飯王宮菩薩將欲下生之時見菩薩身一一毛孔咸放光明名一切如來受生功德輪一一毛孔皆現不可說不可說佛刹微塵數菩薩受生莊嚴彼諸光明皆悉普

照一切世界照世界已來入我頂乃至一切
諸毛孔中又彼光中普現一切菩薩名号受
生神變宮殿眷屬五欲自娛又見出家往詣
道場成等正覺坐師子座菩薩圍遶諸王供
養爲諸大衆轉正法輪又見如來往昔修行
菩薩道時於諸佛所恭敬供養發菩提心淨
佛國土念念示現無量化身充徧十方一切
世界乃至最後入般涅槃如是等事靡不皆
見又善男子彼妙光明入我身時我身形量
雖不逾本然其實已超諸世間所以者何我
身爾時量同虛空悉能容受十方菩薩受生
莊嚴諸宮殿故爾時菩薩從兜率天將降神
時有十佛刹微塵數諸菩薩皆與菩薩同願
同行同善根同莊嚴同解脫同智慧諸地諸
力法身色身乃至普賢神通行願悉皆同等
如是菩薩前後圍遶又有八萬諸龍王等一
切世主乘其宮殿俱來供養菩薩爾時以神
通力與諸菩薩普現一切兜率天宮一一宮
中悉現十方一切世界閻浮提內受生影像
方便教化無量衆生令諸菩薩離諸懈怠無
所執著又以神力放大光明普照世間破諸
黑闇滅諸苦惱令諸衆生皆識宿世所有業
行永出惡道又爲救護一切衆生普現其前
作諸神變現如是等諸奇特事與眷屬俱來

入我身彼諸菩薩於我腹中遊行自在或以
三千大千世界而為一步或以不可說不可
說佛刹微塵數世界而為一步又念念中十
方不可說不可說一切世界諸如來所菩薩
衆會及四天王天三十三天乃至色界諸梵
天王欲見菩薩處胎神變恭敬供養聽受正
法皆入我身雖我腹中悉能容受如是衆會
而身不廣大亦不迫窄其諸菩薩各見自處
衆會道場清淨嚴飾善男子如此四天下閻
浮提中菩薩受生我為其母三千大千世界
百億四天下閻浮提中悉亦如是然我此身
本來無二非一處住非多處住何以故以修
菩薩大願智幻莊嚴解脫門故善男子如今
世尊我為其母往昔所有無量諸佛悉亦如
是而為其母善男子我昔曾作蓮華地神時
有菩薩於蓮華藏忽然化生我即捧持瞻侍
養育一切世間皆共号我為菩薩母又我昔
為菩提場神時有菩薩於我懷中忽然化生
世亦号我為菩薩母善男子有無量最後身
菩薩於此世界種種方便示現受生我皆為
母善男子如此世界賢劫之中過去世時拘
留孫佛拘那含牟尼佛迦葉佛及今世尊釋
迦牟尼佛現受生時我為其母未來世中彌
勒菩薩從兜率天將降神時放大光明普照

法界示現一切諸菩薩衆受生神變乃於人
 間生大族家調伏衆生我於彼時亦爲其母
 如是次第有師子佛法幢佛善眼佛淨華佛
 華德佛提舍佛弗沙佛善意佛金剛佛離垢
 佛月光佛持炬佛名稱佛金剛插佛清淨義
 佛紺身佛到彼岸佛寶藏山佛持炬佛蓮華
 德佛名稱佛無量功德佛最勝燈佛莊嚴身
 佛善威儀佛慈德佛無住佛大威光佛無邊
 音佛勝怨敵佛離疑惑佛清淨佛大光佛淨
 心佛雲德佛莊嚴頂髻佛樹王佛寶璫佛海
 慧佛妙寶佛華冠佛滿願佛大自在佛妙德
 王佛最尊勝佛拈檀雲佛紺眼佛勝慧佛觀
 察慧佛熾盛王佛堅固慧佛自在名佛師子
 王佛自在佛最勝頂佛金剛智山佛妙德藏
 佛寶網嚴身佛善慧佛自在天佛大天王佛
 無依德佛善施佛跋慧佛水天佛得上味佛
 出生無上功德佛仙人侍衛佛隨世語言佛
 功德自在幢佛光幢佛觀身佛妙身佛香嚴
 佛金剛寶嚴佛喜眼佛離欲佛高大身佛財
 天佛無上天佛順寂滅佛智覺佛滅貪佛大
 跋王佛寂諸有佛毗舍佉天佛金剛山佛智
 嚴德佛安隱佛師子出現佛圓滿清淨佛清
 淨賢佛第一義佛百光明佛最增上佛深自
 在佛大地王佛莊嚴王佛解脫佛妙音佛殊

勝佛自在佛無上醫王佛功德月佛無礙光
佛功德聚佛月現佛日天佛出諸有佛勇猛
名稱佛光明門佛娑羅王佛最勝佛藥王佛
寶勝佛金剛慧佛無能勝佛無能映蔽佛衆
會王佛大名稱佛敬持佛無量光佛大願光
佛法自在不虛佛不退地佛淨天佛善天佛
堅固苦行佛一切善友佛解脫音佛遊戲王
佛滅邪曲佛薈藹淨光佛具衆德佛最勝月
佛執明炬佛殊妙身佛不可說佛最清淨佛
友安衆生佛無量光佛無畏音佛水天德佛
不動慧光佛華勝佛月能佛不退慧佛離愛
佛無著慧佛集功德蓮佛滅惡趣佛普散華
佛師子吼佛第一義佛無礙見佛破他軍佛
不著相佛離分別海佛端嚴海佛須彌山佛
無著智佛無邊座佛清淨住佛隨師行佛最
上施佛常月佛饒益王佛不動聚佛普攝受
佛饒益慧佛持壽佛無礙佛具足名稱佛大
威力佛種種色相佛無相慧佛不動天佛妙
德難思佛滿月佛解脫月佛無上王佛希有
身佛梵供養佛不瞬佛順先古佛最上業佛
順法智佛無勝天佛不思議功德光佛隨法
行佛無量賢佛普隨順自在佛最尊天佛如
是乃至樓至如來在賢劫中於此三千大千
世界當成佛者悉爲其母如於此三千大千

世界如是於此世界海十方無量諸世界一切劫中諸有修行普賢行願爲化一切諸衆生者我自見身悉爲其母爾時善財童子白摩耶夫人言大聖得此解脫經今幾時答言善男子乃往古世過不可思議非最後身菩薩神通道眼所知劫數爾時有劫名淨光世界名須彌德雖有諸山五趣雜居然其國土衆寶所成清淨莊嚴無諸穢惡有千億四天下有一四天下名師子幢於中有八十億王城有一王城名自在幢有轉輪王名大威德彼王城北有一道場名滿月光明其道場神名曰慈德時有菩薩名離垢幢坐於道場將成正覺有一惡魔名金色光與其眷屬無量衆俱至菩薩所彼大威德轉輪聖王已得菩薩神通自在化作兵衆其數倍多圍遶道場諸魔惶怖悉自奔散故彼菩薩得成阿耨多羅三藐三菩提時道場神見是事已歡喜無量便於彼王而生子想頂禮佛足作是願言此轉輪王在在生處乃至成佛願我常得與其爲母作是願已於此道場復曾供養十那人乎我身是也轉輪王者今世尊毗盧遮那是我從於彼發願已來此佛世尊於十方刹一切諸趣處處受生種諸善根修菩薩行教

化成就一切衆生乃至示現住最後身念念
普於一切世界示現菩薩受生神變常爲我
子我常爲母善男子過去現在十方世界無
量諸佛將成佛時皆於齋中放大光明來照
我身及我所住宮殿屋宅彼最後生我悉爲
母善男子我唯知此菩薩大願智幻解脫門
如諸菩薩摩訶薩具大悲藏教化衆生常無
厭足以自在力一一毛孔示現無量諸佛神
變我今云何能知能說彼功德行善男子於
此世界三十三天有王名正念其王有女名
天主光汝詣彼問菩薩云何學菩薩行修菩
薩道時善財童子敬受其教頭面作禮遶無
數帀戀慕瞻仰却行而退

遂往天宮見彼天女禮足圍遶合掌前住白
言聖者我已先發阿耨多羅三藐三菩提心
而未知菩薩云何學菩薩行云何修菩薩道
我聞聖者善能誘誨願爲我說天女答言善
男子我得菩薩解脫名無礙念清淨莊嚴善
男子我以此解脫力憶念過去有最勝劫名
青蓮華我於彼劫中供養恒河沙數諸佛如
來彼諸如來從初出家我皆瞻奉守護供養
造僧伽藍營辦什物又彼諸佛從爲菩薩住
母胎時誕生之時行七步時大師子吼時住
童子位在宮中時向菩提樹成正覺時轉正

於諸所作事從初發心乃至法盡我皆明憶
無有遺餘常現在前念持不忘又憶過去劫
名善地我於彼供養十恒河沙數諸佛如來
又過去劫名爲妙德我於彼供養一佛世界
微塵數諸佛如來又劫名無所得我於彼供
養八十四億百千那由他諸佛如來又劫名
善光我於彼供養閻浮提微塵數諸佛如來
又劫名無量光我於彼供養二十恒河沙數
諸佛如來又劫名最勝德我於彼供養一恒
河沙數諸佛如來又劫名善悲我於彼供養
八十恒河沙數諸佛如來又劫名勝遊我於
彼供養六十恒河沙數諸佛如來又劫名妙
月我於彼供養七十恒河沙數諸佛如來善
男子如是憶念恒河沙劫我常不捨諸佛如
來應正等覺從彼一切諸如來所聞此無礙
念清淨莊嚴菩薩解脫受持修行恒不忘失
如是先劫所有如來從初菩薩乃至法盡一
切所作我以淨嚴解脫之力皆隨憶念明了
現前持而順行曾無懈怠善男子我唯知此
無礙念清淨解脫如諸菩薩摩訶薩出生死
夜朗然明徹永離癡冥未嘗惛寐心無諸蓋
身行輕安於諸法性清淨覺了成就十力開
悟羣生而我云何能知能說彼功德行善男

子迦毗羅城有童子師名曰徧友汝詣彼問
菩薩云何學菩薩行修菩薩道時善財童子
以聞法故歡喜踊躍不思議善根自然增廣
頂禮其足遶無數帀辭退而去從天宮下漸
向彼城至徧友所禮足圍遶合掌恭敬於一
面立白言聖者我已先發阿耨多羅三藐三
菩提心而未知菩薩云何學菩薩行云何修
菩薩道我聞聖者善能誘誨願爲我說徧友
荅言善男子此有童子名善知衆藝學菩薩
字智汝可問之當爲汝說爾時善財即至其
所頭頂禮敬於一面立白言聖者我已先發
阿耨多羅三藐三菩提心而未知菩薩云何
學菩薩行云何修菩薩道我聞聖者善能誘
誨願爲我說時彼童子告善財言善男子我
母唱阿字時入般若波羅蜜門名以菩薩威
力入無差別境界唱多字時入般若波羅蜜
門名無邊差別門唱波字時入般若波羅蜜
門名普照法界唱者字時入般若波羅蜜門
名普輪斷差別唱那字時入般若波羅蜜門
名得無依無上唱邏字時入般若波羅蜜門
名離依止無垢唱拖_轉字時入般若波羅蜜
門名不退轉方便唱婆_薩字時入般若波羅
蜜門名金剛場唱茶_{徒解}字時入般若波羅蜜

門名曰普輪唱沙

史抄

字時入般若波羅蜜門

名為海藏唱縛

切

字時入般若波羅蜜門名

普生安住唱哆

切

字時入般若波羅蜜門名

圓滿光唱也

切

字時入般若波羅蜜門名差

別積聚唱瑟吒字時入般若波羅蜜門名普

光明息煩惱唱迦字時入般若波羅蜜門名

無差別雲唱娑

切

字時入般若波羅蜜門名

降靈大雨唱麼字時入般若波羅蜜門名大

殊端激衆峯齊峙唱伽

切

字時入般若波羅

蜜門名普安立唱他

切

字時入般若波羅蜜

門名真如平等藏唱社字時入般若波羅蜜

門名入世間海清淨唱鎖字時入般若波羅

蜜門名念一切佛莊嚴唱拖字時入般若波

羅蜜門名觀察揀擇一切法聚唱奢

切

字時

入般若波羅蜜門名隨順一切佛教輪光明

唱佉字時入般若波羅蜜門名修因地智慧

藏唱又

切

字時入般若波羅蜜門名息諸業

海藏唱娑

切

多字時入般若波羅蜜門名

蠲諸惑障開淨光明唱壤字時入般若波羅

蜜門名作世間智慧門唱曷

切

字時入

般若波羅蜜門名生死境界智慧輪唱娑

切

字時入

莊嚴唱車

切

字時入般若波羅蜜門名修行

方便藏各別圓滿唱娑

切

麼字時入般若波

時入般若波羅蜜門名觀察一切無緣衆生

方便攝受令出生無礙力唱繞奇切字時入般

若波羅蜜門名修行趣入一切功德海唱伽

字時入般若波羅蜜門名持一切法雲堅

固海藏唱吒字時入般若波羅蜜門名隨願

普見十方諸佛唱拏切字時入般若波羅蜜

門名觀察字輪有無盡諸億字唱安蘇切頗字

時入般若波羅蜜門名化衆生究竟處唱娑

迦音字時入般若波羅蜜門名廣大藏無礙

辯光明輪徧照唱也奧切娑蘇切字時入般若波

羅蜜門名宣說一切佛法境界唱室者字時

入般若波羅蜜門名於一切衆生界法雷徧

吼唱佗奧切字時入般若波羅蜜門名以無我

法開曉衆生唱陀字時入般若波羅蜜門名

一切法輪差別藏善男子我唱如是字母時

此四十二般若波羅蜜門爲首入無量無數

般若波羅蜜門善男子我唯知此善知衆藝

菩薩解脫如諸菩薩摩訶薩能於一切世出

世間善巧之法以智通達到於彼岸殊方異

藝咸綜無遺文字算數蘊其深解醫方呪術

善療衆病有諸衆生鬼魅所持怨憎呪詛惡

星變怪死屍奔逐癩癰羸瘦種種諸疾咸能

救之使得痊愈又善別知金玉珠貝珊瑚瑠

琉璃摩尼碑礫雞薩羅等一切寶藏出生之處
品類不同價直多少村營鄉邑大小都城宮
殿苑囿巖泉藪澤凡是一切人衆所居菩薩
咸能隨方攝護又善觀察天文地理人相言
凶鳥獸音聲雲霞氣候年穀豐儉國土安危
如是世間所有技藝莫不誡練盡其原本又
能分別出世之法正名辨義觀察體相隨順
修行智入其中無疑無礙無愚暗無頑鈍無
憂惱無沈沒無不現證而我云何能知能說
彼功德行善男子此摩竭提國有一聚落彼
中有城名婆坦那有優婆夷号曰賢勝汝詣
彼問菩薩云何學菩薩行修菩薩道時善財
童子頭面接禮知藝之足遶無數匝禮仰辭
去
向聚落城至賢勝所禮足圍遶合掌恭敬於
一面立白言聖者我已先發阿耨多羅三藐
三菩提心而未知菩薩云何學菩薩行云何
修菩薩道我聞聖者善能誘誨願爲我說賢
勝答言善男子我得菩薩解脫名無依處道
場旣自開解復爲人說又得無盡三昧非彼
三昧法有盡無盡以能出生一切智性眼無
盡故又能出生一切智性耳無盡故又能出
生一切智性鼻無盡故又能出生一切智性
舌無盡故又能出生一切智性身無盡故又

能出生一切智注意無盡故又能出生一切智性功德波濤無盡故又能出生一切智性智慧光明無盡故又能出生一切智性速疾神通無盡故善男子我唯知此無依處道場解脫如諸菩薩摩訶薩一切無著功德行而我云何盡能知說善男子南方有域名爲沃田彼有長者名堅固解脫汝可往問菩薩云何學菩薩行修菩薩道爾時善財禮賢勝足遶無數匝戀慕瞻仰辭退南行

到於彼城詣長者所禮足圍遶合掌恭敬於一面立白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願爲我說長者答言善男子我得菩薩解脫名無著念清淨莊嚴我自得是解脫已來於十方佛所勤求正法無有休息善男子我唯知此無著念淨莊嚴解脫如諸菩薩摩訶薩獲無所畏大師子吼安住廣大福智之聚而我云何能知能說彼功德行善男子即此城中有一長者名爲妙月其長者宅常有光明汝詣彼問菩薩云何學菩薩行修菩薩道時善財童子禮堅固足遶無數匝辭退而行

向妙月所禮足圍遶合掌恭敬於一面立白言聖者我已先發阿耨多羅三藐三菩提心

而未知菩薩云何學菩薩行云何修菩薩道
我聞聖者善能誘誨願爲我說妙月答言善
男子我得菩薩解脫名淨智光明善男子我
唯知此智光解脫如諸菩薩摩訶薩證得無
量解脫法門而我云何能知能說彼功德行
善男子於此南方有城名出生彼有長者名
無勝軍汝詣彼問菩薩云何學菩薩行修菩
薩道是時善財禮妙月足遶無數匝應仰辭
去

漸向彼城至長者所禮足圍遶合掌恭敬於
一面立白言聖者我已先發阿耨多羅三藐
三菩提心而未知菩薩云何學菩薩行云何
修菩薩道我聞聖者善能誘誨願爲我說長
者答言善男子我得菩薩解脫名無盡相我
以證此菩薩解脫見無量佛得無盡藏善男
子我唯知此無盡相解脫如諸菩薩摩訶薩
得無限智無礙辯才而我云何能知能說彼
功德行善男子於此城南有一聚落名之爲
法彼聚落中有婆羅門名最寂靜汝詣彼問
菩薩云何學菩薩行修菩薩道時善財童子
禮無勝軍足遶無數匝應仰辭去

漸次南行詣彼聚落見最寂靜禮足圍遶合
掌恭敬於一面立白言聖者我已先發阿耨
多羅三藐三菩提心而未知菩薩云何學菩

薩行云何修菩薩道我聞聖者善能誘誨願
為我說婆羅門答言善男子我得菩薩解脫
名誠願語過去現在未來菩薩以是語故乃
至於阿耨多羅三藐三菩提無有退轉無已
退無現退無當退善男子我以住於誠願語
故隨意所作其不成滿善男子我唯知此誠
語解脫如諸菩薩摩訶薩與誠願語行止無
違言必以誠未曾虛妄無量功德因之出生
而我云何能知能說善男子於此南方有城
名妙意華門彼有童子名曰德生復有童女
名為有德汝詣彼問菩薩云何學菩薩行修
菩薩道時善財童子於法尊重禮婆羅門足
遶無數而戀仰而去

大方廣佛華嚴經卷第七十六

禦扞

上魚巨切
下翰音切

靡徹

上苦郭切
下直列切

嚴肅

下宿音

蠲除

上古玄切

咸綜

下子來七

呪詛

下莊助切

奔逐

上博昆切
下直六切

癩癩

上類音
下開音

痊愈

上此緣切
下以主切

數譯

上蘇后切

頑鈍

上五還切
下徒田切

乙巳歲高麗國大藏都監奉

勅彫造

大方廣佛華嚴經卷第七十七

首

于闐國三藏實叉難陀奉

制譯

入法界品第三十九之十八

爾時善財童子漸次南行至妙意華門城見
德生童子有德童女頂禮其足右遶畢已於
前合掌而作是言聖者我已先發阿耨多羅
三藐三菩提心而未知菩薩云何學菩薩行
云何修菩薩道唯願慈哀爲我宣說時童子
童女告善財言善男子我等證得菩薩解脫
名爲幻住得此解脫故見一切世界皆幻住
因緣所生故一切衆生皆幻住業煩惱所起
故一切世間皆幻住無明有愛等展轉緣生
故一切法皆幻住我見等種種幻緣所生故
一切三世皆幻住我見等顛倒智所生故一
切衆生生滅生老病死憂悲苦惱皆幻住虛
妄分別所生故一切國土皆幻住想倒心倒
見倒無明所現故一切聲聞辟支佛皆幻住
智斷分別所成故一切菩薩皆幻住能自調
伏教化衆生諸行願法之所成故一切菩薩
衆會變化調伏諸所施爲皆幻住願智幻所
成故善男子幻境自性不可思議善男子我
等二人但能知此幻住解脫如諸菩薩摩訶
薩善入無邊諸事幻網彼功德行我等云何
能知能說時童子童女說自解脫已以不思

善男子於此南方有國名海岸有園名大莊嚴其中有一廣大樓閣名毗盧遮那莊嚴藏從菩薩善根果報生從菩薩念力願力自在力神通力生從菩薩善巧方便生從菩薩福德智慧生善男子住不思議解脫菩薩以大悲心爲諸衆生現如是境界集如是莊嚴彌勒菩薩摩訶薩安處其中爲欲攝受本所生處父母眷屬及諸人民令成熟故又欲令彼同受生同修行衆生於大乘中得堅固故又欲令彼一切衆生隨住地隨善根皆成就故又欲爲汝顯示菩薩解脫門故顯示菩薩徧一切處受生自在故顯示菩薩以種種身普現一切衆生之前常教化故顯示菩薩以大悲力普攝一切世間資財而不厭故顯示菩薩具修諸行知一切行離諸相故顯示菩薩處處受生了一切生皆無相故汝詣彼問菩薩云何行菩薩行云何修菩薩道云何學菩薩戒云何淨菩薩心云何發菩薩願云何集菩薩助道具云何入菩薩所住地云何端菩薩波羅蜜云何獲菩薩無生忍云何具菩薩功德法云何事菩薩善知識何以故善男子彼菩薩摩訶薩通達一切菩薩行了知一切衆生心常現其所教化調伏彼菩薩已滿一

切波羅蜜已住一切菩薩地已證一切菩薩
忍已入一切菩薩位已蒙授與具足記已遊
一切菩薩境已得一切佛神力已蒙一切如
來以一切智甘露法水而灌其頂善男子彼
善知識能潤澤汝諸善根能增長汝菩提心
能堅汝志能益汝善能長汝菩薩根能示汝
無礙法能令汝入普賢地能爲汝說菩薩願
能爲汝說普賢行能爲汝說一切菩薩行願
所成功德善男子汝不應修一善照一法行
一行發一願得一記住一忍生究竟想不應
以限量心行於六度住於十地淨佛國土事
善知識何以故善男子菩薩摩訶薩應種無
量諸善根應集無量菩提具應修無量菩提
因應學無量巧迴向應化無量衆生界應知
無量衆生心應知無量衆生根應識無量衆
生解應觀無量衆生行應調伏無量衆生應
斷無量煩惱應淨無量業習應滅無量邪見
應除無量雜染心應發無量清淨心應拔無
量苦毒箭應涸無量愛欲海應破無量無明
暗應摧無量我慢山應斷無量生死縛應度
無量諸有流應竭無量受生海應令無量衆
生出五欲淤泥應使無量衆生離三界牢獄
應置無量衆生於聖道中應消滅無量貪欲
行應淨治無量瞋恚行應摧破無量愚癡行

應超無量魔網應離無量魔業應淨治菩薩
無量欲樂應增長菩薩無量方便應出生菩
薩無量增上根應明察菩薩無量決定解應
趣入菩薩無量平等應清淨菩薩無量功德
應修治菩薩無量諸行應示現菩薩無量隨
順世間行應生無量淨信力應住無量精進
力應淨無量正念力應滿無量三昧力應起
無量淨慧力應堅無量勝解力應集無量福
德力應長無量智慧力應發起無量菩薩力
應圓滿無量如來力應分別無量法門應了
知無量法門應清淨無量法門應生無量法
光明應作無量法照耀應照無量品類根應
知無量煩惱病應集無量妙法藥應療無量
衆生疾應嚴辨無量甘露供應往詣無量佛
國土應供養無量諸如來應入無量菩薩會
應受無量諸佛教應忍無量衆生罪應滅無
量惡道難應令無量衆生生善道應以四攝
攝無量衆生應修無量摠持門應生無量大
願門應修無量大慈大願力應勤求無量法
常無休息應起無量思惟力應起無量神通
事應淨無量智光明應往無量衆生趣應受
無量諸有生應現無量差別身應知無量言
辭法應入無量差別心應知菩薩大境界應
住菩薩大宮殿應觀菩薩甚深妙法應知菩

薩難知境界應行菩薩難行諸行應具菩薩
尊重威德應踐菩薩難入正位應知菩薩種
種諸行應現菩薩普徧神力應受菩薩平等
法雲應廣菩薩無邊行網應滿菩薩無邊諸
度應受菩薩無量記別應入菩薩無量忍門
應治菩薩無量諸地應淨菩薩無量法門應
同諸菩薩安住無邊劫供養無量佛嚴淨不
可說佛國土出生不可說菩薩願善男子舉
要言之應普修一切菩薩行應普化一切衆
生界應普入一切劫應普生一切處應普知
一切世應普行一切法應普淨一切刹應普
滿一切願應普供一切佛應普同一切菩薩
願應普事一切善知識善男子汝求善知識
不應疲倦見善知識勿生厭足請問善知識
勿憚勞苦親近善知識勿懷退轉供養善知
識不應休息受善知識教不應倒錯學善知
識行不應疑惑聞善知識演說出離門不應
猶豫見善知識隨順煩惱行勿生嫌憎於善
知識所生深信尊敬心不應變改何以故善
男子菩薩因善知識聽聞一切菩薩諸行成
就一切菩薩功德出生一切菩薩大願引發
一切菩薩善根積集一切菩薩助道開發一
切菩薩法光明顯示一切菩薩出離門修學
一切菩薩清淨戒安住一切菩薩功德法清

淨一切菩薩廣大志增長一切菩薩堅固

具足一切菩薩陀羅尼辯才門得一切菩薩
清淨藏生一切菩薩定光明得一切菩薩殊
勝願與一切菩薩同一願聞一切菩薩殊勝
法得一切菩薩秘密處至一切菩薩法寶洲
增一切菩薩善根芽長一切菩薩智慧身護
一切菩薩深密藏持一切菩薩福德聚淨一
切菩薩受生道受一切菩薩正法雲入一切
菩薩大願路趣一切如來菩提果攝取一切
菩薩妙行開示一切菩薩功德往一切方聽
受妙法讚一切菩薩廣大威德生一切菩薩
大慈悲力攝一切菩薩勝自在力生一切菩
薩菩提分作一切菩薩利益事善男子菩薩
由善知識任持不墮惡趣由善知識攝受不
退大乘由善知識護念不毀犯菩薩戒由善
知識守護不隨逐惡知識由善知識養育不
缺減菩薩法由善知識攝取超越凡夫地由
善知識教誨超越二乘地由善知識示導得
出離世間由善知識長養能不染世法由承
事善知識修一切菩薩行由供養善知識具
一切助道法由親近善知識不爲業惑之所
摧伏由恃怙善知識勢力堅固不怖諸魔由
依止善知識增長一切菩提分法何以故善
男子善知識者能淨諸障能滅諸罪能除諸

難能止諸惡能破無明長夜黑暗能壞諸見
堅固牢獄能出生死城能捨世俗家能截諸
魔網能拔衆苦箭能離無智險難處能出邪
見大曠野能度諸有流能離諸邪道能示菩
提路能教菩薩法能令安住菩薩行能令趣
向一切智能淨智慧眼能長菩提心能生大
悲能演妙行能說波羅蜜能壞惡知識能令
住諸地能令獲諸忍能令修習一切善根能
令成辦一切道具能施與一切大功德能令
到一切種智位能令歡喜集功德能令踊躍
修諸行能令趣入甚深義能令開示出離門
能令杜絕諸惡道能令以法光照耀能令以
法雨潤澤能令消滅一切惑能令捨離一切
見能令增長一切佛智慧能令安住一切佛
法門善男子善知識者如慈母出生佛種故
如慈父廣大利益故如乳母守護不令作惡
故如教師示其菩薩所學故如善道能示波
羅蜜道故如良醫能治煩惱諸病故如雪山
增長一切智藥故如勇將殄除一切怖畏故
如濟客令出生死暴流故如船師令到智慧
寶洲故善男子常當如是正念思惟諸善知
識復次善男子汝承事一切善知識應發如
大地心荷負重任無疲倦故應發如金剛心
志願堅固不可壞故應發如鐵圍山心一切

諸苦無能動故應發如給侍心所有教令皆隨順故應發如弟子心所有訓誨無違逆故應發如僮僕心不厭一切諸作務故應發如養母心受諸勤苦不告勞故應發如傭作心隨所受教無違逆故應發如除糞人心離憍慢故應發如已熟稼心能低下故應發如良馬心離惡性故應發如大車心能運重故應發如調順象心恒伏從故應發如須彌山心不傾動故應發如良犬心不害主故應發如旃荼羅心離憍慢故應發如犍牛心無威怒故應發如舟船心往來不倦故應發如橋梁心濟渡忘疲故應發如孝子心承順顏色故應發如王子心遵行教命故復次善男子汝應於自身生病苦想於善知識生醫王想於所說法生良藥想於所修行生除病想又應於自身生遠行想於善知識生導師想於所說法生正道想於所修行生達達想又應於自身生求度想於善知識生船師想於所說法生舟楫想於所修行生到岸想又應於自身生苗稼想於善知識生龍王想於所說法生時雨想於所修行生成熟想又應於自身生貧窮想於善知識生毗沙門王想於所說法生財寶想於所修行生富饒想又應於自身生弟子想於善知識生良工想於所說法

生收斂想於所修行生了知想又應於自身
 生恐怖想於善知識生勇健想於所說法生
 器仗想於所修行生破怨想又應於自身生
 商人想於善知識生導師想於所說法生珍
 寶想於所修行生捨捨想又應於自身生兒
 子想於善知識生父母想於所說法生家業
 想於所修行生紹繼想又應於自身生三子
 想於善知識生大臣想於所說法生三教想
 於所修行生冠王冠想服王服想繫三繒想
 坐三殿想善男子汝應發如是心作如是意
 近善知識何以故以如是心近善知識令其
 志願永得清淨復次善男子善知識者長諸
 善根譬如雪山長諸藥草善知識者是佛法
 器譬如大海吞納衆流善知識者是功德處
 譬如大海出生衆寶善知識者淨菩提心譬
 如猛火能鍊真金善知識者出過世法如須
 彌山出於大海善知識者不染世法譬如蓮
 華不著於水善知識者不受諸惡譬如大海
 不宿死屍善知識者增長白法譬如白月光
 色圓滿善知識者照明法界譬如盛日照四
 天下善知識者長菩薩身譬如父母養育兒
 子善男子以要言之菩薩摩訶薩若能隨順
 善知識教得十不可說百千億那由他功德
 淨十不可說百千億那由他深心長十不可

說百千億那由他菩薩根淨十不可說百千
億那由他菩薩力斷十不可說百千億阿僧
祇障超十不可說百千億阿僧祇魔境入十
不可說百千億阿僧祇法門滿十不可說百
千億阿僧祇助道修十不可說百千億阿僧
祇妙行發十不可說百千億阿僧祇大願善
男子我復略說一切菩薩行一切菩薩波羅
蜜一切菩薩地一切菩薩忍一切菩薩惣持
門一切菩薩三昧門一切菩薩神通智一切
菩薩迴向一切菩薩願一切菩薩成就佛法
皆由善知識力以善知識而為根本依善知
識生依善知識出依善知識長依善知識住
善知識為因緣善知識能發起時善財童子
聞善知識如是功德能開示無量菩薩妙行
能成就無量廣大佛法踊躍歡喜頂禮德生
及有德足遶無量而慇懃瞻仰辭退而去
爾時善財童子善知識教潤澤其心正念思
惟諸菩薩行向海岸國自憶往世不修禮敬
即時發意勤力而行復憶往世身心不淨即
時發意專自治潔復憶往世作諸惡業即時
發意專自防斷復憶往世起諸妄想即時發
意惟正思惟復憶往世所修諸行但為自身
即時發意令心廣大普及含識復憶往世追
求欲境常自損耗無有滋味即時發意修行

佛法長養諸根以自安隱復憶往昔起邪思
念顛倒相應即時發意生正見心起菩薩願
復憶往昔日夜劬勞作諸惡事即時發意起
大精進成就佛法復憶往昔受五趣生於自
他身皆無利益即時發意願以其身饒益衆
生成就佛法承事一切諸善知識如是思惟
生大歡喜復觀此身是生老病死衆苦之宅
願盡未來劫修菩薩道教化衆生見諸如來
成就佛法遊行一切佛刹承事一切法師住
持一切佛教尋求一切法侶見一切善知識
衆一切諸佛法與一切菩薩願智身而作因
緣作是念時長不思議無量善根即於一切
菩薩深信尊重生希有想生大師想諸振濟
淨善法增益起一切菩薩恭敬供養作一切
善薩曲躬合掌生一切菩薩普見世間服起
一切菩薩普念衆生想現一切菩薩無量願
化身出一切菩薩清淨讚說音想見過現一
切諸佛及諸菩薩於一切處示現成道神通
變化乃至無有一毛端處而不用徧又得清
淨智光明眼見一切菩薩所行境界其心普
入十方刹網其願普徧虛空法界三世平等
無有休息如是一切皆以信受善知識教之
所致耳善財童子以如是尊重如是供養如
是稱讚如是觀察如是願力如是想念如是

無量智慧境界於毗盧遮那莊嚴藏大樓閣

三

行

卷

前五體投地暫時斂念思惟觀察以深信解
大願力故入徧一切處智慧身平等門普現
其身在於一切如來前一切菩薩前一切善
知識前一切如來塔廟前一切如來形像前
一切諸佛諸菩薩住處前一切法寶前一切
聲聞辟支佛及其塔廟前一切聖衆福田前
一切父母尊者前一切十方衆生前皆如上
說尊重禮讚盡未來際無有休息等虛空無
邊量故等法界無障礙故等實際徧一切故
等如來無分別故猶如影隨智現故猶如夢
從思起故猶如像示一切故猶如響緣所發
故無有生遶興謝故無有性隨緣轉故又使
定知一切諸報皆從業起一切諸果皆從因
起一切諸業皆從習起一切佛興皆從信起
一切化現諸供養事皆悉從於決定解起一
切化佛從敬心起一切佛法從善根起一切
化身從方便起一切佛事從大願起一切菩
薩所修諸行從迴向起一切法界廣大莊嚴
從一切智境界而起離於斷見知迴向故離
於常見知無生故離無因見知正因故離顛
倒見知如實理故離自在見知不由他故離
自他見知從緣起故離邊執見知法界無邊
故離往來見知如影像故離有無見知不生

藏故離一切法見知空無生故知不自在故

知願力出生故離一切相見入無相際故知一切法如種生芽故如印生文故知質如像故知聲如響故知境如夢故知業如幻故了世心現故了果因起故了報業集故了知一切諸功德法皆從菩薩善巧方便所流出故善財童子入如是智端心繫念於樓觀前舉體投地慇懃頂禮不思議善根流注身心清涼悅澤從地而起一心瞻仰目不暫捨合掌圍遶經無量而作是念言此大樓閣是解空無相無願者之所住處是於一切法無分別者之所住處是了法界無差別者之所住處是知一切衆生不可得者之所住處是知一切法無生者之所住處是不著一切世間者之所住處是不著一切窟宅者之所住處是不樂一切聚落者之所住處是不依一切境界者之所住處是離一切想者之所住處是知一切法無自性者之所住處是斷一切分別業者之所住處是離一切想心意識者之所住處是不入不出一切道者之所住處是入一切甚深般若波羅蜜者之所住處是能以方便住普門法界者之所住處是息滅一切煩惱火者之所住處是以增上慧除斷一切見愛慢者之所住處是出生一切諸禪解

脫三昧通明而遊戲者之所住處是觀察一

無礙智

法華經

卷

切菩薩三昧境界者之所住處是安住一切
如來所者之所住處是以一劫入一切劫以
一切劫入一劫而不壞其相者之所住處是
以一刹入一切刹以一切刹入一刹而不壞
其相者之所住處是以一法入一切法以一
切法入一法而不壞其相者之所住處是以
一衆生入一切衆生以一切衆生入一衆生
而不壞其相者之所住處是以一佛入一切
佛以一切佛入一佛而不壞其相者之所住
處是以於一念中而知一切三世者之所住
處是以於一念中住諸一切國土者之所住
處是於一切衆生前悉現其身者之所住處
是心於一切衆生前悉現其身者之所住處
是常利益一切世間者之所住處是能徧至
一切處者之所住處是雖已出一切世間爲
化衆生故而恒於中現身者之所住處是不
著一切刹爲供養諸佛故而遊一切刹者之
所住處是不動本處能普詣一切佛刹而莊
嚴者之所住處是親近一切佛而不起佛想
者之所住處是依止一切善知識而不起善
知識想者之所住處是住一切魔宮而不耽
著欲境界者之所住處是永離一切心想者
之所住處是雖於一切衆生中而現其身然
於自他不生二想者之所住處是能普入一
切

世界而於法界無差別想者之所住處是願
住未來一切劫而於諸劫無長短想者之所
住處是不離一毛端處而普現身一切世界
者之所住處是能演說難遭遇法者之所住
處是能住難知法甚深法無二法無相法無
對治法無所得法無戲論法者之所住處是
住大慈大悲者之所住處是已度一切二乘
智已超一切魔境界已於世法無所染已到
菩薩所到岸已住如來所住處者之所住處
是雖離一切諸相而亦不入聲聞正位雖了
一切法無生而亦不住無生法性者之所住
處是雖觀不淨而不證離貪法亦不與貪欲
俱雖修於慈而不證離瞋法亦不與瞋垢俱
雖觀緣起而不證離癡法亦不與癡惑俱者
之所住處是雖住四禪而不隨禪生雖行四
無量為化衆生故而不生色界雖修四無色
定以大悲故而不住無色界者之所住處是
雖勤修止觀為化衆生故而不證明脫雖行
於捨而不捨化衆生事者之所住處是雖觀
於空而不起空見雖行無相而常化著相衆
生雖行無願而不捨菩提行願者之所住處
是雖於一切業煩惱中而得自在為化衆生
故而現隨順諸業煩惱雖無生死為化衆生
故示受生死雖已離一切趣為化衆生故示

入諸趣者之所住處是雖行於慈而於諸衆
 生無所受戀雖行於悲而於諸衆生無所取
 著雖行於喜而觀苦衆生心常哀愍雖行於
 捨而不廢捨利益他事者之所住處是雖行
 九次第定而不厭離欲界受生雖知一切法
 無生無滅而不於實際作證雖入三解脫門
 而不取聲聞解脫雖觀四聖諦而不住小乘
 聖果雖觀甚深緣起而不住究竟寂滅雖修
 八聖道而不求永出世間雖超凡夫地而不
 隨聲聞辟支佛地雖觀五取蘊而不永滅諸
 蘊雖超出四魔而不分別諸魔雖不著六處
 而不永滅六處雖安住真如而不墮實際雖
 說一切乘而不捨大乘此大樓閣是住如是
 等一切諸功德者之所住處爾時善財童子
 而說頌言

此是大悲清淨智

利益世間慈次尊

灌頂地中佛長子

入如來境之住處

一切名聞諸佛子

已入大乘解脫門

遊行法界心無著

此無等者之住處

施戒忍進禪智慧

方便願力及神通

如是大乘諸度法

悉具足者之住處

智慧廣大如虛空

普知三世一切法

無礙無依無所取

了諸有者之住處

善能解了一切法

無性無生無所依

如鳥飛空得自在
了知三毒真實性
亦不厭彼而求出
二解脫門入聖道
悉能觀察不趣寂
十方國土及衆生
了性皆空不分別
普行法界悉無礙
如風行空無所行
普見惡道羣生類
廣大慈光悉除滅
見諸衆生失正道
引其令入解脫城
見諸衆生入魔網
令其解脫得慰安
見諸衆生嬰惑病
以智慧藥悉除滅
見諸羣生沒有海
悉以法船而救之
悉入其中而濟拔
恒以大願慈悲眼
從諸有海而拔出
譬如日月在虛空

此大智者之住處
分別因緣虛妄起
此寂靜人之住處
諸蘊處界及緣起
此善巧人之住處
以無礙智成觀察
此寂滅人之住處
而求行性不可得
此無依者之住處
受諸熱毒無所歸
此哀愍者之住處
譬如生盲踐畏途
此大導師之住處
生老病死常逼迫
此勇健人之住處
而興廣大慈悲心
此大醫王之住處
沈淪憂迫受衆苦
此善度者之住處
能發菩提妙寶心
此善漁人之住處
普觀一切諸衆生
此金翅王之住處
一切世間靡不燭

智慧光明亦如是

菩薩為化一衆生

如為一人一切爾

於一國土化衆生

一一國土咸如是

十方諸佛所說法

盡未來劫恒悉然

徧遊一切世界海

供養一切如來海

修行一切妙行海

如是經於衆劫海

一毛端處無量刹

如是明見靡不周

一念普攝無邊劫

智慧無礙悉正知

十方國土碎為塵

菩薩發願數如是

成就總持三昧門

一一皆住無邊劫

無量無邊諸佛子

亦說世間衆技術

成就神通方便智

十方五趣悉現生

菩薩始從初發心

此照世者之住處

普盡未來無量劫

此救世者之住處

盡未來劫無休息

此堅固意之住處

一座普受咸令盡

此智海人之住處

普入一切道場海

此修行者之住處

發起無邊大願海

此功德者之住處

佛衆生劫不可說

此無礙眼之住處

國土諸佛及衆生

此具德人之住處

一切大海以毛滴

此無礙者之住處

大願諸禪及解脫

此真佛子之住處

種種說法度衆生

此修行者之住處

修行如幻妙法門

此無礙者之住處

具足修行一切行

化身無量徧法界

四無所上七

此神力者之住處

十

皆

聖

一念成就菩提道

普作無邊智慧業

世情思慮悉發狂

此難量者之住處

成就神通無障礙

遊行法界靡不周

其心未嘗有所得

此淨慧者之住處

菩薩修行無礙慧

入諸國土無所著

以無二智普照明

此無我者之住處

了知諸法無依止

本性寂滅同虛空

常行如是境界中

此離垢人之住處

普見羣生受諸苦

發大仁慈智慧心

轉常利益諸世間

此悲愍者之住處

佛子住於此普現衆生前猶如日月輪徧除生死暗

佛子住於此普順衆生心變現無量身充滿十方刹

佛子住於此徧遊諸世界一切如來所無量無數劫

佛子住於此思量諸佛法無量無數劫其心無厭倦

佛子住於此念念入三昧一一三昧門闡明諸佛境

佛子住於此悉知一切刹無量無數劫衆生佛名号

佛子住於此一念攝諸劫但隨衆生心而無分別想

佛子住於此修習諸三昧一一心中了知三世法

佛子住於此結跏身不動普現一切刹一切諸趣中

佛子住於此飲諸佛法海深入智慧海具足功德海

佛子住於此悉知諸刹數世數衆生數佛名數亦然

佛子住於此一念悉能了一切三世中國土之成壞

佛子住於此普知佛行願菩薩所修行衆生根性欲

佛子住於此見一微塵中無量剎道場衆生及諸劫
如一微塵內一切塵亦然種種成具足處處皆無礙
佛子住於此普觀一切法衆生剎及世無起無所有
觀察衆生等法等如來等剎等諸願等三出志平等
佛子住於此教化諸羣生供養諸如來思惟諸法性
無量千萬劫所修願智行廣大不可量稱揚其能處
彼諸大勇猛所行無障礙安住於此中我合掌敬禮
諸佛之長子聖德慈氏尊我今恭敬禮願垂顧念我
爾時善財童子以如是等一切菩薩無量稱
揚讚歎法而讚毗盧遮那莊嚴藏大樓閣中
諸菩薩已曲躬合掌恭敬頂禮一心願見彌
勒菩薩親近供養乃見彌勒菩薩摩訶薩從
別處來無量天龍夜叉乾闥婆阿脩羅迦樓
羅緊那羅摩睺羅伽王釋梵護世及本生處
無量眷屬婆羅門衆及餘無數百千衆生前
後圍遶而共來向莊嚴藏大樓閣所善財見
已歡喜踴躍五體投地時彌勒菩薩觀察善
財指示大衆歎其功德而說頌曰
汝等親善財智慧心清淨爲求菩提行而來至我所
善來圓滿慈善來清淨悲善來寂滅眼修行無懈倦
善來清淨意善來廣大心善來不退振修行無懈倦
善來不動行常求善知識了達一切法調伏諸羣生
善來行妙道善來住功德善來趣佛果未曾有疲倦
善來德爲體善來法所滋善來無邊行壯闊難可見

善來離迷惑 世法不能染 利衰毀譽等 一切無分別
善來施安樂 調柔堪受化 誦誑瞋慢心 一切悉除滅
善來真佛子 普詣於十方 增長諸功德 調柔無懈倦
善來三世智 徧知一切法 普生功德藏 修行不疲厭
文殊德雲等 一切諸佛子 今汝至我所 示汝無礙趣
具修菩薩行 普攝諸羣生 如是廣大人 今來至我所
爲求諸如來 清淨之境界 問諸廣大願 而來至我所
去來現在佛 所成諸行業 汝欲皆修學 而來至我所
汝於善知識 欲求微妙法 欲受菩薩行 而來至我所
汝念善知識 諸佛所徧歎 今汝成菩提 而來至我所
汝念善知識 生我如父母 養我如乳母 增我菩提分
如醫療眾疾 如天灑甘露 如日示正道 如月轉娑輪
如山不動搖 如海無增減 如船師濟渡 而來至我所
汝觀善知識 猶如大猛將 亦如大商主 又如大導師
能建正法幢 能示佛功德 能滅諸惡道 能開善趣門
能顯諸佛身 能守諸佛藏 能持諸佛法 是故願瞻奉
欲滿清淨智 欲具端正身 欲生尊貴家 而來至我所
汝等觀此人 親近善知識 隨其所修學 一切應順行
以昔福因緣 文殊令發心 隨順無違逆 修行不懈倦
父母與親屬 宮殿及財產 一切皆捨離 謙下來知識
淨治如是意 永離世間身 當生佛國土 受諸勝果報
等財見眾生 生老病死苦 爲發大悲意 勤修無二道
善財見眾生 五趣常流轉 爲求金剛智 破彼諸苦輪
善財見眾生 心田甚荒穢 爲除三毒刺 專求剎智犁

眾生處癡暗 貪冥失正道 善財爲導師 示其安隱處
忍鎧解脫乘 智慧爲利劍 能於三有內 破諸煩惱賊
善財法船師 普濟諸含識 今過蘭欒海 疾至淨寶洲
善財正覺日 智光大願輪 周行法界空 普照羣迷宅
善財正覺月 白法悉圓滿 慈定清涼光 等照衆生心
善財勝智海 依於直心住 菩提行漸深 出生衆法寶
善財大心龍 昇於法界空 興雲霑甘露 生成一切果
善財然法燈 信性慈悲油 念器功德光 滅除三毒暗
覺心迦羅邏 悲胞慈爲肉 菩提分肢節 長於如來藏
增長福德藏 清淨智慧藏 開顯方便藏 出生大願藏
如是大莊嚴 救護諸羣生 一切天人中 難開難可見
如是智慧樹 根株不可動 衆行漸增長 普蔭諸羣生
欲生一切德 欲問一切法 欲斷一切疑 專求善知識
欲破諸惑魔 欲除諸見垢 欲解衆生縛 專求善知識
當識諸惡道 當示人天路 令修功德行 疾入涅槃城
當度諸見難 當截諸見網 當枯愛欲水 當示三有道
當爲世依怙 當作世光明 當成三界師 示其解脫處
亦當令世間 普離諸想著 普覺煩惱腫 普出愛欲泥
當了種種法 當淨種種刹 一切感究竟 其心大歡喜
汝行極調柔 汝心甚清淨 所欲修功德 一切當圓滿
不久見諸佛 了達一切法 嚴淨衆刹海 成就大菩提
當滿諸行海 當知諸法海 當度衆生海 如是修諸行
當到功德岸 當生諸善品 當與佛子等 如是心決定
當斷一切惑 當淨一切業 當滅一切魔 滿足如是願

當生妙智道 當開正法道 不久當捨離 惑業諸苦道
 一切衆生輪 沈迷諸有輪 汝當轉法輪 令其斷苦輪
 汝當持佛種 汝當淨法種 汝能集僧種 三世悉周徧
 當斷衆愛網 當裂衆見網 當救衆苦網 當成此願網
 當度衆生界 當淨國土界 當集智慧界 當成此心界
 當令衆生喜 當令菩薩喜 當令諸佛喜 當成此歡喜
 當見一切趣 當見一切利 當見一切法 當成此佛見
 當放破暗光 當放息熱光 當放滅惡光 滌除三有苦
 當開天趣門 當開佛道門 當示解脫門 普使衆生入
 當示於正道 當絕於邪道 如是勤修行 成就菩提道
 當修功德海 當度三有海 普使羣生海 出於衆苦海
 當於衆生海 消竭煩惱海 令修諸行海 疾入大智海
 汝當增智海 汝當修行海 諸佛大願海 汝當咸滿足
 汝當入刹海 汝當觀衆海 汝當以智力 普飲諸法海
 當觀諸佛雲 當起供養雲 當聽妙法雲 當興此願雲
 普遊三有室 普壞衆惑室 普入如來室 當行如是道
 普入三昧門 普遊解脫門 普住神通門 周行於法界
 普現衆生前 普對諸佛前 譬如日月光 當成如是力
 所行無動亂 所行無染著 如鳥行虛空 當成此妙用
 譬如因陀網 刹網如是住 汝當悉往詣 如風無所礙
 汝當入法界 徧往諸世界 普見三世佛 心生大歡喜
 汝於諸法門 已得及當得 應生大喜躍 無貪亦無厭
 汝是功德器 能隨諸佛教 能修菩薩行 得見此奇特
 如是諸佛子 億劫難可遇 況見其功德 所修諸妙道

汝生於人中 大獲諸善利 得見文殊等 無量諸功德
已離諸惡道 已出諸難處 已超眾苦患 善哉勿懈怠
已離凡夫地 已住菩薩地 當滿智慧地 速入如來地
菩薩行如海 佛智同虛空 汝願亦復然 應生大欣慶
諸根不懈倦 志願恒決定 親近善知識 不久悉成滿
菩薩種種行 皆為調眾生 普行諸法門 慎勿生疑惑
汝具難思福 及以真實信 是故於今日 得見諸佛子
汝見諸佛子 悉獲廣大利 一一諸大願 一切咸信受
汝於三有中 能修菩薩行 是故諸佛子 示汝解脫門
非是法器人 與佛子同住 設經無量劫 莫知其境界
汝見諸菩薩 得聞如是法 世間甚難有 應生大喜慶
諸佛護念汝 菩薩攝受汝 能順其教行 善哉住壽命
已生菩薩家 已具菩薩德 已長如來種 當昇灌頂位
不久汝當得 與諸佛子等 見苦惱眾生 悉置安隱處
如下如是種 必獲如是果 我今慶慰汝 汝應大欣悅
無量諸菩薩 無量劫行道 未能成此行 今汝皆獲得
信樂堅進力 善財成此行 若有敬慕心 亦當如是學
一切功德行 皆從願欲生 善財已了知 常樂勤修習
如龍布密雲 必當霍大雨 菩薩起願智 決定修諸行
若有善知識 示汝普賢行 汝當好承事 慎勿生疑惑
汝於無量劫 為欲棄捨身 今為求菩提 此捨方為善
汝於無量劫 具受生死苦 不曾事諸佛 未聞如是行
汝今得人身 值佛善知識 聽受菩提行 云何不歡喜
雖遇佛興世 亦值善知識 其心不清淨 不聞如是法

若於善知識 信樂心尊重 難疑不疲厭 乃聞如是法
若有聞此法 而興捨願心 當知如是人 已獲廣大利
如是心清淨 常得近諸佛 亦近諸菩薩 決定成菩提
若入此法門 則具諸功德 永離眾惡趣 不受一切苦
不久捨此身 往生佛國上 常見十方佛 及以諸菩薩
往因今得解 及事善友力 增長諸功德 如水生蓮華
樂善善知識 勤供一切佛 專心聽聞法 常行勿懈怠
汝是真法器 當具一切法 當修一切道 當滿一切願
汝以信解心 而來禮敬我 不久當普入 一切諸佛會
善哉真佛子 恭敬一切佛 不久具諸行 到佛功德岸
汝當往大智 文殊師利所 彼當令汝得 普賢深妙行
爾時彌勒菩薩摩訶薩 在眾會前 備讚善財
大功德藏 善財聞已 歡喜踊躍 身毛皆豎 悲
泣哽噎 起立合掌 恭敬瞻仰 遶無量匝 以文
殊師利心念力 故眾華瓔珞 種種妙寶 不覺
忽然自盈 其手善財 歡喜即以 奉散彌勒 善
薩摩訶薩 上時彌勒菩薩摩訶薩 善財頂為說頌
言

善哉善哉真佛子

普眾諸根無懈倦

不久當具諸功德

猶如文殊及其我

時善財童子以頌答曰

我念善知識 億劫難值遇 今得咸親近 而來詣尊所
我以文殊故 見諸難見者 彼大功德尊 願速還瞻覲

大方廣佛華嚴經卷第七十七

應涸下下音切

勿憚下徒案切

猶豫下音音

嫌怪下古嫌切

能擯下必刃切

杜絕二徒古切

殄除上徒典切

僮僕下蒲侯切

傭作上餘時切

除糞下方問切

低下上都美切

摺牛上方囑切

丹穢下集音

措恰上居逆切

損耗下呼到切

法侶下呂音

斂念上良練切

窟宅上苦骨切

嬰惑上於盈切

金翅下施而

智翅上音典切

昏聩下呂庚切

噍噍上古杏切

乙巳歲高麗國大興寧元年

勅彫結

大方廣佛華嚴經卷第七十八

旨

子開國三藏實叉難陀奉

制譯

入法界品第三十九之十九

爾時善財童子合掌恭敬重白彌勒菩薩摩訶薩言大聖我已先發阿耨多羅三藐三菩提心而我未知菩薩云何學菩薩行云何修菩薩道大聖一切如來授尊者記一生當得阿耨多羅三藐三菩提若一生當得無上菩提則已超越一切菩薩所住處則已出過一切菩薩離生位則已圓滿一切波羅蜜則已深入一切諸忍門則已具足一切菩薩地則已遊戲一切解脫門則已成就一切三昧法則已通達一切菩薩行則已證得一切陀羅尼辯才則已於一切菩薩自在中而得自在則已積集一切菩薩助道法則已遊戲智慧方便則已出生大神通智則已成就一切學處則已圓滿一切妙行則已滿足一切大願則已領受一切佛所記則已了知一切諸衆門則已堪受一切如來所護念則已能攝一切佛菩提則已能持一切佛法藏則已能持一切諸佛菩薩秘密藏則已能於一切菩薩衆中爲上首則已能爲破煩惱魔軍大勇將則已能作出生死曠野大導師則已能作治諸般重病大醫王則已能於一切衆生中爲

最勝則已能於一切世主中得自在則已能
於一切聖人中最第一則已能於一切聲聞
獨覺中最增上則已能於生死海中為船師
則已能布調伏一切衆生網則已能觀一切
衆生根則已能攝一切衆生界則已能守護
一切菩薩衆則已能談議一切菩薩事則已
能往詣一切如來所則已能住止一切如來
會則已能現身一切衆生前則已能於一切
世法無所染則已能超越一切魔境界則已
能安住一切佛境界則已能到一切菩薩無
礙境則已能精勤供養一切佛則已與一切
諸佛法同體性已繫妙法繒已受佛灌頂已
住一切智已能普生一切佛法已能速踐一
切智位大聖菩薩云何學菩薩行云何修菩
薩道隨所修學疾得具足一切佛法悉能度
脫所念衆生普能成滿所發大願普能究竟
所起諸行普能安慰一切天人不負自身不
斷三寶不虛一切佛菩薩種能持一切諸佛
法眼如是等事願皆為說

爾時彌勒菩薩摩訶薩觀察一切道場衆會
指示善財而作是言諸仁者汝等見此長者
子今於我所問菩薩行諸功德不諸仁者此
長者子勇猛精進志願無雜深心堅固恒不
退轉具勝希望如救頭然無有厭足樂善知

識親近供養處處尋求承事請法諸仁者此
長者子曩於福城受文殊教展轉南行求善
知識經由一百一十善知識已然後而來至
於我所未曾暫起一念疲懈諸仁者此長者
子甚為難有趣向大衆衆於大慧發大勇猛
探大悲甲以大慈心救護衆生起大精進波
羅蜜行作大商主護諸衆生爲大法船度諸
有海住於大道集大法寶修諸廣大助道之
法如是之人難可得聞難可得見難得親近
同居共行何以故此長者子發心救護一切
衆生令一切衆生解脫諸苦超諸惡趣離諸
險難破無明闇出生死野息諸趣輪度魔境
界不著世法出欲淤泥斷貪軟解見縛墮想
宅絕迷道摧慢幢拔惑箭撤睡蓋裂愛網滅
無明度有流離諂幻淨心垢斷癡惑出生死
諸仁者此長者子爲被四流漂汨者造大法
船爲被見泥沒溺者立大法橋爲被癡暗昏
迷者然大智燈爲行生死曠野者開示聖道
爲嬰煩惱重病者調和法藥爲遭生老死苦
者飲以甘露令其安隱爲入貪恚癡火者沃
以定水使得清涼多憂惱者慰諭使安繫有
獄者曉誨令出入見網者開以智劍住界城
者示諸脫門在險難者導安隱處懼結賊者
與無畏法墮惡趣者授慈悲手拘害蘊者示

涅槃城界蛇所纏解以聖道著於六處空聚
落者以智慧光引之令出住邪濟者令入正
濟近惡友者示其善友樂凡法者誨以聖法
著生死者令其趣入一切智城諸仁者此長
者子恒以此行救護衆生發菩提心未嘗休
息求大乘道曾無懈怠飲諸法水不生厭足
恒勤積集助道之行常樂清淨一切法門修
菩薩行不捨精進成滿諸願善行方便見善
知識情無厭足事善知識身不疲懈聞善知
識所有教誨常樂順行未曾違逆諸仁者若
有衆生能發阿耨多羅三藐三菩提心是爲
希有若發心已又能如是精進方便集諸佛
法倍爲希有又能如是求菩薩道又能如是
淨菩薩行又能如是事善知識又能如是如
救頭然又能如是順知識教又能如是堅固
修行又能如是集菩提分又能如是不求一
切名聞利養又能如是不捨菩薩統一之心
又能如是不樂家宅不著欲樂不戀父母親
戚知識但樂追求菩薩伴侶又能如是不顧
身命唯願勤修一切智道應知展轉倍更難
得諸仁者餘諸菩薩經於無量百千萬億那
由他劫乃能滿足菩薩願行乃能親近諸佛
菩提此長者子於一生內則能淨佛刹則能
化衆生則能以智慧深入法界則能成就諸

波羅蜜則能增廣一切諸行則能圓滿一切
大願則能超出一切魔業則能承事一切善
友則能清淨諸菩薩道則能具足普賢諸行
爾時彌勒菩薩摩訶薩如是偈歎善財童子
種種功德今無量百千衆生發菩提心已告
善財言善哉善哉善男子汝爲饒益一切世
間汝爲救護一切衆生汝爲勤求一切佛法
故發阿耨多羅三藐三菩提心善男子汝獲
善利汝善得人身汝善住壽命汝善值如來
出現汝善見文殊師利大善知識汝身是善
器爲諸善根之所潤澤汝爲白法之所資持
所有解欲悉已清淨已爲諸佛共所護念已
爲善友共所攝受何以故善男子菩提心者
猶如種子能生一切諸佛法故菩提心者猶
如良田能長衆生白淨法故菩提心者猶如
大地能持一切諸世間故菩提心者猶如淨
水能洗一切煩惱垢故菩提心者猶如大風
普於世間無所礙故菩提心者猶如盛火能
燒一切諸見薪故菩提心者猶如淨日普照
一切諸世間故菩提心者猶如盛月諸白淨
法悉圓滿故菩提心者猶如明燈能放種種
法光明故菩提心者猶如淨目普見一切安
危處故菩提心者猶如大道普令得入大智
城故菩提心者猶如正濟令其得離諸邪法

故菩提心者猶如大車普能運載諸菩薩故
菩提心者猶如門戶開示一切菩薩行故菩
提心者猶如宮殿安住修習三昧法故菩提
心者猶如園苑於中遊戲受法樂故菩提心
者猶如舍宅安隱一切諸衆生故菩提心者
則爲所歸利益一切諸世間故菩提心者則
爲所依諸菩薩行所依處故菩提心者猶如
慈父訓導一切諸菩薩故菩提心者猶如慈
母生長一切諸菩薩故菩提心者猶如乳母
養育一切諸菩薩故菩提心者猶如善友成
益一切諸菩薩故菩提心者猶如君主勝出
一切二乘人故菩提心者猶如帝王一切願
中得自在故菩提心者猶如大海一切功德
悉入中故菩提心者如須彌山於諸衆生心
平等故菩提心者如鐵圍山攝持一切諸世
間故菩提心者猶如雪山長養一切智慧藥
故菩提心者猶如香山出生一切功德香故
菩提心者猶如虛空諸妙功德廣無邊故菩
提心者猶如蓮華不染一切世間法故菩提
心者如調慧象其心善順不獲反故菩提心
者如良馬遠離一切諸惡性故菩提心者
如調御師守護大乘一切法故菩提心者猶
如良藥能治一切煩惱病故菩提心者猶如
陀筭陷沒一切諸惡法故菩提心者猶如金

剛悉能穿徹一切法故菩提心者猶如香篋
 能貯一切功德香故菩提心者猶如妙華一
 切世間所樂見故菩提心者如白梅檀除眾
 欲熱使清涼故菩提心者如黑沈香能熏法
 界悉周徧故菩提心者如善見藥王能破一
 切煩惱病故菩提心者如毗笈摩藥能拔一
 切諸惑箭故菩提心者猶如帝釋一切主中
 最為尊故菩提心者如毗沙門能斷一切貧
 窮苦故菩提心者如功德天一切功德所莊
 嚴故菩提心者如莊嚴具莊嚴一切諸菩薩
 故菩提心者如劫燒火能燒一切諸有為故
 菩提心者如無生根藥長養一切諸佛法故
 菩提心者猶如龍珠能消一切煩惱毒故菩
 提心者如水清珠能清一切煩惱濁故菩提
 心者如如意珠周給一切諸貧乏故菩提心
 者如功德瓶滿足一切眾生心故菩提心者
 如如意樹能雨一切莊嚴具故菩提心者如
 鵝羽衣不受一切生死垢故菩提心者如白
 氍毹從本已來性清淨故菩提心者如伎利
 犁能治一切眾生田故菩提心者如那羅延
 能摧一切我見敵故菩提心者猶如快箭能
 破一切諸苦故菩提心者猶如利刃能穿
 一切煩惱甲故菩提心者猶如堅甲能護一
 切如理心故菩提心者猶如利刃能斬一切

煩惱首故菩提心者猶如利劍能斷一切惱
慢鎧故菩提心者如勇將幢能伏一切諸魔
軍故菩提心者猶如利斧能伐一切諸苦樹故
故菩提心者猶如利斧能伐一切諸苦樹故菩
菩提心者猶如兵仗能防一切諸苦難故菩
提心者猶如善手防護一切諸度身故菩提
心者猶如好足安立一切諸功德故菩提心
者猶如眼藥滅除一切無明翳故菩提心者
猶如鉗鑷能拔一切身見刺故菩提心者猶
如卧具息除生死諸勞苦故菩提心者如善
知識能解一切生死縛故菩提心者如好珍
財能除一切貧窮事故菩提心者如大導師
善知菩薩出要道故菩提心者猶如伏藏出
功德財無匱乏故菩提心者猶如涌泉生智
慧水無窮盡故菩提心者猶如明鏡普現一
切法門像故菩提心者猶如蓮華不染一切
諸罪垢故菩提心者猶如大河流引一切度
攝法故菩提心者如大龍王能雨一切妙法
雨故菩提心者猶如命根任持菩薩大悲身
故菩提心者猶如甘露能令安住不死界故
菩提心者猶如大網普攝一切諸衆生故菩
提心者猶如胃索攝取一切所應化故菩提
心者猶如鉤餌出有潤中所居者故菩提心
者如阿伽陀藥能令無病永安隱故菩提心

者如除毒藥能消歇貪愛毒故菩提心者
如善持咒能除一切顛倒毒故菩提心者猶
如疾風能卷一切諸障霧故菩提心者如大
寶洲出生一切覺分寶故菩提心者如好種
性出生一切白淨法故菩提心者猶如住宅
諸功德法所依處故菩提心者猶如市肆善
薩商人貿易處故菩提心者如鍊金藥能治
一切煩惱垢故菩提心者猶如好蜜圓滿一
切功德味故菩提心者猶如正道令諸菩薩
入智城故菩提心者猶如好器能持一切白
淨法故菩提心者猶如時雨能滅一切煩惱
塵故菩提心者則為住處一切菩薩所住處
故菩提心者則為壽行不取聲聞解脫果故
菩提心者如淨琉璃自性明淨無諸垢故菩
提心者如帝奇寶出過世間二乘智故菩提
心者如更漏鼓覺諸衆生煩惱睡故菩提心
者如清淨水性本澄潔無垢濁故菩提心者
如閻浮金映奪一切有為善故菩提心者如
大山王超出一切諸世間故菩提心者則為
所歸不拒一切諸來者故菩提心者則為義
利能除一切衰惱事故菩提心者則為妙寶
能令一切心歡喜故菩提心者如大施會充
滿一切衆生心故菩提心者則為尊勝諸衆
生心無與等故菩提心者猶如伏藏能攝一

切諸佛法故菩提心者如因陀羅網能伏煩惱阿脩羅故菩提心者如婆樓那風能動一切所應化故菩提心者如因陀羅火能燒一切諸惑習故菩提心者如佛支提一切世間應供養故善男子菩提心者成就如是無量功德舉要言之應知悉與一切佛法諸功德等何以故因菩提心出生一切諸菩薩行三世如來從菩提心而出生故是故善男子若有發阿耨多羅三藐三菩提心者則已出生無量功德普能攝取一切智道善男子譬如有人得無畏藥離五恐怖何等爲五所謂火不能燒毒不能中刀不能傷水不能漂煙不能熏菩薩摩訶薩亦復如是得一切智菩提心藥貪火不燒瞋毒不中惑刀不傷有誑不漂諸覺觀煙不能熏害善男子譬如有人得解脫藥終無橫難菩薩摩訶薩亦復如是得菩提心解脫智藥永離一切生死橫難善男子譬如有人持摩訶應伽藥毒蛇聞氣即皆遠去菩薩摩訶薩亦復如是持菩提心大應伽藥一切煩惱諸惡毒蛇聞其氣者悉皆散滅善男子譬如有人持無勝藥一切怨敵無能勝者菩薩摩訶薩亦復如是持菩提心無能勝藥悉能降伏一切魔軍善男子譬如有人持毗芻摩藥能令毒蛇自然墮落菩薩摩

訶薩亦復如是持菩提心毗婆沙摩訶薩令貪患
疑諸邪見箭自然墮落善男子譬如有人持
善見藥能除一切所有諸病菩薩摩訶薩亦
復如是持菩提心善見藥王悉除一切諸煩
惱病善男子如有藥樹名珊陀那有取其皮
以塗瘡者瘡即除愈然其樹皮隨取隨生終
不可盡菩薩摩訶薩從菩提心生一切智樹
亦復如是若有得見而生信者煩惱業瘡悉
得消滅一切智樹初無所損善男子如有藥
樹名無生根以其力故增長一切閻浮提樹
菩薩摩訶薩菩提心樹亦復如是以其力故
增長一切學與無學及諸菩薩所有善法善
男子譬如如有藥名阿藍婆若用塗身身之與
心咸有堪能菩薩摩訶薩得菩提心阿藍婆
藥亦復如是令其身心增長善法善男子譬
如有人得念力藥凡所聞事憶持不忘菩薩
摩訶薩得菩提心念力妙藥悉能聞持一切
佛法皆無忘失善男子譬如如有藥名大蓮華
其有服者住壽一劫菩薩摩訶薩服菩提心
大蓮華藥亦復如是於無數劫壽命自在善
男子譬如有人執翳形藥人與非人悉不能
見菩薩摩訶薩執菩提心翳形妙藥一切諸
魔不能得見善男子如海有珠名普集眾寶
此珠若在假使劫火焚燒世間能令此海減

於一滴無有是處菩薩摩訶薩菩提心珠亦
復如是住於菩薩大願海中若常憶持不令
退失能壞菩薩一善根者終無是處若退其
心一切善法即皆散滅善男子如有摩尼名
大光明有以此珠瓔珞身者映蔽一切寶莊
嚴具所有光明悉皆不現菩薩摩訶薩菩提
心寶亦復如是瓔珞其身映蔽一切二乘心
寶諸莊嚴具悉無光彩善男子如水清珠能
清濁水菩薩摩訶薩菩提心珠亦復如是能
清一切煩惱垢濁善男子譬如有人得住水
寶繫其身上入大海中不爲水害菩薩摩訶
薩亦復如是得菩提心住水妙寶入於一切
生死海中終不沈沒善男子譬如有人得龍
寶珠持入龍宮一切龍蛇不能爲害菩薩摩
訶薩亦復如是得菩提心大龍寶珠入欲界
中煩惱龍蛇不能爲害善男子譬如帝釋著
摩尼冠映蔽一切諸餘天衆菩薩摩訶薩亦
復如是著菩提心大願寶冠超過一切三界
衆生善男子譬如有人得如意珠除滅一切
貧窮之苦菩薩摩訶薩亦復如是得菩提心
如意寶珠遠離一切邪命怖畏善男子譬如
有人得日精珠持向日光而生於火菩薩摩
訶薩亦復如是得菩提心智日寶珠持向智
光而生智火善男子譬如有人得月精珠持

向月光而生於水菩薩摩訶薩亦復如是得
 菩提心月精寶珠持此心珠鑒迴向光而生
 一切善根願水善男子譬如龍王首戴如意
 摩尼寶冠遠離一切怨敵怖畏菩薩摩訶薩
 亦復如是著菩提心大悲寶冠遠離一切惡
 道諸難善男子如有寶珠名一切世間莊嚴
 藏若有得者令其所欲悉得充滿而此寶珠
 無所損減菩提心寶亦復如是若有得者令
 其所願悉得滿足而菩提心無有損減善男
 子如轉輪王有摩尼寶置於宮中放大光明
 破一切暗菩薩摩訶薩亦復如是以菩提心
 大摩尼寶住於欲界放大智光悉破諸趣無
 明黑暗善男子譬如帝青大摩尼寶若有為
 此光明所觸即同其色菩薩摩訶薩菩提心
 寶亦復如是觀察諸法迴向善根靡不即同
 菩提心色善男子如瑠璃寶於百千歲處不
 淨中不為臭穢之所染著性本淨故菩薩摩
 訶薩菩提心寶亦復如是於百千劫住欲界
 中不為欲界過患所染猶如法界性清淨故
 善男子譬如如有寶名淨光明悉能映蔽一切
 寶色菩薩摩訶薩菩提心寶亦復如是悉能
 映蔽一切凡夫二乘功德善男子譬如如有寶
 名為火燄悉能除滅一切暗冥菩薩摩訶薩
 菩提心寶亦復如是能滅一切無知暗冥善

男子譬如海中有無價寶商人採得船載入城諸餘摩尼百千萬種光色價直無與等者菩提心寶亦復如是住於生死大海之中菩薩摩訶薩乘大願船深心相續載之來入解脫城中二乘功德無能及者善男子如有寶珠名自在王處閻浮洲去日月輪四萬由旬日月宮中所有莊嚴其珠影現悉皆具足菩薩摩訶薩發菩提心淨功德寶亦復如是住生死中照法界空佛智日月一切功德悉於中現善男子如有寶珠名自在王日月光明所照之處一切財寶衣服等物所有價直悉不能及菩薩摩訶薩發菩提心自在王寶亦復如是一切智光所照之處三世所有天人二乘漏無漏善一切功德皆不能及善男子海中有寶名曰海藏普現海中諸莊嚴事菩薩摩訶薩發菩提心寶亦復如是普能顯現一切智海諸莊嚴事善男子譬如天上閻浮檀金唯除心王大摩尼寶餘無及者菩薩摩訶薩發菩提心閻浮檀金亦復如是除一切智心王大寶餘無及者善男子譬如有人善調龍法於諸龍中而得自在菩薩摩訶薩亦復如是得菩提心善調龍法於諸一切煩惱龍中而得自在善男子譬如勇士被執鎧仗一切怨敵無能降伏菩薩摩訶薩亦復如是被

軌菩提大心鎧仗一切業惑諸惡怨敵無能

屈伏善男子譬如天上黑栴檀香若燒一鉢其香普熏小千世界三千世界滿中珍寶所有價直皆不能及菩薩摩訶薩菩提心香亦復如是一念功德普熏法界聲聞緣覺一切功德皆所不及善男子如白栴檀若以塗身悉能除滅一切熱惱令其身心普得清涼菩薩摩訶薩菩提心香亦復如是能除一切虛妄分別貪恚癡等諸惑熱惱令其具足智慧清涼善男子如須彌山若有近者即同其色菩薩摩訶薩菩提心山亦復如是若有近者悉得同其一切智色善男子譬如波利質多羅樹其皮香氣潤澤提中若婆師迦若蘆蔔迦若蘇摩那如是等華所有香氣皆不能及菩薩摩訶薩菩提心樹亦復如是所發大願功德之香一切二乘無漏戒定智慧解脫解脫知見諸功德香悉不能及善男子譬如波利質多羅樹雖未開華應知即是無量諸華出生之處菩薩摩訶薩菩提心樹亦復如是雖未開發一切智華應知即是無數天人眾菩提華所生之處善男子譬如波利質多羅華一日熏衣蘆蔔迦華婆利師華蘇摩那華雖十歲熏亦不能及菩薩摩訶薩菩提心華亦復如是一生所熏諸功德香普徧十方一

切佛所一切二乘無漏功德百千劫熏所不

明華集卷八

六

目

能及善男子如海島中生椰子樹根莖枝葉
及以華果一切衆生恒取受用無時暫歇菩
薩摩訶薩菩提心樹亦復如是始從發起悲
願之心乃至成佛正法住世常時利益一切
世間無有間歇善男子如有藥汁名訶宅迦
人或得之以其一兩變千兩銅悉成真金非
千兩銅能變此藥菩薩摩訶薩亦復如是以
菩提心迴向智藥普變一切業惑等法悉使
成於一切智相非業惑等能變其心善男子
譬如小火隨所焚燒其燄轉熾菩薩摩訶薩
菩提心火亦復如是隨所攀緣智燄增長善
男子譬如一燈然百千燈其本一燈無減無
盡菩薩摩訶薩菩提心燈亦復如是普然三
世諸佛智燈而其心燈無減無盡善男子譬
如一燈入於閻室百千年闇悉能破盡菩薩
摩訶薩菩提心燈亦復如是入於衆生心室
之內百千萬億不可說劫諸業煩惱種種暗
障悉能除盡善男子譬如燈炷隨其大小而
發光明若益膏油明終不絕菩薩摩訶薩菩
提心燈亦復如是大願爲炷光照法界益大
悲油教化衆生莊嚴國土施作佛事無有休
息善男子譬如他化自在天王冠閼浮檀真
金天冠欲界天子諸莊嚴具皆不能及菩薩

摩訶薩亦復如是冠菩提心火願天冠一切
凡夫二乘功德皆不能及善男子如師子王
哮吼之時師子兒聞皆增勇健餘獸聞之即
皆竄伏佛師子王菩提心乳應知亦爾諸菩
薩聞增長功德有所得者聞皆退散善男子
譬如有人以師子筋而爲樂絃其音旣奏餘
絃悉絕菩薩摩訶薩亦復如是以如來師子
波羅蜜身菩提心筋爲法樂絃其音旣奏一
切五欲及以二乘諸功德絃悉皆斷滅善男
子譬如有人以牛羊等種種諸乳假使積集
盈於大海以師子乳一滴投中悉令變壞直
過無礙菩薩摩訶薩亦復如是以如來師子
菩提心乳著無量劫業煩惱乳大海之中悉
令壞滅直過無礙終不住於二乘解脫善男
子譬如迦陵頻伽鳥在卵殼中有大勢力一
切諸鳥所不能及菩薩摩訶薩亦復如是於
生死殼發菩提心所有大悲功德勢力聲聞
緣覺無能及者善男子如金翅鳥王子初始
生時目則明利飛則勁捷一切諸鳥雖久成
長無能及者菩薩摩訶薩亦復如是發菩提
心爲佛王子智慧清淨大悲勇猛一切二乘
雖百千劫久修道行所不能及善男子如有
壯夫手執利矛刺堅密甲直過無礙菩薩摩
訶薩亦復如是執菩提心鈃利快矛刺諸邪

見隨眠密印悉能穿徹無有障礙善男子譬如摩訶那伽大力勇士若奮威怒於其額上必生瘡疱瘡若未合閻浮提中一切人民無能制伏菩薩摩訶薩亦復如是若起大悲必定發於菩提之心心未捨來一切世間魔及魔民不能為害善男子譬如射師有諸弟子雖未慣習其師技藝然其智慧方便善巧餘一切人所不能及菩薩摩訶薩初始發心亦復如是雖未慣習一切智行然其所有願智解欲一切世間凡夫二乘悉不能及善男子如人學射先安其足後習其法菩薩摩訶薩亦復如是欲學如來一切智道先當安住菩提之心然後修行一切佛法善男子譬如幻師將作幻事先當起意憶持幻法然後所作悉得成就菩薩摩訶薩亦復如是將起一切諸佛菩薩神通幻事先當起意發菩提心然後一切悉得成就善男子譬如幻術無色現色菩薩摩訶薩菩提心相亦復如是雖無有色不可覩見然能普於十方法界示現種種功德莊嚴善男子譬如貓狸纔見於鼠鼠即入穴不敢復出菩薩摩訶薩發菩提心亦復如是暫以慧眼觀諸惑業皆即竄匿不復出生善男子譬如有人著閻浮金莊嚴之具映蔽一切皆如聚墨菩薩摩訶薩亦復如是著

菩提心莊嚴之具映蔽一切凡夫二乘功德莊嚴悉無光色善男子如好磁石少分之力即能吸壞諸鐵鉤鎖菩薩摩訶薩發菩提心亦復如是若起一念惡能壞滅一切見欲無明鉤鎖善男子如有磁石鐵若見之即皆散去無留住者菩薩摩訶薩發菩提心亦復如是諸業煩惱二乘解脫若暫見之即皆散滅亦無住者善男子譬如有人善入大海一切水族無能為害假使入於摩竭魚口亦不為彼之所吞噬菩薩摩訶薩亦復如是發菩提心入生死海諸業煩惱不能為害假使入於聲聞緣覺實際法中亦不為其之所留難善男子譬如有人飲甘露漿一切諸物不能為害菩薩摩訶薩亦復如是飲菩提心甘露法漿不墮聲聞辟支佛地以具廣大悲願力故善男子譬如有人得安繕那藥以塗其目雖行人間人所不見菩薩摩訶薩亦復如是得菩提心安繕那藥能以方便入魔境界一切衆魔所不能見善男子譬如有人依附於王不畏餘人菩薩摩訶薩亦復如是依菩提心大勢力王不畏障蓋惡道之難善男子譬如有人住於水中不畏火焚菩薩摩訶薩亦復如是住菩提心善根水中不畏二乘解脫智火善男子譬如有人依倚猛將即不怖畏一

切怨敵菩薩摩訶薩亦復如是依菩提心勇
猛大將不畏一切惡行怨敵善男子如釋天
王執金剛杵摧伏一切阿脩羅衆菩薩摩訶
薩亦復如是持菩提心金剛之杵摧伏一切
諸魔外道善男子譬如有人服延齡藥長得
充健不老不殘菩薩摩訶薩亦復如是服菩
提心延齡之藥於無數劫修菩薩行心無疲
厭亦無染著善男子譬如有人調和藥汁必
當先取好清淨水菩薩摩訶薩亦復如是欲
修菩薩一切行願先當發起菩提之心善男
子如人護身先護命根菩薩摩訶薩亦復如
是護持佛法亦當先護菩提之心善男子譬
如有人命根若斷不能利益父母宗親菩薩
摩訶薩亦復如是捨菩提心不能利益一切
衆生不能成就諸佛功德善男子譬如大海
無能壞者菩提心海亦復如是諸業煩惱二
乘之心所不能壞善男子譬如日光星宿光
明不能映蔽菩提心日亦復如是一切二乘
無漏智光所不能蔽善男子如王子初生即
爲大臣之所尊重以種性自在故菩薩摩訶
薩亦復如是於佛法中發菩提心即爲耆宿
久修梵行聲聞緣覺所共尊重以大悲自在
故善男子譬如王子年雖幼稚一切大臣皆
悉敬禮菩薩摩訶薩亦復如是雖初發心修

菩薩行二乘者舊皆應敬禮善男子譬如王子雖於一切臣佐之中未得自在已具王相不與一切諸臣佐等以生處尊勝故菩薩摩訶薩亦復如是雖於一切業煩惱中未得自在然已具足菩提之相不與一切二乘齊等以種性第一故善男子譬如清淨摩尼妙寶眼有翳故見為不淨菩薩摩訶薩菩提心寶亦復如是無智不信謂為不淨善男子譬如青藥為呪所持若有衆生見聞同住一切諸病皆得消滅菩薩摩訶薩菩提心藥亦復如是是一切善根智慧方便菩薩願智共所攝持若有衆生見聞同住憶念之者諸煩惱病悉得除滅善男子譬如有人常持甘露其身畢竟不變不壞菩薩摩訶薩亦復如是若常憶持菩提心露令願智身畢竟不壞善男子如機關木人若無有楔身即離散不能運動菩薩摩訶薩亦復如是無菩提心行即分散不能成就一切佛法善男子如轉輪王有沈香寶名曰象藏若燒此香王四種兵悉騰虛空菩薩摩訶薩菩提心香亦復如是若發此意即令菩薩一切善根永出三界行如來智無為空中善男子譬如金剛唯從金剛處及金剛處生非餘寶處生菩薩摩訶薩菩提心金剛亦復如是唯從大悲救護衆生金剛處一切

智智殊勝境界金處而生非餘衆生善根處
生善男子譬如有一樹名曰無根不從根生而
枝葉華果悉皆繁茂菩薩摩訶薩菩提心樹
亦復如是無根可得而能長養一切智智神
通大願枝葉華果扶疎蔭映普覆世間善男
子譬如金剛非劣惡器及以破器所能容持
唯除全具上妙之器菩提心金剛亦復如是
非下劣衆生慳嫉破戒懈怠妄念無智器中
所能容持亦非退失殊勝志願散亂惡覺衆
生器中所能容持唯除菩薩深心寶器善男
子譬如金剛能穿衆寶菩提心金剛亦復如
是惡能穿徹一切法寶善男子譬如金剛能
壞衆山菩提心金剛亦復如是惡能摧壞諸
邪見山善男子譬如金剛雖破不全一切衆
寶猶不能及菩提心金剛亦復如是雖復志
劣少有虧損猶勝一切二乘功德善男子譬
如金剛雖有損缺猶能除滅一切貧窮菩提
心金剛亦復如是雖有損缺不進諸行猶能
捨離一切生死善男子如小金剛惡能破壞
一切諸物菩提心金剛亦復如是入少境界
即破一切無知諸惑善男子譬如金剛非凡
人所得菩提心金剛亦復如是非劣意衆生
之所能得善男子譬如金剛不識寶人不知
其能不得其用菩提心金剛亦復如是不知

法人不了其能不得其用善男子譬如金剛
無能銷滅菩提心金剛亦復如是一切諸法
無能銷滅善男子如金剛杵諸大力人皆不
能持唯除有大那羅延力菩提之心亦復如
是一切一乘皆不能持唯除菩薩廣大因緣
堅固善力善男子譬如金剛一切諸物無能
壞者而能普壞一切諸物然其體性無所損
減菩提之心亦復如是普於三世無數劫中
教化衆生修行苦行聲聞緣覺所不能者咸
能作之然其畢竟無有疲厭亦無損壞善男
子譬如金剛餘不能持唯金剛地之所能持
菩提之心亦復如是聲聞緣覺皆不能持唯
除趣向薩婆若者善男子如金剛器無有瑕
缺用盛於水永不滲漏而入於地菩提心金
剛器亦復如是盛善根水永不滲漏令入諸
趣善男子如金剛際能持大地不令墜沒菩
提之心亦復如是能持菩薩一切行願不令
墜沒入於三界善男子譬如金剛久處水中
不爛不涇菩提之心亦復如是於一切劫處
在生死業惑水中無壞無變善男子譬如金
剛一切諸火不能燒然不能令熱菩提之心
亦復如是一切生死諸煩惱火不能燒然不
能令熱善男子譬如三千世界之中金剛座
上能持諸佛坐於道場降伏諸魔成等正覺

非是餘座之所能持菩提心座亦復如是能持菩薩一切願行諸波羅蜜諸忍諸地迴向受記修集菩提助道之法供養諸佛聞法受行一切餘心所不能持善男子菩提心者成就如是無量無邊乃至不可說不可說殊勝功德若有衆生發阿耨多羅三藐三菩提心則獲如是勝功德法是故善男子汝獲善利汝發阿耨多羅三藐三菩提心求菩薩行已得如是大功德故善男子如汝所問菩薩云何學菩薩行修菩薩道善男子汝可入此毗盧遮那莊嚴藏大樓閣中周徧觀察則能了知學菩薩行學已成就無量功德

大方廣佛華嚴經卷第七十八

曩於二劫

擲大

貪

擲睡

漂

飲

拘

穢

阮

簡

香

毗

懸

利

利

鋸

刺

鉗

胃

鉤

貿

一

擲

蘇

竄伏上七亂切

樂絃下胡田切

卵殼上盧管切

動捷上居五切

結利上結麻切

瘡疱下以見切

慣習上古滿切

猶經上結麻切

聽石上慈音

吸壤上許及切

吞鹽下遊音

安緒下時戰切

幼稚下直利切

揆身下直利切

參漏上所禁切

乙巳歲高麗國大歲都監表

勅彫造

大方廣佛華嚴經卷第七十九

告

千闍國三藏實叉難陀奉

制譯

入法界品第三十九之二十

爾時善財童子恭敬右遶彌勒菩薩摩訶薩
已而白之言唯願大聖開樓閣門令我得入
時彌勒菩薩前詣樓閣彈指出聲其門即開
命善財入善財心喜入已還開見其樓閣廣
博無量同於虛空阿僧祇寶以爲其地阿僧
祇宮殿阿僧祇門闍阿僧祇牕牖阿僧祇階
陛阿僧祇欄楯阿僧祇道路皆七寶成阿僧
祇幡阿僧祇幢阿僧祇蓋周迴閒列阿僧祇
衆寶瓔珞阿僧祇真珠瓔珞阿僧祇赤真珠
瓔珞阿僧祇師子珠瓔珞處處垂下阿僧祇
半月阿僧祇繒帶阿僧祇寶網以爲嚴飾阿
僧祇寶鐸風動成音散阿僧祇天諸雜華懸
阿僧祇天寶鬘帶嚴阿僧祇衆寶香爐阿
僧祇細末金屑懸阿僧祇寶鏡然阿僧祇寶
燈布阿僧祇寶衣列阿僧祇寶帳設阿僧祇
寶座阿僧祇寶繒以敷座上阿僧祇閭屏檀
金童女像阿僧祇雜寶諸形像阿僧祇妙寶
菩薩像處處充徧阿僧祇衆鳥出和雅音阿
僧祇寶優鉢羅華阿僧祇寶波頭摩華阿僧
祇寶拘物頭華阿僧祇寶芬陀利華以爲莊
嚴阿僧祇寶樹次第行列阿僧祇摩尼寶放

大光明如是等無量阿僧祇諸莊嚴具以爲莊嚴又見其中有無量百千諸妙樓閣一一嚴飾悉如上說廣博嚴麗皆同虛空不相障礙亦無雜亂善財童子於一處中見一切處一切諸處悉如是見爾時善財童子見毗盧遮那莊嚴藏樓閣如是種種不可思議自在境界生大歡喜踊躍無量身心柔軟離一切想除一切障滅一切惑所見不忘所聞能憶所思不亂入於無礙解脫之門普運其心普見一切普申敬禮纔始誓首以彌勒菩薩威神之力自見其身徧在一切諸樓閣中具見種種不可思議自在境界所謂或見彌勒菩薩初發無上菩提心時如是名字如是種族如是善友之所開悟令其種植如是善根住如是壽在如是劫值如是佛處於如是莊嚴刹土修如是行發如是願彼諸如來如是聚會如是壽命經爾許時親近供養悉皆明見或見彌勒最初證得慈心三昧從是已來或爲慈氏或見彌勒修諸妙行成滿一切諸波羅蜜或見得忍或見住地或見成就清淨國土或見護持如來正教爲大法師得無生忍某時某處某如來所受於無上菩提之記或見彌勒爲轉輪王勸諸衆生住十善道或爲護世饒益衆生或爲釋天訶責五欲或爲談

摩天王讚不放逸或爲兜率天王僞歡一生
等薩功德或爲化樂天王爲諸天衆現諸菩
薩變化莊嚴或爲他化自在天王爲諸天衆
演說一切諸佛之法或作魔王說一切法皆
悉無常或爲梵王說諸禪定無量喜樂或爲
阿脩羅王入大智海了法如幻爲其衆會常
演說法斷除一切憍慢醉傲或復見其處閻
羅界放大光明救地獄苦或見在於餓鬼之
處施諸飲食濟彼飢渴或見在於畜生之道
種種方便調伏衆生或復見爲護世天王衆
會說法或復見爲忉利天王衆會說法或復
見爲欲摩天王衆會說法或復見爲兜率天
王衆會說法或復見爲化樂天王衆會說法
或復見爲他化自在天王衆會說法或復見
爲大梵王衆會說法或復見爲龍王衆會說
法或復見爲夜叉羅刹王衆會說法或復見
爲乾闥婆緊那羅王衆會說法或復見爲阿
脩羅陀那婆王衆會說法或復見爲迦樓羅
摩睺羅伽王衆會說法或復見爲其餘一切
人非人等衆會說法或復見爲聲聞衆會說
法或復見爲緣覺衆會說法或復見爲初發
心乃至一生所繫已罐頂者諸菩薩衆而演
說法或見讚說初地乃至十地所有功德或
見讚說滿足一切諸波羅蜜或見讚說入諸

忍門或見讚說諸大三昧門

或見讚說甚深

解脫門或見讚說諸禪三昧神通境界或見

讚說諸菩薩行或見讚說諸大誓願或見與

諸同行菩薩讚說世間資生工巧種種方便

利衆生事或見與諸一生菩薩讚說一切佛

罐頂門或見彌勒於百千年經行讀誦書寫

經卷勤求觀察爲衆說法或入諸禪四無量

心或入徧處及諸解脫或入三昧以方便力

現諸神變或見諸菩薩入變化三昧各於其

身一一毛孔出於一切變化身雲或見出天

衆身雲或見出龍衆身雲或見出夜叉乾闥

婆緊那羅阿脩羅迦樓羅摩睺羅伽釋梵護

世轉輪聖王小王王子大臣官屬長者居士

身雲或見出聲聞緣覺及諸菩薩如來身雲

或見出一切衆生身雲或見出妙音讚諸菩

薩種種法門所謂讚說菩提心功德門讚說

檀波羅蜜乃至智波羅蜜功德門讚說諸攝

諸禪諸無量心及諸三昧三摩鉢底諸通諸

明揔持辯才諸諦諸智止觀解脫諸緣諸依

諸說法門讚說念處正勤神足根力七菩提

分八聖道十者聲聞乘諸獨覺乘諸菩薩乘

諸地諸忍諸行諸願如是等一切諸功德門

或復於中見諸如來大衆圍遶亦見其佛生

趣種姓身形壽命剎劫名号說法利益救住

久近乃至所有道場衆會種種不同悉皆明
 見又復於彼莊嚴藏內諸樓閣中見一樓閣
 高廣嚴飾最上無比於中悉見三千世界百
 億四天下百億瓊率陀天一皆有彌勒菩
 薩降神誕生釋梵天王捧持頂戴遊行七步
 觀察十方大師子乳現爲童子居處宮殿遊
 戲園苑爲一切智出家苦行示受乳糜往詣
 道場降伏諸魔成等正覺觀菩提樹梵王勸
 請轉正法輪昇天宮殿而演說法劫數壽量
 衆會莊嚴所學國土所修行願教化成熟衆
 生方便分布舍利住持教法皆悉不同爾時
 善財自見其身在此一切諸如來所亦見於
 彼一切衆會一切佛事憶持不忘通達無礙
 復聞一切諸樓閣內寶網鈴鐸及諸樂器皆
 悉演暢不可思議微妙法音說種種法所謂
 或說菩薩發菩提心或說修行波羅蜜行或
 說諸願或說諸地或說恭敬供養如來或說
 莊嚴諸佛國土或說諸佛說法差別如上所
 說一切佛法悉聞其音敷暢辯了又聞某處
 有某菩薩聞某法門某善知識之所勸導發
 菩提心於某劫某刹某如來所某大衆中聞
 於某佛如是功德發如是心起如是願種於
 如是廣大善根經若干劫修菩薩行於爾許
 時當成正覺如是名号如是壽量如是國土

具足莊嚴滿如是願化如是衆如是聲聞菩
薩衆會般理縣後正法住世經爾許劫利益
如是無量衆生或聞某處有某菩薩布施持
戒忍辱精進禪定智慧修習如是諸波羅蜜
或聞某處有某菩薩爲求法故棄捨王位及
諸珍寶妻子眷屬手足頭目一切身分皆無
所吝或聞某處有某菩薩守護如來所說正
法爲大法師廣行法施建法幢吹法螺擊法
鼓爾法雨造佛塔廟作佛形像施諸衆生一
切樂具或聞某處有某如來於某劫中成等
正覺如是國土如是衆會如是壽命說如是
法滿如是願教化如是無量衆生善財童子
聞如是等不可思議微妙法音身心歡喜柔
輒悅澤即得無量諸惣持門諸辯才門諸禪
諸忍諸願諸度諸通諸明及諸解脫諸三昧
門又見一切諸寶鏡中種種形像所謂或見
諸佛衆會道場或見菩薩衆會道場或見聲
聞衆會道場或見緣覺衆會道場或見淨世
界或見不淨世界或見淨不淨世界或見不
淨淨世界或見有佛世界或見無佛世界或
見小世界或見中世界或見大世界或見因
陀羅網世界或見覆世界或見仰世界或見
平坦世界或見地獄畜生餓鬼所住世界或
見天人充滿世界於如是等諸世界中見有

無數大菩薩衆或行或坐作諸事業或起大
悲憐愍衆生或造諸論利益世間或受或持
或書或誦或問或答三時懺悔迴向發願又
見一切諸寶柱中放摩尼王大光明網或青
或黃或赤或白或玻璃色或水精色或帝青
色或虹霓色或閻浮檀金色或作一切諸光
明色又見彼閻浮檀金童女及衆寶像或以
其手而執華雲或執衣雲或執幢幡或執鬘
蓋或持種種塗香末香或持上妙摩尼寶網
或垂金鎖或挂瓔珞或舉其臂捧莊嚴具或
低其首垂摩尼冠曲躬瞻仰目不暫捨又見
彼真珠瓔珞常出香水具八功德瑠璃瓔珞
百千光明同時照耀幢幡網蓋如是等物一
切皆以衆寶莊嚴又復見彼優鉢羅華波頭
摩華拘物頭華芬陀利華各各生於無量諸
華或大一手或長一肘或復縱廣猶如車輪
一一華中皆悉示現種種色像以為嚴飾所
謂男色像女色像童男色像童女色像釋梵
護世天龍夜叉乾闥婆阿脩羅迦樓羅緊那
羅摩睺羅伽聲聞緣覺及諸菩薩如是一切
衆生色像皆悉合掌曲躬禮敬亦見如來結
跏趺坐三十二相莊嚴其身又復見彼淨瑠
璃地一一步間現不思議種種色像所謂世
界色像菩薩色像如來色像及諸樓閣莊嚴

色像又於寶樹枝葉華果一一事中悉見種

色像

種

種半身色像所謂佛半身色像菩薩半身色像天龍夜叉乃至護世轉輪聖王小王王子大臣官長及以四眾半身色像其諸色像或執華鬘或執瓔珞或持一切諸莊嚴具或有由躬合掌禮敬一心瞻仰目不暫捨或有讚歎或入三昧其身悉以相好莊嚴普放種種諸色光明所謂金色光明銀色光明珊瑚色光明毖沙羅色光明帝青色光明毗盧遮那寶色光明一切眾寶色光明瞻波迦華色光明又見諸樓閣半月像中出阿僧祇日月星宿種種光明普照十方又見諸樓閣周迴四壁一一步內一切眾寶以為莊嚴一一寶中皆現彌勒曩劫修行菩薩道時或施頭目或施手足脣舌牙齒耳鼻血肉皮膚骨髓乃至爪髮如是一切悉皆能捨妻妾男女城邑聚落國土王位隨其所須盡皆施與處牢獄者令得出離被繫縛者使其解脫有疾病者為其救藥入邪徑者示其正道或為船師令度大海或為馬王救護惡難或為大仙善說諸論或為輪王勸修十善或為醫王善療眾病或孝順父母或親近善友或作聲聞或作緣覺或作菩薩或作如來教化調伏一切眾生或為法師奉行佛教受持讀誦如理思惟立

佛友提作佛形像若自供養若勸於他塗香
散華恭敬禮拜如是等事相續不絕或見坐
於師子之座廣演說法勸諸衆生安住十善
一心歸向佛法僧寶受持五戒及八齋戒出
家聽法受持讀誦如理修行乃至見於彌勒
菩薩百千億那由他阿僧祇劫修行諸度一
切色像又見彌勒曾所承事諸善知識悉以
一切功德莊嚴亦是彌勒在彼一一善知識
所親近供養受行其教乃至住於寶頂之地
時諸知識告善財言善來童子汝觀此菩薩
不思議事莫生疲厭

爾時善財童子得不忘失憶念力故得見十
方清淨眼故得善觀察無礙智故得諸菩薩
自在智故得諸菩薩已入智地廣大解故於
一切樓閣一一物中悉見如是及餘無量不
可思議自在境界諸莊嚴事譬如有人於睡
夢中見種種物所謂城邑聚落宮殿園苑山
林河池衣服飲食乃至一切資生之具或見
自身父母兄弟內外親屬或見大海須彌山
王乃至一切諸天宮殿閻浮提等四天下事
或見其身形量廣大百千由旬房舍衣服悉
皆相稱謂於晝日經無量時不眠不寢受諸
安樂從睡覺已乃知是夢而能明記所見之
事善財童子亦復知是以彌勒菩薩力所持

故知三界法皆如夢故臧諸衆生狹劣想故得無障礙廣大解故住諸菩薩勝境界故入不思議方便智故能見如是自在境界譬如有人將欲命終見隨其業所受報相行惡業者見於地獄畜生餓鬼所有一切衆苦境界或見獄卒手持兵仗或瞋或罵囚執將去亦聞號叫悲歎之聲或見灰河或見鑊湯或見刀山或見劍樹種種逼迫受諸苦惱作善業者即見一切諸天宮殿無量天衆天諸采女種種衣服具足莊嚴宮殿園林盡皆妙好身雖未死而由業力見如是事善財童子亦復如是以菩薩業不思議力得見一切莊嚴境界譬如有人爲鬼所持見種種事隨其所問悉皆能答善財童子亦復如是菩薩智慧之所持故見彼一切諸莊嚴事若有問者靡不能答譬如有人爲龍所持自謂是龍入於龍宮於少時間自謂已經日月年載善財童子亦復如是以注菩薩智慧想故彌勒菩薩所加持故於少時間謂無量劫譬如梵宮名莊嚴藏於中悉見三千世界一切諸物不相雜亂善財童子亦復如是於樓觀中普見一切莊嚴境界種種差別不相雜亂譬如比丘入徧處定若行若住若坐若卧隨所入定境界現前善財童子亦復如是入於樓觀一切境

界悉皆明了譬如有人於虛空中見輒闍婆城具足莊嚴悉分別知無有障礙譬如夜叉宮殿與人宮殿同在一處而不相雜各隨其業所見不同譬如大海於中悉見三千世界一切色像譬如幻師以幻力故現諸幻事種種作業善財童子亦復如是以彌勒菩薩威神力故及不思議幻智力故能以幻智知諸法故得諸菩薩自在力故見樓閣中一切莊嚴自在境界

爾時彌勒菩薩摩訶薩即攝神力入樓閣中彈指作聲告善財言善男子起法性如是此是菩薩知諸法智因緣聚集所現之相如是自性如幻如夢如影如像悉不成就爾時善財聞彈指聲從三昧起彌勒告言善男子汝住菩薩不可思議自在解脫受諸菩薩三昧喜樂能見菩薩神力所持助道所依願智所現種種上妙莊嚴宮殿見菩薩行聞菩薩法知菩薩德了如來願善財白言唯然聖者是善知識加被憶念威神之力聖者此解脫門其名何等彌勒告言善男子此解脫門名入三昧一切境界不忘念智莊嚴藏善男子此解脫門中有不可說不可說解脫門一生菩薩之所能得善財聞言此莊嚴事何處去耶彌勒答言若來處去曰從何處來曰從菩薩

智慧神力中來依菩薩智慧神力而住無有
 去處亦無住處非集非常遠離一切善男子
 如龍王降雨不從身出不從心出無有積集
 而非不見但以龍王心念力故霈然洪濤周
 徧天下如是境界不可思議善男子彼莊嚴
 事亦復如是不住於內亦不住外而非不見
 但由菩薩威神之力汝善根力見如是事善
 男子譬如幻師作諸幻事無所從來無所至
 去雖無來去以幻力故分明可見彼莊嚴事
 亦復如是無所從來亦無所去雖無來去然
 以慣習不可思議幻智力故及由往昔大願
 力故如是顯現善財童子言大聖從何處來
 彌勒言善男子諸菩薩無來無去如是而來
 無行無住如是而來無處無著不沒不生不
 住不遷不動不起無總無著無業無報無起
 無滅不斷不常如是而來善男子菩薩從大
 悲處來為欲調伏諸衆生故從大慈處來為
 欲救護諸衆生故從淨戒處來隨其所樂而
 受生故從大願處來往昔願力之所持故從
 神通處來於一切處隨樂現故從無動搖處
 來恒不捨離一切佛故從無取捨處來不役
 身心使往來故從智慧方便處來隨順一切
 諸衆生故從示現變化處來猶如影像而化
 現故然善男子汝問於我從何處來者善男

子我從生處摩羅提國而來於此善男子彼有聚落名為房舍有長者子名瞿波羅為化其人令入佛法而住於彼又為生處一切人民隨所應化而為說法亦為父母及諸眷屬婆羅門等演說大乘令其趣入故住於彼而從彼來善財童子言聖者何者是菩薩生處答言善男子菩薩有十種生處何者為十善男子菩提心是菩薩生處生菩薩家故深心是菩薩生處生善知識家故諸地是菩薩生處生波羅蜜家故大願是菩薩生處生妙行家故大悲是菩薩生處生四攝家故如理觀察是菩薩生處生般若波羅蜜家故大乘是菩薩生處生方便善巧家故教化衆生是菩薩生處生佛家故智慧方便是菩薩生處生無生法忍家故修行一切法是菩薩生處生過現未來一切如來家故善男子菩薩摩訶薩以般若波羅蜜為母方便善巧為父檀波羅蜜為乳母尸波羅蜜為養母忍波羅蜜為莊嚴具勤波羅蜜為養育者禪波羅蜜為幹曜人善知識為教授師一切菩提分為伴侶一切善法為眷屬一切菩薩為兄弟菩提心為家如理修行為家法諸地為家處諸忍為家族大願為家教滿足諸行為順家法勸發大乘為紹家業法水灌頂一生所繫菩薩為

王太子成就菩提為能淨家族善男子菩薩如是超凡夫地入菩薩位生如來家住佛種性能修諸行不斷三寶善能守護菩薩種族淨菩薩種生處尊勝無諸過惡一切世間天人魔梵沙門婆羅門恭敬讚歎善男子菩薩摩訶薩生於如是尊勝家已知一切法如影像故於諸世間無所惡賤知一切法如變化故於諸有趣無所染著知一切法無有我故教化衆生心無疲厭以大慈悲為體性故攝受衆生不覺勞苦了達生死猶如夢故經一切劫而無怖畏了知諸蘊皆如幻故示現受生而無憂厭知諸界處同法界故於諸境界無所壞滅知一切想如陽焰故入於諸趣不生倒惑達一切法皆如幻故入魔境界不起染著知法身故一切煩惱不能欺誑得自在故於一切趣通達無礙善男子我身普生一切法界等一切衆生差別色相等一切衆生殊異言音等一切衆生種種名号等一切衆生所樂威儀隨順世間教化調伏等一切清淨衆生示現受生等一切凡夫衆生所作事業等一切衆生想等一切菩薩願而現其身充滿法界善男子我為化度與我往昔同修諸行今時退失菩提心者亦為教化父母親屬亦為教化諸婆羅門令其離於種族憍慢

得生如來種性之中而生於此閻浮提界摩
羅提國拘吒聚落婆羅門家善男子我住於
此大樓閣中隨諸衆生心之所樂種種方便
教化調伏善男子我爲隨順衆生心故我爲
成熟兜率天中同行天故我爲示現菩薩福
智變化莊嚴超過一切諸欲界故令其捨離
諸欲樂故令知有爲皆無常故令知諸天盛
必衰故爲欲示現將降生時大智法門與一
生菩薩共談論故爲欲攝化諸同行故爲欲
教化釋迦如來所遣來者令如蓮華悉開悟
故於此命終生兜率天善男子我願滿足成
一切智得菩提時汝及文殊俱得見我善男
子汝當往詣文殊師利善知識所而問之言
菩薩云何學菩薩行云何而入普賢行門云
何成就云何廣大云何隨順云何清淨云何
圓滿善男子彼當爲汝分別演說何以故文
殊師利所有大願非餘無量百千億那由他
菩薩之所能有善男子文殊師利童子其行
廣大其願無邊出生一切菩薩功德無有休
息善男子文殊師利常爲無量百千億那由
他諸佛母常爲無量百千億那由他菩薩師
教化成熟一切衆生名稱普聞十方世界常
於一切諸佛衆中爲說法師一切如來之所
讚歎住甚深智能如實見一切諸法通達一

切解脫境界究竟普賢所行諸行善男子文殊師利童子是汝善知識令汝得生如來家長養一切諸善根發起一切助道法值遇真實善知識令汝修一切功德入一切願網住一切大願為汝說一切菩薩祕密法現一切菩薩難思行與汝往昔同生同行是故善男子汝應往詣文殊之所莫生疲厭文殊師利當為汝說一切功德何以故汝先所見諸善知識聞菩薩行入解脫門滿足大願皆是文殊威神之力文殊師利於一切處咸得究竟時善財童子頂禮其足遶無量帀慇懃瞻仰辭退而去

大方廣佛華嚴經卷第七十九

彈指上徒母切

金屑下先結切

醉傲下五到切

法螺下落戈切

虹霓上紅音切

鑊湯上胡郭切

霈然上皆蓋切

漸耀上胡郭切

乙巳歲高麗國大藏都監奉

勅雕造

大方廣佛華嚴經卷第八十

首

于闐國三藏實叉難陀奉

制譯

八法界品第三十九之二十一

四

爾時善財童子依彌勒菩薩摩訶薩教漸次而行經由一百一十餘城已到普門國蘇摩那城住其門所惡惟文殊師利隨順觀察周旋求覓希欲奉觀是時文殊師利遙申右手過一百一十由旬接善財頂作如是言善哉善哉善男子若離信根心劣憂悔功行不具退失精勤於一善根心生住著於少功德便以爲足不能善巧發起行願不爲善知識之所攝護不爲如來之所憶念不能了知如是法性如是理趣如是法門如是所行如是境界若周徧知若種種知若盡源底若解了若趣入若解說若分別若證知若獲得若悉不能是時文殊師利宣說此法示教利喜令善財童子成就阿耨祇法門具足無量大智光明令得菩薩無邊際陀羅尼無邊際願無邊際三昧無邊際神通無邊際智令入普賢行道場及置善財自所住處文殊師利還攝不現於是善財思惟觀察一心願見文殊師利及見三千大千世界微塵數諸善知識悉皆親近恭敬承事受行其教無有違逆增長趣求一切智慧廣大悲海益大慈雲普觀衆生

大境界學一切佛廣大功德入一切佛決定
知見增一切智助道之法善修一切菩薩深
心知三世佛出興次第入一切法海轉一切
法輪生一切世間入於一切菩薩願海住一
切劫修菩薩行照明一切如來境界長養一
切菩薩諸根獲一切智清淨光明普照十方
除諸暗障智周法界於一切佛刹一切諸有
普現其身靡不周徧摧一切障入無礙法住
於法界平等之地觀察普賢解脫境界即聞
普賢菩薩摩訶薩名字行願助道正道諸地
地方便地入地勝進地住地修習地境界地
威力地同住渴仰欲見普賢菩薩即於此金
剛藏菩提場毗盧遮那如來師子座前一切
寶蓮華藏座上起等虛空界廣大心捨一切
剎難一切著無礙心普行一切無礙法無礙
心徧入一切十方海無礙心普入一切智境
界清淨心觀道場莊嚴明了心入一切佛法
海廣大心化一切衆生界周徧心淨一切國
土無量心住一切劫無盡心趣如來十力究
竟心善財童子起如是心時由自善根力一
切如來所加被力普賢菩薩同善根力故見
十種瑞相何等爲十所謂見一切佛刹清淨
一切如來成正等覺見一切佛刹清淨無諸

惡道見一切佛刹清淨衆妙蓮華以爲嚴飾
見一切佛刹清淨一切衆生身心清淨見一
切佛刹清淨種種衆寶之所莊嚴見一切佛
刹清淨一切衆生諸相嚴身見一切佛刹清淨
淨諸莊嚴雲以覆其上見一切佛刹清淨一
切衆生互起慈心遞相利益不爲惱害見一
切佛刹清淨道場莊嚴見一切佛刹清淨一
切衆生心常念佛是爲十又見十種光明相
何等爲十所謂見一切世界所有微塵一一
塵中出一切世界微塵數佛光明網雲周徧
照耀一一塵中出一切世界微塵數佛光明
輪雲種種色相周徧法界一一塵中出一切
世界微塵數佛色像寶雲周徧法界一一塵
中出一切世界微塵數佛光燄輪雲周徧法
界一一塵中出一切世界微塵數衆妙香雲
周徧十方徧讚普賢一切行願大功德海一
一塵中出一切世界微塵數日月星宿雲皆
放普賢菩薩光明徧照法界一一塵中出一
切世界微塵數一切衆生身色像雲放佛光
明徧照法界一一塵中出一切世界微塵數
一切佛色像摩尼雲周徧法界一一塵中出
一切世界微塵數菩薩身色像雲充滿法界
令一切衆生皆得出離所願滿足一一塵中
出一切世界微塵數如來身色像雲說一切

佛廣大誓願周徧法界是爲十時善財童子
見此十種光明相已即作是念我今必見普
賢菩薩增益善根見一切佛於諸菩薩廣大
境界生決定解得一切智於時善財普攝諸
根一心求見普賢菩薩起大精進心無退轉
即以普眼觀察十方一切諸佛諸菩薩衆所
見境界皆作得見普賢之想以智慧眼觀普
賢道其心廣大猶如虛空大悲堅固猶如金
剛願盡未來常得隨逐普賢菩薩念念隨順
修普賢行成就智慧入如來境住普賢地時
善財童子即見普賢菩薩在如來前衆會之
中坐寶蓮華師子之座諸菩薩衆所共圍遶
最爲殊特世無與等智慧境界無量無邊難
測難思等三世佛一切菩薩無能觀察見普
賢身一一毛孔出一切世界微塵數光明雲
徧法界虛空界一切土界除滅一切衆生苦
患令諸菩薩生大歡喜見一一毛孔出一切
佛刹微塵數種種色香燄雲徧法界虛空界
一切諸佛衆會道場而以普熏見一一毛孔
出一切佛刹微塵數雜華雲徧法界虛空界
一切諸佛衆會道場雨衆妙華見一一毛孔
出一切佛刹微塵數香樹雲徧法界虛空界
一切諸佛衆會道場雨衆妙香見一一毛孔
出一切佛刹微塵數妙衣雲徧法界虛空界

一切諸佛衆會道場雨衆妙衣見一一毛孔
出一切佛刹微塵數寶樹雲徧法界虛空界
一切諸佛衆會道場雨摩尼寶見一一毛孔
出一切佛刹微塵數色界天身雲充滿法界
梵天身雲鞞諸如來轉妙法輪見一一毛孔
出一切佛刹微塵數欲界天主身雲護持一
切如來法輪見一一毛孔念念中出一切佛
刹微塵數三世佛刹雲徧法界虛空界爲諸
衆生無歸趣者爲作歸趣無覆護者爲作覆
護無依止者爲作依止見一一毛孔念念中
出一切佛刹微塵數清淨佛刹雲徧法界虛
空界一切諸佛於中出世菩薩衆會悉皆充
滿見一一毛孔念念中出一切佛刹微塵數
淨不淨佛刹雲徧法界虛空界令雜染衆生
皆得清淨見一一毛孔念念中出一切佛刹
微塵數不淨淨佛刹雲徧法界虛空界令雜
染衆生皆得清淨見一一毛孔念念中出一
切佛刹微塵數不淨佛刹雲徧法界虛空界
令純淨衆生皆得清淨見一一毛孔念念中
出一切佛刹微塵數衆生身雲徧法界虛空
界隨其所應教化衆生皆令發阿耨多羅三
藐三菩提心見一一毛孔念念中出一切佛
刹微塵數菩薩身雲徧法界虛空界徧揚種

種諸佛名号令諸衆生增長善根見一一毛
乳念念中出一切佛刹微塵數菩薩身雲徧
法界虛空界一切佛刹宣揚一切諸佛菩薩
從初發意所生善根見一一毛孔念念中出
一切佛刹微塵數菩薩身雲徧法界虛空界
於一切佛刹一一刹中宣揚一切菩薩願海
及普賢菩薩清淨妙行見一一毛孔念念中
出普賢菩薩行雲令一切衆生心得滿足具
足修集一切智道見一一毛孔出一切佛刹
微塵數正覺身雲於一切佛刹現成正覺令
諸菩薩增長大法成一切智爾時善財童子
見普賢菩薩如是自在神通境界身心徧喜
踊躍無量重觀普賢一身分一一毛孔悉
有三千大千世界風輪水輪地輪火輪大海
江河及諸寶山須彌鐵圍村營城邑宮殿園
苑一切地獄餓鬼畜生閻羅王界天龍八部
人與非人欲界色界無色界處日月星宿風
雲雷電晝夜月時及以年劫諸佛出世菩薩
衆會道場莊嚴如是等事悉皆明見如見此
世界十方所有一切世界悉如是見如見現
在十方世界前際後際一切世界亦是見
各各差別不相雜亂如於此毗盧遮那如來
所示現如是神通之力於東方蓮華德世界
賢首佛所現神通力亦復如是如賢首佛所

如是東方一切世界如東方南西北方四維
上下一切世界諸如來所現神通力當知悉
爾如十方一切世界如是十方一切佛刹一
一塵中皆有法界諸佛衆會一一佛所普賢
菩薩坐寶蓮華師子座上現神通力悉亦如
是彼一一普賢身中皆現三世一切境界一
切佛刹一切衆生一切佛出現一切菩薩衆
及聞一切衆生言音一切佛言音一切如來
所轉法輪一切菩薩所成諸行一切如來遊
戲神通善財童子見普賢菩薩如是無量不
可思議大神通力即得十種智波羅蜜何等
爲十所謂於念念中悉能周徧一切佛刹智
波羅蜜於念念中悉能往詣一切佛所智波
羅蜜於念念中悉能供養一切如來智波羅
蜜於念念中普於一切諸如來所聞法受持
智波羅蜜於念念中思惟一切如來法輪智
波羅蜜於念念中知一切佛不可思議太神
通事智波羅蜜於念念中說一句法盡未來
際辯才無盡智波羅蜜於念念中以深般若
觀一切法智波羅蜜於念念中入一切法界
實相海智波羅蜜於念念中知一切衆生心
智波羅蜜於念念中普賢慧行皆現在前智
波羅蜜善財童子既得是已普賢菩薩即申
右牛摩觸其頂既摩頂已善財即得一切佛

剎微塵數二昧門各以一切佛剎微塵數三昧而爲眷屬一一三昧悉見昔所未見一切佛剎微塵數佛大海集一切佛剎微塵數一切智助道具生一切佛剎微塵數一切智上妙法發一切佛剎微塵數一切智大擔願入一切佛剎微塵數大願海住一切佛剎微塵數一切佛剎微塵數大願海住一切佛剎微塵數諸菩薩所修行起一切佛剎微塵數一切智大精進得一切佛剎微塵數一切智淨光明如此娑婆世界毗盧遮那佛所普賢菩薩摩訶薩頂如是十方所有世界及彼世界一一塵中一切世界一切佛所普賢菩薩悉亦是摩訶薩頂所得法門亦皆同等爾時普賢菩薩不唯然已見大聖此不思議大神通事唯是如來之所能知普賢告言善男子我於過去不可說不可說佛剎微塵數劫行菩薩行求一切智一一劫中爲欲清淨菩提心故承事不可說不可說佛剎微塵數佛一一劫中爲集一切智福德具故設不可說不可說佛剎微塵數廣大施會一切世間咸使聞知凡有所求悉令滿足一一劫中爲求一切智法故以不可說不可說佛剎微塵數財物布施一一劫中爲求佛智故以不可說不可說佛剎

微塵數城邑聚落國土王位妻子眷屬眼耳
鼻舌身肉手足乃至身命而爲布施一一劫
中爲求一切智首故以不可說不可說佛刹
微塵數頭而爲布施一一劫中爲求一切智
故於不可說不可說佛刹微塵數諸如來所
恭敬尊重承事供養衣服卧具飲食湯藥一
切所須悉皆奉施於其法中出家學道修行
佛法護持正教善男子我於爾所劫海中自
憶未曾於一念間不順佛教於一念間生瞋
害心我我所心自他差別心遠離菩提心於
生死中起疲厭心懶惰心障礙心迷惑心唯
住無上不可沮壞集一切智助道之法大菩
提心善男子我莊嚴佛土以大悲心救護衆
生教化成就供養諸佛事善知識爲求正法
弘宣護持一切内外悉皆能捨乃至身命亦
無所吝一切劫海說其因緣劫海可盡此無
有盡善男子我法海中無有一文無有一句
非是捨施轉輪王位而求得者非是捨施一
切所有而求得者善男子我所求法皆爲救
護一切衆生一心思惟願諸衆生得聞是法
願以智光普照世間願爲開示出世間智願
令衆生悉得安樂願普稱讚一切諸佛所有
功德我如是等往昔因緣於不可說不可說
佛刹微塵數劫海說不可盡是故善男子我

以如是助道法力諸善根力大志樂力修功
德力如實思惟一切法力智慧眼力佛威神
力大慈悲力淨神通力善知識力故得此究
竟三世平等清淨法身復得清淨無上色身
超諸世間隨諸衆生心之所樂而為現形入
一切利福一切處於諸世界廣現神通令其
見者靡不欣樂善男子汝且觀我如是色身
我此色身無邊劫海之所成就無量千億那
由他劫難見難聞善男子若有衆生未種善
根及種少善根聲聞菩薩猶尚不得聞我名
字況見我身善男子若有衆生得聞我名於
阿耨多羅三藐三菩提不復退轉若見若觸
若迎若送若暫隨逐乃至夢中見聞我者皆
亦如是或有衆生一日一夜憶念於我即得
成熟或七日七夜半月一月半年一年百年
千年一劫百劫乃至不可說不可說佛刹微
塵數劫憶念於我而成熟者或一生或百生
乃至不可說不可說佛刹微塵數生憶念於
我而成熟者或見我放大光明或見我震動
佛刹或生怖畏或生歡喜皆得成熟善男子
我以如是等佛刹微塵數方便門令諸衆生
於阿耨多羅三藐三菩提得不退轉善男子
若有衆生見聞於我清淨刹者必得生此清
淨刹中若有衆生見聞於我清淨身者必得

生我清淨身中善男子汝應觀我此清淨身
爾時善財童子觀普賢菩薩身相好肢節一
一毛孔中皆有不可說不可說佛刹海一一
刹海皆有諸佛出興于世大菩薩衆所共圍
遶又復見彼一切刹海種種建立種種形狀
種種莊嚴種種大山周匝圍遶種種色雲彌
覆虛空種種佛興演種種法如是等事各各
不同又見普賢於一一世界海中出一切佛
刹微塵數佛化身雲周徧十方一切世界教
化衆生令向阿耨多羅三藐三菩提時善財
童子又見自身在普賢身內十方一切諸世
界中教化衆生又善財童子親近佛刹微塵
數諸善知識所得善根智慧光明比見普賢
菩薩所得善根百分不及一千分不及一百
千分不及一百千億分乃至算數譬論亦不
能及是善財童子從初發心乃至得見普賢
菩薩於其中間所入一切諸佛刹海今於普
賢一毛孔中一念所入諸佛刹海過前不可
說不可說佛刹微塵數倍如一毛孔一切毛
孔悉亦如是善財童子於普賢菩薩毛孔刹
中行一步過不可說不可說佛刹微塵數世
界如是而行盡未來劫猶不能知一毛孔中
刹海次第刹海藏刹海差別刹海普入刹海
成刹海壞刹海莊嚴所有邊際亦不能知佛

海次第佛海藏佛海差別佛海普入佛海生
佛海滅所有邊際亦不能知菩薩衆海次第
菩薩衆海藏菩薩衆海差別菩薩衆海普入
菩薩衆海集菩薩衆海散所有邊際亦不能
知入衆生界知衆生根教化調伏諸衆生智
菩薩所住甚深自在菩薩所入諸地諸道如
是等海所有邊際善財童子於普賢菩薩毛
孔刹中或於一刹經於一劫如是而行乃至
或有經不可說不可說佛刹微塵數劫如是
而行亦不於此刹沒於彼刹現念念周徧無
邊刹海教化衆生令向阿耨多羅三藐三菩
提當是之時善財童子則次第得普賢菩薩
諸行願海與普賢等與諸佛等一身充滿一
切世界刹等行等正覺等神通等法輪等辯
才等言辭等音聲等力無畏等佛所住等大
慈悲等不可思議解脫自在悉皆同等爾時
普賢菩薩摩訶薩卽說頌言

汝等應除諸惑垢
我說如來具諸度
出世調柔勝丈夫
恒放智日大光明
如來難可得見聞
如優曇華時一現
隨順世間諸所作

一心不亂而諦聽
一切解脫真實道
其心清淨如虛空
普使羣生滅癡暗
無量億劫今乃值
是故應聽佛功德
譬如幻士現衆業

但為悅可衆生心

未曾分別起想念

爾時諸菩薩聞此說已一心渴仰唯願得聞
如來卅尊真實功德咸作是念普賢菩薩具
修諸行體性清淨所有言說皆悉不虛一切
如來共所稱歎作是念已深生渴仰爾時普
賢菩薩功德智慧具足莊嚴猶如蓮華不著
三界一切塵垢告諸菩薩言汝等諦聽我今
欲說佛功德海一滴之相即說頌言

佛智廣大同虛空

普徧一切衆生心

悉了世間諸妄想

不起種種異分別

一念悉知三世法

亦了一切衆生根

譬如善巧大幻師

念念示現無邊事

隨衆生心種種行

往昔諸業捨願力

今其所見各不同

而佛本來無動念

或有處處見佛坐

充滿十方諸世界

或有其心不清淨

無量劫中不見佛

或有信解離憍慢

發意即得見如來

或有諂誑不淨心

億劫尋求莫值遇

或一切處聞佛音

其音美妙令心悅

或有百千萬億劫

心不淨故不聞者

或見清淨大菩薩

充滿三千大千界

皆已具足普賢行

如來於中儼然坐

或見此界妙無比

佛無量劫所嚴淨

毗盧遮那最勝尊

於中覺悟成菩提

或見蓮華勝妙刹
無量菩薩衆圍遶
或有見佛無量壽
悉已住於灌頂地
或有見此三千界
阿闍如來住在中
或見月覺大名無
住如圓鏡妙莊嚴
或見日藏世所尊
及與灌頂諸菩薩
或見金剛大談佛
周行一切廣大刹
一一毛端不可說
菩薩眷屬共圍遶
或有觀見一毛孔
無量如來悉在中
或有見一微塵內
無量菩薩悉充滿
或有見一毛端處
種種業起各差別
或見世界不清淨
如來住壽無量時
普徧十方諸世界
隨諸衆生心智業

賢首如來住在中
皆悉勤修普賢行
觀自在等所圍遶
充滿十方諸世界
種種莊嚴如妙喜
及如香象諸菩薩
與金剛幢菩薩等
普徧十方清淨刹
住善光明清淨土
而與智幢菩薩俱
說法除滅衆生翳
諸佛具相三十二
種種說法度衆生
具足莊嚴廣大刹
清淨佛子皆充滿
具有恒沙佛國土
不可說劫修諸行
無量塵沙諸刹海
毗盧遮那轉法輪
或見清淨寶所成
乃至涅槃諸所現
種種示現不思議
靡不化度令清淨

如是無上大導師

充滿十方諸國土

示現種種神通力

我說少分汝當聽

或見釋迦成佛道

已經不可思議劫

或見今始爲菩薩

十方利益諸衆生

或有見此釋師子

供養諸佛修行道

或見人中最勝尊

現種種力神通事

或見布施或持戒

或忍或進或諸禪

般若方便願力智

隨衆生心皆示現

或見究竟波羅蜜

或見安住於諸地

摠持三昧神通智

如是悉現無不盡

或現修行無量劫

住於菩薩堪忍位

或現住於不退地

或現法水灌其頂

或現梵釋護世身

或現刹刹婆羅門

種種色相所莊嚴

猶如幻師現衆像

或現梵率始降神

或見宮中受嬪御

或見棄捨諸榮樂

出家離俗行學道

或見始生或見滅

或見出家學異行

或見坐於菩提樹

降伏魔軍成正覺

或有見佛始涅槃

或見起塔徧世間

或見塔中立佛像

以知時故如是現

或見如來無量壽

與諸菩薩授尊記

而成無上大導師

次補住於安樂刹

或見無量億千劫

作佛事已入涅槃

或見今始成菩提

或見正修諸妙行

或見如來清淨月

自在天宮化樂宮

或見在於兜率宮

為彼說法令歡喜

或見住在夜摩天

如是一切諸宮殿

於彼然燈世尊所

從是了知深妙法

或有見佛久涅槃

或有住於無量劫

身相光明與壽命

聚會所化威儀聲

或現其身極廣大

或見跏趺不動搖

或見圓光一尋量

或見照於無量土

或見佛壽八十年

或住不可思議劫

佛智通達淨無礙

皆從心識因緣起

於一剎中成正覺

一切入一一亦爾

如來住於無上道

具足智慧無所礙

在於梵世及魔宮

示現種種諸神變

無量諸天共圍遶

悉共發心供養佛

初利護世龍神處

莫不於中現其像

散華布鬘為供養

恒以此道化羣生

或見初始成菩提

或見須臾即滅度

智慧菩提及涅槃

如是一一皆無數

譬如須彌大寶山

充滿無邊諸世界

或見千萬億由旬

或見充滿一切剎

或壽百千萬億歲

如是展轉倍過此

一念普知三世法

生滅無常無自性

一切剎處悉亦成

隨衆生心皆示現

成就十力四無畏

轉於十二行法輪

了知苦集及滅道
法義樂說辭無礙
諸法無我無有相
一切遠離如虛空
如來如是轉法輪
宮殿山河悉搖動
如來普演廣大音
悉使發心除惑垢
或聞施戒忍精進
或聞四念四正勤
諸念神通止觀等
龍神八部人非人
佛以一音為說法
若有貪欲瞋恚癡
八萬四千煩惱異
若未具修白淨法
已能布施調伏人
若人志劣無慈愍
令其聞說三脫門
若有自性少諸欲
令其聞說諸緣起
若有清淨廣大心
親近如來具慈愍

分別十二因緣法
以是四辯廣開演
華性不起亦無失
佛以方便而分別
普震十方諸國土
不使衆生有驚怖
隨其根欲皆令解
而佛未始生心念
禪定般若方便智
種種音辭各差別
神足神力及覺道
無量方便諸法門
梵釋護世諸天衆
隨其品類皆令解
忿覆怪嫉及憍詭
皆令聞說彼治法
令其聞說十戒行
令聞寂滅涅槃音
厭惡生死自求離
使得出生苦涅槃樂
厭背三有求寂靜
依獨覺乘而出離
具足施戒諸功德
令其聞說大乘音

或有國土聞一乘如是乃至無有量理解寂靜未曾異身如虛空體性一佛體音聲亦如是隨諸衆生心智殊佛以過去修諸行無心計念此與彼如來面門放大光所說法門亦如是具足清淨功德智譬如虛空無染著示有生老病死苦雖順世間如是現一切國土無有邊如來智眼皆明見究竟虛空十方界隨其形相各不同若在沙門大衆會執持衣鉢護諸根若時親近婆羅門執杖持瓶恒潔淨吐故納新自充飽若坐若立不動搖

或二或三或四五悉是如來方便力智行勝劣有差別鳥飛遠近各不同普徧一切虛空界所聞所見各差別能隨所樂演妙音我為誰說誰不說具足八萬四千數普照世界除煩惱而常隨順三世間為衆生故而出現亦示住壽處於世體性清淨同虛空衆生根欲亦無量隨所應化示佛道所有人天大衆中佛現其身亦如是掃除鬚髮服袈裟令其歡喜息煩惱即為示現羸瘦身具足智慧巧談說吸風飲露無異食現斯苦行摧異道

或持彼戒爲世師
書數天文地衆相
深入諸禪及解脫
言談諷詠共嬉戲
或現上服以嚴身
四兵前後共圍遶
或爲聽訟斷獄官
所有與奪皆明審
或作大臣專弼輔
十方利益皆周徧
或爲果散諸小王
令諸王子采女衆
或作護世四天王
爲其衆會而說法
或爲忉利大天王
首戴華冠說妙法
或住夜摩兜率天
居處摩尼寶宮殿
或至梵天衆會中
普令歡喜便捨去
或至阿迦尼吒天
及餘無量聖功德
如來無礙智所見
悉以無邊方便門

善達醫方等諸論
及身體各無不了
三昧神通智慧行
方便皆令住佛道
首戴華冠蔭高蓋
擔衆宣威伏小王
善解世間諸法務
令其一切悉欣伏
善用諸王治政法
一切衆生莫了知
或作飛行轉輪帝
悉皆授化無能測
統領諸龍夜叉等
一切皆令大欣慶
住善法堂歡喜園
諸天觀仰莫能測
化樂自在魔王所
說真實行令調伏
說四無量諸禪道
而莫知其往來相
爲說覺分諸寶華
然後捨去無知者
其中一切諸衆生
種種教化令成熟

譬如幻師善幻術
佛化衆生亦如是
譬如淨月在虛空
一切河池現影像
如來智月出世間
菩薩心水現其影
譬如大海寶充滿
四洲所有諸衆生
佛身功德海亦爾
乃至法界諸衆生
譬如淨日放千光
佛日光明亦如是
譬如龍王降大雨
而能霑洽悉周徧
如來法雨亦復然
而能開悟一切衆
如來清淨妙法身
以出世間言語道
雖無所依無不住
如空中畫夢所見
三界有無一切法
譬如山林鳥獸等
大海摩尼無量色
如來作色非非色

現作種種諸幻事
爲其示現種種身
令世衆生見增減
所有星宿奪光色
亦以方便示增減
聲聞星宿無光色
清淨無濁無有量
一切於中現其像
無垢無濁無邊際
靡不於中現其影
不動本處照十方
無去無來除世暗
不從身出及心出
祇除炎熱使清涼
不從於佛身心出
普使滅除三毒火
一切三界無倫匹
其性非有非無故
雖無不至而不去
當於佛體如是觀
不能與佛爲譬論
無有依空而住者
佛身差別亦復然
隨應而現無所住

虛空眞如及實際
唯有如是眞實法
制塵心念可數知
虛空可量風可繫
若有聞斯功德海
如所稱揚悉當獲

涅槃法性寂滅等
可以顯示於如來
大海中水可飲盡
無能盡說佛功德
而生歡喜信解心
慎勿於此懷疑念

大方廣佛華嚴經卷第八十

儼然上十音

殢御上符真切

翳除上他計切

吹風上許及切

伏欲下其九切

弼輔上庚審切

乙巳歲高麗國大藏都監奉

新彫造

信力入印法門經卷第一

臣

元魏天竺三藏曇摩流支譯

歸命一切諸佛如是我聞一時婆伽婆住如來住持境界之處去寂滅道場不遠普光法殿大福德善根所成之處平等普遍無可嫌處具足无量功德之處金剛堅固所成之處不可壞地安固之處一切摩尼寶珠衆華莊嚴之處無諸垢穢光明赫奕摩尼寶王莊嚴之處无量光明寬博廣大摩尼寶海示現之處不可窮盡摩尼寶雨如意寶網所生之處衆華迴輪摩尼樹枝莊嚴之處一切華香摩尼寶網間錯之處悉能示現一切衆生諸佛住持奮迅之處諸世界中寂妙之處出生一切无垢摩尼力能示現遍諸世界莊嚴之處莊嚴寂滅道場大毗琉璃摩尼寶性出生增長積聚之處如意寶王欄楯之處能以如意真珠寶繩莊嚴之處建立寶幢幡蓋之處種種寶鈴間錯莊嚴以憂荼伽堅固栴檀塗地之處自在如意寶王

羅網覆蓋之處大海住持清淨莊嚴
普光摩尼寶王樹網堅縛之處買師
子毘摩尼寶王妙案之處師子座幢
摩尼寶王樓閣窓牖莊嚴之處建立
種種寶幢幡蓋莊嚴之處毘陀羅華
摩訶毘陀羅華毘殊沙華摩訶毘殊
沙華盧遮華摩訶盧遮華斫迦羅華
摩訶斫迦羅華須摩那華婆師迦華
多羅尼華婆羅華衢多羅尼華極妙
香華陀師迦離迦華天須摩那華優
鉢羅華波頭摩華拘物頭華分陀利
華諸大天人妙華之處無障无尋諸
華莊嚴師子坐處如是處住婆伽婆
善清淨智慧得成究竟無二之行得
至諸法无相彼岸依於諸佛所行而
行得一切佛平等之處得至無障无
尋之處得不退轉法輪之處得无能
伏境界之處得不思議老別之處得
於三世平等之處得諸世間去來無
障无尋之處得一切法無疑智處得
一切行畢竟智處得於一切諸如來
智无疑之處得無分別法身之處得
佛境界彼岸之處得无差別諸佛如

來究竟解脫無疑之處得至平等无
邊無中佛地之處得至諸佛廣大如
法界究竟如虛空無有邊際自然智
業一切諸佛如來所作不休息處得
未來際盡一切劫能轉不退法輪之
處復能示現无障智莊嚴之藏得
一切種一切智智無有差別依止之
處於一時中十方世界兜率天退初
生出家行於苦行往詣道場降伏魔
怨證大菩提轉於法輪示大涅槃住
持佛法及以滅法善能示現與十佛
土不可說億那由他百千萬微塵數
諸菩薩摩訶薩俱彼諸菩薩摩訶薩
等一切皆得首楞嚴定奮迅三昧悉
得成就无量法行起施羅尼門无佛
世界善能示現無量諸佛能悉清淨
諸染世界有不可數阿僧祇天龍夜
叉乾闥婆阿修羅迦樓羅緊那羅摩
睺羅伽釋提桓因大梵天王護世四
王人非人等

尔時文殊師利法王子菩薩摩訶薩
從坐而起更整衣服右膝著地向佛
合掌而白佛言世尊唯願世尊為諸

菩薩摩訶薩說能清淨初地之法得大無畏安隱之處

今時佛告文殊師利法王子菩薩摩訶薩言文殊師利菩薩摩訶薩有五種法則能清淨初歡喜地得大無畏安隱之處何等為五一謂菩薩生如是心我已得住一味心故生安隱心為令他住一味心故起安慰心有言一味心者所謂正心言正心者所謂異異勝善根信无差別故二謂菩薩生如是心我已得住增上心故生安隱心為令他住增上心故起安慰心有言增上心者所謂直心言直心者所謂諸佛如來大行畢竟能取勝進之處觀諸法故三謂菩薩生如是心我已得住恭敬心故生安隱心為令他住恭敬心故起安慰心有言恭敬心者所謂正信言正信者謂住般若根本業故四謂菩薩生如是心我已得住歡喜心故生安隱心為令他住歡喜心故起安慰心有言歡喜心者所謂身心畢竟寂靜故五謂菩薩生如是心我已得住魔業佛業无差別

智故生安隱心為令他住魔業佛業
無差別智故起安慰心有言魔業者
所謂能起一切顛倒諸邪見故從諸
邪見起魔業故此諸魔業與佛地業
无有差別何以故不異魔業有佛地
業以魔業體即佛地業體无差別故
文殊師利是名五法諸菩薩摩訶薩
得此五法故能清淨初歡喜地得大
無畏安隱之處

復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住邪見无差別空智故生
安隱心為令他住邪見無差別空智
故起安慰心有言邪見无差別空智
者所謂邪見體即空智體謂邪見作
即空智作何以故以空智作不異邪
見作邪見作不異空智作以空智體
不異邪見體邪見體不異空智體即
邪見體邪見作空故依彼邪見體邪
見作空智一切法空不取不捨差別
故二謂菩薩生如是心我已得住差
別無差別无差別智故生安隱心為

令他住差別無差別无差別智故起
安慰心有言差別无差別無差別智
者所謂差別體即無差別體何以故
无差別體不異差別體差別體不異
無差別體即差別體无差別故依彼
差別體無差別智一切法無差別故
三謂菩薩生如是心我已得住增上
无差別無增上智故生安隱心為今
他住增上无差別無增上智故起安
慰心有言增上無差別无增上智者
所謂增上體即无增上體何以故無
增上體不異增上體增上體不異无
增上體即增上體無增上故依彼增
上體无增上智一切法無增上故四
謂菩薩生如是心我已得住顛倒无
差別不顛倒智故生安隱心為今他
住顛倒无差別不顛倒智故起安慰
心有言顛倒無差別不顛倒智者所
謂顛倒體即不顛倒體何以故不顛
倒體不異顛倒體顛倒體不異不顛
倒體即顛倒體不顛倒故依彼顛倒
體不顛倒智一切法不顛倒故五謂
菩薩生如是心我已得住取捨无差

別不取不捨智故生安隱心為令他住取捨无差別不取不捨故起安慰心有言取捨無差別不取不捨智者所謂取捨體即不取不捨體何以故不取不捨體不異取捨體取捨體不異不取不捨體即取捨體不取不捨故依彼取捨體不取不捨智一切法不取不捨故文殊師利是名五法諸菩薩摩訶薩得此五法故能清淨初歡喜地得大无畏安隱之處

復次文殊師利菩薩摩訶薩有五種法則能清淨初歡喜地得大无畏安隱之處何等為五一謂菩薩生如是心我已得住有為无差別无為智故生安隱心為令他住有為無差別无為智故起安慰心有言有為无差別無為智者所謂有為體即是無為體何以故以无為體不異有為體有為體不異無為體即有為體是无為故依彼有為體无為智一切法無為以事無差別故二謂菩薩生如是心我已得住事无差別無事智故生安隱心為令他住事无差別無事智故起

安慰心有言事无差別無事智者所
謂事體即無事體何以故以无事體
不異事體事體不異无事體故以即
事體是无事故依彼事體無事智一
切法無事故三謂菩薩生如是心我
已得住依止无差別無依止智故生
安隱心為令他住依止无差別無依
止智故起安慰心有言依止无差別
無依止智者所謂依止體即無依止
體何以故无依止體不異依止體依
止體不異無依止體即依止體无依
止故依彼依止體無依止智一切法
无依止故四謂菩薩生如是心我已
得住觀無差別无觀智故生安隱心
為令他住觀无差別無觀智故起安
慰心有言觀無差別无觀智者所謂
觀體即无觀體何以故以無觀體不
異觀體觀體不異无觀體故以即觀
體是无觀故依彼觀體無觀智一切
法无觀故五謂菩薩生如是心我已
得住對治無差別无對治智故生安
隱心為令他住對治無差別无對治
智故起安隱心有言對治無差別无

對治智者所謂對治體即无對治體
何以故以無對治體不異對治體對
治體不異无對治體即對治體无對
治故依彼對治體無對治智一切法
无對治故文殊師利是名五法諸菩
薩摩訶薩得此五法故能清淨初歡
喜地得大無畏安隱之處

復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住相無差別无相智故生
安隱心為令他住相无差別無相智
故起安慰心有言相無差別无相智
者所謂相體即无相體何以故以無
相體不異相體相體不異无相體故
以即相體是無相故依彼相體無相
智一切法无相故二謂菩薩生如是
心我已得住實無差別不實智故生
安隱心為令他住實无差別不實智
故起安慰心有言實無差別不實智
者所謂實體即不實體何以故以不
實體不異實體實體不異不實體故
以即實體是不實故依彼實體不實

智一切法不實故三謂菩薩生如是
心我已得住二無差別不二智故生
安隱心為令他住二無差別不二智
故起安慰心有言二無差別不二智
者所謂二體即不二體何以故以不
二體不異二體二體不異不二體故
以即二體是不二故依彼二體不二
智一切法不二故四謂菩薩生如是
心我已得住色无差別無色智故生
安隱心為令他住色无差別無色智
故起安慰心有言色無差別无色智
者所謂色體即无色體何以故以無
色體不異色體色體不異无色體故
以即色體是無色故依彼色體无色
智一切法无色故五謂菩薩生如是
心我已得住世間無差別涅槃智故
生安隱心為令他住世間无差別涅
槃智故起安慰心有言世間無差別
涅槃智者所謂世間體即涅槃體何
以故以涅槃體不異世間體世間體
不異涅槃體即世間體是涅槃故依
彼世間體涅槃智一切法涅槃故文
殊師利是名五法諸菩薩摩訶薩得

此五法故能清淨初歡喜地得大無畏安隱之處

復次文殊師利菩薩摩訶薩有五種法則能清淨初歡喜地得大無畏安隱之處何等為五一謂菩薩生如是心我已得住障尋无差別無障尋智故生安隱心為令他住障尋无差別無障尋智故起安慰心有言障尋無差別無障尋智者所謂障尋體即无障尋體何以故無障尋體不異障尋體障尋體不異无障尋體即障尋體无障尋故依彼障尋體無障尋智一切法無障尋故二謂菩薩生如是心我已得住執著无差別無執著智故生安隱心為令他住執著无差別無執著智故起安慰心有言執著无差別无執著智者所謂執著體即無執著體何以故无執著體不異執著體執著體不異無執著體即執著體无執著故依彼執著體无執著智一切法无執著故三謂菩薩生如是心我已得住智無差別无智智故生安隱心為令他住智无差別無智智故起

安慰心有言智无差別無智智者所謂智體即無智體何以故以无智體不異智體智體不異无智體故以即智體是无智故依彼智體無智智一切法無智故四謂菩薩生如是心我已得住有无差別無智故生安隱心為令他住有无差別无智故起安慰心有言有无差別無智者所謂有體即是無體何以故无體不異有體有體不異无體即有體無故依彼有體无智一切法無故五謂菩薩生如是心我已得住識无差別無識智故生安隱心為令他住識无差別無識智故起安慰心有言識無差別无識智者所謂識體即无識體何以故以無識體不異識體識體不異无識體故以即識體是无識故依彼識體无識智一切法無識故文殊師利是名五法諸菩薩摩訶薩得此五法故能清淨初歡喜地得大無畏安隱之處復次文殊師利菩薩摩訶薩有五種法則能清淨初歡喜地得大无畏安隱之處何等為五一謂菩薩生如是

心我已得住名无差別無名智故生
安隱心為令他住名无差別無名智
故起安慰心有言名無差別无名智
者所謂名體即无名體何以故以無
名體不異名體名體不異无名體故
以即名體是無名故依彼名體無名
智一切法无名故二謂菩薩生如是
心我已得住我無差別无我智故生
安隱心為令他住我无差別無我智
故起安慰心有言我無差別无我智
者所謂我體即无我體何以故以無
我體不異我體我體不異无我體故
以即我體是无我故依彼我體無我
智一切法無我故三謂菩薩生如是
心我已得住因緣和合作无差別無
因緣和合作智故生安隱心為令他
住因緣和合作無差別无因緣和合
作智故起安慰心有言因緣和合作
无差別無因緣和合作智者所謂因
緣和合作體即无因緣和合作體何
以故無因緣和合作體不異因緣和
合作體因緣和合作體不異无因緣
和合作體即因緣和合作體無因緣

和合作故依因緣和合作體无因緣
和合作智一切法無因緣和合作故
四謂菩薩生如是心我已得住別相
无差別無別相智故生安隱心為令
他住別相无差別無別相智故起安
慰心有言別相无差別無別相智者
所謂別相體即無別相體何以故無
別相體不異別相體別相體不異无
相體无別相智一切法無別相故五
謂菩薩生如是心我已得住字无差
別無字智故生安隱心為令他住字
无差別無字智故起安慰心有言字
無差別无字智者所謂字體即无字
體何以故以無字體不異字體字體
不異无字體故以即字體是无字故
依彼字體無字智一切法無字故文
殊師利是名五法諸菩薩摩訶薩得
此五法故能清淨初歡喜地得大無
畏安隱之處

復次文殊師利菩薩摩訶薩有五種
法則能清淨初歡喜地得大无畏安
隱之處何等為五一謂菩薩生如是

心我已得住憍慢无差別無憍慢智
故生安隱心為令他住憍慢無差別
无憍慢智故起安慰心有言憍慢无
差別無憍慢智者所謂憍慢體即無
憍慢體何以故无憍慢體不異憍慢
體憍慢體不異無憍慢體即憍慢體
无憍慢故依彼憍慢體無憍慢智一
切法無憍慢故二謂菩薩生如是心
我已得住自讚无差別無自讚智故
生安隱心為令他住自讚无差別無
自讚智故起安慰心有言自讚無差
別無自讚智者所謂自讚體即无自
讚體何以故无自讚體不異自讚體
自讚體不異無自讚體即自讚體无
自讚故依彼自讚體无自讚智一切
法無自讚故三謂菩薩生如是心我
已得住不了義无差別了義智故生
安隱心為令他住不了義無差別了
義智故起安慰心有言不了義无差
別了義智者所謂不了義體即了義
體何以故了義體不異不了義體不
了義體不異了義體即不了義體是
了義故依彼不了義體了義智一切

法了義故四謂菩薩生如是心我已
得住人法無差別无人法智故生安
隱心為令他住人法無差別无人法
智故起安慰心有言人法無差別无
人法智者所謂人法體即无人法體
何以故無人法體不異人法體人法
體不異无人法體即人法體无人法
故依彼人法體无人法智一切法無
人法故五謂菩薩生如是心我已得
住邪見无差別正見智故生安隱心
為令他住邪見無差別正見智故起
安慰心有言邪見无差別正見智者
所謂邪見體即正見體何以故以正
見體不異邪見體邪見體不異正見
體即邪見體是正見故依彼邪見體
正見智一切法正見故文殊師利是
名五法諸菩薩摩訶薩得此五法故
能清淨初歡喜地得大无畏安隱之
處復次文殊師利菩薩摩訶薩有五
種法則能清淨初歡喜地得大无畏
安隱之處何等為五一謂菩薩生如
是心我已得住无平等無差別平等
智故生安隱心為令他住无平等無

別平等智故起安慰心有言无平等
無差別平等智者所謂無平等體即
平等體何以故以平等體不異无平
等體无平等體不異平等體即無平
等體是平等故依彼无平等體平等
智一切法平等故二謂菩薩生如是
心我已得住邊无差別無邊智故生
安隱心為令他住邊无差別無邊智
故起安慰心有言邊無差別无邊智
者所謂邊體即无邊體何以故以無
邊體不異邊體邊體不異无邊體故
以即邊體是无邊故依彼邊體無邊
智一切法無邊故三謂菩薩生如是
心我已得住可知无差別智智故
生安隱心為令他住可知無差別
智智故起安慰心有言可知无差別
別智智者所謂可知體即是智體
何以故智體不異可知體可知
體不異智體即可知體是智體故
依彼可知體智智一切法智故四
謂菩薩生如是心我已得住取无差
別無取智故生安隱心為令他住取
无差別無取智故起安慰心有言取

無差別无取智者所謂取體即無取
體何以故以無取體不異取體取體
不異无取體故以即取體是无取故
依彼取體無取智一切法無取故五
謂菩薩生如是心我已得住修行無
差別无修行智故生安隱心為令他
住修行無差別无修行智故起安慰
心有言修行無差別无修行智者所
謂修行體即无修行體何以故无修
行體不異修行體修行體不異無修
行體即修行體无修行故依彼修行
體無修行智一切法无修行故文殊
師利是名五法諸菩薩摩訶薩得此
五法故能清淨初歡喜地得大無畏
安隱之處

復次文殊師利菩薩摩訶薩有五種
法則能清淨初歡喜地得大无畏安
隱之處何等為五一謂菩薩生如是
心我已得住非中道无差別中道智
故生安隱心為令他住非中道無差
別中道智故起安慰心有言非中道
无差別中道智者所謂非中道體即
中道體何以故以中道體不異非中

道體非中道體不異中道體即非中道體是中道故依彼非中道體中道智一切法中道故二謂菩薩生如是心我已得住非虛空无差別虛空智故生安隱心為令他住非虛空無差別虛空智故起安慰心有言非虛空无差別虛空智者所謂非虛空體即虛空體何以故以虛空體不異非虛空體非虛空體不異虛空體即非虛空體是虛空故依彼非虛空體虛空智一切法虛空故三謂菩薩生如是心我已得住非石女子平等无差別石女子平等智故生安隱心為令他住非石女子平等无差別石女子平等智故起安慰心有言非石女子平等无差別石女子平等智者所謂非石女子平等體即石女子平等體何以故石女子平等體不異非石女子平等體非石女子平等體不異石女子平等故依彼非石女子平等體石女子平等智一切法石女子平等故四謂菩薩生如是心我已得住非如

陽炎無差別如陽炎智故生安隱心
為令他住非如陽炎无差別如陽炎
智故起安慰心有言非如陽炎無差
別如陽炎智者所謂非如陽炎體即
如陽炎體何以故如陽炎體即非如
陽炎體非如陽炎體即如陽炎體以
非如陽炎體即如陽炎故依彼非如
陽炎體如陽炎智一切法如陽炎故
五謂菩薩生如是心我已得住邪見
无差別無邪見智故生安隱心為令
他住邪見无差別無邪見智故起安
慰心有言邪見无差別無邪見智者
所謂邪見體即無邪見體何以故无
邪見體不異邪見體邪見體不異無
邪見體即邪見體无邪見故依彼邪
見體無邪見智一切法无邪見故文
殊師利是名五法諸菩薩摩訶薩得
此五法故能清淨初歡喜地得大无
畏安隱之處

復次文殊師利菩薩摩訶薩有五種
法則能清淨初歡喜地得大无畏安
隱之處何等為五一謂菩薩生如是
心我已得住無明无差別明智故生

安隱心為令他住無明无差別明智
故起安慰心有言无明無差別明智
者所謂無明體即是明體何以故明
體不異无明體無明體不異明體即
无明體明故依彼無明體明智一切
法明故二謂菩薩生如是心我已得
住貪無差別无貪智故生安隱心為
令他住貪无差別無貪智故起安慰
心有言貪無差別无貪智者所謂貪
體即无貪體何以故以無貪體不異
貪體貪體不異无貪體故以即貪體
是無貪故依彼貪體無貪智一切法
无貪故三謂菩薩生如是心我已得
住瞋無差別无瞋智故生安隱心為
令他住瞋无差別無瞋智故起安慰
心有言瞋無差別无瞋智者所謂瞋
體即无瞋體何以故以無瞋體不異
瞋體瞋體不異无瞋體故以即瞋體
是無瞋故依彼瞋體无瞋智一切法
无瞋故四謂菩薩生如是心我已得
住癡無差別无癡智故生安隱心為
令他住癡无差別無癡智故起安慰
心有言癡無差別无癡智者所謂癡

體即无癡體何以故以無癡體不異
癡體癡體不異无癡體故以即癡體
是無癡故依彼癡體无癡智一切法
无癡故五謂菩薩生如是心我已得
住依託無差別无依託智故生安隱
心為令他住依託無差別无依託智
故起安慰心有言依託无差別無依
託智者所謂依託體即無依託體何
以故无依託體不異依託體依託體
不異無依託體即依託體无依託故
依彼依託體无依託智一切法無依
託故文殊師利是名五法諸菩薩摩
訶薩得此五法故能清淨初歡喜地
得大無畏安隱之處

復次文殊師利菩薩摩訶薩有五種
法則能清淨初歡喜地得大无畏安
隱之處何等為五一謂菩薩生如是
心我已得住布施行攝受事智故生
安隱心為令他住布施行攝受事智
故起安慰心有言布施行攝受事智
者所謂布施及以迴向故二謂菩薩
生如是心我已得住愛語行攝受事
智故生安隱心為令他住愛語行攝

受事智故起安慰心有言愛語行攝
受事智者所謂直心及以修行故三
謂菩薩生如是心我已得住利益行
攝受事智故生安隱心為令他住利
益行攝受事智故起安慰心有言利
益行攝受事智者所謂大慈大悲故
四謂菩薩生如是心我已得住同事
行攝受事智故生安隱心為令他住
同事行攝受事智故起安慰心有言
同事行攝受事智者所謂方便及
以智慧故五謂菩薩生如是心我
已得住發心智故生安隱心為令
他住發心智故起安慰心有言發
心智者所謂直心及以修行故文殊
師利是名五法諸菩薩摩訶薩得此
五法故能清淨初歡喜地得大无畏
安隱之處

復次文殊師利菩薩摩訶薩有五種
法則能清淨初歡喜地得大无畏安
隱之處何等為五一謂菩薩生如是
心我已得住離貪心故生安隱心為
令他住離貪心故起安慰心有言離
貪心者謂不執著一切法故二謂菩

薩生如是心我已得住離瞋心故生
安隱心為令他住離瞋心故起安慰
心有言離瞋心者謂不生他一切衆
生嫌恨心故三謂菩薩生如是心我
已得住身業不作諸惡行故生安隱
心為令他住身業不作諸惡行故起
安慰心有言身業不作諸惡行者謂
離三種身惡行故四謂菩薩生如是
心我已得住口業不作諸惡行故生
安隱心為令他住口業不作諸惡行
故起安慰心有言口業不作諸惡行
者謂離四種口業過故五謂菩薩生
如是心我已得住意業不作諸惡行
故生安隱心為令他住意業不作諸
惡行故起安慰心有言意業不作諸
惡行者離貪瞋癡諸惡行故文殊師
利是名五法諸菩薩摩訶薩得此五
法故能清淨初歡喜地得大無畏安
隱之處

復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住佛正念故生安隱心為

令他住佛正念故起安慰心有言佛
正念者所謂見佛清淨念故二謂菩
薩生如是心我已得住法正念故生
安隱心為令他住法正念故起安慰
心有言法正念者所謂能見清淨法
故三謂菩薩生如是心我已得住僧
正念故生安隱心為令他住僧正念
故起安慰心有言僧正念者所謂得
入菩薩位故四謂菩薩生如是心我
已得住捨正念故生安隱心為令他
住捨正念故起安慰心有言捨正念
者所謂捨彼一切取故五謂菩薩生
如是心我已得住戒正念故生安隱
心為令他住戒正念故起安慰心有
言戒正念者所謂得入一切法故文
殊師利是名五法諸菩薩摩訶薩得
此五法故能清淨初歡喜地得大無
畏安隱之處

復次文殊師利菩薩摩訶薩有五種
法則能清淨初歡喜地得大无畏安
隱之處何等為五一謂菩薩生如是
心我已得住无常觀故生安隱心為
令他住無常觀故起安慰心有言無

常觀者所謂過彼欲貪色貪无色貪
故二謂菩薩生如是心我已得住無
我觀故生安隱心為令他住无我觀
故起安慰心有言無我觀者所謂不
著一切觀故三謂菩薩生如是心我
已得住實諦法故生安隱心為令他
住實諦法故起安慰心有言實諦法
者所謂不誑諸天人故四謂菩薩生
如是心我已得住實法故生安隱心
為令他住實法故起安慰心有言實
法者不誑諸天及自身故五謂菩薩
生如是心我已得住諸法行故生安
隱心為令他住諸法行故起安慰心
有言諸法行者謂依一切諸法行故
文殊師利是名五法諸菩薩摩訶薩
得此五法故能清淨初歡喜地得大
无畏安隱之處

復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住堅固戒故生安隱心為
令他住堅固戒故起安慰心有言堅
固戒者所謂乃至不犯小戒不作小

罪故二謂菩薩生如是心我已得住
不缺戒故生安隱心為令他住不缺
戒故起安慰心有言不缺戒者所謂
不求諸餘乘故三謂菩薩生如是心
我已得住不點戒故生安隱心為令
他住不點戒故起安慰心有言不點
戒者謂離一切諸惡行故四謂菩薩
生如是心我已得住不濁戒故生安
隱心為令他住不濁戒故起安慰心
有言不濁戒者謂攝一切諸菩薩故
五謂菩薩生如是心我已得住善護
戒故生安隱心為令他住善護戒故
起安慰心有言善護戒者謂於一切
諸菩薩所生尊心故文殊師利是名
五法諸菩薩摩訶薩得此五法故能
清淨初歡喜地得大元畏安隱之處
復次文殊師利菩薩摩訶薩有五種
法則能清淨初歡喜地得大元畏安
隱之處何等為五一謂菩薩生如是
心我已得住善密戒故生安隱心為
令他住善密戒故起安慰心有言善
密戒者所謂善護一切根故二謂菩
薩生如是心我已得住名稱戒故生

安隱心為令他住名稱戒故起安慰
心有言名稱戒者謂入諸法无差別
法界不二智無障碍故三謂菩薩生
如是心我已得住知足戒故生安隱
心為令他住知足戒故起安慰心有
言知足戒者離諸貪故四謂菩薩生
如是心我已得住差別戒故生安隱
心為令他住差別戒故起安慰心有
言差別戒者謂身寂靜故五謂菩薩
生如是心我已得住阿蘭若處戒故
生安隱心為令他住阿蘭若處戒故
起安慰心有言阿蘭若處戒者謂入
諸法無中无邊故文殊師利是名五
法諸菩薩摩訶薩得此五法故能清
淨初歡喜地得大无畏安隱之處
信力入印法門經卷第一

庚子歲高麗國大藏都監奉
勅彫造

信力入印法門經卷第二

臣

北魏天竺三藏曇摩流支譯

復次文殊師利菩薩摩訶薩有五種法則能清淨初歡喜地得大無畏安隱之處何等為五一謂菩薩生如是心我已得住大慈心故生安隱心為令他住大慈心故起安慰心有言大慈心者所謂拔濟一切衆生諸苦惱故所謂身心修集一切諸功德故二謂菩薩生如是心我已得住大悲心故生安隱心為令他住大悲心故起安慰心有言大悲心者所謂教化諸衆生故无有諸苦而不取故無有諸樂而不捨故三謂菩薩生如是心我已得住大喜心故生安隱心為令他住大喜心故起安慰心有言大喜心者所謂得聞諸佛大事生歡喜故四謂菩薩生如是心我已得住大捨心故生安隱心為令他住大捨心故起安慰心有言大捨心者所謂菩薩離愛心故五謂菩薩生如是心我已得住論義方便故生安隱心為令他住

論義方便故起安慰心有言論義方便者謂入諸法無言語故文殊師利是名五法諸菩薩摩訶薩得此五法故能清淨初歡喜地得大无畏安隱之處

復次文殊師利菩薩摩訶薩有五種法則能清淨初歡喜地得大无畏安隱之處何等為五一謂菩薩生如是心我已得住忍辱戒故生安隱心為令他住忍辱戒故起安慰心有言忍辱戒者謂於一切衆生不生瞋恨心故二謂菩薩生如是心我已得住精進戒故生安隱心為令他住精進戒故起安慰心有言精進戒者所謂菩薩令諸衆生住不退法故三謂菩薩生如是心我已得住禪定戒故生安隱心為令他住禪定戒故起安慰心有言禪定戒者所謂菩薩令諸衆生住禪支故四謂菩薩生如是心我已得住般若戒故生安隱心為令他住般若戒故起安慰心有言般若戒者所謂能令一切衆生住諸善根故五謂菩薩生如是心我已得住不麤獷

戒故生安隱心為令他住不麤獷戒
故起安慰心有言不麤獷戒者謂於
一切佛法柔軟心故文殊師利是名
五法諸菩薩摩訶薩得此五法故能
清淨初歡喜地得大无畏安隱之處
復次文殊師利菩薩摩訶薩有五種
法則能清淨初歡喜地得大无畏安
隱之處何等為五一謂菩薩生如是
心我已得住不悔戒故生安隱心為
令他住不悔戒故起安慰心有言不
悔戒者所謂善作所作業故二謂菩
薩生如是心我已得住不憍慢戒故
生安隱心為令他住不憍慢戒故起
安慰心有言不憍慢戒者所謂教化
一切衆生故所謂佐助一切衆生所
作業故三謂菩薩生如是心我已得
住善戒故生安隱心為令他住善戒
故起安慰心有言善戒者所謂教化
一切衆生能忍衆生罵辱瞋故四謂
菩薩生如是心我已得住攝受法戒
故生安隱心為令他住攝受法戒故
起安慰心有言攝受法戒者謂信諸
法空解脫故五謂菩薩生如是心我

已得住佛三昧戒故生安隱心為令
他住佛三昧戒故起安慰心有言佛
三昧戒者謂於一切衆生得平等心
故文殊師利是名五法諸菩薩摩訶
薩得此五法故能清淨初歡喜地得
大无畏安隱之處

復次文殊師利菩薩摩訶薩有五種
法則能清淨初歡喜地得大无畏安
隱之處何等為五一謂菩薩生如是
心我已得住苦諦智故生安隱心為
令他住苦諦智故起安慰心有言苦
諦智者所謂諸陰不生智故二謂菩
薩生如是心我已得住集諦智故生
安隱心為令他住集諦智故起安慰
心有言集諦智者所謂斷除諸愛智
故三謂菩薩生如是心我已得住滅
諦智故生安隱心為令他住滅諦智
故起安慰心有言滅諦智者謂不生
諸有無明使智故四謂菩薩生如是
心我已得住道諦智故生安隱心為
令他住道諦智故起安慰心有言道
諦智者謂得諸法平等不顛倒智故
五謂菩薩生如是心我已得住觀察

自身過故生安隱心為令他住觀察
自身過故起安慰心有言觀察自身
過者謂觀察自戒自心寂靜故文殊
師利是名五法諸菩薩摩訶薩得此
五法故能清淨初歡喜地得大無畏
安隱之處

復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住能護他心故生安隱心
為令他住能護他心故起安慰心有
言能護他心者謂見他過不生瞋恨
故二謂菩薩生如是心我已得住善
軟心故生安隱心為令他住善軟心
故起安慰心有言善軟心者謂教化
衆生不疲倦故三謂菩薩生如是心
我已得住不瞋恨心故生安隱心為
令他住不瞋恨心故起安慰心有言
不瞋恨心者謂於一切衆生不生惡
心故四謂菩薩生如是心我已得住
觀察自身故生安隱心為令他住觀
察自身故起安慰心有言觀察自身
者謂觀无我故五謂菩薩生如是心

我已得住乃至無有微少煩惱故生
安隱心為令他住乃至无有微少煩
惱故起安慰心有言乃至無有微少
煩惱者所謂身業善寂靜故文殊師
利是名五法諸菩薩摩訶薩得此五
法故能清淨初歡喜地得大无畏安
隱之處

復次文殊師利菩薩摩訶薩有五種
法則能清淨初歡喜地得大无畏安
隱之處何等為五一謂菩薩生如是
心我已得住无生法忍故生安隱心
為令他住無生法忍故起安慰心有
言无生法忍者謂證寂滅故二謂菩
薩生如是心我已得住無滅法忍故
生安隱心為令他住无滅法忍故起
安慰心有言無滅法忍者謂證无生
法忍故三謂菩薩生如是心我已得
住身念智故生安隱心為令他住身
念智故起安慰心有言身念智者謂
離身心故四謂菩薩生如是心我已
得住受念智故生安隱心為令他住
受念智故起安慰心有言受念智者
謂息一切受故五謂菩薩生如是心

我已得住心念智故生安隱心為令
他住心念智故起安慰心有言心念
智者所謂觀心猶如幻故文殊師利
是名五法諸菩薩摩訶薩得此五法
故能清淨初歡喜地得大无畏安隱
之處

復次文殊師利菩薩摩訶薩有五種
法則能清淨初歡喜地得大无畏安
隱之處何等為五一謂菩薩生如是
心我已得住法念智故生安隱心為
令他住法念智故起安慰心有言法
念智者謂如實知一切法故二謂菩
薩生如是心我已得住信根故生安
隱心為令他住信根故起安慰心有
言信根者謂於一切法中不依他故
三謂菩薩生如是心我已得住精進
根故生安隱心為令他住精進根故
起安慰心有言精進根者謂如實知
一切法故四謂菩薩生如是心我已
得住念根故生安隱心為令他住念
根故起安慰心有言念根者謂善作
所作故五謂菩薩生如是心我已得
住定根故生安隱心為令他住定根

故起安慰心有言定根者謂得心解
脫故文殊師利是名五法諸菩薩摩
訶薩得此五法故能清淨初歡喜地
得大無畏安隱之處

復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住慧根故生安隱心為令
他住慧根故起安慰心有言慧根者
所謂現知一切法故二謂菩薩生如
是心我已得住信力故生安隱心為
令他住信力故起安慰心有言信力
者謂過一切諸魔業故三謂菩薩生
如是心我已得住智力故生安隱心
為令他住智力故起安慰心有言智
力者所謂遠離无智故四謂菩薩生
如是心我已得住精進力故生安隱
心為令他住精進力故起安慰心有
言精進力者所謂成就不退法地五
謂菩薩生如是心我已得住念力故
生安隱心為令他住念力故起安慰
心有言念力者所謂住持一切佛法
故文殊師利是名五法諸菩薩摩訶

薩得此五法故能清淨初歡喜地得大無畏安隱之處

復次文殊師利菩薩摩訶薩有五種法則能清淨初歡喜地得大無畏安隱之處何等為五一謂菩薩生如是心我已得住三昧力故生安隱心為令他住三昧力故起安慰心有言三昧力者所謂遠離一切覺觀故二謂菩薩生如是心我已得住般若力故生安隱心為令他住般若力故起安慰心有言般若力者謂他不能降伏智故三謂菩薩生如是心我已得住念覺分故生安隱心為令他住念覺分故起安慰心有言念覺分者謂如實知念覺分諸法故四謂菩薩生如是心我已得住擇法覺分故生安隱心為令他住擇法覺分故起安慰心有言擇法覺分者所謂照知一切法故五謂菩薩生如是心我已得住精進覺分故生安隱心為令他住精進謂如實知一切佛法故文殊師利是名五法諸菩薩摩訶薩得此五法故

能清淨初歡喜地得大无畏安隱之處
復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住喜覺分故生安隱心為
令他住喜覺分故起安慰心有言喜
覺分者所謂三昧三摩跋提故二謂
菩薩生如是心我已得住猗覺分故
生安隱心為令他住猗覺分故起安
慰心有言猗覺分者謂於一切佛法
善作所作故三謂菩薩生如是心我
已得住定覺分故生安隱心為令他
住定覺分故起安慰心有言定覺分
者謂平等覺一切法故四謂菩薩生
如是心我已得住捨覺分故生安隱
心為令他住捨覺分故起安慰心有
言捨覺分者謂於諸聖法中不生樂
著心故於非聖法中不生厭背心故
五謂菩薩生如是心我已得住正見
故生安隱心為令他住正見故起安
慰心有言正見者謂入定位故文殊
師利是名五法諸菩薩摩訶薩得此
五法故能清淨初歡喜地得大無畏

安隱之處

復次文殊師利菩薩摩訶薩有五種法則能清淨初歡喜地得大無畏安隱之處何等為五一謂菩薩生如是心我已得住正覺分故生安隱心為令他住正覺分故起安慰心有言正覺分者所謂遠離分別異分別廣分別故二謂菩薩生如是心我已得住正語故生安隱心為令他住正語故起安慰心有言正語者謂於一切名字聲響不生諸相故三謂菩薩生如是心我已得住正業故生安隱心為令他住正業故起安慰心有言正業者所謂入一切法業果報故四謂菩薩生如是心我已得住正命故生安隱心為令他住正命故起安慰心有言正命者所謂離諸求故五謂菩薩生如是心我已得住正修行故生安隱心為令他住正修行故起安慰心有言正修行者謂捨此岸到彼岸故文殊師利是名五法諸菩薩摩訶薩得此五法故能清淨初歡喜地得大無畏安隱之處

復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住檀波羅蜜故生安隱心
為令他住檀波羅蜜故起安慰心有
言檀波羅蜜者謂善教化慳嫉衆生
故二謂菩薩生如是心我已得住尸
波羅蜜故生安隱心為令他住尸波
羅蜜故起安慰心有言尸波羅蜜者
謂善教化毀禁衆生故三謂菩薩生
如是心我已得住羼提波羅蜜故生
安隱心為令他住羼提波羅蜜故起
安慰心有言羼提波羅蜜者謂善教
化瞋恨衆生故四謂菩薩生如是心
我已得住毗梨耶波羅蜜故生安隱
心為令他住毗梨耶波羅蜜故起安
慰心有言毗梨耶波羅蜜者謂善教
化懈怠衆生故五謂菩薩生如是心
我已得住檀波羅蜜故生安隱心為
令他住檀波羅蜜故起安慰心有言
檀波羅蜜者謂善教化散亂衆生故
文殊師利是名五法諸菩薩摩訶薩
得此五法故能清淨初歡喜地得大

無畏安隱之處

復次文殊師利菩薩摩訶薩有五種法則能清淨初歡喜地得大无畏安隱之處何等為五一謂菩薩生如是心我已得住般若波羅蜜故生安隱心為令他住般若波羅蜜故起安慰心有言般若波羅蜜者謂善教化愚癡衆生故二謂菩薩生如是心我已得住攝受正法戒者所謂攝受諸菩薩故三謂菩薩生如是心我已得住諸功德故生安隱心為令他住諸功德故起安慰心有言諸功德者所謂供養諸菩薩摩訶薩故為稱十方諸菩薩名而讚歎故四謂菩薩生如是心我已得住智功德故生安隱心為令他住智功德故起安慰心有言智功德者所謂與諸菩薩增上智故與衣服飲食卧具湯藥故五謂菩薩生如是心我已得住寂靜功德故生安隱心為令他住寂靜功德故起安慰心有言寂靜功德者謂入諸法平等不生

高下心故文殊師利是名五法諸菩薩摩訶薩得此五法故能清淨初歡喜地得大無畏安隱之處

復次文殊師利菩薩摩訶薩有五種法則能清淨初歡喜地得大無畏安隱之處何等為五一謂菩薩生如是心我已得住正見功德故生安隱心為令他住正見功德故起安慰心有言正見功德者所謂入一切法无初中後際故二謂菩薩生如是心我已得住布施故生安隱心為令他住布施故起安慰心有言布施者所謂能捨一切法故三謂菩薩生如是心我已得住持戒故生安隱心為令他住持戒故起安慰心有言持戒者所謂不起一切惡故四謂菩薩生如是心我已得住忍辱故生安隱心為令他住忍辱故起安慰心有言忍辱者所謂謂信諸業故五謂菩薩生如是心我已得住精進故生安隱心為令他住精進故起安慰心有言精進者謂入一切功德不疲倦故文殊師利是名五法諸菩薩摩訶薩得此五法故能

清淨初歡喜地得大无畏安隱之處
復次文殊師利菩薩摩訶薩有五種
法則能清淨初歡喜地得大无畏安
隱之處何等為五一謂菩薩生如是
心我已得住禪定故生安隱心為令
他住禪定故起安慰心有言禪定者
所謂不住一切念故二謂菩薩生如
是心我已得住般若故生安隱心為
令他住般若故起安慰心有言般若
者所謂現見諸法故三謂菩薩生如
是心我已得住攝取一切如來法故
生安隱心為令他住攝取一切如來
法故起安慰心有言攝取一切如來
法者謂直心攝取菩提心故四謂菩
薩生如是心我已得住如說法故生
安隱心為令他住如說法故起安慰
心有言如說法者謂隨如來言語智
故五謂菩薩生如是心我已得住正
念故生安隱心為令他住正念故起
安慰心有言正念者謂入諸法不忘
念故文殊師利是名五法諸菩薩摩
訶薩得此五法故能清淨初歡喜地
得大无畏安隱之處

復次文殊師利菩薩摩訶薩有五種法則能清淨初歡喜地得大无畏安隱之處何等為五一謂菩薩生如是心我已得住安心故生安隱心為令他住安心故起安慰心有言意心者謂如實知諸法次第意故二謂菩薩生如是心我已得住堅固心故生安隱心為令他住堅固心故起安慰心有言堅固心者所謂成就威儀行故三謂菩薩生如是心我已得住去心故生安隱心為令他住去心故起安慰心有言去心者謂入義故四謂菩薩生如是心我已得住正解脫故生安隱心為令他住正解脫故起安慰心有言正解脫者謂證妙法故五謂菩薩生如是心我已得住離煩惱心故生安隱心為令他住離煩惱心故起安慰心有言離煩惱心者謂悔已起諸煩惱過故更不造作新煩惱故生善法故文殊師利是名五法諸菩薩摩訶薩得此五法故能清淨初歡喜地得大无畏安隱之處

復次文殊師利菩薩摩訶薩有五種

法則能清淨初歡喜地得大無畏安
隱之處何等為五一謂菩薩生如是
心我已得住如行故生安隱心為令
他住如行故起安慰心有言如行者
謂住成就菩薩行故二謂菩薩生如
是心我已得住作所應作故生安隱
心為令他住作所應作故起安慰心
有言作所應作者謂信空解脫故信
諸業故三謂菩薩生如是心我已得
住遠離惡心所求處故生安隱心為
令他住遠離惡心所求處故起安慰
心有言遠離惡心所求處者謂不作
諸惡求於供養恭敬等故四謂菩薩
生如是心我已得住不自讚毀他故
生安隱心為令他住不自讚毀他故
起安慰心有言不自讚毀他者謂於
自身不生實功德相又於他身不毀
不隱他實功德故五謂菩薩生如是
心我已得住實法故生安隱心為令
他住實法故起安慰心有言實法者
謂於諸法不起相故不執著相故文
殊師利是名五法諸菩薩摩訶薩得
此五法故能清淨初歡喜地得大无

畏安隱之處

復次文殊師利菩薩摩訶薩有五種法則能清淨初歡喜地得大无畏安隱之處何等為五一謂菩薩生如是心我已得住斷除無明習氣煩惱故生安隱心為令他住斷除无明習氣煩惱故起安慰心有言斷除無明習氣煩惱者謂本愚癡凡夫行不厭故不念聲聞辟支佛地故二謂菩薩生如是心我已得住不隨愛故生安隱心為令他住不隨愛故起安慰心有言不隨愛者謂未生諸惡不善法令不生故已生諸善法令不散滅故三謂菩薩生如是心我已得住顯現智故生安隱心為令他住顯現智故起安慰心有言顯現智者謂證聖諦故四謂菩薩生如是心我已得住直心故生安隱心為令他住直心故起安慰心有言直心者謂不分別聖道故五謂菩薩生如是心我已得住不生異身相故生安隱心為令他人不生異身相故起安慰心有言不生異身相者謂離增惡法故文殊師利是名

五法諸菩薩摩訶薩得此五法故能
清淨初歡喜地得大无畏安隱之處
復次文殊師利菩薩摩訶薩有五種
法則能清淨初歡喜地得大无畏安
隱之處何等為五一謂菩薩生如是
心我已得住先意語故生安隱心為
令他住先意語故起安慰心有言先
意語者謂先發語言善來故及慰喻
言來無疲勞諸難疾等故二謂菩薩
生如是心我已得住无障尋智故生
安隱心為令他住無障尋智故起安
慰心有言无障尋智者所謂十方一
切世界世間之業出世間業諸論伎
術自然知故三謂菩薩生如是心我
已得住於諸業中無疑智故生安隱
心為令他住於諸業中無疑智故起
安慰心有言於諸業中無疑智者所
謂遠離常見斷見故四謂菩薩生如
是心我已得住无言語說言語說故
生安隱心為令他住無言語說言語
說故起安慰心有言无言語說言語
說者謂離心意意識念故五謂菩薩
生如是心我已得住法界智故生安

隱心為令他住法界智故起安慰心有言法界智者謂不離一切諸法法界不二智故文殊師利是名五法諸菩薩摩訶薩得此五法故能清淨初歡喜地得大无畏安隱之處

復次文殊師利菩薩摩訶薩有五種法則能清淨初歡喜地得大无畏安隱之處何等為五一謂菩薩生如是心我已得住心遠離故生安隱心為令他住心遠離故起安慰心有言心遠離者所謂无相於諸觀中不著相故二謂菩薩生如是心我已得住無障尋智故生安隱心為令他住无障尋智故起安慰心有言无障尋智者謂邊無邊清淨智故三謂菩薩生如是心我已得住說言語意故生安隱心為令他住說言語意故起安慰心有言說言語意者謂依勝願力迴向諸善根故四謂菩薩生如是心我已得住柔和法故生安隱心為令他住柔和法故起安慰心有言柔和法者謂令一切衆生信善事故五謂菩薩生如是心我已得住離諸業故生安

隱心為令他住離諸業故起安慰心
有言離諸業者謂知諸見故文殊師
利是名五法諸菩薩摩訶薩得此五
法故能清淨初歡喜地得大无畏安
隱之處

復次文殊師利菩薩摩訶薩有五種
法則能清淨初歡喜地得大无畏安
隱之處何等為五一謂菩薩生如是
心我已得住歸依佛故生安隱心為
令他住歸依佛故起安慰心有言歸
依佛者謂不毀犯如來戒故二謂菩
薩生如是心我已得住歸依法故生
安隱心為令他住歸依法故起安慰
心有言歸依法者謂不謗法故三謂
菩薩生如是心我已得住歸依僧故
生安隱心為令他住歸依僧故起安
慰心有言歸依僧者謂觀察戒故四
謂菩薩生如是心我已得住無憍慢
故生安隱心為令他住无憍慢故起
安慰心有言無憍慢者謂於一切眾
生生尊重心故五謂菩薩生如是心
我已得住不恨心故生安隱心為令
他住不恨心故起安慰心有言不恨

心者謂離心熱火故文殊師利是名
五法諸菩薩摩訶薩得此五法故能
清淨初歡喜地得大无畏安隱之處
復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住不諛諂故生安隱心為
令他住不諛諂故起安慰心有言不
諛諂者謂離飲食諸供養等為他作
恩故二謂菩薩生如是心我已得住
離妄語故生安隱心為令他住離妄
語故起安慰心有言離妄語者謂教
化衆生不取不捨故三謂菩薩生如
是心我已得住不為利養語故生安
隱心為令他住不為利養語故起安
慰心有言不為利養語者謂聖種成就
滿足頭陀諸功德故四謂菩薩生如
是心我已得住正命故生安隱心為
令他住正命故起安慰心有言正命
者謂攝受法故无有少苦而不受故
無有少樂而不捨故五謂菩薩生如
是心我已得住無有同侶獨行處故
生安隱心為令他住无有同侶獨行

處故起安慰心有言無有同侶獨行
處者謂離語故文殊師利是名五法
諸菩薩摩訶薩得此五法故能清淨
初歡喜地得大無畏安隱之處

復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住法樂故生安隱心為令
他住法樂故起安慰心有言法樂者
所謂怖畏三界苦故所謂不失菩提
心故二謂菩薩生如是心我已得住
離九種事故生安隱心為令他住離
九種事故起安慰心

有言離九種事者謂離九種衆生住
處故三謂菩薩生如是心我已得住
寂靜心故生安隱心為令他住寂靜
心故起安慰心有言寂靜心者謂心
不悔故四謂菩薩生如是心我已得
住奢摩他修行功德故生安隱心為
令他住奢摩他修行功德故起安慰
心有言奢摩他修行功德者謂心柔
軟故五謂菩薩生如是心我已得住
心不放逸故生安隱心為令他住心

不放逸故起安慰心有言心不放逸者謂不放逸戒故行戒見毀過一切諸見故文殊師利是名五法諸菩薩摩訶薩得此五法故能清淨初歡喜地得大无畏安隱之處

復次文殊師利菩薩摩訶薩有五種法則能清淨初歡喜地得大无畏安隱之處何等為五一謂菩薩生如是心我已得住不誑天人故生安隱心為令他住不誑天人故起安慰心有言不誑天人者所謂不捨菩提心故二謂菩薩生如是心我已得住修行故生安隱心為令他住修行故起安慰心有言修行者謂與諸衆生安隱樂故安隱事上首故三謂菩薩生如是心我已得住不鄙惡行故生安隱心為令他住不鄙惡行故起安慰心有言不鄙惡行者謂善調伏心故四謂菩薩生如是心我已得住一切衆生作弟子故生安隱心為令他住一切衆生作弟子故起安慰心有言一切衆生作弟子者謂與一切衆生作弟子故一切衆生有所作業助彼作

故五謂菩薩生如是心我已得住隨
順伏從一切衆生故生安隱心為令
他住隨順伏從一切衆生故起安慰
心有言隨順伏從一切衆生者謂於
福田无憍慢心故文殊師利是名五
法諸菩薩摩訶薩得此五法故能清
淨初歡喜地得大無畏安隱之處
復次文殊師利菩薩摩訶薩有五種
法則能清淨初歡喜地得大无畏安
隱之處何等為五一謂菩薩生如是
心我已得住求法成就故生安隱心
為令他住求法成就故起安慰心有
言求法成就者所謂教化一切衆生
不疲倦故及得清淨佛國土故能增
上故常求戒聞法故不取布施不捨
慳嫉不取持戒不捨毀禁不取忍辱
不捨瞋恨不取精進不捨懈怠不取
禪定不捨覺觀不取般若不捨愚癡
不取善根不捨不善根故二謂菩薩
生如是心我已得住尊重心故生安
隱心為令他住尊重心故起安慰心
有言尊重心者所謂於法如實修行
故三謂菩薩生如是心我已得住於

法師所尊重心故生安隱心為令他
住於法師所尊重心故起安慰心有
言於法師所尊重心者謂於法師生
佛想故四謂菩薩生如是心我已得
住不惡口心故生安隱心為令他住
不惡口心故起安慰心有言不惡口
心者謂作言語攝取衆生故五謂菩
薩生如是心我已得住不瞋心故生
安隱心為令他住不瞋心故起安慰
心有言不瞋心者謂入諸業故文殊
五法故能清淨初歡喜地得大无畏
安隱之處

信力入印法門經卷第二

庚子歲高麗國大藏都監奉

勅彫造

信力入印法門經卷第三

臣

元魏天竺三藏曇摩流支譯

復次文殊師利菩薩摩訶薩有五種法則能清淨初歡喜地得大無畏安心我已得住布施故生安隱心為令他住布施故起安慰心有言布施者謂如所聞法如是說故二謂菩薩生如是心我已得住愛語故生安隱心為令他住愛語故起安慰心有言愛語者謂心不為飲食說法故三謂菩薩生如是心我已得住利益故生安隱心為令他住利益故起安慰心有言利益者所謂教他一切衆生為令衆生受持讀誦不疲倦故四謂菩薩生如是心我已得住同事故生安隱心為令他住同事故起安慰心有言同事者謂布施令諸衆生住大乘故五謂菩薩生如是心我已得住菩提心故生安隱心為令他住菩提心故起安慰心有言菩提心者謂令諸法恒常住故為不滅故生於欲心發精

進心攝取之心正修行心故文殊師利是名五法諸菩薩摩訶薩得此五法故能清淨初歡喜地得大无畏安隱之處

復次文殊師利菩薩摩訶薩有五種法則能清淨初歡喜地得大无畏安隱之處何等為五一謂菩薩生如是心我已得住義无寻故生安隱心為令他住義无寻故起安慰心有言義无寻者謂入如實法故二謂菩薩生如是心我已得住法无寻故生安隱心為令他住法无寻故起安慰心有言法无寻者謂入一切佛法智故三謂菩薩生如是心我已得住辩无寻故生安隱心為令他住辩无寻故起安慰心有言辩无寻者謂入一切諸字名聲智故四謂菩薩生如是心我已得住樂說无寻故生安隱心為令他住樂說无寻故起安慰心有言樂說无寻者謂入一切法文句差別方便智故五謂菩薩生如是心我已得住无障寻智故生安隱心為令他住无障寻智故起安慰心有言无障寻

智者所謂說一切佛法不休息智故
取一句法於无邊劫住持演說而不
起心故文殊師利是名五法諸菩薩
摩訶薩得此五法故能清淨初歡喜
地得大無畏安隱之處

復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住教化一切諸衆生故生
安隱心為令他住教化一切諸衆生
故起安慰心有言教化一切諸衆生
者謂能忍受一切衆生煩惱染故煩
惱染者所謂身心俱逼惱故二謂菩
薩生如是心我已得住無諸失故生
安隱心為令他住无諸失故起安慰
心有言無諸失者所謂不失諸善根
故三謂菩薩生如是心我已得住心
不相觸故生安隱心為令他住心不
相觸故起安慰心有言心不相觸者
所謂不失諸善根故四謂菩薩生如
是心我已得住精進故生安隱心為
令他住精進故起安慰心有言精進
者所謂滿足諸善法故遠離一切不

善法故五謂菩薩生如是心我已得
住慈心觀察諸衆生故生安隱心為
令他住慈心觀察諸衆生故起安慰
心有言慈心觀察諸衆生者謂於一
切諸衆生中平等心故文殊師利是
名五法諸菩薩摩訶薩得此五法故
能清淨初歡喜地得大无畏安隱之處
復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住不害心故生安隱心為
令他住不害心故起安慰心有言不
害心者謂護一切諸衆生故二謂菩
薩生如是心我已得住遠離心故生
安隱心為令他住遠離心故起安慰
心有言遠離心者謂入三世一切諸
法悉平等故三謂菩薩生如是心我
已得住法念慈心故生安隱心為令
他住法念慈心故起安慰心有言法
念慈心者所謂不見一切法故而不
執著不見法故四謂菩薩生如是心
我已得住初功德故生安隱心為令
他住初功德故起安慰心有言初功

德者所謂不捨菩提心故隨順一切
菩薩行故有隨順一切菩薩行者謂
大慈心平等攝受一切衆生故降伏
一切嫉妬心故遠離一切諸破戒故
遠離一切瞋恨心故遠離一切懈怠
心故不行一切散亂心故遠離一切
愚癡心故有四攝法攝取教化諸衆
生故於諸衆生心皆平等如大地故
不念小乘狹劣心故隨順一切衆生
所作諸善行故大悲布施持戒忍辱
精進禪定般若滿足故攝受諸佛勝
妙法故學諸善業般若根本故恒常
修行功德智慧二莊嚴故五謂菩薩
生如是心我已得住希有相故生安
隱心為令他住希有相故起安慰心
有言希有相者謂一切法不二相故
於一切行生自行相故文殊師利是
名五法諸菩薩摩訶薩得此五法故
能清淨初歡喜地得大无畏安隱之慶
復次文殊師利菩薩摩訶薩有五種
法則能清淨初歡喜地得大無畏安
隱之慶何等為五一謂菩薩生如是
心我已得住忍辱柔和故生安隱心

為令他住忍辱柔和故起安慰心有
言忍辱柔和者所謂為他惡口罵辱
諸不善語毀謗說時不生瞋恨心故
二謂菩薩生如是心我已得住顏色
怡悅故生安隱心為令他住顏色怡
悅故起安慰心有言顏色怡悅者謂
不說他諸過失故三謂菩薩生如是
心我已得住一切法无事故生安隱
心為令他住一切法无事故起安慰
心有言一切法无事者所謂唯是謂
名字故何以故以無事體不異事體
事體不異无事體故以即事體是无
事故依彼事體無事智一切法无事
故四謂菩薩生如是心我已得住法
住持故生安隱心為令他住法住持
故起安慰心有言法住持者謂一切
法不動故五謂菩薩生如是心我已
得住法故生安隱心為令他住法故
起安慰心有言法者謂无差別不依
住故文殊師利是名五法諸菩薩摩
訶薩得此五法故能清淨初歡喜地
得大无畏安隱之慶

復次文殊師利菩薩摩訶薩有五種

法則能清淨初歡喜地得大無畏安
隱之處何等為五一謂菩薩生如是
心我已得住入非智慧斷煩惱非不
智慧斷煩惱故生安隱心為令他住
入非智慧斷煩惱非不智慧斷煩惱
故起安慰心有言入非智慧斷煩
惱非不智慧斷煩惱者所謂智慧體
即煩惱體何以故以智慧體不異
煩惱體煩惱體不異智慧體即智慧
體是煩惱體即煩惱體是智慧體以
是義故非即智慧能斷煩惱譬如指
端不能自觸此亦如是非即智慧能
斷煩惱故二謂菩薩生如是心我已
得住入如來非常非不常故生安隱
心為令他住入如來非常非不常故
起安慰心有言入如來非常非不常
者謂不取體相故三謂菩薩生如是
心我已得住入不思議如來智故生
安隱心為令他住入不思議如來智
故起安慰心有言入不思議如來智
者謂隨可化諸衆生心如是說法不
過彼故四謂菩薩生如是心我已得
住入無色相故生安隱心為令他住

入无色相故起安慰心何以故無色相體不異色相體色相體不異无色相體即色相體無色相故依彼色相體无色相智一切法無色相故五謂菩薩生如是心我已得住方便故生安隱心為令他住方便故起安慰心有言方便者所謂攝取一切法故文殊師利是名五法諸菩薩摩訶薩得此五法故能清淨初歡喜地得大無畏安隱之處

復次文殊師利菩薩摩訶薩有五種法則能清淨初歡喜地得大無畏安隱之處何等為五一謂菩薩生如是心我已得住無盡功德故生安隱心為令他住无盡功德故起安慰心有言無盡功德者所謂迴諸善根向菩提故二謂菩薩生如是心我已得住智功德故生安隱心為令他住智功德故起安慰心有言智功德者謂信一切諸法空故三謂菩薩生如是心我已得住善業根本般若法故生安隱心為令他住善業根本般若法故起安慰心有言善業根本般若法者

所謂自身住白法故有善業根本般
若法者謂令他住般若法故四謂菩
薩生如是心我已得住三昧故生安
隱心為令他住三昧故起安慰心有
言三昧者謂寂滅定三昧故五謂菩
薩生如是心我已得住滿足心故生
安隱心為令他住滿足心故起安慰
心有言滿足心者謂入一切諸事作
故文殊師利是名五法諸菩薩摩訶
薩得此五法故能清淨初歡喜地得
大無畏安隱之處

復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住中道智故生安隱心為
令他住中道智故起安慰心有言中
道智者所謂究竟清淨智故何以故
以中道體不異邊體邊體不異中道
體故以即邊體是中道體故二謂菩
薩生如是心我已得住一切法無常
故生安隱心為令他住一切法無常
故起安慰心有言一切法無常者所
謂諸法有中有邊是故諸法有中有

邊何以故以有為體无異體故有中
有邊體不異有為體有為體不異有
中有邊體故三謂菩薩生如是心我
已得住一切法常故生安隱心為令
他住一切法常故起安慰心有言一
切法常者所謂諸法無中无边是故
諸法無中无边何以故以無為體无
異體故无中无边體不異无為體無
為體不異無中无边體故無中无边
者所謂常恒淨不變故四謂菩薩生
如是心我已得住勝供養佛故生安
隱心為令他住勝供養佛故起安慰
心有言勝供養佛者所謂供養現在
佛故謂信大乘諸菩薩善供養恭敬
諮請聞法飲食卧具等奉施給與如
分如力令住大乘故五謂菩薩生如
是心我已得住一切法无為故生安
隱心為令他住一切法無為故起安
慰心有言一切法无為者謂有為句
故何以故以無為體不異有為體有
為體不異无為體即有為體是无為
故依彼有為體無為智一切法無為
故文殊師利是名五法諸菩薩摩訶

薩得此五法故能清淨初歡喜地得大無畏安隱之處

復次文殊師利菩薩摩訶薩有五種法則能清淨初歡喜地得大無畏安隱之處何等為五一謂菩薩生如是心我已得住難見一切法故生安隱心為令他住難見一切法故起安慰心有言難見一切法者謂一切法因緣體故二謂菩薩生如是心我已得住難知一切法故生安隱心為令他住難知一切法故起安慰心有言難知一切法者謂觀心念无實體故三謂菩薩生如是心我已得住難覺一切法故生安隱心為令他住難覺一切法故起安慰心有言難覺一切法者謂一切法覺所覺平等故四謂菩薩生如是心我已得住不濁一切法故生安隱心為令他住不濁一切法故起安慰心有言不濁一切法者謂常清淨故五謂菩薩生如是心我已得住一切法不盡故生安隱心為令他住一切法不盡故起安慰心有言一切法不盡者謂无譬喻體故文殊

師利是名五法諸菩薩摩訶薩得此
五法故能清淨初歡喜地得大无畏
安隱之處

復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住一切法不壞故生安隱
心為令他住一切法不壞故起安慰
心有言一切法不壞者謂入三世諸
法平等故以一切法不離法故不差
別法故二謂菩薩生如是心我已得
住四聖諦无差別故生安隱心為令
他住四聖諦無差別故起安慰心有
言四聖諦无差別者謂四聖諦无差
別故有言四聖諦無差別者常清淨
故三謂菩薩生如是心我已得住無
明緣行无差別故生安隱心為令他
住無明緣行无差別故起安慰心有
言无明緣行無差別者所謂无明即
是緣行何以故不異無明因有緣行
故若異無明因有緣行者則應无因
而有諸行以是義故不異無明因而
有諸行果如是因果義成以本來清

淨故四謂菩薩生如是心我已得住
一切法常故生安隱心為令他住一
切法常故起安慰心有言一切法常
者所謂無常體即是常體故何以故
常體不異无常體無常體不異常體
即无常體是常體故五謂菩薩生如
是心我已得住如來不生不滅故生
安隱心為令他住如來不生不滅故
起安慰心有言如來不生不滅者所
謂以無對治法故譬如虛空不生不
滅以虛空无邊無中際故而依因觀
察見下中上此是針孔虛空此是瓶
孔虛空此是无量孔虛空而虛空無
下中上以不生不滅故而虛空不分別
无分別而虛空自然無分別如是等
事現前見以不共法相應故文殊師
利如是如來應正遍知不生不滅無
中无邊而依一切衆生見下中上依
無中无邊心見如是等事此是聲聞
乘此是辟支佛乘此是佛乘一切衆
生能受能用而如來无分別離分別
而自然無分別如是等事作故以不
共法相應故文殊師利譬如日光依

住處觀見種種影而日光明不分別
離分別以不共法相應故文殊師利
如是如來應正遍知依衆生心觀智
差別種種見而如來不分別離分別
而自然无分別如是等諸事現見以
不共法相應故而無諸乘及以大乘
文殊師利是名五法諸菩薩摩訶薩
得此五法故能清淨初歡喜地得大
無畏安隱之處

復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住為一切衆生離諸煩惱
故生安隱心為令他住為一切衆生
離諸煩惱故起安慰心有言為一切
衆生離諸煩惱者謂遍身心法門明
故二謂菩薩生如是心我已得住般
若門故生安隱心為令他住般若門
故起安慰心有言般若門者有四種
法得名何等為四謂信不放逸直心
增上心是名四種法諸菩薩等得法
明門般若成就依法明門般若諸菩
薩摩訶薩離諸惡道故三謂菩薩生

如是心我已得住智明門般若故生
安隱心為令他住智明門般若故起
安慰心有言智明門般若者有四種
法得名何等為四謂功德信空解脫
令諸衆生住菩提心是名四種法諸
菩薩等得智明門般若成就依彼智
明門般若諸菩薩摩訶薩斷諸魔業
故四謂菩薩生如是心我已得住施
心無盡修行般若故生安隱心為令
他住施心无盡修行般若故起安慰
心有言施心無盡修行般若者謂能
教化慳嫉衆生令成就故五謂菩薩
生如是心我已得住戒心无盡修行
般若故生安隱心為令他住戒心無
盡修行般若故起安慰心有言戒心
無盡修行般若者謂能教化破戒衆
生令清淨故文殊師利是名五法諸
菩薩摩訶薩行此五法故能清淨初
歡喜地得大無畏安隱之處

復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住寂靜故生安隱心為令

他住寂靜故起安慰心有言寂靜者
謂離身心故發起一切善根不怯弱
故二謂菩薩生如是心我已得住有
為法故生安隱心為令他住有為法
故起安慰心有言有為法者謂一切
法非空非不空非顛倒非不顛倒非
增上非不增上非事非不事非有為
非無為非相非不相非依非不依非
二非不二非減非不減非取非不取
如是入者是則名為有為法體故三
謂菩薩生如是心我已得住無為法
故生安隱心為令他住無為法故起
安慰心有言無為法者謂即此諸法
無差別不生心非顛倒不分別離分
別是則名為無為法體故四謂菩薩
生如是心我已得住正見故生安隱
心為令他住正見故起安慰心有言
正見者謂入不二相故何以故以
不一體不異二體二體不異不二體
故以即二體是不二故若能如是入
二不二名正見故五謂菩薩生如
是心我已得住無瞋心故生安隱心
為令他住無瞋心故起安慰心有言

无瞋心者謂安隱事故一切衆生得入業故文殊師利是名五法諸菩薩摩訶薩得此五法故能清淨初歡喜地得大無畏安隱之處

復次文殊師利菩薩摩訶薩有五種法則能清淨初歡喜地得大无畏安隱之處何等為五一謂菩薩生如是心我已得住入波羅蜜道故生安隱心有言入波羅蜜道者所謂方便攝取般若故二謂菩薩生如是心我已得住生諸佛家故生安隱心為令他住生諸佛家故起安慰心有言生諸佛家者謂功德莊嚴智慧莊嚴故三謂菩薩生如是心我已得住發菩提心故生安隱心為令他住發菩提心故起安慰心有言發菩提心者謂住大慈大悲心故何以故以得入於一切法故四謂菩薩生如是心我已得住般若故生安隱心為令他住般若故起安慰心有言般若者所謂有為无為之法無差別故五謂菩薩生如是心我已得住方便故生安隱心為

令他住方便故起安慰心有言方便者所謂攝取一切法故文殊師利是名五法諸菩薩摩訶薩得此五法故能清淨初歡喜地得大无畏安隱之處復次文殊師利菩薩摩訶薩有五種法則能清淨初歡喜地得大無畏安隱之處何等為五一謂菩薩生如是心我已得住有障尋行故生安隱心為令他住有障尋行故起安慰心有言有障尋行者謂五波羅蜜故二謂菩薩生如是心我已得住无障尋行故生安隱心為令他住無障尋行故起安慰心有言无障尋行者謂般若波羅蜜故三謂菩薩生如是心我已得住有漏行故生安隱心為令他住有漏行故起安慰心有言有漏行者謂見諸法行故四謂菩薩生如是心我已得住無漏行故生安隱心為令他住无漏行故起安慰心有言無漏行者所謂不見諸法行故五謂菩薩生如是心我已得住有量行故生安隱心為令他住有量行故起安慰心有言有量行者所謂有諸心相住故

文殊師利是名五法諸菩薩摩訶薩
得此五法故能清淨初歡喜地得大
無畏安隱之處

復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住无量行故生安隱心為
令他住無量行故起安慰心有言無
量行者所謂无諸心相行故二謂菩
薩生如是心我已得住有量智故生
安隱心為令他住有量智故起安慰
心有言有量智者所謂觀察陰界入
因緣集是處非處觀察方便相智故
三謂菩薩生如是心我已得住无量
作智故生安隱心為令他住無量作
智故起安慰心有言无量作智者謂
無作心行處所故四謂菩薩生如是
心我已得住有邊故生安隱心為令
他住有邊故起安慰心有言有邊者
謂五波羅蜜故五謂菩薩生如是心
我已得住无邊故生安隱心為令他
住無邊故起安慰心有言无邊者所
謂般若波羅蜜故文殊師利是名五

法諸菩薩摩訶薩得此五法故能清淨初歡喜地得大无畏安隱之處

復次文殊師利菩薩摩訶薩有五種法則能清淨初歡喜地得大無畏安隱之處何等為五一謂菩薩生如是心我已得住自身能寂靜故生安隱心為令他住自身能寂靜故起安慰心有言自身能寂靜者所謂觀察无我法故二謂菩薩生如是心我已得住身心寂靜故生安隱心為令他住身心寂靜故起安慰心有言身心寂靜者所謂教化一切衆生无疲憊故三謂菩薩生如是心我已得住直心清淨故生安隱心為令他住直心清淨故起安慰心有言直心清淨者所謂觀察一切衆生故四謂菩薩生如是心我已得住觀察一切諸衆生故生安隱心為令他住觀察一切諸衆生故起安慰心有言觀察一切諸衆生者所謂觀察一切衆生故五謂菩薩生如是心我已得住一切衆生平等功德故生安隱心為令他住一切衆生平等功德故起安慰心有言一

切衆生平等功德者謂五功德波羅蜜故文殊師利是名五法諸菩薩摩訶薩得此五法故能清淨初歡喜地得大無畏安隱之處

復次文殊師利菩薩摩訶薩有五種法則能清淨初歡喜地得大無畏安隱之處何等為五一謂菩薩生如是心我已得住降伏慳嫉心故生安隱心為令他住降伏慳嫉心故起安慰心有言降伏慳嫉心者謂能捨一切內外物故二謂菩薩生如是心我已得住不諂曲故生安隱心為令他住不諂曲故起安慰心有言不諂曲者謂於一切衆生得平等心故三謂菩薩生如是心我已得住供養佛故生安隱心為令他住供養佛故起安慰心有言供養佛者所謂依止供養住持能生諸佛出世法故復能成就說法法故為供養彼佛菩薩故四謂菩薩生如是心我已得住供養如來智行故生安隱心為令他住供養如來智智行故起安慰心有言供養如來智行者謂為衆生一切令住不退法故

五謂菩薩生如是心我已得住心口
行故生安隱心為令他住心口行故
起安慰心有言心口行者謂令衆生
離口心過得清淨故文殊師利是名
五法諸菩薩摩訶薩得此五法故能
清淨初歡喜地得大無畏安隱之處
復次文殊師利菩薩摩訶薩有五種
法則能清淨初歡喜地得大无畏安
隱之處何等為五一謂菩薩生如是
心我已得住不見魔業住佛業故生
安隱心為令他住不見魔業住佛業
故起安慰心有言不見魔業住佛業
者謂不見魔業教化衆生故二謂菩
薩生如是心我已得住信於諸佛如
來常故生安隱心為令他住信於諸
佛如來常故起安慰心有言信於諸
佛如來常者謂諸佛常以无差別故
三謂菩薩生如是心我已得住信於
諸佛如來恒故生安隱心為令他住
信於諸佛如來恒故起安慰心有言
信於諸佛如來恒者謂信諸佛如來
恒作一切佛行不休息故四謂菩薩
生如是心我已得住信於諸佛如來

淨故生安隱心為令他住信於諸佛
如來淨故起安慰心有言信於諸佛
如來淨者所謂不空見聞念故五謂
菩薩生如是心我已得住信於諸佛
如來我故生安隱心為令他住信於
諸佛如來我故起安慰心有言信於
諸佛如來我者謂諸如來身无邊故
身無邊者謂說如來无邊身故文殊
師利是名五法諸菩薩摩訶薩得此
五法故能清淨初歡喜地得大无畏
安隱之處

復次文殊師利菩薩摩訶薩有五種
法則能清淨初歡喜地得大无畏安
隱之處何等為五一謂菩薩生如是
心我已得住安隱事故生安隱心為
令他住安隱事故起安慰心有言安
隱事者所謂為令一切衆生護自身
心逼惱事故无有少法能生苦者而
不受故無有少法能生樂者而不捨
故二謂菩薩生如是心我已得住一
切法无相故生安隱心為令他住一
切法無相故起安慰心有言一切法
无相者謂無相體何以故謂以不取

無相體故三謂菩薩生如是心我已
得住歸依佛故生安隱心為令他住
歸依佛故起安慰心有言歸依佛者
所謂不作一切惡行故四謂菩薩生
如是心我已得住歸依法故生安隱
心為令他住歸依法故起安慰心有
言歸依法者謂歸依法因緣集故五
謂菩薩生如是心我已得住歸依僧
故生安隱心為令他住歸依僧故起
安慰心有言歸依僧者所謂遠離愛
憎心故所謂菩薩生如是心我已得
住菩提心故生安隱心為令他住菩
提心故起安慰心有言菩提心者謂
起不可思議智故文殊師利是名五
法諸菩薩摩訶薩得此五法故能清
淨初歡喜地得大無畏安隱之處
復次文殊師利菩薩摩訶薩有五種
法則能清淨初歡喜地得大無畏安
隱之處何等為五一謂菩薩生如是
心我已得住身無差別故生安隱心
為令他住身無差別故起安慰心有
言身無差別者謂過一切諸法相故
二謂菩薩生如是心我已得住信無

差別故生安隱心為令他住信无差別故起安慰心有言信無差別者謂信諸業及果報故三謂菩薩生如是心我已得住三摩跋提智故生安隱心為令他住三摩跋提智故起安慰心有言三摩跋提智者所謂觀察入體智故四謂菩薩生如是心我已得住法无差別故生安隱心為令他住法無差別故起安慰心有言法无差別者謂法修行故五謂菩薩生如是心我已得住善知識无差別故生安隱心為令他住善知識無差別故起安慰心有言善知識无差別者所謂不誑諸善知識故文殊師利是名五法諸菩薩摩訶薩得此五法故能清淨初歡喜地得大无畏安隱之處復次文殊師利菩薩摩訶薩有五種法則能清淨初歡喜地得大無畏安隱之處何等為五一謂菩薩生如是心我已得住隨順法故生安隱心為令他住隨順法故起安慰心有言隨順法者謂於諸法如實修行故二謂菩薩生如是心我已得住慙愧行故

生安隱心為令他住慙愧行故起安
慰心有言慙愧行者謂身口意業修
善行故三謂菩薩生如是心我已得
住離愛心故生安隱心為令他住離
愛心故起安慰心有言離愛心者所
謂能生未生善法故四謂菩薩生如
是心我已得住離瞋心故生安隱心
為令他住離瞋心故起安慰心有言
離瞋心者所謂不失已生善法故五
謂菩薩生如是心我已得住防護自
身他身善根故生安隱心為令他住
防護自身他身善根故起安慰心有
言防護自身善根者謂護令入業所
作故有言防護他身善根者謂護令
住大慈大悲故文殊師利是名五法
諸菩薩摩訶薩得此五法故能清淨
初歡喜地得大无畏安隱之處

復次文殊師利菩薩摩訶薩有五種
法則能清淨初歡喜地得入無畏安
隱之處何等為五一謂菩薩生如是
心我已得住无障碍解脫智故生安
隱心為令他住無障碍解脫智故起
安慰心有言无障碍解脫智者謂非

二清淨故二謂菩薩生如是心我已
得住信於因緣諸法生故生安隱心
為令他住信於因緣諸法生故起安
慰心有言信於因緣諸法生者謂見
諸因緣法體不生故三謂菩薩生如
是心我已得住諸法无住處故生安
隱心為令他住諸法無住處故起安
慰心有言諸法无住處者謂一切法
无十方界差別處故四謂菩薩生如
是心我已得住諸佛如來如虛空故
生安隱心為令他住諸佛如來如虛
空故起安慰心有言諸佛如來如虛
空者謂佛无差別無依止故五謂菩
薩生如是心我已得住諸佛如來離
心意意識故生安隱心為令他住諸
佛如來離心意意識故起安慰心有
言諸佛如來離心意意識者謂諸佛
得至自然智以得无障導智故文殊
師利是名五法諸菩薩摩訶薩得此
五法故能清淨初歡喜地得大无畏
安隱之慶

信力入印法門經卷第三

庚子歲高麗國大藏都監奉

勅彫造

信力入印法門經卷第四

臣

光魏天竺三藏曇摩洹支譯

尔時文殊師利法王子知如來說法
竟而問普賢菩薩摩訶薩言佛子云
何諸佛如來無障尋智云何諸佛如
來教化衆生力云何諸佛如來自然
智普門現前云何諸佛如來不可思
議智清淨佛國土云何諸佛如來无
邊之身一切遍見云何諸佛如來不
可思議境界云何諸佛如來无差別
無依止智云何諸佛如來無障尋身
尔時普賢菩薩摩訶薩語文殊師利
法王子言文殊師利此法門難見難
知非覺境界无覺境界難可得信文
殊師利若有人信此法門當知彼人
已曾供養無量无邊百千万億那由
他佛文殊師利我為一切生盲衆生
說此法門作照明燈

文殊師利法王子言如是如是佛子
彼諸衆生已曾修集無量无邊功德
智慧是故我為彼衆生問彼諸衆生
多有无量阿僧祇業應入地獄餓鬼

畜生為令現身即得消滅是故我為
彼衆生問以何等衆生不空見聞而
供養者為彼衆生是故我問佛子若
有不信此法門者終不能得阿耨多
羅三藐三菩提佛子為多衆生得安
隱故為與無量衆生樂故為多憐愍
諸世間故為令多人得利益故為多
天人安隱樂故說此法門

今時普賢菩薩摩訶薩答文殊師利
法王子言文殊師利云何諸佛如來
元障尋智文殊師利所謂諸佛如來
十方世界一切世界一一世界二四
天下可化天人及諸菩薩若有應見
真金色者諸佛如來即為示現今彼
衆生得見如來真金之色无有障尋
文殊師利可化衆生若有應見火光
明炎如意寶王色者諸佛如來即為
示現今彼衆生得見如來火光明炎
如意寶王之色無有障尋文殊師利
可化衆生若有應見電光明炎如意
寶王色者諸佛如來即為示現今彼
衆生得見如來電光明炎如意寶王
之色无有障尋文殊師利可化衆生

若有應見日月燈明如意寶王色者
諸佛如來即為示現今彼衆生得見
如來日月燈明如意寶王之色無有
障碍文殊師利可化衆生若有應見
集一切光明如意寶王色者諸佛如
來即為示現今彼衆生得見如來集
一切光明如意寶王之色无有障碍
文殊師利可化衆生若有應見自在
王如意寶王色者諸佛如來即為示
現今彼衆生得見如來自在王如意
寶王之色無有障碍文殊師利可化
衆生若有應見師子王如意寶王色
者諸佛如來即為示現今彼衆生得
見如來師子王如意寶王之色無有
障碍文殊師利可化衆生若有應見
師子幢如意寶王色者諸佛如來即
為示現今彼衆生得見如來師子幢
如意寶王之色无有障碍文殊師利
可化衆生若有應見帝釋王瓔珞如
意寶王色者諸佛如來即為示現今
彼衆生得見如來帝釋王瓔珞如意
寶王之色无有障碍文殊師利可化
衆生若有應見一切諸天光明如意

寶王色者諸佛如來即為示現今彼
衆生得見如來一切諸天光明如意
寶王之色無有障尋文殊師利可化
衆生若有應見金剛如意寶王色者
諸佛如來即為示現今彼衆生得見
如來金剛如意寶王之色無有障尋
文殊師利可化衆生若有應見清水
如意寶王色者諸佛如來即為示現
今彼衆生得見如來清水如意寶王
之色無有障尋文殊師利可化衆生
若有應見波頭摩華如意寶王色者
諸佛如來即為示現今彼衆生得見
如來波頭摩華如意寶王之色無有
障尋文殊師利可化衆生若有應見
隨心思惟如意寶王色者諸佛如來
即為示現今彼衆生得見如來隨心
思惟如意寶王之色無有障尋文殊
師利可化衆生若有應見大琉璃如
意寶王色者諸佛如來即為示現今
彼衆生得見如來大琉璃如意寶王
之色無有障尋文殊師利可化衆生
若有應見帝釋王大青琉璃如意寶
王色者諸佛如來即為示現今彼衆

生得見如來帝釋王大青琉璃如意
寶王之色无有障碍文殊師利可化
衆生若有應見馬瑙如意寶王色者
諸佛如來即為示現今彼衆生得見
如來馬瑙如意寶王之色无有障碍
文殊師利可化衆生若有應見勝功
德藏如意寶王色者諸佛如來即為
示現今彼衆生得見如來勝功德藏
如意寶王之色无有障碍文殊師利
可化衆生若有應見清淨莊嚴如意
寶王色者諸佛如來即為示現今彼
衆生得見如來清淨莊嚴如意寶王
之色无有障碍文殊師利可化衆生
若有應见无有障碍如意寶三色者諸
佛如來即為示現今彼衆生得見如
來無障碍如意寶王之色无有障碍
文殊師利可化衆生若有應見白真
珠如意寶王色者諸佛如來即為示
現今彼衆生得見如來白真珠如意
寶王之色无有障碍文殊師利可化
衆生若有應見青真珠如意寶王色
者諸佛如來即為示現今彼衆生得
見如來青真珠如意寶王之色无有

障碍文殊師利可化衆生若有應見
雜真珠如意寶王色者諸佛如來即
為示現今彼衆生得見如來雜真珠
如意寶王之色無有障碍文殊師利
可化衆生若有應見虛空光明真珠
如意寶王色者諸佛如來即為示現
令彼衆生得見如來虛空光明真珠
如意寶王之色無有障碍文殊師利
可化衆生若有應見出阿僧祇功德
莊嚴大海音聲如意寶王色者諸佛
如來即為示現今彼衆生得見如來
出阿僧祇功德莊嚴大海音聲如意
寶王之色無有障碍文殊師利可化
衆生若有應見出阿僧祇智功德莊
嚴大海音聲如意寶王色者諸佛如
來即為示現今彼衆生得見如來出
阿僧祇智功德莊嚴大海音聲如意
寶王之色無有障碍文殊師利可化
衆生若有應見出阿僧祇波羅蜜大
海音聲如意寶王色者諸佛如來即
為示現今彼衆生得見如來出阿僧
祇波羅蜜大海音聲如意寶王之色
無有障碍文殊師利可化衆生若有

應見出阿僧祇住地大海音聲如意
寶王色者諸佛如來即為示現今彼
衆生得見如來出阿僧祇住地大海
音聲如意寶王之色无有障碍文殊
師利可化衆生若有應見出阿僧祇
陀羅尼大海音聲如意寶王色者諸
佛如來即為示現今彼衆生得見如
來出阿僧祇陀羅尼大海音聲如意
寶三之色无有障碍文殊師利可化
衆生若有應見出阿僧祇三昧大海
音聲如意寶王色者諸佛如來即為
示現今彼衆生得見如來出阿僧祇
三昧大海音聲如意寶王之色無有
障碍文殊師利可化衆生若有應見出阿
僧祇解脫大海音聲如意寶王色者諸
佛如來即為示現今彼衆生得見如來出
阿僧祇解脫大海音聲如意寶王之色無
有障碍文殊師利可化衆生若有應見
出阿僧祇无碍樂說辯才大海音聲
如意寶王色者諸佛如來即為示現
今彼衆生得見如來出阿僧祇无碍
樂說辯才大海音聲如意寶王之色
無有障碍文殊師利可化衆生若有

應見出阿僧祇神通大海音聲如意
寶王色者諸佛如來即為示現今彼
衆生得見如來出阿僧祇神通大海
音聲如意寶王之色无有障碍文殊
師利可化衆生若有應見出阿僧
祇大願大海音聲如意寶王色者
諸佛如來即為示現今彼衆生得
見如來出阿僧祇大願大海音聲
如意寶王之色无有障碍文殊

師利可化衆生若有應見出阿僧祇
發勤精進大海音聲如意寶王色者
諸佛如來即為示現今彼衆生得見
如來出阿僧祇發勤精進大海音聲
如意寶王之色无有障碍文殊師利
可化衆生若有應見出阿僧祇得安
隱大海音聲如意寶王色者諸佛如
來即為示現今彼衆生得見如來出
阿僧祇得安隱大海音聲如意寶王
之色无有障碍文殊師利可化衆生
若有應見出阿僧祇令入菩薩行大
海音聲如意寶王色者諸佛如來即
為示現今彼衆生得見如來出阿僧
祇令入菩薩行大海音聲如意寶王

之色无有障碍文殊師利可化衆生
若有應見出阿僧祇令入如來大海
音聲如意寶王色者諸佛如來即為
示現令彼衆生得見如來出阿僧祇
令入如來大海音聲如意寶王之色
无有障碍文殊師利可化衆生若
有應見出阿僧祇令入隨順衆生
心行大海音聲如意寶王色者諸
佛如來即為示現令彼衆生得見
如來出阿僧祇令入隨順衆生心
行大海音聲如意寶王之色无有
障碍文殊師利可化衆生若有
應見出阿僧祇令入劫大海音聲如
意寶王色者諸佛如來即為示現令
彼衆生得見如來出阿僧祇令入劫
大海音聲如意寶王之色无有障碍
文殊師利可化衆生若有應見出
阿僧祇令入世界大海音聲如意寶
王色者諸佛如來即為示現令彼衆
生得見如來出阿僧祇令入世界大
海音聲如意寶王之色无有障碍
文殊師利可化衆生若有應見出阿
僧祇令入三世說大海音聲如意寶

王色者諸佛如來即為示現今彼衆
生得見如來出阿僧祇令入三世說
大海音聲如意寶王之色無有障尋
文殊師利可化衆生若有應見出阿
僧祇令入三世大海音聲如意寶王
色者諸佛如來即為示現今彼衆生
得見如來出阿僧祇令入三世大海
音聲如意寶王之色無有障尋文殊
師利可化衆生若有應見出阿僧祇
令入不疲倦心大海音聲如意寶王
色者諸佛如來即為示現今彼衆生
得見如來出阿僧祇令入不疲倦心
大海音聲如意寶王之色無有障尋
文殊師利可化衆生若有應見出阿
僧祇令入無差別智大海音聲如意
寶王色者諸佛如來即為示現今彼
衆生得見如來出阿僧祇令入無差
別智大海音聲如意寶王之色無有
障尋何以故以得不共法相應故文
殊師利如大琉璃如意寶王垢衣所
纏依垢衣故種種事現而大琉璃如
意寶王不分別離分別而自然如是
無分別離分別自然如是種種事現

何以故以不共法相應故文殊師利如是諸佛如來應正遍知依可化衆生如是示現種種色行而諸佛如來不分別離分別而自然如是无分別離分別自然如是種種異異諸事可見何以故以得不共法相應故文殊師利是名諸佛如來无障碍智文殊師利云何諸佛如來無障碍智文殊師利所謂諸佛如來十方世界一切種種異異世界一一世界微塵數世界令入如是微塵數世界智大海无有障碍文殊師利一切種種異異世界二二世界一四天下一切世界微塵數異異功德二功德莊嚴大海於念念間有阿僧祇異異說智无有障碍如是種種異異世界一切佛國土微塵數波羅蜜大海於念念間有阿僧祇異異說智无有障碍如是種種異異世界一切佛國土微塵數住地大海於念念間有阿僧祇異異說智無

有障等如是種種異異世界一
切佛國土微塵數陀羅尼大海
於念念間有阿僧祇異異說智無
有障等如是種種異異世界一切佛
國土微塵數三昧大海於念念間有
阿僧祇異異說智无有障等如是種
種異異世界一切佛國土微塵數解
脫大海於念念間有阿僧祇異異說
智無有障等如是種種異異世界一
切佛國土微塵數无等樂說辯才大
海於念念間有阿僧祇異異說智无
有障等如是種種異異世界一切佛
國土微塵數神通大海於念念間有
阿僧祇異異說智无有障等如是種
種異異世界一切佛國土微塵數大
願大海於念念間有阿僧祇異異說
智無有障等如是種種異異世界一
切佛國土微塵數發勤精進大海於
念念間有阿僧祇異異說智无有障
等如是種種異異世界一切佛國土
微塵數得安隱大海於念念間有阿
僧祇異異說智无有障等如是種種
異異世界一切佛國土微塵數令入

菩薩行大海於念念間有阿僧祇異
異說智无有障尋如是種種異異世
界一切佛國土微塵數令入如來大
海於念念間有阿僧祇異異說智无
有障尋如是種種異異世界一切佛
國土微塵數令入隨順衆生心行大
海於念念間有阿僧祇異異說智无
有障尋如是種種異異世界一切佛
國土微塵數令入劫大海於念念間
有阿僧祇異異說智無有障尋如是
種種異異世界一切佛國土微塵數
令入世界大海於念念間有阿僧祇
異異說智无有障尋如是種種異
異世界一切佛國土微塵數令入三世
說大海於念念間有阿僧祇異異說
智无有障尋如是種種異異世界一
切佛國土微塵數令入三世大海於
念念間有阿僧祇異異說智无有障
尋如是種種異異世界一切佛國土微
塵數令入不疲倦心大海於念念間
有阿僧祇異異說智无有障尋如是種
種異異世界一切佛國土微塵數令入
无差別智大海於念念間有阿僧祇

異異說智無有障尋何以故以得自
然智故文殊師利譬如山河深谷等
中間于響聲依異異聲異異名字而
出種種異異響聲而山谷等不分別
離分別而自然如是無作心無分別
離分別自然如是種種聲現何以故
以不共法相應故文殊師利諸佛如
來說法音聲亦復如是隨衆生心隨
諸衆生可化種種法門聞種種聲種
種自說而諸佛如來不分別離分別
而自然如是无分別離分別自然如
是種種聲現何以故以得不共法相
應故文殊師利是名略說諸佛如來
無障尋智若廣說者盡未來際劫數
住持不可說盡

文殊師利云何諸佛如來教化衆生
力文殊師利所謂諸佛如來肉髻十
方世界一切世界一切住處一一世
界一一閻浮提無障无尋無有差別
遍覆一切虛空法界一切世間教
化衆生盡未來際遍至無邊世界
劫數住持无有休息文殊師利如
是如來三十二相於一一相十方世

界一切世界一切住處一一世界一
一閻浮提無障无碍無有差別遍履
一切虛空法界一切世間教化衆生
盡未來際遍至無邊世界劫數住持
无有休息文殊師利如是如來八十
種好於一一好十方世界一切世界
一切住處一一世界一一閻浮提無
障无碍無有差別遍履一切虛空法
界一切世間教化衆生盡未來際遍
至无邊世界劫數住持無有休息文
殊師利如是如來一切毛孔一一毛
孔十方世界一切世界一切住處一
一世界一一閻浮提无障无碍无有
差別遍履一切虛空法界一切世間
教化衆生盡未來際遍至无邊世界
劫數住持無有休息文殊師利如是
如來一切資生十方世界一切世界
一切住處一一世界一一閻浮提無
障无碍无有差別遍履一切虛空法
界一切世間教化衆生盡未來際遍
至无邊世界劫數住持无有休息何
以故以得不共法相應故不共法相
應者依本願力故為諸衆生住持力

故文殊師利是名略說諸佛如來教化衆生力若廣說者盡未來際劫數住持不可說盡

文殊師利云何諸佛如來普門現前
文殊師利所謂諸佛如來十方世界
一切世界一切住處一一世界二
閻浮提一一微塵文殊師利過五十
世界微塵數世界微塵大海阿僧祇
百千万億那由他微塵數一切世界
一一世界微塵數種種差別菩薩大
海如是處住而不障碍一切衆生住於
四天下諸須弥山大須弥山斫迦羅
山摩訶斫迦羅山城邑聚落諸國土
等大河大池無所妨碍如本不異而
有是事何以故以得不共法相應故
而隨衆生心隨衆生可化天龍夜叉
乾闥婆阿修羅迦樓羅緊那羅摩睺
羅伽帝釋梵天人及非人諸菩薩等
各各皆見諸佛如來普現其前何以
故以得不共法相應故文殊師利譬
如白月於十五日正中夜時閻浮提
中若男若女童男童女一切皆見月
輪現前而彼月輪不分別離分別而

自然如是无分別離分別自然如是
一切皆見何以故以不共法相應故
文殊師利諸佛如來亦復如是十方
世界一切世界住處衆生隨衆生心
隨衆生可化各各皆見諸佛如來現
於其前而諸佛如來不分別離分別
而自然如是无分別離分別自然如
是一切皆見何以故以得不共法相
應故文殊師利是名略說諸佛如來
普門現前若廣說者盡未來際劫數
住持不可說盡

文殊師利云何諸佛如來清淨佛國
土文殊師利所謂諸佛如來十方世
界一切世界種種住處一一世界一
一微塵中入一切世界微塵數世界
海功德莊嚴大海有阿僧祇異異說
智能清淨之或有世界海智功德莊
嚴大海有阿僧祇異異說智能清淨
之或有世界海波羅蜜大海有阿僧
祇異異說智能清淨之或有世界海
住地大海有阿僧祇異異說智能清
淨之或有世界海陀羅尼大海有阿
僧祇異異說智能清淨之或有世界

海三昧大海有阿僧祇異異說智能
清淨之或有世界海解脫大海有阿
僧祇異異說智能清淨之或有世界
海无尋樂說辯才大海有阿僧祇異
異說智能清淨之或有世界海神通
大海有阿僧祇異異說智能清淨之或
有世界海大願大海有阿僧祇異異說智
能清淨之或有世界海發勤精進大海
有阿僧祇異異說智能清淨之或有
世界海得安隱大海有阿僧祇異異
說智能清淨之或有世界海令入菩
薩行大海有阿僧祇異異說智能清
淨之或有世界海令入如來大海有
阿僧祇異異說智能清淨之或有世
界海令入隨順衆生心行大海有阿
僧祇異異說智能清淨之或有世界
海令入初大海有阿僧祇異異說智
能清淨之或有世界海令入世界大
海有阿僧祇異異說智能清淨之或
有世界海令入三世說大海有阿僧
祇異異說智能清淨之或有世界海
令入三世大海有阿僧祇異異說智
能清淨之或有世界海令入不疲倦

心大海有阿僧祇異異說智能清淨之或有世界海令入无差別智大海有阿僧祇異異說智能清淨之而諸佛如來不動本處何以故以得不動法故文殊師利是名略說諸佛如來清淨佛國土而無所畏若廣說者盡未來際劫數住持不可說盡

又殊師利云何諸佛如來无邊之身文殊師利所謂諸佛如來十方世界一切世界一一世界一二四天下過五十世界微塵數世界微塵大海阿僧祇百千萬億那由他微塵數諸佛如來菩薩大衆一一菩薩大衆大海過五十世界微塵數世界微塵大海阿僧祇百千萬億那由他微塵數諸佛如來菩薩大衆一一菩薩大衆大海各各皆得阿僧祇種種異異諸勝功德大海而自在嚴以得如是種種異異諸勝功德力住持故一切皆得現見尠數諸佛如來文殊師利過五十世界微塵數世界微塵大海阿僧祇百千萬億那由他微塵數諸佛如來菩薩大衆一一菩薩大衆大海各

各皆得阿僧祇種種異異諸勝智功德
莊嚴大海而自莊嚴以得如是種種
異異諸勝智功德莊嚴力住持故一切
皆得現見尠數諸佛如來文殊師利
過五十世界微塵數世界微塵大海
阿僧祇百千萬億那由他微塵數諸
佛如來菩薩大衆一一菩薩大衆大
海各各皆得阿僧祇種種異異諸勝
波羅蜜大海而自莊嚴以得如是種
種異異諸勝波羅蜜力住持故一切
皆得現見尠數諸佛如來文殊師利
過五十世界微塵數世界微塵大海
阿僧祇百千萬億那由他微塵數諸
佛如來菩薩大衆一一菩薩大衆大
海各各皆得阿僧祇種種異異諸勝
住地大海而自莊嚴以得如是種種
異異諸勝住地力住持故一切皆得
現見尠數諸佛如來

文殊師利過五十世界微塵數世界
微塵大海阿僧祇百千萬億那由他
微塵數諸佛如來菩薩大衆一一菩
薩大衆大海各各皆得阿僧祇種種
異異諸勝陀羅尼大海而自莊嚴以

得如是種種異異諸勝施羅尼力住持故一切皆得現見尔數諸佛如来文殊師利過五十世界微塵數世界微塵大海阿僧祇百千万億那由他微塵數諸佛如来菩薩大衆一一菩薩大衆大海各各皆得阿僧祇種種異異諸勝三昧大海而自在嚴以得如是種種異異諸勝三昧力住持故一切皆得現見尔數諸佛如来文殊師利過五十世界微塵數世界微塵大海阿僧祇百千万億那由他微塵數諸佛如来菩薩大衆一一菩薩大衆大海各各皆得阿僧祇種種異異諸勝解脫大海而自在嚴以得如是種種異異諸勝解脫力住持故一切皆得現見尔數諸佛如来文殊師利過五十世界微塵數世界微塵大海阿僧祇百千万億那由他微塵數諸佛如来菩薩大衆一一菩薩大衆大海各各皆得阿僧祇種種異異諸勝元身樂說辯才大海而自在嚴以得如是種種異異諸勝無身樂說辯才力住持故一切皆得現見尔數諸佛如来

文殊師利過五十世界微塵數世界
微塵大海阿僧祇百千萬億那由他
微塵數諸佛如來菩薩大衆一一菩
異異諸勝神通大海而自在嚴以得
如是種種異異諸勝神通力住持故
一切皆得現見今數諸佛如來

文殊師利過五十世界微塵數世界
微塵大海阿僧祇百千萬億那由他
微塵數諸佛如來菩薩大衆一一菩
薩大衆大海各各皆得阿僧祇種種
異異諸勝大願大海而自在嚴以得
如是種種異異諸勝大願力住持故
一切皆得現見今數諸佛如來

文殊師利過五十世界微塵數世界
微塵大海阿僧祇百千萬億那由他
微塵數諸佛如來菩薩大衆一一菩
薩大衆大海各各皆得阿僧祇種種
異異諸勝發勤精進大海而自在嚴
以得如是種種異異諸勝發勤精進
力住持故一切皆得現見今數諸佛
如來

文殊師利過五十世界微塵數世界

微塵大海阿僧祇百千萬億那由他
微塵數諸佛如來菩薩大衆一一菩
薩大衆大海各各皆得阿僧祇種種
異異諸勝得安隱大海而自在嚴以
得如是種種異異諸勝得安隱力住
持故一切皆得現見亦數諸佛如來
文殊師利過五十世界微塵數世界
微塵大海阿僧祇百千萬億那由他
微塵數諸佛如來菩薩大衆一一菩
薩大衆大海各各皆得阿僧祇種種
異異諸勝令入菩薩行大海而自在
嚴以得如是種種異異諸勝令入菩
薩行力住持故一切皆得現見亦數
諸佛如來

文殊師利過五十世界微塵數世界
微塵大海阿僧祇百千萬億那由他
微塵數諸佛如來菩薩大衆一一菩
薩大衆大海各各皆得阿僧祇種種
異異諸勝令入如來大海而自在嚴
以得如是種種異異諸勝令入如來
力住持故一切皆得現見亦數諸佛
如來

文殊師利過五十世界微塵數世界

微塵大海阿僧祇百千萬億那由他
微塵數諸佛如來菩薩大衆一一菩
薩大衆大海各各皆得阿僧祇種種
異異諸勝令入隨順衆生心行大海
而自莊嚴以得如是種種異異諸勝
令入隨順衆生心行力住持故一切
皆得現見尒數諸佛如來

文殊師利過五十世界微塵數世界
微塵大海阿僧祇百千萬億那由他
微塵數諸佛如來菩薩大衆一一菩
薩大衆大海各各皆得阿僧祇種種
異異諸勝令入劫大海而自莊嚴以
得如是種種異異諸勝令入劫力住
持故一切皆得現見尒數諸佛如來
文殊師利過五十世界微塵數世界
微塵大海阿僧祇百千萬億那由他
微塵數諸佛如來菩薩大衆一一菩
薩大衆大海各各皆得阿僧祇種種
異異諸勝令入世界大海而自莊嚴
以得如是種種異異諸勝令入世界力
住持故一切皆得現見尒數諸佛如來
文殊師利過五十世界微塵數世界
微塵大海阿僧祇百千萬億那由他

微塵數諸佛如來菩薩大衆二苦
薩大衆大海各各皆得阿僧祇種種
異異諸勝令入三世說大海而自在
嚴以得如是種種異異諸勝令入三
世說力住持故一切皆得現見尙數
諸佛如來

文殊師利過五十世界微塵數世界
微塵大海阿僧祇百千萬億那由他
微塵數諸佛如來菩薩大衆一一菩
薩大衆大海各各皆得阿僧祇種種
異異諸勝令入三世大海而自在嚴以
得如是種種異異諸勝令入三世力住
持故一切皆得現見尙數諸佛如來
文殊師利過五十世界微塵數世界
微塵大海阿僧祇百千萬億那由他
微塵數諸佛如來菩薩大衆一二菩
薩大衆大海各各皆得阿僧祇種種
異異諸勝令入不疲倦心大海而自
在嚴以得如是種種異異諸勝令入
不疲倦心力住持故一切皆得現見
尙數諸佛如來
文殊師利過五十世界微塵數世界
微塵大海阿僧祇百千萬億那由他

微塵數諸佛如來菩薩大衆一一菩薩大衆大海各各皆得阿僧祇種種異異諸勝令入无老別智大海而自莊嚴以得如是種種異異諸勝令入無老別智力住持故一切皆得現見亦數諸佛如來

文殊師利如是略說得諸依止諸希有相行善知識發勤精進得心安隱教化衆生禁戒受記入菩薩行入如來行入衆生行入世界海入諸劫海入三世法入心發起不生疲倦差別諸智陀羅尼門說諸如來普賢諸心普賢諸行種種法相大慈之心菩薩心因緣恭敬善知識發心諸行諸修行清淨諸波羅蜜如實覺知得如實入諸力妙力平等諸道說諸佛法專取樂說諸智增上得不執著心得平等發起諸智作諸應化住持諸法得大安隱入諸深法依佛依法依止而住得生慈心不怯弱心斷諸疑網得發起心不思議心依何意說種種方便諸智差別方便而說得諸三昧得一切入得諸解脫諸通諸明一切得心

自在解脫諸妙水池諸妙樓閣諸勝
莊嚴諸心不退不捨心住一切直心
智如海入猶如諸寶菩薩發心得如
金剛而起發心大乘發心平等發心
究竟發心得不得毀壞諸尊重心授記
諸法諸善根迴向得智增上無邊無
中平等發心得諸寶藏得諸禁戒得
諸自在得諸奮迅一切境界一切諸
力一切無畏具足無量不共之法教
化一切諸菩薩等一切身業一切諸
身得諸口業諸心發心心遍普覆一
切諸根諸質直心諸增上心諸行諸
信入信世界入諸勲習得入諸取入
如實行入成就行入菩薩位諸菩薩
法定諸法進趣道親近善知識得諸
善知識是道非道是量非量成就見
道具道功德修行識道諸道莊嚴文
殊師利如是一一皆應廣說而諸佛
如來不分別離分別而自然如是無
分別離分別自然如是種種示現何
以故以得不共法相應故文殊師利
如是如來十方世界一切世界一切
住處一一世界一一閻浮提一時示

現隨衆生可化而自見諸佛如來而諸佛如來不分別離分別而自然如是無分別離分別自然如是種種示現何以故以得不共法相應故以無障導如來身故文殊師利是名略說諸佛如來无邊之身若廣說者盡未來際劫數住持不可說盡

文殊師利云何諸佛如來遍見文殊師利我譬喻說何以故有智慧者依諸譬喻得解義故文殊師利如大池水五百由旬若干由旬溢滿地平大蓮華葉覆彼池水蓮華葉上中有一人乘駕鐵車行華葉上彼鐵車輪具有千輻其車駕馬行疾之速過金翅鳥彼鐵車行如是速疾而水不濕車輪車輻及以馬足車輪馬足不損華葉彼池上人如是車行當尔之時即水池中生大毒蛇以何等時彼車輪及以馬足一轉依彼念時彼大毒蛇繞車七匝文殊師利以何等時彼大毒蛇繞車一匝依彼刹部阿難比丘十遍說法又復更有示現彼義以何等時阿難比丘一遍說法依彼刹部舍利弗比丘

千遍說法令衆生知以何等時舍利
弗比丘一遍說法依彼剎那大目犍
連能過八十千世界外以何等時大
目犍連過一世界依彼剎那諸佛如
來一切世界一切住處一一世界一
一間浮提於一時間非前後時從兜
率天退生出家行於苦行坐於道場
降伏魔怨現證正覺轉於法輪示大
涅槃住持佛法示諸法滅能令一切
外道行中諸本生處令一時見非前
後見何以故以无障碍故無障碍者
以无差別無差別者以无依止文殊
師利如大琉璃如意寶珠無價色衣
以用纏裹依彼衣故見種種相而大
琉璃如意寶珠不分別離分別而自
然如是無分別離分別自然如是見
種種相何以故以得不共法相應故文
殊師利諸佛如來應正遍知亦復如
是依可化衆生十方世界一切世界
一切住處於一時間非前後時念念
如是種種異見而諸佛如來非分別
離分別而自然如是無分別離分別
自然如是種種異見何以故以得不共

法相應故文殊師利譬如月輪或如
日輪於閻浮提一切器水清淨不濁
離於障身皆悉現見而日月輪本處
不動文殊師利如是應正遍知十方
世界一切世界無障无身如是如是
可化衆生自心清淨皆見如來而諸
佛如來兜率陀天如本不動如是十
方一切世界一切衆生發起心中皆
悉現前何以故以如來得不退智故
文殊師利譬如世間一切衆生依下
中上諸果報故則下中上有為諸行
皆悉成就而有為行不分別離分別
而自然如是無分別離分別自然如
是如是種種諸事成就何以故以得不
共法相應故文殊師利如是衆生依
下中上業果報故見諸佛如來有下
中上而諸佛如來不分別離分別而
自然如是无分別離分別自然如是
見下中上何以故以得不共法相應
故文殊師利譬如一雨一色味等墮
閻浮提依種種器有種種色有種種
味有種種香而大雨不分別離分別
而自然如是无分別離分別自然如

是色香味異何以故以得不共法相應
故文殊師利如是諸佛如來一味法
界依可化衆生見有種種差別諸法
而諸佛如來不分別離分別而自然
如是无分別離分別自然如是見差
別法何以故以得不共法相應故文
殊師利譬如何處出生自在如意寶
王如是彼處无有鐵生種種鐵器彼
處不生何以故以得不共法相應故文
殊師利如是何處出生諸佛如來光
明彼處不生火之光明及電光明日
月光明不生種種如意摩尼寶王光
明不生天龍夜叉乳闍婆阿修羅伽
樓羅緊那羅摩睺羅伽天帝釋王大
梵天王護世四王等諸光明彼處天
子詔勅不行彼處不生四種姓氏彼
處不生八種諸難地獄餓鬼畜生等
難彼處不生十惡業道彼處不生種
種諸亂彼處不生諸餘外道惡命生
活尼軋子等文殊師利而諸佛如來
不分別離分別而自然如是无分別
離分別自然如是諸事不生何以故
以得不共法相應故文殊師利是名

略說諸佛如來不可思議境界若廣
說者盡未來際劫數住持不可說盡
信力入印法門經卷第四

辛丑歲高麗國大藏都監

勅雕造

信力入印法門經卷第五

臣

元魏天生三藏曇摩流支譯

文殊師利云何諸佛如來自自然智文殊師利譬如十方各過五十世界微塵數世界微塵大海阿僧祇百千萬億那由他微塵數世界一切世界一世界二閻浮提於念念間見佛色身於一時見非前後見而諸佛如來不分別離分別而自然如是无分別離分別自然如是一時通見何以故以得不共法相應故文殊師利十方各過五十世界微塵數世界微塵大海阿僧祇百千萬億那由他微塵數世界一切世界二世界一一閻浮提於念念間諸佛如來自自然智依諸衆生異異善根異異修行一切種種異異伎術自然而現而諸佛如來不分別離分別而自然如是无分別離分別自然如是諸伎術現何以故以得不共法相應故文殊師利十方世界一切世界海一切所住處世間出世間一切法成就彼一切種事皆

諸佛如來自然而現在前何以故以得不共法相應故文殊師利譬如大地依大地故住持一切種子草木諸樹林等能生能長廣狹大小皆悉成就而彼大地不分別離分別而自然如是無分別離分別自然如是生長廣狹大小成就何以故以得不共法相應故文殊師利如是依諸佛如來住持十方世界海剎外道尼乾子等一切作業及諸衆生諸善根業若世間業出世間業生長廣狹大小成就而諸佛如來不分別離分別而自然如是無分別離分別自然如是生長廣狹大小成就何以故以得不共法相應故文殊師利譬如有人到離惡刺諸藥草處一切惡刺皆自墮落然彼到處不分別離分別而自然如是無分別離分別自然如是惡刺藥草悉皆墮落何以故以得不共法相應故文殊師利如是一切諸衆生等乃至盡解諸佛如來或有經夾彼諸衆生因彼因故一切貪欲瞋恚癡刺悉皆墮落而諸佛如來不分別離分別

而自然如是無分別離分別自然如是貪瞋癡刺悉皆墮落何以故以得不共法相應故文殊師利譬如如意寶王隨諸衆生有所須者悉皆能與而如意寶王不分別離分別而自然如是无分別離分別自然如是有所須者悉皆能與何以故以不共法相應故文殊師利如是若有人天若諸菩薩摩訶薩等往到諸佛如來之所欲得如是如是聞法思義彼人天等一切悉得聞彼彼法而諸佛如來不分別離分別而自然如是无分別離分別自然如是一切悉得聞彼彼法何以故以得不共法相應故文殊師利是名略說諸佛如來无障智若廣說者盡未來際劫數住持不可盡說文殊師利云何諸佛如來不可思議境界文殊師利所謂諸佛如來十方世界一切世界一一世界一切微塵一一微塵入一切世界海微塵世界一一世界一一閻浮提亦復如是文殊師利過五十世界微塵數世界微塵大海阿僧祇百千万億那由他微

塵數諸佛如來種種異異功德莊嚴
大海有阿僧祇種種說法異異差別
念念示現无障無碍无差別遍虚空
法界無有邊際盡未來際劫數住持
如是種種異異智功德莊嚴大海有
阿僧祇異異說法異異差別念念示
現無障无碍無差別遍虚空法界无
有邊際盡未來際劫數住持如是種
種異異波羅蜜大海有阿僧祇異異
說法異異差別念念示現無障无碍
無差別遍虚空法界无有邊際盡未
來際劫數住持如是種種異異住地
大海有阿僧祇異異說法異異差別
念念示現无障無碍无差別遍虚空
法界無有邊際盡未來際劫數住持
如是種種異異陀羅尼大海有阿僧
祇異異說法異異差別念念示現無
障无碍無差別遍虚空法界无有邊
際盡未來際劫數住持如是種種異
異三昧大海有阿僧祇異異說法異
異差別念念示現無障无碍無差別
遍虚空法界无有邊際盡未來際劫
數住持如是種種異異解脫大海有

阿僧祇異異說法異異差別念念示
現無障无寻無差別遍虛空法界无
有邊際盡未來際劫數住持如是種
種異異無寻樂說辯才大海有阿僧
祇異異說法異異差別念念示現無
障无寻無差別遍虛空法界无有邊
際盡未來際劫數住持如是種種異
異大願大海有阿僧祇異異說法異
異差別念念示現无障無寻无差別
遍虛空法界無有邊際盡未來際劫
數住持如是種種異異得安隱大海
有阿僧祇異異說法異異差別念念
示現无障無寻无差別遍虛空法界
無有邊際盡未來際劫數住持如是
種種異異令入菩薩行大海有阿僧
祇異異說法異異差別念念示現無
障无寻無差別遍虛空法界无有邊
際盡未來際劫數住持如是種種異
異令入如來大海有阿僧祇異異說
法異異差別念念示現无障無寻无
差別遍虛空法界無有邊際盡未來
際劫數住持如是種種異異令入隨
順衆生心行大海有阿僧祇異異說

法異異差別念念示現無障无尋無差別遍虚空法界无有邊際盡未來際劫數住持如是種種異異令入世界大海有阿僧祇異異說法異異差別念念示現无障無尋无差別遍虚空法界無有邊際盡未來際劫數住持如是種種異異令入劫大海有阿僧祇異異說法異異差別念念示現无障無尋无差別遍虚空法界无有邊際盡未來際劫數住持文殊師利十方世界一切世界過去未來現在世界大海諸佛如來一切毛孔二毛孔於一時間非前後時皆悉示現何以故以得无邊無中際故文殊師利是名略說諸佛如來不可思議境界若廣說者盡未來際劫數住持說不可盡

文殊師利云何諸佛如來普見文殊師利所謂諸佛如來十方世界一切世界中見諸衆生若退若生若入善道若入惡道如是如來頂上相見如是如來白毫相見如是如來一切諸相一一遍見如是如來一切諸好一

一遍見如是如來一切毛孔一一遍見如是一時非前後見一切世界見諸衆生若退若生若入善道若入惡道文殊師利是名略說諸佛如來遍見若廣說者盡未來際劫數住持不可說盡

文殊師利云何諸佛如來名稱文殊師利所謂諸佛如來十方世界一切世界一一世界一一閻浮提一一微塵一切微塵世界入一切世界海如是是一世界二閻浮提於念念間一切世界微塵數衆生奮迅示現无障無碍无差別遍虚空法界無有邊際可化衆生盡未來際劫數住持何以故以得不共法相應故如是佛國土奮迅如是身奮迅如是願奮迅如是境界奮迅如是智奮迅如是神通奮迅如是力奮迅如是等於念念間一切世界微塵數奮迅示現无障無碍无差別遍虚空法界無有邊際可化衆生盡未來際劫數住持何以得不共法相應故文殊師利是名略說諸佛如來名稱若廣說者盡未

來際劫數住持不可說盡

文殊師利云何諸佛如來無差別无
依止文殊師利所謂諸佛如來非此
世界差別餘世界无差別文殊師利
諸佛如來非依止此世界不依止餘
世界文殊師利諸佛如來非此閻浮
提差別餘閻浮提无差別文殊師利
諸佛如來非依止此閻浮提不依止
餘閻浮提文殊師利諸佛如來非此
畜生道差別餘畜生道无差別文殊
師利諸佛如來非此餓鬼道差別餘
餓鬼道无差別文殊師利諸佛如來
非此畜生道依止餘畜生道不依止
文殊師利諸佛如來非欲界差別色
界依止文殊師利是名略說諸佛如
來无差別無依止若廣說者盡未來
際劫數住持不可說盡

文殊師利云何諸佛如來身无障碍
文殊師利所謂諸佛如來十方世界
一切世界國土大海一切住處三世
無邊一切衆生隨衆生心隨其可化
於念念間頂相示現法相生滅如彼
衆生所應見聞令見聞知乃可虛空

客有遍見如來頂相終不可見如是
如來十方世界一切世界國土大海
一切住處三世无邊一切衆生隨衆
生心隨其可化於念念間一切相好
一一相好一切毛孔一一毛孔皆悉
示現法相生滅如彼衆生所應見聞
令見聞知乃可虛空客有遍見諸佛
如來一毛孔相終不可見如有天人
菩薩隨衆生心隨其可化依彼生滅
法相而說如彼所信令入法中文殊
師利或有天人菩薩見如來頂相出
阿僧祇功德莊嚴大海異異說法知
如是法為衆生說令衆生聞如彼所信
入於法中或有衆生知阿僧祇智功
德莊嚴大海異異說法或有衆生聞
阿僧祇波羅蜜大海勝說法聲或有
衆生聞阿僧祇住地大海勝說法聲
或有衆生聞阿僧祇陀羅尼大海勝
說法聲或有衆生聞阿僧祇三昧大
海勝說法聲或有衆生聞阿僧祇解
脫大海勝說法聲或有衆生聞阿僧
祇无尋樂說辯才大海勝說法聲或
有衆生聞阿僧祇神通大海勝說法

聲或有衆生聞阿僧祇發勤精進大海勝說法聲或有衆生聞阿僧祇得安隱大海勝說法聲或有衆生聞阿僧祇令入菩薩行大海勝說法聲或有衆生聞阿僧祇令入如來大海勝說法聲或有衆生聞阿僧祇令入隨順衆生心行大海勝說法聲或有衆生聞阿僧祇令入世界大海勝說法聲或有衆生聞阿僧祇令入劫大海勝說法聲或有衆生聞阿僧祇令入三世大海勝說法聲或有衆生聞阿僧祇令入三世說大海勝說法聲或有衆生聞阿僧祇令入不疲倦心大海勝說法聲或有天人菩薩見佛頂相出阿僧祇无差別智大海異異說法知如是法為衆生說令衆生聞如彼所信入於法中如是念念一切相好一一相好一切毛孔一一毛孔如是十方世界一切世界二世界隨衆生心隨其可化天人菩薩見佛如來一毛孔相出阿僧祇異異法海異異說法知如是法為衆生說令衆生聞如彼所信入於法中文殊師利是

名略說諸佛如來身無障碍若廣說者盡未來際劫數住持不可說盡

文殊師利云何諸佛如來頂相不可得見文殊師利所謂諸佛如來過五十世界微塵數世界微塵大海阿僧祇百千萬億那由他微塵數諸佛如來菩薩摩訶薩大衆大海文殊師利如是過五十世界微塵數世界微塵大海阿僧祇百千萬億那由他微塵數諸佛如來菩薩摩訶薩大衆大海文殊師利或有菩薩見如來身高百由旬或有菩薩如是或有菩薩見如來身高百由旬或有菩薩見十二三十四十百由旬高或有菩薩即於如是大衆中見高千由旬或有菩薩見二十三十四十千由旬高如是或有菩薩見如來身高億由旬或有菩薩見十二三十四十億由旬高如是或有菩薩見如來身高億由旬或有菩薩見十二三十四十

億由旬高或有菩薩見如來身高千
億由旬或有菩薩見十二三十四
十千億由旬十方世界一切世界海
刹一切閻浮提同一時中皆見如來
非前後見文殊師利譬如若有菩薩
摩訶薩住不思議解脫三昧於念念
間五十世界微塵世界以為一步行
東方世界其一步過五十世界微
塵數世界大海去向東方為欲觀察
如來頂相如是而去經五十世界微
塵數劫大海而去彼處觀察如來頂
相二倍轉高何以故以如來得不共
法相應故文殊師利是名略說如來
頂相不可觀察若廣說者盡未來際
劫數住持不可說盡

文殊師利云何諸佛如來住持菩薩
行教化衆生文殊師利所謂諸佛如
來十方世界微塵數世界猶尚是少
諸佛如來過於是數一切世界二
世界一一微塵教化行事文殊師利
所謂隨若干數如來身中說亦許菩
薩行亦許如來無見頂相一切諸相
一一相中一切諸好一一好中一切

毛孔一一毛孔念念常出一切世界
微塵數阿僧祇光明大海或有常出
一切世界微塵數阿僧祇功德莊嚴
光明大海或有常出阿僧祇智功德
莊嚴光明大海或有常出阿僧祇波
羅蜜光明大海或有常出阿僧祇住
地光明大海或有常出阿僧祇陀羅
尼光明大海或有常出阿僧祇解脫
光明大海或有常出阿僧祇無學樂
說辯才光明大海或有常出阿僧祇
大願光明大海或有常出阿僧祇得
安隱光明大海或有常出阿僧祇令
入菩薩行光明大海或有常出阿僧
祇令入如來光明大海或有常出阿
僧祇令入隨順衆生心行光明大海
或有常出阿僧祇令入世界光明大
海或有常出阿僧祇令入劫光明大
海或有常出阿僧祇令入三世說光
明大海或有常出阿僧祇令入不疲
倦心光明大海文殊師利如是常出
阿僧祇光明大海無差別智大海無
障無碍無差別遍虛空法界元有邊
際劫數住持教化衆生而無所畏

文殊師利諸佛如來如是不思議事
十方世界一切世界大海一時念念
衆生大海同時教化或有衆生海以
阿僧祇異異功德莊嚴大海異異說
智而教化之或有衆生海以阿僧祇
異異智功德莊嚴大海異異說智而
教化之或有衆生海以阿僧祇異異
波羅蜜大海異異說智而教化之或
有衆生海以阿僧祇異異三昧大海
異異說智而教化之或有衆生海以
阿僧祇異異解脫大海異異說智而
教化之或有衆生海以阿僧祇異異
元尋樂說辯才大海異異說智而教
化之或有衆生海以阿僧祇異異神
通大海異異說智而教化之或有衆
生海以阿僧祇異異大願大海異異
說智而教化之或有衆生海以阿僧
祇異異發勤精進大海異異說智而
教化之或有衆生海以阿僧祇異異
得安隱大海異異說智而教化之或
有衆生海以阿僧祇異異令入菩薩
行大海異異說智而教化之或有衆
生海以阿僧祇異異令入如來大海

異異說智而教化之或有衆生海以
阿僧祇異異令入隨順衆生心行大
海異異說智而教化之或有衆生海
以阿僧祇異異令入世界大海異異
說智而教化之或有衆生海以阿僧
祇異異令入劫大海異異說智而教
化之如是或有衆生海令入三世或
有衆生海令入三世說或有衆生海
令入不疲倦心或有衆生海令入無
差別智或有衆生海令入奮迅智或
有衆生海令入國土奮迅智或有衆
生海令入海奮迅智或有衆生海令
入身奮迅智或有衆生海令入願奮
迅智或有衆生海令入境界奮迅智
或有衆生海令入智奮迅智或有衆
生海令入神通奮迅智或有衆生海
令入力奮迅智如是念念衆生大海
一切微塵數一切若干微塵數智以
阿僧祇異異說智而教化之文殊師
利是名略說諸佛如是教化衆生而
无所畏若廣說者盡未來際劫數住
持不可說盡

文殊師利若有善男子善女人於一

切世界微塵數諸衆生日日以天甘露百味飲食及天衣服卧具湯藥給施供養如是乃至阿僧祇恒河沙數世界微塵等數劫海給施供養文殊師利若復有善男子善女人於一優婆塞不信餘尊持十善業道攝取彼人生如是心此是學佛諸戒行人乃至一日以一食施文殊師利此福勝前无量阿僧祇文殊師利若有善男子善女人於一切世界微塵數不以天甘露百味飲食及天衣服卧具湯藥給施供養如是乃至阿僧祇恒河沙數世界微塵等數劫海而供養之文殊師利若復有善男子善女人於一比丘攝取彼人乃至一日以一食施文殊師利此福勝前无量阿僧祇文殊師利若有善男子善女人於一切世界微塵數比丘日日以天甘露百味飲食及天衣服卧具湯藥奉施供養如是乃至阿僧祇恒河沙數世界微塵等數劫海而供養之文殊師利若復有善男子善女人於一信

行人攝取彼人乃至一日以一食施
文殊師利此福勝前无量阿僧祇文
殊師利若有善男子善女人於一切
世界微塵數諸信行人日日以天甘
露百味飲食及天衣服卧具湯藥奉
施供養如是乃至阿僧祇恒河沙數
世界微塵等數劫海而供養之文殊
師利若復有善男子善女人於一切
世界微塵數諸法行人日日以天甘
露百味飲食及天衣服卧具湯藥奉
施供養如是乃至阿僧祇恒河沙數
世界微塵等數劫海而供養之文殊
師利若復有善男子善女人於八人
中一人攝取彼人乃至一日以一食
施文殊師利此福勝前无量阿僧祇
文殊師利若有善男子善女人於一
切世界微塵數諸八人日日以天甘
露百味飲食及天衣服卧具湯藥奉
施供養如是乃至阿僧祇恒河沙數
世界微塵等數劫海而供養之文殊

師利若復有善男子善女人於一須
陀洹向攝取彼人乃至一日以一食
施文殊師利此福勝前无量阿僧祇
文殊師利若有善男子善女人於一
切世界微塵數諸須陀洹向日日以
天甘露百味飲食及天衣服卧具湯
藥奉施供養如是乃至阿僧祇恒河
沙數世界微塵等數劫海而供養之
文殊師利若復有善男子善女人於
一須陀洹攝取彼人乃至一日以一
食施文殊師利此福勝前无量阿僧
祇文殊師利若有善男子善女人於
一切世界微塵數諸須陀洹日日以
天甘露百味飲食及天衣服卧具湯
藥奉施供養如是乃至阿僧祇恒河
沙數世界微塵等數劫海而供養之
文殊師利若復有善男子善女人於
一斯陀含向攝取彼人乃至一日以
一食施文殊師利此福勝前无量阿
僧祇文殊師利若有善男子善女人
於一切世界微塵數諸斯陀含向日
日以天甘露百味飲食及天衣服卧
具湯藥奉施供養如是乃至阿僧祇

恒河沙數世界微塵等數劫海而供養之文殊師利若復有善男子善女人於一斯陀含攝取彼人乃至一日以一食施文殊師利此福勝前无量阿僧祇文殊師利若有善男子善女人於一切世界微塵數諸斯陀含日以天甘露百味飲食及天衣服卧具湯藥奉施供養如是乃至阿僧祇恒河沙數世界微塵等數劫海而供養之文殊師利若復有善男子善女人於一阿那含攝取彼人乃至一日以一食施文殊師利此福勝前无量阿僧祇文殊師利若有善男子善女人於一切世界微塵數諸阿那含向日日以天甘露百味飲食及天衣服卧具湯藥奉施供養如是乃至阿僧祇恒河沙數世界微塵等數劫海而供養之文殊師利若復有善男子善女人於一阿那含攝取彼人乃至一日以一食施文殊師利此福勝前无量阿僧祇文殊師利若有善男子善女人於一切世界微塵數諸阿那含日日以天甘露百味飲食及天衣服卧具湯藥奉施供養如是乃至阿僧祇恒河沙數世界微塵等數劫海而供養之文殊師利若復有善男子善女人於一阿那含攝取彼人乃至一日以一食施文殊師利此福勝前无量阿僧祇文殊師利若有善男子善女人於一切世界微塵數諸阿那含日日以天甘露百味飲食及天衣服

服卧具湯藥奉施供養如是乃至阿
僧祇恒河沙數世界微塵等數劫海
而供養之文殊師利若復有善男子
善女人於一阿羅漢攝取彼人乃至
一日以一食施文殊師利此福勝前
無量阿僧祇文殊師利若有善男子
善女人於一切世界微塵數諸阿羅
漢日日以天甘露百味飲食及天衣
服卧具湯藥奉施供養如是乃至阿
僧祇恒河沙數世界微塵等數劫海
而供養之文殊師利若復有善男子
善女人於一辟支佛攝取彼人乃至
一日以一食施文殊師利此福勝前
無量阿僧祇文殊師利若有善男子
善女人於一切世界微塵數諸辟支
佛日日以天甘露百味飲食及天衣
服卧具湯藥奉施供養如是乃至阿
僧祇恒河沙數世界微塵等數劫海
而供養之文殊師利若復有善男子
善女人見於壁上一畫佛像或經夾
中見畫佛像文殊師利此福勝前无
量阿僧祇何況合掌若以一華奉施
佛像或以一香或以末香或有塗香

或然一燈文殊師利此福勝前無量
阿僧祇文殊師利若有善男子善女
人於一恒河沙等世界諸佛如來及
聲聞僧日日以天甘露百味飲食及
天衣服卧具湯藥奉施供養如是乃
至無量无邊阿僧祇恒河沙數世界
微塵等數劫海而供養之文殊師利
若復有善男子善女人於一羊車乘
行菩薩得直心人隨一善根能作佛
種攝取彼菩薩乃至一日以鹿飲食
一施其人文殊師利此福勝前无量
阿僧祇文殊師利若有善男子善女
人於一切世界微塵數諸羊車乘行
菩薩人日日以天甘露百味飲食及
天衣服卧具湯藥奉施供養如是乃
至阿僧祇恒河沙數世界微塵等數
劫海而供養之文殊師利若復有善
男子善女人於一象乘行菩薩人隨
一善根能作佛種攝取彼人乃至一
日以一食施文殊師利此福勝前無
量阿僧祇文殊師利若有善男子善
女人於一切世界微塵數諸象乘行
菩薩人日日以天甘露百味飲食及

天衣服卧具湯藥奉施供養如是乃至阿僧祇恒河沙數世界微塵等數劫海而供養之文殊師利若復有善男子善女人於一日月乘行菩薩人種佛善根攝取彼人乃至一日以一食施文殊師利此福勝前无量阿僧祇文殊師利若有善男子善女人於一切世界微塵數諸日月乘行菩薩人日日以天甘露百味飲食及天衣服卧具湯藥奉施供養如是乃至阿僧祇恒河沙數世界微塵等數劫海而供養之文殊師利若復有善男子善女人於一聲聞乘神通行菩薩人攝取彼人乃至一日以一食施文殊師利此福勝前无量阿僧祇文殊師利若有善男子善女人於一切世界微塵數諸聲聞乘神通行菩薩人日日以天甘露百味飲食及天衣服卧具湯藥奉施供養如是乃至阿僧祇恒河沙數世界微塵等數劫海而供養之文殊師利若復有善男子善女人於一如來神通行菩薩人攝取彼人乃至一日以一食施文殊師利此

福勝前无量阿僧祇文殊師利若有
善男子善女人於一切世界微塵數
諸如來神通行菩薩摩訶薩日日以
天甘露百味飲食及天衣服卧具湯
藥奉施供養如是乃至阿僧祇恒河
沙數世界微塵等數劫海而供養之
文殊師利若復有善男子善女人於
此法門能自書寫若令他書寫文殊
師利此福勝前无量阿僧祇

文殊師利不善業罪亦如是說應當
善知文殊師利如是羊乘行人爲乘
行人日月乘行人聲聞乘神通行人
菩薩乃至爲畜生道令生善根若男
子女人起微瞋心貌相變異乃至畜
生障一善根文殊師利此罪過前无
量阿僧祇文殊師利若有男子女人
於十方世界一切世界微塵數諸衆
生挑却其眼劫奪一切資生財物文
殊師利若復有男子女人於一菩薩
所起欺慢心罵辱毀訾文殊師利此
罪過前无量阿僧祇文殊師利若有
男子女人於一菩薩乃至微少隨何
因緣以欺慢心罵辱毀訾彼男子女

人墮大叫喚地獄之中身形大小五百由旬有五百頭於一一頭有五百口於一一口有五百舌於一一舌有五百犁以耕其舌文殊師利若有男子女人於三千世界所有衆生若以刀杖斫打煞之劫奪一切資生財物文殊師利若復有男子女人於菩薩所生欺慢心起瞋恨意文殊師利此罪過前无量阿僧祇文殊師利若有男子女人起於惡心不生衆生安隱之心於恒河沙等一切諸世界二世界一一閻浮提恒河沙等諸阿羅漢盡皆煞害恒河沙等諸佛如來七寶塔廟七寶欄楯寶幢幡蓋皆悉破壞盡令消滅文殊師利若復有男子女人於信大乘菩薩乃至微少隨何因緣生欺慢心瞋罵毀訾文殊師利此罪過前无量阿僧祇何以故以從菩薩生諸佛故以從菩薩不斷諸佛如來種故若其有人謗菩薩者彼人名為謗佛謗法何以故以不異法有菩薩故以諸菩薩即是法故文殊師利若有男子女人於十方世界一切

世界一切衆生以瞋恚心繫縛安置
黑闇地獄文殊師利若復有男子女
人瞋於菩薩乃至迴身異方看項文
殊師利此罪過前无量阿僧祇文殊
師利若有男子女人於一切閻浮提
一切衆生所有資生一切財物悉皆
奪盡文殊師利若復有男子女人隨
一菩薩若好若惡以瞋恨心罵辱毀
訾文殊師利此罪過前无量阿僧祇
文殊師利譬如須彌山王勝於諸山
光明照耀勝者所謂高下廣狹文殊
師利如是菩薩信此法門十方世界
一切世界微塵等數諸菩薩中寂勝
寂上何以故若有菩薩信此法門五
波羅蜜所起功德一切善根阿僧祇
劫之所修行信此法門其福為勝所
謂勝者高下廣狹文殊師利若有善
男子善女人於十方世界微塵數菩
薩令發菩提心文殊師利若復有善
男子善女人信此法門是出世間法
文殊師利此福勝前无量阿僧祇文
殊師利若有善男子善女人一切衆
生信此法門令發菩提心文殊師利

若復有善男子善女人信此法門信已書寫若教他書若自身誦若教他誦乃至經夾書寫信敬受持供養然燈香華末香塗香華鬘供養此法門者文殊師利此福勝前无量阿僧祇文殊師利若有善男子善女人一切世界所有衆生信聲聞道彼聲聞道二衆生皆與無量阿僧祇轉輪聖王住處善根及與生天勝妙善根盡皆斷滅文殊師利若復有異人於一菩薩摩訶薩障一善根文殊師利此罪過前无量阿僧祇何況瞋恚罵辱毀訾文殊師利若有男子女人恒河沙等諸佛塔廟破壞焚燒文殊師利若復有男子女人於信大乘菩薩衆生起瞋恚心罵辱毀訾文殊師利此罪過前无量阿僧祇何以故以從菩薩生諸佛故以從諸佛有塔廟故以因佛有一切世間諸天人故是故供養諸菩薩者即是供養諸佛如來若有供養諸菩薩者即是供養三世諸佛毀訾菩薩即是毀訾三世諸佛文殊師利若有善男子善女人若欲得

依无上供養諸如來者應當供養諸菩薩也

文殊師利若有城邑聚落等中或有一億或有千億或有百千億無量无边阿僧祇菩薩於此法門不生信心彼諸菩薩若有王亂或有業亂或有水難或有嶮難或有火難或有賊難而彼城邑聚落等中有一菩薩信此法門而彼菩薩有阿僧祇罪業皆盡遠離諸難然此菩薩於彼城邑聚落等中无有王難无有業難无有水難无有嶮難无有火難无有賊難无有惡衆生不信法難菩薩若信此法門者阿僧祇劫所有衆罪應入地獄畜生餓鬼即現身滅然彼菩薩有阿僧祇不可說劫阿鼻地獄極重罪業即現身滅一切諸難悉皆消盡若二十若三十劫阿鼻地獄極重罪業即現身中皆得消滅何以故以大功德積聚集故

文殊師利如大水池廣百由旬彼池中水具足八味若有人以一波羅毒著彼池中乃至千斤即无毒氣何以

故以得大水多聚集故文殊師利如是雖有無量无边諸惡罪業應墮地獄畜生餓鬼滿一劫住而即消滅何以故信此法門有大功德無量无边故佛說此法門已十方世界阿僧祇諸來菩薩摩訶薩大會之衆乃諸天龍夜叉乾闥婆阿修羅迦樓羅緊那羅摩睺羅伽等聞佛所說歡喜奉行信力入印法門經卷第五

庚子歲高麗國大藏都監奉

勅彫造

隋天竺三藏闍維多譯

如是我聞一時婆伽婆遊摩伽陀國
法阿蘭拏處菩提場上普光堂中大
福聚集妙喜所生普無毀壞功德无
量蓮華藏師子座中坐平等證覺一
善淨覺者二無有二行三遊佛所遊四
得至諸佛平等五到无障處六不退
轉法七無遮行處八不捨无邊諸佛所
作九住不思慮十向無相法十一世平
等所生十二其身遍諸世界十三諸法智
中无有疑惑十四於諸所行具足覺慧十五
諸法智中不為慮難十六無分別身十七
受諸菩薩智十八得至无二佛行軍勝
彼岸十九盡到無差別如來解脫智二十
順到無邊无中佛地平等二十一法界寂
極二十二虛空界究竟二十三无後際盡二十四於
諸劫數常轉法輪身不休息二十五共六
十二百千比丘彼謂奢利弗多囉
諸佛子舊名
舍利弗者一摩訶毛伽利耶夜那
舊名大目
犍連者二
摩訶迦葉皞三阿泥留駄四修浮帝
舊名
迦葉摩訶劫
舊名
迦葉

辟部

如來德智經卷上 第八

難陀

部提

迦葉

十

伽耶迦葉

毘迷

佉黎夜尼弗多囉

隋云滿慈子舊名富樓那者十二

伽傍

帝

隋云牛王舊名憍梵波提者十三

周利般他迦

隋云毘舍離道舊名周利勝陀者十四

達囉弊夜摩羅弗多囉

隋云物力士子舊名婆摩摩子者十五

佉馱囉婆那迦

十

摩訶俱絺

羅

十

阿難陀

十二

如是為首

有六十二百千比丘皆遊一法等入

境界皆入諸法自性行皆無所住虛

空境界皆遊无所依處皆已離諸煩

惱障蓋所起皆已入諸如來法界光

明行皆平等入一法皆向普智皆於

普智道無有休息皆說普智智无有

退意皆已得至別智智觀寂勝彼岸

皆從方便境界行處所生復共六十

百千比丘尼摩訶鉢囉闍毘帝比丘

尼耶輸陀囉比丘尼為首皆善集白

法皆近普智智皆入普智光明行皆

於明法如是善通諸法无相如是下

入諸法實際如是順到諸法不生不

滅无有助對如是信解皆安住不思

解脫三摩地皆隨化度衆生如無切

用無分別色身形類威儀示現

復與大菩薩衆有十佛土不可說俱
致部由多百千微塵等菩薩摩訶薩
彼謂普賢菩薩摩訶薩普日菩薩普
化菩薩普智菩薩普眼菩薩普光菩
薩普明菩薩普照菩薩普幢菩薩普
意菩薩摩訶薩大速行菩薩大速持
菩薩大遊戲菩薩大遊戲王菩薩大
精進勇步菩薩大勇步健菩薩大頻
申菩薩大頻申力菩薩大衆主菩薩
平等光明月菩薩法无垢月菩薩顯
赫月菩薩震聲月菩薩放光月菩薩
摩訶薩梵音菩薩梵主雷音菩薩地
鳴音菩薩諸音分勝音菩薩摩訶薩
普孕菩薩音无垢孕菩薩功德孕菩
薩顯赫孕菩薩寶孕菩薩月孕菩薩
日孕菩薩熾然孕菩薩蓮華孕菩薩
摩訶薩意菩薩大意菩薩勝意菩薩
震聲意菩薩上意菩薩妙意菩薩增
長意菩薩无邊意菩薩廣意菩薩覺
意菩薩無盡意菩薩海意菩薩摩訶
薩迷留燈菩薩法炬燈菩薩諸方遍
燈菩薩普燈菩薩滅諸闇燈菩薩諸
趣明燈菩薩一向照燈菩薩月燈菩

薩日燈菩薩摩訶薩昇殊尸利童子
菩薩觀世音菩薩大勢至菩薩金剛
孕菩薩功德孕菩薩捨惡道菩薩藥
王菩薩藥上菩薩支帝神廟雷音菩
薩蓮華手菩薩日光菩薩離塵勇步
菩薩金剛意菩薩閉塞諸蓋菩薩降
伏摩囉菩薩寶鬘菩薩十百光明火
熾然菩薩大降伏摩囉菩薩難出現
菩薩難降伏菩薩入度菩薩難攝事
意菩薩乾竭惡趣菩薩慈者菩薩摩
訶薩如是為首十佛土不可說俱致
攝由多百千微塵等菩薩摩訶薩皆
是一生補處各異世界來集善安立
菩薩欲令成熟思惟方便行化度諸
衆生界欲令成熟一皆遍諸世界思
惟行智遍入二皆思惟善觀察涅槃
地境界智三善攝衆生界斷諸戲論
及斷行取四皆善住入無邊中法行
五皆思惟善觀察衆生業報不失不
得六皆思惟善觀察衆生界信根發
起方便取勝七皆善平等持過去未
來現在諸如來所說義句味受持智
八皆善住入世間出世間無邊中法

行^九皆善觀察有為無為三世過量

法行^十皆次第无間得遊過去未來

現在諸如來智場相^{十一}皆於心剎那

心剎那間善示現墮沒出生出家苦

行方便詣菩提場降伏摩囉證覺菩

提轉法輪大涅槃^{十二}皆不離諸衆生

令其發心證覺菩提^{十三}皆入一衆生

心攀緣善順到无餘諸衆生心攀緣

叶皆於自然地不動菩薩身^{十四}皆得

普智地不退轉行^{十五}皆入菩薩所作

力不休息無作智行^{十六}皆善住持一

衆生所作无邊劫行^{十七}皆善入不錯

謬轉法輪安住諸世間化度界^{十八}皆

具足過去未來現在諸如來淨處受

行力勝願^{十九}皆具足普賢行願殊勝

淨信^{二十}皆詣諸佛出處善能勸請^{二十一}

皆善持諸如來法教^{二十二}皆作不斷諸

佛種姓^{二十三}皆於無佛世界示現佛出

五皆能清淨濁染世界^{二十四}皆滅諸苦

薩業障^{二十五}皆已入无尋法界^{二十六}皆具

足虚空界量法^{二十七}皆具足法界无尋

平等^{二十八}皆具足實際法界平等^{二十九}皆

信解威儀業所起報^{三十}皆信解如因

所起果

三

皆具足印別印起諸法平

等智

四

皆具足影像水月法平等

皆具足覺諸法響等音鳴

六

皆安住

不思解脫三摩地

七

遊戲首楞伽摩

三摩地

八

皆安住無邊佛身色成就

出生陀羅尼

九

皆善於一毛道現諸

世界

四十代梵本此開有三句與前二十二句
一二三二等三句次第相似故不重出

皆於

一毛道中十方善能示現墮沒出生

出家苦行方便誦菩提場示現降伏

摩囉證覺菩提轉法輪大涅槃

一

皆

具足以一加趺十方諸世界遍滿智

皆善示現諸土瓔珞具於一土中

皆善示現滿十方世界諸如來衆於

一如來衆中

五

善示現一如來衆於

十方諸世界

六

諸如來衆中

諸衆生身

七

善示現諸佛身入一佛

身

八

善示現一佛身入諸佛身

示現諸方諸世界入自身中

十

善示

現諸三世衆生身於一衆生

十一

皆善

示現過去世入未來世未來世入過

去世過去世入現在世現在世入過

去世過去世入未來世

十二

皆善以一

身入三摩地於無量無數身起^三善

以無量無數身入三摩地於一身起

^四皆善示現諸身譬喻證覺菩提^五

皆善示現諸衆生身於一衆生身中

^六善示現一衆生身於諸衆生身中

^七善示現諸佛身於一佛身中^八善

示現一佛身於諸佛身中^九善示現

諸衆生身即是法身^十皆善示現諸

土莊嚴具於一土中^{十一}善示現一土

莊嚴具於諸土中^{十二}善納十方諸世

界於一毛孔中^{十三}皆善示現諸佛證

覺菩提願力智令諸衆生證覺^{十四}皆

遍十方世界隨所成就衆生隨所化

度如无上正覺善能示現^{十五}皆善示

現於諸劫數一一世界中菩薩行行

身不休息^{十六}皆於一心生時遍十方

諸世界一一世界中諸衆生若外生

若胎生若濕生若化生若有色若无

色若有想若無想若二足若四足若

多足若天龍夜叉捷闍婆阿修羅伽

留荼緊那囉摩睺囉伽舍迦囉婆囉

訶摩盧迦波羅人非人等隨所成熟

化度如是无功用無分別作威儀行

入其住處善能示現六皆於一微塵

中善納無量無數不可稱不可量不

可說世界而心不逼惱六皆善以無

量無數不可思不可稱不可量不可

說不可說劫於一劫俟利位時住持

九善以一劫俟利位時於無量無數

不可思不可稱不可量不可說不可

說劫住持七皆隨衆生所成熟行如

是無功用无分別色身形類威儀善

能示現如是及餘無量無數俱致都

由多百千功德具足菩薩摩訶薩

復有無量無數不可思不可稱不可

量不可說天龍夜叉捷闍婆阿修羅

伽留荼緊那囉摩睺羅伽舍迦囉婆

囉訶摩護世等各從種種佛土來集

此世界中百俱致四大王身天二大

多眷屬圍繞詣向佛所為欲禮觀供

養親事聽法

復有百俱致舍迦囉百俱致修夜摩

天王百俱致兜率多天王百俱致善

化天王百俱致他化自在天王一一

天王大多眷屬圍繞詣向佛所為欲

禮觀供養親事聽法

復有俱致摩囉身天商主前行詣向
佛所為欲禮觀供養親事聽法

復有百俱致婆囉訶摩百俱致大婆
囉訶摩百俱致少光百俱致无量光
百俱致光音百俱致少淨百俱致無
量淨百俱致遍淨百俱致廣果百俱
致善現百俱致大廣百俱致大熾百
俱致究竟諸天一婆囉訶摩大多
眷屬圍繞詣向佛所為欲禮觀供養
親事聽法

百俱致淨居身天大自在天子前行
詣向佛所為欲禮觀供養親事聽法
百俱致龍主百俱致夜叉主百俱致
捷闍婆主百俱致阿修囉主百俱致
伽留荼主百俱致緊那囉主百俱致
摩睺囉伽主一大多眷屬圍繞詣
向佛所為欲禮觀供養親事聽法
復有無量無數人非人等詣向佛所
為欲禮觀供養親事聽法

復有多俱致那由多百千優波娑迦
優波斯迦詣向佛所為欲禮觀供養
親事聽法

復有諸藥草樹林天等迷留大迷留

目真隣陀大目真隣陀雪山輪山等
諸山天詣向佛所為欲礼觀供養親
事聽法

復有海大海河池陂天等詣向佛所
為欲礼觀供養親事聽法

復有村城國王所治處天等詣向佛
所為欲礼觀供養親事聽法

復有龍夜叉捷闍婆阿修羅伽留荼
緊那囉摩睺囉伽宮中所有天等詣

向佛所為欲礼觀供養親事聽法以
佛神力故衆生无有逼惱

復有百俱致月百俱致日百俱致海
一一大多眷屬圍遶詣向佛所為欲

礼觀供養親事聽法

復有龍王名阿那婆怛𡵓多大眷屬
圍遶詣向佛所為欲礼觀供養親事
聽法

尔時世尊光明顯熾映蔽諸衆如彼
白助月輪於十五日雲網放脫光明
顯熾映蔽諸星宿輪如是如是世尊
亦然映蔽諸舍迦囉婆囉訶摩護世
等光明顯熾如修迷留山王光明顯
熾功德顯熾住不動身不戰不喘

尔時舅殊尸利童真告遮塞諸盖菩薩言佛子此如來住不動身不戰不喘如是語已遮塞諸盖菩薩摩訶薩告舅殊尸利童真言舅殊尸利此如來於此衆中或有天人知其從家而出欲向出家或有知其住苦行處於此衆中或有知其詣菩提場或有坐菩提場於此衆中或有无量無數摩囉衆圍遶或有知其破壞摩囉无量無數天龍夜叉捷闍婆阿修囉伽留荼緊那囉摩睺囉伽舍迦囉婆囉訶摩盧迦波羅等欲助與力勝勝大商主或有知其證覺已舍迦囉勸請或有婆囉訶摩或有知此衆中盧迦波羅勸請世尊或有知世尊為我等說陀那此衆中或有知世尊為我等說尸羅或有說忍或有說精進或有說思惟定或有知世尊為我等說鉢囉闍若波囉蜜或有說方便或有知世尊為我等說願或有說力或有說聞尊若我等說願或有說力或有說聞若那或有知世尊為我等說聲聞乘或有說獨覺乘或有說大乘或有知世尊為我等說生畜生法或有生餓

鬼或有知世尊為我等說生閻摩世
法或有知世尊為我等說生四大王
天宮法或有生三十三天或有知世
尊為我等說生夜摩天宮法或有知
世尊為我等說生兜率天宮法或有
生化天宮或有生他化自在天宮或
有生摩囉天宮或有知世尊為我等
說生婆囉訶摩天宮法或有生人或
有此衆中知世尊為我等說當得轉
輪王易殊尸利或有此衆中知如來
高二尋或有高一俱嚧舍或有高二
俱嚧舍或有高半踰闍那或有知如
來身高二踰闍那或有知如來身十
踰闍那或有此衆中知如來身千踰
闍那或有知如來身十二三十四十
五十百千踰闍那或有知如來身八
十四百千踰闍那或有此衆中知如
來身過百千數踰闍那或有見金色
或有鞞琉璃夜摩尼寶色或有因陀
囉青摩尼寶色或有大青摩尼寶色
或有火光摩尼寶色或有波頭摩漆
摩尼寶色或有知如來身舍迦囉毗
楞伽那摩尼寶色或有金剛光摩尼

寶色或有諸天光摩尼寶色或有日月光摩尼寶色或有水光摩尼寶色或有知如來頗致迦摩尼寶色或有自在王摩尼寶色或有諸光最上摩尼寶色或有師子鬚摩尼寶色或有師子幢上摩尼寶色或有海住持淨莊嚴普炎光摩尼寶色易殊尸利或有此衆中知如來如意摩尼寶色易殊尸利所有如是色威儀住得化度衆生易殊尸利彼衆生見如來彼彼如是色威儀住易殊尸利所有說法得成熟衆生彼等衆生知如來如是說法易殊尸利所有修行令諸衆生入如來教得受化度彼衆生知如來住彼彼行

易殊尸利若於東方無量無數不可思不可稱不可量不可說諸世界悉滿天龍夜叉捷聞婆阿修囉伽留荼緊都囉摩睺囉伽舍迦囉婆囉訶摩護世人非人等如東方如是南方西方北方東南方西南方西北方如是東北方上方下方无量無數不可思不可稱不可量不可說諸世界悉滿

天龍夜叉捷閼婆阿修羅伽留荼緊
那囉摩睺囉伽舍迦囉婆囉訶摩護
世人非人等譬如竹林甘蔗林胡麻
林粁殊尸利若諸衆生見如來已得
化度者彼諸衆生在如來前一尋量
住而見如來所有所有色威儀住彼
等衆生得化度者衆生見如來在前
彼彼色威儀住粁殊尸利所有說法
已令彼衆生當得成熟彼彼當聞如
是說法粁殊尸利所有修行令彼衆
生人如來教當得成熟彼彼修行如
來當住如來諸所作事无功用無分
別而自迴轉粁殊尸利譬如自助月
輪於半夜時閻浮地鞞波諸衆生各
各知月輪在前而月輪亦無分別无
異分別如是我於衆生前住欲令衆
生知我月輪粁殊尸利然月輪无功
用無分別故此如是色事轉以不共
法故如是如是

佛華嚴人如來德智不思議境界經卷上

庚子歲高麗國大藏部監奉

勅彫造

佛華嚴入如來德智不思議境界經卷下 臣

隋天生三藏闍那崛多譯

身殊尸利如來應正遍知在於衆中
彼諸衆生皆見如來在其前住如來
亦無分別无異分別如是我於衆生
前住欲令衆生知我如來在其前住
然隨所化度衆生彼知如來在其前
住何以故不共法相應故身殊尸利
譬如諸衆生隨下中上業熟力還有
下中上諸行為衆生出生而諸行亦
無分別无異分別然復無功用无分
別故諸行下中上事自然迴轉如是
如是身殊尸利如來應正遍知隨衆
生下中上業熟力還有下中上如來
為衆生見身殊尸利如來亦无分別
無異分別然无功用無分別故如來
如是事轉身殊尸利譬如真頗致迦
摩尼寶隨衣種種故有種種色身殊
尸利若頗致迦摩尼寶置黃衣上頗
致迦摩尼寶即作黃色若置赤衣上
頗致迦摩尼寶即作赤色若置青衣
上頗致迦摩尼寶即作青色如是置

何似何似色上還作如是色身殊尸
利頗致迦摩尼寶亦無分別无異分
別如是如是身殊尸利如來隨衆生
色作種種色身殊尸利若衆生以金
色如來身現而得化度者彼等當見
金色如來身若衆生以鞞琉璃夜摩
尼寶色得化度者彼等當見鞞琉璃
夜摩尼寶色若衆生以真珠色得化
度者彼等當見如來真珠色若衆生
以天帝青摩尼寶色得化度者彼等
當見如來天帝青摩尼寶色身殊尸
利若衆生以大青摩尼寶色得化度
者彼等當見如來大青摩尼寶色若
衆生以諸光選擇上摩尼寶色得化
度者彼等當見如來諸光選擇摩尼
寶色若衆生以海住持淨莊嚴普炎
光摩尼寶色得化度者彼等當見如
來海住持淨莊嚴普炎光摩尼寶色
若衆生以師子鬘摩尼寶色得化度
者彼等當見如來師子鬘摩尼寶色
若衆生以師子幢上摩尼寶色得化
度者彼等當見如來師子幢上摩尼
寶色身殊尸利若衆生以電燈摩尼

寶色得化度者彼等當見如來電燈
摩尼寶色若衆生以水淨摩尼寶色
得化度者彼等當見如來水淨摩尼
寶色身殊尸利如是若以婆囉訶摩
舍迦囉護世等色得化度者彼等當
見如來婆囉訶摩舍迦囉護世等色
乃至都囉迦畜生餓鬼閻摩世所生
中若彼色類所生衆生隨以何等色
身色威儀得化度者彼等當見如來
如是色身色威儀如是卵生胎生濕
生化生色無色想无想非想非非想
隨以何等色身色威儀得化度者彼
等當見如來如是色身色威儀而如
來亦無分別无異分別欲令此等衆
生見我金色莫見鞞琉璃夜色此等
衆生見我鞞琉璃夜色莫見天帝青
摩尼寶色此等衆生見我天帝青摩
尼寶色莫見大青摩尼寶色此等衆
生見我大青摩尼寶色莫見諸光選
擇摩尼寶色此等衆生見我諸光選
擇摩尼寶色莫見自在王摩尼寶色
此等衆生見我自在王摩尼寶色莫
見海住持淨莊嚴普炎光摩尼寶色

此等衆生見我海住持淨莊嚴普炎
光摩尼寶色莫見師子鬚摩尼寶色
此等衆生見我師子鬚摩尼寶色莫
見師子幢上摩尼寶色如是諸處如
來亦無分別无異分別然無功用无
分別故如是等色所作事轉易殊尸
利譬如自在王摩尼寶所生處彼處
不生鐵若鐵作具易殊尸利其自在
王無分別念彼亦不如是念我所生
處彼處莫生鐵若鐵作具易殊尸利
而自在王摩尼寶所生處彼處不生
鐵若鐵作具如是如是易殊尸利所
有佛土如來出生彼處不生栢囉迦
波利婆囉闍迦泥捷連他等諸外道
彼處不生諸惡作等彼處不生諸亂
彼處不生諸无間彼處不生十不善
業道彼處不生王教違背法者彼處
不生日月光明彼處不生婆囉訶摩
舍迦囉護世等諸天光明彼處不生
摩尼光明若火光明彼處不生牟侯
利多半牟侯利多月半月歲竿數等
易殊尸利唯除如來住持為成熟衆
生易殊尸利如來亦无分別無異分

別然隨衆生以無功用无分別故此等事轉易殊尸利譬如大青摩尼寶光明所觸者彼等皆作大青摩尼寶色而大青摩尼寶无分別念如是如是易殊尸利其為如來攀緣意光所觸者彼等皆作遍智色如來亦無分別无異分別易殊尸利然如來以無功用無分別故此等事轉易殊尸利譬如善作成就大鞞琉璃摩尼寶隨所有邊安置諸莊嚴具中若足莊嚴具中若頭莊嚴具中彼彼莊嚴具中寂極光照及彼等莊嚴具亦寂極光照是彼鞞琉璃摩尼寶威力故如是如是易殊尸利如來應等正覺隨所有行威儀住處隨所有行中住彼彼行中寂極光照及彼行亦寂極光照是彼如來威力故易殊尸利如來亦无分別無異分別然如來以无功用無分別故此等事轉易殊尸利譬如地依止故地住持故諸草木藥林種子增長廣成易殊尸利其地无分別念然以無功用无分別故此等事轉如是如是易殊尸利如來依止故如

來住持故諸衆生諸善根增長廣成
如來亦無分別无異分別然如來以
无功用无分別故此等事轉易殊尸
利譬如雲氣覆諸地已於種種草木
藥林處所遍雨大雨彼水一味而令
種種草木藥林增長種種處所種種
味種種色彼水住易殊尸利其雲無
分別念然以无功用無分別故此等
事轉如是如是易殊尸利如來應等
正覺以佛身雲遍布滿十方世界已
於諸衆生種種積集善根種種作願
種種內心信解種種解脫住處遍雨
種種法雨所有種種積集善根衆生
作願內心信解各各善根作願內信
解脫住處以種種法雨故隨能隨力
令其善根增長易殊尸利如來亦无
分別無異分別我為此等衆生增長
善根令其得聲聞智我為此等衆生
增長善根令其得獨覺智我為此等
衆生增長善根令其得佛陀智我為
此等衆生增長善根令其生四天大
王宮我為此等增長善根令其生三
十三天宮如是略說乃至夜摩兜率

多化樂他化自在如是婆羅訶摩衆
 婆羅訶摩師少光无量光音少淨
 無量淨遍淨大果福生淨居阿迦尼
 沙訶摩殊尸利如来不如是分別令
 此等衆生增長善根當生種種王處
 令此等衆生增長善根當生種種人
 處令此等衆生增長善根當生種種
 自在處摩殊尸利如来亦無分別无
 異分別摩殊尸利然如来以无功用
 无分別故隨諸衆生作願内心信解
 積集善根此如是等色類事轉如来
 於諸處捨無有分別摩殊尸利譬如日
 輪出時其間次第放无数俱致由
 多百千光炎除去閻浮洲中所有諸
 闇其日輪亦无分別無異分別然以
 无功用無分別故此等事轉如是如
 是摩殊尸利如来日輪出時其間次
 第放无数俱致由多百千智炎除
 去諸見作闇唯除佛住持成熟衆生
 故摩殊尸利如来亦無分別我為衆
 生今破散見事當破散見事摩殊尸
 利然如来以无功用無分別故此如
 是等色類事轉摩殊尸利如来於諸

處捨无有分別。覺殊尸利。譬如為幻。
所化由幻師。故現種種事。以無功用。
无分別。故分種種身。覺殊尸利。彼幻
所化。不可說不生。不滅。無字。无聲。無
方處。无有物。無想。无思。无二。無行。无
等。無對。覺殊尸利。然彼為幻。所化由
幻師。故現種種事。以無功用。无分別。
故如是如是。覺殊尸利。如來應等正
覺。隨衆生。故種種所行。威儀事。入處
示現。覺殊尸利。彼如來不可說不生。
不滅。無字。无聲。無方處。无有物。無想
無思。无二。無行。與法界等。無對。覺殊
尸利。譬如日由循迷留山王。故四大
洲中衆生。或有見出時。或有見下時。
或有見日高來時。或有知下入時。或
有知半夜時。或有中時。或有知日出
來。初打鼓時。
彼國一日分為四分。若盡一分。則打鼓為節。此謂四分中。初打鼓時。或
有下入。初打鼓時。或有殘日打鼓時。
或有殘夜打鼓時。如是日輪四大洲
中衆生。各各異見。其日輪亦無分別。
无異分別。然由循迷留。故四洲世界
中現種種事。以無功用。无分別。故
如是如是。覺殊尸利。如來應等正覺。

於此一衆中或有衆生知如來欲證
覺或有知欲涅槃或有知世尊已證覺
或有此衆中知世尊已涅槃或有世
尊證覺已十年或有知世尊涅槃已
十千年或有知世尊法教純至時或
有知世尊法教隱沒時或有知世尊
說法已十二十三十四十年或有知
世尊涅槃已十二十三十四俱致
那由多百千劫身殊尸利或有天人
知奢迦夜牟尼世尊證覺已不可說
不可說劫身殊尸利如來亦无分別
無異分別身殊尸利然如來以無功
用无分別故隨衆生有如是色類所
作事轉身殊尸利譬如閻浮洲中大
風輪吹時其諸草木藥林葉動振已
復振亂已復亂或有葉東方任西方
舉或有葉西方任東方舉或有葉邊
舉中任或有北方舉南方任其草木
藥林葉亦无分別然隨風輪故種種
所作事轉如是如是身殊尸利如來
應等正覺亦無分別无異分別然隨
衆生故於又擎又擎間常有如是不
可數行威儀所作事入處轉身殊尸

利衆生所有攀緣如來作意念轉還
亦許劫所有無量衆生餓鬼閻摩
世等生處當斷當迴昇殊尸利如來
如是无量具足昇殊尸利能一攀緣
如來作意念事於無量無數俱致無
由多百千劫中住不可思解脫三摩
地菩薩摩訶薩不能至其功德邊際
昇殊尸利譬如日從大海起出住虛
空境界放無數俱致無由多百千炎
諸村城邑國土王都中示現而與破
散黑闇乾諸濁泥生長諸草木藥林
成熟諸藥發起諸所作業於諸河池
泊中一時影到而住處不動昇殊尸
利日輪亦无分別無異分別然以无
功用無分別故此等如是色類事轉
如是如是昇殊尸利如來應等正覺
從有海起出住虛空境界放無數俱
致無由多百千智炎十方諸世界中
遍布示現與諸衆生破散无明黑闇
瞋膜乾諸煩惱濁泥生長諸善根成
熟諸善根聚發起諸善門並於一時
諸所作轉而住處不動昇殊尸利如
來亦无分別無異分別然以无功用

無分別故此等如是色類事轉昇殊尸利若有善家子善家女十方諸世界中所所有微塵等諸佛及聲聞衆施天百味食日日施天衣如是施時於恒伽河沙等劫施彼等滅度已為一如來遍十方世界於一一世界中作十方諸世界微塵等娑偷波閻浮那陀金為體電燈摩尼寶為間錯諸光選摩尼寶欄楯圍繞摩尼珠懸以莊嚴立幢幡蓋鈴網覆上塗以大繩牢固栴檀那香以摩尼網覆上彼等娑偷波以三千大千世界量等天盖雲幢雲香雲自在王摩尼寶雲如意摩尼寶雲散以復散日日三時如是供養於恒伽河沙等劫供養復有別異無量無數衆生亦教住如是供養昇殊尸利若有別異善家子善家女此說入如來功德不思境界法本乃至信解此過彼無數分福德生昇殊尸利信解此法本菩薩當滿足無量無數俱致那由多百千波囉蜜當超越無量無數俱致那由多百千地當後面背無量無數俱致那由多百千劫

當知無量無數俱致。由多百千佛遊戲。當破散無量無數。憍慢山當倒。無量無數。慳妬幢當乾竭。無量無數。渴愛河當度。無量無數。生死海當斷。無量無數。摩羅網索當遮障。日月舍迦囉婆。囉訶摩護世尊。威力從佛土至佛土。當救護。那囉迦。佉利夜。卑黎多。夜摩世等。所生衆生。當得逢會諸佛。菩薩當得海印。三摩地當得名諸法。平等入三摩地。當得名諸法。自在轉三摩地。當得名諸相莊嚴。三摩地當得名實所生。三摩地當得名作喜。三摩地當得名蓮華莊嚴。三摩地當得名虛空庫藏。三摩地當得名諸世順行。三摩地當得名正法白華。三摩地當得名境界自在。轉三摩地當得名大頻申。三摩地當得名虛空心自在。轉三摩地當得名師子頻申。三摩地當得名日燈。三摩地當得名無邊旋流。三摩地當得名懸峻順行。三摩地當得名金剛輪。三摩地當得名金剛幢。三摩地當得名如金剛。三摩地當得名金剛齊。三摩地當得名持地。三

摩地當得名迷留燈三摩地當得名
諸衆生心自在轉三摩地當得名諸
衆生行境界出三摩地當得名迷留
幢三摩地當得名寶藏三摩地當得
名心自在轉三摩地當得名深密方
便三摩地當得名雜色光辯三摩地
當得名觀視三摩地當得名觀察諸
法三摩地當得名遊戲三摩地當得
名不意樂諸勝智通三摩地當得名
破散摩囉輪三摩地當得名示現諸
色三摩地當得名勝益諸色三摩地
當得名觀身三摩地當得名信行主
三摩地當得名智慧燈三摩地當得
名現覺燈三摩地當得名說別缺三
摩地當得名入諸相功德三摩地當
得名決定諸法行三摩地當得名寂
靜決定神通三摩地當得名健行三
摩地當得名深元畏水海波三摩地
當得如是等為首俱致部由多百千
不可數三摩地當得無邊佛身色成
就出陀囉尼當得名智主陀囉尼當
得名清淨音鳴陀囉尼當得名元盡
薩陀囉尼當得名無邊洲陀囉尼當

得名海印陀囉尼當得名蓮華莊嚴
陀囉尼當得名入无著門陀囉尼當
得名正決定陀囉尼當得名佛瓔珞
住持陀囉尼當得如是等為首俱致
無由多百千不可數陀囉尼當順得
諸行勝當順得諸法中不由他智當
順得諸疑斷當得佛百千不可數遊
戲當得善巧勝諸衆生行昇殊尸利
譬如循迷留山王映蔽諸山光熾照
曜如是如是昇殊尸利此法本中信
解菩薩映蔽衆生諸善根光熾照曜
今時昇殊尸利童子告閉塞諸蓋菩
薩摩訶薩言佛子更有別勝法中信
解菩薩當得如是別勝功德如是語
已閉塞諸蓋菩薩摩訶薩告昇殊尸
利童子言昇殊尸利有五法信解菩
薩當得如是別勝功德何者為五諸
法无對無生无滅不可說當如是信
解過閻浮洲寂微塵如來所行威儀
所作入處无功用無分別於念念中
常轉當如是信解於常會中所作成
熟衆生彼世尊奢迦牟尼於呾伽河
沙等劫中已證覺當如是信解從然

燈佛受記已來乃至證覺於此中間
所有菩薩行彼世尊奢迦牟尼盡佛
境界等劫已證覺示現當如是信解
誅然奢迦示現所作成熟衆生彼世
尊奢迦牟尼盡佛境界等劫已證覺
示現當如是信解昇殊尸利如是五
種信解菩薩當得如是別勝功德昇
殊尸利若有善家子善家女施諸世
界微塵等八解脫定阿羅漢天百味
食日日以天衣施如是施與於咄伽
河沙等劫施昇殊尸利若有善家子
善家女一日施一獨覺食此於彼福
勝過無數分生昇殊尸利若有善家
子善家女作十方諸世界微塵等遊
行處舊譯古寺一世界中閻浮提金
為體電燈摩尼寶以為間錯諸光選
擇摩尼寶欄楯圍繞摩尼珠寶貫束
所作莊嚴建立諸蓋幢幡鈴網為帳
鉤行牢固栴檀邨以為泥塗自在王
摩尼寶以覆其上海住持清淨普光
摩尼寶為柱以網連繫師子須摩尼
寶版以覆其上師子幢勝摩尼寶以
為却敵女牆窻窓懸繒帛束為彼獨

覺作千不可數為彼獨覺日日施以
天百味食亦施天衣如是施與於恒
伽河沙等劫施身殊尸利若善家子
善家女聞佛世尊如來聲此於彼福
勝過無數分生何況若於作畫處若
作泥塑處見如來此於彼福勝過無
數分生何況施燈燒香塗香華等若
更別有種種供具此於彼福勝過無
數分生何況為如來故一日護持一
戒此於彼福勝過無數分生身殊尸
利若善家子善家女十方世界微塵
等諸如來及諸菩薩并聲聞眾日日
施以天百味食及施天衣如是施與
於恒伽河沙等劫施彼等世尊滅度
後為一一如來十方世界微塵等造
娑偷波一一娑偷波量與四洲等諸
種相具足諸功德成就閻浮那陀金
為體電燈摩尼寶為間錯諸光選擇
摩尼寶欄楯圍繞摩尼珠寶貫束莊
嚴建立諸蓋幢幡鈴網為帳地行牢
固栴檀鄒以為泥塗自在王摩尼寶
以覆其上彼等娑偷波日日以三千
大千量等蓋雲幡雲寶雲音樂雲瓔

瑠雲師子幢勝月雲天作鼓樂歌音
雲以散其上散已復散而不信解此
法本男殊尸利若有善家子善家女
此入如來功德智不思境界名法本
信解者乃至畜生趣衆生施一搏食
此於彼福勝過無數分生男殊尸利
若有信解此修多囉菩薩如此修多
囉中所說供養如來若復有菩薩見
此修多囉中信解菩薩見已作如是
意此信解此修多囉以如是意得大
歡喜淨信心已從座而起合掌頂禮
隨堪隨力攝取供養此於彼福勝過
無數分生當得佛智故佛說此時彼
諸比丘及諸菩薩天人阿修羅健闍
婁等世於佛所說歡喜奉行
入如來德智不思議境界經卷下

庚子歲高麗國大藏都監奉
勅彫造

大乘金剛髻珠菩薩修行分一卷

臣

大唐天竺三藏菩提流志譯

尔時普思義菩薩摩訶薩白佛言世尊云何菩薩修行悟入此三摩地佛言善男子如無悟入是名悟入亦當如我修菩提時之所悟入普思義菩薩白佛言世尊云何如來所修悟入唯願說之佛言善男子往昔有王名曰金剛髻珠在於寂靜園林之處結加趺坐正念思惟如是住時於座右邊忽然出生一大蓮花其花微妙衆寶合成所謂龍繞堅固栴檀以為其莖閭浮檀金以為其葉摩尼寶珠以為其鬚甄叔迦寶以為其臺尔時衆寶最勝蓮花臺上忽然化生悉陀太子結加趺坐安詳而起下蓮花臺於王右邊膝上而坐尔時金剛髻珠大王歡喜愛念悉陀太子即將及八萬四千王子俱詣彼佛法界摩尼山日光明王如來阿羅訶三藐三佛陀所聽受正法得聞如是法界繒髻與金剛如來心品三摩地已得五神通云

何名為法界繒毳與金剛如來心品
三摩地耶尔時法界摩尼山日光明
王如來當為演說即此拈羅句金剛
句法句印句理句相應句密句持句
承事句轉句馳走句速疾句顯示句
明呪句說此品句已繫縛衆魔拈羅
繫縛印繫縛句繫等一切諸句悉入
慈句无所諍論是名法界繒毳與金
剛如來心品三摩地是彼法界摩尼
山日光明王如來演說善男子汝知
之不昔稱摩尼寶金銀所成世界者
今楞伽摩羅耶山城是其摩尼寶金
銀所成世界是彼法界摩尼寶山日
光明王如來佛刹善男子是金剛毳
珠大王曾於摩尼寶金銀所成世界
日光明王如來佛刹作千世界轉輪
聖王豈異人乎即金剛手菩薩是善
男子是毳珠大王於其刹中為轉輪
王有百億子豈異人乎今十方諸來
菩薩是皆為聽聞法界繒毳與金剛
如來心品三摩地法故善男子汝應
知之時薩婆悉陀太子有二十八
丈夫相皆得成就何以故我身即是

悉陀太子曾於毘珠大王微妙音聲
園苑之中其王正念端坐思惟而於
右邊龍堅栴檀甄封迦寶蓮華臺上
忽然化生即往彼佛法界摩尼寶山
日光明王如來所得聞法界繒毳與
金剛如來心品三摩地法門從是已
來我於無量億那由他百千如來所
承事供養為聞法界繒毳與金剛如
來心品未曾忘失從彼已來經無量
億那由他百千劫常憶念以三昧力
故一切憶念百劫千劫百千劫我亦
憶念未曾忘失成劫亦憶念壞劫亦
憶念成壞劫中間我亦憶念乃至億
那由他百千劫亦常憶念於一如來
所憶念百如來千如來百千如來乃
至不可說不可說如來俱胝那由他
如來亦常憶念於諸如來阿羅訶三
藐三佛陀所已得法界繒毳與金剛
如來心品法門未曾忘失今時世尊
欲重宣此義而說偈言

我念過去世 無量無數劫 見諸清淨刹
金寶海莊嚴 摩尼淨土王 号曰金剛毼
有大自在力 統領千世界 乃至十千界

更無能過者 具足千億子 能破諸怨敵
皆具二十八 丈夫之色相 朝參大王所
王子部由他 歡喜園林中 池樹志嚴麗
莊飾諸寶具 為供世間燈 見在諸如來
平等咸勸請 普眼大導師 是寂為初首
我親奉承事 為闡正法故 次有普賢佛
次有花燈佛 次有金剛燈 次有大燈佛
次有寂勝燈 次有法燈佛 次有功德燈
次有寶燈佛 次有寶幢燈 次有財燈佛
次有歸燈佛 次有寂燈佛 次有妙燈佛
次有聲燈佛 次有香燈佛 次有味燈佛
次有月燈佛 次有日燈佛 次有威光燈
次有蓮花燈 次有摩尼燈 次有竭闍燈
次有姓燈佛 次有種族燈 次有世間燈
次有法王燈 次有勝燈佛 次有殊勝燈
次有梵光燈 次有光明燈 次有因燈佛
次有燈燈佛 次有新燈佛 次有積燈佛
次有智燈佛 次有賢善燈 次有戒燈佛
次有忍辱燈 次有精進燈 次有禪定燈
次有般若燈 次有施捨燈 次有大慈佛
次有大悲佛 次有大喜佛 次有大捨佛
次有正住佛 次有功德住 次有威德住
次有勝燈住 次有寂勝佛 次有議論佛

次有梵處佛 次有人間佛 次有天王佛
次有大乘佛 次有取勝佛

佛子如是等如來名號各於一切中
出現於世我皆承事如供塔廟皆為
希求此三摩地佛子次復彼諸劫過
復過十不可說不可說諸佛刹土微
塵等量於大劫中有佛號摩尼山日
光明王如來寂初出現我親承事為
希求此三摩地故次復有號金山髻
如來次復有法界摩尼金剛山頂燈
王如來我亦承事次復有號金山摩
尼峰日髻如來我亦承事次復有離
垢摩尼燈如來次復有法界摩尼金
剛頂燈如來次復有金剛王如來次
復有虛空等摩尼金剛如來次復有
福德山金剛號如來我亦承事次復
有種族燈王如來次復離垢金剛燈
手王如來次復金剛燈如來次復有
金剛如來次復離垢光明金剛如來
我亦承事次復有精進金剛如來我
亦承事次復有俱利奢金剛如來次
復有金剛髻如來次復有俱那舍金
剛如來次復有金剛藏如來次復有

金剛月如來我亦承事次復有海月
如來次復有菴俱舍金剛如來次復
有普遍摩尼金剛髻如來次復有無
羅延金剛如來次復有離垢月如來
次復有法愛如來次復有法真如來
次復有法音聲如來次復有甘露音
聲如來次復有甘露月如來次復有
甘露金剛如來次復甘露花如來次
復甘露名稱如來次復甘露日如來
次復甘露光明如來次復甘露出現
如來次復法輪音聲光明出現如來
次復雷聲光明如來次復有震旦香
如來次復善香如來次復善光如來
次復普藏如來次復有普頂如來次
復有日月如來次復善商主如來次
復有金山光明如來次復有音聲光
明如來次復有決定無所住地如來
次復有勝幢如來次復有出現威光
如來次復大焰如來次復寶焰如來
次復有大真如來次復有日月光如
來次復有栴檀香出現如來次復有
師子幢如來次復有蓮花光如來次
復有金決定摩尼山光明日光王如

來是等如來我皆承事善男子如是
我為求此法門故一切憶念百劫憶
念千劫憶念百千劫亦憶念成劫亦
憶念壞劫亦憶念成壞劫中間亦憶
念乃至不可說不可說成壞劫億那
由他百千劫我亦憶念善男子我百
佛亦憶念千佛百千佛亦憶念乃至
不可說億那由他百千佛亦憶念是
諸如來阿羅訶三藐三佛陀所此法
界繒髻與金剛如來心品三摩地於
彼聽聞我皆供養承事我此三摩地
終不忘失是故佛子若有善男子善
女人三業清淨此三摩地應當願求
若有樂明義者色聲香味觸相者愛
法義者愛辯才者樂神通者樂名聞
者樂端正者愛呪術者應當於此三
摩地受持供養廣為人說若有四眾比
丘比丘尼優婆塞優婆夷天龍夜叉
捷闍婆阿修羅迦樓羅緊那羅摩睺
羅伽人非人等及釋梵護世等應當
希求何以故此法門者平等攝取苦
惱眾生如地寶藏是愛樂法財者是
大光明鑒了墮无明闇者是欲入涅

勝道者之大電光此之法門愚者之
聰慧佛子此法門者入一切諸佛法
中佛子譬如三千大千世界以七寶
滿中作一分若有人聞此法門積集
善根福德果報增勝於彼且置三千
大千世界七寶為分若恒河沙三千
大千世界六道衆生若有人勇猛威
力成就彼衆生界所須樂具悉皆與
之恭敬尊重復經無量百千萬億那
由他歲其一切衆生滅度之後復當
為造七寶妙塔如是福德無量無邊
若有聞此法門功德勝過於彼且置
恒沙六道一切衆生之事若恒沙三
千大千世界中諸有隨信隨法行種
性八人諸須陀洹斯陀含阿那含阿
羅漢諸辟支佛是人於無量劫百
千俱胝那由他劫恭敬給與衣服卧
具湯藥及須愛樂受用之物皆悉與
之乃至般涅槃後為造寶塔高千由
旬諸寶鈴網莊嚴其塔晝夜六時盡
心供養此諸塔廟若有聞此法門積
集善根福德資糧勝彼功德復置三
千大千世界六道四生又置三千世

界隨信行隨法行八人初果至第四
果及緣覺等乃至三千大千世界中
諸大衆菩薩摩訶薩及諸如來應等
正覺供養如前亦置是事若恒河沙
三千國土普遍雲雨海等世界其中
道場所能積集與金剛等菩薩摩訶
薩及諸如來應等正覺此大丈夫思
惟校計以所愛樂衣服卧具飲食湯
藥種種供養彼諸菩薩摩訶薩及諸
如來供養尊重恭敬讚歎經无量歲
無量百千億那由他歲及无量百千
億那由他劫無量壞劫无量成劫無
量成壞劫乃至不可說不可說佛剎
微塵等那由他劫已能獲得金剛心
定及諸如來應等正覺入般涅槃造
七寶塔寶蓋鈴網乃至高出梵世若
有男子女人聞此法門能積集福德
善根資糧勝前所得佛子今更為汝
說以譬喻由此喻故丈夫聰慧者於
此所說能得解了起深重信不生誹
謗於如是等解法師所應起尊重希
有愛樂如向於佛佛子譬如有人於
恒河沙三千界中所有佛剎土微塵

等六道衆生胎卵濕化及隨信行法
行種性八人初果至第四果獨覺乃
至於佛所行道場積集福德諸菩薩
摩訶薩及諸如來應正等覺悉奪其
命及破壞諸塔佛子復有丈夫成就
衆生及諸一切聲聞辟支佛及彼一
切菩薩所行道積集資糧與金剛俱
如來心定及已得者諸如來應等正
覺現在位者悉作供養花香幡蓋諸
味飲食俱陀毘食種種備具及般涅
胝後以作七寶塔乃至高至梵世蓋
網鈴鐸莊嚴如是二人罪福差別論
其昇降遠近多少乃至不可說不可
說成壞劫等不得其邊佛子若有人
聞如是福非福果於此法門深生重
信所有善根積集資糧定為最勝不
得其邊復次若復有人誹謗此法門
其罪最大至不可說不得其邊若有
人隨喜信受所得福報亦最廣大於
須彌山微塵劫說不可盡佛子我今
更作譬喻諸有智者能得解了入此
法門獲大利益何者是耶佛子譬如
有人以一毛拊為百分以一分毛於

大海中取一滴水於汝意云何二水之中為毛取水多耶為海中水多耶普思義言一毛之水不足為言海中之者其水甚多无量無量佛言佛子我所說福非福者如毛取水其未說者如海中水應如是知

尔時普思義菩薩復白佛言世尊我雖智淺聞此法門連順之教成大利益復更思惟生多疑心願為說之佛言善哉善哉隨意諮問普思義言世尊我見沙門若婆羅門及餘外道遮邏迦波利波斫迦尼健子等如是之類或多身苦行或堅雙脚或復屈膝以衣纏脚蹲踞而坐或兩石相擊取穀而食或以灰塗身或投高巖或卧刺上或入大水及火等法或食牛糞或翹一足或堅兩臂或但食菜或食稗子或食樹葉或冷水浴或恒河水受用洗浴而為戲樂如是等人皆欲乞求解脫之法愚夫頑嚚乃至如是果報云何世尊有諸檢校知事等類因生憍慢熹怒自在縱愚夫勢不能了知所作之業善惡因果應與不與

不與而與迴改稱意以為勢力如是等類果報云何世尊復有一類同修出家不能恭敬有德業者多畜門徒不時教誨應不應作犯與不犯是有為法是无為法是世間法是出世法又自不解不令他解世尊是業成就當生何道復次世尊或復有人不能敬重父母師長不護家族尊者當生何處世尊復有一類行貪嗔癡及等分者其人業報復生何道世尊復有殺盜邪婬妄言綺語兩舌惡口嫉妬嗔恚邪見等業當生何處復有一類作呪術法不從師受自妄出法當生何處世尊復有一類愚癡之人越三摩耶自在作法當生何處世尊以我思惟見聞如是心不能了唯願為說解釋我疑而生利益

尔時如來即便稱歎普思義菩薩摩訶薩言善哉善哉又復歎言善哉善哉普思義如是三歎汝為利益憐愍世間諸衆生故又復開演至理因緣甚深之業作如是問我當為汝分別解說汝當諦聽善思念之普思義言

願樂欲聞佛言普思義若有沙門婆
羅門及諸外道遮邏迦波利波斫迦
尼健子等如是炙身苦行雙豎其脚
衣纏而坐兩石擊穀而為食法以灰
塗身糞穢埋身唯出其頭稱解脫法
或卧棘刺投於深水五熱炙身或投
大火或食牛糞常翹一足或豎兩臂
或專食菜或食稗子或食樹葉或冷
水洗忍寒求淨或浴恒河而稱解脫
彼諸愚癡專執為理聞其正法而生
誹謗我當說其後受果報佛子其有
蹲踞纏衣服者至大蓮花地獄之中
其兩石相擊手自食者當生馳驢之
中若灰塗身歡樂為道者當生食吐
毗舍闍鬼中若投高巖者當生水羅
刹中若以糞穢埋身唯出其頭執為
道者生刀劍林大地獄處若投入於
水為解脫者當生摩竭大魚腹中若
五熱炙身當墮大火地獄若食牛糞
為淨解毒當墮猪道自食其糞次後
復生餓鬼之中若翹足誦呪執為道
者當作鑊脚夜叉若豎兩臂舉向頭
上為解脫者當作豎鬚餓鬼若唯食

菜樹菜稗子當作駱駝驢象牛羊等身若以冷水及恒河中取凍為道者當墮寒水地獄若有如是外道等類執為正道起諸業行生於十六及三十二諸地獄中復有作檢校者或以自在或以无智或以勢力或不著耻強相侵奪或應與此而將與彼或施物交牙輕生改換將與於人或以冬施僧物而夏與之或夏之物而冬與之或速之物而遲與之或有多物而速用盡諸如是等皆違至理命終之後當生十六及三十二地獄之中其於獄中所受形體隨業各異或於一身生无量頭面亦差別或馬面駝面象面猪面鼠狼面鰐魚面佉弥魚面鮎忙魚面吉羅魚面瞿捺娑面猫狸面烏鵲面黃狐面野干面猿猴面百歲虫面百足虫面水牛面羆面鰻面師子面虎狼猫牛面兔面羊面鷲面狗面餓鬼渴面羅刹怒面諸惡禽獸使人怖面如是可畏極惡之類於一身上有諸頭面此等業果生於利刃刀劍地獄轉動其身倍受諸苦極痛

苦猛酷苦慘毒苦奪命苦受是諸苦
其罪未畢經今所俱脰卽由他百千
劫生生受身皆亦如是或一頭下百
千身分一一身上百千億頭一一頭
中百千億舌一一舌間有百千億熾
熱猛焰鐵犁牛等耕盡其舌如是千
百億身各各皆有百千億戶虫咬食
其身渴飲其血飢食其肉飢渴苦逼
拔其心肝而噉食之如是受報經無
量歲至无量劫乃至不可說不可說
億卽由他劫過是已後卽復更生海
羅剎身或時經過如須弥山微塵等
劫復生飢渴餓鬼之中其中復經淨
居諸天三萬六千劫若以人間竿數
論之卽不可說不可說劫從餓鬼中
捨身方作畜生之身馳驅猪狗其經
人間竿數十千歲為衆合地獄一日
夜經於地獄百千億卽由他歲已生
於人間惡種姓家人所憎惡人所毀
辱旃荼羅家押油家竹作家貧窮苦
極如是等家而生其中生生之身常
患腹大水腫惡病為人輕賤極麤惡
身極復羸瘦復多貪食食无飽足手

足不具諸根多關身體王駁性復癡
頑如是展轉難得出離佛子是故知
事之人諸檢校主不如法者當得果
報必定不虛固當用心司存其事佛
子復有如是一類出家之者偃蹇憍
慢或尊重者之所驅使或為承事由
是得貪利養名聞而不恭敬有德業
者又不能為和上所應作事亦復不
能修行別解脫戒是故常當思念云
何令我大得名利若百若干侍從圍
繞若入寺入村城邑聚落及以王都
於諸同住及以依止不能教誡又不
為說輕重戒律既自不解不令他解
自不調伏寧靜隱密云何能令他人
調伏寧靜隱密无有是處自壞善根
令他同住依止等人亦壞善根如是
之人命終即共墮於羅刹地獄一切
流轉受苦以淨居天日月竿數若人
間歲滿足千劫其同住依止生於十
六眷屬地獄及水羅刹常被鞭撻洋
銅灌口佛子是愚癡人當生是處佛
子復有不順輕慢應對於父母者當
生鸚鵡鳥中若不知尊重父母師長

當生大聲駱駝之中若有輕慢沙門
婆羅門等當生長項孔雀之中若有
不尊敬家長者當生瘡痂猪羊之中
若行貪穢色欲之者生三惡趣復生
人中諸根短闕若行嗔恚當生四趣
或閻羅界若行癡者亦復如是乃至
等分罪報如上生無斷絕殺生之人
當墮地獄畜生餓鬼閻魔羅界若生
人中得二種報一者短命二者多病
若偷盜者墮於三趣若生人間得二
種果一者貧窮二者共財不得自在
邪淫之人乃至邪見墮三惡趣及閻
羅界得受人身皆二種報一短命二
多病於一切處一切時中常不安隱
佛子如是業報當知分明佛子復有
一類持呪之人不從師受三摩耶法
自作法呪彼即毀謗三代如來即被
毗鄰野迦之所殘害其諸呪法亦不
成就得虛妄罪佛子以不從師不解
三摩耶故彼持呪人自陷及他即為
欺誑十方三世一切諸佛
今時普思義菩薩摩訶薩於世尊前
欲重宣其義以偈頌曰

善現色相具成就 持呪無畏六仙王
寂初惱習巧斷除 如月破闇我稽首
人天中主衆所依 自在堅固金剛力
能破怨敵煩惱縛 及諸魔軍悉摧伏
陰魔死魔自在等 一切降滅无有餘
證得四住無畏法 无尋解脫名為佛
往昔曾作太子時 離垢化生時感現
於日光王如來所 寂初聞此三摩地
終不捨離於精進 為求如此三昧王
如是展轉遇諸佛 數過須弥微塵等
以天妙物諸香花 供養无量大道師
精進希求心不懈 願獲證入三摩地
捨於身肉及手足 豐樂耽具及王位
常以給施於貧乞 為求三摩難得法
千萬須弥微塵佛 承事具修菩薩行
未曾輒起厭倦心 常當重發上精進
於多分時修苦行 淨持禁戒諸律儀
有施供物若侵用 或迴時日及別僧
當捨自身得異身 於一身出无量頭
一一頭如弥婁山 長舌生如連鈎鏢
一一頭中舌如是 百俱胝犁耕其舌
一一身中出諸虫 數如弥婁微塵等
飢渴熱惱燒逼身 還各啖食其身肉

諸罪業報如是類 象形馬形及猪形
師子猫狸狻猊形 展轉通相食其肉
此是罪業惡果報 毒蛇猛獸嗔怒起
烏與鷲胡野干等 狗及鷲鳥俱羅羅
瞿捺娑共餘惡鳥 食此惡業諸衆生
所經成劫及壞劫 无量成壞之劫數
食噉諸惡業衆生 衆合地獄其切惡
劍葉猛利如黑繩 冷熱解散其支節
及黑繩索亦復余 大叫羅索如利刃
鋸截上下諸骨節 腐其身肉磨榨之
造惡業者殷重心 慘切纏縛苦燒煮
受於燒獄滿一劫 飢火燒逼互相食
成劫之時生人間 復半劫中墮畜生
下劣種姓旃陀羅 常生貧賤極惡處
身常斑駁多白癩 終不生於貴勝族
或生夜叉餓鬼界 以罪果報諸色類
雙盲或眇或聾啞 復常生於旃陀家
生輒諸根不具足 或癱躄等由罪累
語言倒錯心迷惑 或手足杌或都無
或生叫喚黑繩獄 此果皆由業所致
如是色類諸苦報 或一劫中及至劫
若得施物迴別異 罪業緣生獲此果
若施夏中迴一分

乘此業生八難中 彼諸難中甚嚴酷
亦生十六諸眷屬 諸苦燒煮甚可畏
形類十八或二十 皆以業緣受惡報
若生輕慢父母心 不敬尊者及老宿
命終之後墮畜生 諸飛鳥等鸛鵒類
上下中人不尊敬 命終之後生畜生
或生長項孔雀中 為於父母不孝養
不敬國德諸尊人 命終之後生畜生
大聲駱駝及驢中 若有輕慢於父母
墮於猪驢食不淨 若有聰慧諸智者
達於生死此彼岸 應當尊重敬父母
以為無上大福田 生於大富正信家
若有輕慢諸德業 護法諸天當捨離
諸惡鬼神得其便 夜叉之衆來驚怖
若有輕慢於父母 生生常處貧窮家
一切時中受輕毀 復生頑癡奴僕中
若有輕慢於父母 終无少選得安樂
妻子親識皆逼惱 又無飲食得充飽
舉國飼之常不足 生餓鬼形極惡報
若有輕慢於父母 當必生於海羅刹
色身如赫焰火然 日夜恒食熱鐵汁
若有輕慢於父母 及諸耆宿尊德者
常為世人所厭離 所有妻妾心亦然

如是種種惡色類

說之窮劫不可盡

若不作過於尊者

是名聰慧有智人

三種貪嗔癡不生

身口意業常安樂

若嗔惡心斷生命

墮四趣中長受苦

劫盜邪淫及妄語

惡口兩舌无義語

貪嗔惡癡諸業果

終不得於人中樂

清淨心中施財寶

常當守慎諸戒業

修習忍辱无退轉

精進不懈入禪定

般若鑒了常遠離

是必當得薩婆若

終不犯於邪淫欲

常遠離於口意過

是則當得大導師

而為衆生演正法

嗔恚之心不暫有

離魔繫縛及邪見

不久當作世間燈

十善明法化一切

若偷盜人及邪見

當來生於針口虫

綺語兩舌惡心者

常以語言壞正見

若有習行外道法

投身高巖卧棘刺

如是邪見施財物

當得少分資生報

施與修習正向者

必獲无盡大果報

若欲成就三道場

皆應教授從師學

諸有不從教授者

虛妄作法非真實

以不尊重導師故

不能行用易茶羅

若欲取上依取勝

大普集經實法中

三界寂勝廣博場

金剛種族摩尼寶

蓮花白象諸高貴 諸佛於中運自在
大勝自在殊法寶 取上月鬘金剛鬘
寶鬘及以日光鬘 及法周羅摩尼頂
一切皆入金剛鬘 擁護神呪皆由是
常當念誦无斷絕 念念即能滅罪障
日夜三時相續呪 決定利益无有疑
或在高處河岸邊 諸神靈廟勝妙處
草野塚間寧靜謐 決定常恒乞食食
由是成就昇荼羅 如教如說稱要道
彼真實義得相應 必當獲成大義理
三十二種功成就 以持得實道場法
是名不損成等要 即是三種昇荼羅
護摩護沙百遍成 由是成最昇荼羅
終不有疑念決定 最勝法中常深信
慎勿誦於質多呪 亦不敬禮諸邪神
若不礼事餘聖神 是作三等昇荼羅
若常不損害他命 亦不破壞於他心
由以離呪魅著人 即能成就昇荼羅
若衣殺羊及惡食 惡心損壞誦諸呪
所作呪法皆不成 彼即退失成呪法
有常護彼金剛杵 不食油麻花餅等
智者應作最勝呪 是呪法義我應當成
若有不取師教授 毗鄰野迦速疾著

若能從師而作呪
為諸如來灌其頂
不損害他不著魅
是名三等曼荼羅
智者謙心說理趣
於尊卑類心平等
於諸世間真成就
以得平等真實呪
於多人中虛妄言
東西南北行不利
所作事業不稱心
彼不應說呪成就
薄福之人起過患
毗鄰野地所損害
若能彩畫呪法成
燒香燈明如法者
呪法成就品類是
彼等皆由慈業辦
第一不殺成就業
有慈有悲真實者
召請十方諸呪王
明說決定實利益
以諸供具實體性
諸持呪者修習之
彼諸呪者有聰慧
彼應成就曼荼羅
三十三天吉祥處
同等三種三摩耶
我應品類呪法成
其福德力不可說
若有造作第一者
曼荼羅所說理趣
如其淨信作法成
三種三摩地相應
以明呪壞於三界
於三界呪皆成就
精勤用功弥加行
所作呪法皆得成
金剛杵形畫相似
及以蓮花形相好
應於露地曼荼羅
彩畫界道用珠玕
智者若如法成就
是名實真廣利益
畫壇不畫金剛杵
不畫佛形及佛子

持呪制吒及制微 毗鄰野迦及使者
杜吒杜底緊伽羅 應在像前咸畫成
隨其力分恭敬信 奉獻余所諸導師
上味施與制吒等 及毗野迦令歡喜
諸持呪仙應設供 成就如法佛像前
普皆於彼曼荼羅 畫於佛前如法作
安置道場諸門戶 應畫毗鄰野迦像
應畫守護地方神 復畫諸山持呪仙
合掌皆於佛前住 如是呪神二十八
一一方面各圖七 日月天形呪神形
守護持者令成就 東面畫作因陀羅
南面畫作烏尸羅 西面畫作日沒山
北面畫作於香山 諸山畫作呪仙座
合掌向佛像前住 鎖繫毗鄰野迦頂
住在持呪大仙前 使者經手執鐵索
於呪法作擾亂相 緊鄰羅有三十二
一一方面各有八 清淨壇中畫作形
若成就佛壇法者 千燈千花為莊嚴
千香水瓶雜供物 簞簞琴瑟及箏篴
笙笛簫鼓諸音樂 長笛方響諸樂器
諸天神有愛樂者 於佛像前來鼓擊
又張種種諸羅網 種種諸妙色界道
種種寶瓶供如雲 能成曼荼勝妙法

若為毗鄰野邊者 彼人終不成勝法
速疾失壞諸呪力 勤行力用亦不成
不行諸定離修習 不應勝壇得成就
是愚癡人作是法 終不能成上勝利
若能依教作壇法 已能滿足十二年
專誦持呪不餘業 於高險岸及淨處
以呪力能滅諸罪 若欲誦呪及壇處
常以粳米乳酪等 晝夜各以三時誦
誦時盡力限遍數 月八十五及滿月
修行習作曼荼羅 必當即得勝成就
若有思惟分別者 成就寂勝理趣經
掘地一丈取淨土 將泥淨地作壇法
清淨洗浴著淨衣 如法至心繫念誦
或三四肘七七肘 取淨好土作淨壇
應請大乘妙勝經 作法能獲大饒益
大乘金剛經珠菩薩修行分

庚子歲高麗國大藏都監奉

勅彫造

大方廣佛花嚴經修慈分卷

臣

唐于闐三藏提雲般若等奉 制譯

如是我聞一時佛在王舍城鷲峯山中與無量大菩薩衆俱弥勒菩薩摩訶薩而為上首

今時東方有十億梵天皆住慈心來詣佛所頂礼佛足以衆妙供供養於佛供養畢已各自坐於衆福所生蓮華之座恭敬尊重瞻仰如來南西北方四維上下諸來梵天皆亦如是今時諸梵天衆在於佛所各以慈目遙相瞻顧復共同時舒顏諦視弥勒菩薩時弥勒菩薩摩訶薩即從座起偏袒右肩長跪合掌白佛言大德世尊一切智者於諸法性能正覺了遍知衆生善惡之業凡愚由此生死往來善能開悟三乘之道及以三乘同歸一乘一切衆生根性老別及於煩惱經蓋之中有如來種普皆明見无有謬失又知諸法皆悉是空如夢如幻如陽焰等无有堅實而大悲無盡以善方便令諸凡夫見佛色身微妙

之相佛身者般若波羅蜜之所成就
自然真實常住不變猶如虛空若有
衆生勤修福慧不隨心識馳騫於境
非如渴鹿於曠野中追求陽焰以之
為水如是之人則得見佛恒聞說法
亦能依教如理修行世尊我今欲於
如來應正等覺少有所問唯願慈哀
為我宣說世尊菩薩云何於阿耨多
羅三藐三菩提少用功力安樂无倦
而能速證廣大佛法菩薩云何在生
死中不受无量衆苦逼迫於諸佛法
速得圓滿

尔時世尊告弥勒菩薩摩訶薩言善
哉弥勒汝於我所常有所問今所問
義最順我心汝今哀愍諸天及人一
切世間无量衆生多所利益多所安
樂故能問我如是之義吾當為汝分
別演說令諸菩薩不經勤苦而能速
疾證佛菩提佛子若有衆生為求菩
提而修諸行願常安樂者應修慈心
以自調伏如是修習於念念中常具
修行六波羅蜜速能逮及諸忍之地
速得圓滿无上正覺具足十力四無

所畏十八不共法三十二相八十種
好寂上功德莊嚴其身盡於未來常
住安樂亦能除滅一切衆生無始已
來諸業重障佛子若諸菩薩修習慈
心應在空閑寂靜之處以清淨信攝
諸心法觀察其身上下支節皆微塵
聚地水火風和合所成復應思惟即
彼一一微塵之內皆有虛空是諸虛
空莫不悉以容受為相又應想念彼
諸微塵清淨明徹外如琉璃內如紫
金莊嚴妙好柔軟芬馥復應觀察一
切世界所有衆生一一衆生所有支
節一一支節所有微塵皆亦如是若
諸菩薩於自他身一切衆生作於如
是決定解已復應想念自身微塵二
一塵中皆有佛國其中宮殿琉璃所
成白銀為門黃金為柱廣博崇麗光
影洞徹寶堂間列寶牆圍繞寶閣寶
樓處處分布其中各有諸天寶牀重
茵綺褥敷置其上復有無量上好園
苑圍繞莊嚴其園苑中皆有浴池悉
以七寶而為堤岸黃金欄楯四面周
匝清泉長流引注其中香末為泥金

沙間錯八功德水彌滿澄淨波頭摩
花優鉢羅花拘物頭花分陀利花菡
萏開敷周布其上其池四邊多諸寶
樹真珠為花光色滋榮其果成熟香
味具足於諸樹下置天寶座一一座
前寶器行列甘露美食莫不充滿復
應想念如是一切諸佛國土青紺琉
璃以為其地衆妙七寶綺錯莊嚴是
諸土中所有微塵清淨細妙如天上
寶其光晃曜如盛明日其色美好如
閻浮檀金香氣氤氲如烏羅伽栴檀
質性柔軟如迦旃延衣觸著於身能
生悅樂作是觀已即應想念從此東
方一切世界所有衆生皆來入我諸
佛國土宮殿之中南西北方四維上
下彼諸世界所有衆生皆亦如是又
應想念如是六道一切衆生皆同威
儀色相相似其身柔軟常有香氣丈
夫之相具足莊嚴離諸苦惱受天快
樂是諸衆生若須衣服莊嚴之具即
時往詣劫波樹下隨其所須應念而
得種種衆具以為嚴好譬如他化自
在之天復有香風從八方來其風觸

身令心適悅有諸樂器无人撫擊隨風迴動出妙音聲是諸衆生或在宮殿或遊園苑或有食於諸天美食或執寶器而飲甘露或有坐於蓮花之臺身佩瓔珞兩邊垂下財寶充滿衆具脩足隨其所好種種歡娛面目熙怡身心悅懌體常无病盛年好色不老不死功德勢力皆同一類無有爲人之所使者志能摧滅婬怒愚癡當證菩提究竟安樂佛子是修慈者若在如是衆生之中見一衆生於已有違心緣於此不生愛念則應以智慧深自觀察我往世中定於此人作重業障以是因故還於今日障我菩提我若於此人不生歡喜則於餘一切衆生之處皆亦不應而作饒益何以故以无始時來在生死中无一衆生非於過去曾害我者若於此衆生不生憐愍於餘一切當亦復然我今普於一切衆生皆行饒益是故於此決當慈念復應思惟瞋恚因緣能令衆生墮於地獄若懷怨結後必生在毒蛇之中若我來世受斯報者當令彼

人深快其意故應捨離所有瞋恚怨結之心我若多瞋及怨結者十方現在諸佛世尊皆應見我當作是念云何此人欲求菩提而生瞋恚及以怨結此愚癡人以瞋恨故於自諸苦不能解脫何由能救一切衆生多瞋衆生生在生中所受之身惡毒充滿故應修習慈愍之心永遠離於瞋恚怨結平等平等利益安樂一切衆生若如是思惟離瞋結已次應想念十方諸佛與諸菩薩聲聞大衆俱來入我諸佛國土宮殿之中是諸如來身量大小過人一倍具諸相好端正香潔以天衣服莊嚴其身各各坐於千葉蓮花師子之座一一無量衆所圍繞覆以寶蓋懸衆寶幡種種瓔珞周匝垂布有天樂器不鼓自鳴其音和雅聞者喜悅香風徐動吹諸寶樹幢幡蓋網瓔珞等物出妙音聲歌讚如來種種功德黃金為器七寶莊嚴其器光明猶如日月所有香氣如堅黑栴檀甘露滿中而以供養諸佛菩薩及聲聞衆其諸菩薩阿羅漢等皆於如

來寂上法中遊戲快樂復應想念一切衆生皆於諸佛座前而坐佛為演說修慈之行如我今時之所修習言音美妙悅可其心令諸衆生獲寂上樂譬如有人得甘露漿而以洗沐息除勞苦形神休暢此亦如是以法露心滅諸煩惱身心寂靜永得安樂復應想念如是一切寶幢幡蓋衣服等物所有微塵光明朗曜出過於日柔軟細滑如觸天身所出之香如牛頭栴檀其色清淨如毗琉璃寶一切物像皆於中現又應想念彼諸如來一如來身之微塵柔軟光色轉加殊勝比前微塵逾百千倍復應觀察我所思念一切衆生性空無我如夢如幻如陽焰如眩翳一切諸佛亦復如是自性皆空本无有我凡夫無智於彼妄執有我自性是故不能解脫生死復應觀察一切諸法體相微細皆悉空寂凡夫之人以自分別生諸境界自分別中還自繫縛乃至未了心之自性齊介許時如在夢中妄著諸境復應觀察一切三界皆悉是空空

不尋空我今慈心猶為狹小又應思
念如一切衆生及以諸佛性空無我
當知我身亦復如是一切國土亦唯
想念作是解已復應觀察彼諸所有
一切微塵一一塵中皆有三世諸佛
國土是諸國土寂極清淨超過於前
所有佛國三世諸佛三世衆生及以
三世莊嚴之事皆念具足三世劫數
入於一念二念中三世諸佛坐一切
處普現一切衆生之前或入禪定或
說妙法或食美食或飲甘露一一佛
前三世菩薩及阿羅漢圍繞而坐三
世快樂充滿其身亦自見身在諸佛
所受於如是三世安樂復應想念一
一念中我三世身各持无量上好供
具而以供養一切諸佛菩薩聲聞及
以施與衆生之類於一念從其身出
種種香雲雲中復有无量寶蓋莊嚴
綺飾弥覆一切諸佛如來菩薩聲聞
及以六趣衆生之上其雲復雨天之
甘露及堅黑牛頭栴檀香末曼陀羅
花摩訶曼陀羅花波頭摩花拘物頭
花芬陀利花妙香花妙意花皆從空

中續紛而墜電光烈曜如日舒景雷
音震動聞者悅豫一切諸佛菩薩聲
聞及諸衆生若行若住若坐若卧四
威儀中其身恒受最上安樂佛子譬
如比丘入遍處定於一切物皆作地
解水火風解以如是解攝持其心修
慈之人亦復如是以慈勝解莊嚴攝
持復應思惟我今所與衆生安樂但
唯是想如幻如化譬如幻師作所幻
事我亦如是與諸衆生種種安樂又
如幻物無有自性一切衆生亦復如
是本來无有我我所性又如渴鹿於
陽焰中妄生水想勤苦奔逐我心行
慈當知亦尔又如陽焰水不可得一
切諸法亦復如是无有我性又如夢
中見種種物夢心分別謂為實事及
至覺時了無所在應知諸法皆亦復
然如瞽目者於淨空中見種種物謂
之為有其人後得阿伽陀藥治眼瞽
盡所見之物悉皆隨滅如是衆生以
有身見及邊見故而有我想若得智
慧藥滅除此見所有我想亦隨止息
是故我應如是修慈如從夢覺離我

我所佛子當知此修慈者乃至未能
離於分別未能不起我我所見常得
六種梵天之福若捨分別離我我所
此則名為廣大之慈先世已來所有
罪障皆得除滅不久當證无上菩提
佛子一切菩薩皆應如是修習慈心
汝以修慈名為慈者佛子若善男子
善女人有得聞此修慈經者則能銷
滅無始時來諸惡業障離衆病厄為
一切人之所愛敬於其中間或至臨
終必得奉見十方諸佛及與授阿耨
多羅三藐三菩提記或得三昧或得
法忍或得入於陀羅尼門其心安隱
無有死畏永離一切諸惡道苦必生
清淨極樂佛國佛子譬如有人於三
界中盛滿七寶日以三時奉施如來
盡於一切其人功德應知亦尔何況
有能修習之者假使无量諸佛如來
於一切中說其功德猶不能盡佛說
此經已弥勒菩薩摩訶薩及十方國
土諸來梵衆皆大歡喜信受奉行
大方廣佛花嚴經修慈分

庚子歲高麗國大藏都監奉

勅彫造

失譯人名附秦錄

如是我聞一時佛住摩伽陀國法林
菩提光明宮殿大功德所造能令見
者生大歡喜無量功德蓮華之像師
子高座佛在其上正遍知意清淨无
等正行到諸佛等法心無障尋到不
退法不捨无邊佛事安住不可思議
向無相法三世平等身滿世界知法
无疑一切智身智慧無量諸大菩薩
之所受持已到諸佛无等禪那究竟
滿足得解脫智大慈大悲轉於法輪
究竟无邊有色身及餘比丘衆六万
二千其名曰舍利弗摩訶目犍連摩
訶迦葉阿菟樓駄須菩提迦旃延摩
訶劫賓那離波多難陀那提迦葉伽
耶迦葉分那弥多羅尼子伽梵鉢底
周利般特踰膺驃末利至迦提羅尼
伽准陀摩訶俱絺羅羅睺羅阿難陀
如是等六万二千衆一切定一切行
等入諸法性无住無依度諸煩惱入
佛法界隨從一法向一切智不捨一

切智道樂一切智不退已到毗婆舍
那第一波羅蜜已生諸方便境界行
處及與万比丘尼摩訶波闍波提比
丘尼耶輸陀羅比丘尼等入一切善
神清白之法近一切智入一切智明
善達諸法無性入諸法无性入諸法
无相得諸法實際知諸法不生一切
安立不思議解脫之定教化衆生不
作意不思惟而能現身四種威儀復
有十佛世界不可說億万那由他微
塵數等菩薩摩訶薩其名曰普賢菩
薩摩訶薩普眼菩薩普化菩薩普慧
菩薩普焰菩薩普光菩薩普明菩薩
普光明菩薩普幢菩薩普意菩薩大
勇猛菩薩大持勇猛菩薩大神通菩
薩大神通王菩薩大勇猛菩薩大勇
猛力菩薩大嚧申菩薩大嚧申力菩
薩大香象菩薩大月菩薩善月菩薩
普光明月菩薩法无垢月菩薩光炎
月菩薩明月菩薩放光月菩薩滿月
菩薩梵大自在菩薩梵帝釋震聲菩
薩地鳴聲菩薩法界響聲菩薩除一
切魔界聲菩薩法鼓響聲菩薩普語

言聲菩薩无思惟聲菩薩地上響聲
菩薩一切聲性宮殿聲菩薩音上菩薩
普无垢上菩薩功德藏菩薩光曜菩
薩地藏菩薩寶藏菩薩月藏菩薩日
藏菩薩熱光藏菩薩蓮華三藏菩薩
意菩薩大意菩薩勝意菩薩震意菩
薩廣意菩薩上意菩薩增長意菩薩
无邊菩薩嚴意菩薩覺意菩薩無盡
意菩薩海意菩薩弥樓燈菩薩大燈
菩薩法炬燈菩薩一切光耀燈菩薩
普燈菩薩除一切闇燈菩薩照一切
趣燈菩薩專一光明燈菩薩月燈菩
薩日燈菩薩文殊師利童子菩薩觀
世音菩薩得大精進菩薩金剛藏菩
薩密室菩薩捨惡趣菩薩藥王菩薩
藥上菩薩慈不聲菩薩蓮華手菩薩
日光菩薩無微塵勇猛菩薩金剛意
菩薩伏一切界菩薩魔不勝菩薩寶
頂菩薩百光所照明菩薩大魔不勝
菩薩不可生菩薩不可勝菩薩不可
入菩薩不可近意菩薩掃惡趣菩薩
弥勒菩薩如是等諸菩薩十佛世界
不可說万億那由他微塵等菩薩摩

訶薩一生相續餘世界集曉了衆生成熟衆生安住菩薩智慧方便入世間法了泥洹處觀了一切校計習已斷行取於曉了不斷攝受衆生善入一切無邊无中曉了一切衆生業果而不失於無所得智觀衆生結使具方便智慧了去來今諸佛義句善能受持智慧分別入世出世无邊無中能觀有為及无為法向去來今諸如來智了心刹那刹那生滅初生出家方便苦行坐菩提樹降魔得佛轉於法輪及般涅槃不離衆生起菩提業此諸菩薩以一衆生心緣入一切衆生心緣方便生智慧地不退菩薩身得一切智地行不退轉不斷菩薩所行入無功用智慧為一衆生事行无邊事无行轉法輪教化世間曉了能持諸佛法本紹如來種使不斷絕於無佛世能現作佛穢惡世界能令清淨能除一切菩薩業障令得入於無障導法相應虚空等一切世界相應无障導等實際相應與法界等知一切業所造果報如彼因緣所造果報相

應印彼印造諸法等智相應像現一切等智相應於響聲知諸假名等此諸菩薩安住不可思議解脫定遊戲首楞嚴三昧安住無邊佛身具衆隨羅尼於一毛孔現諸世界成就去來現在諸佛清淨住處受持殊勝行願成就普賢行願了知諸佛初生滅度勸請說法利安衆生一毛孔中現於十方初生出家方便苦行坐菩提樹降魔成佛轉於法輪及般涅槃此諸菩薩以智慧相應於一坐處能動十方一切世界於一佛土遍能莊嚴諸佛世界曉了莊嚴一佛世界能現一切諸佛世界於十方世界諸如來衆能現一如來衆於一如來衆能現十方諸如來衆曉了說法无中無邊能於自身現一切衆生於一佛身能現多佛於多佛身能現一佛能令自身現十方世界曉了三世能現一衆生身於過去世現未來世於未來世現過去世於過去世現現在世於現在世現過去世於未來世現現在世於現在世現未來世能以一身出入無量无

數禪定三摩鉢提以無量無數身出入一定三摩鉢提能現菩提於一切身能於一衆生身現一切衆生於一切衆生身現一衆生能於一佛身現一切衆生於一切衆生身能現於一切世界能現一世界分布一世界能現多世界能令十方世界入一毛孔能現諸衆生一切諸佛得菩提願力處能現十方世界成熟衆生得阿耨多羅三藐三菩提能現無數劫一世界中修菩薩行能現一心生於十方一切世界於一切世界一切衆生胎生卵生濕生化生有色无色有想無想二足四足無足多足天龍夜叉乾闥婆阿修羅迦樓羅緊那羅摩睺羅伽釋梵四天王人及非人如所成熟教化衆生心无功用不以思惟起威儀事於一微塵能現無量無數不可說世界一切衆生亦无迫迫無量無數不可說劫威儀果報事能於一念中現於一念威儀果報事於无量無數不可說劫中現如是所作心無功用

不作思惟現身威儀及諸轉變復有
 餘菩薩具足不可稱量功德億萬那
 由他復有不可說諸天龍夜叉乾闥
 婆阿修羅迦樓羅緊那羅摩睺羅伽
 釋梵四天王人非人等從諸佛世界
 米集於此從此世界百千万億四天
 王一四天王有一大天及諸眷屬來
 至佛所禮拜供養聽受正法復有無
 量百千万億天帝釋復有無量百千
 萬億夜摩天王復有無量百千万億
 毘率陀天王復有無量百千万億化
 樂天王復有無量百千万億他化自
 在天王來至佛所禮拜供養聽受正
 法復有諸天魔眷屬亦來佛所禮拜
 供養聽受正法復有無量百千万億
 梵天王復有無量百千万億大梵天
 王復有無量百千万億少光天復有
 無量百千万億無量光天復有無量
 百千万億光耀天復有無量百千万
 億少淨天復有無量百千万億無量
 淨天復有無量百千万億遍淨天乃
 至阿迦尼吒諸天一天衆共來佛
 所禮拜供養聽受正法復有無量百

千万億淨居諸天及大自在天子來
至佛所禮拜供養聽受正法復有元
量百千万億龍王復有無量百千万
億夜叉王復有元量百千万億乾闥
婆王復有無量百千万億緊那羅王
復有元量百千万億摩睺羅伽王等
來至佛所禮拜供養聽受正法復有
無量阿僧祇人非人等來至佛所禮
拜供養聽受正法復有無量百千万
億優婆塞優婆夷來至佛所禮拜供
養聽受正法復有山神樹神草木等
神及彌樓摩訶彌樓目真隣陀摩訶
目真隣陀雪山鐵圍等諸山神來至
佛所禮拜供養聽受正法復有小海
大海小江大江湖池等神來至佛所
禮拜供養聽受正法復有村邑國城
諸神來至佛所禮拜供養聽受正法
復有龍神夜叉乾闥婆緊那羅摩睺
羅伽住處諸神來至佛所禮拜供養
聽受正法以佛神力悉無迫迕復有
百千万億月天子復有百千万億日
天子一一天子各將大眷屬來至佛
所禮拜供養聽受正法復有阿菟達

多大龍王來至佛所禮拜供養聽受
正法

尔時世尊光明照耀過諸大眾如月
十五日圓滿明淨无諸雲翳光明照
耀過於衆星如是世尊光明照耀過
於一切釋梵諸天佛身不動如須弥
山王尔時文殊師利童子菩薩謂伏
一切諸蓋菩薩摩訶薩言佛子此如
來身安住不動如是語已伏一切諸
蓋菩薩摩訶薩復語文殊師利言於
此衆中有人見佛欲出家踰城或有
見佛已出家或有見佛已修苦行或
有見佛向善菩提樹或有見佛已坐道
樹或有見佛為無量无数魔所圍繞
或有見佛已破魔軍或有見無量无数
諸天龍王夜叉乾闥婆緊那羅摩睺
羅伽人非人釋梵諸天說如是言願
如來勝或有見佛為帝釋所請或有
見佛為梵王所請或有見佛為四天
王所請或復有人於此衆中見佛為
我說布施法有見為我說持戒法有
見為我說忍辱法有見為我說精進
法有見為我說禪定法有見為我說

智慧法有見為我說方便法有見為
我說於願法有見為我說聲聞法有
見為我說緣覺法有見為我說菩薩
法有見為我說地獄生法有見為我
說餓鬼生法有見為我說畜生生法
有見為我說人生法有見為我說四
天王生法有見為我說三十三天生
法有見為我說焰摩天生法有見為
我說兜率陀天生法有見為我說化
樂天生法有見為我說他化自在天
生法有見為我說梵天生法有見為
我說轉輪王生法或復有人於此衆
中見於如來身長二尋或見佛身長
一句盧舍或見佛身長二句盧舍或
見佛身長一由旬或見佛身長十由
旬或見佛身長千由旬或見佛身長
十二十三十四十五十千由旬或見
佛身長百十由旬或見佛身長十二
十三十四十五十百千由旬或見佛
身長八万四千由旬或見佛身過於
數量百千由旬或見佛身紫金之色
或見佛身寶琉璃色或見佛身因陀
羅青摩尼寶珠色或見佛身大青摩

尼珠色或見佛身火光摩尼寶珠色
或見佛身摩尼寶蓮華色或見佛身
過帝釋摩尼寶珠色或見佛身金剛
光明寶摩尼色或見佛身一切天寶
光摩尼色或見佛身日月光明摩尼
寶色或見佛身水精摩尼寶色或見
佛身自在天王寶摩尼色或見佛身
一切光明聚寶摩尼色或見佛身師
子鬚毛寶摩尼色或見佛身師子幢
寶摩尼色或見佛身海住清淨莊嚴
遍光明寶摩尼色或見佛身如意寶
摩尼色文殊師利是諸衆生見如來
身聞所說法入如來行至佛境界彼
諸衆生各見如來同其所行
文殊師利於東方不可數量不可思
議不可稱說世界布滿諸天龍夜叉
乾闥婆阿修羅緊那羅摩睺羅伽釋
梵四天王人非人等如東方南西北
方四維上下亦如是不可數量不可
思議不可稱說布滿諸天龍夜叉軋
闍婆阿修羅緊那羅摩睺羅伽釋梵
四天王人非人等大衆充滿如竹林
園如甘蔗園如稻麻園文殊師利若

諸衆生得見如來則可教化彼諸衆
生在如來前去一尋住瞻仰如來是
時衆生隨見如來現四威儀各住其
前文殊師利若以說法成熟衆生彼
諸衆生皆聞說法文殊師利若以行成
熟衆生彼諸衆生唯見佛行文殊師利
如來所現无異功用無異思惟隨衆
生性自見不同文殊師利如十五日
夜闍浮提人各見月現在其上月不
作意我現其上亦不作意令其得見
何以故不共法故文殊師利如來應
正遍知於大衆中衆生皆見各在其
前佛不作意我現其前亦不作意令
彼見我應受化者隨其自見何以故
不共法故文殊師利如取勝水精摩
尼寶珠隨種種衣成種種色若珠置
在黃衣之上珠成黃色置赤衣上珠
成赤色置青衣上珠成青色此摩尼
珠亦不作意亦不思惟令成異色如
來應正遍知亦復如是由衆生故現
種種色若諸衆生應見金色而受化
者即見如來身黃金色若應見水精
摩尼珠色而受化者即見如來水精

摩尼珠色應見真珠色而受化者即見如來真珠之色應見因陀羅摩尼珠色而受化者即見如來因陀羅摩尼珠色應見大青摩尼珠色而受化者即見如來大青摩尼珠色應見一切光明聚摩尼珠色而受化者即見子鬘摩尼珠色而受化者即見如來師子鬘摩尼珠色應見師子幢上摩尼珠色而受化者即見如來師子幢上摩尼珠色應見海住清淨莊嚴普光明摩尼珠色應見以電燈摩尼珠色而受化者即見如來電燈摩尼珠色應見水清淨摩尼珠色而受化者即見如來水清淨摩尼珠色文殊師利若有衆生應見如來以帝釋梵天四天王色而受化者即見如來帝釋梵天四天王色如是地獄畜生餓鬼閻羅王至无色界胎卵濕化有色無色有想无想隨以身相而受化者彼諸衆生皆見如來有種種相如來亦不作意分別此衆生願

見我金色者莫令見我水精摩尼珠
色此衆生願見我水精摩尼珠色者
莫令見我金色此衆生願見我水精
摩尼珠色者莫令見我真珠色此衆
生願見我真珠色者莫令見我水精
摩尼珠色此衆生願見我因陀羅摩
尼珠色莫令見我大青摩尼珠色此
衆生願見我大青摩尼珠色者莫令
見我因陀羅摩尼珠色此衆生願見
我一切光明聚摩尼珠色者莫令見
我師子鬘摩尼珠色此衆生願見我
師子鬘摩尼珠色者莫令見我一切
光明聚摩尼珠色此衆生願見我師
子幢上摩尼珠色者莫令見我海住
清淨莊嚴普光明摩尼珠色此衆生
願見我海住清淨莊嚴普光明摩尼
珠色者莫令見我師子幢上摩尼珠
色此衆生願見我電燈摩尼珠色者
莫令見我水清淨摩尼珠色此衆生
願見我水清淨摩尼珠色者莫令見
我電焰摩尼珠色此衆生願見我帝
釋梵天四天王色者莫令見我地獄
畜生餓鬼閻羅等色此衆生願見我

地獄畜生餓鬼閻羅等色者莫令見
我帝釋梵天四天王色如來不作意
思惟以無功用亦不分別以成其事
文殊師利如自在王摩尼寶生處是
處不生鐵及諸衆具亦不得生自在
王摩尼寶亦不作意是處我生鐵及
衆具不應得生文殊師利是處自在
王摩尼寶自生是處終不生鐵及諸
衆具亦不得生文殊師利如是佛境
界處如來生處尼乾外道亦不得生
諸邪見等亦不得生一切諸亂亦不
生五逆亦不生十不善道亦不生制
法亦不生日月光明亦不生帝釋梵
天四天王等諸天光明亦不生諸寶
摩尼光明亦不生火光光明亦不生電
光明亦不生一念半念一月半月一
年半年數亦不生文殊師利如來雖
復成就衆生不作思惟心無功用一
切成就文殊師利如人為大青摩尼
寶珠光明所觸彼人即成大青摩尼
寶珠色大青摩尼寶珠不作意思惟
若人為如來智慧光明所觸彼人即
成一切智色如來亦不作意思惟心

无功用文殊師利如水精摩尼珠善
磨瑩之隨所安處以為莊嚴或莊嚴
足或莊嚴手或莊嚴頭或莊嚴頸隨
莊嚴處皆大光明諸莊嚴具悉隨光
明文殊師利如來應正遍知行四威
儀隨所住處如來光明彼亦光明如
來不作思惟心无功用文殊師利如
地安住一切諸種種草木藥樹悉得
增長地不作意思惟分別文殊師利
如來安住一切衆生善根增長如來
亦不作意思惟心无功用文殊師利
猶如大雲普覆大地於一切種降一
味雨令諸草木成種種味成種種色
雲不作意思惟分別文殊師利如來
應正遍知於十方世界以佛身雲普
覆衆生種種善根種種諸願種種心
解脫種種住解脫降大法雨令種種
善根種種諸願種種心解脫悉得增
長如來亦不作意思惟我令增長此
衆生聲聞善根我令增長此衆生緣
覺善根我令增長此衆生佛智慧善
根我令增長此衆生四天王生善根
我令增長此衆生三十三天生善根

我令增長此衆生焰摩天生善根我
令增長此衆生毘率陀天生善根我
令增長此衆生化樂天生善根我令
增長此衆生他化自在天生善根我
令增長此衆生乃至五淨居天生善
根文殊師利如來不作意分別我令
增長此衆生種種王生善根我令增
長此衆生人生善根我令增長此衆
生富貴生善根文殊師利如來雖不
作意分別利益事成如其願如其意
如其樂善根成就於一切處恒行捨
心無有思惟无有分別文殊師利如
日初出放無量百千万億那由他光
除闇浮提一切諸闇光不作意我令
闇滅雖无思惟日用得成文殊師利
佛日初出放無量百千万億那由他
智慧光明滅邪見闇除如來應現為
成熟衆生文殊師利如來亦不作意
分別我滅衆生邪見煩惱不以功用
如來事成文殊師利又如幻師現種
種事不以功用不以思惟所作幻事
自然而成所作為幻事不可言說不生
不滅無字无聲無性无相不可思議

不去不來無等无對文殊師利如來
應正遍知為諸衆生行四威儀一切
處現而此如來不可言說不生不滅
無字无聲無性无相不可思議不去
不來無等无對與法界等文殊師利
如日於須弥四洲衆生各各異見有
見日出有見日入有見正中有見中
夜日不作意思惟分別因須弥故四
洲世界現種種事為見不同文殊師
利如來應正遍知於一衆處令諸衆
生各各異見有見如來當得作佛有
見如來當入涅槃有見如來已得成
佛有見如來已般涅槃有見如來正
法興隆有見如來正法衰滅有見如
來或二十至四十年說法有見如
來或十二十三十四十億百千不可說
劫已入涅槃文殊師利如來亦不作
意分別由衆生故自見不同文殊師
利如閻浮提大風吹動東方草木一
時皆伏西方草木一時皆起如是隨
方起伏種種不同而此草木亦不作
意思惟由風吹故令現種種文殊師
利如來應正遍知由諸衆生於無數

劫現四威儀若諸衆生緣於如來生
諸行者斷無數劫地獄餓鬼畜生閻
摩主生若有衆生一念作意緣如來
者所得功德无有限極不可稱量百
千万億那由他諸大菩薩悉得不可
思議解脫定不能計校得其邊際文
殊師利如日從大海出放無數無量
百千万億那由他光現城邑聚落滅
諸闇乾濕泥生草木成衆事然後行
動日不作意思惟分別文殊師利如
來應正遍知從生死海出住於數量
放无數量百千万億那由他智慧光
明現於十方一切世界除无明闇乾
煩惱泥令生善根成就一切於本處
不動如來亦不思惟分別而一切皆
成文殊師利若有善男子善女人於
十方世界微塵等諸佛及聲聞衆施
百味飲食及微妙天衣日日不廢滿
恒河沙劫彼諸如來悉入涅槃為一一
佛於十方世界一一世界起塵數塔
閻浮檀金為塔電光摩尼寶珠以布
其地一切光明聚摩尼寶珠為基真
摩尼寶珠為幢自在摩尼寶珠為網

覆其上造如是塔寶繖遍覆大千世界一幢衣一一幡華一一諸香王自在一一摩尼寶珠一一如意摩尼寶珠其數如雲散以供養一日三時日日不廢滿恒沙劫復教無數無量衆生設諸供養如上所說

文殊師利若有一善男子一善女人信此如來功德智慧不可思議境界度脫衆語言法所得功德勝彼無量文殊師利若有菩薩信此言說能令滿足不可稱量百千億那由他波羅蜜能知無數百千萬億那由他佛遊戲處能破無數憍慢之山能倒無數嫉妬之幢能乾無數渴愛之河能度無數生死之海能斷無數魔王之繩能勝諸日月帝釋梵天王等光明能從佛境界至諸佛境界能度地獄畜生餓鬼閻羅王生令得值佛與菩薩俱亦能得海印三昧現一切界無過三昧一切諸法自在三昧一切法入三昧無行莊嚴三昧寶生三昧作遊戲三昧蓮華莊嚴三昧破虛空三昧隨行一切世間三昧法華三昧境界

自在三昧大嚧申三昧心行自在三
昧師子嚧申三昧日等三昧无邊轉
三昧隨流行三昧金剛緣三昧金剛
幢三昧金剛喻三昧金剛三昧持地
三昧山等三昧弥樓幢三昧寶藏三
昧心自在三昧一切衆生心自在三
昧一切諸行境界行三昧深密方便
三昧種種樂說三昧无觀三昧觀一
切諸法三昧遊戲三昧一切通行三
昧勝魔境界三昧現一切色三昧修
身三昧隨一切法則三昧智慧燈三
昧作證菩提光明三昧說四無尋三
昧入一切行功德三昧一切分別說
三昧寂靜分別神通三昧首楞嚴三
昧大深不量海水岸三昧得如是等
無數百千億那由他三昧復得无邊
佛身色衆具陀羅尼智慧陀羅尼清
淨音聲陀羅尼无盡藏陀羅尼無邊
轉陀羅尼海印陀羅尼蓮華莊嚴陀
羅尼不著入門陀羅尼度分別辯陀
羅尼佛莊嚴受持陀羅尼得如是等
阿僧祇百千萬億那由他陀羅尼到
一切勝行到一切諸法不由他知到

一切諸法無疑復得阿僧祇百千佛
遊戲復得諸勝行方便文殊師利如
須彌山於一切山光明殊特如是若
菩薩信此言者於一切善根光明寂
為殊勝是時文殊師利童子語伏一
切諸蓋菩薩言佛子更有餘勝法是
菩薩信樂處若菩薩能信者得无量
勝功德不伏一切諸蓋菩薩言有五
法是菩薩信樂處得无量勝功德云
何五法一者信一切諸法無對不生
不滅不可說二者信過閻浮提微塵
諸行威儀事如來不以功德不以思
惟念念自生三者信常成熟衆生於
恒沙劫久已成佛四者信從然燈佛
來乃至得佛中間所作是佛境界无
邊劫來久已得佛現行此事五者信
滅釋種示現此事成熟衆生是佛境
界文殊師利此謂五法是菩薩所信
得无邊勝功德文殊師利若有善男
子善女人於日日中以百味食及微
妙衣施得六通及八解脫諸阿羅漢
滿恒沙劫復有善男子善女人一日
之中施一緣覺如上供養勝於前人

所得功德文殊師利若有善男子善女人於十方世界起於塔寺如微塵數於一一世界真閻浮檀金電燈摩尼寶布地一切光明聚摩尼寶為基真珠摩尼寶為幡蓋牛頭栴檀以塗其地自在王摩尼寶為網覆上安置海清淨普光明莊嚴摩尼寶為柱師子鬘摩尼珠為板覆上師子幢上摩尼寶為窓牖懸諸幡蓋无量百千緣覺所住日日施與百味飲食及上妙衣經恒沙劫文殊師利若有一善男子善女人聞佛者聞世尊者聞如來者聞一切智者此善男子善女人所得功德勝彼無量不可計數文殊師利若復有善男子善女人為佛造像或以綵畫或用泥木其人所得功德復勝於彼無數不可計量何況復以香華幡蓋種種供養所得功德无量無邊不可稱計若復有善男子善女人歸依如來一日守護如來禁戒是人所得功德復勝於彼无量無數不可稱計文殊師利若復有善男子善女人以百味食百種妙衣施於十方

一切諸佛及諸菩薩聲聞大衆經恒沙劫彼諸如來入於涅槃為一一如來於十方界微塵數等起諸寶塔一寶塔縱廣如四天下莊校具足以真閻浮檀金燈摩尼寶布地一切光明聚摩尼寶為基真珠摩尼寶為幡蓋牛頭栴檀以塗其地自在王摩尼寶為網覆上又以寶蓋遍覆三千大千世界復以諸幡華其數如雲復以種種上妙妓樂供養於塔文殊師利若復有善男子善女人能信此經如來功德智慧不可思議乃至以一揣食施於畜生是人所得功德復勝於彼不可數量文殊師利若有菩薩信於修多羅如前所說而為供養若有菩薩信此經法復見餘人信此法者生大歡喜發踊躍心起恭敬意奉迎合掌禮拜問訊隨所能辦以為供養此人功德復勝於彼無量無邊不可稱計何以故以此功德能生佛智世尊所印文殊師利聞此言已皆大歡喜及諸菩薩聲聞大衆天人阿修羅迦樓羅等皆悉隨喜頂禮而退度諸佛境界智光嚴經

大方廣人如來智德不思議經一卷

臣

大唐于闐三藏實叉難陀譯

如是我聞一時佛在摩竭提國寂滅道場普光明殿無量功德之所集起見者靡不生大喜樂永離一切輕毀之心佛於其中坐寶蓮花師子之座證淨等覺所行無二住佛所住悉與一切諸佛平等到无障罣不退轉法一切所行無能制伏常作佛事未曾休息體法无相住不思議三世所生了無差別其身充遍一切世界智達諸法嘗无迷惑覺一切行斷諸疑網其身微妙不可分別到無二智究竟彼岸為諸菩薩之所宗仰住无差別如來解脫入无中邊佛平等地通達一切虛空法界窮未來劫常轉法輪興大比丘衆六十二億人俱皆悉了達諸法實相自性平等猶如虛空无所依著永離一切煩惱蓋纏一切如來智慧方便皆能隨入於一法中了知一切法無分別智常現在前常勤修習趣種智道心无退轉皆已成就到

彼岸智隨一切境所行方便无不具足其名曰舍利弗大目犍連摩訶迦旃延摩訶迦葉耆提迦葉伽耶迦葉摩訶劫賓耆離婆多阿菟樓駄須菩提富樓耆弥多羅居士憍梵波提周利槃陀財力士子佉陀羅商主准陀摩訶俱絺羅難陀羅睺羅阿難如是等諸大弟子而為上首復與六十億比丘尼俱皆已久集清淨白法近佛種智了達方便證一切法無性无相安住實際解一切法無生无滅無所除斷住不思議解脫三昧隨諸衆生應可調伏示現種種威儀色相而於其中无所分別其名曰摩訶波闍波提及耶輸陀羅而為上首復與十佛刹不可說百千億耆由他微塵等菩薩摩訶薩俱皆是一生補處從餘方界來集於此盡能普入十方世界得涅槃道善方便智安住菩薩觀察成就一切衆生方便法門攝諸衆生令斷一切戲論執取了達諸法無邊无中知諸衆生善惡業果皆不可得亦不失壞又能究其意樂煩惱諸根所

行具持三世如來所說諸法句義无
有忘失通達一切有為無為世出世
法成就三世諸佛智輪於念念中現
天宮沒受生出家修行苦行詣菩提
樹降魔成佛轉正法輪般涅槃相常
不厭捨一切衆生覺悟令發大菩提
心能於一衆生心所緣境入一切衆
生心所緣境成就自然智而受菩薩
身一切智行未曾退轉雖常修習而
無所作能无量劫為一衆生住世說
法護持法藏紹諸佛種於无佛處現
佛出世如衆生數示成正覺得加趺
坐充遍十方圓滿大智嚴淨一切雜
穢國土滅除一切菩薩業障虛空法
界一切功德皆悉具足證法實際无
所障碍得一切法平等智印印知諸
法自性平等所見所聞如影如響住
不思議解脫三昧自在遊戲首楞嚴
定成就出生諸佛相好陀羅尼門具
三世佛清淨行願成就普賢殊勝意
樂諸佛出世咸詣其所恭敬勸請於
一毛道中現一切世界於一毛道中
現於十方始從下生乃至最後般涅

勝相以十方一切諸佛衆會現一佛

衆會以一佛衆會現十方一切諸佛

衆會現十方界入自身中於自身中

現一切衆生身隨為演說无量法要

現一切佛身入一佛身以一佛身入

一切佛身於一衆生身現无量衆生

身於一切衆生身現一衆生身於一

生身現三世生身三世生身現一生

身現過去世入未來世以未來世入

過去世以過去世入現在世以現在

世入過去世於一身中入深禪定於

無量無數身起無量無數身入深禪

定於一身起於一佛身現一切衆生

身一切衆生身現一佛身於衆生身

現淨法身於淨法身現衆生身以一

佛刹及莊嚴事現一切淨刹以一切

佛刹及莊嚴事現一淨刹以十方界

入一毛孔為諸衆生顯示一切諸佛

願力普於十方隨可化度為現无上

正等菩提於無數劫一世界行菩

薩行而无休息於一微塵容納無邊

不可稱量竿數世界令諸衆生无有

迫窄促無量不思議劫為一須臾演

一須臾為无量不思議劫一剎那中
普於十方一切世界隨諸衆生卵生
胎生濕生化生有形無形有色无色
無足二足四足多足天龍夜叉乾闥
婆阿修羅迦樓羅緊那羅摩睺羅伽
釋梵護世人非人等應可調伏為現
種種威儀所行而其身心無分別用
斯諸菩薩皆得如是善巧方便及餘
无量阿僧祇功德其名曰普賢菩薩
普眼菩薩普化菩薩普慧菩薩普目
菩薩普光菩薩普明菩薩普照菩薩
普幢菩薩普覺菩薩大速疾菩薩大
速疾持菩薩大神變菩薩大神變王
菩薩大精進菩薩大勇健菩薩大奮
迅菩薩大奮迅力菩薩大衆生菩薩
大香象菩薩大月菩薩妙月菩薩切
德月菩薩寶月菩薩普月菩薩法无
垢月菩薩毗盧遮那月菩薩名稱月
菩薩光明月菩薩滿月菩薩梵音菩
薩梵主雷音菩薩地音菩薩法界音
菩薩破一切魔音菩薩震法鼓音菩
薩普覺音菩薩無分別音菩薩地上
音菩薩蔽一切聲音菩薩平等藏菩

薩離垢藏菩薩功德藏菩薩光明藏
菩薩寶藏菩薩月藏菩薩日藏菩薩
日生藏菩薩蓮花藏菩薩慧藏菩薩
大慧菩薩勝慧菩薩名稱慧菩薩無
上慧菩薩增長慧菩薩無量慧菩薩
廣慧菩薩佛慧菩薩無盡慧菩薩海
慧菩薩彌樓燈菩薩大燈菩薩法燈
菩薩照十方燈菩薩普燈菩薩破一
切暗燈菩薩照一切處燈菩薩決定
照燈菩薩月燈菩薩日燈菩薩文殊
師利菩薩觀世音菩薩大勢至菩薩
金剛藏菩薩功德藏菩薩離惡趣菩
薩藥王菩薩藥上菩薩雷音菩薩花
首菩薩日光菩薩離垢勇猛菩薩金
剛慧菩薩滅諸蓋菩薩降魔菩薩寶
髻菩薩千光菩薩降伏大魔菩薩難
見菩薩難伏菩薩難量菩薩勝智菩
薩滅惡趣菩薩弥勒菩薩如是等菩
薩摩訶薩而為上首復有無量不可
思議不可稱量天龍夜叉乾闥婆阿
修羅迦樓羅緊那羅摩睺羅伽釋梵
護世皆從十方佛剎來集時此世界
復有百億六欲諸天魔王太子商主

為首與无量諸天眷屬俱詣佛所為
見如來礼拜供養聽受法故復有百
億大梵天王乃至百億色究竟天魔
醯首羅而為上首亦與无量諸天眷
屬俱詣佛所為見如來礼拜供養聽
受法故復有百億八部王眾及無量
人非人優婆塞優婆夷等各與眷屬
俱詣佛所為見如來礼拜供養聽受
法故復有一切草木叢林諸藥神等
及彌樓山摩訶彌樓山目真隣陀山
摩訶目真隣陀山雪山鐵圍山等一
切山神河海陂沚國邑聚落所有諸
神并八部眾諸宮殿神亦與眷屬俱
詣佛所為見如來礼拜供養聽受法
故復有百億日月諸天及阿那婆達
多龍王各與無量眷屬圍繞俱詣佛
所為見如來礼拜供養聽受法故是
諸大眾以佛神力不相障罣元有迫
隘今時世尊光明顯照蔽於眾會猶
如白月十五日滿淨除雲翳光明顯
照映蔽眾星亦如須彌山王安住不
動如來光明普蔽一切釋梵諸天高
顯特尊亦復如是

尔時文殊師利童子告滅諸盖菩薩
言如來今者安住於此身不動搖汝
知之乎彼即答言文殊師利如來今
者雖在此會安住不動有諸天人或
見出家修行苦行或見往詣菩提樹
下安處道場降伏魔怨成等正覺諸
天龍王夜叉軋闍婆阿修羅迦樓羅
緊那羅摩睺羅伽釋梵護世咸共讚
言善哉大師能勝怨敵或見釋梵護
世諸天勸請說法或見為其說布施
法或見為說持戒忍辱精進禪定智
慧方便力願智法或見為說聲聞乘
法或見為說獨覺乘法或見為說無
上乘法或見為說畜生餓鬼閻摩羅
界四天王天三十三天乃至梵宮受
生等法或見為說生人趣法或見為
說生轉輪王法又文殊師利於此眾
中或見如來身高一尋或一俱盧或
二俱盧或半由旬或一由旬或二由
旬或十由旬或百或千或万由旬或
見五万十万百万或五百万乃至或
見超過一切數量由旬或見佛身作
真金色或琉璃色或帝青摩尼色或

大青摩尼色或光明摩尼色或紅蓮
花摩尼色或釋迦毗楞伽摩尼色或
金剛光明摩尼色或天光摩尼色或
日月光摩尼色或水精摩尼色或頗
梨摩尼色或自在王摩尼色或集衆
光摩尼色或師子鬘摩尼色或師子
幢摩尼色或海住淨光摩尼色或如
意摩尼色隨諸衆生應見如來是衆
色相而調伏者所見各殊隨聞如來
爲說何法而成熟者所聞各異隨依
何教而修行者各如說行皆得成就
文殊師利設於十方无量不可思議不
可稱量世界滿中天龍夜叉乾闥婆
阿修羅迦樓羅緊那羅摩睺羅伽釋
梵護世人非人等猶如竹林甘蔗胡
麻若諸衆生應見如來而調伏者見
佛色相各各不同面向其前一尋而
住爲其說法如說修行皆得成就如
來雖作如是衆事自然應現而无分
別文殊師利如滿月輪夜半之時圓
浮提中一切衆生各見月輪在其前
現是月未曾作念分別令諸衆生各
覩我現法尔而有如是事起如來亦

今雖復普現諸衆生前亦不分別令諸衆生皆得見我現前而住但隨衆生可調伏者各自見佛現在其前何以故隨應衆生不共法故文殊師利如一切衆生由上中下業果力故所作諸行亦有三品而是諸行終不自生三種分別但由業故自然有是上中下品諸行事起如來亦由諸衆生業果力故各自見佛如來亦无上中下念自然應現如是等事文殊師利如淨頗梨置諸衣上作種種色若在黃衣便作黃色在青赤衣作青赤色隨其所置雖作彼色是淨頗梨終无分別如來亦由衆生感作種種色若諸衆生應見金色而調伏者便見金色若有應見琉璃真珠帝青大青集衆光摩尼海住淨光摩尼師子鬘摩尼師子幢摩尼電燈摩尼水精摩尼是諸寶色而調伏者便見如來作如是等衆寶色相或有應以釋梵護世而調伏者便見釋梵護世色相如是乃至應以地獄餓鬼畜生閻羅王處色无色界外生胎生濕生化生

有色無色有想无想非有想非無想
隨何趣生威儀色相而調伏者則見
如來作如是等種種色相然佛未曾
分別念言今此衆生惟見金色莫見
琉璃惟見琉璃莫見帝青如是乃至
惟見師子鬐摩尼莫見師子幢摩尼
色雖无如是異念分別隨一切處自
然有是諸色相現文殊師利譬如出
生自在摩尼王處不生諸鐵是摩尼
王終不念言今彼實處但生於我莫
生於鐵然其實處鐵自不生如來所
生刹土亦尔自无一切外道異論諸
惡賊亂五無間罪十不善業非法王
教亦无一切日月諸天及摩尼寶火
電等光及以須臾日月歲數除佛變
現化諸衆生雖有所現而无分別由
衆生故自然有是種種事起文殊師
利譬如大青摩尼寶光觸者皆作大
青寶色而寶終无異念分別如來亦
尔觸佛作意所緣光者靡不皆成一
切智色然佛亦無異念分別自然而
有如是事起文殊師利如善磨瑩大
琉璃寶隨於其邊安置種種手足頭

頸衆莊嚴具以寶威力彼莊嚴具莫
不明顯如來亦令隨其所行威儀住
處有修行者以佛威力令其所行皆
自增勝然佛未曾動念分別自然而
有如是事起文殊師利如衆卉木依
地而住各得增長然地了無種種分
別如來亦令諸衆生一切善根依
如來住各得增長而實曾無異念分
別自然而有如是事起文殊師利譬
如大雲普覆一切草木叢林等樹甘
雨隨一味水所及之處令諸草木皆
得增長種種色味差別不同彼雲未
曾有所分別自然有是種種相異如
來亦令興正覺雲遍覆一切隨諸衆
生先所積集種種善根種種願樂種
種信解種種解脫等樹法雨令諸衆
生一切善根隨其勢力各得增長如
來亦不分別念言我當令是衆生善
根生聲聞智我當令是衆生善根生
獨覺智我當令是衆生善根生如來
智我當令是衆生善根生四天王天
三十三天如是乃至淨居等天我當
令是衆生善根得作國王及與人中

種種生處然佛雖無種種分別隨諸
衆生所集善根願樂等力自然有是
種種事起由佛已捨一切處著無分
別故文殊師利如日纔現放无量億
百千光明破闇淨提一切黑暗是日
雖復不分別言我當破暗自然而有
破暗事生如來日輪亦復如是出世
間已放无量億智慧光明滅除世間
諸見黑暗除佛威力亦現成熟諸衆
生者如來雖不分別念言令衆生見
現破當破於一切處自然有此種種
事起由佛已捨一切處著无分別故
文殊師利譬如幻師幻作衆像雖有
種種形類不同幻無分別不可稱說
無起无盡無字无聲無有方所无體
无相不可思議無二无行無等无對
但由幻師現是衆相如來亦尔由衆
生故入於種種威儀行處一切皆見
然實如來可不稱說無起无盡無字
無聲无有方所无性無相無二无行
等真法界非可觸對文殊師利譬如
日映須弥山故四洲衆生或見初出
或見日中或見漸暮或見初沒或見

夜半或見漸曙但一日輪隨四天下
諸衆生見各各不同日無分別但由
山蔽自然四洲所見各異如來亦介
於一衆會或見如來將成正覺已成
正覺將入涅槃已入涅槃或見成佛
已經十年乃至已經不可說劫或見
涅槃已經十年乃至已經百千億劫
或見如來一二十或四十年在世
說法或見法住或見法滅然佛曾无
異念分別由衆生故自然有是種種
事起文殊師利譬如大風吹閻浮提
一切草木枝葉紛亂東西南北或靡
或起草木終无種種分別但由風故
種種相生如來亦尔常无分別由衆
生力於念念中見有如是無量衆行
威儀相起乃至作意緣諸衆生令介
所劫得斷地獄畜生餓鬼閻羅等趣
文殊師利如來成就如是无量微妙
功德文殊師利如來作意一念所緣
諸大菩薩无量百千那由他劫住不
思議解脫三昧不能知其功德邊際
文殊師利譬如日輪從大海出住虛
空中放无量億那由他光遍照一切

城邑聚落破大黑暗銷涸洿池增長一切草木叢林悉令成熟發起一切所作事業光影普入諸河池中而常未曾離於本事是日雖无種種分別自然而有是等事現如來亦示出諸有海住法虛空放无量億智慧光明遍照十方一切世界滅諸衆生无明翳膜枯竭一切煩惱濁流令諸衆生善根福慧增長成熟雖同一時現是衆事亦常湛然本處不動由佛已離念想分別自然應現是諸相故文殊師利若有善男子善女人於恒河沙劫以天上味及天妙衣施十方界微塵等一切諸佛及聲聞衆彼佛滅後為一一佛遍滿十方一一世界造十方界微塵等塔其塔皆是闍浮檀金電光摩尼牙相間錯集衆光寶周圍欄楯寶幢遶建寶鈴流響鈺衛栴檀以為塗香覆以自在摩尼王網其上復有天寶蓋雲寶幡幢雲妙花香雲摩尼王雲如意珠雲徘徊散空滿三千界日日三時如是供養經恒沙劫兼復教化無數衆生如是供養

不如有人聞此入如來智德不思議
境界法門心生信解其福過彼無量
阿僧祇文殊師利若有菩薩信解此
法則速成滿菩薩摩訶薩無量億那
由他諸波羅蜜證入無量億那由他
地背捨無量億那由他生死了知無
量億那由他諸佛神通破無量阿僧
祇我慢山倒無量阿僧祇慳嫉幢竭
無量阿僧祇愛河渡無量阿僧祇生
死海斷無量阿僧祇魔網掩蔽一切
日月釋梵護世威光從一佛剎至二
佛剎能救地獄餓鬼畜生閻羅王界
諸苦衆生常得親近諸佛菩薩具足
成就海印三昧持一切法三昧法自
在三昧諸相莊嚴三昧寶生三昧安
樂三昧蓮花莊嚴三昧虛空藏三昧
隨入世間三昧妙法花三昧境界自
在三昧大奮迅三昧虛空心三昧師
子奮迅三昧日燈三昧無量旋三昧
澍甘露三昧金剛幢三昧如金剛三
昧金剛齊三昧地持三昧須弥燈三
昧須弥幢三昧寶藏三昧心自在三
昧一切衆生心自在三昧增長一切

行三昧深密方便三昧種種辯才三昧无能見三昧了諸法三昧遊戲三昧出生一切神通三昧降魔三昧現一切色相三昧一切色寂勝三昧觀身三昧具一切行三昧智燈三昧菩提光三昧樂說辯才三昧入一切功德三昧說諸法實相三昧寂靜神通三昧首楞嚴三昧海潮三昧又得無量佛身相施羅尼大智施羅尼淨音施羅尼无盡法施羅尼无量旋施羅尼海印施羅尼入決定辯才施羅尼諸佛住持施羅尼又得隨順一切衆生殊勝行一切法无師智斷一切法疑得佛神通具菩薩行善巧方便文殊師利譬如須彌山王高顯秀麗映蔽餘山菩薩信解此法門者功德嚴淨蔽諸衆生一切善根亦復如是

尔時文殊師利告滅諸蓋菩薩言佛子復更有餘勝法若諸菩薩能信解者便得成就餘勝功德滅諸蓋菩薩聞是說已復白文殊師利言若有菩薩信解五法則能除此勝法得餘无量殊勝功德何等為五一者信解一

切諸法不生不滅不可稱說無比无對二者信解如來无功用無分別入過閻浮提微塵等威儀行處刹剎剎常起不絕三者信解釋迦如來往昔教化蕪陀婆王但為成熟諸衆生故然實已於恒河沙劫久成正覺四者信解釋迦如來示然燈佛授記已來乃至成佛於是中間修菩薩行而實已於无量劫來成等正覺住佛境界五者信解釋迦如來現託王宮釋種被害但為成熟諸衆生故而實已於无量劫來成等正覺文殊師利菩薩若能於此五種生信解者則能除此勝法更得成就餘勝功德文殊師利若善男子善女人於恒河沙劫日日以天百味飲食及天妙衣施十方界微塵等諸阿羅漢具六神通八解脫者所得功德不如有人於一日中但以飲食施一獨覺其福勝彼阿僧祇倍又文殊師利若善男子善女人遍十方界為阿僧祇辟支佛等造上方界微塵等精舍一一皆以閻浮檀金所成摩尼為柱階陛欄楯樓閣戶

脯咸以衆寶種種莊嚴施大寶帳塗
妙栴檀日日以天百味飲食及天妙
衣恭敬供養於恒沙劫不如有人或
聞佛名或世尊名或如來名或一切
智名所得功德復過於彼阿僧祇倍
況以彩畫或以泥塼作如來像觀見
之者福又過彼阿僧祇倍況以燈油
香花伎樂種種供養福又過彼阿僧
祇倍何況有能於佛法中下至一日
護持一戒福轉過彼阿僧祇倍文殊
師利若有善男子善女人於恒河沙
劫日日以天百味飲食及天妙衣供
十方界微塵等諸佛菩薩及聲聞衆
諸佛滅後一一皆起十方界微塵等
塔一一塔量遍四天下形製奇妙衆
寶莊嚴幡蓋伎樂諸供養具逾勝於
前雖諸功德皆悉具足未能信解此
法門者不如有人能信解是入如來
智德不思議境界法門乃至以一搏
食施於畜生其福過彼阿僧祇倍文
殊師利若有菩薩信解此經如其所
說供養諸佛有餘菩薩聞已歡喜生
淨信心從坐而起合掌作禮隨其所

堪修行供養福又過彼阿僧祇倍是人不久得佛智故說是經時彼諸比丘及菩薩衆一切世間天人阿修羅等歡喜信受作禮奉行

大方廣入如來智德不思議經

辛丑歲高麗國大藏都監奉

勅雕造

大方廣如來不思議境界經一卷

巨

大唐下闕三藏實叉難陀奉制譯

如是我聞一時佛在摩竭提國菩提樹下成正等覺其菩提樹名阿攝波磐根深固擢本脩直周圍無節如栴檀柱常於其上飛禽迴翼无能過者皮膚細潤衆色間發猶如羅綺密葉青翠繁枝布濩周匝皆有妙花開敷吐曜飛芳甚可愛樂除俱鞞羅波利質多餘無比者復有无量小樹圍繞而此樹王森蔚穎秀如妙高山俯冠羣岳一由旬外靡不齊觀香氣周流榮光照曜遠夜望之疑大火聚其下嚴麗如歡喜園四面夷敞芳草蓊茂如孔雀王頸薔靡芬馥觀者无厭如來於此端嚴而坐大衆環繞如星中月時有十佛刹微塵等他方諸佛為欲莊嚴毗盧遮那道場衆故示菩薩形來在會坐其名曰觀自在菩薩文殊師利菩薩地藏菩薩虛空藏菩薩金剛藏菩薩維摩詰菩薩善威光菩薩滅諸蓋菩薩寶手菩薩大慧菩薩普

賢菩薩如是等菩薩摩訶薩而為上
首復有無量千億菩薩現聲聞形亦
來會坐其名曰舍利弗大目犍連須
菩提羅睺羅阿若憍陳如摩訶迦葉
優波離阿邨律離婆多阿難提婆達
多跋難陀等而為上首皆已久修六
波羅密近佛菩提為化衆生於離染
土現聲聞形復有無量千比丘尼摩
訶波闍波提而為上首皆已成就大
丈夫業為欲調伏下劣衆生故現女
身復有無量釋梵護世天龍夜叉軋
闍婆阿修羅迦樓羅緊那羅摩睺羅
伽人非人等此中皆是大菩薩衆無
凡夫者

今時世尊坐菩提樹嚴淨微妙辟於
寶多樹下置如意珠正念不動如須
弥山為令諸菩薩衆及一切衆生了
知諸佛深密禪定威神力故入於三
昧名如來不思議境界即時世尊三
十二相一一相中皆現十方無量佛
刹及彼諸佛猶如明鏡顯現衆色又
隨好中一一復現如來往修菩薩行
時從光明王乃至寂後然燈佛所難

行苦行忘捨一切頭目身體皮肉手足妻子僕從及國王位宮殿等事由是三昧有大勢力一切諸佛食時行時說法時涅槃時常入此定何以故一切如來依此三昧成就無量大威神力乃至證入一切法空能於十方一切佛剎示現種種自在事故譬如有人夢見種種變異等事及其覺已所見皆无凡夫亦尔無明夢故妄於諸法生實體想諸佛覺已皆无所著故能十方一切世界一念示現無量佛事自在无尋利益成就一切衆生皆令悟入無量深妙解脫門故尔時德藏菩薩修菩提行未成滿故問普賢菩薩摩訶薩言如來今者所入三昧其名云何復云何得十方一切世界自在示現種種佛事度脫衆生尔時普賢菩薩告德藏菩薩言諦聽諦聽當為汝說時諸菩薩一心瞻仰同聲歎言善哉所問甚深微妙尊者普賢一切知見今當演說即時大地六種震動天雨妙花一切衆生煩惱衆苦皆少休息普賢菩薩言佛子此三

昧名如來不思議境界即是一切諸
佛菩提以諸如來常依住故世尊始
從然燈佛所得受記已即入此定常
心功用自然應現無量佛事謂於虛
空一毛端處有一切佛刹微塵等諸
佛世界於中或現生兜率天或從彼
沒下生入胎或現適生遊行七步自
言我今即為生死邊際或現在宮出
家苦行或現降魔成等正覺轉妙法
輪或現住世經无量劫度諸衆生皆
令離苦或復示現入於涅槃或一切
劫為一刹邨或一刹邨為一切劫劫
與刹邨元增無減乃至一切衆生未
盡解脫刹邨刹邨一時普於此諸世
界常作如是種種佛事未曾休息而
无功用如彼虛空一毛端處無量刹
中念念普現諸佛種種威儀法則而
無功用乃至遍空毛端量處亦復如
是又是諸刹一切微塵一一塵中復
有過一切佛刹微塵等土亦一刹邨
一二土中自然普現一切諸佛威儀
所行或生天宮乃至滅度解脫无量
阿僧祇衆生如是念念窮未來際常

作佛事利益衆生乃至虛空衆生界
盡常不休息而佛刹不減微塵不增
何以故以一切法猶如幻燄不堅牢
故譬如此會十佛世界微塵數等大
菩薩衆皆共住此摩竭提國十二由
旬不相障尋彼一一塵各受無數諸
佛世界或仰或覆或相向背或復傍
住或相涉入而无障尋亦復如是如
人夢中見於一處有種種事以非實
故而無所尋是一切剎摩不唯其心
之所現或見劫燒或已燒盡或風所
成或淨或穢或復无佛皆由衆生隨
自心業見如是等種種不同譬如餓
鬼飢渴所逼詣恒河所或有見水或
有見灰膿血便痢不淨充滿衆生亦
尔各各隨業見其佛土或淨或穢或
佛在世或入涅槃或處道場為衆說
法或有聞說第一義諦或復聞說讚
歎施法或見行住或見坐食或見身
長世人一倍乃至七倍或一由旬或
百由旬或千由旬或見威光如日初
出或如滿月或由業障值佛世尊久
已滅度或有不聞諸佛名字如彼餓

鬼於恒河中都不見水但見種種雜穢之物或見諸佛各從本土示現威德大菩薩形來入此會或一剎中衆生唯見劫火所燒或一剎中衆生充滿咸共見佛或見如來攝一切剎入一佛剎以一佛剎入一切剎如衆翳者同於一處見各差別于不相尋皆由眼翳不見正色衆生亦尔色性无尋心緣異故蔽於正見不了真實佛子今更為汝略說住此三昧之法如佛世尊住此三昧於一念中遍虛空界毛端量處无量佛土及彼佛土一塵中各有法界微塵等剎為欲利益諸衆生故剎剎遍一一剎現十佛剎微塵等諸佛方便威儀所行如是乃至一切衆生未盡證得无上菩提常無斷絕如此一佛第二第三乃至十方一切諸佛一一所現大威德力亦復如是時德藏菩薩聞是說已即於座上得此三昧即時見彼无量諸佛及知諸佛威德方便以三昧力亦能如是調伏衆生百恒河沙諸菩薩衆各別證得種種三昧忍及諸

地觀自在等諸大菩薩住十地者功
德妙行悉圓滿故皆已久遠得此三
昧一剎那中攝无量劫一微塵中納
無量土於一念中遍一切剎度无量
衆生常無功用自然示現諸佛事故
雖聞此法更无所進如滿瓶水置於
雨中不容一滲斯諸菩薩亦復如是
今時世尊在三昧中放眉間光名大
顯發所有一切有功用行未證十地
諸菩薩等遇斯光已悉見空中諸毛
端處及微塵中无量佛剎如琉璃瓶
盛白芥子觀者悉見彼諸菩薩見微
塵中一切佛剎亦復如是及見彼剎
一切諸佛於一一佛身見一切佛身
一一諸佛有无量名皆為利益二
衆生念念常於一一佛剎自然應現
成阿耨多羅三藐三菩提辟於高幢
置如意珠自然普雨種種珍寶隨衆
生意悉令滿足如來亦示現正等覺
自然度脫无量衆生是諸剎中衆生
各異而不相尋如神力者遊行虛空
山河石壁無所罣碍何以故一切諸
趣皆如幻燄无堅實故諸菩薩衆既

觀是已各見其身遍一切剎於一念中一一佛前或經一劫二劫三劫或百千劫或一念頃或一須臾恭敬供養或聞佛說諸波羅密陀羅尼門或說諸地或現神變以一切劫入一念中生甚奇特難遭之想作是念言云何世尊威德自在於一剎那令我具足无量劫中善根福德速證如來不思議境界三昧大威神力

今時德藏菩薩為欲利益諸衆生故復問普賢菩薩言其有欲證此三昧者修何福德施戒智慧時普賢菩薩遍於十方一切淨刹現成正覺化衆生者告德藏菩薩言佛子若欲證得此三昧者先應修福集諸善根謂常供養佛法僧衆及以父母所有一切貧窮苦惱無救無歸可悲愍者攝取不捨乃至身肉无所吝惜何以故供養佛者得大福德速成阿耨多羅三藐三菩提令諸衆生皆獲安樂供養法者增長智慧證法自在能正了知諸法實性供養僧者增長无量福智資糧致成佛道供養父母和上尊師

及世間中曾致饒益賴其恩者應念
倍增報恩供養何以故以知恩者雖
在生死不壞善根不知恩者善根斷
滅作諸惡業故諸如來稱讚知恩毀
背恩者又常愍濟諸苦衆生菩薩由
此廣大善根永不退失若人有能勤
修福德常念報恩悲愍衆生則為菩
提已在其手應知佛說能隨供養此
三種田一一成就無量善根德藏當
知菩薩次應植廣大種由是故生此
三昧牙成菩提果云何植種種謂持種
種微妙花鬘塗香末香及衆伎樂恭
敬供養現在諸佛或佛形像作是思
惟如上所說遍於虛空毛端量處及
微塵內无量剎中一一所見諸佛威
力及菩薩衆我志於彼諸佛會中一
心正念普皆供養如所供養一佛法
性即是一切諸佛法性若我供養一
如來者即為供養一切如來隨彼一
一諸佛神力能以幾劫入於一念亦
亦所劫供養如來若有衆生信解此
法種植大種即能得是如來不思議
境界廣大三昧故善男子應以此法

日日供養由是下至於諸佛所但一
敬禮亦能令此種子增長三昧牙生
又應常以布施持戒大願智慧而漑
灌之又復菩薩為灌三昧修行施時
不簡福田怨親善惡持戒破戒富貴
貧窮又復思惟施於富者雖无所用
然我自應修習施行菩薩又應清淨
持戒見毀禁者起大悲愍不應於彼
生嫌恚心又應深發大菩提願我當
決定念念普於遍滿虛空毛端量處
乃至一切佛剎塵中无量世界成等
正覺轉妙法輪度諸衆生如今世尊
毗盧遮那等无有異不起功用攝無
量劫入於一念即於如是一剎中
各現佛剎微塵等諸佛威儀二威
儀各度恒河沙等衆生皆令離苦乃
至虛空衆生界盡常无休息佛子修
智慧者一心諦聽今為汝說若善男
子善女人為求無上菩提發心欲證
此三昧者是人要須先修智慧以此
三昧由慧得故修智慧者應當遠離
妄語綺語及諸散乱无益之事於諸
衆生雖起大悲而常攝心不染不散

詣精舍中觀佛形像金色莊嚴或純金成身相具足无量化佛入於三昧在圓光中次第而坐即於像前頭面礼足作是思惟我聞十方無量諸佛今現在世所謂一切義成佛阿彌陀佛寶幢佛阿閼佛毗盧遮那佛寶月佛寶光佛等於彼諸佛隨心所樂尊重之處生大淨信想佛形像作彼如来真實之身恭敬尊重如現前見上下諦觀一心不亂往空閑處端坐思惟如佛現前一手量許心常繫念不令忘失若暫忘失復應往觀如是觀時生極尊重恭敬之心如佛真身現在其前了了明見不復於彼作形像解見已即應於彼佛所以妙花鬘末香塗香恭敬右繞種種供養彼應如是一心繫念常如世尊現其前住然佛世尊一切見者一切聞者一切知者悉知我心如是審復想見成已還詣空處繫念在前不令忘失一心勤修滿三七日若福德者即見如来現在其前其有先世造惡業障不得見者若能一心精勤不退更无異想還得

速見何以故若有為求無上菩提於
一事中專心修習无不成辦若於所
修數數怯退彼尚不能自得解脫何
況度脫諸苦衆生若遇如是疾得菩
提正真之道不能勤修當知徒是地
之重擔譬如有人於大海中飲一掬
水即為已飲閻浮提中一切河水菩
薩如是若能修習此菩提海則為已
修一切三昧諸忍諸地諸陀羅尼是
故常應勤修匪懈離於放逸繫念一
心要令自得現前見佛如是修習初
見佛時作是思惟為真佛耶為形像
耶若知所見是真佛者便於佛前兩
膝著地合掌恭敬憶念虛空毛端量
處及微塵中一切諸佛无量威德大
慈悲故來現我前即應啓請唯願世
尊為我演說如來不思議境界大三
昧法若聞如來一切所說應決定信
勿生疑惑即於是處得此三昧若先
業障不能問者則應思惟一切諸法
如幻如燄如翳如影如像如夢如是
諦觀法性空寂然知如來了一切法
皆如幻夢如來自性非幻非夢猶如

虛空能以智悲出現我前願為我放
大悲青光滅除衆苦時佛即為放眉
闍光名曰青燄其光繞照諸苦銷除
即坐證得法光明忍恚能了達无量
三昧第七日夜夢見如來為授阿耨
多羅三藐三菩提記若知所見是形
像者應思諸佛及諸衆生皆亦如像
但隨想見無實體性既知如來如幻
如化如夢如燄如是自然現前見佛
亦如夢中无實可得非生而生非滅
而滅非去而去非識而識非有為而
現諸行非言說而演諸法非我非壽
非衆生非養育非趣生非想非作非
知非食非即蘊非在蘊而示諸蘊乃
至界處亦復如是一切非有亦復非
無是故諸佛及一切法真實平等皆
同一相如陽燄等一切衆生諸佛及
土皆唯自心識想所現識想為緣所
生諸色畢竟非有如來已離一切識
想是故不應以色像見知所見像隨
想生故乃至虛空毛端量處一切真
佛皆亦如是猶如虛空平等无異若
我分別即見於佛若離分別即無所

見自心作佛離心無佛乃至三世一切諸佛亦復如是皆无所有唯依自心菩薩若能了知諸佛及一切法皆唯心量得隨順忍或入初地捨身速生妙喜世界或生極樂淨佛土中常見如來親承供養

尔時德藏菩薩復白普賢菩薩言若有衆生聞此法門受持讀誦解說書寫得幾所福普賢菩薩言佛子諦聽若有人能攝三界中一切衆生令脫生死得阿羅漢一一羅漢各於百劫以天上妙衣服卧具飲食湯藥種種供養般涅槃後一一復為起七寶塔恭敬供養若復有人一百劫中淨持禁戒或修忍辱精進禪定是人雖復得无量福不如有人聞此法門尊重信受不生毀謗其福勝彼速成正覺是時十方一切刹土無量諸佛皆自現身讚普賢菩薩言善哉善哉佛子如汝所說時釋迦牟尼如來從其面門放无量色光遍照三有雨種種花諸妙音樂不鼓自鳴大地微動於光中而說偈言

若聞此法心清淨 得諸地定陀羅尼
戒忍自在神通力 速證无上佛菩提
轉未曾有妙法輪 亦如過去大仙等
於一念中攝多劫 一塵普現無量刹
無量衆生沒三界 諸苦所惱常逼切
邪見纏縛失正道 念念皆令得解脫
普賢菩薩於此法門久已證故為衆
說時億千天人度一切苦皆於阿耨
多羅三藐三菩提得不退轉德藏菩
薩及餘一切菩薩衆會世間天龍阿
修羅等皆大歡喜信受奉行

大方廣如來不思議境界經

庚子歲高麗國大藏都監奉
勅彫造

大方廣佛華嚴經不思議佛境界分一卷 臣

唐于闐三藏提雲般若譯

如是我聞一時薄伽梵在摩揭陀國
於菩提樹下得阿耨多羅三藐三菩
提成等正覺其菩提樹根深堅固善
植於地如栴檀柱樹身傭長傍無枝
葉堅實圓滿名阿濕波他所有諸鳥
不能飛過皮膚細軟文象如綾无量
枝條妙飾間錯其葉表裏素綠莊嚴
葉脉顯現如紺青色枝葉垂下周匝
圓滿其花開敷甚可愛樂光明照曜
香氣芬馥其根莖等顯種種色具足
衆德如妙高山其下嚴飾如歡喜園
光明香氣一瑜繕邨量夜分速燭如
大火聚其地四面普皆平坦於中有
草柔軟滋茂光色鮮潔如孔雀毛有
妙香氣令心悅豫無量小樹周匝圍
繞其菩提樹王莊嚴勝妙除波利遮
德迦及毗陀羅樹无以為喻佛在樹
下大衆圍繞端嚴而住如星中月處
淨虛空時有十佛剎極微等諸佛各
各從本國土來至於此為欲莊嚴鞞

盧遮那為衆會故示菩薩形其名曰
觀自在菩薩摩訶薩殊室利菩薩
地藏菩薩虛空藏菩薩金剛藏菩薩
无垢稱菩薩善成或云德菩薩能棄諸蓋
菩薩寶手菩薩大慧菩薩普賢菩薩
摩訶薩等而為上首如是等衆皆來
集會復有无量千俱脰諸菩薩衆示
聲聞形亦皆來集所謂舍利弗多羅
蘇補底沒特伽良演那羅怛羅憍陳
那摩訶迦葉波那波離阿泥律陀纈
麗縛多阿難陀提婆達多跋難陀而
為上首一切皆是久習所行六波羅
蜜能近菩提為欲利益諸衆生故於
此雜涂佛土示聲聞形復有无量千
苾芻尼摩訶鉢刺闍鉢底喬答彌為
上首為欲調伏下劣有情故雖現女
身具丈夫業復有釋梵護世天龍藥
叉健達婆阿素羅揭路荼緊捺洛莫
呼洛伽人非人等一切非凡皆是菩
薩悉來集會何以故以彼諸佛有秘
密法威德神通三摩地神變云何菩
薩能得了知乃至諸佛威德神通有
无邊力一切法空諸力得轉有情云

何能得了知如人夢中見種種事若覺悟已即无所見如夢中想如是如是夢愚癡故法體想起諸佛覺悟無有所見以諸甚深无障尋品利益有情微細解脫得成就故而彼菩提樹下薄伽梵端身而住入三摩地名不思議佛之境界此三摩地極勝廣大由此三摩地故諸佛世尊恒常入定說時食時行時乃至般涅槃時如是嚴飾佛薄伽梵如妙高山王如波利遮德迦樹下安如意珠而彼清淨三十二丈夫相中一切佛刹諸薄伽梵如淨圓鏡普皆示現一一隨好中菩薩本所行行皆悉顯現從初光照王因緣乃至究竟定光如來二苦行事所謂能捨頭目手足身分妻妾男女奴婢僮僕作使大位宮殿等今時德藏菩薩摩訶薩諸所修行未成正覺請問普賢菩薩言佛子如來所住三摩地為何等三摩地耶佛子云何自然十方佛刹中度脫有情佛事示現佛子此三摩地以何為名尊者此三摩地云何證得是時普賢菩薩告

言善男子諦聽我今為汝宣說斯事
於是諸菩薩起尊重心瞻仰尊顏正
念安住同聲說言善哉善哉德藏如
汝所問甚為微妙然彼尊者能知一
切念時大地六種震動所謂動遍動
等遍動搖遍搖等遍搖吼遍吼等遍
吼擊遍擊等遍擊旋遍旋等遍旋開
合上下遍開合上下等遍開合上下
東涌西沒乃至中邊亦復如是當此
之時一切衆生所有苦惱盡得休息
兩妙天花念時普賢菩薩告德藏菩
薩言佛子此三摩地是諸佛菩提佛
子此三摩地名不思議佛之境界諸
佛世尊常住於此從然燈佛得授記
已即於是時入三摩地從是以來無
功用僅於一毛端處有無量佛刹乃
至一切佛刹所有極微等諸佛刹土
普皆示現或現生於觀史多天從彼
沒已下生入胎住胎出胎能行七步
而自唱言我應永離生老病死所作
已辦或現處宮或現出家修行苦行
成等正覺降伏衆魔轉於法輪或現
住世壽無量劫度脫衆生所有苦惱

乃至示現入般涅槃於一念中普能
示現諸佛剎土如上市業於一念中
攝一切劫無增无減皆無功用乃至
一切有情界未得解脫一一剎那中
於一切處作諸佛事是諸佛剎中毛
端際處示現无量諸佛剎土如是彼
佛無邊威儀然此威儀周遍虛空无
有毛端處而无諸佛剎亦無毛端處
而不於中念念示現阿耨多羅三藐
三菩提一切諸佛生現正覺乃至般
涅槃於極微中亦皆普現一切佛剎
極微等諸佛剎土復過是數无量無
邊彼彼薄伽梵示現觀史多天宮佛
行行示現度脫无量衆生佛土不小
極微不大何以故以一切法不堅牢
如幻如陽炎乃至究竟盡虛空界如
是无量佛事業起剎那剎那於有情
所常作利益无暫休息譬如即此大
菩薩集會十佛剎土極微等數量於
摩揭陀國十二綸繕那地分中安住
展轉不相尋如是如是於極微中容
受無量阿僧企耶諸佛剎土有餘佛
剎各各相向或有相背或有在傍或

有相納如是展轉不相障碍如人夢中於一處所見種種事雖見非真實故不能為碍如是如是此諸佛刹皆唯心量之所變現或有世界見劫火燒或燒已盡或見風起或有清淨或有雜染或現无佛諸刹土中衆生之類隨其自業各見不同如是如是無量變異譬如餓鬼飢渴所逼於殍伽河邊或有見水或有見灰或見膿血或見便利不淨充滿如是如有情於自佛刹土中或見雜染或見清淨或見有佛或見涅槃或見大眾會中說法或有聽聞第一義法或聞廣說檀波羅蜜或見遊行或有見住或有見坐或見食時或見二丈夫量或見七丈夫量或見一瑜繕耨量或見百瑜繕耨量或見千瑜繕耨量或見光明照耀如日初出或見如滿月圓朗空中隨其業行種種見異或見久遠入般涅槃或有不聞諸佛名字譬如餓鬼於河水邊有見猛火或見異事或見如是如此大菩薩集會各各於自佛刹土中佛薄伽梵作菩薩形或

見有一佛剎土中劫波火燒或燒已盡或見於此佛剎土中衆生界滿佛現饒益有薄伽梵取諸佛剎入一佛土中令相似示現如患瞖者瞖因緣故不了衆色如是如是識因緣故不了衆相於是普賢菩薩告德藏言佛子我今為汝略說此三摩地法一剎部中於一切處乃至盡虛空及衆生界一毛端分量中無量無邊佛剎於一極微中法界極微等諸佛剎土一佛剎土甚多威儀路如一剎部中為利衆生故有十佛剎土極微等數量如是念念中有一切處乃至一切衆生未得阿耨多羅三藐三菩提此饒益事常不斷絕如是威儀第二第三第四第五乃至十方所有諸佛無量無邊威德勢力亦復如是今時德藏菩薩聞說是已於此三摩地藏明了通達入不思議諸佛境界覺悟一切諸佛世尊神通威力即於是處以諸威力善巧調伏無量衆生有百殑伽沙諸菩薩衆於三摩地法種種覺悟或有證忍位或有證諸地其中觀

自在等菩薩摩訶薩譬如瓶水已滿
置於雨中終更不容一滯之水如是
如是住第十地諸菩薩衆所行妙行
皆已圓滿多時於此三摩地中示現
佛事於一剎那能納无量劫於一極微
能納無量土即於一念遍諸佛剎任
運度脫无量衆生時薄伽梵住三摩
地放眉間白毫相光名能發起其光
照耀有功用行諸菩薩衆於十地中
亦未覺悟由光觸故能見一切諸佛
國土所有住極微毛端分量處无量
佛剎即於是時周遍虛空无量無邊
佛剎示現譬如琉璃瓶滿中咸芥子
如是如是於一極微一分量中見諸
佛土佛薄伽梵於一如來身一切如
來色相顯現一如來有无量名号
於一剎那中一一佛剎土利益一一
有情故自然示現此阿耨多羅三藐
三菩提如如意珠置高幢上隨諸衆
生自然而雨種種珍寶如是如是一
切如來阿羅呵三藐三勃陀无量衆
生自然解脫何以故以一切趣不堅
牢如幻如陽炎如是此諸佛剎土中

有情展轉不相障碍如現神通者山河石壁等終无限碍如是諸菩薩見彼佛威德自身各各於一切佛剎佛世尊前於一剎那中一一如來所一劫波供養或二劫或三劫或百劫或千劫或一剎那或一半呼栗多種種供養於如來所聞說波羅蜜多或聞陀羅尼或聞說諸地見諸如來神通變化以一切劫入一剎那起難遭之想云何如來有此威德於一念中現無量劫而為我等生善根故廣演如此諸功德聚无量劫所作不思議佛境界三摩地覺悟如是威力如是威德今時德藏菩薩問普賢菩薩言尊者作何功德證此三摩地耶云何修習般若云何布施云何持戒是時普賢菩薩告言佛子於十方處一切清淨圓滿佛剎諸衆生類其中示現无量佛事諸菩薩等積集種種福德善根應供養佛供養法供養僧孝養父母常不斷絕一切貧窮困苦孤獨乞匄菩薩皆應悲哀攝受乃至自身血肉隨應施與勿生慳恡何以故以供養

佛者其福甚多。如有情受勝妙樂。速當證得阿耨多羅三藐三菩提。供養法者。生諸善根。智慧增長。當得覺寤。法自在。故於一切法能正了知。供養僧者。種諸善根。而彼无量資糧。增盛由此菩薩。乃至成佛。所有孝養父母。或尊者。鄔波陀耶。或餘生死中曾得恩處。當思報恩。倍令增長。何以故。以有情類。知恩報恩者。設於生死造罪業時。彼諸善根。終无散失。故諸如來常讚報恩。呵責一切不知恩者云。何菩薩堅固成就一切善根。謂有貧窮孤獨等類。於彼增長廣大悲愍。以攝事法而攝受之。有福德者。有知恩者。有悲愍者。菩薩菩提現前。獲得此三種田。如來已說諸菩薩等所作事業。應當覺寤。寤於一一種諸善根廣大殊勝成就圓滿。

復次德藏諸菩薩衆。應當廣大殖諸種子。令其善芽漸漸增長。此三摩地。為菩提主。應先種植種子於佛前。或形像。所華鬘燒香塗香。末香歌舞音樂。如是等種種供具。而為供養。即應如

是思惟如先所說於一切處諸佛世尊毛端分量及極微中无有不見諸佛威德諸菩薩等大衆集會我於彼所以清淨心平等憶念而作供養謂一如來法性即是一切如來法性若我供養一如來即一切如來皆已供養於无量劫一如來所供養亦余乃至多劫入一剎那佛神力故深生信解而彼菩薩殖種子得成廣大不思議佛之境界三摩地善男子善女人日日應作如此供養於一切佛薄伽梵前乃至一合掌亦種子增長三摩地芽滋茂廣大應以尸羅智慧妙願而灌灑之又諸菩薩應如是布施不得簡擇持戒破戒若愛若憎若貧若富然彼富者虽无所須能施之者自獲利益應當發起殊勝捨願我定當作佛度脫一切衆生於一一剎那一切處毛端分量中一切佛剎我別別當成就乃至一切佛剎極微等一切極微中余所剎主乃至一切佛剎極微於彼彼中轉正法輪如今世尊轉盧遮那如來於一剎那中能納一

切切任運即於一一佛土我當示現
無量威儀如佛刹極微等一切威儀
中如是有情解脫諸苦如殞伽沙乃
至盡虛空界及衆生界又諸菩薩應
清淨持戒於破戒有情起悲救護不
應於彼而生厭捨

時普賢菩薩告德藏言佛子如汝所
問云何修習般若汝應諦聽當為汝
說若有樂求无上菩提欲令證得此
三摩地應當遠離虛妄諸業惡語恣
意發起淨心大悲攝受應往精舍由
見甚希奇微妙佛像安住不動以金
薄莊身或純金作諸相具足支節充
滿於圓光中有无量佛妙飾間列結
加趺坐入三摩地即於像前恭敬禮
拜應如是思惟我聞十方現在所有
諸佛世尊无邊無量謂一切義成如
來無量壽如來寶幢如來阿閼鞞如
來鞞盧遮那如來寶月如來寶日如
來等於彼廣大信樂尊重尊重復應起想
是此如來深生尊重乃至自然現前
得見於一切處常審觀察如是思惟
往空閑處心正憶念隨近攝持極一

臂量專注憶念无令忘失若有忘失
應更往觀如是觀時起尊重心作現
佛想不應於彼作形像想如是自然
面見諸佛應於彼所以塗香末香燒
香花鬘右繞如是等種種供具而為
供養由一切心如是攝持佛薄伽梵
自然現前能見一切能聞一切一切
心等能了達故數數決定而取於相
復往空閑心念不失若有福德者於
三七日中精勤修習速疾現前能見
諸佛有於先世所作罪業如是之人
不能得見若有希求應起精進勇猛
修行決定觀察何以故由於一境令
心調伏勉勵專精菩提資糧無不成
辦若多惰沉懈怠放逸自然如是不
能解脫何況解脫一切衆生所有苦
惱此如大地真為重擔若如是者於
菩提直道亦不能作精勤修習譬如
有人於大海中飲一掬水即為已飲
瞻部洲中所有河水如是如是若修
習菩提海一切三摩地諸忍諸地諸
陀羅尼皆已修習是故常應精勤勇
猛遠離放逸如是思惟自然現前能

見諸佛若已得見即應如是思惟此
所見者為是如來為形像耶若覺寤
此如來現前即於佛所長跪合掌應
當憶念如先所說諸佛威德由大威
德及大悲故今於我所現前來也若
能發問即應請言唯願世尊為我演
說不思議佛之境界大三摩地法而
於其中勿生疑惑設有所說作決定
心若得聽聞即於是處圓滿成就或
先業障不能申請即應如是種種觀
察一切諸法如露如曇如幻如陽燄
如鏡像如是諸佛猶如虛空平等自
性非幻非夢然一切法如幻如夢應
當了知由智慧悲佛世尊現今應為
我放大悲光令我苦惱悉皆銷滅復
應如是思惟觀察微妙空性今時世
尊從眉間白毫相放大光明光名青
燄照觸其頂所有苦惱皆悉銷滅即
於是處得法名鞞盧遮那忍種種三
摩地皆能覺寤於第七日夜佛薄伽
梵夢中現前為授阿耨多羅三藐三
菩提記若如是知此是形像即應思
惟一切如來及一切衆生如見形像

無實可得如是如是一切如來如幻
如化如夢如陽燄自然如是面見如
來如夢所見皆非實有如是如是一
切如來非生即生非滅即滅異於諸
行法性甚深非說能說非去而去非
來而來非識所識非我想非命者想
非有情想非養育者想非補特伽想
非食者想非蘊非不蘊有似蘊相十
八界十二處畢竟惣無亦非異彼以
一切佛一切諸法平等平等皆同一
理如陽燄等一切衆生及諸如來一
切佛土皆不離想如是想現識緣於
色自性如是終无有生如來識滅是
故異色觀察應知若一切法不離於
想即識如來毛端分量亦无差別猶
如虛空平等平等若我分別佛即現
前若無分別都无所見想能作佛離
想无有如是三界一切諸法皆不離
心若能了知一切諸佛及一切法性
惟心量得隨順忍或證歡喜地捨身
他世速疾生於妙喜世界或生極樂
淨佛土中常見如來親承供養
於是德藏菩薩摩訶薩白普賢菩薩

摩訶薩言佛子若有衆生聞此法門
受持讀誦書寫廣說得幾所福時普
賢菩薩告德藏言善男子諦聽此所
生福量譬如有人攝取三界一切衆
生令解脫生死得阿羅漢果復於彼
所起淨意樂无熱惱心經於百劫以
衣服飲食卧具湯藥種種供具而為
供養彼涅槃已起七寶塔恭敬供養
其福甚多若有衆生聞此法門生信
尊重亦不毀謗復經百劫淨修梵行
百劫修忍百劫精勤百劫修靜慮所
生福聚无有限量若復有人聞此法
門生信尊重能正受持速得成佛福
過於彼

余時十方一切佛土中佛薄伽梵皆
現其身讚普賢菩薩言善哉善哉佛
子如是如是如汝所說於是釋迦牟
尼如來從其面門放无量色光照曜
三界雨衆妙花如是音樂不鼓自鳴
出微妙音令心悅豫是時大地微細
搖動從光明中演出无量妙伽陀曰
若聞此法心清淨 獲諸地定陀羅尼
及忍自在妙神通 速證无上菩提果

當來能轉於法輪 還如過去大仙人
一剎那中納多劫 於一極微現衆刹
無量衆生滿三界 其中放逸受諸苦
惡見繫縛失正道 念念度脫無空過
普賢菩薩說此法門時千俱胝天人
所有苦惱皆得解脫於阿耨多羅三
藐三菩提得不退轉普賢菩薩摩訶
薩於此法門已善通達現前證得說
此經已時德藏菩薩摩訶薩及諸菩
薩天人健達婆阿素羅等一切世間
聞佛所說皆大歡喜信受奉行
大方廣佛華嚴經不思議佛境界分

庚子歲高麗國大藏都監奉
勅彫造

漸脩一切智德經卷第一

一名十住又名
大慧光三昧

伏

初發意悅豫住品第一

西晉月支三藏竺法護譯

聞如是一時佛遊第六他化自在天
上天王宮如意藏殊妙寶殿上與大
菩薩衆不可計俱各從他方諸佛國
來普集會此金剛藏菩薩等尔時金
剛藏菩薩承佛威神以大慧光三昧
正受適定意已應時十方諸佛刹土
一一諸方如十億佛刹滿中諸塵若
千億國諸如來現邊有菩薩其号各
各曰金剛藏十方亦然皆同一号時
此諸佛俱讚曰善哉善哉汝乃以此
大慧光菩薩三昧而以正受在十方
佛土各如十億滿中諸塵諸如來等
之所建立一切等号悉是照明如來
至真本願所致而建立此亦是仁者
慧淨所致復是一切諸菩薩等不可
思議法光聖旨住明智地多所度脫
攝取一切衆德之本皆曉諸佛本所
行成愍念十方解了善權敷演道化
普弘法慧周流十方所講經誼盡令

堅住其智慧明无能毀者隨時建立
僉使得安遊諸世間不著方俗度世
清淨莊嚴善本入不可議慧之境界
通一切智高遠聖道乃能招致諸菩
薩等十住行無如閑士衆所當建立
有所宣布往返周旋執無漏法光明
咸照而善思惟撰於離心曉了隨時
大慧光明其未善度至聖道門使得
度脫而無所著住於內行專精奉修
無上大乘其辯才慧不可稱載威曜
普照消除闇冥已超衆行班宣无極
住在佛地逮菩薩意愍念衆生未曾
忘捨遊入一切諸佛至真善權方便
度衆結網承佛聖旨自恣講說演此
法門靡不解了如來在世故為建立
亦是卿本善願所致清淨行業而諦
莊嚴一切法界又救衆生之所惑亂
以致法身至聖慧體具足諸佛本所
志願其身所行皆越世俗普過世間
無益之業嚴飾清淨度世之法諸佛
世尊為金剛藏菩薩大士无所怯惜
各現已身宣布無限辯才之義分別
決解甚清淨慧懷抱不忘建立顯示

隨時便宜暢衆疑心普入一切諸佛
所念諸等正覺十力所由如來所致
四無所畏而不怯弱宣布至教一切
智業諸分別辯超越得入體解道法
入諸如來身口心行所以者何皆由
此定成就所致亦由本願行通魏魏
其心清淨而無沾汙內性明了常懷
清淨威耀弘炤入于慧場諸所行業
靡不脩焉斯所造立而悉具足其道
器意不可限量信志清淨魏魏普達
逮持持門无所破壞常以法界慧門
之印善印一切是諸佛世尊各自顯
現各申右臂皆共手摩金剛藏菩薩
頭首時金剛藏為諸世尊所見摩頭
道德巍巍遂得成就威耀光光如佛
無異尔時尋即從三昧起請諸菩薩
而解言曰諸軍勝子吾已明達諸菩
薩願破壞疑網則无所壞世无所生
亦無罪疊法界弘廣亦無遠近其所
遊居辭如虛空以是救濟擁護十方
一切衆生所以然者族姓子知過去
菩薩往古諸佛由此慧地而得過度
當來現在亦復如是諸佛子知我句

者六菩薩之地為何謂也諸菩薩學
有十道地因得成就無上正覺去來
今佛之所講說初菩薩住名曰悅豫
第二菩薩住名曰離垢第三菩薩住
名曰興光第四菩薩住名曰暉曜第
五菩薩住名曰難勝第六菩薩住名
曰目見第七菩薩住名曰玄妙第八
菩薩住名曰不動第九菩薩住名曰
善哉意第十菩薩住名曰法雨是諸
菩薩十住道地也我觀十方去來今
佛諸如來至真无不講此十住之業
所以者何諸佛子等是十住者令諸
菩薩現在親近清淨道无為諸法門
名顯遠照于十方無數佛土三界衆
生成蒙得濟照天下如日明療衆病
如醫王度衆人如船師曜十方如月
盛活一切猶如地安衆生如時雨含
道法如虛空正堅住如須弥宣布此
教則得堅立在十道地又解此地不
可思議諸菩薩住僉入聖慧時金剛
藏菩薩粗舉其要歎此菩薩十住地
業尋即默然不復重解

於是大衆咸懷飢虛聞此菩薩十住

道名欲令分別重敷演義聞者僉解
心懷入道離諸顛倒各心念言金剛
藏菩薩今何以故粗舉其要宣於十
住菩薩之業稱歎其号而更默然不
復重散解了本末時彼會中有一菩
薩名月解脫亦來俱會時月解脫菩
薩大士知彼衆會開士所念以偈歎
頌問金剛藏此義所歸

淨念以何故懷慧稱功勲明智宣十住
不重解所入諸菩薩勇猛心各抱猶豫
云何說義名不聞道地處咸欲悉共聞
衆會僉悅豫清淨除諛諂堅住解明地
功勲慧平均一切立恭敬展轉相承望
求微妙無瑕志無上甘露因聞金剛藏
无畏大智慧常歡悅來衆仁宜與佛談
未曾取難及顯菩薩所行分別如道地
所由取上勝棄想微難見常住遠離心
柔仁行成慧面聞所歸趣所止如金剛
第一解佛慧立心捨吾我乃聞此上智
如來盡虛无離欲亦如空慧如地无漏
興別取難見道無念如此信者甚難值
佛慧不可議故默不重說

月解脫菩薩謂金剛藏佛子當察諸來會者性行淳淑清淨離穢其志仁和志諸菩薩斯行真正積功累德每生自克六度無極以自在嚴四等四思習權方便功勳遠著名德无量大慈大哀欲興道化分流法教救濟三界諸危厄衆消衆冥如日明生道品如良田成正覺如虛空長弘教如流水除狐疑如日光療三毒如醫王度生死辟船師是故佛子仁者善哉宜當班宣現在學行令此道地緣修所歸使諸會者各得開解如冥覩明應病授藥使無餘疑時月解脫菩薩大士欲令此義重散本末顯示歸趣為金剛藏說此頌曰

茂盛願講說殊特取上法人中上所行諸菩薩之業敷演說其教所住之道地聖慧甚清淨魏巍仁和業諸會者清淨不可計第一堅住在正路志性懷篤信善累功積德奉無數億佛各欲得決解尋現逮十住

金剛藏菩薩報月解脫佛子察之今此衆會四面雲集云何見之所念應

宜柔弱仁和清淨無瑕豈離狐疑無
猶豫乎於斯法要寧有高行不依他
人無戴仰耶不從他教進退不安懷
抱久病不可療治堅住羅網未出深
塹六十二疑四倒五蓋火林蛇室十
二牽連十重之關三坑三戶三流之
逸遊在曠野未向佛門設聞此法躊
躇不進或復有人若聞於此不可思
議如是道住各懷異心聞之狐疑不
肯篤信由此惑亂長夜不安永失利
義捨根取枝吾故向者默然不言慈
愍此等無辭為住樂无所樂又說
偈言

豈見於衆會 智慧淨無垢 善敷演聖道
諸根通深妙 而无所戴仰 無動等如山
志性无瞋恨 思平如水正 習修何所行
其慧無等倫 住在樂所識 為求義慧信
適聞恐猶豫 便墮于惡趣 以故愍念此
不說慧住地

月解脫菩薩復謂金剛藏仁者願意
承佛威神宣如來旨感動十方及偽
向真消諸垢塵盪滌結滯裂三界網
通无極慧唯敷演之如是比像不可

思議善當將養寬弘之士必當信樂无
猶豫者所以者何佛子當知若講此
教將致道法一切菩薩皆念諸佛識
達經義擁護奉此行慧道地靡不蒙
賴咸得安隱所以者何斯之所行必
歸平等諸佛道法猶如佛子一切書
疏唯說文字此恙由意心為源首從
志因緣而有所倚書本無文所演文
字心之源空宣之虛無如是佛子一
切佛法住為源首因行而成依於道
地至自然慧是故唯說願愍一切如
來至真等正覺道力助卿建立分別
如此文字今其坦然將護正法因得
久存使無餘結又說偈言

善哉演清淨解入一切智普遊諸道要
至覺成聖慧諸在十方佛安住寂道勝
慧室至境界皆共愍念之立此親近慧
行是究竟迹諸佛無比法恙由無量業
猶書意合集因心事為首此住意如是
解暢至佛道

於是一切菩薩各各發心咸共勸助
欲令宣揚仁本興意誓為一切勤勞
積功累無量德猶如虛空欲濟危厄

不難劫數周遊生死心常悽悽欲濟
一切心無所著行如蓮華在泥塗中
三界之苦不以為拘唯懷愍傷拔惱
根株三世之樹永令無餘時諸菩薩
同時舉聲勸歎金剛藏菩薩而說
頌曰

最勝殊特志覺遠 辯才無量心念具
宣傳柔軟至佛教 第一至真甚微妙
其意堅固行清淨 不捨功勳十種力
以分別辯故造行 唯願當演上道法
心之所念如明珠 意寂以見消塵欲
今此衆會離狐疑 咸皆願樂仁所說
虛渴言教如望泉 飢服仁者病待醫
甘美之餅在目前 如是欣樂甘露味
故善垂念廣其志 宣殊勝住除垢塵
調寂正安不捨无 講衆祐行無患難
於是世尊有諸菩薩至聖光明号曰
力勢佛從眉間演此光耀興無數明
普照十方一切佛土消滅一切諸所
惡趣勤苦休息不復考治皆安隱照
斯如來一切道場十方佛國建立法
講靡不周悉不可思議諸佛境界其
光則還繞佛三匝上住虛空合成大

光光明燁燁立交靈帳又有諸佛興
出世間自然威曜從其眉間演如是
倫諸菩薩等力勢光明現如此比神
足變化照斯忍界曜是能仁衆會道
場及金剛藏師子之座乃住虛空成
光交靈帳是能仁佛眉間毫時光明
廣遠照諸閻冥十方佛界衆會道場
莫不蒙明光咸顯現在諸菩薩大士
屋宇一切晃現其於十方諸佛國土
現諸如來所可演出眉間光耀皆復
照耀此忍世界能仁衆會菩薩道場
周照師子高廣之座在金剛藏菩薩
身現於大光巍巍晃然珠交靈帳各
有坐佛自從口出如是華聲而歎
頌曰

喻之无等倫譬之如虛空十力境界尊
功勲不可量殊勝取上特普世為無上
建立第一業釋師子之法講衆安住子
蒙導師恩慈法王人中帝演眉間光明
班宣佛道慧入妙衆行无賴十力垂願
分別普化衆安住已建立斯聞能宣照
寶法為上尊是寂其志性一切住無穢
具足滿本願因十力取勝志求上尊路

海水尚可盡一切數知限若人欲度此
不可卒得聞其能離志念永除眾狐疑
一切未有惑照以此經典是故辯才尊
緣佳慧徑路所處奉斯行遊步依本業
至行入境界普到佛聖智惑一切眾生
布散此法因

於是金剛藏菩薩觀于十方欲令眾
會重懷悅豫渴仰於法興發大哀無
極之慈應時因是嘆歎此頌

大聖之道法微妙甚深遠無念以捨念
清澄永難了聖明達玄微智慧解所行
自然業寂安柔仁無諍乱自然空淨法
寂寞除苦患遊居至解脫逮平等滅度
無限无極義言辭近超度以越于三世
行等猶虚空諸眾祐所行寂然甚淡泊
一切之行業徑路難逮解此等行如地
志性亦若斯甚難可講說何能分別了
以去棄心意永無心句迹諸眾祐所行
智慧消言食亦復无所行無陰眾襄入
聖達依慧業其心無想念猶如有飛鳥
遊行在虚空不可以言辭何況欲覩見
安住自然慧如是行道住其心所行念
不可分別知何所有入處殊勝慧土地

慙傷常慈哀志願普徧悉漸以具衆行
心亦无想念猶如心本性智慧以明了
如斯行之業微妙甚難解自己志性無
不可卒達知何況能宣布安住之所念
一切共恭敬明聽玄妙教以入正真慧
如行道之住若於億千劫不可盡究竟
等俱咸悅豫普共且專聽至誠妙真義
無狀亦无異不以為憤乱猶如成大海
今當具敷演諸衆祐道行又當班宣說
殊特之法音牽引衆譬喻正真等文字
其所講分別甚難可解散安住行業事
如是不可量今以得逮入吾我之自然
咸樂如一滯且聽所宣言

尔時金剛藏菩薩大士謂衆會者佛
子且察諸集衆生積累德本所行真
諦而无虚偽所造行業甚善將護諸
佛興世常勤供養極以合會諸清白
法恒以諮受善知識俱以除憂感志
性寬弘篤信微妙定意平等面覩現
在愍念慈哀心常志慕諸佛聖慧化諸
衆生悲發道心皆令至真好一切智
其十種力强而有勢則得遊行大無
所畏其意坦然得佛正法擁護救濟

一切衆生修大愍傷其哀清淨十方
無餘志解一切明智至門志現目前
一切佛土無為清淨一時覺了三世
世事轉大法輪療衆疾病菩薩大士
須臾發意愍衆生行无極大哀以為
元首智慧明了甚為巍巍常勤學受
善權方便意性和柔親近道法如來
十力不可限量善思選擇計一切人
力佛力寂土所宣法門無所罣碍而
以和順自在之慧佛志了知一切佛
興因是自在造立道法法界行寂立
虛空際所可發心顯了當來發菩薩
意適發道意起凡夫地以得超越菩
薩之地則得生在如來種姓因号之
曰無所從生无有罪疊轉以迴轉世
俗所趣適過世俗由度世行因得住
立菩薩道法已得住立菩薩道法便
能順從三世佛教勤心道義常深第
一菩薩住如是道法悅豫道地佛子
當知如斯得立住菩薩道所行不動
入不迴還以住菩薩悅豫地者因是
發意多所悅豫其有見者莫不歡然
常有恭敬以致利養其來見者咸共

欣喜開化衆人僉然受教普來雲集
共相娛樂雖致遠近計無堅固常抱
仁和無所傷害恒志悅豫心不懷恨
和顏悅色而無瞋恨是為菩薩悅豫
之地住于道教諸佛世尊皆共念之
第一悅豫思於佛法適發悅豫念於
菩薩大士本業適懷悅豫念菩薩行
適發悅豫念於六度清淨無極適發
悅豫念於開士所住殊特適發悅豫
思道寂微而無等侶適發悅豫用衆
生故利益道義適發悅豫進心深法
適發悅豫念於如來至真之教念以
勸化一切衆生適發悅豫念諸菩薩
人如來慧精進之業重復思惟將導
不逮為以得度說諸衆生所慕境界
懷來進入諸佛平等已得遠出愚癡
之地親近道場斷除一切惡趣勤苦
為諸衆生勸導之首已得覩見如來
至真具足成就如來境界皆已逮覩
諸菩薩定平等之業故悅豫耳永以
消除一切恐懼衣毛不豎故悅豫耳
所以者何是故佛子諸菩薩學以是
悅豫便逮得立菩薩道地以得住立

菩薩道地諸所恐畏永無復難在無
命安無世俗畏無死之畏不畏惡趣
所入衆會无所忌難皆以永除一切
諸懼所以者何無吾我想不貪已身
况復貪愛一切榮異所生業乎不畏
無壽亦不思念怖望僥倖唯愍群生
一切所有無極之業救諸窮乏貪不
識道是無俗畏成其道明不自見身
不畏失已無吾我想不畏當死雖身
壽終成菩薩行不離諸佛由是之故
不畏惡趣普觀世間察於道心而無
等倫志性仁和誰能踰者以是之故
所入衆會不懷忌難離於恐懼衣毛
不豎佛子當解菩薩大士以具大哀
不抱傷害修本淨心益加精進合集
一切衆德之本

佛言以篤信至威神漸脩多所歡悅
淨諸不信篤信以興常行愍哀歸無
極慈心不患厭生死之難志于慙愧
而自莊嚴心所生處忍辱仁和若干
種物供養奉上如來至真寂等正覺
夙興夜寐精進勤修不厭講誦積功
德本習於善友以法樂而自娛求博

聞不憊倦若聞法順思惟已思惟无
所著不怖望衣食業諸利養心不貪
慕萬物恩愛心永已除唯慕義求三
寶發意之頃不廢正行勤修慕樂一
切智地如來十力四無所畏佛十八
法專精奉行六度無極棄捐虛偽而
無諛諂言行相應不違心口所至到
處常順言行未曾毀乱如來種姓恒
一心念菩薩禁戒一切智心不可動
搖猶如太山不可傾覆普於世間無
所慕樂求度世業以化未聞學於道
品不知厭足心常勤勤求殊特事是
為佛子如是像業清淨道事淨菩薩
法轉得堅住悅豫之地世尊復言若
能得立悅豫地者成菩薩住建立廣
大無極之道如是景摸無限大願弘
誓之鎧又有十事法何謂為十班宣
無盡和雅音辭至於無喻无不周悉
供養諸佛一切奇珍篤信微妙清淨
之業法界坦然志歸空界究暢解達
於當來際一切無想无所怖望今佛
道興無所思樂所奉事者供於無極
志務大願念諸如來所開演教執持

法目將護諸佛諸菩薩業不違一切
平等覺訓已能具足如上法訓輒得
出生在兜術天上從天來下入母腹
中處在胎藏從母腹出隨行七步舉
手自讚三界最尊釋梵稽首諸龍浴
體學書手博遊觀所覩出家入山成
佛降魔釋梵勸助轉大法輪現大滅
度供養舍利宣布道化顯衆經義皆
以一時至不退轉法界弘廣不可限
量處虛空界究竟解暢當來之際於
一切念而無想念從無數劫會成佛
道篤信无倦俱往合同班宣義音無
極弘誓乃至菩薩一切諸行弘普无
窮無量无数攝取一切諸度無極住
清淨道按計衆會品類音響有相无
相合會別離有為無為為諸菩薩一
切師首道住真妙所演章句諸度無
極所當宣行勤修正行而無所生近
成發心以能具足此諸法已具足解
暢衆生境界色無色想无想有想無
想水生陸地合會聚處一切所生三
界受形六品所趣此皆受形而有處
所受无像形一切無喻衆生之界悉

分別之化入佛法斷除一切有為所
生則得建立成一切智是則名曰法
界弘廣而得處在虛空之界心能解
暢當來原際一切諸想有為之業篤
信無倦演御音響乃至無極弘誓之
業一切解此衆生境界道俗悉達无
所不通普諸佛界廣狹麤微大小所
現有量无量眇眇難名曠遠原頂入
于平等已入平等曉了諸根一切羅
網解如門闢入諸十方以慧遍觀解
暢法界虛空原際則得了入無極弘
誓又一切國以為一國又以一國為
一切國而平等御清淨無穢其光普
照无量佛國莊嚴諸國永无塵埃分
別清淨章句所歸聖慧道堂不可限
量具衆生願顯示諸佛微妙境界隨
其黎庶本行所興而為現化法界弘
廣察空虛界永無邊幅究竟本際一
切想念計校合會无有休息亦不信
隨邪行之業修于清淨建弘誓鑑以
化未聞使諸菩薩入寂和性當行至
誠積功累德以一緣進勸化誘導一
切菩薩未曾違捨菩薩之業恣其意

解顯現佛與自發已心思如來教無
復往返逮致神通普遊諸國其大聖
慧不可思議行菩薩業法界弘廣虛
空之界而無邊際遊當來際達諸想
數佛與衆數其行之數莫能損毀入
於聖智顯發言行無極弘誓行菩薩
道心得逮轉不退法輪其身口意未
曾虛妄適得見佛聞經法教班宣聖
衆演明智業適發悅豫消除塵勞致
真志性猶大醫王療衆生病皆修一
切諸菩薩行以故名曰法界弘廣其虛
空界而無崖際暢當來際皆知一切
無央數劫衆生行遊善惡所趣在於
十方諸佛國土逮成無上正真之道
為軍正覺入於一切體中毛孔盡遍
衆毛在所生處坐佛樹下轉於法輪
現大滅度修大境界宣佛慧業在衆
生界從其本行興佛現形頻數開化
滅衆穢行一成佛道普通法界謙下
恭順靡不同志一發音響皆悅一切
衆生心性現大滅度不毀十力以大
明地顯示宣布一切法藏神足法慧
六通之業周遊十方諸佛境界以故

名曰法界。弘廣其虛空界而無涯際。暢當來際無央數劫。當成佛道。致大神通。弘誓之鎧。是為佛子。菩薩十願。以得親近。具足十願。令無央數不可稱載諸菩薩衆。心懷悅豫。住菩薩地。隨時開化。

佛言。是菩薩學以成此願。復有十事。所可班宣。不可究竟。何謂為十。衆生境界不可究竟。諸佛境界亦不可盡。其虛空界亦不可量。思法境界亦不可暢。無為境界亦不可限。佛之境界不可得底。如來境界亦無崖際。其心因緣亦不可限。慧行本末不可得崖。諸佛境界所可進退。法迴慧轉不可究竟。是為十事。衆生境界不可究竟。成大弘誓。是十事業。一切皆悉。不可究竟。諸界虛空法界元為佛與如來。其心慧行世界法轉慧進致成。是大弘誓亦盡。无盡衆生之界亦不可盡。以不可盡此衆德本如是。究竟成其道慧。以是亘盡衆德之本。成無損耗。弘誓之鎧。其心微妙而懷仁和。常抱至誠篤信。質朴以此信樂。如來大化。

入平等覺本所誓願而復信樂諸度
無極信入道地殊特之業信十種力
開化十方信無所畏四事不護而具
足是獨步三界信諸佛法十八不共
超絕之義而无等侶信諸佛法不可
思議信如來界不可得底宣傳聖教
而不可盡信入如來無量道業信諸
菩薩其行平等而无偏謹住於如來
班宣道教彼念如是如來道法甚深
微妙巍巍如斯寂寞無限淡泊無量
空淨無際如此無相為滅无著為極
寬弘如是無極所入無邊如此難當
况復佛法誰能限哉是諸凡夫所見
顛倒邪不能正唯念愚冥求無益事
心懷意憶遊於塵勞求恩愛網恊於
諛諂心行虛偽慳嫉貪妬志慕生死
周遊往來而抱三毒婬怒癡垢輪轉
無際興于恚害心欸欸然熾在顛倒
業造行罪患所有恩愛無明諸漏常
思在心縛其意識展轉三界苦惱之
厄篡逆之行往返無休與名色俱由
相生以是名色增長所生便有六入
諸衰聚宅以生六入轉相合流成于

更習則興痛痒倍復貪樂於痛痒業因即業成長養因愛適成恩愛因從致生以致此生便老病死憂惱啼哭心抱惱熱合成大患計於衆生由是之故生苦陰惱身若離吾我心自計察又此我身由以愚冥僻若草木瓦石牆壁猶若形影曉了無名以是之故解脫名色五陰之身永消諸見六十二疑因斯得成無極大哀吾等當護救濟此行志在永平固安道地便致大慈引坦聖慧菩薩以能如是慈愍是故佛子致成仁和真正順從初發意業心棄一切萬物利養汲汲恡惜修廣大業其意內懷所有珍寶帑藏金銀琉璃水精諸明月珠車乘馬珊瑚珊瑚琥珀妙玉瓔珞珍瑤奇異爲馬車乘奴客婢使眷屬徒使普能布施無所愛惜能惠郡國縣邑丘聚村落園觀池水果實妻子男女已所重愛頭目肌肉髓腦支體以能不恡一切所有則好布施供衆貧乏入佛聖明無極大道是爲名曰得立初發第一道地成廣大施志性如是行於慈

哀施慈布仁救濟衆生加護見在度
世之業慕求利義將順群萌未曾興
發患厭之心心不懈倦勤學衆典微
妙經籍普達諸經曉了一切諸所造
業進退由已衆義法藏觀諸衆庶隨
上中下而順其意各得所從隨其本
器應大小故故解世事以解世事便
行時宜因護彼我被慙愧服戒德自
熏忍辱心和精進無過一心智慧所
行精進為已為衆慙愧行成以是修
行便復出家心不迴動無能傾者其
力堅強緣是堅強供養如來奉受其
教由是之故修治道地令其嚴淨興
顯正法乃至篤信慈愍施衆悲具此
已乃住菩薩悅豫之地為無數佛所
見照念於無量億百千姦无限兆載
諸佛所護使得進現所願有力微以
逮見如來至真等正覺以仁和心而
奉事之積累菩薩永安之業諸有群
生所在危厄往將護之以是德本勸
助使發無上正真之道供養諸佛開
化衆生使得成就欲化衆生布施飲
食先救飢渴發于四恩悅樂有力奉

上敬中慇懃順其下惠施仁愛利人等利一切罪除無有餘殃不復種禍所可供佛開化衆生以成究竟住此道地以是德本助一切智諸通慇懃轉更茂盛猶如佛子紫磨真金絕工金師燒冶煉金以著火中其色益發菩薩如是供養諸佛勤化衆生功祚轉茂嚴淨此法住于道地以是德本興顯本元乃至元本進退自由金剛藏曰唯聽佛子菩薩以住初發之地當作是求觀其行迹問其本末諸佛菩薩為護善友正行無厭以成道品當所施住是故名曰第一地住以當次問第二住地所行之業云何致之諸佛菩薩明師賢友行法無厭以成道住取要言之如是第二第三第四第五第六第七第八第九第十問其本末所當施行而得成就諸佛菩薩明師賢友行法無厭成就道地道地之品所觀道業奉行德本道地處所曉了方便一一分別道地清淨所入殊特聖慧曰進各各逮致使不退轉彼以如是淨菩薩住解別如來無量聖

慧以立若斯方便隨時是為菩薩第一道地而不迴轉也未曾廢退如是遂進得成十住不還墮落聲聞緣覺慧住顯明稍近佛智无極光明猶如佛子明智導師將護大賈諸品群衆度厄難路得願到國入大城中所越徑路悉曉了之徑路好醜善惡難易某處殊安某處恐難重問餘路所當興立所乘車馬諸象大乘可得通度而不動傾第一住地亦復如斯猶如斯人至大城裏悉別安處無諸動轉從第一住所立道地奉慧如是靡所不達以大財富無窮之業等化大衆至入大城不為穢濁之所見溺能自為已不危衆賈如是佛子菩薩猶如明智導師以能得住第一道地曉了諸地嚴淨修治一切道地至於十住解暢菩薩一切道地入如來慧攝取菩薩無極福德積德之業累于聖慧所作已辦為衆大導應意開化使越生死往返大難無窮曠野飢渴苦患則以通達入一切智無極法城是故佛子菩薩大士以無憊心常修精進

致於殊特嚴淨道地是為佛子名曰
菩薩大士悅豫第一住地入于道門
演普等教菩薩住此所遊天下國土
處所得大威豪將護道法以大惠施
濟于衆生以善功德消除貪嫉退其
垢穢宣無窮施所興德本施救衆乏
諸可珍愛割情濟衆行四恩義惠施
仁愛利人等利一切救濟合聚黎庶
心不捨佛思法聖衆惟菩薩業志菩
薩行諸度無極十住之地念於十力
四無所畏十八不共諸佛之法至志
具足一切智矣以是德致一切至尊
無極豪相為衆為上為無疇疋為无
等侶開導宣化顯示衆人成一切智
將濟危厄發意之傾精進勤修一切
順化不慕時俗財利之業道法之正
出家學道奉佛法教斯須之間致無
央數諸三昧定見諸佛尊不可稱載
以是建立觀諸世界無央數千念得
越度無數國土照諸境界開化衆生
識念過去當來諸劫撰擇法門顯示
諸身現諸菩薩无央數載眷屬圍繞
菩薩由是所建立力入殊特願在所

變現諸可興善宣布惠施乃至普通
無數億姪百千劫事於是金剛藏菩
薩大士思惟察是菩薩住義之所歸
矣即時頌曰

積累清白法殖衆德之本稽首歸諸佛
順行慈仁業入于信解脫清淨善之元
心御無限量寂勝之聖慧佛為一切智
淨力現其處成就衆祐法導利護群黎
以行大慈哀轉殊勝法輪如來田佳良
興發心甚尊一時所曉了思惟泥洹業
若干覺衆生隨時顯其義合集一切德
是為衆導師其心所周入猶等如虛空
智慧寂威神本哀行善權志性懷篤信
清淨力無量面見無罣碍救濟外衆生
殖種平等業思惟念安住適生心之寶
衆祐自然慧以通雅力行究竟佛道法
生十力種性永無諸罪殃寂勝曜正真
至于尊上道是為心和同顯發致平地
無動猶如山仁國等性行多所抱歡悅
志意修篤信忻樂應廣普善哉意義妙
要離諸恐懼無有瞋恚行應時勝寂機
謹順善將養樂救衆群生聖慧元等侶
心懷至踊躍消除衆非處以消五恐懼

緣是致道地 至死不保命 遠于諸惡起
以捨衆會畏 終無恐懼心 何因至今無
則無有吾我 若能離恐懼 專精行慈愍
至信修恭敬 除慕富功勳 夙興而夜寐
修習衆德本 以立誠信法 不為欲所汙
心若聞雅典 修善无歇極 永除愛欲利
常好樂佛道 志慕淨慧力 修治佛經法
求諸度无極 棄捐諛諂業 言行常相應
終無虛妄言 取勝種無穢 疾學至佛道
以離方俗事 不樂世諸利 不違清白法
勤修最上行 精勤功勳義 唯好如此法
遵守御以自誓 所欲見取勝 為諸奉持法
所至無嫉妬 將順以弘誓 身行常殊妙
嚴淨諸佛土 開化衆群生 是遍諸佛土
與諸佛俱遊 佛以一名稱 彼此無虛妄
一切皆可得 覺了最上義 如是願無量
導利至永安 是廣普无限 逮致無可畏
衆生猶虛空 諸法所因生 取勝究竟俗
興顯于慧地 其心之境界 極入於聖慧
逮致三達智 以開于衆生 究竟至弘誓
令我獲此願 如是之暢達 其行亦若慈
如是善藏恩 仁和心柔軟 篤信佛功德
觀察衆生元 緣行入慈哀 興發於大慈

吾當護養育欲安立黎庶以是故布施
若干種可惠國土城邑聚衆寶及爲馬
頭目及手足并以已身肉一切普能施
不可懷怯弱志慕衆經典不以為患厭
曉了世經籍隨俗而勸化其智超三世
懷慙志堅強供養無等雙奉敬諸長者
衆聖行如是夙夜勤不廢熾盛諸功德
猶火中之金彼勤精行此菩薩十住地
慕于無為業而化諸有為猶如有導師
愍傷大衆賈豫問安隱路故在前指示
菩薩亦如是初發第一住稍進至十住
成致無身道以能住此義究暢執功勲
慈心不懷害以法而教衆在天下知時
開化咸將護立衆令布施使樂佛聖慧
至聖發意頃棄國捐王舍入于佛法教
出行修精進尋逮得三昧見佛無數千
感動諸佛國觀光往聽經淨化無數衆
使入道法門遊於百千劫隨時現其身
諸寂勝本業覺寤衆睡眠如過去諸佛
覺寤衆懵懵是為第一住寂勝所宣布
普愍傷世間無上諸菩薩
諸菩薩等咸有聞此無上道業慕樂
尊行心抱悅豫忻然安隱自從坐起

迎逆稽首踊在虛空散衆天華口宣妙言歎曰善哉金剛藏聖猛無所畏曉了道住行菩薩法衆會悅豫聞解脫元唯證上道第二之住其行云何當所思奉大智唯宣聞者坦然進至無極開化衆生

漸脩一切智德經離垢住品第二

金剛藏報諸佛子是菩薩大士以了初發第一住竟今乃好樂第二住矣意性懷篤奉修十事何謂為十一曰志性柔和而無麤獷二曰修正真業無有邪思三曰其行質直永無諛諂四曰心懷調仁不為瞋恨五曰其行寂然未曾憤亂六曰意抱至真不為虛偽七曰其行方幅無有雜碎八曰進止坦然無所貪慕九曰行在微妙不為下劣十曰其意寬弘未曾迫迮是為十事菩薩意性懷篤具成初住至第二住金剛藏曰又諸佛子菩薩已住第二離垢之地離于殺生不執刀杖心懷慚愧愍哀羣生常抱慈心欲濟衆生無有思想心不念殺不求人便不危他人捨身之安而解衆患

無有二心况復犯乎又不盜竊心常
好施不貪他財已財止足不數多求
觀他所有萬物生業財寶之利不生
嫉心衆人迎逆莫不戴敬草菜毛米
未曾默取念廣布施救濟諸乏割身
所供惠衆窮困銷飛蠅動蚊行喘息
隨其水陸皆欲令安不遇衆患又捨
愛欲邪淫之行不欲重習自於妻室
而知止足未曾興心慕樂他妻心不
思想不干他室奉清白行不為穢濁
如母如姉如妹如女無異清淨鮮明
而無沾汙无有二心况犯色耶又不
妄語不樂虛言所宣至誠言辭真正
所傳順理言不失時不竊妄語至於
夢中不演非法况晝日乎不為色教
况心念耶常說正法佛之經典不出
俗辭無益之業又離兩舌不傳彼此
鬭亂於人不誤兩盲未徹視者使諍
不和不侵犯人彼聞惡言不傳至此
此間惡言不宣到彼和解諍訟使無
怨望修德為法令無罪殃講論經道
各有篇章又不罵詈不演麤辭不宣
惡言不傷人心世人所說口演不仁

惱於他人不微中人無所恐懼常行
仁和不興瞋恨害心向人不使衆人
意懷湯火愁感之患口所布言可一
切心柔軟慈和聞者安隱心中愛樂
喜欲見之多所悅豫遠近思覩乃傳
此言久思其言無狀其辭又不綺語
離于飾辭言無所犯未曾傳語常護
身口終不戲言而取誤教況復由利有
獲財寶貢上歸遺而宣虛乎雖身溺
死不演非義身口相應言行相副不
失神明不違佛教又不嫉妬不抱貪
饕未曾興心慕求衆欲他人財業高
德貴性不發癡心貪利無義見人多
有豪貴至尊尊不以為嫉心存道義猶
魚依水不捨正真又無瞋恨心常懷
慈愍哀之心調和之心安隱之心柔
軟之心其心常念欲濟一切而將護
之假使其心發瞋恚者若有患狀不
能自制衆垢危害心中惱熱尋除其
根令不熾盛抱以仁和慈心弘坦如
畏蛇虺毒獸之聚惡心便休成斯仁
和又棄邪見奉于正見不墮外學捨
于貪事虛偽之術吉良之日不擇時

節不思國位若觀帝主不以為貴不懷諛諂表裏相應心性仁和奉佛法衆不失三寶愍哀三界皆欲度脫是為十善常當守護此十善德心行如是思惟奉行若見衆生犯諸惡業當歸惡趣以十善事而開化之又其學士已立正見奉行至真亦勸衆人入于至真所以者何其自己身不能修德欲化他人立道德者未之有也彼選擇念奉行十善不歸三惡地獄餓鬼畜生之處其十善行得生人間及生天上三十三天又能奉行此十善者成大智慧思惟其義畏于三界興發大哀不為毀損從他人聞所宣音聲得成聲聞自然中間修清淨志不欲仰人不從他受自欲意解求成正覺好立大哀不以損耗志入深要思十二因不了無根得緣覺業其心寬弘取極無上不可限量愍傷衆生執權方便堅立弘誓元極法鎧坦然無迹欲救一切衆生之類不捨三界得成佛慧無尋道原菩薩所行清淨道地成無窮業習轉取上衆宜究竟至

逮十力乃致佛法十八不共吾等聞之故當志學一切學已勤修精進彼益深觀其此十惡不善章句甚為招致地獄緣報中殃畜生微疊餓鬼是故我等若殺生者歸於地獄畜生餓鬼設生人間有二惡報何謂為二所生之處其壽常短又多疾痛而中夭逝家室憂感莫不感哀若喜竊取亦歸三惡苦若生人間亦有二報何謂為二乏少財業然賊劫取亡無多少令人憂惱犯他人妻室亦歸三惡復有二報眷屬不貞數共鬭諍恚妄語者歸於三苦有二惡報何謂為二人多誹謗言不見用其兩舌者亦歸三苦復有二報眷屬離散生下賤子共為伴黨其惡口者亦歸三苦復有二報何謂為二聞不可聲罵詈之音其綺語者亦歸三苦復有二報何謂為二熱惱他人所在至湊不能自決其貪養者亦歸三苦復有二報少於產業又多疾病其懷嫉妬亦歸三苦復有二報何謂為二若在人間墮于邪見不知止足起于瞋恚亦歸二苦復

有二報何謂為二自危己身而惱他人其邪見者亦歸三苦若生人間復有二報何謂為二沒在邪見六十二非慧行諛諂如是多患因致苦陰由以合成不善根本假使能棄此十惡者能以道法自樂伏意以棄十惡建立十善亦能勸他令住十善彼加大仁愍哀衆生心懷弘坦慈心愍心調和之心廣布恩心散擁護心是我之心奉師之心敬如世尊心自念曰一切衆生邪見所縛心意顛倒志念反逆發起虛行吾當盡立令住真實修於正真言行相應而安立之衆生一切破壞諍訟轉相誹謗常抱瞋恚轉相投禍吾等當設無上大哀無極之慈立堅固行令無彼此衆生不猷結縛之難嫉他人業造反邪行不順道本吾等令淨身亦淨口心衆生心迷建立罪福習婬怒癡為三蓋尋墮在塵網常自投已不便之地當求堅固善權方便消寂一切衆勞之患令立無難衆生在于愚癡之厄無明所縛住在六冥遠於大智遊闇昧門行窳弊

業吾等當為開化嚴治無所罣尋清
淨慧眼使一切法輒如所言由得自
在不戴仰人衆生墮在生死困患地
獄畜生餓鬼苦門漂在邪見六十二
疑羅網所縈愚癡所蔽邪徑所迷遊
盲症路不親聖師無有救護有所歸
趣無解脫業為賊所劫魔鬼在心遠
離佛心吾當將養度生死原曠野懸
路立之無難前在無畏一切智城衆
生墮在大林盛火欲覓色處无色之
處浮泗三洲為生死流所見漂沒隨
思愛江大患所攝強在愚癡心念貪
婬志思危害欲行賊役而計有身猶
海水岸婬鬼所迷隨放逸走慕入嗜
欲住已自大各懷異心未度想度或
諸襄入而為震動遠衆德本吾等當
化修大德本道力拔救令在滅度使
離恐懼衆危之厄因建立之於一切
智衆生悉為貪樂所縛無數苦痛愁
戚之惱多所志慕憎愛所結合會別
離而相戀婬無明所蔽受在三界吾
等當開示其正路至無罣尋脫三界
難令立滅度無為之道衆生悉為猗

見吾我五陰諸入不可轉移處四顛
倒依六衰舍為諸惡賊所見攻擊遭
無量苦吾等當化除諸患厄一切陰
蓋使至無為衆生志存下劣之業乏
於尊慧一切智心無天人道志在恐
畏生死之難樂聲聞緣覺吾等當化
使立微妙廣大之心是為佛子菩薩
所入如此戒力勸化貧匱常抱慈愍
以權方便立於菩薩離垢道地因得
覩見無央數億百千娑佛供養衣被
飲食牀卧具病瘦醫藥一切施安身
命自歸如來至真平等正覺受是至
清十善奉行雖受行之無所違失於
無央數億百千娑非載劫中所受身
形亦若干劫不懷貪嫉犯戒垢濁無
益之業好意布施奉持淨戒猶如有
人適生墮地端正姝好尋而洗之清
淨無垢菩薩如是在此開士離垢之
地於無央數億百千娑非載劫中所
受身形不懷貪嫉犯戒垢濁无益之
業行於四恩惠施仁愛利人等利救
濟合聚衆生拔衆危厄十度無極勤
修精進戒度无極悉為具足不使之

少又族姓子菩薩已能奉此初第一
住有第二住名曰離垢菩薩住是為
轉輪王治以正法然有七寶假使衆
生退在犯戒十惡之業以摧方便而
勸立之令行十善若與福施惠施於
人仁愛之德有所饒益等利之義一
切不捨常心念佛唯慕正法志在徒
黨菩薩之業開士之行六度無極十
住之源思念十力四无所畏十八不
共諸佛之法衆行普徧念一切智以
何方便勸化衆生令逮至尊為最為
上為勝為超至於無上為衆導師勸
化一切養育將護至一切智發意之
頃捐棄家業愛欲黑冥順如來教出
為沙門普行精進須臾逮致百千三
昧見無量佛適見諸佛建立道誼動
百千國願生其國越無限界嚴治清
淨無數世界開化度脫無量衆生入
不可限識本宿命所歷劫數選擇志
求不可稱載道法諸門覩見十方衆
生形像觀無限量諸菩薩會從學志
願攝取菩薩殊特弘誓億百千垓兆
載劫數莫能稱焉時金剛藏菩薩大

漸修經第二卷 第三九卷 伏
士演此住已尋則頌曰

此等心質朴修治已意性其志已真實
柔順而調和已捨諸習貪慕求取上道
其行極弘大輒在第二業執德住於斯
積累衆德本遠離於殺生心未曾懷害
離於慳嫉行不犯他妻室至誠不兩舌
不惡口綺語已消恚貪行常修大慈愍
入于正見業無諂行質朴无愛捨自大
作性粗舉要將護世尊教常行無放逸
地獄之苦痛畜生亦如是佛教興光曜
常以消餓鬼棄捨一切惡不善之心意
滅除衆為害志大至誠法自謹勅其意
所生轉善處至三十三天寂然永安隱
猶如緣覺乘聲聞及正覺皆由此十事
從清白句生見此常當觀恒修無放逸
意堅立禁戒亦復勸化人益加增愍哀
志性日弘慈觀苦惱衆生興發心傷念
皆墮諸邪見斯由意不寤瞋恚懷毒害
心喜抱閭諍常不獸眷屬勤約慕境界
吾當度脫之今濟此三厄造立大閻冥
其性樂愚癡墮在奸惡路遊於諸見網
周旋在生死當行方便度濟脫諸六情
立正解五陰消除衆塵勞越于四使瀆

滅盡三界苦 然熾之惱患 永離諸貪身
世力吾我想 吾以此等故 苦行欲度脫
遊心尊軍勝 無上佛之慧 導御修至誠
棄捐劣懈心 立志於寬弘 諸如來道慧
勤精進無量 堅固得佛道 住此寂功勳
積累衆德本 見無數諸佛 咸悉供養之
斯等解清白 見億百千劫 其身无罣碍
心口亦如是 諸佛子住此 應時轉法輪
開化立衆生 使行十善業 一切所積累
清淨之行本 齊護於衆生 斯富十種力
因時發意頃 棄國捐財業 佛所作沙門
修入勇猛行 已通大精進 致尊三昧定
見無數諸佛 應時如佛界 以是若干變
及與不可計 轉觀其境界 各在斯道住
已能住此願 致取微妙慧 造若干變化
開化於衆生 是為第二住 大聖之所宣
普愍世群黎 衆菩薩軍上

已得聞是取始上法菩薩第二境不
可思議至真無異諸佛子等喜而修
恭敬住於虛空則雨天華各宣善哉
德如山王而分布說禁戒之源心念
愍哀一切群黎唯演尊妙第三行本
所說至誠永無有異衆菩薩行取為

無上普欲令世一切安隱以願稱講
第一微妙益當供順天人所敬第二
離垢菩薩尊住除其愛欲精進造立
建大法慧如之所為行布施事惠施
禁戒成為大聖忍辱精進一心寂然
善修智慧慈心殊勝愍哀行道衆祐
宣布清淨之行譬如月明金剛藏踊
演第三住心樂善說莫不欣然咸發
道意

漸脩經卷第一

壬寅歲高麗國大藏都監奉
勅彫造

漸脩一切德智經卷第二

伏

西晉月支三藏竺法護譯

興光佳品第三

金剛藏曰佛子菩薩大士已得究暢
第二住地便入第三尋當思惟性行
十事何謂為十一曰志性清淨二曰
性行明達通利三曰消滅淡泊其意
四曰心懷無垢瑕穢五曰志念永不
退轉六曰其心堅固而不怯劣七曰
其念極上無窮八曰性行輕便而不
遲鈍九曰其行微妙巍巍高玄十曰
其心弘廣不恟局迫假使菩薩住第
三地觀諸萬物一切无常苦空不淨
不可保信悉歸壞敗不久存立適起
尋滅本無所成當來未至現在无住
察於一切萬物所有皆歸沒盡已得
入此無所有地悉是憂惱危厄衆難
患害合會結在憎愛之業多有愁感
咸以無常姪怒癡火甚為熾盛因為
成立無所依怙察此一切猶如幻化
一切萬物悉為恐懼无有救護心數
動移便以違失本之慧見如來慧不

可思議不可限量不可稱載極速巍
巍無有雜碎亦無衆厄无為常存無
畏第一不復退轉多所濟護所見平
等已見如來無量聖慧觀衆危厄益
加愍哀念于衆生心行十事何謂為
十一曰心念將濟孤獨危困二曰常
化貧乏使入道法三曰消于姪怒癡
火所然熾盛四曰其心周旋生死而
不造乱五曰其心常欲蠲除塵勞之
穢覺未覺者六曰其心顯耀令習自
在七曰勸導離善法者使樂大雅八
曰其心忘失佛法令入正道九曰其
心迷惑隨生死流使返其源十曰其
心見在愚徑而懷恐懼令立无畏彼
已觀察衆生無數危厄三界之患輒
修精進吾當將濟一切群黎度之解
脫今致清淨使得超越化之立之勸之
寤之開之示之今至滅度已能如是達
至無為普入萬性如斯將濟一切衆
生所化若茲具一切智如來聖慧心
念勤修擁護衆生又自思之以何因
緣以何方便化此無數衆生之類墮
在苦惱塵勞之厄所遭焚燒使立永

安令無復異住在无尋三脫之門已
立斯法開化他人以無罣尋三脫慧
門無復異行解一切法知无所行了
本真諦導之為行行無所行以此慧
明不復觀聽倚他之義唯學佛道又
心念言何所為具一切佛法之根本
也唯以博聞分別義理以觀此慧益
加增修勤求正法專精奉行夙夜思
法欲聽受之不以為厭樂法不廢發
生好法求法導法志法由法流法歸
法教法護法行法善求道法不慕世
間無限寶物无用諸藏盈滿之珍已
得自在發意布施不念有難唯思法
師於世難值甚為希有以用法故無
所愛惜内外所有咸以布施所可惠
施若施眷屬田地財寶帑藏珍琦瓔
珞妻子男女頭目手足耳鼻肌肉支
體衣食及己身命用經典故無所貪
恡皆能惠施用法典故極重愛樂所
用安已明珠如意貴價瓊琦布施之
時謙下卑言所可放施不懷悔恨身
心不惱其有受者因是令度所不聞
法聞之欣然勝得三千大千國土

滿中珍寶寧聞一偈不用梵釋轉輪
三位修無央數百千劫行或有來謂
卿今所興習是平等正覺之業菩薩
淨行假欲得聞此大正法自投大火
更無極苦苦惱之患越斯大火若使
已身遭是困厄乃成佛道即念言今
我身求經道寧愛樂一句法不用此
身正使此三千世界滿中火至梵天
求法故自投中况小火也設命墮在
一切地獄苦痛不安故當勤慕求于
法典况復值遇人間之惱以此方便
求于經典若使聞法如法觀察一心
解達彼若聽經自伏已心念志上道
識如是意在於經典而行要法慕樂
佛道終不唐舉口言清淨照察如是
住菩薩地寂除情欲消滅諸惡不善
之法專惟善業歡悅安隱成第一禪
又除想念其內寂然而心一矣無復
思想隨時順行歡悅安隱成第二禪
又好喜離欲造恬泊行其心寂默身
意快然猶如衆聖所言觀察其心安
隱行第三禪又除其樂棄捐衆苦消
竭前本無樂无苦專精永然其心清

淨行第四禪彼則越度一切色想已
起色想逮有無想入于名号因時思
念若干名想輒以修行无量虛空虛
空之想彼已越度諸虛空想因修奉
行無量識慧之想彼則越度諸虛空
想便無所著修无所有已度一切無
所有業因修無想亦不離想則不樂
餘所與發處唯奉道法因修慈心廣
大無際不可限量无怨不恨欲護衆
生一志普周遵行悅豫慈念十方衆
喜行護亦復如是其心廣大慈護無
際无怨不恨欲濟衆生救護十方具四
等心一切蒙安又彼修成若干變化
神足示現震動天地以一身化為無
數身以元數身還合一身徹越虛空
通過牆壁入出太山須弥鐵圍无所
罣碍如遊虛空虛空中坐猶如飛鳥
出沒于地如入在水履水上行如行
于地身出烟火如大炬然察是日月
神足巍巍威神無極遊行四域消除
闇冥以手捫摸日月宮殿其身遠超
上至梵天耳之徹聽清淨洞達過於
天人聞其言聲諸天人民又復了知

衆生心念所念如是知有欲心無欲之心有患心无患心有癡心无癡心有塵勞心無塵勞心小心大心多心少心要心无要心乱心正心定心不定心解脫心無脫心取上心無上心審見本末皆悉知之如是一切分別衆生諸心所念善惡禍福道俗真偽靡所不達又識無限前宿所居一生十生百生千生不可稱載宿命時事悉識別之劫壞劫成悉知無數不可計會天地成敗吾曾更歷國土處所名姓如是所遊飲食壽命長短衣服好醜所遭苦樂彼沒生此此沒生彼此沒生此彼沒生彼周遍沒來生尋復還返以是比類曉知無限前宿所更已復清淨清淨天眼過諸天眼見人生死善惡所歸尊卑貴賤如所作受又此衆生身行善口言善心念善不謗聖賢奉修正見壽盡身散得上天生又若衆生身行惡口言惡心念惡誹謗聖賢或於邪見壽盡身散墮于地獄以淨天眼普見天人蛭飛蠅動致行之類所行禍福善惡所趣又

以一心三昧正受若從定起不用此德有所向生唯觀具足菩薩道品願有所濟故示現生住于菩薩興光之地見於十方無數億千兆載諸佛奉事供養衣服飲食牀褥卧具病瘦醫藥歸命諸佛聽所演法已聞受法隨器授與未曾越法不毀佛教各各觀察益以愍哀普如己身親族無異欲解諸縛於无央數億百千劫兆載娑限斷邪見欲心不在言亦除邪瞋愚癡之態如金寶師工治寶矣以作辟釧釵鐲瓔珞瑤瑤之屬無不成好菩薩如是住興光地則以无言消諸所見諸婬怒癡以是德本增行巍巍清白日甚漸備仁和忍辱之原將順戒禁而无所犯心不懷恨不抱怒乱志性無諂心懷詳序而不平暴一切所作不以究竟所作成辦不行諛諂无虛偽時性無所受行甚清淨彼以四恩而宣愛敬行益利義内志篤厚十度无極忍辱精進所度无極懇懃修此亦復勸化餘諸菩薩謹慎清淨是為菩薩諸大士等第三住法名曰興

光菩薩住此諸根通達若作天王執權方便有所造立若行布施作行敬愛設修利益其心常一念佛不捨致普具念一切智業以何等行為諸衆生致于寂尊得普敬達為衆導師乎發意之傾精進超絕一時志逮百千三昧時金剛藏菩薩大士欲復重散此義所歸說此頌曰

斯等性清淨 德室心通達 貪欲患消除 成不退轉業 興發堅固志 強勇進微妙 其意甚廣大 因是入三住 已立於此地 宣布光曜住 說非常苦空 不淨毀散法 為不得久存 須臾虛无聲 選擇志有為 無来无所往 由是致疾病 遭愁憂涕泣 與衆惱俱合 受結著恩愛 苦患不可意 常熾然三火 以見有為業 發起无限難 若厭於三處 其心無所慕 欲求諸佛慧 其意不變異 無量不可思 所度无等倫 觀彼衆滅度 諸寂勝聖慧 已見於諸佛 永無衆患厄 无救離依怙 扶濟使得出 常貧於道法 為三火所灾 犯所有苦惱 百種縛其心 重敬衆塵勞 無明志下賤 已失威神力 違安住道實 流墮生死淵

恐怖求解脫我應擁護之堅強等精進
志樂於尊慧不貪世人榮觀察何等宜
逮致至解道無他諸罣碍成諸如來慧
其慧為智明是眾安住樂以聞智專惟
成菩薩聖慧適聽所說法尋精進奉行
夙夜欲啓受無餘因緣業以法而樂義
以法廣救護明月珠眾寶所愛敬親里
國土廣无極具足豐盛尊妻子及男女
眷屬諸走使以經典之故布施不恡此
頭目及手足已身之肌肉目見而口言
施血如流江見害屠割刑所重髓布施
不以此為苦不聞法為患假使有來者
口宣如是辭猶如火所起自投炎赫盛
若聽安住說微妙法要實聞之甚思惟
功勲義章句一句法義故頂戴須弥山
設使三千世滿火至梵天我聞法善利
其意達玄妙若人聞致是任如是苦惱
正使於中死求得道慧明雖遭此眾難
忍苦不以患何況人身苦若干之厄難
我之所應慕唯志求聞法若得數聞法
隨時而思惟四禪四等心悅豫三昧定
承於五神通漸備具足行以是自由自在
不墮所向生住立此軌德順无数億佛

意常奉供養聽受斯經典曉了離邪住
啓賴清淨行猶若金無垢号曰為紫磨
住是雅功勲報處忉利宮造立為豪尊
迴轉處魔天魔天若干會功德諸章句
以住無以意唯求佛功德佛子已住此
懇懃慕精進逮致三昧定其數各百千
觀見諸佛寂相好若干種加益極微妙
功勲尊无量是為第三住安住身自說
普愍諸世間諸菩薩无上

時諸天人聞大行微妙巍巍所住地
衆祐諸子懷踊躍則以天華散佛上
會在地樹持衣被嗟歎稱揚此經典
魔后可敬柔軟好鼓樂歌頌勝妙法
其自在天歡悅句以月明寶貢安住
口宣我等故有佛興發德時度彼岸
其寂法勝何故然獨歎菩薩行第一
我今得聽妙道地於百千劫難得聞
益加宣布愍諸天諸佛之子行殊勝
得聞此軟聖衆會當得服行寂无地
如月除患盛已興安住談第四所遊行
演行寂為上

漸脩經暉曜佳品第四

金剛藏復曰佛子復聽菩薩大士已

能清淨住第三地便進入在第四地

住轉得起越入十明曜何等為十一

曰遊在衆生之界二曰同行通諸法

界三曰遍察三千世界四曰觀于無

窮虛空之界五曰普省衆神識源六

曰流布在於欲界之處七曰周旋往

來於色界中八曰優遊而化於无色

界九曰志在上寂微妙解脫十曰其

性弘寬心和柔軟是為十菩薩大士

復有十法達法光明從第三住入第

四住且聽佛子其菩薩業第四行住

名曰暉曜適遠此已則能將護如來

種姓致于內法教化十慧何等為十

一曰其心性行得不迴轉二曰篤信

三寶莫能壞者達所遊處而悉究竟

三曰勤修清淨玄妙之業四曰解自

然興故行尊道五曰分別世間從因

緣生成敗之事六曰曉了一切悉從

罪福致所生處七曰敷演生死泥洹

之源八曰覺知衆生國土之本九曰

宣暢散意過去當來十曰能剖判說

无所盡行因得成就如來種姓是為

十金剛藏曰又佛子聽若有菩薩住

第四地自觀內身而行寂然自御其意不懷俗法亦觀外法而行寂然亦御其意不懷俗法重察內外亦无所起永無所壞觀內痛痒察其心法亦觀本法法之所行觀內外法而行寂然自御其意不懷俗法眾惡諸法不善未起將使不生精進攝心成就方便令永斷絕不善法起尋消除之諸善德法若不興者方便精進志樂興勸功勲之法令立不失進使廣大勤修道地從行具足自攝已心未曾態廢永除眾穢定意離貪修行為首念行神足成就閑靜究竟無欲乃至滅盡勸助功福精進以定備悉眾行以斷心定便安眾行斷識定意輒行神足成就閑靜究竟無欲之宜乃至滅盡勸助功福念行信根精進勤劬念根定根慧根成就閑靜而无眾欲滅盡眾塵勸德念行信力精進力念力定力慧力成就閑靜无欲滅盡勸德定念覺意修法覺意精進覺意歡悅覺意篤信覺意觀護覺意成就閑靜令其無欲滅盡眾塵勸德念行正見

正念正言正業正命正便正意正定
成就閑靜令其无欲滅盡衆塵普察
勸德目見一切衆生所在為其宣暢
本宿世願志無極哀興發大慈使疾
速得一切智矣令速究竟淨治佛國
具足如來十力无畏諸佛之法諸相
種好音聲言辭念尊最上殊特之業
普使具足求學深妙聽佛脫門而行
無極善權方便又佛子聽菩薩若住
此暉曜地前本所習自見貪身倚於
吾我而計有人依形壽命諸陰種大
貪住衆入浮沒高下撰擇狐疑疲極
之態謂言我所恃怙財業實有處所
一切永除如是猗著皆亦斷去一切
思念誹謗之事親忍塵勞勤學立志
善權智慧在在所遊以道為寶遵興
道教其心潤澤心懷柔軟抱仁和意
心常愍哀心不厭倦求最上心志好
思慕殊特慧心將護化育諸衆生心
尊敬師友順應器心如所聞之輒奉
行心逮玄妙慧所作甚快仁慈柔軟
所居安隱止頓賢和志性質直行无
所受不以自大不以憍慢而受其教歸

命無違彼行是已所受修行寂然若
斯為上道地清淨住法專精思惟習
合會行奉行勤修不退轉精進不休
而不慚倦遵不迴還所奉廣遠所行
無量寂上精進求无等侶皆護衆生
所勸不毀又其菩薩心性清淨志分
和賢無有可不成信諸界意性長益諸
功德本永以消除貪妬慢恣離於猶
豫親近貢高已得具足無疑脫門因
合會法無厭不慚已得速近建立如
來將順其心令無限量其住在此暉
曜菩薩道地者值見無數億百千姪
兆載諸佛普以供養衣被飲食牀敷
卧具病瘦醫藥奉所宣法啓受尊行
又諸佛所出家為道行作沙門益增
勤修心性仁和信解習淨於无央數
億百千姪不廢德本一切轉加巍巍
遂高豐赫如茂猶如寶師工作衆物
成諸瓔珞所合无比釵鐲珍瑤靡不
成好菩薩大士亦復如是住暉曜地
其功德本轉以加增越諸下地諸菩
薩住猶如佛子如意明珠光曜清淨
其暉遠照明无等倫其餘諸寶雖在

其邊光蔽不現菩薩如是逮暉曜住
則無等侶諸下地菩薩功德不現衆
魔塵勞恙為消滅是為佛子菩薩大
士住於第四暉曜地者所在遊立弘
坦和雅若處天位為天王時開化衆
生諸貪身者所造立業惠施仁愛利
人等利一切救濟合聚群黎常念諸
佛未曾忘捨也乃至普具一切智道
何因得為衆生寂尊咸致一切無極
聖慧為衆生護導之利之發意之傾
懇懃精進須臾一時逮億百千諸三
昧定觀衆菩薩億百千垓眷屬圍繞
菩薩之力度於所願所願殊特變化
自在億百千垓兆載計劫无能計限
功德威神於時金剛藏菩薩重欲分
別義之所歸便說頌曰

修治至光明第三之住地衆生處世間
各各周流行其第三之位等猶如虛空
其志性篤信清淨行無犯適獲致光曜
大威无極住將養世尊種至誠而迴轉
住佛無懷疑法聖衆亦然立清白之行
唯覩見品類在世尊吉祥從緣報往生
因隨於生死衆生之國土以法為無始

所興无盡際 奉行常謹勅 逮歸世尊種
積累法如是 愍哀于群黎 其身遵道行
心法消痛痒 内外行相應 思惟正其意
專精修言教 棄捐於所有 已除盡眾惡
長成諸善法 這消化諸非 便修第四業
奉行四神足 五根并五力 微妙覺意寶
遵八路如是 道念諸群萌 意願一切智
近辦所誓願 因由本行慈 志願一切智
以成治佛土 其力上軍豪 心思惟章句
又勇猛无畏 與法俱教化 懇懃志慕求
樂佛殊妙聲 深遠之道寶 脫門之處所
積德而惟念 大善權方便 已離于貪身
消六十二見 永除内所猗 及其計有命
無五陰四大 諸種處亦然 已得第四住
皆除是諸尋 咸離棄貢高 安住志無慢
不復求貪樂 所生之罪勞 已消眾瑕垢
性行甚清淨 精進修道德 脩善不求身
其心甚柔軟 所行無放逸 心仁和質直
賢雅而愍哀 求慕上利義 一切不患厭
樂喜於聖慧 為眾生行業 恭敬奉師長
遠離求愛欲 作人有反復 無諂順教命
無慢无所愛 心性常樂快 精進不迴還
奉尊等合集 其行以得立 第三微妙住

內性無不可治心令清淨觀見喜信樂
增長清白法去衆垢穢濁一切化癡結
菩薩已住此殊勝無所著供養諸衆祐
无央數億姪出家作沙門專精聞受法
成道无等倫紫金成瓔珞已能住是義
功勳志性和善權智慧俱修行清淨業
若億百千姪魔衆不迴轉奉行殊妙實
猶如魔為侶已得住斯義供養人中上
致成寂然道極尊法行句因能攝衆生
六十二諸見若能行殊特為實勝慧故
精進而志學億百人中尊見佛無他念
安和廣大業又無數上妙將養无量劫
願樂智慧尊功勳之行是為第四住
清妙清淨行名德應慧義真安住所演
時諸會者皆咸得聞第四住地寂勝
之子知解諸法歡喜踊躍心中欣然
住在虛空雨散天華善哉佛子宣揚
无極其魔雖尊與諸天俱踊在虛空
志抱悅豫供養衆祐若干妙雲雨柔
軟華貢上安住諸根坦然翠蕊空篋
暢悲哀音諸天集會欲奉世尊觀寂
勝像及所建立一切舉聲演如是音
面目充滿性行巍巍行道甚久今乃

獲願久來不見天人之尊諸天已到
現能仁前久未得察勸大海者演淨
光來為甚大久衆生久來今乃獲安
甚久以來聞悲音響別來長迥不謂
大聖獲一切德勲所度無極棄捐貢
高寂靜致上供養尊敬於大沙門此
間供養經還天上於此供養趣安無
限能供養者盡一切苦能供養者逮
佛聖慧衆祐清淨猶如虛空不著世
俗如水蓮華超照高遠堅如須弥心
中歡喜奉敬軍勝演是音已心懷喜
悅降諸魔子不可稱載喜笑瞻覩如
是衆德當今之時咸悉寂然宣布大
財如月毀復勇猛无畏散第四住軍
勝願說

漸脩經卷第二

壬寅歲高麗國大藏都監奉

勅彫造

漸脩一切智德經卷第三

伏

西晉月支三藏竺法護譯

難勝住品第五

金剛藏曰又有佛子菩薩大士已能
脩治第四之住四住已成轉得前進
第五住地當行十意乃得通達何等
為十念於過去諸佛之法亦思將來
諸佛之法復惟現在諸佛之法修戒
清淨其心鮮明清滅諸見六十二疑
曉了求道亦行清淨所行聖慧悉見
清淨剖判一切三十七品上妙之法
亦復清淨開化衆生所行清淨是為
十事金剛藏曰又有佛子菩薩大士
得第五住然後乃成修善妙業有行
三十七品心甚清淨道業益勝所誓
寬弘因所願力親近如來慈愍群生
未曾忘捨積功累德合集聖慧精進
懇懃而不懈廢善權方便將導不逮
而常好樂住妙暉曜密喜如來所建立
義已意已入佛之勢力所念專惟不退
轉如審解了是四聖諦是為苦諦習
諦盡諦道諦彼能究竟至誠名德分

別聖諦達其原際曉了諸相真正聖諦其无方便隨順宣布解了真正分別是諦因行聖諦也剖判其事所度聖諦有復能行悉解知事正業聖諦次復宣布行道聖諦敷演其意盡无生諦體解得入諦智道業皆已普入諸菩薩住成就逮近乃至辯才如來大慧散去結惱班宣聖諦又復能化他心念咸令可悅曉了隨時究暢聖諦已能得入一因道義轉便曉了達斯源際真正聖諦也覺解已相則能曉解諸相聖諦解知志性之所歸趣則達五陰諸種衆衰情蓋別處所生因聖諦度了興身衆惱之患曉苦聖諦更歷周旋縛結構閑然後乃解習諸諦源一切永滅諸熱焚燒然後乃解諸盡聖諦也初无二言所宣如義然後解道之聖慧皆已覺了至如來慧然後乃解真習聖諦信明慧力曉諸不盡令苦無餘彼若分別諦計如是方便降伏生死之源解達一切所從生處因由斯法虛爲愚癡所爲不真諦解本末益愍衆生親近大哀在

世興發无極之慈已能致此慧力道
財普護群生好樂佛慧觀本昔來生
死所趣察其始原衆生所從致是无
明三處恩愛漂生死流陰盖所著為
之動轉增益苦陰若能解達无有衆
生无我无人无壽无命已離吾我皆
悉了是如過去事當來現在亦復如
是慕樂虚无愚癡之業生死周遊而
无断息永無邊際无將護者復无所
知彼无師友雖有師友不受道教乃
為無智癡冥凡夫眠盖所縛不可稱
計自滅諸我方盡當盡不復起身亦
无所生不信佛道轉復長益勤苦惱
患有為生死所見漂流不捨陰盖不
厭四大不拔貢高諸見瘡病不別姪
怒不消无明窈冥之室不竭愛欲洌
池之難不求十力導師之業入在魔
行墮于生死反覆之海無善之想去
於自在如是苦患不可稱計永而无
護无所歸无救濟无利義一已身无
輦伴當以修行如是像業積功累德
每生自克因能修慧已能速解一切
衆生究竟本淨乃成十力暢无為慧

巍巍明曜如是要慧意已覺了得道成就所可造行積功累德皆為衆生而興立護愍傷群黎普安衆生垂哀一切欲度脫之无燒害心不誹謗之勸化衆生靡不歡悅為之導師而令滅度彼勤修已住於第五難勝之地由得自在心无所忘曉達善行處處之業志意堅強善分別慧其意普至解經次和章句之誼意懷著愍彼我皆護其意勇猛將養禁戒隨无所犯意中明了宣布處處所當正行周入衆聖无所戴仰往返智慧以宣暢義隨時散布得神通行詰誦方便而顯道化修行善權隨俗而導積功累德常不厭足慕求道慧未曾懈怠廢奉无極慈合集愍哀意不怠倦求于道業不以閑退精進殷勤務佛十力无所畏慧諸佛之法十八不共常以善行思惟深入莊嚴佛土立若干行合集積累諸相種好常行精進志求如來莊嚴清淨身口意行修无極業敬尊奉戒順諸菩薩重衆法師无所危害以諸菩薩吾權方便普遊世間夙夜一

心捨他之念常以道法勤化衆生能
修如斯以布施業勸導衆生愛敬利
言大利濟彼等救群黎乃復示現色
身之形為班宣法因而遵行菩薩如
來大業以開化衆乃復覩見生死瑕
穢稱揚諸佛聖慧功勲能行如是以
大神足變化感動以若干種善權之
誼唱導衆生而教化之已能精進如是
化者入於佛慧心性行道以不退轉
修衆德本勤求殊特正真法矣愍傷
衆生其有遊行處於世間書疏經典
印綬衆會計校守府諸身種大所應
療治醫藥衆病寒熱羸瘦鬼神所嬖
中毒狂病若有追逐所在療形合偶
伎術跳越譌說多所歡悅郡國縣邑
江河泉池樹木華實所生藥草金銀
明月珠玉水精琉璃所現衆寶日月
隙邑村落居家田地動眠寐所夢
恠應所入一切衆身形像所在諸相
所應所當修治謹慎遵行財業貨物
神通无色以無放逸四等心行所
造專精而無危害愍哀衆生因修永
安彼以此行愍傷世間稍漸立之諸

佛正法能化立之難勝菩薩道地供養奉事无央數億百千兆載諸佛衣被餅食床褥卧具病瘦醫藥在如來所棄捨家業出為沙門於諸如來聽受經典成為法師又復重聞逮得總持无數億劫百千劫中興顯德本究竟清淨又如佛子妙寶車乘共合相近轉相照耀菩薩如是住於難勝開士之地以此德本修善權慧道義遂高加大乘應造功勳所行无侶猶如佛子村落之中有夜光珠普照田地如雲風遍吹浮遊轉諸天宮殿菩薩如是得難勝住以是德本善權智慧心行普入常處在世无能乱者是諸菩薩大士之業第五住菩薩住此多所悅可若為天王降伏一切衆邪異學有興立者布施愛敬饒益等利見衆生念未曾心離諸佛行法乃復普憶思念諸聖一切智業以何方便蒙濟衆生乃至巍巍無極道堂發意之頃須臾精進一時之間逮不可計億千三昧見衆菩薩无數百千眷屬圍旋論經說誼於彼得度建立誓力咸

成菩薩殊特變化无能稱計限量其德乃至如是億百千劫莫能咨嘆暢其功勲時金剛藏菩薩大士欲重散此經典之業便說頌曰

第四暉曜住甚清淨如是其意已平等
思惟三世事斯心行業戒道德修清淨
發意須離結轉入第五住而意念諸根
若聞不迴轉以有四意止道御樂章句
已超遊五力一切无所壞則勇猛周旋
因得第五住慙愧為衣服清淨禁戒香
覺意成華鬘禪思為塗薰遵奉智慧業
道尊自嚴容摠持為苑囿定意平等行
四神足遊步意淨為腦戶慈心愍哀眼
殊妙見聖慧攝持无吾我其意伏塵勞
便得入第五人中師子住適得入第五
特異之道地道業以清淨修行轉復上
若能淨志性輒求取勝誼憐傷獸眾患
思惟離意念積累功德本尊慧亦如是
興發無數眾照顯行道地為佛所建立
念无憊聖意曉了自然解不廢正四諦
究暢真諦誼將養護眾根若分別真正
轉復度諸佛如是消暑意并及行道諦
等志而道明乃至无罣碍以微真雅心

修治若斯諦 智慧脫門尊 不惱无陰蓋
已修功勳本 行慧甚廣遠 超度衆因緣
濟一切群衆 其懷真實意 成就如是諦
親自暢解之 達本淨无安 慈愍无所得
尔乃為安住 因衆生勞患 求衆祐道慧
勤觀其造始 本源之所從 愚癡由闇冥
閉在恩愛種 衆生貪取陰 便成苦惱身
已逮无吾我 察之如草木 徒勞塵致有
數數往諸趣 猶輪轉无際 衆苦患感惱
嗚呼亡失已 衆人可愍傷 愚慙之所憐
生死流不返 五陰情猶牛 諸種邪見瘡
火然燒其心 志貴於闇冥 墮于愛欲河
方慕求明顯 處在勤苦江 明求軍導師
以見如是難 當修无放逸 諸所遵行業
皆用度衆生 志強性行安 遊步有氣勢
既勇懷慙愧 曉了成智慧 積功德无歇
聖尊行如是 清白法无悞 力勢是其意
是軍勝福田 宣音覺意相 所作无飽滿
精進哀衆生 欲化衆生故 因往入工匠
或畫師刻印 計數人療疾 像如鬼邪燒
由以轉除病 立之於經要 解覺樂慈愍
合偶作賦頌 若干種戲笑 流河及園圃
浴池樹華實 建立无数業 以用安衆生

現无量像色 衆珍寶若干 取地令動搖
則觀日月光 衆生之有相 遊諸國處所
無色財為勝 神通不可量 欲以修慙哀
普安于衆生 於斯謂難勝 殊妙智慧業
供養億載佛 同聽受經典 彼等修性仁
清白行遂顯 猶紫金車渠 磨治平明好
其宅衆寶成 宮殿轉遊行 此風轉之前
无有違護者 如行世俗法 然悲為衆生
遊是覺朋侶 辟蓮華在水 於是處興術
所建造豪尊 違捨異學術 觀修歡悅事
所行衆善德 皆由寂勝慧 救護于群黎
因致十種力 等尊建威勢 精進為无上
見若干億千 安住天中天 得殊妙三昧
觀察億國土 所願老特故 復過是功勲
是第五住地 若干億品術 御化衆邪術
顯已曜衆生

時諸佛子聞班宣此諸菩薩行從地
踊上住虛空中歡喜雨華明月珠寶
瓔珞衣服光明清淨供散佛上口歎
善哉一切神明處虛空中百千之衆
莫不踊躍時諸天下殊妙雜寶貢奉
衆祐香華塗香繒幡幢蓋諸魔眷屬
自在天子諸天俱來在於其上遊步

虛无雨諸寶華其心悅豫供養寂勝
意抱无量口宣善哉諸佛之子衆神
皆集無數億千亦住於上鼓衆妓樂
其音清和又一切妓暢如斯音佛響
仁和棄散惡塵本淨空寂消衆法想
猶如虛無等无思念行步清淨住立
成就不著於俗永无放逸无本平等
而悉真正法无想念若有曉了諸法
悉无則成无本无所有業輒無所思
愍傷衆生精修救度是為佛子法王
諸子修布施行皆捨相著其戒堅固
心性恬怕為衆生忍无盡法慧授精
進力令諸法寂入禪定門淨除衆塵
察諸万物信解空无聖慧力成為一
切護是諸佛子高德除穢如是聲有
百千自然宣柔和音寂勝大聖尋默
然時諸天王女衆如食息還復天上
金剛藏歎志勇猛化得行成第五住
地遂致究竟莫能廢哉

漸修經目前住品第六

金剛藏曰諸佛子聽菩薩大士以能
修成第五住者輒超進入第六住地
則行十法何謂為十了一切法皆无

有想而普平等諸相平坦永无形類
悉无所生起絕無侶皆无所起故曰
平等為甚清淨調定真正皆无放逸
不為馳騁无應不應无覆无隻寂寞
坦然而无倫正猶幻夢影山中呼響
水月現像等亦如化所行道業而无
二意是為十法從第五地逮第六住
作是行已自然觀是一切諸法計按
思惟反覆察之不令錯乱近第六住
自然目見以逮成此則得通利柔順
法忍不從迷惑尚未逮近无所從生
法忍稍以近之能致自然入於一切
諸法處所轉能進前致於大哀為尊
元首顯耀大哀具无極悲解世五趣
有无合散以觀如是名第六住乃暢
世習所可由生皆從倚已吾我所致
以覺欲事世無所有懷愚意者倚著
吾我因其无智而成癡冥慕樂生處
習不順業志務犇逸及邪之行積累
若干罪福興衰万物無常由无益生
解是所行心善自修消除諸漏至真
本无其發善德故當還返周遊生死
報應之地所作是田神識是種无明

之本則是闇冥愛是潤澤貢高自大
是其志性長養諸見羅網衆結使因
得是自生名色轉增名色則成諸根
諸根已成起若干種所更習事習事
以起便有痛痒從痛痒故便有喜樂
則益所受以益所受輒成所有發意
合成以成發念因成五陰五體之形尋
至五趣漸稍生著以至諸著衆猗悉偕
由是發起惱熱燒炙一切憂感啼哭
之苦諸不善業本空无形不了得習
无乱別者皆復自然稍習无盖故致
得此有解斯義便无所慕菩薩如是
樂于柔順觀十二緣則自思惟以是
至誠是所生識究竟无慧无明之業
本為清淨成行報應所行以成神識
在先神識之侶有受四陰則致名色
迷惑之事諸義六入諸根境界輒成
神識因為同伴與諸漏更更成痛痒
因受適長益於所受以御所受則成
漏業從所作生興生身陰斯生之内
因致老羸身陰散壞致於死亡與愚
冥俱甚可忍畏此從危害至住結網
致口言辭是生五根苦起意根從其

憂愁多所戚患因成受有以是緣
故退生苦樹造立所作被自思察由
倚所作用知所作方當作者計彼有
作則无所作本末无相也亦不可得
又復思惟其三界者心之所為其計
於斯十二緣起五趣所歸如來至真
之所解暢又此一切一種一心同時
俱成所以者何若諸根等心生貪欲
恚由神識生死之癡因從无明其名
色者心為伴侶而立迷惑從其名色
名色以成為六衰入從致所更為痛
痒侶痛痒意愛所以有愛從不捨
受發起衆難由此緣合而致所有因
倚致生其興羅網誓願老死從神識
中因致此有別知名色緣對而其名
色各各有趣六情衰入已覩已界能
入寂寞更習緣故從其更習意念致
之生痛痒緣從痛痒故便復作行善
惡好醜從恩愛緣致樂塵勞貪婬之
事從愛緣故致結縛獄從有緣故致於
他生生現在處不可解從生緣因發生
五陰本致老之緣以致老耄諸根便
熟則致死亡以至死者有十二事發

緣起處其身陰壞而不能斷未曾永
絕從无明緣則致衆行名色六入習
更痛受受有生老病死愁憂啼哭无
明緣故无有斷絕不可究暢如有有
餘无明適消衆行便滅由是有耳如
是有餘彼以無明思受所受長益塵
勞无斷絕時及行所作往返報應報
應展轉根无拔時盡其餘殃者苦痛
輒轉亦无休息以无明矣為去來今
見縛流布宜當斷絕如是三轉三轉
无我以離吾我无明滅去自然之業
无有處所猶如葦屋若池清淨若苦
衆惱无明之故則有行矣是為本宿
未曾諸痛因其識故乃致痛痒是為
現在之痛痒行也從愛致有是為將
來痛痒之原從此以上則無所生无
明適消衆行便滅亦為斷絕有苦三
患十二報應從因緣起彼從无明致
于六入是能滅行衆行已滅因是別
致衆行如有餘二事自縛苦更痛
痒尚有餘盡別離之苦無明適消諸
行便滅三苦永斷從无明故致諸行
矣從作緣故致衆行耳如有餘无

明適消衆行便滅是為所有一切諸
行有是餘故有无明行以權方便開
解大縛有是餘故而有輪轉彼當以
故觀十二緣起滅所趣反覆察之由
從因有勤勤倚著御身口意因自作
緣供養所致元有生業其三迴轉使
不復轉宿本无痛習更三苦修行報
應諸緣起耳假如有人舉其負債而
在解縛觀察无盡无所有盡彼觀此
緣緣適起時識當來事悉當了之无我
無人无壽无命自然為空寂然怯怕
有所造作因遭得報遵空脫門心性
懷此如是滅盡以无有餘現在之處
所也思惟專志无相脫門以故知之
无所慕樂唯志大哀教授開化宿本
衆生是為心抱无願脫門以能奉行
是三脫門則以消除彼我之行及見
作相去於有无諸相之著復加進抱
大哀為无益便精進化諸凡夫未成
道者使得究暢以能成就轉達法會
轉通法會不復退還具偕和同以進
仁和成就不退若覩如是所生瞋結
瑕穢之病由此合會適以合會致此

衆患猶如江水流無休息心自念言
不用餘行永修寂然開化衆生如是
佛子若能行此處在无恨殃毒惡世
導御自然觀本淨者不起不滅遵奉
大哀化順衆生行智度无極号无导
慧門漸修熟志學至照曜合會道明
成慧如是正道大業道利應時服食
道義不與邪業而俱合會因念觀察
自然寂滅亦不往彼道品具足親自
觀解目前道地便入於空惟解定意
其定意名入空自然空定究竟空定
第一空定為无極空定意為合會空
定意所奉行空定意真无念空定意
為等察空定意離業无物空定意如是
比像遠得一万三昧門自然目前无相
无願亦復如是轉復進修親近遠至
諸菩薩住其心充滿性不可壞心性
了了性行真正其性深遠意不可轉
意无休息其意弘廣心思无限意慕
樂慧其意集會善權智慧今乃倍悉
此菩薩性遂致淳和在如来道永不
迴轉能化異學一切邪術等順慧地
不墮弟子緣覺之地專一增進目見

佛慧而无等倫捨塵勞行得堅固志住菩薩慧而熟修奉空无相願傳承法教隨時應宜善權智慧不復毀散道品法行彼住菩薩目見道地智度无極益復超異今日成就通利應道疾速第三忍名曰柔順是謂道法轉而順從彼以住此日見菩薩第六道地見不可計億百千姦兆載諸佛尋時供養下意奉事進其衣食牀卧坐具病瘦醫藥在諸佛所出家捐業行作沙門受聽經典如所聞之奉行智慧勤修聖達所行求義即能逮致轉修覺進如來法藏逮大法明在不可數億百千劫兆載无限成功德本遂顯巍巍猶如佛子上寶琉璃洗浴發明其光灼灼菩薩如斯住是目目前菩薩道地其德日增行善權智益加顯發以此德本轉增寂然遊步无侶猶如佛子其月大光照衆生心使各坦然其四大風所御宮殿獨而无侶菩薩如是以住目前菩薩道地德本日增照除无数衆生塵勞拔愛欲瑕捻四魔徑獨步无侶是為佛子菩薩大

士以近目前第六菩薩所逮道地遵
修住此善能變化設為天王其四大
者觀之降息獨步三界而无疇疇聲
聞緣覺不敢諮問所行德本布施愛
敬利益等利化衆生心不捨佛道至
皆具足念一切智何所陳生寂第一
願勢力堅強導御開化成其普智覺
意之頃如是比像无極精進須臾之
頃逮致億百千諸三昧定開化无数
億百千姪諸菩薩衆觀諸眷屬菩薩
願力而有殊特有所感動莫能稱計
行若干億百千姪劫不可為喻時金
剛藏菩薩大士欲廣解散此義所歸
即說頌曰

以能具備悉第五之道地 因法為瑞應
无相无所生不起甚清淨 以為無放逸
奉行聖慧意便入第六住 諸法為寂寞
靜然无想念 自然猶幻化 解脫於生死
以致柔順忍 法自无所乱 其慧轉殊勝
則勤修六住 聰達住柔順 頻入明慧力
觀察一切世 從習而有報 由愚癡盲冥
而有已人物 欲度脫斯等 故興修勤行
從選擇因緣 本末悉為空 所作緣報應

和會致諍乱 猶若有所作 便觀造所見
選擇親近衆 猶如蜂採華 假使慧察之
本末為明冥 思想緣罪福 得報以癡果
從思想已故 名色為伴侶 如是致有難
乃成五陰苦 因其我心所 墮入在三界
又是諸所趣 十二患一心 從貪婬而生
心行亦如之 有盡亦如斯 復為心所誤
由無明癡故 造立十二苦 愚冥之因緣
數施諸想念 如是之所致 老病俱散身
又一切諸患 由當盡冥壞 從癡无明緣
因是无斷絕 思想若消滅 因緣則斷除
以起愚恩愛 而緣致塵勞 勤苦之惱患
想念有餘害 從諸入致癡 故有生死苦
更樂及痛痒 從苦復至苦 有復餘受身
展轉復長苦 斷除諸苦惱 則乃无吾我
本无有痛痒 亦无諸想念 其神識所更
現在而往返 用當來受行 故成諸苦惱
又所消滅者 觀之所永盡 由愚癡因緣
自然成覺了 因其患狀故 滅除諸因緣
因其因緣故 於是斷諸緣 觀諸卑賤士
自然為永空 柔順及愚冥 承其行業重
逮之乃盡癡 蒙此皆斷緣 深妙之因緣
解之虛元相 察省十事分 了其不可別

有計諸所趣 罪福處未來 其財業三品
從本來展轉 剖判三苦行 起滅之處所
无所有陰盡 柔順解因緣 因緣起如是
所入暢平等 譬如現幻化 愛欲業若斯
如夢之所覩 形影亦如是 冥騃愚癡類
自然猶野馬 其解如是行 彼智乃了空
諸緣為恍惚 奉此无堅相 以能了如此
亦无有志願 唯欲願慙傷 一切衆生類
其大志寬弘 如是行脫門 心轉加慈愍
思樂佛功德 勤修憂衆生 實思察其元
无諸情感患 逮无量功勲 承空三昧具
識本百千劫 勇猛士如是 无相亦无願
建立斯道業 柔順尊法忍 其慧應无為
脫門為善寶 如是性寬弘 供養於大聖
應寂然除憤 志順取勝命 逮成覺意定
益增加清淨 猶琉璃紫金 離治益光榮
以照衆生意 猶月之引光 四品風遊行
獨步无等倫 因越魔徑路 寂勝光美妙
消滅衆塵勞 燋多諸苦痛 天師大錠鐐
宣布此慧住 善化立道意 變消心懷風
所可奉聖慧 演章句所講 勇士以超越
聲聞所不逮 發意須精進 已逮安住業
宿世以獲致 億百千三昧 須臾見无数

十方諸現佛 其德照曜世 猶曰秋時月
微妙深難了 勝聲聞不及 衆雄自由講
第六之道地

於時諸天間所說法心中坦然住虛空
中雨若干種華香珍寶稱揚咨嗟柔
軟妙音口宣清淨具足可敬功勳之
聲善哉上取思惟利義累功積德慧
得自在殊勝之行為取巍巍猶如蓮
華愍傷群生其行超絕不可稱量大
神妙天在虛空中散雨殊妙衆雜華
香消除麁細塵勞憂冥頒宣琦異上
好音響逮寂清淨第一之利我等以
聞所暢道地時諸伎樂出悲音聲諸
天王女心懷踊躍於彼諸天承佛聖
旨令諸門戶皆自為開除衆闇冥心
解如日奉取尊法於是彼世無數之
衆俗間賢人皆超越世顯示方俗第
一微妙遙見其身寂然恬怕而現其
形无身之身自歸於法消滅調定使
无想念有其音響眼目大明越无央
數諸佛國土供養諸佛奉衆導師自
察其身憶如寂勝棄諸瑕穢慧得自
在開化衆生无彼我想奉精進行應

所行業諸天玉女一切皆樂寂默之
義觀人中尊衆會悅豫啓白衆祐為
供養佛身自在已願說殊特正法言
教功勲如海唯時宣之顯第七住
漸脩經卷第三

辛丑歲高麗國大藏都監奉
勅雕造

漸脩一切智德經卷第四

伏

西晉月支三藏竺法護譯

玄妙佳品第七

金剛藏曰唯佛子菩薩大士以能淨治第六道地具足安住入第七地行善權智則有十事修玄妙道何謂為十謂行空事無相无願所遵真諦成就忍力愍傷慈哀念于衆生奉行佛法樂供如來篤信無違心抱慧門常順空義積累功德无窮之福解三界虛在於三世勸化群黎永以消穢所由恬怕除一切塵熾然之炎欲消衆生一切貪婬瞋恚愚癡曉諸所有如幻如化如夢影響野馬水中之月而無有二罪福之事終不腐朽意念國土猶如虛空開導衆生莊嚴國土法身清淨壞來至義得入一切諸佛名号具志色身諸相種好而自在嚴行無所著離於音響信如來聲本寂清淨解群黎音導利莊嚴一時之間覺了三世入於諸佛世尊之業又能普入若干時劫分別諸數剖判

衆生志性所行是為十事修殊特道
從六道地至於十住名曰玄妙是菩
薩大士當勤修學善權方便智度無
極因便得入第七道地

住第七地勸化無數衆生之類以用
諸佛無限之法教授无量衆生之惱
入不可計諸佛世界嚴淨無數諸佛
國土入不可議若干品藏經典之教
入不可計諸佛正覺聖慧道業下入
無量不可計劫入不可計諸佛所行
去來今世勸不可計衆生之類今入
篤信殊特之行入不可計諸佛色身
現若干形解不可計衆生根性入不
可計諸佛所宣音聲言教可悅一切
入不可計衆生所思若干心行入不
可計諸佛大聖導利慧堂入不可計
諸佛應時化利聲聞所歸篤信樂不
可計諸佛所宣好入導教尊習開化
不可計數緣覺之衆使得成就入不
可計諸佛至聖深要之慧所演道門
入不可計諸菩薩衆開士之行班宣
諸佛不可稱計大乘之業所布導慧
斯等自謂是不可計乃逮佛名諸平

等覺玄妙之地所行殊特不可稱限
乃至若干無央數劫億百千劫乃能
積累如是佛法自謂我等建立此道
不貪財業无想不想具足衆行如斯
諦觀緣神通慧常行精進入於道行
善摧智慧善住聖道所行無動一時
閑靜奉行道教未曾懈廢自恣所欲
其行如是巍巍之業坐起經行卧寐
言談默然無蓋常立威儀不忘一切
不離若斯念道之行彼發意傾心一
念間脩積菩薩十度無極普累功勲
所以者何菩薩大士奉修如是所在
發心興無極哀以為元首合聚佛法
勸如來慧以是德本施於衆生習於
佛道是施度無極燒滅衆塵是戒度
無極若能愍慈无盡之慧知衆生無
是忍度無極若能勤行衆德之本習
念救濟一切衆生行是方便是為進
度無極其不捨道向一切智是禪度
無極若了本淨自然之行无所生門
逮得法忍是智度無極若能導利無
量聖慧益於十方是權方便所度无
極若能修行極上妙智宣于道業是

為誓願而度無極降除一切諸外異
學伏魔兵衆是為勢力而度無極審
如至誠越一切法發悲義行是為慧
度無極以是具足斯十度無極輒能
宣脩四恩之業具悉三十七道品之
法至三脫門常平等心一念之頃漸
脩普脩成立如是

有一菩薩名曰解脫月致究暢時問
金剛藏大士菩薩之行以何等業一
切具足第七道地欲悉能脩成菩薩道
必當學進至十住乎答曰佛子一切
菩薩菩薩行道皆當具足十住道地
因是濟脫何況於斯七住菩薩所以
者何又是佛子菩薩道地行以具足
入神通慧普能具足一切道品亦復
成就一切十住具足十住勉力解脫
從一發意脩斯七住所以者何是為
佛子菩薩道住具足諸行脩慧神通
又有佛子從初發意始第一住一切
誓願漸以親近具足道品心好第二
次至第三弘要之業逮法光曜第四
道地順從之業第五光明隨俗之行
入於第六深妙之法勸立一切諸佛

之法所以者何若有菩薩成就七住入神通慧輒在八住具足究暢無窮業地猶如佛子有二世界一者瑕疵二者清淨本際平坦一等清淨所度一等其兩界間不可越度以大神通至力願力乃可越矣如是佛子菩薩當以至勤清淨開士之行乃能究暢不以輕態唯以弘誓善權智慧神通之力乃能普徧

又問云何在第七住寧復親慕塵勞行乎諸菩薩業當以何察答曰佛子從始發意住菩薩地乃至十住咸志消除一切塵勞禍福之業勸助道元當作是觀猶如佛子別知同道義無所越度故名曰七猶如佛子轉輪聖王乘大寶爲遊四天下曉了是非與諸貧窮苦惱之患塵勞雜居解衆雜垢不爲瑕穢所見汙染亦無所犯成人威德捨人間性生于梵天昇梵天宮覩見千界住在梵天顯現光耀不八人間如是佛子從初發意在菩薩住乘度無極皆知一切衆生之行不爲塵穢之所汙染并奉道堂亦無所犯乃

名曰七假使能棄一切諸行因從第七至第八住亦承清淨菩薩之乘志了一切衆生之行不著塵勞瑕穢不染永無所犯輒得起度入玄妙法是故佛子菩薩若逮此第七住若在婬種越一切欲住在彼欲行清淨法不當謂之有塵无塵雖習在欲則无塵勞願如來慧未具所願不當謂之離塵勞也住此地已志性清淨身行清白究竟鮮潔口所言辭心所念行本末清淨其心一切所可念事皆度衆生咨嗟誹謗如來至真有形無形諸平等覺所可言教皆悉順從未曾違之無復慕樂世俗所有工匠異術猶如第五住菩薩道不好世間普為師友多所悅可一切所好至未曾有樂至真法住于三千大千世界如來至真等正覺及第八住菩薩道行无等侶志性所行常懷仁和其意所乘以恒進定及與神通三脫之門皆修專精奉行道門無所希望尚未成就第八菩薩道地住斯地已一切發意遵承摧慧咸以具足遂修道品以得菩薩

普具足業七住道地速成開士善擇
三昧正受次名善念義定意勝定
分別義定審宣法定善住本定慧通
門定修法誠定若干義藏定生死無
為定門菩薩逮此三昧正受如是備
悉百万定意道地清淨因其正受以
斯定意逮淨摧慧又入大哀無窮之
力過聲聞地越緣覺地近行惠門以
住此定持順無量身行之業進誦瑞
應口言心念亦不可限見諦清淨光
明巍巍無所從生法忍

又問其初發意得第一住其身口意
不普越度聲聞緣覺乎答曰以故勤
修弘廣之心行至七住乃能逮成自在
已行而無等侶猶如有人生於王家
乃為王子有殊異德為諸群臣所見
奉敬不以自己而放恣行假使長大
承己身力超諸目下所論國位菩薩
如是這初發意過諸聲聞緣覺之地
心性柔和寬弘无極是為菩薩七住
之地已慧自在入七住菩薩甚為深
也亦寂然也至無行也身口心也逮
得道業不復重進更求義也何所望

捨不望不捨乃為大道也

又問佛子何謂菩薩所住道地也乃至菩薩寂滅成就正真之行答曰已逮六住能行斯法乃致菩薩七住道地一時發心心數數念轉致寂滅成就正行不當謂之證於滅盡以是之故身口心行不可思議從其所作此之謂也若有菩薩遊于本際而不取證猶如佛子時彼丈夫乘大舟舩入於大海將舩之師工有方便知水之宜既行大海不遭水難如是佛子菩薩立行逮第七住乘度無極道法之舩遊行本際而不取證以逮如是聖慧勢力承三昧力成就諸行解覺道意以大善摧智慧之力現生死門遊轉滅度心性自然已現其身與眷屬俱往來圍繞在憤鬧中而常專精逮致寂定本願之故生在三界不為世俗之所汙染出入進退寂寞恬怕善權光明靡所不耀无所焦然逮致佛慧退捨聲聞緣覺之地獲佛藏界現在魔界已過四魔遊在其部行度魔事現在異學一切諸邪九十六種六

十二見開化外異令捨邪學不違佛
道現在一切世間俗業以等導利度
世之法示在一切天龍鬼神捷沓和
阿湏倫迦留羅真陀羅摩睺勒人與
非人釋梵四天王隨其習俗莊嚴居
服清淨好妙其心不捨法樂之娛斯
慧如是具足究暢菩薩道地住於深
遠難逮巍巍玄迥之法如是供養無
量不可計數百千億垓諸佛大聖貢
上衣食牀卧之具病瘦醫藥所用為
安歸命稽首斯等如來奉受諸佛之
道化過衆聲聞緣覺法獨步无侶所
問以時

又彼菩薩用攝衆生法忍清淨遂轉
顯耀其善德本無央數億百千劫
乃復益茂清淨赫盛猶如佛子而有
琦珍於衆寶中光獨明焰巍巍無侶
如是佛子菩薩住斯妙法難逮開士
道業以是德本逮成善權智度無極
遂更名顯成無上道聲聞緣覺所不
能逮猶如佛子日之弘光月之臺宮
光明所照普遍天下皆使豐熟亦能
乾燥汙泥之地日月之光亦无蔽碍

莫不能通利如是佛子菩薩住斯玄妙難逮開士道業其功德本無能逮者德轉巍巍皆化一切聲聞緣覺令懷著耻除衆塵勞使性清淨是為佛子菩薩大士玄妙難逮第七道住菩薩大士若成七住益得自在若為天王以隨時慧諸所興立行精進業若行布施愛敬仁慈有所勸利等惠利義心常念佛未曾忘捨乃至普慧一智慙智心初不念何時不逮成佛取正覺處衆生中而取聖尊導利衆生示一切智發心之頃如是比像精進起絕一時須臾逮致百千億地姪三昧正受觀諸菩薩億百千姪眷屬圍繞以斯誓力承於菩薩所顯殊特因顯神變莫能稱計以若干億百千姪劫所修德義不可限量時金剛藏說是法已重欲散義即說偈曰

玄妙之聖慧順第一句義心了第六住謹順已身行勤修於道教應善權智慧轉善逮入尊第七之道地遵空无相願志行慈愍哀若奉行供養諸佛之道法曉知衆聖慧於德力無厭由是行之故

入第七道地 而在於三界大乱中寂靜
消滅諸群黎 寂凝塵勞炎 如影照幻化
在夢因行法 以入第七住 顯示慙傷業
嚴淨佛土空 世性無有想 徧恣寂勝相
捨於動搖法 以致妙音響 除衆生瑕穢
思惟慧本空 寂勝等導利 以修行此法
逮致斯顯明 通在殊勝地 為衆生所樂
已住於是地 衆生行無量 選觀安住法
數察不可限 若干無數國 衆念想各異
志性懷篤信 心行若干品 宣布三乘教
導利等无量 吾等皆當進 誦讀化斯黨
如是等慧心 逮致殊妙道 威儀有四事
遵善權智慧 心念一切頃 逮獲道功勲
則能具足此 十度无極業 若以發意念
是施勸衆生 戒滅衆塵勞 忍無所思念
精進勤遵修 轉上增行業 道不可動搖
慧功德立意 無所從生忍 離垢慧聖尊
願勸助善權 永無復狐疑 同族有勢力
以聖明普濟 道功勲如是 一切隨時授
先行如是著 名顯以具足 拔去心之垢
斷絕閭訟源 等四等奉道 造立第五業
無起不分別 乃長成第六 是逮第七住
彼成時功勲 能導若干行 誓願不可計

用何等之故 受此聖慧業 因逮第八住
一切悉清淨 玄微行難逮 慧無无央數
猶入第二國 超越於中間 修行七住法
無著如錠燎 若住於道義 勇猛越一切
得入第八住 前乃聖慧地 以越心念境
住在慧之業 在梵天常觀 不倚世民間
賢聖行如是 無著猶蓮華 住是若干品
越度衆塵勞 此無塵勞行 亦無所盡滅
如是至道住 無塵勞穢行 寂勝幻无本
以慧消滅瑕 於世若干品 工匠所修業
明達是一切 化住世尊教 一心為神通
諮受奉行力 遵御若干品 增進三品定
超越諸聲聞 緣覺行如是 其住第七業
修菩薩之行 住本心性行 致此真慧明
成就諸聖子 猶長養道力 遂增精勤行
得入深微妙 心歸趣滅盡 亦不造取證
猶如入大海 而住舟船前 觀見一切水
不增亦不減 若能勤受行 殊勝摧智慧
一切衆生類 不能限德藏 供養億載佛
益更淨道業 猶若干瓔珞 無央數珍寶
賢明住此行 殊勝智慧光 消竭愛欲源
亦如月盛耀 已入住此地 自在為聖王
造修寂道義 宣布慧果實 而發意之頂

強治精進力見佛諸佛十億百之姦數
善修順己身普見諸十方加增在至願
功勳尊无限普世難可了自由行道緣
是為第七住嚴淨善摧慧

諸菩薩衆位尊神妙魏魏无量天龍
無數人民聞其所說莫不歡喜供養
安住華香幢幡雜成搏香珍寶衣服
竚立衆蓋不可稱載雨諸瓔珞諸天
在上宣揚妙聲柔軟之音自然演暢
美柔和聲以奉衆祐及諸佛子咨嘆
能仁世尊無量皆見至聖人中之上
覩佛境界愁傷衆生其音若雨布大
雷響伎樂蕭肅成演若干聲諸佛無限
億百千姦帝王國土亦如恒沙供養
諸佛刹土無侶寂為豪富威力能化
入一毛孔諸佛班宣離垢無窮之法
如演一毛豈復難乎國土處所及四
方域若干種品泉源大海億載鐵圍及
須弥山皆自然現無所逼迮悉入毛
孔在中自恣地獄餓鬼及與畜生諸
天人民鬼神衆魅阿須倫罪福各異
俱來會在諸佛境界遊一切國在諸
郡縣自然成現尊妙法輪講說柔軟

實住音響衆生心念如所修行群黎
若干其身各異衆祐國土羣黎有身
所在成體生天人間各各別異一切
如佛所宣法教消除微想衆垢之穢
興懷道念廣大佛土諸佛神足如是
變異一切世人稱不能暢諸佛如是
道慧無窮聲暢柔和微妙之音時衆
會寂然歡喜咸共觀敬寂殊特聖以
智衆會寂寞靜思猶如月蝕其光還
復唯復欲聞第八住也願時演之行者
所入

漸脩經不動住品第八

金剛藏曰唯聽佛子菩薩大士若能
暢成第七住以慕諦志求清淨之業
善摧智慧謹順衆行樂在所施無極
弘誓依承如來所建立盲蒙宿德本
逮得勢力如來十力四無所畏思念
正覺十八不共諸佛之法志性仁和
念其清淨功德聖慧威勢轉上興大
悲哀愍衆生界不捨法樂通入無量
一切諸法至无所生而無有相不有
合成不失慧明無所究暢亦无所滅
然無所有等入元本轉上得度普除

一切心念識想等攝志性本淨惶悚
因是超越應時逮得無所從生法忍
此之謂也菩薩以逮如是法忍這得
是住菩薩地不可傾動獲致菩薩深
要之行難知玄妙无能壞者消一切
想皆攝衆念而究竟矣無量無侶一
切聲聞緣覺之衆永不能逮其寂寞
事以淳淑矣自然現哉猶如佛子神
足比丘所念自在稍漸進前乃至寂
滅三昧正受悉除一切所欲妄想菩
薩如是適逮此住捨衆俗業致无業
財至真之法離身口意之所習樂住
於寂寞猶如佛子假使在夢逮大功
德即自知之因在於彼大精進力普
以越度逮則解覺彼修方便夙夜思
念以除好樂如是佛子菩薩大士無
極精進適逮此已住菩薩地如是不
動遠一切業稍習諸宜於行無二又
等修行无所親近猶如佛子若生梵
天住于梵宮不著欲行亦无塵勞菩
薩如是住此道地其心普遊諸所習
行雖在是行不以是行有所染汙彼
意曉了所在作行菩薩之行在泥洹

行不以為行何況俗行菩薩大士以
入是地本願力故在如來覺無極大
聖是法典門道如來法造立聖慧如
是辭曰善哉善哉族姓子是諸正士
第一法忍歸於佛法又族姓子佛十
種力四無所畏佛法尊位仁則未有
以是勤行慕求精進慎莫違失是道
忍門為衆生故而尊修行又族姓子
仁寧逮此若斯寂行而愚凡夫失不
寂靜習在無數塵勞之行為若干想
之所危害又族姓子衆生設憶念本
宿願哀念在冥故為求道奉行靜寞
不可思議聖慧道門終不慙廢又族
姓子是諸法本從法發來興成如來
以立如來住在法界如來至真不別
行是一切聲聞及與緣覺不能逮至
斯不相法又族姓子且觀我身不可
稱限慧莫能論土不可量明不可量
道場不可量音響清淨亦不可量以
是之故仁慈所行因顯發業又族姓
子所可定言光明之謂云一切法無
所想念乃為光明諸族姓子法明若
斯如來所行行無邊際眷屬無底斯

等所入從發行來魏魏如是又族姓
子仁且觀此十方無量諸佛國土衆
生無限分別經典而不可計普入一
切言行相應如是佛子佛天中天菩
薩行是如斯比類不可限量導利道
門用開化衆若有菩薩分別解說无
量聖慧具足成就導衆之業諸佛子
等吾囑累汝假使諸佛化此菩薩入
衆生中導利道門由是之故致于滅
度衆生之事自然舒暢諸佛世尊勸
化於斯諸菩薩法無量慧業乃令一
時所導利衆因其聖業以為元首從
初發意計七住竟合集方便由此功
勲百倍千倍萬倍巨億萬倍終不與
等無以為喻所以者何以是宿命一
身導衆致導利業速得此住誘進平等
諸菩薩行分別身事行力成就宣暢布
散無量音聲正法之教修慧无量導利
无量所生之處嚴淨無量諸佛國土
開化無量又衆生類供養遵奉無量
諸佛發覺无量諸法道門神通之力
不可限量剖判開化衆生厄難廣令
無量衆會道場所可遊居亦不可量

持身口意積累菩薩一切要行亦不
可量猶如佛子大舶舟舩欲入大海
安無放逸庠序進前致無量寶珍琦
璫異適到大海望風舉帆其風和順
一日之中超越大海一切財寶所得
利入无央數藏皆為充滿用不可盡
菩薩如是積成無極廣大德本合集
大乘逮菩薩行道法慧海一時須臾
致聖明財無極道寶入一切智前宿
所積世俗財寶不可比之思惟計校
百劫千劫萬劫無央數劫不以為喻
又佛子菩薩若立第八道地遵大善
權智度無極宣布勸化無財業義若
菩薩解奉一切智遍知十方諸成佛
土亦復分別壞散佛土若以覩知世
界散壞若世合成用何因故世界散
壞以何緣故世界合成恚能見知地
種少地種多地種有限地種無量恚
別知之水種火種風種亦復如是皆
曉了知多少大小有限無限諸塵微
妙分別所在諸塵限數隨時恚解若
于世界有若干種無限衆塵微妙難
了普悉知別若于品塵自然合成諸

佛世界所有塵限悉能知之衆生之
數國土形數其身長短大小悉能知
之地獄處所擒獸餓鬼性行何因墮
此皆知所行多少諸塵合數阿須倫
行諸天所居世人所處悉能知之合
會教化欲界合散色界無色界合散
皆悉知之少多大小有限无限而悉
知之遊居三界取捨之義開化衆生
彼能成就曉了衆生諸身方便諸身
形像所在之處悉曉明之所行生處
諸佛所遊如衆生類所生安居身所
積行隨其身行而建立之已身國土
隨立已身其意无盡已身建立無身
之身已身國身罪福之身乃須建立
罪福報身建立已身无盡身意無身
之身已身無盡衆生類身國土身緣
報應身聲聞身緣覺身菩薩身如來
聖慧身法身隨時建立顯此諸身悉
解衆生罪福身報應身塵勞身色身
无色身國土身多少大小穢濁清淨
廣大無量減損平正導利平等講說
報應皆悉知之罪福身行所當獲報
合散成別亦復了之聲聞乘緣覺乘

菩薩乘所行業合散所歸而悉知之
如來聖體成軍正覺所誓願身及滅
度身所建立身色像相好所莊嚴身
其行者身可意身自大身謙恪身功
德身聖慧身報應身謹慎行業聖慧
之身所歸度脫皆悉知之法身平等
無身之身不可限量一切普入有身
无身靡不分別二暢解其身以逮
如是行業致壽自在心得由已用度
所為自恣無難所行無拘所生從已
本願所致篤信之故神足之恩蒙聖
慧行因法所將而逮致此以是菩薩
十事自在適得自在成無量慧明不
可思引普之聖聖无有侶以入如是
究竟永在无所生身轉所習行永无
生故以轉諸行慧為元首習轉身行
以慧為首轉口習行取要言之智度
無極為大錠光大哀為首分別曉了
善權方便不棄至願為諸如來威神
所立不應休息其慧以應一切衆生
遊於無際諸佛世界宣義散結佛子
又省菩薩常修平等所逮道住不可
動搖積累一切諸佛法典身口意行

轉增進業以獲此住其力志性則轉
堅住皆以消除一切塵勞心懷仁和
力勢堅強在於元首恣化群生大哀
之力所可建立用衆生故無所望捨
益加建立大慈之力將護一切衆生
之類穩持要力而得堅住不捨衆生
其誓願力而諦得住一切佛法選擇
分別善諦建立神通之力住無限世
於諸行本擁護一切衆生之類堅住
願力遵習一切菩薩道業而无所捨
度無極力其行堅住合集一切諸佛
經典正住如來所建立力成就正覺
一切敏知以入此行如是力勢普現
一切神變無窮轉往生於一切所趣
金剛藏曰是為佛子諸菩薩業住於
慧地而不可動是謂無侶亦復号曰
不退轉地慧不迴還則謂難當一切
衆生所不能逮則童真地為無所生
為所生地所願自在為滅具地無所
造作究竟之地積累真慧則无為地
善修志願為建立地度無所作為無
財業宿世所行衆苦消去邪以降伏
如是佛子菩薩大士以入佛種承佛

功勲威神遠照由歸如來威儀至業
佛境界門常為如來之所建立得入
釋梵四天王宮金剛力士常隨侍後
逮致定力其身無限降伏色藏散无
量結以皆永離諸身行力具威無極
大神通力所行報應而得自在无限
定意受翦無量自恣由已而無所尋
如其淳淑覺度衆生所示現義以入
是行得入道場無極大慧以行大慧
神通之業常演大聖智慧光明施與
章句无罣碍界分別世界十方國土
所宣章句現一切業功勲之德發心
自在而諦思惟解去來今迴轉一切
衆魔徑路下于聖慧遊入如來州郡
境界無際國土所處講堂奉菩薩行
其所誘進无能退轉以故名曰入無
動地金剛藏曰是故佛子菩薩逮得
無動轉地常在无際見諸如來不可
稱限未曾逮逮彼行究竟成三昧定
威力所入見佛供養奉事歸命終不
忘捨於一一劫中一一世界所見講
堂各現諸佛咸各供養無央數億百
千娑佛一切施安稽首歸命以礼如

來曉了世界以為元首慕導道明啓
受法教重復加增逮佛滅度行無等
侶魏魏超絕與衆殊異諮受世界講
問宣傳遵無央數億百千姪所積德
本轉進顯耀猶如佛子此閻浮利上
明月珠又其價直一閻浮提以用著
頸為无等倫一切天下人民之衆所
著瓔珞無能及者如是佛子菩薩住
是不動轉地以此德本成其大明一
切聲聞及緣覺衆所不能逮及於七
住菩薩行業菩薩以入此道地者承
無極慧消除衆生一切塵勞剖判聖
慧微妙道門猶如佛子主于梵天所
行慈心遍大千界其光普照菩薩大
士亦復如是住此菩薩無動轉地照
耀百千諸佛刹土滿中塵數光明悉
周無量佛國照盡一切衆生塵勞稍
漸滅除心之毒垢是為佛子菩薩住
是不動轉行所宣平正菩薩功德第
八道地弘普咨嗟諸劫无際不可究
竟菩薩所住因為梵天大梵天王主
千世界聲聞緣覺菩薩所行真正莫
能逮者而度無極分別世界修无等

倫聞所講說所興因緣方便之業布施
施訖愛利人等利一切救濟常思念
佛未曾違捨衆行具足至一切智專
惟大道以何修行為衆生尊一切殊
特將順普聖覆護十方發意之須遵
如是像勤奉精進一時須臾逮具足
成十千世界百千刹土滿中諸塵
三昧正受及見十千百千三千世界
滿中塵數諸菩薩等眷屬圍繞從是
發願菩薩力勢所誓殊特靡不感動
智慧明了不可稱計如是思之億百
千娑不可限載行無量劫功勳无底
無以為喻時金剛藏菩薩大士復欲
重散分別此義即說頌曰

漸徧七住地智淨行善權諦將護導業
結立无極願積功而累德堅住人中上
志樂于聖慧轉入第八住殖德大聖慧
精進行慈愍其心無限量意念猶虛空
聞法能曉了入大聖勢力忍力無所生
寂寞順微妙所受无所起不生無有相
不滅无所壞亦無所究暢處所為自然
無本藏捨念已離心意性其思等如空
斯忍以如是所行無放逸行深要感動

逮致快怕行衆生無能解由閑居行業
執持心所想想曉了衆行念其意立若斯
心無有思想如比丘消滅逮得无所著
心之所想念猶夢所見覺若梵天具足
欲界亦如是安住本立願數數而勸衆
是為第一忍得致阿惟顏我等慧玄迥
勢力意解法彼則無我所精進勤修行
所可奉寂寞消一切愛網滅于大然熾
世俗塵勞火自識本宿願行愍哀衆生
以慧利造立用度脫梨庶常能尊此法
住本無无想佛解一切住越聲聞緣覺
世間俗威勢無及此十力唯智无能限
三世無罣碍无等倫如是天人所奉敬
合集以導化行無數慧門成就寂勝法
入無量彼岸前世行佛道假使順隨時
如是致賢明逮入殊聖地一時普周遍
至于十方界以致慧所歸逮得諸神通
猶如大海水諸天華神器心貪以永除
得立慧道業選擇諸刹土住在曉分別
四種之境界離若干貪利微細及麤獷
等入識解義一切三千界滿中衆塵數
分別衆生本四大所生身計數諸慕樂
六趣限如是解散慧境界不可攝限量

慧剖判心意至于一切心彼修己身行
故將導衆生一切三千界周普若干色
徹見衆品形然在無限世猶如日同行
在上虛空行已斯殿舍進光明普照耀
御以本無慧在法界不動梨底性清淨
道明所遍照如衆生本性其身各所在
顯現一切衆照化天世間已身得自在
勝降无性行示現安住身莊嚴諸相好
衆生土如是從罪福受身若干種聖性
成法之慧體虛無為身界受以平等業
現神足諸變消梨底衆穢十力廣自在
因慧廣无極造聖速慧明興發慈順哀
一切寂勝教以法生道業謹慎護三事
無動如須弥諸衆祐号力柔士勢无恚
是士無迴轉衆魔莫能當佛之所建立
釋梵咸奉敬其金剛力士以力勢常侍
於是土地處合德不可量億百千劫中
不能盡其限稽首歸諸佛其億數那術
成就寂上道猶嚴王者服極是道地處
菩薩斯集會得為大梵天若干界功德
宣布三乘業逮得無限侶慈心為清淨
光明慧消塵一時發心頃至百千佛土
逮諸定意元如滿刹土塵勇猛觀處所

十方化衆生所願亦如是 莊嚴尊無限
此說取要言 第八勝自在 具足億千劫
皆不能盡極

說此第八住時應時震動百億佛土
佛之威神之所建立不可思議功德
巍巍不可限量演妙光明普現一切
諸身形類照諸國土安諸衆生无央
數千諸菩薩衆住於虛空所供養具
超天上物所貢上佛玄絕殊特大神
妙天與其眷屬自在天人亦咸悅豫
以若干品而供養尊奉事德海諸天
玉女無數億千歡喜踊躍諸根和悅
以妙伎樂鼓天倡樂供養大聖斯諸
伎樂樂大神聖出如是華百千音聲
其響柔和寂寞恬怕消諸患厭離衆
穢垢捨于土地所行至真而有卓然
用衆生故遊到十方大通所顯現寂
上行志若虛空心亦如之天中之尊
人中為上覺了寂明玄妙境界无底
功勳十方嚴淨奉事道門衆祐諸子
以道顯示不可限量佛之功勳遵行
聖慧不慕徑迹於一刹土而不動移
皆周諸國無有塵垢遍趣愍傷衆生

之類為之元首滅一切嚮無所想念
所言暢音辭百千種若有聞教不肖
衆生心在下劣其意自歸彼若聞聲
至聖所現隨其本行而開化之若有
衆生諸根明達心好因緣无所志樂
為現離垢慧明之義若有衆生心抱
慙哀意懷慈仁佛在彼處勤示正行
若有衆生志在上尊意樂斯法在彼
顯示無量佛身因其化現猶如幻師
所周旋處導無央數億千城身佛
子如是樂于慧幻現一切行離諸所
有如是音聲其數百千班宣柔軟仁
和之嚮天人玉女在世歸伏默然樂
寂衆會欣豫歌頌安住功勲德攝巍
巍無量不可講論說此菩薩第八道
地奉行正法通至大乘

漸備經善哉意佳品第九

金剛藏曰且聽佛子菩薩大士諸佛
慧行無量如是轉復增加遊于寂寞
志在脫門諸如來慧長益至德又以
仁意所可修行如來秘密因可遊入
斯大道慧不可思議選擇至要摠持
清淨三昧正受放捨衆非清淨之業

導利一切成大神通弘廣殊遠分別
世界教令黎庶隻行獨步十力無畏
諸佛之法十八不共而無等倫嚴治
道本如來至真轉于法輪歸趣境土
建立大哀住於大願不捨一方入於
菩薩第九道地住此地已有不決行
善惡之心知如審諦供養經典奉事
至真以及有漏無漏之法各順俗法
度世之法修行所思不可思議傳承
究竟不決了法順從聲聞緣覺之法
奉行菩薩敬重斯道要誓隨時如來
道地以時歸至有為之法親近志在
無為之法知如審諦如是慧明覺了
所歸如審解知衆生心行所可取捨
塵勞之垢所受禍福擲取諸根所行
篤信諸種歸趣心性衆結造行之處
所生受處所居止處決了三聚業所
至奏知如審諦察衆生心所行是非
若干品心其心須臾而有進退若合
若散其心無身心不可限一切普興
心為顯耀其心若塵若无塵勞若有
縛心及與解心亦如幻化曉了其心
所歸住止因緣進退又其塵勞玄絕

遠遊療治當來等類無業諸結因緣
所遊居處心之合會在一處所若有
別離有所生處周旋現在進止行來
分別三界恩愛無明諸見病痛自大
愚癡无極罪殃斷截滅除三載之环
曉了審知入至計常八萬四千衆塵
勞行未决罪福善不善義教告无明
使乱心黨令無異業思惟衆祐以致
報應積聚衆利所親造行不失果實
所報無報黑冥清明无闇結白如是
辭語所行緣報而有齊限罪福田地
則無有量賢聖處世所行治事現在
罪福當來所習方可更歷解乘所趣
不了所趣曉解分別方便隨時常等
識知八萬四千若干品罪知審所由
所趣彼達諸根柔劣中間明了之本
取要言之隨衆生本前世宿命毀壞
之事不壞之業微妙中間下劣之行
塵勞伴黨无有財業從本行心能以
决了若不决了開化真厚諸根羅網
分別退轉攝取衆想諸相豪劣周旋
往來進退無迴解暢三世遠遊無窮
獨步无侶於若干品常以平等八萬

四十若干種根悉能知之取要言之
其篤信樂柔劣中間諸根明達常隨
諸根八萬四千所壞篤信而志暢了
若干種品諸衆生行其界柔劣中間
明達隨從諸根八萬四千諸種四大
上中下心性行善惡解暢諸根之所
歸趣彼心性行心意伴侶志造假黨
其心合會或有別離玄迥遠遊若有
自大無有自大其意調順无有衆狀
亦不態廢皆承一心脫門三昧正受
神通之宜而無合會縛著三界願至
實心不習衆行習入道門無言教矣
不倚伴黨无財業事無異无侶修治
道門審諦知正衆生之行有若干品
所生處行其行而住生地獄餓鬼畜
生之中阿須倫諸天人民之所歸處
色無色所生處想无想所生處悉了
知之罪福報由恩愛情欲无明闇冥
精神種類還復迴生名色為侶用無
道業生死愚駭親近恩好則致貪欲
慕求情愛若不慕榮衆生所樂於三
界趣意懷至實无所傷害志審諦知
志行所居所當行者如來歸趣繫習

所在從衆生行各由罪福而習塵勞
善惡未宣本末所作轉輪无際復轉
迴旋歸本所行未有遠遊難斷難斷
欲拔淫塵貪嫉虛事不可平清心明
開達乃能超出於所作事至無所有
恚審諦知於衆生行究決不決志在
邪業馳趣反見愚惑之業在於正見
定在正業除衆恐懼莫不究竟又有
五逆中間之難恚以究暢五根達趣
正真之行以捨恐懼及無究竟曉了
邪滅及正寂滅并所犯事今趣寂業
還無所歸而墮邪業迴行退轉導示
賢聖無上正道若不決了隨時散結
將護業耶當所宣布恚當知諦是為
佛子若歸此慧菩薩大士則得安立
善哉意地菩薩之住已住此地皆能
曉了一切衆生如是行業隨其積行
應當解脫而開化之能明衆生應時
教導知以勸誘聲聞緣覺化諸菩薩
說如來地從其衆生而為說法導利
度脫如其性行從本根元應當解說
而為說法因其所行更歷本末而為
開化如所乘法修思脫門因其脫門

班宣道法住此道地覩大法師之所
興隆擁護如來无極法藏彼若往詣
法師所諮入無量曉了聖慧奉行宣布
四分別辯菩薩所行隨其說法彼常
修行無所破壞菩薩大士四分別辯
遊不退轉何謂為四一日分別法二
曰曉了義三曰順次第四曰解辯才
彼所謂言分別法者明宣諸法自然
之相曉了義者能解暢法之所歸趣
順次第者說無所壞剖判諸法深遠
之慧解辯才者无所結縛知法無斷
分別辯法曉了法者謂法自然自然
之身曉了義者知以照耀咸歸經典
順次第者暢一切法當可講宣無能
斷絕分別辯者如其道教無所希望
演布无際解暢法者達現在法所宣
歸趣曉了義者知去來法報應之理
順次第者說解一切去來今法無所
破壞分別辯者一一所說而無二心
無有邊際振法光明解暢法音能識
諸法剖判衆事曉了義者分別諸義
靡不蒙慈順次第者從衆生音言辭
遠近而為說法分別辯者觀察一切

心性所行因為演經解暢法者曉知
方便明散法慧不壞衆善曉了義者
明通本無住无二慧而為梨元各各
了之順次第者而講說業聖慧財富
不可破壞分別辯者解暢衆理隨時
之義曉了本末解暢法者知一切法
其元為一失其本源隨流生死輪轉
無際曉了義者則能越度五陰四大
又十八種諸衰衆入方便解脫明十二
因緣悉無端緒順次第者宣說一切
衆生之元五趣周旋志性和雅音聲
柔軟聞者普受分別辯者演要言教
其明轉增而無邊際光明遠照去衆
愚冥莫不蒙耀解暢法者導利一品
無有若干菩薩大士興无極慈立無
盡哀開發大乘曉了義者分別諸乘
度衆齊限引迫之行坦然无侶獨步
衆會順次第者班宣一切所志諸乘
上中下學无所破壞稍引誘進入于
大道分別辯者而為一乘无有邊際
宣布正法炎照三界苦惱之厄除去
陰盖逮致三昧解暢法者奉諸菩薩
聖慧之業遵修法行道明超越巍巍

無量曉了義者敷演十住所處本末
開解學者各得其所不失志行得度
世俗靡所不通順次第者宣布法禁
各從慕求婉變道教无所破壞分別
辯者宣一切行而無邊際講說本業
至成正真不在二乘聲聞緣覺解暢
法者心自然達一切如來皆為一佛
諸力無量覺了此義由是之故因轉
法輪至一切智而有所度曉了義者
又能知識若干種類制住正真須臾分
別當所歸趣道俗是非靡不宣布順次
第者如其正覺剖判言說觀其根本
上中下行心之深淺而開化之分別辯
者所班宣法一一章句演若干義慧
無邊際不可斷絕飽滿飢虛解暢法
者普請如來所布言誨一切十力及
无所畏諸佛之法十八不共修于大
哀而轉法輪暢達無窮一切敏慧曉
了義者識知衆生八萬四千若干品
行從其志性察彼根源隨如信樂宣
如來音而為散結順次第者於一切
行无所破壞為師子吼出如來音八
部之聲聞于十方微觀无表分別辯

者暢如來慧威神光明消除衆冥闇
昧盲塞自以已行道場之力隨其信樂
而開化之各令得所金剛藏曰如是佛
子第九菩薩立九住者其惠德本巍巍
如是辯才若茲逮得如來無極道藏為
大法師造立義器為義之君獲致義句
玄妙摠持攝救三界法主摠持取要言
之聖慧神通而用拔濟照明摠持照于
十方善意摠持攝一切意如地摠持行
猶虛空威神難逮帝主摠持之要無
極法門所向摠持所遊無量迴轉摠
持周旋往來也逮若干種方便摠持
如是等類具足備悉逮十不可計百
千摠持音聲隨宜无所不達所分別
門不可限量班宣經典莫能稱載如
是摠持不可限載正法道門聞不可
計諸佛世尊現身演法聞之不忘所
聽班宣不可講論在於一一如來之
所諮受諷誦十不可計百千摠持如
一如來所可開化無有邊限如來至
真無上之法亦復如是等無有異彼
稽首頃轉復增加於無央數至真等
正覺受道法門聲聞緣覺不能稱載

所修博聞受音。總持逮此。總持者。建立恩施。以德總持於百千劫。逮如是持。獲致辯才。而以建立如斯巍巍法。與聖衆。若合會時。周滿一切三千大千世界。隨衆生心。所應當化。而為說法。處于法座。而於法座。承如來旨。逮得十住阿惟頻地。於餘一切自在。自在尊。无有侶。致于光明。靡所不耀。處于法座。須臾之間。適發意頃。則以一音。演若干嚮。普告衆會。一時之間。光從口出。其諸毛孔。宣一切音。演布道化。無所不解。照于三千大千世界。及與有色無色之界。咸演法音。余時於彼大千世界。所在衆生。一時皆來。難問義理。各各講說。質无数事。不再重啓。各得開解。彼時菩薩。一時須臾。悉受衆嚮。所宣諸音。以一言教。普告一切。取要言之。遍二三千大千世界。三四五十二五十。乃至周百三千大千。不可稱計。大千世界。光作法事。建立如來威神聖旨。常以應時。為諸衆生。興作佛事。發起得立。轉復增進。如是聖慧。受振光明。而行精進。假使一

一從諸毛孔如無邊際諸佛世界滿
中衆塵觀若干數不可限量諸佛國
土及其衆會集在道場班宣經典一
一如來與无央數衆生之類若干群
梨而為散結一一衆生心性所懷不
可稱載心各各異勸導利法因開化
之如一如來之所度脫一切如來亦
復如是等无有異猶一毛孔一切亦然
悉演法音吾等於學亦當如之廣然
其志思方等誼將導不逮一切如來
一時之間普現其身悉受法明斯皆
一音恣其所樂順所稱歎諸衆生會
充滿道場欲聽法者具足備悉吾等
於彼亦當復然智慧光明辯才通徹
清淨之業一時須臾悅解衆生其身
周旋若干世界所有衆生以逮此住
菩薩道地夙夜轉進所念無異入佛
道行逮得如來平等之教致于菩薩
深妙脫門以入斯惠常見諸佛未曾
遠離一切中觀無央數億百千姪
諸如來尊供養奉事問諸如來諮受
所演執持經典而班宣之其功德本
遂更滋茂超無等侶猶如佛子工師

絕伎能成瓔珞治文飾好以用進上

轉輪聖王尊王女寶繫在頸著魏魏

無比晃然煒煒暮處一切高臺樓上

普照天下諸四方域衆生瓔珞掩蔽

不現以獨顯耀如是佛子菩薩大士

逮得行此善哉意開士道住其功德

本轉更茂盛超无等倫過諸聲聞緣

覺之乘越初發意七八住表其德本

明消滅衆生諸塵勞心咸能炤之從

是得恩迴惡就善捨俗入道猶如佛

子大梵天光周於一切三千國土明

無不至衆人蒙耀菩薩如是住此善

哉開士道地一切德本光明之耀普

照衆生聖明遠達以道法耀消衆冥

塵咸令一切迴俗就道是為佛子諸

菩薩大士名曰善哉意第九道住平

等之教玄曠之業宣講其德无央數

劫不可究竟无能窮極菩薩大士以

住此地若為梵天若大梵王居三千

世界而得自在造立聲聞緣覺之法

菩薩之行講度无極明無有侶諮問

衆生志性本末所為道業布施惠人

愛敬仁和利人饒益等勸財共以是

四思普濟一切以斯積德常感念佛
心不違遠乃至脩志成一切智思念
不忘云何逮致於諸衆生寧尊无極
至三普聖將導不逮發意之頃如是
色像勤修精進須臾一時具足充脩
十无央數百千佛土滿中諸塵定意
正受見諸菩薩亦如十不可計諸佛
國土塵數大士眷屬集會以上妙願
道力所致諸菩薩等所願殊特感動
變化無能稱載至不可計億百千姪
無限之劫皆不可議時金剛藏欲廣
此義重散其意即說頌曰

斯力不可量 奉行佛要道 微妙慧第一
衆生難曉了 如是處秘藏 衆祐面執持
為衆生之故 得入第九住 以是逮提持
三昧无極尊 廣普神通業 又周遍國土
决解聖慧力 寧勝現處所 志願心愍哀
正住入第九 以通此道地 上勝攝持藏
真妙之法要 不分別義德 其在有漏行
及世賢聖身 斯心不可議 尊覺了至義
分別暢諸法 所思惟究竟 成就三乘事
稱量計所作 有為若无為 體解所當行
二事俱造有 順世而隨入 以入如是慧

意微妙殊特攝受衆生心思求其本末
心若干猶盡速移而迴轉其神識無限
晃耀皆遍入諸塵勞之門伴侶難療治
衆結受處所周旋親近患所作若干種
入於剖判業等下无果報因緣以消滅
有入明達根軟劣及中間壞除諸過去
下通當來義篤信无央數清淨不清淨
通周八萬行又邊四千事若入於諸種
成駭邪見塵由是受馳騁無邊不可斷
其心之結縛黨侶而俱遊斯心等思惟
縛束无窮竟志性之徑路衆結猶覆月
永無有處所亦不止宿居以故會難化
人界不反源以金剛斷截其道而無異
分部隨行入生在六趣處欲情為愛潤
無明罪福田神識為下種造行為名色
在於三界中所遊無邊際至于天坐處
隨塵勞心行一切遍周遊故復還生死
衆生處三品故使有往反諸邪見之火
便種神識迹以至如斯行因住此道地
從衆生心性諸根順應解為其說經法
班宣分別事剖判斯義理善摧真辯才
若詣法師所輒以到所居言說无所著
猶如須弥山雨為柔軟澤甘露普潤衆

覺意之根力 充滿猶如海 曉了善義慧

解法亦如是一切皆滅盡 逮得至辯才
獲明无央數 一萬諸揔持 以執衆法要
如雨於大海 如有揔持 逮清淨三昧
一時見無數 諸佛億百千 以聞於法寶
數數而班宣 言辭暢清白 自然妙音聲
須臾發意頃 知三千世界 衆會一梨廡
若干種所念 可悅一切衆 如其心諸根
所入等亦如 四方域大海 其德復超此
揔要致精進 思惟如恒沙 實為不可限
安住唯說法 化凡夫衆生 聞之尋受持
猶下種子地 假使諸衆生 處在十方界
普令此衆生 悉會坐一處 斯等性行念
皆能周遍至 則能一音聲 普以充飽足
人中尊住斯 寂上之法王 轉進悉國土
成就世尊子 恒以夙夜寧 得勝合志願
住在深妙寂 勇猛惠脫門 奉事專供養
礼諸佛億姪 成如道巍巍 莊嚴如輪轉
光耀消塵勞 所受演威明 猶如梵天光
照三千世界 功勲住於斯 持无極梵天
佛分別說解 造立於三乘 有所勤修行
愍哀於群黎 以入一切智 逮得聖慧德
國土不可計 乃至王舍城 威勢一時思

三昧遍十方觀見十方佛衆祐音柔軟
興造微妙願其心無限際是為第九住
深微妙難解安住已自演大乘之行業
淨居諸天億載來會聞如是行無上
正教住於虛空心懷踊躍恭敬謙下
承事安住諸菩薩衆無量億姪處千
虛無心中欣豫雨衆華香可悅无限
多然衆生塵勞之穢自在天王甚大
歡然住於其上億千衆俱恭敬之心
散諸妙衣梵天等寂然琦珍一心自
歸諸玉女衆無數悅顏鼓諸伎樂億
百千姪亦復作礼一切普演如是像
音衆祐眷属坐遍佛國其光明耀皆
照諸刹諸身億載若干柔軟周遍法
界靡不悉達如來至真一毛光耀其
光晃然滅衆生塵尚可數盡刹土之
塵此會人數不可稱計有時佛身微
妙諸相而以咸觀諸轉輪王復遊他
國所行處上甚好巍巍見天人聖諸
大神尊處兜術天現下母胎復以出
生雖在胎中現無數億國適生墮地
現其佛土導師本願用衆生故而復
出家得成佛道為軍正覺轉于法輪

現諸佛土無數億載猶如幻師善學
術呪將順壽命現無數術世尊如是
修學智慧用衆生故而復出家空无
寂寞本淨無相諸法平等猶如虚空
佛之教戒寂利本無示現殊勝佛之
遊居諸安住行皆為自然愍哀衆生
逮成經典諸相之相見平等相一切
諸法第一無相諸衆祐義聖慧所從
悉棄衆相有想无想所行等解諸行
速得成就衆人之上如是音響無數
億千宣仁和聲在世降伏衆魔天女
以和衆會至真寂寞如月威猛照於
天下又金剛藏演若干品時諸佛子
修于大乘十事之業當可施行諸室
宅行功勲之業見瑞應來心懷悅豫
上人聖慧咸志歌詠

漸脩經卷第四

壬寅歲高麗國大藏都監奉

勅彫造

修一切智德經卷第五

伏

西晉月支三藏竺法護譯

金剛藏問菩薩住品第十

金剛藏菩薩大士謂解脫月菩薩於是佛子菩薩大士其聖慧意巍巍無量如是行業乃至第九嚴淨道地具足清淨鮮明之法而無邊際積功累德每生自克無益衆生以何方便救濟三界善諦攝受无極慧德其无盡哀所入弘廣靡不周流分別世界明了無邊入衆生界寂寞迴旋終而復始開第一藏如來道業所思惟念力無所畏諸佛經典空無无量及一切敏慧具足成得阿惟顏此之謂也又諸佛子入如是聖菩薩之業近阿惟顏適住此已有三昧名其号無垢菩薩親具宣布法界菩薩道場名莊嚴淨名巨海藏又名海印名廣如虛空名積一切法自然名衆生心行如是等類得近百千阿僧祇定意正法適能逮得此諸定意而以正受親衆善德三昧定施衆方便以斯因緣如是定

意乃為究暢一切敏智而有殊特余
乃名近阿惟顏菩薩三昧這得近已
以是三昧十三千土而自然生百千
無極无窮奇寶清淨蓮華一切之宅
自然道寶以得超越一切法界奉行
道義至真正法具足度世衆德之本
究竟成就達玄自然又其法界善修
清淨演聖光明其莖甚大琉璃明月
珠合以越諸天無量栴檀珍寶相校
無極馬瑙紫磨真金生為華葉其明
光光不可計限蓮華照耀皆以衆寶
而合成之其上虛空琦珍之綉化交
露帳具足充滿十三千大千之土滿
中塵衆不可稱計百千蓮華羅列周
遍十方虛空其香甘美勲諸菩薩大
士身形備一切智若逮致此阿惟顏
住三昧定者尋則現坐斯大蓮華這
坐已竟乃復周遍所化一切自然羅列
諸大蓮華不可稱載諸菩薩等眷屬
圍繞坐諸蓮華周而魏魏一一菩薩
逮万百千三昧而以正受觀諸菩薩
這正受已十方一切无有邊際諸佛
刹土自然清淨諸如來等在會道場

以成教照所以者何又彼菩薩這坐
斯諸大蓮華上其下足底出十不可
計阿僧祇光照於十方至無擇獄大
泥犁中滅於衆生苦惱之患左右膝
亦如所演光明這等无異皆悉照耀
餓鬼畜生勤苦痛息左右之脅各出
無限若干光明照十方人皆為蒙耀
二手掌中各演光明照於諸天阿須
倫宮其二肩肘出二品光照衆聲聞
背腦戶頸各演光明照於十方諸緣
覺心其口面門演妙光明照於十方
諸第九住菩薩之衆眉間白毫演大
威耀照於十方一切魔宮皆令蔽冥
以阿惟顏菩薩之身遂上虛空照於
十方不可計百千三千佛土滿中塵
數十方如來衆會道場繞佛十而在
虛空中成大光明珠交露帳名曰大
光暉曜灼灼以用進奉供養如來遂
增功勲緣是供養從初發意至第九
住奉順如來寂然隨時百千億倍不
可為喻其大光明珠交露帳巍巍光
明乃至十方一切境土普布衆華香
華雜香持香衣服幢蓋幡綵布以寶

瑛明月珠玕周遍十方一切世界成
為普世其善本德無上正真雨大衆
華一一悲雨若干種物供養衆會一
切道場供養奉進十方如來衆生之
類敢有見知咸發無上正真道意斯
雨衆華微妙如是光繞諸佛衆會道
場十帀已竟入佛足下華光忽然照
諸如來衆菩薩見其佛世界立行如
斯諸菩薩号其逮阿惟顏十方无際
諸菩薩衆九住菩薩俱來會者斯諸
菩薩及與眷屬修大供養觀見此以
三昧正受至於十方觀阿惟顏衆菩
薩等莊嚴元首名曰首幻豎立金剛
降伏魔怨其一光曜演百千明各出
無數晃昱營從照於十方無邊佛土
顯大變化其光奄忽入於首幻莊嚴
菩薩元首這沒未久即時菩薩蒙其
暉曜威神力勢遂更茂盛彼時佛子復
有大光名一切慧神通聖君出諸如
來至真等正覺眉間毫相各演無限
光明眷屬照於十方無邊世界繞諸
佛土十帀竟已顯諸如來无極神足
感動變化告諸無數億百千兆娑諸

菩薩衆諸佛國土六反震動皆悉消滅一切惡趣蔽魔宮殿十方諸佛皆自然現普現一切至真正覺衆會道場威神嚴淨法界第一周遍虛空咸照一切十方世界光尋迴還上虛空中右繞一切諸菩薩衆現大嚴淨此衆光明忽然在上尋入聚會諸菩薩頂光明這沒此諸菩薩前未所更所不蒙定承佛威光輒即逮得百萬三昧此諸光明稱量時節墮菩薩上一切如來等無有異光明這沒諸菩薩成阿惟顏名曰如來至真境界也具十種力平等正覺平等若虛空猶如佛子轉輪聖王第一太子從尊真后懷胎而生其相具足應為聖王時轉輪王坐天寶象紫金牀上取四大海致海水來執大蓋覆幢幡伎樂而嚴莊之取金澡瓶轉輪聖王以四海水洗太子首體適洗浴已應時名曰聖頂蓋王轉輪王者具十善本故謂神帝為轉輪聖是為佛子菩薩大士成就大慧所以菩薩行无央數百千勤苦如是備悉其功勳慧轉復增進所立

道地名曰法雨菩薩所住菩薩若住
法雨道地解達欲界審從如有所習
色界習無色界衆生之界无識之界
有為無為界虛空之界習于法界解
了泥洹知審如有曉知諸見邪網遮
羅五趣塵勞習諸生滅衆聲聞行緣
覺之行諸菩薩行如來十力四無所
畏色身法身及一切智成寂正覺而
轉法輪示現滅度常以平等入一切
法分別越度解達諸習審如從興以
入此慧其意轉上使衆生類無自大
業又如審諦超越得度塵勞之元不
為憍慢在於俗法不懷恐懼畏若在
道法不以自大不捨大慈若聲聞緣
覺之法諸菩薩法諸如來法不以自
大於衆瞋恚歡悅之中不以增減至
真得度亦復審知佛所建立經典事
業若在塵勞順時誓願供養衆行思
惟劫數建立聖慧審如有知無所不
達其諸如來至真等正覺所入玄妙
謂慧微遠生死周旋曉了微妙現出
生時棄國捐王成家正覺變化開度
解微妙慧轉于法輪壽限長短心所

建立至于滅度法立多少恙微妙慧
又恙曉了諸平等正覺佛道處身
口心藏有時無時所行秘密菩薩受
次恩流衆生而救攝之若干種品衆
生蔽匿群黎所行諸根分部執持造
業正覺所行威神聖藏亦復曉知所
在劫數出入多少一劫百劫千劫无
央數劫恙識知之無央數劫能入一
劫又計數無數計念識之不可計數
閑靜劫限恙識念之閑靜之劫有劫
无劫無念有劫有念有無之念恙識
念之成正覺无正覺寂正覺恙識念
之去來現在去來當來過去今現在
事恙識念之現在去來未來當來長
劫短劫現平等事咸亦恙知一切諸
劫近遠年歲天地成敗不可稱載恙
亦解達諸如來等在所感動執如毫
毛又如微塵剎土諸身寂正覺慧衆
生身心所覺成慧一切普入寂正覺
慧顯示究竟現柔順慧知可思議不
可思議諸佛世界聲聞所知緣覺所
解菩薩所達及所不逮如來道明所
下聖慧而恙了之是為佛子諸等正

覺慧不可量寬弘無際菩薩住此無限道地入無窮慧又彼佛子菩薩以入如是道地入於菩薩不可思議所立脫門有名無蓋門淨境界門有名普照脫門又号如來藏号莫能當藏号入三世号法界藏号解脫道場光明照遠号遍入至無餘菩薩脫門是為菩薩造十脫門不可稱計至阿僧祇百千脫門若有菩薩住十道地尋即逮得如是三昧至億百千總持神通無限彼以是慧意了所入遊遍无量所思方便衆德徧悉彼已一時受於十方無量諸佛所宣道義演不可限聖法光明法典暉曜而雨法澤尋即受持猶如佛子海中諸龍欲雨之時餘不能任唯大海受如是佛子若入如來諸佛秘藏

余時輒能雨大法澤其餘衆生不能任受有報應緣執持衆行至第九住菩薩之業無能執任十住菩薩住此道地雨法潤澤執持一切衆生心意猶如佛子大海之中有大雨雲名勝諦无極懷抱二乘一時須臾咸放甘

雨周遍國土悉潤天下無際普地及諸大城州域大國所以者何其大海者不可限量如是佛子菩薩大士住是法雨如來一身懷抱法雨勸化二乘乃至無限諸如來慧而无央數不可思議不可稱不可量無邊无際超出無表不可引喻諸如來身一時之間振大光明聖法之雨遍潤十方誰能計知彼法雨數又問寧有能計此菩薩行在幾佛所論其法雨多少數乎須臾了耶報曰不能稱限合集引喻節限猶如佛子十方佛國不可稱計百千億姪諸佛世界滿中衆塵衆生之類其數如是如此塵限令不減少一一衆生皆使博聞逮得捻持悉為如來元首侍者也為大弟子極尊博聞猶金剛上蓮華如來至真有一比丘名曰大明建如是像博聞方便勢力堅強一一之人智各如斯普十方界衆生之類盡使如此功勲智慧巍巍無量各各咸受一切法澤於佛子意所趣云何此諸衆生博聞寧增多乎答曰無限金剛藏曰吾囑累仁

慇懃告勅菩薩得此大法雨住開士
道地一時須臾一如來身法界所雨
演三世藏無極道法是法光明斯之
前喻博聞方便百倍千倍万倍千億
万倍不可為喻如一如來十方國土
諸佛世界滿中衆塵亦復如是諸佛
之數若此塵限乃復過是從不可計
諸如來尊一時之間振大法雨光明
之輝不可比喻彼之法澤又復佛子
菩薩住此法雨道地在兜術天至大
滅度皆是如來已身誓願威神勢力
興大慈哀無極法澤放大法光發聖
經雷承六神通三達之智四無所畏
普有所照以無極燿消衆垢冥以大
功德聖慧之明斷衆疑網在若干衆
示現諸身稱舉大法不捨衆會除諸
陰蓋消滅十方一切然熾如本前說
諸佛世界所有塵數億百千姦諸佛
之土從是以往雨大甘露隨衆生心
性行所在消塵勞垢滅然熾火承彼
法澤靡不永安又復佛子菩薩得立
此大道地演以法雨從一世界至兜
率天大滅度地建立一切如來之業

隨衆生心如應開化一一世界所有
衆塵如是比數億百千族諸佛世界
下兜率天至大減度一切普立如來
之業隨衆生心應當開化慧得自在
以變神通聖明至達發意之頃近小國
土建立廣大其廣世界能現今小發意
之頃穢濁世界變令清淨清淨世界
現使穢濁一切世界亦復如是建立
所部發意之頃以用一塵現一佛土
普建一切鐵圍大鐵圍衆漸谿澗

一二三至十五十一百乃至無數諸

佛世界而建立之入在一塵雖在一

塵亦不廣大不增不減以是所造而

所示現發意之頃一佛世界嚴淨

顯示一一佛國土乃至無限一切世

界而現其身亦一念頃遍於十方一

切衆生不燒一國一佛世界衆生之

類亦復如是至不可計諸佛世界周

入十方無際佛土現入一毛无所燒

害一發意頃一切佛界現入一毛顯

示嚴淨一發意頃一時化已其數多

少如無央數諸佛世界滿中衆塵一

一所化變現已身如是無量現在手

掌以是手掌精進供養十方諸佛一手掌示江河沙華在諸祴上以用供養諸佛世尊衆香華飴雜香拈香衣被幢蓋繒絲如是一切嚴淨之業而建立之一一諸身亦化若干頭一一諸頭化若干舌咨嗟諸佛十方世尊發意之頃周遍十方一心念頃令不可計成取正覺乃至建立清淨之業大減度矣在於三世建立無數無量諸身則以已身現無央數諸佛世尊無限佛土建立清淨又現已身變於一切諸佛國土散壞合成已身建立一切普具諸佛之土著一毛孔不燒衆生發意之頃變現無際諸佛國土成為大海在於其中建衆蓮華又彼蓮華光明清淨照不可計周遍佛土又於其中化諸佛土乃至巍巍一切敏慧其身普至十方佛土日月周照一切建立光明道門所向一二諸有方面建立得見無量世界不畏衆生乃至十方散壞之時現是散壞風災變火災變水災變發意之頃示諸衆生如其所願建化色身嚴莊志性

能以已身現如來身以如來身現為已身以如來身建立已身在佛土中以已身土建在佛身佛子具聽若有菩薩住法雨道地之業現此變化及餘無數百千神變

今時彼場諸會菩薩諸天龍神捷杳和阿須倫迦留羅真陀羅摩睺勒釋梵四天王大神妙天王淨居天人各心念言假使菩薩神足道化無量魏巍之德乃如是者遊步亘然如來至真所建威化何所比乎於是解脫月菩薩知衆會者心之所念問金剛藏菩薩大士唯願佛子衆會疑網以時斷結善哉次之菩薩清淨之所顯變化而無等倫時金剛藏菩薩取一切佛土自然身威三昧而以正受這定意已應時一切諸菩薩衆諸天龍神捷杳和阿須倫迦留羅真陀羅摩睺勒釋梵四天王大神妙天王淨居天王自見已身在金剛藏菩薩體中又復觀察三千大千世界亦在其體在彼所作清淨之業不能周體億劫之中修精進行在彼佛樹其佛樹廣長

三十万里若百若三千廣普無邊具足亦如三千億刹懸迥極遠斯佛樹下道場師子座巍巍如是彼有菩薩名諸神通當成如來号曰意王詣樹道場於是會者悉遙見之所見莊嚴具足億劫嗟歎其德不能究竟以現此變尋還衆會復在故處時普衆會恠未曾有默然无言察衆菩薩寂然而住時解脫月菩薩問金剛藏至未曾有佛子此三昧定威耀乃尔境界英妙是菩薩定所号云何答曰号一切佛土自然身威又問斯三昧定以何遊行境界嚴淨答曰能徧悉行假使族姓子若有菩薩善修斯定如是像類江河沙等三千大千世界遍中衆塵諸菩薩等周滿諸三千世界自現其身若復得是法雨道地若有菩薩住此道地獲不可計百千定意无能限知諸菩薩等所現身數及諸菩薩之所奉行其善哉妙意菩薩之住不知身行口言心念其神足力亦不能知察其三世三昧所入聖慧境界變化之法所建立法不可限知常可所

行舉足下足無能知者至精進行菩薩行業住善哉妙意菩薩道地如是佛子其此法雨菩薩道地說平等時其義廣大不可限量所演正真不可思議莊宣正辭百千無際不可為喻又問佛子諸如來行境界玄妙為如何乎今諸菩薩建立所行境界神化無邊若斯答曰猶如佛子而有丈夫示其身形如四方域取之大杖如四方域若二若三手持大杖手執至石以受此石口說此言我以投石如十方塵諸佛世界乃至無限滿中衆塵寧可計知此塵數得此无極悉了所有無所不達是乃名曰平等之謂成就法雨菩薩道地乃為無量過是衆喻諸如來慧至不可計喻今乃成至真正覺則等修諸菩薩法又復佛子猶如有人取如四方域少所有土其餘無限如是佛子今吾宣說是法雨菩薩道地歌頌少所無數劫中咨歎功德欲盡其福不可暢竟何況如來之道地也吾今囑累懇懃告勅於今住在如來之前取要言之假使佛子一一

方域不可稱計諸佛世界滿中衆塵
若干佛土皆令逮得如是道住菩薩
滿中猶若甘蔗竹筴稻麻聚林是無
數劫成菩薩行合集此德以為菩薩
一聖明慧比如來智百倍千倍萬億
倍百億萬倍不可為喻是為佛子菩
薩以入如是聖慧如來至真身口心
行无有二也菩薩不捨諸三昧力也
親見諸佛供養奉事於一一劫中供
奉諸佛不可稱載一切供養无所乏
少入受道化稽歸諸佛所建立教於
彼行增而無等倫諮問法界不可計
限乃至百億百千劫猶如佛子金
師絕工作天寶冠造大瓔珞治大寶
珠自在天王著在其頸而无等倫及
餘天人瓊異寶璫終不能逮莊嚴妙
好如是如是佛子若有菩薩逮得十
住以是菩薩淨修慧行起絕無侶乃
過逮成第九道地住此道地菩薩道
光巍巍乃成一切敏慧其行無比如
是聖器莫不蒙濟猶大神妙天王光
明超越一切所生諸天之位照於衆
生心性所行菩薩如是以逮得立第

十道地法雨地住聖慧光明一切聲

聞緣覺菩薩所不能逮至第九住亦

不能及建立乃到一切敏慧導利衆

生立于道義又是菩薩以能得入如

是聖慧諸佛世尊通達三世無窮之

慧法界聖慧普遍一切諸佛世界皆

照一切諸佛國土而建立之悉知諸

法一切衆生之刹土也常以平等至

一切智逮所普解衆生悉聞是為佛

子菩薩大士名曰法雨開士十住菩

薩住斯假使得作大神妙天若為天

王說諸聲聞緣覺菩薩所度无極所

問法界則無有侶所修諸業布施愛

敬利益之理等利之義一切不離諸

佛之念乃至備足一切智念當以何

致一切衆生之寂上尊尊御普智發

意之領如是色像勤修精進一時湏

臾至不可計億百千娑諸佛國土滿

中衆塵三昧正受十不可計億百千

娑諸佛國土見諸菩薩國土滿中塵

數亦等無異眷屬圍繞從其中願菩

薩勢力殊特弘誓變化神足咨嘆功

德不可稱載所行嚴淨篤信喜樂若

有所行身所現行其眼神足音聲種
姓乃至若干億百千姪劫悉見曉了
又有佛子菩薩十住入一切智漸成
道門猶如阿耨達大池流水四河之
頂乘經水門充潤四域增長遂盛而
不可盡乃入巨海若如大海無有邊
際菩薩如是所願善本由叙徃志以
四恩義充滿衆生而開化之功不可
盡轉上增進至一切智行無邊際又
此佛子菩薩十住緣致佛慧猶如十
大山王因於大地而得自立何謂為
十一曰雪山二曰香勳三曰柯陀利
四曰嫉妬山五曰執持眇六曰馬耳
山七曰眇持八曰鐵圍九曰英意十
曰大鐵圍須弥山王其雪山者因一
切藥以為屋宅療衆生藥草不可限
計菩薩如是住悅豫地造立行業皆
了一切世間之行傳頌經典神呪之
語所立俗術化無邊際其香勳山生
一切香派衆香室則無有量菩薩如
是住離垢地成為舍宅戒聞之香守
護禁法而不可限將養戒義其柯陀
利山清淨淳實以為屋室生一切華

其花無限普受衆華菩薩如是住與光
地為衆屋室處在於世禪定脫門三昧
正受則而無限能問一切定意之宜
其嫉妬山清淨寶城是為五神通之
屋宅也無限仙人所殿居耳若干品
山菩薩如是住暉耀地為之屋宅講
說道度名無限路諮問諸慧其執持
眇山王真淨之寶鬼神神足之所屋
室諸鬼無限若干品種菩薩如是住
難勝地一切神足在所變化布說无
限無限神通馬耳山王淳以寶成因
為屋室生一切果受無數寶菩薩如
是住近目見菩薩道地則為屋宅宣
布度故諸聲聞等無際果實隨時之
宜其眇持山王是大龍神所居之室
諸龍无際有若干品菩薩如是住玄
妙地是其屋室宣布

丹注諸本此處
玄妙地各翻不

三無動地曾文全開
可驗異譯如脫略

菩薩如是住於无

動開士道地為諸菩薩自在屋室所
行獨步諮問無量十方世界也咸共
啓受英意山王淳以淨寶為阿須倫
衆大神居宅不可計數諸阿須倫菩
薩如是住善哉意地成就衆生以為

屋宅所現佛身无有邊際十方來受
究竟慧行諮問无始衆生本末輪轉
無際无邊之業其須弥山王淳用衆
寶諸神足天所居之宅諸阿湏倫不
可稱計菩薩如是住在法雨開士道
地如來十力四无所畏現不可限諸
佛之身是故佛子十寶諸山周圍大
海菩薩如是住是十地平等普智奉
一切敬猶如大海以十事成而無有
侶何謂為十一日漸脩具足二日不
與死屍而俱雜錯也三日異門降衆
四日一味之業五日無數衆寶六日
受深遠色七日廣無邊際八日受諸
大身九日隨於住時不越故岸十日
受一切雨而無厭足菩薩如是行十
事業則無雙比何等為十乃修悅豫
道行之地漸脩誓願導化群黎離垢
地業不與犯戒而俱同居興光之地
降伏世間殺生之事暉曜之地篤信
佛道莫能壞者常修等行難勝之地
善權神通不可限量誘化世俗隨其
所樂目見之地深妙因緣觀察衆生
玄妙之地解如審諦衆行无為無動

之地則能勸導无極如來嚴淨之行
善哉意地深妙脫門猶如佛子大明
月珠越十寶種所著之處靡不明曜
絕工之師善權合之磨治晃昱合貫
清淨光之鮮明永使究竟琦玕為繩
以諦之達貫之通之為作直琉璃衡
著高幢頭演其光明照於遠近帝王
所有為諸衆生攝護此寶使得蒙光
出前奉現菩薩如是發一切智心便
得通入十賢聖種一智止足樂在閑
居諦曉合德一心脫門三昧正受諦
曉合集此三清淨修治道業正法之
事善修純清善權神通剖判達了十
二緣起若干品行善權智慧執持聖
幢而得自在因演光明以慧之宜觀
衆生行至阿惟顏成近得辦寂正覺
道建立衆生使住十地尔乃名曰一
切智耳是為積累菩薩之行合集功
勲一切敏慧法門之品若有衆生無
有德本終不得聞此大道業月解脫
又問若有聞聲得值此誼為曾積累
何所功德答曰其功德福宿本往時
曾以奉行順一切智聖慧以斯不能

順、照、照不能遠不行大慈愍於一切
周深如斯恩施普護緣致積德達法
門品其明若茲覩現功勳通入積功
所以者何乃得解此又有佛子自非
菩薩不能得聞是法門品亦不篤信
受持諷誦况復奉行精進勤修降伏
成就是故佛子入一切智功勳之德
等類之人乃受持斯若得聞此法門之
品聞之則信思惟奉行勤修精進時
佛威神應時十方十億佛國如滿中
塵諸佛世界六反震動興大雷音承
佛聖旨法典思養尋雨天華薰流名
香天之莊飭天衣天寶天之瓔珞幢
幡諸天伎樂不鼓自鳴簫笛琴瑟自
然出聲過諸天物一切智聖以得親
近無為之地雨微妙供如此世界四
方之域乃至他化自在天宮自在天
王其天宮殿如是一切天下世界周
遍十方是法之說靡不流普承佛威
神其於十方十億佛國滿中衆塵世
界若干十億佛土滿中衆塵諸菩薩
等其數如是各來聚會周遍十方各
自讚言善哉善哉佛子仁乃興講是

菩薩道地法典之要吾等亦復皆同
一號為金剛藏從金剛首世界而來
至此國土其佛名號金剛幢從彼佛
來一切諸佛皆亦轉是經典之要佛
之聖旨其諸眾會亦復如是若斯章
句義理微妙形像如是其義亦然利
養之行無異不別亦无荷他吾等證
明承佛威神至此眾會如吾到此佛
之國土十方無量一切世界亦復如
斯一一佛土四方之域上至他化自
在天宮自在天王天王之宮明月之
珠寶藏宮殿如十億佛土滿中眾塵
諸菩薩數如是來會時金剛藏察於
十方諸菩薩等觀眾部會願所法界
咨嘆發起一切智心觀眾菩薩行力
清淨受一切智莊宣道行消除世垢
導利普智亦現變通不可思議諸菩
薩業功勳之德宣布此道承佛聖旨
則說頌曰

寂寞无所樂 靜定心專精 等猶如虛空
平正若惶慌 以離患猒垢 而住於道慧
聞行有殊特 諸菩薩至尊 千部眾善德
其心行億劫 供養至大聖 諸佛有百千

寂勝由自在 奉敬不可量 愍傷眾群生
興菩薩之心 精進念外路 忍辱長仁和
慙愧盛元首 功勳慧為寂 其意無垢穢
佛聖性慧明 勝力永平等 勸發菩薩心
諸眾祐三世 供養第一最 限猶如虛空
一切國清淨 平等順佛義 乃至一切法
度脫利眾生 降伏至道場 得為尊道地
發心無等倫 歡悅以離垢 消除一切惡
行微妙勢力 因成清白法 奉行慈哀心
轉進入上道 戒禁聞德富 慈心愍眾生
捨垢无所懷 則成清淨志 觀一切世間
三火為熾然 第三其志廣 超越利眾生
苦惱無吾我 及疾病瘡痛 寂滅三處苦
常消諸熾然 慕樂佛功勳 造修見瓊穢
慧弘廣照曜 以過踰眾明 心意行平淨
以達道聖智 善供於是住 諸佛億百千
等奉人中上 心寂諸功勳 降伏一切眾
以越難得勝 聖明為善權 所修智慧意
所造不可量 降伏利眾生 供養於十力
以道化群黎 親近無所生 得入第六地
眾生皆難了 進普迴世間 用身故无患
受解知有無 諸法本淨空 從十二品生
下劣念微妙 便得入第七 智慧及善權

逮得清明心 遠遊難可勝 大志難得喻
寂然本清淨 心利志變故 諸苦悉平等
超越不可動 作福罪若干 慧聖無數品
人中上為勝 建立於寂然 遭治十自然
遊行衆生界 用群萌之故 入善戒道意
於是第一微 進步一切世 救攝衆生等
行解垢塵勞 此等奉律教 則入功勳富
所行猶妙華 宣布上我慧 受如是行已
本宿行清白 至逮第九住 獲致功德慧
諸勝勸施力 慕樂上正宜 以近慧功勳
一切逮佛道 有諸十百千 三昧之無為
以得弘廣明 遊居慧甚大 然後乃遠成
普慧阿惟顏 其境界寬博 三昧致無盡
猶如成究竟 親近一切慧 大遠華無限
衆寶若干種 其身長無極 而坐在中閑
寂勝子眷屬 住立而察之 其德無數千
光明无量億 消滅於十方 衆惱諸苦患
然後元首勝 光耀億百千 人中尊衆會
越度入十方 在於上虛空 化光交露帳
即受佛衆行 隨順供養佛 於彼觀諸佛
一切解道寂 佛子阿惟顏 逮得上法宜
佛子靡不普 周旋用供養 阿惟顏如是
放演尊光明 人中上眉間 以成一切智

受光踰諸燿 逮入於斯頂 說寂滅無量

震動一切世 無擇獄衆苦 今時尋消滅

猶如吾所歸 一切諸佛道 亦若東帝王

尊上之太子 吾成就亦然 一切慧究竟

如是趣逮致 法雨豪道場 至仁住在斯

慧行不可量 衆生共嗟歎 立此覺成佛

色界无色界 欲界所諷誦 群黎之國土

法界之所讚 有為及无為 并無身之界

一切以選擇 咨嗟皆以法 於是加無極

一切無慢業 建立如是行 諸佛微妙慧

人中尊秘密 解達無數劫 猶如毛沙數

普入諸世界 人中所生 覺了聖捨家

回繞鐵圍山 成就而示現 一切歸所趣

至寂然脫門 其志所獲致 一切皆入道

志弘以住此 諸勝演法雨 一切普周旋

攝持其心意 雨一切衆生 猶如風持水

諸佛之法雨 所攬亦如是 安住以一法

弘音令得聞 於十方佛上 無數衆生種

聞衆祐奉持 一切為聲聞 無數衆時行

是菩薩博聞 行慧至勢力 蒙惟宿本行

一時須臾間 同遍億佛土 雨放甘露沛

樂滅衆塵勞 所造性仁和 諸佛之法雨

六通以住此 造越至天宮 人中上境界

示現諸十方展轉變改異無數億千劫
梵天通衆生其心行佛道聖明以立斯
舉足一步中輒至第九住所住不可移
搖持慧功勳况復畏衆生一切三界衆
成聲聞緣覺寂勝立在此亦復普示現
三界无所碍曉了法界慧皆遍一切國
衆生法无餘諸佛悉功勳亦復依三尊
聖達住於此遵習奉事佛一切十方土
周旋諸法界現目前供養奉敬衆徒類
一切成功勳如天服莊嚴賢聖以住此
照衆之慧光消滅衆愚冥為示法之目
自在明寂勝消除衆世乱諸佛子如是
光明消塵勞住此在三世普世之上尊
解道為極雄宣布三乘業一時須臾間
逮無數三昧所在十方土見不可限佛
諸佛子如是粗舉說道地若干百千劫
廣歎德无盡離垢德如是其地平等覺
所依猶如華若太山因地諸佛子第一
觀怨无瞋恨僻山頂積雪而中衆生樂
明解戒禁聞如名香流薰猶如池蓮華
因是生由然道寶無能乱輒遠聖光明
若仙處山中樂居猶自娛鬼神之妙香
逮得五神通講論六報果若如馬耳珎

其七殊勝覺如龍執瑞應以致八自在
猶如大鐵圍以入第九住微妙寂上乘
諸佛十功勳如須弥照耀具足第一願
宿布戒禁香行第三功勳如是行第四
第五之清淨第六行玄妙七意无所著
說八無央數以受第九聖其心求微慧
於行在衆生尔乃入聖慧諸佛十事身
因捻持諸法如是行大海菩薩心无瞋
以得通十行猶因本發心修十二至行
一心定第三清淨第四地則便照第五
第六壞下苦因轉至七住自在執正幢
第八為太和第九受衆行慧光明遠照
第十阿惟顏曉了寂殊勝功勳寶清和
本曾行如是能壞十方國一切悉計數
能以一心觀普解衆生心尚可以一毛
量盡於虛空歎億百千劫不能盡佛德
金剛藏日所以名曰大光定意道慧
已具成阿惟顏便徭佛道一切蒙安
猶如日明天下戴仰十方諸佛皆由
中生因其得成佛謂諸菩薩善哉善
哉金剛藏嗟歎講說此十住事衆開
士等所當施行從初發意至阿惟顏
猶月初生十五日滿衆星獨明菩薩

如是漸脩衆行五戒十善四等四恩
六度無極大慈大哀善權方便自致
成佛潤澤衆生猶如種樹生根莖節
枝葉華實衆人服食除其飢虛菩薩
如是從初發意自致成佛莫不蒙濟
普得至道猶如百穀草木果實衆藥
皆因地生菩薩如是行此十住自致
成佛度脫十方猶如大海出衆妙寶
無量之珍益於天下此經如是成就
菩薩十住道地乃使得佛德過虛空
猶如日月忽照四域天下戴仰菩薩
行此自致佛道衆生蒙恩除生老病
死無量之難患昇道堂猶如醫王療
衆人病無不除愈此經如是消衆生
類怨怒癡病使至正真如轉輪王教
化四方莫不順命菩薩如是四等四
恩化授吾我荷四大者至無所畏四
事不護心病永除猶須彌山四方之
中此經如是衆典之英道德弘明志
平等正解達無身乃至無上正真之
道度脫一切生死老病終始之患去
來今佛之所由生諸經之淵海道德
之宮藏諸菩薩行所會道堂三界衆

人所求福報其姪怒癡忽自消亡猶如虛空舍受一切諸有形類生之長之靡不因之此經如是諸菩薩等去來今佛之所由生善權智慧開化聲聞諸緣覺衆皆令得度三界黎庶悉得蒙濟三苦脫難咸得解縛普發道意入深法藏無窮法身開化十方十方恒沙諸佛國土滿中七寶供十方佛不如受是以諷誦說宣示同學報去來今諸佛之恩諸佛之地一切十方聖道德無虛空尚可度十方海可知諦數學此經典德無能限金剛藏菩薩說法如是如來悅可一切菩薩諸天龍神捷沓起阿須倫釋梵四天王大神妙天淨居天他化自在第六天宮所住猶行明月寶堂從初發心而修悅豫從一至二至三至四至五至六至七八九至十成寂正覺一切會者聞金剛藏菩薩所說莫不歡喜

漸備經卷第五

辛丑歲高麗國大藏都監奉
勅雕造

佛說兜沙經一卷

伏

後漢月氏三歲支婁迦識譯

一切諸佛威神恩諸過去當來今現在亦亦佛在摩竭提國時法清淨處其處号曰在所問清淨始作佛時光景甚明自然金剛蓮華周匝甚大自然師子座諸佛過去時亦悉於上坐儀法等无有異極相法中出生極過度已諸佛身體行悉等具足明无所復罣碍不可計佛處不可計法處不可計諸大十方人民處不可計佛刹處過去當來今現在佛等所出生也諸菩薩等各各從異國土來都大會其數如十佛刹塵一塵為一菩薩如是為限諸菩薩賜一生補處皆入十方人民典安隱皆入法處皆入十方諸刹土皆入十方泥洹慧皆入十方所作世間人宿命皆入稍稍增深菩薩皆入諸慧法中皆入内外法中皆入不動不搖法中皆入過去當來今現在法中諸菩薩輩議如是佛愛我等輩諸菩薩等所念示現我等諸佛刹

如佛所行居處阿彼聞所有現我等
諸佛剎清淨現我等如佛法清淨佛
所說法悉皆使我曹見矣現我等佛
剎成敗時使我曹悉見矣現我等佛
諸佛起出時現我等佛剎所有善惡
佛所有悉示我示現我曹十方諸有
剎土現我等諸不可計佛所說現我
等菩薩十法住現我等菩薩十法所
行現我等菩薩十法悔過經現我等
菩薩十道地現我菩薩十鎮現我等
菩薩十居處所願現我菩薩十點現
我菩薩十三昧現我菩薩十飛法現
我菩薩十印現我菩薩悉飛來時現
我佛名无有盡時佛使我皆護世間
人民十方佛諸有剎土悉清淨無瑕
穢現我佛諸所知有無有也現我諸
惡根本悉使清淨諸法悉為我說諸
所疑難皆為解之悉為解狐疑皆過
度矣諸所有欲斷之現我佛所止處
現我佛諸法所部界現我佛威神現
我佛所行現我佛筋力現我佛四事不
護現我佛三昧所入處現我佛所變
化在所為現我佛無有過勝者現我

佛所有尊号元有能及逮者現我佛
所根現我佛飛現我佛光明現我佛
智慧現我佛四事无所畏佛悉知諸
菩薩心所念佛悉現光明威神

東方極遠不可計佛刹有佛佛名阿
逝墮其刹名訖連桓文殊師利菩薩
從是刹來與諸菩薩俱數如十方刹
塵皆前為佛作礼各各於自然師子
座交路帳中坐

南方極遠不可計佛刹有佛佛名阿
泥羅墮羅其刹名樓耆洹佛陀師利
菩薩從是刹來與諸菩薩俱其數如
十佛刹塵皆前為佛作礼各各於自
然師子座交路帳中坐

西方極遠不可計佛刹有佛佛名阿
斯墮陀其刹名波頭洹羅隣師利菩
薩從是刹來與諸菩薩俱其數如十
佛刹塵皆前為佛作礼各各於自然
師子座交路帳中坐

北方極遠不可計佛刹有佛佛名阿
闍墮其刹名占倍洹檀那師利菩薩
從是刹來與諸菩薩俱其數如十佛
刹塵皆前為佛作礼各各於自然師

子座交路帳中坐

東北方極遠不可計佛刹有佛佛名
阿輸那墮國陀其刹名優彼沔羣那
師利菩薩從是刹來與諸菩薩俱其
數如十佛刹塵皆前為佛作礼各各
於自然師子座交路帳中坐

東南方極遠不可計佛刹有佛佛名
阿旃陀墮陀其刹名捷閼沔那涅羅
師利菩薩從是刹來與諸菩薩俱其
數如十佛刹塵皆前為佛作礼各各
於自然師子座交路帳中坐

西南方極遠不可計佛刹有佛佛名
鬱沉墮大其刹名羅憐沔惟閼師利
菩薩從是刹來與諸菩薩俱其數如
十佛刹塵皆前為佛作礼各各於自然
師子座交路帳中坐

西北方極遠不可計佛刹有佛佛名
阿波羅墮其刹名活逸沔曇摩師利
菩薩從是刹來與諸菩薩俱其數如
十佛刹塵皆前為佛作礼各各於自
然師子座交路帳中坐

下方極遠不可計佛刹有佛佛名楓
摩墮羅其刹名潘利沔怛那師利菩

薩徒是刹來與諸菩薩俱其數如十
佛刹塵皆前為佛作禮各各於自然
師子座交路帳中坐

上方極遠不可計佛刹有佛佛名墮
色其刹名價提拾洹那輒陀師利菩
薩徒是刹來與諸菩薩俱其數如十
佛刹塵皆前為佛作禮各各於自然
師子座交路帳中坐

文殊師利菩薩持佛威神悉遍視諸
菩薩皆遍以便舉慧言諸菩薩大衆
會何甚快耶不可復計諸佛刹佛所
居處諸所處諸所被服佛法佛說法
佛刹威神佛所行佛筋力佛刹善惡
不可計佛法何因耶十方諸佛刹土
所說道所度脫十方人諸法甚深无
極如虛空了無所罣尋何因耶是蔡
呵祇刹土四面種種人各各異身體
各各異名各各異色各各有長短久
各有壽命各各有形類各各有思想
各各有念各各異有聲各各有聞佛
聲何因是國土名波迦私提四面中
有呼佛名曰勝達中有呼世世憐陀
中有呼夷阿那泥提中有呼釋迦文

尼中有呼鼓師薩沉中有呼墮樓延
中有呼俱讀滑提中有呼摩呵沙門
中有呼晨邨愁樓提中有呼質多愁
樓提等為四面如是輩各各呼釋迦
文佛名合為万字如是十方極過去
不可復計諸佛刹都人民種種各異
語共呼釋迦文佛名佛字一一佛刹
凡各十億万字釋迦文佛從本末造
學道已來諸所教授弟子等輩時人
如是佛放光明先從足下出照一佛
界中極明現十億閻浮利天南十億
大海十億須彌山十億遮加起山十
億弗于逮天東十億俱耶匿天西十
億鬱單曰天北十億照頭摩羅天十
億忉利天十億鹽天十億堯術天十
億泥摩羅提羅鄰優天十億波羅蜜
和耶拔致天十億梵天十億梵迦夷
天十億梵弗還天十億梵迦產天十
億摩訶梵天十億盧天十億波梨陀
天十億盧波摩邨天十億阿會亘耆
天十億波栗耆訶天十億阿波摩耆
天十億耆訶天十億權呵大十億波
栗推呵天十億阿波墮訶天十億惟

于潘天十億阿惟潘天十億阿陀波
天十億須臾或音天十億呵迦膩吒天十
億阿惟先惟先尼時

如是等各各照見諸天上人所止處
敢是佛界中悉皆照明釋迦文佛都
所典主十方國一一方各有一億小
國土皆有一大海一須弥山上至三
十三天一小國土如是所部凡有十
億小國土合為一佛刹名為蔡呵祇
佛分身悉遍至十億小國土一一小
國土皆有一佛凡有十億佛皆與諸
菩薩共坐十億小國土諸天人民皆
悉見佛諸菩薩諸天人民皆持佛威
神相視如迎相見

文殊師利菩薩 復有文殊師利菩薩

羅鄰師利菩薩 檀鄰師利菩薩

羣鄰師利菩薩 佛陀師利菩薩

涅羅師利菩薩 惟闍師利菩薩

怛鄰師利菩薩 鞞陀師利菩薩

曇摩師利菩薩

如是等菩薩其所止佛刹刹極快好
其刹皆各各自有名

阿耨墮還佛 阿泥羅墮還佛

阿闍陁墮還佛

阿樓那墮還佛

阿耨陁墮還佛

瞿沉墮還佛

伊且羅墮還佛

梵摩墮還佛

惟夷羅還佛

佛說梵沙經

庚子歲高麗國大藏都監奉

勅彫造

大方廣普賢所說經一卷

伏

唐于闐三藏實叉難陀譯

如是我聞一時佛在如來神力所持之處與十不可說不可說百千億那由他佛剎微塵等菩薩摩訶薩俱前後圍繞而為說法皆已成就普賢之行普賢菩薩摩訶薩而為上首時衆會中有十菩薩摩訶薩各與十不可說不可說百千億那由他佛剎微塵等菩薩眷屬從十方處忽然出現皆坐无罣莊嚴師子之座其名曰普光藏菩薩甚深藏菩薩威德光明藏菩薩雲音藏菩薩金剛藏菩薩普音不動威光藏菩薩普名稱威光藏菩薩山王不動威光藏菩薩普現衆像威光藏菩薩十力清淨威光藏菩薩彼諸菩薩出現之時於此會中唯除普賢其餘一切菩薩大衆靡不傾動所有威光亦盡不現一一菩薩皆雨十不可說不可說百千億那由他香雲塗香雲鬘雲衣雲寶蓋幢幡雲清淨世界雲衆寶樓閣雲菩薩衆會道場

雲大光明網普照雲菩提道場莊嚴
雲如來形像袈裟雲各興如是不可
思議諸供養雲充滿法界供養如來
斯諸菩薩所坐之座衆寶莊嚴微妙
清淨於彼一一莊嚴事中普現一切
無量世界無量衆生無量諸佛無量
菩薩又現不可說不可說過去未來
無量世界及彼諸佛現坐道場為化
衆生轉妙法輪諸菩薩衆供養如來
淨修一切波羅蜜行常無斷絕今時
衆會咸作是念此諸菩薩從何世界
諸佛所來即共請問普賢菩薩時普
賢菩薩普告一切菩薩衆言諸佛子
汝等各自推其來處時無尋眼菩薩
則入普遷疾三昧遍至三昧明照法
界三昧具一切神通三昧了一切境
界三昧現一切衆生身神通三昧知
一切佛剎三昧入如是等十阿僧祇
百千億那由他菩薩三昧以三昧力
自見其身悉詣十方一切世界乃至
一切微塵塵中而不能見彼諸菩薩
所從來土及於如來修梵行處其餘
一切菩薩大衆各各別入菩薩三昧

皆不能見亦復如是咸從定起白普
賢菩薩言我等各入十阿僧祇百千
億那由他菩薩三昧了不能見彼諸
菩薩所從來處普賢菩薩復告之言
彼所從來諸佛國土甚深廣大極難
可見汝等今可更共推求時諸菩薩
一一復入十佛剎微塵等菩薩三昧
求亦不見各以其事重白普賢尔昧
普賢菩薩從座而起上昇虛空右繞
世尊無數匝已即於空中普觀衆會
作如是言諸佛子汝觀佛身無尋莊
嚴三世平等法界諸剎无不普入十
方所有一切世界一切如來一切菩
薩一切衆生一切諸趣靡不影現如
來身中隨諸衆生心之所樂悉令開
悟汝等應住普境界眼盡虛空界清
淨慧眼了一切境廣大智眼又應普
請十方一切諸佛護念皆應一心離
一切處一切依止一切執著一切諸
有觀如來身應入一力微細境界於
一境界了達一切無盡境界觀如來
身時諸菩薩敬順其教咸向如來頭
面作礼一心瞻仰忽見世尊毗盧遮

那雙足輪中有世界名法界輪其上
有佛名法界莊嚴王住世說法彼普
光藏菩薩摩訶薩與十不可說不可
說百千億那由他佛剎微塵等菩薩
摩訶薩俱從彼佛剎來此會坐於雙
跏中有世界名无尋藏其土有佛名
无尋淨光住世說法彼甚深藏菩薩
摩訶薩與十不可說不可說百千億
那由他佛剎微塵等菩薩摩訶薩俱
從彼佛剎來此會坐於雙膝中有世
界名真金藏其土有佛名金藏王住
世說法彼威德光明藏菩薩摩訶薩
與十不可說不可說百千億那由他
佛剎微塵等菩薩摩訶薩俱從彼佛
剎來此會坐於雙股中有世界名一
切寶莊嚴藏其上有佛名衆妙光住
世說法彼雲音藏菩薩摩訶薩與十
不可說不可說百千億那由他佛剎
微塵等菩薩摩訶薩俱從彼佛剎來
此會坐於其脅中有世界名毗盧遮
那藏其土有佛名毗盧遮那威德莊
嚴王住世說法彼金剛藏菩薩摩訶
薩與十不可說不可說百千億那由

他佛剎微塵等菩薩摩訶薩俱從彼
佛剎來此會坐於其心中有世界名
勝光藏其土有佛名妙相莊嚴威住
世說法彼普音不動威光藏菩薩摩
訶薩與十不可說不可說百千億那
由他佛剎微塵等菩薩摩訶薩俱從
彼佛剎來此會坐於兩肩中有世界
名金色其土有佛名金色王住世說
法彼普名稱威光藏菩薩摩訶薩與
十不可說不可說百千億那由他佛
剎微塵等菩薩摩訶薩俱從彼佛剎
來此會坐於其口中有世界名妙寶
莊嚴其土有佛名无量光嚴王住世
說法彼山王不動威光藏菩薩摩訶
薩與十不可說不可說百千億那由
他佛剎微塵等菩薩摩訶薩俱從彼
佛剎來此會坐於其眉間有世界名
法界無盡藏其土有佛名三世無盡
智住世說法彼普現衆像威光藏菩
薩摩訶薩與十不可說不可說百千
億那由他佛剎微塵等菩薩摩訶薩
俱從彼佛剎來此會坐於其頭中有
世界名覆持不散其土有佛名寶花

積住世說法彼十力清淨威光藏菩薩摩訶薩與十不可說不可說百千億那由他佛剎微塵等菩薩摩訶薩俱從彼佛剎來此會坐時諸菩薩既見如是无盡世界如來道場菩薩衆會佛神變已一一皆得法界藏三昧等十佛剎微塵數諸大三昧一切法地陀羅尼等十佛剎微塵數諸陀羅尼離垢藏般若波羅蜜等十佛剎微塵數諸波羅蜜力電光等十佛剎微塵數一切智電光時普賢菩薩復告大衆諸佛子此法唯是行普賢行為善知識所攝受者乃得聞見是故汝等於此法門作金剛心增上意樂說護持讀誦勿令忘失說此法時彼諸菩薩摩訶薩等歡喜信受

大方廣普賢所說經

庚子歲高麗國大藏都監奉
勅彫造

菩薩十住行道品一卷

伏

西晉三藏竺法護譯

曇昧摩提菩薩持佛威神便於佛前
於是阿難波渝迦三昧悉見十方諸
佛十方諸佛者其數如千佛剎塵等
一塵者為一佛剎一佛剎如是十方
四面見十方諸佛皆悉言善哉善哉
曇昧摩提菩薩十方諸佛皆賜與智
慧悉語曇昧摩提菩薩言是釋迦文
佛前世本願所結成功德威神使若
益諸經益者佛威神益深入經處悉
示諸十方虛空法心無所著悉入無
所罣碍中悉入大道中疾近逮佛悉
知諸經諸十方人所思想悉學知十
方諸所說經皆悉知用是故悉為諸
菩薩等說菩薩十法住悉及得持佛
威神悉能說尔時曇昧摩提菩薩所
語說無所罣碍無所難也无有盡賜
時無有能外量者无有極止時無有
能逮者无有能得長短者未曾有忘
時無不得明者悉等無異无有懈慢
時衆所不能及時是三昧力十方諸

佛等皆各各伸右手著曇昧摩提菩薩頭上以曇昧摩提菩薩使於三昧中覺便語菩薩言諸佛子皆聽菩薩舍甚大恙如虛空經處何因菩薩舍甚大過去諸佛恙那中生當來諸佛恙那中生今現在諸佛恙那中生何因菩薩入大道中從何因緣入是大道中何因正令菩薩有十法住用分別如過去當來今現在佛等所說何等為諸菩薩十法住

第一者波藍耆梵波菩薩法住

第二者名阿闍浮菩薩法住

第三者名渝阿闍菩薩法住

第四者名闍摩期菩薩法住

第五者名波渝三般菩薩法住

第六者名阿耆三般菩薩法住

第七者名阿惟越致菩薩法住

第八者鳩摩羅浮童男菩薩法住

第九者名渝羅闍菩薩法住

第十者名阿惟顏菩薩法住

一何等為波藍耆梵波菩薩法住者上頭見佛端政無比視面色无有厭時無有及逮者尊貴无有能過者飛無

有能過者所教授無有能過者是菩薩見佛威神儀法如是使稍入佛道中轉開導之皆隨其意教度既見勤苦者皆慙傷稍稍近曉佛語信向之新發起意學佛道志欲得了佛智十難處志欲逮得知之何等為十難處十種力波藍耆兜波菩薩教有十事何等為十事一者當供養佛諸菩薩二者隨其所樂當教語三者所生處皆尊貴四者天上天下一無有能及者五者佛所有智志當逮得六者波羅世所生處常見無央數佛七者所有深三昧經志當逮得八者死生道無邊幅處以來九者命既去不久十者若志當度脫十方人所以者何益入於佛法中故

二何等為阿闍浮菩薩法住者有十意念十方人何等為十意一者志念世間人善二者淨潔心三者皆安隱心四者柔軟心五者志愛等六者心念但欲施與人七者心志當護八者心念人與我身无異九者心念十方人我觀如師十者心念十方人視如

佛阿闍浮菩薩法當多學經既多學
經以當獨處止既獨處止當與善師
從事既與善師從事當在善師邊既
在善師邊當易使既易使當隨時既
隨所作為當勇所作為既勇當學入
慧中既學入慧中以所受法當悉持
既當悉持法當不忘既不忘當安隱
處止所以者何益於閤傷十方人故
三何等為渝阿闍浮菩薩法住者入於
諸法中用十事何等為十事一者諸
所有皆无常二者諸所有皆勤苦三
者諸所有皆虛空四者諸所有皆非
我所五者諸所有皆無所住六者諸
所有皆无利七者諸所有皆無所止
八者諸所有皆无有處九者諸所有
皆無所著十者諸所有皆无所有諸
法悉入中不復還渝阿闍浮菩薩教法
悉當念於十方人念於十方人已悉
當念法處念法處已悉當念諸佛刹
念諸佛刹已悉當念地法念地法已
悉當念水法念水法已悉當念火法
念火法已悉當念風法念風法已悉
當念欲法念欲法已悉當念色法念

色法已當念無有欲色法處念无所
欲色法處已心无所貪所以者何用
是故志當法明

四何等為闍摩期菩薩法住者常念
於佛處生有十事何等為十事一者
不復還二者多深慈於佛三者深思
惟法四者皆視十方人慈心五者思惟十
方了无所所有六者十方佛刹皆虛空
七者宿命所作了无所所有八者諸所
有皆虛空譬如作幻耳九者諸所有
勤苦無所有十者泥洹虛空无所所有
用是故生於佛法中是為闍摩期菩
薩教法過去諸佛虛空无所所有當來
諸佛虛空无所所有今現在諸佛虛空
无所所有過去諸佛法無所有當來諸
佛法无所所有今現在諸佛法无所所有
過去諸佛法念從何所出生索了无
所有當來諸佛法念從何所出生索
了无所所有今現在諸佛法念從何所
生索了无所所有諸佛法等志了无所
有所以者何是三世法等皆了無所
有一

五何等為波渝三般菩薩法住者所

作功德悉度十方人有十事何等為
十事一者悉護十方人二者悉令十
方人善三者悉念十方人命安隱四
者悉愛十方人五者悉哀十方人六
者悉教十方人莫使作惡七者悉引
十方人著菩薩道中八者悉清淨於
十方人九者悉度十方人十者悉脫
十方人令般泥洹不可復計十方人
不可復數十方人不可復議十方人
不可復稱十方人不可復量十方人
了不可議說十方人何等為十方人
者都盧十方人皆虛空人皆非我所
人皆無所有人皆所有皆无他奇所
以者何心無所著故

六何等為阿耨三般菩薩法住者有
十法深慈心哀何等為十法一者用
說佛善惡心无有異二者說法善說法
惡心无有異三者說菩薩善說菩薩
惡心無有異四者求菩薩道人共相
道善惡心无有異五者中有人言十
方人多十方人少心无有異六者都
十方人轉相道善惡心无有異七者
中有人說言十方人易脫難脫心無

有異八者說法多說法少心無有異
九者說法壞說法不壞心無有異十
者有法處无法處心無有異是菩薩
當學是諸法无有處復有十事何等
為十事一者諸法无有處二者諸法
不可得見處三者學諸法譬如化作
四者諸法皆虛空五者諸法若干種
虛空六者諸法無有罣碍極虛空處
七者諸法譬若幻所化八者諸法譬
夢中所有九者諸法不可計十者諸
法無所有不可得視所以者何益深
入佛法中无有能勝者

七阿惟越致菩薩者何等法住菩薩
聞十事堅住何等為十事一者有佛
無佛不動還二者言有法无法不動
還三者有菩薩无菩薩不動還四者
有求菩薩道者無有求菩薩道者不
動還五者持是法得持是法不得不
動還六者有諸過去佛无諸過去佛
不動還七者有諸當來佛无諸當來
佛不動還八者有諸現在佛無諸現
在佛不動還九者佛智慧盡佛智慧
不盡不動還十者過去世事當來世

事今現在世事乎若干種乎一種心終不復動還是菩薩當教令學此十事何等為十一者向一慧入若干慧二者持若干慧入一慧三者一慧入若干事四者從若干事入一慧五者持十方人處虛空六者持虛空皆入十方人七者持思想入不動搖八者持不動搖入思想中九者持虛空入想中十者持想入虛空中所以者何諸功德法悉入中用是故不復動

八鳩摩羅浮童男菩薩者為何等法住菩薩於十事中住何等十一者身所行口所言心所念悉淨潔二者无有能得長短者三者心一及念在欲生何所四者十方人知誰慈心者五者十方人所信用悉知六者十方人若干種悉知七者十方人所作為悉知八者諸刹土成敗悉知九者神足念飛在所到十者諸法清淨學是菩薩當復學十事何等為十事一者當學知諸佛刹佛刹二者當學感動諸佛刹三者當學自在所作威神四者當學視諸佛刹五者當學從一佛刹

復至一佛刹六者當學往到无央數佛刹七者當學知無央數法在所問八者當學變化辟如幻自在所作九者當學佛音聲響十者當學一反念供養无央佛所即悉遍至到所以者何入於一法中多所遣

九者渝阿羅閻菩薩者何等法住菩薩用十事得何等為十事一者諸十方人所出生悉知二者十方人所繫恩愛悉知三者十方人所念本末所從來悉知四者十方人所作為宿命善惡所趣向悉知五者若干種諸法悉知六者十方人所念若干種變化悉知七者諸佛刹壞敗善惡悉知八者過去當來今現在无央數世事悉知九者十方人等不等悉知十者教授十方人說虛空法悉知是菩薩復有十處當學知何等為十處一者佛法宮當學二者造佛法宮當學三者佛宮中所有當學四者佛宮中所教勅當學五者佛所出入宮當學六者法宮當學七者法王宮當學八者法所教勅當學九者安行法王當學十者更

造作法中王所教勅當承用學所以
者何心稍稍入佛大道中所聞法自
用教

十阿惟顏菩薩者為何法住菩薩入
於若干智中悉分別知何等為十智
中一者當何因感動无央數佛剎二
者當明無央數佛剎中事三者我日日
當置无央數佛剎中菩薩四者我日日
當度无央數佛剎中人五者我當安隱
無央數佛剎中衆生六者十方人無央數
皆聞我聲七者悉知十方人民八者十方
人所思想善惡我悉當知九者十方
人我悉當內佛道中十者十方人我
悉當度脫渝羅闍菩薩不能及知阿
惟顏身所行口所言心所念所作為
了不能及知阿惟顏菩薩事不能及
知神足念不能知飛亦不能逮知阿
惟顏菩薩過去當來今現在事亦不
能逮知所念佛剎亦不能逮知心所
念所行為智慧用十事渝羅闍菩薩
不能逮知阿惟顏菩薩所行事是阿
惟顏菩薩逮入佛十智中何等為十
智中一者過去當來今現在無端堅

從佛學二者諸佛法悉具足從佛學
三者諸法處無所罣碍從佛學四者
諸法處无邊幅無崖底從佛學五者
諸所有刹土我悉當護持是功德威
神從佛學六者不可復計刹土處无
邊幅悉當明知從佛學七者十方無
央數佛刹悉當安隱從佛學八者十
方人所行為悉當從佛學九者諸法
智慧悉入中從佛學十者佛所有智
慧悉當知從佛學所以者何悉具足
知皆曉了佛智慧都无所復從誰學
道是為阿惟顏以十法菩薩行道如
是

菩薩十住行道經

辛丑歲高麗國大藏都監奉

勅雕造

諸菩薩求佛本業經一卷

伏

西晉優婆塞聶道真譯

若邨師利菩薩問文殊師利菩薩菩薩何因身有所行不令他人得長短口所言不令他人得長短心所念不令他人得長短何緣身不法他人長短口不說他人長短心不念他人長短持是身所行口所言心所念衆阿羅漢辟支佛及諸天人世間人民所不能及知身所行口所言心所念无能逮者無有能動轉者身所行口所言心所念无有能害者身所行口所言心所念皆成就遂意身所行事淨潔口所言淨潔心所念淨潔身所行無瑕穢口所言无瑕穢心所念無瑕穢身所行智慧在上頭口所言智慧在上頭心所念智慧在上頭生時端正生時智慧生時布施生時種類中好生時於尊貴家生時面色好生時善相與衆異意所念皆强多所護持不忘无所愛惜高才猛健猛中尊猛中貴猛中勇猛中勇猛猛中无有

比所識為無有能斟量者所議元有

央數所議為不可計元有邊幅無有

能勝者慈愛於佛經皆前世筋力行

所致多所出入語者人皆信用之無

有不敬附者身所行元有不淨繫者

諸所視經無有不了知者一心降意

思惟明曉迴念入禪出入五音中入

於四事中入於三事中入於十二事中

過去當來今現在所出生福祐功德

中入於七覺意中入於虛空无常無

所罣碍中入於六波羅蜜經中悉具

足念善慈愛愍傷等心悉无所憎愛

入於十種力慧中為諸天梵釋阿須

輪鬼神龍所供養悉愛護十方人諸

有驚怖者皆歸仰得解諸有恐懼急

緣者元不得安隱者明於十方如燈

火如炸火如大火如日月過度諸世

間人如船佐如船中人有尊師於諸

天世間人民蛸飛蠕動之類極善極

豪都於大衆中寂獨尊雄中復重雄

極上无有與等者如是法當何以致之

文殊師利菩薩謂若那師利菩薩言

善哉善哉佛子所問乃尔極大慈愛

多所度脫乃作是發意問所問者皆有佛子菩薩身所行有口所言有心所念有意所念道諸所施行功德悉可得未曾增減佛經時過去當來今現在佛悉受得之皆從是起成皆使世間人民悉安隱諸所說經悉諦受諸所有宿命惡悉消盡諸經悉受得之諸所有皆快諸所有皆好无有與等者如是佛子行於大道者悉皆得之

菩薩居家法心念言十方天下人皆使莫為愛欲所拘繫悉入虛空法中菩薩孝順供養父母時心念言十方天下人皆使早得佛道以當度脫十方天下人皆使諸有愛欲悉消去菩薩居家有所思時心念言十方天下人皆使脫於愛欲中得道極過度菩薩居家相娛樂作音樂時心念言十方天下人皆使聽受諸經悉得聞如是作音樂時欲聽聞菩薩著七寶時心念言十方天下人皆使脫於重擔去悉得止休息菩薩在姝女中相

娛樂時心念言十方天下人皆使悉
入佛經中拔棄於婬泆菩薩在樓上
時心念言十方天下人皆使上佛經
講堂上悉受諸經无有與等者菩薩
布施時心念言十方天下人皆使諸
所有但欲施與人无有貪愛者菩薩
與妻子恩愛時心念言十方天下人
皆使早脫去於婬泆惡露悉弃捐令
覺知入虛空中菩薩惠貺家中時心
念言十方天下人皆使早得脫解无
所復拘著菩薩棄家行學道時心念
言十方天下人皆使得出去莫復還
入愛欲中无所復貪若菩薩到佛寺
時心念言十方天下人皆使但念佛
悉入諸經中无所復罣碍菩薩至師
和上所時心念言十方天下人皆使
心所念善无有不得者悉入正經中
菩薩索作沙門時心念言十方天下
人皆使所至到悉令得成就莫復中
悔止菩薩去白衣時心念言十方天
下人皆使極照明於功德中莫令有
懈怠菩薩受袈裟時心念言十方天
下人皆使无所沾汙持心如佛菩薩

剃頭髮時心念言十方天下人皆使
垢濁悉除去莫復與共會菩薩作大
沙門時心念言十方天下人皆使還
漚和拘舍羅波羅蜜悉得經菩薩作沙
門時心念言十方天下人皆使作沙
門時令如佛悉度十方天下人菩薩
持戒時心念言十方天下人皆使護
持禁戒莫令犯如法菩薩受和上時
心念言十方天下人皆使念所知禪
極過度无所一罣尋菩薩受師時心
念言十方天下人皆使所作悉為狎
習如所教法持不失菩薩自歸於佛
時心念言十方天下人皆使无不歡
樂於佛法悉生極好處菩薩自歸於
經時心念言十方天下人皆使無不
得深經藏所得智慧如大海菩薩自
歸於僧時心念言十方天下人皆使
无不得依度如比丘僧有所依度樂
於佛道德菩薩開戶時心念言十方
天下人皆使早開天門入佛經門莫
復厭還者及自到佛涅槃道菩薩入
室中時心念言十方天下人皆使得
度脫所居止處早如佛所止處早速

得深經衆阿羅漢辟支佛所不能及
菩薩開戶時心念言十方天下人皆
使早閉塞惡道門諸所有宿命惡悉
燒盡菩薩敷牀時心念言十方天下
人皆使早入至深經中悉視十方人
虛空菩薩坐時心念言十方天下人
皆使坐安如佛坐於師子座上時莫
令心有所著菩薩正坐時心念言十
方天下人皆使入正功德中无令有
狐疑增減佛經中菩薩喘息時心念
言十方天下人皆使喘息定成止足
菩薩偈念觀時心念言十方天下人
皆使當作是念見无常法菩薩起坐
時心念言十方天下人皆使所見虛
空法无有不了知者菩薩足蹈地時
心念言十方天下人皆使住安隱不
復動搖菩薩著泥洹僧時心念言十
方天下人皆使檢持功德悉愧於世
間諸所有早令得佛道菩薩繫帶時
心念言十方天下人皆使結諸功德
悉令堅菩薩被安和時心念言十方
天下人皆使重益得諸功德悉入諸
經中極過度去菩薩被震越時心念

言十方天下人皆使常樂喜於佛經
未曾有離時菩薩持楊枝時心念言
十方天下人皆使學諸經悉淨潔得
菩薩漱口洗口時心念言十方天下
人皆使諸垢濁悉淨潔去清淨住菩
薩左右時心念言十方天下人皆使
棄衆惡斷絕婬泆瞋恚愚癡菩薩行
至水時心念言十方天下人皆使上
佛經悉淨潔菩薩持水行時心念言
十方天下人皆使無不謹勅軟好心
淨潔菩薩澡手時心念言十方天下
人皆使軟好手取諸經道法菩薩洗
面時心念言十方天下人皆使入佛
經道面門莫令有瑕穢菩薩向出門
時心念言十方天下人皆使逮所求
索悉疾得无所復罣尋菩薩向道時
心念言十方天下人皆使早得佛莫
復令還菩薩行道時心念言十方天
下人皆使入无底經中悉深入經淨
潔身體无所罣尋菩薩行道上坂時
心念言十方天下人皆使喜樂佛經
無有厭極時菩薩行道下坂時心念
言十方天下人皆使入佛大道中悉

貫諸智慧菩薩行曲道中時心念言
十方天下人皆使莫有邪念无令有
惡口菩薩行直道中時心念言十方
天下人皆使心念正道無令有諛諂
菩薩見揚塵滿道時心念言十方天下
人皆使諸欲去常得明經菩薩見淹
塵滿道時心念言十方天下人皆使常
柔軟心恙得諸慈哀菩薩見陰涼樹
時心念言十方天下人皆使諸所惡
法悉除去通利入佛經中恙覺知菩
薩見講堂精舍時心念言十方天下
人皆使聽受諸經恙入中菩薩見林
大樹時心念言十方天下人皆使無
不歸仰供養者天上世間皆恙然菩
薩見山時心念言十方天下人皆使
心念高才明諸功德法无有能勝者菩
薩見棘樹時心念言十方天下人皆
使疾遠離於婬泆瞋怒愚癡菩薩見
菜樹時心念言十方天下人皆使道
覆蓋得禪迴入三昧菩薩見華樹時
心念言十方天下人皆使莊身得三
十二相菩薩見寶樹時心念言十方
天下人皆使得華寶恙具足於佛經

中菩薩見流水時心念言十方天下人皆使入佛經流洲中悉得佛智菩薩見井時心念言十方天下人皆使早開經門一味無有異菩薩見汲水時心念言十方天下人皆使所道智悉具足開入功德法中菩薩見泉水時心念言十方天下人皆使所問慧者多所解悉會於佛經道中菩薩見大水時心念言十方天下人皆使悉重持諸功德法无有盡斲時無有能過者菩薩見橋梁時心念言十方天下人皆使得諸經極過度人如橋梁過人无有極止時菩薩見宅舍時心念言十方天下人皆使遠離於愛欲十方人心所念者皆悉知菩薩見園時心念言十方天下人皆使心无所拘著不樂於五音樂五所思菩薩見果園時心念言十方天下人皆使心無所愁憂悉得深智本根菩薩見戲園時心念言十方天下人皆使无不精進者莫令離於佛諸經菩薩見莊嚴大衆出時心念言十方天下人皆使莊嚴於三十二相悉逮得菩薩見人

愁憂時心念言十方天下人皆使莫
復愁憂菩薩見人樂時心念言十方
天下人皆使樂喜深經菩薩見人不
樂時心念言十方天下人皆使恩愛
无所著菩薩見人安隱時心念言十
方天下人皆使安隱逮得如佛安隱
菩薩見人勤苦時心念言十方天下
人皆使滅癯諸勤苦悉見正真道菩
薩見人強健時心念言十方天下人
皆使強健如佛時身強健菩薩見人
病時心念言十方天下人皆使念无
常悉入虛空中盡究竟於佛經莫復
還菩薩見端正人時心念言十方天
下人皆使愛樂於佛經菩薩見醜人
時心念言十方天下人皆使莫墮醜
惡中菩薩見報恩時心念言十方天
下人皆使報恩於諸菩薩菩薩見不
報恩人時心念言十方天下人皆使
无有慳貪悉示人於正道菩薩見沙
門時心念言十方天下人皆使受諸
經悉究竟得菩薩見異道人時心念
言十方天下人皆使諸惡根本悉消
盡錫究竟諸經菩薩見仙人時心念

言十方天下人皆使所求願盡悉得
所作爲皆成足菩薩見被鎧人時心
念言十方天下人皆使受鎧悉具足
於佛經菩薩見愚鈍時心念言十方
天下人皆使黠健所作爲莫墮衆惡
中菩薩見講經時心念言十方天下
人皆使所聞知无不解慧者菩薩見
帝王時心念言十方天下人皆使自
致爲經中王自然轉經說道无有休
絕時菩薩見太子時心念言十方天
下人皆使作佛子常化生於經中菩
薩見公卿時心念言十方天下人皆
使明於深經中所問慧莫不解遣承
用者菩薩見旁臣長吏時心念言十
方天下人皆使念正莫用有惡无令遠
離於諸菩薩菩薩見城時心念言十
方天下人皆使身體无有與等者悉
令人善無有能過者菩薩見宮闕時
心念言十方天下人皆使樂明於心
常念與善功德相值菩薩見持錫杖
時心念言十方天下人皆使常作善
爲人所仰常欲施與人教人爲善法
菩薩持鉢時心念言十方天下人皆

使多所饋遺悉受所供養皆入於元
底功德中菩薩行分越時心念言十
方天下人皆使入佛法處无有忘誤
時菩薩至人家門時心念言十方天
下人皆使至佛經明菩薩入門內時
心念言十方天下人皆使入佛智慧
內菩薩未受飯食時心念言十方天
下人皆使無有逆難悉入般若波羅
蜜經中菩薩未得飯時心念言十方
天下人皆使莫復墮泥犁禽獸辟荔
監樓惡道中菩薩見空鉢時心念言
十方天下人皆使空於愛欲中菩薩
見滿鉢時心念言十方天下人皆使
滿諸功德中菩薩見受飯鉢時心念
言十方天下人皆使奉行佛道事菩
薩見慙愧人時心念言十方天下人
皆使無不慙愧於愛欲者菩薩見不
慙愧人時心念言十方天下人皆使
心所念惡悉棄捐莫不慈哀者菩薩
得美食時心念言十方天下人皆使
所願无不悉得者心無沾汙菩薩得
麁飯食時心念言十方天下人皆使
柔軟心無不慙傷者菩薩飯時心念

言十方天下人皆使如禪食足常飽
於經菩薩食味時心念言十方天下
人皆飽味如佛喉咽所化味時悉令
逮得於甘露名經菩薩飽已時心念
言十方天下人皆使所作為悉成足
入佛經極過去菩薩說經呪願時心
念言十方天下人皆說所道无有盡
時悉入佛諸深經中菩薩說經呪願
已出去時心念言十方天下人皆使
出於三處色无常空中悉受得佛智
慧菩薩入水時心念言十方天下人
皆使入佛智慧中過去當來今現在
悉平等菩薩浴時心念言十方天下
人皆使洗除心垢悉令去明極照至
邊菩薩見熱時心念言十方天下人
皆使遠離於熱極過度去菩薩見寒
時心念言十方天下人皆使作人中
將得極明涼好處菩薩見誦經時心
念言十方天下人皆使解於諸經處
盡求索智悉攬持諸慧菩薩見佛時
心念言十方天下人皆使與諸佛共
會心无所罣碍菩薩上向覩佛時心
念言十方天下人皆使眼所覩無所

星尋見無極處菩薩為佛禮拜頭
著地時心念言十方天下人皆使無有
能遠見佛頭上者天上天下菩薩拜
起正視佛時心念言十方天下人皆
使行經无有與等者菩薩繞佛一帀
時心念言十方天下人皆使繞極善
所作為皆究竟偈經明菩薩繞佛三
帀時心念言十方天下人皆使所作
為心常勇未常遠離於佛道菩薩稱
譽佛功德威神時心念言十方天下
人皆使所作為功德不可計威神不
可計功中極過度菩薩洗足時心念
言十方天下人皆使悉得佛神足念
飛无所復星尋悉入具菩薩稱譽佛
相時心念言十方天下人皆使身體
悉具足如佛經身菩薩卧坐時心念
言十方天下人皆使不復繫於愛欲
勤苦中悉淨潔菩薩覺起時心念言
十方天下人皆使得佛智慧得十
力是為菩薩常所行道

是釋迦文佛刹凡有百億釋提桓因
垣皆切利天上悉各思想欲請佛諸
釋提桓因垣皆為佛於紫紺正殿上

施七寶師子座以天所有名好劫波
育雜色若干種絕殊好皆敷著座上
皆施絕好交露帳皆各於適已佛即
悉知之佛便分身威神悉皆在百億
忉利天上釋提桓因壇外門一一釋
提桓因壇皆有一佛凡有百億佛皆
與諸菩薩等俱諸釋提桓因壇皆大
歡喜悉出迎為佛作禮請佛入佛即
與諸菩薩等俱入至紫紺正殿上帳
中坐諸菩薩等悉各於二七寶蓮華
師子座交露帳中坐佛續在是百億
小國土與諸菩薩共坐威神不動十
方諸菩薩大復夾會

曇昧摩提菩薩 復有曇昧摩提菩薩
師利摩提菩薩 俱那摩提菩薩
墮夜摩提菩薩 沙頭摩提菩薩
若那摩提菩薩 沙遮摩提菩薩
阿迦摩提菩薩 沙羅摩提菩薩
薩和摩提菩薩

諸菩薩求佛本業經

庚子歲高麗國大藏部監奉

勅彫造

佛說菩薩本業經一卷

八

吳月氏優婆塞支謙譯

聞如是一時佛遊於摩竭道場初始
得佛光景甚明自然蓮華寶師子座
古昔諸佛所坐皆尔道德威儀相好
如一身意清淨福行普具明所徹照
人刹法處去來現在無復罣碍成興
於世一切悉等時會菩薩盡一生補
處神通妙達周遍十方導利衆生開
佛法藏示泥洹要都入人根宿命智
德善權方便訓化以漸解内外法終
始不搖等諸佛土无所分別讚揚佛
名不可稱極三塗之事靡不貫達至
皆歎曰佛念吾等建立大志能悉現
我諸佛世界所有好惡殊勝之國佛
所遊居興隆道化光明神足教訓天
人啓示法意佛之本業十地十智十
行十投十歲十願十明十定十現十
印斷我瑕疵及諸疑妄悉為我現佛
行佛智佛神佛力佛定無量變化隨
時四事不護四无所畏十八不絕一
切政慧無上道德衆事敷露

東去无極 有香林剎 佛名入精進
菩薩字敬首 南去無極 有樂林剎
佛名不捨樂 菩薩字覺首 西去无極
有華林剎 佛名習精進 菩薩字實首
北去無極 有道林剎 佛名行精進
菩薩字慧首 東北无極 有青蓮剎
佛名悲精進 菩薩字德首 東南无極
有金林剎 佛名盡精進 菩薩字目首
西南无極 有寶林剎 佛名上精進
菩薩字明首 西北无極 有金剛剎
佛名一乘度 菩薩字法首 下方无極
有水精剎 佛名梵精進 菩薩字智首
上方无極 有欲林剎 佛名至精進
菩薩字賢首

是賢首等皆彼第一各與无數上人
俱來稽首佛足坐一面蓮華上彼時
敬首菩薩承佛聖旨歎曰快哉今上
人會為未曾有觀其所止佛國清淨
至於被服如來德戒修行微妙成覺
根力演說經法得佛威神隨剎清濁
度人无極分流道化靡不周而於此
佛土國殊別者億百千姦賢愚好醜
長短壽夭種種言異皆聞佛德各自

名之或有名佛為大聖人或有名佛
為大沙門或号衆祐或号神人或稱
勇智或稱世尊或謂能儒或謂昇仙
或呼天師或呼軍勝如是十方諸天
人民所稱名佛億万無數此皆佛本
發意以來班宣道化所誨之徒也

是時佛放足下相輪光明悉照佛界
諸小國土一小國土者一須弥山日
月運繞照四天下東弗于逮南閻浮
提西拘耶尼北鬱單越四周大海鐵
垣圍表上有二十八天如此者為一
小國土周匝十方合有百億是時悉
現百億須弥山百億日月及四天王天
忉利天炎天兜術天不憍樂天化應
聲天梵天梵衆天梵輔天大梵天清明
天水行天水微天水無量天水音天約
淨天遍淨天淨明天守妙天微妙天廣
妙天極妙天福愛天愛勝天近際天
善觀天仗見天无結愛天識慧天無
所念慧天至二十八無色天各有百
億此為一佛刹号曰忍世界釋迦文
佛分身百億悉遍其中於時天人觀
衆小國諸佛菩薩若近相見

願行品第二

菩薩本業經

第四卷

智首菩薩問敬首日本何修行成佛
聖道身口意淨不念人惡亦使天下
不得其短仁慈至大內性明了殊過
弟子別覺之上一切衆邪莫能迴動
出生端正色相無比族姓尊貴知重
佛法自守志強常行四等高才敏達
精進勇健習衆德本諸度无極所為
無量恒生福地言見信用降心正意
攝念入禪曉空无想不願之法出入
四大五陰六入十二緣起七覺不閑
通十力智博入諸道濟危解厄為釋
梵所敬除闇冥如燭火明天下如日
月度衆人如船師賢過三界而為上
首欲成斯道當何修行
敬首荅曰善哉佛子志仰高遠極大
慈哀愍傷十方若族姓子族姓女欲
成佛道者當先正身言念相應口習
經典心思可行改往修來不釋道意
積德累善施恩不倦然則所問恙可
得也為菩薩者必諦受學如佛法教
无得增減以誓自要念安世間奉戒
行願以立德本

居家奉戒	當願衆生	貪欲意解
入空法中	孝事父母	當願衆生
一切護視	使得佛道	順教妻子
當願衆生	今出愛獄	無戀慕心
若得五欲	當願衆生	皆入清淨
心無所著	若在伎樂	當願衆生
悉得法樂	歡喜之忍	著寶瓔珞
當願衆生	解去重擔	无綺可意
見諸姝女	當願衆生	棄捐色愛
無姪姪態	若上樓閣	當願衆生
皆昇法堂	受佛諸經	身在房室
當願衆生	覺知惡露	无有更樂
布施所有	當願衆生	興福救之
莫墮慳貪	若患獸家	當願衆生
疾得解脫	无所拘綴	若棄家出
當願衆生	離苦惱罪	從正得安
入佛宗廟	當願衆生	近佛行法
無復罣尋	詣師友所	當願衆生
開達入正	悉得如願	請求捨罪
當願衆生	得成就志	學不中悔
脫去白衣	當願衆生	解道修德
無有懈怠	受著袈裟	當願衆生
被法服行	心無沾汙	除剔鬚髮

當願衆生

除捐飭好

無有衆勞

已作沙門

當願衆生

受行佛意

開導天下

受成就戒

當願衆生

得道方便

慧度无極

守護道禁

當願衆生

皆奉法律

不犯法教

始受和上

當願衆生

令如禪意

思惟解脫

受大小師

當願衆生

承佛聖教

所受不忘

自歸於佛

當願衆生

體解大道

發無上意

自歸於法

當願衆生

深入經藏

智慧如海

自歸於僧

當願衆生

依附聖衆

從正得度

凡開門戶

當願衆生

開現道法

至於泥洹

開閉門戶

當願衆生

閉塞惡道

罪得除盡

入室當願

一切衆生

安隱寂寞

得止觀意

敷牀當願

一切衆生

入大乘道

濟安天下

燕坐當願

一切衆生

坐佛道樹

心無所倚

入衆當願

一切衆生

成戒定慧

解度知見

數息當願

一切衆生

得捨家中

無世間念

守意當願

一切衆生

心不放逸

無有雜念

早起當願

一切衆生

覺識非常 興精進意 下牀當願

一切衆生 履踐佛跡 心不動搖

著裳當願 一切衆生 常知慚愧

攝意守道 結帶當願 一切衆生

束帶修善 志無解已 次著中衣

當願衆生 恭敬畏慎 無有慢墮

被上法服 當願衆生 服聖表式

敏於道行 左右便利 當願衆生

蠲除汙穢 無婬怒癡 已而就水

當願衆生 柔和軟弱 清淨謹飭

用水既淨 當願衆生 以法自洗

無復惡態 手執楊枝 當願衆生

學以法句 擿去諸垢 澡漱口齒

當願衆生 蕩滌情性 如清淨住

盥手當願 一切衆生 得軟淨掌

執受經道 澡面當願 一切衆生

常向清淨 心無瑕疵 出門當願

一切衆生 如佛所欲 出度三界

向道當願 一切衆生 向無上道

志不退轉 行道當願 一切衆生

遊於无際 不中休息 上坂當願

一切衆生 樂昇上道 無所疑難

下坂當願 一切衆生 深入廣博

微妙法中

行於曲路

當願衆生

棄邪曲意

行不伎伎

行於直路

當願衆生

得中正意

言無諛諂

見風揚塵

當願衆生

經明行修

心不紛亂

見雨淹塵

當願衆生

大慈伏意

不起諸想

涼息樹下

當願衆生

伏心在道

經意不疲

入林澤中

當願衆生

學為儒林

養徒以德

行見高山

當願衆生

志仰高大

積德無厭

行見荆棘

當願衆生

三毒消滅

無賊害心

得好菜樹

當願衆生

以道自蔭

入禪三昧

樹華繁熾

當願衆生

三十二相

諸好滿具

果蔬盛好

當願衆生

起道樹行

成無上果

觀諸流水

當願衆生

得正溝流

入佛海智

觀諸陂池

當願衆生

一切功德

慧行充滿

若見泉水

當願衆生

入佛剎智

所問無窮

遙望江海

當願衆生

入深佛藏

無盡之法

見人汲井

當願衆生

開心受法

得一味道

過度橋梁

當願衆生

興造法橋

度人不休

見修園圃	當願衆生	耘除穢惡
不生欲根	見田稻穀	當願衆生
廣殖福德	不為災患	見好園圃
當願衆生	得周滿持	道法備具
見丘聚舍	當願衆生	常處仁智
道無危殆	見精學堂	當願衆生
講誦經道	日進不衰	見人衆聚
當願衆生	功滿得佛	成弟子衆
見人閑居	當願衆生	恬惓無為
遊志典籍	得見沙門	當願衆生
多聞成具	誨人不倦	見異道人
當願衆生	遠去邪見	入八正道
得見仙人	當願衆生	意行具足
所欲者成	行到城郭	當願衆生
持戒完具	心無虧缺	望見宮闕
當願衆生	聰明遠照	諸善普立
若見帝王	當願衆生	得奉聖化
如正道教	見帝王子	當願衆生
履佛子行	化生法中	若見公卿
當願衆生	明於道理	助利天下
見諸臣吏	當願衆生	忠正順善
無固賊心	見被鎧甲	當願衆生
誓被法鎧	不違本願	見曾鉢人

當願衆生	見憂愁人	無復憂戚	捨非常樂	當願衆生	見安樂人	悵怕無患	知空非身	當願衆生	見醜陋人	以善自嚴	意行質直	當願衆生	見背恩人	棄捐諸惡	法施天下	當願衆生	扶持應器	修六重法	如戒法求	當願衆生	入人堂室	深行微妙
勇於道義	當願衆生	見喜笑人	五欲自娛	得泥洹道	當願衆生	見疾病人	无苦痛意	得金剛形	當願衆生	見端正人	愛好道法	念佛恩德	當願衆生	見貪欲人	無慳貪意	依仗於法	當願衆生	入里分衛	无得疑妄	入持持門	當願衆生	人不與食
成四無畏	離諸恐怖	當願衆生	見勤苦人	免度諸厄	安快如佛	當願衆生	見強健人	無有衰耗	去醜惡行	當願衆生	見報恩人	行菩薩行	降心伏意	當願衆生	行持錫杖	分流德化	受而知施	當願衆生	悉見諸法	昇佛聖堂	當願衆生	

得般若意 無望无惜 主人未辦

當願衆生 離三惡道 無飢渴想

授空應器 當願衆生 皆得至空

無欲之性 受滿應器 當願衆生

一切成滿 道品之法 擎持鉢飯

當願衆生 為法供養 志在大道

與廉人坐 當願衆生 廉潔知耻

所作不妄 坐有貪人 當願衆生

無有強顏 貪鄙之心 得香美食

當願衆生 知節少欲 情無所著

得不美食 當願衆生 知身幻法

好惡無異 舉飯向口 當願衆生

患得諸經 諸佛法味 所噉雜味

當願衆生 味味如佛 化成甘露

飯食已訖 當願衆生 德行充盈

成十種力 講經說法 當願衆生

志意開達 聞法即寤 呪願達觀

當願衆生 志令通佛 十二部經

罷坐退去 當願衆生 一切究竟

得三甘露 若欲入水 當願衆生

身口意淨 等於三塗 澡浴身體

當願衆生 蕩除心垢 見生死際

盛暑熱極 當願衆生 得清凉定

滅一切苦	冰凍寒甚	當願衆生
心冷愛除	無復情欲	誦讀經偈
當願衆生	博解諸法	無復漏忘
若得見佛	當願衆生	常與佛會
行七覺意	見佛畱像	當願衆生
悉覩十方	眼無障蔽	拜謁佛時
當願衆生	得道如佛	莫能見頂
稽首而起	當願衆生	皆如佛意
尊貴无上	始欲旋塔	當願衆生
施行福祐	究暢道意	繞塔三匝
當願衆生	得一向意	不斷四喜
行詠歌經	當願衆生	念佛恩德
行法供養	畢住讚佛	當願衆生
光明神德	如佛法身	暮將洗足
當願衆生	得四神足	周遍十方
昏夜寢息	當願衆生	離於闇冥
無復五蓋	卧覺當願	都使衆生
得佛十八	不絕之法	是為菩薩
誠願俱行	兼愛博施	不捨十方

十地品第三

於是忍世界百億天帝釋皆於忉利
紫紺殿上化作七寶師子之座施交
露帳席以綵_帟各稽首請佛佛意

悉知即為分身遍諸釋殿一一佛者
從眾菩薩一切大帝莫不悅豫其下
百億小國續自見佛如故不減時十
方刹復來雲集法意菩薩首意菩薩
賢意菩薩勤意菩薩思意知意審意
專意重意盡意菩薩等各從十方與
無數上人俱來稽首佛足坐一面蓮華
上法意菩薩即如其像正坐定意入
於無量會見三昧悉見十方無數諸
佛各申右手摩其頭俱言善哉法意菩
薩勇健乃得是定十方如來及釋迦
牟尼佛已皆拜汝成立功德修微妙
辯知空無著行究暢法要通諸佛語
知眾生意汝行已備得佛不久今使
汝說菩薩十住令諸學者普知所行
於是法意菩薩得佛辯辟明哲至真
不忘不難從定意覺而言曰諸族姓
子欲求佛者有十地住往古來今皆
由此成眾祐所歎是合無量具陳演
說如佛所言何等為十第一發意第
二治地第三應行第四生貴第五修
成第六行登第七不退第八童真第
九了生第十補處

何謂發意菩薩法住有十事謂初見佛十功德起一見佛端正二身色相具三神足現化四道德深奧五儀法無比六謂知人意七出經教明八所言諦解九見生死苦十體樂佛法稍開解便發道意欲曉了佛十力之智其學有十當知礼事諸佛當曉說菩薩德當諦了生死本當願修貴治福當令行勝三界當學諸佛功德業當求更見諸佛當習行諸深三昧當悲念諸罪苦人當從生死輪還是為上頭初發意之地

何謂治地菩薩法住有十事以次學一念人善二淨潔心三柔軟意四安靜志五常布施六行慈愛七利天下八助平均九視彼如己十敬人如師復有十學當多諷經當遠鄉土當近明師當學善言當知時當精進當入要當曉行當不忘當安志是為次第治地之行

何謂應行菩薩法住有十事入如經一見無常二見生苦三見行空四見非身五見無主六无所貪七无所著

八無為九无欲十無求復有十學當念人當念刹當念法當念地種當念水種當念火種當念風種當念欲界當念色界當念无色界心無戀慕是為分別應行之地

何謂生貴菩薩法住有十事隨佛行一不還邪道二專心向佛三思惟法意四觀功德行五見人如化六見刹如夢七見殃福空八見諸法如幻九苦樂无異十解泥洹淨復有十學當知思念去佛意空來佛意空今佛意空去佛法淨來佛法淨今佛法淨去佛自然來佛自然今佛自然諸佛興等皆無所異是為平等生貴之地何謂修成菩薩法住有十事行濟人一為人方便二令人安隱三賑救天下人四慈念一切五悲傷衆生六令人歡喜七護視人物八勸令隨道九為現清淨十令得泥洹復有十學當知衆生無有要无有種無有數无有造無有正不可思不可稱不可度不可具說為一切空是為聖行修成之地何謂行登菩薩法住有十事度輒成

一聞稱佛讚佛心無異二聞譽法毀法心無異三聞菩薩善菩薩惡心無異四聞人相評論心無異五聞人衆人寡心無異六聞經多經少心無異七聞生苦生樂心無異八聞人難度人易度心無異九聞法興法衰心無異十遭有道遭无道心無異復有十學心無想不受想不計身无我所無有見无有主無有受為如化為不成无所是為盡信行登之地

何謂不退轉菩薩法住有十事志牢強一言有佛無佛不退轉二言有法無法不退轉三言有菩薩无菩薩不退轉四言有求佛無求佛不退轉五有得佛無得佛不退轉六曰古有聖道无聖道不退轉七今有聖道無聖道不退轉八後有聖道無聖道不退轉九言三塗同三塗異不退轉十言佛智有盡佛智无盡不退轉復有十學開微慧入大智開大智入微慧現一空要解空要入衆生釋有想入寂定釋寂定入有想說少淨入多想說

多想入少淨是為轉進不退之地
何謂童真菩薩法住有十事隨所入
一身口意不犯二一切無瑕疵三志
壹在所生四見人知內慈五知人心
所信六知人意七解七不受彼雜想
八知諸刹成敗九神足疾遍到十方
十周滿持諸法復有十事學知佛世
界學如佛智能學現佛神足行學莊嚴
諸佛刹學遍遊諸國土學法答衆問
學化無不現學佛聲出諸法學轉傾
市十方學作一念見無數佛是為清
淨童真之地

何謂了生菩薩法住有十事受慧見
一知一切生何道二知衆生所習縛
三知人本所更來四知人所行殃福之
報五知人受行何法六知人心所入
好惡七知人意念若干變八知十方
國清濁九知三塗無量慧十知諦要
說如應復有十事學法王正行學法
王禮儀學法王興立學法王出入學
法王周旋學法王威嚴學法王坐起
學法王教令學法王拜人學法王巡
行刹土是為受決了生之地

何謂補處菩薩法住有十事智難及
一當念感動無數國二當為無數國
現明三當為無數國立法四當為開
度無數國五當利安無數國六當聲
曉無數人七當觀察知衆生意八當
知衆生无極念九當令無數人入法
十以次第現人慧了生所不能及補
處者十不能知其身事志行神足定
念達古知今見後明處及修剎法聖
意之事補處所欲又有十事學佛三
塗無際之慧學具足諸佛法學法法
無所著學諸佛无底處學神智成其
剎學光明照十方學佛定感動諸國
學權道隨意化學遍教令成就學合
會轉法輪所以學者欲一切知已一
切敏無所復學是名為補處從十十
法成現世得紹代無上正真之道為
取正覺度脫天下佛言善哉善哉法
意菩薩可謂佛子一切十方去來現
佛皆由此興是法无際所照無量度
人無極智心無盡佛說是已皆大歡
喜為佛作礼

佛說菩薩本業經

庚子歲高麗國大藏都監奉
勅彫造

佛說莊嚴菩提心經一卷

伏

姚秦三藏鳩摩羅什譯

如是我聞一時佛住王舍城耆闍崛山中與大比丘衆千二百人俱菩薩萬人其名曰智光菩薩法光菩薩月光菩薩日光菩薩無邊光菩薩跋陀婆羅等十六正士如文殊師利本所修行復有六十菩薩如弥勒菩薩本所修行此賢劫中菩薩摩訶薩等今時世尊與無央數大衆圍繞而為說法

今時會中有菩薩名思无量義即從坐起整衣服偏袒右肩右膝著地以種種寶華而散佛上散佛上已合掌白佛言世尊欲有所問唯願世尊哀愍聽許佛告思无量義菩薩恣汝所問思无量義菩薩白佛言世尊云何菩薩修菩提心何者是菩提心佛告思无量義菩薩菩薩修菩提心者非於衆生菩提心者不可得此心非色非見法亦無有得者何以故衆生空故思无量義菩薩白佛言世尊法相

如是甚深菩薩當云何修行佛告思
無量義菩薩善男子菩提心者非有
非造離於文字菩提即是心心即是
衆生若能如是解是名菩薩修菩提
心菩提非過去未來現在如是心衆
生亦非過去未來現在能如是解名
為菩薩然於是中實无所得以無所
得故得若於一切法無所得是名得
菩提為始行衆生故說有菩提如阿
羅漢取證於法无所得以世俗言辭
故說有菩提然菩提實不可得若於
一切法无所得是名得菩提然於是
中亦無有心亦无造心者亦無有菩
提亦无造菩提者亦無有衆生亦无
造衆生者亦无有聲聞亦无發聲聞
者亦無辟支佛亦无發辟支佛者亦
無有菩薩亦无發菩薩者亦無有佛
亦无成佛者亦無有為亦無造有為
者亦無无為亦無造无為者是中
已得今得當得皆不可得佛告善男
子諦聽諦聽善思念之所應說者吾
今當說菩薩發菩提心有十法何等
為十發第一心成就衆善本辟若須弥

山以衆寶莊嚴發第二心行檀波羅蜜譬若大地長養衆善法發第三心行尸波羅蜜喻若師子王能降伏衆獸滅除邪見故發第四心行羣提波羅蜜喻若那羅延堅固不可壞滅除煩惱故發第五心行毗梨耶波羅蜜現行衆善法喻若天華如意說法故發第六心行禪波羅蜜喻若日光明滅除衆闇故發第七心行般若波羅蜜諸願得滿足喻若商賈客得離衆難故發第八心行方便波羅蜜滅除諸障尋喻若月盛滿清淨无穢故發第九心欲滿足本願遊淨佛國土樂聽深妙法滅除貧窮故發第十心喻若虛空其智無窮盡譬如轉輪王成就一切種智故善男子如是能發十種心名為菩薩亦名摩訶薩亦名无為衆生亦名无障尋衆生亦名已得度衆生亦名不思議衆生然於此中亦無有心亦无菩提

復次善男子復有十三昧護持菩提心何等為十發第一心法寶三昧所護持發第二心堅固三昧所護持發

第三心不動三昧所護持發第四心不退三昧所護持發第五心寶華三昧所護持發第六心日光三昧所護持發第七心一切義三昧所護持發第八心智照三昧所護持發第九心諸佛現在前三昧所護持發第十心首楞嚴三昧所護持

復次善男子菩薩初地相能見三千佛剎土滿中億千那由他伏藏二地能見三千佛剎土坦然平整以眾寶晔晔莊嚴三地能見諸力士為降伏怨敵四地能見四方有諸風輪來有種種妙華遍布其地五地能見眾妓女以眾寶瓔珞其身上有憂鉢羅華天冠瞻蔔華天冠婆師迦華天冠阿提目多伽華天冠而為嚴容六地見眾寶池八功德水湛然盈滿其池四邊有七寶階道底布金沙自見已身在此池中嬉戲娛樂七地見其左右有諸地獄而從中過无諸艱難八地自見兩肩上有師子王形容端嚴頭上有幡有大威力降伏眾獸九地見轉輪聖王百千大臣剎利居士而自

圍繞以正法化无量衆生見虛空中
有衆寶蓋垂覆其上十地見佛色身
身真金色放大光明大衆圍繞而為
說法善男子如是十種相應善分別
成就十地以三昧力故

復次善男子初地生勝進陀羅尼二
地生不壞陀羅尼三地生安隱陀羅
尼四地生難沮壞陀羅尼五地生功
德華種種莊嚴陀羅尼六地生智圓
明陀羅尼七地生增益陀羅尼八地
生無分別陀羅尼而為上首八万四
千陀羅尼同共俱生九地生無邊陀
羅尼而為上首六十二億那由他陀
羅尼同共俱生十地生無盡陀羅尼
而為上首億千恒河沙陀羅尼同共
俱生

復次善男子初地行檀波羅蜜二地
行尸波羅蜜三地行羣提波羅蜜四
地行毗梨耶波羅蜜五地行禪波羅
蜜六地行般若波羅蜜七地行方便
波羅蜜八地行智波羅蜜九地行成
就衆生滿足波羅蜜十地行諸願滿
足波羅蜜如是諸波羅蜜於諸地中

皆悉成就

復次善男子菩薩摩訶薩行檀波羅蜜有十種何等為十一曰信根二曰定根三曰大慈四曰大悲五曰我喜六曰彼喜七曰發一切願八曰持一切衆生九曰四攝十曰親近諸佛法是名十種法成就檀波羅蜜

復次善男子行尸波羅蜜有十法何等為十一曰離八難二曰成就佛功德三曰離聲聞地四曰離辟支佛地五曰身清六曰口清七曰意清八曰莊嚴心九曰斷地獄緣十曰所祈得滿足行此十法即成就尸波羅蜜

復次善男子行羼提波羅蜜有十法何等為十一曰忍力二曰踊躍三曰成就衆生四曰於甚深法能忍五曰無彼我六曰斷瞋恚七曰不惜身八曰不惜命九曰捨癡十曰觀法身平等如是十種法成就羼提波羅蜜復次善男子菩薩摩訶薩行毗梨耶波羅蜜有十法何等為十一曰精進根二曰精進力三曰正勤四曰正念五曰以身助衆生六曰以心口隨生

七日行處不退轉八曰除嬾惰九曰
降伏惡知識十曰集一切智是名十
法成就毗梨耶波羅蜜

復次善男子菩薩摩訶薩行禪波羅
蜜有十法何等為十一曰定根二曰
定力三曰等定四曰遊戲諸禪五曰
三昧六曰三昧報七曰不毀衆善法
八曰滅除煩惱怨九曰於正法捨十
曰定陰如是十法成就禪波羅蜜

復次善男子菩薩摩訶薩行般若波
羅蜜有十法何等為十一曰慧根二
曰慧力三曰正見四曰正念五曰陰
方便六曰分別界七曰聖諦八曰無
障智九曰迴邪見十曰无生法忍行
如是十法得成就般若波羅蜜

復次善男子菩薩摩訶薩行方便波
羅蜜有十法何等為十一曰同衆生
行二曰持衆生三曰大悲四曰无猷
五曰離聲聞辟支佛行六曰入波羅
蜜七曰如實分別器量八曰扶助善
心九曰入不退轉地十曰降伏衆魔
是名十法成就方便波羅蜜

復次善男子云何名為波羅蜜義行

勝進滿足是波羅蜜義成就第一智
是波羅蜜義我不在為不處無為是
波羅蜜義生死大患善能覺知是波
羅蜜義本所未覺今悉了知是波羅
蜜義無盡法藏廣能示現是波羅蜜
義善除障尋是波羅蜜義布施持戒
忍辱精進禪定智慧方便等不望報
是波羅蜜義解一切衆生界是波羅
蜜義滿足无生法忍是波羅蜜義成
不退轉是波羅蜜義修淨佛國是波
羅蜜義成就衆生是波羅蜜義處於
道場覺一切智是波羅蜜義降伏衆
魔是波羅蜜義成就諸佛一切種智
是波羅蜜義破諸異見是波羅蜜義
十力四無所畏十八不共法成就滿
足是波羅蜜義成就十二行法輪是
波羅蜜義如是善男子波羅蜜義甚
深无量我但為汝略說之耳

尔時會中有天子名師子奮迅光即
從坐起合掌白佛言善哉世尊如上
所說甚深希有諸佛功德譬如甘露
充足一切佛告天子善哉善哉如汝
所說若有比丘比丘尼優婆塞優婆

夷天龍夜叉乾闥婆阿修羅迦樓羅
緊那羅摩睺羅伽人非人等及菩薩
摩訶薩聞是經典必於阿耨多羅三
藐三菩提不復退轉何以故天子若
有善男子善女人宿殖德本乃能得
聞是經非是少功德人之所聽聞若
有暫聞此經讀誦書寫此人捨是身
已常見諸佛見諸佛已能於佛所轉
妙法輪即得无盡陀羅尼印亦得解
一切衆生心行陀羅尼亦得日光普
照陀羅尼亦得淨无垢陀羅尼亦得
一切諸法不動陀羅尼亦得金剛不
壞陀羅尼亦得甚深義藏演說陀羅
尼亦得善解一切衆生語言陀羅尼
亦得虛空无垢遊戲无盡印陀羅尼
亦得諸佛化身陀羅尼况復聞已如
說修行善男子若有菩薩得如是法
則能於十方世界諸佛剎土化作佛
身而為衆生演說妙法然於法相不
動亦无去來雖成就衆生無有衆生
而可得者常為說法而无所說恒現
受生而無生滅雖現來去無來去相
尔時世尊說是法時三千菩薩得无

生法忍無量衆生皆發阿耨多羅三藐三菩提心思无量義菩薩及諸天龍夜叉乾闥婆阿修羅人非人等聞佛所說歡喜奉行

佛說莊嚴菩提心經

庚子歲高麗國大藏都監奉

勅彫造

佛說大方廣菩薩十地經

伏

元魏西域三藏吉迦夜譯

如是我聞一時佛在王舍城耆闍崛山與大比丘衆千二百五十人俱菩薩萬人其名曰智幢菩薩法幢菩薩月幢菩薩日幢菩薩无量幢菩薩跋陀波羅等十六正士文殊師利等六十同意弥勒菩薩等賢劫一切菩薩墪尔時無盡智菩薩提薩墪從座起整衣服偏袒右肩右膝著地以種種寶華散於佛上白佛言世尊欲有所問唯願世尊開示解說尔時世尊告無盡智菩薩善哉善哉善男子若有疑難恣汝所問如來當為隨問解說今汝歡喜尔時无盡智菩薩提薩墪白佛言世尊菩提心世尊謂菩提心云何當知菩提薩墪成就菩提心何等為菩提心亦無菩提心薩墪亦不可得亦不離菩提名曰菩提心菩提者亦不可說不可見无有對薩墪亦不可得云何於此諸法當得開解世尊告曰善男子菩提者是皆言說俗數

施設善男子善提者非言說非俗數
非施設善男子如善提非言說薩埵
及心至一切法亦復如是當作是知
若如是心是名善提心善提亦不過
去當來今現在所謂薩埵及心亦不
過去當來今現在若如是知者善提
薩埵不可得彼處都无所得於一切
法得無所得是名得善提心如阿羅
漢阿羅漢果亦不可得彼都无所得
但是俗數言說有耳於一切法無所
得是名得善提心亦非初業善提薩
埵度義義名為善提薩埵亦非彼心
非施設心非衆生非施設衆生非聲
聞非施設聲聞非辟支佛非施設辟
支佛非善提薩埵非施設善提薩埵
非有為非施設有為法非無為非施
設無為法可得已得當得但如說法
隨順故說一切善根等起當知初發
心彼因檀波羅蜜猶如大地所持當
知第二心起彼因尸波羅蜜猶如師
子獸王勇猛當知第三心起彼因羣
提波羅蜜猶如那羅延勇猛大力便
當知第四心起摧伏一切諸怨敵

彼因毗梨耶波羅蜜種種善根功德
華開當知第五心起譬如天帝釋大
會拘毗陀羅樹彼因禪那波羅蜜猶
如日輪無量光曜當知第六心起志
能除滅一切闇冥彼因般若波羅蜜
本願功德普現莊嚴當知第七心起
如商人主將諸商人能度曠野彼因
方便波羅蜜淨除一切過惡所欲如
意當知第八心起滿足明淨猶如秋
月圓滿所願當知第九心起一切所
作皆悉休息譬如貧人得無盡寶藏
猶如虛空離垢明淨當知第十心起
究竟一切功德彼岸智慧辯才無盡
一切法主猶轉輪王如是善男子其
成就此十種心者是名為菩提薩埵
摩訶薩埵第一薩埵寂上薩埵離罪
薩埵寂尊薩埵然善男子菩提薩埵
及心於第一義都不可得
又善男子菩提薩埵初心起有法寶
等起三摩提攝取心而生菩提薩埵
第二心起有不動三摩提攝取心而
生彼第三心起名善住三摩提攝取
心而生彼第四心起名不退轉三摩

提攝取心而生彼第五心起名集華
三摩提攝取心而生彼第六心起名
日光三摩提攝取心而生彼第七心
起名義滿足三摩提攝取心而生彼
第八心起名慧炬三摩提攝取心而
生彼第九心起名佛見在前三摩提
攝取心而生彼第十心起名首楞嚴
三摩提攝取心而生又善男子初地
菩提薩埵先觀嘉瑞三千大千佛土
億百千珍奇寶藏悉現境界第二地
先觀嘉瑞三千大千佛土平如水掌
悉現境界第三地先觀嘉瑞勇健堅
強手執兵仗悉現境界第四地先觀
嘉瑞身陀羅風從四方來吹種種華
普散大地悉現境界第五地先觀嘉
瑞一切女人嚴具莊飾瞻訇華鬘解
脫華鬘憂鉢羅華鬘婆利師華鬘莊
嚴其首悉現境界第六地先觀嘉瑞
衆寶浴池八功德水充滿其中有四
階道底布金沙澄靖清徹自見已身
遊戲其中悉現境界第七地先觀嘉
瑞見左右面有大地獄楚毒峻嶮自
見已身超出此難悉現境界第八地

先觀嘉瑞自見兩肩有師子獸王首
冠繒帛其身雄壯一切毒害諸惡獸
等無不摧伏悉現境界第九地先觀
嘉瑞轉輪聖王大臣剎利百千眷屬
以法化導一切衆生手執繒蓋衆寶
百千莊嚴其首悉現境界第十地先
觀嘉瑞自見作佛身黃金色圓光一
尋億百千梵圍遶說法善男子是為
菩提薩埵十地前相當作是知悉從
十地三摩提之所出生

又善男子菩提薩埵初發意地得寂
勝處陀羅尼第二地得難伏陀羅尼
第三地得善住陀羅尼第四地得難
當陀羅尼第五地得功德華普集莊
嚴陀羅尼第六地得智光明陀羅尼
第七地得勝趣陀羅尼第八地得八
萬四千陀羅尼澄靖司陀羅尼為首
第九地得六十那由他陀羅尼無盡
陀羅尼為首第十地得恒河沙陀羅
尼出生無量陀羅尼為首是為菩提
薩埵十地陀羅尼當作是知

又善男子菩提薩埵初發意地具足
檀波羅蜜第二地具足尸波羅蜜第

三地具足羼提波羅蜜第四地具足毗梨耶波羅蜜第五地具足禪那波羅蜜第六地具足般若波羅蜜第七地具足方便波羅蜜第八地具足願波羅蜜第九地具足力波羅蜜第十地具足智波羅蜜如是諸波羅蜜於諸地中皆志成就又善男子有十種檀波羅蜜何等為十信根為首檀波羅蜜三摩提為首檀波羅蜜大慈為首檀波羅蜜大悲為首檀波羅蜜深心希望為首檀波羅蜜一切智為首檀波羅蜜安立眾生為首檀波羅蜜四攝為首檀波羅蜜護持正法為首檀波羅蜜樂求佛法為首檀波羅蜜復有十種尸羅波羅蜜何等為十種離八難為首尸羅波羅蜜建立佛法為首尸羅波羅蜜超越聲聞辟支佛地為首尸羅波羅蜜淨身業為首尸羅波羅蜜淨口業為首尸羅波羅蜜淨意業為首尸羅波羅蜜莊嚴心為首尸羅波羅蜜人世界清淨為首尸羅波羅蜜一切願求滿足為首尸羅波羅蜜不害為首尸羅波羅蜜復有

十種羣提波羅蜜何等為十忍力為首羣提波羅蜜成熟衆生為首羣提波羅蜜意解為首羣提波羅蜜斷煩惱為首羣提波羅蜜離瞋恚為首羣提波羅蜜不計身為首羣提波羅蜜不計命為首羣提波羅蜜斷諸無智為首羣提波羅蜜觀諸法平等為首羣提波羅蜜

復有十種毗梨耶波羅蜜何等為十精進根為首毗梨耶波羅蜜精進力為首毗梨耶波羅蜜等方便為首毗梨耶波羅蜜念處為首毗梨耶波羅蜜代一切衆生身所作為首毗梨耶波羅蜜通順一切衆生口意轉為首毗梨耶波羅蜜不退還為首毗梨耶波羅蜜極精勤為首毗梨耶波羅蜜伏一切煩惱怨家為首毗梨耶波羅蜜一切智智為首毗梨耶波羅蜜復有十種禪波羅蜜何等為十定根為首禪波羅蜜定力為首禪波羅蜜等定為首禪波羅蜜諸禪解脫為首禪波羅蜜善法為首禪波羅蜜是處為首

禪波羅蜜不亂為首禪波羅蜜非處
為首禪波羅蜜害一切結使為首禪
波羅蜜定身滿足為首禪波羅蜜
復有十種般若波羅蜜何等為十慧
根為首般若波羅蜜慧力為首般若
波羅蜜正見為首般若波羅蜜正念
為首般若波羅蜜陰巧便為首般若
波羅蜜觀界入為首般若波羅蜜聖
諦為首般若波羅蜜元障尋為首般
若波羅蜜除一切妄見為首般若波
羅蜜無生法忍為首般若波羅蜜
復有十種方便智波羅蜜何等為十
衆生希望方便行為首方便波羅蜜
安立衆生為首方便波羅蜜大悲為
首方便波羅蜜化衆生不勞倦為首
方便波羅蜜超越聲聞辟支佛地為
首方便波羅蜜入諸波羅蜜為首方
便波羅蜜如實觀諸法為首方便波
羅蜜不思議力為首方便波羅蜜不
退轉為首方便波羅蜜降伏衆魔為
首方便波羅蜜何等為波羅蜜義行
增進滿足義是謂波羅蜜義勝妙智
滿足是波羅蜜義不著有為無為法

義是波羅蜜義覺生死過義是波羅蜜義覺悟不覺悟者義是波羅蜜義開示一切無盡法藏義是波羅蜜義無間尋解脫具足義是波羅蜜義覺知布施平等義是波羅蜜義覺知戒忍精進一心智慧平等義是波羅蜜義決定巧便義是波羅蜜義知一切衆生法性義是波羅蜜義無生法忍滿足義是波羅蜜義不退地滿足義是波羅蜜義嚴淨佛土義是波羅蜜義成熟衆生義是波羅蜜義覺場具足義是波羅蜜義降伏衆魔義是波羅蜜義一切佛法滿足義是波羅蜜義十力四無所畏十八不共法滿足義是波羅蜜義攝取一切化生義是波羅蜜義三轉十二行法輪義是波羅蜜義

今時會中有天名師子幢無尋光耀白佛言世尊甚奇甚特是名一切具足是名究竟一切佛法功德世尊答曰如是如是諸天其有善男子善女人聞是法正憶念者當知是阿惟越致菩提薩埵何以故天子是善男子

善女人善根成熟故令耳根得聞是經一切善根成熟故得聞此經已終不離真實觀不離諸佛世尊不離諸佛法不離轉法輪不離海印陀羅尼不離無盡陀羅尼不離遍入衆生行陀羅尼不離无盡光日幢陀羅尼不離月無垢相陀羅尼不離无垢等起相陀羅尼若菩薩得是陀羅尼者悉能一時變身為佛周滿十方教化衆生然於諸法亦不死亦不去而度脫衆生衆生亦不可得說法教化諸文字等亦不可得示現死生亦不生知諸法平等无去無來亦不作非不作故說是法時三千菩薩埒得无生法忍復次天子若有讀誦持是法者終不離息一切纏陀羅尼不離金剛堅強破散一切煩惱山陀羅尼終不離說無言普入諸波羅蜜陀羅尼終不離能說異名句諸語陀羅尼不離虛空離垢出生無盡印陀羅尼不離成就无量佛身一切生盡陀羅尼說是法時無量衆生皆得法忍无量衆生發阿耨多羅三藐三菩提心佛說是時

無盡智菩薩師子幢无碍光耀天子
及諸大聲聞天人阿修羅為佛作礼
皆大歡喜

佛說大方廣菩薩十地經

庚子歲高麗國大藏都監奉

勅彫造

佛說菩薩十住經一卷

伏

東晉三藏祇多蜜譯

佛說菩薩戒十二時竟文殊師利白
佛言菩薩用何功德得是十住唯願
天中天分別說之佛言善哉善哉文
殊師利菩薩摩訶薩多所憂念多所
安隱吾當為汝具說其要諦聽諦受
文殊師利言受教佛言有十住菩薩
功德各有高下自有次第文殊師利
言何等為十

一住波藍質兜波菩薩法住佛言上
頭見佛端正無比視面色无有狀無
有逮者尊貴無有能過者所教授无
有能踰者見佛威神儀法如是便稍
稍入佛道中轉開導之皆隨其意教
度脫之見勤苦皆慰傷之稍稍解曉
佛語信向之新發起意學佛道悉欲
得了知佛智十難處悉欲逮得之何
等為十難處佛十種力是也一者當
供養佛二者當隨其所樂當教語之
三者所生處皆尊貴四者天上天下
无有能及者五者佛智慧悉逮得六

者世世所生處得見无央數佛七者
佛經悉逮得八者悉過度諸生死九
者今脫去不久十者悉度脫十方人
二住何等為阿闍浮菩薩法住佛言
有十意念十方人何等為十意一者
惡念世間善二者繫淨心三者皆安
隱心四者柔軟心五者悉愛等六者
心念但欲布施與人七者心悉常等
護八者念人與我身无異九者心念
十方人視如視師十者心念十方人
視如視佛阿闍浮菩薩法當多學
經多學經已當獨處止獨處止已常
當與善師從事當在善師邊易使當
隨時隨時所作為勇所作為既勇當
學人慧中以所受法當悉持當不忘
也既不忘者當安隱處止所以者何
益於十方人故

三住何等為喻阿闍浮菩薩法住者佛
言入於諸法中用十事何等為十事
一者謂所有皆无常二者謂所有皆
勤苦三者謂所有皆虛空四者謂所
有皆非我所五者謂所有皆无所住
六者謂所有皆无所利七者謂所有

皆無所止八者謂所有皆无有處九者謂所有皆无所著十者一切无所
有諸法悉入一法中一法悉入諸法
中是為喻阿闍菩薩教法

四住何等為闍摩期菩薩法住者佛
言常願於佛處生有十事一者不復
還二者多深思於佛三者深思於法
四者意念比丘僧視十方人慈心五
者思惟万物皆无所所有六者十方佛
刹皆虛空七者宿命所作了无所
有八者諸所有如幻皆虛空九者諸所
勤苦无所有十者泥洹虛空亦无所
有用是故生於佛法中是為闍摩期
菩薩教法

五住何等為波俞三般菩薩法住者
佛言所作功德悉度十方人有十事
一者悉護十方人二者悉念十方人善
三者悉念十方人令安隱四者悉愛
十方人五者悉哀念十方人六者悉
念十方人莫使作惡七者悉引十方人
著菩薩道中八者悉清淨於十方人
九者悉度脫十方人十者悉使十方
人般泥洹是為波俞三般菩薩法教

六住何等為阿耨多羅三藐三菩提菩薩法住者
佛言有十法深哀慈心一者有人說
佛善惡心无有異二者說法善惡心
无有異三者說菩薩善惡心无有異
四者求菩薩道人共相導善惡心无
有異五者有人言十方人有多少心
無有異六者觀十方人展轉相導善
惡心无有異七者有人說言十方
人易脫難脫心無有異八者若有人
說法多少心无有異九者有人說法
壞不壞心無有異十者有法處无法
處心无有異是為阿耨多羅三藐三菩提
教法

七住何等為阿耨多羅三藐三菩提菩薩法住者
佛言菩薩有十事堅住不動一者言
有佛无有佛心不動還二者有法無
法不動還三者有菩薩无菩薩不動
還四者有求索菩薩道無求索菩薩
道者不動還五者持是法得持是法
不得不動還六者有諸過去佛无過
去佛不動還七者有諸當來佛無當
來佛不動還八者有現在佛无現在
佛不動還九者佛智慧盡不盡不動

還十者當來過去現在世事乎若干
種若一種不動還是為阿惟越致菩
薩教法

八住何等為鳩摩羅淨童男菩薩法
住者佛言菩薩於十事中住一者身
所行口所言心所念悉淨潔二者无
有能得長短者三者一及念在所欲
生何所四者十方人知誰慈心者五
者十方所信用悉知六者十方人若
千種悉知七者十方人所作為悉知
八者十方諸佛刹土成敗悉知九者
得神足念飛在所至到十者諸法悉
淨潔是為鳩摩羅淨童男菩薩教法
九住何等為俞羅闍菩薩法住者佛
言用十事得一者十方人所出生悉
知二者十方人所繫恩愛悉知三者
十方人所念本末所從來悉知四者
十方人所作宿命所趣向悉知五者
十方人若干種諸法悉知六者十方
人所念若干種變化悉知七者諸佛
刹善惡壞敗悉知八者過去當來現
在無央數世事悉知九者十方人等
不等悉知十者教授十方人說虛空

法悉知是為俞羅闍菩薩教法

十住何等為阿惟顏菩薩法住者佛言菩薩入於十智中能分別知有十事一者何因當感動十方諸佛刹二者當明無央數佛刹中事三者我日日當署置无央數佛刹中菩薩四者我日日當度脫无央數佛刹中人民五者我當安隱無央數佛刹中衆生六者十方人莫不聞我聲歡喜得度脫者七者悉令十方人民使得佛道皆捨家作沙門八者十方人所思想善惡我悉知之九者十方人我悉當內著佛道中悉使發菩薩意十者十方人我悉當度脫之是阿俞羅闍菩薩了不能及知阿惟顏身所行口所言心所念所作為了不能及知阿惟顏菩薩事亦不能知神足念不能知飛行亦不能逮知阿惟顏菩薩當來過去今現在事是為阿惟顏菩薩教法

佛說是時和輪調菩薩等七万二千人皆大踊躍歡喜各現光明展轉相照各各起正衣服前以頭腦著地為佛作礼而去

佛說菩薩十住經

十住經卷第一

戒

歡喜地第一

後秦龜茲國三藏鳩摩羅什譯

如是我聞一時佛在他化自在天王宮摩屈寶殿上與大菩薩衆俱皆於阿耨多羅三藐三菩提不退轉從他方界俱來集會此諸菩薩一切菩薩智慧行處悉得自在諸如來智慧入處悉皆得入善能教化一切世間隨時普示神通等事於念念中皆能成辦具足一切菩薩所願於一切世界一切劫一切國土常修諸菩薩行具足一切菩薩所有福德智慧而無窮盡能為一切而作饒益能到一切菩薩智慧方便彼岸能示衆生生死及涅槃門不斷一切菩薩所行善遊一切菩薩禪定解脫三昧神通明慧諸所施為善能示現一切菩薩無作神足皆悉已得於一念頃能至十方諸佛大會勸發諮請受持法輪常以大心供養諸佛常能修習諸大菩薩所行事業其身普現无量世界其音遍聞

無所不至其心通達明見三世一切
菩薩所有功德具足修習如是諸菩
薩摩訶薩功德无量無邊於無數劫
說不可盡

其名曰金剛藏菩薩摩訶薩寶藏菩
薩蓮華藏菩薩德藏菩薩蓮華德藏
菩薩日藏菩薩月藏菩薩淨月藏菩
薩焰一切世間莊嚴藏菩薩智慧焰
明藏菩薩妙德藏菩薩栴檀德藏菩
薩華德藏菩薩優鉢羅華德藏菩薩
天德藏菩薩福德藏菩薩無閼清淨
智德藏菩薩功德藏菩薩那羅延德
藏菩薩无垢藏菩薩離垢藏菩薩種
種樂說莊嚴藏菩薩大光明網藏菩
薩淨明威德王藏菩薩大金山光明
威德王藏菩薩一切相莊嚴淨德藏
菩薩金剛焰德相莊嚴藏菩薩焰熾
藏菩薩宿王光焰藏菩薩虛空無閼
妙音藏菩薩陀羅尼功德持一切世
間願藏菩薩海莊嚴藏菩薩須弥德
藏菩薩淨一切功德藏菩薩如來藏
菩薩佛德藏菩薩解脫月菩薩如是
等菩薩摩訶薩無量无边不可思議

不可稱說金剛藏菩薩摩訶薩而為
上首

尔時金剛藏菩薩摩訶薩承佛威神
入菩薩大智慧光明三昧即時十方
世界於一方過十億佛土微塵數世界
乃有如來名金剛藏如是次第十億
佛土微塵數諸佛皆現其身名金剛
藏十方世界皆亦如是同聲讚言善
哉善哉金剛藏乃能入是菩薩大智
慧光明三昧如是十方世界微塵數
等諸佛皆同一号加汝威神又盧舍
那佛本願力故又汝有大智慧故又
與一切菩薩不可思議諸佛法明所
謂令入智慧地故攝一切善根故善
分別選擇一切佛法故廣知諸法故
決定說諸法故无分別智善分別故
一切世間法不能汙故出世間善根
清淨故得不可思議智力故得一切
智人智處故又得菩薩十地故如實
說菩薩十地差別故分別說無漏法
不著故大智慧光明善擇以自在嚴
故令入具足智門故隨所應住次第
說故得无閼樂說光明故具足大無

閱智地不忘失菩薩心故教化成就
一切衆生性故得一切遍至決定智
故又金剛藏汝當說此法門差別所
謂諸佛神力故汝能堪受如來神力
故自善根清淨故清淨法性性故饒
益衆生性故令衆生得清淨法身智
身故於一切佛得受記故得一切世
間最高大身故過一切世間道故出
世間善根清淨故即時十方諸佛示
金剛藏真實無上佛身與无障尋樂
說之辯與善分別清淨智慧與善憶
念不忘與善決定意與遍至一切智
處與諸佛无壞力與諸佛无所畏不
怯弱與諸佛無尋智分別諸法善闡
法門與一切諸佛上妙身口意所作
何以故以得菩薩大智慧光明三昧
法故亦是菩薩本願力故志心清淨
故智慧明白故善集助道法故善修
本事故能持无量念故信解清淨光
明法故善得陀羅尼門無分別故以
智印善印法性故今時十方諸佛皆
申右手摩金剛藏菩薩頂金剛藏菩
薩即從三昧起起已告諸菩薩言諸

佛子是諸菩薩事先皆善自決定元有過無分別清淨明了廣大如法性究竟如虛空遍覆一切十方諸佛世界衆生為救度一切世間為一切諸佛神力所護何以故諸菩薩摩訶薩入過去諸佛智地亦入未來現在諸佛智地諸佛子何等是諸菩薩摩訶薩智地諸佛子菩薩摩訶薩智地有十過去未來現在諸佛已說今說當說為是地故我如是說何等為十一名喜地二名淨地三名明地四名焰地五名難勝地六名現前地七名深遠地八名不動地九名善慧地十名法雲地諸佛子是十地者三世諸佛已說今說當說我不見有諸佛國土不說是菩薩十地者何以故此十地是菩薩最上妙道最上明淨法門所謂分別十住事諸佛子是事不可思議所謂菩薩摩訶薩隨順諸地智慧是時金剛藏菩薩摩訶薩說諸菩薩十地名已默然而住不復分別義趣尔時一切菩薩衆聞說菩薩十地名已咸皆渴仰欲聞解釋各作是念何

因何緣金剛藏菩薩說菩薩十地名
已嘿然而住不更解釋時大菩薩衆
中有菩薩摩訶薩名解脫月知諸菩
薩心之所念以偈問金剛藏菩薩言
淨智念慧人何故說菩薩諸地名号已
默然不解釋今諸大菩薩心皆懷猶豫
何故說是名而不演其義大智諸菩薩
咸皆欲聽聞如是諸地義願為分別說
是諸菩薩衆清淨無瑕穢安住堅實法
具足智功德皆以恭敬心瞻仰於仁者
願欲聞所說如渴思甘露金剛藏菩薩
聞說是事已欲令大衆悅即時說頌言
諸菩薩所行第一難思議分別是諸地
諸佛之根本微妙甚難見非心所能及
從佛智慧出若聞則迷没持心如金剛
深信佛智慧以為第一妙心無有疑難
遠離計我心及心所行地如是諸菩薩
余乃能聽聞寂滅无漏智分別說甚難
如畫於虛空如執空中風我念佛智慧
第一難思議衆生少能信是故我默然
解脫月菩薩聞說此已語金剛藏菩
薩言佛子是大菩薩衆深心清淨善
行菩薩道善集助道法善能供養恭敬

諸佛於無量佛多種善根成就無量深厚功德離癡疑悔无有貪著及諸結閼深心信解安住不動於是法中不隨他教是故佛子當承佛力敷演此義是諸菩薩於是深法皆能證知時解脫月欲重宣此義而說偈言

願說安隱法 菩薩無上行 分別於諸地
令智慧清淨 衆智淨无垢 安住深信解
於諸無量佛 證知十地義

今時金剛藏菩薩言佛子是諸大衆雖皆清淨離癡疑悔於此事中不隨他教其餘樂小法者聞是甚深難思議事或生疑悔是人長夜受諸衰惱我愍此等是故默然今時金剛藏菩薩欲明了此義而說偈言

是衆雖清淨 深智離疑悔 其心已決定
不復隨他教 無動如須弥 不亂如大海
其餘不久行 智慧未明了 隨識不隨智
聞已生疑悔 彼將墜惡趣 愍念故不說
解脫月菩薩言佛子願承佛力善分別
此不可思議法佛所護念事令人
易信解所以者何善說十地義十方
諸佛法應護念一切菩薩護是事故

勤行精進何以故是菩薩最上所行
得至一切諸佛法故譬如所有經書
皆初章所攝初章為本無有一字不
入初章者如是佛子十地者是一切
佛法之根本菩薩具足行是十地能
得一切智慧是故佛子願說此義諸
佛護念加以神力令人信受不可破
壞今時解脫月菩薩欲顯此義而說
偈言

善哉智慧子清淨行具足願說十地行
所入十地法具足於智慧得以成菩提
所有十方佛寂勝人中尊皆共護念汝
說是十地義十地為根本是名智行處
亦為究竟道佛無量法聚譬如諸文字
皆攝在初章諸佛功德智十地為根本
今時諸菩薩一時同聲以偈請金剛
藏菩薩言

上妙智慧人樂說无有量德重如山王
哀愍說十地戒念慧清淨說是十地義
十力之根本無閼智本行戒定慧功德
集在仁者心慍慢諸邪見皆悉已滅盡
是衆元疑心唯願聞善說譬如渴思水
如飢思美食如病思良醫如蜂欲食蜜

我等亦如是聞甘露法味是故曠大意
願開初地門乃至第十地次第為我說
尔時釋迦牟尼佛從眉間白毫相放
菩薩力明光焰百千阿僧祇光以為
眷屬放斯光已普照十方諸佛世界
靡不同遍三惡道苦皆得休息悉照
十方諸佛大會說法之眾顯現如來
不思議力是光明遍照十方諸佛大
會諸菩薩身已於上虛空中成大光
明雲臺十方諸佛亦復如是從眉間
白毫相俱放菩薩力明光焰百千阿僧
祇光以為眷屬普現如來不思議力
悉照一切諸佛大會及焰娑婆世界
釋迦牟尼佛大眾并焰金剛藏菩薩
摩訶薩及師子座焰已於上虛空中
成大光明雲臺時諸大光明雲臺中
諸佛神力故而說偈言

無等等諸佛功德如虛空 十力无畏等
最尊世間主於釋迦佛前而現此神力
以佛力開現法王師子藏說諸地所行
諸地義差別承諸佛力說無有能壞者
若人聞法寶則為諸佛護漸次具諸地
得以成佛道若人堪任聞雖在於大海

及劫盡火中 必得聞此經 若人癡疑悔
終不能得聞 是故今佛子 說諸地智道
入勢力觀法 次第而修行 得至於餘地
各得所利益 利一切世間 願說勿令斷
今時金剛藏菩薩觀察十方欲令大
衆增益信敬而說偈言

諸佛聖主道 微妙甚難解 非思量所得
唯智者行處 其性從本來 寂然無生滅
從本以來空 滅除諸苦惱 遠離於諸趣
等同涅槃相 无中亦無後 非言辭所說
出過於三世 其相如虛空 諸佛所行處
清淨深寂滅 言說所難及 地行亦如是
說之猶尚難 何況以示人 諸佛之智慧
離諸心數道 不可得思議 非有陰界入
但以智可知 非識之所及 如空迹難說
何可示其相 十地義如是 非無邊心知
是事雖為難 發願行慈悲 漸次具諸地
非心所能及 如是諸地行 微妙甚難見
不可以心知 當承佛力說 汝等當恭敬
咸共一心聽 諸地相入行 修習出法門
於無量億劫 說之不可盡 今如實略說
其義无有餘 一心恭敬待 今承佛力說
大音唱因喻 義名不相違 佛神力無量

今皆在我身我之所說者如大海一滴
金剛藏菩薩說此偈已告於大眾諸
佛子若衆生厚集善根修諸善行善
集助道法供養諸佛集諸清白法為
善知識所護入深廣心信樂大法心
多向慈悲好求佛智慧如是衆生乃
能發阿耨多羅三藐三菩提心為得
一切種智故為得十力故為得大無
畏故為得具足佛法故為救一切世
間故為淨大慈悲心故為向十方无
餘無闕智故為淨一切佛國令无餘
故為於一念中知三世事故為自在
轉大法輪廣示現佛神力故諸菩薩
摩訶薩生如是心諸佛子是心以大
悲為首智慧增上方便所護直心深
心淳至量同佛力善籌量衆生力佛
力趣向无闕智隨順自然智能受一
切佛法以智慧教化廣大如法性究
竟如虛空盡於後際諸佛子菩薩生
如是心即時過凡夫地入菩薩位生在
佛家種姓无可譏嫌過一切世間道
入出世間道住菩薩法中在諸菩薩
數等入三世如來種中畢定究竟阿

釋多羅三藐三菩提菩薩住如是法
名住歡喜地以不動法故諸佛子菩
薩摩訶薩住是歡喜地多喜多信多
清淨多踊悅多調柔多堪受不好鬪
諍不好惱亂衆生不好瞋恨諸佛子
諸菩薩住是歡喜地念諸佛故生歡
喜心念諸佛法故生歡喜心念諸菩
薩摩訶薩故生歡喜心念諸菩薩所
行故生歡喜心念諸波羅蜜清淨相
故生歡喜心念諸菩薩與衆殊勝故
生歡喜心念諸菩薩力不可壞故生
歡喜心念諸如來教化法故生歡喜
心念能為利益衆生故生歡喜心念
一切佛一切菩薩所入智慧門方便
故生歡喜心諸佛子菩薩復作是念
我轉離一切世間界生歡喜心入一
切佛平等中生歡喜心遠離凡夫地
生歡喜心近到智慧地生歡喜心斷
一切惡道生歡喜心與一切衆生作
依止生歡喜心近見一切諸佛生歡
喜心生諸佛境界生歡喜心入一切
諸菩薩數生歡喜心我離一切驚怖
毛豎等生歡喜心所以者何是菩薩

摩訶薩得歡喜地所有諸怖畏即皆
遠離所謂不活畏惡名畏死畏墮惡
道畏大衆威德畏離如是等一切諸
畏何以故是菩薩離我相故尚不貪
身何況所用之事是故无有不活畏
也心不怖望供養恭敬我應供養衆
生供給所須是故無有惡名畏也離
我見无我相故无有死畏又作是念
我若死已生必不離諸佛菩薩是故
無有墮惡道畏我所志樂无與等者
何況有勝是故無有大衆威德畏也
諸佛子如是菩薩離諸驚怖毛豎等
事諸佛子是菩薩以大悲為首深大
心堅固轉復勤修一切善根所謂以
信心增上多行淨心解心清淨多以
信心分別起悲愍心成就大慈心不
疲懈以慚愧莊嚴成就忍柔和敬
順諸佛教法信重尊貴日夜常修善
根无厭親近善知識常愛樂法求多
聞無厭如所觀法正觀心不貪著不
求利養名聞恭敬一切資生之物心
无慳恡常生實心無有厭足貪樂一
切智地常欲得諸佛力无畏不共法

求助諸波羅蜜法離諸諂曲如說能
行常行實語不汙諸佛家不捨菩薩
學戒生薩婆若心不動如大山王不
樂一切世間諸事成就出世間善根
集助菩提分法無有厭足常求勝中
勝道諸佛子菩薩摩訶薩成就如是
淨治地法名為安住菩薩歡喜地菩
薩如是安住歡喜地發諸大願生如
是決定心所謂我當供養一切諸佛
皆无有餘一切供養之具隨意供養
心解清淨發如是大願廣大如法性
究竟如虛空盡未來際盡供養一切
劫中所有諸佛以大供養具無有休
息又一切諸佛所說經法皆悉受持
攝一切諸佛阿耨多羅三藐三菩提
故一切諸佛所教化法悉皆隨順一
切諸佛法皆能守護發如是大願廣
大如法性究竟如虛空盡未來際盡
皆守護一切劫中一切佛法無有休
息又一切世界一切諸佛從兜率天
來下入胎及在胎中初生時出家時
成佛道時悉當勸請轉大法輪示入
大涅槃我於今時盡往供養攝法為

首三時轉故發如是大願廣大如法性究竟如虛空盡未來際盡一切劫奉迎供養一切諸佛無有休息又一切諸菩薩所行廣大高遠无量不可壞無有分別諸波羅蜜所攝諸地所淨生諸助道法有相无相道有成有壞一切菩薩所行諸地道及諸波羅蜜本行教化令其受行心得增長發如是大願廣大如法性究竟如虛空盡未來際盡一切劫中諸菩薩所行以法教化成熟衆生無有休息又一切衆生若有色若无色若有想若无想若非有想非无想若卵生若胎生若濕生若化生三界繫入於六道在一切生處名色所攝為教化成熟一切衆生斷一切世間道令住佛法集一切智慧使無有餘發如是大願廣大如法性究竟如虛空盡未來際盡一切劫教化一切衆生无有休息又一切世間廣狹極高無量不可分別不可移動不可說麤細正住倒住首足相對平坦圓方隨入如是世間智如帝網經幻事差別如是十方世界差

別皆現前知發如是大願廣大如法
性究竟如虛空盡未來世盡一切劫
如是世界皆現前淨知無有休息又
以一切佛土入一佛土一佛土入一切
佛土一一佛土无量光明莊嚴離諸
垢穢具足清淨道有無量智慧衆生
悉滿其中常有諸佛大神通力隨衆
生心而為示現發如是大願廣大如
法性究竟如虛空盡未來際盡一切
劫清淨如是國土无有休息又一切
菩薩同心同學共集諸善無有怨嫉
俱緣一事等心和合常不相離隨意
能現佛身自於心中悉能解知諸佛
神力智力常得隨意神通悉能遊行
一切國土一切佛會皆現身相一切
生處普生其中有如是不可思議大
智慧具足菩薩行發如是大願廣大
如法性究竟如虛空盡未來世盡一
切劫行如是大智慧道無有休息又
乘不退輪行一切菩薩道身口意業
所作不空衆生見者即必定佛法聞
我音聲即得真實智慧道有見我者
心即歡喜離諸煩惱如大藥樹王為

得如是心行諸菩薩道發如是大願
廣大如法性究竟如虛空盡未來世
盡一切劫行不退道所作不空无有
休息又於一切世界皆得阿耨多羅
三藐三菩提於一毛頭示身入胎出
家坐道場成佛道轉法輪度衆生示
大涅槃現諸如來大神智力隨一切
衆生所應度者念念中得佛道度衆
生滅苦惱知一切法如涅槃相以一
音聲令一切衆生皆使歡喜示大涅
槃而不斷菩薩所行示衆生大智地
使知一切法皆是假偽大智慧大神
通自在變化故發如是大願廣大如
法性究竟如虛空盡未來際盡一切
劫得佛道事求大智慧大神通等无
有休息諸佛子菩薩住歡喜地以十
願為首生如是等百万阿僧祇大願
以十不可盡法而生是願為滿此願
勤行精進何等為十一衆生不可盡
二世間不可盡三虛空不可盡四法
性不可盡五涅槃不可盡六佛出世
不可盡七諸佛智慧不可盡八心緣
不可盡九起智不可盡十世間道種

法道種智慧道種不可盡如衆生盡
我願乃盡如世間盡如虛空盡如法
性盡如涅槃盡如佛出世盡如諸佛
智慧盡如心緣盡如起智慧盡如道
種盡我願乃盡而衆生實不可盡世
間虛空法性涅槃佛出世諸佛智慧
心緣起智道種實不可盡我是諸願
福德亦不可盡諸佛子菩薩決定發
是大願則得利安心柔軟心調順心
善心寂滅心和潤心直心不亂心不
燒心不濁心如是則成信者樂心信
相分別功德信諸佛本所行道信行
諸波羅蜜而得增長信善入諸地得
殊勝功德信得成佛十力信具足四
無所畏信不共法不可壞信諸佛法
不可思議信諸佛力无中無邊信諸
如來无量行門信從因緣以成果報
舉要言之信諸菩薩普行諸佛功德
智慧威神力等諸佛子菩薩作是念
諸佛正法如是甚深如是離相如是
寂滅如是空如是无相如是無作如
是无染如是無量如是廣大如是難
壞而諸凡夫心墮邪見為无明癡冥

蔽其慧眼常立憍慢幢墮在渴愛網
隨順詭曲常懷慳嫉而作後身生處
因緣多集貪欲瞋恚愚癡起諸重業
嫌恨猛風吹罪心火常令熾盛有所
施作皆與顛倒相應欲流有流无明
流見流相續起心意識種於三界地生
苦惱牙所謂名色和合增長六入諸入
外塵相對生觸觸因緣故生諸受深
樂受故生渴愛渴愛增益故生取取
增長故復起後有有因緣故有生老
死憂悲苦惱如是因緣集諸苦聚衆
生受諸苦惱是中無我无我所無作
者无受者無知者如草木瓦石又亦
如影凡夫可憊不知不覺而受苦惱
菩薩於此見諸衆生不免諸苦即生
大悲智慧是諸衆生我等應救又欲
令住畢竟佛道之樂即生大慈智慧
菩薩摩訶薩隨順如是大慈悲法以
深妙心住在初地於一切物無所貪
惜尊重諸佛大妙智故學行大捨即
時所有可施之物盡能施與所謂穀
麥庫藏金銀摩尼珠車渠馬瑙琉璃
珊瑚瑤珀珂貝瓔珞嚴身之具諸珍

寶等及烏馬車乘輦輦人民奴婢眷
屬國土城邑聚落廬舍園林遊觀妻
子男女一切所愛皆悉捨與頭目耳鼻
支節手足舉身皆與深重佛智故而
不貪惜菩薩摩訶薩住於初地能行
大捨是菩薩以大悲心大捨心救一
切衆生故轉勤推求世間出世間利
益勝事心無疲懈是故菩薩生无疲
倦功德於諸經書能自開解是故生
知經書功德得如是知經書智慧善
能籌量應作不應作於上中下衆生
隨宜而行隨有依止來親近者隨力
利益是故菩薩生世智功德得世智
功德則知時知量慚愧莊嚴修習自
是功德行中精勤修行心不懈退是
精進不退功德即時得堪受力得堪
受力已勤行供養諸佛隨佛所說如說
而行諸佛子是菩薩悉知生起如是清
淨地法所謂信慈悲捨不疲憊知諸
經書善解世法慚愧堪受力供養諸
佛如所說行又是菩薩住歡喜地以
發願故廣見於諸佛數百數千數万

億那由他佛菩薩見諸佛時心大歡喜深心愛敬以菩薩樂具供養諸佛及供養僧以是福德皆迴向阿耨多羅三藐三菩提是菩薩因供養諸佛故生教化衆生法多以二攝攝取衆生所謂布施愛語後二攝法但以信解力行未善通達是菩薩隨所供養諸佛教化衆生皆能受行清淨地法如是諸功德皆自然迴向薩婆若轉益明顯堪任有用譬如佛子金師鍊金隨以火力調柔可用增益光色如是菩薩隨供養諸佛教化衆生受行清淨諸地之法此諸功德皆自然迴向薩婆若轉益明顯隨意所用又諸佛子菩薩摩訶薩於初地中相貌得果應從諸佛菩薩善知識所諮受請問成地之法不應厭廢是菩薩住初地中應於諸佛菩薩善知識所諮受請問第二地中相貌得果無有厭足如是第三第四第五第六第七第八第九第十地中相貌得果應從諸佛菩薩善知識所諮受請問成十地法元有厭廢是菩薩惡應善知諸地逆

順法善知諸地成壞善知諸地相貌
因果善知諸地得捨善知諸地清淨
行分善知諸地從一地至一地行善
知諸地是處非是處善知諸地轉所
住處善知諸地初事後事差別善知
諸地得不退轉相乃至善知一切菩
薩清淨地法善知入如來智地諸佛
子如是諸菩薩善知諸地相未發初
地乃至十地知无障閼得諸地智慧
光明故能得諸佛智慧光明諸佛子
如大商主多將賈人欲至大城應先
問道路退還過各在道利害未發初
處知道宿時乃至善知到彼城事能
以智慧思惟籌量具諸資用令无所
乏正導人衆得至大城於險道中免
諸患難身及諸人皆無憂惱諸佛子
菩薩摩訶薩亦復如是住初地而善
知諸地並順法乃至善知淨一切菩
薩清淨地法善知入如來智地

余時菩薩集大福德智慧資糧為衆
生商主隨宜教化令出生死險難惡處
示安隱道乃至令住薩婆若智慧大
城無諸衰惱是故諸佛子菩薩摩訶

薩常應心不疲倦勤修諸地本行乃至善知入如來智地諸佛子是名略說菩薩摩訶薩入歡喜地門廣說則有無量百千万億阿僧祇事菩薩摩訶薩住在此地多作閻浮提王豪貴自在常護正法能以布施攝取衆生善除衆生慳貪之垢常行大施而不窮匱所作善業若布施若愛語若利益若同事是諸福德皆不離念佛不離念法不離念諸菩薩摩訶薩伴不離念諸菩薩所行道不離念諸波羅蜜不離念十地不離念諸力無畏不共法乃至不離念具足一切種智常生是心我當於一切衆生之中為首為勝為大為妙為上為无上為導為將為師為尊乃至於一切衆生中為依止者諸佛子是菩薩摩訶薩若欲捨家勤行精進須臾之間於佛法中便能捨家妻子五欲得出家已勤行精進須臾之間得百三昧得見百佛知百佛神力能動百佛世界能飛過百佛世界能焰百佛世界能教化百佛世界衆生能住壽百劫能知過去未

來世各百劫事能善入百法門能變
身為百於一身能示百菩薩以為
眷屬若以願力自在示現過於此數
若干百千万億那由他不可計知余
時金剛藏菩薩摩訶薩欲重明此義
而說偈言

若有諸衆生 厚修集善根 成就於白法
親近於諸佛 清淨信力大 隨順慈悲心
如是人能發 無量之佛智 諸佛一切智
無量力清淨 堪受力堅牢 成就諸佛法
悲心救世間 淨修諸佛國 敷演轉法輪
發此無上願 一念知三世 而无有別異
種種時差別 以示於世間 略說則盡求
諸佛之功德 發於廣大心 猶若如虛空
悲心智慧首 方便合修行 淨信深心故
其力無有量 心向无障罣 而不隨他教
同諸佛平等 而生於大心 諸佛子當生
如是之實心 即離凡夫行 入於佛所行
即生如來家 無有可譏嫌 則同於諸佛
必成无上道 生如是心時 即便得初地
其心不可動 猶若如山王 是菩薩便有
大喜相顯現 其心常清淨 堪受於大事
心不樂聞訟 不好惱衆生 无有瞋恨心

樂慚愧恭敬 又習行直心 守護於諸根
常念救世間 念求諸佛智 心生於歡喜
我當得此事 得於歡喜地 即過五恐怖
不活畏死畏 及與惡名畏 三惡道怖畏
大衆威德畏 以不貪著我 及與我所故
是諸佛子等 遠離諸怖畏 常行慈悲心
恒有信恭敬 慚愧功德脩 晝夜增善法
樂功德實利 不樂於諸欲 如有所聞法
能常善思惟 無有貪著行 斷諸利養心
常樂於菩提 一心求佛智 行諸波羅蜜
離於諂曲心 隨說而能行 安住實語中
不汙諸佛家 不捨菩薩學 遠世間事業
樂利於世間 求善法无厭 精進轉增益
諸菩薩如是 好樂諸功德 而發於大願
求欲見諸佛 護法至佛所 行菩薩妙行
化一切衆生 淨一切佛土 我佛國土中
滿諸大菩薩 諸菩薩同心 見聞皆不空
一切微塵中 諸佛成佛道 發於如是等
無量无边願 是願無窮盡 如虛空衆生
法性世涅槃 諸佛出智慧 心緣起智種
我願如是住 如是發大願 心柔軟調順
能信佛功德 而觀於衆生 知從因緣起
則生慈悲心 即於苦衆生 我當救度之

為是衆生故而行種種施所謂妙國土
上妙諸珍寶爲馬及車乘眷屬與人民
頭目及手足肌肉施无悔求種種經書
心無有疲倦得解其義趣能隨世而行
慚愧堪受心漸令得增長能以恭敬心
供養無量佛智者於日夜如是常修行
善根得明了猶若成鍊金菩薩住是地
能了知十住展轉修行時无有諸障導
辟如賈客主欲利諸商人先問道路中
諸險艱難事菩薩住初地應知諸地行
而無有障導能至於佛地住是初地中
多作閻浮王善知於諸法常行慈悲心
如法而化導一切皆信敬勸令行布施
以求佛智慧菩薩若捨國佛法中出家
勤行於精進即得百三昧及見百諸佛
震動百國土光明照百國飛行亦如是
化百土衆生入於百法門念知百劫事
示現百種身能以百菩薩眷屬而示現
若以其願力過是數无量今明初地義
但以略解說若欲廣說者億劫不能盡
是初菩薩地名之為歡喜利益衆生者
今已分別說
離垢地第二

一切菩薩衆聞說上地義其心皆清淨
歡喜无有量各於所坐處踊住虛空中
脫身上妙衣以散金剛藏咸皆稱讚言
善哉金剛藏大智無所畏善說菩薩地
解脫月大士知衆心清淨欲聞第二地
相貌之所說即請金剛藏大智願解說
第二地相貌一切皆欲聞

尔時金剛藏菩薩摩訶薩語解脫月
菩薩言佛子諸菩薩摩訶薩已具足
初地欲得第二地者當生十心何等
為十一系軟心二調和心三堪受心
四善心五寂滅心六真心七不雜心
八無貪恡心九快心十大心若諸菩
薩摩訶薩已具足初地欲得二地者
先當生是十心諸佛子菩薩欲住是
離垢地從今已來離一切煞生捨棄
刀杖无瞋恨心有慚有愧於一切衆
生起慈悲心常求樂事尚不惡心惱
於衆生何況麤惡離諸劫盜資生之
物常自滿足不壞他財若物屬他他
所受用他所攝者於是物中一草一
葉不與不取何況過者離於邪婬自
足妻色不求外欲屬他女人尚不生

心何況從事離於妄語常真語實語
諦語隨語不作憎惡妄語乃至夢中
尚不妄語何況故作妄語離於兩舌
無破壞心此聞不向彼說彼聞不向
此說於闍諍離散人中常好和合離
於惡口所有言語麤麤苦惡令他瞋
惱又以瞋慢令他怖畏惱熱不愛不
喜自壞其身亦壞於他如是等語皆
悉捨離所有言語甚可喜樂美妙悅
耳能化人心和柔具足多人愛念能
令他人歡喜悅樂常出如是之語離
於綺語常自守護所可言說應作不
作常知時語實語利益語順法語壽
量語不為戲樂語乃至戲笑尚不綺
語何況故作不貪他物若有屬他他
所貪著他所攝用不作是念我當取
之離瞋害心嫌恨心迫熱心等常於
衆生求好事心愛潤心利益心慈悲
心離於占相習行正見決定深信罪
福因緣離於諂曲誠信三寶生決定
心菩薩如是常護善道作是思惟衆
生墮諸惡道者皆由十不善道因緣
我今當自住十善法亦當為人說諸善

法示正行處何以故若人自不行善
為他說法令住善者無有是處又是
菩薩復深思惟行十不善道因緣故
則墮地獄畜生餓鬼行十善道因緣
故則生人處乃至有頂處生又是十
善道與智慧和合修行心劣弱者樂
少功德畏三界大悲心薄從他聞
法至聲聞乘復有人行是十善道不
從他聞自然得知不能具足大悲方
便而能深入衆因緣法至辟支佛乘
復有人行是十善道清淨具足其心
廣大无量無邊於衆生中起大慈悲
有方便力志願堅固不捨一切衆生
故求佛大智慧故清淨菩薩諸地故
能淨諸波羅蜜故能入深廣大行又
能清淨行是十善道乃至能得佛十
力四無所畏四无尋智大慈大悲乃
至具足一切種智集諸佛法是故我
等應行十善道常求一切智慧是菩
薩復作是思惟此十不善道上者地
獄因緣中者畜生因緣下者餓鬼因
緣於中煞生之罪能令衆生墮於地
獄畜生餓鬼若生人中得二種果報

一者短命二者多病劫盜之罪亦令
衆生墮於地獄畜生餓鬼道若生人
中得二種果報一者貧窮二者共財
不得自在邪淫之罪亦令衆生墮於
地獄畜生餓鬼道若生人中得二種
果報一者婦不貞良二者得不隨意
眷屬妄語之罪亦令衆生墮三惡道
若生人中得二種果報一者多被誹
謗二者恒為多人所誑兩舌之罪亦
令衆生墮三惡道若生人中得二種
果報一者得弊惡眷屬二者得不和
眷屬惡口之罪亦令衆生墮三惡道
若生人中得二種果報一者常聞惡
音二者所可言說恒有諍訟綺語之
罪亦令衆生墮三惡道若生人中得
二種果報一者所有言語人不信受
二者有所言說不能分了貪欲之罪
亦令衆生墮三惡道若生人中得二
種果報一者多欲二者無有厭足瞋
惱之罪亦令衆生墮三惡道若生人
中得二種果報一者常為他人求其
長短二者常為他所惱害邪見之罪
亦令衆生墮三惡道若生人中得二

種果報一者常生邪見之家一者其
心諂曲諸佛子如是十不善道皆是
衆苦大聚因緣菩薩復作是念我等
何故不遠離是十不善道行十善道
亦令他人行此善道如是念已即離
十不善道安住十善道亦令他人發
心住於善道是菩薩今時於一切衆
生中生安隱心樂心慈心悲心憐愍
心利益心守護心師心大師心我所
有心作是念是諸衆生墮於邪見隨
逐邪心行邪險道甚可憐愍我等應
令是衆生住正見道如實法中是諸
衆生常共瞋恨鬪諍分別彼我我等
應令是衆生住无上大慈中是諸衆
生無有猷足常貪他人財物恒以邪
命自活我等應令是衆生住於清淨
身口意業是諸衆生隨逐貪欲瞋恚
愚癡因緣常為種種煩惱大火之所
燒然不求得出方便我等應令是衆
生滅諸煩惱大火安置清涼之處是
諸衆生常為無明黑闇所覆入大黑
闇遠離智慧光明入於生死大險道
中隨逐種種邪見我等應令是衆生

使得無尋清淨慧眼以是眼故知一切法如實相得不隨他教一切如實无障碍尋智是諸衆生墮在生死險道中將墮地獄畜生餓鬼深坑入惡邪見網中為種種愚癡叢林所覆隨逐虛妄邪道逕路常為愚癡之所盲冥遠離有智導師非是出道謂為出要墮惡魔道隨順魔意遠離佛意我等應令是衆生度於生死險道艱難安處令住一切智人无畏大城無諸衰惱是諸衆生為諸煩惱暴水所沒常為欲流有流見流無明流所漂常隨生死相續不絕入大愛河為諸煩惱勢力所食不能得求出要之道常為欲覺瞋覺惱覺惡虫所害又為身見水虫羅刹所執入於五欲深流洄復諸難之中為喜愛淤泥之所染汙我憊陸地之所焦枯无所歸趣於十二入怨賊聚落不能得出不遇導師能正度者我等應於是衆生生大慈悲以大善根力而拔濟之得安隱處離諸驚怖隱沒住一切智慧寶洲是諸衆生深心貪著多有憂悲苦惱患難憎

愛所縛欲械所繫入於三界元明稠林我等應令是衆生遠離一切三界所著令住離相無尋涅槃是諸衆生深著我我所於五陰操窟不能自出常隨四倒依六入空聚為四大毒蛇之所侵害為諸煩惱衆賊所煞受此无量諸苦惱者我等應令是衆生離一切貪著令住空無我智道所謂涅槃斷一切障尋是諸衆生其心狹劣樂於小法遠離无上一切智慧以是貪著小乘心故不求無底大乘出法我等應令是衆生住廣大心无量無邊諸佛法中所謂无上大乘諸佛子是菩薩如是隨順持戒力善能廣生大慈悲心是菩薩住離垢地得見數百佛數千万億那由他諸佛見諸佛已以衣被飲食卧具醫藥資生之物供養諸佛於諸佛所生恭敬心復受十善道受已乃至得阿耨多羅三藐三菩提終不中失是菩薩若干多百多千乃至多百千万億劫遠離慳貪破戒垢故淨修布施持戒諸佛子譬如成鍊真金在礬石中諸一切垢盡

轉復明淨菩薩亦如是住是離垢菩薩地中多百多千乃至无量百千萬劫離慳貪破戒垢故淨修布施持戒菩薩今時於四攝法中愛語偏多十波羅蜜中戒波羅蜜偏勝餘波羅蜜非不修集但隨地增長諸佛子是名菩薩摩訶薩第二離垢地菩薩住是地中多作轉輪聖王為大法王廣得法力七寶成就有力自在能除一切衆生慳貪破戒之垢以善方便令衆生住於十善道中為大布施而不窮盡所作善業若布施若愛語若利益若同事皆不離念佛不離念法不離念諸菩薩摩訶薩伴不離念諸菩薩所行道不離念諸波羅蜜不離念十地不離念諸力無畏不共法乃至不離念具足一切種智常生是心我當於一切衆生之中為首為勝為大為妙為上為无上為導為將為師為尊乃至於一切衆生中為依止者諸佛子是菩薩摩訶薩若欲捨家勤行精進須臾之間於佛法中便能捨家妻子五欲得出家已勤行精進須

史之間得千三昧得見千佛知千佛
神力能動千佛世界能飛過千佛世
界能照千佛世界能教化千世界衆
生能住壽千劫能知過去未來世各
千劫事能善入千法門能變身為千
於一一身能示千菩薩以為眷屬若
以願力自在示現過於此數若干百
千萬億那由他不可計知今時金剛
藏菩薩摩訶薩欲重明此義而說
偈言

菩薩柔軟心調和堪受心善心寂滅心
真心不雜心無有貪恡心快心與大心
得是十心已入於第二地菩薩住是地
成就諸功德常離於煞生不惱於一切
常離於劫盜不生邪淫心實語不兩舌
不惡口綺語他人所有物不生於貪心
不惱於衆生直心行正見無有憍慢心
亦无諂曲心柔軟不放逸護持諸佛教
所有劇苦惱地獄與畜生餓鬼熾然身
皆從惡心有我今已永離如是諸惡事
行於真實理寂滅之善法從人至有頂
所有受樂處禪樂三乘樂皆從十善生
如是思惟已心常不放逸身自持淨戒

亦教人令持 通觀諸衆生 種種受苦惱
如是慙念已 轉生深悲心 凡夫甚可愍
墮在諸邪見 心多懷瞋恨 常好起諍訟
常樂於五欲 貪求無有厭 起三毒因緣
我應度此等 深覆愚癡闇 墮生死險道
入大邪見網 墮於世籠檻 常為諸魔賊
煩惱之所壞 此等甚可愍 我應度脫之
沒深煩惱水 四流所漂蕩 具受於三界
百種諸苦毒 住五陰深櫟 生我我所心
我為度此苦 當勤修行道 捨无上佛慧
生於下劣心 令住佛大智 發無量精進
菩薩住此地 集无量功德 得值遇諸佛
承事而供養 以是因緣故 善根轉明淨
猶如好真金 鍊之以礬石 佛子住此地
常作轉輪王 令諸衆生等 住於十善道
從初發心來 所修集諸福 願以救世間
令得佛十力 若欲捨王位 出家行學道
勤心行精進 得入千三昧 得見數千佛
供養聽受法 菩薩住此地 能示如是事
若以其願力 示諸神通事 度脫於衆生
過此數无量 常為諸世間 勤求好事者
具足解說此 第二地已竟
十住經卷第一

壬寅歲高麗國大藏都監奉
勅彫造

十住經卷第二

我

後秦三藏鳩摩羅什譯

明地第三

諸菩薩聞是不可思議行心皆大歡喜
恭敬無有量即時虛空中雨衆名華香
如雲而垂下供養金剛藏咸讚言善哉
善哉金剛藏善說諸大人護持淨戒行
於諸衆生中深有憐愍心敷演解說是
第二地行處菩薩微妙行真實無有異
是諸菩薩等清淨之行處爲一切衆生
常求諸好事第二淨明地今已解說竟
天人恭敬者願說第三地善示智所作
菩薩之所行願說諸大人云何行布施
持戒及忍辱精進行禪定智慧與方便
并及慈悲心云何行是法清淨於佛行
解脫月菩薩語金剛藏言菩薩至三地
當以何等心
金剛藏菩薩摩訶薩語解脫月菩薩
言佛子諸菩薩摩訶薩深淨心行第
二地已欲得第三地當以十心得入
第三地何等爲十一淨心二猛利心
三獸心四離心五不退心六堅心七

明盛心八無足心九快心十大心諸佛子是菩薩摩訶薩以是十心得入第三地能觀一切有為法如實相所謂無常苦空无我不淨不久敗壞不可信相念念生滅又不生不滅不從前際來不去至後際現在不住菩薩如是觀一切有為法真實相知此諸法無作无起無來无去而諸衆生憂悲苦惱憎愛所繫無有停積无定生處但為貪恚癡火所然增長後世苦惱火聚無有實性猶如幻化見如是已於一切有為法轉復歇離趣佛智慧是菩薩知如來智慧不可思議不可稱量有大勢力无能勝者無有雜相无有衰惱憂悲之苦能至無畏安隱大城不復轉還能救无量苦惱衆生如是見知佛智無量見有為法无量苦惱於一切衆生轉生殊勝十心何等為十衆生可愍孤獨无救貧窮無所依止三毒之火熾然不息閉在三有牢固之獄常住煩惱諸惡剌林无正觀力於善法中欲樂心薄失諸佛妙法而常隨順生死水行驚畏惛惛

是菩薩見衆生如是多諸衰惱發大
精進是諸衆生我應救我應解應令
清淨應令得脫應著善處應令安住
應令歡喜應知所宜應令得度應使
滅苦菩薩如是善遠離一切有為法
深念一切衆生見諸佛一切智有無
量利益即時欲具佛智慧救度衆生
故勤行菩薩道作是思惟以何因緣
以何方便是諸衆生墮在大苦諸煩
惱中當拔出之使得永住畢竟常樂
即時知住无尋解脫智慧中者乃可
得此是無尋智慧解脫不離通達諸
法如實智无行行慧如是智慧之明
從何而得當知不離多聞決定智慧
復作是念無尋解脫等諸佛法以何
為本不離聞法為本菩薩如是念已
一切求法時轉加精進日夜常樂聽
法無有厭足心无休息喜法愛法依
法隨法重法究竟法歸法救法隨順
行法菩薩如是方便求法所有珍寶
財物金銀等庫藏無所置惜於此物
中不生難想但於說法者生難遭想
為求法故於内外物無不能捨世間

所有可布施者所謂國土人民眷屬
田業財物摩尼寶珠金銀庫藏爲馬
輦輦衆寶瓔珞諸嚴身之具妻子男
女及支節手足耳目鼻舌舉身施與
無所愛惜又爲求法故於說法者盡
心恭敬供養給侍破除憍慢我慢大
慢諸惡苦惱无理等事悉能忍受深
求法故若得一句未曾聞法勝得滿
三千大千世界珍寶得聞正法一偈
勝得轉輪聖王釋提桓因梵天王處
無量劫住是菩薩若有人來作是言
我與汝佛所說法一句能淨菩薩所
行道令汝得聞若能入大火坑受大
苦者當以相與是菩薩作是念我受
一句法故尚於三千大千世界火坑
從梵天投下何況墮小火坑我等求
法應盡受一切諸地獄苦猶應求法
何況人中諸小苦惱爲求法故發如
是心又如所聞法心常喜樂悉能正
觀是菩薩聞諸法已降伏其心於空
閑處心作是念如說行者乃得佛法
不可但以口之所言菩薩如是能住
明地即離諸欲惡不善法有覺有觀

離生喜樂入初禪滅覺觀內清淨心一
處無覺无觀定生喜樂入二禪離喜
故行捨心念安慧身受樂諸賢聖能
說能捨常念受樂入三禪斷苦斷樂
故先滅憂喜故不苦不樂行捨念淨
入四禪是菩薩過一切色相滅一切
有對相不念一切別異相故知無邊
虛空即入虛空无色定處過一切虛
空相知無邊識即入識无色定處過
一切識相知無所有即入无所有無
色定處過一切无所有處知非有想
非無想安隱即入无色非有想非無
想處但隨順諸法行故而不樂著是
菩薩以慈心高廣无量無瞋无恨無
惱害以信解力遍滿一方二方三方
四方四維上下亦復如是悲心喜心
捨心高廣无量無瞋恨无惱害以信
解力遍滿一方第二三四方四維上
下亦復如是是菩薩有種種神通力
能動大地一身為多身多身為一身
現滅還出石壁山障皆能徹過如行
虛空於虛空中加趺而去猶如飛鳥
入出於地如水無異履水如地身出

烟焰如火聚日月有大神德威力而能以手捫摸摩之身力自在乃至梵世是菩薩以清淨天耳過於人耳悉聞人天音聲遠近是菩薩以他心智如實知他心染心如實知染心離染心如實知離染心瞋心離瞋心癡心離癡心垢心離垢心小心大心散乱心如實知散乱心定心不定心縛心解心有上心無上心如實知有上心无上心如是以自心知他心是菩薩念知宿命諸所生處所謂一世二世三四五世乃至十二三十四十五十乃至百世千世万世百千万億那由他世一劫二劫乃至百千万億那由他無量劫數其中諸劫无量成壞於諸劫中所經因緣悉能念知我生彼處如是種族如是姓名如是飲食如是苦樂如是久住我於彼死生於此間於此間死生於彼間如是種種相貌因緣悉能念知是菩薩天眼清淨過於人眼見衆生生死形色好醜善惡貧賤富貴趣善惡道隨業受報皆如實知所謂是諸衆生成就身

惡業成就口惡業成就意惡業距逆
賢聖受邪見教起罪業因緣故身死
墮惡道生在地獄是諸衆生成就善
身業善口業善意業不逆賢聖信受
正見行善業因緣故死後生善處天
上是菩薩於諸禪定解脫三昧能入
能出而不隨生但見何處有助菩提
法處以願力故能生其中是菩薩住
明地中見數百千万億那由他諸佛
恭敬供養尊重讚歎衣服飲食卧具
醫藥親近諸佛聽受經法聽受法已
隨力而行是菩薩今時觀諸法不生
不滅衆緣而有於百千万億劫所集
欲縛漸得微薄一切有縛一切無明
縛皆悉微薄不復積集不積集故斷
於邪貪邪瞋邪癡諸佛子譬如真金
巧師鍊冶轉更精好光明倍勝菩薩
亦如是住在明地不集三縛故斷於
邪貪邪瞋邪癡諸善根轉增明淨是
菩薩忍辱心柔軟心美妙心不壞心
不動心不濁心不高心不下心一切
所作不望報心他少有作當生報心
不諂曲心不染亂心轉勝明淨今時

菩薩於四攝法中愛語利益偏多十
波羅蜜中忍辱波羅蜜精進波羅蜜
轉多餘助菩提法皆轉明淨諸佛子
是名諸菩薩第三明地菩薩摩訶薩
住是地中多作釋提桓因智慧猛利
能以方便因緣轉諸衆生令離淫欲
所作善業若布施若愛語若利益若
同事皆不離念佛念法乃至不離念
具足一切種智常生是心我當何時
於衆生中為首為尊乃至於一切衆
生為依止者是人若欲勤加精進於
須臾間能得十萬三昧乃至能示十
萬菩薩以為眷屬隨其願力神通自
在不可筭數若干百千萬億那由他
劫不可計知尔時金剛藏菩薩欲令
此義轉明故而說偈言

菩薩以是心能得第三地淨心猛獸心
離心不退心堅心堪受心快心及大心
以如是等心得入於三地智者住明地
觀有為作法不淨無常苦无我壞敗相
無有牢固性不久念念滅如是思惟知
无有來去相見諸有為法如病如癰瘡
愛心所纏縛生諸憂悲苦但為貪恚癡

猛火所焚燒從無始世來熾然常不息
即時於一切三界生獸離惡賤有為法
心无所貪著但求諸佛智無量无边限
甚深難思議清淨無諸苦如是見佛智
无諸苦惱已哀愍諸衆生貧窮無福慧
三毒火常然无有救護者墮在地獄中
百種苦所切放逸凡夫人没諸煩惱聚
盲冥無所見失諸佛法寶常隨生死水
无怖空怖畏我於是衆生當勤度脫之
精進求智慧為作饒益者思惟何方便
可以得救護唯有諸如來深妙無尋智
此智何為因唯從智慧生思惟是智慧
但從多聞生如是籌量已勤求多聞法
日夜常精進聽受無厭倦讀誦愛樂法
唯法以為貴為欲求法故以諸珍寶等
所親愛妻子隨意諸眷屬國土及城邑
資生諸好物歡喜而施與心無所戀惜
頭目耳鼻舌牙齒及手足支節身血肉
心肝及髓腦以此等施人猶不以為難
若得聞正法是為最甚難假令有一人
語此菩薩言汝今若能入是大猛火聚
然後當與汝諸佛所說法聞已即歡喜
自投於火聚設使大千界火聚滿其中

須彌梵世下 不足以為難 若為求一句
諸佛所說法 救諸苦惱者 得之甚為難
始從初發心 乃至成佛道 我於其中間
盡此諸劫數 為欲求諸法 倍受阿鼻苦
何況於人間 小小諸苦惱 以聽法因緣
能得正憶念 正憶念因緣 能生諸禪定
深妙等三昧 及五神通事 次第皆能起
自在不隨生 菩薩住是地 能以決定心
多供養諸佛 聽受所說法 斷邪愛恚等
餘煩惱微薄 猶如成鍊金 調和得其所
菩薩住是地 功德藏充滿 多作忉利王
自在化嬉欲 受佛功德故 化導无量衆
悉能令得住 无上佛道中 菩薩住是地
能以柔軟心 勤行於精進 得百千三昧
悉得見諸佛 相好莊嚴身 其心轉猛利
願力者殊勝 常為諸衆生 勤求好事者
分別解說此 第三明地已

焰地第四

諸佛子聞說 如是地相義 深妙无有量
心皆大歡喜 散衆名花香 供養於如來
地及大海水 悉皆大震動 天諸姝女等
於上虛空中 同以微妙音 歌頌此上法
他化自在王 聞以大歡喜 雨摩尼珠寶

以散於佛上 踊躍稱讚言 善哉佛出世
功德藏流布 利益於我等 我今聞說此
菩薩地相義 是事百千劫難聞而得聞
願更說後地 利益諸天人 僉皆喜欲聞
得地諸行相 解脫月菩薩 重請金剛藏
願為諸菩薩 說至四地行

今時金剛藏菩薩摩訶薩語解脫月
菩薩言佛子諸菩薩摩訶薩具足清
淨行第三地已欲得第四地者當以
十法明門得入此四地何等為十一
思量衆生性二思量法性三思量世
界性四思量虛空性五思量識性六
思量欲界性七思量色界性八思量
無色界性九思量快信解性十思量
大心性諸佛子菩薩以此十法明門
能從三地入第四地諸佛子菩薩摩
訶薩若得第四菩薩焰地即於如來
家轉有勢力得內法故有十種智何
等為十一不退轉心二於三寶中得
不壞信清淨畢竟智三修習觀生滅
四修習諸法本來不生五常修習轉
還世間行六修習知業因緣故有生
七修習分別生死涅槃門差別八修

習衆生業差別九修習前際後際差別十修習現在常滅不住行是十智心則生佛家轉得勢力復次佛子菩薩摩訶薩住是菩薩第四地觀內身偕身觀精勤一心除世間貪憂觀外身偕身觀精勤一心除世間貪憂觀內外身偕身觀精勤一心除世間貪憂觀內受外受內外受內心外心外心內法外法內外法偕法觀精勤一心除世間貪憂是菩薩未生惡不善法為不生故欲生勤精進發心正斷已生諸惡不善法為斷故欲生勤精進發心正斷未生諸善法為生故欲生勤精進發心正行已生諸善法為住不失修增廣故欲生勤精進發心正行是菩薩修行四如意分欲定斷行成就修如意分依止猒依止離依止滅迴向於捨精進定斷行成就修如意分心定斷行成就修如意分思惟定斷行成就修如意分依止猒離滅迴向於捨是菩薩修行信根依止猒離滅迴向於捨精進根念根定根修行慧根依止猒離滅迴向於捨

是菩薩修行信力依止歇離滅迴向
於捨精進力念力定力修行慧力依
止歇離滅迴向於捨是菩薩修行念
覺分依止歇離滅迴向於捨擇法覺
分精進覺分喜覺分除覺分定覺分
修行捨覺分依止歇離滅迴向於捨
是菩薩修行正見依止歇離滅迴向
於捨正思惟正語正業正命正精進
正念修行正定依止歇離滅迴向於
捨是菩薩以不捨衆生心故行以本
願力故大悲為首大慈合行為攝一
切智為莊嚴佛國為具佛諸力无畏
不共法三十二相八十種好具足音
聲為隨順佛深解脫為思惟大智慧
方便故行諸佛子諸菩薩摩訶薩住
菩薩焰地所有身見著等著我著衆
生著人壽者知者見者著五陰十二
入十八界所起屈申卷舒出沒推求
心所行愛著寶重所見為歸為洲皆
悉斷滅是菩薩轉倍精進慧方便所
生助道法隨所修行心轉柔和堪任
有用心无疲倦轉求上法增益智慧
救一切世間隨順諸師恭敬受教如

所說行是菩薩。今時知恩知報恩。心轉和善。同止安樂。直心軟心。无有邪曲。行正定行。无有憍慢。則易與語。隨順教誨。得說者意。如是具足善心。軟心寂滅心。忍辱心。淨地。諸法思惟。修行是菩薩。今時成不轉精進者。不捨精進。不壞精進。不猒精進。不倦精進。廣大精進。無邊精進。猛利精進。无等等精進。救一切衆生。精進分別。是道非道。精進是菩薩。心志清淨。不失深心。信解明利。諸善根增長。遠離世間垢濁。不信疑悔等。皆已滅盡。无疑无悔。現前具足。於一切佛。大信解。事中不猒。不捨。自然習樂。无量之心。常現在前。菩薩住是第四焰地。能見諸佛。數百數千。數千萬億那由他佛。供養恭敬。尊重讚歎。衣服飲食。卧具醫藥。親近諸佛。一心聽法。聽受法已。能信奉持。多於佛所出家修道。是菩薩樂心深心。清淨信解。平等轉更明了。住壽多劫。若干百千萬億那由他劫。善根轉勝。明利。諸佛子。如上真金。以為莊嚴。餘金不及。如是諸菩薩摩訶薩。住

此菩薩焰地諸善根轉增明利下地
菩薩所不能及譬如摩尼珠光明清
淨能照四方餘寶不及雨漬水澆光
明不滅菩薩住焰地中下地菩薩所
不能及一切諸魔及諸煩惱皆不能
壞其智慧諸佛子是名略說諸菩薩
摩訶薩第四焰地菩薩摩訶薩住是
地中多作須夜磨天王多教化衆生
破於我心所作善業若布施若愛語
若利益若同事皆不離念佛不離念
法不離念諸菩薩摩訶薩為伴乃至
不離念具足一切種智常生是心我
當何時於一切衆生中為首為尊乃
至於一切衆生中為依止者是菩薩
摩訶薩若欲如是勤行精進須臾之
間得百億三昧乃至示現百億菩薩
以為眷屬若以願力自在示現過於
此數若干百千万億那由他不可計
劫今時金剛藏菩薩欲重明此義而
說偈言

諸菩薩具足修治明地已觀諸衆生性
法性世間性虛空性識性三界性信解
深心清淨故得入第四地即於如來家

增長得勢力不退於佛道三寶不壞信
觀生滅無作知世間轉行從業而有生
生死涅槃異知衆生諸業觀法先後際
不住常滅相佛家生勢力諸大菩薩等
得如是法已憐愍諸衆生習身受心法
內外四念處依止於厭離亦依止寂滅
迴向於涅槃除滅惡法故善法得增長
習行四正法修四如意分習行於五根
及以修五力修習七覺意行於八聖道
修習如是法皆為衆生故本願之所助
慈悲心為首求覓一切智為淨諸佛土
成十力功德无畏不共法諸音聲言說
甚深妙道法及无碍解脫大智慧方便
從身見為首六十二見等衆生見人見
命者知者見於諸陰界入之所貪著處
得是第四地皆悉已除斷隨斷煩惱業
其心亦隨淨諸所作善業皆為救世間
菩薩柔軟心常不為放逸堪用心直心
求利衆生心如此所求事皆為无上道
大智慧職位利益世間故深心敬養師
如說樂修行知恩報恩者易化元瞋恨
无有邪曲心柔和同止樂修習如是法
精進不退轉菩薩住是地深心及直心

淨心與信解 皆轉得明淨 增長諸善根
垢濁疑悔法 如是等諸事 皆悉得除滅
諸菩薩住是 第四焰地中 得值无量佛
諮受所說法 於是諸佛所 出家難沮壞
如真金莊嚴 餘金所不及 菩薩住是地
諸功德深心 智慧及方便 所行清淨道
乃至千億魔 皆所不能壞 如真妙明珠
不為水雨敗 菩薩住是地 天人所供養
多作夜摩王 能轉諸邪見 所作諸善業
皆為佛智慧 其心常堅固 不可得動轉
若勤行精進 得百億三昧 能見百億佛
願力則過是 如是第四地 清淨名為焰
无量福慧者 今已解說竟

難勝地第五

諸菩薩間是 第四地行法 心皆大歡喜
踊躍无有量 雨天衆寶花 雰雰如雪下
咸讚言善哉 金剛藏大士 他化自在王
與諸眷屬等 於上虛空中 心皆大歡喜
放衆妙光明 作天諸伎樂 歌歎佛功德
并及菩薩衆 天諸姝女等 各以清妙音
同聲稱讚佛 而說如是言 世尊久遠來
勤苦所求願 无上正真道 於今始乃得
利益天人者 久乃今得見 釋迦牟尼佛

今至於天宮 從久遠已來 今始異相動
久遠世已來 今始放妙光 衆生從久來
今始得安樂 久來方得聞 大慈悲德音
度諸功德岸 久遠今乃值 聖王能悉破
憍慢我心等 无比可供養 而今得供養
能開諸天道 使得一切智 世尊甚清淨
无量如虛空 不染於世法 如蓮花在水
處世最高大 猶如大海中 須弥金山王
是故歡喜礼如是諸天女 各以衆妙音
敬心歌頌已 默然而觀佛 解脫月菩薩
請金剛藏言 菩薩得五地 相貌之因緣
金剛藏菩薩摩訶薩語 解脫月菩薩
言 佛子 諸菩薩摩訶薩 已具足第四
地 欲得第五地 以十平等心 能入第
五地 何等為十 一過去佛法平等 二
未來佛法平等 三現在佛法平等 四
戒淨平等 五心淨平等 六除見疑悔
淨平等 七知道非道淨平等 八行知
見淨平等 九諸菩提分法轉勝淨平
等 十等化衆生淨平等 諸佛子 諸菩
薩摩訶薩 以是十平等淨心 具足得
入於五地 善修菩提法 故深心清淨
故求轉勝道 故則能得佛道 是菩薩

得大願力以慈悲心不捨於一切以得念慧心道理之勢力修習於福慧不捨起方便欲得轉勝道上地明觀法受諸佛神力所護生定不退心如實知是苦聖諦是苦集諦是苦滅諦是至滅苦道諦是菩薩善知世諦善知第一義諦善知相諦善知差別諦善知示成諦善知事諦善知生起諦善知盡無生諦善知令入道諦次第成菩薩諸地故善知習如來智諦卽時菩薩常在一乘故善知第一義諦隨衆生意令歡喜故知世諦分別諸法自相故知相諦諸法各異故知差別諦分別諸陰界入故知示成諦以身心苦惱故知苦諦諸道生相續故知集諦畢竟滅一切惱熱故知滅諦起不二法故知道諦以一切種智知一切法次第成一切菩薩地故善知習如來智諦以信解力故知非得无盡諦智菩薩如是以此諸諦智如實知一切有為法虛偽誑詐敗壞相假住須臾誑惑凡夫人菩薩卽時於衆生中大悲轉勝而現在前能生大慈

光明得如是智慧力不捨一切衆生
常求佛智慧如實觀一切有為法先
際後際知衆生從先際无明有愛故
生流轉生死於五陰歸處不能動發
增大苦惱聚是中无我无我所无衆
生無人无知者无壽命者後際亦如
是如是无所有而愚癡貪著不斷不
知无邊有出无出今時作是念凡夫衆
生甚為可怖无明癡故有无量无邊
阿僧祇身已滅今滅當滅如是常受
生死不能於身生厭離想轉更增長
機關苦身常為生死水漂不能得返
歸五陰舍不能捨離不畏四大毒蛇
不能拔出惱慢見箭不能滅除貪恚
癡焰不能破壞无明愚闇不能乾竭
愛著大海不求十力大聖導師常隨
魔意於生死城中多為諸惡覺觀所
轉如是苦惱孤窮衆生无有救者无
有舍者无有究竟道者唯我一人獨
無等侶修集福德智慧以是資糧令
此一切衆生得住畢竟清淨乃至使
得一切法中佛无尋智力如是思惟
從正觀生於智力發願所作一切善

根皆為度諸衆生故為一切衆生求
好事故求安樂故為利益一切衆生
故為解脫一切衆生故為一切衆生
無苦惱故為一切衆生无憂惡故為
一切衆生心清淨故為調伏一切衆
生故為滅一切衆生諸憂惱苦滿其
願故是菩薩今時住此第五難勝地
中不忘諸法故名為念者決定智慧
故名為智者知經書意次第故名為
有道者自護護彼故名為有慚愧者
不捨持戒故名為堅心者善思惟是
處非處故名為覺者不隨他故名為
隨智者善分別諸法章句義故名為
隨慧者善修禪定故名為得神通者
隨世間法行故名為方便者善集福
德資糧故名為无厭足者常求智慧
因緣故名為不捨者集大慈大悲因
緣故名為無疲倦者常正憶念故名
為遠離破戒者深心求佛十力四無
所畏十八不共法故名為常念佛法
者常令衆生離惡修善故名為莊嚴
佛國者種諸福德莊嚴三十二相八
十種好故名為行種種善業者求莊

嚴佛身口意故名爲常行精進者供
養一切說法菩薩故名爲樂大恭敬
者一切菩薩諸世間方便中心无瞋
辱故名爲心无辱者常樂教化衆生
故名爲晝夜遠離餘心者菩薩如是
行時布施亦教化衆生愛語利益同
事亦教化衆生又以色身示現亦教
化衆生亦以說法教化衆生亦示菩
薩行事教化衆生亦示諸佛大事教
化衆生亦示生死過惡教化衆生亦
示諸佛智慧利益教化衆生菩薩如
是修習以大神力種種因緣方便道
教化衆生是菩薩雖種種因緣方便
心常在佛智而不退失善根又復常
求轉勝利益衆生法是人利益衆生
故世間所有經書伎藝文章竿數名
性經書治病醫方所謂治乾消病小
兒病鬼者病蠱毒病癩病等伎樂歌
舞戲笑歡娛經書國土城郭聚落室
宅園觀池泉華果藥草林樹金銀摩
寶聚日月五星二十八宿占相吉凶
地動夢書恠相身中諸相布施持戒

攝伏其心禪定神通四禪四無量心
四元色定凡諸不惱衆生事安樂衆
生事憐愍衆生故出令入諸佛无上
之法菩薩住是難勝地值數百數千
數万億佛供養尊重讚歎衣服飲食
卧具醫藥親近聽法聽法已出家出
家已於諸佛所聽受經法而為法師
說法利益得轉勝多聞積三昧乃至
過百千万億劫不忘此事是菩薩今時
一切福德善根轉勝明淨佛子譬如
成鍊真金以車渠磨瑩其光轉勝菩
薩住是地中方便智慧力故功德善
根轉淨明勝下地所不及又如日月
星宿諸天宮殿風持令去不失法度
如是佛子菩薩住難勝地以方便思
惟故福德善根轉倍明淨而不取證
亦不疾至佛道諸佛子是名諸菩薩
摩訶薩難勝地今已略說菩薩摩訶薩
住是地中多作梵率陀天王諸根猛
利能摧伏一切外道有所作業若布
施愛語利益同事皆不離念佛念法
念菩薩伴乃至不離念具足一切種
智我當何時於衆生中為首為尊乃

至於一切衆生中為依止者諸佛子
是菩薩若欲如是勤行精進須臾之
間能得千億三昧乃至示千億菩薩
以為眷屬若以願力神力自在復過
是數若干百千万億不可得知今時
金剛藏菩薩欲明此義故重說偈言
諸菩薩具足四地行法已思惟三世佛
戒等心亦等除見疑悔等道非道行等
觀諸平等已得入第五地四念處為弓
諸根為利箭四正勤為馬四如意為車
五力以為鎧破諸煩惱賊勇健不退轉
直入第五地慚愧無垢衣淨戒以為香
七覺為華鬘禪定為塗香智慧與方便
種種念莊嚴如是得入諸陀羅尼園林
四如意為足正念為頭頂慈悲明淨眼
利智慧為牙以空无我吼破諸煩惱賊
如是人師子能入第五地是菩薩得至
住於第五地轉修勝淨法皆為佛道故
常行慈悲心未曾有厭倦但為修習此
第五地行法深集二資糧福德及智慧
種種方便力欲得上明觀常為佛所護
得成於念慧次第能善觀如實知諸諦
第一諦世諦差別諦成諦事生滅道諦

至无障尋諦如是觀諸諦心微妙清淨
雖為未能得無障尋解脫以能有智慧
及與信力故得勝於一切世間諸智慧
如是觀諸諦悉知有為法虛妄偽詐誑
无有一堅實能得於諸佛慈悲光明分
為諸衆生故專心求佛慧知有為先後
衆生甚可憊墮在无明闇愛因緣所繫
是菩薩能拔世間之苦惱知法无壽者
猶如草木等衆生常以二煩惱因緣故
從於先世來後世亦如是相續不斷絕
不能盡苦邊於此生愁傷我當度脫之
不出五陰舍不畏四大害不拔諸邪箭
不滅三毒焰不破无明闇墮在大愛海
無有智慧明離大導師故知如是事已
轉加勤精進有所作起業皆為度衆生
常念正念慧修道有慚愧堅心與智慧
轉更令增益修福慧无厭持戒不羸弱
求多聞无倦正修淨佛土種相好音聲
因緣无厭足所作諸善業皆為利衆生
為利世間故造立經書等名姓鬼病方
歌儻戲笑等堂閣園林法衣服諸飲食
示種種寶聚令衆得歡喜占日月五星
二十八宿等地動吉凶相夢書諸恠事

布施持戒等 離欲修禪定 四無量神通
安樂世間故 大智慧菩薩 得此難勝地
供養數億佛 從佛而聽法 而修諸善根
皆悉得明淨 猶如車渠寶 瑩磨於真金
辟如寶宮殿 隨風不失法 世法利不染
如蓮華在水 菩薩住是地 多作堯率王
諸根轉猛利 破諸外道見 所作諸善業
皆為佛智慧 得佛力无畏 能度諸衆生
是菩薩勤修 轉勝精進力 能得千萬億
諸深妙三昧 供養千億佛 能動千世界
隨其所願力 過是數無量 如是第五地
種種諸方便 上智慧大人 如法解說竟
十住經卷第二

壬寅歲高麗國大藏都監奉
勅彫造

十住經卷第三

戒

現前地第六

後秦三藏鳩摩羅什譯

諸菩薩聞說上地之行相在於虛空中
雨衆妙珍寶放清淨光明供養於世尊
咸讚言善哉善哉金剛藏時有無量億
諸天皆歡喜於上虛空中雨衆寶末香
光明相綺錯微妙甚可樂衆香華瓔珞
幡蓋雨佛上他化自在王與諸眷屬等
雨衆妙寶物雰雰如雲下歌頌供養佛
稱歎金剛藏咸讚言善哉善哉快說此
千萬億天女於上虛空中作衆天音樂
歌歎佛功德咸作如是言如來之所說
微妙无有量能滅諸煩惱諸法本性空
無有毫末相空无有分別同若如虛空
無有去住相亦无有戲論本來常清淨
如如無分別若人能通達一切諸法性
於有於无中其心不動搖但以大悲心
為度諸衆生是名諸佛子從佛口法生
常行於布施利益諸衆生本來雖善淨
持戒而堅心雖知法无傷而行於忍辱
雖知法性離而行於精進雖先滅煩惱

而入於諸禪雖先解法空而選擇諸法
寂滅智雖多而求利世間能滅諸惡者
名之為大人如是諸天女百千種妙音
稱讚歌頌已皆默然觀佛解脫月菩薩
請金剛藏言當以何相貌得成第六地
金剛藏菩薩言諸佛子菩薩摩訶薩
已能具足五地行欲入六地當以十
平等法得入於六地何等為十一以
無性故一切法平等二以无想故一
切法平等三以無生故一切法平等
四以无滅故一切法平等五以本來
清淨故一切法平等六以無戲論故
一切法平等七以不取不捨故一切
法平等八以離故一切法平等九以
幻夢影響水中月鏡像焰化故一切
法平等十以有無不二故一切法平
等諸佛子諸菩薩摩訶薩具足五地
行以是十平等法能入第六地諸佛
子若菩薩摩訶薩能如是觀一切法
性能忍隨順得第六地无生法忍雖未
現前心已明利成就順忍是菩薩觀
一切法如是相大悲為首增長具足
更以勝觀觀世間生滅相故作是念

世間所有受身生處皆以貪著我故
若離著我則無世間生處諸凡夫人
愚癡所盲貪著於我常樂求有恒隨
邪念行邪妄道習起三行罪行福行
不動行以是行故起熱心種子有漏
有取心故起生死身所謂業為地識
為種子无明覆蔽愛水為潤我心溉
濯種種諸見令得增長生名色牙因
名色故生諸根諸根合故有觸生從
觸生受樂受故生渴愛渴愛增長故
有四取四取因緣故起業於有起五
陰身名為生五陰衰變名為老衰變
滅名為死老死因緣有憂悲熱惱衆
苦聚集是十二因緣无有集者自然
而集無有散者自然而散因緣合則
有因緣散则无菩薩摩訶薩如是於
六地中隨順觀十二因緣又作是念
不如實知諸諦第一義故有無明覆
心无明業果是名諸行依諸行有初
識與識共生有四取陰依止取陰有
名色名色成就有六入諸根行塵故
有識從是和合生有漏觸觸共生有
受貪樂於受名為愛愛增長名為取

從取起有漏業有業有果報五陰名為生五陰熟名為老熟五陰壞名為死死別離時愚人貪著心熱名為憂悲發聲啼失五識名為苦意識名為憂憂苦轉多名為惱如是但生大苦樹大苦聚如是十二因緣苦聚無我无我所無作者无使作者菩薩作是念若有作者則有作事若無作者則无作事第一義中無作者无作事又作是念三界虛妄但是心作如來說所有十二因緣分是皆依心所以者何隨事生貪欲心是心即是識事是行行誑心故名无明識所依處名名色以入生貪心名六入三事和合有觸觸共生名受貪著所受名為渴愛渴愛不捨名為取是和合故名為有此有更有有相續名為生生變熟名為老老壞名為死此中無明有二種作一者緣中癡二者為生諸行因行亦有二種作一者生未來世果報二者與識作因識亦有二種作一者能令有相續二者與名色作因名色亦有二種作一者互相助成二者與六入作

因六入亦有二種作一者能緣六塵
二者能與觸作因觸亦有二種作一
者能觸所緣二者能與受作因受亦
有二種作一者覺憎愛事二者與愛
作因愛亦有二種作一者所可染中
生貪心二者與取作因取亦有二種
作一者能增長煩惱二者與有作因
有亦有二種作一者能於餘道中生
二者與生作因生亦有二種作一者
能起五陰二者與老作因老亦有二
種作一者令諸根熟二者與死作因
死亦有二種作一者壞五陰身二者
以不見知故而令相續不絕是中元
明緣諸行者無明令行不斷助成行
故行緣識者令識不斷助成識故識
緣名色者令名色不斷助成名色故乃
至生緣老死憂悲苦惱生不斷相續
助成故无明滅故則諸行滅乃至老
死憂悲苦惱亦如是是中無明若无
諸行亦無因滅則果滅餘分亦如是
是中无明愛取是三分不斷煩惱道
諸行及有不斷業道餘因緣分不斷
苦道先際後際相續不斷故是三道

不斷是三道離我我所而有生滅如
二竹相對而住不堅似堅無明因緣
諸行者即是過去世事識名色六入
觸受是現在事受取有生老死是未
來世事於是有三世出无明滅故諸
行滅名為斷相續說十二因緣說名
三苦無明行識名色六入名為行苦
觸受名為苦苦愛取有生死憂悲苦
惱名為壞苦无明滅故諸行滅乃至
老死名為斷三苦相續說因無明諸
行生餘亦如是无明滅諸行滅以諸
行體性空故餘亦如是無明因緣諸
行以生縛說餘亦如是无明滅故諸
行滅以滅縛說餘亦如是無明因緣
諸行是隨順无所有觀說无明滅諸
行滅是隨順盡觀說餘亦如是如是
逆順十種觀十二因緣法所謂因緣
分次第身心所攝自助成法不相捨
離隨三道行分別先後際故三苦差
別故從因緣起生滅縛故無所有盡
觀故今時菩薩隨十二因緣觀无我無
衆生无壽命者無人性空離作者使
作者无主属衆因緣無所有如是觀

時空解脫門現在前滅此事餘不相
續故名無相解脫門現在前知此二
種更不樂生唯除大悲心教化衆生
无願解脫門現在前菩薩修行是三
解脫門離彼我相離作者受者相離
有無相悲心轉增以重悲心故勤行
精進未滿助菩提法欲令滿足菩薩
作是念有為和合故增離散則滅衆
緣具故增不具故滅我今知有為法
多過故不應具和合因緣亦不畢竟
滅有為法為教化衆生故諸佛子菩
薩如是知有為法多過無性離堅固
相无生無滅與大慈悲和合不捨衆
生即時得无障碍般若波羅密光明
現在前得如是智慧具足修集取阿
耨多羅三藐三菩提因緣而不與有
為法共住觀有為法性寂滅相亦不
住其中欲具足无上菩提分故菩薩
住現前地中得快空三昧性空三昧
第一義空三昧第一空三昧大空三
昧合空三昧生空三昧如實不分別
空三昧攝空三昧離不離空三昧如
是等万空三昧門現在前无相無願

三昧亦如是是菩薩住現前地中志
心決定心妙心深心不轉心不捨心
廣心無邊心樂智心慧方便和合心
如是等心轉勝增長故隨順阿耨多
羅三藐三菩提一切外道論師不能
傾動入於智地轉聲聞辟支佛決定
向佛智一切衆魔及諸煩惱所不能
制安住菩薩智慧明中善修應空无
相無願解脫門專以慧方便行助菩
提法是菩薩住現前地於般若波羅
密中得轉勝行得第三上順忍以順
是法無有違逆故菩薩住是現前地
中得見數百數千佛乃至數百千萬
億佛供養恭敬尊重讚歎衣服飲食
卧具醫藥親近諸佛於諸佛所聽法
聽法已如實隨智慧光明故如所說
行令諸佛歡喜是人轉勝知諸佛法
藏乃至無量百千萬億劫諸善根轉
妙明淨諸佛子譬如真金以琉璃磨
瑩光色轉勝菩薩住此現前地以慧
方便故善根轉勝明淨寂滅餘地所
不及諸佛子譬如月明能令衆生身
得清淨四種風吹不能過絕菩薩摩

訶薩住是現前地善根轉勝能滅無量衆生煩惱之火四種惡魔所不能壞諸佛子是名諸菩薩摩訶薩現前地菩薩住是地中多作善化自在天王智慧猛利能破一切增上慢者聲聞問難不能窮盡有所施作布施愛語利益同事皆不離念佛念法念諸菩薩伴乃至不離念一切種智常發願言我於一切衆生為首為尊乃至於一切衆生為依止者是菩薩若欲勤行精進於須臾間得十萬億三昧乃至能示十萬億菩薩眷屬若以願力能過是數不可稱計若干百千萬億劫今時金剛藏菩薩欲令此義明了故而說偈言

諸菩薩已得具足行五地知諸法無相无相無生滅本來常清淨无有諸戲論修集如是智得入第六地諸法常離相不取亦不捨性空猶如幻離二无分別若能順如是微妙之理趣心無有違逆得入第六地住於利順忍智慧得力故觀察於一切世間生滅相悉知諸世間皆從癡闇出癡闇若滅者則無諸世間

觀擇因緣法隨順第一義而不壞緣報所作及假名如實無作者亦无有受者如是觀有為如雲無實事不知真諦義名之為無明從是則生思身口行得報從行故有識即生於名色如是生世間至生死苦聚了知於三界但從心而有知十二因緣在於一心中如是則生死但從心而出心若得滅者生死則亦滅无明二種作作癡作於業乃至於老死破散壞五陰從於此事邊具出於苦惱是事若盡者苦惱則亦盡無明若具足相續則不断因緣若不具則斷於相續无明及愛取即是煩惱道行有是業道餘則是苦道癡至於六入是名為行苦觸受是苦苦餘分是壞苦滅三苦相續則更無有我无明及諸行則是過去世識與及於受是則為現在從愛而生苦則是未來世無明若滅者是則无有苦癡從衆緣生則生於諸縛衆緣若滅者則滅於諸縛從因而生果因滅則果滅如是觀諸法自性則皆空隨順於無明則有世間出若逆於无明是則斷於有從是則有是是无則无是如是十種觀

甚深因緣法觀因緣相續去來及現在
不離一心中分別有三道從三種苦觀
及以生滅法無所有而盡能行逆順觀
菩薩如是入十二因緣法知空猶如幻
如夢亦如影如焰亦如化虛誑无作者
亦無有受者但誑於愚人如是觀因緣
智者所修空无緣則無相知此二虛假
其諸一切有於中无所願但以大悲心
愍度衆生故如是諸大士修習解脫門
悲心愛樂佛無量諸功德知諸有為法
皆從和合有即得万空定无相願亦尔
智慧轉增進入於上順忍得於諸菩薩
無為智解脫如是諸善根轉勝明淨利
供養无量佛諸佛所稱讚常於諸佛所
出家學佛道到諸佛法藏善根轉增長
猶以琉璃寶瑩磨於真金光明轉清淨
其喻亦如是如於虛空中滿月光清淨
四種風所吹不能令過絕菩薩智慧光
滅諸煩惱熱四魔不能制其喻亦如是
菩薩住是地多作善化王諸根悉猛利
能破增上慢所作諸善業皆隨順智慧
聲聞諸問難不能得窮盡是佛子若欲
如是勤精進能得於百千億數諸三昧

得見於百千億數十方佛如春清了時
日光明則淨如是第六地深妙難知見
聲聞所不了大士略說竟
遠行地第七

今時諸天衆在於虛空中雨香花珍寶
如雲散佛上踊躍發妙音咸讚言善哉
善哉金剛藏善知第一義無量功德聚
人中之蓮花說此上妙行利益諸世間
他化自在王雨光明華香雰雰而供養
除憂煩惱者諸天及天王發妙音聲言
若聞此地義則為得大利時作百千種
上妙諸伎樂諸天女善歌承佛神力故
佛是寂寂滅能令惡為善一切諸世間
皆所共恭敬雖出過世間而示世間法
知身同實相而示種種身雖以諸言音
演說寂滅法而知於語言无有音聲相
能過百千土上妙供諸佛知身佛國土
捨相智自在雖教化衆生而無彼我想
廣集大功德不於中起著以見取相故
三毒火然世不取一切相慈悲起精進
諸天及天女歡喜設供養如是讚歎已
默然而觀佛今時解脫月請金剛藏言
大衆皆清淨願說七地相

金剛藏菩薩言諸佛子菩薩摩訶薩已具足第六地行若欲入第七菩薩地者從方便慧起十妙行何等為十是菩薩善修空無相无願而以慈悲心處在衆生隨諸佛平等法而不捨供養諸佛常樂思惟空智門而廣修集福德資糧遠離三界而能莊嚴三界畢竟寂滅諸煩惱焰而能為衆生起滅貪恚癡煩惱焰法隨順諸法如幻如夢如影如響如化如水中月鏡中像不二相而起分別種種煩惱及不失業果報知一切佛國土空如虛空諸國土皆是離相而起淨佛國土行知一切佛法身无身而起色身三十二相八十種好以自在嚴知諸佛音聲不可說相信解如來音聲本來寂滅相而隨一切衆生起種種莊嚴音聲知諸佛於一念頃通達三世事而知種種相種種時種種却得阿耨多羅三藐三菩提隨衆生心信解故作如是說諸佛子是名從慧方便生十妙行菩薩摩訶薩具足六地行已修此妙行得入七地諸佛子如是方

便慧現前故名爲入七地是菩薩住
七地中入無量衆生性入無量諸佛
教化衆生法入無量世間性入諸
佛無量清淨國土入無量諸法差別
入無量諸佛智得元上道入無量諸
劫竿數入無量諸佛通達三世入無
量衆生信樂差別入無量諸佛色身
別異入無量諸佛衆生志行根差別
入無量諸佛音聲語言令衆生歡喜
入諸佛無量衆生心心所行差別入
無量諸佛隨智慧行入示無量聲聞
乘信解入諸佛無量說道因緣令衆
生信解入無量辟支佛智慧習成入
諸佛無量甚深智慧所說入諸菩薩
無量所行道入諸佛無量所說大乘
集成事令衆生得入諸菩薩作是念
如是諸佛世尊有無量無邊大勢力
不可以若干百千万億劫竿數所知
如是諸佛勢力我皆應集不以強分
別此彼得成以不分別不取相故成
此菩薩如是智慧善思惟常修習大
方便慧令其安住佛道智中以不動
法故若欲常起種種度衆生道无有

障尋來時亦起去時亦起坐卧住立
皆能起道度脫衆生離諸陰盖住諸
威儀常不離如是想念是菩薩於念
念中具足菩薩十波羅蜜及菩薩十
地何以故是菩薩摩訶薩於念念中
以大悲心為首修習一切佛法皆迴
向如來智慧故十波羅蜜者以菩薩
求佛道所修善根與一切衆生故是
檀波羅蜜蜜能滅一切煩惱熱是尸羅
波羅蜜蜜慈悲為首於一切衆生中无
所傷是羼提波羅蜜求轉勝善根無
厭足是毗梨耶波羅蜜修道心不馳
散常向一切智是禪波羅蜜忍諸法
先來不生門是般若波羅蜜能起无
量智門是方便波羅蜜期轉勝智慧
是願波羅蜜一切外道諸魔不能沮
壞是力波羅蜜於一切法相如實成
故是智波羅蜜如是念念中具足十
波羅蜜是菩薩具足十波羅蜜時念
念中亦具足四攝法三十七菩提分
法三解脫門舉要言之一切助阿耨
多羅三藐三菩提法於念念中皆悉
具足尔時解脫月菩薩問金剛藏菩

薩言佛子菩薩摩訶薩但於七地中具足助菩提法一切諸地中亦具足金剛藏菩薩言佛子菩薩摩訶薩於十地中悉具足助菩提法但第七地勝故得名何以故諸菩薩摩訶薩於七地中切行具足入智慧神通道故佛子菩薩於初地中發願緣一切佛法故具足助菩提法第二地中除心惡垢故具足助菩提法第三地中願轉增長得法明故具足助菩提法第四地中得入道故具足助菩提法第五地中隨順行世間法故具足助菩提法第六地中入甚深法門故具足助菩提法此第七地中起一切佛法故具足助菩提法何以故諸佛子菩薩摩訶薩於此地中得諸智慧所得道以是力故第八地自然得成佛子譬如三千大千世界一定清淨一定垢穢是二中間難可得過但以大精進力大神通力大願力故乃能過諸佛子諸菩薩如是行於雜道難可得過但以大願力大智慧力大方便力故乃可得過解脫月菩薩言第七菩薩地為是淨行為是垢

行金剛藏菩薩言從初歡喜地來菩薩所行皆離煩惱罪業何以故迴向阿耨多羅三藐三菩提故隨地所行清淨不名為過佛子譬如轉輪聖王乘大寶為遊四天下知有貧窮苦惱者而過不在王然王未免人身若捨王身生於梵世住梵天宮遊行千世界示梵王威力尔時乃離人身諸佛子菩薩亦如是從初地來在諸波羅蜜乘知一切衆生心所行事及煩惱垢而不為煩惱垢之所汙以乘善道故而不名為過若菩薩捨一切所修切行道從七地入八地尔時名為乘菩薩清淨乘悉知一切世間諸煩惱垢而不為諸煩惱所汙亦名為過諸佛子菩薩住是七地多過貪欲等諸煩惱衆在此七地不名有煩惱者不名無煩惱者何以故一切煩惱不發起故不名有煩惱者貪求如來智慧未滿願故不名无煩惱者菩薩住是七地成就深淨身業深淨口業深淨意業是菩薩所有不善業道諸佛所呵隨煩惱垢者如是諸業悉已得

過所有善業道諸佛所讚是則常行
又世間經書伎藝如五地中說自然
而得於三千大千世界中取為希有
得為大師唯除如來入八地菩薩無
有衆生深心妙行能與等者是菩薩
所有禪定神通解脫三昧雖未得果
報所生而隨意自在菩薩住是遠行
地於念念中具足修集方便慧力及
一切助菩提法轉勝具足住是遠行
地中能入善擇菩薩三昧善思義三
昧益意三昧分別義藏三昧如實擇
法三昧堅根安住三昧知神通門三
昧法性三昧如來利三昧種種義藏
三昧不向生死涅槃三昧如是具足
百萬菩薩三昧能淨治此地是菩薩
得是三昧智慧方便善清淨故深得
大悲力故名為過聲聞辟支佛地趣
佛智地是菩薩住是地无量身業無
相行无量口業無相行无量意業無
相行是菩薩清淨行故顯照无生法
忍解脫月菩薩言佛子若菩薩住初
地有无量身業無量口業無量意業
已能過一切聲聞辟支佛地金剛藏

菩薩言緣大法故能過非是實行力
此第七地自實行力故一切聲聞辟
支佛所不能壞佛子譬如生在王家
即勝一切群臣百官何以故豪尊力
故身既長大智慧成立真實得勝諸
佛子菩薩摩訶薩初發心時已勝一
切聲聞辟支佛以發大願深心清淨
故今住此地自以智力故勝諸佛子
菩薩住在七地得其深遠離無行身
口意業轉求勝法而不捨離以是轉
勝心故雖行實際而不證實際解脫
月言佛子菩薩摩訶薩從何地來能
入寂滅金剛藏言菩薩摩訶薩從第
六地來能入寂滅今住此地於念念
中能入寂滅而不證寂滅是名菩薩
成就不可思議身口意業行實際而
不證實際佛子譬如有人乘船入於
大海善為行法善知水相不為水患
所害如是菩薩摩訶薩住此七地乘
諸波羅蜜船能行實際而不證實際
菩薩如是以大願力故得智慧力故
從禪定智慧生大方便力故雖深
愛涅槃而現身生死雖眷屬圍繞而

心常遠離以願力受生三界而不為
世法所汙心常善寂以方便力故而
還熾然雖然不燒隨行佛智轉聲聞
辟支佛地得至諸佛法藏而現於魔
界雖過四魔道而現行魔行雖現諸
外道行而深心不捨佛法雖現身一
切世間而心常在出世間法所有莊
嚴之事勝諸天龍夜叉乾闥婆阿修
羅迦樓羅緊那羅摩睺羅伽人非人
四天王釋提桓因梵天王而不捨樂
法愛法菩薩成就如是智慧住是遠
行地中值百千億那由他諸佛供
養恭敬尊重讚歎衣服飲食卧具醫
藥供養諸佛已護持諸佛法諸聲聞
辟支佛智慧問難所不能壞是菩
薩憐愍衆生故法忍轉得清淨是菩
薩无量百千萬億那由他劫善根轉
勝清淨佛子譬如成鍊真金以諸好
寶莊飭間錯轉勝明好餘寶不及諸
佛子菩薩亦如是住菩薩遠行地中
諸善根從方便智慧生轉勝明淨無
能壞者佛子譬如日光一切星宿月
光所不能及閻浮提內所有泥水悉

能乾竭菩薩亦如是住遠行地善根轉勝一切聲聞辟支佛所不能及又能乾竭衆生煩惱汙泥諸佛子是名菩薩摩訶薩第七遠行地菩薩摩訶薩住是地中多作他化自在天王諸根猛利能發衆生悟道善緣所作善業若布施若愛語若利益若同事皆不離念佛不離念法不離念諸菩薩摩訶薩伴乃至不離念具足一切種智常生是心我何時當於一切衆生中為首為尊乃至於一切衆生為依止者是菩薩若欲如是勤行精進於須臾間得百千億那由他三昧乃至能示現百千億那由他菩薩眷屬菩薩若以願力自在示現過於此數百千萬億那由他劫不可計知今時金剛藏菩薩欲重明此義而說偈言
深智慧定心具行六地已一時生方便
智慧入七地行空無相願而修慈悲心
順佛平等法而供養諸佛雖以智觀空
而修福无厭然後能得入第七遠行地
雖能嚴三界而心樂遠離雖心常寂滅
而滅煩惱者行空不二法如幻如夢等

而行慈悲心得入第七地雖觀一切土
空若如虛空而能善莊嚴清淨諸佛土
雖知諸佛身同法相無相而種三十二
八十諸相好雖知於諸佛不可言說相
而嚴佛音聲令世歡喜故雖知於諸佛
一念中成道而示時劫數引導諸衆生
如是知於法則得法照明菩薩如是者
即入第七地住是地能觀無量衆生行
亦知於諸佛勢力亦无量世間及劫數
法性皆無量又知諸衆生所欲之所樂
知說三乘法皆悉是无量我當應教化
成就是衆生以如是思惟方便慧和合
於四威儀中常行如是道於一一念中
能具助菩提所謂是十種波羅蜜等法
如是諸菩薩所修之福德皆與諸衆生
名檀波羅蜜滅除心惡垢名尸波羅蜜
不為六塵傷羼提波羅蜜能起轉勝法
精進波羅蜜於是道不動名禪波羅蜜
無生忍是名般若波羅蜜迴向佛道名
方便波羅蜜求於轉勝法名願波羅蜜
无有能壞者名力波羅蜜能解如實說
名智波羅蜜是助菩提法念念皆能攝
發於廣大願緣於大事故初地中功德

名之為具足第二地名為除諸心惡垢
第三願增明第四地住道第五隨世行
第六入深法得無生相分漸漸而增長
第七集一切具菩提分法能起諸功德
及以一切願如是諸功德令後八地中
一切諸所行自然得清淨遠行地難過
大智力所能如二國中間難可得過度
在於七地中不汙如聖王住於此道中
不名一切過若到於第八菩薩智慧地
余時過意見住於智業中如梵王觀世
不得名為人菩薩罪不汙如蓮花在水
菩薩住是地過種種煩惱不名有煩惱
不名盡煩惱入是正道中无有諸煩惱
願求佛道故不名盡煩惱於諸世間中
經書伎藝事文頌呪術等自然能了知
修習諸禪定及諸神通等无量心利世
是事皆能起余時此菩薩過於二乘行
安住第七地菩薩諸行中以初發心時
大願力故勝今於此地中智慧力故勝
猶如國王子小時豪性勝後以功德成
於諸人中勝住此得深智轉發勝精進
念念入寂滅而亦不取證猶如人乘船
入於大海中雖行深水難不為水所害

菩薩行轉勝方便智慧故功德悉備足
諸世所難知供養無量佛其心清淨故
如真金雜寶間錯而莊嚴得佛智慧光
乾諸愛水潤猶如日光明消涸於泥潦
菩薩住是地他化自在王諸報悉猛利
通達諸道果若欲勤精進見十万千億
那由他諸佛願力過是數七地智慧淨
一切世二乘皆所共難知今已略說竟
不動地第八

他化自在王諸天及菩薩聞說此上行
心皆大歡喜供養佛佛子雨上妙華香
瓔珞衆幡蓋末香諸寶衣真妙摩尼珠
莊嚴身諸物如雲空中下散佛及大衆
天女於空中作種種伎樂供養於如來
并及諸菩薩同以微妙音歌頌諸功德
一切智慧者衆生中最尊憐愍世間故
佛現神通力華香珍寶等皆出如是音
所有毛塵沙各示那由他無量數諸佛
於中而說法於一毛頭中見無量佛國
須弥鐵圍海世間不迫隘於一毛頭中
具有三惡道天人阿修羅各各受業報
見諸佛國中一切佛妙音轉无上法輪
隨起衆生念諸佛世界中衆生身種種

國有衆生身 衆生身有國一切諸天人
悉皆離共往 佛先觀察已 然後為說法
微塵中國土 衆生心想細 以國土塵故
衆生心想急 佛現如是等 種種神通力
若為衆生說 是事不可盡 如是以妙音
稱歎於世尊 心皆大歡喜 默然而觀佛
解脫月菩薩請金剛藏言 佛子今可說
入於八地相

金剛藏菩薩言 佛子諸菩薩摩訶薩
已習七地微妙行 慧方便道淨善集
助道法大願力 故心住不滅諸佛神
力所護善報得力 常念隨順如來力
無畏不共法樂心 深心善淨成就福
德智力大慈悲心 故不捨一切衆生
修行无量智道 能入諸法本來無生
无滅無相不出 不失不去不還无所
有性初中後平等 不異如來無分別
智一切心意識憶想 分別无所貪著
入一切法如虛空性 是名菩薩得無
生法忍入第八地 即時得是第八不
動地名為深行菩薩 難得知无能
分別離一切相離一切想一切貪著
無量无边不可思議一切聲聞辟支

佛所不能壞深大遠離而現在前諸佛子譬如比丘得於神通心得自在次第乃入滅盡定一切動心憶想分別心所行事皆悉盡滅菩薩亦如是住是遠行地即時一切念務都滅得無身口意務住大遠離諸佛子如人夢中欲渡深水是人介時發大精進施大方便欲渡此水未渡之間廓然便覺所渡方便及念遽事即皆放捨諸佛子菩薩摩訶薩亦如是從初已來發大精進廣修行道至不動地一切遽事皆悉放捨不行二心諸所憶想不復現前譬如生梵世者欲界煩惱不現在前如是諸佛子菩薩住是不動地一切心意識不現在前乃至佛心菩提心涅槃心尚不現前何況當生世間心諸佛子是菩薩摩訶薩隨順是地以本願力故又諸佛為現其身住在諸地法流水中如來智慧為作因緣諸佛皆作是言善哉善哉善男子汝得是第一忍順一切諸佛法善男子我有佛十力四無所畏十八不共法汝今未得當為得是諸功德故加勤

精進亦莫捨此忍門善男子汝雖得此第一甚深寂滅解脫凡夫衆生不善非寂滅常發種種煩惱為種種覺觀所害汝當愍此衆生又善男子汝應念本所願欲大利益衆生欲得不可思議智慧門又善男子一切法性一切法相若有佛若无佛常住不異諸如來不以得此法故說名為佛聲聞辟支佛亦能得此寂滅無分別法善男子汝觀我等无量清淨身相無量智慧无量清淨國土起無量智慧无量方便無量圓光无量淨音汝今應起如是等事又善男子汝今適得此一法明所謂一切法寂滅無有分別无生法明我等所得無量无邊若干億劫竿數所不能知汝為得此故應起此法善男子汝觀十方無量國土无量衆生無量諸法差別汝應如實通達是事隨順如是智是菩薩諸佛與如是等无量無邊起智慧因緣門以此无量門故是菩薩能起無量智差別業皆悉成就諸佛子我今為汝說若諸佛不令此菩薩住如是智

慧門者是菩薩。尔時畢竟則取涅槃。捨利益一切衆生。以諸佛與此菩薩。如是無量无邊起智慧因緣。故於一念中所生智慧。比從初地已來。乃至竟第七地。百分不及一。千万億分。百千万億那由他。乃至無量无邊阿僧祇分。不及一。乃至等數。譬喻所不能及。所以者何。先以一身行道。修集功德。今此地中。得無量身。修菩薩道。以无量音聲。以無量智慧。无量生處。無量清淨國土。无量教化衆生。供養給侍。無量諸佛。故隨順无量佛法。故無量神通力。故无量大會。差別故。無量身口意業。集一切菩薩所行道。以不動法。故佛子。譬如乘船欲入大海。未得大海。多用功力。或以手力。若至大海。不復用力。但以風力而去。若本功力於大海中。一日之行。於百千歲。不能得及。諸佛子。諸菩薩摩訶薩。亦如是。多集善根。資糧。乘大乘船。到菩薩所行大智慧海。於須臾間。不施功力。能近一切諸佛智慧。本所施功力。若一劫。若百千万劫。不能得及。諸佛子。菩

薩摩訶薩得至第八地從本方便慧
生無功用心在菩薩道思惟諸佛智
慧勢力所謂知世界生世界滅世界
壞世界成知以何業因緣滅故世界
壞知以何業因緣集故世界成是菩
薩知地性小相知地性大相知地性
無量相知地性差別相知水火風性
小相大相无量相差別相知微塵細
相知微塵差別相於一世界中所有
微塵差別皆悉能知此一世界所有
地若干微塵皆悉能知若干水火風
微塵皆悉能知知若干寶物斤兩微
塵若干衆生身微塵世界中万物微
塵差別分別衆生麤身細身從若二
微塵生地獄身從若干微塵生畜生
身以若干微塵生餓鬼身以若干微
塵生阿修羅身以若干微塵生天身
以若干微塵生人等身皆悉了知是菩薩入
如是分別微塵智中知欲界壞知欲
界成知色界壞知色界成知无色界
壞知無色界成知欲界色界无色界
成壞知欲界小相知欲界大相知欲
界無量相知欲界差別相知色界无

色界小相大相無量相差別相如是
知三界是名菩薩教化衆生助智明
分善知分別衆生身善觀所應生處
隨衆生生處隨衆生身而為受身是
菩薩現身遍滿三千大千世界隨衆
生身各各差別如日於一切水皆現
其像若二千大千世界三四五十
二十三十四十五百三千大千世
界若千若万若一百万若千万若億若
百千万億那由他世界身遍其中乃
至無量无边不可思議不可說三千
大千世界身遍滿其中隨衆生身差
別而為受身是菩薩成就如是智慧
於一世界身不動搖乃至不可說諸
佛世界隨衆生身隨所信樂於諸佛
大會而現身像若於沙門會中示沙
門形色婆羅門衆中示婆羅門形色
刹利衆中示刹利形色居士衆中示
居士形色四天王衆中帝釋衆中魔
衆中梵天衆中示梵天形色乃至阿
迦貳吒天衆中示阿迦貳吒形色以
聲聞乘度者示聲聞形色以辟支佛
乘度者示辟支佛形色以菩薩乘度

者示菩薩形色以佛身度者示佛身
形色諸佛子所有不可說諸佛國中
隨衆生身信樂差別現為受身而實
遠離身相差別常住諸身平等是菩
薩知衆生身知國土身知業報身知
聲聞身知辟支佛身知菩薩身知如
來身知智身知法身知虛空身菩薩
如是知衆生深心所樂若於衆生身
作已身若於衆生身作國土身業報
身聲聞身辟支佛身菩薩身如來身
智身法身虛空身若於國土身作已
身業報身乃至虛空身若於業報身
作已身乃至虛空身若於已身作衆
生身國土身業報身聲聞身辟支佛
身菩薩身如來身智身法身虛空身
是菩薩知衆生集業身報身煩惱身
色身无色身諸佛國土小相大相垢
相淨相無量相廣相倒相平相曲相
方相方差別相知業報身假名差別
聲聞身假名差別辟支佛身假名差
別菩薩身假名差別如來身差別菩
提身願身化身受神力身相好莊嚴
身勢力身意生身福德身智身法身

善分別如實說諸身相知諸法身平等不壞相知虛空身无量相周遍相無形相是菩薩善知起如是諸身則得命自在心自在財物自在業自在生自在願自在信解自在如意自在智自在法自在是菩薩得是菩薩十自在即時為不可思議智者无量智者廣智者不可壞智者菩薩隨如是智慧畢竟常淨起無罪身業口業意業身業隨智行口業隨智行意業隨智行般若波羅蜜為增上大悲為首善修方便善起諸願善為諸佛神通所護常不捨行利益衆生智悲知无邊世界中差別事諸佛子舉要言之菩薩住無動地身口意業所作皆能集一切佛法是菩薩到此地中離一切煩惱故善住淨心力中心常不離道故善住深心力中不捨衆生故善住大悲力中救一切世間故善住大慈力中不忘所聞法故善住陀羅尼力中分別選擇一切佛法故善住一切樂說力中行无邊差別世界故善住神通力中不捨一切菩薩所行故善

住願力中修集一切佛法故安住波
羅蜜力中善起一切種智故安住如
來力中是菩薩得如是智力示一切
所作无有過各諸佛子諸菩薩摩訶
薩此地不可壞故名為不動地智慧
不轉故名為不轉地一切世間難測
知故名威德地無家過故名王子地
隨意自在故名菩薩生地更不作故
名為成地善擇知故名為究竟地善
發大願故名為變化地不懷諸法故
名為勝處地善修起先道故名為無
功力地諸佛子諸菩薩摩訶薩得如
是智慧名為得入佛境界名為佛功
德所照明名為隨佛威儀行趣向佛
法常為諸佛神力善護常為四天王
釋提桓因梵天王等所奉迎常為密
迹金剛神之所侍衛善能生諸深禪
定常能作无量諸身差別於諸身中
皆有勢力得大果報神通力於無邊
三昧中得自在能受无量記隨衆生
成就處示成阿耨多羅三藐三菩提
是菩薩入如是大智慧善通達諸法
常放大慧光明度無障碍法性道善

知世間法道差別能示一切諸功德
隨意自在善解先際後際能入迴轉
魔道智中入如來所行境界中能於
無邊世界行菩薩道以不轉相故是
故此地名為不動諸佛子諸菩薩摩
訶薩在不動地善生禪定力故常不
離見無邊諸佛而不捨魚供養供給
諸佛是菩薩於一切世界中見
數百千万億那由他無量无邊阿僧
祇佛供養恭敬尊重讚歎具一切供
養事而用供養親近諸佛從諸佛受
世間別異等諸法明是人轉深入如
來法藏問世間性差別事中無能盡
者乃至百千万億劫說不可盡又諸
善根轉勝明淨譬如成鍊真金巧
匠雜寶作瓔珞已繫四天下主頸
閻浮提人无能奪者諸佛子菩薩摩
訶薩亦如是住は無動地諸善根轉
勝明淨一切聲聞辟支佛乃至七地
菩薩所不能壞菩薩住是地以善分
別智門故智慧光明滅衆生惱熱譬
如佛子若干世界主大梵天王能於
一時流布慈心滿千世界亦能放光

遍照其中諸佛子菩薩摩訶薩亦如是住無動地中能放身光照十萬三千大千世界微塵數等世界衆生次能滅諸惱熱令得清涼諸佛子是名略說菩薩摩訶薩不動地若廣說者無量劫數所不能盡菩薩住是地中多作大梵天王主千世界諸根猛利與諸衆生聲聞辟支佛菩薩波羅蜜道因緣无有窮盡說世間性差別中無能壞者所作善業若布施若愛語若利益若同事皆不離念佛念法念諸菩薩伴乃至不離念一切種智常生是心我當何時於衆生中為首為尊乃至於一切衆生為依止者是菩薩若欲勤行精進於須臾間得百萬三千大千世界微塵數諸三昧乃至能示百萬三千大千世界微塵數菩薩眷屬若以願力神通自在能過是數若干百千萬億劫不可稱計今時金剛藏菩薩欲重明此義而說偈言
菩薩住七地 慧方便已得 善集助道法
大願之所繫 諸佛神力護 善根悉成就
求於勝智故 能入第八地 善集於福德

而有深慈悲 離諸有量心 心同如虛空
如所說法中 心得決定力 如是得寂滅
微妙无生忍 諸法從本來 無生亦无滅
無相亦无出 不失亦不行 諸法初中後
與如無分別 无有心意行 同若如虛空
成就如是忍 無有諸戲論 得是不動地
甚深寂滅行 一切諸世間 不能得測量
一切諸心相 皆悉已壞盡 菩薩住是地
心識無分別 如入滅盡定 无念想分別
猶如人夢中 遽欲行渡水 覺則心廓然
自知無所作 得是深忍已 一切想念滅
亦如諸梵王 无欲界煩惱 先以願力護
諸佛今勸言 如是第一忍 是諸佛職位
我等深智力 無畏不共法 汝既无有此
當加勤精進 汝今雖得滅 一切煩惱火
當觀諸世間 煩惱常熾然 當念本所願
欲利諸衆生 悉遍知諸法 廣度於一切
諸法實性相 常住無變異 二乘亦得此
不以得名佛 但以得无尋 甚深微妙智
通達三世故 乃得名為佛 是諸无等等
天人所恭敬 開是衆智門 令入諸佛法
成就無邊底 无量妙智慧 先所行諸法
不及今一念 如是諸菩薩 得妙智慧地

能在一念中身遍於十方入是智慧門
行道疾无尋如行於大海風力令去疾
離諸切用心但在於智業觀十方世界
成壞及興住能知四大一亦知種種異
小大無量相種種諸差別能數知三千
大千界微塵亦知衆生身四大微塵數
諸天身衆寶微塵數差別皆悉遍照了
餘亦如是知智慧因緣故心轉得調柔
為利諸衆生遍諸世界身能於衆生身
而自作己身及諸佛世界諸餘種種身
如日月隨風影現一切水菩薩亦如是
隨順智慧風常住於法性湛然不移動
於淨心衆生各現其身像隨諸心所樂
而現為受生於諸人天會悉皆示其身
菩薩於因緣和合中自在乃至能隨意
而為現佛身衆生國土身業報賢聖身
智身與法身知皆同平等以是因緣故
得如意神通為令世歡喜而現種種身
能得於十種妙大自在智所作隨智行
順於慈悲心諸佛所有法皆能善修習
住三淨業中不動如須弥能得大菩薩
所有十種力一切諸魔衆皆所不能轉
常為諸佛護釋梵所敬礼密迹金剛神

常隨而侍衛菩薩得是地功德元有量
百千万億劫說之不可盡得近無數佛
增益諸善根如真金雜寶莊嚴在三頸
菩薩在是地多作大梵王典領千國土
功德富无量能以三乘教而無有窮盡
慈心光普照破諸煩惱熱若欲於須臾
能得百三千大千世界數微塵諸三昧
能見十方佛其數亦如是若以其願力
過是元有量今已略解說第八地妙相
若廣演說者千億劫不盡

十住經卷第三

壬寅歲高麗國大藏都監奉

勅彫造

十住經卷第四

戒

妙善地第九

後秦三藏鳩摩羅什譯

佛子演說此八地妙義時以佛神力故
震動無量國一切智身出无量微妙光
遍照十方界衆生得安樂千萬數菩薩
住於虛空中設衆妙供養諸天所無有
大自在天王并及他化王歡喜衆妙供
大海功德佛天女數千萬恭敬咸歡喜
同以微妙音歌歎佛功德以佛神力故
出如是妙法善行寂滅者無有諸惡心
各在於其地善修菩薩行利益世間故
遍遊於十方示衆以佛道心同空无碍
諸菩薩神力上妙供養具勝十方人天
福德之所致佛子樂智者以此示佛力
於一國不動而現一切處利益於世間
如滿月明淨滅一切音聲語言諸想念
而以諸音聲說法猶如響隨衆生下劣
其心歇沒者示說聲聞道令出於衆苦
隨所有衆生諸根小利者樂於因緣法
為說辟支佛隨所有利根利益衆生者
有大慈悲心為說菩薩法若无上大心

決定樂大事為示於佛身說無量佛法
譬如幻化師示種種身色如是諸身相
皆無有實事如是諸佛子善知智慧術
能示一切行心離於有无諸天女千萬
微妙音歌歎如是歌歎已默然而視佛
又解脫月言佛子大會淨一心願樂聞
過八地正行

金剛藏菩薩言佛子諸菩薩摩訶薩
以如是無量智善觀佛道欲更求轉
勝深寂滅解脫欲轉勝思惟如來智
慧欲入如來深密法中欲選擇取不
可思議大智慧欲選擇諸陀羅尼三
昧重令清淨欲令諸神通廣大欲隨
順世間差別行欲修諸力无畏佛不
共法無能壞者欲順行諸佛轉法輪
力欲不捨所受大悲大願得入第九
地諸菩薩住此地中如實知起善不
善無記法行知有漏无漏法行世間
出世間法行思議不可思議法行定
不定法行聲聞辟支佛法行菩薩道
法行如來地法行有為法无為法行隨
順如是智慧如實知菩提心所行難知
諸煩惱難業難諸根難願樂難性難

志心難深心難生難殘氣難三聚差別難知衆生諸心差別相心難相心輕轉相心壞不壞相心無形相心无边遍自在相心清淨差別相心垢相心无垢相心縛相心解相心諂曲相心質直相心隨道相皆如實知是菩薩知煩惱深相知淺相知煩惱心伴相不離相知使纏差別相知是心相應不相應相知是生時得果報相知是三界中差別相知愛癡見深入如箭相知慍慢癡重罪相知是三業因緣不斷相略說乃至如實知入八万四千煩惱行差別相是菩薩知諸業善不善無記相分別未分別相心伴相不離相自然盡相行道盡相種相集相不失果報相次第相有報相无報相黑黑報相白白報相黑白黑白報相非黑非白能盡業相知業起處相受業法別異相知無量因緣起業相知世間業出世間業差別相現報相生報相後報相隨諸業定相不定相略說乃至如實知八万四千諸業差別相是菩薩知諸根軟中利差別

相知先際後際別異相不別異相知
上中下相知煩惱伴相不相離相隨
諸乘定相不定相淳熟相未淳熟相
隨心行相易壞相深取相增上相不
可壞相轉相不轉相三世差別相深
隱共生差別相略說乃至如實知八万四
千諸根差別相是菩薩知衆生諸欲
樂軟中利相略說乃至如實知八万
四千欲樂差別相是菩薩知諸性軟
中利相略說乃至如實知八万四千
諸性差別相是菩薩知深心軟中利
相略說乃至如實知八万四千深心
差別相是菩薩分別知諸結使有伴
共心生不共心生心相應心不相應
深入相無始來隨惱衆生相與一切
禪定解脫神通相連堅繫縛三界繫
无量心而不現前開諸業門而無所
知可對治相无所有相無定事相不
異聖道相滅動相是菩薩如實知諸
生差別相所謂地獄畜生餓鬼阿修
羅人天差別色界无色界差別有想
無想差別業是田愛是水无明是黑
闇覆識是種子後身是生牙名色共

生而不相離有癡愛相續相欲生欲
作欲愛不離樂衆生相分別三界差
別相三有相續相皆如實知是菩薩如
實知諸習氣若有餘若無餘隨所生
處有習氣隨共衆生住有習氣隨業
煩惱有習氣善不善无記有習氣
離欲有習氣隨後身有習氣次第隨
逐有習氣深入道斷相持煩惱相離
則無法皆如實知是菩薩如實知衆
生定不定相正定相邪定相不定相
邪見中邪定相正見中正定相離此
二無定相一一五逆是邪定相五根
是正定相邪位是邪定正位是正定更
不作故離此二位是不定相深入邪
聚有難得轉相令修无上道因緣相
不定聚邪定聚衆生守護相皆如實
知佛子諸菩薩摩訶薩隨如是智名
為安住妙善地菩薩住是地知衆生
如是諸行差別相隨其解脫而與因
緣是菩薩知化衆生法知度衆生法
如實知而為說法聲聞衆相辟支佛
乘相菩薩乘相如來地相如實知隨
衆生因緣而為說法隨心隨根隨欲

樂差別而為說法又隨行處隨智慧
處而為說法知一切行處隨而說法
隨衆生性深入難處而為說法隨道
隨生隨煩惱隨習氣轉故說法隨乘
令解脫故說法是菩薩住此地中為
大法師守護諸佛法藏墮在大法師
深妙義中用無量慧方便四无寻智
起菩薩言辯說法是菩薩常隨四無
寻智而不分別何等為四一法无寻二
義無寻三辯无寻四樂說無寻是菩
薩用法无寻智知諸法自相以義無
寻智知諸法差別以辯无寻智知無
分別說諸法以樂說无寻智知諸法
次第不斷復次以法無寻智知諸法
无體性以義無寻智知諸法生滅相
以辯无寻智知諸法假名而不斷假
名說以樂說無寻智隨假名不壞无
邊說復次以法無寻智知現在諸法
差別相以義无寻智知過去未來諸
法差別相以辯無寻智知過去未來
現在諸法以无分別說以樂說無寻
智於一一世得无邊法相故說復次
以法無寻智知諸法差別以義无寻

智知諸法義差別以辯無尋智隨諸
言音而為說法以樂說无尋智隨所
樂解而為說法復次以法無尋智以
法智知諸法差別以方便知諸法无
差別以義無尋智以比智如實知諸
法差別以辯无尋智以世智說諸法
差別以樂說無尋智知善說第一義
復次以法无尋智知諸法一相不壞
以義無尋智善入陰入界諦因緣法
以辯无尋智一切世間之所歸趣以
微妙音故以樂說無尋智所說轉勝
能令衆生得无邊法明復次以法無
尋智知諸法无有分別攝在一乘以
義無尋智入分別諸法差別門以辯
无尋智能說諸乘無分別義以樂說
無尋智以一法門說无邊法明復次
以法無尋智能入一切菩薩行智行
法行隨智行以義无尋智能分別說
十地義差別以辯無尋智不分別說
隨順諸地道以樂說无尋智說一切
行無邊相復次以法无尋智知一切
佛於一念中得菩提以義無尋智知
種種時處差別以辯无尋智隨諸佛

得道事差別說以樂說無尋智於一
句法无邊劫說而不窮盡復次以法
無尋智知一切佛說一切佛力无所
畏不共法大慈大悲無尋智轉法輪
等隨順一切智以義无尋智隨如來
音聲出八万四千隨衆生心隨根隨
欲樂差別以辭无尋智以如來音聲
不分別說一切諸行以樂說無尋智
以諸佛智慧力隨衆生所樂音聲說
諸佛子菩薩摩訶薩如是善知无尋
智安住第九地名為得諸佛法藏能
為大法師得衆義陀羅尼衆法陀羅
尼起智陀羅尼衆明陀羅尼善意陀
羅尼衆財陀羅尼名聞陀羅尼威德
陀羅尼无尋陀羅尼無邊旋陀羅尼
雜義藏陀羅尼得如是等百万阿僧
祇陀羅尼隨應方便說如是无量樂
說差別門演法是菩薩得如是無量
陀羅尼門能於无量諸佛所聽法聞
已不忘如所聞法能以無量差別門
為人演說是菩薩於一佛所以百万
阿僧祇陀羅尼聽受法如從一佛聽
法餘無量无邊諸佛亦如是是菩薩

於禮敬佛時所聞法明門非多學聲聞得陀羅尼力於十方劫所能受持是菩薩得如是陀羅尼力諸無尋智樂說力以說法故在於法座遍三千大千世界衆生隨意說法是菩薩在法座上唯除諸佛及受職菩薩於一切中寂為殊勝心中得無量法明是菩薩處於法座或以一音令一切大衆悉得解了即得解了或以種種音聲令一切大衆各得開解即得開解或以默然但放光明令一切大衆各得解法即得解法或一切毛孔皆出法音或三千大千世界所有色無色物皆出法音或以一音周滿世性悉令得解是菩薩三千大千世界所有衆生一時問難一衆生以無量无边音聲差別問難如一人所問餘者異問是菩薩於一念中悉受如是問難但以一音皆令開解如是二三千大千世界三四五十二三十四十五十若百三千大千世界若千三千大千世界若万十万百万若億三千大千世界若十億百千万億那由他

乃至不可說不可說三千大千世界
滿中衆生廣為說法時承佛神力能
為衆生廣作佛事倍復精勤攝取如
是智明若於一毫末中有不可說不
可說世界微塵數大會佛在此中而
為說法佛隨若干衆生心說法令一
衆生心中得若干無量諸法如一
佛一切佛在大會中說法皆亦如是
如一毛頭一切十方世界皆亦如是
於是中應生大憶念力於一念中從
一切佛所受一切法明而不失一句
如上大會滿中衆生聽法或於是中
以決定清淨法明演說令得開解於
一念中令令所衆生皆得歡喜何況
若干世界中衆生是菩薩住是地中
善根轉勝晝夜更無餘念深入諸佛
行處常與一切佛會深入菩薩解脫
菩薩隨順如是智常見諸佛而於一
一切中无量無邊百千万億以妙供
具供養諸佛於諸佛所種種問難通
達諸陀羅尼是菩薩善根轉勝明淨
如是佛子如成鍊金具足莊嚴轉輪
聖王寶冠若在瓔珞一切小王四天

下人無能奪者諸佛子菩薩摩訶薩亦如是住此妙善地中諸善根轉勝明淨无能壞者聲聞辟支佛及諸地菩薩所不能壞是菩薩善根轉明能照衆生煩惱難處照已還攝佛子譬如大梵王三千大千世界一切所有難處皆悉能照菩薩亦如是住是菩薩妙善地中善根明淨照衆生煩惱難處照已還攝諸佛子是名略說菩薩摩訶薩第九菩薩妙善地若廣說則无量無邊劫不可得盡菩薩摩訶薩住是地中多作大梵王典領三千大千世界无有能勝如實解義者於自在中而得自在善能宣說聲聞辟支佛菩薩波羅蜜衆生問難無能窮盡所作善業若布施若愛語若利益若同事皆不離念佛念法念菩薩伴乃至不離念一切種智常生是心我當何時於衆生中為首為尊乃至於一切衆生中為依止者是菩薩若欲如是勤行精進於一念中得百万阿僧祇三千大千世界微塵數三昧乃至能示百万阿僧祇三千大千世界

微塵數菩薩眷屬若以願力神通自在復過是數百千万億那由他劫不可稱說今時金剛藏菩薩欲重明此義而說偈言

諸菩薩隨順無量深智力第一取微妙一切世難知利益衆生者能至第九地得入於諸佛秘密之藏處得微妙寂上三昧施羅尼廣大神通力善入世間相智慧力決定能觀諸佛法大願悲心淨得入第九地順行此上地持諸佛藏者即能通諸法善不善无記是有漏無漏世間出世間是則可思議是不可思議知法定不定三乘具足相思惟分別此有為无為相起知如是法破諸無明闇隨順是智心則為第一妙悉知諸衆生嶮難諸雜心輕躁易轉心无邊自在心煩惱深淺相心伴不離心又知使纏相隨順相續有知業種種難各各差別相因滅果不失通達如是事又知於衆生諸根軟中利廣大差別等先際後際相上中下差別及諸欲樂等乃至能悉知八万四千種世間性亦尔煩惱見難處無始来不斷諸心一切使皆與心共行

縛心難可斷 知諸結使等 但妄想分別
无有方處所 亦無定事相 亦不離於身
又亦難得知 禪定力能遮 金剛道能斷
又能知衆生 入六道差別 愛水癡闇覆
業田識是種 生於後身牙 名色共增長
无始生死來 相續在三界 及知天龍等
煩惱諸業心 若離於心者 是則無所有
一切諸衆生 皆在三聚中 或沒諸邪見
或在於智道 菩薩住是地 悉知衆生心
諸根及欲樂 種種差別等 深心善思惟
隨宜而說法 通達无尋智 善以言辭說
菩薩為法師 猶如師子王 牛王如山王
安住無所畏 普於諸世界 雨美甘露味
猶如大龍王 能雨滿大海 是菩薩善知
法義辭无尋 善能隨順行 具足樂說力
能得於百万 阿僧祇撻持 能受諸佛法
如海受龍雨 菩薩得如是 諸深妙清淨
無量陀羅尼 諸三昧力故 能於一念中
得見无量佛 聞已淨梵音 演說妙法寶
是菩薩或教 大千界衆生 隨心根所好
說法令歡喜 如是等無量 三千大千國
轉深勤精進 而作是思惟 或於一毛頭
无量佛說法 佛為種種人 演說於妙法

是菩薩皆受如地受諸種復作如是願
十方諸所有國土中衆生皆合為一會
應於一念中皆悉知其心以一音說法
悉令斷疑網菩薩住是地人天中法王
為大說法師隨順衆生心常於日夜中
與諸佛共會能住甚深妙寂滅智解脫
供養无量佛善根轉明淨猶如轉輪王
真金嚴寶冠光明照衆生煩惱嶮難處
如梵王光明照於大千界菩薩住是地
作三千大千世界大梵王諸根悉猛利
善以三乘法示悟諸衆生所作諸善業
皆順於正念能在一念中而得於无量
世界微塵數諸深妙三昧得見十方佛
微妙音說法見佛大神力更發無量願
如是第九地大智所行處深妙難知見
今已略說竟

法雲地第十

說諸大菩薩所行無上事無數那由他
首陀會諸天於上虛空中心皆大歡喜
咸以恭敬心衆妙供養佛那由他菩薩
歡悅無有量燒諸奇妙香滅除諸煩惱
他化自在王與諸天大衆住在虛空中
心皆大歡喜咸以恭敬心種種設供養

各散衆寶衣空中旋轉下 无量億天女
諸根欣悅豫於上虛空中 敬心供養佛
同作無量億 那由他伎樂 於諸衆物中
皆出如是音 佛坐於此處 悉遍於一切
十方國土中 皆亦有佛現 无量億種種
相好莊嚴身 殊妙無有比 充滿於世界
於一毛孔中 出无量光明 滅除於一切
世間煩惱火 十方微塵數 不可得計量
一毛孔光明 亦復不可盡 各見有佛身
以三十二相 八十好莊嚴 轉於无上輪
或見佛種種 為衆而說法 或見在兜率
教化於諸天 或見從兜率 來下處胞胎
或見初生時 或見夜出家 或見坐道場
而成無上道 或見轉法輪 或見入涅槃
於无量國土 種種而示現 欲度衆生故
皆有如是事 譬如巧幻師 善知於幻術
多示諸衆生 種種諸異身 如是佛慧中
善巧於示現 變化一切身 周遍諸世間
如諸法空寂 先来無性相 同若如虛空
大師亦如是 得入第一義 微妙之性相
隨於法性相 示佛大神力 諸佛所行性
一切諸衆生 皆在是性中 相可相同相
一切諸法等 入在於第一 寂滅義趣中

悉皆元有相。若欲得佛智。應離諸想念。有無俱通達。疾作天人師。諸天姝女衆。皆出如是等。千萬種妙音。寂然而觀佛。解脫月菩薩。見衆皆寂然。請金剛藏言。大名稱佛子。菩薩從九地。至於第十地。諸大神通力。願今為略說。

尔時金剛藏菩薩言。佛子。諸菩薩摩訶薩。如是無量智慧善修行。佛道乃至九地。善集諸白法。集无量助道法。大功德智慧所護。廣行大悲。深知分別世間性差別。深入衆生難處。至諸如來行處。念隨順如來寂滅行處。趣向諸佛力無所畏。不共法等堅持。不捨得至一切智慧位。諸佛子。菩薩摩訶薩。隨行如是智近佛位地。則得菩薩離垢三昧。而現在前。又入法性差別三昧。莊嚴道場三昧。雨一切世間華光三昧。海藏三昧。海印三昧。虛空廣三昧。觀擇一切法性三昧。隨一切衆生心行三昧。如實擇一切法三昧。得如來智信三昧。如是等。百万阿僧祇三昧。皆現在前。是菩薩悉入此三昧。善知其中功用差別。寂後三昧名。

益一切智位是三昧現在前時大寶蓮花王出周圓如百万三千大千世界一切衆寶間錯莊嚴過一切世間所有出世間善根所生行諸法如幻性空慧所成光明能照一切世界大寶琉璃為基勝一切諸天所有不可量栴檀王為臺大馬瑙寶為鬘闍浮檀金光為業中有无量光明一切妙寶皆在其內寶網覆上滿十三大千世界微塵數蓮花為眷屬不時菩薩其身妹妙稱可華座是菩薩得益一切智位三昧力故身現在大蓮華座上即時諸眷屬蓮華上皆有菩薩圍遶之一一菩薩坐蓮華上即得百万三昧皆一心恭敬瞻仰大菩薩是菩薩昇蓮華座時十方現在一切世界皆大震動一切惡道皆悉休息光明普照十方世界一切世界皆悉嚴淨皆得見聞一切諸佛大會何以故是菩薩坐大蓮華座上即時足下出百万阿僧祇光明照十方阿鼻地獄等滅衆生苦惱兩膝上放若干光明悉照十方一切畜生滅除苦惱臍放

若干光明照十方一切餓鬼滅除苦
惱左右脇放若干光明照十方人身
安隱快樂兩手放若干光明照十方
諸天阿修羅宮殿兩肩放若干光明
照十方聲聞人頂放若干光明照十
方辟支佛口放若干光明照十方世
界諸菩薩身乃至住九地者白毫放
若干光明照十方得位菩薩身一切
魔宮隱蔽不現頂上放百万阿僧祇
三千大千世界微塵數光明照十方
諸佛大會圍遶世界十帀住於虛空
成光明網高大明淨供養諸佛如是
供養從初發心乃至九地菩薩所作
供養百分不及一乃至百千万億分
不及一乃至等數譬喻所不能及是
大光明網勝十方世界所有華香末
香燒香塗香衣服幡蓋衆寶瓔珞摩
尼寶珠供養之具以從出世善根生
故一一佛大會上皆雨衆寶狀如大
雲若有衆生覺知如是供養者當知
皆是必定無上大道如是諸光雨大
供養已還繞諸佛大會十帀入諸佛
足下今時諸佛及大菩薩知某世界

中某甲菩薩摩訶薩行如是道成就
受職諸佛子即時十方無邊菩薩乃
至住九地者皆來圍遶設大供養一心
恭敬瞻礼各得万三昧諸得職菩薩
摩訶薩於金剛莊嚴曾出一大光名
破魔賊有無量百千万光以為眷屬
照十方世界示無量神力亦來入是
大菩薩曾此光明滅已是菩薩即時
得大勢力神通智慧百千万倍諸佛
子尔時諸佛出眉闍白毫相光名益
一切智位有無量無邊光明眷屬照一
切十方世界無有遺餘十帀圍遶一
切世界示於諸佛大神通力勸進无
量無邊百千万億諸菩薩一切十方
世界六種震動滅除一切惡道苦惱
一切魔宮皆蔽不現示一切諸佛得
道之處示一切諸佛大會莊嚴事廣
大如法性究竟如虛空照明一切世
界已集在虛空右遶示大神通莊嚴
之事入是菩薩頂上其諸眷屬光明
入諸眷屬蓮華菩薩頂上即時諸菩
薩各得先所未得十千三昧是光明
入此菩薩頂如一佛光一切佛光皆

亦如是一切十方佛光明入是菩薩
頂時名為得職名為入諸佛境界為具
佛十力當墮在佛數諸佛子譬如轉
輪聖三長子大夫人所生成就轉輪
王相轉輪聖王令子在白鳥寶閣浮
檀金座上取四大海水上張羅惕種
種莊嚴幢幡伎樂執金鍾香水灌子
頂上即名為灌頂大王具足轉十善
道故得名轉輪聖王諸佛子菩薩摩
訶薩亦如是受職時諸佛以智水灌
是菩薩頂名灌頂法王具足佛十力
故墮在佛數諸佛子是名諸菩薩摩
訶薩大智慧職以是職故諸菩薩
摩訶薩受無量百千億万苦行難事
是菩薩得是職已住菩薩法雲地无
量功德智慧轉增諸佛子菩薩住是
法雲地如實知集欲界集色界集無
色界如實知集世間性集衆生性集
識性集有為性集無為性集虛空性
集法性集涅槃性集邪見諸煩惱性
如實知諸世間行法還法如實知集聲
聞道集辟支佛道集菩薩道集諸佛力
无畏不共法集色身法身集一切智

慧如是集得佛道集轉法輪集示滅
度舉要言之如實知示集一切法
差別是菩薩以如是智慧隨順菩提
行如實轉深入知衆生化業化煩惱
化諸見化世性化法性化聲聞化辟
支佛化菩薩化如來化一切化分別
無分別化皆如實入是菩薩今時如
實知佛力所持如實知法處持如實知
業持煩惱持時持願持先世持行持
劫壽持智持是菩薩住十地中諸佛
所有微細行智所謂細微生死智細
微世智細微出家智細微得道智細
微神力自在智細微轉法輪智細微
持壽命智細微示涅槃智細微法久
住智如是等細微智皆如實知又諸
佛密處所謂身密口密意密籌量時
非時密與菩薩受記密攝伏衆生密
諸乘差別密八万四千諸根差別密
業如實所作密行密得菩提密如是
等密皆如實知是菩薩諸佛所有入
劫智所謂一切攝阿僧祇劫阿僧祇
劫攝一劫有數攝無數無數攝有數
一念攝無量世无量世攝一念劫攝

非劫非劫攝劫有佛劫攝无佛劫無
佛劫攝有佛劫過去未來劫攝現在
劫現在劫攝過去未來劫未來過去
劫攝現在劫現在劫攝未來過去劫
長劫攝短劫短劫攝長劫諸劫攝想
皆如實知是菩薩諸佛所入毛道智
若入微塵智若國土智身心智得道
智若衆生身心得道智若衆生行智
得道智遍行佛道智順行示智逆行
示智不可思議智世間能知聲聞能
知辟支佛能知菩薩能知有不能知
但如來能知皆如實入諸佛子諸佛
智廣大无量無邊菩薩住是地則能
得入如是智慧諸佛子是菩薩摩訶
薩隨是地行得菩薩不可思議解脫
得菩薩無尋解脫淨行解脫普門明
解脫如來藏解脫隨无尋論解脫入
三世解脫法性藏解脫解脫明解脫
離差別解脫諸佛子是菩薩十解脫
為首如是等无量無邊百千万億阿
僧祇解脫皆於此地得得百千万无
量阿僧祇三昧百千万無量阿僧祇
陀羅尼百千万无量阿僧祇神通亦

復如是是菩薩成就如是智慧隨順
於菩提成就無量念力能於一念頃
至十方无量佛所受無量法明无量
法雨皆能受持譬如娑伽羅龍王所
澍大雨唯除大海餘地不能堪受諸
佛子菩薩摩訶薩亦如是受大法雨
故能入如來密處是大法雨一切衆
生聲聞辟支佛皆不能受從初地乃
至九地菩薩亦不能受持唯此菩薩
摩訶薩住法雲地悉能受持諸佛子
譬如大海一龍王起大雲雨皆能堪
受若二龍王三四五十二三十四
十五十若百龍王若千若万若億若
百億若千万億那由他龍王乃至無
量无邊大龍王起雲所雨一時澍下
皆能受持所以者何大海是無量器
故諸佛子菩薩摩訶薩亦如是住法
雲地於一佛所能受大法明雨二佛
三四五十百千万億乃至无量無邊
不可稱不可說无有限過諸竿數於
一念中皆能堪受如是諸佛大法雲
雨是故此地名法雲地問言佛子是
菩薩於一念中為能堪受幾所佛法

明大兩答言不可以筭數所知但以
譬喻可說諸佛子譬如十方所有不
可說百千萬億那由他世界中微塵
介所微塵世界中衆生假使皆得聞
持陀羅尼為佛侍者為大聲聞多聞
第一譬如金剛蓮花上佛有大擇比
丘多聞第一其一衆生成就如是多
聞之力餘若干衆生皆亦如是其一
人所受法第二人不重受如是一切
各各不同諸佛子於意云何是一切
衆生受持多聞力為多不答言无量
諸佛子我今當為汝說是菩薩住此
法雲地於一念一時於一佛所能堪
受三世法性藏名曰大法明雨上一
切衆生多聞之力比此百分不及一
千分百分千萬億那由他乃至筭數
譬喻所不能及如一佛所聞十方若
干世界所有微塵諸佛皆能堪受大
法明雨復能過此無量無邊於一念
一時悉能堪受大法明雨是故名為
法雲地復次佛子菩薩摩訶薩住是
大法雲地自從願力生大慈悲放大
法雷音諸通明無畏以為電光發大

智慧以為疾風大福德善根以為密雲現種種身色為雜色雲說法降魔以為雷音一念一時能於上所說微塵世界皆悉周普无有遺餘復過此數以兩善法甘露法雨故滅衆生隨心所樂無明所起煩惱塵焰是故名為法雲地復次諸佛子菩薩摩訶薩住是法雲地於一世界中從兜率天上来下乃至示大涅槃一切佛事隨所度衆生皆現神力若二十世界乃至如上微塵數世界又復過是百千万億阿僧祇世界從兜率来下乃至示大涅槃一切佛事隨所度衆生皆現神力是菩薩住在此地於智慧中得上自在力善擇大智慧或以狹國為廣廣國為狹或以垢國為淨如是一切世間性皆有神力是菩薩或於一微塵中有一三千大千世界鐵圍山川而不迫隘或二三四五十二十三十四十五十若百若千万億无量不可說不可說世界諸莊嚴事皆示入一微塵若以一世界莊嚴事示不可說不可說世界或以乃至不可

說不可說世界衆生置一世界中亦不迫隘或以一世界衆生置不可說不可說世界中或以不可說不可說世界示著一毛頭而不惱衆生或於一毛中示一切佛神通力莊嚴之事或以十方所有不可說不可說世界微塵於一念中現如是等身於一身中示若干無量手以此手勤心供養十方諸佛以二手提恒河沙等蓮華聚以散諸佛塗香雜香末香衣服幡蓋寶物亦復如是一切莊嚴之具皆以手執供養諸佛於一身皆亦如是又一身化有衆所塵數頭於一一頭有衆所塵數舌以是神力讚歎諸佛如是等事於念念中遍滿十方於念念中以神通力於無量世界示得佛道轉於法輪乃至大般涅槃於三世中以神通力示現無量身於自身中現佛無量無邊佛土莊嚴事於自身中示一切世界成壞事或令一切諸風皆於一毛孔出而不惱衆生或欲以無量無邊世界為一海水此海水中作大蓮華形色光明遍照無量

無邊世界於中示得菩提莊嚴妙事

乃至示得一切種智自身中所有一

方光明摩尼寶珠電光日月星宿諸

光明乃至十方世界所有光明諸物

皆於身中現以口噓氣能令一切十方

無量無邊世界震動而不令衆生

有驚畏想示十方世界水劫盡風劫

火劫盡而衆生身隨意莊嚴或欲於

自身示作如來身如來身作自身如

來身作已佛國已佛國作如來身諸

佛子菩薩摩訶薩在此菩薩法雲地

神變如是又餘無量神力自在奇異

示現亦時會中有諸菩薩天龍夜叉

乾闥婆阿修羅迦樓羅緊那羅摩睺

羅伽釋提桓因梵天王四天王自在

天子淨居天等各作是念若菩薩神

通力智慧力如是無量無邊佛復云

何亦時解脫月菩薩摩訶薩知大衆

心所念問金剛藏菩薩言佛子今諸

大衆皆有所疑聞是菩薩大神通智

慧力墮在疑網汝今當斷一切疑惑

示菩薩神通莊嚴妙事即時金剛藏

菩薩入一切佛國體性三昧時諸大

衆天龍夜叉輒闍婆阿修羅迦樓羅
緊那羅摩睺羅伽釋提桓因梵天王
護世天王自在天子淨居天等大衆
皆自見知入金剛藏菩薩身中於其
身內見有三千大千世界莊嚴衆事
若滿一切說不可盡於中見佛道場
樹其莖周圍十萬三千大千世界高
百萬三千大千世界覆蔭三千億三
千大千世界稱樹高廣有師子座其
座上有佛号一切智王如來一切大
衆咸皆見佛坐在座上其中所有莊
嚴上妙供養之具滿一切說亦不可
盡金剛藏菩薩示現如是大神力已
還令大衆各在本處尔時一切衆會
生希有想默然一心觀金剛藏菩薩
尔時解脫月菩薩問金剛藏菩薩言
佛子甚為希有是三昧有大勢力是
三昧者名為何等答言是三昧者名
為一切佛國體性問言是三昧所有
勢力為齊幾所答言佛子若菩薩摩
訶薩善修成是三昧力者能以如是
无量恒河沙世界微塵數三千大千
世界於身中現復過是數佛子菩薩

摩訶薩在此法雲地得如是諸菩薩
三昧無量无邊百千万億以是故此
菩薩住是地中身身業難可測知口
口業難可測知意意業難可測知神
力自在難可測知觀三世法難可測
知諸三昧行入難可測知智力難可
測知遊戲諸解脫難可測知變化所
作神力所作勢力所作難可測知略
說乃至舉足下足乃至小王子菩薩
住妙善地者不能測知諸佛子菩薩
法雲地如是元量今已略說若廣說
者無量无邊阿僧祇劫不能得盡問
言佛子若菩薩行處力神通力如是
者佛行處力神通力復云何答言佛
子譬如有人取四天下中二三塊土
作是言無邊世界地性為多此耶汝
所問者我謂如是如來元量智慧云
何以菩薩智慧而欲測量諸佛子如
人取四天下中少地性餘在極多諸
菩薩法雲地於無量劫但可說耳何
况如來地諸佛子我今唱說令汝知
之佛現在為證如一一方无量無邊
世界微塵等諸佛世界十地菩薩皆

滿其中譬如稻麻藥林是諸菩薩有無量无边業修習菩薩功德智慧禪定於如來功德智慧力百分不及一百千万億分不及一乃至竿數譬喻所不能及諸佛子是菩薩隨如是智慧順如來身口意亦不捨諸菩薩三昧而勤心供養諸佛於一切以一切處現丹本微妙供養具供養无量无边諸佛而能具受諸佛神力轉復明勝是菩薩於法性問難无能勝者乃至無量无边百千万億劫不可窮盡佛子譬如大金師善治此金為莊嚴物以无上摩尼寶珠間錯其中安置自在天王頸上其餘諸天無能奪者又諸天人莊嚴之具无能及者諸佛子菩薩住十地中智慧功德善根從初地至九地諸菩薩摩訶薩所不能及菩薩住是地中得大智照明故能隨順一切智慧其餘智慧之明所不能壞譬如佛子大自在天王光明一切生處衆生光明所不能及能令衆生身心涼冷諸佛子菩薩摩訶薩亦如是住是法雲地中智慧光明一切聲聞辟

支佛所不能及從初地乃至九地菩薩摩訶薩亦不能及是菩薩住是地中能令無量衆生住一切智道諸佛子菩薩摩訶薩住是地中諸十方佛為說智慧令通達三世正知法性相以智普覆一切世間照一切世間性大悲大慈普覆一切衆生正通見知一切諸法舉要言之具足為說至一切智道佛子是名菩薩摩訶薩第十菩薩法雲地菩薩摩訶薩住是地中多作摩醯首羅天王智慧明達善說聲聞辟支佛菩薩波羅蜜於法性中有問難者無能令盡所作善業若布施若愛語若利益若同事皆不離念佛念法念菩薩伴念菩薩行念諸波羅蜜念諸地行不離念十力念无所畏念不共法乃至不離念具足一切種智常作是念我當何時於衆生中為首為勝為大為妙為上為無上為導為將為師為尊乃至於一切衆生中為依止者若欲如是勤行精進於一念中得無量百千万億那由他不可說不可說世界微塵數三昧乃至

示令所微塵數菩薩眷屬若以願力神通自在復過是數所謂諸行上妙供具信解起業若身若口若光明若諸根若如意若音聲若行處乃至若千百千万億劫不可稱數諸佛子是名菩薩摩訶薩地次第順行趣向一切種智佛子譬如從阿耨達池四河流出滿足四天下轉增無有窮盡乃入大海諸佛子菩薩摩訶薩亦如是從菩薩出於善根大願之水以四攝法滿足衆生而不窮盡轉更增長乃至一切種智諸佛子是諸菩薩十地因佛智故而有差別譬如因大地故有十大山王何等為十所謂雪山王香山王軻梨羅山王仙聖山王由乾陀羅山王馬耳山王左民陀羅山王斫迦婆羅山王衆相山王須弥山王佛子如雪山王一切藥草集在其中取不可盡諸佛子菩薩摩訶薩亦如是住在菩薩歡喜地一切世間經書伎藝文頌呪術集在其中無有窮盡諸佛子如香山王一切諸香聚在其中而不可盡菩薩摩訶薩亦如是住

菩薩離垢地中持戒頭陀威儀助法
集在其中无有窮盡諸佛子如軻梨羅
伽山王但以寶成集諸妙華取不可盡
諸佛子菩薩亦如是住於明地集一切
世間禪定神通解脫三昧門不可盡
諸佛子如仙聖山王但以寶成多有
五神通聖人不可窮盡諸佛子菩薩摩
訶薩亦如是住菩薩焰地中集令衆生
入道因緣種種問難不可窮盡諸佛子
如由乾陀羅山王但以寶成集夜叉
大神夜叉羅刹衆不可窮盡諸佛子
菩薩亦如是住菩薩難勝地中集一
切自在如意神通說不可盡諸佛子
如馬耳山王但以寶成集衆妙果取
不可盡諸佛子菩薩摩訶薩亦如是
住現前地中集深因緣法說聲聞果
不可窮盡諸佛子如足民陀羅山王
但以寶成集諸一切大力龍神不可
窮盡諸佛子菩薩摩訶薩亦如是住
菩薩遠行地中集種種方便智慧說
辟支佛道不可窮盡諸佛子如斫迦
婆羅山王但以寶成集心自在者不
可窮盡諸佛子菩薩摩訶薩亦如是

住無動地集一切菩薩自在道說世間性不可窮盡諸佛子如衆相山王但以寶成集大神力諸阿修羅元有窮盡諸佛子菩薩亦如是住菩薩妙善地中集轉衆生行智說世間相不可窮盡諸佛子如須弥山王但以寶成集諸天神無有窮盡諸佛子菩薩亦如是住法雲地中集如來十力四無所畏說諸佛法不可窮盡諸佛子是十寶山同在大海因大海水有差別相諸菩薩摩訶薩十地亦如是同在佛智因一切智故有差別相諸佛子譬如大海以十相故數名大海無有能壞何等為十漸次深二不共死屍宿三餘水失本名四一味五多寶聚六極深難入七廣大无量八多有大神身衆生依住九不過常限十能受一切大雨无有盈溢諸佛子諸菩薩行亦如是以十因緣故得名無有能壞何等為十歡喜地中漸次生堅固願離垢地中不與破戒者共宿明地中捨諸世間假名焰地中於佛所得一心不壞信淨難勝地中生世間無

量方便神通起世間事現前地中觀
甚深因緣法遠行地中以廣大心善
擇諸法无動地中能起大莊嚴事示
現妙善地中能得深解脫通達世間
行如實不過法雲地中能受一切諸
佛大法明雨諸佛子譬如大摩尼寶
珠有十事能與衆生一切寶物何等
為十一出大海二巧匠加治三轉精
細四除其垢穢五以火鍊治六衆寶
莊嚴七貫以寶縷八置在琉璃高柱
九光明四照十隨王意雨衆寶物諸
佛子菩薩摩訶薩發菩提心寶亦有
十事何等為十一初發心布施離慳
二修持戒頭陀苦行三以諸禪定解
脫三昧令轉精妙四以道行清淨五
練以方便神通六以深因緣法莊嚴
七以種種深方便智慧貫穿八置以
神通自在幢上九觀衆生行放多聞
智慧光明十諸佛授智職今時於一
切衆生能為佛事隨在薩婆若數諸
佛子是諸菩薩所行集一切智慧功
德法門品若不深種善根者不能得
聞問言若得聞者是人為得幾許福

答言隨諸佛所有智慧慧力如是發
薩婆若心所緣攝福德是人得聞此
法門所得福德亦復如是何以故若
元菩薩心聞是法門不能信解受持
何況以身修習能成是事諸佛子以
是故當知是人隨順一切種智得聞
信解受持修行說是經時以佛神力
十方世界十億佛國微塵數世界六
種十八相動又法應震動諸天雨華
如雲而下雨諸香瓔珞天寶衣天幡
蓋天寶物天莊嚴身具雨天伎樂歌
頌而下更有大音讚歎十地殊勝之
事此他化自在天王宮四天下中如
是十方一切世界周遍皆說十地經
以佛神力故十方過十億佛國微塵
數世界有十億佛國微塵數諸菩薩
來遍滿十方虛空皆作是言善哉善
哉金剛藏佛子善說諸菩薩摩訶薩
住諸地相佛子我等皆亦名金剛藏
從金剛德世界金剛幢佛所來所經
歷處皆說是經衆會亦如是言辭亦
如是義趣亦如是不增不减佛子我
等以佛力故到此大衆來證是事諸

佛子如我等來至此衆如是十方一切世界一一世間種性四天下上他化自在天王宮摩尼寶殿皆有十億佛國微塵數菩薩往為作證亦時金剛藏菩薩觀察十方觀一切大衆觀深法性讚歎助發薩婆若心示衆生菩薩大力欲淨諸菩薩行攝一切衆生隨順薩婆若除一切世間之垢與諸衆生一切種智因緣示不可思議智慧莊嚴妙事說一切菩薩功德差別相欲令此義轉勝明顯示衆生故承佛神力而說偈言

諸菩薩所行樂於善寂滅其心无所著
猶若如虛空除貪患癡垢安住道智中
如是無上行願樂欲聽聞如是諸菩薩
在於无量劫勤心常修習万億種善根
供養無量佛辟支阿羅漢為利衆生故
乃生菩提心精勤持戒行頭陀除罪垢
修善忍轉妙慚愧威德滿福慧因緣故
高勝心明淨深樂於佛智同佛生菩提
供養於一切十方三世佛如虛空等國
悉皆令清淨一切法平等善悉通達故
為度一切衆生於菩提心諸菩薩如是

生是无量心 至於歡喜地 息惡樂布施
得諸本願力 慈悲心偏多 深行十善道
能到離垢地 戒聞功德富 慈心愍世間
永離諸垢穢 深心常清淨 普觀諸世間
三毒火熾然 如是之大士 能入三明地
觀三界皆空 無常亦如病 如癰如瘡箭
百種苦常然 見諸有為過 貪著佛功德
得佛智明焰 得入於焰地 成就於念慧
得至道智中 在此地供養 百千種諸佛
常能思惟念 諸佛无量德 得入於一切
世間難勝地 能以慧方便 種種而示現
諸有所為作 以利於世間 供養於諸佛
作益衆生事 無生法在前 得入現前地
菩薩諸所行 一切世難知 常无有我心
離有亦離無 諸法先空寂 十二緣故行
善了此微細 能入遠行地 行慧方便等
得法寂滅相 如是之大士 難知難可及
為欲令世間 得善寂滅故 還起修諸行
種種福德事 普入於衆生 種種心行處
如是能得入 等空不動地 大智諸菩薩
悉善能具行 種種諸智業 得十自在力
能以無有量 无邊限諸身 普現十方界
而為說妙法 善達世間性 及諸衆生性

如是大慈悲能入妙善地第一妙淨智
善觀諸世間纏練煩惱業深曲險難處
為度是等故得諸佛法藏善說第一義
悉无所違錯如是次第行具足諸善法
乃至到九地所修集福慧欲得諸佛力
第一深妙利乃於一切佛能得受智職
先得無數定智行極廣大末後得難壞
諸智職三昧若能得如是一切職三昧
一切寶莊嚴大蓮花即出菩薩稱蓮花
現身坐其上餘花諸菩薩咸共一心視
尔時大菩薩從身放无量百千億光明
滅諸世間苦然後頂上出百千億光明
普照十方界諸佛大會衆於上虛空中
化成光明網供養諸佛已入諸佛足下
時諸一切佛及諸大菩薩各知其菩薩
得受於智職如是一切佛報以眉間光
名曰一切職入此菩薩頂一切無量佛
與此菩薩職猶如轉輪王假授太子位
時諸十方界普皆大震動乃至阿鼻等
諸苦皆除滅菩薩為一切智慧得是職
如是名為到无上法雲地住於是地中
智慧無邊限善知度一切世間諸因緣
入色无色法欲色無色界能知衆生性

國土性法性又能入可數不可數法中

乃至能觀擇虛空无量性入此地悉具

菩薩變化事諸佛威神力微細智密事

又能悉通達一切諸劫數於一毛端中

觀見世間性一切諸如來於此无上地

初生及出家得道轉法輪示入於涅槃

皆隨順於智寂滅妙解脫悉於此地得

此地諸大士憶念力大故諸佛大法雨

皆悉能受持譬如大海水能持龍王雨

諸佛大法雨菩薩受亦尔若於一佛所

一時聽受法十方無量土微塵數衆生

皆得聞悉持成於聲聞乘不如是菩薩

竿數所不及大智慧力故及生大願力

能於一念中遍滿無量國雨甘露法水

滅諸煩惱火是故諸佛名此地為法雲

大士住此地供養諸佛具過諸天所有

普示大神力示衆轉勝力過是數无量

若人欲思量迷悶不能解大智住此地

舉足下足事及餘諸菩薩乃至於九地

皆悉不能知何況餘衆生三世諸聲聞

及與辟支佛住此諸佛示一切智慧事

亦與令通達三世無尋智亦示法性寂

亦示種種變一切諸世界所有衆生類

所行一切法深微隱妙事一切佛功德
次第示令知菩薩住此地能以大供具
供養十方佛遍滿一切方一切諸世間
所有衆生類其餘諸供具皆所不能及
智者住此地皆能破一切無明諸闇冥
開示以佛道如自在天王光滅衆熱惱
佛子智光明滅衆惱亦尔住是地皆作
三界自在王通達諸智慧善以三乘化
能於一念中得无量三昧能見十方佛
其數亦如是金剛藏菩薩告諸大士言
我今略解說十地妙行已若廣演說者
千億劫不盡是則名清淨諸大菩薩地
為得佛智故住於此地中安住不移動
猶如大山王初地具一切經書諸伎術
猶如雪山王積聚衆藥草持戒及多聞
在於二地中猶如香山王集諸一切香
如軻梨羅山多積諸寶花明地集聞智
其喻亦如是焰地多積聚道法寶不壞
如仙聖山中善寂人不少五地諸神通
無能得及者如由軻陀山夜叉神不少
六地善分別諸果無窮盡猶如馬耳山
諸果无有量七地中大慧無有能及者
如居民陀山諸龍王不少住於八地中

自在智无量如斫迦羅山多心自在者
九地心清淨說法無障導猶如衆相山
阿修羅不少十地中諸佛功德无窮盡
如須弥山王多諸天神衆又復初地中
發於廣大願二地持戒品三地行功德
第四地專一五地衆妙事六地甚深相
七地廣大心八地中種種莊嚴諸神通
九地思妙智能過一切世十地能受持
諸佛大法雨菩薩行大海難動不可盡
發心出世間得入於初地二地淨持戒
三地修諸禪四地道行淨五練方便慧
六因緣莊嚴七深方便慧八到琉璃幢
九地行衆生一切險難處智慧光普照
十地受智職猶如國王許如是次第淨
菩提心妙寶十方諸世界所有微塵數
可於一念中計知其多少可以一毛頭
數知於虛空諸佛大功德無量不可盡
說是十住經時自在天王及諸天衆
解脫月菩薩及諸菩薩一切世間皆
大歡喜信受奉行
十住經卷第四

壬寅歲高麗國大藏都監奉
勅彫造

佛說如來興顯經卷第一

戎

西晉月氏三藏竺法護譯

聞如是一時佛遊如來建立之土号
歎法身深奧悅豫普見稠閤為大嚴
淨顯曜威宮琉璃之藏如來所行佛
時興出無量之路為法界宮觀菩薩
身光明清淨師子之座咸受一切菩
薩之體為大法座咨嗟法界如來聖
旨緣虚空界行無罣碍曉了本際聖
慧之界普解佛慧分別聖道去來今
佛一切悉等為一法身一切諸佛行
皆平等神通之行无所罣碍法身慧
體究竟無相法度无極遊于法界無
有二行玄曠无限為寂正覺其等如
稱則超度行無有陰蓋解脫之門其
法界者普同虚空常遊十方諸佛國
土無限之故靡所不覩億百千娑諸
菩薩等猶如塵數一切悉已一生補
處各各在於異佛世界志願無極奉
諸慧行各各入於无所破壞平等法
界空界無限无所獲致無中間行无
有自然亦無所生曉了證明一切諸

法亦復如是衆菩薩身无所動捨逮諸通慧遍諸佛土而無所念遵如來慧而於佛道現在得致顯明之曜遊大聖行无所震動慧以一身示于無量所行之體周于無限法界之裏分別善人衆生之界至不退轉等獲本際無本法界除去自大身常卑順則無所畏如來照明一切德本以為徒類

其名曰普賢菩薩普稱尊菩薩如來族姓成首菩薩金剛幢英菩薩無蓋月淨菩薩日光離垢藏菩薩大神通變動菩薩離垢光首十方精進五大師子娛樂神通菩薩如是等類猶如十方不可計數億百千娑諸佛之土滿中衆塵衆會菩薩其數如斯

於是有光号如來聖旨世尊眉間演出斯耀無央數娑億百千明照於无量無有邊際无餘世界十方佛土示現如來威神之變告無央數億百千娑諸菩薩衆威神則令諸佛世界一切惡趣悉為銷滅覆蔽一切諸魔宮殿又諸如來成取正覺寤諸未覺示

現諸佛衆會道場所出光明嚴淨之座顯曜法界第一空界在所周遍達諸佛界尋復來還皆繞一切菩薩坐場入如來族姓成首菩薩頂上不現如是衆會一切菩薩恠未曾有身心踊躍今日當有無極之變講說大法如此光明自然來現光明適沒如來族姓成首菩薩即從坐起於蓮花上而下右膝長跪叉手思如來德以偈頌曰

寤諸不覺者超踰諸德王其行無罣碍所起度无極其大聖安住平等於三世恭敬今稽首明哲之慧士所行無形相則度于彼岸又復而示現善莊嚴身相光明離衆垢演顯百千曜降伏諸魔事以頂歸命礼震動諸國土宮殿之元首乃至於十方諸所有土地終不令一人而使獲恐懼佛道之威神所興如是比而平等建立於虛空之界其法界如是獲逮諸境土嚴淨於黎庶億姦之塵數蠲除諸衆生一切之罪罣志願其堅強行于億千劫玩習積累德殊勝之佛道逮得於一行聖慧無罣碍以一之自然

皆行諸佛道 所演放光明 導師為若茲
普見於忍界 一切靡不周 普示現一切
威神之變化 吾身已得入 於一自然行
今以是之故 興發如此念 今為正應時
稽首於法王 無央數菩薩 悉來集會斯
而欲得聽省 所分別法事 今日諸會者
清淨復清淨 而於諸世界 親近遵修行
聖慧无限量 境界無星尋 逮得於勇猛
无極之威神 斯等遊世誼 所行逮神仙
智慧不可計 超越精進力 而造奮光明
悉照諸菩薩 今鄙如應問 殊勝最上法
所堪任境界 為之大聖通 自恣其威曜
而普悉示現 導師最上尊 頒宣諸佛土
孰為人中聖 至上之真子

說此頌讚已 應時世尊從口演光名
不可計億數 照明照於一切無有邊
際諸佛世界 繞諸佛土 具足十帀示
現如來聖旨 威變請无央數諸菩薩
億百千娑悉見 告勅動諸佛土 至諸
惡趣悉滅灾患 覆蔽一切諸魔宮殿
十方如來平等正覺 覺諸不覺 示現諸
佛衆會道場 光明之耀 度于法界一
切周遍虛空之界 達諸佛土 尋即復

還繞諸菩薩入於普賢菩薩面門普
賢菩薩適遇斯光尋時如應功德威
顏師子之座倍加於前超越佛身及
師子座又復絕踰諸菩薩體師子之座
普賢菩薩儀觀美德師子之座高廣
殊妙而現特為顯麗今時如來族姓
成首菩薩問普賢曰唯佛之子仁之
功德不可思議一切世界悉遍知之
興大變化悅諸菩薩無極感動今斯
佛子如來所現變本瑞應普賢菩薩
謂如來族姓成首菩薩如吾所憶又
如往古諸平等覺之所覩現如斯變
化无極感動當講如來興顯經典今
者大聖欲演此義故復示現如是變
應如來族姓成首菩薩適聞於斯興
顯典名尋時即以佛之威神地則大
動於是如來族姓成首菩薩謂普賢
曰善哉佛子堪任能樂為諸菩薩大
士之等讚揚如來至真等正覺興顯
成乎今者十方悉皆嚴淨無央數億
百千娑衆而來集會往古善修清淨
之行心有所歸懷抱道德顯發覺意
演大言辭超度彼岸建立一切諸如

來行威儀禮節心念諸佛未曾忘捨
興設大哀普觀衆生諸大菩薩決了
神通分別一切如來精進已身懷怕
聞一切佛所讚道音尊妙之法如是
儔倫功德名稱平等蠲除一切憎愛
而無適莫今斯菩薩皆來集會仁為
佛子曾已供養无央數億百千娑佛
稽首諮受悉已遵修諸菩薩行獲大
神足諸三昧門娛樂神通皆入如來
秘密之藏銷諸狐疑入于如來無畏
精進探覩衆生一切諸根皆以信於
真諦解脫而說經典達如來動聖性
所歸頌宣一切諸佛之法取為第一
得度無極如是比類不可稱計衆德
奇特善哉佛子願說如來興顯現身
暢演弘音所可講說諸心念行境界
之處所歎行者成取正覺轉于法輪
宣傳佛教現大滅度示於如來一切
德本諸所造行今時如來族姓成首
菩薩重欲解義分別所歸則為普賢
菩薩而說頌曰

善歸無合會 諦曉了悉覺其慧則无上
平等離欲塵 稱歎於取勝 所行無限量

其聞于音響一切悉踊躍菩薩之殊特
云何興出勝所以得歸趣何因致真實
如來之音響何謂為身心其行之境界
斯大稱云何何謂為諸佛而因言如來
何故為取勝而轉於法輪願講衆安住
滅度之道地當悅可斯等無量諸佛子
其在于十方安住大法王一切諸衆生
功德之所歸斯等之福慶大聖願為說
何緣見道意云何至安住云何得聽聞
如來之名号未曾得覩見滅度諸大聖
假使發踊躍恭敬於尊聖唯悅豫說之
何因成大意今以問於此清淨之大人
為說所奉行大德之巨海察斯諸菩薩
一切悉义手問佛并仁者及諮于鄙身
當為斯等故宣說淨尊法為斷衆狐疑
獲無量大慧因為引譬喻示現佛種姓
設衆生聞者發清淨道心悉令諸佛土
周遍勝无餘諸佛普示現若干種身形
知法清淨者則演隨應時因其族譬喻
而為示現說往至娑佛土於十方百千
億百那術數無量不可計難可得值見
如是等菩薩如今日聚會若茲自在勝
是故願說之安住行清淨由斯廣宣闡

如來之族姓斯等諸菩薩一切叉手立
普悲志求法渴仰於經典

普賢菩薩緣如來族姓成首所問普
告一切諸菩薩衆唯取勝子諸如來
處不可思議至真等正覺若興出者
演不可量叙法次第無能稱計如來
熙隆巍巍如是雖以一事不以一事
而歸於道所以者何唯佛之号又有
十事為無量法歸不可計百千功德
修習所行得至如來何謂為十道心
无量普護群黎一切之意往宿積累
善行之念志性无限從本清淨合集
無極大慈大哀而以習趣救濟衆生
願行无底不斷遵修福慧無極習行
无厭而習歸趣教化衆生無邊佛藏
亦以習趣善諦清淨无量善摧智慧
之路奉無量德无限之道所習聖智
合集懷來無際法議經典之藏是故
佛子十法之行為法面首已具足十
不可計會无量百千眷属枝黨得歸
如來譬如佛子其千世界所因得号
不以一事而合成也以無數合會成
譬如大陰不失時節而以澍雨有四

因緣諸風習習飄飄流布風名執御其大風場多有衆水主導御雨有枯竭風其風燒水有風名曰住立住立一切所有宮殿風名莊嚴為諸三千受體衆生罪福俱遊計諸菩薩所成功德亦復如是无有限量不可計會亦如若干立三千界乃得諸法無有能為分別計數稱量本末无能觀見盡其原者如是佛子如來至真等正覺不以一事不以一義而興出也又從往古諸如來所先興弘陰法雨其心奉教而無厭倦志性堅強執持不忘不有憤乱觀察寂然以慧道場枯竭一切塵勞之欲誘勸修殖衆德之本而善建進銷却憍慢分別決了清淨之行講暢言教德淨群生如來功祚道原無漏懷來如是至真正覺獲致諸法於彼无有興出之者是為入于第一之門菩薩所行至於如來之所興顯復次佛子譬如喻於三千世界自然興盛起大陰雲名不可壞應時而雨其餘地者不能堪任受於此水唯有三千世界遭水變時如是仁者佛之

法界有弘法澤名曰無壞合集如來
不斷佛種及諸聖士一切聲聞及與
緣覺所不堪任受持奉行唯有菩薩
承大勢力心无恐懼擔被德鎧是為
二事於是頌曰

明聽諸十方一切世間上 求比无等倫
辭之若虛空導師之所行 無量无边際
則為無傳匹其德皆周遍 假使思惟佛
心念之所由斯諸十方者 功德无限量
衆人之口辭億百千劫歎 雄師子無極
世俗无有雙一切諸十方 諸所有佛土
皆破碎如塵如是塵數劫 復如億百千
咨嗟諸十方一毛之功德 而不能盡極
假令有丈夫欲稱量虛空 第二人計然
疾算諸受相不可計無量 不能盡虛空
當知諸十方如是行无限 假令三世人
諸在三界者設計此衆生 心之所行念
心一時須臾悉可知分數 群萌諸思想
神識之所念猶譬如法界 悉无有邊際
而不見一切法界之所趣 十力亦如是
所行無限量一切无一切 法界為自然
猶如大雨時名曰不可壞 無能任受者
水灾乃能苞佛演无極澤 小乘不堪受

唯菩薩能奉 遍布於一切 無本如无本
寂寞無二想 永无有生者 是曰為普等
一切世間上 境界亦如茲 無本等自然
已脫於增損 猶如斯本際 真本際无際
三世為平等 普解脫一切 愍哀等如斯
導師之所行 咸周於三世 一切無罣碍
本際无所造 無造能自然 本淨如虚空
无垢無塵勞 寂勝顯如是 一切悉嚴淨
已捨造无造 棄於有無事 釋放言聲辭
及一切音響 蠲除於去來 滅度无所有
諸十方如斯 於法而自然 一切言無聲
亦不可受持 如是淨寂然 曉了一切法
如空中鳥跡 若石處虚空 緣本所指願
而示現色身 自觀諸十方 寂勝所變化
假使欲入斯 如是寂勝界 當志念遵道
自淨其志性 制捐諸思想 於念亦无念
猶空中鳥跡 心所入如是 是故安住于
省諸導師行 聽我之所說 精舉諸譬喻
計於諸十方 名德不可極 况復說其義
咨嗟講聖尊 如彼群萌類 自然行致身
不能思念計 諸導師所行 十方境界果
佛道自在倫 成就諸德本 聽說一切德
今現是世人 思行令無餘 未曾念堪任

合聚依因緣 百億土有辭 音合億百千
所以曰言世因立三千界人中上如是
斯等自然悉不能計演德如其等所周
常可數宣暢一切衆生念不可知人尊
所行之自然

復次佛子猶如此雨無所從來无所
從去而致斯潤是群萌類因罪福生
如是佛子斯諸如來興隆道化無所
從來无所從去而致法雨悉是菩薩
衆德本力是為三事於是頌曰

如雨無從來 去亦無所至 佛化一切然
无來亦無去

復次佛子譬如大雨三千世界受體
衆人无能計會知其沛數設一佛土
所興衆生思念弘澤心眼為惑唯有
主知三千世界雨尊天子悉知諸數
不失一沛悉是宿本德之所致如是
仁者一切衆生聲聞緣覺不能曉了
思惟觀察如來法澤不能及念懷來
大心假使聞之斯大心者則當迷惑
唯衆生尊菩薩大人於過去佛善修
道業得无上力能知之耳是為第四
於是頌曰

猶如有大雨遍三千佛土唯尊天子知其餘無能別計一切聲聞及緣覺之衆不解佛法雨唯菩薩能知

復次佛子興大雲時又有陰雨名曰滅除滅盡於火有大雨名曰憤亂壞於水災又有大雨名曰斷絕斷除於風又有大雨名曰壞敗毀壞大寶又有大雨名曰消爛則以糜爛三千世界如來如是興顯于世有大法雨名曰滅除而演法澤消除一切塵勞之欲又名積業而演法澤積累一切衆德之本又名蠲釋而演法澤斷除一切六十二見又名壞敗而演法澤令成一切諸法之慧又名消化而演法澤化滅一切心志所行是為第五於是頌曰

如雨滅除火有雨壞水災有雨斷絕風毀落大寶山如來興顯世滅一切貪欲積累衆德本除六十二見法雨於十方成就一切慧化衆生志性使順從正道令不怯四大三界無根原自然无極慈三達無罣碍

復次佛子如雨一味若滋無限潤悉

周遍如來若斯以一大哀咸雨一切
令至无邊法澤周普懷致大聖故曰
如來分別顯現無量之法是為六事
於是頌曰

譬如雨一味而悉遍蒙潤如來亦如是
行等無偏邪則以一大哀咸雨一切人
法澤至无邊普懷來大道

復次佛子猶如三千世界還復之時
先成色界諸天子身所有宮殿次成
欲界世人所居然後成就衆生之類
如來若斯興顯現世先成就於諸菩
薩慧然後次演繹覺慧行次乃顯示
聲聞德本所行之慧然後示於餘衆
生合集善本所當行慧道法一味隨
衆生樂所為德本所居屋宅宮殿之
處如現一類或不用者如來法味亦
復如是從黎庶器所殖德本而顯慧
行自然為現是為七事於是頌曰
猶始立天宮色界無色界然後乃興盛
欲界之宮殿已後乃成地人民之處所
一切諸萌類諸龍捷沓起十力亦如是
本已應自然修行无邊際菩薩之風儀
然後寂然寶因緣而得立次於得自在

分乃及衆生兩諸涕墮已无青亦無黃
水則入于地緣是生若干因其地欲就
生樹山藂林其水不若干生地種之名
諸導師住諦智慧悉聖達哀慧如虛空
執持於善權如寂勝之法則入斯供養
智慧離衆垢其身無所住

復次佛子猶如水灾興起之時等在
虛空斯三千界現有蓮華名成德寶
為若干種而自然生皆悉覆蔽於水
灾變普照世間假使蓮華自然出時
大尊天子及淨居天得見斯華則便
知之於此劫中當有若干平等覺興
彼有自然風名顯曜而起遊行則已
成就色界天子宫殿屋宅又復有風
名淨顯明安隱淨潔而以成立欲行天
子宫殿屋宅又復有風名曰一類無
所破壞而成立於大鐵圍山金剛之
山又復有風名曰特尊而吹成立須
弥山王又復有風名曰長立而吹成
兢十大寶山王一日陰塗利二日懿
此山其利三日除宮壻四日除優陀
羅五日脫化民隨羅六日目鄰大目
鄰七日香山冰山又復有風名曰善

住成立大地又復有風名曰嚴淨成
立遊地諸天天龍捷杳想宮殿屋宅
又復有風名無盡意成立三千通流
一切海之洲又復有風名照明蔽成
立普世如意寶珠又復有風名堅固
根吹令成就衣服之樹如是仁者其
大陰雨則為一味又其水者无有想
念獲致諸法自然之數而使衆生別
知德本如斯諸風則以諸風分別了
知三千世界如來至真等正覺者所
以懷來一切德本成就諸法積累無
上无極之慧為世面首而不斷絕如
來種性顯耀無極威神光明普暉世
間靡不周遍其見光明皆以至心向
於如來又是大聖无所罣碍及諸菩
薩各自念言今者如來所以興顯化
諸菩薩是故現身於斯世矣分別演
說諸佛種性清淨離垢平等之慧奮
此光明如來所可誅懷合集無漏之
慧道光明明名曰普照令致如來不可
思議法界之慧正覺種性又有光明
名曰捻持以故如來力不可動懷來
興顯无能勝者有道光明名曰超越

故諸如來慧無所畏懷來興顯其能
及者有道光明名一切通故諸如來
懷來合集諸通之慧靡不從教有道
光明名壞憍慢故諸如來令衆聲聞
見功德本不為虛妄無所缺減致无
所著有慧光明名曰普德一切衆生
若見佛者悉令歸趣無盡福慧身亦
如是有慧光明名遠中間如來以斯
深妙之智歸趣合集至道三寶而不
斷絕有慧光明名若干種莊校嚴淨
如來以斯具三十二相八十種好懷
來合集一切普備悅可衆人有慧光
明名无等倫如來以斯度於法典咸
同空界於佛之土壽命無量致无窮
極如是仁者如來法雨則為一味如
來慧場无所想念顯示菩薩成致道
法見衆生根而為說經如來之慧悉
為一等聖道光明等无差特以故如
來興出現耳佛子觀此如來致於一
解脫味分別顯現無有限量不可思
議清淨之德令衆生類悉觀知之皆
是大聖之所建立又復欲令如來无
所建立而顯現法未之有也若使勸

立化於一人至于無上則為如來俱
顯德本若能曉了如來之德想念智
慧而逮及者未之有也如來聖旨超
殊諸法故為衆生分別顯現今入此
義使了亮法不以狀足如來無想亦
无所念無所成就亦不懷來无所造
作亦無不作彼无作者無所從來乃
為興顯是為八事於是頌曰

如蓮華出生 覺佛興如斯 諸天歡喜者
曾見過去佛 觀水之所在 宮殿則清明
今世不復久 各當有國土 佛真善光明
斯為本瑞應 菩薩之所念 覺了靡不達
其慧識清淨 身鮮潔無垢 十力濟蠕動
念行諸佛法 曉了世所有 无量所造業
猶在因地上 地在於水表 悉處於虛空
此謂大宮殿 兩足及四足 衆生皆依仰
人中尊如是 已達為法王 為一切無餘
衆生所戴賴 觀見若聞者 悉宗共侍之
破壞愛欲塵 群生所依業 上至于梵天
然及無邊際 孰為衆生故 而欲安黎庶
不應光為迷 而求於智慧 無喻而為喻
最勝以故見
復次佛子譬如空中而立四風執持水

種何謂為四住風起風御風堅周風是
為四持虛空水地在水上不動不搖是
則名曰為地力矣水在風上風立於空
空無所住以是之故三千世界而有
處所如是仁者假使懷集如來興顯
建立於世无所罣碍智慧之明便有
四部無極慧場執持一切衆生德本
何謂為四一時順歡悅群衆慧場二
建立諸法因緣慧場三護衆德本所
御慧場具足諸業四住无漏界而觀
慧場是為四慧場以此將育一切衆
庶其大慈者度脫群萌其大哀者執
師子吼以能立此大慈大哀分別衆
生諸所念趣住權方便建立慈行是
為緩懷如來興顯又如來者無所罣
碍聖達之明悉无所住是為九法於
是頌曰

猶如虛空界而無有齊限受有色无色
所苞無有量八維及上下佛土諸有身
三界无有餘是為虛空界諸勝身如是
則普而示現觀察諸法界有無之所處
大聖之尊體一切无見者若觀諸導師
隨律蒙開化

復次佛子猶如三千世界弥廣無限
衆生之類有若干行若有方便不離
虛空或在水中或在地上或分陀利
不可計量各行摧便或在諸天宮殿
之中自在天宮或在虛空因空自恣
如是仁者假使如來綏集顯現一切
衆生見皆戴仰若有覲者歡喜踊躍
隨時自恣則住覺力練習禁戒娛樂
引業度世賢聖自由神通智慧无身
說無量尋聖達之門修行此業演說
顯耀而自恣成不失報應講務光輝
導利諸法依由大化無所忘失是者
名曰綏集如來顯現一切衆生而悉
戴仰是為十力法斯為佛子如來至
真等正覺為諸菩薩興顯示現懷來
講法有所歸趣不可限量无有放逸
亦不調戲其心意識有所興發歸於
無身自然如空了解衆生則為自然
不計吾我非有崖底一切佛土則无
有土諸土盡空歸無退還而不斷絕
當來之際至无歡豫如來聖慧無有
黏黨歸于无二有形無形有為无為
諸法平等假使通達一切衆生遵修

大猷自恣之業乃是往古之所勸助
則能具足斯奇雅矣是為佛子无限
言辭之徒類也所言徒類懷集如來
興顯大道於是頌曰

一切諸衆生 依怙於佛土 悉因虛空界
則順隨法教 或水中平地 若於諸天宮
鬼神及龍王 皆為依仰之 空無有斯念
今吾何所造 已為何所失 為誰現造義
人中上如是 身顯諸緣便 隨一切十方
而造若干行 戒禁自娛樂 引業度世聖
以神通慧明 為益誰利義 順示清白法
了無有諸身 未曾興想念 為益誰利義
佛說如來興顯經卷第一

壬寅歲高麗國大藏都監奉
勅彫造

佛說如來興顯經卷第二

式

西晉月氏三藏竺法護譯

何謂佛子諸菩薩衆觀見如來至無
限量菩薩設若親近如來則為歸道
所以者何无所見者為見如來見如
來者則為一法身以一法身若一慈
心向於一人則為普及一切群萌多
所將養如虛空界无所不苞无所不
入或至一切有色無色有形无形有
處無處亦无所至亦无有來則無有
身以无身故无所不周佛身如是普
入一切群萌之類悉於諸法一切佛
土靡所不遍亦无所去亦無所從來
所以者何用无身故如來身者欲以
開化衆生之故因現身耳是為佛子
菩薩入於第一之門歸趣興顯則謂
如來
復次佛子譬如虛空無色无見無有
形類而不可觀因分別知衆生之類
其所苞裹廣普弥遠不以逼迫空亦
無想念如是若見如來之身普照世
間及度世事因別罪福如來不來亦

無所去無所罣尋亦不可得所以者
何大聖光明燭除一切八十顛倒是
為第二所入之門於是頌曰

因發起馳逸則盡威光焰志見於衆生

增損諸因緣如空無形色如來亦如是

以一等法身救脫衆生類寂勝適出現

化一切冥者漸漸觀察誼興盛遇佛道

道德甚弘廣照曜三千界度脫生死難

心悉無想念人尊無等倫示現於增損

若有訓已者逮得于緣覺一切衆生知

親近人中聖辟如大梵志自處清明宮

復次佛子曰之光明照閻浮提衆生

之類蒙恩無限而仰得活輝耀無量

猶如流水出於山川生長百穀衣服

之具其有窈冥不明之處亦復賴之

蚰蜚蠕動牛馬騾驢亦復由之所欲

讀說巖谷樹木及諸藥草志亦因之

諍訟虛無志得決了空中遊行衆生

之類志復怙之江河浴池泉源流水

亦復恃之蓮華開披郡國縣邑州域

大邦志得其明展轉覩見若干形色

遊於田野草苗之中陸地之人水中

品類志復仰之各各修治生活之業

有所興造便能究竟所以者何日之
光明宮殿所照不可限量饒益衆生
道德如日群萌若覲如來身聞其音聲
致無央數不可稱限方便之緣而依
得安迴惡就善功德之法蠲除愚戇
滅衆冥事興隆道慧巍巍暉曜其大
慈者普護衆生其大哀者救脫黎庶
歸趣諸法長育成就三十七品道之
力也殖種信淨猶如濁水而致清澄
所覩不虛不失報應有色无色生沒
之事悉見覩之無所傷害言道慧光明
令諸衆生不失德本為衆之首菩薩
大士猶如蓮華勸化布施一切諸行
因緣之便而為最上所以者何聖之
道場而無涯底如來奮震无量慧光
無限聖場亦復若斯是為第三所入
之門於是頌曰

譬如日宮殿 悉照閻浮提 於空而垂光
除闇無弊身 本无無處所 因地生蓮華
衆人而依怙 若干之土地 勝日亦如是
衆生悉恃仰 諸天世人民 善修於德本
降伏於無極 逮致法光明 得見人中聖
因成於三乘

復次佛子辭如彼一日之宮殿照大石帝須弥山王次復照於諸餘大山次照黑山後乃照陵阜丘垤及地處所此閻浮提人所遊居光明隨地其日宮光無有想念言當先照於寶山王又日演暉等无差別是其土地處所高卑非日光明而有殊特不念先後如来若此等遊無量忠正法界魏魏道場則演出於无損光暉以斯慧明普有所照其前云大帝石山須弥王者而先遇光則謂趣于諸大正士以法光明而為示現開化度之然次乃示聲聞緣覺之所慕慧衆生發志建立德本然後化於不善之黨稍漸教於一切黎庶長處邪見悉皆遭蒙如来之光已蒙光明便得受決於當來世得值如来日之慧暉令无思想成諸德本如其志願速智慧耀是為第四所入之門於是頌曰

如斯日之曜不離諸有形又及諸天衆亦皆得依倚猶如諸江河饒益於衆人安住光如是衆生悉戴仰其離焉信者不見佛日光何所佛差持斯等亦蒙賴

若有聞名者遭遇勝光明緣是漸獲進
至于成佛道

復次佛子如日宮殿其生盲者不見
威光雖無眼目不知晝夜續因其明
得生活業飲食之具如是衆生亡失
本淨見佛不信无極道光則謂生盲
雖不覩見如來慧光縱使如此續當
蒙於大聖日照如是以類微妙引明
暉曜神通照其身形為設瑞應於當
來調除愛欲塵勞之行是為第五所
入之門於是頌曰

如日照天下生盲不能見雖不別晝夜
續蒙其暉曜衆生失本淨不信如來慧
佛恩慈廣大續當蒙得度

復次佛子譬如月殿造立現四未曾
有法何謂四照諸窈冥在於衆星而
常引明其亡道者指示處所普遊天
下有所容受已見月光衆生戴仰立
隨方面有所遊出不懷狐疑是為四
如是如來之身有四難及自昔未有
示現叵逮非人所見何等四普現一
切學與不學緣覺之乘所擔願者從
其信樂如示現之限尋之事壽命之

節其損耗者為示長益如來道場不增不减咸見一切諸佛世界衆生之類所可造念隨力信樂應為道器因何光明則為一切群萌品類而見瞻戴觀於佛身皆蒙曜暉又如來身無有想念便能逮得无所著心是為第六所入之門於是頌曰

其月光明照神園須弥山光乃至諸山然後至丘岸次照於高土乃至於平地漸曜諸卑下所有諸土地安住光先照諸菩薩身形然後奮曜曜緣覺之所行余乃照自在次照學不學乃照衆无餘佛道無想念

復次佛子如大梵天名曰三千恙現身三千世界靡不周遍亦不分身群生品類敢有形者隨其色貌皆現其前無不見像如來至真亦復如是未曾分身无若干體普諸世界隨諸衆庶志性形體所可信樂而示現之大聖身心亦無想念是為第七所入之門於是頌曰

梵天名三千恙遍自現形於衆勢各尊自在无不覩又斯梵天者而不分其體

諸法之導師自在亦如是佛身普示現在十方世界其像無限量亦不分別體一切人各念今現在我前悉觀佛面像聞所講說法

復次佛子如大醫王皆知諸藥分別好醜所入分部曉練群籍經典術呪其闇淨提一切衆藥人不識知謂不中用醫藥本德及醫呪力表示群黎適見此醫病皆除愈恙得安隱又是其醫非力所造現在得立心自念言此諸民人將失救護若沒之後得無孤梵鄙寧可設權善方便而為示現採集衆藥以自塗體承已術力已合諸藥示如壽終其身不壞亦不枯朽亦不毀碎往來周旋坐起經行皆為變現醫藥所當而療除衆生之病聞見其音亦得安隱終始无異如來亦然則為無上醫王曉了療治一切衆生塵勞之病億百千姪諸劫之數造設醫藥普歸一切智度无極方便善學道術法藥皆是往古為菩薩時所建奉行智慧善權術呪食藥威勢之力住當來際如是無限處於衆生為

興救護療治群萌諸疥疾也斯則無身无有事業其身清淨一切衆生適觀見之愛欲勞病悉為除愈雖不信者續而得安一切佛事未曾斷絕是為第八所入之門於是頌曰

猶如假有醫皆學諸方術其見此師者衆病患消除如人疾困厄賣藥欲往療則已塗已體現一切威儀人中尊如是醫王無限量顯揚於聖智善學慧醫術往本宿所行故現尊聖身衆人得覩見除欲病无餘

復次佛子如巨海中有大寶珠琉璃之藏名曰等演諸光其有見此大寶珠曜若遭斯珠形像顏貌皆變如琉璃藏設人觀見大寶珠色眼即清淨普獲安隱乃至大珠光明威神宮殿咸照群萌蒙光而永無患如大寶珠名曰安衆所處年歲若放雨時衆生即悉而得安隱休息諸瘥如來影曜亦復如是為大珍寶一切福會无極慧藏假使衆生遭遇如來聖慧光明皆獲一類昇于正真道寶形像若覩如來則逮五眼值大聖光一切貧匱則

獲法珍使得豐饒无極之財乃至道
安如來之安佛子且觀正覺威容無
所演說而普化益開導群黎是為第
九所入之門於是頌曰

譬如無琦珍詣海深求寶致一切明珠
其光照周普若人遭斯珠便得致自然
其有目覩者尋獲清淨眼勝寶亦如是
演出慧光明若人遭此暉則致佛容貌
若觀察寂勝即獲成三眼蠲去諸塵冥
便住佛道地

復次佛子有大寶珠名一切淨念藏
王其大寶珠功德威神非十非千而合
集致又彼大珠所可著處斯處衆生
普無諸病亦无衆患設令群黎從摩
屈寶所念誓願悉令具足如意皆獲
又彼寶珠則不照及無德本者一切
淨念藏王珠者則謂如來悅可一切
衆生品類至真正覺所示現身三昧
定者嗟歎稱譽諸聲聞衆一切衆生
在彼生死於五苦中得越殊特而度
終始又彼佛子如來之身無前无後
一切世界受形衆生宿有福者悉為
一心而无亂志遵修正念純澍諸行

精進至向於如來尊悉獲法願而皆
具足其罪重者無有德本不能覩見
如來光明則建立之使蒙勸化示其
德本是為第十所入之門為菩薩行
至真正覺入近如來而至无量心之
所念其罔普周一切十方行無罣碍
又法界者觀於諸界不住本際又如
來者无起無滅咸等三世於一切想而
无所想導刹群萌當來心際入於此
道令無有餘周滿一切諸佛世界具
足法身一切如來悉為一淨於是頌曰
譬若如意珠能與一切願設有所求者
則獲如所志其無功德者斯等不見寶
又其尊妙珠永无恡惜想安住身如此
惠施一切願若覩有所遊如志悉逮成
其懷凶危心此人不見佛如來无恡想
亦無有貪嫉

佛告普賢菩薩何謂佛子菩薩順從
如來之音而等遊達宣正覺聲不可限
量衆響言辭則從衆生心意所好而
為說法至今衆會各得所樂如其志
操而現化之從心所念隨時而入不
失三昧不終不沒不起不滅又而察

之猶若呼響。悉無有主。亦无有我。衆生罪福所積。行故違失。深妙便有。歸趣遐邇。難濟興不。潔淨分別。法界故隨無斷。不捨壞法。故无瞋。無恚。无沒。究竟所緣。住故亦无有主。亦無不主。亦无教化。亦無不教。斯則為隨。如來音響。所以者何。譬如世遭大災。變時即有自然。四大音聲。乃得知法。而无有主。則無貪業。何謂為四世災變。起有一大音。自然而出。諸賢且聽。一禪為安。第一禪者。離愛恚。患度於欲界。已得超越。而致自然。於是衆生聞斯音聲。成第一禪。度於欲界。即生梵天。適逮法已。聞于二音。諸賢且聽。二禪安隱。则无想行。超度梵天。而得自在。於時衆生聞斯二聲。則行二禪。無想无行。其内為寂。心無所著。成第二禪。即得生於光音天。上適逮法已。聞于三音。諸賢且聽。三禪寂安。離喜所欲。於心寂定。内无所念。第三禪者。隨聖所教。度光音天。於時衆生聞斯三聲。超光音天。生離果天。這生天上。這逮法已。聞于四音。諸賢且聽。四禪寂然。

除苦去安憂感喜歡無苦无樂清淨
具足為第四禪度離果天於時衆生
聞斯四聲捨離果天超生清淨難及
天上是為佛子世災變時聞四大音
而致引與自然之聲则无部主大聖
之德魏魏無量自然音聲微妙柔軟
播越遠震如是无主亦无所造无應
不應無舉无下若有欲逮如来法者
則有自然四大音聲四大言教何等
四一聲出日不造德者皆為苦患地
獄餓鬼畜生三趣計吾我人言是我
所貪著所有一切万物亦復為苦設
殖德本生天人間受賢聖教棄八無
閑所生艱難奉行十善諸厄乃除常
值佛法二聲出日諸賢且聽万物皆
苦燒炙然熾轉相逼迫思想衆患身
則無常別離之法无形寂滅不志利
養便無然熾尋離衆難於時衆人聞
此聲已奉持宣行稍漸精進得聲聞
乘以忍度岸三聲出日過于羅漢則
有微妙所樂之乘名曰緣覺无有師
主而自覺了於是諸人間斯音已信
樂微進逮緣覺乘四聲出日過於聲

聞緣覺之地而有大乘菩薩所行所
苞含捫捩迴御洪舟濟于彼岸不斷
道心所度無極將護終始衆生患厭
而現有聲聞緣覺其大乘者為最尊
乘為極殊特乘一切衆生所戴仰乘
信樂超絕正真乘者聞此聲已斯等
諸根明達往古宿殖德本如來至真
威神聖言之所建立令其志性含弘
光大自在至誠則發道意其音說曰
諸如來者无身無心亦无所演無所
開化而令衆生如得蒙安是為佛子
第一緣事為諸菩薩而得順從如來
之音於是頌曰

如四無量音普宣於世間衆生界清淨
本出虛无際則有四智慧寂然安隱禪
衆人聞斯響便棄捐欲界十力亦如是
普周於法界為衆生之故暢演無量音
其有致斯印則超有為相安住之音響
未曾有疑想

復次佛子譬如深山巖石之間因對
有聲世假如是託是方俗言而无有
身亦無有見則因呼對而有聲矣一
切音聲言語所由皆緣對耳誠諦計

之永無想念如是仁者如來音聲无
有言教亦無所處衆生之類心懷念
道因緣出意究理音聲亦无有響音亦
不可得是為佛子第二緣事為諸菩
薩而得順從如來之音於是頌曰

猶如深山中 因緣而有響從衆人所呼
尋報一切音 佛勸化群萌以音令開達
雖有言辯說 未曾有疑想十力之音響
法界无著念 分別開導人制化諸根原
諸微細衆生 令其可意悅有諸十力者
不懷妄想求

復次佛子如大雷震出音聲時名曰
諸天誠諦之法假使諸天遊行放逸
應時虛空暢法雷震一切愛欲皆歸
無常苦惱誑惑須臾間耳愚騃所習
覺无放逸勿務馳騁若自放恣當歸
惡趣無得迷謬放逸諸天聞斯言教
尋則愁感各各棄捨愛欲之樂詣天
王宮樂於天王無盡之典遵奉法行
且觀其法雷震之音而可自然亦无
別異為諸天人衆而興因緣欲建立
衆生之故而有此音如來音聲亦復
如此則不可得隨人所行而加演暢

大法之音亦无貪愛無業之音无放
逸音无常苦空非身之音皆告法界
悉逮無餘普周衆生隨其所樂而勸
化之便得悅可導以三乘各令得所
已无有量自在之慧菩薩所行令咸
遊入不可思議又如來者慧無財業
亦无處所而以誘引宣告一切聞此
聲已不可計會衆生品類精進奉行
於是德本或求聲聞緣覺之乘或志
无上無極大乘又佛道音普於一切
无所徇著亦無言說是為第三為諸
菩薩而得順從如來之音於是頌曰
假使天放逸自然有雷震發明於諸法
令樂于道義則於虛空中宣揚說法音
諸天聞此聲便改不馳騁十力亦如是
雷震演法雨流溢於十方導利諸衆生
具足勝言說以開化他人聞此音響已
黎庶成佛道

復次佛子喻有天子名曰自在又名
善門所向瞻望則諸玉女有百千品
而來集會鼓作琴瑟歌頌應弦節奏
若干且觀伎樂調發妙曲如來若此
則以一音隨群生心依本志性情所

慕樂無量之行因其所信各各現教
令得開解是為第四為諸菩薩而得
順從如來之音於是頌曰

猶如魔自恣興造天伎樂玉女之姿顏
節奏手相和一心而歌頌齊音發妙曲
具足億百千種種之新聲諸十力若茲
常演一聲詔則以權方便音氣暢群萌
黎庶隨信樂若得聞言教這聽塵勞斷
其音無想念

復次佛子猶如大梵處於天宮發意
之頃勅誡之音揚溢于外衆會之表
令諸梵天梵身天子敬奉音詔如是
仁者如來正覺演出無上微妙佛音
普告一切衆會儼默于內聲達十方
開度群萌使至道場如來等哀无恡
衆生衆生諸根不純不寂見聞法化
而不愛者一切悉得普集道場各心
念言今者如來而獨為我演法音聲
又如來音聲亦無所御而造成立所
當教化是為第五為諸菩薩而得順
從如來之音於是頌曰

假使逮尊處梵天之林座則以一言詔
悅可梵天心其梵天之響不起逸於外

悉知一切心及來衆會意謂十力之德
淨處於佛坐則暢一音響普遍于法界
不佞戾衆會亦不懷貪恡其不篤信者
不聞佛音響

復次佛子猶計如水一切同等以為
一味若隨器中為若干變又分別知
諸味各異法教若斯如來道教為一
味者謂解脫味衆生之心志性各異
謂為正覺所說不同如來音聲无有
想念是為第六為諸菩薩而得順從
如來之音於是頌曰

猶如計諸水一切雨自然味等均清淨
無穢八種甘諸佛子如是曉了衆生音
若志念一味得佛自然道遭遇因緣故
隨地各差別其器各各異令水永不同
一切諸群類衆生行各異隨心聞佛音
所聽故不同

復次佛子如阿耨達大龍王者若欲
雨時陰雲普遍於閻浮提然後降雨
長育百穀衆藥樹木竹蘆葦林皆得
茂盛華實充滿諸河源流悉從无焚
龍王身出令無數物難計衆類致得
滋益如是仁者如來普於一切世界

周遍無餘大哀優渥而澍甘露大法
之雨悅可衆生長茂功德具足備忘
十方諸乘如來之音不從內出亦不
從外如是无量不可計人群萌品類
而荷戴仰是為第七為諸菩薩而得
順從如來之音於是頌曰

如衆水流行周於閭浮提無所不通徹
普潤于大地山陵草衆木五穀依因生
有察其水者所至无想念世尊亦如是
宣揚諸法界布演正法雨衆滿於衆生
長育百千善滅除諸塵勞已曉了佛言
於外不馳騁

復次佛子如摩奈斯大龍王假使興
大陰雨時先貯集雲遍諸天宮靡不
周接或不演降雨之一沛觀察衆人
農業普偕然後乃雨所以者何不欲
煩惱衆生之故心念大龍設而七日
徐詳而下則放微沛咸周土田多所
滋茂如是仁者如來至真為大法王
興法重陰開化衆生若有所道雨甘
露味為純泚類然後乃演无極道化
雨於法澤暢深奧典不令衆生懷恐
懼心宣於無上諸通慧味多所充滿

使得成就是為第八為諸菩薩而得順從如來之音於是頌曰

猶如有賢龍名曰摩那斯則雨周日徐澤無所傷斯龍所以來欲成衆生業然後設愍傷安隱降澍雨十力因黎庶雲集布法陰欲化衆生故顯示第一義從其人之器宣與之法音聞詔不恐懼則入於佛慧

復次佛子譬巨海中有大龍王名大嚴淨一念之頃便能演出十品之雨不可計限百千之類莫不沾洽雨無想念又其龍王元異想念雨之自然百千衆品而令差別如是仁者如來至真假使欲演法音雨時發念之頃分別十法了其所歸宣法光曜出百種音或復顯暢八万四千衆生之行現八万四千所入之響音至于無量億百千娑言聲之說悅於无限衆生之心道教法音亦無想念而則裂解一切根原如來之法若慈无極若干種變善妙清淨巍巍如是也是為第九為諸菩薩而得順從如來之音於是頌曰

猶如大嚴淨龍王之嫡子而先設雲集
然後乃降雨佛道則自然而主有所度
口出十種音二十或至百或復至百千
法澤無限量所尊无所暢不毀壞法界
自恣之龍王一切龍中尊蔭而且普達
周遍四方域潤一切有形墮雨若下品
其海所有水無有若干種世尊亦如是
道教等一品行者心各異所獲故不同
復次佛子海大龍王欲興無極感動
變時必安衆生令懷欣踊雨四天下
周遍大地上達自在清明天宮雲布
覆蔭若干品類又衆雲同現如是像
種種別異或紫金色或復黃色或琉
璃色或白銀色或水精色或赤珠
色或馬腦光或車渠光或首陀光如
是雜逮大陰所覆普遍四隅及四天
下又其水者无有別異而雲霧布若
千種像變出電已暢大雷音從其群
萌所欲樂雨或出玉女倡樂之音或
天琴瑟衆伎蕭和或以若干龍妃樂
音或捷杳瑟妃樂音或阿湏倫偶樂
音或以土地所出音或以海中雷震
伎樂音或以鹿王鳴吻音或以無壞

鳥樂音或若干種万舞之伎其巨雲陰之所覆蓋如是色像時節大悅自然龍風普有所吹假其風出雲霧安詳先放微帝後散大雨上達自在清明之天下遍地上虛空天宮靡所不接雨於大海莫所破壞又至自在諸天遊居玉女伎名歡樂雨諸儻樂至其不樂慢天雨諸如意珠於瓊術天雨珠璣飭於藍天上雨若干種華初利天上雨軟名香四天王上雨好衣服於鬱單曰雨微妙華於大龍王宮雨起等光赤明真珠為阿湏倫雨於兵仗名壞怨敵如是比像周于四方四天下域諸天宮殿所雨弥湯不可計會海大龍王无所恠惜亦無堅癖又諸衆生所殖德本各各別異而不一等自然變為差特之雨如是佛子如來至真以無上慧為大法王常顯法樂而以自娛寂然无以普布法界法身陰雲靡不周遍因其衆生所信樂者而示現之或為衆生頒宣暢示寂正覺身而興法雨現變化身放法雲雨現建立身而降法雨現色像身

若干品雨現功德身而演雲雨或復
示現慧身雲雨或復隨俗示現其身
有十種力或復現身四無所畏自然
為顯无所損乏或現法界而無身形
是為大聖法身陰雨普遍世界隨其
音聲之所信樂而為衆生演其耀光
除諸垢濁斯光名曰平等暉曜或復
名曰无量光明或名普世或名佛所達
立秘奧之藏或復名曰光照于世或
復名曰無盡之行入捻持門或復名
曰其意不乱或復名曰其心无侶或
復名曰遊步所入或復光明名曰悅
可衆願如是比像法雨所聞雷震之
響至于正覺曉了佛道若淨遠聞平
等雷震尋則暢達離垢之印三昧雷
震自然之聲一切諸法自在三昧金
剛場三昧須弥幢幡三昧日定光三
昧巨海印三昧可衆庶心三昧无盡
響解脫無瞋三昧无所志樂三昧常
愍無失三昧假使揚聲各令聞此佛
法之音是如來身而演甘露出於无
數法音雲雨所聞講法遊無等侶悅
可衆生是為正覺一切智門不可思

議悅群萌心悉得其時名曰曉了弘
慧道場成就往古無垢方便大慈大
悲究竟无逸興隆道化斯則所遵一
切菩薩定啟身心然後乃演大法之
雨是為佛子若茲色像顯大法雨愍
哀之雨不可議雨平等之覺導諸群
生開化身心如來至真暢不可暢无
極甘露若詣佛樹道場之時為諸菩
薩宣大法雨名法界無所破壞寂究
興成阿維顏地又名如來秘藏菩薩
所樂大法之雨成諸菩薩一生補處
有大法雨名嚴淨飭普令群生无所
違失不廢菩薩如來之地有大法雨
名曰莊校道自嚴飾合逮法忍諸菩
薩等合集寶慧有菩薩行名善化无
所斷截而闡法雨行成菩薩名無慢
門入深奧門行不憊歇又有法雨令
初發菩薩意者遵无上道名如來行
大慈大哀將濟群生興發法雨化緣
覺乘信樂中行為衆現說十二因緣
之所或超有解脫果名入普至際諸
見事而演法雨開聲聞乘衆生信樂
以聖達刀截割一切塵勞之垢有智

慧劍而布法雨名欣滅諸害為衆邪
見不可了者積累德本而雨諸法聞
音斯名十法暢顯法雨悉得充滿周
於一切隨其信樂應得解脫如來則
為演大法雨普遍法界靡所不達大
聖未曾恡惜於法從其衆生純熟之
行而因根源精進若干現於法雨是
為佛子諸菩薩行第十之事

猶如雲霧集四方而風起起過以時雨
及水之所流菩薩分別說黎庶之德本
故今現在世立此三千界諸十力如是
善修慧為風因緣澍法雨志性甚清淨
察衆生无等勸助以清淨所謂諸十力
導師因開化上於虛空中雲集而降雨
無有而堪任執持所雨水唯世遭災變
乃能堪受耳言辭諦无著身界為廣普
諸十力如是自然無所有大聖有所說
法界之言辭而雨法教化所潤不可限
无能堪任持唯有法淨志未曾有斯念
去來之所由亦復無所造永无所遭遇
猶如虛空中雲霧而致雨但假名法目
自然而无化諸十力如是法雨无所有
亦無有來者未曾見往者盡菩薩威神

而興造斯行覺了法幻變獲世而放雨
衆生無所行則无有三界猶如自然陰
而降隨水滂唯有尊自在三千之教名
造立得自由斯本福果報安行雨若斯
遍佛土無餘思念及限量无能計數者
其於衆生上一切世間尊斯而思惟雨
道實為手掌寂滅應澹泊自然得解達
又斷除餘事所起諸陰蓋棄捐斯衆瑕
長益道寶行品任三千界悉曉了一切
十力之所由滅盡塵勞欲思惟念自然
嫉德不可量又復斷絕去一切諸邪見
分別志性行寂勝寶為富一味而真諦
猶空中放雨所雨無有際散滂各有處
又計其水者无應不應想衆人懷歡喜
猶因生諸法又復其法者不起一不多
其無本味等无應不應想至於無邊際
成佛及聖衆斯等為受持如是之像法
佛言以十名德於如來之音入無限
量何謂十遊入虛空則无限量普至
諸法一切境界而無限量遊入无餘
分別曉了衆生之界而無限量遊入
一切悅黎庶心罪福所趣而无限量
遊入因緣報應萌類去塵勞結慧

無限量遊入究竟寂然澹泊無生之音而無限量隨衆所樂而開化之入於脫心而無限量順解脫味遊入三界无有邊際而無限量處於无底得無境界遊入慧行而無限量選諸法要諸佛境界不復迴還而無限量入於如來順法不奏而無限量如是賢目菩薩為不可計群生言響暢如來音於是頌曰

以十德之事入佛無量慧至一切諸法境界无齊限大道亦如是巍巍無能思而多所慙傷一切悉蒙度分別生死際萌類不可極化除衆罪福悅心令開解使不求報應道慧无崖底了佛之音聲忽入於寂然

佛說如來興顯經卷第二

辛丑歲高麗國大藏都監奉

勅雕造

佛說如來興顯經卷第三

戒

西晉月氏三歲竺法護譯

佛言何謂佛子而諸菩薩遊入如來至真等正覺心所念行如來不為心有所念不分別名不曉了識如來無心乃能入遊无量之念如倚虛空造立一切因其由趣有所成就又如虛空悉無所著如是仁者若欲求道恃怙慧者一切世俗及度世事因佛聖慧而逮興顯又如來慧而无所著是為第一因緣之門菩薩遊入如來行念於是頌曰

猶如虛空中而受一切形而著依怙之亦无空想念如來之妙慧如是無所著咸救於一切不想吾我人

復次佛子猶如法界不離一切諸聲聞度及諸緣覺一切菩薩所習遊至又其法界不增不減大道如斯如來慧合集世間度世之慧分別了念所造巧便慧不增減是為第二於是頌曰

譬如聲聞地及與緣覺乘菩薩之大士

悉從虛空生大聖亦如是解空無極慧心等無增減救濟無適莫

復次佛子猶如大海與四大域八十億土而相連接地形所盡至其境界而普悉可獲得水矣自然踊出其大海者亦無所念如來之慧亦復若斯普至一切衆生心意靡不達遍從諸梨庶意之所念所在逮致清淨法門則以順之令世人獲自然之慧又如來世尊所可演慧悉為平等從其志性以奇特事而療治之道德超世是為第三於是頌曰

譬如四大海與八十億域而悉相連接地形所盡到水靡所不至而自然涌出海亦無想念如來慧如此至諸衆生心慧莫不通達從群梨所好則為開導之致於清淨明令獲自然明所演悉平等如來無想念

復次佛子猶如巨海自有四大如意寶珠演集積累无量之德所以致此如意珠者不以龍神有德故有此大珠生諸琦珍悉大海恩也生一切寶梨庶戴仰莫不濟之何謂為四一名

曰等集衆寶二曰無盡音三曰歸趣
四曰等集衆寶又計於此大如意珠
則非凡類阿須倫迦留羅真陀羅摩
休勒諸龍鬼神及餘水居含血之類
能致光耀所以者何寶固在於海王
龍王藏又其大海諸摩尼珠而有四
角在於四方海龍王宮各自別立如
來至真等正覺亦復如是道德暉赫
有四大寶无極之慧則以於此四大
慧寶勸化開導一切衆生諸學不學
及至緣覺菩薩慧寶緣此致之靡不
濟度何謂為四興隆法樂至无所倚
善權之慧有數無數有為无為法寶
藏慧於諸法界而無所壞隨時演慧
以得超度於時不時擾動之慧是為
四則復以此四大之慧求如來藏入
道府庫不與衆生而同塵垢在于世
間逮開士慧令諸菩薩遊詣四方所
可玩習無上正真而令堅住立不退
轉是為第四於是頌曰

四珍之尊義逮致安妙藏所以巨海中
自然生諸寶其如意明珠不離清淨妙
分別在四面所處有光明如來四品慧

無量不可限安住聖魏魏開道於五趣斯无極至慧無有異想念唯察諸十方所說無不達

復次佛子有彼巨海而復現於四大之寶如意之珠威神魏魏光明无極斯如意寶功德之耀消於大海所積聚水而令厥水不復遊逸斯以大海不增不减以是之故如意大珠至使大海常自停貯何謂四日之耀藏大如意寶師子之步大如意寶照耀光明大如意寶无餘究竟大如意寶是四大寶假使大海若無有此如意珠者水當流溢四大域界盪合漭漭至圍神山大圍神山悉當沒溺其日耀藏如意寶珠則以二事變大海水其光照之消伏其水而令色變化成像乳師子之步如意寶光照變乳色成如藕揣照耀光明如意寶珠暉煥照之除去藕像猶劫燒時火熾威赫皆焚天地大如意光照於巨海令其無餘忽然滅盡不知所歸如是仁者如来正覺為衆生故則以四慧照耀一切因斯明照於諸菩薩至今逮成如

來三昧何謂為四除滅衆罪則以法
河究盡恩愛令成道化皆以智明照
于世間如來之慧無冥无明為平等
聖是為如來四大之慧為諸菩薩忍
衆恐懼殖不可議功德之本至於一
品諸天人民及阿須倫濁俗之衆不
堪諸患無量苦痛若值如來寂寞之
地慧明所照降伏諸著立于三昧若
聞法頌消生死海遭遇如來所開化
慧為樂三昧因得興於大聖神通微妙
行音大慧照世消化衆穢致神足行
能自成立為世大明開道盲蔽无冥
無明以能蒙此如來慧聖則能降伏
世之邪智大人之地无三昧定滅除
一切財業賄賂身無所有而逮得此
大道之慧若无於斯如來四慧道德
光明假使欲令諸菩薩衆逮得如來
至真正覺三昧正定未之有也亦不
能除生老病死四无所畏無本降行
是為五事於是頌曰

海水無限際 而有四品寶大力无極威
次有微妙尊 四方域衆流自然有万川
當入於大海 大海無增減慧處在法座

決斷諸所著以法廣布施歡喜无所說
安住有四慧咸為諸開士寂勝及菩薩
未曾有衆患

復次佛子猶如假喻其下方水及至
上界想無想天一切三千大千世界
悉處虛空如是計之一切三界群生
有形不離虛空而想吾我虛无所計
則無所倚空无所著亦不迫迍生死
亦然察於十方所周虛空舍受一切
諸佛世界亦无所受如是仁者諸聲
聞乘緣覺之慧有為行慧無為行慧
皆以依倚如來之慧如來智慧之所
開化大道通達普入一切无不周接
無所想念亦无罣碍輒以聖智多所
濟導是為第六於是頌曰

首極從下方起至於上界一切三千國
欲色及無色所住无所住諸界無吾我
亦不計有常不念於斷絕安住慧如是
一切慧之本諸學及不學并諸緣覺乘
衆菩薩明達而志懷愍哀若建立道門
佛智慧最上

復次佛子猶如下方而生大藥達山
王頂号無根原又大藥者根通地下

過於金剛六万八百千由旬住於水
界安隱而立无能拔者其原分布悉
遍周匝閻浮提土万物萌芽繞集一
切樹木根株近莖生莖近枝生枝近
節生節近葉生葉近華生華近實生
實其有天下樹木華果皆因之生又
大藥者其根轉體體令根轉以用二
事不生万物近於地獄依水純陰故
雖在於彼而不迴轉是以於法而不
得生又其餘處大地之場所布根原
藥之所生盡極其地法應當然也如
來道慧亦復如是從本清淨則以大
哀生堅固元平等覺種乃為真諦微
妙達要而不可動斯謂根也善摧方
便則謂莖也慧則枝也法界節也一
心脫門三昧正受無所破壞葉也解
意莊嚴華也究暢樹形諸通慧也解
度知見實也辯才之議靡不通達則
謂地也其如來慧无有根著用何等
故而無根著永无所信是則名曰為
究暢矣則無根著所可興發悉无所
行斷菩薩行則為無本故謂如來也
演菩薩行斯則名曰无所依倚若有

菩薩親近如來無極慧原則不違捨一切衆生因其道根而生大哀近於莖者堅精進也因其莖次生其枝度無極也而長成就近枝生葉學于禁戒靜寂知時也近於華者謂諸相好若干德本也節謂隨時次生果者則謂究暢不起法忍至无餘弊柔仁和雅又其實者為諸通慧則為道果也以是之故如來之慧不由二事而有所生也何等為二謂无為及與有為之大曠谷若墮於谿澗而遊無極无為之事於諸聲聞緣覺之乘又其志性不與俱合亦無所畏遊於三愛三流之原於如來慧亦无所生亦不退還若有所生已達聖性修平等心於諸菩薩無有彼此且觀正覺大道暉赫巍巍无底而為真諦慧不增減其根堅住令諸衆生究竟通達了無篤信是為佛子第七之事於是頌曰

於雪山崗嶺藥名無根者其藥有大神威曜无等倫普長育一切叢林諸樹木而根莖葉枝枝因諸根无一切諸佛種自然成道慧德旨亦如是遵修一切智

曉了行佛道 奉西方聖路等習於慈哀
生長覺明哲

復次佛子譬劫災變大火照赫燒三
千大千世界一切樹木藥草万物及
至國神大圍神山大金剛山莫不焚
冶假使有人取枯焚草肥松重閣以
投盛火於意云何寧有一葉得不燒
乎答曰不得不燒欲令不燒未之有
也報曰如是尚可使火不燒樹木大
積薪草有欲限節如來聖慧三達神
智衆生之數國土多少諸法之底去
來現在無央數劫令不普見而有微
尋不悉及者未之有也所以者何正
覺道慧元有限量不可計會靡不通
徹故号如來至真等正覺是為第八
於是頌曰

若劫之遭患 天地被陶冶 一時悉焦然
男女樹木果 佛子且憶察 於斯諸遊居
金剛尚消融 何況枯草木 山陵諸所有
豈可脫不燒 安住之智慧 皆能分別知
當來衆生類 若干劫佛土 諸佛悉明達
如是無限量

復次佛子猶如災變風起之時而有

大風名曰毀明則發且興毀壞圍神

大圍神山及金剛山一切三千大千

世界吹令破散使無有餘又復有風

名因緣蓋吹于三千大千世界飄舉

擎接越置他佛國假使於彼因緣蓋

風獨值自恣无毀明風便當摧破十

方不可限量諸佛境界如是仁者如

來則有無極大慧名曰毀壞一切塵

欲正覺以斯无極大慧吹除一切諸

菩薩衆塵勞罣罣如來次有無量聖

達名曰搃攝大摧方便則能消滅愛

結之患至妙道場因復開化新發菩

薩一切諸根未純熟者設諸如來不

搃攝斯大摧方便成大道場令無央

數不可計會諸菩薩衆修於聲聞緣

覺之乘世尊順從善摧方便令諸菩

薩大士之等超越聲聞緣覺之地由斯

自在而无所住是為第九於是頌曰

劫中若恐懼諸天乱不安神圍須弥山

咸志為毀壞風即時興起無能制止者

无量諸佛土糜碎無有餘有諸十方者

聖慈得自在則以毀破碎諸菩薩塵勞

彼復有道風遵修於善摧尋便以救護

聲聞行者安

興顯經卷第三第十張戎

敬

復次佛子如來之慧遊入一切聖智
魏魏靡不周遍一切黎庶終始之界
所以者何若有欲想世尊之慧欲及
達者未之有也又如來慧悉離諸相
自在之慧則遊自然無所罣碍如書
一經其卷大如三千世界或有大經
而未書成猶如三千世界之海或如
柙圍山如大神圍或如普地舉要言
之如千世界或如四域天下之界或
如閻土或如大海如須弥山如大神
宮欲行天館如色行天如无色天假
集大經廣長上下猶如三千大千世
界而有一塵在大經卷又諸經上各
各有塵悉各周遍在大經裏當尔之
時有一丈夫自然出現聰明智慧身
試入中又有天眼其眼清淨普有所
見則以天眼而觀察之今斯經卷如
是比像廣大無極其上則有少少塵
耳於諸衆生无所加益我身寧可以
無極力大精進勢裂壞此經解散大
卷當以饒益一切黎庶適念此已則
時興隆元極之力精進之勢輒如所

願取大經卷各自散解以給黎庶如一經卷衆經之數亦復如是若此仁者如來至真以无量慧不可計明悉入一切衆生江海心之所行而普曉了群萌志操如來之慧不可限量靡不同達不可窮極正覺之智不可計會觀察一切萌類境界恠未曾有斯衆生類愚騃乃余不能分別如來聖慧世尊普入而自念曰吾寧可宣顯示大道使諸想縛自然蠲除如佛法身聖塗力勢當令捨離一切著念設使曉了正真之慧誼所歸趣獲致無極三昧之定暢說正道去一切想誨令使念无上道慧化諸黎庶在五趣者令達無極是為佛子第十之事如來至真勸諸菩薩心入道義如是比像濟无央數諸菩薩等蒙如來慧開化其心使入大道也於是頌曰

猶如有經卷 大如三千界 自然有微塵
悉散於其上 有一慧士夫 明眼壞經卷
悉分別布散 施於五趣人 世尊亦如是
智慧如大海 見衆生心意 悉惑諸想念
佛以愍哀人 為解除衆想 諸菩薩戴仰

復次佛子何謂菩薩遊入如來之境
界於斯菩薩慧入無尋知一切界為
如來界一切佛土諸所有境衆生之
界則悉無本靡所部分不有所壞其
法界者无陰盖際又本際者無際彊
畔猶如虛空無有邊崖亦无有界亦
不不有恙以遊入如來境界猶衆生
種不可限量無有邊崖如來之界亦
復若斯不可限量无有邊際所以者
何如其衆生心之所念不可計會如
來尋則以無量慧而開化之如龍王
尊而得自在攝无量水因時放雨不
可計滯不從内出亦不從外如來境
界亦復如是從意所欲有所興造即
自然成彼無所諮亦无有師如大海
中水不可量恙從龍王心所念生亦復
如是一切所有无量聖達至諸通慧
行如法海咸斯菩薩往古發心之所造
願因從歆行而生差別問曰何謂無
量為巨海者何謂无限諸通慧海曰
無思議多所解說至於大海今粗舉
要分別說之諦聽諦聽善思念之閻

浮提有五百江河而入大海拘耶尼
域亦五百江入大海中弗于逮域四
千江河而入大海鬱單曰域具足万
江流入大海於意云何此水合會流
入大海寧增多不答曰甚多報曰十
光龍王所雨之水則多於彼諸江之
流又四大域所有諸水十光龍王所
雨之水入大海者其水不如百光龍
王之所雨水墮於海者為寂多矣又
四大域水十光龍王百光龍王所雨
大水入巨海者不如大遊龍王身中
所出入於大海其水倍多舉要言之
如摩奈斯龍王雷吼所雨則復加倍
難頭起難所出之雨無量之光妙群
龍王大燠龍王大頻申龍王雨亦如
茲斯十大龍王立億龍王各各降雨
不可稱限其四大域巨海之水及十
龍所雨之水并八十億種龍王悉歸
巨海不如閻浮提海龍王長子諸大
江河所有衆水及諸洪雨不如十光
大龍王宮所出水計四大域一切江
河及前所說諸龍王雨十光龍王百
光大龍王宮所出水咸悉不如大嚴

淨龍王宮所出水舉要言之摩奈斯雷
 震難頭起難无量光明及大妙若群
 大明燠龍皆悉不如斯十龍王及八
 十億龍王宮所出水則悉不如海龍
 王長子宮所出水如是諸龍王等水
 歸大海咸為不如海大龍王雨無所
 壞水為最多其閻浮提水及拘耶左
 弗于逮鬱單曰十光龍王宮殿所雨
 百光龍王大琉璃龍王宮殿所雨摩
 奈斯龍王雷震難頭起難无量光明
 妙君龍王大明燠龍王及大頻申龍
 王宮殿所出雨者及八十億種姓龍
 王所出諸是有水及四大域海之龍
 王長子所雨有海龍王無所壞雨衆
 大雨水咸悉不如海大龍王清琉璃
 中所出諸水而悉周遍充於大海大
 海之水如是无限又如海水無有量
 者其實品界亦復无量衆生之界亦
 復无限觀於大身亦不可計大海水
 不可限量諸寶品種亦復无限於佛
 子意所趣云何其大海水寧无限乎
 報曰無限如大海德无能計量如來
 若斯慧无限量百倍千万億倍巨億

万倍无以為喻不依言辭隨人所解
而以牽引大海譬喻佛之大道聖過
於茲因假三昧其明無邊則如來慧
所達巍巍猶如大海其意无限從初
發意乃至菩薩一切智行而不斷絕
道寶無量一切道品三寶之法不可
盡極勸化衆生當造斯觀諸學不學
其緣覺乘悉見濟度以無極諦志无
所在悉觀無量住於第一欣然之地
始從菩薩便能至於无罣碍地化諸
菩薩令不廢退是為佛子諸菩薩衆
則能遊於諸佛境界亦能普周一切
所有亦無限量於是頌曰

積清淨諸品无数不可量衆念之境界
一切無邊際如意之齊限其心无所周
一切諸十力當求斯境界猶如龍所處
未曾有捨離應其心所念而放於雨沛
設使心有來乃可得還反其龍不有念
吾當有所雨諸十力如是未曾有來至
亦无有還反能仁不可得永無所興造
况遣心有念法界无限量猶如江河沙
其海無邊際水及寶亦然諸含血所居
一切无限量其水悉一味生者咸仰之

若處於此中 不飲餘水葉大聖亦如是
妙慧无崖底 三寶無限尋 道要不可計
諸學及不學 人民無央數 不可計群萌
志願佛道慧

何謂佛子菩薩遊入如來聖慧无里
尋行威儀札節猶若如來往本無生
於當來世亦无所造隨時緣故而忽
成矣斯如來行不起無滅不有不无
亦不遊入有為無為譬如法界无有
限量亦無不限所以者何无有自然
亦無有身故曰法界大聖若斯斯名
如來行无限量亦不無限遊入无身
亦無自然猶如飛鳥行虛空中於百
千歲而飛行者如有所度亦无所度
觀前察後其虛空者無有邊際如來
之行亦復如是於億百千劫所講无
極若歎有極設無所說其如來行故
无邊際如來已住無里尋行亦无所
住而為衆生暢現如是如是比行僉
度一切望尋之跡如金翅鳥王遊在
虛空以清淨眼觀龍宮殿變易本形
知應終者寢者翫者奮翮搏揚海水波盪
披謁攫食諸龍及龍妻妾如來若斯

慧無罣碍住无底行咸於法界普觀
衆生諸根純泐因隨宿本殖衆德原
尋以無極如來十力而示形像入終
始海披生死淵開導衆衆能為應器
批出群衆於終始海則建立志於佛
道法而悉斷除一切言行獲致如來
无所想念以無想念慧无罣碍則為
住立住無所住也如日月光照于天
下獨已遊步而无有侶則無所立行
虚空路人民瞻望日月不念吾有所
奏若復迴還世尊如是遊於泥洹入
清淨法亦無想念於諸法界示現超
度一切諸行五趣群萌亦无懸息無
所專信而則暢達宣布佛事亦无往
反是為佛子諸菩薩等遊入如來之
慧行也則無限量亦无不限代諸緣
事也於是頌曰

無本不可盡 未曾有起滅 有計无本者
無處不可見 諸愁哀如斯 其行无有量
無本者自然則无有二事 猶如此諸種
法界無處所亦復无限量 亦無不限量
道行亦如斯 聖達無崖底 所分別无極
斯則無有身 如有鳥遊步 億劫在虚空

前後亦如是。虛无界適等。寂勝百千劫。講論所當行。如方便隨成。不失於善德。金翅鳥在空。遙望察水中。知龍命所終。舉食龍妃后。十力智自在。燒盡諸塵勞。善造衆德本。拔出生死原。譬若如日月。遊行虛空中。梨庶蒙安隱。光亦無想念。世尊亦如是。由法衆无尋。開化無數衆。不與諸想念。

何謂佛子。菩薩遊入如來開道於斯。菩薩僉度一切諸所著行。而不猶豫。平等法味了不二。入如來所闡則復。遊入於無想。覺无行之覺。無處所覺。无限中覺。無邊際覺。棄不成就。荷著中間。則觀一切文字音響。而无處所。於諸言聲。而无言教。究竟盡極衆生之行。奉平等覺。志性諸根。塵勞愛欲。悉為清淨。如來道眼。一切普等。一切三世。猶如大海。天下人民。悉戴仰之。皆苞衆生。見諸有身故。曰大海如來之道。亦復如是。觀群萌心。志性所歸。雖有所照。亦无照想。則為自然。是故名曰如來之道。所開導之也。彼便以化所可開導。既講文字。亦无所說。於

一切響音無所宣暢雖有辯教本无所
言縱有所仰亦無所仰又復勸化於
群生類今當演說舉其大較如來之
道所開化者咸取正覺不限衆生如
号如來也如身住數衆國土數一切
三世之所有數諸身住數亦復若茲
而无差別如道教數一切言數如諸
如來法界之數如虛空數無罣碍界
如諸御行之所開導言教之界如泥
洹限衆生身形所處住數亦復如是
口之言限亦復若茲如身口數无罣
碍心所住限數等無差特彼以遊入
如此无數則淨三場致于道德由是
之故等御已身及諸衆生觀見如是
一切寂然而察等導於泥洹界已觀
若斯之自然者咸入一切則無自然
无盡自然不起不滅則亦自然於我
非我亦復自然於人不人亦復自然
佛无所想亦復自然法界自然虛空
自然亦無自然已曉了此咸取正覺
逮致正法无餘之慧得觀如來無極
大哀多所開化諸群萌類猶如虛空
含受世界一切方俗志性自然成於

世間如是以類無盡无長亦無所生
 所生澹泊亦復如是成寂正覺亦无
 所覺又其相者亦無所相亦復是相
 而无若干譬若士夫興化變人如江
 河沙等為諸如來也令無比類亦无
 形容適化現此則復宣舉江河沙等
 皆為劫數於意云何其所化以奚
 等化而令發心成如來乎白世尊曰
 如吾所知當為顯義化如來數如无
 所化化數亦然答曰善哉善哉誠如
 所云如是佛子一切群萌斯湏之間
 皆逮无上正真之道成寂正覺成菩
 薩數亦復若茲其不成者亦復若此
 無所增損所以者何又省于道則无
 有相其無相者无成正覺無所長益
 雖得正覺亦无所逮是諸菩薩當以
 若茲入于如來乃成正覺若欲覺了
 當作斯覺如來一相而同品類則無
 品相斯則号曰慧成道覺三昧正受
 通定意已一一所覺法身无餘超於
 一切衆生立身猶如一人成寂正覺
 至道門者一切衆生若成佛道至於
 法門亦復若茲等无差別使无量人

速成正覺門遊入住於無限諸身如
來之界无有涯底衆生之界不可計
數是諸菩薩遊入如來成取正覺一
一得致如衆生本入如來身所以者
何若得普入如來至真取正覺門其
身所行亦無所生亦无所失如獲一
事其餘亦然一切法界作是遊入不
離處所不捨言辭信此如來法身者
也所以者何若能普入乃成正覺至
无極慧引茲寂然詣佛道樹師子之
座復次菩薩普了己心能成正覺則
入法身也所以者何如來至真不捨
心本乃致大道如己心者其餘若斯
則以開導一切諸心當造斯入是為
佛子諸菩薩衆為諸大聖以此推入
成取正覺廣遠周普普无不入而不
違捨無所繼者则无休懸無所焉信
入不思議法品之門於是頌曰

已脫二無二曉了一切法等猶如虛空
普解諸經典等已无吾我是為解諸法
已分別聖覺一切無所覺猶如四方域
受諸有形體等苞於川流是故字曰海
十力亦如是衆生之海印曉了其志性

是故号分別心意悉如化諸佛如化現
奉自然平等如化之所化佛道皆辯說
一切群萌類本自然平等不增无所損
寂勝有三昧名曰善覺道住於佛樹間
得成斯定意則演出暉曜照無限裂度
開道如蓮華教誨於衆生若於當來劫
衆生國自然思法亦如茲諸根及志性
一切平等觀无吾我以所以故無崖底
覺了道之覆行菩薩之道引慈慧寂然
處樹師子座逮成无上覺道力無等倫
法身聖巍巍普入无不周不捨於衆生
何謂佛子菩薩遊入如來音響所導
法輪其菩薩者善立如來引所思念
一切裂度悉无本末無所成就當入
諸法永无所住斷于一場遊于真諦
諸所有法離諸見際捨欲之際則無
有際便皆遊入一切諸法如虚空際
无所行念則為遊入一切諸法不可
逮致本末永寂一切諸法泥洹自然
其諸文字音聲之說悉以自然斯乃
遊入至于法輪咸悉遍暢如來之音
如呼聲響乃曰自然則入法輪法門自
然一切諸音悉為一響乃入法輪本

未無主文字无盡乃入法輪於內於外無所積聚猶如一切文字所演諸所言辭縱有言辭不捨真諦講說往古歎叙本末無央數劫一切文字而不可盡如是仁者如來至真所轉法輪一切假号悉文字矣暢說无盡則無為信悉无所有亦無所思而无有響音亦無所施彼則所可轉法輪者普入一切亦无所入如假文字言曰無矣若曰鎧明一切所造皆託言耳悉入諸數一切世俗所說度世遊入於斯永無住者是如來音普入一切衆生之界諸法身界報應之事永无所住其諸群萌說若干種言辭之響音悉為宣暢一切如來法輪之音所以者何如來至真所轉法輪悉出一切諸所音響音而無進退是菩薩者遊入如來所轉法輪菩薩大士當造立斯入於如來陶演言辭不可限量何謂如來所入言辭如來至真轉法輪時所演音聲暢衆生行志操所好所以者何佛有三昧名无罣尋究竟無畏轉於法輪以此定意正受之時衆生一

切咸隨其音而轉法輪一一正覺音
從口出一一言辭興顯群萌譬喻之
響悉各從志假使以是三昧正受悅
可衆心是為遊入如來至真所轉法
輪以斯柔順道法所說亦无所入如
此所遊則乃入斯聞如來法聖教言
辭是為佛子諸菩薩衆遊入如來所
轉法輪至無限量於是頌曰

其輪无限量成就究竟界亦無所長益
一切无二護所說諸文字一切不可盡
十力亦如是法輪常無窮講說於律教
入一切有為亦復无所入佛輪亦如是
悉入諸言辭自然无所入普宣於衆生
一切行無餘超有為三昧究竟諸定意
欲求妙法故是為佛定意蒙佛恩所致
達一切群衆寂勝所演音而暢柔軟辭
以一言聲教宣布諸衆生分為若干響
講誅無有餘佛為一切尊解了衆生心
如有所說者衆庶聞其音文字不處內
亦无由於外計斯悉滅盡真誠無所有
若轉法輪者悉為衆生故且觀諸十力
變化所感動
如來興顯經卷第三

佛說如來興顯經卷第四

戎

西晉月氏三藏竺法護譯

何謂佛子諸菩薩遊入如來至真現
大滅度於斯菩薩欲入滅度曉了一
切本淨自然則為佛矣猶如無本而
歸滅度如來滅度亦復如是又如本
際法界若斯猶如虛空無極之界又
如本淨如真本際而離欲際如無相
際无自然際猶如一切諸法本淨如
真本際取於滅度如來滅度亦復如
是所以者何應與不應斯諸所有等
無差特无生不起設使諸法無生不
起計於彼法无往不往無離不離又
如來者不為興發諸菩薩眾咨嘆歎
說令取滅度永寂無餘所以者何一
切如來悉立目前若如現在過去亦
然及復當來一時悉逮速疾成慧斯
須得道觀諸如來皆當宣暢色像音
響言不興二想亦不無二棄諸思想應
菩薩行捐捨諸倚如來不念悅可眾
心是為如來之滅度也愍哀群生眾
想之患故興出矣亦不滅度所以者

何如來所住處在法界悅可衆生所以現身而有滅度用之所由法界無邊如日宮殿出于水中則便普照一切天下日之宮殿無所想念亦不轉移而咸悉照靡所不遍諸水衆器悉覩其影舉器无水又日殿光則不復見於意云何豈可謂是日之咎也而令其影不現器乎答曰不也無水器咎非日之咎答曰如是如來慧曰往本所行至諸法界皆為衆生常演清淨興自然事逮致道念顯曜其心而常覩見如來之身破壞器人心懷穢濁不見威光佛子應當化度衆類渴仰無如來故為現滅度也亦无有生亦無不生亦不滅度於是頌曰

假如日遍照其界及邊崖難畏所見影適見不復見人中尊如此普現於世間衆生離驚信誨示以无為普觀諸佛國等由若如幻狎習衆因緣而計于吾我假使有造行究竟佛所作或不見大聖所觀而不同寂勝有定意名曰解無常佛以是造業然後現等生以分別身形為無量无限須臾遍十方佛猶如蓮花

猶如火者普為世間成所當熟或於異時一聚落縣而火忽滅於意云何將無一切諸世界火悉滅盡乎答曰不也報曰如是如來皆入一切法界悉遍无餘興于佛事則於異時復他佛土顯發道意便見滅度而不滅度當以如斯入於如來之般涅槃復次佛子假喻幻師善學幻術曉了方便悉通神呪則住精進皆化三千大千世界悉變為水自現其身於郡國邑幻術停住一切而建立威欲得詣於他異郡國縣邑州城便化沒已於意云何將無幻術皆滅盡乎答曰不也報曰如是如來善覺无量慧幻示現善權聖術之呪普入一切現諸法界亦無所入猶如幻化現如來身處在法界究虛空界則隨衆生之所信樂各為化示諸佛之土而現滅度不獨一國示般涅槃如來悉於一切法界靡不開達是為佛子為菩薩者當知遊入諸如來至真等正覺現大滅度復次佛子如來至真等正覺又有三昧名无所著定意正受現大滅度適

以斯定而正受時如來儀體二毛孔
演出難計億百千炫光明暉曜二
光明變出蓮花不可計會一一蓮華
化作美妙無數自然師子牀座有化
如來各坐諸座如來則隨衆生壽數
而自化立形貌具足真諦之德嚴淨
周備悉是往古所志之願其有黎庶
諸根純熟則尋了見如來從容便隨
律教建立嚴淨當來本際順從群萌志
純熟者因律而度其如來像亦無有
處亦无不處亦無所說亦无不說亦
無有常亦无不常又復悉是諸如來
等宿世本願之所誓行開示群萌演
達諸根悉是威神所化聖至斯為佛
子諸菩薩衆遊入如來大般泥洹所
入無限无所罣碍究竟法界無邊中
間虛空之界又如來者則為自然无
起無滅處真本際若欲現時使諸黎
庶悉得休息普以威神有所建立皆
示一切衆生法界順化其性而演法
要雖有緣覺唯菩薩了於是頌曰

佛定王无著一切衆生尊 大哀力無極
周遍於身陰 處在正真道 分別演法雨

光潤無想念 普世各各異 欲慕如斯慧
諸十力之心 觀察最勝聖 以何等為道
普於諸十方 梨底諸有形 念一切志空
无自然無身 菩薩善權慧 變師子蓮花
安隱若干處 衆生之法界 一切安住聖
自然成智謀 以此无極慧 超越諸有身
已猶等解脫 法界無人物 其在於十方
緣覺所由居 唯有佛子斯 達法界无餘
又察諸法界 不增無所損 親近最勝聖
一切慧自在 習學若不學 有為及无為
諸安住自在 不損無所增 不盡无所起
佛慧不可限 猶如水流行 漸漸如次遍
柔潤於土地 其水無謏詔 地亦无想念
令水不周遍 遵修精進力 一切廣分別
十力無邊際 解諸衆生界 斯等群萌類
思惟安住慧 則隨遵修行 興立精進事
知是不復久 當建功德慧

何謂佛子菩薩而聞如來所現當入
一切衆德之本菩薩以斯無盡真行
不以虛妄觀於如來又聞所說殖衆
德本入於无量貪欲之行威神究竟
以等御之生有為中普具衆願而不
可盡遊入無為有所興發當來之際

而无邊限究竟色欲逮自在在地如有
一人以小小風欲壞金剛其人雖尔
不能譖增當思其體不淨之器解散
五藏悉無所有又其風者自然之法
有所毀落如是佛子從於佛法隨如
來教殖德雖薄皆以破壞一切有為
所住塵勞如來慧者則應无為悉無
所有除諸罣碍如來所殖衆德之本
而无所滅猶如有人積聚薪草如須
弥山如芥子火投於薪上即時悉然
令無所餘所以者何其火之誼主有
所燒行者如是雖於如來種福德少悉
燒塵勞令無有餘速得親近歸於滅
度所以者何則永究盡諸所蔽碍已
於如來種德本故滅衆瑕穢如有大
藥名曰善見設覩其色聞聲嗅香服
食佩形眼耳鼻舌身意自然得淨若
終入地變為醫藥則復療病如是仁
者如來至真為大藥王具以聖慧饒
益衆生多所療治若覩如來色身眼
即清淨耳聞三昧則得徹聽若嗅戒
香鼻自然淨服嘗法味充飽衆行其
有得聞如來所講舌自然淨辯才无

量若有遭遇如來光明便得法身其
有思念於如來者其心等淨其有供
養如來至真則成德本除勞塵病今
屬佛子勸喻顯示其有見聞於如來
者則能淨除陰蓋罪患若見聞說无
歡喜信佛令斯等殖成德本不為虛
妄至得滅度是見如來若聞聲者而
得遊入衆德之本因得除斷諸不善
之法則普證明衆道之元靡所乏短
恙以脫了引諸譬喻如來興顯一切
咸備不可引譬為假喻也佛之功德
不可思議起度諸心欲以開化群萌
志性令得悅豫以故如來為諸菩薩
引諸譬喻欲令解達斯非正要如是
洪範則是如來秘奧之藏斯則名曰
一切世間所不及知乃入如來之妙
印也如來大慧無極聖明之種性也
名曰懷來一切菩薩一切衆生所不
能及名曰遊入如來境界平等之土
名曰淨群衆界悉令無餘名曰普說
一切根原諸所罣碍又復至真不為
餘人說斯弘興唯為志求大乘行者
无思議乘講菩薩道又斯經典終

不歸餘趣諸菩薩猶如佛子轉輪聖王金輪白爲紺馬明珠玉女咸目兵目自然七寶有斯化來不歸餘人唯當趣王適太子也所以者何因其聖后懷胎而生則爲具足轉輪聖王設使正后生是太子則爲具足爲聖王相若壽終者轉輪聖王所有七寶七日之後悉沒不現則无有餘如是比像經典之本終不歸趣於他人也唯當至於正覺長子如來族姓道所生者殖種如來之德本者假至法身遵脩正士則當蒙恩勢不得久亦當逮成如是色像如來秘藏經典之要不斷三寶法若沒盡便無見者所以者何一切聲聞及緣覺乘不能堪任逮是經典亦不聞音何況受持諷誦讀者唯歸大人諸菩薩乎書在經卷靖者屋宇是故佛子若有菩薩得聞斯講志性恂恂敬侍法師供奉所安當受斯典所以者何設有菩薩爲信景摸當成无上正真之道菩薩大士無央數億百千娑劫奉行積累六度无極而復懷來道品之法遵修悲哀亦

不入斯如來無極不可思議不聞不進
 斯非名曰為菩薩也於菩薩法為不
 長益則不順從如來胃緒設有菩薩
 講諸如來無量尋慧為信入道而不
 狐疑斯乃名曰為真菩薩則不違失
 諸通慧彊普能究竟一切世法大聖
 之行隨如來教於諸佛界而无所著
 皆得建立諸菩薩法便得通達諸佛
 正典而無沉吟道品境界多所變動
 由得自在立成諸法於眾菩薩威神
 巍巍尋入如來无量尋界是以菩薩
 若聞斯法普至安住道意無限又其
 志性力勢至真皆棄眾想應與不應
 入在聖明一切如來悉在目前所可
 念者了虛空界遵奉三昧開心發寤
 其有行入無量法界為諸菩薩志所
 造立成就眾德而得自在暢達通慧
 除世眾垢發心无餘其國普周一切
 十方入菩薩道去來今佛合為一塗
 等趣德本勸助聖道導利群生使興
 道心開化未聞當入斯法入無所入
 无能得便皆令諸法歸無因緣常造
 斯念順一切智及一切法悉為无限

菩薩已能遊入若茲所思念者則為
 少事所入難及其慧自在威神巍巍
 普賢菩薩承佛聖旨說是法時十
 方不可稱計億百千娑塵數諸佛國
 土六反震動十八部變而現感應如
 來威神顯暢法施則雨天華雲葆樂
 器不鼓自鳴散衣服飭諸蓋幢幡所
 雨衆香起於天上諸名芬熏雜香擣
 香天上瓔珞又復雨降大如意珠又
 其光明越天所珍讚曰善哉菩薩之
 道過於諸天永永無形而不可獲又
 諸菩薩承已宿德遍雨瓊琦不可思
 議清淨嚴莊諸佛國土成取正覺而
 悉雲集雨無量法講雅誦音亦數如
 來所講言詔猶如菩薩於四大域初
 成正覺建立發起成就菩薩而令欣
 喜如是一切諸佛世界悉无有餘周
 接十方都不可計八十億娑百千佛
 土滿其中塵各越如是諸佛國數現
 在諸佛見普賢菩薩聞所言講而還
 讚曰善哉善哉卿族姓子是為如來
 所分別說不可思議所以者何建立
 真諦遊入法界又是十方八十不可

稱計億百千娑佛之世界滿其中摩
一切諸佛自然有音而說經法吾等
於此而現告詔猶如余黨被蒙開化
亦如一切諸佛講法等無差特又若
百千國中塵數一切菩薩皆得神通
入諸三昧因見十方佛當授決一切
悉獲一生補處歸於无上正真之道
千佛國土滿中塵數衆生之類悉發
無上正真道意皆為聖尊所見授決
盡於將來無數佛土滿塵之劫當得為
佛号曰佛界之乎如來至真等正覺
而常建立於斯法講當來菩薩聞所
未聞宣暢奉行于此四域一切世界
衆生悉知猶若此界群萌被蒙開化
道教而順律者十方佛國亦復如是
億百千娑不可限量不可稱計不可
思議無有邊際道所化度盡虛空界
諸佛境土諸所繫庶咸被開化十方
諸佛威神照明如來宿本建立所致
逮得諸法遵修德本如來聖慧无能
喻者佛教隨時導利遍御諸菩薩衆
所獲從宜諸根調定宿世所行無所
亡失普賢菩薩威神恢廣為諸通慧

威聖愷悌悉見十方不可計量億百千娑佛土滿塵諸菩薩等品數如是
悉來集會充於十方諸法境界示現
无極嚴淨菩薩奮演大光感動一切
諸佛世界驚駭天宮降伏魔衆滅除
一切衆惡諸趣宣暢如來無量威尊
不可稱計諸法之樂讚如來德弦出
无量而雨一切無有崖底衆寶奇特種
種供具示現无極各各異身一切咸
為如來法門已身之器所受無量承
佛聖旨悉共同音演一等聲善哉善
哉卿佛之子乃能頌宣如來无等倫
法又所說習皆順普賢達無量稱
入音聲号親從如來辟來至此其佛
世界名曰普光其法亦然如今於此
等无有異咸說斯法承佛聖旨逮如
來與是為佛子證明現在佛所建立
詣此衆會又如於今至此會者十方
法界所教無限亦復如是咸同虛空
諸佛國土一一界土四方之域顯示
如來之所建立佛之國土不可限量
百千佛土滿其中塵諸菩薩來皆是
如來威神之德修无等倫以此章句

於是嚴飭審諦无損無能過者於斯
普賢菩薩志觀一切諸菩薩德察法
際已宣暢大聖之姓族也理釋諸佛
无極之道如來之法而無有侶即便
咨嗟廣達无邊志宿德本剖判光動
一切无形演說佛典普解衆生志性
所趣靡不遍觀令諸群黎逮得應時
不捨法句使諸菩薩念不可量道法
光明綜了縷練世尊無極建立无悞
現言歌詠一切如來志為一身合一
法體又復宣暢往本大行精進力勢
無所藏匿吉祥之力等際所有承佛
威神道之所感无可為喻無言乃達
尔時普賢重告之曰菩薩大士逮得
法忍有十事以能具足於法忍者則
无陰盖便致一切法忍之地於諸佛
法而無罣碍何謂為十一達音響二
柔順行三不起法忍四曰喻幻五曰
野馬六曰若夢七曰呼響八曰若影
九曰如化十曰如空是為菩薩逮十
法忍彼則何謂為音響忍諸所聞音
不懷恐怖不畏不懷喜樂思順諸所
遵行無所違失是音響忍何謂柔順

法忍菩薩隨順應遊法生而觀察法
造立行等不為逆亂設使諸法應柔
順者當度度之志性清淨遵修平等
勤加精進順入成就是柔順法忍何
謂菩薩不起法忍菩薩設觀諸法有
所生者都无處所不計滅盡亦無所
見其不生者則無所滅其无滅者則
無所盡其无盡者則無所壞其无壞
者則無崖底其无底者則寂然地其
寂然地者則澹泊也其澹泊者則無
所行其无所行者則無所願是為不起
第三法忍何謂菩薩喻幻法忍曉了
諸法一切如幻因緣而成為信一法
濟度若干無央數法以无数法等入
一法入於吾我入無所入諸所建立
導利衆行悉无所著猶如巨鳥衆乘
之上若幻不與衆為車騎步人遊居
不與男女童子童女大小遊居不與
樹木枝葉華實而俱遊居菩薩曉了
一切諸法若如幻者不合不散不與
地水火風而俱遊居不與晝夜十五
日一月一歲而俱遊居不計百十年千
年不與日月劫數而俱遊居不與影

響諸所見衆而俱遊居不與若干亦
不若干而俱遊居不以若干入于一事
而俱遊居不與微妙及劣下極柔軟
麁獷而俱遊居不與甚少引多遊居
不與有限无限遊居不與若干各異
衆會并處色者而俱遊居其衆會者
不與幻變而俱遊居其所幻變不與
衆會而俱遊居無居不居无所不居
而等濟度一切諸見及若干幻各各
異見於斯諸見永無所見乃見一切諸
趣根原是為佛子名曰菩薩遊入如
幻而度於世世所行塵勞世國土俗
遊法世吾我世痛痒世有為世離有
世合會世无合會世分別世所造行
世是為菩薩濟度世名則為幻化普
入諸世不受衆生不壞衆生不受國
土不敗國土不受于法亦不壞法不
念過事於過去事亦無所想亦不離
想亦无當來亦無造行不墮未然不
住現在不毀所存則於佛道而不馳
騁不想念道亦不與佛亦不勸佛而
取滅度不住諸願不捨所擔遵修平
等亦不嚴淨无所罣碍開道國土勸

使進入無所破壞住于法本而不動
轉等入吾我亦不違毀吾我之想陰
種諸入訓誨衆行蠲除所著度脫梨
庶於斯諸行无所依倚曉了諸法而
悉平等永不可得分別諸法但假字
耳聖達明慧無能逝者度脫衆生恒
順時宜亦不依倚群萌因緣住于大
哀暢宿世行不可計會報應之事皆
令信了是為幻喻第四法忍

何謂佛子菩薩大士野馬法忍菩薩
曉世一切所有悉為恍惚猶如野馬
人遙觀之如江河流而有波起達士
了之炎氣無水菩薩如是分別諸法
有无衆事無内无外不有不無亦无
斷滅不計有常不入教誨輕慢之内
觀觀如有而無惡趣心不歸外亦不
處内為一像貌若干之像知无像貌
一切諸法具足微妙皆悉無本是為
野馬第五法忍

何謂佛子菩薩大士喻夢法忍菩薩
觀世猶如夢想如人之夢不處于世
不從世興不從世生又夢者夢无有
欲界亦無色界无無色界所以謂夢

則无所生悉無所有夢无塵勞則無結恨又計夢者既無所生亦无清淨夢不見夢菩薩大士觀一切世曉了如夢亦無明達亦无闇冥夢者自然夢無所著夢者恍惚夢者本淨有所建立而有此夢夢无所壞因所念想故而有斯夢設能曉了一切諸法若如夢者開導世間是為若夢第六法忍何謂佛子菩薩大士如響普法忍菩薩學法所入諸音設有所學度於未度學法開化了於一切猶若呼響非不有聲然本悉寂亦無所度菩薩大士如是色像察於如來内外諸響亦不別見内外諸事亦不知外亦不以內而了外事不見所託曉知言辭進退之宜是為解知若干章句因緣如響有所啓導於諸法施靡所不達亦無所尋有所學者分別曉了一切諸聲悉无所有猶如天上殊妙玉女属天帝釋而以一口身同時鼓出百千妓樂之音又其妓樂無所想念口亦無念吾今演出百千妙響菩薩大士度諸境界亦无想念亦無言辭曉了權

宜成無量音方便无限度於世法亦不退還常轉諸界入群黎衆為諸會者分別說之多所開導則建立之口暢演現無罣碍音遍諸佛土令其信樂班宣經典訓導蒸庶為奮光明散照未悟恙使覺了一切諸音縱有所說皆无所生遊若干音都無想念益加開導解无所生宣諸覺場逮至聖塗菩薩大士已住於此等無所獲令普聽者入於一切諸佛所興面見諸佛轉於无限所度法輪順無想念是為如響第七法忍

何謂佛子菩薩大士若影法忍菩薩不沒於世不生於世不遊於世不出於世表不行於世不信法界不壞習俗又於世界亦无不壞不至於世不貪樂世不御於世不長於世又彼菩薩不處於世亦不度世亦不奉行菩薩之行無所為信於大誓願不實不虛不有不无無虛妄行則趣一切諸佛之法普周世間靡所不遍於世俗法亦無所住不隨俗教猶若如影假如日殿亦如月照男女樹木山陵屋

宅諸神宮殿諸江河流若干種形無量因緣不可盡極諸所方面因日光明悉觀衆像知其所趣如清淨水又如船師若夜光珠因其所見而得自恣於斯所好當所施者其不清淨无光耀者悉蒙其明而蒙暉照亦無所造又其光明亦无所有無有音響亦无所生因其光明而有所別然其光明無所遊居雖為清顯亦復不與清顯同處於光明地亦謂光明照若干流亦无所照則無所周影亦不入江河泉源大海洲池又計其影亦无所處亦無所著其影所現亦无鮮潔不有瑕疵斯影不規則於彼間不待得本其影廣現無遠无近菩薩如是所開化者已及彼性志行所趣而得自在所觀衆生道慧之場有所勸化他志所行等無差特分別已身所遊道場而普審察已界他界悉无二品如種樹者從始生芽展轉滋茂稍漸成長而生莖節枝葉華實菩薩如是於已法界及與他界分別諸相法無有二則得超入无身本際彼菩薩身則得越

過不可思議諸佛國土見諸佛土亦無
所著於諸世界亦不轉移至諸佛界
亦无所至法身所至如日殿影在所
具矣其身普入現一切界有所現生
行無罣碍亦不分身亦无所行無是
世間世俗之想蠲除方土虛无之辭
亦不散身逮不終始無所不覆如來
之種本際所行亦不復淨身口意行
便得遊入咨嗟無量淨一切身靡不
周達是為如影第八法忍

何謂佛子菩薩大士如化法忍菩薩
普入世俗若有所至觀了衆生一切
如化然不適識念如化事所謂化者
則謂一切諸有世界因所造行思想
所化皆是一切苦樂顛倒斯化等類
一切世間悉緣无明或以思想便成
塵勞衆想之念因緣化生由是建立
宣暢咨嗟音響法律以无想教而開
化之堅固不退導令平等悟諸不覺
立志擔願行如化者觀察如來大哀
之行黎庶化生曉了於斯謂修法輪
善權方便以慧無畏四分別辯聖達
自在如是菩薩化度于世超世功德

辯才自由恢弘無際入於无量億千之衆處於其中而得自恣恣能曉了人行天動觀無聖路示以大道如其所行无所違失譬如化人則無所念亦无所造不興心事亦不於法而有所住不從業起亦不望報無所遊至不出于世亦不於世而成正覺亦不念法不習諸法亦不久住亦不須臾亦无所處不行習俗不長世間無方面辭不近諸限亦无不限不增不損無有篤信亦无不信無有賢聖亦不凡夫无有塵勞亦不結恨不沒不生亦無有慧亦无不慧亦無所有亦无微妙不依倚世亦不導御於諸法界不智不愚亦无所受亦無不受无有五陰亦不無陰无有生死亦不滅度不有不无如是菩薩遊行於世修菩薩行曉了辯才不建憍慢觀見世間無有自大遵所修行不為己身不為世俗无放逸者而無吾我離著貢高亦不倚此亦不依俗捨其慢恣无所想念不處於世不斷於世亦不於法而溢自在不於人界有所倚著無所

開導亦不處於衆生之界无有所願
亦無想念亦无所淨又於諸法無所
莊嚴諸佛之法悉無所有具足成就
乃至大道又斯諸法不有不无猶如
彼化不有不無達化菩薩住於法忍而
等曉了一切佛道已得成就造立誠
諦斯則菩薩周攬佛法如化无處普
於佛道而無所獲衆生之行无諸陰
盖不起有身入一切身而開導之有
所建立而無所著若見色者於色如
化悉无所著而等具足真諦本際自
然之明有所照耀於解脫法而無所
倚於一切法現有所生而无所生如
彼化人無所識念本性清淨有所受
言如所咨講順一切律亦无想念如
化感動變異所造現來詣此一切如
來至聖道場無諸退緣亦无所生興
无罣碍成一切力悉無所想如彼化
人其心咸達而不弊尋圍神之山是
為如化第九法忍

何謂佛子菩薩大士如空法忍菩薩
觀入衆生之界猶如虛空无有緣相
一切法衆亦復如茲入諸佛土而無

有誠諸法虛空无有二事菩薩如斯
入無所捨猶如虛空苞諸佛土亦復
如斯无所縛著興於如來所入之力
而俱遊同猶如虛空所入無二道亦
如斯无去來今慧亦如之皆分別說
一切諸法所入如是菩薩大士逮得
法忍猶如虛空所致聖慧亦復如茲
於斯諸乘有所致獲悉如虛空身口
意所獲自在猶如虛空所逮諸法因
意所念而有所成猶如虛空於一切
法而無所種不沒不生菩薩如是於
一切法而得自在不終不始猶如虛
空无有處所無能毀者於諸通慧无
有處所亦無所壞於諸佛力猶如虛
空自然而住於一切世而无所住則
為自然之境界也菩薩如是建立衆
生亦無所立一切如化猶如虛空不
起不滅亦无所生合受一切世界所
有菩薩大士如是亦無所住无所成
就有所嚴淨也因其普顯一切世界
猶如虛空無有處所亦无方面無有
邊際亦无崖底暢達深廣靡不周至
菩薩如是無有處所亦无方面而有

所至也於一切法宣達恢弘等御諸
行靡不周遍猶如虛空有住依立則
無所生而現衆庶含裹衆形菩薩如是
不行不住遊隨衆行而有所現亦无
所生猶如虛空無有形像亦无不像
無清淨行亦无穢濁因有道御菩薩
如是無世形像无度世像无无量像
因有所現猶如虛空無有久固无須
臾立菩薩如是不久存立不須臾住
猶如現影而無有影為菩薩行若曉
了此乃得究竟行如虛空現諸塵勞
而无穢染現諸結恨而無忿憎菩薩
如是則以道力降伏衆魔一切清淨
其心鮮潔寂寞恬怕等苞一切世間
所有又如虛空所裹世間等无差特
菩薩如是於一切法而悉平均菩薩
大士又於諸法亦無所礙无所亡失
猶如虛空等裹一切欲限虛空無有
邊際菩薩如是於一切法志性俱遊
又其道心無有邊際所以者何其虛
空者所周平等菩薩於已而遵修行
成就清淨造於平等為一周業則以
一事轉為无量普遊諸刹若如虛空

於諸佛土无所究竟而得具足於諸方面而無所住遊入諸方成就神通一切諸德不可限量殊特之事自然具足悉獲諸法至度无極得堅固術志如虛空若如金剛於一切響無所想念開導諸音則不違捨法輪之轉假使菩薩行能具足成斯忍者則得自在亦无所至無往無來悉无所趣乃得自在而無所滅便於无為而得由已無所亡失除无實身成就真體順如律教心無所望則為一相其身自在入於无相則以無相无有限量佛力無限身普自恣靡不周達則護已行身无所壞而得由已堅固平等有所降伏一切普入其因咸覩眼則清淨已無陰蓋離欲之行亦无不行猶如虛空寂默無限所入之處則以无忍無所不忍是所謂功德也已普辯大至于澹泊猶如虛空无有危危一切菩薩曉了所行入于清淨心等如空無所毀失一切佛法若巨海殊特无限有所遊入無有斷絕入諸佛土建立誘導无限國界衆生之黨虛空

無底離諸色像无衆音響音察長見諸
普隨示現尋開化之具足成就志固
如空無能沮敗其心堅強志得究竟
普等世界亦如虛空悉无所有其堅
固者無趣諸世除諸恩愛能具大道
其劫悉燒天地然盡不燒虛空虛空
撻攬含受一切諸佛世界菩薩如是
入於諸力建立無上正真之慧是為
佛子菩薩大士了諸法如空第十法
忍普賢菩薩說是經時諸菩薩衆諸
天龍神阿湏倫世人莫不歡喜

佛說如來興顯經卷第四

辛丑歲高麗國大藏都監奉
勅雕造

西晉月氏國三藏竺法護譯

大感動品第一

聞如是一時世尊遊於摩竭境界法
靜道場初始得佛光燁明曜宣真諦
咸演如來慧暢三世要布無罣碍道
寶之定佛時以此普智无極燿然正
受其定悵怕忽無形像亦无中外靜
無見聞所居正受乃大曠蕩汪洋无
極難遇難聞億世之遇時還此定佛
定無量无不眇徹以志通慧得普智
力無限清淨班讚如來以无巢窟陶
現佛身得大空寂微妙之句乃引無
極佛諸感動等无所住而轉慧行名
稱普世光揚如來應時之興為現佛
土以其一相了達無相无相無行亦
復无相威炎自然照于十方無上佛
定震曜如斯盡極諸土同時現變都
世一切莫不雅奇
尔時會場有一菩薩名曰普賢承佛
聖旨而自念曰今日如來所現感變
從往古來所未聞覩如是瑞應必有

殊特無盡之要當使他方諸大菩薩咸共受持即如其像而為正受放大金光照十方土於光明中散天華香而作天樂其樂柔和同一洪音普賢菩薩告諸族姓子釋迦文佛今日當演未曾有法族姓子等所欲者成尋頃之時菩薩大士如塵之數普悉來會

是時世尊以大正受靡不貫焉觀於諸衆无不明盡生者終者及其成滅以所正受悉無不達曠定普至无窮不徹衆來會統悉菩薩皆大童真為摩訶薩如十方土塵埃之數志悉高妙獨步殊特悉在取署封拜無上法身无量而皆具足名流顯稱普至十方各住要行所住如佛勢力無敵猛喻師子得金剛志慧無罣尋智德純厚重過須弥心喻虚空而不可量攬持持慧而自娛樂曉了諸法本无之界盡得諸佛相好莊嚴皆能分身十方現代悉於極世如佛感動遊步無侶威神獨尊能於十方大師子吼以金剛志陷碎魔怨伏之以慈降順

唯德却衆外道進退自由道德正想
祐濟一切皆雷法鼓已舉法幡震鳴
法珂列豎法幢其所遊居莫不信解
尔時於是來會菩薩各隨行之字其
名曰剛意菩薩過意菩薩說意菩薩
上意菩薩施意菩薩龍意菩薩果意
菩薩調意菩薩力意菩薩曠意菩薩
無限意菩薩解意菩薩取意菩薩天
意菩薩祠意菩薩慶意菩薩事意菩
薩尊意菩薩法意菩薩寂意菩薩德
意菩薩一意菩薩一相菩薩善意菩
薩幻意菩薩大意菩薩勢意菩薩人
意菩薩佛意菩薩達意菩薩長意菩
薩無思菩薩无邊菩薩嚴志菩薩無
際菩薩嚴本菩薩深界菩薩普便菩
薩龍明菩薩持曜菩薩佛土菩薩心
王菩薩一行菩薩昇通菩薩達慧菩
薩福行菩薩法熾菩薩明世菩薩持
世菩薩興安菩薩寂上菩薩无上菩
薩無比菩薩無等菩薩明光菩薩光
曜菩薩美光菩薩一王菩薩勢業菩
薩法雨菩薩持妙菩薩音嚴菩薩慧
眼菩薩法首菩薩慧雲菩薩持地菩

薩法王菩薩善建菩薩取願菩薩行
妙菩薩慧藏菩薩意王菩薩修內意
菩薩普智菩薩持過地力菩薩土力
勢菩薩善月菩薩大山頂首菩薩寶
山頂菩薩放光菩薩上場王菩薩無
當勢場菩薩無勝威菩薩大龍首菩
薩道首菩薩普調菩薩元退進菩薩
持佛英輪菩薩無惑菩薩威行菩薩
無思意菩薩無量意菩薩佛變菩薩
無盡藏菩薩慧首菩薩法耀菩薩慧
茂藏菩薩雨覺雨菩薩邊現菩薩無
愚現菩薩剛通菩薩慧剛菩薩金剛
耀菩薩慧剛意菩薩普目菩薩廣目
菩薩吉首菩薩如佛威菩薩持佛金
剛菩薩嚴普智菩薩慧莊菩薩普賢
慧藏菩薩如是等十方佛土如虛空
等塵菩薩摩訶薩一切悉與墮樓近
菩薩丹本薩樓
延菩薩宿共等行修菩薩
德德皆具足

余時等目菩薩承佛威神忽從坐起
偏袒右肩右膝著地向佛叉手白世
尊曰欲問如來平等正覺若當聽許
乃敢自陳佛告等目隨若所問恣問

如來佛從汝意當為發遣令汝歡喜
於時等目尋白佛言云何世尊菩薩
為以幾無思議之定得應普賢菩薩
之行而致與等勇世誓願及其所修
莊嚴定行於定自在而以娛樂以其
定力感動諸定唯願如來解說議歸
於是世尊告等目曰善哉善哉等目
菩薩乃為去來現在諸佛菩薩廣其
道場宣暢要議而質是問耳若是等
目普賢菩薩今在此會得無思議菩
薩感動為修无量菩薩之行得無思
議菩薩變化已淨菩薩難值之願致
无退還菩薩生行修諸無量廣德淨
行等越无量辯才無尋以大悲於諸
无厭以諸願於際無擾咸當共請此
彼當說諸定正受卓變之行於時衆
會聞彼正士所入名稱皆與恭敬普
有瞻望欲見普賢菩薩而不覩之不
聞言音及坐處所所以者何如來威
神普賢菩薩力之所致

尔時等目菩薩前白佛言普賢菩薩
今所遊在佛告之曰普賢菩薩在斯
會場吾昧左右遊居不動時等目菩

薩及與大眾以其神力悲觀察之不知所在重白佛言吾等不覩普賢菩薩及其坐處世尊告曰如是族姓子汝等不見普賢菩薩身及坐處所以者何其普賢菩薩處深行故不可得以其慧行住無尋得如師子強猛之故得佛元上感變寂無尋際住佛十力法界首藏致佛威神嚴无毀慧於三世等諸佛法身普賢菩薩淨一心界時等目菩薩於如來所聞普賢菩薩德行修菩薩十定皆願見普賢菩薩思僥推求等目菩薩及一切衆都不見普賢菩薩時等目菩薩從定寤起而白佛言吾以十無數千三昧而正受亦不見普賢菩薩身口意行及其處所亦復不覩所住遊行之地

佛告等目如是如是汝等不見普賢菩薩所以者何已學菩薩行无盡地又是等目其於明慧幻化字說寧可分別慧幻色不曰不可世尊其幻化不可處別况其普賢菩薩身口意行見可入處所以者何以其深邃無思議德備之故亦以无量數演無盡故

解達金剛之慧取要言之曉了元量
諸法性界於諸刹土而无所著於一
切身解無體行无所入無所有法等
吾我神足境界而無毀壞諸住際者
而無著財以神通解本无諸族姓子
欲見普賢菩薩者彼無蔽尋聞亦无
尋礼敬無尋心敬无尋意念無尋趣
向无尋覩見無尋修入无尋求索無
尋普賢菩薩志願彼无縛尋時等目
菩薩及諸菩薩衆咸怖樂欲見普賢
菩薩並共叉手向頂作是言曰自歸
諸佛自歸普賢三稱如是於是世尊
告等目曰當察此菩薩大會吾告勅
汝汝當請普賢菩薩都向諸方以其
明目正在身中以求索普賢以諸法
本而定正受解法无欲當以一心向
普賢菩薩當解本無之際身之吾我
使立諸土當分別諸根普使所至永
致普賢作是行者乃見普賢時等目
菩薩及會大眾從世尊聞即以頭面
為礼咸請普賢其請之頌普賢菩薩
興為感動使其大眾咸見普賢於世
尊足左右坐大蓮華上其此衆會一

切菩薩出現其身中於諸國土莫不見者其去來普土諸佛展轉相見諸佛之音暢三世慧

尔時等目及菩薩衆見是變化咸悅歡喜率礼普賢尔時以佛威神亦普賢菩薩宿德所致天雨衆華紛紛而降諸天瓔珞筵篋樂器相和而鳴天雨澤香遍諸佛界於虛空中有天鷲音諸三惡趣一時休息无量天脫菩薩之衆登時悉解普賢菩薩諸德之行尔時等目而白佛言此普賢菩薩之德為無有量不可限行為无稱限之行為無斷行為无轉行普流之行為無所不周至為无迴還之行分別諸法行明無分別隨一切方便之行等過口行世尊告曰如是等目如尔之言普賢菩薩以淨无数衆生無極清淨无量功德與無數福修无数相德備無限行无等倫名流無外无得之行普益三世有佛名譽普而流著普賢菩薩行續若斯等目菩薩說行定品第二

尔時佛告普賢菩薩當為發遣等目

菩薩所欲并諸菩薩暢諸菩薩場當
說菩薩摩訶薩十定方便普賢菩薩
本行功德咸修當行何等十一曰得
初始大德之明菩薩摩訶薩方便之
善二名悅向大定之行得菩薩摩訶
薩方便之行三名明度諸刹之清淨
四名修內性之清淨五名過去截之
清淨六名照明慧藏七名諸佛慧音
清淨之聲徹諸佛土八名分別一切
衆生身行法界而得自在九名得无
著曠蕩之行十名得致菩薩摩訶薩
大行方便此為菩薩摩訶薩十大定
此為去來現在諸佛所說已說今說
當說其諸菩薩能行十定心入是者
此名為覺此名為正覺此謂如來為
持十力此名為導師名為大師名為
普智名為顯現名無盡行名无限行
名取法導其得是三昧為普現諸佛
國於諸國土遊樂自在彼則督住衆
生之界為達衆生所入為致無疑之
藏為入法界要行為覺明无量法界
為達去來現在諸如來行為見諸如
來法為述解達諸言說利偶為得音

聲字句之行為具足菩薩清淨之行
為得住菩薩諸願之行彼於三世明
一時行了一切無二之行能說諸佛
法以方便行轉諸法輪而不迴還志
覺去來現在諸佛之要行以一佛之
覺寤說諸佛之要此則諸菩薩法要
彼覺此慧明了普智无勝踰者為具
足普賢之行為明利菩薩諸定慧行
得諸捻持分別三世得觀去來現在
諸佛成立一切於普智之慧此則菩
薩諸土清淨此則得觀諸佛行處菩
薩得是法要者於菩薩法界而有強
力以此十定暢無邊德德如虚空為
无限之邊際明照无量為世法王普
於衆生得無量慧廣分十力明暢閑
居修靜之心普入於寂靜之行以大
慈如師子為慧丈夫為顯法炬諸德
之名而无斷盡普世聲聞緣覺而無
思議通達法界已住法積曉種種說
權方便行明達一切諸音聲說得持
无像解像方便得淨所生則淨佛種
分別法等則與慧等曉解法施入常
方便暢有順實普化慧道明淨内性

能普受衆行興諸道場慧寤覺道於
菩薩衆而無限盡普能示現諸大變
化明普智行覺寤方便此謂普賢之
說是為菩薩十定廣普之行分別之
說此謂菩薩之要行

於是等目菩薩從佛聞知當應請其
彼菩薩咸樂等目菩薩所與告諸菩
薩衆是族姓子等有十正受為應菩
薩無餘之法何謂十興於佛法以順
慧行化度衆生順入慧行明諸國土
了聲慧行惟法界慧受菩薩方便慧
行入不退轉菩薩之慧為諸衆生觀
法慧便制持心力方便之慧廣入菩
薩心行之慧諸佛普智法興願之慧
是族姓子此謂菩薩摩訶薩十無餘
蕩盡之法

又族姓子復有菩薩摩訶薩十法興
無量心慧何謂十謂為明解衆生境
界度諸興起自了心起謂過諸佛興
無數心奉諸佛德興心衆養謂覩佛
而有無量目所見者興無量心謂遇
諸佛所入音聲而受度之顯無數心
謂諸佛之限分別遇其方便之慧是

謂賢聖興無數心謂如來道入元老
之力為興無數心謂普智力當行微
妙興致佛法以善分布興无量心曠
蕩之行謂佛境界而無有量普入之
行為興無數明心之行謂佛辯才內
性所願皆獲而致求諸佛法興無數
心謂如來會場普而入現諸身處興
元數心是族姓子菩薩大士興十無
數心

又族姓子菩薩大士復有十德入定
智慧何謂為十一者在東正受忽南
起寤二者處南正受在東覺寤三者
東北正受西南而寤四者西南正定
東北為寤五者在南慧定忽北現寤
六者於北現定出南而覺七者西北
入定東南現寤八者東南而定西北
興寤九者居下正受忽上方寤十者
上方正受下方且寤是族姓子菩薩
大士入十定意分別之慧又族姓子
菩薩大士有十大定方便之慧何謂
為十是族姓子菩薩大士現三千大
千之土在一蓮華之上自見已身在
其華上結加趺坐於三千大千而現

其身於三千大千而現其明於一

方而立其身以一一之身入三千大

千之土於諸剎土一一四天下現億

百千菩薩於一菩薩行現億億順

度之化於一一所化復現億億分別

具滿諸根於一分別諸根而得具

滿億千菩薩皆是不退轉法者不為

一身亦不多身亦不入正受亦不覺

寤辟如族姓子阿須輪三其本身長

七百由延神力現身六十八百千由

延立于大海出現半身頭與須弥山

為齊所現化身六十八百千由延於

其本體不有毀滅如本王體四大之

身亦无疑惑又於大體想若他身於

本身者不想終沒以所王身憤然一

常以化為樂化為曠力以尊能化所

現不疑亦復無惑彼阿須倫懷有貪

婬瞋恚愚癡垢毒諸穢興邪貢高慶

于大海止有宮殿由能興立化身如

是況其菩薩大士之等曉了幻化諸

法要者明解觀世皆如夢耳知諸佛

興明達普世悉了了之亦如化矣解

諸音聲皆如響耳觀於諸法而順度

之又如法身本之清淨曉人諸法亦復如是明了身心曠無所有解元數身所入之處皆發為佛行道清淨其得住于斯大定者豈應有疑況當感哉何得聞耶其行如是致大定場觀世現身身入普世如彼水神立于本位因所受體變化大身譬如族姓子比丘觀身內外不淨亦觀色識悉皆如之精勤修行菩薩大士亦復如是以觀法身而建顯行其所入者彼悉觀世亦見世法於其世法淨元所著此則菩薩感動境界由斯大士得正定故是族姓子菩薩大士入于普世世所不動也

等目菩薩神變品第三

又族姓子菩薩大士現三千大千土其數如塵一一塵土入而現身于一身現明普照於一一明現衆色像復一一相現有宣暢二宣暢現化衆生而於彼此菩薩悉知諸土所有解土欲著明土清淨曉入諸土知土所處了土住止明曉諸土知諸土行如其菩薩入土如之如其土菩薩入

如之不以想土而現所生不以法本有所毀土

譬如族姓子曰欲出時日光先照於七寶山其七寶山繞須弥山者明復次徹七山之間日炎轉燿山之金精其明展轉相晃昱昱夫日行照從次悉明日之宮殿普遍明曷又日宮殿弗有其限亦無所尋不念所照亦无所照又其日光不著于山亦不離山其日明者不在虛空不離虛空如是族姓子菩薩大士以此之明人普等住於大定者斯須一時一日一夜半月一月一歲百歲及劫興衰有著无著廣狹麤細喜有佛世及菩薩衆有過佛時一切所止佛土清淨諸所住處種種類行普無數衆生死无量不可思議有去來見無去來見及種種寶至无量寶種種罪種罪復報應清淨人彼國土處普念諸土諸所有土極于衆刹人是菩薩盡悉現之都入了現遊之教之如是族姓子菩薩大士以住此定於諸土不想所止於諸法不離法本亦不入土亦無所想人彼

菩薩不想剎外不想有土不想无土
不壞土想亦无所毀又彼菩薩於諸
法不一想不非想亦不求法亦不毀
法法界本無皆悉了之

等目菩薩幻事品第四

譬如族姓子幻名帝父帝界所行其
有善學行此幻者明曉術已於四幻
道現此帝父大幻之事普衆咸住共
觀視之諸天都聚在一處現一日
七日半月一月一歲百歲復現城墀
縣邑聚落復現江湖樹海河流諸水
現雲興雨作此大變現嚴諸土不以
所現與歲月諍毀所現幻化興天歡
樂而於幻體亦无所損諸天見之亦
無疑恠是菩薩大士之等以此大定
而為正受於一剎土現無數土有其
諸大地水火風如海寶山及須弥山
鐵圍山大鐵圍山盡人境界城墀縣
邑及諸聚落像天宮殿諸龍宮室衆
神所處香神所居水神所遊癭神所
之伎神所樂恬神所安又像極世諸
所宮殿及欲色界至无色界又小千
土中千土三千大千土有罪無福一

切衆類轉身生死明達盡之於彼等
念入以明慧審見無見於諸刹土不有
疲勞棄此刹勞不有斯勞棄諸土行
元土無行所以者何伏入法故又彼
菩薩於諸法入无著法於諸法界不
想有念空無所行於諸刹土不想空
行於諸受身亦无壽行因緣諸法如審
諦見亦無命行於諸起滅化轉以法
於化无化菩薩以法具願入故菩薩
行寂諸法靜故菩薩行化不想化故
普度衆生等如來法之清淨故菩薩
法界行無思議法无取故菩薩行悲
普悲善權化衆生故菩薩如是處于
一刹明無數刹所住行處了無數類
衆生身行現于无数菩薩修立念于
無數佛之興顯受諸如來平等正覺
法要之說於彼自修菩薩行於此寂
沒而彼等現於彼寂沒忽此等現行
不毀吾入于法界明入寂靜憶念于
慧以益於冥如彼幻師住于此地而
現幻化不以現幻有損於地所現幻
事依因於地幻不念晝夜不壞時節
菩薩如是以無刹界而入于土以无

國土明了於國又以國土而曉無國

以无色處現住于色不以一而毀於

二亦不以二而毀於一譬如幻名解

普土法入于法幻明入慧幻已入慧

幻曉入行幻已入行幻而興慧幻而

以慧幻了別諸行如彼幻士不於地

外而現其幻亦不在衆觀人之外菩

薩如是不以虛空入諸國土不以土

外而入虛空所以者何土入虛空而

無毀故能入國土則入虛空是彼菩

薩普嚴莊校以土境界入文諸行等

見无見致以無壞修明解了行而觀

之一彈拍頃遍无数土悉了諸所生

於劫過劫所可行者以一時間於無

量劫復過是數過所興積不有惟想

此之過劫一彈拍頃廣所現作不以

意念樂慧幻故是菩薩學明度无極

以過慧幻達入世幻明越法幻與世

幻無諍普遍慧行幻極三世而過无

數幻過通慧入于心幻過億無限過

諸佛幻普度无極菩薩如是解入諸

土都土都悉曉了永无所著都亦無

念如彼幻士因帝網幻普現諸幻不

處于幻亦無所惑菩薩如是得入諸法度無極者不念入法入法不惑是菩薩名廣普大定

等目菩薩經菩薩樂定品第五

又復諸族姓子等目菩薩摩訶薩東方去此過無數佛刹於彼有土名最上度無極於彼有定正受号无上度無極如其所過本土乃得最上之土其土或有土而正受或早時或中時或復晡時或西時或晚時或念之頃或斯須之頃或時節之頃或五夜間或十五日間或一月間或復一歲間或百歲間或千歲間或千万歲時或億万歲時或億百千万歲時或億那術百千万歲時或一切時或百劫時或千劫時或百千劫或億千那術劫時或無數劫時或无量劫時或無邊幅劫或復無限劫或无盡劫時或無思議劫時或无限如虚空劫時或有無限念劫時或有无限量而過量劫時而彼菩薩不以法之時故有住而有欲想亦不以時節之住而有欲想又彼菩薩不以種種之時而起疲勞想

亦不於中而起想亦无二行亦無吾
作亦不有念亦不無念亦无想念亦
不念坐定亦不有起想以一切諸法無
限量故譬如日天子與諸天而有所
照道日者行之諸天亦无行止日亦
不夜出亦不念晝日日已没乃知耳
亦非彼天所知也亦不壞敗於夜菩
薩摩訶薩亦如是以通此定於無數
國土而定正受亦無時節之念亦无
其念想是謂族姓子菩薩摩訶薩所
名土取上度無極之定為无上無比
摧慧之行也

等目菩薩大摧慧定品第六

又族姓子菩薩摩訶薩於一切衆生
之身佛身而等解之彼以此多觀如
來於无數國土如塵數於諸如來一
切而供養一切衆花一切極世衆寶
以供養一切衆寶供養散其上一切
衆飭供養種種經行之處供養以無
央數一切摩尼寶起塔精舍而供養
所可供養過天之所作所為供養皆
佛之威神一切佛土清淨種種供養
皆佛所念佐接而以此供養佛亦以

供養諸佛禮足彼諸如來以盡身之
 化而揪以其恭肅而問諸佛法願說
 諸佛平等法敷演諸佛大法入諸佛
 要行行於大悲入於無限順行等力
 思諸佛入諸衆生要明入本積亦不
 知佛之興亦不覺諸如來滅辟心之
 興念亦不知所由起亦不知其所歸
 菩薩亦不覺如來起亦不覺如來滅
 辟如於晝日時野馬之河亦不由陰
 有亦不出於彼泉亦不處於地亦不
 從東嶠來亦不有亦不無亦不善亦
 不不善亦不清亦不濁亦不可飲亦
 不可汙亦不有亦不無亦不味亦不
 可味有形如水之像緣此而興念如
 野馬之河便有河想之念此去想念
 而遠於近而無所毀野馬之河亦不
 可處菩薩亦如是於諸如來不興亦
 不識如來興亦不識如來滅以相想
 諸佛有耳以无相而無想是諸族姓
 子諸菩薩大士名曰清淨之定以此
 定正受而覺寤而不失其定譬如明
 了人寢寐於夢中所行知皆無因緣
 悟以皆識知之菩薩大士亦如是見

諸佛而忘其識持諸佛法知諸如來
衆坐之場勝致諸佛土清淨解了誼
理明了分別諸法之要廣顯諸法之
因緣顯益佛種行淨諸佛威神廣演
諸佛辯才是族姓子諸菩薩大士大
定之權慧也

等目菩薩無量如品第七

又族姓子菩薩大士行念過去諸佛
如來興度無極至劫過劫過諸土盡
无極明知諸土盡劫過劫當明知諸
佛之興盡劫過劫明了諸佛興敷說
經度無極法從劫過劫說法度无極
明知意行度無極明諸情度无極於
情度無極知行種種乃明了種種如
來壽命彼此皆知於諸壽命過歲億
那術彼此皆知彼以此慧而行知無
量如來賢行本无無量賢明知過去
諸土本无無量明知過去諸劫本无
無量如過去明知如法本无無量如
知過去心本无無量如知過去脫本
无無量如知過去衆生行本无無量
如知過去所說本无無量如知過去
起本无無量如以其定正受名曰過

莊嚴藏以發一心能過百千劫本無
无量以其心過億百千那由他劫復過
無數劫復無思議劫復過無稱限劫
復無邊劫復無量劫復過阿僧祇劫
復過不可思議劫復過無量劫無量
復過無量劫其因緣而無有滅過去
無所因定正受而立其十法為彼定
復有悟亦立其十法於諸如來得入
不思議亦清淨而起亦無住修立得
之智致之受滿奉持求平等入三場
何謂十一者解了本癡之行二者辯
解無盡法三者分別無毀無諍四者
分別無住五者辯才無動六者已所
說而至誠七者為一切依住八者
悅向三界九者為諸德本之上十者
於諸法而無輕慢此族姓子是為十
無限定之行其是十定而悟譬如族
姓子身在胞胎當應生者神識已入
其此時間菩薩亦如是從定悟以此
十而流注於法其時得是族姓子莊
薩大士得過去清淨也

等目菩薩經卷上

辛丑歲高麗國大藏都監奉

勅雕造

佛說等目菩薩經卷中

我

西晉月氏國三藏竺法護譯

摧慧清淨品第八

又復族姓子菩薩大士以一一國淨
故便入一一土乃已修一一土而現
於一一土順持一一土則住一一佛
國土便明一一佛國土已曉了一一
土便遊轉一一土則了知一一土清
淨於彼諸土於諸當來為人之上於
諸土在諸劫數而有所說於諸劫明
了諸像於諸劫而悉分別之於諸劫
而順導之於諸劫而念平等於諸劫
莫不興發於諸劫而行無量於諸劫
香有普美於諸劫而有傷慙於諸劫
无有過去諸佛世尊當來所說或無
所說有所授決无所授決衆異名号
無數名号无量名号無限名号无边
名号阿僧祇名号無思議名号无際
名号無望名号其當興起愍度衆生
現為法王修行為導故而當普說三
十七品廣嘆諸功德行當廣演說明
顯之行又當清淨其意性行修立當

成衆德之行當廣宣布要上之行又當建立普智之議亦當過度諸如來行亦當修成具足諸願又亦行過具足之慧曉了明盡成德之善又過於寂上莊嚴明曉之行立上眷屬亦復曉了具足於法又復修曉罪福之應又復修觀成相具足曉了解知具足之善曉了解達平等之德亦曉了諸佛世尊意亦知其種姓解其摧行亦知方便知其變化及所趣向亦知成佛知度人物知度無數衆生知諸如來般涅槃知諸佛時節而其發心須明了劫事復過百劫千劫百千劫億劫又過閻浮提如塵數劫復過四天下如塵數劫過千天下如塵數劫過大千如塵數劫過三千大千剎土如塵數劫過如諸佛國塵數之劫復過如千佛國如塵數劫復過如百千佛國塵數之劫復過億那由佛國如塵數之劫復過無數佛國如塵數之劫復過不可計劫復過無量如塵數之劫復過無邊際如塵數之劫復過無阿僧祇塵數之

劫復過元思議塵數之劫復過無我
限塵數之劫復過無限樂塵數之劫
復過樂無樂塵數之劫菩薩以住慧
明藏三昧受持一一國土之說如是
亦入一一國土種姓如一一國土於
无限樂塵數之國亦尔明知當來無
限國土菩薩以慧定而普入意所向
念有十依住處何謂十一者謂思樂
佛土如塵數如來所建立其菩薩為
佛威神所立二者菩薩為法所住立
於世明達十捻持已得十捻持究竟
无盡辯才三者菩薩依行為行所立
究竟寂願而行具足四者菩薩依德
力而得立而無能過勝者五者菩薩
依慧而立於佛法行无尋故六者菩
薩依大悲立轉於法輪以無迴還故
七者依彼衆行而立於衆文字諸法
之行善修立故八者菩薩依諸所生
最上法立開甘露門開諸惡之門故九
者菩薩依慧力立行菩薩行而無斷
故十者其菩薩依等力立具足於施
力度无数衆使行清淨菩薩所依無
數力故明了无限數劫菩薩得依法

力以諸法本清淨故諸所生無數故此謂菩薩摩訶薩第六寂大慧定之行

其菩薩住是得致曉了無限數劫行明了分別無限數劫權便之行曉了無限數衆生所行權行之相於無限數罪福之行分別已達而得權行復於無限數所行精進現入衆生於行無行之權便於行无行於善惡有無限數之權行於行无行諸法解達權行於行無行於諸時佛興如其像如其說如其起盡諸佛行解了諸佛種姓權行於行无行解說無量慧門迴轉權行於行无行普智感動无數變化如時示現之權行譬如族姓子日天出時有目之人展轉見諸郡國縣邑聚落亦知高下山川峻峪知諸樹木種稊知諸好醜亦知淨不淨世之所有亦知之明目解達有了意當觀族姓子日光之无異而其明照現有目者因其光普見衆色如是族姓子其菩薩已達無異之定明了一切有行无行億百千那術知其種稊明之

識之以其明了以十無惑充滿十方一切衆生何謂十一者現於衆生不惑德本二者无惑化度於衆生三者無惑處度衆生四者无惑於衆生所興行如應如言究竟諸議五者所行無惑於諸國土而清淨六者諸所入无惑於諸佛土所行無行於行无行决衆生狐疑七者無惑所誓願如所請衆生濟度於行而具足諸願八者无惑摧行之法無限尋清淨慧門九者无惑法說能普法雨同制諸情於行無行於普智行使立佛道十者无惑慧之重任無限清淨慧門之行无惑出現無冥而明照普世菩薩已住十无惑行法已住是定其菩薩尋從定起為諸天帝所礼為諸龍帝所敬而雨美香為諸神帝所見礼奉為諸諒帝所見宗敬為諸鳳凰帝神所見歸向為諸梵帝稽請為諸樂神帝所見嘆美為恬神帝所見讚嘆為諸看神帝所見追尋為諸人帝所見供養是族姓子諸菩薩以慧明藏定名為第六興顯大慧方便行也

等目菩薩顯品第九

又復族姓子菩薩大士有定名諸佛
明顯國土清淨云何族姓子諸菩薩
諸佛明顯國土清淨定而正受乎於
是菩薩入於東方世界從一國土至
一國土於西南北方及四隅上下方
亦從一國土至一國土於彼諸土普
現興佛事於諸如來前現佛感動現
佛娛樂現佛顯尊現佛境界現佛自
在現佛師子吼現佛諸行現佛莊嚴
現佛神足現諸佛衆會現衆會清淨
現衆平等現衆如一現衆衆大現衆
所依現衆止處現衆教化現衆如應
現衆雄大現閻浮提衆等會四域亦
如是千國土亦如是於二千國土亦
如是於三千大千國土亦如是具於
億那由百千國土具現衆會之場於
無央數國土現具衆會之場如百千
佛土塵數之國現衆會場舉要言之
乃至無數無量佛土塵數諸國普現
衆會之場於彼衆會之場現諸佛種
種所見現諸佛種種身相現諸佛種
種之時現諸佛種種之處現諸佛種

種變化現諸佛種種之感動現諸佛
種種莊嚴現諸佛種種威儀現諸佛
種種色像現諸佛種種事菩薩於彼
在在衆會自見而普同現亦自見於
彼而普說經亦自見普持諸法亦自
知有諸法之權亦自知解諸義理
亦自知解達虛空亦自知明了法身
亦自知而無恐怯亦自知不處於有
常亦自知不處有想念亦自知而元
勞想亦自知曉了諸慧亦自知曉諸
義亦自知念諸行地亦自知等念偶
義亦自知復無所念亦自知專念諸
佛亦自知等念諸力亦自知等念諸
情亦自知等念空行亦自知等了閑
靜以知如是不念于土不念有人亦
不念佛義亦不造法亦不壞身亦不
壞身行亦不意念亦不入心行亦不
念壽命亦不念我人處所譬如以法
知法亦不興有無菩薩行亦无念亦
不念遊諸土彼能現佛無數色像具
滿諸行能行等清淨得致其處能具
暢現佛之色相亦現佛所有光明所
現平等而過清淨以外致之而暢現

之能具現如佛像色具現如佛光明
亦現如佛意像亦現佛身無極相好
亦現佛寂威神之明亦現佛寂身相
之好亦現佛身金剛之色亦現佛身
清淨色像亦現佛身无量色像亦現
佛身大清摩尼寶色像亦現如來身
如七刃亦現如來身如八刃亦現如
來身如九刃亦現如來身如十刃亦
現如來身如二十刃亦現如來身如
三十刃亦現如來身如四十刃亦現
如來身如五十刃亦現如來身如六
十刃亦現如來身如七十刃亦現如
來身如八十刃亦現如來身如九十
刃亦現如來身如百刃亦現如來身
如十里亦現如來身如半喻旬亦現
如來身如一喻旬亦現如來身如十
喻旬亦現如來身如百喻旬亦現如
來身如千喻旬亦現如來身如一閻
浮利亦現如來身如四天下亦現如
來身如千天下亦現如來身如三千
大千天下或復現如來身如百佛剎
或復現如來身如千佛剎或復現如
來身如百千佛剎或復現如來身如

億那術佛刹或復現如來身如无量
佛刹或復現如來身如無限佛刹或
復現如來身如阿僧祇佛刹或復現
如來身如无边佛刹或復現如來身
如無際佛刹或復現如來身如无思
議佛刹或復現如來身如無稱佛刹
或復現如來身如過意思佛刹或復
現如來身如无处所佛刹或復現如
來身如無可思議佛刹或復現如來
身如无望過望佛刹如是菩薩現彼
如來身如此無數色无数相現美無
數現无数光無數網明現无数法本
無現无数法本無吾我現諸法本慧
所從起現无盡之身現無行之清淨
如是菩薩現彼諸如來於諸如來身
亦无增亦無減

譬如虚空而无疲厭亦無大小於无
數土諸土窈冥處不以冥大其如來
身亦如是以其弘大示無小大譬如
月像照於閻浮提亦无大小其月像
住明無往來其菩薩亦如是得致現
如佛住是定亦不妄壞如來色像所
現諸佛亦如夢耳於此无所見而有

見而現諸佛如來音聲所現諸佛如來音聲於法空無所有耳而皆受法宣傳此悉在元惑之法辟如衆生死所歸向而心由走菩薩亦是於是三昧而住莊嚴諸土以佛慧度脫而清淨菩薩以十速疾而應普等何謂十疾滿具足諸願行故疾明諸土照以佛法疾度衆生法輪摧慧故疾淨諸土隨一切行應故疾成於慧十力等故疾成平等以諸如來故疾欲降魔以大慈力故疾欲悅衆生當斷狐疑故疾現感動隨應所度故疾向法門種種音聲淨諸土故

菩薩有十印以諸法而印彼菩薩何謂十彼菩薩與過去當來今現在諸佛而行一德本彼菩薩合為一身以法身無踰者彼菩薩以一行如來无二故彼菩薩為無數場從无二生故彼菩薩為無限行與法身等故彼菩薩為无罣碍於世得十力故彼菩薩行空淨法无二行故彼菩薩無漏為世極度故彼菩薩意元内普智摧慧故彼菩薩為有護以諸佛故是族姓

子菩薩大士有大慧定名曰諸佛音
聲普照國土彼菩薩行此定正受無
能為師者入諸佛法為无疑惑故為
極世慧丈夫為清淨故心本淨明為
寂尊大故為極世唱導以自敬重故
興寂猛健立當來諸佛普智本種故
修慧成信言无二故過去慧無罣碍
成法藏故以諸佛法為興法雨如應
衆生行故

譬如族姓子釋提桓因摩尼釋天王
所處寂尊其摩尼威明天帝釋以此
為威神其有得此摩尼寶威尊寂大
釋天王以十事於忉利而致尊何謂
十以天寂色而踰於諸天子以天寂
像以天相現天寂眷屬以天極欲以
天寂樂以天服信以天寂自在以天
上意以天大智慧其摩尼寶德這得
之者而致天之上尊菩薩亦是這
得定正受便得廣大無極十慧何謂
十謂於佛剎得无罣碍慧謂於諸衆
生本得起慧行謂依三世得如應慧
謂於諸佛身得所依慧謂諸佛法而
得慧行謂一切法而得一法慧行謂

一切極世得入法身慧謂一切法本
得平等慧行謂一切自在得所依慧
謂一切法得致悅慧方得此定以諸
佛音聲於世界而清涵

菩薩復有十事而得身威清淨何謂
十謂以無得之得无限之行不處於
土謂以無望之望以種色像於諸國
土而住清淨謂以无怖之怖而放光
場為住度衆生謂以無想之想而住
其身以行興諸佛謂以无求之求而
雨無數華香以供養諸佛謂以无念
之念而設種種音樂之供養諸佛以
度衆生謂以無著之著清淨衆事衆
飭无数以供養諸佛應如所度而度
衆生謂以無行之行而現種種色相
得身清淨現以无惑使衆生知之謂
以無所有之有而放種種清妙音聲
使衆明知種種異語菩薩亦如是得
是十分清淨彼菩薩亦具滿處何謂
十處衆生導見佛事謂住衆生得信
向諸佛謂安衆生以佛法音聲謂度衆
生得生於有佛土謂安濟衆生使信
諸佛謂導利衆生聞諸佛法音謂度

濟衆生現佛感動謂寧衆生念如其
行應而具滿一心謂安順衆生莊嚴
諸佛謂利安衆生以發菩薩心故謂
永安衆生具滿佛慧故以此族姓子
彼菩薩以此十事具安利衆生

其菩薩如是以滿十度安衆生已普
為衆生行佛十事何謂十一者謂彼
菩薩以音聲為衆而作佛事以度諸
會故二者謂見彼菩薩而興佛事以
順導衆生故三者謂彼菩薩方動之
頃行佛事用心清淨故四者謂彼菩
薩振動諸土而行佛事齊轉三惡道
故五者謂彼菩薩方所現生而行佛
事正悅衆生意故六者謂彼菩薩諸
所行宜而作佛事導利衆生使意無
惑故七者謂彼菩薩方昇光明而行
佛事秉持度無數衆生故八者謂彼
菩薩現修衆德而行佛事勸立衆生
無數諸德故九者謂彼菩薩至成平
等覺而行佛事使諸衆生解一切法
如幻故十者謂彼菩薩轉其法輪而
行佛事為普世說法興賢聖寶久住
故是族姓子彼菩薩大士行佛十事

以度無數人濟無數衆生成滿無量願安立一切衆意行永立佛事也等目菩薩經外身現化品第十

又復族姓子菩薩大士有定正受名身无毀使其菩薩得住此意而身無毀得滿十无望何謂十一者謂於諸土而无望二者普於諸方而无望三者於諸想念而无望四者於諸衆生而无望五者於諸法而无望六者於諸菩薩行亦無望七者於諸菩薩所願亦无望八者於諸定而無望九者於諸像而无望十者於諸行地而亦無望是為十菩薩得致十无望便得住一切身無毀行之定云何菩薩得致衆生身无毀定是族姓子菩薩於内身而正受於外身而覺悟於外身而正受於内身而覺悟以一身而正受以多身而覺悟以多身而正受以一身而覺悟以人身而正受以鬼神身而覺悟以鬼神身而正受以龍身而覺悟以龍身而正受以質諒神身而覺悟以質諒神身而正受以天身而覺悟或以天身而正受以梵身而覺

悟或以梵身而正受於欲界而覺悟
或於欲界而正受於色界而覺悟或
於色界而正受於無色界而覺悟或
於无色界而正受現於地獄而覺悟
或於地獄而正受現於餓鬼而覺悟
或於餓鬼而正受現畜生而覺悟或
於靜而正受於衆普而覺悟或於千
身而正受於無身而覺悟或於有身
而正受於無數身而覺悟或於無數
億都術身而正受現於空身而覺悟
或於閻浮利而正受於瞿耶匿而覺
悟或於瞿耶匿而正受於鬱單越而
覺悟或於鬱單越而正受於弗于逮
而覺悟或於弗于逮而正受於三天
下而覺悟或於三天下而正受普於
四天下而覺悟或於四天下而正受
普於三處衆生而覺悟普於海之境
界而正受亦盡於海之境界與衆生
而覺悟或於須弥山上而正受亦復
於山下而覺悟或於須弥山下而正
受亦復於山上而覺悟或於七寶山
間而正受亦復於山上而覺悟或於
種種類而正受亦復於種種雜類而

覺悟或於清淨種種華香衆寶

之間而正受亦復現於清淨種種香
華衆寶之間而覺悟盡於四天下之
境界與諸衆生隨其心意而正受復
現於四天下之境界與諸衆生隨其
心意而覺悟於千國土盡其境界而
正受亦復現於千國土而覺悟於三
千大千國土盡其境界而正受亦復
現於三千大千國土而覺悟於億那
術百千剎土中而正受亦復現於億
那術百千剎土而覺悟於無數剎土
而正受亦復現於無數剎土而覺悟
於阿僧祇剎土而正受亦復現於阿
僧祇剎土而覺悟於无量之量無限
之佛剎土而正受取要言之如是等
剎土普於其中而現覺悟從一天下
如塵數至四天下復千天下復至三
千大千天下復至億那術剎土復至
阿僧祇剎土乃至無限無數復過無
限無數之剎土如是之數普於其中
而正受亦於其中而覺悟於一塵中
而正受復現於如此上剎土塵中而
覺悟從如此上剎土塵而正受復現

一塵而覺悟於一聲聞中而正受復現無數聲聞而覺悟於一辟支佛中而正受復現無數辟支佛而覺悟於已身中而正受復現於無數佛身中而正受復現於已身中而覺悟於一心念之頃而正受現於億劫而覺悟於億劫之中而正受現如心起念頃而覺悟或時覺悟或時正受或同時正受而覺悟或於本積而正受現於末積而覺悟或於末積而正受現於本積而覺悟或於現積而正受復於現積而覺悟於本積而正受於三世而覺悟於時積而覺悟於時積而正受於三世而正受於本无而覺悟或於本無見正受復於本无而忽覺辟如族姓子有自在鬼神所見娑時已為鬼神所得神耳便為隨之於他身也已身不復得自在菩薩亦如是得是定或內正受外而覺悟於外正受內而覺悟辟如死人其尸為他神所役而其事為他所追逐其所迴轉皆化耳其役

之者是他神力如是族姓子以得此
定而是菩薩而興正受以分別而正
受復以分別而悟以平等分別而正
受以平等分別而悟譬如心自在魔
變化自由或化為一或復為多或化
為多或復為一不以一身而終亡而
現其多亦不以多身而終亡而化現
一身於時其一身亦不有一身不以
知一而現多不以現多而知一若一
若多從一而興耳菩薩亦如是於一
身而正受多身而覺悟或多身而正
受以一身而覺悟譬如一類之地地
而一味於其一地而諸聚落縣邑所
種各異味味不同地亦不想是味亦
無種種識菩薩亦如是得此定意以
一而正受而多覺悟於多正受而一
覺悟是族姓子菩薩大士名曰分別
一切諸身第八菩薩之定其菩薩得
所住宅處致十名譽法名譽常流何
謂十一者為如來所稱嘆二者得如
來平等威三者謂為佛明曉諸法而
無罣尋四者謂為寂尊用諸極世所
供養故五者謂為普知用明曉一切

諸法故六者謂為導師師用一切極世
所依憑故七者謂為唱導導用曉了明
入諸法故八者謂無上師衆生法本
普智无故九者謂為興明用順慧一
切極世施大明故十者謂為十力得
致寂吉諸所作行故分別諸法以其
慧達念具足無著之行謂為普現於
正法輪得自在以此十名譽之法菩
薩以此有寂名聞菩薩復有十明顯
而甚威曜何謂十一者謂諸佛而等
其明二者謂於其極世以法本明說
興造慧曜顯振諸法三者於諸衆生
以明照曜種種明說四者以無數明
進導以法場之明五者以法界之明
興顯振說六者以感動諸法而不壞
其明七者諸法无欲等以其無所作
而不壞明故八者衆生無欲等念世
一切感動无罣碍故九者諸佛所立
而無斷絕善明照故十者諸佛之境
界而度无極諸法本無明極世一切
无所壞故菩薩以此十明而得光曜
也菩薩復有十事於無所著句說覺
而明了何謂十一者善修調柔於身

行二者無處口行三者柔軟心性四者處无所住五者謂情無作六者謂行无所作七者於法無所毀八者慧无所起九者於法無覺十者順彼以慧是謂菩薩大士降魔之定以衆行伏之以一為多正受而悟無行行而於行而行於已尊大與佛等大以小而廣泰以曠蕩而狹小所趣亦无所至所至亦無所趣以无身為身於有身而無身以覺悟而正受以正受而覺悟於見无見於無見而有見是謂十也復有十事而為變化何謂十一者謂一切變化境界是皆定意譬如大神呪言行之通告現種種諸色明建无過者所現喻絕於呪之言而隨足於幻而猛建慧了時節於幻名顯行學知術慧而通達菩薩亦如是以平等正受現以无等而覺悟以無等而正受以平等而覺悟譬如天與阿湏倫共闢天而得勝阿湏倫而不如質諒帝以七百喻旬之身與四種之兵而自圍繞阿湏倫乃更自化身為百千喻旬初利諸天皆共見之其

衆嚴整又阿須倫學玄明了菩薩大士亦如是志明於慧幻行而慧無盡彼菩薩者乃為菩薩耳彼慧幻菩薩以无毀斷而正受於毀而悟譬如有大呪名曰嫉惑以此呪言取諸種物散種於地便隨得莖枝葉華果實而食之菩薩亦如是得致專一之定能現種種而覺悟譬如男女之會同久久畢致懷妊以成就胞胎而滿十月便生完具菩薩亦如是長養普智之胞胎具足成滿諸願以廣大內性得致慧明而處無毀定普悟於諸趣在諸趣而正受於无毀定而覺悟譬如龍宮殿依因於地亦現於虚空亦不動虚空亦不驚諸龍虚空亦有軋陀羅亦有諸龍其虚空而無增减或欲晴蔭於虚空而无動而其宮殿續依於地或依虚空菩薩亦如是以得是如幻定於有相而正受於無相而覺悟於无相而正受於無相而覺悟譬如梵天之宮号持世清淨藏寂上梵所處之宮或現千天下或現十千天下或現百千天下或現三千大千天下

或現於天龍神龍陀羅阿須倫迦留
羅真陀羅摩休勒諸人鬼神宮及世
人間或現須弥及七寶山閼鐵圍山
寶黑山雪山及四天下郡國縣邑聚
落君王人間梵所之至無所不遍辟
如明鏡見其面像菩薩如是處於此
定於諸一切慧无不明徹也靡所不
入而悉平等一切普徃慧照明徹彼
菩薩亦如是以此分別一切身定國
土自在之明悉見佛種而化一切諸
種而過法種具滿解脫行種亦以定
種而感動起悟之種而普現以得慧種
以住智種菩薩於十感動而致度无極
何謂十一者謂成佛感動若如虚空三
者盡於法際三者以菩薩感動至於
無毀於毀自在而度无極四者菩薩
之行大願感動五者行入如來行佛
事度無極六者於諸土感動現一切
種種閑居之行七者動搖一切諸土
依於明顯八者感動一切衆生以无
思議行悉了玄事感動以慧九者感
動分別諸定十者以金剛定以玄化
正受覺悟以慧菩薩以此十定之行

具滿諸種也

又復族姓子菩薩能化為佛能住如
佛能化法輪建立應化普現如來之
光明度志大乘於彼而降化於心尊
大神足感動而度無極於菩薩中而
尊大明了菩薩无著慧定以無得之
得億百千以諸法門感動而轉法輪
菩薩無罣尋明知一切行皆曉知无
想念以其明慧一時悉能曉了現感
動三世亦無罣尋以此十事而大感
動諸佛菩薩所行而致度無極是族
姓子菩薩大士分別身行所可依住
而致大德摧定之慧達也

等目菩薩經卷中

辛丑歲高麗國大藏都監奉

勅雕造

等目菩薩經卷下

戎

西晉月支三藏法師護譯

分別身行大慧空品第十一

又復族姓子菩薩大士於已身盡其身等如幻眼之所見隨於法界菩薩之定與亦等於身諸毛孔一一之毛現諸法界而菩薩居之正受彼亦住於幻法耳及所知諸國土亦如彼法俗以知諸法便知億那術無數國土復知无得之得佛剎塵數之國土於彼諸國土等現有佛菩薩圍繞而皆具足淨復清淨皆悉勇猛賢行辯才而大莊嚴無量覺饒如日明曜衆寶嚴好於彼若十劫若百若千若百千若億若億千那術若无数無限无边無際極盡无盡之數至如佛剎塵劫之數行菩薩諸行所依住者而不可盡極菩薩於彼作是定正受而復覺悟於此而正受於彼定而覺悟彼普入諸國土於彼而化衆化衆生界皆使悉入法界而曉了過去諸慧而復現處說於經法明曉無具无量尋眼

所分別於法而自在卓然而過耳所
分別致度無極鼻所分別亦復以權
口所分別悉之明了身所分別亦具
曉解心所分別慧念滿具彼以此慧
作是明了使得十億千摠持何謂十
以法普順諸土得成十億千清淨之
行解了十億千神諸順入普智行得
具滿十億千神通得入十億千定意
益十億千力得具滿十億千誠性得
顯現十億千所依住處得致十億千感
動是為十菩薩復有十體以致成就
億千菩薩有十行處具滿億千菩薩
有十歲以過平等億千菩薩有十行
於億千而顯光曜菩薩有十住以宣億
千之教說菩薩有十願而過億千德善
之行菩薩有十悔過誠立億千修德
之行菩薩有十明顯得致億千清淨
之行菩薩有十向勝致億千以自明
顯菩薩有十說以得億千照明之德
菩薩有十清淨果達億千而致清淨
是謂菩薩大士行具無數身成就無
數德滿无吾我德成致無數行修无

思議德行无稱限德滿無我我行致
无德之獲無盡念无我德行菩薩以
此行而具足諸德得致平等行而自
莊嚴得致顯豫調和柔弱得致奉持
得致供養而為殊增得無喻者得為
勇悍菩薩於是法得自在菩薩依是
定於東方乃十佛刹无數千塵數如
來所建立以一一名字一一名字彼
十佛刹如塵之等無能念限者從彼
一塵分為佛刹无數千如塵數以遍
其中亦無覺知而无增減如一之不
覺而无增減普於諸刹如塵數亦如
是如東之所為南西北隅上下亦如
是其一塵分破之所可著處其數亦
如上其菩薩能建立之普能現其身
是彼菩薩於諸佛刹普能清淨所建
置也以如來身無限故又於光明而
得自在復以无思議故得有感動使
普現耳如來耳之所宣亦復無量如
來鼻之分別亦无限量如來口所分
別而現平等如來身於細滑而順行
之如來心所現而不可限如來正覺
所知念亦无限量宣如來音聲清淨

普顯現如來法輪而無迴還使一切
普知如來聖衆而无限數如來法覺
而亦無限而普順導普現興顯如來
功德之本現入如來之定如來之德
於三世修行而无数如來現興顯諸
法如來所建立宜音聲說是為十現
建立如來之土以佛音聲而普雨諸
法使其音聲普聞諸土廣宣傳佛之
正受亦復普宣諸佛世尊賢聖之衆
建立諸佛无思議法所宣諸法悉如
幻化宣演諸法而無所著悉明顯一
切法場普悉暢現如來衆德之行是
為十一切諸定順導如幻建立心如
幻解无罣碍菩薩於此法界而悉自
在乃為建立菩薩耳彼諸佛世尊於
諸種種心意以二名字而現無數
佛土无数千如塵數諸如來以二
名字如塵之數以一一之塵立置如
十佛刹至九數如塵數佛刹亦無增
減无能知所取著之者是菩薩所建
立也修應無遍數行亦心所建立以
无著行意所建立於諸法而無惑故
念所建立於諸法慧分別故行所建

立諸法所受處故行所建立順奉諸
法故亦覺道所建立修行普宣傳法
故亦建立無數諸情以建神通分別
於法用摧慧故為无起行所建立明
了法界無所著故亦住修入慧行无
限慧清淨故亦住於等正覺普於諸
國土而現感動故菩薩以此而住諸
定故得充十海之門何謂為十一者
謂現充佛海順導諸海故二者以過
法海行了慧海故三者住諸明曜於
情無所著故四者以慧感動用敷音
聲故五者念諸情之海順以摧慧故
六者曉了心海一切無種種之觀而
知无數心故七者滿於行海具足願
故八者具滿一切行願海故少第九十者
成致一切於覺道故是為十菩薩成
滿一切道德之海也菩薩有十事得
致上尊何謂十一者以上尊順導一
切二者求於寂上化導衆生三者求
向上尊則達諸梵行四者致寂上力
求具得之五者求無倫侶於一切極
世六者求无過踰勝魔故七者求以
明暢度一切惡道故八者求無所依

於諸所生九者為尊於諸佛法十者求為自在於諸衆生將有勇健是為菩薩最上十尊法也

菩薩復有十事興起於衆生之界何謂為十一者常志出家欲度衆生故二者無其迴轉進取猛力故三者求依諸佛受行行故四者有无限力進諸法故五者寂定之力於諸法自在故六者心無迴還順導力故七者於義自在本无法力故八者為大智慧宣法無望導力故九者勇猛力法所建立故十者分別力宣布无量慧故是謂十種之力而復致十大勇力何謂十一者最健之力二者无過踰之力三者無量之力四者善修之力五者无動之力六者無起之力七者無怒之力八者慧常之力九者勤建之力十者引慈之力是為十力復有十力何謂十一者修調行力二者慧清淨力三者過清淨法力四者法身之力五者諸法土力六者法明曜力七者法情之力八者無所壞力九者善行修力十者修勤入力是為十大力

復有十力何謂十一者大丈夫力二者正雄勇力三者等正覺所建力四者前世所修德本之力五者無量德本如應之力六者如來之力七者普應入力八者於三世等力九者得菩薩如地行力十者得菩薩信向清淨行力是為十力復有十力何謂十力一者菩薩離轉力二者菩薩順緣之力三者菩薩於性得自在力四者菩薩修於內性清淨力五者菩薩修諸德本從諸行力六者菩薩行法取力七者身无著力八者菩薩以是致成之力九者菩薩入摧慧力十者菩薩諸法本清淨信向之力是為十復有十力何謂十一者住於普世清閑無處力故二者於諸衆无雙力故三者普於一切無等力故四者以諸德行化衆生力故五者在於生死無傾動力故六者度諸生死清淨如蓮華力故七者普現諸導降諸魔力故八者將順魔黨成大乘力故九者化於三界無所處力故十者普勸進十方无量導力故是為十菩薩以此無數之法

成其德化也

又菩薩興起滿衆願行明曜之顯照
之而普應現皆成就之以致引大增
進慧益之而廣清淨是為十順清淨
定彼衆德而無邊際其慧亦无罣碍
其菩薩行亦無限量彼菩薩德乘過
量難稱又其菩薩行處難可斷量其
菩薩所入而不可測度彼菩薩所興
化亦无邊際是菩薩之清淨亦難思
議其菩薩所修亦難可盡又其菩薩
賢聖法亦無能極以无可得亦無念
限其菩薩所得者其菩薩所可因
起其諸菩薩所應現行其諸菩薩所
當得又其菩薩明徹所至處又其菩
薩所可徹見又彼菩薩慧明所過又是
菩薩法行所知見又其菩薩行應所
當得又其菩薩一切法行慧處皆達之
是為十其住於此大定者无數無限无
量无邊際無盡无稱限無思議无我
得之得是為十菩薩以此定正受入
於一一諸行或定或悟而悉曉知諸
定行明達無數諸定亦了具滿諸定
亦曉定之增損又了定諸幻化曉了

定所見行亦知定之由行亦知定之

際處亦明曉定之閑靜亦知定寂寞

亦知定念行譬如無熱龍王池之宮

殿有四大河而流出盈溢清澄无垢

無濁无穢清淨無瑕甘美香潔周迴

四出有四目口所從流出一目名和

二目名拔义三目名施未四目名恒

其和北流拔义南流其施東流恒水

西流一一而迴旋四周亦如是而充

大而以滿之又彼大河繞之七帀此

河之間有青蓮華紅蓮華白蓮華黃

蓮華以天衆寶之光色精明妙淨展

轉而照曜現而鮮潔永无汙穢其間

了了曜而明徹葉葉分異現而明顯

盡者所不啚像軟動之色既照曜音

聲微妙慧善之色啚之難極色力无

數天匂文普行樂諸葉交錯色發姝

妙香美異麗色照曜以無數種種諸

寶所校飭衆色无数如日天出於宮

殿光而徹照彼諸華之鬱曜相照焜

煌能奪日之精光彼諸雜花在河之

流有諸天應在河迴轉浮没乃遊於

種種諸華間而此諸華上下任仰妙

色煒煒照曜寶色的的日光曲照玄
黃乃過日光精如彼衆華之動流河
音聲乃踰天伎樂菩薩大士亦如是
有四辯才而流出以充滿普智之海
如香大河有銀妙色從馬口而出其
底皆有銀沙菩薩亦如是清淨之智
順隨衆行而從口出依順之義一切
諸如來行一切諸義行善施之法諸
法慧明分別了竟無罣碍慧而歸智
海如和之大河金剛之色從師子口
而流出底沙亦金剛色菩薩亦如是
出法之光曜有佛金剛之色而自娛
樂用照曜於普世以金剛之慧而自
娛樂而充无盡之海如彼二大河紫
磨金色明而光曜亦紫磨金色之沙
菩薩亦如是以發遣之辯而從口出
一切衆生攀慕慧身而悅一切普世
以金剛之慧而有所照曜普度一切
常慕順導因緣使歸於智海又若拔
义之大河青而琉璃色從牛口而出
精明流之潔色菩薩亦如是以無盡
明曜辯才而流出以无碍之法億那
術百千威猛從念而雨流進至於法

河轉充於普智之海成致諸佛法藏之海如彼河之目而四面迴旋圍繞歸充大海菩薩亦如是順迴身行順迴意行身口意迴皆以備具亦如彼四川之流而歸於海菩薩亦如是以四莊嚴歸普智海何謂四一者見諸佛而為莊嚴二者見佛分別慧三者以諸佛法之光曜而為莊嚴四者攬諸捻持而無疑惑是為四復有四一者以諸度无極而為莊嚴二者以諸菩薩而為莊嚴行三者以大悲行而為莊嚴四者於諸衆生滿以法輪之行而為莊嚴是為四如彼大河迴旋七帀以其四華青紅黃白而為莊嚴菩薩亦如是以大乘心於其間諸未度者而為說法以興起之其諸定正受億那術百千而分布之普見佛德以於三世於諸佛剎清淨行无垢穢如彼無起而靜定以衆寶樹而圍繞菩薩亦如是以諸剎莊嚴而為圍繞得致正覺而現悅樂如彼水潭定而無動靜然清澄清徹其菩薩亦如是彼菩薩以道德御心靜然清澄清徹

具滿無數諸德之本如彼無熱池以衆寶為岸內外而照徹清淨无垢菩薩亦如是其菩薩心以十寶慧至億那術百千行致取願慧而普得之曉了清淨諸德之本如彼之無迴内外清徹底有紫磨金沙以衆寶而校飭菩薩亦如是得致徹慧以意无念明菩薩境界以諸菩薩德行而自在嚴於諸法而无罣碍一切諸佛行无處所知一切行明了時節如彼居有諸龍菩薩亦如是順導一切恐怖之世亦悉顯明普悉諸等護極世如彼流水從四目出而進流歸諸佛德漸舟津流歸至於海菩薩亦如是以四大慧河流為諸天梵魔界盡世沙門梵志極世人類而普津潤之漸舟歸至佛無上慧海以四種力而自在嚴何謂為四一者謂本願之慧普悉救濟一切極世二者向无斷慧化度一切極世三者具滿諸度無極之慧使依菩薩之行而順清淨四者明持一切衆生之本明達諸念使歸无斷之流得至三世海慧是為四獨除止處

謂以菩薩定慧之行也以無央數諸定為衆寶之莊嚴校觀觀諸佛以無見之慧流歸諸佛之海以大悲之慧行其行亦有大慈順導一切而無迴還興起極也以無數摧慧而歸十力之海如彼四河從無熱之剎出而歸无極之大海菩薩亦如是行上頭之大願具菩薩諸行成得一切无盡大慧衆行亦無盡常見諸佛以為娛樂如彼四大河而无迴還歸至於大海而無毀斷菩薩亦如是菩薩之願而无望尋得修具足普賢菩薩行願之光曜得入普智之行諸法覺道行以無念以无著修如來行如彼四大河無解无止處之劫數流歸於海菩薩亦如是脩入普賢菩薩之行於無數劫修菩薩行而無解倦以成歸諸如來海歸於无想行如彼無迴還之大河以衆寶為明以紫金沙為照以銀沙為晃煜以金沙為曜灼以琉璃沙為過灼灼日光住照而悉奪日之明曜明曜至時焰徹過日諸所造住无所煩燒彼之光曜度之無喻合會衆

寶用所成爲其菩薩亦如是於法身
得自由建立於定於其身一一毛孔
以無限量普出諸佛光明而見諸國
土曉入衆會之場而聞法能悉奉持
曉了如來無數身行明達彼諸佛國
土見如來會場聞其法說以無得之
得消除億那由劫有長想又无短念
於其身毛數亦無減及諸土如來衆
會場於種種人界不處分別所以者
何以入法界故用解无我微妙故亦
不入於毀行無數定修无數行普現
於諸佛所爲無數諸佛所建爲无數
諸佛感動普達所歸普賢菩薩所行
願以清淨菩薩所行如來十力而无
量尋修普賢菩薩之行建立具滿曉
達諸感動而無限尋菩薩如是以一
時心正受而覺悟現已極長不墮所
入行不著一切諸行以離於有无之
間爲一切故現佛土所興耳於法界
不見有土處所亦不住限齊亦不住
於兩際之間而脩入普智之慧樂慕
於慧住無自大曉入諸衆生類於諸
土而清淨皆以具滿諸土之行種種

所想皆悉達知不止生諸想之處而皆悉過於種種色像悉了而无染汙菩薩摧慧所具滿至永清淨悉無想念普建諸行地僻如至虛空以離諸趣於諸趣永无所趣菩薩於國土行亦如是了達諸國土修行度衆生永離一切衆生想曉了一切法界以除一切法想見諸佛而無厭依仰欲觀諸佛解達諸定分別摧行一切諸法本清淨而无所著無盡法句慧无量辯才曉了無句无字得諸音聲行了音聲之清淨逮無得法際現種種色彼順導境界一切法本清淨而究竟以大慈矜濟度一切衆生之界无因無所因一切界本清淨了所住法界而无所起了諸趣而無所住三場而清淨曉達如來行於種種法而无念摧行種種辯說清淨宣法得致法行是族姓子菩薩大士於法界得莊而尊大等目菩薩大摧慧品第十二何謂族姓子諸菩薩大士第十寂德大定摧慧行是族姓子諸菩薩有大定名無盡場其以此定正受者得住

身口意行无盡等住諸佛刹亦無盡
致度衆生行亦无盡住導衆生之慧
而亦无盡放於光明而亦無盡放於
明網亦无盡現出諸化亦無盡得過
轉法輪而亦无盡其身能現菩薩現
佛於諸國土而亦無盡其身悉達諸
佛之力其身志願諸佛之慧顯如佛
之興行於諸刹以佛感動佛聲以普
徹以行佛聖以過佛行其身以過佛
之限量修治佛事佛行自在是為十
寂德之定也又其菩薩住是定者觀
於普智明了普智曉解普智以達普
智分別普智現於普智以辨普智觀
於普智以入普智廣顯普智是為十
又其菩薩亦不願普賢菩薩之行及
其大菩薩心及大菩薩行及其所現
行及所入所現大世及其所趣并所
建立其大菩薩所潤澤其大菩薩亦
無斷是為十復有十行一曰无迴還
亦無長養亦无還反亦無疲勞亦不
念不念我亦不放捨亦无動搖亦不
斷絕不以音聲為菩薩是為十何則
然者如彼菩薩於諸法致大願而具

足於諸行所興大道悉善修學佛法
大海取大等願菩薩之行顯學摧慧
方便之明以善學菩薩幻化善明達
一切音聲而得建立以善建立去來
現在及諸佛一切之世以得大悲之
行以諸行而成佛法之業興佛法而
无罣碍是為十何則然者譬如有人
得如意寶所念無不建立如其像而
光明其摩尼寶與本无異也菩薩亦
如是得建立如意寶於慧无厭反復
明曉普智之慧於普賢菩薩之行而
無解如其摩尼盡自現其色像不毀
摩尼本體菩薩亦如是致成普智之
像然不毀本行之體所以者何以其
菩薩發義為一切故欲度一切故而
發願修諸佛行而無迴還欲淨諸佛
无慳倦許任一切故而無慳退於一
切无数法無我想念无却無慳普現
一切感動於衆生得清淨而无厭倦
利養普世亦無慳退普照明於世已
无勞退入無數諸法幻聞而无迴還
心永無却退是謂十譬如紅黃在所
虚空无所住止處而所持者不起勞

疲亦無損弱亦不得一切意亦无所

處亦無繫縛亦无所見亦不處中亦

不外觀內無所處不壞本淨所以者

何其虛空法本清淨故菩薩亦如是

修行廣大无極之願故不起勞疲為

以興發普度衆生故譬如有滅度者

此為何人而當滅度於三世而无盡

限亦無疲勞亦不恐懼亦无迴還所

以者何諸法無二故而歸滅度者何

則而勞耶也菩薩亦如是為普世衆

生而興於世耳當何以而迴還用度

衆生故譬如為普智故也菩薩行亦

如是道無有疲亦无勞故過去無住

其現在者住佛種種當趣有本所以者

何彼无二法故何緣而有勞於諸法如

幻而無所入故其无殆菩薩如是故

有其身脩入普智彼何由而有懸其

彼菩薩以是其光明普遍至於諸方

明曜至諸國土而无罣碍諸色無數

種種之藏難得之業无極之寶無得

之香无量清淨振動莊嚴大音雷震

而普遍以交露而嚴飾其色甚殊好

以琦妙衆寶以為校嚴以衆寶現嚴

淨又各處立綺欄植其間而有衆色
如來清淨而為光飾以諸德本外致
光曜如來吉祥所接運諸如來所現
建立是為十等住一蓮華无得無限
極於十方十德无厭千之清淨菩薩
所行由生普智之明所可由生持諸
佛法之明除滅普世之火為世所礼
敬明達普現幻法於極世行有喻无
喻是謂十

又菩薩所坐處足其結加趺滿其中
蓮花而無空缺悉遍菩薩所坐之處
是其威神所致為諸佛而建於十无
得佛刹億那術百千如塵之數於一
一之毛放諸光明如一一之毛孔目
亦普然於一一之光明之目現十無
得佛刹億那術百千如塵之數有摩
厘寶名曰明顯藏无數異色種種莊
嚴无数德所合寶網所覆衆華交莊
而為光顯以住最尊之地但以是定
而為其行無餘之行行无厭足心無
放散以一心念作是而行作是无懈
退作是无恙作是修立作是之行作
是究竟行所以者何菩薩終無異行

菩薩亦无他行菩薩言行相應所以

者何譬如金剛歎其無能壞其金剛

體无壞終不失本性菩薩亦如是以

此諸法而為光顯不越斷是法之所

住譬如紫磨金歎其焰光而不毀其

體之精明菩薩亦如是以精明之法

而自明顯不毀修善之行譬如日天

子顯以明場不毀光曜菩薩亦如是

普明極世不毀菩薩曜德譬如須弥

山王以四寶之積美其取高從海而現

出菩薩亦如是美其普顯於世其菩

薩德本以顯於世而不遠離譬如大

地美能普持於世不毀所持之本菩

薩亦如是顯以度衆生不離大悲譬

如大海美有衆寶不毀海水菩薩亦

如是美其諸德之本不離為衆之重

任而度一切譬如便習兵師知刀高

下舉刀之輕重便習悉了其形習

所入戰而無難於所習亦无誤失用

曉了戰慧故菩薩亦如是於諸如此

像修諸定門之度而興顯之以普智

慧而為光曜譬如遮迦越王至於盡

壽命其諸人類而致究竟菩薩亦如

是至於修菩薩之行以是像大定正受至致衆生之界而得究竟之清潔譬如五通自見宿命并見他人菩薩亦如是至於興修普賢菩薩之行而致衆生之界亦清淨以其德本譬如大雲降雨慧澤而以時節普益於衆生菩薩亦如是至於興法雲雨普潤以菩薩之德行以此像大定正受至於一切衆生究竟清淨然致衆敬而永安快而永度無極永然度於普世永然悅於普世永然能斷一切狐疑永然施行福田常求來受明顯受聖永然與菩薩普智和同等分數而建立不退之輪永然致慧言莫不受普為三世衆生而作依憑永然為法而致固義普智興衆生无諍所以者何菩薩修具此諸法為佛所建開法門界無思无量菩薩諸所言行修慧之善為普智故為衆生修善度一切故修土之善以誓願故修法之善建立之故修其無畏无恐怯故修其辯才宣持於法自在故修諸佛座順諸佛故

菩薩如是住於此大定於此諸德及
餘衆多無得復无得衆德億那術百
千而得清淨以此大定之場而顯威
曜承諸威神已之德本興顯以力其
慧之地順入以力於諸善友興顯以
力一切魔事轉之以力於諸等行諸
德之本以其一力於諸誓願固以被
鎧力如其種德本興起之力過無盡
世以衆福以无降身之力彼以此定
正受而行有十等像去來現在一切
諸佛而等像也

何謂十一者謂色相衆好以莊嚴身
彼菩薩而得等像二者又彼菩薩光
明暢網清淨而得等像三者其彼菩
薩神足感動諸所化應隨順衆生所
應度而示現等像四者是菩薩无稱
限身無量色像一切音聲行應清淨
皆而等像五者是彼菩薩建立諸佛
土之清淨德隨彼衆生罪福之行順
之普現等像六者此彼菩薩隨一切
衆生諸所作行以德力攝持以無惑
意被服德鎧而現等像七者又彼菩
薩以无盡辯才隨諸衆生語言音聲

所知色行順轉法輪而現等像八者
又彼菩薩無斷无畏極師子吼為一
切衆生說法以梵音聲普悉等像九
者又彼菩薩所入句說於二世之積
明了神通而亦等像十者又彼菩薩
以佛清淨力如來之境界為衆生而
示現等像諸如來是謂十也

尔時等目菩薩而謂普賢菩薩若此
族姓子其菩薩以此像法而得與俱
者而致等像於諸如來豈非為佛豈
非為十力豈非為普智豈非於諸法
覺而等覺豈非普眼豈非於諸法本
際而過慧豈誰不信普賢菩薩誓願
之行豈非法界盡其所處菩薩所興
而審諦時普賢菩薩謂等目曰善哉
善哉是族姓子若此如卿所言其菩
薩而現等像諸如來豈非佛之謂也
如其族姓子一切菩薩之場去來現
在而為誓願為有異發起耶其慧處
所而不可得於彼而有起佛耶菩薩
所修行而無斷於諸如來彼菩薩而
有起耶其力為入諸如來不其十力
為彼此耶又其力為念想諸如來不

亦无止住普賢菩薩之行彼此而興
 菩薩如彼諸法界所演說而為入邊
 際而云普智如彼諸法之說種種所
 入為從外推行耳亦無迴還又彼菩
 薩之謂如其菩薩諸法之印而知等
 行若諸法為有覺之覺如彼菩薩於
 二無二行了諸法之權慧入諸法度
 无極權慧而无迴還是乃謂菩薩如
 彼菩薩為普眼之境界曉普門之慧
 為從色生耶而謂普眼之言耶如彼
 菩薩普眼境界而曉慧門為從色生
 耶而謂普眼如彼菩薩為普眼境界
 之行意無所行如心起起而增益而
 無遠離是乃謂菩薩如彼菩薩諸
 法以光曜而明顯若以等地為現以
 无尋慧而念念諸佛而謂菩薩如彼
 菩薩得致諸如來慧眼可謂諸法致
 於正覺如其菩薩致如來正覺慧眼
 而思觀之而不限重是謂菩薩如其
 菩薩行如來行用一切如來為无二
 故為過去當來現在諸佛亦無二之
 謂如其菩薩修如來神通已自所建
 行而無所行是乃謂菩薩如其菩薩

得住極世至於有積乃謂慧之積如
其菩薩住於本積除而分別亦不求
其本積亦不妄有妄想於諸法分別
而行此謂菩薩如其菩薩無動不動
无念不念此乃謂興致德本如彼菩
薩而具滿之興造廣大而致清淨亦
無迴還於是而无斷絕是乃普賢菩
薩擔願之謂如彼菩薩於法界解了
無量以法本无用一相行以諸法无
相又彼菩薩於法界住止之謂其妄
想菩薩在於流轉如彼菩薩於法界
明了無量曉達入於法界諸法各各
異相明曉以无相不起疲厭至無數
億劫亦不懇退以大悲心悲濟普世
順化衆生又是菩薩大士為普賢菩
薩之謂也

等目菩薩悅樂龍王品第十三

譬如族姓子悅樂龍王處於金山之
面七寶之藏以七寶而造作周匝亦
以七寶以雪而覆之其悅樂龍王志
白而皎潔如雪之色金色明曜金色
若畫色莊飾白妙以覆之垂以交露
以衆寶清淨網而覆之垂衆寶為旒

賴以七體而止立是謂柔之所樂是
無穢之色像觀者无厭清淨無瑕調
柔性之謂也

彼則天帝釋於忉利自在者方這有
念金色面山衆寶之藏於彼忽不現
而住忉利帝釋天主之前尔時天帝即
乘悅樂龍王天帝釋尋隨上此龍王
尔時悅樂龍王於其時為若干變而
種種行現有三十三頭於一一頭各
各有七牙於一一之牙而有七浴池
於一一浴池而現七百蓮華於一一
蓮華現有七百玉女如其一玉女而
悉歎歌如天礼儀雅同一商而作音
樂帝釋天王於其天堂乘此一鳥而
至妙樹園悅樂盡歡在意馳遊尔時
帝釋天王於一鳥上在園觀而戲從
悅樂龍而下至衆寶莊琰之堂與諸
玉女和歌作樂極意歡喜快相娛樂
尔時悅樂龍王現其威神在忉利天
盡彼園觀為一鳥身耳與諸玉女而
相圍繞娛樂歡喜

尔時悅樂龍王娛樂已極與諸天人
皆共交錯皆與悅樂龍威神被服而

無異及衆身相色像神煒以无異及其
其瑋飾所衣服諸所一切屈申坐起
悅樂龍王衆諸所有亦同無異彼
諸天人與悅樂龍王衆諸所有亦同
無異如悅樂龍王所有諸天人亦悉
如之如諸天所有悅樂龍王亦悉如
之如忉利天人所食器悅樂龍王復
悉如之悅樂龍王亦不現化而有紫
金之像色在于七寶之藏天所化致
此衆所有至忉利天而來為帝釋天
王供養之故悅豫而供養之天樂而
自有以忉利衆所有悉有之以衆化
德而無異如是族姓子菩薩大士以
普賢菩薩之行修立誓願菩薩之定
衆寶玢莊以菩薩七體之藏而以趾
立從身放諸焰網明擊法鈴以顯法
幡普悉化現那羅延身致最无上誓
願為師子步以轉諸慧整以法綵而
住諸藏於諸菩薩為最上行具滿諸
行而致誓願以趣佛樹修行誓願而
无斷絕為欲致普智之慧故致普賢
菩薩行願修增廣大以覺覺之故於
菩薩願行而无迴還亦無懸止又无

斷息亦无退轉增益无量之大悲以大乘願行於一切無身以上普賢之乘行不捨精進為度當來一切衆生故不斷普賢菩薩之德行亦不見致道之時道為無得不得之門无得之得轉法之門無得之得種種行性之門无得之得種種衆生至諸土處所感動之門又彼以無得之得普入於諸土現其生亦悉現普賢之行以無得之得於如來道樹而致正覺以无得之得為諸菩薩衆圍繞而行以無得之得至諸種種處所於諸十方佛土現種種身像尋時致正覺斯須致正覺時聞致正覺以日致正覺旬月致正覺歲數無限至於一劫於其时无得之得於此諸數而致正覺觀詣諸如來足下如是比諸土如來而皆稽首敬而礼之供養承事問諸佛事於諸幻場而有增益以清淨修諸菩薩无量清淨行以無得之得修菩薩慧行以菩薩種種感動種種菩薩處所菩薩種種慧方等菩薩種種之微妙菩薩種種神足无量之意菩薩種

種至諸處所菩薩種種遊樂感動菩薩種種法修其明顯菩薩種種順導之化彼普而示現菩薩之願行亦不毀其本際其普賢菩薩化一切衆生諸情所有以無得之得修行清淨以斷生死之輪以聲聽聞語而清淨以如來之耳聞諸佛興佛法之音受而行之而皆過於三世而无二諸佛之種皆而念之普智之音聲佛法而以分別於諸處而无處彼以法身而以念之一切菩薩諸行以音聲受之具滿其行普賢之音聲以等覺普智慧處是族姓子當觀普賢之行以無懸斷菩薩之行而无斷以智之慧而見諸佛普賢菩薩之行而无休息而致普智之境界如彼悅樂龍王莫能動者昇於忉利於彼興起行至負乘而甚娛樂食天之快樂不失衆諸極快之養與諸姝女而娛樂悉現衆變與忉利諸天悉等一類如是族姓子菩薩以普賢之行無毀大乘之場不捨誓願受諸佛境界以普智而自樂明了諸佛之行曉解於無數無數无得

而悉清淨於諸土而無住於佛法而
无我亦無想念等諸佛法不起興二
明諸佛土菩薩如是現與諸佛等其
去來現在菩薩之行音聲无斷其悅
樂龍為若此處龍境界復現天上受
彼極樂如是族姓子是像大德之法
立志以普賢大士行菩薩無上誓願
當奉勤修淨其內性是謂族姓子第
十大定場廣博明顯无量菩薩之行
得其淨性廣其大乘此族姓子普賢
菩薩十定之場也

佛說是普賢菩薩十德大道之定十
無上要慧普於十方諸佛國土皆悉
曠明自然感動諸土都悉率自在嚴
諸土菩薩及諸天人悉作天上无量
倡樂咸悉歌歎普賢菩薩無量之德
明照諸土衆冥莫不開避十方諸地
獄諸苦痛登介之時莫不懇息十方
諸土如塵之數諸衆生之類咸悉各
各所在皆發無上正真道意那術百
千之衆皆得无所從生法樂之忍佛
說是已普賢大士等目菩薩一切菩
薩及一切衆會天龍鬼神阿須倫人

與非人間佛所說莫不歡喜為佛作
札而退

等目菩薩經卷下

辛丑歲高麗國大藏都監奉

勅雕造

顯無邊佛土功德經

戎

大唐三藏法師玄奘譯

如是我聞一時薄伽梵在摩揭陀國
閑寂法林坐妙菩提金剛堅固无量
妙寶共所莊嚴紅蓮華臺師子座上
與十不可說俱胝那由多百千佛土
極微塵數大菩薩俱及諸天人阿素
洛等無量大衆前後圍繞

尔時會中有一菩薩摩訶薩名不可
思議光王承佛威神從坐而起頂礼
佛足合掌恭敬而白佛言世尊諸佛
國土時分莊嚴有勝劣不佛言善男
子我此索訶世界釋迦牟尼佛土一
劫於極樂世界无量光佛土為一晝
夜極樂世界一劫於袈裟幢世界金
剛堅固歡喜佛土為一晝夜袈裟幢
世界一劫於不退輪音世界極妙圓
滿紅蓮敷身佛土為一晝夜不退輪
音世界一劫於絕塵世界法幢佛土
為一晝夜絕塵世界一劫於明燈世
界師子佛土為一晝夜明燈世界一
劫於妙光世界遍照佛土為一晝夜
妙光世界一劫於難超世界身放法
光佛土為一晝夜難超世界一劫於

莊嚴世界一切神通慧光王佛土為
一晝夜莊嚴世界一切於鏡輪世界
月覺佛土為一晝夜善男子如是世
界展轉漸增滿十不可說俱毘鄰度
多百千佛土極微塵數世界佛土寂
後世界佛土一切於蓮華德世界賢
德佛土為一晝夜於彼世界諸菩薩
衆修治殊勝普賢行地善男子如諸
世界晝夜漸增如是諸佛壽量身相
菩薩世界莊嚴亦尔由彼有情福轉
增故若有善男子善女人聞此顯示
无邊佛土功德法門歡喜信重受持
讀誦如理思惟廣為他說臨命終時
十方佛土無量諸佛皆現其前慰喻
諸佛淨國乃至無上正等菩提於生
生中常憶宿命修菩薩行速得圓滿
時薄伽梵說此經已不可思議光王
菩薩摩訶薩并諸天人阿素洛等一
切衆會聞佛所說皆大歡喜信受
奉行

顯無邊佛土功德經

庚子歲高麗國大藏都監奉

勅彫造

佛說羅摩伽經卷上

卷

西秦沙門聖堅譯

如是我聞一時佛在舍衛國祇樹給
孤獨園莊嚴重閣善勝講堂與菩薩
摩訶薩普賢菩薩文殊師利菩薩等
其名曰光明幢菩薩須弥山幢菩薩
寶幢菩薩無尋幢菩薩花幢菩薩淨
幢菩薩日光幢菩薩靜正幢菩薩離
塵幢菩薩世靜幢菩薩地威德幢菩
薩寶威德菩薩大威德菩薩金剛智
威德菩薩淨威德菩薩法日威德菩
薩功德山威德菩薩智炎威德菩薩
普現勝威德菩薩持地藏菩薩虛空
藏菩薩蓮華藏菩薩寶藏菩薩日藏
菩薩功德淨藏菩薩法印藏菩薩世
淨藏菩薩不憍慢菩薩蓮華勝藏菩
薩善淨眼菩薩清淨眼菩薩淨眼藏
菩薩無著眼菩薩普集眼菩薩善觀
眼菩薩優鉢羅華眼菩薩金剛眼菩
薩寶眼菩薩虛空眼菩薩善眼菩薩
普眼菩薩天冠菩薩法界炎智天冠
菩薩道場天冠菩薩栴檀光天冠菩

薩佛藏天冠菩薩山勇天冠菩薩世
淨天冠菩薩威儀天冠菩薩無能勝
菩薩諸佛師子座覆觀菩薩普法界
虛空光觀菩薩梵勝髻菩薩龍勝髻
菩薩佛變化炎髻菩薩一切願海摩
尼髻菩薩如來圓光珠髻菩薩虛空
掌珠報髻菩薩如來遊戲珠王網髻
菩薩如來法輪香髻菩薩一切三世
香髻菩薩大光菩薩離垢光菩薩寶
光菩薩離塵光菩薩炎光菩薩法光
菩薩寂光菩薩日光菩薩遊戲光菩
薩天光菩薩功德相光菩薩智相炎
菩薩法相炎菩薩神通炎相菩薩光
炎相菩薩華相炎菩薩珠相炎菩薩
菩提炎相菩薩梵相炎菩薩普光炎
相菩薩梵音菩薩海音菩薩辯才音
菩薩世王音菩薩山相擊音菩薩一
切法界普音菩薩一切法海雷音菩
薩調伏魔界音菩薩大悲雲雷音菩
薩一切世間寂音菩薩法勇慧菩薩
智勇菩薩功德須弥勇菩薩功德牙
勇菩薩稱勇菩薩普炎勇菩薩大慈
勇菩薩智海勇菩薩如來種性勇菩

薩光勝菩薩妙勝菩薩勇勝菩薩世
淨勝菩薩法勝菩薩月勝菩薩虛空
勝菩薩寶勝菩薩星勝菩薩智勝菩
薩樹王印勝菩薩法王印菩薩世王
印菩薩梵王印菩薩山王印菩薩珠
王印菩薩龍王印菩薩寂王印菩薩
不動王印菩薩仙人賢力王印菩薩
勝王印菩薩寂香菩薩無極香菩薩
地香音菩薩海雷香音菩薩法艷香
音菩薩虛空香音菩薩衆生功德香
音菩薩衆生善根香音菩薩魔界香
音菩薩智山光菩薩虛空意菩薩淨
意菩薩無著意菩薩覺悟意菩薩三
世炎意菩薩光意菩薩普明意菩薩
法界炎意菩薩如是等菩薩摩訶薩
五百人俱行同普賢志皆具足無著
境界普現十方無量佛土身量無極
遍諸佛前又修無尋淨眼境所心无
休息普集一切諸佛功德決定明了
於菩提道普集無量光明深入一切
法智海常行无著無所受心得大慧
身滿足无量無數劫四辯無窮盡智
慧如虛空無依无所著隨衆生所樂

如意現色身淨眼無垢障如日處空
中於一切法界光明悉充滿復有五
百聲聞久已通達四諦明了本際深
入法性離生死海隨順如來聖弟子
衆於諸有結心得解脫於佛法海无
有疑惑復與无數諸天王俱又於先
佛植衆德本普為衆生作不請之友
又受心戒具諸功德普勝天人而無
高心不捨煩惱皆已盡心智解脫如
虛空於佛法中無有疑深入諸佛智
慧海隨順如來諸聖威儀承佛教誡
成就衆生護佛法種使不斷絕緣此
善根常生佛家深樂種智真實法門
尔時諸菩薩聲聞大衆諸天魔梵及
諸神仙各與眷屬恭敬圍遶咸作是
念念如來行念佛境界念佛自在神
通變化念如來持念如來力念如來
无畏念如來住念如來三昧念於如
來勝妙功德念如來身念如來智无
有崖底一切天人不能測量無能分
別無能開現无能知見無能宣明亦
无有能如實解說除佛持力佛自在
力佛智慧力佛辯才力佛威神力佛

三昧力佛神通力佛本願力過去善根力親近善知識力清淨信心力住方便力樂求清淨勝妙善根力正直菩提深心力一切智願力是故世尊知識衆生種種欲種種信種種解而心無二以无著聲覺寤一切知道者說道者善說諸地種種行種種根種種人種種信種種解種種思及知一切智人境界各各思惟如來功德咸願宣說如來昔為菩薩時行願善業先所修習一切智願勝波羅蜜示現菩薩諸地神通莊嚴方便衆妙音響莊嚴菩薩行出生滿足海莊嚴菩薩菩提門示現菩薩自在道出生菩薩莊嚴海莊嚴如來遊戲神通莊嚴如來自在法輪莊嚴如來剎海莊嚴如來普現十方調伏衆生而不現身心住諸如來正法之城超勝功德普廣示現一切諸道如來法王為一切衆生示現諸趣明淨普照神通自在力如來為一切衆生寂上福田如來為一切衆生說功德變觀三輪化度一切群生唯願如來悲愍一切具足顯現

今時世尊知諸菩薩心之所念以大
悲身大悲門大悲心大悲本願力隨
順大悲廣大如法性究竟如虛空入
師子王奮迅三昧為令一切衆生樂
清淨法入三昧已時祇陀林重閣講
堂忽然光麗廣博嚴淨梵天金剛莊
嚴其地珍奇間錯衆寶嚴飾雨如意
珠及諸名華時彼林中表裏映徹有
琉璃樹枝條華果皆衆寶成雜色光
明迴旋其間樂見珠王以為羅網閭
浮檀金及衆校飾間無空缺弥覆其
上又以名珍莊嚴樓閣普光摩尼為
明珠柱脩直光色照徹園林金戶珠
簾寶鈿欄楯四出墜道衆寶所成摩
尼寶王化珍妙花於其鬘端放真珠
光列植階簷羅塵軒陛幢幡繒蓋滿
虛空界於窓牖前寶樹化生猶娑羅
林自然行列果如寶鈴發衆妙音於
樹根下出琉璃水香淨柔軟流遍祇
洹佛神力故本願力故十方世界微
塵數不可思議阿僧祇清淨佛刹无
量無數諸供養具皆悉普現於祇陀
林復有功德香河迴流淨國無量寶

華隨流化生不可窮盡華水有聲皆
說菩薩報應之行華樹敷榮出香雲
蓋諸香蓋中有不可思議諸樓閣雲
有阿僧祇不可思議華鬘璎珞皆悉
垂下阿僧祇寶摩尼珠王自然涌出
柔軟衣服及諸寶幢香烟幡蓋皆悉
充滿復有無數諸寶華雲旋轉空中
一切幢幡及諸華蓋衆寶鈴幢出妙
音聲演說一切諸佛名号顯現清淨
法輪之相復有師子如意珠王以音
聲海普演諸佛本願海門一切法界
寶王摩尼法相光明以為莊嚴時祇
陀林上虛空之中有不可思議阿僧
祇等諸香樹雲如是種種諸供養具
及諸佛刹諸莊嚴事无量無邊不可
具說今時善財童子從東方界求善知
識漸漸遊行至南方界轉至西方遙見
善勝長者在窟頭摩城發意欲向漸涉
道路思惟正受係念在前无分散意住
正定聚雖在道路愛樂正法無悔恨心
不退境界勇猛精進不畏嶮路念善知
識修正覺道為得安隱道故身心无
盡在於中道作如是念我當云何得

勝境界我今云何當速詣善知識問
菩薩道修菩薩行於善知識作佛道
因緣得諸波羅蜜普攝一切離諸障
碍入無著法界普為一切衆生斷衆
惡道業為除我人衆生壽命之心滅
除一切煩惱諸塵破滅一切諸見羅
網成就善箭以慈悲弓射護法處成
就因果何以故若得值見善知識者
必得成就諸善功德善知識者能為
一切智作大根本身心正受顏色不
變求善知識威儀庠序無率暴相漸
漸往至窟頭摩城見善勝長者在於
彼城重閣講堂即前詣已如人遊海
水中不見邊際百千万億諸大長者
以為圍遶皆悉歡喜在於善勝長者
左右各欲樂聞種種諸法如海導師
為諸商人說海寶處善勝長者善能
分別佛法海寶為一切衆說無所著
无所分別尔時善財童子頭面敬礼
白言大聖我已久發阿耨多羅三藐
三菩提心但不知云何行菩薩道修
菩薩行善勝長者告善財言善哉善
哉善男子汝已能發菩提之心善能

問於大智慧寶為得如是甚深法義
為斷一切疑惑苦惱種子汝今問我
為到一切智岸以不破壞心正向大
乘令離一切聲聞辟支佛地怖畏正
趣佛道修諸三昧寂靜法門善修一
切諸菩薩行願遊戲神通轉不退輪
淨諸業道速疾迴向一切智心於菩
薩行如實修行為菩薩道故來問我
行此行者普見十方無有障罣善知
一切智海對治門莊嚴一切菩薩行
故來問我善男子我在此海岸屈頭
摩城重閣講堂晝夜常說大慈大悲
菩薩淨行法門善男子我於此閻浮
提見諸貧苦衆生必欲饒益然後為
說甚深空義隨彼所願令得滿足或
以飲食而攝取之或以法財而攝取
之或以功德業而攝取之或以智慧
而攝取之或以善根正直業而攝取
之應以菩薩根而攝取者即以菩薩
根而攝取之應發菩薩心攝取者即
以菩薩心而攝取之若應以除去疑惑
發菩提心者即以除疑惑法而攝取
之若應以喜悅發菩薩心者即以喜

悅法而攝取之若應以大悲發菩薩心者即以大悲而攝取之若有應以除生老病死憂悲苦惱無常定法發菩薩心者即以苦空无常法而攝取之若有衆生應以住生死海心無疲倦即同住生死海而攝取之若有應以四攝法發菩薩心者即以四攝法而攝取之若應以一切智慧功德海發菩薩心者即以功德智慧海隨順法而攝取之若有應以一切三世諸佛正法海對治門發菩薩心者即以三世諸佛正法海而攝取之善男子我以如是等諸攝取法為饒益衆生故令一切衆生得法利樂故在海此岸善男子我住於此岸普知一切海中珍寶及所出處根原種性及價貴賤清明之相識寶光明善能分別善知一切工巧伎術善知一切諸龍龍王龍子宮殿差別亦能善除諸龍鬪諍怖畏惡相又復善知一切諸羅刹王宮殿村落亦能善除羅刹鬪訟及與怖畏又復善知一切魑魅魍魎諸惡鬼神所住之處亦能除滅一切海

水洄波諸難并知水色泉源衆流善
能瞻知日月星辰一切災異變恠之
事晝夜瞻相無一念頃失於常度了
了分明无分毫差善知一切書疏筭
數射馭隨時能用善知一切衆相於
刹那頃變恠不停或合或離善知籌量
世間衆事善男子汝今當知我以知
此一切衆生十明法門安止清淨住
無畏岸令彼彼衆生皆得安隱恒以
正法而撫慰之若閻浮提有諸商估
賈客欲往大海求珍寶者稱我名故
大獲珍寶安隱吉還若有衆生得聞
我名者身心諸垢及以衣垢永得消
除何況煩惱若有衆生眼視我者常
得清淨无上法喜聞法無厭身心悅
樂以此法樂普為一切閻浮提內諸
苦衆生雨大法雨令得悅樂若有衆
生聞我說法必得安隱度生死海免
諸怖畏必得安立一切智海永離渴
愛無復憂患恒住三世明解脫海善
男子汝今當知我能當入一切衆生
心心數行海中令彼衆生修淨土業
普知一切十方淨國海隨意往生得

無尋業復能莊嚴一切淨業根海普
能清淨一切諸衆生行海令住安樂
寂靜大安眠海善男子我以知此大
慈悲喜捨對治滅相擊音聲菩薩喜
幢法門諸大菩薩成就无量諸功德
智慧海善能分別一切世界行海斷
除一切煩惱業海成就一切諸法界
海普攝一切諸衆生及世界海普入
一切勝智慧海終不捨一切衆生海
其心如地善能隨順一切衆生海普
能教化一切衆生海善隨一切衆生
威儀海諸大菩薩深行如是我當去
何能知能說彼功德行

時善財童子頭面作禮遶百千匝辭
退西行善勝讚言善哉善哉善男子
汝今應當正念思惟三昧正受汝從
此去漸漸西行向名聞城去彼城已
有國名難忍城名迦陵提去此不遠
有功德林於其林中有比丘居名師
子奮迅身紫金色端嚴第一汝可詣
彼問菩薩行問菩薩戒問諸法門尔
時善財童子逡巡辭退漸漸遊行至
功德林日光泉側見彼比丘居端坐

正受有五百童女形貌端正以為侍
者復有五百童子衛護眾女百千天
女衛立左右

今時日光泉側有一園林名曰王園
入彼園中見一大樹名曰月光普放
光明照百由旬莊嚴園林化成重閣
七寶嚴飾上有光明復見大樹名普
光明枝葉扶疎遍覆三千大千世界
其形如蓋流出眾水有清淨光復見
寶林名曰花藏高顯無極其花開敷
如天樹王有妙光明如天宮殿其色
鮮白猶如雪山復見大樹名曰美味金
花金果柔軟香美甚適眾心復見一
樹名世淨光其色光明無量无边梅
檀摩尼以為樹果有阿僧祇諸雜珠
網羅覆樹上像天宮殿復見一樹名
曰天衣常出無量阿僧祇數眾寶色
衣復見諸樹名曰音樂互相振觸聲
踰梵音復見眾林名普香莊嚴其香
普熏無有障尋於園林中復見泉池
七寶光網弥覆其上其池四方有四
渠流分為八支更相灌注八功德水
湛然盈滿牛頭梅檀末為底泥眾寶

莊嚴黃金為沙激此香水聲如天樂
悅可衆心又以衆寶而為欄楯於池
岸上布以金沙常放種種雜色光明
優鉢羅花鉢曇摩花拘勿頭花分陀
利花敷榮水上有衆寶樹行列嚴飭
圍遶池側一一樹下各敷無量寶師
子座無量天衣衆妙珍奇以為嚴飭
燒無價香熏師子座衆香繒帳白淨
鮮明寶網覆上垂衆金鈴出和妙音
復有無量衆寶床帳圍遶高座一一
樹下亦復如是於諸樹間復有無量
蓮花寶藏師子座又於樹間有衆香
藏座又於樹間有種種香雲藏座又
於樹間有師子寶聚藏座又於樹間
有一切世間普光摩尼清淨藏座又
於樹間有樂見師子寶藏之座无量
妙香以為敷具此諸寶座一一皆有
無量百千諸小牀座以為圍遶一一
小座以无量寶而為莊嚴一座上
有無量寶珠充滿一切如大寶洲一
一座上有勝光明普照王園及日光
林於光明中雨天寶衣及雜寶珠柔
軟可愛以布其地辟如大海悉具衆

寶此日光泉栴檀香水躡則沒蹀隨
足旋轉舉足還復本相如故於其池
中有衆色鳥鳬鴈鴛鴦鸞翠孔雀各
自顧影雅音相和飛翔空中集栴檀
林此王園林日光泉水出生無盡清
淨雜花有無價香散衆花間超過帝
釋喜見林池寶樹寶鈴枝葉花果不
鼓自鳴出妙音聲有諸天女端正殊
妙如自在天后此王園林倍更明顯
勝諸天宮此諸天女鼓樂絃歌聲遍
王園充悅一切天劫波毓衣被樹枝
間於林四邊有四天王一切皆是大
權菩薩領四種兵以為徭衛種種樓
閣天繒花蓋及諸殿堂亦有兵衆而
衛護之此園莊嚴猶如帝釋照明寶
林歡喜之園普皆嚴淨視之無獸出
過三界人天果報大梵善淨莊嚴講
堂不得為比無量梵王清淨報明眼
所不能見此功德林及日光泉假使
和合百千梵宮所不能及珍妙莊嚴
不可具說

今時善財童子見此園林種種光明
微妙嚴飾志是菩薩本業淨行如實

功德善根願力之所成就超絕世間
三界果報於不可思議阿僧祇劫諸
如來所植衆德本不著世間遠離揣
食猶如幻師見衆色像廣修淨業无
著勝行不可破壞所謂師子奮迅比
丘居曉了諸法性相如幻本修功德
長養善根成熟五力而無所著此王
園林廣博嚴淨普容一切三千大千
世界天龍夜叉乾闥婆阿修羅緊那
羅迦樓羅摩睺羅伽人非人等一切
悉集入此王園而不迫迤何以故皆
是師子奮迅比丘居威神力故不可
思議神通變化皆從菩薩本願海生
尔時善財童子普見一切諸寶樹下
師子之座一一座上有比丘居名師
子奮迅端嚴勝妙威儀庠序其心善
寂調伏諸根如大龍鳥如如意珠普
適衆願心無所著猶如蓮花如師子
王威伏衆獸安住不動无相戒故
其心清淨消除煩惱猶如香王滅除
臭穢如大藥王諸藥莊嚴滅除衆病
如良藥王善心見者能除衆病不善
見者反成毒害菩薩摩訶薩亦復如

是為有緣無緣者說微妙法有緣者
見我形聞我聲即得无尋陀羅尼無
緣衆生更增惡行無記衆生即得善
心如波樓那天莊嚴微妙普施世間
一切清淨長養善根如良福田又見
此座種種大衆或見淨居天眷屬圍
遶又見摩醯首羅天眷屬圍遶是諸
天衆一心諦觀彼比丘尼目不暫捨
時比丘尼即為淨居天衆及摩醯首
羅天等說无盡法門無受法行又見
此座欲樂天子眷屬圍遶一心瞻仰
觀比丘尼目不暫捨時比丘尼為欲
天衆說普明音聲名問清淨法門又
見此座自在天王天子天女眷屬圍
遶一心諦觀彼比丘尼目不暫捨時
比丘尼為自在天衆說菩薩名字自
在清淨法門又見此座化樂天王天
子天女眷屬圍遶一心諦觀彼比丘
尼目不暫捨時比丘尼為夜摩天衆
說一切法清淨莊嚴法門又見此座
兜率天王天子天女眷屬圍遶一心
諦觀彼比丘尼目不暫捨時比丘尼
為兜率天衆說安樂心藏旋復自在

無尋陀羅尼法門又見此座夜摩天
王眷屬圍遶一心諦觀彼比丘尼目
不暫捨時比丘尼為夜摩天衆說出
生無量清淨勝妙莊嚴法門又見此
座釋提桓因眷屬圍遶一心諦觀彼
比丘尼目不暫捨時比丘尼為釋天
衆說不淨忍獸離無常苦空无我法
門又見此座解空婆伽羅龍王與十
光明龍王等眷屬圍遶難陀龍王跋
難陀龍王等眷屬圍遶摩那斯龍王
伊那槃那龍王阿菟婆達多龍王等
各與龍子龍女眷屬圍遶一心諦觀
彼比丘尼目不暫捨時比丘尼為諸
龍王說一切救護善巧方便法門又
見此座提頭賴吒天王領軋闍婆等
男女大小眷屬圍遶一心諦觀彼比
丘尼目不暫捨時比丘尼為說歡喜
無盡法門又見此座摩睺羅伽阿修
羅王眷屬圍遶一心諦觀彼比丘尼
目不暫捨時比丘尼為說法界莊嚴
明惠速疾法門又見此座大天勢力
迦樓羅王男女大小眷屬圍遶一心
諦觀彼比丘尼目不暫捨時比丘尼

為說度生死海無所畏法門又見此座善音緊那羅王男女大小眷屬圍遶一心諦觀彼比丘尼目不暫捨時比丘尼為說佛本行清淨無著法門又見此座金角雲結摩睺羅伽王男女大小眷屬圍遶一心諦觀彼比丘尼目不暫捨時比丘尼為說諸佛歡喜普集法門又見此座無量男女童男童女眷屬圍遶一心諦觀彼比丘尼目不暫捨時比丘尼為說无勝法門又見此座常食衆生精氣羅刹王等眷屬圍遶一心諦觀彼比丘尼目不暫捨時比丘尼為說普慈悲觀法門又見此座出家聲聞一切皆集俱來會坐時比丘尼為說智慧光明勝法門又見此座出家樂緣覺者俱來會坐時比丘尼為說淨明佛功德法門又見出家樂大乘者眷屬圍遶俱來會坐時比丘尼為說普門智慧光明三昧法門又見此座初發心菩薩眷屬圍遶一心諦觀彼比丘尼目不暫捨時比丘尼為說一切諸佛大願聚法門又見此座二地菩薩眷屬圍

遶一心諦觀彼比丘尼目不暫捨時
比丘尼為說虛空明淨羅摩伽三昧
法門又見此座三地菩薩眷屬圍遶
一心諦觀彼比丘尼目不暫捨時比
丘尼為說莊嚴寂靜法門又見此座
四地菩薩眷屬圍遶一心諦觀彼比
丘尼目不暫捨時比丘尼為說一切
種智勢力境界法門又見此座五地
菩薩眷屬圍遶一心諦觀彼比丘尼
目不暫捨時比丘尼為說普集淨花
藏法門又見此座六地菩薩眷屬圍
遶一心諦觀彼比丘尼目不暫捨時
比丘尼為說出世清淨藏法門又見
此座七地菩薩眷屬圍遶一心諦觀
彼比丘尼目不暫捨時比丘尼為說
普依止清淨地藏法門又見此座八
地菩薩眷屬圍遶一心諦觀彼比丘
尼目不暫捨時比丘尼為說法界毗
羅摩伽普遍法身化現一切虛空境
界法門又見此座九地菩薩眷屬圍
遶一心諦觀彼比丘尼目不暫捨時
比丘尼為說無尋无著清淨力莊嚴
法門又見此座十地菩薩眷屬圍遶

一心諦觀彼比丘。目不暫捨時。比丘。居為說圓滿無障淨名三昧法。門。又見此座金剛力士眷屬圍遶。一心諦觀彼比丘。目不暫捨時。比丘。居為說智慧莊嚴那羅延金剛相三昧法。門。如是等一切大衆一切衆生。一切諸趣所應受化者。一切眷屬種種善根者。隨諸衆生種種欲種種行種種道樂聞多法者。為長養善根故。為增長善根故。莊嚴善根故。隨其所應開示顯說阿耨多羅三藐三菩提轉不退轉法輪。令諸衆生得不退輪。何以故。此皆是師子奮迅比丘。居成就普眼智慧光明捨離法門成就一切諸佛法界。无相清淨法界。通達無導法門。此比丘居成就无著無導清淨秘藏法門成就圓滿不可思議淨藏法門成就清淨普喜見藏法門成就十萬億不可數般若波羅蜜成就普眼般若波羅蜜成就一切佛法法界不可壞般若波羅蜜此王園林日光泉側一切大衆菩薩摩訶薩等一切皆悉久植善根緣此比丘。居說法教。

化乃至阿耨多羅三藐三菩提其心善寂得不退轉

今時善財童子見師子奮迅比丘尼久已成就如是等普門法門普現色身而自在嚴令王園林日光泉水及諸寶樹衆師子座皆現希有奇特之事所有園林經行禪窟及諸所須寶物牀帳見諸大衆一切眷屬悉坐其中功德神力皆悉具足八種音聲說衆妙法今時善財童子見此不可思議諸奇特事及聞微妙八種音聲復聞不可思議清淨妙音宣揚讚歎无量法空法門以此法門潤澤身心皆令柔軟此名正法對治無比法門得此法門已身心歡喜豁然大悟成就一切諸大法門恭敬合掌遶百千匝即前作礼未舉頭頃見比丘尼遍處一切師子寶座放大光明金色赫奕照王園林及諸樹木猶如光雲此光明力令諸樹木皆悉右旋遶無數匝此諸樹不行行相次皆放光明照比丘尼

今時善財童子觀此相已合掌而立

恭敬却行住於一面白言大聖我已
先發阿耨多羅三藐三菩提心唯願
大聖慈悲憐愍為我宣說我今不知
云何學菩薩行修菩薩道唯願大聖
為我解說時比丘尼答善財言善哉
善哉善男子我今知此一切種智普
能開現无底法門善財童子白言大
聖一切種智無底法門體性云何時
比丘尼答善財言善男子此是三世
大聖智慧光明莊嚴法門善財童子
白言大聖三世諸佛智慧光明莊嚴
法門境界云何答言善男子入此法
門者得深入現前分別正受一切諸
法不生不滅平等法林莊嚴三昧住
此三昧者即得如意自在神通此閻
浮提示現處兜率天十方無量微塵
世界處兜率天亦復如是於彼彼處
二佛所示現無量無數之身從於
自身出无量無數微塵等佛刹海摩
訶摩身恭敬禮拜修諸福業又賣無
量無數不可說不可說微塵數雜色
花雲不可說不可說雜色瓔珞雲不
可說不可說雜色寶鬘雲不可說不

可說雜色塗香末香雲不可說不可說
說雜色繒蓋幢幡雲不可說不可說
雜色寶網寶帳雲不可說不可說雜
色寶座雲一一座前有不可說不可
說燈光炎莊嚴雲一一燈光有衆寶
珠而莊嚴之乃至不可說不可說一
切雜色莊嚴具雲供養如來又賣不
可說不可說雜色香水雲從香水雲
中出不可說不可說雜寶蓮花雲從
雜寶蓮花雲出不可說不可說天瓔
珞莊嚴雲諸寶光明莊嚴具乃至阿
迦膩吒一切諸天供養具雲又從香
水出不可說不可說轉輪聖王及諸
小王一切世間諸供養具雲又從香水
出不可說不可說龍神八部乃至一
切不可說不可說供養具雲供養如
來遍一切處一切諸菩薩處兜率天
化樂白鳥降神母胎初生王宮捨家
學道詣菩提樹成等正覺轉淨法輪
昇忉利天為母說法天上人中變現
自在乃至涅槃於諸佛所植衆德本
以此本願因緣力故示現摩竭摩色
身遍一切處供養諸佛諸供養具亦

復如是如是種種諸供養具皆緣之
修大願莊嚴法界力生若有衆生知
我所修如是供養者皆於阿耨多羅
三藐三菩提得不退轉若有衆生來
至我所我即為說摩訶般若波羅蜜
示教利喜善男子汝今當知我常不
起衆生相不著衆生相衆生无相故
知一切語言音聲而不著音聲音聲
無性相故見一切佛光明相好而不
著相好何以故深知法身无色相故
受持一切諸佛法輪而亦不著法輪
之相深心解了諸法真如實際法性
相故於念念中充滿普遍虛空法界
而亦不著法界相善能了知一切諸
法如幻化相故善男子我唯知此一
切種智普能開現無底菩薩法門善
男子汝今當知諸大菩薩究竟法界
一切菩薩境界无著能以一身結加
趺坐充滿十方一切世界於自身內
悉能示現一切十方諸佛剎土妙莊
嚴事於剎那剎那頃周遍十方禮事
諸佛於自身內普能示現一切諸佛
神通變化願力能以一毛遍縛十方

諸須弥山舉置他方無量世界於一
一毛孔普現十方一切世界劫成壞
相於一剎那頃普於十方不可說不
可說劫攝受衆生終不捨離諸大菩
薩摩訶薩具足一切深智海行我當
云何能知能說彼功德願善男子汝
從此南行有國名嶮難城名寶莊嚴
於彼城中有一女人名婆須蜜多汝
詣彼問云何菩薩學菩薩行修菩
薩道

尔時善財童子頭面敬礼師子奮迅
比丘尼足瞻仰諦觀碎退南行善財
童子得大慧光以照其心具足長養
一切善根欲以教化諸衆生故一心
思惟諸法實相建立一切清淨法水
語言陀羅尼藏廣修受持一切法輪
陀羅尼成就思惟力為衆生歸依大
悲一切世間之力方便觀察一切種
智充滿法界速疾思惟一切淨法願
普觀察光明法門莊嚴十方諸通明
力皆悉充滿一切法界究竟成滿諸
菩薩行諸菩薩業滿足願力具諸神
通漸漸遊行至嶮難國寶莊嚴城推

問尊者婆須蜜多女今在何所其城中人作如是念我不聞此女有深智慧善攝諸根身心寂靜今此童子威儀庠序其心恬泊調伏諸根遠離放逸顛倒惑亂念慧現前視瞻詳審言音和雅不著形色正念思惟甚深法相遠離懈憊心如大海此非染欲顛倒之人無情欲想不沒欲泥不隨諸根超出魔界不為一切諸魔所縛如此童子具諸功德何故為色問此女為今此城中多有諸人乃至不聞此女人名何況識者有一人言善哉善哉善男子汝於今者必獲大利乃能問此尊者婆須蜜多如汝問意必已先發阿耨多羅三藐三菩提心決定為於一切衆生必能永離婬怒癡箭不壞淨想不著不淨普解一切諸縛著者有善男子今此尊者婆須蜜多在此城北歡喜園中莊嚴樓閣止於其中今時善財童子聞此語已歡喜踊躍往詣其所住於門側叉手合掌瞻察園內見彼宮宅廣博嚴淨十種寶牆周匝圍遶列殖十行寶多羅樹

十重寶壑其水清深具八功德盈滿
其中優鉢羅花鉢頭摩花拘勿頭花
分陀利花開敷鮮榮弥覆水上底布
金沙寶岸嚴麗雜色光明充遍園林
寶殿樓閣清淨莊嚴綺窓香風怡悅
衆心連錢半月校飭羅網金剛力士
瞋目奮杵衆寶師子震尾哮吼壯士
獸王列侍門側宮城四角有明珠柱
衆寶觀闕放種種光雨寶珠花積至
于膝淨琉璃地如懸虛空有如意珠
王映於地下紫磨金渠流香色水黃
金蓮花敷榮其上從蓮花臺涌妙聲
水演散法音流聞十方金色芭蕉放
大光明處處積寶猶如山壘沉水香
雲迴旋宛轉塗香末香遍熏宮城異
類衆鳥出和雅音張大寶帳垂衆金
花摩尼寶鈴衆寶廟填閭浮檀金以
為羅網弥覆宮墻燒百千萬億無價
寶香香煙芬馥充滿虛空无量諸天
列侍供養諸天妓樂不鼓自鳴衆吉
祥瓶盛如意珠從地踊出又雨無量
天寶花雲无量天寶香雲無量幢幡
寶蓋雲無量天衣瓔珞雲無量妓樂

天音聲雲如是種種供養具雲一一
皆放無量色光弥覆虚空照十方界
无量万億金剛寶藏盈滿宮中一一
寶園雕文刻鏤光光相照映徹無尋
復有無量十種寶園以為圍遶玲妙
莊嚴清淨无極尊者婆須蜜多端正
微妙色如花敷相好具足身真金色
不長不短不肥不瘦目眇紺色如青
蓮花鬚髮柔潤其色紺豔威儀齊整
進止庠序手足鮮澤十輻輪相六欲
天后不得為比聲踰梵音志解衆語
善知世間工巧伎藝深達一切諸論
根本及論議相皆志究盡善知字義
善辯正智善巧方便如幻境界善知
菩薩方便法門善知菩薩方便法界
具諸相好瓔珞嚴身摩尼寶冠放大
光明心王明珠以為花鬘本願眷屬
皆志圍遶功德成滿不可沮壞具足
无盡功德寶藏身出光明普照一切
饒益光柔軟光悅樂光開心光莊嚴
菩薩心道之光以此光明嚴飭一切
衆生之心遇斯光者得離五欲拔衆
苦根

今時善財童子詣尊者婆須蜜多所
叉手合掌白言大聖我已先發阿耨
多羅三藐三菩提心而未知云何學
菩薩行修菩薩道答言善男子我唯
知此一億離欲無垢具足莊嚴菩薩
法門善男子若天見我遍一切處天
光瓔珞以自嚴飾為天女形若人見
我我以上妙色清淨慈心而自莊嚴
為童女形非人見我我現非人女形
端正殊妙遍非人處若有衆生來至
我所起婬怒癡無有是處唯得菩薩
無受正法恒為衆生說清淨解脫離
苦法門聞我名者得歇離觀速得成
就功德三昧身心寂靜无有障罣見
我形者即得歡喜三昧聞我聲者即
得無量聲藏三昧聞我名者即得歸
依佛法僧寶即得諸佛剎普現色三
昧若有衆生與我同止者即得解脫
光三昧若有衆生諦觀我者即得寂
靜莊嚴三昧若有見我頻申欠呿者
得壞散外道三昧若有衆生觀察我
者得一切諸佛境界光明三昧若有
衆生與我言者即得守護攝受一切

衆生藏三昧若有衆生為我搔痒者
即得一切德集花藏三昧若有衆生
親近我者即得一億無染離欲莊嚴
菩薩無著无極明淨一切智境界法
門善財童子白言大聖昔於何所修
何功德種何善根有何等業得此法
門答言善男子過去有佛号无染著
行如來應供正遍知明行足善逝世
間解无上士調御丈夫天人師佛世尊
尔時無染著行如來出興于世為衆
慈饒益一切衆生故向普賢城始至
界上當舉足時國土城邑六種震動
下足之時丘墟坑坎皆自夷平空中
清明自然嚴淨尔時世尊足蹈門闥
即時大地復更震動凡礫牆壁化成
七寶散雜寶花列住空中羅覆宮城
百千万億諸天樂器衆寶校飾懸在
虛空不鼓自鳴無量諸天各與宮殿
列侍空中頂礼佛足雨諸天花以供
養佛佛入城時放金色光猶如金山
我於尔時生彼城中為長者妻亦名
婆須蜜多見佛色身相好光明神通
具足即開發我宿世善根我於尔時

與夫長者疾詣佛所即脫所著无價寶珠以散佛上所散寶珠悉住虛空接足作礼

尔時文殊師利童子為佛侍者時文殊師利即告我言善女人汝可速發無上道心我於尔時始發菩薩无上道心婆湏蜜多告善財言我唯得此一億無染離欲莊嚴无著法門諸大菩薩智慧方便化度衆生大海深廣三昧法門大智慧力不可壞伏境界我當云何能知能說彼功德行善男子汝從此南行彼有大城名曰善寂城中長者名曰不憍高貴德王彼大長者晝夜六時恒常供養栴檀寶塔汝詣彼問云何菩薩學菩薩行修菩薩道時善財童子頭面敬礼彼女人足躡退南行漸漸遊步至彼大城到長者所自言大聖我已先發阿耨多羅三藐三菩提心而未知云何學菩薩行修菩薩道長者答言我唯成就不滅度實際菩薩法門住此法門我今審知諸佛如來不般涅槃不入滅度三世如來永不涅槃无涅槃相除

佛方便為度虛偽衆生故示現涅槃
欲令舍利廣流布故普令一切得入
律行善男子若人能知如來畢竟不
般涅槃者是人能開栴檀寶塔善男
子汝今可往禮拜供養善財童子即
至塔所頭面敬禮開栴檀塔開塔戶
時念念相續得無盡佛性圓光明淨
無盡三昧法門善男子我心於剎那
剎那頃常入正受於正受中得無量
無數圓光明淨三昧於念念頃入勝
進地善財童子白言大聖此法門者
境界云何答言善男子我入此三昧
時普入一切三昧道門三昧力故得
見十方無量諸佛迦葉如來應供正
遍知十方無量各恒河沙微塵數世
界海同名迦葉如來等拘那含牟尼
佛及十方無量恒河沙微塵數世界
海同名拘那含牟尼佛等尸棄如來
及十方無量恒河沙微塵數世界海
同名尸棄如來等毗婆尸如來及十
方無量恒河沙微塵數世界海同名
毗婆尸如來等提舍如來及十方無
量恒河沙微塵數世界海同名提舍

如來等弗沙如來及十方無量恒河沙微塵數世界海同名弗沙如來等
无上勝佛及十方無量恒河沙微塵數世界海同名无上勝佛等無上蓮
花佛及十方无量恒河沙微塵數世
界海同名無上蓮花佛等如是无量
諸佛行行相次不相障碍一如來面
白毫相中映現一切十方無量一切
諸佛十方一切無量諸佛白毫相中
映現一佛一切諸佛毛孔光明更相映
現亦復如是坐栴檀塔我於剎那頃
皆悉覩見諸佛世尊心心相續間無
空缺亦於剎那頃得見閻浮提微塵
數復見百千万億閻浮提微塵數乃
至十方恒河沙不可說不可說世界
微塵數諸佛復過是數得見無量无
邊微塵數諸佛乃至得見不可說微
塵數世界海諸佛又見諸佛從初發
心遊戲神通無碍自在亦見一切大
願清淨妙行成就分別功德不二法
門亦見滿願波羅蜜清淨波羅蜜成
就次第第一切菩薩諸地得普忍清淨
遊戲神通長養善根降伏四魔成就

衆生嚴淨佛土成菩提道轉妙法輪
放大光明是諸大衆悉覩此相心心
相續間無空缺時高貴德王菩薩告
善財童子善男子汝今見此栴檀塔
中無量淨明圓光明淨神通莊嚴諸
如來不恙皆同入毗羅摩伽三昧神
通法輪不二法門不諸佛如來以此
明淨不二法門神通力故遍一切處
轉妙法輪以明淨鏡身充滿法界尔
時善財童子自言大聖我今已見一
切諸佛神通遊戲清淨境界亦聞諸
佛說法音聲了了分明不壞耳根受
持不忘正念思惟不失句義次第分
別為人演說示教利喜以智慧力分
別諸佛法教教授衆生見弥勒等未
來百佛千佛百千佛億万佛阿閼婆
頻婆羅阿僧祇佛於念念中剎那頃
心念明淨亦見未來恒河沙不可說
不可說世界微塵數等衆生發菩薩
心修菩薩道行三十七品具六波羅
蜜遊戲神通教化衆生淨佛國土取
吉祥草坐菩提樹降伏四魔成等正
覺轉妙法輪放大光明示現涅槃乃

至正法像法劫數成壞心心相續皆
志明了如見此境未來國土十方世
界亦復如是亦見現在毗盧遮那多
陀阿伽度阿羅訶三藐三佛陀等無
量無數一切諸佛從初發心坐於道
場轉妙法輪示現涅槃正法像法劫
數成壞住世久近如此世界十方亦
然十方三世一切佛剎火劫起時於
栴檀塔倍更明顯亦聞十方三世諸
佛已說今說當說以智慧力志能受
持一切世間聲聞緣覺及小菩薩所
不能及善男子我唯知此不生不滅
實際莊嚴平等菩薩法門諸大菩薩
於一念頃志知三世佛法本際平等
於剎那頃莊嚴无量三昧境界海門
住如實際无彼我相亦無二意住佛
所住於一切而無怯想住歡喜法界
清淨莊嚴三乘賢聖如實智慧平等
无二不著世間及世間果一切三世
如來印綬及受決法志充法界常住
不滅一切如來音聲充滿法界不可
思議無量无边不可具說我當云何
能知能說彼功德行善男子於此南

方有孤絕山名金剛輪莊嚴高顯彼
有菩薩名觀世音住其山頂汝詣彼
問云何菩薩學菩薩行修菩薩道時
善財童子頭面敬礼高貴德王菩薩
足已遶百千匝眷仰瞻察辭退南行
尔時善財童子正念思惟彼長者教
隨順菩薩解脫之藏正念菩薩諸憶
念力承佛威神佛本願力以三昧正
受於念念中間无空缺常念拈檀寶
塔無量諸佛悲泣雨淚尋路而行次
第分別一切諸佛及諸佛法於一心
中莊嚴諸佛神通念定慧力為欲長
養菩提善根思惟正念一切諸佛不
思議業漸漸遊行到彼孤山步步登
陟念觀世音正念不捨遙見經行在
巖西阿處處皆有流泉花樹林池清
淥金香草柔軟鮮潔皆從菩薩切
德所生至其山頂見觀世音坐於金
剛八楞之座座出光明嚴飾无比與
無量菩薩眷屬圍遶而為說法時觀
世音身真金色手執大悲白寶蓮華
說大慈悲經勸發攝取一切衆生入
於普門示現法門

尔時善財童子既得見已歡喜踴躍不自勝持生希有心合掌諦觀目不暫捨作如是念善知識者即是如來善知識者是佛道正因善知識者是法寶雲善知識者是功德行藏善知識者十力妙寶善知識者難見難值軍勝無比難可測量善知識者是十二頭陀正因之行善知識者是无盡智藏善知識者生功德牙莖善知識者能開發示道一切智門善知識者能令一切衆生得入薩婆若海究竟清淨无上佛性菩提境界如是讚歎善知識已漸漸親近時觀世音遙見善財讚言善哉善哉善來童子專求大乘攝取衆生救護一切衆生生柔軟心正直心深心求佛法心起大悲心向普賢行發一切大願清淨之行成就一切大願莊嚴常樂受持一切佛法寶雲心不虧減增長善根修諸功德無有厭足順善知識不違其教從文殊師利智慧大海成熟心行得佛勢力光明三昧身心嚴淨无有垢穢永離懈怠終不退轉常見諸佛心生

歡喜遠絕衆惡修諸善行成就智慧
心無障碍淨如虛空速得對治離苦
法門住諸如來境界光明守護法城
廣宣法教

今時善財童子至觀世音菩薩所頭
面礼足遶百千匝合掌恭敬却住一
面自言大聖我已先發阿耨多羅三藐
三菩提心而未能知云何菩薩學善
薩行修善薩道答言善哉善哉善男
子汝今已能發阿耨多羅三藐三菩
提心善男子我已成就毗羅摩伽三
昧大悲法門善男子此毗羅摩伽三
昧大悲法門是菩薩行一切菩薩功
德智慧志入其中三昧力故不移此
座普現一切清淨色身以普現法門
清淨光明之行於十方世界教化成
就六趣衆生常於一切諸佛所隨所
應化普現其前或以布施攝諸慳貪
或以持戒攝諸毀禁或以忍辱攝諸
恚惱或以精進攝諸懈怠或以禪定
攝諸乱心或以智慧攝諸愚癡以六
和敬善順衆生以四攝法攝取衆生
放大光明網除滅衆生煩惱熱痛以

方便波羅蜜行布施愛語利益同事
攝取衆生以一切光明細微妙音聲
普為十方一切衆生演說一切聖解
脫法成就一切諸波羅蜜隨諸衆生
應以諸佛菩薩聲聞緣覺形色威儀
而得度者皆為現身坐金剛座手執
白花為說毗羅摩伽菩薩本行大悲
法門聖解脫法若有衆生應以六趣
形色威儀而得度者現六趣身坐金
剛座手執白花為說毗羅摩伽大悲
法門聖解脫法令彼衆生皆得悅樂
以妙色身變現自在示同類身普度
一切隨其威儀乃至同心攝取衆生
善男子我常行此大悲法門毗羅摩
伽菩薩圓滿智慧光明三昧我於往
昔發清淨誓滿足願故以此淨願果
力住此法門是故此三昧門名為大
悲具菩薩行毗羅摩伽三昧法門教
化一切衆生為諸衆生而作屋宅歸
依覆護依止之處為諸衆生作大橋
樑作大洲渚為諸衆生作大炬燭作
大導師乃至究竟處為化衆生故發
弘誓願見聞我者皆得歡喜欲令一

切五道衆生遠離嶮難惡道恐怖熱
惱恐怖怠癡恐怖繫縛恐怖殺害恐
怖貧窮恐怖不活恐怖諍訟恐怖大
衆恐怖死恐怖墮四惡道恐怖諸趣
恐怖不同意恐怖愛不愛恐怖一切
惡恐怖逼迫身恐怖逼迫心恐怖愁
憂恐怖懈怠恐怖邪婬貪色恐怖生
老病死憂悲苦惱所求不得愛別離
苦怨憎會苦為脫一切衆生苦畏海
故發大誓願住此淨慧光明法門復
次善男子出生現在正念救護三世
一切衆生怖畏正念法名字法輪法
門為脫輪轉三界衆生故入論議法
門住此法門故示現一切衆生等身
種種方便隨其所應以是方便除其
恐怖皆令發阿耨多羅三藐三菩提
心得不退轉供養諸佛受持正法善
男子我唯知此大悲清淨毗羅摩伽
菩薩光明法門諸大菩薩一切皆具
普賢菩薩清淨大願成滿究竟普賢
之行不斷一切諸善根流不滅一切
諸三昧流常修阿毗跋致行未曾斷
絕善知世界成壞之相滅諸衆生不

善根牙生出一切諸善根流滅諸衆
生生死心流出生衆生善根心流我
當云何能知能說彼功德行
羅摩伽經卷上

辛丑歲高麗國大藏都監奉
勅雕造

佛說羅摩伽經卷中

羌

西秦沙門聖堅譯

尔時東方有一菩薩名無異行寶花
承足步虛而來詣娑婆世界金剛輪
山足蹈山時娑婆世界六種震動變
成衆寶以為莊嚴舉身毛孔普放光
明皆悉映蔽日月星辰梵釋四王及
一切天龍神夜叉捷闍婆阿修羅迦
樓羅緊那羅摩睺羅伽人非人等火
珠光明摩尼珠光皆如聚墨又此光
明普照地獄餓鬼畜生閻羅王處及
諸幽闇消滅衆苦斷除煩惱病苦怖
畏皆得安隱普雨寶雨充滿佛刹及
雨一切供養之具以是等種種供養
供養如來隨諸衆生所應見身為其
示現遍六趣已到金剛輪山至觀世音
所尔時觀世音菩薩告善財言善男
子汝見此座無異行菩薩不答言大
聖唯然已見時觀世音告善財言汝
詣彼問云何菩薩學菩薩行修菩薩
道時善財童子頭面敬礼觀世音足
遶無數匝觀察無厭正念聖教深入

智海却行辭退至无異行所頭面敬
礼右遶七匝畢已合掌而立白言大
聖我已先發阿耨多羅三藐三菩提
心而未知菩薩云何學菩薩行修菩
薩道答言善男子我已成就普現速
行法門善財童子白言大聖於何佛
所得此法門所從來刹去此幾何發
來久如答言善男子此處難知一切
天人及阿修羅人非人等所不能測
唯勤精進不退轉行親近善知識佛所
護念乃能得知若非具足宿善根力清
淨直心具菩薩根開智慧眼多聞多知
尚不得聞不能深入賢聖智慧何況
信解菩薩行處善財童子白言大聖
唯願為我說彼國土如來名号我當
承佛神力及善知識力信五根力成
就神通力而得信解今時無異行菩
薩答善財言我所來刹名妙首法藏
佛号普賢首於彼佛所得此普現速
行法門從彼發來已經不可說佛刹
微塵等劫於一念中行不可說佛刹
微塵等步一一步過不可說佛刹微
塵等世界所經諸國佛皆現在以一

切菩薩無盡供具供養諸佛摩訶摩
身所以者何以我得此無著清淨法
性生身如實相印三昧法門以是功
德能供養如來無著法身以一切諸
菩薩所希見事供養諸佛隨諸衆生
宿世善根為現色身而為說法放大
光明普照十方應適衆心隨其所須
如意皆得成就法藏出微妙聲演說
正法饒益衆生以妙法身度脫衆生
乃至十方亦復如是善男子我唯知
此菩薩普現速行法門諸大菩薩普
於十方無所不至境界无量無能壞
者清淨法身充滿法界分別了知諸
衆生道滿一切剎順一切法等觀三
世說平等法隨順世間不著佛道普
至无著無尋善說一切諸法實相本
性空寂我當云何能知能說彼功德
行善男子於此南方有城名婆羅波
提彼有一天名曰大天汝詣彼問云
何菩薩學菩薩行修菩薩道時善財
童子頭面禮敬無異行菩薩足遶无
數匝瞻仰觀察辭退南行
今時善財童子正念思惟菩薩毗羅

摩伽無障尋行一向專求无異行菩薩智慧境界所出光明智慧神通色身境界一切功德莊嚴境界勇猛精進堅固歡喜出生无量不可思議持行法門遊戲神通得決定智深心悅樂遍體歡喜具諸功德諸三昧地陀羅尼地諸大願地諸辯才地具諸力地漸漸遊行至彼城門推問大天今在何所時有人言善男子今在城內重閣堂上成就微妙清淨色身大眾圍遶化現說法

今時善財童子詣大天所頭面敬礼白言大聖我已先發阿耨多羅三藐三菩提心而未知菩薩云何學菩薩行修菩薩道是時大天即申四臂取四海水安置四掌不令漏落自為善財童子澡面漱口取金蓮華以散善財而作是言希有善男子甚奇甚特乃能遠來求善知識善男子諸菩薩行難聞難見甚深微妙不可思議勇猛精進形容微妙人中分陀利為衆生歸依覆護一切饒益衆生攝取不捨安隱一切普照一切十方刹海顯

現正道速離愚癡為大導師護持正
法獎引衆生安隱无患到於彼岸必
定當至一切智城甚為希有菩薩三
業具足成就難淨能淨永離衆惡於
衆生類常以愛語隨其所應志現其
前未嘗失機善男子我唯成就菩薩
雲網光明法門善財童子白言大聖
此雲網光明法門境界云何今時大
天於善財前積大金聚如山王積
白銀聚積琉璃聚積頗梨聚積車渠
聚積馬瑙聚積夜光聚積水精聚積
金精聚積開導衆生摩尼聚積紺鬘
摩尼聚積周羅摩尼聚積水光摩尼
聚積玫瑰聚積紫玫瑰聚積日精珠
聚積弥羅伽寶聚積雜色寶聚積毗
富羅寶聚積赤真珠羅網聚積栴檀
摩尼聚及積莊嚴支節一切身分諸
瓔珞聚猶如須弥一切花一切香一
切塗香一切末香一切花鬘一切天
衣一切寶蓋一切幢幡一切樂器一
切牀帳諸供養具五欲境界如是衆
寶積如須弥又復顯現阿僧祇百千
万億諸童女衆語善財言善男子汝

可取此一切衆寶供養如來惠施一切攝取衆生悉令衆生修檀波羅蜜學檀波羅蜜一切捨故以此捨心教授一切普得修行令諸衆生能捨難捨善男子我以此物教汝布施普教一切亦復如是悉令衆生以無貪善根薰修身心普使衆生修佛菩薩行親近善知識供養恭敬尊重讚歎出生善根長養善根成就具足一切善根發阿耨多羅三藐三菩提心

復次善男子若有衆生貪五欲者為彼示現不淨境界貪國土者為說无常為瞋恚怖畏憍慢放逸諍訟結恨如羅刹鬼殺生無度飲血噉肉如是等種種衆生悉為示現教彼衆生修大慈悲皆令永離瞋恚放逸若懈怠者為現水火盜賊惡王怨敵等難化以無常起諸善根善男子如是種種惡類衆生以方便慧滅除諸惡一切障罽智慧怨敵成就一切諸波羅蜜善男子我唯知此菩薩雲網光明法門諸大菩薩滅除煩惱如忉利天王滅阿修羅難諸菩薩如水能滅衆生

煩惱熾火諸菩薩如火能燒衆生煩惱積薪諸菩薩如風吹散衆生貪愛諸著壞滅一切染愛癡心諸菩薩如金剛摧滅一切彼我有愛諸大菩薩成就如是諸大功德我當云何能知能說彼菩薩行善男子此閻浮提南方有國名摩伽陀寂滅道場菩提樹下有神名安住汝詣彼問云何菩薩學菩薩行修菩薩道時善財童子頭面敬礼彼大天足今乃辭退趣摩伽陀國詣寂滅道場安住神所

今時十千地神各作是言此童子來能救護一切衆生即是如來藏能破衆生無明翳膜常生勝妙法王之家離垢無障以无量天繒寶冠以冠其首有大智慧寶藏摧伏外道異學諸論議師法輪王法教化衆生今時安住地天一万神等震動大地雨以香水掃以香風一万地天異口同音出微妙聲遍滿三千大千世界放大光明普照三千大千世界復有衆寶宮殿以為莊嚴一切花樹開敷鮮茂曲枝垂下一切果樹悉成果實亦皆垂

下一切香水泉源河池迴洄旋流更相灌注演出種種娛樂音聲諸天衆寶莊嚴樓閣騏驎師子香鳥白鹿鳳凰孔雀異類禽獸各與眷屬贊持供具皆志歡喜出哀和音無量寶藏自然涌出四方風起猶如金輪吹衆雜花散道場地天龍夜叉捷闍婆阿修羅迦樓羅緊那羅摩睺羅伽人非人等充滿林間

尔時安住地神告善財言善來善男子汝欲自見往昔曾於此處所種善根福報果不是時善財童子頭面敬禮安住天足遶無數匝却住一面向言大聖唯然欲見尔時安住地神即以足拍案此大地無量阿僧祇那由他摩尼寶藏開發顯現衆吉祥瓶自然涌出善男子汝昔布施果報致此寶藏次隨汝意以用布施善男子我已成就菩薩不可壞智慧藏法門我從然燈佛來獲大善根常住此地次第護諸菩薩令得深入智慧境界盡其源底大願成滿淨菩薩行出生一切三昧修一切神通具足一切菩薩

大方廣功德力具足諸菩薩大威德
力成就菩薩不可測智慧其心堅固
不可破壞放光明網遊諸佛剎閻諸
如來受記法輪一切如來所轉法輪
一切修多羅雲以大法光明普化衆
生受持諸佛自在神力守護諸佛大
法明力示教利喜我唯知此菩薩不
可破壞智慧法門善男子乃往古世
過須彌山微塵數劫有劫名光明淨
世界名月幢如來号善眼善男子我
於光明淨劫善眼佛所思惟得此法
門修習長養淨此法門增進高廣普
演法門於其中間常得見佛從光明
劫乃至賢劫於其中間過不可說不
可說佛剎微塵等劫劫中諸佛我悉
親近具足供養如是諸佛往詣道場
菩提樹下諸莊嚴具我悉得見於一
一佛所聽受修習得此法門於諸佛
所修習善根以此善根闡法因緣得
不可壞藏智慧法門善男子我唯知
此善法不可壞藏智慧法門諸大菩
薩於一切佛所親近供養諸佛說法
悉聞受持隨佛音聲為他演說念念

相續得入佛心住佛秘密得淨法身
超出菩薩無明習弊出生一切諸佛
影藏善說句義憶持不忘普現諸色
身於身不二相諸菩薩行無量无邊
我當云何能知能說善男子此閻浮
提有國名無惱城名勝忍於彼城中
有一夜天名婆婆娑娑陀汝詣彼問云
何菩薩學菩薩行修菩薩道時善財
童子頭面敬礼安住神足遶無數匝
眷仰辭退漸漸遊行詣夜天所

尔時善財童子正念思惟彼地天教
菩薩不可壞智慧法門修菩薩三昧
明趣入隨意觀察菩薩律儀法式其
心明了諸菩薩自在遊戲神通觀察
一切清淨法性深入菩薩甚深智慧
究竟境界深入菩薩智海法門隨順
菩薩觀察无壞智海法門觀察菩薩
深極無邊清淨不壞法門觀察菩薩
法雲法海廣覆法門漸漸遊行至彼
大城遶無數匝從東門入中城而住
尔時善財日没未久思慕大師如渴
欲飲隨順一切諸菩薩教一心合掌
欲見大師婆婆娑娑陀夜天於善知識

所起於如來應供正遍知想普眼境界顯現十方一切色身及智慧力遍至一切樂見善知識住淨境界普見一切諸善知識慈心境界妙藏法門得一切法正智慧眼觀察十方三昧智海普眼境界不出不入同一如性一切光明法界智海大智慧眼深廣無邊見彼夜天於其城上虛空中住處寶樓閣香蓮華藏莊嚴世界坐寶蓮華身真金色頂髻垂文妙金精色目瞻紺青分齊分明色相端嚴殊妙第一衆寶嚴身希有無比見者歡喜視之無厭身服朱衣妙寶嚴飾頂上髻鬘猶如梵王今時夜天即為善財童子說盡髻梵王頂法身印陀羅尼即說呪曰

勒航 婆羅婆娑那 陀羅尼 昵遮
梵摩闍咤震那 舍利囉 摩鳩吒
陀羅尼 昵遮 斫迦羅陀羅尼哆莎
呵地莎呵

善男子若有得此陀羅尼者於其身
上諸毛孔中普現一切日月五星二
十八宿亦現一切辰曜光明以此光

明普照無量世界一切衆生於剎那
頃能見衆生在三惡道受八難苦於一
毛孔皆悉觀見所化衆生或見衆生
樂生天者或有樂得聲聞乘者或有
樂得緣覺乘者或有樂得一切種智
者於一毛孔皆悉顯現或有樂見種
種方便形色威儀音聲說法及諸語
言亦於一念皆悉觀見如是微妙法
音清徹隨所樂聞經無數劫亦於毛
孔皆悉見聞及諸菩薩一切行等或
見菩薩勇猛精進修諸三昧神通力
門菩薩自在神力境界菩薩所住菩
薩光明菩薩神通奮迅法門如是種
種隨所化衆生皆於毛孔悉得見聞
皆是菩薩本行所得

今時善財童子見聞是已心大歡喜
頭面敬礼彼夜天足遶無數匝恭敬
合掌於一面立白言天神我已先發
阿耨多羅三藐三菩提心心生信解
因善知識得見諸佛聞法功德唯願
天神今當為我開示顯現諸菩薩所
行薩婆若道若有菩薩向此道者當
得菩薩十地十力今時夜天告善財

言善哉善哉善男子汝能敬善知識
隨順其教若有菩薩敬善知識隨順
其教疾疾當得阿耨多羅三藐三菩
提善男子唯我成就菩薩光明普照
諸法壞散衆生愚癡破魔法門善男
子我於邪見惡衆生中發大慈心於
不善業逆衆生中發大悲心於修善
衆生發歡喜心於善惡等衆生起無二
心於染汙衆生發清淨心於邪見者
我衆生起平等心於下賤不淨衆生
發歡喜心於著樂衆生生清淨心於
樂生死輪轉衆生發善隨順解生死
輪於樂聲聞緣覺衆生發起安立住
一切智善提道心善男子我常如是
思惟教化一切衆生成就菩薩光明
普照壞散衆生愚癡破魔法門於夜
後分人靖無聲時一切鬼神交橫馳
走時盜賊遊行時比丘離威儀時煙
雲塵霧昏蔽日月不見色時我於彼
處為作明眼引導令過若有衆生在
於城邑村營衆落山巖曠野八方大
海中乃至一切水陸叢林嶮路迷道
怖畏雲雷霹靂難愚人恐怖禽獸難

曠野盜賊難國土飢饉疾疫難鬪戰
破壞難以陀羅尼力滅其恐怖若有
衆生遭於海難黑風揚波大浪迴覆
商人迷惑不見邊涯如是種種水陸
諸難我於彼處為作歸依或作洲渚
或作船形濟諸溺人或作薩薄或作
鰲人或作魚王形馬王形或作小鳥
形龍鼉鼈形阿修羅王形海神龍王
形或作狗王蚊蚋形現如是等種種
類形為作歸趣方便度脫一切苦難
願諸衆生離五陰苦得解脫道一切
入間於夜闇時瓦礫荆棘丘陵塚阜
毒蛇師子虎狼虺蝮一切毒害寒熱
風難我於今時作日月形明星形流
星形彗星形或作雷電霹靂之聲或
作寶光明形或作熒惑太白諸災異
星變恠之形或作諸天宮殿或作天
王形或作諸天龍神八部之形或作
轉輪王形諸小王形種種人形或作
菩薩形或作如來形以陀羅尼力種
種方便覆護衆生願諸衆生常得安
隱大悲覆護住佛所住或作山巖石窟
形或作溪澗泉池林木藥草花果樹

形或作百種甘饍香美飲食或作冰
雪或作影響陰涼之形或作平地道
路巷陌或作迦陵頻伽孔雀王等衆
鳥之形或作藥樹王放光明形或作
山神地神形或作炬燭電光之形若
有衆生在山險平澤諸怖畏處以陀
羅尼力為作救護我以如是種種方
便令諸衆生得免憂苦離生死海發
如是念令諸衆生越我慢山又願衆
生超生死流慧炬炎熾破無明闇燒
五陰村度死生澤善男子我於生死
險難愚癡衆生以陀羅尼力決生死
網恐怖繫縛惡罵呪咀兩舌惡口誹
謗譏搆我於今時作迦陵頻伽鳥微
妙之聲說陀羅尼令彼悅樂解脫憂
苦若嬰兒童子壯年耆老瞽盲瘖瘂
癰殘拘攣疥癩癰疽乃至四百四病
以陀羅尼力作大醫王現病人前為
說種種諸治病法各得除愈善男子
我復作是念見諸衆生樂著五欲棘
刺林者樂著邪見顛倒說者樂著國
土生憍慢者如是種種愛著苦難逼
切其身不覺不知隨彼衆生在在處

處念何事思何事以陀羅尼力即為
現身示導正路令得安樂蒙我恩力
離衆苦難得安隱處我為彼人復發
誓願令諸衆生遠離三塗永得解脫
一切衆苦專求智慧向善提道無衆
憂患常得安隱離五陰縛若有邊方
諸小國土國王王子善男子善女人
憂國土諍訟事憂生業田宅事憂名
稱榮位自在事如是種種危厄怖難
我於彼處以陀羅尼方便之力令彼
和同皆得安隱復發是願令諸衆生
除五陰十二入十八界等一切諸著
越生死河安住彼岸又願衆生住佛
一切種智境界永離見著出生安樂
一切佛行若有衆生著聚落業无明
繫縛六十二見種種見著受諸苦惱
甚可慙傷我以陀羅尼方便為其說
法令得厭離以法攝之復作是念令
諸衆生安住無上正法道地復作是
念願諸衆生悉皆遠離六入空聚起
出生死究竟境界安處薩婆若城寂
滅樂處復次善男子如迷方人以東
為西以西為東以南為北以北為南

四維上下亦復如是一切世間迷法
之人不知正道亦復如是善男子世
有三人一狂二癡三者風病如此三
人橫興毒害手執利劍欲斫東方反
斫西方欲斫西方反斫東方欲斫南
方反斫北方欲斫北方反斫南方四
維上下亦復如是謗法之人亦復如
是心顛倒故於正法中而生邪相於
邪法中生正法想於常法中生無常
想於無常法中生於常想於樂法中
生於苦想於苦法中生於樂想於不
淨中生於淨想於無我法中橫生我
想於平地中生嶮岨想於嶮岨中生
平地想豐樂之世生飢饉想飢饉之
世生豐樂想民熾盛世生空荒想
空荒之世生熾盛想如此愚癡失道
衆生迷惑衆生失性衆生我以種種
方便陀羅尼力放大光明於黑闇處
欲出道者開其門戶為愚癡者放大
光明開智慧眼為失道衆生開示正
路而引道之若有衆生欲度流者為
作橋船津濟洲渚令到彼岸不知方
域示以樂土丘墟坑坎化為平地生

柔軟草或復現作城邑聚落及諸妙色以施衆生令得快樂又復現作江河流泉園林浴池人民熾盛安隱豐樂令諸衆生慈心相向猶如父子兄弟姊妹復發此願我今已施一切衆生一切安樂智慧光明令彼衆生永離闇冥無復癡愛長夜迷昏無明闇蔽無眼衆生得智慧眼普令明淨若有衆生著於我人衆生相者令離我人衆生等想若有衆生無常常想无我我想苦有樂想不淨淨想非陰陰想非命命想於非中陰作中陰想非陰界入作陰界入想草木非壽命作壽命想衆生非草木作草木想於非因果作因果想非善行道作善行道想殺生祠天求常樂想乃至十惡邪見等業普願衆生離此諸想不孝父母不敬沙門及婆羅門無有反復不識恩養遠離正道行不善業具足十六諸惡律儀誹謗正道毀壞正論深著邪見謗佛法僧斷正法輪壞菩薩衆增惡大乘殺害菩薩不讚菩薩僧如是種種諸不善業雜類衆生衆苦

逼身心懷愁惱失本智心不知法利
狂或愚癡不識正路於無量劫常被
誹謗邪見迷惑不識諸方者為如是
等非法非律深生慈悲令得覆護
今時夜天婆婆娑婆陀即為諸狂亂謗
法衆生說淨調伏除無量阿僧祇劫
罪業障陀羅尼即說呪曰

𑖀音都𑖀音疎𑖀音盧𑖀音余
異反𑖀音盧𑖀音余蒲陀那夜音余

三摩末祇他波耶音余寤𑖀摩𑖀

輸檀奈𑖀摩羅輸檀拈翅音尸輸檀

𑖀移莎呵 摩訶輸檀那摩𑖀移莎呵

若有衆生誹謗正法毀菩薩僧破和
合僧斷絕大乘聖智慧教增疾修行
菩薩行者無有反復如此人等不名
丈夫具男子身不孝父母殺逆父母
於善知識所諍訟欺詐殺害八人及
阿羅漢不仁不義偷盜佛物塔物法
物招提僧物現前僧物犯四重禁十
三僧殘十不善道五無間罪速疾正
向趣惡道者無明闇蔽沒在苦海我
以大智慧光明願力為除无明無間
重罪闇障癡惑令彼速發阿耨多羅
三藐三菩提心即以大乘而自莊嚴

具普賢行為說如來法王境界如來
十力四無所畏十八不共法神通等
事成就一切大智慧地我今示現如
來十力四无畏等陀羅尼力安住一
切諸佛正道以此陀羅尼力能令十
方一切諸佛同一法身復次善男子
我今為於長夜痛苦惱衆生多病
消瘦疾疫老朽慳貪貧窮危厄困悴
亡國破家流離失土貧窮孤迸踰嶺
失勢無救護者皆由前世無慈悲心
惡業果報繫屬於他八苦衰惱以為
衣服為如是等元歸依者以大悲方
便而救護之諸貧苦者以陀羅尼力
令其庫藏自然盈溢若有慳貪至死
不捨作守財鬼為如是等種種貧者
以諸方便而化導之令彼衆生皆得
解脫復發是願我當為彼諸衆生等
作大救護施以法藥服此藥者能消
一切諸煩惱病離生老死八苦之畏
无明老死十二輪轉一切衆苦皆得
永離離惡知識親近善友以普勝法
攝取一切令得安止三清淨業敬信
如來真妙法身當得永離生老病死

畢竟常住清淨境界復次善男子我見邪見諸衆生等及其眷屬作惡律儀見諸衆生遠離正道趣於邪運著諸倒見虛妄迷惑身口意業其行不善種種放逸依止邪法於非正覺生正覺想於正覺所生非正覺想親近惡友受行苦法投淵赴火自墜高巖常翹一脚五熱炙身灰土塗汙卧棘刺上自餓而死盛冬潛淵伏藏冰下受持鷄狗牛鹿等戒如是種種邪見苦行欲求解脫我以種種方便除其邪見令得安住於正見中令諸人天得寂上樂復發是願願諸衆生出離世間不著邪見安處無上正真之道得不退轉成一切智究竟滿足普賢菩薩大願之行向一切智不離菩薩一切諸地不懷一切衆生苦性而得解脫今時夜天婆婆娑婆陀欲重宣菩薩光明普照諸法壞散衆生愚癡法門承佛威神觀察十方即為善財童子以偈頌曰

我所成妙法 知時諸門地 照除愚癡闇
普觀一切法 我法門寂靜 久修慈心得

無量無數劫 大悲覆群生 成就大悲海
出生三世佛 除滅一切苦 善財速究竟
佛子心歡喜 永離世間惡 超出三界苦
受諸賢聖樂 遠離有為惡 聲聞智解脫
滿足諸佛智 佛子應究竟 我以遍淨眼
普觀十方刹 於彼世界中 諸佛坐道場
相好莊嚴身 無量衆圍遶 放大光明海
普化諸群生 觀諸衆生類 死此生彼
迴流六趣中 徭受諸苦毒 我以淨耳海
普聞十方音 一切語言海 皆悉能受持
我以淨鼻根 法海中无尋 能入諸法門
善財應究竟 我成大人相 清淨廣長舌
隨應演說法 佛子應究竟 清淨妙法身
三世如如等 隨其所應化 一切無不現
我心無所著 澄清如虛空 普攝佛境界
而亦無二相 悉知无量刹 衆生諸心海
分別諸根意 遠離虛妄法 我以神通力
遍遊无量刹 普覆一切衆 調伏諸衆生
智慧淨如空 無比无盡藏 供養一切佛
饒益諸衆生 廣大淨智慧 了知諸法海
除滅衆癡惑 佛子應究竟 我入佛法海
通達三世法 明了一切智 无能測量者
一一微塵中 悉見佛刹海 或觀三世佛

真實智慧力 見盧舍那佛 道場成正覺
十方微塵刹 悉轉正法輪

尔時善財童子白天神言發阿耨多
羅三藐三菩提心為已幾時得此法
門其已久如乃能如是饒益衆生答
言佛子乃往古世過須弥山微塵數
等劫復過是數無量无边彼有世界
名七寶功德集劫名光明寂靜國名
寶月光明城名蓮花光嚴闍浮提中
於此劫中有五百億佛出興于世時
彼城中有轉輪聖王名善法度以聖
王法正法治世七寶自至王四天下
壽命一切威力自在不加兵仗自然
太平彼王所重第一夫人名日月意
其王夫人伎樂自娛至於中夜溥昏
而眠夢此城中有一夜天名寂正覺
寂靜光明來至其前合掌而立而作
是言咄善女人汝今知不於蓮花光
大城之東有林名寂靜光微妙德於
此林中有菩提樹名一切佛自在光
有佛世尊号一切法雷音王坐此樹
下成等正覺十号具足放大光明名
摩訶王普照一切彼雷音王佛出興

於世於菩提樹下始成正覺已經七
日時彼夜天稱揚讚歎顯說如來無
量功德自在神通令彼夫人發无上
道心讚歎普賢菩薩一切願行時王
夫人即於夢中敬礼彼佛發阿耨多
羅三藐三菩提心供養佛時世尊放
金色光觸夫人遍照宮城皆同金
色時彼夫人即從眠覺念時彼佛侍
從聲聞菩薩一切大眾現夫人前是
時夫人頭面敬礼佛及大眾供養恭
敬尊重讚歎即發誓願願此功德於
將來世天人之中最尊最勝善男子
汝今當知時王夫人月意者豈異人
乎我身是也我於彼佛所初發道心
莊嚴功德種大善根超越須弥微塵
等劫不墮地獄餓鬼畜生閻羅王處
下賤之家具足諸根滅除衆苦常於
人天中得取勝果報常得不離親近
善友常生諸佛菩薩之家不生五濁
劫善男子我獲善利於彼佛所深種
善根長養善根於八十億須弥山微
塵等劫常受快樂而未滿足菩薩善
根亦未獲得三昧神通得過八十億

須弥山微塵等劫過此劫已復過一
万劫有劫名清淨無憂世界名清淨
威德勝彼世界中有五百億佛出興
於世成等正覺十号具足彼佛國土
或淨或穢我時次第供養彼佛彼佛
世界有一四天下名離垢幢城名莊
嚴我於尔時為明勝長者女名勝慧
光端正殊妙於彼世中值取初佛名
須弥山善寂幢時有一天名淨覺月
以本願力生彼城中復有夜天名清
淨眼於睡眠中入於王宮即至我所
顯現妙身讚歎如來勸我發心令往
佛所作如是言須弥山善寂幢佛始
成正覺放大光明已經七日尔時夜
天引導於我我即驚覺見大光明遍
滿宮室父母驚喜即告我言此何光
明金色顯赫明照吾室我於尔時即
白父母我於夢中見一夜天讚歎如
來勝妙功德有佛世尊名須弥山善
寂幢出現於世已經七日唯願父母
與諸眷屬往詣佛所供養恭敬聽佛
說法父母歡喜即便許可是時夜天
在前引導我與父母及親眷屬俱詣

佛所頭面礼足退坐一面見佛色身
微妙光明即得菩薩清淨三世普智
慧光明三昧得此三昧已憶念過去
如須弥山微塵等劫所見諸佛所說
經法受持不忘即得光明普照諸法
壞散衆生愚癡破魔法門得此法門
已復憶過去十世界微塵數劫世界
時事又見彼諸一切衆生及其業報
好醜諸根利鈍性欲不同語言音聲
久修善業親近善知識隨其所應亦
現色身為作利益見如此事如今現
在我以此三昧力於念念中增長法
門心心相續能以一身充滿十方微
塵等世界乃至充滿一切世界微塵
等海又復過彼一切世界微塵數不
可說不可說世界如是世界中念見
一切諸佛聞佛說法念能憶念受持
分別了知彼佛本淨願海又知諸佛
發清淨願莊嚴佛土我今亦欲嚴淨
一切世界海衆生令得淨土如今現
前隨彼衆生所應見身即為示現調
伏其心而化度之我從昔來乃至今
日剎那相續長養增進修此法門如

此法門究竟廣大如法界等善男子
我唯知此菩薩光明普照一切諸法
壞散衆生破魔法門諸大菩薩究竟
無量無邊普賢菩薩所行願海深入
一切諸法界海建立一切諸菩薩智
慧幢三昧遊戲神通大願成滿守護
受持諸佛如來大功德海於念念中
莊嚴教化一切衆生成就滿足智慧
性海除滅無明迷惑顛倒普施淨慧
猶如秋月菩薩住世遍照三界不著
衆相消除熱惱示現三世自在神通
運載衆生開示正道出生三世圓滿
清淨一切音聲充溢十方一切法界
從初發心乃至十地於其中間皆悉
具足無量功德不可思議諸神通力
智慧光明我當云何能知能說彼菩
薩行善男子此閻浮提摩伽提國有
一夜天名妙功德離垢光明彼夜天
者是我大師先已勸我發阿耨多羅
三藐三菩提心亦教利喜汝詣彼問
云何菩薩學菩薩行修菩薩道今時
善財童子即以偈讚娑婆娑陀而說
頌曰

我見尊淨身 相好自在嚴 超出於世間
猶如須弥山 法身湛然淨 三世悉平等
普攝諸衆生 其人無所著 開演淨光明
普照一切趣 於一毛孔中 悉見諸星宿
心淨無所依 如日在空中 攝取法王法
明淨深智慧 一一毛孔光 遍照十方刹
於一切佛所 弥布法雲雨 一切毛孔中
亦現變化身 充滿十方刹 方便度衆生
初行菩薩時 淨業不思議 一一毛孔中
顯現十方刹 識知見聞者 悉得功德利
專求菩提道 必成佛無疑 不思議等劫
常求善知識 寧墮三惡道 不捨菩提心
百千微塵劫 讚歎一切德 衆劫猶可盡
功德無窮已

今時善財童子頭面敬礼彼夜天足
遶無數匝 眷仰觀察心無厭足 辭退
南行向摩伽陀國
佛說羅摩伽經卷中

壬寅歲高麗國大藏都監奉
勅影造

佛說羅摩伽經卷下

羌

西秦沙門聖堅譯

尔時善財童子一心思惟彼夜天教
初發道心圓滿清淨思惟是已即得
深入諸菩薩藏出生菩薩大願法海
淨諸菩薩波羅蜜道窮盡菩薩圓滿
勝淨行業發起成就深入智海以一
切智救護十方一切衆生長養增廣
大慈悲雲於諸佛剎出生普賢諸大
願行漸漸遊行至普甚深微妙功德
離垢光明夜天所頭面敬礼遶無數
而却住一面恭敬合掌白言天神我
已先發阿耨多羅三藐三菩提心而
未知云何修菩薩行具足諸地答言
善哉善哉童子乃能發阿耨多羅三
藐三菩提心問菩薩行具足諸地善
男子菩薩成就十法則能具足菩薩
所行何等為十一者志得諸佛現前
三昧見一切佛色身了了分明二者
得淨眼三昧見一切佛三十二相八
十種好莊嚴其身三者得無量无边
功德淨眼見一切佛深妙功德智慧

大海四者見無量无边佛光明海。能普照一切法界。五者無量不可思議佛法光明。於一毛孔放大光明。普照一切衆生。數等令種種衆生皆發阿耨多羅三藐三菩提心。成光明海。諸佛如來普慈等心。於念念頃十方世界施作佛事。於諸衆生隨其所應而度脫之。令無量衆生皆得解脫。六者於一毛孔中悉見一切寶珠光明。摩尼炎海。七者於念念中出一切諸佛變化大海。充滿法界。究竟一切諸佛境界。教化衆生而無障。八者出一切佛無住微妙音聲大海。轉三世佛清淨法輪。演說一切修多羅海。及法雲海。其義深遠。无能窮盡。九者究竟諸佛音聲海。深入一切如來海。究竟一切如來海。十者深入示現不思議佛自在神力。化度衆生。住無量无边諸佛名稱海。善男子。此名菩薩十法。若有菩薩具此十法。則能滿足菩薩諸行。亦能悉修普賢行願。善男子。我已成就菩薩寂滅定樂精進法門。以此定力。悉見三世嚴淨佛刹。一

切諸佛及眷屬海志見無量無邊諸
佛如來神通力海分別了知諸佛名
号諸佛如來轉法輪海知彼諸佛壽
命短促及以無量知彼諸佛无量微
妙淨音聲海彼諸如來清淨法身無
量無邊充滿法界亦不著如來一切
諸相而無相好想何以故諸佛如來
無來去相已滅一切來去相故不住
三世如如際故亦非過去不住現在
滅於一切世間相相故不取一切來
去相故故名如來不來不去諸佛如
來不生不起不退不沒不滅不現故
名法身諸佛如來不起語性不滅語
性過一切語言語言斷故非實滅身
亦現滅度猶如幻法性不壞故諸佛
如來非實非虛欲為饒益諸衆生故
一切如來以如來道無來无去出興
於世諸佛如來不生不沒不滅不住
不至此不往彼法性清淨不可壞故
諸佛如來無性无相離於一切語言
道故諸佛如來以一如相同入法性
無邊際故究竟一切法界性故善男
子我如是了知於一切如來唯得此

寂滅定樂精進法門照明增長廣大
善根深入隨順如寂甚深普現境界
分別了知虛妄平等相演說甚深平
等大法以大悲心普攝一切未曾捨
離一心善寂无起滅想增長正受入
寂滅定起於初禪除滅意業得寂智
力攝取衆生歡喜悅樂入第二禪捨
離生死寂滅涅槃觀衆生性修第三
禪為滅衆生諸煩惱苦而不見衆生
相修第四禪增長一切智菩提心願
出生一切菩薩定海巧妙方便深入
一切諸法門海成就菩薩遊戲神通
出生菩薩自在神力明淨智慧深入
普門法界復次善男子我唯如是修
習菩薩寂滅定樂精進法門以種種
方便度脫衆生夜半靜時為諸在家
貧著五欲者說不淨相為計樂者說
苦惱想逼迫繫縛想食不淨想心狂
癡想羅刹鬼想為計常者說無常想
八苦集身想无我我想不自在想空
想如是等常无常苦無苦想觀此想
已教彼衆生令厭離五欲呵責身心
想信家非家出家學道想於空閑處

思惟坐禪除一切障尋諸惡乱道聲
想於夜寂靜為諸衆生心安隱故亦
現如是以鬼神力除其恐怖令發道
心若有樂欲求出家者我當為開正
法心門光明照路除其闇冥令不怖
畏即為彼人讚佛法僧令發道意又
復讚歎親近善知識修功德行善男
子我今以此法門力故令諸衆生未
生惡法方便令不生已生惡法方便
令滅未生善法方便令生已生善法
方便令增長廣行菩薩行修諸波羅
蜜滿足大願出生一切智慧慈悲欲
令衆生得人天樂除去妄想增長善
法隨順助成無盡無邊無受法行善
男子我唯知此菩薩寂滅定樂精進
法門諸大菩薩滿普賢願具足普賢
所行之行究竟得離除闇境界而得
成就諸善根力如來功德智慧光明
佛境界力一切佛心無所障尋出生
死闇无所染汙悉具一切薩婆若願
深入一切諸佛剎海攝取一切諸佛
法海成就一切妙法雲海如來智慧
普能饒益一切衆生没生死闇者以

智慧光照生死夜我當云何能知能
說彼功德行善男子去此不遠向如
來右面有一夜天名曰喜目觀察衆
生汝詣彼問云何菩薩學菩薩行修
菩薩道尔時普甚深微妙功德離垢
光明夜天欲重宣此法門義以偈頌曰
深入現前定 普見三世佛 淨眼無垢穢
分別諸佛海 觀察淨妙身 深入佛相好
一念無量力 普知法界性 淨身坐道場
盧舍那正覺 十方法界中 轉淨妙法輪
佛覺智最勝 滅盡相無二 衆妙好莊嚴
顯示一切衆 佛身難思議 同一虛空身
普現十方刹 一時悉教化 放圓淨光明
攝諸佛刹等 不思議淨色 普照諸法界
於一一毛孔 現無量佛刹 无量微妙色
普照諸世界 不思議光明 從於毛孔現
普照衆生類 除滅衆煩惱 化佛出妙音
充滿十方界 普見諸佛刹 皆悉如雷電
如來妙音聲 充滿十方界 普雨甘露法
令發菩提心 無數劫修行 攝受諸衆生
普見盧舍那 一切諸佛刹 一切世音響
如來悉出離 普現群萌類 令衆住境界
一切諸菩薩 所行不思議 於佛一毛孔

一念恚能知 不遠有夜天 名喜目觀察
汝可詣彼問 云何菩薩行

尔時善財童子頭面敬礼彼夜天足
遶無數匝眷仰辭退向喜目觀察衆
生夜天所尔時善財童子專求善知
識正念善知識教因善知識生諸功
德發菩提心善知識者難見難遇見
善知識生歡喜心滅諸亂想善知識
者滅除疑惑能壞障尋見善知識當
知即得近一切智見善知識即得深
入諸佛法海見善知識起一切十方
諸如來想聞善知識有所宣說當知
即得正念法雲陀羅尼想受持一切
清淨佛法見一切佛轉法輪想見善
知識即具一切大悲悲海救護衆生
見善知識當生歡喜智慧明淨恚能
普照一切佛法界海尔時喜目觀察
衆生夜天以威神力加善財童子讚
善財言善哉善哉善男子乃能如是
求善知識詣善知識親近供養善知
識者即是菩提求善知識是大精進
善男子善知識者難見難遇善知識
力不可破壞善知識者普遊十方除

滅生死志斷煩惱能成辯才善知識
者深入一切無量大事莊嚴正順道
善知識者志是普現法門能令一切
得無障罣不離本處遍至十方一切
佛所求善知識當起是想不來不去
不動不搖元來去相為一切智救護
衆生應求善友今時善財童子見善
知識即得了知無量無邊諸大願海
得一切智饒益衆生親近善友為諸
衆生無量無數恒沙微塵世界海盡
此世界海盡此世界邊際復過是數
無量無邊不可說不可說處大地獄
為彼衆生起於慈悲正向菩提除滅
衆生無量劫苦以一音聲普遍十方
一切世界講宣妙法若有聞者滅無
量劫生死罪障以大慧願而自莊嚴
修菩薩行於念念中得一切智相具
神通力於一切處常見一切諸佛如
來親近供養為善知識以佛莊嚴而
自莊嚴普淨三世諸佛法界不入生
流不住死流具佛神通不住法界不
離法界而能往詣十方世界充滿法
界善知識所不著語言剎那剎那頃

修菩薩行滿足性境界成就薩婆若
具一切佛神通遊戲莊嚴佛道以平
等法身心不動普攝衆生善知識力
顯現三世今時善財童子即詣喜目
觀察衆生夜天所時彼夜天於大衆
中處寶蓮華師子之座正受菩薩普
現光幢喜淨法門一切毛孔出妙色
雲其有見者喜悅無厭一一毛孔現
衆寶雲所謂智慧行報饒益衆生離
於諍訟以平等心不著諸法以上妙智
攝諸衆生顯現三世修菩薩行心無
慳怯能捨難捨普施一切身心平等
不可思議以布施福普攝衆生於諸
衆生不起染著不見衆相不捨衆生
志具三世菩薩苦行十方世界一切
衆生無明繫縛住癡有結菩薩即以
大悲神通解其繫縛又於一切毛孔
出生一切衆生數等菩薩自在隨應
變化身雲以此身雲充滿一切虛空
法界於衆生前示現色身正受不動
於衆生前三昧神通覺悟衆生不樂
世間遠離三界滅除生死如避火坑
而於一切示現生死現天人中種種

快樂及成敗相為諸衆生說不淨觀
令諸衆生皆悉修行除顛倒想為諸
衆生說於變易苦惱之法一切受身
有為之法皆悉無常願諸衆生深入
佛境界永離无常住不可思議尸波
羅蜜恒受諸佛清淨禁戒終不毀犯
心無疑惑亦諸衆生具足禁戒以戒香
熏一切衆生又於毛孔出生一切妙
色身雲割截手足及諸支體捶打逼
切訶責惡罵妄言誹謗皆悉忍受於
彼衆生不生瞋心不起害意讚歎惡
人終不毀犯身心恭敬深生恩愛猶
如父母慈念一子雖作此行不生憍
慢貢高之心顯現諸法真如法忍善
能和合一切世界諸惡衆生深知盡
無盡性虛空智慧行菩薩忍以佛心
智斷一切煩惱滅一切結習悉能荷
負一切世間醜惡衆生如護眼目願
一切衆生成就諸佛金剛忍德淨無
瑕穢又於一一毛孔顯現如來清淨
色身隨所應度衆生皆令得見又於
一一毛孔出生一切諸趣種種色身
示現勇猛精進令衆生修行如救頭

然降伏諸魔怨得勝不退轉救護於一切拔出生死海永離諸憂患及無明怖畏越度生死山永離諸欲流供養恭敬一切諸佛心無疲歇受持守護諸佛法輪勇猛精進滅除障罣普攝一切衆生皆令調伏入於律行心無懈怠普示一切淨佛國土教化衆生莊嚴阿耨多羅三藐三菩提心如是一切功德皆從精進波羅蜜本事果報生一一毛孔出現一切種種形色以諸方便除滅衆生諸憂惱苦皆令歡喜呵責歇患一切五欲深生慙愧調伏諸根修行無上寂勝梵行淨身口意業顯現世間一切所欲皆不可樂示現如是種種形色皆令快樂常樂受持出生正法心不散亂安住深入九次第定除滅衆生一切煩惱令得安樂顯現菩薩諸三昧海通明自在神力境界令諸衆生身心歡喜滅煩惱熱得清涼樂增進善法身口意業常得善寂諸根悅豫得法喜樂又於一一毛孔示現一切五道生處令十方五道皆見其身詣諸佛所盡一切

佛刹諸佛師長及善知識恭敬供養
心不懈倦一切如來所轉法輪悉能
受持終不疲厭不生退轉究竟一切
諸佛刹海化度衆生亦現一切法海
護持正法不見法相於一實相亦現
一切諸三昧門身心清淨能斷一切
衆生疑惑以智慧力分別一切衆生
心海以金剛慧破壞衆生諸邪見山
心生圓滿明淨慧日於一念中能除
衆生癡冥闇蔽令諸衆生遠離聲聞
辟支佛地疑惑顛倒有無二邊皆悉
歡喜得智慧樂悉教一切迴向佛道
又於一切毛孔出生一切衆生塵數
等身亦現種種色身不思議身隨所
應度悉現其前於一音中說無量音
无量音中演說一音隨諸一切衆生
類語說一切諸佛功德之藏亦行世
間有作无作有記無記悉了三世業
行果報不樂三界讚歎出世離三界
法一切顛倒邪見飢饉皆令出離向
甘露道趣一切智超出諸地二乘怖
畏於有為無為心无所著皆捨生死
正向涅槃不捨衆行不離諸趣往來

五道無有疲歇發勝進心成於平等
以正覺法教化衆生得一切知一一
毛孔出生亦現一切佛刹微塵數等
變化身雲遍現一切諸衆生前修普
賢行滿一切願不可窮盡勸進衆生
向薩婆若於一念頃亦現修習一切
淨行供養恭敬一切如來心無歇足
建法幢摧外道守護一切諸菩薩行
心心相續具足一切諸波羅蜜一一
微塵海出生一切諸法性海演說一
切法音聲海遍滿十方微塵刹海以
此音聲復盡微塵世界海劫長養一
切衆生善根住壽一切無量无邊阿
僧祇微塵數佛刹海阿僧祇等微塵
數不可說不可說劫為諸衆生令得
增進復過是數住壽不滅於劫壞時
承佛神力令得不滅三世一切微塵
佛刹諸佛出世悉令往詣恭敬供養
守護受持佛正法輪遊戲神通淨佛
國土教化衆生至彼彼處令諸衆生
皆大歡喜熙怡快樂於一一毛孔出
一切化身應一切衆生衆生業報現
一毛孔又於一一毛孔雨一切供養

具供養諸佛給施衆生法王心力故
無壞境界不可窮盡堅住如相不退
不沒心行平等無住无著出生歡喜
無極清淨之行以慈心力除滅一切
衆生罪惡菩薩本誓善願之力摧壞
四魔滅除一切煩惱業山盡諸世法
修大慈悲於菩薩行得不退轉普攝
一切十方世界有緣衆生令得修行
諸波羅蜜亦現菩薩無盡功德速得
菩薩轉法輪幢勝妙菩提諸陀羅尼
以此勝慧降伏外道具菩薩行力波
羅蜜為諸衆生趣向薩婆若故一一
毛孔亦現一切衆生平等身相令衆
樂見又於一一毛孔顯現一切衆生
類海又復顯現無量無數微塵數竺
不可說十方世界海微塵數等諸妙
色身皆悉顯現隨應衆生菩薩智慧
行力顯現不可說不可說智慧大海
善知一切衆生心海善知一切衆生
根海知諸衆生心心數海深入究竟
智慧法界於念念頃普能充滿一切
法界解脫於世間讚歎出世間莊嚴
淨佛國土讚歎淨國衆生習學諸佛

遊戲神通讚歎諸佛神通願力詣諸
佛所供養恭敬守護受持正法輪雲
顯現智慧十波羅蜜令諸衆生皆大
歡喜滅除熱惱遠離憂感及世八法
悉捨衆惡調伏諸根於一切智得不
退轉如是諸波羅蜜歡悅安樂化度
衆生諸大菩薩以此勝法震大法雷
覺寤一切睡眠衆生以勝慧法智力
光明普能正彼狂亂惡行亦見諸佛
本性淨行於一毛孔皆悉顯現而不
障尋喜目觀察衆生夜天所修功德
求善知識詣諸佛所親近供養修習
諸善行檀波羅蜜難捨能捨捨王
位國土城邑宮殿臣妾人民眷屬出
家學道是名行檀波羅蜜行尸波羅
蜜修持淨戒如護一目雖受一切世
間衆苦於所持戒而不毀犯一切衆
生所不能為菩薩行之是名行尸波
羅蜜行辱提波羅蜜一切衆生瞋恚
惡罵捶打毀謗逼切其身皆悉堪忍
無瞋恚色一切衆生奪其利樂言及
親愛如是苦事亦悉能忍設以三火
焚燒其身受一切苦心大歡喜譬如

比丘入第三禪身心悅樂深信諸法
堪受諸法不生不滅是名行羣提波
羅蜜行毗梨耶波羅蜜為一切智故
悉受衆苦節節火燒終不恐怖為一
切智故起大勇猛如救頭然專求菩
提身心堅固不可毀壞無疲極念終
不退轉是名行毗梨耶波羅蜜行禪
波羅蜜身心不乱而遍諸方滿足清
淨禪波羅蜜而得清淨究竟一切諸清
淨行入勝三昧神通遊戲度大智海
念念相續皆悉次第入清淨定是名
禪波羅蜜滿足諸方便身心常淨是
名禪波羅蜜一切禪定海究竟諸三
昧海次第相續未曾斷絕是名禪波
羅蜜行般若波羅蜜不著彼不著此
於空法中得大解脫是大菩薩清淨
圓滿般若波羅蜜自然智慧出生清
淨慧日身心不著入智慧藏究竟觀
察大智慧海般若波羅蜜不著法相
行勝清淨智境界吉祥般若波羅蜜
出生妙義智慧海般若波羅蜜行方
便者出生一切諸方便身普知一切

智明淨法界勝進力是名方便波羅
蜜淨慧方便生法性生身出入息頃
得淨方便無二本行是名方便波羅
蜜諸菩薩等本弘誓願出清淨身現
生具足攝受衆生於一切衆生及諸
善行心淨无著是名行方便波羅蜜
行願波羅蜜出生一切願海身深入一
切智慧諸三昧海超過一切聲聞辟
支佛地亦現出生本淨願行波羅蜜
不捨不得隨所願求智慧本行淨諸
願身是名行淨願波羅蜜行力波羅
蜜備諸功德如意自在修助道法是
名力波羅蜜因助道法饒益衆生修
諸功德不著功德不見功德相是名
力波羅蜜因力果力皆悉具足猶如
大海是名力波羅蜜顯示種種法序
說諸智力是名力波羅蜜雜因果力
演說智力智雜業力是名行力波羅
蜜行智波羅蜜身智波羅蜜名字清
淨智波羅蜜智慧境界智波羅蜜正
疾行智波羅蜜普現光明猶如妙香
異物同熏如呼聲響一切皆應是名
智波羅蜜智炎光明勝妙音聲演說

義味無有窮盡普攝一切是名智波
羅蜜智波羅蜜出生成滿本行果報
性相清淨是名智波羅蜜智波羅蜜
無著无護一切智集諸無著助菩提
分智慧明了具勝進地深入甚深智
行境界是名智波羅蜜智波羅蜜深
入微妙知法性法智攝受諸法隨順
智慧善知福田及非福田如實之相
是名智波羅蜜諸如來智超出三界
了達三世善知菩薩一切行業普集
衆智无所罣碍亦知菩薩正智住處
應修正行又復善知從初發心趣向
上地以方便心善知迴向善知諸法
如業如報如善知法輪如知法輪如
相是名智波羅蜜勝妙無著攝受正
法攝受正法者悉知一切法悉知一
切法者知法如來知法如去善知業
業境界善知刹刹境界善知諸劫
善知三世智出生諸佛智知佛智等
正智知菩薩智知菩薩智知菩薩
住智知菩薩功德智慧智知菩薩淨
心迴向善知諸大願智轉法輪智知
分別法智入法海智知方便海智知

法旋流陀羅尼智知諸法至趣智知如是等一切智波羅蜜深遠無底廣大無邊究竟無際如是勝智十波羅蜜於一毛孔皆悉顯現一切毛孔皆悉顯現諸變化身化度衆生又於一切毛孔出生无量身雲所謂阿迦膩吒天身雲淨居天身雲善現天身雲不熱天身雲果實天身雲遍淨天身雲無量淨天身雲少淨天身雲淨果天身雲廣果天身雲无量淨果天身雲光音天身雲少光音天身雲大梵天身雲梵輔天身雲梵富樓那天身雲梵富樓吉那天身雲梵印天身雲梵自在天王身雲他化自在天王及其天子天女身雲化樂天王化樂天子天女身雲兜率陀天王兜率陀天子天女身雲炎摩天王及其天子天女身雲提桓因天王及三十二輔臣天子天女身雲提頭賴吒天王及天子天女眷屬一切乾闥婆男女身雲毗樓勒叉天王及其眷屬天子天女一切鳩祿茶男女身雲毗樓博叉天王及其眷屬

天子天女一切龍男女身雲毗沙門
天王及其眷屬天子天女一切夜叉
男女身雲緊那羅王及一切緊那羅
男女身雲摩睺羅伽王及一切摩睺羅
伽男女身雲迦樓羅王及一切迦樓
羅男女身雲阿修羅王及一切阿修
羅男女身雲并及地獄惡趣身雲人王
身雲男女身雲童男童女身雲出如
是等一切諸趣身雲聲聞辟支佛仙
人身雲地神水神火神風神海神河
神山林樹神穀神味神藥草神園觀
神泉海神城郭神道場神夜神晝神
虛空神方神道神身形神日精神諸
魑魅神金剛力士神步行神如是等
一切神身雲普遍十方一切世界為
法界等一切衆生現喜見身今時喜
目觀察衆生夜天從初發心所行功
德積集無量諸波羅蜜次第受生死
此生彼輪轉五道及其名号親近善
知識值遇諸佛親近供養聞持正法
行菩薩行心無罣碍得諸三昧次第
觀見一切諸佛色身相好見諸佛刹

及見諸劫次第成壞得淨智慧深入
法界觀察衆生知衆生海死此生彼
得淨天耳次第悉聞一切音聲以聞
聲故得知他心智悉知衆生心心所
念無尋神足次第自在不著世間不
受後有盡虛空界淨法性身修得神
通淨妙報果充滿十方得諸菩薩次
第法門究竟菩薩諸法門海菩薩自
在勇猛精進菩薩進步猶無所畏至
於正趣離生死相勝妙清淨集諸功
德如意法門等一切法界等亦彼一
切功德身雲亦一切智慧身雲演說
法音開現教化令得歸依遍一切處
示現大道於風輪中扇動上聲示現
說法令彼受持亦教利喜思惟不著
地動水流海波火炎山相擊聲諸天
宮城震動之聲摩尼寶殿震吼之聲
天王形色鼓舞之聲龍王起雲雷震
之聲夜叉輶闍婆阿修羅迦樓羅緊
那羅摩睺羅伽等一切神王於十寶
山種種音聲轉輪聖王及諸小王一
切人衆男女音聲梵王音聲一切諸
天歌頌音聲天樂音聲摩尼寶王神

珠音聲天音聲聲聞緣覺菩薩音聲如來音聲如來化身所出音聲如是等種種音聲為諸衆生分別演說喜目觀察衆生夜天從初發心功德境界難得能得一切苦行難行能行如是等行皆承佛力而得通達一切功德變化身雲於一一身雲說此清淨無著法雲間無斷絕於念念中遊十方世界修於淨土復令過是无量無邊世界應受惡道苦无量無邊諸衆生等成就天人樂无量无边衆生度生死海无量無邊衆生安住聲聞辟支佛地无量無邊衆生離聲聞辟支佛地得諸菩薩不退轉行不可思議廣博喜懂自在法門於念念中令無量无边衆生住如來地

今時善財童子皆得見聞善知解了諸奇特事正念思惟觀察分別深入禪定智慧安住平等何以故與彼夜天光身同行故佛所護念故成就不可思議如幻諸善根故具足菩薩不思議根故成就菩薩諸善根故得生如來種姓家故得善知識恩力故一

切如來無著神力之所持故毗盧遮
那佛本願力故成就善根堪受普賢
菩薩諸願行故

余時善財童子得菩薩歡喜淨光明
大海幢法得十方一切諸如來力得
彼夜天毗羅摩伽菩薩幢法門得彼
法門已深入觀察普照十方光明法
海三昧

余時善財童子即起恭敬合掌以偈
讚歎彼夜天曰

無量無數劫深入寂勝法顯現妙法身
隨衆所應見了知群生心無明顛倒惑
以種種方便度脫衆生類常淨妙法身
久除諸熱惱非二亦有二度脫衆生故
陰入及與界悉皆無所著衆行及色身
解脫一切有不著内外法越度生死海
淨明智慧光普照生死闇喜目根无著
除滅諸疑惑一切樂世樂為現佛十方
無尋三昧力於一一毛孔出諸化身雲
心念生三昧心念三昧力供養十方佛
攝取諸衆生究竟一切法觀察諸有海
業行自在嚴演說无尋道令衆清淨故
相好備嚴飾猶如普賢像隨應受化者

顯現無尋身

得

尔時善財童子偈讚歎已白言天神
發阿耨多羅三藐三菩提心為已幾
時得此法門其已久如今時夜天以
偈答言

我念過去世 无量剎塵劫 尔時有一劫
名曰寂靜音 城有轉輪王 清淨妙色身
具三十二相 八十好莊嚴 妙身圓滿幢
閻浮檀金色 光明照一切 安詳遊虛空
轉輪王千子 勇健身端正 大目有一億
智慧志賢明 有十億姝女 端嚴如天后
大慈悲柔軟 奉給侍大王 時被轉輪王
常以正法治 統領諸山地 一切四天下
棄國捨世榮 出家求佛道 我為聖王后
具足梵音聲 身出金色光 周照四万里
日光既已沒 中夜閑寂然 我當於尔時
神瑞降善夢 聞佛出世間 号曰功德海
顯現自在力 充滿十方界 放光明網海
照一切剎土 無量自在身 充滿十方界
種種變化身 光明果報力 充滿恒河沙
遍照一切趣 大地六種動 自然出妙音
如來出興世 衆生皆歡喜 一切毛孔中
出佛化身海 充滿十方界 隨應演說法

我夢見如是如來自在力聞說微妙法
身心大歡喜十千夜天神充滿虛空中
讚歎彼如來開發覺悟我彼天告我言
賢慧汝今起佛已興汝國劫海難值遇
聞此音歡喜即見明淨光觀察從何來
道場樹王所我見如來身如須彌山王
一切毛孔中放大光明海見佛自在力
心生大歡喜即發願誓願我如世尊
夫人覺語王眷屬及妹女我夢見佛光
喜樂充滿身即時興大王無量那由他
眷屬四兵衆往詣如來所我於二万歲
常供養如來七寶四天下一切志奉施
彼佛為我說功德普雲經大願海莊嚴
隨聞度衆生我發大誓願未來作夜天
諸有放逸者志令速衆惡今時我初發
無上菩提心生死有為中未曾有忘失
從是後供養十億那由他生死海受樂
饒益諸衆生初佛功德海第二功德燈
第三寶炎佛第四豐慧智第五天花藏
六無尋月音第七法月王八圓滿智王
第九寶炎佛无上天人尊第十日音聲
我已忘供養如是等諸佛十億那由他
猶未得慧眼究竟生死海次第復有劫

名曰天妙勝 世界名寶光 五百佛興世

初佛圓滿月 第二明淨日 第三光幢佛

四須弥山王 第五花炎海 六智慧海幢

第七然燈佛 第八天德藏 第九光明幢

第十普智王 如是等諸佛 我已悉供養

未離五陰苦 非樂生樂想 於法不生疑

亦不疑正法 次第復有劫 名莊嚴梵音

今時有世界 名蓮華燈雲 彼有无量佛

及諸佛眷屬 我已悉供養 聞受持正法

初佛名寶山 第二功德海 法界須弥幢

第四法須弥 第五法幢佛 第六地威神

第七法力佛 第八虛空慧 第九法炎山

第十照明山 如是等諸佛 我已悉供養

猶未了真實 究竟盡法海 次第復有劫

名曰歡喜德 今時有世界 名曰光功德

彼劫有八十 那由他諸佛 我已悉供養

禮敬寂勝尊 初乾闥婆王 二壽命樹王

三須弥功德 第四寶眼佛 五毗盧遮那

六賢聖莊嚴 第七法勝王 第八明淨德

第九世間王 十一切法王 如是等諸佛

我皆已供養 猶未得妙智 深入諸法門

次第復有劫 名曰淨不壞 今時有世界

名普光莊嚴 十佛興世間 除无量煩惱

功德已莊嚴 嚴淨諸衆生 有千佛興世
無量德莊嚴 除滅煩惱垢 令衆悉清淨
初佛名无諍 第二無尋力 第三法界光
第四梵髻王 五波樓那天 第六衆生歸
七圓滿忍燈 八具足法燈 九光明嚴海
第十威神王 如是等諸佛 我皆已供養
猶未解真法 遊行一切刹 次第復有劫
名曰香燈刹 今時有世界 名曰清淨起
一億佛興世 嚴淨一切劫 彼佛所說法
我聞悉受持 初名法稱王 二名法身海
三名勇猛頂 四功德法王 第五勝法雲
六名天首冠 第七智炎佛 八名虛空力
九名普勝起 十名妙德首 供養彼佛已
成就八正道 次第復有劫 名明淨金剛
今時有世界 名曰寶幢主 五百佛興世
彼諸如來等 我皆已供養 求無尋法門
初名圓滿德 第二寂然音 第三功德海
四曰威神王 第五法取王 六名須弥相
第七名法王 第八功德王 第九功德山
第十光明王 如是等諸佛 我已悉供養
我皆悉嚴淨 一切取勝道 猶未得具足
究竟深法忍 次第復有劫 名曰勝稱音
今時有世界 名曰寂靜音 八十那由他

諸佛興出世 我已悉供養 於彼修正道
初佛号華聚 第二海藏佛 第三功德起
第四天周羅 第五摩犀藏 六号金山王
第七寶聚佛 第八寂靜幢 第九法幢佛
第十号財首 如是等諸佛 我已悉供養
次第復有劫 名千首功德 今時有世界
名曰善花燈 六億那由他 諸佛興出世
我已曾供養 彼一切諸佛 初佛寂靜幢
第二智印王 第三号百燈 四功德雲王
寂靜光明王 第六明淨日 第七法燈王
八功德首王 九天功德藏 十智慧雲雷
如是等諸佛 我皆已供養 未得無生忍
究竟諸法門 次第復有劫 名無著光炎
今時有世界 名無量勝光 有三十六億
那由他佛出 如是等諸佛 我皆已供養
初号普山王 第二虛空心 第三号集智
第四莊嚴藏 第五法海音 第六持音聲
第七化音聲 第八化雲海 九功德音海
第十妙音幢 十一普威德 第十二法海
十三集音聲 十四功德海 十五燈明首
十六寶炎首 十七燈明佛 十八功德炎
十九月天佛 二十功德勝 彼諸如來等
我皆得值遇 彼兩足世尊 出興於世時

我為功德天 供養彼軍勝 時佛為我說
莊嚴大海願 陀羅尼念力 皆悉能受持
我得明淨眼 三昧陀羅尼 於一一念中
志見無數刹 出生大悲藏 深入方便雲
心淨如虛空 皆從夢中生 始發菩提心
廣大如虛空 究竟無邊際 為度衆生故
盡未來際劫 願求諸佛力 觀察諸衆生
常樂我淨倒 愚癡闇所覆 煩惱起虛妄
邪見貪欲等 無量諸惡業 一切諸趣中
具受不善報 一切諸趣中 種種業受身
生老病死患 無量苦逼迫 我發无上心
安樂諸衆生 今至諸佛所 成滿如來力
滿足大願雲 常見一切佛 修習於正道
具足諸功德 一向廣專求 無量功德雲
羅摩伽三昧 充滿諸法界 廣大波羅蜜
聲聞十方刹 一切諸佛所 聞此羅摩伽
即具普賢行 入淨深法界 攝持一切法
成滿一切地 三世方便海 修習無量行
一心具佛智 智慧悉通達
余時夜天說此偈已 頭面敬礼一切
諸佛未舉頭 頃見一切如來足下千
輻相輪逆觀如來一切相好於佛相
好中身心明了不著相好以廣大心

速疾聞佛五分法身者究竟一切諸
波羅蜜住菩薩地盡佛法海遠離一
切三世色聲香味觸法住普賢菩薩
廣行究竟地圓滿清淨大境界地於
一念頃普現十方無量佛刹具十法
門一一法門具足無量无边不可思
議阿僧祇等諸法界海盡一切苦際
皆志深信佛子如是等種種功德我
已久修信解受持具普賢行善男子
今時智慧轉輪聖王劫劫相續常紹
王位受佛種性生釋種家不斷如來
善寂種性者豈異人乎今文殊師利
童子是也今時轉輪聖王夫人賢慧
玉女者今我喜目觀察衆生夜天是
時覺寤我夜天者今普賢菩薩所變
化身是善男子我於今時夜夢覺已
見佛光明初發阿耨多羅三藐三菩
提心發是心已於無量佛刹微塵數
劫不墮惡道常生天上下在人中受
諸快樂值見諸佛於其中間經无量
劫乃至報應首功德幢如來應供正
遍知所得此普光喜幢法門得此法
門已示現種種身調伏衆生隨順開

發皆令親近善知識若天若人及餘一切於未來世間向佛名及聞普光喜幢法門毗羅摩伽三昧名号受持讀誦解說書寫亦得超越無量佛刹微塵劫海生死之罪不墮惡道常生天上人中受諸快樂常見諸佛聞法受持終不忘失善男子我於寶光功德炎佛所得此普光喜幢速疾法門得此法門已一向專求諸善知識身心諸根歡喜悅樂遊諸方面調伏衆生令入律行善男子我唯知此普光喜幢法門毗羅摩伽三昧圓滿清淨勝光境界諸大菩薩於念念頃不離善知識深入方便智慧大海因善知識出生長養速疾法門發一切大願海於一切劫不離善根念念相續近善知識求妙功德救護衆生志具一切普賢菩薩所行之道今時喜目觀察衆生夜天為善財童子顯現菩薩教化一切世間法門境界相好莊嚴身相眉間白豪相中放大光明名普慧炎燈清淨幢無量光明照一切世界已入善財頂充滿其身今時善財

童子即得毗羅摩伽圓滿三昧得此
三昧已於一一身充滿法界於一切
地水火風微塵衆寶微塵香微塵金
剛微塵摩尼珠微塵碎末微塵一切
莊嚴微塵如是等一一微塵海中悉
見佛刹微塵等世界成壞四大成敗
相風輪水輪金剛輪地輪種種莊嚴
衆山圍遶無量大海諸天宮殿諸雜
寶樹種種莊嚴諸龍宮殿夜叉乾闥
婆阿修羅迦樓羅緊那羅人非人等
城郭宮殿地獄餓鬼閻羅王處死此
生彼皆悉了知諸法因果一一身中
普現一切法界等身悉見一切諸佛
刹土隨所應化度脫衆生業報好醜
以微妙音普為說法令此法音從毛
孔入令諸衆生皆得法行見一一刹
及見一切世界微塵數刹見無量无
邊一切諸佛如來海深入善根於諸
佛所住一切法界於無量佛所得無
量法門越度生死遊戲神通於一一
佛所自念從初發心修菩薩本行普
集善根一切境界果報於一一佛所
得聞諸佛所轉法輪受持不忘守護

正法以本願善根力志見三世一切
佛海越生死流善男子諸大菩薩成
就如是無量無邊諸大功德我當云
何能知能說彼功德行今時喜目觀
察衆生夜天告善財童子言我以此
普光喜幢法門力故常見諸佛間無
空缺以此義故遍一切處守護佛法
盡虛空界心不疲厭云何能為守護
一切諸佛正法以毗盧遮那佛本願
力故及觀世音菩薩摩訶薩威神力
故持白寶蓮華陀羅尼呪擁護受持
讀誦行正法者今時喜目觀察衆生
夜天承佛神力即說白寶蓮華陀羅
尼呪

多耆他 摸利翅 波闍羅 摸利翅 毖摩
他移 毗毖摩他移 波闍羅 波闍羅 毖摩
毖他婆尼翅莎呵 禪頭

音頭 掬反 翅

毖頭

翅莎呵 毖毖多鉢頭摩 無至翅莎
呵 因陀羅波尼翅莎呵 毖檀祇莎
呵 踰闍祇莎呵

若有受持此呪者不墮地獄餓鬼畜
生於現身上終不橫死不遭縣官牢
獄繫縛常受一切清淨快樂若有得

此陀羅尼者當知此人常得不離值見諸佛亦不離聞佛說法轉正法輪又復常得無盡清淨法音聲海辯才印陀羅尼若有得聞此陀羅尼者具足一切菩薩淨行必度生死海當到彼岸

今時善財童子聞此陀羅尼已恭敬頂禮喜目觀察衆生夜天足遶無數匝專心思惟正念菩薩圓滿淨幢菩薩法門思惟分別觀察正受念善知識教深入隨順善知識教時彼夜天告善財言善男子此佛衆中有一夜天名普覆衆生威德汝詣彼問云何菩薩學菩薩行具菩薩行修菩薩道時善財童子頭面敬礼喜目觀察衆生夜天足躡退而行詣普覆衆生威德夜天所求善知識心無厭足即得發起宿世善根一切境界此境界力普見十方諸佛菩薩諸善知識威儀庠序捨離憍慢深生恭敬所見菩薩及善知識念念相續無有異心皆志歸依諸善知識彼諸菩薩從初發心堪為法器乃至十地求善知識如我

無異常為善知識之所覆護聞善知識所說密語憶持在心終不忘失為成菩提故修一切善根莊嚴功德具諸方便皆由先世親近善知識故今時普覆衆生威德夜天普放光明此光明名調伏一切衆生律儀亦現莊嚴法門得此法門故具足相好以莊嚴身以此相好身示一切衆生令得歡喜一一相好亦現一切衆相光明現光明已於白毫相放一切光以此光明普照一切以一切光以為眷屬此光名普智炎毗羅摩伽圓滿明淨三昧境界又此光明無量無邊無有涯際普照十方一切世間已入善財童子頂充遍其身於其身內悉見衆生死此生彼善惡業報皆悉現於善財身中今時善財童子即得極妙清淨毗羅摩伽三昧得此三昧時無量無邊諸衆生等發阿耨多羅三藐三菩提心一切大衆皆大歡喜礼佛而退

佛說羅摩伽經卷下

癸卯歲高麗國大藏都監奉
勅彫造

度世品經卷第一

卷

西晉月氏三藏竺法護譯

聞如是一時佛遊摩竭國法閑道場
普光講堂蓮華藏師子座覺了真諦
無有二行度無想法如佛遊居以致
平等一切諸佛進退遊行無所罣碍
亦無蔭蔽法无退還行無等倫所見
奉敬不可思議現等三世其身所顯
普周世界分別諸法慧无猶豫具足
諸法坐佛樹下究暢經典不疑正覺
不想計身一切菩薩志願道慧佛行
無二所濟第一度於彼岸不壞如來
建立脫門諸佛土地不可限量所遊
平等所修法境曠若虛空十方國土
不可計會億百那術一切塵限諸菩
薩數其亦如此菩薩大士皆生補處
當成无上正真之道各各他異十方
佛國來會此土皆成開士皆發慧目
德門無極開化一切衆生諸界順律
唱道權方便門曉了隨時住菩薩法
一切世界講堂樓閣越升慧定而以
觀察滅度之地尊敬道慧蠲除一切

言辭行陰所可釋去明識因宜攝取
衆生入於無量道遊其中一切衆生
所作禍福皆有報應終不腐朽分別
應時所試觀察永無所獲解知衆生
諸界志性達了諸根省應可度從其
緣便應病授藥去來今佛所可頒宣
章句議理輒受奉持已受其決執懷
平等解發正藏所當歸者入於現世
度世無量法自所入真正志已暢解
有為無為觀之无二去來今佛一切
如來所入道場一時道御建平解成
平等覺志能示現心閑心懷已了佛
道不離一切衆生發心入一人心則
能普入一切衆生所知所樂自於其
慧而不動轉諸菩薩身逮得普智諸
通慧心住於其地而不退轉菩薩所
行力无休慙周旋徃來慧無所行一
切人故於無數劫在於生死曉了建
立不可計劫難可值見諸菩薩實真
正難遇常轉法輪未曾勞廢開化衆
生令入律品過去當來現在如來嚴
淨斯處逮成衆生具足本行所擔已
具功行殊特如是菩薩及餘學士十

方諸佛所可咨嗟劫數無際所歎无限其無元庑與衆超異

其名曰普賢菩薩普因_{一作目}菩薩普化菩

薩普智菩薩普眼菩薩普光菩薩普

觀菩薩普明菩薩普英菩薩普覺菩

薩如是之等不可稱計億百那術十

方諸佛國土塵數如是普賢成就所

願其所誓志志願超殊若諸佛興普

往求請曉了隨時皆持諸佛所化法

目不斷一切如來之教諸佛興世速

疾受決成寂正覺名号國土已淨畢

了所住法輪見無佛國示現為佛嚴

治一切凶弊穢濁難化世界休息滅

除諸菩薩衆罣碍禍福入無陰蓋正

諦法界於是普賢菩薩即以佛藏三

昧正受這三昧已應時遍入十方諸

佛之所遊居靡不周暢皆以通達無

有餘土而不徹者講堂法境其虛空

界悉至无際十方剎土六反震動其

大光明靡所不照馨揚洪音莫不聞

聲普賢菩薩從三昧興見諸菩薩咸

來俱會欣然大悅普智菩薩觀諸菩

薩皆來雲集亦復踊躍前問普賢菩

薩大士善哉佛子今諸菩薩十方來
會渴仰經典瞻戴仁者如冥思明唯
為解說諸菩薩行從始至終令無疑
結者亘然如病得愈盲者得目何謂
菩薩有所依怙而无所著何謂菩薩
未曾有想何謂為行何謂善友何謂
精進何謂勸信何謂化衆生何謂禁
戒何謂受決何謂菩薩不相求短何
謂入如來何謂得入衆生性行何謂
逮入於諸世界何謂曉入諸念劫數
靡所不達何謂暢說於三世事何謂
得入三處何謂無歇其所發心无所
缺漏何謂菩薩分別諸辯何謂菩薩
逮得捻持何謂菩薩頒宣佛道

普賢菩薩緣普智問欲令來者皆得
開解讚言善哉諸會菩薩皆共咸聽
菩薩有十事法有所依怙而無所著
何謂為十依菩薩心令不違失依於
善友常修專精荷千德本而植福慶
順度無極能奉行政恃一切法无所
歸故怙擔諸願使親道故專於諸行
習具足故附諸菩薩一生補故歸奉
諸佛心歡然故奉諸如來歎如父故

是為菩薩十事法有所依怙為無所著菩薩住此疾逮無上如來大慧至無極依於是頌曰

依者无所依 自歸於諸佛 解法無所望 乃至於大願 見諸佛懽然 依之而奉敬 恃怙諸如來 因具足道行

菩薩有十事未曾有想何謂為十念諸德本如已無異身積眾善以施眾生一切切訓以為道想解達眾生為道器想願濟一切如已願想皆以諸法施不及想察一切法念如佛法為一切行如奉身想一切言辭於諸所行無所妄想覩見諸佛為父母想於眾如來為无二想是族姓子諸菩薩眾未曾有想菩薩住此疾成無上逮眾德本於是頌曰

為一切積德 念之如已身 觀察於眾生 亦如道法器 諸眾生造願 與身等无異 歸命於道法 令致無從生

菩薩有十事為行何謂為十講說分別眾生所行而求一切諸法所行普學禁戒尋即奉行積累諸行眾德之本一心專精奉修三昧曉了聖慧所

當歸趣慇懃謹勅無所違失遊於刹
土欲莊嚴故修善知識不離恭敬奉
如來行敬如師子是為十事於時
頌曰

一切有所行當開化衆生 勤求於諸法
而奉行禁戒 積累衆德本 一心歸定意
曉了聖明慧 所遊淨刹土

菩薩有十事為善友何謂為十建立
道意能修德本入度無極頌宣道法
開化衆生分別辯才稱舉群萌除衆
妄想住無患獸立普賢行入諸佛慧
則為善友是為十事於是頌曰

心建立於道 精勤修德本 入諸度無極
頌宣諸經典 開化度衆生 辯才決衆疑
稱譽於衆庶 除去衆想念

菩薩有十事為精進何謂為十講說
一切衆生之界識念經典之所歸趣
嚴淨一切諸佛世界又當奉行諸菩
薩戒常忍一切衆難之患為斷地獄
餓鬼畜生燒煮之痛降伏一切衆魔
官屬不令衆生懷瞋恨心當奉十方
諸佛世尊常遇諸佛歸命諮受是族
姓子應行菩薩十事精進於時頌曰

歸命於諸佛嚴淨衆佛土奉修菩薩行
忍一切苦惱斷三塗之難降伏魔官屬
能悅於衆生常見諸如來

菩薩有十事為勸信何謂為十常建
立意亦勸他人使發道心仁和第一
無所諍訟亦化他人立於欣悅蠲除
愚法亦化他人令棄邪典使住佛道
務求德本亦勸他人使志善原歸度
無極亦勸他人求波羅蜜已生佛種
亦誘他人令務佛性身已得入无所
有法開進他人使立空法讚諸佛慧
無所譏謗亦宣他人不毀正覺具足
普智諸願純備亦導他人成諸通慧
究竟道擔以得嚴淨如來至真无盡
之慧亦當建立一切衆人入如來道
是為十事於時頌曰

已建立在道亦化於他人心不懷諍訟
和悅忿恚者棄捐衆愚冥開化癡邪徑
常求衆德本誘之住道義

菩薩有十事開化衆生何謂為十菩
薩布施誘進衆生和顏悅色而勸進
之班宣經道令其坦然誘進分別已
身無異所施无量發起人界顯佛菩

薩行誘衆生種示諸世間如火然熾
訓教衆生无上道法神足變化若干
感動曉了若干善權方便隨其習俗
度脫衆生是為十事於時頌曰

菩薩行布施已用化衆生常和顏悅色
誘進諸不及觀世如然熾顯示佛大道
神足現變化若干權方便

菩薩禁戒有十事何謂為十不捨道
心捐聲聞緣覺意觀察一切衆生愍
行開化群萌令住佛法奉修菩薩所
應學者解一切法悉不可得所造德
本勸助至道未曾猗著於諸佛身能
忍諸法亦无所猗濟護諸根以為禁
戒是為十事於時頌曰

常和於道心捨聲聞緣覺愍傷於衆生
勸使立佛法學諸菩薩行解法無所有
一切所行德勸助於佛道

菩薩有十事受決所見受決能自知
之何謂為十發仁和心自然道意不
獸菩薩行棄捐一切諸所妄想而能
奉修諸佛之法皆能篤信諸如來身
所可宣說亦以究暢成就德本化於
一切使住佛道等敬親友而無二心

觀諸善友如見諸佛古昔所願將護
佛道是為十事受決於時頌曰

等心敬善友 利義皆由之 將護古昔願
清和發道意 不厭菩薩行 棄捐衆妄想
使住諸佛法 篤信如來教

菩薩有十事不相求短何謂為十入
於宿世本所誓願隨時入行導習其
便不失正義皆得通入諸度無極具
足成就隨其宜便所可入者順從所
願隨其所樂以開化之莊嚴刹土勸
使入道神足變化使從其教普為示
現所生之處是為十事不相求短於
時頌曰

入於宿世願 世行隨宜便 導習不失節
順諸度无極 因得大成就 從若干信樂
為莊嚴佛土 以神足變化

菩薩有十事入於如來去來現在一
切諸佛所可由成何謂為十入於無
量平等道教而轉无限經法之輪宣
傳無量慧義之要順從无際音聲通
暢開化無虛衆生之類顯暢無數神
足變化隨時遍至若干種形入於無
喻諸三昧定照耀開悟不可計量示

力無畏顯現无限使入滅度是為十事如來所入於是頌曰

過去來現在一切諸如來 入無量道教
轉无限法輪順无際道法 宣無底慧場
開化无数人 神足不可計

菩薩有十事入衆生性行何謂為十
入於本行衆生所解隨時開度當來
受身一切人民遍於群萌現在所作
入於衆生善行本末隨時救濟諸非
法行當宣道衆生心性所入曉了一
切根原所趣分別若干隨所愛樂發
起諸尋塵勞愛欲數數說法以度脫
之是為十事入衆生性於時頌曰

曉了過世行亦復知當來 分別現在事
衆生所可行入於衆德行 亦遊於無德
其心靡不同使諸根成就

菩薩有十事入於世界何謂為十常
知止足在於世間而修清淨無所沾
汗處於俗間心存少求演无極香薰
諸迷惑所入方俗如一土塵周於無
量微妙之義亦遍曠然无量世界度
脫有身四大之患恭敬自歸於諸佛
道亦復遊入無道天下是為十事遊

入世界於時頌曰

在世知止足 所行常清淨 所入而少求
周遍無極業 猶如塵世界 解微妙之行
小大無不達 入於諸所有

菩薩有十事曉入諸念劫數靡所不
達何謂為十知過去劫曉當來對知
現在事知有限世識无限尋入於有
限無限之事了諸有數无数劫事於
諸有數使人無為令諸无念暢入有
念暢諸有念使人無念是為十事曉
了諸劫靡所不達於時頌曰

入於過去念 當來亦如是 遊步在現世
而皆思念之 周流无量劫 有數若無數
无念入有念 一切想無想

菩薩有十事暢說三世而无二言何
謂為十事以過去而宣說之往古以
沒豫說當來滅來久遠演現在處尚
未當來豫說過去尚未欲至輒宣現
在亦復斑宣未來生者傳於現在忽
以過去解於現在謂之未來日所觀
者宣之平等現了三世一時患達是
為十事暢說三世於時頌曰

能說過去事 演古如是來 說過為現在

亦暢當來事 過去今現在 未至豫演生
解生現以過 目見今當來

菩薩有十事入於三處何謂為十入
諸有數至無所念到有所獲趣諸有
教遊眾想處歸眾方俗暢眾言辭達
不可盡咨嗟寂然暢眾澹泊是為十
事入於三處於時頌曰

入眾有所念 有所得教授 在想眾方俗
所念不可盡 宣傳寂然事 亦入於澹泊
滅除諸惡事 如是成道意

菩薩有十事無歇其所發心无所缺
漏何謂為十供養諸佛住在眾色而
不懈倦敬順一切諸善親友求諸經
典不以為難博聞眾經啓受不逮發
意之頃頌宣經道開化眾生示以法
律發起一切使至佛道於無數劫住
一世界修菩薩行普遊諸國靡不周
遍未曾懷疑佛諸經典問則發遣是
為十事發心无歇無所缺漏於時頌曰
供養諸佛身 不以為歇足 亦順眾善友
務求諸經典 所求不懈倦 見諸發心者
為說道訓教 開化諸菩薩

菩薩有十事分別諸辯何謂為十分

別衆生所入辯慧曉了諸根當可歸趣了諸罪福諸所報應觀其所生在於何處皆知世間諸所有無覩見諸佛之所遊居曉了經法義理深淺暢解法界之所存沒達於三世去未現事亦能分別不可計數所行言慈是為十事菩薩諸辯於時頌曰

曉衆生所知諸根之所趣隨所立罪福見之當所生分別諸世界亦曉了法品究暢佛道慧三世之本末

菩薩有十事速得捻持何謂為十博有所聞輒則奉持懷抱經典悉不忘失執法錠燎有所宣化皆從方便解諸經典曉法自然逮法光明致諸佛道不可思議執諸定意現在聞佛面前啓受尋奉行法入道場音能隨方俗演出言辭不可思議念三世事去來今佛不可計法隨時宣傳懷若干辯一切諸佛經典之要耳所聞誼不可稱限所興聖慧能暢諸聽持諸佛法建立如來十力無畏是為十事菩薩捻持於時頌曰

博聞輒執持不忘一切法曉了隨時說

解諸法自然以法大光明不可思議慧
現在得三昧 目前聞經典

菩薩有十事為頌宣佛道何謂為十
曉了道議志捨大願分別罪福之所
歸趣常住正覺不懷自大暢達法界
識知定意明解心本曉了本淨隨本
而覺使成佛道是為十事菩薩班宣
佛道於時頌曰

曉了於佛道解願知罪福為諸佛所立
解法無自大分別心本淨定意之所歸
本淨亦自然隨本而覺悟

佛說是時三千世界為大震動其大
光明普照十方諸天龍神皆來散華
以諸音樂來娛樂佛歡喜悅豫皆共
欣慶幸哉吾等宿世其德純厚得豫
此會服深妙議無極道慧何其祿厚
世尊能仁十方慈恩開示法藏療治
盲冥消化五陰六衰三毒五蓋十二
因緣六十二見示以五事成定慧解
度知見品五眼六通六度無極布施
持戒忍辱精進一心智慧以成佛道
班宣開示十二部經開化邪見六十
二疑使發道意諸佛遙讚菩薩悅豫

普智菩薩復問普賢何謂發菩薩心
何謂行法何謂大才何謂緣發道心
以其所緣而興其意何謂見善友發
恭敬心何謂菩薩逮得清淨何謂度
無極何謂佛慧何謂所歷何謂菩薩
力何謂平等何謂生覺聖何謂說法
何謂而行奉持何謂辯才何謂無數
何謂為行等心何謂行慧何謂菩薩
而不自大

普賢菩薩答曰善哉佛子所問甚為
深妙何其快哉諦聽諦聽今為仁說
普智菩薩與諸大衆受教而聽普賢
菩薩言有十事發菩薩心何謂為十發
心之時常懷大慈護持一切衆生之
類所行憐愍觀察於人民勤苦之惱如
身自更一切所有皆能惠施念一切
智心則為原首念一切智故能發意
不毀聖誼興從嚴心學諸菩薩禁戒
之要其心堅固亦如金剛獨除一切
諸惡垢濁其所生意若如江海導御
一切諸清白法其志強固如須弥山
則能堪忍衆庶言辭善惡音聲其所
發心造立永安施於衆生大誠信業

而心獨步智度無極曉了諸法隨便
將護是為十事發菩薩心於時頌曰
而發大哀心將護於眾生見之在苦惱
愍之如己身思惟一切智得志所莊嚴
其心如金剛智慧如江海

菩薩有十事行普賢法何謂為十於
當來劫與一切俱普願行仁奉敬未
至如來至真等處色法開化眾生立
菩薩行積眾德本而擔普賢皆能遊
入諸度無極所願和雅具菩薩行遵
修諸法皆欲莊嚴諸佛世界平等諸
議受生一切十方佛國曉了方便求
眾經典志樂現生於諸佛土速成無
上正真之道是為十事菩薩行法於
時頌曰

悉知當來劫奉敬諸如來菩薩等眾生
所擔普賢行積累眾德本入諸度无極
莊嚴諸佛土疾成無上覺

菩薩有十事常行大哀何謂為十觀
於眾生孤獨無種為興大哀察之无
道化以大悲見貧厄眾令殖德本將
久眠寐使得覺悟見眾生界無有方
便化之隨時為諸貪欲所繫縛者而

勸護之瞻於群萌所遭厄難愍之令
濟觀久疾病療之以慈哀離善法者
顯示道議若見衆生失於佛法愍哀
悅豫是為十事菩薩大哀於時頌曰
在世行大哀 觀察於衆生 久遠遭疾厄
由斯德本故 為興無蓋哀 建立於佛道
菩薩行大慈 以開化衆生

菩薩有十事緣發道心何謂為十教
誨衆生令順誼律而發道心欲除一
切衆苦惱患建立人民使意永安見
於群萌在無明地使發道意好勸衆
生使入佛慧順隨正覺奉敬一切諸
佛寂聖皆欲得見如來至真亦復樂
觀諸佛色像相好威容亦復愛喜入
諸佛道故發大意亦復敬愛十力無
畏是為十事緣發道心於時頌曰
見衆生所滅 為惱患所縛 欲令至永安
故發菩薩心 人民在無智 勸示以佛慧
令奉三界將 常觀諸如來
菩薩見善友發恭恪心菩薩初發正
真道意與善友俱謙下恭順欲得務
成佛一切智故習善友為之屈意見
善友發意有十事何謂為十奉敬自

歸心無愛欲如所聞音則能奉行心
愛樂之志不瑕穢常一其心以諸德
本合為一業懷抱一願發世尊意其
志平等所行具足是為十見善親友
發恭恪心於時頌曰

心常懷恭恪如所聞奉行如喜无瑕穢
其意常專一合集眾德本自歸於世尊
常尊平等行道心乃具成

菩薩清淨有十事何謂為十淨如虛
空究竟無失於諸色淨隨眾生本而
開化之諸音清淨演不可誼言辭眾
響其辯才淨分別無量佛所說法其
慧清淨皆棄無智所生亦淨得諸善
薩自在由已眷屬微妙曉了眾生宿
世所行而開化之報應亦淨除去一
切罣碍陰蓋所願解明解諸菩薩所
生一品其行瞭然出普賢乘是為十
事得清淨於時頌曰

丹本注云
諸本闕頌

菩薩有十事逮度無極何謂為十行
度無極一切所有皆能布施戒度无
極具足佛禁忍度無極能行仁和逮
佛淨力進度无極所行勤修而不退
轉寂度無極使意一定智度无極觀

一切法本自然諦慧度無極入佛十
力願度無極具足普賢神足度無極
多所變化无所不現法度無極等御
一切諸法本末是為菩薩十度无極
菩薩住此得歸無上如來正真无極
大慧具足六度於時頌曰

布施度无極皆能施所有持戒度無極
清淨佛諸行忍辱度无極仁和不懷恚
精進度無極勤修不退還一心度無極
志定无慣乱智慧度无極觀諸法自然
神通度無極普入佛道力所願行平等
神足道諸法

菩薩有十事慧何謂為十曉解一切
十方世界其衆生種不可思議識別
諸宗曉了諸法不失時節若干種形
若以一品皆令覺知達諸法界能斑
宣慧曉了一切虛空本末通使無餘
第一佛慧十方世界諸過去事皆能
知之十方佛土諸當來事悉能見之
十方佛國今現在事普入教化曉願
如來一切諸行具入一切慧解知去
來今現在佛皆同一行是為菩薩十
慧義菩薩住此其大光明自在照耀

具足所願信諸佛法則以一慧解諸佛法於時頌曰

能知十方界 衆生不可計 普令入道慧
使無若干念 能分別諸法 平等如虛空
佛慧為第一 能達三世事

菩薩有十事而有所歷何謂為十志
解諸法為一品義一切經典而有節
限曉了諸慧則為一相分別衆生心
念行慧無為無數見諸群黎皆以一
等明識衆生所行塵勞人民志性繫
縛在行明識衆生所行善惡一切菩
薩所行志願樂不自大如來十力建
立無餘而上正覺是為十事菩薩經
歷於時頌曰

知諸法為一解了際限故 衆慧合一相
衆生心無數 解見諸人民 塵勞行所述
衆結所縛束 不得普智心

菩薩有十事力何謂為十一切諸法
皆入自然諸有經典志如所化衆義
若幻計諸法數皆為佛法諸所經典
志无所倚一切所有歸三脫門見衆
善友重事奉敬心習勢力以衆德本
入無上慧道王之堂未曾誹謗深微

之慧信樂諸佛一切智心終不退轉
善摧力故是為十事菩薩之力於時
頌曰

一切法自然皆如幻化力 諸法悉佛法
義歸三脫門 奉敬眾善友 常積眾德本
入無上慧堂 為信佛深法

菩薩平等有十事何謂為十等心眾
生亦等諸法普觀佛土性行無二因
諸德本等諸菩薩所願無異諸度无
極亦無差別一切諸行皆歸同像十
方諸佛悉為一佛是為十平等於時

頌曰

等心念眾生 普觀眾經典 亦等諸刹土
性行不懷二 皆合諸德本 菩薩常行慈
所願無若干 具諸度无極

菩薩有十事發覺聖何謂為十一切
諸法但有音耳皆歸寂然諸法如幻
經義若影目所見者悉因緣合諸義
業淨一切諸法悉假文字諸事之業
因其本淨道慧无想究盡本原諸有
形者皆由法界是為十生覺聖於時
頌曰

諸法悉寂然 詳之如幻化 假喻若影響

皆由因緣生 諸法本末淨 一切無所生
忠因其本際 无想為真諦

菩薩說法有十事何謂為十演深妙
法所說義者隨時得入講若干事當
多宣暢諸通慧事亦能分別諸度無
極宣示如來十種力事解三世義常
說菩薩不退轉法咨嗟諸佛切訓之
德斑宣菩薩諸佛如來平等出家是
為十事菩薩說法於時頌曰

講說深妙法 念使入道義 演若干之慧
多宣一切智 演諸度元極 顯示十種力
三世無罣碍 菩薩不退轉

菩薩有十事而行奉行何謂為十積
累一切諸善德本聞諸如來講說經
典輒能受持執一切現舉喻說之御
導一切奉行法門懷抱摠持道義慧
門皆能斷除狐疑諸著忠以具足諸
菩薩行一切如來辯才平等開化說
法演其光輝言皆受諸佛所娛樂業
而建立之使得至於無上正真是為
十事說平等門而奉行之於時頌曰
積累眾德本 咨嗟如來法 觀諸法平等
奉宣道慧門 棄捐諸疑者 具足菩薩行

諸法為世門 皆令入道室

菩薩有十事分別辯才何謂為十所
演諸法永無想念分別諸經悉无所
行諸義辯才亦无所著解諸法空斑
宣無量一切諸法悉佛所立一切所
有悉无所依皆能分別諸法章句宣
暢經典真諦之義常以等心愍於衆
生應意說法令得悅豫是為十辯才
於時頌曰

講經無想念一切无想行 不著於諸法
解之悉為空 辯才无限量 諸法佛所立
一切無所碍 解之悉本無

菩薩有十事得自在何謂為十開化
衆生照耀諸法修諸德本行無極慧
不著禁戒所造善本勸助佛道所行
精進而不退還降伏衆魔其所愛喜
解了道心一切佛道在於邪見而成
正覺是為十得自在於時頌曰

曉開教衆生得照耀諸法 奉行衆德本
自在無極慧 心皆无所著 精進不懈倦
降伏於衆魔 道心得由已

菩薩有十事所施無數何謂為十開
化一切諸世間難衆生本末亦不可

計經典之事亦不可量一切所作亦無崖底有計諸法崖際難盡衆德之本亦无儔匹一切諸惡志無能宣諸所志願亦無邊際衆行所趣无能為喻一切菩薩獨步無侶諸佛正覺獨尊無雙是為十事所施無數於時頌曰

世計不可計衆生無有數諸法无邊際所造亦无限德本無儔匹諸惡无處所菩薩無等侶諸佛無儔匹

菩薩有十事為行等心何謂為十等心積德志願同等衆生身意亦无有二入於人民罪福所趣普遊諸法視諸佛土淨穢同一勸化衆生使入篤信等心諸行及衆妄想皆入諸佛十力無畏志由如来平等之慧是為十等心於時頌曰

等心積德本興顯一切願平等衆生心罪福无殊異普入諸經典等觀諸佛土愍念諸衆生使入無異行

菩薩有十事行慧何謂為十曉了衆生當歸解慧遍入諸國若干刹土未入者入之遊諸貪網除去臭穢所遊

諸界知其增減曉了諸法各各有異
或復一品普能周旋衆界音聲解世
間衆想所住顛倒所念各異以一言
辭普入一切諸法言教如來威變建
立法界一切衆生處在三世諸佛入
中訓誨無廢皆令入道是為十事菩
薩行慧於時頌曰

信解衆生界普入諸佛土志至於十方
等觀諸世界諸法無若干入不可計身
如來所變化開度於三界

菩薩有十事而不自大何謂為十不
輕慢人鼓行喘息身心謙下不輕易
人不以利土而自貢高若得奉敬不
懷自大不以好音而自歎譽行願脩
志不以綺飾開化衆生離於懈怠成
至正覺常懷哀愍講說經典不咨嗟
身有所建立而不自大是為十事不
自大於時頌曰

不輕慢衆生得利土不悅而奉敬不歡
離於好音聲無貪諸所願開化於衆生
得成最正覺頌宣大道慧

說是法時天龍鬼神世間人民阿須
倫迦留羅甄陀羅摩睺勒莫不歡喜咸

發道意師子虎狼熊羆虎鷹魚鼈龜龍
鼃諸小小虫皆有慈心無相害意聞
所說法各各歡喜而發道意諸天散
華其落如雨燒衆名香鬘如雲興莖
篥樂器不鼓自鳴當尔之時莫不
喜敬

度世品經卷第一

壬寅歲高麗國大藏都監奉
勅彫造

度世品經卷第二

完

西晉月氏三藏竺法護譯

普智菩薩復問普賢何謂建立何謂樂信何謂深入何謂依怙何謂意勇何謂斷諸疑何謂無思議何謂解說真諦何謂了報應何謂定意何謂何所有何謂脫門何謂神通何謂通達何謂解脫何謂園囿何謂宮殿何謂遊觀何謂莊嚴何謂心不動何謂性無所捨何謂觀慧何謂講法何謂淨願何謂為印何謂慧光何謂行無色何謂無法心何謂心如山海何謂普賢曰善哉問菩薩建立有十事何謂為十常志於佛恒思經法勸化衆生使住佛道勸安事業修立正行順樂擔願常念威儀所遊隨時班宣善本建立慧義是為十事建立其心於時頌曰

一心常念佛 專精思經典 勸衆生入道
示以所造業 讚助修正行 恒使不失願
威儀札節脩 善本成聖慧

菩薩樂信有十事何謂為十菩薩心

自發念其有當來如來正真出現於世我當志見見諸佛已供養奉事志於無上稽首自歸此諸正覺當訓誨我以是訓誨歸菩薩地如諸菩薩奉教敬心心懷恭恪如所聞者輒當修行於是菩薩復自念言使吾不離諸佛世尊及諸開士蠲除生死馳逸之難無央數劫修菩薩行又心念言昔未發无上道意之時未為法器畏甚深義亦畏世間誹謗惡名又懼畏生死惡道衆會我以離此永不與合以遠在事所生之處不離道心不恐不畏亦不懷懷永無諸難常遠塵垢永滅穢濁出入獨步降伏衆魔消諸外道又心念言吾當勸化諸衆生界使隨律教志在無上正真道意修菩薩行得成佛時則隨尊聖微妙道教吾當稽首恭敬自歸欣悅無量盡其壽命佛滅度後當為興立無數廟寺供事舍利奉宣佛教分布經典使无上義永得長存又心念言吾當莊嚴無極世界皆令佛土清和柔軟種種別異平等清淨吾當感動無數佛土志

使發意演大光明照於十方神足變化靡不周遍又心念言吾成佛已當決衆生一切狐疑化其志性令常清和寂靜其志消滅塵欲塞諸惡戶闡永安門除去幽冥奮巨光耀棄捐魔業逮無上吉以是功勲普示衆生又心念言吾所在處常見諸佛在危厄時思欲奉觀必當如願得見正覺莫使違遠面見如來所說法時如來難值無央數劫時一出耳猶靈瑞華久欠希有發清淨心棄捐一切不冝之計其意質直而无諛諂又心念言吾成無上正真之道為取正覺遍諸佛土施作佛事為諸衆生各現佛身擊大法鼓雨法甘露施無極法清淨无畏為師子吼立無虛願住於法界斑宣經道一切不休身不疲懈言辭无極心亦不倦是為十事心所建立於時頌曰

嚴淨諸佛土 勸道於衆生 示以深妙法
令發無上道 常願見諸佛 奉事自歸命
聽受所說法 一心受奉行 為斷三惡趣
開闡安樂門 為於衆幽冥 顯示大光明

流布經法施 消滅諸垢塵 為大師子吼
而雨大甘露

菩薩有十事法深入何謂為十皆入
世界諸過去事遊於志性深奧佛法
歸諸佛土當來之事在在佛國而在
諸數正覺無二雖在諸國現在寂然
世間方俗所言所說嚴淨境土志能
知之是入深法所在天下有若干教
入能解識一切衆生罪福不同計諸
菩薩所行各異又菩薩解志知過去
諸如來處菩薩志知諸佛世尊所教
遲疾菩薩復知現在國土諸佛正覺
眷屬聖衆所可說法開化衆生法界
虛空無有邊際十方如來又分別知
世俗之法聲聞之法及緣覺乘菩薩
如來入於此法無所希求講說若干
所入法界亦无所入亦不想法隨諸
法教而以開化是為十事深入佛法
於時頌曰
知於過去世 當來及現在 隨方俗亦現
清淨佛世界 分別人罪福 諸菩薩所行
現在諸佛土 諸菩薩集會 知衆生之數
說法虛空限 志達諸聲聞 緣覺衆菩薩

菩薩依怙有十事以是依怙修菩薩
行何謂為十常奉敬佛日有歸命開
化衆生見諸善友而依附之常喜積
聚衆德之本亦皆嚴淨諸佛刹土常
愍一切不捨衆生普以遊入諸度無
極志欲具足諸菩薩願所修無量來
歸道心明解諸佛成至正覺是為十
事菩薩所依怙以成道行於時頌曰
恭敬於諸佛 依附菩薩行 開化衆生類
恭順諸善友 積聚衆德本 嚴淨諸佛土
入諸度無極 具足菩薩願

菩薩意勇有十事何謂為十消除一
切諸陰蓋罪諸佛世尊雖以滅度奉
垂訓教以勇猛心降伏衆魔解知無
常不惜身命以正法緣消化外道以
柔和心悅可衆生懷踊躍意衆會見
之莫不欣然調化一切天龍鬼神捷
杳想阿湏倫迦留羅甄陀羅摩睺勒
皆受其緣奉修柔順依法深與常捨
聲聞緣覺之地於無數劫行菩薩事
而不懈倦是為十事菩薩心勇於是
頌曰

棄捐諸陰蓋 佛逝奉棄教 降伏於衆魔

不自惜身命 降化衆外道 歡悅於衆生
鬼神咸受教 常奉菩薩行

菩薩有十事 斷諸狐疑 令無沉吟 何
謂為十 菩薩發意 心自念言 吾當以
施戒忍辱 精進一心 智慧救攝 衆生
慈悲喜護 而開導之 雖行於此 無有
猶豫 欲令進退 未之有也 又心念言
吾當普見 十方正覺 當來諸佛 值無
上慧 供養諸佛 心不沉吟 若於毛釐
又菩薩念 以若干光 具足照耀 於諸
佛土 聞諸菩薩 當來所行 無央數劫
心不厭倦 開化无量 衆生之類 不以
為難 計於法界 不可限量 无有虛際
猶如虛空 所度衆生 其數亦然 不以
厭退 又心念言 修菩薩行 備悉諸願
成一切智 諸通之慧 又復念言 行善
薩時 令我皆逮 道法之光 佛无極明
常當計樂 一切諸法 悉為佛法 普知
衆生意之所念 曉了無數 諸无盡數
諸無為法 及諸有為 成平等覺 明達
諸法 皆諸度世 除倒見想 雖有穢濁
本意清淨 菩薩曉了一切 佛法成最
正覺 無有衆想 倒見之謬 一毛所著

漏雖有為達於無為棄諸利養則能
遊入無央數際是為十事菩薩斷諸
狐疑於時頌曰

念施戒忍進一心修智慧 行慈悲喜護
見諸佛奉敬 光具足照耀 無量當來劫
心不以懈倦 成佛一切智 諸法悉佛法
皆亦度世法 棄穢濁倒見 得佛取正覺
菩薩無思議有十事何謂為十所修
德本不可思議一切所願不可計量
觀察諸法悉如幻化因發道心依諸
善業無所違失修菩薩行永無妄想
修深要義普入諸法不取滅度道慧
不脩終不捨去菩薩行道入胎出生
積勤苦行詣佛樹下降伏衆魔逮取
正覺而轉法輪現取滅度顯諸佛事
建立所現不捨大哀護諸衆生不違
本願又其菩薩建立亦現如來十力
從初發意在於法界開化衆生未曾
休廢又其菩薩皆以無想入於衆想
又以有想入於無想无所思念說諸
念事又以諸念說無念事以無所有
入於所有又諸所有入无所所有化無
所作入有所作化有所作入無所作

於無所得說有所得於有所得說無
所得解知諸法悉無所有又其菩薩
等心於道道以平等解知衆生道心
無異心不倒見所念無失不隨邪疑
所觀平等又其菩薩發意之頃其心
寂然定意正受在於本際而不造證
以無有漏而不永滅布諸德本曉了
諸法一切無漏而為人說諸漏已盡
亦為人宣當除諸漏則以佛法入於
俗法雖在其中无俗思想無道俗念
觀一切法皆入法身亦無所入曉了
諸法而無有二亦无所行是為菩薩
十無思議菩薩住此疾速无上正真
之道

菩薩有十事解說真諦何謂為十滿
一切佛法隨時真誠棄捨惡法不失
其節以諸菩薩神足變化宣正覺教
能以隨便入於衆生罪福之業宣暢
衆生除去一切塵勞罪事皆以能達
衆生之義無為法門消諸罣碍修閑
靜業又其菩薩志無所住猶如虛空
二无所入不得禁戒天地成敗無有
猶豫在諸世界而不沉吟而於諸法

境無所弊尋所由方面益以微妙達
如來至真至生出家竟於滅度又入
法界菩薩諸佛普見諸佛舉動進止
菩薩念見衆生之類處於泥洹無所
造故願不墮落會當脩志諸通慧智
又有菩薩見一切法無所依怙不遠
善友所當近者亦不附著如來精進
不懈休法禮儀一等親友怨惡積累
德本勸助令集皆使同一讚揚成就
今無有二是為菩薩十事說常隨時
菩薩分別慧便有十事何謂為十曉
了一切諸佛之國解入衆生本原裏
盛識別群衆心行所存宣暢衆庶諸
根興耗又知一切報應行果普入聲
聞別隨時義皆亦復下衆緣覺行志
以方便修諸菩薩分別咸從世俗之
法一切志順入諸佛法曉了慧宜是
為菩薩十分別慧菩薩住此速速无
上正真之道

菩薩三昧有十事何謂十事定意之
時皆知十方世界所有能以意定寂
衆生身定諸法三昧其三昧定見十
方佛則能建立一切諸念隨時定意

其三昧有則能動轉無央數身亦復能使從三昧起普入諸佛如來正覺三昧正受開悟衆生其慧普大曉了隨時諸菩薩三昧一發意須入一心慧以無為心開靜之慧恣能普修諸菩薩慧不廢篤信以願大慧曉了三昧是為菩薩十事三昧

菩薩何所有有十事何謂為十衆生何所有國土亦然觀所衆生亦解本無劫燒之時天地為敗或水災變天地敗已復還合成計佛正覺亦無所有若干種行亦無處所如來身者功勳無量一切諸法所說本末其義各異若能供養諸佛正覺所歸亦無是為菩薩十事何所有於是頌曰

衆生何所有國土無處所以察諸相好劫燒天地壞還合亦如是佛身若干品如來不可量宣法若干品

菩薩脫門有十事何謂為十其身普遍一切世界現於十方若干品形無數色像以諸法界入一佛土建立一切衆生之衆以佛莊嚴形周十方若干佛土自然覺知至一切界一發心

須遍諸佛土皆現諸佛在一刹土使諸佛界度入一身志使諸佛感動神足而以娛樂顯入一心是為菩薩十事脫門於是頌曰

其身遍佛土顯若千形像諸法入一土建立諸世界遍世現佛身自知靡不周諸法入一體開心一切人

菩薩神通有十事何謂為十識於過去所經歷處曉了方便出入進退天耳識別无所罣碍志聞言辭衆所歸趣能知他人衆生之類心所念行無央數事種種別異則以天眼无為之業觀察一切所經周旋以大神足感動變化建無思議衆生之類從其本性而示現之使得入律見於無限諸佛世界遍示諸身發心之頃能周无量十方佛土亦能莊嚴建立無數境界處所亦復顯示具足身形不懷自大曉了通慧於無垠國逮得无上正真之道為取正覺心無思議因其衆生志性本末而示現教是為菩薩十事通義也菩薩住此獲致如來無上正真神通歸趣方便隨向諸佛所變

現於十方衆生訓誨轉成其行衆義
備志

菩薩通達有十事何謂為十則能隨
時教化衆生分別罪福群生之類所
經歷事若干不同使其出家令心寂
然入諸蔽尋一一衆生所行顛倒若
干不同而使消除達如金剛聖慧具
足所可建立其音周遍不可思議教
諸佛土曉了方便一切猗著習四等
心悉普遊入解所生處亦復識了無
所從生皆已除去諸想痛痒境界處
所又其菩薩不觀諸法亦非不觀諸
法無想以為一淨亦無有淨明若干
種曉知精勤於無數劫班宣經道而
以等歸趣於無上正真之道常住法
界又其菩薩曉了衆生本悉滅度不
用家業亦无所造知有生者為隨顛
倒達其因緣報應之義識可奉敬以
何緣便所行本末起滅處所分別開
化群萌之類開明閉塞脫門之理解
其顛倒無謬之事亦知塵欲瞋諍之
原亦別生死无為之業復了反逆無
逆之事知可依怙不可怙者亦明究

暢別所至處知其退轉還復處者知其至決及所歸趣亦識壞敗當還成者亦了開化知衆生根所當開化使得入律若干方便教授衆度而不迷惑失菩薩行所以者何佛子欲知菩薩所以發無上正真道心者何以故開化衆生之故既化衆生令從律教身不勞倦是為菩薩為一切故所由無諍曉了分別十二緣起又其菩薩未曾倚佛亦不發心依怙佛也亦不著法復不興心貪於法也不著佛土亦不生心依佛土也亦不著人復不起心慕樂衆生也不見人民亦不發心觀於群衆興顯衆行具足所願修無極哀不想見佛識念如來所班宣法得如來座殖衆德本亦不憎恨心好正覺不以勞懈亦以法則供養如來心日加精感動立威不可思議諸佛世界建立思惟第一法界剖判若干經法之教知於衆生有為之會亦識衆生限節多少了苦本末所可從起亦知盡滅一切万物皆為苦本若有菩薩以能見此其所修行亦如影

響棄捐衆惡斷其根本即自發心救濟衆生其所行者志無所行曰菩薩行學諸佛言其心堅固如須彌山覺除一切衆想顛倒建立普智諸通慧門逮成正覺入於無極无限慧堂所言慧堂無上正真道開度衆生三處漂流反盡其原是為菩薩十所通達菩薩住此逮成如來无上大慧

菩薩解脫有十事何謂為十度諸塵勞愛欲之原勝於邪見不正之路而濟五陰覆蓋之患又採形體四大諸入越於聲聞緣覺之乘因此逮得無所從生法忍發起一切衆生國土諸所宜法便得超出諸菩薩行不可稱限稱舉一切諸菩薩行以無妄想入如來地以一聖慧普知三世平等神通靡不救濟是為菩薩十事解脫菩薩住此開化衆生使之無上於時頌曰以度欲塵勞邪見諸五陰四大諸種類貪身之患難越聲聞緣覺逮無從生忍稱舉衆生土菩薩无量行開土之所修入如來之地超出衆妄想神達解三界菩薩苑園有十事何謂為十樂於生

死未曾惡歎好化衆生性無所著處
於一切衆想之地啓受大行常喜嚴
淨諸佛世界住已處所志在諸魔姝
女官殿志能降化宮臺閣故敬所說
法如所聞法思惟知義觀察歸趣六
通無極四恩攝行三十七品道慧之
法為菩薩園是已嚴父所可遊居如
來十力四無所畏十八不共取要言
之一切佛法為菩薩園未曾復思他
奇異法一切菩薩所現變化建立娛
樂為菩薩園轉於法輪无自大律而
謹慎行無所違失一切發心不離正
覺普現群衆為菩薩園然其法身皆
遍十方諸佛世界菩薩所行猶如虛
空是為菩薩十苑園也

菩薩宮殿有十事何謂為十樂菩薩
宮心不迷惑十善章句功德慧業好
積累是乃為菩薩宮開化欲界衆生
之類修四梵行慈悲喜護菩薩由此
訓誨色界群衆之品往生淨居諸天
宮殿菩薩由此消滅一切塵勞諸穢
到無欲色天至其宮殿訓誨大難不
閑群衆令其退還或時生於雜穢境

界菩薩以是樂受其處拔濟一切貧
欲衆生菩薩有樂現於後宮妹女男
女宿世曾興福行同故由是教化四
方四域諸帝梵釋四天王菩薩由此
勸化凶危計有常人使捨亂意處於
一切諸菩薩業念化長故自恣馳騁
遊戲神通菩薩常皆一心脫門三昧
正受以慧開化而娛樂之以一切智
無上正真諸佛之典斷衆累尋施一
切法而得自在得為國主尊豪由已
菩薩樂此如來十力以為遊居是為
菩薩十宮殿也

菩薩有十遊觀何謂為十意自好喜
觀諸章句所履跡行志意觀察善權
方便其所住處輒得在諸佛足下聞
法啓受意樂十方心普周遍敬諸菩
薩神足變化現無限門化於衆生身
意所惑而奉定意一三昧門則得普
入諸定意門處諸持持一切所聞便
能受持未曾忽忘以此持要為衆生
演使令歡然樂於辯才以一章句无
央數劫咨嗟美辭談言說事無能斷
辯志寧正覺而為衆生示現若下身

形無量品門慕轉法輪化諸異學令
諮受法是為菩薩十遊觀也

菩薩有十嚴淨何謂為十其力鮮明
故能獨步無畏清淨無能過者其義
皎然所演辭意無失數劫談言之事
无能妨廢其法清淨能演八万四千
法藏經言清和不忘一義所願微妙
一切菩薩不捨所擔其行鮮潔班宣
聖賢諸正雅訓莊嚴剎土以一音聲
普告十方如一剎土已場清淨遍諸
佛土興以道雲雨法甘露建立正教
蠲除一切有為妄想馳逸之行無慢
清淨以一體而現衆生身教訓一切
精勤不倦夙夜務求諸通敏慧示無
數諸力无畏像是為菩薩十清淨也
菩薩住此普得一切諸佛嚴淨
菩薩有十事心不動何謂為十一切
所有施無所受其所施者悉以清淨
而心不動思惟明空諸佛深法奉敬
諸佛承事自歸專精無量慈念衆生
未曾瞋恨不捨一切蚊行喘息人物
之類求諸佛法未曾懈廢一切衆生
不可稱計行菩薩業无失數劫不近

不遠為菩薩行未曾退轉無塞无闡
又其菩薩今生信心有所修行无量
清淨其清淨者離垢解明慇懃修行
奉敬諸佛棄所貪身無所慕樂而為
儔匹逮大踊躍無極之歡焉信為導
歸一切智應其章句究竟成就諸菩
薩教修行訓誨其所聞信無所誇毀
煩惱變業其心不動是為十事菩薩
心不動而能住此便即遠知諸通敏慧
菩薩有十事心無所捨何謂為十逮
成諸佛取正覺道故曰不捨教化衆
生使從法律無所遺棄隨諸佛教不
廢訓誨從諸善友依附自歸而不違
遠普詣佛國稽首跪拜如來至真不
捨禮節常求一切切勲之法不捨大
乘敢值佛世淨修梵行奉護禁戒終
不毀犯隨諸菩薩勤修道業不以懈
廢慕求如來訓誨之義隨時執持諮
受不忘習諸菩薩本所行願皆念思
惟通諸佛教是為十事菩薩心無
所捨

菩薩觀慧有十事何謂為十觀一切
法分別章句隨時演說察於三世衆

德之本而為說法視諸菩薩所行本
際而開化之瞻諸法門達其根原亦
覩諸佛所建立業觀衆提持以惠法
門而用歸之亦以明智普察世間視
諸法界順慧而入瞻知十方慧無思
議觀諸佛慧處了世界聖明无量是
為菩薩觀於十慧

菩薩講法有十事何謂為十宣說諸
法皆從緣起名一切義志令歸趣以
積志行演諸所有亦如幻化又宣諸
法皆亦本空論議諸經中間曠絕而
無塵埃諸所有業志无所著又說諸
法強如金剛一切諸義如來所暢又
說衆業寂寞憺怕又演諸法志無所
生講一切法等一本淨說無合成是
為菩薩講法十事

菩薩清淨有十事何謂為十其性本
淨而無沾汙除去狐疑猶豫之結令
其鮮明棄諸沉吟六十二見所行威
儀而修禮節好樂普知諸通敏慧所
分別辯巍巍清淨勇猛矚然四無所
畏修菩薩行一切遊居志無瑕疵勸
諸菩薩願願修習行無穢濁百切勲

相三十有二大士之業求於無上正真之道歸清白法嚴淨一切衆德之本淨是為菩薩十清淨也菩薩住此得成諸佛无上清淨

菩薩卽有十事菩薩大士由是所卽具菩薩慧疾成無上正真之道為最正覺何謂為十菩薩志知万物皆苦苦復苦惱復惱愛別離苦怨會之苦雖遭此難勤求佛法心不動搖亦不違捨菩薩之行不恐不畏亦不懷懷不捨本願不廢大智一切敏達心不違佛道業之要愚癡凡夫自己塵勞思愛之戀修不善本罵詈菩薩毀辱輕易演虛穢辭瓦石打擲加以刀杖菩薩遭此故求佛法未曾歇廢菩薩之行常行忍辱多懷仁和隨經典教亦勤忍辱具足正行又其菩薩班宣諸佛深妙之法處一切智使入己慧志具所生化令衆人歡喜愛法又其菩薩觀其體慧致仁和性興普智心吾當成佛無上正真之道為最正覺觀察衆生馳騁周旋五趣之難憂惱憎悒使發道心歡喜悅豫加大篤信

忻然如是堅固精進又其菩薩入於
如來無邊際慧不越境界如來聖明
不可稱限聞諸佛世尊班宣經道亦
無崖底不限佛智於諸文字不生增
減分別諸義不犯佛教又其菩薩愛
樂無上正真之道好喜深義至於微
妙無極之慧以與若干崇於无上之
懃懃悵未曾違遠一切魔衆及與官
屬其諸異學諸外讎敵無敢當前未
曾廢捨一切智心菩薩所行饒益如
是終不迴還又其菩薩行道之時無
所恐懼不惜身命發通慧心修一切
智以為元首皆得諸佛光明照耀不
捨道義不遠善友又其菩薩見族姓
子若族姓女志學大乘使勤修行慕
諸佛法勸立德本受一切智未曾休
廢又其菩薩其所遊居等心衆生亦
復平正智慧為諸群萌班宣經典普
至無上正真之道趣不退轉興大慈
悲又其菩薩計諸過去當來現在佛
思惟為一以諸德本奉啓諸佛未曾
斷絕觀諸敏慧是為菩薩十印以是
印故疾成正覺印無上法

菩薩慧光有十事何謂為十菩薩大士必當逮成無上正真之道以佛道照於一切常見諸佛平等正覺了知衆生終沒所生明識一切經典法品發菩薩心常習善友分別所積衆德之本解智所印常見諸佛曉了開化衆生之類立如來地宣無思議法門道堂識解諸佛隨時建立普能備具諸度無極是為菩薩十慧光明

菩薩有十事行無量一切衆生聲聞緣覺何謂為十於是菩薩修本際行不脩諸願終不取證又其菩薩殖衆德本發心勸助一切法界不著諸法又其菩薩行道之時察諸所行猶如幻化諸法寂然而不迷惑諸佛亦然又其菩薩去諸衆生妄想之著於无數劫修菩薩行具足大願不起疲懈又其菩薩奉行諸法志無所著諸法自然志亦寂靜亦不滅度要當脩志一切智教又其菩薩知諸妄想及无想願宣無數劫所從本末真諦之行又其菩薩解一切法志无所有雖解空無不廢道行求諸佛法又其菩薩

發意之頃普入三界亦悉普解三世之義其心所達中間迥絕靡所不通又其菩薩用一人故在生死難无央數劫行菩薩法而建立志於一切智如為一人忍諸勞倦為諸衆生亦復俱然終立之大道不懈廢以為勞歇當來之苦又其菩薩偕菩薩行不肯速取無上正真之道為一切故周旋塵勞開化饒益無數衆生使立佛道是為菩薩十無量行菩薩住此疾成正覺

菩薩有十事心不怯弱發其道心何謂為十菩薩自念一切諸魔及衆魔天當見降伏心不怯弱當以正法諸外異道為我降伏身當歡悅諸衆生界心不弱劣具足一切諸度無極偕志法界為衆生故積累合集具功德品其无上正真道者為大精進雖為難辦亦為大業意菩薩行不以怯弱開化一切衆生境界順使隨律為尊勸誨十方世界形貌各異其被服者無央數種菩薩入中從其所樂在於其中成軍正覺又其菩薩心自發念

吾所曾學修菩薩行皆從已出若來
求索手脚耳鼻肌肉骨髓妻子男女
爲馬車乘國邑城郭眷屬走使恚能
施與不逆人意以見衆人來有所求
索發心之須恣其所樂不起患歎其
身欲安一切衆生而懷愍哀既有所
施无所希望大哀爲首歸無極慈不
以爲怯又其菩薩遵修其行諸在三
界諸佛法者衆生佛土群萌諸世虛
空境界諸法音聲恚爲寂然歸趣滅
度諸法漸漸一念之須了平等應分
別解之成軍正覺悲趣譬喻勸助神
通修行造證無念不念不令別異無
若干行而節度之使無財業无造因
緣不爲分異亦無不分爲無數法所
作不過以無二慧曉了諸二以无想
慧解諸有想以無念慧識知諸念無
若干慧曉了若干以无限智曉諸少
明以度世智明曉世俗一切所行以
世聖光開化方俗闇冥諸塞無過去
智恚能分別諸過去世歸無人地明
識一切衆生境界出諸倚著遊行所
作合集衆行明識一切諸究竟慧解

諸究暢解諸不暢以純淑慧開解塵
勞而分別知無盡本際開化諸盡曉
了法界為第一智其身普現十方世
界入於無數音聲言教從其無限而
宣訓誨一自然慧入無自然一聖明
行伸叙所修現若干行一切諸法志
不可得解此義者以致無極示現變
化示現變化成軍正覺至於大慧顯
大神足則以普智感動興行化諸群
黎是无怯弱是為菩薩十無怯弱
菩薩有十事心如大山何謂為十於
是菩薩常修精進專志思惟諸通敏
慧又其菩薩觀一切法本淨如空而
解諸法悉從顛倒無央數劫修菩薩
行興發其心豐盛一切清白之法解
知如來無量慧義以能奉行諸清白
法菩薩興發諸佛經道平等清和順
善親友所因發心不懷疑結尊敬經
典不當念異法于餘業唯當恭恪謙
下卑順一切所有施無所恚漸近道
法菩薩愍哀一切衆生忍諸憂患衆
苦之惱假使遭遇危身之患失命之
難罵詈毀辱刀杖加形皆能忍之不

懷戚悵定心不乱不起瞋恨懷无極
慈愍念群黎被大德鎧而不退還不
廢道意益加慇懃興無極哀其哀益
廣所以者何佛子當知菩薩所行一
切諸法皆因由生具足護行如來正
真曉了諸法忍辱仁和以為豪位菩
薩大士修大功德威神巍巍若在天
上諸天中尊若在世間人中位高面
像端政勢力第一眷屬强威所欲自
由若為帝主無極貴姓功勲无限智
慧廣遠不好愛欲不以財賄眷屬自
在用為安隱唯愛道法喜法樂法慕法
求法以法為室因法得護自歸於法
因法得度常求法義以法為樂思惟
經典以是比像而得安居不隨魔教
所以者何若有菩薩發意之須調除
衆生吾我魔界使住佛境又其菩薩
精進如是無央數劫修菩薩行自知
如此吾於今日建學无上正真之道
不忍不畏亦不懷懷修菩薩行有斯
行已吾今當成取正覺道然於來世
無央數劫修菩薩行自知見之又觀
異學難化難療无反復心不識報恩

欲教此衆故被德鎧遊在衆生而得自在見凶惡衆不以為厭不憎惡人塵欲之故而退還也又其菩薩不信仰人發大道意吾以是行合集菩薩身獨當辦不須他人於當來劫奉開士法以已志行具諸佛法興心存在無上大道以唯願樂開化衆生樂化衆生信菩薩行自淨志性亦能復淨他人性行解深境界亦復分別他人土地去來今佛合一境土又其菩薩不見諸法亦復不觀諸菩薩行不觀脩患諸開士義亦復不見教衆生義亦復不察奉諸佛法亦復不見當逮無上正真道法已成今成方當成者亦復不見班宣經道不得說者亦无講者菩薩大士不從大道而退還耶所以者何佛子當知是生菩薩因求諸法成寂正覺行一切法不隨倒見益加精勤遵習德本所行清淨具足智慧一發心須功勲名德日新增益不恐不畏亦不懷懷因疾成無上正真之道是為十事心如大山菩薩有十事慧如江海入無上道何

謂為十入於衆生無量境界又其佛子菩薩普遊十方諸佛境界以大宮殿入於聖室習無思想又其菩薩修治無量一切空界遊於虛空而無罣罣十方寂然如水如網以普平等又其菩薩善入法界而遊元為所入無斷不計有常所入無際無造元滅曉了所入靡不周至又其積衆德本自歸過去當來現在諸佛世尊菩薩法師聲聞緣覺諸凡夫士亦於其所而造德本復勸衆人以是德本去來今佛成正覺時已成今成方當成者去來今佛在宣經道以說今說方當說者彼衆生類諸啓受法已成至道意欲向道方得道者教化衆生此諸德本合斯衆善勸助一切不求望報於今現世不發疲歇又其菩薩一一發意入過去世遊無數劫於一一劫見百億佛若干無數不可計會不可思議百千億劫其所徹觀不可譬喻入興佛世超過諸喻亦觀諸佛衆會道場為諸菩薩聲聞說法開化衆生壽命短長所建立者而無所住如於一

劫所開度人一切諸劫不可稱限若於其劫世無佛時菩薩知之於其劫中應當修立大道德本無能為勸開道教者然為講說見去來佛純淑德本入無量劫觀察其義而無厭足入過去劫又其菩薩入於當來思惟觀察遊諸當來无量劫數於何劫中當有正覺何時无佛當於何劫佛出於世如來至真多少之數其号云何出何佛土其界名号開化度脫樂何衆生壽命長短豫覩無量不可計劫不以勞倦又其菩薩入於現在觀十方界徧宣無際諸佛國土分別方面遐迹分數諸佛思惟察其本末得成无上正真之道詣佛樹下求取蒲草布地坐樹降魔官属起入城邑上於天上廣說經義而轉法輪教誨衆生現作佛事成取正覺釋梵勸助捨其壽命至於無餘至涅槃界而取滅度流布經道將護教訓興隆法化莊嚴廟寺供養圖像修法塔廟念諸佛土一一發心入於十方無數佛國普察衆生皆見諸佛聽所說法受諷誦學抱在

心懷選擇志行進退有益遍於十方
志歸諸佛不忘佛法所以者何達見
諸法悉如夢耳以是之故供養如來
一切所在在在所生常在佛邊自見
其身奉敬如來不貪己身不著如來
不怙世界衆會道場亦不希望聽聞
經典見在諸佛不以厭足遊其佛土
見十方佛亦復如是無所希望又其
菩薩无央數劫供養奉事諸佛世尊
於一一劫奉事歸命無限如來從始
現生皆由三世供養不廢聲聞菩薩
眷屬群黨供養如來乃至滅度滅度
已後奉敬舍利至於無極布施所有
飽滿一切衆生境界捨心所與不可
思議亦不想報不見受者而有所取
愍哀之故故供給耳奉敬諸佛施諸
群衆不用懈倦如是比像歸命諸佛
不可計劫開化衆生奉持法教頒宣
經道誘進群衆使發无上正真道心
復次佛子當知菩薩菩薩展轉相成
戒禁訓誨而奉道行清淨之法開化
隨律菩薩平等從其所生志慕菩薩
諸惣持門常覲諸佛无極大聖求諸

法師恭敬稽首諮受諷誦未嘗懈廢
攝護衆生所學究竟為諸群黎頒宣
經道化無限衆發於無上正真之道
立不退轉淨諸佛法心念普智諸通
慧義修諸佛法於無數劫衆行備悉
是為菩薩十事如海成取正覺

度世品經卷第二

壬寅歲高麗國大藏都監奉

勅彫造

西晉月氏三藏生法護譯

普智菩薩復問普賢菩薩所作
如夜顯明何謂其心猶若金剛志大
乘鎧何謂大乘何謂能暢於大勤修
何謂信不可壞何謂受決何謂勸德
本何謂入聖何謂發其心內廣大無
量何謂菩薩藏何謂將護何謂自在
何謂感動何謂衆變何謂嚴淨國土
何謂經法隨時何謂身變何謂願變
何謂化變何謂慧變化何謂神通變
動何謂神足變動何謂諸力變動何
謂娛樂何謂境界何謂十力何謂無
畏何謂諸佛不共法者何謂為業何
謂菩薩身

普賢答曰善哉善哉快問此事開化
一切為將來施今所問者如日宮殿
照於天下如夜月出如入大海採諸
明珠如醫合藥如飢求食如渴欲飲
諸來會者諦聽諦聽咸言受教普賢
告曰菩薩有十事如夜顯明何謂為
十其意普周無數佛界心猶虛空見

諸如來稽首歸命菩薩。爾時其所遊步。亦如初夜。當成正覺。又其菩薩。從無量佛。得聞經典。受持諷誦。專心思惟。所解曠然。轉更增加。其意普遍十方。無際。又其菩薩。於此佛土。未曾終沒。生於他方。而現其身。常識佛法。未曾忽忘。又其菩薩。以一法行。解一切法。漸為衆人。班宣經道。以一切義。入于一義。又其菩薩。除衆塵勞。亦復能解滅衆愛欲。亦復能知欲盛欲除。所作堅固。修菩薩行。不於本際。而造邪證。諸度無極。為眾第一。在於本際。曉了諦學。善權方便。具足本願。所行究竟。身不疲勞。又其菩薩。心入諸想。無處非處。而復講說。處非處事。亦无所作。其所行者。亦無所念。開化衆生。又其菩薩。以一自然解。一切法。无有自。然。亦無若干。亦復不少。不稱不量。無色。无相。尚不得一。何況多乎。菩薩曉了此諸佛法。菩薩緣覺法。聲聞法。凡夫法。善惡法。為世法。度世法。罪法。无罪法。有漏。無漏。有為。無為。又其菩薩。又諸佛世尊。得道。不得道。无法。衆生。

不廢所願開化衆生曉了諸法所以者何志知他人黎庶心念所作因緣亦復明識教授訓誨使諸人民志至滅度所願具足又其菩薩曉了能觀衆生心念解所歸趣善權方便隨時而現說法示律不離真正不從顛倒菩薩曉知諸法志住等於三世本無不動立在本際不見衆生所可開化無化不化不從律教亦无行者分別歸趣法不可得生者滅者其所誓願終不虛妄於一切法永無所著又其菩薩見無央數諸佛世尊一如來所說經典聞轉受持所行若干其名各異所念不同於彼諸劫一二分別諸劫本末至無數劫聞志識念而不忽忘亦不迷謬諸如來等不可思議聞志受持而無有二已身所行力願超異開化衆生令志具成無上正真寂正覺道得成所願曉了法界是名日十菩薩遵修遊行如夜顯明菩薩有十事心如金剛志大乘鎧何謂為十不住於此亦無邊際菩薩發心解一切法於三世事靡不通達是

為心如金剛被大德鎧不可稱計一
一毛孔普能莊嚴况復衆生一切法
界菩薩德鎧口自發言吾當滅度一
切衆生至於無上正真之道又佛世
界无底無邊不可稱限諸菩薩等發
如此願吾當淨治无上正真於諸佛
界以是之故淨諸佛土又諸衆生無
底无際無齊无限若有菩薩勸諸德
本廣大如斯照諸衆生无上大乘諸
佛世尊无有齊限諸菩薩等所殖德
本亦復如是勸施衆生常見諸佛而
復能逮無上正真之道為寂正覺若
有菩薩見諸佛聞說經心歡悅不倚
吾我不著如來不近如來身亦復不
遠不有不無不計所有亦无所有不
計有身无色相種好解如來體亦不
令起亦不無起不相非不相不有處
所亦不无處不起如來身亦無所壞
以如來身入无所所有於所行而無所
行所以者何皆受一切自然之數又
諸菩薩常加愍哀衆生之類斫頭斷
其手脚割其耳鼻挑其兩眼罵詈毀
辱瓦石打擲杖鎗提械毒濺調戲皆

能忍之不起瞋恚亦不懷恨顏色不變無央數劫修菩薩行未曾發心違捨一切又如菩薩於一切法學无二事以學於此無餘瞋恨勤護群黎忍一切苦衆惱之患身遭毒痛恚亦忍之當來諸物無有邊際亦无蔽礙住於信樂以如是比發菩薩意當來至今究竟法界住虚空界皆於一一諸佛世界行菩薩道開化衆生如一世界所可造行十方佛土亦復如是度於法界盡虚空界空無所有不恐不畏亦不懷懣發於三世造行如此所以者何菩薩大士所可遊居用一切故奉菩薩行依菩薩心信於無上正真之道志性清淨積衆德本具足擔願而於佛道而得自在亦得由已從其所願欲成正覺輒如意得所行无量而得究竟斷除一切五陰諸受恚盡无餘其所行處依於諸佛不成正覺所以者何具足所願備菩薩行開化衆生護諸佛土又其菩薩不得諸佛不得道處亦復不得諸菩薩處及一切衆生處所亦復不得心意諸行

亦復不得於去來今一切衆生有為
無為菩薩所行澹泊如是深妙巍巍
寂定閑靜志無所得其行无二無所
諍訟自然若茲清淨解脫滅度若此
修如本際心實無虛所立誓願而不
懈廢一切智心諸菩薩行開化衆生
諸度無極訓民隨律奉敬諸佛說法
講義莊嚴世界於是精進無曾懈倦
所以者何大願所致如是比類知一
切法如是法相長無極哀切勲無量
曉了慧義愍哀衆生常解一切諸法
号字如此愚癡凡夫不曉了是不能
解知諸法自然吾當開悟使達知之
所以者何一切衆生無寂然行由是
諸佛為說經典開化衆生興無極哀
不捨大慈吾等何故歎大哀乎而捨
衆生設不得佛不偁經典不成大願
施於衆生無上法施本初發心淨諸
群黎立真誠誓設不能學大願正要
發心道門則為欺詐一切諸佛為一
切故而發道心植衆德本而勸助之
入深奧慧普得周遍衆生形處而等
其心以是之故具足大願是為十事

心如金剛被大乘鎧菩薩住此疾成
如來無極神通強如金剛

菩薩大勤有十事何謂為十吾當奉
敬諸佛供養自歸積累合集修諸菩
薩衆德之本為諸如來般泥洹後莊
嚴神寺供養衆華名香擣香雜香塗
香衣服幢蓋執持正法將護訓誨開
化一切諸衆生界勸發無上正真之
道不違雅律嚴淨一切諸佛國土安
無上界又復菩薩心自念言諸當來
劫一一世界中有二人未得度者及
一切人故無所遺忘為斯等故修菩
薩行亦復如是興大悲哀立諸衆生
於佛正道歷若干難未曾須臾發疲
懈心常修佛法是諸佛世尊無央數
劫來現其人一一供養如來如供一
佛奉諸如來等无殊特是諸如來滅
度之後無央數劫供養舍利一切寶
蓋諸鈴幢幡為一一佛無數國土興
諸大廟畫盡形像所可立像周遍無
量無思議國夙夜精勤念頃不廢為
佛法藏奉諸佛已開化衆生奉宣法
教修正法已漸近大道以是德本得

成無上正真之道為寔正覺遵一平等一切如來歸諸佛土成正覺已無失數劫班宣經道遍諸佛界諸佛變化顯示神足不可思議不以懈倦其身口心亦不計勞發其心時正向法門隨時奉佛修大志願誘化衆生大慈為首歸于大衆礼無相法住誠信教具足諸法以為造證一切無逆所作事業无所諍訟去來今佛入于義趣於法界與空通同越無相法无成不成使至究竟未曾患厭諸佛之法致無極願作佛本事誘勸群衆是為菩薩十事於大懇懃菩薩住此成於如來无上大慧

菩薩有十事能暢大精進何謂為十奉敬一切如來至真而自歸命請諸群衆隨時將護求護佛法務大懇懃積衆德本不以勞倦興隆聖典普使流布具足一切無極道願懇懃志慕諸菩薩行常遇善友而從啓受普詣十方見諸如來聽所說經入佛道場是為十事暢大精進

菩薩有十事信不可壞何謂為十信

十方佛無有異心喜諸佛法未曾違
捨愛樂聖衆不生異心好喜菩薩不
懷疑結與諸善友常同俱合愍念衆
生不捨群黎一切奉行諸菩薩願奉
行開士衆行脩足奉敬諸佛稽首歸
命開化衆生皆度脫之修於菩薩善
權方便不毀篤信是為十事菩薩信
不壞

菩薩有十事受決何謂為十好意篤
信行受已性行決修習道心懷來德
本其行廣遠受方等決目前受決或
密受決心得自在至平等覺決逮得
法忍然後受決開化衆生本未受決
皆除一切妄想永盡能顯示現一切
菩薩所行功勲今乃受決是為菩薩
十事受決

菩薩有十事勸助德本何謂為十以
此德本同一志願其所生處與善友
俱常使如是莫令變異以此德本與
諸善友所生同心莫令別異所生之
處具足等願與善師俱以是善本所
生之處與諸菩薩道合志同因斯福
行世世所在明智者俱所在之處專

惟一心不離聖達所在遊居常等清淨智者同心世世所生與諸善友德行合附於將來世入一平等與明師會以此德原與善師俱興義無壞是為十事勸助德本

菩薩入聖心復有十事何謂為十廣行布施得入於慧好意一切諸佛道法遊諸如來入於無量中間之義皆以問慧決衆疑結曉了義理能入聖慧分別一切如來至真口所宣教篤信佛法現衆所有其力薄劣佛以興出德本無量好喜如來皆具經典清白之義具足一切諸菩薩行慧不可議發心之頃所入無限諸佛國土無能蔽尋解一念慧明解一切諸佛道事入衆法界聞佛說法皆能奉持入諸如來若干音聲是為十事菩薩入慧菩薩有十事發其心時內廣無量何謂為十發其心時廣其內志念無量佛入于衆生發心無限遊群黎刹入於法界解知無二觀察諸法等如虛空而普瞻於諸菩薩行思惟三世一切諸佛入不可議罪福報應觀諸佛

土皆悉清淨普入一切諸佛道場亦
皆觀察入諸如來音響文辭是為十
事菩薩普入中間內廣無量

菩薩復有十事藏何謂為十數一切
法修精進藏解知諸法悉無所生照
明奉持諸佛經要斑宣辯才諸法本
末曉了隨時衆義无量悉不可獲普
令目見諸佛神足所興變化而以方
便等御諸法常見諸佛未曾違遠識
別義摧不可思議諸幻成想若見諸
佛衆菩薩等欣然大悅逮致法藏是
為菩薩十事藏也

菩薩將護有十事何謂為十終不誹
謗諸佛道法將護其意信大聖教未
曾變悔入諸菩薩常懷恭敬見諸善
友悉和其性而同其志不復習念一
切聲聞緣覺之行將護菩薩章句履
行未曾退轉慈愍衆生而不懷害究
暢一切衆德之本降伏衆魔却諸外
敵具足一切諸度無極是為十事菩
薩將護

菩薩自在有十事今得自在何謂為
十計其所壽无央數劫而无窮極其

心自遊所興定意入於聖慧不可計
會其業自在遊諸佛界所嚴无量欲
顯建立道場之義其業自恣示現隨
時世間報應所生自遊現於十方諸
佛世界意樂自在普見一切諸佛世
界觀諸如來所願自恣所欲自在於
何佛土成軍正覺神足自遊皆能示
現威神變化於法自縱普能興顯示
無央數諸內法門於慧自在如來十
力四无所畏而數普現諸佛道場是
為十事菩薩自在菩薩住此志能具
足諸度無極菩薩感動有十事何謂
為十衆生變化隨罪福往嚴治國土
各各不同經法變異隨時教化其身
所在在所顯現所願自在造立道義
所行自遊所入普遍造業聖慧以亦
一切神通變化靡不度脫神足變化
無所不感修習威勢至十種力是為
菩薩十事變化

菩薩變化衆生有十事何謂為十演
說衆生悉無所有一切群黎因想而
立為諸群萌隨時說法化衆黎庶令
棄自太一切人界護一履跡使得安

隱無有燒害普能示現一切世界建立衆生諸衆生界顯現釋梵及四天王遊於梨庶隨時現身聲聞緣覺形像色貌亦復現形顯菩薩行解諸衆生境界所在靡不周達覺成普知一切道力色身相好若干莊嚴是為菩薩變化衆生

菩薩有十事國土嚴淨何謂為十一切佛土為一佛土造立建業使諸佛國入一毛孔一切佛界所入無盡一切佛境開通一義顯已一行自見已身普入佛土一切佛國衆生之類無能動者亦不恐怖又諸佛土一切莊嚴現一佛國一國嚴淨遍諸佛土一切佛國則一如來衆會道場一如來身遍諸衆生使諸衆生入於微妙無極巍巍廣普深奧頓邪平正等他等御方面羅網報應悉遍無餘皆能示現是為十事也

菩薩有十事經法隨時何謂為十御一切法使入一法則以一法化一切法化衆生性使不諍訟一切諸法皆令順入般若波羅蜜教度彼岸一切

諸法入於衆生捨諸法想使一切法入於一義演無數劫不可盡教以一切法入無央數百千法門見衆生心悉說本末又一切法普門輪字曉了隨時一切諸法入一法門無所諍訟宣無數劫義不可盡一切諸法入諸佛道以化衆生一切佛法現無央數諸內正教一切諸法悉入本際无量網內現無數劫衆生盡耗是為十事隨時也

菩薩有十事其身變化何謂為十建立衆生入於已身而得解脫亦以已身想衆生身而建立之一切佛身入一佛身以一佛身入諸佛身而示現之一切佛土建立已身而為衆生示現變化普取三世遍一法身一身定意而修正受現若干身則以一身解正覺道現無央數諸菩薩身以衆生身合為一身以一人身普現衆身以衆生身顯入法身亦以法身現衆生身是為十事其身變化

菩薩有十事變立所願何謂為十取諸菩薩願立已所擔諸佛正覺已願

道力顯諸菩薩隨衆生根純淑所在
使成無上正真之道為最正覺除無
際劫意所貪願出於識身建立慧身
自在所願而現諸身而去已形具足
顯亦彼具足身開化衆生勸進諸願
以菩薩身遍一切念諸行劫數而不
斷絕履一力跡成最正覺因所力願
周遍一切無數佛土皆現其身於一
切形演一法句普周無餘一切法界
興大法雲雨甘露味照以慧解暢真
諦法以為雷震飽滿衆生成無極願
法樂具足是為菩薩變立所願

菩薩化變復有十事何謂為十遵修
法界則以示現在衆生界樂行佛事
而復普現在諸魔部菩薩行無為界
而拔出生死行行一切智不捨菩薩
之所遊業又存寂寞澹泊之業亦在
衆生念念勤學不俱為乱無進无怠
無雙无隻無言无想無所有无所啓
行如空等菩薩如是而復皆現在於
衆生諸想顛倒發諸所行不與同塵
淨修力行亦悉示現諸所行處曉知
衆事了本无人現在衆生而開化之

修禪脫門神通三達之智現在十方諸佛土生成如來行徧佛嚴淨現諸聲聞緣覺之衆威儀禮節無念之行是為菩薩十事化變菩薩有十事以慧變化何謂為十辯才無盡班宣道慧逮諸捻持演无量明辯才善解多所講說攝衆生根聖慧變化而度脫之以無為心觀他人意則以一心知衆生志心念所行曉衆生界志性結縛諸塵勞疾應病與藥令得瘳除明解一時普能周達如來十力能入衆生三世之行有劫數無劫數患而顯示而開化之其心閑靜永無蔽碍成寂正覺遍度梨麻以一人慧而得自在觀察衆生知所造業善惡禍福以一種聲遍暢一切群黎音響是為十事也

菩薩神通變有十事何謂為十則以一身遍現一切諸佛國土一如來會皆能同暢宣講菩薩諸佛道場以一心行開化一切諸修道行以一音聲普告十方諸佛世界衆生心念令得其所以一定心皆見群黎無央數劫

前世所行善惡禍福而度脫之則以神通莊嚴一切諸佛國土亦以神通皆見三世等無差特而知一切諸佛菩薩所建立行演法光明而照耀之亦以神通見知一切諸天龍神捷杳起阿須輪迦留羅甄陀羅摩休勒釋梵四天王聲聞緣覺諸菩薩行如來十力菩薩德本無所不護菩薩平等寂諸音響則以平等御衆生是為菩薩十神通變

菩薩神足變化有十事何謂為十無數世界入於一塵是神足變復以一塵遍諸法界現一佛土使諸海水入一毛孔曠諸法界入衆佛土令諸衆生无所燒害無量世界入於己身以神通慧普現所為不可思議諸鐵圍山及大鐵圍入一毛孔遊諸佛土令諸群生不懷恐怖以無數劫亦為一劫或現一日或以一劫現無數劫進退合成顯化衆生無所燒損現諸世界為外所灾或復遭值水火灾變欲使衆生察知非常神足所現而無燒害一切世界水火風空所含灾變化

為一切財產諸業宮殿屋宅具足充滿則以神足現化衆生不可思議諸佛刹土舉著右掌移著無量諸佛世界無所損耗現諸佛土自然虛空以誨衆生是為菩薩十神足變

菩薩諸力變動亦有十事何謂為十力感衆生而開化之未曾違廢悲感諸國以无央數莊嚴衆事而示現之法力變化一切諸身入於無身所化勢力劫數不斷佛力所變悟諸睡寐行力所感攝取一切諸菩薩行如來力教則能救濟衆生境界自在力教一切諸法達之自然成取正覺一切智力則以無餘諸通聖慧逮平等道大哀力變不捨衆生是為菩薩十力變也興化衆生菩薩若逮此十力變則無罣碍速成无上正真之道為取正覺發意之頃以得佛道不斷所行所以者何宣大誓願菩薩則成無量法門普現德本

菩薩娛樂有十事法何謂為十於斯菩薩以衆生身建立國體分別黎庶形之所趣是第一樂又復菩薩以土

身像建立衆生不令國身而有損耗
是第二樂又其菩薩隨時變現佛正
覺身現諸聲聞身緣覺之身非常示
現如來之業是第三樂又其菩薩亦
現聲聞緣覺佛身巍巍微妙不著三
品法訓是第四樂又其菩薩亦現行
身取正覺身不著身行亦無所斷是
第五樂也又其菩薩現正覺道身之
所行不倚正覺是第六樂也又其菩
薩現泥洹界倚於生死不著泥洹是
第七樂又其菩薩現習生死又現取
滅度不於泥洹而永滅度是第八樂
又其菩薩以常永定普示衆行往反
周旋住立經行不捨三昧是第九樂
又其菩薩從一如來聞說正法不見
沒身護三昧定如來道場無央數事
各各分別恕當諸身其所住處身无
所壞不乱三昧從諸如來聽所說法
這聞法已則受奉行三昧正受不斷
啓觀經典之要與如來俱不見滅身
一一三昧御諸行門入無數定以是
比像皆盡壞劫菩薩三昧未曾窮極
定意身門是為第十娛樂菩薩住此

逮成如來無上慧樂

菩薩境界有十事何謂為十為諸衆生而以顯示入無量門一切世界有無央數若干莊嚴開導梨庶以衆生界御不自大說誨所部如來至真入菩薩身以菩薩身入如來身以虛空界導諸佛土以諸佛土導虛空界以生死本現泥洹原以泥洹原現生死本以一人音宣諸佛法各入境界以無量門顯於一身則以一身建無數身復以一身遍諸法界衆生發心而以一智御无量門成寂正覺是為十事菩薩住此入於如來無上大慧菩薩有十力何謂為十奉志性力不與諸世而俱同塵修清和力不著佛法應時之力普現菩薩方便處所以聖慧力知諸群黎心念所行所捨願力皆能備通具足本願所行之力不斷本際所修乘力顯一切乘不捨大乘諸變化力一切佛興淨十方界一顯示所護履跡道義之力發衆生心不離正覺轉法輪力宣顯一法音無餘不餘皆令無餘將御一切衆生

根心是為十力菩薩住此速成無上
普智十力

菩薩無畏有十事何謂為十皆受一
切得持諸音何況菩薩不作是念吾
於東方南西北方來至於斯諮問百
千無極要集儻不堪任受答是大法
菩薩悉知不見不及以大無畏所度
無極一切衆生諸來難問恣意聽之
所欲啓問勇猛意說而無懈廢是一
無畏於諸文字所演音辭次第如流
承如來威無尋辯才所度無極其菩
薩不作是念東西南北儻來難問不
任發遣未曾有是不見不及勇猛无
畏一切衆生恣意難問勇猛自在衣
毛不堅是二無畏獨遊空法菩薩未
曾心懷疑網計於吾我所作所更計
壽命人以離五陰諸入邪見六十二
疑其心普平等如虛空故无此念將
無見試矯身口意菩薩无此不及之
見所以者何斯諸正士離吾我不
現諸想遊步大勇堅固方便是三无
畏又其菩薩佛所建立住於佛力而
處如來威儀礼節亦無妄想不作是

念衆人將無求吾長短威儀不備未
曾有此不見不及而猛勇步處於大
衆班宣經道是四無畏身口意淨又
其菩薩豈當復念蠲除惡行修學清
淨仁和義乎亦無此念儻有求吾身
口意缺以大勇猛為諸衆生講說經
道是五無畏以得大護其金剛神常
執金剛在菩薩後天龍鬼神及阿須
輪所見歸命釋梵四王咸共奉事諸
佛所念故無此意畏於諸魔及諸魔
天諸外異學迷惑衆邪无能嬈乱永
不見人當菩薩者以大勇猛所度無
極勸意生焉皆能具足諸菩薩業是
六無畏又其菩薩得佛慧念未曾忽
忘諸根常定為衆說法敷演聖句識
佛道義其所宣法如佛口出无中蔽
碍無能障翳不能發意見其短者奉
如來教是七無畏菩薩明解智慧善
摧力度无極進退獨步訓誨衆生無
能拘制以佛道願無極聖性發无蓋
哀愍於群衆假使生在凶暴塵勞穢
濁世界攝取大欲所可娛樂眷属大
業教授衆生不與此念將無衆人毀

謗清白佛道淨行斷絕定意脫門正
受惣持辯才不見有是所以者何菩
薩大士於一切法而得自在無能制
止所修道行其於十方無能犯者遵
大勇猛處諸佛土棄捐衆惡而攝正
願是八無畏菩薩不捨一切智心善
住道義欽樂大乘以諸通慧所建之
力為諸聲聞及緣覺乘現不可及威
儀禮節不興此念將无誤墮聲聞緣
覺以大勇猛現一切乘所度無極唯
樂大乘所行具足是九無畏菩薩善
集諸清白法合衆德本普徧神通所
覺不廢以佛道度周菩薩行而究一
切諸佛普智以化衆生不失正行不
壞章句心不念言衆生將無諸根純
淑吾明不及現佛境界未有此應以
大勇猛觀衆生根為顯佛地雖化衆
生菩薩所行無極大願無有缺漏是
十無畏菩薩住此悉逮如來四無所畏
菩薩有十事諸佛法不共何謂為十
菩薩精勤無所從生度于彼岸除慳
喜施戒禁清淨不犯衆惡成具忍辱
去衆懷恨修大精進所修正業未曾

退還禪定堅固棄衆亂意從智慧生
遠惡邪見終無有言何謂無所從生
常勤奉行六度無極是為菩薩第一
無言菩薩之法曉度彼岸攝護衆生
境界施以俗施及宣法施顏色和悅
所說可度言辭清和衆人聞之心莫
不悅義理應時明識佛道心無偏僞
等念群衆菩薩所修無所從生以無
言辭救濟群萌所修境界是為菩薩
第二法施菩薩所修曉了勸助不望
想報導入佛道不樂世俗所修定行
不捨如來至真聖慧用衆生故而勸
助之無所說者則是菩薩无有言辭
修諸德本求慕佛慧為衆生施是三
無言菩薩之業有權方便第一之行
隨衆生樂而不穢厭世俗俱遊在諸
不賢自恣行門一切聲聞緣覺所生
一切梨庶皆開化之不求安已禪定
三昧脫門正受曉了進退逮自在定
以不懈憊察於生死猶如大遊觀毀
魔宮殿普現釋梵四天處所所生之
處常有明曜見諸異學而悉達知一
切世俗經書典籍文辭之讚計校弄

術已身六事王者典籍雕文刻鏤所
假印綬工言巧辭娛樂音聲搏菴六
博敢可天下目所觀者亦復曉了女
人進止男子舉動豫說瑞應天文地
理日月星辰所現災變度世之法聲
聞緣覺來問事者無不明了諸度世
事獨步無侶一切天下咸共瞻仰顯
諸聲聞緣覺之乘所不能逮威儀禮
節不捨大乘發意之頃知諸如來所
示現行不斷經典菩薩所遵善權方
便亦復無斷奉修寂然菩薩德本以
慧娛樂猶得自在在於無為現生死
門至無人際教化衆生未曾違廢處
永澹泊在於衆生現大塵勞則以一
品法慧之身現於衆生無數之身无
限之門猶如虛空以大智慧樂一切
欲因化衆生樂一品樂現於三界開
化衆生不離妄想在諸玉女百千人
中常以法樂而自娛樂以妙相好百
千衆德而自莊嚴所生之處常无罪
殃修清淨行現生地獄餓鬼畜生於
佛道慧所度無極而不動捨菩薩慧
身其慧如是無有邊際以是比故志

解聲聞緣覺何況愚冥凡夫是五無
言身口意行以慧為首菩薩所修行
業甚淨具足慈心愍念衆生離於煞
生盜竊姪姪妄言兩舌惡口綺語嫉
妬恚癡邪見之事修正行見恚亦無
言菩薩所行身口意業慧儻隨時是
為第六不捨衆生乃為菩薩奉无蓋
哀觀衆生惱身陰遭患口自更歷興
顯德本在於地獄餓鬼畜生為衆生
故而被毒痛不用懈歇化衆生界令
懷欣然於一切欲所娛樂業不以經
心常加精進欲度衆生毒苦諸痛亦
不以諸菩薩所習唯志大哀遵習道
力是為第七一切衆生奉敬悅樂乃
為菩薩釋梵四王皆共念之一切人
民觀恚欣喜群萌思德不離心懷所
以者何其菩薩者往昔宿命奉清淨
行無有罪業是故衆人其來見者不
知飽滿亦以無言是為第八其心堅
固在諸通慧善被德鎧乃為菩薩所
由甚難勤力習行入諸聲聞緣覺之
中一切智心寶淨明耀無所忘失猶
大明珠名淨復淨清諸濁水正使浴

池極穢瑕疵以淨明珠這著其中濁水則清不復同合菩薩如是正使與愚騃俱癡冥人共周旋未曾違失一切智心寶淨明耀無極智慧燭除衆生邪見塵勞穢濁愛欲住一切智寶淨明心亦以无言雖在惡人聲聞緣覺不廢大道是為第九已部界慧在法勢尊度于彼岸乃為菩薩慧得自在具足無餘為阿惟顏以被離垢著法冠憤帶道印綬不離善友之所教訓奉敬如來未曾輕慢亦以无言菩薩師者修未曾有開化衆生不捨聖師常順如來謙恭自歸是為第十无言之教菩薩住此逮成世尊無上无言菩薩有十業何謂為十普淨世界莊嚴佛地興立一切諸佛道業以諸菩薩伴侶為首同共德本開導教誨衆生境界諸當來業攝末至本則以神足遍至十方諸佛境界雖遍十方不移本土以光明業演無量曜一一光明有諸蓮華現諸菩薩各坐其上不斷三寶佛滅度後奉宣訓誨無自大業遊十方界開化衆生以為說法使

隨律教修八道業心在邪業則為彼等示現諸願普使脩足是為十業菩薩住此逮成如來無上道業

菩薩身有十事何謂為十菩薩當來解一切身悉無所成亦無所有菩薩身來知衆人民身不可得菩薩身者無有真諦隨其習俗亦有所在菩薩身者無有能侵隨其世俗顯示真諦菩薩身者亦不可盡於當世際無所斷除其身堅固一切諸魔無能毀壞其身強要一切邪學衆外異術無能動者其身無相而復示現諸相清淨百福功德其身无好因以法相而為衆好稽首為礼其菩薩身普無不入諸去來今如來至真同合一身是為十身菩薩住此逮成如來不可盡業無極法身說是語時三千世界為大震動其大光明遍照十方天雨衆華瑩簇樂器不鼓自鳴諸來會者各自欣慶幸值供業无極道明欲值此法當何所行菩薩報曰奉敬諸法一心聽經供養聖衆謙尊法師視之如佛慈愍衆生如已骨髓處在三界如水

蓮華如日明耀如月照冥如是行者
疾得正法說此語時無央數人皆發
道意

度世品經卷第三

壬寅歲高麗國大藏都監奉

勅彫造

度世品經卷第四

羌

西晉月氏三藏竺法護譯

普智菩薩復問普賢何謂身業何謂
為體何謂言辭何謂口淨何謂善清
淨何謂所護而善攝何謂菩薩所修
章訓常勸樂衆生界何謂菩薩等心
何謂發意何謂心遍何謂諸根何謂
志性何謂性和何謂應時何謂應信
何謂信入世界何謂信入衆生界何
謂居止何謂興發何謂奉行何謂成
就何謂失佛道法何謂寂然何謂究
竟法何謂生佛法何謂正士何謂為
路何謂路無量何謂道業何謂行道
何謂進道何謂為行何謂為手何謂
為腹何謂為藏何謂為心業何謂德
鎧何謂為杖何謂為頭何謂為眼何
謂為耳何謂為鼻何謂為舌何謂為
軀何謂喜行何謂行步何謂為處何
謂為坐何謂卧寐何謂為室何謂為
遊居

普賢菩薩報曰善哉問也諦聽諦受
報曰唯然普賢曰菩薩身業有十事

何謂為十能以一身普遍佛界故曰
身業亦現一切衆生界門與諸所生
而俱宿止而獨遊步十方世界亦皆
往至諸佛道場會說法處能以一手
覆蓋一切三千世界一掌捉持諸大
鐵圍金剛衆山顯示衆生一切佛土
合在身中復令散沒以衆生界受在
一身匿覆獨處又復亦現一切衆生
覺在己身以用成就嚴淨佛土是為
十身業菩薩住此由是得致無上佛
業訓誨群衆悉得至道

菩薩體有十事何謂為十體能奉修
六度無極能行四恩不捨衆生修无
蓋哀代諸群萌身自受之五陰苦擔
不以勞倦無極慈身普護一切而令
得濟以功德形使諸人民皆得戴仰
而逮安脫以聖慧事一切諸佛同合
體故以得成就棄捐一切諸凶危法
是謂法身善權方便一切現門神足
變化皆能顯示所為感動菩薩體者
於道自在便成正覺是為十體菩薩
住此便能得入如來至真無上大慧
菩薩言辭有十事何謂為十言辭而

諦則以此教安隱衆生以清和語悅
可一切人民意念以不妄語所說如
言演至誠辭菩薩如是假在夢中無
有異言所說隨順不欺釋梵及四天
王深妙無害能為顯示自然之教所
說堅固班宣諸法無有邊際所演發
路從一切言而開化之隨人所作說
其報應亦其本末觀衆生意隨其所
應而教誨之是為菩薩暢十言辭
菩薩有十事為善清淨何謂為十好
意欲聞如來音聲是則為淨思省菩
薩曾所聽音去於衆生所不意聽棄
捐惡語不施於人本昔所說四事口
過常遠離之本歡悅心咨嗟如來磬
揚大音在佛神寺歌歎佛德以清和
性為諸衆生宣傳法施在尊神寺作
諸妓樂琴箏吹笛樂佛塔廟親自面
從諸佛世尊聽聞經典順在天福從
諸菩薩若因法師得聞經典身自奉
事心捨天上是為十事菩薩演教為
善清淨

菩薩有十事所護善攝何謂為十諸
天王現恚共護之龍王鬼神王皆出

宿衛捷沓和阿湏輪咸來奉敬迦留
羅金翅鳥王僉來安之甄陀羅摩睺
勒志歸仰之又天帝釋侍從諸天俱
來護之其梵天王將諸梵天在邊自
歸諸菩薩等皆共敬念諸不退轉一
生補處僉來親之諸如來等現在十
方威神護之是為菩薩十事擁護善攝
菩薩有十事所修章訓何謂為十而
常勸樂衆生之界亦復教化三千大
千諸佛國土又志能入一切諸根通
利中間及弱劣者隨其境土而嚴淨
之消除一切愛欲塵勞遠離諸穢棄
捐境界而志覩見志性所在漸稍長
益清和之性而志普達遍諸法界因
是之故速近無為是為十事

菩薩等心有十事何謂為十等心惣
持執諸衆生攝衆德本令不遺漏心
如江海不可限量順諸佛法無極道
慧心如須弥其德超踰建立衆生一
切善本心如明珠去諸垢穢意念清
淨心如金剛毀壞一切諸瑕疵法其
心堅固如鐵圍山不可破壞一切衆
魔諸外異學無能動者其菩薩心猶

如蓮華遊於三界永無所著其菩薩心如靈瑞華於無數劫難可見聞心如日明遊行虛空消滅一切闇蔽星萌之類是為菩薩十心

菩薩發意復有十事何謂為十發意念言吾當悅豫一切群萌皆當消除諸衆生等塵勞愛欲永使無餘自興念言斷截諸蔽星萌之難恚於諸法不以猶豫得至寂然吾當澹泊一切衆生勤苦五陰當斷消滅惡趣八難常當普見一切如來不離其邊常當精進學菩薩戒成諸佛道普見衆生成就一切使入道迹以故發意當知無極法鼓普遍十方諸佛國土拯攝人民志性諸根使无有餘是為十事菩薩發意

菩薩意遍復有十事何謂為十其意普遍曠若虛空入於無量一切法界一時之間皆遍三世諸佛所興輒能具足入胎出生棄國捐王成寂正覺現大滅度志由聖慧入衆生界志其意性覺知諸根以聖光明遍至一切

諸法境土周無邊際諸幻羅網無所
從生至於自然无有顛倒不可計會
已心無尋使他无蔽光明智慧而得
自在諸佛興時所在發意現寂正覺
是為菩薩十事意遍

菩薩諸根有十事何謂為十諸菩薩
等若見諸佛諸根歡悅欣然不還好
樂諸佛奉敬經典靡所不達菩薩不
迴一切諸根無所障塞心常堅住其
所修行莫能廢者諸根微妙曉了分
別智度無極諸菩薩意無有進退勸
誨衆生志如金剛消化諸法破壞衆
惡其明堅強靡所不照見諸如來光
耀所在諸根無恠開士之心了如來
身合為一體其菩薩意至无限際入
於如來十種之力是為菩薩十事諸根
菩薩志性有十事何謂為十有菩薩
心常無所著不貪世俗其心清徹而
不雜碎不思聲聞緣覺之事又計菩
薩志性柔順恒志佛道其意清和因
一切智而出生矣有所念者無有傳
匹消伏衆魔諸外異學志無瑕疵嚴
淨一切如來慧場恒善救攝其意本

末如所聞法未曾忽忘其意自然而無所倚著所生之處無所適莫其志深妙普能得入微妙之慧念已信解諸佛法是為菩薩十事性也

菩薩性和有十事何謂為十菩薩性和意在尊豪而不退轉積累一切衆德善法不疑諸佛咨嗟如來本末性行處於撝攝為大師行聞所願俱念在頂相普能周入於諸佛法性自然淨於諸佛法而得由已其意微妙能入若干諸法道門菩薩尤首超越一切所在因緣於道自恣於諸三昧定意正受嚴淨變化其意堅住攝取前世之所擔願教化衆生未曾休息是為菩薩十性淨和

菩薩應時有十事何謂為十菩薩布施則為應時施諸所有無所希塗一切奉戒其禁德限閑淨精修奉行應時不蔑他人為衆生故忍諸瞋恚患獸懷恨除去吾我及他人想普修精進隨時无轉將護身口心無所忘廢衆事業禪定三昧遵諸解門神通之正不捨愛欲塵勞眷屬若能奉行諸度

無極積累衆德未曾懈廢修行大慈解无衆生身負衆苦五品應身不捨大哀解知諸法自然寂靜如來十力覺了隨時以無限宜顯示梨廣而轉法輪未曾懷還見他志性而教誨之是為菩薩十事應時菩薩住此逮佛無上無極大慧便能隨時

菩薩信解復有十事何謂為十信於微妙而常隨宜難及德本無央數若干淨行其好廣普見於衆生無央數心造信寂然入於深奧無極法門樂於清淨興廣遠心愛敬所望諸佛建立十種力故謙恭無雙降伏衆魔及與官屬究竟好業等於報應焉于近門隨其所喜而示現之受於所受謂欲逮得諸佛授決神足自在恣意所樂欲得佛道便成正覺是為菩薩十事信解也

菩薩信入世界亦有十事何謂為十信諸佛土入一世界以一世界入諸佛土信一蓮華如大千界一如來身遍坐其上十方佛土解信一切自然如空一切世界普悉莊嚴信遍入中

十方世界其菩薩身能周其中信十方國建著一跡一切世界入一人身而自申暢諸佛境土至如來樹周一道場以一音聲告十方界一切衆生聞之心悅是為十事菩薩信入世界能住於此遍入如來無量境土

菩薩有十事入衆生境界何謂為十一切身形自然無身諸群生界則為一身自恣講堂信所入處諸群萌品則以得入一菩薩腹衆梨底界受諸釋梵及四天王形體像貌信衆生界入如來身十方人民蚊行喘息人物之土入一人身一切衆生能得處在一佛法品顯群萌界現為聲聞緣覺形貌像類永無想念十方世界悉現菩薩莊嚴切勳諸衆生界亦現如來色像相好若干種身威儀禮節訓誨衆人是為菩薩十事入衆生界菩薩居止有十事何謂為十發菩薩意則是其處修諸德本衆惡休息開化衆生隨時導示常見諸佛不離衆聖其所欲生輒得處在清淨之界奉修道行不違正真恒懷正願不隨邪

誓能遵奉六度無極專精思惟平等道法所可遊居與諸佛會是為菩薩十宿止處也菩薩住此棄諸塵勞無有遺餘逮成如來无量慧處是為居止

菩薩興發有十事菩薩以此斷諸起行何謂為十眾生界起開化度之令之究竟世界若起滅除其穢常使嚴淨如來興現逮菩薩行起衆德本積累相好習佛功勳興于大哀消除衆生苦惱五陰熾盛之衰發于大哀勸立衆生安一切智諸度無極合集菩薩嚴淨之行起摧方便普為一切現道德之門興於道意其心坦然不可稱限取要言之一切諸法菩薩所興在所現化神通解達是為菩薩十興起也

菩薩有十事奉行何謂為十恒自思念諸度無極奉修禁戒而無缺漏遵承聖慧不隨邪見順從禮義未曾失節遵崇道法不隨邪見隨時品第不違高節應時示現不犯道教親近行義不厭訓誨奉修正覺不隨小乘遵

承聖行而轉法輪是為菩薩十事奉
行也

菩薩成就有十事何謂為十常懷篤
信奉敬善友達成佛法懇勤愛樂如
來所說未曾謗毀正典訓教其心無
量在於無際勸助德本逮如來境而
無齊限信樂不疑普能遊入十方世
界成為佛法又於法界不可動搖心
如泰山動魔境界不得自在自然降
伏恒志識念諸佛境界訓誨衆生當
自懷念如來至真十種慧力是為菩
薩十事成就

菩薩有十事失佛道法常當遠之何
謂為十其自憍慢輕善親友失佛道
法畏懼生死窮苦之惱患厭衆行違
菩薩心勞倦天下周旋止頓行必固
性違於正定便失等跡所作德本名
是我所作嫉妬誹謗正法翳匿覆蓋
諸菩薩行愛樂聲聞緣覺之法憎於
弘履不意宣暢菩薩大法是為菩薩
十失道法常當遠之乃入菩薩无上
聖賢

菩薩寂然有十事何謂為十能常勤

修智度無極瞻察衆生除諸顛倒度
脫一切諸邪見縛未曾發意求諸妄
想開化衆著貪妄想者行過三界周
旋一切十方世界遊居其中改變衆
生貪諸塵勞習放逸者離愛欲法興
大悲哀愍諸群黎除諸所有而復示
現一切眷屬動諸世界現有終始為
顯修行進世俗法而無所著而復隨
時入其中教具見佛道不斷大行不
畏本願是為菩薩十事寂然賢聖度
世攝護黎庶過諸聲聞緣覺之業
菩薩有十事得究竟法何謂為十這
生墮地自在如來以致究暢諸佛境
界以獲成就諸菩薩業具足一切諸
度無極興盛充滿諸佛種姓而逮超
越如來儔類常得建立諸佛十力永
得究暢如來大道解知諸佛皆一法
身如來至真行無有二是為菩薩十
究竟法

菩薩有十事生諸佛法何謂為十一
心自歸奉善親友興諸佛法至一德
本信樂佛法則生道跡發意之頃皆
能變現諸如來行以得懷來无極大

願生廣大心樂已德本如所造立終
不忘失未曾患厭無失數劫所可積
行志攝當來一切無際遊居生在无
量佛土開化衆生常隨時節興菩薩
行不斷所履常發大哀顯無量心發
一意時普見虛空以得起入殊妙大
行生至真願不失本意奉持一切如
來訓誨照耀衆生以發道心具衆德
法是為菩薩興十道法

菩薩有十事号为正士何謂為十菩
薩解了佛慧為一法身故曰開士堅
住大乘号曰大士奉行豪法故曰尊
人覺成妙法故曰聖士入殊勝慧故
曰超士勸人精進故曰上人宜豪勝
法故曰無上具足解了十種力慧故
曰力士除諸一切闇冥覆蔽故曰無
雙無儔匹士心得由已輒成佛道号
无思議是為菩薩号十正士也

菩薩行路有十事何謂為十諸菩薩
衆與一乘路一無等倫不捨一心菩
薩有行智慧善權為二性路復有三
路奉修空行无相之本则无尤際不
猗無願遊於三界无所沾汙復有四

路修開士行講無盡業皆能勸助一切功德猶賴如來奉敬无懈勸助聖慧善宣道教增五根路諦建立於信根大精進於諸行不退轉住一心而不乱善覺了隨定意常曉了智慧行修六通事以為道路其天眼者見諸色像觀諸世界衆生之類若有生者及於死者則以天耳聞諸佛所說經典則受持之見他衆生為能分別自見已心亦觀他意本末衆念不可稱限而得由已念往古世無央數劫所造德本進益之宜悉識知之得大神足隨衆生本所應化者現若干變則以正法訓誨衆生慧盡諸漏自觀本際不斷菩薩所興立行行七思念為菩薩路常念於佛導衆生者无有邊際以一切句見輒受持勸化他人使自歸佛思念經法如來至真於一道場未曾動移普在一切諸佛衆會現已說法音暢十方知諸群衆心根所在而開化之其意思念僧在無數諸菩薩不退轉觀不離數皆見衆生諸菩薩身常念施與施諸菩薩等御其心

思於大施使德增長常念禁戒不捨
菩薩心以諸德本施諸衆生常念諸
天菩薩生在於兜術天當一補處飢
虛思德常念衆生以大摧慧開化衆
生無能廢辯其八正路奉於正見棄
諸邪見棄諸妄想衆貪之求皆念一
切諸通之慧道德種姓捨口四過修
賢聖種宣傳正語身諸所行為衆生
施訓誨衆人無有休懈不捨正律其
正業者堅住自在閑靜知足修其道
德住於禮節威儀住於正法皆不誤
失其正方便以諸菩薩同產兄弟所
見眷屬无有損耗遵修如來十種力
行其正意者所聞音聲悉能執持普
見十方諸佛世界定意憤亂其正定
者諸菩薩等不可思議以為脫門聰
明之故以一定意遍無數定本定正
受定未曾捨為菩薩路離於欲界危
害之跡所講說法口所宣講一切無
尋說所思念衆想之著開化衆生入
一切智捨於希望捨衆貪愛常欲思
見一切如來以歡悅心未曾懈廢捨
於世俗苦樂之業顯示菩薩賢聖度

世永安道慧修解無常无色定意生
於欲界及在色界初不動移以度一
切諸想所遭音聲正受其菩薩行不
以為勞若能思惟如來十力佛子發
遣為菩薩路常能曉了有處無處限
與无限見諸衆生過去當來現在報
應罪福所趣知於一切神識諸根了
了分別察其心本而為說法別若干
種不可計數身體各異如是上願志
在中間又或下意識其無際為班宣
法一切刹土諸有衆生三世所在无
央數劫諸菩薩身志遍其中如來至
真現無想念而不違捨諸菩薩行諸
禪定意一心正受塵勞瞋恚觀察進
退知所因生住菩薩門觀諸梨度死
生所趣為說本末知於三世衆想諸
念入於一世了諸群萌塵勞罣碍志
性結解恚令盡索不捨菩薩所興顯
行是為十路菩薩住此志達無上如
來摧道菩薩行路無量道至無限行
道無數淨不可計所以者何菩薩行
道無量有十事何謂為十察於虛空
不可計矣法界中間向玄之有玄志

無量矣衆生之種甚多故不可盡世
界无際故曰無限諸惡思想亦復無
底一切民庶言辭亦無底元如來之
身無能計校諸佛所演音聲言教亦
莫能盡如來道力無能窮者一切智
明慧達聖元亦无能極是為菩薩路
十無量所以者何如虛空無量修道
无量亦當如之如法界玄之有玄奉合
道義無量亦如如衆生界甚多无盡
菩薩奉道無盡亦如若其世界无有
邊際進道亦如若衆惡思想不可計
說順道化人亦若茲矣如民庶辭無
有崖際其合道如若如來行無能計
校一切群衆無有二國所念志周道
行亦如若佛音聲言教莫能盡者修
道亦如以一言訓普告一切法界人
種若如來力无能窮者進如來力修
道亦然如一切智不可計者菩薩積
德修道亦是為菩薩行路无量也
菩薩行路有十事何謂為十无行不
行應與不應其身口心無所至湊無
舉无下其慧本淨故使其然無奉不
奉修與不修入於自然猶如幻夢影

響芭蕉電現野馬水中之月皆解此
已無一倚求達知三界空無相顧志
無處所因其想見而有三處積斯功
德不荒其行心無所有而不可見無
言无教離於諸法衆所遊居奉修法
界无所破壞能知觀察入一切法不
失如來真諦本際斯真諦者則以普
周虛空之際入菩薩慧諸行力業未
曾懈倦如來十力四無所畏一切智
藏察諸平等觀一切法不懷沉吟是
為十事菩薩行道菩薩有十行道嚴
淨何謂為十佛子菩薩在於欲界而
不動移忽在色界在其像行一心脫
門定意正受其所生處無有放逸是
一淨路又復佛子菩薩目見聲聞之
乘以慧度之不墮彼路是二淨路又
復佛子菩薩觀知緣覺之乘曉了隨
時興大悲哀逮諸力願而不懈廢是
三淨路又復佛子菩薩大士與大群
從眷屬圍遶諸天人民清淨端政鼓
百千樂諸玉女琴瑟亦不可計其音
清和叅駕大車菩薩在中禪定脫門
三昧正受如道無違是四淨路又復

佛子菩薩在於一切衆生歌舞調戲
隨衆所為亦與俱同常如一心菩薩
定意初未曾亂是五淨路又復佛子
菩薩已度於世俗法而於諸業志无
所著不捨度道救攝衆生是六淨路
又復佛子菩薩住道為顯聖慧以入
正道越諸邪見在於邪徑訓誨衆生
使得勉濟不與邪徑而俱同塵是七
淨路又復佛子菩薩大士其身口意
無有缺漏亦不謾戒將養如來清淨
之禁為諸凡夫愚駭之黨顯清淨行
教惡戒者使普具足一切淨福菩薩
所由皆除地獄餓鬼畜生致三善路
現在不閑生於衆難貧匱之處而到
所在勉濟衆生雖遊其中不與合同
是八淨路又復佛子菩薩所為不傾
仰人而於佛法逮無尋辯普觀諸佛
逮法慧光諸如來等下无形種一切
諸佛皆一法身諸佛導利為一切故
遍照法門等住諸乘諸佛遊居志在
目前一切梨底僉無堪任衆生面手
志見形此至未曾有志為普等其所
求法未曾忘失其所現師為從何受

志恭敬之咸起迎逆因恠而生緣其受之彼修行法在於衆生所以者何善權方便菩薩所行開士真諦住於道業輒以方便趣使衆生得隨律教顯現權道各使得所是九淨路又復佛子菩薩合集衆德之本逮得菩薩寂上妙法普具如來阿惟顏行一切法尊所度無極繫著無量難垢法冠正續為帶十方世界現無央數諸如來身轉無耗損建立法輪其身盡遍一切佛土遊於諸法獨步三界度于彼岸逮諸菩薩皆得自在生十方國過去當來現在諸佛所可示現教化衆生皆一佛界亦不違失諸菩薩行不迷道慧不違開士德原之本而退還也履菩薩跡而不迴還在大士行而不懈廢亦復不斷正士啓受亦復所行勢力不以危害加於他餘不遠聖士所建正行所以者何若斯菩薩速得無上正真之道如是菩薩行无所著觀一切智明如來體像而無形貌是為十淨路菩薩住此疾成如來

無上大道

度世品經卷第四 第三張 尾

七

佛子菩薩有十奉行何謂為十修于
禁戒大願殊特漸備具足為精進行
懷來一切諸道品義而不迴還遵神
通行從衆人志各令歡悅修神足行
普入十方諸佛國土合為一刹而無
動者志奉清和得入殊妙誓願堅固
一切所作靡不成辦若受伏勝不越
一切衆尊師命求聞經典行無厭倦
奉修諸佛所班宣法不以為勞崇法
聖性遊于一切衆會道場勇无怯弱
就於無極大行清淨解知一切咸無
所生是為十行菩薩住斯普遊十方
一切佛土無所罣碍

菩薩有十事手何謂為十謂為信手
信如來教一志信樂不可窮極以手
供養諸佛正覺積累大德增益無倦
為放捨手一切諸求皆令得悅充滿
所願歎善哉言先問訊手申其右掌博
聞善手斷除一切猶豫結網三界寂
然大遊出手愛欲無常當以大手化
衆生界授所施與住安地手覺了四
流度無極解搖攝內藏奉平等行為

無師法志化衆生无起害心講說經
典明知世俗及度世法手能除身心
諸有灾疾智慧寶手消滅塵勞現無
量法光明之耀是為菩薩十事手也以
此道手弘覆一切

菩薩腹有十事何謂為十謂志性腹
所念清和質直之藏而無諛諂不思
偽飾志無所受無因緣界不樂一切
諸所有業去諸塵勞以慧為胎其心
清淨而無瑕穢觀斷諸食思真諦法
察万物無曉了十二因緣之故分別
一切諸生死業志性柔軟純淑之故
除於一切邊際邪見為菩薩腹普使
衆生入佛道藏是為菩薩十事腹也
菩薩復有十藏何謂為十不斷佛教
住菩薩行奉諸佛教以无放逸而得
由生顯熾法訓為菩薩胎住無極慧
現出世間傳承聖衆為菩薩胎住不
退轉而轉法輪必從衆生善法殘來
為菩薩胎所住隨時不失道節衆生
在於不决了處究竟開化為菩薩胎
立之報應各各使度令無斷絕衆生
處在處邪見地興大悲哀為菩薩胎興

熾當來無極光明如來十力奉修報
應令其具足為菩薩胎降伏衆魔德
本无雙大無所畏為師子吼則菩薩
胎一住立慶歡悅衆生令无餘疑逮
得十八諸佛之法為菩薩胎皆以聖
慧道利一切一切衆生十方國土有
諸佛法勸助佛道為菩薩胎生無差
特入于一慧是為菩薩之十胎矣
菩薩心業有十事何謂為十所可念
業一切所作輒得成就心不懷怯積
累功德習具相好愍大行步降伏一
切諸魔官属隨時行愍消除一切塵
勞愛欲修不退轉亦不迴還引愍之
行至佛道場本淨顯耀心無所至了
無所倚愍入衆生隨其所好而開化
之修大梵行入諸佛法不樂餘道教
濟衆生空無相願達無所有去諸邪
見不捨三界舉諸莊嚴為金剛界堅
固無壞正使一切皆成為魔不能動
搖菩薩一毛所興德行是為十愍
菩薩有十事被德鎧何謂為十被大
慈鎧將護民庶修無極衆皆忍衆苦
志誓願鎧志能究暢一切方便勸助

德鎧親奉諸佛清淨之行興功德鎧使諸衆生皆蒙其恩諸度無極皆度群衆聖慧之鎧消除一切塵勞愛欲善權方便殖衆德本導利普門一切智心安不憤鬧其意无變一志德鎧心懷法念而不忽忘是為菩薩十德之鎧降伏衆魔

菩薩杖有十事何謂為十以布施杖害諸慳貪修禁戒業壞除一切犯衆惡事等勸法杖消去妄想則以智慧斷截衆生塵勞愛欲以正業杖遠離一切不曉活業以善權杖普自現身姪怒癡亂菩薩皆以法杖消化衆生一切愛欲衆瑕穢門其在生死則以慧力斷為穢行而開化之講一法杖破壞一切諸所依倚一切智門能為消去諸反逆戶是為菩薩所執十杖菩薩頭有十事何謂為十無慢為首天上世間莫能見頂稽首師長孝順二親天上世間皆為跪拜好上妙首三千大千世界靡不戴仰衆德之本而為元首三界衆生咸來歸命代諸衆生負於重擔為枕之首常得舉頭

周觀十方不輕他首所作遊步與衆超異智度無極首頂有法王權方便首普現衆生平等之行化人民首誘進衆生悉使普安修諸如來法教之首常奉三寶令不斷絕是為菩薩所有十頭

菩薩眼有十事何謂為十則以肉眼皆見諸色又以天眼普見衆生心意所念以智慧眼觀梨麁根復以法眼皆見諸法之所歸趣佛正覺眼悉見如來諸十種力以聖慧眼見除一切諸非法事以光明眼演佛威耀普有所照以導利眼捐棄一切貢高自大以無為眼所觀無尋一切智眼普見十方一切法門是為菩薩十事眼也菩薩耳有十事何謂為十聞嗟歎德斷諸結著若聞謗毀除諸所受若聞聲聞緣覺之事不以喜悅亦不志求若聞嗟歎菩薩之行歡悅無量閉塞地獄餓鬼畜生假使生貧八難厄者為興大哀聞生天上人中安處知皆无常志慕大道若聞咨嗟諸佛功勲益加精進具足此業若復得聞諸度無極及與

四思菩薩法藏一切精修皆能通達
徧悉是事佛子當知諸菩薩衆十方
世界諸佛所宣義理之業諸開士等
皆悉聞之諸所可聽解無所有又其
菩薩耳所聞法悉等一定從初發意
至於道場坐佛樹下得成為佛開化
衆生未曾懈廢是為菩薩十事耳也
菩薩鼻有十事何謂為十若遇美香
不以識樂若遭臭穢不以患厭等察
香臭不以殊特觀諸香臭悉無所有
衣服卧具禮節香臭姪怒癡事皆以
等心入此衆生其諸大藏樹木衆香
咸悉觀之知無有香下無擇獄盡於
上界三十三天其中所有一切名香
食無所著悉說本末得聽聲聞戒禁
博聞布施智慧道法之香慕一切智
心未曾變假使得蒙諸菩薩行則以
修智如來等地若具如來境界慧香
不斷菩薩上妙道行是為菩薩十清
淨香

菩薩舌有十事何謂為十口演无盡
衆生之行班宣無量諸經典教咨嗟
無限諸佛功勳歌歎无窮滅度辯才

頌說無際大乘之業其口言辭遍十方空其大光明照諸佛土口所說言皆使衆生各各得解其辭與同口所宣者十方諸佛咸共歎之一切衆魔及外讎敵塵勞生死患自然除至寂无為是為菩薩所說口台

菩薩軀有十事何謂為十謂受人身則以人言而開化之亦復訓導諸非人形地獄餓鬼畜生令隨律教生在天身又復教授諸天人像欲行天人及無色天有在學者則以學地而誘進之向无學身為現羅漢無所著事在緣覺軀為導緣覺所當奉律在菩薩形則為顯示大乘之業如來至真其慧無限隨時說現見諸自大以摧方便而發起之法身無漏患無所有普現諸身是為菩薩十身

菩薩有十意行何謂為十念於本宿命一切所行衆德之本建立其意常奉要義心所入者常志佛道極至原際愍衆生身念無煩擾斷衆塵勞其意顯曜不與客塵而俱合同念擇善行察之隨時而無所犯諦觀罪福不

造殃疊思諸德根諸根寂定制不放
逸其志澹泊求佛定意是為菩薩十
意之行

菩薩行步有十事何謂為十好詣法
會聽受經義所詣無聲亦無陰蔽不
懷姪怒愚癡恐懼心常專惟有講法
者皆為衆生至於欲界開化黎庶若
至色界及無色界以像定意尋便迴
還普現五道訓誨群黎以神通慧遍
詣佛土見諸如來稽首問訊所可遊
步志為法施由是之故得大智慧現
入泥洹不斷生死周旋所度具諸佛
法未曾休廢諸菩薩行是為菩薩十
事遊行菩薩住此無遊不遊因斯普
至諸如來行獨出十方

菩薩有十處何謂為十處菩薩心未
曾忘之住度无極所可修業不以飽
滿聚集法衆通達智慧止於閑居致
大禪定順一切智德知止足賢聖寂
靜住無衆想亦无希望奉行法處不
遠正義礼歸如來則能具足諸佛正
覺威儀禮節出神通處備悉大慧逮
法忍者滿所授慧坐道場處至力无

畏充滿一切諸佛之法是為菩薩十處
菩薩有十坐何謂為十其福得至轉
輪王座修於十德不失天上世間人
處得四天王以佛尊法授諸天下逮
為天帝超越衆庶梵天自在欲攝他
心亦得由已致師子座興顯法衆得
正法座逮成持力普照一切其志
堅強所建正願靡不周遍通達十方
以大慈座瞋恚懷結令得悅顏以大
氣座忍諸苦惱不以為患坐金剛座
降伏衆魔諸外怨敵是為十座

菩薩卧寐有十事何謂為十謂止寂
然身心澹泊宿於獨處思惟順義不
失其時類於正定身心靜默處於梵
天能悅已彼善修其業然於後世不
懷惱熱志平等行不懷瞋恚住於道
行解達善友善微妙居勸助德本皆
得一切義理之源志能究竟成就道
教不利財業乃是往宿所修德行是
為菩薩十事卧寐

菩薩室有十事何謂為十無極慈室
等心衆生以大氣行不輕未學以大
喜行除諸不歡和顏悅色行大護康

等於有為及無所有諸度無極道心
為首具足空行曉了隨時為无相行
不住寂滅為無願行所生至誠意安
詳行備志忍辱等諸法行逮得受決
是為菩薩十事室也

菩薩遊居有十事何謂為十其意遊
居具四意止所行遊居了法所趣其
意所在唯樂諸佛諸度無極備一切
智修四恩行開化衆生遊在生死興
於德本集衆梨庶不習諸鬧隨其所
樂而度脫之顯神通行開悟衆生解
殊特根善摧方便智度无極為衆說
法遊至道場達諸通慧備菩薩行行不
斷絕是為菩薩十事遊居

說是語時三千大千世界為大震動
十方菩薩皆來讚詠戴諸天華如須
弥山皆散佛上莫不歡然諸天龍神
志來奉敬笙簧樂器不鼓自鳴婦女
珠璣皆自作聲飛鳥禽獸皆共鵲鵲
盲者得視聾者得聽跛者行走癯者
得平屈者申舒狂者得正狂者强健
疾者瘳除衆會咸踊深自欣慶宿命
祿厚致此光明無央數人得无從生

發大道意功德皆成

度世品經卷第四

壬寅歲高麗國大藏都監奉

勅彫造

度世品經卷第五

羗

西晉月氏三藏竺法護譯

普智菩薩復問普賢何謂為觀何謂
為願觀何謂為願申何謂師子吼何
謂施淨何謂戒淨何謂忍淨何謂進
淨何謂禪淨何謂智淨何謂慈淨何
謂哀淨何謂喜淨何謂護淨何謂為
義何謂為法何謂積德何謂慧業何
謂明達何謂法典何謂行法何謂奉
法何謂為魔何謂為魔業何謂棄魔
業何謂見佛何謂佛事何謂自大何
謂聖業何謂菩薩為魔所固何謂佛
建立何謂建立法何謂處堯術天何
謂現歿堯術天何謂住胎何謂現其
安詳何謂修生何謂因欣笑何謂行
七步何謂現幻童何謂在中宮何謂
棄國捐王何謂勤苦行何謂詣道場
何謂坐樹下何謂在樹下致未曾有
法何謂降魔宮何謂成佛道何謂轉
法輪何謂轉清白法何謂如來至真
取大滅度

普賢菩薩報普智曰善哉問也乃為

一切重啓斯義何一快乎諦聽諦聽
善思念之與諸大衆受教而聽普賢
曰菩薩觀有十事何謂為十觀其真
諦造立善業見微妙色恚達其原察
如壽終及見生者亦不貪猗憤鬧衆
會見一切根而分別之化諸敗根觀
察諸法不壞法界面見諸法逮得佛
眼逮智慧聖隨應說法無所從生法
忍究竟逮成諸佛之法不退轉地除
諸塵勞三界衆難聲聞緣覺一切徑
路觀阿惟頗於諸佛法而得自在現
歡悅法善解道意而能普現十方所
有是為菩薩十事觀也

菩薩願觀有十事何謂為十見諸乞
求不懷害心從其所願而令歡悅觀
犯禁者皆建立於一切智戒見諸衆
生懷瞋恚意解忍辱意以此佛仁而
誘進之見懈怠者已不離行而勸助
之使學大乘觀心乱者化建立之不
憤覺地諸通敏慧察惡智者為未曾
懷諸邪見使無有餘已以真察其善
友如來所學建立佛法如所聞經觀
其本原修無上義眇於衆生恚懷焦

悴顯示大衆願諸佛法逮成正覺諸
通敏慧是為菩薩十願視也

菩薩頻申有十事何謂為十如鳥頻
申諸天龍神阿須倫迦留羅甄陀羅
摩睺勒一切衆會無能及者如龍鳥
長所乘造心欲為代衆生而負重擔
為如蛟龍興雲澍雨演電光燦出正
雷音根力覺意禪脫三昧暢甘露水
流布法雨大鳳凰王頻申拔諸無明
愚癡衆冥深入根株消息愛泉濟其
根原罣罣之門免出欲心毒害塵勞
瑕疵諸穢師子頻申以離恐懼大慧
等劔在於大衆消伏外學勇猛頻申
除諸怨敵愛欲瑕疵垢濁衆冥消伏
難化如大將帥降伏嚴敵聖慧頻申
棄去五陰四大諸入十二因緣令不
增長而慧顯現極尊勢法提持頻申
意遊甚強一切所聞輒能受持未曾
遺忘已能受持為他人說辯才頻申
應機率答所演章句不可稱計分別
班宣無能障翳可悅衆生無所侵欺
究竟本末如佛頻申處於師子殊勝
之座降魔官屬具足普智諸通敏慧

一心念頃應時平等速成智慧為取
正覺志能明達護輒成如志致無上
正真之道是為菩薩十事頻申

菩薩師子吼有十事何謂為十吾當
成佛懷逮聖道大師子吼度未度者
濟未脫者安不安者其無為者令取
泥曰愍傷衆生佛教法誨聖衆之訓
順不違之於如來所而有反復以堅
固願淨諸佛土志能勇達謹慎禁戒
除諸惡趣使貪消歇為師子吼身當
脩志佛身口心莊嚴相好求諸功勲
而無飽足具滿佛慧慕聖明宜不以
懈憊降伏衆魔使无害事奉正真行
去塵勞業解見諸法無我无人無壽
无命空無相願心如虛空清淨無垢
尋即解諸典能速得無所從生法忍
為師子吼寂後究竟菩薩清淨離垢
解明顯耀感動諸佛國土告衆釋梵
四天王所見咨嗟生未生者以無限
尋無極大慧諦觀覺意已成无上正
真之道志无所受而大歡悅又行七
步吾於世尊極豪无雙當除衆生生
老病死言如所行為師子吼是為善

薩十師子吼

菩薩施淨有十事何謂為十等施衆生心無偏黨隨所喜樂而布施之具足諸願不乱布施不斷氣業應時布施解於衆人諸根原故不必故施志離衆沉吟善施布施志捨心所愛不惜內外所有愛施究竟淨於所與之故所施與者勸助佛道棄於有為及與無為開化是等所施與人至今究暢成道場故施淨三場施受者屢念於諸法等如空故是為菩薩十事施淨若住於此逮於如來無上大施菩薩戒淨有十事何謂為十身行清淨護其三事口言清淨棄口四過捨心三穢無瞋恚癡將養禁戒一切无犯見有過者隨時安之消貪欲業去恚愚冥其德照明天上世間守於道心思樂大乘奉諸如來而學正教而无為戒嘿隨律禁除諸衆生殃墮衆罪遠離衆惡順從一切衆德之本斷衆邪見不以禁戒而懷自大撫育群衆遵大哀力是為菩薩十戒清淨

菩薩忍淨復有十事何謂為十若人

罵詈加以惡聲嘿而不應則忍清淨
亦護衆生加以瓦石而打擲之刀杖
加身受而不拔護彼我故設有瞋恚
怒恨向之而慈愍之本性無害若輕
蔑者不懷惡念明耀堪任若來歸念
能將順之寧失身命忍不違之捐捨
自大不輕未學不自貪身視如虛空
忍觀若幻諸有惡向心不懷害无彼
我想任順塵勞消除衆毒諸菩薩慧
柔和之忍興顯滅盡一切諸法諸通
慧界人無所仰是為菩薩十淨忍也
菩薩精進淨有十事何謂為十身行
進淨恭敬自歸於諸菩薩則為賢聖
寂定衆祐口言勤力聞諸如來所可
宣暢忠誠念持歎諸佛德如所聞法
為衆生說不以勞倦心念鮮潔慈悲
喜護禪思脫門定意正受不廢善權
志不怯劣常修精進不懷諛諂進清
白行而懷質直諸所應行不為雜碎
志性勤和所遊至處常有超異其慧
轉增衆清白法遂以熾盛其明光光
無戒无虛布施調意明識仁和戒聞
施與永無放逸啓受不廢當詣佛樹

降伏魔怨為淨精進斷婬怒癡愛欲
塵勞諸著邪見陰蓋罣碍成慧光明
常諦思惟逮善明心不懷惱熱畢所
造業亦能致得諸佛之法無應不應
為常勤修心所啓受永以歡悅其身
口心等視無視而諦曉了普門之界
隨其所知而順從之成就法明勢以
強和越諸住地樂諸佛說解諸佛身
無有諸漏現來入胎出生在俗棄國
捐王成軍正覺而轉法輪示大減度
而咸悉備普賢之行是十進淨

菩薩禪淨有十事何謂為十常欲出
家志存一心則為清淨棄一切貪得
善親友應時致寂等解道故習在閑
居修鮮潔行不計吾我亦無所慕除
諸睡眠而去衆鬧樂於寂靜其心勤
修寂諸根門已慧一心不為一切枷
鎖危諂凶人之所蔽尋道路覺意應
時寂然一切所修以慧觀察思於一
心以善權故更復還反來入欲界有
所發起履神通跡分別一切衆生諸
根使入寂靜樂无所有澹泊之門致
佛定意是十禪淨

菩薩智淨復有十事何謂為十以淨
智慧解其報應不望果實度於一切
目所見者常懷安和而不諍訟了知
斷絕亦不計常入於因緣隨真諦慧
棄諸邪見攝於衆生未曾休廢觀諸
群黎心念所行瞻之自然猶若幻化
大辯才慧入於聖明為清淨智分別
章句所宣無尋遠一切魔衆外異學
聲聞緣覺入諸如來善權之慧見諸
佛淨衆生其淨觀諸法寂觀諸刹土
自然如空普智慧淨遊於此中至無
為相逮得惣持宣暢辯才住權方便
諸度無極所可遊步與衆起異一心
念頃解諸法等慧如金剛不懷恚恨
无恐懼想為清淨智皆逮諸法聖頂
之慧是十智淨

菩薩慈淨有十事何謂為十等慈衆
生淨心無若干常行愍哀荷為衆人
而撫育故將護身慈勉濟群黎生老
死難不捨群萌與衆德本行解脫仁
皆能斷除衆生塵欲不忘道意訓誨
衆生入通慧心無害人民普演等曜
遍慈如空將護一切遵修法愍化如

真諦無漏之慈因得來入菩薩寂然
是為菩薩十慈淨也

菩薩有十大哀淨何謂為十無雙大
哀為已身故不厭大哀為衆生故遭
衆苦惱不以悞結愍哀惡趣諸在八
難假使生彼而勉濟之生天人間興
大淨悲宣講非常愍于一切諸墮邪
見無央數劫因被德鎧不捨未度安
已無退哀勸衆生使獲大安造一切
業無所希望已心愍淨憐念諸倒住
世無智使遠依倚應時說法一切諸
法本淨自然悉虛无實為諸客塵之
所沾汙菩薩知是故於衆生興大悲
哀令不淨者永得淨處無垢顯耀而
為說法分別諸法譬如空中飛行鳥
跡群萌於此一切經義冥不解了菩
薩以故興大悲哀為現大慧取滅度
矣真諦履跡是為菩薩十大哀淨
菩薩喜淨有十事何謂為十欣然發
大心以喜悅為淨一切所有施而不
悞無所逼惱不懷怯弱教毀戒者衆
生有惡皆能忍之通諸願故用經義
故不惜身命不以惱熱為歡悅淨不

念惱熱樂以法樂棄捐一切貪欲之
樂顯亦衆生經典之要令捨諸貪利
養之恩見佛無厭奉敬自歸法無所
壞喜悅為淨皆以禪一心至於脫門
定意正受而自娛樂復以此法開化
他人寂然能仁禪無瞋恨以慧為上
棄諸邪見具菩薩行則為喜淨是為
十喜淨

菩薩護淨有十事何謂為十一切人
民貪樂有為化於衆生使至無為則
為淨護本性在於無俗之法反遊世
間見不應器不懷危害觀應法者顯
以方便志清淨法不慕聲聞緣覺之
業學不學事不貪一切愛欲之樂在
業塵勞心常專精在於經典默於聲
聞緣覺生死不住處所不喜世俗之
所言談危他人辭離不隨時聲聞緣
覺以此言說亂失菩薩不與同塵所
化衆生如已解力拔濟四大寂滅諸
入不知法者以時觀看其有菩薩本
曾現化在如來地菩薩所觀以離二
事無平无暴不舉不下離於多念妄
想之患而常寂定處真諦法逮得法

忍是十護淨

菩薩義理有十事何謂為十若聞法者以何為要曉了法義解達空者知本無事分別諸法修寂靜義恬怕之故解无所有不著諸音為如真諦等于三世入於法界平和味故本無義者如來所歸真諦本際解之如審大減度義斷勤苦患修菩薩行除諸所受是為十義

菩薩有十法何謂為十修至誠法言行相應無諍訟法棄捐一切諸所貪求無所訟事消除塵勞熾熾之欲為寂然業離諸惱熱捨於貪欲消眾恩愛眾垢之患無所想念休息因緣諸所作為无所生法等如虛空習無為法釋諸所生起運之事已達本淨解於自然无所染汙斷一切病徑至滅度法興菩薩行猶執持故是菩薩十法菩薩積德復有十事何謂為十若能勸人發菩薩心為積功德不斷三寶勤於十事而順福行棄捐一切諸不善法修正經典興智慧業為菩薩福其在三界無能及者修德無厭欲濟

一切衆生之界內外所有皆能惠施
為捨一切貪求之業具足相好修大
精進而不迴還剪心荆棘纏綿之患
永不思念諸上中下衆德之本勸助
佛道以權方便受清淨教棄衆邪見
修衆德本及興大哀現正士行而獨
遊步奉敬歸命諸如來尊見諸菩薩
敬之如佛安諸群衆堅固護意无央
數劫積功累德含此德本道在已身
如觀手掌施一人已尋開化之不懷
愁感亦不後悔一切衆生亦復如是
先施與之然後開化集衆德本折伏
其心見道如掌不懷愁悔是為菩薩
廣大其志猶若虛空積於十德入於
無極廣大之智

菩薩有十慧業何謂為十以博聞為
善親友與其俱同影在其後啓受奉
敬趨走給使給所當得奉其教命無
細碎意棄捐自大謙下恭順卑身遜
辭伏心下意性不剛強不為卒暴性
不危險禁戒平正意志柔和顏貌熙
怡離於虛偽先人問訊性行質直不
妄倖憤不懷諛諂以慧為業為已應

器意性和雅曉了所趣其心不乱住
於耆耻奉六思念顯示六字施戒忍
進寂智之本順六堅法而不迴還入
十解慧常求法義好法樂法慕索正
法所聞无厭捨世談話不與同塵離
方俗言講道度世而遠小乘志在微
妙大乘之業其心所念無有異業求
六度無極其所求者未曾遠離修四
梵行習於明曜柔順之法作性黯慧
曉知問事離諸邪徑導利正路心所
思念以用斑宣調和已心護他人心
所謂慧業奉修要行常欲捨家雖遊
三界樂於寂靜自察已心不隨惡念
消去三惡身口意事心觀究竟自然
之事淨已彼心觀於五陰猶如幻化
察於四種如毒蛇虺視諸衰入亦如
空聚幻化野馬水月夢影山中之響
如鏡中像如畫虛空如無形輪其譬
如是說其本末一切諸法无可捉持
無有比類如日之影无常無斷无來
無去一切諸法无有住處以觀諸法
所入如是微妙之業然後乃信是為
菩薩解名万物適起尋滅第七慧業

入一切法聞一切法無我无人無壽
無命无心思議無姪怒癡身无所有
亦無觀業无垢無生无有色習無有
衣食習至无為已聞如此忻然信之
不懷狐疑是為第八慧業信解具足
精進隨時諸根寂定觀澹泊事靜然
澹默於一切念無造无知戒無形像
無我无人亦無所行不住貪身究竟
文字无有瘡疣無所得忍无進無怠
无雙无隻其身口心無所修行精進
之要於一切法及與衆生皆以等心
患無所住不此際不度岸離於彼此
無行不行所遵為慧作是思惟第九
慧業度諸希望衆想之患見諸因緣
觀見諸法為清淨業見諸正覺觀諸
澹泊見諸法界諸法為清淨業見諸
正覺觀於衆生察諸刹土為甚清淨
見諸刹土如空清淨觀諸澹泊見諸
法界則慧清淨觀諸聖慧法甚清淨
是十慧業

菩薩興通達有十事何謂為十善持
佛法為興通達究竟精進以為道義
離諸邪見則為顯明智慧為明諸根

顯達修等精進以為正解勸助聖慧
入于順業興於盡慧除罪塵勞選擇
智慧發天眼明本宿清淨識於往古
所可遊居修諸神通觀衆生原盡一
切漏發起正慧是為菩薩興神通勻
菩薩法典有十事何謂為十雖求諸
法為無所慕捨諸諛諂則以精進而
求諸法志遠世俗以無著意而樂諸
法不貪身命消除一切塵勞之難而
好道法不惑利養汲汲之念為已他
人愍衆群黎而慕經典不獨為己所
以求法欲入慧故不貪住法道利行
故而愛敬法不以輕戲而易弄之愍
傷衆生故求法義不捨道心欲斷群
萌狐疑之結故求經義消衆猶豫求
佛道業欲使備悉故求經典不樂異
乘是為菩薩十事求法也

菩薩行法有十事何謂為十化諸愚
慇至心慇懃入衆德本信無所懷度
諸聖尋解法自然為行要義住於經
典奉道慧已而不離義遵奉道慧以
法為念越八邪地入八正路順從八
等斷諸結網截生死流現真諦義逆

水而度謂須陀洹不自放逸等於他人不行諂飾所遊居處常修道德周遊往來不樂三界尋時所生不懷沉吟奉諸漏盡為不復還造六神通樂八解門因本三昧而修正受以為身軀宣四辯才為無所著以樂一品入緣起事樂一味業好寂為本無思无想入於已地自聞其慧唯修神通則為緣覺心志微妙樂入明根其心常念欲度衆生積功福業十力無畏具足一切諸佛道業是為菩薩十修光業菩薩奉法有十事何謂為十奉敬善友則為行法諸天勸助則為行法常聽諸佛及世尊教則行十法愍傷衆生不斷生死則為行法志能究竟勤修道業不懷結恨則為行法以諸同學修大乘者勤行精進諸菩薩業則為行法遵修隨義棄諸邪業則為行法降伏一切諸魔塵欲則為行法住於聖覺見衆生根而為說經則為行法修治廣大無量道業不捨道意則為行法是為菩薩奉行十法菩薩有十魔何謂為十猗於身魔而

著五陰為塵欲魔之所得便亦為罪
魔之所覆盖自興起意是為心魔其
死魔者棄所生處其天魔者多念諸
想為放逸行廢德本魔隨人著冥乱
定意魔多所慕樂似善友魔外像如
真令不奉修道慧之本魔使離正願
是為十魔

菩薩魔業復有十事何謂為十違菩
薩心捨衆德本偏心布施見犯戒者
而懷瞋恚遠諸懷恨捨衆懈怠避於
乱心得諸邪智捨法師行不勸法器
若宣經典唯歎衣食勸破壞器而復
勞猷諸度無極若復戒勅所聞正法
不能奉行釋雅訓誨懈怠心怯不順
道教心懷衆想習諸惡友達善親友
樂聲聞緣覺得所生處樂離愛欲寂
滅其心志猷菩薩而誹謗之求人長
短欲斷利養惡眼視師誹謗正法所
未聞經聞之些毀聞餘法師有所講
說不肯善聽輕慢調戲歎已惡彼慕
世談話雜句之辭嚴飾之言樂諸合
偶句誅之業好聞聲聞緣覺之業所
講言教蔽深妙義闡雜句飾為不應

器若說深法而不肯受不求佛道反住邪徑越於度脫習不吉祥捨永安業而敬樂此歸命邪偽未解未度不修吉祥不從真諦恭恪啓受亦不誦讀心懷自大不能謙下有所言說輒自高畜念害衆生不求道慧不志寂然常懷雜碎所修正律則為魔業是為菩薩十魔業也棄捐魔事求佛道業菩薩有十事棄捐魔事何謂為十與善親友而俱相隨捨諸自大為棄衆害自傷已身無毀損事信佛深法未曾誹謗心不捨遠正教之志一切普智精勤深要達无放逸修行菩薩住於法藏之業求一切典不得博聞如大江海不厭衆流念諸如來在十方界者以用護已普思達意信樂發善在於衆德菩薩為黨无有二行是為十事棄捐魔業

菩薩有十事見諸佛道何謂為十佛住于世無所依倚成取正覺建立諸聖導利正業信喜諸佛所演報應歸趣所化威神之德入于諸佛不自大本等進一切諸佛法界心常志念奉

敬眾聖以佛定意無有放逸亦無所著佛所解達則為本淨如心所覺廣大其心是為菩薩十事見諸佛也

菩薩有十為佛事何謂為十以時勸人為佛事修平等事而得由生於卧夢中得見正覺為宿德本之所誘進所未聞經而念思惟不疑佛事棄慳貪心而消聲聞緣覺之心亦復除去犯戒瞋恚亂意惡智諸所著心躊躇沆吟戲故之心自大心莊嚴相好如來形像前世功德之所牽引淨除眾疑及諸蔽尋眾想之法於佛道業不懷猶豫飢乏之時間說經典修所講法所聞能持逮致聖慧興顯神通勸化無量利益眾生是為第六諸佛道業為甚清淨設魔事興以摧方便修若干行因虛空中各演異音若輕他人若憂魔事其音演法而開化之便解道法假使聞者加精進行是七佛事廣大意故又護逆心亦護不隨聲聞緣覺滅盡之業抑制諸根未純淑者不與解脫宿本所造諸佛道願而奉行之隨生死者為斷諸漏若在眾

行合集執持為顯大衆而成其行使
合無為是八佛事不隨斷行佛子欲
知此離滅度達已衆生解知無人而
不恐懼求智德本初發心者於慧无
厭有所興發已身万物一切諸相常
不離此見佛色相諸行已離貪著不
荷諸法志求無為一切愍慧於一切
法不戴仰人淨其佛土解了諸相如
虛空剝開化衆生不以為勞亦不棄
捐無我之相變神通慧在於法界而
不動移亦復不捨菩薩興業諸通慧
光而照曜之而轉法輪悅衆生心亦
復不越無所有法示現如來所建變
化不離菩薩現大滅度棄捐衆惡普
現五趣所生之處如是佛子以此比
類寂然之行奉修諸法是為十業興
諸佛事

菩薩自大有上事何謂為十輕慢衆
祐耆年尊長賢聖之黨不孝父母沙
門梵志修平等行正真之訓不行恭
恪心所念業不順法師奉尊法者宣
妙法等承大乘教履慧道跡執持謙
典不肯謙下稽首札敬憍慢自恣不

奉師教不諦聽受亦不思惟在於衆中
諸講法者坐顯妙法不讚法師言曰
善哉將無衆人欽敬彼人心起自大
自顯其功蔽他人德計獨有我心自
生念多所輕蔑既懷自大我知我解
謗訕有德淨修行者說其瑕穢未曾
咨嗟功勲之義若見歎者心懷慙感
既知法義律教若茲佛言至誠可尊
敬者乃不喜之憎德學士并毀經典
謗訕正籍更受餘義求覈高座求經
法短欲得慕求他人奉敬見諸尊長
英雄之黨又修梵行不起迎逆稽首
禮節若見明者面色慙感顏貌不悅
不演好辭常懷惡心觀取長短少少
之失隨於自大不肯往詣至明智所
不肯逐後譏下恭順不肯問訊諮受
經義不知何善何者不善當修何義
長夜獲安不遭衆難與愚黨俱日向
闇冥癡蔽益甚以驕之故顯不恭順
以驕自害而懷自大以貢高故離於
佛教耗盡宿世衆德之本不興新福
強起幼少欲令下屈說不當說舉動
凶豎多恚諍訟毀於博智驅出精舍

而自放恣墮大嶮峪又於道心勢力
之正憍豪自恣謂得尊位於百千劫
不值佛世况當復遭遇聞經法是為
菩薩自大十事菩薩棄是便逮十慧
菩薩慧業復有十事何謂為十所造
事業執聖之義解知福果終不朽腐
心習道念常知念佛習善知友譏恪
隨順於彼奉敬啓受尊長精進修慧
志法樂法元元求法慕於博聞而無
歇足思惟隨順應當念者勤勤行之
不應念者輒棄捐之見諸衆生不懷
輕慢見衆菩薩視之如佛愛法如已
奉念如來如愛身命勤歸諸佛其身
口意謹慎無犯舌根所宣初無口過
歸命聖明不遠佛道精修慧業未曾
諍亂十二緣起棄諸邪見拔冥樹根
消滅闇昧逮得諸法智慧光明勸順
十事誘進之業智度無極念之如母
以權方便計之為父入佛道業志性
慧解施戒博聞慕求寂滅志積慧德
不以為勞佛所宣業除去諸魔衆罪
塵勞消去陰蓋一切罣罣開化衆生
順從佛教精勤奉法淨諸佛土神通

三達現在目前是為十慧

菩薩有十事魔所必固何謂為十心
懷怯弱魔得其便其心多念憤憤念
忿性不安和多求無厭為魔所亂專
持一法自以為是為魔所困不能慙
懃興顯正願為欲所迷塵勞所縛志
不寂靜耽於周旋欲斷生死為魔所
迴不能精進勤修道法而反退還不
肯開化一切衆生唯自護已不念苦
人狐疑經典誹謗正法不肯順從是
為十事魔所建立

菩薩有十事佛所以立何謂為十從
初發心為佛所護世世所生不忘道
意覺知魔事能降伏之使其退還假
使得聞諸度無極明徹在心聽便奉
行知生死苦雖知為苦不以為勞觀
深妙法不得果證為諸聲聞緣一覺
種而說經法不隨彼學之所好說觀
於自然無所有義不住無為於有為
無為不想有二佛所護者不以遠故
而懷悵感入一切智諸通之慧在菩
薩行顯於自在亦無所斷是為菩薩
十事佛所建立

菩薩復有十事法建立法何謂為十
樂知一切万物無常為建立法一切
諸法皆是苦惱又計諸法悉無吾我
泥洹寂滅永無憂所計於諸法悉從
緣轉因虛偽退從習不順合於无明
十二緣起至老病死除不順念无明
則除無明已除生老病死永悉除矣
其三脫門成諸聲聞倚於空閑生緣
覺法六度無極四等四恩興發大乘
解十方土分別諸法了於衆生遊諸
慧明無所不通為佛境界蠲除諸念
斷去諸受入於自然過去當來至滅
度義是菩薩法所建立

菩薩處兜術天復有十事何謂為十
處於欲界為諸天子說欲恍惚豪自
恣者示无常事諸有成就共同會者
說別離法勸發道心在兜術天是初
始教在於色界為諸天子講善解脫
三昧正受無所興起彼於禪定若有
望身生恩愛故為貪身故而現迷惑
分別塵勞解如真諦然後乃消一切
諸色皆住顛倒其不解者思念計淨
謂為常存恣不可貪當歸無常別離

之業勸發道心是為二事又族姓子
菩薩處在兜術天時淨光三昧而自
正受演身光耀普遍三千大千世界
隨衆生本應當度者演若干品百種
異音衆人得聞此經法音其心坦然而
得開解悉得遷生兜術天上適得生
天菩薩尋時勸發道心是為三事菩
薩處在兜術天時以無罣碍菩薩道
眼見於十方諸佛國土諸菩薩等各
在兜術適見此已集大法會顯無極
變現來入胎而復示生棄國捐王諂
佛樹下莊嚴道場講說前世所造立
行因宿本行令其得入無極大慧不
移所在而復普現若干形變開化群
萌是為四事菩薩處在兜術天時十
方兜術諸菩薩等悉來見之護下恭
順於時菩薩咸令歡悅使其所願皆
得脩志口演大法隨諸菩薩所立住
行應當除者宜當奉行當可證明而
為說法聞其所講歡喜踊躍各還本
土歸兜術天是為五事菩薩在於兜
術天時見魔波旬豪貴貪欲興大營
從相圍遶來欲亂菩薩即住降制諸

魔金剛履跡之場智度無極執權方便道慧面首而懷仁和寂靜禁戒以斯威神而建立之如應說法令魔波旬不得其便見於菩薩所顯感動志發無上正真道意是為六事菩薩在兜術天時知諸天人厭於欲界志樂法會令欲界中諸有宮殿自然演聲而出音言今日菩薩當現宮人若有觀者欲意自生咸共請會適聞此音無央數億百千娑天悉來集彼應時菩薩現諸宮人其諸天子古昔以來所未見聞端政殊妙世之希有見之大悅視無厭足悉作伎樂因從伎樂演法音聲一切萬物皆歸无常目之所覩悉為苦本諸法無我无身壽命悉當歸空无為寂安奉菩薩行當得至佛具諸通慧來會諸天聞此法音心懷感然不樂貪欲咸發道心是為七事菩薩若在兜術天時不歿其形普現十方不可稱限無數佛土詣諸如來稽首作礼聽所說法視諸佛尊輒為莊宣阿惟顏事因本際來詣通慧地菩薩道住使人一切道義具足

無極普智發心之頃悉令解了是為
八事菩薩若在兜術天時以其威神
有奉佛法名好殊特普遍十方諸佛
國土供養如來無量清淨宣不可計
現諸法界歸虛空界諸天人民見此
供養不可計人皆發无上正真道意
是為九事菩薩若在兜術天時入於
無量諸法道系演慧光明現於十方
不可稱限諸佛世界若干色像不可
計限威儀禮節各各則異所作隨時
為分別說若干種法剖判訓誨隨眾
生心本行志願各令解達是為十事
是為菩薩在兜術天所現十事然後
乃生現於人間

菩薩現沒兜術天有十事何謂為十
於時菩薩在兜術天有光名曰安隱清
淨演此明曜從足底出照於三千大
千世界皆為大明其在惡趣三塗之
難地獄餓鬼畜生之厄周旋往返適
蒙此光皆獲大安息眾苦患適遇安
已心自念言諸賢者等更有異人來
生此界於冥覩明相見喜驚斯為菩
薩現捨兜術天是為一事復次在兜

衛天光名勸助從其眉間演是明時
遍照三千大千世界耀諸宿世所行
菩薩適演此明耀大千國請諸菩薩
已於時菩薩德行已備捨兜術天諸
天龍神一切皆來供養菩薩其心欣
然悉發道意是為二事菩薩若在兜
術天時光名淨界從其右掌復演此
光普照三千大千世界則成嚴淨彼
諸緣覺無諸漏者即時其光從著異
國其不從者便捨壽命而般涅槃諸
外異學裸形露精迷惑倒見衆生之
類亦復見從著於他方所見從者如
來聖旨亦是梨庶緣此因緣而見開
化是為三事在兜術天時有光名曰
離垢顯耀從菩薩身演此明耀照下
諸天乃上至阿迦膩吒二十四天處
兜術宮諸天子等各各心念言今日
菩薩捨兜術天各懷愁感各各執取
華香雜香擣香繒蓋幢幡鼓諸琴箏
歌頌其德而作伎樂詣菩薩所而供
養之稽首禮敬奉事不休至成佛道
現大滅度是為四事又族姓子菩薩
若在兜術天時有光名曰莫能勝幢

因頭冠憤體瓔珞於其心藏演此明耀其中暢出普照十方諸金剛神應時百億金剛諸神皆來集會侍菩薩後成佛已去至大滅度是為五事復次有光名解衆生應時菩薩徒身諸毛演此明耀悉照三千大千世界輝菩薩體照諸天人一切宮殿應時各念吾等開士當化衆生奉敬如來是為六事復次有光名積善住因從菩薩大寶珠藏演無極明此光明珠化出大殿往至菩薩生處家國於其家中光照十方郡國縣邑州域大邦諸有家居其應化者咸來就之生其土界是為七事復次有光名普嚴宮演此明耀菩薩尋時出普嚴淨大寶閣殿與大寶殿住於母胎迨其右脅光明這照應時其母普得安隱住於一切德功勲之護菩薩母胎菩薩處此大寶宮殿遊居是為八事復次有光名曰停住而出菩薩於足座下其諸天子處在欲界及諸梵天常懷恭敬奉敬菩薩因其命盡欲終之時故謂菩薩續在故處光明來照雖在天上堪

奉如來光明遍照諸天子等即更安
住不復壽終供養菩薩乃至成佛現
大滅度是為九事復次有光名若干
目因從菩薩諸好中出演此明時現
衆菩薩各各異變無量功德彼諸天
人遙見菩薩住兜術天或現來下入
母胎中或見甫生或見出家或見成
佛或見轉法輪或見滅度是為十事
在兜術天現沒來生計是菩薩十品
光明而顯具足無央數億百千明曜
出菩薩身不計牀座樓閣宮殿所出
光曜現若干種菩薩事業可興為
巍巍如此普脩道法

度世品經卷第五

三寅歲高麗國大藏都監奉

勅彫造

度世品經第六

卷

晉元康九年月支沙門慧法護譯

菩薩住胎有十事何謂爲十欲得開
化志住小乘懷怯羸劣衆生之等菩
薩悉見此輩心念故現入胎或恐此
等心發念言菩薩化生德本自然不
可學得故現入胎是爲一事菩薩悉
爲父母親屬往古宿世同學徒類及
師黎庶俱殖德本欲度此黨故現入
胎或復有人宿世積德曰其胎中應
受開化是爲二事菩薩大士心未曾
妄安隱庠序而意常定是爲三事菩
薩若現在母胎時講法聖衆未曾斷絕
十方世界諸菩薩釋梵四天王俱來
聚會示現無數不可稱計無際聖慧
在於胎中顯其辯才而有殊持就度
脫之是爲四事菩薩若在母胎中時
合大衆會及諸開士悉欲來集因本
所擔欲度脫之故爲說法皆使得濟
是爲五事又欲開化世間人民成取
正覺皆備衆德莊嚴道場故以示現
生於人間是爲六事菩薩雖處在母
胎中普身示在三千大千世界猶如

明鏡見其面像其志微妙大乘學士
諸天龍神捷杳和阿須倫迦留羅甄
陀羅摩睺勒諸人及與非人各心念
言我往稽首歸命供養菩薩是爲七
事菩薩在於母胎中時有大法門名
曰大慧藏遊到他方異佛國土取後
究竟在胎菩薩俱共論講由是之故
使其菩薩現入母胎是爲八事菩薩
現入母胎中時有三昧名離垢藏承
定意成不近母胎在兜術天入於清
淨住母胎中亦無所入是爲九事又
如來至真有大功德名離垢藏華而
見奉敬供養如來之業是諸覺佛在
母胎時菩薩聖言皆遍十方以真大
聖諸菩薩衆有行名曰法界藏爲講
此教入無極慧菩薩曰是現十善微
妙遊居而立大安菩薩有十事現其
安詳何謂爲十於是菩薩入母胎時
從初發意乃至現於阿惟顏法成具
佛業若入母胎續復自示在兜術天
或復來下現入母胎已復出生故在
母胎或示幼僮不捨母胎示現在於
宮來女中顯母胎中復示出生固在

母胎示於精進勤苦之行現詣道場
坐於樹下得佛正覺復現在胎而轉
法輪在於胎中現取滅度遊母胎中
庠序勸進入乎大道在彼胎止而普
示現諸菩薩行建立如來無極大道
懷來道門是爲菩薩現於十事庠序
之行

菩薩修生有十事何謂爲十菩薩悉
明其意安然現生清和演大光明周
遍三千大千世界寂後究竟不復更
生而現所生無起不滅故曰爲生思
惟三界所生受者猶如幻化現身出
生十方世界其身顯示致一切智如
來至真皆演威耀告勅一切諸有身
者積累大慧三昧正受然後乃生菩
薩適生動諸佛國令衆生類心懷歡然
消諸惡趣蔽衆魔事各各驚言今者
菩薩從其處來是爲菩薩十修所生
菩薩忻笑有十事何謂爲十察其世
俗縛在貪欲而自纏綿無能拔者獨
吾身力乃能堪任潰於斯黨是故而
發笑耳俗人多爲塵勞之所迷惑自
謂智慧無能逮者是故菩薩而發忻

笑自大遊逸我身名号如此無上如
來便以法身顯示大要遍於三世令
各生意求欲致是諸菩薩眼無所罣
礙從十方土至梵天宮乃復至於大
神妙天皆觀本末便自念言是衆生
黨乃令瑕穢菩薩智力悉覩見之又
見人民宿積德本還復墮落見殖少
福望無量報觀平等覺正真之道無
有侵欺觀古親友本時同學志菩薩
道各各修淨未具佛法已已爲達察
本所居諸天人民及在愚地不解正
法心不動搖不以爲勞如來至真有
演光明名大搖安放此大耀是爲菩
薩十事忻笑

菩薩行七步有十事何謂爲十菩薩
今時自現幼僮舉足七步示有七財
顯有殊異欲使地神所願具足自示
其德超於三界獨步無侶遊如龍王
任若象王舉動進止如師子步諸有
往反所至到處菩薩行步周旋舉動
皆越一切當時天地變爲金剛其餘
凡地不動堪任載持菩薩撫育一切
諸地衆生是故菩薩舉足七步又一

切人不解道義故復菩薩舉足七步
應七覺意覺諸不覺以逮正法無所
依仰吾於世尊豪無有上口自發言
天上天下吾當度之是爲菩薩十事
行步菩薩現幻僮地復有十事何謂
爲十悉知書疏竿術計校所當應宜
答報言辭無所不通故以是事顯示
衆人又復示現上馬驅衆乘車往反
神仙呪術與衆起異擣蒲博掩伎樂
歌戲超羣越衆其身口意示有罪福
而無殃墮以無憍慢三昧正受遍於
無量諸佛世界現在衆生而開化之
菩薩顯德其慧過於天龍鬼神阿湏
輪迦留羅甄陀羅摩睺勒釋梵四天
王咸來歸命又復自示釋梵四王色
貌形像復以菩薩容顏自示顯其道
業菩薩現於人民各異若有貪樂愛
欲調戲或復愁憂憤亂衆生爲現歡
悅令愛樂法常以法會有所長益奉
敬如來遍見十方以法光明如來威
神現其安詳清和默然因化衆生是
菩薩現其幼僮在於後宮多所救濟
菩薩現在中宮處衆女中復有十事

何謂為十與其宿世俱共同學菩薩
因欲化此衆生顯示德本故在後宮
菩薩又以殖德本者應當勉濟故現
後宮諸天人民憍豪自恣富貴自綺
曰此菩薩現大豪貴尊因而降化在
五濁世隨時誘進化度佛土雖在中
宮不廢三昧勢力無雙往古衆生興
立誓願菩薩欲使如意悉得故現後
宮欲令父母家室親屬本願備悉以
大法音伎樂歌頌莖篥樂器奉敬供
養如來至真僉令効之于時菩薩在
於後宮了成佛道定意不動從初至
終成取正覺而轉法輪至大減度所
以示現以法護之救濟危厄使入大
道是為菩薩現在後宮取末究竟棄
國捐王入山得道

菩薩捨國復有十事何謂為十示厭
塵欲故現出家見於世俗多所染著
欲使衆人不猗瑕疵顯現賢聖正真
履跡尋順之義菩薩居業欲暢道化
歎出家德以權方便現於二際墮在
諸疑六十二見拔之令出衆生貪欲
勤勤為安為顯衆難使棄所猗安樂

之想為普三界馳逸衆類示現先應
故出家耳其意興感無所依仰荷不
可計故現出家又示還得如來十力
四無所畏隨時而教軍後究竟臨當
成佛法應當然是為菩薩十事棄國
捐王菩薩現勤苦行復有十事何謂
為十欲得開化小學之士故現六年
進一麻米又欲勗勉猗著諸邪六十
二見為諸失德衆生之黨指示其業
罪福之報亦為雜穢迷惑世界隨時
勸導現已勞患能伏情欲示二等業
緣是之故受真諦法諸貪受欲重自
安已馳逸衆生令淨其心又復示現
菩薩精進勤苦志道寂於後世臨欲
成佛示不更生用精進故諸天人民
根不純泚及外異學使從訓誨是為
菩薩示十苦行

菩薩詣道場復有十事何謂為十演
大光明照於十方使衆知之故詣樹
下亦欲感動諸佛國土顯示已身使
普佛土皆共見之又復暢示諸菩薩
等及諸衆生前世所行悉來從斯猶
首受學現其道場所坐樹下莊嚴清

淨隨衆人本應時現身威儀札節佛
樹靜然使諸世界如來至真各自現
身諸可經行舉足下足常修三昧不
離定意覺了聖道不犯須臾諸天龍
王捷沓和阿須倫迦留羅甄陀羅摩
睺勒釋梵四王現來奉敬衆人見之
莫不發意大慧無礙菩薩所行普觀
十方念諸如來曉了方面在諸國土
現成正覺是爲菩薩現詣佛樹
菩薩坐佛樹下復有十事何謂爲十
以無數事動諸佛國故坐樹下皆欲
照耀十方世界而悉消除一切惡趣
亦復建立一切境土咸爲金剛觀諸
如來覆師子床心所思念等如雲空
現身威儀咸以隨時歸趣金剛道場
三昧其諸如來所止之處受於清淨
自承勢力以趣德本勸立一切群生
之類是爲十事坐佛樹下
菩薩坐尊樹下有十致未曾有何謂
爲十坐佛樹時致未曾有自然之法
十方世界諸如來至真等正覺各現
面像伸其右掌各自讚歎當使導師
得勝得勝則是第一未曾有法菩薩

若復坐佛樹時一切諸佛皆共念之
遣威神往是為二事坐佛樹時古昔
同學諸菩薩等僉俱來至周帀宿衛
住定意門以若干物而供養之是為
三事在樹下時十方世界草木華實
及諸藥樹雖無神識自然屈形悉共
曲躬向於佛樹而稽首禮是為四事
有大定意号積法界超越一切諸菩
薩行假使逮得此定意時其功德明
越眾開士是為五事于時菩薩立身
海藏離垢光曜捻持之場使諸如來
闡大法雨是為六事則以柔軟頂之
度去供養如來菩薩坐於樹下普遊
諸國無所不遍是為七事菩薩若坐
佛樹下時其行亦如慧上開士普見
一切衆生根本心念所奏是為八事
坐佛樹時自然善致佛聖覺定適得
斯定普周無量三世之事猶如虛空
是為九事坐佛樹時則以已身明識
三世其大聖慧而無等倫演離垢光
是為十事未曾有法

菩薩何謂降魔官有十事降魔官屬
何謂為十衆生同塵著於世俗生死

之患不樂戰鬪是故菩薩現大勢力
降魔官屬諸天人民貢高求名欲爲
除斷自大之難佛欲開化魔及兵衆
諸天人民僉共娛樂俱來聚會因是
化之菩薩力勢無有雙比亦復顯現
欲使人知亦欲勸悅一切衆生顯其
利議亦欲懲傷將來世人在佛樹下
降魔官時悉已越度諸魔境界無有
塵欲無力不力見諸薄力而現德本
示慈心力降魔官屬隨時勸悅愛欲
塵勞貪欲之世化以道法觀此十義
是故菩薩降魔官屬

菩薩成軍正覺示如來力亦有十
事何謂爲十能伏諸魔業塵勞之穢
具菩薩行樂諸菩薩一切定意而以
自娛上衆開士聖慧之堂究竟成就
諸清白法一切行義爲諸世間善思
惟行其身普遍十方世界演其音響
等心衆生皆暢威神而建立之過去
當來今現在佛如來至真身口心等
無所望想一時之間普達三世有三
昧名善覺覺意得是定時入佛十力
以能興此雲霧有力至漏盡慧是爲

菩薩如來十力成軍正覺住是力時
諸佛普至故曰如來

已成正覺如來至真則以十品而轉
法輪何謂爲十致四無畏入清淨慧
而暢慧音四分別辯又善曉了越於
四諦遊居無礙正覺脫門曠意愍念
一切羣生消除不順侵枉苦惱憾感
之患不開之難不違往昔無蓋之哀
清淨和辭周十方界無央數劫頒宣
經法不以勞懈善分別解根力覺意
一心悅門禪定正受是爲十品成正
覺時以無量義而轉法輪已成如來
至真等正覺轉於法輪十清白法觀
衆主心憤憤無閑歡悅其志今得亘
然何謂爲十前世宿命所願力勢之
所致也不違本誓威神建立無極大
哀不捨衆生而救濟之興顯聖慧而
爲說法隨時建立而宣傳之應時令
解使無缺漏明識解了三世之慧其
身所行永無所造其意所宣無有形
想所暢慧者隨音轉解是爲十事清
白之法而轉法輪

如來至真以作佛事觀見十義現大

滅度何謂爲十常爲示現審諦非常
一切有爲顯如呼喻普詣安處無爲
之真除諸恐懼諸天人民著於色身
故現色身如是無常法身常存而爲
分別合有別離諸所有爲彈指已過
豪無堅強一切三界猶如幻化衆想
危脆無爲軍堅爲現道法無有毀壞
諸習離別悉無所成爲示碎散法自
應然諸佛世尊所作佛事皆已具足
善轉法輪決狐疑令隨律教授菩薩
決無有進退修大滅度是十觀義如
來至真取滅度矣無有沒化

普賢復白是爲佛子名菩薩行淨大
法道門吾今所演法門之要粗舉都
較如來至真所頒宣義不可限量悅
衆明智諸菩薩行皆承大願未曾斷
絕假使人間歡喜信者心以懷信則
習奉行成就此義皆當疾成無上正
真之道爲軍正覺所以者何計菩薩
道以行爲要未曾離行是故菩薩大
士當住於行以能行此菩薩功勲入
分別義好如蓮華輒能得入一切法
門無極聖室度世徑路離於聲聞一

切緣覺之徑路也。化諸衆生無所懷
使照一切法。經法門勸諸群衆。使得
長益度世法門。當至心聽度世法品
受持諷誦。一心思惟。修道目門奉遵
所願行。如是已。菩薩所求終不難得
疾成無上正真之道。說是經時。宣說
法門。演度世法品。十方無量不可計
會諸佛世界。爲大震動。皆佛威神之
所興化。宣致此法。得是經典。一切佛
土自然動者。而大光明靡所不耀。十
方諸佛皆各現身。而遙讚歎普賢菩
薩善哉善哉。衆勝之子。隨時講說善
薩大士功勳之德。分別正義。一何快
乎。開闡班宣度世法品。如汝佛子。本
學真諦。解達斯法。今者善說承經威
德。光明清淨經典之要。我等悉解諸
佛亦然。吾等亦共稱譽此經。於今現
在十方諸佛爲諸當來諸菩薩學未
聞者。施慈恩廣大。乃如是乎。
於是普賢菩薩大士承佛聖旨。十方
衆聖之所接護。觀於十方衆諸衆會
普瞻法界而說頌曰。

修千億兆劫。勤奉難限量。歸千載。娑佛

曰生諸法子開化於衆生立道無崖底
咸共一心聽歎佛無等倫供佛不可限
已不著佛道解群黎庶欲不想計有人
見佛之功德不依其名歎嗟歎彼尊行
歎悅世巍巍已除罪塵魔普現於三世
其德超衆聖顯殊異力行燒盡癡愛行
志性存寂寞現行衆齊限今當歎功勳
卑聖所過度衆生趣如幻爲示若干變
令人除自大適發心之頃普能悉曉了
今歎彼功勳衆生所奉敬觀苦惱衆生
五徑生老患終亡憂感危愛欲所傷害
慙欲度此等故建廣尊慧當歎此功勳
且共一心聽施戒忍精進一心以自娛
權慧度無極施以無極慈悲喜樂於法
百千劫護行今當歎此行聽所說功德
以求佛道故消千億婢身不貪惜軀命
是爲殊道真精勤爲衆生常覆欲安已
歎能仁起行志懷愍哀慈無數千億載
劫數歎名稱以一毛取水尚可盡大海
所行精進德過是不可喻且聽佛境界
所現愍群庶爲衆生之故長清白德本
志性不乖暴不厭道法樂建立衆生蒙
慧江洲智樹世尊如天地群黎常戴仰

慈滿慈爲根護禁仁爲莖尊勲慧華葉
戒香其清淨悟諸不覺意衆生愛敬行
無著等蓮華衆生見歸命解脫爲種稷
身本性懷慈智慧善權術五枝度彼岸
禪葉神通華一切智慧實神足尊法樹
弘覆於三界本修清淨跡長育廣惠義
師子頭顱念智惠淨緇首空慧義第一
慈愍度世明無我如師子能吼降衆魔
得越生死曠衆民邪塵欲度所有家業
奉要行除愚迷惑示正路顯佛無上道
立志無恐懼爲殊勝導師衆生嬌怒癡
冥塵若干弊長夜隨有爲苦父母所惱
見群黎出生以哀療愛欲講八万四千
用治棄衆病此降伏魔塵以法訓衆生
棄惡無所習求嚴淨佛德解法兩足帝
一切智慧尊以賢聖之財實廣覺真衆
戒三昧自娛以聖淨智惠用明達刀刃
度塵無恐懼作變於法幻目轉寂法輪
亦不退迴還一切異學意曉了深盡慧
普生其法味覺意寶神足開難化民庶
住千通慧力嚴淨三爲君斯爲大慧海
無雙說無盡以越度世俗不著三愛衆
以成禪神通慧如山不動其有比清淨

無及智慧明德聖起須弥愍住衆生仰
性強若金剛所修皆要固其心不可毀
重法奉普智遊衆魔塵欲在世住无畏
消恩愛然熾搖攝俗群黎普布於慈雨
演慈悲光燄四神足雷鳴能仁齊暢音
雨四分別辨清和八品道以此大陰雨
清滅衆塵勞智垣牆耻慙時法幢爲幢
聖如牆解門意念守門者四諦成徑路
淨神足嚴跡法幻爲城郭主三界降魔
樹心一切智堅住足飛行如鳥獨遊行
慈愍爲明曜教化如鳳凰衆生無能逮
拔度生死海立志上泥洹以戒定道場
興惠華鬘淨以明消塵勞枯竭思愛流
增長藥根力淨衆佛上道則奮法日光
以照衆生界法境場等淨不捨等衆生
一切照諸學聲聞緣覺乘心普見三世
消念所增損意聖惠起異暢衆生如空
於法得自在在衆嚴德像與明執金剛
常立在法地身相若干好清淨超諸世
爲衆積經典群黎寂尊法以越於三世
愛同衆塵勞慈愍諸世俗樂法作慈護
現身於三界法音告一切清淨猶如梵
清邪見無樂清淨度生死境界法豪尊

不復重退還大意攝攝動法尊超於世
以慧懷來衆一切功勳衆大稱普流世
自然如虛空除一切顛倒在衆造超異
永不著諸界普入清淨行亦建立衆生
其智極玄妙斯慧淨復淨權便曠如地
普遍五衆生其慈猶如水洗除衆塵欲
以慧消愛欲拔濟衆穿漏世尊無崖底
遊三界如風斯黨猶如寶濟諸貧之道
如金剛無侶棄三處諸見其音若千品
普德嚴三界尊如夜明珠其行立首頂
功勳如衆華覺意以自娛斯等如華鬘
超世誓正願其戒香清淨完具無缺漏
以淨塗法香慧布於三處其行如高蓋
覆去塵勞欲以時立慧幢執意無二跡
以行雜幡綵修慧而懸智諦善耻衣服
以德覆衆生無量界居乘馳遊於三世
調定如龍象其心常堅住神足遊三世
越度大重擔亦如大龍王所布雲法水
亦如靈瑞華衆人所難遇斯等如勇好
降魔拔塵勞亦如無轉輪導師所頒宣
現群衆終始如冥中大炬其德如江河
順路如流水斯等如橋梁常執載一切
如嚴淨舟舫以慧願度淵亦復如船師

住衆明地寂遊觀夜娛樂爲衆顯真樂
以慧法脫門嚴慧淨宮殿亦復如衆藥
消除塵勞病如雪山雜藥妙慧爲屋宅
其行如正覺慧寤諸睡寐其道平等覺
等心了衆生斯所從來寂如勝行誠信
猶若一切智入普門慧室斯等多所化
濟若干衆生以自在佛慧遊一切智界
其力不可量一切莫能當其慧無所畏
解慧曉衆生一切民庶像顏貌名無濟
諸色皆平等字類諸音聲悉度衆色像
離名音能現一切衆生類不任宣德耀
其修此功勳捨非建立法現在爲慧父
以遠有無際則爲一切智於慧第一明
嗟入無著行遵教歡悅世解了諸法門
如幻常空寂往古願行哀亦承佛聖旨
離慢顯惠門而現若干變皆共一心聽
菩薩之功勳則以一身形廣現無數德
無心意境界衆生不見心演出一音聲
越諸辭境界隨一切群衆言語而班宣
以捨衆生身欲報所行體解音無所有
而暢衆聲教心寂冥顯耀覺諦如虛空
衆庶世各異亦爲示若干究竟無有身
尚復現有形隨衆之所生得立報應果

皆入諸所生不著於所生已身如虛空
不想若干人其身不可量明智悉能現
恭敬天人尊歸世一切智華香雜擣香
妙樂繒幡蓋身命自投地供養上聖尊
住一畝勝下皆立諸佛前覩見諸衆舍
常問無等倫聞法逮三昧一臺無量門
從本所學住意勇現無量善權智慧業
以度于彼岸曉衆生如幻自致得佛道
遍見別異心無量色音聲入於求望想
無著普現衆或復現第一爲衆生顯心
或有行道者見無量黎庶布施戒忍辱
精進禪智惠或受梵跡行或現上妙行
或有行成滿得忍示瞋恚一及生究竟
或阿惟顏佛或顯聲聞像或復爲緣覺
億載國現滅亦復不滅度或斯刀利釋
須倫梵天王玉女諸眷屬或復獨遊步
比丘心寂寞或復爲國主入法因慧界
或顯妙色像從天而沒來或現女人像
所度於無極或現在露精或在廣欲禪
若積忍辱業曉遠真諦地現目見心行
或下入胞胎於胎成正覺而復轉法輪
或生顯滅度或復學伎術女人中三昧
衆業已備悉現棄國捐王或復佛樹下

還成寂正覺或現轉法輪顯現若干品
或佛化衆生遍億千國土示現不退行
佛亦無所業入想度無極遊於億千劫
一心所顯現境界百千劫諸想無有想
爲衆現劫數無疑無所說而現有周旋
見有作寂業普降於衆生皆由降伏勝
彼衆爲澹泊佛國衆生界入諸法報應
究竟百億劫所宣不可窮入衆生如是
廣智曉黎庶則以一人身執無量變形
亦以一幻術常悉周一切此說度無極
教諸不學者解諸根通利中間調定本
諸根得自在衆生無有業一根入諸根
各各懷貪猗禪滅甚微妙所住諸入根
是脫信施性不止塵欲行過去當來心
現在亦如是衆生度彼岸無去亦無來
盡曉真諦行爲衆演上法心如此若干
心行塵無漏一心入正道甚解一切智
心在佛無心住第一上慧一發心之頃
解別自然慧神足度無極識別一切聖
神通發念頃至無量載國普遊亦如是
億百那術劫宣智不可量不動普徹力
幻師求財業衆中見諸像無色見諸色
幻者無所有權慧亦如是入於廣法幻

現若干種變 普遍於世間 如日在虛空
清淨無微瞋 猶如清淨水 見底之所有
法界場淨然 慧明為遠照 見人界清淨
心不住邪見 如夢種種思 覺則無所有
無數億載歲 長夜不可盡 自然法等然
普現一切義 竟住百千劫 一時須盡慧
震世間方俗 如山頂門閭 一切所暢音
不想已說慧 菩薩曉了此 諸法自然介
隨衆生言嚮 現法音無想 譬如春夏日
野馬人起想 馳走謂有水 渴益更甚
衆生欲興如 志求立解脫 得慧無人想
慈愍益更興 佛說色如沫 痛痒如水泡
想悉如野馬 行者譬芭蕉 其心猶如幻
識現若干變 演五陰如此 達者無所著
諸入空自然 隨已有所作 以等於法界
現離衆生土 六事寂真諦 說若干不定
是為分別解 諸法所倚著 無來無去處
亦無常住處 思愛之報應 罪福轉三世
分別因緣生 無住而拔者 至成求本末
依猗無所有 了三世一等 一時現若干
在欲無色界 普能顯境土 從行致三護
濟脫於三處 咨嗟宣三乘 歸一一切智
剖判法雲霧 令度諸根原 已解塵勞界

自在普遊居識念過去事明眼滅塵勞
曠慧佛十力亦不得諸力覺一切空意
現觀衆生法無愛欲穿漏亦不得盡儻
入於諸所生慧廣不失衆勝子勇住此
善施撰釋行不缺不動道其意不忽忘
好精進定意智慧消諸穢悉造慧法護
今現於三世慈法衆生曰無爲無所得
其行此法門逮致宣揚德粗舉其功勳
莊嚴諸至義嗟歎其所行億載劫無盡
粗舉其要惠如取地一塵依倚佛聖慧
住未曾想念精進堅慈心起遵一切業
勸衆而教化禪戒不可動逮得正決行
皆号爲佛子通入佛功勳念國衆生行
入於無二想惠起無厭難得辨力摠持
度以真諦義讚無等倫心逮成衆正覺
普思賢功稱捨願尊妙行愍哀緣修慈
近尊淨妙道解淨度無極究竟權滅度
識別得勢力逮成衆上道解致普等惠
領宣衆上法超德執聖鑑在道遵法位
究竟住聖旨等心除雷音御慧化慢跡
得致和佛道智建立無想致撫育之堂
住深猗勇猛燭除衆生疑思慧次第法
善報度無極下入平等跡慧部覺普智

以度雜碎智神通自娛樂明照脫塵勞
爲衆生苑囿清淨行宮殿現若干妙行
示衆無所淨其心不動搖究暢志性明
善說度無極嚴淨道見中奮慧光明曜
無雙無怯弱其意如太山德行至無極
智如海無盡若寶室金剛堅住大德鎧
所設極廣大善解莫能壞授決當至道
由住廣大心得佛無盡藏覺成一切智
常護慧自在曉了現變化衆生國法界
住慧顯權變身願建遊行慧變亦如是
現億載無量以悅樂衆庶顯力神通飛
究暢娛樂力逮致覺境界難化衆生類
勇猛無所畏嚴智無言辭一切爲佛子
其身大清淨體業甚廣長口言亦清淨
樂建慧至成最勝造十業心心發其心
顯遍寂爲上定意教諸根勝諸原堅住
清淨除諛諂性行常質直以致入解脫
現衆若干變棄捨所止處執懷上品業
成其所當善解達一切智不捨住寂然
住於上澹泊出生号功勳善學於大道
求心無量業奉行無所著現道庶法淵
堅立入衆生所行以爲手腹強慧寂上
其意如金剛慧鎧聖淨狀智慧首觀法

識道行博聞戒香爲清淨動靜爲寂上
身心遊言辨心慧爲寂勝所行至佛道
坐於師子床梵行迹卧寐寂空行無爲
明爲往安界光所照若斯觀察知衆生
行若干頻伸布施離慳貪不輕慢禁戒
忍辱捨瞋恚精進寂第一禪智得自在
慈心等衆生愍哀無欺法清淨盡塵勞
義寂順道法以福施衆生聖慧利如犀
明智照廣遠博聞無厭足無畏拔妄想
制已立在行得脫魔徑路所修佛慧業
志性稽首奉棄捐于貢高常遵爲道義
勗勉魔所困從佛之威神大意隨法教
總義至無上所作後追身趣嚴度無極
所生現豪尊初生行七步普顯諸伎術
示現震後宮棄家無所慕修道至止本
近空光明耀習廣至誠業降魔還上道
轉法輪之跡示在佛道地大師無等倫
此行無崖底粗現或廣遠積行億載劫
以是爲娛樂億百千衆生精修住佛德
法者無有人及著一切行此行合慧義
神通以自娛
億千諸國土
萬百千載劫
手掌擎周行
億載國不勞
尋能還復震
不逼惱衆生

諸佛國嚴淨現之如有限皆令衆生類入於一毛孔使其四大海在一毛孔不增亦不減益衆無迫惱掌捉大鐵圍億姪如一塵移億江沙土還復著故處取國并其土或有破壞者以無心降伏所入不可盡假令百千日一切月照衆明珠大炎光及諸天須倫演一毛之光其耀起億載演無上法已皆消世惡趣若干種言音衆生無餘諍暢一音教已皆同入諸訓得聞柔軟音巨億衆忻然佛所講法音咸共悉聽之計其過去劫而觀當來事若當來現在爲顯過去行示限諸佛土危壞復還復以諸衆生億悉具入一毛十方佛威神建立得越度皆已身真現感動現變化明者住無慢曉了衆生心隨其身示現離垢不貪已一切諸人身口言所歸趣釋梵四天三諸天及世人聲聞緣覺乘皆從佛身出示奉行佛道至於一切智皆入思想因清淨中瑕穢建立於普智常現佛道國念分別思想捨世自在智從其本行道國爲現所修所感動如此善廣極現上世俗所不及爲現如斯教所現無所現

復能有過者曰黎庶性行爲顯真諦業
其身等如空其名聞三世戒香衣自敷
寂然德莊嚴被法離垢縉普智如意珠
明智已備悉功勳住普智速度無極輪
常施寂神通慧神足無礙至智上明珠
其行淨妙女殊勝攝四恩唱導以善權
德善本法輪居空定意尊慈愍鎧爲城
弓弩智惠意諸根明爲箭建立爲世蓋
聖慧時幢幡日降諸魔勢伏以忍辱力
土地攝持持行慧淵智樹覺意華三昧
神足嚴娛樂解空爲浴池脫門要淨婁
曉法甘露食樂戲以三乘是行爲寂尊
殊妙不過此億劫百千劫未曾興憊倦
恭敬聖淨土曉衆樂無住立慧諸妙樂
具足一切智勇猛計諸國天雨消諸穢
衆妙尚可盡靈空亦可度須臾一時間
可曉衆心念嗟歎諸佛子百千劫無盡
欲致淨功勳慧無能過者濟度衆苦患
令立於永安至無盡平等安住身口意
當堅固其心造行如金剛

普賢菩薩說是語時三千大千世界六
反震動其大光明普照十方空徼樂
器不鼓自鳴諸天人民莫不欣慶聲

聞弟子皆來歸命諸菩薩等皆言其誠一切衆會皆共歡然悉發無上正真道意

普智菩薩復白佛言道徒有言無言致乎佛言亦從有言亦從無言墮在五趣生死之難五陰六衰所見鞢絆十二目錄六十二見擾擾不安或十二海不度彼岸此諸事業百千種病故佛設教施以法藥戒定慧解度知見品四等四恩三十七品六度無極十二部經空無想願四諦三脫及以三寶以用療治此諸穢病藥為病施無病無藥三毒衆穢皆為重病至正真慧而曰不病目錄所縛不解道者故佛為暢曉喻文說聚沫水泡芭蕉野馬影響幻化夢月荒忽以解其意此事皆虛曰或而生不貪世俗習道法藥六度四等四恩衆事奉行此業得至於道解諸言教本皆無言或有佛土無有五陰六衰三毒目錄之縛故無文說無身無言靈靜寂寞解無三界不住有為不處無為不處中間是為名曰從無言致

普智復問今者衆會來集於此或有
深解諸根明徹或有中人可進可退
或有下士不智所趣達者無疑中間
下士皆懷猶豫所以者何闌吾向者
問二百事普賢菩薩答以二千各心
念言事物煩鬧不知何事可奉可捨
願佛分別開解其意以何等故事有
二百答以二千佛言善哉善哉所問
一何快乎決將來疑令諸學者不挾
經因佛言諦聽善思念之當爲汝說
是義所趣答言受教佛言用有二故
故問二百何謂爲二有神貪身計有
吾我有內有外在有在無故問二百
又復問日用有此計故有生死何故
復鄭重問二百事世尊告曰其二百
事所諮問皆除吾我內外有無則以
權慧開化無際不得內外乃得至道
開化一切

普智復問普賢菩薩何故復重二千
事答世尊告曰十方一切皆來集會
其心各異意行不同達者聞要則以
至道不能達者爲演多譬曉喻文說
牽執義旨目所覩形以喻其意乃得

解慧如衣多垢以淳灰浣若干反數
乃得淨耳然後染之其色乃鮮譬如
有人欲起屋宅其地高下不能平正
多有溷廁地虺毒虫高下平之徙去
不淨擯棄地虺築牆園基乃起屋宅
菩薩如是除去五陰六衰十二因緣
吾我諸蓋行大慈哀智慧善權爲衆
法舍爲世間護爲世間臺普智復問
何謂法舍世尊告曰教化一切皆入
空慧無增無愛心無妄想度脫衆生
是爲法舍普智復問何謂爲臺世尊
告曰以六神通徹視覩見十方心念
徹聽有形亦察無形身遍十方無有
去來道心覩見一切根原本無處所
見已本際不處有無不處生死不住
滅度開心一切皆至大道是曰爲臺
何謂爲護世尊告曰隨時開化入於
五道而淨五眼何謂爲五一曰肉眼
處於世間現四大身曰此開化度脫
衆生何謂天眼諸在天上及在世間
未識至道示以三乘各令得所何謂
慧眼其不能解智度無極皆開化之
使入大慧何謂法眼其在徧局不能

恆泰悉開化之解法身一無去來今
平等三世何謂佛眼其迷或者不識
正真陰蓋所覆譬如睡眠示以四等
四恩之行布施持戒忍辱精進一心
智慧善權方便隨時而化進退隨宜
不失一切各令得所皆發無上正真
道意

普智復問何謂此經名度世品佛言
一切衆生閉在世間何謂爲閉五陰
六衰之所覆蓋纏綿生死不能自拔
以權方便智度無極消去五陰捐棄
六衰不計吾我不在生死不住滅度
譬如日月晝夜演光權慧如是忽照
無迹德如虛空無有譬喻是故号曰
度世品

佛說如是普智菩薩普賢菩薩諸來
會者天龍鬼神阿湏輪聞佛所說莫
不歡喜爲佛作禮

度世品第六

壬寅歲高麗國大藏都監奉

勅彫造

大方廣佛華嚴經入法界品

卷

唐天生三歲地婆訶羅譯

今時摩邨夫人復告善財童子言善男子於此世界三十三天有王名正念王有童女名天主光汝詣彼問云何菩薩學菩薩行修菩薩道時善財童子敬受其教頭面作禮遶無數匝應慕瞻仰却行而退遂往天宮見彼童女札足圍遶合掌前住自言聖者我已先發阿耨多羅三藐三菩提心而未知菩薩云何學菩薩行修菩薩道我聞聖者善能誘誨願為我說天女荅言善男子我得菩薩解脫名無碍念清淨莊嚴善男子我念過去有最勝劫名青蓮華我於彼劫中供養恒河沙等諸佛如來彼諸如來從初出家我皆瞻奉守護供養造僧伽藍營辦什物又彼諸佛從為菩薩住母胎時誕生之時行七步時大師子吼時住童子位在宮中時向菩提樹成正覺時轉正法輪現佛神變教化調伏衆生之時如是一切諸所作事從

初發心乃至法盡我皆明憶無有遺
餘常現在前念持不忘又憶念過去
劫名善地我於彼供養十恒河沙等
諸佛如來又過去劫名慈妙德我於
彼供養一佛世界微塵等諸佛如來
又劫名無所得我於彼供養八十四
億百千那由他諸佛如來又劫名善
光我於彼供養閻浮提微塵等諸佛
如來又劫名無量光我於彼供養二
十恒河沙等諸佛如來又劫名精進
德我於彼供養一恒河沙等諸佛如
來又劫名善悲我於彼供養八十恒
河沙等諸佛如來又劫名勝遊我於
彼供養六十恒河沙等諸佛如來又
劫名妙月我於彼供養七十恒河沙
等諸佛如來善男子如是憶念恒河
沙劫我常不捨諸佛如來應正等覺
從彼一切諸如來所聞此無尋念清
淨莊嚴菩薩解脫受持修行恒不間
斷隨順趣入如是先劫所有如來從
初菩薩乃至法盡一切神變我以淨
嚴解脫之力皆隨憶念明了現前持
而順行曾無懈怠善男子我唯知此

無尋念清淨解脫如諸菩薩摩訶薩
出生死夜朗然明徹永離癡冥未嘗
惛寐心無諸蓋身行輕安於諸法性
清淨覺了成就十力開悟群生而我
云何能知能說彼功德行善男子迦
毗羅城有童子師名曰遍友汝詣彼
問云何菩薩學菩薩行修菩薩道時
善財童子以聞法故身心喜悅不思
議善根流注增廣頭面敬礼天主光
足遶無數匝聽仰辭去從天宮下漸
向彼城至遍友所礼足圍遶合掌恭
敬於一面立白言聖者我已先發阿
耨多羅三藐三菩提心而未知菩薩
云何學菩薩行修菩薩道我聞聖者
善能誘誨願為我說遍友答言善男
子此有童子名善知衆藝學菩薩字
智汝可問之當為汝說
尔時善財即至其所頭頂礼敬於一
面立白言聖者我已先發阿耨多羅
三藐三菩提心而未知菩薩云何學
菩薩行修菩薩道我聞聖者善能誘
誨願為我說時彼童子告善財言善
男子我得菩薩解脫名善知衆藝我

恒唱持入此解脫根本之字唱阿字
時入般若波羅蜜門名菩薩威德各
別境界唱羅字時入般若波羅蜜門
名平等一味寂上無邊唱波字時入
般若波羅蜜門名法界无異相唱者
字時入般若波羅蜜門名普輪斷差
別唱多字時入般若波羅蜜門名得
無依无上唱還字時入般若波羅蜜
門名離依止無垢唱茶徒假反字時入般
若波羅蜜門名不退轉之行唱婆字
時入般若波羅蜜門名金剛場唱茶
字時入般若波羅蜜門名日普輪唱
沙字時入般若波羅蜜門名為海藏
唱他字時入般若波羅蜜門名音生
安住唱那字時入般若波羅蜜門名
圓滿光唱耶字時入般若波羅蜜門
名差別積聚唱史叱字時入般若波
羅蜜門名普光明息諸煩惱唱迦字
時入般若波羅蜜門名差別一味唱
婆字時入般若波羅蜜門名需然法
雨唱摩字時入般若波羅蜜門名大
流湍激眾峯齊峙唱伽字時入般若
波羅蜜門名普上安立唱婆他字時

入般若波羅蜜門名真如藏遍平等
唱社字時入般若波羅蜜門名入世
間海清淨唱室者字時入般若波羅
蜜門名一切諸佛正念莊嚴唱陀字
時入般若波羅蜜門名觀察圓滿法
聚唱奢字時入般若波羅蜜門名一
切諸佛教授輪光唱佉字時入般若
波羅蜜門名淨修因地現前智藏唱
叉字時入般若波羅蜜門名息諸業
海藏蘊唱娑多字時入般若波羅蜜
門名蠲諸惑障開淨光明唱壞字時
入般若波羅蜜門名作世間了悟因
唱頗字時入般若波羅蜜門名智慧
輪斷生死唱婆字時入般若波羅蜜
門名一切宮殿具足莊嚴唱車字時
入般若波羅蜜門名修行戒藏各別
圓滿唱娑摩字時入般若波羅蜜門
名隨十方現見諸佛唱訶婆字時入
般若波羅蜜門名觀察一切無緣衆
生方便攝受令生海藏唱訶字時入
般若波羅蜜門名修行趣入一切功
德海唱伽字時入般若波羅蜜門名
持一切法雲堅固海藏唱吒字時入

般若波羅蜜門名十方諸佛隨願現
前唱拏字時入般若波羅蜜門名不
動字輪聚集諸億字唱娑頗字時入
般若波羅蜜門名化衆生究竟處唱
娑迦字時入般若波羅蜜門名諸地
滿足無著无碍解光明輪遍照唱閼
字時入般若波羅蜜門名宣說一切
佛法境界唱多娑字時入般若波羅
蜜門名一切虛空法雷遍吼唱侘摩訶
字時入般若波羅蜜門名曉諸迷識
無我明燈唱施字時入般若波羅蜜
門名一切法輪出生之藏善男子我
唱如是入諸解脫根本字時此四十
二般若波羅蜜門為首入無量元數
般若波羅蜜門善男子我唯知此善
知衆善言菩薩解脫如諸菩薩摩訶薩
能於一切世出世間善巧之法以智通
達到於彼岸殊方異藝咸綜無遺文
字算數蘊其深解醫藥呪術善療衆
病有諸衆生鬼魅所持怨憎呪詛惡
星變恠死屍奔逐顛癩羸瘦種種諸
疾咸能救之使得痊愈又善別知金
玉珠貝珊瑚琉璃摩尼車乘雜薩羅

等一切寶藏出生之慶品類不同價
直多少村營鄉邑大小都城宮殿苑
園巖泉藪澤凡是一切人衆所居菩
薩咸能隨方攝護又善觀察天文地
理人相吉凶鳥獸音聲雲霞氣候年
穀豐儉國土安危如是世間所有伎
藝莫不該練盡其源本又能分別出
世之法正名辨義觀察體相隨順修
行智入其中無疑无碍無愚暗無頑
鈍無憂惱无沉没無不現證而我云
何能知能說彼功德行善男子此摩
竭提國有一聚落彼中有城名婆咀
鄰有優婆夷号曰賢勝汝詣彼問云
何菩薩學菩薩行修菩薩道時善財
童子頭面敬礼衆藝之足遠無數匝
應仰辭去向聚落城至賢勝所礼足
圍遶合掌恭敬於一面立白言聖者
我已先發阿耨多羅三藐三菩提心
而未知菩薩云何學菩薩行修菩薩
道我聞聖者善能誘誨願為我說賢
勝荅言善男子我得菩薩法門名無
依處道場既自開解復為人說又得
無盡三昧非彼三昧法有盡无盡以

能出生一切智性眼無盡故又能出生一切智性耳無盡故又能出生一切智性鼻無盡故又能出生一切智性身性舌無盡故又能出生一切智性無盡故又能出生一切智性意無盡故又能出生一切智性種種慧明無盡故又能出生一切智性周遍神通無盡故又能出生一切智性如海波濤无量功德皆無盡故又能出生一切智性遍世間光無盡故善男子我唯知此無依處道場法門如諸菩薩摩訶薩一切无著功德行而我去何盡能知說善男子南方有城名為跋田彼有長者名堅固解脫汝可往問云何菩薩學菩薩行修菩薩道今時善財礼賢勝足遶無數匝應慕瞻仰辭退南行到於彼城詣長者所礼足圍遶合掌恭敬於一面立白言聖者我已先發阿耨多羅三藐三菩提心而未知菩薩云何學菩薩行修菩薩道我聞聖者善能誘誨願為我說長者荅言善男子我得菩薩解脫名无著清淨念我自得是解脫已來法願

充滿於十方佛所無復怖求善男子
我唯知此淨念解脫如諸菩薩摩訶
薩獲無所畏大師子吼安住高廣福
慧之聚而我云何能知能說彼功德
行善男子即此城中有一長者名為
妙月其長者宅常有光明汝詣彼問
云何菩薩學菩薩行修菩薩道時善
財童子礼堅固足繞無數匝辭退而
行向妙月所礼足圍遶合掌恭敬於
一面立自言聖者我已先發阿耨多
羅三藐三菩提心而未知菩薩云何
學菩薩行修菩薩道我聞聖者善能
誘誨願為我說妙月答言善男子我
得菩薩解脫名淨智光明善男子我
唯知此智光解脫如諸菩薩摩訶薩
證得無量解脫法門而我云何能知
能說彼功德行善男子於此南方有
城名出生彼有長者名無勝軍汝詣
彼問云何菩薩學菩薩行修菩薩道
是時善財礼妙月足遶無數匝應仰
辭去漸向彼城至長者所礼足圍遶
合掌恭敬於一面立自言聖者我已
先發阿耨多羅三藐三菩提心而未

知菩薩云何學菩薩行修菩薩道我聞聖者善能誘誨願為我說長者答言善男子我得菩薩解脫名無盡相我以證此菩薩解脫見无量佛得无盡藏善男子我唯知此无盡相解脫如諸菩薩摩訶薩得無限智无尋辯才而我云何能知能說彼功德行善男子於此城南有一聚落名之為法彼聚落中有婆羅門名尸毗軍勝汝詣彼問云何菩薩學菩薩行修菩薩道時善財童子礼無勝軍足遠無數匝戀仰辭去漸次南行詣彼聚落見尸毗軍勝礼足圍遶合掌恭敬於一面立白言聖者我已先發阿耨多羅三藐三菩提心而未知菩薩云何學菩薩行修菩薩道我聞聖者善能誘誨願為我說婆羅門答言善男子我得菩薩法門名誠願語過去現在未來菩薩以是語故乃至於阿耨多羅三藐三菩提無有退轉無已退无現退無當退善男子我以住於誠願語故隨意所作莫不成滿善男子我唯知此誠語法門如諸菩薩摩訶薩與

誠願語行止無違言必以誠未曾虛妄無量功德因之出生而我去何能知能說善男子於此南方有城名妙意花門彼有童子名曰德生復有童女名為有德汝詣彼問云何菩薩學菩薩行修菩薩道時善財童子於法尊重禮婆羅門足遠無數匝應仰而去漸次南行至於彼城見童子童女頂札其足圍遶畢已於前合掌而作是言聖者我已先發阿耨多羅三藐三菩提心而未知菩薩云何學菩薩行修菩薩道唯願慈悲為我宣說時童子童女告善財言善男子我等證得菩薩解脫名為幻住以斯淨智觀諸世間皆幻住因緣生故一切衆生皆幻住業煩惱所起故一切法皆幻住無明有愛等展轉緣生故一切三界皆幻住顛倒智所生故一切衆生滅生老死憂悲苦惱皆幻住虛妄分別所生故一切國土皆幻住想倒心倒見倒無明所現故一切聲聞辟支佛皆幻住智斷分別所成故一切菩薩皆幻住能自調伏教化衆生殊

勝智心及諸行願之所成故一切菩薩衆會變化調伏諸所施為皆幻住願及智所攝成故善男子幻境自性不可思議善男子我等二人但能知此菩薩解脫如諸菩薩摩訶薩善入無邊諸事幻網彼功德行我等云何能知能說時童子童女說自解脫已諸善根力不思議故令善財身柔軟光澤

大方廣佛華嚴經入法界品一卷

辛丑歲高麗國大藏都監表

勅雕造